


READING  
ROOM





Digitized by the Internet Archive  
in 2011 with funding from  
University of Toronto



# PATROLOGIÆ

## CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,  
**OMNIUM SS. PATRUM, DOCTORUM SCRIPTORUMQUE ECCLESIASTICORUM**

QUI

AB ÆVO APOSTOLICO AD INNOCENTII III TEMPORA

FLORUERUNT ;

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA  
ECCLESIAE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,  
PERQUAM DILIGENTER CASTIGATA ;

DISSERTATIONIBUS, COMMENTARIIS, LECTIONIBUSQUE VARIANTIBUS CONTINENTER ILLUSTRATA ;

OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS  
DETECTIS, AUCTA ;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALIGUJUS MOMENTI  
SUBSEQUENTIBUS, DONATA ;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM  
DISTINGUENTIBUS SUBJECTAMQUE MATERIAM SIGNIFICANTIBUS, ADORNATA ;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM  
ECCLESIASTICAM POLLENTIBUS, AMPLIFICATA ;

DUOBUS INDICIBUS GENERALIBUS LOCUPLETATA : ALTERO SCILICET RERUM, QUO CONSULTO, QUIDQUID  
UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR ; ALTERO  
SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES  
ET IN QUIBUS OPERUM SUORUM LOCIS SINGULOS SINGULORUM LIBRORUM  
SCRIPTURÆ TEXTUS COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR : CHARACTERUM NITIDITAS,  
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS  
TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANter  
SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,  
SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM,  
PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,  
LOCOS, LINGUAS FORMASQUE PERTINENTIBUS, COADUNATORUM.

### SERIES SECUNDA,

IN QUA PRODEUNT PATRES, DOCTORES SCRIPTORESQUE ECCLESIAE LATINÆ  
A GREGORIO MAGNO AD INNOCENTIIUM III.

ACCURANTE J.-P. MIGNE,

**Bibliothecæ cleri universæ,**

SIVE

CURSUUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA BINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. — VENEUNT MILLE ET  
TRECENTIS FRANCIS SEXAGINTA ET DUCENTA VOLUMINA EDITIONIS LATINÆ; OCTINGENTIS ET MILLE TRECENTA GRÆCO  
LATINÆ. — MERE LATINA UNIVERSOS AUCTORES TUM OCCIDENTALES, TUM ORIENTALES EQUIDEM AMPLECTITUR; HI AUTEM  
IN EA, SOLA VERSIONE LATINA DONANTUR.

### PATROLOGIÆ TOMUS CCV.

PETRUS CANTOR. MAURICIUS DE SULLIACO PARIS., GARNERIUS LINGON., GERALDUS  
CADURC., ODO TULL., EPISCOPI. ALEXANDER GEMMETICENSIS ABBAS. GAUFRIDUS SUB-  
PRIOR CAN. REGUL. MATTHÆUS VINDOCINENSIS.

EXCUDEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SUI PETIT-MONTROUX

# PATRISTIC

CURSUS COMPLETUS

UNIVERSITY OF TORONTO LIBRARY  
130 St. George Street, Toronto, Ontario

AD BONA APOSTOLICA AD INDOCTAM IN TERTORIA

THE INSTITUTE OF MEDIAEVAL STUDIES

10 ELMSLEY PLACE  
TORONTO 6, CANADA

DEC -7 1931

2205

SERIES SCIENTIA

IN THE PROTESTANT CHURCH, THE HISTORY OF THE REFORMATION

BY MARTIN LUTHER KING, JR.

TRANSLATED BY J. H. MORSE

PATRISTIC COURSE

THE UNIVERSITY OF TORONTO LIBRARY  
130 St. George Street, Toronto, Ontario

UNIVERSITY OF TORONTO LIBRARY

130 St. George Street, Toronto, Ontario

SÆCULUM XII.

# PETRI CANTORIS

## VERBUM ABBREVIATUM.

E TENEBRIS PRIMUS ERUIT

**R. P. D. GEORGIUS GALOPINUS**

MONASTERII S. GISLENI ORDINIS S. BENEDICTI, PROVINCIÆ HANNONIÆ,  
RELIGIOSUS ET BIBLIOTHECARIUS

ACCEDUNT

MAURICII DE SULLIACO PARIISIENSIS, GARNERII LINGONENSIS, GERALDI CADURCENSIS, ODONIS TULLENSIS, EPISCOPORUM, ALEXANDRI GEMMETICENSIS ABBATIS, GAUFRIDI SUBPRIORIS CANONICORUM REGULARIUM, MATTHÆI VINDOCINENSIS,

## SCRIPTA QUÆ SUPERSUNT.

ACCURANTE J.-P. MIGNE,

**BIBLIOTHECÆ CLERI UNIVERSÆ**

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

---

TOMUS UNICUS.

---

VENIT 20 FRANCIS GALLICIS.

EXCUEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTROUGE

1855

# ELENCHUS

AUCTORUM ET OPERUM QUI IN HOC TOMO CCV CONTINENTUR.

---

## PETRUS CANTOR.

Verbum abbreviatum.	Col.	21
Epistola Willelmi Remensis archiepiscopi ad Petrum Cantorem.		355

## GARNERIUS LINGONENSIS EPISCOPUS.

Sermones.		559
-----------	--	-----

## GAUFRIDUS SUBPRIOR CANONICORUM REGULARIUM.

Epistolæ.		827
-----------	--	-----

## MAURICIUS DE SULLIACO PARISIENSIS EPISCOPUS.

Epistolæ.		897
Diplomata.		897

## ODO TULLENSIS EPISCOPUS.

Statuta synodalia.		914
--------------------	--	-----

## ALEXANDER GEMMETICENSIS ABBAS.

Epistola de Filio hominis.		917
----------------------------	--	-----

## GERALDUS CADURCENSIS EPISCOPUS.

Epistola ad Fridericum imperatorem.		923
-------------------------------------	--	-----

## MATTHÆUS VINDOCINENSIS.

Paraphrasis metrica in librum Tobie.		927
Carmina varia.		980



# PETRUS CANTOR

## NOTITIA

(*Gallia Christiana*, nov. edit., t. VII, col. 78.)

Post decessum Mauriti episcopi, si Radulfo ab-  
bati Coggeshalensis monasterii in Chronico Angli-  
cano fides (*Ampliss. collect.* tom. IV, pag. 846), ab  
universo clero et populo, rege annuente, episcopus  
electus est Petrus, cantor Ecclesie Parisiensis, qui  
pontificatus honorem, ne ab altiori gradu gravior  
fieret casus, recusavit. Is autem omnium fere scri-  
ptorum illius ætatis litteris commendatus, natus est  
Parisiis, vel Remis ex Radulfo. Ad litteras ephelus  
mentem appulit, quas factus supra ætatem doctus in  
Academia Parisiensi cum magna laude palam profes-  
sus est; sed quod eximium ejus animi ornamentum  
fuit, antiquorum vindex morum, severiorisque dis-  
ciplinæ diligentissimus fuit exactor, quibus cum  
virtutibus præfulgeret, facile Parisiensis Ecclesie  
præcentoris honorificentissimum hac in Ecclesia mu-  
nus consecutus est. Ad Tornacensem cathedram  
aliquando evocatus humiliter vocationem declinavit  
(*Gall. Christ.* tom. III, col. 214). Denique post recu-  
satum quoque Parisiensem episcopatum, auctore B

A infirmitate decumbens, habitum sanctæ religionis  
suscepit, vitamque beato sine complevit, cujus cor-  
pus e loco in quo sepultum fuerat, ad structuram  
ædificiorum motum, suavissimum exhalavit odorem.  
Legitur ejus epitaphium in claustro monasterii Longi-  
Pontis, in quo mors ejus ad xiv Kalend. Junii, anno  
1180, consignatur; sed recentius est epitaphium.  
Melius itaque Guillelmus Nangius, Vincentius Bellova-  
censis, Albericus et monachus S. Mariani auctor ho-  
rumque temporum ad annum 1197 de Petri obitu lo-  
quantur, seu etiam Radulfus ipsius mortem anno 1198  
assignat, utpote cujus adhuc mentio est in charta  
Odonis anno 1197. In Necrologio Parisiensi de eo legi-  
tur: vii Kal. Octobris obiit Petrus præcentor et diaco-  
nus, qui dedit nobis quadraginta libras ad emendos re-  
vinitus. Varia composuit opera, quæ in diversis biblio-  
thecis adhuc mss. asservantur. Sola ejus Summa,  
quæ dicitur *Verbum abbreviatum*, Montibus impressa  
fuit anno 1639. Quibusdam nævis aspersam ejus  
doctrinam fuisse volunt. Narrat Cæsarius Petrum  
ejusque discipulos hunc in errorem inpegisse, ut cre-  
derent panem in eucharistia consecratum non  
esse, nisi etiam vini accederet consecratio, et vice  
versa.

## NOTITIA HISTORICO LITTERARIA.

(*ODIN, Script. eccl.* II, 1661)

Petrus Beatæ Mariæ Parisiensis canonicus et can-  
tor, theologicæ scholæ per annos plures rector, ma-  
gnam sibi doctrinæ famam per hæc tempora in Gal-  
liis comparavit, cui *Cantoris* cognomen vulgo adhesit  
in mss. codicibus, ex ea dignitate quam primaria  
hac in Ecclesia habuit. Illius porro verum cogno-  
men nescimus, sed tantum fuisse natione Gallum,  
patria Parisiensem, ejus meminit Ægidius Parisein-  
sis in suo *Carolino* his verbis:

*Et quem intepu isse dolemus,*

*Petrum in divinis, verbo tenus alta sequentem*

Fallitur enim Gabriel Naudæus in additione ad Hi-  
storiam Ludovici XI dicens hic intelligendum esse  
Petrum Abælardum. Ægidius quippe commemorat  
solummodo professores Parisios, ad amovendum  
opprobrium, quod vulgo jactabant alii, raros esse  
professores ex Parisiensi urbe ordiundos, alienjus

C nominis. Abælardus autem Nannetensis erat, et na-  
tione Armoricus. Nostrium autem Petrum Cantorem  
neutiquam hic substituisset Ægidius mendacii facile  
convincendus, nisi vere ortu Parisiensis fuisset. In-  
quit autem illic *Petrum in divinis intepuisse* Ægidius,  
forsitan quod theologiæ alteratrici totum se do-  
nans, minus vel nullatenus prædicationi divini verbi  
incumberet. Joannes autem Trithemius in opere  
suo *De scriptoribus ecclesiasticis* hunc ait fuisse virum  
in divinis Scripturis eruditissimum, et in sæculari  
philosophia nobiliter doctum, theologicæque scholæ  
Parisiensi multis annis gloriose præfuisse, et disci-  
pulos multos egregie erudivisse. Cum ita in Galliis  
floreret, anno 1191 Tornacensis ecclesie episcopus  
electus est, cujus electione in controversiam vocata,  
Stephanus, Sanctæ Genovefæ Parisiensis abbas, Gui-  
llelmum Remensem archiepiscopum, tunc supremum  
regni administrum, per litteras oravit ut electo favere

ret. Verba describam illius, quibus eximia Petri Cantoris merita commendantur; sic itaque epistola 175: « Domino Remensi pro Petro cantore Parisiensi in Tornacensem episcopum electo. Commune refugium patens omnibus mansuetudo vestra, sic extendatur ad singulos, ut colligat universos. Veniunt ab Oriente et Occidente, et recumbunt in sinum vestrum. Nec facite semel admissus emittitur, nisi contigerit ab eo committi, quod non mereatur remitti. Hæc sunt quæ mihi pluribusque aliis fiduciam præstant, ut pro devoto filio vestro magistro Petro cantore Parisiensi pandatur nobis aditus supplicandi. Ne vobis procuret indignationem, qui sibi non advocat dignitatem; ne cui meritum sufficit proprium, factum officiat alienum. Vir est, cujus per omnes Ecclesias famæ suavis diffunditur opinio, qui gemina scientia efficacissime clarens, et doctrinam monitis ornat, et moribus disciplinam. Origeni patrem in aliquo, sic eum docere credimus, ut vivere; sic vivere, ut docere. Tales in candelabro vestro lucernas, tales in diademate capitis Aaron lapides, tales in sancta Remensi Ecclesia suffraganeos esse deest ut vicinæ provinciæ sancta emulatione moveantur ad promotionem consilium: et sollicitudo vobis commissa, facilius et frequentius juvetur per religionem et prudentiam ipsorum. Si quid minus ordinate in electione ipsius a Tornacensibus clericis factum est, nec absentis ignorantiam tangere, nec innocentiam justi lædere debet, cum facillime si vobis placet, possit emendari, si quid perperam factum est, commissa vobis a Deo et potestate corrigendi errores, et scientia corrigendi. Ut enim salva gratia vestra sine præiudicio sequar, concurrunt in electione illa quatuor quæ a Leone primo dicta sunt: *Vota civium, testimonia populorum, honoratorum arbitrium, electio clericorum*. His accedit integritas personæ, hilaritas famæ, necessitas simul et utilitas Ecclesiæ viduatae. Sed et hoc frequenter et solemniter dicitur, quia dominus rex, quem Deus servet ac nobis restituat, personam istam nominatim expressit, nominatim pro ea rogavit, nominatim Ecclesiæ Tornacensi præesse voluit et intendit. Si aliter factum fuerit, verendum est et forte verum, ne indignationem et iram, et inmissiones per angelos malos concipiat, et adversus eos qui promotionem tantæ personæ impederint, regalem et juvenilem iracundiam accendat. In his omnibus, Pater sancte, providete honori vestro, consulite sano opinionis vestræ testimonio, deferite regio mandato, et correcto prius sicut decuit errore eligentium, confirmata electione, paterno sinu suscipite electum et dilectum vestrum. »

Omnium scriptorum qui Petri Cantoris meminerunt, elogium transcendit Jacobus de Vitriaco in *Historia occidentali*, qui eum apprime noscere potuit, et eo adhuc vivente et docente Parisiis studebat. Tali Petrum Cantorem ornat elogio: *Velut, inquit, liliū inter spinas, et rosa inter urticas, quasi angelus Pergami ubi sedes est Satane, quasi thus redolens in diebus ætatis, quasi vas auri solidum ornatum omni lapide pretioso, quasi oliva pullulans et cypressus in altitudinem se extollens, quasi celestis uba et Domini citharista, erat tunc temporis magister Petrus, venerabilis cantor Parisiensis, vir potens opere et sermone, aurum suum et argentum similiter conflans, et verbis suis stateram faciens, morum honestate pondus et gravitatem conferens suæ doctrinæ. Cæpit enim facere et docere, velut lucerna ardens et lucens, et civitas supra mentem posita, et candelabrum aureum in domo Domini: de cujus fonte limpidissimo beatissimus vir Fulco perpotabat. Plura, possent colligi in laudem Petri Cantoris ex variis ætatis ejusdem scriptoribus, quæ compendii causa omittuntur, ut ad scripta tam edita quam mss. veniamus.*

Scrpsit itaque *Summam* quæ dicitur *Verbum abbreviatum*, eo quod ab his verbis incipiat: *Verbum abbreviatum faciet Dominus super terram*, etc. (Rom.

A ix, 28), solam ex omnibus Petri Cantoris operibus impressam Montibus Hannoniæ, anno 1639, in 4., apud Franciscum Vandream, cum notis Georgii Galopini, monachi Sancti Gislei, ordinis divi Benedicti. Quæ exstat etiam ms. in bibliotheca Sanctæ Genovefæ Parisiensis, et Cantabrigiæ in collegio Sancti Benedicti, cod. 223, et in cœnobio Longipontis ordinis Cisterciensis, in diœcesi Suessionensi. Summa dicta *Verbum abbreviatum*, Bunderio teste in Catalogo mss. Belgicorum, vocatur in multis mss. codicibus *Summa de sugillatione vitiorum et commendatione virtutum*. Hoc autem in genere animadvertendum est nihil esse frequentius in bibliothecis quam ut unum idemque opus Petri Cantoris variis ac parum conformibus gaudeat titulis, unde incauti facillime opinentur tot hujus scriptoris esse diversa opera quot diversos titulos in manuscriptis invenerint. Porro ut certa operum distinctio agnoscat, ex initiis seu primis operum periodis judicandum est, nequam ex variis inscriptionibus, ut statim dicemus. Istud autem *Verbum abbreviatum* est maxime obvium in mss. bibliothecis, ac scio me illud vidisse ter in bibliotheca Sancti Victoris ad Muros Parisienses, litteris MM. 13, PP. 6, QQ. 17. Sed in bibliotheca Colbertina, codicibus 1345, 1414, 2069, 3609, 4448, in regia cod. 4827, et alibi.

Idem scripsit *Summam* quæ dicitur *Abel*, eo quod procedens per ordinem alphabeticum, a nomine *Abel* incipiat, quam vidi mss. in cœnobio Longipontis citato, et in bibliotheca Braneusi ordinis Præmonstratensis, quod utrumque in episcopatu Suessionensi est et ms. Cantabrigiæ in collegio domus Sancti Petri, cod. 97. Hoc idem opus sæpe in mss. codicibus bibliothecarum inscribitur simpliciter: *Distinctiones Cantoris Parisiensis. Abel dicitur principium Ecclesiæ*, etc. Vel etiam, *Distinctiones secundum ordinem alphabeti, M. Petri Cantoris Parisiensis*. Habetur manuscriptum ita inscriptum in multis Angliæ bibliothecis, et in Belgio bibliothecis Dunensi et Alnensi, quæ ambæ ordinis Cisterciensis sunt. Inscribitur tamen frequenter, *Summa quæ dicitur Abel*, ut distinguatur ab aliis summis alio modo incipientibus, quas idem Petrus Cantor composuit. Eadem hæc *Distinctiones* cantoris Parisiensis mss. Cantabrigiæ in collegio Sancti Benedicti, cod. 219 et cod. 371, et in collegio domus Sancti Petri, cod. 72 et 78; Oxonii in bibliotheca collegii Mertonensis, cod. 164; in bibliotheca Conchensi, ordinis divi Benedicti, in Normannia, littera T. 2.

Idem scripsit *Magnam Summam de sacramentis*, quæ incipit: *Quæritur de legalibus quæ data sunt in signum perfectorum, et jugum superbiorum, et pedagogum infirmorum*, etc., partim desumptam ex sanctis Patribus, quam vidi ms. in cœnobio Longipontis diœcesis Suessionensis, Vallis clare Laudunensis, et Clarævallis Lingonensis, omnibus ejusdem ordinis Cisterciensis. Istud opus *De sacramentis*, aliquando inscribitur *Summa de sacramentis et anime consiliis*; imo nonnunquam mendose sub nomine *Petri Remensis*, ut in ms. Victorino littera GG. 13, fol. 149, *Summa magistri Petri Remensis, de sacramentis et anime consiliis*. Initium: *Quæritur de sacramentis legalibus, quæ data sunt in signum perfectorum, et jugum superbiorum, et pedagogum infirmorum*, etc. Et hoc ipsum opus cui ex ms. codice lucem promittebat Philippus Labbeus. In bibliotheca Dunensi inscribitur *Liber sententiarum. Quæritur de sacramentis legalibus*, etc. At certum illam *Summam* pertinere ad Petrum Cantorem Parisiensem, non Remensem, cum Petrus Cantor Remensis cognomento *de Riga*, ultra artem poeticam in scribendo processerit. Carolus Vischius in *Bibliotheca scriptorum ordinis Cisterciensis*, pag. 263, attribuit dicto Petro Cantori Parisiensi *De sacramentis libros tres*, mss., inquit, apud Villarium et Alnam, ambas abbatias celeberrimas ordinis Cisterciensis in Belgio, quorum initium: *Circuibat populus*, etc., de quibus

dicendum ego nihil habeo, cum non viderim. Vix tamen mihi persuadere possum semel atque iterum Petrum Cantorem de eodem argumento scripsisse. Habentur in celeberrima bibliotheca Parisiensi Colbertina codices duo manuscripti, numeris 2208 et 1419, sub titulo *Consiliarium magistri Petri Cantoris*, vel *Summa de sacramentis et animæ, consiliis*; sed ex ipsa operis quantacunque lectione, ubi auctor in nonnullis capitibus citat et confutat Petrum ipsum Cantorem, constat illam ad Petrum Cantorem non spectare, comperique postea Summam illam certissime pertinere ad Robertum de Chorseone, doctissimum theologum, ipso Petro de quo loquimur aliquanto posteriorem. Hoc idem opus falso sub nomine Petri Cantoris habetur ms. in bibliotheca Longipontis ordinis Cisterciensis littera D. 6, cum *Pœnitentialibus Bartholomæi Oxoniensis et Roberti de Flamesburia*. Denique in bibliotheca Vallis Lucensis ejusdem ordinis, pulpito 16, littera Z. Vix igitur opus aliquod Petri Cantoris manuscriptum in bibliothecis quod non habeat plures titulos inscriptiones.

Idem *De contrarietatibus theologicæ* opusculum, quod incipit: *Videmus nunc per speculum et in ænigmate*, etc., ms. in bibliotheca Navarrica Parisiensi codice in 4, et Cantabrigiæ in collegio Sancti Benedicti cod. 371, sed anonymum et in seipsum: *Tractatus de contrarietate Scripturæ*. Idem in ms. codice Villaris ordinis Cisterciensis in Brabantia inscriptum: *De contrarietatibus theologicis*, eo quod sub operis initium de apparentibus sacre Scripturæ contrarietatibus loquitur, unde scribæ toti operi nomen indiderunt, pro more scribarum veterum, nomina libris ex argumento primis capitibus contento, imponentium. Idem in multis aliis bibliothecis inscriptum: *Grammatica theologorum: Videmus nunc per speculum et in ænigmate*, etc., ut in bibliothecis Afflighemii et Ninovæ abbatiarum in Flandria. De hoc opere ita loquitur Henricus Gandavensis in libro suo *De scriptoribus ecclesiasticis*, cap. 15: *Scriptit et alium librum quem vocavit Grammaticam theologorum, ad sacre Scripturæ intellectum, in multis locis satis utilem*. Idem opus inscriptum *Magis vi Petri Cantoris Remensis, De tropis loquendi* ms. in celebri bibliotheca Sancti Victoris ad muros Parisienses, littera GG. 15, fol. 270: *Videmus per speculum et in ænigmate*, etc., post Summam ipsius Cantoris *De sacramentis et animæ consiliis*, ibidem fol. 149, de qua supra egimus. Idem opus in eadem bibliotheca, littera B. 6, fol. 162, inscriptum: *Tractatus M. Petri Cantoris De tropis loquendi*, litteris rubris ejus initium: *Videmus nunc per speculum et in ænigmate*, etc. In eodem autem codice, ejusdem *Opusculum De monacho proprio*, fol. 189, quod incipit, *Judas quia sur erat et loculos habens, ea que in communibus loculis ponebantur, asportabat*, etc. Denique idem opis etiam *De contrarietatibus solutionibus* inscribitur, aliquando *De tropis theologicis*, aliquando *Tropi et phrasæ sacre Scripturæ*, ut quot manuscripti codices, tot fere tituli et varis inscriptiones legantur in bibliothecis.

Vidimus etiam Parisiis in manibus Jacobi Hommey Augustiniani eremite, *Allegorias Petri Cantoris in Scripturas, seu sacros libros Veteris et Novi Testamenti*, mutatas ab ipso ex bibliotheca Parisiensi Navarrica, quarum hoc est initium: *In principio creavit Deus cælum et terram*, etc., quæ etiam mss. Cantabrigiæ in bibliotheca aula Pembrochianæ cod. 76 cum sermonibus Petri Comestoris, cui perperam attributa sunt. Sæpius enim Opera Petri Cantoris et Petri Comestoris in mss. codd. confusa sunt, ratione solius primæ litteræ scilicet initialis scriptæ: quæ cum in mss. legatur melioris notæ, alii recentiores pro libitu vel conjectura addiderunt, nunc

A Petri Cantoris, nunc Petri Comestoris inscriptionem. Exstant *Petri Cantoris Commentarii in Genesis, Exodum, Leviticum, Numeros et Deuteronomium* mss. in bibliotheca Auriacensis Vallis ordinis ejusdem Cisterciensis, codicibus 9 et 10, quos tenuimus. Ejusdem *Commentarii in libros Numerorum, Deuteronomii, Josue, Judicum, Ruth*, Oxonii mss. in bibliotheca Balliolana, cod. 22, item in *Psalms* ibidem cod. 30. *Petri Cantoris Commentarius in Psalterium*, ms. in bibliotheca Sancti Michaelis in periculo maris, littera E. 28. Incipit: *Flebat Joannes quia nemo erat qui aperiret librum*, etc., et in psalimum primum in ipso: *Esdras reportator bibliothecæ in Babylonia captivitate*, etc. Vidi ego idem opus ms. in clarissima bibliotheca Sancti Victoris Parisiensi Canonico-rum Regularium, littera D. 2, inscriptum: *Notulæ Petri Remensis super Psalterium*, quomodo peræque *Petri Cantoris Parisiensis* sub nomine *Petri Remensis*, supra jam diximus, in bibliothecis reperiuntur. Ejusdem *Glossa in Evangelia*, ms. Oxonii in bibliotheca collegii Me-tonensis, cod. 144, itemque in bibliotheca Cluniacensi, *Petrus Cantor in quatuor Evangelia*, littera G. 2. Eadem in *Glossa in Novum Testamentum*, ms. Cantabrigiæ in aula Pembrochiana, cod. 179, sed paulo latius hujus scriptoris speciales in Scripturam sacram labores explicemus.

Sixtus Senensis ordinis Fratrum Prædicatorum in *Bibliotheca sancta* testatur se vidisse sequentia in bibliotheca Fratrum Prædicatorum Lugdunensium:

*In Psalterium librum unum, ejus initium: Flebat Joannes, et non erat qui librum aperiret, etc.*

*In Proverbia lib. 1, ejus initium: Parabolæ Salomonis secundum Hebraicam veritatem, etc.*

*In Ecclesiasten lib. 1: Beatus vir cujus auxilium abs te, etc.*

*In Sapientiam lib. 1: Summi Regis palatium, etc.*

*In Ezechielem lib. 2: Et factum est in tertio anno, etc.*

*In Actus apostolorum lib. 1: Liquefacta est terra, etc.*

*In Epistolas canonicas lib. 1: Os meum loquetur sapientiam, etc.*

*In Apocalypsim lib. 1: Hæc sola inter libros Novi Testamenti vocatur prophetia, etc.*

Joannes Bunderius in Indice librorum manuseriptorum Belgii, recensens Opera hujus Petri, quem vocat *Petrum Remensem, Cantorem Parisiensem*, quomodo etiam in Chronico Longipontano vocatur: quæcunque in diversis cœnobis reperit, alia plura hoc tenore profert, præter ea quæ jam supra recensimus ac distinximus.

*Annotationes et brevia Commentaria in totum Veteris et Novi Testamentum*, apud Dominicanos Valencenenses.

*Commentaria in Genesis* quæ taliter incipiunt: *Principium verborum primum æternitatis operum, etc.*

*Super Exodum: Fecit Moyses primam operimentum, etc.*

*Super Leviticum Ezechiel: Parietem perfodit, etc.*

*Super Psalterium: Flebat Joannes, et non erat qui librum aperiret, etc.*, apud Clarum Mariscum, Baudelum, et in S. Martino Lovanii.

*Super Epistolas Pauli: Ab increpatione tua fugient, etc.* In Claro Marisco, apud Sanctum Martinum Lovanii, apud Minores Brugis et Valencenæ.

Hæc Joannes Bunderius loco citato.

Infulas episcopales declinasse virum probum, et monachum induisse in monasterio Longipontis ordinis Cisterciensis, ubi sanctitatem vitæ sancto fine complevit, Necrologium Ecclesiæ Tornacensis testatur. Obiit x Kalendas Octobris, anno 1197, ut ejusdem abbatæ, in qua obiit, Necrologium commemorat.

# DE PETRO CANTORE

## ELOGIA.

(Verb. abbrev. edit. Georgii Galop. 4<sup>o</sup>.)

**Jacobus a Vitriaco S. Rom. Ecc. cardinalis Historiæ A**  
*sua Occident. cap. 8.*

Paucos Dominus sibi reliquerat viros honestos et timoratos, qui in via peccatorum non steterunt, et in cathedra pestilentie non sederunt. Quorum unus, venit lilium inter spinas, etc. *Vide supra in Notitia hist. lit.*

**Thomas Cantipratanus libro II Apum, cap. 4,**  
*num. 9.*

De hoc hono viro (Joanne canonico regulari in Cantiprato) mihi sui concanonici referebant quod cum esset Parisiis et auditor beati et magni viri, magistri Petri Cantoris Parisiensis, quibusdam dubitationibus et tentationibus fluctuabat, etc.

*Idem libro I, cap. 19, num. 8.*

Quod mortale et damnabile est, dum tamen unum competens sit, beneficia plura retinere. Hoc idem magister Petrus Cantor S. Mariæ Parisiensis, et dixit et scripsit. (Verb. abbrev. c. 31 et 32.)

**Idem, lib. II, cap. 30 (al. c. 29), secundum exem-**  
**B** *plar ms. Sancti Sepulcri Camerac. in notis Georgii Colvenerii S. T. doctoris et cancellarii Duacensis, etc.*

Beate memoriæ magister Petrus, quondam Cantor Parisiensis, cuidam mihi noto narravit, etc. **Vincentius Bellovacensis in Speculo historiali, lib. XXIX vet. editionis, cap. 59.**

Eodem anno (1197) Petrus Cantor Parisiensis tam vita quam doctrina conspicuus obiit: amator pietatis atque justitiæ, apud cœnobium Longi-Pontis in magna devotione sanctaque confessione migravit a corpore.

**S. Antoninus in Chron. parte II, tit. 17, cap. 9, 53,**  
**29 (eadem habet quæ Vinc. Bellovacensis).**

**Cæsius Heisterbachensis ord. Cisterc. lib. II Historiarum memorabilium, cap. 34.**

Temporibus Philippi regis Francorum, qui hodie regnat, erat in civitate Parisiensi usurarius quidam ditissimus, Theobaldus nomine. Hic cum haberet possessiones plurimas, infinitasque pecunias ex usuris congregatas, divinitus compunctus, ad magistrum Mauritium ejusdem civitatis episcopum venit, ejusque consilio se commisit. Ille vero, cum in adificatione ecclesiæ B. Mariæ nimis ferret, consulit ei quatenus pecunias suas ad structuram inchoati operis contraderet. Qui hujusmodi consilio aliquantulum sibi suspecto, adit magistrum Petrum Cantorem, verba episcopi ei insinuans. Cui ille respondit: « Non dedit tibi bonum consilium hac vice: sed vade, et fac clamari per plateas sub voce præconis, quia paratus sis restituere omnibus a quibus aliquid supra sortem cepisti. » Factumque est ita. Deinde rediens ad magistrum, ait: « Omnibus ad me venientibus, teste conscientia, omnia restitui ablata, et adhuc supersunt plurima. » Tunc ille: « Modo, inquit, poteris eleemosynam dare secure. » Retulit mihi dominus Daniel abbas Sconaviæ, quod ad consilium ejusdem Cantoris, per plateas civitatis nudus in suis femoralibus incesserit, servo cum virga se impellente, ac dicente: « Ecce iste est ille, quem pro suis pecuniis principatus honorabat, qui filios nobilium obsides tenebat, » etc.

**Idem lib. VIII, cap. 69.**

Quidam dixerunt (sanctum Thomam Cantuar.) damnatum ut regni proditorem; alii martyrem, nisi Ecclesiæ defensorem. Eadem quæstio Parisiis inter magistros ventilata est. Nam magister Rogerus juravit illum dignum fuisse morte, etsi non tali, beati viri constantiam judicans contumaciam. E contra magister Petrus Cantor juravit esse martyrem Deo dignum, utpote pro libertate Ecclesiæ trucidatum. Quorum quæstionem Christus solvit, cum multis et magnis illum signis glorificavit.

*Idem lib. XII, cap. 48.*

Magister Petrus Cantor Parisiensis verbo, vita, et exemplo plures ædificaverat. Ille in Pontenella domo ordinis nostri factus est novitius, et infra annum probationis defunctus est, et in capitulo sepultus. Cunque postea necessitate ædificiorum corpus ejus esset transferendum, aperto sepulcro, tam magnus et tam suavissimus ex illo odor efferebuit, ut nares omnium illius fragrantia rescicerentur. Odor ille signum erat eximiæ ejus doctrinæ, cujus mercedem receperat in cœlo. Quantum vero gratiæ, quantumve gloriæ, doctores, sive prædicatores, post hanc vitam mereantur, subsequens sermo declarat.

**Chronicon Marchianense in Paralipomenis Synopsos Franco-Merovingicæ anno 1194, fol. 987, sic habet:**

Petrus Cantor Parisiensis, eximius doctor, qui scripsit *Verbum brevium*, in magna devotione et confessione sancta migrat a corpore in monasterio, quod dicitur Longus-Pons non longe a Suessione. **Henricus de Gandavo in libro De illustrib. Ecclesiæ script., cap. 15.**

Petrus Cantor Parisiensis, et ipse etiam theologice scholæ rector, scripsit librum qui a sui principio *Verbum abbreviatum* nominatur magna utilitate plenum. Scripsit etiam alium librum, quem vocavi *Grammaticam theologorum*, ad intellectum **C S. Scripturæ**, in multis locis satis utilem.

**Joannes Trithemius libro De script. ecclesiasticis circa annum 1200.**

Petrus Cantor Parisiensis, et postea, ut fertur, episcopus, vir in divinis Scripturis eruditissimus, et in sæculari philosophia nobiliter doctus, theologice scholæ Parisiis multis annis gloriose præfuit, et discipulos multos egregios erudit. Scripsit etiam quædam præclara opuscula, de quibus pauca ad manus nostras memini pervenisse. Volumen prænotatum:

Verbum abbreviatum liber. *Verbum abbreviatum. Distinctionum aliud...* lib. 1... *Abel dicitur principium.*

*Grammatica theologorum...* lib. 1.

*Sermones varios...* lib. 1.

*De quibusdam miraculis...* lib. 1.

*De sacramentis quoque...* lib. 5. *Circuibat populus.* Claruit temporibus Henrici VI, anno Domini 1200.

*Sixtus Senensis libro IV Bibliothecæ sanctæ.*

Petrus Cantor Parisiensis, et postea ejusdem urbis episcopus, inter alia præclara opera a se edita, scripsit scholasticam Glossam in universa sacro-

sancta Biblia, ex qua ipse in bibliotheca Lugdunensi ord. Prædicatorum vidi infra scriptos libros: In Psalterium... *Flebat Joannes quia non erat qui aperiret.*

In Proverbia... *Parabolæ Salomonis secundum Hebraicam veritatem.*

In Ecclesiastem... *Beatus vir, cujus auxilium abs te, etc.*

In Sapientiam... *Summi Regis palatium.*

In Ezechielem... *Et factum est in trigesimo anno, etc.*

In Act. apost. . . *Liquifaceta est terra, etc.*

In canonicis epist. . . *Os meum loquetur sapientiam, etc.*

In Apocal. . . *Hæc sola inter libros Novi Testamenti. Prophetia vocatur.*

*His ex Sixto Senensi repetitis addit Antonius Possevinus Soc. Jesu in Apparatu sacro, t. II, littera P.*

Scriptis item atque adeo in Germania extitisse nostro tempore in XII prophetas aliqui testantur, sed et scripsit tres libros de sacramentis. Alium quem prænotavit *Verbum abbrev.* et Grammaticam theologorum, alium de miraculis quibusdam, sermones plures. At qui ejusdem Petri Cantoris exstat ms. opus morale sive de casibus consecutum Lovanii tum Burdigalæ in collegiis nostris. Quod opus Martinus Delrius noster in vetustissimo Sylvæ Majoris monasterio, in tractu Burdigalensi inter alios, qui sub impluvio computruerant, obtinuit. Sic ille. *Quod dicit in Germania extitisse ejusdem commentarium in XII prophetas, id credo eum habere ex epitome bibliothecæ Gesnerianæ in qua sic legitur: «Petri Cantoris expositio super XII prophetas.» Item: «Discursus secundum ordinem alphabeti de omni materia theologica. M. Dresserus, ia est Matthæus Dresserus.»*

*Præter ea quæ habet Sixtus Sen. et Possevinus, hujus Petrus Crespelius, citat sermon. 2 de B. Virgine qui habetur sub finem Verbi abb. ad illud Isaïæ 40. Ecce gentes quasi stilla siculæ, etc., in triumpho B. Mariæ die 2.*

*Idem die 23 citat ejusdem sermonem 1 de Annuntiatione.*

*Georgius Cassander in fine Ordinis Romani de officio missæ hæc habet:*

Ante paucæ quoque sæcula, in Galliis multum visitatæ fuerunt missæ, vulgo dictæ bifaciatæ, trifaciatæ, quadrifaciatæ, videlicet cum plures missæ diversi argumenti usque ad offertorium sæpius iteratæ tandem uno canone concludebantur: adversus quas studiose scribit Petrus Cantor in Verbo abbreviato. Eas omnino obsoletas existimo, etc.

*In Catalogo mss. librorum bibliothecæ Cambroniensis a Bosquero Minorita, piæ memoriæ, edito, hæc habentur: «Expositiones Magistri Petri Cantoris in unum ex quatuor. Item liber mag. P. Cantoris qui dicitur Verbum abbreviatum. Item expositio in Job.»*

*Insuper videtur Petrus Cantor scripsisse in Matthæum ex Ludolfo Saxone in vita Christi, parte 1, cap. 17, 58 et 42. Quibus locis citatur, et in postrema editione subnotatur in margine: «In Matt.»*

*Idem Ludolfus ibidem, cap. 68, sic de eo loquitur: «Hoc idem (scilicet mortale et damnabile esse) Petrus Cantor Parisiensis et dixit et scripsit.»*

*Georgius Colvenerius S. T. doctor et professor, atque cancellarius Duacensis, in notis ad cap. 19 lib. 1, Boni universalis, seu Apum, Thomæ Cauti pratani, ad illa verba: «Hoc idem magister Petrus, cantor S. Mariæ Parisiensis, et dixit, et scripsit,» sic inquit: «Hæc est lectio ms. B. et tertii impressi, quibus accedunt alia duo mss. quæ habent: «Magister Petrus S. memoriæ Cantor Parisiensis.» Sed in Ms. P. super lineas, dictioni Petrus adjectus est, Comestor: sorte ex antiquioribus impressis, quæ ambo legunt, sed perperam: «Hoc idem magister Petrus Comestor S. Mariæ Cantor Parisiensis dixit et scripsit.» Certe qui addunt Comestor, duos diversos auctores conflant in unum. Neque enim apparet Petrum Comestorem, qui, teste Trithemio, presbyter fuit Ecclesiæ Trecentis, cantorem fuisse Ecclesiæ S. Mariæ Parisiensis.*

*Est etiam, eodem Trithemio auctore, Petrus Cantor posterior Comestore annis fere quadraginta. Floruit enim Comestor anno 1160, Cantor obiit, teste Vincentio in Speculo et Antonino in Chronicis, anno 1197.*

*«Eadem, inquit ille, lectionis varietas est lib. 11, cap. 1, p. 9, ubi duo impressa addunt nomen Comestoris. Verum non recte id fieri, et ex eo probatur, quia Cantipratanus vix videtur potuisse videre discipulum Petri Comestoris; et quod omnia mss. cum tertio imp. ibidem nullum habeant hujus lectionis vestigium.»*

*Capite vero 50, part. XII, sine ulla diversitate legunt omnia: Petrus Cantor Parisiensis.*

*Joannes Coignatus lib. IV Hist. Tornacensis, cap. 1, ex libro Obituario ejusdem Ecclesiæ.*

*Décimo Kalendas Octobris obiit egregius doctor Petrus Cantor Parisiensis, qui in episcopum Ecclesiæ hujus aliquando electus, vacationem humiliter declinavit: et postquam auditoribus suæ scientiæ et morum norma non modico tempore exstitit, assumpto Cisterciensi habitu, in monasterio Longipontis sanctitatem vitæ beato fine complevit.*

*Thomas James in catalogo suo mss. librorum qui adhuc in Angliâ reservantur, excuso Londini anno 1600.*

*Petrus Cantor scripsit super librum Num., Deuteron., Josue, Judicum et Ruth. Exemplar 1, Oxoniæ in biblioth. Ball. vol. 22. In Psalmos exempl. unum ibidem vol. 30. Verbum abbreviatum exempl. 1, Cant. in biblioth. Ben. vol. 225. Glossam in Evang. exemplo 1, Oxoniæ in biblioth. Col. Mes. vol. 144. Distinctiones exempl. 1, Cant. in biblioth. Ben. vol. 219.*

# NOMINA AUCTORUM

Quorum opera usus est Auctor in hoc libro *Verbum abbreviatum* dicto.

<p><b>A</b></p> <p>Alanus poeta. Abericus Remensis. Agellius, seu Aulus Gellius. Alexander III papa. Ambrosius. Anselmus. Appendix conc. Lateran. iii. Aquila Scripturæ interpres. Auctor poeta. Aristippus. Aristoteles. Athanasius. Augustinus. Ausenus poeta.</p>	<p><b>B</b></p> <p>Basilius. Beda. Benedictus in Regula. Bernardus. Biblia sacra et secundam LXX et Vulgatæ editio- nis. Boetius.</p>	<p><b>C</b></p> <p>Carthusiensium instituta. Cassiodorus. Cato. Cicero. Cisterciensium constitutiones. Claudianus. Collationes Patrum. Concilium Lateran. sub Alexandro III. Concilium Remense sub Eugenio III. Concilium Turonense. Constitutiones Gregorii VII papæ.</p>	<p><b>D</b></p> <p>Damasus papa. Demosthenes. Diogenes. Dionysius Areopagita.</p>	<p><b>E</b></p> <p>Epiennus. Eugenius papa III. Eusebius Casariensis.</p>	<p><b>F</b></p> <p>Fulco Remensis.</p>	<p><b>G</b></p> <p>Gallus poeta. Gelasius papa. Gesta philosophorum per Laertium. Gilbertus episcop. Pectaviensis. Glossa interlinealis. Glossa ordinaria. Gratianus. Gregorius Magnus. Gregorius Septimus.</p>	<p><b>H</b></p> <p>Hieronimus. Hilarus. Hildebertus Cenomanensis episcopus.</p>	<p><b>I</b></p> <p>Innocentius II. Isidorus. Ivo Carnotensis.</p>	<p><b>J</b></p> <p>Josephus Antiq. Judæe. Jas canonicum et civile. Juvenalis.</p>	<p><b>L</b></p> <p>Legenda sanctorum. Leo I papa. Lucanus.</p>	<p><b>M</b></p> <p>Macrobius. Magister de Sentent. seu Petrus Lombardus. Martialis. Milo Tervanensis.</p>	<p><b>O</b></p> <p>Origenes. Ovidius.</p>	<p><b>P</b></p> <p>Petrus Dialecticus, seu Magister Abalardus. Plato. Porphyrius. Porretanus, seu Gilbertus Pectaviensis. Propertius. Prosper De vita contemplativa. Prudentius. Pulanus.</p>	<p><b>Q</b></p> <p>Quintilianus. Quintus Curtius.</p>	<p><b>R</b></p> <p>Rabanus. Reinigius. Robertus de Cameraco.</p>	<p><b>S</b></p> <p>Samson Rem. archiep. Sallustius. Seneca uterque. Sidonius IX. Stattius poeta. Strabus Suetonius. Symmachus.</p>	<p><b>T</b></p> <p>Telesphorus papa. Terentius. Thomas Cantuar. Theophylactus.</p>	<p><b>V</b></p> <p>Valerius Maximus. Virgilius. Vita sanctorum, ut: Vita S. Fursi, Vita S. Leonamari, Vita seu Legenda sancti Sebastiani.</p>
--	---	--	---	---	--	---	---	---	---	--	---	---	---	---	--	--	--	---

# VENERABILIS PETRI

CANTORIS ECCLESIAE BEATAE MARIE PARISIENSIS AC S. THEOLOGIAE DOCTORIS ET PROFESSORIS,

## VERBUM ABBREVIATUM, OPUS MORALE

Omnibus theologis, pastoribus, confessariis, concionatoribus, jurisconsultis et cujuscunque conditionis hominibus utilissimum.

*E tenebris nunc primum eratum et notis illustratum studio et opera R. P. D. GEORGII GALOPINI, monasterii S. Gisleni, ordinis S. Benedicti, provinciae Hannoniae, religiosi et bibliothecarii.*

(Montibus, ex typographia Francisci Waudraei, sub Bibliis, 1639 4°.)

VERBO DEO, VERBO INCARNATO, VERBO ABBREVIATO

DOMINO NOSTRO JESU CHRISTO

Omne studium meum illustrationi hujus *Verbi abbreviati*, a venerabili Petro Cantore conscripti, impensum, tibi, Jesu bone, offero ac consecro: mei, et omnium qui hoc opus fructuose legerint, aeternum, precor, miserere.

## LECTORI CHRISTIANO S.

*Verbum abbreviatum*, diu multumque desideratum, Lector Christiane, tandem in lucem prodit, at non nisi multis prius insumptis sudoribus. Cum enim plerumque chirographa, et squalore obsita, et ab edaci vetustate corrupta videamus, haud dubium quin lectorem diligentem, et, ut sic loquar, indefessum requirant, qui priusquam ea prelo committat, iterum iterumque examinet num verba et sententiae, amanuensium incuria et scribendi praecipitatione, depravata sunt. Ideoque, quantum fieri potest, non unico exemplari, sed altero et altero utendum est, ut unius mendum aliud emendet, unius mutilum aliud suppleat, sicque lectio sanior et intellectu facilius emergat. Hic me id fecisse oportuit. Ubi ex uno ad me misso exemplari coepissem apographum formare, tantam in eo vidi characterum trituram, tamque obscuras et inusitatas verborum abbreviationes, ut statim judicarem pluribus mihi opus esse, si lectionem genuinam vellem colligere.

Tria itaque mihi in hunc finem comparavi chirographa e tribus Belgii nostri monasteriis virtute et doctrina florentissimis, nimirum Vedastino, Marchianensi et Camberonensi. Quantum apud nos saepius quaesivi, sed reperire non potui, eo quod avolasset. Altero praeterea codice Camberonensi usus sum quo, inter opera Anselmi Cantuariensis, aliquot *Verbi nostri abbreviati* capitula continebantur. Hujus codicis, dum in notis mentionem feci, fragmentum Camberonense nuncupavi: cetera vero exemplaria, nempe Vedastinum, littera V, Marchianense M, Camberonense C, brevitatis causa signavi.

Horum trium margines et ora notis nonnullis onerati sunt, non tamen a Venerabili Petro auctore, sed a studiosis illustrationis ergo superadditis. Id aperte colligitur ex Vedastino margine citato in notis ad c. 97. Ibi enim legitur: *Totum ergo membrum hoc distinctionis abolendum est, nec credendum Petrum Cantorem Parisiensem vitium hoc, et caetera quae inveniuntur in hoc libro, posuisse, sed scholastici illum transcribentes, et notulas suas ad libitum addentes, totum corruperunt.*

Marchianense cum Camberonensi, quoad textum et notas collaterales, utraque conveniebat; at a capite 66 usque ad 80 et a Vedastino et a Camberonensi fere continua lectionis varietate recedebat.

Quapropter verbotenus describendum censui, et descriptum in calce operis, hoc est post omnes notas, reponi.

Illa vero, de qua dixi, varietas, non modo in verbis consistebat, verum etiam in exemplis, quæ, quo plura et ampliora sunt, eo, præ aliis, ad propositi argumenti pleniorum intellectum et probationem magis conducunt. Hæc autem partim auctoris sunt, partim alicujus scholiastæ, qui, capite 80 verba Petri Cantoris citans (*in fine post omnes notas*), ipsum Magistrum nuncupat, quod auctorem de seipso dixisse minime putandum est.

Vedastinum eleganti stylo scriptum est, sed dolendum multis in textu superabundare, multis quoque carere. Abundat, dum ea quæ marginis sunt, videlicet notas, in textu recipit. Deficit, nec raro, dum partes veri textus omittit. Id mecum visus est interdum advertisse quidam ejusdem monasterii, ut reor religiosus, qui hos defectus notans plumbeo stylo, in lateralibus oris scripsit: *Deficit hic*.

Nunc, quod ad notas attinet, scias velim, Lector, me fideliter eas subnotasse quæ utrius exemplaris erant; at ubi res exposebat (quod non raro contingit) pro ingenii et judicii copia, meas interdum adjecisse, quibus obscura vocabula explicarem, sententiarum citationes depravatas restituerem ac illustrarem; ea tamen brevitate hæc perstrinxi, qua potui, ne pro *Verbo abbreviato, Verbum prolongatum* redderem. Si quid autem in illis a me minus recte dictum est, opto illam B. Augustini sententiam mihi aptari (*De Trinit. l. 1, cap. 3. et 2*): *Nec pigebit me, sicubi hæsito, querere: nec pudebit, sicubi erro, discere. Proinde quisquis hæc legit, ubi pariter certus est, pergat mecum; ubi pariter hæsitat, mecum quaerat; ubi errorem suum cognoscit, redeat ad me; ubi meum, revocet me. Ita ingrediamur simul charitatis viam, etc.*

Hoc, tu, Lector, utere *Verbo abbreviato*, et pollicor uberem referes fructum. Lectio enim salutaris et fructuosa est ad peccati cujuscunque fugam et cautelam, ad mores informandos, capescendas virtutes, ad amorem Dei, mundi que contemptum instillandum animo; et, ut verbis cujusdam sapientis concludam (*in textu Marchianensi, cap. 30, post omnes notas*): *Verbum abbreviatum planum est ad fidem et morum scientiam habendam. Vale in Domino, et si quis stimulus virtutis ex hac lectione animo tuo altius solito insederit, pro nostri suscepti laboris mercede, me tuis apud Deum precibus juva.*

## PETRI CANTORIS VERBUM ABBREVIATUM.

### I CAPUT PRIMUM.

*Contra superfluitatem et prolixitatem glossarum  
et inutilium questionum.*

« Verbum abbreviatum fecit Dominus super terram (*Rom. ix*). » Si enim Verbum de sinu Patris ad nos missum, imo si Filius Dei incircumscribibilis, quem totus non capit orbis, brevitate uteri virginalis voluit circumscribi, quanto magis Verbum sacre pagine (quod nobis tribuit, et quod nobis in arrham et pignus suæ dilectionis reliquit) voluit abbreviari: in quo vias et semitas ejus deprehenderemus, in quo cursus nostri viam, breviter et succinete ad æternam beatitudinem legeremus expressam? Superfluitas verborum, imo et infinitas est in aliis scripturis respecto sacre Scripturæ, quam respuit illa. Hanc prolixitatem et superfluitatem verborum philosophus vituperans, et resecandam ostendens, ait (*SENECA, epist. 2*): *Distrahit nos librorum multitudo. Itaque, cum legere non possis quantum habueris, sat's est habere quantum legas.*

A Sed modo, inquis, hunc librum evolvere volo, modo illum. Fastidientis stomachi est multa degustare: quæ, ubi varia sunt et diversa, inquinant, non alunt. Probatos itaque semper lege libros; et si quando ad alios divertere libuerit, ad priores redi, aliqua tibi comparans in auxilium adversus omnia vitia et omnem pestem; et cum multa percurreris, unum excerpe quod illo die decoquas. Hoc quoque ipse facio. Ex pluribus quæ legi aliquid apprehendo et excerpo. Item (*epist. 48, 16, 45*): *Etsi multum superesset ætatis, parce dispensandum esset ut sufficeret necessariis. Magna enim dementia est superfluitati intendere in tanta temporis egestate. Non est opus verbis, sed rebus. Hæc est scientia rerum, quæ magis informat animum, vitam disponit, actiones regit, agenda et omittenda demonstrat, sed et ad amplustre, et per ancipitia fluctuantium dirigit cursum. Nemo securus sine ea.*

B 2 (*Epist. 19.*) Itaque cum breve sit tempus, cum punctum et etiam minus puncto sit, quo vivimus, cum retroacta tempora mors jam teneat, Domino



per horam saltem serviamus, breviterque imitantes, colligamus utiliora capitula, sumpta tum ex corpore sacrae Scripturae, tum ex bene dictis aliarum scripturarum.

Quidquid enim ubicunque bene dictum est, mea est, inquit Theologus (epist. 16), ad vitiorum singulorum redargutionem, et ad virtutum et morum commendationem, et operum nostrorum directionem, negotiorumque in Ecclesia emergentium decisionem.

In tribus igitur consistit exercitium sacrae Scripturae: circa lectionem, disputationem et praedicationem. Cuilibet istorum mater oblivionis et noverca memoriae est nimia prolixitas. Lectio autem est quasi fundamentum, et substratorum sequentium; quia per eam caeterae utilitates comparantur. Disputatio quasi paries est in hoc exercitio et aedificio; quia nihil plene intelligitur, fideliterve praedicatur, nisi prius dente disputationis frangatur. Praedicatio vero, cui subserviunt priora, quasi tectum est tegens fideles ab aestu, et a turbine vitiorum. Post lectionem igitur sacrae Scripturae, et dubitabilem, per disputationem, inquisitionem, et non prius, praedicandum est; ut sic cortina cortinam trahat, et caetera.

## CAPUT II.

### *De brevitate lectionis.*

Gregorius breviter lectionis commendans, ab eaque prolixitatem et superfluum expositionem resecans, ait (hom. 15, in Luc. vii): Lectio ista (scilicet: «Exit qui seminat seminare semen suum,» et caetera) non indiget expositione, sed admonitione. Admonitoria igitur, quia per se patent, seorsum in loco privato legantur; expositoria vero et difficultia in scholis audiantur. Ad hoc, inquit Hieronymus (in c. 1 Isaia), terenda sunt magistrorum limina. Item idem (in c. xvi Ezech.): Cum Dominus ante offensam idololatriae illi populo tantum Decalogum commisisset sufficientem ad salutem, post illam multiplices contulit caeremonias, quibus, meritis eorum exigentibus, onerati sunt et afflicti. Eorum exemplo nos vereri debemus, quod, cum Dominus tantummodo textum Evangelii Matthaei Ecclesiae primitivae commisisset omnia necessaria salutem continentem, meritis nostris exigentibus, D puta vanis exercitationibus, et inquisitionibus superfluis, et peccatis aliis, glossarum multitudine, lectionum superfluitate et prolixitate onerati sumus, in quibus est tantum «labor et afflictio spiritus (Eccl. 1);» puta in glossis illis, quae non intra, sed circa textum loquuntur. Item Isaia: «Quare appenditis argentum vestrum, non in panibus (Isa. 1v),» id est in ipsa refectione, 3 scilicet spiritualium eloquiorum saturantium et necessariorum: «et laborem vestrum,» scilicet studium, «non in saturitate,» sed in foliis verborum, et in multitudine, quae aurem praetervolant, et animum non satiant. Item idem: «Ubi est literatus, ubi est verba legis ponderans (Isa. xxxiii),» scilicet Scriba et Phari-

A saeus legem superflua expositione onerans? Item: Hieronymus textum per textum exponit, aliam glossam supervacaneam judicans; ideoque nobis difficilior est ad intelligendum. Item: Sicut Hieronymus et Origenes asteriscos et obelos illuminandis, et confodiendis, et delendis praeposuerunt; ita et nunc magis videtur esse opus, ut haec praeposuerimus ad explanationem difficultium, et jugulationem deletionemque prolixitatis, et superfluitatis glossarum. Item: Sicut in templo era infusoria, in candelabro extinctoria et emunctoria (Exod. xxv), sic in sacra Scriptura infusores fuerunt, ut, qui eam exposuerunt, Hieronymus et Gregorius; extinctores, qui haereses extinxerunt, scilicet validi mallei haereticorum, Augustinus et Hilarius; emunectores, qui B superflua extirpaverunt, ut Hieronymus et Origenes; quorum exemplo et nos aliqua de superfluis emungamus et reseceamus a lectione ejus.

Item: Pudorem maximum nobis incutere deberet, quod Hieronymus sola bibliotheca adjutus, vocatus a Damaso papa et consultus, ad omnes consultationes et questiones Ecclesiae sufficienter responderit. Item: Idem in anni unius spatio, totam bibliothecam historice, allegorice, tropologice et analogice Paulae et Eustochio exposuit. Item Augustinus (lib. iii contra Maximum, c. 114, et in Psal. lvi): Noli credere meis verbis, nisi id quod dixerò, per Vetus vel Novum Testamentum probaverò. Item ait Apostolus: «Si quis loquitur, quasi sermones Dei (1 Petr. iv).» Glossa: Non contra voluntatem Dei, C juxta auctoritatem sacri eloqui, et ad utilitatem proximi. Item: Armati tantum extrinsecus, et non intrinsecus, inermes sumus, contra Judaeum, haereticum, in opponendo, tum igitur respondendo. Item: Sacra Scriptura est navis nostra, qua transire debemus hoc mare magnum et spatiosum (Psal. ciii), et caetera, quae non est oneranda saburra, et superfluis expositionibus, sed sufficientibus et necessariis tantum. Item (SEVER. Sulp., dial. i, c. 12): Saepè utilia et necessaria praetermittenda sunt, ne multitudine utilium praegravemur. Item in Legenda sancti Martini: Cui pauca non sufficiunt, nec plura proderunt. Item Salomon: «In paucis sint actus tui (Eccl. xi).» Ergo si in rebus paucitas, potius in verbis esse debet.

Item: Hoc est pretiosum gummi, quod ex oculis Domini liquitur, cui nihil superfluum, nihil adulterinum, nil contrarium admiscendum est. Item: Os putei Abrahæ, a quo Isaac amovit lapidem, iterum cum Philistæis obstruimus (Gen. xxvi). Item: Cum modica farinula et similia tantum, praecipitum est filiis Israel ut migrarent de Aegypto (Exod. xii). Item:

... Gemmis auroque teguntur  
Omnia: pars minima est ipsa puella sui.

(OVID. De remedio amoris, l. i.)

4 Gregorius: Sicut otiosi vel vitiosi lectoris est manifeste dicta exponere, ita prudentis est obscure dicta paucis declarare. Item: «Hoc est lignum quod plantatum est» (et caetera, usque faciet, id est facere docebit) «cujus folium non defluet (Psal. 1),»

quia est verbum vite, sed « folia decident, » quibus A fructum arboris obumbramus, ne appareat. Si poma hujus arboris, nisi quantum sufficit, colligere prohibemur, multo magis folia inutilia. Item: Sicut textus est umbra vite æternæ, ita glossa, quæ ei applicatur, sit, et esse debet verbum vite æternæ. Item: In Deuteronomio, cap. xvi: « Non plantabis nemus, vel omnem arborem juxta altare Domini Dei tui. » Hæc est arbor non frondosa, hæc est vitis non pampinosa, sed fructifera, quæ plures habet fructus quam folia, et folia quidem habet quibus teguntur promissa et comminationes. Item: Solutus est liber septem signaculis signatus per Christum clavem David, pro quibus, ut solverentur, flevit Joannes (Apoc. v). Ne cogamus eum iterum flere, per superfluas expositiones et inutiles glossas, ob- B scura, et tediosa, et onerosa reddendo ad legendum. Item: Tenebrosa aqua nubium facta est potabilis, quod patet per eunuchum (Act. viii), qui Philippo monstrante ei locum Isaïæ de passione Domini scriptum: « Sicut otis ad occisionem ducetur (Isa. liii), » et cætera, statim intellexit. Item: « Petræ scissæ sunt, et monumenta aperta sunt (Matth. xxvii) » in passione Domini; quia scripta prophetarum dura ad intelligendum, aperta et manifesta facta sunt per impletionem, quæ multitudo glossarum obscura reddimus. Item: Resarcire videmur velum templi quod scissum est, et cæremonias revocare: cum tamen Christus sit finis promissorum, qui consummat omnia. Item: Videmur similes esse palparentibus ad ostium Loth, et non intrantibus (Gen. xix); similes Ægyptiis palparentibus in meridie (Exod. x), unde in libro Sapientiæ capite ultimo (Sap. xix). Item: Videmur velare faciem Moysi (Exod. x), scilicet sacram Scripturam, ut nobis, sicut Judæis, cornutus appareat (Exod. xxiv), cum Deus eam detexerit et revelaverit. Item: Videmur velare faciem Christi et dicere: « Prophetiza nobis, Christe, quis est qui te percussit (Matth. xxvi), » vel intelligit. Item Levitici xxvi: « Vetustissima veterum, » ut molium legendi antiquorum, « comedetis, » in usu, id est imitabimini; « et vetera, » id est modum legendi modernorum, qui tamen jam senuerunt, et ideo veteres « novis, » id est vetustissimis veterum innovatis, et tunc in usum « supervenientibus, pro- D jicietis. » Item Isaïas (cap. i): « Caupones tui admiscent aquam vino. » Non admiscemus aquam et fecem vino, amurcam oleo, paleam grano. Item: Maxime deberet movere nos, ad breviter assequendam, damnum in scribendo tot et tanta volumina, propter sumptus nimios; damnum in legendo, propter minorem profectum, et dilationem ad cætera utiliora; puta damnum in emendando, propter jacturam temporis, et tædium et laborem corporis; damnum in ferendo, propter ponderositatem librorum et impedimentum. Item: Consumimur in legendo superflua, ut situs locorum, numeros annorum et temporum, genealogias, dispositiones mechanicas 5 in ædificiis, ut in dispositione tabernaculi,

templi etiam imaginarii. Non ideo data est nobis sacra Scriptura, ut in ea vana et superflua quæremus, sed fidem et doctrinam morum, et consilia et responsones ad infinita negotia in Ecclesia emergentia.

### CAPUT III.

#### De brevitate et commoditate quæstionum.

Post hæc de brevitate quæstionum, vel disputationis agendum est, et quæ, ejusmodi tractari debeant, ostendendum. Ad hoc Epistola ad Ephesios cap. iv: « Omnis sermo malus ex ore vestro non procedat: sed si quis bonus est, ad ædificationem fidei, ut det gloriam audientibus. » Item I ad Timotheum cap. i: « Rogavi te, ut denuntiares quibusdam fratribus, ne aliter docerent, neque intenderent fabulis et genealogiis interminatis; quæ quæstiones præstant ruinam magis quam ædificationem Dei, quæ est in fide. » Item in eadem, cap. vi: « Si quis aliter docet, et non acquiescit sanis sermonibus Domini nostri Jesu Christi, et ei quæ secundum pietatem est doctrinæ: superbus est, et nihil sciens, sed languens circa quæstiones et pugnas verborum, ex quibus oriuntur invidiæ, contentiones, blasphemæ, » etc. Item in eadem, cap. iv: « Ineptas et aniles fabulas devita. Potius exerce te ad pietatem, » quæ est in fide et bonis moribus. Item in eadem, cap. vi: « Profanas vocum novitates, et oppositiones falsi nominis scientiæ, devita; quam quidam promittentes circa fidem excederunt. » Vera scientia est, quæ tantum consistit in doctrina fidei et morum. Item II Epist. ad Timotheum, cap. i: « Formam habe sanorum verborum, quæ a me audisti, in fide et dilectione in Christo Jesu. » In eadem, cap. ii: « Noli verbis contendere. Nihil enim utile est, nisi ad subversionem audientium. » Item in eadem, cap. ii: « Exhibe te inconfusibilem, recte tractantem verbum veritatis: profana autem et vaniloquia devita. Multum enim proficiunt ad impietatem, in quibus nullus est fructus. » Item in eadem, cap. ii: « Stultas et sine disciplina quæstiones devita, sciens quod generant lites: servum autem Domini non oportet litigare. » Et nota differentiam inter stultas quæstiones et temerarias. Hæc enim vanæ sunt et inutiles, illæ periculosæ et animum subvertentes, erroremque suum citogenerant. Item cap. iii: « Tu vero permane in his quæ didicisti, et credita sunt tibi, sciens a quo didiceris, et quia ab infantia sacras litteras nosti, quæ te possunt instruere ad salutem per fidem, quæ est in Christo Jesu. Omnis enim scriptura divinitus inspirata, utilis est ad docendum, ad arguendum, ad corrigendum, ad erudendum in justitia, ut perfectus sit homo, ad omne opus bonum instructus. » Item in psalmo lvm: « Os meum loquetur sapientiam; » Glossa De fide et cælestibus: « et meditatio cordis mei prudentiam; » 6 Glossa: De bonis moribus. Item in psal. lxxvii: « Veruntamen confringet Dominus, » humiliando vel puniendo, « capita inimicorum suorum, » id est superbiam, « et ver-

ticem capilli, id est versutias inanum quæstionum. Sunt enim qui tales calumniarum et quæstionum minutias quærunt, ut et ipsos capillos scrutari videantur. Item Levitici cap. 1: « Offerens turturam vel columbam projiciet vesiculam, id est omnem tumorem (tumor infusa repellit: ob hoc sit altare tum concavum) » et plumas, id est superfluas et inutiles projice quæstiones.

Item in eodem, cap. xxvi: « Si mandata mea custodieritis, dabo vobis pluviam temporibus suis: si non, dabo vobis desuper cælum ferreum » (id est scripturam, quæ non pluet vobis doctrinam), « et terram æneam, id est divinam Scripturam vobis infructuosam. » Consumetur incassum labor vester. »

Glossa: Quem divinis Scripturis impenditis, quia prave intelligitis et superfluis vacatis. Item Deuteronomii cap. xxviii: « Det Deus imbrem, id est doctrinam, quæ non excitet germina virtutum, sed æternum pronuntiet interitum; » et descendat de cælo super te cinis, id est doctrina urens, subtilis, et confusa; » donec conteraris. »

Glossa: æterna pœna. Simile autem confuso est, quod in cinerem et pulverem redigitur. Nihil subtilius arista, nihil adeo obest utilitati, sicut nimia subtilitas. Pulverem ne moveas et dispergas, ne eo moto involvatur et obscuretur, imo excecetur oculus mentis tuæ. Item

Seneca (ep. 20): Aliud est propositum declamantibus et assensum coronæ captantibus. Aliud his qui otiosorum aures disputatione varia aut vobili detinent. Facere docet cœlestis philosophia, non garrere, non linguose loqui. In rebus enim est, non in verbis. Non est populare artificium, licet nunc vitio nostro, gloriæ et quæstui et litigio data. Ne acquiescas in gyris mæandrinis et infractibus verborum et cavillarum ædibus labyrinthi; sed fuge (ep. 16). Item: Quid mihi verba distorques et syllabas digeris? Scilicet non potero a fugiendis petenda discernere, nisi quæstiones valerimas construxero, et conclusione falsa a vero nascentes mendacium astruxero. Pudeat quod in re tam seria senes ludimus. O pueriles ineptiæ! In hoc barbam demisimus? Hoc est quod tristes docemus

et pallidi? Cœlestis philosophia aliquid promittit, scilicet, ut me Deo aliquid parere faciat. Non est locus jocandi: ad miseros advocatus es. Opem te laturum naufragis, captis, agris, egentibus, intentæ securi præstantibus caput pollicitus es (ep. 48). Adversus vitia est nobis pugna, adversus pestes crebi, adversus monstrum hujus maris. Quid ergo adversus mortem tu tam minuta jacula jacularis? Subula leonem excipis? Acuta sunt ista quæ dicis. Nil acutius arista: sed ipsa subtilitas quædam inutilia et inefficacia reddit (ep. 82). Valet ad hoc exemplum de Polemone, qui quidem, cum esset vitæ perditissimæ, sertis roseis redimitus, unguentis delibutus, nebulonum et leonum turba constipatus, scholas Xenocratis intravit. Proinde omnes discipuli indignati sunt vehementer: solus magister, illius miserie compatiens, digressus est a

A cursu propositæ disputationis, et disputare cepit de frugalitate et bonis moribus, virtutes singulas commendans, eisque vitia opposita redarguens et vituperans. Tandem Polemon valde commotus suram de sura deposuit, omniaque insignia luxuriæ et lenocinii, focalia, et reticula et coronulas, et hujusmodi, rejecit: sicque una et acutissima disputatione gravissimus philosophus evasit, qui leno turpissimus intravit (VALER. MAXIM., l. VI, c. 41). Item Seneca: Quid mihi verba captiosa componis? Cur interroganti vincula, disputationis scilicet, necitis? Magnis telis magna portenta, id est vitia, feriuntur (ep. 82). Item: Pudet descendere in aciem pro diis et hominibus susceptam, subula armatum.

Pro diis, id est fide; pro hominibus, id est bonis moribus: contra vitia susceptam, armatum subula, id est levi et frivola ratione, vel disputatione (*ibid.*). Item: Multa invenissemus necessaria, nisi quæsissemus superflua. Multum nobis temporis verborum cavillatio eripuit, captiosæ etiam disputationes, quæ acumen irritum exercent. Nectimus nodos, et ambiguam verborum significationem, quasi nobis vacet, quasi jam vivere, quasi jam mori sciamus (ep. 45). Et infra: Cavendum est magis, ne res nos, non verba decipiant. Quid mihi vocum dissimilitudines diffinit quis, quibus nemo unquam, nisi dum disputat, captus est? Res fallunt, ideo illas discerne. Item: Ille cui probas habere cornua, non tam stultus est, ut frontem suam tentet et tangat. Sic ista sine noxa decipiunt, quomodo præstigiatorum acetabula, et calculi Pygmæorum, in quibus ipsa fallacia delectat. Sed non vaco adversus istas ineptias. Ingens negotium in manibus meis est. Nunc mortifera necum sunt, mors me sequitur, vita fugit; adversus hæc me doce (ep. 52). Item: Nil turpius cœlesti philosophia captante clamores. Sed aliquid inter clamorem theatri et scholæ. Disputationes præparatæ et effusæ auribus populi, plus habent strepitus, minus utilitatis. Nemo consilium clare dat. Submissa verba facilius intrant et hærent: nec multis opus est, sed efficacibus (ep. 38).

B Pro diis, id est fide; pro hominibus, id est bonis moribus: contra vitia susceptam, armatum subula, id est levi et frivola ratione, vel disputatione (*ibid.*). Item: Multa invenissemus necessaria, nisi quæsissemus superflua. Multum nobis temporis verborum cavillatio eripuit, captiosæ etiam disputationes, quæ acumen irritum exercent. Nectimus nodos, et ambiguam verborum significationem, quasi nobis vacet, quasi jam vivere, quasi jam mori sciamus (ep. 45). Et infra: Cavendum est magis, ne res nos, non verba decipiant. Quid mihi vocum dissimilitudines diffinit quis, quibus nemo unquam, nisi dum disputat, captus est? Res fallunt, ideo illas discerne. Item: Ille cui probas habere cornua, non tam stultus est, ut frontem suam tentet et tangat. Sic ista sine noxa decipiunt, quomodo præstigiatorum acetabula, et calculi Pygmæorum, in quibus ipsa fallacia delectat. Sed non vaco adversus istas ineptias. Ingens negotium in manibus meis est. Nunc mortifera necum sunt, mors me sequitur, vita fugit; adversus hæc me doce (ep. 52). Item: Nil turpius cœlesti philosophia captante clamores. Sed aliquid inter clamorem theatri et scholæ. Disputationes præparatæ et effusæ auribus populi, plus habent strepitus, minus utilitatis. Nemo consilium clare dat. Submissa verba facilius intrant et hærent: nec multis opus est, sed efficacibus (ep. 38).

C Non ergo clamandum in disputationibus theologis; non disputandum de frivolis, sed, ut ait Seneca (ep. 49), de justitia, de pietate, de frugalitate de utraque pudicitia, scilicet mentis et corporis, mihi disputa. Tragicus etiam ait: Veritatis simplex est oratio, ideo illam implicari non oportet. Nec enim quidquam minus convenit quam subdola ista calliditas animi, magna conantibus (EURIPIDES in *Phœnissis*).

D Deponamus igitur hujus declamationis acutæ concinnationes, quæstiunculas inutiles, ne diutius cum Judæis videamur montem Scir multiplici et vano circuitu circumire (*Deut.* 11); et tam diu in Ramesse pervagando ad terram promissionis, id est ad veritatem theologis, nequevntes pervenire (*Exod.* 12; *Num.* xxxiii). Ad majorem igitur natus, rebus studeas, non verbis; ut quidquid legeris, quidquid disputa-

Non ergo clamandum in disputationibus theologis; non disputandum de frivolis, sed, ut ait Seneca (ep. 49), de justitia, de pietate, de frugalitate de utraque pudicitia, scilicet mentis et corporis, mihi disputa. Tragicus etiam ait: Veritatis simplex est oratio, ideo illam implicari non oportet. Nec enim quidquam minus convenit quam subdola ista calliditas animi, magna conantibus (EURIPIDES in *Phœnissis*).

Deponamus igitur hujus declamationis acutæ concinnationes, quæstiunculas inutiles, ne diutius cum Judæis videamur montem Scir multiplici et vano circuitu circumire (*Deut.* 11); et tam diu in Ramesse pervagando ad terram promissionis, id est ad veritatem theologis, nequevntes pervenire (*Exod.* 12; *Num.* xxxiii). Ad majorem igitur natus, rebus studeas, non verbis; ut quidquid legeris, quidquid disputa-

Deponamus igitur hujus declamationis acutæ concinnationes, quæstiunculas inutiles, ne diutius cum Judæis videamur montem Scir multiplici et vano circuitu circumire (*Deut.* 11); et tam diu in Ramesse pervagando ad terram promissionis, id est ad veritatem theologis, nequevntes pervenire (*Exod.* 12; *Num.* xxxiii). Ad majorem igitur natus, rebus studeas, non verbis; ut quidquid legeris, quidquid disputa-

veris, quidquid prædicaveris, ad mores in te, et in aliis, exemplo tui, **S** informandos referas. Puta, in te marcentia excita, tumida doma, fluida coerce, soluta constringe, cupiditates tuas vexa et extirpa, ignorantiam tuam illumina (SENEC., ep 89). Pro disputationis utilitate, et contra ejusdem inutilitatem monemur exemplo antiquorum. Patriarchæ enim opere et exemplo contra idololatriam pugnaverunt. Prophetæ verbo et exemplo filios Israel contra inobedientiam corripuerunt. Apostoli verbo et exemplo, et etiam morte contra infidelitatem prædicaverunt. Doctores vero Ecclesiæ contra hæreses in defensionem Evangelii et fidei disputaverunt. Nos vero steriles in Ecclesia, nullumque fructum ferentes in eo, in superfluis et vanis quæstionibus languentes deficiamus.

#### CAPUT IV.

*De temeritate quæstionum, et temerariis disputationibus.*

« Simul insipiens et stultus peribunt (Psal. XLVIII). » De stultis disputationibus dictum est; quæ licet sint inutiles, quia tamen videntur habere aliquid subtilitatis, alliciunt et decipiunt. Licet autem stulti pereant, magis tamen insipientes, qui de cælestibus supra vires et supra ea quæ sufficient ad salutem, inquirunt; qui vespis et pugionibus Dominum Jesum exagitare videntur. Apostolus contra tales invenitur, dicens: « Non plus sapere quam oportet, sed, » etc. (Rom. XII.) Item Jeremiæ cap. XV: « Væ mihi, mater mea; quare me genuisti virum rixæ, » vel judicii? Alia littera: « Virum discordiæ, » vel qui judicet « in universa terra? Non feneravi, nec feneravit mihi quisquam, et omnes maledicunt mihi; » contradicendo mihi et ego eis. Ita et nos verbis maledicimus, et contradicimus invicem, fere in nullo consentientes. Item Job cap. XIX: « Nempe etsi ignoravi, mecum erit, » de non necessariis, « ignorantia mea: » ita et scientia, non contra ut scientia, quæ evanescere facit et superbire. Item Ecclesiasticus cap. XVI: « Non exoraverunt pro peccatis suis antiqui gigantes, » quibus comparantur et assimilantur curiosi. Et ibidem: « Qui minoratur, » id est qui distribuitur per multa « corde, cogitat inania. » Item psalmo LIII: « Scrutati sunt iniquitates, » etc.; et Lucas cap. II: « Ecce hic positus est in ruinam, et in resurrectionem multorum in Israel, et in signum cui contradicetur. » Eo enim nato, statim contradictum est ei ab Herode de regno (Matth. II); passo, a Scribis et Phariseis de inscriptionis titulo (Joan. XIX); et modo de humanitate ejus contradicunt, et de aliis sacramentis, cum diversi diversa et adversa super his sentiunt. Item psalmo L: « Incerta et occulta sapientiæ tuæ manifestasti mihi. » Incerta sunt, quæ patent aliquibus iudiciis, de quibus tamen plura ignoramus quam sciamus. Occulta sunt, quæ omnino latent, de quibus nulla habemus indicia, et hæc et illa Dominus **D** David revelarat. Sed nunquid præsumimus David

**A** suparare, vel ei æquales esse meritis, ut similiter nobis Dominus ista revelet? Tales dedignantur dicere: « Mirabilis facta est scientia tua, et non potero ad eam (Psal. CXXXVIII), » imo potius possunt. Item: Nec hoc dicere dignatur: « Defecerunt oculi mei in eloquium tuum (Psal. CXVIII). » Hieronymus (epist. 104, 8): Non sum tam ineptus, ut credam me posse carpere ad plenum fructus illius arboris, cujus radices fixæ sunt in cælo. Item: Tales « mammæ sic stringunt, quod pro lacte sanguinem eliciunt (Prov. XXX), » vel fundunt. Item: Aquas « unius moris » quibus « ambulare debemus in domo cum consensu, » faciunt « aquas contradictionis (Psal. LXVII), » quibus contradicunt, et sibi invicem, et ipsi Domino, ipsisque aquis. Jeremias cap. XXXIII: « Contritum est, inquit, cor meum in melio-  
**B** mei, contremuerunt ossa mea; factus sum quasi vir ebrius, et quasi homo madidus vino a facie Domini, a facie sanctorum verborum ejus; » et ideo: « Quia adulteris repleta est terra, quia a facie maledictionis luxit terra (ibid.). » Si ergo « a facie Domini » primaria, quæ est divina essentia, ad eam intelligendam et cognoscendam « factus sum quasi vir ebrius, » etc., ita et « a facie ejus » secundaria, scilicet « verborum ejus, » quæ est de illa, et quam docet agnoscere. Item: Considerate et discrete præceptum est Hebræis, ne aliqui infra triginta annos constituti, legerent principium Geneseos, et finem Ezechielis, et Cantica canticorum: ergo per classes et ad mensuram, et a fidei, et a prudente dispensatore dispensanda esset esca sacræ Scripturæ. Item: « Domine Dominus noster, quam admirabile est nomen tuum in universa terra: quoniam elevata est magnificentia tua super cælos (Psal. VIII), » sacræ Scripturæ: et ait « non possumus ad eam (Psal. CXXXVIII); » et ita nomen ejus inexplicabile et admirabile; similiter magnitudo ejus, cujus non est finis. Item: Tegenda est arca ad reverentiam, licet detecta sit quoad cæremonias (Levit. XVI). Item: Fumus aromatum temperabat visum sacerdotis, ne ingrediens templum nuda videret « Sancta sanctorum (ibid.). » ita et nunc temperare debemus visum nostrum. Angelus Tobie cap. XII: « Benedicite Deum cæli, etc. Et enim sacramentum regis abscondere bonum est: opera autem ejus revelare et confiteri honorificum est; » Glossa: Mysteria Domini tegenda sunt, opera vero prædicanda. Unde super illum locum Psalmi: « Mirabilis facta est scientia tua ex me (Psal. CXXXVIII), » etc. Glossa, etiam textualiter: « Mirabilia opera tua, et anima mea cognoscet nimis (ibid.); » ergo opera Domini inquiras de ipsis, et de pœnitentia, dandisque consiliis in Ecclesia tractes. Item: « Oshon comminuetis ex eo (Exod. XII; Joan. XIX); » et: « Ossa regis Idumæi ne redigatis in cinerem (Amos II, 1). » Claudatur puteus, ne bos vel asinus cadat in eum (Exod. XXI). Item: Juxta eloquium tuum da mihi intellectum, (Psal. CXVIII). » M. Non infra, non contra, non supra: non audeo etiam dicere, quod cum eloquio, sed juxta, ne tibi de pari con-

tendere videar. Ideoque: « Adhæsi testimoniis tuis, Domine (Psal. cxviii): » Non supra, sicut illi, qui assimulantur Simoni Mago, qui volavit, sed non « supra pennas ventorum (Psal. xvii), » quod solus Christus, « Qui posuit tenebras latibulum suum, » quoadusque « videamus eum » in futuro ꝑ facie ad faciem (I Cor. xiii). » Item: Supra volantes, « Posuerunt in cœlum os suum, et lingua eorum transivit in terra (Psal. lxxii), » id est de cœlestibus humano more tractant et **IO** disputant, qui « statuunt oculos suos declinare in terram (Psal. xvi), » quibus necesse esset cum Martino potius cœlum respicere, quam « in cœlum os ponere. Convertit Dominus flumina » taliam « in sanguinem, » id est in carnalem sensum et expositionem: « et imbres eorum ne biberent (Psal. lxxvii). » Item: Horrendum est de cœlestibus, et summo hono omnium auctore, pulverem et quisquilias et sarmenta vilia colligere. Unde philosophus (Epiat. ad Eustoch. de custodia virgin.): Qui in maximis et rebus dubiis timidus erit, nauci non est. Et Hieronymus: Stultum est sollicitari de eo quod sine periculo nescitur. Item: « Sentite de Domino in bonitate, et in simplicitate cordis quærite illum (Sap. i). — « Qui enim ambulat simpliciter, ambulat confidenter (Prov. x). » Non dico simplicitate simulata et hæretica, vel simplicitate stultitiæ cognata, sed simplicitate existente sine plica erroris, et sine plica curiositatis, et temeræ inquisitionis. Item: Et « Quasi modo geniti infantes, rationabiles » tamen, « lac concupiscentes » doctrinæ (I Petr. ii): quasi scilicet sufficientia et minora quæ capere potestis. Stolidi ergo monemur non inquirere, multo magis et curiosa, imo prohibemur. « Nolite extollere in altum cornu vestrum: nolite loqui adversus Deum iniquitatem (Psal. lxxiv): » vel per hæresim blasphemando, vel in moribus male docendo; vel per superbiam et curiosam disputationem nimis investigando; vel præcepta Domini generalia, particularia, et localia, et temporalia esse asserendo: arcumque sacræ Scripturæ carnali expositione levigando. « Nolite loqui sublimia » et temeraria « gloriantes: sed recedant vetera de ore vestro (I Reg. ii): » scilicet superflue et temerariæ inquisitiones, et prava dogmata philosophorum. Item: « Dixit Manue ad angelum qui ei apparuit: Quod est tibi nomen? Respondit [angelus]: Cur quæris nomen meum, quod est mirabile (Judic. xiii), » et inexplicabile? **M.** Si ergo de nomine Deitatis prohibemur quærere, multo magis de re nominis curiose et superbe. Omne nomen Dei est ineffabile. Sufficiat ergo quod ipse « admirabilis, fortis, potens (Isa. ix), » etc., quod scilicet hæc sunt nomina ejus. Item Hieronymus: Non minori scelere dicitur Deus non esse quod est, quam negatur esse quod est. Moyses posuit terminos circa montem, ne bestia, quæ tangeret, lapidaretur (Exod. xix): sic et Christus, et Patres nostri « terminum posuerunt in monte » et circa montem sacræ Scripturæ, « quem non debemus transgredi (Psal. ciii; Hebr. xi) » per inutilem, et temerariam,

et superfluum inquisitionem. Tangentes enim montem bestialiter, lapidabantur. Item Parabolarum cap. xxv: « Fili, invenisti mel, » scilicet doctrinæ: « Comede quod sufficit tibi, ne forte satiatus evomas illud (Prov. xxv): » Glossa: Scilicet ultra vires quærendo, perdas intellecta. Item: Tantum summitatem virgæ cum Jonatha, melle intinge, et exhilarabuntur oculi tui ut filius (I Reg. xiv): et bene prosequeris hostes tuos, ut ille: quia « Declaratio sermonum tuorum, Domine, illuminat (Psal. cxviii). » Non obtenebrat, non involvit, ut curiosa inquisitio. Item Ecclesiastici capite tertio: « Fili, altiora te ne quæseris, et fortiora te ne scrutatus fueris; sed quæ præcepit Deus, cogita illa semper, et in pluribus operibus ejus non eris curiosus. Non enim tibi necessarium est, ea quæ abscondita sunt, videre oculis tuis: » multo magis in perscrutanda majestate illius. Item ibidem: « In supervacuis rebus **II** noli scrutari multipliciter, et in pluribus operibus ejus non eris curiosus. Plurima enim super sensum hominum ostensa sunt tibi. multos enim supplantavit suspicio eorum (Eccl. v). » Item Ecclesiastes, c. vii: « Quid necesse est homini majora se quærere, cum ignoret quid conducat sibi in vita sua? » Item ibidem: « Dixi: Sapiens efficiar, et ipsa longius recessit a me. Multo magis quam erat: et alia profunditas, quis inveniet eam? » Item ibidem, cap. viii: « Quis talis, ut sapiens est, et quis novit solutionem verbi divini? » Item ibidem: « Intellexi quod omnium operum Domini nullam possit homo invenire rationem eorum quæ sunt sub sole, et quanto plus laboraverit ad quærendum, tanto minus inveniet. » Item: « Fili pauci sint sermones tui (Eccl. v), » de Deo, de quo etiam varia periculose dicuntur. Item Ecclesiastico: « Qui quærit legem, replebitur ab ea, et qui » curiose et « insidiosè agit, scandalizabitur ab ea (Eccl. xxxii): » et non inveniet eam. Item Aristoteles: Nunquam decetnos esse verecundiores, et magis sobrios, quam cum de diis loquimur. **M.** Multo magis cum de uno et vero Deo loquimur.

#### CAPUT V.

*De modo disputandi, qui est ut sine contentione disputetur.*

Sequitur de modo disputandi, qui exigit ut sine lite et contentione fiat. Unde Isaias: « Aquæ Siloe fluunt cum silentio (Isa. viii), » non cum litigio, non cum impetu, et tragico hiatu. Item in Deuteronomio **I** in cantico Moysi: « fluat ut ros eloquium meum: (Deut. xxxii): » stillando, et sine strepitu et effusione nimia. Item libro II Regum, cap. xxii: « Posuit tenebras latibulum suum, in circuitu suo cribrans aquas, » sacræ scilicet Scripturæ, « de nubibus cœlorum. » Cribrando ergo eas, et non cum impetu fundendo, tractandum est de illis, ut descendant de nubibus sacræ Scripturæ. Item II ad Tim. ii: « Non oportet servum Dei litigare, » ut obstrepat studio altercandi, erroremque suum tragico defendat hiatu; « sed mansuetum esse ad omnes,

cum modestia corripientem » et disputantem. Item : A « Non in contentione (*Rom. xiii.*) » Glossa : Altercatio enim non decet sanctos, sed collatio. In contentione enim minor invidet majori, et se illi præferre contendit. Item II ad Timotheum II : « Noli verbis contendere, nihil enim utile est, nisi ad subversionem audientium. » Glossa : Contentio nihil potest nisi subvertere, dum verbosus par, vel superior videtur Catholico humiliter loquente ; in qua non potest non fieri, quin excitet aliquid quod contra conscientiam dicatur.

Pronuntiatio ordinata debet esse ut vita : ordinatum autem non est quod præcipitur et properat. Celeritas etiam dicendi nec in sua potestate est nec satis philosophiæ amica est, quæ verba debet ponere, non projicere, et **12** procedere pedetentim (*SENEC.*, ep. 40). Item philosophus : Ad summam totius summæ, tardiloquum, rariloquum, submissa voce loquentem te esse jubeo. Caput enim movere, brachia intorquere, digitos extendere, pedes supplodere, totumque corpus concutere, quid aliud est nisi quædam similitudo insaniam, et te similem pugili ostendere? (*Ibid.*) Item Isaias : « Cum desideris digitum extendere, et loqui id quod non prodest, tunc placebis animæ meæ (*Isa. lvm.*) » Item : Sicut turpe est interrogantem histrioni in disputatione assimilari, si gesticulando proposuerit : ita et solventem nimis esse præproperum turpe est et periculosum, maxime in questionibus solvendis, ubi vertitur periculum animarum (*Hebr. x.*) Unde in Ecclesiastico (cap. xxxii) : « Fili, sine consilio nihil facias, et post factum non pœnitebis. » Item : « Qui interrogationem, » solvendo scilicet, « manifestat, parabit verbum (*Eccli. xxxiii.*) » Glossa : Orando, meditando, bene operando : « Et sic deprecatus, exaudietur, et conservabit disciplinam, et tunc respondebit : « præcordia fatui quasi rota carri, » etc. Item in eodem, cap. xxxii : « Vir consilii non disperdet intelligentiam : alienus et superbus non pertimescet timorem, etiam postquam fecit cum eo sine consilio, et suis insectationibus arguetur. » Item cap. xxxvii : « Fili, in omnibus cor boni consilii statue tecum : non est enim tibi aliud plus illo. » Item cap. xxxvii : Ante omnia opera verbum verax præcedat te, et ante omnem actum consilium stabile. Item : « Labia imprudentium stulta et inconsiderata narrabunt, verba autem prudentium statera ponderabuntur. In ore fatuorum cor illorum, et in corde sapientum os illorum (*Eccli. xxi.*) » Item, exemplo sanctorum primitivæ Ecclesiæ, necnon et justorum eos præcedentium, etiam et aliorum seniorum prædictos sequentium, qui nihil solvebant, ad nulla respondebant, nisi deliberatione et consilio præhabito et præcedente. Item a simili : Cum enim in quæstione mota super aliqua terrula vel recula alia terrena, coram iudice; si tanta adhibeatur solemnitas iudicii, tum in testium approbatione, tum in advocatorum productione, in

A induciarum protelatione et exspectatione, in accusatorum puritate, demum in sententiæ latione, multo magis in his ubi agitur de cœlestibus, de sacramentis Ecclesiæ, de his etiam (scilicet consiliis dandis, vel non dandis) in quibus vertitur periculum animarum. Exemplo quoque Aristotelis, ad nullam, etiam facilem, quæstionem sibi propositam, respondentis, nisi datis induciis. Unde, et cum ei proponeretur quæstio difficilis, Theophrastus, juvenili calore adhuc imbutus, quæstionem illam se soluturum promisit. In cujus solutione cum deficeret et multum erubesceret, ait ei Aristoteles : « Opus est tibi fræno. » Alii vero discipulo, scilicet Eudemo (qui cum nimis morose, et non nisi cum induciis diutinis sibi proposita solvebat), ait Aristoteles : Tibi opus est calcaribus. Venam tamen ingenii habebat divitem.

### 13 CAPUT VI.

*De prædicatione quam debet præcedere sanctitas vitæ.*

Sequitur de tecto exercitii sacræ Scripturæ, hoc est de prædicatione, cujus, ut duorum præcedentium (supra, cap. 1), fundamentum est sanctitas vitæ et conversationis bonæ, per quam venit ad illa. Unde in Psalmo : « Mihi adhærere Deo, per fidem et bonam vitam, et operationem fidei, bonum est (*Psal. lxxii.*) » ; deinde : « Ponere in Domino Deo spem meam, ut sic annuntiem omnes laudationes, » vel prædicationes, « tuas in portis filiæ Sion (*Psal. ix.*) » Est enim multiplex prædicationis, scilicet : eruditionis, correctionis, exhortationis, excitationis, consolationis, et sustentationis beneficii. Et quia tribus prædictis subservit vox quasi eis necessaria et eorum præambula, sciendum est multiplicem esse vocem. Est enim vox fletus. Unde : « Exaudivit Dominus vocem fletus mei (*Psal. v.*) » ; et est vox confessionis ; deinde vox exultationis serenatæ conscientiæ, quam sequitur vox prædicationis. Unde in Psalmo : « In voce exultationis et confessionis sonus epulantis (*Psal. xli.*) » Et in alio : « Confitebimur tibi Deus, peccata, et pro amovendis malis : « Confitebimur tibi, » laudes, et pro conferendis bonis : Et, tunc, bene viventes et operantes, « invocabimus nomen tuum, » ut aliis bene et utilia prædicemus. Unde sequitur : « Narrabimus mirabilia tua (*Psal. lxxiv.*) » opera creationis et recreationis ad excitandum populum. Hic ordo etiam attenditur in ordine medendi. Prius enim amovenda sunt nociva et cætera. Item Dominus ad idem loquens prædicatoribus ait : « Vos, » conditi sapientia, « estis sal terræ, » vita ; « vos estis lux mundi, » doctrina (*Matth. v.*) Vita enim bona, scientiam, non dico verborum, sed rerum, præcedit. Unde per vitam, et non aliter, pervenies ad scientiam, scilicet operum. Hæc est scientia rerum : qui autem diligit, illa non caret. Item Salomon : « Fili, concupiscens sapientiam, serva mandata ejus, et Dominus dabit tibi illam (*Eccli. x.*) » Item : « A mandatis tuis intellexi (*Psal. cxviii.*) » ; scilicet, impletionem eorum per opera, intellectum habui in doctrina. Et dicit Glossa

super illum locum : Per custodiam mandatorum A pervenitur ad secreta mysteriorum. Item : « Intellectus bonus omnibus facientibus eum (*Psal. cx.*) » primo; item : « Bonitatem et disciplinam, et scientiam doce me (*Psal. cxviii.*) » Primo disciplinam, postea scientiam. Item : « Beati immaculati in via, qui ambulant in lege Domini : Beati qui scrutantur testimonia ejus (*ibid.*) » Quasi : Primo habeas fundamentum vitæ (scilicet innocentiam « ambulans in lege Domini : » bene operando), tandem scrutare ejus testimonia, ut majorem tibi compares scientiam. Item Apostolus : « Attende tibi, et doctrinæ (*I Tim. iv.*) » Et idem, in regula apostolica, præmittit ea quæ ad vitam mundam sunt, ut : « Oportet episcopum esse sobrium, castum (*Tit. i.*) » et hujusmodi; ultimo id quod ad doctrinam, in-  
**B** quies : In doctore, bona vita præcedat doctrinam et prædicationem (*Græc., homil. 2 in Evang.*). **14** Restat enim, ut ejus prædicatio contemnatur, cujus vita despiciatur. Item . Exemplo Domini, « qui cepit facere et docere (*Act. i.*) » Item : Sacerdos legalis primo induebatur superhumerali, deinde rationali. Onera enim propria et proximorum ferenda sunt, et opera legis implenda, primo scilicet, antequam accedas ad ratiocinationem et doctrinam, quasi prius habeas vitam mundam. Item : In figura horum « Armus separationis, et pectusculum elevationis (*Exod. xxix, xxxix.*) » contingebat sacerdotibus. Prius enim laborandum et operandum est, ut separeris a malo antequam eleveris ad scientiam et contemplationem mentis. Item : In tunica sacerdotis erant, « mala punica (per quæ fervor charitatis, quæ præcedit, denotatur) et tintinnabula, (*Exod. xxxix.*) » per quæ sonoritas doctrinæ et prædicationis, quæ sequitur. Obmutescit enim facundia, ubi ægra subest conscientia. Item ex virtutibus : « In virtute multa, Dominus verbum dabit evangelizantibus virtute multa (*Psal. lxxvii.*) » Ad utrumque enim referendum est quod dicitur, « in virtute multa ». Item : In sacra Scriptura res potius quam verba loquuntur, « Res age, totus eris (*Ovid. De rem amoris.*) » In ea potius res persuadent quam verba. Quod conicitur exemplo Bernardi prædicantis monialibus, et in principio sermonis obmutescens propter peccata illarum (*Vid. ejus Vitam, l. iii, c. 3.*) Quibus pœnitentibus et confitentibus, pluit eis imbrem de cælo sacrae Scripturæ. Item : Exemplo ejusdem prædicantis laicis teutonicis, et commoventis eos ad fletum, quem tamen non intelligebant. Cujus sermonem relexit post eum quidam monachus optimus interpres, quo loquente nihil moti sunt. Qui enim non ardet non accendit. Sæpe enim Deus claudit ora prophetarum propter peccata populi. Item philosophus : Magnificentior est sermo in tenui panno et grabato cum pallida facie factus (*SENEC., epist. 20.*) Nos autem tumentibus et rubentibus buccis prædicamus verbum Dei, et idcirco contemnitur. Item : Legitur in vitis Patrum (*lib. v, libello. iii, n. 18*) : Erenite quidam cum

sæcularibus quibusdam accesserunt ad Felicem abbatem, petentes ab eo sermonem fieri; qui nihil respondit illis. Illi iterum pulsaverunt, et iterum obtulit. Tertio pulsaverunt, et respondit : Quia non est sermo hodie. Sermo enim non est, nisi ei respondeant vita loquentis, et meritum audientis. Ad minus enim exigit vitæ sanctitatem loquentis, ut scilicet præcedat quasi fundamentum. Item : Tractantes (legendo vel disputando, vel prædicando) verbum Dei sine fundamento sanctitatis et vitæ; similes sunt Sodomitis pulsantibus ad ostium Loth, et intrare volentibus ut turpia agerent, sed percussa aorasia ostium invenire non valuerunt (*Gen. xix.*) Sic et quærentes gloriam, quæstum, et hujusmodi in sacra Scriptura, ex ea populare artificium faciendo, cæcati curiositate et peccatis aliis, non permittuntur intrare. Item : Si Mariæ Magdalene ferventi in dilectione prohibuit est a Domino ne tangeret pedes ejus, quia nondum ascenderat ad Patrem in corde suo (*Joan. xx.*), quanto magis prohiberi deberemus a tactu horum pedum, scilicet sacrae Scripturæ, qui minus diligimus, quorum etiam vita criminibus deturpata Domino fetet! Item Job (cap viii) : « Spes hypocritæ peribit, **15** et non placebit ei recordia sua. » Gregorius super hunc locum ait de Origene : Quia hic est qui facit quod loquitur, et quod loquitur facit. Hypocrita enim est qui aliud loquitur, aliud facit. Hypocritæ quidem proferunt verbum, sed non accendant auditores ad supernum desiderium.

## CAPUT VII.

## De commendatione sacri eloquii.

Verbum quod de frigido pectore erumpit non inflamat, quia, qui non ardet non accendit. Item : « Ignitum eloquium tuum vehementer (*Psal. vi.*) » igne scilicet charitatis conditum, et ex charitate prolatum, ut ignis ignem loquatur. Item : Ad hoc in missione Spiritus sancti, idem super capita apostolorum in igneis linguis apparuit (*Act. xxv.*), ut igniti ferventiore dilectione, ignita eloquia et omnibus linguis profferrent. Item : « Ignem veni mittere in terram, et quid velonisi ut ardeat? » (*Luc. xii.*) Item : Basilio magno prædicante videbatur audientibus quod lingua ignea egrederetur ab ore ejus; ex igne enim charitatis loquebatur. Item : Prædicante Sebastiano, Zoe uxor Nicostriati ad illum ait : « Video ante te angelum Domini tenentem tibi librum apertum, de quo procedit universa tua prædicatio. » Item Apostolus : « Os meum patet ad vos, o Corinthii, quia dilatatum est » charitate « cor meum (*II Cor. vi.*) » Aliter non patet in prædicatione, sed ea habita ait Dominus : « Dilata os tuum, et ego adimplebo illud (*Psal. lxxx.*) » Item David : « Dilatatum est cor meum, et exsultavit lingua mea, » etc. (*Psal. xv.*) Item Ezechielii, ait Dominus : « Fili hominis, comede volumen istud (*Ezech. ii.*) » in quo erat scriptum Lamentatio, Carmen et Væ. Carmen justificarum, Lamentatio impenitentium, Væ damnatorum sive reproborum. De prænio enim

patriæ, pœnitentiæ et pœnæ gehennæ debet esse tantum prædicatio. « Et comedi illud : et factum est in ore meo quasi mel dulce (*Ezech. 111*). » Dulciter et suavissime verbum Dei ore prædicat, qui eum in corde suavissime diligit; inutiliter autem et acerbe eum prædicat lingua cui obviat et contradicit conscientia. Item : « Peccatori dixit Deus : Quare tu enarras justitias meas ? » (*Psal. XLIX.*) Cum tu opere non impleas, quare sermone communi aliquid de majestate mea, ad populum, scilicet profers ? « Et quare assumis testamentum meum (*ibid.*), » id est, cum sis indevotus præsumis illud « per os tuum (*ibid.*) » (privata enim lectio non prohibetur) pollutum aliis prædicare ? Quasi, nec sancta verba os tuum præsumat docere. Et dicit Cassiodorus super hunc locum : Prohibet Deus ne lingua præsumat prædicare publice cui obviat conscientia prava ; non tamen interdicitur laus conversis ad pœnitentiam ; sed vide ne cantes bene et vivas male. Item Apostolus : « Castigo corpus meum et in servitutum redigo, ne forte, cum aliis prædicaverim, ipse reprobus efficiar (*I Cor. IX.*) » Non ait : Ne cum aliis legerim, private scilicet. Non igitur **16** immisceant se scelerati divinis sermonibus. Item : Ad hoc in Veteri Testamento erat labium æneum in introitu tabernaculi, ubi sacerdotes lavabant manus ingressuri tabernaculum et egressuri (*Exod. xxx*). Unde : « Mundamini qui fertis vasa Domini (*Isa. LI.*) » Item : In eodem labio erant specula, in quibus ingressuri et egressuri tabernaculum, viderent si quid maculæ in se esset ad purgandum. M. Ad hoc solummodo.

Nota quod est prædicatio quæstuosa (B. GREGOR. hom. **12** in *Evang.*), alia vana et superba gloriam quærens, alia curiosa et stulta, alia subdola et hæretica, alia contumeliosa et scandalis plena, cum is scilicet prædicat, ejus vita despiciatur, et istæ dux nequaquam tolerantur. Alia officiosa, ut cum quis de officio prædicat ; alia charitativa, ut cum quis, privatus scilicet, ex charitate et non de officio prædicat. Peccator autem occultus, et non prælatus, bene prædicare potest ; prælatus autem peccator, etiam occultus criminaliter peccabit, si prædicaverit : quod probat Hieronymus (epist. **1** ad *Heliorum*) his verbis talem alloquens sic : Non omnes episcopi sunt episcopi. Qui enim in officio male vivis, utquid locum et terram alterius occupas ? Cave ne prædicatio et debita populo oratio, ei pro peccato tuo subtrahas, et tu cum plebe æternaliter puniaris. Qui enim suis premitur, aliena non diluit. « Talis enim commune opus impedit, et ideo mortaliter peccat (*Math. xv.*) » Sed nec de officio debet prædicare impænitens et existens in proposito peccandi, quia contra officium venit, et illud exsequendo mortaliter peccat : quanto magis cujus vita est scandalis plena ? Item : Nisi fueris imitator Samsonis, non extrahas favum de ore leonis (*Judic. XIV.*). Item, Jeremiæ (cap. **1**) inquit Deus : « Priusquam te formarem in utero, novi te, et antequam

A exires de vulva sanctificavi te, et prophetam in gentibus dedi te. Et dixit Jeremias : A, a, a, Domine Deus, ecce nescio loqui, quia puer ego sum ; id est. A. b. c. darius, in vita scilicet, in scientia, in facundia. Item II ad Timotheum **11** : « Tu ergo, fili, quæ a me audisti, et per multos testes, hæc commenda fidelibus hominibus ; qui idonei erunt et alios docere. » Idonei, vita, scientia, facundia. Hoc enim tertio opus est (facundia scilicet) ut duobus primis ; alioquin quantum quis prodest exemplo, tantum nocet silentio. Item in eadem : « Sollicite autem cura te ipsum probabilem exhibere ; » primo « operarium inconfusibilem, » et post, « recte tractantem verbum veritatis (*II Tim. 11*). » Item Dominus in Evangelio : « Quis putas est fidelis servus et prudens, quem constituit Dominus super familiam suam, ut det illi in tempore tritici mensuram ? » (*Luc. XII.*) Inde sciens quæ, quibus, qualia et quando sunt apponenda. Item philosophus (SEN., epist. **24**) : Nihil adeo nos philosophos infestat, quam quod nobis objicitur, nos verba, non opera tractare, vocamurque a moventibus facietas : *Animalia glebæ* [*f. gloria*]. Item : Sanctus Gedeon pugnaturus contra Madianitas, fractis lagunculis et accensis luminibus sive lucernis, insonuit tubis, et territi sunt Madianitæ et confecti (*Judic. VII.*) Item : Præceptum est a Domino Isaïæ (cap. **XXXII**) et Jeremiæ (cap. **1**), quod non nisi prius succincti lumbos et renes prædicarent. Item : Filii Israel obsidentes Jericho (*Josue VI*), septies **17** eam circumierunt, et in septimo circuitu tubis insonuerunt, et corruerunt muri Jericho. Jericho defectus interpretatur. Prædicaturus itaque primo omnes defectus suos cum mundo, qui in defectu est, circumeat, et in septimo circuitu, id est cum plene et perfecte, in perfecta circuitione scilicet, corrumpent vitia mundalium hominum quibus prædicabit. Item : « Circuivi et immolavi in tabernaculo ejus hostiam vociferationis, » etc. (*Psal. XXVI.*)

#### CAPUT VIII.

*De curiosa prædicatione, et contra eam.*

Philosophus (SENEC. epist. **71** et **108**) : O tu lector, disputator, similiter et prædicator, qui bonam et honestam vitæ quæris, ne exspectes magnificas voces ab istis circulatoribus et venatoribus verborum, qui doseulis et coloribus adulterantibus verbum Dei, furtivisque translationibus et similitudinibus, improbisque orationibus potius delectabilibus, et pruritu aurbus generantibus, quam utilibus utuntur. Talis prædicator, nonne me magis juvare poterit, quam nauseabundus navis gubernator, qui vis stare potest attonitus et vomitans non se, nec alios regere valens ? Non minori cura debet regi vita humana in hoc mundo, quam navis in mari.

Sed, inquit, hæc sequi et attendenda esse dicit Aristoteles, Socrates, Plato, Philo, et alii. Ne cures de dictis eorum in talibus, sed potius, ut bene vivas, fac quæ loqueris. Item : Exemplo abbatis Willelmi Clavevallensis, qui sermonem noluit texere, sed po-



ius de negotiis et gerendis in monasterio tractare, inquit huiusmodi sermonem tantum pruritu aurium generare, licet multum rogatus et in pluribus capitulis, ut predicaret. Item : Qui hæc præcipit : « Nolite solliciti esse de crastino (*Math. vi*) ; similiter et hoc : « Nolite cogitare qualiter, vel quid loquamini (*Luc. xii*; *Math. x*). » Qui ergo cogitat qualiter vel quid loquatur, obviat et evacuat præceptum Domini, quia furiose studens, pluteum cædit, et sermo huius demorsos sapit ungues. Cujus si vita predicaret, et lingua sine labore et sermone præmeditato. Tali enim « dabitur in illa hora quid loquatur (*ibid.*). » In Actibus apostolorum (cap. xvii) Lucas, redarguens curiosos prædicatores et auditores, ait : « Athenienses omnes adventæ et hospites ad nihil aliud vacabant, nisi aut dicere, aut audire aliquid novi ; » non ut crederent vel facerent illud, sed ut admirarentur. Item Apostolus : « Non veni ad vos in sapientia verbi, non in doctis humanæ sapientiæ verbis (*I Cor. ii, 15*), » sed in simplicitate sermonis, « ne evacuetur crux Christi (*I Cor. i, 17*) ; » ut cum veritas pateat, non requiritur ornatus verborum, ut verbis potius fiat fides, quam veritate passionis, quæ, ut gesta est, et ita simplici sermone narranda est, ne quod credimus attribuitur humane sapientiæ potius verbis quam veritati et gratiæ, et ita « evacuetur crux Christi. » Veritas autem angulos non quærit, quia sibi sufficit. Non ita est de cælesti philosophia ut de humana, **18** que meretrix improba sibi non sufficit, nisi coloribus adulterinis et stibio Jezebel coloretur et depingatur (*IV Reg. ix*), scilicet flosculis et phaleris verborum, ut potius appareat quam existat sapientia. Item Hieronymus (tom. I, *epist. ad Gallum*) : « Amicus amicum non debet inescare, sed apponere potius quod prosit, quam quod delectet. » Item philosophus (SENEC. *epist. 115*) : Jubeo te non esse anxium circa compositionem et curam sermonis ; a tali enim non expectes solidum et integrum verbum. Cujuscunque enim videris orationem curatam, concinnam, politam, et circumtonsam et similiter cadentem ; scito quod is animus pusillis deditus est et fractus. Animus vero magnus remissius quidem loquitur, utens scilicet propriis verbis, sed sincerius et securius. Vides hos juvenes capite comptos, barba nitidos, et de capsula totos ? Hi offendentes in syllaba, sæpe cadunt a tota oratione, ut aliena moventes risum cum cornicula ablatis ei pennis nutuatis a singulis avibus. Tales verbum Domini solidum perdant, in arca habentes panem firmatum non in corde ; panem perditum faciunt et conficiunt variis modis, ut non proprium saporem, sed alienum et adulterinum sapiat.

Item, Hieronymus, ostendens qualiter debeat fidelis et prudens predicator predicare, ait in epistola ad Julianum consolatoria super morte filiarum ejus : « Haque non scribentis diligentia, sed dicentis temeritate longum ad te silentium rumpo, offerens tibi nudam officii voluntatem et temporalem ; et pro

temporalibus et in temporalibus afferens consolatoriam. » Extemporalis est epistola absque ordine consensuum, sine lenocinio et compositione verborum, ut per totum, in illa, nil de oratore invenias vel reperias, sed in procinctu effusus putes, et abire cupienti ingestum viaticum. Loquitur divina Scriptura viva voce simplicia et utilia : « Musica in luctu intempestiva narratio (*Eccli. xxii*). » Unde nos leporem artis rhetoriæ contemntes, et puerilis atque plausibilis eloquii venustatem, ad sanctarum Scripturarum gravitatem confugimus, ubi vulnere vera medicina est, ubi dolorum certa remedia ; in quibus recipit unicum filium mater in feretro, ubi turbæ dicitur circumstanti : « Non est mortua puella, sed dormit (*Luc. viii*) ; » ubi triduanus mortuus et fetens ad vocem inelamantis Domini, ligatus adhuc institis egreditur et erumpit (*Joan. xi*). M. Talis ergo debet esse prædicatio, quia talis est Scriptura, ut prædicti mortui in peccatis ad ipsam et per ipsam suscitentur, et ut ipsa virtutes operetur, et curet infirmos potius quam delectet curiosos. Item idem : Prædicator sapiens testimonio sapientis omnes suas et omnium auditorum imposturas et circumstantias debet attendere, ne in uno sermone decurrat, sed multiplex etiam, ut pro advertentibus mutet et formet sermonem, subtrahat et addat, si necesse fuerit, secundum competentiam singulorum. Utens enim unico et firmato sermone ad omnia vitia curanda similis est medico danti unam pillulam ad omnem morbum. Similis est etiam oratori scienti unicum genus causæ et quædam communia ad perorandum, quibus utitur in omni causa et in omni negotio. Item : Similis est iste patrifamilias **19** domus hospiti suo apponenti frigidus et fastidiosus et putridus cibos, quibus non nutritur, cui recentia debent apponi. Item : Huiusmodi prædicatoribus qui bene inchoant, quia a bono principio, et male mediant et terminant sermonem, sua et ornata sequentes verba a principio remota. Talibus potest objici illud poeticum :

..... Amphora cæpit  
Institui, currente rota curyuceus exit?  
(HORAT. *De arte poet.*)

Et iterum :

..... Fortasse cupressum  
Scis simulare.  
(*ib. ibid.*)

Et item :

Purpurens late qui splendeat unus et alter  
Assuitur pannus.  
(*ib. ibid.*)

Et item :

..... At illi dextra jacebat  
Bellua.  
(JUVEN. *SAL. IV.*)

Incipiunt enim isti prædicatores sic : « In principio erat Verbum (*Joan. i*). » Deinde dicunt : Verbo quot accidunt ? Et lectos et caminos prædicant et allegorizant. Item : Athenienses Apostolo loquenti seria aiunt : « Frater, si qua habes verba exhortationis, dicas nobis (*Act. xiii*). » Qui etiam contem-

rens sermonem in Epheso (Act. xviii) in recessu A suo, paucis verbis locutus est. Sic et Athenis, in quibus tamen omnia necessaria animæ Christianæ reperiuntur, tum prælatorum ad prælationem et regimen, tum subjectorum ad humilitatem consequendam. Item Hieronymus in supradicta epistola: Vivit Dominus, vivit sermo ejus, vivida sunt verba ejus, quibus restituatur tibi filius, eo attestante qui ait: « Qui credit in me, etiamsi mortuus fuerit, vivet (Joan. xi.) » An contristaris et ignoras de dormientibus, « sicut et cæteri qui spem non habent? » (I Thess. iv.) Absit! Quia, « si credis quod Jesus mortuus est et resurrexit, ita credimus, » etc. (Ibid.) Ad hanc et per hanc vocem, mortem, quam pro morte et dolore filii contraxeras a corde tuo expellam, nunc reviviscas et consolationem recipias. Item: « Vivus est sermo Dei et efficax, et penetrabilior omni gladio ancipiti, pertingens et penetrans usque ad divisionem animæ et spiritus, compagum quoque ac medullarum, nec non et cordis cogitationum discretor (Hebr. iv.) »

### CAPUT IX.

#### De humilitate prædicationis.

Philosophus (SENEC. ep. 114): Talis debet esse oratio sapientis, qualis et vita ejus, non polita, non fucata, non plausibilis movens homines ad risum, et ad hujusmodi, sed tantum sensus sine ornatus verborum explicans simplici sermone. 20 Item (Ibid., ep. 75): Cur cor tuum in verbo curato et non vero capit oblectamentum? Cur auris prurium? Urendus es, secandus es. Urendus es in corde, secandus in aure, ut talia a te seres et auferas, ne talia volutet cor tuum et auscultet auris tua. Periculosa enim sunt, etsi delectabilia. Item idem: Ars de cælestibus pure traditur, aliæ vero artes ad ingenii exercitium sunt; hæc autem in negotium animarum. Non querit ægrotus eloquentem medicum et formosum, compositum; sed prudentem, curare scientem, benevolum et compositum in sermone humiliter, et habitu mediocri, et statura brevi, ne in magna præsumat. Sic et navis non formosum gubernatorem, sed regere scientem querit. Item, Hieronymus ad humilitatem sacræ Scripturæ invitans, ait: Hic est ille rusticanus vomer, quo occidit Simgar sexcentos Philisthæos (Judic. iii); et tu tot vitia et demones, si rusticano et humili sermone prædices, occides. Hoc enim gladio interficiuntur potius quam gladio Ciceronis. Hæc est mandibula asini super quam sedit Dominus, qua Samson interfecit mille Philisthæos (Judic. xv). Hoc est receptorium lactis, a quo David limpidissimos quoque lapides elicuit, quibus percussit et prostravit Goliath (I Reg. xvii). Claros dico lapides et naturales, non fucatos, non subornatos. Subornatus enim sermo suspectus est, sicut et judex subornatus, vel testis vel advocatus. Et nos ergo declinantes ampullosa verba, et potius officiosa quam utilia, ut pauperes et exsules, humilia sectamur, poeta nos ad hoc invitante, qui ait:

*Telephus et Peleus cum pauper et exsul uterque,  
Projicit ampulias et sesquipedalia verba.*

(HORAT. De arte poet.)

Item: Non assimilemur ei, qui se tragico defendit hiatu.

Item:

*Quid feret hic dignum tanto promissor hiatu?*

*Ut ridentibus arident, ita fleantibus adsunt*

*Humani vultus, Si vis me flere, dolendum est*

*Primum ipsi tibi, tunc tua me infortunia lædent,*

(Id. ibid.)

et movebunt. Item: Ne desperes, quia:

*Sunt verba et voces quibus hunc lenire dolorem*

*Possis, et in parte tantum deponere morbum.*

Sic inquit philosophus amico desolato. Etiam tu prædicator dicas:

*Sunt verba et voces quibus hunc lenire dolorem*

*Possis, et ex toto tantum deponere mortuum.*

(Id. epist. 1, lib. 1.)

Item: Hæc sunt verba infantilia designata per salivas defluentes per barbæm David (I Reg. xxi), et ideo virilia, quia: « Quod stultum est Dei, sapientius est omnibus hominibus (I Cor. i.) » Item Gregorius: De fabrica sermo veritatis non exit, sed de natura. Et Hieronymus: Qui ad inscrutabilia et secreta Dei non penetrat, et quod patet, et quod non patet, in eloquio divini sermonis humili et recte viventium patet.

21 Ilucisque exercitiæ lectionis, disputationis, et prædicationis semina et fundamenta fecimus, quibus cuncta quæ viderit ad eandem materiam pertinentia diligens lector poterit adjicere. Hoc unum tamen moneo, ut utilia tantum et sufficientia apponat. Alioquin, sicut Salomon testatur: « Faciendorum librorum non erit numerus (Eccle. xii.) » Et Joannes in Apocalypsi (cap. xxii): « Ad hoc, inquit, nihil adjicies. » Et in Legenda beati Martini legitur, quod cui ad informationem vitæ pauca sanctorum exempla non sufficiunt, multa non proderunt.

### CAPUT X.

#### De suggillatione superbiæ.

Omnia prædicta ad duo faciunt, scilicet, ut sciamus « declinare a malo, et facere bonum (Psal. xxxvi.) » Et, quia non potest vitari malum nisi cognitum prius, a suggillatione superbiæ (quæ attestante beato Augustino (Expos. 2 in Psal. xviii), est causa et principium omnium malorum et peccatorum) inchoandum est. Hæc quicumque caret, mundus est, quia hoc peccatum est ultimum recedentibus ad Deum, quod recedentibus primum fuit. De qua Hieronymus ait: Superbia ratione cælestis, cælestes appetit mentes, et ad proprios revolans ortus, apponit gloriam et puritatem hominum irruere, quæ de gloria et puritate angelorum erupit; ut quos invenit participes naturæ, faciat consortes iunior. Constructo enim spirituali ædificio justis, et rite omnibus perfectis, innascitur ei et subrepat saepe superbia, pro excellentia operum et virtutum quas habet. Unde efficitur talis, ut jam cum Pharisæo loquatur attollente oculos in caelum, et dicente: « Non sum sicut cæteri hominum, jejuno bis in Sabbato;

(*Luc. xviii*), etc., » cum Publicanus et humilis A . . . . . *Frangit Deus omne superbum.*

contra statuerit declinare oculos in terram percipiens peccatum suum, et dicens : « Deus, propitius esto mihi peccatori (*ibid.*). » Item Hieronymus (*Epist. ad Antonium de modestia*, tom. I) : Hæc est quæ angulum de sublimi ordine et gloria angelorum dejecit in aerem caliginosum deputatum ei in carcerem usque in diem iudicii. Hæc est quæ primum hominem de paradiso cœlesti dejecit in mundum, et in lacum miseriæ, et in lutum fœcis (*Psal. xxxix*). » Hæc est quæ populo Judaico elato, quia « non fecit taliter omni nationi (*Psal. cxlvii*), » populum gentium prius non reputatum stillam situle (*Isa. xl*), » pratulit, sicque « caput versum est in caudam, et cauda in caput (*Deut. xxviii*). » Item David : « Prævaricantes reputavi omnes peccatores terræ (*Psal. cxviii*). » Sunt enim peccatores cœli, et peccatores terræ. Peccatores vero cœli, sunt sicut illi qui dixit : « Ponam in cœlo solium meum, et ero similis Altissimo (*Isa. xiv*) ; » et sicut ille qui dixit : « Peccavi in cœlum et coram te (*Luc. xv*) ; » et hi, de quibus dicitur : « Posuerunt in cœlum os suum (*Psal. lxxii*) ; » et quicumque cœli incolæ relinquunt cœlum : quales sunt, qui gratiam, quam infundente Spiritu sancto acceperant, minuunt.

Peccatores autem terræ dicuntur, qui terrenis involvuntur delictis, ut libido, **22** gastrimargia, et hujusmodi. Item David : « Dominus justus concidet cervices peccatorum (*Psal. cxxviii*), » id est cervicosos et superbos peccatores conteret. Non ait : Pe em vagum ad mala, non manum noxiam, non oculos lascivum, vel quæcunque membra, quibus itur ad malum, sed cervicem ; quia nihil adeo Deo displicet sicut cervix erecta post peccatum. Item idem : « Si mei non fuerint dominati, tunc immaculatus ero, et emundabor a delicto maximo (*Psal. xviii*) ; » id est superbia. Nihil enim gravius est quam « apostatare a Deo (*Eccle. x*), » quod facit superbia. Item idem : « Non veniat mihi pes superbiæ, et manus peccatoris non moveat me (*Psal. xxxv*). » *Pes superbiæ*, id est superba affectio ; et ita *manus peccatoris*, ejusque scilicet suggerentis mihi ut peccem, *non me movere poterit*. Rectus ordo. Radix enim peccati superbia, per quam ad alia peccata proceditur. Hoc est quod dicitur in alio psalmo : « Ab oculis meis munda me, et ab alienis parce servo tuo ; si mei non fuerint dominati, tunc immaculatus ero (*Psal. xviii*). » Item Hieronymus : Superbia sputo comparatur. Non enim sufficit superbis quod Deum offendunt, nisi et in faciem ejus conspuant. Eriguntur enim et impingunt se in ipsum, quia cum aliis vitiis recedunt a Deo. Unde : « Maledicti qui fornicantur abs te (*Psal. lxxii*) ; » isti incurrunt et ingrassantur in eum. Item : Superbia incœpit ab injuria Dei, ideoque Deus hoc vitium super omnia vitia detestans, ait : Mihi reservetur hic hostis meus, cum eo mihi est congressio. Unde dicitur : « Superbis Deus resistit (*I Pet. v*), » etc.

(*PRUDENT. Psychom. 4.*)

Non dicitur libidinosus, gastrimargis resistere, quæ tamen vitia abominatur, sed non adeo, ut superbiam. Item idem : Superbia cornuta depingitur. Duo enim habet cornua : unum contra dilectionem Dei, alterum contra dilectionem proximi. Contra cornua, humilitatis, scilicet dilectionis Dei et dilectionis proximi. Unde præcipue hoc vitium Deum impugnat. De his cornibus ait David : « Exaltabuntur cornua justi, et omnia cornua peccatorum confringam (*Psal. lxxiv*). » Item Hieronymus (*Epist. ad Abigam*, t. I) : Nihil est quod ab ineunte ætate horruerim, sicut monstrum superbiæ, sicut cervicem erectam, sicut oculos sublimes, sicut supercilium grave, sicut contumeliosam humilitatem. Item David : « Domine Deus meus, si feci istud (*Psal. vii*) ; » quasi peccatum superbiæ ignominiosum, quod nominare etiam horrendum est, cum Domino maxime adversetur. Item Ecclesiasticus (cap. x) : « Odibilis est coram Deo et hominibus superbia, et execrabilis omnis iniquitas gentium. » Item : « Arrogans et superbus odibilis est in civitate. » Super omnia vitia detestatur superbiam sacra Scriptura. Unde et Psalmista fere in omni psalmo conqueritur de illa, ut ibi : « Multiplicata est super me iniquitas superborum (*Psal. cxviii*). » Et ibi : « Superbi inique agebant usquequaque, » vel, « usque valde (*ibid.*), » quia alios peccantes peccando excedunt. Vel, « usquequaque, » usque ad peccati consummationem. Omnis enim peccati consummatio est superbia. Unde non restat gravius et ulterius peccare quam per superbiam. Item : « Coagulatum est sicut lac cor eorum (*ibid.*), » id est superborum. Sicut enim lac coagulo et fermento constringitur **23** et indurescit, sic et fermento superbiæ lac superborum constringitur, ne dilectio eorum extendatur usque ad proximum et inimicum, ad quem deberet extendi, ergo nec ad Deum. Item Gregorius (lib. viii, *Moral. c. 50* et lib. xxxiv, cap. 18) : Sicut humilitas omnia vitia enervat, omnes quoque virtutes colligit et roborat, sic et superbia omnes virtutes destruit et dissipat, omniaque vitia coæcervat et consolidat. Item : In porta religionis Christianæ sub attestatione profitemur catechizandus quod *abrenuntiat diabolo*, ut principi et auctori omnium malorum, et *omnibus operibus ejus*, et præcipue *pompis ejus*, quæ difficiliter caventur, et non nisi cum maxima cautela. Opera enim ejus, quæ consistunt in illicitis, manifestius patent, et ideo facilius caventur. Pompæ vero in licitis, et in usu licitorum, quæ accedente superbia fiunt illicita ; ut in superfluitate et apparatu vestium pretioso, in sellis deauratis, et in calcaribus, et frenis, ubi magis relucet et nitet aurum, quam in altaribus. Sed nonne in usu temporalium distincta est meta, certusque modus et limites, quos non licet excedere sine peccato? Nonne natura hæc distinxit? Nonne et sancti, ut Apostolus : « Habentes vestimenta et

alimenta his contenti sunt? (i Tim. vi.) Nunquid aliquis sic se pascendo et vestiendo, sicut hodie fit, in primitiva Ecclesia peccaret mortaliter? Nunquid non corripere super hujusmodi? et si tunc fuerit peccatum mortale, quomodo desiit esse peccatum?

Sed objicies: Quia vivendum est cuilibet pro modulo suæ personæ, et secundum mores bonos, et consuetudines illorum, inter quos vivitur, ita ut his occasione movendæ concupiscentiæ non studeant, nec in se, nec aliis; sed quousque protendatur hæc consuetudo? Nunquid non poterit usque ad superfluitatem porrigi? Sed quis sciolus est consuetudinis illius honestæ licitæ, et limitatæ, de qua dicitur et intelligenda est auctoritas, cum singulis cæbus consuetudinibus pristinis aliquid adjiciatur, tum scilicet consuetudini vestiendi se, tum aliis? Item: Quantum sit monstrum superbiæ ostendit ortus ejus. Oritur enim quandoque a dono fortunæ, et hoc multiplex: ut a divitiis, quia « Abundantia panis, et superbia vitæ causa fuit peccati Sodomorum. » Item: « Adipem suum concluserunt, os eorum locutum est superbiam (Ezech. xvi). » Item: Vide quid faciat otium et cibus alienus: « In labore hominum non sunt, » etc. (Psal. xvi.) « Prodiit quasi ex adipi iniquitas eorum (Psal. lxxii). »

Ab habitu etiam exteriori et interiori procedit quandoque superbia, ut est vestitus, victus, eorum, familiæ, et hujusmodi. Unde Sebastianus: Nunquam hic Christianus fuit, quia saporum lautitiam dilexit. Ita et philosophus (SENeca, ep. 87) vectus in vehiculo confracto; ita debilibus asinis et macris trahentibus illud, solo motu vitam testantibus, mulioneq; discalceato et fere nudo, illis, quos obviam habuit, quærentibus, si ejus esset vehiculum, respondit: Non, sed alienum sibi commodatum. Rediens autem ad humilitatem et cor suum, ait: Quid feci modicitatem meam negans, quasi superbe et male excusans? **24** Qui enim sordido erubescit, nunquam pretioso gloriabitur. Quandoque a dono naturæ oritur superbia, ut scientiæ, ingenii, memoriæ, industriæ, vocis delectabilis, rationis et hujusmodi. Unde Benedictus (B. GREGOR. In II Dialog. lib.) Romæ timens monstrum superbiæ cum ingenio et scientia superare se videret cœtaneos suos adolescentes, recessit a studio prudenter nescius, et sapienter indoctus. » Apostolus etiam ait: « Scientia inflat, charitas ædificat (I Cor. viii). » Et Augustinus Hieronymo scribens: Malo ut cesset scientia ista, quæ inflat, quam pereat quæ ædificat, scilicet charitas. A generis etiam nobilitate oritur superbia. Sed tolle Ann balem tuum, precor; miserum enim est aformam incumbere famæ. Quis finiens generis, si coram lepidis male vivitur?

*Nobilitas animi sola est atque unica virtus.  
Dic mela, Tenerorum proles, animalia muta,  
Quis generosa pueri vasa portu? Sed tu  
Nil nisi Cecropides trivocque simillimus Herma.*

A pulchritudine etiam oritur superbia. Unde:

*Fastus mest pulchris, sequiturque superbia formam.  
(JUVEN., sat. 8)*

Quandoque a dono gratiæ oritur. Unde Hieronymus (S. Hieron. t. II, epist. 93: Sub cinere et officio, sub jejunio in tunica et manica folliculata, sæpe latet magna superbia; quia:

*Cum bene pugnaris, cum cuncta subacta putaris,  
Quæ plus infestat, vincenda superbia restat.*

(Ovid. lib. II Fastorum.)

Item: « Multiplicata est super me iniquitas superborum (Psal. cxviii). » Quibus non profuit quod humana natura, post delectum primi hominis, humiliata est et quod passa, et quod multipliciter afflicta (Christus scilicet in ea), ergo superbis nec mors Christi, nec crux, nec laurea, nec clavi, nec hujusmodi prosunt, cum humilitati obvient, imo destruere nitantur, velintque eam non esse, et ita Christum nec Deum, nec hominem esse. Item: Quia a bonis et donis fortunæ, ut a divitiis, oritur superbia, præcipit Apostolus, in I ad Tim. cap. vi: « Divitiis hujus sæculi non sublime sapere, nec sperare in incerto divitiarum, » quæ modo adveniunt, modo recedunt. Item, a potentibus et dignitatibus, vel habitis, vel concupitis, ut in illis quis superbiat, erit superbia. Unde beata Virgo: « Deposuit potentes de sede, » id est superbos; « et exaltavit humiles (Luc. i). » — « Potentes potenter tormenta patientur (Sap. vi). » — « Retribuet enim Dominus abundanter facientibus superbiam (Psal. xxx). »

Item: Non expavit Apostolus divitias (pro se, sed pro aliis, qui ait: « Scio abundare, et penuriam pati [Phil. ii], » sed morbum earum, id est superbiam vel cupiditatem, quæ duo vitia semper adjuncta sunt, sicut testatur Beda super Ecclesiasticum. Item, sic erat Sapientia: « Divitias et paupertates, Domine, ne dederis mihi, » paupertatem, « ne » aliena « furer » ex inopia; divitias, « ne dicam, Quis Dominus est? » (Prov. xxx.) Item Hieronymus: « Suavis Dominus universis (Psal. cxlvi), » tamen monstrum et stercus superbiæ sordibus et aliis malis, sed venialibus, curat et expellit. Hæc « Stercora sunt boum lapidantia (Eccli. xxii), » cæteris vitiiis non ita vitia apponuntur emplastra. Unde Deuter. **25** cap. vii: « Devorabis septem populos et consumes, » qui sunt in terra ad quam ibis, sed « paulatim et per partes, quia non poteris eos delere simul, ne forte multiplicentur contra te bestiæ terræ. Vide ne de bestiis orientur ursi et leones, et devorent te. Sunt enim vitia quædam nobis tributaria, quibus majora caventur; de quibus dici potest:

..... Aliquisque malo fuit usus in illo.

Sic et Paulus curatus est a superbia malo scilicet tributario. Unde: « Ne magnitudo revelationum extollat me, datus est mihi stimulus carnis hæc angelus Satanae, » etc. (II Cor. xii.) Si subtilius etiam consideres, animadvertes vitium superbiæ sordidissimum sordidissimo, et mortale mortali emplastro sæpe curari. Unde: « Multiplicate sunt infirmitates eorum, postea acceleraverunt, » etc.

(*Psal.* xv.) Item : « Satanas Satanam expellit, A etc. » (*Matth.* xii.) Item : « Venies in Babylonem, et ibi curaberis (*Mich.* iv.) » Item : « Priusquam humiliarer ego deliqui (*Psal.* cxviii.) »

Sape etiam hoc monstrum quadam bona simulatione et contemptu curatur. Unde Gregorius de quodam eremita rogato a quodam cive, cui opuscula sua vendebat, ut domum ejus intraret filioque ejus ægrotanti manus imponeret. Qui cum accederet ad civitatem, videns cives et pompam venire sibi obvius; horripitiones et quædam præambula, et præludia superbiae in se sensit pro honore sibi exhibito; qui et ne superbia oriretur, expoliavit se, et projecit in flumen : quem cives, quasi furiosum contempserunt. Ille vero relictis semicinctiis suis, nudus, in cellulam suam rediit. B Sic se magister Lanfrancus (l. 1, in *Entrop.*) curavit a superbia, breviando scilicet producendas, et producendo corripendas syllabas. Qui tamen ita subtiliter et acute postea in Turonensi concilio contra Berengarianam hæresim disputavit. De talibus dici potest :

*Est ubi contemptus nimius juvat.  
Stultitiam simulare loco prudentia summa est.*

(CATO in *Distichis.*)

Item, Hieronymus : « Superbia est mons positus inter nos et solem, qui non permittit nos videre solem justitiæ. » Item : « Hæc est sartago posita inter nos et Jerusalem, ne ipsam videamus (*Ezech.* iv.) » Hæc est nubes interposita de qua dicitur : « Opposisti nubem ne transeat oratio (*Thren.* iii.) » Item : « Domine, non est exaltatum cor meum (*Psal.* cxxx.) » Est enim superbia cordis, oris, totius corporis et operis. Superbia sibi omnia membra corporis vindicat, sibi que servire cogit, et tunc primo sibi ipsi consonat et concordat. De superbia cordis quæ intoxicat et pullulare facit, ut radix, alias species superbiæ, ait David : « Domine, non est exaltatum cor meum. » Os autem hominis duplex est, scilicet os faciei, et vultus.

*Os homini sublime dedit.*

(OVID. in *Metamorphoseos.*)

Et frons domicilium est, et signum verecunde humilitatis, vel impudentis elationis. De hoc ore ait poeta :

*Quas gerit ore minas, quanto premit omnia fastu?*

(STATIUS *Thæbaidos* l.)

In hoc ore multiplex superbia : ut superbia elatæ naribus. Unde Isaias : « Attende **26** tibi ab homine, qui spiritum habet in naribus (*Isa.* ii.) » Superbia etiam oculorum. Unde : « Oculos sublimes (*Prov.* vi.) » et Propheta : « Neque elati sunt oculi mei (*Psal.* cxxx.) » Et Job vel Sapientia : « Extollentiam oculorum meorum ne dederis mihi (*Eccli.* xxiii.) » Et cervix etiam erecta. Unde : « Dominus concidet cervices peccatorum (*Psal.* cxxviii.) » Unde etiam Cassiodorus senator loquens de adolescente Juliano Apostata : « Non est sperandum de eo cui in juventute sunt hæc : Cervix inflexibilis, oculi vagi et

discurrentes, nares minaces et injurias spirantes, humeri jaectantes, schemata ridentia. » Est etiam os lingue superba. Unde : « Disperdat Dominus universa labia dolosa, et linguam magniloquam (*Psal.* xi.) » Item : « Posterunt in cælum os suum et lingua eorum transivit in terra (*Psal.* lxxii.) » Lingua etiam superba quandoque vindicat sibi omnia membra, quasi ea cogat loqui et sibi servire. Unde :

*Cum pes, cumque manus, cum cætera membra loquantur,*

*Inferius guttur qua ratione tacet?*

Est etiam superbia totius corporis (solis pudendis exceptis in quibus verecundamur, inde etiam ampliori honore ea tegimus). Quidam enim staturam pedibus adjuvant, et suram super suram ponunt, ventrose incedunt, mole corporis et gastrimargia, eos non cogente ad hoc. Quidam vero pectorose quasi arcuati :

*Et multum referunt de Mecænte supino,*

(JUVENALIS, sat. i.)

Quidam manibus in omnem partem se extendunt, Unde :

*Ventilat æstivum digitis sudantibus aurum.*

(Id. *ibid.*)

Quidam erecto et extento collo, et quasi affixo palo incedunt. Unde Isaias : « Elevatæ sunt filia: Israel, et ambulaverunt collo extento (*Isa.* iii.) » De superbia operis, ait David : « Non habitabit in medio domus meæ, qui facit superbiam (*Psal.* c.) » Item : « Retribuet Dominus abundanter facientibus superbiam (*Psal.* xxx.) » Item : « Non ambulavi in magnis neque in mirabilibus super me, » etc. (*Psal.* cxxx.) Singula vitia, singula membra possident, in quibus domicilia habent; sed hoc vitium in omni fere membro dominatur. Propter has plures species superbiæ, ait Propheta pluraliter : « Leva manus tuas a superbiis eorum, qui maligna loquuntur super me (*Psal.* lxxiii.) » Hoc etiam vitium adeo pestiferum est et dominans quod dominium et regnum alterius vitii sibi vindicat. Unde philosophus (*Senec.* ep. 60) : Video, inquit, unicam silvam pluribus elephantis sufficere, tauros torosos, et unico agro contentos esse. Quid est igitur quod homo, minor his, pascitur terra, cælo et mari? num propter feminis quantitatem, qua cætera animalia vincat, vel ob ingluviem exsaturandam? Minime. Non enim usus ventris est in pretio, sed ambitio. Item in IV Reg. « Veruntamen excelsa non abstulit. » Item : « Superbis Deus resistit (*I Petr.* v.) » « Frangit Deus omne superbum (*Prov.* in *Psychom.* xv.) » De talibus enim cito ulciscitur, alios expectat magis ad penitentiam. Item, hoc vitium redarguens Apostolus ait : « Non in compositis (*Rom.* i.) » nec in incessu, nec in habitu exteriori scilicet, vel interiori : qua incompositio corporis signum est interioris incompositionis. Item, *Ecclesiast.* xxv. Item Job. xv. « Tendit enim narivam suam contra **27** Deum, » etc. Item, et sicut gerunt s. stercora

contra me superbi. Item : « Hi sunt gigantes ædificantes turrim Babel contra Dominum, ut ascendant in cœlum (Gen. 1). » Item : « Isti cum diabolo dicunt : Ascendam in cœlum, etc. » (Isa. xiv.) Item, Job xviii : « Devoret pulchritudinem et brachia ejus primogenita mors, » id est superbia, quæ inter vitia prius in cœlestibus nata, primam creaturam Dei, id est angelum occidit. Item, Cassiodorus (in Psal. xviii) : Non est tertia origo peccati præter occultum, quo cecidit diabolus, et alienum, quo homo seductus est, et consuetudo fecit suum. Unde dictum est in Psalmo : « Etenudabor a delicto maximo (Psal. xviii), » id est a delicto superbiæ, quod vere est maximum. Non enim est majus peccatum quam « apostatare a Deo, » quod est vitium superbiæ hominis et angeli. « Superbia vero est initium » et causa « omnis peccati (Eccli. x), » id est omnis generis peccati, qua, qui caret, ille vero est immunis ab omni peccato. Unde dicitur in eodem psalmo : « Et erunt ut complacent eloquia oris mei, » etc. (Psal. xviii.) Eloquia enim oris mei erunt talia, « ut complacent in conspectu tuo semper (ibid.), » non hominum. Si autem non mundus a superbia fuero, eloquia mea non complacent in conspectu tuo. Si vero mundus fuero, non solum eloquia, sed, et « meditatio cordis mei (ibid.) » erit talis, non ut placeat hominibus, sed tibi, qui intus vides, et conscientiam hominum inspicias.

#### CAPUT XI.

##### Contra invidiam.

Invidiæ mater est superbia : et utinam bene suffocata matre et contrita, suffocaretur et contereretur filia ! Per superbiam cecidit primus angelus, de angelo factus Satan, quam retinuit in effectum, et forte in affectum, invidiam autem etiam in effectum, et in affectum. Hujus invidia mors intravit in mundum (Sap. 11). Quia enim diabolus invidit in homine quod perdidit, nisus est ut suggestione sua a bono illo caderet et homo, inquam in serpente : « Quacunq; die comederitis, eritis sicut dii (Gen. 3). » Quam magnum autem sit hoc vitium, patet per radicem ejus, scilicet superbiam, et per effectum ; parit enim fraternum odium ; quod scilicet odium quantum sit, et quam grave, patet ex auctoritatibus sanctorum, qui dicunt propter illud omnia peccata sunt reddita, etiam dimissa redire et repeti usque ad novissimum quadrantem ; quod maxime est irremediabile, quando habet invidiam radicem. Nascitur enim quandoque ex contumelia, vel injuria. Ex contumelia dupliciter ; ex contumelia verbi scilicet occulti, ut detractorii ; vel verbi manifesti et contumeliosi. Ex injuria dupliciter ; ex injuria damni, vel ex injuria illata corpori ; et tunc hoc vitium, scilicet fraternum odium, remediabile est, quia causam habet **28** impulsivam. Item : Si pro qualitate meritorum boni inserentur ordinibus angelorum ; ergo pro qualitate meritorum mali inserentur ordinibus dæmonum : ut sicut illi dæmones in æternum invident, sic et ipsi mali in æternum

invidi permaneant. Sic ergo, cum invidia regnatura sit post mortem, non est verum quod dicitur a poeta :

*Pascitur in vivis livor, post fata quiescit.*

(OVID. Elegia 15, l. 1.)

Ignoro tamen si homines post mortem invident. Item : Tanta est invidiæ malitia, quod etiam ipsa Spiritum sanctum persequitur. Quid enim in homo proximi alium persequor quam donum Spiritus sancti ? Itaque ipsum datorem in dono persequor, et extinguere conor. Item : Diminuere vel incrustare bonum proximi quid aliud est quam illud Beelzebub principi dæmonium ascribere ? Et ita Dominum datorem boni esse nolimus, cum illud in proximo pervertimus, quasi diabolus illud ascribentes. Item : Sicut invidia aggressa est primum Adam (Gen. 3), per quam « intravit mors in mundum (Rom. 5), » ita et aggressa est secundum Adam. Per invidiam enim crucifixus est Christus a Scribis et Phariseis. Hæc est « fera bestia quæ devoravit Joseph (Gen. xxxviii), » (eo quod a patre cunctis fratribus plus amaretur), et illum actualem, et Joseph spiritualem, Christum scilicet. Hic est cetus, qui absorbit Jonam (Jon. 1). In duobus autem consistit invidia, scilicet in gaudio et dolore. Unde poeta :

*Insultare malis, rebusque ægrescere lætis.*

(STATIUS II Thæbaidos.)

Ibi autem a poeta non notatur nisi una causa, ubi alter poeta ait :

*Invidus alterius rebus macrescit opimis.*

(HORAT., l. 1, ep. 2.)

Et alia ubi ait :

*Semper abest risus nisi quem fecere dolores.*

(OVID. II, Metamor.)

Utraque in hoc : O dulces visure polos, sed iterum intrature tenebras. Item Job (cap. v) : « Stultum interficit superbia, parvulum invidia. » Item Salomon in Parabolis (Prov. xiv) : Munditia vel « Vita cordis est sanitas carniū ; putredo ossium invidia. » Item Isaias (cap. xxxiii) : « Concipietis ignem ardoris, et parietis stipulam et spiritus vester consumet, et devorabit vos. » Unde poeta :

*Iustus invidia nihil est,*

**D** quæ proximum suum protinus consumit auctorem. Item : Sicut signa sua habet superbia, ut non lateat (ut oculos sublimes) alia etiam in aliis membris, ita et invidia signa sua habet. Hæc est enim :

*Perpetua anxietas, nec mensæ tempore cessat,  
Faucibus ut morbo siccis, et pallentibus, intorque  
molares*

*Difficili crescente cibo.....*

*Deprendas animi tormenta latentis in ægro  
Corpore : deprensus et gaudia, sumit utrumque  
Inde habitum facies.*

(JUVENAL., SATVR. 14 et 15.)

Hæc etiam :

**29** *Inter finitimos ætus atque antiqua simulat.  
Immortale odium, et nunquam sanabile vulnus.*

(Id. ibid.)

Item : Hæc, nata a superbia, mater est proditi-  
onis, homicidii et fratricidii. Hæc enim exagitatus  
Cain, fra tri ait in deo : « Eamus in campum. »  
Ubi « cum respiceret Deus ad Abel et ad munera  
ejus, ad Cain autem non respexit, nec ad munera  
ejus, » Cain magis invidens fratri, eum occidit, signu-  
que invidiæ suæ et sceleris accepit a Domino,  
timorem scilicet mentis, et tremorem capitis. Qui  
timens ne ob scelus suum interficeretur a Domino,  
dixit ei Dominus : « Non morieris modo, sed tremulus  
et vagus eris super terram (Gen. iv.) » in pœnam  
peccati. Item : Hæc exagitatus Joab Amasam sica  
interfecit (II Reg. xx), nec non et Abner, invidens  
et timens (eo quod familiares essent David) quod  
principatus militiæ ei auferretur a David, ut eorum  
alteruter ei succederet (II Reg. iii). Item : Hic est  
spiritus malus, quo permissus Saul exagitari a Do-  
mino invidens David, eo quod prospere ei succede-  
ret; eo quod etiam audisset mulierculas in laudem  
David decantare : « Saul percussit mille, et David  
decem millia, » coram prospallente et citharizante  
David al lyram, in pristinum statum mentis perductus  
est. Sed iterum spiritus malus, permissus a Domino  
eum exagitare cepit contra David (I Reg. xviii et  
xix), quia, etsi ad tempus cesset venenum invidiæ,  
vix existit qui potest, quin iterum pullulet.

Item : Invidia filia, et mater superbia in unum conspi-  
rante ad ruinam totius mundi. Sicut enim illa a  
bonis, prosperis et melioribus oritur, ita et hæc a  
bonis naturalibus, et a bonis proximi, et alterius et  
melioribus. Unde :

*Aurum, et opes, et rura frequens donabit amicus,  
Qui velit ingenio cedere, rarus erit.*

(MART. VIII, epigram. 15.)

Item : Hæc est mater detractionis. Vel enim abrogat  
in toto bona hominis, vel derogat in parte eis incru-  
stando si ex toto delere non potest; et si non alicui  
nocuisset, extincta fuisset. Item in Parabolis Salo-  
mon detestans invidiam, ait : « Ne comedas cum  
homine invidio, et ne desideres cibos ejus, » id est  
morsus, detractiones, corrisiones ejus : « Quoniam  
in similitudinem arioli et conjectoris æstimat quod  
ignorat. Comede et bibe, dicit tibi, et mens ejus non  
est tecum. Cibos, quos comederas, evomes, » per pœ-  
nitentiam, « et perdes pulchros sermones tuos (Prov.  
xxiii), » quibus, ut corrigeretur, eum corripuisti et  
monuisti. Item : Eo amplius detestabilis est invidia,  
quod oritur a bonis naturæ, sicut et fortunæ, contra-  
dicit enim invidia scientiæ, si quis eam naturali  
ingenio et exercitio sibi comparaverit; quia :

*Qui velit ingenio cedere, rarus erit, etc.*

Unde Hieronymus in Prologo Isaïæ (In l. xi, *Comment.  
in Isaïam ad Eustochium*) : Non ignoro nos quoque  
patere morsibus plurimorum, qui stimulante invidia,  
quod consequi non valeat, despiciunt, et contem-  
nunt, et incustant; sed legant prius et postea  
despiciant, ne vileantur, non ex judicio, sed ex  
odii præsumptione, ignorata damnare. **30** Item :  
Si oritur invidia a bonis gratiæ, contemptus est (quia

contemuntur boni ab invidis dicentibus, quia boni  
sunt, sed imperiti et illiterati.) Vel est sancta imi-  
tatio : discere sanctam superbiam, similiter sanctam  
invidiam. Unde :

..... *Et tantis æmulus actis.*

Et Josue æmulus Moysi fuit. Coram quo, cum dice-  
retur quod quidam (nescio qui sint) prophetant hic,  
ait Moyses : « Utinam omnes prophetarent sicut et  
nos (Num. xi)! » Item Apostolus : « Quod si invicem  
mordetis et comeditis, videte ne ab invicem consu-  
manini (Gal. v.) » Item : Per invidiam veritas He-  
braica secundum interpretationem Hieronymi, nobis  
sublata est, quæ interpretationem ejus invidit.

## CAPUT XII.

### *Contra detractionem.*

Sicut invidia filia est superbiæ, ita et invidiæ  
filia et « dens pessimus (Prov. xxv) » est detractio;  
quam post superbiam et invidiam redarguens Apo-  
stolus in Epistola ad Romanos cap. 1, ait : « Pro-  
pterea tradidit eos Deus in passiones ignominiæ  
repletos omni iniquitate, contentione, superbos,  
elatos, susurriones, detractores, Deo odibiles. » Quod  
diligenter notandum est. Cum enim omnes malos  
Deus odio habeat, de istis tamen dicitur, « Deo odi-  
biles, » quasi in hoc, eis eorum epitheton attribuens.  
Item Epistola ad Gal. v : « Quod si invicem mordetis  
et comeditis, videte ne ab invicem consumamini ; »  
scissa scilicet unitate fidei, quod fit per invidiam  
et detractionem. Item in Psal. c : « Non adhesit mihi  
cor pravum, » id est detrahens, « superbo oculo et  
insatiabili corde. » Item Parabolarum cap. iv : « Re-  
move a te os pravum, et detrahentia labia sint  
procul a te. » Item cap. xxiv : « Cogitatio stulti  
peccatum est, et abominatio hominum, detractor. »  
Item Levitici xix : « Non maledices surdo, » id est  
absenti non detrahes. Stultus enim est, sed magis  
excusabilis, qui præsentem contumeliam infert; pro-  
ditor autem et dolosus magisque accusabilis, qui  
absentem lædit et rodit. Item Ecclesiastes x : « Si  
mordeat serpens in silentio, nihil eo minus habet  
qui occulte detrahit. » Ergo detractor serpens est  
serpentinum habens morsum, et linguam venenosam.  
Item Salomon : « Qui detrahit proximo, » Deo et  
homini « se obligat (Prov. xiii). » Vel in posterum  
se Deo obligat, ut per contritionem cordis ei satis-  
faciat, et ita remittatur ei peccatum; sed et homini,  
ut corporaliter ei satisfaciat, si damnum corporale  
ei intulit; quia « non dimittitur peccatum nisi resti-  
tuatur ablatum. » Sed, si spirituale vulnus ei inflixerit,  
puta odium per detractionem, vel ut amorem  
illicitum appetat per ejus suggestionem, et hujus-  
modi : nunquid corporaliter ei satisfaciet, ut scilicet  
corporaliter eum visitare teneatur ubicunque  
fuerit, et spirituale vulnus quod ei intulit, auferre,  
dicendo humiliter : Remitte mihi, quia per detra-  
ctionem vel alio modo, sic læsi te, vel ne amore  
hujus inardescas, quia, cum tibi persuadens, **31** de-  
cepit te? Videtur quidem ex Evangelio sic esse scius

faciendum taliter læsis. Ait enim Dominus : « Si offers munus tuum ad altare, et habet aliquid frater tuus adversum te ; dimitte ibi munus tuum, et vade prius reconciliari fratri tuo, et sic veniens offeres munus tuum (*Math. v.*) » Veniens, non tantum passibus fidei interioribus et devotionis, sed corporis, ut innuit exclusiva dictio.

Nunquid si læsi famam alicujus apud prælatum, quo minus detur ei præbenda, alias autem danda teneor ei confiteri, quia sic cum læsi, et præbendam ei detrahendo, abstuli? Detrahere enim est de aliquo, de plenitudine alicujus aliquid tollere. Nunquid teneor ei præbendam conferre talem, qualem abstuli detractioe? Quæstio est. Item in Psalmo : « Et dedit ærugini fructus eorum (*Psal. LXXVII.*) » **Ærugo** vitium est quod in fructibus aura noxia latenter operatur. Hæc est invidia, quæ bona alteris æruginat, adurit, consumit. Hæc est locusta. Locusta enim ore lædens, et fructus comedens et arbores, est malitia, quæ testimonium boni, detractioe corrodit. Hæc est etiam cynomyia, id est musca canina quæ acute pungit. Item : Ad hujus pestis sugillationem exemplum Augustini mitissimi et modesti sufficere debet. Qui cum plura epigrammata super mensam suam posset inscripsisse (puta contra edacitatem et loquacitatem, quæ sæpe adsumunt mensis ; hæc scilicet : « Ne graventur corda vestra in crapula et ebrietate (*Luc. XXIV.*) » Et illud : Sic sumenda sunt alimenta quasi medicamenta. Et illud : « Memento quod recepisti bona in vita tua, et Lazarus similiter mala (*Luc. XV.*) » Et illud : Hæc domus non est mea, sed Christi pauperum) maxime hoc elegit apponere epigramma suum et metricum, quod detractioem removeret a mensa sua inquitens :

*Si quis amat dictis abesse-tum rodere vitam,  
Hanc mensam indignam noverit esse sibi.*

Item Jacobus in epistola Canonica, cap. IV. « Nolite detrahere alterutrum, fratres. Qui detrahit fratri, aut judicat fratrem suum, detrahit legi et judicat legem ; si autem judicat legem, non est legis factor, sed iudex. Unus est enim legislator et iudex qui potest perdere et liberare. Tu autem quis es, qui iudicas proximum tuum? » Detrahit legi, et judicat legem omnis detractor, quia quod lege prohibetur, scilicet non detrahere, operatur. Vel legi detrahit, et eam judicat, qui officio suo eam privat, ut qui peccatum occultum publice arguit, vel cum livore vel libidine vindictæ et sine præmonitione, vel aliquid de contingentibus omittit. Ait enim Dominus : « Si peccaverit in te frater tuus increpa illum, et si pœnitentiam egerit, dimitte illi (*Luc. XVII.*) » Item Parabolarum XXIV : « Ne insidieris, et quaras impietatem in domo justii, » id est ne quæras occasionem per quam deroges, et detrahas homini justo. Item Salomon in eodem detractorem detestans, vocat gladium, et jaculum et sagittam acutam, omnem loquentem contra proximum (*Prov. XXV.*) scilicet falsum testimonium quod facit detractor.

Sed : Nunquid minus detrahit loquendo verum de aliquo? R. Quia, etsi **32** verum detractor de eo loquat, tamen quoad eum mendacium est et falsum, quia contra mentem dicit illud. Manifesta ergo detractio est ex certa veritate, vel virtute, et falsitate, etiamsi dente mordaci et lingua malivola dicatur verum de aliquo, ut scilicet eum inducat in odium et contemptum, vel ut in aliquo minuatur famam, vel quodeunque bonum ejus. Si autem compatiens, et condolens, et in detestationem vitii, non ut ducas in odium de quo verum locutus fueris pubicum ejus peccatum coram ipsis, qui noverunt, revelans secretum « inter te et ipsum solum (*Math. XVII.*) » vel illas qui æque noverint ut tu, ut sic saltem illis condolentibus et corripientibus corrigatur, non eris detractor. Voluntas enim et propositum distinguit maleficcium. Item in Psalmo : « Filii hominum dentes eorum arma et sagittæ, » etc. (*Psal. LVI.*) Dentes, id est corrisiones detractorum, arma sunt et sagittæ, etc. Item : « Sepulcrum patens est guttur eorum (*Psal. XII.*) ; » quia foetida sunt verba adulatorum et corruptentia. « Linguis suis dolose agebant, venenum aspidum et insanabile sub labiis eorum, Quorum os maledictione et amaritudine plenum est (*I Cor. XI.*) » Item Verbum ejusdem sapientis : Vide et considera conformitatem omnium membrorum corporaliū, quomodo compatiuntur omnia uni commembro læso, quomodo supportent illud et foveant, nolintque maculam ejus vel vitium detegi, sicut nec proprium ; quanto magis hæc conformitas observanda esset a membris spiritualibus, fidelibus scilicet, qui sunt membra corporis Christi, cujus ipse est caput, ut scilicet invicem sese supportarent, condolerent, nec unum membrum turpitudinem commembri sui infirmi detegeret, sed potius tegetet exemplo Apostoli ad Corinthios, dicens :

« Et quæ putamus ignobiliora membra corporis, his abundantiorum honorem circumdamus (*I Cor. XII.*) » Exemplo etiam matris, filium infirmiorum et juniorem amplius foventis, eique blandientis : Exemplo etiam patrisfamilias filium prodigum ad mensam propriam revocantis (*Luc. XV.*) Item (sicut conjicitur ex illo versu psalmi XIV : « Nec fecit proximo suo malum, et opprobrium non accepit adversus proximos suos), » tria genera sunt detractorum. Quidam enim invenit et concipit detractioem, habens materiam detrahendi et occasionem, vel, non habens, mendaciter fingit aliquid in proximum, quod crudelius est. Unde poeta :

*Qualibet in quemvis opprobria fingere dævus.  
(HORAT. lib. I, ep. 15.)*

Quidam audit et refert ; tertius tamen refert detractioem. Primus materiam invenit, secundus eam auget et multiplicat, tertius auctoritatem detrahendi præstat, itaque eam corroborat. Si enim deesset auditor, deesset et detractor. Unde Psalmista : « Et opprobrium non accepit adversus proximos suos (*Psal. XIV.*) ; » non invenit, non fingit. « Non



acceptit, » id est non acceptum habuit, ut opprobrium et detractionem referret, « non accepit » etiam ut audiret. Unde Salomon in Parabolis : « Time Deum, fili mi, et cum detractoribus non commiscearis (Prov. xxiv), » participium habendo, vel referendo, vel audiendo : « Quoniam repente consurgit perditio eorum, et ruinam utriusque quis novit? » (Ibid.) Detrahentis scilicet, et ei faventis, hoc est audientis. **33** Ergo ne participium habeas cum detractoribus, « sepi aures spinis (Ecclesi. xxviii), » ne detractionem audiant, os etiam aperi ad objugandum detrahentem.

Unde Salomon : « Ventus aquilo dissipat pluvias, et facies tristicis linguam detrahentem (Prov. xxv). » Item Hieronymus (in *epistola ad Nepotianum*) : Fili, cave ne habeas linguam detrahentem, et aures prurientes. Nulla est enim excusatio, quam præ tendis, scilicet, quod non potes hominibus violentiam inferre, ora eorum obstruere, aures sepire. Nulli enim invito loqueris. Non in petra figitur sagitta, sed resiliens sæpe mittitur in dirigentem. Sicut ergo lumbos tuos castos, ita os, oculos, aures castissime conserva. Item ps. xliii : « Posuisti nos opprobrium vicinis nostris, subsannationem et derisum, » (vel « contemptum, » alia littera) « his qui in circuitu nostro sunt. » item, In homilia 24, super Cantica, Bernardus : In detractoribus, inquit, impietum est quod legitur in Evangelio : « In illa die facti sunt amici Herodes et Pilatus (Luc. xiiii). » Tales enim *seorsim* ambulant, pariter sedent, sibi concordant et conveniunt, ut susurrata et detractiones proferant, ut in hoc sese discorditer concordet, et concorditer discordet inventiantur. Hæc autem, scilicet pestis detractionis, acris charitatem impugnat et lædit, quam cætera vitia. Detractor enim in se charitatem extinguit, vel perimit, si eam prius habuit ; si non, se vacuum ab ea ostendit. In auditore etiam, quantum in se est, charitatem extinguit, et proximum etiam in odium et contemptum, non tantum præsentium, sed et absentium, et ad quoscunque volat illud venenosum et irrevocabile verbum, trahit.

Duo autem sunt genera detractorum, manifestum scilicet et occultum. Primum sine fronte, sine ore verecundo, et irreverenter quidquid venosus virus in buccam venerit, dente mordaci, et lingua maledica emitit. Secundum vero simulatæ fuce verecundia et quodam colore detractionem adumbrat et palliat, eam proferens verbis quibusdam flebilibus et plangentibus voce remissa, et vultu demisso, oculis in terra defixis, dicens sic : Per me istud non innotesceret de eo, nisi alii illud propalassent : in omnibus eum laudo, verum in hoc non laudo, in quo doleo : melius enim egisse poterat et hujusmodi. Et hoc genus crudelius est priore, quia hujusmodi detractio eo ipso persnasibilior est, quod procedere videtur ex affectu compassionis, et ita crudelior manifesta detractione, quæ totum virus suum sine palliatione effudit. Triplex autem legitur pœna detractorum. Pœna ecclesiastici iudicii Dei,

A de qua legitur in distia. 46, capitulo *Clericus*, Pœna etiam occulti iudicii Dei, quam oculata fide quotidie videmus et legimus ; privationem scilicet officii linguæ ; et hoc in hæreticis, in blasphemis, in venalibus in lingua, in lingua vaniloqua etiam gloriosus (qui « ossum ponunt in cælum [Psal. lxxii] ») in incredulis (unde et Zacharias perdidit ad horam « promptæ modulorum loquæ [Luc. i] ») in detractoribus et susurronibus Deo odibilibus. Pœna etiam futuri et manifesti iudicii. Unde Salomon in Parabolis : « Non commiscearis cum detractoribus, quoniam repente consurgit perditio eorum, et ruinam utriusque quis novit? » (Prov. xxiv.) **34** Item in Ecclesiastico : « Audisti verbum adversus proximum tuum? commoriatur in te, fidens quoniam non te dirumpet (Ecclesi. xix). »

### CAPUT XXI.

#### De humilitate.

Sicut diximus, superbæ filia est invidia, neptis est detractio ; et sicut per superbiam primo « mora intravit in mundum (Rom. v), » ita, per humilitatem Christi, vita primo intravit in mundum. « Per aliam enim viam reversi sunt magi in regionem suam (Math. ii). » Sicut enim per superbiam primo recedimus a Deo, ita per humilitatem primo accedimus ad ipsum. Et cum Dominus Jesus Christus in omnibus virtutibus polleat et commendetur, maxime in humilitate commendatur, adeo quod de ea præcipue, præ cæteris virtutibus, scholas cælestes rexit [f. erexerit], inquit : « Discite a me quia mitis sum et humilis corde (Math. xi). » Item Augustinus hæc commendans ait : Hæc est aqua quæ non legitur in libris alienigenarum, philosophorum scilicet. Rhinoceros enim indignabundi ex sola indignatione seipsos occidebant. Item Hieronymus ad Antonium monachum nolentem ei rescribere : Dominus noster humilitatis magister discipulis de dignitate discipulis, statuit parvulum in medio eorum dicens : « Nisi quis humiliaverit se sicut parvulus iste, non potest intrare in regnum cælorum (Math. xviii). »

Quod ne tantum « docere et » non « facere » videretur (Act. i), implevit exemplo, quod docuit verbo, dum piscatorum pedes lavit (Joan. xiii), dum traditorem in osculo excipit, dum loquitur cum Samaritana, dum cum Maria peccatrice, ad pedes sedente, de cælorum disputat regno (Luc. xvii), dum ab inferis insurgens primum mulierculæ eidem apparuit (Joan. xx). Satanas autem ex archangelico fastigio, non aliam ob causam, nisi ob contrariam humilitati superbiam ruit. Judaicus etiam populus primo prælatus stillæ situlæ (Isa. xl), per hanc « primas sibi cathedras et salutationes in foro vindicans (Math. xxiii), » gentili populo succedente, deletus est. Et ita versa est cauda in caput (Deut. xxviii), et e contrario. Contra sophistas quoque sæculi et sapientes mundi, Petrus et Jacobus piscatores mittuntur, cuius rei causa Scriptura ait : « Deus superbis resistit, humilibus dat gratiam

(*I Petr. v.*) » Vide, frater, quale et quantum malum superbia sit, scilicet quod adversarium habet Deum: ob quod in Evangelio et Pharisæus arrogans spernitur, et humilis Publicanus auditur (*Luc. xviii*). Decem jam, ni fallor, epistolas plenas tam officii quam precum tibi misi, cum tu e contra absurdescas, nec nutum facere dignaris, et Domino loquente cum servis, frater cum fratre non loqueris. Quod si raro, ideo tunc, inquam, nimis contumeliose. Crede mihi nisi styli verecundia prohiberet, tanta læsus ingererem, ut inciperes mihi rescribere vel iratus. Sed, quoniam et irasci hominis est, et injuriæ non facere Christiani, ad antiquum morem revertens, rursus precor, **35** ut et diligentem te diligas, et conservo sermonem impertias conservus.

Item Dominus aliud dogma de humilitate proponens, ait: « Super quem requiescet Spiritus meus, nisi super humilem, et quietum, et trementem sermones meos? » (*Isa. lxxvi*.) Ac si dicat: Sola humilitas facit mihi donum quietam et trementem sermones meos. Item psalmo xv: « Notas mihi fecisti vias vitæ, » id est humilitatis. Etsi enim cæteræ virtutes sint viæ vitæ, tamen nomen generale omnium, humilitati attribuitur et appropriatur, quæ est cæmentum omnium aliarum virtutum, sicut superbiæ generale nomen vitiorum attribuitur, ut ibi: « Emundabor a delicto maximo (*Psal. xviii*). » Generaliterque demonstratur ibi: « Domine Deus meus, si feci istud (*Psal. vii*), » id est opus superbiæ, quæ est fons et origo aliorum vitiorum. Item beata Virgo imitatrix filii sui, in cantico suo præ cæteris omnibus virtutibus, quis habuit, humilitatem præponit, inquam: « Respexit Dominus humilitatem ancillæ suæ; ecce enim ex hoc beatam me dicent omnes generationes. Deposuit potentes de sede, et exaltavit humiles (*Luc. i*). » Item David in psalmo cxxx: « Domine, non est exaltatum cor meum, neque elati sunt oculi mei; neque ambulavi in magnis, neque in mirabilibus super me. » In hac præcipue virtute commendatur David. Item: Legimus quemdam eremitam in visione vidisse in aere mundum, plenum laqueis, et quæsisse sic ab angelo sibi familiari: Quis evadet omnes laqueos istos? Cui respondit angelus: Sola prudens humilitas. Est enim incauta humilitas, quæ est cognata stultitiæ. Item: Notandum quod tres sunt gradus acquirendæ et conservandæ humilitatis. Primus est pensare, quid non habeas; secundus, quod nil a te habeas; tertius, cogitare te posse amittere quod habes. In primo invenis te imperfectum, tam in naturalibus bonis, tum in gratis. In secundo, te nihil proprium habere « Quid enim habes, o homo, quod non accepisti? » (*I Cor. iv*.) « Et de plenitudine ejus nos accepimus omnia » (*Joan. i*). In tertio: Timeas ruinam et lapsum, scilicet, ne auferatur a te quod videbaris habere. Item: Dominus in principio sermonis sui commendans humilitatem, quasi præcipuam ad fidei Christianæ religionem, apud Matthæum, ait: « Beati pauperes spiritu, » id est humiles, quoniam in ipsorum est regnum

A cælorum (*Matth. v*). » Item, David intuens humilitatis utilitatem, eam commendans ob hoc, ait in psalmo xvii: « Quoniam populum humilem salvum facies, et oculos superborum humiliabis. » Item: « Ego dixi in excessu mentis meæ: Projectus sum a facie oculorum tuorum, » quia humiliatus factus sum nimis et abjectus, bona abjectone; « ideo exaudisti vocem orationis meæ. » Item in eodem: « Quoniam respexisti humilitatem meam, salvasti de necessitatibus animam meam (*Psal. xxx*). » Item in psalmo c: « Respexit in orationem humilium. » Item in psalmo cxiv: « Vide humilitatem meam et laborem meum, et dimitte universa delicta mea. » Præcedit enim humilitas laborem penitentiae ad hoc, ut dimittantur peccata. Item in Evangelio: « Qui se exaltat, » humiliabitur, (*Luc. xiv*); » quod est: « Qui se exaltat » exaltatione superbiæ, « humiliabitur depressione pœnæ, et, » qui se humiliat » virtute, « exaltabitur, » in præsentem et in futuro. In præsentem, augmento virtutum et honorum **36** operum, in futuro, gloriæ collatione.

Item Samuel ad Saul I Regum xv: « Nonne, cum esses parvulus in oculis, caput et rex in Israel factus es? Nunc autem quia factus es magnus in oculis tuis, et abiecasti sermones Domini, » servando Agag regem Amalec et quæquæ pinguis de grege, « abiecit te Dominus, ne sis rex super Israel; » sed succedet tibi amulus tuus. Et Gregorius super hunc locum, ait (lib. xviii *Moral.* cap. 20 et l. xxvi c. 49, l. xxxv cap. 47): Cum parvus esses in oculis tuis, mihi magnus fuisti; cum te magnum conspicias, a me parvulus existimaris. E contra David cum regni sui potentiam coram arca Domini saltando despiceret, dixit: « Ludam coram Domino et vilior fiam, et ero humilis in oculis meis (*II Reg. vi*).

Item II Reg. vi: Michol uxor ejus irridens eum saltantem, et tripudiantem, et se rotantem, brachiaque intorquentem, et psallentem coram arca, ait: « Quam gloriosus fuit hodie et heri rex Israel, dis-cooperiens se ante ancillas servorum suorum, et nudatus est quasi [*textus Scripturæ*: quasi nudetur] videretur unus ex scurris. Cui David: Ludam ante Dominum meum, qui elegit me. Ludam, et vilior fiam plusquam sum factus, et ero humilis in oculis meis, et cum ancillis, de quibus locuta es, gloriosior apparebo. » Super hunc locum inquit Gregorius (lib. xxvii, *Moral.*, c. 27): Libet intueri quanta virtutum munera David perceperat, et in his omnibus quam fortem se humilitate servabat. Quem enim non extolleret ora leonis frangere, ursum brachia dissipare, audire ab omnibus hoc: « Saul percussit mille, et David decem millia (*I Reg. xviii*): » despertis prioribus fratribus « de post lætantes eligi (*Psal. lxxvii*), » reprobatore rege, ad regni gubernacula inungi, timendum cunctis, David uno lapide Goliath stravisse, a rege proposita, extinctis allophyllis numerosa præputia reportasse, promissum tandem regnum perceperisse, universum Israel sine contradictione possedisse? (*I Reg. xvii*.) Et tamen, cum

arcam Dei in Jerusalem revocat, quasi oblitus prælatum se omnibus, admistus populis ante arcam saltat, et quasi in tripudio per saltum se rotat: prælatusque cunctis, sese sub Domino minimis exæquando, et abjecta exhibendo contemnit (*I Reg. vi*). Non potestas regni ad memoriam reducit, non subjectorum oculis, saltando vilesceere metuit, non se honore prælatum cæteris ante ejus arcam, qui honorem dederat, recognoscit. Coram Deo egit debilia, et extrema vilia, ut illa ex humilitate solidaret, quæ coram hominibus gesserat fortia. Plus stupeo David saltantem, quam pugnantem. Pugnando hostem subdidit, saltando coram Domino semetipsum vicit, quem Michol ex timore regii generis insana humilitatem despexit.

### 37 CAPUT XIV.

#### *De duobus generibus humilitatis malæ.*

Notandum duo esse genera humilitatis malæ, quæ a se movet David. Quidam enim in sublimitate constituti contentur se esse cinerem et favillam, sed vilitatem ab hominibus non sustinent. Alii in sublimitate constituti, et favillam et cinerem se esse fatentur, et viles se esse ab hominibus sustinent, sed intus ob hoc intumescunt. Ideo contra hos duos tumores superbæ humilitatis ait David: « Judam et vilior fiam in conspectu Domini in oculis meis (*II Reg. vi*); » scilicet, et ut vilem me esse ab hominibus sustineam, et propter hanc vilitatem, intus etiam, id est in oculis cordis, non intumescam. Item notandum quod quadruplex est humilitas. Est enim humilitas naturæ, et humilitas gratiæ, et humilitas culpæ, et humilitas pœnæ. Præter duæ conjunctæ sunt et affines, sibi quæ consimiles, sed tamen una earum meritoria est. De humilitate naturæ dicitur: « Nisi quis humiliaverit se sicut parvulus iste, non intrabit in regnum cælorum (*Matth. xviii*). » De humilitate gratiæ dicitur: « Sinite parvulos venire ad me, talium est enim regnum cælorum (*Matth. xix*); » qui scilicet hoc habent per gratiam quod illi per naturam. Et iterum: « Confitebor tibi, Pater cæli et terræ, qui abscondisti hæc a sapientibus, et prudentibus sæculi, et revelasti ea parvulis (*Matth. xi*). » De humilitate culpæ (est enim duplex humilitas culpæ) precedentis ex simulatione, dicitur: « Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces (*Matth. vii*). » De humilitate vero culpæ provenientis ex servili timore, dicit poeta:

*Asperius nihil est humili cum surgit in altum:*  
*Cuncta ferit, dum cuncta timet, deservit in omnes.*  
(CLAUDIUS. lib. ii, in *Eutr.*)

De humilitate pœnæ dicitur: « Qui se exaltat, humiliabitur (*Luc. xix*), » confusione scilicet et abjectione, et pena gehennali. Et iterum Parabolarum, *xxix*: « Superbum sequitur humilitas, pœnæ scilicet gehennæ, et confusio, et abjectio: « Humilem spiritu suscipiet gloria (*Prov. xxix*). » Item: Libet intueri quot et quantis exemplis humilitatis

A sacra Scriptura respersa sit, ut ex illis pauca, quasi seminarium, colligamus. Vides itaque Jacob matri suæ obtemperantem, et cum ea domi manentem a Domino electum: Esau vero venantem et grandia appetentem reprobatum (*Gen. xxv*). Saul parvulum de post asinas in regem assumptum, et eundem factum improbum, superbum, postea dejectum (*I Reg. xvi*). Vides David parvulum, postpositis fratribus majoribus, « de post fortibus (*Psal. lxxvii*) » electum. Dominus etiam piscatorem de post retia in apostolum elegit (*Matth. iv*). « Infirmam mundi elegit, ut confundat quæquæ fortia (*I Cor. i*). » Piscatores elegit, non philosophos. Cum Romæ quemdam **38** nobilem quidam vellent eligere in apostolicum, quidam dixit: « Fabri filio (*Matth. xiii*), » piscatori Petro successorem querimus, non Augusto:

*Nam regit hic animas, corpora Cæsar habet.*

Ob hoc etiam præceptum est in lege altare holocausti fieri concavum (quia tumor infusa repellit) et quadrangulum, propter quadraturam quatuor cardinalium virtutum (*Exod. xxvii*). Dominus etiam cum esset in una et eadem majestate Deus cum Patre, « inclinavit cælos et descendit (*Psal. xvii*), » formam servi accepit (*Philip. ii*), pauperem labrum patrem putativum elegit, de utero virginis paupercule et quæstuariæ, et in diversorio natus, pannis involutus, in modico præsepio collocatus: pastoribus (pernoctantibus super gregem suum) et humilibus primo manifestatus, quasi jam tunc dicens: Abscondo hæc secreta nativitatis meæ sapientibus, et Revelo ea parvulis (*Matth. xi*). In templo etiam cum hostia pauperum oblatus, parvo lacte, per quem nec ales esurit (*Luc. ii*), lactatus est et alitus, qui humilia, et humilibus verbis prædicavit, in vili patibulo passus, in sepulcro alieno positus (*Matth. xxvii*).

Tu ergo quicumque es, exemplo Domini, « quanto major es, humilia te in omnibus (*Eccli. iii*), » non tantum in verbis, sed etiam in operibus, et in omni membro tuo: in gestu, in habitu; ut ubicunque superbia potest habere domicilium, opponas humilitatis re-ponsorium, dicens cum Propheta: « Asperges me, Domine, hysopo (*Psal. li*), » etc.

Ob hoc etiam monemur in psalmo tanquam pueri laudare Dominum; ibi scilicet: « Laudate, pueri, Dominum (*Psal. cxii*), » id est humiles. Sola enim « humilia respicit Deus (*Psal. cxxxvii*), » et ab illis solis digne laudatur, quia, « Non est speciosa laus in ore peccatoris (*Eccli. xv*) » et superbi, quia, « Dominus alta a longe cognoscit (*Psal. cxxxvii*). » Ad informandum etiam humilitatem, Deus a pueris Hebræorum, non a Scribis et Phariseis, rex appellari et laudari voluit (*Matth. xxi*). Quibus ei obviam precedentibus, super asinam, scilicet animal humile et mansuetum, sedit, ut omnia humilitatem resonarent: laudatores, quia, « ex ore infantium et lactentium perfecisti laudem tuam (*Psal. viii*): »

laudatus, quia in se, et in jumento, cui insedit, humiliavit se (*Matth. xvi*). Ob hoc etiam a pueris, saltem ætate, in Ecclesia decantatur: Benedicamus Domino, ut ostendantur omnia opera nostra in humilitate compleri, eaque debere condiri, alioquin infructuosa et insipida ea reputari. Item: *Jacobus* in epistola canonica, *iv*: «Humiliamini in conspectu Dei, et ipse exaltabit vos.» Et *Apostolus* ait: «Non alta sapientes, sed humilibus consentientes (*Rom. xii*).» Item idem: «Noli altum sapere, sed time (*Rom. ii*).» id est humiliare. Ubi enim superbia, ibi ruina, ubi vero humilitas, ibi modestia. Superbiam sequitur ruina et dejectio: humilitatem, gloria et exaltatio. «Melius est humiliari cum humilibus, quam dividere spolia cum superbis (*Prov. xvi*).» Item: «Melius est modicum justo super divitias peccatorum multas (*Psal. xxxvi*).» Item *Gregorius*: Qui humilitatem non habet, hypocrita est (si de humilitate virtute, non sollicita, quod quidem verum est, hoc intelligitur); ergo omnis peccator non habens charitatem hypocrita est. Quod videtur maxime ob **39** hoc, cum quilibet appetat videri quod non est, et celari in se quod est. Talem et ponet Deus partem cum hypocritis, qui in plerisque locis sacre Scripture, maxime in Evangelio, suggillantur. De quibus etiam *Job* ait: «Hoc scio, quod laus impiorum brevis est, et gaudium hypocritæ ad instar puncti. Si ascenderit usque ad cælum superbia ejus, et caput ejus nubes tetigerit, quasi sterquilinum in fine perdetur (*Job xx*).» Hic hypocrita sterquilinio comparatur, qui est paries dealbatus, de quo dicitur: «Piger lapidabitur stercore suis (*Eccli. xxi*).» Tales enim cum stercore suis, id est temporalibus, privantur, torquentur, et angustiantur pro amissis illis; sicque quæ fuerunt illis oblectamenta, vertuntur eis in tormenta. Item: *Hieronymus* super Epistolam ad Galatas (ad cap. v, 26) castigans superbiam humilitatem scholarium, ait: Quid est aliud Dei opus, quam Scripturas legere, in Ecclesia prædicare, sacerdotium cupere, ante altare Domini ministrare? Sed et hæc, nisi quis «omni diligentia custodierit cor suum (*Prov. iv*),» de cupiditate laucis oriuntur. Videas plerosque (quod etiam *Tullius* ait) libros suos de contemenda gloria inscribere, et propter gloriam nominis sui titulos prænotare, et quasi de humilitate loquentes et inscribentes superbiunt, materiamque et sermonem humilitatis in gloriam convertunt. Interpretamur Scripturas, sæpe vertimus stylum, quæ digna sunt lectione scribimus, et nisi Christi causa fiant, sed memorie in posterum, et famæ in populos, totus labor irritus fiet, «et erimus quasi tympanum sonans et cymbalum concrepans (*I Cor. xiii*).» Videas plerosque de Scripturis inter se contendere, et ætheticum scœmma Dei facere sermonem, invicem provocant, et si victi fuerint, invident. Inanis quippe gloriæ cupidi sunt. Item ad *Philippenses ii*. «Si qua ergo consolatio in Christo, si quod sola-

Atium charitatis, si qua societas spiritus,» etc. Item *II Corinth.*, *iv*: «Habemus thesaurum istum in vasis fictilibus, ut sublimitas sit virtutis Dei, et non ex nobis:» quia vas fictile est, et corruptibile, saccus stercorum et cibus vermium. Humiliare, quia thesaurum habes in hoc vase, animam scilicet, lumine vultus tui Dei insignitam. O homo! agnosce dignitatem tuam in qua «conditus es ad imaginem Dei (*Gen. i*),» sicque disce sanctam superbiam. Quam gloriosus enim ardor martyrii inerat Thebææ legioni! Item: *Ecclesiasticus* humilitatem ætationis et pusillanimitatis redarguens, ait cap. *xiii*: «Attende, ne deductus in stultitia humiliaris. Noli esse humilis in sapientia tua, ne humiliatus in stultitiam seduearis.» Item de eadem *Apostolus* ad *Titum ii*: «Nemo te contemnat, sed argue cum omni imperio.» Super quem locum ait *Hieronymus*: Nihil est quod adeo destruat et corruptat Ecclesiam, sicut quod dicitur laicos esse meliores clericis. Item: *Ecclesiasticus* humilitatem simulationis et fictionis corripiens cap. *xix*, ait: «Est qui nequiter humiliat se, et interiora ejus sunt plena dolo.» Timeas ergo quod dicitur in psalmo *xcm*: «Deus ultionum Dominus, Deus ultionum libere egit. Exaltare, qui iudicas terram, redde retributionem superbis. Usquequo peccatores, Domine, usquequo peccatores gloriabuntur, effabuntur et loquentur iniquitatem, loquentur omnes qui **40** operantur injustitiam?» Timeas et videas illud quod dicitur in psalmo *lxxxviii*: «Tu humiliasti sicut vulneratum superbum, in brachio virtutis tuæ dispersisti inimicos tuos.» Amplexere quod dicitur in alio psalmo: «Pauper sum ego, et in laboribus a juventute mea: exaltatus autem humiliatus sum et conturbatus (*Psal. lxxxviii*):» ideo, «Exaudisti vocem orationis meæ, dum clamarem ad te (*Psal. xxx*).» Item: Attendas et illud *Hieronymi* dicentis: Qui virtutes sine humilitate congregat et coarcevat, itidem facit ac si pulvisculum in supercilium montis portet, ad levis auræ flatum dispergendum. Item: Dominus, collectis discipulis sermonem faciens in monte, in eoque sedens septenam scalam *Jacob* contexens, humilitatem, quasi fundamentum sanctitatis, in primo gradu locavit, aperiensque os suum dixit: «Beati pauperes spiritu (*Matth. v*).» Paupertas spiritus est humilitas.

## CAPUT XV.

## De mansuetudine.

Contra pessimum ternarium, superbiæ scilicet, invidiæ, detractationis disputavimus, antidotum humilitatis opponentes, circa quod bonum est immorari: «Bonum est enim nos hic esse (*Matth. xvii*),» id est in ea; et de collectanea ipsius, virtute scilicet mansuetudine, aliquota sunt colligenda: quia non est mitis qui non est humilis, et e converso. Unde humilitati, quasi virtutem collectaneam, conterminam, et vicinam, adjungit Dominus in scala *Jacob* mansuetudinem statim post, dicens: «Beati mites, quoniam ipsi possidebunt terram (*Matth.*

v), scilicet viventium. Et alibi : « Discite a me quia mitis sum et humilis corde (*Math. xi.*) » Hæc commendatur ab origine vocabuli. Dicitur enim mansuetus, quasi manusuetus, homo scilicet associabilis, tractabilis et benignus in adversis, et contra injurias etiam proprias. Item, ab exemplo Christi, qui mitissimus apparuit : « Suavis Dominus et mitis, » etc. (*Psal. xxxv.*) Item : Hæc commendatur in Moyse (*Num. xii.*), qui mitissimus hominum fuit, intellige præter Christum. Item exemplo Andréæ apostoli, qui mitissimus sanctorum fuisse legitur. Item auctoritate Scripturæ : « Mansueti hæreditabunt terram, et delectabuntur in multitudine pacis (*Psal. xxxvi.*) — Suscipiens mansuetos Dominus, humilians autem peccatores usque ad terram (*Psal. cxlvi.*) » Et : « Diriget mansuetos in iudicio, docebit mites vias suas (*Psal. xxiv.*) » Item auctoritate poetæ :

*Non cadit in mores feritas inamabilis istos.*

*Nec minus a studiis dissidet ista suis.*

(*Ovid. i. De Ponto.*)

Maxime ergo dissidere debet a studiis Christiani, si ita a studiis gentilis :

*Adde quod ingenuas didicisse fideliter artes*

*Emollit mores, nec sinit esse feros.*

(*Id. ii. De Ponto.*)

Item Jacobus in Epist. cap. i : « Suseipite in mansuetudine insumit verbum, quod **41** potest salvare animas vestras. » Item I Paral. cap. xviii : « Porro filii David erant primi ad manum regis. »

#### CAPUT XVI.

##### *De paupertate.*

Regimen cœlestis doctrinæ, « quod potest salvare animas vestras (*Jac. i.*) », de humilitate et mansuetudine fuisse dicitur : « Discite a me, quia mitis sum et humilis corde (*Math. xi.*) » ; adjungit tertium, non virtutem, sed augmentum virtutum in scala Jacob, scilicet paupertatem, de qua verbo et exemplo rexit scholas, præcipue quia nutritrix est custodia virtutum, dicens : « Beati pauperes, quia vestrum est regnum Dei (*Luc. vi.*) » Paupertatem autem loquor visibilem, qua, sicut et spiritali, respersa est tota sacra Scriptura, quam maxime redolent fere singuli psalmi : quam Dominus, non tantum verbo, sed exemplo, ut imitaretur et peteretur ad virtutum custodiam, commendavit, sibi que eum, et domui suæ commendavit, vel dedicavit, dicens in Evangelio : « Vulpes foveas habent et volucres cœli nidos ; Filius autem hominis non habet ubi caput suum reclinet (*Math. viii.*) » nisi vile præsepulum pauperculæ et quæstuarie virginis uterum, crucis patibulum, sepulcrum, sed et hoc alienum. Inde est etiam quod Dominus mansuetos et pauperes piscatores elegit, in quibus fundaret Ecclesiam suam (*Math. x.*) Inde est etiam quod turbis volentibus eum rapere in regem, aufugit (*Joan. vi.*) Inde est etiam quod ter rogatus noluit intrare domum regum, ne divitias honorare videretur, cum ad domum descenderit centurionis (*Joan. iv.*) ; quia potius honoranda sit paupertas et amanda. Inde est etiam quod

A ait cuidam adolescenti diviti : « Si vis perfectus esse, vade et vende omnia quæ possides, et da pauperibus, et sequere me (*Math. viii.*) ; » quod non possunt divites implere, ut testatur Hieronymus (epist. 150, ad *Hebidiam*). Hi enim holocaustum offerre non possunt, intellige de facili. Unde alibi Dominus : « Facilius est camelum intrare per foramen acus, quam divitem in regnum cœlorum (*Math. xix.*) » Utrum tamen verbum possibilitatis, cum negativa particula possibilitatem neget, vel facilitatem questio est. Hoc autem constat, ait Hieronymus (*loc. cit.*), tutius esse divitias nec habere, nec amare, quia vix haberi possunt, et non amari. Item : Ad deestationem divitiarum, eadem divitiæ nomine ejusdem demonis censentur ; unde : « Facite vobis amicos de mammona iniquitatis (*Luc. xvi.*) » Mammon autem vel mammona, quod est nomen dæmonis, divitiæ interpretantur, vel quia vitiose acquiruntur, vel pessime distribuuntur, vel distribuende non distribuuntur, vel distribuentem superbare faciunt. Item Hieronymus (*ubi supra*). Ad commendandam paupertatem, ad ejusque electionem, libet intueri illos versus Luciani :

*O vita tuta facultas*

*Exigui parvique lares, o munera nondum*

**42** *Intellectu deum, quibus hoc contingere muris*

*Aut templis potuit, nullo trepidante tumultu*

*Cæsaræa pulsante manu.*

..... *Prædam civilibus armis*

*Scit non esse casus.*

(*De bello Phars., v.*)

C Item in eodem :

..... *Fecunda virorum*

*Paupertas fugitur, totoque accersitur orbe*

*Quo gens quæque perit.*

(*Ibid., lib. i.*)

Divitiæ autem effeminatos nutriunt et molles, non viros. Item Hieronymus : secundum Quintilianum oratores ad prurimum et delectationem aurium nunquam versibus poetarum vel poematum utuntur. Hoc autem non decet Christianum, cui tamen de ethnicis scripturis (spoliatis Ægyptiis, Hebræisque ditatis) licet inducere, resectis unguibus, et tonsis crinibus puellæ, ut veritas commendandæ virtutis, vel vitii suffocandi, amplius commendetur et confirmetur testimonio adversariorum.

D Juvenalis (sat. x) :

*Cantabit vacuus coram latrone viator.*

Claudianus (lib. i in *Ruffinum*) :

*Vivitur exiguo melius, fortuna beatos*

*Omnibus esse dedit, si quis cognoverit uti.*

Cato :

*Paupertatis onus patienter ferre memento.*

Non est onus nisi in patientibus. Item : Seneca ad commendationem paupertatis, imo ad commendationem amissionem divitiarum, ait (ep. 42) : Hoc itaque in his quæ affectamus, ad quæ magno labore contendimus, inspicere debemus, aut nihil in his commodi esse, aut plus incommodi. Quædam supervacanea sunt, quædam tanti non sunt. Sed hæc non providemus, et gratuita nobis videntur quæ

carissime constant. Ex eo licet stupor noster appareat, quod ea sola putamus emi, pro quibus pecuniam solvimus; ea gratuita vocamus, pro quibus nos ipsos impendimus, quæ emere nollemus, si donus nobis nostra esset pro illis danda, si amicum aliquod fructuosumque prædium, ad ea paratissimi sumus pervenire cum sollicitudine, cum periculo, cum jactura pudoris, libertatis et temporis. Adeo nihil est cuique se vilium. Idem itaque in omnibus consiliis rebusque facimus, quod solemus facere quoties ad institorem alicujus mercis accesserimus. Videamus hoc quod concupisimus quanti deferatur pretii. Sæpe in vicini pretii est, pro quo nullum datur. Multa tibi possum ostendere, quæ acquisita acceptaque libertate nobis extorserunt. Nostri essemus, si ista nostra non essent. Quid stultius quam per aliorum pericula **43** in suum ruere; non cogitare quam onerosa sint quæ petimus, etiamsi superflua non essent?

Item, uxor Tobie: « Nunquam esset pecunia ista, pro qua misimus te peregrinari, fili, lumen nostrorum, baculum senectutis nostræ. Sufficiebat enim nobis paupertas nostra, ut divitias computaremus hoc, quod videbamus filium nostrum (*Tob. v.*) » Item Hieronymus super illum locum: « Parasti in dulcedine tua pauperi. Deus (*Psal. lxxvii.*), » ait quod hujus versus explanatio nunquam melius elucescit quam in illo apologo Flacci Horatii dicentis:

*Cervus equum pugna melior communibus herbis  
Pellebat, donec minor in certamine longo,  
Imploravit opem hominis, frenumque recepit  
Sed postquam victor violens discessit ab hos e,  
Non equitem dorso, non frenum depulit ore.  
Sic qui pauperiem verius, potiore metallis  
Libertate caret, dominum vehit improbus, a que  
Serviet aternum, qui parvo nesciet uti.*

(HORAT., l. 1, ep. 10.)

Item juxta verbum Sapientis: Sæpius, sincerius et verius ridet pauper, quam dives quiescit et dormit. Unde Juvenalis, sat. 1:

..... Et nos  
Consilium dedimus Syllæ, privatus ut altum  
Dormiret.

Item Hieronymus (ep. ad *Exsuperantium hortatoria*): Ob hoc ampliori voto amplectenda est paupertas, quod ii qui omnia reliquerunt pro Christo, et nudum sequuntur, excellentiore quadam dignitate venient cum illo iudices. Unde: « Vos, qui reliquistis omnia et secuti estis me, sedebitis super sedes duodecim, iudicantes duodecim tribus Israel (*Math. xix.*) » Item: Exemplo apostolorum qui naves, et retia, et etiam voluntatem habendi reliquerunt pro Christi nomine (*Math. iv.*) Item: Per contrarium ejus scilicet copiam, elucet et veritas et utilitas ipsius. Peccatum Sodomorum fuit « abundantia panis, et superbia » vitæ (*Ezech. xvi.*), quæ ex abundantia temporalium honorum processit; quia

*Luzuriant animi rebus plerumque secundis.*  
(OVID., *De arte amand.*, lib. 11.)

Item poeta:

*Præstabat castas humilis fortuna Latinas.*  
(JUVENALIS, sat. 6.)

A Item Gregorius: Quos morum et divitiarum infirmitas vulnerat, paupertatis medica curat. Item Hieronymus: Ob hoc amanda est paupertas, quod a quibus ameris ostendit. Item idem: Hoc unum deest omnia habenti, quod non est qui ei verita dicat, vel in corripiendo, vel in consulendo, vel pœnitentiam injungendo. Sed et propter divites sumus hujus præcepti prævaricatores: « Si peccaverit in te frater tuus, increpa illum; et si pœnitentiam egerit, dimitte illi (*Luc. xvii.*); » quos bene confiteri, vel « dignos fructus pœnitentiæ facere (*Math. iii.*), » difficile est. **44** Item: Exemplo Xerxis regis Persarum cum innumerabili exercitu in expeditionem contra Lacedæmones proficiscentis, ranae et palpones de penetralibus domus ejus cum per adulationes excæcaverunt, dicentes nec ipsum aerem sufficere capacitati grandinis telorum, et similia in hunc modum. Tandem vocatus Domaratus exsul et pauper, etiam Lacedæmonius, ait regi: « Mentuntur tibi, qui te victorem promittunt ob multitudinem exercitus. Sed non ita eveniet. Ipsa enim moles exercitus tui opprimit te, et a teipso vinceris; » et ita contigit. Item: Quod ii « qui reliquerunt omnia sedebunt iudices (*Math. xix.*), » ideo est, quia paupertas voluntaria sæpius nutritrix est, et signum majoris charitatis: licet tamen inter divitias esse pauperem. Item: Ad significandum divitias esse contemnendas, « adolescens relicta sindone aufugit nudus (*Marc. xiv.*) » Item: Ad idem figurandum,

B Joseph pallium reliquit meretrici Ægyptiæ (*Gen. xxxix.*). Nisi enim multa etiam de necessariis relinquamus voluptati meretricum, ipsa involvet nos et obruet. Unde Apostolus: « Omnis qui in agone contendit, ab omnibus se abstinere (*I Cor. ix.*), » etiam a licitis. Item Jeremias: « Nabuzardan, » rex Babiloniarum, « vinctores » pauperes « et agricolas reliquit » in terra propria, divites vero et potentes rapuit et transtulit in exilium (*Jer. lii; IV Reg. xxv.*) Item David: « Parcet pauperi et inopi, et animas pauperum salvas faciet (*Psal. lxxi.*) » Item in Evangelio pauperem nomine Deus vocavit: « Erat autem mendicis nomine Lazarus; » nomen divitis tanquam indigni et ignominiosi non ponit, dicens: « Erat quidam dives, etc. » (*Luc. xvi.*) Item sanctus Bernar-

C dus querens a quodam abbate religioso quomodo ei et conventui esset, respondit: « Bene, quia adhuc relicti sumus pauperes. » Item: « Exaudivit pauperes Dominus, et electos suos non despexit (*Psal. lxxviii.*) » Item Hieronymus: In hoc multum laudanda est paupertas, quia « vinctos ejus exaudivit » et solvit. Sunt autem compedes naturæ, compedes fortunæ; paupertas scilicet, et illi adhaerentia. Sunt et compedes culpæ, et compedes gratiæ et perfectionis. De quibus Augustinus: Has nimis onerat, qui super necessaria accumulatur. Item philosophus: Meminisse Attalam cum magna admiratione omnium hæc dixisse: « Diu, inquit, mihi imponere divitiæ. Stupebam ubi aliquid ex illis alio atque alio loco fulserat. Existimabam similia esse quæ latebant, his

D

que ostenderentur, sed in quodam apparatu vidi totas Urbis opes celatas, et in argento et in auro, et in his que pretium auri et argenti vincunt, scilicet exquisitos colores, lapides, et vestes. ultra, non tantum nostrum, sed ultra linem hostium advectas. Hinc puerorum perspicuus cultus, que forma greges; hinc feminarum et alia, que res suas recognoscens summi imperii fortuna protulerat. Quid hoc est, inquam, aliud quam irritare cupiditates hominum per se in itatas? Quid sibi vult ista pecunie pompa? Ad descendam avaritiam convenimus. At, me hercle, minus cupiditatis isti ne offero quam attuleram. Contempsit divitias, non quia sunt supervacue, sed quia ab effectu pusille sunt. V. listine quam intra paucas horas file civitatum ordo lento dispositus transierit? hoc totam vitam nostram **45** occupabit, quod totam diem occupare non potuit? Accessit quoque illud dictum ejus, quod et tam supervacue mihi visæ sunt habentibus, quam fuerint spectantibus (SENEC., ep. 110.) Hec itaque ipse mihi dico, quoties tale aliquid perstrinxerit oculos meos, quoties occurrit domus splendida, culta coloris servorum, lectica formosis imposita colonibus. Qui miraris? Quid stupes? pompa est. Ostenduntur istæ res, non possidentur; et dum placeat transeunt. Ad veras potius te converte divitias, discas parvo esse contentus. Sed et illam vocem, magnus atque animosus, exclama: « Habeamus aquam, habeamus polentam. » Tarpe est beatam vitam in auro et argento reponere; æque turpe in aqua et polenta. Quid ergo faciam, si ista non fuerint? Queris quod sit remedium inopie? famem fames licet. Alio quid interest, magna sicut an exigua, quæ servire te cogant? Quid refert quantumcumque sit, quod sibi negare possit fortuna? Hæc ipsa etiam aqua et polenta in alienum cadit arbitrium. Liber est autem, non in quem parva licet fortuna, sed in quem nihil. Ita est, si nihil horum desideres. Natura dixit omnibus; hæc si voles frequenter cogitare, id agis, ut sis felix, non ut videaris, et ut tibi videaris, et non aliis. Item ad idem poeta:

..... Tolle querelas.  
*Pauper enim non est cui rerum suppetit usus.*  
*Si ventri bene, si lateri pedibusque tuis, nil*  
*Divitiæ poterunt regales addere majus.*

(HORAT., l. 1, ep. 12.)

Item: Dives qui necessariis non est contentus, lupus est, qui plures oviculas strangulat, cum vix unam vorare et comedere queat. Item Seneca (epist. 4 in fine): Hoc ex alienis hortulis sumptum est: magnæ sunt divitiæ, lege naturæ composita paupertas. Lex autem illa naturæ, scis quos nobis terminos ponat vel statuatur? Non esurire, non sitire, non algere. Ut famem sitimque repellas, non est necesse superbis assidere liminibus, nec supercilium grave, et contrarietates etiam humanitatem pati; nec est necesse maria tentare, nec sequi castra. Pacabile est quod natura desiderat, et est apposi-

tum. Sed nunc ad supervacua sudatur. Illa sunt quæ togam conferunt, quæ nos senescere sub tentorio cogunt, quæ in aliena littera impugnant. Aliud manum est quod sat est. Item idem (epist. 2): Honestas, inquit, res est lata paupertas. Illa vero non est paupertas si lata est, quia cui bene cum paupertate convenit, dives est. Non qui parum habeat, sed qui plus cupit pauper est. Quid enim refert quantum illi in arca, quantum in horreis jaceat, quantum pascat vel ferret, si alieno imminet; si non acquisita, sed acquirenda computet? Quis sit divitiarum modus, queris? Primus: habere quod necesse est. Secundus: quod sat est, vel quod satis est, possidere. Is satietatem habet, qui quantumcumque medicum, scilicet necessitatem, etiam necessitate possidet. Natura enim contenta est necessitate, **46** etiam cum temperata et modica fame et siti; his autem quæ supersunt, supra famem et sitim satiatur.

## CAPUT XVII.

### *Contra queritantes et detinentes superflua.*

Sed huic objicit Augustinus, inquiens: « Non tantum si superflua, sed etiam si necessaria pauperibus non erogemus, raptores sumus. » Item Hieronymus: « Aliena rapere convincitur, qui ultra necessaria sibi retinere probatur. » Quasi diceret: Necessitatem retinere potes, dum de hac pro tempore, et loco, et inopia postulantis eroges. Augustinus etiam satietatem concedit divitibus dicens: « Divites ut utar superfluis, dum ex eis pauperibus necessaria erogent. » Contra vero bonum paupertatis videtur Salomon dicere, cum oravit, dicens: « Divitias et paupertatem ne dederis mihi (Prov. xxx). » Respondetur quia paupertatem non abhorruit, sed occasione ejus, scilicet ne occasione ejus furtum perpetraret. Sed nec divitias expavit, sed morbum earum, scilicet superbiam. Sed, si paupertatem patienter ferre non potes, eligas mediocritatem juxta poetam, qui ait

*Auream quisquis mediocritatem*  
*Diligit tutus, caret obsolete*  
*Sordibus lecti, caret invidenda*  
*Sobrius aula.*

(HORAT., lib. II, od. 10.)

## CAPUT XVIII.

### *De mediocritate.*

David auream mediocritatem commendans, ait: « Melius est medicum justo super divitias peccatorum multas (Psal. xxxvi); » quia, ut ait Augustinus, qui dives est, multis indiget; et ubi sunt multe divitiæ, et ibi multorum indigentia; divitiasque, quas divites injuste congresserant, adsunt qui in puncto horæ eas devorent. Item de hac mediocritate ait Sapiens quidam: « Melior est buccella panis cum gaudio (Prov. xviii), » quam divitiæ, et affluentia, et epulæ regum et principum. Item hanc commendans Seneca, ait (ep. 95, 98, 104): Cives Romani simul cœnaturi in honorem

Jovis in loco publico, cum alii vasa aurea, alii gemmea, alii argentea, et tapetia, vestesque sericas artificiosissime contextas afferrent, et in publicam sternerent, libet inter hos intueri concordam et similitudinem alterius Catonis domi forsitan egregia facta; Tiberonis, qui ligneos lectulos, cum alii argenteos, **47** in publicum stravit, lædinasque prostragulis et tapetis pelles, et ante ipsius Jovis cellam apposita convivis vasa fictilia. Quid aliud præter paupertatem in Capitolio posset consecrare? Ut nullum factum ejus habeam, quo illum Catonibus inseram, hoc parum credimus? Censura fuit potius illa collatio cœnæ, non cœna; quasi potius fuit schola et doctrina ad appetendum mediocritatem, quam cœna ad explendum et saturandum ventrem. O quam ignorant homines cupidi gloriæ, quid illa sit, aut quemadmodum appetenda! Illo die populus Romanus multorum suppellectilem spectavit, unius tantum miratus est. Omnium aliorum aurum argentumque fractum est, et millies conflatum et adhuc conflandum, per manus sordidas transiturum, contrectatum, et contrectandum, at omnibus sæculis Tiberonis fictilia durabunt. Item idem amplius determinans et circumciliens mediocritatem, etiam quam Augustinus (in cujus determinatione aliquid furti videtur latere, cum ait: *Pro modo persona tuæ, et facultate, pro consuetudine Ecclesie, et patrie in qua tibi vivendum est*) ait: Illud te admonet ne eorum more, qui non proficere, sed conspici cupiunt, facias aliqua, quæ in habitu tuo, aut genere vitæ notabilia sunt. Asperum cultum, et intonsum caput, et negligentem barbam, et inditum argento odium, et cubile humi positum, et quidquid aliud ambitionem perversa sequitur via, evita. Satis ipsum nomen philosophiæ etiam cœlestis, etiam modeste tractetur, invidiosum est. Quid si nos hominum consuetudini cœperimus excerpere? Intus omnia dissimilia sint; frons populo nostra conveniat. Non splendeat toga, nec sordeat quidem. Non habeamus argentum in quo solidi auri calaterra descenderit, sed non putemus frugalitatis iudicium auro argentoque caruisse. Id agamus, ut meliorem vitam sequamur quam vulgus, non ut contrariam. Alioquin quos emendari volumus, fugamus a nobis, et avertimus. Illud quoque effluimus, ut nihil imitari velint nostri dum timent ne imitanda sint omnia. Hoc primum philosophia ditantia, sensum communiorum, humanitatem contumeliosam secundum mores hominum minus honestati congruos, et congregationem pecuniæ, scilicet, a qua professione dissimilitudo nos separabit. Nempe propositum nostrum est secundum naturam vivere. Contra naturam est torquere corpus nostrum, et faciles odisse munditias, et squalorem appetere, et tibi non tantum vilibus uti, sed concretis et horridis. Quemadmodum autem desiderare delicatas res luxuriæ est, ita usitatas, et non magno parabiles fugere, dementiæ. Frugalitatem exigit philosophia, non pœnam. Potest autem esse non incompta

A frugalitas. Hic modus mihi placet; scilicet, temperetur vita inter bonos mores et publicos, suscipiant omnes vitam nostram, sed non agnoscant. Quid ergo? Eadem faciemus quæ cæteri? Nihil inter nos et illos intererit? Plurimum quidem. Dissimiles nos esse vulgo sciat, qui nos inspexerit propius, qui domum nostram intraverit, nos potius miretur quam suppellectilem **48** nostram. Magnus quidem est ille, qui fictilibus sic utitur quemadmodum argento; nec ille minor est, qui sic argento utitur, quemadmodum fictilibus. Infirmi animi est pati non posse divitias. Nunquid igitur appetendæ sunt? Non: sed nec contemnendæ juxta verbum Attali magni philosophi, qui divitias non contempsit, sed alibi habendas permisit (Sex., ep. 110).

### B CAPUT XIX.

*Contra vermem et malum divitiarum.*

Sicut spiritualis paupertatis, hoc est humilitatis, nutritrix est et fomentum ista sensibilis paupertas, ita oppositum ejus, scilicet divitiæ, nutriunt et pariunt cupiditatem, Apostolo attestante, qui ait in Epist. I, ad Tim. vi. loquens contra laborantes in acquisitione divitiarum: « Est autem questus magnus pietas cum sufficientia, » scilicet, ut habeat homo, quantum necesse est vitæ sustentandæ, et quantum congruit personæ suæ, ut eis conveniat, cum quibus honeste vivendum est. Et addit (*ibid.*): « Nihil enim utilius in hunc mundum, haud dabium quia nec auferre quid possumus. Habentes alimenta, » simplicia, non delectamenta, non gulæ irritamenta, « et vestes, quibus tegamur, » non ornemur et luxuriemur, « his contenti simus. Nam qui volunt divites fieri; » non ait « sunt, » sed « volunt divites fieri; » ultra scilicet propositum, et fines, et terminos positos a natura, « incidunt in tentationes multas et laqueum diaboli, et in desideria multa inutilia et nociva, quæ mergunt homines in interitum et perditionem. »

### C CAPUT XX.

*Contra cupiditatem et avaritiam.*

« Radix omnium malorum est cupiditas (*I Tim. vi.*), » quæ est plus habendi quidlibet quam satis est; quod Græce dicitur *πλεονεξία*. Hac enim cecidit diabolus, qui non pecuniam, sed propriam potestatem amavit, et primi homines qui voluerunt esse sicut dii. Ergo cupiditas, secundum hoc, continere videtur quasdam species vitiorum, scilicet superbiam, elationem, gastrimargiam et quasdam alias. Ad quam questionem, et argumentum ad ipsam facit, quod supponit Augustinus (lib. iii, *De lib. arbitr.* cap. 17, et in *Ps. cxviii.*) « Quidam fibri habent, « Radix omnium malorum est avaritia, » quæ specialiter intelligitur amor pecuniæ. Unde in Græco dicitur *φιλαργυρία*; sed hic species ponitur pro genere. Avaritia enim est species cupiditatis: Gregorius (*homil. xvi in Evang.*) e contra, inter hæc non distinguit, dicens: « Tribus modis tentavit diabolus primum hominem. »



Primo gula, in persuasione cibi, cum dixit : « In A quacunque die comederitis (*Gen. iii.*) » Secundo, inani gloria, in promissione deitatis, cum ait : « Eritis sicut dii (*ibid.*) » Tertio, **49** avaritia, in promissione scientiæ, cum dixit : « Scientes bonum et malum. » Gula est immoderata cibi aviditas.

Vana gloria, amor propriæ excellentiæ. Avaritiâ immoderata est habendi cupiditas, quæ non tantum est pecuniæ, sed et altitudinis et scientiæ, cum supra modum sublimitas ambitur, imo etiam quæcunque res, cum supra quam satis est, appetitur, secundum Augustinum. Item ad ideam philosophus (*SESEC. ep. 16*) : Et quemadmodum aliarum rerum, ita et in temperantia litterarum laboramus. Non enim discimus vitæ, sed scholæ. Item philosophus : Non est quod mireris animum meum ; adhuc de alieno liberâlis sum. Quare autem alienum dixi ? Quidquid bene dictum est ab ullo, meum est, sicut id quod ab Epicuro dictum est : « Si ad naturam vivas, nunquam eris pauper ; si ad opinionem, nunquam eris dives. Exiguam natura desiderat, immensum opinio. » Congeratur in te, quidquid locupletes multi possederunt : ultra privatum pecuniæ modum fortuna te provehat, auro tegat, purpura vestiat, et ad hoc modus deliciarum opumque perducatur ut terram marmoribus abscondas, non tantum habere tibi liceat, sed calcare divitias. Accedant statuæ et picture et quidquid ars ultra luxuriæ elaboravit, et ab his majora cupere discas. Naturalia desideria finita sunt : ex falsa enim opinione nascentia, ubi desinant, non habent, nullus enim terminus falso est : via eunti aliquid extremum est : error immensus est. Retrahe ergo te a vanis, et cum vis scire quod petis, utrum naturalem habeat aut cæcam cupiditatem, considera si non possit alicubi consistere. Si longe progressio semper aliquid longius restat, scito id naturale non esse, quia,

*Crescit amor nummi, quantum ipsa pecunia crescit.*  
(*JUVEN. sat. xiv. 15.*)

Si divitias non habemus, avari et cupidi non essemus. Item Salomon Parabolarum cap. **xxx** : « Sanguisugæ duæ filiæ sunt » diaboli incessanter clamantes : *Affer, affer.* » Libido incessanter, et incessantius cupiditas. Illi enim ætate vel medicamento occurritur aliquo, isti nullo. Item cupiditas **D** comparatur hydropisi, quia

*Quo plus sunt potæ, plus sitiuntur aquæ.*  
(*OVID. Fast.*)

Item : Et fabulæ Narcissi comparatur, quia  
*Dumque sitim sedare cupit, sitis altera crevit.*  
(*Idem, in Metam. fab. 6.*)

Item : Juxta verbum cujusdam sapientis : Nos senes, cum ad omnia alia rectius cæteris sapiamus, ad solam avaritiam desipimus et deficimus : et quominus restat viæ, tanto amplius viatici quæritur.

## 50 CAPUT XXI.

### *De avaritia.*

Avaritiam speciem cupiditatis, licet Gregorius inter speciem et genus non distinguat (*Hom. in Ev.*), sugillat

et detestatur Ecclesiasticus c. **x** : « Avaro autem nihil est scelestius. » Et quia pro avaritia et pecunia cupide congregata sæpe superbi avarus, addit : « Quid superbis, terra et civis ? » Deinde proponit de avaritia : « Nihil est enim iniquius quam amaro pecunias. Hic enim et animam suam, non tantum linguam, venalem habet, quia in vita sua projecit intima sua, » seipsum eviscerans (sicut aranea que textit inutiles telas) sollicitudine acquirendi et conservandi pecuniam. Unde David : Et « tabescere fecisti » invidia [*f. avaritia, aut sollicitudine*], « sicut araneam animam ejus (*Psal. xxxviii.*) » quia

*Impiger extremos currit mercator ad Indos.*  
(*HORAT. l. i, ep. 4.*)

Item Hieronymus (*epist. ad Paulin. ex c. xvii Prov. juxta LXX post vers. 6*) in fine galeati principii : « Credenti totus mundus divitiarum est ; infidelis autem etiam obolo indiget, » et magis eo quod non habet quam eo quod habet. Item epitheton est avaritiæ, avarum vel facere superbum, urbanum, et aliquantulum lautiozem, vel eo nihil esse sordidius. Unde Juvenalis : « usque ad talam sordidus. » Hoc epitheton jugulare sufficiat illud Horatii : (*lib. i Sat.*) :

*Tantalus a labris sitiens fugientia captat  
Flumina. Quid rides ? Mutato nomine, de te  
Fabula narratur, congestis nudique saxis  
Indormis inhians, et tanquam parcere sacris  
Cogeris, aut pictis tanquam gaudere tabellis.*

Item : Ad hoc facit verbum cujusdam pauperis clerici et honesti, dicentis : Divitias illius divitis centucuplatis, etiam millecuplatis projicerem, antequam tantam sollicitudinem acquirendi conservandique, et adspiciendi eas haberem. Sine sollicitudine enim eas habeo et conspicio. Ingredior enim monasterium, cujus aurum et argentum in vasis templi adspicio, pasco oculos : quod mihi conservatur sine sollicitudine appositionis custodum, ut iterum cum libuerit, eo viso pascam oculos. Hieronymus (*epist. ad Nepotianum de vita clericorum*) : Clericus dives debet esse in conscientia, pauper in pecunia : est enim in partem vel sortem Domini assumptus, imo pars Domini. Nos enim sumus de quibus ait : « Funes ceciderunt mihi in præclaris (*Psal. xv.*) » qui oculos ante et retro habere debemus, nobis scilicet et aliis providentes. Item Sebastianus in Legenda sua : Si objicis cur Deus dedit divitias, si eas habere non possimus nec debemus ? Ad opus, inquit, liberalitatis tibi collatæ sunt. Si vis fœnerare et eas multiplicare, potius fœnerare eas fratri Christo. Pone eas in manus pauperis Christi. « Centuplum accipies et vitam **51** æternam possidebis (*Matth. xix.*) » Nonne tibi gratiosus esset, qui tibi transituro ad nundinas per locum periculosum, latrunculis obsitum, pecuniam tuam ad locum tutiorem deferret, ut salvam illam reciperes ? Ita quidem. Pone igitur eam in manus pauperum, « a quibus in cœlestes thesauros deportetur, ubi fures non furantur, nec effodiunt (*ibid.*) »

*Quas dederis solas semper habebis opes.*

MARTIAL., lib. v, epigram. 43.)

Item Ecclesiasticus, avaritiæ vitium suggillans, ait cap. xiv : « Viro cupido et tenaci, sine ratione est substantia. » Per fas enim et nefas acquiritur, et ita sine ratione.

*Si poteris recte, si non, quocunque odo rem.*

(HORAT. l. i. ep. 1.)

Idem consequenter : « Et homini livido ad quid aurum? » Videtur ergo quod omnis avarus invidus. Invidet enim alienis divitiis, ut habeat eas. « Qui acervat ex animo suo injuste, aliis congregat, et in bonis illius alius luxuriabitur. Qui sibi est nequam, cui alii bonus erit? Et non, » ideo « jucundabitur in bonis suis. » Et David : « Thesaurizat, et ignorat cui congregabit ea (Psal. xxviii, xlvi). » Et : « Relinquent alienis divitiis suas (Eccli. xiv). Qui sibi invidet, nihil est eo nequius, et hæc redditio est malitiæ ipsius, et si bene fecerit, ignoranter, et non volens facit, et in novissimo malitiam suam manifestat. Insatiabilis est oculus cupidi in partem iniquitatis; non satiabitur donec consumat » justitiam, « animam suam arefaciens. Oculus malus ad mala, et non satiabitur pane indignis; in tristitia » avarus « erit super mensam suam (Eccli. xiv). » Item, juxta quemdam sapientem : « Nihil gravius imprecari potest cuivis quam avaritia, qua in præsentem vexante eorum ejus, dira tormenta patitur et in futuro æterna supplicia sic promeretur. » Item Apostolus ad Ephesios v : « Scitote quod omnis fornicator, aut immundus, aut avarus (quod est idolorum servitus) non habet hæreditatem in Christi regno, et Dei. » Sicut enim idololatra latrariam et servitutem, quæ Deo debetur, exhibet idolo; ita avarus, serviens potius pecuniæ quam Deo, cultum Deo debitum exhibet pecuniæ et nummo. Item Apostolus ad Coloss. iii : « Mortificate membra vestra, quæ sunt super terram, » fugientes « fornicationem, libidinem, concupiscentiam malam, et avaritiam, quæ est simulacrorum servitus. » Augustinus etiam avaritiam idololatriæ recte comparat, quia non dispar malitia, et uno plene opere completur. Utraque enim nititur auferre Deo quod suum est. Hæc scilicet gloriam deitatis, ne solus habeat eam, et illa res Dei, ut sola habeat quæ Dominus omnibus fecit. Item Hieronymus ad Heliodorum monachum : « Æstimato male pondere peccatorum, levius peccare videtur alicui avarus, quam idololatra; sed non medioeriter errat. Non enim gravius peccat, qui duo grana thuris projicit super altare Mercurii, quam qui avare, cupide, et inutiliter pecuniam congregat et coacervat. » Item Dominus in Evangelio : « Nemo potest duobus dominis servire, Deo et mammonæ (Matth. vi, 24), » id est avaritiæ, quæ nomine deliciarum vel divitiarum, quæ eam pariunt et fovent, imo potius nomine dæmonis, qui præest divitiis male acquisitis, nuncupatur. Item diabolus ad Dominum de avaritia tentans eum ait : « Hæc omnia tibi dabo, si proci-dens adoraveris me (Matth. iv, 9). » Ergo qui 52 di-

Avitias et gloriam mundi appetit, cadit et adorat diabolum. Avaritia enim respectu aliorum vitiorum majorem operatur casum, quæ Deo servitutem et adorationem sibi debitam aufert. Item Apostolus I ad Cor. v : « Si quis frater nominatur inter vos fornicator, aut avarus, aut idolis serviens, aut maledicus, aut ebriosus, aut rapax, cum hujusmodi non licet eibum sumere. » Ergo vitandi sunt avari, maxime fœneratores a communione sacramentorum Ecclesiæ separandi, nisi respiciant et ablata restituant. Apud sanctum Dionysium quidam talis mortuus in sterquilinum projectus est. Tandem procurante avaritia ejusdam monasterii in sepultura Ecclesiæ est sepultus. Et reclamantibus honestis viris, ne in exemplo traheretur, projectum est cadaver ejus effossum in sterquilinum. Objectio de militibus detinentibus decimas. Item Dominus in Evangelio : « Cavete vobis ab omni avaritia. Non enim in abundantia, cujusquam vita ejus est, ex his quæ possidet (Luc. xii). » Possessio enim ejus gratiæ et gloriæ est amissio. Item Parabolarum cap. xv : « Conturbat domum suam qui sectatur avaritiam : qui autem odit munera, vivet. Qui vero libenter accipiunt munera, ignis devorabit tabernacula eorum. » Item xxviii : « Qui odit avaritiam, longi fient dies ejus. Vir autem qui festinat ditari, et aliis invidet, ignorat quod egestas superveniet ei. » Item Ecclesiaste v : « Avarus non implebitur pecunia, et qui amat divitiis, fructus non capiet ex eis. Ubi multæ divitiæ, et multi qui comedunt eas. Et quid prodest possessori, nisi quod cernit eas? » Item in eodem c. 6 : « Vir cui dedit Deus divitiis, et substantiam, et honorem, et nihil deest animæ suæ ex omnibus quæ desiderat; nec tribuit ei potestatem Deus, ut comedat ex eo, sed homo extraneus vorabit illud; hoc vanitas et miseria magna est. » Item. Horatius (lib. i, ep. 16) :

*Quo melior servo, vel liberior sit avarus  
Non video. Nam qui cupiet metuet quoque; porro  
Qui metuens vivit liber mihi non erit unquam.*

Quia :

*Perdidit arma, locum virtutis deseruit, qui  
Semper in augenda festinat, et obruitur re.*

Item Hieronymus (in comment. in cap. xxx Proverb.):

D « Avaritia est sicut infernus, et os vulvæ meretricis. Insatiabilis enim est; et quo magis rapit et devorat, eo amplius rapere sitit, quæ perdat. » Unde poeta :

*. . . . . Opibus donatur avaris  
Quidquid in orbe perit.*

Item idem :

*Semper avarus etiam dives eget.*

Dives vero est, qui pauper est cum Christo. Item idem : Cum duæ sunt filiæ sanguisugæ, scilicet libido et avaritia; pejor filia et detestabilior est avaritia. Illi enim succurritur beneficio ætatis, progressu temporis, huic vero nullo medetur quis antidoto; sed quanto minus restat viæ, tanto magis crescit in acquirendo. 53 Unde Claudianus :

*Quid nervos secuisse juvat? Vis nulla cruentam  
Castrat avaritiam, parvis exercita furtis,  
..... Sed pejus in aurum  
Æstuat; hoc uno fruitor succisa libido.*

(Lib. 1 in *Eutropium*.)

Item: Dominus in iudicio super omnia monstra, solum monstrum avaritiæ detestabitur; utpote causam damnationis nostræ; ejusque contrarium, scilicet misericordem largitatem vel liberalitatem super omnia opera nostra, quasi causam salutis nostræ approbabit, cum dicet: « Esurivi et non dedistis mihi manducare, sitivi et non dedistis mihi bibere (*Math. xxv*), » et ita de cæteris. Et quæ est causa quare non dederitis? Avaritia. Quæ, quare dederitis? Liberalitas. Facilius est tamen dare (quia hoc est se exonerare) quam opera cæterarum virtutum implere. Unde et modicum est pœnitentis injungere, de substantia sua pauperibus erogare, nisi avaritia laboraverit, ut sic curetur ab ea. Item Hieronymus: « Eo detestabilior est avaritia quod ipsa vitium contrarium sibi nutrit et fovet: prodigalitem enim semper fere comitatur avaritia. » Unde poeta Claudianus:

*..... Quodcumque profunda  
Traxit avaritia, luxu pejore refundit.*

(De bello *Gildonico*.)

Quomodo ergo sunt contraria

Item Genesis xxxi Rachel fugiens cum Jacob a facie patris sui Laban furata est idola ejus, quæ abscondit subter stramenta cameli et sedit super. Quæ Laban quærenti ea, et non inventi in tentorio ejus, ait: « Ne irascatur dominus meus, quod coram te nequeo assurgere, quia juxta consuetudinem feminarum nunc accidit mihi. » Jacob autem postea comperiens deos alienos esse in domo sua, scilicet idola Laban, licet aurea et argentea cum inauribus et ornamentis et phylacteriis suis infodit sub terebintho. Per Jacob Christus et perfecte pœnitens intelligitur, qui omnem cupiditatem mundanam, antiquam, et philosophiam ejus, id est omnes occasiones et circumstantias avaritiæ infodit sub cruce Christi; nudus nudum sequens Crucifixum, cujus paupertas maxime in cruce apparuit. Pendens enim in ea tantum cinctorium, velamen scilicet pudendorum, habuit. Quis cum Christo dicere potest: « Venit enim princeps hujus mundi et in me non habet quidquam? (*Joan. xiv.*) » et cum Apostolo: « Mundus mihi crucifixus est, et ego mundo? (*Gal. vi.*) » Per Rachel, quæ interpretatur oris, molliter pœnitens et imperfecte significatur. Cui juxta consuetudinem feminarum accidit, cum immunditiam avaritiæ secutus, quasi muliebria patitur. De hac tamen pœnitendo abscondit idola, hoc est avaritiæ, et subter stramenta cameli, scilicet sub fimo, et sub stratorio cameli, hoc est humilitate pœnitentiæ, omnem tumorem, et sublimitatem, et avaritiam, quæ est ex divitiis, tegens; ita quod sedit super finem in quo abscondita erant idola, quia Deum præponit omnibus, et si juxta se

A divitias habeat: cui tamen res **54** suæ servit; non ille rebus, qui de se ait:

*Et mihi res, non me rebus supponere conor.*

(HORAT. lib. 1, ep. 1.)

Item ad idem valet exemplum Joseph, qui non tantum pallium, sed et lasciviam ejus reliquit mæreticæ Ægyptiæ. Hoc est non tantum cupiditatem, sed et omnem occasionem ejus et circumstantiam relinquere debemus mundanæ voluptati. Item ad idem valet exemplum « adolescentis, qui, relicta sindone, nudus profugit ab eis (*Marc. xiv*), » scilicet Judæis. Item ad hoc valet exemplum de vitulo conflabili, quem Moyses præcepit redigi in minutissimum pulverem. Non enim tantum ipsam avaritiam, et substantiam peccati debemus condemnare, B per pœnitentiam abolere, sed etiam omnes circumstantias ejus, et occasiones minutissimas penitus absumere, et fimo immundissimorum stercoreum condemnare cum Apostolo, qui ait: « Omnia hæc reputavi ut stercora, ut Christum lucrifacerem. » (*Philip. iii, 12, q. 2, Gloria*). Item Hieronymus (*Ex epist. ad Paulinum de institut. monachi*): Crates Thebanus, homo quondam ditissimus, proficiscens ad philosophandum Athenas, magnum auri pondus secum detulit. Qui in via secum deliberans, et considerans se non posse simul virtutes et divitias possidere, cum ad dediscendam avaritiam iret, divitiasque fomentum et nutrimentum esse avaritiæ conspiceret, projecit a se aurum, inquit: O divitiæ, abite, procul sitis a nobis. Nunc vero sarcinati C auro et argento Christum pauperem sequimur, et sub prætextu eleemosynæ pristinis opibus incubantes, quomodo possumus aliena fideliter distribuere, qui nostra timide reservamus? Item ad idem valet exemplum Cynici et philosophi illius, scilicet Diogenis, in dolio degentis, qui vacuus spei et timoris expers, locupletem transegit paupertatem.

Ad quem Aristippus quidam aulicus, cum mundaret et lavaret olera sua, accedens ait: Tu cum sapiens et philosophus sis, si regibus servire voluisses, olera tua non lavares. Cui respondens, ait: Si paupertate mediocri scires uti, non oporteret te regibus mendicando adulatione mentiri. Unde Horatius (lib. 1, ep. 17):

*Si pranderet olus patienter, regibus uti  
Nollet Aristippus: si sciret regibus uti,  
Fastidiret olus, qui me notat.*

## CAPUT XXII.

*Contra acceptores munerum.*

Non tantum exemplis ethnicorum detestamur et jugulamur avaritiam, et omnem acceptionem munerum, sed et exemplis plurimis sacre Scripturæ. Primo exemplo Abraham, cui revertenti a cæde quatuor regum, cum Loth et substantiam ejus reduceret, rex Sodomorum dixit: « Da mihi animas, cætera tolle tibi. Qui respondit ei: Levo manum meam ad Dominum Deum **55** excelsum, possessorem cæli et terræ, quod a filo subtegninis usque ad corrigiam

caligæ non accipiam ex omnibus, quæ tua sunt, ne dicas: Ego ditavi Abraham; exceptis his quæ comederunt juvenes, et partibus virorum, qui mecum venerunt. Ipsi enim accipient partes suas (*Gen. xiv.*) » Item Genesis xxiii, Abraham, mortua uxore Sara, dixit ad filios Heth: « Advena sum et peregrinus apud vos, date mihi jus sepulcri vobiscum, ut sepeliam mortuum meum. Responderuntque filii Heth: Princeps Dei es apud nos: in electis sepulchris nostris sepeli mortuum tuum. Surrexit Abraham, » gratias egit, « et adoravit eos, et dixit: Si placeat vobis, ut sepeliam mortuum meum, intercedite apud Ephron filium Seor, ut pro pecunia digna det mihi speluncam duplicem quam habet in extrema parte agri sui, in possessionem sepulcri. Respondit Ephron cunctis audientibus: Nequaquam ita fiet; sed gratis trade tibi agrum et speluncam quæ in eo est. Respondit Abraham: » Non gratis accipiam, sed » dabo pecuniam pro agro. Suscipe eam, et sic sepeliam mortuum meum in eo. Et appendit pecuniam Abraham, quam Ephron postulavit, » scilicet quadringentos siclos argenti probate monetæ et publicæ. » Item Genesis xxxiii, exemplo Esau, qui Jacob fratre suo offerente ei munera in bobus, asinis, servis et ancillis, ait: « Quenam sunt istæ turmæ quas obviam habui? Respondit Jacob: Ut invenirem gratiam coram domino meo. Et ille: Habeo, inquit, plurima, frater mi, sint tua tibi. Dixitque Jacob: Noli ita, obsecro; sed, si inveni gratiam in oculis tuis, accipe annusculum de manibus meis: sic enim vidi faciem tuam, quasi viderem vultum Dei: sis mihi propitijs; et suscipe benedictionem quam attuli tibi. Vix fratre compellente suscepit. » Ista tamen susceptio, licet coacta, in eo, et in similibus ejus, signum est divinæ reprobationis. Quidam enim sunt qui volunt cogi accipere, et tamen accipiunt: « Grata est vis ista sibi, cogique meretur. » Item Exodi capitibus xxxiv et xxxv. Pro construendo enim tabernaculo omnes viri et mulieres mente devota obtulerunt donaria, ut fierent opera quæ jusserat Dominus per manum Moysi, cunctique filii Israel voluntaria Domino dedicaverunt: « Cum autem artifices instarent operi, dixerunt Moysi: Plus offert populus quam necessarium est. Jussit ergo Moyses præconis voce cantari: Nec vir, nec mulier quidquam ultra offerat in opere sanctuarii, sicque cessatum est a muneribus offerendis, eo quod oblata sufficerent, et superabundarent. » Item Numeri cap. xvi, increpante Moysæ Dathan et Abiron murmurantes contra Aaron, responderunt ei dicentes: « Nunquid parum est tibi quod deduxisti nos de terra, lacte et melle manante, ut occideres nos in deserto, nisi et dominatus fueris nostri? An et oculos nostros vis eruere? Iratusque Moyses valde ait ad Dominum: Ne aspicias, Domine, sacrificia eorum: tu scis quod nec asellum quidem unquam acceperim ab eis, nec affiverim quempiam eorum. » Item Numeri cap. xxii: « Seniores Moab et majores natu habentes pretium divinationis in manibus, missi a Balac,

A dixerint ad Balaam: Sic dixit Balac, filius Sephor, rex Moabitarum: Ne cuncteris venire ad me paratum honorare te, et quicquid volueris dare tibi. Veni et maledic populo isti. Respondit Balaam: Si dederit **56** mihi Balac plenam domum argenti vel auri non potero immutare verbum Dei mei, ut vel minus vel plus loquar. » Item: Balac præbens et offerens ei munera, ait (*Num. xxiii, xxiv*): « Maledic Jacob, detestare Israel. Qui respondit: Quomodo maledicam; cui non maledixit Deus? Qua ratione detester quem Dominus non detestatur? Nunquid aliud loqui possum quam quod jussit mihi Deus? Qui benedixerit Jacob, erit et ipse benedictus, et qui maledixerit, in maledictionem deputabitur. Verumtamen pergens ad populum meum, dabo tibi consilium, quid populus tuus huic populo faciat. » Quod et implevit, sicut Joannes in Apocalypsi (ii) testatur dicens: Balaam, accepto pretio divinationis, licet coactus: « docebat Balac mittere scandalum filiis Israel, » scilicet « edere » de sacrificiis idolorum « et fornicari. » Item I Reg. xii: « Dixit Samuel ad universum Israel. Audivi vocem vestram juxta omnia, quæ locuti estis ad me; et constitui super vos regem, qui graditur ante vos, et nunc senui conversatus coram vobis ab adolescentia mea usque in diem hanc. Ecce præsto sum. Loquimini de me coram Domino et coram Christo ejus, » scilicet Saule. « Utrum bovem ejusquam tulerim, an asinum. Si quempiam columniatus sum, si oppressi aliquem, si de manu cujusquam munus accepi, et contemnam illud hodie vobisque restituiam. » Item exemplo David II Reg. ultimo: « Nequaquam fiet ut vis, sed emam pretio a te aream, ubi ædificetur Domino templum et non offeram Domino meo holocausta gratuita. » Item exemplo Addo prophetæ III Reg. xiii: « Locutus est rex ad virum Dei: Veni mecum domum ut prandeas, et dabo tibi munera. Respondit vir Dei regi: Si dederis mihi mediam partem domus tuæ, non veniam tecum, nec comedam panem, neque bibam aquam in loco isto. » Item II Esdræ quinto: « Ego et fratres mei, et pueri mei commodavimus plurimis pecuniam et frumentum; non repetamus in commune istud, æs alienum concedamus quod debetur nobis, » etc. Item Actuum apostolorum cap. xx: « Vos scitis a prima die qua ingressus sum in Asiam, qualiter vobiscum per omne tempus fuerim conversatus, serviens Domino in humilitate et lacrymis. » Et texens sermonem moralissimum, ultimo annectit de officio prælatorum, docens eos cavere avaritiam exemplo sui, cum ait: « Argentum, et aurum, aut vestem non concupivi. Ipsi scitis quoniam ad ea quæ opus mihi erant, et his qui mecum sunt, ministraverunt manus meæ. » Item epistola Judæ (c. v, 8, 9): « Væ illis qui in via Cain abierunt, et errore Balaam mercede effusi sunt, et in contradictione Core perierunt. » Item II ad Corinth. xi: « Gratis evangelizavi vobis, et cum essem apud vos et egerem, nulli onerosus fui, sed in omnibus sine onere me vobis servavi, et servabo.

Est veritas Christi in me, quoniam hæc gloriatio non accipiendi non infringetur in me, in regionibus Achaë, quod facio et faciam, ut amputem occasionem prædicandi eis, qui propter quæstum prædicant. Item Ezechielis cap. xxii: « Munera, usuram et superabundantiam accepisti, et avare proximos tuos calumniabis, meique oblita es, ait Dominus. Ecce, complosi manus meas super avaritiam tuam quam fecisti. » Item Apostolus in Actuum apostolorum xx: « Omnia ostendi vobis, quoniam sic laborantes oportet suscipere infirmos, et meminisse verbi Domini Jesu (quod ipse dixit, et frequenter in ore habuit). » Beatius est, inquit, « magis dare quam accipere. » Item: exemplo beati Thomæ, qui cancellarium suum instituens, sacramento jurisjurandi eum astrinxerat, ne unquam aliquid, usque ad capipulum, in administratione cancellariæ acciperet. Item Ecclesiastici xx: « Exenia et dona excæcant oculos iudicium, et quasi mutus in ore avertit correptiones eorum. » Corrupti munere, obmutescunt cessando a correptione. Item Isaias (cap. xxxiii): « Quis ambulat in justitiis et loquitur veritatem, qui projicit avaritiam ex calumnia, et excutit manus suas ab omni munere? Iste in excelsis habitabit. » Nota verbum excussionis. Per laxationem manuum de facili labuntur in terram magna munera, sed minima nisi per excussionem, sed adhærent manibus, ut pulvis. Item Strabus super Exodum: Cupiditas est ramunculus projectus in os canis, qui facit eum obmutescere. Item: Cupidus est similis illi fatuo pastori Virgiliano, de quo:

... Lupi Mærim videre priores (Virgil, ecloga 9). De quibus dicitur, quod si prius viderint homines, faciunt eos obmutescere. Item Job xv: « In fine ignis devorabit tabernacula eorum, qui libenter accipiunt munera. » Item IV Reg. v, Naaman Syrus curatus a lepra per Elisæum, ait ei: « Obsecro, domine mi, ut accipias benedictionem a servo tuo. At ille respondit: Vivit Dominus ante quem sto, quia non accipiam. » A quo cum accepisset munera Giezi, absente domino suo Elisæo, dixit ei Elisæus in reditu: « Nunc igitur accepisti argentum et vestes, ut emas oliveta, vineas, oves et boves, et servos et ancillas; sed etiam lepra Naaman adhærebit tibi, et semini tuo usque in sempiternum (IV Reg. v). » Item Demosthenes rogatus ut pro libertate reipublicæ tuenda aperiret os suum, involvit caput lana simulans se ægrotare, et ait: Non possum, synanchen etenim, frater, patior. Et respondit ei: Non synanchen, inquam, sed argyranchen. Item: « Munera excæcant oculos sapientum (Deut. xvi), » et vim auctoritatis inclinant. Item, exemplo Cyriaci diaconi Marcelli papæ, qui potestatem habens imperandi dæmonibus, curavit filiam Diocletiani Augusti arreptam a dæmonio; de qua egressus insilivit in filiam Saporis regis Persarum. Qui audito quod Cyriacus curasset filiam Diocletiani, misit legionem magnam cum muneribus ad

Diocletianum, ut ad preces ejus Cyriacus veniret, et sanaret filiam suam. Requisitus Cyriacus exaudivit eum: et cum ei præpararentur currus et equi, super quos veniret, ait: Non decet Christianum ita pompose incedere, sed præcedite, et ego sequor. Qui cum curasset filiam Saporis, ipsumque et domum ejus totam baptizasset, obtulit ei rex munera. Qui respondens, ait: Non accipiam, inquit, hæc munera, absit enim ut gratia Christi sit, vel æstimetur venalis. Item Hieronymus: Sicut nec matrona casta est, quæ munera accipit maxime ab amatore et sponso suo (quæ signa sunt levitatis ejus, et futuri incestus), ita nec judex a confratre minuscula accipiens, quæ signa sunt corruptionis ejus, et iudicii ab eo faciendi. Item Jeremiæ cap. vi: **58** « A minore quippe usque ad majorem, omnes avaritiæ student; et a propheta usque ad sacerdotem cuncti faciunt dolum, et curabant contritionem filiarum populi mei cum ignominia, dicentes: Pax, pax, et non erat pax. » Item Exodi xxiii: « Nec accipias munera, quæ excæcant etiam prudentes, et subvertunt verba justorum. » Item: Quintilianus de quodam oratore Athenis erudito, et facto deserto impensis ejusdem divitis, qui postea pro republica rogatus loqui, stetit in causa contra patronum suum, contra divitem illum; in qua obtinuit dives. Unde et oratorem illum in jus vocavit, accusans eum super ingratitude. Qui cum accusaretur, ait diviti illi: Domine mi, tu scis, quia nihil crudele in te intorsi, nihil causa odii, sed pro libertate reipublicæ, et honestate personæ meæ, imo etiam et tuæ, steti. Nunc vero hoc video, quia nihil est periculosius acceptis muneribus, si ad omnem nos obligant servitutem. Item: Hieronymus scribens cuidam diviti matronæ sciensque per hoc canes suos detrahendo dicere illum familiaritatem principum affectare, respondit eis: Absit ut ista quæram! Cui enim satis est vile olusculum, et panis cribrarius, talia non quæritat. Quia fidele testimonium est (contemptus munerum et opum) quod non habet causas mentiendi, adulandi, mendicandi, familiaritatem potentum acquirendi.

#### CAPUT XXIII.

*Contra acceptores munerum pro justitia facta, vel facienda, acceleranda, vel omittenda.*

Acceptio munerum multiplex est. Prima simplex est, et licitorum munerum pro nulla causa injusta acceptorum, periculosa tamen, quia ea vendimus libertatem nostram, de qua supra disputavimus in fine capituli de avaritia (cap. 21). Secunda est pro justitia facta, quod Giezticum, vel facienda, quod Simoniacum: omissa vel omittenda, accelerata vel acceleranda, quod iniquum, pro injustitia etiam facienda, quod est diabolicum. Tertia est de rapina occulta vel manifesta: Puta, rapina violenta, usura, furto, exactionibus, extortionibus pecuniæ, talliis citra stipendium præscriptum acceptis, et hujusmodi. Quarta est pro spiritualibus, ut ordinibus, sacramentis, beneficiis ecclesiasticis, officis, et illis au-

nexis conferendis vel collatis, vel non dandis (cum aliquis digno proposuerit dare beneficium ecclesiasticum) etiā (quod magis crudelitas est) contumelia, etiā illata Spiritui sancto, et impedimentum quo minus currat gratia ejus. Quinta est cum quis accipit per dolos, curiositates, et artem mimicam et histrionicam, vel cum abundet nec egeat. Unde Hieronymus (*Ad Paulinum*): O monache, si eges et accipis, das potius quam accipis; **59** si accipias, et non eges, rapis. Sexta est de illicite acquisitis munera accipere, etsi in pias causas expendantur; puta, ut ex illis construantur grangiae et officinae monasteriorum et hujusmodi.

Contra secundum titulum hęc colliguntur. Acceptores munerum pro justitia facta, facienda, acceleranda et omittenda, vel pro injustitia facienda, si sunt pastores et praelati Ecclesie, similes sunt Nabal stulto, qui tondens oves, non respexit David, nec est misertus super contritione Joseph. Hi non sunt pastores ovium, sed tonsores, excoiatores, depilatores, lupi et emunctores pecuniarum, lac et lanam in ovibus quærentes, lucro inhiantes potius quam saluti animarum intendentes. Legitur enim in primo libro Regum cap. xxv, quod « cum David audisset in deserto, quod tonderet Nabal oves, vel gregem suum, misit decem juvenes ad eum dicentes: Quodcumque invenerit manus tua, da servis tuis, et filio tuo David. Qui respondit, dicens: Quis est David? Et quis est filius Isai? Hodie increverunt servi » super terram « qui fugiunt dominos suos. » C Hoc audiens David, iratus est valde, jubetque servos suos accingi gladio, quasi vindicaturus in eum. Quod audiens Abigail uxor ejus prudens et sapiens, nescio viro cum panibus et vino et arietibus coctis occurrit David, et descendens de asino, procidit ad pedes ejus et ait: « In me sit, domine mi, hęc iniquitas, rogo ut suscipias benedictionem hanc, quam attulit ancilla tua tibi domino meo: malitia non inveniatur in te. Non veniat hoc tibi in singulum cordis et scrupulum, quod effuderis sanguinem viri mei, cum constituerit te Dominus ducem super Israel. » Suscepit ergo David quæ obtulit, et ait: « Vade pacifice in domum tuam. » Dominus tamen post decem dies ulciscens David, percussit Nabal tonsorem, et mortuus est (*ibid.*). Item: Tales similes sunt Laban (*Genes. xxix*), qui circumvenit Jacob sibi servientem, decemque vicibus mutavit mercedem ejus, qui filias vendidit, et reputavit quasi alienas, comeditque pretium earum. Ob quam causam, cum fierat tondendas oves, Rachel furata est idola patris sui, quæ inter omnia chariora habebat, et fugit (*Genes. xxxi*). Item: Maximi tonsores ovium usque ad carnes, imo tonsores usque ad sanguinem, quod si nequiverint, depilatores sunt usque ad pellem, id est, in minoribus donis: exterius visi pulchri, sed in operibus et interius lupi rapaces. Hi similes sunt Absalon (*II Reg. xiv*), (qui quanto magis tondedat capillos, tanto amplius surgebant; qui agrum Joab, ad se venire recusantis,

A habentem messem hordei, jussit comburi), qui quod per se facere erubescunt, per officiales subtonsos suos, lenones et bajulos tonsuræ scrutatoresque et indagatores rapinæ suæ adimplent. Quibus consultius esset mulierculas venales lenocinio circumducere, quam rapinæ et participio peccati majorum studere, cum tamen de raptis nihil possint restituere. Item: Similes sunt tales Judæ (*Gen. xxxviii*), qui, uxore mortua, ascendit ad tonsos ovium suarum. Quo ascendente ad tondendas oves, Thamar nurus ejus, mutato habitu viduitatis, in bivio itineris sedit. Quam videns Judas, suspicatus est esse meretricem, **60** cum qua, loco meretricis, datis ei muneribus, coit. Item psalmo xiii: « Nonne cognoscent, » in futuro, « omnes qui operantur iniquitatem, » multiplicem? Et qui sunt illi, et ob quam causam « operantur iniquitatem? » si scilicet « qui, » et quia « devorant plebem meam, » quotidiana rapina et multipliei, « sicut escam panis, » id est, qui ministerio suo utuntur propter capiendā munera ab hominibus, non ad salutem hominum, vel ad gloriam Dei. Panis enim quotidianus cibus est et suavis: similiter et ipsi delectantur cum quotidiana rapina, ut simplices Christianos absorbeant. Qui, ut tales sint, inde provenit, quia « Dominum non invocaverunt, » sed temporalia. Item psalmo xxv: « Dexteram eorum repleta est muneribus, » cum pro justitia, pretium pecuniæ, laudis, timoris, injuste misericordiam quæritur. Item psalmo cxliii: « Quorum os locutum est vanitatem, et dextera eorum, dextera iniquitatis, » quæ potius sinistra dicenda est quam dextera, quia pro his quæ sunt dexteræ temporalia quærent, mutantque dexteram in sinistram, existentes non ambidextri cum Aod, sed ambisinistri; ideoque nec regem Eglon pinguisimum confodere possunt (*Judic. iii*). Item tales, hoc mandatum præ avaritia nequeunt implere: « Nesciat sinistra quid faciat dextera (*Matth. vi*), » cum ea, quæ sunt dexteræ, pro sinistra et temporalibus faciunt. Item nec hoc: « Læva ejus sub capite meo, et dextera illius amplexabitur me (*Cant. ii*): » sed, « Læva manus ejus sub capite meo, » et læva ejus amplexabitur me, qui non habent, nisi lævam, pro læva tantum operantes. Item: Tales in judicio cum hædis fetidis collocabuntur a sinistris, non cum agnis a dextris (*Matth. xxv*) suaviter redolentibus, qui hic non nisi sinistram quæsierunt. Item Zachariæ v: « Et dixit angelus ad me: Vide quid est hoc quod egreditur. Et dixi: Quidnam est? Et ait: Hęc est amphora egrediens. Et dixi: Hic est oculus omnium in terra, et ecce talentum plumbi portabatur, et ecce mulier sedens in medio amphoræ. Et dixit: Hęc est impietas. Et projecit eam in medio amphoræ, et misi massam plumbeam in os ejus. » Hieronymus (*Comment. in Zachariam et Nah.*): Olim sedit iniquitas super talentum plumbi, modo vero super talentum auri. Nunc impletum est poëtæ illud:

*Aurea nunc vere sunt sæcula, plurimus auro  
Venit honos.*

*Auro perficitur, qui liquid captatur inique,  
Nemoque praetento munere vana rogat.*

(PROPERT. l. III, elegia 11.)

Item Arator (In Acta apost. l. 1) :

*..... Hæc tecum mente sagaci  
Volve, quid esse putes, rutili quod mossa metalli  
Ponitur ante pedes, sacris non tradita dextris,  
Contemni [ed. destitui] debere probant quod tan-*

[gere vitant,

*Calcandumque docent, quod subdant gressibus aurum,  
De quo terræ veniunt ad pectora curæ,  
Consimili jactatur humo, quo sistat, avare,*

**61** *Mens tua, dis e loco quod tu custodis anhelus,  
Quod statione premis, quod cernere sæpius ardes,  
Ejus in amplexus per somnia cuncta recurris,  
Horescunt tractare pii, nec tunc quoque gestant  
Cum bona facta parant, quantum speculantur in isto  
Stare nefas, et dona gerens contemnitur aurum.*

Item Claudianus (l. 1 in Eutropium) :

*..... Propriæ solatia sorti*

*Communes vult esse notas, et venditus ipse  
Vendere cuncta cupit, cum tantum sæpe duorum  
Diversum suspendit onus, cum pondere judex  
Vergit et in geminus nutat provincia lances.*

Unde Hieronymus : Judex non debet esse sicut statera, quæ modico oboli pondere inclinatur in aliam partem, et ita injusta est; sic et judex, qui respicit munus vel personam, vel aliquid præter judicium Domini, propter quod inclinatus in aliam partem, minus juste examinat. Unde Salomon : « Pondus et statera judicia Domini sunt (Prov. xvi). » Qui autem propter munus vel aliud hujusmodi declinat justum judicium, seu in circumstantiis ejus et appendiciis, seu in substantia sententiæ, « pondus et pondus habet in domo (Deut. xxv). » Unde Salomon : « Abominatio est apud Deum, pondus et pondus; statera dolosa abominabilis est Domino. Pondus æquum voluntas ejus (Prov. xx). » Item Deuteronomii, cap. xxv : « Non habebis in sacculo diversa pondera, majus et minus non erit in domo tua. Abominatur enim Dominus eum qui facit hæc. »

Item : « Beatus qui excutit manus suas ab omni munere (Isai. xxxiii). » Augustinus dicit : Pecuniæ, laudis, timoris, gratiæ privatæ, injustæ misericordiæ. Unde Dominus in Levitico (cap. 19) : « Ne consideres personam pauperis, » Augustinus addit : In judicio; quia, qui parit sacculo pauperis, miserus ejus in causa injusta, percutit cor ejus. Item, Exodi cap. xxiii : « Non declinabis in judicium pauperis. » Sed hodie non oportet hæc præcipi : Contemnuntur enim modo pauperes in judicio, imo etiam a fratribus. Unde Salomon : « Fratres hominis pauperis oderunt eum (Prov. xix). » Item Jeremiæ, (cap. xlviii) : « Maledictus omnis qui facit opus Dei fraudulenter. » Gregorius pro corporalis rei præmio, vel pro laudis verbo, vel pro humani judicii gratia. Item Hieronymus : Sicut vinum abundantius sumptum, etiam subtile, hebetat ingenium; ita et munusculum judicis judicium, ne possit cernere verum. Item : Sicut matrona quæ accipit munusculum aliunde missum, corruptionis suæ est signum, sic a judice qui accipit, munusculum scilicet, non nisi corruptum emanabit judicium. Item

**A** Exodi cap. xviii : « Jethro Moysi : Quid est hoc quod facis in plebe? Cur solus sedes, » ad judicandum, « et omnis populus præstolatur de mane usque ad vesperam? Non bonam rem, inquit, facis : stulto labore consumeris tu et populus tuus tecum; ultra vires tuas est negotium, non poteris solus sustinere. Sed audi verba mea atque consilia et Dominus erit tecum, » scilicet, si a te **62** removeris multitudinem negotiorum, ne prægraveris. Potissimum est, si tales elegeris judices, viros nobiles, potentes qui timeantur. Qui si humiles fuerint, in hoc justitiæ et Ecclesiæ melius providetur, si autem superbi et mali, oleum additur camino.

« Sapientes et timentes Deum in quibus sit veritas, et qui oderint avaritiam. Constitue ex eis tribunos, centuriones et decanos qui judicent populum omni tempore (Exod. xviii) » Præcipiasque eis, dicens : « Audite illos, et quod justum est judicate, sive civis sit ille, sive peregrinus. Nulla erit distantia personarum, ita parvum audietis sicut magnum, nec accipietis personam cujusquam, visum iudicium Dei est. Quod si difficilius vobis visum fuerit aliquid, in causa scilicet, referte ad me (Deut. 1), » sicque dimittetis populum in pace. Item Deuteronomii cap. xvi : « Judices et magistrus constitues » immobiles « in omnibus portis tuis, quas Deus dederit tibi per singulas tribus tuas, ut judicent populum justo judicio, nec in alteram partem declinent. Nec accipias personam vel munera, quia munera exæcant oculos sapientum, et mutant verba justorum » coram hominibus. « Juste, quod justum est, exsequeris, ut vivas in æternum. » Item in Sallustio Cæsar : O vos omnes homines, qui justum judicium judicare debetis, necesse est vos ab amore privato, vel odio, timore, vel cupiditate, vel gratia singulari esse destitutos, alioquin rectum iudicium de facili declinabit. Item Tullius *De Officiis* (lib. III ante med.) : Maxime perturbantur officia in amicitiiis, quibus et non tribuere quod recte possit, et tribuere quod non sit æquum, contra officium est. Sed hujusmodi generis totius (scilicet quæ sunt tribuenda) breve et non difficile præceptum est. Quæ enim videntur utilia, honores, divitiæ, voluptates, et hujusmodi hæc amicitiae, nunquam anteponenda sunt. At neque contra rempublicam, neque contra jusjurandum, justitiam ac fidem, amici causa, vir bonus aliquid faciet, nec si judex quidem erit de ipso amico. Deponit enim personam amici cum personam induit iudicis. Tantum dabit amicitiae, ut veram amici causam esse malit, et ut exorandæ litis tempus, quoad per legem liceat, accommodet, nihilque prorsus ei tribuat, nisi quod salva fide impleri potest. In danda sententia solum Deum in mente habeat, non amicum. Nam, si omnia facienda sunt quæ amici velint, non amicitiae tales, sed conjunctiones dicende sunt. Ergo is sit judex et talis, qui « dicat patri, » et cuivis homini : « Nescio vos (Deut. xxxiii). » Item Amos, (cap. v) : « Querite

Dominum et vivetis, ne forte comburatur ut ignis domus Joseph. Vos qui convertitis in absinthium iudicium vestrum, et justitiam in terra, et pro terra, terrenis scilicet « relinquitis. Facientem, » Deum scilicet, « Arcturum et Orionem : qui subridet vastitatem super robustum, » scilicet, fortem et magnum deprimentem populum et depopulantem, « vel depopulationem super potentem affert. » Unde : « Potentes potenter tormenta patientur (Sap. vi). » « Odio habuerunt in porta corripientem, et loquentem perfecte abominati sunt. Idcirco, pro eo quod diripiebatis pauperem, et prædam electam tollebatis ab eo, domos quadro lapide ædificabitis, et non habitabitis in eis. Vineas amantissimas **63** plantabitis, et non bibetis vinum earum ; quia cognovi multa scelera vestra, et fortia peccata vestra, hostes justis, et injusti iudicii, « accipientes munus. Ideo prudens in tempore illo tacebit, quia tempus est malum (Amos v), » quando quis non recipit correctionem, pro quo prudens tacet, « ne sanctum det canibus (Matth. vii). Quærite bonum et non malum, et Dominus erit vobiscum : Odite malum et diligite bonum et constituite in porta iudicium, si forte miserereatur Dominus reliquiis Joseph (Amos v). » Item Amos : « Vidi Dominum stantem super altare, et dixit : Percute cardinem et commoveantur superliminaria. Avaritia enim in capite omnium, et novissimum eorum in gladio interficiam. Non erit fuga eis ; fugiet et non salvabitur ex eis, qui fugerit. Si descenderint usque ad infernum, inde manus mea educet eos ; et si ascenderint usque in cælum, inde detraham eos. » Item idem cap. ii : « Hæc dicit Dominus : Super tribus sceleribus Israel, et super quatuor non convertam eum pro eo quod vendiderit argento justum, et pauperem, pro calcamentis quæ conterunt super pulverem terræ capita pauperum, et viam humilium declinant, et super vestimentis pignoris accubuerunt, et vinum damnatorum biberunt. » Item idem cap. iii : « Nunquid rugiet leo in salto nisi habuerit prædam? Nunquid dabit catulus leonis vocem de cubili suo nisi aliquid apprehenderit? Nunquid cadet avis in laqueum terræ absque aucupe? Nunquid auferetur laqueus de terra, antequam ceperit? » Item idem cap. iv : « Audite verbum hoc, vaccæ pingues, quæ estis in monte Samaricæ, quæ calumniam fecistis egenis, et confringitis pauperes, quæ dicitis officialibus vestris : Afferte, afferte et bibemus. Juravit Dominus, quia vos, et reliquæ vestræ in ollis ferventibus projiciemini in Armon. » Item idem cap. vi : « Væ qui opulenti estis in Sion, et confiditis in monte Samaricæ ; optimates capita populorum. Transite in Chalsanæ : descendite in Geth, et videte, si latior terminus eorum termino vestro est. » Quasi diceret : Non tot facinorosa apud idololatrias videbitis, quot apud vos ingredients pompatice domum Israel. » Verbum terribile. « Qui separati estis in diem malum, qui appropinquatis solio iniquitatis, qui dormitis in lectis eburneis, et la-

scivitis in stratis vestris, comedentes agnum de grege, et vitulos de medio armenti ; qui canitis ad vocem psalterii : sicut David putaverunt se habere vasa cantici, bibentes in phialis vinum, et optimo unguento delibati, et nihil compatiebantur super contritionem Joseph (Amos vi). » Hæc dicit Dominus : « Quin in capite transmigrantium migrabitis (Joel. iii). » Item Joel cap. iii : « Disceptabo cum eis in iudicio, qui posuerunt puerum in prostibulo, et puellam vendiderunt pro vino, ut biberent, » demolientes scilicet et corruptentes pro munere animas effeminatas, teneras et pueriles, quas vendunt in servitutem diaboli. Item Osee (cap. iv) : « Non est veritas in terra, non misericordia, non scientia, sed maledictum, mendacium, furtum et homicidium inaudaverunt, oblita legis Domini Dei sui ; et ego obliviscar eorum, et filiorum eorum : Gloriam eorum in ignominiam commutabo. Peccata populi mei comederunt, » non dico comedentes tantum oblata pro peccatis, vel ea absorbentes et destruentes per orationem, doctrinam et confessionem **64** (quod bonum esset), sed justificantes impium pro muneribus, et pium condemnantes. Item idem (cap. v) : « Audite hoc, sacerdotes, et attendite, domus Israel, et domus regis auscultate, quia vobiscum iudicium est, quoniam laqueus facti estis speculationi et rete expansum super Thabor, » ad capiendas aves, et utinam aviculas tantum. Item Amos (cap. vi) : « Væ vobis, qui convertitis in amaritudinem iudicium et fructum justitiæ in absinthium ; qui lætamini in nihilo. » Nihilum est acceptio personarum, timor, remissa misericordia, corruptio per munus, saccellum paupertatis, et huiusmodi. « Qui dicitis : Nunquid non in fortitudine nostra assumpsimus nobis cornua (Michæ vi), » prælationis et dominationis? « Sed nemo sibi assumit honorem, » etc. (Hebr. v.) Item Osee (cap. iv) : « Si fornicaris tu, Israel, non delinques saltem Juda ; et nolite ingredi in Galgala, » scilicet volutabrum vitiorum, « et ne ascenderitis in Bethaven (ibid.), » scilicet in montem superbiæ, « post Ephraim. » Quoniam, « calumniam patiens Ephraim, fractus iudicio, cepit abire post sordes. » Item Malachiæ (cap. i) : « O sacerdotes, qui despicitis nomen meum, qui offertis super altare meum panem pollutum, et dicitis : Mensa Domini despecta est : Si offeratis cæcum claudum, nonne malum illud est? Offer illud ducei, si placuerit ei. » Et infra : « Quis est in vobis, qui claudat ostia, et incendat altare meum gratuito? Non est mihi voluntas in his, ideo nec munus suscipiam de manu vestra. Nomen meum polluistis, mensam meam contaminastis, dicentes : Ecce de labore ; et intulistis de rapinis claudum et languidum, et intulistis munus (ibid.), » sed ego exsufflavi illud et contempsi. Item idem cap. ii : « O sacerdotes, si non apponatis cor, ut detis gloriam nomini meo, mittam in vos egestatem, et maledicam benedictionibus vestris ; projiciam vobis brachia » et armum



dextrum, et et dispergam super vultum vestrum A stercus solemnitarum vestrarum. Pactum meum fuit cum Levi, et illud servavit, et ita primitiva Ecclesia, præceptum et Evangelium Domini, et cætera quæ sequuntur induci possunt ad commendationem Ecclesiæ primitivæ, et blasphemiam modernæ. Et operiebatis ita et altare Domini lacrymis et fletu; non accipiam placabile quid de manu vestra (ibid.). Item Michæ (cap. ii): «Væ qui cogitatis inutile, et operamini malum in cubilibus vestris; in luce matutina faciunt illud, quoniam contra Deum est manus eorum. Concupierunt agros, et violenter tulerunt, et domos rapuerunt, et calumniabunt virum et domum ejus, virum et hæreditatem ejus.» Item idem: «Nonne verba mea bona sunt cum eo qui recte graditur? e contrario, populus meus in adversarium consurrexit, et desuper tunicam, pauperum pallium sustulistis, eos qui transibant simpliciter convertistis in bellum. Mulieres populi mei ejecistis de domo deliciarum suarum, a parvulis earum tulistis laudem meam in perpetuum.» Item (cap. iii): «Audite, principes Jacob, et duces domus Israel. Nunquid non vestrum est scire iudicium, qui odio habetis bonum et diligitis malum, quia violenter tollitis pelles eorum desuper eos, et carnem eorum desuper ossibus eorum, qui come lunt diem populi mei, et pellem eorum desuper excoriaverunt, et ossa eorum confregerunt, et conciderunt sicut in lebetes, quasi carnem in medio ollæ, nequiter agentes in adinventionibus 65 suis.» Item idem: «Hæc dicit Dominus: Super prophetas qui seducunt populum meum, qui mordent dentibus suis, et prædicant pacem; et si quis non dederit in ore eorum quidpiam, sanctificent super eum prælium, quibus erit nox pro visione, et tenebræ pro divinatione, quia non est responsum Dei in illis (Mich. iii).» Item idem: «Audite hoc, principes domus Jacob, et iudices domus Israel, qui abominamini iudicium, et omnia recta pervertitis: Quia ædificatis Sion in sanguinibus, et Jerusalem in iniquitate. Principes ejus in muneribus iudicabant, et sacerdotes ejus in mercede docebant, et prophete ejus in pecunia divinabant, et super Dominum requiescebant, dicentes: Nunquid non Dominus in medio nostrum? Non venient super nos mala (ibid.).» Item cap. vi: «Audite, tribus: Et quis approbabit illud? Quasi: Quis erit auctor horum verborum? supple Deus, «Adhuc ignis in domo impij, et thesauri iniquitatis et mensura minor iræ plena. Nunquid justificabo stateram impiam; et saccelli pondera dolosa, in quibus divites ejus repleti sunt iniquitate, et habitantes in ea loquebantur mendacium et lingua eorum fraudulenta in ore eorum?» Item c. vii: «Periit sanctus de terra, et rectus cum hominibus non est. Omnes in sanguine insidiantur, vir fratrem suum venatur ad mortem. Malum manuum suarum dicunt bonum; princeps postulat, et iudex in reddendo est, et magnus locutus est desiderium animæ suæ.» Item Epistola ad Hebræos, cap. x; Ainos cap. viii,

A Malachias cap. ii; Epistola ad Laodicenses, cap. i.  
CAPUT XXIV.

Contra clericos superfluis utentes et se excusantes per hoc, quod psallant in ecclesia.

De corruptione et avaritia iudicum lucusque. Hinc prosequamur, verum utinam persequamur prælatorum fuscinulas, ostia, et mille alia fraudis commenta; quibus loculos pauperum exhauriunt, facti piscatores pecuniarum, non animarum. De fuscinulis his et tridentibus, legitur I Reg., cap. ii, de filiis Heli qui fuscinulas et uncinos mittebant in lebetes, caldaria, et cacabum; et omne quod levabat fuscinula, tollebat sacerdos sibi; cuius puer dicebat immolanti: «Da mihi carnem», ut coquam sacerdoti. Cui immolans ait, Incendatur primum B iuxta morem hodie adeps, et deinde tolle tibi quantumcumque desiderat anima tua. Qui respondeas aiebat ei, Nequaquam, nunc enim dabis, alioquin tollam vi.) In quo percutiuntur prælati qui, stipendiis suis non contenti, per fuscinulas et officiales suos, retia sua in capturam pecuniarum laxant, mittentes rete in altum (Luc. v), id est in profundum pecuniæ, dicentes fuscinulis: «Exinanite, exinanite usque ad fundamentum loculorum (Psal. xxxvi).» Horum autem officialium tria sunt genera. Confessor, cui episcopus vices suas in spiritualibus, 66 in audiendis confessionibus et curandis animabus committit. Quæstor palatii sui, decanus, archipresbyter, et hujusmodi, qui incrementis et profectibus causarum et negotiorum episcopi per fas et nefas invigilant. Præpositus ruralis primus, licet Deo dignior, episcopo tamen est vilior. Cum isto ei est rarus sermo, rara consultatio super reddenda ratione villicationis suæ, super regimine animarum, in quo patet quantum amabat eas, et Redemptorem et summum pastorem earum. Cum tortore autem et præposito frequens ei est sermo, ratiocinatio et consultatio. In quo patet quantum dilexerit pecuniam. Sed et, quod detestabilis est, primum mittit ad officii sui executionem, sine magna fidelitatis ejus examinatione præhabita, sine sacramento iurjurandi de fidelitate ei servanda in regimine animarum interposito. Secundum autem et tertium discutit usque ad unguem: si bene noverint bursas pauperum emungere, et cum asportato lucro ad dominos suos redire, quibus tutelam pecuniæ sine juramento interposito non committit, ut discant ei esse fideles in studio et lucro, pecuniæ, rapinæ, et, quod mirabilis est et execrabilis, illis quæsturam, torturam, et exactionem, et prælaturam vendit, ad pretium certum committit. Qui ne damnatum et detrimentum propriæ pecuniæ incurrant, per omne nefas exactio-num, calumniarum, rapinarum, et laxant retia sua in capturam (Luc. v) pecuniarum, prædones effecti potius quam officiales. Horum autem duorum, scilicet questoris et præpositi, violentior est quæstor. Præpositus enim sapius poena certa et definita reum punit: quæstor vero, incerta et voluntaria, pro mo-

dica culpa maximam poenam infligens. Cujus judicium et laquei solo auditu timentur : quippe immisericors apparet in omnibus viis suis. Et quia licet nobis undecunque proficere et doceri, tales sugillamus hoc exemplo. Quidam clericus, cum ad aleam omnia quæ habuit, præter quinque solidos, amisisset, cœpit se devotare, Deumque blasphemare, et promittere hos quinque solidos homini, qui eum doceret, quomodo magis Deum offenderet. Aderat qui hoc doceret, sub testimonio omnium ejus doctrinam confirmante et approbante, dicens : Si Deum super omnem peccatorem volueris offendere, fias officialis, vel quæstor palatii episcopi. Item : Ministri et officiales prælatorum ostiola sunt abscondita, sub mensa Belis, subterranea per quæ furtim ingrediebantur sacerdotes ejus, ut asportarent et devorarent posita a rege super mensam : « Quos occidit rex Cyrus eorum fraudem comperiens, tradiditque Bel in potestatem Danielis, qui statim subvertit eum, et templum ejus (*Dan. xiv.*) Ista ostiola abscondita, jam versa sunt in januas et fores patentes. Cum enim tunc bona pauperum et divitum clanculo subriperentur, nunc publicæ, et coram omnibus rapiuntur per commenta infinita, fraudes et novitates eorum extorquendi pecuniam inventas, locoque juris et consuetudinis jam habitas. Propter hæc ostiola, officiales, scilicet prælatorum et ministros principum, ait Dominus per Joannem Baptistam **67** militibus et ministris principum : « Neminem concusseritis (*Luc. iii.*) » Augustinus (serm. 19, *De verbis Domini*) : Crimen concussio- nis est, cum per metum aut violentiam ab officialibus exigitur et extorquetur pecunia a subditis. Hujus criminis pœna, secundum jus statuta est in quadruplum, quæ utinam hodie in duplum statureretur. Item Hieronymus : Ob hoc militibus et ministris statuta sunt certa stipendia, ne dum sumptus quæritur, prædo grassetur. Item : Propter hoc ait Dominus apostolis et ministris Ecclesiæ : « Elegi vos, ut eatis, » sine mora, et non ut edatis, sed « fructum afferatis (*Joan. xv.*) », non rapinam, non lucrum temporale, sed pacatissimum. Unde sequitur : « Et fructus vester maneat (*ibid.*) ». Sed nonne « dignus est operarius mercede sua ? » (*Luc. x.*) Ita quidem; sed eo tantum quem definit Dominus : « Edentes et bibentes quæ apud illos sunt (*ibid.*) », non quæ apud illos non sunt. Non ut in deliciis et ferculis exquisitis, cum singulis per singulos dies per vicarium suum sumant. Item : Cum anathemata Veteris Testamenti execrarentur, et ab omnibus usibus separarentur, ut anathema Jerichontinum de quo legitur in Josue vi capite; anathemata Novi Testamenti hodie consecrantur et laxantur in capturam pecuniæ; sed et hodie excommunicatur ut pecunia extorqueatur. Quod Dominus detestans, ait ad Josue propter Achæan : Pollutus est populus anathemate. « Tulerunt enim de anathemate, et furati sunt atque mentiti, et absconderunt inter vasa sua (*Josue vii.*) ». Unde « nec poterit Israel stare

ante hostes suos, sed fugiet eos, donec deleatur ex te, qui contaminatus est hoc scelere (*ibid.*) ». Inventus est autem Achæan reus pro pauculis quibusdam rebus asportatis : « Ad vocem Josue lapidatus est ab omni populo, cunctaque quæ illius erant cum anathemate consumpta sunt (*ibid.*) ». Item et quod execrabilius est, hodie excommunicatus non absolvitur, nisi prius præstito sacramento, quod ad judicium prælati stabit satisfactorius de contumacia et transgressione. Qui absolutus statim condemnatur in pœnam pecuniariam ad usus proprios; cum pacto pecuniæ, sive in absolute, sive ante, vel pro absolute facta, pariat Simoniam. Absolute enim est spirituale pertiens ad potestatem clavium. Si autem ei adjudicaret, ut anathema suum pauperibus erogaret, hoc quidem tolerabile et bonum esset. Si objiciant non esse Simoniam, quia sic punire excommunicatos a sæculari potestate eis datum est; hoc quidem verum est quoad pœnæ illationem, non autem quoad absolute. Illa enim a Deo est. Sed nec infertur pœna a principe tali, nisi separato ab Ecclesia per annum et diem. Quare ergo et ipsi hoc spatium anticipant; imo etiam suspensionem modicam in pœnam pecuniariam convertunt? Item : Cum præsi provinciæ secundum leges inhibeat, præter procuracionem necessariam, a comprovincialibus, exenia et munuscula, quæ usque ad quantitatem muneris exerescunt, accipere; quanto magis hoc inhiendum esset ministris Ecclesiæ? sed et aliquis præfectus communiæ alicui finita administratione ejus, nonne cogitur ad restitutionem illius, quod male in administratione accepit secundum leges sæculares? Quanto magis in administratione ecclesiastica hoc est observandum, **68** quæ hodie venalis proponitur, et in rapinam commutatur? Item : Cum in crimine injuriarum, transactio partium et indulgentia a parte adversa concessa, apud forenses judicem, et litem sopiant, et omnem pecuniam tollant; quomodo immitius agitur apud ecclesiasticum; sed et solus metus archidiaconi hodie exsufflat ab Ecclesia transactionem, nisi præuncta manu, et etiam indulgentiam et remissionem injuriarum, ad quam tenemur ex præcepto Domini dicentis : « Dimitte, et dimittetur tuis (*Luc. vi.*) ». Item : Ut execrabile exemplum de hujusmodi ostiolis ponamus. Quidam pro causa pecuniaria subire debuit judicium aquæ. Aqua benedicta, eoque spoliato, ligato et sedente super tabulam cuppæ, ut demitteretur in aquam, cum remitteret ei adversarius omnem injuriam et querelam, adfuit quæstor palatii postulans ab eo (nec commoto [*f. commonito*], nec confesso) novem libras et dimidiam ad jus principis pertinentes. Quas dare renuens, diu litigatum est inter eos de summa pecuniæ majore solvenda vel minore. Advertens autem se non libere abire posse, ait : Pecuniam tibi nec modicam dabo, sed judicium experiar, et justus inventus, dabo pauperibus quinquaginta solidos in pastum. Qui subiit itaque judicium, et mundus inventus est.

A quo, cum a sacerdote quinque solidi pro benedictione aquæ exigentur, irrisus est ab omnibus, simulque quæstor palatii. Item Hieronymus: Adeo invasit pestis avaritiæ Ecclesiam, quod timendum est ne de ea possit dici: « A planta pedis usque ad verticem (*Isa. i*) » capitis, hoc est a minimo usque ad maximum, a cupiditate, « non est in ea sanitas. » Item: Quod supra scelus sacerdotum Baal est (*III Reg. xviii*), hodie etiam a minoribus sacerdotibus juratur prælato, quod omnes causas, ex quibus potest extorqueri pecunia, referent ad ipsum, et quod nullam subicebunt, etiam cum possent per se pacem de facili inter partes componere. Sicque citati aliqui (infra cap. 52), si supersederint citationi, ut contumaces excommunicantur, si aduerint se purgaturi, incurrunt perjurium. Sed estne tale juramentum sacerdotum licitum et discretum? Videtur, cum hoc Ecclesia pro majori parte sustineat, et cum administratio eorum pendeat de superiore prælato, et ita hujusmodi causæ ad illum potius videntur spectare. Papa tamen Alexander in decretali quadam scripsit tale juramentum esse indiscretum et illicitum. Item: Ad hæc ostiola occasionaliter pertinent canones quidam prohibentes aliquos in secundo vel in tertio genere affinitatis conjungi, conjunctos tamen non separari concedunt. Quibus abutentes, quasi fusciniis et uridante in capturam pecuniæ, pro libito nostro, quos volumus conjungimus, et quando volumus eos separamus. Quod si in metis et terminis positus a Domino subsisteremus, non sic contra sacramentum matrimonii ad voluntatem nostram dispensarem. Item: Ad hoc facit illud decretum biceps, ex utraque parte secans, quod est hujusmodi: Ne quis ducat uxorem sui compatris, vel comatris suæ, nec prohibeo, nec concedo. Item: Hæc ostiola sunt merguli, quos beatus Martinus circa finem vitæ suæ videns in flumine assiduis capturis piscium **69** intendentes, et inbiantes ait: Forma, inquit, hæc dæmonum est. Quibus præcepit, ut avolarent a flumine. Item: Hi sunt « muscæ per dentes suavitatem orationis (*Eccle. x*) » et pacis ecclesiasticæ, quas utinam Abraham abegisset flabello a sacrificiis (*Genes. xv*); sed nunc creverunt usque ad corvos, et allecti cadaveribus non redeunt ad arcem (*Genes. viii*). Item: Hi sunt accipitres et quæcunque aves rapaces, quarum omnium caro prohibetur in lege (*Lev. xi*). Accipiter enim dicitur ab accipiendo, id est rapiendo. Sic enim verbum accipitur ibi: « Non accipies in pignus aliam molam, nec vestimentum viduæ (*Deut. xxiv*), » id est non rapies. Et in Apostolo: « Sustinetis, si quis devorat, si quis accipit (*II Cor. xi*), » id est rapit. Item: Adeo viri ecclesiastici hodie student avaritiæ, quod non est Domini de illis dicere: « Funes ceciderunt mihi in præclaris (*Psal. xv*), » sed in rapinis, fusciniis et funibus peccatorum; qui pejores sunt furibus. Fures enim rapiunt et dantur sibi; isti vero, non sibi, sed lenones sunt

A et bajuli alienæ pecuniæ et aliis abigentes feras et pecora in retia aliorum. Item: Hi sunt canes immundi, de quibus David ait in psal. **LVIII**: « Ipsi disperguntur ad manducandum, » et devorandum: « si vero non fuerint saturati et murmurabunt, » accusabunt, extorquebunt et rapiunt. Item: Quam detestabile est, quod sputa, flagella, lanceam, et clavos, et crucem Christi convertinus, conflamus in fornace avaritiæ, in laqueos et retia pecuniæ! Item: « Si seminaverimus vobis spiritualia; magnum est si carnalia vestra metamus? » (*I Cor. ix*) quasi hæc seminatio illam messionem exigit sibi debitam. Quod si non seminaveris et acceperis debitum, etiam illud jam non accipis, sed rapis, et in sacrilegium debitum convertis. Si enim non seminaveris, quomodo accipies? « In ratione dati et accepti (*Phil. iv*) » consistit pax Ecclesiæ. Das spiritualia, et accipis temporalia. Ab hoc debito etiam Apostolus, cum posset accepisse, abstinuit, propter pseudo repellendos, propter curiosos amovendos, propter avaritiam subditorum, ne ab avaris et incorrectis, vel incorrigibilibus aliquid acciperet, et ne impunitatem peccandi, si acciperet, sibi emptam putarent.

Sed quare hodie non nisi ab incorruptis et malis accipitur, a bonis nil nisi per calumniam? Item: « Dignus est operarius mercede sua (*Luc. x*), » quod si « non operatur nec laborat, nec etiam manducet (*II Thess. iii*); » si vero operatur « dignus est cibo suo (*Matth. x*). » id est sibi debito et necessario, non superfluo et lautitia et multitudi-  
C ne ferculorum. Suo etiam, id est suæ personæ et familiæ sibi necessariæ pro modulo personæ et administrationis sibi debitæ, non sequelæ gærcionum, in quibus imminet calamitas et destructio, tum pauperis cœnobii, tum pauperis sacerdotis. Item: Ad hoc valet exemplum, quod apostoli, cum prædicarent, videntes aliquos spiritualia et correctionem nolle accipere, « excutiebant pulverem de pedibus suis, in testimonium illis (*Marc. vi*). » Quasi dicerent: Excussimus manus nostras, et pulverem pedum a manibus vestris, quasi nec etiam modicum aliquid et comparabile pulviculo, a vobis incorrigibilibus accipiemus. Item: « Non alligabis, » vel infrenabis, « os bovi trituranti (*I Cor. ix*), » prædicatori scilicet, terram Ecclesiæ vomere prædicationis excolenti, legem Dei ruminanti, in area **70** Ecclesiæ, separatione palearum a granis, trituranti; quia tali debetur pabulum. Sed utinam Deus infrenaret ora prædicatorum modernorum, non dico ut non comederent, sed ut non raperent et devorarent. Item prædicaturo Evangelium, cum supponitur Evangelio pulvinar, quasi diceret: « Lava ejus sub capite meo, etc. (*Cant. ii*), » prædicanti hæc omnia adjicientur. Quare ergo pulvinar supponitur Evangelio? quare hæc accipis, imo rapis, cum non annunties? Item: Officiales prælatorum non solum sunt sanguisugæ illorum, qui intumescent ut detumescant, sed et colateria illis hæc ra-

pinæ colantes, sibi que sordes peccati retinentes. Item : Ad hoc valet illud exemplum prælati, qui per ora omnium subministrorum suorum confessus est. Singulis enim singulas calumnias, rapinas, et alia peccata confitentibus, inquit : Omnium istorum reus sum. Ergo tales longa et multa manu peccant.

*An nescis longas regibus esse manus?*

(OVID. XVI *Iheroidum.*)

Reges dico Ecclesiæ prælatos. Unde : « Et nunc, reges, intelligite (*Psal.* 11). » Item psalmo LXXI : « Nolite sperare in iniquitate, et rapinas nolite concupiscere; divitiæ si affluant, nolite cor apponere. » Item Augustinus : Idem accidit in mure, et in latrone, et in raptore. Prædaris? et præda efficieris. Tenes? et teneberis. Rapis? et rapieris in ranscipula. Sicut mus ad escam concupiscit rapinam, qui eam a raptoribus accipit. Item Job cap. xxxi : « Si adversum me terra mea clamat, » etc.

### CAPUT XXV.

*Contra Simoniam existentem circa exercitium ecclesiasticorum officiorum, seu quorumlibet spiritualium, quæ ne pro temporalibus fiant, prohibetur.*

Justitia et administratio reipublicæ non tantum in definitione causarum consistit, verum etiam in celebratione et collatione sacramentorum et exercitio ecclesiasticorum officiorum, seu quorumlibet spiritualium. Quæ ne pro temporalibus fiant, prohibet sacra Scriptura, avaritiam sic illicite accipientium, justitiamque Deum, cum Juda, vendentium, in pluribus locis suggillans. Primo in Evangelio sic : « Spiritus est Deus, et eos qui adorant eum in spiritu et veritate (*Joan.* iv), » id est pro spiritualibus et veris bonis oportet adorare, ut adoratio spiritualium omnium executionem complectatur. Non ait : Pro temporalibus, sed pro æternis. Alioquin, nisi, « oculus tuus fuerit simplex, totum corpus tuum tenebrosum erit (*Luc.* xi). » Item Tullius in *Officiis* (lib. ii post medium) : Nullam vitium tetrius est avaritia in principibus et reipublicam gubernantibus. Habere enim quæstui reipublicam, non modo turpe est, sed sceleratum, nefarium, et sacrilegum. Itaque quod Apollo Pythius oraculum edidit, Spartam, nulla re alia, **71** nisi avaritia, esse peritram; id videtur non solum Lacedæmoniis, sed etiam omnibus opulentis populis prædixisse. Nulla enim re facilius conciliare benevolentiam multitudinis possunt ii qui reipublicæ præsent, quam abstinentia et continentia.

Qui vero populares esse volunt, et administrationem reipublicæ attentant, ut quæstui et gloriæ studeant, fundamenta reipublicæ labefactant. Item idem : Ex eodem utero naturæ nati sunt continentia, et abstinentia, et caro. (Cato) : Quanto magis ex eodem utero gratiæ et evangelicæ doctrinæ nasci deberent continentia et abstinentia, et populus Christianus? Item Apostolus : « Quæ sursum sunt

quærite, non quæ super terram (*Coloss.* iii), » nec pro terrenis. Item Dominus : « Primum » et potissime, « quærite regnum Dei, et hæc omnia adjicientur vobis (*Matth.* vi). » Non ait : Quærite hæc, et quærite illa, sed hoc præcipue, « et illa adjicientur vobis. » Item : « Læva ejus sub capite meo, » non super, « et dextera illius amplexabitur me (*Cant.* ii). » Dextera est beatitudo æterna, et omnia quæ viam et iter præparant ad ipsam, quasi, læva pro dextera fiat, non dextera pro læva. Unde : « Nesciat sinistra tua quid faciat dextera tua (*Matth.* vi). » Inde est etiam quod differentia constituitur inter Vetus et Novum Testamentum, quia hoc æterna; illud, temporalia promisit. Hujus etiam lectio in fine, in signum hujus rei, acuitur, illius vero lectio deprimitur. Item : Ob hoc sandalia apostolorum et episcoporum, inferius soles habent, superius aperturas : quasi dicatur : Prædicatio, et quodcumque spirituale ei annexum, nunquam tangat et respiciat terrenum emolumentum, nec abscondatur sub terra in vase mundi timoris, sed solum cælestia consideret libere, et sine spe cujuscumque terreni commodi. Item : Ob hoc thuribulum in fundo soliditatem habet, in superiori vero parte foramina et aperturas, scilicet, ut fumus orationis ascendat, non descendat respiciens aliquod terrenum commodum. Quod si respexerit, invertuntur sandalia et thuribulum. Et nota quod triplici ex causa fiunt spiritualia. Causa propter quam, quæ debet esse solus Deus, et causa sine qua non possent fieri, et causa sine qua non fierent. Si spirituale sit ob temporale tantum, et non propter Deum, istud execrabile est et diabolicum. Si vero causa Dei, et causa terreni emolumenti, sine qua non fierent, cum possint, jam causa sine qua vertitur in causam propter quam. « Pallium enim meum breve est, etc. (*Isai.* xxviii). » — « Et stratum meum angustum est, etc. (*Ibid.*). » — « Non potestis Deo servire et mammonæ (*Matth.* vi). » — « Quousque claudicatis in duas partes? (*III Reg.* xviii). » Non potestis ingredi terram duabus viis (*Eccli.* i). » Tertiam vero causam necessitas humanæ fragilitatis excusat. « Dignus est enim operarius cibo suo (*Matth.* x). » Item Apostolus Epistola II ad Corinth. iv : « Non adulterantes verbum Dei. » Augustinus : Pro quæstu, ut pseudo vel vana gloria prædicantes, « sed ex simplicitate et ex Deo, » causa Dei tantum, « et coram Deo loquimur (*II Cor.* ii) » et operamur, ut in verbo, quodlibet opus bonum et spirituale intelligatur. Item : Duo fines sunt, inter quos debet concludi omne opus, timor pœnæ (Nec omnino finis indebitus, quia a peccato excusat et elongat; nec omnino debitus, **72** quia non immerito consummat) et amor Dei, scilicet oculus dexter. Sinister ad supplicium, oculus dexter ad diligendum Deum. Ubi est ergo tertius ad diligendum nummum, cujus causa operaris? Item, hi sunt fines, duæ molæ, de quibus Dominus in Deuteronomio cap. xxiv : « Non accipies loco pignoris »

alterutram molam, scilicet molam timoris, sed maxime molam amoris Dei a quocunque opere tuo non auferas. Cum ergo prima non sit meritoria sine secunda, imo sine ea quodammodo esse prohibetur, multo magis prohibita est tertia mola concupiscentiæ, vel quarta variæ gloriæ ab omni opere, ut nec tertia alterutri duarum admisceatur. Quemadmodum enim mens divisa non impetrat; ita nec opus sic divisum, in quo non est divisio sub Deo, nec propter Deum, sed contra Deum; ita ut jam non sit divisio et participatio, sed toticipatio illius operis a diabolo. Sed cum opus dexteræ operatum causa vel amore pecuniæ acquirendæ, vel novæ recipiendæ, pariat Simoniam: nunquid etsi causa et timore habitæ jam pendendæ, vel recipiendæ fiat, erit Simoniacum? Constat quod minus malum. Item: legitur (*Exod. 11*) quod Amram vir de domo Levi genuit filium Moysen de uxore sua, et videns eum elegantem abscondit tribus mensibus. Et tu ergo absconde opera tua a cupiditate et vana gloria, ne rapiantur ab Ægyptiis et submergantur, et ne, facta muliebria admistione sinistræ, reserventur ad opus diaboli. Item: « Intra cubiculum tuum, et clauso ostio, » a cupiditate et vana gloria, « ora, » bene operando, « Patrem tuum (*Matth. vi*). » Item: Cum duplex legatur invitatorium, Psalmus et classicum, tertium in Ecclesia efficacius cæteris invenitur donarium. Item: Dominus præcipit pascha celebrari « in azymis sinceritatis et veritatis (*1 Cor. v*). » Augustinus: Sine omni corruptione vitiorum, in veritate bonorum operum, quæ sunt dextræ. Cui si admisceatur sinistra, jam in fermento veteri celebratur pascha. Pascha celebrat sacerdos, quoties ad altare accedit, ut Agnum paschalem immolet. Item: « Ideo dilexi mandata tua super aurum et topazion (*Psal. cxviii*). » Augustinus (in hunc psal., vers 1): Non propter aurum et topazion, vel aliquod temporale, ut Judæus alliciendus temporalibus: quo minor est Christianus, si spiritualia egerit pro temporalibus, qui super ea, non propter ea tenetur diligere mandata Dei. Cujus vita debet esse crux et martyrium, ut illud hic attendat: « Plorabitis et flebitis vos (*Joan. xvi*), » non consolationem terrenam, ut expectet in futuro sibi conferendam beatitudinem æternam. Item Augustinus (*Enchiridii c. 66 et l. 11 De peccat. merit. et remiss. c. 34*): Ideo noluit Dominus per baptismum amoveri pœnam sicut et culpam, ne delicate in Deum crederetur, potius, scilicet, intuitu amotionis pœnæ, quam amore fidei et justitiæ.

### 73 CAPUT XXVI.

*Contra quæritantes temporale commodum in spiritualibus.*

A simili dico temporalia non esse ponenda allectoria in spiritualibus ut vel fiant, vel promptius et citius fiant, ne amore pecuniæ potius quam zelo justitiæ, curratur ad ea; et ad vocem jucundam promittentem temporalia, melius quam loquentem,

A secundum horum opinionem, sanguinem Christi (*Jerem. xii, xxiv*). Item Psalmo cxxiv: « Confitemini Domino quoniam bonus »: Augustinus: Hæc est primaria causa confessionis. « Quoniam in sæculum misericordia ejus, » hæc est secundaria. Mercenarius enim est, qui Deum ob aliud quam propter seipsum laudat. Item: « Confitebitur tibi cum benefeceris ei (*Psal. xlviii*). » Gregorius: Apud Deum despecta est hostia confessionis, quam facit prosperitas temporalis... Hieronymus: Sic confitens ore, cordis manducat iniquitatem, quam in suppliciis inferni digeret. Item Dominus in Evangelio: « Quæritis me, non propter me, sed quia saturavi vos panibus (*Joan. vi*). » Item: « Reges gentium dominantur eorum, et qui potestatem habent super vos benefici vocantur (*Luc. xxii*), » propter beneficia ab eis sibi collata. « Vos autem non sic. Hoc enim faciunt et ethnici et publicani (*Matth. v*). » Item: Ad hoc detestandum valet exemplum clericorum in alea ludentium, ad vespas confugientium inordinate et indecenter, cum audirent nummos vesperinos vespere decantandis adfore, et prius in ecclesia eos distribuendos esse. Item: Exemplum prælati petentis in ecclesia a choro festum S. Stephani duplex fieri in sericis et canticis ecclesiasticis, sed non impetrantis, nisi cum pastum et refectonem annuam clericis promitteret, insuper nummos matutinales illius noctis duplicandos; ut sic celebrarent potius festum nummi duplicati, quam festum S. Stephani. Item: Exemplum ploratorum et ploratricum Longobardorum, in exsequiis mortuorum ad flendum et plangendum solo pretio conductorum. Quibus sunt similes quidam in ecclesia psallentes et pro pretio cantantes, quorum quivis:

*O nummi, nummi, vobis hunc præstat honorem.*  
(*JUVEN., sat. 5.*)

Fratres, imo quibus pecunia disciplina est, nummus decanus, et etiam deus. Qui idololatræ sunt, nummum potius adorantes quam Deum: non alias Deo cantaturi nisi propter nummum. Item Apostolus I Epist. ad Thess. cap. v: « Omnia probate, quod bonum est tenete: ab omni specie mala abstinete vos: » Augustinus: Non tantum illicitorum in se, sed etiam, si quæ illorum, quæ licet fieri et non fieri, minus intelligentibus mala videntur, ab his quoque abstinete vos « providentes bona, non tantum coram Deo, sed etiam coram hominibus (*Rom. xii*). » Turpis autem species est et mala, quia scandalizat proximum per sinistram, alliciens 74 quempiam per dexteram. Si objicis quod bona species est ideo, quod plures et frequentes sic psallunt et cantant, Deoque serviunt in ecclesia, audi Augustinum hoc improbantem, cum ait: Melius est penitus spiritualia omitti, quam impure et non sincere fieri, tractari, vel tangi. In ecclesiasticis officiis agendis, Dominus non frequentiam multorum probat, sed devotionem animorum. Item: Pulsante ultima campana horæ nummarie in quadam ecclesia, repaguloque posito in portula

chori paranda, cucurrerunt clerici tanquam ad solemnitatem, et tanquam vetule ad unctum: quidam se incurvantes, quidam super repagulum saltantes, ut intrarent: quidam autem per majorem portam intrantes inordinate, cum per eam non liceret ingredi nisi personis Ecclesiæ. Ob hanc etiam turpitudinem vilis quæstus, dictum est a quodam laico, et supplicatum euidam clerico, ne propter dedecus horæ illi interesset. Sed quid ageret? Si chorum intraret, cupiditate tangi notaretur a laicis; si non, superbia a clericis. Item: Quidam præbendarius in duabus ecclesiis vicinis, nocturnis horis adfuit in una, diurnis in alia, et ita Oliverio currente, et sibi utrinque respondente, festinanter ditabatur. Item: Quidam constitutus certus pensionarius super hujuscemodi mercimonium distribuendum, cum videret multitudinem clericorum horis interesse, murmuravit et doluit, clericosque increpare cœpit, eo quod assidui interessent horis et nocti. Item: Quid vilis quam duas horas in ecclesia quadam (quia ad illas decantandas non est constituta certa pecunia) a laicis dici horas Domini, cæteras denarii, imo diaboli? imo, ad has horas decantandas, et horas etiam beatæ Virginis non adsunt clerici, sed præsentés in aliis, ab his fugiunt, ut nullum opus sibi vindicet in Ecclesia Spiritus sanctus, cum nihil gratis in ea fiat, sed omne sibi vindicet nummus. Et in summa: Sicut ante hoc miserum mercimonium constitutum, decus et laudabile fuit chorum intrare, ecclesiastica officia celebrare, in his assiduam esse: ita nunc dedecus et illaudabile, cum in istorum assiduitate reputemur esse cupidi magis quam devoti: et ita nunc:

*Nobilis Ecclesiæ quondam venerabile nomen,  
Prostat, et in quæstu pro meretrice sedet.*

#### CAPUT XXVII.

*Contra Simoniam existentem in substantiis sacramentorum, præcipue eucharistiæ.*

Si venalitas, lepraque Giezi et simonia Simonis adeo turpis est et damnabilis in appendiciis sacramentorum, ut supra innotuit, quanto magis et in ipsis substantiis sacramentorum, præcipue in eucharistia? Totus enim **75** Christus ibi sumitur, fons et origo omnium gratiarum, cum aliis sacramentis gratiæ distribuuntur.

Pro nulla turpitudine et enormitate peccati Dominus legitur ita iratus esse et inarsisse, sicut pro venalitate columbæ, maxime eucharistiæ. Ob hanc enim pestem purgandam, et ejiciendam de Ecclesia, legitur Dominus ardore Spiritus concitatus, ad horam innatam sibi et ineffabilem mansuetudinem et patientiam (quam tamen exuere non potuit, « quia multum misericors est [Joel. ii], » etc.) quasi deponens, « cum flagello facto de funiculis, vendentes et ementes oves et columbas in templo, ejecisse de eo, et mensas nummulariorum evertisse (Joan. ii; Matth. xxi). » Altaria Dei sic vocat propter avaritiam sacerdotum. Item: Zelo domus Dei accensus,

A de quo legitur: « Zelo domus tuæ comedit me (Psal. lxxviii), » dicit eis: « Domus mea, domus orationis vocabitur, vos autem fecistis illam speluncam latronum (Matth. xxi). » In spelunca et rapitur, et dividitur præda rapta. Latro autem est, qui pro spiritualibus Ecclesiæ sectatur lucra temporalia, qui et non dantes, nihilque offerentes prosequitur corporaliter, tentans quomodo ab eis munera accipiat et rapiat. Dantesque necat spiritualiter, qui dum læsionem et rapinam honorum proximi cogitat, quasi latro sedet in spelunca. Item Augustinus (tract. 10 in Joann.): Domus negotiationis faciunt Ecclesiam, « omnes qui quærunt in ea, quæ sua sunt, et non quæ Jesu Christi (Phil. ii). » De qua etiam Augustinus ait: Nemo in oratorio aliquid agat, nisi id ad quod factum est, unde et nomen habet. Item: Hoc eodem zelo domus Domini accensus Petrus, ut imitaretur magistrum in punitione rabiei et hæresis Simoniacæ, ait Simoni Mago æstimanti gratiam Spiritus sancti esse venalem: « Pecunia tua tecum sit in perditionem (Act. viii). » Optavisse dixit hoc, raptus in subline Dei judicium, prævidens in eo pestem Ecclesiæ futuram. Eodem zelo percussit Ananiam et Saphiram, ut efferrerentur mortui coram eo, dicens adhuc viventibus: « Quomodo ausi estis mentiri Spiritui sancto? » Item: Notabiliter notandum est quod Dominus adhuc adolescens, nec habens potestatem publicæ administrationis, sed satis abjectus et vilis inter eos, « Vendentes et ementes ejecit (Joan. ii), » etc. In hoc dans omnibus formam et exemplum accusandi, increpandi, et ejiciendi quoad possumus quamcunque speciem et pestem Simoniacæ, maxime venalitatem eucharistiæ. Item: Bis legitur ejecisse vendentes et ementes in templo, dans nobis formam et exemplum quod non semel, sed semper quotiescunque columbam vendere viderimus, corripere et arguere debemus vendentem et ementem, ut hæc pestis ejiciatur de Ecclesia (Joan. ii, et Matth. xxi). Item: Si Dominus ita figuram venalitatis columbæ corporaliter punivit, quanto magis ipsam venalitatem et lepram Simoniacæ puniet incomparabiliter magis? Item: « Si tunc cum flagello facto de funiculis (Joas. ii) » punita est venalitas columbæ, quanto magis nunc puniri deberet, non tantum cum flagello, sed etiam cum clavis, gladiis, et etiam cæteris armis, totisque viribus impugnari? Item: Quanta sit enormitas hujus sceleris, patet ex eo quod cum Dominus aliis criminibus homines irretitos expectaret ad pœnitentiam, ut Judam proditorem, **76** nos instruens, ut sine ordine judiciario peccata proximorum alia non accuseremus, non propalemus, sed tegamus et sustineamus, ut ipse proditorem Jude: hoc solum flagitium non potuit sustinere, quin illud statim et corporaliter puniret, cum cætera verbo corripuerit et puniverit. Item: In hoc quod vendentes columbas ejecit et mensas nummulariorum evertit, quos ibi avaritia sacerdotum posuerat, ut mutuo darent non habentibus hostias, ut eas sic paratiores invenirent.

Ostendit etiam omnes occasiones Simonice, omnemque facilitatem accipiendi, etiam vilis munuscula pro spiritualibus, in Ecclesia eradicandam esse et exstirpandam. Item: Quid periculosius quam quasi cæci ipsum Deum pati, turpius vendi quam a Juda venditus fuerit, in aliis sacramentis venalitatem aperte cernentes, in hoc vero non? Ut cum quidam missam in die integre dupliciant et duplicent, alii vero præ pudore et timore non audent duas integrare, unam dupliciant, trifaciant, et multifaciant, id est, multarum facierum celebrent. Item: Quid turpius quam, si ad primam faciem et primum introitum non offertur, aliam assumere faciem, imo tertiam et quartam, ut offeratur? Hi similes sunt cantantibus fabulas et gesta. Qui videntes cantilenam de Landrico non placere auditoribus, statim incipiunt de Narciso cantare, quod si nec placuerit, cantant de alio. Quæ autem sit causa quare cætera officia ecclesiastica in sua simplicitate, puritate et institutione maneant, et non duplicentur, et istud solum contra institutionem suam duplicetur, constat quod oblatio, quæ ad hoc offertur et non de illa. Item: Ut adhuc insistamus radici, id est, cupiditati Simoniacæ exstirpandæ, « Sic benedicam te in vita mea, scilicet in nomine tuo, » non nummi, non cupiditatis, « levabo manus meas (Psal. Lxi) ; » quas in honore et gloria Domini levat, qui bonis insistens, non suam, vel mundi, sed Domini gloriam querit. Quasi diceret: A me incipio, « quia me cum vitiiis et concupiscentiis crucifigo (Gal. v), » crucifixum prædico, crucifixum adoro, et, quod plus est, crucifixum sincere conficio, sumo, aliis manducandum distribuo. Quomodo ergo manus mundo crucifixas, te, Christe, conficientes, levabo ad alium quam ad te pretium mundi? Quomodo ad quæstum, maxime ad peccatum? Item Simon Magus, qui Christianus esse, et miracula facere voluit propter quæstum, repulsam passus est a Simone Petro: Ob quam ulciscendam quasi dixit ei: Tu repellis me, et ego triumphabo de te, imo de toto corpore Ecclesiæ (Act. viii). In ipsis etiam altaribus « ponam solium, cubile, et thronum (Isa. xiv), » et dominium meum; ut etiam præsentibus angelis, et quasi coadunatis in uno angulo altaris conficere corpus Domini, ego in alio cum ministro altaris, imo cum meo potius, illud pro pretio conficiam. Cupiditas dominatur in hoc sacramento, quod tamen impretiabile est. Item: Si ego ab altari repellor, non ideo minus sed magis Simoniacæ cupiditas filia mea, filia summi sacerdotis irrumpet in Sancta sanctorum, omnia in altaribus proponens venalia. Et quod nefarium est, ex oblatis illis eriguntur **77** altaria, ornantur sancta, et construuntur monasteria religiosorum, sic abutentium hoc apostolico præcepto: « Nihil interrogantes propter conscientiam (I Cor. x), » cum Apostolus loqueretur ad illos tantum, qui cum idololatriis quandoque manducabant, ut illis prædicarent. Item: Turpius Christum vendimus, quam Judas, et quod deteriores sumus (Matth. xxvi). Ille

A enim quem purum hominem credebatur, cum familia etiam ejus indigeret, vendidit: nos vero quem scimus verum Deum et hominem vendimus. Ille pro triginta argenteis, nos pro denario et pretio vilissimo. Item: Ille pœnitens licet non vere, retulit et rejecit « triginta argenteos: » In Ecclesia autem inter nos non est, qui turpiter acquisita rejiciat. Item: Triginta argentei « cum pretium sanguinis essent, non sunt missi in corbonam (Matth. xxvii), » nunc ex turpius oblati et acquisiti eriguntur altaria, construuntur ecclesiæ et hujusmodi. Item: Cum omnia cætera vitia trepident et exsulent a locis sacratis Simonia ipsa altaria invasit.

## CAPUT XXVIII.

*Contra venalitatem et pluralitatem missarum.*

B Ad eradicandam venalitatem et pluralitatem missarum quam peperit venalitas altarium, et cupiditas ministrorum: Si Christus tantum semel immolatus est pro nobis; et semel tantum ab unico ejus vicario in die repræsentetur immolatus (Hebr. ix). Item: Si Christus, semel oblati, sufficiens fuit hostia et redemptio generis humani, sufficit unico sacerdoti semel passum, semel in die repræsentare immolatum. « Quod amplius est, a malo est (Matth. v). » Item: Bis in die conficientes, « rursus sunt crucifigentes in sibimetipsis Filium Dei, et ostentui habentes (Hebr. vi). » Item Augustinus: Eucharistiæ quotidie communionem sumere, nec laudo, nec vitupero; verumtamen hoc uniuscujusque conscientiam relinquo, ut si nullius sibi conscius fuerit, si spiritus contribulati, si cordis contriti (lib. De eccles. dogmatibus, c. 55). Si ergo Augustinus unicam sumptionem in die vix concedit, sic humiliato, et corde contrito, et devoto: nunquid interrogatus concessisset alicui bis in die conficere? Absit! sed totis viribus talem repulisset, et forte anathemate percussisset. Item: Sumere eucharistiam est omnium Christianorum, conficere paucorum; ergo majus est conficere, quam sumere; sed detestabile est et inordinatum nimis in die iterare, ut scilicet amplius corpus Domini in die detur alicui quam semel; ergo inordinatum et periculosum est, id quod majus est in die iterare, bis scilicet conficere, præsertim cum necessitas non cogit. Item: Sicut in D Exodo, præceptum est filiis Israel, ut per singula capita tantum colligeretur unum gomor de manna quotidie, præterquam in die sexto: « Tunc enim colligerent cibos duplices, id est duo gomor per singulos homines (Exod. xvi), » ut sufficeret gomor, in parasceve collectum, **78** in Sabbato, in quo non licebat eis colligere, vel aliquid operari. Qui vero amplius quam gomor, et ultra quod sufficiebat ad vescendum, collegerat, computruit et vermescibat collectum: ita timendum est ne sacramentum altaris bis in die ab unico confectum putrescat, non dico in sacramento, sed in conscientia conficientis propter peccata et scelera sua, illud sic duplicantis. In natali autem Domini propter solemnitatem et quasi Sabbatum, tum propter mysterium,

concessum est rurali sacerdoti ter conficere. Major autem prælatus in quadam ecclesia illa die semel conficit, in quadam bis; sed nunc multiplicando missas quotidie celebramus natale Domini. Item: Si prædicatio assidua non fructificat, sed vilesit, quanto magis et hoc sacramentum iteratum in die vilesit, et vertitur in tedium devotionisque detrimentum? Item: In illo tempore erat sermo Domini pretiosus quia rarus, ita et confectio eucharistie quia rara: sed nunc vilis, quia toties iterata. Item: Si in figura unicus Agnus immolatus in unica domo, unica vice in pascha Domino offerebatur, immolabatur, totus comedebatur, et festinanter (*Exod. xii*); tu peccator, quomodo audes irreverenter et assidue ipsam veritatem figuræ duplicare, triplicare, multiplicare sub nota et specie venialitatis, et cum de hoc altari non habeant edere, qui tabernaculo, et corporis, et deserviunt? (*Hebr. xiii.*) Item: Si legalis sacerdos semel in anno sanguine intrabat in Sancta sanctorum, semel quotidie cum incenso in sancta (*Exod. xxx*; *Hebr. ix*): quomodo, tu, peccator, sacerdos evangelicus, quotidie, et, quod abominabile est, bis in die intrare audes in sanctissima sanctorum, omnium sanctorum sancta et cælestia pignora, sic irreverenter et minus timorate, quia assidue, et forsitan sine sanguine et incenso? et cum sanguine, et id est, cum fide passionis et dolore cordis, ab eo, quasi quodam sanguine per oculos emanante, et cum lactucis agrestibus (*Exod. xii*), et cum incenso orationis acceditur ad hæc sancta. Hunc enim calicem lacrymæ faciunt dulciorem. Item: Si sanctus ordo Chartusiensium in holocaustum, hic etiam oblatorum Deo, a labe mundi per abstinentiam et macerationem carnis purgatorum, et et jam volantium super pennas ventorum (*Psal. xvii*), et non nisi in festis et profestis, spirituali officio intitulatis, audet conficere, quomodo, tu peccator sacerdos, intrepidus audestam sancta irreverenter (quia bis in die) tractare? Item: Quidam justus advertens et considerans quod Dominus in sexta feria positus fuit in monumento novo, et sindone munda (*Matth. xxvii*), nec mutavit sepulcrum, sed quievit in illo per Sabbatum totum in Dominica et tertia die surrexit, proposuit, quod tantum in tertio die conficeret, uno die, quasi requiei, interposito, in quo mundaret sindonem suam, id est, conscientiam, lacrymis et pœnitentia; ut fortius et devotius resurgeret in tertia die ad corporis Domini confectionem. Item: Si in jejuniis semel tantum in die acceditur ad mensam corporalem, quanto magis ad mensam spiritualem? Si tunc unica esca, spiritualis nunc spiritualiter multiplicatur per quædam extrinseca condimenta **79** introitus, usque ad nauseam, usque ad ebrietatem. Item: Quidam male interpretantur illum locum Dominicæ orationis: et Panem nostrum quotidianum da nobis hodie (*Luc. xi*): et non ait bis et hodie. Item: Hebræus loco et quotidianum, et habet et sogolla, et quod interpretatur *ἐπιούσιον*, habetque duplicem inter-

pretationem. Unde Matthæus interpretatus est sic: et Panem nostrum supersubstantialem (*Matth. v*); Lucas, et quotidianum; et Marcus, et peculiarem, et quem non et supersubstantialem, et peculiarem, et quotidianum faciunt, et sed vilem quantum in se est, et venalem, biduanum, et triduanum.

## CAPUT XXIX.

*Contra missas multarum facierum*

Omnis falsitas angulos quærit, etc.:

*Dum vitant stulti vitium, in contraria currunt.*

(HORAT. lib. I, sat. 20.)

Sic dum quidam vitant pluralitatem missarum, refugium cupiditati suæ et velamen quæritantes, non in vitium tantum, sed in monstrum incidunt, monstruose missas bifacientes, trifacientes. Et, cum apud Apostolum legatur Ecclesia constare ex personis multarum facierum, nusquam legitur missa duarum, vel trium facierum (*II Cor. i*). Item: Apud poetas legimus Janum bicipitem, hydram septicipitem, Briareum centinatum, Geryonem bicorporem, alium tricorporem, nusquam legimus missam bicipitem, bifaciatam, multifaciatam. Monstruosius enim omni monstro est missas bifaciare, trifaciare, et hujusmodi. Item: Tales obviant mysterio missæ quia:

*Exprimit officium, suspiria, gloria, laudes, Kyrie eleison ter triplicata, preces.*

Sed nunc in missa septies vel pluries triplicatur, mysteriumque et ordo missæ confunditur. Item: Missa bifaciata utri introitus applicabitur, et ab utro illorum denominabitur? Si a secundo, qui est pro fidelibus, ergo in ea non debet dari osculum pacis, vel si detur, obviabitur generali institutioni, et consuetudini Ecclesiæ. Si a primo, qui est in memoriam missionis Spiritus sancti, ergo sic celebrans non celebrat missam pro fidelibus, et sic non absolvitur ab anniversario, vel tricenalibus celebrando; et si hoc constiteatur, dicens: Quia sub uno canone duas missas celebrat; sed cujusmodi? Num missam catechumenorum tantum? videtur; quia nondum hostia esse missa representatur. Sic ergo potius dicendum esset, sub duobus canonibus unam missam, quia hostiæ missæ unam representationem, celebrari, quam duas missas sub uno canone. Item: Tales obviant institutioni synodi vel concilii, provinciali tamen, sed auctoritate legati Romanæ sedis celebratæ, in qua præceptum fuit, quod nullus, nisi in maxima necessitate, bis in die conficeret, ut si corpus præsens adforet, vel **80** conjugata purificanda, vel alius casus necessitatis emergeret. Omnino autem inhibuitur fuit, ne, aliqua necessitate urgente, ita bifaciarentur missæ, sed deposita casula post hostiam missam, introitus missæ catechumenorum inchoaretur, unus et alius pro libito sacerdotis. Item: Obviatur mysterio missæ ab Ecclesia utiliter approbato. Sacerdos enim stans primo in missa ad dextrum cornu altaris, significat adventum Christi ad populum Judaicum dextrum et sibi peculiarem. Primo reditus ejus, a dextro cornu ad sinistram, adventum Christi ad gentes idololatrias in



quarum collectione adhuc immoratur. Reditus ejus a sinistro cornu ad dextrum significat collectionem reliquiarum ad fidem, quæ erit tempore Eliæ et Henoch, quam anticipat et maturat, imo factam esse figurat, sic rediens frequenter a cornu ad cornu, tamen nondum significat vel representat hostiam esse missam. Item : Per missam passio Domini, « qui de sinu Patris (Joan. 1), » quasi, de dextro cornu altaris, « venit in mundum sinistrum et malignum (1 Joan. v). » Qui « cum ejus hora veniret, ut de hoc mundo » per passionem « transiret ad Patrem (Joan. xii), » missus est hostia pro nobis in cælum, « ascendensque Christus in altum captivam duxit captivitatem (Ephes. iv). » Hanc figuram missæ præcipuam tales destruunt, vel falsam et inanem esse ostendunt, cum a corau ad cornu redeant, ad sinistram a dextra, et ad dextram a sinistra nondum missa celebrata. Item : Visitationes vel insertiones missarum, non auctoritas Ecclesiæ, sed cupiditas instituit. Cujus rei est argumentum, quod missæ favorabiliores inseruntur, non aliæ, ut missa de beato Lino, vel de Sebastiano, et hujusmodi. Item : Cum cætera officia ecclesiastica non inserantur, cur officium missæ inseritur pro cupiditate? multiplicatio enim orationum non est insertio officiorum, quas in quibuslibet horis, non ideo insitis, licet multiplicari. Item : Missa sic inserta, similis est idolo Nabuchodonosor, de quo apud Daniele primam visione (Dan. ii). Cujus caput erat ex auro, pectus et brachia de argento, venter et femora ex ære, quædam pars pedum ferrea, quædam stictilis. Item : A bonis sumenda sunt exempla. Scimus quia Ecclesiæ conventuales non habent hanc consuetudinem inserendi missas. Item : Exemplo de obventione primæ missæ debita quibusdam monachis, secundæ sacerdotibus; ergo talem sacerdotem conficere bis in die compulit cupiditas monachorum? Item : Exemplum de matrona purificanda, quæ ad secundum offertorium missæ pro fidelibus obtulit instinctu sacerdotis, non ad primum, cum tamen sederet monachus in insidiis expectans oblationes primi introitus, sicque delusus recessit. Item : Exemplum militum paulatim ad singulos introitus offerre resistentium; quorum unus sacerdoti sic missam inserenti, ait : Et si sic usque ad vesperam singulas missas inchoaveris, non desistam ab oblatione, donec sanctam eucharistiam confeceris. Item : Exemplum de sacerdote, qui nondum casula indutus, cepit introitus multiplicare, ne populus congregatus recederet. Item : Sic injuriatur animabus. Fraudantur enim debito promisso, **81** cum habeat auctoritas, quia, quanto sæpius et specialius pro eis offertur sacramentum altaris, tanto amplius refrigerium percipiunt. Item : Cum constet Ecclesiæ, quod speciales orationes invenit super generales, ergo si tricennale unius vel anniversarium, tricennali alterius adnumeretur et aggregetur, injuriabitur alteri, imo utrique, cum non tantum generali oratione, sed et speciali utriusque anima ex promisso expectet juvari? Item : Nunquid

A missa sic inserta liberaretur a purgatorio anima Justi de Aquis-granis, rogantis ut pro ea ajusto missa celebraretur, sicque liberationem consequeretur? Item : Exemplum magistri Fulconis decani Remensis, nolentis, ut anniversarium patris anniversario episcopi aggregaretur. Item : Exemplum matronæ recusantis oblatas missas a sacerdote in quadragesima decantandas pro fidelibus, quas, licet sibi in pœnitentiam injunctas, noluit tamen eas a sacerdote quadragesimali servitio obligato decantari.

Sed quid faciet sacerdos rogatus ab illo et ab illo tricennalia facere, si non successerit ad specialia tricennalia peragenda? Dicat rogantibus : Ergo memor charorum vestrorum in tot missis. Non dicat : Pro iis faciam tricennale, nisi speciale intenderit. Peragens enim generalia non est absolutus a specialibus, quæ supplicans sibi intellexit promitti. Item : Si licita est hujusmodi insertio missarum et pluralitas, tenetur sacerdos cuilibet roganti missas quotasilibet, eas illi decantandas concedere, cum petitus, per hujusmodi insitionem, de facili possit implere. Item : Missa sicca, quæ est sine grâtia et humore confectionis eucharistiæ, non celebratur pro fidelibus. Si ergo duo introitus præmittuntur hostiæ, alter erit missa sicca et ita æque juvabit post missam; sicut et præmissa hostiæ. Quare igitur præmittitur hostiæ in missa inserta? Propter cupiditatem et in fraudem animarum? Item : Præter duplicitatem et insertionem missarum, invenit cupiditas novitatem missarum, sicut unicam missam de omnibus apostolis decantandam. Item : Missam Epiphaniæ, vel alterius solemnitatis omni die, etiam die Paschæ decantandam (cum

*Singula quæque locum teneant sortita decenter.*)

Ut tempore paschali missæ et laudes ad aliud pertinentes decantentur, ita in aliis temporibus, ut varietas officiorum devotionem augeat ministrorum et identitatis tollat fastidium. Devotionem autem talium, ut etiam die Paschæ, si de angelis celebretur, non vitupero, nisi propter scandalum. Item : Quidam etiam vivi anniversaria pro se faciunt celebrari quibus obviant suffragia et orationes pro defunctis instituta. Item (quod flens dico) : Hoc tantum sacramentum quidam in artem magicam verterunt, **D** celebrando missas super imagines cereas ad imprecandum alicui, etiam alicui imprecantes, missam fidelium decies vel pluries decantant, ut ante decimum diem vel post in brevi moriatur, et cum mortuis sepeliatur. Item : Jam quidam missam pro strage interfectorum, quasi novorum martyrum « in circuitu Jerusalem (Psal. lxxviii) » prostratorum, **82** inveniant, putantes eam esse efficacem allectorium ad oblationes propter favorem occisorum. Ad hunc morbum multiplicem ab Ecclesia expellendum, unicum hoc credo esse remedium, videlicet, si esset paucitas ecclesiarum, paucitas in eisdem altarium, paucitas et delectus ordinandorum, delectus etiam ordinatorum et admittendorum; insuper delectus maxime præpositorum minorum sacerdotum :

et summum remedium a Gregorio VIII deliberatum esset amotio oblationum, præterquam ter in anno, die, scilicet Natalis, Paschæ, Pentecostes, et in die solemnitatis patroni Ecclesiæ, et præsentem cadavere defuncti, et in die anniversarii cujuscunque. Vide in toto Israel non fuisse templum nisi unicum, unicum tabernaculum, unicum etiam in atrio templi sub divo altare oblatorium (*III Reg. vi*). In sanctis quidem erat altare incensi, sed in illo non offerebatur nisi modicum incensum (*Exod. xxvii*). Hanc pluralitatem altarium detestans Osee, ait (cap. viii) : « Quia multiplicavit » populus meus « altaria ad peccandum, factæ sunt aræ ei in delictum. Offerunt hostias, Dominus non suscipiet eas. » Exemplo ergo unici templi, in singulis civitatibus unica deberet esse ecclesia, vel, si populosa esset civitas, paucæ, ita tamen quod sub una majori ecclesia. Pluralitas enim capellarum peperit ministeria illegitima, et plura alia monstra et extraordinaria

### CAPUT XXX.

*Contra conficientes, vel sumentes corpus Christi indigne.*

Quia supradicta pluralitas, multiplicatio, et novitas missarum, procedit ex cupiditate et indevotione conficientium, restat dicendum de indigne conficientibus, et sumentibus corpus Christi. Contra igitur indignam confectionem, necnon et indignam assumptionem scribens Apostolus in Epistola prima ad Corinth. ii, ait : « Probet autem seipsum homo, et sic de pane illo edat, et de calice bibat. Qui enim manducat et bibit indigne, » etc. Augustinus : Sine devotione, vel aliter quam a Domino, vel ab Ecclesia mysterium hoc traditum est, celebrando, vel in voluntate peccandi manendo (*Aug. De Eccles. dogm. c. 53*). « Judicium sibi manducat et bibit, non dijudicans corpus Domini, » hoc est debita veneratione, a cibus aliis non discernens, ex consuetudine conficiendi vel sumendi corpus Christi. Item : Gregorius de quolibet indigne conficiente vel sumente corpus Christi, sicut et de Juda dicit Dominus : « Verumtamen ecce manus tradentis me mecum est in mensa (*Luc. xxii*). » Exemplo enim Jude « filium hominis tradit, » qui illud inviolabile Domini corporis sacramentum violare præsumit. Non secundum ritum Ecclesiæ conficiendo, vel sumendo indigne, talis est

**83** Vendit qui, ejus timore et amore neglecto, caduca amare convincitur et criminosa. Item Augustinus : Magis peccant qui tradunt Christum peccatoribus membris, quam qui illum tradidit crucifixoribus Judæis. Item idem super psalmum lxxviii : « Et dederunt in escam meam fel, et in siti mea potaverunt me aceto : » quibus sunt similes indigne conficientes et sumentes. Gravius enim peccant Christum continentem in cælis regnantem, quam qui illum crucifixerunt in terris ambulantem. Illi enim jam veritate posita in meridie et manifesto inexcusabiles sunt. « Si non venissem, et locutus eis non fuisset, peccatum infidelitatis non habe-

rent, nunc autem, » etc. (*Joan. xv*). Illi vero per ignorantiam Dominum crucifixerunt : Unde et pro eis oravit : « Pater, ignosce illis, nesciunt enim quid faciunt (*Luc. xxiii*). » Item : Si a pueritia in eremo Joannes conversatus, in utero matris sanctificatus (*Luc. i*), » etiam a Domino invitatus, non ausus est illum tremendum angelis et reverendum verticem Domini tangere (*Marc. i*) : quomodo tu peccator et pollutus, non dico verticem, sed totum Christum Deum et hominem, non tantum tangere, sed in ergastulo corporis polluti, quasi includere et incarcerare præsumis? Vel si iste timuit Christum baptizare, a quo debuit baptizari, quomodo peccatrix anima, a quo tota debes inhabitari, illum totum in vili hospitio corporis tui non vereris includere? Item : Si Mariæ in tanto fervore Dominum diligenti, cique tam devote vivo et mortuo obsequenti dictum est : « Noli me tangere, nondum enim ascendi ad Patrem meum (*Joan. xx*), » in corde tuo. Si, inquam, non est ei permissum tangere « scabellum pedum ejus (*Psal. cix*) » exteriorum, quia non credit cum æqualem esse Patri, quod « a summo cælo egressio ejus (*Psal. xviii*) : » quomodo tibi peccatori licitum esse credis et permissum, totum Deum, non tantum tangere, sed in toto corpore tuo immundo ponere? Time ne non tantum dicatur tibi : « Noli me tangere, » sed etiam : « Amice, quomodo huc, » scilicet ad cæleste convivium, « introisti, non habens vestem nuptialem (*Matth. xxii*), » hoc est charitatem? Item : *II Reg. vi* : Si Oza, quia manum extendit ad arcam figuralem, ne declinaret bobus recalcitrantibus, a Domino ad mortem percussus est, quanto magis percuti debeat a Domino, qui indigne veram arcam, scilicet corpus Domini, conficit vel sumit? Ille tamen ex debito officio, quia de Levi, scilicet genere erat et sacerdos, accessit ad sublevandam arcam, sed indigne. Tradunt enim Hebræi, quia nocte præcedenti concubuerat cum uxore. Quanto magis autem puniuntur accedentes ad corpus Christi, masculorum, concubinarum vel meretricum concubitores? Item, *II Paral. xxvi* : Ozias qui præsumpsit offerre incensum Domino contra officium sacerdotum, a Domino lepra percussus est; quanto magis lepra, imo morte æterna, percutietur a Domino, qui indigne hostiam cælestem Domino præsumperit immolare? Item : Ex institutione primitivæ Ecclesiæ lecto Evangelio dicebatur catechumenis : Exite, exite. Si ergo membris Christi, habentibus scilicet charitatem, non licuit interesse confectioni corporis Domini, maxime timendum est **84** membris diaboli, et non habentibus charitatem tantum sacramentum conficere vel sumere. Indubitanter autem dico ministros altaris sic conficientes, vel sumentes, mortaliter peccare, vel etiam circa hoc in altari ministrantes. Scriptum est : « Mundamini qui fertis vasa Domini (*Isa. i.ii*). » Utrum vero peccent mortaliter, qui sunt in suburbio et choro ecclesiæ, qui tamen cum ministris altaris per devotionem et consensum de-

bent corpus Christi conficere, et spiritualiter, etsi non sacramentaliter, sumere, non dissimio. Multum tamen eis tinendum est, cum adhuc sint membra diaboli, quod intersunt confectioni corporis Domini, cum catechumenis, etiam sanctificatis, non liceret interesse. Item : « Constituite diem solemnem in condensis usque ad cornu altaris (*Psal. cxvii*). » Nota firmitatem et stabilitatem animi in bono. « Diem » virtutum, ut dicatis : « Hæc est dies quam fecit Dominus (*Psal. lxxv*). » — « Et solemnem, » ut reliquæ cogitationis diem festum agerent Domino, » id est, in serenitate conscientiæ, et hoc « in condensis » omnium articulorum fidei, virtutum, bonorum operum, lacrymarum, quæ hunc potum faciunt dulciorem, abstinentiarum penitentialium, qui accedere cepitis « usque ad cornu altaris (*Psal. cxvii*), » id est ad corpus Christi conficiendum, vel sumendum. Item Exodi cap. xii. Si Dominus præcipit agnum paschalem et figuralem comedi « assum igni, et cum lactucis agrestibus, » et hoc a « succinetis renes, tenentibus baculos in manibus ; » quanto magis præcipit re ad esum veri Agni paschalis quis accedat, nisi cum amaritudine cordis, penitentiæ, decoctus etiam in clibano Spiritus sancti, castus, sibi nihil conscius, fortis, totus virtutibus indutus, ut nec in pedibus sit discalceatus (unde : « Calceati pedes in præparationem Evangelii pacis [*Eph. vi*]), » sed in fide, virtutibus, affectibus, operibus bonis solidus. Item : Ad terrorem incutiendum accedentibus ad eucharistiam valet exemplum illius sanctæ peccatricis Ægyptiacæ, quæ in deserto penitentiam agens, semel in hoc sacramento per quadraginta annos visitata est a Domino, per Zozymam abbatem eremitarum illius deserti (Vita est in *Sur. tom. II*). Cui primo confessa est; secundo accedens ad eam, ut ei daret eucharistiam, in adventu Dominici corporis tota est effusa in lacrymas. Licet enim singulis diebus lacrymata fuerit, tunc amplius et fere usque ad effusionem oculorum.

Unde

*Illis, ea, patris venit ad calicem pietatis.*

*Se totam maclat lacrymis, calicique coaptat.*

(HILDEBERTUS CENOMAN. episc.)

Item : De indigne accedentibus ad hoc altare, conqueritur Dominus dicens : « Et dederunt in escam meam fel (*Psal. lxxviii*), » amaritudinem peccati sui, « et in siti mea, » qua sensitivi ut bibere, eosque mihi, ut incorporarem, « potaverunt me aceto, » acedine pravitatis suæ. Sed intendum quod Dominus, « cum gustasset acetum noluit bibere (*Matth. xvii*), » ita nec tales sibi incorporat, etsi sacramentaliter eucharistiam sumant, qui de Ecclesia sunt nomine, sed non numine. **85** Item Augustinus : Qui non prius cum Christo crucifixus fuerit carni, mundo et concupiscentiis (*Gal. v*) ejus antequam accedat ad corpus Christi conficiendum, vel percipiendum, quantum in se est, rursus crucifigit Christum, illisque adnumerandus est, de quibus ait Apostolus : « Rur-

sum in se crucifigentes Dominam, et ostentui, » et in derisum « habentes (*Hebr. vi*). » Item : Marcus abscedit sibi pollicem, ut reprobus esset sacerdotio, timens ne raperetur in sacerdotem : adeo enim reverebatur corpus Christi conficere, quod sæpius tamen sacramentaliter sumpserat.

Nunc autem ordinandi non auferunt sibi naturalia, sed licita et illicita afferunt, ut ordinentur, et potius causa quæstus quam devotionis et obsequii divini. Item in *Vitas Patrum* : Quidam senior inter eremitas, cum ab illis eligeretur in sacerdotem, et vi quadam ordinatus ab episcopo Ægypti, ait : Ego, licet sacerdos sim, non conficiam in vita mea, indignum se reputans conficere corpus Christi, etsi illud, non conficiens, ab alio sumeret. Nunc autem quidam nimis frequenter quasi epulum quotidianum corpus Christi conficiunt propter cupiditatem, quidam nimis raro propter acediam. Item in *Psalmo* : « Emitte lucem tuam et veritatem tuam, ipsa me deduxerunt et adduxerunt in tabernacula tua » prius; et ita, « introibo ad altare Dei, » corpus Christi conficiendo vel sumendo, « ad Deum quæ lætificat juventutem meam (*Psal. cxlii*), » id est, lætam juventam, scilicet gratiæ, mihi tribuit in re, juventam etiam gloriæ in spe. Juventus etiam nature attendenda est in ordinando, nisi gravitas morum, et vitæ sanctæ suppleverit etatem. Conficiens autem et assistens altari, dum conficit velut in paradiso est, posteriorum omnium oblitus. Item : « Lavabo inter innocentes manus meas, » et sic innocens et mundus, exemplo et imitatione eorum quasi angelus, « circumdabo altare tuum, Domine (*Psal. xxv*), » ut conficiam corpus tuum. Item : Cum iret Jos: in agro Jerichontino quidpiam meditans, « vidit angelum cum evaginato gladio, » cui ait : Quis es ? « Noster es, an adversariorum ? » Qui respondens ait : « Princeps sum exercitus cæli. Tolle calceamenta de pedibus tuis : Locus enim in quo stas terra sancta est (*Jos. v*). » Cogites ergo qui accedis ad altare confecturus et sumpturus eucharistiam, quia « locus in quo stas, terra sancta est; locus terribilis, domus Dei, et porta cæli (*Gen. xxviii*). » Timeas « angelos ascendentes et descendentes ibi per scalam » gladio evaginato, ne demetant posteriora tua (*III Reg. xxi*) : timeas ne « securis ad radicem arboris jam posita sit (*Matth. iii*), ex eo quod indigne accedis. Timeas chorum angelorum assistentium contra te ferentium testimonium injuriamque suam, et iram Domini vindicare paratorum, si indigne accesseris; vel sacrificium laudis et orationum tuarum ante conspectum Dei in sublimine deferentium, si digne obtuleris. Unde :

*Tempore quo supplex assistit presbyter aris,  
Maclaturque Patri Filius ipse manens.*

**86** *Æthra patent, cælestis adest chorus, ima supernis  
Junguntur, fiunt actor et actus idem.*

(HILDEBERTUS CENOMAN., *De myster. mistæ.*)

Simile legitur in Exodo esse dictum Moysi : « Comenata minasset Moyses oves Jethro ad interiora deserti,

et venisset ad montem Dei Oreb [Horeb], apparuit ei Dominus in flamma ignis de medio rubi, et videbat quod rubus arderet, et non combureretur (*Exod. iii*): » Cui eunti ad cernendum visionem illam magnam, ait Dominus: « Non appropies, inquit, huc, sed solve calceamentum de pedibus tuis, locus enim in quo stas, terra sancta est (*Exod. xii*). Si ergo Moysi prohibitum est accedere ad rubum ardentem et figuralem, quanto magis et tibi ad verum corpus Christi, nisi prius abjeceris omnia mortua et carnalia opera a te, et affectibus tuis? Item: Cum Dominus prohibuerit ne advena, peregrinus vel immundus comederet de agno paschali, quanto magis ne peccator, nondum civis et domesticus Del factus de vero Agno, maculatus de immaculato? Item David: « Quis ascendet in montem Domini, aut quis stabit in loco sancto ejus? Innocens manibus et mundo corde, » etc. (*Psal. cxiii*). Item: Si nondum rigasti lacrymis pœnitentiæ et fovisti pedes Christi cum Magdalena (*Luc. vii*); si nondum sedisti « manducare panem doloris (*Psal. cxxvi*); si nondum te humiliasti ad osculandum pedes Domini; si nondum surrexisti ad fortia opera, quasi ad osculum manuum Domini; quomodo præsumis accedere ad osculum capitis ejus, imo ad confectionem, sumptionem, et osculum totius Christi? « Per numeros veniunt ista, gradusque suos, sicut et ordines. In quo sacramento, aliquo gradu omisso, amplius peccatur quam in omissione gradus ordinis ad ordinem. Item Salomon: « Sedisti ad mensam divitis, scito quia talia te oportet apponere, qualia tibi apposita sunt (*Prov. xxiii juxta lxx*). » Innumera apposuit Dominus fercula et dons, quæ tamen omnia sub his tribus comprehenduntur. Apposuit se ipsum pro nobis pretium in cruce: Viaticum in altari: Futurus præmium in cælo. Primum ei apponimus, « si carnem nostram crucifixerimus cum vitis et concupiscentiis suis; si crucifixi fuerimus mundo, et mundus nobis (*Gal. v, vi*); si abnegaverimus nosmetipsos, et quotidie tulerimus crucem Christi et secuti fuerimus eum (*Luc. ix*); si stigmata Domini Jesu portaverimus in corpore nostro (*Gal. vi*) » cum Apostolo; si carnem nostram pro Christo maceraverimus, si mori pro eo datum fuerit desuper; si compassi fuerimus proximo; si vixerimus

A in retributionem, et in scandalum (*Psal. lxxviii*). Judicium sibi manducant et bibunt (*I Cor. xi*), bonoque odore moriuntur. Item Epistola **87** ad Hebræos: « Habemus altare, de quo non habent edere, qui tabernaculo « corporis » deserviunt (*Hebr. in*), » ut qui non macerant et « crucifigunt carnem suam cum vitis et concupiscentiis (*Gal. v*); qui manus non aperiant inopi, » etc. (*Prov. xxxi*). Item: Qui, et quam digne et timorate accedere debeant ad eucharistiam conficiendam, vel sumendam, Apostolus in *I ad Cor. xi* declarat, dicens: « Conveniatis vobis in unum, jam non est (id est, non convenit) Dominicam cœnam manducare, » nisi probatis primum et præparatis, ut ibidem infra ostenditur. Item: Si cum oramus, « etiam præceptis salutaribus moniti, vix audemus dicere: Pater noster (*Math. vi*), » nisi filii ejus simus per adoptionem, et nisi petitiones omnes, quæ sequuntur impleverimus; quanto difficilius audemus ipsum totum conficere et sumere, quia hic major devotio et puritas conscientiæ exigitur? Unde et hæc oratio præmittitur sumptioni eucharistiæ sanctæ. Item: Vide ne supra unum gomor, scilicet sobrietatis, hoc cœleste manna colligas et sumas, ne vermescere faciat conscientiam tuam peccatis (*Exod. xvi*). Vide ut « in sindone munda, et nova (*Math. xxvii*), » et pura conscientia involvas corpus Dominicum. Vide « ut illud reponas in sepulcro, in quo nondum quisquam positus fuerit (*Joan. xix*): » vel si diabolus ibi collocatus fuit, non nisi, eo dejecto, sepelias Dominum in mundo sepulcro tuo. Vide

### CAPUT XXXI.

*Contra Geryones belluas bicorporis, bicipites in pluribus ecclesiis.*

D Pluralitati et bifacialitati et trifacialitati missarum non absimilis, non absona est pluralitas personatum, dignitatum, officiorum circa eandem personam, sive in unica Ecclesia, sive in diversis. Sunt enim quidam, qui velut Geryones, Briarei, bicorporis, tricorporis, belluæ multorum capitum monstruæ, contendunt Deo trino in personis, et uni in substantia, assimilari. Horum enim quilibet, cum sit unus in substantia et in persona, tamen appetit plures esse personæ in personatibus et dignitatibus Ecclesiæ. Hoc genus hominum monstruosorum, et cupiditatis monstrum, redarguit Dominus in lege et in Numeris cap. *iv*, distinguens et dividens officia ministrorum tabernaculi, alii officio

deputans Meraritas, alii Caathas, alii Gersonitas, alii Levitas et Aaronitas. Quod si in Synagoga et in figura nulla potuit fieri officiorum permutatio, nulla ordinis, vel vicissitudinis obumbratio, quanto magis in Ecclesia, ubi est veritas, hæc permutatio et indistinctio officiorum, personatum, dignitatum esset prohibenda et ab ea eliminanda, quam adeo deturpavit et confudit, ut ignoretur quomodo, vel sub quo titulo hujusmodi belluis sit scribendum. Item : Si distincta essent officia, dignitates et personatus, et vere terribilis esset locus (*Gen. xxviii*), Ecclesia, et ut castrorum acies ordinata (*Cant. vi*), adversus quam non prævaleret portæ inferi (*Matth. xvi*). » Si autem in acie et bello materiali non conceditur quod idem sit primipilus, et armiger, et constabularius, et princeps militiæ senescallus, quod idem sit custos dextri cornu bellici et sinistri, idem aquilonaris et australis, quanto magis in Ecclesia et bello spirituali, ubi pugnandum est, non contra hostes visibiles tantum, sed invisibiles, scilicet dæmones et vitia, non debent permisceri officia? Ob hanc indivisionem personatum et officiorum de facili triumphatur Ecclesia a diabolo, mundo, et vitiis, ut jam dicat : « Si consistant adversum me castra, non timebit cor meum (*Psal. xxv*), » propter membrancea confusa, indistincta et inordinata. Item Augustinus : « Si suspectus habeatur secundum leges sæculares, qui duas tutelas, vel plures, sibi peteret, unde et ab omni repellebatur : quanto magis, qui in Ecclesia plura officia appetit et usurpat, repelli et suspectus haberi deberet, ne dum duorum officiorum, utrumque attentat, neutrum bene peragat. Item : Jethro, etiam gentilis, legitur in Exodo, et in Deuteronomio dixisse Moysi inter causam et causam a mane usque ad vesperam dijudicanti, ab omnibus ita habito, quod se ipsum non habuit. « Stulto, inquit, labore consumeris (*Deut. i*) ; » partire onus tuum in plures, etc. Ubi ait Augustinus : « Videtur quidem mihi animum pluribus actionibus humanis nimis intentum Deo quodammodo vacuari, quo tanto fit plenior, quanto in superna et æterna liberius extenditur, quanto magis ergo Deo vacuatur, qui pluribus officiis est intentus? Quia

*Pluribus intentus minor est ad singula sensus.*

Ob hoc ait Salomon : Fili, ne in multis sint actus tui (*Eccli. xi*).

*Imponit finem sapiens et rebus honestis.*

(*JUVEN*, sat. vi.)

Moyses ergo ad consilium Jethro alios constituit decanos, alios quinquagenarios, alios centuriones, millenarios alios, pentecontarcos, alios chiliarchos et omnes impermistos (*Exod. xviii*). Quare ergo in Ecclesia idem decani et archidiaconi, idem duo archidiaconi, et hujusmodi? Solæ autem majores causæ ad Moysen referebantur, de minimis autem non judicabat, nisi suspectum haberet decanum, vel alium officialem, qui haberet de his ex officio suo

A judicare. Sicque videtur non esse appellandum pro minimis causis. Nunc autem in minimis causis facta appellatio etiam injusta tenet. Sed, inquit, non laboramus, non onerati sumus sicut Moyses, etsi pluribus dignitatibus et officiis addicti. Ea enim per vicarios, per mercenarios, per concubinaros exsequimur. » Unde non oportet ea distribui, in illis enim quiescimus.

Quibus concludendum esset : Ergo, quia non laboratis, nec mauducetis (*II Thess. iii*). Quorum unum ait quidam populus episcopo : Ne constituas super nos sacerdotem concubinarium, ut tu vageris et circumferaris per patriam deditus otio. Item : Si Jethro, consulendo, ait Moysi : « Partire onus tuum in plures, » etc. (*Exod. xviii*). Hodie dicitur in Ecclesia : Congrega onera, et plura officia in unum, et Dominus recedet a te. Item in Numeri : Accesserunt principes familiarum Galaad de tribu filiorum Joseph ad Moysen, dicentes : « Dominus præcepit tibi ut terram divideres filiis Israel, et ut filiabus Salphaad fratris nostri dares possessionem debitam patri, quas alterius tribus homines ducere prohibuit in uxores, ne confundatur sortium distributio, et aliorum possessio ad alios transeat. » Quibus Moyses : « Nubant, inquit, tantum suæ tribus hominibus, ne commisceatur possessio earum de tribu in tribum ; quæ ita maneant, ut a Domino separate sunt (*Num. xxvii, xxxvi*). » Quanto magis autem filii Ecclesiæ deberent dicere Præsto : Da Ecclesiæ nostræ virum de tribu sua, et Ecclesia nostra, ne minister unius transferatur ad ministerium alterius ; ut decanus in una ad archidiaconatum in alia, et deinceps : sicque confundatur distributio officiorum et personatum, et qui utilis erat uni Ecclesiæ, utrique fiat inutilis. Item : Vide quod Christus non habuit ubi caput reclinaret (*Luc. ix*) : Et tu diversa reclinatoria, personatus scilicet, in quibus caput reclines, in quibus quiescas requiris? Hæc reclinatoria potius tibi sunt ad pœnam æternam, quam ad quietem. Item in Psalmo (*Psal. lxxvii*) : « Rex virtutum dilecti, dilecti. » Dilecti dico, hoc est « ad dividendum spolia : speciei domus, » id est ad faciendam speciosam domum. Unde : « Domine, dilexi decorem domus tuæ (*Psal. xxv*). » Hanc etiam divisionem spoliorum speciei domus, docet Apostolus in Epistola ad Ephesios cap. iv : « Et ipse Dominus dedit quidem quosdam apostolos esse, quosdam autem prophetas, alios vero evangelistas, alios autem pastores et doctores, » etc. Item Lucas in Evangelio cap. ii : « Cum fortis armatus custodit atrium suum, in pace sunt omnia quæ possidet. Si autem fortior illo superveniens vicerit eum, universa arma ejus auferet, in quibus confidebat, et spolia ejus distribuet. » Spolia ista, sunt animæ fideles, dignitates ecclesiasticæ, et officia. Item Isaias : « Lætabuntur coram te, sicut qui lætantur in messe, sicut exsultant victores capta præda, quando dividunt spolia (*Isa. ix*). » Item de Paulo legitur : « Bea-

jamin lupus rapax mane colligens prædam, et vespere dividens spolia (*Genes. XLIX*). » Ipse enim quosdam ordinavit et secundum distinctos gradus hominum diversa eis officia assignavit in Ecclesia, ut Timotheo, Tito et aliis. Hanc jucundam varietatem et speciosam domum Domini attendens David, ait : « Astitit regina a dextris tuis in vestitu deaurato circumdata varietate, et ita in simbriis aureis circumamicta varietatibus (*Psal. XLIV*). » Sed hujus varietatem commendabilem facit varietas cantuum, lectionum, responsorium, antiphonarum, ornatuum. Maxime jucundam et speciosam efficit varietas consonantium personatum et officiorum, ad quorum varietatem debet constitui varietas ministrorum. **90** Quibus observatis in Ecclesia, recte vere dici poterit de ea. « Pulchra es et decora, filia Jerusalem, ut castrorum acies ordinata (*Cant. VI*). » Item in Epistola Jacobi cap. III : « Nolite plures fieri magistri, fratres mei : » dicit interlinealis, id est plurium Ecclesiarum ministri. « scientes quoniam majus judicium sumitis. » Promiscuis enim actibus officia ecclesiarum perturbantur. Item (in appendice concil. Lateran. III, sub Alex. III) : Si prohibitum est ne una ecclesia, una præbenda, unus episcopatus in plures dividatur; a simili per contrarium, non plures uni personæ assignentur, nisi forte propter penuriam ministrorum, et multitudinem causarum : et hoc propter turpes et ignominiosas, quæ inde proveniunt, enormitates : imo una unus sit, non plures unus. Si pater tuus fuerit contentus una uxore, quare non contentus es una Ecclesia? Attende quid Apostolus dicat : « Qui altario servit, de altario et vivat (*I Cor. IX*). » Non ait : Qui altaribus servit, de altaribus vivat; nec dicit : Qui altaribus servit, de altario vivat; nec ait : Qui non servit altario vel altaribus, de altario vel altaribus vivat. Ait enim : « Qui non laborat, non manducet (*II Thess. III*) : » sic ergo ubi non laborat, vel quando non laborat, nec manducet. Si quis objiciat quod in pluribus servit ecclesiis, respondeo, quoniam uno et eodem tempore pluribus Ecclesiis non potest servire, et ita pro rata temporis, saltem a singulis ecclesiis, in quibus servit, et prout servit, beneficium recipiat. Consulat unusquisque conscientiam suam, intellecta forma verborum dantis et accipientis beneficium ecclesiasticum, qualiter debeat se habere in ecclesia. Traditur enim ei liber, et dicitur : Do tibi hanc ecclesiam, vel præbendam, ad honorem Dei et obsequium hujus ecclesiæ. Quasi diceret : Assiduus sis ecclesiæ hujus officio. In quibusdam autem Ecclesiis expressius hæc forma suppletur. Do tibi hanc ecclesiam, vel præbendam ad honorem Dei, et servitium hujus ecclesiæ, ut residens sis et mansionarius in hac ecclesia. Item : Tales male videntur interpretari : « Apprehendent septem mulieres virum unum (*Isa. IV*). » Videant ne incurrant illud jucundum figmentum adolescentis, qui cum diu moratus fuisset cum patribus conscriptis in Capitolio, et ab eo quæreret mater quid diffinitum

A esset : nolens Patrum revelare consilium, novam adveniēns stropham, respondit matri suæ, audisse, quod de cætero plures uxores erunt unius viri. Quo audito, mater, convocatis matronis ad ostium Capitolii, clamavit : Non duæ uni, sed una duobus (*Macrobius, I. I Sat.*). Sed non duæ uni, sed duo uni : imo hodie plures quam duo, ut in ecclesia S. Mederici, et multis aliis. Item notandum, quod sæcularibus jurisdictionibus non potest unus miles duobus dominis duas legiones facere nisi salva prioris legione, et sic alterius jurisdictio diminuitur : quanto minus potest aliquis se dividere, ut in pluribus ecclesiis Deo serviat, cum se totum et semper debeat exhibere, ut in singulis serviat? Quidam etiam improperavit alii, quod plurimum populorum tutelam susceperit, quam ipse habuit in sua parochia personas : Audi, inquit, quod, cum quidam decanus vehementer argueret subditum suum super marrantiis **91** quas faciebat singulis horis, diurnis et nocturnis : ille contra respondit : Quid me arguitis, qui in tot ecclesiis, in quibus habetis dignitates, et a quibus redditus et obventiones quotidie recipitis, tot defectus et marrantias absentia vestri facitis? Sic decanus ille obmutuit, nec eum, vel alium, super tali defectu et marrantia postea ausus est reprehendere, majorem in seipso causam redargutionis præsentiens. Audi etiam, quod cum duo essent canonici duarum ecclesiarum, et unus esset decanus in una, et alter in alia, quæsitum est uter pater esset spiritualis alterius, uter esset obedientiarius alterius. Responsum est quod quandiu sunt in aliqua illarum ecclesiarum, ille qui est decanus in ecclesia in qua sunt, est pater spiritualis alterius, et alter obedientiarius ejus.

Qui si non fuerint in una ecclesiarum illarum, sed forte in alia, vel aliis, uter esset pater, uter filius spiritualis? Contra naturam et monstruosa est talis paternitas et talis filiatio. Infamis etiam haberetur talis medicus, qui curam centum vel triginta ægrotorum in eadem villa, ne dum in diversis villis susciperet, multo magis ille, qui curas tot animarum, non in una villa, sed in diversis, non in una regione, sed in diversis suscepit, infamix nota debet perecelli. Item Joannes in Evangelio suo : « Bonus Pastor dat animam suam pro ovibus suis; mercenarius, et qui non est pastor, cujus non sunt oves propriæ, videt lupum venientem, et dimittit oves, et fugit, » etc. (*Joan. X*). Si videt lupum venientem, ergo præsens est. Item : Si fugit, ergo præsens est. Sape etiam non fugit, sed abducit oves et reducit ad caulas, prædicat quandoque; ergo mercenarius minus peccat, quam ille cujus est ecclesia, cum semper sit absens. Sed quo nomine censebitur ipse qui semper est absens? Non est pastor, quia non pascit oves; non mercenarius, quia mercenarius semper est præsens, iste vero non. Novo itaque monstro cupiditas monstruosa novum fingat vocabulum. Ad hoc monstrum sugillandum, sufficit

quod diversitatem donorum gratiæ Spiritus sancti distribuit Dominus in spirituali corpore, quod docet Apostolus in Epistola I ad Corinthios, cap. XII : « Divisiones gratiarum sunt, idem autem Dominus, » etc. et statim subjungit : « Alii quidem per Spiritum datur sermo scientiæ, et alii sermo sapientiæ, » etc. Non omnia contulit uni, ut singula membra sibi invicem subserviant. Similiter diversa officia assignat singulis membris Apostolus in humano corpore. Ita in eodem : « Si totum corpus est oculus, ubi auditus? Si totum auditus, ubi odoratus? » etc. Et statim subdit : « Non potest dicere oculus manui : Opera tua non indigeo ; aut iterum caput pedibus : Non estis mihi necessarii. » Sic quoque in domo patris familias diversa sunt officia humanæ necessitatis. Alium enim constituit subulcum, alium bulcum, aliam aurigam, alium veredarium, et cætera, juxta propriam facultatem, ne aliquod incurram damnum rerum suarum ; quanto magis distinctio officiorum, dignitatum, in spirituali corpore (id est in Ecclesia) est facienda, ut charitas omnia conjungat, et diffusius dilatetur? Unde ille egregius versificator :

92 *Excubias capitis oculos, modulaminis aures,  
Doctoresque pedes, omniificasque manus.*

CAPUT XXXII.

*Contra bigamos et lamechitas in pluribus ecclesiis.*

Pudeat quod quidam episcopi mutuantur ab aliis episcopis oculos. Et cum sint quatuor episcopi, qui non habent nisi duos oculos, sic non solum cæci vel lusi, sed etiam menstruose oculis orbi sunt facti, cum debeant esse animalia plena oculis ante et retro, ut legitur in Ezechiele (c. 1). Quisque etenim deberet esse Argus, ut spiritualiter videret, et videre faceret. Quia juxta poetam :

*Centum luminibus cinctum caput Argus habebat.  
(OVID., 1 Metam., fab. 10.)*

Tales pejores sunt Julio Cæsare. Cujus cum singula vitia enumerasset Lucanus, in fine dixit de eodem :

*Omnia Cæsar erat.  
(Lib. III belli Phars.)*

Quasi omnes dignitates Romæ sibi usurpavit. Erat enim consul, quæstor, etc., et hoc in eadem civitate. Pejor ergo ille, qui in diversis omnes vult habere honores. Bellua multorum capitum, similis illi monstro, de quo disceptant theologi, quod ab umbilico inferius videtur uniforme, supra vero multiforme. Et sic mentiuntur qui dicunt quod sola Gallia caret monstris. Nota quod nihil magis deturpat corpus vel caput quam oculi absentes, nullæ partes corpori magis sunt necessariæ. Dubium etiam est, an iste qui est persona multarum facierum, debeat habere similiter sigillum plurium, vel diversa sigilla. An, qualiter scribat, vel qualiter ei scribendum, an cum dignitatis nomine : an omnia dignitatis nomina sint apponenda, an unum : an nomen proprium, ita quod non nomina dignitatum, in quo forsam offenderetur. Si dicatur quod nomen majoris

dignitatis est præponendum tantum : quid si plures habuit pares dignitates? Si dicatur quod appropriari ei debet nomen dignitatis illius Ecclesiæ, quam potius frequentat : Sed quid si nunc huc, nunc illuc discurret?

*Quo teneam nodo mutantem Protea vultum?  
(HORAT., lib. I, epist. 4.)*

Quærat ab eo quis vocetur, vel quo nomine velit sibi scribi, ipse etiam ignorabit. Quidam, cum tali belluæ multorum capitum scriberet, et nomina dignitatum et præbendarum omnium in salutatione præmisisset, audit a quodam : Adhuc addendum est istud : Servus et rusticus de Sancerro. Hanc etiam personam multarum facierum oportebit habere multiplicem habitum, multos breviores propter diversos usus ecclesiarum, quibus præest. Sed quid ei agendum, cum excommunicati sint in hac ecclesia, omnes habentes tales vel tales pannos? Quid si excommunicatus est omnis, qui in ecclesia illa habet nisi vestes quas alia reprobat? Iste etiam est idolum Horati multiforme, cujus exemplar in rebus naturalibus non potest inveniri. Unde :

*Humano capiti cervicem pictor equinam,  
Jungere si velit, et varias inducere plumas.  
(HORAT., De arte poet.)*

Idem alibi :

*..... Moveat cornicua risum  
Furtivis nudata coloribus.*

(Lib. I, ep. 3.)

Furtum etenim est, vel rapina, quod tot bona pauperum sibi toticipat et usurpat. Contra tales loquitur Dominus in Evangelio Lucae : « In quacumque civitatem intraveritis, eligite quis in ea sit dignus, et in domo illius manete, et nolite transire de domo ad domum (Luc. x). » Si ergo hospes unius noctis, ita eligendus est dignus, et si non transeundum est « de domo ad domum ; » quanto magis qui mansionarius et minister debet esse perpetuus in una et eadem ecclesia?

CAPUT XXXIII.

*De sancta unitate.*

Hanc etiam monstruosam pluralitatem dignitatum et hujusmodi in eadem vel diversis ecclesiis circa eandem personam, redarguit triplex et sancta unitas, ne talis cum David dicere possit : « Respice in me et miserere mei, quia unicus et pauper sum ego (Psal. xxiv). » Si ergo, a simili, opponas divitias ; respondebo : Quia licet inter divitias esse pauperem. Non expavit Apostolus divitias, sed mores earum. Prima unitas est fidei, sacramentorum et morum, qua caret distractus per hæreses et schismata : « Una enim fides, unum baptisma, unus Dominus, » etc. (Ephes. iv.) « Unam petij a Domino, » etc. (Psal. xxvi.) « Una est columba mea (Cant. II). » In uno cubito est consummata area. Secunda unitas est actuum. Unde Salomon : « Fili, ne in multis sint actus tui (Eccli. xi). »

*Imponit finem sapiens, et rebus honestis.  
Et alibi :*

*Pluribus intentus minor est ad singula sensus.*

(JUVEN. SAT. VI.)

« Partire onus tuum in plures, » etc. A simili: Ergo et ab hac elicitor tertia unitas, dignitatum scilicet, officiorum, reddituum. Si enim negatur consequens, et antecedens. Si negatur et prohibetur pluralitas actuum, ergo et pluralitas dignitatum, et hujusmodi. Plures enim dignitates vel redditus habere, est antecedens ad plures actus in illis exercere. « Qui enim non laborat, nec manducet (II Thess. III). » Sed et apud sæcularem judicem officium duarum tutelarum petens, suspectus habetur, nec dum utrumque attentat, neutrum bene peragat. Si ergo prohibitum 94 est: « Ne in multis sint actus tui, » fortius prohibetur antecedens, scilicet « ne in pluribus » ecclesiis, redditibus, dignitatibus « sint actus tui. » Vide ne ab omnibus, ne a pluribus ecclesiis, redditibus, et hujusmodi ita habeatis, quod teipsum non habeas.

#### CAPUT XXXIV.

##### *De unitate mala.*

Est et quarta unitas, scilicet mala, qua quis singularitatem appetit inter alios, statuens sibi justitiam, « reputans se aliquid esse, cum nihil sit (Gal. VI) supra modum, vel quod non habet sibi arrogans, singularis, ferus, unicornis, superbus. De quo dicitur: « Væ soli, quia si ceciderit, » per superbiam cadens, « non habet sublevantem se (Eclii. IV). » Item: Omnia omnesque quæstiones, quæ de duplici matrimonio uxorum Jacob, et de subintroductis ei ancillis induci possunt, et de iis (Genes. XIX), et contra tales: Jacob tamen excusatur, eo quod duas duxerit ad procurandum sobolem ad cultum Dei, ad multiplicandum populum unius fidei. Viderint ipsi, si plures ecclesias, dignitates susceperint, ob fecunditatem et utilitatem Ecclesiæ spirituales, potius quam obventionem et fructum temporalem. Si hæc susceperint ad multiplicandum populum in cultu Dei, ad multiplicandum filios et fructum bonorum operum in ea. Non videtur quidem verisimile, eo quod Rachel, Ecclesia aliqua scilicet, fecundior in obventionibus et temporalibus fructibus, præponatur Liæ, fecundiori tamen in fructu spirituali. Hæc enim contemnitur, illa prælegitur. Sed et Rachel Liæ ait: « Da mihi partem de mandragoris filii tui Ruben. Quæ respondit: Parumne tibi videtur quod præripueris maritum meum mihi, nisi etiam mandragoras filii mei tuleris? » Ait Rachel: Dormiat tecum et quiescat hæc nocte, pro mandragoris filii tui (Genes. XXX). Nunc autem attulati duabus ecclesiis, cum una et in una earum, nec una nocte « pro pluribus mandragoris et obventionibus ejus, quas præcipimus dormire, quiescere, legere, et cantare curant. Sed et fecundior esset Ecclesia, si singulis ecclesiis singuli ministri assignarentur. Si officia paucitatem clericorum et ministrorum; at hodie pluribus et indoctis, plures committuntur ecclesiæ, et doctis viris et prudentibus pluribus nulla, cum nec una

A uni tantum deberet committi, et plures viro prudenti pro inopia bonorum, possent tradi. Sed nec uni medico plures infirmi, nec uni tutori plures tutelæ committuntur cum difficultate et periculo, multo minus plures ecclesiæ uni deberent committi, ubi vertitur periculum animarum: ibi corporum et possessionum. Item: In tales cadit maledictio Dei, de qua legitur in Deuteronomio cap. XXVII: « Uxorem accipias, et alius dormiat, » quiescat. 95 cantet et ministret in ecclesia. Quod sequitur, illis non convenit, sed contrarium est eis: « Plantas vineam, et non vindemias eam, seras agrum et non metas fructus ejus (Deut. XXVIII). » Isti autem e contrario non plantant, non pastinant, non paxillant vineam, nec lætamen apponunt, et tamen vindemiant eam, et de vino ejus bibunt; non serunt agrum, et colligunt fructus ejus, ut ei assimilentur, de quo Dominus in Evangelio ait: « Austerus homo es, metis ubi non seminasti, et colligis ubi non sparsisti (Matth. XXV). » Item: Si offensa generatur in ecclesia, pro marrantia et absentia alicujus per diem, qui legere vel cantare debet in ea; quanto major si absens quis fuerit per annum, imo per decennium, vel majus spatium ab ecclesia, in qua ministrare debet? Sed maxima offensa et marrantia, est, quod unus bis legit, vel cantat in una nocte in aliqua ecclesia; quanto major esse deberet, quod unus duabus deputaretur ecclesiis, cum in eis una die vel nocte legere, cantare, et ministrare non possit? Sed in quadam nobili ecclesia, quod turpissimum est, quinque vel plures dignitates sunt ditissimæ in obventionibus et redditibus, pro quibus perceptis in ea, nec per vicarium, nec per alium servitur. Non dico, non cantatur, non legitur tantum, sed nec etiam consiliis ejus assistitur. Quippe nulla personarum quinque, semel in anno præsens in ea invenitur. Item: Tales detestabiliores sunt Lamech, qui primus bigamiam introduxit (Gen. IV). Isti enim, non tantum bigami, sed et trigami, et tetragami, pentagami inveniuntur, et deinceps. Sed et talis quam ecclesiarum suarum relinquit hæredem omnium congregatorum in una earum, difficile erit distribuere, et relinquere singulis quæ sua sunt ecclesiis. Item Isaias cap. V: « Væ qui conjugitis domum ad domum, » ecclesiam ecclesiæ copulando, « et agrum agro usque ad terminum loci » majoris scilicet: « Nunquid habitabitis vos soli in medio terræ? » Quasi diceret: Nunquid vos soli sapientes estis, vel soli canere novistis in ecclesia propter quod plures usurpatis?

#### CAPUT XXXV.

*Contra exteriorem Simoniam, scilicet in officiis, et dignitatibus, et redditibus Ecclesiæ.*

Pestem et lepram Simonie, quæ vertitur circa sacramenta interiora, etiam « usque ad cornu, » et sacramentum « altaris (Psalm. XVII) » supra suggillavimus: speciem autem ejus, quæ consistit circa exteriora: puta officia ecclesiastica, ecclesias, dignitates, redditus, personatus, et quæcumque annexa



spiritualibus, sic suggillat Dominus in Evangelio Joannis c. x : « Qui non intrat per ostium, » Christum; humilis scilicet, ne erectus offendat in humilem januam, scilicet Christum, alioquin casurus erit ex alto. « Et qui non intrat » (vocatus etiam a Deo canonica 96 electione, alioquin auditurus: Amice, « quomodo huc venisti, non habens vestem nuptialem?) in ovile ovium (Matth. xxii), » id est, in catholicam Ecclesiam, et in consortium fidelium, quodcumque videlicet collegium sanctorum : « sed ascendit aliunde, » quoquo modo præter Christum, vel non bene de eo sentiendo, ut hæreticus, vel « quæ sua in Ecclesia non quæ Jesu Christi sunt quærendo (Philip. ii), » ut pseudo, et mercenarius, vel Simoniacus, et :

*Venditus ipse*

*Vendere cuncta cupit.*

(Vix enim bono medio exercentur, bonove fine concluduntur, quæ malo sunt inchoata principio) « ille fur est (Joan. x), » quia quod alienum est, suum dicit, id est oves Dei suas dicit, si regimen animarum ei commissum est; si non : quod non suum est, ut patrimonium crucifixi, et bona pauperum, sicut raptores absconditis, sibi usurpat, « hic est et latro (ibid.), » quia furatus est, scilicet oves Dei. Si regimen animarum habet, occidit seipsum, etiamsi non, et se occidit, et bona pauperum violenter rapit et detinet. « Qui autem intrat per ostium (Joan. x), » id est Christum, sincere, « non sua, sed quæ Jesu Christi quærendo (Philip. ii), pastor est ovium. Huic ostiarius, » id est sacra Scriptura, quæ ducit ad Christum, et ab beatitudine ejus æternam : vel Spiritus sanctus, « qui docet omnem veritatem (Joan. xiv), aperit » ampliorem viam a l beatitudinem, abscondita scripturarum, quæstionum, confessionum et consiliorum. « Qui enim sequitur me, non ambulat in tenebris (Joan. viii), » ignorantie vel peccati : « Et oves, » id est, prædestinati ad vitam, subjecti ejus, humiliter et devote audiunt, obediendo voci ejus, quia Christum prædicat, et quærit non aliud. Et hic « proprias oves vocat (Joan. x), » provocat, et exultat in Ecclesie officiis et dignitatibus, nominatim ex suo nomine, ex nomine scilicet meriti, prædestinationis, vel gratiæ spiritualis (Philip. iv). » De ejusmodi nominibus dicitur : « Gaudete, quia nomina vestra scripta sunt in libro vitæ (Num. iv). » Item : Vocavit Moyses unumquemque, scilicet ex nomine suo, non ex nomine vulgi, non ex nomine pecuniæ numeratæ, non carnalis affectus, non cujuscunque conditionis private, ut generis, et hujusmodi. « Omnis enim qui-cunque fecerit voluntatem Patris mei, qui in cælis est, » sive Græcus, sive Scythæ, vel quicumque barbarus, « hic aptus est regno Dei (Matth. vii). » Et poeta :

*Lectos ex omnibus oris*

*Evelis, et mores non quæ canabula quæris.*

(CLAUDIUS, lib. II, *De laudibus Stilliconis*.)

Hic « oves educit (Joan. x) » et emittit verbo et

A exemplo, « de Ægypto (Exod. xiii), » de peccato : « Et ante eas vadit » perfectionis consilio, et vitæ merito et exemplo. « Et oves illum sequuntur (Joan. x) » usque in regnum Dei, obediendo et perseverando usque in finem, quia sciunt vocem ejus « quocum que ierit (Apoc. xiv). Alienum autem, » (in quo non scilicet non est vox Christi, sed lucri temporalis, etiamsi bonus alias videatur) « non sequuntur, sed fugiunt ab eo, quia non noverunt vocem alienorum (ibid.). » Sicut autem Christus est « ostium » intrandi in Ecclesiam et militantem, et triumphantem, ita et « via. Ego sum via » in exemplo, « veritas » in promisso, et « vita » in præmio (Joan. xiv), et pons 97 nobis pontem faciens, et viam intrandi in Ecclesiam præsentem et futuram, Unde Epistola B ad Hebr. ix : « Christus assistens pontifex futurorum bonorum, per amplius et manifestius tabernaculum non manu factum, » id est « non hujus creationis, » etc. Est autem quadruplex pons, via, vel molus intrandi in Ecclesiam, in cætum sanctorum per Christum. Primus fuit incendium ænularum Aaron, floritio, et fructificatio virgæ ipsius, quibus ostendebatur vocari a Domino. De ejus vocatione legitur in Numeris, cap. xvii et xviii, et Epistola ad Hebr. v : « Nec quisquam sibi sumit honorem, sed qui vocatus fuerit a Deo tanquam Aaron. » Non dico miraculos a vocatione, sed signis operum, scientiæ et virtutum, quibus Deo placere ostendatur. Secundus pons fuit vox de cælo lapsa, qua clarificatus est Filius a Patre : « Hic est Filius meus dilectus in quo mihi complacui (Matth. iii). » Et per Prophetam : « Tu es sacerdos in æternum (Psal. cix). »

Hæc vocatione vocatus est Nicolaus, Tertius pons fuit jactus sortium, quo « Matthias accepit locum ministerii et apostolatus, de quo prævaricatus est Judas, ut abiret, in locum suum (Act. i). » Et notabiliter notandum quod apostoli de discipulis Christi duos tantum elegerunt in apostolatus officio, quos magis idoneos esse cognoverunt, nec de his alterum apostolum nominare præsumperunt, sed gratiæ divini hoc reliquerunt. Sed et Simon Petrus, si septem diaconos in dispensatores rerum pauperum (Act. vi), privato amore, et carnis affectu, elegeret, ut apostoli liberius vacarent orationi, procul dubio discipuli sic electos, quippe sibi inutiles, repalissent. Nunc autem ablatae sunt sortes de medio propter vicinitates sortilegii, quibus successit canonica electio, quæ nisi pura et sincera, et sancta fuerit, præter Christum erit et sacrilega. Sed cum modo non crederetur sortibus, et cæco judicio ad eligendum aliquem in archidiaconum, et hujusmodi officia modica in Ecclesia ne indignus eligatur, quomodo eis creditur ad homicidium perpetrandum per peregrina et cæca judicia?

CAPUT XXXVI.

*De impediendis sinceritatem canonicæ electionis.*

Sinceritatem et puritatem canonicæ electionis impediunt et destruunt, lepra Giezi (IV Reg. v),

cupiditas Simonis (*Act. viii*), violentia oritarum et majorum (*Num. xvi*), aliæque plures causæ, de quibus prosequemur, quarum aliquas tangit Hieronymus in epistola sua, causa scilicet octava, quæst. 1, iniquis: Moyses amicus Dei, « cui facie ad faciem locutus est Dominus (*Exod. xxxiii*), potuit utique successoris principatus filios suos facere, et posteris propriam relinquere dignitatem, sed extraneus de alia tribu eligitur Josue ut sciremus principatum in populos, non sanguini deferendum esse, sed vitæ merito (*Num. xxvii*). At nunc cernimus plurimos hanc **98** rem beneficium facere, scilicet, ut non querant illos in Ecclesia columnas erigere, quos plus cognoverunt Ecclesiæ prodesse, sed quos, vel ipsi amant privato amore, vel quorum obsequiis sunt deliniti, vel pro quibus majorum quæspiam rogaverit, et, ut deteriora taceam, qui ut clerici fierent muneribus impetraverunt.

Addendum etiam quod nusquam legitur Dominus sic infrenduisse, incaluisse pro aliquo crimine, sicut pro monstro Simoniam. Contra hoc enim monstrum pugnaturus, ut illud de Ecclesia eiceret, « flagello facto de funiculis (*Joan. ii*), » armatus, naturamque mansuetudinem, quasi ad horam, secundum humanitatem, exuens, « vendentes columbas in templo eiecit, et mensas nummulariorum subvertit (*Joan. x*). » Quasi diceret: Per me intrandum est in domum meam. « Ego » enim « sum ostium (*ibid.*), » non per vos acceditis ad Ecclesias, vel spiritualia, vel annexa spiritualibus. Sic enim « domum meam, domum orationis, speluncam latronum, et domum negotiationis facitis (*Matth. xxi*). » Si ergo ita incanduit et infrendit Dominus contra figuram, quanto magis contra veritatem et monstrum Simonie, quod ut hodie cum monstis, quæ peperit, eiceretur de Ecclesia, opus esset, non tantum funiculis, sed gladiis, contis et fulminibus de caelo cadentibus? Canonicam autem electionem prædicatorum trium modorum eligendi, imitatricem quippe eia succedentem exprimens in Evangelio Dominus, ait: « Venite post me, » etc. (*Luc. ix*). « Præcepta » sine quibus non est salus, « implendo, » carnem vestram cum vitiis et concupiscentiis cruciãgendo (*Gal. v*). « Quia, » « Si quis vult venire post me, » necesse est « ut abneget semetipsum, et tollat crucem suam, et sequatur me (*Luc. xvi*). » De crucifixis ergo eligendus est prælatus Ecclesiæ. Et quia prædicta communia omnibus non sufficiunt eligendis, subdit: « Faciam vos, » per auctoritatem, et donorum, et virtutum infusionem, ut qui præest dignitate, præsit morum honestate, et scientia poleat. Et sic, prædictis impletis et collatis, « faciam vos fieri » per ministerium, et canonicam electionem eligentium, « piscatores hominum (*Matth. iv*), » animarum, non pecuniarum. Aliter electi, vel spirituale beneficium adepti, similes sunt sacerdotibus Jeroboam, qui de novissimis et extremis populi fecit sacerdotes idolorum: « Quicumque enim volebat, implebat manum suam, et fiebat sacerdos excelso-

rum. Propter hanc causam peccavit domus Jeroboam, et eversa est, et deleta de superficie terræ (*III Reg. xiii*). » Sed nunquid hoc fuit Simoniacum? Constat quod vendere sacerdotium legale, Simonia fuit. Si sacerdotium idolorum, quæstio est. Nisi forte ob hoc dicamus ibi inesse simiam, quod etiam « sacerdotes excelsorum, » propter sacerdotii dignitatem, necesse habebant de officio prædicare, et morum honestatem habere, sicut et veri sacerdotes.

Item Dominus in Luca, cap. xii: « Quis putas est fidelis servus, » seu « dispensator et prudens? (*Luc. xii*) fidelis, » quæ ad salutem sunt necessaria implens: Unde Apostolus: « Hæc commenda fidei- libus hominibus, qui idonei erunt et alios docere (*II Tim. ii*). Idonei » vita, et scientia et facultatibus

« Et prudens, » ne det « Sanctum canibus (*Matth. vii*): Quem constituit Deus, » auctoritate sua et ministerio eligentium, canonice scilicet electione. Alioquin non mittitur a Domino, de quo, et consimilibus dicitur: « Quotquot venerunt, » scilicet non missi a Deo, « fures sunt et latrones (*Joan. x*). Sequitur: « Super familiam suam, » ut sicut præest dignitate, ita præsit morum honestate. « Ut det illis, » non ut accipiat ab eis lac et lanam, oleum et amurcam, constituitur super eos; sed potius, « ut det illum tritici, » divini verbi « mensuram, » secundum capacitatem auditorum, et hoc « in tempore. Omnia enim tempus habent. Est tempus tacendi, et tempus loquendi (*Eccle. iii*). » Prædicatio vero si assidua fuerit, vilescit. Aliter autem constituti super familiam Domini, similes sunt sacerdotibus Belis (*Dan. xiv*), qui fracto vero ostio « Christo, » quantum in se est, per furtiva ostiola (ut sordida munera, pecuniam numeratam, carnis affectum et hujusmodi) intrant ad altare, in Sancta sanctorum, comedentes, et devorantes, et asportantes oblata principum et popularum.

Talibus etiam objici potest quod dicitur in Deuteronomio, cap. xx: « Quis est homo qui edificavit domum novam, et non dedicavit eam? Vadat et revertatur in domum suam, ne forte moriatur in bello, et alius dedicet eam. Quis est qui plantavit vineam, et necdum fecit eam esse communem, de qua vesci omnibus liceat? Vadat et revertatur in domum suam, ne forte moriatur in bello, et alius fungatur officio ejus. Vel quis est homo qui despondit uxorem, et non accepit eam? Vadat et revertatur in domum suam, ne forte moriatur in bello, et alius accipiat eam. » Isti autem ecclesias et ecclesiastica beneficia suscipiunt, et non dedicant eas aliquo opere, aliquo servitio, et ita moriuntur in bello. Sæpe etiam in se plantant bonam conversationem et doctrinam, sed necdum fecerunt eam communem aliis exemplo, et verbo prædicationis, et ideo revertantur in domum, et ecclesiam suam, si hæc non egerunt, antequam ad aliam eligantur. Nunc autem eliguntur qui pedagogis indigent; et cum deberent alios docere, indigent potius ab illis doceri: « Quasi modo geniti infantes, » qui despon-

dent sibi ecclesias, et alii cognoscunt eas, et ministrando, et prædicando in illis. Item : Quanta etiam debeat esse puritas et sinceritas canonice electionis, patet ex verbis et figuris Veritatis ipsius. Vide quam pure et sincere electus sit Josue, quam pure et sincere alii judicos (*I Reg. x*) : Saul, etiam reprobis, in regem, sed datus in ira Dei populo, etiam quia rogatus ab eo (*II Reg. v*). Vide David sanctissimum, sincerissime de postuletantes electum (*Psal. lxxvii*), et cornu olei in regem inunctum. Vide Gedeon gastrimargos bovino more bibentes, et voluptuosos abjicere ; paucos vero et sobrios (qui in virtute procederent ad bellum contra Amalecitas, et lingentes terram) eligere (*Judic. vi*). Vide in Numeris viros a viginti annis et supra in virtute contra Madianitas pugnatos fuisse electos (*Num. i*) : quanto magis prælati viriles atate, animo et morum gravitate, qui in virtute procederent ad bellum contra hostes invisibiles, in Ecclesia essent eligendi? Item ex verbo eligendi. Eligere enim est de inter bona, meliora legere. Aliter eligens potius **100** negligit, vel deligit, et dejicit quam eligat. Ut autem Simonia apertius suggillari doceatur, qualemcumque assignationem, qua radices ejus notificari valent, supponamus talem. Simonia est quotiescumque ab homine fit aliquid quo non gratis vel minus gratis detur spirituale beneficium. « Fit » dico, non « est. » Consanguinitas enim a natura, a Deo est, non fit ab homine. Cum autem naturæ datur spirituale beneficium, non gratiæ, « caro et sanguis hoc revelat (*Matth. xvi*) » sic danti, non spiritus : nec est hæc Simonia, sed peccatum alterius generis et mortale. Utrum autem, qui sic accipit spirituale beneficium, præpositus magis digno, in ecclesia, teneatur illud resignare, non diffinio. Maxima enim strages oriretur in ecclesia, hoc dicto. Fit dico aliquid indebitum, puta munus, vel obsequium sordidum præstitum, vel præstandum. Debitum obsequium, excluditur, ut, cum quis vocatus in partem sollicitudinis ad sumptus episcopi militat Ecclesiæ, ut sic constet episcopo de dignitate, scientia, virtutibus et bonis moribus ejus, quibus prædico confert ecclesiasticum beneficium, nec ideo minus gratis. Per adverbium autem excluditur ejus expectatio muneris, vel obsequii, vel beneficii spiritualis conferendi vel collati, sive intervenerit pactio, sive non. « Deus enim videt in corde (*I Reg. xvi*) ; » pactio autem et causa sine qua non posset officium sacerdotale exerceri in ecclesia, non excluditur. Paciscitur enim episcopus vel sacerdos cum patrono de necessariis naturæ Inveniendis ministris altaris ante dedicationem ecclesiæ. Complectitur autem hæc descriptio pestem Simoniacam et lepram Giezticam, non autem Coriticam violentiam, quæ frangit ostium ecclesiæ. Pejor est duabus primis pestibus. Mallem esse fur quam laico, Simoniaco quam Corita per preces et extorsiones principum.

## CAPUT XXXVII.

*De quatuor generibus spiritualium.*

Sunt autem quatuor genera spiritualium. 1<sup>o</sup> Sunt enim spiritualia per quæ habetur vel habere præsumitur Spiritus sanctus, ut virtutes et miracula. 2<sup>o</sup> Sunt etiam spiritualia, per quæ confertur, vel collata augetur Spiritus sancti gratia in aliquo, ut ecclesiastica sacramenta (*vide notas*) præter matrimonium, ordines, officia etiam ecclesiastica. 3<sup>o</sup> Spiritualia sunt annexa spiritualibus, puta adjuncta personis ecclesiasticis vel ecclesiis, ut dignitates, decimæ, primitivæ agri, redditus ecclesiæ. 4<sup>o</sup> Spiritualia dicuntur vasa, et vestes ecclesiæ consecrata. Prima impetrabilia sunt, et de jure, et de facto. Secunda, de jure, licet non de facto. Venduntur enim, sed Simoniæ pariunt. Tertia, impetrabilia sunt de jure, nisi in casibus, de quibus alias dicitur. Quarta, si conflare possunt, conflata omnibus vendi possunt ; sin autem tantum personis **101** ecclesiasticis, non viris laicis. Prohibemur enim in consecratione distinctione quinta, Deo semel dicata, etiam tigna et lapides ecclesiæ consecrata in communes usus redigere.

Quod temporalia pro spiritualibus offerri possunt, videtur ex Numeris cap. xxxi in fine : Accedentes filii Israel ad Moysen dixerunt : « Ob hanc causam offerimus in donariis Domini, singuli quod in præda auri potuimus invenire periscrelides, armillas, annulos, dextralia, murenulas, ut deprecemur pro nobis Dominum. » Ergo pro triceniariis, anniversariis, et hujusmodi, licet exigere, et dare pecuniam? Non est ita. Hujusmodi solutio sumitur ex hoc quod sequitur : « Susceperunt Moyses et Eleazar sacerdos omne aurum oblatum, et susceptum intulerunt in tabernaculum testimonii, in monumentum filiorum Israel coram Domino. » Ex quo patet quia potest pecunia dari ecclesiæ in memoriale et excitamentum ejus, in signum devotionis et petentis suffragia Ecclesiæ, et in exemplum aliorum ; nec datur pro spiritualibus. Ita enim et Petrus in cælo orat pro aliquo, videns illum devotione et opere vicinari Deo, sicut Ecclesia, pro signo devotionis et operis sic petentis orationes, et suffragia ejus. Ergo ea ratione licet mihi dare Ecclesiæ, ut in ea intuler, præbendas et redditus accipiam? Non est ita. Alia enim ratio hinc inde reformat pactum. Suffragia enim et orationes Ecclesiæ necessaria sunt ad salutem ; citra autem ecclesiasticos redditus est salus ; æque autem aggregandus est suffragiis Ecclesiæ, qui minus vel nihil dat, sicut et qui plus dederit, cum devote et ex affectu ea petierit, alioquin turpis quæstus et venalitas videbitur in ea. Secundo, datur pecunia ecclesiæ in necessitatem, et sustentamentum naturæ ministrorum et inventionem luminarium ecclesiæ, et hujusmodi, sine quibus officium divinum in ea rite non celebrabitur. Tertio, quandoque datur in ecclesia pecunia (quæ tunc expendenda est in pias causas, alioquin cupiditas eam exigit non justitia), non pro spiritualibus et abso-

Intione conferenda, sed pro pœna peccati in supplicium. In primo casu excluditur omnis pactio et conditio. In secundo admittitur pactio, ut scilicet sacerdos paciscatur cum patrono de necessariis vitæ invenendis. Sic etiam sacerdos carens beneficio ecclesiastico, pacisci potest cum alio, ut ministrat in ecclesia ejus, dum moram fecerit in scholis super necessariorum inventionem sufficientium tali officio exsequendo; ut scilicet habeat non tantum unde vivat, sed unde pauperes pascat, ut quod prædicat ore, confirmet opere. Similiter in tertio casu admittitur pactio, quæ tamen cum sit [forte fit] sive in secundo casu, sive in tertio, sic fieri debet, ne propter eam ingrui scandalizentur. Turpis pactio, inhonesta et cupida semper excluditur. Cum autem officia ecclesiastica sint de genere spiritualium, sicut sacerdos vendens officium suum, puta locando se, et operas suas, et opera sua, et instrumenta ecclesiæ, etiam benedictione nuptiali committit, Simoniam. Sic qui dignitatem pauperem, personæ suæ insufficientem, pro emolumento temporali illi adnectendo, in ecclesia suscipit, alias **102** non submissurus collum jugo, oneri et officio dignitatis illius exsequendo, nisi propter augmentum reddituum extrinsece additum, vel addendum, notam et indicam, non tantum venalitatis officii, sed personæ suæ ad hoc exsequendum. Turpius autem est se ipsum vendere, quam aliquid extrinsecum. Item ad idem, causa 1, q. 2: « Quam pio mentis affectu, » etc. Utrum autem sic habitam dignitatem, vel ecclesiasticum beneficium teneatur resignare, quæstio est. Sicut autem pactio vocalis in spiritualibus indicæ est venalitatis et effectiva Simonix coram hominibus, ita et pactio mentalis coram Deo et angelis, qui non nisi mentaliter loquuntur. Sic ergo consistit Simonia in expectatione muneris accipiendi, et in conceptione ejusdem dandi, et in epe utriusque partis, dantis scilicet ecclesiasticum beneficium, et sperantis retributionem, et accipientis, vel in spe accepturi beneficium ecclesiasticum. Dare autem, est quandoque ita et accipere. Utrum autem sic adeptus beneficium ecclesiasticum teneatur illud resignare, quæritur. Sed cum expectatio et conceptio munerum pariant Simoniam, quæ erit differentia inter Simoniam et lepram Gieziicam in hoc casu? Simonia quidem committitur in voluntate, tum concipientis dare, tum expectationis accipere lepra vero Gieziica in opere tantum, scilicet cum datur, vel cum accipitur. Item: Si expectatio tantum intervenit dum accipiens ecclesiasticum beneficium, a tali sciverit per conjecturas eum expectare retributionem, licet non conceperit ille dare, turpis est ingressus ejus in illud beneficium, quia non gratis est sibi collatum. Sed nunquid tenetur illud resignare? Si autem nesciverit quod munus expectet, si indiguerit prælatus, poterit et debet ei dare, et subvenire. Sed nunquid particula, vel frustulum reddituum ecclesiasticorum collatum a sacerdote alicui, si ille illud vendiderit, Simoniacus erit? Non; cum talis

A pecunia æque competat laico, sicut et clerico. Eis enim pecunia ecclesiæ a sacerdote detur alicui, quandiu viveret habet quasi in annuam pensionem, ille tamen non idcirco alligatur divino, vel ecclesiastico officio exsequendo.

#### CAPUT XXXVIII.

##### Quot modis committitur Simonia?

Committitur autem Simonia fractura ostii, quod est Christus, tripliciter: Munere a manu, a lingua, ab obsequio. Quæ distinctio ex *Moralibus Gregorii* (lib. ix, cap. 17) super illum locum *Jeremix* (cap. XLVIII) haberi potest: « Maledictus omnis qui facit opus Dei fraudulenter, » scilicet, pro rei corporalis præmiis, vel pro laudis verbo, vel humani iudicii gratia. Est enim nummus vanæ gloriæ, est nummus elationis, est nummus cupiditatis, est nummus sordidæ obsecutionis. Sed de hoc ultimo quæritur, si sine expressa pactione pariat Simoniam? Ita quidem. **103** Sed nunquid impensa obsequii honesti? Videtur quidem velle hoc philosophus, dicens (*SENEC.*, epist. 42): Hoc itaque in his quæ affectamus, ad quæ labore magno contendimus inspicere debemus, aut nihil in illis commodi esse, aut plus incommodi.

Quædam supervacua sunt, quædam tanti non sunt. Sed hæc non providemus, et gratuita nobis videntur, quæ charissime constant. Ex eo licet stupor noster appareat, quod ea sola putamus emi, pro quibus pecuniam solvimus; ea gratuita vocamus pro quibus nos ipsos impendimus, quæ emere nolumus, si domus nobis nostra pro illis esset danda, si amœnum fructuosumque prædium. Ad ea paratissimi sumus pervenire cum sollicitudine, cum periculo, cum jactura pudoris, liberatis et temporis. Adeo nihil est cuique se vitius. Idem itaque in omnibus consiliis rebusque faciamus, quod solemus quoties ad institorem alicujus mercis accessimus. Videamus hoc quod concupiscimus, quanti defertur. Sæpe maximum est pretium, pro quo nullum datur. Multa tibi possum ostendere, quæ acquisita acceptaque libertatem nobis extorsere. Nostri es-emus, si ista nostra non essent. At videtur loqui de labore consequente collatum beneficium, non antecedente. Item: Nummus cupiditatis cum expressa pactione, et sine expressa pactione, cum prava spe expectationis et conceptionis dantis et, accipientis parit Simoniam. Usuram ergo et nummus obsecutionis citra pactionem? Ita quidem, si impensa obsequii sordida fuerit. Si honesta, puta, si datus beneficium ecclesiasticum in accipiente respicit gratiam, scientiam, probitatem, Christum scilicet potius quam temporalem utilitatem sibi præstitam per obsequium impensum, non erit Simonia; sed nec ipse hoc intuitu, ut temporale præmium recipiat, ei obsequatur. Item: Quæritur, si pactio mentalis, cum spe utriusque partis dantis et accipientis scilicet, indebita saltem apud Deum, faciat in fraudem Simonix, pariatque ingressum vitiosum in spirituale beneficium; verbi causa:

Si patruus senex nepoti suo probo, etiam honesto, dederit ecclesiam suam, alias non daturus nisi sub spe percipiendi obventiones et fructus illius ecclesie: quoadiu vixerit, nec ille alias accepturus spirituales, nisi dederit fructus illi annexos, danti (et si sic habens ecclesiasticum beneficium) teneatur illud resignare. Constat tamen quod juramento interposito, vel interponendo super concessionem perceptionis fructuum, et ita vocali pactione mediante ingressus talis sit vitiosus. Sed nunquid electio alicujus, si juraverit, vel se juraturum promiserit, quod consuetudines illius ecclesie servabit, et hujusmodi? (Beatus autem qui fuerit pavidus in talibus (*Prov. xxviii*).) Item: Quid si aliquis administrationem dignitatis ecclesiasticæ alicui contulerit, alias non collaturus, nec ille accepturus, nisi redditus illius ei concesserit usque ad tres annos ad maritandum sororem accipientis beneficium illud, ut et sic accipiatur spirituale, et detur temporale? Item: Quid de resignante ecclesiam vel præbendam, ut eam conferat nepoti suo, quem prælatus cogit jurare, quod patruum non offendet, **104** sed ei necessaria vitæ ex obventionibus ministrabit; quod multi approbant, eumque ingratum reputant, qui patruo aporiato necessaria ministrare renuit; quasi ea spe et eo intuitu ille hoc beneficium recepisset, et alius eodem intuitu ei contulisset? Item: Si prælatus non alias daturus nepotibus suis minoribus beneficia ecclesiastica, et si ad hoc idem ei parumper cogat caro, nisi obventiones et fructus percipiat? In his omnibus casibus queritur si vitiosus fuerit ingressus, et Simoniacus? Item: Qui unum duorum spiritualis scilicet beneficii, et ei annexi vendit, neutrum inventum derelinquit, et qui unum emit, neutrum inemptum relinquit; ergo qui unum dedit et reliquum, et qui unum acceperit et reliquum. Sed prælatus aliquis alicui confert dignitatem ecclesiasticam, alias non collaturus, nisi fructus ejus impignoraverit ad emendum, vel redimendum agros, vel redditus ecclesie, vel in fabricam, vel sumptus ejus concesserit ad tempus; ergo alterum recipit, et non reliquum, quia non statim. Eadem est objectio de annuibus, biennialibus, triennialibus, et hujusmodi, quæ omnia videntur facere in fraudem Simoniacæ. Hic distinguunt quidam dicentes sequestrationem rerum ecclesiasticarum factam communi auctoritate Ecclesie, et ob utilitatem ejus, licitam esse; proveniente autem ex propria utilitate, et cupiditate episcopi Simoniacam. Item: Hac eadem regula: (Qui unum vendit,) etc., convincitur alios percipere Simoniacæ, et ad minus injuste fructus præbendæ alicujus per annum, et aliud spirituale, cui annexi sunt fructus, sive in illo anno servierit in ecclesia canonicus institutus, sive non. Si non servierit, ergo percipientes fructus sic, subtrahunt ecclesie illi per annum, et servitorem, et servitium? Si servierit, ergo subtrahunt annexum spirituale, et (alligant os bovi trituranti (*I Cor. ix*),) sicque

A serviens altari, non vivit de altari, et seminans spiritualia, non metit carnalia? Credo autem quod sic coram justo iudice ventilaretur hæc causa; tali, saltem portionem reddituum, unde vivere posset, assignaret. Injustum enim est integritatem spiritualium aliquem habere ut cantandi in choro, intrandi capitulum, ministrandi ad altare, et non integritatem annexorum eis. Talia enim nec, etiam in pias causas, licet expendere. De communi autem portione ecclesie, posset quidem elemosyna hujusmodi annua monasteriis, vel aliis locis religionis assignari; de portione autem spirituali, et singulari alicujus de ecclesia, non posset.

Cum autem pactio mentalis ex parte utriusque proveniens, faciat vitiosum ingressum, magis facit vitiosum ex parte dantis ecclesiasticum beneficium. In manu enim ejus et voluntate est dare illud vel non. Ille est ostium per quod intratur bene vel male, videat ne corrumpatur, quo minus gratis datur. Si autem accipiens habuit voluntatem dandi munus per se vel per alium, dum non dedit, eique prælatus contulerit beneficium ecclesiasticum sine spe aliqua muneris, accipiet illud pœnitentiam agens super prava voluntate sua, nec erit vitiosus ejus ingressus, cum sinceritas ostii maneat. **105** Gratis enim accepit, et ille gratis dedit. Et si enim pravam et Simoniam, quo ad Deum, habuit voluntatem, pœnitendo de illa, cum eam ad effectum non perdiderit, nihil Simoniacæ acquirit vel possidet.

Quemadmodum si in voluntate haberem quod emerem a te filiam tuam mihi in uxorem; tu autem gratis eam mihi dares, gratis et sine emptione eam haberem uxorem. Item: Si furtum ecclesie esset occultum iudicio ejus secreto, iudicio videlicet confessionis, simpliciter furtum est, sicque ablatum a confessore præcipitur restitui; ergo Simonia occulta mentalis, scilicet iudicio ecclesie interiori, non exteriori, Simonia est; et adeptum sic beneficium, furtive scilicet et occulte resignandum. Confessor enim iudex interior judicare debet restituendum, cum Simonia, quo ad Deum, commissa sit; iudex vero causarum et exteriorum non judicabit hoc esse Simoniam, nisi reus publice hoc confessus fuerit, vel super hoc convictus. Item: Sit, quod aliquis accedens ad ecclesiam vel monasterium, dicat: Offero me et mea huic ecclesie, vel monasterio ad serviendum in eo perpetuo, si sine distinctione recipitur, sanus erit ingressus ejus. Si autem plura quam oblata ab eo exigantur, vel si distinguatur inter sua et illum, ut sua scilicet sint causa cur recipiatur, vitiosus erit ingressus. Si autem inter sua et illum distinguatur, ut scilicet ille sit causa, cur sua cum ipso recipiantur, sanus et licitus erit ingressus. Si autem monasterium egerit, ita quod offerentem se illi, sine pecunia recipere non possit vel sustentare, spirituales fraternitatem ei concedat, non corporalem; vel in exceptionem paupertatis suæ, et sustentationem vitæ illius exigere potest ab eo, ut cum recipiat, et temporales redditus, qui-

bus tantum sustentetur dum vixerit. Quod si perpetuos exegerit, jam manifesta cupiditas vitiosum facit ingressum. Ex his autem liquet non debere construi, vel fundari aliquod monasterium, sine certo numero agrorum, pecorum et personarum. Cum enim ista augmentum susceperint, nonnisi difficile laqueos et cupiditates Simoniae vitare poterit. Quid si familiaribus episcopi mihi non benevolis dedero, ne famam meam apud eum laedant, sed si leant, nec juvent ut mihi conferatur beneficium ecclesiasticum? Signum taciturnitatis cum habeant consulere episcopo vitiosum facit ingressum. Quid si non sint familiares episcopi, et tamen eis dedero, ne famam meam incrustent? Non propter hoc erit vitiosus ingressus. Sed nunquid si dedero ostiario episcopi, ut ingrediar in capellam ejus, ubi ordiner? Non, cum ordo jam mihi debeat examinatione, meique susceptione in matricula quæ præcessit, etiamsi non præcesserit examinatio, vel susceptio, et tamen hujus causa spe ordinandi si ingressus fuero, quia dignus sum ordinari, non erit vitiosus ingressus, si propter hoc ei dedero, quia nulla penes eum est cura de ordinibus. Extendit autem Simonia ramos suos ab altaribus in quibus radicata sedet, et nidificat usque ad fores et introitum ordinum conferendorum. Assistit enim capellanus ordinatoris, **106** ut, ordine collato, statim rapiat forcipes, et manutergium de manibus ejus, cur accipiat consuetudinem allegans; conquerens etiam quod non a singulis ordinatis singula manutergia accipiat; et sæpe quod mutuo accepit vidua, rapit manus ejus sacrilega. Archigallus etiam causa præsentandi ordinandum in subdiaconum tres solidos, in diaconum quinque vel quatuor, in sacerdotem septem in pastum exigit. Sicut autem emere vel vendere principale est Simonia, ita et accessorium, et omnia ei adjuncta ex officio ecclesiastico debita ei, cui confertur principale. Ergo vendere sigillum canipulum, justitiam, ceram, et hujusmodi, nisi paupertas excuset, Simonia est. Unde Gregorius (homil. 39) super Lucam (cap. xix) ibi: « Et ingressus in templum cœpit ejicere vendentes et ementes in illo. » Multi, dum pro religionis habitu, sacrorum ordinum locum percipiunt, religionis officium in mercimonium terrenæ negotiationis convertunt. D  
« In templo columbam vendit (Joan. ii), » qui hoc quod quibusdam jure competit ad præmium largitur. « Justitiam vendit, » qui hanc pro præmii acceptione servat. « Emit in templo, » qui cum hoc, quod proximo jure debet, negat, dato patronis præmio ut injustam causam foveant, emit peccatum. Quibus dicitur: « Fecistis domum meam speluncam latronum (Math. xxi; Luc. xix). » Per malitiam enim et cupiditatem occidunt ubi vivificare deberent. Item: Quæritur, si emere fraternitatem istam vulgarem a qua quis expellitur non soluto promisso, Simonia sit? Videtur quidem cum spiritualibus annexa sit, ut missarum solemnibus, et suffragiis, et orationibus fidelium; hoc tamen non diffi-

minus. Item: Si abbatem emere nitram, emancipationes, et hujusmodi, ne episcopo subjiçiat, Simoniacum sit. Videtur quidem, quia ista annexa sunt spiritualibus, quod quidem est. Cuilibet autem etiam in spiritualibus licet redimere jus suum. Unde projice pecuniam, ut emas tibi paradisum. Item: Quæritur si Simonia est dare procuracionem, vel redditus collegio, ut celebret festum sancti alicujus in duplicibus, quod prius nonnisi simpliciter celebrabat, vel etiam pro decantando hymno novo, insueto, et hujusmodi. Nec hic omnimoda puritas est. Beatus Thomas Cantuariensis, ut Simoniam a domo sua penitus amoveret, instituens magistrum Arnulphum cancellarium, cum juramento astrinxit, quod nec cum pactione, nec sine pactione, usque ad canipulum pro officio cancellariæ administrando acciperet.

## CAPUT XXXIX.

*De pœna Simoniacorum.*

Sequitur de pœna Simoniacorum. Giezi pro immanitate criminis percussus est lepra (IV Reg. v). Simon damnatus in gehenna. In præsentī damnationis ejus data est sententia. « Pecunia tua tecum sit in perditionem (Act. viii). » Quidam etiam pro libertate Ecclesiæ redimenda vendens principibus jura, et beneficia ecclesiastica, **107** consueta privatus est prædicandi gratia. Alius dum conferret ordines, dicens: « In nomine Patris et Filii, » deficit in tertio signo. Obmutuit enim cum debuit invocare « Spiritum sanctum. » Quasi diceret ei: « Gratis accepistis, gratis date (Math. x). » Accessorium etiam sicut et principale. Unde Cyriacus diaconus oblatis ei muneribus, ut veniret curare filiam Saporis regis, ait: Absit mihi Christi gratiam per me esse venalem! Præcedite, inquit nuntiiis, non ascendam equum, sicut nec Christus, sed pedes sequar vos. Quædam etiam mulier religiosa fere penitus nihil manducans, et in exstasim, et visionem angelicam sæpe rapta, dum sub obtentu ædificandæ capelle, et agrorum emendorum ad opus monasterii illius, dona ab offerentibus susceperet, gratiam pristinam, et spiritum propheticum, et allocutionem amisit angelorum. Et alii aliis modis plurimis a Deo graviter puniti sunt.

## CAPUT XL

*De commutatione spiritualium.*

Sequitur de commutatione spiritualium, quæ emptionis et venditionis contractui vicinatur. Unde et notam Simoniae facere videtur. Commutatio etiam mercium in quibusdam provinciis, ubi copia monete non est, locum tenet contractus emptionis et venditionis, ut pro merce merx, pro animali animal accipiat. Sic et commutatio in spiritualibus, emptioni et venditioni non multum videtur absimilis, et quod faciat Simoniam. Hac ratione, commercio, pactio commutationis (propter quam resignatur beneficium ecclesiasticum, propter quam etiam, et per quam aperitur ingressus in aliud) Simoniam facit, inter episcopum dantem, conscium tamen

hujus commutationis, et inter resignantem beneficium, quod episcopus proprio nepoti confert. Ergo et inter resignantes, etiam citra conscientiam dantis episcopi, in quo casu (scilicet episcopo inscio pactionis hujus commutationis) beneficium illud non Simoniacè dabit nepoti suo, ille tamen Simoniacè illud acquirat. Item : Per hujusmodi commutationem, præcipue deimarum redemptarum a manu laicali, et reddituum ex loculis provenientium, quodcumque ecclesiasticum beneficium haberi potest, et ita omnes præbendæ ecclesiæ alienjus per commutationem talium, non Simoniacè comparari possunt, quod tamen falsum est. Item : Deuteronomii cap. xxii, « Si quis habuerit uxorem, et quæsierit occasionem dimittendi eam, postquam seniores civitatis hoc cognoverint, » secundum legem eum punient, et adjudicabunt illam ei in uxorem, « ita ut non possit eam dimittere omni tempore vitæ suæ. » A simili ergo : Si iste legitime sortitus est ecclesiam, et quærit occasionem ut eam dimittat, quia alia pinguior est et uberior, secundum pœnam constitutam in canonibus puniri deberet, et in ea manere omni tempore vitæ suæ.

**108** Nota tamen quod commutatio et personarum et beneficiorum, auctoritate Ecclesiæ facta, et ob utilitatem ejus, admittitur : quæ vero fit propter temporale commodum, ubi attenditur scilicet magis propria utilitas quam Ecclesiæ, nævum habere videtur. Nolo tamen « os meum in cœlum ponere (Psal. lxxii), » ut asseram hoc esse Simoniacum, cum summus pontifex Alexander II hujusmodi commutationem fieri ex dispensatione concesserit, nescio sive in scripto, sive sine scripto. Item Dominus : « Gratis accepistis, gratis date (Matth. x). » Et item idem alibi : « Si invitatus fueris ad cœnam, recumbas in novissimo loco, expectans quousque dicatur tibi : Amice, ascende superius (Luc. xiv). » Et Apostolus : « Nemo sibi sumat honorem, » etc. (Hebr. v.) Ex his tribus colligitur, « quod gratia, nisi datur gratis, non est gratia (Rom. xi). » Sed eritne medium inter : « A Deo vocari, et sumere sibi honorem? » (Hebr. v.) Absit ! Non enim a Deo vocaris, nisi per eum ascendas, nisi gratis accipias, scilicet ut nihil tuum interpretans, tibi sumis honorem. « Aliunde intrans quam per ostium (Joan. x), » aliunde ascendens, ab alio quam a Deo vocaris. Sed quid si fractura ostii tantum sit in voluntate, et non in opere ? Pœnitentia de voluntate et beneficium acceptum, licet cum voluntate mala, retineas, gratis tamen datum. Non minus enim accipiam codicem tuum, si gratis illum mihi dederis, licet proposuerim illum emere. Constat ergo ex his quod pactio super augenda pensione (maxime habita inter claustrales, cum curam animarum non habeant, et vicarium perpetuum institutum, vel instituendum) Simoniam facit ; si inter clericum sæcularem et vicarium perpetuum quæstio est. Tutius enim esset quod assignatæ et certæ pensiones essent utriusque. Pactio autem

A inter talem et vicarium temporalem non facit Simoniam, quia necessitate excusatur.

#### CAPUT XLI.

##### De Coritis,

Sequitur de Coritis. Cujusmodi sunt qui per preces et violentiam sæcularium principum, sive ecclesiasticorum in Ecclesiam intruduntur : et hoc, vel quia damnum rerum temporalium timetur, vel damnum corporis, vel serviliter timentur principes. Sic autem intrusi majus peccatum habent, quam Simoniaci. Sicut enim latro peior est fure, quia hic occidi, ille fustigari præcipitur, sic et Corita Simoniaci ; quia hic in pace, scilicet data pecunia, intrat ecclesiam ; Corita vero per violentiam, frangendo ostium. Si ergo, ubi non delinquimus pares sumus, si jubetur nobis non dominari in clero, sed dicitur nobis : « Et dominamini piscibus maris et bestiis terræ (Gen. i), » id est bestialiter viventibus tantum, non illis qui recte vivunt, qui non commiserunt aliquid super quo corripiri debent ; cum etiam major dominus feuda minoris domini non possit dare, vel ei præcipere ut det, nec major prælatus minori, ut det ecclesiasticum beneficium. Sed nec dare, cum illius sit illud dare, nisi in casu, scilicet **109** in pœna male dantis ecclesiasticum beneficium, tunc ei præcipere posset, ita ut meliori daretur. Aliter præcipientes et hujusmodi emancipationes et exceptiones ab obedientia minoris prælati procurantes, sanctitatem vel sinceritatem ostii, non videntur servare, sed particularia schismata inducere, ex quibus conflabitur illud universale schisma, et separatio a Romana Ecclesia. De qua Apostolus : « Nisi venerit discessio primum, et revelatus fuerit homo peccati, filius perditionis, qui adversatur et extollitur super omne quod dicitur Deus, aut quod colitur, ita ut in templo Dei sedeat, ostendens se tanquam sit Deus (II Thess. ii). » Hoc autem dico potius timendo et dubitando, quam asserendo, « ne ponam os meum in cœlum (Psal. lxxii), » maxime cum omnes res Ecclesiæ sint in potestate majoris prælati, tunc tamen cum minor prælatus delinquit.

#### CAPUT XLII.

##### De pœna Coritarum.

D Sequitur de pœna Coritarum. Core, igne de cœlo misso combustus est in signum æterni ignis temporale secuturi (Num. xvi), eo quod violenter sibi usurpavit officium sacerdotale. Ozias etiam, quia indebitè tetigit thuribulum tanquam si sacerdos esset, lepra percussus est (II Paral. xxvi) : ita et Oza arcam (II Reg. vi), et Maria soror Aaron ob solam detractionem (Num. xii).

#### CAPUT XLIII.

##### De sanguinitis, qui ædificant Sion in sanguinibus.

Sicut autem lepra Giezi (IV Reg. v), sinceritatem ostii per quod intratur in Ecclesiam, et spirituale beneficium corrumpit, sic carni caro et sanguis. Cum enim datur et sanguini, non gratiæ datur, sed naturæ. « Gratia enim, nisi gratis demur, non est gra-

tia (Rom. xi). » Sicut ergo impedimentum est lepra Giezi, quo minus datur gratis ecclesiasticum beneficium, ita et hic caro et sanguis videtur impedimento esse. Hæc autem potius obijciendo et opinando induco quam asserendo. Sic dantibus obijci potest quod similes sint Judæ, qui loculos habuit duplices, Domini scilicet, in quibus erant res pauperum, et proprios in quibus mittebat quæ asportabat uxori et liberis. Qui si propter furtum, quasi unius diei commisit sacrilegium, cujus merito meruit suspendi laqueo (Joan. xii), quanto magis furtum et sacrilegium committit, qui patrimonium crucifixi, pauperibus erogandum, non dico ad horam, dat carni et sanguini, sed officium dispensandi res pauperum, dum vixerit, nepoti committit; quem etiam inde **110** sumptus factum esse novit, non in usus pauperum, sed in ambitionem, vanitatem, et sæculi luxus, sicque fraudaturum, et spoliaturum pauperes, imo Christum rebus, et bonis suis? Item: Cum de intrantibus in Ecclesiam per ostium dicatur: « Qui non ex sanguinibus, neque ex voluntate carnis, sed ex Deo nati sunt (Joan. i): » de intrantibus per carnem et sanguinem dici potest: Qui ex sanguinibus, et ex voluntate carnis, non ex Deo, nati sunt, in ordinem et beneficiorum ecclesiasticorum perceptione. Plures autem sunt natiuitates nostræ. Sicut enim nascimur in baptismo Deo, ita et in sacramentorum aliorum perceptione. Tales nequeunt dicere: « In manibus tuis sortes meæ (Psal. xxx). » Non enim consideratur voluntas et beneplacitum Dominicum, sors et hæreditas Christi eis confertur. Item: A talibus non jacitur sors super tunicam Domini inconsutilem, ut sortiantur ejus sit, sed scindunt eam, nec sortem requirunt (Joan. xix). Non enim jacitur sors cum relinquatur hæreditas certa successori, et ii sanguine, et quasi jure hæreditario, non sorte Domini succedunt in patrimonium crucifixi. Item: Ii quasi crucifigentes Dominum membris ejus pauca vel nulla erogando, utinam dividerent vestimenta sua, mittentes sortem super eis quis quid tolleret. De talibus ait Michæas: Væ illis « qui ædificant Sion, » scilicet Ecclesiam, « in sanguinibus (Mich. iii), » in peccatis: in carnalibus etiam affectibus dantes carni et sanguini, potius ad destructionem Ecclesie, quam ad ædificationem. Hi sunt velut upuæ, quæ nidificant in stercoribus suis. Sic danti ecclesiasticum beneficium potest obijci: Quia « caro et sanguis revelat ei » sic dare, non « Pater meus qui in cælis est (Math. xvi). » Item: « Qui non odit patrem et matrem propter me, » id est, non postposuerit carnales affectus, quod non illi in dando spirituale naturæ, et ideo « non sunt digni Deo (Luc. xiv). » Item Dominus: « Qui sunt pater, et mater mea, et fratres mei? Et extendens manum in discipulos, ait: Hi sunt mater, et soror, et fratres mei (Math. x). Omnis enim qui facit voluntatem Patris mei, ipse est, et frater, et soror, » etc. (Math. xii). Quasi diceret: Vir spiritualis carnales nescit. Ac si diceret patri et matri: « Nescio

vos (Math. xxv), » insinuans nobis se esse imitandum maxime in spiritualibus conferendis. Ob hoc etiam Petrum et de alia tribu genitum Joanni præfecit (Joan. xxi). Item Hieronymus: Moyses amicus Dei, etc., supra in hoc eodem titulo fere in principio. Item: Si unus ex septem diaconibus, in septimana vicis suæ non distribuisset pauperibus, « prout unicuique opus erat, » quorum « erant omnia communia (Act. iv), » sed reservaret ea vel partem illorum, quo minus pascerentur pauperes, uxori et liberis: Quis adeo mentis expertus est, ut non credat illum statim esse percussam a Petro, eodem fulmine et terrore, quo Ananias et Saphira, eadem etiam maledictione, qua Simon Magus percussus est? (Act. v.) Nepotem ergo tuum in columnam Ecclesie non erigas, tamen ecclesiasticum beneficium, unde sustentetur, ei assignare potes. Sed quid si æque honestus est, et dignus, ut extraneus? Sed et hoc periculosum est, nisi probitas ejus exigat, et excludat omnem infamiam, scandalum et malum exemplum, quod de facili non sit. **111** Non enim exemplum a bene gestis nostris sumitur, sed a cortice, specie et superficie illorum, non a veritate. Si enim tedi nepoti meo propter gratiam, alii meo utentur exemplo, ut dent suis propter naturam magis, quam propter gratiam, dicentes: Nonne meis, sicut et ille suis dabo? ego gratiæ, ille det naturæ. Ex præmissis patet, quantum recesserimus a cunabulis primitivæ Ecclesie in conferendo administrationem, et dispensationem rerum pauperum, consuetudinem potius quam antiquos sæculos sequentes, quasi præscriptione nos tuentes. Sed sic adeptus ecclesiasticum beneficium, poteritne secure mori in eo, scilicet sine resignatione ejus? Non est meum hoc definire, ne « in cælis ponam os meum. »

#### CAPUT XLIV.

*Contra eos qui exuunt se a jurisdictione suorum prælatorum.*

Coritis similes sunt ii, qui quasi per quamdam violentiam exiunt, et subtrahunt se a jurisdictione et obedientia minoris prælati, auctoritate majoris (Psal. lxxii). Quibus quasi schismaticis obviare videtur illud Apostoli in prima Epistola ad Corinthios cap. xii, de unitate, et mutua et debita officii exhibitione membrorum humani corporis sibi invicem subministrantium. Cum enim plura membra sint in humano corpore sibi necessaria et subservientia, ne pereat corpus, quod fieret si omnia membra essent unum membrum, « non potest dicere oculus manui: Opera tua non indigeo; aut caput pedibus: Non estis mihi necessarii, » nec excellentius membrum inferiori potest præcipere, ne sit aliis necessarium, ne serviat et obediat mediis: ergo multo magis in membris Ecclesie spiritualibus de! et hæc unitas observari, ne fiat exemptio et subtractio officii, vel obedientiæ alicujus membri a jurisdictione, et servitute, et regimine minoris auctoritate et in utilitate majoris. Item: Sanctus Bernardus in libello authentico et utili, qui inscribitur *De consideratipne*



(lib. III, in fin.): Si Seraphim præcipere vellet thronis et dominationibus ne essent inferiores cherubim, nec illi ordini, ut superiori, subjecti, sed quasi prima fronte sibi responderent: Nunquid hoc sustineret ille monachus, qui eos sic ordinavit, scilicet, ut unus ordo alio esset inferior? Absit! sed gravius, sicut credo, vindicaret in illum, quam vindicatum sit in Luciferum, dominationem et exemptionem a jurisdictione Domini appetentem (*Isa. XIV*). Qui cum primus esset in deliciis paradisi (*Ezech. XXVIII*), ob hoc dejectus manet novissimus in suppliciis inferni. Item: Refertur et legitur idem Bernardus in zelum hujus enormitatis et exemptionis ab Ecclesia eradicandæ multum affectasse sedere in sede papæ per triennium propter tria maxime: scilicet propter revocandos episcopos ad metropolitanum suum ut ei **112** subicerentur et obedirent, et abbates exemptos ad episcopum suum, ut sub ejus jurisdictione militarent. Secundum erat, ne aliquis in Ecclesia duas haberet dignitates. Tertium, ne monachus in cella, vel alibi extra conventum degeret. Item: Moyses consilio Jethro constituit decanos, centuriones, quinquagenarios, millenarios super populum (*Exod. XVIII*): omnia autem hæc in figura Ecclesiæ facta sunt. Nunquid Moyses si turbasset officia et jurisdictiones singulorum, non peccasset? Sed nec etiam, ut ab uno appellaretur ad alium, pati voluit, ne fraudarentur vel privarentur officiiis sibi injectis, nisi cum aliquid quæstionis natum fuerit, tunc quidem illud præcepit referri ad se vel ad Hur, vel ad Aaron. Ergo multo magis debet in Ecclesia hæc exemptio a jurisdictione prælati ordinarii vitari, ne turbatio et scissio officiorum per hujusmodi exemptiones pariant schismata, et unitatis ecclesiasticæ scissiones. Item ad Rom. XIII: « Omnis anima potestatibus sublimioribus subdita sit. » Non ait potestati, sed « potestatibus ordinatis a Deo » in Ecclesia, quibus « qui resistit, ordinationi Dei resistit. » Item ad Hebr. XIII: « Obedite præpositis vestris, et subjacete eis, » minoribus vel majoribus. Quomodo igitur major prælatus aliquem emancipat a jurisdictione, et potestate minoris, ne ejus sit obedientiaris? Item: Si hujusmodi exemptio et emancipatio non licet sæculari potestati, multo magis nec ecclesiasticæ, cum spiritualia majorem debeant habere æquanimitatem, quam sæcularia. Verbi causa: Non potest major princeps emancipare aliquem a jurisdictione, potestate, feudo et hominio minoris domini, nisi cum causæ cognitione, ut si crimen dignum vel suspensio vel exsilio commiserit. Sed nec Ecclesia persona est ut personaliter puniatur, et si prælatus ejus deliquerit, etiamsi ipsa tota, non debet peccatum prælati, vel etiam præsentis Ecclesiæ redundare in damnum Ecclesiæ futuræ vel prælatorum ejus futurorum, cum et ipsi boni possint esse. Ergo nec licita est hujusmodi emancipatio in spiritualibus, etiamsi prælatus deliquerit. Ergo cum ille obligetur hominio sæculari domino et minori, a quo non potest absolvi per majorem

A nisi cognita causa, et iste obligatur obedientia minori prælato super eum ordinato, etsi major eum absolverit favore personæ, vel hujusmodi alia de causa. Item: Non potest major prælatus privare Ecclesiam in æternum officio, sacramentorum collatione, ut dicat: Nolo ut hoc, vel hoc sacramentum alicui conferas in æternum: ergo nec jurisdictione, collatione ordinis, et maxime nobili membro ipsius Ecclesiæ.

Item: Cum excommunicatus juste a minore ligetur, ita ut non possit absolvi a majore, non quoad Deum, nec quoad Ecclesiam, nisi cum causæ cognitione, et digna satisfactione, et consensu minoris prælati, qui eum ligavit; ergo juste subditus alicui Ecclesiæ ordinatione, non potest emancipari et eximi a jurisdictione et potestate minoris, auctoritate majoris, nisi cum consensu minoris, et etiam Ecclesiæ ejus, et certa ex causa, ut ob utilitatem utriusque. **113** Item Sapientiæ, cap. I: « Diligite justitiam, qui judicatis terram, » id est, terrenitatem, in qua præpositi estis iudices et majores super delinquentes, subditos et inferiores.

Quod enim cæleste et sanctum est, nec habetis, nec potestis judicare, in quo pares estis minoribus justis; quia ubi non delinquimus pares sumus; ergo nec major habet aliquid ordinare in diœcesi minoris, vel aliquem emancipare a jurisdictione ejus, nisi per desidiam, vel alio modo gravi deliquerit. Sed nec etiam tunc delictum personæ redundat in damnum Ecclesiæ. Hanc etiam paritatem minoris ad majorem, nisi ubi deliquerit, minor ostendit nomen fraternitatis. Scribit enim major minori sicut confratri. Item (*II Cor. XIII*): « Non possumus nos majores aliquid adversus veritatem, sed pro veritate. » Sed veritas habet Ecclesiam hanc illi fuisse vel esse subjectam, ergo contra hanc veritatem nihil potest major prælatus. Item Judicum VIII: Privatum Ephod quod fecit Gedeon de inauribus et præda filiorum Israel, quam tulerant de Ismaelitis et Ammonitis, versum est Gedeoni et toti familiæ ejus in ruinam. Hoc Ephod privatum, est annulus privatus, mitra privata, mitra abbatialis, et hujusmodi spectantia ad privatas exemptiones. Item Josue cap. XXI: Dominus præcepit filiis Israel ut unicum altare sibi erigerent in terra promissionis; Rubenite vero erexerunt aliud ultra Jordanem. Unde offensus Israel, direxit aciem contra fratres suos Rubenitas, dicens eis per sacerdotes nuntios: Cur erexistis altare sacrilegum contra altare Domini? Ob hoc pugnabimus contra vos, et altare sacrilegum dejiciemus. Qui responderunt: Altare memoriale Domini ereximus, non ut super illud immolarem Domino, sed in testimonium quod Dominus sit nobiscum, et ut ibi invocarem nomen ejus, quia tædiosum est nobis ire toties in Silo, in Galgalis, ubi est illud altare modicum immolatum compositum a Moysæ, ad quod tamen accedebant cum immolare volebant. Nunc autem, non tantum unicum altare erigitur contra majus

aitare et episcopate, sed tria vel quinque, ut pereat iustitia, pereat et obedientia. Item: Cum qualibet provincia suum habeat metropolitanum, qualibet diœcesis suum episcopum, absurdum et enorme videtur Ecclesiam vel abbatem esse in episcopatu illius, et de episcopatu illius, et non sub episcopo illius diœcesis, non ei subjectus, licet sit de episcopatu, et in episcopatu ipsius. Item secundum ordinem et naturam rerum, non potest genus generalissimum imperare speciei specialissimæ, quod non subjiciatur generi subalterno. Item de significatione mystica mitra abbatis quæritur: Si enim cornua mitræ in capite abbatis significant Vetus et Novum Testamentum, ergo « si quid natum fuerit quæstionis (Exod. xxiv), » ad illum, ut ad episcopum est referendum? Sic etiam dux gregis videtur esse qui ventilet inimicos cornibus Veteris et Novi Testamenti; si nihil significant; ergo mitra abbatis inanis est, et superflua, et puerilis, sicut mitra pueri in recitatione miraculi facta ex scheda? Si annulus **114** ejus eandem significationem habet, quam et annulus episcopi, ergo sponsus et paranympus est Ecclesie? De lingulis etiam mitræ, et sandaliis ejus, quæritur quam habeant significationem, necnon et de benedictione ejus, qua benedicitur in abbatem, qualis sit, et si repeti potest.

De hac ait magister Gilbertus episcopus Pictaviensis, quia simplex est, sicut benedictio super cibum facta; non enim confertur cum impositione manus, unde et repeti potest; vel semel benedictus et depositus abbas, sine iteratione benedictionis exerceat officium abbatis. Sed quomodo manus imponit aliis, usque ad diaconatum? Fere videtur a se ordinatos mittere in vineam Domini (Math. xx), sicut et episcopus. Quomodo etiam habet potestatem super convocanda et celebranda synodo sacerdotum vel capitulo, sicut asserebat sanctus Bernardus, et alii viri religiosi? Verendum est ne hæc exemptiones, et divisiones particulares, universalem faciant divisionem a Romano regno spirituali, quæ facta est jam ex parte a Romano regno materiali, de qua Apostolus: « Nisi venerit discessio primum, et revelatus fuerit homo peccati, filius perditionis, qui adversatur et extollitur super omne quod dicitur Deus, » etc. (II Thess. ii.) Hujusmodi abbates exemptos Magister Gilbertus schismaticos esse dicebat. Sed dicitur mihi: « Os tuum ponis in cœlum (Psal. lxxii). » Respondeo: Non. Hoc autem non asserendo, sed opponendo induco. Non enim licet mihi dicere domino papæ, Cur ita facis? Sacrilegium enim est opera ejus redarguere et vituperare. Veruntamen horum solutionem, vel qua ratione eis obviatur, non video. Scio autem quia auctoritate canonis veteris vel novi non sit hujusmodi divisio, et exemptio in Ecclesia, sed speciali auctoritate sedis apostolicæ, quam non patitur Dominus errare. Forte enim instinctu et familiari consilio Spiritus sancti legeque privata ducta hoc

A facit, sicut Samson se cum hostibus occidit (Judic. xvi), sed sic sublatis sunt consules et proconsules de medio, ut pauca vel nulla imperent, et omnia Cæsar sit, qui omnia sicut omnibus imperet.

#### CAPUT XLV.

##### Contra adultores.

Attestante Gregorio (lib. xii Moral. c. 25), sicut nummus muneris et pecuniæ effectus est simonia, ita et nummus obsecutionis vel exsecutionis sonidæ, puta adulationis. Munus enim gratis collatum est, sed nec donum gratiæ est, quod confertur tam culpæ quam pecuniæ, vel naturæ. Pestiem itaque adulationis Propheta sugillans, ait psal. cviii: « Et induit maledictionem sicut vestimentum, et intravit sicut aqua in interiora ejus, et sicut oleum in ossibus ejus. » Adulatio, inquit Augustinus, et oleum, et maledictio est, quia et delectat, et tormenta parat. Et psal. cxl: « Corripiet me justus in misericordia et increpabit me, oleum autem peccatoris **115** non impinguet caput meum. » Augustinus: Oleum autem est falsa laus adulatoris, et simulata dilectio, quæ mentes a rigore veritatis emollit. Hi sunt venditores olei, qui verba cadentia tollunt. Seneca (epist. 20): O quando erit illa dies, quando nemo mentietur in honorem tui? Ob hoc autem amanda est paupertas quæ non invenit adulationem, quam sovent divitiæ. Unde David psal. civ: « Edidit terra eorum ranas in penetralibus regum ipsorum. » Ranæ sunt adultores garruli et loquaces; quorum garritum et adulationem execrans poeta, ait:

*Turba salutantum latus tibi perstrepat aedes,  
Hic avium cantus labantis murmura rivi.*

(CLAUDIUS lib. 1, in Rufinum.)

Hi sunt sciniphes. Unde sequitur: « Dixit et venit cœnomyia et sciniphes, » quæ occulte pungunt, et tamen magis nocent quam cœnomyia; similiter et adulatio magis quam detractio: Unde Ps. lxxix: « Avertantur statim et erubescant qui dicunt mihi: Euge, euge: » Augustinus: Duo sunt genera persecutorum, scilicet vituperantium et adulantium: sed plus persequitur lingua adulatoris, quam manus interfectoris. Utrumque, id est vituperatio sive detractio et laus, ignis est, quo vir, sicut aurum, probatur in fornace, qui vituperio vel laude tentatur. Exit integer qui neutro rapitur. Et Psal. xxxix: « Ferant confestim confusionem suam, qui dicunt mihi: Euge, euge: » Qui adulatorie de bono meo mihi applaudunt. Item in Threnis primo Aleph, He: « Facti sunt hostes ejus in capite, » quia adultores, principes et capita Ecclesie excæcant, et:

*Cui caput est agrum, cætera membra dolent.*

Error enim principis trahitur in exemplum. Item: Quod magis nocet mel et levitas adulationis, quam amaritudo detractiois, constat, quia nullus adeo severus est et rigidus et securus, qui hac peste quandoque non capiatur, in qua delectari videtur, cum statim eam a se non repellat. Ad hoc argumentari

etiam poteris ex Ps. cxix : « Domine, libera animam A meam a labiis iniquis : » quæ detrahunt, et prohibenda deterrent, « et a lingua dolosa, » quæ laudando plus premit et nocet, palliato sine consilii, quo, cades cum adscendere cœperis. Unde et Propheeta contra eam querens remedium subdit, vel Dominus ei dicit : « Quid detur tibi, aut quid apponatur tibi ad linguam dolosam, » adulatoriam? « Sagitte potentis acutæ cum carbonibus desolatoriis, » Hoc est remedium. Item Ps. xxxiii : « Prohibe linguam tuam a malo, » detractionis, « et labia tua ne loquantur dolum, » adulationis; quo dolo cecidit primus homo, ejus radix in posteritate ejus manet, eo quod adulanti diabolo consenserit, cum ait ei sub palliato sine consilii : « Quæcumque die comederitis ex eo, eritis sicut dii (Gen. iii.) » Hoc dolo extollitur diabolica superbia in homine, ut præsumendo de se, dicat : « Ascendam in cœlum, ponamque sedem meam ad æquilonem, et ero similis Altissimo (Isa. xiv.) » Unde

*Et tua servatum consume in sæcula rhombum.*

(JUVENALIS Sat. IV.)

Poeta :

Iste capi voluit; quid apertius? Et tamen illi

**116** Surgebant cristæ, nihil est quod credere de se  
Non possit, cum laudatur dis æqua potestas.

Et sunt Comædi, de quibus idem ait :

*Natio comæda est. Rides? Majore cachinno  
Concutitur; flet, si lacrymas conspexit amici,  
Nec dolet, igniculum brunæ si tempore poscas,  
Accipit Endromiden, si dixeris, Æstuo, sudat.  
Non sumus ergo pares, melior qui semper, et omni  
Nocte dieque potest alienum sumere vultum  
A facie jactare manum, laudare paratus,  
Si bene ructavit dominus.*

(Idem Sat. III.)

Sed et alios adulari docentes, dicunt :

*Etsi nullus erit pulvis, tamen excute nullum.*

(OVIDIUS.)

Et philosophus (SENECA, l. VI. *De benefic. c. 30*) ait : Ob hoc unum timendæ sunt divitiæ, quia eas comitatur adulatio, nec invenit dives, qui ei verum dicat. Ob hoc maxime amanda est paupertas, quia a quo ameris ostendit (Idem, epist. 20) Quippe non habet adulationem comitem sibi parentem fortunam hominis, et non personam amantem. (Idem, l. VI *De benefic. c. 51*) : Sed nec in tanto Xerxis exercitu inventus est, qui ei verum diceret, præter unum. Alii enim maria non sufficere classi ejus capiendæ intendebant; alii non æra telorum grandini, et hujusmodi. Solus Demaratus philosophus accessit, qui veritatem ei dixit, in hunc modum : Victus eris et a te ipso, nec senties. Quippe ista tua moles opprimit te. Infinita enim vix regi possunt. Hi sunt Sirenes usque in exitum dulces (Psal. LVII). De quibus Hieronymus : Ad patriam tendentes, debemus mortiferos Sirenarum cantus surda aure transire, « obturando aures sicut aspis, » eas pice liniendo cum Ulyse et sociis ejus. Hi sunt scenicæ meretriculæ, quas humana philosophia a se, in Boetio,

(*De consolat. l. I, prosa 4*) abegit, multo magis cœlestis. De his ait Salomon : « Mel et lac sub lingua meretricis (Prov. v), in ore autem sanctorum gladius et mors. Et Boetius (*De cons. Phil.*) : Nulla pestis efficacior ad nocendum, quam familiaris inimicus. Tales enim sunt et omnes amici, et omnes inimici. « Inimici enim hominis domestici (Math. x), » adultores « ejus. » De quibus Dominus : « Populus hic labiis me honorat, cor autem eorum longe est a me (Math. xv). » Et David : « Dillexerunt eum in ore suo, et lingua sua mentiti sunt ei (Psal. LXXVII). » Et iterum : « Quoniam laudatur peccator in desideriis animæ suæ, » ab adulatore, « et iniquus benedicitur, » etc. (Psal. ix, v. 24.) Et iterum : « Insurrexerunt in me testes iniqui (Psal. xxvi), » adultores, peiores calumniatoribus, detractoribus et maledicis : « Et mentita est iniquitas sibi. » Item Poeta Juvenalis de cæco adulatore, qui alios excæcavit :

*Nemo magis Rhombum stupuit. Nam plurima dixit  
In lavum; conversus at illi dextra jacebat  
Bellua.*

(Satyra IV.)

Unde Hieronymus : Omnis adulator mente cæcus est, qui pro questu terreno, favore, et gloria, suam et alterius animam interfecit! Hi sunt similes Joab.

**117** qui tenens mentum Amasæ, quasi simulans amicitias in osculo pacis, gladio mirabiliter fabricato et occulto percussit eum in inguine, et effudit interiora ejus (II Reg. xx). Adulatio enim venenum et gladius est occultus : Multum enim lædit, et non timetur. Item Jerem. xxxviii : « O Sedecia! seduxerunt et prævaluerunt adversus te viri » prophætæ « pacifici tui, » adultores, « dicentes : Fiat pax in diebus nostris. Demerserunt in cæno et lubrico pedes tuos, et recesserunt a te. » Quia :

*Cum fueris felix, multos numerabis amicos,  
Tempora cum fuerint nubila, solus eris.*

(OVID. lib. I *Trist.*, elegia 8.)

Item in Proverbiis (cap. 1) : « Fili mi, si te lactaverint peccatores, » hoc est, adultores, « ne acquiescas eis. » Item : Sicut Joab dolo occidit Amasam, ita et Abner filium Ner, quasi deosculaturus eum (II Reg. xx). Hunc (quasi secretius eum allocuturus) vocatum seorsum ab exercitu David, interfecit invidens ei, eo quod constituisset David principem militiæ super exercitum suum. Cui similis est adulator. Omnis enim adulator proditor est, et Judas et Joab (II Reg. iii) : In osculo proditor, adulator in verbo. « Meliora enim sunt » sava « vulnera amici, quam » adulatoris « oscula (Math. xxvi). » Item : Quod detestabilis sit adulatio, patet ex eo quod ipsa est fomes et nutritrix superbiæ, quæ est maximum peccatum (Prov. xxvii). Unde David : « Et emundabor a delicto maximo (Psal. I). Item : Ex eo quod fomes est, et nutritrix ignorantia, quæ est periculosissimum peccatum. Morbus enim qui non detegitur, non sanatur. Item : Adeo irrupit et processit pesilis adulationis, quod etiam verba et artem dictandi corum :

pit, tropos, solecismos, et quosdam metaplasmos contra regulas conjungendi dictiones et naturam loquendi introducens : utens plurali pro singulari, et cum Deo loquamur singulariter, homini loquimur pluraliter. Mentimur enim dominis adeo, ut eis adulando, auctoritates sacræ Scripturæ inscribendo corruptamur. Eo etiam usque invaluit pestis hæc, quod corrumpit argumentum efficacissimum, quo probatur Trinitas personarum : « Faciamus » scilicet « hominem ad imaginem et similitudinem nostram (Gen. 1, 26). » Cum ait, « faciamus, » pluralitatem personarum requirit, cum « imaginem, » unitatem essentialiæ. Nunc autem ponimus hoc verbum « faciamus » in plurali numero, et similiter alia verba, ubi nulla est pluralitas, vel distinctio personarum; sed nec conceptio, nisi conceptionem adulationis, vel plurium dignitatum, vel excellentiæ, velis eam nominare. Sicque hic metaplasmus pessimus inolevit, ut jam probari non potest pluralitas personarum, cum dicitur « faciamus, » cum una persona, et ad unam naturam utamur plurali, sicut plures, et ad plures indifferenter. Hinc etiam in concilio Carthaginiensi quarto dist. 56, legitur : Clericus qui adulationibus, vel proditioni vacare deprehenditur, ab officio degradetur. Et Hieronymus in Epistola quæ sic incipit : « Audi, filia, et vide, » etc. (Psal. XLIV), ait : Ne declines aurem tuam in verba malitiæ (Epist. ad Eustochium De custodia virginitatis). Saepe enim indecens aliquid loquens tentat mentis arbitrium, si libenter audias hoc, scilicet quod virgo et hujusmodi d'ceris, si ad verbum ridiculum casu quandoque labaris. Quidquid **118** dixeris laudant, quidquid denegaveris negant, tacitam vocant, et sanctam, et in qua nullus dolus est : Ecce vere ancilla Dei, dicentes, ecce tota simplicitas, non ut illa horrida, turpis, rustica, terribilis; et quæ ideo forsitan maritum non habuit, quia invenire non potuit. Naturali ducimur malo cum adulatoribus nostris libenter favemus, et quanquam nos respondeamus indignos in iis in quibus nos laudant, et calidus rubor ora nostra perfundat, audito mendacio in laude nostra, attamen ad laudem suam intrinsecus lætatur anima. Item Ecclesiastici cap. xiii : « Diviti decepto, multi sunt recuperatores : locutus est superba, et justificaverunt illum. Humilis deceptus est, » vel cecidit, « insuper et arguitur : locutus est senescenti, et non est datus ei locus. Dives locutus est, et omnes tacuerunt, et verbum illius usque ad nubes perducunt. Pauper locutus est, et dicunt, Quis est hic? et si offenderit, subvertent illum. » Item Ps. lvi : « Molliti sunt sermones ejus super oleum, et ipsi sunt jacula. » Cassiodorus : Adulatores ab ira vulnus Domini in futuro dividuntur, quando in ultima ventilatione paleas a granis separabit. Et cur? quia « mollierunt » adulatione « sermones tuos super oleum, » ut sicut oleo nihil levius, tamen adulationis mollities dicitur superare : ita in contrario intelligatur tantò sceleri par inveniri

**A** non posse. Item Deuteronomii xiv : « Non coques lactem in lacte matris suæ. » Et Exodi xxiii, item II Reg. xx, Cantico amoris cap. i : « O, pulchra, si ignoras te, » hoc est quia ignoras te, in mendacio, adulatione delectata, « egredere » a consortio meo, « et alii post vestigia gregum tuorum, et pascue hœdos tuos. » Item Isaias iii : « Popule meus, qui te beatum, etc. »

## CAPUT XLVI.

*De acceptoribus munerum illicite acquiritorum.*

Dictum est (cap. 21 et 22) de principalibus et primariis acceptoribus munerum illicitorum, et etiam licitorum, quibus libertas vendi videtur, restat dicendum de secundariis, iis scilicet, qui a primis aliquid accipiunt. Ut autem proponenda melius pateant, distinguendum est inter illicite acquisita. **B** Quædam enim illicite acquiruntur, et injuste detinentur, quæ nec etiam in pias causas expendi possunt. In quibus enim aliquid non habemus jus domini, in alios transferre nequimus. Quæ enim tenemur restituere, quomodo aliis conferemus? Non dimittitur peccatum, nisi restituatur ablatum; nec agitur pœnitentia dum ista detinentur, sed fingitur (Aug. ep. 54, ad Macedon. et habetur 14, q. 6 : Si res aliena). Talia sunt per simoniam, furtum, usuram, rapinam acquisita. De quibus prima causa, quæstione 1 « Non est putanda. » Et causa 14, quæstione 5, capitul. 1, 2, 5, 4. Quædam autem injuste acquiruntur, et non injuste detinentur purgato vitio, scilicet cum pœnitet quis super eo quod male acquisivit. **C** **119** ergo res vitiosa non sit, quia Domino voluntario et sciente acquiritur, purgato malo modo acquirendi, sicque cessante causa, cessabit effectus, quo minus scilicet expendatur in pias causas. Ubi enim turpitudine est ex utraque parte, dantis scilicet et accipientis, potior est pars possidentis, quia nec danti competit repetitio, nec accipienti restitutio. Sed etiam secundum humanas leges : si quis paci-seitur cum meretrice, vel advocato et hujusmodi, dare ei decem solidos, a iudice civili cogitur ei solvere. Quæ ergo acquisita sunt ab histrione, mimo, meretrice, advocato, medico et milite, conditione ludi vel militiæ secundum artem; et sine fraude sequente, expendi possunt in pias causas. Sed si acceperit quis decem, ut aliquem interficiat gladio, vel ei venenum propinet, licet mihi de sic accepto munere accipere? Videtur per illam regulam : In pari turpitudine potior est pars possidentis, maxime purgato vitio. Sed et sic videtur posse accipi a simoniaco. Non est ita; sed nec similiter in homicidio, vel propinatione veneni, et hujusmodi atrocissimis sceleribus. Nemini autem licere accipere a secundariis acceptoribus munerum illicitorum, quorum restitutio præcipitur, sic constabit. Primo exemplo Stephani abbatis secundi in ordine Cisterciensi. Qui cum fratres sustentationem una die non haberent, cum uno converso perrexit ad villam vicinam, in qua illis divisim mendicantibus, cibumque fratribus quantantibus, quidam placentas cou-

verso, quidam caseos, quidam eadum vini dabant. Quæ abbas ab eo accipiens, et super asinum, cui insidebat, imponens, cum essent in reditu, inter psallendum et orandum diligenter quæsivit a converso a quibus eleemosynam accepisset, qui multos enumerans, dixit se a sacerdote illius villæ eleemosynam accepisse. Quod audiens abbas, pastoribus et pauperibus sibi factis obviis, statim ea omnia distribuit. Cui conversus : Absit! mi abbas, ut hanc rem facias. Fratres enim domi moriuntur fame. Cui abbas : Sacerdos ille Simoniacus est, nec debemus quidquam accipere a talibus exemplo Tobiae, qui in extrema etiam paupertate audiens vocem hædibalantis, quem uxor ejus domum attulerat, ut inde ei pulmentarium faceret, dixit : « Vide ne furtivus sit, sed redde eum dominis, filii enim sanctorum sumus, nec licet nobis aliquid de furto edere, vel contingere (Tob. II). » Nunc autem moderni religiosi passim a quovis munera oblata recipiunt, abutentes illa auctoritate apostolica : « Nihil interrogantes propter conscientiam (I Cor. x). » Ut autem melius suggilletur hæc species avaritiæ, inspicienda est radix ejus, quæ in acquisitione rei primo vitiose acquisitæ vel detentæ consistit. Cujusmodi primarios acceptores Dominus in Luca per Joannem Baptistam redarguens, ait publicanis venientibus ad eum, ut baptizarentur ab eo. Qui dixerunt ad illum : « Magister, quid faciemus, ne excidamur et in ignem mittamur? Nihil amplius quam quod constitutum est vobis, faciatis (Luc. III). » Ambrosius et Beda aliam legunt translationem, scilicet hanc : « Nihil ultra præscriptum exigatis, » sive pecuniæ, sive angariæ, vel per angariam. **120** Sed quomodo ultra præscriptum vel constitutum? An præscriptum constitutum legis divinæ vel humanæ intelligis? Si divinæ, ut ibi, « Ut faciant iudicium conscriptum (Psal. cxlix), omnes possessores domorum, et villarum, et agrorum transgressores constitues. Si humanæ, quæ sit auctoritate principis cum assensu populi, metam et terminum in hujusmodi jure non invenies sed avaritiam nostram et pravas consuetudines, laqueosque et retia avaritiæ in jus convertes. Quod etiam hodie factum est. Interrogabant autem et milites, dicentes : « Quid faciemus et nos? » Et ait illis : « Neminem eocentiat (qui hoc potestis, quod non turba), neque calumniam faciatis, et contenti estote stipendiis vestris (Luc. III), » constitutis militiæ. Ne prædã per calumniam vel exactionem quæeratis, « sed estote contenti stipendiis vestris. » Turbis autem dixit : « Qui habet duas tunicas, det unam non habenti (ibid.). » Quasi diceret : Nullum officium, sexus, conditio, vel ætas ab agenda misericordia excluditur. Omnibus enim hoc præcipitur. Hæc ergo erit tibi forma et regula discernendi a quibus liceat accipere, vel non. Nihil ab aliquo accipias quod supra præscriptum eum accepisse cognoveris. Sed nec ab aliquo etiam a manu centesima transactum, dum vitiosum fuerit et restituendum; quod verbo Tobiae profari videtur, ubi ait : « Vide ne furtivus

sit, sed redde eum dominis (Tob. II). » Non ait : Vide ne eum furata fueris, sed « ne furtivus, » furto scilicet per te, vel quemcumque alium primo sublatus. « Filii enim sanctorum sumus, nec licet nobis aliquid de furto edere, comedere, vel contingere (ibid.). » Exemplo etiam beati Fursei, qui tunicam funebrem acceperat a quodam. Sed nunquid non accipiam stipendia a Domino meo, vel solutionem debiti de pecunia mista, vitiosa scilicet et non vitiosa mistum? Videtur quod non, exemplo beati Launomari, unde supra in primo titulo de avaritia. Item Hieronymus : Nihil accipiendum ab iis quos scimus de lacrymis pauperum vivere, ne dicatur tibi : « Si videbas furem, currebas cum eo (Psal. cxlix). » Et illud Isaie : « Væ genti peccatrici, populo gravi iniquitate, semini nequam, filiis sceleratis; dereliquerunt Dominum, blasphemaverunt Sanctum Israel, abalienati sunt retrorsum (Isa. I). » Excludit itaque Hieronymus eum ait : « Quos, » non « quæ » scimus esse de lacrymis pauperum, sed « quos, » etc. Immensum vitiosum datorem, qui nisi in modica oblatione excluditur; quandoque etiam ab eucharistia et privata communionem inter alios non repellitur, nisi institerit. Si vero nec pecuniam magnam esset oblaturus, excluderetur, sicut et infamis et nominabilis, per quem, si quid acceptum fuerit, scandalum oriretur. Item : Exemplo magistri Petri Abailardi, qui a comite Theobaldo aliqua sociis distribuenda, nisi ex redditibus meris sumpta essent, noluit accipere; sed dixit se illa alias provenientia daturum canibus, bestiis, et avibus cæli. Item Ecclesiastici cap. xxxiv : « Immolantis ex iniquo lucro oblatio est maculata, et non sunt beneficiæ Deo subsannationes injustorum, » id est oblationes pro quibus eos subsannat Dominus, quia, « dona iniquorum non probat Altissimus, nec respicit in oblationes iniquorum. **121** Quia qui offert sacrificium ex substantia pauperum, quasi qui victimat filium in conspectu patris sui. » Glossa : Quam detestabile est sacrificium, quod orbatu dolori patris comparatur!

Item Hieronymus (epist. ad Nepotianum *De vita cleric. cap. 11*) : Qui a raptoribus simoniacis, fœneratoribus, munera accipiunt, similes sunt iis qui minores pisces devoratos a magnis devorant et comedunt. Sicut enim sic devorati nulli usui sunt apti, ita nec oblatio talium ulli usui, ullive religioni apta est. Item : Tales similes sunt Achan et sociis ejus, qui contra præceptum Domini furati sunt regulam auream de anathemate Jerichontino (*Josue VII*). Quod enim injuste acquisitum est, non est offerendum, sed anathematizandum, id est suspendendum, et ab usu humano removendum, quia restituendum. Usus enim bonus non justificat male acquisita. Hieronymus (q. 5. *Neque enim*) : Diligenter discutiendum est et cavendum, ne quis aliquid tulerit de aliquo anathemate, ne propter id multi perdan- tur. Item : Tales sub pretextu religionis vel paupertatis a talibus munera accipientes, similes sunt Gedeoni, qui accepit a populo inanes, et quæcum-

que aurea de præda Madianitarum, ut inde faceret Ephol et Theraphim, et factum est hoc Gedeoni et omni domui ejus in ruinam (*Judic. viii.*) Item: Similes sunt illi Sauli, quem et projecit Dominus a facie sua, ne esset rex in Israel (*I Reg. xv.*), eo quod contra præceptum ejus reservasset Agag regem pinguisimum, et quæque potiora de præda Amalecitarum, ut immolaret ea Domino. Item Isaias (cap. i): « Quo mihi multitudinem victimarum vestrarum, dicit Dominus? Plenus sum. Holocausta vestra nolui. » Hieronymus (*in c. i. Isaiæ*) hunc locum duobus modis exponens, ait: Potest et hoc de illis accipi, qui rapinam vel avaritiam in altaribus offerunt, vel pauperibus tribuunt Item: « Honora Dominum de tota substantia tua (*Prov. iii.*) » id est licite acquisita. Tua enim non est illicite acquisita, quia restituenda. Sed nec licite acquisita tua est, cum tibi alias non sit salvum, quod pro ablatis restituas. Hæ enim tantum in bonis aliquis computatur, quod deducto ære alieno, residuum est ei. Est ergo regula, quæ nunquam illicite acquisitum est accipiendum ab aliquo, nisi causa prædicationis, qua convertatur, vel nisi in extrema necessitate; sed nec licite acquisitem, nisi salvum et residuum sit ei, unde ablata restituat, vel debita persolvat. Contra hanc enim regulam accepta, credo, ab eo qui accipit, esse restituenda. Si autem obijciant auctoritatem Apostoli, scilicet: « Nihil interrogantes propter conscientiam (*I Cor. x.*) » dicimus, quia de idolothytis intelligenda est. Sed et hi similes sunt sedentibus et manducantibus in idolo, quia, cum scandalo fratrum, rapinas et hujusmodi illicite acquisita ab offerentibus accipiunt, cum potius essent restituenda. Item: Agentes et consentientes pariter peccant, parique pœna puniendi sunt consentientes, qui a talibus incorruptis accipiunt. Item ad Ephes. iv: « Qui furabatur, jam non furetur; magis autem laboret operando manibus suis, quod bonum est, ut habeat unde tribuat necessitatem patienti. »

## 122 CAPUT XLVII.

*Contra eos qui dant non indigentibus.*

Quod non licet accipere illicite acquisita sub pretextu religionis vel paupertatis, disputatum est. Nunc autem quod non indigenti accipere etiam licite acquisita, vel tali dare non liceat, ostenditur. Quæ duo, quoniam adjuncta sunt, primo monstrabimus non esse dandum non indigentibus. Unde Prosper in libro *De contemplativa vita* (lib. ii, c. 10): Pastor Ecclesiæ istis, quibus sua sufficiunt, non debet aliquid erogare, quandoquidem dare habentibus, nihil aliud est quam perdere. Item Hieronymus (epist. ad Pammachium *Sanato vulneri*): Sacriligium est res pauperum dare non pauperibus. Et item (epist. ad Nepotianum in fine): Pauperibus dandum est, non ructantibus, non phasianas aves lentis vaporibus equentibus, non gnathonibus, non permenonibus, non in otio, et cibo alieno viventibus. Cibus alienus est, qui non est proprii laboris. Item

A Propheta de Christo: « Dispersit, dedit pauperibus, justitia ejus manet in sæculum sæculi (*Psal. cxi.*) » Et beata Virgo in cantico suo ait: « Esurientes implevit bonis, et divites dimisit inanes (*Luc. i.*) » Item exemplo Elisæi, qui vasa vacua implevit, quousque stetit oleum, quousque sufficienter scilicet viduæ exhibuisset misericordiam (*IV Reg. iv.*). Nunc autem vasa repleta implemus, non ut oleum stet, sed ut effluat et emanet, conferentes eis misericordiam qui non indigent, sed abundant in temporalibus, quod est addere ligna silvis et aquas mari. Item Dominus in Luca cap. xiv: « Cum facis prandium aut cœnam, noli vocare amicos tuos, neque fratres tuos, neque cognatos, neque vicinos divites, ne forte et ipsi te reinventent, et fiat tibi retributio. »  
 B Sed cum facis convivium, voca pauperes, debiles, claudos, cæcos, et beatus eris, quia non habent retribuere tibi. Item in eodem cap. xiv: « Exi cito in plateas, et vicos civitatis, et pauperes, debiles, cæcos et claudos introduce huc, et compelle intrare. » Divites ad nuptias Domini intrare volunt, sed non per angustam portam. Quidam enim se excusat, dicens: « Villam emi, et necesse habeo exire et videre illam; rogo te, habe me excusatum, » etc. « Uxorem duxi, » etc. Item Joannes in canonica epistola tertia: « Charissime, fideliter facis quidquid operaris in fratres, et hoc » maxime « in peregrinos » et pauperes, a quibus nullam expectas remunerationem, « qui testimonium reddent charitati tuæ in conspectu Ecclesiæ. » Item exemplo monachi dilissimi cœnobii consulentis cuidam volenti claustrum suum intrare cum multa pecunia, quod intraret claustrum pauperis monasterii, ut haberent pauperes Christi, ibi degentes, quibus pascerentur. Ob quod consilium datum correptus a fratribus, veniam accepit a Deo. Nemo est hodie qui offerenti munera dicat: Da indigenti, non mihi. Non enim indigeo, quia sufficient mihi mea. Item Isaias c. i: **123** « Subvenite oppresso, » eum sustentando cibo, ab oppresse sua eripiendo. « Judicate pupillo, defendite viduum, et venite, et arguite me, dicit Dominus. » Nunc autem divitibus dant munera, sequuntur retributiones, vel vicissitudines in remunerando et ulciscendo, « pupillo » et egeno « non judicant, » sed diviti. « Causa viduæ » vel miserabilis personæ « non ingreditur ad eos (*Ibid.*), » ut causam ejus foveant, juvent patrocinio, et illi quod justum est, adjudicent vel indigentem pascant. Item David: « Edent pauperes et saturabuntur (*Psal. xxi.*) » Et alibi: « Viduam ejus benedicens benedicam, pauperes ejus saturabo panibus (*Psal. cxxxi.*) » non ructantes. Item Apostolus I Tim. v: « Viduas (quæ vere viduæ sunt, » id est sicut a viris, ita et a curis et auxilio mundi exatæ et desolatæ) honora, » necessaria præbendo, et solatiis fovendo. « Si quæ autem vidua filios aut nepotes habet, discat primum domum suam regere. » Quasi, si alicui utilis est, vel si habet unde sustentetur, sive de propriis, sive de bonis parentum, non pascatur rebus Ec-

clesiæ. « Si autem vere vidua est et desolata, » tunc rebus Ecclesiæ alatur, ita quod monasterium non intret, nisi ætas ejus ad hoc competat sexaginta annorum. « Si quis autem fidelis habet viduas » aliquas sibi consanguinitate pertinentes, vel juniores, « subministret illis, ne gravetur Ecclesia, ut iis quæ vere viduæ sunt, sufficiat. » Ecce quod Apostolus gratis, et sine omnimoda recompensatione temporalium admittit viduas in consortium Ecclesiæ, « quæ vere viduæ sunt, » et ætatis competentis, aliis veris viduis, citra ætatem, non concedit ingressum, sed præcipit eis de bonis Ecclesiæ alimoniam exhiberi. Item psalmo cii : « Faciens misericordias Dominus, et judicium omnibus injuriarum patientibus. » Interlinealis: Misericordia ergo in omnes est facienda. Unde alibi : « Omni petenti te tribue, et omni petenti da (Luc. vi.) » Et item : « Si esurierit inimicus tuus, ciba illum (Prov. xxv.) » Sed objicit sibi Augustinus (lib. iii *De doctrina Christ.* cap. 16) illud Ecclesiastici c. xii : « Da bono, et ne receperis peccatorem; bene fac humili, et non dederis impio. » Sed in hoc verborum conflictu, duo, imo tria attendes : naturam et gratiam, quæ naturam vitiatam reparat et vitium. Da naturæ, quia homo, si indiget scilicet. Naturam autem quandoque carnalitatem et sanguinem vocamus; et consanguineis dabis de proprio, de patrimonio tuo, non Christi sanguine acquisito, cujus dispensatio credita est viris ecclesiasticis, ut illud pauperibus distribuunt. Ob hoc enim præcepit Dominus in lege, ut talis eligeretur sacerdos et Levita, qui dicerent patri et matri : Non novi vos (*Deut. xxxiii*). Sed nunquid consanguineo meo bono et probò, non dabo de patrimonio crucifixi? Non, ut erigas eum columnam in Ecclesia, propter perniciem exempli. Non enim consideratur quod bono dederis, sed quod consanguineo, ut trahant in exemplum. Gratia da et præcipue de patrimonio crucifixi. Gratis enim confertur. Unde et potius gratiæ, imò soli gratiæ debet conferri, non naturæ, id est carnalitati. Unde in *Vitis Patrum* (lib. v, l. bello 10, num. 101) : Mi abba, dabone elemosynam parenti, filio vel consanguineo? Respondit abbas : Non. Cur, mi abba? Quia modicum sanguinis te trahit.

**124** Vitio nunquam dederis, quia paria sunt, et dare peccatoribus, et immolare dæmonibus. Sic enim diligendi sunt peccatores, ut non diligantur, vel foveantur eorum errores. Item : Si dispensatores rerum multitudinis, cujus « erat cor unum et anima una (*Act. iv*), » lautius quibusdam, quia consanguineis, distribuissent, credo quod eodem fulmine percussi essent a Petro, quo Ananias et Saphira (*Act. v*). Item : Si, secundum philosophos (SENÆCA, *De benef.* l. 19, c. 10), in sæcularibus beneficiis conferendis, videndum est quid des, et cui, quare, et qualiter, multo magis in ecclesiasticis beneficiis, et obventionibus eorum. Quid? In quo intelligas, et quantum, attendendum est quia dandum et secundum illud, quod « unicuique opus est (*Act. ii*). »

A Quod non considerans Alexander, reprehensibilis fuit. Cum enim ad eum accederet miles senex et stipendiarius, et emeritus, rogans stipendia militiæ suæ, eo quod diu cum eo militasset, et gloriam triumphi sæpius ejus auxilio ab hostibus obtinisset, ait illi (lib. ii, c. 16) : Do tibi civitatem istam. Qui respondit : Non sum dignus tanto munere. Cui Alexander : Non quid te accipere conveniat, sed potius quod me dare deceat, attendo. Seneca (in libris *De beneficiis*) : O animal tumidissimum, animal gloriæ, qui te totum commetiri debueras personæ et modicitati accipientis, ut te minusque tuum pro competentia illius temperasses. Item (*ibid.*) : Quidam accedens ad alium petiit munus modicum ab eo. Qui respondit : Majori dignus es, nec me tam modicum dare decet. Qui cum petiisset majus, respondit : Non tantum meruisti, ideo nec tantum tibi dabo. O animal avarum, qui et minus et majus munus captiose subtrahis (*ibid.*, c. 17). Cui etiam des, considerandum, juxta illud poetæ :

Videto cui des.

Et iterum : Desudet eleemosyna in manu tua, etc. (*Eccli. xxix*.) Et iterum : Non magis turpe est turpibus dare, quam ob turpia dare. Malum est indignis de patrimonio Christi dare, periculosum est, de illis dispensatores rerum pauperum constituere. Per hos enim, cum non possint amoveri, diu defraudatur Christus, per illos ad tempus. Quare, etiam considerandum. Hæc est enim Christiana consideratio in omni munere conferendo, quo animo scilicet det, simplici scilicet, ut tantum propter Deum, qui non quantum, sed ex quo animo detur, attendit. Des ergo, quia propheta, quia bonus, quia etiam homo, et indiget, nunquam quia peccator et histrio. Quætor, sine murmuratione, sine jactantia, sine exprobratione. « Fluat ut ros » munus et « eloquium tuum (*Deut. xxxii*). » Cito etiam, quia non tulit hoc gratis qui eum rogaret, accepit. Et iterum : Bis dat, qui cito dat. Item : « Non est bonum sumere panem filiorum, et mittere canibus (*Matth. xv*) » ad manducandum. Item : Auctum ne augeas, et divitem ne dites. Formam autem in collocandis, vel dandis beneficiis ecclesiasticis, præscripsit nobis Hieronymus in illa epistola : « Moyses amicus Dei, etc. » Forma vero distribuendi obventiones spiritualium, utpote panem et vinum quotidianam, erit exemplum illius boatæ communionis, in qua de his quæ ponebantur ante pedes apostolorum, « dabatur prout unicuique opus erat (*Act. ii*), » et nos de his **125** eisdem dando, sive propinquo, sive extraneo, vel cuiusque, necessitatem respiciamus, ut nihil supra conferamus. Sed præponamne hic propinquum extraneo? Non, si uterque æque indiget propter perniciem exempli : Sicut nec septem diaconi ad hoc consanguineos suos aliis præposuissent. Si objicis, quia modo aliud tempus est : quidem est : Sed nos tamen sicut illi, eorum quæ præstantur ante pedes apo-

stolorum (*Act. vi*) dispensatores sumus, non domini. Necessitati ergo des, non sanguini. Sed quid de iis qui de temporalibus et sæcularibus spiritualium parentes ditant, etiam conditionem eorum mutant? quod sic mortaliter peccent, asserere non præsumo. Verum tutius esset eis sequi formam et exemplum Joseph in talibus. Qui dominus factus Ægypti, cum Pharaon exaltare vellet fratres ejus et ditare, inquit ei ex consilio Joseph: Absit! domine, ut sic extollamur. Viri enim pastores sumus, et sufficiunt nobis agri pascuales ad alenda pecora. Qui dedit eis terram Gessen pascuosam, separatam etiam ab Ægyptiis, quæ etiam aliqua plagarum Ægypti non est percussa (*Gen. XLVI, XLVII; Exod. VIII, IX*). Ad hoc etiam placet nobis exemplum magistri Anselmi. Cujus nepotes cum vellet Stephanus Senescalchus Franciæ promovere, et milites facere, nobilibusque puellis in matrimonium copulare, ait: Absit! domine, ut hanc rem facias. Potius maneant in eadem conditione et vocatione, in qua vocavit eos Dominus, ne extollantur in superbiam. De pauperibus et rusticanis viris nati sunt. Tales ergo rogo permaneant. Mallem enim me nunquam sacram Scripturam legisse, quam eos, sic promotos, humilitatem reliquisse. Item (Archiep. Cantuar.): Quædam sunt in se licita nec vitiosa, licite etiam acquisita, tamen male servata; ut ad lautitiam utentium, non necessitatem. Vel etiam indebito distributa, ut consanguineis, cum sint res pauperum, constituunt dispensatores eorum exactores sacrilegos, et raptores. Unde Hieronymus super illum locum Isaïæ cap. III: «Populum meum exactores sui spoliaverunt:» ait, Exactores, non doctores, Scribæ scilicet et Pharisæi, exigentes primitias suas, et decimas, qui docere debuerant, et non docent; quasi diceret: Quia «metunt carnalia,» vel exigunt a subditis, et «non seminant eis;» e contra «spiritualia (*I Cor. IX*),» exactores sunt. «In ratione enim dati et accepti (*Philip. IV*) consistit pax Ecclesiæ: alioquin non est pax. Et item super illum locum: «Vos enim depasti estis vineam meam,» violenter exigendo decimas, et hujusmodi, et ita «rapina pauperis est in domo vestra (*Isa. III*):» Pauperis sensu vel spiritu, qui solvere non poterat, nec defendere quin dare deberet. Ergo si a subdito pauper et obligato ære alieno, qui non habet unde debitum solvat, exigit insuper decimas, et hujusmodi: raptor es, «et in domo tua est rapina pauperis.» Item idem super illum locum: «Quare atteritis populum meum, et facies pauperum commolitis (*ibid.*)?» ait: Nostri quoque principes, cum pauperes delinquentes publice arguant et confundant, divitiis pejora peccantibus, nec mutuum faciunt, «in quorum domibus est rapina pauperum,» dum Ecclesiæ opes sibi thesaurizant, et in deliciis abutuntur, quæ ad sustentationem et necessitatem pauperum dantur, **126** et ad superfluos usus sibi reservant, vel pro-

A pinquis distribuunt et aliorum pauperum scilicet inopiam, suas vel suorum divitias faciunt. Propterea ait et Apostolus: «Si seminavimus vobis spiritualia, magnum est, si carnalia vestra metamus (*I Cor. IX*).» Quasi diceret: Si non seminans, non metas. Et item: «Facite vobis amicos de mammona iniquitatis, ut cum defeceritis, recipiant vos in æterna tabernacula (*Luc. XVI*).» Item Hieronymus (*In ep. ad Nepotianum in fine*): Maximum periculum est, de patrimonio crucifixi pauperibus non dare.

#### CAPUT XLVIII.

*De accipientibus munera, cum non indigeant.*

Contra accipientes, cum non indigeant, sic scribit Hieronymus (*I, 4, 2 Clericos autem, et 16, q. 4*) ad Damasum papam: Clerici qui ex bonis et opibus parentum sustentari possunt, si quod pauperum est, accipiunt, sacrilegium profecto committunt, et per abusionem talium, «Judicium sibi manducant et bibunt (*I Cor. XI*).» Item Prosper in libro De vita contemplativa (*cap. Quoniam in fine*): Habentes unde sustententur, non sine grandi peccato suo, unde pauper victurus erat, accipiunt. Item idem (*lib. II, c. 40*): De clericis quidem dicit Spiritus sanctus: «Peccata populi comedunt (*Ose. IV*),» sed sicut nihil proprium habentes, non peccata, sed alimenta quibus indigere videntur, accipiunt: ita possessores non alimenta, quibus abundant, sed aliena peccata suscipiunt. Item Hieronymus in quadam epistola: O monache, si indiges et accipis, potius das, quam accipis: si non indiges et accipis, rapis, quia distribuenda pauperibus tibi usurpas. Item idem: Multi mentientes faciunt quod non veris pauperibus creditur, dum sub obtentu paupertatis vel religionis munera accipiunt. Sed notandum quod triplex est genus hominum sub obtentu paupertatis munera accipientium. Quidam enim sunt, qui tempore famis, cum habeant unde sustentari possunt, habita abscondunt: clamitant per plateas sub specie pauperum, qui deprehensi esse tales puniuntur, quia abscondita eis auferuntur.

Sed quæro cur hæc diligentia non adhibetur in clericis, ut, deprehensi supra necessitatem accipere, similiter punirentur? Major hinc videtur esse ratio et causa punitionis. Item: Sunt alii omni tempore calamitosi et inimici trivialiter se inflantes, tremulosi, et varias figuras ægotantium induentes, vultum sicut Protea mutant. Horum quidam sunt absconditi, quia nolunt ab hominibus deprehendi. Alii sunt qui acceptis muneribus statim exhibent se tales quales fuerunt, pristinum et nativum sumentes vultum, deridentes etiam sibi dantes, et ii excusabiliores sunt, et minus mali absconditis, in eo quod turpitudinem suam et trutanniam detegunt.

**127** Tertium genus hominum est pseudopredicatorum, et hoc duplex. Quidam enim sunt mer-



cenarii quæritantes munera per mendacia, per falsas reliquias, sigilla et litteras; per falsa etiam miracula alii fingunt se esse Nicolaos, vel quoscunque sanctos a Deo missos, ut deludant homines, et eis sic sua furentur. Tales omnes duo mala faciunt in Ecclesia, quod scilicet res pauperum furtim surripunt, sæpe etiam a pauperibus, et quod veris pauperibus non creditur.

De his quæritur utrum sic accepta teneantur restituere. Primi deprehensi puniuntur: quod si deprehensi non fuerint, laudo quod restituant, vel pauperibus distribuunt. Idem consulo, et absconditis mimis, et quasi jocularibus: Defraudant enim pauperes veros. Hoc idem dico de iis quæ mendaciis sunt acquisita.

Nonquid igitur ecclesia constructa mendaciis destruetur? Non; quia lapides, et hujusmodi minoris sunt pretii, nec possunt fieri communia, Deo semel dicata. De cappis et aliis, quæ pretiabilia sunt sic acquisitis, laudo quod vendantur, et restituantur accepta, si memorie occurrunt, quæ, et a quibus accepta fuerint. Quod zutem ita sit faciendum, videtur ex hac regula (Reg. 66, in sexto): Ubi turpitude est ex utraque parte, potior pars est possidentis, quia non competit tibi repetitio, si histrioni, vel meretrici dederis, cum sciens et prudens dederis, quia turpius agis dando, quam illi accipiendo. A simili: Ubi turpitude est tantum ex altera parte, potior est pars reliquæ partis. Si ignorans dedi sic mendicanti, recipiens eum in nomine prophetæ, ergo turpitude versatur tantum ex parte, ergo sic acceptum tenetur restituere. Hic enim turpitude est tantum ex parte accipientis. Item: Nemini debet dolus suus, vel mendacium, vel fraus patrocinari; ergo sic accepta tenetur restituere, saltem in manus episcopi, ut consilio ejus erogentur pauperibus.

#### CAPUT XLIX.

##### *Contra dantes histrionibus.*

His addendum est de histrionibus, meretricibus, mimis, jocularibus, magicis, aleatoribus, tyrocinatoribus. De corripiendis histrionibus et curiosis rogat Apostolus ita prima ad Thessalon. cap. v: « Rogamus, fratres, corripite inquietos, » id est curiosos, a quo, qui cessat ne perdat, quod illi dare solebat, mercenarius est. Item II ad Thessal. III, de excommunicandis et vitandis eisdem in communione: « Confidimus autem de vobis, fratres, in Domino, quoniam ea quæ præcipimus vobis, » de curiosis et magicis vitandis, « et facitis, et facietis, » quod si quis noluerit obedire vobis, excommunicetur. Et ad ultimum canonem latæ, vel ad minus dandæ sententiæ contra eos scribit, dicens eadem **128** epistola cap. III: « Denuntiamus autem vobis, fratres, » de curiosis « in nomine Domini nostri Jesu Christi, » per Jesum Christum Filium Dei præcipimus, cui honor est, si morbida ovis, excluditur « ut subtrahatis vos, » non communicetis eis. « Subtrahatis » scilicet « ab omni fratre ambulante inor-

dinate, » contra id quod exigit ordo naturæ, vel gratiæ, « et non secundum traditionem quam acceperunt a nobis. Ipsi enim scitis quemadmodum oporteat vos imitari nos » scilicet, « quoniam non inquieti, » ut qui aliena negotia curant, vagantes hac illac, « fuimus inter vos, neque gratis, » sine labore scilicet, « panem manducavimus » sumptum « ab aliquo, sed in labore et fatigatione nocte et die operantes, ne quem vestrum gravaremus. Non quasi non habuerimus potestatem, » accipiendi a vobis necessaria vitæ, ut a subditis, « sed ut nosmetipsos formam daremus vobis ad imitandum nos. » Contra curiosos non laborantes, Augustinus (lib. *De opere Monachorum* cap. 2): Vult servos Christi, Apostolus, corporalia opera operari, ut non compellantur B egestate ab aliquo necessaria petere. Nec est contra illud Dominicum præceptum: « Nolite solliciti esse quid manduceis, » etc. (*Math.* VI.) Patet enim ex continentibus hoc ideo dictum esse, ne propter hoc evangelizarent, non ut ista, quantum necessitati sat est, non procurent; quasi: Operabar apud vos, ad exemplum vestrum, sic enim faciendum docebam. « Nam et cum essemus apud vos hæc denuntiabamus vobis, quoniam si quis non vult operari » corporaliter, et propriis manibus, « nec manducet (*II Thess.* III.) » Ideo autem hoc præceptio: « Audivimus enim quosdam inter vos ambulare inquiete, » scilicet, « nihil operantes, sed curiose agentes, » de alienis laboribus in otio victitantes. « His autem qui ejusmodi sunt denuntiamus et obsecramus in Domino Jesu Christo, ut cum silentio [*Glossa*: non rumorosi, non ridiculosi, non murmuriosi, non cantilenosi] « operantes, panem suum, » proprii laboris, manducet (*ibid.*). » Et ne hac occasione cessarent ministrare pauperibus, addidit: « Vos autem, fratres, nolite deficere, beneficientes » pauperibus. « Quod si quis non obedierit nostro verbo, » huic scilicet quo præcipimus, ut operetur, etc., « huic per epistolam » vestram mihi significate, ut ego eum excommunicem, vel per epistolam meam, hanc scilicet, « notate [*Glossa*: corripite, vel notatum sententia denuntiate]. Et ne commisceamini cum illo » in convictu, « ut confundatur, » erubescat abjectus, « et tamen nolite quasi inimicum existimare, sed corripite ut fratrem, » ex dilectione scilicet. Nota quia quinque ex causis abstulit Apostolus, ne quid a subditis acciperet, scilicet, ne aliquem illorum gravaret, unde supra; tum propter avaritiam eorum, tum propter pseudo repellendos, tum propter impunitatem peccandi, ne dando sibi prædicationem emptam sperarent, tum propter curiosos amovendos ab otio: ut sic, exemplo ejus, cibum labore manuum suarum quæritarent. Item I Thessal. IV: « Rogamus autem vos, fratres, ut abundetis magis et operam detis, ut quieti sitis [*Glossa*: a curiositate], et ut vestrum negotium agatis, » dimissis alienis, scilicet « ut operemini manibus vestris, sicut præcipimus vobis, » ne otio torpeat, ex quo maxime curiositas venit, « et aul-

lius aliquid desideretis. » Item Ecclesiastici cap. xii : « Si bene feceris, scito cui feceris, et erit tibi gratia **129** multa. Da hono, et ne receperis peccatorem. Bene fac humili, et ne dederis impio, prohibe panes illi dari. » Item Tobiae cap. iv : « Panem tuum et vinum tuum super sepulturam justi constitue, » ut sepeliatur justus, « et noli ex eo manducare et bibere cum peccatoribus et histrionibus, » id est pro eo quod peccatores sunt noli communicare eis, sicut ii qui nutriunt histriones et desides, cum esuriant Christi pauperes. Item Seneca, epistola 29 : « Ante, inquit, circumspiciendum est cum quibus edas et bibas, quam quid edas et bibas. Nam sine amico visceratio leonis ac lupi vita est. Hoc autem non continget tibi, nisi recesseris; alioquin habebis convivas, quos ex turba salutantium nomenclator digesserit. Errat autem qui amicum in atio quarit, in convivio probat. Nullam habet majus malum occupatus homo, et bonis suis obsessus, quam quod amicos sibi putat, quibus ipse non est; quod beneficia sua efficacia judicat ad conciliandos amicos, cum quidam, quo plus debent, magis oderint. Leve æs alienum debitorem facit; grave, inimicum. Quid ergo? Beneficia non parant amicitias? parant si accepturos leuit eligere. Si collata, non sparsa sunt. Itaque dum sanæ mentis es, hoc consilio sapientium utere, ut magis ad rem existimes pertinere quis, quam quid acceperit. Item Hieronymus : Paria sunt histrionibus dare, et dæmonibus immolare, si quia histriones sunt dederis, non quia homines. Item versificator quidam :

*Ante Jovis statuum crepuit satur histrio pœnam;  
Juppiter instituit vivere de proprio.*

Item ex propria ratiocinatione. Nullum genus hominum est, in quo non inveniatur aliquis utilis usus contra necessitates humanas (de quo non possit dici : « Aliquisque malo fuit usus in illo ») præter hoc genus hominum, quod est monstrum, nulla virtute relemptum a vitis, necessitatis humanæ nulli usui aptum.

Si dicas quod aptum est ad laudem alieni comparandam, absit hoc; quia non minus turpe est laudari a turpibus, quam ob turpia laudari. Item : Hoc genus hominum indixit naturæ bellum et mundo, cui nihil satis est, quod omnia devorat, sibi et alii inimicum, et ideo maxime repellendum. Item Hieronymus non solum tales, verum fautores eorum promoveri prohibet, inquit : Heri in foro, hodie in choro; heri fautor histrionum, hodie consecrator virginum. Imo hodie, et omni die vitæ, simul fautor histrionum et consecrator virginum. Item : Hi narratione sua quasi propriis jaculis confodiuntur. Ait enim quidam ex eis : Jactantur illum divitem singulis annis sibi servite in tanta summa numerorum, quasi pro reatibus, sibi debitorum, illum alium, et tertium in tanta; deinde omnibus, maxime clericis divitibus, imprecatus est, eo quod pessimis moribus ejus favissent, sumptus eis superfluos exhibendo, rhythmos, fabulas, et gestus

A ejus laudando sic, et non corripiendo eum, sed a pœnitentia arcendo. Item alius receptus in domo pauperis, rogavit eum, ut necessaria **130** cœnæ ei emeret et præpararet, qui necessaria n, non superfluum comparavit. Videns hoc victitans de constante nihil satur histrio, scilicet de alieno, ait : Nescis quos in hospitium receperis. Lantiores et superfluos cibos quærimus, supra id quod sat est nobis, et familiæ tuæ, compara nobis. Qui respondit : In hoc cognovi quod ganeo et leceator es. Et expulit eum, super humeros ejus carnes emptas jactans. Qui recedens benedixit ei, dicens, se non nisi unum hospitium virum invenisse, exemplum cujus, si alii imitati essent, jam pridem ab arte ludibrosa recessisset, et pœnitisset. Item alius accipiens a potente **B** quindecim libras, miles vero ab eodem sexaginta solidos vilissimæ monetæ, probato tamen primo, quod miles, et quod captivatus esset, inquit : Mihi ludibriosus, et sine contradictione, et probatione dedisti tantam summam, viro autem ingenuo ejusdem conditionis, cujus et tu, strenniori te et utiliori forte Reipublicæ si in apice regiminis esset constitutus, dedisti tam modicam summam cum indigeat, nec sine probatione? indignatusque dedit militi quindecim libras quas acceperat. Item natura apum, que expulit burdones, monstrat tales a domibus esse arcendos. Unde Virgilius :

*Ignavam fucos pecus a præsepibus arcent.*

(L. iv Georg. 167.)

#### CAPUT L.

##### Contra feneratoros.

Post prædictas species cupiditatis pessimam genus ejus, hoc est usuram, in præsentis titulo sugillabimus. Unde David : « Ex usuris et iniquitate redemisti animas eorum (Psal. lxxi). » Talentum naturæ, et talentum gratiæ præcipit Dominus multiplicare, dando illud ad usuram (Math. xxv), et ideo, ut centuplam accipiamus, et vitam æternam possideamus (Math. xix). Unde Augustinus (In psal. xxxvi, concione 3, ad ver. 26) : Miser homo, cur feneratoris homini? Feneratori Deo et centuplum accipies, et vitam æternam possidebis. Ne sis servus nequam abscondens talentum Domini tui, sicut advocatus linguam, vel scientiam suam vendens, **D** quod pejus est, quam abscondere. Si enim servus increpatur a Domino sicut nequam, qui abscondit talentum Domini sui (Math. xxv), multo majori increpatione dignus est, et nequior, quia male erogat vendendo illud. Talentum vero fortunæ vel pecuniæ, sicut et talentum culpæ, prohibet Dominus dari ad usuram, necnon et talentum pœnæ. Augustinus (in psal. lrv ad ver. 12) : Usura enim est cum plus exigitur in pœna, quam commissum sit in culpa. Ex usuris autem pœnæ et culpæ « redimet Dominus animas eorum (Psal. lxxi), » qui retemerint animas suas per abstinentiam ab usuris pecuniæ, et pœnæ supra quantitatem culpæ illatæ : a quibus qui non abstinerint, diabolo assimilantur. Sicut enim diabolus homini mutuo dat peccatum, ut ab eo aliud recipiat, quia « sanguis sanguinem te-

— tigit (*Ose. iv.*), et peccatum quod statim non diluitur per pœnitentiam, **131** suo pondere ad aliud trahit; sic homo fenerator talentum pecuniæ dat ad usuram (*Psal. xiv.*), ut aliud recipiat.

Et sicut diabolus talentum peccati non vult sibi reddi (quia quanto diutius detinetur, tanto amplius multiplicatur), sic nec fenerator talentum pecuniæ creditum proximo, qui etiam dando ad usuram pejor est exactore diabolo, quia diabolus auctor omnis malitiæ talentum suum, non alienum, mutuum dat; fenerator vero dando mutuum talentum pecuniæ, non suum, sed Dei, et quo proximus gratus esset iuvandus, et ob hoc sibi collatum nequiter dat ad usuram, qui etiam tempus vendit, ut propter dilationem temporis majorem, plus lucri recipiat. De quo etiam David: « Mutuabitur peccator, » a Deo, talentum naturæ, gratiæ; talentum culpæ a diabolo, « et non solvet. Justus autem miseretur et retribuet (*Psal. xxxv.*); » quia « jucundus homo qui miseretur, et commodat (*Psal. cxi.*), » gratis disponit, etc. « Egenus » autem a feneratore « mutuabitur, » talentum pecuniæ, « et non solvet, » quia non habet unde, nec creditor vult, ut solvat, putans quod amplius recipiet. Et cum pejor non possit imprecarî alicui, quam ut incidat in manus diaboli, Propheta majorem existimans imprecationem, qua imprecatur alicui, ut incidat in manus et laqueos feneratoris, ait: « Scrutetur fenerator omnem substantiam ejus, et diripiant alieni labores ejus (*Psal. cviii.*). » Unde Isaias (cap. v): « Alieni comedent labores eorum. » Alienus est, qui gratis non dat mutuum proximo. Cum itaque summe accrescit aliquid ex dilatione temporis, vel cum pœnæ adjicitur supra culpam, usura committitur, quæ serpenti et cancro comparatur, quia serpit, et paulatim crescit, ut totum corpus occupet. Unde poeta:

*Hinc usura vorax avidumque in tempore fenus.*  
(*LUCANUS, lib. 1.*)

Comparatur etiam igni sacro, hoc est execrabili et inextinguibili, necnon et morbo qui dicitur: « Noli me tangere. » Habet autem usura multa umbracula, et palliola quibus tegatur, et quasi excusetur. Inter quæ hoc maximum est, quod creditur alicui vile pro caro; puta pannus fœcatus, vel aliud mercimonium vilè pro cara specie. Sic autem vendens, rei que venditiæ et creditæ pretium augens ex dilatione temporis, plus peccat eo, qui mutat ad usuram caram speciem pro cara. Ille enim rem vilem pro cara sub pallio et specie mercaturæ, non dico vendidit, sicut asserit, sed ad usuram dedit, ut cum augmento recipiat. Item: Fenerator plus peccat quam fur, qui tantum de nocte, vel clam hominem suis bonis spoliat, vel latro, qui de die et manifeste. Hic enim continuat maleficium et artem rapiendi bona proximorum; illi vero non. Item: Morbus iste, processu temporis, canerosus et pestifer invaluit. Antiquitus enim in tota civitate vix unus fenerator inveniebatur,

A et ille quidem occultus, nec fenerabatur nisi pauperibus, nec tunc nisi clam, et data fide quod non publicarent. De quo si forte oriebatur prava suspicio, dicebatur domus illius domus diaboli, vinea, puteus, ager diaboli, et deinceps osculum pacis non dabatur ei in missa. Ignis a vicinis in domo ejus non sumebatur, sed nec **132** cum eo aliquis aliquod participium habebat. Pueri etiam ad ejus occursum expavescabant, et alteruter eum digito monstrabat. Adeo enim detestabile tum temporis fuit vitium usuræ. Nunc autem face temporum nostrorum:

*Fiunt jam ista palam, cupiunt et in acta referri.*  
(*JUVEN., sat. II.*)

B Proh dolor! Homines tam detestabiles, nunc sunt cubicularii principum, et prælatorum; quorum filios, pecunia fenebri interveniente, in principes et prælatos Ecclesiæ promoverunt, « ut sedeant cum principibus, et cathedram, et solium gloriæ teneant (*I Reg. II.*). » Hi sunt etiam loculi et sanguisugæ principum, quia cum omnia suxerint, evomunt in fiscum, ut possit dicere princeps ad sanguisugam talem:

*Macra cavum repetes arctum, quem macra subisti.*  
(*HORAT., lib. 1, ep. 7.*)

C Isti etiam nomen Judæorum adepti sunt. Principes enim eos tuentes, non permittunt eos super aliquo crimine accusari, dicentes: Isti nostri Judæi sunt, imo pejores Judæis sunt, quia Judæus, ex præscripto legis: « Non feneratur fratri (*Dent. xxiii.*), » sed tantum alieno ex promissione; iste autem et proximo et alieno contra præceptum Domini feneratur. Tales etiam in detestationem criminis, si clerici fuerint, non potest clericale privilegium adversus principes tueri. Confiscantur enim omnia bona eorum cum decedunt, ut in eis nullam potestatem habeat episcopus, vel ipsi, etiamsi testari voluerint ex eis. Exemplum autem de monachis cadaver feneratoris ad sepulturam deferentibus, milite quodam domino feneratoris ei obvio, patet supra in titulo: « De accipientibus munera illicite acquisita (*Vide notas in cap. 46.*). » Tales maledictionem hanc incurrunt: « Væ qui deprædaris, quia et ipse deprædaberis (*Isa. xxviii.*). » Sed et maxime D pudeat prælatos nostri temporis, qui dato decreto ab Alexandro III in Lateranensi concilio (III, anno 1180), de hac peste penitus per sententiam anathematis eradicanda, adhuc tamen pestiferos illos palpant et in suis vitiiis fovent. Unde, cum a quibusdam præsentibus in concilio quæreretur, qui et quales sententia data percellerentur; responsum est a quodam prælato quod notorii tantum. Et cum processum esset in questionem qui essent notorii, dictum est: Qui publice faterentur se esse usurarios, vel aliquo signo noto hoc indicant, ut scilicet qui capistrum venale in summitate virgæ fenerandam pecuniam circumferant. Sicque est exsufflatum decretum illud. Item: In hos intorqueri potest per contrarium sensum, quod dictum est Ade a Do-

mino: « In labore et sudore vesceris pane tuo (Gen. xxxi). » Tali vero dicitur: In labore et sudore vultus alieni vesceris pane alieno. Et Isaias: « Regionem vestram coram vobis alieni devorant (Isa. i). » Et Jeremiæ cap. xvii: « Clamat perdix, fovit, quod non peperit; fecit divitias, et non in iudicio, in medio dierum suorum derelinquet eas, et in novissimo suo erit insipiens. » Perdix avis est immunda, per quam sicut hereticus, ita fenerator accipi potest, qui congregat divitias alienas. Et non in iudicio, quia injuste, et si non juste, tamen quocunque modo rem (HORAT., l. 1, ep.), sed in novissimis suis reperietur insipiens. Hæc est enim prima pœna, quæ manet tales. Vix **133** hæreditas talium transit in tertium hæredem, sicut plurima exempla docuerunt. Et quia

*Non habet eventus sordida præda bonos,*  
(Ovidius, elegia 1.)

et quæ male parta sunt, male dilabuntur.

Secunda pœna eorum est, quod vix poterunt ablata restituere. Adeo enim hoc peccatum super omni alia vitiosum est et tenax, vel si habent unde restituere possint, donatores malunt esse quam ablatorum restitutores.

Tertia pœna erit eis in gehenna: quod aurum bulliæ super ipsos entes cum Nerone effandetur abundanter, et ex omni parte.

Quarta pœna (Vide infra c. 52) quod pater, qui male fenerator est pro filio, et filius, qui in rapinam ejus eo mortuo introit, sibi in dialogo improperabunt, imprecabuntur, se invicem lacerabunt, et uterque in alterum involabit. Crudele etiam est et periculosum a feneratori fenestram pecuniam accipere, vel quamcumque aliam, dum eum talem esse cognoverimus exemplo beati Tobie, qui ait (cap. viii): « Filii sanctorum sumus, et non possumus ita conjungi, sicut gentes que ignorant Deum. » Et auctoritate B. Hieronymi dicentis: Cavendum est nobis maxime, ne ab illis accipiamus munera, quos novimus vivere de lacrymis pauperum, ne dicatur nobis: « Si videbas furem, currebas cum eo (Psal. xli). » Exemplo etiam B. Fursei (t. 1 Surii, die 16 Jan.) macula lepræ, vel morpheæ percussus, eo quod a feneratori acceperat tunicam, quem tamen talem esse ignorabat, sicut in legenda ejus legitur.

## CAPUT LI.

### *Contra advocatos.*

Supradicto generi hominum, scilicet feneratorum, simile est aliud genus hominum in cupiditate, hoc est advocatorum. Sicut enim multiplex talentum et mutatur peccator, et non solvet (Psal. xxxvi), sic advocatus gratis talentum naturæ, talentum scientiæ et gratiæ a Deo accipit, et nullum gratis sedit, sed linguam venalem facit, licet sit modicum membrum in udo situm, et de facili labile. Quod tamen officium suum vendere possit advocatus testatur Augustinus, dicens (epist. 54 ad Macedonium): Non debet iudex ideo vendere justam iudicium,

aut testis verum testimonium, quia advocatus vendit justum patrocinium, et juris-peritus verum consilium. Si iudex es, vide ut habeas unde vivas. Vendere enim iudicium, etiamsi indigeas, cum iudicium adjunctum sit officio iudicis et justitiæ, Simoniacum est. Si patronus es, et salarium habes ab ecclesia, ecclesiæ stipendiis milites; vel si non eges, non licet tibi vendere patrocinium, quod gratis tunc est conferendum.

Si eges, « dignus est operarius mercede sua (Luc. x), » moderata tamen, non superflua. Prosequor ergo vitium quod circa officium advocacionis exercetur, non ipsum officium, non artem quia:

**134** *Et mala sunt vicina bonis errore sub ipso,*  
*Pro vitio virtus crimina sæpe tulit.*

(OVID., lib. 1 *De remedio amor.*)

*Non res in vitium, sed malefacta cadunt.*  
(Gallus poeta, elegia 1.)

Hoc genus hominum non solum pro cupiditate sui, verum etiam pro vilitate officii sui antiquitas redarguit. Sicut enim pugiles, cursores, præcones et huiusmodi alii officiales viles erant et abjecti, ita et advocati; nec fiebat aliquis advocatus, nisi in paupertatis suæ remedium, ut officio cibum quariret. Hodie autem hoc genus hominum maxime reprehendendum est, de cupiditate et negligentia sui. Omissis enim artibus liberalibus, celestibusque disciplinis, omnes codicem legunt, et fore in quaerunt ut foris et in exterioribus appareant, sicque gloriam et lucrum mendicent. Hos Apostolus de vilitate officii redarguens, in prima Epistola ad Corinthios cap. vi, ait: « Sæcularia igitur iudicia si habueritis, contemptibiles, » et viles, « qui sunt in ecclesia, illos constituite ad iudicandum; » prudentiores vero et subtilis venæ ingenii, prædicationi, lectioni, contemplationi et orationi vacent. Item ad hæc poeta:

*Si fortuna volet fiet [Excusa, fies] de rhetore consul.*  
*Si volet hæc eudem, fiet [ibid.] de consule rhetor.*  
(JUVENALIS, sat. vii.)

Vilis, pauper et abjectus. Item: Vidi morbum incurabilem, ad quem curandum non inveniebatur medicus, quia de salute ægrotantis desperabatur; sed nunquam vidi causam adeo perditam vel injustam, pro qua tuenda non inveniretur advocatus.

Item: In Tripartita historia legitur (lib. x, c. 3.), quod Joannes Chrysostomus vocatus fuit ab amicis suis ad officium advocacionis, forte propter lucrum, et quia ad officium idoneus fuit, id est natura, facundia, scientia, quod officium, ceu pestem et injustum, vitæque contrarium, statim respuebat. Item Sidonius: Hi sunt qui timeant etiam qui timentur; hi sunt, qui soliti sunt inferre calumnias, auferre minas, auferre substantias. Hi sunt, qui causas morantur admissi, impediunt prætermitti, fastidiunt admoniti, obliviscuntur potati, dedignantur locupletati. Hi sunt qui emunt lites, vendunt intercessionem iudicanda dictant, dictata convellunt, attrahunt litigatos, pertrahunt audiendos, trahunt

addictos, retrahunt transigentes, retractant transactiones. Hi sunt qui invident reverentiam clericis, originem nobilibus, concessum prioribus, congressum æqualibus, cinctis jura, discinctis privilegia, scholas instituendis, honorarium instituentibus, honorem institutis. Hi sunt in exactionibus harpyiæ, in collationibus statuæ, in quæstionibus bestiæ; ad intelligendum sapei, ad judicandum lignei, ad succendendum flammæ, ad ignoscendum ferrei, ad fallendum vulpes, ad irascendum tigres, ad sæviendum tauri, ad consumendum minotauri. Quorum si nares afflaverit uspiam rubiginosi aura marsupii, quod si dolosi species refulgeat nummi, mox videbis et oculos Argi, et Sphingum ungues, et Briarii manus, et perjuriam Laomedontis, et 135 Ulyssis argutias, et Sinonis fallacias, et fidem Polylnestoris, et pietatem Pygmalionis, et Achitophel consilia (*II Reg. xvii*), et Absalonis oscula (*II Reg. xv*).

### CAPUT LII.

*Legibus divinis, in casibus suis, potius esse judicandum quam humanis.*

Parabolarum cap. xxiii: « Veritatem eme, et noli vendere sapientiam, et doctrinam, et intelligentiam; » sed « gratis date, quia gratis accepistis (*Matth. x; Rom. iii*). » Ne dicatis sicut superba fides: Si justificationem habeo ex fide, quomodo gratis?

Item: Sicut legitur in tragœdia quadam Senecæ: Visum est cuidam quod videret Neronem apud inferos balneantem, ministrosque circa eum aurum fervens infundere, dicentemque, cum videret chorum advocatorum ad se venientem: Huc, inquit, venale genus hominum. O advocati amici mei accedite, ut mecum in hoc vase balneetis: adhuc enim superest locus in eo, quem vobis reservavi. Item: Ex eo quod turpe et ignominiosum est alieni exprobrari ejus linguam esse venalem, vel quodcumque membrum. Meretricum enim est venalitati membra sua exponere, membra habere venalia. Item: Ex verbo sapientis tractantis causas, sed impediti videre verum propter turbam advocatorum garrigentium. Bene, inquit, principibus sic qui cerebellos amoverunt ab ecclesia, qui si eam a coterellis advocatis mundassent, opus melius et utilius peregissent. Item: Hi in novissimis suis maxime inveniuntur insipientes, turpique morte decedentes. Quidam enim quia linguam venalem habuerunt, muti et elingues mortem antecesserunt. Cuidam etiam morienti visa est lingua celerius aura moveri, quasi diceret: Graviter et de facili, sicut arundo vento agitur, peccavi in lingua. Cuidam visum est inferius labium moveri citius labio crocodili. Quidam etiam cum offerretur eucharistia in extremis, ait: Judicetur prius utrum rectum sit quod accipiam. Cui astantes: Nos quidem et rectum et justum judicamus. Quibus ille: Non est, inquam, rectum iudicium. Non enim, cum non sitis mihi pares, habetis me juste iudicare. Item: Advocatus, vel

A advocat intuitu Dei, vel gratia amici, vel causa lucri, sed qui intuitu Dei hodie rarus invenitur; ob quam causam, si advocaret, licite et meritorie hoc posset facere. Unde Dominus: « Causa viduæ intret ad te (*Deut. x; Isa. i*), » judicem; audienda vel terminanda: « Ad te, » advocatum defendenda. Job etiam fuit advocatus pauperum in causis. Unde: « Fui pes claudus, oculus cæcus. Pater eram pauperum, et causam, quam nesciebam, diligenter investigabam. Conterebam molas iniqui, et de dentibus illius auferere prædara (*Job xxxix*). » Similis ei qui ait: « Eripiens inopem et egenum de manu fortiorum ejus, » etc. (*Psal. xxxiv*).

136 Hodie cum pauca, vel nullæ miserabilis personæ veniant in quæstionem litigii, sed divites quæstionem super prædiis et inutilibus agitantes, cum etiam advocare in causa intuitu Dei periculosum sit? quippe gloria et ambitio fori saepe excæcant nos. Adco timemus cadere à causa etiam injusta, ne videamur inscii, penitus desistendum esset a patrocinio causarum, cum honestioribus et utilioribus studiis vacare possimus, nisi causa viduæ, vel alicujus miserabilis personæ (quam Dominus præcipit tueri) intraret ad te judicem, vel advocatum. Gratia autem amici advocare, periculosius est.

Licet enim gratiam amici tibi sic compares, unde forte ad tempus tibi concilias; ex parte autem adversarii, cum multis sollicitis, plurimum odii et perpetui colligis. Si dixeris Tueor causam amici, ut eum et adversarium moneam ad pacem. Sed quid crit, si causam ejus injustam cognoveris? Tunc monebo ad pacem. Per transactionem ergo mones eum, ut paciscatur de alieno, ut alienum recipiat, et ita ut rapiat, et cum aliena jactura dicetur; tuque si conductitius fueris, salarium et stipendium tuum accipies ex rapina, cum de sic extorto et acquisito aliquid sumpseris. Sed et vir quidam justus et prudens, et comperiens causam amici sui, injustam quam prius foverat, reliquit, transferens se ad partem adversarii tuendam, non tamen sicut proditor. Si autem causa lucri advocas, si indiges, in exceptionem et remedium paupertatis tuæ licet tibi, dum tamen secundum proportionem justæ pretii recipias, ne plus mediâ parte justæ pretii, ne pro modico labore, plurimum stipendii exigas. Si vero non indiges et accipis, mortaliter peccas; quia justitia est, quæ unicuique gratis tribuit quod suum est.

Si consilium huic debitum venderis ei, præsertim cum non occuperis honestiori vel utiliori studio, ergo jus suum, rem sibi debitam vendis. Sic igitur furtum vel rapinam committis, cum non gratis conferas, quod gratis tribuere debueras; sicut legitur Parabolarum cap. xxiii: « Veritatem eme, et noli vendere sapientiam, et doctrinam, et intelligentiam. » Ille autem non peccat, quia redimit quod suum est.

### CAPUT LIII.

*Quod soliditatis nihil habet positiva justitia.*

Ad periculum hujus officii accedit, quod advocati

potius positivæ justitiæ hominum (quæ nihil habet soli litatis) inimitantur quam divinæ, cum David, in persona cujuslibet fidelis, per Spiritum sanctum dixerit : « Juravi et statui custodire judicia justitiæ tuæ (Psal. cxviii). » Et item : « A judiciis tuis non declinavi (ibid.). » Item Dominus Moysi Deuteron. cap. xvi : « Judices et magistros constitues per **137** singulas tribus, ut judicent populum justo iudicio, » legis scilicet divinæ, non Justinianæ. Item Dominus in Exodo cap. xx, et Levitico cap. xviii, dedit leges Moysi per quas sufficienter judicaret inter proximum et proximum in casibus suis. Non ergo ab eis recedendum in casibus maxime spiritualibus earum, cum non sint de cæremonialibus, sed ad litteram observanda, sicut manifeste probatur ex glossa super illum locum Numeri cap. xxvii : « Dalis eis possessionem inter cognatos patris sui, et ei in hæreditatem succedant. » Origenes (initio. hom. 22, in Num.) : Hæc secundum historiam, palam est omnibus, quid vigoris habeant, qui sciunt leges istas, non solum apud filios Israel custodiri, sed apud omnes homines, qui tamen legibus vivunt. Unde apparet, quod libertas filiarum Salphaad, non solum eis hæreditatem contulit, sed perpetua vivendi jura sæculo dedit. Vides quanta sit historiæ utilitas. Quis igitur potest leges istas dissolvere, quibus universus mundus utitur?

Item in Numeri cap. xviii : « Ecce dedi tibi custodiam primitiarum mearum, omnia quæ sanctificantur a filiis Israel tradidi tibi, et filiis tuis pro officio sacerdotali, legitima sempiterna. » Horum, quæ ad litteram in his observanda sint, et quæ non, auctoritate Scripturarum profitemur. (Orig., hom. 11, in Num.) : Scriptum est enim : « Lex Domini immaculata, » irreprehensibilis, « convertens animas, testimonium Domini fidele, sapientiam præstans parvulis (Psal. cxviii); » non est, « Præceptum Domini lucidum illuminans oculos : Timor castus Domini sanctus permanet in sæculum sæculi : Justitiæ Domini recte lætificantes corda : Judicia Domini vera, justificata in semetipsa. » Nisi essent hæc singula diversa, non proprias differentias Scriptura unicuique dedisset. Aliud ergo est lex, aliud præceptum, aliud testimonium, aliud justificatio, alud iudicium. Unde alibi : « Hæc » est lex, « et mandata, et justificationes; » et præcepta, et testimonia, « et iudicia, quæ præcepit Dominus Moysi (Num. xxxvi). » Omnia autem quæ sub legis titulo scribuntur, ut : Hæc est lex paschæ, lex circumcisionis, lex lepræ, et deinceps, « umbra sunt futurorum (Hebr. x), » nec ad litteram servanda, « Christus autem nos redemit de maledicto legis (Gal. iii), » non de maledicto mandati, vel testimonii, vel iudicii, volens nos, non legi, sed umbratilibus iudiciis et mandatis ejus esse subditos. Item Levit. c. xxiii : « Postquam autem messueritis segetem, etc. » Glossa : Quæ pietate plena sunt ad litteram custodiri præcipiuntur. Item cap. xxviii : « Custodite leges meas, etc. » Glossa : Non sufficit partem legis custodire. Necessè enim

A habemus omnia præcepta observare et iudicia; non solum autem Judæis, sed omnibus gentibus hæc observanda sunt, si Deo militare volunt.

Quod autem nihil solidum habeat positiva justitia, liquet ex eo, quod Dominus certas leges de matrimonio dederit et inviolabiles, duodecim tantum personas excludens a matrimonio (Levit. xx) : quibus addimus in exceptionem quintum, sextum et septimum gradum (Vide 55, q. 3, *Contradicim.*). In eis tamen ad libitum nostrum conjungentes quosdam et conjunctos separant; sed in sexto gradu legitime sunt conjuncti, ergo non sunt separandi nisi causa fornicationis. Si vero matrimonium non est inter eos, et **138** scienter toleramus aliquos sic conjungi, auctores sumus fornicationis eorum, cum eos possumus separare. Item (Supra cap. 23) : His addimus secundum et tertium genus affinitatis, quibus plures laquei et doli dantur pluribus ad conjungendum, vel separandum captiose, quos voluerint. Item (50, q. 3. *Illud etiam*) : Ad hoc valet illud decretum captiosum, hoc scilicet : Quod aliquis ducat filiam compatris sui, nec laudo, nec vitupero, nec prohibeo, nec præcipio, sed si eam duxerit conjunctos non separabo. Item : Quia periculosum est generalitati, et diffinitionibus iudiciorum astringi. Frequens enim est aliquid extra regulam et generalitatem inveniri. Item : Patet decreta esse mobilia ex eo quod in corde domini patre sint, ut scilicet ea interpretetur ad libitum suum. Quod si secundum ea judicaverit, justie iudicabit; si contra ea, similiter juste judicasse dicetur. In ejus enim potestate est condendi, interpretandi, et abrogandi canones. Item : Asseritur Alexandrum (III) papam dixisse se (si paribus rationibus et æquis probabilitatibus moveretur) paratum esse judicare pro negativa, quoties iudicatum est ab eo pro affirmativa. Ergo positiva justitia tota pendet de voluntate iudicis, dum tamen pie et rationabiliter judicaverit. Ob quam causam, quia adeo mobilis est positiva justitia, et in singulis casibus alia et alia ratio reformat pactum, quod in ea plene instrui non poterit. Ex indignatione magister Ivo Carnotensis librum decretorum ad pedes suos projecit, quasi vilem et inutilem. Item Agellius : Leges urbium vult telæ aranearum, quæ fortiora animalia transmittunt, minus fortia et debiliora retinent.

*Dat veniam corvis, vexat censura columbas.*

(JUVEN., sat. II.)

Item ex verbo sapientis : Positiva justitia maxime mobilis est, ideo quod ex quibusdam probabilitatibus et similitudinibus remotis in ea allegatur. Sed prudens iudex nunquam nisi in expresso canone, vel lege, vel manifesta ratione iudicat. Sed nec expressus canon, vel lex coram summo iudice sæculari vel ecclesiastico aliquid habet vigoris, quia ex eorum pendet institutione et voluntate. Ergo secundum Isaiam (Isa. viii) recurrendum est ad testimonium et legem divinam, ut ex ea alleges : et ex exemplis sanctorum, vel ex æquitate manifesta, vel viva ra-

tione, quibus nullius unquam auctoritas potest refragari. Item (dist. 4, c. *Statuimus*): Ex solemnitatibus ordinis iudiciarii (puta induciarum, producendorum testium, citationum et hujusmodi) quæ mutantur et variantur prout viderit iudex expedire, quas etiam jam ex media parte Bononienses reflectas abjecerunt, statuentes, ut qualibet civilis causa a consilibus, juramento ad hoc strictis, infra spatium viginti dierum terminetur. Item (Conc. Later. III, sub Alex. III, tit. 1, c. 3): Canoni derogatur canone contrario, tacito consensu Romanæ Ecclesiæ, et usu utentium in contrarium. Qui si sufficit ad abrogandum canonem quemcunque (ut canen est Thelesphori de inchoando jejuniis a septuagesima; canon est Lateranensis concilii (tit. 1, c. 13 et 14, et in appendice, parte xxx), de non promittendo alicui ecclesiastico beneficio non vacante; canon est etiam utilissimus, de non conferendis pluribus dignitatibus, vel Ecclesiis **139** alicui intulatis; canon est etiam de domo episcopi (dist. 41, *Episcopus*) construenda humili juxta Ecclesiam, in qua paseat se et pauperes, et ceteros hujusmodi, maxime illos in quibus non est dispensatum, sed tolerat Ecclesia Romana eis obviari, usu utentium in contrarium, tacito consensu, quia nec corripit, nec improbat, nec dispensat, sicut dispensaret de bigamo ordinando, qui sine licentia ejus non posset promoveri), ergo canones et jura humana nil habent vigoris, nihil firmitatis, sed abroganda et delenda pro voluntate utentium in contrarium. Quod si non sufficit (quod videtur, quia clericus inscius canonum de incuria et negligentia, arguendus est; scientiam vero habens illorum, et eos non observans, de inobedientia), ergo usus utentium in contrarium, et sine dispensatione, quoscunque utentes contra quemcunque canonem, in quo non est dispensatum, nec contrario capitulo ei derogatum, transgressores constituunt et inobedientes.

#### CAPUT LIV.

##### *Contra ambitiosos.*

Succisis dictis speciebus cupiditatis, nunc maximo et præcipuo ejus ramo succidendo, hoc est ambitioni, securim apponamus. De qua suggillanda Ecclesiasticus cap. VII ait: « Noli quærere ab homine ducatum, neque a rege cathedram honoris, et penes regem noli velle videri sapiens. Noli quærere fieri iudex, nisi valeas virtute tibi data et sapientia, irrupere iniquitates populi; ne forte extimescas faciem potentis, et ponas scandalum in agilitate tua » et officio. « Non pecces in multitudine civitatis, nec te immittas in populum; nec alliges » et colligas « tibi duplicia peccata, ita quod nec in uno eris immunis. Primum quod in populo non invenitur aliquod peccatum unum a quo sis immunis, sed per tabis iniquitates omnium, qui cum deberes esse hircus emissarius ad ferenda singulorum peccata extra civitatem, singulorum singula fers in civitatem, aliquo (de contingentibus officium tuum, per incuriam, vel ignorantiam) omisso, quia pro singulis iniquitatibus subditorum punieris (*Levit. XVI*). Unde Apo-

stolus I Timoth. v: « Nemini cito manum imponas, neque communicaveris peccatis alienis. » Glossa: Omnibus, quæcunque faciet postea ordinatus a te citra diligentem, discretam et diutinam examinationem. Suggillatur etiam vitium ambitionis in capite libri: « Beatus vir qui non abiit in consilio impiorum, et in via peccatorum non stetit, et in cathedra pestilentia non se lit (*Psal. 1*): » nec appetit sive sæcularem, sive ecclesiasticam dignitatem et temporalem, vel doctrinam in cathedra, quæ sicut pestilentia et morbus serpens omnes et totum gregem invasit, per quam, et se et alios irridit, et fallunt. Unde Hebraica veritas habet: « Beatus qui non sedit in cathedra derisorum, » quibus erit vae. Quoniam enim et se et alios derident, **140** « non per osium (*Joan. x*) » intrantes in sanctuarium Dei, « sed aliunde, » deridebuntur. « Vae qui depredaris, quoniam deprædaberis (*Isa. xxxiii*). » Item episcopus Cenomanensis:

*Plurima cum soleant hominum corrumpere mores,  
Forsius evertunt femina, census, honos.*

(HILDEBERTUS.)

Luxuria scilicet, seu carnalis delectatio, amor pecunie, « vel auri sacra fames (*Virg. III Æneidos*), » et ambitio honoris. Sed hæc quanto superet cæteras pestes, ampliusque veneno malitiæ suæ noceat, idem episcopus scribit:

*Infelix, quem res, nec femina vincere possunt,  
Subjugat ambitio.*

(HILDEBERTUS.)

Item I Joannis II: « Omne quod est in mundo, vel est concupiscentia carnis, vel concupiscentia oculorum, vel superbia vitæ, » cujus filia est « concupiscentia oculorum, » id est ambitio, quam cum matre redarguens Propheta, ait: « Non sic impii non sic, sed tanquam pulvis quem projicit ventus a facie terræ (*Psal. 1*). » Item philosophus Seneca (epist. 73): Hoc maximum malum vel vitium habet ambitio, quod non respicit vel Deum, vel se, vel alios, sed per fas et nefas, et « per mille pericula mortis (*Virg. II Æneidos*), » tum animæ, tum corporis aspirat et laborat, ut acquiratur dignitas quæ appetitur. Item I Corinth. cap. III: « Charitas non est ambitiosa, » id est non vult alii præponi: « Non quærit quæ sua sunt, » Glossa: sed quæ alterius. Et ita aliquando vult præponi, non propter se et delectationem temporalem, sed propter communem omnium utilitatem. Item (Possidonius in *Vita S. Aug. c. 4*): Augustinus fugiebat ab omni civitate quæ non habebat episcopum, ne in episcopum caperetur. Item idem: In nullo, inquit, sentio Deum ita iratum mihi, quam quum indignus essem poni ad remum, positus sum ad amplustre regiminis Ecclesiæ, scilicet apicem. Item poeta Ovidius, III Tristium (elegia 4):

*Crede mihi, bene qui latuit bene vixit, et infra*

*Fortunam debet quisque manere suam.*

*Vive tibi, quantunque potest prælustria vita.*

Quia quanto gradus altior, tanto casus gravior est. *Est ubi contemptus nimius juvat.*

(CLAUDIAN. I in *Entrop.*)

Item: Mortuo Sixto papa, diu vacavit papatus, nec inventus est qui onus illud subiret, quando non ha-

buit divitias et pompam secularem adjunctam. His autem adjunctis tempore Silvestri, illico ambitio nascebatur, lateque pervagabatur amor dominandi, cum is « qui præest, et in sollicitudine (Rom. xii), » potius subsit, potius sit servus quam dominus. Unde Dominus Luc. xii: « Facta est autem contentio inter eos, quis eorum videretur esse major. Dixit autem eis: « Reges gentium dominantur eorum, vos autem non sic. Sed qui major est in vobis, fiat sicut minor, et qui præcessor » dignitatis gradu, « sicut minister. » Nam « quis major est » secundum iudicium sæculi scilicet, « qui recumbit, an qui ministrat? Nonne qui recumbit? Ego autem in medio vestrum sum sicut qui ministrat. » Qui ergo præest potius subsistere debet, nisi quoad quamdam dignitatem, obedientiam scilicet et reverentiam **141** ei exhibendam. Item Gregorius in Pastoralis (part. 1, cap. 9): Pollens virtutibus, invitus et coactus accedat ad regimen animarum, non pollens virtutibus non accedat. Sed an pollens modo, qui scilicet modo potest pollere si prænuerit, sed, infirmitas et fragilitas modica obsistit, in omnibus aliis pollens scientiam et famam et huiusmodi habet; an qui pollebat prius, sed quid pollere potest, sed modica fragilitas resistit, ita quod non cum serenitate conscientiae accederet. Quid faciet? Nunquid honorem contra conscientiam invitus, et coactus accipiet, vel oblatum ex toto spernet pro conscientia mala tolerabitque se sententia anathematis percipi, eo quod curam proximorum neglexerit? Item Gregorius:

*Sumite materiam vestris qui scribitis æquam  
Viribus, et versate diu quid ferre recusent,  
Quid valeant humeri.*

(HORAT. de Arte poet. initio.)

Quæ autem considerare debet aspirans ad dignitatem ecclesiasticam, Augustinus super illum locum Apostoli describit: « Hæc commenda fidelibus hominibus qui idonei sunt hæc docere (II Tim. ii), » vita, scientia, facundia. Item poeta:

*Nec quemquam jam ferre potest Cæsarve priorem  
Pompeiusque parem.*

... Jurisque secundi

*Ambitus imvatiens.*

(LUCAN. l. 1 de bello Pharsalico.)

Ambitione destructa est respublica, interfectus senatus. Hæc maxime cavenda est in ecclesiasticis, et ne prærupte ad honorem ecclesiasticum ascendatur. Unde Dominus apostolis: « Accipite Spiritum sanctum, quorum remisistis peccata, remissa sunt; et quorum detinueritis, detenta sunt (Joan. xx). » Quasi diceret: Quomodo sacramenta Spiritus sancti aliis ministrabit, nisi ipsum prius receperitis? Vel: Quomodo dona eius aliis conferetis

nisi ea habueritis? Item: Multi promoti, in extremis cum lacrymis pœniterunt de susceptis honoribus, quia, cum maximo periculo acquirunt, cum majori possidentur et reguntur, dicentes se malle vixisse omnibus diebus vitæ suæ simpliciter sine apice dignitatis. Item: Galfridus Peronensis prior Clarevallensis, electus in Tornacensem episcopum, cum a papa Eugenio, et abbate suo sancto Bernardo cogeretur onus episcopatus subire, prostratus in modum crucis ad pedes abbatis, et clericorum eum eligentium, ait: Monachus fugitivus, si me ejicitis, esse potero, episcopus vero nunquam ero. Cui laboranti in extremis assidens quidam monachus, ejus amicissimus, factus custos aegrotanti, ait: Chare mi frater, quia nunc corpore separabimur, oro te ut in pace et salva voluntate Dei, si esse poterit, statum tuum post mortem mihi reveles. Cui oranti post mortem **142** ejus in oraculo secreto coram altari, apparuit ei in visione anima Galfridi dicens: Ecce, inquit, adsum Galfridus frater tuus. Cui ille: Mi chare, quomodo est tibi? Qui ait: Bene. Sed revelatum est mihi a sancta Trinitate, quod si promotus fuisset in episcopum, procul dubio fuisset de numero reproborum.

#### CAPUT LV.

##### *Contra promotionem indignorum.*

Malum ambitionis sequitur stultorum, imperitorum, inutilium, et ut uno verbo dicam, indignorum promotio. Contra quam scribens Hieronymus ait: Non præcedit armentum degener taurus, sed qui magnitudine et toris alios superat. Elephatorum gregem elephas ducit excellentissimus. Adco autem humana natura desipuit, quod vertens tergum suum ad solem justitiæ, « declinans iudicium, statuens declinare oculos suos in terram (Psal. cxviii), » non observat pro salute æterna animarum in eligendo duces et rectores earum, quod fit in brutis pro salute corporali natura duce. Item Salomon: « Sicut qui mittit lapidem in acervum Mercurii, sic qui dat honorem insipienti (Prov. xxvi). » Item: Debet Ecclesia esse sicut castrorum acies ordinata (Cant. vi); ut fortissimi scilicet ejus, et discretiores ponantur in fronte, et in extremitate cunei, imbelles in medio. Alioquin nec terribilis erit, nec ordinata, sed portæ inferi prævalebunt adversus eam (Matth. xvi). Item Levitici cap. xxi: « Homo de semine Aaron, qui habuit maculam, non offerat panes, vel hostias Deo suo, nec accedat ad ministerium ejus; si cæcus fuerit, vel claudus, si parvo vel grandi vel torto naso, si fracto pede, vel manu, si gibbus, vel lippus, » etc. Si ergo in levita ordinando ad ministerium in lege sine dispensatione prohibebatur et cavebatur macula corporalis, quanto magis et macula spiritualis prohibita est a Domino in ministerio evangelico? Item: Hieronymus (lib. Apol. adversus Rufinum, c. 4) introducens versus Horatii in derisionem promotorum indignorum ait:



*Ludere qui nescit campestribus abstinet armis.*  
(HORAT., *De arte poet.*)

... *Abrotonum ægro*  
*Non audet, nisi qui didicit, dare. Quod medico-*  
[rum est,

*Promittunt medici, tractant sabrilia sabri.*

*Scribimus indocti, doctique poemata passim.*  
(HORAT., l. II, ep. 1 ad Aug.)

Sic et modo currimus docti, indoctique ad regimē animarum, dicentes:

*Occupet extremum scabies; mihi turpe relinqui*  
[est,

*Et, quod non didici, sane nescire sateri.*

(HORAT., *De arte poet.*)

Item Hieronymus ad Pammachium monachum. Hodie clarus honor vilescit in turba, et apud bonos viros fit indigna dignitas, quam multi mali possident.

**143** Hujus autem indignæ promotionis indignorum quatuor sunt cause: amor carnis, stemma generis, avaritia, que est causa prædictarum causarum, quia « radix omnium malorum (*I Tim. vi.*) » Pone enim amoveri ab Ecclesia regalia regum, et principum beneficia magna illi collata, non invenitur qui scedat ad ejus labores et opera. Quare? quia omnes qui in dignitate ecclesiastica sunt, honorem non onus, delicias non opus, lac et lanam, non curam animarum querunt. Item idem Hieronymus: Joseph non nisi probata sapientia ejus, factus est dominus Ægypti (*Gen. xli.*), Ps. civ: « Eloquium Domini inflammavit eum, » et ideo « misit rex, » Pharaon, et solvit, princeps populorum et dimisit eum. Constituit eum dominum domus sue, et principem omnis possessionis sue. Et ad quid? Non ad necessitates regias præparandas, non ad movendum arma, non ad vivendum et equitandum in pompatico apparatu vel habitu, non ad otia, et delicias, sed « ut erudiret principes ejus sicut semetipsum, et senes ejus prudentiam doceret, » nedum juvenes. Quantam ergo maturitatem et prudentiam oportet esse in rectore? Si ergo Joseph, non nisi probata sapientia ejus præficitur regimini Ægypti temporalis, quanto magis non nisi probatæ sapientiæ et vitæ, dominio et spirituali regimini Ecclesiæ? Item: Non nisi post trinam confessionem dilectionis Domini, Petro commissus est principatus apostolatus. Quasi diceret ei Dominus, et in ipso aliis præficiendis Ecclesiæ regimini: « Quia diligis me plus his. » Diligis me scilicet plus quam tuos, diligis etiam me plus quam tua: diligis etiam me plus quam te: « Pasce oves meas, pasce agnos meos, pasce hædos meos (*Joan. xxi.*): » ideo « Dabo tibi claves regni cælorum (*Math. xvi.*), » id est, constituam te principem populi. Item: Philisthæi Dagon (quod pretiosum habebant) posuerunt juxta arcam Domini (*I Reg. v.*): promoventes autem indignos, et e contrario similes, imo pejores Philisthæis, ponunt arcam Domini juxta Dagon, Ecclesiam committentes idolo surdo, et muto, et debili, cum committenda esset arca his, qui eam portare essent idonei, regere

**A** et revelare eam per sacramentorum Ecclesiæ dignam administrationem. Unde caveant sibi ne mures exaltales eorum corrodant similique pœna Philisthæorum percutiantur promoventes indignos, sicque promoti timeant ne corruant sicut Dagon capite truncato, et absceissis summitatibus manuum et pedum ipsorum, « ut omnino sint inutiles. Item: Timendum est hodie ne accidat, quod tempore judicium accidit. Si enim tunc procuraverunt Philisthæi ne esset faber ferrarius in Israel, qui fabricare sciret lanceam vel gladium usque ad aculeum bovis (*I Reg. xiii.*), qui etiam nunc deest, quia non est qui excitet vel stimulet proximum, sed et [*f. sibilus stimulus*] (non tantum lancea et gladius doctrinæ) deest hodie bobus Ecclesiæ, et quæ, si aliqui habuerint, timent **B** eis uti, facti « muti canes non audentes latrare (*Isa. lvi.*) » vel mutire coram principibus, ne sarcinas inutiles amittant.

Sed objicies: Sunt equidem in Ecclesia multi ferrarii, scilicet personæ privatæ, **144** ut pote scholares, et magistri scholarum. Sed quorsum hæc obijcio? Tales modo tanquam viles et inutiles non eliguntur in fabros Ecclesiæ, et ideo vel modicum, vel nullum habent locum in ea, ut ei prodesse possint. Item Ecclesiastes (cap. x): « Est malum quod vidi sub sole, quasi per errorem egrediens a facie principis: positum stultum in dignitate sublimi, et sapientes sedere deorsum. » Item: Quomodo dici potest de prælatis Ecclesiæ: « Ubi est videns? ubi est dominus Domini videntis? » (*I Reg. ix.*) Timendum est ne peccatis nostris exigentibus privemur videntibus, sicut Judæi prophetis. Item: Si Baltassar (quia abusus est vasis figuralibus apportatis a templo Domini a Nabuchodonosor patre suo ponens ea in templo idoli sui, in eis etiam ipse temulentus, et optimates et concubinæ ejus diebus convivii bibentes vinum) punitus est in destructione civitatis suæ, et amissione regni (*Dan. v.*): quanto magis punientur qui vivis vasis Domini abutuntur, committentes animas sanctas regendas, ecclesiasticæque sacramenta administranda indignis? Item Matthæi, cap. xxiv: « Cum videritis abominationem desolationis » (idolum scilicet surdum et mutum, quod est causa et signum destructionis Jerusalem, et sanctæ Ecclesiæ, maxime ejus, qui presidet,) « stantem in loco sancto » (Marcus [xiii]: In templo Dei, « ubi non debet), » tunc: « Væ prægnantibus et nutriendis. Erit enim tunc tribulatio magna, qualis non fuit ab initio mundi (*Math. xxiv.*), » procedens ex ambitione dignitatum et honorum quæ inchoata est tempore legis; quando Judæi a principibus Romanis ambierant summum sacerdotium. Sed nec in illa fecit temporum, tempore scilicet perversæ mediæ ætatis, « sederunt » passim, non quilibet « super cathedram Moysi, » sed tantum « Scribæ, » doctores legis « et Pharisei, » divisi ab aliis, signum religionis saltem exterius habentes, maturi ætate. Unde Dominus: « Super cathedram Moysi sederunt Scribæ et Pharisei: Omnia quæ dicunt facite, quæ

autem faciunt, facere nolite (*Matth. xiii.*). » Nunc autem in cathedra Moysi sedent juvenes et fatui, ut quæ dicuntur faciatis, nec quæ faciunt velitis facere.

» Si peritus, licet ambitiosus, vel alias malus, promovetur, spes tamen de ipso habetur, quia, « quis scit si convertatur (*Joel. ii.*)? » et poeniteat, fiatque bonus hodie, qui heri malus, sed de fatuo et inscio promotus, nulla spes est. Raro enim Dominus de insipiente et inscio suscitatur et facit sapientem, sicut de peccatore poenitentem. Item *Levit.*, cap. iv: « Si peccaverit » Synagoga « per ignorantiam, » vel populus, vel princeps, vel privata persona, » hæc et hæc faciet, « et rogante pro eis sacerdote propitius erit ei Dominus. » Hinc, inquit Augustinus, patet differentia inter peccatum sacerdotis et peccatum populi, quia scilicet sacerdos non dicitur peccare per ignorantiam. Non enim licet ei ignorare mandata Domini, quia non legitur quis orare pro sacerdote, quia, sicut ait Salomon: « Si percussus fuerit incantator a serpente; quis medebitur ei? » (*Ecclesi. xii.*) Item Dominus pro Petro et successoribus ejus, inquit: « Due in altum rete (*Luc. v.*), » id est in profundum disputationis sacræ Scripturæ intellectum et inquisitionem, si **145** dubii casus emergerint, ut sic videas quid agendum sit, quid non. Item: Idem apostolis: « Colligite fragmenta ne pereant (*Joan. vi.*), » id est minutias fragmentorum, id est subtilium sententiarum et secreta mysteria, quæ rudes capere nequeunt, et etiam quæ subterfugiant manus prædentium, hoc est intellectum et inquisitionem disputantium, investigate et memoriter tenete, sicut cophini et perfecti pleni edulio verbi Dei, ut pro tempore et loco ea pauperibus, etiam insciis, erogetis. Item: Dominus distinguens ministros Ecclesiæ in « apostolos, evangelistas, etc., pastores et doctores (*Ephes. iv.*) » conjungit. Ob hoc etiam Apostolus describens « pastorem » Ecclesiæ, in fine descriptionis ejus (quasi vitalem et substantialem differentiam) ponit « doctorem, » qui sciat scilicet contradicenti sanæ fidei resistere, et paratus sit « omni poscenti reddere rationem, de fide et spe (*I. Petr. iii.*), » et bonis moribus Ecclesiæ.

Item: Hieronymus de Helvidio (*epist. De perpetua virginitate B. Mariæ*), qui unicum et horrendum monstrum in Gallia, solus in universo mundo sacerdos laicus fuit, qui tamen quoad ordinationem dictionum congrue, quoad intellectum vero impie scripsit quædam de beata Virgine Maria: Item: Si ex præcepto Domini, hospes unius noctis cum tanta diligentia est eligendus, ne fama prædicationis maculetur infamia hospitis, quanto diligentius eligendus est sacerdos, non hospes, sed rector Ecclesiæ futurus, per plura tempora? Qui cum tanta maturitate et sollicitudine est ordinandus, cum quanta est deponendus?

#### CAPUT LXI.

##### De officio prælatorum.

Ad indignam autem promotionem indignorum, imo verius intrusionem repellendam et confutan-

dam, intueri libet officium prælatorum (quo nomine ruralis sacerdos etiam comprehendatur). Quod attemptare cum timeant viriles et perfecti, desinant ad id exsequendum intrudi, vel etiam canonicè eligi, indigni præsumptuosi. De hoc ait Moyses, *Numer. cap. xxvii.*: « Provideat Dominus Deus spirituum omnis carnis, virum qui sit super multitudinem hanc, et possit exire, et intrare ante eos. » Exire, ut pastor, pro ipsis contra hostes visibiles et invisibiles; intrare, tabernaculum et ecclesiam, ut pro eis oret. « Et ducere illos, » ad bellum « contra spirituales nequitias (*Eph. vi.*), » verbo et exemplo, sicut dux eorum; « et introducere eos, » tandem in Jerusalem supernam: « ne sit populus Domini, sicut oves sine pastore. » Item, *ibidem*: « Tolle Josue filium Nun, virum in quo est Spiritus Dei, et pone manum tuam super eum, qui det præcepta vitæ filiis Israel; quo consulente Dominum, ad verbum ejus egredietur ad bellum, et ingredietur tabernaculum, ipse primo, et omnes filii ejus cum eo, et cætera multitudo. » Item *Genesis cap. xlv.*: « Dixit Joseph fratribus suis: Cum vocaverit vos Pharaon et dixerit: **146** Quod est opus vestrum? respondebitis: Viri pastores sumus ab infantia. Ad peregrinandum in terram tuam venimus (*Gen. xlvii.*). » Ecce quia ubique virilitas præcedit gradum prælationis. Maxima enim pars religionis animo constat; animositas enim valde necessaria est prælato, qui si timet, actum est de eo. Horatius:

*Si fractus illabatur orbis,  
Impavidum serient ruinæ.*

(*Lib. iii. Ode 5.*)

Item: Jeremias, licet sanctificatus ex utero, et Domino etiam jubente, officium et onus pastorale veritus est subire (« Terribilis est enim locus iste [*Gen. xxiii.*] »), dicens: « A, a, a, Domine Deus; ecce nescio loqui, quia puer ego sum (*Jer. i.*), » et elementarius vita. Cujus autem vita despiciatur, restat ut prædicatione contemnatur. Elementarius etiam scientia; oportet autem prælatum esse doctorem. Elementarius etiam facundia, ineloquens autem quantum prodest exemplo, tantum nocet silentio. Nam latratu canis, baculoque pastoris luporum rabies arcenda est: « Et dixit Dominus ad me: Noli dicere quia puer ego sum, quoniam ad omnia quæ mittam te ibis, et universa quæcunque mandavero tibi loqueris. Ne timeas a facie eorum, quia ego tecum sum. Ecce dedi verba mea in ore tuo, ecce constitui te super gentes et regna, ut evellas, » arguendo vitia, « et destruas, » auctoritatibus improbando; « et disperdas, » iis, et mundo abrenunciari faciendo, « et ædifices, » prædicando, consolando, fovendo, « et plantes (*ibid.*), » confessiones audiendo, satisfactionem injungendo.

Item *psal. cii.*: « Benedicite Domino, omnes angeli ejus, » ministri et prælati Ecclesiæ « potentes virtute, facientes, » non tantum prædicantes, « verbum illius. » Ad quid? « ad audiendam vocem ser-

monum ejus. » Hoc est, ut vita bona vestra, præcepta illius audibilia faciatis. De facili enim auditur prædicator, qui facit et vivit ita ut prædicat; qui aliter vivit et aliter prædicat facit ut verbum Dei non audiatur, vel ei credatur. Jerem. c. 1 : « Tu ergo accinge lumbos tuos, et surge, et loquere ad eos omnia quæ præcipio tibi. Ne formides a facie eorum, nec enim timere te faciam vultum eorum, » sed sicut Ezechieli cap. iii : « Dedi tibi frontem » æneam, « duriorē frontibus eorum, ut adamantem et silicem : » faciemque « dedi tibi valentiorē faciebus eorum. » Et Jeremias (cap. 1) : « Ego quippe dedi te hodie in civitatem munitam, et in columnam ferream, et in murum æream super omnem terram Juda. » Notabiliter notandum quod Job, Elias, Jeremias, Joannes, nonnisi accinctis lumbis, quidam tunicis pelliceis, quidam corrigiis, quidam asperitate vitæ et maceratione carnis missi sunt ad prædicandum. Hoc idem præceptum dedit Dominus apostolis, dicens : « Sint lumbi vestri præcincti, » et post, « lucernæ ardentes (Luc. xii). » Ituro enim ab bellum, primo est infrenandum jumentum corporis, crucifixione illius « cum vitis et concupiscentiis (Galat. v), » abstinentia et continentia, ne homo ruat in præcipitium, et ut composito gradu vehat tantum insessorē, id est Spiritum sanctum. Ad quod rigida et austera vita decet prædicatorem, non mollis et enervis. Prælati autem civitas est munita virtutibus, columna **147** sustentans Ecclesiam; murus, eam tuendo, ad quem, sicut ad civitatem refugii, confugiendum subditis, quia : « Gloriosa dicta sunt de te, civitas Dei (Psal. lxxxvi). » Hæc est civitas, scilicet prælatus, quæ non expugnatur.

Item : Accedens ad officium pastorale attendat, quod inter iudices nullus judicare voluit populum, nisi prius suscitato spiritu ejus a Domino ad hoc exsequendum. Unde suscitavit Dominus spiritum Othonielis (Judic. i), spiritum etiam Deborah prophetisse, antequam judicaret populum (Judic. iv). Spiritum etiam Gedeonis, qui nisi dato sibi signo velleris compluti et aræ aridæ, deinde econtrario, aræ complatæ et velleris siccati\* voluit judicare populum (Judic. vi). Nec tu ad hoc officium accedas, nisi prius datis tibi, non dico signis miraculorum, sed signis virtutum et honorum operum. Item, Exodi iii, ait Dominus Moysi : « Veni, mittam te ad Pharaonem, ut educaas populum meum de Ægypto. » Cui Moyses : « Quis ego sum, » scilicet insufficientis, et nihil, « ut vadam ad Pharaonem, et educam filios Israel de Ægypto? » Cui Dominus : « Signum habebis quod misero te, » scilicet mutationem virgæ in colubrum, et vice versa colubri in virgam : signum etiam manus in sinum et factæ leprosæ, extractæ et mundatæ : signum etiam mutationis aquæ in sanguinem. Cui Moyses : « Obsecro, Domine, non sum eloquens ab heri et nudius tertius, et ex quo locutus es ad servum tuum impeditioris et tardioris linguæ sam. » Obsecro, inquit, « Domine, mitte quem misurus es (Exod. iv), » scilicet digniorem et eloquen-

tiorem me, Aaron. Augustinus (lib. ii, q. in Exod.) : Secundum Hebræos gracilem et tenuem vocem habuit Moyses, et necesse erat, clamosa voce uti, quia propter regium fastum prope accedere non permittebatur; et est summa, quia nec tardus lingua erat, nec se ineloquentem profitebatur, cui Dominus « dedit verba sua in os ejus. » Erat autem, quantum ad Ægyptios, sonoræ vocis et eloquentiæ incomparabilis, sed se reputabat ad hoc officium insufficientem. Qui autem credit se esse sufficientem, insufficientis est; et qui putat et credit se esse insufficientem, sufficiens est, et benepatiens, et humilis, ut annuntiet : « Quod enim sapientius et fortius est hominibus, » stultum est Deo; « et quod stultum est Deo, sapientius et fortius quolibet homine (1 Cor. i). » Item : II Tim. ii : « Sollicite autem cura te ipsum probabilem exhibere Deo operarium, » id est merito vitæ te talem apud Deum exhibeas, ut tibi populus obediat. « Inconfusibilem, » ut dictis opera consonent; nec erubescas, vel timeas evangelizare. Idem in prima ad eundem : « Attende tibi » primo, « et doctrinæ » post. Quo nomine officium totum prælati intellige. Et in Act. apost. cap. xx : « Attendite vobis et universo gregi, in quo posuit vcs Spiritus sanctus episcopos, regere Ecclesiam Dei. Recte tractantes veritatis verbum, » recte docentes proximum, verbo, et exemplo scilicet, et pro competentia singulorum, ut ita baculus pastoralis convertatur in se, « et os turturis retorqueatur usque ad ascellas (Levit. i). » Unde Dominus in Evangelio (Luc. xii) : « Quis putas est fidelis servus et prudens, quem constituit Dominus super familiam suam, » et nihil privati amoris, scilicet timoris, vel lucri « super familiam suam, ut illis in tempore » **148** (quia prædicatio, si assidua sit, vilescit) « tritici det mensuram, » secundum capacitatem auditorum vel singulorum. « Beatus ille servus, » etc.

Augustinus (In expositione inchoata Epist. ad Rom. ante medium) : Quid sibi vult quod Apostolus in salutatione prælati tria ponit, scilicet « Misericordiam, » id est peccatorum remissionem, « et pacem, » id est tranquillitatem mentis, et quasi quamdam prælibationem pacis æternæ; « et gratiam. » In salutatione autem (ut in utraque Epist. ad Tim.) personarum privatarum, duo prima tantum; ideo, inquam, quia præter illa, gratia ad robur et fortitudinem prælati est necessaria. Cui sicut Josue successori Moysi ter dicitur : « Confortare et esto robustus (Josue i). » Item : Cum Ecclesia traditur indigno, potest Heli cum filiis Israel conqueri et dicere : « Heu! translata est gloria Domini de Israel, quia capta est arca Domini. Philistiim enim asportaverunt eam a lapide adjutorii in Azotum (1 Reg. iv), » id est ignis patris mei, in ignem concupiscentiæ, « et intulerunt eam in templum Dagon (1 Reg. v), » piscis tristitiæ, in Ecclesia negotia et lucra secularia queritantes. Tunc Jacob defeat Joseph venditum et vincitum in carcerem Putiphari eunucho, (Gen. xxxix), cum Ecclesia et sacramenta ecclesiastica eu-

nuchis mollibus, sterilibus et indoctis dispensanda committuntur. Hoc idem deslet Jeremias in Threnis, dicens (cap. x) : « Egressus est a filia Sion omnis decore ejus. Facti sunt omnes principes velut arietes non inveniendes pascua, et abierunt absque fortitudine, » pastoris scilicet, « ante faciem subsequentis, » diaboli fugantis eos. Unde, quia « facti sunt hostes ejus in capite, parvuli ejus ducti sunt in captivitatem ante faciem tribulantis. » Percusso pastore, dispergensur oves gregis (Matth. xxvi). Item idem : « Manum suam misit hostis ad omnia desiderabilia ejus, quia vidit gentes, » id est gentiliter viventes, « ingressas sanctuarium suum, » id est promotos in Ecclesia, « de quibus præceperat Deus ne intrarent in Ecclesiam tuam. » In qua, « quoniam erectus est inimicus, deposita est vehementer, non habens consolationem vel consolatore (Thren. 1), » adeo ut jam eum Propheta pro indignorum promotione dicat lagendo : « Deus, venerunt gentes in hæreditatem tuam, polluerunt templum sanctum tuum, posuerunt Jerusalem, » sanctam Ecclesiam, « in pomorum custodiam (Psal. lxxviii). » Imo, ut minor sit cura hodie de adhibendis custodibus animarum regendarum, quam de adhibendis custodibus pomorum vilium (de quibus hoc hodie porcis comedendum relinquitur) non eorum de quibus in Canticis (cap. vii) : « Omnia poma nova et vetera reservavi tibi, dilecte mi, » ut minor sit sollicitudo de clavibus Petri, quam de clavibus cellarii. Item ad Rom. 1 : « Desidero videre vos, ut aliquid vobis impertiar gratiæ spiritualis. » Prælati enim potius interest dare subditis quam accipere ab eis, in quibus tamen, si bene militaverit, pro se auream, pro illis custoditis aureolam accipiet. De qua gratia subdit : « Veniam ad vos, » scilicet ad confirmandos vos in fide, id est simul consolari in vobis per eam quæ invicem est fides vestram atque meam. Item in eadem, c. 1 : « Proposui venire ad vos, ut aliquem fructum habeam in vobis, sicut et in cæteris gentibus, » potius dando vobis quam accipiendo. Quod confirmans Dominus in Evangelio, ait : « Non vos me elegistis, sed ego elegi vos, ut eatis, et fructum afferatis, et fructus vester maneat (Joan. xv). » Quasi **149** diceret : Fructum quærite vobis, in subditis, æternum et permanentem, non temporalem, qui non permanet. Item in eadem : « Græcis ac barbaris debitor sum sapientibus et insipientibus; ita, quod in me promptum est et vobis, qui Romæ estis, evangelizare. » Apostolus promptus fuit evangelizare, antequam ad hoc officium accederet. Non accessit ad hoc ut postea promptus fieret ad illud, sicut ii qui applicandi sunt doctrinæ, cum deberent docere.

Item IV Reg. xi : « Pepigit igitur Joiada pontifex fœdus inter Dominum et regem, inter Deum et populum; inter regem et populum, ut esset populus Domini, » obediens Deo et regi. Prælati enim mediator est inter Deum et prædictos, qui pacisci habet, et componere pacem inter Dominum et subditos. Sed quis sit mediator ejus, si conversus

A fuerit in lupum et mercenarium, non legitur, sed sine custode, sub prætextu officii frivolis quibusdam rationibus se tuens, desævit in subditos, qui tamen successit in locum et ministerium Eliæ. Cui cum igneo curru insistente quatuor rotis raperetur in cælum, ait Eliseus : « Pater mi, pater mi, curru Israel et auriga ejus (IV Reg. ii). Geminatio dictionis notat paternum affectum, et officium paternum exhibendum filiis. Debet enim prælatus inniti et subvehi quatuor rotis, id est, quatuor cardinalibus virtutibus. Oportet enim prælatum esse justum, fortem, temperatum, prudentem, qui est curru Dei et Ecclesiæ, non Pharaonis.

B Habet enim eam regere, portare et sustentare exemplo sanctæ conversationis, verbo prædicationis, beneficio temporalis consolationis, suffragio obsequii et devotæ orationis; qui, ut auriga Ecclesiæ, sibilum, et cantum, et alia lenimenta habere debet, quibus demulceat et consoletur eam. Unicum etiam aculeum in manu, ut boves (id est caro) cum recalcitrant, stimulet et flagellet; ut composito gradu vehat sessorem suum, id est spiritum suum, quod et in baculo pontificali notatur. Nunc autem bubulci nostri plures habent stimulos et causas pungendi, et nullum lenimen. Unde quidam :

*Pastor, oves cura, sicut docet ista figura,  
Attrahe per primum, medio rege, punge per imum.  
Attrahe, sustenta, stimula, vanga, morbida, lenta.*

C Item Ezechiel cap. iii : « Fili hominis, speculatorem dedi te domui Israel, » etc.; et cap. xiii : « Fili hominis, vaticinare ad prophetas, » etc.; et cap. xxii : « Fili hominis, versa est mihi domus Israel in scoriam, » etc.; et cap. xlii : « Et populum meum docebunt, quid sit inter sanctum et pollutum; et inter mundum et immundum ostendent eis; » et ibid. : « Fili hominis, pone cor tuum, et vide oculis tuis, et auribus tuis audi omnia, quæ ego loquor ad te, » etc.

## 150 CAPUT LVII.

*Contra negligentiam prælatorum.*

D Apostolus scribens contra negligentiam prælatorum I Tim. iv ait : « Attende, » pastor, « lectioni, » et post, « exhortationi » jam volentium « et doctrinæ » nescientium : et « noli negligere gratiam » officii tui, « quæ in te est, quæ data est tibi per prophetiam, » id est sanctorum canonicam electionem, in qua ex præteritis videntur dicere qualis futurus sis. Et in eadem Epist. cap. 1 : « Et hoc præceptum, » de informanda et regenda Ecclesia Christi, vigilanter, sollicite et strenue, « tibi commendo, fili, o Timothee, secundum præcedentes irte prophetias, » id est, secundum quod te novi habere ante hanc scientiam sacrarum litterarum, quæ dicuntur prophetiæ, vel secundum quod Spiritus sanctus ostendit mihi de te per inspirationem ve gratiam exponendi eas, quam novi te habere, quoniam ab infantia sacras litteras nosti, et secundum etiam præcedentem vitam tuam, quæ debuit esse quasi prophetia, qualis futurus esses, si postmo-

dum promotus esses : « ut milites, » actu, « in illis bonam militiam, habens fidem, » sanam doctrinam, « et bonam conscientiam. » Item I Machab. c. v : « Si Judas Machabæus, » potestas sæcularis, « erat congregans extremos exercitus, hortatusque populum per totam viam, donec venirent in terram Juda, et ascenderent in montem Sion cum gaudio et lætitia, et offerrent holocausta, eo quod nemo ex eis cecidisset, donec reverteretur in pace in Jerusalem; » quanto magis prælatus ecclesiasticus debet ex officio congregare debiles et infirmos de Ecclesia, et hortari per totam viam hujus vitæ, vigilantemque et strenue eos custodire et regere, quousque ascendant in montem Domini cælestem Jerusalem, laudentque sponsum in sæcula sæculorum in pace, eo quod nemo ex eis cecidisset, cum cecidissent a latere ejus per custodiam pastoris tuto itinere minantis eos per desertum in terram Juda? IV Reg. xxii et xxiii : Si Josias rex Juda adhuc puer, auditis verbis legis Domini, perlecto coram eo Deuteronomio, perterritum habuit cor, « scindens vestimenta sua, » humiliatus sedens et flens coram Domino, eo quod præcepta ejus non observasset, « percussit sædus coram Domino, ut ambularet post eum » in omnibus præceptis ejus, in toto corde et in tota anima, « suscitaretque verba fœderis et legis læcæ » coram eo, præcipiens etiam omnia immunda vasa ejici a templo, seminifluos et immundos a civitate, altaria et lucos destrui, ritumque legis in omnibus observari : quanto sollicitius et vigilantius spiritualis prælatus (ad cujus pertinet officium) in prædicta Ecclesia Dei curare debet, et non negligere, vel quasi surda aure transire, ad tonitrua et verba Domini non evigilans? Item Jeremias comminans prælatis propter socordiam, torporem et negligentiam ipsorum cap. L, ait : « Grex perditus factus est populus meus : pastores eorum seduxerunt eos, feceruntque vagari in montibus » **151** superbix, « de monte in collem, » de peccato in peccatum, « transierunt. Obliti sunt cubilis sui, » a quo tria hominem expellunt, fumus, stillicidium et litigiosa uxor. « Omnes qui invenerunt, comederunt eos, et hostes eorum dixerunt : Non peccavimus, pro eo quod peccaverunt Domino decori justitiæ. »

Item : Dominus totam Galilæam circuibat prædicans, et curans languores populorum, docens in hoc officium prælati, in quo exercendo debet esse vigilans, utilis, sollicitus, impiger et strenuus (Matth. iv). Item Isaias, cap. lxi : « Ablatus est populus meus gratis, » per incuriam pastorum : « Dominatores ejus inique agunt, dicit Dominus, et jugiter tota die nomen meum blasphematur. »

Unde Ezech. cap. xxxvi : « Propter vos jugiter nomen meum blasphematur inter gentes, » quia populus hodie, non sicut, imo plusquam sacerdos, et sacerdos minus, non sicut populus. Contra cujusmodi sacerdotes Apostolus scribens I ad Tim. cap. iv, ait : « Nemò contemnat adolescentiam

tuam, sed exemplum esto fidelium in verbo, » et prædicatione, « et conversatione, » ut videntes tuam, etiam a licitis pluribus, continentiam, ipsi sancti comparatione tui indignos se esse judicent. Nihil enim est, quo magis lædatur Ecclesia, quam quod laicos videt esse meliores clericis. Item Isaias, c. xxviii : « Audite verbum Domini, viri illusores, qui dominamini super populum meum. Dixistis enim » (opere, si non verbo) : « Percussimus sædus cum morte, » (unde Salomon : « Sponsiones fecerunt usque ad mortem [ Sap. i ], ») « et cum inferno fecimus pactum. Flagellum inundans eum transierit non veniet super » eos, vel « nos. » Isaias hoc de iis dicit : « Quia posuimus mendacium spern nostram, et mendacio protecti sumus : sed vae vobis, qui præ ebrietate, » indiscretionem et negligentiam « erravistis. Sacerdos et propheta nescierunt, præ ebrietate absorpti supra vinum, » luxuria et jucunditate, et delectatione temporalium. « Erraverunt in ebrietate, » indiscretionem et superfluitate, aliosque errare fecerunt. « Nescierunt videntem, ignoraverunt judicium. Omnes enim mensæ repletæ sunt vomitu sordibusque, ita ut non esset ultra locus. » Usque enim ad os repleta est Ecclesia in prælatis stercoreibus temporalium, desidia, avaritia, adeo ut laicis locum in his non relinquunt, sed eos superent. Propterea : « Vae vobis desertoribus populi mei, qui fecistis consilium, et non ex me; et ordiremini telam, et non per Spiritum meum; qui additis peccatum super peccatum, qui ambulatis, » pompaticè, » ut descendatis in Ægyptum, et os meum non interrogastis, sperantes auxilium in fortitudine Pharaonis, habentes fiduciam in umbra Ægypti (Isa. xxx) : » Divitiis et pompa sæculari. Unde Amos, cap. vi : « Vae qui opulenti estis in Sion, optimates capita populorum, ingredientes pompaticè domum Israel. » Propter quod emittam famem in terram, non famem panis, neque sitim aquæ, sed audiendi verbum Dei. » Quia parvuli petierunt panem, et non erat qui frangeret eis (Thren. iv). » Imo adest qui panem spiritualem verbo et exemplo, corporalem etiam rapina auferat. Unde et ps. civ : « Et vocavit famem super terram, et omne firmamentum panis contrivit. Misit ante eos virum, in servum venundatus est Joseph. Humiliaverunt in compedibus pedes ejus, ferrum pertransiit animam ejus, donec veniret verbum ejus. » Ecce, quæ **152** prælatus pati debet pro populo, ut ei veniat, et antequam ei veniat, verbum quod prædicet eis. « Eloquium Domini inflammavit eum (Psal. civ), » quia qui non ardet, non incendit : « Ignitum eloquium (Psal. cxviii) » non capit frigidum peccus. Spiritus sanctus in igneis linguis descendit super apostolos antequam prædicarent (Act. ii). Basilio etiam prædicante, visa est lingua ignea egredi de ore ejus; et Sebastiano prædicante angelus videbatur ei tenere librum, de quo universa ejus prædicatio procedebat. Post hoc autem : « Misit rex, et solvit eum princeps populorum, et dimisit eum. Constituit eum dominum da-

mus suæ, et principem omnis possessionis suæ, ut erudiret principes ejus sicut semetipsum, et senes ejus prudentiam doceret, etc. Post quem : « Misit Moyses servum suum, Aaron quem elegit ipsum (Psal. civ). » Nemo assumpsit sibi honorem, sed qui vocatus est a Deo tanquam Aaron (Hebr. v). Qui enim gladium acceperit, gladio peribit (Matth. xxvi). « Posuit in eis verba signorum suorum et prodigiorum in terra Cham (Psal. civ). »

Nota in his omnibus ordinem, gradus et officium prælati, qui ut Joseph in Ægypto pascere debet populum Dei (Gen. xli), et ut Moyses ab Ægypto educere (Exod. xi). Item Lucas in sermone Apostoli habito ad episcopos et sacerdotes in Asia convocatos Mileti (qui scribitur in Actis apostolorum cap. xx) breviter comprehendente curam omnem, et pastorale officium habendum circa subditos, ait Apostolus, « Ne mora fieret sibi in Asia. Festinabat, si possibile esset, ut diem Pentecostes faceret Jerusalem. » Ergo prælatus in majoribus solemnitatibus non debet abesse ecclesiæ suæ. « A Mileto autem mittens Ephesum, vocavit majores natu, » senes, « Ecclesiæ. Qui cum venissent, et simul essent, dixit eis : Vos scitis a prima die qua ingressus sum in Asiam, qualiter per omne tempus vobiscum fuerim, serviens Domino in omni humilitate, et lacrymis, et tentationibus quæ acciderunt mihi ex Judæis : « quomodo nihil subtraxerim utilium, quominus annuntiarem vobis incognita salutis, « et docerem vos publice, » in Ecclesia, « et per domos testificans Judæis et gentibus pœnitentiam et fidem, » et alios mores « in Dominum Jesum Christum. Et nunc alligatus a Spiritu vado in Jerusalem, quæ in ea ventura sunt mihi ignorans, nisi quod Spiritus sanctus per omnes civitates protestatur mihi, dicens : Quoniam vincula et tribulationes me manent. Sed nihil horum vereor, nec facio animam » vel vitam meam « pretiosorem quam me : » Multo minus sua, qui nulla habuit, » dummodo consummam cursum meum et ministerium quod accepi a Domino Jesu, testificari Evangelium gratiæ Dei. » De quo ministerio Apostolus II ad Tim. c. iv ait : « Tu vero vigila, et in omnibus labora, » tam perversos quam bonos recte docendo, « opus fac evangelistæ, » confirma opere, quod prædicas ore, « ministerium tuum, imple » sic : « sobrius esto, » discretus in omni opere tuo, carens omni superfluitate, etiam licita abjiciendo. « Omnis enim qui in agone contendit, ab omnibus se abstinet (I Cor. ix). » Sequitur : « Et nunc scio quia amplius non videbitis faciem meam vos omnes, per quos transivi, prædicans regnum Dei. Quapropter contestor vos hodierna die, quia mundus sum a sanguine omnium vestram. Non **153** enim subterfugi, » id est dimisi, « quo minus annuntiarem vobis omne consilium Dei. » Aliquem sermonem doctrinæ necessarium ad salutem. Ergo si quo minus annuntiasset eis reus esset animarum ipsorum. Si enim frater fratris, proximus proximi, tenetur esse tu-

stos (alioquin vox sanguinis fratris clamabit ad Dominum de terra [Gen. iv]), multo magis et prælatus custos animarum esse tenetur, pro quibus spondit, quod oves infirmas, etiam super humeros portans introducet in ovile cœlesti, omnia præponens, imo proprium corpus exponens morti propter illas.

De eodem Jerem. cap. xlviii : « Maledictus qui prohibet gladium suum a sanguine, » a peccati maculatione. Gregorius (part. III *Curæ pastoral.* Admonit. 26) : Potest hæc maledictio et omnibus convenire, quanto magis prælatis? Gladium a sanguine prohibere, est prædicationis verbum, a carnalis vitæ interfectione retinere. Item III Reg. cap. xx : « Hæc dicit Dominus : Quia dimisisti virum dignum morte de manu tua, erit anima tua pro anima illius, et populus tuus pro populo illius. » Sequitur : « Attendite vobis et universo gregi, in quo vos Spiritus sanctus posuit episcopos regere Ecclesiam Dei, quam acquisivit sanguine suo. Ego scio quoniam intrabunt post discessionem meam lupi rapaces in vos, non parentes gregi. Et ex vobis ipsis exsurgent viri loquentes perversa, ut abducant discipulos post se. Propter quod vigilate, memoriter retinentes, quoniam per triennium nocte et die non cessavi cum lacrymis monens unumquemque vestrum. Et nunc commendo vos Deo, et verbo gratiæ ejus (Act. xx). » Verbo incarnato, qui vobis prædicavit, vel verbo quod ipse, et ego per eum vobis prædicavi, ut sit custos vestri. Unde, II Petri cap. 1 : « Habemus propheticum sermonem firmiorem, cui bene facitis attendentes, quasi lucernæ lucenti in caliginoso loco, donec dies elucescat, et Lucifer oriatur in cordibus vestris. Argentum et aurum, aut vestem nullius concupivi (Act. xx). » Glossa. In hoc agnoscuntur et dignoscuntur lupi, quod hujusmodi concupiscunt et exigunt, quod non veri prælati. « Vos ipsi scitis, quoniam ad ea quæ mihi opus erant, et iis qui mecum sunt, ministraverunt manus istæ » Exemplum operandi, signum est episcopis, quo discernuntur a lupis. « Omnia ostendi vobis, quoniam sic laborantes oportet accipere infirmos ac meminisse verbi Domini Jesu (quoniam ipse dixit) : Beatius est magis dare, quam accipere. Et cum hæc dixisset, genibus positus oravit cum omnibus illis. » commendans illos Deo. « Magnus autem fletus factus est omnium, et procumbentes supra collum Pauli osculabantur eum, dolentes maxime in verbo quod dixerat, quoniam amplius faciem ejus non essent visuri, et reducebant eum ad navem (Act. xx). » Bonus princeps et rector est, in cujus discessu subditi dolent et flet, maxime non visuri eum amplius.

### 154 CAPUT LVIII.

#### De spirituali patientia prælatorum.

Præcipua virtus et ornamentum prælati est patientia, quam commendans Apostolus sicut valde necessariam prælatis in II Epist. ad Cor. c. xii., ait : « Et si nihil sum inter vos, signa tamen apostolatus

mei facta sunt super vos in omni patientia. » Nota, «Omni.» Item Dominus : « Ecce ego mitto vos sicut oves in medio luporum, estote ergo prudentes sicut serpentes, et simplices sicut columbæ. » Et iterum: « Qui percusserit te in una maxilla, præbe ei et aliam; et qui abstulerit tibi tunicam, præbe ei et pallium (*Matth. x*); » et ablato equo, cum eremita dicas : Quin etiam et scuticam tene. Item IV Reg. II, Eliseus ad Eliam : « Pater mi, currus Israel et auriga ejus, » id est sustentator et rector. Super hoc Greg. lib. *Moral. xx* et in hom. 24, lib. II (in dial. ver. 12, lib. xx, c. 28), super Ezech. ait : Amica potestati pene semper est impatientia, eique male subjectæ imperat, quia quod ipsa sentit, potestas facile exsequitur. Sed sancti prælati plus se interius patientiæ jugo subjiciunt, quam foris hominibus præsent. Et ideo plus aliquorum seditionum tumultus tolerant, [quo se de eis ulcisci amplius possunt, et ne unquam ad illicita transcant, plerumque etiam nolunt pro se exsequi quod licet, subjectorumque strepitus sufferunt, per amorem increpant, quos per mansuetudinem portant, etiam docere non cessant; scientes scriptum esse : « Doctrina viri per patientiam dignoscitur (*Prov. xix*). »

Si itaque doctrina in patientia est, tanto quisque doctus ostenditur, quanto amplius patiens fuerit. Hinc est quod bonus discipulus, magistrum in aere tolli videns, clamat : « Pater mi, pater mi, currus Israel, et auriga ejus (*IV Reg. II*). » Quid est quod currus et auriga dicitur, nisi quod auriga agit, currus portat? Doctor ergo qui mores populi per patientiam sustinet, et sacri eloquii verbis docet, et «currus» dicitur et «auriga.» «Currus,» quia mala tolerando portat; «auriga,» quia exhortando agit et excitat. «Currus,» quia mala sustinet; «auriga» quia populum bonis admonitionibus exercet.

### CAPUT LIX.

#### *De sollicitudine et humilitate prælatorum.*

De sollicitudine et humilitate pastoralis, quarum nutrix est paupertas, quæ contempta multum obest, observata vero maxime prodest. Unde Dominus præcipiens apostolos et eorum successores exoneratos esse a curis sæculi, et divitiis temporalibus, ait : « Nolite possidere aurum vel argentum, neque **155** pecuniam in vasis vestris (*Matth. x*). » Prædicatori enim, qui ad contemptum divitiarum hortari debet, amputatio prope necessaria est, ne portans opera sæculi, et onus sæcularium negotiorum minus vacet officio suo. Tanta enim fiducia debet illi esse in Deo, ut præsentis vitæ sumptus, etsi non prævideat, tamen sibi non defuturos certissime sciat. Quare autem hæc eis præcipiat, subdit (quia omnia necessaria eis debentur, ab iis quibus prædicant) : « Dignus est operarius cibo suo (*ibid.*). » Nota, «suo. Et cujusmodi suo? Audi Lucam hoc determinantem. « Edentes et bibentes, quæ apud illos sunt (*Luc. x*). » Et ne lautiora et

pretiosiora, quam « quæ apud illos sunt, » quærantur, subiunxit : « Quæ apponentur vobis. » Si ergo cibum quæris, necesse est ut modicitatem apostolicæ prædicationis amplectaris, ut observes principium mandati, scilicet : « Ne possideas aurum vel argentum (*Matth. x*). » Si tibi, ut successori apostolorum, expetis a subditis, quibus operaris, cibum erogari, quomodo finis mandati observabitur (imo multis etiam canonibus observatur vel confirmatur) sine principio ejusdem? Incivile est partem legis aperire, et observandam esse asserere, partem vero abscondere, vel de ea, quasi non observanda, disputare. Vel qua auctoritate derogabitur primæ parti præcepti? si dixeris consuetudine et usu utentium in contrarium, localia, et temporalia, et personalia esse asserens præcepta ecclesiastica, nihil soliditatis habebit Evangelium, cui obviat Dominus, dicens : « Quod uni dico, omnibus dico (*Marc. xiii*). » Si dixeris quia hoc non possideas, sed ad usus pauperum reserves, ita et laicus. Nihil amplius ergo tibi in hoc præcipit, quam laico. Item Dominus : « Quam difficile, qui pecuniam habent, intrabunt in regnum cælorum (*Luc. xviii*) : Facilius est camelum intrare per foramen acus, quam divitem intrare in regnum cælorum (*Matth. xix*). » Mirantibus autem et obstupescens discipulis in verbis ejus, dixit ei Simon Petrus : « Ecce nos reliquimus omnia; » etiam voluntatem habendi. In numero enim divitum computatur, qui divitiis concupiscit, etsi eas non habeat. Sequitur : « Et secuti sumus te. Quid ergo erit nobis? » Respondit : « In regeneratione, cum sederit Filius hominis in sede majestatis suæ, sedebitis et vos super sedes duodecim judicantes duodecim tribus Israel (*ibid.*). » Pro quo præmio Joannes, relicta sindone, profugit ab eis; Joseph, relicto pallio (*Gen. xxxix*); Matthæus etiam relicto telonio, et ratiociniis vectigalium relictis etiam cum periculo, secutus est Dominum. Ille etiam vir evangelicus volens sepelire patrem, præcipitur a Domino relinquere sepulturam patris sui, et sequi eum (*Matth. viii*). Ergo multo magis prælato præcipitur relinquere strepitus belli, et onus, et curam temporalium. Sed quomodo prælati (successores apostolorum) hujus temporis dicunt : « Ecce nos reliquimus omnia, et secuti sumus te, » cum temporalibus abundant etiam supra laicos, cum « omnia ea inquirant, quæ gentes (*Matth. vi*), » cum thesaurizent sic contra præceptum Domini multiplicantes aurum et argentum, eques et phaleras, et pompam sæculi quod etiam regibus Israel prohibitum erat, ne reducerentur in Ægyptum? (*Deut. xvii*). Si dixerint quia « omnia reliquerint, » eo quod patrimonium et propria **156** non habeant, sed tantum dispensationem rerum pauperum sibi creditam, sic reliquerunt omnia imperatores multi et reges, ut illi qui ex electione succedunt in regnum, non ex hæreditate. Si dixerint : « Ecce nos reliquimus omnia, » quia Deo omnia postponimus; similiter ad hoc te-

ventur et conjugati. Vel quomodo prædicabunt subditis dispergere, et erogare bona sua pauperibus, qui dispersa non cessant congregare et reponere? Tutius esset, nec habere unde aliis erogarent. Vel si non reliquerunt omnia, quomodo cum Domino iudices venient? Item in Evangelio Joannis: «Reliquit mulier Samaritana hydriam suam, et abiit in civitatem, annuntians omnia, quæ dixit illi Jesus (Joan. iv).» Discant hinc evangelizaturi, prius hydriam, id est cupiditatem relinquere, et onus et curam sæculi deponere, antequam curent evangelizare. Item in Evangelio Luc. cap. xxii: «Facta est contentio inter discipulos; quis eorum videretur esse major.» Quibus Dominus: «Reges gentium dominantur eorum, et qui potestatem,» largiendi, «habent super eos, benefici vocantur. Vos autem non sic.» Quia etiam eorum, quæ distribuitis, non auctores, non domini, sed dispensatores estis. Si ergo prælatus ecclesiasticum alicui confert beneficium, et digno et gratis, potius accipit, quam dat: si autem indigno vel non indigenti, furatur res pauperum, defraudat, et ille eas rapit. Quomodo igitur prælati eos quos promoverunt sibi obligatos esse putant ad obsequendum in omnibus, et se eis fuisse beneficos turpiter impropert? Si digne dant, id est assignant beneficium ecclesiasticum, potius accipiunt quam aliquid dent. Vel, quomodo principes sæculares amplius dominantur, quam Ecclesiarum prælati? Si dixeris, quia dominabiles sunt, et non dominantur: Nunquid, et servos, et ancillas, et feoda, et onera, et nomina dignitatum non habent in actu, sicut et divites sæculi? Nonne militant Cæsari, sicut et Deo? Imo magis quam Deo. Sed et de his hodie verius dicitur per infandam subtractionem negativæ particule: «Reges gentium, vos autem plus quam sic,» quia et in sæcularibus et in spiritualibus, acinetti sunt gladio materiali, sicut spiri-

## CAPUT LX.

### *De statu clericorum et inferiorum ordinum.*

Post gradum sacerdotalem pauca perstringenda sunt de dignitate diaconorum et gradu. Ad quos (quales esse debeant ostendens Apostolus) transit a gradu episcoporum, nomine episcoporum reliquos sacerdotes dans intelligi. Scribens itaque de diaconibus in I Epist. ad Timoth. cap. iii, ait: «Diaconos» semper oportet esse continentia corporis et mentis «pudicos,» ut episcopos, «non bilingues, non multo vino deditos,» non ebriosos, «non turpe lucrum sectantes,» non **157** ementes, ut carius vendant: «habentes mysterium fidei in conscientia pura,» sane credentes, et opera fidei habentes. De quibus repeti possunt, quæ prædicta sunt de episcopis, cum eis eadem convenient. «Et hi:» non sit simpliciter «lli,» sed: «Et hi,» scilicet diacones, sicut et episcopi, «probenitur primum» antequam ordinentur: et ordinati in vita, scientia et facundia, «et sic» probati, et ordinati «ministrent, nullum crimen habentes.» Unde Ambrosius (libro I *Officiorum*, c. 50):

A Sanctum et honestum præcipit Apostolus eligi in sacerdotem et levitam. Et Hieronymus (ep. 128, ad *Fabiolam*, quæ incipit: *Usque hodie*): Non nisi perfectus scientia et moribus in sacerdotem et levitam est eligendus. Et Dominus Moysi (*Num. iii*): Demum is eligatur sacerdos et levita, qui dicat patri: Non novi vos. Levitæ enim vigiles et excubant sunt templi, et portitores vasorum ejus. Itaque «Mundamini, qui fertis vasa Domini (*Isa. Lu*).» Item Apostolus I ad Tim. cap. v: «Manus nemini, etsi sapiens et religiosus videatur, cito,» sine præjudicio, et examinatione prævia, «imposueris.» Prima autem manus impositio debetur, diaconibus ordinandis. De novo enim institutum est subdiaconatum esse sacrum ordinem. Cur autem nemini cito imponenda sit manus, subdit, «Neque communicaveris peccatis alienis;» consensu, omnibus quæcunque faciet nisi semel et iterum probaveris. Cum tanta enim maturitate est ordinandus cum quanta est deponendus, imo majori. Quia;

*Turpius ejicitur quam non admittitur hospes.*

(Ovid. l. v. *Trist.* elegia 6.)

Quomodo igitur citra examinationem ordinantur claustrales, etiam clerici alterius diocesis per dimissorias, et etiam pueri habentes titulos contra præcepta apostolica, quæ, quia evangelica sunt, non recipiunt dispensationem, sed et pueri cum præbendantur in ecclesiis? Ob hoc videtur quod eorum institutio nulla sit, vel conditionalis sit, et tota pendeat de futuro, ut scilicet, cum pervenerint ad annos discretionis, probentur, si idonei fuerint ordinari amplius, et ita ministrent: sin vero cedant, et alii in loco eorum substituantur. Item Laurentius ad Sixtum (ex *Vita* apud Sur. t. IV, et Ambr. l. I *Offic.* c. 41): Quo progredieris sine filio, Pater; quo sacerdos sancte, sine diacono properas? Paratus enim debet esse diaconus progredi cum sacerdote ad sacrificium altaris, ad martyrium, ad evangelizandum. Experire certe utrum idoneum ministrum elegeris, cui commisisti Domini corporis et sanguinis consecrationem; non ad conficiendum, sed ad assistendum. Qui, sicut secretarius altaris, particeps est confectionis eucharistiæ cum sacerdote; non quia sumat vel conficiat, nec quod hoc sine eo non possit fieri, sed quia celebrius, et in majori reverentia conficitur corpus Domini, cum presentia, ministerio et testimonio illius. Quod observari debet, maxime in majoribus ecclesiis, etiam in ruralibus, quæ sufficienti duobus ministris temporalia ministrare. Quod autem officium sit diaconi prædicare ex auctoritate, non elicies, nisi forsan exemplo Leati Vincentii (qui loco episcopi sui prædicavit. Cui beatus Valerius: «Jam tibi, fili charissime, divini verti, etc.»), et ex ordinatione etiam. Committitur enim ei Evangelium, quasi diceretur **158** ei: Tu autem vade, et annuntia regnum Dei (*Luc. ix*). Illud etiam Apostoli ad hoc posset retorqueri: «Hoc commenda fidelibus hominibus, qui idonei sunt (*I Tim. ii*)» vita, scientia, facundia, hæc do-



eere. E contra illi septem primitivi diacones instituti sunt ad erogandum et distribuendum cibos pauperibus, ut apostoli liberius vacarent contemplationi, orationi, et prædicationi. Sed nonne Stephanus prædicavit? nonne Philippus? (Act. vi.) Ita quidem æque, ut apostoli, ita et alii maxime dispersi sunt. De statu clericorum sufficienter scribit Hieronymus ad Nepotianum (ep. 12).

### CAPUT LXI.

*Contra prælatos pueros, vel novitios.*

Ad reverentiam sacerdotalem maxime necessaria est ætas, et quasi de substantia gradus sacerdotatis. Unde Cenomanensis episcopus electo cuidam scribit: Est ætas, quam rigor canonicus, quia in consecratis metuit, a consecrandis excludit. Hæc si ita se habent, infinitus labor tibi incumbit, nec facile bonos exitus invenient, quæ malo inchoata sunt principio. In summis enim sacerdotibus ætas integra postulatur; unde nec periculum religio metuat, nec reverentiam dignitas sacerdotalis amittat. Inde est quod Ezechieli in trigesimo anno cæli aperiuntur, et videt visiones Dei, et prophetat; prius ætas propheta: describitur, ut quibus annis prædicatione committi debeat ostendatur (Ezech. 1). Christus quoque Joannem supra Petrum dilexit: Petro tamen, non Joanni licet virgini et forte litteratori, concessa est potestas ligandi atque solvendi (Joan. xxi). Qui enim per Isaiam (cap. lvi) dixit: «Aufer te offendicula de via populi mei:» coram discipulis offendiculum ponere noluit, nec majoribus antepone juvenem, quamvis eum prærogativa castitatis sibi præ cæteris fecerit familiarem. Detulit igitur ætati, non meritis, nec prætulit conjugatum virgini, sed proveciorem juniore. Denique Luca docente didicimus, quod beata Virgo Christum in templo sedentem in medio doctorum, audientem illos, et interrogantem (Luc. 11).

Donec igitur annorum defuit integritas, doctor omnium, fines discipuli non excessit. Ubi vero pleni dies accesserunt, factus est magister pro debito, qui fuerat discipulus pro exemplo. His omnibus expressa Ecclesiæ forma, quam sequatur, certusque limes apponitur ætatis, infra quem fieri non licet episcopum: facto, cedit ad iudicium.

Sed objicitur de Salomone, qui duodennis inunctus est in regem (I Par. xxix): sed de Jeremia (Jer. 1), Daniele (Dan. xiii), Timotheo (II Tim. 1v), qui pueri et citra ætatem virilem facti sunt prophetæ et doctores Ecclesiæ, nulla est objectio. Ob hoc enim et Salomon **159** forte in regno bonos non habuit exitus. De aliis dicimus quod privilegia paucorum non faciunt legem communem, unde nec trahi debet in consequentiam, vel si trahere hoc volueris in consequentiam, trahantur, et elegantur similes prædictis. Item Isa. cap. 11, 11: «Quiescite ab homine, cujus spiritus est in naribus, quia excelsus reputatus est ipse.» Si surrexerit, percutere terram pro peccato Ecclesiæ. «Eccc enim dominator Dominus exercituum auferet a Jerusalem et a Juda validum et fortem,

A omne robur panis spiritualis et robur aquæ, doctrinæ, et fortem, et virum bellatorem, et iudicem, et prophetam, et senem; principem, honorabilem vultu, consiliarium, sapientem et prudentem eloquii mystici. Et dabo pueros principes eorum, et effeminati (id est, lascivi, fluxi et imbecilles), et dominabuntur eis: et corruet [Vulg. irruet] populus, vir ad virum, et unusquisque ad proximum suum. Tumultuabitur enim puer contra senem, id est, sine ratione disceptabit, et ignobilis contra nobilem. Apprehendet vir fratrem suum, domesticum patris sui, et dicet: Vestimentum tibi est, id est, omnia necessaria, princeps esto noster, ruina hæc, scilicet generis nostri, sub manu tua est, id est sub tua defensione fiat quasi, si vis ascendere, poteris genus nostrum relevare. Respondebit, non sufficiens ad onus, sese excusans: Qui mihi non sufficio, quomodo aliis sufficiam? Non sum medicus, et in domo mea non est panis, neque vestimentum; nolite me constituere principem populi.»

Ita excusat se Jeremias c. 1; Moyses Exodi c. 1v. Ideo Apostolus præcepit eligi, et non neophytum, ne electus extollatur in superbiam (I Tim. 11). Unde Ecclesiastes c. 11: «Aufer iram et malitiam de corde. Adolescentia enim et voluptas vana sunt.» Et quid aliud adolescentibus committere regimen animarum, nisi Joseph, id est Christum, vendere et tradere eunuchis sterilibus, mollibus et effeminatis? (Gen. xxvii.) Arcam etiam Domini relinquere Philistæis idololatris, ut locetur juxta Dagon? (III Reg. v.) Sed et vasa Domini tradere concubinis, et pueris Baltassar, ut in illis bibant? (Dan. v.) Ob quam rem interfectus est rex, et destructa est Babylon. Roboam, derelicto consilio senum, acquievit juvenibus, ideo amisit regnum (III Reg. xii). Unde Ecclesiastes, c. x: «Væ tibi, terra, cujus rex puer est, et cujus princeps mane comedit.» Item in I libro Regum, dicit Dominus ad Heli: «Loquens locutus sum, ut domus tua et domus patris tui ministret mihi in æternum. Nunc autem dicit Dominus: Absit hoc a me! sed quicumque glorificaverit me, glorificabo eum; qui autem contempnunt me, erunt ignobiles. Ecce dies veniunt, et præcidam brachium tuum, et brachium domus patris tui, ut non sit senex in domo tua. Hoc autem erit tibi signum: Duo filii tui in una die morientur ambo, et suscitabo mihi sacerdotem fidelem, qui juxta cor meum et animam meam faciat (I Reg. 11).» Item Isaias (cap. xxii): «Ingredere, ait Dominus, ad eum qui habitat in tabernaculo, ad Sobnam præpositum templi, et dices ad eum: Quid tu hic? aut quasi quis hic? Quia excidisti tibi hic sepulcrum (æstimabat enim se usque in locoperverseraturum).» Ecce Dominus, inquit, asportari te faciet, sicut asportatur gallus gallinaceus. Gallus est, qui bene præest templo, alios excitans a somno. **160** Iste quasi gallinaceus muliebria sectatus, voluptatum magis amator, quam Dei. «Et quasi amictum sublevabit te: quasi pilam mittet te in

terram latam et spatiosam. » — « Lata est via et porta, quæ ducit ad mortem (*Matth. vii*). » Item Hieronymus in cap. iii *Isa.* : Effeminatos et adolescentes, Septuaginta vocant illusores, quales scilicet illusorunt concubinæ levitæ in Gabaâ (*Judic. xix*), scilicet effeminati, delictiosi, fracti in feminam. Magistri quoque populorum illusores sunt, qui « devorant plebem Dei sicut escam panis (*Psal. xiii*), » nescientes Scripturas, vel eas perverse interpretantes. Sequitur in *Isaia* (cap. iii). « Et ignobilis genere vel vita, tumultuabitur contra nobilem. Apprehendet enim vir fratrem suum et domesticum patris. » Alii alios non eligunt communiter, sed apprehendent ex carnali affectione charos suos intrudentes, et dicent : « Vestimentum tibi est, ideo princeps noster esto. Ruina autem hæc sub manu tua. » Item Hieronymus (*ubi supra*) : Non statim iudicio multitudinis nos eligentis acquiescamus, sed electi ad principatum mensuram virium nostrarum noverimus, quia, « Deus superbis resistit, humilibus dat gratiam (*I Petr. v*). » Multi esurientes et nudi, cum non spirituales cibos, nec Christi tunicam (id est virtutes) habeant, aliis vestimenta promittunt, et alimoniam, et ulcerosi medicos se jactant, nec timentes quod dicitur in *Ecclesiastico* (cap. vii) : « Ne quæras iudex fieri, ne forte non possis auferre iniquitatem populi. » Sed cum episcopatus onus erat et labor ; Respondebat electus. « Non sum medicus, » qui sufficiam mederi miseris vestris, « et in domo mea non est panis, neque vestimentum ; nolite me constituere principem populi. » Simili legitur i question. i. Sed horum exempla electi moderni non imitantur.

Item. « Juvenes et virgines, senes cum junioribus laudent nomen Domini (*Psal. cxlviii*). » Omnium commune est, laudare corde, ore et opere. Laudare vero in cathedra et in regimine, tantum senum est. Unde : « Exaltent eum in ecclesia plebis, et in cathedra seniorum laudent eum (*Psal. cvi*). » Qui autem « in cathedra » seniorum laudaverit, carens senectute ætatis, præsumptuose innuit se habere senectutem morum, et gravitatis. Quasi diceret : Ego sum alter Daniel, alter Timotheus : talis, cui debeat propter vitam et merita spirituale jus concedi, et generale jus canonum infringi. Item Dominus ad Heli : « Quia remissus fuisti in correctione filiorum, præcidam brachium tuum et brachium domus patris tui, ut non sit senex in domo tua omnibus diebus tuis. Verumtamen non auferam virum penitus ab altari meo, et videbis æmulum tuum, « id est juvenem, » in templo in universis prosperis Israel (*I Reg. ii*). » Item I ad *Tim. c. v* : Si Apostolus præcipit « adolescentiores viduas » (quia in eis fervet sanguis, et cito luxuriantur pastæ cibo alieno) « vitari, » ne admittantur ad alimoniam Ecclesiæ, ut de rebus Ecclesiæ pascantur, quanto magis juvenes et adolescentes prohibet non admitti in regimen Ecclesiæ, ut pascant alios, præsertim cum proniores sint luxuriari in rebus Ecclesiæ, eo quod divitibus omnia

licent, omnia possunt ? Item : Minor annorum viginti quinque lege humana excusabat se, ne tutelam alterius susciperet ; hodiæ eadem lege, talis ad **161** tutelam non tantum non admittitur, sed arceatur, ne (quibus opus est tutore et defensore) fiant administratores et custodes rerum alienarum ; ne turpiter objiciatur illud comicum talem instituentibus : Cui opus est patrono, mihi parant defensores ; et cui opus pædagogo, mihi instituunt doctorem. Et quid indecentius et indiscretius, quam aliquem citra maturam ætatem admitti in rectorem et custodem animarum, cum Apostolus non nisi sexagenariam admittat in administrationem rerum temporalium et custodiam virginum ? (*I Tim. v*). Quomodo, qui opus habet fractione panis, aliis panem franget ? (*HIER. in fine epist. ad Oceanum* quæ incipit : *Nunquam, fili Oceane*) : Quomodo lactantes et indigentes lacte, fiunt lactantes, aliis lac præbentes ? Quomodo fiunt magistri, qui non noverunt esse discipuli ? Quam turpiter objicitur Ecclesiæ, quæ talem admittit, qui heri in theatro, hodie in choro ; heri in circo, hodie in altari ; heri fautor histrionum, hodie consecrator virginum.

Timeant tales factum Marci, qui sibi absceidit pollicem, ut reprobis esset sacerdotio. Item : Præcipit Dominus in lege (*Deut. xx*) ne minor viginti annorum, ne pusillanimus, ne uxorius, ne qui ædificaverat domum, et nondum eam dedicaverat, nec qui vineam plantaverat, et nondum ex ea biberat, procederet ad bellum corporale. Quanto magis hæc cavenda et inhibenda essent procedentibus ad bellum spirituale, pugnaturis « contra spirituales nequitas in cælestibus (*Ephes. vi*). » Lubricum enim minoris ætatis reverentiam frangit, et destruit ordinis sacerdotalis.

Item : Moyses et Aaron non nisi octoginta annorum missi sunt a Domino loqui ad Pharaonem (*Exod. vii*). Item : Si ætas personarum attenditur in representatione miraculorum quasi jocosa, tamen movente hominum affectus ; si in comœdiis, et si in tragœdiis, cur non in seriis et in exhibitione veritatis, in veris scilicet Ecclesiæ pastoribus eligendis ? Item *Isaias* (cap. i) : « Quiescite agere perverse, discite bene facere. » Hieronymus : Ad hoc, inquit, terenda sunt magistrorum limina. Qui vero magistrorum limina non frequentavit, et officium prædicationis assumit, quodammodo dicit : « Non ab homine, sed a Spiritu sancto » cum Paulo « edoctus sum Evangelium (*Galat. i*) ; » credite ergo mihi, quia sum alter Paulus. Item : Si apud Hebræos prohibita est lectio principii Geneseos, finis Ezechielis, et Cantica amoris, minoribus triginta annorum, quanto magis apud Ecclesiam viva lectio totius sacræ Scripturæ, quæ videlicet potius consistit in opere quam sermone, minoribus ætate esset inhibenda ? « Barbato crede magistro. » Hæc etiam intorqueri possunt in ambitionem magistrorum colligentem turbam, senes, milites ogerilignos, ad theatrum et spectaculum suum, qui, adhuc pue-

ri, senes docere præsumunt. Item I Reg. cap. 1 : A Samuel non nisi ablactatus adductus est a matre, ut appareret in conspectu Domini, manens et serviens jugiter in templo. Unde Glossa : Non vult Anna ducere puerum ad domum Dei antequam ablactetur, quia Ecclesia nullum ad sacerdotium provehit, dum « lactis » infantie particeps est « non solidi cibi, » scilicet intelligentie spiritualis. Quasi diceret : Non nisi ablactatum a lacte pueritiae, a lacte adolescentie, et a lacte tenerioris doctrinae. Item Job, c. xxxii de Eliu.

## 162 CAPUT LXII.

### *Contra malam taciturnitatem maxime praelatorum.*

Officium praelatorum maxime roborat, sicut de substantia ejus, latratus eorum, quo arceantur lupi a grege, ne sint, « canes muti, non valentes latrare, (Isa. lvi), non opposcentes se murum pro domo Israel (Ezech. xiii). » Contra quorum pessimam taciturnitatem clamans Isaias, cap. lxii, ait : « Propter Sion, » id est reges et principes, « non tacebo; propter Jerusalem, » levitas et sacerdotes, « non quiescam, donec egrediatur, ut splendor justus ejus. » Et iterum : « Super muros tuos, Jerusalem, constitui custodes, tota die » prosperitatis, « et nocte » adversitatis, perpetuo « non tacebunt. Qui reminiscimini Domini, ne taceatis, et ne detis silentium ei » Domino, « donec stabiliat et donec ponat Jerusalem, » id est Ecclesiam, « laudem in terra, » **C** qualem et quantam in sacra Scriptura (nondum enim stabilita videtur Ecclesia, quia fere nusquam invenitur, sed talis est vel esse debet, qualis, non videtur, sed qualis sentitur) depingi video, non sentio in opere. Et iterum, cap. xl : « Vox Domini dicentis : Clama, ne cesses. Super montem excelsum ascende tu, qui evangelizas Sion; exalta in fortitudine vocem tuam, qui evangelizas Jerusalem; exalta, noli timere. » Et iterum : « Quam pulchri super montes pedes annuntiantis et prædicantis pacem, annuntiantis bona, prædicantis salutem! » Item idem, cap. vi : « Væ mihi, quia tacui! Væ mihi, quia vir pollutus labiis ego sum, et in medio populi polluta labia habentis ego habito! » Pollutus non mendaciis, non scurrilibus, non contumeliis, sed taciturnitate. **D** In cujus peccati poenam : « Volavit ad me unus de seraphim, et in manu ejus ignitus calculus, quem ferociter tulerat de altari, et tetigit os meum, » et combussit mihi labium, « et dixit : Ecce tetigi hoc labia tua, et auferetur iniquitas tua, et peccatum tuum » ex taciturnitate « mundabitur. » Item Jeremias alphabeto secundo Iod (cap. ii) : Heu, heu, « sederunt in terra, » principes, in terrenitate ad vineam colendam, ad regalia et stercorea defendenda et possidenda, « et conticuerunt senes filiae Sion, consperserunt cinere capita sua, accincti sunt ciliiciis, abjecerunt in terram capita virgines Jerusalem, quia defecit parvulus lactens in plateis. » Item apostolorum Actus, cap. xx : « Contestor vos hodie,

quia mundus sum a sanguine omnium. Non enim subterfugi, quo minus annuntiarem omne consilium Dei vobis. » Item psal. xxxix : « Annuntiavi et locutus sum, et multiplicati sunt super numerum. Annuntiavi justitiam tuam in Ecclesia magna, ecce labia mea non prohibebo, Domine, tu scisti. Justitiam tuam non abscondi in corde meo; veritatem tuam; et salutare tuum dixi. Non abscondi misericordiam tuam et veritatem tuam a consilio multo. » Item : « Pone, Domine, custodiam ori meo, et ostium, » non claustrum, « circumstantiae labiis meis (Psal. cxl). » Item Proverb., cap. 1 : « Sapientia foris prædicat, in plateis dat **163** vocem suam, et in capite turbarum, » id est in prælatis, « clamitat; in foribus portarum urbis profert verba sua, » dicens : « Usquequo parvuli, » sensu, « diligitis infantiam, et stulti ea, quæ sunt noxia cupient, et imprudentes odibunt sapientiam? » Item Jerem., cap. xxvi : « Sta in atrio domus Domini, et loqueris ad universas civitates Juda universos sermones, quos ego mandavi tibi, ut loquaris ad eos. Noli subtrahere verbum, si forte audiant, et poeniteant, et convertantur a via sua mala. » Et cap. iii : « Vade et clama sermones istos. Revertere, adversatrix Israel, dicit Dominus, et non avertam faciem meam a vobis, nec irascar tibi in perpetuum. Scito iniquitatem tuam, quia prævaricata es, et convertimini filii revertentes ad me, quia ego vir vester, et assumam vos. » Apost. item Act., cap. xx : « Vos scitis a prima die qua ingressum habui ad vos, quomodo nihil utilium subtraxerim vobis, quo minus annuntiarem vobis, et docerem vos publice, et per domos, testificans Judæis et gentibus in Deum poenitentiam, et fidem in Dominum Jesum Christum. »

Item : Joannes etiam in carcere, nec habens spem de correctione Herodis vel Herodiadis, invehens potius in crimen, quam in hominem, in exemplum posteris (ne minus detestarentur crimen adulterii vel incestus, si tacuisset) clamavit sæpe : « Non licet tibi habere uxorem fratris (Marc. vi), » qui si cessasset, ei caput amputatum non esset. Clamavit malens periclitari apud regem, quam immemor esse divini præcepti, « qui missus fuit in virtute Eliæ (Luc. 1), » contra Herodem et Herodiadem, sicut Elias contra Achab et Jezabel (III Reg. xviii). Item legitur in ecclesiastica Historia, quod exsulante Athanasio papa pro fide catholica, a principibus faventibus Ario et Arianis, ait quidam eremita intra se et sibi (lib. x) : « Væ mihi, quia taceo (Isa. vi). — Ut quid panem otiosus comedo? » (Prov. xxx.) Cur non magis exsulo cum Athanasio justo, vago et sancto? Cur non contra principes pro illo proclamo? Et egrediens eremum et speluncam suam, injungens sibi hoc in poenitentiam, clamavit per civitates, castra et vicos et plateas : Justus catholicus et sanctus est Athanasius; veritatem docet, quam constanter assero et assero. Item David : « Credidi propter quod locutus sum (Psal. cxv). » Et Dominus in

Evangelio : « Qui me confessus fuerit coram hominibus, confitebor et ego eum coram Patre meo (Matth. x). » Et Apostolus : « Corde creditur ad justitiam, ore autem confessio fit ad salutem (Rom. x), » tempore et loco. Unde in Socratico decreto : Non minor est impietas tacere veritatem tempore et loco, quam dicere falsitatem. Qui autem eam tacuerit, similis est cataro, « qui loquitur veritatem in corde suo (Psal. xiv), » dicens : « Jura, perjura, secretum pandere noli, » cum necesse et utile sit proximo ea revelari et non abscondi. Item Jeremias clamat : « Fugite de medio Babylonis, et salvet unusquisque animam suam. Nolite tacere super iniquitatem ejus, quoniam tempus ultionis est Domino (Jer. li). Cum autem complexset loquens omnia, que præceperat ei Dominus, apprehenderunt eum sacerdotes, dicentes : Morte moriatur homo iste, quia prophetavit contra civitatem. Et ait Jeremias ad omnes principes, et ad populum : Misit me Dominus dicens : Bonas facite vias vestras et studia vestra, et audite vocem Domini Dei vestri, et poenitebit eum mali quod locutus est adversum vos.

**164** Ecce ego in manibus vestris : facite mihi quod bonum et rectum est in oculis vestris. Verumtamen scitote et cognoscite quod si occideritis me, sanguinem innocentem tradetis contra vosmetipsos, et contra civitatem istam, et habitatores ejus. In veritate enim misit me Dominus ad vos, ut loquerer in auribus vestris omnia verba hæc (Jer. xxvi). » Item Gregorius super illum locum : « Erat Jesus ejiciens dæmonium, et illud erat mutum (Luc. xi) » ab effectu : Præsident enim quidam dæmones quibusdam, ut faciant eos obmutescere quando opus esset loqui. Unde et dæmonia muta dici possunt. Quidam similiter dæmones præsumunt garrulitati, facientes garrulos de quibus philosophus : Quid refert an superius, an inferius intonent? Quidam etiam silentes cum toto mundo fabulantur.

Et Susanna (Dan. xiii) tacens clamavit, et Anna, et Moyses (I Reg. i).

Tacetur autem male in quatuor. Ad confitendum peccata et laudes : « Quia a mortuo, velut ab eo qui non est, perit confessio (Eccli. xvii). Non me demergat tempestas aquæ, neque absorbeat me profundum (Psal. lxxviii). Confitemini alterutrum peccata vestra (Jac. v) : In hymnis confitemini illi. (Psal. xcix).

Tacetur etiam male ad increpandum proximum, si videris iniquitatem proximi, et eum non argueris : « Sanguinem ejus de manu tua requiram (Ezech. iii). Si peccaverit in te frater tuus, corripere eum (Matth. xviii), etc. » Augustinus (ep. 49, c. 4.) : Correptio fratris præcipitur a pari in parem, a minori in majorem, a majore in minorem, cuilibet in quolibet.

Tacetur etiam male ad prædicandum : Unde Dominus : « Quod in aure auditis, prædicate super tecta (Matth. x). » Et Apostolus : « Insta et prædica, opportune, importune (II Tim. iv). »

Tacetur etiam male ad consulendum proximo, cum indiget. Unde Job : « Oculus fui cæco, et pes claudo (Job xxx). » Item : « Alter alterius onera portate (Galat. vi). »

Sed taceturne male ad advocandum? Ita, in causa viduæ, pupilli et orphani. Unde propheta : « Causa viduæ intret ad te. Pupillo non judicanti, et causa viduæ non ingreditur ad illos. Querite judicium, subvenite oppresso, judicate pupillo, defendite viduam (Isa. i). » Male autem advocatur ex cupiditate. Tunc melius taceretur. Ad disputandum, ad litigandum bene tacetur. Sed obicitur : Nihil ad plenum intelligitur, nisi dente disputationis frangatur? Sed disputationem vocat collationem, qualis decet sanctos.

**B** Sunt autem quinque causæ pessimæ taciturnitatis : Timor humanus vel mundanus, quo Petrus pressus negavit (Matth. xxvi). « Nolite timere eos qui occidunt corpus (Matth. x). » Episcopus si timuerit, actum est de eo.

**D.** Cyprianus. Secunda causa est cupiditas, quæ comitatur timorem. Nihil enim timet, nisi qui concupiscit. Cupiditas est ranunculus, qui projectus in os canis facit eum obmutescere. Ille projectus in os Demosthenis, qui erat viva vox juris, eum mutum fecit cum orare et advocare debuit cum Romanis pro republica, cum Atheniensibus contra Philippum regem Macedonum patrem **165** Alexandri. Unde et quidam senatorum illi, cum sileret a bonis, improperans, ait : Demosthenes non squinancem, sed arginancem patitur. Ille ranunculus projectus in ora judicis, in ora etiam magistrorum a pueris, facit remitti pœnas, et terrores, et minas propter hunc, quia munera exæcant oculos, et vim auctoritatis inclinant. Paulus abstinuit etiam a subditis, ne ab eis sumptus et necessaria acciperet, manibus victum queritans (I Cor. ix)

Tertia causa est pigritia vel negligentia. « Circuibat Jesus civitates, prædicans, et curans omnes languores in eis (Matth. ix). Ideo prælatus impiger et strenuus esse debet.

Quarta causa est simplicitas, et quædam quasi naturalis verecundia, qua Jeremias se excusans ait (cap. i) : « A, a, a, Domine Deus : Abecedarius sum et nescio loqui. »

**D** Sed nullus prælatorum hodie hoc dicit, quasi in eis prudentia suppleat ætatem, quod falsum est; sed potius favor humanus, vel generis nobilitas. Hoc autem vitium est in prædicatore et oratore. Unde Quintilianus (Libro Institutionum oratoriarum) : Verecundia amica virtutis, in oratore vitium est, licet pro tempore amabile.

Quinta causa est et pessima, ignorantia. Unde Hieronymus (in ep. contra Helvidium) : Prædicationis nescius, quam dabit vocem præco mutus? O pastor idolum surdum et mutum, idolum desolationis Ecclesiæ, stans in loco sancto Sion, quod non valens loqui, quasi per dæmones et porcellos conductos, dat populis responsa. Quod comparabile

Gallicano monstro Helvidio; qui in Gallia, quæ ca- A  
ruit monstris, solus inventus sacerdos est et laicus,  
non quia litteras multas non sciret, sed tropos lo-  
quendi ignoravit. Unde ignorans diversas acceptiones  
hujus nominis, « primogenitus, » circa beatam  
Virginem erravit. Est ergo vox penitentiae. Unde :  
« Discedite a me, omnes qui operamini iniquitatem,  
quoniam exaudivit Dominus vocem fletus mei (Psal.  
vi). »

...Et lacrymæ pondera vocis habent.

(OVID., De Ponto, eleg. 1.)

Est et vox confessionis : « In voce exultationis et  
confessionis sonus epulantis (Psal. xli). » Has se-  
quitur vox orationis : « Intende voci orationis meæ,  
rex meus, et Deus meus (Psal. v). » Post, laudis et  
gratiæ et serenæ conscientiae : « Vox exultationis B  
et salutis in tabernaculis justorum (Psal. cxvii). » In  
his omnibus periculose tacetur. Post hanc sequitur  
recto ordine, « Vox prædicationis, » quæ est vox  
salutis, ne dicatur prædicanti adhuc involuto pec-  
cati satisfactione : « Peccatori dixit Deus : Quare tu  
enarras justitias meas, et assumis testamentum  
meum per os tuum (Psal. xlix)? » etc. Unde B. Bernar-  
dus ad Brunonem Coloniensem electum : Etsi  
litteratus sis et canonicè electus, quia tamen, ut as-  
seris, non flevisti, penitentiam non peregisti, et  
ita neophytus es in vita, etsi non in fide. Quod sus-  
cipias tantum onus, nec laudo, nec penitus improbo  
propter necessitatem et fragilitatem temporis in-  
stantis; verum si susceperis, orabo pro te. Item : C  
« Existimabam ut cognoscerem hoc, labor est ante  
me donec intrem in sanctuarium Domini, et intel-  
ligam in novissimis eorum (Psal. lxxii). » Et : « De  
mandatis tuis intellexi (Psal. cxviii). »

**166** Prima voce : Sedes cum Maria ad pedes  
Domini (Luc. x).

Secunda : Surgis ad osculum manuum.

Tertia : Ad osculum capitis.

Quarta : Ad totum Christum inungendum. Cujus  
quinque sunt species : « Correctionis. » Hæc scho-  
larium in malis moribus, et modis vivendi sacræ  
Scripturæ contrariis. « Eruditionis, » prælatorum,  
et sanctorum, « exhortationis, excitationis et conso-  
lationis. » Vocem vocationis ad fidem habuerunt  
apostoli et apostolici viri in Ecclesia primitiva. De D  
his vocibus David ait : « Mihi autem adhærere Deo  
bonum est, ponere in Domino Deo spem meam, ut  
annuntiem omnes prædicationes tuas in portis filiae  
Sion (Psal. lxxii). » Sunt enim plures modi prædi-  
candi, quos diximus, in quibus male tacetur, ma-  
xime a prælato. Si quis autem modus alius a præ-  
dictis superadditur, a malo curiositatis, ostentatio-  
nis et delectationis est. Unde Apostolus : « Omnis  
sermo malus non procedat de ore vestro, et si quis  
bonus, non nisi ad eruditionem (Ephes. iv). » Et Da-  
vid : « Os meum loquetur sapientiam, » de fide,  
« et meditatio cordis mei prudentiam (Psal. xlviii), »  
de bonis moribus.

## CAPUT LXIII.

### De bona taciturnitate.

Sugillato vitio male taciturnitatis, commendemus  
bonam taciturnitatem. Aperiat os prælatus ad Deum  
laudandum, adorandum, confitendum, consulendum,  
consolandum, prædicandum, docendum. Est enim  
« tempus tacendi, et tempus loquendi (Eccle. iii). »  
Unde : « In corde meo abscondi eloquia tua, ut non  
peccem tibi (Psal. cxviii). » Augustinus : Fundamen-  
tum religionis est bona taciturnitas. Scio enim te præ-  
cepisse Sanctum Dei non esse dandum canibus, nec  
margaritas spargendas esse ante porcos (Matth. vii),  
ne secreta Dei indignis ostendantur, ne Babyloniis  
thesauri domus Dei revelentur (Jer. xxvi), quæ ta-  
men quis divulgat, ut ei, cui loquitur, placeat per adu-  
lationem, vel propter cupiditatem, vel propter vanam  
gloriam, vel curiosam loquacitatem. Assumenda est  
itaque disciplina silentii, ut prius taceat quis quam  
loquatur, juxta illud : « Sit omnis homo velox ad  
audiendum, tardus ad loquendum (Jac. i). » Sunt  
autem bonæ taciturnitatis quatuor causæ, penes  
auditores scilicet, quia canes sunt detractores, ob-  
stinati et infideles, vel quia porci sunt fastiditi verbo  
Dei, et immundi.

Malus detractionis prolator, pejor relator, pessimus  
auditor. Unde Ezechielis, cap. iii : « Fili ho-  
minis, linguam tuam adhærere faciam palato tuo,  
et eris mutus, nec quasi vir objurgans, quia domus  
exasperans est. Tertia causa est assiduitas. Præ-  
dicatio enim, si assidua est, vilescit.

Imponit finem sapiens et rebus honestis.

(JUVEN., sat. vi, 411.)

Quarta causa, incapacitas auditorum. Unde Apo-  
stolus : « Non potui vobis quasi **167** spiritualibus  
loqui; lac vobis potum dedi, non escam (I Cor. iii). »  
Similiter duæ causæ attenduntur circa prædicato-  
rem peccati scilicet conscientia, unde : « Peccatori  
dixit Deus : Quare tu enarras justitias meas, et  
assumis testamentum meum per os tuum? tu vero  
odisti disciplinam (Psal. xlix). » Et muta facundia,  
enim ægra subest conscientia. « Medice, cura te-  
ipsum (Luc. iv). » Rebus loquaris prius quam verbis,  
et incapacitate divini eloquii, vel verecundia bona.  
Unde : « A, a, a, Domine Deus, ecce nescio loqui  
(Jer. i). » Si ergo utile et necesse fuerit loqui; vide  
quæ, quot, quanta, qualia, quando loquaris, eni vel  
quibus, ubi et qualiter. Vide etiam, si tibi opus  
fuerit uti communi prædicatione, vel privata, quæ  
fit ad privatam personam, et in loco secreto. Ubi  
quandoque cessandum est a correctione. Unde  
Apostolus : « Hæreticum hominem post trinam ad-  
monitionem devota (Tit. iii), » ita et incorrigibilem  
hominem et incorrigibilem principem. Unde Hiero-  
nymus in prologo super Esdra (epistola ad Dom-  
nionem et Rogatianum) : Frustra quidem niti, et  
nil aliud, nisi fatigando vel corripiendo odium in-  
currere, extremæ dementiæ est. Unde etiam Paulus,  
ne provocaret iram Cæsaris, ita caute, et sub in-

volucro prædixit destructionem Romani imperii, A quod non prædixit; ita edidit, quod non edidit: « Ut qui nunc tenet, teneat, donec de medio fiat (II Thess. II). » Ita etiam Jeremias cap. xxv, caute et prudenter prædixit, et comminatus est destructionem Babylonis, ut ait Hieronymus, ne regem Babylonis provocaret in iram hoc nomen « Sesach » posuit pro hoc nomine « Babylon, » quæ destruenda erat. De quo etiam idem Hieronymus ait (in commentar. illius loci) : Principibus et pseudoprophetis, et sacerdotibus accusantibus, et crimen mortis in eum intendentibus loquitur ad populum, quem illi concitaverant adversus illum, prudenter, humiliter et constanter. Prudenter, provocans eos ad pœnitentiam, ut Dominus mutet sententiam suam de destructione civitatis. Humiliter, dicens : « Servus vester etiam in manibus vestris sum. » Constanter, dicens : « In veritate misit me Dominus ad vos, et hæc evenient, nisi pœnitentiam egeritis (Jer. xxvi). » In communi autem prædicatione nequaquam tacendum est. Unde Jeremias cap. xxvi : « Sta in atrio domus Domini, et loqueris ad omnes civitates Juda, » etc. Sed nec in privata, si malum exemplum timetur. Unde nec Joannes etiam in carcere tacuit (Marc. vi).

#### CAPUT LXIV.

##### De vitio linguæ.

Malæ autem loquacitatis, vel garrulitatis, quatuor sunt causæ : adulatio, jactantia, cupiditas, incauta loquacitas. Loquacitas itaque contraria C est bonæ taciturnitati, contra quam clamat Propheta dicens : « Pone, Domine, custodiam ori meo, et ostium circumstantiæ labiis meis. Non declines cor meum in verba malitiæ (Psal. cxi), » ejusmodi sunt et otiosa. Unde abbas Serapion in Vitis 168 Patrum : Non est membrum in corpore meo, quod ita timeam sicut linguam. « Si quis putat se esse religiosum, non refrenans linguam suam, » a malo, « sed seducens cor suum, hujus vana est religio (Jac. I). » Item idem : Diu flevi, multos labores sustinui, et diu in eremo vixi, nunquam tamen ad mensuram humilitatis et taciturnitatis, quam habuit filius meus Zacharias, potui pervenire. Item abbas pastor : Nunquam præsentem sene emissem verbum, sed quod dicebat laudabam. Item idem cui-dam quærenti : Quomodo quietus habitabo in loco in quo habito? Respondit : Inter quos vivis, vive sicut advens, non dominus, et nunquam potestatem habeat verbum tuum coram te. Item idem : Si vis amari et quietus vivere, multum tace. « In multiloquio enim non deerit peccatum (Prov. x). » Ideo et poeta (CATO) proclamat :

*Virtutem primam esse puta compescere linguam.  
Nam nunquam tacuisse nocet, nocet esse locutum.  
Rara fides ideo est, quia multi multa loquuntur.*

Et Ecclesiasticus ait (cap. ix) : « Abominabilis et odibilis est in civitate homo linguosus, et qui sæpe labitur in lingua. » Lantfrancus ne pro sua littera-

tura superbiret, semper tacuit, quousque perventum est usque ad periculum fidei.

Quidam etiam Patrum ne peccaret in lingua, fere semper quasi frenum, calculeum in ore detulit. Item : Sicut tutius est peccare in remissione misericordiæ, quam in rigore justitiæ, sic et in taciturnitate magis quam in loquacitate. Item : « Quis est homo qui vult vitam, et diligit dies videre bonos? Prohibe linguam tuam a malo, et labia tua ne loquantur dolum (Psal. xxxiii). » Quia : « Vir linguosus, » qui præter necessitatem etiam vera loquitur, « non dirigitur in terra (Psal. cxxxix). » Nam, sicut ex frequenti juratione sæpe labimur in perjurium; ita et ex frequenti verbo otioso in verbum malum. « In multiloquio enim non deerit peccatum; qui autem moderatur labia sua prudentissimus est (Prov. x). » Nam : « Stultus cæditur labiis suis (ibid.). Labor labiorum ipsorum operiet eos (Psal. cxxxix). » Qui verum dicit non laborat. « Amicus autem sponsi, cum gaudio stat, et audit vocem sponsi (Joan. III). » Augustinus (In Psal. I, ad illud : *Auditui meo dabis*) : Sit ergo tibi in necessitate docere, loqui et prædicare; in voluntate autem audire, tacere et discere. Tutius auditur verum quam dicatur. Qui enim exterius tumet, glorians prurpere in vocem, dicetur ei : « Ligatæ ei manus et pedes, et mittite eum in tenebras exteriores (Matth. xxii). » In justo igitur, cor loquitur, os meditat, manus vel opus intelligit. Unde : « Os justi meditabitur justitiam, et lingua ejus loquetur judicium (Psal. xxxvi). » Nescit « velut æssonans et cymbalum tinniens (I Cor. xiii), » ut voces ejus habeant fundamentum, non de summitate labiorum procedant. De ejusmodi dicitur : « Et in intellectibus manuum suarum deduxit eos (Psal. lxxvii). » Operare enim et intelliges. Ut autem distinguatur inter utentes malo, vel bono verbo, vide quod duplices et dolosi, « In corde et corde loquuntur (Real. xi); » garruli, in ore et ore; detractores et contumeliosi, in dente et dente; contemplativi in corde tantum; activi, in corde et ore ad proximum. Ut autem vitium linguæ vitetur, nota quod tripliciter vitur quis 169 verbo malo scilicet. Vel contra se per arrogantem jactantiam : « Fili, ne te laudent labia detractoris (Prov. iv). » Vel contra proximum et hoc tripliciter; vel verbo malitiæ et contumeliæ manifestæ; vel verbo detractionis occultæ; vel verbo adulationis fictæ. Contra Dominum, verbo infidelitatis, verbo blasphemæ, verbo pravitate hæreticæ, verbo inquisitionis stultæ, verbo curiositatis vagæ. « De omni otioso verbo redditori sunt homines rationem in die judicii (Matth. xii). » Otiosum verbum est, quidquid dicitur præter utilitatem dicentis, vel audientis : « Terribilis est in civitate sua vir linguosus, et temerarius in verbo suo odibilis erit (Eccli. ix). — Qui vult vitam, diligit et videre debet bonos, prohibeat linguam suam a malo (Psal. xxxiii), etc. » Non dicit, a verbo otioso, sed malo; quia lingua in udo est, et facile labitur in otiosum,

avaritiam, et superbiam, viam pravam, et os bilin-  
gue detestor (*Prov. viii*). Sapiens corde præcepta  
suscipiet (*Prov. x*), et propter imperitos loqui ali-  
quando necesse est. Qui semper desiderat docere,  
semper vult imperitos habere. Veritas non quærit,  
an cor, os, manus concordent: et Intellectus bonus  
omnibus facientibus eam (*Psal. cx*). A mandatis  
tuis intellexi (*Psal. cxviii*). et In Ecclesiastico, cap.  
xxviii. et Susurro, et etc. Fere totum contra vitium  
linguæ, et finis Epist. Jacobi, c. iii: et Nolite plures  
magistri fieri, et etc.

## CAPUT LXV.

Qualis esse debeat prædicatio pro modo auditorum,  
et contra malam loquacitatem prædicantium.

Ut officium prælati prosequamur, pleniusque ejus  
incautam loquacitatem persequamur, credimus ad-  
jungendum esse præmissis, et De temperantia et  
modestia prædicationis: et quæ quidem temperanda  
est secundum qualitatem et quantitatem dicendo-  
rum, secundum qualitatem etiam et capacitatem  
auditorum. Unde David: et Dies diei eructat ver-  
bum; et id est spirituale spirituali, ut major  
majori: et Verbum, et quod est et in principio  
apud Deum (*Joan. i*), et quod semel locutus est Deus:  
et Et nox nocti indicat scientiam (*Psal. xviii*), et in-  
firmus, imperfectus, imperfecto aperte demonstrat  
minorem scientiam. Augustinus: Ut historialia de  
Christo. Non enim omnia omnibus, sed discrete  
spiritualia spiritualibus, sapientiam sapientibus.

Carnalibus vero minora, ut historialia, debet præ-  
dicator annuntiare. Item: et Ascendunt montes  
(*Psal. ciii*), et apostolici viri: et In principio erat Ver-  
bum (*Joan. i*); et descendunt campi, et minores mi-  
noribus, et Verbum caro factum est. Item Aposto-  
lus I ad Cor., cap. ii: et Non veni ad vos per sub-  
limitatem sermonis vel sapientiæ. Non enim judi-  
cavi me scire aliquid inter vos, nisi Christum  
Jesum et hunc crucifixum. Sapientiam autem loqui-  
mur inter perfectos et spirituales, in quibus chari-  
tas omnia credit in doctrina Spiritus, spiritualibus  
spiritualia comparantes. Idem, cap. iii: et Vobis  
autem non potui loqui quasi **170** spiritualibus,  
sed quasi carnalibus tanquam parvulis in Chri-  
sto lac vobis potum dedi non escam. Si quis  
videtur esse sapiens inter vos in hoc sæculo, stultus  
fiat, ut sit sapiens. et Item, cap. ix: et Infirmus infir-  
mis factus sum, ut infirmis lucrifacerem. Et quid  
plura? Omnibus omnia factus sum, ut omnes salvos  
facerem. et Unde ad Rom., cap. i: et Debitor sum  
sapientibus et insipientibus. I ad Cor., cap. ix:  
et Omnium me servum feci. et Idem, II ad Cor. v:  
et Sive enim mente excedimus (contemplando ea  
quæ non licet homini loqui, et sapientiam quam  
loquimur inter perfectos) Deo est. et Sive sobrii,  
vel temperantes, et sumus (inter incapaces, et nihil  
scire vos vidi, nisi Jesum Christum et hunc cruci-  
fixum,) hoc et vobis, et id est ad utilitatem vestram  
est. et Charitas enim urget nos (*II Cor. v*), et ut mi-  
nus capacibus condescendamus. Ob hoc etiam figu-

random, et salivæ, et id est salivaria et infantilia verba,  
et defluerunt per barbam David (*I Reg. xxi*). et Præ-  
latus enim infantilia verba minoribus, et virilia  
verba majoribus habere debet. Item significatum  
est in Jacob vidente angelos ascendentes et descen-  
dentes per scalam (*Gen. xxviii*). Summitas ejus  
cælum tangebatur, pedes terram. Idem etiam Domi-  
nus præfiguravit, cum ait: et Amodo videbitis ange-  
los ascendentes et descendentes super Filium homi-  
nis (*Joan. i*). et Unde etiam Augustinus super illum  
locum, et In principio erat Verbum, et etc., ait: Præ-  
latus debet esse sicut gallina, quæ crocitat, rau-  
cescit et macrescit super pullos suos, alis eos  
telegendo et fovendo. Debet etiam esse sicut ora-  
tor, ut Tullius, Hortensius, ut in concione, et in  
capitolio robusto eloquio, et tubaliter intonet. Cui  
vero ventum est domum inter parvulos, incipiat  
balbutire, et verba frangere, puerilia verba habens,  
ut illis conformatus intelligatur. Item Dominus:  
et Quis putas fidelis est servus, quem constituit Do-  
minus super familiam suam, ut det illis in tempore  
tritici mensuram (*Matth. xxiv*)? et quæ in numero-  
sitate, et qualitate, et quantitate dicendorum at-  
tenditur. Super hunc locum ait Gregorius in *Pastorali*  
(part. iii adm. 36, cap. 5 et 6): et Rarus est fide-  
lis servus; rarius prudens, qui non adulterina opi-  
nionem aliquid divinis eloquiis admisceat; rarissimi,  
qui noverunt familie sue dispensare tritici men-  
suram secundum capacitatem auditorum, et quali-  
tatem dicendorum. Qui non dispensatores, sed ex-  
stirpatores sunt divini eloqui, qui abscondenda  
irreverenter revelant, secreta cælestia passim om-  
nibus profundunt; qui inebriant vino eos, quibus  
opus est lacte, quærentes potius suum ostentare  
ingenium quam proximis prodesse. Item idem  
(*Exod. xxv*): et In templo Domini erant acetabula,  
phiale, et cyathi (lib. xx *Moral.*, cap 2); sic in  
Ecclesia mordax interpretatio, larga prædicatio,  
et minor, et suavis. Non enim omnibus omnia in-  
differentem proponere debemus, sed quasi ad quam-  
dam prægustationem majora majoribus, et minora  
minoribus offerre. Prædicator iste et medicus, pu-  
blicus est servus, jumentum (super quod Samaritanus  
imposuit vulneratum (*Luc. x*), de quo etiam di-  
citur: et Producat terra herbam jumentis (*Psal.*  
*ciii*), et a juvando dietis) cophini et vasstereorarium;  
stabulum est Ecclesia. Cujus officium describens  
Jeremias, cap. i, ait: et Constitui te super gen-  
tes, ut evellas et destruas, disperdas, **171**  
dissipes, ædifices et plantes. et Quatuor verba ponit  
pertinentia ad ejectionem peccata (quod fit per  
vitiatorum increpationem, per judicii comminationem,  
per confessionis auditionem et satisfactionis impositionem);  
duo tantum ponit ad inserendum  
virtutes, quod fit per prædicationem et exemplum.  
Sunt ergo prælati cophini, quibus extra portari de-  
bent peccata, non inferri, ut colligant quisquillas,  
paleas et stereora ad conficiendum lateres Pharaoni,  
quos lavantes et conficientes amplius coinquinan-

tur. Habeat autem confessor vinum et oleum Samaritani : vinum ut per increpationem mordacem confitens a timore Domini concipiat et pariat Spiritum salutis ; oleum, per consolationem, ut non absorbeat a tristitia, sed tristitia ejus vertatur in gaudium (*Joan. xvi.*) Exhibeat se confitenti mitem, suavem et dulcem, et quasi in amplexibus suis eum foventem, dicens ei : Soli Deo confiteris, cujus ego sum vicarius, ut nec verbo, nutu, vel signo ei revelata possint detegere. Qui mihi confiteris, tibi obligor in paternitate spirituali, ut peccata tua, sicut et filii supportem, pro illis doleam, et tecum pro illis satisfaciam. Confide ergo, et age pœnitentiam, quod si consilium meum egeris, pronittoque me super hoc fidejussorem, dabo, quod ex toto liberaberis.

Nunquam autem confitentem supportet in cupiditate sua, in detentione rei alienæ ; sed si obtulerit secreto oblationem, rejiciat ; nunquam personam confitentis accipiat, vel ei aduletur : sed juste judicet, ut sanet. De his cophinis dicitur : « Manus ejus in cophino servierunt (*Psal. lxxx.*) » Illi sunt cophini, quos jussit Dominus impleri fragmentis, quæ superaverant comedentibus, quæ subterfugiunt manus prœdentium (*Joan. vi.*) In confessione autem tria præcipua maxime necessaria debet confessor injungere pœnitenti, ut pro posse vitet occasionem peccati, ut fugiat dilationem confitendi, si recidivum passus fuerit, et ut negligentiam pro peccatis satisfaciendi non incurrat ; ut occasionem peccati fugiat, quia sola loca nocent, et occasio quandoque dat materiam peccandi ; ut dilationem confitendi expellat, quia dilatio est magna ruina. Unde postquam commissum est peccatum, statim currendum est ad confessorem. Unde Augustinus : Cur dubium expectat eras, hodierna salus ? Ubi negligentia satisfactionis incurritur, quia « maledictus qui facit opus Dei negligenter (*Jer. lxxviii.*) » Nec hoc est prætermittendum quod quidam, nescio quo animo, dixit Alexandro tertio : Domine, bonus papa es. Quidquid facis papale est. Et respondit Alexander in vulgari suo dicens : Si scirem, « Bien jujar, et bien predicar, et penitense donar, je seroie boene pape. » Et ita his tribus expressit totum officium prælati.

### 172 CAPUT LXVI.

*De officio prælati tripartito, et contra acceptionem personarum.*

Tripartitum officium prælati, scilicet judicare, pœnitentiam dare, prædicare, maxime impedit acceptione personæ. Quam redarguens Apostolus ad Rom. ii, ait : « Gratia et pax omni operanti bonum in Deum, « Judæo primum et Græco. Non est enim personarum acceptio apud Deum. » Augustinus : Non enim propter merita patrum, Judæos male operantes recipit, nec propter peccata parentum gentes conversas respuit.

Ut autem liqueat quid sit acceptio personæ, videndum quid sit honorificentia, quam præcipit Deus,

A ut contrarii unius suo contrario comparetur doctrina et notitia. Est autem honorificentia, reverentia exhibenda alicui ex causa debita ; puta propter religionem et honestatem vitæ, ætatem. (Unde : « coram cano capite [*Levit. xix.*], etc.) scientiam, dignitatem, prælationem, principatum, præposituram, officium necessarium Ecclesiæ generis nobilitatem, ut quia filius regis, obligationem honestam. Abusus autem hujus reverentia est acceptio personarum. Ista non est apud Deum. Notandum itaque quod circa hujusmodi honorificentiam quædam sunt causæ. Prima causa debita est et honesta, aliæ subhonestæ, et quasi appendices honestati. Sed quis habens unam istarum præponendus sit alii habenti aliam earundem, quæstio est. Acceptio vero personæ, est B quædam fatua reverentia exhibita alicui ex causa non debita et illicita ; puta propter timorem, cupiditatem, divitias, vel quamcunque turpitudinem, ut quia concubina, et hujusmodi. Quandoque autem non exhibetur alicui reverentia ex causa debita cum esset exhibenda, et hoc est abjectio personæ.

Sunt autem quædam mediæ, personæ acceptionis causæ, quia nec prorsus debita nec omnino illicitæ, ut carnalis affectus. Quædam autem in discreta benevolentia, qua ditiores præpono pauperi, in colligendo eum, et hujusmodi. Ad hujus vitii objugationem recole exemplum de magistro Garnerio grammatico ; exemplum de M. Petro Abatardo ; exemplum etiam de prælato infulato colligente feveratorem ditissimum ; exemplum etiam lenonis C irridentis quosdam potentes, et detegentis nates contra illos, quia assurgerent et venerarentur burgensem [*id est civem*] quemdam divitem. Item Jacobus, cap. ii. « Nolite, inquit, fratres mei, in personarum acceptione habere fidem Domini nostri Jesu Christi gloriæ. Etenim si introierit in conspectu vestrum vir anulum aureum habens in veste candida et pauper in sordido habitu, et intendentes in eum, qui est indutus veste præclara dixeritis ei : Sede hic bene ; pauperi autem dicatis : Tu sta illic, aut sede super scabellum pedum meorum, nonne judicatis apud vosmetipsos, et facti estis iudices iniquarum cogitationum ? Nonne Deus elegit pauperes in hoc mundo, 173 hæredes regni ? Vos autem pauperem D inhonoratis. Peccatum operamini transgredientes legem Domini. » Augustinus (*super hunc locum*) : Si hanc distantiam sedendi ad honores ecclesiasticos referimus, non est putandum leve peccatum esse « in personarum acceptione habere fidem Domini gloriæ (*Jac. ii.*) » Quis enim ferat eligi divitem ad sedem honoris Ecclesiæ, contempto paupere instructiore et scientiore ? (Glossa ex Beda, qui sua desumpsit ex Augustin. in *Jac. ii.*) Si autem de quotidianis consessibus loquitur, quis hic non peccat ? Non tamen hic peccat, nisi cum apud semetipsum intus ita judicat, ut dives paupere tanto sit melior quanto est ditior, quod significare videtur eum præponendo. Sed in quotidianis consessibus, credimus esse acceptionem personæ ; præsertim



cum exhibetur alicui honor ex certa deliberatione, non per ignorantiam, non per obreptionem, sed per conscientiam, et tantum propter divitias, non ob aliquam causam debitam, quæ in eo sit; cui imo potius divitiis ejus, potest dici :

*O nummi, nummi, vobis hunc præstat honorem,  
Vos estis fratres.*

(JUVEN., SAT. V, 136.)

Item alia ratione : Si secundum Augustinum, quis apud se judicat quod dives tanto sit melior quanto ditior, et ideo honorandus. Hoc potius est error et ignorantia, quam acceptio personæ. Item : Hunc proponendo alii propter divitias, videris dicere quia melior est illo. Item : Quod hoc generaliter de quotidianis, ut de ecclesiasticis consensibus, imo potius de quotidianis, debeat intelligi, videtur. B Tempore enim sancti Jacobi non erant dignitates et honores in Ecclesia distributi, ut modo. Item, Deuter., cap. 1 : Deus per Moysen : « Quod justum est judicate, sive civis sit, sive peregrinus. Nulla erit distantia personarum; ita parvum audietis, ut magnum; nec accipietis personam cujusquam, quia Dei judicium est. » Sed nec in consessu quotidiano accipienda est, nisi pro causa debita, sicut nec in judicio. Item, Job xxxii : « Non accipiam personam viri, et Deum homini non æquabo. » Et in Ecclesiastico dicitur (cap. xxxv) : « Non accipiet Dominus personam in pauperem, et deprecationem læsi exaudiet. » Item in Epist. Judæ canonica dicitur : « Hi sunt murmuratores et garruli, ambulantes secundum desideria sua, loquentes superbiam, et mirantes personas hominum quæstus causa. » Ergo in aliis attenditur acceptio personæ, sicut et in judicii perversione.

Item per exempla. Phinees zelo Dei armatus Madianitidem, licet filiam principis, coeuntem cum Hebræo nobili de tribu Simeon, transiit (Num. xxv). Moyses etiam pro vitulo confutato dixit : « Qui vir Dei est, jungatur mihi, accingatur mecum gladio, et transeat unusquisque per medium castrorum, interficiens gladio omnes qui adoraverunt vitulum, ita ut nec parcat oculus ejus patri, filio, fratri vel amico (Exod. xxxii). » Hoc peracto « ait » eis Moyses : « Hodie, » inquam, « consecratis manus vestras Deo. » Item Dominus Moysi : « Suspende omnes principes in patibulo, et nemini parcas, ut ita avertatur furor meus a populo (Num. xv). » Quod etiam factum est. Boamundus etiam constitutus iudex in expeditione quando primo liberata est terra promissionis ab hæresi Mahometica, eo quod comes Sancti Agidii spoliaverat 174 mercatores quosdam transeuntes, nec ad citationem ejus trinam vellet restituere ablata, ait ei : « Qui vir Dei est, accingatur mecum gladio. » Et veniens coram comite, ait exserto gladio : « Vel ablata restituas, vel huic gladio cervicem subicies amputandam. Tibi enim, sicut nec ignobili de plebe parcam. » Cui ait comes : « Recte judicasti. » Et restituit ablata. Item (SEVERUS SCLIPITIUS, in Vita ipsius, cap. 25) : Beatus Martinus poculum porrexit

sacerdoti pauperi sedenti a latere ejus, non principi sedenti ex alia parte. Item, I Reg., cap. xiv : Jonathan contra decretum patris et populi intinxit summitatem virgæ in favum mellis et comedit; statimque illuminati sunt oculi ejus et exhilarati. « Cui, » per sortem deprehenso et capto, « ait Saul : Hæc faciat mihi Deus, et hæc addat, quia morte morieris, Jonathan. Cui populus : Ergone Jonathan morietur, qui fecit hanc salutem magnam in Israel? Hoc nefas est. Vivit Dominus, si occiderit capillus de capite ejus in terram, quia cum Deo operatus est hodie. Liberavitque populus, et excussit de manibus patris Jonathan ne moreretur. » Ecce quantum vitaverit Saul acceptionem personæ, ut nec etiam filio, sicut nec alii prævaricanti, parceret. Item, Exodi cap. xxxii super illud verbum : « Si quis est Domini, jungatur mihi : ponat vir gladium super femur suum, et transeat per medium castrorum, » ait Gregorius (part. iii Pastor., admon. 26). Per medium castrorum transire, est tanta aequitate intra Ecclesiam vivere, scilicet judicare, arguere et prædicare, ut qui delinquentium culpas redarguit, in nullius resideat favore; sed occidat vir fratrem suum, amicum et proximum. Quos interficit, qui, cum puniendi invenit, increpationis gladio ferit; nec eis, quos per dilectionem carnis diligit, parcat. Si ergo ille vir Dei tantum dicitur, qui ad feriendam vitia zelo divini amoris excitatur, profecto se esse Dei negat, qui quantum sufficit, vitam carnalium increpare recusat.

C Item (Glossa in hunc locum) : Aman, cui rex Assuerus præcipit honorem et reverentiam exhiberi a populo, transiens quadam die lælus et alacer coram Mardocheo sedente ante fores palatii, Mardocheus ei nec assurrexit, nec motus est de loco sessionis suæ (Esther v). Item Joannis, cap. iv : « Quidam regulus rogavit Dominum ut descenderet, et sanaret filium ejus. » Ad filium reguli non vadit Dominus, etiam rogatus, ne divitias honorare videatur.

#### CAPUT LXVII.

*De mediocritate in omnibus tenenda.*

Sæpe dum quis vitæ acceptor fieri personarum, « sit canis rabidus, torvusque Procrustes, » et abjector earum, incurrens ingratitude, vitansque cujusdam urbanæ societatis sobrietatem, effectus ebrius potius quam sobrius, quia :

*Dum vitant stulti vitia in contraria currunt. 175*

*Est inter Tanaim quiddam, socrumque Viselli.*

*..... Medio iustissimus ibis.*

*Virtus est medium vitiorum utriusque redactum.*

*Est modus in rebus, sunt certi denique fines*

*Ultra quos ultraque nequit consistere rectum.*

(HORAT. SAT., l. 1, sat. 11, 24; OVID. ii Met.,

156, HORAT. i Epist., ep. xviii, 9; SAT.

l. 1, sat. 1, 106, 107.)

Summum jus, summa injustitia est (Cicero, i Offic). « Noli nimium esse justus, quia est justus, qui perit in justitia sua (Eccle. vii). » Medium tenere beati. Ideo : « Noli declinare ad dexteram, nec ad sinistram (Deut. xvii). » Tutius est enim in remissione peccare, quam in rigore. Severi animi et nimis ri-

gidi, similes sunt Scribis et Phariseis, qui humeris aliorum et imponunt onera importabilia, digito autem suo ea movere volebant (*Matth. xxiii*). Patere legem quam tuleris. *Lucæ*, cap. v: « Nemo mittit vinum novum in utres veteres, sed vinum novum in utres novos, ne vinum effundatur, et utres pereant: Et nemo vestimentum novum assuit veteri, vel veterem pannum novo, ne scissura major fiat. » « Qui nimis mammas stringunt, sanguinem pro lacte fundunt: et qui nimis emungit, elicit sanguinem (*Prov. xxx*). » In omni ergo opere bono servandus est modus et modestia. Culpa enim est totam persequi culpam, et gloriosum est principi citra meritum punire. Interrogatus legatus cujusdam principis prudentis a principe prudenti (qui legatum invenit illiteratum, reputans eum fatuum) quid haberetur in regno illius principis pro maxima sapientia et prudentia. Respondit, inducias respondendi datas refutans: Mensura, modus in omni opere maxime principis; sicque, quem prius æstimabat fatuum, reputavit prudentissimum, ejus verbum memoriter recolens in omni opere suo; quia: « Honor regis iudicium diligit (*Psal. xcvi*). »

Etiam in risu modus servandus est. Unde Ecclesiastici, cap. xxi: « Fatuus in risu exaltat vocem suam, vir autem sapiens vix tacite ridebit. » Et *Parabolarum*, cap. xv: « Cor sanctorum et gaudens exhilarat faciem; os vero stultorum pascitur imperitia. » Sanctus Bernardus de S. Malachia archiepiscopo (*in serm. de festo ipsius*): Vultum ejus non fuscavit mœror, nec levigavit risus. De abbate Igniacensi, ait (*in serm. in obitu Humberti monachi*): In ore ejus risus nunquam apparuit, qui assistentium gratia quandoque faciem serenavit; sed, si bene recolitis, risum integrum non admisit. Et Dominus ter flevisse legitur, sed nunquam risisse, qui ait: « Væ vobis, qui hic ridetis, quoniam lugebitis (*Luc. vi*). »

Sectemur ergo mentis hilaritatem, sic ut non committetur lascivia: « Jucundemur secundum faciem sanctorum, habentes faciem euntium (*Judith. xvi*) » in Jerusalem. Sed nunquid potuit Deus bene risisse? Videtur quidem quod habita causa interiore lætitia bona, quod eam exterius in opere ridendi monstrare possit, maxime cum omnes defectus nostros præterquam culpæ assumpserit; etiam cum risibile, vel risibilitas proprium sit hominis a natura datum. Quomodo ergo eo uti non potuit? Forte potuit, sed non legitur eo usus fuisse. Item quæritur: Si homo **176** dicitur risibilis, vel a proprietate et a natura animæ, vel a proprietate aliqua corporis, vel a composito ex utroque; etsi hoc primum risibile qualitas sit, an actio, vel passio? Risus autem moderatus, si continuus fuerit, suspectus tibi habeatur. Potius enim hujusmodi risus proditiōnis est quam exsolationis. De sic ridente dicitur: « Maledictus homo absconditus in civitate (*Jer. xxxviii*), » paratus semper blando fraudem contexere risu. De quo etiam *Isaias* (cap. **xxix**): « Væ qui profundi

A estis corde, ut a Domino et proximo abscondatis consilium; » et *Ecclesiastici xiii*: « Ne credas verbis illius, qui subridens interrogabit te de absconditis tuis, cujus animus immitis non parcat de malitia. »

#### CAPUT LXVIII.

##### De mala singularitate.

Huic meditationi bonorum morum et operum, vivendique modis obviat mala singularitas; ideo eam extirpemus, ut bonæ singularitatis amputato contrarius, virtus, id est bona singularitas elucescat. Singularitas, ut habet B. Bernardi auctoritas, parit notam et admirationem, et ex superbia oriuntur adinventiones novæ. Item Hieronymus (*Epist. ad Eustoch. De custod. virginit. c. 2*, post Senecam): Nec affectatæ sordes, nec acquisitæ delicæ, vel in cibo, vel in veste conveniunt Christiano. Item Augustinus: Quisquis rebus prætereuntibus restrictius utitur quam sese habent mores eorum cum quibus vivitur, aut intemperans, aut suspiciosus est; quisquis vero eis sic utitur, ut metas consuetudinis bonorum, inter quos conversatur, excedat, aut aliquid significet, aut flagitiosus est. In omnibus enim talibus non usus rerum, sed libido cupidinis in culpa est. Item idem: Non interest quid cibi vel vestis, quantum, vel quale sumas, salva tamen honestate vitæ, et dummodo his (cum quibus est vivendum in generibus alimentorum vel vestium pro modo personæ tuæ, et valetudinis tuæ) necessitate congruas, ut dicere possis cum Apostolo: « Scio abundare (*Philip. iv*), » etc. Sic enim: « Justificata est sapientia a filiis suis (*Matth. xi*). » Non est ergo a communi vita, ut ait Hieronymus, recedendum, ne « singularis ferus (*Psal. lxxix*) » factus, si egressus fueris in publicum, semines murmur in populo, et spectantibus parias admirationem, merearisque « dici: Hic est. » Item: « Væ soli, » singulari videlicet, adinventiones, et novos usus, et modos vivendi ex superbia, vel superstitione præsumptione inveniunt, « quia, si ceciderit, non habet sublevantem (*Eccle. iv*). » Item: Exemplo Apostoli, qui « omnia omnibus factus est, ut omnes Christo lucrificeret (*I Cor. ix*); » abstinens a licitis, circumcidens Timotheum (*Act. xvi*), offerens in Genchris (*Act. xviii*), abstinens etiam a quadam perfectione, D ut perfectior esset. Item: Exemplo « mediatoris Dei et hominum Christi Jesu (*I Tim. ii*), » præter culpam, defectus nostros assumentis, et in conversatione et modo vivendi discipulos infirmos supportantis, jugumque leve et portabile, regulamque vivendi verbo **177** et exemplo eis tradentis. Item Seneca epistola ad Lucilium quinta. Illud autem te admonet, ne eorum more, qui non proficere, sed conspici cupiunt, facias aliqua, quæ in habitu tuo, aut genere vitæ notabilia sint. Asperum cultum, et intonsum caput, et negligentiore barbam, et indictum argento odium, et cubile humi positum, et quidquid aliud ambitionem perversa via sequitur, evita. Satis nomen ipsum philosophiæ, etiamsi modeste tractetur, invidiosum est. Quid si nos hominum

consuetudini cœperimus excerpere? Intus omnia dissimilia sint, frons nostra populo conveniat. Non splendeat toga, nec sordeat quidem. Non habeamus argentum in quo solidi auri calatura descenderit; sed non putemus frugalitatis indicium auro argentoque caruisse. Id agamus, ut meliorem vitam sequamur quam vulgus, non ut contrariam. Alioquin quos emendari volumus fugamus a nobis, et avertimus. Illud quoque effecimus, ut nihil imitari velint nostri, dum timent, ne imitanda sint omnia. Hoc primum philosophia promittit, scilicet sensum communem, humanitatem, socialitatem et congregationem, a qua professione dissimilitudo nos separabit. Videamus ne ista, per quæ admirationem parere volumus, ridicula et odiosa sint. Nempe propositum nostrum est secundum naturam vivere. Hoc contra naturam est, torquere corpus suum, et faciles odisse munditias, et squalorem appetere, et cibis non tantum vilibus uti, sed tetris et horridis. Quemadmodum desiderare res delicatas luxuriæ est, ita usitatas, et non magno artificio parabiles fugere, dementia est. Frugalitatem exigit philosophia, non penam.

Potest autem esse non incompta frugalitas. Hic mihi modus placet. Temperetur vita inter bonos mores et publicos. Suspiciant omnes vitam nostram, sed non agnoscant. Quid ergo? Eadem faciemus, quæ ceteri? Nihil inter nos et illos intererit? Plurimum. Dissimiles esse nos vulgo, sciat qui proprius inspexerit; qui domum nostram intraverit, nos potius miretur quam suppellectilem nostram. Magnus ille est, qui fictilibus sic utitur, quemadmodum argento; nec ille minor est, qui sic argento utitur, quemadmodum fictilibus. Infirmi autem animi est, non posse pati divitias.

Item S. Bernardus sedens in capitulo Pontiniacensi pro tribunali, cum quæstio ei proponeretur a fratris de singularitate cujusdam monachi, ait ei: « Crederesne verbo Domini, vel verbo angelico non contrario verbis Domini? » Et ille: « Crederem quidem. » Tunc abbas: « Et ego dico tibi in verbo Domini, licet peccator, ut singularitatem tuam deponas, quamvis in ea videaris quosdam sanctos imitari, magisque mereberis communi modo vivendi fratrum. » Qui statim acquiescens abbati, exiit singularitatem omnem, vixitque sicut ovicula communiter in grege. Summopere ergo cavenda est singularitas in congregatione. Ibi enim peccatur magis, quam in privato loco, maxime illa quæ scandalum parit infirmis.

### 178 CAPUT LXIX.

#### *De bona singularitate.*

Bona singularitas, quæ familiaris dicitur bona solitudo, commendatur in pluribus sacræ Scripturæ locis. Unde Sara filia Raguelis, cap. iii Tobia: « Tu scis, domine, quod nunquam cum ludentibus me miscui, neque cum his, qui in levitate ambulat participem me præbui. » Et Jeremias (*Thren.* iii):

A « Sedebam solitarius et tacebam. » Et philo ophus (*SENEC. epist. 7*): Fuge turbam. Nondum enim illi tuto commiseris. Ego quidem confiteor imbecillitatem meam, scilicet nunquam mores quos extuli in turbam, refero. Semper aliquid ex eo quod composui, turbatur; aliquid ex iis quæ fugavi, redit. Quod ægris evenit, quos longa imbecillitas usque adeo affecit, ut nunquam sine offensa proficiantur, hoc accidit nobis, quorum animi ex longo morbo reficiuntur; quia inimica est multorum conversatio. Nemo non aliquid nobis vitium, aut commendat, aut imprimit, aut nescientibus affinit. Utique quo major est populus, cui commiscemur, hoc periculi plus est. Nihil enim tam damnosum bonis moribus, quam in aliquo spectaculo residere. Tunc enim per voluptatem facilius crimina subrepunt. Quid me existimas dicere? Avarior redeo, ambitiosior, luxuriosior? imo vero crudelior et inhumanior, quia inter homines fui. Subducendus itaque est populo tener animus, et parum tenax recti, facile transitur ad plures. Socrati, et Catoni, et Lælio excutere mentem suam dissimilis multitudo potuisset. Adeo nemo nostrum est, qui cum maxime concinnamus ingenium, ferre impetum vitiorum tam magno comitatu venientium potest. Unum exemplum luxuriæ, vel avaritiæ, multum mali facit. Convictor delicatus paulatim enervat et emollit. Vicinus dives epiditatem irritat; malignus comes, quamvis candido et simplici animo, rubiginem suam affricat. Quid tu accidere his moribus credis in quos publice factus est impetus? Necessè est, aut imiteris, aut oderis. Utrumque autem evitandum est, ne vel similis malis fias, si te eis conformes, quia multi sunt; neve inimicus multis, si eos oderis, quia dissimiles sunt. Recede in teipsum, quantum potes; cum his conversare, qui te meliorem facturi sunt. Illos admitte, quos tu meliores facere potes. Mutuo ista fiunt, et homines dum docent, discunt.

Item Hieronymus: Rarus in publico, honestus in domo. Quoties enim inter homines fui, minus homo redit. Est autem triplex solitudo: Loci, quæ fortium est; pectoris, quæ cujustibet esse debet; et solitudo operis, quæ cavenda est in omnibus, præsertim cum parit scandalum. Item Jerem. cap. xv: D « Non sedi cum consilio ludentium, et gloriosam a facie manus tuæ; solus sedebam quoniam amaritudinæ replesti me. »

### 179 CAPUT LXX.

#### *De bona societate habenda, et mala fugienda.*

Bona solitudo maxime pendet ex honorum societate. Unde Cato: (lib. i) Ambula cum bonis, quia a convictu mores formantur. Et Apostolus dicit: « Corruptum bonos mores colloquia mala (*I Cor. xv*). » Qui tangit picem inquinabitur ab ea (*Ecclesi. xiii*). Et psalm. c. « Perambulabam in innocentia cordis mei, in medio domus meæ. » Et quomodo? « Non apponebam ante oculos meos rem injustam, facientes prævaricationes odivi. Non adhæsit mihi

cor pravum, declinantem a me malignum, non cognoscebam, detrahentem secreto proximo suo hunc persequerbar. Superto oculo et insatiabili corde, cum hoc non edebam.) Qualis ergo tibi familia? audi: « Oculi mei ad fideles terræ ut sedeant mecum, » in iudicio, in convivio: « Ambulans in via immaculata, hic mihi ministrabat, » in altari, in mensa, in domo, in qualibet administratione mea et p̄fectione. « Non habitabit in medio domus meæ, qui facit superbiam; qui loquitur iniqua, non direxit in conspectu oculorum meorum. » Et psal. xv: « Non sedi cum concilio vanitatis, et cum iniqua gerentibus non introibo. Odivi ecclesiam malignantium et cum impiis non sededo. Lavabo inter innocentes manus meas, et circumdabo altare tuum, Domine. » Ecclesiasticus, cap. ix: « Viri justi sint tibi convivæ. » Et Philosophus (SENeca, ep. 19): Ante, inquit, circumspectendum est, cum quibus edas et bibas, quam quid edas et bibas. Et Augustinus: Decet, inquit, p̄latum tales habere cubicularios quos timeat, ne, si malos, eorum videatur approbare vitam, quorum habet conversationem. Unde Apostolus: « Domui suæ bene p̄positum (1 Tim. iii), » non ut opes augeat, sed ut filios, domum et familiam in omni castitate et sobrietate sibi subditos habeat. Sed dicet aliquis quasi se excusando, habens tamen familiam malam: Mibi quidem natura est cum bonis, sed vita cum malis. Sed eo ipso malus est, quod malos in domo sovet, et vita et natura ejus cum malis. Qualis enim iudex, vel rector populi, tales et ministri ejus, et econtra: Et qualis sit dominus domus, familia ejus probat, et monstrat. Unde Ecclesiasticus, cap. xiii: « Omne animal diligit simile sibi, sic et omnis homo diligit similem. Omnis caro ad similem sibi conjungetur, et omnis homo simili sui sociabitur. Si communicabit lupus agno aliquando, sic peccator justo. Quæ communicatio sancti hominis ad canem? » Et cum Dominus hospitem unius noctis p̄cipiat eligi, tum propter infamiam, tum propter corruptionem et perniciem exempli; quanto magis et ille eligendus est, cum quo tibi diu vivendum est? Maxime itaque cavenda est malorum conversatio. Vix enim in sicco stamus, nedum in lubrico curramus. Abraham (Genes xvii) etiam, audito mandato Domini, omnes vernaculos et mares domus suæ atam circumcidit. **180** Nota, quia non effeminatos habuit in domo, sed mares, quos etiam circumcidit. Et tu exemplo Abrahæ familiam domus tuæ in omnibus habes circumcisam. Quem etiam commendans Origenes (homil. 4 in Genesim), de eo ait: Vide diligentiam Abrahæ angelos ad convivium invitantis. Abraham, inquam, senex cursitat, Sara uxor ejus accelerat, puer festinat. In domo sapientis, nullus piger est. Item juxta verbum beati Thomæ Cantuariensis, quo utebatur ex poeta:

*Principis est virtus maxima, nosse suos.*

(MARTIAL. l. viii, epigr. 15.)

A Et Cato de Pompeio ait:

*Casta domus, luxuque carens, corruptaque nunquam  
Fortuna Deum.*

Et Parabolarum cap. xiii: « Qui cum sapientibus graditur, sapiens erit; amicus stultorum similis eis efficitur. » Et illud. Ignis in sinu, serpens in gremio, mus in pera, perniciosi sunt vicini. In Psalmis quamplurimis arguitur societas malorum, commendatur societas bonorum. « Beatus enim vir qui non abiit in concilio impiorum, etc. (Psal. 1.) — Domine, quis habitabit in tabernaculo tuo, aut quis requiescet in monte sancto tuo? Qui ingreditur sine macula et operatur iustitiam, » etc. (Psal. xiv). « Confitebor tibi in ecclesia magna, in populo gravi laudabo te (Psal. xxxiv), » — « timentes autem

B Dominum glorificat (Psal. xiv). » — « Congregate illi sanctos ejus qui ordinant testamentum ejus (Psal. xlix). » Alioquin pro congregatione et societate malorum dicetur tibi: « Si videbas furem currehas cum eo, etc. (ibid.). » Et in domo tua implebitur hoc, scilicet: « Vidi iniquitatem, et contradictionem in civitate. Die ac nocte circumdabit eam. Super muros ejus iniquitas, et labor in medio ejus et injustitia (Psal. liv). » Pro quo etiam Prophetam imprecatur talibus, dicens: « Veniat mors super illos, et descendant in infernum viventes. Quoniam nequitie in habitaculis eorum, in medio eorum. Non enim est illis commutatio, et non timerunt Deum, etc. (ibid.). » Et Augustinus: In hoc quilibet fidelis imitari Deum debet, ne malos secum socios habeat,

C nisi causa et spe correctionis, scilicet quos si incorrigibiles viderit, eos saltem in privata communione post multam admonitionem devitet, et a se, si potest, expellat. Sed dicet aliquis: Boni quidem multi sunt in se, sed latera mala habent. Absit! Morum enim similitudo, juxta verbum cujusdam sapientis, societatem parit, et cognata studia facile connectuntur. Et illud: Principesque bonos habentes mala latera Scriptura Scyllæ et Harpyiis comparat. Describitur Scylla humanam quidem habere faciem, sed cineta caninis capitibus; Harpyiæ virginem faciem, sed unguis rapacissimos. Et illi, ut plures supersufficientes humani homines, et mansueti videntur, sed stipati lateribus et ministris pravis, odorati prædæ Scyllæ, rapacitate vero unguium,

D Harpyis similes. Ob hoc ergo constat, quod res divitum et potentum in loco periculoso posita est. Quia, rana; in penetralibus regum (Psal. civ), viri scelerati et socii furum maxime in domibus potentum inveniuntur, qui peccatores sunt propter divites **181** illos decipientes, a quibus decipiuntur, cum nec repelluntur, qui « laqueos paraverunt pedibus » potentum, et « foderunt ante faciem » ipsorum « foveam, et inciderunt in eam (Psal. lvi). » Hæc via illorum scandalum ipsis, et tamen postea « in ore suo complacunt (Psal. xlviii). » Et Josephus ait: Ob hoc maxime status potentum meticulousus et periculosus est, quod eos moles rerum mediocriter malos esse non sinit, qui non simplici

et proprio ore, sed alieno et multiplici, quia longa manu peccaverunt, habent peccata sua confiteri; nequeunt, ut pauper, dicere: « Domine, tibi soli, » et in me solo, « peccavi (Psal. L), » sed tibi et multis proximis in me, et multis satellitibus meis. Omnem igitur malorum societatem, omne impedimentum, quo minus in via Dei procedas, fugias. Unde Dominus: « Qui non oderit patrem et matrem non potest meus esse discipulus (Luc. xiv). » — « Et si oculus tuus scandalizat te, projice eum a te, etc. (Marc. ix). » Et Hieronymus (ep. ad Heliodorum De laude vitæ solitariæ). Per calcatum perge patrem, per calcatam perge matrem, ubera etiam quæ sustinisti. « Patri et matri dic: Nescio vos (Deut. xxxiii). » Juxta etiam consilium Domini, cum Abraham a exi de terra, et de cognatione tua (Gen. xii); antequam subvertaris dicas cum Propheta. « Ecce elongavi fugiens, et mansi in solitudine. » Item psalm. cv. « Et commisti sunt inter gentes, et didicerunt opera eorum, » etc. Et psalm. xlii. « Judica me, Deus, et discerne causam meam a gente non sancta, ab homine iniquo et doloso crue me. » Item: (I Reg. xiv.) « Nam quemcunque viderat, Saul virum fortem, et aptum ad prælium, etc. » Et (I Reg. xix.) « Nuntiatum est Saul a dicentibus, » etc.

Item: « Confitebor tibi, Domine, in toto corde meo, in concilio justorum et congregatione (Psal. cx), » eorum, non injustorum.

#### CAPUT LXXII.

##### De suggestione carnalis affectus.

Sicut mala societas, ita et carnalis affectus bonam impedit solitudinem, ob quam suggillandam et amovendam ab utilioribus operibus, Dominus prædicationi vacans, nuntio fratrum et matris quærentium eum foris, ait: « Qui sunt fratres, mater et soror; et extendens manum in discipulos dixit, etc. (Math. xii). »

Item disputans in synagoga relictus a patre et matre, eisdem eum quærentibus ait: « Nesciebatis, quia in his quæ Patris mei sunt oportet me esse? » (Luc. ii.) Docens opera ex carnali affectu procedentia, sicut minus utilia, esse postponenda spiritualibus et utilioribus.

Item, matri in nuptiis, vino deficiente, ait: « Quid mihi et tibi, mulier? (Joan. ii) » quasi, nihil ex te habeo in spiritualibus operibus. Idem: « Qui non oderit patrem et matrem (Luc. xiv), » id est qui spirituales affectus non præposuerit carnalibus. Idem: « Cum facis prandium, noli vocare divites, sed pauperes, debiles et claudos (ibid.) », in quibus non habeas carnis affectum, sed divini amoris incendium. Hieronymus: Ob amorem **182** Christi omittenda est sepultura patris, pro cujus amore nullus relinquendus est inhumatus. Et Moyses, non de tribu sua, sed de alia tribu elegit Josue in rectorem populi (Num. xi, xiii). Idem: Sacerdos et levita nunquam exeant de Sanctis, sed habeat sacerdos caput velatum cidari (Levit. xvi), « qui dicat patri et matri: Nescio vos (Deut. xxxiii). » Sacerdo-

tibus etiam in veteri lege (Num. xix) prohibitum erat interesse funeribus mortuorum, etiam parentum; ut in hoc instrueremur carnales affectus esse postponendos, maxime cum sinus et debeamus esse sacerdotes « secundum ordinem Melchisedech (Psal. cix). » De cujus patre et matre Scriptura subicit in figuram sacerdotum Evangelii, ut in spiritualibus « dicant patri et matri: Nescio vos (Deut. xxxiii). » Alienum enim est patrimonium illis commissum, Christi scilicet et pauperum, non illorum, vel parentum eorum. Joseph etiam (ad cujus nutum omnia fiebant in Ægypto) vix passus est, ut suis daretur terra Gessen (Gen. xlvii); quos etiam noluit sublimari, sed in officio consueto et pastoralis permanere. Ne tamen caninos habeamus mores, odiendo

parentes, ita docet eos Gregorius (hom. 37 in Evangel.) moderari debere. Arca Domini capta a Philistæis super plaustrum novum imposita est, vaccis fetis trahentibus et ducentibus illam in Bethsamis, non reflectentibus quidem colla in via, sed mugientibus post vitulos (I Reg. vi). Debemus enim carnalem affectum habere in mente, non in opere, præsertim in spiritualibus. Qui enim post vitulos, carnali affectu ducti, colla reflectunt, similes sunt uxori Lot, quæ respexit et mutata est in statuam salis (Gen. xix). Similes sunt mittenti manum ad aratrum, et respicienti retro (Luc. ix). Similes sunt etiam Hebræis respicientibus in Ægyptum ad ollas carnium, et pepones, et alia Pharaonis (Num. xi). Vi-

deant hi, ne pœna simili pœnæ Judæ puniantur, qui ea, quæ mittebantur in loculos Domini et pauperum, asportabat, dans ea uxori et liberis, carnali affectu ductus, ob quam meruit tradere et crucifigere Dominum, sibi que suspendium et æternum supplicium (Math. xxvii). Levit. xxi: « Sacerdos summus ad omnem mortuum non ingreditur omnino, super patre suo et matre non contaminabitur, nec egredietur de sanctis. » Hieronymus super hunc locum ait (Epist. ad Fabiolam De vestitu sacerdotum): Quamvis sit potens et dives, et multitudinem offerat victimarum; si mortuus est, non tangitur a pontifice, nec videtur; si autem reviviscit, et ad vocem Salvatoris de sepulcro egreditur (Joan. xi), et fasciis peccatorum solutus incedit, intrat ad eum pontifex, cum eo manet et prandet. Multa nos facere cogit affectus carnalis; et dum corporum propinquitates respicimus, corporis et animæ Creatorum offendimus. « Qui autem amat patrem et matrem super me, non est me dignus (Math., x). »

Multi monachorum, dum parentibus miserentur, animas perdunt. Illum attendamus Patrem, qui nunquam moritur, aut qui pro nobis moritur, qui Deo vivens mortuus est, ut nos mortuos vivificaret (Rom. vi). Si quid habuimus de Ægypto, quod princeps mundi suum possit agnoscere, tenenti meretrici Ægyptiæ cum pallio relinquamus (Gen. xxix). Sindone opertus adolescens vinculam Dominum sequebatur (Marc. xiv); incurrisset in laqueos, nisi expeditus et nudus persequentium **183** impetus declinas-

set. Reddamus parentibus quæ parentum sunt, si tamen Deo vivunt (*I Tim. v*).

Sed hoc de summo pontifice, minoribus aliquid indulgetur. Ad teneritudinem carnis etiam eradicandam dictum est Abrahamæ: « Exi de terra et de cognatione tua (*Gen. xii*). » Exi, mente, hoc quo ad necessitatem præcepti; exi, corpore, hoc quo ad cautelam consilii. Dum enim inter propinquos tenemur corpore, sæpe tenemur et mente. Ob hoc Benedictus, Ægidius et quamplures sancti natale solum reliquerunt, et sancta agmina pallidorum eremum ingressi sunt. In libro etiam Numerorum (cap. 25) præcipitur Levitis occidere omnes propinquos suos initiatos Beelphegor, sicut et initiatos vitulo. Ministrum enim altaris et viventem de patrimonio Crucifixi, nihil carnale, nullus affectus carnalis tangere debet, quominus testamentum sibi creditum, secundum voluntatem testatoris beneplacentem et perfectam, dispenset. Item Judicum ix. Contra consilium Joathæ (proponentis Sichimitis parabolas de olivis, ficibus, et vite, et rhamno) contribules et fratres Abimelec ipsum Abimelec, efigunt in regem sibi que præferunt, propinquitate carnis ducti. Qui promotus, sicut ignis de rhamno egressus, urbem Sichem combussit, et septuaginta fratres, multosque de Sichimitis qui illum promoverant, interfecit. Item Dominus Matthæi cap. xvii: « Ut non scandalizemus » exigentes trilitum: « O Petre, vade ad mare, et mitte hamum, et eum piscem, qui prius ascendet tolle, et aperto ore ejus, invenies staterem. Illum sumens da eis pro me et pro te, » etsi sim filius regni. Ubi ait Augustinus: Miro modo in hoc instruimur et ædificamur, dum Dominus tantæ paupertatis fuit, ut unde daret tributa non haberet. Judas quidem habebat communia in oculis, sed Dominus res pauperum in suos commutare usus, vel convertere nefas duxit; id ipsum dans exemplum nobis, maxime iis qui de patrimonio ejus vivunt. Si ergo Dominus in suos usus necessarios duxit nefas res pauperum convertere, quanto magis illas in superfluis expendere? Ex hoc etiam conclude debita illicita, licet juramento confirmata, de patrimonio Crucifixi non esse solvenda, sed potius, ut in turpi causa, rescindatur juramentum. Item: Bruta fetus suos imbecilles et adhuc parvos nutriunt, omnique cura fovent et amplectantur, factos autem grandiusculos et adultos, eos sibi relinquunt. Nos autem, etsi homines, non tantum in pupillari, sed in omni ætate, nec tantum fetus nostros, sed a latere descendentes fovemus, imo illos superfluis oneramus supra necessitatem, conferentes eis plurima, et juxta verbum Alexandri [III] papæ: « Deus abstulit nobis filios, et diabolus dedit nobis nepotes. » Item Hieronymus ad Heliodorum monachum (epist. *De laude vitæ solitariæ*): Audi edictum Regis tui: « Qui non est mecum, adversum me est; et qui non colligit mecum, spargit (*Luc. xi*). » Recordare tirocinii tui diem, quo Chri-

sto in baptisate consepultus, in sacramenti verba jurasti, pro nomine ejus parciturum non esse patri, nec matri. Licet parvulus ex collo pendeat nepos, licet sparso crine et scissis vestibus ubera, quibus te nutrierat, mater ostendat; **184** licet in limine pater jaceat, per calcatum perge patrem, siccis oculis ad vexillum crucis avola. Solum pietatis genus est, in hac re esse crudelem. Veniet, veniet dies postea, quo victor revertaris in patriam, quo Hierosolymam cælestem vir fortis coronatus incedas. Nescio eur dicas nunc compede præpediri. Non est nobis ferreum pectus, nec dura præcordia. Non ex silice natos Hyrcanæ nutrire tigrides: et nos per ista transivimus. Nunc tibi blandis vidua soror hæret lacertis; nunc illi cum quibus adolevisti vernulæ aiunt: Cui nos servituros relinquis? Et gerula quondam, jam anus, et nutritius secundus post naturalem pietatem Pater, clamitat: Morituros exspecta paulisper et sepeli Forsitan et mater laxis uberum pellibus, arata rugis fronte antiquum referens mammæ lallare congeminet. Dicant si volunt et grammatici:

*In te omnis domus inclinata recumbit.*

VIRGIL.

Facile rumpit hæc vincula amor Christi, et timor gehennæ. At contra Scriptura præcipit obsequendum parentibus (*Exod. xx*); sed quicumque eos supra Christum amat, perdit animam suam. Gladium tenet hostis ut me perimat, et ego de matris lacrymis cogitabo? Propter patrem militiam Christi deseram? cui sepulturam Christi causa non debeo, quam etiam omnibus ejus causa debeo? Domino passuro timide consulens Petrus scandalum fuit (*Math. xvi*). Paulus retinentibus se fratribus ne Hierosolymam pergeret, respondit: « Quid facitis plorantes, et conturbantes cor meum? Ego enim non solum ligari, sed mori in Jerusalem paratus sum pro nomine Domini Jesu Christi (*Act. xxi*). » Aries iste pietatis, quo fides quatitur, Evangelii retundendus est mucrone: « Mater mea, » inquit, « et fratres mei hi sunt quicumque faciunt voluntatem Patris mei, qui in cælis est (*Math. xii*). » Si credunt in Christum, faveant mihi pro nomine ejus pugnaturo; si non credunt, mortui sepeliant mortuos suos (*Math. viii*).

Moyses etiam ad consilium Jethro (*Exod. xviii*), non cognatos elegit iudices et rectores, sed viros gnaros, sapientissimos et prudentissimos odientes omnem avaritiam. In illa etiam sancta communione non est dictum dispensatoribus, ut meliora et lautiora darent propinquis, sed, « unicuique prout opus erat (*Act. ii*). » Item: Si res testamenti alicujus privati propter suspicionem parentelæ non committitur alicui parentoso, quanto magis nec testamentum Christi talibus debet committi?

Item exemplo Templariorum deberent prælati instrui, ne habent amicos suos sibi collaterales. Ipsi enim Templarii nunquam habent consangui-

neum sibi servientem, ne communia bona fratrum ei distribuant. Ad hoc etiam valet exemplum episcopi consanguineos et nepotes suos tantum in ecclesiam suam vocantis, ut ex eis prælatus ei successurus quasi jure hæreditario eligeretur et institueretur; quod et factum est, cum controversia tamen magna et sumptibus non modicis et gravamine æris alieni. Cum autem electus successor veterani ægrotaret, aiunt ei sui sub dialogo: Unde pecunia ista solvetur, quam, ut promovereris, expendimus? Interfecisti nos per quem sperabamus nos vivere et exaltari. Quibus ille: « Væ vobis, quia me occidistis, quando me in apicem promovistis. » Item IV Reg. iv: « Mitte in omnia vasa hæc, » etc. Et Habacuc ii; Væ qui ædificant Sion in Sam. Item David (Psal. XLIV): « Audi, filia, et vide, et inclina aurem tuam, et obliviscere populum tuum, et domum patris tui. »

### CAPUT LXXII.

#### Commendatio solitudinis loci.

Post solitudinem pectoris, et solitudinem operis, sequitur solitudo loci, quæ nutrit est, et sæpe mater solitudinis. Duo quippe sunt genera vitæ solitariae, cœnobarum et anachoretarum. Prima securior, propter infirmitatis nostræ imperfectiorem. Secunda excelsior vel excellentior, propter charitatis perfectionem. Ad quam (sicut ad alio-rem secundum Regulam beati Benedicti) transitur a prima, cum transiens plene roboratus, et indutus est virtute ex alto (Luc. xxiv). Horum solitudinem loci commendans David, ait: « Factus sum sicut passer solitarius in tecto (Psal. ci). » Et Salomon: « Regem locustæ non habent (Prov. xxx). » Et Hieronymus a scholis liberalium artium convolans ad eremum, sic scribit cuidam conscholaris suo, eum ad eremum et mundi contemptum invitans (Epist. ad Heliod. De laude vitæ solitariae). O desertum Christi floribus vernans! O solitudo, in qua nascuntur illi lapides, de quibus in Apocalypsi civitas magni regis exstruitur? O eremus familiaris Deo gaudens, quid agis, frater, in sæculo, qui major es mundo? Quandiu tectorum umbra te premunt? Quandiu fumosarum urbium carcer includit? Crede mihi, in eremo nescio quid plus lucis aspicio. Libet, sarcina carnis abjecta, ad purum ætheris volare fulgorem. Paupertatem times? Sed beatos pauperes Christus appellat (Math. v). Labore terreris? Nemo athleta sine sudoribus coronatur. De cibo cogitas? Sed fides famem non timet. Supra nudam metuis humum exesa jejuniis membra collidere? Sed jacet Dominus tecum. Squalidi capitis horret inculta cæsaries? Sed caput tuum Christus est. Infinita eremi vastitas terret? Sed tu paradisum mente deambula. Quotiescunque illuc cogitatione transcenderis, toties in eremo non eris. Scabra sine balneis attrahitur cutis? Sed qui in Christo semel lotus est, non habet necesse iterum lavari. Et breviter ad cuncta audias Apostolum respondentem: « Non sunt con-

gnæ, inquit, passionibus hujus temporis ad futuram gloriam quæ revelabitur in nobis (Rom. viii). » Delicatus es miles, charissime, si hic vis gaudere in sæculo, et postea regnare cum Christo.

Item ad Ruffinum (Epist. De laude Bonosi, incipit: Plus Deum timere): Indicabimus tibi quiddam, ut si nescis, discas; si autem cognovisti, pariter gaudeas. Bonosus tuus, imo meus, et ut verius dicam, quia Christi, noster: « scalam Jacob (Genes. xxviii) » jam scandit, portat crucem (Math. xvi), non post tergum respicit (Luc. ix); « seminat in lacrymis, ut in gaudio metat (Psal. cxxv); » et sacramento Moysi serpentem in eremo suspendit (Num. xxi). Cedant huic veritati tam Græco quam Romano stylo, mendaciis ficta miracula. Ecce puer honestis sæculi nobiscum artibus institutus, cui opes affatim, dignitas apprime inter æquales erat, contempta matre, sororibus et charissimo sibi germano, insulam pelago circumsonante naufragam, cui asperæ cautes et nuda saxa, et solitudo terrori est, quasi quidam novus paradisi colonus insedit. Nullus ibi agricolarum, nullus ibi monachorum (ne parvulus quidem, quem nosti, Onesimus, quo velut fratre in osculo fruebatur) in tanta vastitate adhæret lateri comes. Solus ibi, imo, Christo comitante, non solus, vidit gloriam Dei, quam etiam apostoli, nisi in deserto, viderant. Non quidem conspicit turratas urbes, sed in novæ civitatis censu factus est tributarius, ejusque civis dedit nomen suum. Horrent sacco membra deformi? sed sic melius « obviam Christo rapietur in nubibus (I Thess. iv), » Nullo Euriporum austro perfruitur? Sed de latere Domini aquam vitæ bibit. Nullo terra gramine virescit, nullus vernans campus densatur umbraculis. Abruptæ rupes, quasi quendam horrores carcerem claudunt. Ille securus, intrepidus, et totus de apostolo armatus (Ephes. vi); nunc Deum audit, dum divina relegit; nunc Deo loquitur, aut Deum rogat. Et fortasse ad exemplum Joannis, qui in deserto Apocalypsin vidit, aliquid Dei videt, dum in insula moratur.

Idem (Epist. ad Marcellam, incipit: Ambrosius): Intremus, inquit, solitudinem, quasi quedam secreta ruris, ibi « cibarios panes, et olus manibus nostris irrigatum, lac delicæ rusticæ, viles quidem, sed innocentes cibos præbent. Ita viventes, non ab oratione somnus, nec saturitas a lectione revocabit. Si æstus est, secretum arboris umbram præbebit. Si autumnus, ipsa aeris temperies, et strata subter folia, locum quietis ostendit. Vere ager floribus depingitur, et inter querulas aves psalmi dulcius cantabuntur. Si frigus fuerit et brumales nives, ligna non emam, calidus vigilabo, vel dormiam certe, quod sciam utilius, non algebo. Habeat sibi Roma suos tumultus, arena sæviat, circus insanat, theatra luxurient, rumoribus vacet, salutationibus gaudeat: « Nobis adherere Deo bonum est, et ponere in Domino Deo spem nostram (Psal. lxxii) » ut cum paupertatem istam cœlerum

regna mutaverint, erumpamus in vocem : Quid enim mihi est in caelo, et a te quid volui super terram? (*Psal. LXXII.*)

Item Maximinus episcopus : Sic et anachoretarum singulari proposito, vel certamen martyrio non privatur, sicut nec hac solemnitate, qui per singula eremi loca in speluncis et exiguis cellarum tuguriis modico contenti pabulo demorabantur. Alii bestiis sociati, alii avibus subministrati, ciborum spernentes delicias, luxus sæculi calcantes, laudem temporalem non amantes, visum hominum fugientes, angelorum assueti loquelis, plurimis virtutum effulsere signis (circuierunt in melotis, in pellibus caprinis, egentes, angustiati, afflicti, quibus dignus non erat mundus : In solitudinibus errantes, in montibus et speluncis, et in cavernis terræ (*Hebr. xi.*), etc. Item Hieronymus (*Epist. ad Eustech. De custod. virginitatis*) : O quoties in eremo constitutus, **187** scilicet in horrido monachorum habitaculo, putavi me Romanis interesse deliciis, et sedebam solus, quia amaritudine repletus eram (*Jer. xv.*) Horrebant sacco membra, detorinis et squalida cutis, sicut Æthiopicæ carnis, obduserat; quotidie lacrymæ, quotidie gemitus; et si quando repugnantem somnus imminens oppressisset, nuda humo vix ossa hærentia collidebam. Sic ob gehennæ metum tali me carcere ipse flammaveram, et socius factus scorpionum et ferarum, sæpe choris intereram puellarum. Pallebant ora jejuniis, et mens desideriis æstuabat. Ad (Jesu) pedes jacebam, rigabam lacrymis, crine tergebam, et repugnantem carnem vigiliis et jejuniis cibo crudo utens et aqua frigida, cum in cocto aliquid sit luxuriæ, mihi subjugabam.

(SENECA, ep. 7.) Si igitur imperfectus es, fuge turbam, quia non tuto illi committeris; si perfectus es, pro necessitate fratrum redire potes ad turbam. Unde Stilpon : (Idem, ep. 9, 10) : Sic est scilicet quod omnis stultitia laborat fastidio sui. Non muto sententiam. Fuge multitudinem, fuge paucitatem, fuge etiam unum. Non habeo cum quo te communicatum velim; et vide quo iudicium meum abeat; audeo te tibi credere. Hujus Stilponis discipulus Crates, cum vidisset adolescentulum secreto ambulantem, interrogavit : Quid illic solus faceret? Meum, inquit, loquor. Cui Crates : Cave, inquit, rogo, et diligenter attende, ne cum homine malo loquaris. Lugentem timentemque, iratum et furibundum, custodire solemus, ne solitudine male utatur. Nemo est ex imprudentibus, qui relinqui sibi debeat. Tunc enim mala eonsilia agitant, tunc aut aliis, aut ipsis futura pericula strunt, tunc cupiditates improbas ordinant, tunc quidquid, aut pudore aut metu animus celabat, exponit; tunc audaciam acuit, libidinem irritat, iracundiam instigat. Denique, quod unum solitudo habet commodum, scilicet nihil ulli committere, non iudicem timere, perit stulto. ipse enim se prodat. Vide ergo quid de te sperem, imo quid spondeam mihi. Spes enim in-

certi boni nomen est; non invenio tamen cum quo te malim esse quam tecum.

Item Seneca (epist. 11) : Aliquis vir bonus eligendus est, ac semper ante oculos habendus, ut sic tanquam illo spectante vivamus, et omnino, tanquam illo vidente, faciamus. Nec immerito. Magna pars quippe peccatorum tollitur, si peccatori testis assistit. Aliquem habeat animus quem vereatur, cujus auctoritate etiam secretum suum secretius faciat. O felicem illum, qui non aspectus tantum sed etiam cogitatus emendat! O felicem, qui sic aliquem vereri potest, ut ad memoriam quoque se componat atque ordinet! Qui sic aliquem vereri potest, cito erit verendus. Elige itaque Catonem (O Christiane Paulum). Si hic tibi nimis rigidus videtur in religione, elige remissioris animi et vitæ virum sanctum alium, cujus vita, mores et oratio placeant. Illum semper tibi ostende vel custodem, vel exemplum. Opus est, inquam, aliquo, vel ad quem mores nostri pravi erigantur. Nisi enim ad regulam, prava **188** nec corriges, vel torta non diriges.

Sunt autem tria genera monachorum, et ducuntur vitam solitariam. Primum est eremitarum, anachoretarum, vel reclusorum. Hanc vitam dedicavit Dominus, quando tentandum a Satana, spiritus expulit in desertum, eratque cum bestiis : Et accesserunt angeli et ministrabant ei (*Matth. iv.*) socio struthionum, serpentum, et ferarum. Hanc sanctificavit et Joannes Baptista, de quo (*In hymno Pauli diaconi*) :

Antra deserti teneris sub annis,  
Civium turmas fugiens petisti,  
Ne levi saltem maculare vitam  
Famine posses.

In deserto pœnituit Ægyptiaca; in desertum fugit Elias a facie Jezabel (*III Reg. xix*); in deserto latuit Jeremias, inquitens : Sedebam solitarius et tacebam (*Thren. iii.*) Idem : Surgite, fugite, salvate animas vestras, et eritis in deserto sicut humiles myricæ (*Jer. XLVIII.*) Item c. XLIX. Surgite, ascendite, fugite, abite vehementer in voraginibus (id est in cavernis et speluncis) et sedete, qui habitatis Asor, dicit Dominus. Martinus adhuc duodennis mox eremum concupivit, satique fecisset voto, nisi ætatis infirmitas obstitisset. Qui, factus reclusus, duorum mortuorum exstitit suscitator magnificus, plurimumque miraculorum effector, quam episcopus effectus. Qui tamen in episcopatu degens, cellam privatam habuit, in qua sæpius orabat, et solitarie vivebat, loquens cum Deo et angelis, nisi cum necessitas subditorum et ecclesiæ eum exire cogebat. Simili modo victitabat B. Germanus Antisiodorensis episcopus. Renigius Remensis de cellula, in qua se recluserat, raptus est in episcopum. Secundum genus monachorum est, ubi tres vel quatuor, vel pauci plures in communi, et de communi vivunt, ut Carthusienses. Et hic ordo originem habuit a Joanne Baptista, qui cum discipulis in deserto mansit. Alii dicunt, quia ortum habuit a fibis



Jonadab; alii, quia a Rechabitis, qui sic vivebant. (De his Jerem. xxxv: « Erat autem Jonadab filius Rechab. ») Tertium genus est cœnobitarum. Quod genus vivendi securius est propter personas multarum facierum, infirmorum scilicet et fortiorum. De quo David: « Ecce quam bonum et quam jucundum habitare fratres in unum (Psal. cxxxii). »

Primum genus perfectum est; secundum temperantius extremis, et appetibilius. Excludit enim per societatem adjunctam, periculum primi, quod est in singularitate: « Væ soli, quia, si ceciderit, non habet sublevantem se (Eccl. iv). » Paucitas enim securam est; quia ventres bene instructi et pauci, modico contenti sunt. Excludit et periculum tertii, in numero personarum et certo agrorum, in pondere et mensura operum omnium distincta. In omnibus circumcisi paucitate et paupertate, excludit litigium, quia « non oportet servum Dei litigare (II Tim. ii). » Excludit et invidiam, et rapinam potentium et divitum. Non enim invidetur nihil habentibus; non eis lites suscitatur calumniosæ:

*Cantabat vacuus coram latrone viator.*

(JUVEN. SAT. X, 22.)

Excludit et peccatum quod vix evitatur in cœnobio, scilicet, cum unus **169** permittitur discurrere et evagari in necessitates domus, in quibus sæpe offendit et offenditur; ejus peccatum redundat in singulos.

#### CAPUT LXXIII.

*Peccatum unius sæpe redundat in universitatem.*

Achan peccante pollutus est populus anathemate (Josue vii). Gaditis et Rubenitis, et dimidiæ tribui Manasse ædificantibus altare in terra Chanaan, dictum est: Quia contra præceptum Dei crexistis altare magnum et sacrilegum, eras ira Dei desæviet in populum (Josue xii). Plebœcula etiam Judaica non eripiente Christum « inopem et egenum de manu fortiorum ejus (Psal. xxxiv), » mortis Dominicæ rea facta est. Et Moyses ait: « Non sequeris turbam ad faciendum malum, nec in judicio acquiesces sententiæ plurimorum, ne a vero devies (Exod. xxiii). » Et Apostolus: « Expurgate vetus fermentum, » et ejicite, « quia modicum fermentum totam massam corrumpit (I Cor. v). » Non minus peccas, quia cum multis, sed magis peccas, nec minus ardebis quia cum pluribus. Unde et illud generale proverbium sane intelligendum est: « Quod peccatur a multis inultum est, » quod est ab homine, sed non a Deo. Et item: Qui non corripit, cum possit arguere et impedire, consentit. Qui autem per multitudinem, vel prælatum excusari a peccato credunt, similes sunt Pilato lavanti aqua manus suas, et dicenti: « Mundus sum a sanguine hujus, vos videritis (Matth. xxvii); » non Danieli, qui ait: « Sanguinem innocentem condemnastis; viri Juda, redite ad judicium (Dan. xii). Qui etiam assimilantur primis parentibus, culpam in Deum refundentibus, quam et isti in multitudinem et abbatem, quia « mulier, » vel serpens, « dedit mihi et comedi (Gen.

A iii). » Abbas hoc præcipit, vel conventus hoc facit; unde nec contradico,

*Etsi mille sumant, deperit inde nihil.*

OVID.

Unde quidam intrans claustrum, cum occurreret ei peccatum in multitudine, quod vitaverat in singularitate (scilicet pluritas ecclesiarum, institutio in ecclesiis mercenariorum, signum tantum, non curam regendi animas, habentium; messis ubi non seminavit; perceptio fructuum et usus, ubi non laboravit [Luc. xix]; loci melioris prælati occupatio, cibi animarum defraudatio, officii ecclesiæ, et personæ, vel ministri ejus subtrahatio) timuit sibi, credens hoc non minus peccatum esse per multitudinem, licet quidem ex hoc non habeat cauteriatas

B conscientias, ejusmodi haberent, si in singularitate constituti hoc facerent. Qui etiam pro universitate se immunes a peccato esse æstimant, cum universitas, vel prælatus ecclesiæ sinit, vel auctoritatem et consensum præbet, indebita fieri, vel exigi ab Ecclesia, qualia sunt talliarum exactio, decimarum execrabilium solutio, et hujusmodi. Item Gregorius super II librum Regum, c. xxiv: « Quia David numeravit populum, immisit Deus pestilentiam in Israel, et mortui **190** sunt septuaginta millia virorum, » ait: Contingit pro malo gregis, ut sæpe vere boni delinquant vita pastoris, et secundum meritum plebium disponantur corda rectorum. David cum peccato populum numeravit, et populus poenam suscepit. Item in eodem libro, cap. xxi: « Facta est quoque fames in diebus David, etc. » Item Josephus (lib. v *Antiq. Judaicæ*, c. 45. 46) super primum Reg. cap. ii: « Heli autem senex, et audivit, etc., » ait: Heli pro iniquitate filiorum damnatus est, quia eos minus severa animadversione plectebat, et quidem coercuit et corripuit, sed levitate patris, non severitate et auctoritate pontificis. Discant ergo sacerdotes quia propter scelera populi punientur, et subditorum culpa illis imputabitur. Item primo Reg. cap. xxviii: « Idcirco quod pateris fecit tibi Dominus. » Item Num. c. xxxii: « Filii autem Ruben, ibi: « Qui si nolueritis sequi eum, » etc.

#### CAPUT LXXIV.

D *De constituendo se reo exemplo sancti viri pro modica occasione peccati.*

« Ne sequaris turbam ad faciendum malum (Exod. xxiii). » Vir enim sanctus et timens Deum pro quantalacunque occasione præstita, se reum peccati constituit, quod tamen manu vel verbo expresse non implevit. Unde David, interfectis sacerdotibus domini octoginta quinque, et viris Nobæ a Saule, eo quod Achimelec sacerdos summus panes propositionis, et gladium Goliz dederit sibi famelico et fugitivo, ait: « Reus ego sum omnium istarum animarum (I Reg. xxi). » Idem II Reg. xviii, cum statio et castra Philistinorum essent in Bethlehem, sitibundus ait: « O, si quis mihi daret potum aque de cisterna, quæ est in Bethlehem juxta por-

tam! irruerunt ergo tres fortes castra Philisthino-  
rum, et hauserunt de aqua illa, et attulerunt ad  
David; et ille noluit bibere, sed libavit eam Domi-  
no, dicens: Num sanguinem istorum hominum, qui  
profecti sunt, et animarum periculum bibam? »  
Gregorius (lib. ix *Registri*, ep. 39, et Glossa ord.  
ad c. 25 *II Reg.*): Qui alienam uxorem concu-  
piscere non timuit, post flagellum eruditus, quia  
aquam concupiit, expavit, reprehendens se super  
periculo militum. Et Apostolus in Act. apost. cap.  
xx, ait: « Quapropter contestor vos hodie, quia  
mendus sum a sanguine omnium » vestrum. « Non  
enim subterfugi, quo minus annuntiarem omne con-  
siliium Dei vobis. » Si ergo aliquid de contingentibus  
omisisset, se reum animarum omnium illorum con-  
stituisset.

Dominus per Moysen in Dent. cap. xix, a t :  
« Separabis tibi tres civitates in terra promissionis,  
et tres ultra Jordanem in medio terrae, ut sint æqua-  
lis spatii inter se; ad quas diligenter sternes vias,  
ut e vicino, et sine difficultate, et impedimento  
viæ, qui propter homicidium profugus est, habeat  
quo possit evadere et confugere. Has civitates re-  
fugii sic divides, et præparabis, ne sis reus sangui-  
nis alicujus, scilicet, qui ad aliquam harum non  
potuit confugere propter longitudinem, vel impedi-  
mentum viæ. » 191 Ergo, o prælate, nisi omnem  
amoveris difficultatem, nisi omnem adhibueris faci-  
litatem, nisi omnem Ecclesiæ servaveris munitio-  
nem, ut confugiens ad eam liberetur, reus eris sangui-  
nis illius si effusus fuerit. Item cap. xxii: « Cum  
ædificaveris domum novam, facies, » rutilulas et  
apodiationes, « murum tecti, » etsi planum sit,  
« per circuitum, ne effundatur sanguis in domo  
tua, et sis reus labente alio et in præceps ruente. »  
Illud etiam fabulosum, damnabilem esse modicam  
occasionem mali, ostendit, ubi dicitur:

. . . . . Ego te miseranda peremi  
Qui in loca plenu metu jussi te nocte venire.

Ovid. iv *Metam.* fab. 4.

Sic et advocatus, vel alius quilibet (qui, maxime  
pro injusta causa, aliquem mittit Romam) dicere  
potest: Ego te miserande peremi, qui in loca ple-  
na metu, per Alpes, per Apenninum, et mille peri-  
cula mortis, jussi te, etc. Item Job cap. ix: « Vere-  
bar omnia opera mea. Etsi enim lotus fuero, quasi  
aquis nivis, et fulserint velut mundissimæ manus  
meæ, tamen sordibus intinges me, et abominabun-  
tur me vestimenta mea. » Quasi: Etsi opera mea  
in se bona videantur, vereor tamen ne indiscrete  
facta, vel eò ordine, vel modo, vel tempore, quo  
non habent fieri, immunda sint; quia commutatio  
ordinis meritorum mutat formam, ita etiam in ob-  
servantia aliarum circumstantiarum; et, ut ait  
Gregorius (ep. ad Aug. Anglor. episc. c. 10): Bona  
nostra non sunt pura bona; sed mala, neque sunt  
pura mala, « et justitiæ vestræ, quasi pannus men-  
struatæ (Isa. LXIV), » in conspectu Domini; et bo-  
narum mentium est, culpam agnoscere, ubi culpa

A non est. Non solum autem levis occasio peccandi  
constituit peccatorem, sed et levis occasio delin-  
quendi, levis occasio omissionis, etc. Unde in Nu-  
meris cap. xxxii: Filiis Ruben et Gad petentibus  
sibi dari terram ultra Jordanem ad alenda pecora,  
et domos uxoris et parvulis suis conferendas,  
respondit: « Nunquid fratres vestri transibunt  
Jordanem, ibuntque ad pugnam, et vos hic sedebi-  
tis? Si nolueritis sequi eos, derelinquet Dominus  
populum in solitudine, et vos eritis causa necis  
omnium. » Item Exodi xxi: « Si bos corruptela fue-  
rit ab heri et nudistertius, et contestati sunt do-  
minum » vicini ejus, « nec recluserit eum, occi-  
deritque virum, aut mulierem, bos lapidibus ob-  
ruetur, et domum illius occident. » Timeant ergo  
B qui dentatas et feroces nutriunt bestias, maxime  
prælati Ecclesiæ, quibus leviori bellua censu con-  
stat, quam venter pauperis et inopis. Excusantes  
autem se ab occasione peccati præstita, nisi manu  
peccaverint, se reos non putantes, similes sunt pri-  
mis parentibus; similes Judæis dicentibus (Judæ  
hoc dicenti: « Peccavi tradens sanguinem justum  
quid ad nos? Tu videris (Matth. xxvii). » Per di-  
scipulum traditus est, a præside judicatus, a Roma-  
nis militibus crucifixus. Qui omnia fecerunt sic ut  
nihil facere viderentur, et hoc hodie quærimus,  
scilicet non ut peccemus, sed ne peccare videamur.  
Ili autem similes sunt Pharisæis dicentibus in Actis  
apost. prædicantibus Christum: Nunquid « et sangui-  
nem istius vultis in caput nostrum refundere? »  
C (Act. v) sed adhuc sanguis ejus est super eos, et  
super filios eorum. 192 Hanc occasionem levem  
quidam timens, cum longa manu peccasset, per ora  
omnium officialium suorum, sicut et per os prop-  
rium, confessus est peccata sua. Ob hanc etiam  
Robertus Ambianensis episcopus, qui dixerat judi-  
cibus sæcularibus de suspendendo: « Facite opus  
quod habetis facere, » omnibus diebus vitæ suæ do-  
luit.

Sanctus etiam Maurilius Andegavensis episcopus  
vocatus ad baptizandum puerum (qui obiit antequam  
ad eum forte accedere potuisset) se ab officio sus-  
pexit, et fugit in Angliam, clavibus ecclesiæ pro-  
jectis in mare, Deo vovens se amplius officium sa-  
cerdotis non fore exsecuturum, antequam per signa  
viderit quod ei remissum fuerit peccatum, quo se  
ligatum putabat ex facili occasione. Cui, facto hor-  
tulano in Anglia, claves inventæ in ventre piscis  
empti, oblate sunt; qui tamen non statim, sed per-  
acta penitentia rediit, reversusque puerum resus-  
citavit et baptizavit.

#### CAPUT LXXV.

*Contra suspiciosos, et ex conjecturis in temeraria  
judicia prorumpentes.*

Justus non solum perpetrandi mali a se amputat  
levem occasionem, sed et radicem temerarii judicii,  
hoc est suspicionem. Unde, ut faciat quod per elo-  
quia Dei doceatur, orans ait: « Amputa opprobrium  
meum quod suspicatus sum (Psal. cxviii). » Angu-

stinus (*in euna. psal. concione 12*), id est fac, ne de bonis, vel malis aliorum, malam vel falsam habeam opinionem, quæ est opprobrium meum; quia sæpe aliter quam res sit esse puto, et ita culpam, quam in aliis suspicor, meam esse ostendo. Cujus enim oculus de facili videt vanitatem, os loquitur, manusve operatur, quod in se agitur, hoc de alio suspicatur, ut etiam propter quod bona facit, propter hoc credat et alterum facere, bona aliorum pura, ex animo suo solo æstimans superficialia suisque similia. Item Augustinus super eundem locum. Sciendum quod quia occulta hominum non videntur, datus est suspicionibus locus, quas Dominus in Evangelio (*Matth. vi*), cum de fine operum præcepisset, ne scilicet justitiam suam facerent, vel propter laudes hominum, vel propter pecuniam, vel etiam victum vel vestitum, quia poteramus eam suspicari propter hoc factam, prohibuit dicens: « Nolite judicare » alios, ex suspicionibus, « et non judicabimini (*Luc. vi*), » non condemnabimini, nec ab aliis suspicionem judicabimini, Judicia enim nostra de occultis temeraria sunt; de quibus suum tantum est judicare, cujus judicia vera et occulta. Judicium autem rerum manifestarum cuilibet conceditur; judicium vero personarum soli judici, et non nisi convictarum in judicio, vel confessorum.

Ad hæc sic objicitur: Dubia in meliorem partem interpretanda sunt. Iniquum enim et diabolicum est in aliam partem declinare, et magis pronum esse ad mala quam ad bona. Unde Apostolus ad **193** Rom. xiv: « Infirmum, » caute « in fide assumite, non in disceptationibus, » et suspicionibus, « cogitationum. » Glossa: De operibus enim ejus, quæ bono et malo animo fieri possunt, cum ignoretur quo animo fiant, judicare prohibemur. Quod si erraverit, et scienter etiam malo animo fieri ab eo, patienter feras, errorem oratione, vel quovis alio modo cures. Unde ad Galatas, cap. vi. « Fratres, si præoccupatus fuerit homo aliquo delicto, vos, qui spirituales estis, instruite, » vel perficite, « hujusmodi hominem, » cui non desunt universa, sed aliqua; non utique proterve exagitando, vel peccantem irridendo, vel bona, quæ habet, per temerarium et suspiciosum judicium incrustando, vel superbe tanquam insanabilem detestando, « sed in spiritu lenitatis, » de bonis, quæ habet, gratias Deo agendo, de malis veniam et salutem a Christo promittendo, « considerans teipsum ne et tu tenteris. » Augustinus (*lib. II De baptismo contra Donatist, c. 5*): Si aliter de re sapias quam se habet, humana tentatio est. Nimis autem amare propriam sententiam, et in judicium temerarium prorumpere, et melioribus usque ad præscindendam communionis, et condendi schismatis sacrilegium invidere, diabolica præsumptio est. In nullo autem aliter sapere, quam res se habet, angelica perfectio est: quoadmodum igitur non habemus perfectionem angeli, non habeamus præsumptionem diaboli, potius « alter alterius onera

A. portemus (*Gal. vi*), » dimittentes debita in invicem, malis proximorum compatientes, ne, si non compatiaris, tua fiant. « Si quis autem existimat se aliquid esse (*ibid*), » arrogantie vanitate, stulta suspicione, et spiritualium comparatione, « cum nihil sit (*ibid*), » fingens se habere quod non habet, alio temerarie judicans non habere quæ habent, « ipse se seducit. Opus autem suum probet (*ibid*), » potius et judicet « unusquisque in se ipso, et non in altero (*ibid*), » id est, non ex malorum, vel minus perfectorum suam metiens laudem, sic se vane commendans, et alios stulte judicans. Item Epist. I ad Corinthios cap. iv: « Nolite ante tempus judicare, quoadmodum veniat Dominus et illuminabit abscondita tenebrarum, » id est nota faciat peccata damnatorum, « et manifestabit consilia cordium, et tunc erit laus unicuique a Deo. » Augustinus (*Tract. 90 in Joan.*): Perniciose erratur in rebus, ut qui malum putat bonum, et bonum malum, qui virtutes non approbat et vitia non detestatur. Profecto si aliqua suspicione erratur in hominibus, venialis est et humana tentatio, de quibus sæpe nostra credulitas fallitur. Nec mirum, quia et de eisdem nonnunquam historia, et multo magis fama mentitur. Quod si de his tentemur, judicia saltem, et definitivas sententias contineamus.

Idem ad Romanos xiv: « Tu quis es, qui judicas servum alienum? suo Domino stat, aut cadit. Non ergo amplius nos invicem judicemus, sed hoc judicate magis, ne ponatis offendiculum fratri vel scandalum. » Augustinus *De civitate*: Quod ad nos non pertinet, nobis non usurpemus. Non reprehendamus ea quæ, quo animo fiant, nescimus; vel si etiam aperta sint mala, de sanitate non desperemus. Qui enim hodie malus, cras bonus. In his ergo duobus temerarium judicium est, quod ex vitio superbiæ vel invidiæ illorum est, qui magis amant vituperare **194** quam emendare. Quibus dicitur: « Nolite judicare, ut non judicemini (*Matth. vii*). » Item II Corinth. I: « Gloria nostra hæc est testimonium conscientiæ nostræ. » Augustinus: Non consideres gloriam istam ex aliquorum comparatione, quia non ait Apostolus: « Gloria nostra est testimonium, » alienæ vel malitiæ, vel minoris gratiæ, sed ait: « Testimonium conscientiæ nostræ; » quæ, quoniam est occulta, non est ipsa quoque alieno subjecta judicio, et ideo nullus præsumat contra eam, vel proferre, vel cogitare sententiam dicens: Quis servat castitatem, vel illud, vel quodlibet aliud mandatum? Si enim putat quod nemo, ipse sit nemo.

Item: hujusmodi suspiciosi et temerarii judices de occultis cordium judicantes (cum solus « Deus sciat cogitationes hominum, quoniam vanæ sunt [*Psal. xciii*]; » solus scrutetur renes et corda [*Psal. vii*], solus judicabit, et non secundum auditum aurium, neque secundum visum oculorum arguet [*Isa. xi*] divinum officium sibi præsumunt et usurpant, volentes parificari Deo, cum de eo, qui ait: « Ascendam in cælum, et ero similis Altissimo. (*Isa.*

xiv.) Quasi diceret: Profundum est cor hominis, inscrutabile: et quis novit illud? Nos consiliarii, scrutatores eordum. Et item: « iudicia Dei abyssus multa (Psal. xxxv.) » Quis novit illa? Nos consiliarii Dei. It etiam usurpant sibi spiritum propheticum Elisæi, dicentes cum eo ad Giezi puerum illius: « Nonne cor nostrum in presenti erat, quando accepisti argentum et vestes a Naaman tibi occurrente? » (IV Reg. v.) Similes sunt etiam Judæis clamantibus et incrustantibus opera Domini: « In Beelzebub principe demoniorum ejteis dæmonia (Luc. xi.) » Quod dicunt, qui opus dexteræ invertunt, dicentes id fieri causa sinistra, puta laudis, favoris humani, vel quæstus et hujusmodi.

Hoc est « Spiritum Dei extinguere (I Thes. v.) » et in Spiritum sanctum peccare; opus scilicet, quod benignitati ejus deberet attribui, diabolo ascribere (Math. xi). Solus Dominus vero potuit uti hoc nomine, hypocrita. Quis enim novit de alio, quod sit aurum vel aureus interior, vel deauratus, hypocrisique bracteatus, nisi Dominus? Tales etiam quasi quadam perplexitate vexant justos revelantes et manifestantes illis secreta domus suæ, et modum vivendi ad exemplum. Qui si viderint signa arctioris vitæ in modo ejus, ut lectum de cineribus, stratum et sæcum, et hujusmodi, statim clamitant eos esse hypocritas; si autem hæc eis celaverint et oculos suos clauerint, dicunt: Quia in occulto vorator carnium, potator vini fuerit et in plumis jaceat Sardanapali. Hi:

*Postpositis propriis aliena negotia curant.*

HORAT.

habentes os patulum, ablata ostii circumstantia, et linguas prurientes. Contra quos ait Dominus: « Qui sine peccato est vestrum, primus in illam lapidem mittat (Joan. viii) » Quasi diceret: Cum non cogaris, cur judicæ fratrem tuum? Et philosophus (SENECA): In dubiis non cito diffinias, sed suspensam diu teneas sententiam, quæ sicut cum morositate et discretionem est excoquenda et concipienda, ita et eum gravitate multa est proferenda. Et Hieronymus (in l. De quatuor Virtut. qui est Martini episcopi Dunniensis): Si videris unctum Domini demulcentem caput mulieris, ne statim inde malum suspiceris, sed dicas, quia **195** causa benedicendi hoc fecit. Item Jacobi cap. iv: « Qui detrahit fratri, vel judicat fratrem suum, detrahit legi, et judicat legem. Si autem judicat legem, non est factor legis, sed iudex. Tu autem quis es, qui judicæ proximum? » Item, Ecclesiasticus, cap. xi: « Priusquam interroges, ne vituperes quemquam, et cum interrogaveris, corripe iuste. » Item: « Amputa opprobrium meum quod suspicatus sum, quia iudicia tua jucunda (Psal. cxviii.) »

#### CAPUT LXXVI.

*Contra rumorosos.*

Quia suspiciosi consueverunt esse rumorosi, hujusmodi homines objurgat Apostolus in II ad Thesal. iii: « His qui ejusmodi sunt, denuntiamus, et obsecramus in Domino, » id est Christo, « ut cum

A silentio, » id est sine querela et rumusculis « operantes, panem suum manducent. » Et Cato ait (in *Distychis*, lib. i):

*Rumores fuge, ne incipias novus auctor haberi;  
Rara fides ideo est, quia multi multa loquuntur.*

Et Horat (lib. i, ep. 18):

*Percunctatorem fugito, nam garrulus hic est.*

Et Quintus Curtius ait: Præterea rumor otiosi militis est vitium.

*Fama malum, quo non aliud velocius ultum,  
Mobilitate viget, viresque acquirit eundo,*  
(VIRGIL., IV *Æneidos*, 138.)

Et qui audiens et proferens illoto et turpi utitur sermone ejus vita est inhonestior. Tales bibulas habent aures, linguasque prurientes, et sermonibus cognatis mores similes, rumorosi, rumusculosi et nugigeruli, qui, quod nesciunt, proferunt, cum viri sententia debeat esse certa animi et indubitata responsio. Dubius testis non remanet impunitus, nec ergo dubius assertor alicujus rei. Magis periculosum est præcipitare sententiam, per quam læditur fama alicujus et incrustatur, quam illam per quam minuitur, vel deperit recula ipsius. Socrates præcepit dari inducias ad solvendum quas-cunque quæstiones. Et Ecclesiasticus, cap. xxxiii. « Fili, sine consilio » (hoc est lima discretionis) « nil facias, » nil dicas; « et post factum non pœnitebis. » Præcipitem enim dictionem et actionem sæpe sequitur pœnitentia. Et Salomon: « Fili, ante omnia habeas consilium stabile (Eccli. xxxvii), » ut nil sine judicio, id est præjudicio, hoc est discretionem et deliberationem præcedente, facias et loquaris. Item Ecclesiastici xxxiii: « Qui interrogationem manifestat, parabit verbum, » « disponit sermones suos in judicio (Psal. cxi), » « et sic deprecatus Dominum, exaudietur, et conservabit disciplinam, et tunc respondebit (Eccli. xxxiii), » Item Ecclesiastici xxix: « Confirma verbum et fideliter age cum illo, et in omni tempore invenies quod tibi necessarium est. » Et Salomon in *Parab.*, cap. iv: « Palpebræ tuæ præcedant gressus tuos, » id est opera tua, ut nihil sine providentia loquaris, vel agas.

**196** Ne his assimileris de quibus dicitur: « Cor stultorum in ore eorum (Eccli. xxi). » Et item: « Cor stultorum dissimile erit. (Prov. xv). » Et item: « Narratio fatui quasi sarcina in via, labia imprudentum stulta narrabunt, et insensati verba inenarrabilia; verba inenarrabilia; verba autem prudentum statera ponderabuntur (Eccli. xxi). » Summa ergo summarum hæc erit, scilicet tardiloquum te esse jubeo. Et philosophus (SENECA., ep. 40 in fin.): Qui in dubiis timidus erit, nauci non erit. Et poeta (STATIUS, l. xi *Thebaidos*) :

*Da spatium tenuemque moram, malecuncta ministrat  
Iupetus.*

..... *Hic miseris furor est instare periclo.  
Nec libi are metu, et tuta odisse.*

Imperator Augustus in omnibus agendis morosus fuit, nil sine judicio egit. Unde et dicebat Suetonius: Satis celeriter fit, quidquid fit satis bene.

## CAPUT LXXVII.

*Contra inconstantes.*

Hoc vitium rumorosorum comitatur inconstantia. Sæpe enim esse consueverunt inconstantes, et, ita nugigeruli. Inconstantes autem redarguens Ecclesiasticus, c. xxxiii, ait: « Præcordia fatui, quasi rota carri, et quasi axis versatilis cogitatus illius. »

*Conveniet nulli, qui secum dissidet ipse.*

(CATO, in *Dist.*, lib. 1.)

Primum argumentum mentis bene compositæ est posse morari et secum consistere. Et Apostolus I ad Corinth., ultimo capite: « Vigilate, state in fide, viriliter agite, » quia mulierum est inconstantia. Varium et mutabile semper femina (SENÆC., ep. 2). « Constantes estote, et videbitis auxilium Domini super vos (II Paral. xx). » Alioquin nequaquam, sed inconstantes effecti, maledictionem et pœnam filiorum Judæ incurretis. Unde Ps. cviii: « Nutantes, » inconstantes et dubii, « transferantur filii ejus et mendicent, et ejiciantur de habitationibus suis, scrutietur fenerator substantiam ejus, » etc. Tales enim cum suspiciosi incurrant maledictionem Cain, habentes tremulum caput et tremulum cor et inconstans, et tremulam linguam, « vagi et profugi cum Cain super terram (Gen. iv). » Omnis stultitia laborat fastidio sui inconstans sibi, ipsis vertuntur in tedium, quia « stultus ut luna mutatur (Eccli. xxvii). » Horum opera non habent caudam vel caput, « laudent diversa sequentes. Et Isa. iii: « Mulieres dominatæ sunt populi mei. » Et Parabol., cap. iv: « Dirige semitam pedibus tuis, et omnes viæ tuæ stabilientur. Firmamentum est Dominus timentibus eum (Psal. xxiv). » Et Petro dictum est: « Confirma fratres tuos (Luc. xxii). » Inconstantes enim arundini omni vento agitæ comparantur (Math. xi). Et David ait: « Lætetur cor quærentium Dominum, et confirmamini (Psal. civ), » etc. Item: « Perfice gressus meos in semitis tuis, ut non moveantur vestigia mea (Psal. xvi). » Et item: « Confirma hoc, Deus, quod operatus es in nobis (Psal. lxxv). » « Dominus autem firmavit 197 faciem suam, ut iret in Jerusalem (Luc. ix). » In cujus ore « non fuit est et non. » A quo vitio Apostolus II Corinth. i se excusans, ait: « Nunquid levitate usus sum, ut sit apud me, est et non? » Idem: « Stabiles estote et immobiles, abundantes in opere Domini semper (II Cor. xv). » Inconstantem Salomon apostatæ æquiparat Parabol. vi, dicens: « Homo apostata » et levis, « vir inutilis graditur ore perverso, annuit oculis, terit pede, » etc. Glossa: Exteriorum mobilitate indicat, quod nulla radice interius subsistat; quia mobilitas vel inconstantia mentis membra præbet inquieti. Item: « In circuitu impii ambulat (Psal. xi). » Item: « Omnem escam abominata est anima eorum (Psal. cvi), » etc.

## A

## CAPUT LXXVIII.

*Contra peregrina judicicia ferri candentis, et aquæ frigidæ, vel bullientis.*

Sicut dubia, ita peregrina judicicia, imo diabolica tentamenta, quibus Dominus tentatur, ab eodem sunt prohibita. Unde Deut. xviii: « Cave ne inveniat in te, qui ariolos seiscitatur, observet somnia vel auguria, nec maleficius, nec incantator, nec pythones consulat, nec divinos, et quærat a mortuis veritatem. » Ergo si tibi prohibitum est per gladium, vel prælium, divinatorum officiorum [f. judiciorum] quærere veritatem et per ignem, vel aquam, vel aerem, nec officio incantatoris, vel incarminatoris probes alicujus innocentiam. Eadem etiam auctoritate canonica, et apostolica, qua illa et ista prohibita sunt. Item cap. eodem: « Propheta qui voluerit loqui, quæ ego non præcepi, interficietur. Sed quomodo intelligam per illum non esse locutum Dominum? Hoc habebis signum, si quod propheta ille prædixerit, et non evenerit, hoc Dominus locutus non est, sed per tumorem animi sui propheta confinxit, et ideo non timebis eum. » Sed peregrina judicicia et incarminationes, vel execrationes aquæ, vel ferri candentis, sæpe fallunt, nec effectum consequuntur. Istis enim sæpe damnatur innocens. Ergo si non evenerit quod pollicetur miraculator iste, nec tale judicium locutus est Deus.

Si autem evenerit, et Deus hujusmodi judicium non præcepit in lege loqui vel Evangelio, ergo interfici debet, contra Deum sic loquens et incantans. C Item, Deuteron., cap. xvii: « In ore duorum aut trium testium peribit qui interficietur. » Glossa: « Non nisi secundum verbum, quod locutus sum, » attestations scilicet legis et Evangelii, iudex iudicabit eum. Et Apostolus ad Hebræos vi, ait: « Omnis controversiæ finis est juramentum. » Et epistola III ad Corinth. i: « Non quia dominamur fidei vestræ, sed adjuutores sumus gaudii vestri. » Cum igitur non possit cogi quis credere, quomodo minus credens comburitur, cum homo ejusmodi fidei non possit dominari? Et David: « Non egredieris, Deus, in virtutibus nostris (Psal. xlii), » sicut olim in miraculis antiquorum patrum: Item Dominus Matthæo (cap. iv): 198 « Dic ut lapides isti panes fiant. » Qui respondens dixit: « Scriptum est: Non in solo pane vivit homo, sed in omni verbo quod procedit de ore Dei: » Non utitur potestate, sed Scripturarum auctoritate, docens nos magis doctrina pugnare quam miraculis. In eodem: « Non tentabis Dominum Deum tuum (ibid.). » Glossa: Suggerebat diabolus ut aliquo signo exploraret quantum apud Deum posset. Sed nemo debet tentare Deum, quando habet ex humana ratione quid faciat. Unde quamvis omnia possit, ait suis: « Si vos persecuti fuerint in una civitate, fugite in aliam (Math. x). » Et ipse idem fugit, qui et potuit aliter de templo descendere quam per jactantiam se præcipitare (Joan. vi). Postquam autem deficit humana ratio, commendet se bono Deo, non tentando, sed devote confitendo. Reis ergo ad probationem aquam zelotypiæ (Num. v)

et maledictionis (eo quod de ea Scriptura memoret) dare consulerem, nunquam autem corpus Domini propter nimiam ταπεινωσις, id est humiliationem tanti sacramenti. Ego etiam licet sacerdos et jussus ab universali Ecclesia, peregrinum iudicium non exercebam. Item : Quaedam approbata quondam a Domino, et ad tempus indulta, ut jactum sortium in multitudine de Saul (*I Reg. x*), vel in paucitate et duobus, de Matthia et Barnaba (*Act. i*), hodie non recipit Ecclesia; propter, tum viciniam sortilegiorum, et quia *mala sunt vicina bonis* (HORATIUS), tum propter incertitudinem sortium (26, q. 5, c. *Sortes*), quibus servatis et jactis, maxime in multitudine, malus et indignus præponeretur digno in regimine ejus. Maluit ergo Ecclesia electionem prælati committi humanæ rationi et discretioni quam sortium incertitudini. Hinc concludo, quod si propter dictas causas non recipit iudicium sortium peregrinum et incertum, etiam in casu, ubi non timetur effusio sanguinis; multo minus propter easdem causas, et in casu ubi est effusio sanguinis, recipere debet peregrina iudicia, ad probandum innocentiam, vel malitiam alicujus. Restat ergo ea esse tollenda de medio Ecclesie, sicut et jactum sortium, præsertim cum nec auctoritate ejus sint instituta vel recepta, sed furtive et cupide subintroducuntur. Item : Hodie non creditur veritati sortium in eo quod majus est, ut in eligendo prælato ecclesie, ex cujus electione maxime pendet salus ejus si bonus, vel imminet periculum animæ si malus eligitur. Igitur nec in eo, quod minus est, debet credi veritati peregrini iudicii; vel si creditur, in eo quod minus est, et in eo quod majus et utilius est, multo magis standum veritati hujus iudicii. Item : Privilegia paucorum non sunt trahenda ad consequentiam, et in legem communem. Legimus Moysen transiisse mare Rubrum sicco vestigio (*Exod. xiv*); Danielem de lacu ieorum illæsum extractum (*Dan. vi*); tres pueros de camino ignis liberatos (*Dan. iii*); Brixium in sui purgationem in hyrrho suo prunas detulisse ardentes (GREG. TURON. II lib. *Hist. Franc.*, c. 4, et *Vita ejusdem*, l. VI Suri); Achaz ad vocem Isaie signum a Domino petisse (*Isa. vii*), nunc autem a fide prædicata et suscepta, sicut nonnulla proclamant auctoritas, non tempus est faciendi miracula, sed fidei et mandatorum potius implendi et imitandi opera. Vel si vis ut fiant miracula, trade nobis similem alicui prædictorum, **199** et per eum fiant, et pro re nimis utili Ecclesie. Item : In iudicio aquæ elementum exercet naturam, et iudicium suum, et manifestationem, et probationem innocentie alicujus, cujus elementi natura est, corpus ponderosum intra se recipere, nisi, quasi in pilam, vel in naviculam corpus humanum convertatur et contrahatur, sicque in hoc iudicio gratia juvatur natura. Econtra in iudicio ferri candentis in probationem innocentie alicujus auferitur elemento natura sua et officium, quod est teneram carnem comburere. Similiter econtrario in his iudicatur circa manifestationem reatus, vel malitie

A alicujus. Unde concludo, in utroque elementorum horum debere observari naturam ejus, et officium in manifestatione innocentie alicujus, ubi miraculose utrumque sua natura privari in manifestatione alicujus reatus, vel propter contrarietatem iudicii utrumque, scilicet iudicium aquæ, et iudicium ignis, esse refellendum et repellendum.

Item : Si miracula promissa a Domino in Evangelio justis, quandoque fallunt, nec sunt in necessitate, ut semper effectum suum consequantur (*Marc. xvi*); ut scilicet curentur ægri per manuum impositionem, et hujusmodi, sicut testantur sancti, quomodo hæc miracula peregrini iudicii semper in necessitate sunt, ut fiant vel effectum suum consequantur? si fallunt, ergo spernenda sunt. Quod B autem furtim sint miracula hujusmodi peregrina iudicia, ex eo probatur quod elementis natura sua per incantationem auferuntur. Sed et miracula facere concessum est etiam malis a Deo, et pro malis. Unde : « Nonne in nomine tuo dæmonia ejicimus? (*Matth. vii*) » etc. Ego tamen etsi per me, vel pro me miracula non fiant, non ideo credam me esse minus fidelem et innocentem. Modo enim Ecclesia magis immititur bonis operibus quam miraculis. Item Dominus : « Quæcumque petieritis Patrem in nomine meo (*Joan. xiv*), » pie scilicet et perseveranter; et ea quæ sunt ad salutem, id est, « sine quibus non est salus, et pro vobis fient. » Vobis, non dico his pro quibus, vel contra quos petitur. C Quomodo igitur sacerdos magus et incantator præsumit se exaudiri pro omnibus, pro quibus, vel contra quos invocat? Item : Petrus in *Dialogo* (lib. 1, c. 2) quærens a Gregorio, quomodo caligæ impositione super mortuum resuscitatus sit, scilicet, vel propter meritum invocantis, vel meritum matris pro filio rogantis, vel meritum suscitandi, vel sanctorum ad quos preces diriguntur. Cui Gregorius : Modo pro hac causa, modo pro illa, modo omnibus his concurrentibus fiunt miracula; sed pro quo istorum fiunt hæc ab hujusmodi sacerdote? Item : Nec exorcismi inventi a Salomone, sed nec exorcismi inventi ab Ecclesia, ad effugandos dæmones, curandos energumenos, morbos sanandos, de necessitate semper sunt efficaces talium, sed sæpe fallunt. Quomodo ergo exorcismi, imo maledictiones aquæ vel ignis, de quorum origine et auctoritate penitus ignoratur, in necessitate sunt, ut semper suos consequantur effectus? Nunquid est hoc ex vi exorcismorum, vel auctoritatis eorum, vel ex vi ordinis? Ita dico, si alicui ordini sunt addicti, sed **200** auctor ignoratur. Restat igitur, ut ex vi eis collata hoc habeant. Sed a quo? Sic ergo, ex vi ordinis. Nunquid ergo hoc aliquis potest semper, quia sacerdos est, vel quia exorcista? Item Psal. LVIII : « Intende animæ meæ, et libera eam, propter inimicos meos » confundendos, vel convertendos mea liberatione « eripe me. » Sed mirum videtur quod in hoc petitionis suæ causam constituit, ac si non esset liberandus, si neutrum eorum contingeret. Sed atten-

dendum quod duæ sunt liberationes : una occulta, A quæ fit propter ipsos sanctos, qualiter liberati sunt Machabæi septem igne consumpti cum matre ipsa eosdem hortante, ut eligerent potius mori pro legibus Dei, quam vivere contra eas (*II Machab. vii*). Est et alia aperta, quæ fit propter inimicos puniendos, vel convertendos ; qualiter tres pueri de igne, etiam corpore liberati sunt ; propter quod ipse Nabuchodonosor conversus Deum ipsorum, quem contempserat, prædicavit (*Dan. iii*). Si igitur petis apertam alicujus liberationem, nec propter conversionem fratrum, vel fidei assertionem, Deumque tentando, provocas ad eam, et ad miracula faciendâ ; tempora et statum gratiæ conaris reducere ad tempora et statum veteris instrumenti, cum Dominus tempore gratiæ sanctis suis occulta tantum promiserit, daturus illis manifesta tempore suo, non sicut antiquis, qui tanquam mammothrecti alliciendi erant miraculis et temporalibus ad amorem cœlestium. Dominus etiam justis sub Novo Testamento per Isaiam *xliiii* ait : « Ne memineritis priorum, et antiquam ne intueamini. Ecce ego facio nova, et nunc orientur, utique cognoscetis ea. » Item in psalmo *cvii* : « In Deo faciemus virtutem, » non in gladio, non in miraculis, sed in Deo, scilicet in fide ejus et bonis operibus vincendo diabolum. Item : Forma baptismalis a Christo inventa, non semper consequitur effectum suum, impediente macula etiam unius criminalis. Quomodo igitur forma execrabilis incarnationis ferri, nescio a quo inventa, ex necessitate semper habebit efficaciam ? Item : Si ecclesia infidelium promitteret Ecclesiæ fidei hunc se suscepturam fidem Christi, si eam veram esse probaverit et examinaverit judicio ferri candentis, nunquid Ecclesia catholica propter tot lucrandos subiret in unica persona hujusmodi judicium ? Absit eam fidem Christi incerto committere judicio, ne astutia et malignitate diaboli, et ex permissione Dei periclitaretur. Ob quam causam nec passi sunt Judæi rotulum suum deferre circa civitatem Remensem tempore siccitatis, denegata pluvia Ecclesiæ ad preces et ad processiones ejusdem. Item : Peregrina judicia approbantes, celebrantes, vel subeuntes, videntur se parificare Joanni, « qui in ferventis olei dolium missus, illæsus, » et mente et corpore, « exivit. » Similes etiam videri volunt beato Marcello Parisiensi. Qui, cum super manus ejus faber massam ferri ignitam poneret, et eo prunas in thuribulo poni rogante, ait : De calore ignis calet, et novem pondera habet. Manus autem tui peccatoris, nunquam fiat statera ponderis ferri candentis. Item, ut exemplis utamur : In Remensi concilio (anno 1148), præsidente papa **201** Eugenio, quidam Manichæus convictus, et confessus hæresim suam de communi decreto concilii incarceratus est, non interfectus, non membro mutilatus, sed ne alios corrumpere, et si forte pœniteret in carcere Samsonis ejusdem civitatis archiepiscopi positus, aqua et tenui diæta altus est donec obiret.

Qui etiam archiepiscopus judicium ignis in diocesi sua exerceri omnino prohibuit ; judicium vero aquæ sustinuit quoquo modo, non concedens tamen alicui sacerdoti suo benedictionem aquæ celebrare, nisi prius præstita cautione sacerdoti benedicturo aquam a principibus de non mutilando membro, et de sanguine non effundendo. Sed et infideles olim Christiano non convicto vel confesso, dabant inducias triginta dierum, ut secum deliberaret, an idolis sacrificare vellet. A convicto autem aut confesso, et nomen Christi negante, nihil amplius, quam ut sacrificaret idolis, exigebatur. Non enim, si sic sentiret in corde, probabatur. Quomodo igitur Ecclesia corda hominum judicio peregrino examinare præsumit ? Vel quomodo induciæ legitimiæ Catharis deliberandi non dantur, sed statim comburuntur ? B Ino etiam quedam matronæ honestæ nolentes consentire libidini sacerdotum « de semine Chanaan (*Dan. iii*) » genitorum ab eis, in libro mortis scriptæ sunt et accusatæ ut Catharæ, et damnatæ etiam a quodam pelente et stulto zelatore fidei Christianæ, loculis divitum Catharorum emunctis et abire permissorum. Unicus, quia pauper et pallidus fidem Christi fideliter in omnibus confitens, et in spem prætendens, combustus est, eo quod episcopis congregatis diceret, quod nequaquam judicium ferri candentis subiret, nisi ei prius per eos constaret, quod sine peccato mortali, et tentatione Domini hoc fieri posset. Qui audientes hoc verbum una omnes eum reliquerunt, dicentes regi, non licet sibi interesse judicio sanguinis. Item Hebr., cap. *xi* : « Sancti per fidem vicerunt regna. » Respondet Augustinus : Quandoque occulta victoria et liberatione, quandoque manifesta. « Operati sunt justitiam, » hoc semper. « Adepti sunt reponiissiones in Christo. » Hæc præcedentia semper per fidem, si justus es, adipiscere. Non enim in necessitate fidei est, ut semper adipiscaris sequentia in miraculorum superficie, « ut obturaverunt ora leonum, » etc. Sanctitate ergo similem sanctitati istorum præsumit se habere, imo majorem, qui ex necessitate, et ita quod non fallant, miracula operari attentat. Item : non esse innitendum falsitati et incertitudini peregrini judicii multa exempla probant, ut illud de ædituo Aurelianensi suspensio pro reliquiis ecclesiæ sancti Samsonis furtim sublati.

Quæ alius, postea deprehensus, confessus est se sustulisse. Et illud de recluso Compendiensi, qui pro consimili furto nimis audax, quia nihil conscius, tulit ferrum candens et combustus est. Et illud de reclusa familiari Catharis. Unde et viluit nomen ejus in populo, adeo ut nec esset qui eam fame morientem pasceret. Quæ ad consilium ejusdem decani religiosi confessa **202** ei prius, quod omnino immunis esset a pravitate hæretica Catharorum, in purgationem sui tulit ferrum, et bis combusta est. Et illud de peregrino Anglico, cui sine comite suo redeuntis de partibus Jerosolymitanis, socio ejus divertente ad S. Jacobum, impositum est (a paren-

tilis socii ejus per calumniam), quod eum in via occidisset. Unde et iudicium aquæ subiens, perit; revertente socio ejus in Angliam in brevi post suspensionem ejus. In dubiis ergo tenenda est sententia, potissime in causa sanguinis, ubi non conjecturaliter vel probabiliter tantum est procedendum, sed limpidissimis et luce clarioribus rationibus judicandum, ne aliter judicans reus sit mortis condemnati. Sed nec convicti ab hujusmodi iudicio tradendi essent morti, quia hoc iudicium quodammodo est ecclesiasticum, quia non exercetur sine presentia sacerdotis, per quod, cum traditur morti, a sacerdote traditur; quia illud ab eo fit, cujus auctoritate fit. Sed et B. Thomas Cantuariensis. Clericum degradatum noluit pro eodem crimine alias puniri, quia non punit Deus in idipsum (*Natum* i juxta LXX, et citatur 13, q. 2, c. *Quæsitum est*). Quod ante Cathari convicti vel confessi non sint occidendi, nisi crediderit manualiter Ecclesia, quod sibi possint resistere, videtur. Ait enim Apostolus: « Hereticum hominem post trinam admonitionem, devota (Tit. iii.) » Non ait, occide. Item David: « Increpa feras arundinis, et dissipa, ne sit congregatio taurorum in vaccis populorum (Psal. LXVII.) » Recludendi ergo sunt, non occidendi. Unde super illum locum II Reg. XVI: « Ingredere ad concubinas patris tuis, » etc. ait Isidorus: Per concubinas David ab Absalon corruptas, hæreticos et apostatas accepimus. Ad has David ultra non ingreditur, nec hi similiter regimini Ecclesiæ præponuntur. His tamen jubet David in custodia positis alimenta ministrari, a consortio autem honorum alienari debent. Non autem pastum talibus renuit, sed præbere jubet, ut convertantur beneficiorum occasione. Item III Reg. II: « Hodie te non interficiam, quia portasti arcam Domini, » etc. Apostolo etiam, eo quod omnia contemneret, et frequentes tribulationes sustineret, impositum est a pseudo quod non sane crederet, nec vir Dei esset. Unde II, ad Corinth. c. IV, « Ergo mors in vobis operatur, eo quod non creditis sicut asseritis, vita autem operatur in vobis, » eo quod creditis. Succedunt enim vobis bona ad nutum, nobis autem semper mala et mors imminet. David autem ait: Quia: « Memoriam fecit mirabilia suorum misericors et miserator Dominus (Psal. CX.) » Non ergo expectes, ut semper pro te ista faciat, quæ aliquando fecit, ut memoriam eorum haberes. Item: Apostolus, I ad Coriuth., cap. XII, ostendit diversitatem personarum secundum officia in Ecclesia, et divisionem gratiarum in ea; quia: « Alii datur per spiritum sermo sapientiæ; alii sermo scientiæ secundum eundem Spiritum; alteri fides in eodem Spiritu; alii gratia sanctorum in uno Spiritu; alii operatio virtutum, » miraculorum, etc. Si igitur omnibus iudicio, quomodo « divisiones gratiarum sunt? » Vel: Quomodo alii a sacerdotibus ad exsecrandam aquam non admittuntur? Si solis sacerdotibus 203 et omnibus confertur hæc potestas, quomodo tot

A sunt divisiones gratiarum? Vel cum sint omnia unum membrum, ubi corpus? Item: Hoc confertur eis ex dono Spiritus sancti tantum, vel ex vi ordinis. Si ex dono Spiritus sancti, igitur aliquis potest carere hoc dono propter maculam aliquam. Et quia « divisiones gratiarum sunt, » quomodo igitur omnes præsumunt hanc potestatem exercere? Quod hoc ex vi ordinis fiat tantum, videtur ex eo quod hujusmodi iudicium contra institutionem et prohibitionem ecclesiasticam exercetur. Item: Calumniæ in hoc iudicio manet impunita.

Unde et passim, et temerarie prosilitur in accusationem ejusque: ergo hoc iudicium inæquale et injustum est, cum secundum legem, calumniantes in vindictam similiter exposcat supplicii. Item B Isaias, cap. XLIV: « Ergo Deus faciens omnia extendens cælos solus, stabiliens terram, et nullus mecum. Irrita faciens signa divinatorum, et ariolos in furorem vertens; convertens sapientes retrorsum, et scientiam eorum stultam faciens. » Item: Præbere alicui opportunitatem, vel occasionem fornicandi, cum possis impedire, peccatum mortale est. Ergo et præbere opportunitatem, vel occasionem effundendi sanguinem alicujus cum possis impedire, vel non consentire, magis mortale est, cum et hoc, illo sit peccatum majus. Sic et sacerdos incarninans elementum et reus subiens tale iudicium, mortaliter peccat. Sed dices: Nunquam multitudo est in causa, ideoque non posse resisti. Sed nunquid multitudo posset facere simplicem fornicationem non esse peccatum mortale, vel magis tolerabile, si omnes fornicarentur? Absit! Juxta illud: « Multitudo non parit peccanti patrociniū, » Ergo nec in hoc majori. Ego igitur reus, juramento me purgarem, nec ultra procederem. Sacerdos similiter, non benedicerem aquam vel ferrum, nec reliquias et sancta præberem, ut super ea juraret commissurus monomachiam, ne per auctoritatem et occasionem essem reus sanguinis effusionis. Item: Veritas hujus iudicii, vel consistit in officio sacerdotis tantum, vel in voluntate rei iudicium subire volentis, vel in utroque; sed non in officio sacerdotis tantum, quia pro hoc solo non fieret; nec in voluntate rei, quia invitus subit. Vel si voluntarius: An ideo erit hoc iudicium justum? Si hoc: Ergo injustum erit in eo quod invitus subierit? Vel si coactus, et si per violentiam in copam immittitur, eritne standum iudicio aquæ? Quid igitur, si non habes ex humana ratione quid facias? dicas: « In manus tuas, Domine, commendo spiritum meum (Psal. XXX.) » Terra vero corporis mei, ut videris expedire, vel detur in manus impii, vel, si placeat, liberetur. Item: Patet hujusmodi iudicium injustum esse, ex dolo et cautela, quæ in eo exercetur, ut in ligando corpus humanum in naviculam, vesiculam vel pilam in demittendo, in spiritum retinendo, quo retento corpus superenatat. Sic ergo incertitudini et cautela demittentis, vel timoris impmissi ob quem spiritum retinet, committetur



sanguis nuanus effundendus, et pro quo sanguinem A suum effudit Dominus Jesus Christus (*Matth. xxvi.*) Item : Pugil **204** commissurus monomachiam, vel confidit in virtute et robore suo magis, vel in exercitio artis, vel in omnimoda innocentia sua, vel in miraculo Dei faciendo. Si in virtute sua vel in artis peritia, ergo inæquale est iudicium. Si in omnimoda innocentia, præsumptio est, et anticipatio divini iudicii, in quo solo et manifestabuntur abscondita cordis nostri (*I Cor. iv.*) Si in miraculo, diabolica tentatio est, cum dictum sit : « Non tentabis Dominum Deum tuum (*Matth. iv.*) » dum habes quid agas secundum humanam rationem. Item : Patet huiusmodi iudicium esse injustum, ex eo quod diversi diversa de ipso sentiant. Quidam immissum in aquam, si fundum non tetigerit, damnant; alii illum justificant et salvant, si aqua totum eum receperit, et concluderit, et operuerit cum capillis; alii (etsi soli capilli enatent, cum sint excrementa corporis, non de substantia ejus) talem justum pronuntiant. Item : Ferrum si a tribus deferatur, minus ignitum et calidum est delatum ab ultimo. Unde et manus tertiæ inventa est non combusta, cum a tribus deferretur, manusque aliorum combustæ esseat. Item : Callosa est manus, vel non. Exemplum de eo, qui præparans unum de filiis suis ad iudicium aquæ, sex supernatantibus, septimum aquæ imposuit, qui statim fundum petiit. Iste, inquit, mihi necessarius est, et post per illum evicit.

#### CAPUT LXXXI.

*Contra traditionum onerositatem et multitudinem.*

Præter supradictas traditiones et adinventiones diabolicas de peregrinis iudiciis omnino illicitas, sunt quædam traditiones licitæ et utiles. Sape tamen, et in casu divinis præceptis evangelicis et apostolicis, sicut videtur, obicem et contrarietatem præbentes. Sunt et aliæ licitæ, nullumque offendiculum mandatis divinis parientes, et tamen præ multitudine sua gravant constituentes, et inobedientes illis transgressores, nisi in parcitate et in paucitate, et nonnisi pro manifestissima causa et utili instituendæ essent. Obicem videntur præbere divinis præceptis. Hæ evacuunt evangelicam libertatem corripendi fratrem, scilicet silentium, tranquillitas et religio claustrum, nisi in ventralibus et minus atrocibus criminibus, et ita in atrocioribus dormit et expirat forte apud claustrales hoc mandatum : « Si peccaverit in te frater tuus, corripe eum (*Matth. xviii.*) » etc., secundum formam ecclesiasticam et ordinem iudicarium. Item : Traditio de non recedendo a contemplativa ad activam, nisi pro utilitate Ecclesiæ, his obviat mandatis : Dominus suis dedit potestatem cujusque operis (*Matth. x.*) Et item : « Si dextera tua scandalizat te, abijce eam, et projice abs te (*Matth. v.*) » id est si contemplativa offendiculum et tædium tibi peperit, redi ad activam. Non **205** dico ad quamlibet, sed ad eam, quæ et contemplativa est respectu activæ inferioris.

Est enim contemplativa excellens, qua quis mente inhæret contemplationi Trinitatis et cælestium spirituum. Est et contemplativa indignior, ut lectio, scriptitatio, et huiusmodi, quæ et contemplativæ partes sunt respectu activæ inferioris, quæ et conjugatis est in remedium. Est etiam activa prælati dignior in meritum. Ad medium ergo redeat fastiditus in excellentiore contemplativa. Item : Traditio de proprietate fugienda, et de non erogando pauperibus, de non subveniendo tribulatis, nisi per eum, cui dispensatio credita est, obviare videtur his præceptis : « Esto consentiens adversario tuo (*Matth. v.*) » Evangelio scilicet, quod est tibi abbas et adversarius in via, quod clamat : « Frange esurienti panem (*Isa. lviii.*) » etc. Et item : « Omni petenti te tribue (*Luc. vi.*) » Et item : « Si esurierit inimicus tuus, ciba illum (*Rom. xii.*) » etc. Item : « Religio munda et immaculata hæc est : Visitare pupillos et viduas in tribulatione eorum, et immaculatum se custodire ab hoc sæculo (*Jac. i.*) » Item : « Qui habet duas tunicas, det unam non habenti, et escas similiter (*Luc. iii.*) » Martinus supererogavit, qui pallium pauperi dimidiavit. Item : « Qui viderit fratrem suum necessitatem habentem, et clausit viscera sua ab eo, quomodo charitas Dei est in eo? » (*I Joan. iii.*) Ait enim : « Quod uni ex minimis meis fecistis, mihi fecistis (*Matth. xxv.*) » Credo Martinum in necessitate, quæ legem non habet, si superstes esset, potius velle obtemperare abbati evangelico, ut majori adversario, quam abbati militanti in claustrum.

Sic et monachus quidam religiosus, Deo potius quam hominibus obtemperans, abbatis hospitibus cappam furatus est, dans eam pauperi nudo; fratrem etiam compedium in nocte Dominicæ Nativitatis solvit et permisit abire, quia nocte illa et melliflui facti sunt cæli (*Luc. ii.*) » et pax, et libertas reddita est hominibus. Item : traditio de jacendo in euclla crucis formam habente, eo quod dixerit B. Benedictus (in *Regula*, c. 22) : Monachi semper vestiti et præcincti jaceant, ut promptiores et magis parati sint occurrere Domino, contradicere videtur huic mandato : « Rationabile sit obsequium vestrum (*Rom. xii.*) » Et item : Exemplum Petri in carcere dormientis (*Act. xix.*) Sed cum paratiores essent si calceati jacerent (cum majori enim mora calceantur quam vestiuntur), cur et hoc eia ob eandem causam non est præceptum? Sed nunquid monacho jacere nudum licet? Nec clericum decet, cujus caro nuda nunquam debet apparere. Utrum autem monachus submersus (eo quod in fluctibus et periculo tunica noluerit exui, magis in nitens traditioni quam præcepto Dei, scilicet : « Non tentabis Dominum Deum tuum (*Matth. iv.*) » » habens quid faceret de humana ratione) debeat damnari vel Christiana sepultura sepeliri, non est meum iudicare. Forte enim se tunica non exiit per internam inspirationem, potius quam ob zelum sanctæ traditionis, vel secundum scientiam commu-

nem. Item: traditio de non cooperiendo capite toto in monasterio, supradicto mandato obviat: « Rationabile sit obsequium vestrum (Rom. xii). » Quidam autem conversus, cum ei veniret in dubium, utrum magis parendum esset humanis traditionibus, an divinis, elegit præponere, **206** in necessitate, opera pietatis mandatis hominis; et forte Spiritus sanctus, qui eum fecerat dubitare, quid esset agendum in dubio, revelavit, ne postponens opera misericordie reprehensibilis videretur cum Pharisæis, quibus ait Deus: « Vos autem dicitis, si dixerit homo Patri vel matri corban (quod est donum) quodecunque ex me, tibi profuerit. Et ultra non dimittitis eum quidquam facere patri vel matri: rescindentes verbum Dei per traditionem vestram (Marc. vi). » In implezione igitur mandatorum Dei potius debemus exerceri cum David, qui ait: « Et in adinventionibus tuis exercebor (Psal. lxxvi). » Nunc tamen multitudine novarum traditionum revocare videmur jugum: et onus importabile, quod neque nos, neque patres nostri potuerunt portare (Act. xv), quæ sæpe dant materiam et occasionem delinquendi. Vide Apostolum non nisi paucas traditiones honestas et mysticas instituisse, ut de velando capite mulieris « in oratione propter angelos (I Cor. xi), » et huiusmodi. Antonius etiam eremita quibusdam religiosis quærentibus ab eo regulam et formam religiose vivendi, tradidit eis codicem Evangelii. In Lateranensi etiam concilio sedentibus Patribus ad condenda nova decreta ait Joannes Carnotensis (1-2): Absit, inquit, nova condi, vel plurimam veterum reintingi et innovari! Multitudine etiam inventorum prægratamur, cum dicat auctoritas, quia etiam de utilibus aliqua postponenda sunt, ne multitudine utilium gravemur. Imo ideo potius præcipiendum et laborandum esset, ut Evangelium observaretur, cui nunc pauci obediunt. Timeamus ne dicat nobis Dominus: Bene irritum facitis præceptum Dei, ut traditionem vestram servetis. Tales in vanum colunt me, dicit Dominus (Marc. vii). Vide etiam quot transgressores constituit decretum Gregorii ultimi (Greg. VII) de jejunando in quarta feria et sexta usque ad quinque annos in consolationem et visitationem Ecclesie Jerosolymitanæ; de jejunando etiam adventum Domini, quod quidam interpretantur esse exhortationem, alii consilium, alii dicunt ei esse derogatum more utentium in contrarium. Vide etiam quod transgressores constituunt decreta Lateranensis concilii (tit. 1, cap. 8), ut illud de revocandis decimis a manibus laicorum sub interminatione anathematis; et illud de beneficio ecclesiastico non promittendo antequam vacaret, in quibus hodie dispensatur nulla habita memoria præcedentium canonum (55, q. 3, Porro duorum). Vide [ms. vidi] etiam quomodo illud sanctissimum sacramentum Ecclesie, scilicet matrimonium, per

A traditiones de tertio genere affinitatis, et quasdam alias modo irritum et ratum, modo firmum fiat garrulitate advocatorum, reticulis traditionum innitentium, quibus loculos proprios impleant, et alios emungant, adeo ut sacramentum matrimonii in derisum laicis vertatur. Vide etiam quot transgressores constituent, si observandæ fuerint traditiones omnes traditæ de solemnitatibus ordinis iudicarii, quem protrahentes advocati, dum moliantur, dum comuntur, annus est. Apostolus tamen asserit, quia: Omnis controversiæ finis est juramentum (Hebr. vi); et Moyses: « In ore duorum aut trium testium stat omne verbum (Deut. xvi). » Et comes Theobaldus stans pede in uno **207** multas lites dirimebat.

B Ut autem planior et certior doctrina super licitis vel illicitis traditionibus habeatur, distinguendum est, quoniam quedam traditiones recta fronte contrariæ sunt mandatis divinis, ut traditio de Corban, huic: « Honora patrem et matrem (Marc. vii). » Quedam eis obicem et impedimentum, quo minus impleantur, faciunt, ut illa traditio canonice regularis de non confitendo capellano suo in quibusdam criminibus a conversis suis, sed priori, sic instituta obavaritiam. Sicut etiam illa traditio Grandi-Montensium, de non confitendo furtum, vel lapsum carnis; et quedam alia crimina, nisi priori Grandi-Montensi, peccante usque ad eum per cellulas suas a Barbato misso, qui ne peccatum suum sic omnibus manifestaretur, illud sæpe et sacerdoti et omnibus aliis ostendit. Quedam etiam traditæ citra ea, in quibus non periclitatur veritas, ut de observando silentio, et huiusmodi, pariunt scrupulositatem in conscientiis plurimorum, si scilicet non observata constituent transgressorem et minus obedientem, vel non, cum citra illas possit esse salus. Quedam etiam præ multitudine, generant, eas implere volentibus, fastidium et acediam, cum scriptum sit, quia « Maledictus omnis qui facit opus Dei negligenter (Jerem. xlvi). » Et Hieronymus: Melius est unum psalmum cum hilaritate mentis decantare, quam centum in tristitia et acedia, quia hilariter psallentem et orantem diligit Deus, non ex tristitia, vel necessitate. Absit igitur ex præcepto multiplicare Matutinas, psalmos vel preces, nisi adfuerit devotio! Item, quedam schisma et divisionem quandam unitatis constituunt, ut traditiones traditæ super diversis modis cantandi, psallendi, et legendi in diversis monasteriis, et clericorum ecclesiis, cum unitas in omnibus, quantum possumus, servanda sit, quæ est vinculum pacis ecclesiasticæ. Item: Quedam traditiones impletæ, ut de cantandis vocalibus horis, nimiam pariunt securitatem, quasi eas implens, minime vel minus teneatur ad realium impleionem, quæ sunt septem opera misericordie, cum scriptum sit, quia: « Ille oportuit facere, et illa non omittere (Matth. xxiii; Luc. xi). » Quod si hæc, vel illa necesse est omittere, potius hæc omittantur.

(1-2) Sub Alexandro III, conc. III œcumenicum.

Pro illis enim omissis exprobrabitur nobis in iudicio, et « maledictus omnis, qui non impleverit omnia scripta in libro hoc (*Gal. III; Apoc. I*), » evangelico. Sed in « decachordo psalterio (*Psal. XCI*), » in cantico Psalmi et psalmo Cantici, præcipimur laudare Dominum, non semper in cantico Cantici, vel psalmo Psalmi. Alternanda enim sunt hæc et pro necessitate fratrum, et pro fastidio tollendo. « Psallas » igitur « spiritu, psallas et mente (*I Cor. XIV*), » non « colans culicem, glutuens camelum (*Matth. XXIII*); » non relinquis Spiritum litteræ vivificantem propter traditionem, determinationem vel remotam alicujus expositionem, sed cum Nicolao ei de prope ad hæreas, qui ante oculos mentis semper habebat hoc evangelicum : « Nisi quis renuntiaverit omnibus quæ possidet, non, » etc. (*Luc. XIV*.) Præterea notandum quasdam traditiones et consuetudines periculosas esse super sacramentis præstandis a canonizandis, et instituendis **208** in ecclesiis. Verbi causa, in quadam ecclesia juratur a canonizando, quod pro posse suo, et secundum gradum et ordinem suum in ecclesia exsequetur justitiam et vindictam pro damnis et injuriis sibi et ecclesiæ, vel hominibus ejus illatis, quod sacramentum præceps est, sicut summus pontifex super hoc consultus testatus est. Quis enim etiam de obsequendo pro posse suo Deo, sine præcipitio juraret? Est tamen quoddam pro posse necessitatis, ad quod tenemur. Unde frustra manus ad Deum erigit, qui eas pro posse ad pauperes non extendit. Item, in alia juratur de certa summa non relaxanda in ablatis ecclesiæ vel hominum illius, ut de centum libris, centum solidos tantum esse remittendos spoliatori, de centum solidis, quinque solidi, quod sacramentum continet iniquitatem. Privat enim jurantem a libertate et pietate evangelica : « Dimitte et dimittetur vobis (*Luc. VI*); » et a consilio Apostoli implendo, scilicet : « Non oportet servum Dei litigare (*II Tim. II*). » Quare, etc., si licitum est juretur (*I Cor. VI*), tamen astringere se juramento, periculosum est pro casibus emergendis; ut pro portione mihi debita, nunquam me sic obligarem. Item, in alia juratur de hominibus ecclesiæ, incendiarium, furem, homicidam, convictum vel confestum extorrem fieri, exhæredari vel etiam exterminari a sinibus illius Ecclesiæ, suspectum debere purgari iudicio ignis vel aquæ; et hoc sacramentum diabolicam continet præsumptionem, sicut in Decretali testatus est papa Alexander (*forte Alex. III*). Item, in alia ecclesia juratur de ingenuitate, et servo non recipiendo in ea; et hoc propter servos et familiam principis amovendos, pro quibus susceptis, remissius ageretur contra principem maleficum; sed hæc ecclesia modo servos illius principis recipit, et alienos ejusdem conditionis magis probos, jurat se non recepturam. Ecce quam difficile aboletur viscosa et inveterata consuetudo. Item, in alia ecclesia juratur de non suscipiendo pignore, nisi aureo vel argenteo, pro rebus vel damnis ecclesiæ illatis, et hoc vanum est, vel frivolum, vel eu-

pidum : quod etiam abominatus est summus pontifex. Item, in alia, juratur ne quis admittat dispensationem, vel relaxationem, vel augmentum foraneitatis suæ etiam cum præcepto domini papæ, et voluntate capituli, volentium augere pensionem ejus, et ita abjurat in se fieri opera pietatis in ecclesia illa. Et ut finem traditionibus, imo increpationibus earum imponamus, fere communis est traditio in ecclesia, multisque periculosa, quod cum instituitur et investitur sacerdos de cura animarum, juratur ab eo se observaturum omnia jura et præcepta majorum prælatorum, et quod nec supprimet vel celabit, si viderit aliquos sibi subditos delinquentes, litigantes, rixantes, seque propulsantes in cæmeterio, vel die festo, et hujusmodi (ex quibus potius possit bursa emungi, quam anima salvari); sed referet ea ad notitiam majorum prælatorum : quod juramentum pluribus scrupulum peperit. Videtur enim licitum ex eo, quod sic jurans curam animarum, quam habet, non habet nisi a superiore prælato pendentem. **209** Ergo et iudicio ejus et traditionibus statutis ab eo de ipsis regendis, videtur esse standum et acquiescendum; sic minori, e contra, sic jurans hoc mandatum Domini præterit : « Si peccavit in te frater tuus, vade et corripe eum inter te et ipsum solum; si te audierit, lucratus eris fratrem tuum (*Matth. XVIII*). » Hic autem statim cogitur dicere ecclesiæ. Item, sic referens lites et delicta ad quæstores palatii, emunctores et depilatores, seminaret discordiæ, perdetque animas subditorum, eorum odium incurrens. Item, Moyses instituens decanos, centuriones, et quinquagenarios (*Exod. XVIII; Deut. I*), non eos astrinxit juramento, sed eis simpliciter præcepit, ut majores quæstiones, et quas solvere non sufficerent, referrent ad ipsum. Item, secundum leges nullus tenetur accusare. Item, alia ratione videtur hoc sacramentum illicitum, eo quod scilicet plane obviet huic mandato Domini : « Si recordatus fueris quia frater tuus aliquid habet adversum te (*Matth. V*), » et mandato Apostoli, qui ait : « Pacem habetote inter vos (*I Thess. V*). » Quæ pax hodie turbatur et rumpitur cupiditate prælatorum non patientium aliquos, prius inimicantes, sibi reconciliari gratis, nisi prius scilicet lacrymentur rei pro bursa sua emuncta quam pro delicto. Quod patet per exemplum puerorum, quorum unus, ludendo, alium sagitta vulneravit usque ad mortem. Quorum Patres (cum unus eorum, scilicet, Pater interfectoris dives esset) non permissi sunt sibi reconciliari gratis. Juramentum autem licitum videretur, quod minor juraret se exsecuturum vices majoris pro posse suo, et quod nec celabit jura ejus pro proprio lucro captando in minoribus, et quod enormia delicta, ad quæ curanda exigitur major medicus, referet ad majorem. Apostolus etiam omnes traditiones præter necessarias salutem, evacuare videtur in *II ad Cor. cap. VIII* : « Non quasi imperans dico fieri a vobis gratiam et communicationem ministerii in sanctos, ne forte inobediendo transgrediamini; sed

per aliorum sollicitudinem, et vestræ charitatis ingenium comprobans. Item, Dominus mittens discipulos prædicare ait illis: « Infirmos curate, etc. Gratis accepistis, gratis date. Nihil tuleritis vobiscum; edentes et bibentes, quæ apud illos sunt; et eum digno in civitate manete (Matth. x). » Nonne huic doctrinæ videntur contraire institutiones datæ de recipiendis legatis cum tot vel tot equis, cum tanta familia, de exactione pastus plurium ferculorum? Eorum etiam, quæ non « sunt in domo » maximo cum ibi non prædicent nec operentur; Apostolus Corinthiis etiam prædicans, et nihil ab eis accipiens, dicit se spoliasse alias ecclesias, quæ ei interim sumptus oblatos ministraverunt. Nota quod spoliatorum appellat etiam sumptus modicos, et sine quibus non poterat vivere. Apostolus ergo in necessariis exspoliavit ecclesias (II Cor. xi), isti in superfluis eas excoriant.

## 210 CAPUT LXXX.

*Contra mollientes arcum sacræ Scripturæ.*

Sicut per novarum traditionum adinventionem mandata Dei omittuntur, sic et per mollientes et laxantes rigorem sacræ Scripturæ. Dominus enim « tetendit arcum suum et paravit illum, et in eo paravit vasa mortis (Psal. vii). » Levigantes autem et remittentes hunc arcum, quid aliud satagunt, nisi ut lex divina de sua pondeat interpretatione, voluntate, moribus et consuetudine, cum potius hæc omnia de illa pendere deberent? Unde Dominus vatori præcipit, ut sit « consentiens adversario suo (Matth. v), » non innitatur, vel sequatur voluntatem suam, sed adversarium. Contra hujusmodi homines solatium stultitiæ suæ querentes, ait Augustinus (in psal. cxviii, 165, concione 51) super illum locum: « Pax multa diligentibus legem tuam, et non est illis scandalum; nec ipsi scandalizant, nec scandalizantur, vel ipsa lex non est illis scandalum, quia qui legem diligit, si quid in ea intelligit, honorat, et quod absurde sonare videtur, iudicat magnum et se nescire. Legem ergo sequitur potius quam cuiuscunque magni viri exemplum, ne videns eum scandalo offendi, scandalizetur et ipse, quod non evenit sequenti legem. In casibus, et humanis negotiis sequenda sunt exempla prudentum; in via vero fidei, vitæ et morum imitanda, et attendenda est potius regula et forma vivendi et credendi sufficienter præscripta a Domino; qui « verba ejus spiritus et vita sunt (Joan. vi); sermo ejus vivus est et efficax (Hebr. iv); præceptum ejus lucidum illuminans oculos (Psal. xviii); fidelia omnia mandata ejus (Psal. cx), » nullo mendacio, vel prava expositione variata: « Confirmata in sæculum sæculi (ibid.), non incassum missa, ut verba humana, quæ ad libitum nostrum mutari, vel interpretari possunt. « Qui autem timet Dominum, in mandatis ejus volet nimis (Psal. cxl); « ut magis eis innitatur quam voluntati suæ; non iudicans ea difficilia impleri, sicut Mahometus, qui arcum Domini relaxavit. Cui similes

videntur, qui juxta mores et voluntatem suam, illum levigantes exponunt. « Justus autem, et ex fide vivens (Hebr. x), » ait: « Adhæsi de prope testimoniis tuis, Domine (Psal. cxviii), » non interponens superfluum, vel pravam expositionem et voluntariam, quasi repagulum inter me et illa, quo minus per ea « currerem viam mandatorum tuorum (ibid.), » quo minus ipsa mihi lucerent. Nam: « Lucerna pedibus meis verbum tuum, et lumen semitis meis (ibid.). » Et Hieronymus ait: Nullius anquàm auctoritate, vel exemplo perterritus, alicui perversitati, vel Scripturæ sacræ prævæ expositioni consensi. Et philosophus (Seneca): Summa malorum est, quod ad exempla malorum vivimus. Quid igitur? Semper prius legem consideres antequam exemplum cuiuscunque sequaris, ne offendas. « In multis enim offendimus omnes (Jac. iii), » etiam prælati, quorum vita deberet esse lectio **211** subditorum, et interpretatio sacræ Scripturæ (GREG., *Moral.*, l. xxx). Et Deus in psalmo xxi: « Factum est cor meum, » secretum Scripturæ, in qua est voluntas mea, « sicut cera liquescens in medio ventris mei, » id est, molliibus et effeminatis liquescit et evanescit.

Quia juxta voluntatem suam vivere cupientes, eam prava et molli expositione adhibent, et evanescere faciunt, cum « velum templi scissum sit (Marc. xv), » ut etiam infirmis Sancta appareat, si dilexerint, si oculos in cælum levaverint; non « statuentes declinare oculos suos in terram (Psal. xvi); » et Isakæ: « Capones tui miscent aquam vino. » Hieronymus: Qui præcepta sacræ Scripturæ, quibus debet auditores corrigere, ad eorum voluntatem emollit, suo sensu immisto, vinum corrumpit. Unde idem: « Vinum suum, » id est pura et sincera veritas in sacra Scriptura contenta, « mistum est aqua, » prava expositione corrumpente et molliente rigorem sacræ Scripturæ insipiditate sua. « Argentum, » eloquii tui, « versum est in scoriam; mutatus est color ejus optimus (Thren. iv) » propter vos pictores et argentarios, qui cum lucidi et argentei esse deberent, versi sunt in luteos et sordidos et fictos, voluntatem suam in nero sacræ Scripturæ sequentes, non Dei. Martinus videns orem tonsam: Hæc, inquit, implevit præceptum evangelicum: « Qui habet duas tunicas, det unam non habenti (Luc. iii). » Cui supererogans dimidiavit et chlamydem. Quomodo autem « consentit adversario suo, » id est sacræ Scripturæ, quæ adversatur carni et sensualitati hominis, docens eum « viam mandatorum Dei (Matth. v), » et in illis ambulare, qui « mandata ipsa, confirmata in sæculum sæculi (Psal. cx), » dicit esse temporalia, localia, personalia; et præcepta et consilia addens et subtrahens, interpretans et exponens ad voluntatem et libitum suum. Tales, inquam, graviter peccant, quia « os Domini non, » sane et sincere, « interrogant (Jos. ix). » Qui ob hoc solum quod mandata Dei nolunt implere opere, laborant nimis in expositione eorum. Hære-

licum autem est dicere, ea terribilius dici quam A  
 verius, quia veritas dicta sunt, quam terribilius.  
 Sanctis quippe majoris curæ est integritas et veritas  
 sensuum, quam integritas et compositio verborum.  
 Econtra philosopho, maxime autem nobis ob-  
 jecti potest, cum dicamus omnia esse in luce, et  
 aperta in doctrina Christi, cur sic a Spiritu vivifi-  
 cante, et littera evangelica plana recesserimus, ex-  
 ponendo et allegorizando magis quam Judæi a li-  
 tera occidente? (II Cor. iii.) In sexto libro eccle-  
 siasticæ Historiæ cap. 3 (Eusebii Cæsariensis),  
 legitur de Origene quia perfectam doctrinam et  
 consummatam habuit vitam, adeo ut de eo posset  
 vere dici: Illic est, qui sicut vivit loquitur, et ut  
 loquitur vivit. Et quale est verbum ejus, talis est  
 vita; et qualis vita, tale verbum; qui voces et man-  
 data Salvatoris ad litteram et sincere, sicut tradita  
 sunt, asserit esse observanda, præcipue illa duo  
 mandata: « Qui habet duas tunicas, det unam non  
 habenti (Luc. iii.) » Et: « Nihil solliciti sitis de  
 crastino (Math. vi.) » Hujus etiam discipulus Basi-  
 lides, sicut ibi legitur, cum traheretur in causam,  
 et ab eo expeteretur juramentum, ait (cap. 5. *juxta*  
*dist. Rufini*): Christianus sum. Absit ut jurem!  
 Christiano enim non licet omnino jurare, nisi pro  
 his quæ ad salutem pertinent; ut cum pigri sunt  
 auditores et **212** infirmi, minusque volunt acquie-  
 scere his quæ dicuntur spectantibus ad salutem.  
 Sic et Paulus juravit, non pro re vili et terrena.  
 Etiam sic enervatos arcum Domini, cogunt eum  
 quasi mendacem esse, cum dixerit: « Intrate per  
 angustam portam, quia arcta via est, quæ ducit ad  
 vitam (Math. vii.) » Hanc igitur portam non inve-  
 nimus, vel si invenimus eam, superflua expositione  
 potius quam amore adeo dilatavimus, quod jam  
 angustias non habeat, ut sic intremus per latam  
 portam, non per angustam. Maximum autem hujus-  
 modi hominibus, imo omnibus nobis, debet in-  
 curre timorem verbum Domini apud Matthæum,  
 cap. v: « Nolite, inquit, putare quod veni solvere, »  
 id est non implere, « legem, aut prophetas. Non  
 veni solvere, sed adimplere, » et quoad veritatem  
 prædictorum de me, a lege et a prophetis, et quoad  
 significationem figurarum et ceremonialium, et  
 quoad impletionem mandatorum. Nec dico implere  
 tantum, sed « adimplere » perfecte, scilicet implere  
 in me, et in membris: « Amen quippe dico vobis:  
 donec transeat cælum et terra (ibid.), antequam,  
 de hac mutabili forma, mutantur in immutabilitatem,  
 « iota unum » minimum mandatum, ut de non  
 irascendo fratri, de non dicendo ei, « ræca, » vel  
 « fatue, » de subveniendo ei, etiam in asino ejus sub-  
 levando; de non vestiendo mollibus, de non domi-  
 nando proximis, et hujusmodi. « Aut unus apex; »  
 minimum mandatum, sive minima alienius præ-  
 cepti particula, « non præteribit a lege, donec omnia  
 fiant; » non remanebit, quin impleantur in me ca-  
 pite, vel in corpore; in exhibitione veritatis figu-  
 rarum, in spirituali impletionem mandatorum, et in

perfectiōne moralium, ut imperfecta perfectiantur.  
 « Qui ergo solverit, scilicet, non impleverit » unum  
 ex mandatis istis minimis, et docuerit sic homines, »  
 scilicet solvere exemplo, vel verbo, et expositione  
 arcum Domini remittente et molliente, « minimus  
 vocabitur in regno cælorum (ibid.), despectissimus  
 et stultus, imo nullus est in Ecclesia sanctorum.  
 Pro nullo reputatur, in Ecclesia triumphanti, vel  
 militanti. « Qui autem fecerit et docuerit, » scilicet  
 implere legem, maxime in mandatis minimis, « hic  
 magnus, » imo maximus « vocabitur in regno cœ-  
 lorum, » licet in presenti abjectus et vilis. Parvus  
 ergo est, qui solvit et hoc docet solvere; minimus  
 qui solvit et hoc docet; magnus qui non solvit, et  
 si hoc non docuerit; maximus, non solvit, et docet  
 non solvere. Timens igitur Deum omnia præcepta  
 usque ad apicem implet, etiam consilia, si in ne-  
 cessitate voti fuerint, sciens se redditurum rationem  
 de solutione eorum usque ad verbum otiosum. Quod  
 si de verbo otioso redditori sumus rationem, quanto  
 magis de otioso et superfluo vestitu, de otiosa du-  
 ctina, et hujusmodi? Addit etiam Dominus: « Dico  
 autem vobis, quod nisi abundaverit justitia vestra  
 plusquam Scribarum et Phariseorum » (non dico  
 de putativa eorum justitia, vel etiam figurata, sed  
 morali et spirituali eos justificante, ut etiam addita  
 in Evangelio, ad perfectionem impleatis). « non in-  
 trabitis in regnum cælorum (Math. v.) » Verbi  
 gratia: « Audistis quia dictum est antiquis: Non  
 occides; qui autem occiderit, reus erit judicio.  
 Ego autem dico vobis, » plus imponendo, scilicet  
 non irasci; **213** quia omnis qui irascitur fratri suo,  
 reus erit judicio (ibid.). » Si ergo irasceris peccato  
 ejus, vel ipsi per primos motus, caveas ne judicium  
 amplius irascendo, quam decet, incurras. Addit  
 etiam quod « qui dixerit fratri suo, ræca, » inter-  
 jectionem, indignationem mentis exprimentem ad-  
 versus eum protulerit, et nutu, vel signo, vel ver-  
 bulo læserit et moverit, « reus erit concilio. »  
 Quanto magis qui majora præcepta enervando docet  
 solvere? « Qui autem dixerit fratri, fatue, » Glossa:  
 Usque ad convicia, opprobria, verba contumeliosa,  
 specialia et alia determinata processerit usque ad  
 furorem mentis, non tantum signum, « reus erit  
 gehennæ, » quasi jam judicatus est. Item in Joanne,  
 cap. v: « Si litteris Moysi non creditis, quomodo  
 verbis meis credetis? » Quasi diceret: Si quæ legis  
 sunt non impletis spiritualiter, quomodo ea, quæ  
 evangelica sunt præcepta, implebitis? Unde Augu-  
 stinus super illum locum: Ex hoc colligitur quod  
 qui legis præcepta, quæ exteriora sunt, implere  
 negligit, evangelica, quæ perfectiora sunt et subti-  
 liora, multo minus implere valebit. Item: « Os  
 meum loquetur sapientiam, » de fide, « et meditatio  
 cordis mei prudentiam (Psal. xlviii), » de bonis  
 moribus.

Duo enim sunt necessaria ad salutem: Via fidei  
 et lux morum. Si ergo parum deviamus a fide vo-  
 camus hæreticum, et increpamus, dicentes eum non

esse in via, sed extra; quare et similiter recedentem in modico a luce moralium præceptorum non arguimus, objicientes ei, quod jam non sit in luce, sed tenebris; non sobrius, sed ebrius, sobrietatem vitæ excedens? Cum etiam fides ex quibusdam cellulis, parvis locis, scilicet sacre Scripturæ, et sub obscuris sit elicitæ, in quarum cellularum expositione deviaretur de facili, si aliter addendo, vel minuendo, vel remittendo, quam nobis statutum est et expositum a sanctis exponerentur et interpretarentur, cur in luce morum similiter necessaria salutem nobisque tradita in luce et manifestatione verborum, licet nobis sine errore notabili afferre nostram expositionem, qualiterunque eam remittentem et obscurantem, tenoreque suo privantem? Verbi causa: « Ego et Pater unum sumus (Joan. x). » Augustinus (tr. 6, in Joannem): Vide ex cujusmodi fave mel fidei sit expressum, et quibus motibus doctrina. In hoc quod ait: « Ego et Pater unum sumus, » confunditur Sabellius: in hoc quod unum, Arius, ut ita vitemus et Seyllam Sabellii, et Charybdim Arii. Si autem juxta hujusmodi loci expositionem, exponeres illum locum: « Rogo, Pater, ut sint unum, sicut et nos unum sumus (Joan. xvii), » unitate scilicet, cum illi unione jam hæresim damnatam incurreres: quod ne fiat, a strata et antiqua expositione non recedas. Item: Ex hac cellula verborum: « Hoc est corpus meum (Matth. xxvi), » elicitor fides de corpore Christi habita, si hoc, ut Manichæus exponens, scilicet « hoc est corpus meum, » id est quedam repræsentatio corporis mei, et non aliud; vel in hunc modum aliter exponendo, quam teneat fides catholica, statim deviares. Ita videtur esse in mandatis morum, quæ quidem facilia sunt, et nulla expositione indigent, si implerentur in opere, quæ etiam impleri debere, quasi de articulis fidei est. Fides enim est, quia fit quod dicitur. **214** Et Augustinus super illum locum: « Credidi, propter quod locutus sum (Psal. cxv), » ait (ep. 19, c. 2, et lib. De mandatio): Fidelis servus est, qui quod accepit, impendit et lucratur, qui scilicet loquitur et operatur veritatem, quam credit, ut iste, qui ait: « Credidi propter quod locutus sum. » Qui non tantum credidit cætera quæ fides exigit articulo fidei, sed et simul cum illis credidit, quod præmium deberet expectare vel sperare, loquendo, operando, et quam pœnam tacendo, vel mandata omittendo. Item (cap. 20 in Psal. cxv): Vide quanto delectu et sollicitudine populus ille impleverit figuralia, ut Daniel abstinens a cibis gentilium (Dan. i), Machabæi a suilla usque ad effusionem sanguinis (II Machab. vii). Quanto igitur majori cura spiritualia sunt implenda, si tantum habuit Judæus delectum et sollicitudinem in littera occidente implenda? Quanto majorem oportet te habere in Spiritu vivificante? Si ergo audis Judæo porcina prohiberi, intellige et tibi gastrimargiam, omnemque immunditiam et ebrietatem inhiberi. Si illi accipitrem, nilvum, et hujusmodi rapacia animalia, intellige et tibi rapinam omnem esse adem-

ptam (Deut. xiv). Rapina enim est quæcunque injusta detentio rei alienæ. Unde Tobias (cap. ii) illum locum exponens: « Filii sanctorum sumus; non licet nobis edere, vel tangere de furto. » Quomodo igitur tallias et exactiones facimus? Vel si timemus præbere alicui occasionem, vel opportunitatem fornicandi, cur non magis horrescimus non tantum occasione rapiendi, imò ministerium nostrum præbere alicui? Non sunt a nobis facienda minora mala, ne alii faciant majora. Item Apostolus II Cor. x: « In facie, » dum præsens sum, « videor vobis humilis, » non aspere corripiendo: « Absens autem confido in vobis, » ut dicitis, confidenter et aspere vos per epistolas redarguens, quasi spe quæstus allectus, vel timore coactus, effeminem et molliam arcum Domini præsens, sed non est ita. Sicut enim absens, ita et præsens corripio. Item: Contra hos eunuchos et effeminatos, eunuchizantes quod virile et robustum est in arcu Domini, invehit Isaias, cap. vi, dicens: « Auferam a vobis virum fortem et prudentem mystici eloqui, et dabo vobis pueros principes, et effeminati dominabuntur vobis. » Qui, utinam sacre Scripturæ non dominarentur, sed permitterent eam libere currere, in gravitate et maturitate sua.

Item propheta: « Væ illis qui afferunt stateras dolosas (Mich. iv). » Item Salomon Parabolarum cap. xx: « Statera et statera, pondus et pondus, utrumque est abominatio apud Deum. » Stateram injustam habent pessimi ponderatores et existimatores peccatorum. Quod sunt tales ex eo accidit, quod ignorent sacram Scripturam, vel ejus rigorem leniunt, habentes stateram et stateram, cum quibusdam crimina exaggerent et aggravent, aliis levigent et demulceant. Stateram dolosam habent maxime adulatores aulici, qui sicut.

*Romulidæ satiri divina poemata narrant.*

(PERSIUS, SAT. 4.)

Et principes et majores infatuant, dicentes eos non teneri ad omnia præcepta Domini, sed posse dispensari cum eis propter generis sui nobilitatem, dignitatem, famam popularem, ne decrescat, et hujusmodi. Et **215** ut hujusmodi homines magis ridiculos per exempla ostendam, audi verbum cujusdam gerentis personam multarum facierum. Putabam, inquit, quod cum periculose in infirmitate laborarem, quod tantus prælatus et litteratus, audiens confessionem meam, mihi injungeret reverti omnibus dignitatibus meis, præterquam uni, « cum meterem, ubi non seminavi, et colligerem, ubi non sparsi, » nec ministravi. Ipse vero hoc sub silentio præteriens, pro delictis tantum juvenutis meæ, et quibusdam minoribus criminibus me corripuit, et satisfactionem, si liberarer, esse agendam injunxit.

Alius etiam [ms. vero]: non virgo, asserebat se malle centies peccasse in Spiritum sanctum, dum tamen pœnitisset, quam semel incidisse in ebrietatem carnis. Alius se malle habere quatuor concubinas, quam quatuor archidiaconatus. Alius ecou-

trario. Item alius, non virgo, se malle centies a lubrico carnis abstinuisse ex vana gloria, et sic centies peccasse mortaliter, quam semel incidisse in illud, sicque :

*Dum vitant stulti vitia, in contraria currunt,*

(HORATIUS.)

Licet virginitas maxime commendabilis sit, similiter et continentia. Virgines enim angelicæ conversationi vicinantur, sicque ex mollitie hujus arcus, et ignorantia, provenit indistinctio boni ad majus bonum, mali ad majus, quod non est medioeriter errare. Licet autem peccata non sint leviganda, nihilominus tamen pœnitentiæ arbitrarie sunt. Sic autem ea levigantes, sæpe crimina minora, quia scilicet visibilia, ut lubricum carnis, et hujusmodi, præferunt majoribus, quia invisibilia et ideo periculosiora. Alii e contrario rectius intuentes pro hac indiscretione criminum et mollitie. Quidam de laico raptore et semiclerico fecit archidiaconum, dicens quod factus archidiaconus non raperet, sed juste viveret; tamen quod vispillo facit, fecerat et medicus. Et hic quod vispillo et raptor fecit, facit archidiaconus, de vispillone factus major vispillo. Item contra hujusmodi pessimos interpretes ait Isaias, cap. v : « Væ qui dicitis malum bonum, et bonum malum, » per scientiam et ignorantiam crassam, quæ æquipollet errori, « ponentes tenebras lucem, et lucem tenebras, ponentes amarum in dulce, et dulce in amarum. » Hieronymus super hunc locum : Omnis veritas dulcis est in se, et bonis, etsi non malis; quibus, « veritas odium parit (TERENT. in *Andria*), qui bono odore moriuntur, falsitas autem amara. Cavendum igitur nobis est summopere, ne pro veritate sequamur mendacium, pro luce tenebras, pro dulci amarum. « Videntur enim (quædam viæ recte et) justissimæ, « novissima tamen earum ducunt in infernum (Prov. xvi). Est enim justus qui perit in justitia sua. Noli nimis esse justus (Eccle. vi). » Ut ergo hoc maledictum non incurramus, « nec ad dextram, nec ad sinistram declinemus (Deut. v). » Aquila autem significantius transtulit : « Væ illis qui dicunt malo, bonus es; vel bono, malus es (HIERONYMUS). »

Scienter intellige. Ignorantia enim habita circa personam vel factum, excusat, non autem circa jus. Jus enim divinum debet esse in plano et in luce scientiæ. Quid igitur vel quomodo judicandum de subtilibus retibus Simonie, morosæ etiam delectationis? Nunquid erit væ illi, qui in his « dicit bonum malum (Isa. v), » **216** ubi difficile discernitur inter bonum et malum? Hieronymus : Difficile cavemus maledictum, eo quod de facili malis adulemur propter eorum potentiam, et bonos contemnamus propter eorum inopiam.

Item : Procedendum ex hac auctoritate : « Væ illis, qui dicunt bonum malum, » etc. Similiter væ illis, qui dicunt, per scientiam vel crassam ignorantiam, majus bonum minus bonum, vitare bono;

vel minus bonum majus bonum, majore bono, utiliora postponentes minus utilibus, cum dicat Hieronymus : Quia non modicus error est præponere minus bonum majori bono, et digniori vel utiliori. Mutatio enim ordinis meritum irritat formam et mutat. Similiter : « Væ illis, » qui dicunt majus malum minus malum minori malo, vel minus malum majus malum, non dico simpliciter, sed comparatione et respectu majoris mali. Sæpe enim peccata aggravamus, ut homo ea magis caveat, vel si ea perpetraverit, magis in se puniat. Item psalmus cxviii, sub littera Job : « Dæ mihi intellectum, ut discam mandata tua. » Glossa : Quam alte sint intelligenda mandata. Item Apocalypsis ultimo : « Si quis apposuerit ad hæc, » traditiones inutiliter vel pravas, et molles expositiones addendo, » apponet Deus super eum plagas scriptas in libro hoc. Et si quis diminuerit » subtrahendo, vel rigorem arcus hujus levigando, « auferet Deus partem ejus de libro vitæ (Apoc. xxi). » Item Deut., c. xxxi; et c. iv et xii; Act. apost. c. iii; item Ezech., c. xxxiii; Parab., c. xxx; Epist. ad Gal. i : « Si Angelus aliud, » etc. Ecclesiastes, c. xii.

#### CAPUT LXXXI.

*Contra pigros.*

Enervantibus arcum sacre Scripturæ, peccatorumque pessimis ponderatoribus, adjuncta est et collactanea pigritia, ob quam nec lectitant, nec perscrutantur sacram Scripturam. Pigritia maximum est peccatum. Quod accusans Salomon in Proverbiis, cap. vi, ait : « Usquequo, piger, dormis? Quando consurges ex somno tuo? » Cap. i : « Manus in manu non est innocens. » Idem, cap. xii : « Qui operatur terram suam, saturabitur panibus » multiplicibus : « qui autem sectatur otium, stultissimus est. » Item, cap. xii : Manus remissa, tributis peccati « serviet. » Item, cap. xiii : « Piger vult et non vult » operari, et hujusmodi, quia inconstans est in omnibus viis suis. Item, cap. xv : « Iter pigrorum, quasi sepes spinarum, » quia claudunt et sepiunt eum, et pungunt ne bene operetur. Idem, cap. xviii : « Pigrum dejecit timor » a bono opere : « animæ autem effeminatorum esurient. Qui mollis et dissolutus est in omni opere suo, similis est opera sua dissipanti. » Unde in sequenti capitulo : « Pigro immittit soporem, et anima dissoluta esuriet voluptates. Item, cap. xx : « Piger propter frigus arare noluit, » id est Deo servire, mendicabit ergo æstate, » scilicet in die judicii, et « non dabitur ei » requies. Item, cap. xxi : « Desideria occidunt **217** pigrum : Noluere enim quidpiam manus ejus operari. » Unde : « Omnis otiosus » vivit in desideriiis animæ suæ (Prov. xiii, 4, juxta LXX). Unde et poeta :

*Quæritur Ægysthus quare sit factus adulter,  
In promptu causa est, desidiosus erat.*

(OVID., i *De remed.*)

Et item :

*Otic si tollas, periire cupidinis arcus.*

Omnis scilicet cupiditatis.

*Cedit amor rebus; res age, latus eris.*

(OVID., 1 *De remed.*)

Item : Salomon, Paraba c. xxiv : « Exerce agrum tuum ne dicatur tibi : Per agrum hominis pigri, » vel temulesti, « transivi, et per vineam viri stulti, et ecce totum repleverant urticae et spinæ. » Idem, cap. xxvi : « Sicut ostium vertitur in cardine suo, ita piger in lecto suo. Abscondit piger manus sub ascellis suas, et laborat si ad os suum eas converterit : » In Ecclesiaste, cap. iv : « Stultus » et piger « complicat manus suas, et comedit carnes suas, » invidens : hoc hyperbolice dictum est, quasi tanta inopia sæpe premitur piger, quod si fieri posset, comederet carnes suas. Vel pigritia ejus causa est cur comedatur et devorentur igne æterno carnes ejus, quæ ei fomentum et materiam præbent. Item Ecclesiasticus, cap. xxii. « In lapide luteo lapidabitur piger, et omnes loquentur super aspernationem illius. De stercore bonum lapidandus est piger, » id est dura increpatione peccati sui : « et omnis qui tetigerit eum, excutiet manus. » Item idem : « Servo malevolo tortura et compedes debentur; mitte ergo illum in operationes, ne vacet. Multam enim malitiam docuit otiositas. Laxa manus illi, et quærit libertatem; » ideo « constitue eum in assiduo opere, cujus colium curvent jugum et lorium. Sic enim concedet illum. » Filius autem quæcunque potest ex amore operabitur. Item comicus : Vide quid faciat otium, et cibus alienus. Hieronymus (in cap. xvi *Ezech.*) : Abundantia panis, superbia vitæ, et otiositas origo fuit peccati Sodomorum. Item Dominus in Evangelio corripiens otiosos, ait : « Quid hic statis tota die otiosi? Ite et vos in vineam meam (*Matth. xx.*) » Circa quam fodiendam, stercorandam, putandam, pastinandam, cum major debeat esse cura spiritus quam corporis, amplior sollicitudo adhibenda est, maxime cum providentia Christiana semper vigilet, ut homo semper « sobrie, pie et juste vivat (*Tit. ii.*). » Item : Dominus in judicio omnia exprobravit non commissa, pro quibus certum est transgressores esse damnandos, dicens : « Esurivi, et non dedistis mihi manducare (*Matth. xxvi.*) » Et nomine esuriei omnem defectum, quem tu ipse, vel proximus patitur, in quo Christus est, intellige : nomine cibi erogandi, omne talentum tibi commissum, quo juvare potes proximum. Nec sufficit, si aliquando esurienti dederis manducare, quia et hoc sæpe malus facit; nisi scilicet, quantum potes, et quantum debes, et quoties dederis. Excessus nimis, in non erogando, te constituet delinquentem, non autem modicum. Sed quomodo possunt hæc discerni? Item Dominus in Evangelio, non tantum facientem mala, sed et servum torpentem a bono damnat, dicens : « Omnis arbor, quæ non fecerit fructum hanc, excidetur, 218 et in ignem mittetur (*Matth. iii.*). » Servorum itaque est dormire, pigritari, et torpere; filiorum vero est

A diligere, vigilare. Vigilantibus enim prodita sunt jura : pastoribus vigilantibus supra gregem suum, « annuntiatum est gaudium magnum quod est omni populo, quia natus est Salvator (*Luc. ii.*). » Ideoque : « Exsurge qui dormis, et illuminabit te Christus (*Ephes. v.*). » Et sponsa ait in Cantico : « Ego dormio, et cor meum vigilat (*Cant. v.*). » Sic caro nostra dormiat, ut mens in Christo vigilet. Et Petrus in I epist. (cap. v) ait in fine : « Sobrii estote et vigilate, quia adversarius vester diabolus, tanquam leo rugiens, circuit quærens quem devoret. Dominus » etiam « promisit coronam vigilantibus. » Qui etiam apud Lucam (cap. xii) distinguens tres vigiliis, ait : « Et si venerit in secunda vigilia, et si in tertia vigilia venerit, et ita invenerit, beati sunt servi illi. » Ter etiam dicit in illo evangelista : « Vigilate, vigilate, vigilate, » tres vigiliis significans. Sed cur vigiliam primam subtrahat, curiosos relinquo solvendum. Tres autem vigiliis ponit contra triplicem torporem. Prima scilicet, quæ est in his quæ sunt ad Deum; secunda in his quæ ad te ipsum; tertia in his quæ ad proximum. Vigila ergo in his quæ sunt ad Deum, vigila in his quæ ad te ipsum, vigila in his quæ ad proximum. Vel tres vigiliis distinguit propter triplicem hostem, scilicet diabolum, mundum, et corpus proprium. Fremit mundus, premit corpus, et insidiatur diabolus. Apud Marcum (cap. xv) vero quatuor vigiliæ distinguuntur, ubi ait : « Nescitis qua hora Dominus venturus sit, sero, an media nocte, an galli cantu, an mane, » quæ a philosopho sic censetur : contumacium, intempestum, gallicantus, ante lucanum. Quatuor autem distinguuntur propter quatuor cardinales virtutes : ut vigiles sic ut prudenter et discretè eligas in necessariis, electa fortiter conserves, in adversis temperanter, in prosperis juste vigiliam tuam custodias ne somnus culpæ obrepit. Est autem quadruplex somnus : naturæ, ad necessitatem; qui si superfluous fuerit, malus est. Unde :

*Plus vigila semper, nec somno deditus esto :  
Nam diuturna quies vitæ alimenta ministrat*  
(CAT., lib. 1, in *Distichis.*)

Culpæ : « Qui dormiunt, nocte dormiunt (*I Thess. v.*); gratiæ : « Ego dormio et cor meum vigilat (*Cant. v.*); » gloriæ : « Et cum hoc dixisset, obdormivit in Domino (*Act. vii.*). » Primus, est in mundo, et ad mundum, quoad necessitatem; secundus, in mundo et ad culpam; tertius, in mundo, sed a mundo et a culpa alienus; quartus, et a mundo, et a culpa, et omni pœna. Unde : « In pace in idipsum dormiam et requiescam (*Psal. iv.*). » Somnus etiam culpæ triplex. Primo dormiunt quidam in culpa, non resurgentes; secundo dormitant, modo de peccato poenitentes, modo in illud relabentes; tertio obdormiunt finaliter in peccato suo decedentes. Contra quem somnus Propheta orans, ait : « Illumina oculos meos, ne unquam obdormiam in morte. (*Psal. xii.*) » Qui etiam comminans pigris psalmo lxxii adnectit :



« In labore hominum non sunt, et cum illis non flagellabuntur; ideo tenuit eos superbia, operi sunt iniquitate et impietate sua. Prodit quasi ex adipi iniquitas eorum, transierunt in affectum cordis, cogitaverunt et locuti sunt nequitiam, etc. » Illi etiam obnituntur sacræ Scripturæ, et Domino homini pro peccato comminanti in Genesi: « In dolore et ærumna », inquit **219** Evæ, « paries filios. » Adæ: « In labore et sudore vultus tui, » non alieni, « vesceris pane tuo. » Raptores enim sunt, qui ea conditione metunt a subditis carnalia, ut seminent eis spiritualia, nec seminant (*I Cor. ix.*) »

Imo peiores feneratoribus; puta nullam utilitatem eis, a quibus metunt, conferentes, sed nocumentum præbentes, si pro eis oraverint. Quia cum is displicet, qui ad intercedendum mittitur, irati animus ad deteriora provocatur. Quomodo in dolore et ærumna filios spirituales parturiunt, qui in otio et pompa sæculari degunt et deliciis mundi affluunt? Vel quomodo « in sudore vultus sui vescuntur pane suo (beatus GREG. in *Pastor.*), » qui torpent in otio, et hominibus, et pedibus mundi utuntur velut jumento, quorum et ipsi deberent esse jumenta et servi? Arsenius, primo comes Palatinus, postea eremita maximus (videatur ejus Vita apud Sorium t. IV), quærentibus ab eo, in quo consideret, respondit: In eo quod homines fugi, aliquandiu tacui, flexi; potissimum in eo gaudeo, quod manibus laboravi. Et quidam sapiens cuidam ait: Quem, inquam, æstimas sapientem? Cui ille: illum, demonstrans litteratum, legisperitum et divitem. Non, inquit, sed iste sapiens est, demonstrans agricolam. Vidua etiam moriens sepeliri recusabat in camisia sibi data, dicens: Sepeliar quidem in camisia manibus meis elaborata, non alienis. Item Isaias, cap. **LVI.** « Speculatores ejus circi sunt, etc. » Propter hoc ergo operare, quia: « Labores manuum tuarum, quia manducabis, beatus es, et bene tibi erit (*Psal. cxxvii.*) » Si autem non laboraveris, et benedictione hæc privaberis. « Uxor tua sicut vitis abundans in lateribus domus tuæ (*ibid.*). » Et cum in omni fere genere humano, pigritia redargui possit et inveniri, maxime in clero reperitur, quia magna otia clericorum sunt. Non est quid agatur apud eos, cum tamen dicat Apostolus: « Illis denuntia, ut panem suum, » scilicet proprii laboris, « manducent (*II Thess. iii.*) » Et Salomon in Ecclesiaste ait (cap. **vi.**): « Omnis labor hominis in ore ejus. » Sic et illud exponitur: « In labore et sudore vultus tui vesceris pane tuo (*Gen. iii.*) » per panem, omne necessarium corpori intelligitur. A parte, totum scilicet corpus intelligit. Labor enim hominis consistit, non tantum in acquirendo cibum, sed in vestiendo, in ædificiis, in quo habitat, præparando. Est autem labor multiplex: naturæ, gratiæ et culpæ. Labor naturæ duplex, corporalis scilicet et spiritualis: spiritualis in cogitatione, corporalis multiplex. Nec prohibet Dominus laborem naturæ, qui est scilicet ad necessitatem, ubi ait: « Nolite solliciti esse de crastino (*Matth.*

**vi.**), » secundum sollicitudinem vitiosam, non necessariam providentiam. Labor gratiæ est ad gratiam, et propter gratiam. Qui duplex est, corporalis scilicet et spiritualis; et uterque triplex. Est enim labor pœnitentialis, ut « Laboravi in genu meo; lavabo per singulas noctes lectum meum, lacrymis meis stratum meum rigabo (*Psal. vi.*). » Et labor macerationis propriæ carnis: « Castigo corpus meum, et in servitatem redigo (*I Cor. ix.*). » Duas autem habet manus pœnitentiæ: laborem scilicet pœnitentialem, ad delenda præterita peccata; castigationem carnis ad vitanda futura. Pro his laboribus dicitur nobis: « Quia Deus honorum nostrorum non eget (*Psal. xv.*); » horum enim debitores sumus, ut salutem amissam **220** recuperemus. Tertius labor gratiæ consistit circa provisionem proximi, ut eum instruas in via Domini, omne talentum tibi commissum pro loco et tempore ei eroges, cum Paulo qui ait: « Plus omnibus laboravi (*I Cor. xv.*). Nam instantia mea quotidiana est sollicitudo omnium ecclesiarum. Quis enim infirmatur, et ego non infirmor? » (*II Cor. xi.*) Et iterum: « Exercitatio corporalis ad modicum utilis est; pietas autem ad omnia se habet, vel pietas promissionem habet vitæ, quæ nunc est, et futuræ (*I Tim. iv.*). » Et hic labor duplicem laborem gratiæ præmissum habet sequi, non præcedere, sed nec quodammodo comitari, ne prius sit homo carnalis quam concha, id est alii reflectens, quam sibi retinens. Pro hoc labore dicitur: « Quia Deus honorum nostrorum » quodammodo « eget. » Labor culpæ est, qui est ad culpam; et multiplex juxta diversitatem vitiorum. Vide quantum quis labore propter inanem gloriam, alius propter luxuriam, alius propter gulam, et ita de cæteris, « ut tota die sit super neros Babylonis iniquitas, et labor in medio ejus et injustitia (*Psal. lxxv.*). » Quoddam etiam laborare, ut invidere, non tantum ad culpam est, sed et ipsum culpa est. Veruntamen laborem naturæ, boni, ut sæpe, convertunt in laborem gratiæ; sæpe autem, ut in agricolis, indifferens est; mali vero, et illum convertunt in laborem culpæ. Verbi gratia: Ut laborem cibi acquirendi et necessarii tum gula, tum vana gloria mutavit in culpam, ita et laborem vestium, laborem ædificiorum, in laborem culpæ convertimus.

#### CAPUT LXXXII.

*Contra superfluitatem et curiositatem vestium, ciborum et ædificiorum*

Et quomodo? Prius de labore cibi videamus. Ait Apostolus: « Habentes alimenta, » non oblectamenta; « et vestes, » non ornamenta, « his contenti simus (*I Tim. vi.*). » Et « qui altario servit, de altario vivat (*I Cor. ix.*), » non lasciviat. Et alia auctoritas habet: « His qui enuntiant Evangelium, necesse est de Evangelio vivere (*ibid.*), » id est sustentari. Et Dominus: « Qui habet duas tunicas, det unam non habenti (*Luc. iii.*). » Quomodo autem contra hæc necessitas cibi conversa sit modo in gu-

iam, modo in vanam gloriam, modo in aliam quam-  
cumque culpam, vide, tum ex superfluitate fercu-  
lorum, tum ex sumptuositate eorum, tum ex lautitia,  
tum ex varietate, pluralitate et decore ministrorum,  
tum etiam ex varietate et multitudine instrumento-  
rum, quibus cibi citius et lautius preparantur. Sed  
quomodo sic laborantes arguat philosophus (SENEC.  
ep. 60), audi : Unica quidem silva pluribus ele-  
phantis sufficit, taurus paucorum iugerum pasua  
quærit ; homo vero terris et mari pascitur, et his  
variis modis. Quid igitur ? An natura nobis ventrem  
insatiabilem dedit, ut cum nobis modica corpora  
dedisset, edacitatem vastissimorum animalium su-  
peremus ? Minime. Non enim fames ventris magno  
nobis constat, sed ambitio. Vide **221** primos pa-  
rentes simplici victu, non sumptuoso, non vario, non  
superfluo, non corrupto artificio usos fuisse. Unde  
Boetius (metro v, l. II *De consol. philos.*, 6) :

*Felix nimium prior ætas  
Contenta fidelibus arvis,  
Nec inertis perdita luxu ;  
Facili quæ sera solebat  
Jejunia solvere glande.  
Non Bacchica munera novat  
Liquido confundere melle,  
Nec lucida vellera Serum.  
Tyrio miscere veneno.  
Somnos dabant herba salubris  
Potum quoque lubricus annis,  
Umbras altissima pinus.*

Sic ergo : « In labore et sudore vesceris pane tuo  
(*Gen. III*), » id est cibo tuo, ita et labore et sudore  
vultus tui, vestieris veste tua, tegeris culmine tuo.

#### CAPUT LXXXIII.

##### *De superfluitate vestium et pretiositate.*

Verum quantum recesserit gloria et luxuria vestra  
ab usu vestiendi primorum, tum in materia, tum in  
colore, forma et compositione vestium, animadvertite.  
Porro primis parentibus ad tegendam erube-  
scibilem nuditatem et turpitudinem, Dominus tuni-  
cas pelliceas fecit (*Gen. III*), sed quomodo para-  
tas, nescio. Ecce rudis et simplex materia vestis, a  
qua ventum est ad corium animantium, ad lanam  
ovium, ad linum agrorum et hæc quidem a natura  
sunt et ideo tolerabilia. Sed nec hic subsistere vo-  
luimus, sed processimus usque ad plumas avium,  
ad stercorea vermium, etiam usque ad aurifrigium,  
vendo filum ex auro. A simplici etiam et naturali  
colore ventum est ad colorem pulchrum, sed religioni  
congruum ; rubeum, subrubeum, croceum, viola-  
ceum, mistum et confusum, ut sub colore vestium per-  
stringamus oculos nos intuentium, eosque in admira-  
tionem rapiamus, cum natura singulis rebus et  
maxime floribus, innatum adeo pulchrum colorem  
dederit, quali nec poterat « operiri Salomon in omni  
gloria sua (*Matth. VI*). » Sed objicis, vestes varii  
coloris, et pelles rubricatas et hyacinthinis fuisse  
in tabernaculo (*Exod. XXV*) ; respondetur, Quia :

*Signa recesserunt ; significata manent.*

Hieronymus etiam hanc objectionem solvens, ait :  
Olim quidem ista probabantur, quando sanguis pec-  
cedum remissio fuit peccatorum. Nunc autem pau-

A per Dominus, paupertatem et simplicitatem **222**  
in ecclesia sua dedicavit. Ergo dicite, Pontifices, in  
templis quid facit aurum ? Quid sericum ? Melius  
ista exponuntur ad usuram, quam pauper ad im-  
brem. Quod si hæc judaizando revocas in templum,  
revoca cruorem immolatum. Sed utinam modo  
nostra redirent in mores tempora prisca, ad exem-  
plum sanctorum Pallidorum, qui recolentes simplicita-  
tem vestis priorum parentum ; alii mattulis tegebant  
erubescibilem turpitudinem, alii corticibus, alii  
sacro, alii cilicio. Ægyptiaca (Maria Ægyptiaca cujus  
Vita exstat in Surio, t. II), supererogavit, quæ  
nuda in nemore latuit, fugiens hominum aspectus,  
qui nudæ erubescitiam inducerent. Porro quidam  
nimis grammatici hunc locum ; « In sudore vultus  
tui, etc. (*Gen. III*), prave et perverse exponunt sic :  
« In labore et sudore vultus tui, » ut sit transitio  
inter hoc nomen vultus, et hoc pronomen tui, tui  
scilicet coloni, jumenti, servi. Et utrum [*f. cæterum*].  
« In labore et sudore » horum, non in curiositate,  
non in sumptuositate, superfluitate et varietate red-  
darguit Tubalcain, a Hieron. super Genesim, eo  
quod diversis ictibus malleorum inveniret vanam  
et variam consonantiam musicorum : quanto magis  
inventor superfluum magis nocivorum ? Unde  
Boetius (lib. II *De consolat. philos.*, metro v) :

*Hæc, quis primus ille fuit,  
Auri qui pondera tecti,  
Gemasque latere volentis,  
Pretiosa pericula fodit ?*

C Et Hieronymus : Periculose, inquit, exercetur illius  
artis officium, quod luxuria advenit ad abusum.  
Peccatur enim in compositione vestium maxime.  
Cum enim natura hominem a bruto, insigni et ho-  
nesto caractere distinxerit, quod natura homini  
negavit, scilicet caudam, ipse per artificium illud  
in veste caudata sibi usurpat habens et mentem  
caudatam. Quia :

*Deprendas animi tormenta latentis in ægro  
Corpore.* (JUVEN., sat. 9.)

Hujusmodi homines redarguit Apostolus (*Rom. I*),  
ut « incompósitos. » Alii in veste sua habent syr-  
mata et longas revolutiones vestium sese, post se,  
in longa veste trahentes, qui mendacia staturam  
adjuvant ; cum hos poeta gentilis redarguat, dicens :

*Este procul vittæ tenues insigne pudoris,  
Quæque tegit medios, instita longa pedes*  
(OVID. l. I, *De arte*.)

Maxime autem vestis syrmatice et longa non decet  
Christianum, quæ post se pulverem trahit, vel susci-  
tat, ad exercendum oculos sequentium, similes Darii  
et Byrrhiis. Unde Milo Terwanensis episcopus in  
sermone suo : Non decet, inquit, matronas christi-  
anas, vestes habere subalares et post se trahentes,  
quibus verrant sordes pavimenti et viarum. Scitote,  
inquit, dominæ dilectæ, quod si hujusmodi vestis  
vobis esset necessaria, natura vobis in remedium  
ejus aliquid dedisset, quo terram tegere possitis.  
Sed modo cum vestis **223** excedat quantitatem  
corporis, cur non et calceus, ut calceos homo post

se traheret? At econtrario, in quantum possumus **A** bravium? sic currite, » scilicet absque offendiculo et onere, « ut comprehendatis. Omnis enim, qui in agone contendit, ab omnibus, » quæ præmium agonis possunt impedire, etiam a licitis, « abstinet. » Nos autem, si numerositate et superfluitate vestium, quemadmodum et aliarum rerum, onerati et impediti, eas, non tantum portamus, sed et trahimus post nos, facti, non tantum portitores earum, sed et veredarii, quadrigarii et summarii; cum tam excellens præmium nos maneat, si comprehendiderimus; et evanescat, si in cursu hoc periculosus defecerimus. In quo, ut ad metam attingamus, præcincti debemus esse, ituri in hoc stadio per prudentiam, quæ eligamus quid faciendum, quid credendum, quomodo in viis Dei ambulandum et in quo statu, qui necessarius est ad bene vivendum. Debeamus etiam esse succincti, cursuri per temperantiam contra fluentes sinus cupiditatis :

*Nec vagus in laxa pes tibi pelle natet.*

(OVID.)

Quidam etiam, cum non possint inferius caudari in veste, faciunt consui caudas animalium, ne prorsus sint expertes caudarum. Alii stellati, intro stellationati, vestibus utuntur perforatis.

CAPUT LXXXIV.

*Contra raros artifices istarum vanitatum.*

Ad has vanitates et superfluitates fugendas, enriositas Christiana varios habet artifices, quibus forte caret idololatria. Incredibile enim est Scipiones, Catones, Lælios, si tales opifices vidissent, eos statim non repulisse. Videndum ergo, qui opifices necessarii essent Ecclesiæ et qui non; qui tolerandi in ea et qui non. Necessarii sunt agricolæ, sicut pes mundi. Vinitores autem propter infirmitatem nostram, licet Noe (*Gen. ix*) primam vineam plantasset, et primo vino, « in quo est luxuria (*Ephes. v*), » inebriatus sit; postea et Lot (*Gen. xix*) committens incestum merito ebrietatis. Similiter pelliparii sutores, tannarii, carpentarii simplices; non dædalini, non sumptuosi fabri, textores simpliciter in materia operantes; tinctorum etiam, dum non nimis excedant in sumptibus et propter mysterium, quod geritur in Ecclesia forte; pictores, historias, non vana, depingentes; artifices etiam instrumentorum musicorum, ut eis tristitia et tædium amoveatur, devotio non lascivia excitetur. A lascivis enim hæc periculose audiuntur. Aurifabri vero maxime qui sellas et calcarea deaurant, vel cætera, sine quibus posset esse Christiana religio; incisores, perforatores vestium, compositores detiorum, maxime plumbatorum, alearum, non dico schaccorum, quia his ad recreandum, quis ludere potest. Ili, inquam, non necessarii sunt, quibus nisi prius arti suæ abrenuntiassent, penitentiam non injungerent. Jocolatori cuidam papa Alexander (*Alex. III*), nec concessit vivere de officio suo, nec ei penitus interdixit. Et cum iudici necessarius sit gladius, licet gladios fabrefieri.

Nunquid ideo et sicas et pila duplicatam lorica perforantia? Ita. Sicut enim primo prudentia hominis bene contra malitiam hostium simplices gladios invenit, ita et industria ejus contra crebrescentem et duplicatam malitiam gladios arripit, et alia arma excogitare et componere potest. Sed quid erit de artifice toxici? Tolerari potest, dum cautionem præstiterit Ecclesiæ se non esse nociturum per toxicum. Sed hæc in consuetudinem deducta, reprehendi et vituperari vilipenditur, cum Ecclesia eis primo emergentibus, deberet restitisse, et tales opifices amovisse, ne pullarent. Superfluitatem **224** vero vestium et aliarum rerum redarguens Apostolus in I Epist. ad Cor. c ix, ait: « Nescitis quod hi qui in stadio currunt, omnes quidem currunt, sed unus accipit

bravium? sic currite, » scilicet absque offendiculo et onere, « ut comprehendatis. Omnis enim, qui in agone contendit, ab omnibus, » quæ præmium agonis possunt impedire, etiam a licitis, « abstinet. » Nos autem, si numerositate et superfluitate vestium, quemadmodum et aliarum rerum, onerati et impediti, eas, non tantum portamus, sed et trahimus post nos, facti, non tantum portitores earum, sed et veredarii, quadrigarii et summarii; cum tam excellens præmium nos maneat, si comprehendiderimus; et evanescat, si in cursu hoc periculosus defecerimus. In quo, ut ad metam attingamus, præcincti debemus esse, ituri in hoc stadio per prudentiam, quæ eligamus quid faciendum, quid credendum, quomodo in viis Dei ambulandum et in quo statu, qui necessarius est ad bene vivendum. Debeamus etiam esse succincti, cursuri per temperantiam contra fluentes sinus cupiditatis :

*Male cuncta ministrat*

*Impetus,*

(STATIUS, l. II *Thebaidos*.)

*Ne quid nimis.*

(TERENTIUS.)

Præcincti, ministraturi per justitiam quæ unicuique reddit quod suum est. Tibi, si habeas lumbos præcinctos ad currendum, ut composito gradu vehas Spiritum sanctum proximo, ut ei facias, quod tibi vis fieri (*Tob. iv*). Etiam accincti esse debemus pugnaturi per fortitudinem contra triplicem hostem, quia: « Militia est vita hominis super terram (*Job vii*). » In procinctu ergo et in expedito debet esse iter nostrum, quod juvari debet curru, cursu, saltu. Quia non tantum viatores esse debemus, sed cursores Hebræi, transitores Dothain vel Iithun (*Gen. xxxvii*), et transilientes, sicut cervus, qui saltu cursum adjuvat et quæque hiantia et obstantia transilit. Nunc autem econtrario. Strictam viam superfluitate vestium et rerum aliarum obstruimus, ne « viam mandatorum » inveniamus, vel inventam eam, « curramus (*Psal. cxviii*). »

CAPUT LXXXV.

*Contra mollitiem vestium.*

Propter quem obicem a viis nostris amovendum, Dominus in luxu et superfluitate vestis duo reprehendit in Evangelio, scilicet mollitiem et superbiam, dicens: « Quid existis in desertum videre? Arundinem vento agitatam? Prophetam? Etiam dico vobis, plusquam prophetam. » Sed « quid existis videre? Hominem mollibus vestitum? Ecce qui mollibus vestiuntur, in domibus regum sunt (*Math. xi*). » Mollitiem igitur vestium vitium constat esse, sicut ait Gregorius (*hom. 6 in Evang.*), cum illud adjungat Dominus vitio inconstantie, cui adjuncta est superbia. Cum enim corpus de natura, hæc mollitiem non egeat, quid in veste molli quaeritur, nisi spiritualis nequitia, scilicet superbia et delectatio ad superbiam, non ad necessitatem? In usu ciborum unica manu percutit nos diabolus, scilicet per mollitiem; in usu vestium duabus et per mollitiem

et per superbiam. Verumtamen **225** omni cibo, A pro tempore et loco, omni religioso vesci concessum est, si necessitas exegerit; pro nulla autem necessitate, vel aliquando concessum est religiosis, uti splendidis vel superfluis vestibus. Nunc autem in domibus episcoporum et clericorum sunt qui mollibus vestiuntur. Si dicant, quia et ipsi reges sunt, sic quidem et apostoli, qui omnia hæc et reputaverunt, ut stercora, ut Christum iurificarent (*Philipp. iii.*) Mollitiei autem et superbix vestium potest addi tertium reprehensibile in eis, scilicet sumptuositas. Unde Bernardus :

*Chisimus ascendit, et vestitura potentis  
Matris et spolio non leviove bever.  
Et bursæ prædo Subelus.*

His pelibus, et aliis animantium, nobis barbas artificiales, ut larvati incedamus, comparamus, abrais naturalibus, propter mollitiem, effeminationem, et luxuriam, cum meretricius nitor, habitus histrionicus vel regius apparatus, non deceat humilitatem, non congruat Christiano. Et philosophus ait : Placet quidem mihi, quod hanc ambitiosam suppellectilem inexcusabili odio persequeris.

#### CAPUT LXXXVI.

##### *Contra superfluitatem ædificiorum.*

Sicut in vestium et cibiorum superfluitate et curiositate, labor nature in culpam vertitur, et res in vitium cadit, si caret arte : sic et in superfluitate, curiositate et sumptuositate ædificiorum. Intuere enim quantum recessum sit a simplicitate antiquorum in construendis domibus. Legitur enim quod Abraham prima credendi via in casulis tantum habitavit, non habens etiam passum ped's super terram. Qui tentoria sua fixit inter Bethel et Hai, sicut peregrinus viator et non mansor, non civis, qui in culmine tecti sui, hoc est in casula tecta culmo recepit angelos hospites (*Gen. xii.*). Similiter Lot et Noe in tentoriis habitabant (*Gen. xviii.*). Quidam etiam antiquorum, in cavernis petrarum, alii in corticibus et concavitatibus arborum, a quibus visi egredi, a quibusdam orti esse ab his fabulose putabantur. Elisens, non proprium, sed alienum habuit hospitium, quia a vidua quadam sibi commolatum, in quo habebat cœnaculum, et in illo mensulam, lectulum et candelabrum (*IV Reg. iv.*). Hoc etiam non commutabat divertens ad aliud hospitium, jam memor et custos illius præcepti evangelici : « In quacunque civitatem introieritis, quærite quis in ea dignus sit, et apud illum manete, nec inde exeat (*Math. x.*) » Item : Cum

*Terra malos homines nunc educet, atque pusillos,  
(JUVEN., sat. 15.)*

Et non tantum statura, sed et diuturnitate vite nobis abbreviatæ superfluitate multiplici, et pro peccatis nostris, cum **226** etiam fines sæculorum, et consummatio in nos deveniant, quanta dementia, quantusque excessus est, nos ita esse sollicitos circa molem, et curiositatem, et sumptuositatem domorum ædificandarum; sic, quasi nunquam periturarum, et maxime cum antiqui, quibus diuturnior vita con-

cessa est, qui etiam in principio mundi fuerunt nimis remoti a fine ejus, italia non curaverunt, credentes, quia « movebuntur » in fine mundi « fundamenta terræ (*Psal. lxxxii.*) » usque ad penultima ejus, quantum scilicet descenderunt opera peccatorum; purgabitur et aer quantum ascenderunt opera eorum. Unde quidam *Itemensis* clericus : Si crederent, inquit, ædificatores isti mundum esse finem habiturum, non tam alta moles usque in cœlum erigeretur, non fundamenta usque ad tantam abyssum jacerentur. In quo assimilantur gigantibus turrim Babel ædificantibus, contra Dominum existentibus. Unde etiam timeant, ne cum ipsis « dispergantur a facie terræ (*Gen. xi.*) » id est Ecclesiæ, et deinde « confundantur » in gehennæ igne. Sed etiam propter hanc superfluitatem et sumptuositatem domorum, murorum, minor est hodie pietas et erogatio in pauperes. Minus enim sufficimus alimonix eorum, et hujusmodi sumptibus superfluis. Item Isaiæ, cap. lxxvi : « Cœlum sedes mea, terra autem scabellum pedum meorum. Quæ est ista domus quam ædificabitis mihi? Et quis est iste locus quietis meæ. » Item Hieronymus (*ep. 11 ad Ageruchian.*) : Scio, inquit, populos esse, scilicet Megarenses, qui sic ædificant velut semper victuri; sic autem comedunt et bibunt, velut cras morituri, dicentes : « Comedamus et bibamus, cras enim moriemur (*Isa. xxii.*) » Item : Paulus primus eremita in crypta, sive in hypogeo et subterraneo habitabat, pastus ab angelo quotidie dimidio pane. De cujus sanctitate audiens Antonius pater eremitarum et archimandrita, eum visitavit pulsans ad ostium ejus, ille vero feram vel lupum putabat esse. Tandem per divinam inspirationem revelatum est ei quod Antonius esset, cujus nomen prius ignorabat, et ait : Bene veniat dominus meus Antonius; et osculati sunt ad invicem. Quibus simul comesturis, angelus integrum panem attulit. Quo arrepto e regione, scilicet per frusta et partes oppositas, ut sic ambo frangerent; postea de eo comederunt, præhabita sancta contentione de divisione ejus et benedictione, qua uterque reliquum voluit sicut majorem præponere. Paulus autem plurimas quæstiones proposuit Antonio, inter quas et hanc inseruit quærens, an adhuc cessaret idololatria, obstinatio Judæorum, et an Christiana religio, ritus gentium in ædificiis sumptuosius imitaretur, dicens : Surguntne adhuc turres, et propugnacula, et palatia, et tam alta et sumptuosa ædificia Romæ? Qui ait : Ita. Ille vero fletus amplius hanc superfluitatem deplanxit, conquestus homines tantæ vanitati deditos, cum Christianorum deberet esse ad invicem cohortatio dicentium : « Non habemus hic certam mansionem, sed futuram inquirimus (*Hebr. xiii.*) » Item : Imperator quidam cuidam eremitæ : Cur, inquit, sic coangustatum et commensuratum est hospitium tuum corpusculo tuo, ut illud nec in iota uno superet nec excedat? Cui ille : Sufficit **227** hoc homini morituro, ut semper memor sit saniei busti sui, ut ex

eandem necessitate se credat jam quasi esse mortuum, qua scit se esse moriturum; sic præveni sepulcrum meum, et quasi me præsepelivi; et adiunxit: Melius et tutius prosilitur in cælum de tugurio quam de palatio. Item Dominus in Evangelio: « Vulpes foveas habent, et volucres cæli nidos, Filius autem hominis non habet ubi caput suum reclinet (Matth. viii). » Ecce quia modicitas et humilitas Christi docet nos debere esse contentos humilibus habitaculis, qui « non habuit ubi caput reclinaret (Luc. ix), » nec ergo ubi deambularet, ubi gloriam suam et se dilataret. Et nos ergo ne simus vulpibus solosis et fetidis similes, ne diabolo viciniores et inferis, ne signum absorptionis nostræ cum Dathan et Abiron ostendamus (Num. xvi), nequaquam ædificemus in visceribus terræ usque ad penultima ejus, sed nec in aere, deputato demonibus in carcerem usque ad iudicium; nec illis, per superbiam ædificantes, vicini et « socii simus » demonum « et struthionum (Job xxx), » sed super terram terrestres, scientes quia de terra transitori sumus, futuri cælestes et secundum corpus, et secundum animam; et maxime ob hoc quod scriptum est: « Cælum cæli Domino, terram autem dedit filiis hominum (Psal. cxiii). »

Item: Prælati prælati: Quid sibi vult ista altitudo domorum vestrarum? Quid turres? Quid propugnacula in eis? Non magis in his contra diabolum munitis eris, sed vicinior. Item: Hanc libidinem ædificandi detestantur palatia principum constructa ex lacrymis et rapinis pauperum. Monastica autem vel ecclesiastica ædificia erecta ex fenoribus et usuris avarorum, mendaciis deceptionum et deceptionibus mendaciorum, prædicatorum, mercenariorum, quæ ex male partis constructa sæpe dilabuntur, quia:

*Non habet eventus sordida præda bonos.*  
(OVID., eleg. 4.)

Item: Exemplum sancti Bernardi flentis eo quod videret tuguriola pastorum tecta culmo, similia casulis pristinis Cisterciensium tunc habitare incipientium in palatiis stellatis et muratis. Sed et pro hoc morbo ædificandi sæpe ipsi religiosi, sicut et alii, instrumento suæ offensionis puniuntur. Constructio enim pulchrarum et ampliarum domorum, invitatio est superbiorum hospitum. Etiam grangiæ eorum pro munimine sui sæpe incastellantur, quas etiam ne amittant, sæpe veritatem celant, et justitiam Dei omitunt, non audent mutire contra principes, eo quod libertatem suam, de qua dicitur:

*Cantabit vacuus coram latrone viator,*  
(JUVEN., sat. 10.)

amiserunt, pro divitiis grangiarum et agrorum suorum, permittentes sibi ædificari dormitoria et refectoria, a raptoribus et feneratoribus, in signum et memoriale æternum avaritiæ ipsorum. Sed nec id fieri pati deberent ex pecunia propria virorum honorum, sed adhortari eos ut potius ista converterent in alimoniam pauperum, et redemptionem

A captivorum. Item: Etiam in ecclesiis construendis peccatur. Cum enim capita earum humiliora esse deberent corporibus ipsarum pro mysterio (quia « caput nostrum, Christus (Ephes. iv), » scilicet humilior est Ecclesia sua), altiora nunc eriguntur. Hanc etiam triplicem superfluitatem **228** gentilis philosophus reprehendens, ait:

*Huic epule vicissæ famem summique penates  
Submovisse hiemem tecto, pretiosaque vestis,  
Hirtam membra super, Romani more Quiritis,  
Induxisse togam.* (LUCANUS, l. II.)

Item Psalmista: « Et relinquent alienis divitias suas, et sepulera eorum, domus illorum in æternum (Psal. XLVIII), » hoc est diu videlicet, usque ad resurrectionem. Cum ergo diutius sit tibi habitandum cum veribus in sepulcro, quam cum hominibus in terrena domo, si alterum magis ordinandum, erigendum et sumptuose construendum relinquo; illud quidem magis videtur, in quo tibi diutius est morandum, de quo constat, quia vitium est illud superflue construi et ornari. Unde poeta:

*Cælo tegitur qui non habet urnam.*  
(LUCANUS, lib. VII.)

*Facilis jactura sepulcri.*  
(VIRGIL., Æneid. II, 646.)

*Sepelit natura relictos.*  
(MÆCENAS, lib. XV.)

Et Gregorius (Moral. c. 37): Sumptuosa et ornata sepulera mortuis sunt potius in augmentum supplicii quam in remedium. Est autem hominis primum sepulcrum, corpus proprium. Unde: « Dormientes in sepulcri (Psal. LXXXVII). » Secundum: Terrenum habitaculum super terram vel in terra. Tertium erit ignis purgatorius. Quartum paradisi vel inferni. Ne sis autem magis sollicitus circa structuram et ornatum terrænæ domus quam corporis proprii, quod modico tegitur in quo etiam resurges, « cum hoc mortale induerit immortalitatem (I Cor. xv). » Non assimileris arte Dædalo in ædificanda domo, non gigantibus altitudine (Gen. xi), non Salomoni sumptuositate (III Reg. vi). Sed cur non Salomoni sapienti? Quia non modo sicut olim talia approbantur, quando scilicet sanguis pecudum erat redemptio peccatorum. Item psalmo LXXXII: « Respice in testamentum tuum, quia repleti sunt, qui obscurati sunt terræ domibus iniquitatum, » et rapinis, mendaciis, et furtis, erogandisque pauperibus constructis. Item Hieronymus de exitu sanctæ Paulæ (epist. ad Eustochium, De obitu Paulæ): Nolebat, inquit, in his lapidibus pecuniam effundere, qui cum terra et sæculo transitori sunt, sed in vivis lapidibus, qui voluntur super terram. De quibus in Apocalypsi, ex quibus magni regis extruitur civitas. Item idem epist. 30 (cap. 21): Qua voce tibi exponam Salvatoris speluncam, et illud præsepe, in quo infantulus vagiit? Silentio magis quam infimo sermone honoranda sunt. Verumtamen ubi circa hæc sunt late porticus? Ubi aurata laquearia? Ubi domus miserorum penis, et damnatorum labore vestitæ? Ubi ad instar palatii privatorum

structæ basilicæ ut vile corpusculum hominis A pretiosius inambulet, et quasi mundo quidquam possit esse ornatus, tecta sua magis velit aspirere quam cælum? Bethlehem (*Matth. ii*), in parvo foramine terre natus est Conditor cælorum. Hic visus a pastoribus, hic demonstratus a stella, hic a magis adoratus (*Luc. ii*). Item Jeremias, cap. xxii : « Væ qui ædificat domum suam **229** in injustitia, et cœnacula sua non in iudicio. Amicum suum opprimet frustra, et mercedem ejus non reddet ei. Qui dicit : *Ædificabo mihi domum latam et cœnacula spatiosa, qui aperit sibi fenestras, et facit laquearia cedrina pingitque synopide. Cujus oculi et cor ad avaritiam et ad calumniam et ad consummationem mali operis.* » Item philosophus, locutus de dilatantibus fundos et agros, adjungit: Nunc vobis loquor, quorum arque spatiose luxuria, quam illorum avaritia diffunditur. Vobis dico hoc : Quosque nullus erit lacus, cui non villarum vestrarum fastigia immincant? Nullum flumen, cujus non ripas ædificia nostra prætexant? Ubiunque scatebunt aquarum calentium venæ, ibi nova diversoria luxuriæ excitabuntur. Ubiunque in aliquem sinum litus curvabitur, vos protinus fundamenta jacitis, non contenti solo, nisi quod manu feceritis. Cum multa ædificaveritis, cum ingentia, tamen et singula corpora estis et parvula. Quid prosunt multa cubilia? in uno jacetis. Non est vestrum ubiunque non estis. Item poeta :

*Nullus in orbe locus Buiis præluet amœnis.  
Si dixit dives lacus et mare sentit amorem  
Festinantis heri, cui si vitiosa libido  
Fecerit hospitium, cras ferramenta Theanum  
Tolletis cubri.*

(HORATIUS, lib. i, epist. 1.)

Item Juvenalis (sat. 14) :

*Ædificator erat Centronius; imminuit rem.  
Fregit opes, nec parva tamen mensura relicta  
Partis erat, totam hunc turbavit filius amens  
Dum meliorem novam attollit marmore villas.*

Item Hieronymus (epist. ad Heliodorum *De laude vite solitariæ*) : Decet, inquit, pœnitentem et maxime claustralem morari, non dico in domibus amplis, sed in domiciliis, id est in ciliiciis sive parietinis, quæ domus non sunt, sed similitudinem et restigium domorum habentia, ut coangustatus seipsum recolligat, nec ad illicita extendat, memor uteri virginalis, in quo clausus et coangustatus fuit Dominus, tandem in præsepiolo positus, in patibulo, deinde in sepulcro. Unde David : « Similis factus sum pelicæno solitudinis, factus sicut nycticorax in domicilio (*Psal. ci*), » sive in parietinis. Item Isaias, cap. v; Levit. xxvi; Habacuc, ii; Item Isaias, xxvi, et Daniel, cap. viii.

### 230 CAPUT LXXXVII.

*Contra prodigos, qui male acquirunt, et pejus expendunt.*

Plurimi, sicut in ædificando, et expensis superfluis sunt prodigi, vigilantissimi, et ebrii : sic et in piis causis et necessitatibus quotidianis submini-

strandis avarissimi, lethargici, et somnolenti, et pigri. De ejusmodi poeta ait :

*Servorum ventres medio castigat iniquo,  
Ipse quoque esuriens, neque enim omnia sustinet un-*  
*quam,*

*Mucida cærulei panis consumere frusta.*

(JUVEN., sat. 14.)

Qui de lana caprina et pro nihilo, litigando objur-

gat servos :

*Nec paupertatem levei attollatve propinquum.*

(CATO., 13.)

Vitium autem prodigalitatæ sugillat Dominus in Luca, inducens parabolam de filio prodigo, qui vivendo luxuriose consumpsit bona patris, quibus consumptis in regione longinqua pavit porcos, pastus et ipse de siliquis porcorum. Reprehenditur autem B in eo prodigalitas temporalis pecuniæ, quam consumpsit pro temporali concupiscentia sua, sicut Esau vendens primogenita sua, et benedictionem patris pro lenticula rufa (*Gen. xxv*). Sicut etiam aliquis fidelis dæns pretium inæstimabile, scilicet Christi, et thesaurum mirabilem absconditum « in vasis fictilibus (*II Cor. iv*), » scilicet animam factam « ad imaginem Dei (*Gen. i*), » profumo, somno et umbra. Reprehenditur etiam in eo prodigalitas naturæ, et prodigalitas gratiæ. Descendit enim ab Jerusalem in Jericho, et incidit in latrones, qui corruperunt in eo naturalia, spoliando eum gratuitis (*Luc. x*). Hujusmodi etiam homines designati sunt per hæmorroissam, quæ expendendo fere omnia bona sua in medicos, non poterat curari antequam veniret ad verum medicum (*Matth. ix*). Fiunt autem prodigi ex causis pluribus. Quidam ob libidinem ædificandi, et alias superfluitates et ebrietates. Alii ob libidinem coeundi, « et bona tota feruntur ad Cyanem, » quæ lacrymula una absorbet luxuriosum, fastidiens apud eum cibos delicatos, cum domi nigrum et mucidum panem, cum hesternio jure liguriat. Et Juvenalis :

*Quæ bona donavit præsepibus, et caret omni  
Majorum censu.*

Alii ob gulam. Unde Horatius (lib. i, ep. 15) :

*Ut rebus maternis atque paternis  
Fortiter assumptis Urbanus caput haberi,  
Scurra vagus, non qui certum præsepe teneret,  
Impransus, non qui civem dignosceret hoste.  
Quælibet in quemvis opprobria fingere sævus,  
**231** Pernicies et tempestas barathrumque macelli.*

Alii ob ambitionem dignitatis vel famæ :

*Tanto major sumæ sitis est quam  
Virtutis. Quis enim virtutem amplectitur ipsam  
Præmia si tollas? patriam tamen obruit olim  
Gloria paucorum, et laudis utrique cupido.*

Exitus ergo quis est famæ?

*Ut pueris placeas et declamatio fias.*

Alii ob excusationem miseriæ et peccati sui histrionibus et indignis etiam dantes, ut dicatur de eis : Nihil negant quod exigatur ab eis, sed nihil dant nisi exigatur. Ergo nihil dant viro bono et honesto. De quibus etiam dicitur : Mirum est ubi, et a quibus accipiant quæ expendunt, cum verius diceretur : Mirum est ubi, et in quæ expendant,

quæ accipiunt, et a tot rapiunt. Male enim accipiunt et pejus expendunt, quæ melius ea servarent, ut essent solvenda his a quibus raperunt.

Alii ob negligentiam vel inscientiam, qui profusores suorum fiunt, petitores alienorum. Generaliter enim prodigalitate comitantur cupiditas, avaritia et rapina. Unde poeta :

*Quæcunque profunda  
Traxit avaritia, luxu pejore refundit.*  
(CLAUDIUS, *De bello Gildonico*.)

### CAPUT LXXXVIII.

*De sancta prodigalitate.*

Est tamen quædam sancta prodigalitas, qua quis animam dat pro Christo. Unde : Animæque magnæ prodigum Paulum. Tu ergo, non sicut prodigus des et cupias quodcumque necesse est pro viribus tuis, nihil autem supra vires. Unde Tobias (cap. iv) : Modicum habens, modicum tribue.

*Metiri se quemque suo modulo, ac pede verum est.*

(HORAT. lib. 1, ep. 7.)

*Buccæ*

*Noscenda est mensura suæ, spectandaque rebus  
In summis, minimisque; etiam cum piscis emetur,  
Nec cupias multum cum sit tibi gobio tantum  
In locutis.*

(JUVEN., sat. 11.)

Ne fias cum his eclatorum lactis tibi retinens tantum sordes peccatorum, ut pecunia ad alios devolvatur. Ne rapias, ut multos ventres pascas, cum unicum habeas ventrem, et secundum naturam modico contentum.

### 232 CAPUT LXXXIX.

*Contra se immergentes in temporalibus avide.*

Prodigos etiam, sive in ædificiis, sive in veste, sive in cibariis vel quibuscunque superfluis expensis, et in curiosa, vana et non necessaria doctrina, maxime sese immergentes in temporalibus redarguens Propheta, ait : « In circuitu impii ambulat; secundum altitudinem tuam multiplicasti filios hominum (Psal. xi), » non dæmonum. Et iterum eis imprecans, addit : « Deus meus, pone illos ut rotam, et sicut stipulam ante faciem venti (Psal. LXXXII); » ut sint leves et inconstantes, sicut arundo agitata omni vento doctrinæ. Hi similes sunt filiis Israel offendentibus Deum, et ob hoc consumpserunt quadraginta dies « in itinere trium dierum, circa montem Seir (Exod. III), » nec intraverunt terram promissionis, sed filii eorum (Deut. II). Sic et isti æstro temporalium agitati, non quiescunt, sed vertiginosi et epileptici, « cum impiis in circuitu ambulat (Psal. xi), » a vanitate in vanitatem, non attendentes quod « una tantum a Domino petenda (Psal. XXVI) » sit et requirenda, quod « non sit qui faciat bonum, » quousque veniatur « ad unum (Psal. XII), » quod viam eunti aliquid sit extremum, error autem inimensus. Hi etiam similes sunt diabolo, « qui circuit quærens quem devoret (I Petr. II). » Hi sunt lunatici et lymphatici oblati ad curandum Domino (Matth. XVII), qui modo cadunt in aquam luxuriæ, modo in ignem iræ, cupiditatis, et alia

flagitia, iterque suum non dirigentes ad Deum. In orbe circulari moventur, de vanitate in vanitatem, solliciti circa superflua et non necessaria, non contenti finibus naturæ vel gratiæ, et ideo non perveniunt ad octavam beatitudinis. De his sic loquitur Salomon Parabolarum, cap. XX (juxta LXX) : « Ventilator impiorum rex sapiens, immittit eis rotam malorum, » qui « semper sunt discentes, et nunquam ad perfectionem scientiæ pervenientes (II Tim. III); » semper laborantes et inaniter operantes, et nunquam quiescentes, quia : « Per semitam vitæ non ambulant, sed vagi gressus eorum, et investigabiles (Prov. V). » Item Isaias, cap. XIX : « Immiscuit Dominus, » id est permisit, « in medio Ægypti spiritum vertiginis, et errare fecerunt Ægyptum in omni opere suo, sicut errat ebrius et vomens. Et non erit Ægypto opus, quod faciat caput et caudam incurvantem et refronantem. » Item idem, cap. LVII : « Impii autem quasi mare fervens, quod quiescere non potest, » etc. Item David (Psal. LXXXVII) : « Et percussit eos in posteriora, opprobrium sempiternum dedit illis, » ut Philisthæis (I Reg. V). Dum enim « amplexantur stercora pro croceis (Thren. IV); » et arcam, id est fidem et Ecclesiam Christi postponunt temporalibus, umbratilitate tantum servientes, et diligentes mures ebullientes de terra, id est curæ et sollicitudines temporalium, corrodunt extales eorum; quia viscera et bona interiora eorum vel corrumpunt, vel consumunt. Hi autem testamentum Dei habent, non ut juxta illud vivant, sed ut illo curiose vanitates

233 suas prætexant. Quod statuentes juxta Dagon (illud tantum umbratilitate, et pro temporalibus, sicut et æternis observantes) corruunt cum Dagon (I Reg. V), cum idolis et variis vanitatibus suis, amputatis sibi capitibus. « Verbum autem Domini manet in æternum (Psal. XXXII). » Hos turpes Moyses turpibus comparat, qui temporalia ista, velut stercora in auro vituli constatilis redacto in pulverem (Exod. XXXII), datoque illud sitientibus et adorantibus in potum, immundissimo fimo stercoreum, et fumo urinæ, condemnavit.

Quasi diceret eis : Stercora sitistis, stercora bibetis; aurum sitistis, aurum bibetis. Hi etiam similes sunt « uxori Lot egressæ de Sodomis (Gen. XIX), » et de flagranti cupiditate terrenorum; deinde « respicienti retro, » per mundanam cupiditatem, « et versa est in statuum salis, » Assimilantur etiam « mittenti manum ad aratrum, sed respicientes retro, non sunt apti regno Dei (Luc. IX). » Hi similes sunt comprehendentibus Dominum et nequeuntibus majestatem ejus sustinere, corruunt retro in facies suas, qui imprægnati et impinguati stercorebus temporalium, nolunt ea egerere in usus necessarios, quibus terra fecundetur, sicut nec Judæi in Sabbato, nisi cooperiant; « sed putruerunt velut jumenta in stercore suo (Joel. I). Disperierunt in Endor, » id est in fonte propagationis : « facti sunt

ut stercus terræ (*Psal. lxxxii*), qui sicut upuæ nidificant in stercore suis, et ideo « stercorebus boum lapidandi (*Eccli. xii*), in quibus stercorea temporalium generant stercorea peccatorum, stercorebus poenitentialium satisfactionum amovendorum. Item David : « Et tabescere fecisti sicut araneam animam ejus, » etc. (*Psal. xxxviii*.) Aviditas temporalium homines facit araneas. Aranea vermis est putridus et venenosus, qui devorat muscas, ut *text* inutilis telas, quas texendo sese eviscerat. Sic et quidam araneæ sunt, « devorando, ut escam panis (*Psal. xii*), substantiolam pauperum, qui sunt pes mundi, et tantum muscæ, vel feneratorum, vel potentium ; qui etiam sunt muscæ principalium et majorum aranearum : Illi garcionum suorum, vel hostium, vel adulatorum aulicorum, ut uniantur iustramento suæ offensionis, quia :

*Lex non æquior ulla est  
Quam necis artifices arte perire sua.*  
(OVID. lib. 1, *De arte*.)

« Væ qui prædoris, quia deprædaberis (*Isa. xxxiii*) : » Væ qui emungis, quia emungeris, et sæpe supra quod ab aliis emunxisti.

Hi sunt equi Pharaonis, qui cum sessore suo submerguntur in mari (*Exod. xiv*). Talibus dicit diabolus et mundus, « incurvare ut transeamus (*Isa. li*). » His affectum est, ut rarus sit hodie, qui non mendicet, nisi fenerator, vel qui certis stipendiis et redditibus sustentetur. Tales similes sunt Amalec, hoc est, lingentibus terram, qui non tantum terrena lingunt et comedunt, sed, sicut bos, ablingunt radicitus, substantiolas pauperum devorantes et rapientes ; ob quam rem probati a Gedeone (*Judic. vii*) excluduntur a consortio suo, ne sint in prælio cum ipso pugnatura contra Madianitas et dæmones.

### 234 CAPUT XC.

*De his qui puniuntur iustramento suæ offensionis.*

Frequens est casus malos puniri iustramento suæ offensionis, ut in quo injuste proximum suum puniant, puniantur ; in quo etiam Deum offendunt, offendantur. Unde Psalmus : « Lacum aperuit et effodit eum, et incidit in foveam quam fecit ; convertetur dolor ejus in caput ejus, et in verticem ipsius iniquitas ejus descendet (*Psal. vii*). » Unde Augustinus (*in hunc locum Psalmi*) : Fraudator prior et pejus læditur damno innocentæ, quam proximus pecuniæ. Item psalm. ix : « In laqueo isto, quem absconderunt, comprehensus est pes eorum ; cognoscetur Dominus iudicia faciens ; in operibus manuum suarum comprehensus est peccator. » Unde Augustinus : Uniusquique sua iniquitas est pœna et patibulum. Item psalmus lvi : « Foderunt ante faciem meam foveam, et inciderunt in eam. » Et item : « Veniat illi laqueus quem ignorat, et captio apprehendat eum, et in laqueum cadat in id ipsum (*Psal. xxxiv*). » Et item : « Gladius eorum intret

A in corda ipsorum, et arcus eorum confringatur (*Psal. xxxvi*). » Unde Augustinus : Qui vult nocere proximo, similis est ei, qui attentat alium percutere gladio, quo prius se ipsum transverberat. Item Parab. c. xvi : « Qui fodit foveam, incidet in eam, et qui volvit lapidem revertetur ad eum. » Unde Eccli. c. xvii : « Qui in altum mittit lapidem, super caput ejus cadet, et plaga dolosa, dolosi dividet vulnera ; et qui fodit foveam, incidet in eam ; et qui statuet lapidem proximo, offendet in eo ; et qui laqueum ponit alii, peribit in illo ; facienti nequissimum consilium, super ipsum devolvetur, et non agnoscet unde adveniet illi. » Item juxta verbum Sapientis : Omnis fraus in se conversa colliditur.

B Item Dominus : « Quæ seminavit homo, hæc et metet (*Gal. vi*) ; et juxta quam mensuram mensi fueritis, remetietur vobis (*Luc vi*). » Item cap. xii Lucæ : « Viri edificantes turrim in Siloe, ab eadem oppressi sunt. » Et Augustinus (*S. Severianus in serm. de Innocentibus*) : Ne rapias bona proximi tui, quia capitur esca, et perditur anima. Item per exempla. Goliath gladio, quo putavit David interficere, interfectus est (*I Reg. xvii*). Aman in patibulo, quod paraverat Mardochæo suspensus est ; cui in plenitudinem potestatis, et divitiarum possessionem Mardochæus successit (*Esther vii*). Saul gladio, quo peperit Amalecitis contra præceptum Domini, interfectus est, docens regem Ægypti pro irrigatione terræ, quæ siccitate aruerat, peregrinum immolare pro peregrino, primo immolatus est (*I Reg. xxxi*). Quidam etiam aulicus novum genus tormenti, quo torquerentur rei, docens regem Siciliae, primo inventi sui poenas sustinuit (*Perillus*). Unde :

*Rex Phalaris tauro violenti membra Perilli  
Torrui, infelix imbuit auctor opus.  
Justus uterque fuit, neque enim lex æquior ulla est  
Quam necis artifices, arte perire sua.*  
(OVID. *De arte*, lib. 1.)

235 Item juxta philosophum (*SEN. ep. 83*) : Omnes voluptates hominis in singula ejus tormenta convertuntur. Ebrietas hominem facit stupidum, insanum ; gastrimargia, libidinosum, pigrum. Et quid plura ? Singula ferula, singulos peperere morbos. Unde hodie nullo genere morborum ægrota-  
D mus, quia nullo genere vivendi recte vivimus. Tot enim nunc numerabis cibos, quot cocos. Sic circumventes similes sunt ei, qui ait : « Circuivi terram et perambulavi eam (*Job i*). » Sunt « sicut volucres cœli et pisces maris, qui perambulant semitas maris (*Psal. viii*). » Huic circuitui malo, contrarius est circuitus justus, de quo dicitur : « Circuivi et immolavi in tabernaculo ejus (*Psal. xxvi*). » Hic est rectus ordo, ut non nisi post multiplicem circuitum bonum, quis immolet hostiam, vel immolatam sumat. Circumire igitur debemus omnia creata, quia omnia clamant : « Deus nos fecit, ut in illis laudetur. » Unde et ad laudem ejus, fere in synaxi Matutinali, id est in fine Matutinorum et Psalmo



illo « Benedicite, » etc. invitantur. Circuire etiam debemus beneficia creationis nostræ, quia « ad imaginem et similitudinem Dei creati sumus (*Gen.* 1). » Beneficia etiam recreationis, beneficia sacramentorum ecclesiasticorum, mandata necessitatis : « Quia tunc non confundar, cum perspexero in omnibus mandatis tuis (*Psal.* cxviii). » Consilia etiam persecutionis : hoc verbum etiam Apostoli, quasi triplicem funiculum : « Sobrie, juste, et pie (*Tit.* ii). » Exempla sanctorum, præmia æternæ remunerationis, supplicia æternæ damnationis. Singula etiam genera peccatorum et singula generum; singulorum etiam peccatorum circumstantias illa aggravantes; omnia etiam tempora et status vitæ nostræ. Unde : « Recogitabo omnes annos meos, in amaritudine animæ meæ (*Isa.* xxxviii). »

## CAPUT XCI.

*De multiplici facie hominis.*

Hujusmodi circuitus maxime beneficiorum creationis et recreationis nostræ, nos invitant ad dilectionem Dei.

Sicut enim testatur Leo papa (serm. 2, *De resurrectione*) : Magnus fuisset homo, si permansisset in eo, in quo fecit eum Dominus; major est si permansit in eo, in quo refecit eum. Fecit enim eum ad imaginem in facie naturæ et similitudinem suam in facie gratiæ. Est autem multiplex facies hominis : scilicet facies naturæ exterioris, qua etiam quodammodo homo assimilatur Deo. Unde :

*Pronaque cum spectent animalia cætera terram,  
Os homini sublimè dedit, cælumque videre  
Jussit, et erectos ad sidera tollere vultus.*

(*OVID*, i *Metamorphos.*)

Unde et B. Martinus oculis ac manibus semper in cælum intentus, etc. (3). Paulus primus eremita (4) ab Antonio inventus est erectus, et quasi orans mortuus. Vincentius in tormento, semper erectis lacinibus aspiciebat in cælum. Hanc 236 faciem et erectionem naturæ, maxime deturpat fornicatio. « Qui enim fornicatur, in corpus suum peccat (*I Cor.* vi); » quia illud commaculat, quia animam, ancillam corporis facit, ut non liceat ei in opere illo aliud cogitare et aliud sentire. Ita absorbetur, ut facies hominis quasi in faciem quadrupedum convertatur. Unde et libidinosus, sui vel porco comparatur, vel « qui fornicatur in corpus suum peccat, » quia contra venustatem et erectionem corporis sui, incurvans illud ad lutum. Facie etiam naturæ interioris homo assimilatur Deo, ut dilectione naturali, mansuetudine, benignitate, socialitate, et hujusmodi. Est etiam facies gratiæ, qua præcipue quis Deo assimilatur habens faciem Christi euntis in Jerusalem. Hæc consistit in virtutibus, quæ omnes sunt una facies in radice charitatis, et plures in exhibitione et habilitate quadam operum. Eminuit enim Job in patientia, David in humilitate, Moyses in mansuetudine, Joseph in

castitate, quoad opera exteriora. Unde et Ecclesia constat ex personis multarum facierum « circumdata varietate (*Psal.* xlv). » Hi dicere possunt : « Signatum est super nos lumen vultus tui, Domine, dedisti letitiam in corde meo (*Psal.* iv). » Consistit etiam hæc facies in operibus et impiectione mandatorum ejus. Cujus hæc sunt signa : « Qui est ex Deo, verba Dei audit (*Joan.* viii); si quis diligit me, mandata mea custodit (*Joan.* xiv), » quia : Probatio dilectionis exhibitio est operis. « A fructibus enim eorum cognoscetis eos (*Gal.* hom. 30, in *Evang. Matth.* vii). » Et Apostolus ait : « Qui autem sunt Christi carnem suam crucifixerunt cum vitiis et concupiscentiis (*Gal.* v). » Consistit etiam hæc facies in consiliis, quæ adimplent viri compediti et claustrales; sed clerici habitu milites, sermone histriones, opere et gestu meretrices, occupatione curarum temporalium sæculares, in qua harum facierum Deum sequuntur, vel in quo habitu resurgunt, qui in nullo vivunt? Tonsuram quidem servant, sed ob gloriam, vel venalitatem, et alii quidem aliis latiore, qui sæpe hanc libertatem clericalem sumunt et servant in munitionem et conservationem temporalium. Contra quos Apostolus loquens, ait : « Tantum ne dederitis libertatem vestram in occasionem carnis (*ibid.*). »

Est et multiplex facies culpæ; verumtamen « Imaginem ipsorum Deus ad nihilum rediget (*Psal.* lxxii). » Est et facies gloriæ quæ dabitur nobis, quando « Hoc mortale induerit immortalitatem, et hoc corruptibile induerit incorruptionem (*I Cor.* xv), quando renovabitur ut æquile juvenus tua (*Psal.* cii). » Sed facies culpæ, faciem naturæ corrumpit, faciem gratiæ perimit, faciem vero gloriæ subtrahit.

## CAPUT XCH.

*De commendatione fidei.*

Faciem gratiæ et virtutum inchoat fides. Unde Prudentius :

*Prima petit cæcæpum dubia sub eorte duelli  
Pugnatura fides.*

237 Sicut enim aliquis strenuus miles inter cæteros, primos facit insultus in hostes conserios, sic fides, prima cupit expugnare castrum vitiolorum Ipsa enim propter tria præcipue, primatum et ducatum habet inter cæteras virtutes, tum quia mater est naturæ et genituræ omnium aliarum. « Abraham enim genuit Isaac, Isaac Jacob (*Matth.* i), » id est fides spem, et spes charitatem. Etsi omnes simul confundantur et habeantur in habitu motus; motus tamen fidei, motus aliarum præcedit.

Quia enim credo, spero, diligo, patior pro Christo, compatior proximo, et hujusmodi. Charitas etiam dicitur mater virtutum, sed nutrituræ et informativis. Prima igitur mater earum et origo est fides; secunda mater et velut nutrix est charitas. Tum etiam principatum habet, quia quadam pia cæcitate

(3) In ejus Vita per Sever. Sulpitiium.

(4) S. Hieron. in Vita ejusdem Pauli. S. Aug. de eodem in sermone.

et temeritate fides audax et improba penetrat, quæ non attingit intellectus. Credit enim Deum trinum et unum, penetrat cælos, credit Dominum Jesum sub nubilo panis summi et manducari; quæ non intelligit, sed eredit tantum, exuens hic omnem humanam rationem, quæ est ex causis. Fides enim non habet meritum, cui humana ratio præbet experimentum (Græc. hom. 26, in *Evangelia*). In quibusdam tamen et credit, et aliquatenus intelligit; in omnibus articulis requirens potius fidelia et sana verba, quam curialia et placencia, vel philosophica. Unde et Augustinus: Malo, inquit, esse inurbanum quam incredulum; malo potius esse agrestis Catholicus cum Hieronymo, quam curialis hereticus cum Sabellio. Hæc nullum habet substramentum, nullam naturam, a qua habeat originem, præterquam a sola gratia. Ex solo enim Deo est; cæteræ virtutes quodammodo a natura habent originem. Præcedit enim dilectio naturalis dilectionem gratuitam, et ita de cæteris; sicque habent substratorium quod non fides, et ideo prima est inter eas; tum etiam, quia citra alias virtutes, miracula etiam rudis operatur. Unde: « Nonne in nomine tuo curavimus infirmos, et eiecimus demonia? » (*Matth. vii.*) Et in Dialogo Gregorius (lib. iii, c. 7): « Inveni vas vacuum, » G. aliis virtutibus, « sed bene signatum, » quia caractere tenuis fidei. Et in Apostolo, prima ad Cor. cap. xiii: « Etsi habuero omnem fidem, ita ut montes transferam, charitatem autem non habeam, nihil sum. » Hæc enim sæpe mali operantur. Propter tunc primatum et dignitatem fidei Apostolus, ut sapiens architectus locans eam in fundamento spiritualis ædificii, ad commendationem ejus ait prima ad Corinth. cap. iii: « Fundamentum nemo potest aliud ponere præter id quod positum est, quod est Christus Jesus, » id est fides de Christo Jesu. Item ad Rom. cap. iii: « Justitia autem Dei est per fidem Jesu Christi, in omnes et super omnes, qui credunt in eum. » Et cap. iii: « Credidit Abraham Deo, et reputatum est ei ad justitiam. » Item ad Ephes. vi: « State succineti lumbos vestros in veritate, induti loriceam justitiæ, » in omnibus agendis « sumentes scutum fidei, in quo possitis omnia tela nequissimi ignea extinguere. » Unde etiam capiti serpentis fides comparatur, quæ caput suum abscondit et protegit, reliquo corpore exposito vulneribus. Capite enim illæso non mortificatur: sic nec aliquis fidem servans. Etsi enim in aliis ceciderit, **238** fide tamen firmiter servata reviviscet. Unde Dominus: « Estote prudentes sicut serpentes (*Matth. x.*) » Et Apostolus Epistola ad Colossenses: « Nunc autem reconciliavit vos Christus in corpore carnis ejus per mortem: exhibete vos sanctos et immaculatos, et irreprehensibiles coram Deo, si tamen permaneat in fide fundati firmi, et stabiles, et immobiles a spe Evangelii (*Coloss. i.*) » Item Habacuc ii: « Justus meus ex fide vivet. » Et Petrus I Epist. c. v: « Diabolus tanquam leo rugiens circuit, quaerens quem devoret, cui resistite fortes in fide. » Item

A Joannis I, cap. v: « Omne quod natum est ex Deo vincit mundum, et hæc est victoria, quæ vincit mundum, fides nostra. » Item Apostolus: « Sine fide impossibile est placere Deo (*Hebr. xi.*) » Et Luc. in Act. apost. (cap. xv): « Fide purificans corda eorum. » Et Dominus in Evangelio: « Omniaabilia sunt credenti (*Marc. ix.*) » Idem: « Si habueritis tantam fidem, ut granum sinapis, dicetis moro transplantare, et transplantabitur; dicetis monti transferre in mare, et transferetur (*Matth. xvii.*) » Idem duobus cæcis ait Christus: « Secundum fidem vestram fiat vobis, et statim aperti sunt oculi eorum (*Matth. ix.*) » Et centurioni ait: « Vade, et sicut credidisti, fiat tibi. Et sanatus est puer ejus in illa hora (*Matth. viii.*) » Augustinus (serm. 74 *De tempore*): Quanta est fides propria, si tanta est aliena, adeo ut salutem corporis et primam gratiam alii mereatur? Et Elizabeth beatæ Virgini, ait: « Beata quæ credidisti, quoniam perficientur in te, omnia quæ dicta sunt tibi a Domino (*Luc. i.*) » Fides enim peperit Salvatorem. Quia Zacharias non credidit angelo, « perdidit promptæ modulos loquelæ, etc. » Item Apostolus ad Hebræos cap. xi: « Fides est substantia rerum sperandarum, argumentum non apparentium. » Ipsa enim est hypostasis et basis omnium virtutum, omnium bonorum; omnia etiam contenta in hoc capitulo fidem commendant. Exemplum Eremitæ, qui adeo in prædicatione commendaverat abstinentiam, quod ad bi-duana jejunia et triduana homines invitavit, et ob hoc fratres reficientes, eum non invitaverunt. Quibus ille: Quare vobiscum non refectus sum? cum jejunasset usque ad vesperam. Cui illi: Ne aliud faceres, et aliud prædicares. Quibus ille: Ut stultus et indiscretus prædicavi. Cui illi: Tempera igitur verbum, ut tu et alii illud ferre possitis. Quidam uni ait: Similis es venienti de inferno. Cui ille: Et tu eunti in infernum, quod pejus est.

#### CAPUT XXIII.

##### *De defectu fidei.*

Nullius virtutis hodie tantus est defectus, quantus fidei. Unde et psalmo ix: « Propter quid irritavit impius Deum? Dixit enim in corde suo, non requireret Deus, » ut puniat. Et in eodem: « Dixit enim in corde suo, oblitus est Deus: avertit faciem suam ne videat in finem. » Cui econtra respondet Dominus: « Existimas inique, quod ero tui similis (*Psal. xliix.*) » putando mihi placere mala, quem non credis ultorem, dum speras, tibi que promittis impunitatem? Non est ita. Quia **239** in futuro « arguante, » qui hucusque tacui, te expectans ad pœnitentiam, et arguendo « statuam te contra faciem tuam, » id est ostendam te tibi in libro conscientiæ, et displicebis mihi et tibi, quia modo non vis displicere tibi, ut placeas mihi. Item Hieron. in Orig.: Si putares tibi imminere damnum rerum temporalium, vel corporis supplicium coram judice, quanta sollicitudine et vigilantia circuires advocatos, placares judicem, captando ejus benevolentiam obsequiis et

muneribus, reddendo eum tibi propitium in causa temporali? nunc autem in causa animæ agenda torpes, et redditurus rationem etiam de verbo otioso (*Matth. xii*), ante oculos iudicis cuncta cernentis. Quare hoc? Audi. Quia hoc times et credis, iudicium vero summi iudicis non times, nec credis. Vel si laborares ægritudine corporis, quanta cura advocares medicos? Nunc autem cum laboras morbo animæ, cur non tanta sollicitudine curris ad confessorum, ad medicos animæ? Cur fidem adhibes dictis medicis, et non dictis Christi? Audi. Quia mendaci sedulo et inutili credis, Christo autem veraci et utili non credis; qui tibi minatur, si ei non obedieris non tantum amissionem gloriæ, sed flammam gehennæ. Et ille:

*Ha! quam sollicito quisque labore  
 Occursat medico carnis amore,  
 Dum morbus animæ nulla querela,  
 Egressam sequitur tarda medela.*

(HILDEBERT. CENOMAN. *In incendio.*)

Et Hieronymus (*Ep. ad Heliodorum De laude vitæ solitariæ*): Fides famein non timet: « Primum querite regnum Dei, et hæc omnia adjicientur vobis (*Matth. vi*). » Et Habacuc c. ii: « Ecce qui incredulus est, non erit recta anima ejus in semetipso (*Prov. xx*). » Et Isaias cap. xxi: « Qui incredulus est, infideliter agit. » Et Salomon: « Viri misericordes multi inveniuntur, sed virum fidelem quis inveniet? » Et Ecclesiasticus cap. ii: « Væ dissolutis corde, qui non credunt Deo, et ideo non proteguntur ab eo. Qui timent Dominum non erunt incredibiles verbo illius. » Item Jacobus cap. ii: « Quid proderit, fratres mei, si fidem quis dicat se habere, et opera non habet? » etc. Nec tantum defectus fidei timendus, sed et modicitas ejus. Unde Dominus Petro: « Modicæ fidei, quare dubitasti? » (*Matth. xiv.*) Et Apostolus dicentibus: « Cur nos non possumus eum ejicere, ait: Propter incredulitatem vestram. Amen dico vobis, si habueritis fidem, sicut granum sinapis, dicetis huic monti transi, et transibit, et nihil impossibile erit vobis (*Matth. xvii*). » Item (*Aug. De mendacio*, cap. 20): **Fides** est, quia fit quod dicitur, ergo ubi non fit quod dicitur, non est fides. Sed quare? « Quia non proponit Deum ante conspectum suum (*Psal. lxxiii*); « Non est timor Dei ante oculos ejus (*Psal. xliii*). » Similes enim Antichristo, cum eo dicunt in corde suo: « Oblitus est Deus; avertit faciem suam ne videat in finem (*Psal. ix*). Similes autem Epicuro, cum eo dicunt:

*Ne curare Deum quanquam mortalia credas.*

Similes etiam sunt Judæis incredulis verbis Domini, et dicentibus in Isaiâ c. xlii. « Comedamus et bibamus; cras enim moriemur. » Quibus Deus: « Quia congregastis aquas piscinæ inferioris, et domos Jerusalem numerastis et destruxistis ad muniendum murum, nec suspexistis ad eum, qui fecit aquam piscinæ, et operatorem ejus de longe non vidistis, si dimittetur hæc iniquitas vobis, moriemini, dicit Dominus » Item c. xxix. « Væ qui pro-

A fundi estis corde, ut a Domino abscondatis consilium, quorum sunt in tenebris opera, et dicunt: « Quis videt nos, et quis novit nos? etc. » Item cap. xxiv: « Secretum meum, » de gloria æterna et inestimabili præmio, « mihi est, » semper ante oculos. « Secretum meum, » de igne gehennæ et pœna interminabili, « mihi est, » quod non aliis nisi paucis. Unde: « Væ mihi, » quia alii hoc secretum fidei non habent, « sed prævaricantes prævaricati sunt, et prævaricatione transgressorum prævaricati sunt. » Item psal. xciii: « Et dixerunt: Non videbit Dominus, nec intelliget Deus Jacob. » Quos redarguens Spiritus sanctus per Prophetam, statim subdit: « Intelligite insipientes in populo, et stulti aliquando sapite. Qui plantavit aurem non audiet, etc. » Item psal. xciii. « Quis ascendet in montem Domini, aut quis stabit in loco sancto ejus? Innocens manibus, et mundo corde, qui non accepit in vano animam suam, » non credendo justis esse præparatam gloriam inestimabilem, impiis pœnam interminabilem. Item, naturale est filiis Adæ querere commoda appetendo et vitare incommoda; adeo ut pro certiori et majori commo'lo appetendo, pro certiori et majori incommo'lo vitando, sint prudentiores et sollicitiores; sed nihil est certius fide, nec magis commo'dum gloria æterna, vel majus incommo'dum supplicio æterno. Ergo, qui pro minori commo'do, ut pro temporali consequendo, vel incommo'do temporali vitando, est prudentior et vigilantior, ei aliquid est certius fide; ei factum est, quod nihil sit certius fide, cum pro certiori et majori, secundum opinionem suam, magis sit strenuus et attentus. Hi similes sunt dæmonibus, quorum nulla est fides; et si fides, mortua, habentes fidem in comprehensione, ut dæmones, qui credunt et contremiscunt, non autem in devotione; et ideo fides eorum mortua, non est fides, sed simulatio, somnium, nutritura, et consuetudo. Tales « pro nihilo habuerunt terram desiderabilem (*Psal. cv*). » Item, discipuli ad Dominum de modicitate fidei: « Adauge in nobis fidem (*Luc. xvii*). Item Apostolus: « Qui confitentur se nosse Deum verbis, factis autem negant (*Tit. i*), » blasphemant, et « veritas Dei in eis non est (*I Joan. viii*). » Plus enim peccant, qui negant opere, quam qui corde vel ore, sicut magis peccatur opere, quam cogitatione, vel locutione. « Nosse autem, vel scire te, sensus est consummatus (*Sap. xv et vi*). » Quanto magis autem Deum nosse sensus est consummatus, tanto magis et Deum negare insipientia est consummata; sicut: « Dixit insipiens in corde suo, » ore et opere, « non est Deus; » et ideo hujusmodi, « corrupti sunt, et abominabiles facti sunt in studiis suis, etc. Dominus autem prospexit super filios hominum de cælo, ut videat si est intelligens aut requirens Deum. Contritio et infelicitas in viis eorum, » et ideo, quia, « viam pacis non cognoverunt (*Psal. lxxiii, xciii*). » Item I Joannis cap. ii: « Qui dicit se nosse Deum,

et mandata ejus non custodit, mendax est. » Item tertia Epistola: « Qui bene facit, ex Deo est; qui autem male facit, non videt Deum. » Item Dominus in Evangelio Joannis cap. v: « Quomodo potestis vos credere, qui gloriam ab 241 invicem accipistis; et gloriam, quæ a solo Deo est non quaeritis? » Augustinus: Quia superbia eos excæcat, et ambitio laudis, quæ appetit de se æstimari, quod in se non habet, et super alios se offerre. Humilitas, hæc sola odit, solius Dei quærit gloriam, quæ ei soli placere appetit. Item in eodem: « Qui credit in me, opera quæ ego facio, et ipse faciet; » opera, scilicet misericordiæ.

Unde in canonica Epistola: « Qui credit in Deum, debet sicut ille ambulavit, ambulare (I Joan. ii); » qui ait: « Discite a me, quia mitis sum et humilis corde, » etc. « et majora horum faciet (Matth. xi), » miracula, cum necesse fuerit, et Dominus viderit expedire. Idem in Luca, cap. viii: « Quod autem supra petram, hi sunt qui, cum audierint, cum gaudio suscipiunt verbum, et hi radices non habent charitatis; quia ad tempus credunt, et in temptatione recedunt, » a fide. In eodem cap.: Facta tempestate in mari et dormiente Domino, « accedentes discipuli suscitaverunt eum dicentes: Præceptor, perimus. Quibus ille: Ubi est fides vestra? » Et Jacobi primo: « Si quis indiget sapientia, postulet in fide nihil hæsitans. Qui autem hæsitat, similis est fluctui maris, qui a vento movetur et circumfertur. Nec hic accipiet aliquid a Domino. » Talis enim cum philosopho dicit:

*Primus in orbe deos fecit timor.*

(PETR. in fragm. et STAT. TH. III, 361.)

Et item:

*Virtus mihi numen et ensis.*

(IDEM.)

Item ad Romanos, cap. iv: « In promissione etiam Dei non hæsitavit diffidentia, etc. » In eadem, cap. xvi: « Tu fidem habes penes te ipsum, habe et coram Deo, » etc. Est autem fides magna in tribus. In comprehensione litteratoria et subtili, quæ sæpe ædificat, et sæpe inflat; in certitudine, quia nihil certius fide; et in devotione, quæ est condimentum charitatis. Fides enim certa et devota, est in omni qui timet Deum.

#### CAPUT XCIV.

##### *De spe.*

Posito spiritualis ædificii fundamento, scilicet fide, sequitur de erectione ejus, hoc est de spe. Erigitur enim per spem, perficitur et consummatur per charitatem, et cæteras virtutes. Et congrue. Spes enim, sicut et alie virtutes, filia est fidei. Quod enim credimus speramus; et quia speramus diligimus, et quantum, et quemadmodum, diligendo meremur. Unde David: « Fiat misericordia tua, Domine, super nos, quemadmodum speravimus in te (Psal. xxxii). » Et Apostolus spem cum fide et charitate commendans, ait ad Romanos, cap. v: « Justificati igitur ex fide, pacem habeamus ad

A Deum Patrem per Dominum nostrum Jesum Christum, per quem et accessum habemus per fidem in gratiam istam, in qua stamus et gloriamur in spe gloriæ filiorum Dei; nec solum gloriamur » de spe gloriæ, « sed de tribulationibus, scientes quod tribulatio patientiam operatur, patientia probationem, probatio vero spem; spes autem non confundit, quoniam charitas Dei diffusa est in cordibus nostris; » sed magis corroborat et confirmat, sicut anchora fidei. Est autem 242 spes certitudo quædam procedens ex gratia et meritis cujuscunque. Igitur in malis non est spes virtus, qui tamen non sunt filii diffidentia vel desperationis, quia de nullo desperandum est in via, sed nec multum de talibus sperandum. Nec sunt filii spei, sed medium quemdam statum tenent, dum a piis lacrymis non recedunt, entes in proposito non peccandi. Unde David:

B « Sacrificate sacrificium justitiæ (Psal. iv) » triplex « sobrie » scilicet et « juste et pie vivendo expectantes beatam spem, et adventum gloriæ magni Dei (Tit. ii), » etc., et ita « sperate in Domino, » alioquin præsumitis. Et iterum: « Spera in Domino et fac bonitatem (Psal. xxxvi). » Ex spe autem et fide oriuntur, vel idem sunt cum spe, quædam sancta expectatio in adversis, et fiducia in agendis quæ sunt consolationes non modicæ in omni tribulatione. Unde David: « Expectans expectavi Dominum (Psal. xxxix), » pro duplici stola consequenda. Isaias (cap. xxxviii): « Expecta, reexpecta. » Et iterum David: « Expectabam eum, qui salvum me fecit a pusillanimitate spiritus et tempestate (Psal. lxxv): » quia:

*Spes facit ut mediis naufragus existet aquis.*

Et David: « Et nunc quæ est expectatio mea? nonne Dominus? » (Psal. xxxviii) etc. Et iterum: « Quare tristis es, anima mea, et quare conturbas me? Spera in Domino, quoniam adhuc confitebor illi (Psal. xli), » etc. Et item: « Fiducialiter agam in eo et non timebo (Psal. xi). » — Bonum est cum silentio præstolari salutem Dei (Thren. iii). » Et Apostolus ad Romanos, cap. viii: « Expectatio creaturæ, revelationem filiorum Dei expectat, quia et ipsa liberabitur a servitute corruptionis, in libertatem gloriæ filiorum Dei. Scimus enim quod omnis creatura ingemiscit, et parturit usque adhuc. Non solum autem illa » adhuc infidelis, « sed et nos ipsi » apostoli « primitias Spiritus habentes, et ipsi intra nos gemimus adoptionem filiorum Dei, expectantes redemptionem corporis nostri. Spe enim salvi facti sumus; spes autem, rei quæ videtur, non est spes. Nam quod videt quis, quid sperat? Si autem quod non videmus speramus, per patientiam, » adversarii scilicet, « expectamus, » quam speramus. Et item abbi: « Filioli mei, vita æterna spe jam in vobis est (I Joan. iii). » Item Job, c. xix: « Scio quod Redemptor meus vivit, et in novissimo die de terra surrecturus sum, et rursus circumdabor pelle mea, et in carne mea videbo Deum Salvatorem meum, quem visurus sum ego ipse, et oculi mei circum-

D

spectari sunt et non alius; reposita est hæc spes mea in sinu meo. » Et Apostolus : « Scio enim cui credidi, et certus sum quia potens est depositum meum servare in illum diem (II Tim. 1). » Defectus autem spei similis est defectui fidei. Qui enim non credit, non sperat, et e contrario.

## CAPUT XCV.

## De charitate.

Parvulus si nascitur, et non alitur, deficit et moritur. Sic fides et spes, nec non et cætera virtutes, nisi charitate nutriantur et consummentur, delieunt. Unde Apostolus commendationem et signa charitatis ponens in 243 I ad Corinthios, cap. xii, ait : « Adhuc excellentiorem viam vobis demonstro, » id est charitatem, quæ est majus donum omnibus, in via, donis. Quia « si linguis hominum loquar et angelorum, charitatem autem non habeam, factus sum velut æs sonans aut cymbalum tinniens. Et si habuerim prophetiam, et noverim omnia mysteria, et omnem scientiam; et si habuero omnem fidem, ita ut montes transferam, charitatem autem non habeam, nihil sum. Et si distribuero in cibos pauperum omnes facultates meas et si tradidero corpus meum, ita ut ardeat, charitatem autem non habeam, nihil mihi prodest (I Cor. xiii). » Cujus, quam multum et magnus sit usus, ostendit adnectens : « Charitas patiens est, » in injuriis, « benigna est, » larga egenis; « Charitas non amulter, » non invidet, sed bonum alterius ut suum diligit « non inflatur, » de sua felicitate; « non agit perperam, » neque enim eam mala conscientia pungit; « non est ambitiosa » non vult aliis præponi; « non querit quæ sua sunt, » sed potius quæ alterius et quæ Christi, nec ablata repetit; « non irritatur, » non provocatur ad iram; « non cogitat malum, » ut malum retribuatur deliberando; « non gaudet super iniquitate » alterius, « congaudet autem veritati » et justitiæ. « Omnia suffert, » in actu pro veritate; « omnia credit » de promissis probato spiritu; « omnia sperat, » quæ veritas promisit; « omnia sustinet, » promissa in adversis patienter expectat; « charitas nunquam excidit, » quia quæ hic est ad bene merendum, in futuro erit præmium nostrum, cætera vero nobis data non erunt. Unde sequitur : « Nunc autem manent fides, spes, charitas tria hæc; major autem horum est charitas, » quia « nunquam excidit, nunquam evacuabitur, » ut illa. Hæc est enim de qua Propheta ait : « Omnis consummationis, scilicet et operis consummati, virtutum, et sacramentorum nostræ redemptionis, » vidi finem (Psal. cxviii), » et consummationem, scilicet charitatem. Per charitatem enim Christus in cruce pendens ait : « Consummatum est (Joan. xix), » scilicet charitas quam habuit erga nos, omnia dicta de eo implevit usque ad mortis passionem. « Majorem autem charitatem nemo habet quam ut animam suam ponat quis pro amicis suis (Joan. xv). » Consummatissima fuit dilectio Patris qua « dilexit nos ante mundi constitutionem (Ephes. 1), » qua « nec peperit Filio

A suo, sed pro nobis omnibus tradidit illum (Rom. viii). » Et Apostolus prima ad Timotheum, cap. 1, ait : « Finis autem præcepti est charitas de corde puro et conscientia bona, et fide non ficta. » Unde Augustinus (serm. 39, De tempore) : Cui non vacat divinorum sermonum involucra revolvere, aut eorum secreta omnia penetrare; teneat charitatem, in qua cuncta lex pendet et prophetæ. Habe charitatem, et fac quidquid vis, omnia implesti. Et iterum (Item in tract. De laude charitat., tom. IX) : Hæc est fons, cui non communicat alienus, finaliter et perseveranter reprobus. Hæc si desit, frustra habentur cætera; quæ si adsit, habentur omnia. Hanc qui tenet in moribus, scientiam habet, et eorum quæ patent, et eorum quæ non patent in Scripturis. Hæc est « latum mandatum nimis (Psal. cxviii), » quæ extenditur usque ad inimicos. Charitas nunquam est solitaria, sed modo est in cælo, modo in proximo; nunquam est otiosa, sed in commune bona totius humani generis pædagogica, nihil humanum a se putans alienum. Lata ut 244 Oceanus, quæ sine errore omnia præcepta comprehendit, et sine labore custodit.

Et Jeremias in (Thren. 1), Aleph sub littera Mem ait : « De excelso misit ignem in ossibus meis, et erudit me. » Item (cap. 20) : « Ignis flammigerens in ossibus meis. » Et sponsus in Cantico, sponse ait, cap. iv : « Vulnerasti cor meum soror mea, sponsa mea, vulnerasti cor meum, » non tantum tetigisti, sed usque ad penitima cordis mei penetrasti. C « In uno oculorum tuorum, » scilicet in una et præcipua virtutum, hoc est in charitate. Aliis enim virtutibus me tangis, hæc sola cor meum vulneras. Et item : « Filia Jerusalem nuntiate dilecto, quia amore langueo (ibid.). » Item Octonario xiii, sub littera Mem, quæ interpretatur viscera, vel ex ipsis, vel ex intimis, vel ignis ex intimis. Charitas enim non ex summitate labiorum, non ex simulatione diligit, sed quasi ex visceribus, et ex ipsis intimis, et penitimis cordis. Pluraliter etiam dicitur viscera, quia charitas non uni operi est addicta. Dedit enim Deus diligentibus potestatem cujusque operis. Charitas princeps est omnium virtutum. Sed Adam in primo statu præditus omnibus donis naturalibus, quomodo charitatem non habuit meritoriam? Innocens adhuc simplex dilectionem naturalem habuit, sed non saporem, et flammam charitatis, quam non novit quis nisi per experientiam. Si igitur Adam tantus charitatem non habuit, nec præsumas dicere, quod eam habeas, nisi a fructu operum illam habere cognoscaris. Item : « Deus charitas est, et qui manet in charitate in Deo manet, et Deus in eo (I Joan. iv). » Magna est charitas, magna est promissio ejus. Charitas magna est, quia ipsa est Deus, « et magnitudinis ejus non est finis (Psal. cxliv). » Ipse est « quem totus non capit orbis. » Ineffabilis igitur et incircumscribibilis est charitas. Et cum nominibus paucarum virtutum nominetur Deus, nullus nomine ita vere et proprie

censetur, sicut nomine charitatis. « Deum enim charitas est. » Quod autem dicitur : « tu es patientia mea (Job xvii), » tropice dictum est, ut testatur Augustinus (lib. xv *De Trinitate*, c. 47), id est tu es ipse, a quo est mihi patientia. Non dicitur Deus sobrietas mea, vel castitas mea, et huiusmodi, sicut fortitudo, etc. Et licet Deus dicatur charitas, hoc nomen tamen appropriatur et specificatur vocaliter (etsi realiter toti Trinitati conveniat) circa Spiritum sanctum, qui est amor Patris et Filii, et signum, et probatio intimi amoris Patris ad Filium, sicut proles parentum. Spiratur enim ab utroque. Unde et opera Trinitatis de redemptione nostra attribuantur et appropriantur Spiritui sancto. « Christus enim conceptus est de Spiritu sancto, » et huiusmodi. Hinc emersit quorundam opinio non approbata, qui dicunt charitatem nihil aliud esse quam Deum, a quo solo est motus, quo eum diligimus. Sed, nisi esset charitas creata, male diceretur : « Fides, spes, charitas, tria hæc : major autem eorum est charitas (I Cor. xiii), » a qua surgit motus, qui etiam a Deo est, quo ipsum diligimus. Magna est promissio charitatis, quia, « qui manet in charitate, in Deo manet, » per gratiam; mansurus tandem per gloriam. « Et Deus in eo, » qui ait : « Si quis diligit me, sermones meos servabit, et Pater meus diliget **245** eum (I Joan. iv), » etc. Et item : « Notum feci eis nomen tuum, et notum faciam ut dilectio, qui dilexisti me, in ipsis sit, et ego in ipsis (ibid.). » Summo opere igitur mundandum est, et omni custodia custodiendum cor nostrum, ut triclinium et hospitium totius Trinitatis.

#### CAPUT XCVI.

##### *De luctu bono et malo.*

Charitatis filix sunt fere omnes virtutes, dona et bona opera. Primo autem prosequendum est de filibus eius, septem scilicet beatitudinibus, et octava que redit ad caput, et purgat, et probat alias. Has enim virtutes, sive dona ducentia ad beatitudinem, Dominus commendans in sermone habito in monte ait : « Beati pauperes spiritu, quoniam vestrum est regnum caelorum (Matth. v). » Verum, quia supra discernimus de paupertate, tum interiore, tum exteriori, nec non et de mansuetudine, sequitur de tertia beatitudine : « Beati qui lugent, quoniam ipsi consolabuntur (ibid.). » Luctus non veri nominis est virtus, sed magis rivulus quidam de fonte pietatis et misericordie procedens. Sunt autem multiplices lacrymæ, ut lacrymæ desperationis, unde : « Nolumus vos ignorare de dormientibus, qui spem non habent (I Thess. iv), » etc. Et philosophus (SENECA, epist. 65) : Lacrymandum est amisso amico, non plorandum; hoc enim muliebri est. Et ob hoc non plorandum, quia ratio id statim deberet efficere, potius quam letum et oblitio temporis diuturnitate; et : Nihil citius arescit lacryma. Et item : « Noli plorare mortuum tecum (Jer. xxi), quia quiescit; plus etiam

A amicum perdimus vivum quam mortuum. Sunt et lacrymæ cupiditatis. Unde :

##### *Ploratur lacrymis amissa pecunia veris.*

Et tam hæc, quam illæ lacrymæ detestabiles sunt, et prohibita. Sunt etiam lacrymæ naturalis et humanæ affectionis; et hæc tolerabiles sunt, dum non nimis excedunt. Non possumus enim non dolere, non lacrymari mortuo amico. Christus enim « lacrymatus est (Joan. xi), » mortuo Lazaro, sed hæc lacrymæ potius charitatis erant. Unde : « Ecce quomodo amabat eum (II Reg. x). » David etiam deflevit Saul hostem, et Absalon filium (II Reg. xviii). Sunt et lacrymæ pietatis et compassionis, et multiplices secundum diversas causas earum. Sunt etiam lacrymæ corporis et cordis pro peccatis propriis poenitentiales. « Primo enim : « Miserere animæ tuæ placens Deo (Eccli. xxx), » et a te ipso incipe. « Qui enim sibi nequam est, cui bonus erit? (Eccli. xiv.) » De his lacrymis dicitur : « Lavabo per singulas noctes lectum meum, lacrymis meis stratum meum, rigabo (Psal. vi). » Sunt etiam lacrymæ pro peccatis alienis. Unde : « Quis infirmatur, et ego non infirmor? Quis scandalizatur, et ego non uror? » (II Cor. xi.) Peccata proximorum frix, etc. in tentationibus et profluvio lacrymarum fuit Apostolus pro peccatis proximorum. Sunt etiam lacrymæ pro irriguo inferiori, et pro irriguo superiori, sive pro hoc misero incolatu et desiderio patriæ. Unde : « Heu me, quia incolatus meus prolongatus **246** est! » (Psal. cxix.) etc. Et item : « Quis me liberabit de corpore mortis huius? » (Rom. vii.) Et item : « Fuerunt mihi lacrymæ mex panes die ac nocte, » etc. De his lacrymis dicitur : « Qui seminant in lacrymis, in exultatione metent, cunctes ibant et flebant mittentes semina sua. Venientes autem venient cum exultatione portantes manipulos suos (Psal. cxxxv), » meritorum scilicet et præmiorum. Et item : « Beati qui lugent, quoniam ipsi consolabuntur (Matth. v). »

D Arsenius (*Vita apud Sar.*, die 19 Jul.) decurio et nobilis ad eremum confugit, ubi adeo pro his quatuor causis flevit, quod tersorium semper secum detulit, quo lacrymas tergeret. Diogenes etiam, sed naturali compassione pro stultitia hominum, assidue flevit. Sed mirandum, unde ille suffecerit humor. Axa inquit patri suo Caleph : « Terram arenam dedisti mihi, nunc da mihi superius irriguum, et irriguum inferius (Josue xv). »

#### CAPUT XCVII.

##### *De bona esurie et siti.*

(B. GREG., hom. 30 in *Evang.*) Beati qui esuriunt et sitiunt iustitiam, quoniam ipsi saturabuntur (Matth. v). « Multiplex est esuries sive sitis. Gratia scilicet, vel iustitiæ : ad Deum, ad te, et ad proximum, ut desideres, « pie, sobrie, et iuste vivere (Tit. ii). » Hanc sitim commendans Isaias, cap. lv, ait : « Omnes sitientes venite ad aquas; et qui non habens argentum propebato, emite, et comedite, etc.

Et David psalmo xli: « Quomodo desiderat cervus ad fontes aquarum, ita desiderat anima mea ad te Deus: Sitivit anima mea ad Deum, fortem, vivum, etc. »

Et psalmo lxiii: « Sitivi in te anima mea, quam multipliciter tibi caro mea. » Quia multipliciter hanc sitim ministerio corporis ostendit, ut per frequentes genuflexiones, per frequentes et assiduas orationes, per frequentia jejunia, vigiliis et elemosynas. Probatio enim dilectionis, exhibitio est operis. Est etiam sitis gloriæ nobis ineffabilis. Unde:

« In quem desiderant angeli prospicere (I Petr. i). »

Et item (B. GRÆC., lib. xviii *Moral.*, cap. 28):

« Fruuntur nec fastidiunt, quo frui magis sitiunt non in angustia appetentes quod non habeant, sed continuationem refectionis et jucunditatis jam habitæ desiderantes. De qua refectione dicitur: « Satiabor cum apparuerit gloria tua (Psal. xvi). » — « Beati qui esuriunt et sitiunt justitiam, quoniam ipsi saturabuntur (Matth. v). » — « Quærite ergo regnum Dei, et justitiam ejus (Matth. vi). » Non enim sufficit unum sitire sine reliquo. Unde Augustinus (Lib. i, *De serm. Domini in monte*, ser. 92, *De tempore et de utilitate jejunii*, c. 4): « Si mihi virtutem concesseris, ut nihil supra quæram, jam ipsam virtutem rejiciam. Habeas ergo sitim justitiæ, habeas et sitim gloriæ; illam ut meritum, et quæ impetrat; istam ut præmium, quæ remunerat et coronat. Propter hanc multiplicem sitim Daniel dictus est: « Vir desideriorum (Dan. ix), » justitiæ scilicet, et gloriæ. Non enim unum desiderium tantum sufficit. Hæc sitis, est sanctum desiderium iustorum de quo in psalmo dicitur: « Desiderium pauperum exaudivit Dominus ut semper maneat (Psal. xvii), desiderium vero peccatorum peribit (Psal. cxii). » Est autem desiderium sive sitis culpæ multiplex, juxta diversas voluptates, verum circa 247 duas maxime restringitur, scilicet avaritiam et libidinem. Hæc sunt duæ sanguisugæ, quæ incessanter clamant: « Affer, affer (Prov. xxx). » De siti avari et hydropicæ legitur:

*Tantalus a labris sitiens fugientia captat  
Flumina.*

(HORAT., lib. i, sat. 4.):

Et:

*Quo plus sunt potæ, plus sitiuntur aquæ.  
(OVID., 1 Fast.)*

Et:

*Dumque sitim sedare cupit, sitis altera crevit.  
(OVID., Metam. III, fab. 6.)*

Et:

*Congestis undique saxis  
Indormis inhians.*

(HORAT., lib. i, Ser., sat. 4.)

(QUINT., lib. vii.) Avaritia enim semper pandit alios hiatus, et plus eget eo, quod non habet, quam eo, quod habet. Sitis vero libidinis amplius crescit et provocatur, quo magis libido exercetur. Est etiam sitis naturæ, quæ sensibilis oculata fide patet. Est etiam sitis, sive desiderium, quod non est naturæ, nec culpæ, nec gratiæ, sed vanitatis

Est enim frivolum et stultum, ut desiderium rerum temporalium et gaudii. Unde: « Desiderium cordis eorum audivit auris tua (Psal. x). » — « Sed ne timueris, cum dives factus fuerit homo, et cum multiplicata fuerit gloria domus ejus, quoniam, cum interierit non sumet omnia, neque descendet cum eo gloria ejus (Psal. xlviii). » Arcentur etiam quandoque, et impediuntur quidam a desiderio sanctorum; torpore et inviscata consuetudine. Unde: « Esurientes et sitientes, anima eorum in ipsis defecit (Psal. cv). » Et hoc est desiderium torpentium, sed inutile. Est etiam desiderium inchoantium, sed non omnino assurgentium, et hoc bonum est. Unde: « Parvuli petierunt panem et non erat qui frangeret eis (Thren. iv). » Est et desiderium perfectorum, et pervenientium. Unde: « Beati qui esuriunt et sitiunt justitiam, quoniam ipsi saturabuntur (Matth. v). » Hæc est quædam reforescens et prelibatio gloriæ per justitiam, in patria erit plenitudo in bonis gloriæ ipsius, et satiety per coronæ collationem.

#### CAPUT XXVIII.

##### *De misericordia generali.*

(GRÆC., hom. 30 in *Evang.*) « Beati misericordes, quoniam misericordiam consequentur (Matth. v). » Specialis filia, et potissimum signum charitatis et expressius, est misericordia; adeo ut de ea præ cæteris virtutibus dici possit. Probatio dilectionis, exhibitio est operis. Hæc maxime commendabilis est, tum in capite Christo, tum in membris ejus, cujus vestigia imitari habent in operibus misericordie. In Christo commendatur, « quia miserationes ejus super omnia opera ejus (Psal. cxliii); quia misericordia Domini 248 plena est terra (Psal. xxxii). » Qui, etsi justus sit, tamen: « Misericordia ejus superexaltat judicium (Jac. ii); » quia « multus est ad ignoscendum (Isa. lv), cujus proprium est misereri semper et parcere, qui non vult mortem peccatoris, sed ut magis convertatur et vivat (Ezech. xviii). » Propter quem, ut viveret in æternum cum ipso misericorditer, « cum in forma Dei esset, se exinanivit formam servi accipiens (Philipp. ii), » in qua et verbo, et exemplo ad misericordie opera præcipue nos invitavit, cujus omnis actio nostra est lectio. « Qui videns civitatem, » misericordia motus, « flevit super illam, dicens: Quia, si cognovisses, et tu (Luc. xix). » Hæc commendatur in membris Christi, quia sine hac nec cum imitantur. Si ergo imitatores Christi, necesse est, « ut multus sis ad ignoscendum; ut misericordia in omni opere tuo superexaltet (Jac. ii) » et enatet, et præponatur omni severitati et rigori, ut totum te exinanas, et exhaustas in operibus misericordie. Primo a teipso incipiens; secundo eam in proximo perficiens, et omnia opera ad Deum referens. Hæc iterum commendatur a Domino, quia opera misericordie præ operibus cæterarum virtutum pollicetur se in judicio fore remuneratum: « Esurivi, et dedistis mihi manducare: sitiivi, et

dedistis mihi bibere (*Math. xxv*), » etc. Opera vero immisericordiæ, ut ita dicam, commissa vel patrata, comminatur se præ cæteris delictis condemnaturum et puniaturum: « Esurivi, et non dedistis mihi manducare, » etc. Item Dominus in Luca, cap. iii: « Venerunt publicani ad Joannem, dicentes: Quid faciemus, ut non excidamur, et in ignem æternum mittamur? At ille. Nihil amplius quam quod constitutum est faciat, nihil ultra præscriptum exigatis. Interrogabant eum et milites, dicentes: Quid faciemus et nos? Et ait illis: Neminem conculcatis, neque calumniam facietis, et contenti estote stipendiis vestris: » Beda (in cap. iii Luca): Joannes nunquamque in suo gradu et officio, ab agenda injuria coercet, ut dum primo ab alienorum se temperant appetitu, tandem ad propria, cum proximis communicanda pertingerent. Justo igitur moderamine eos præmonet, ne ab eis calumniando prædam requirant, quibus militando prodesse debuerant, docens ideo stipendia constituta militiæ, ne dum sumptus quaritur, prædo grassetur. « Et interrogabant turbe, dicentes: Quid ergo faciemus? Quibus ille: Qui habet duas tunicas, det unam non habenti, et qui escas habet similiter faciat. » Beda: De duabus tunicis et escis dividendis datur præceptum. Ad dignum enim pœnitentiæ fructum pertinet, ut non exteriora et minus necessaria, sed etiam ipsa valde necessaria cum proximis dividamus, ut escam qua vivimus, et tunicam qua vestimur. Ecce quantum valent opera misericordiæ, quæ ad dignos fructus pœnitentiæ præ cæteris præcipiuntur. Unde: « Date elemosynam, et omnia munda sunt vobis (*Luc. xi*). » Item Ambrosius super eundem locum: Nullum officium, nullum genus, nulla ætas, ab agenda misericordia excluditur. Omnes enim in communi momentur a Joanne, ut conferant non habenti. Misericordia enim plenitudo virtutum est. Hæc enim tanta est, ut sæpe ex improbitate quadam sancta et confidentia in Deo, et vinculo dilectionis divinæ (cujus ipsa est signum et via) nitatur contraire obedientiæ, et **249** aliis virtutibus. Unde conversus Carthusiensis, cum quadraginta libris proficiscens ad nudinas, ut eas expenderet in necessitates cellæ suæ, comitem habuit in via militem veteranum, debilem, et pauperem. Cui ille: Quo vadis? At ille respondit: Gravatus ære alieno, vado petitum inducias a quodam creditore. Cui ille ait: Ibo tecum.

Respondit gravatus ære alieno: Bene habeas. Qui ingressi domum debitoris, cum peteret inducias, denegavit eas creditor, adjungens quod et filium ejus vinctum in carcere poneret; et nisi in ea die universum debitum ei redderet, quod ei, in die constituta, tota hereditas ejus appropriaretur. Pro quo cum intercederet conversus, plurima convicia et contumelias illi intulit. Ad quem conversus: Hodie « liberabitur justus iste de carcere mortis hujus (*Rom. vii*); » et proiciens ante eum quadraginta libras redemit filium militis a carcere, ipsum-

A que a debito liberavit. Qui rediens narravit fratribus omnia quæ gesta erant. At illi maxime in hoc facto commendabant. Item, Nolanus episcopus, ut testatur Gregorius in dialogo (lib. iii, c. 1), exhaustus in operibus misericordiæ, se in servitutem vendidit, licet addictus curæ pastoralis, pro captivo quodam redimendo, et Dominus, qui mi-eretur omnibus miserentibus aliis, eum in plenitudinem dignitatis officii episcopalis restituit. Item, Joannes Alexandrinus quasi item et conductum habuit cum Domino, ut quidquid ille daret, hic pauperibus totum erogaret, dicens: Ita, Domine, dando, ego erogando; videbimus vero quis vincat. Item, episcopus Tarentinus, solemniter pœnitentem et ligatum a summo pontifice, exoneravit quadam tunica plumbea. Qui interrogatus, qua auctoritate hoc faceret; respondit: Auctoritate hac et illius, qui ait: « Beati misericordes, quoniam ipsi misericordiam consequentur (*Math. v*). » Idem adeo se totura effudit in operibus misericordiæ, ut abundantibus subriperet clanculo, quæ potuit in purpura vel argento, ut ea erogaret pauperibus. Qui cum, quasi de furto, super hoc argueretur, respondit: Lex justo non est posita; omnia etiam debent esse communia; nec sic alienum subtraho, sed isti, quod suum est sibi que debetur, reddo. Sed nec legitur (*TERENT., Adelph. v, 3*) vir quivis misericors diem extremum conclusisse, nisi bono fine. Et Dominus per prophetam ait: « Misericordiam volo, et non sacrificium (*Os. vi*); qui crexit cornu salutis nostræ, ad faciendam misericordiam cum patribus nostris; ad dandam scientiam salutis plebi ejus in remissionem peccatorum eorum; per viscera misericordiæ Dei nostri, in quibus visitavit nos Oriens ex alto, » etc. (*Luc. i*.) Item Jacobus cap. ii: « Judicium sine misericordia erit illi, qui non facit misericordiam; » sine misericordia dico liberante, non parcente. Semper enim parcat Dominus, quia misericors, sed non semper liberat omnino a pœna, quia justus, vel sine misericordia, scilicet, pro sine misericordia. Si ergo imitator es Christi, semper teneris parcere injuriam tibi inferenti. Non modica enim culpa est, totam persequi culpam.

## 250 CAPUT XCIX.

### De misericordia ignoscente.

Sunt autem duæ species misericordiæ. Una consistit in ignoscendo, reliqua in subveniendo proximo. Prima egregia est, et major secunda. Major enim est, qui vincit iram, quam qui capit civitatem; et majus est injuriam tacendo, fugere, quam respondendo superare. Et item: « Cum iratus fueris, misericordiæ recordaberis (*Habac. iii*). » De prima ait Dominus: « Dimittite et dimittetur vobis (*Luc. vi*). » Et in Dominica oratione petimus: « Dimitte nobis debita nostra, sicut et nos dimittimus debitoribus nostris (*Math. vi*). » Nota conditionem: Dimittimus omne debitum ex corde, scilicet, omnem rancorem, injuriam et contumeliam, rem etiam, si non sunt solvendo. Unde Apostolus prima ad Corinthios,



cap. vi : « Quare non magis fraudem patimini, A  
 Quare non magis injuriam accipitis? » Et Dominus  
 in Evangelio : « Si percusserit te in una maxilla,  
 præbe et aliam. Et, qui vult tollere in judicio  
 contendere, et tunicam tuam tollere, rejice ei et  
 pallium (Matth. v). » Et item : « Esto consentiens  
 adversario tuo cito, dum es in via cum eo, ne forte  
 tradat te adversarius julici, et judex ministro,  
 et in carcerem mittaris. Amen dico tibi, non exies  
 inde, donec reddas novissimum quadrantem (ibid.). »  
 Et item : « Quicumque angustaverit te mille passus,  
 vade cum illo et alia duo (ibid.). » Et item : « Audi-  
 stis, quia dictum est antiquis : Diliges proximum  
 tuum et odio habebis inimicum tuum. Ego autem  
 dico vobis : Diligite inimicos vestros, benefacite  
 his qui oderunt vos, et orate pro persequentibus, B  
 et calumniantibus vos; ut sitis filii Patris vestri,  
 qui in cæcis est. Qui solem suum oriri facit super  
 bonos et malos, et pluit super justos et injustos  
 (ibid.). » Item Dominus in Matthæo cap. xviii :  
 « Serve nequam, omne debitum dimisi tibi, quo-  
 nam rogasti me, nonne oportuit et te misereri  
 conservi tui, sicut et ego tui misertus sum? Et iras-  
 tus Dominus ejus tradidit eum tortoribus, quoad-  
 usque redderet universum debitum. Sic et Pater  
 meus cælestis faciet vobis, si non remiseritis unus-  
 quisque fratri suo de cordibus vestris. » Adeo enim  
 punit Dominus immisericordiam, quod pro ea redire  
 permittat omnia peccata, novissimum etiam qua-  
 drantem, id est originale peccatum prius dimissum,  
 punit hominem, scilicet immisericordie n, pro illo. C  
 Item ad Romanos, cap. xii : « Benedicite perse-  
 quentes vos; benedicite et nolite maledicere; nulli  
 malum pro malo reddentes. Mibi vindictam, et ego  
 retribuam, dicit Dominus. Noli vinci a malo, sed  
 vince in bono malum. » Item, exemplo Christi, qui  
 oravit pro crucifixoribus suis (Luc. xxiii). Exemplo  
 etiam Stephani, qui pro persecutoribus suis exora-  
 vit (Act. vi). Sed etiam exemplo cujusdam, qui ne-  
 cem filii remisit interfectori provoluto ad pedes  
 ejus in terram in modum crucis, cum eum conse-  
 cutus esset cum armis et armatis viris. Ei enim  
 supplicans ait : Domine mi, subsiste parum et re-  
 trahere gladium, ut duo tantummodo verba dicam.  
 Me quidem 251 justa mors manet, sed parum per  
 eam differ, ut confitear, vel si mi-ericordius mecum D  
 vis agere, ne veniat tibi in singulum mors mea.  
 Pro eo qui te misericorditer in cruce redemit, oro  
 ut remittas eam mihi, ut habeas quod ei exprobes  
 et opponas in judicio, si tecum districte velit agere;  
 egoque, quandiu vixero, pro anima filii tui a pœnis  
 liberanda, peregrinabor. Qui statim eum liberum ab-  
 ire permisit et socios ne ei malum facerent, coarctuit.  
 De secunda vero specie misericordiæ ait Dominus in  
 Evangelio : « Venite, benedicti Patris mei, percipite  
 regnum, quod vobis paratum est ab origine mundi.  
 Esurivi enim, et dedistis mihi manducare, sitiivi  
 et dedistis mihi bibere, » etc. (Matth. xxv.) Et item :  
 « Qui petit a te, da ei; et volenti mutuari a te, ne

avertaris (Matth. v). » Et Apostolus ad Romanos (cap.  
 xii) : « Si esurierit inimicus tuus ciba illum; si sitit,  
 potum da illi : hoc autem faciens carbones ignis con-  
 geres super caput ejus. » Item Jacobus cap. i : « Reli-  
 gio munda et immaculata apud Deum et Patrem,  
 hæc est : Visitare pupillos et viduas in tribulatione  
 eorum, et immaculatum se custodire ab hoc sæ-  
 culo. » Item ad Ephesios, cap. iv : « Omnis amari-  
 tudo et ira, et indignatio, et clamor, et blasphemia  
 tollatur a vobis, cum omni malitia. Estote invicem  
 benigni, compatientes, misericordes; donantes in-  
 vicem, sicut et Deus donavit vobis in Christo. »  
 Item primo Canticum : « Meliora sunt ubera tua  
 vino, fragrantia unguentis optimis. » Distinguntur  
 autem tria unguenta ab uberibus sponsæ profluentia.  
 Unguentum contritionis, unguentum devotio-  
 nis, unguentum misericordiæ vel pietatis. Primum  
 dulce et jucundum, licet in mortariolo conscientiæ  
 ex amarissimis speciebus contritum et confectum.  
 Unde dicitur : « Recogitabo omnes annos meos in  
 amaritudine animæ meæ (Isa. xxxvii). » Item :  
 « Cor contritum et humiliatum, Deus, non despicias  
 (Psal. l). » Secundum dulcius, quia mitigatum,  
 quando perfecta pœnitentiâ, a rigatione pedum Do-  
 mini lacrymis facta, surgit pœnitens cum Maria in  
 serenitate conscientiæ ad osculum capitis Deitatis  
 (Luc. vi), gratias agens super peccato sibi dimisso,  
 dicens etiam cum Apostolo : « Nihil mihi conscius  
 sum, sed non in hoc justificatus sum (I Cor. iv). »  
 Et item : « Gloria nostra hæc est, testimonium con-  
 scientiæ nostræ (II Cor. i). » De hoc dicitur : « Sa-  
 crificium laudis honorificavit me (Psal. xlix). »  
 Tertium est optimum et consummatum, quo ungitur  
 totus Jesus Christus, et speciale est prælatorum, sicut  
 iñius, qui ait : « Instantia mea quotidiana, sollicitudo  
 est omnium Ecclesiarum (II Cor. xi). » Et item :  
 « Quis infirmatur, et ego non infirmor? Quis scan-  
 dalizatur et ego non uror? » (Ibid.) Et item : « Quo-  
 tidie morior, fratres, propter gloriam vestram (I Cor.  
 xv). » Primum et secundum ad te ipsum, tertium  
 est ad te et ad proximum.

Exemplum etiam ignoscendi proximo commissæ  
 egregiissimum est, sanctus Joseph (Gen. l) (et multi  
 alii) qui sibi reconciliavit fratres, ita ut pia jocosa  
 quedam ludificatio, pietatis eis exhibitæ esset  
 exaggeratio.

## 252 CAPUT C.

*De clementia judicis, vel de misericordia relaxante.*

Præter hanc communem speciem misericordiæ,  
 est quedam species clementiæ specialis judicis et  
 potentis, quæ minus elucet in privata persona, ma-  
 xime autem in judice, qui sibi et aliis habet par-  
 cere, ut de pœna debita semper aliquid remittat.  
 Crudele enim est habere commercium cum belluis,  
 pœnis delectari, nihilque de pœna relaxare. De hac  
 clementia judicis qualis esse debeat ostendens poeta,  
 ait sic :

*Est piger ad pœnam princeps, ad præmia velox,  
 Quisque dolet quoties cogitur esse ferox.*

*Non cedit in mores, feritas inamabilis istos :  
Nec minus a studiis dissidet illa tuis.  
Adde, quod ingenius didicisse fideliter artes  
Emollit mores, nec sinit esse ferax.*

(OVID., *De ponto* 1 eleg.)

Item, episcopus Cenomanensis (Hildebertus, ep. 25) comitissam reprimens : dum in potestate servas clementiam, illa tibi virum conciliat, hæc populum; inde nomen acquiris, hinc favorem. Mitis principatus regnum servat incolume. Hujus virtutis locus est apud potentes, qui in justitia, vel electionis beneficio cæteris principantur. Apud populum vero non ita, cui nulla est potestas puniendi. Deus autem ex alto crudelitatem detestatur, adornat clementiam; quarum alteram feris, alteram vero hominibus natura docuit assignandam. Ea sanxit oportere homines mansuescere clementia, feras timeri crudelitate. Igitur crudelem esse, cum feris est habere commercium, et hominem diliteri. Rationi quippe nullum penitus est cum crudelitate consortium. Ista enim cum Deo et cum sapientibus Domini pepigit mansionem; hæc, et ad inmansueta, et sanguine gaudentia demigravit. Quæ igitur societas hominis ad crudelitatem, ejus lares ratio tam superne despicit, tam longe relinquit, tam constanter abjurat, tam penitus ignorat? Sicut autem clementia humanitati nihil est affinius; ita nihil gloriosius in principe, ejus arbitrio severas potestates emolliat, mitiores animos advocet, reis pareat. Clementiæ est semper aliquid ultrici sententiæ vel pœnæ detrabere. Quisquis nihil reatus impunitum relinquit, delinquit; culpa est totam persequi culpam. Im-misericordem se proficetur, cui quidquid licet libet. Gloriosa autem virtus est in principe citra punire quam liceat. Virtus est ad vindictam necessitate trahi, non voluntate venire. Magnum quid, et divinum sapit offensus, clemens. Bonus princeps neminem sine pœna punit, neminem sine dolore proseribit. Bonus princeps **253** ita crimen insequitur, ut, quem punit, hominem reminiscatur. Bonus princeps sibi dominatur, populo servit, nullius sanguinem contemnit. Inimici est, sed ejus qui amicus fieri potest; nocentis est, sed hominis, ejus-cunque sit, sanguis; quia non potuit dare, crimen putat auferre. Ideo, quoties funditur, confunditur. Sufficiunt animo docili et amanti disciplinam, ex quibus diligentiores facile percipient, quantum vel crudelitas obsit vel prosit clementia potestati.

De hac etiam Seneca ad Neronem (lib. II, c. 3 et 4). Quid plura? Singule syllabæ sacræ Scripturæ resonant et redolent misericordiam. Sola ea habes, quæ misericorditer proximo impenderis. Augustinus: Sola autem misericordia comes est defunctorum. « Opera enim illorum sequuntur illos (*Apoc. XIV*). » Opera, scilicet misericordiæ, sive ignoscentis, sive pœnam relaxantis, sive fratrem corripientis, sive eum corporaliter sustentantis et foventis, sive pro eo intercedentis :

*Quas dedisti solus semper habebis opes.*

(MARTIALIS lib. V, epigr. 15.)

## CAPUT CL.

*De misericordia corripiente.*

Sequitur de misericordia corripiente, quæ major est omni manuali et corporali. Hanc Dominus præcipiens exhiberi proximis, ait : « Si peccaverit in te frater tuus, vade et corripe eum, » etc. (*Matth. XVII*.) Omnia prosequere secundum præceptum Domini, quod omnibus præcipitur custodiendum, et in omnes, et in omni crimine, præter quam in propria injuria et in causa sanguinis; et hoc totum ob misericordiæ custodiam. Item epist. ad Romanos cap. I in fine : « Qui cum justitiam Dei cognovissent, non intellexerunt, quia qui talia agunt digni sunt morte: non solum qui ea faciunt, sed etiam qui consentiunt facientibus. » Et II ad Cor. cap. II : « Si quis autem contristaverit me, non me contristavit, sed ex parte, ut non onerem omnes vos. Sufficit illi, qui ejusmodi est, objurgatio hæc quæ fit a pluribus; ita ut e contrario magis donetis et consolemini, ne forte abundantiori tristitia absorbeat, qui ejusmodi est. » Et in eadem, cap. VI : « Propter quod exite de medio eorum, et separamini ab eis, dicit Dominus, et immundum ne tetigeritis, et ego recipiam vos. » Item I Corinth. cap. V : « Expurgate vetus fermentum, ut sitis nova conspersio, sicut estis azymi. » Item ad Galatas cap. VI : « Fratres, si præoccupatus fuerit aliquis homo in aliquo delicto, vos, qui spirituales estis, hujusmodi instruite in spiritu lenitatis, considerans te ipsum, ne et tu tenteris. » Et item ad Ephesios cap. IV : « Propter quod deponentes mendacium, loquimini veritatem unusquisque cum proximo suo, quoniam sumus invicem membra. » Item Act. cap. XX : « Contestor vos hodierna die, quia mundus sum a sanguine omnium. Non enim subterfugi, quo minus annuntiarem omni consilium Dei vobis. » Item Job cap. XXIX : « Conterebar molas leonum, **254** et de dentibus illius aufereram prædam. » Item Parabol. cap. XXIV : « Erue eos qui ducuntur ad mortem; et qui traduntur ad interitum, liberare ne cesses. » Et Jerem. cap. XLVIII : « Maledictus qui prohibet gladium suum a sanguine. » Et Genes. cap. IV : « Ubi est Abel frater tuus? Qui respondit : Nescio. Nunquid custos fratris mei sum ego? » Et Deuter. c. XXII : « Non videbis bovem fratris tui, vel ovem errantem, et præteritis; sed reduces fratri tuo. » Item, de asino proximi sublevando. Item Ezechielis c. III. Item ad Ephesios cap. V : « Magis autem redarguite. Quæ enim in occulto sunt ab ipsis, turpe est et dicere. » Item Eccli. c. XIX, et c. XX et XXI. Et item, incomparabiliter plus teneor diligere animam proximi, quam corpus proprium. Item, quod probatio compassionis, exhibitio est correptionis, sicut dilectionis, exhibitio est operis. Item, quia sanctorum est copula vel cura animarum, quam corporum. Item, veri imitator sis Samaritani, qui vulnerati misertus est, nec eum præterit, sicut sacerdos et levita, sed curam ejus egit (*Luc. X*). Item, exemplo Domini, qui, relictis nonaginta novem ovibus in deserto, ivit quærere ovem centesimam, quæ perierat (*Luc. XV*).

Item, pasce, non tantum corporali, sed etiam spiritali cibo, fame verbi Dei morientes, etc. Item Ephesiorum cap. v : « Estote imitatores Dei sicut filii charissimi, et ambulate in dilectione, sicut et Christus dilexit nos, ut scilicet pro fratribus nostris animas nostras ponamus. » Nam et in hoc maxime charitatem ejus cognoscimus. Si ergo quilibet pro loco et pro tempore tenetur « pro proximo animam ponere (Joan. xv), » quod quidem verum est, multo magis debet eum corripere, quem viderit delinquere. Item IV Reg. cap. xv de Ozia. Item, omnia quæ contra pessimam taciturnitatem inducta sunt, hic induci possunt, ut ea, quæ maxime obviant huic præcepto Dominico de corripiendo fratre.

## CAPUT CII.

*De misericordia intercedente pro inimicis.*

Sequitur de misericordia intercedente etiam pro inimicis (Luc. xxiii), cujus, præter dominum et protomartyrem Stephanum (Act. viii), egregium est exemplum Samuel intercedens pro Saule, qui voluit eum occidere. Ob quam causam meruit Samuel, « quod omnes a Dan usque Bersabee cognoverunt, quia Samuel esset fidelis propheta Domini (I Reg. iii). » Hujus etiam mirabile exemplum existit Moyses, qui orans pro populo exasperante, eumque graviter molestante, tenuit Dominum furem, dicens: « Aut dimitte eis, aut dele me de libro vitæ (Exod. xxxii). » Item psalmus cv : « Et dixit Dominus, ut disperderet eos, si non Moyses, electus ejus, stetit in confectione in conspectu ejus, ut averteret iram ejus, ne disperderet eos. » Noluit enim Moyses solus sine eis terram promissionis intrare. Unde a sanctis comparatur **255** matri, quæ invitata ad solennes epulas, puero exposito, puta clamoso, sordido et tædioso, sine eo non vult intrare, eligens magis cum filio foris jejnare.

## CAPUT CIII.

*De visibili et corporali et manuali misericordia, sive subveniente.*

Sequitur de visibili et corporali et manuali misericordia. Hujus excellentissimum exemplum fuit Job, qui cap. xxxix et xxxi, ait : « Auris audiens beatificabat me, et oculus videns testimonium reddebat mihi, eo quod liberassem pauperem vociferantem, et pupillum cui non erat adjutor. Benedictio perituri super me veniebat, et cor viduæ consolatus sum, justitia indutus sum, et vestivi me, sicut vestimento et diademate, judicio meo. Fui oculus cæco, et pes claudo, pater eram pauperum ; conterebam molas iniqui et de dentibus illius auferere prædam. Mœrentium eram consolator. Si, quod volebant, negavi pauperibus, si oculos viduæ exspectare feci ; si comedi buccellam meam solus, et non comedit pupillus ex ea, quia ab infantia mea crevit mecum miseratio, et de utero matris meæ egressa est mecum. Si despexi prætereuntem, eo quod non haberet indumentum, et absque operimento pauperem ; si non benedixerunt mihi latera ejus, et de velleribus ovium mearum calefactus est ; si foris, et extra taberna-

(5) Consule Vitam apud Sur., die 10 Aug.

culum meum mausit peregrinus ; si ostium meum viatori non patuit. » Aposiopesis est, quasi, si hæc, et hæc non feci omnium miseratus, nec misereatur mei Deus. Item psal. xxxiv : « Domine, quis similis tui, eripiens inopem de manu fortiorum ejus, egenum et pauperem a diripientibus eum ? » Misericordia sæpe adeo flagrat, ut, per pium et sanctum impetum, cæteris virtutibus et maxime obedientiæ (de qua legitur : « Quia melior est obedientia quam victimæ, et peccatum ariolandi est, nolle obedire (I Reg. xv) » non pareat, ut patet exemplo cujusdam conversi, qui prohibitus ab abbate, data occasione et opportunitate temporis, indigentibus erogavit. Item Ecclesiastici cap. xxix : « Propter mandatum assume pauperem, et propter inopiam ejus ne dimittas eum vacuum. » Item Ecclesiastici eodem capite : « Qui facit misericordiam generat proximo suo, et qui prævalet manu mandata servat. »

**256** CAPUT CIV.

*De eleemosyna.*

Misericordiæ autem filia est eleemosyna. Circa quam videndum est, quis sit ejus effectus, quid dandum, et quomodo, et quo ordine, quantum, qualiter et de quo, quibus, quot, et quibus. De effectu ejus ait Spiritus sanctus in Ecclesiastico cap. xxix. « Absconde eleemosynam in sinu pauperis, et ipsa orabit pro te ad Dominum, ut libereris ab omni malo. » Est enim eleemosyna una alarum orationis, et jejunium altera. Et item : « Sicut aqua exstinguit ignem, ita eleemosyna exstinguit peccatum (Eccli. iii). » Et item : « Eleemosyna viri, quasi sacculus cum ipso et gratiam hominis, quasi pupillam » contra hostes, « conservabit (Eccli. xvii). » Et Dominus in Luca cap. xi : « Veruntamen, quod superest, date eleemosynam ; et ecce omnia munda sunt vobis. » Et item : Facite vobis amicos de mammona iniquitatis, ut cum defeceritis recipiant vos in æterna tabernacula (Luc. xvi). » Et David psalmo cxii : « Dispersit, dedit pauperibus, justitia ejus manet in sæculum sæculi. » Et Laurentius (5) : Nam facultates Ecclesiæ, quas requiris in cælestis thesauros manus pauperum deportarunt. Quod hic datur pauperi et egeno, a Christo recipitur in cælo. Unde et ipse ait : « Quod uni ex minimis meis fecistis, mihi fecistis (Matth. xxv). » Et item : « Qui vos recipit, me recipit (Matth. x). » Et item, Martinus adhuc catechumenus, hæc me veste contexit (6).

Quid autem sit dandum, et quo ordine ostenditur in Luca cap. vi, ubi ait Dominus : « Omni petente tribue ; » rem, quam petit, si potes ; si non potes, da calicem aquæ calidæ ; quam si non habes, da calicem aquæ frigidæ. Quod si nec frigidam, si malus est, da ei correptionem, si bonus, orationem. Nunquam enim deest justo quid det, qui in Domino omnium omnia possidet.

Quantum vero dandum sit Dominus per organum Joannis in Luca cap. iii ostendens, ait : « Qui habet duas tunicas, det unam non habenti, et qui habet escas similiter faciat. » De duabus tunicis et escas

(6) Vita apud Sur., die 11 Novemb.

similiter dividendis congrue et signanter datur præceptum (*Matth. x*) ; quia si una dividatur, nemo ea vestitur. In dimidia enim tunica, et nudus remanet qui accipit et qui dedit. Necessaria ergo retine tibi et familiae tuæ, quæ vero supersunt pauperibus distribue, etiam ex necessitate, pro loco et pro tempore, alioquin raptor eris. Hanc etiam mediationem bonorum distribuendorum pauperibus Apostolus in secunda epistola ad Corinthios (cap. viii) ostendit, dicens : « Non dico vobis, ut gratia vestra et voluntas dandi eleemosynam aliis sit remissio, vobis autem tribulatio ; sed ut ex æqualitate, vestra abundantia illorum inopiam suppleat ; ut illorum abundantia, in spiritualibus, vestræ sit supplementum inopiæ, ut fiat æqualitas ; » de qua scriptum est in Exodo (cap. xvi) de manna. « Qui multum habuit non abundavit, et qui modicum habuit, **257** non minoravit, » sed sufficienter habuit. In ratione enim dati et accepti consistit pax Jerusalem, ut abundantes in temporalibus ea distribuunt pauperibus se magis abundantius in spiritualibus, ut sic communicantes temporalia et spiritualia æqualiter, qui multum habet in temporalibus non abundet, quia super necessaria nil sibi retinet, sed æqualiter pauperibus distribuit : et « qui modicum habet » in temporalibus, non « minoravit » in eisdem, quia sufficienter ea ab alio recipit.

Sicut de spiritualibus. Hanc æqualitatem bonorum supererogando excessit Martinus (*vide ejus vitam loco supra indicato*), cum chlamydis suæ medietatem pauperibus dedit. Quem factum deformem pro truncato habitu, alii cœperunt deridere, alii altius gemere, eo quod nihil simile unquam eis contigisset. Sed et unicam tunicam totam, quam in ovicula commendavit, pauperi dedit, cui archidiaconus aliam, et stragulatam pro quinque denariis emit. Bene autem et pie legenda tam beati Martini quam beati Nicolai (S. Nicolai Vita est apud Sur., die 6 Decemb.) ab operibus misericordiarum, in quibus, sicut viri misericordiarum excellēbant, contextitur in initio sui ; ut in hoc ostendatur existisse fundamentum totius religionis ipsarum. Uterque enim super afflictos pia gestabat viscera. Unde et Nicolaus tres virgines, ne pro inedia lupanari macularentur infamia, nuptui dedit. Erat enim in ejus animo pietas eximia, et oppressis impendebat multa beneficia. Nolanus episcopus superaddidit (*Lib. iii Dialog. beati Greg., cap. 4*), qui non tantum sua, sed seipsum vendidit in servitutem pro liberando filio viduæ a carcere, et captivitate. Nos vero, nec hanc æqualitatem Apostoli distribuendarum rerum pauperibus, nec dimidiationem, vel totalitatem Martini sequi et probare volumus, per opera scilicet, nec per verba, imo disputando contradicimus, intendentes nos omnia posse possidere, et nulla superflue. Sed « Dominus non irridetur (*Galat. vi*), » qui omnia creavit ad usum omnium, non unius tantum.

**A** Sequitur quibus et quot, et qualibus et qualiter dandum sit. Quibus ergo? Omnibus si potes, sed « maxime domesticis fidei (*ibid.*), » et inter hos magis indigentibus, et inter hos magis justis : « Quia oculi Domini super justos (*Psal. xxxiii*). Dispersit dedit pauperibus (*Psal. cxi*), » non ructantibus. Ceteras vero auctoritates ad hoc, supra invenies in titulo, qui scribitur (supra c. 47) : « Contra eos qui dant non indigentibus. » Ecce quibus, quot, qualibus, et qualiter dandum.

Circa vero qualitatem et cautelam dandæ eleemosynæ, hæc attendenda sunt. Distributio, ne uni omnia dentur. « Dispersit dedit pauperibus (*Psal. cxi*). Volo isti, sicut et tibi benefacere. » Necessitas, ut necessaria dentur, non superflua ; non lauta cibaria, nisi in necessitate ægritudinis. Hilaritas sine coactione. Unde II Cor., cap. ix : « Unusquisque prout destinavit in corde suo, non ex tristitia, aut ex necessitate. Hilarē enim datorem diligit Deus. » Coacta enim servitia Deo non placent, sed voluntaria. Unde : « Voluntarie sacrificabo tibi (*Psal. lxxiii*). » Qui dat ob verecundiam, vel improbitatem interpellantis vitandam, et rem et meritum perdit.

**258** Solo enim intuitu Dei, non alicujus rei extrinsecæ, ut pretium et hujusmodi, danda est eleemosyna.

Pietas autem dantis condit eleemosynam, non quantitas dati. Item Exodi, cap. xxxv : « Omnis voluntarius et prompto animo, offerat primitias Domino. » Item : Filii Israel mente devota, voluntaria, donaria obtulerunt Domino in fabricam tabernaculi. Cum autem artifices instarent operi, dixerunt Moysi : « Plus offert populus quam necesse sit (*Exod. xxxvi*). » Qui jussit præconis voce ne quidquam ultra offerret in opere sanctuarii. Item I Esdræ primo ; idem, cap. ii et vii. Hoc exactoribus objiciendum et consulibus, magistris, didascalis facientibus ad opus, cum eleemosyna, secundum preces et verecundiam exhortata, non sit approbanda, quia non est sincera.

Apostolus ad Philippenses (cap. iv) : « Nulla Ecclesia mihi communicavit in ratione dati et accepti, nisi vos soli. Qui et Thessalonicam semel et bis in usum mihi misistis. Et quia non quæro datum, sed requiro fructum abundantem in ratione vestra, » id est bonam et rectam voluntatem, qua interior homo fecundatur. Unde Dominus in Evangelio, non dicit singulariter : « Qui recipit justum, » sed addit : « In nomine justī. Recipere justum, datum est ; in nomine justī, fructus (*Matth. x*). » Heliam pavisse legitur corvus et vidua (*III Reg. xvi*). Sed corvus, qui non in nomine justī, pavit « dato ; » vidua, quæ in nomine justī, pavit « fructu. Hunc igitur fructum magis quam datum requiro (*Phil. iv*). » Qui enim dant, et non debita causa, et non debito fine ; vel inviti, vel justum postponentes, similes sunt corvo ; ministri sunt, non habent fructum eleemosynæ, sed ministerium tantum.

## CAPUT CV.

*De quo sit danda eleemosyna.*

Sequitur, de quo sit danda eleemosyna. De tuo scilicet, non de alieno. Unde: «Honora Dominum de tua substantia (*Prov. iii.*) non de aliena. Et Deuteronomii, cap. xiii: «Non adhærebit quidquam de anathemate, » quocunque, scilicet, quod separari debet a te, vel quod justum est ut separet a te, «in manu tua, ut misereatur tui Dominus.» Item, cap. vii: «Non concupisces argentum et aurum, de quibus facta sunt; nec assumes ex eis tibi quidquam, ne offendas, propterea, quia abominatio est Domini Dei tui.» Item (cap. xiv): «Agnus sine macula, » corporis, non velleris, præcipiebatur offerri Domino. Reliquas auctoritates et concordantias ad hoc, supra in titulo. «De acceptione munerum illicite acquiritorum. » Item: Exemplo Martini presbyteri cardinalis pauperis, quia munera spernentis, cui, sicut et ceteris cardinalibus, cum dominus cancellarius misisset Romanæ curiæ eulogiam et benedictionem, scilicet viginti libras in Natali Domini ad solemnizandum, respuit eas, quia de rapina et Simoniace acquisitæ erant. Qui etiam cum sibi **259** commodatus esset equus, deficiente proprio a quodam episcopo, cum legatione fungeretur, noluit juvare prædictum episcopum in sua causa, nisi reddito sibi equo, et cognita causa ejus prius justa. Item exemplo Stephani abbatis Cisterciensis secundi, qui datos panes et caseos a sacerdote converso suo, distribuit eos pauperibus et pueris, judicans monachos suos non debere eis, tanquam furivis et raptis vesci, cum «dextera » sacerdotum plurimorum et archidiaconorum «repleta sit » hodie et tunc etiam, «muneribus (*Psal. xxv.*) » Et «Dextera eorum dextera iniquitatis (*Psal. cxliii.*) » qui in dextera, et pro his, quæ sunt dextræ, rapiunt et accipiunt, entes peiores laicis feneratoribus, qui in sinistra, et pro his, quæ sunt sinistræ, rapiunt.

## CAPUT CVI.

*De ordine dandæ eleemosynæ.*

Notandus est etiam quidam ordo in datione eleemosynæ. Sed ut altius ordiamur, distinguendæ sunt species eleemosynæ. Prima igitur est Dei, consistens in creatione et recreatione nostra, in consolatione nobis exhibita per beneficia, in instructione per præcepta, in emendatione nostra per flagella, ac inde in collatione præmiorum in gloria. Secunda species est Christi hominis, qui in cruce seipsum obtulit Deo Patri hostiam vivam pro nobis adhuc inimicis suis. «Majorem charitatem nemo habet, ut animam suam ponat quis pro amicis suis (*Joan. xv.*) » Seipsum etiam quotidie cum insignis militiæ suæ repræsentat Patri, pro nobis orans et interpellans, ut advocatus et frater noster in cælis. Tertia est hominis ad seipsum, «miserere animæ tuæ, primo placens (*Eccli. xxx.*) » Deo. Quarta est hominis ad proximum, et multiplex. In correptione fratris, ut corrigat; in dimissione propriæ injuriæ, in

A oratione pro ipso, in compassione, in consilii sancti datione, in ejuslibet talenti commissi, sive corporalis, sive spiritualis erogatione. Sed exhibitio corporalis, eleemosynæ nomen generale, ex usu quidem proprium sibi vindicavit. In hac autem specie, scilicet corporali eleemosyna, quidam ordo attenditur.

Prima enim, et sincera, et pura eleemosyna est, de labore proprio. Unde. «In labore et sudore vultus tui, » non alieni, «vesceris pane tuo (*Gen. iii.*) » et aliis ad vescendum dabis. Et item. «Labores manuum tuarum, quia manducabis, et bene tibi erit (*Psal. cxvii.*) » Exemplo etiam Apostoli, qui cibum manibus quærebat. Qui etiam ait ad Ephesios, cap. iv. «Qui furabatur, jam non furetur, magis autem laboret, operando manibus suis quod bonum est, ut habeat unde tribuat necessitatem patienti.» Exemplo etiam viduæ recusantis sepeliri in camisia alia quam in illa, quam nevit et texuit. Secundus gradus eleemosynæ corporalis, est de patrimonio proprio de quo potest fieri eleemosyna et si non adeo pura, ut prima, quam tamen colis sudore alieno, et homine uteris pro jumento. Tertius gradus est de patrimonio crucifixi, **260** cujus dispensatores, et quasi testamentarii sumus, non Domini. Unde et minus proprie dicitur eleemosyna. In omnibus tamen his par charitas, par præmium commendat, vel comparat et committitur. In hoc autem ultimo, nisi dispensatio justa fiat, fures erimus et raptores. Et sæpe contingit res pauperum dari abundantibus et nepotibus sacerdotum, nec abundant sed aporiatii sunt, quia

*Non habet eventus sordida præda bonos (7).*

(*Ovid., lib. i Amoris eleg., 10.*)

Et male parta male dilabuntur.

## CAPUT CVII.

*De cautela dandæ eleemosynæ.*

Addendum prædictis, quod etiam ad cautelam dandæ eleemosynæ pertinet, scilicet, ut propria voluntate et prompta, libero arbitrio et propria manu, si potes, eleemosynam distribuas, exemplo Christi et sanctorum multorum ministrantium in medio subditorum; exemplo etiam comitis Theobaldi, bonæ memoriæ, qui subtelares cum uncto, propria manu dedit pauperibus, hac de causa, ut et in eo lacrymæ compunctionis, et major devotio et humilitas crescerent, et ut pauperes affectuosius pro eo orarent, comparata sibi magis eorum gratia per humilitatis suæ obsequium.

Dum vivis, etiam pro te eroges, dum tempus est seminandi; quia mortuus rarum invenit amicum. Nihil enim citius frigescit in corde, quam amicitia mortui post mortem. Præparemus igitur nos ad ingressum regni, quia non nisi præparati ingrediemur. «Præoccupemus faciem » judicis «in confessione, et in psalmis; » hoc est in bonis operibus et laudibus, «jubilemus ei (*Psal. xciv.*) » antequam veniat;

(7) Id Festus Pompeius et Nevio citat.

reminiscentes quia « unumquodque quatuor animalium coram facie sua ambulabat (*Ezech. 1.*), docentium, imitatores Evangelii sic ambulare; exemplo etiam Apostoli, qui in anteriora se extendebat (*Phil. 3.*); et exemplo etiam animæ simplicissimæ, dicentis; quia elemosyna vivi, est sicut lucerna lata coram homine; illuminat eum, ostendens ei quo vadat. Elemosyna vero mortui, est tanquam lucerna lata post tergum hominis non illuminans ei, quo minus cadat in præcipitum.

Est autem hæc differentia, et inter opera pietatis sub lege facta, et opera pietatis facta sub Evangelio. Lex namque ait: « Frange panem esurienti, » etc. (*Isa. LVIII.*) Unde apud quosdam hic mos laudabilis inolevit, ut de singulis pauperibus aliquid frangeretur pauperibus.

Tobias etiam ait (cap. IV): Modicum habes, modicum dabis. Deus vero in Evangelio perfectiorem pietatem præcipiens, ait: « Vade, et vende omnia quæ habes, et da pauperibus (*Math. XIX.*), non tantum indigentibus, sed et sapientibus. » Unde, si quis abstulerit tibi tunicam, da ei et pallium (*Math. V.*) Unde eremita inquisitus quis illum spoliasset, fere nudus **261** in semicinctis suis ambulans, ait: Codex est iste prædo cælestis, docens omnia dare pauperibus. Cui ille: Quomodo omnia dedisti, qui illum adhuc habes? Et statim dedit. Item Apostolus II ad Cor. cap. VIII: « Notam vobis facio gratiam Dei, quæ est in ecclesiis, Macedoniæ scilicet: quod altissima eorum paupertas abundavit in divitiis simplicitatis eorum, quia secundum veritatem testimonium illis reddo, quod supra virtutem primo voluntarii fuerint, cum multa exhortatione obsecrantes nos gratiam et communionem ministerii, quod sit in sanctos. »

#### CAPUT CVIII.

##### *De commendatione elemosynæ.*

Sed quæ est causa tantæ commendationis elemosynæ in sacra Scriptura? Audi Apostolum I ad Timoth., cap. IV: « Quia exercitatio corporalis ad modicum est; pietas autem ad omnia utilis est, habens promissionem vitæ quæ nunc est, et futuræ. » Non maceratio carnis, habitus incultus, crebræ vigiliæ, jejunia assidua et arcta, austeritas vitæ, et horror in facie te exhibent verum philosophum et Christianum; sed hæc sunt signa elemosynæ: si visceribus pietatis affluas, si nihil concupiscas, si nihil pertimescas, sciens, quia « quæstus magnus pietas cum sufficientia (*I Tim. VI.*) » Ad manum autem est quod sat est. Habet autem pietas promissionem vitæ quæ nunc est, et futuræ. Unde: « Primum querite regnum Dei, et hæc omnia adjicientur vobis (*Math. VI.*) » Et item: « Non vidi justum derelictum, nec semen ejus quærens panem (*Psal. XXXVI.*) » Et item: « Centuplum accipient in hoc sæculo (*Math. XXI.*) » id est « centies tantum, » id est multiplicationem omnium quæ in mundo sunt divitiarum. Hæc enim nulli desunt, qui eas non amaverit. Habet etiam promissionem vitæ gratiæ. Unde: « In

A custodiendis illis retributio multa (*Psal. XLVII.*), quia serenitas conscientiæ et augmentum virtutum. « Gloria enim nostra hæc est testimonium conscientiæ nostræ (*II Cor. I.*) » Habet etiam « promissionem vitæ » gloriæ, id est vitæ gloriosæ, quæ in futuro erit, sicut et præsentis; quia « vitam æternam possidebit (*Math. XIX.*) » qui in præsentia opera misericordiæ habuit. Et item: « Læva ejus sub capite meo, et dextera illius amplexabitur me (*Cant. II.*) » Et item: « Qui mihi ministrat me sequatur, et ubi ego sum, illic et minister meus erit (*Joan. II.*) » Et item: « Esurivi, et dedistis mihi manducare (*Math. XXV.*) Venite ergo, benedicti Patriæ mei, ut edatis et bibatis in regno ejus (*Luc. XXII.*) » Et transiens ministrabit illis (*Luc. XI.*) »

B

#### **262** CAPUT CIX.

##### *De munditia cordis.*

« Béati mundo corde, quoniam ipsi Deum videbunt (*Math. V.*) » Munditia cordis, seu virtus generalis, omnes virtutes, omnia bona opera, et cogitationes complectitur. Quæcunque enim fidei et aliis virtutibus attribuuntur, in munditia cordis concluduntur, ut a qua ortum habent. Hæc cuilibet fidei necessaria est, sine qua non est salus. Unde Salomon: « Omni custodia custodi cor tuum (*Prov IV.*) » mundum, quod quidem difficilius est, quam corpus mundum custodire; quia corrupta mente corrumpitur corpus, et non econtrario, ut in fatuis virginibus (*Math. XXV.*) Magis igitur est necessaria munditia mentis quam corporis. « Et quis gloriatur se mundum habere cor? (*Prov. XX.*) » Etiam in angelis aliquid immunditiæ, vel « pravitatis » in conspectu Domini inventum est (*Job IV.*) » Et in Ezechiele, cap. III, ait Dominus: « Qui audit » corpore; « audiat » mente, « et qui quiescit » in corpore; « quiescat » in mente. Gregorius (hom. 12, in *Ezech.*): Qui enim sabbatizat in corpore, et non in mente, ei potest adaptari quod dicitur a Jeremia: « Viderunt eam hostes, et deriserunt Sabbata ejus (*Thren. I.*) » Exterior enim « hypocrisis et sepulcrum dealbatum (*Math. XXIII.*) » interior autem herniosus, et plenus spurcitiis. Summopere igitur et omni vigilantia custodiendum est cor. « Non enim quod intrat in os hominis coinquinat hominem, sed quod de corde exit (*Math. XXIII.*) » ut furta, adulteria, homicidia, et omnia mala, similiter et omnia bona. Unde: « Si oculus tuus fuerit simplex, totum corpus tuum lucidum erit (*Luc. XI.*) » sed non nisi prius corde mundato per fidem. Unde Petrus; « Fide mundans corda eorum (*Act. V.*) » Munditiam igitur cordis fides inchoat, spes et charitas eam consummant. Et ait David: « Cor mundum crea in me Deus. » Primo enim in eo creatum per vulnerationem naturalium, et spoliationem gratuitorum, quasi desiderat esse. Unde, quia sine corde est, qui cor habet immundum, orans ait: « Cor mundum crea in me Deus, et spiritum rectum; » quo cogitationes ad te, et secundum beneplacitum tuum dirigam, « innova in visceribus meis (*Psal. L.*) » Et Apostolus ait:

« Renovamini spiritu mentis vestræ (*Ephes. iv.*) » A turbatur. Fremit enim mundus, premit corpus, insidiatur diabolus. Munditia autem cordis maxime est necessaria\* scholaribus accedentibus ad sacræ paginæ lectionem. Unde Augustinus : In tam excellenti luce oculus rationis non figitur, nisi per munditiam fidei prius purgetur. « Animalis enim homo non percipit ea quæ Dei sunt (*I Cor. ii.*) » Ob hoc donum Spiritus sancti, quod est intellectus, huic beatitudini, scilicet munditiæ cordis, adaptatur, ut ostendatur ista debere conjungi, et se comitari; quia « a mandatis tuis intellexi (*Psal. cxviii.*) » Sed de hoc ramusculo munditiæ in principio prædicationis nostræ diffusius disputavimus. Hæc etiam virtus potissime necessaria est sacerdoti. Unde Moyses : « Mundamini, qui fertis vasa Domini (*Isa. lvi.*) » Sicut enim Abrahæ sacrificanti immundis volucris descendentibus super sacrificia necessarium fuit flabellum (*Gen. xv.*), **263** quo eas abegit, sic et sacerdoti ventilabrum fidei et munditiæ cordis, maxime eam sacrificio altaris assistit; quando importunius insurgunt et infestant « muscæ morientes, perdere volentes suavitatem unguenti (*Eccle. x, 1.*) » ut hoc flabello eas abigat, fidelemque ancillam custodiæ ostii deputet, ne latrunculi interficiant Isboseth (*II Reg. iv.*). Sicque et « ostio clauso intrabit cubiculum suum orans ad Patrem (*Matth. vi.*) »

## CAPUT CX.

## De pace.

« Beati pacifici, quoniam filii Dei vocabuntur (*Matth. v.*) » Pax sicut consummatio omnium virtutum, merito in catalogo beatitudinum septima et ultima ponitur, cui sacra Scriptura majora videtur attribuere, quam cæteris virtutibus; quod per majorem expressionem præmiij ejus, quam aliarum virtutum ostenditur; quia « pacifici, filii Dei vocabuntur » cæteri « possidebunt regnum (*ibid.*) »; sed filii in universum jus patris succedunt jure hæreditario. Est autem triplex pax : Temporis, pectoris, æternitatis. De prima ad præsens nihil, quæ tamen pluribus obest sæpe, quia propter eam resolvuntur; multis etiam prodest, ut infirmis. Secunda virtus est et meritum, tertia secundæ est præmium. Ut autem ostendat Dominus quam necessaria sit saluti nostræ hæc virtus, et quantum appetenda a Christiana religione, ait discipulis, et nobis in eis : « Pacem relinquo vobis, pacem meam do vobis (*Joan. xiv.*) » Quasi diceret : « Pacem relinquo vobis, » id est quasdam reliquias pacis, quia imperfectam, non permansuram pacem. Unde nec addit : « Meam pacem, » sed pectoris, in præsentem « relinquo vobis, » postquam, « pacem meam, » consummatam scilicet, et permansuram do, id est in futuro dabo vobis, « pacem, » scilicet æternitatis, quia non dabit Deus pacem, nisi super pacem. Ideo etiam per Prophetam ait in persona justi : « In pace » semiplena « dormiam, » dehinc in pace perfecta, quæ est « in idipsum » invariabilis et perfecta, « requiescam (*Psal. iv.*) » perfecte quiescam. Pax enim pectoris in præsentem imperfecta est, quia sæpe

« In mundo pressuras, in me autem pacem habebitis (*Joan. xvi.*) » Et Dominus etiam, ut pacem mentibus fidelium firmiter insereret post resurrectionem, discipulis « januis clausis (*Joan. xx.*) » eam ceu summam virtutum annuntiavit, dicens : « Pax vobis (*ibid.*) » Ideo etiam vicarius ejus spiritualis, scilicet episcopus, convertens se ad populum in missa, eam illi annuntiat. Ideo etiam nato Domino idem fecit pastoribus, et simplicibus annuntiari per angelum, primum et præcipuum gaudium, nuntium pacis dicentem : « Gloria in excelsis Deo, et in terra pax hominibus bonæ voluntatis (*Luc. ii.*) » Ideo etiam

**B** in præcipuo sacramento Ecclesiæ, scilicet in sacramento altaris, confecta Eucharista sacerdos **264** cum Ecclesia dicit : « Agnus Dei, qui tollis peccata mundi, miserere (*Joan. i.*) » — « miserere, » et, ut perfecte misereatur, uno verbo concludens omnes miserationes ejus, et summam, et effectum omnium virtutum, annectit : « Dona nobis pacem (*ibid.*) » De qua Apostolus loquens ait : « Ipse est pax nostra qui fecit utraque unum (*Ephes. ii.*) » ima summis, et terrena cælestibus reconcilians, pacem inter Deum et hominem reformans. Omnes enim eramus inimici Dei, eique inimicabamur, qui tamen semper dilexit nos. Inter hominem et hominem, Judæum scilicet et Gentilem, mediator pacis fuit (*I Tim. ii.*). Homini etiam ad se ipsum, qui a se dissidebat non existens in uno, in unitate fidei et morum, cujus « arca » non « erat consummata in uno cubito (*Gen. vi.*) » Homini etiam ad angelum, cujus ruina per peccatum hominis dilata est reparari (*Isa. xiv.*); qui etiam angeli non ita obsequabantur hominibus ante adventum Christi, sicut post; quasi offensi illis, eo quod Dominum suum offenderint. Solus diabolus non est reconciliatus, sed exclusus est ab hac pace, quia primus discordiam inter Creatorem et creaturam seminavit, in quo apparent etiam filii et imitatores ejus, qui pacem non habent cum proximo, et ita nec cum Deo, nec cum se ipsis. Contra filii et imitatores Christi sunt omnes pacifici. Ob hoc Apostolus ad Romanos cap. v, ait : « Justificati igitur ex fide pacem habeamus ad Deum et ad proximum, per Dominum nostrum Jesum Christum. »

Hæc est virtus, quæ sola excellit in consortio et collegio sanctorum, faciens pacificos, amabiles, sociabiles et tractabiles; adeo ut propter eam magis quam propter cæteras virtutes, qui pacificus est, omnibus præficiatur et præponatur. Propter hanc nimis sibi utilem sponsa in Canticis orans, ait : « Osculetur me osculo oris sui (*Cant. i.*) » Os osculans est Verbum assumens, os osculatum humana natura assumpta, ex quibus est electrum effectivum pacis inter Deum et hominem, homo Christus Jesus, Deus et homo. Ecce quanta pax debet esse hominis cum Deo, cui unitus est per naturam hominis cum

proximo; propter quam, naturam humanam, in unitate summæ pacis sibi univit. Propter hanc etiam ait Deus per Prophetam: « Inquire pacem et persequere eam (Psal. xxxiii), » ne a te elongetur. Et quomodo persequatur ostendens Augustinus, ait: Proffice pecuniam, ut einas tibi pacem, et cor tranquillum. Et Dominus: « Si abstulerit tibi tunicam, da ei et pallium (Matth. v). » Et: « Esto consentiens adversario tuo in via (ibid.). » Et Apostolus, « Redimentes tempus » et pacem pectoris, « quoniam dies mali sunt (Ephes. v), » propter malitiam, quæ in eis exercetur. Et item: « Quare non magis injuriam accipitis? Quare non magis fraudem patimini? Sed vos injuriam facitis et fraudatis; et hoc fratribus (I Cor. vi). » Item Propheta invitans nos ad pacem, ait: « Qui posuit fines tuos pacem, et adipe frumenti (Psal. cxlvii). » Jerusalem cælestis, in cujus finibus non erit nisi pax, et « domus unius moris (Psal. lxxvii); » in finibus vero gehennæ, dolor et discordia. Unde pro hac quasi sufficienti ad salutem, idem Propheta orans adjungit: « Rogate quæ ad pacem sunt Jerusalem, et abundantia diligentibus te. Fiat pax in virtute tua, et abundantia in turribus tuis. Propter fratres meos, et proximos meos loquebar pacem **265** de te, propter domum Domini Dei nostri, quæsi vi bona tibi (Psal. cxxi). » Item: « Da pacem sustentibus te, ut prophætæ tui fideles inveniantur (Eccli. xxxvi). » Item Apostolus ad Philippenses cap. iv. « Et pax Dei, quæ exsuperat omnem sensum, custodiat corda vestra et intelligentias vestras. » Idem etiam ostendens quam necessaria sit pax salutis, omnibus, quibus scribit, sub hac forma scribit: « Gratia sit vobis, et pax a Domino Jesu Christo (Rom. i), » id est tranquillitas mentis, sine qua non videtur Deus, quia: « in hac pace factus est locus ejus (Psal. lxxv); » unde « nec requiescet, nisi super pacificum et quietum (Isa. lxxvi). » Item David: « Custodi innocentiam et vide æquitatem, quoniam sunt reliquæ homini pacifico (Psal. xxxvi). » Non ait, innocenti et justo, quod posset dixisse; sed « pacifico, » ostendens conclusionem et summam aliarum virtutum esse in pace, sicut in domina, ad quam aliæ sunt appendicæ et tendentes, sicut assectæ et pedissequæ. Unde, non ipsis, sed dominæ reliquias præriorum de quibus dicit: « Reliquæ cogitationum diem festum agent tibi (Psal. lxxv), » attribuit.

#### CAPUT CXI.

*A quibus pacem habere debeamus.*

Dictum est cum quibus debemus habere pacem scilicet cum Deo, cum proximo, etc. Nunc dicendum a quibus, scilicet, a carne propria, ut dometur Dalila (Judic. xvi), exemplo Apostoli, qui ait: « Castigo corpus meum et in servitutem redigo (I Cor. ix). » Et Dominus: « Sint lumbi vestri præcincti, et lucernæ ardentes (Luc. xii). » A diabolo, ut « spirituales nequitias (Ephes. vi), » vitemus in quantum possumus. A mundo, ne « secularibus, negotiis (II Tim. ii), » et mundanis actibus

nimis dediti simus. Unde Jethro ad Moysen in Exodo cap. xviii: « Stulto, inquit, labore consumeris. Partire igitur onus tuum in plures, et Dominus erit tecum, etc. » Super hunc locum ait Augustinus (lit. 2: Q. super Exodum, q. 68): « Manifestum est animum nimis humanis actionibus intentum Domino vacuari, quo fit tanto p'erior, quanto in superna et ad æterna liberius extenditur. Et Salomon ait: « Fili, ne in multis sint actus tui (Ecc. i. xi), » etiam honestis, quia

*Imponit finem sapiens et rebus honestis.*

(JUVEN., Sat. vi.)

Vide, ne ab omnibus ita habearis, quod te ipsum non habeas. Vide, ne ita prosis proximo, quod te ipsum despicias: « Qui sibi nequam est, cui erit bonus? » (Eccli. xiv.) — « Quid prodest homini, si universum mundum lucretur, animæ vero suæ detrimentum patiat? » (Matth. xvi.)

*Pluribus intentus minor est ad singula sensus.*

Sicut vinis comedere, ita nimis operari pro terrenis vitium est. Astringas ergo, et religas te ad unitatem in quantum potes, quia « non est qui faciat bonum, non est usque ad mortem (Psal. xvi). » — « In uno cubito consummata est arca (Gen. vi). » — « Unam petii a Domino hanc requiram (Psal. xxvi). » — « Unum est tibi necessarium (Luc. x). » — « Unus tantum sanabatur in piscina (Joan. v). » Hoc modo pacem habeatis a mundo cum Apos.olo, qui ait? « Mihi mundus crucifixus est, et ego mundo (Galat. vi). » Et non tantum a mundo, sed etiam ab omni hoste, si præcepta Dei dilexeris et custodieris. **266** Unde: « Pax multa diligentibus legem tuam, et non est illis scandalum (Psal. cxviii); » quia non scandalum patiuntur nec faciunt, qui secundum legem Dei vivunt, exponentes eam, non secundum consuetudinem hominum, sed secundum sinceritatem, et sine nubilo allegoriæ, simpliciter et nude, ut ab ore Salvatoris emanavit. De ejusmodi interpretibus dicitur: « Adhæsit lingua mea faucibus meis (Psal. xvi). » Item ad Hebræos cap. xii: « Pacem sequimini cum omnibus, et sanctimoniam, sine qua nemo videbit Deum. »

#### CAPUT CXII.

*De effectu pacis.*

Sequitur de effectu pacis. Ipsa est, quæ sola ædificat domum Domino. Unde David, « quia vir sanguinum erat, prohibitus est ædificare domum Domino (I Par. xxii). » Salomon vero (III Reg. v), etsi flagitiosus, tamen quia sine bello fuit in pace pacificus, jussus est ædificare domum Domino. Ecce quam abominabile bellum Domino cum domesticis fidei. Si igitur a prædictis pacem habes pacificus es et ædificas templum Domino; sin autem bellicosus et contra Dominum destruens templum ejus. Sed et multum virtutis et auctoritatis supra cæteras virtutes contulit Dominicus sermo paci, directus ad discipulos: « In quameunque, inquit, domum intraveritis, dicite: Pax huic domui



(*Luc. ix.*) Non ait charitas, vel fides, mansuetudo, A et hujusmodi, sit huic domui, sed « pax »; quasi concludens omnes alias virtutes in fasciculo pacis. Item David: « Dominus diluvium inhabitare facit, et sedebit Dominus rex in aeternum; » quia contra hoc diluvium « Dominus virtutem dabit; benedicet » postea « populo suo in pace (*Psal. xxvii.*) » Et sanctus Zacharias plenus Spiritu sancto prophetavit, et dixit: « Et tu, puer, propheta Altissimi vocaberis, etc., » quia hæc et hæc facies « ad dirigendos pedes nostros in viam pacis (*Luc. i.*) », quasi in hoc opere pacis omnia opera ejus concludens.

## CAPUT CXIII.

## De duplici pace.

Est autem pax Dei, et pax mundi: prima duplex, quia pectoris. Unde: « Pacem relinquo vobis (*Joan. xiv.*) » Et pax æternitatis; unde Apostolus: « Pax Dei, quæ exsuperat omnem sensum (*Phil. iv.*) » Secunda similiter duplex est. Est enim pax mundi ficta. Sed hæc proditorum et adulatorum est, de qua dicitur: « Homo pacis meæ, qui edebat panes meos, magnificavit super me supplantationem (*Psal. xl.*) » Et Jeremias c. xxxviii: « O Sedecia! viri pacifici tui seduxerunt te, et prævaluerunt adversum te, demerserunt in cæno et lubrico pedes tuos. » Et item: « Pax, pax, » a Tyrannis, hæreticis, « et non erat **267** pax (*Jer. vi.*) » a falsis fratribus. Et item: « Non veni pacem mittere in terram, » quia hoc peccatum mortale est, « sed gladium (*Matth. x.*) », quia in ore sanctorum gladius et mors, in ore autem meretricis mel et lac (*Prov. v.*) Et est pax mundi, scilicet prosperitas in præsentī sine perturbatione. Unde: « Mei autem pene moti sunt pedes, pene effusi sunt gressus mei, quia zelavi super iniquos, pacem peccatorum videns (*Psal. lxxii.*) »

Hæc quidem a Deo est, sed sæpe per occasionem nocet, quia parit contemptum, resolutionem et ignaviam. Unde: « In pace, ecce amaritudo mea amarissima (*Isa. xxxviii.*) » Et poeta:

*Nunc patimur longæ pacis mala, sævior armis  
Luxuria incubuit, victimaque ulciscitur orbem.*

Quia:

*Luxuriant animi rebus pterumque secundis.  
(OVID., l. ii De arte amandi.)*

Et cætera:

*Quæritur Ægisthus quare sit factus adulter:  
In promptu causa est, desidiosus erat.  
(Id., l. i De Remed.)*

Pro hac pace etiam habenda sæpe perit libertas et conculcantur virtutes; unde nec pax est, ubi perit virtus. Unde Jacobi, c. iii: « Quæ desursum est sapientia, primum quidem, » per quam nec alia virtus perit, « pudica est; deinde pacifica, modesta, » suadibilis « bonis consentiens, plena misericordia et fructibus bonis, non judicans, sine simulatione. Fructus autem justitiæ in pace seminatur, facientibus pacem. » Et poeta ait:

. . . Superi, præcū hanc avertite pacem.  
*Libertas cum pace perit.*

(*LUCAN. l. iii Belli Pharsal, et loquitur de Julio Cæsar.*)

Et Cato videns quia, « omnia Cæsar erat, » et statum reipublicæ perire, ait: « Si audetis, o superi, sustinere reipublicam et libertatem Romanorum deperire, sustinebo quidem et ego, verum pro ea quidquid potero experiar, honestius judicans libertatem trahendam esse in servitutem, quam ituram. E contra rex Ezechias mollissimum verbum, pessimimum protulit cap. xxxix apud Isaiam, non præcavens libertati posterorum perituræ: « Fiat, inquit, tantum, pax et veritas in diebus meis (*IV Reg. xx.*) »

## CAPUT CXIV.

## De patientia.

« Beati qui persecutionem patiuntur propter justitiam, quoniam merces eorum copiosa est in cælo (*Matth. v.*) » Septem tantum sunt beatitudines perfectæ consummantæ scalam Jacob (*Gen. xlvii.*), de quibus jam diximus; verum præter hæc restat patientia, quæ octava redit ad caput circummeando, purificando, probando et manifestando omnes virtutes. Sicut enim aurum in fornace, ita et hæc omnis virtus probatur. Ut autem ad hanc recurramus quoties ea opus est, memores esse **268** debemus Dei patientiæ, quam commendans propheta, ut hæc ea eum imitaremur, ait psalmo cxliv: « Misericors et misericors Dominus, patiens, longanimis, et multum misericors. » Et Apostolus ad Romanos, cap. ii: « O homo, qui talia agis, an divitias bonitatis Dei, et patientiæ, et longanimitatis contemnis? Ignoras quoniam benignitas et patientia Dei te ad pœnitentiam adducit? Secundum autem divitiarum tuam, et impœnitens eor, thesaurizas tibi iram in die iræ, et revelationis justi judicii Dei: qui reddet unicuique juxta opera sua. His quidem, qui secundum patientiam boni operis perstiterunt, gloriam, et honorem, et incorruptionem, quærentibus vitam æternam. » Et Isaiæ cap. xliii: « O Jacob, formavi te mihi in populum, in laudem; non me invocasti, Jacob, nec laborasti in me, Israel. Sed servire me fecisti peccatis tuis, præbisti mihi laborem de iniquitatibus tuis. Ego sum, ego sum qui deleo iniquitates tuas propter me, et peccatorum tuorum non recordabor. » Item cap. xlvi: « Audite me, domus Jacob et domus Israel, qui portamini a meo utero, qui gestamini a mea valva. Usque ad senectam ego ipse, et usque ad canos ego portabo; ego feci, et ego feram; ego portabo et ego salvabo. » Ecce quanta patientia Dei in his omnibus verbis redolet. Unde et ipse per Isaiam ait: « Vinea mea, quid ultra tibi debui facere, et non feci? » (*Isa. v.*) Judicium est mihi tecum, quia in omni patientia mea et bonitate mea, oblita es mei.

Et ut vicinius contempler capitis et Salvatoris nostri patientiam, animadvertamus, quia pro-

pter nos, et ut ipsius mereamur patientiæ habere documentum et exemplum, factus est patiens usque ad flagella, verbera, sputa, opprobria, et mortem tolerandam. (Collecta Ecclesiæ, Dominicæ palmarum.) Unde Isaias c. l?: « Ego non contradixi, retrorsum non abii. Corpus meum dedi percutientibus, et genas meas vellentibus, faciem meam non averti ab increpantibus et conspuentibus in me. Ideo posui faciem meam ut petram durissimam, et scio quoniam non confundar. » Et cap. liii: « Non est ei species neque decor, » etc. Hæc omnia patienter sustinuit Dominus, ut et nos patientiam doceret. Cujus effectum nobis commendans, et quam sit necessaria (Christiano ostendens, ait: « In patientia vestra possidebitis animas vestras (Luc. xxi). » In aliis virtutibus animas habemus, in hac eas firmiter retinemus. Et Parabolæ cap. xvi: « Melior est, inquit, patiens viro forti, et qui dominatur animo suo, expugnatore urbium.

*Animum rege, qui nisi pareat, imperat.*  
(HORAT.)

Apostolus autem « excellentiorem viam, » scilicet « charitatem, » ostendens in fronte diffinitionis (I Cor. xii) ejus, præ cæteris differentiis patientiam quasi substantialem et consummaturam differentiam et proprietatem ejus posuit, dicens: « Charitas patiens est, etc. (I Cor. xiii). » Idem etiam II ad Corinthios, c. xii, ait: « Etsi nihil sim apud vos, signa tamen apostolatus mei facta sunt super vos; » non dico in multitudine clientelæ, equorum, exactionum, et pompa sæculi, « sed in omni patientia, in signis, prodigiis et miraculis, et virtutibus. » Sic signum expressius apostolatus sui, et quo semper erat ei opus, ut magis necessarium præposuit. Item in eadem cap. vi: « In omnibus exhibeamus nos sicut Dei ministros, in multa patientia, in tribulationibus, in necessitatibus, in vigiliis, jejuniis, etc. » Et hic patientiam præposuit. Et Dominus in Luca faciens sermonem de semine seminato, 269 ait cap. viii: « Quod autem in terram bonam cecidit, hi sunt qui in corde bono et optimo audientes verbum retinent, et fructum afferunt in patientia. » Et poeta:

*Maxima virtutum patientia, pugnat inermis,  
Armatoque solet vincere sæpe viros.*  
(PRUDENT.)

Et item:

*Serpens silis ardor arenæ  
Dulcia virtuti gaudet patientia duris,  
Dulcius est quoties magno sibi constat honestum.*  
(LUCAN., De Catone, l. x.)

Item Jacobus, cap. v: « Exemplum accipite, fratres, exitus mali » pœnalis, « longanimitatis, laboris et patientiæ, prophetas, qui locuti sunt in nomine Domini. Ecce beatificamus eos qui sustineverunt. Sufferentiam Job audistis et finem Christi vi-

A distis. » Non ait, finem Job, quod posset, ne cumulatam prosperitatem post adversa in præsentem cum Job expectaremus. De fine igitur Christi, unde: « Domini Domini, exitus mortis (Psal. lxxvii), » addidit: qui usque ad mortem, a nativitate, adversa et persecutiones sustinuit. Id ipsum etiam de fine consummationis intelligitur. Christus enim per finem mortis, ad finem consummationis pervenit. Unde: « O stulti et tardi corde ad credendum! nonne oportebat Christum pati et ita intrare in gloriam suam? » (Luc. xxiv.) Et te, si vis intrare in gloriam, per patientiam et passionem, oportet ingredi in eam. « Christus enim passus est pro nobis, vobis relinquens exemplum, ut sequamini vestigia ejus, etc. (I Petr. ii). » Et Hieronymus ait (ep. ad Eustoch., De custodia virginitatis): Non nisi per patientiam impletur quod Scriptura dicit: « Regnum cælorum vim patitur, et violenti rapiunt illud (Matth. xi). » Et item: Quis sanctorum sine patientia coronatus est? A cunabulis Ecclesiæ non defuit in ea iniquitas premens, et justitia patiens. Et alia Scriptura dicit (GREG., lib. i, Dial., c. 5): Quanti meriti apud Deum quisque existat, illata contumelia probat. Item Hieron. ad Eustoch. (in epitaphio Paulæ matris Eustoc.): Ut tibi compares patientiam, egredere paulisper de hoc carcere, id est corpore mortali, et depinge tibi ante oculos mercedem æternæ retributionis, quam « nec oculus vidit, nec auris audivit, nec in cor hominis ascendit (I Cor. ii); » et durior eris saxo et adamante, nisi patientiam habueris, omnes pœnas « nil reputans, ut Christum crucifacias (Phil. iii); » quia: « Non sunt condignæ passionibus hujus temporis ad futuram gloriam, quæ revelabitur in nobis (Rom. viii); hoc tamen momentaneum passionis, maximum pondus gloriæ operatur in nobis (II Cor. iv). » Unde Apostolus ad Romanos, cap. iii: « Gloriamur autem in tribulationibus; scientes quoniam tribulatio patientiam operatur, patientia probationem, probatio vero spem, » etc. Et cap. viii: « Si autem quod non videmus speramus, per patientiam » adversorum illud « expectamus. » Idem: « Patientes estote ad omnes, maxime autem ad domesticos fidei (Galat. vi). » Item Psalmista David: « Pro torcularibus (Psal. viii), » id est ecclesiis, quæ in præsentem sunt in torcularibus et pressuris, sicut una, ut tandem defæcatur per torcularia et purgatæ reponantur, sicut vinum optimum, in cellario Domini, et ne Dominus objiciat: « Torcular calcavi solus, et de gentibus non est vir mecum (Isa. lxxii). » 270 Item: « Non est occultatum os meum a te, quod fecisti in occulto, et substantia mea in inferioribus terræ (Psal. cxxviii). » Item: « Custodit Dominus omnia ossa eorum, unum ex his non conteretur (Psal. xxxiii). » Hæc virtus præ cæteris arreptitium curavit, arreptitio triumphavit. Eremita cum venisset ad civitatem, ut venderet opuscula sua, præbente ei aliam maxillam percutiendam cum unam præbuisset, a quo dæmon exiens,

hujusmodi vocem emisit : In sola patientia victus sum, hæc sola amisi vas, quod firmiter possedi, et hæc est examen virtutum, et boni viri, quod non alia virtus.

Qui enim ad injuriam illatam, vel contumeliam modicam, vel magnam, incandet, intumescit et crepat, hujus virtutis expertus est; similis scorpioni, qui calcatus aculeos suos vomit, arcuatoque vulnere pungit; non calcatus, minime venenosus est, vel timendus transeuntibus. Eos enim libere abire permittit.

Item psalm: xxxvii : « Ego autem tanquam surdus non audiebam, et sicut mutus non aperiens os suum; et factus sum sicut homo non audiens, et non habens in ore suo redargutiones. » Verba sunt Salvatoris, similiter cujuslibet pœnitentis, ut sciat se non esse pœnitentem, nisi qui se sentit patientem triplici funiculo patientiæ, ut scilicet habeat patientiam contra contumeliam oris, contra damnum rei familiaris, contra etiam injuriam proprii corporis. Non enim sufficit quod contra unum istorum habeas patientiam, nisi et habeas contra quodlibet, sicut et Christus, « qui cum malediceretur, non maledicebat (1 Petr. ii). » Cum vestibus spoliaretur, cum plagis cæderetur, cum crucifigeretur (Matth. xxvii), « factus est sicut agnus, qui coram tondente se obmutuit, et non aperuit os suum (Isa. lxi). » De hac patientia dicitur : « Patientia pauperum non peribit in finem (Psal. ix). » Nescitur enim quis esse Christianus, antequam hoc triplici funiculo patientiæ accingatur, et probetur. Unde Satan ad Dominum ait, Job, cap. ii : « Pelle pro pelle, et cuncta quæ habet homo, dabit pro anima sua; sed mitte manum tuam et tange os ejus et carnem, et tunc videbis quod in faciem benedicat tibi. » Sed etsi Job nec sic probatus esset per injuriam corporis, paratus tamen esset animo eam patienter ferre. Nunquam et ipse dicendus est habuisse patientiam contra injuriam corporis, quam non sustinuit; sed etsi ante actum decessisset, nunquid tanquam impatiens judicaretur? Multi animo patientes sunt, qui deficiunt tamen in ipso actu injuriarum, videnturque prius caruisse patientia. Unde :

*Qui cecidit, stabili non erat ipse gradu.*  
(BOET., *De cons.*, lib. i, metr. 4.)

« Et domus ista quæ cecidit, non erat fundata supra firmam petram (Luc. vi). » Sanctus etiam Bernardus dicebat, quod si immineret gladius capiti suo, crederet se deficere in martyrio; animum tamen patiendi habuit. Nunquid autem tales impatiens judicabuntur? Absit! Sæpe enim patientia lacessita injuriis perit; et sæpe, non habita prius, inter pressuras datur, et crescit : « Occulta enim sunt judicia Dei (Rom. ii). » Patiens igitur est, qui « semetipsum abnegat, et quotidie tollit crucem suam, et sequitur 271 Christum (Luc. ix). » Crux quatuor modis tollitur. Hanc tulit Christus primo super humeros, quasi vestem, ad locum passionis;

secundo Simon Cyrenæus in angaria (Matth. xxvii), forte pro acceleranda passione Domini. Tertio, duobus latrones pro peccatis suis; sed unus eorum pœnam culpæ commutavit in patientiam meritoriam vitæ. Circa quem quinque notanda sunt. Primum quod se ipsum accusavit, dicens : « Nos quidem digna factis recipimus (Luc. xxiii). » — « Sapiens in principio sermonis est accusator sui (Prov. xviii). » Secundum, quod corripuit proximum, qui justum blasphemavit. Tertium, quod justum commendavit, dicens : « Hic autem quid mali fecit? » (Luc. xxiii.) Quartum, quod veniam imploravit : « Memento mei, dum veneris in regnum tuum (ibid.). » Quintum, quod exauditus est in remissione peccatorum sibi facta et de beatitudine in proximo conferenda : « Hodie, » inquit, « mecum eris in paradiso (ibid.). » Hic autem typum gerit cujuslibet pœnitentis, qui in prædictis debet illum imitari. Quarto vicinius sibi tulit Dominus crucem, quia carni suæ confixam, et clavibus consutam pro justitia consummanda. Unde : « Et factus est principatus super humerum ejus (Isa. ix). » Duo extremi modi boni, quia pro justitia. Primus est pœnitentium, per compassionem proximi, per carnis macerationem, per adversorum patientiam, ut dicat pœnitens : « Stigmata Domini Jesu Christi in corpore meo porto (Gal. vi). » Quotidie enim tollo crucem meam et sequor Christum. Hanc modum, ut habeat Ecclesia orat, dicens (Collecta Eccles. feria vi infra hebdom. Passionis) : Præsta, Domine, ut voluntaria castigatione peccata cohibentes, temporalibus pœnis maceremur potius, quam æternis suppliciis deputemur. Hic ure, hic seca. Primus igitur est imperfectorum; eorum scilicet, qui sunt atomus testimoniorum Christi. Extremus est perfectorum, scilicet martyrum, qui sunt « acervus testimonii (Gen. xxxi). » Duo mediis modi portandi mali sunt, nisi quis pœnam culpæ convertat in testimonium patientiæ. In angaria autem portatur crux triplici de causa. Vel pro servili timore, ut servus; vel pro verecundia, ut multi claustrales, qui verentur egredi claustrum propter verba hominum; pro laude etiam humana, ut hypocrita.

Sicut igitur diximus, contra triplicem persecutionem triplex est objicienda patientia. Qui enim verba convicii non sustinet, quomodo damna rei familiaris sustinebit? Qui nec damna, quomodo mortem et tormenta? Ad patientiam verborum etiam philosophus (SENECA, libro *De constantia*) adhortatur, dicens : « Equo animo sustinenda sunt imperitorum convitia, et ad honesta vadenti, contemptus eorum contemnendus est, « ubi contemptus juvat. » Et item : Quid refert an garriones (Vide notas) isti superius an inferius intonen? sicut in posteriori parte, sic fetent et in ore. Ideoque et verba eorum, ut stercorea contemnenda per patientiam. Nec cures si a talibus contemnaris, quia spernere mundum, spernere nullum, spernere sese, spernere se sperni, quatuor hæc bona sunt, sed ultimum majus. De se-

cunda et tertia patientia ait Apostolus ad Hebraeos cap. x : « Spectaculum opprobrii et tribulationibus facti, rapinam bonorum vestrorum suscepistis cum gaudio, cognoscentes **272** vos habere meliorem, et manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est, ut voluntatem Dei facientes, reportetis promissionem. » Et cap. xii, subjungit : « Tantam igitur habentes nos impositam nubem testium, deponentes omne pondus, et circumstans nos peccatum, per patientiam curramus ad propositum nobis certamen, aspicientes in auctorem fidei et consummatorem Jesum, qui proposito sibi gaudio sustinuit crucem, confusione contempta. Recogitate ergo eum, qui talem sustinuit a peccatoribus adversus semetipsum contradictionem, ut non fatigemini, animis vestris deficientes. Nondum enim usque ad sanguinem resististis adversus peccatum repugnantes. » Nondum cum Christo dicere potestis : « Calicem salutaris accipiam (*Psal. cxv*), » cum tamen sola sit digna retributio, ubi sanguis sanguine recompensatur.

Tria autem juvant patientiam gratiæ, scilicet patientia naturalis, quæ est ex strenuitate quadam naturali, consuetudo et promissio præmiorum. Patientia naturali, patientem laborum invenit Alexander exercitum suum (legendus Quintus Curtius, et alii qui gesta Alexandri Magni conscripserunt), cum eum probaret, ducensillum sub torrida zona per diætam sine potu, usque ad fluvium quemdam. De hac etiam ait quidam justus : Homo est animal patientissimum laborum, quod plus ferre potest quam putet; sed facilius tædium nobis omnia fecit difficilia; quæ quia non sint difficilia, ea timemus, sed quia ea timemus, ideo sunt difficilia. Consuetudo etiam maxime juvat. Unde : Quod male fers, assuesce, et leviter feres. Et Tullius in Officiis ait : Eligenda est unicuique ratio vitæ, hanc consuetudo faciet dulciorem et magis tolerabilem. Sed nos ipsos deliciis enervavimus et resolutos fecimus, ut nec etiam Christianos labores et agones tolerare possimus. Maxime autem nobis objici potest, quod patientia gratuita, et pro tanto præmio, non possimus ferre ea quæ perpessi sunt ethnici patientia naturali, et sæpe pro causa inhonesta. Unde philosophus (SENECA, ep. 24) : Exsiliium Metellus fortiter tulit, Rutilius etiam libenter. Alter ut rediret Reipublicæ præstitit, alter reditum suum Sulle negavit, cui nihil tunc negabatur. In carcere Socrates disputavit, et exire (cum essent qui prouitterent fugam) noluit; remansitque ut duarum gravissimarum rerum hominibus metum dederet, mortis et carceris. Mutius ignibus manum apposuit [*m. imposuit*]. Acerbum est uri; quanto acerbius, si id te faciente patiaris? Vides hominem non eruditum, nec ullis præceptis contra mortem aut dolorem subornatum, militari tantum robore instructum, pœnas a se irriti conatus exigentem,

A qui nec ante removit nudis ossibus fluentem manum, quam illi ignis ab hoste subductus est. Facere aliquid in illis castris felicius potuit, nihil fortius. Vide quanto acrior sit ad occupanda pericula virtus, quam crudelitas ad irroganda. Facilius Porsena Mutio ignovit quod voluerat occidere, quam sibi Mutius, quod non occiderit.

Simile verbum invenitur in Legenda B. Vincentii, qui ait : Plus ingenio me posse pati dum torquor, quam possis inferre ipse qui torques. **273** (SENECA, ep. 4) : Difficile est, inquit, animum perdere ad contemptum animæ : quod absit maxime pro honestate! Nonne vides quam ex frivolis causis contemnatur? Alius ante fores amicæ laqueo se suspendit; alius se præcipitavit e tecto, ne dominum stomachantem diutius audiret; alius ne reduceretur a fuga, ferrum adegit in viscera.

Et notandum quod est patientia naturæ, et patientia gratiæ, ut diximus, et patientia culpæ, quæ potius remissio dicitur. Hæc est asinina patientia, ferre scilicet non sustinenda, cui opponitur sancta et bona impatientia : de qua Jeremias inflatus, ait, cap. xx : « Et factus est sermo Domini in corde meo, quasi ignis æstuans, claususque in ossibus meis, et defeci, ferre non sustinens contumelias et terrorem multorum. » De hac dicit Isaias, cap. LXIII : « Et ipsa indignatio auxiliata est mihi. » Ille Phinees percussit pugione coeuntes (*Num. xxv*); hæc Moyses armatus interfecit idololatrias « a porta in portam pergens (*Exod. xxxii*), » ne totus populus periret; hæc Samuel interfecit Amalec, reservatum a Saule contra præceptum Domini (*I Reg. xv*). Hoc zelo Petrus morte percussit Ananiam et Sapphiram (*Act. v*); Simoni etiam Mago maledixit : « Pecunia tua tecum sit in perditionem (*Act. viii*). Hæc Dominus ejecit vendentes et ementes de templo (*Matth. xxi*). Legitur enim : « Zelus domus tuæ comedit me, etc. (*Psal. Lxviii*). » De hoc legitur : « Defectio tenuit me, pro peccatoribus derelinquentibus legem tuam (*Psal. cxviii*). » Et : « Tabescere me fecit zelus meus (*ibid.*). » Et item : « Quis infirmatur, et ego non uror? » etc. (*II Cor. xi*). Et item : « Parati revincere omnem inobedientiam et contradictionem (*II Cor. x*). » Et in Ezechiele (cap. xi) : « Spiritus Domini irruit in me. » Et in Ecclesiastico, cap. ii : « Omne quod tibi applicitum fecerit, » etc. Item ibidem : « Væ his qui perdidērunt sustentiam, » etc. Et Ecclesiaste, cap. vii : « Ne sis velox ad irascendum; » et : « Melior est patiens arrogante. » Parabolarum, cap. xiv : « Qui patiens est, multa gubernatur prudentia. » Ibidem, cap. xvi : « Melior est patiens viro forti, et qui dominatur animo suo expugnatore urbium. » Et : « Melius est humiliari cum militibus, quam dividere spolia cum superbis. » Item Parabolarum, cap. xix : « Doctrina viri per patientiam noscitur. » Ibidem : « Qui impatiens est, sustinebit damnum. » Jacobi, cap. i : « Beatus vir qui suffert tentationem, » etc. Idem, cap. v : « Ecce beatificamus eos qui sustinuerunt, » etc. II Regum, cap. xv : « David nudis pedibus fugit a facie Absa-

lom. » Item cap. xvi, in quo « Sem i maledicit David, et David non patitur se vindicari. »

#### CAPUT CXV.

*De quatuor virtutibus cardinalibus [principalibus].*

Sicut septenarius septem beatitudinum (*Matth. v*) est numerus, et quindenarius quindecim graduum; sic quaternarius perfectus et solidus quatuor cardinalium virtutum est numerus, scilicet prudentiæ, fortitudinis, temperantiæ, 274 et justitiæ. Est autem prudentia prudens et dispositissima electio, qua transitoris æterna, vitii virtutes, exsilio patriam, servituti libertatem præferimus. De qua electione Augustinus ad Macedonium ait (epist. 52): Virtus, inquit, nihil aliud est quam diligere id quod diligendum est. Id autem eligere, quod eligendum est, prudentia est; nullis inde averti molestiis, fortitudo est; nullis illicebis inde averti, temperantia est, nulla superbia inde averti; justitia est.

Porro his paucis ostensa est vitæ perfectio Christiana. Hæc ea quadriga est, quam non habentes hic manentem civitatem futuram inquirunt (*Hebr. xii*).

Beatus quidem curram, quos Thesbites Elias evertens in cælum, mortem distulit, sed non evasit (*IV Reg. ii*). Hic est autem multo beator, quam quisquis ascenderit, « mortem non gustabit in æternum (*Joan. viii*). » Illum quoque figuralem ignem nisi prius hunc ascenderet propheta, non inveniret.

#### CAPUT CXVI.

##### *De prudentia.*

Hujus salutaris vehiculi prima rota et pes, est prudentia, qua diligenda a non diligendis, et a noxiis utilia, separamus. Scire autem distinguere inter prudentiam, discretionem et scientiam, inter septem dona Spiritus sancti, inter opera virtutum, virtutes et radices earum difficillimum est. Omnes enim pariter mellificant mel cælesti; prudentia autem oam virtuti et bono operi se admiscet; omnem circuit, moderatur, modificat, consummat et perficit. Hanc commendans Dominus, ait: « Estote prudentes sicut serpentes, et simplices sicut columbæ (*Matth. x*). Fidelis servus et prudens quem constituit Dominus super familiam suam (*Luc. xii*). Prudentes virgines acceperunt oleum in vasis suis cum lampadibus (*Matth. xxv*); » fatuæ non, quia imprudentes. Et Dominus in Levitico, cap. ii, ait: « Quidquid obtuleris sale condies: in omni oblatione offeres salem. Honor regis judicium diligit (*Psal. xcvi*). » Et Petrus prima Epistola, cap. iv, ait: « Estote itaque prudentes, et vigilate in orationibus. » Et Ecclesiasticus, cap. xx: « Homo prudens placebit magnatibus. » Et Apostolus: « Rationabile sit obsequium vestrum (*Rom. xii*), » ne quid nimis vel parum. Unde Ecclesiaste, cap. vii: « Noli esse justus multum; quia est justus, qui perit in justitia sua. » Et Parabolarum, cap. xviii: « Cor prudens possidebit sapientiam. » Et cap. xvi: « Qui sapiens corde est, appellabitur prudens? » Et cap. ix: « Scientia sanctorum est prudentia. » In concilio etiam sanctorum Pallidorum, cum Macharius in

A simbolo virtutum paritoriam suam apposuisset sobrietatem, alius jejunium et abstinentiam, alius vigiliis crebras, et hujusmodi Antonius, princeps eremitarum, discretionem, qua omnes alie concurrerentur apposuit.

#### 275 CAPUT CXVII.

##### *De fortitudine.*

Scimus autem plerosque virtutem professos, et qui per prudentiam eligendum elegerant, adversitatum defecisse incursu: verbi gratia, filii Israel prudenter elegerunt exire de Ægypto, quia juxta consilium Domini, ejusque præceptis obedire prudenter proposuerunt, sed in deserto sitis molestias impatienter sustinuerunt (*Exod. xvi*). Qui etiam inter hostium incursus, inter injurias itineris ollas carniam desideraverunt, ad pepones et allia Ægypti revertentes (*Num. xi*), cum posteriorum deberent oblivisci, et in anteriora se extendere (*Philip. iii*). Sic plerosque claustrales frangit adversitas, et sicut scriptum invenies, nisi ad nutum cuncta suppetant, minimis quibusque prosternuntur. Quos dum paupertas urit, dum contemptus exeruciat, dum sublimes et splendidos aspiciunt, quos, aut electione fecerunt hæredes, aut lege, ad fastiditas revolant divitias, ademptam sibi gloriam conquærantur, suis invident: et quod magnum susceptæ religionis est dispendium, dum ad modica suspirant, quæ reliquerunt, quanta pro relictis exspectant, non attendunt. Tales profecto bona, quæ diligenda sunt, inutiliter eligunt, dum prædictis exterriti procellis, ad non diligenda mentem reducunt.

Ahibenda est igitur prudentiæ fortitudo, ut ad tenendum, quod prudenter eligimus, insurgentibus molestiis fortissime reluctemur. Hac virtute Paulus stimulo carnis et angelo Satanæ resistebat. Hac in carceribus, hac in omnibus angustiis, quas ad Corinthios enumerat, armabatur, cum dicebat: « Quando enim infirmor, tunc fortior sum (*I Cor. xii*), » et potens. Quæ igitur erit differentia inter patientiam et fortitudinem? Patientia consistit in tolerando adversa, fortitudo in resistendo et agendo contra mala. Hac virtute David in adversis innocentiam servavit, eadem persequenti se Sauli percipit (*I Reg. xxiv*); eadem, audita morte filii sui quem genuit de Bethabee, consolata est, et comedit (*II Reg. xii*). Ad hanc quoque necesse est nos confugere, cum diversis teneamur. Adversis enim usque ad victoriam difficile resistitur, nisi prudentiæ fortitudo copuletur. Hanc Deus commendans, ait: « Estote fortes in bello. Cum fortis armatus custodit atrium suum, in pace sunt omnia que possidet (*Luc. xi*). » Sed « mulierem fortem quis inveniet? Procul et de ultimis finibus pretium ejus (*Prov. xxxi*). — Fortis autem ut mors dilectio (*Cant. viii*). » Et I Petri, cap. v: « Adversarius vester diabolus circumit, quereas quem devoret: cui resistite fortes in fide. » Et Parabolarum, cap. x: Substantia divitis, arbs roboris ejus; et quasi

inurus validus circumlans eum. » Et cap. xii : « Manus fortium dominabitur quæ autem remissa est, tributis serviet. » Et e. x : « Manus fortium parat divitias. » Et Eccli., c. xxx : « Melior est pauper sanus, et fortis viribus, quam dives imbecillis et flagellatus malitia. »

## 276 CAPUT CXVIII.

### *De temperantia.*

His invicem conjunctis temperantia necessario supponitur, virtutem servatura in prosperis, quæ ex fortitudine servata est in adversis. Virtuti nihil æque noxium est, quam voluptatis admistio in concessis. Negligenter cavetur hostis, cujus ingressus pacificus expectatur. Sic plerumque bonum corruit propositum, cum mens minus illecebris adversatur, et refugit, cum prosperitate resolvitur, cum impensam reverentiam diligit, cum insolitis inolesevit. Hoc luxu et lapsu intemperantiæ recessit a Deo dilectus Dei, de quo dicitur : « Incrassatus est dilectus et recessit, et recalcitavit impinguatus, dilatatus, dereliquit Deum factorem suum, et recessit a Deo salutari suo (Deut. xxxii). » Temperantia etiam Dominus, ad instruendum nos, declinavit turbas volentes eum rapere, et statuere eum sibi in regem, recusans oblatæ dignitatis fastigia (Joan. vi). Ne qua igitur oblectamenta fructum tibi religionis extorqueant, temperantiæ lines, tum in illecebris, tum in prosperitate (peta fama, facundia genere, dignitate, opibus, et hujusmodi), tum in virtute et bonis operibus excedere formida. Temperantia siquidem plerumque infra licitum et bonum quiescit, ultra nunquam progreditur : ea si desit, cæteræ virtutes, vel decidunt a summo, vel ad summum non ascendunt, sed sæpe sunt in vitio. Sine hac enim usus cujuslibet virtutis impetus est, non ratio :

. . . . Male cuncta ministrat  
Impetus.

(STATIUS, l. II *Thebaidos*.)

Temperantia metitur vires, et a medio non recedit. Unde et nunc remissa intendit, nunc ardua moderatur ; sic ipsa virtutes perennat, perficit, et ad præmium usque perducit. Per hanc

*Imponit finem sapiens et rebus honestis,*

(JUVEN. sat. vi.)

finem scilicet castigationis. Hæc est enim frenum et fascia matronalis, qua constringuntur et reprimuntur ubera lacte nimis abundantia. Hæc in præfatorum curru tertium sibi locum defendit, preparata adversus luxum, omne superfluum, et atrocissimi occursum voluptatum.

Hæc tibi paulatim succidenda est deliciarum consuetudo, rejicienda obsequiorum, sedulitas festivi cultus et odores peregrini penitus dediscendi. Qui dum tibi apud alios, vel ab aliis apud te male placerent, integritatem vulnerat animorum. Usus agre deliscitur, ab eo autem præcipue difficillimum est revelli, qui multo nos tenuit tempore, multa placuit voluptate, ex quo gravior hostis nos expectat. Hostem appello, frequentatas a cunis delicias, gratiam moriti, sobolis, obsequiorum diligentiam, et

A quæcumque felicitatem temporalem, quæ temperantia castigantur et coercentur, cum incipit **277** homo propter prædicta extolli, sed hoc officium est justitiæ, scilicet cohibere superbiam. Distat tamen inter officium justitiæ, et officium temperantiæ, ob quam etiam homo sæpe superbit, quam superbiam refrenat justitia. Illecebris igitur per temperantiam similiter licitis, ne in his modum excedamus, inutiliter aliquid agendo resistimus. Hæc a quibusdam dicitur sobrietas, ab Apostolo dicitur modestia : « Modestia vestra nota sit omnibus hominibus (Phil. iv). » A quodam sapiente modus, sicut fortitudo a philosopho magnanimitas.

## CAPUT CXIX.

### *De justitia.*

Actum forte putas, et plenam jactas victoriam, si nulla molesta, nulla leta propositum tibi religionis extorserint. Sed male te decipis, et inanem somnias valetudinem, si nondum superbiæ tumores, justitiæ, id est humilitatis (quæ unicuique reddit quod suum est) de se non præsumens, nihil habere proprium, nihil perfectum, et quod habet amittere posse recogitans, cataplasmate supersederunt. Superbia totum virtutis corpus inficitur, vitale columnen emarcescit, formosa quæque deformantur (Vide supra e. X). Superbia natione cælestis, sublimes appetit mentes, et veit ad proprios ortus revolans in gloriam et puritatem hominum irrumpit, quæ a gloria et puritate prorupit angelorum. Ea prius in cælis, dehinc in terris triumphans ; sicut angelis tota innata est, ut ab eis non recederet, sic homines infecit, ut a Deo separaret ; et quæ dejecit angelum et hominem, Deum tentare adjicit, ut quem videbat similis consortem naturæ, consortem faceret et ruinæ. Prima hæc et ultima pernicies ante omnia vitia superavit, et post omnia superatur. Nam postquam fidelis anima de abyso vitiorum emergens, salutare virtutum culmen ascendit, velut ex insidiis prosilit et occurSAT elatio, totum domus Domini ædificium concussura ad ruinam, quod surrexerat ad consummationem. Quid enim perniciosius justo, quam quod justus videri desiderat, et quod ad salutationes in foro hitarescit et exsultat, quod adulatorio favore demulcetur, quod pene dilutens hominem, æqualem se superis metitur et mentitur ; qui dum male gloriatur et præsumit quod non est, in confusionem prosternitur et amittit quod est ; tantoque fit a Deo per parietem superbiæ remotior, quanto sibi videbatur per virtutum celsitudinem propinquior. Unde : « Cadent a latere tuo mille, et decem millia a dextris tuis (Psal. xc). » Vides igitur quanta morum dilapidatio sit superbia, et quam necessaria in bene gestis humilitas. Sine humilitate per prudentiam eligere quod diligendum est, erronea discretio est ; adversa per fortitudinem superare, jactans victoria ; illecebris per temperantiam resistere, temulenta sobrietas. Unde iis necesse est quantum rotam conjugari, **278** quam velut omnium completionem clausulæque virtutum Augustinus (epist. lu) ju-

stitiam nominavit, qua currus Domini, quo ascenditur in cœlum, perficitur, quo perdita ovis ad gregem refertur, quo granum in horreum Domini ducitur vel infertur. Hæc sunt flumina paradisi quatuor (*Gen. 11*), quibus terra cordium nostrorum debriata et rigata, et fructum affert in patientia (*Luc. viii*). et Ili sunt quatuor anguli domus Job (*Job 1*), inquam ventus irruens septem convivantes filios oppressit. Sic et domus conscientie et bonæ voluntatis, fulta quatuor virtutibus, inundante tentatione et irruente in eam, sæpe domum evertit, enecans et suffocans septem dona Spiritus sancti, quæ in ea nutriebantur. In nullo igitur præsumas, sed et fundata domo tua supra firmam petram (*Matth. vii*), pavidus clama cum Petro: « Domine, salvum me fac (*Matth. xiv*). » Et contra omnem tentationem huic funiculo triplici adhæreas, scilicet ut nihil de te præsumas, sed et jacta cogitatum tuum in Dominum (*Psal. liv*). et Nihil de Deo diffidas, sed confirma cor tuum in salutari tuo (*Psal. xii*); nihil in te, sed in Deo, glorieris et exsultes. « Qui gloriatur, in Domino gloriatur (*I Cor. 1*). Absit mihi gloriari, nisi in cruce Domini nostri Jesu Christi! » (*Galat. 1*). De hoc funiculo flagellum memineris faciendum, quo ejiciatur de templo (*Matth. xxi*, pectoris tui sæcularium strepitus, et turba voluptatum, per quod deliciarum prurigo diffugiat, mollities contemnatur, varietas ferculorum despiciatur, gemmarum fulgor et operosa vasa conculcentur, fastus decidat generis et potestatis; reges palatio, cilicium lino, favori contemptus, obsequis injuriæ præferantur. Talibus oblectatus studiis erit tibi fructus laboris Deus, in quo omnia bona consequeris, qui pascet et satiabit te in æterna gloria sua.

#### CAPUT CXX.

##### De veritate.

Diximus supra de facie naturæ, de facie etiam gratiæ, ad quam pertinet Veritas, quam necesse est habere eum, qui Christum auctorem veritatis imitari voluerit. Hæc commendatur in Christo capite, qui de se ait: « Ego sum via, veritas et vita (*Joan. xiv*). » Via in exemplo, veritas in promisso, vita in præmio; vel via conversationis sanctæ, veritas cœlestis et spiritualis doctrinæ, vita beatitudinis æternæ. De eo etiam dicitur: Quia et Veritas de terra orta est, et justitia de cœlo prospexit (*Psal. lxxxiv*). et Et: « Misericordia et veritas obviaverunt sibi (*ibid.*). Propter veritatem præcedentem et mansuetudinem et justitiam (*Psal. xlv*). Principium verborum tuorum veritas, » etc. (*Psal. cxviii*). « Sermo tuus veritas est (*Joan. xvii*). » Verax est Pater, verax est Filius, verax est Spiritus sanctus. « Omnia mandata tua veritas (*Psal. cxviii*); » et: « Veritas tua in circuitu tuo (*Psal. lxxxviii*). » Qui autem mendax est, filius est diaboli auctoris mendacii; sed, o Christe, et perdes omnes qui loquuntur mendacium (*Psal. v*). et Hieronymus (*in comment. ejusdem psal.*): Novam rem audio, scilicet quod Dominus omnia perdet, omnes qui loquuntur menda-

cium. **279** odio habens scelerosos, qui ait: « Iniquos odio habui (*Psal. cxviii*). » Pro veritatis defectu conquerens David, ait: « Salvum me fac, Domine, quoniam defecit sanctus, quoniam diminutæ sunt veritates a filiis hominum, » etc. (*Psal. xi*). Item: « Omnis homo mendax (*Psal. cxv*). » Ad hanc virtutem invitans Ecclesiasticus, ait cap. xxxvii. « Anima viri sancti enutrit aliquando veram quam septem circumspectores sedentes in excelso ad speculandum. In omnibus deprecare altissimum, ut dirigat in veritate viam tuam. » Item: « Ante omnia opera verbum verax præcedat te, et consilium stabile (*ibid.*). » Unde de S. Sebastiano (*Vide Vitam apud Sur. die 20 Januarii*): In sermone verax, in consilio prudens, in commissis fidelis, in omni honestate morum præclarus. Item Ecclesiastici, cap. xxv: « Tres species odit anima mea: pauperem superbum, divitem mendacem, et senem fatuum et insensatum. Beatus qui invenit amicum suum verum. » Item in eodem cap. xli: « Erutescite a patre et matre de fornicatione; et a præsidente, et a potente de mendacio; a principe et a iudice de delicto, » etc. Maxime enim dedecet potentem mendacium. In eodem, cap. xlii: « Omnis homo diligit similem sibi, sicut omne animal simile sibi; » mendax mendacem, verax veracem. Item cap. xv: « Homines autem stulti et mendaces non apprehendent sapientiam, nec erunt memores illius; viri autem veraces invenientur in illa, et successum habebunt usque ad inspectionem Dei. » Item Parabolarum cap. xvi: « Favus mellis verba composita; » veritas autem angulos non quærit; simplicia decent bonitatem. Item, cap. xxix: « Princeps qui libenter audit verba mendacii, omnes ministros habet impios » et mendaces; quia qualis rector civitatis, talis et minister. Item: Post juramentum maxime, major est veritas quam religio. Item juxta verbum sapientis: Mendacium sicut gula vitium est viscosum et hærens. Cæteris enim vitiis sæpe maturior ætas finem imponit, mendacio vero nequaquam, sicut nec gula. Quotidie enim comedimus, quotidie loquimur, et ita facilius quis in hæc vitia labitur et difficillius ea dediscit.

Est autem duplex veritas, dicti scilicet, quæ est in compositione prædicati ad subjectum, ut sic in re sicut dicitur, et hæc est philosophi (*Arist. lib. De interpretat., c. 5*): Et est veritas dicentis, quæ est in proposito dicentis, sive falsum dixerit, sive verum. Sapiens enim pro utilioribus mutat sæpe consilium, ut Apostolus: et hæc est theologi. Secundum hanc dicitur: Verba sacerdotis, aut vera sunt aut sacrilega; vera, veracitate potius quam veritate quæ est prædicati ad subjectum. Sæpe autem aliquis est verus, et non verax, et ideo mendax. Si utrumque potest esse, bene; si non, semper esto verax. Item II ad Corinthios cap. 1: « Cum voluissem venire ad vos et non veni, quoniam quid levitate usus sum? » Absit! Sapientis enim est mutare consilium, etiam quod rationabiliter proposuit,

pro utiliori et honestiori. Non est in me ( est, et non, ) quia ( fidelis est Deus, ) cujus ego imitator ( *I Cor. xi* ), ( et non est in illo, est et non; qui et signavit nos ) veritate, quasi hoc caractere suo nos distinguens ab aliis. Item philosophus: Veritas liberum distinguit, et discernit a servo. Servorum enim mentiri est, non filiorum. Sed nonne omnis homo mendax est? ita tamen a menda. Quia ( si dixerimus quod **280** peccatum non habemus, nos ipsos seducimus, et veritas in nobis non est ( *I Joan. i* ), ) Omnis etiam homo in se mendax est, sed in Deo verax.

Est autem triplex veritas considerata circa rem incomplexam. Est enim veritas incommutabilitas divinæ essentialis, ( apud quam non est transmutatio, neque vicissitudinis obumbratio ( *Jac. i* ); ) et est veritas vel naturæ, ita quod non gratiæ, ut pudicitia, et hujusmodi virtutes.

Virtus philosophi, vera est in veritate naturæ, non gratiæ. Sacramenta etiam hæreticorum collata in forma Ecclesiæ vera sunt sacramentali veritate, non effectiva; sed sacrilegum, ab effectu, panem comedunt, et hujusmodi. Est et veritas gratiæ condita charitates. Et hæc duplex veritas, si potest, ad primam semper referri debet. Cum igitur veritas potissimum signum sit Christianæ religionis, summopere cavendum est et attendendum, ne vel in nobis, vel in aliis extinguatur. ( Spiritum nolite extinguere ( *I Thess. v* ). ) Quia etiam Socratico decreto non minus peccatum est tacere veritatem, quam loqui falsitatem, sed sæpe majus pro loco et tempore, ut in correptione proximi, in testimonio ferendo; quod non advertunt advocati prohibentes clientes suos in narratione sua simplicem et nudam veritatem pronuntiare, eam in parte subicere docentes, partem colorantes. Item, III Epist. Joan.; item, prima, cap. III; item Eccli., cap. xxiv et xxvii.

### CAPUT CXXI.

#### *De sancta et bona violentia.*

Veritati adjungenda est sancta violentia, qua nos, et proximos, sicut veritatem loquendo, a faucibus iniqui hostis eripimus, mundum et carnem, in eo qui vicit mundum ( *Joan. xvi* ), vincimus. Hanc D ut valde necessariam omni fidei, tum propter se, tum propter proximum commendans Dominus in Evangelio, ait: ( Regnum cælorum vim patitur, et violenti rapiunt illud ( *Matth. xi* ). ) Hieronymus ( In idem caput secundum sensum et tota ep. 24, falso ei ascripta ): Quæ major violentia, quam quod caro vult esse quod spiritus; homo Deus, et caro fragilis in loco, a quo decidit angelica natura et cælestis? Idem: Esto igitur præbo regni cælorum, non pauperum animarum, non pecuniarum et muscarum. Item Dominus: ( Cum fortis armatus custodit atrium suum in pace sunt ea que possidet ( *Luc. xi* ). ) Item Genesis, cap. xlix: ( Benjamin lupus rapax in se

A comedet prædam, et vesperi dividet spolia. ) Diversos ministros in Ecclesia, in diversis gradibus et officiis instituendo. Item ( *Psal. lxxvii* ): ( Rex virtutum, dilecti, dilecti et speciei domus dividere spolia. ) Item Numeri, cap. xxxiii: ( Ecce populus ) hic ( ut læna, quasi leo erigetur. Non accubabit, donec ) catulus leonis ( devoret prædam, et occisorum sanguinem libat, ) incorporando eos Christo et Ecclesiæ cum Petro, cui dictum est: ( Macta in mandatis et manduca ( *Act. x* ): ) mandata trajiciendo in corpus Ecclesiæ. Occide **281** et vivifica, vel donec sanguinem occisorum bibat, id est peccata interfectorum a diabolo destruat. Quod enim bibitur, consumitur, et a statu suo priore recedit. In hoc etiam verbo, nota quanta debet esse sitis et aviditas deprædandi diabolum et eripiendi te, et proximum a faucibus ejus, maxime si prælatus es, si litteratus et instructus. Sed et quilibet hanc sitim habere debet. In hoc autem nomine, ( læna, ) feminini generis, nota maternum affectum; in hoc nomine, ( leo, ) verbera patris. Catulus leonis ex rugitu patris excitatur. Sed et Dominus modo prosperis nos demulcet, modo adversis, et rugitu, et tonitruo comminationum gehennæ nos deterret, et excitat a torpore, cujus singula verba sunt super singula tonitrua.

Item Isaias, cap. ix: ( Quia omnis violenta prædatio cum tumultu, et vestimentum mistum sanguine, erit in combustionem, et cibus ignis. ) Sancta autem violentia filia est fortitudinis, unde et aptius ei haberet subjungi, ut qua vincimus mundum, scilicet occupationes sæculi, prospera et adversa; diabolum etiam, scilicet ( spirituales nequities ( *Ephes. vi* ), ) invidiam, etc., carnem quoque, scilicet illecebras carnis, ( crucifigentes eam cum vitii et concupiscentiis suis ( *Galat. v* ). ) Et stigmata Domini Jesu portantes in corporibus nostris ( *Galat. vi* ), ) violentiam violentiæ opposcentes. Unde in *Psal. cxxxvi*: ( Filia Babylonis misera, ) sed ( beatus ) poenitens, ( qui retribuet tibi retributionem, ) et vicissitudinem, ( tuam, quam retribuisti nobis! ) contraria contrariis curans, risum fletu, gulam abstinentia, et sic deinceps retribuens carni dura contra suavia, quæ appetit.

( Beatus enim qui tenebit et allidet, ) ne silvescant et grandescant, ( parvulos suos, ) primarios motus ( ad petram ) Christum ( *I Cor. x* ); ne vulpes parvæ demoliantur vineam Domini Sabaoth ( *Cant. ii* ). Et confringes capita draconis in aquis ( *Psal. lxxiii* ), et conteres caput serpentis insidiantis calcaneo tuo ( *Gen. iii* ), ut sit ( castigatio tua in matutinis ( *Psal. lxxii* ). ) quia:

. . . . Sero medicina paratur  
Dum mala per longas invaluerunt moras.  
( *OVID., l. i. De remedio amoris.* )

( *GREG. I. II Dial. c. 2.* ) Hac sancta violentia usus est beatus Benedictus projiciens se in urticas, ut dolorem dolore compesceret et superaret. Hac usus



est martyr ille qui sibi abscidit linguam, ut sanguinolentam projiceret in os meretricis, et sic libidinem vinceret. De hac multa alia poteris colligere sanctorum exempla.

(*HIER. in Vita Pauli eremitæ.*) Hæc etiam sancta violentia extenditur usque ad ipsum Deum, ut cum eo homo, sed pie, audeat congregari. Unde et Jacob luctamen cum angelo iniisse memoratur, sed Jacob vicit, unde et hoc nomen « Israel » ei datum est (*Gen. xxxii*). Et angelus succubuit, quasi ne timeas Esau fratrem tuum, qui Deum vincis in certamine. Nos autem in his quæ de Deo mente comprehendimus, quodam modo superamus; in his vero quæ comprehendere non possumus, indubitanter subjaceamus. Ut ergo verbis B. Gregorii utar (lib. ii in *Ezech.*, hom. 14): Jacob luctatur, et vincitur angelus, quando intellectu intimo apprehenditur Deus; luctatur et succumbit, quia lumen incircumscriptum, dum comprehendere nititur, deficit. Et **282** notandum quod Jacob licet in lucta superante, tamen nervum femoris ejus angelus tangit et arescit, quia, dum mens in contemplatione divinas apprehendit delicias ex earum desiderio carnis affectus emarcescit. Gustato enim spiritu, omnis caro desipit; arfacto autem uno nervo, pes unus incolumis manet, alter languet, quia mortificata in nobis carnis concupiscentia convalescit pes dexter, quo ad Deum dirigimur, infirmatur sinister, quo a Deo declinamus. In quo etiam notandum puto quod percussus in femore Jacobsano pedi firmius innititur, infirmus autem nec totus adhæret terræ, nec a terra totus elevatur, quia Jacob eo parum sustentatur, quia parum a terra tangitur, et parum suspenditur. Languescite enim in nobis rerum dilectione, vel delectatione sæcularium, parti earum innitimur pro natura, suspendimur a reliquis pro corona. In illa necessitatis est quod appetimus, in his consilii quod vitamus. « Vanitati enim creatura subjecta est: non volens, sed propter eum, qui subiecit eam in spe (*Rom. viii*). » Et: « Omnis qui in agone contendit, ab omnibus se abstinet (*II Cor. ix*). » In futuro autem exsiccatis nostræ mortalitatis illecebris, totus homo erectus, divino amori incumbet et adhærebit, sed nullus, nisi qui prius hic claudicaverit bona claudicatione, ibi sic erigetur.

Est autem triplex claudicatio mortalis culpæ. Sic claudicat qui recipit unum testamentum sine reliquo, ut Ebionitæ novum sine veteri, vel qui Deum colit pro temporalibus et æternis. Unde: « Quousque claudicatis in duas partes? Si Deus est Baal, adoretis eum, » etc. (*III Reg. xviii*). Non potestis duobus dominis servire (*Luc. xvi*). Non potestis intrare terram duabus viis (*Eccli. ii*). Pallium breve est, utrumque operire non potest (*Isa. xxviii*). Propter hujusmodi claudicationem vitandam, ait Apostolus: « Erigite genna dissoluta et manus vestras remissas: ad Deum, et ne quis claudicans erret, magis autem sanetur (*Hebr. xii*). » Est et claudicatio infirmitatis humanæ et ficta. Hæc claudicant conjugati, qui

A non utroque pede, et ut virgines sequuntur Agnna (*Apoc. xiv*): » quia non illa excellentissima integritate corporis, quam habent virgines, etsi integritate mentis. Est et claudicatio virtutis et gratiæ, qua et claudicavit Jacob (*Gen. xxxii*), et illi qui temporalibus utuntur solum pro natura, et a reliquis se suspendunt pro corona.

## CAPUT CXXII.

### De obedientia.

Multiplex est et facies euntis in Jerusalem (*Luc. ix*), et una, sicut et una constat Ecclesia ex personis multarum facierum, multiplex in pluralitate effectuum et operum virtutum, una autem in radice earum. Habita enim una, habentur et omnes. Non enim in cithara spirituali, sicut nec in materiali, una chorda concorditer sine aliis resonat. Inter has facies excellens est obedientia, sine qua non itur in Jerusalem. Est autem obedientia justæ rei obtemperatio, **283** vel obedientia est animi deliberantis, honeste, justæ jussionis effectus, vel exsecutio jussionis « Dei » per sacram Scripturam: « hominis, » per prælationem et dignitatem, et impositi super capita nostra (*Psal. lxy*). Hujus virtutis exemplum et imitationem habemus in Christo capite, de cuius obedientia Apostolus scribens I ad Corinthios, cap. xv, ait: « Sicut portavimus imaginem terreni hominis, Adæ, et portemus et imaginem, et stigmata et cælestis » per obedientiam. De qua ad Philipenses, cap. ii, ait idem Apostolus: « Hoc sentite in vobis, quod et in Christo Jesu, qui cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens, in similitudinem hominum factus, et habitu inventus ut homo. » Nota humilitatem, quæ est mater obedientiæ ipsam concipiens et generans. Unde sequitur: « Humiliavit semetipsum factus obediens usque ad mortem, mortem autem crucis. » Nota patientiam, quæ nutritrix est obedientiæ ipsam fovens, bajulans et supportans. Et cum convenientius dici videretur: « Id sentite in vobis quod et in Christo Jesu, » non tantum relative sed demonstrative hoc dixit ut esset demonstratio ad oculum, quia Christus et inter homines visus est, et cum hominibus conversatus est (*Baruch iii*), et etiam ad intellectum propter rei absentiam.

Item: Cum multa sint, quæ possumus « sentire in Christo Jesu, » sicut in eo, et in quo sunt omnes thesauri sapientiæ et scientiæ absconditi (*Coloss. ii*), singulariter tamen ait, « hoc » non « hæc, » singularitatem hanc referens ad modicitatem nostram. Quasi diceret: Si non potestis habere tantam humilitatem, obedientiam, patientiam, quantum Christus habuit, saltem « Hoc sentite in vobis », quod et illo, scilicet, ut hoc modicum humilitatis, obedientiæ et patientiæ habeatis, sicut illum timeatis, illique obediatis. Unde Ecclesiasticus (cap. vii): « Qui Deum timet, nihil negligit, » nihil contemnit, sed Deo in omnibus obedit. Item, I Reg., cap. xv; Samuel ad Saulem: « Nunquid vult Do-

minus holocausta et victimas, et non potius, ut obediatur voci Domini? Melior est, inquit, obedientia quam victimæ, et auscultare magis quam offerre adipem arietum. Quoniam quasi peccatum ariolandi est repugnare, et quasi scelus idololatriæ nolle acquiescere. » Est autem triplex obedientia, necessaria, abundans et perniciosea. Necessaria, in his quæ ad salutem, ut in præceptione divinorum mandatorum, et in injunctioe pœnitentiæ salutaris. Utrum autem in præceptione alicujus ad utilitatem publicam spectantis, puta itineris arripiendi Romanam pro Ecclesia, suscipiendi ordinis, et hujusmodi teneamur obedire majori, cum dicat Gregorius (in *Pastorali* part. 1, c. 6 et 7) : Pollens virtutibus, non nisi coactus promoveatur vel ordinetur; non pollens, nec coactus. Et David : « Voluntarie sacrificabo tibi (*Psal. LIII*). » Et sponsa in Canticis : « Lavi pedes meos, quomodo inquinabo eos? » (*Cant. v.*) Nec affirmo nec nego. Veruntamen si in hujusmodi contigerit tibi aliquid præcipi, satage, et elabora liberari ab obnoxietate præcepti implendi, ne scrupulus tibi generetur in conscientia. Abundans est, cum obedimus in his quæ non tenentur major præcipere. Raro autem aliquid præcipere debemus, ne transgressores multos constituamus. Utrum autem in temporalibus **284** dandis teneamur obedire majori, quæstio est, cum dicat Dominus : « Quæ dicunt, » pertinentia ad cathedram, « facite (*Matth. xxiii*). » Tutius tamen est in his obedire, sicut et ecclesiasticum beneficium relinquere, quam cum scrupulo conscientiæ possidere. Maxime ad hoc quod **S. Hugo abbas Cluniacensis** a constructione monasterii imperfecti in Hispaniis, recessit propter obedientiam exhibitam fratribus eum revocantibus. Propter quam semper habitam ante oculos, purima bona intermisit, omnibus præferens bonum obedientiæ. Idem fecit et monachus ille abbas Clarevallensis [*al. Cisterciensis*], et alii plures sancti servantes obedientiam, etiam in his quæ vicinabantur peccato. Perniciosea consistit, et in manifeste malis, et obviantibus præceptis divinis vel in his quæ non sunt mala, ex his tamen de facili sequitur ruina. Unde nec in his obediendum, quemadmodum nec ea, quæ faciunt ad veritatem, eam juvando et fovendo, licet non sint veritas, relinquenda sunt pro scandalo, sicut nec plana veritas : « Qui enim minima spernit vaulatim decidet (*Eccli. xix*). »

Sed quæritur si in præceptione implendorum consiliorum teneamur obedire majori? Non. Nec ipse hoc potest præcipere alicui (nisi obligato voto vel sacramento) hoc implere; in quo casu tenetur præcipere ei, ut votum impleat. Item quæritur, si ministerium meum, ego episcopus, decanus et hujusmodi, teneor exhibere domino pape præcipienti, ut indignus aliquis ordinetur a me, præbendetur, et hujusmodi? Item : Utrum clerici teneantur esse magis obnoxii et obedientes suis prelati, an conversi, et monachi suis abbatibus? Dico quod mona-

A chi et conversi magis suis abbatibus, propter majorem eorum perfectionem, quæ magis eos obligat obedientiæ, et in pluribus, quam nos obedientiæ prelatorum. Item : Gregorius respondet *Moralium* lib. xxxv, cap. 10 : Sciendum nunquam per obedientiam fieri malum, aliquando autem debet per obedientiam bonum, quod agitur, intermittere. Item, Deut., cap. xiii; item, Ecclesiastæ, cap. iv : « Custodi pedem tuum ingrediens domum Dei, et appropinqua ut audias. Multo enim melior est obedientia, quam stultorum victimæ, qui nesciunt quid faciunt mali. » Item Beda super Ecclesiastem, cap. ix : « Quodcumque boni potest manus tua facere, instanter operare. » Obedientia enim est sine mora. Item, Act., c. ix : « Ecce ego, Domine. » Obedientia moram nescit. Item B. Petrus I Epist., cap. 1.

### CAPUT CXXXIII.

#### De magnanimitate.

Ad hanc faciem pertinet etiam magnanimitas, quæ est in resistendo adversariis Ecclesiæ fortitudo in tolerando patienter diversa. Hæc maxime prelatorum est, qui magnanimi dicunt : « Non possumus non eloqui, quæ audivimus **285** et scimus (*Act. iv*). » De his igitur : « Spiritualis homo omnia dijudicat, et a nemine judicatur (*I Cor. ii*) ; » quia « ubi spiritus Domini, ibi libertas (*II Cor. iii*). » Hos magnificat Deus in conspectu regum. His dicitur a Domino in Josue (cap. 1) : « Confortare, et esto robustus valde, ut custodias et facias omnem legem, quam præcepit tibi Moyses servus meus; nec declines ab ea ad dextram vel ad sinistram. » Notabiliter etiam notandum, quod cum dicitur ei « confortare, » etc., ut magnanimitatem habeat in animo, in verbo, in opere. Hanc commendans philosophus, ait (*apud Sen. lib. De iv virtutibus*, c. 2) : Cogita nihil esse laudabile præter animum, cui magno nihil est magnum. Item Hieronymus super Ezechielem (tom. V) : Magna fides, grandis prophetarum audacia, quia magnus est Daniel, qui ad presbyterum, jungentem adulterio homicidium, ausus est dicere : « Semen Chanaan et non Juda, » cum adhuc puer esset (cap. xiii). Et Isaias qui clamat (cap. 1) : « Audite verbum Domini, principes Sodomorum, percipite auribus legem Dei nostri, populus Gomorrhæ. » Magnus quoque Ezechiel qui totam urbem Jerusalem ignobilitatis arguit, dicens (cap. xvi) : « Radix tua, et generatio tua de terra Chanaan : pater tuus Amorrhæus et mater tua Cethæa. » Quam etiam meretrici et adulteræ comparat. Hanc etiam grammatici quidam interpretati sunt in B. Thoma (*scil. Cantuariensi*) fuisse tempestatem. Hanc autem virtutem circumstant et perimunt pusillanimitas et tempestas. A quibus liberari orans Propheta, ait : « Libera me a pusillanimitate spiritus et tempestate (*Psal. lvi*). » Pusillanimitas mercenariorum est, qui sunt « canes muti, non valentes latrare (*Isa. lvi*), » qui se non opponunt murum pro domo Dei, qui non stant ex adverso in die prælii (*Ezech. xiii*); sicut filii Ephrem intendentes et mittentes arcum, sed conversi sunt in die belli

*Psal.* LXXVII), quia non quærunt nisi lac et lanam (*Prov.* xxxi), quæ nolunt amittere; et quorum non sunt oves propriæ, et ideo fugiunt videntes lupum venientem, » etc. (*Joan.* x.) Pusillanimitas ergo consistit in non resistendo, in non arguendo cum necesse est. Tempestas vero fatuorum est, quæ et impetuositas animi dici potest, et consistit in redarguendo, nulla observata circumstantia temporis, personæ, qualitatis dicendorum et hujusmodi. Magnanimitas mater est fortitudinis, quæ patientiæ, quæ nutrix est et probatio omnium virtutum. Hæc, attestante B. Hieronymo (In fine epitaphii Paulæ matris ad Eustochium totam hist. Athanasius describit), peperit rosas martyrum, et victoriosas coronas confessorum. Hæc sancti resistere hæreticis, contradixere tyrannis. Hæc Athanasius in persecutione hæreticorum et principum non defecit. Hæc eremita egrediens e cellula Athanasium sanctum, innocentem et iustum publice proclamavit. Hæc Romanus ad martyrium ecurrit clamans : Christianus ego sum. Hæc Antonius macilentum longumque collum extendit, gladioque submittere voluit. Hæc Urbanus bis factus est confessor. Hæc ille parricidius satrapæ Juliani quærenti quid ageret pannosus ejus Galilæus, an scilicet dormiret, sterneret, vigilaret, vel comederet, respondit : Loculum parat, foveamque fodit tuo apostatæ Juliano, in qua sepeliatur in inferno. Hæc Nicolaus tres pueros morti adlictos eripuit eorumque innocentiam probavit. Hæc Ambrosius Theodosium ab ecclesia abiecit, et excommunicavit, eo quod plurimos **286** justos involverat ejus edictum cum impiis, Thessalonicæ. Hæc Phinees percussit eocuntes (*Num.* xxv) et cessavit quassatio (*Psal.* cv.) Propter hanc ait Cyprianus : Episcopus si timet, actum est de eo. Hanc exercitium, labor et perpressio adversitatum juvant, confovent, roborant. Hæc enim ingenuos animos et magnos faciunt otium et quies, pusillos et remissos. Oculus enim degens sub umbra, cito caligat sub sole. Unde Dionysius non est veritus expetere feritatem incredulæ gentis, quia virtutem suam præteritarum pœnarum recordatio roborabat. Et philosophus ait (*SENEC.* epist. 15) (*RUFFIN.* *Hist. eccl.* lib. x, c. 15, 16, 17; *EUSEB.* lib. viii, *Hist. eccl.*, l. c. 12) : Multum tibi animi esse scio. Nam etiam antequam instrueres te præceptis salutaribus, et dura vincenibus, satis adversus fortunam placebas tibi, multo magis postquam cum illa manum conseruisti, viresque expertus es tuas, quæ nunquam dare certam fiduciam sui possunt, nisi cum multæ difficultates hinc et illinc apparuerint, aliquando vero et propius accesserint. Sic verus ille magnus animus, et in alienum non venturus arbitrium, probatur. Hæc ejus obrussa est, quasi instrumentum probatorium. Non potest athleta magnos spiritus ad certamen afferre, qui nunquam sugillatus est. Ille qui sanguinem suum vidit, ejus dentes crepuerunt sub pugno; ille qui supplantatus adversarium toto tulit corpore, nec

A projecit animum projectus; qui quoties cecidit, contumacior resurrexit, cum magna spe descendit ad pugnam. Multum enim adjicit sibi virtus probata, duraque experta et injuriis lacessita.

## CAPUT CXXIV.

*De oratione.*

Inter opera virtutum maximum est orare; et potissimum signum et faciei euntis in Jerusalem (*Luc.* ix), » est frequentem et assiduum esse in oratione; vage vero mentis et instabilis in ea non posse diutius immorari. Ut autem testatur Augustinus (*Aug.*, in *Psal.* LXXXV) hoc idem probans ex intimis sacræ Scripturæ locis, duo sunt opera excellentissima et specialia viri religiose viventis et maxime in claustris viventis, scilicet : orare et legere. Quorum B utrumque bonum est si potest fieri; si non, melius et utilius est orare. Qui orat loquitur cum Deo de salute; qui legit, Deus cum eo loquitur. Dominus autem commendans in Evangelio orationem, ait : « Hoc genus dæmonii non potest exire, nisi in oratione et jejuniis (*Marc.* ix); » hoc est in abstinentia a malo, et devotione orationis quæ nutritura est animi in bono. Et licet dicatur esse oratio, omne opus bonum, secundum illud non desinit orare, qui non cessat bene agere; hic tamen specificatur et refringitur nomen, ut dicatur oratio pius animi affectus, vel motus ad Deum, qui ne pigritetur, quandoque prurrit in vocem. Quam etiam commendans David ait : « Pro eo ut me diligerent, detrahebant mihi, ego autem orabam (*Psal.* cvii); » quasi in omni tribulatione **287** mea confugi ad orationem. Et item *Psal.* xxxiv : « Surgentes testes iniqui, quæ ignorabam interrogabant me. Retribuebant mihi mala pro bonis, sterilitatem animæ meæ. Ego autem cum mihi molesti essent, induebar cilicio, humiliabam in jejuniis animam meam, et oratio mea in sinu meo convertetur. » Qua armatus quis, potens est resistere omni tentationi et adversitati. Hæc armatus Martinus omnem pestem et omne nocivum fugabat. Ad hanc ut ad solita arma confugit, cum domus, cum etiam lectus ejus mollior et suavior solito accenderetur. Qua novissime, cum non pateret ei exitus, ad terram genibus provolutus ignem exstinxit. Hic in orationis opere, adeo se totum exhibuit, quod oculis ac manibus semper in cælum intentus, etiam moriens, spiritum ad oratione invictum non relaxabat. Paulus primus eremita (vide vitam ejus quam S. Hieronymus scripsit) mortuus orabat, quia signum orantis ore ac manibus ad cælum erectis habuit, cum inveniretur sanctum cadaver ejus appodiatum, et innixum arbori a sancto Antonio, de quo ait : Patet quam assidue, quantumque oraret Deum vivus, qui eum non desinit orare mortuus.

## CAPUT CXXV.

*De effectu orationis.*

Quantus autem sit orationis effectus, vide et perpende in secretioribus Dei, quæ sola oratione nobis manifestantur et aperiuntur. Oratione enim facta in cœnaculo, cum esset Petrus in Joppen, vidit discum

appensum quatuor initiis, de cælo, plenum reptilibus, dictumque est ei : « Macta et manduca (*Act. x*). » Oratione Cornelius ductus est ad Petrum cum apparuit ei angelus, dicens : « Corneli, exaudite sunt orationes tuæ, et elemosynæ tuæ acceptæ sunt ante Deum. Mitte et accersi Simonem, etc. (*ibid.*) » Item Ecclesiasticus cap. xxxv : « Oratio humiliantis se nubes penetrabit, et donec appropinquet non consolabitur, et non discedet, donec aspiciat Altissimus. » Item idem cap. xviii : « Non impediari orare semper. » Unde Apostolus : « Sine intermissione orate (*I Thess. v*). » Item Lucæ cap. iii : « Jesu baptizato et orante, apertum est cælum ; » orante etiam Martino. Cælum sacræ Scripturæ apertum est Hilario disputanti de Trinitate et confutanti hæreticos. Item Lucæ cap. ix : « Assumpsit Jesus Petrum, et Jacobum, et Joannem, et ascendit in montem ut oraret, et facta est, dum oraret, facies ejus altera, et vestitus ejus albus et refulgens. » Idem, cap. xi : « Amice, comoda mihi tres paues, quoniam amicus meus de via ad me venit, et non habeo quod ponam ante illum. Et ille deintus respondens, dicat : Noli mihi molestus esse, jam ostium clausum est, et pueri mei necum sunt in cubili. Et ille, si perseveraverit pulsans : dico vobis, et si non dabit illi, » tamen statim « surgens eo quod amicus ejus sit ; propter improbitatem tamen ejus surget, et dabit illi quotquot habet necessarios. Et ego dico vobis, petite et dabitur vobis, **288** quærite et invenietis, pulsate et aperietur vobis. Omnis enim qui petit accipit, et qui quærit invenit, et pulsanti aperietur. » Ambrosius (in c. xi *Lucæ*) : Nemo timeat ne excitet dormientem, quem scit semper orare vigilantem. Et Beda ait (lib. iv in *Lucam*, c. xxvii) : Si amicus homo surgit, et dat, non amicitia, sed tædio compulsus, quanto magis dat Deus, qui sine tædio largissimus donat quod petitur ? Item Dominus discipulis in Luc. c. xviii : « Dico quoniam oportet semper orare, et non deficere. » Et proposuit eis parabolam de iudice iniquo, et vidua improba petente improbe vel importune ab eo vindicari de adversario suo, quam et exaudivit. Unde Dominus subjungit : « Audite quid iudex iniquitatis dicit » et facit : « Deus autem non faciet vindictam electorum suorum clamantium ad se die ac nocte, et patientiam habebit in illis. Dico autem vobis quia cito faciet vindictam illorum » electorum. Per hunc iudicem iniquum (etsi personam Dei nullatenus gerat) potest conjici, quantum Deus justus et bonus curet deprecantes se, cum nec homo injustus, eos qui illum assiduis precibus quærent, vel propter tædium devitandum, potest contemnere. Item, Apostolus semper erat memor subditorum, etiam in cunctis orationibus pro eis orans (*Philip. i*). Idem, oratione subditorum se credebatur esse reddendum illis absentibus (*Philem. 22*). Idem (*Ephes. vi*) etiam petit oratione minorum juvari in apertione oris, ad annuntiandum populo verbum Dei. Item Hieronymus Paulæ : In principio, inquit, cujuslibe

operis, præmitte Dominicam Orationem et signum crucis in fronte. Item Augustinus super illum locum Actuum apostolorum cap. xi : « Eram, inquit Petrus, in Joppe orans. » in qua hora et opere Deus non sineret me falli. Ergo nec alium orantem devote. Oratione igitur melius solvuntur et aperiuntur dubia, quam inquisitione alia. Item cap. xii : « Petrus servabatur in carcere, oratio autem fiebat sine intermissione ab Ecclesia ad Deum pro eo. » Patet quantum sit effectus orationis, qui educit Petrum de carcere ; Daniele de lacu leonum (*Dan. vi*) ; Cornelium de infidelitate (*Act. x*), quamplures de morte (*Jac. v*). Hæc cælos claudit et aperit. Item c. ix : Anania, surgens vade in vicium qui vocatur Rectus, et quære in domo Judæ Paulum nomine, Tarsensem, ecce enim orat, etc. Dominus etiam nulli operi ita frequenter et jugiter instabat, sicut orationi, adeo ut sæpe pernoctaret in oratione (*Luc. vi*). Qui etiam instante passione « factus in agonia, prolixius orabat (*Luc. xxii*). » Et discipulis ait : « Vigilate et orate, » quasi vigilantem orate, « ne intretis in tentationem. Spiritus enim promptus est, caro autem infirma (*Matth. xxvi*). » Et in Marco (cap. xiv) ait : « Videte » per spem, « vigilate » per fidem, « et orate » per charitatem. Et tu ergo exemplo, exhortatione, et præcepto Domini admonitus pro nullo alio opere impediari orare ; nec ita ab aliis operibus habearis, quod orationem non habeas. Item Jacobi cap. i : « Si quis vestrum indiget sapientia, postulet a Deo, qui dat omnibus affluenter, et non impropere, et dabitur ei ; postulet autem in fide, nihil hæsitans. » Item cap. v : « Orate pro invicem, ut salvemini. Multum enim valet deprecatio justi » apud Deum « assidua. Oratione enim oravit Elias, ut non plueret super terram ; et non pluit **289** annos tres, et menses sex. Et rursus oravit, et cælum dedit pluviam, et terra dedit fructum suum. » « Item Petrus I epist. c. iii : « In fine autem omnes unanimes » in oratione estote. Item cap. iv : « Estote itaque prudentes et vigilate in orationibus, » etc. Item David : « Benedictus Dominus, qui non amovit orationem meam, et misericordiam suam a me (*Psal. lxxv*) ! » quæ non prius amovebitur, nisi prius amota oratione.

D Item IV Reg. cap. iv : « Cumque orasset Eliseus, aperuit Dominus oculos pueri, » etc. Item super Num. c. xxvii : Orantibus quandoque successores per Deum revelantur, ut Moysi dictum est : « Assume ad temetipsum Jesum filium Nave ; » et B. Martino de B. Briccio.

#### CAPUT CXXVI.

##### *De impediensibus orationem.*

Gratiam autem et assiduitatem orandi impediunt ignavia et accidia. Unde Hieronymus (in c. v *Ep. ad Ephes*) : Malo, inquit, unum psalmum cum hilaritate mentis decantare, quam totum Psalterium cum torpore, fastidio et accidia. (Græc. in *Dialog. l. ii, c. 4.*) Benedictus autem videns quemdam monachum suum ab assiduitate orandi deficere, oravit

ut causa propter quam impediatur, ei monstratur. Orante itaque beato Benedicto, vidit diabolus in specie nigri pueri per caputium retrahere monachum orare volentem. Propter igitur orationis fastidium periculosæ sunt traditiones datæ de multitudine horarum et psalmodiarum decantandarum. Ait enim Jeremias cap. XLVIII: « Maledictus omnis qui facit opus Dei desidiose, » qui indevote orat, iudicium sibi postulat. Item: « Muscæ, » id est vanæ et phantasticæ cogitationes, « morientes, » cum alii vel aliæ succedunt continue, « perdunt suavitatem unguenti (Eccle. x). » Evagrius eremita testatus est, quia difficile est sine impedimento orare, et difficilius sine impedimento psallere. Ergo ad auferenda impedimenta orationis, abigas aves et importunitatem muscarum exemplo Abrahæ (Genes. xv) a sacrificiis Domini « cum flagello facto de funiculis (Joan. II) » virtutum. Excute et tunde mulctrale pectoris tui, ut exeant muscæ: « Intra cubiculum tuum, et clauso ostio, ora Patrem tuum (Matth. VI). » Pone ancillam! ostiariam ad ostium domus tuæ, prudentem, non similem illi, quæ permisit occidi Isboeth. (II Reg. IV) « Averte etiam oculos tuos ne videant vanitatem (Psal. CXVIII), » quia non debemus intueri, quod non licet concupisci.

*Ut vidi, ut perii, ut me malus abstulit error!*

(VIRG. Egl. VIII.)

Mors intravit per fenestram (Jer. IX); Eva vidit pomum pulchrum visu, etc. (Gen. III). « Oculus meus deprædatus est animam meam (Thren. III). » Propterea esto similis Job (cap. XXXI), qui ait: « Pegi fœdus cum oculis meis, » et tu cum omnibus membris fœdus ineas, « crucifixus cum vitis et concupiscentiis (Gal. V), » et contumeliis. Nec ores nisi in cruce positus, exemplo Domini, qui in cruce confixus oravit ad Patrem. Esto imitator Jacobi sanctificati **290** ex utero, qui ex assiduitate et frequentia orandi, habuit genua callosa, contraxit in eis duritiam camelorum. Bartholomæus centies in die et centies in nocte flexit genua ad Deum. « Omne genus dæmonii maxime in oratione et jejuniis ejicitur (Matth. XVII). » Si molestaverit te libido, vel aliud vitium, certum numerum genuflexionum cum litania tibi constitue, et evades omnem tentationem.

Item, notandum quod sæpe id quod petitur, quia non est ad salutem, impedit orationis effectum; sæpe ii, pro quibus petimus, quia indigni sunt. Unde super Lucam, c. XI, et Jerem. c. VII: « Tu ergo noli orare pro populo hoc, nec assumes pro eis laudem et orationem. » Idem cap. XI et XIV; item Judith cap. IV. Bæda super illum locum, Apostolo petenti « stimulum carnis » amoveri dictum est ei a Domino: « Paule, sufficit tibi gratia mea (I Cor. XII). » Item psal. CVIII, super illum versum: « Et oratio ejus fiat in peccatum. » Gregor. (hom. XXV in Evang.). In domo enim Jesu, Jesum non quæritis, si in æternitatis templo importune pro temporalibus oratis.

## CAPUT CXXVII.

### *De vitando juramento.*

Non habet « faciem euntis in Jerusalem (Luc. IX) » assuefactus jurare. Sicut enim « in multiloquio non deerit peccatum (Prov. X), » sic nec in multijurio perjurium. Quod autem omnino sit nobis prohibitum jurare videtur ex verbis Domini in Matth. cap. V: « Audistis quia dictum est antiquis (Exod. XX): Non pejerabis; reddes autem Domino juramenta tua, » per illum, non per idola, non per creaturas jurando: « Ego autem dico vobis non jurare omnino, » etc. Item Jacobus cap. V: « Ante omnia, fratres mei, nolite jurare, neque per cælum, neque per terram, » etc. Item, exemplo discipuli (Is fuit Basilides, de quo Eusebius *Hist. eccl.* I. VI, c. 4; Rufin., cap. 5) Origenis implicati ratiocinibus curiæ. A quo cum exigeretur juramentum de fidelitate villicationis, respondit: Mutatus sum in virum alium; Christianus sum, nec licet mihi omnino jurare: quod si modo licet, quære quid additum sit perfectioni legis. Si dixeris quod Evangelium falsum jurare prohibeat, et hoc idem lex prohibet ibi: « Non mentieris, non falsum testimonium dices. » Si prohibet jurare, non nisi ex necessitate, et ita frequentiam jurandi; et hoc idem lex ibi: « Non assumes nomen Dei tui in vanum; » imo econtra ad imperfectionem nostram, sub Evangelio multo pluries, et frequentius, et in minoribus causis juratur quam sub lege. Si propter utilitatem audientis jurandum est, eo quod habeat auctoritas, cum pigri sint homines credere, licet juramento astruere, id quod utiliter persuadetur; sed de utilitate rei cujusmodi? Non temporalis, sed fidei et spiritualis. In hoc casu licet jurare exemplo Apostoli (I Cor. XV), non autem pro re temporali et caduca. Ita dico, si aliquid additum est perfectioni evangelicæ. Quod autem inducit Apostolus: « Omnis controversiæ **291** finem esse juramentum (Hebr. VI), » non sub persona sua, sed aliorum, hoc ponit. Dominus etiam ait: « Sit sermo vester: Est, est; Non, non; quod amplius est, a malo est (Matth. V), » jurare facientis, non jurantis. Ergo a malo est canonis, qui cogit jurare, quia et testimonium ferre; nec est testis nisi juratus, ergo a malo D cujusunque prælati jurare cogentis, et ita cogi videmur transgredi præceptum Domini.

Item, si omnes alias perfectiones evangelicas ex voto possum suscipere et implere; quare et non similiter hoc consilium perfectionis? Vel, cur hoc observantem statim proclamamus Catharum? Juramentum autem quoddam fit ex obreptione, quoddam ex deliberatione. Primum dicunt esse verbum jocosum, cum tamen videatur esse crimen. Simplex enim verbum per se prolatum, jocosum est: ergo juramentum ei additum, facit illud esse plus quam jocosum. Item, juramentum tres habet comites: veritatem, iudicium et justitiam; sed hoc, hos non habet comites, ergo perjurium est. Sed et in curiis quorundam principum inhibuitur est sub pretio

quinque solidorum in pœnam constituto, ne quis juret per membra Domini. Quidam tamen, quasi caractere et juramento proprio, et execrabili ab aliis distinguuntur. Clericus etiam ludens cum Judæo ex conducto pro pecunia, ne eam raperet Judæus, abstinuit a juramento; dicens ei: Abstinento a juramento, quasi coactus, majores blasphemias locutus sum de Deo in corde quam in ore, si jurare me permisisses. A quo Judæus, tanquam a blasphemo statim recessit. Item Ecclesiasticus sugillans assuefactionem jurandi, ait cap. xxiii: « Jurationi non assuescat os tuum: Multi enim casus » et ruinæ « in illa. Nominatio vero Dei non sit assidua in ore tuo, et nominibus sanctorum non admiscearis, quoniam non eris immunis ab eis. Sicut enim servus interrogatus assidue a livore non minuitur, sic omnis jurans et nominans, » nomen Dei, « in toto a peccato non purgabitur. Vir multum jurans implebitur iniquitate, et non discedet a domo illius plaga; et si frustraverit fratrem, delictum illius super ipsum erit, et si dissimulaverit, delinquet dupliciter; et si in vacuum juraverit, non justificabitur. » In eodem, cap. xxvii: « Loquela multum jurans horripilationem capiti statuet, et irreverentia ipsius obturatio aurium. » Item Sapientiæ cap. xiv: « Injuste jurantes contemnunt justitiam. Non enim jurantium est virtus, sed peccantium pœna perambulat semper injustorum prævaricationem. »

### CAPUT CXXVIII.

#### *De bona simplicitate.*

Sancta simplicitas « facies est » quædam « euntis in Jerusalem (Luc. ix). » Est autem simplicitas virtutis, simplicitas fatuitatis, simplicitas simulationis et hypocrisis. De prima ait Dominus: « Estote prudentes sicut serpentes, et simplices sicut columbæ (Matth. x). » **292** Hanc simplicitatem comitatur prudentia; unde super illum locum Apostoli I Timoth. cap. iii: « Oportet episcopum irreprehensibilem esse, » etc., ait Hieronymus: Prudentem contra eos, qui sub nomine piæ simplicitatis exercent stultitiam sacerdotis. Sed de hac quæritur, an sit eadem cum illa quæ prædicatur in hac: « Si oculus tuus fuerit simplex (Matth. vi), » sine plica scilicet erroris, et plica pravæ dilectionis. Si hoc: igitur omnis simplex omnium virtutum pollet operibus, quia prudens, et discretus in omnibus agendis et omittendis, quanto simplicior, tanto discretior. Econtra videtur quod quanto simplicior, tanto a discretionem remotior et fatuitati vicinior. Unde patet quam magnæ simplicitatis existit Varius episcopus, qui semen verbi divini, posuit in ore Vincentii (in Vita S. Vincentii, quæ exstat apud Surium die 22 Januar.). Alia itaque videtur hujusmodi simplicitas columbina a prædicta, et alia ab ea de qua legitur: « Erat vir nomine Job, simplex et rectus, » et discretus in omnibus viis Domini,

A « et timens Deum (Job i), » ut hic dicatur simplicitas quædam modestia mentis, quæ in vultu etiam refulget, minorque in rebus discretio; ibi dicatur simplicitas pro prudentia et omnimoda discretionem in omnibus. Bona tamen notitia mali, nec potest, nec debet deesse.

Simplicitas autem maxime decet theologum, quia sacra Scriptura amica est simplicitati. Aperta et simplicia decent bonitatem. « Estote parvuli malitia, non sensu (I Cor. xiv); — quasi modo geniti infantes lac concupiscite, rationabiles tamen (I Petr. ii). » Qui « ambulat simpliciter, ambulat confidenter (Prov. x). » Et Sapientiæ cap. i: « Sentite de Domino in bonitate, et in simplicitate cordis quærite illum; » non scrupulosi circa quæstiones, sed magis circa peccata, et eorum circumstantias solliciti. Et Parab. c. ii: « Dominus proteget gradientes simpliciter. » Et in eodem: « Qui recti sunt, habitabunt in terra, et simplices permancebunt in ea. » Item c. ii: « Simplicitas justorum dirigit eos. » Item Ambrosius (lib. De Incarnationis Dominicæ sacramento] c. 9). Major est omnibus ambitiosis mendaciis eloquentia, et flosculis philosophorum æstutia, et versutiis hæreticorum simplex fides veritatis.

De simplicitate fatuitatis dicitur: Nimia simplicitas cognata est fatuitati. Item, Augustinus super illum locum: « Oportet episcopum esse prudentem (I Tim. iii); » ne ita sit simplex quod stultus.

C De simplicitate simulationis dicitur: « Attendite a falsis prophetis (Matth. vii), » etc. Et item:

*Bemissos animo et tacitos vitare memento.*  
(Cato, l. iv, Dist.)

Et item de bona simplicitate II ad Corinthios cap. ix: « Qui autem administrat semen seminanti, et panem ad manducandum præstabit, et multiplicabit semen vestrum, et auget incrementa frugum justitiæ vestræ, ut in omnibus locupletati, abundetis in omnem simplicitatem, quæ operatur per nos gratiarum actionem Deo. »

### 293 CAPUT CXXIX.

#### *De hospitalitate sectanda.*

D Hospitalitas « facies est euntis in Jerusalem (Luc. ix); » puta una filiarum misericordiæ, et inter virtutes gratia eximia, quam non habentibus dicit Dominus in judicio: « Hospes eram, et non collegistis me (Matth. xxv). » Quam etiam commendans Apostolus ait ad Hebræos, cap. xiii: « Hospitalitatem nolite oblivisci. Per hanc enim placuerunt, quidam » Deo « angelis hospitio receptis, » ut Lot, nesciens eos esse angelos (Gen. xix). Et Abraham: « Tres vidit et unum adoravit. » Unde Genesis cap. xviii: « Sedit Abraham in convalle Mambre, in ostio tabernaculi sui, in ipso fervore diei, apparuit ei Dominus. Cumque elevasset oculos, apparuerunt ei tres viri; quos videns cucurrit in occursum, et adoravit in terra, et dixit: Domine, si inveni gra

tiam in oculis tuis, ne transeas servum tuum, sed afferam paucillum aquæ, et laventur pedes vestri, et requiescite sub arbore, ponamque buccellam panis, et confortetur cor vestrum, postea transibitis. ¶ Item cap. xix : « Venerunt duo angeli Sodomam vespere, sedente Lot in foribus civitatis; qui, cum vidisset eos, surrexit et ivit obviam eis, et adoravit pronus in terram, et dixit : Obsecro, Domini, declinate in domum pueri vestri, et manete ibi; lavate pedes vestros et mane proficiscemini. Qui dixerunt : Minime; sed in platea manebimus. Qui compulit eos oppido, ut divertent ad eum; ingressisque domum illius, fecit eis convivium. » Item Apostolus ad Romanos cap. xii : « Hospitalitatem sectantes. » Nota frequentiam per verbum. Item Petrus I epist. cap. iv : « Estote hospitales invicem sine murmuratione; unusquisque sicut accepit gratiam, illam in alterutrum administrantes, sicut boni dispensatores multiformis gratiæ Dei. » Non enim uni operi addicti esse debemus. Item epist. III Joannis : « Charissime, fideliter facis quidquid operaris in fratres, et hoc in peregrinos. » Item : Apostolus enumerans quasi substantias differentias episcopi, ponit hanc : « Oportet episcopum esse hospitem (Tit. ii). » Sed hæc gratia longe ab episcopis et clericis recessit; a laicis etiam, ut jam non nisi cum pretio hospitentur. Item, merito hospitalitatis aperti sunt oculi duorum discipulorum euntium in Emaus, qui prius tenebantur aorisia, et cognoverunt Dominum in fractione panis. Qui cum finxisset se longius ire, coegerunt illum, dicentes : Mane nobiscum, Domine, quoniam advesperascit, et inclinata est jam dies. Et intravit cum illis (Luc. xxiv). » Beda (in c. xxiv Lucæ) cum quibus Veritas gradiebatur; et ad hospitium vocat, imo cogunt. Quo exemplo colligitur, quia peregrini ad hospitium non solum sunt vocandi, sed etiam trahendi. Item, sicut in homilia super hunc locum legitur (sanct. Greg. hom. 39 in Evag. de Martyrio Mon.). Quidam paterfamilias leprosum recepit hospitem, quem in lecto suo posuit, audivitque a Domino, se Dominum in leproso recepisse. Item Josue cap. vi : « Ingreddimini domum mulieris meretricis, et producite eam, et omnia quæ illius sunt, sicut illi juramento firmastis, 294 etc. » Item Hi Regum xvii : « Surge, vade in Sareptam Sidoniorum, etc. » Item IV Regum iv : « Facta est autem quædam dies et transibat Eliseus per Sunam, » etc. Item Judicum cap. iv.

### CAPUT CXXX.

#### De vestiendis nudis.

Sequitur in operibus misericordiæ, de facie nuditatis proximi tegendæ. Unde Dominus : « Nudus eram, et cooperuisti me (Math. xxv), » non tantum hospitio, sed et vestimento, ne illam prohibitionem meam incurreretis : « Cum videris nudum operi eum, et carnem tuam ne despexeris (Isa. lviii), » non operiendo. Hanc gratiam habens Job, ait (cap.

A xxxi) : « Si despexi prætereuntem, eo quod non haberet indumentum, et absque operimento pauperem; si non benedixerint mihi latera ejus, et de vellere ovium mearum calefactus est. » Item Dominus : « Qui habet duas tunicas, det unam non habenti, et qui habet escas, similiter faciat (Luc. iii). » Martinus supererogando pallium cura paupere dimidiavit, imo, quod plus est, unicam tunicam, et totam pauperi dedit (Utrumque fecit, ut est in Vita ejus per Sulpitium Severum). Item Actuum apostolorum cap. ix : « Advéniente Petro, circumsteterunt illum multæ viduæ flentes, » etc.

### CAPUT CXXXI.

#### De visitatione infirmorum et incarceratorum.

B Sequitur : « Infirmus eram, » vel « in carcere, et visitastis me (Math. xxv). » Non tantum visitatione impendendæ necessitatis, et adhibendæ consolationis, sed etiam visitatione liberationis, quæ excellentior est prima. De qua Dominus per David ait : « Domine, quis similis tui, eripiens inopem, et egenum de manu fortiorum ejus (Psal. xxxiv)? » Hæc gratia pollens Job, ait c. xxix : « Pater eram pauperum. Conterebam enim molas iniqui, et de dentibus illius auferebam prædam. » Et David : « Pupillo et orphano, » id est cuiuslibet miserabili personæ, « tu eris adiutor (Psal. cx). » Hæc digniori specie visitationis (Vide cap. CXXXIII), Nicolaus tres pueros morti addictos liberavit; Daniel (cap. xiii), Susannam, pluresque sancti alios innocentes incarceratos.

### 295 CAPUT CXXXII.

#### De sepeliendis mortuis.

Septimum opus misericordiæ legitur apud Tobiam (cap. ii); qui tota die jejunos et famelicus, cum sederet ad mensam in vespera, et audiret quemdam contribulem suum insepultum, surrexit cito, et sub discrimine capitis sui, sepelivit cadaver ejus, totus huic operi deditus. Hæc gratia Antonius (non habens ferramentum, famulantibus et coadjutantibus sibi duobus leonibus) sepelivit Paulum (S. Hier. in Vita Pauli primi eremitæ) inhumatum et appodiatum ad arborem, in modum orantis inveniens. Hæc Zozimas unico leone obsequente D sepelivit cadaver illius sanctæ penitentis Mariæ, scilicet Ægyptiæ. Unde versificator ille :

*Ad tumulum velitur, famulante fera sepelitur*  
(HILDEB. Cœnoman. episc.)

Hoc opus misericordiæ plurimi sanctorum injungere sibi pro penitentia. « Melius est enim ire ad domum luctus, quam ad domum convivii (Eccl. vii). » Sed hæc gratia non tantum sepeliendi, sed et comitandi funera mortuorum usque ad locum sepulcri, hodie fere penitus refrixit, adeo, quod nullus vult memorari novissima sua, ut in æternum non peccet (Eccl. vii).

Sed cum terra ad terram revertatur (Gen. iii), videtur non esse curandum de sepultura mortuorum, quod absit! Hoc enim opere multi Deo pla-

auerunt. Et potius nos iuamur sepeliendo mortuos, quam ipsos, ut non sit sumptuosa sepultura. Ea enim, ut testantur sancti potius est ad aggravanda peccata defuncti, quam in remedia. Melius enim est ut vendantur et dentur pauperibus, quia :

*Cælo tegitur qui non habet urnam.*

(LUCAN. I. VII sub finem.)

*Facilis iactura sepulcri.*

(VIRGIL.)

*Sepelit natura relictos.*

(MÆCENAS.)

Item II Regum in fine fere.

### CAPUT CXXXIII.

#### *De jejuniis.*

Jejunium potissima pars est : faciei euntis in Jerusalem (*Luc. ix.*) Jejunio generali abstinetur ab omni peccato mortali; jejuniis specialibus, de quo hic, a cibo et potu. Hoc consecravit Dominus : jejunans in deserto quadraginta diebus et quadraginta noctibus (*Matth. iv.*) Quod præfiguratur per jejunium Moysi (*Exod. xxiv.*), et jejunium Eliæ (*III Reg. xix.*). De hoc ait Propheta in persona Domini : « Humiliabam in jejuniis animam meam (*Psal. xxxiv.*) » Et Dominus in Evangelio : « Hoc genus dæmonii non potest ejici, nisi in oratione **296** et jejuniis (*Marc. xii.*) » Et Apostolus : « Exhibeamus nos sicut Dei ministros, in multa patientia, in jejuniis, in charitate non ficta (*I Cor. vi.*) » Et Dominus in *Matth. c. vi.* : « Cum autem jejunatis, nolite fieri sicut hypocritarum tristes. Exterminant enim facies suas, ut appareant hominibus jejunantes. Tu autem, cum jejunas, unge caput tuum, et faciem tuam lava, ne videaris hominibus jejunans, sed Patri tuo, » etc. Est autem jejunium avari detestabile, et est jejunium medici indifferens, et est jejunium hypocritarum, et superbi execrabile, de quo supra. Hoc jejunio jejunavit Pharisæus, qui ait : « Jejunio bis in Sab- bato, » etc. (*Luc. xviii.*) Et est jejunium Christiani, in maceratione carnis, siccum et sobrium. Quod quasi describens Hieronymus (in ep. ad Eustochium *De custodia virginitatis*), ait : Biduanis et triduanis præfertur jejuniis venter semper esuriens et sobrius. Joel autem ad hoc jejunium utile nos invitans, ait, cap. ii : « Convertimini ad me in toto corde vestro, in jejuniis, et fletu et planctu; et scindite corda vestra, et non vestimenta vestra. » Et Isaias, cap. lviii : « Quare jejunavimus et non aspexisti, humiliavimus animas nostras, et nescisti? » Respondit : « Ecce in die jejunii vestri invenitur voluntas vestra, et omnes debitores vestros repetitis. Ecce ad lites et contentiones jejunatis, et percutitis pugno impie. Nolite jejunare sicut usque ad hanc diem, ut audiatur in excelso clamor vester. Nunquid tale est jejunium quod elegi, per diem affligere hominem, animam suam? Nunquid contorquere quasi circulum caput suum, et saccum, et cinerem sternere? Nonne hoc est magis jejunium, quod elegi? dissolve colligationes impietatis, solve fasciculos deprimentes, dimitte eos qui confracti sunt fœderos, et omne onus dirumpe, » etc. Item Ecclesiasticus, cap. xxxiv : « Qui baptizatur a

A mortuo, et iterum tangit eum, quid prodest lavatio illius? Sic homo qui jejunat in peccatis suis, et iterum eadem faciens, quid proficit humiliando se? Orationem illius quis exaudiet? » Item Zacharias, cap. vii : « Cum jejunaretis et plangeretis in quinto et septimo per hos septuaginta annos. Nunquid jejunium jejunastis mihi? » etc. Item Jonæ, cap. iii : « Et crediderunt Ninivitarum in Dominum, et prædicaverunt jejunium, et vestiti sunt sacco a majore usque ad minorem, » etc.

Hæc fuit via sanctorum pallidorum et exsanguium tendentium ad patriam. Ut enim testatur Hieronymus (in *Vita sancti Pauli*), Paulus primus eremita semper jejunavit, quousque de cælis sibi panis mitteretur. Qui duplicatus est, cum ad eum veniret Antonius. Cui ille : Eia, frater, comedamus, duplicata est nobis annona. Et, quod incredibile nobis videtur, sanctus Hilarion (Idem in *Vita S. Hilarionis*) quinque carieis in die per quindecim annos contentus fuit. Sed tunc senex et imbecillis frusto panis hordeacei refectus est. Sancta Ægyptiaca quadraginta annis vixit de duobus panibus, et radicibus. Hieronymus (in ep. ad Marcellam, quæ incipit : *Ambrosius*) contentus fuit vili olusculo, pane cribrario et aqua. Sed hoc arctissimum jejunium pro ignavia et corruptione nostra attingere non possumus. Sit ergo nobis jejunium arctum de pane et aqua, ita etiam, ut rationabile sit obsequium nostrum (*Rom. xii.*). Nolumus enim exspoliari, sed supervestiri. Tria enim debentur asino : pabulum, ut sustentetur; virga, ne recalcitret; onus, ut utilis sit domino. De primo dicitur : « Nemo carnem suam **297** odio habuit (*Ephes. v.*) » A Deo enim creata est, non a diabolo, ut dicit Manichæus. Et Apostolus : « Carnis curam feceritis, » ita tamen quod « non in desideriis (*Rom. xiii.*) » De secundo ait idem Apostolus : « Castigo corpus meum, et in servitute redigo, etc. » (*I Cor. ix.*) De tertio idem : « Alter alterius onera portate (*Gal. vi.*) » In primo invenitur naturæ sustentatio, in secundo gratiæ et legis inchoatio, in tertio legis impletio et consummatio. In primo natura, in secundo disciplina, in tertio charitas ad proximum. Sed sobrietas Mahometicorum hodie superat sobrietatem Christianorum. Unde eorum principes Saladinus, audiens Christianos usos esse tribus ferrulis, vel quatuor, ait, tales non esse terra dignos.

### CAPUT CXXXIV.

#### *De suggillatione gastrimargiæ.*

Sobrietatem omnino perimit gastrimargia. Propter quam pestem, ut avertatur a populo Dei orans Propheta, ait : « In campo et freno, » minore et majore constrictione et refrenatione, « maxillas eorum constringe, » parcius dando eis victualia; « qui, » in abundantia, propter gulam, « non approximant ad te (*Psal. xxxi.*) » sed elongantur. Unde et Apostolus ad Romanos cap. xii : « Obsecro vos, fratres, per misericordiam Dei, ut exhibeatis cor-



pora vestra hostiam viventem, sanctam, Deo placentem, rationale obsequium vestrum, et nolite conformari huic sæculo nequam, sed reformamini in novitate sensus vestri. » Et alibi : « Nescitis, quia corpora vestra templum sunt Spiritus sancti? Tollens autem membrum Dei, faciam membrum meretricis? (I Cor. vi.) » Vicina enim sunt venter et genitalia. Et item : « Qui Christi sunt, carnem suam crucifixerunt cum vitis et concupiscentiis, stigmata Domini Jesu portantes in corpore suo (Gal. v, vi), » per abstinentiam, et arma pœnitentium. Sed « et mortis responsum œceperunt (II Cor. i.), » jugiter mortis memoriam habentes, vel mortificationem carnis sibi contra vitia respondentem, juxta illud : « Propter te mortificamur tota die, estimati sumus sicut oves occisionis (Psal. xliii.) » Unde David psalmo xxxii : « Confitemini Domino in cithara, in psalterio decem chordarum psalite illi; » hoc est in carnis mortificatione a qua incipiendum.

Primo itaque domandum est jumentum et infrenandum, ut composito gradu vehat Spiritum sanctum. Unde Gregorius: Ure igne tribulationis pœnitentiæ, primo renes nostros, Dalilam comprimentes, dehinc ure cor nostrum igne Spiritus sancti et tui amoris. Ob hoc etiam Dominus discipulis ait : « Sint lumbi vestri præcincti » primo, « et » post « lucernæ ardentes in manibus vestris (Luc. xii.) » Non nisi lumbis præcinctis Joannes, Jeremias, et alii prædicaverunt. « Nabuzardan » enim princeps coquorum, id est venter ferculorum, primo « destruxit muros Jerusalem (Jerem. lii), » et omnia munimenta animæ Christianæ religionis.

Primo igitur infrenes equum, ne sit tibi « fallax ad salutem (Psal. xxxii), » ne « equum, » et « ascensorem 298 Dominus projiciat in mare (Exod. xv.) » Qui « autem servum delicate paverit, inveniet eum contumacem (Prov. xxix). » Potius doma corpus tuum, ut habeas servum obedientem cum illo, qui ait : « Castigo corpus meum, et in servitute redigo, ne aliis prædicans ipse reprobus inveniar (I Cor. ix.) » Et cum Propheta orante sic : « Confige timore tuo carnes meas, etc. (Psal. xviii.) » Unde Hieronymus super Marcum (in Comment. in c. i) : Andreas, id est virilis est, qui viriliter facit vim perditioni mortis suæ, id est corpori, quod sæpe per fomitem est causa mortis, nisi refrenetur. Vim facit dico, adeo ut : « responsum mortis in se habeat (II Cor. i), » et « animam semper in manibus suis portet (Psal. cxviii.) » Item Exodi cap. xxxii : « Sedit populus manducare et bibere, et surrexerunt ludere, » hoc est idololatrare, quia : « fecerunt vitulum in Oreb et adoraverunt sculptile (Psal. cv.) » Vide ergo quid faciat otium, et cibus alienus, et superfluous : peperit idololatriam, omnem otiositatem, et omnem superbiam, et omnem superstitionem. Unde Dominus : « Cavete ne graventur corda vestra crapula et ebrietate (Luc. xxi); » ne sitis his similes : « Quorum Deus venter est (Phil. iii); » et illis :

A Sunt quibus in solo vivendi causa palato est, qui vivunt ut comedant, nec comedunt ut vivant.

## CAPUT CXXXV.

Contra gulam et ebrietatem.

» Gulam et ebrietatem conjungimus; quia, sicut gula, ita et ebrietas ventrem distendit, carnem accendit, libidinem fovet et nutrit. Unde Lot, quem non vicit Sodoma, vicerunt vina, ut committeret incestum cum filia (Gen. xix). Noe, etiam rectori aræ et præfecto generationibus suis, ebrietas undavit memora (Gen. ix). Habet autem gula quatuor satellites; Quid, quantum, quale, quando. Quid consistit et attenditur in genere edulli; quantum, in quantitate; quale, in condimento cibi, vel salsamenti vel etiam utilitate; quando in temporis maturitate et frequentia. Unde : « Væ terræ cujus rex puer est et principes mane comedunt (Eccle. x.) »

Exsul ab octava Marius bibit, et fruitur diis Iratis

(JUVEN. sat. 1.)

His satellitibus ad majorem irritationem gulæ additur pretium, quia magis illa juvant, quæ pluris emuntur. Sed :

Nec cupias nullum cum sit tibi gobio tantum In loculis.

(Idem, sat. 11.)

Unde Poeta :

Venere protervi  
Lascivique senes, quibus est insignis edendi  
Gloria, corruptasque dapes variasse decorum.  
Qui ventrem invitant pretio, traduntque palato  
299 Sidereas Junonis aves, et si qua loquendi  
Gnara coloratis viridis defertur ab Indis.

Et cum nullo prædictorum irriteretur paterfamilias, sæpe tamen mensæ ejus adest quintus satelles, ortum habens ex superbia et vitis ejus, scilicet ambitio. Unde philosophus (SENEC. ep. 60) : Tauri paucorum jugerum pascuis aluntur, unica silva pluribus elephantis sufficit, homo vero pascitur terra et mari. Cur hoc? Nunquid (licet natura modica dederit nobis corpora vel corpuscula) quia vastorum animalium edacitatem superemus? Minime. Non enim fames ventris nobis magno constat, sed ambitio.

Item philosophus (idem, epist. 89) : Ad vos transeo, quorum profunda et insatiabilis est gula.

Pernicies, et tempestas barathrumque macelli,  
Quidquid quæsierat ventri donarat avaro.

(HORAT. ep. 15, lib. I.)

Hinc maria scrutatur, hinc terras; alia hamis, alia laqueis, alia retium variis generibus, cum magno labore prosequitur. Nullis animalibus, nisi ex fastidio, pax est. Quantulum est quod ex istis epulis, quæ per tot comparatis manus, fesso voluptatibus ore libatis? quantulum ex ista fera periculose capta dominus crudus ac nauseans gustat? quantulum ex tot conchyliis tam longe advectis per istum stomachum inexplabilem labitur? Dico vos infelices esse, quod non intelligitis, majorem vos famem habere quam ventrem.

Item Hieronymus (Ad Furiam De viduitate ser-

*vanda*) : Quidam impinguati et dilatati de patrimonio Crucifixi, dapibus et vino ventrem confundunt et distendunt, ventris officio dissuetum, conversum in saccum; marcidos cibos et putridos ingerunt et egerunt, stomachumque æstantem potione sedant, et relevant, ut Saul aquas bibens singulis noctibus inebriatus, vide in lib. I Regum, cap. xxvi. Quibus, quia nec frugalitas, nec castitas inest, sed patiuntur damna, servorum murmura et dissensiones eorum, qui non ex quanto, sed quantum consumant et devorent attendunt. Quod si Apostolus, o filia, « castigat corpus suum, et in servitutem redigit, ne aliis prædicans ipse reprobus efficeretur (I Cor. ix); » quomodo tu juvenula adhuc in fervore juventutis posita, dapibus et vino plena, de castitate eris secunda? Quod si Vesuvius ardens, si Olympus ignivomus, si Æthna vaporibus plena caloribus ardet; quanto magis juveniles medullæ vino et dapibus plenæ et inflammatae? Unde poeta :

*Vina parant animos faciuntque caloribus aptos.  
Cura fugit multo diluiturque mero.  
Tunc veniunt risus, tunc pauper cornua sumit,  
Tunc dolor et curæ, rugaque frontis abit :  
Cum Venus in vinis, ignis in igne fuit.  
(OVID. lib. I De Arte amandi.)*

Item Deuteronomii cap. xxxi : « Incrassatus est dilectus, et recalcitravit : incrassatus, impinguatus, dilatatus dereliquit Deum factorem suum, et recessit a Deo salutari **300** suo, et oblitus est Domini Creatoris sui. » Item in eodem (cap. viii) : « Cum comederis et saturatus fueris, cave diligenter ne obliviscaris Domini. » Item Jeremias cap. v : « Saturavi eos, et mæchati sunt, in domo meretricis luxuriabantur. Equi amatores in feminas, et emissarii facti sunt : unusquisque ad uxorem proximi sui hinniebat. » Item Osee cap. xiii : « Juxta pacem suam adimpleti sunt, et saturati, et elevaverunt cor suum, et oblitus est mei » « vacæ pingues Samariæ (Amos iv). »

Primo igitur premit corpus, hinc fremit mundus, deinde insidiatur diabolus. Ejiciunt etiam hominem de domo hæc tria. Primo, litigiosa uxor (Prov. xxi; xix), id est carnis tentatio; hinc fumus, peccatum ignorantia; deinde stillicidium, aliena et quæcunque suggestio extrinseca. Primo autem tentat hominem « concupiscentia carnis, hinc concupiscentia oculorum (I Joan. ii), » tandem « superbia vitæ (ibid.). » Item Hieronymus ad Furiam : Magnæ et sollicitæ virtutis est superare quod nata sis in carne, vivere in carne et non secundum carnem, sed supra carnem tecum pugnare quotidie, animamque tuam mundam et impollutam quasi centum oculis Argi custodire (Ovid. in Metam.), inclusumque hostem superare. Etiam poeta mores informans, ait :

*Sine Cerere et Baccho friget Venus.  
(TERENT. in Eunuch.)*

Et abundantia panis causa fuit peccati Sodomorum (Ezech. xvi).

(8) Habetur in Regula titulo de abstinence philosophorum desumptum, ex ep. ad Furiam.

A Patet ergo ex sanctorum auctoritatibus abstinentiam et sobrietatem collactaneas et nutrices esse continentia, gulam vero luxuria. Venter enim mero æstuans de facili labitur in libidinem. Cave tibi, ne prosternaris in convivio inter epulas cum filiabus Job (Job i). Gregorius (lib. II Moral. cap. 9) : In majoris fratris convivio filios Job Satan obruit, non quod illi ventri vacabant, sed tamen quia inter convivia intentio mentis bona minus fervet et minus providet. Samson inter epulas Philisthæos prostravit (Judic. xvi). Nabuchodonosor abutens epulis, et vasis Domini audivit hanc vocem terribilem : *Mæne, techel, phares* (Dan. v), quam secuta est destructio domus ejus. Holopherne ebrietate nimia sopito, Judith abscondit caput (Judith xxiii). Ebrietas hominem sui, et Dei immemorem facit, infinita monstra parit, consilia detegit, non compatitur super contritione. Unde Saul aquas bibens singulis noctibus inebriatus, ut primo Regum, cap. xxvi. Quia quid non ebrietas designat?

*Inguinis et capitis quæ sit distantia nescit.  
(JUVEN. sat. 6.)*

Diabolus gula primos parentes tentavit : « Quacunque die comederitis, eritis sicut dii (Gen. iii). » Deinde Dominum Jesum : « Dic ut lapides isti panes fiant (Matth. iv). » Gula, concupiscentia carnis et libido, sunt vitia adjuncta. Summopere igitur cavenda est gula propter adjuncta, maxime propter libidinem, quia vitium insitum nobis et naturale videtur esse. Unde Hieronymus (8) : Avaritia calcatur a philosophis, et cum marsupio deponitur. Maledicam linguam, indictum silentium emendat, cultus corporis et habitus vestium unius horæ spatium commutantur; omnia alia peccata foris sunt, et quod foris est facile abjicitur. Sola libido **301** insita a Deo ob liberorum creationem si fines suos egressa fuerit, redundat in vitium, et quadam lege naturæ in coitum gestit erumpere.

Item Josue, cap. xi : « Equos eorum subnervavit, » etc. Gastrimargi sunt similes Esau, qui « vendidit primogenita sua propter lenticulam rufam, et amisit benedictionem paternam (Gen. xxv). »

## CAPUT CXXXVI.

### De simpliciter fornicatione.

D Ex gulositate nascuntur fornicatio simplex, adulterium, incestus, et ignominiosa libido, vel turpitudine Sodomorum. Simplex fornicatio est coitus illicitus soluti cum soluta, vel econtrario. Quod crimen maxime detestandum, quia ut ait Apostolus : « Fornicatores et adulteros judicabit Deus (Heb. xiii.) Neque fornicatores neque adulteri intrabunt in regnum Dei (Eph. v). » Hoc vitio, homo dignitatem suam et imaginem Dei amittit, adeo ut totus absorbeatur, terraque efficiatur et de rationali mutetur in reptile et jumentum. De hujusmodi Joel ait : « Putruerunt ut jumenta in stercore suo (Joel. i). » Qui enim fornicatur in corpus suum

peccat (I Cor. vi.) Appetitus fornicationis anxietas est, satiety pœnitentia. Unde qui abscidit sibi linguam ne fornicaretur, ait. Absit ut tanti emam, unde pœnitentiam. Hæc sicut in opere, ita et in voluntate Dominus eam prohibet: « Qui viderit mulierem ad concupiscendam eam, jam mœchatus est in corde suo (Matth. v.) » Unde Daniel propheta (cap. x) vidit virum succinctum lumbos zona aurea. « Joannes vidit virum succinctum manillas lamina aurea (Apoc. i), » quasi, « ure renes meos et cor meum (Psal. xxv.) » Ob hoc maxime fugienda est fornicatio, quia viscosa est, et quod, cum ceteris vitiis possumus luctari, de ea autem dicitur: « Fugite fornicationem (I Cor. vi.) »

### CAPUT CXXXVII.

#### De adulterio.

Adulterium quoddam est simplex, scilicet soluti cum conjugata vel econtrario; quoddam duplex et majus, scilicet conjugati, cum conjugata, vel econverso. Adulterium homicidio videtur esse par erimen. Unde Dominus adulteram, in lege, sine remedio præcepit lapidari (Deut. xvii, xxv). Juxta enim quantitatem peccatorum lex statuit: quantitatem pœnarum. Unde maxime timendum est, ne Ecclesia erret, cum hæc instituta a Domine non observet. Item Augustinus (9): Adulteri secundum locum tenent apud inferos, primum incestuosi, et negantes Deum. Adulterium tamen credo majus esse crimen **302** quam incestum commissum in quarto genere consanguinitatis

#### Delicias viduæ tantum aspernatur adulter.

Item Salomon: « Adulterorum filii non prosperabuntur (Sap. iii.) » Item Parabolæ cap. vii. « Veni, inebriemur, et fruamur cupitis amplexibus, » etc. Item; in Legenda S. Marcelli (10) legitur quod mulier quædam, quia nobilis, spravit virum, et adhæsit carni alteri, mortua tandem est. Solemniter et cum pompa ad tumulum deducta, honorifice sepulta, et ipso die a serpente ignivomo est effossa, qui vasculo, scilicet membro, quod viro abstulit, incubuit et corrosit; sicque ei diabolus abstulit sepulcrum et humanitatis obsequium, indigne ferens quod corpus ejus in terra quiesceret, eo quod vas viri, quod sibi « in sanctificationem observasse (I The. iv) » debuit, abstulisset.

### CAPUT CXXXVIII.

#### De vitio sodomitico.

Vitium Sodomorum fuit « abundantia panis et superbia vitæ, et superfluitas vini (Ezech. xvi.) » Hoc vitium redarguens Dominus, Genes. cap. xix, ait: « Homines autem Sodomitæ pessimi erant, et peccatores coram Domino nimis. » Item cap. xviii: « Clamor Sodomorum, et Gomorrhœorum multiplicatus est; et peccatum eorum aggravatum est ni-

mis. Descendam et videbo, » utrum clamorem, qui venit ad me, opere impleverant. » Glossa. Novitas tantæ et inauditæ turpitudinis, quasi admirationem et dubitationem parit in audiente. Unde Dominus quasi admirans, et dubitans super tanto scelere, introducit sic loquens: « Descendam et videbo utrum, » etc. Incredibile enim mihi videtur homines tantum flagitium perpetrasse. Gregorius (lib. xix Mor. c. 14). Peccatum est in voce, quando est in actione cum tenui nota.

In clamore est, quando est in libertate cum manifesta sceleris patratione. De tantum duobus ergo peccatis tanquam maximis et paribus, homicidio scilicet et vitio sodomitico, legitur clamor ascendisse ad Dominum de terra. Legitur Dominus conqueri, ideo scilicet, quod « masculum et feminam creavit ad multiplicandos homines (Gen. i); » homicide autem et sodomitæ hos destruunt et perimunt ut hostes, et præcipui adversarii Dei et generis humani, quasi: Tu homines creasti, ut multiplicarentur, nos vero dabimus operam, ut opus tuum minuatur et destruat. Item, cum Dominus pœnam pro aliis peccatis infligendam differat, pro hoc patientiam et bonitatem sibi innatam videtur exuisse, non exspectans sodomitas ad pœnitentiam, sed eos magis puniens temporaliter igne cœlitus misso (Gen. xix), consummaturus tandem pœnam illorum per ignem gehennæ. Item, Dominus virum plasmavit de limo terræ in agro Damasceno, formaturus mulierem de costa ejus in paradiso. Unde ne crederet quis eos fore androgynos præoccupans formationem mulieris, ait: « Masculum **303** et feminam creavit eos (Gen. i), » quasi: Non erit consortium viri ad virum, vel mulieris ad mulierem, sed tantum viri ad mulierem, et econtrario. Unde Ecclesia homini androgyno, id est habenti instrumentum utriusque sexus, aptum scilicet ad agendum et patiendum, instrumento, quo magis calescit, quoque magis est infirmus, permittit uti.

Si magis calescit, ut vir, permittunt eum ducere; si vero magis mollescat, et mulier permittunt ei nubere. Si autem in illo instrumento defecerit, nunquam concederetur ei usus reliqui instrumenti, sed perpetuo continebit, propter vestigia alternitatis vitii sodomitici, quod a Deo detestatur. Item ad Romanos, cap. 1: « Propter quod tradidit illos Deus in desideria cordis eorum, in immunditiam, ut contumeliis afficiant corpora sua in semetipsis, in passionibus ignominie. Nam femine eorum immutaverunt naturalem usum, in eum usum, qui est contra naturam. Similiter et masculi, relicto naturali usu femine, exarserunt in desideriis suis, invicem masculi in masculos turpitudinem operantes, traditi in reprobum sensum, ut faciant ea quæ non conveniunt. » Item epist. Judæ (vers. 7): « Sodoma, et Gomorrha et finitimæ civitates, quia exfornicatæ sunt, et abierunt post carnem alteram, » masculi cum masculis

(9) Videantur serm. 244, 245, et 247

(10) Parisiensis episcop. ordine IX, per Fortunatum, apud Surium die 1 Novembris.

turpitudinem agentes, mulieres cum mulieribus. Viri enim et uxoris est una caro : factæ sunt exemplum ignis æterni pœnam sustinentes (*Gen. 11*), in præsentia. Item *Levit. cap. xviii* : « Non commisceberis cum masculo coitu femineo, quia abominatio, » et ignominia et ineffabile est. Coitum etiam masculi cum masculo pari pœna punit, ut coitum hominis cum bruto, scilicet morte. Unde *Levit. cap. xx* : « Qui dormierit cum masculo coitu femineo, uterque operatus est nefas, morte moriantur. » Sed nunc quomodo abierunt hæc in desuetudinem, ut quæ graviter punit Dominus, intacta relinquat Ecclesia ; et quæ leviter punit, ipsa gravissime puniat ? Timendum ne hoc ex avaritia procedat, illud vero ex refrigerio charitatis omittat. Hi destructores hominis similes sunt Onan, qui effudit semen in terram, et nolens suscitare semen fratri, percussus est a Domino (*Gen. xxxviii*). Hi, ut *Isaias* ait (*cap. 1*), sunt quasi Sodoma, et Gomorrha, id est muti a laude Dei et asperi enormitate peccatorum. Item *1 epist. ad Tim. 1*. Item ad *Coloss. 111* : « Mortificate ergo membra vestra quæ sunt super terram, » etc. Item *Josue, cap. vi* : « Maledictus vir, qui suscitaverit et edificaverit Jericho, in primogenito suo fundamenta illius jaciatur, et in novissimo liberorum ponat portas ejus. » Multo magis maledictus est suscitans peccatum Sodomorum, perdens sic primogenitum et novissimum filiorum, fidem scilicet cum humilitate, etiam pro enormitate. Et in detestationem hujus criminis Deus offensus est terræ illi, convertens Pentapolim in mare Mortuum, ut non vivat piscis in eo, nec enatet navis in qua fuerit homo. In qua terra sunt arbores ferentes poma, quæ ad tactum evanescent, emittentia pulverem et favillam (*Sap. x*). Etiam pro solo respectu ad Sodomam, uxor Loth conversa est in terram et statuum salis (*Gen. 19*), quasi diceret Dominus : Nolo ut hujus criminis aliqua sit memoria, aliquis respectus, aliquid **304** vestigium pro enormitate illius. Hujusmodi homines spastici enervati sunt femine reservatæ a Pharaone ad delicias suas, qui se masculos convertunt in feminas, abutentes coitu femineo. Hi sunt imitatores Sardanapali, qui vir corruptior fuit omni muliere. Jeremias etiam in fine Threnorum, super omnem planetum et dolorem urbis ruinæ et captivitatis, adiecit planctum et gemitum super vitio sodomitico habitum, dicens : « Adolescentibus impudice abusi sunt, et pueri in ligno corruerunt (*Thren. vi*). » Hi non tantum muti, sed etiam cæci efficiuntur percussu aorasia palpantes ad ostium Loth in meridie (*Gen. 19*), ut videntes non videant. Item *Isaias, cap. lxxvi* : « Qui sanctificabantur, et mundos se putabant in hortis post januam vel post ostium intrinsecus, etc. » Item *Joel 111* : « Posuerunt puerum, » etc. Item : Ubi vir nubit in feminam, armentur leges, exserantur jura.

#### CAPUT CXXXIX.

##### De ingratitude.

Dominus ingratitude ceu pessimam faciem (11) Loca vide in Notis.

culpæ, redarguens, ait in *Matthæo, cap. xviii* : « Serve nequam, omne debitum dimisi tibi, quoniam rogasti me : Nonne oportuit et te misereri conservi tui, sicut et ego tui misertus sum ? Et iratus dominus ejus, tradidit eum tortoribus, quousque redderet universum debitum, etiam usque ad ultimum quadrantem. » Hieronymus, Augustinus et Ambrosius (11) : Tanta est pestis ingratitude, quod si non dimiserimus ex corde, quod in nos delinquitur, et hoc omne quod per pœnitentiam [M. misericordiam] dimissum erat, a nobis exigitur et revocatur ; etiam secundum leges manumissus et liber pro ingratitude revocabatur in servitutem. Athenienses (VALER. MAX. lib. v, cap. 3) etiam nequissima habuerunt ingenia, et tamen æquissima jura, quia ingratos, ut alios criminosos punientia. Gratissimi tenemur esse Deo, quia creavit nos, et maxime quia recreavit, quia : « Quid retribuam Domino pro omnibus quæ retribuit mihi ? Calicem salutaris accipiam (*Psal. cxv*). » Sola digna retributio est mortem morte recompensari : « sed nondum restitimus usque ad sanguinem (*Hebr. 11*). » Si igitur de condigno, tam gratus teneris esse Deo, ut mortem morte recompenses ; quam ingratus es ei, si peccando, eum ad iram provocas ! « Nabal vir stultus (*1 Reg. xxv*) » pro ingratitude interfectus est a Domino. David enim egenti et argenti cum commilitonibus suis exsulis in solitudine, arcentique sæpe lupos ab ovibus ejus, negavit benedictionem ens in tonsura ovium, iussu et ei convitia et contumelias intulit, dicens : « Quis est David, et quis est filius Isai ? Hodie increverunt servi super terram, qui fugerunt dominos suos (*ibid.*). » Quam gratus autem fuerit David benivolis suis patet ex *II Reg. (cap. xvi)*. Qui etiam Semei sibi exprobranti, maledicenti et improperti remisit omnem injuriam et cum Siba et Miphiboseth divisit hæreditatem paternam ; qui etiam filium Berzellai jam senis, qui eum benigne susceperat in **305** adversitate cumurgeretur inopia, sublimavit (*II Reg. 19*). Ezechias, quia Domino gratias non egit super incredibili victoria habita de Sennacherib, agrotavit usque ad mortem ; qui pœnitens sanatus est a Domino (*IV Reg. xx*). Cum tandem gratias agens, prorupit in hoc Canticum, dicens : « Ego dixi : In dimidio dierum meorum vadam ad portas inferi, » etc. (*Isai. xxxviii*).

Item Dominus in Evangelio *Lucæ, cap. xvii*, de decem leprosis mundatis, ait : « Nonne decem mundati sunt, et novem ubi sunt ? Non est inventus qui rediret, et daret gloriam Deo, » ei agendo gratias super collata sanitate, « nisi hic alienigena. » Domestici autem et cognati solent esse maxime ingrati. Item in Deuteronomio Dominus volens nos esse gratos, etiam inimicis pro modico beneficio, ait *cap. xxiii* : « Non abominaberis Idumæum, quia frater tuus est ; nec Ægyptium, quia advena fuisti in terra ejus et pavit te. Qui nati fuerint ex eis in tertia generatione, intrabunt Ecclesiam Dei. » Item,

II Regum, cap. ix, ait Davia ad Miphiboseth : « Ne timeas quia faciens faciam in te misericordiam propter Jonathan patrem tuum, et restituam tibi omnes agros Saul patris tui, et tu comedes panes in mensa mea semper. » Item Valerius Maximus (lib. v, c. 3): Popilius Lænas a Cicerone, pro eo perorante in causa capitalis criminis, liberatus est : quem postea a senata et Antonio proscriptum persecutus est, caputque amputavit (quod pro capite ejus peroraverat) ferens illud ad senatum, quasi optima spolia. Infelix, sceleratissimus et ingratus omnium hominum, qui a patre proprio homicidium inchoans, patrem patriæ occidit. Invalidæ autem ad hoc monstrum sugillandum sunt litteræ. Tam miserabilem enim Ciceronis casum non est qui digne float, quia jam alter Cicero non exstat. Popilius neminem odit, nisi quis plurimum debet. Periculosum est ergo multa beneficia in aliquem conferre, quia cum turpe est non reddere, vult non esse, cui reddat. Item Seneca (epist. 19) : Leve æs amicum facit, grave inimicum.

### CAPUT CXL.

#### *Epilogus facierum culpæ.*

Cum multiplex sit facies culpæ euntis in gehennam, generaliter quot vitia induimus, tot facies, vultus, et imagines brutorum animalium nobis superinducimus. Unde Dominus in Isaia, cap. l : « Veni, et non erat vir : vocavi, et non erat qui audiret. » Et in eodem : « Torcular calcavi solus, et de gentibus non erat vir mecum (Isai. lxxv) ; » quia « singulariter sum donec transeam (Psal. cxl). » Hieronymus (ep. 18, ad Marcellam, incip. Ambrosius) : Vir nec homo est, qui per crudelitatem imaginem leonis sumit. Unde Apostolus : « Dominus eripuit me de ore leonis (II Tim. iv). » Et : « Ite, dicite vulpi illi (Luc. xii), » Herodi, propter dolositatem. Libidinosus dicitur : « Equi insanientes in feminas (Jer. v). » Voluptuosus et immundus : « Nolite spargere margaritas ante porcos (Matth. vii). » Detractoribus et maledicis : « Nolite Sanctum 306 Dei dare canibus (ibid). » Superbis : « Volucres cæli, qui ponunt os suum in cælum (Psal. lxxii). » Curiosus et avaris : « Pices maris, qui perambulant semitas maris (Psal. viii). » Rapacibus : « Scio quoniam intrabunt in vos post discessionem meam lupi rapaces, non parentes gregi (Act. xx). » Malignis et venenosis : « Genimina viperarum (Luc. iii). » Et generaliter quocumque vel quibuscunque vitiis irretitis dicitur : « Nolite fieri sicut equus et mulus, quibus non est intellectus (Psal. xxxi) ; » quia, « Dominus de cælo prospexit super filios hominum (Psal. lxxii), » etc. Et : « Homo, cum in honore esset non intellexit (Psal. lxxiii). » Et item : « Putruerunt jumenta in stercore suo (Joel. i). » Et Isaïas : « Onus jumentorum austri, vel visio quadrupedum in deserto (Isa. xxx). » Cum autem tot animalium vultus induamus, diabolus autem tribus animalibus, sicut vasis et organis suis usus est, serpente, porco et homine, quos legitur intrasse Porcus autem multam habet

A convenientiam cum homine in corpore, sicut ex anatomia et divisione ejus patet : insuper et in spiritu, spiritu hominis rationalis quasi suffocato, et in spiritum bruti per immunditiam converso. Unde et filius prodigus pavit porcos in regione longinqua, pastus de siliquis porcorum (Luc. xv). Propter hoc Dominus etiam super omne edulium, sub figura tamen, prohibuit carnem suillam (Levit. i).

Notabiliter etiam notandum quod nullum animal ita recessit a Deo et a statu naturali, sicut homo transiens ad alteram carnem, vel naturali utens coitu sine certo et statuto tempore, superfluum in veste, cibo, et aliis necessariis. De hac imagine multiplici dicitur in psalmo : « Verumtamen imaginem eorum ad nihilum rediges (Psal. lxxii). » Hieronymus etiam hanc multiplicem faciem culpæ, quasi sub epilogo comprehendens, ait in epist. 18 (ad Marcellam). Nunc ira personam leonis nobis inducit ; nunc cura superflua, in annos plurimos duratura præcogitat, nec recordamur Evangelii dicentis : « Stulte, hac nocte auferent animam tuam a te : quæ autem parasti, cujus erunt ? » (Luc. xii.) Vestes non ad usum tantum, sed ad delicias conquiruntur, ubicunque compendium est, velocior pes, citus sermo, auris attentior. Si damnum (ut sæpe fieri solet in refamiliari) fuerit nuntiatum, vultus mœrore deprimitur : lætamur ad nummum, amisso obolo contristamur. Unde, cum in uno homine animalium tam diversa sit facies, Propheta Dominum deprecatur sic, dicens : « Domine, in civitate tua imaginem eorum dissipata (Psal. lxxii). » Cum enim ad imaginem et similitudinem Dei conditi simus, ex vitio nostro personas nobis plurimas superinducimus. Et quomodo in theatralibus scenis, unus atque idem histrio, nunc Herculeum robustum ostendit, nunc mollis in Venerem frangitur, nunc tremulus in Cybelem, ita nos (qui, si de mundo non essemus, odiremur a mundo), tot habemus personarum similitudines quot peccata.

### 307 CAPUT CXLI.

#### *De pœnitentia.*

Ad sugillanda vitia commendandasque virtutes pleraque in seminarium prædicationis, de hortulis sacre Scripturæ collegimus, et excerptimus : plura et majora de auctoritatibus ejusdem ad prædicta, industriæ lectoris diligentis relinquentes, vel in calce disputationis nostræ de pœnitentia adjungentes (supra, cap. 9), quæ destructiva est vitiorum et constructiva, et inchoativa virtutum : puta, ut quæ est secunda tabula post naufragium, et contra omnia peccata et venena diaboli remedium et antidotum (Hier. ep. 8, quæ est ad Demetriadem de Virginitate servanda, c. 5). Ab hac, upote saluberrima, Joannes Baptista Præcursor Domini, « Vox clamantis in deserto, » prædicationem suam inchoavit, dicens Matthæi cap. iii : « Pœnitentiam agite, appropinquavit enim regnum cœlorum, » quasi : In proximo aperiat janua, quia Christus venit. Et item (ibid) : « Progenies viperarum, quis demonstravit vobis

fugere a ventura ira? facite dignos fructus pœnitentiæ. » Salvator etiam, postquam jejunaverat in deserto, et tentatus fuerat a diabolo, cœpit prædicare et dicere apud Matthæum, cap. iv: « Pœnitentiam agite, appropinquavit enim regnum cœlorum. » Petrus etiam Judæis crucifixoribus Domini venientibus ad eum, et quærentibus, quomodo salvi fierent, ait: « Pœnitentiam agite, et baptizetur unusquisque vestrum (Act. ii). »

Ad pœnitentiæ sufficientiam, perfectionem et integritatem, quatuor sunt necessaria, scilicet gratiæ infusio, cordis contritio, oris confessio, operis digna satisfactio. Tria sine primo insufficientia sunt. Inutiliter enim conferimur, confitemur, satisfacimus, et labore pœnæ affligimur, sine infusione gratiæ, sine fido operante per dilectionem. Credas igitur, speres, et diligas, ut utiliter conteraris, confitearis, opereris. Hunc quaternarium ostendit et docet Propheta quatuor verbulis psalmi illius pœnitentialis (Psal. l): « Misere mei, Deus, » per gratiæ infusionem; « Dele iniquitatem meam, » per cordis contritionem; « Amplius lava me, » per peccati confessionem; « amplius » quam petere sciam, vel sufficientiam. Vel « amplius, » ut nullum vestigium peccati in me remaneat, quo de facili recidivum patimur in peccatum. Vel « amplius, » quoad augmentum gratiæ, non ad causam, vel quoad ordinem pœnitentialis satisfactionis. Unde dicitur: « Munda me, » per operis satisfactionem.

Hic etiam quaternarius insinuat in Cantico amoris in hoc verbo, « Revertere, » quater repetit: « Revertere, revertere Sunamitis, revertere, revertere, ut intueamur te (Cant. xxi). » Post condignam enim pœnitentiæ satisfactionem etsi prius tunc maxime, o Sponsa, « Rex concupiscit decorem tuum (Psal. xlv), » quia tunc « tota pulchra es an. i a mea (Cant. iv), » etc. In psalmo etiam hic idem quaternarius exprimitur, ubi dicitur: « Psallite **308** Deo nostro, psallite; psallite Regi nostro, psallite sapienter (Psal. xlv). » Quod adverbium ultimo positum, sicut et verbum, quater cum eo repetendum est; quasi: « Psallite » per gratiæ infusionem, et ita « sapienter, » sicque conterimini « sapienter, » post confitemini « sapienter, » deinde satisfacite de commissis « sapienter. » Et notandum quod quadruplex est lavacrum hominis a peccato. Primum est baptismi ab originali peccato, in pueris; secundum, fidei etiam ab actuali in adultis: « Fide mundans corda eorum (Act. xv). » Tertium effusionis sanguinis per martyrium, quod paucorum est; unde: « Qui laverunt stolas suas in sanguine Agni (Apoc. xii). » Quartum, post pactum baptismi fractum, pœnitentiæ quotiescunque iteratæ, quæ omnium est. Unde Isaias: « Lavamini, mundi estote, auferte malum cogitationum vestrarum (Isai. i). » Debet autem fructus pœnitentiæ digni esse, quod erit, si pœnæ injuncta responderit culpæ. Unde Gregorius: « Facite dignos fructus pœnitentiæ (hom. 20 in Evang.) » Non enim pœnitentiæ vel fructus boni

A operis est ei qui nihil vel parum peccavit, sicut ei qui malum vel plus peccavit.

#### CAPUT CXLII.

##### Quanta debeat esse contritio.

Quanta autem debeat esse contritio et amaritudo cordis pro peccato ostendit Augustinus super cap. xi primæ Epistolæ ad Corinthios: « Quod si nosmetipsos dijudicaremus » tribunal nostræ mentis ascendentes, ratione pro iudice præsentante, et cogitatione accusante, et conscientia testificante, timore tanquam carnifex nos torquente, ut quidam, quasi per lacrymas animæ, dolor et sanguis profueret pœnitentiæ severitate, « non utique iudicemur, » id est, damnemur a Domino. Dum autem hic iudicamur, temporalibus pœnis a Domino corripimur, ut non cum hoc mundo damnemur. Advocatum autem in hoc iudicio pœnitentiæ, vel in futuro, legimus solum Deum in Cantico Ezechiæ. Isaiæ cap. xxxviii, quasi diceret pœnitens: « Domine, vim patior, » pressus consuetudine peccandi, timens ne timor, carnifex et lictor, me inducat in desperationem: quod ne fiat « Responde pro me, » fragilitatem meam juvando, peccata ignoscendo, quia, « quid dicam, aut quid respondebo tibi cum ipse fecerim? » Hoc quidem dicam: « Recogitabo omnes annos meos in amaritudine animæ meæ, » et pœnitentiæ meæ. Item Joannes Baptista, Matthæi cap. iii: « Qui post me venturus est, ipse baptizabit vos in Spiritu sancto, » suavitate baptismi, et fracto pacto ejus. « Baptizabit vos in igne, » id est in pœna pœnitentia, et interiore, et exteriori, excruciante vos ad modum ignis. Item psal. xlvii: « Ibi, » hoc est in pœnitentiâ, « dolores, ut parturientis, » quia non nisi « in spiritu vehementi conteret naves Tharsis. Parturientis, » id est, parere conantis, cujus dolor non statim finitur. Non ait, parientis, quæ cum parit, a dolore cripiatur. Quantus autem fructus dolorem **309** parturientis, sequatur, advertite ut pœniteas. « Mulier enim, cum parit, tristitiam habet; cum autem peperit filium, jam non meminit pressuræ propter gaudium, quia natus est homo in mundum (Joan. i), » hoc est in cœlum. Item: « Euntes ibant et flebant mittentes semina sua, venientes autem venient cum exultatione portantes manipulos suos (Psal. cxxv). » Et item: « Beati qui lugent, quoniam ipsi consolabuntur (Matth. v). » Et item: « A timore tuo, Domine, concepimus et peperimus spiritum salutis (Isai. xxv), » et pœnitentiæ.

Item Glossa: Quanta debeat esse contritio cordis pro peccato, animadvertite in quatuor, quæ gessit Dominus in suscitatione Lazari: « Turbavit semetipsum, infremuit spiritu, lacrymatus est, et clamavit: Lazare, veni foras (Joan. xi). » Si hæc egit Dominus pro quatruiduano suscitando, quanto magis tibi lacrymandum, clamandum, qui lapide consuetudinis premeris, qui non tantum per quatuor dies, imo per multorum annorum curricula, fetidus computruisti in stercore tuo? Ergo, ut de abyso vitiorum susciteris, turba teipsum per dolorem, infreme

per gehennæ horrorem, lacrymare per pietatem, **A** « Miserere animæ tuæ placens Deo (*Eccli. xxx*) : » clama per confessionem, orationem et sanctam operationem, dicendo animæ tuæ : « O Lazare, » vel tibi Lazaro, « veni foras, » de abyssu vitiorum.

Item, ut in excietur contritio, audi Hieronymum ad Heliodorum (*De laude vitæ solitariae*) : Quid facis frater, in sæculo, qui major es mundo? Ecce tuba canit : « Surgite mortui ; » quia jam iudex « crapulatus » vino (*Psal. lxxvii*), » iudicaturus orbem in nubibus cæli, ad iudicium procedit. Jam « gladius bis acutus, » quæque obstantia demetens, ex ore ejus exit. Surge; quousque pigritaris? circumda tibi vallum, cinge te fossa, præpara te ad iudicium Salvatoris, quia « qua hora non putas, Filius hominis veniet (*Luc. xii; Apoc. i; Matth. xxiv*). » Ut etiam conteraris, dicas cum Propheta : « Circumdederunt me gemitus mortis, dolores inferi circumdederunt me (*Psal. xvii*). » Nec immerito. « Quis enim durare poterit cum ardoribus sempiternis (*Isaï. xxxiii*). » Ergo : « Domine, ne in furore tuo, » id est igne gehennæ, « arguas me ; neque in ira tua, » et igne purgatorio, « corripas me (*Psal. xxxvii*) ; » sed « miserere mei. » Illic ure, hic seca, ut veraciter cum Propheta dicere queam : « Conturbata sunt omnia ossa mea, et anima mea turbata est valde. Turbatus est a furore oculus meus. » Unde : « Rugiebam a gemitu cordis mei (*ibid.*). » Item Jerem. (cap. iv) : « Ventrem meum doleo, » pro spiritualibus nequitiis : « Ventrem meum doleo, » pro carnalibus desideriiis ; « Sensus mei turbati sunt in me. Non tacebo, quoniam vocem tubæ audivit anima mea, clamorem prælii ; contritio super contritionem vocata est, et vastata est omnis terra. » Idem, cap. vi, « Luctum unigeniti fac tibi planctum amarum, quia repente veniet diabolus vastator super nos, » nisi nobis præcaverimus. Idem, cap. vii. « Tonde capillum tuum, et projice, et sume indirectum (scilicet pro spiritualibus et æternis bonis) planctum quia projecit Dominus et reliquit generationem vestram in ira furoris sui. » Idem, cap. viii, ix : « Dolor meus super dolorem, in me cor meum mærens, super contritione filię populi mei, contritus sum et contristatus, stupor obtinuit me. Quis igitur dabit capiti meo aquam, et oculis meis fontem lacrymarum, et plorabo die ac nocte interfectos filię populi mei. » Item **310** Job cap. vi, vii : « Utinam appenderentur peccata mea, quibus iram merui, et calamitas quam patior in statera. Quasi arena maris hæc gravior appareret. Unde et verba mea dolore sunt plenz, quia sagittæ Domini in me sunt, quarum indignatio ebit spiritum meum, et terrores Domini militant contra me. Unde et noctes laboriosas enumeravi mihi. Si dormiero, dico : » Quando con-surgam ? « Et rursus expectabo vesperam, et replebor doloribus usque ad tenebras. » Item : « Lavabo per singulas noctes, » hoc est, per singula pec-

cata, « lectum, » conscientiæ meæ. « Lacrymis meis, » interioribus vel exterioribus, « stratum meum, » cum Arsenio, « rigabo : » quia, « peccatum meum contra, » vel coram, « me est semper (*Psal. l*). » Item titulo psalmi c : « Oratio pauperis cum anxietate in conspectu Domini. » Item Eremita pro lapsu in lubricum carnis, ait : « Doleo usque ad mortem, et nisi scandalum timerem, nomenque monachorum vilipendi facerem, omnibus publice peccatum hoc confiterer (12). » Item Deut. c. iv : « Cum quæsieris Deum invenies eum, si tamen toto corde quæsieris, et tota tribulatione animæ tuæ. »

### CAPUT CXLIII.

#### De confessione oris.

Post confessionem cordis, sequitur de confessione oris. Est enim triplex confessio : « cordis, » ut ait David : « Dixi confitebor, et tu remisisti (*Psal. xxxi*), » oris, et operis. Confessio autem oris, alia est ad fidem, alia ad pœnitentiam. Item confessio ad fidem triplex est : cordis, de credendis, « Corde creditur ad justitiam ; » oris, « Ore confessio fit ad salutem. » Et, « Qui me confessus fuerit coram hominibus, confitebor et ego eum coram Patre meo (*Luc. xii*). » Ille sunt « cymbala bene sonantia (*Psal. cl*), » quorum neutrum sine reliquo resonat in casu et necessitate. Unde et hujusmodi confessio dicitur, quasi *simul fassio*, et magis proprie professio. Professio autem est singulare studium, vel officium, in quo quis merito suo et aliorum iudicio excellit. Est etiam confessio operis ad fidem : quia, « Probatio dilectionis exhibitio est operis. Majorem charitatem nemo habet ut animam suam ponat quis pro amicis suis (**B. GREG.** hom. 30 in *Evang. Joan. xv*). » Ab hac sola antiquitus confessores denominabantur aliqui. Non enim confessor antiquitus et in primitiva Ecclesia dicebatur aliquis, nisi martyr, vel tractus et paratus ad experimentum gladii et martyrii. Unde Urbanus solitus quiescere inter sepulera martyrum, bis factus est confessor, ductus ad experimentum gladii pro confessione nominis Christi, sed pareitum est ei. Nunc autem dilatatum est hoc nomen confessor usque ad confessionem pœnitentiæ, ut dicatur confessor quilibet vere pœnitens. Est autem confessio ad pœnitentiam triplex : Cordis, quæ Deo fit ; oris, quæ vicario Christi imperantis : « Ite, ostendite vos sacerdotibus (*Luc. xvii*) ; » et operis. Confessio autem oris ad pœnitentiam triplici ex causa indicta et introducta est in Ecclesiam : ut superbo **311** prius et cervicoso incutiatur, humilitas, et verecundia, et erubescencia.

Graviter enim sumitur edalium, quod necessario sequi habet antidotum per increpationem et correptionem confessoris, ne recidivum patiatur peccator ; tum etiam, quia ipsa oris confessio, maxima est pars satisfactionis. (Unde, sicut auctoritas habet : Quanto pluribus sacerdotibus confiteberis sub spe veniæ, tanto celeriter consequeris abso-

lutionem culpæ) tum etiam propter peccati, et lepræ cognitionem. Sæpe enim quis ante confessionem criminale peccatum putabat veniale, et crimen majus, minus; de quo errore curatur a confessore per doctrinam. Unde in figura hujusmodi cognitionis et distinctionis leprarum, Moyses suspectos de lepra recludebat per septem dies, et item per alios septem, nisi prius, vel mundus, vel vere leprosus appareret (*Levit. xiii*). Post decimum quartum vero diem eum inventum sanum, communioni hominum associavit, leprosum extra castra ejecit. Si Moyses tantam curam et diligentiam adhibuit figuræ, sæpe et iterum inspiciendo macula infectum, si leprosus esset, quanto major adhibenda esset veritati a sacerdotibus Evangelii? Utinam et tanta! Ad oris etiam confessionem, nec non et cordis exprimendam, tundimus pectora, a simili mulieris tundentis ollam et excutientis muscas, sæpeque et iterum inspicientis, si aliqua in fundo remanserit; ita et cor (quod est receptaculum malarum cogitationum, in quo omnia peccata concipiuntur, præter ignorantiam) excutiendum est, tundendum et perscrutandum, ut nec vestigium peccati in eo remaneat.

Quomodo etiam ore sit confitendum, Psalmista aperit, ubi ait: « Confitebor Domino nimis in ore meo (*Psal. cviii*). » Et item: « Confitebor Domino secundum justitiam ejus (*Psal. vii*). » « Secundum » scilicet quod ipse est justus, imo « secundum » quod ipse est justitia; non tantum « secundum » quod ipse est purus, sed « secundum » quod ipsa est puritas. Excoria te, scilicet, ut nulla circumstantia peccati lateat; nulla palliatione coloretur peccatum, sed sicut factum est manifestetur confessori.

De confessione operis ita dicitur. Hæc autem triplex confessio dicitur in hac summula verborum: « In exitu Israel de Ægypto, domus Jacob de populo barbaro (*Psal. cxiii*); » per cordis confessionem. « Facta est Judæa sanctificatio ejus, » per oris confessionem; deinde, « Israel potestas ejus, » per confessionem operis. Peracta enim pœnitentia homo potestatem suam ex magna parte consecutus est. Tunc enim primo potens est sui. Prima enim confessio inchoat, secunda provehit, tertia consummat. Hæc etiam triplex confessio notatur in illo breviloquio: « Notus in Judæa Deus, in Israel magnum nomen ejus: et factus est in pace locus ejus (*Psal. lxxv*). » Prima sedemus cum Maria ad osculum pedum Domini, quæ lacrymis rigavit pedes ejus, et capillis tersit, et unxit unguento (*Luc. vii*): Et in unguento compassionis, et operibus misericordiæ ungas pedes ejus in terra, capillisque tergas, id est superflua abjiciendo pauperibus eroges, si vere pœnitere desideras. Secunda, surgimus cum ea ad osculum manuum. Tertia, stamus ad osculum **312** capitis. Item David: « Præcinite Domino, et in confessione ejus (*Psal. cxlvi*) » primo post, « psallite nomini ejus, quoniam suave (*Psal.*

*cxlii*). » Et rursum: « Introite portas ejus, » id est sanctæ Ecclesiæ, « in confessione atria ejus » primo; deinde, « in hymnis confitemini illi (*Psal. xcix*). » Quoniam, sicut « torques in naribus suis (*Prov. xi*); » ita « laus Dei in ore peccatoris (*Eccli. xv*). » Item Judicum: « Quis præcedet nos ad prælium (*Judic. i*), » contra mundum, contra diabolum, contra corpus proprium? « Judas, » id est confessio: qui exemplum dedit primo intrandi mare rubrum, desertum, patiendi adversa, ut intraret terram promissionis, quam primo intravit. Hæc est enim confessio quæ pœnitentem monet quæque adversa patienter tolerare, ut mereatur ingredi terram viventium, regiumque nomen sortiri, et inter reges ascribi: « Vos genus electum, regale sacerdotium (*I Petr. ii*). Juda, te laudabunt fratres tui (*Gen. xlix*). »

#### CAPUT CXLIV.

##### De confessore.

Ut autem constitemur, necessarius est nobis confessor, qui circa pœnitentes, ita debet gerere officium patris et matris, ut pungat et ungat. Verbera patris, et ubera matris habeat, oleumque et vinum Samaritani, quo curet vulnera sauciati (*Luc. x*), non ob aliud institutus in Ecclesia, nisi, ut medicus, curet ægros; qui ad se accedenti, ut confiteatur, dicat: Fili, non mihi sed Deo scito te confiteri; me tamen in testem tuæ confessionis vocans, peccata tua facis mea, quæ, et tecum portare, meque pro eis satisfacere, et, ut jam tecta, et velut propria celare promitto.

Sit ergo confessor prudens et discretus, mitis, suavis, dulcis et benignus, misericors et affabilis. Quandoque etiam, ut pater, mordacem habeat increpationem, ut ille, qui nolenti restituere ablata, quam ob rem nec ei satisfactionem injunxit. Qui cum super altare Domini obtulit, ait sacerdos: Absit me capi esca tua posita in muscipula; eumque sequens, cum sputo projecit post eum nummum, inquit: « Pecunia tua tecum sit in perditionem (*Act. viii*). » Qui, sicut Cain vagus et profugus (*Gen. iv*), sic irreverenter et profugus recedit a facie Domini. Qui confusus et compunctus in crastino rediit ad eum cum affluentia lacrymarum, promittens se satisfacturum de peccato ad iudicium ejus. Nec superbiant confessores, quasi prælati. Sunt enim cophini Ecclesiæ stercorarii, non dico stercora, vel sua, vel aliorum in se portantes (sicut jumenta putrescentia in stercoribus suis [*Joel. i*], et upupa, quæ nidificat in stercoribus suis), sed cophini, sua et aliorum peccata « extra castra » Ecclesiæ « portantes (*Hebr. xiii*), » quasi exportantes, non portantes; digni sic repleri fragmentis, quæ superabundaverunt his (*Joan. vi*), qui comederint cum Domino, ne pereant. De talibus etiam ait David: « Divertit ab oneribus dorsum ejus, manus ejus in cophino servierunt (*Psal. lxxx*). » Hujus judicia multa sunt et magna, et difficilia, quia circa periculum **313** et salutem animæ, vi-



neæ Domini Sabaoth, vertuntur, qui ne minus discrete judicet, non habeat nimiam multitudinem confitentium. Sibi autem confessos sæpe visitet, et secreto alloquatur, inquirens de statu eorum, et si egerint pœnitentiam sine recidivo. Sapiens autem confessor tria semper et sufficientia ad pœnitentiam, maxime sapienti confitenti injungit, scilicet, ut pro posse suo caveat et vitet omnem occasionem peccati, et maxime in his, quæ de facti animam ad consensum trahunt. Secundum, ut fugiat dilationem confitendi. Tertium, negligentiam satisfaciendi. Frequenter etiam confitendum est exemplo illius sanctissimi abbatis de Longo-Ponte cui dictum est, ob exactissimam et frequentissimam confessionem quam faciebat: Quid sibi vult, mi abba, quod ita frequenter confitemini? Cui ille: Adeo videtur mihi singulis diebus me prius non fuisse confessum, et quia aliquid de oblitis revoco, purius etiam et sincerius in aliquo confiteor, et sæpe in majori humilitate quam prius.

Quantus autem sit effectus confessionis, patet, quia per eam « tecta sunt peccata (Psal. xxxi) » in iudicio, etiam in præsentem miraculose, sicut legitur de dæmoniaci exprobranti euidam peccata sua; qui erubescens statim ecurrit ad confessionem, itemque redeunt dæmoniacus ait: Scio quid egeris: Peccata tua quidem sub lingua mea habeo, sed ea publicare non valeo. Quidam etiam in mari, cum periclitaretur navis, coram omnibus publice confessi sunt; liberati autem a tempestate, nullam peccati confessi memoriam habuere.

Item, quanta et qualis debeat esse confessio, Job cap. vii ostendens, ait: « Non parcam ori meo, loquar in tribulatione spiritus mei, confabulabor cum amaritudine animæ meæ. » Ut autem vera sit confessio, necesse est, ut sit humilis, simplex, pura et fidelis. « Sunt qui gloriantur cum malefecerint et exsultant in rebus pessimis (Prov. ii), » qui peccata sua etiam « prædicant, velut Sodoma (Isa. iii), » qui religiose vestiti et religionem professi, sæpe impudentissime jactant mala sua præterita; quæ verbi gratia aliquando vel fortiter gladiatorio vel argute litteratorio gessere conflictu, seu aliud quid secundum mundi vanitatem favorabile, secundum verò animæ salutem nocivum, perniciosum et damnosum. Sæcularis adhuc animi indicium est hoc, et humilis habitus, qui gestatur a talibus, non sanctæ novitatis est meritum, sed prisæ vetustatis operculum. Veterem hominem non exuunt, sed novo se palliant; commissa non diluunt, sed se ipsos non humiliter confitendo illudunt. « Deus autem non irridetur (Gal. vi). » Pudet autem reminisci quorundam tantam proterviam, ut non pudeat eos cum exultatione lugenda jactare, quod et post susceptum sanctum habitum callide quempiam supplantaverint et circumvenerint in negotio fratrem, aut quod talionem pro convitio vel maledicto, id est « malam pro malo, aut maledictum pro maledicto » audacter « reddiderint (I Petr. iii). »

Alii etiam usque ad omnem circumstantiam peccatum suum confitentur, **314** ut inde magis humiles confessori appareant. Hæc autem confessio noxia et vana ex eo est quod non humiles sumus, tales tamen videri appetimus; appetere autem de humilitate laudem, humilitatis non est virtus, sed subversio. Verus humilis, vilis vult reputari, non humilis prædicari. Gaudet contemptu sui, hoc solo sane superbit quod laudes contemnit. Quid perversius, quidve indignius, ut humilitatis custos confessio, superbix militet, et inde velis videri melior, unde videris deterior? Mirabile jactantiæ genus, ut non possis putari sanctus, si non appareas sceleratus. At talis confessio speciem habens humilitatis, non virtutem; non solum veniam non meretur, sed et provocat iram

Oportet etiam confessionem esse simplicem. Unde David: « Ne declines cor meum in verba malitiæ, ad excusandas excusationes in peccatis (Psal. cxi). » Ne refundas culpam in alium, nisi participem sceleris, et tunc etiam te potius accuses quam illum: de illo doleas, non excuses te per consuetudinem, per nobilitatem generis, per naturam, per societatem, constellationem vel fatum. Hoc est enim refundere culpam in Creatorem, ejusque bonitati detrabere, eamque attenuare et diminvere.

Sit etiam fidelis confessio, ut confitearis sub spe veniæ, de indulgentia penitus non diffidens, sed confidens, ne tuo te ore, non tam justifies, quam condemnes. Judas traditor Domini et Cain fratricida deterius confessi sunt et diffisi sunt. Alter inquit: « Peccavi tradens sanguinem justum (Matth. xxvii). »

Alter ait: « Major est iniquitas mea, quam ut veniam merear (Gen. iv). » Tota utriusque confessio infidelis fuit. Tu vero habeas funiculum hunc triplicem confessionis, qui « cito non rumpitur (Eccle. iv), » ut « itinere trium dierum vadas et sacrifices Domino Deo tuo in solitudine (Exod. v). »

#### CAPUT CXLV.

*De satisfactione pro peccato, et perseverantia, et qualitate ejus.*

In conterendo, confitendo et satisfaciendo, necessaria est frequentia et perseverantia. Unde Augustinus (lib. *De vera et falsa pœnit.* qui falso ei ascribitur, c. 8): Pœnitentia est quædam dolentis vindicta, puniens in se semper quod dolet admisisse.

Et item (Id. *ibid.*, c. 19): Continue dolendum est de peccato, quod declarat ipsa dictionis virtus. Pœnitentia enim est pœnam tenere, ut semper puniat, in se ulciscendo, quod commisit peccando. Ille pœnam tenet, qui semper vindicat, quod commississe dolet. Pœnitentia igitur est vindicta semper puniens in se quod commississe dolet.

Quid restat nobis nisi dolere in vita? Ubi enim dolor finitur, deficit et pœnitentia. **315** Si vero pœnitentia finitur, quid relinquitur de venia? Tam diu gaudeat et speret de gratia, quandiu susten-

tatur a pœnitentia. Dicit Dominus : « Vade, jam amplius noli peccare (*Joan. viii*). » Non dixit : Non pecees, sed nec peccandi voluntas in te oriatur. Quod quomodo servabitur nisi dolor in pœnitentia continue custodiatur? Hinc semper doleat, et de dolore gaudeat; et non sit satis, quod doleat, sed ex fide doleat et non semper se doluisse doleat.

Item in psalmo : « Ego autem in flagella paratus sum, et dolor meus in conspecta meo semper, etc. (*Psal. xxxvii*). » Si non quotidie confitemur, saltem in fasciculo peccata collecta semel in die ad memoriam in amaritudine cordis revocemus. In hoc triplici funiculo necessaria est quædam sancta violentia, quam sibi inferat pœnitens ne recidivet. Unde : « Regnum cœlorum vim patitur, et violenti rapiunt illud (*Matth. xi*). » Sed mollis animi et effeminati est indicium non posse aspera pœnitentiæ subire propter salutem animæ. Si autem :

*Ut corpus redimas ferrum patieris et ignes,*  
(*Ovid. De remedio amoris, lib. i.*)

ut te ipsum et animam serves, nonne expergiseris? contra multo magis debes expergisci, quia

*Hoc opus, hic labor est.* (Virgil.)

De hac sancta violentia sibi inferenda legitur in psalmo ix : « Perit memoria eorum cum sonitu. » Augustinus : Non venit ad summam pacem mentis, nisi qui magno strepitu, et totis viribus collectis pugnaverit cum vitiis. Hinc sanctus Hieronymus ait : Solve funiculum consuetudinis et inviscati peccati, quo ligatus es. Si non potes solve, rumpe; quod si nec rumpere, incide. Et item : Ejice quæ lacerant cor tuum, quæ si aliter non possunt avelli, etiam ipsum cor cum eis avellendum est. Hinc ille martyr (13), quem non vicerunt tormenta, cum eum cœpisset mollire femina, linguam propriam momordit, et sanguinolentam in os meretricis expuit, ut voluptatem dolore temperaret. Hinc S. Benedictus (*Græc., lib. ii Dialog. cap. 2*) projecit se in vepres et spinas sentiens primos motus libidinis, ut calores ejus, dolore corporis, compesceret. Hinc Eremita se in fluvium projecit. Alius per gestus et modum edendi se stultum simulavit (14), ut veram insaniam superbix per falsas insanias effugeret. Sic et David. Item psalm. lxxvi : « Renuit consolari anima mea, memor fui Dei et delectatus sum, et exurrexi, et defecit spiritus meus : Anticipaverunt vigilias oculi mei, turbatus sum et non sum locutus. » Ecce quanta et quam continua angustia pœnitentis, de qua etiam sequitur : « Et meditatus sum nocte cum corde meo, et exercitabar. » Ecce frequentia laboris pœnitentialis. « Et scobeam spiritum meum, » scopa pœnitentiæ mundabam vel scabebam, scobes et sordes ejiciendo, per pœnitentiam purgabam, vel fodiebam spiritum meum fossorio pœnitentiæ, quod figitur in altum, ut ejiciantur nociva, quia et ingenuum qui volet serere agrum, liberet eum prius fruticibus.

Ubi autem peccata sunt inolita et inviscata, opus

(13) De quo Hier. in Vita S. Pauli primi eremitæ.

(14) S. Simeon Salus, de quo Rom. Martyrol. die 1 Julii.

A est fossorio, igne et ferro vel ventilabro, præcipue quantum ad vanam gloriam. Area ergo animæ prius trituranda est flagellis, post purganda scopa, deinde mundanda fossorio, deinde, ne palea, vel aliquod peccati vestigium remaneat, depuranda est 316 ventilabro ante adventum judicis, « cujus ventilabrum in manu ejus (*Matth. iii*). » His quasi quatuor virgibus, ex quibus est flagellum pœnitentiæ, Jeremias quatuor verba reddit : « Ecce constitui te super regna, ut evellas, » prima virga, « destruas » secunda, « disperdas » tertia, « dissipas » quarta, et ita « ædifices et plantes (*Jerem. i*). » Duo posuit tantum verba ad salutem restituendam, plantandam et confirmandam, quatuor ad ipsam acquirendam, quia hoc difficilium. Oportet etiam pœnitentiam esse fructuosam. Unde : « Genimina viperarum, quis docuit vos fugere a ventura ira? Facite fructus dignos pœnitentiæ (*Luc. iii*), » ut scilicet qualitati et quantitati culpæ respondeat qualitas et quantitas pœnæ. Item ad Romanos cap. vi : « Sicut exhibuistis membra vestra servire immunditiæ et iniquitati ad iniquitatem, ita nunc exhibete membra vestra servire justitiæ in sanctificationem. » Augustinus (*De verbis apostolis serm. 17, c. 5, 6*) : Tantum non dico spatio temporis, sed supplemento puræ confessionis et fructuosæ satisfactionis, plus tamen debetur justitiæ quam peccato, « sed humanum dico propter infirmitatem carnis vestræ (*Rom. vi*). » Item Augustinus : Plus debet amari nunc justitia misericordiæ, quam tunc iniquitas, quæ amata est, ut pro justitia toleret et dolores, et contemnat omnia, etiam mortem. Si autem plus amari non potest nunc justitia, quam tunc amata est iniquitas, saltem tantum ametur nunc, quantum iniquitas tunc.

Ambrosius (ad illud c. vi ad Rom. : *Sicut enim exhibuistis membra vestra*): Humane dixit sicut, et non magis, quod debuisset dicere, sed non dixit, ne tunc fides quasi aspera et importabilis fugeretur. Ut ergo fructuosam agas pœnitentiam, arripe labores ejus, ut eum Propheta contritus et afflictus dicas : « Domine, vide humilitatem meam, in conterendo et confitendo, et laborem meum, » in satisfaciendo, « et dimitte universa delicta mea (*Psal. xxiv*). » Et item : « propter verba laborum tuorum ego custodivi vias duras (*Psal. xvi*). » « Confice etiam tibi (ut « omni tempore vestimenta tua sint candida [*Eccli. ix*] ) » lixivium, quo abluantur ex aqua lacrymarum pœnitentiæ et igne Spiritus sancti excitante in te fumum bonorum operum et lacrymas, et cinere mortificatione carnis, quia cinis et cilicium arma sunt pœnitentiæ. Maxime enim in cibo et veste consistit labor pœnitentiæ et abstinentiæ. Unde locustæ et cilicium sunt Joannis Baptistæ (*Matth. iii*) : saccus, et panis cribrarius Hieronymi, tunica et vepres Benedicti, sudarium et lacrymæ Arsenii, matula et quinque caricæ Eulalii, nuditas, radices et herbæ peccatriciæ Ægyptiæ, columna et vermes Simeonis. David etiam, cum sibi annuntiatum esset peccatum

suum, descendit de solio, sedens in cinere et cilicio, A non judicans, vel aliquod opus regum exercens donec audiret a Domino per Nathan : « Transtulit a te Dominus peccatum tuum (II Reg. xvi). » Postea tamen a filio suo propter reliquias peccati non dico culpæ, sed pœnæ, punitus est, et persecutionem passus, etiam a quodam (scil. Semei), sibi improperante (II Reg. xvi). Timeas ergo tibi, et ad consilium Hieronymi (In ep. ad Rusticum. *Quod ignota*) dormias in sacco, ut præteritas delicias austeritate vitæ compenses. Niniivitæ ad prædicationem Jonæ (cap. iii) sederunt in cinere et cilicio, a maximo usque ad minimum. Sed nec differas pœnitentiam. **317** Sicut enim testatur Augustinus (I. *De vera et falsa pœnit.* et serm. 57 et 58 *De tempore*, et tr. 55 in *Joan.*), Expectans pœnitere usque ad diem mortis, raro vere pœnitet. Tunc enim potius peccata eum dimittunt, quam ipse peccata. Exemplo etiam latronis, pœnitentia si est vera, non est sera. Age ergo pœnitentiam, dum vivis, condignam et fructuosam, quod erit, si totius illecebrosæ voluptatis blandimenta contempseris. si te vehementius per pœnitentiam excruciaueris, si uberius fleveris, si largius pauperes sustentaveris, si charitate ardentius flagraveris, si « pie, sobrie et juste », vixeris. Tunc quidam præsumas de venia, quia « multus est Dominus ad ignoscendum (Tit. ii), » et quia Creatorem offendisti ingratus ei peccando, dicas : « Quid retribuam Domino pro omnibus quæ retribuit mihi? » (Psal. cxv.) Imo, primo reconciliare ei, et te ipsum ablatum restituere, post, reconciliatione et restitutione facta, C dicas : « Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo (ibid.). » Sola enim digna recompensatio est ab eo etiam qui nihil peccavit, cum sanguis sanguine recompensatur, cui debemus omne, quod « vivimus, movemur et sumus (Act. xvii). » — « Necdum tamen usque ad sanguinem restitimus (Heb. xii), » sed nec modicam egimus pœnitentiam, quæ, quanta ut sit vera debeat esse, Ambrosius (lib. ii *De unica pœnit.* cap. 10) ostendens ait : Plures inveni servasse baptismalem innocentiam, quam veram egisse pœnitentiam.

#### CAPUT CXLVI.

##### *De cautela pœnitentiæ*

Quam ut agas maxima cautela adhibenda est, scilicet, ut circumcisus et purgatus per confessionem de peccato, secundum Josue (cap. v) præceptum, maneat in eodem loco castrorum, donec perfecte saneris; quod fiet, si panem doloris et pœnitentiæ, cum silentio, extra strepitum turbæ, manducaveris, subtrahendo te a spectaculis, consortiis, personis et omni occasione peccandi. Unde Hieronymus : Professis pœnitentiam, periculosa est præteritarum voluptatum recordatio. Caro enim tenerime ad præteritas illecebras aspirat, spiritumque eductum de Sodomis, respicere in Ægyptum ad allia et pepones Pharaonis redire, hortando compellit (Num. xi). Quod ne fiat, abscondas cum Ra-

chele idola Laban sub fimo, peccata sub stercoribus pœnitentiæ (Gen. xxxi). Et non tantum peccata, sed etiam cum Jacob omnia phylacteria idolorum fractorum sub therebinto confodias (Gen. xxxv); hoc est omnem circumstantiam et occasionem peccati, per memoriam crucis Dominicæ, te ipsum mactando sepelias; nec occasiuncula aliqua recidivum patiaris. Propter hoc etiam abscondas et sepelias Ægyptium sub sabulo cum Moyse. Vitulum etiam conflabilem in minutissimum pulverem redigas (Exod. ii), ne memoria ejus refricetur. Nihil etiam de anathemate Jericho (Jos. vii), sicut infelix Achan tollas, sed totum coneremes, concineres, **318** et tunc securus dicas : « Remisisti, Domine, peccata plebis tuæ, » sic pœnitentis : « operuisti omnia peccata eorum, et projecisti post tergum omnia peccata mea (Psal. lxxxiv). »

Hæc autem cautela pœnitentiæ comitem habet fortitudinem adjunctam, de qua supra (cap. 117). Unde etiam dicitur : « Qui educit vinclos in fortitudine (Psal. lxxvii), » tum educentis, tum educti vel educendi; quam, ut tibi inferas, animadvertite factum Aod, qui infixit sicam in ventrem Eglon regis pinguisissimi tam valide, ut capulus ferrum sequeretur (Judic. iii). Nec eduxit gladium, sed ita, ut percusserrat, reliquit in corpore, statimque per secreta naturæ alvi illius stercora proruperunt. Hoc autem fecit clausis diligentissime ostiis cœnaculi et obfirmatis sera. Infigas ergo pœnitentiæ ferro adipem peccatorum, et perseveranter, usque scilicet ad capulum et finem pœnitentiæ, toto scilicet tempore vitæ; nec desistas, quousque sordes et circumstantiæ peccatorum proruperint; et hoc facias clausis ostiis mentis, et omnium semitarum et operum tuorum, ne per occasionem peccati relabaris. Hoc etiam facias exemplo ejusdem, qui (quasi quodam gladio) voto intrandi claustrum, cum primo in infirmitatem carnis solitam laboretur, se confodit, sic abstinens a consueto et inviscato peccato. Et te « gladio Domini devorante (Jer. xii) » carnes confodies, si secundum Evangelium vixeris, quod tibi erit crux et martyrium.

Item de cautela pœnitentiæ, Gen. cap. xix : « Noli respicere post tergum tuum, nec stes in omni circa regione, » quacunque scilicet circumstantia, vel occasione peccati, « sed in monte salvum te fac. » Item, de quantitate et acerbitate pœnitentiæ, quæ æquipollere debet igni purgatorio; aut enim Deus punit, aut homo. Si Deus, in igne purgatorio, cujus levissima pœna gravior et acerbior est, quam omnium martyrum exquisitissima tormenta. Si homo, temporali pœna, quæ æquipollere debet purgatorio pro posse hominis; quod fiet, si ignem tribulationis et acerbitalis pœnitentiæ pro viribus suis accenderit, alioquin insufficienter se punire, nec vere pœnitere videbitur. Ergo rari vere pœnitent.

Item, quanta debet esse pœnitentia, patet ex ea quod major et acerbior cruciatus, etiam in pari charitate, celeriore confert absolutionem in pur-

gatorio; ergo et in pœnitentia, quæ ei æquipollere debet. Ergo minus pœnitet, qui minus cruciatur, licet parem habeat charitatem. Qui vero magis cruciatur celerius liberatur a pœna peccati, et ita in hoc casu, scilicet pœnitentiæ, Deus delectatur in cruciatibus hominum, qui tamen majori cruciatio non merentur majus præmium, sed celeriores liberationem. « Fodias ergo circa arborem tuam et mittas stercora, » et sordes pœnitentiæ, ne « securi apposita jam ad radicem, excidatur (Luc. xiii). »

Contra mollietatem et delicias carnis præteritas, dormias in sacco; somnos nimios yigiliis multis eures; gastrimargiam jejuniis relevas, ebrietatem sili arefacias, sicutque contrariis contraria cures, et dicas: « Sicut incensa igni, » amore **319** male accedente; « et suffossa, » timore male humiliante, « ab increpatione vultus tui peribunt (Psal. lxxix). » Sic e contrario; « Incensa igni, » non tantum charitatis, sed tribulationis pœnitentialis bene accedentis, « et suffossa » timore divino bene humiliante, « a misericordia tua » salvabuntur et « exsultabunt (Psal. xxx). » Sicut enim ferrum igne et malleo purgatur, sic induratum et inolitum peccatum tribulatione et flagellis. De sic autem purgato et pœnitenti, ait David: « Respondit ei, » id est Domino, « in via virtutis suæ (Psal. ci), » pro posse suo pœnam temporalem æquiparans igni purgatorio, et ideo, quia in corde suo habebat jugiter memoriam mortis, et paucitatem dierum et brevitatem vitæ, quæ, ut in corde jugiter figatur, orans subdit: « Paucitatem dierum meorum nuntia mihi (ibid.), » id est fac ut semper brevitatem vitæ meæ habeam in mente.

#### CAPUT CXLVII.

*De brevitate temporis vitæ humanæ semper habenda in corde.*

De hujus autem brevitate vitæ semper habenda in memoria, ut pœniteas, ait David psalmo xxxviii: « Notum fac mihi, Domine, finem meum, » scilicet, ut illum semper habeam in corde; « et numerum dierum meorum, quis est, ut sciam quid desit mihi. Ecce mensurabiles posuisti dies meos, et substantia mea tanquam nihilum ante te, » respectu æternitatis tuæ. « Verumtamen universa vanitas omnis homo vivens, verumtamen in imagine pertransit homo; et nunc quæ est expectatio mea? Nonne Dominus? et substantia mea, » non eaduca, sed permanens in sæculum, « apud te est (Psal. xxxviii). »

Item philosophus: Omnis dies, omnis hora quam nihil sumus ostendit, et aliquo argumento recenti admonet fragilitatis nostræ oblitus, tamen æterna meditantes, respicere cogit ad mortem. Quam stultum est, ætatem disponere, nec crastinum quidem diem cum nec crastini sis dominus. O quanta dementia spes longas inchoantium, dicentiumque: Einam, ædificabo, credam, exigam, honores geram, tam demum lassam et plenam senectutem in otium referam. Omnia mihi crede felicibus dubia sunt; nihil sibi quisquam debet de futuro promittere; id

A quoque, quod tenetur, per manus exit; et ipsam, quam premimus, horam casus incidit. Ergo, sic semper formemus animum tanquam ad extremum ventum sit. Item Hieronymus: Quid est vita præsens? punctus. Et jucunditas temporalis? somnus, umbra, spuma, funus. Philosophus: Brevis et non vera voluptas. Somnus: quia, « Dormierunt somnum suum, et nihil invenerunt omnes viri divitiarum in manibus suis (Psal. lxxv). » Spuma, quia igniculo tri-duanæ febris dispergitur et dissolvitur. Vita humana tabidior est aranea; unde et: « Tabescere fecisti sicut araneam animam meam (Psal. xxxviii). » Umbra, quia, « Dies ejus sicut umbra præterit (Psal. cxliii). » Et poeta:

**320** *Nos levis umbra sumus, nos actus turbine sumus;*  
*Nos agri fenum, primum caro, postea cænum.*

Fumus, quia « vapor ad modicum parens, » sicut ait Jacobus (cap. iv). Et David: « Recordatus est, quia pulvis sumus, homo sicut fenum, dies ejus tanquam flos agri, sic effloret (Psal. cii). » Et item: « Tanquam fenum velociter arescent, et, quemadmodum olera herbarum cito decident (Psal. xxxvi); » quia, « sicut manè transeat, vespere decadat, induret et arescat (Psal. lxxxix). » Item poeta Ovidius (*De remed. amor.*):

*Singula de nobis anni prædantur euntes,*  
*Qui non est hodie, cras minus aptus erit.*

Item, ex Apologico licet instrui. Duo in amicitia confederati contraxerant, quod prior ex illis ditatus et promotus, reliquum statim sublimaret. Promotus est unus eorum. Statim accessit alter ad eum, petens ut ditaretur et exaltaretur. Qui, dum pararetur cœna, spatiatum euntes, alter alterius arte magica oculos perstrinxit, adeo ut jam videretur sibi, quod in metropolitanum et patriarcham eligeretur, et traheretur cum pompa multa, et musicis instrumentis inthronizaretur. Postea socius ejus illi aperuit oculos, subtrahendo artem magicam, invitavitque eum ad cœnam lautam jam paratam. Cui ait: Quare me a tanto gaudio subtraxisti? Si verum exstitisset gaudium, nec omnibus divitiis Cræsi compararem illud. Cui alter: Sed et illud, magis quam verum, debes eligere. Illud enim licet imaginarium, verius est gaudio et felicitate præsentis. Utrumque enim caducum et transitorium. Illud, sicut hoc, nulla amaritudine respersum est: nullum peccatum, vel non tantum subrepat. Magis ergo eligi debet quam hoc. Sicque utrique persuasus est contemptus mundi, adeo ut statim ad eremum vel claustrum convolarent. Item: Pro lauta cœna unius noctis nullum dispendium famæ, nullum dedecus, nullum periculum vel injuriarum corporis pateris; sed tota cœna præsentis vitæ, respectu futuræ nulla est; et cœna unius noctis aliquid est respectu cœnæ præsentis vitæ. Ergo, ne amittas futuram, pro viribus vitare debes omnia per quæ amittitur. Sollicite ergo per pœnitentiam et contemptum mundi studeas conservare thesaurum tantum laten-

tem « in vasis fletilibus (*II Cor. iv.*), » quem ad tantam beatitudinem et cœnam creavit Dominus. Item Osee (*Cap. xiii*): « Idcirco erunt homines quasi nubes matutina et sicut ros matutinus pertransiens; sicut pulvis turbine raptus ex area, et sicut fumus ex fumariorio. » Item Isa. c. *xxix*: « Et erit quasi pulvis tenuis multitudo ventilantium te, et sicut favilla pertransiens, et sicut somnium visionis nocturnæ. » Unde David: « Vidi impium superexaltatum; transivi, et ecce non erat; quæsi, et non est inventus locus ejus (*Psal. xxxvi*): » sed, etsi singula millenia temporis singulis arenis maris compares et continues, adhuc tempus finem consequetur, quia certus est numerus arenarum.

Constat itaque omne tempus quod excogitari potest punctum horæ et brevissimum esse respectu æternitatis. Quomodo igitur in tanta temporis **321** brevitate animam, quasi sub jactu alexæ ponis, non agens pœnitentiam? Sed nec audemus, nec possumus causam nostram induciare, sine proprio arbitrio iudicis. Quomodo autem reddituri causam et rationem de omnibus operibus nostris æterno iudici differimus, et procrastinamus pœnitentia, et bene agere, maxime cum comminatur nobis, quia, « sicut fur in nocte veniet (*I Thes. v*); » cum exhortando dicat: « Ambulate dum dies est ne vos tenebræ comprehendant? (*Joan. xii.*) »

Item Hieronymus (*In cap. xxv Ezech.*): Mundus et omnis flos ejus, et delectatio, quasi « lenticula rufa est (*Gen. xxv*). » Respice ergo, filii. Noli vendere jus et dignitatem primogenituræ, benedictionemque paternam pro lenticula rufa. Item Gregorius (*lib. xiv, Mor. cap. iv*): Transitoria et brevis est voluptas fornicationis, sed perpetua est pœna fornicatoris. His omnibus incuti potest nobis timor, quo amplius festinemus agere pœnitentiam.

Item, David deplangens brevitem vitæ humanæ psalmo *LXXII*, ait: « Quomodo facti sunt in desolationem, subito defecerunt, perierunt propter iniquitatem suam. Velut somnium surgentium, Domine, in civitate tua imaginem ipsorum ad nihilum rediges. » Ob hoc dives quidam ut voluptates suas amaricaret, quasi eis frenum imponendo, dum pranderet habuit famulum qui ei diceret: « Morieris, morieris. » Optima enim philosophiæ diffinitio est, assidua mortis meditatio. Et philosophus (*SENÆCA ep. 24 et 54*), ait: Quem mihi dabis qui aliquod pretium temporis ponat, qui diem æstimet, qui intelligat se quotidie mori? In hoc enim fallimur, quod mortem non prospiciamus. Magna enim pars ejus jam præterit. Quidquid ætatis retro est, mors tenet.

Omnes ergo horas complectere; sic fiet, ut minus ex crastino pendeas, si hodierno manum injeceris. Quomodo ergo miser omni hora domui tuæ non disponis? Quomodo infelix jugiter mortem oculis tuis non anteponis? Cogita jam esse mortuum, quem de necessitate scis esse moriturum. Sed et pueritia tua jam in te periit, mortua est in te ado-

lescentia, recessit juvenus, jam senectus te cruciat. Senium imminet, ut exstinguat et sepeliat. Scito quod clepsydra non tantum ultimum stillicidium exhaurit, sed et omne quod ante effluerat, sic nec mortem ultima tantum vitæ hora claudit, sed perficit et consummat. Etenim hunc ipsum diem, qua vivimus, cum morte dividimus. Item Hieronymus: In hoc maxime deprehenditur fatuitas nostra, quod cum damnum temporalium rerum statim sentiamus; damnum et defectum corporis et membrorum non sentimus, ut putrefactionem, commotionem et casum dentium.

Vigiles sumus in damno annonæ sentiendo, lethargici et stupidi in periculo animæ considerando et vitando, imparati, nec solliciti, venientes ad nundinas regis cœlestis; accedere timentes; ad temporales nundinas non nisi præparati et sollicitè præmuniti necessariis, quibus caduca mercemur. Servi ergo pigri et pessimi mercatores, cum felici commercio pro terrenis cœlestia **322** commutare debeamus: quomodo patrifamilias dicemus: « Domine, duo, vel quinque talenta tradidisti mihi, ecce alia duo, vel quinque, superlucratum sum, » non dantes « pecuniam Domini ad usuram (*Math. xxv*), » antequam reddituri simus de ea rationem? Item, cum conductus sis in vineam Domini excolendam sanguine Agni immaculati, quomodo in undecima hora stas otiosus? Saltem et in novissima hora operare, sciens, quia primam, tertiam et sextam otiosus et sine fructu transieris (*Math. xx*). In qua hora te esse credis? Cur modicum expectas? Jam tibi forte præsens est hora novissima, ut jam veniat Dominus et pulset ad ostium tuum, dicens: Aperi, aperi. Pro brevitate igitur vitæ humanæ pœnitens jugiter timendo cum Ezechia dicat: « Ego dixi: In dimidio dierum meorum vadam ad portas inferi. Quæsi residuum annorum meorum: dixi, non videbo Dominum Deum in terra viventium. Non aspiciam hominem ultra, et habitorem quietis. Generatio mea ablata est, et convoluta est a me, quasi tabernaculum pastorum. Præcisa est velut a texente vita mea, dum adhuc ordire succidit me, de mane usque ad vesperam finies me. Sperabam usque ad mane, quasi leo, sic contrivit ossa mea. De mane usque ad vesperam finies me, sicut pullus hirundinis sic clamabo, meditabor ut columba, etc. (*Iza. xxxviii*). » Dicat etiam, quia: « Viri sanguinum non dimidiabant dies suos (*Psal. lxxv*). » Inchoatio tamen veræ pœnitentiæ, quasi dimidiatio dierum est, quia: « Melior est dies una in atriiis tuis, » et pœnitentis, « super millia (*Psal. lxxxiii*), » existentis in peccato. Quidam tamen ad litteram hic inchoant dies suos, quidam dimidiant Deo, quidam terminant, quidam perficiunt et consummant. Item Job cap. *vii*: « Militia est vita hominis super terram. » Item cap. *xiv*: « Homo natus de muliere, brevi vivens tempore, repletur multis miseriis. » Item cap. *xx*: « Hoc scio quod laus impiorum brevis sit, et gaudium hypocritæ ad instar

puncti, qui quasi sterquilinum in fine perdetur. » Et infra : « Sublimati et confortati sunt divitiis, et lusibus, quorum parvuli tenent tympanum et citharam, et gaudent ad sonitum organi. In bonis ducunt dies suos, et in puncto horæ descendunt ad novissima inferni. »

### CAPUT CXLVIII.

#### *De acceleranda pœnitentia.*

« Faciem habet euntis in Jerusalem (*Luc. ix.*), » qui jugiter habet in corde brevitate humanæ vitæ, memor illius verbi Domini : « Orate ne fiat fuga vestra hieme, vel Sabbato (*Matth. xxiv.*), » hoc est tempore senectutis frigescentis, vel sero, vel tempore quietis, quando quiescendum est, post iudicium scilicet, sed magis : « dum lucem habetis credite in lucem; ut filii lucis sitis (*Joan. xii.*) » — « Pœnitementi (*Act. iii.*), » et satisfacite pro peccato tempore seminandi, dum « vitales carpitis auras. » — « Euntis ibant et flebant mittentes semina sua (*Psal. cxxv.*). » — « Tempore enim suo metetis (*Gal. vi.*) »

Verum : « Qui parce seminat, parce et metet, et qui seminat in benedictionibus » et laboribus **323** pœnitentialibus, « de benedictionibus et metet (*II Cor. ix.*) » vitam æternam. Acceleranda est igitur pœnitentia, et toto tempore vitæ agenda, præsertim exemplo Noe, qui centum annis fabricavit arcam (*Gen. vi.*), in qua se a morte temporali, et ad horam salvaret. Quanto magis arcam, id est animam tuam, pro qua mortuus est Christus, toto tempore vitæ debes præparare, et cum majori sollicitudine intus in corde (ad te, et Deum) et extra in opere (ad te, et proximum) bitumine charitatis indissolubili linire debes propter æternam mortem vitandam? Sed nec cessandum est a linitione ejus propter opprobria, et contumelias vicinorum et parentum, quemadmodum nec Noe cessavit a fabricatione arcæ. « Sicut enim exhibuistis membra vestra, et quanto tempore, servire immunditiæ et iniquitati, ad iniquitatem (*Rom. vi.*); » sic et tanto, etc.

### CAPUT CXLIX.

#### *De septem causis accelerandæ pœnitentiæ.*

Sunt autem septem causæ, propter quas præcipue acceleranda est pœnitentia. Prima est consuetudo peccandi, a qua quis difficile avelli potest, cujus usus dediscitur ægre; quia consuetudo maximum vinculum importat, quasi altera natura : Et (*Horat., lib. 1, epist. 2.*) :

*Quo seniel est imbuta recens servabit odorem  
Testa diu.*

Nullusque est remedio locus, ubi quæ fuere vitia mores sunt. Facile est autem ad consueta reverti, et difficile avelli potest a consuetudine, cujus usus multo detinuit tempore, et magna placuit voluptate (*Horat., lib. II, serm. 5.*) :

*Ut canis a corio non exterrebitur uncto.*

Sic nec assuetus peccare a peccato. Qui enim premitur lapide consuetudinis peccati, quatruiduanus setet

cum Lazaro, « sedetque in tenebris et umbra mortis (*Joan. xi.*), vinctus in mendicitate et ferro (*Psal. cvi.*), » id est ferrea, dura et vix dissolubili consuetudine. Hieronymus : Vix potuit (populus Israel) in deserto oblivisci lautioris mensæ, et Ægyptiacæ, peponum, voluptatum scilicet, et mille turpitudinum perpetratarum. Viscosa enim est inolita consuetudo, et prava. Unde Jerem., cap. xiii : « Si mutare potest Æthiops pellem suam, aut pardus varietates suas, et vos poteritis benefacere cum didiceritis malum, » studio et consuetudine. Idem, cap. xviii : « Dicit Dominus : Nullus est qui agat pœnitentiam super peccato suo, dicens : Quid feci? Sed omnes conversi sunt ad cursum suum, quasi equus in impetu vadens ad prælium. » Idem, cap. ix : « Docuerunt linguam suam loqui mendacium, ut inique agerent **324** laboraverunt. » Item Basilius Magnus (*lib. Regul. disput. resp. 6.*) : Sicut non potest homo discere maternam linguam, sic nec vix longam peccati consuetudinem. « Beatus ergo qui portaverit jugum » Domini « ab adolescentia sua, et levaverit se supra se (*Thren. iii.*), » quia *ars fit, ubi*, id est postquam, *a teneris crimen didiscitur annis.* (*Ovid., ep. 4 Her.*)

Secunda causa est ruina de peccato in peccatum. Peccatum enim quod statim non diluitur per pœnitentiam, suo pondere ad aliud trahit (*Basil., in e. 1 Isaïæ.*) « Sanguis sanguinem tetigit (*Osee iv.*), ut impleant peccata sua semper (*I Thess. ii.*). Nondum impleta sunt peccata Amorrhæorum (*Gen. xv.*) » « Væ illis qui trahunt longam restem peccatorum. Hic est « funiculus cum quo ligati projicientur in tenebras exteriores (*Matth. xxii.*) » Putruerunt et corruptæ sunt cicatrices meæ a facie insipientiæ meæ. Miser factus sum, et curvatus sum usque ad finem (*Psal. xxxvii.*), » etc. « Et peccator cum venerit in profundum malorum, contemnit (*Prov. xviii.*) » Manens in mortali, « thesaurizat sibi iram in die iræ justii iudicii Dei, secundum cor suum impœnitens (*Rom. ii.*) » « Abyssus » etenim « abyssum invocat (*Psal. xli.*) » Timeas ergo manere in peccato propter sequelam ejus. Talibus enim imprecans Propheta, ait : « Fiat via illorum tenebræ et lubricum, et angelus Domini persequens eos (*Psal. xxxiv.*) » Et : « Obscurentur oculi eorum ne videant, et dorsum eorum semper incurva, » etc. (*Psal. lxxviii.*) « Propter hoc tradidit eos Deus in reprobum sensum, in passionem ignominiæ, ut faciant ea, quæ non conveniunt (*Rom. i.*) » Item ad Hebræos, cap. xii : « Videte ne quid desit gratiæ Dei, » etc. Noli ergo mutuare talentum ab exactore diabolo, quia cum multo fenore reddes illud. « Scrutabitur enim fenerator omnem substantiam tuam, et diripient alieni labores tuos (*Psal. cviii.*) »

Tertia causa et periculum est mors subitanea, intempesta, et incerta. Licet enim nil certius sit morte, tamen nil incertius hora mortis, qua ne « præoccupatus fueris (*Sap. iv.*), » pœnitentia eam prævenire debes. Unde Dominus in Evangelio : « Vi-

dete, vigilate, et orate (*Marc. xiv*): Nescitis enim A qua hora Dominus venturus est. Beatus ille servus quem, cum venerit Dominus, invenerit vigilantem. Si sciret paterfamilias, qua hora fur veniret, vigilaret utique, et non sineret perfodi domum suam (*Matth. xxiv*). Et vos estote parati, quia, qua hora non putatis, Filius hominis veniet (*Luc. xii*). » Item: « Stulte, hac nocte repetent (*ibid.*), » etc. « Justus, si morte præoccupatus fuerit, in refrigerio erit (*Sap. iv*), » injustus vero, si morte præoccupatus fuerit, in æterno supplicio erit. « Mors peccatorum pessima (*Psal. xxxiii*); virum injustum mala capient in interitu (*Psal. cxxxix*). Non mortui laudabunt te, Domine (*Psal. cxiii*). Vivens, vivens ipse confitebitur tibi (*Isa. xxxviii*). » In inferno nulla est redemptio, nulla est confessio; quia: « In inferno quis confitebitur tibi? » (*Psal. vi*). Hieronymus: Collige ergo in sexta ætate gomor unum cælestis mannæ, quod tibi sufficiat in septima quiescentium. Quia: « Amodo jam dicit Spiritus ut requiescant a laboribus suis (*Apoc. xiv*). » Dicis etiam cum Propheta: « Si dederò somnum oculis meis, et palpebris meis dormitationem, » etc. (*Psal. cxxxii*). Sicque dormi tanquam non amplius evigilaturus: sic vigila, quasi non amplius dormiturus:

*Omnes crede diem tibi diluxisse supremum.*

(HORAT., lib. 1, ep. 4.)

« Nescis quid pariat ventura dies (*Prov. xxvii*): nimis est thesaurus quem tanto periculo 325 subijcimus. Insidiæ enim nobis sunt undique, et a multiplici hoste.

Quantum periculum est: quod, etsi tibi diu ægrotanti detur spatium deliberandi et pœnitendi, tamen absorptus a morbo, præ acumine ejus, totus morbo servis et intendis, non pœnitentiæ; adeoque omnis in hoc es, quod prius exigis et vocas medicum corporalem quam spiritualem; plus gaudes, de adventu medici quam confessoris. Unde HILDEBERTUS Gen., in incendio):

*Ha! quam sollicito quisque labore,*

*Occursat medico carnis amore.*

*De morbis animæ nulla querela,*

*Egressam sequitur tarda medela.*

Hieronymus: Age ergo pœnitentiam dum sanus es, dum peccare potes, ut ex amore, et non timore, videaris pœnitere, et peccata relinquere, non ipsa D. Si ægrotas, quomodo scis quod vere pœniteas? Hieronymus: Vix aliud potes cogitare quam sentias. Illuc enim tota mentis rapitur intentio, ubi est vis doloris. Delicata autem res est pœnitentia, et quieti animi, et tranquilli: non vult aliis occupari et impediri. Nec mirum. Quippe negotiola nostra, ut bene peragantur, temporis diuturnitatem et opportunitatem exigunt, a motis obstaculis et aliis curis. Et cum omnem vitam debuerimus Deo, quomodo tantum una hora victuri totum solvemus? Non erit inanis actio iudicis contra nos, nec eam potest inopia debitoris excludere, cum toto tempore vitæ fuerit solvendo.

Quantum periculum est, existente vera pœnitentia

licet sera, quod non præcavimus ignem purgatorium, quem præcavisse debueramus, qui gravior est exquisitissimis martyrum tormentis, scientes quod, aut Deus punit, aut homo, et quod « horrendum sit incidere in manus Dei viventis (*Heb. x*). » Ergo: « Erubescant et conturbentur vehementer omnes inimici mei, convertantur et erubescant valde velociter (*Psal. vi*). »

Sextum est difficultas vere pœnitendi. Unde Ambrosius (lib. II *De uni. pœnit.* c. 10): Plures inveni baptismalem innocentiam servasse, quam veram pœnitentiam egisse. Facilius est sanitatem habitam conservare, quam amissam restituere. Hoc enim non nisi per amaras potiones, ignem, flammam et ferrum perficitur.

B Septimum est amaritudo et erubescencia confitendi peccatum excoriate cum omnibus circumstantiis suis coram sacerdote. Unde Apostolus: « Et nunc quem fructum habuistis, in quibus nunc erubescitis? » (*Rom. vi*). Sic, sic per amarum poculum confectionis pervenitur ad gaudium salutis (*Greg. hom. 27 in Evang.*). Sed ubi est, qui sibi perizomata non faciat cum Adam (*Gen. iii*), excusans peccatum suum, vel in substantia ejus, vel in alia circumstantia quam erubescit confiteri? Ubi est? « Et laudabimus eum (*Eccli. xxxi*). » Propter hæc et multa alia abstinentum esset a peccato pro viribus nostris.

## 326 CAPUT CL.

*De pœna æterna.*

C Præter prædicta ad accelerandam pœnitentiam, necessaria est pœnæ æternæ, simul et beatitudinis æternæ vel vitæ, jugis meditatio. Inter has molas semper debet moli anima Christiana ut fiat panis suavissimus Domino. Pœnam æternam Propheta ante oculos ponens, statumque futuri iudicii, ad incutiendum nobis horrorem et timorem, ut acceleremus pœnitentiam, breviter describens, ait: « Pones eos, Domine, ut clibanum ignis (*Psal. xx*), » ut non habeant quo exteant vel ubi quiescant, vel respirent super singulis peccatis suis, mordente et urente eos igne et verme conscientiæ, sicut in clibano, « in tempore vultus, » hoc est vultuositatis et iræ tuæ, quando « potens sicut crapulatus a vino (*Psal. lxxvii*), » veniens ad iudicium, clangente tuba per angelum: « Surgite mortui, surgite, qui dormitis in sepulchris. »

Hinc: « Dominus in ira sua conturbabit eos (*Psal. xx*), » disceptans cum eis. « Esurivi, et non dedistis mihi manducare (*Matth. xxv*); » de quocunque pane et talento vobis commisso ad erogandum. Sitivi et non dedistis mihi bibere (*ibid.*), » et ita de cæteris operibus misericordiæ, addito septimo, scilicet sepultura mortuorum, opere sancti Tobie. Et item: « Serve nequam et piger abscondens talentum domini tui, sciebas quia homo austerus sum, meto ubi non semino, et congrego ubi non sparsi: Nonne oportuit te committere pecuniam meam numulariis, et ego veniens recepissem utique quod

meum est cum usura?) Ultimo hac voce, velut gladio transigentur: « Non novi vos; » et hac: « Ite, maledicti, in ignem æternum. » Et hac: « Mittite eos in tenebras exteriores, illic erit fletus et stridor dentium (*ibid.*). » Tunc devorabit eos ignis (*Psal.* xx) gehennæ æternus, excitans in eis fumum et lacrymas æternas. Quibus « erit stridor dentium, » [propter gelu æterni supplicii, quia « transibunt ab aquis nivium, ad calorem nivium (*Job* xxiv); » sicque in triplici inferno punientur.

Prime, audito « verbo aspero (*Psal.* xc), Surgite mortui, » cum excitabuntur, et evigilabunt a somno mortis, statim torquente et dampnante eos conscientia.

Secundo, audito verbo asperiori in exprobratione peccatorum, et « talenti » non erogati, sed « absconditi (*Matth.* xxv). »

Tertio, audito verbo asperissimo: quando ruent et descendent in abyssum inferni: « Ite, maledicti, in ignem æternum (*ibid.*). » Hanc miseriam damnandarum alibi exprimens Propheta, ait: « Tunc loquetur ad eos in ira sua, et in furore suo conturbabit eos (*Psal.* ii). » Item Isaias ultimo capitulo: « Egredientur, » electi, non delectatione pœnæ illorum, sed de manifesta visione, « et videbunt cadavera virorum, qui prævaricati sunt in me. Vermis eorum non morietur, et ignis eorum non exstinguetur; et erunt usque ad satietatem visionis omni carni: » quia « lætabitur justus cum viderit vindictam (*Psal.* lvi). » **327** Item Joannes Baptista, *Matth.* cap. iii: « Progenies viperarum, quis docuit vos fugere a ventura ira? Facite fructus dignos pœnitentiæ. Et ne velitis dicere intra vos: Patrem habemus Abraham, » de cornu altaris sumus: templum Domini et sacra Scriptura inter nos: « Dico enim vobis, quoniam potens est Deus de lapidibus istis suscitare filios Abraham. Jam securis ad radicem arboris posita est. Omnis arbor, quæ non fecerit fructum bonum excidetur, et in ignem mittetur. » « Sedebit vetustus dierum cum senatoribus terræ (*Prov.* xxxi), » « cujus ventilabrum in manu sua, et permundabit aream suam, et congregabit triticum suum in horreum suum; paleas autem, et zizania comburet igni inextinguibili (*Matth.* iii; *Luc.* iii). » Item Habacuc, cap. iii: « In fremitu conculcabis terram, in furore obstupescas gentes; » quia quis mensus est, « vel quis potest iram tuam dinumerare? » (*Psal.* lxxxix.) Vel: « quis potest durare cum ardoribus sempiternis? » (*Isa.* xxxiii.) Quis novit potestatem iræ tuæ? (*Psal.* lxxxix.) Pro hoc furore et ira amovendis orans Propheta, ait: « Domine, ne in furore tuo, » æterni supplicii, « arguas me, » puniendo; « neque in ira tua, » ignis purgatorii, « corripas me (*Psal.* vi), » quod minus etiam est purgando. Sed hic ure, hic seca.

Item Sophonias, cap. i: « Vox clamoris » a prima « porta, » hoc est, a visu conscientiæ jam damnantis eos, « et ululatus » a secunda, hoc est, a porta auditus, audientibus illis hanc vocem terribilem: « Ite,

maledicti (*Matth.* xxv). » Et post: « Contritio magna a collibus (*Soph.* i). » Quia enim non habuerunt visum et auditum, « fenestras » ad peccandum, strictius et minus peccantes, sed « portas, » dilando hos sensus ad peccandum; non habebunt [scilicet sensus] illos « fenestras » in pœna, ut angustas et modicas patiantur pœnas, sed « portas, » ut late et ample torqueantur. Item: « Ignis gehennæ succensus est in furore meo, et ardebit usque ad inferni novissima (*Deut.* xxxii). » Item: « Pluet super peccatores laqueos (*Psal.* x). » ignis in præsentem peccata, quibus velut funibus ligati, « mittentur in tenebras exteriores (*Matth.* xxv). » Et « ignis » gehennæ « et sulphur, » id est setor peccatorum, et pœnarum infernalium erit « pars calicis » id est, pœnæ « eorum (*Psal.* x); » quia in his partialiter punientur, quorum quantitas et qualitas non possunt explicari nisi partialiter, vel punientur partialiter, quia minus quam meruerunt.

Item Parabolarum, cap. xix: « Parata sunt de-risoribus, » id est contemnentibus divina mandata, « judicia » damnationis, et « mallei percutientes stultorum corporibus; » quia, ut ferrum candens, ita et in incude malleis verberabuntur et percutientur. Nunquid ergo deficient in pœna? Absit! quia « sicut oves in inferno positi sunt, » quibus, lana attonsa, alia succrescit, « Mors depascet eos (*Psal.* xlviii). » Crescent enim ad pœnas, sicut summitas virgæ, vel herbæ ab ove depasta nihilominus crescit. Item ad Hebræos, cap. x: « Terribilis autem quædam expectatio iudicii, et ignis gehennæ æmulatio, quæ consumptura est adversarios Dei. » Item *Job*, cap. x: « Quare de vulva eduxisti me? Qui utinam consumptus essem, ne oculus me videret. Fuissem quasi non essem, de utero translatus ad tumulum. Nunquid non paucitas dierum meorum finietur brevi? Dimitte ergo me, ut plangam paululum dolorem meum, antequam vadam, et non revertar ad terram tenebrosam, et opertam mortis caligine, **328** terram, miseræ et tenebrarum, ubi umbra mortis, et nullus ordo, sed sempiternus horror inhabitat. »

Item: Si reum regie majestatis, quamvis humanis legibus plecti capite sanctum est, quis finis erit contemnentium divinam omnipotentiam? « Tangit montes et fumigant (*Psal.* ciii); » et tam timendam majestatem audet irritare vilis pulviculus, uno levi flatu dispergendus, minimeque reconciliandus vel recolligendus? Ille, ille timendus est, « Qui postquam occiderit corpus, potestatem habet mittere in gehennam (*Luc.* xii). » Paveo gehennam, paveo iudicis vultum ipsis quoque tremendum angelicis potestatibus. Contremisco « ab ira potentis (*Jer.* iv), a facie furoris ejus (*Jer.* xxx), a fragore ruentis mundi, a conflagratione elementorum (*II Petr.* iii), a tempestate valida (*Psal.* x), a voce archangeli (*I Thess.* iv), et verbo aspero (*Psal.* xc). »



Contremisco a dentibus bestiae infernalis, a ventre inferni, et a rugientibus preparatis ad escam (Eccli. Li.) Horreo vermem rodentem et ignem torrentem, fumum, et ardorem et torporem, et sulphur, et spiritum procellarum (Psal. x.) Horreo et tenebras exteriores (Matth. xxv.) — Quis dabit capiti meo aquam, et oculis meis fontem lacrymarum (Jer. ix.)? ut praeveniam fletibus fletum et stridorem dentium, et manuum pedumque dura vincula, et pondus catenarum prementium, stringentium, urentium, nec consumentium. Heu! me, mater mea, ut quid me genuisti (Jer. xv), filium doloris, filium amaritudinis, et indignationis, et plorationis aeternae? Cur exceptus in genibus, cur laetatus uberibus (Job. iii), natus et in combustionem et cibum ignis? (Isa. ix.) Qui sic afficitur, sensum procul dubio recuperavit, timidusque et verecundus currit ad confessionem, qua omnium peccatorum maculae delentur.

Sed dices: Non possum ita jejunare, flere, siliere, continere, et hujusmodi. Cui respondetur: Debes tamen velis nolis, et de necessitate in inferno ab his abstinere. Haec ergo praeveni, ut manduces panem in regno Dei. Item: Ex picturis, in quibus animadvertere potes peccatis similibus deberi consimiles poenas, hominesque in membris puniri in quibus peccaverunt: alium in genitalibus uri, alium in lingua, alium in palato; alii oculos erui, alii pedes truncari, et vinciri, et hujusmodi. Patrem etiam in filios involare, eisque exprobrare se causa eorum peccatorem et feneratorum existisse, et ideo in eos insurgere, vultusque eorum dentibus et unguibus lacerare. Et e contrario filios insurgere in patrem, eique sub dialogo exprobrare illum materiam dedisse sibi rapinae, et detentionis rei alienae.

Item Beda (In Hist. gentis Anglorum, lib. v, cap. 45) de quodam patrefamilias religiosam vitam cum domo sua in Britannia minore ducente: Qui infirmitate corporis tactus, demum primo noctis tempore defunctus est, sed diluculo reviviscens, ac repente residens, omnes, qui corpori fletus assederant timore percussos in fugam convertit praeter uxorem, quae cum plus ceteris dilexit. Quam pavidam consolans, ait: Noli timere, quia jam vere surrexi a morte, qua tenebar inter homines, item vivere permissus, ita tamen, non ut ante, sed multum dissimiliter vivam. Is statim oratorium petens, et ab oratione deinde rediens in domum, omnem substantiam in tres divisit portiones, e quibus unam conjugi, alteram filiis tradidit, tertiam sibi reservans statim pauperibus distribuit. Nec multo post saeculi curis absolutus, ad monasterium juxta flumen situm pervenit, acceptaque tonsura locum secretae mansionis, quam ei praeviderat abbas, intravit. Ibi usque ad diem mortis in tanta mentis et corporis contritione duravit, ut multa illum, quae alios laterent, vel horrendo, vel desideranda vidisse, etiamsi lingua

sileret, vita loqueretur. Narrabat autem sic quod viderat:

Lucidus, inquam, aspectu, et clarus erat indumento, qui me ducebat. Cum autem tacite incederemus, devenimus ad vallem latam, longam et profundam, habentem in una parte ignes ferventissimos, et stridulos; in altera omne genus frigoris nivium, grandinis et pruinarum. Tunc coepi cogitare quod infernus esset. Cui cogitationi mea dux meus respondens: Non est, inquit, hic locus inferni, ut tu putas, sed locus purgatorius, in quo animae purgandae, fatigatae igne, prosiliunt in medium infesti frigoris, et vice versa. Cum autem paululum me in interiora duceret, vidi ante me loca tenebrosa, et quasi tenebras palpabiles. Ubi, quasi de quibusdam puteis, vidi globos favillarum cum fumo ascendere, et fetore ebulliente, et emisso: item globos illos relabi in profundum vicissim. Cumque pavidus paulisper ibi consisterem, incertus quid agerem, vel quo me verterem, audio post tergum sonitum immanissimi fletus et ejulatus, simul et cachinnum crepitantem, quasi vulgi indocti captis hostibus insultantis. Consideroque turbam malignorum spirituum cachinnis insultantium, animasque tres ad infernum trahentium; e quibus, ut dignoscere potui, quidam erat aeternus ut clericus, quidam laicus, et quaedam femina. Sicque cum eis descenderunt in puteos. Interea spiritus quidam ascenderunt de abyso flammivoma, habentes oculos flammantes, de ore et naribus ignem putridum efflantes, qui forcipibus igneis nitebantur me comprehendere, sed non praevaluerunt. Apparuit enim mihi dux meus cum fulgore, quasi stellae micantis, semperque crescentis inter tenebras. Eductusque in lucem apertam, vidi ante nos murum permaximum, altum et longum sine termino, non habentem januam, vel fenestram, vel ascensum: in cujus summitate, nescio quo ordine, statim fuimus.

Et ecce ibi campus latissimus plenus fragrantia vernantium flosculorum, et splendore lucis inenarrabilis, in quo erant innumera hominum albatorum conventicula, sedesque plurimae, et laetantium agmina. Tunc coepi cogitare quod regnum caelorum esset, de quo saepe audieram. Cui cogitationi meae respondens dux meus: Non est hoc, inquit, regnum caelorum, ut autumas, sed regio spirituum sanctorum; nondum tamen tantae perfectionis, ut in regnum caelorum statim mereantur introduci. Puteus autem flammivomus, quem vidisti, os ipsum est gehennae; in quem qui semel ceciderit, nunquam inde exiit. Tu autem quia nunc ad homines revertieris, studeas magis in simplicitate et rectitudine vivere, ut inter haec, quae cernis agmina laeta in aeternum vivas. Delectatus autem suavitate et loci decore, consortioque sanctorum, multum detestatus sum reverti ad corpus, nec tamem ductorem aliquid rogare audebam. Sed inter haec, nescio quo ordine, repente me inter homines vivere cerno.

Narrabat autem visiones suas non curiosis et indoctis, sed religiosis, etiam regi Wilfrido [*forte* Alfrido] viro religioso, victitans usque ad diem mortis in pane cribrario, tenuique diæta, intrans flumen quotidie, sæpe etiam congelatum ob carnis castigationem, in quo preces et orationes fudit Domino. Cui cum objiceretur quare tot se miseris et frigoribus affligeret, respondit: Ut caveam majora quæ vidi. Sicque exemplo sanctæ conversationis suæ multos provocavit ad pœnitentiam. Item Hieronymus ad Heliodorum: Veniet, veniet dies illa, in qua corruptibile hoc induet incorruptionem, et mortale hoc immortalitatem (*I Cor. xv*); — beatus servus, quem Dominus invenerit vigilantem (*Luc. xii*). Tunc ad vocem tubæ pavebit terra cum populis, tu gaudebis. Judicaturus Domino, lugubre mundus immugiet, tribus ad tribum pectora ferient, potentissimi quondam reges nudo latere palpabunt. Exhibebitur cum prole sua vere tunc ignitus Jupiter, adducetur et cum suis stultus Plato discipulis; Aristotelis argumenta non proderunt. Tunc rusticanus et pauper exultabis, ridebis, et dices: Ecce crucifixus Deus meus. Ecce iudex, qui obvolutus pannis in præsepio vagiit. Hic est ille operarii, et quæstuarie filius; hic, qui matris gestatus sinu, hominem Deus fugit in Ægyptum; hic vestitus coccino, sentibus coronatus. Hic magus, dæmonium habens, et Samarites appellatus a blasphemis. Cerne manus, Judæ, quas fixeras; cerne latus, Romane, quod foderas. Videte corpus, an idem sit quod dicebatis clam nocte sustulisse discipulos. Ut hæc tibi, frater, dicerem, tua me compulit dilectio, et ut te gaudiis his interesse contingat, laborem, qui nunc durus est, aggredere.

#### CAPUT CLI.

##### *De gaudio, et præmio beatitudinis æternæ.*

Hieronymus in fine epistolæ ad Eustochium describens gaudia et præmia beatitudinis æternæ, ait (*De virginit. servanda*): Egredere paulisper, quæso, de carcere, et præsentis laboris ante oculos tuos pingere mercedem, quam nec oculus vidit, nec auris audivit, nec in cor hominis ascendit (*I Cor. ii*). Qualis erit illa dies, cum tibi Maria mater Domini choris occurret comitata virginis, cum post Rubrum mare, submerso cum suo exercitu Pharaone, tympanum tenens, præcinet responsuris: « Cantemus Domino, gloriose enim honorificatus est: equum et ascensorem **331** projecit in mare! » (*Exod. xv*.) Tunc Thecla in tuos læta volabit amplexus; tunc et ipse Sponsus occurret, dicens: « Surge, veni, proxima mea, sponsa mea, columba mea (*Cant. ii*); » quia, « ecce hiems transit, imber abiit, et recessit (*ibid.*) » tibi. Tunc et angeli mirabuntur, et dicent: « Quæ est ista prospiciens, quasi diluculo, pulchra ut luna, electa ut sol? Videbunt te filiæ, et reginæ laudabunt, et concubinæ prædicabunt (*Cant. vi*). » Hinc et alius castitatis chorus incurret. Sara cum nuptis veniet, filia Phaueljs

Anna cum viduis. Erunt in diversis gregibus carnis et spiritus, matres tuæ. Lætabitur illa quod genuit, exultabit illa quod docuit. Tunc vere Dominus super asinam ascendet, et cælestem ingrediatur Jerusalem (*Matth. xxi*), tunc parvulus (de quibus in Isaia Salvator effatur: « Ecce ego, et pueri mei, quos mihi dedit Deus (*Isa. viii*), » palmas victoriae sublevantes, consono ore cantabunt: « Hosanna in excelsis! Benedictus qui venit in nomine Domini! Hosanna in excelsis. » (*Matth. xxi*.)

Tunc « centum quadraginta quatuor millia in conspectu throni et seniorum tenebunt citharas, et cantabunt canticum novum. Et nemo poterit dicere canticum illud (*Apoc. xiv*), » nisi numerus diffinitus. « Hi sunt, qui cum mulieribus non sunt coinquinati: virgines enim permanserunt. Ili sunt, qui sequuntur Agnum quocumque vadit (*ibid.*). » Quotiescunque te vana sæculi ambitio delectaverit, quoties in mundo videris aliquid gloriosum, ad paradisum mente transcendere: Hic esse incipe quod futura es, et audies a Sponso tuo: « Pone me sicut » umbraculum « in corde tuo, sicut signaculum in brachio tuo (*Cant. viii*), » et opere pariter, et mente munita, clamabis et dices: « Aquæ multæ non poterunt extinguere charitatem, et flumina non cooperient eam (*ibid.*). » Item Hieronymus in fine epistolæ ad Demetriadem [t. II incipit: « Si summo ingenio, » sed non est Hieron]: Considera, quæso, magnitudinem præmii tui, si tamen considerari potest quidquid immensum est. Post abscissum animæ, post interitum carnis, post favillas et cinerem, in meliorem statum virgo reparanda es. Mandatum corpus terræ, in cælum elevandum est; mortale tuum immortalitatis honore mutandum est. Post hæc, angelorum donanda es consortio, regnum acceptura cælorum, et in perpetuum mansura cum Christo.

Quid igitur retribuēs Domino pro omnibus quæ retribuit tibi? (*Psal. cxv*.) Quid remuneratore tanto dignum facies, aut quem laborem putabis durum, cujus tanta sunt præmia? Unde Apostolus: « Nullæ sunt condignæ passionēs hujus temporis ad futuram gloriam, quæ revelabitur in nobis (*Rom. viii*). » Et item: « Hoc momentaneum passionis, æternum gloriæ pondus operatur in nobis (*II Cor. iv*). » Tu ergo, cui adventus Christi dierum noctiumque meditatio est, cui pro conscientie puritate, Domini est optanda præsentia; quæ consummationem sæculi, quasi certum præmii tui tempus expectas, exultationem de illo die capies, non timorem. Tunc enim tu sanctorum mista choris et sanctis comitata, virginibus, in amplexus Sponsi obviam subvolabis, et dices: « Inveni quem quæsit anima mea (*Cant. iii*). » Nec ullius temporis jam separationem timebis, quæ semel immortalitatis gloria et incorruptionis splendore donata es, cum Christo semper regnatura, Apostolo dicente: **332** Quoniam et « ipse Dominus in jussu, et in voce archangeli, et in tuba Dei descendet de cælo, et mortui, qui in Christo sunt, resurgent primi: deinde nos qui vivimus, qui

residui sumus, rapiemur cum illis in nubibus obviam Christo in aera, et sic semper cum Domino erimus (*I Thess. iv*) — : hæredes quidem Dei, cohæredes autem Christi (*Rom. viii*). » Hæc sit igitur tua cura semper, hoc studium; hæc jugiter in corde virginis volvantur; in his totius diei versetur labor, in his etiam somnus noctis reponatur, in hæc anima rursus evigilet. Nullus labor durus, nullum tempus longum videri debet, quo gloria æternitatis acquiritur.

## CAPUT CLII.

*De jucunditate æterna.*

Consistit jucunditas æterna in duobus: In cognitione Dei, et gaudio sanctorum in patria. De cognitione legimus in Evangelio: « Hæc est autem vita æterna, ut cognoscant te verum Deum, et quem misisti Jesum Christum (*Joan. xvii*). » Quid majus, quam videre Deum facie ad faciem, eumque cognoscere, sicut et cogniti sumus? (*I Cor. xiii*.) De gaudio legimus: « Quia gaudebit cor vestrum, et gaudium vestrum nemo tollet a vobis (*Joan. xvi*). »

Hoc gaudium de visione et societate Dei magnum valde, admirans Propheta, exclamando ait: « Quid enim mihi est in cælo, et a te quid volui super terram? » (*Psal. lxxii*.) Totus mundus « lenticula rufa » est (*Gen. xv*), habita comparatione ad magnitudinem gloriæ tuæ, cujus participes erimus. Tunc implebitur quod alibi ait: « Sicut audivimus, sic vidimus in civitate Domini virtutum, in civitate Dei nostri, in monte sancto ejus. Deus fundavit eam in æternum (*Psal. xlvii*). » Et alibi: « Exsultabunt sancti in gloria, lætabuntur in cubilibus suis (*Psal. cxlix*), hoc est, in conscientiis, vel mansionibus suis. Hoc gaudium prægestans Psalmista, in alio loco ait: « Hæc recordatus sum, et effudi in me spiritum meum; quoniam transibo in locum tabernaculi admirabilis usque ad domum Dei. In voce exsultationis et confessionis sonus epulantis (*Psal. xli*). » Ubi introducti ad nuptias sponsi et sponsæ, Agno vescemur immaculato, cum sponsus transiens ministrabit singulis nobis. Quarum nuptiarum et thalami ingressum prævidens Propheta, ait: « Lætatus sum in his quæ dicta sunt mihi: In domum Domini ibimus (*Psal. cxxi*). » Ubi, « sicut lætantium omnium habitatio est in te (*Psal. lxxxvi*). » Tunc implebitur quod legitur in Canticis: « Columba mea in foraminibus petræ, in cavernis maceræ (*Cant. ii*). » Supplebit enim et restituet Ecclesia cavernam et ruinam angelorum. Nunc dicitur: « Plorabitis et flebitis vos (*Joan. xvii*). Et: « Euntes ibant et flebant (*Psal. cxxv*). » Tunc autem dicetur: « Tristitia vestra convertetur in gaudium, et gaudebit cor vestrum (*Joan. xvii*). — Venientes autem venient cum exsultatione portantes manipulos suos (*Psal. cxxv*). »

Et quia ad hujus gaudii, quod, « nec oculus vidit, nec auris audivit (*I Cor. ii*), » explicationem insuf-

ficientes et invalidi sumus, a longe spèciantes sanctam matrem **333** nostram Jerusalem cœlestem, ut mammotrecti: et balbutientes cum sancto Isaia dicamus: « Secretum meum, » de pœna æterna, quia rarus est qui eam credat vel quia inexplicabilis est, « mihi (*Isa. xxiv*). » Et quemadmodum orator depingens dolorem parentum filii patrisfamilias mortui, cum ventum esset ad dolorem patris exprimendum pro filio, defecit non habens plures, vel majores dolentium affectus prædictis depingere, quod potuit fecit, depingens patrem panno involutum habentem caput, ut hoc esset signum immensi et inexplicabilis doloris: sic verbis nostris de gaudio patriæ finem imponimus, insinuantes per hoc illud esse immensum et inexplicabile.

## CAPUT CLIII.

*De proprietate monachorum.*

Judas « aur et oculos habens (*Joan. xii*) » asportabat res pauperum; qui merito furti et sacrilegii, proditor Christi, sique homicida effectus est. Sic Ananias et Sapphira (qui tamen non leguntur ita expresse renuntiasse omnibus, ut monachi): qui cum illis, nisi totum quod voverunt reddant, mentiuntur Spiritui sancto, incurrentes maledictum Petri (*Act. v*). Qui cum nec de crepida possint dicere, mea: quomodo de bursa, litteris, voce sonora, pecunia et hujusmodi? Hoc possunt, qui non unicam habent, scilicet animam suam. Unde et monachus dicitur custos unius, scilicet animæ suæ. Sic et Saul, quia contra præceptum Domini reservavit Agag regem pinguem, et pinguiora, nec interfecit Amalec, perdidit regnum (*I Reg. xv*). Sic et monachi, quibus omnia mundana, sunt anathemata, et quoad possessionem, et quoad communem vitam, nisi occiderint in se carnem, et mundum, et omnia quæ ejus sunt, quibus abrenuntiaverunt, amittent cœleste regnum.

Item: Hi cum Achan (quia furantur de anathemate Jerichontino, id est mundiali aliquo ab eis suspensio, ne utantur) interficiuntur a vero Josue (*Jos. vii*). Hi, non dico similes, sed deteriores sunt sacerdotibus Belis habentibus falsa ostiola (*Dan. xiv*), religionem suam convertentes in laqueos et retia peccati. Hi etiam similes sunt Ophim et Phiuces, filiis Heli, qui etiam pro frustis carniū occisi sunt (*I Reg. ii*). Pro quorum peccato, et pater punitus est, et arca Dei capta (*I Reg. iv*). Vide quantum est peccatum talium. Vix invenies, quod pro peccatis aliquibus punita fuerit multitudo, nisi pro peccato sacrilego hujusmodi.

Peccante Achan pollutus est populus anathemate (*Josue vi*). Et item: Erexisti altare sacrilegum, et cras ira Dei desæviet in populum, hoc est Ephod Gedeonis (*Judic. viii*).

Item, alii fures furantur ex macie, isti ex adipe cum tota Ecclesia ministret eis necessaria. Isti etiam

similes sunt Monedulae, quae abscondit quod sibi datur, **334** cum non sit ei necessarium. Huiusmodi monachus cum pecunia districtè præcepit Benedictus sepeliri extra ecclesiam. Item Hieron. (*De virg. servanda*, c. 14) in epist. ad Eustoch. de eremita, qui inventus est in morte habens centum solidos, qui iudicio aliorum eremitarum ligati sunt ad collum ejus, et sepulti cum eo et in hæc verba: « Pecunia tua tecum sit in perditione (*Act. vii*). » Sic et de monacho Gregorii (*in Vita S. Greg.*), qui inventus est unum aureum habens, factum est. Item in *Matth.* (cap. xxiv): « Tunc hi qui in Judæa sunt, fugient ad montes, » id est qui sunt in confessione fidei: « Et qui in tecto est, » id est qui excedit carnem animo, « non descendat tollere quid de domo, » id est qui omnia reliquerunt et culmen virtutum altius descenderunt, non redeant ad aliquos « animatus » pristinae conversationis. Monachus « qui est super tectum » et habet propria, « non descendat aliquid tollere de domo sua, » vel alicujus privati quod esset tolerabilius, sed de domo aliena Christi et pauperum. Et cum sacrilegus sit, etiam laicus, qui tollit rem sacram, et in professione benedictam, tollit de sacro, et contumeliam facit Spiritui sancto expellens ipsum de domo tua, qui membra Christi membra facit pecuniæ, et templum Dei speluncam latronis (*Matth. xxi*), et loculum nummi:

O nummi, nummi, [quis] vobis hunc præstat honorem?  
(JUVEN. sat. v.)

Vos estis dii. O pecunia mihi es [al. est] disciplina!

Item *II Mach. xii*: « Vir fortissimus Judas, collatione facta, duodecim millia drachmas argenti misit Jerosolymam, » etc. Quid tibi de monacho, in cuculla, vel etiam in arca habet aureos sicut idola? Inde habent pitantias proprias in refectorio (*Reg. S. Ben. c. 54*). Sed quomodo, cum nec, sine speciali licentia, litteras habere possint? Tutius esset eis, quod nihil acciperent, nisi per manum præpositi. Sed de interfectis sub Juda (*II Mach. viii*), quid mirum, si aliqua sibi retinuerunt, unde viverent, cum profugi et quotidie in bello, et fame, et morte affecti essent? Nos autem in pace et sine necessitate quarimus superflua.

Item, si Tobias exsul inter gentes (qualibus ex permittit fenerari), et [qui] propria habere poterat, dixit de agno, quem attulit ei uxor sua: « Vide ne furtivus sit (*Tob. ii*): » quid de monacho dicendum? Vide ne fur sit, ne sacrilegus sit. Ubi est abbas Tobia etiam: cæco similis, qui audiat pecuniam sub cuculla non balantem, sed trementem, et dicat: Vide ne furtiva sit pecunia? Item, quidam religiosi simulant sub obtentu fratrum vel amicorum, quorum, ut aiunt, sunt depositarii, et quasi procuratores, et negotiatoribus tradunt, cum non nisi ecclesiastica ministeria liceat eis exercere. Item, si Nadab et Abiu

A igne consumpti sunt, quia alienum ignem Deo obtulerunt (*Levit. x*), quid de monacho, qui alienam rem diabolo offert, dum sibi furtive approbat [*f. appropriat*] et pejor alio raptore non sacrilego, qui privato aufert (iste enim pluribus, scilicet toti conventui, et omni pauperi res suas aufert) et ideo magis peccat: « Nec dimittitur peccatum, nisi restituatur ablatum (*Reg. 4 jur. in 6, ex Aug.*) » Item, prior quidam fratri cuidam volenti facere bibliothecam, prohibuit, dicens: Non fiet hoc, ne sit idolum tuum in quo **335** aliquam proprietatem vindicares et invideres, si alius acciperet. Modo sustentur monachi manifeste habentes proprietatem, et etiam rapientes et communicantes, cum præpositis comitis, lucra. Item, omnibus quodammodo proprietates prohibita est. Unde: « Charitas non querit quæ sua sunt, sed quæ Jesu Christi (*I Cor. xiii*); » et maxime charitas talium, qui de communi habent omnia necessaria et sine labore, « habentes promissionem vitæ (*I Tim. iv*), » quæ nunc est, et futuræ; qui omnia habent contempnam; unde: « Centuplum accipient, et vitam æternam possidebunt (*Matth. xix*). — Credenti enim nihil deest; avarus etiam obolo indiget (*Prov. xvii, sec. LXX*). » Item, eremitam de oblatis colligentem pecuniam invasit lupus, vel sacer ignis, etc.

Monacha etiam in extremis laborans, cum pauculos nummos, quos habebat in arca, extrahi fecisset et reddi, non potuit animam exhalare, quousque obolus, qui in fundo arcæ latenter remanserat, ejectus esset. Quo ejecto, in pace migravit ad Dominum.

— Item Hieronymus: Sicut non inveni meliores quam in claustro bene conversantes; ita nec deteriores quam in claustro male viventes, quia vel sunt sicut bonæ, bene valde; vel sicut malæ, male valde. Unde psal. xxx: « Super omnes inimicos meos factus sum opprobrium vicinis meis valde, et timor notis meis. » Item, tanta in Martino adhuc catechumeno frugalitas fuit, ut potius videretur monachus quam miles.

Item (in ep. ad Helioaorum monachum): Proprietates monachi non est anathema Jericho, sed Jerusalem. Etiam singularitas in his, quæ ad religionem sunt, sine conscientia abbatis, prohibetur ut sacrilega, quia, ut ait sanctus Benedictus: Quod fit absque conscientia abbatis, vanitati deputabitur, non mercedi. Fortius quod est cupidum. Item Hieronymus: Errat qui dicit idololatram ponentem duo grana, etc.

Nota etiam quod quædam sunt, in quibus etiam sæculares nullam habent proprietatem, nec meum nec tuum debet dici. Unde:

Nec proprium solem natura, nec aera fecit,  
Nec tenues undas.

Item, in consilio dæmonum magis probatus est, qui

monachum subvertit et decipit : Unde, hinc patet quantus sit ordo monachorum. Item Lucas ix) : « Nemo mittens manum ad aratrum, » etc. Glossa Ambrosii super hunc locum : Si discipulus

Dominum secutus arguitur, etc. Item, cellæ solebant dici *obedientiæ*, quia non nisi coacti per obedientiam ad eas claustrales accedebant. Modo autem sunt vindictæ et emptitiæ.

## 336-337 IN VERBUM ABBREVIATUM NOTÆ

AUCTORE R. P. D. GEORGIO GALOPINO

MONASTERII SANCTI GISLENI IN HANNONIA RELIGIOSO.

Verbum abbreviatum.] *Orditur auctor ab hoc loco Apostoli ad Rom. ix, secundum litteram sumpto, quem in sequentibus ad mysticum sensum tropologicum, seu moralem transfert; ita ut Verbum abbreviatum, sit excessuum et vitiorum resecatio, ac subinde virtutum introductio. Et hoc est ex mente B. Augustini. Is enim uno loco ait : Verbum consummans et brevians faciet Dominus super terram; id est, ut compendio fidei per gratiam salvos faciat credentes, non per innumerabiles observationes, quibus illa multitudo filiorum Israel serviliter onerata premebatur. To. IV, Lib. 1, quæst. 2 ad Simplicianum.*

Altero : Hoc est Verbum quod brevavit Deus super terram, inquit, observatio duorum præceptorum charitatis. Nam in his tota lex pendet et propheta. To. II, epist. 205 ad Bonifacium paulo post initium. Incircumscriptilis.] *Ut Deus.*

Voluit circumscribi.] *Verbum jam caro factum. Joan. 1.*

Quod nobis tribuit.] *Hoc, amanuensis incuria, videtur omissum in M. Quomodo, inquit B. Hieron. arrhabo, qui nobis tribuitur etc. In cap. 1 ad Ephesios.*

An arrham et pignus.] *Nequaquam in arcam, ut M. Hic audio B. Augustinum de Christo sponso dicentem : Ad hoc arrham det sponsus, ut in arrha sua ipse ametur. Ergo ama, etc., to. IX, tract. 2 in Epist. Joannis post medium. In quo arrha 338 et pignus differant edocet B. Hieron. loco supra citato. Deprehenderemus.] C. comprehendemus.*

Breviter et succincte.] *Patent hæc. Interea M. Breviter et securius.*

Infinitas est.] *Nil melius. Etenim infinitas (ut Arist. 1. De cælo) tripliciter attenditur : Quoad magnitudinem, numerum et durationem. Hic ad numerum. Ergo perperam M. et C. legunt : Infirmitas est.*

Distrahit nos.] *Ex Seneca ad Lucilium epist. 2 in medio. V. et M. distinguit. Non damno, pro dividit et separat. At Senecæ textus biblioth. nostræ in membrana cum Justo Lipsio : distinguit.*

Librorum multitudo.] *C. Legerat Verborum multitudine, sed correxit.*

Satis est habere.] *Seneca, epist. 2; idem 1 De tranq., cap. ix. Quo mihi innumerabiles libros et bibliothecas, quarum Dominus vix tota vita sua indices perlegit? Onerat discentem turba, non instruit. Et infra : Paretur itaque librorum quantum satis sit, nil in apparatus, etc.*

Inquant, non alunt.] *Ita censet Æschylus :*

Ὁ χρήσιμ' ἐίδώς οὐκ ὁ πολλ' ἐίδώς, σαρφός

Qui fructuosa, non qui multa scit, sapiit.

Illo die decoquas.] *Noster textus Senecæ m. s. concoquas. Equidem bene, ut hæreat in re cibi, ait Lipsius.*

Aliquid apprehendo.] *Probe Laert. in Arist. Ut non ii qui plurimum comedunt et exercentur, melius valent iis qui modice; ita, non qui plurima, sed qui utilissima legerint docti censendi et studiosi.*

Super esset ætatis.] *Sana Senecæ lectio epist. 48, C. multum esset ætatis.*

Temporis egestate.] *V. Temporis ærumna, sed vitiose Senecam vide.*

Scientia rerum.] *Stoici retinebant dogma, esse vitia ignorantias illarum rerum, quarum scientiæ virtutes sint. Lipsium vide in Manuduct, dissert. 1.*

Sed et ad amplustre C. Sed ad amplustre. V. sed et aplustre. *Utrumque verbum placet. Festus : Aplustria, inquit, navium ornamenta, quæ, quia erant amplius quam essent necessaria usui, etiam amplustria dicebantur. Juvenalis :*

Amplustre et summo tristis captivus in arcu.

Dirigit cursum.] *V. cursus. C. gressum. Virgil. De certam. Navali, lib. v.*

Huc dirige cursum

Littus ama.

Cum punctum et minus.] *Mendose V. Cum puncto, etc.*

Ubiunque benedictum est.] *Genuina lectio, mea sententia. Ex quibuslibet enim, etsi profanis auctoribus, licet excerpere quod utile est et bonum, Apostolus Arato poeta usus est, Act. xvii, 28, Menandro, 1 Cor. xv, 55; Epimenide, Tit. 1, 12.*

Præterea id edocent licite fieri B. Augustinus, Stephanus Cantuariensis, et infiniti similes, ita tamen, ut resectis unguibus, inquit B. Hieronymus epist. 146, ad Damasum, to. III, et ad Romanum oratorem quæ incipit : Sebesium nostrum. B. Aug. 339 lib. II De doct. Christ. cap. 4 initio. Stephanus Cant. capite ultimo De Virt. et vitiiis.

Meum est, inquit theologus, etc.] *Aptum nempe mihi ac proficuum. V. autem legit : Necessarium est, inquit theologus : Utique placet, si tibi Senecam audierim. Nam epist. 45. Quod bonum est, utique necessarium est. Profero tamen dicam epist. 15. Quidquid bene dictum est ab ullo, meum est.*

In Ecclesia.] *Supple Militante. M. omittit by Ecclesia.*

Nimia prolixitas.] *Ordo præposterus in V. Cuilibet istorum est inimica prolixitas mater oblivionis et noverca memoriæ. M. autem : Cuilibet istorum inimica et noverca est prolixitas, mater oblivionis et memoriæ. (Forte add., et hostis memoriæ.) Ergone*

*mater memoriæ? Nequaquam. Sicut enim stomachus nimia ciborum copia gravatus, non saue digerit; ita memoria prolixitate onerata, non nutritur, sed confunditur.*

*Et ædificio.] Recte V. Duo mendose, ædificatio, ob antipathiam casus.*

*Cui subserviunt priora.] Nempè lectio et disputatio. V. pro priora, habet prima.*

*Et dubitabilium.] M. et C. sic: Post lectionem igitur, et disputationem sacræ Scripturæ dubitabilia inquirantur, et non prius prædicandum.*

*Cortina cortinam.] Ordinate et vicissim, seu, ut fidelis infidelam trahat, ut habet Glossa in cap. Cum venisset, extra de sacra unctione (Decretal. Gregor. lib. 1, tom. XV).*

## CAPUT. II.

*Item idem.] Hieronymus in cap. xvi Ezechielis ad illud: Vestivi te discoloribus (pro quo LXX habent: Indui te variis) addit: Legis cæremoniis, quarum occupata studio idola derelinqueres.*

*Item Isaias.] V. addit: Cap. CLXIII. C. et M. in margine; CLXIV. Magna supputati numeri varietas. In Bibliis nostris ms. in maximo folio, tantum numeravi Isaiæ capitula CLXIII, versus autem (quos in calce vidi supputatos) 1580. Divisio autem capitum, quæ nunc est in Bibliis nostris, facta est ab annis 400, ad quam factæ sunt Bibliorum concordantiæ ab Hugone cardinalli et Conrado Alberstadio monacho, suffragantibus quingentis diversorum cænobiorum monachis, ut habet Sixtus Senensis in Bibliotheca Sancta. l. III, Methodo 3. Sed redeamus. Hic locus Isaiæ incipit: Quare appenditis, V. vero: Quare non appendimus. M. Quare non appenditis.*

*Argentum vestrum.] V. consequenter: Argentum nostrum.*

*Non in panibus.] M. et V. quia negationem initio præposuerunt, jam demunt.*

*Scriba et Phariseus.] Belle, estque glossa interlinealis in cap. xxxiii Isaiæ vers. 18, V. male omittit Scriba.*

*Asteriscos et obelos.] Origenes, et post eum B. Hieronymus his usi sunt. De Origene testatur idem B. Hier. Apologia adversus Rufinum lib. II, cap. 8. De B. Hieronymo scribit S. Augustinus epist. 88 ad eundem. Quid autem asterisci quid obeli 340 sint, queris? Audi B. Hieronymum to. II, epist. 89 ad B. August. cap. 6. Ubi cunque virgulæ, inquit, id est, obeli sunt, etc. Ubi asterisci, id est stellulæ prælucentes, etc.*

*Illuminandis et confodiendis.] Illuminantur geminæ et sanæ lectiones: confodiuntur superflue, aut quæ non sunt receptæ ὀβελός Græcæ, sagitta Latine.*

*Præposuerunt.] Non proposerunt, ut C. quia infra dicitur. Ut hæc præponerent.*

*A Damaso papa.] Hujus epistola cum quæstionibus ad B. Hieron. et vice versa, est 124, altera 125.*

*Totam bibliothecam.] Insignis monachi labor. Scribantur libri, inquit ille ad Rusticium, ut et manus operetur cibum, et mens lectione saturetur. Item ibidem: Ama scientiam Scripturarum, et carnis vitia non amabis.*

*Historice, allego.] Pautis excipe.*

*Littera gesta docet, quid credas allegoria:*

*Moralis quid agas, quo tendas anagogia.*

*Cupis plura? Consule B. Augustin. libro De utilitate credendi contra Manichæos cap. 5.*

*Item August. Noli.] M. in margine, ait: forte Gregorius. Is in Pastoralis non absimilia legit. Qui ad veræ prædicationis verba se præparat, necesse est ut causarum origines et Sacris paginis sumat, ut omne quod loquitur, ad divinæ auctoritatis fundamentum revocet, atque in eo ædificium suæ locutionis firmet. B. Hieronymus ad Nepotianum epistola, quæ incipit: Petis a me; sermo presbyteri, inquit, lectione Scripturarum condiatur. Locus est B. Augustini 3. contra Maxim. cap. 14 et in psal. LVII. Nec*

*A absimilia habentur lib. De unita Ecclesie cap. 3, 6, 10 et 16.*

*Verbis meis.] M. et V. Litteris meis.*

*Et Vetus Testamentum.] M. Et veterem characterem. V. Vel veterem canonem. Idem aliquando legi in Eusebio Eccles. hist. lib. VI, cap. 18 post Origenem: Non est ignorandum, inquit, viginti et duos esse libros in canone Veteris Testamenti.*

*Item ait Apostolus.] Inter theologos puro Apostoli nomine, B. Paulus intelligitur. Hic autem, hocve tantum loco, sanctum Petrum intellige. I. Epist. cap. 4.*

*Saburra.] Inani et inutili sarcina. Saburra naves onerantur, ut stabiliores sint contra procellam. Unde Virg. 4 Georg.*

*Ut cymbæ instabiles fluctu jactante saburram Tollunt.*

*In Legenda S. Martini.] Per Severum Sulp. conscripta. Dial. 1, cap. 12.*

*Potius in verbis.] O quam belle B. Benedictus cap. vii Regule: Pauca et rationabilia verba loquatur monachus. B. Gregorius Moral. xxx, cap. 7. Recte scit dicere, qui novit ordinate tacere. Et Seneca epist. 75: Non delectent verba nostra, sed prosint.*

*341 Ex oculis Domini liquitur.] Hoc sensu, non bene liquatur, ut V.*

*A quo Isaac anovit.] Dno perperam legunt Jacob, Nam de Isaac hoc legitur Gen. xvi. Rursum (Isaac) fodit alios puteos, quos foderant servi patris sui Abraham, et quos illo mortuo olim obstruxerant Philistiim. M. bene tacuit Jacob, sed adhuc melius, si Isaac adjecisset sicut ex textu Scripturæ correximus.*

*Sicut otiosi.] Hoc otiosi, abest in M.*

*Usque faciet.] Usque ad illa verba, quæ in eodem psalmo sequuntur: Et omnia quæcumque faciet.*

*Quia est verbum vitæ.] V. et C. Quod est verbum vitæ. Malui conjunctionem causalem. In Scriptura, ait Glossa moral. per folia significantur aliquando verba, quæ in Christo fuerunt, non deſcendunt, sed stabilia. Unde Matth. xxiv. Verba autem mea non transibunt.*

*Sed folia decident.] C. occident.*

*Textus est umbra.] Si legero verba pro umbra, ut C. et V. Quis sensus? Glossa interl. super illud psal. xvii: Tenebrosa aqua, ait: Obscura doctrina est in prophetis et omnibus predicatoribus.*

*Verbum æternæ vitæ.] Recte. Vetus, umbra; Novum Testamentum, veritas.*

*Dent. c. XIX. Tria cap. LXXV. Miror tantum numerum capitulum Deuteronomii. cum in Bibliis nostris ms. solummodo novemdecim viderim, versus autem 2600.*

*Arbor non frondosa.] De qua III Reg. xiv, vers. 23. C. legit fructuosa, sed vitiose; nam feret contradictio cum sequentibus.*

*Non pampinosa.] Ut eloquentiæ torcularia, non verborum pampinis, sed sensuum, quasi uvarum expressionibus, redundarent. B. Hier. ad Rusticium, quæ incipit: Nihil Christiano. cap. 2.*

*Solutus est liber.] Non improbo M. et V. Solutis septem signaculis libri per Christum clavem David, pro quibus, ut solverentur flevit Joannes. Ne cogamus, etc. Fere similia habet B. Hieron. Epist. ad Paulinum, quæ incipit: Frater Ambr. ante medium.*

*Pro quibus ut.] Ex M. et V. adjecti: Pro quibus, quod ad signacula refertur. C. pro quo.*

*Aqua nubium.] Ex ps. xvii. Per hæc, auctor intelligit prophetarum dicta, quæ ex se obscura sunt, atque ita interprete indigeant.*

*Cum tamen Christus.] M. Cum tantum Christus.*

*Lib. Sap. cap. ultimo.] Hodie 19, olim 45, vel, ut alius codex, 41.*

*Vel intelligit.] V. id omittit.*

- Levit. cap. xxvi.] *C. in margine cap. LXXXVII. A S. Hieron. in cap. 1 Osee; S. Aug. ep. 150, Hæc, usque Capones, desunt in V.*
- Vetustissima veterum.] *Nota discrimen. C. Vetustissima veterum, ut magister Anselmus, et Gilbertus, comeditis (deest in usu) id est imitabimini; et vetera, id est modum legendi modernorum, qui, etc. M. in margine, nomina Anselmi, Albrici Rem. Roberti, Pulani et Gileberti videtur velle revocari, superpositis* **342** *tribus punctis, ad illud: Modum legendi modernorum. Nomen vero Simonis, quod etiam in margine habetur, rejicit ad illa: Modum legendi antiquorum.*
- Imitabimini.] *Non immutabimini, ut C.*
- Capones tui.] *Versio septuaginta Interpretum cap. 1 Isaiæ: Capones tui miscent vinum aqua.*
- Amuream.] *Fæcem olei.*
- Ad cætera utiliora.] *V. ad cætera opera. Sed dixero: Ad cætera utiliora opera.*
- Et impedimentum.] *Id ex solo V. Nec abs re est, eo quod hi libri magnum capiunt locum vixque unius fortissimi viri viribus admotis, ad alium transferri valent.*
- Ut situs locorum.] *Hæc ad geographiam.*
- Numeros annorum.] *A chronologiam.*
- Genealogias.] *Interminatas, de quibus Apostolus I Tim. 1. 4.*
- Responsiones.] *C. rationes.*
- CAPUT III.**
- Ephesios cap. iv.] *Tria 19. Præstant ruinam.] Ruinam omittunt V. et M. In eodem vi capite.] Tria viii.*
- Verumtamen.] *C. versutum: Si bene; profecto talem disperdet Deus, quia Vir versutus odiosus est. Prov. xvii. Sed plane repugnat textui psalmi.*
- Sunt enim qui tales.] *Glossa Cassiodori.*
- Sit altare concavum.] *Jussum est Exod. xxvii. Videatur Glossa.*
- Cælum ferreum.] *Auctor hic imitatur LXX. Interpretes, alioquin versio S. Hieronymi, Sicut ferreum.*
- In eodem cap. xxvi.] *Tria 87. Id est divinam Scripturam.] C. divinam non legit. Glossa in hunc locum per terram æneam, non Scripturam, sed terram siccam et infructuosam intelligit, qui est sensus literalis.*
- Imbrem, id est Doct.] *Ita B. Hieron. in cap. 17 Isaiæ.*
- Germiua virtutum.] *Non gemiua ut C.*
- Nihil subtilius.] *Hoc Senecam redolet epist. 82. Ibi enim: Nihil est acutius arista, etc.*
- Obest utilitati.] *M. et C. subtilitati.*
- Non garrere.] *Seneca non dicere.*
- Non linguose loqui.] *Omittit V.*
- Non est populare.] *Seneca epist. 16. V. vero: Non in populare.*
- In gyris Mæandrinis.] *Idem Seneca epist. 104, al. 105, ante medium. C. In Vigiliis Mæandrinis.*
- Et cavillarum ædibus.] *Ex solo V. adjecti.*
- 343** *Quid mihi verba.] Seneca epist. 48. Tu mihi verba, etc.*
- Vaferimas.] *Sic duo extemp. cum Seneca. V. male, ferrugineas.*
- Senes ludimus.] *Fateor me ex Seneca in textu repositisse Senes: alioquin C. Serie. M. et V. Series. Ex notariorum abusu.*
- Advocatus es.] *Ex Seneca epist. 48. C. Vocatus es. V. Advocandus.*
- Intente securi.] *Novellus super intentæ, in C. scripsit; sublata.*
- Pestes Erebi.] *Cacodæmones.*
- Adversus mortem tutam.] *Restitui Senecæ verba ex epist. 82, alias 83, in fine. Nam C. Tantaam mortem minuta. V. et M. Totam mortem minuta.*
- Tam minuta jacula.] *C. Diminutive: Jacilla.*
- De Polemone.] *C. De Polemone, vel Philemone. Historiam videto apud Val. Max. lib. vi, cap. 11, et*
- A S. Hieron. in cap. 1 Osee; S. Aug. ep. 150, Vitæ perditissimæ.] M. vitæ probatissima. Ironice, bene. Nam ille luxuriæ maxime deditus erat. Insignia luxuriæ.] Recenset ea Isaiæ c. iii, 19. Verba captiosa.] Ita et Seneca epist. 82. C. Verba captionis.*
- Contra vitia susceptam.] Aciem nempe. Non penitus rejicio. C. Contra vitia suscepta armatur subula levi, etc. M. in margine: contra vitia suscipiunt armaturam subula, id est levi, etc.*
- Cavillatio eripuit.] Non concavillatio, ut C. Cavillationes argutiæ sunt et dieteria.*
- Verborum significationem.] A Seneca deflectit V. scribens: Verborum designationem.*
- Quasi nobis vacet.] Seneca epist. 45. Tantum nobis vacat? jam vivere, jam mori scimus? His damnatur C. Quasi verbis vacet.*
- Et infra.] Epist. 45 ante medium.*
- Vocum dissimilitudines.] Seneca: Vocum similitudines distinguam.*
- Ut frontem suam tentet.] Id fecit Diogenes Cynicus, ait Lipsius in Senecam.*
- Sic ista sine noxa.] M. male: Sic ista sine noxia.*
- Præstig. acetabula.] Nequaquam acceptacula, ut C. Hunc ludum, etiam hodie non infrequentem, describit Lipsius in Sen. epist. 45.*
- Pigmæorum.] Hoc non habetur in Seneca. Si quæris Pigmæos, invenies apud B. Hieronymum in cap. xxvii Ezechielis, et S. Aug. l. xvi De civit. Postremo audias facietosum Juvenalem, sat. 13:*
- Ad subitas Thracum volucres nubemque sonoram, Pigmæus parvis currit bellator in armis. Mox impar hosti, raptusque per aera, curvis Unguibus a seva fertur græve. Si videas hoc Gentibus in nostris, risu quatiæris; et illie Quanquam eadem assidue spectentur prælia, ridet Nemo, ubi tota cohors pede non est altior uno.*
- 344** *Hæc ex ms. nostro Juvenali desumpsi. In impressis versus quintus sic legebat: Risu quatiere, sed illic.*
- Fallacia delectat.] Sic Seneca. Ergo non, Fabula delectat, ut C.*
- Non vaco adversus istas.] M. et C. Non vaco ad istas. Potest tolerari, pro non ex professo agito.*
- Consilium clare dat.] C. consilium clare dant.*
- Non ergo clamandum.] Audite, theologi; quidni et vos, philosophi? Audite virum (heu! non Christianum) Senecam epist. 52. Quid turpissimum philosophia captante clamores? Item idem epist. 75. Etiam si disputarem, inquit, nec supplerem pedem, nec manum jactarem, nec attollerem vocem, etc.*
- De utraque pudicitia.] M. de utraque prudentia.*
- Calliditas animi.] Varietas hic est. C. calliditas animi conatibus. M. et V. calliditas animi, magna conantibus. Prætulit Senecæ, etsi talis sit tolerabilis: Calliditas, animis magna conantibus.*
- Declamationis acutæ.] V. Delirationis; M. paulo melius: deliberationis.*
- Et vano.] Seu et inani, ut V. et M.*
- Studeas non verbis.] Id edocet Seneca epist. 45 et 115.*
- In te et in aliis.] Ita M. et C. Ad mores vitæ in alios exemplo tui reformandos referas. V. autem: Ad mores in te et in alios exemplo tui formandos, sed recenti manu præfixum est in, ut legatur informandos. Annon ludente Seneca epist. 52? Eos, inquit, qui vita docent eligamus, etc. B. Aug. Multi quidem, ait, multis prosunt dicendo quæ non faciunt, sed longe pluribus prodesse faciando quæ dicunt. Lib. iv De doct. Christ. c. 27, et plura videbuntur, c. 29.*
- Putat in te.] C. vitiose: Putat vitæ, prout liquet ex Seneca epist. 89, paulo ante finem.*
- Tras vexa.] C. necte, pro vexa.*
- Idololatram.] Tria, sicut in omnibus ms. vidi, idololatram.*

Superfluis et vanis.] *C. omissio*, in, superfluis tantum aliud abest.

## CAPUT IV.

Vespis et pugion.] *Margines M. et C. hæc habent*: Dominus dilacerata facie enidam religioso (*M. addit abbati*) apparuit. *Legitur Dominus apparuisse leprosus martyrio monacho, hom. 40, B. Gregorii in Evangelia.*

Jeremiæ cap. xv.] *Tria LXI.*

Alia littera.] *Non alia lietera, sed Glossa ipsa est interlin. quæ sic*: Vel qui iudicor. *C. appropinquat*: Vel qui iudicem.

Job cap. xix.] *Tria tum in textu cum margine legunt*, cap. xiv: *Nec mirum. Liber enim Jobi, olim tantum dividebatur in xxxvi capita, hodie vero in XLII.*

Ecclesiasticus cap. xvi.] *Tria XLIV.*

**345** Assimilantur] *Non assimilantur, ut C.*

Libro Eccli., c. xvi.] *C. et V. Libro Sap., cap. XLV. M. Paulo quidem melius, sed adhuc indefinite*: Libro Salomonis, XLV.

Minoratur.] *C. immoratur.*

Id est, dist. per multa.] *Hæc desumpsi ex textu V. et marg. C.*

Modo de humanitate.] *An fuerit verus homo. M. mendose*: de humilitate.

Ut similiter.] *C. nisi similiter.*

Vel fundunt.] *Hoc caret C.*

Unius moris.] *Unanimes unum sentientes, inquit B. Aug. in hunc locum.*

Jerem. c. XLIII.] *Tria LXXXV.*

Vir ebrius.] *Margines duo*: Id est, non intelligens.

Madidus vino.] *Digere unum quo mades. I Reg. I. C. madidus in vino, Jere. hoc loco*: Madidus a vino.

Et ideo quia.] *M. omittebat* Et ideo, *sed aliena manu resarcitum est inter lineas.*

Si ergo a facie.] *M. ante* Si ergo, *præmittit M. quod est, Magister, ut colligo ex sequentibus.*

Et discrete.] *Fallitur C. et discite.*

Infra triginta annos.] *Hujus, testis est B. Hieron. præfatione in Ezech. ad Eustochium. C. et M. infra viginti annos. Vitiose.*

Et ita non possumus.] *M. et V. Et non possumus, omissio ita.*

Os non comminuetis.] *Ad hæc margines C. et M. Non h'c ex hoc esse medullam extrahemus, quantumlibet elaboraverimus ad hoc.*

M. non infra.] *Per M. Magistrum intellige. Sic enim infra per M. Magister Anselmus, Magister Sentent. etc.*

Supra volante.] *V. et C. Sic volante.*

Cum Martino.] *Hic*: Oculis ac manibus in cælum semper intentus, invictum ab oratione spiritum non relaxabat. *Ex Vita ejusdem per Severum Sulp., to. VI. Surii.*

Item: Horrendum.] *M. super Horrendum legit M. Forte Magister.*

Philosophus: Qui.] *Hæc in Seneca (qui nomine philosophi intelligitur) nondum vidi, at bene in Plauto Mostell. actu V. scena 1, initio.*

Nancius non est.] *M. in latere, id est, insipiens et inutilis*

Quod sine periculo.] *C. Quod non sine periculo scitur. Ex B. Hier. epist. ad Eustoch. De custodia virginitatis.*

Qui ambulat simpliciter.] *Hoc est, non duabus viis, ut Eccli. II.*

Stultitiæ cognata.] *Prudentia absque simplicitate malitia est et simplicitas absque ratione stultitia nominatur. B. Hier. in cap. VII Osee. At B. August. in illud I. Tim. III Oportet episcopum esse prudentem, ait, ne ita sit simplex quod stultus.*

**346** Existente sine plica.] *V. et M. Ente sine*

aplica. *Ens pro existens, familiare est auctori in hoc opere.*

Curiositatis et.] *V. curiosæ et famosæ inquisitionis. M. curiosæ et famæ inquisitionis.*

Geniti infantes.] *M. omittebat in textu infantes, at in marg. recuperat*: Parvuli scilicet.

Rationabiles.] *Hæc est communis lectio, sed in editione Romana per Sixtum V et Clementem VIII, correctæ, ut jam legatur rationabile, quod coheret cum dictione hæc*: Et sic habent Græca, Syriaca, Biblia regia, Beda et 4. ms. Lovaniensium.

Maledocendo.] *Non maledicendo, ut C.*

Vel per superbam.] *Emendavi ex V. Nam. C. Vel superbam et curiosam. M. vel per superbiam.*

Et inexplicabile.] *Seu ineffabile. ut V. Ideo autem inexplicabile, quia, ut habet paraphrasis Chaldaica, arcanum est.*

M. Si ergo.] *In margine M. Magister Anselmus. Hieronymus*: Non.] *Audi M. in ora laterali. Quid igitur de relationibus, quæ assumuntur esse persone, quod non?*

Sic et Christus.] *Discerne. V. Sic et Christus Patres posuit terminos in monte et circa montem S. Scriptura, quos non debemus transgredi, etc. M. autem, Terminos posuerunt in montem, Cætera ut in textu.*

Et superfloram.] *Id omittit V.*

Parab. c. xxv.] *C. XLIII, M. XLVIII.*

Ultra vires quærendo.] *Sen inquirendo, ut C. In V. hæc absunt, quæ et Glossæ interl. et ipsius B. Hier. sunt.*

Melle intinge.] *Male a Bibliis sacris defectit C. Melle inunge.*

Et exilarab. oculi.] *Exilarabuntur oculi mei, inquit C. et bene persequeris hostes (inter lineas, ut ille) tuos, quia declaratio sermonum tuorum illuminat me, etc.*

Ut curiosa inquisitio.] *C. Non involvit curiosa inquisitione.*

Non eris curiosus.] *C. Ne fueris curiosus, ut est in Bibliis.*

Ecclesiastes.] *C. in latere c. XIV. Nostra ms. c. xv.*

Quæ sunt sub sole.] *Absit ut hic audiam V? Quæ sunt, inquit, supra solem, Super omnia: Quæ sunt sub sole, ut Eccl. VIII.*

Et qui curiose.] *Sic M. et V. at C. Et qui incuriose: Super et, video M. quod est Magister, ut in margine exponitur.*

Cum de diis loquimur.] *Ex Aristotele, Seneca I. VII. Natur., q. c. 30, initio.*

M. Multo magis.] *Iterum M pro magistro, inter lineas M. et C. in textu.*

**347** CAPUT V.

Eloquium meum.] *C. et M. tuum pro meum.*

II. Reg., c. xxxii.] *V. et C. xciv. M. xciii.*

II. Tim. II.] *V. II. Tim. IV.*

Ut obstrepat.] *In M. et C. additur Glossa. Forte auctoris nostri, aut alterius antiquioris eo, cujus etiam post eos meminit Nicolaus deaira in hunc locum.*

Defendat hiatu.] *Clamose et caputose defendere. Redolent hæc poetam Horatium de Arte poetica.*

II Tim. II.] *Tria II Tim. IV.*

Contentio nihil potest.] *Glossa Augustini, aiunt margines duo. Ipsa interlinealis est hodie.*

Pronuntiatio ordinata.] *Verba Senecæ etsi nonnihil levigata epist. 40. A verbo pronuntiatio, usque ad: Item: Philosophus, deficiunt V. et M.*

Ad summam.] *Ex Seneca in fine epist. 40, quam legisse juvat. C. ad summam totius philosophiæ. At Seneca: Summa summarum est.*

Caput enim movere.] *Id abhorret Seneca ep. 75.*

Item Isaias.] *V. addit c. LXXIII. C. in marg. LXII.*

Item: Sicut turpe.] *V. hoc præfert: Item Parab., ca. XVI. Sicut turpe, etc. Ne quidem in tota S. Scriptura hæc ptem posse inveniri.*



Turpe est et peric. ] *Et turpius multo, aliquem ad A palinodiæ canum cogi, super prolatis vel evolutis, præ nimia præcipitatione, sermonibus.*

Qui interrogationem. ] *C. et M. in latere subaudiunt : Respondens scilicet.*

Solvendo scilicet. ] *V. solum in textu, duo alibi. Parabit verbum. ] M. Parabit illum.*

Et sic deprecatus. ] *C. et si sic deprecatur et exaudiatur.*

In eodem, c. xxxii. ] *Tria, LXXXIV. Non disperdet. ] M. non disperget. V. non perdet.*

Item, c. xxxvii. ] *V. xcviii. M. et C. xcvi. Hoc : Fili in omnibus, abest in M. incipitque. Corboni, etc.*

Tibi aliud plus. ] *Tibi, in solo ; V. est Eccli. xxxvii. Aliud pluris illo.*

Cap. xxxvii. Ante. ] *Tria, xcix. Consilium stabile. ] C. consilium statue. Post stabile, margines C. et M. hæc volumi legi : Item, Job cap. xxvi (hodie xxxiii). Verumtamen miraculum B non te terreat, etc.*

Item : Labia. ] *V. c. lx. Locum notavi in margine textus.*

Nisi deliberatione. ] *C. etiam sapit : Nisi cum deliberatione.*

Cum enim in quæstione. ] *C. cum quæstio moveatur super, etc.*

Terrula vel recula. ] *Prius a terra, posterius a re diminutivum est.*

**348** Si tanta. ] *In solo C. vidi, Si. Demum in sententiæ. ] Seu deinde, ut M. et C.*

Etiam facilem. ] *Ly etiam, vim habet. Ergo peperam omittunt C. et M.*

Nisi datis induciis. ] *Mos inolevit (traditione) nunquam responderi ad propositas a magistro quæstiones, vel ad solutiones ab argumementis exactas, cum in theologicis tum philosophicis, nisi prius data respondententi mora in repetendo et meditando. Non enim præcipitandum est: ait Seneca, epist. 40.*

In cuius solutione. ] *Hæc absunt a C. quorum loco habet : Vietus cum defeceret.*

Ait ei Aristoteles. ] *Apud auctores probatos magna hujus historiae varietas invenitur. Volaterranus Anthropologie l. xx, post Suidam, sic inquit : Theopompus Chius, et Ephorus historici, discipuli Isoeratis, alter freno, alter calcariibus indigebat. Læcretius non Theopompo, neve Aristoteli, seu Platoni in schola discipulos docenti hæc attribuit, e quorum numero erant Aristoteles et Xenocrates. Itaque Plato Aristoteli præcipitanti : Opus est tibi freno ; Xenocrati autem moroso nimium : Calcari.*

Interea scio Theophrastum (de quo hic Auctor noster) Aristotelis discipulum fuisse et scho va successorem, teste Seneca Natural. quæst. l. vi, ca. 13, et Volaterrano loco citato, Eudemum autem nondum legi ejus discipulum.

Eudemo. ] *V. Eudemio. M. Eudonio. Forte Eudoxo Aristotelis condiscipulo sub Platone, cujus meminit libertus Fromondus (quondam in Falcone nostro Lovanii philosophiæ professor et me præsertim tam S. T. lauream adeptus, hodie ut audio, doctor et librorum ibidem censor) in notis ad Senecam Natur. q. l. vii, c. 3. Vel forte Eudemus, seu ut Pitarachus, Eudemus orator. Vide eum tom. I. De viris illust. in Philopœmæne.*

Qui cum nimis morose. ] *M. Qui nimis morose. C. Eudonio morose et non nisi, etc. Hoc : Qui cum nimis, ibidem deest.*

Venam lamen ingewii. ] *Illi venam divitem habent, qui ab artis sua fonte (sive Aristotele et Platone philosophiæ, sive Homero poeseos) ampliorem scientiam imbibierunt, vel uno nomine, qui sunt ingewios.*

## CAPUT VI.

Omnes laudationes. ] *C. omnes auditiones. Scilicet eruditionis. ] Doctorum, correctionis majorum, ut respiciant ; exhortationis bonorum, ut in*

melius proficiant, inquit B. Benedictus in Regula, excitationis pigrorum, consolationis pusillanimatorum, sustentationis, aut (ut C.) consustentationis dependentium.

Tribus prædictis. ] *Nempe, lectioni, disputationi et prædicationi de quibus cap. 4.*

**349** Serenata conscientie. ] *Unde Salomon, Prov. xv. Secura mens quasi jüge convivium. Talis.*

Integer vite scelerisque purus.

(HORAT., lib. I. Ode 22.)

Non male C. Vox exsultationis serenitas conscientie.

Et pro amovendis. ] *Quidam puncto posito sub et, illud voluit in V. expungere, similiter in sequent. Et pro conferendis, cum tamen non sit superfluum. Ita scilicet : Confitebimur tibi, Deus, peccata, commissa ut indulgeas, et pro amovendis malis, hoc sensu, et ne nos inducas in tentationem, sed, etc.*

Opera creationis. ] *C. Creatoris, nec addit, recreationis.*

Nociva. ] *Peccantes humores, ut loquuntur medici. Dominus ad ideam loquens. ] M. Dominus addit loquens.*

Vita enim bona. ] *Glossa Moral. seu ordin. in cap. v Matth., vers. 13 et 14, quæ sic habet : Prius sal quam lux, quia prius vita quam doctrina. Vita ducit ad scientiam veritatis. Qui Deum timet scientia non caret. Scientia rerum. Senecam audi : Quid ergo bonum est? Rerum scientia. Quid malum? rerum imperitia. Et infra : Iluc et illud accedit ut perfecta virtus sit æqualitas ac tenor vitæ, per omnia consonans sibi : quod non potest esse, nisi rerum scientia contingat, et ars per quam divina et humana noscantur. Sic ille, epist. 51, in medio.*

Qui autem diligit. ] *Ex V. collegi hæc : alioquin C. hæc est enim scientia rerum, quam qui ante diligit illa non caret. M. vero hæc est enim scientia, qui ante diligit illa non caret. Omnia suo sensu tolerabilia. Postremo addam ex Glossa in c. v Matthæi : Vos estis sal terræ : Qui Deum timet, scientia non caret.*

Item Salomon : fili, C. Fili, concupisce. V. Fili concupisti sapientiam? serva, etc. quomodo legit Aug. l. xxv contra Faustum, cap. 53. Locus est Eccli. c. i. Cujus libri auctor est Jesus filius Sirach. Sed a Patribus nomine Salomonis citari solet, quia multas continet sententias Salomonis.

Et dicit Glossa. ] *Hic deficiunt M. et V. usque : Intellectus bonus. Sic autem habet Glossa, quæ est B. Augustini. Quia nisi per obedientiam mandatorum non pervenitur ad sapientiam occultorum. Nec damnes, lector, me loco ministeriorum restituisse mysteriorum. Ex præfata enim Glossa, ita innotescit.*

Facient. Eum primo. ] *V. male omittit primo. Primo disciplinam. ] His quoque duobus verbis, et sequentibus duobus caret V.*

Testimonia ejus. ] *M. post ejus addit inter lineas postea. Quasi diceret : Primo ; Beati immaculati in via, qui ambulant in lege Domini ; postea : Beati qui scrutantur testimonia ejus, quæ ad scientiam pertinent. Plura videantur apud B. Amb. in ps. cxviii, vers. 2.*

Attende tibi et doct. ] *Clarius exponit M. in margine, hoc modo : Attende tibi, primo ; et doctrinæ postea. Hoc est : Attende tibi, qualiter vivas ; et doctrinæ, qualiter doceas. Cœpit enim Jesus facere et docere post. Act. 1.*

In doctore vita. ] *Apostolus, enumeratis iis, quæ ad episcopi et doctoris rectam*

**350** *virendi normam conducunt, ultimo monet : Et potens sit exhortari in doctrina sana, etc. M. et V. sic habent : Ultimo id quod ad doctrinam, inquit doctorem quasi vita bona præcedat, etc. Diserte B. Greg. Hom. 11 in Ezech. Ille loqui veraciter novit, qui prius bene facere didicit.*

V. et M. Vita vilipenditur.  
Superhumerali.] *De indumentis sacerdotum legatum fusc tractat. B. Greg. l. 1, ep. 24; ex qua apparet nostrum auctorem sua desumpsisse.*

Denotatur.] V. intelligitur.

Et tintinnabula.] C. Et cui tintinnabula.

Obmutescit enim.] Ubi, inquit B. Greg. conscientiam mordet reatus criminis, linguam ligat timor confusionis. *Rursus, idem vii Moral: Ille bene loquendi facultatiam percipit, qui sinum cordis per recte vivendi stultitia extendit; nec loquentem conscientia præpedit, cum vita linguam antecedit.*

Item ex virtutibus.] V. et M. sic legunt: Evangelizantibus virtute multa dabit Dominus verbum in virtute multa. Ad utrumque enim, etc. *Verborum transpositio est. Per illud, in virtute multa, intellige sanctitatem vitam, et opera meritoria, ut suggerunt margines C. et M.*

Non accendit.] *O quam belle B. Leo, serm. De S. Laurentio martyre: Sit eloquentia facilis ad exhortandum, sit ratio efficax ad persuadendum; validiora tamen sunt exempla quam verba, et plus est opere docere quam voce.*

Sæpe enim Deus V. deficit, usque: Item philosophus.

M. Nos autem.] *Per M. Magister intelligitur.*

Verbum Dei.] V. verbum fidei.

Aorasia.] *Tria aurisia, sed in incorrecte. Sic enim Genesios, cap. xix. ἐπάραξεν ἐν ἀορασία, ἀπὸ μωροῦ ἴως μωροῦ.*

Ostium invenire.] V. et M. sic: Sed percussit aurisia intrare non poterunt.

Qui minus diligimus.] C. Quo minus, etc.

Verecordia.] *Nequaquam verecundia, ut C.*

De Origene.] *Vidi hæc de Origene apud Eusebium eccl. Hist. l. vi, c. 3; sed nondum apud B. Gregorium.*

## CAPUT VII.

Sola V. et M. caput novum inchoant, et hoc cum aliquo discrimine. M. enim hunc præfert titulum: De hypocritis; incipitque caput: Hypocritæ profuerunt quidem verbum, etc. V. ut in textu.

Basilio magno præd.] *Apud Surium to. I. Interea illo legente sacros codices, vidit sanctus Ephrem, linguam igneam loquentem per os ejus.*

Os meum patet.] *Tria sic habent; at II Cor. vi: Os nostrum, etc.*

Charitate cor meum.] *Iterum II Cor. vi, cor nostrum. Tria, meum. Hoc verbum 351 charitatis, omiserat M. cum C. sed manu recenti repositum inter lineas.*

Aliter non patet.] *Super aliter, vidi M. in M. quod est mugister.*

Dilatatum est.] *Ita tria. In ps. xv: Lætatum est.*

Lamentatio.] *Seu, Lamentum, ut duo.*

Carmen justificatorum.] *In M. et V. varietas est. Sic enim: Carmen, Lamentum, et Væ, impænitentium ex proposito et reproborum. Sanius censui quod in textu repositum, id mihi suggerente B. Hieronymo, epist. ad Rusticum, quæ incipit: Nihil Christiano, ante medium: et B. Greg. hom. in Ezechielem.*

Pœnitentia.] *Perperam hoc omiserat C. Nam magne ille præco, Vox clamantis: ait: Pœnitentiam agite, etc. Matth. iii.*

Dulciter et suavissime.] *Plus proficit, inquit B. Gregorius, ad prædicandum sancti amoris conscientia, quam sermonis exercitata scientia.*

Cum tu opere.] *Ex Cassiodoro. V. his omissis, ait: Quare tu enarras justitias meas sermone communi de majestate loquendo, et assumis, etc.*

Prædicare publice.] *V. utrumque verbum omittit, et eorum loco, laudare. M. similiter, sed in margine subnotavit quæ in textu sunt.*

Legerim private.] *Restitui private ex marg. M. et C.*

A Tabernaculum.] *C. hic et paulo ante, pro tabernaculum habet templum.*

Tabernaculum viderent.] *Recte ut patet ex Glossa tum ordinaria cum morali in c. xxxviii, Exod. v. 8. M. et V. Et egressuri tabernaculum, mundabant et abstergebant lacrymas, si quas in se esse viderint.*

M. Ad hoc.] *Fortè Magister Petrus Cantor auctor noster V. non legit M. sicque: Ad hæc nota, quia est prædic., etc. Ad hoc solummodo, hoc est, non ad curiositatem, aut speciei vultus complacentiam, vel industriam illius compositionem, quibus ad libidinem provocet circumstantes.*

Gloriam querens.] *Ex solo V. addidi.*

Privatus scilicet.] *V. Privatus de charitate et non, etc.*

Hieronymus.] *Epist. 4 ad Heliodorum De laude vite solitariae, citantur verba ejusdem ii, q. 7: Non omnes.*

Talis enim commune.] *Restitui ex marginibus M. et C. monitus tamen textu V. C. enim horum loco legebat: Et si cæcus cæcum ducat, ambo in foveam cadunt. Matth. xv.*

Ex sequendo mort. peccat.] *Quomodo peccat mortaliter, cum prædicare non sit secundum se actus alicujus sacramenti? Fateor interim prædicationem a Christo institutam hoc facto inhonorari, et quasi vilipendi, quia non tantum verbo, sed et exemplo prædicandum est.*

Favum de ore leonis.] *Glossa moralis hic, per favum mellifluum doctrinam B. Pauli intelligit. Sed M. et C. in marginibus per favum, doctrinam; per os leonis, Scripturam interpretantur.*

Abedarius in vita.] *Fusius explicant M. et V. Abedarius vita (hoc est ætate) Abedarius scientia, Abedarius facultia, seu eloquentia, Glossa est interlinealis in II Tim. c. ii, v. 2.*

352 Probabilem exhibere.] *C. probabilem scilicet exhibe, primo, etc. V. omittit primo, consequenter post.*

Inde sciens C. anicum habet inde.

A moventibus factias.] *Duo margines variant textus ordinem. C. a moventibus (in marg. histriombus) factias (in marg. Cheres) animalia glebæ. M. pro cheres, habet in marg. chieres.*

Fractis lagunculis.] *Glossam hic inter lineas M. talem vidi: Fractis lagunculis, id est primo donita cervice: et ad lucernas accensas, superaddit: operibus. Hæc obscura sunt, sed illustrat. B. Gregorius, hom. 15 in Evang. Lucernas quippe ardentes in manibus tenemus, cum per bona opera proximis nostris lucis exempla monstramus.*

Muri Jericho.] *Exponit M. in ora laterali: Mundus et omnis concupiscentia ejus.*

Prædic. itaque primo.] *V. populo pro primo. Equidem sensus bonus est, sed a proposito alienus.*

## CAPUT VIII.

C. Præcedens caput continuat.

Disputator.] *Hoc vitiose omiserat C. ut patet ex cap. 4.*

Magnificas voces.] *Sic Seneca epist. 108. C. magnificas voces, sed forte per abbreviationem.*

Circulatoribus.] *Joculatoribus, ait C. in margine. Verbum Dei.] Solum C. Dei.*

Qui vix stare.] *C. Qui attonitus, etc., interposita non habet.*

Regere valens.] *Valet C.*

Sed inquires.] *Duo inquiens præter V.*

Philo et alii.] *Alios enumerat Seneca in fine epist. 108. V. pro Philo, legit philosophi et alii.*

Fac quod loqueris.] *Multis locis id inculcat Seneca. Sic autem epist. 29. Maximum hoc est officium sapientie et iudicium, ut verbis opera concordent, etc. Plura vide epist. 24 et 75, initio. Tullius: Caput artis est docere quod facis.*

Pluteum cædit.] *Hic furioso potius assimilatur quam viro bono. Ita M. in margine.*

Nisi aut dicere.] *Act. xvii. Ergo male C. Nisi A* adhibere et audire.

Non ut crederent.] *Glossa interlinealis in hunc locum.*

Fiat fides.] *Hæc lectio mihi visa est sincera, ut ex Glossa didici, etiamsi C. Fiant fideles, dixerit.*

Veritas autem angulus.] *Verba B. Hieron. epist. ad Rusticum monachum, quæ incipit: Nihil Christiano; sub finem.*

**353** Et stibio Jezabel.] *Visus est amanuensis ignorasse hunc locum Scripturæ. Nam C. studio Jezabel. M. cum V. propinquus collimavit: Tibio Jezabel.*

Inescare.] *Sic Terentius Adelph. actu II, scena II: Abi, inquit, nescis inescare homines, hoc est, alligere. Ergo non audienda duo scilicet M. et C. Inviscare.*

Pusillis deditus.] *Non pusillus, ut C. Seneca eadem epist. Non est ornamentum virile, concinnitas.*

Capite complutos.] *Tria sic, pro, onustos promissa cæsaries. Interea Seneca aliter: Nosti complures juvenes barba et coma nitidos, etc. Ad sensum textus nostri cecinit Tibullus, l. III. elegia IV.*

Intonsi crines longa cervice fluebant.] *Capsula totos.] Id est, ornatos vestibus recenter eductis ex arcula suave olenti.*

A tota oratione.] *C. a tota cortice. Cum cornicula.] De qua Horatius, l. I, ep. 3.*

..... Moveat cornicula risum.] *Furtivis nudata coloribus, Filium ejus.] Tria filiorum, sed vitiose, ut ex epistola B. Hieronymi innotescit.*

Officii voluntatem.] *V. Officii vocem. Extemporalis est epist.] Hic non declinavi a textu B. Hieronymi, quoniam tria velint temporalis, quæ inter se toto celo differunt.*

De oratore.] *Non de oratione, ut V. Et abire cupienti.] Iterum defectum tria a sanò textu B. Hieronymi. C. Habere cupienti. M. Habere concipienti. V. Habere cupienti, quod ego ingero ingressum, pro ingestum, etc.*

Ingestum viaticum.] *Quasi, aiunt margines, ego ingero vianti viaticum, non prurienti oblectamentum.*

Viva voce.] *C. admittit viva. M. Talis ergo.] Per M. magistrum intellige, ut supra dixi.*

Adventantibus.] *C. legerat audientibus, sed sese in marg. correxit.*

Quibus non nutritur.] *C. Quibus non utuntur. Hieronymus in supradicta.] Non legi in supradicta, quæ consolatoria est ad Julianum super filiarum morte: Neque ea quæ adduntur illi epistolæ in editione anni 1508. Videantur scholia Erasmi.*

Restit. tibi filius.] *Si ex præfata epist. hæc desumpta sunt, profecto non filius, sed filia legendum est.*

Expellam nunc.] *V. A corde tuo repellas, ut reviviscas et consolationem recipias. M. in ora inferiori hujus pagine ea habet, quæ alio referenda, ut patebit. Hæc sunt autem: Alexander papa, cum a quodam commendaretur, ait: Bonus essem papa si scirem poenitentiam dare, judicare, prædicare; et si prius fontem, scilicet charitatem, haberem, ex quibus (forte, ex quo) ista procedunt.*

**354** dare, judicare, prædicare; et si prius fontem, scilicet charitatem, haberem, ex quibus (forte, ex quo) ista procedunt.

Ne quidem hic caput dividit C.] *Talis debet esse oratio.] Seneca, epist. 114, initio, post Solonem et Platonem. Lipsius hoc loco in notis videtur.*

Non polita.] *C. non polluta. Sed tantum sensus.] M. tantos sensus. C. totos sensus.*

Simplex sermone.] *Consule epist. 40 Senecæ. Item: Cur cor.] Hæc quoque Senecam redolent epist. 75.*

Ne talia volutet.] *V. ne talia os volutet, vel auris auscultet. Cor tum.] Hujus non meminit M.*

Periculosa enim.] *Quidni, cum V. et M. Perniciosa enim, etc. ? Item idem.] Senecæ epist. 75. Et formosum.] Deest in V. Compositum.] Cur incompositum V. et M. ? Et compositum in sermone.] Attende varietatem. V. primo sic: Et compositum in sermone, humilem habitu, mediocre in statura brevi, ne, etc. C. Et compositum in sermone et habitu humili, statura, mediocre, ne, etc. M. in margine hæc legit: Sicut nec navis formosum gubernatorem, sed regere scientem.*

Sangar sexcentos.] *Restitui ex Judic. III. Tria: Quingentos Philisthæos eadem, cum olim impressis, non Sangar sed Sangar habent. Occides.] ex V. solo adjeci. Quam gladio Ciceronis.] Hoc est: Citius sermone simplici vitia destrues, virtutesque plantabis, quam Ciceronis eloquentia. Vel testis.] Id non vidi in V. Humilia sectemur.] Seu Humiles, ut V. Sesquipedalia.] Ex Horatio de Arte poet. Hoc est, verba affectata et longiuscule protracta. Defendit hiatu.] etiam hæc Horatium redolent de Arte poetica. Philosophus amico.] Versus sunt Horatii, l. I, ep. 1; sed nonnihil immutati. Sic enim ille pro verso 2.*

..... et magnam morbi deponere partem. Per barbam David.] *Glossa hoc loco addit: Quomodo enim in salivis infirmitas, sic virtus ostenditur in barba. In I Reg. XXI, 13. Item Gregorius.] M. sententiam hanc omisit, nomine quoque suppresso Gregorii. Et quod patet.] M. Et quod patet in eloquio divini sermonis, reliqua absunt.*

**355** Predicationis.] *Male deerat in C. Non sufficient.] V. suppetunt.*

## CAPUT X.

Et quia non potest.] *C. Sed quod non. Nisi cognitum prius.] Solum C. omittit nisi, et solum recipit prius.*

A sugillatione.] *Tria a jugulatione superbiæ, at margo C. corrigit, sugillatione. Omnium malorum.] V. et M. omnis mali et peccati. Scio id haberi Eccl. X, sed cum auctor utatur hic S. Augustino, ejus quoque servavi in verba psal. xviii, to. VIII.*

Recedentibus primum.] *Ita B. August. in psal. xviii, 14. Ut quos invenit.] V. et M. Et quos invenit. Justi et rite.] M. et C. Juste et rite. Non fecit taliter.] Hæc omittit V.*

Prius non reputatum.] *Iterumque omisit prius. Cæli incolæ.] Ex Glossa B. Amb. sicut ex M. et V. colligo: Cæli incolæ relinquunt. Ut libido Gastrim.] Hucusque Glossa B. Amb. in psal. cxviii: Tria cum omnibus, mss. legunt castrimargia.*

Id est cervicosos.] *Glossa ordin. quæ et B. Aug. Cervix erecta.] Sicut in malis cervix superbiæ, ita in bonis libertatis erectionem signal, B. Greg., Moral. xiii, cap. 6.*

Id est superbia.] *B. Aug. in psal xviii. Superba affectio.] Idem in psal. xxxv. Ergo non bene V. Superbiæ affectio. Impingunt se in.] M. omittit se. Similiter C. sed pro impingunt habet compingunt.*

Fornicantur abs te.] *Id est, qui fornicantur recedunt abs te. Ita C. in margine. Ingrassantur.] C. cursantur. Frangit Deus omne superbum.] Hemistichium*

Ne quidem hic caput dividit C.] *Talis debet esse oratio.] Seneca, epist. 114, initio, post Solonem et Platonem. Lipsius hoc loco in notis videtur.*

Non polita.] *C. non polluta. Sed tantum sensus.] M. tantos sensus. C. totos sensus.*

Simplex sermone.] *Consule epist. 40 Senecæ. Item: Cur cor.] Hæc quoque Senecam redolent epist. 75.*

Ne talia volutet.] *V. ne talia os volutet, vel auris auscultet. Cor tum.] Hujus non meminit M.*

Periculosa enim.] *Quidni, cum V. et M. Perniciosa enim, etc. ? Item idem.] Senecæ epist. 75. Et formosum.] Deest in V. Compositum.] Cur incompositum V. et M. ? Et compositum in sermone.] Attende varietatem. V. primo sic: Et compositum in sermone, humilem habitu, mediocre in statura brevi, ne, etc. C. Et compositum in sermone et habitu humili, statura, mediocre, ne, etc. M. in margine hæc legit: Sicut nec navis formosum gubernatorem, sed regere scientem.*

Sangar sexcentos.] *Restitui ex Judic. III. Tria: Quingentos Philisthæos eadem, cum olim impressis, non Sangar sed Sangar habent. Occides.] ex V. solo adjeci. Quam gladio Ciceronis.] Hoc est: Citius sermone simplici vitia destrues, virtutesque plantabis, quam Ciceronis eloquentia. Vel testis.] Id non vidi in V. Humilia sectemur.] Seu Humiles, ut V. Sesquipedalia.] Ex Horatio de Arte poet. Hoc est, verba affectata et longiuscule protracta. Defendit hiatu.] etiam hæc Horatium redolent de Arte poetica. Philosophus amico.] Versus sunt Horatii, l. I, ep. 1; sed nonnihil immutati. Sic enim ille pro verso 2.*

..... et magnam morbi deponere partem. Per barbam David.] *Glossa hoc loco addit: Quomodo enim in salivis infirmitas, sic virtus ostenditur in barba. In I Reg. XXI, 13. Item Gregorius.] M. sententiam hanc omisit, nomine quoque suppresso Gregorii. Et quod patet.] M. Et quod patet in eloquio divini sermonis, reliqua absunt.*

**355** Predicationis.] *Male deerat in C. Non sufficient.] V. suppetunt.*

*Prudenti Psychomachia* iv, quam iurabit legisse. A Sæpe enim Dominus, ait idem margo, fulminat superbos, quasi per se puniens sine ministerio angelorum vel hominum.

Vitia abominatur.] *Supple Deus. C.* Vitia abominantur a Deo.

Item idem : Superbia.] *F. B. Hieronymus, ut infra ex notis colligo.*

Item Hieronymus.] *Epist. ad Abigaum to. 1. M.* Item idem : Ergo immediate supra etiam *B. Hieronymus.*

Contumel. humilitatem.] *M. et C. humanitatem, virose.*

Adversetur.] *Subnotant duo margines : Superbus Deum et proximum odit.*

*Ecli., cap. x.] C. et M. xxxiii.*

Et execrabilis.] *M. male audit : Inexecrabilis,*

Unde non restat.] Est superbia, inquit *V. et M.* ut non restet gravius et ulterius peccare, scilicet *B* quam per superbiam.

**356** Ergo nec ad Deum.] *V. Usque ad proximum et inimicum, ergo nec ad Deum, ad quem deberet extendi.*

Item Greg.] *Moral. viii, c. 50. Distinctius tamen. l. xxxiv, c. 18. Ibi enim : Ira patientiam, gastrimargia abstinentiam, libido continentiam expugnat ; at superbia, quam radicem vitiorum diximus, nequaquam unius virtutis extinctione contenta, contra cuncta animæ membra se erigit, etc.*

In porta religionis.] *In baptismo.*

Renuntiat diabolo.] *M. abrenuntiabit. Hæc videntur desumpta ex epist. B. Hier. ad Demetriadem, quæ incipit : Inter omnes materias. Ad illud diabolo, ait M. in marg. Ut principio et auctori malorum.*

Pompis ejus.] *Pompæ diaboli mendaciæ sunt, et temporalia quibus nitimur, Margines duo.*

Manifestius patent.] *Sic puto legendum. Alias manifestis.*

Et apparatu vestium.] *V. et M. appetitu vestium. Sed audiamus hic Senecam De tranq., cap. 9. Assuescimus a nobis removere pompam, et usu rerum ornata metri, etc.*

Et limites quos.] *Horatium redolent :*

Est modus in rebus, sunt certi denique fines,

Quos ultra citraque nequit consistere rectum.

*Variant exemplaria. C. certusque modus, quos et limites non licet excedere. M. certusque modus, quos et limites, etc.*

Ut Apostolus.] *C. Ut apostoli.*

Sicut hodie fit.] *Unicum C. id legit. Si tua ætate, etiam hac nostra, Petre Cantor, luxus vestium maxime reprehensibilis est. Tanta enim in eorum pretiositate et varietate curiositas est, ut non modo ignobilem a nobili, sed neque aut vix saltem ab adolescentula adolescentem distinguere valeamus. Ordo perver-sus est.*

*Ignobiles et plebei ornatu corporis exquisito, nobilitatem generis induisse videntur, econtra nobiles simplici indumento, honesto tamen, contenti sunt. Cur ita ? dicam. Eis virtus et morum probitas inest. Nam, ut Juvenalis, sat. 8 :*

Nobilitas animi sola est atque unica virtus.

*Vel : Summa apud Deum est nobilitas, clarum esse virtutibus. Sic B. Hieron. ad Celantiam matronam. Boetium quoque videto De consol. philos., lib. iii, prosa et metro 6.*

Desiit esse peccatum?] *Non tamen mortale, nisi in quibusdam casibus, videlicet ad concitandam libidinosam concupiscentiam, vel alium finem mortalem; sic docet S. Thomas 2-2, q. 169, art. 2, ad 2 et 3 ; Cajetanus in summa verbo ornatus et in sanctum Thomam loco cit.; Grassius, p. 1, l. ii, c. 77 ; Lessius, l. iv, De justitia, c. 4, dub. 14, et sexcenti similes.*

Ita ut his.] *Nempe, consuetudinibus et modis vendi, vestiendive. C. nec male : Ita 357 ut hi,*

*ut scilicet, non student occasione, etc.*

De qua dicitur *V.* De qua intelligenda est auctoritas. *M.* de qua et eujusmodi intelligenda est auctoritas. Sumitur auctoritas ex illo loco *Apost. I Tim. ii, vers. 9.* Similiter et mulieres in habitu ornato. Item ibidem : *Ornantes se. Sed qui tale producant argumentum, quæso, attendant solutionem B. Aug. tom., X. De verbis apost. serm. 18, in fine. Et lib. iii. De doct. Christ., cap. 10. Item, distinct. 41 : Quisquis.*

Consuetudini vestiendi se.] *V. potest tolerari : Tum scilicet consuetudine se vestiendi, hac aut illa innovata et introducta.*

Ortus ejus.] *Sen origo, ut V. Ortus superbiæ multiplex est. Quandoque enim oritur a dono fortunæ, ab habitu interiori, et divitiis exteriori; a dono naturæ; a generis nobilitate; a pulchritudine; a dono gratiæ; a potestatibus cupitis; a dignitatibus habitis. Ita margines.*

Abundantia panis.] *Vel juxta LXX Interp. deliciarum luxuriæque opulentia. Ezech. xvi.*

Iniquitas eorum.] *Variant hic exemplaria. C. Iniquitas eorum, et cum habitu etiam exteriori, etc. (forte legendum interiori). Ab habitu etiam exteriori procedit quandoque superbia, ut est vestitus, etc. M. Ab habitu exteriori et exteriorum; non improbo hoc sensu. Ab habitu exteriori, in se nempe, ut in vestitu corporis. Et exteriorum, ad se pertinentium, v. g. in equis, mulis et reliqua suppellectili.*

Ita et philosophus.] *Seneca, ep. 87.*

Solo motu.] *V. Solo motui. Non sapit.*

Ad humilitatem et cor.] *C. ad cor suum, reliqua excludit.*

Modicitatem meam.] *V. omittit meam negans.*

Excusans.] *Ly abest a C.*

Sordido erubescit.] *Subaudi vehiculo. Vide Senecam, epist. 87.*

Nonaunquam.] *V. nunquam.*

Unde Benedictus Romæ.] *C. Unde Benedictus ratione. Nil audio.*

Timens monstrum.] *V. Vitans monstrum.*

A generis etiam nobil.] *Contra B. Hieron. Nulli te unquam de generis nobilitate præponas, epist. ad Celantiam.*

*In publicis conventibus vidi ego humiliores veros nobiles, quam falsos. Hoc dico falsos, qui se inter nobiles genere, volunt dici nobiles, cum tamen appensi in statera genealogiæ, aut paternæ extractionis, inveniantur minus habentes. Diserte de vera nobilitate Boetius De consol. philosoph., lib. iii, prosa et metro 6. Tolle Hannibalem.] Ex Juvenali, sat. 6.*

Incumbere famæ.] *Ex eadem, sat. 8.*

Nobilitas animi.] *Ex eadem sat.*

**358** Simillimus Herme.] *id est Mercurii, ait C. in textu, M. in marg.*

Fastus inest.] *Ovid. Fast. l. ii.*

Sub cinere et cilicio.] *Multo deformior est illa superbia, quæ sub quibusdam humilitatis signis latet; et infra : Quid prodest tenuari abstinentia corpus, si animus intumescat superbia? Ita B. Hieronymus, vel (ut quidam volunt) Paulinus ad Celantiam.*

Subacta putaris.] *C. peracta putaris. In ora marginali addit : Sic peccavit Zozimas. Ejus vita habetur apud Sur., to. II.*

Quæ plus infestat.] *V. quæ magis.*

Quibus non profuit.] *V. In quibus non, etc. Vide expos. B. August. in psal. cxviii, vers. 69.*

Cum humilitati obviat.] *Cum humilitati, addit M. inter lineas : Christo scilicet in ea.*

A potental. et dignit.] *Quæ modo adveniunt, mo-lo recedunt. Ab his odiosum oriri superbiam conperies, si attente Boetium legeris initio prosæ 6, lib. iii. De cons. philos. Sed cum potentes quandoque degradari contingat, ideoque modico contentos esse magis deceat, libet Senecæ versus recitare :*

Felix alius magnusque volet,

Me nulla vocet turba potentem.  
Stringat tenuis littora puppis,  
Nec magna meos aura phasclos  
Jubeat medium scindere pontum.

(HERC. ÆTEUS.)

Adjuncta sunt.] Præter Vener. Bedam testatur etiam B. Bernardus, serm. 37, ad sacerdotem.

Et stercus sup.] V. omittit et stercus.

Boni lapidantia.] Hujus sententiæ non meminit C. Deut. c. vii.] Tria xxxv.

Septem populos.] Id est capitalia crimina septem. Ita margines duo. Si plura cupias videto Glossam de Lira in hunc locum.

Emplastro sape curia.] Ut avaritiam deprehensa Simonia, superbiam libidine propalata. Aliquando, Dei permissu, vitit aliquis in luxuriam, ut fiat alienus a superbia. Id edocet B. Aug. De civit. l. xiv, B. Thomas 2-2, q. 162, a 6 ad 5.

Ibi curaberis.] ibi, omittit V. Videntur hæc dicta per antiphrasim ex illo Jere. 51. Curavinus Babylonem, et non est sanata, vers. 9.

Unde Gregorius.] V. Unde legitur in Vitas Patrum de quodam :

Videns cives.] C. vidit cives.

Horripiliones.] Horripilo, quasi horridiore pilo frutico. Illi sunt horripiliones, qui eo magis intumescunt, quo plus honorantur. Nomen horripilationis legitur in Ecclesiastici xxvii, vers. 15.

359 Superbia oriretur.] C. oreretur, Male, nisi forte ureretur, quia post, refrigerii causa, in flumen ruit.

Quasi furiosum.] V. et M. quasi fatuum. De hoc eremita leguntur hæc in marg. C. Ego sum Deus, et non immutor, civitatem non ingredior, ita nec eremita voluit.

Semicinctiis. Quæ medium hominem cingunt.

Lantfrancus.] Hic fuit archiepiscopus Cantuariensis, vir sanctus et doctus. In concilio Romano sub Nicolao II pontifice, anno 1059, disputavit cum Berengario hæresiarcha, eumque ita convicit, ut Berengarius librum suum Vulcano dederit devorandum. Eo autem ad vomitum redeunte, præfatus Lantfrancus scriptis de veritate corporis et sanguinis Domini in Eucharistia, to. III Conc. p. 5; Bellarm., De Script. Eccl. ad annum supra notatum; Baron., t. XI, anno 1088, liber ejusdem De sacramento altaris exsistit to. VI Bibliothecæ Patrum, 2 editionis.

Subtiliter.] Non sublimiter, ut C. et M.

In Turonensi conc.] Jussu Victoris papa II per legationem missam contra Berengarium habito. Illius meminit Lantfrancus in libro suo contra eundem; Baron., to. XI ad annum 1055.

Nimius juvat.] Non minus, ut C. quia vitiose, et contra originalem textum Claudiani.

Opposuisti nubem.] V. opposita est nubes, sed contra textum Scripturæ sacræ.

Superbia cordis.] C. est enim superbia cordis, oris, cordis, totius corporis et operis. Cur bis repetit cordis? Superbias multiplices audi: Superbia cordis, oris, oculorum, frontis, manuum, pedum. Ita marg. Et frons domicilium.] C. non male explicat: et super os domicilium est frons scilicet.

Signum verecundiæ.] Hoc modo distinguit M. Et signum verecundiæ, humilitatis, vel impudentis elationis.

Et Job vel Sap.] C. simpliciter: Et sapientia, per quam accipe Ecclesiasticum c. xxiii; Job fere eundem habet, c. vii et xxxi.

Extollentiam.] Excellentiam M. et C. vitiose.

Nares minaces.] V. et M. Nares minas et injurias spirantes.

Humeri jactantes.] Vel jactabiles, inquit M. et V. Schemata ridentia.] V. pro explicatione et nota addit: Verba formata et gestus homines moventia ad risum (M. addit in margin.) sunt forte.

Membra loquantur.] C. membra moventur.

Qua ratione tacet.] M. et V. cum ratione tacet.

A Gastrimargia.] Tria cum omnibus fere manus scriptis ut dixi supra ad c. 10, legunt gastrimargia, sed vitiose.

Quasi arcuati.] ventris superficie ante convexa, retro concava; quibus quandoque 360 etiam accedit incessus testudineus cum gravitate corporis adeo affectata, ut si præconem tuba sonantem talibus præmiseris, statim compositam præfecturam incedere putes.

Affixo palo.] V. affixo talo, non sapit. Describit hæc Prudentius poeta Psychomachia 4.

Dominum et regnum.] V. et M. Domicilium et regnum.

Alterius vitii.] Nempe Gastrimargiæ, ut subnotant C. et M.

Num propter.] Cur tria non? Videatur Seneca l. c. Quæ cætera animalia.] V. Quæ cætera, etc. non placet.

Ingluviem exsaturandam?] V. ingl. exstinguendam? Hoc est, complendam?

Frangit Deus omne.] Hemistichium Prudentii Psychom. 4.

Nec in incessu.] Glossa interlinealis est.

Incompositio corporis.] Recte. Male ergo M. et V. incompositio mentis.

Job. xviii.] Tria, Job. xiv. Olim minor capitum numerus erat quam hodie, ut supra notavi.

Primogenita mors.] V. primocreata mors. Potest tolerari.

Quæ inter vitia prius.] V. quæ inter vitia prima (hic deficit) primam creaturam.

Item Cassiodorus.] Hic lacuna est in M. usque ad finem capituli.

Meditatio cordis.] C. cogitatio.

Qui intus]. C. qui justus vides.

## CAPUT XI.

Suffocata matre.] Ex B. Aug. De Verbis Domini super Matthæum.

Quam retinuit.] Hæc, usque: Hujus invidia, omittit V.

In effectum et forte.] C. in affectum et in effectum invidiam scilicet. Hic subnotabo ea, quæ ex quodam codice ms. monasterii Cambroniensis collegi, in quo, inter opera Stephani Cantuariensis, habentur aliquot capitula de Verbo abbreviato Petri Cantoris. Invidia primum peccatum fuit post superbiam, et per eam de angelo factus est Satan; eam autem amisit in effectu, nescio utrum in affectu; invidiam autem retinet in effectu et affectu. Invidet enim nobis quod amisit: unde primos parentes nostros, eis invidendo, decepit; et nescio, utrumi damnati et reprobi purificentur dæmonibus in invidia, ut post mortem invideant bonis, et ita sit falsum quod dicitur.

Pascitur in vivis livor, post fata quiescit.

(Ovid. lib. 1, Eleg. 15.)

Nisus est ut.] Consule B. Aug. to. VIII, in psal. LVIII, Conc. II, in medio. Item in psal. cxxxix, initio.

D Fraternalium odium.] C. parit enim semper odium. De his S. Tho. 2-2, q. 34, a 6, in corp.

Qui dicunt.] V. quæ dicunt, etiam bene, facta relatione ad auctoritates.

Sunt reddita etiam.] Ex solo C. tria hæc verba collegi.

Quod maxime.] V. et M. quod etiam tunc.

361 Et tunc hoc vitium.] M. et circa hoc vitium, scilicet odium fraternalium.

Causam habet imp.] M. curam habet impulsivam, etc.

Regnatura sit post.] Quod non aliud peccatum, ait margo M. et C.

Aliud persequor.] V. aliud persequitur, sic quoque in immediate sequentibus.

Ipsam datorem.] V. ipsum Spiritum sanctum.

Exstinguere conor.] Dicendo (aiunt margines duo) propter hypoerisim facit, et hujusmodi.

In gaudio et dolore.] In gaudio, quia male acci-

dit proximo. In dolore, quia prospere.

Insultare malis.] *Stattius poeta 2 Thebaidos.*

Macrescit.] *C. et M. Marcescit. Vide Horat. 1, ep. 2. In invidium hoc epigramma jactat Waudraus nostras, in aede S. Germani Montibus canonicus.*

Invide, quis credat? rebus macrescit opimis,

Atque saginatas fit macer inter oves.

Invidia tantum possis cum vivere, restat,

Illa qua tu vis vivere, parte mori.

(Lib. 1, epigr.)

Semper abest risus.] *Ovidius in Metamorp. sic :*

Risus abest, nisi quem visi fecere dolores.

O dulces visure.] *Invidus pro prosperis inimici dolet. Sequitur : Intrature tenebras, letatur pro adversis.*

Interficat superbia.] *Codex biblicus : Interficat iracundia.*

Munditia vel vita.] *C. Vel vita, omittit.*

Sanitas carni.] *Carnalium concupiscentiarum, ait margo C.*

Putredo ossium.] *Hæc explicant duo margines : Virtutum omnium, quas facit, putrescere. Talis est etiam Glossa Lirant.*

Igneum ardoris.] *Invidiæ, inquit Glossa interlinealis.*

Parietis stipulam.] *Vanitatem, seu opera inania. Glossa eadem.*

Justius invidia.] *Sic B. Hier. in c. v. ad Galatas : Pulchre, ait, quidam de Neotericis Græcum versum transferens, elegiaco metro de invidia lusit, dicens : Justius invidia nihil est, quæ protnus ipsum*

Auctorem rodit, excruciatque animum :

Sed subdamus quæ in margine M. vidimus : Quasi per illum. Unde :

Infelix primus imbuat auctor opus.

Perpetua anxietas.] *Hic versus et sequentes sunt Juvenalis sat. 14 et 15.*

Sumit utrumque.] *Idem sat. 9.*

Et tremorem capitis.] *V. Et tremorem corporis. Dicunt quidam Deum tale dedisse cornu in nare Cain, et oculos ita scintillantes, ut visu, terribilior appareret quam unicornis. Lib. III, hom. 6, c. 2. Vidæ Sareptanæ, quam superioribus annis in lucem enisimus.*

Hic est spiritus.] *Etiam tolero V. Hæc est (scilicet invidia) spi., etc.*

362 Eo quod etiam audisset.] *V. vidisset.*

Coram propallente.] *V. et M. coram quo (scilicet Saule) psallente. Sapit utique.*

Ad lyram.] *Cur V. et M. ad litteram?*

Invidia filia.] *C. Invidia filius.*

A bonis prosperis.] *C. a bonis propriis hominis oritur, ita hæc a bonis proximo et alterius et melioribus.*

Si ex toto.] *C. Sed ex toto delere non potest.*

Si non alicui.] *V. et M. Si non aliqua nocuisset.*

Ne comedas.] *Cibus spirituales vel materiales, ait fragmentum Camberonense, de quo dixi supra in notis ad hoc caput.*

Et perdes pulchros.] *Item idem. Quasi diceret : Nullo modo invidium placare poteris.*

Quod oritur a bonis.] *M. quæ oritur, vitiose.*

In Prologo Isaïæ.] *Ego magis specificabo locum. In prologo B. Hieronymi in librum XI Commentariorum in Isaïam ad Eustochium.*

Despiciunt et.] *Quibus quadrat hic versus ex marg. C. et M. collectus :*

Carmina quæ nescit, dicit spernenda caletes.

M. pro carmina legit omnia. C. pro caletes, habet zelotes.

Item, si oritur.] *M. Sortitur invidia. Abusus est.*

Sancta imitatio.] *C. Sancta invitatio. V. Sancta superbia. Quidni sancta æmulatio? Æmulor enim vos Dei æmulatione, inquit Apost. II Cor. XI. Dixi sancta, aliquoquin perversam adverte æmulationem Prov. XXIV : Ne æmuleris viros malos. Bifarium*

A accipi æmulationem, pro laude et vitio docet Cicero in Rhetor.

Prophetant hic.] *Illi erant Medad et Eldad. Num. XI, 26 et 27.*

Quæ interpretationi.] *C. qui interpretationi.*

## CAPUT XII.

In titulo fallitur. C. contra traditionem, pro detractioem.

Dens pessimus.] *Aliter M. Et Deo pessima est detractio. Hoc est Deo odibilis est ipsa detractio. Casiodorus in ps. III sic ait : Dentes dicti sunt a demendo. Et ideo pulchre nimis linguæ detractantium dentes vocantur; quia sicut illi ciborum partes demunt, ita et isti opiniones hominum adhibita detractioe corrodunt.*

Romanos cap. 1.] *Tria v.*

Contentione.] *De hac abunde dictum est supra cap. v.*

B Quasi in hoc eis.] *Deficit V. usque, item epistola. Ad Galatas v.] Tria II.*

Invicem mordetis.] *Derogando in parte, inquit margines duo.*

363 Consumamini.] *Abrogando in toto. Idem marg. C. et M.*

Scissa scilicet.] *M. consumamini scilicet unitate fidei. C. consumamini schisma scilicet unitate fidei. Hoc forte voluit quod habet Glossa. ord. in hunc locum. Nempe : Consumamini : Per schisma Christianæ religionis.*

In ps. c.] *V et M. in ps. xcix. Male.*

Id est detrahens.] *V. et M. sic habent : Non ad hæsit mihi cor pravum, etc. Detrahentem proximo suo, etc. Superbo oculo, etc. Omnia ex eod. ps.*

Superbo oculo.] *Pro invidia, aiunt margines C. et M. Sed clarius Fragmentum Camberon. Superbo oculo, superbia. Insatiabili corde, invidia. Detrahentem, etc. detractio.*

Parab. c. iv.] *Tria XIV Biblia nostra olim c. XII.*

Item c. xxiv.] *Tria XLV, Præfata Biblia XLIV.*

Cogitatio stulti.] *M. cogitatio stulta. Super hæc inter lineas, id legi : et tota vita ejus.*

Id est, absenti non.] *Hoc Levit. XIX. Non maledices surdo, Exponit eodem modo et sensu B. Gregorius Pastoral. p. 3. Admonit. 36.*

Qui detrahit proximo.] *Addit. C. Deo et proximo et homini.*

V. et M. non repetunt : Et proximo, quia satis patet, eo se illi obstringi quo detrahit.

Sed et homini.] *Ly sed solum C. habet. Interim posset abesse, etiam non mutato sensu.*

Dicendo humiliter.] *M. dicendo humiliatus. V. Humiliatus dicens.*

Veniens, non tantum.] *Utinam pro veniens legeretur, Vade prius, etc. Abunde enim, tum ex Glossa ordinaria, cum ex illa Lirant, colligitur sic legi oportere. Ibi bifarium exponitur Vade. Primo pedibus corporis ; 2. mentis. Mentis dico, ubi habet propositum satisfaciendi loco et tempore competentii.*

Prius enim injuriæ satisfaciendum, subinde Deo immortalis sacrificandum, ipsunque sic, placato anxia fratre, placandum scias.

Detrahere enim est.] *Audi varietatem. C. detrahere enim, est de aliquo, et de plenitudine alicujus aliquid tollere. M. detrahere enim, est de aliquo plenitudinem alicujus aliquid tollere. Sed M. sic non sapit. Fragm. Camberon. ita definit : Detractio, est de aliquo tractio.*

Questio est.] *Hæc verba poterant subaudiri ex interrogatione facta, at cum V. haberet in textu, nequaquam a textu excludere potuimus. Interea, multorum doctrina monitus, dicerem ego talem de tractorem debere, et præbendam resituerre, et samam apud prælatum laceratam resarcire. Ipsi autem prælati faventes delatoribus, facile credentes accusatoribus, ac detractoribus arrectam aurem commodantes, a peccato minime excusantur. Nam B. Augustin,*

tom. VIII in psalm. cviii, vers. 4, inquit : Si hilari vultu detractorem audieris, das illi fomitem detrahendi, **364** etc. Plura vide 6 q. 1. Ex merito et 11 q. 3. Non solum.

Sumenda sunt alimenta.] *Hæc legi aliquando apud eundem B. Aug. l. 10 Confess. c. 31.*

Indignam noverit.] *M. Indignam judicet esse sibi. Habetur hoc epigramma to. X, Serm. 26 ad Fratres in eremo.*

Epist. canonica c. 4.] *Tria c. 9. Apud antiquos auctores, non canonica, sed Catholica vocatur. Origenes apud Eusebium Eccles. hist. l. vi, c. 19. Dionysius Alex. ibid. l. vii, c. 10. B. Hier. de Script. Eccles. in Jacobo. Ideo autem Catholica dicta est, cum epistolis B. Petri et aliorum, quia non ad unam aliquam civitatem, ut Epistola ad Romanos, non ad unam privatam personam, ut ejusdem ad Timotheum; sed generatim ad fideles dispersos missa sit, ut ex cap. 1, patet. Dicitur quoque canonica eo quod canones et præcepta instituenda vitæ Christianæ continent, seu quia, æque ut Paulinæ, ad canonem librorum pertineat.*

Qui peccatum occultum.] *M. nil. determinat, eoque male legit : Qui peccatorem publice, etc. Publice peccantes, publice pro exemplo corrigendi sunt. Sic. Ven. Beda in c. viii Lucæ : Publica noxa, publico eget remedio. (tollatur.)*

Parab. xxiv.] *exemp. xlvii.*

Sed nunquid minus.] *C. allucinatur : Sed nunquid falsum testimonium minus detrahit dicendo verum demonium de aliquo.*

Vel virtute.] *Solum C.*

Verba adulatorum.] *Nequaquam, Verba detractorum, ut C. Patet enim ex Glossa interl. que et B. August. est.*

Cujusdam Sapientis.] *Glossam vide.*

Uni commembro læso.] *V. compat. omnia uno membro læso.*

Observanda.] *C. conservanda.*

Ignobiliora membra.] *Fragm. Camberon. Inhoæcista membra.*

Exemplo etiam matris.] *Hic, usque, exemplo etiam Patrisfamilias, etc., deficit V.*

Juniorem.] *C. mindrem. Sapit utique, si ætatis minoritatem intelligas, non molis tantum. Sic legit fragm. Camberon. Debiliorem filium majori diligentia fovet.*

Filium prodigum.] *Post exemplum, filii prodigi, recte subdit Fragn. Camberon. Quia, qui hodie est matris, cras bonus erit : et ideo nulli est detrahendum.*

Quidam enim invenit.] *Tria conveniunt, at Fragn. Camb. clarius effert sic : Quidam enim invenit detractionem sine aliqua materia vel cum aliqua, quia nemo est cujus pes non lubricet aliquando, de quo potest dici illud poeticum :*

Quælibet in quemvis opprobria fingere sævus.

Quidam audit, ut referat, et de illo dici potest :

Quælibet in quemvis opprobria dicere sævus.

Margines C et M. Rarus enim est cujus pes quandoque non labatur. (addit) C. ut lubricet.

**365** Fingere sævus.] *Horatii versus 1, epist. 15, C. dicere sævus.*

Dissipat pluvias.] *Adulationis et detractionis, inquit margines præfati.*

Facies tristis.] *Scilicet inrepan, ait M. inter lineas. Vel indicans se tanquam fetorem putridum horrere detractionem idque naribus contractis, aut rugata fronte, aut supercilio adducto.*

Ad Nepotianum.] *To. I De vita clericorum circa finem. Incipit epistola : Petis a me. Nec absimilia leguntur in epist. ad Rusticum eodem tomo, quæ incipit : Nihil Christiano, post medium.*

Non in petra.] *Mallen ipse in petram, ab impetu; idque ex Hieronymiano textu. Ait enim : Sagitta in lapidem nunquam figitur. V. hæc variat sic : Nulli enim invito loqueris, ut in petra figatur sagitta, sed resiliens, etc.*

Contemptum alia littera.] *Tria hic non audiunt. Non enim alia littera, sed Glossa, quæ est Cassiodori in hunc locum. Nam ille ibi derisum a contemptu distinguit. Contemptus, inquit, est abjecta vilitas.*

Exstinguit vel perimit.] *Ly, Vel perimit, omittit C. M. autem : exstinguit vel punit. Non placet. B. Bernardus eadem homilia : Necat funditus et exsinguat, Illam legisse plurimum proderit.*

Duo autem sunt genera.] *Fuse edisserit idem ibidem.*

Dicens sic : Per me.] *Fere eadem B. Hieronymus ad Rusticum epistola. Nihil Christiano. Sed dices, inquit, ipse non detraho; aliis loquentibus, quid facere possum? Ad excusandas excusationes in peccatis ista prætendimus, etc.*

Capitulo clericus.] *Ita ibi : Clericus maledicus ad postulandam veniam cogatur, et si noluerit deponatur, et non nisi cum maxima satisfactione revocetur ad officium suum.*

Oculata fide.] *Manifesta et aperta. M. et C. male, occulta fide.*

Quotidie videmus.] *Patet, inquit Fragn. Camberon. quia multi detractores et causidici officio lingue privati sunt.*

In venalibus in lingua.] *Per venales in lingua intellige illos advocatos, causidicos, et similes ejusdem praxis, qui in duplicatis aut triplicatis responsionibus, tum in testes, cum in adversam partem convitia jactant, calumnias nequaquam ad propositum facientes, ex malignitate et vindicta animi intarserunt. Proh pudor! Consiliarios in tales detractores et facio, et verbo, et scripto notos et deprehensos, non animadvertere, non via facti in eos sententiam ferre, aut amotione ad officio per annum, aut inhabilitate continua ad illud obeundum feriendo, damnando. V. et M. In venalibus in lingua magniloqua. C. in venalibus in lingua et vaniloqua. Audi hic Lucanum l. x Pharsalici belli :*

Nulla fides pietasque viris, qui castra se-

quuntur,  
Venalesque manus, ibi [al. ubi] fas, ubi

[maxima merces.

Pœna etiam futuri.] *Vide 6, q. 1. Deteriores. De*

*Pœnit, dist. 1. Homicidium vero.*

### 366 CAPUT XIII.

Vita primo.] *C. Vita post intravit. Illo sensu, de quo hic, non potest tolerari.*

Primo accedimus.] *Iterumque C. Post accedimus. Ly post per talem abbreviationem scribitur, qua fere inducar legere prius, sique non damnarem lectionem hanc neque priorem.*

Adeo quod de ea.] *Apparet auctorem hæc desumpsisse ex B. Aug. 1. X, serm. 2, in Vigili Pentecostes, C. illud adverbium adeo, in duo verba a Deo distinguit, sed male.*

Humiliaverit se.] *Per naturam. Ait margines C. et M.*

Sicut parvulus iste.] *Per gratiam. Idem.*

Mulierculæ eidem.] *Primum mulierculus apparuit, inquit B. Hier. C. omisso mulierculæ, solum legit eidem. V. et M. e contra.*

Ex textu infertur Mariam Magdalenam (cui Salvator resurgens primo apparuit) esse eandem cum Maria peccatrice. Contrariæ opinionis est Guillelmus Estius Oratorum theologiarum 14, et in notis in hunc locum.

Primo prælatus stillæ.] *V. omittit primo. Ad illud stillæ, aiunt margines post B. Hieronymum, id est gentili populo, vili et idololatræ.*

Primas sibi cathedras.] *Non pe simas, ut C. Vide epist. B. Hieron, ad Antonium monachum.*

Quam precum.] *Iterum male idem : quam pretii. Nec nutum facere.] V. nec nutum facere. M. nutumque te facere cogas, et Domino, etc. C. Nutum te facere cogas. Restitui nutum ex B. Hieron.*

Nisi styli verecundia.] *Margines C. et M. Verbum*

prolatum avolat. scriptum permanet. Unde et stylo scribendi maxima debetur reverentia, ne quid nisi honestum et utile scribatur. *V. hæc habet in textu post illa verba.* Rescribere vel iratus. *Sed judicari recentiores illa subnotasse (ut annuit V. in notis ad c. 97), ideoque a textu expungi.*

Vidisse in aere mundum.] *C. Vidisse aërem plenum, etc. Sed M. Vidisse mundum (supra autem addit, lege aërem) plenum laqueis, etc. Dicta sunt hæc de S. Antonio, ut legitur in Vita ejusdem per S. Athanasium conscripta.*

Incauta humilitas.] *Fragm. Camber. legit hæc: Quia nimia humilitas cognata est stultitiæ. Recte: Nam humilitas absque ratione stultitiæ creditur.*

Cognata stultitiæ.] *M. cognata justitiæ. Inspide. Et conservandæ:] V. et observandæ.*

Timeas ruinam.] *Juxta illud I Cor. x: Qui stat, videat ne cadat.*

Item ps. ci.] *C. et M. deficiunt una linea, usque: Item idem.*

Exaltatione superbiæ.] *M. elatione superbiæ. Gloriæ collatione.] Seu ut C. collatione præmiorum.*

**367** Primo Reg. c. xv.] *V. et M. determinant caput xxvi.*

Il Reg. cap. vi.] *Tria Lxv. Hodie et heri.] Solum C. habet. Et heri, nec est in textu Scripturæ.*

De post fetantes.] *Hæc non vidi in textu B. Gregorii, neque in V.*

Minimis exequendo.] *C. Minimis exsequendo. V. Minus exsequendo. M. Minimis ex-equendo. In textu observavi textum B. Gregorii.*

Debilia et extrema.] *B. Gregorius: Egit vilia et extrema, ut illa, etc. C. egit debilia et extrema valde. His significatur Davidis profunda humilitas et dignatio.*

Humiliatum desuxit.] *Hucusque B. Gregorius.*

#### CAPUT XIV.

Cinere et favillam.] *Hoc est, ut inquirunt margines M. et C. Se esse viles. Videatur hic B. Gregorius Moral. xxvii, cap. 27.*

Se esse fatentur.] *Fallitur C. Se esse non fatentur. In oculis cordis.] V. in oculis meis.*

Est enim duplex humilitas culpæ.] *Fateor me hæc verba quatuor in contextum reposuisse, quæ solæ margines C. et M. legebant.*

Ex servili timore.] *Aut Fragn. Camberon.: Et humilitati cognata est humilitas servilis timoris; quia quidam solo timore se humiliant, cum non audeant desævire in alios, quod tamen appetunt.*

Dicit poeta.] *Claudianus II in Eutropium. Humiliabitur, confusione.] Ps. cxviii. Confundatur superbi, etc. C. pro confusione male legit confusione.*

Parab. c. xxix.] *Tria Lxv in fine. Isau vero venantem.] Gen. xxv. V. et M. Venantorem.*

De post asinas.] *C. asinos. Scriptura sacra habet asinos.*

In Apostolum.] *Seu ut V. et C. in discipulum.*

Infirmia mundi.] *Hoc est humilia. Unde M. et V. Infirma mundi.*

Quæque confundat.] *V. quæque confringeret.*

Cum Romæ.] *Hæc, usque Fabri lilio, restitui in textu, ex marg. C. et fragm. Camberonensi tantum. Successorem.] V. Successores.*

Propter quadraturam.] *De his virtutibus, cornibus quatuor altaris, dicitur Sap. viii. Sobrietatem et prudentiam docet et justitiam et virtutem, quibus utilis nihil est in vita hominis. Plura cupis? percurre Glossam in c. xxvii Exod. ver. 1.*

Quæstuarie.] *Uti Prov. xxxi. Quæsitivit lanam et limum, etc. Absit ergo, ut Deiparum dicas questionariam ut C. Puto interim noturii errore hoc subrepsisse. Nam infra c. xvi. habet quæstuarium. Sic eam*

*A vocat B. Hier. in fine epist. ad Heliodorum: Quanto amore.*

**368** Pernoctantibus.] *Addit margo C. Unde pastoribus apparent visiones, et simplicitate parvulorum, effectum habent incantationes, gladii et hujusmodi.*

Secreta nativitatis.] *V. Secreta sacramenta nativitatis. Ademi sacramenta, eo quod superfluum judicavim. Nam hic idem est quod secretum et mysterium. Ut Tobia XII. Sacramentum regis abscondere, bonum est.*

Parvo lacte.] *Ex hymno Nativitatis Domini. Humilia et hum.] C. Quia humilia humilibus prædicavit.*

In sepulcro alieno.] *Quod erat Josephi ab Arymathe. Matth. xxvii.*

Humilitatis responsorium.] *Hoc est scutum et antidotum.*

Hyssopo.] *Fragm. Camberon. Hyssopo, id est humilitate per totum corpus.*

**B** Monemur in psalmo.] *V. Ob hoc etiam monentur pueri in psalmis laudare: Laudate pueri, M. monentur pro monentur. Non sapit.*

Animal humile.] *B. Joan. Chrysost. in cap. xxi, Matth. Est enim animal hoc immundum, et cæteris pene jumentis irrationabile, et stultum, et infirmum, et ignobile, et oneriferum magis.*

Opera nostra.] *C. tempora nostra.*

Epist. Canonica cap. iv.] *Tria cap. viii. Cur canonica, dirimus in notis ad c. xii.*

Sed magis time.] *C. omittit magis, vitiose.*

Superbia ibi ruina.] *Sic comminatur Jeremias cap. L. Cadet superbus et corruet, et non erit qui suscitet eum. Fragn. Camberon. Ubi superbia ibi contumelia.*

Humiliari cum humil.] *Versio S. Hieronymi: Humiliari cum mitibus: at LXX Interpr. Melior mansuetus corde cum humilitate. Chaldaicæ paraphrasis*

**C** *translatio sic: Melior est humilis spiritu et mansuetus, etc. Ni tria convenissent in lectione, observassem S. Hieronymi versionem. Postremo Fragn. Camber. legebat: Melius est humiliari cum divitibus, sed male.*

Item Gregorius.] *Hæc duo verba omittit C. Multis autem locis de hypocritis tractat ille, præsertim 18. Moral. cap. vii et xv, c. 2. 3. 4.*

Qui humilitatem non.] *Contradicit M. hoc modo: Qui humilitatem non habet, hypocrita non est. Posset tolerari hoc sensu: Qui humilitatem non habet, hoc est, qui non novit exterius simulare humilitatem; non potest dici simulator virtutis, aut hypocrita.*

Job ait.] *Tria tum in textu cum in margine, cap. xv. Olim erant pauciora capita numero, in Jobo, quam hodie.*

Si ascenderit in cælum.] *Subdunt margines duo: Tu the es. ex psal. cxxxviii.*

Sacerdotium cupere.] *C. capere.*

De cupid. laudis.] *Subnotant margines C. et M. ex Philipp. iii. Omnia ista reputavi, ut sterora, ut Christum lucrifacerem.*

Et quasi de.] *Hæc sunt ab auctore superaddita textui B. Hier. usque, interpretamur.*

**369** In gloriam convertunt.] *Margines præfatæ: Gloriam redarguentes. (Quam belle Seneca, ep. 113 in fin. Qui virtutem suam publicari vult, non virtuti laborat, sed gloriæ. Itaque qui libellos suo studio et industria faciunt publicos, Dei honorem et proximi utilitatem spectent, non auræ popularis favorem. Dicant cum Domino: Gloriam meam non quero (Isa. vii), etc. Si supersint obtretractores appellas ipsorum despicientes et deprimentes, humiliter et benigne respondeant: Dexteram tuam sic notam fac, et eruditos corde in sapientia (Psal. lxxxix).*

Et famæ in populis.] *Margines duo: Fama ad proximum utilis est. Ita est. Nam: Fama bona impinguat ossa (Prov. xv).*

Cymbalum concrepans.] *Verba sunt B. Hier.; I Cor. xiii, tinniens.*



Athleticam scamma.] *Sic restitui, alioquin Tria* : A talem sed conservantiam et augmentum virtutum, Athalanticam scamma Ἀθλητικῆ acci-itur pro arte certandi. Unde Ἀθλητής, athleta, luctator σπώμα vero est cavillum, calumnia, σπόμα captivitas. Tales cavillantur et jactant convicia jucata et adumbrata Jencinias. Et in margine C. ad hæc lego : Ad cachinum. Dei sermone, invicem provocant.

Glorie cupidi.] An non juste et vere idem margo clamat :

Unde superbit homo, cujus conceptio culpa,

Nasci pœna, labor vita cecesse mori ?

Philip. II.] *Tria*, III.

II Cor. IV.] *Tria*, XI.

Ut sublimitas.] C. Ut subtilitas sublimitas sit.

Et corruptibile.] C. conjungit cum immediate sequenti : Et corruptibilis saccus stercorum.

Agnosce dignitatem.] *Luculenter C. in laterali ora* : Magnus et felix fuisset homo, si permansisset in eo quod creatus est ; sed major et felicitior, si in eo permansisset, quo creatus est. *Iternique subdit* : et, o Christiane, in quo restauratus es.

Quam gloriosus enim.] C. quam gloriosa enim arbor martyrii inerat, etc. *De Mauritio et Thebeis agit Sigebertus Gemblac. De viris illust. c. 159 ; Marbodius episc. Redonensis passionem Thebæorum metricè conscripsit. Videatur præterea Sur. tom. V.*

Redarguens ait. c. XIII.] *Tria*, XL.

Ad Titum II.] *Tria*, IV.

Ait Hieronymus.] *Sic restitui, prout citatur VIII, q. 1.*

Qualis enim.] *Tria* : Ait Augustinus.

Corripens c. XIX.] *Tria*, LIV.

Illud Gregorii.] *In explanatione 3 psalmi ponit. ad illud* : Non est sanitas in carne mea. *Tria* : Illud Hieronymi

Septenam scalam.] C. Septena oracula, hoc est beatitudines.

Humilitatem quasi fundamentum.] *Hæc invenies in Glossa ad illud Mat. h. v : Beati pauperes spiritu.*

### 370 CAPUT XV.

Circa quod bonum est.] V. circa quam, scilicet humilitatem, tolero.

Conterminam et vicinam.] V. continuam, vel contiguam, et vicinam.

Mansuetus.] V. manui assuetus.

Injurias etiam proprias.] *Post hæc legendum est exemplum quod ex solo margine C. collegi. Tale est* : Unde quærenti de quodam religioso, qui multas habebat gratias, quare non promoveretur ; responsum est a monachis. Quia in gratiis non est gratus. Non enim est mansuetus, non est satis tractabilis.

Exemplo Andreae.] *De quo sic in Ecclesia canitur* : Vir iste in populo suo mitissimus apparuit, etc.

Mites vias suas.] *Subdit V. Et psal. LXXV, 5, 9 (hodie 10). Cum exurgeret Deus in iudicium, et salvos faceret omnes mansuetos terræ. Et Apostolus* : Argue cum mansuetudine. *Et paulo post* : Psalmista (cap. XLV) : Propter veritatem et mansuetudinem, etc. Quoniam supervenit mansuetudo et corripimur (Psal. LXXXIX). Poeta etiam hanc approbat : Non cadit, etc. Perficio.

Non cadit in mores feritas inamabilis istos,

Nec minus a studiis dissidet ista suis.

(OVID., I De Ponto.)

Verba apostoli : Argue, etc., colliguntur ex I Cor. IV, vel I Tim. VI. C. super hæc, etiam addit in laterali margine : Et exaltavit mansuetos in salutem (Psal. CXLIX).

A studiis gentilis.] V. Sifa natura dissidet gentilis. I Paral., cap. XVIII.] M. Item Paral. LXVI, in fine. V. In Paral., lib. II, cap. XVI, in fine.

### CAPUT XVI

Regimen cœlestis.] *Hoc capite multum dissentit ab alia V. sicque primum orditur* : Regimini cœlestis doctrinæ suæ in scala Jacob post humilitatem et mansuetudinem adjunxit Dominus tertium, non vir-

ritatem. De quo verbo et exemplo regit scholas, quia, etc. M. sic inchoat caput : Regimini cœlestis doctrinæ suæ de humilitate, etc.

Quod potest salvare.] *Hanc sententiam omisit M. Fuisse dicitur.* Hæc in solo C. leguntur.

Beati pauperes.] *Secundum Lucam non additur Spiritu.*

Sed exemplo.] V. Sed etiam commendavit exemplo, ut ad appetitum ejus invitaret populum, sibi que eam etc.

Pauperente et quæstuarie.] *Ly pauperente, ex V. adjecti. B. Hieronymus in fine epist. ad Heliodorum* : Quanto amore : *Virginem Desiparam vocat quæstuariam.*

Præsepilum.] *Non præsepilum ut M.*

371 Cuidam adol. scenti.] *Sana lectio est. C. et M. Cuidam possidenti divitiis.*

Utrum tamen.] Utrum autem V.

Verbum possibilitatis.] C. Verbis possibilitatis. Cum negativa.] C. Cum non negativa particula. Vel facilitatem.] V. et M. Vel facultatem.

Vel quia vitiose.] *Hæc, usque, Item Hier., solum V. habet in textu ; duo autem in margine. Ubi legendum videtur ita pro iterum, tamen B. Hieronymus nomini primam rationem adducat cur divitiæ vocentur mammona iniquitatis.*

Superbire faciunt.] *Post hæc subdunt margines C. et M. Non expavit Apostolus dicens scilicet mors ex.*

Exigui parvique lares.] *Lucanus impressus :*

Pauperis angustique lares.

O munera.] V. et M. O munera.

Intellecta Deum.] C. intellecta Deo.

Hoc contingere moris.] *Impressa :*

... hoc contingere templis

Aut auris potuit.

Prædam civibus.] *Hoc hemistichium cum sequenti ex eodem Luciano desumptum est, et super ora immediate præcedit hoc modo :*

Securus belli prædam civibus armis  
Sic non esse casus. O vite tuta facultas, etc.

Item in eodem.] *Lucano nempe, non tamen quinto sed primo libro De bello Pharsalico.*

Non viros.] *Hoc omisit V. Subjicio versus Juvenalis, sat. VI, in ora laterali C. stylo tenuissimo expressos :*

Prima peregrinos obscena pecunia mores

Intulit, et turpi frægerunt sæcula luxu.

Item Hieronymus secundum.] *Percurre epist. 146 ad Damasum : Beatitude tuæ, et alteram au Demetriadem.*

Versibus poetarum.] M. Versibus poematum tantum. V. Poetarum tantum. In notis ad c. I plura de hac re comperies.

Spoliatis Ægyptiis Hebræisque ditatis.] *Hæc verba forte erant a textu expungenda tanquam notæ additæ, eo quod solum C. legat in margine, et V. in contextu, judicet lector ex his que habentur in notis ad c. 97 desumpta sunt autem hæc, ex benedictione cerei paschalis.*

Crimibus puellæ.] *Allusio est ad mulierem in numero captivorum visam, de qua Deut. XXI.*

Juven. Cantabit.] *Sat. X. Hic, usque : Item Hieronymus, desciunt M. et C.*

Claudianus.] *In Rufinum lib. I. Primus versus variat cum impressis Claudiani. Sic enim :*

372 ... Natura beatis

Omnibus esse dedit, etc.

Cato : Pauper.] *Quidni ejusdem versum præcedentem recensuit? Facit ad propositum, ergo repetendus :*

Infantem nudum cum te natura creavit,

Paupertatis, etc.

Item Seneca ad commend.] *Senecam restitui, ex epistola 42, quam quoque margo C. citabat. In textu tria legebant Hieronymus pro Seneca.*

Hoc itaque.] V. Hoc utique.

Ad quæ magno labore.] V. ac magno labore.  
Intermittit alia.

Magno labore.] Scilicet divitias et redditus, aiunt  
duæ marginales oræ.

Inspicere debemus.] Cum nobis offeruntur. Ita  
eodem cum V.

Non providemus.] Genuina Senecæ lectio, epist.  
42. V. tamen cum M. Non pervidemus.

Gratuita vocamus.] V. Gratuita putamus.

Quanti deferatur.] V. differatur. Quod sequitur,  
pretii omittit.

Sæpe maximi pretii.] M. et C. hic observavi:  
quanquam V. cum impresso Seneca legal: Sæpe maxi-  
mum pretium est.

Lipsius enim lectionem textus nostri auctoris, as-  
serit a quibusdam fuisse receptam.

Quid stultius.] Hæc, usque, Item: Uxor Tobie  
duo legunt in margine laterali; V. vero in textu hoc  
modo: Hieronymus. Quid stultius, etc.

Item Hieronymus.] In breviario suo super psal-  
mos, inquit duo margines cum V. Verum in com-  
mentario, qui ejus nomine existit, non habentur.

Juxta verbum Sæp.] Similia vidi Eccl. v et  
Job xx.

Sæpius sincerius.] V. Sæpius securius. Placet  
utique.

Ut altum dormiret.] Margines duo cum V. secure.  
Hoc est: et profundo somno dormiret et non labo-  
rioso.

Hic monendus es, lector, V. multum a duobus aliis  
exemplaribus differre, non tantum ordine verborum  
transposito, sed et copia. Quare consulto duxi ver-  
botenus describere ab hoc loco: Item Hieronymus:  
Ob hoc ampliori, etc., usque ad Senecæ verba: Mem-  
mini Attalum, etc., sed prius notanda est varietas  
C. et M. usque ad prædicta Senecæ verba.

Nudi nudum.] Vide B. Hieronym. in fine epistol.  
ad Rusticum: Nihil Christiano.

Abundantia panis.] Margines C. et M. Per panem  
qualibet necessaria bona accipiuntur. B. Hier. in  
c. xvi Euseb. Abundantiam panis, inquit, verte-  
runt LXX deliciarum et luxuriæ opulentiam. Recte  
per panem deliciae intelliguntur; nam ad omne ob-  
sonium semper optus est panis et proficuum.

373 Item Hieronymus.] Post Senecam, epist.  
20 in medio.

Item idem. Hoc unum.] Tom. IV in c. xxxiv Ezech.  
initio; et iterum post Senecam vi, De Beneficiis,  
c. 30.

Vel in consulendo.] M. Vel ei consulendo.

Fructus pœnitentiæ.] M. omittit ly penitentiaæ,  
sed male.

Exemplo Xerxis.] De hoc Seneca vi De benef., c.  
51.

Demaratus.] Non Demoratus, ut M. Hujus me-  
minit B. Hier. Apal. adversus Rufinum, c. 2.

A teipso vinceris.] M. in margine subdit: Viso  
exercitu, præ timore fugient hostes et hujusmodi.  
Item idem: Victus eris antequam sentias. Hanc et  
sequentes notus marginales V. legit in textu, ut infra  
videbis.

Et obruet. C. Involvet nos et obvolvet.

Item Jeremias. Nabuzardan rex coquorum.] Iste  
Nabuzardan erat princeps militiæ sive exercitus  
Nabuchodonosoris regis Babyloniorum. Jerem. LII et  
LV Reg. xxv de eo ibidem dicitur: Muros Jerusalem  
in circuitu destruxit omnis exercitus Chaldaeorum,  
qui erat cum principe militum. Idem repetitur Je-  
remiæ LII vers. 14. Quibus locis apud LXX interpretes  
semper vocatur princeps coquorum, ut quater vel  
quinquies dicto c. 25, l. iv Reg. Et Jeremiæ LII sic  
habent Septuaginta: Nabuzardan princeps coquo-  
rum, qui stabant ante faciem regis Babylonis, etc.,  
omnem murum Jerusalem destruxit virtus Chal-  
daeorum, quæ cum principe coquorum. Quem locum  
citans B. Gregorius pulchre mystico sensu explanat

A parte in Curæ pastor., admon 20, his verbis: (Quia  
gulæ deditos luxuria sequitur, propheta testatur, qui  
dum aperta narrat, occulta denuntiat, dicens: Prin-  
ceps coquorum destruxit muros Jerusalem. Prin-  
ceps namque coquorum veni est cui magna cura  
obsequium a coquis impendiur, ut ipse delectabiliter  
cibus impleatur. Muri autem Jerusalem virtutes sunt  
animæ, ad desiderium supernæ pacis elevatæ. Coquo-  
rum igitur princeps muros Jerusalem dejecit, quia  
dum venter ingluvie extenditur, virtutes animæ per  
luxuriam destruntur, s. Sic ille.

Hieronymus: In hoc.] Videatur Glossa in hunc  
locum Psalmi.

Electos suos.] Tria sic habent. Psal. LXVIII. Vin-  
ctos suos, etc.

Compedes naturæ.] Quibus etiam, aiunt margines  
C. et M., vincuntur divites velint nolint, ut sitis,  
esuries et hujusmodi. Plura videto apud B. Aug.  
in psal LXVIII post medium, tom. VIII.

B Compedes gratiæ. C. in latere. Sed hæc duplices.  
Quoddam præcepti. Unde: Fili, injice pedem tuum in  
compedes ejus (Eccli. vi). Vincitos suos compedibus  
exaudia Dominus (Psal. LXVIII).

Has nimis onerat.] M. Has nimis honorat.

Item philosophus. Memini.] Seneca epist. 110,  
sub finem. Nunc describam ex V. (ut supra dixi)  
ab illo loco, quo destitit subnotare. Hic est ex Juve-  
nalis. Altum dormiret. Post hæc verba sequitur in V.:

374 Ad hoc valet, quod Dominus voluntarios  
pauperes secum sessuros in judicio, dicit: Vos qui  
reliquistis omnia, et secuti estis me, sedebitis  
(Matth. xix), etc. Ibi enim erunt oppressuri suos  
oppressores, et eos cum Domino judicabunt. Do-  
minus enim paupertatem in domo sua dedicavit.  
Non negandum tamen, quia divites, id est inter  
divitias pauperes sint.

Ad idem facit quod piscatores, relictis retibus et  
navi et voluntate omnia possidendi, nudi nudum  
secuti sunt crucifixum (Matth. iv). Ad hoc facit,  
quod adolescens relicta sindone nudus aulugit  
(Marc. xiv). Hoc est quod Joseph Ægyptiacæ me-  
retici (Genes. xxxix), id est luxuriæ mundanæ pal-  
lium, quo ab ea traheretur, evadens reliquit. Hoc  
est quod Apostolus dicit in I Epist. ad Cor., c. ix.  
[al. cap. x.] Sic currite, ut comprehensatis. Omnis  
enim qui in agone contendit, ab omnibus se absti-  
net, offendiculis et sarcinulis. Per suum contrarium  
commendanda est paupertas. Vitium enim Sodomor-  
um adiuvenit abundantia panis (Ezech. xxvi), id  
est quarumlibet copia divitiarum et superbia vite.  
Inde etiam subsecuta est otiositas, cum ipsa natura  
displicet et vertitur in fastidium. Unde illud: Vide  
quid faciat otium et cibus alienus. Juvenalis  
(Sat. vi):

Præstabat castas humilis fortuna Latinas.

Gregorius paupertatem commendat dicens: Sæpe  
quos morum infirmitas vulnerat, paupertatis medi-  
cina curat. B. Bernardus quæsitivus a quodam ab-  
bate sibi subdito, qualiter se haberet domus sua.  
Qui respondit: Adhuc peroptime est nobis, quia  
adhuc pauperes sumus. Hieronymus (Post Sen., ep.  
20, lib. vi): Ob hoc amanda est paupertas, quia a  
quo ameris, ostendit. Hoc unum deest omnia ha-  
benti, quod non est qui verum dicat ei, omnes adu-  
lantur ei, etiam confessores, aulici, secretarii. Di-  
ves etiam a nemine diligitur. Unde Lucanus:

Felix se nescit amari.

(Sen. vi De benef. c. 51): Quomodo credet se dili-  
gi, qui nullum diligit? Quod autem habenti desit qui  
verum dicat, patet per Xerxem. Qui cum tot et  
tanta fecisset, cum per mare siccis pedibus ivisset,  
cum per terram navigio cucurrisset, infinitum  
congregavit exercitum contra Lacedæmones et  
Athenienses, habens triginta millia equitum, et in-  
finitorum pedum multitudinem. Cum autem quæ-  
reret utrum sufficerent ad confutandum hostes, ab  
omnibus una voce responsum est, acrem non suf-

ficere ad capiendum telorum multitudinem. Et A etiam, audito nomine regis, omnes converti in fugam acclamabant. Sed Demaratus alienigena et exsul, aliis omnibus adulando mentientibus, solus dicit ei verum. Prius, inquit, victus eris quam sentias. Moles enim ista dissona est et non apta bello, sed de facili in casum ruitura, et sese oppressura præ multitudine. Et ita contigit.

Ad idem pertinet quod Nabuchodonosor per principem Nabuzardan pauperes agricolas dimisit et vinditores in terram promissionis, et Nabuzardan eis Godoliam præfecit, divites secum in captivitate traxit et potentes (Jer. Lu). David **375** pauperem commendans, ait: Exaudivit pauperes Dominus, et victos suos non despexit (Psal. LXXVI). Hieronymus: In hoc multum commendanda est paupertas quod victos ejus exaudivit Dominus et solvit. Sunt autem compedes naturæ ut sitis, esuriet, et hujusmodi. Sunt et compedes fortunæ, paupertas scilicet, et illi adhærentia. Sunt et compedes gratiæ, sed hæc duplices. Quædam enim sunt præcepti. Unde: Fili, injice pedem tuum in compedes (Eccli. vii). Quædam gratiæ perfectioris et consilii, ut in claustralibus. Unde dicuntur viri compediti. Compedes autem naturæ hodie nimis aggravantur. De quibus ait Augustinus: Has nimis onerat, qui supra necessarias accumulât. Victos his compedibus exaudivit Dominus. Sunt etiam compedes culpæ. Unde: Funes peccatorum circumplexi sunt me (Psal. cxm). Item philosophus (Sen., ep. cx): Memini Attalum, etc.

Subsequuntur notæ aliquantisper intermissæ. Imposuere divitiæ.] *M. inter lineas, vult: decipere.*

Sed in quodam apparatu.] De gradu alto, forte ubi erat, inquit margines *M. et C.* Ad illud apparatu, subnotat *C. in ora laterali*; forte ludi. *Ludus hic, ut apparet, fuit Circensis.* Ejus enim pompam et ordinem describit Seneca. De quo fuse Tertullianus, libro *De spectac.* c. 7. Varietas lectionis talis est. *C. legebat: Si quodam apparatu. M. autem: Sed quodam appar. Ego ex Seneca restitui locum.*

Urbis opes cælatas.] Urbis scilicet Romanæ. Cælatas cum *diphthongo juxta Senecæ textum scripsi. M. indicat debere abesse. Nam inter lineas, cælatas exponit hoc verbo absconditas. V. pro cælatas, habet collatas.*

In his quæ pretium.] Ut marubie et quæcunque pretiosa spolia. Ita margines *M. et C.*

Et alia quæ.] *V. et alia.*

Inciatatas.] *V. vitiatas.*

Isthine edero.] *Nou offero, ut V.*

Ab effectus.] *Nec in Seneca, nec in V. id vidi.*

Lente.] *C. inter lineas, Leniter. Seneca lentus. Audi margines C. et M. Mercēs lente cum exponuntur venum, ad ordinem locantur, ut magis reluceant ex se mutuo; collectarum autem insimul, transit decor et pulchritudo earum, ita et divitiarum.*

Hoc totam vitam.] Hoc totum vitam. *V non placet.*

Occupabit. Ita Seneca. Tria, occupavit, etiam excluso interrog. signo, in fine sententiæ.

Calonibus.] *M. et V. coloribus. Male.*

Habeamus aquam.] *Verba Epicuri.*

Remedium inopiæ?] *M. et C. præponunt signum interrogationis ipsi verbo inopiæ. Sic enim. Quæris quod sit remedium? Inopiæ famem, etc.*

Tolle querelas.] *Hemistichium hoc, cum sequentibus versibus, Horatii est l. 1, ep. 12. Ex 376 ora inferiori M. Hæc ex Seneca subnoto. Et quid interest, quis dixerit? Omnibus dixit. Qui eget divitiis, timet pro illis. Nemo autem sollicito bono fruitur. Adcipere illis aliquid studet, dum de incremento cogitat; oblitus est usus, rationes accipit, forum conserit, Kalendarium versat, sit ex Domino procurator, ep. 14, in fine. Ad hæc vide notæ Lipsii.*

Et alienis hortulis.] *Nempe Epicuri.*

Humanitatem pati.] *Nou humilitatem, ut V.*

Togam conterunt.] *Iterum V a se. su deflectit. Totam vitam conterunt.*

Item idem.] *Ante hæc Senecæ verba, M et C. legebant: Cui cum paupertate bene convenit, dives est. Sed cum paulo eadem repeterentur, judicari absona, monitus lectione V, quæ hic placuit. Videatur Seneca, ep. 2.*

Quod necesse est.] *Quod natura exigit, et ut vivere possis. Lipsius.*

Quod sat est.] *V. subdit, scilicet satietatem. Lipsius. Quod humanitas requirit, et ut commode vivere possis. Item: Cui quod satis est, satis non est; nil ei satis erit.*

Is satietatem habet.] *Consule Senecam, epist. 60 et 119.*

Contenta est necessitas.] *M. Contenta est obolo. Econtra, Infidelis etiam obolo indiget. Beatus Hieronymus, epist. ad Paulinum, quæ incipit: Frater Ambrosius.*

#### CAPUT XVII.

Augustinus.] *Tom. X, l. 1. hom. 13 in medio.*

Item Hieronymus.] *Tom. IX, in regula monachorum, titulo De paupertate. Vide præterea tom. III, ep. ad Hebidium, quæst. 1 sub finem. B. Gregorius simile habet Moral. xv, c. 12. Postremo referam verba B. Fulgentii super illud Matthæi: Omnis arbor. Quid recipiet qui aliena tulit, si semper ardebit qui sua non dedit?*

Augustinus.] *Tom. X, kom. 8, l. 1. hom. Item Serm. 205 De Tempore.*

Contra vero.] *Hoc, usque Divitias abest in M.*

Sed occasionem.] *V. clarius: Sed occasionem ejus, furtum scilicet. Sequitur: Occasione namque paupertatis incipit quæ si arari.*

Sed morbum.] *V. Imo tantum morbum earum. Restrictius est.*

#### CAPUT XVIII.

Titulum. De mediocritate ex *V. solo desumpsi, et novo capite distinxit.*

Ait Augustinus.] *Tom. VIII, in Psal. xxiix, exposit. 2 in fine.*

Seneca ait.] *Epist. 95. 98 et 104, post Val. Max., l. vii, c. 5, et post Cicero de Muræna.*

Convivis.] *Ita Seneca, ep. 95, in fine. Tria interrim, convivis.*

**377** Quid aliud præter.] *Solum V. addit præter. Hæc sententiæ a Seneca deflectit. Vide eum.*

Ut nullum factum.] *Supple, præter hoc, ut suggerere videntur margines C. et M. Ut inter deos computaretur, contra pro hoc habita est et consecrata inter deas. V. pro, Ut nullum factum, legit, et si nullum factum.*

Unius tantum.] *Margines: Scilicet Tuberonis.*

Aliorum aurum.] *Seneca ep. 95: Illorum aurum.*

Argentumque.] *V. Argentum quia fractum est.*

Et contrectandum.] *Hoc omittit C.*

Item idem.] *In V. abest idem, sed infra Seneca nominatur.*

Quam Augustinus.] *C. quam Augustinus ait, in ejus, etc.*

Pro modulo personæ.] *C. aliter, sic: Videtur latere, tum autem pro modulo personæ.*

Vivendum est.] *V. In qua tibi vivendum est, sed Seneca magis determinate ait: Illud, etc. Hic citat Senecam ex nomine, quem duo tacite et cum suppositione, sic: Item idem.*

Illud te admoneo.] *Verba Senecæ ep. 5, in quæ scholia Justi Lipsii vidisse juvat.*

Ambitionem perversa.] *Maxime variat C. Et quiddam aliud ambitione perversa, via sequitur certa.*

Hominum consuetudini.] *C. consuetudinem. V. Consuetudine. Ad hæc margines C. et M. Non prorsus quidem debemus nos conformare huic sæculo,*

nec prorsus in modo vivendi ab hominibus dissidere (Rom. xii).

Humanitatem.] Non humilitatem, ut V.

Concretis et horridis.] C. et M. Certis et horridis.

Seneca: Tetrus et horridis.

Delicatas res.] C. absolute, delicias.

Non magno parables.] Rationabile sit obsequium vestrum, sicut margines C. et M. Ex c. xii. ad Rom.

Non incompta.] C. Non incompressa.

Vitam nostram.] C. et M. vestram.

Sed non agnoscant.] *Tria sic eaque expono.* Suscipiant omnes vitam nostram, hoc est actiones, ad extra, bonas et exemplares. Sed non agnoscant, id est per scrutationem in eorum, quo scilicet animo fiant, sed omnia in bonam partem interpretentur. Seneca affirmative: Sed et agnoscant, seu (ut membrana nostra Senecæ): Sed agnoscant.

Attali magni.] Seneca ep. 110 sub finem. Nequaquam vice Attali, legas Demetrii, ut V.

Habendas permisit.] Duo sic finitur caput. V. vero addit in textu margines C. et M. scilicet: Divitiæ si affluant, nolite cor apponere. Ps. lxi.

### 378 CAPUT XIX.

Sicut spiritualis.] Duo ita inchoant caput; ut V. repetit ea, quæ in calce cap. 14 habentur. Hæc sunt: Dominus collectis discipulis, usque, sicut spiritualis,

I ad Tim. c. vi.] Duo c. 8, V. 10.

Non aut sunt.] Placet etiam V. hic: Non qui sunt, sed qui volunt.

Divites fieri.] Voluntate, ait margo M.

In interitum.] Hæc exponunt tenuissimi characteres interlineales M. hoc modo: In interitum, temporallem; et perditionem, æternam.

### CAPUT XX.

Ex V. in summario capitis adjeci ly: Et avaritiam.

Quæ est plus habendi.] Verba B. Aug. tom. I, l. iii De lib. arbitr. c. 17.

Quidlibet.] Nempe, ut margines C. et M. pecuniam, honorem, sublimitatem, scientiam, escam, vestem, et hujusmodi. Plura B. Aug. in Psal. cxviii, Concio. 11.

Ergo cupiditas.] M. Ergo peccatum hoc, scilicet cupiditas. Contra hanc cupiditatem B. Hieron. epist. exhortatoria ad Pammachium et Oceanum, quæ incipit: Qui Æthiopem invitat.

Secundum hoc.] Omittit M.

Quæ specialiter.] Non spiritualiter, ut M.

Amor pecuniæ.] Id sonat Syriaca interpretatio I Tim vi, 10. Audi interim margines C. et M. Pecuniam voco quolibet temporalia circa dignitates, honores et hujusmodi.

Cupiditatis Gregorius.] V. inter cupiditatis et Gregorius, hæc interponit: Pecuniam voco, etc., ut in proxime præcedens nota ex marginibus collegi sed post hujusmodi, addit. n: Libro Sentent. (dist. 42 sub lineæ). Verbum, ut dicam quod censeo, male in contextum hunc marginem reponit V. eo quod ille, sicut et alii quamplurimi, a Scholasticis expositionis gratia ad latus ipsius textus additi sint, ut colligitur ex notis ad cap. 97, ad illa verba: Non gratiæ, sed vanitatis.

Inter hæc.] Nempe cupiditatem et avaritiam, de quibus Horat. l. i, ep. 1:

Fervet avaritia miseraque cupidine pectus.

Non distinguit.] Magna hic oppositio, V. et C. sic: Inter hæc videtur distinguere dicens, etc. sed perperam. Nam initio capitis sequentis evidenter patet contrarium his verbis: Avaritiam speciem cupiditatis, licet Gregorius autem speciem et genus non distinguit, etc. Hic autem tria exemplaria conveniunt. Interea ut facilius hæc capias, consule B. Aug. Psal. cxviii, conc. 11.

379 Die comederitis.] Post hæc verba, V. addit in textu quod duo in margine, scilicet: Sed quomodo,

A eum prurimum in gustu non haberent ante peccatum? Tantum forte in escæ oblatione, M. oblivione, pro oblatione.

Sed et altitudine scientiæ, non placet, quia declinat a B. Greg. hom. 16 in Evang.

Imo et quæcumque res.] Hoc desumptum est ex B. Aug. t. I, l. iii De libero arb. c. 17. Unde infra citatur idem in fine periodi, sic: Secundum Augustinum. V. maxime hic discordat. Primum, pro secundo legit Sed Augustinus, finitæque et puncto distincta præcedenti periodo, subsequentem inchoat hoc modo: Sed Augustinus hanc dubitationem contrarietatis solvit, Glossa super Ecclesiasticum cap. x (alias xxxv), cujus finis est: Caveamus cupiditatem et superbiam quæ sunt unum malum, a quo omnia mala oriuntur. C. hæc quoque habet in margine: Hanc dubitationem et contrarietatem solvit Augustinus, Glossa, etc. ut supra. Glossa est in c. x Eccli, ver. 15, quæ etiam redolet doctrinam B. Aug. t. IX, tr. 8 in epist. I Joan. c. iv.

Item philosophus.] V. paulo fusius sic: Ad jugulandam cupiditatem sufficere debet quod ait philosophus. Epist. 16:

Congeratur in te.] Genuina lectio, quæ et Senecæ. At V. Omnes divitiæ Cræsi congerentur in te. Laudo, quia nota est, quam M. legit in margine.

Ut terram marmoribus.] Ita Seneca. Tria interim: Et terram, etc.

Ars ultra luxuriæ.] Ly ultra pro excessu est. Verum Seneca non ultra, sed ultra luxuriæ, legit.

Via eunti.] M. ex Seneca. Duo viam eunti. Ex ep. 16.

Cæcam cupiditatem.] Hic attende Lipsii notas. Parab. c. xxx] M. et C. cap. lvi. V. omittit. Parabolas scito esse Proverbia Salom.

Sanguisugæ.] Quæ non pleno, sed potius imprægnato ventre viæ contentæ sunt. Horat. ultimo versu De arte poet.

Non missura cutem nisi plena cruoris hirudo. Dunque sitim sedare.] Idem Metam. 3. Fab. 6. O insatiabilis cupiditas, cujus desiderium vadit in infinitum, ut ait Aristot. 1 Politic. Unde aperte Seneca, Hercul. Gel:

Capit hic gazis implere famem,

Nec tamen omnis plaga gemiferi

Suffit Istri, nec tota sitim

Lydia vincit, nec quæ zephyro

Subdita tellus, stupet aurato

Flumine clarum radiare Tagum:

Nec si totus serviat Hebrus,

Ruræque dives cingat Hydaspes,

380 Intraque suos currere fines

Speciet toto flumine Gangem.

### CAPUT XXI.

V. Novum hic inchoat caput, præfigitque titulum De avaritia, duobus caput præcedens continuantibus.

Avaritiam speciem.] Vide B. Aug. t. VIII in Ps. cxviii, conc. 11.

Eccli. cap. x.] C. c. xxxiv. Duo nihil.

Venalem habet.] Hæc C. et M. notant ad latus: Diabolo in causa justa si eget, et in causa injusta etiamsi eget.

Invidia.] Omittit V.

Impiger extremos.] Horat. l. i, ep. 1. Tale in Perum jaculatur epigramma Wadruus de quo in notis ad c. 11:

Cui dat opes, dat opus fortuna, fatentur habentes.

Querit opus per opus, quisquis opes per opes.

Ne per opes, vel opes, vel opus, Pere, querito, nullus]

Queritur a sana mente labore labor.

Item Hieronymus.] Vide eum in ep. ad Paulinum,

quæ incipit: Frater Ambrosius, paulo ante finem.

Quam eo quod habet.] Idem post Quintil. l. 7.

Nihil esse sordidius.] *Juvabit, reor, hic Horatium A*  
*roducere, 1, Sat. 1 :*

At bona pars hominum decepta cupidine falso  
Nil satis est, inquit; quia tanti quantum ha-  
beas, sis.]

Quid facias illi? Jubeas miserum esse libenter  
Quatenus id facit, ut quidam memoratur A-  
thenis]

Sordidus ac dives, populi contemnere voces  
Sic solitus: Populus sibilat, at mihi plaudo  
Ipse domi simul ac nummos complector in arca.

Unde Juvenalis.] *In Juvenali non vidi: Usque ad*  
*talum sordidus, forte: Usque ad talum candidus*  
*Centuplicatas.] M. et C. centuplicatas.*

Eas habeo et conspicio.] *V. Meas habeo, etc.*

Quod mihi conservatur.] *Solum V. Nam duo:*  
*Unde sine sollicitudine.*

Appositionis custo.] *M. appositus cust.*

Eo viso pascam.] *M. Ex viso pascam.*

Tibi collata sunt.] *Non collocatæ, ut V.*

Si vis fenare.] *Respicitur ad Illud Prov. xix:*  
*Feneratur Domino qui miseretur pauperis.*

Quas dederis sola.] *Solum V.*

Ait c. 14.] *M. et C. 41. Verba præcedentia, sci-*  
**381** *licet: Avaritiæ vitium sagillans, V. unicum*  
*habet.*

Viro cupido et tenaci.] *Magna hic varietas lectio-*  
*nis. C. et M. ita conveniunt: Viro cupido et tenaci*  
*sine ratione per fas et nefas, si poteris recte (ver-*  
*sus Flor. 1, epist. 1), si non quocunque modo rem.*  
*Est ergo substantia: Homini livido ad qui aurum?*

Et non ideo.] *Ideo abest in V. et M.*

David: Thesaurizat.] *Hoc, usque, Divitiis suas,*  
*in textu omittit. C. cum M. Illud autem: Et relin-*  
*quent, etc. in latere est.*

Quid sibi invidet.] *Usque, malitiæ ipsius, inclu-*  
*sive, non legit V. et horum loco hæc habet: Ecce-*  
*lesiasticus infra [cap. xiv]: Etsi bene fecerit, etc.*  
*Ad hæc verba subnotandus est margo C. et M. Præ-*  
*avaritia non ferens ad usus necessarios res suas*  
*expendere. Glossa est ad illud Eccli. xiv: Qui sibi*  
*invidet, etc.*

Areficiens.] *Semper sitibundus inquitur notæ*  
*C. et M.*

Item: Juxta quemdam.] *Quoniam laboriosum est*  
*hic ad invicem conferre omnes sententias et verba*  
*præpostere composita, subnotabo verbotenus dis-*  
*sonantiam V. Itaque primo hoc omittit: Item: Juxta*  
*quemdam, et immediate post illa verba animam suam*  
*arefaciens, sic habet: Hoc autem potest. M. orare*  
*inimicus ut diu vivat, vivensque anxius appetitu*  
*ampliori et livore se ipsum exerceat et torquat.*  
*Hoc idem vitium detestatur Apostolus in epist. ad*  
*Rom. cap. 1 [al. v]. Repletus omni iniquitate, ma-*  
*litiæ, fornicatione, avaritiæ, etc., de quibus dicit in*  
*sine ejusdem: Quoniam qui talia agunt digni sunt*  
*morte; non solum qui ea faciunt, sed etiam qui*  
*consentiant facientibus. Glossa: Consentire est,*  
*tacere cum possis arguere, vel errorem fovere. Ad*  
*Galatas v [al. x.]*

Manifesta sunt autem opera carnis, quæ sunt  
fornicatio, immunditia, luxuria, idolorum servitus,  
etc., qui talia agunt, regnum Dei non consequuntur.  
Idolorum servitum vocat ubique avaritiam.  
Ad Ephesios v [al. 21]: Fornicatio autem, et omnis  
immunditia aut avaritia, nec nominetur in vobis.  
Et in eadem infra [cap. v]: Omnis fornicator,  
aut immundus, aut avarus (quod est idolorum servitus)  
non habet hereditatem in regno Christi et  
Dei. Ad Coloss. iii [al. viii]: Mortificate ergo membra  
vestra quæ sunt super terram, fornicationem,  
immunditiam, libidinem, concupiscentiam malam  
et avaritiam, quæ est simulacrorum servitus. Hieronymus  
ad Heliodorum [al. Rusticum] monachum:  
Errat, qui judicat illum idololatram, qui timore,  
vel coactione, vel alia causa forsitan idolo thurificat  
et non potius illum qui divitiis incumbit, qui do-

minum nummum pro Deo adorat, qui creatura honorem  
exhibet pro Creatore. Unde:

O nummi, nummi, vobis hunc præstat honorem.  
(JUVEN. sat, 5.)

Et alibi:

Et genus et mores regina pecunia donat.

(HORAT. 1, ep. 6.)

**382** Unde habes:

Ne me quærit, sed, oportet habere.

Item Dominus in Evangelio, etc., *hic concordat*  
*cum aliis.*

Augustinus etiam.] *Percurre lib. iv De bapt. contra*  
*Donuistas cap. 4, et exposit. Ps. xcvi.*

Hieron. ad Heliodorum.] *Restitui locum. Tria*  
*enim ad Rusticum, ep. ad Heliod., sic incipit:*  
*Quanto amore. V. in textu redolet quidem doctrinam*  
*B. Hieronymi hac epistola, magis tamen Commenta-*  
*rio in c. v, ad Ephesios.*

Pariunt et solvent.] *Ergo nequaquam perimunt,*  
*B ut C.*

Divitiis male acquisitis.] *V. Divitiis mundanis.*  
*Hæc habes in ep. B. Hieron. ad Eustoch. de Cust.*  
*Virg. c. 14.*

[1 Cor. v.] *C. cap. xxxv. M. 25.*

Si quis frater nominatur.] *Per sententiam, vel*  
*notam infamie, aiunt margines C. et M. Sequitur*  
*ibi: Sepulturæ, corporis Christi et inhumodii,*  
*nempe, non licet fieri participes, quod tacite in-*  
*nuunt.*

Ergo vitandi.] *V. hæc omittit et eorum vice id*  
*habet: Et per simile, non talibus impoenitentibus*  
*in exitu vitæ communem sepulturam communicare,*  
*sicut contigit de quodam usurario apud S. Diony-*  
*sium (Hoc exemplum in textu non habent C. et M.*  
*at bene ad latus, unde reor a scholasticis pro nota*  
*additum, interea cum V. illud variat, sic repeto) apud*  
*quem laborantem in extremis, cum venisset sacer-*  
*dos cum Eucharistia, invenit eum impotentem, ita*  
*innuentem ei, quod a familiari demone constrin-*  
*gebatur per fauces, nec permittebatur restituere*  
*raptam, vel dividere turpiter congregatam, vel confite-*  
*ri peccata, vel suscipere Eucharistiam; et sic*  
*miser de hac vita misera raptus est ad miseriam*  
*interminabilem; sed a quibusdam monachis clau-*  
*culo sepultus est. Quo comperto, extractum est fe-*  
*lens cadaver de tumulo et ad cautelam et terrore*  
*aliorum publice retractum in sterquilinum. Quod*  
*videtur forsitan fieri de omnibus in fine impoen-*  
*itentibus, ut de militibus qui decimas fatentur se*  
*publice retinere. Quomodo ergo dabitur eis Eucha-*  
*ristia, vel communis in morte sepultura? In eadem:*  
*« Nolite errare, neque fornicarii, neque idolis ser-*  
*vientes, neque adulteri, neque ebrios, neque ma-*  
*ledici, neque rapaces regnum Dei possidebunt (1 Cor.*  
*v). » In Evangelio Lucae (Cant. xii): « Cavete ab*  
*omni avaritia, etc. »*

Ex his quæ possidet.] *Ex his, restitui. Nam tria*  
*omittebant.*

• Possessio enim ejus.] *V. hoc modo: est aliqua*  
*possessio, gratiæ et gloriæ est amissio. M. et C. ad*  
*latus sic notant: Ex possessione non est vita, sed*  
*sæpe amissio ejus. Post illud est amissio, addit V.*  
*Illi autem (qui sic thesaurizat et non est dives in*  
*Deo.) dicitur a Domino: « Stulte, hæc nocte repe-*  
*tam animam tuam a te, quæ autem parasti, cujus*  
*erunt? » (Luc. xii.) In Parabolis: « Conturbat do-*  
*num, etc. (Prov. xv). »*

Vir autem qui festinat.] *Præcedentia habentur in*  
*V. sed ordine præpostero; sequentia 383 autem,*  
*usque, Item Hieronymus, absunt.*

Ecclesiaste v.] *C. et M. 12.*

Avarus non implebitur.] *C. et M. habent in latere*  
*ex Claudiano poeta l. 1 in Rufinum:*

... Nudiusque elatus, avaro.

Pascitur intuitu.

Vel liberior sit.] *Horatius impressus:*

... Quo liberior sit avaro.

Non video.] *Hæc verba meante tantum carmen A præcedens sequuntur, quia aliud interponitur.* Item Hieronymus.] *Consule Comment. in c. xxx, Prov.*

Insatiabilis enim est.] *Margo C. et M. post Claud, 1 in Ruffinum:*

Semper inops quicumque cupit; contentus honesto Fabricius parvo, spernebat munera regum. *Subdo ex Horatio, in Serm. Sat. 5.*

. . . Quid avarus?

Stultus et insanus. Quid si quis non sit avarus? Continuo sanus.

Quidni et Cornelium Gallum non minus diserte avarum descendentem in medium produxero? *Audi ipsum Eleg. 4:*

Quid mihi divitiæ, quarum si demeris usutu,

Quamvis largus opum, semper egenus ero.

Imo etiam pœna est partis incumbere rebus,

Quas cum possideas, est violare nefas.

Non aliter sitiens vicinas Tantalus undas

Capit, et appositis abstinet ora cibis.

Efficior custos rerum magis ipse mearum,

Conservans aliis quæ perire mihi.

*Et paulo post:*

Quærere quæ nequeo, semper retinere laboro,

Et retinens semper, nil tenuisse puto.

Item idem.] *Horat. l. 1, ep. 2. Et ibid. 4 ait:*

Fervet avaritia, miseraque cupidine pectus.

Item idem.] *Cum.] Hic B. Hieronymum scias citari*

*Comm. in c. xxx. Prov. et lib. 1 adv. Jovinianum c. 15.*

Quid nervos.] *V. Quid nummos secuisse. Hic versus extra ordinem est. Vide Claudianum.*

Largitatem.] *Abest a textu V.*

Comitatur avaritia.] *Affirmat Seneca in De Beneficiis cap. 27: Ne prodigium quidem avaritia liberamus. Et B. Hier. in Reg. Monach. titulo De paupertate ait: 384 Et postquam hoc fuerint consecuti (nempe divitias) vides tradere se luxuriæ, et voluptatibus, et omni iniquitati, ut quod avaritia congregat, luxuria consumat.*

Poeta Claudianus.] *De bello Gildonico.*

Quomodo ergo sunt contraria.] *M. in marg. pro contraria habet communia.*

Item Genesis xxxi.] *V. aliter: item, ad detestationem avaritiæ valet, ut ait Hieronymus, historia illa quæ est in Genesi de Jacob: quomodo aufugit a facie Laban cum uxore, et liberis, et rebus multis. Inter quas fuerat furata Rachel idola patris aurea et argentea. Quæ cum pater, eos persequens, quæreret, Rachel in fimo et sub stramento camelorum abscondit, et fingens se pati menstrua, desuper sedit, et sic patri quærenti deos suos, non assurgens, eum delusit. Postea Jacob et Laban confœderatis, Jacob ex præceptis Domini, jussit alienos deos abjici, et idola Laban, scilicet aurea, cum omnibus phylacteris abscondit sub terebintho (Gen. xxxv). Per Laban mundus, per idola avaritia; per Rachel, quæ interpretatur ovis, molliiter pœnitens, quæ sub fimo abscondit idola, id est avaritiam, sed non omnino relinquit, sed supersedit, juxta illud Horatii (lib. 1, ep. 1):*

*Et mihi res non me rebus subjungere conor.*

Jacob lactator, qui sub terebintho odorifera eum phylacteris et appendiciis, id est sub ligno crucis Dominicæ, avaritiam et ejus appendicia abscondit, juxta Apostolum: « Omnia reputavi ut stercora, ut Christum lucrificerem, et Crucifixum nudum nudus sequer (Philip. 11). »

Hoc idem Agatha, Agnes, quæ munera ab amatoribus oblata pro crucifixo respuebant. Hoc idem vitium detestatus est Dominus in Evangelio: « Venit princeps mundi hujus, et in me non habet quidquam, quia nihil mundanum, nihil inter nos caducum appetiit (Joan. xiv). » Item: Joseph vitium

avaritiæ detestatus est; qui, cum per pallium ab Ægyptiaca meretrice, id est mandana concupiscentia traheretur, donec rumperet laciniam, vel scinderet, expectare noluit; sed pallio cum lacinia relicto citius aufugit, juxta Apostolum: « Omnis qui in imagine contendit, ab omnibus se abstinet (1 Cor. ix). » Item, adolescens qui relicta sindone nudus aufugit. Item Hieronymus: Ad sugillandam avaritiam sufficere debet historia, quæ est in Exodo (cap. xxxii) de vitulo confatili et aureo, quem Moyses combussit et contrivit, pulveremque in aquam dispersit, et filius Israel ad bibendum dedit, ut sic sine [f. fimo]. » vilissimi stercoris idololatriam detestarentur, per quam avaritia designatur. Item, movere nos debet exemplum ethnici, quod ponit Hieronymus c. 12, q. 2: Gloria episcopi [al. Christi] est pauperibus omnibus providere. De Socrate (14\*) qui cum Athenas tenderet ad philosophandum, et dediscendum [al. discendum] vitium avaritiæ magnum pondus auri projecit putans se non simul posse possidere divitias et virtutes. Ad idem facit Diogenes, qui tam spe vacuus quam timoris expertus, tutam, dolio contentus, transegit paupertatem. Cui, cum vidisset 385 lavantem olera, fertur dixisse Aristippus auleus ejusdam principis: Si mihi credidisses, modo olera non lavares, sed in aula summi principis maneres. Cui ille: Si mihi credidisses, in aula principis adulator et palpo non esses. Ille etiam cum vidisset quemdam bibentem cum manu ad fontem, dixit: Nesciebam naturam dedisse mihi scyphum. Et mox parvulum scyphum, cum quo bibere solebat, ad lapidem confregit. *Hæc ex Vedastino codice m. s.*

Rachel fugiens.] *Historiam hanc exponit B. Gregorius, lib. xxx. Moral., cap. 16. Si B. Hieronymus alicubi explicaverit non vidi, interea V. asseverat. Cæsarius, Hist. suæ l. iv, c. 57. hæc transfert ad religiosorum avaritiam.*

Cum immunditiam.] *Duplex G. deprehendi in C. Reoresse Gregorius: Cum immunditiam, etc. In præcedenti nota citavi locum.*

Supponere conor.] *V. atque M. Subjungere conor: at Horatius, cujus versus est, submittere. Lib. 1, ep. 1, initio.*

Laciniam.] *Nequaquam Lasciviam, ut M. et C.*

Mundanæ voluptati.] *C. Voluntati.*

Fimo immundissimum.] *M. et V. sine pro fimo.*

Item Hieronymus.] *Post Laertium, epist. ad Paulinum De instit. monachi, quæ incipit: Bonus homo. Eadem refert, l. ii adversus Jovinian., c. 7, et ep. ad Julianum: Filius meus. Præterea vide 12, q. 2: Gloria episcopi.*

Sarcinati auro.] *Textus B. Hieronymi: Suffarci-nati auro.*

Diogenes in dolio.] *De hoc idem tom. II, adv Jovinianum l. 1, c. 9. Margines C. et M. hæc subnotant: Non speravit favorem alicujus, nullum mundane timent.*

D Cum mundaret et lav.] *M. Cum commendaret et laudaret olera sua. Non sonant secundum scripta Valerii Max., l. iv, c. 3 in fine.*

Non lavares.] *M. consequenter legit: Non laudares.*

Qui me notat.] *C. in ora inferiori sic habet: Qui me vocat, es Diogenes. At in margine laterali ad caput sequens, revocat hoc modo: Qui me notat, id est Diogenes.*

## CAPUT XXII.

Non tantum exemplis.] *Hoc caput aliter inchoat V., in medio deficit in locis sacræ Scripturæ, sed abundat exemplis quorum unum C. et M. in marginibus suis resarciunt. Describam modo ex V. quoad usque cum aliis concordet, postmodum notas C. et M. hic intermissas repetam.*

Itaque V. pro titulo legit: Contra acceptionem numerum. Incipit: Positis ethnicorum exemplis,

(114\*) De Crate Thebano, non Socrate, ut habet S. Hier. ep. ad Paulinum, De instit. monachi.

qui avaritiam detestantur, ponenda sunt majorum veteris et novi Testamenti exempla eandem supplementum. Genesi, cap. xiv : **376** Rex Sodomorum cum offerret munera Abrahamæ redeuntis de victoria habita de hostibus, id est quinque regibus, qui patriam Loth devastaverant, respondit : Levo manum meam ad Deum excelsum possessorem cœli et terræ, quod a filo subtegminis usque ad corrigiam caligæ non accipiam ex omnibus quæ tua sunt, ne dicas : Didiavi Abraham; dicebat enim ei rex : Da mihi animas, cætera tolle tibi (*Hæc desunt in C. et M.*). Idem vitium damnavit B. Thomas Cantuariensis archiepiscopus, qui cum cancellariam dedisset cuidam, inhibuit ne imaginem venderet, nec etiam arcannum vel cultellum acciperet, ne in manubrio aurum vel argentum sub prætextu [*al. pro-textu*] quocunque misceretur. Nota autem quod reprobi sunt, qui munera accipiunt, quod patet per Ephron, cujus nomen mutatum est in signum spiritualis mutationis; quia pro agro suo ad sepeliendum Saram, sumpsit pecuniam ab Abraham licet coactus. Nolebat enim gratis Abraham agrum accipere : et in hoc facit Abraham excusatur, Ephron accusatur (*Gen. xxiii*). Sed nomen si feneratorum vel Simoniacum cogere accipere [*addendum pecuniam*], cum gratis Ecclesiam vel mutuum vellet mihi dare, magis illo, vel illo peccare? Sic videtur Abraham magis peccasse Ephron; Abraham tamen excusatur a sanctis; sed nomen Ephron mutatum est propter munus acceptum, et dictus est Ephrem. *Cætera habentur in aliis duobus, sed ordine præpostero. Redeo ad notas dilatas.*

Acceptioem munerum.] C. acceptioem numerorum. *Non placet, quia determinat acceptioem, quæ de quacunque dono, munere, et re pretio æstimabili intelligenda est.*

Rex Sodomorum.] *In margine C. et M. Gen. xxii. C. addit in fine. Hodie, Genes. xiv.*

Cætera tolle tibi.] *Margines C. et M. Omnia spolia præter homines. Vide Glossam hoc loco.*

Exceptis his quæ.] *Audi quod ibidem vidi : Juri et partibus suis renuntiare potuit, non sociorum.*

Item Gen. xxiii.] *C. et M. Gen. xliii.*

Appendit pecuniam Abraham.] *Ad hæc addo, quod in marginibus C. et M. deprehendi. Sed nomen si Simoniacum vel feneratorum cogere accipere pecuniam, cum gratis Ecclesiam vel mutuum vellet mihi dare, magis illo vel illo peccarem? Sic videtur Abram magis peccasse quam Ephron; Abram tamen excusatur a sanctis; sed nomen Ephron mutatum est propter munus acceptum et dictum est Effrem : melius Ephrem.*

Item Gen. xxxiii.] *C. et M. in marg. Gen. lvi. Quasi viderem vulvum Dei.] Margines prædicti ægunt hic : Quia valde enim timuit.*

Mente devota.] *Idem margines habent : Ita et pro templo construendo.*

Item Num. c. xvi.] *M. et C. xli.*

**387** Dare tibi.] *Textus Biblicus, dabo tibi. Balaac præbens.] C. et M. Balaac præsens et offerens. Restitui ex textu Biblico.*

Verumtamen pergens.] *E regione ad marginem deprehendi in C. et M. quod et subdo hic : Similes sunt Balaac, qui, datis aliquibus muneribus, ut benedicant vel maledicant : quorum benedictio convertitur in maledictionem, et vice versa. Sequitur alius margo ad proxime sequentia : Beneficium spirituale conferendo. Item ad illud idem : Dabo tibi consilium, lego quod habet Glossa hoc loco. Etiam per mulieres pulchras eis (scilicet filiis Israel), dando eas. Unde sequitur immediate Apocalypsis sententia.*

In Apocalypsi.] *M. et C. notant, cap. ix ; hodie ii.*

I Reg. xn.] *C. atque M. c. lxxvii.*

Loquimini de me.] *Margines præfati inquit :*

A Me excusando, si in aliquo deliqui vel commisi.

Scilicet Saule.] *Hoc, solum M. legit.*

Et contempnam illud.] *Inter lineas M. Id est red-dam.*

Item exemplo David, II Reg.] *Hæc absunt in C. usque : Item exemplo David, III Reg. xiii.*

Holocausta gratuita.] *Post hæc, M. proponit in margine dubium, illudque solvit. Sic ergo : Queritur, quare Ephron accusatur de pretio (Gen. xxiii), vendens locum sepulture, et non Ornan (Jebusæus) vendens locum ubi ædificetur domus Domino? (I Paral. xxi.) Solutio : Quia Ephron vendidit sepulturam, locum scilicet deputatum sepulcris, ubi Adam, et Eva sepulti erant.*

Item exemplo Addo prophetæ.] *Restitui Addo pro David ex M.*

Neque hibam aquam.] *Genuina sacræ Scripturæ lectio; quare, summe miror, cur C. omiserit aquam, et cur M. virgulu expunxerit et obelo trucidavit,*

B II Esdræ v.] *M. et C. II Esdræ xxi. M. in margine addit Nehemias. Recte. Nam ille concionem magnam adversum eos (ut ejus verbi utar) congregat, ibidem.*

Item Act. apost. xx.] *M. c. xlviii. C. ultimo. In ultimo abusus.*

Epist. Judæ.] *Duo c. ii.*

II Cor. xi.] *Duo II Cor. xxv.*

Gratis evangelizavi.] *Margines duo : Cum stipendium possem accipere, quia dignus est operarius mercede sua (Luc. x).*

Gloriatio.] *Duo glorificatio, sed V. melius sicque, gloriatio, et addit : Non accipiendi, quod etiam in contextum reposui, qui glossam redolet hoc loco.*

Oceas, prædicandi eis.] *Margines C. et M. tales exprimere videntur, hoc modo : Propter curiosos, et alias causas,*

Ezechielis c. xxi.] *M. et C. c. lxi.*

Super avaritiam tuam.] *Margines supradicti sic exponunt : Sacerdotum, quasi **388** vix credibile est mihi super tantam avaritiam vestram; sed descendam et videbo utrum opere compleverint.*

Act. apost. xx.] *C. et M. xlii.*

Usque ad canipulum.] *Canipulus, quasi canicapulus, est ensis, pugio, vel culter, in capula [serens figuram capitis canini. Unde Gallice Braquemar, nomen a canis specie obtinet. C. legebat : Usque ad capulum, M. clinipulum. Talem cultellum dicitur Gallice, Canivet. Hoc vocabulo utitur Cant. l. i. Apum, c. 16, n. 2 et l. ii, cap. xxxix, n. 21.*

Eecli. xx. Exenia.] *M. et C. Eecli. lvi.*

Et quasi mutus.] *Jueat hoc loco vidisse Glossam.*

Correctiones eorum.] *C. correctiones. Sed prior lectio convenit textui Scripturæ.*

Obmutescunt.] *Non penitus rejicio. C. Obmutescunt.*

Item Isaias.] *C. notat caput xciv. M. xciii.*

D Nota verbum excuss.] *Deficit V. usque Item Strabus.*

Sed Minima, Margo M. Ut annulus et hujusmodi.

Est ranunculus. Eadem videre est in Ecclesiastici c. xx, ad illa verba : Et quasi mutus.

Quod si prius viderint.] *Ita B. Ambrosius Hexam. l. vi, c. 4. Vulgare est illud a similitudine deductum : Lupus in fabula, quando incipit supervenit tertius, adstatque duobus, de se, colloquentibus male. Unde statim illi obmutescunt, aut sermões in id, quod primo in buccam venit, converant, ut hoc involvoro tertium deludant, nolentes se ipsos prodero detrahentes, aut male de illo sentientes.*

Item Job xv.] *M. et C. xiv. Nec mirum, quia olim minor capitam Jobi numerus quam hodie.*

Item IV Reg. v.] *M. et C. c. lxxvii. Biblia nostra antiqua legunt c. xxiv. Et hoc capitulum continet tantum quatuor lineas. Inquit : Nunc igitur accepisti, etc.*

*Finit inclusive* : Leprosus quasi vix.

Accipias benedictionem.] *M. super benedictionem inter lineas addit, scilicet munus. C. in margine*: Ejus munus.

Vivat Dominus.] Quasi necessitate compulsus est jurare, ut juramento magis exsecraretur avaritiam. *Ita M. et C. in margine. V. in textu.*

Involvit caput lana.] *Duo in margine* : Simulans se argrotare. *Hæc de Demosthene desunt in V.*

Synanchen etenim.] *Latini aliis nominibus hæc referunt vocantque, anginam et argentanginam*

Ulli autem argyranche, sive argentangina laborare dicuntur, qui pecunia multi redditi sunt, eaque supprimunt, quæ ex reipublica usu esse noverunt.

Exemplo Cyriaci.] *Remitto lectorem ad Vitam S. Marcelli papæ, quæ hoc exemplum continetur. Surius, l. 1.*

Saporis regis Persarum.] *M. et C. Saponis.*

**389** Nec matrona casta est.] *Hæc sententia sancti Hieronymi. abest in V. cum sequentibus usque ad, item Hieronymus scribens. Super hoc* : Casta, dicunt margines : Casta est quam nemo rogavit.

Signa sunt corrupti.] *Vide II, q. 5. Pauper, et* : Qui rector.

Item Jeremie e. vi.] *M. et C. cap. xxv.*

A propheta us [ue] ] *C. in marg. A planta pedis, etc. Isaia 1.*

Item Exodi xxiii.] *Duo eadem, lxxvi.*

De quodam oratore.] *Simile legitur in Gellio, Nocturnum Attic. l. v, c. 19.*

Diviti matrone.] *C. Diviti in commune.*

Super ingratitude.] *Duo eadem in margine* : Leges Romane ingratos puniebant. *Patet ex Valerio, Max. l. v, c. 3.*

Familiaritatem principum.] *C. famam principum.*

Mendicandi, familiaritatem.] *Iterum C. famam potentum acquirendi in margine.*

### CAPUT XXIII.

**V. Præfert alium titulum** : Contra multiplicem acceptionem munerum, maxime a spiritualibus iudicibus.

Causa injusta acceptorum.] *Ita C. Duo alia* : Pro nulla causa imminente acceptoruna.

Periculosa tamen.] *M. perniciosa tamen.*

Citra stipendium.] *C. legebat circa, sed correctum contra. Neutrum placet.*

Cum aliquis digno prop.] *V. Cum aliis digne proposuerit dare beneficium ecclesiasticum, etiam magis crudelitas est, etc.*

Etsi in piis causis.] *Quia bonus usus non justificat male acquisita. 14. q. 5. Neque enim.*

Grangia.] *Galicum est, granges. Casarius dicit esse prædia, villas, etc.*

Pro justitia facta.] *Nota varietatem. Ego ex V. et C. desumpsi, quod in contextum reposui M. Pro justitia facta ac omissa, vel pro injustitia facienda.*

Hi non sunt pastores. *V. et C. prosequuntur periodum, qui non sunt pastores, etc.*

Sed tonsores.] *C. quondam legit, sed tortores.*

Pudeat similes, jam non pastores, sed lupos.

Excoiatores.] *Dicebat magnus ille Tiberius Cæsar* : Boni Pastoris tondere est, sed non deglubere.

In primo lib. Reg. xxv.] *M. xli.*

Quasi vindicaturus in eum.] *Non bene C. iudicaturus.*

Vade pacifice.] *C. Vade in pace.*

Depilatores sunt.] *In marginibus M. et C. Non tondebis, etc. Deut., c. xv.*

**390** Venales lenocinio. *In C. abest venales. Circa hæc noto margines iudices ipsos contingentes. Mediocribus esse iudicibus, non dii, non homines, non*

*A conço, sicut nec divitibus, quo moles rerum modiciter honos vel malos esse non sinit. Perfecti ergo sint et :*

*Inter Socraticos notissima lossa cynædos.*

*Id est avaritia, inquit M. inter lineas.*

*Si scilicet qui, et quia.*] *Nolui omittere conjunctionem causalem, et quia, etiamsi M. et V. omiserint. Nam vim habet.*

Quotidianæ rapina.] *Panes quotidianos (M. in marg.), supple decorum.*

Ut simplices Christianos.] *V. cum quotidiana rapina simplices Christianos absorbent.*

Existentes.] *V. et C. entes, ut supra adhuc notavi.*

Cum Aod.] *Tria, cum Aioth*

Præ avaritia.] *C. pro avaritia.*

Sed leva manus ejus.] *Hoc, usque, qui non habent, deest, in V.*

Cum agnis a dextris.] *C. cum agnis dextris.*

Zacharia v.] *M. et C. viii. Ab hinc, usque, Unde Hieronymus* : Judex, etc., *desunt in V.*

Misit massam plum.] *Omnis avarus impius; quasi diceret* : Aurum sitisti, aurum bibe. *Ita M. et C. pro nota.*

Aurea nunc vere.] *Ex Proportio, l. iii, cleg. 31.*

Subdo versum præcedentem :

*Aurum omnes vicia jam pietate colunt.*

Venit honos.] *Ne displiceat, si subsequentes versus ad propositum conducentes etiam ex eodem ad-jecero :*

. . . . . *Auro conciliatur amor.*

*Auro pulsa fides, auro venalia jura :*

*Aurum lex sequitur, mox sine lege pudor.*

Item Arator.] *Hujus auctoritate usus est venerabilis Beda in Actu apostol., cap. iv, 5, et aliis. C. pro Arator, legit Aratus, sed male, quia diversi sunt.*

Quo sistat avare.] *Judex avarus, aiunt ora C. et M. similis est magistro puerorum nimis (nimis in C.) intonanti quousque a pueris munusculum ei offeratur. Quod respiciens, demittit vocem, et suavius eis comminatur; qui licet munus prius verbotenus spernat, post tamen illud quasi invitus accipit et remittit iram, pueris imponitis.*

Custodis angelus.] *Ut idola Laban. Duo marg. ex Gen. xxxi.*

Unde Hieronymus.] *Hæc sententia redolet ejus expositionem in cap. xi Prov.; in hac autem exemplaria maxime variant. Nam C. et M. omittunt negationem non, in hoc* : Judex non debet esse, etc.

Munus juste.] *Scilicet injuste, ait M. inter lineas.*

Unde Salomon.] *C. ad latum Prov. xxv, M. xxxv.*

**391** Et appendiciis.] *Appendicia iudicii sunt, supercilium grave, dilatio cause, præstatio advocati, et huiusmodi. Margines C. et M.*

Item Deut., cap. xxv.] *Duo cap. xxxvi.*

Augustinus dicit.] *Gregorius autem fere similia habet l. ix Mor., c. 17, in medio. Vide præterea 1, q. 1. Sunt nulli. V. omittit Augustinus in textu.*

Miserus ejus.] *V. et M. misericors ejus.*

Perecutit cor.] *C. perecutit pecus.*

Oderunt eum.] *Post hæc verba erant in V. Item in Parabolis* : Nec iudex justus, iudex nec agnoscens. *Sed cum non saperet hæc sententia eam ad notas revocavi prout in marginibus C. et M. deprehenderam. Sic est* : Iudex justus nec videns, nec agnoscens, seu ut melius *V. in ora superiore* : Iudex non videns munus, nec agnoscens personam, justus. *Recte, ut sit justitia cæca.*

Jeremie xxviii.] *M. et C. 57.*

Gregorius : Pro.] *Causa brevitas te remitto, lector, ad l. ix Moral., c. 17, ubi fuisse munera discernuntur, sicut apud B. Hier., tom. VII, in Psal. xxv, ad illud* : Dextera eorum repleta est muneribus.



Ne possit cernere verum.] *Ita Arist.*, 1. *Rhetor.* A  
Amor, odium, proprium commodium, saepe faciunt  
iudicem non cognoscere verum.

Item Exod. xviii.] *Duo xxxiii. Hac et sequentia,*  
*usque* : Item in Sallustio Cato, *absunt. in V*  
Multitudinem negotiorum.] *Margines* : Utilem  
etiam et honestorum. Quia Juvenal. sat. 6 :

Imponit finem sapiens et rebus honestis.  
Viros nobiles.] Nam divitum terror ipse sibi exi-  
git honorem, inquit B. *Benedictus Reg. c. lxxii. In*  
*margin. C. M. id vidi* : Deut. ii. Ibi enim hoc idem  
reperitur. *Notavi locum ad textum.*

Oleum additur camino.] *Proverbium est quo uti-*  
*tur Horatius, l. ii. Serm., satyra 3 in fine. Signifi-*  
*cat autem malo sumentum et alimoniam suppeditare,*  
*quo magis ac magis augeatur, Utitur eodem Hiero-*  
*nymus in ep. ad Eustochium.* Vinum, inquit, et ad-  
lescentia duplex incendiarii voluptatis. Quid oleum  
flammae adjuvamus?

Et decanos.] Avaritia prelatorum induxit ne  
unus sacerdos modo paucis prasit, ut inter eos ju-  
dicet. *Ita margines duo.*

Audite illos,] scilicet populum. C. *inter lineas*  
*textus.*

Distantia personarum.] *Acceptio. Margines.*

Parvum audietis.] *Idem* : Pauperem. Sicut ma-  
gnum : Divitem.

Deut., cap. xvi, C. lxxiv, M. lxxii.

Immobiles.] *Glossa interl. hoc habet. Sed quærent*  
*margines* : Quare ergo firmarii, singulis annis au-  
vendi, populo prebentur propter avaritiam?

In omnibus portis.] *Hoc est, singulis, ut M. inter*  
*lineas. Sed denuo questio* : **392** Quare ergo unus  
duos episcopatus, et iudicium duarum civitatum sibi  
usurpat, ut ipse cæcus, ex avaritia absorbeat mare?  
*Tales moveantur exemplis mirabilibus Cæsarii, l. ii,*  
*c. 28, 29, et aliis seq.*

Iusto iudicio.] *Divine legis, C. inter lineas, M.*  
*autem, ordine legis.*

Alteram partem docti.] Scilicet prece vel pretio,  
amore privato, vel odio. C. *ad latus. M. inter li-*  
*neas.*

Excæcavit oculos.] *M. ibid.* Vertunt auctoritatem.  
*Hoc ex B. Amb. in ep. II ad Cor. c. viii sub ini-*  
*tium. Ibi enim* : Vim auctoritatis inchnant.

Sapientum.] *Mundo, scilicet, non Deo. C. in marg.*  
*M. inter lin.*

Verba justorum.] *Prius, ait M. ibid.*

Exsequeris.] *Bibli a S. Persequeris. C. exsequaris.*  
*Ad illud margines* : Nec prece, nec pretio, nec du-  
ritus æquo, nec remisissis.

In Sallustio Cato.] *eadem videbis apud Ciceronem.*  
*De oratore, et B. Anselmum, De similit. Mundi. Hic*  
*enim* : Quatuor modis, iudicium pervertitur : Timore,  
cupiditate, odio, amore.

Tullius in Otiis.] *Lib. iii ante medium.*

Et non tribuere.] C. et nondum tribuere, *addit*  
*M. vere.*

Hæc amicitia.] *Ita Cicero. C. Vel amicitio.*

Deponit enim personam.] *Cicero* : Ponit, etc, V.  
Deponit enim personam amici, et quia eum perso-  
nam iudicis induit.

Et ut exorandæ litis.] *Cicero* : Perorandæ liti tem-  
pus. C. *sic habet, sed ordine perverso* : Exorandæ  
litis quoad tempus, licet per legem accomodet.

Nescio vos.] *Hic tacet V. usque* : Item : Audite  
verbum hoc.

Item Amos.] *Margines, c. xix.*

In absinthium.] *Latera, in amaritudinem.*

Et depopulantem vel.] *Tria hæc omittit C.*

Super potentem affert.] *Extendit manum suam in*  
*retribuendo, et retribuere abundanter facient. sup.*  
*Margines ex Psal. xxx.*

Perfecte abominati sunt.] *Margines* : De tali di-  
ctum est : Cum corripere vitiosos satyram fecit non  
sermone.

Hostes justi et injusti.] *Novellus quidam scripsit*

in C. Hostes injusti et injusti.

In porta iudicium.] *Subaudiunt margines* : Justum.  
Non est enim iudicium nisi justum. Si nobis ini-  
qui saltem proximis simus æqui. Juste iudicate, fi-  
lii hominum. *Hoc, Juste, Glossa est interl. in c.*  
*ix Levit.*

Quæ conterunt.] *In Bibliis ad homines injustos* :  
Qui conterunt.

Pignoris.] *M. pigneratis.*

Item idem c. iii.] *Duo xii.*

Item c. iv.] *Idem xv.*

Vacca pingues.] *Margines* : Effeminationem et la-  
sciviam exprimit eorum, per femininum genus.

**393** Quæ estis in monte.] C. Quæ estis effemi-  
nate in monte Samaritæ.

Samaritæ.] *M. inter lineas* : Id est superbiæ.

Officialibus vestris.] *In Bibliis* : Dominus vestris.

Et bibemus.] *De præda pauperum ablata. Margi-*  
*nes.*

In Arnon.] C. *Vernon, M. Ernon. C. et M. inter li-*  
*neas* : Id est in exilium. *Ex nunc deficit V. usque* :  
Item Amos.

Item idem c. vi.] C. 25.

Capita populorum.] C. Philosophorum.

In Chalanne.] *Duo in Calagne*

Facinorosa.] C. *Facinora.*

Apud idololatrias.] *Hoc noto in omnibus fere m. ss.*  
*corrigen dum ubi idololatrias.*

Item Joel cap. iii.] *Duo ix.*

In prostibulo.] *In Bibliis* : In prostibulum.

Demolientes.] *Glossa interl. est V. demulcentes.*

Item Osee.] *M. n hodie iv.*

Oblita legis.] *Duo oblit.*

Oblata pro peccatis.] *Glossa est interlinealis, quæ*  
*ad sacerdotes maxime dirigitur.*

Item idem : Audite.] *Duo tum in textu cum mar-*  
*gine, c. 14.*

Et domus Regis ausc.] *Ut nullus excipiat. Mar-*  
*gines.*

Et rete expansum.] *Seu extensum ut C.*

Super Thabor.] *Montem, ait M. inter lineas.*

Item Amos.] *Duo ad latus, c. xxvii.*

In nihil.] C. *Lejammii, nihil.*

Qui dicitis.] C. et M. *Quid dicitis?*

In fortitudine.] *Margines C. et M. In nobilitate*

generis et potentia.

Nobis cornua.] *Iterum deficit V. usque ad illud*  
*Michæ vi* : Numquid iustificabo.

Item Osee.] *Si fornic.* M. et C. *notant c. xiii in*  
*margin.*

Item Malachiæ.] *Duo ii. Brevitatis causa Lectorem*  
*remitto ad Glossam super hæc loca S. Scripturæ.*

Nonne malum illud est.] C. *in me malum est.*

Non est mihi voluntas.] *M. non est usi voluntas*  
*in his.*

Sed ego exsufflavi.] *Aliter textus Biblicus Malach.*  
*i, 13.*

Item idem c. 2.] C. c. 4, M. 3.

Et armum dextrum.] *Fortè, ut habet Glossa, id*

est, armum animalis dextrum.

Altare Domini lacrymis.] *Non prenitentia, sed*  
*pecunie raptæ, lacrymis pauperum acquisitæ. Ita*  
*margines duo.*

Item Michæ ii.] *M. vii. C. vi.*

**364** In luce matutina.] *Id est* : Mane impletis,  
quod nocte in verbis tractatis. *Percurre Glossam*  
*in erl. hac loco.*

Contra Deum est manus.] C. *comparatio contra-*  
*ria, sed inconcinne, unde melius M. contraria ope-*  
*rati, Deo scilicet; esque id ex Glossa interlineali*  
*desumptum.*

Item idem : Nonne.] C. *in textu et M. in margine,*  
*c. 7.*

In adversarium consurrexit.] *Margines duo* :  
Contra me surrexit cum adversariis meis, C.  
suis.

Tulistis laudem meam.] *Cum Jugiter per vos no-*

non meum blasphematur. *Margines collaterales ex A rem, et sanctis devotionem inferre. Unde Prov. xx : Ruina est homini devotare sanctos. C. male denotare.*

Item c. 3. Audite.] *Duo c. 9. Audite, vos scilicet episcopi, sacerdotes, diaconi, inquirunt idem.*

Tollitis pelles eorum.] *Id est, exteriora, inquit margo C. estque Glossa interl., at M. inverso ordine legi Glossam in textu (hoc est, exteriora) et textum inter lineas videlicet, pelles eorum. Sequitur ibidem : Et carnes eorum, id est, interiora, C. ibidem.*

In medio ollæ.] *Margines : Sic miserabilem plebem affligunt in Ecclesia.*

Item idem : Hoc dicit Dom.] *C. et M. c. ix, hodie in.*

Sanctificant super eum.] *Auctoritate sua, quia sancta affirmant et monent. Oræ collaterales C. et M.*

Item idem : Audite.] *Duo notant c. 2, hodie 3. Quia ædificatis.] Textus Biblicus : Qui ædificatis.*

In sanguinibus.] *Margines addunt : Peccati, et B carnalis affectus.*

In medio nostrum?] *Quasi diceret : Quia auctoritatem ligandi et solvendi, et sacramenta conferendi habemus. Ita margines.*

Item c. 6. Audite.] *Duo c. 17.*

Et quis approbabit.] *C. appellabit.*

Adhuc ignis.] *Inter lineas M. Concupiscentiæ, et superbia.*

Mensura minor.] *Duo, Vindicta Dei, pro mensura etc.*

Item cap. 7.] *Duo, 18.*

Rectus cum hominibus non est.] *Præ avaritia et libidine, aiunt duo.*

In sanguine insidiantur.] *Ut fraudulenter, et cum peccato subditos sibi dare cogant. Ita margines duo.*

Judex in reddendo est.] *Idem : Mutuo se favore, et obsequiis et remissione defendent : quia sicut ab aliis judicari volunt, sic alios judicant.*

Amos cap. vii.] *Tria, xxxii.*

Malachias cap. ii.] *Tria, iv.*

Ad Laodic. c. i.] *V. 3. C. 4. Hæc epistola, ait Bellarminus, inter apocrypha rejicitur. De Script. Ecclesiasticis. Eam videre est in Bibliothecæ sancte Sixti Senensis in dictione Paulus apostolus, et alibi.*

### 395 CAPUT XXIV.

Fascinulas, ostia.] *Tria hostia, vitiose.*

Piscatores pecuniarum.] *Cæsores, imo novacula bursarum pauperum. C. ad latus.*

Reg. C. ii.] *C. cap. vi. Duo omittunt numerum.*

Officialium tria sunt gen.] *Tria in oris sic : Officialis, confessor, quæstor, vel (V. omittit vel) tortor, præpositus. Hoc verbum tortor vix scribere audebam, eo quod male et dissonè audiatur apud episcopi subditos, unde hodie promotor (quod dulcius sonat) dicitur. De officialibus tam ecclesiasticis quam secularibus videatur quid dicat B. Aug., to. II, ep. 53 ad Maced. sub finem.*

Confessor.] *Hic est Pœnitentiarius.*

Per fas et nefas.] *Hodie non sic, saltem in Belgio nostro.*

Præpositus ruralis.] *Is est decanus Christianitatis.*

Rara consultatio.] *C. Raro consultatio. Cum tamen (sic enim margines duo). In sanandis necessariis est morborum manifestatio, ut curentur. Sic Hippocrates : Non curatur morbus nisi cognitus.*

Bursas pauperum.] *Solum V. addit pauperum.*

Pecunia, rapinae.] *Ly pecunia abest in V. et M. Proprie pecuniæ.] V. proprie substantiæ.*

Undecunq; proficere.] *C. in latere videbat legi unicumq; pro undecunq;.*

Cæpit se devotare.] *Maledicere scilicet per furo-*

rem, et sanctis devotionem inferre. Unde Prov. xx : Ruina est homini devotare sanctos. C. male denotare. Super omnem peccatorem.] *Tremulus hoc exemplum in textu scribebam, verius ne quidam nebulones in episcoporum officiales nostri temporis retorqueant, cum hæc omnia de malis ministris dicantur. M. contra omnem peccatorem.*

Occidit rex Cyrus.] *Resitui ex fine cap. xii. Danielis. V. enim : Rex Darius. C. et M. Rex Nabuchodonosor.*

Augustinus : Crimen.] *Considera locum et proderit, tom. X, in appendice, serm. 3. in fine, de diversis sermonibus.*

Item Hieronymus.] *Nec ausus sum hic auctorem abusus inensare. Dicam interim me nondum legisse hæc sententiam apud B. Hier., sed apud S. Aug. loco in nota immediate præcedenti citato, et apud Venerab. Bedam in c. iii. Lucae*

Prædo grassetur.] *Hic tacet V. usque : Item, et quol exsecrabilis est.*

Mercede sua.] *M. cibo suo, ut Matth. x, Per vicarium.] Quid hoc in M. Privicarium? Anathema Jerichontinum.] M. Anathemata Jerichontium.*

In Josue vi capite.] *Duo xiii capite.*

396 Propter Achan.] *Non propter Achor, ut M. et C. Nam Achor nomen vallis est, Josue vii.*

Est spirituale.] *M. est speciale. Non sapit. Itaque, absolutionem vendere, cum sit quid spirituale, Simonia est. Sic et de administratione sacramentorum dicendum ut patet ex 1, q. 1. Nullus episcopus. Et : Quidquid invisibilis.*

In pœnam pecuniariam.] *Seu mulctam. M. in pœnam peccati.*

Quoad pœnæ illationem.] *Est enim Simonia exigere aliquid pro absolutione ab excommunicatione, quasi pretium absolutionis, non tamen quasi pœnam aut mulctam pro culpa. Ita censet B. Thomas 2-2, quæst. 110 a. 2, 3*

Communiæ alieni.] *Hoc est communitati.*

Quæ hodie venalis propo.] *Usque adeo hoc inolevit malum, ait B. Aug. ut jam quasi ex consuetudine vendantur leges, corrumpantur jura, sententia ipsa venalis sit, et nulla jam causa possit esse sine causa? t. X. Append. de diversis, serm. 3 post medium. Hæc multis exemplis confirmat Casarius Jere auctoris nostri contemporaneus. Porro Petrus Blesensis talia detestans inclamat : Officium officialium est hodie jura confundere, transactiones rescindere, suppressere veritatem, quæstum sequi, æquitatem vendere, etc. Plura petis? Vide B. Bernardum, serm. 6 in Psalm. Qui habitat, ubi sic ait : Ipsa quoque ecclesiasticæ dignitatis officia in turpem quæstum et tenebrarum negotium transiere; nec in his salus animarum, sed luxuriam quæritur divitiarum. Propter hoc tondentur, propter hoc frequentant ecclesias, missas celebrant, psalmos decantant. Pro episcopatibus, et archidiaconatibus, et abbatibus impudenter hodie decertatur, ut ecclesiarum redditus in superfluitatis et vanitatis usus dissipentur. Hæc ille de venalitate administrationis officiorum ecclesiarum sui temporis.*

Metus archidiaconi.] *Profecto nisi præviderem vitia prædecessorum hic relata, posteris fore ad cautelam, silentio præterirem, quæ in oris marginalibus C. et M. deprehendi ad illud archidiaconi nomen. Quæ? Audias : Portantis (archidiaconi) discordiam in Ecclesia, non pacem.*

Judicium aquæ.] *Hodie nulli pro causa pecuniaria ad judicium aquæ condemnantur, eo quod suboriantur multi alii modi pecuniæ exigendi et extorquendi. Videtur autem ex sequentibus intelligi de judicio projectionis in aquam, quod pertinet ad purgationem vulgarem, quæ jure canonico damnata est et prohibita, quia ibi tentatur Deus, 2, quæst. 5, cap.*

Mennam. Cap. Consulisti. et cap. Monomachiam. A *Guillelmum, similiter Cæsarius et Cantipratanus in l. Apum multis locis.*

*Et in decretalibus titulo De purgat. vulgari cap. Dilecti filii, quod est Honorii III.*  
Judicium experiar.] *Quædam hic omittit M. Ait ergo: Sed iudicium experiar, et invenis justus, dabo pauperibus quinquaginta solidos (qui pro benedictione aquæ exigentur) in partum. Irrisus est ab omnibus, simulque quæstor palatii.*

**397** A sacerdote quinque solidi.] Quasi sub obtentu religionis punientorum criminum, aiunt *margines duo, cum hoc fiat causa loculorum emungendorum.*

A cupiditate.] *Hoc omittit M. Sacerdotum Baal.] Non Balac, ut C. Nullam subicebunt.] Hæc non legit M. Supersederint citationi.] M. Supersi irritationi.*

*Abusus parvus est.*  
Cum hoc Ecclesia.] *M. et C. cum hoc pro Ecclesia majori parte, etc. Pro præpositere positum est.*

Estne tale juramentum.] *Ego, ait C. ad lotus, nec jurarem, nec juramentum hujusmodi, si fecero, servarem; sed irritarem, utpote indiscretum, et pacis inimicum, et contra Deum.*

Ad hæc ostiola.] *M. his omissis ait: Item: Quidam canones, etc.*

In secundo vel in tertio.] *Habetur hoc, extra de consang. et affin. c. Non debet irreprensibile. Conc. Trid. sess. 24, cap. 4 De reform. Matrim. limitavit impedimentum affinitatis ex illicita copula ad primum et 2 gradum tantum, statuens in aliis gradibus post eam contractum non divimi.*

Prohibito nostro.] *Mediantibus tamen illis pecuniis. Ergone sic dispensationes pecuniæ obediunt?*

Decretum biceps.] *Vide 30, q. 4. Qui spiritua-*

Item: hæc ostiola.] *Hic tacet V. usque: Hi sunt musce.*

Sunt merguli.] *Glossa in c. xi Levit inquit: Mergulus avis est longi colli, cibum, aut prædam, ex profunditate terræ vel aquæ trahens: nec imitanda est, etc.*

Prohibetur in lege.] *Levit xi, De accipitre audi margines II:*

Nisus et accipiter, quarum prædatio vita, - In reliquum volucrum degere vulgus habet.

Nisus alio nomine dicitur *Halicælus* ut *Levit. xi. Videatur fabula Nisi regis viii Metam.*

In retia aliorum.] *Nempe in bursus dominorum, quorum sunt officiales.*

Si seminaverimus.] *M. variat sic: Si seminavimus nos, scilicet est seminatio causa nostræ messis, quasi hæc seminatio, illam messem exigit sibi debitam.*

In ratione dati.] *Ita M. et C. At V. In ratione dati et accepti, cum pax Ecclesiæ det spiritualia et accipiat temporalia?*

Des spiritualia.] *M. Si dederis spiritualia debite accipis temporalia. Recte. Ergo perperam improbant quidam, imo etiam impie reprehendunt R. P. religiosos ordinum mendicantium, seu, ut magis placet, fructificantium, eo quod a paganis, hoc est rusticis, victum et alia vitæ necessaria percipiunt, cum illa, testor. jure promeriti sint; quia in sudore vultus sui, in nuditate, et frigore, et simili æris intemperie verbum Dei disseminant, animarum salutem avidè sitientes.*

Ab incorreptis.] *M. incorrectis.*

**393** A malis accipitur.] *V. Hic addebat signum interrogationis, ut ego postposui ad illud calumniam?*

Administrationis sibi.] *V. administrationis suæ debite.*

Sequelæ garcionum.] *Garciones pueri sunt aut famuli, aut, aliquando in malam partem, nebutunculi. Hoc vocabulo utitur B. Bernardus in Apol. ad*

*Guillelmum, similiter Cæsarius et Cantipratanus in l. Apum multis locis.*

A manibus vestris.] *V. a muneribus vestris. C. animabus vestris.*

Quia tali debetur.] *V. Quia tale debetur pabulum. C. quasi tali debetur pabulum.*

Sed utinam Deus.] *C. et M. Sed utinam aliquis.*

Et devorarent.] *Non et ænomina. ent, ut quædam legit C.*

Item: Prædicantur.] *Hic usque: Item: Officiales, M. et V. deficiunt.*

Ut detumescant.] *Hoc omittit C. Nonne quadrat illud Horatii De arte poetæ.*

Non missura cutem nisi plena cruoris hirudo? Sibi que sordes peccati.] *C. Sicque sordes, etc. Job, cap. xxxi.] C. et M. Job. xxv in fine. Olim, ut supra dixi, erat minor numerus capitum Jobi.*

## CAPUT XXV.

*In summario C. omittitur ecclesiasticorum. In V. variat titulus, sic: Quod sine quæstu et vana gloria conferenda sint et tractanda spiritualia, et contra horarios nummos, sed de his in capite seq.*

Verum etiam.] *Sana est lectio et liquida. Quare, M. vitiose omittit hæc verba, eorumque loco legit: ut, in celebratione.*

Quæstui tempus.] *C. quæsturam publicam. Ad hæc suggero verba Sapientis Prov. xxix: Rex justus erigit terram; vir avarus destruet eam. Peremptorium enim est in principe, ait Pet. Blesensis, vel auram adorare munerum, vel favorem quærere personarum. In quarum manibus, ait Propheta (Psal. xxv), iniquitates sunt, et dextera eorum repleta est numeribus. Transibunt iniquitates in pœnam, et munera in dolorem. Hæc ille.*

Apollo Pythius.] *Tria Phitiis. Est autem Pythius Apollinis cognomen a Pythone serpente, ut quidam volunt, inditum.*

Sed etiam omnibus.] *Super his verbis Ciceronis, margo C. cum V. adnotat hæc: Sed et Ecclesiæ (prædixisse nempe) quæ hodie decidit a religione et sanctitate per opulentiam et avaritiam, maxime prælatorum (addit C.) non tantum ciborum, sed et munerum.*

Nati sunt.] *C. natæ sunt.*

Quasi, læva.] *M. omittit quasi.*

Læva pro dextera.] *V. et C. Læva pro læva fit, nunquam: dextera pro læva. 399 Me ius in textu, ut ex Glossa in hunc locum colligitur.*

Quia, hoc, æterna.] *Hoc, nempe Novum Testam. illud, scilicet Vetus temporalia promittit.*

Sandalia Apost.] *M. Apostolicorum. Quod sandalia sint calcamenta, patet ex c. xx Isa. secundum LXX.*

Sub terra in vase.] *V. et M. In terra sub vase.*

Et thuribulum.] *Novellus, stylo plumbeo, addit D in V. perforatur, ut sic legatur: Invertuntur sandalia et thuribulum perforatur.*

Causa propter quam.] *Nota varietatem. M. Causa propter quam (hic deest qua) debet esse solus Deus, etc., ut in textu. C. causa propter quam, quæ debet esse solus Deus, et causa sine qua non possent fieri (alia desunt). Si spirituale sit ob temporale tantum, etc. C. ad latus addit: Alias facturus, ad illud: Sine qua non possent fieri.*

Sine qua non fierent.] *V. et M. Sine qua non fieret cum possit.*

Pallium meum breve est.] *Subaudi quod in textu Isaia habetur: Utrunque operire non potest. Similiter in sequenti: Stratum meum angustum est: Utrunque recipere non potest.*

August. Pro quæstu.] *Ad Glossam in II Cor. II lectorem remitto.*

Sed ex simplicitate.] *Textus et Glossa interdictalis: ex sinceritate.*

Duo fines sunt.] *M. omittit duo. Hos autem fines duplices discerne ex B. Aug. tom. VIII, in Ps. cxviii, concione 12, ante medium.*

Timor pœnæ.] *C. Timor pecuniæ et æris? V. Timor pœnæ ens, hoc est, existens, seu continuo præsens. Et timor hic a peccato excusat, ut infra habetur. Unde Horatius*

Olerunt peccare mali formidine pœnæ.

Et amor Dei.] *Iterumque ex eodem :*

Olerunt peccare boni virtutis amore.

Scilicet oculus dexter.] *C. hic mancum est. Sic autem : Et amor Dei, scilicet oculus dexteræ ad diligendum Deum. Ubi est ergo, etc. Reliqua desunt.*

Hi sunt fines.] *C. fines.*

Loco pignoris.] *M. tenuissimis characteribus ait, pignoris, sed hic synonyma sunt; etsi quidam vellet :*

Pignora natorum dicuntur. pignora rerum.

Alterutram molam.] *Quoniam longum foret hic multorum expositiones recensere, lectori suggero Gossam in hunc locum, et B. Gregor. tom. I, Moral. xxiii, cap. 11, initio.*

Sed maxime.] *V. caret Sed.*

Cum ergo prima non sit.] *Prima, scilicet mola timoris. C. Cum ergo prima sit meritorea. Male contradicit.*

Sine secunda.] *Amoris Dei nempe. Ergo una timendus est ut Dominus; et amandus, seu honorandus, ut pater.*

400 Mola concupiscentiæ.] *Vel, cupiditatis, ut habet V.*

Vel quarta vanæ gloriæ.] *Vanæ omittunt M. et C. vitiose. Nam omnis gloria, maxime popularis auræ, vana est, imo vanitas ipsa. Secus autem de gloria, testimonio conscientiæ serenatæ, de qua II Cor. 1.*

Ut nec tertia.] *M. Ut hæc tertia. Insuper.*

Mens divisa non.] *Attende tibi ipsi, ait B. Ephrem De virgin. sub finem, nequendo in oratione huc illucque mens tua evagetur. Et infra : Cogitationes ac sollicitudines quascunque rerum terrenarum, circumquaque ex corde tuo absconde, etc.*

Amram vir de domo.] *Seu Ammiramis, ut Josephus, ex uxore sua Jochabel, idem Jochobel, genuit Aaron et Moysen, l. ii Antiq., c. 9.*

Ora bene operando.] *C. ad latus hæc habet : O-sanna in excelsis, non pro infinis.*

Cum duplex legatur.] *M. Cum duplex legatur invitatorium, ponitur et classicum tertium in Ecclesia, efflicaeius cæsteris invenimus denarium. V. quoque : Denarium. Per classicum intellige pulsus, quo ad horas clerici convocantur. Id colligo ex cap. sequenti. Per Psalmum autem xciv : Venite, exultemus Domino.*

Tertium in Eccles. efflicaeius.] *Quod nempe magis invitat clericos mercenarios.*

August. non propter.] *Solum C. Augustinus.*

Sine omni corruptione.] *Glossa est tum interl. D cum ordinaria.*

Cruce et martyrium.] *Cruce et maxime illud, etc. C.*

Ideo noluit Dominus.] *C. perperam, Voluit. Nam infra contradicit his verbis : Instinctu amotionis pœnæ.*

Amoveri pœnam.] *V. id est mortalitatem nostram.*

## CAPUT XXVI.

Titulus hic præfixus, ex M. desumptus est. Nam V. et C. caput præcedens non dividunt, in ora tamen collateralis C. lego : Contra denarios horarios.

Allectoria in spir.] *Scilicet, ait V. denarios horarios pro horologio, ut fiant, etc. Ad hæc in margine dicit : Missa constituta, quæ alias non consti-*

tuitur, nisi ut per oblationes ad illam factas sustententur pauperes, Simoniam parit.

Melius quam loquentem.] *M. et V. meliusque loquentem.*

Sanguinem Christi.] *V. Sanguine Christi. Male. Quoniam in sæculum.] Psalmus hic est cxxxv, etsi in eo non in sæculum, sed in æternum legimus. Ait enim B. August. Græcam litteram posse interpretari tam in æternum quam in sæculum. Sic autem legitur εις τὸν αἰῶνα. Vide tom. VIII, expositionem Psal. cxxxv initio.*

Mercenarius enim.] *Ita B. Aug. t. IX, tr. 46 in Evang. Joannis.*

401 In alea ludentium.] *Audite, clerici, B. Basilium alearum ludum-describentem : Si vos, inquit, dimisero, sunt qui protinus ad tesseræ aleasque sese conferent. Juramenta sunt illie, contentionesque pergraves, ac avaritiæ partus. Spiritus malignus assistit, furorem punctis ac ossibus illis ludentium insaniamque accendens : etc. Hexam. homil. 8 sub finem. Clericis suis ludum insignem olim extraxit Wiboldus Cameracensis et Atrebatensis episcopus, quem Baldericus in Chronico Camerac. et Atrebat. lib. 1, c. 88, fusc describit. Exstat apud nos ille spiritualis ludus, seu tabella laboriose distincta et delineata, quæ nostri, ut apparet, inter se colluserunt. Nummos vespertinos.] V. nummos horarios vespertis decantandis, etc.*

Et prius in Ecclesia.] *V. Et post eas (scilicet vespertis) eos in Ecclesia distribuendos. Placet utique.*

Distribuendos esse.] *Margo C. cum V. Sæpe tamen prius residentium (V. sedentium) quousque pulsaretur extremum classicum, hoc est, ultimus pulsus.*

Item : exemplum prælati.] *Supple, valet ad detestandum, ut supra. C. exemplum prælati præbentis, petentis in Ecclesia, etc.*

In sericis.] *Variato, scilicet, antependio altaris, festo, colore, convenienti.*

Ploratorum et ploratricum.] *Ut legitur de Præfca muliere ad planctum mortuorum conducta. Sic Horatius sic Arte poet.*

Ut qui conducti plorant in funere, dicunt Et faciunt prope plura dolentibus ex animo sic : Derisor vero plus laudatore movetur.

Solent enim gentiles nantias et cantica lugubria canere in morte defunctorum et alios ad plorandum inducere. Idem etiam apud Judæos, ut patet ex Evangelis, moris erat facere, Matth. ix. Ibi legitur adfuisse tibicines cum Jairi principis puella obiisset.

O nummi, nummi.] *Hunc Juven. versum, sat. 5, omittit M.*

Quid idololatræ sunt.] *Id probat B. Hieron. in cap. V Ephes. his verbis : Quia sculpturam ipsius nummi colit, et idola in eis cælata veneratur. Ut voracium Deus venter est, ita cupidorum quoque justissime pecunia dici potest, maxime cum in alio loco Apostolus cupiditatem idolatriam vocet. Pro idololatræ antiquitus scribebant idolatræ.*

I. Thess., c. v.] *V. et C. II. Thess. Addit quoque C. c. ix.*

Ab omni specie.] *C. in latere, ex Ovidio Heroidum, ep. 46 :*

Est virtus placitis abstinnisse bonis.

Quia scandalizat.] *V. et C. Quia scandalizant proximum per sinistram, alliciens (allicere C.) quempiam per dexteram. B. Augustinus libro De ovibus : Curemus, inquit, nil facere, quod veniat in malam suspicionem infirmo fratri.*

Torpis autem speciei.] *Nunquid excessio locolorum, sicut repletio illorum, parit Simoniam? Ita C. in margine.*

402 Horæ numerariæ.] *V. Horæ nonæ S. Marie. Repaguloque.] Repagulum est vectis ostio adversum vim oppositus. Gallice : Barrière, ou Barre.*

Et tanquam vetulæ.] *M. hoc omisso ait : Cucur-*

rerunt clerici tanquam ad solemnitate[m]. Quidam se etc. *C. autem* : Tanquam ad solemnitate[m] vetule ad votum. *V. vero, mea sententia, melius* : Et tanquam vetule ad unctum. *Proverbum enim est Gallicum* : Courir a Poinct, ou, au gras bouidin, quo caxantur clerici, qui lucri causa tantum currunt ad templum, et morati in choro per modicum tempus (sufficiens tamen, ut loquuntur, percipiendis atributionibus) statim recedunt. Unde poeta :

Pinguis amore lucri lambunt candelabra cati.  
Sic de advocatis aliisque similibus dicitur : Engraisser les mains.

Tangi notaretur.] *C. videretur.*  
Quidam prebendarius.] *C. et M. prebendatus.*  
Oliverio currente.] *V. Olivero. C. male oblivorio.*  
Murmuravit et doluit.] Quod non luderent alea et huiusmodi, aiunt duo margines.

Et quod assi interessent, forte voluit assidui.] *C. Et quod assi interessent, forte voluit assidui.*

Nobilis Ecclesie.] Alludit auctor ad illud Ovidii *B de Ponto, l. II, elegia 3* : Illud amicitie sanctum et venerabile nomen, etc.

### CAPUT XXVII.

*V. Titulum capitis sequentis hic anticipat De venalitate, etc.*

Et damnabilis.] Simonie hæresis contagium, inquit Hugo, l. II de sacramentis, parte x, jam olim in Balaam pullulavit, qui divinationis pretio proposito, ad maledicendum populum Dei perrexit; dehinc huius duo leguntur auctores emersisse; alter sub prophetica, alter sub apostolica doctrina. Primus Giezi magister esse vendentium, deinde Simon videtur emptor. Horum autem sectatores, sicut non sunt in errore diversi, ita nec in damnatione divisi.

Totus enim Christus.] *V. omissa interrogatione, sic legit* : Præcipue in eucharistia, ubi totus Christus, etc.

Gratiæ distribuuntur.] *V. pro gratiæ habet Ecclesie.*

Quam tamen exuere.] *Hæc parenthesi inclusa, V. et M. intermittunt.*

Altaria Dei sic vocat.] *Plura hæc de re videri possunt in Comm. B. Hieron. in c. XXI Matthæi.*

Non dantes, nihilque.] *C. Non dantes, ubique, nihilque offerentes.*

Augustinus : Domus.] *In C. et V. abest Augustinus. Nemo in oratorio.] Eadem habemus in Regula S. Patris nostri Benedicti, c. 52.*

403 In hoc dans omnibus.] *Cujuslibet sexus et conditionis. C. in ora.*

Bis legitur eiecisse.] *Solus Joannes, inquit idem ibidem, loquitur de prima, ejectione scilicet, alii de ultima, Matth. XXI.*

Venalitate columbæ.] *Per columbam, scias Spiritum sanctum figurari, ut docet B. Aug. l. IX, tr. 10, in Evang. Joan. ante medium.*

Proximorum alia.] *C. inter lineas, pro alia, suggererat corrigendum, similia.*

Non accusamus, non propalemus.] *C. Non accusamus ut propalemus.*

Sic paratiores.] *Hæc apud B. Hier. in c. XXI Matth.*

Facilitatem.] *C. Facultatem accipiendi.*

Quam quasi cæci.] *M. Quam quod cæci ipsum Dominum patiuntur.*

Quisdam missam.] *Refero quæ in oris inferioribus legunt V. et C. Contra venalitate[m] et pluralitate[m] missarum, contra pluralitate[m] facierum unius missæ, et contra novitate[m] earum. De his infra suo loco. Aliud præterea visitur in eadem ora V. Inpunitas contumaciæ mater, negligentia filia, radix peccati, nutritrix adulterii et incestus, mortis æternæ præambula, præparatrix inferni.*

In die integre dupliciant.] *Hoc est duas missas integras uno die celebrare, seu, ut vulgo, binare. C.*

*A sic legit* : In die integro dupliciantem, non addi, et duplicent *M.* In die integre dupliciant

Et timore.] *C. Pro pudore et terrore.*

Unam dupliciant.] *Non audentes, ait C. duas integrare, ut duplicitate[m] trifacientes et multifacientes, id est multarum facierum celebrarent. Non sapit Melius M. Non audentes, etc. unam dupliciant, tripliciant et multiplicant, id est, etc. ut in textu.*

Et primum introitum.] *Triplitem textum quidam sua nota, in margine C. addita, voluit corrigere, hoc modo* : Ad primum officium non offeratur, etc.

Cantantibus fabulas.] *Addebat C. Cantatoribus vel cantantibus, etc.*

De Landrico.] *M. Landrico.*

Narciso.] *Forte Narcisso.*

Oblatio quæ ad hoc.] *Nempe, sit causa, ut præferatur. M. et C. Constat quod oblatio ad hoc offeratur, omittit, quæ.*

Radici, id est cupid.] *M. Rabiei (Deus bone, quid Simonia!) et cupiditati Simoniacæ.*

Sed Domini.] *Hæc verba adsunt in C. Quod Domini et non mundi gloriam quærat sacerdos, probant margines. C. M. Augustinus : Hoc significatur pluribus extensionibus brachiorum sacerdotum in missa. Consule B. August. tom. VIII in Psal. LXII.*

Levabo ad altum.] *V. Ad aliud. C. videtur hic peccare disputatione incongrua. Nam interrogationem ibi ponit, Quam ad te? et prosequitur : Pretium mundi quomodo, etc.*

Quasi coadunatis.] *C. coadunatis. V. coadunantibus.*

404 Imo cum meo.] *V. et C. cum ministro altaris ex meo, scilicet, Simoniaco, qui pro nummo tantum ministrabit, sicut et ego pro eodem tantum celebrabo.*

Cupiditas dominatur.] *C. non interrumpit periodum disputatione, sed eam continuat sic* : Pro pretio conficiam cupiditate predomians *V. similiter paucis demptis* : Pro pretio conficiam, quod tamen impretable est.

Minus sed magis.] *M. et C. non ideo minus Simoniacæ, etc.*

Filia mea.] *M. Filia mei. Hic continuat auctor verba Simonis Magi in scenam producti.*

Irrumpet.] *M. irrepet. V. irrepit. Eligito, placet.*

Proponens venalia.] *V. componens venalia.*

Ex oblati illis.] *Cupide acquisitis, sicque turpiter, aiunt margines duo.*

Eriguntur altaria.] *Quod nec Deo placet, quia bonus usus non justificat male et turpiter acquisita. 14, q. 5. Neque enim.*

Cum familia etiam.] *V. Cum famuli, etc. Omnia sunt hæc in M. usque vendidit inclusive. Sic enim : Quem purum hominem credebatur, vendidit.*

Ille pœnitens.] *Pœnitentia (non vera) ductus : D Matth. XXVII.*

Licet non vere.] *Licet non recte. M.*

In Ecclesia autem.] *C. in Ecclesia. Sicque aliam inchoat periodum. Inter nos autem, etc. Male.*

Turpiter acquisita.] *V. et M. Turpiter acquisitos, nempe argenteos. Sed præ aliis placuit C. quia ad omnia acquisita pretio æstimabilia.*

Ex turpius oblati.] *V. ex turpiter oblati.*

Construuntur Ecclesie.] *Ut ædificetur Sion ex sanguine, aiunt margines duo, ex Mich. III.*

### CAPUT XXVIII.

*V. Præcedens caput prosequitur.*

Sufficiens fuit hostia.] *Ex B. Joanne Chrysostom., hom. 17 in Ep. ad Hebræos. Idem habetur cap. 4, hom. 4, lib. II. Vidua Sareptanæ a nobis in lucem primum emissæ superioribus annis.*

Semel in die.] *His caret M. Ita : Passum semel representare immol.*

Rursum sunt crucif.] Abunde dictum est eodem A  
Vidua Sarept. l. ii, hom. 5, c. 1.

Item Augustinus.] Verba ejus hic nonnihil immu-  
rata sunt. Vide locum tom. III, De Eccles. dogm. c. 53.  
Præterea B. Chrysostomum loco supra citato hoc ca-  
pite.

Si ergo Augustinus.] M. Si juxta Augustinum  
unam suspicionem in die vix, etc. Fallitur.

Nimis in die.] C. et M. Minus in die iterare.  
Tum propter mysterium.] Non, ministerium ut  
C. Mysterium tale est, ut refert margo. C. Missa  
prima prophetas, secunda Patres viciniores gratiæ,  
tertia 405 apostolicam doctrinam significat. The-  
lesphorus IX papa tres missas has instituit, de qui-  
bus, si plura desideras, videto Guill. Durandum Rav-  
vin. offic. l. vi De officio Nat. Domini.

Rurali sacerdoti.] Pastori rusticorum, et Christia-  
nitatis decano.

Major autem prælatus.] Episcopus, aut decanus.

Sed vilesit.] Nam, aiunt margines C. et M., Assi-  
duitas vilitatem et securitatem parit, devotionem  
et reverentiam tollit.

Quia rarus.] Quod enim rarum carum, seu, ut ait  
B. Hier., Ardentius appetitur quidquid rarius est.  
Epis. adversus Vigilantium post medium.

Quia rara.] Non, quia clara, ut M.

Cum incenso in sancta.] Solum V. addebat: Pro-  
pter sancta legalia veneranda.

Lactucis agrestibus.] Audiam hic B. Gregorium in  
medio hom. 22 in Evang. loquentem: Carnes agni  
cum lactucis agrestibus sunt edendæ, ut cum cor-  
pus Redemptoris accipimus, nos pro peccatis nostris  
in flentibus affligamus; quatenus ipsa amaritudo  
penitentia, abstergat a mentis stomacho perverse  
humorem vite.

Ordo Carthusiensium. Duo ordo Cisterciensium.  
Viros probatos super hac re consului, nec eorum  
quispiam de suo ordine tale quid inaudivit.

Hic etiam oblatorum.] M. In holocaustum hoc, C  
etiam oblatorum Deo. Sapit utique suo sensu. Sed  
quæritur ut sacerdos (heu me primum) ita confidenter  
aucter accedere non modo ad bis celebrandum, sed  
semel duntaxat quotidie: cum B. Hieronymus, æ-  
nientia exemplar, nonnisi cum maxima et timorata  
reverentia ecclesiam martyrum intravit, non missæ ce-  
lebranda, sed devotæ venerationis gratia? Ego, inquit  
ille, confiteor timorem metum ne forsitan de super-  
stitutione descendat. Quando iratus fuero, et aliquid  
mali in meo animo cogitavero, et me nocturnum  
phantasma deluserit, basilicam martyrum intrare  
non audeo; ita totus, et corpore, et animo pertre-  
misco. Epist. adversus Vigilantium, quæ incipit:  
Multa in orbe monstra.

Peccator sacerdos.] C. addit, sacerdos, et recte:  
nam ad eum sermo est.

In sexta feria.] Hic docentur clerici non numerare  
hebdomadæ dies ex nomine planetarum aut deorum  
gentilium, ut sæculares solent, nempe: Lunæ, Mar-  
tis, etc., sed juxta S. matris Ecclesiæ ritum per vo-  
cabulum seriæ secundæ, III, IV, et sic de cæteris.

Uuo die quasi.] V. quasi requie. M. uno scilicet  
die interposito.

Si tunc unica esca.] C. et M. Sed tunc unica esca  
spiritualis non spiritualiter, etc. Male.

Condimenta introitus.] Sæpius iterando secundum  
solventis et offerentis voluntatem. Hæc, Introitus, etc.,  
usque: Item: Quidam, leguntur in margine C., at V.  
et M. in textu habent.

Quidam male interp.] C. Item: Tales male, etc.

406 Marcus peculiarem.] Et si tria exemplaria  
sic legant, dicam tamen quod conseo. Itaque loco  
Marcus, legi debet Symmachus. Is enim, B. Hiero-  
nymo teste, rexit, Panem peculiarem. Præterea in  
Evangelio Marci non habetur oratio Dominica, Pater  
noster. Pluribus dicendis supersedeo, notas, et suavis-  
auctoris (in fine capituli 9) abbreviaturus, interea po-

terit lector recurrere ad comment. B. Hieron. in  
cap. vi Matthari.

Quem non supersubstantialem.] V. et C. Quem  
non substantialem.

Quantum in se est.] M. quantum in ipsis est.  
Perinde est.

## CAPUT XXIX.

Falsitas angulos quærit.] Veritas angulos non  
amat, nec quærit susurriones, inquit B. Hieronymus  
epist. ad Rusticum, quæ incipit: Nihil Christiano  
felicius.

Dum vitant stulti.] Horatii versus Serm. l. i,  
sat. 2. M. sic: et dum vitant studia vitiorum in con-  
traria currunt.

Cupiditati suæ.] C. cupiditatis.

In monstrum incidunt.] C. in monstrum mon-  
struose inciderunt missas bifacientes, etc. Verbo-  
rum transpositio est.

Jannum bicipitem.] De quo Ovidius, in Fastorum:  
Sane biceps, anni tacite labentis origo.

Hydrum septicipitem.] Seu, ut V. et C., septem  
capitum.

Mantuaeus:

Bellaque in atroces iras septemplex hydræ.

Briareum centimanum.] VIRGIL. VI, Æneidos:

Et centum geminus Briareus, et bellua Lernæ.

HORAT. II Carm., ode 17:

Nec si resurgat centimanus gigas.

Geryonem.] VI Æneidos:

Gorgones, Harpyæque et forma tricorporis umbræ.

Ibidem VIII:

Tergemini nece Geryonis, spoliisque superbus.

De his et similibus B. Hier. epist. adversus Vigilan-  
tium, quæ incipit: Multa in orbe monstra.

Missam bicipitem.] Bifariam, vel bifaciatam,  
multifariam, addit C. Hoc est, multiplicis faciei et  
formæ.

Obviant mysterio.] Non ministerio, ut C.

Quia exprimi.] C. expriment. M. Quia officium  
exprimit, etc. Margo ad hæc: Ordinem (exprimit)  
et gemitus prophetarum desiderantium adventum  
Christi. C. et V.

407 Septies vel pluries.] Hoc verbo septies  
cavet C.

Mysteriumque.] Iterum C. Ministerium.

Utri introitum.] Non utriusque ut M.

Ab utro illorum.] Utrouque M. et V. Hic restitui  
interrogationis signum

Si a secundo.] Introitu scilicet.

Vel triceni.] Seu tricenario, ut V. Tricennale  
missarum, quod a die mortis, fidelium, usque ad tri-  
ginta dies continuus durat, videtur originem accep-  
tisse a B. Gregorio papa prout ex ejus Vita colligere  
est. Surius t. II.

Missam catechumenorum.] Quidam missam qua-  
drifariam patiuntur. Primo (Dominicus Soto in 17  
sent. dist. 13, q. 2, a. 4): ab initio usque ad Offer-  
torium, et Catechumenorum missa dicitur; 2º ab Offer-  
torio ad consecrationem usque, a Græcis αναγορά, a  
Latinis canon minor vocatur; 3º a consecratione  
usque ad communionem, diciturque canon major; 4º  
a communionem ad finem. Plura si cupis, consulte  
Controv. Bellarm. tom. V, De missa, cap. 16. Ideo  
autem Catechumenorum missa olim nuncupabatur,  
quia talibus usque ad Offeritorium licebat interesse.

Videtur quia.] V. omittit videtur.

Nondum hostia esse.] Hoc est, nondum consecra-  
tionem factam.

Obviant institutioni.] Excepto die Nat. Dominicæ  
(nisi causa necessitatis suadeat) sufficit sacerdoti  
semel in die unam missam solummodo celebrare.  
Extra De celebrat. miss. c. Consultuisti. Item De con-  
sec., dist. 1. Sufficit. Alexander II.

Bifaciuntur missæ.] Hoc est, ferent duplicis fa-  
ciei introitus etc.

Unus et alius.] *Nempe*, introitus. *C.* Unus et alius *A* casus pro libito, etc.

Utiliter approbato.] *V.* universaliter approbato. Dextrum et sibi.] *Dextrum abest in M.*

Ad gentes.] *C. Gentiles, ibique margo*: Quia indignos vos fecistis et repulistis verbum Dei, ecce convertimur ad gentes. *Verba B. Pauli et Barnabæ ad Judeos. Act. xii. Nam Judæis, qui domus Israel oves erant perditæ, potius erat prædicandum. Unde Salvator*: In viam gentium ne abieritis, sed potius ite ad oves quæ perierunt domus Israel. (*Matth. xx.*) Cum autem viderent *Judæos verbum Dei parvipendere, ad gentes, ne otiosi essent, convertebantur.*

Quam anticipat.] *C.* Quam anticipat et maturat, imo (*nota hic varietatem lectionis*) finem Ecclesiæ figurat, sic rediens (*deest* frequenter) a cornu ad cornu, etc.

Nondum significat.] *M.* Tamen nondum repræsentavit hostiam esse, etc.: *V.* Cum nondum repræsentaverit hostiam, etc.

Cum a cornu ad.] Quare redeunt a cornu ad cornu, aiunt *margines C. et M.* cum non tum hora eorum venerit? *Allusio est ad prædicta de Christo Domino*: Qui cum ejus hora veniret. *Ex Joan. xv.*

Vel insertiones missarum.] Visitationes vel omittunt *V. etc.* Pro insertiones. **408** *V. habet, insertiones. Potest admitti, quia hæc eadem sunt.*

Favorabiliores.] *V.* Favorabiles. *M.* Laudabiliores. *Dicuntur favorabiliores, eo quod a frequenti recitatione memoriter tenentur, vel quia curtiæ sunt, et ita citius expediuntur. Unde C. in latere et M. in textu*: Ut Salve sancta Parens: Spiritus Domini: Requiem, qui introitus communes sunt. *M. ex toto omittit*: Ut missa de *B. Lino, etc. usque*: Item. Cum cætera, quorum loco prædicta habet.

Item, exemplo de.] *Hoc exemplum, usque ad sequens de matrona, abest in M.*

Debita quibusdam monachis.] *Eleganter V. At C. obscurius et languidius. Sic enim*: De obventione primæ missæ debitæ monachis. *Non missa monachis est debita, sed obventio, seu oblatio. Hic unum sugero, in ruralibus ecclesiis maxime, emendandum, quod nec parochianos, neque parochos edificat. Videre est in quibusdam templis parochialibus, Offertorio solennis missæ finito, scilicet cum aut firmarium patroni loci accedere ad altare, et de manu ministri, videntibus omnibus, oblationes, devote datas a populo, accipere, quas patrono suo et domino reconsignat. Juve quidem, scio, patronus oblationes percipit, sed id occultius et multo decentius fieret, si patronus cum plebano et pastore pacisceretur, ut pro oblationibus in missa datis, quotannis honestam pecuniæ summam, aut aliud æquivalens sibi referat.*

Cum habeat auctoritas.] *B. Gregorius id exemplis probat lib. iv Dial. Post ætatem nostri auctoris S. Thomas Supplementi q. 71, ar. 42 et 43. Quorum priore docet suffragia quæ fiunt pro uno defuncto magis proficere ei, pro quo fiunt, quam aliis, videlicet ratione intentionis et applicationis particularis. Posteriore, suffragia facta pro multis non tantumdem valere singulis, ac si pro unoquoque specialiter fierent. Et ex hoc patet, ut ait in corpore art. cur institutum sit, ut suffragia specialia in Ecclesia fiant. Denique in conc. Constant, sess. 8, abhinc ducentennis damnatus est, hic Joannis Wiclef articulus 19, quo dicebat orationes speciali-er uni applicatas non plus ei prodesse, quam generales.*

Sæpius et specialius.] *Ita V. Non autem sæpius et spiritualius, ut duo voluit.*

Si tricennale unius.] *C.* Si tricennale. *Sic etiam infra*: Tricennali.

Annumeretur.] *Annumeretur male M. Id hodie practicatur. Cum enim Ecclesiæ quædam anniversariis multis graventur, et eorum proven. us insufficientes sint ad presbyterum et clericos sustentandos, de consensu diæce. aiorum, duo vel tria anniversaria in*

*A unum colescant. Nota tamen antiquitus illa fuisse celebrata sub honorario 4 aut 5 solidorum tantum, quod hodie nequit fieri nisi sub honestiori, quia victus carior est, nec sic miles ri Ecclesiæ de altari vivere possent.*

Noluit tamen eas.] *Minime, Voluit, ut C.*

Faciam tricennale.] *C. tricennalia, nisi specialia.*

Hujusmodi insertio.] *Seu, insitio, ut C. et V.*

Cum petiunt.] *Abhinc, usque, Item*: Præter duplicitem, *tacet M.*

**409** Per hujusmodi insitionem.] *V. pro hujusmodi insitione*

*Missæ sicca.] Videtur Guillelmus Esnius, vir doctissimus juxta ac piissimus in oratione Duaci habita in publico theologorum suggestu, de missis siccis quæ inter orat. ejus 19 excusis, est 13.*

Confectionis.] *Hoc verbum omittit V.*

Æque juvabit post.] *V. Æque juvabilis post.*

**B** Et præmissa hostiæ.] *Ita C. et V. Sicut et præmissæ hostiæ. Optimus est sensus et intellectu facilis, si ty præmissa ad missam siccam referatur.*

Quare igitur.] *C.* Quia igitur præmittitur hostiæ immissa (*forte in missa*) inserta, propter cupiditatem et in fraudem animarum, sine interrogationis notu in fine.

Præter duplicitem.] *V. et M. Propter, etc., sed non sapit.*

Item, missam.] *Supple hic, ut ante*: Invenit cupiditas.

Sortita decenter.] *Amanuensis M. pro S. et D. coniecit suo die. Est quidem aliqualis sensus, sed a versu aut carmine alienus.*

Et identitatis.] *C. Et identitas tollat fastidium.*

Quod fens dico.] *O pietas! o auctoris amor! O devotio circa venerabile altaris sacramentum!*

**C** Hoc tantum sacramentum.] *Belle. C. hoc autem sacramentum, non ita.*

Imagines cereas.] *Sana et genuina lectio. M. notarii abusu, viletur quondam pro cereis legisse cæsareas, sed subductis duobus punctis expungentibus sa, relinquit cereas. V. similiter cæreas, verum addito c, cereas perfecit.*

Pro strage.] *M. pro significatione interfectorum.*

Præpositorum minorum.] *Nulla conimate inter hæc duo verba interposito, quod tamen admittunt C. et M. Hic enim præpositi nomine censetur talis, qui curam gerat minorum sacerdotum, tanquam eorum præceptor et superintendens.*

Etiam sub divo.] *Vel sub dio.*

*A Gregorio octavo.] Is electus est anno 1187, sedit tantummodo 57 diebus. Exstant tres illius ep. apud Rogerum de Hoveden Annal. parte II.*

Præterquam ter.] *V. præter quantum. Non sapit.*

Osee ait cap. viii.] *C. xxv.*

Multiplicavit populus.] *Textus Bibliorum: Multip. Ephraim.*

Altaria ad peccandum. Nequaquam ad prædicandum, ut *V.*

Ita tamen quod.] *Hæc, usque, pluralitas, non admittit C.*

Peperit ministeria.] *V. peperit mereimonia. C. peperit numera.*

## CAPUT XXX.

*Tria in sumario variant. C. enim: Contra indigne communicantes eucharistiæ, M. Eucharistiam, at in margine habet: De indigne concientibus. 410* *Fragm. Camberon. de quo supra ad c. 11 dixit, sic legit: De indigne sumentibus corpus Christi.*

*In epist. I ad Cor. II.] C. notat c. LVIII.*

Probet autem se ipsum.] Multipliciter inquit C. ad A  
Iatus, examinet se sine mortali est.

Judicium sibi maud.] Unde iudicetur. Margo C.  
Non dijudicans.] Idem, ex consuetudine confi-  
rendi, vel sumendi. Hi margines ex Glossa in 1  
Cor. XI desumpti sunt.

Hoc est, debita.] Et hæc redolent doctrinam B.  
Ang. to. II, epist. 118 ad Januarium cap. 3 et 2.  
Nec absimilia quondam legi apud B. Gregorium  
tom. II, in 1 Reg. c. 1, ante medium.

Violare præsumit.] Quia pro lucro celebrat. Ora  
collateralis C.

Non secundum ritum.] Restitui ex V. Nam M.  
ex toto, C. ex parte omittit, hoc modo: Violare præ-  
sumit. Secundum ritum, vendit qui, etc.

Inidelitatis.] Glossa est in c. xv, v. 22 Joannis,  
quam solum V. habet.

Hi vero per ignor.] Quidam, non omnes, addit  
C. in margine. Ita est. Nam aliqui scientes Deum  
vel qui scire debebant, pertinaciter crucifixerunt.

Si a pueritia.] B. Augustini verba, quæ etiam ci-  
tat Cæsarius exepptorum lib. IV, cap. 55.

Si Mariæ in tanto] Magdalena nempe, quæ ob  
ardorem et seclivitatem fidel turritæ nomen sibi vin-  
dicavit, ait B. Hieron. in eptaphio Marcellæ ad  
vincipium in media.

Quomodo tibi peccatori.] Tacet V. usque, Quo-  
modo hoc scilicet, etc.

II Reg. c. VI.] C. c. LXXII.

Erat et sacerdos.] Cerro constat Ozam fuisse ex  
tribu Levi, quia filius Abinudab erat cum Abia, ip-  
sum autem sacerdotem fuisse negat Josephus his ver-  
bis: Volens eam (arcam) retinere, eum sacerdos  
non esset. Antiq. Judaic. l. VII, c. 4.

Direbatur catechumenis.] Dixi supra ad c. 28.

Habentibus scilicet charitatem.] Tria hæc verba  
ex solo C. desumpti, ubi charitas sumitur pro dile-  
ctione, quæ habitum charitatis præcedit.

Circa hoc.] C. circa hoc.

In suburbio.] Per suburbium, navim, seu par-  
tem anteriorem ecclesie interpretor.

Non dissilio.] Revocat auctor in dubium. His au-  
tem facte est lectori colligere, quam exacte auctor  
ponderet et quantum æstimet irreverentiam circa hoc  
sacrosanctum Eucharistiæ sacramentum commissam;  
neque profecto censendus est aliud practicasse quam  
docuerit et censuerit.

Sanctificatis.] M. et C. Etiam sanctis.

Item constituit.] Absunt hæc in V. usque: Item  
Exod. XI.

411 Et solemnem.] M. In solemnem (saltat  
hic ad 2 lineas) in condensis omnium articulorum  
fidei.

Lacrymarum.] Iterumque saltat M. usque, us-  
que ad cornu.

Exodi XII.] C. XVIII.

Succinctus renes.] Expositio hujus historie hæ-  
betur apud B. Greg. hom. 22 in Evangelia.

Decoctus etiam.] C. Doctus etiam in elibano.  
Tolerabile est, si doctus pro probatus tanquam aurum  
in fornace, hoc est in omni tribulatione, etc.  
Sap. III.

Totus virtutibus.] C. totis viribus.

Unde, calcatei.] Hic tacet V. usque, Item, ad  
terrorem.

Effusionem oculorum.] Conetis scilicet condensis  
supradictis, ait C. in collateralis ora.

Ad calicem pietatis.] Versus Hildeberti episcopi  
Genomanensis de ipsa Mariæ Aegyptiaca nondum ty-  
pis excusi sunt, ut notavit Molanus in not. ad  
Usuardum, 2 Aprilis.

Mactat.] M. Macerat.

Acredine pravitatis.] M. Impietatis. Utiqve va-  
let.

Sed non numine.] Fragm. Camberon. Sed non  
nuuere. At M. Et non numero.

Carni, mundo.] V. sic, Abrenuntiando mundo et  
concupiscentiis ejus.

Marcus abscondit.] Si ratione in textu allata S.  
Marcus sibi pollicem abscondit, non peccavit quia  
hoc creditur fecisse ex instinctu Dei, ut habet S.  
Tho. 2-2 q. 185, a. 2, 3. Id verisimiliter acceptum  
ex prologo Hieronymi, titulo in Evangelium Marci,  
in quo sic legitur, non tamen assertur: Denique  
amputasse sibi potest fidem (sic) pollicem dicitur,  
ut sacerdotio reprobis haberetur. Hic prologus ha-  
betur in Bibliis Anglicanis deauratis, quæ tempore  
Gregorii papæ I vel Caroli Magni scripta sunt. Item  
in Bibliis regiis, hoc titulo: Prologus S. Hieronymi  
secundum Marcum: at Biblia Lovaniensis a docto-  
ribus Lorun. correctæ, et edita anno 1517 omittunt,  
nec creditur esse B. Hieronymi, sed Græci ejus-  
dem, inquit Molanus, libro de Picturis, ca. ite trice-  
simo octavo (vel in editione secunda libri secundi,  
capite quadragesimo septimo) et addit: Idem præ-  
satur in Joannem: Hic est Joannes Evang. quem de  
nuptiis volentem nubere vocavit Deus. Suspicio au-  
tem hæc eum habere ex apocryphis scriptis hæretico-  
rum, qui nuptias damnaverunt, et eorum, qui sui  
ipsius mutilationem licitam esse defenderunt. Apud  
alios enim historicos, aut veteres scriptores, neutrum  
facile reperies. Dicit autem si Nicolaus Zegerus in  
præfatione Novi Testamenti, quod ipse castigavit, se  
has præfationes offendisse in vetustiss. Bibliis ante  
annos mille ascriptis, etiam si incerti sint auctoris.  
Hactenus Molanus dicto c. 58 quem sequitur Petrus  
Galesi in suis notis ad Rom. Martyrol. die 25 Aprilis,  
quo festum S. Marci celebratur.

Rursum quod in dicto Prologo de Marco dicitur,  
fabellam vocal, et rejicit Baronius 412 tom. I An-  
nal. anno Christi 45. Jacobus de Vitriaco, qui Petro  
Cantore, auctore Verbi Abbreviati, non est multo  
posterior, idem recenset tanquam rem veram in hi-  
storia Occident. c. 30, uti et S. Thomas, loco supra  
citato, citans actum B. Hieronymi prologum.

Lucas Pinellus in Dialogo de Communione id re-  
fert de Marco anachorita, uti et Joannes de la Huye  
Sec. Jesu in Appar. Evang. c. LIV, ubi de auctore  
predicti prologi, sic ait: Verum constat illum pro-  
logum incerti esse auctoris, non S. Hieronymi nec  
magne auctoritatis esse, quæ in eodem dicuntur,  
nisi alterius probati auctoris testimonio fulciantur.  
Eandem historiam describit Petrus de Natalibus in  
Catal. sanctorum l. IV, cap. 86, et Claudius de  
Rota, sed parum habet probabilitalis. Sic ille. Quem  
vocat Claudium de Rota, est Jacobus de Voragine,  
ejus legendam auream vulgo dictam (Melchior Can-  
nus in libro de locis Theologicis vocat plumbeam)  
edidit ille Claudius de Rota, ut patet ex præfa-  
tione.

Eximius dom. mag. noster Franciscus Sylvius ad  
locum S. Tho. citatum docte eandem fabellam resu-  
tat his verbis: Quod in argumento 3 objicitur de Sancto  
Marco Evang. quasi pollicem sibi amputaverit,  
ut indoneus esset ad sacerdotium, fabulosum est.  
Constat enim ex historiis eum fuisse et gubernasse  
Ecclesiam Alexandrinam, id quod sine sacerdotio  
facere non potuit. Fecisse hoc ipsum legitur quidam  
Marcus Anachoreta, et ex nominis consortio ascri-  
ptum fuit S. Marco Evangelistæ quod iste alius fecit.  
Sic ille.

Jam ante, idem dicto anno scripserat Baronius:  
Sed et illa, inquit, ore vulgi potius decantata, quam  
majorum auctoritate asserta fabella rejicitur. Mar-  
cum adeo repugnasse ne episcopus fieret, quantum-  
libet esset rogatus a Petro, ut ea de causa pollicem  
sibi ipsi præsciderit. Hoc etenim, quod a quodam  
Anachoreta factum esse constat, Marco Evangelistæ  
imprudenter nimis ascribitur.

Certe illicitum esse membro aliquo se mutilare do-  
cet lex naturæ, et S. Tho. 2-2 q. 65, a. 1, et disertè  
prohibitum in Conc. Nicæno 1, can. 1. Et iste Anu-



choreta non est laudandus in eo facto, nisi id egerit A  
divinitus inspiratus. Quis autem fuerit Marcus ille  
Anachoreta in Vitis Patrum non inveni.

Tamen sacramentaliter. ] *Hallucinatur M.* Ta-  
men aliter sumperat.

Illicita afferunt. ] *V. offerunt.*

In Vitas Patrum. ] *Hoc omisso sic V. et M.* Item :  
Quidam, etc. *Hic liber dictus Vitas-Patrum apud  
aliquos parvæ est auctoritatis, imo tanquam apocry-  
phus rejicitur. Ita Mathias Felisius Minorita in  
elucidatione institutionis Christianæ dist. 41, cap. 4.*

Non conficiam. ] *Ob reverentiam, inquit Margo  
C.*

Ab episc. Ægypti. ] *Ly Ægypti, omittit V.*

Il est letam juventam. ] *Variat V. sic : Ad Denu  
qui lætificat juventutem meam. Jam juventutem,  
scilicet gratiæ, mihi tribuit in re, juventutem etiam  
gloriæ in spe. Juventus, etc.*

413 Assistentium contra te. ] *C. coram te.*  
Vindicare paratorum. ] *C. inverso ordine : Parare B  
vindicatorum.*

Tempore quo supplex. ] *Versus Hildeberti episcopi  
Cenomanensis de mysterio missæ. Plane similem  
sententiam legi apud B. Gregorium, iv dialog., c. 58,  
in fine.*

In Exodo. ] *C. in margine c. 5.*

Locus enim in quo. ] *Aliter supra, aliter hic ac-  
cipitur, ait C. in margine. Explico. Supra, ex Josue  
v, Hic ex Exod. iii.*

Maculatus. ] *M. Immaculatus de immaculato, sed  
vilioso.*

Ad osculum capitis. ] *Tria in margine : Est oscu-  
lum pedum, manuum, et capitis.*

Gradusque suos. ] *Non est ascensus, sed intrusio,  
vel ingestio, ait Margo C.*

Sedisti ad mensam. ] *His verbis citat hunc locum  
B. Aug. juxta vers. 70 Prov. xxiii. Vide t. IX, tr.  
47 et 84 in Joann., et t. X, Sermon. 45 De sanctis, qui  
in novis est 122.*

Innumera apposuit. ] *C. in mensa apposuit, forte  
immensa.*

Fercula et dona. ] *Quia dedit dona hominibus,  
accepit dona in hominibus. Ita C. in latere. Dona  
hic, talenta sunt differenter donata, de quibus Mat-  
thæi xxv, et ad Ephes. iv, v. 8 et 11.*

Pro nobis pretium. ] *B. Thomas theologorum sax,  
inquit :*

Se nascens dedit socium,

Convalescens in edulium,

Se moriens in pretium,

Se regnans dat in præmium.

Si stigmata Domini. ] *Non diaboli, non splendorem  
vestium. Margo C.*

Item Ps. cxvii. ] *Usque ad finem capitis, V. et  
Fragm. Camberonense lucent.*

### CAPUT XXXI.

V. pro summario habet : Contra belluas multo-  
rum capitum : *M. præter illud textus, in margine  
legit : De pluralitate personantium, forte persona-  
tum. De Geryonibus dictum est ad caput 29.*

Non absimilis. ] *C. Non absurda, non absona.*

Personatum. ] *M. Personalitatum. C. persona-  
rum. De personatum pluralitate agitur, extra de  
præbendis et dignit. Ad hæc licet.*

Personatus vero in quibusdam ecclesiis vere est be-  
neficium, ut Aldenardæ in Flandria, ubi quatuor  
sunt Pastores in eadem Ecclesia, et singuli per suas  
hebdomadas faciunt officium. Horum dignior personæ  
vocatur. Aliquando non est beneficium, quia personatus  
etiam a laicis possideri potest ; sicut esse custodem  
Ecclesiæ non est beneficium, sed officium. Sic rex  
Franciæ est custos Ecclesiæ S. Quintini ; episcopus  
Leodiensis est custos in Halem, quod et in titulis eius  
exprimitur.

In personatibus. ] *M. in personalitatibus, ut su-  
pra.*

414 Locus Ecclesia ] *Non ut M. Locus in Ec-  
clesia, quia de Ecclesia non de loco sermo est.*

Adversus quem, scilicet locum. ] *V. adversus quem, scilicet locum.  
Transeunt.*

Primipilus. ] *Qui pilum desert ante regem aut belli  
ducem. Pilum est telum quod explo. titur priusquam  
ensis defensus evaginetur.*

Armiger. ] *Qui præfert arma ducis belli.*

Constabularius. ] *Seu constabularius. Gallice, co-  
nestable ; hoc est comes stabuli, comite de l'estable,  
qui equorum regis curam habet, alias escuyer, sen  
esquier. Videatur libellus Gallicus Parisiis excusus  
anno 1600 hoc titulo : Origines des dignitez et ma-  
gistrats de France, recueillis par Claude Franchet :  
locus est l. ii, c. 7. Hoc constabulari vocabulo utitur  
Greg. Turon. historiæ sur l. iii, c. 52, ubi de Justiniano imper, loquens : Cumque imperator vidisset,  
quod Belissarius crebrius vinceretur, amoto eo,  
Narcelem in ejus locum statuit. Belissarium vero  
comitem stabuli, quasi pro humilitate, quod prius  
fuerat, posuit. Eadem voce usus est Aimoinus in  
hist. De gestis Francorum l. iii, c. 42 et c. 70 ; sic lo-  
quitur : Laudegitibus regalium præpositis equorum,  
quem vulgo comistabilem vocant, etc. Sed aliam  
quoque hujus nominis etymologiam referi Jacobus du  
Breul, monachus S. Germani a Pratis (cujus etiam  
memini prædictus Franchet. c. 7) in Indice Aimoini,  
ubi sic legitur : Comes stabuli, qui et comes custo-  
dum equorum regiorum dictus est. Item : Regalium  
præpositum equorum vulgo comistabilem vocant,  
quasi comitem stabilem. (Eo quod nunquam muta-  
retur, ut interpretatur Franchet.)*

Et respexit Mon-  
morentius cum hac præcæta dignitate insignitus  
pro simbolo assumpsit Aplanos, quæ dictio Græca,  
firmum, stabilem, non vagum, significat.

Priorem derivationem sequitur Franciscus Ragueus  
in libro : Indices des droits royaux ; dicens : Le  
conestable estoit le grand escuyer πρωτοστράτωρ,  
et avoit la superintendance sur l'estable ou escuerie  
du prince. Et les mareschaux estoient les escuyers.  
Et infra : Apres que l'office du Maire (hic est major  
domus regie) du palais fut abol, furent créés officiers  
pour le fait de la guerre, l'un nommé connes-  
table, et autres moindres nommés mareschaux, pre-  
nant chevaux, pour gens de cheval par figure. Et  
infra : Le conestable de France est chef principal  
apres le Roy.

Senescalcus. ] *Hoc vocabulum omiserunt M. et V.  
Idem Franchet qui supra l. i, c. 10, Senescalcum d-  
cit significare præpositum mensæ regis, citans aliquot  
versus ex romantio Radulpho Cameracensi :*

Son seneschal à Raoul appelé

Qui d'el manger le servoit mieux à gré.

Item :

Et ly baron sont à tables assis,

415 Ly seneschal s'en sont bien entremis.

De bien servir chacun fut bien appris, etc.

De eodem vocabulo dictus Franc. Ragueau in suo  
indice : Hæc vox, ait, videtur Anglica vel Germanica,  
comme si c'estoit vn officier qui at charge de la fa-  
mille, et semble estre d'une langue mesme que ma-  
reschal. Scal et scabin, signifie juge, inquisiteur, et  
réformateur ; unde Eschevin, Scabinus. Dapifer di-  
ctus est seneschallus, et præpositus mensæ siniscal-  
chus, etc. Hodie est comes provinciæ. Hæc ite.

Dextri cornu Bellici. ] *Per hos auctor intelligit  
marchiones. Quibus in bello committitur marcha, seu  
limes aut metu custodienda marchiones seu comites  
imitanei vocantur. Videatur Georgius Colvenerus in  
notis ad Baldernum lib. ii, cap. 26, in fine.*

Tanto sit plenior. ] *C. et M. Tanto sit plenior,  
sed falluntur, ut ex glossa B. Aug. in hunc locum,  
liquet.*

Pleribus intentus. ] *Intermittunt M. et V*

Millenarios. ] *Hæc desumpta sunt ex paraphrasæ  
Græca, quæ cum præcedentibus eadem sunt, unde  
tanquam supervacanea sepe intermisi.*

Quare ergo.] C. Quia ergo.

Idem decani et archid. ] *Hoc est, unus usurpat officium decani et archidiaconi simul.*

Idem duo archidiaconi. ] *Id est, unus et idem duos habet archidiaconatus.*

Vel alium officium.] C. *pervertit sensum: ait enim sic: Vel alium qui haberet de his ex officio suo iudicare officialem.*

Et plura officia. ] C. *Et popularia officia.*

Sacerdotem concubinarium. ] *O scandala!*

Virum de tribu sua. ] *Hoc est, de congregatione et confraternitate sua, non aliena. Perperam C. legit, de tribu Juda.*

Ne minister unius. ] M. *in margine: Sed ne in eadem unus diversa habeat officia, hoc est, sub eodem lecto.*

Et qui utilis erat. ] *Qui enim: multa complectitur, difficilius constringit; vel: In multa divisus, ineptior est ad singula.*

Speciosam domum. ] *Ecclesiam nempe. Ita placet Cassiodoro.*

Spolorum speciei domus. ] C. *Hanc divisionem spolorum domus. M. Hanc etiam divisionem speciosae domus. Utrumque mancum est.*

In Evang. c. xi. ] C. xxix.

Item Isaias. ] C. *notat c. xxviii.*

Mane colligens. ] *Textus Biblicus: Mane comedens praedam.*

Varietas cantuum. ] *Commendabilem facit (caetera omittit M.) causa lectionum, responsorium, etc.*

Antiphonarum, ornatuum. ] *Inter haec verba: Antiphonarum et ornatuum, 416 C. intermiscet haec, Quae non commiscerentur ut capitulum sit antiphona: Sed revocari ad notas, monitus subductione punctorum ipsa expungentium a textu V. tanquam supervacanea.*

Consonantium. ] *Hoc verbo carent M. et V.*

Jacobi cap. iii. ] C. vi.

Dicit interlinealis. ] *Glossa nempe. Hoc solum C.*

Si prohibitum est. ] *Id habetur in appendice Conc. Laeran. III, sub Alexandro III, in multis canonibus, sub titulo: Uni plura ecclesiastica beneficia non committenda, nec unum inter plures dividendum, etc.*

Non plures uni. ] *Glossa est interl. in c. iii Jacobi, ver. 1.*

Qui altaribus servit. ] *Absunt haec in C. et M.*

Pro rata temporis. ] *Vel absentiae. C. pro rato temporis, utique valet. Aestimatur enim tempus quo clerici absunt aut intersunt choro, ut aequivalenter eis fiat distributio.*

Et servitium hujus. ] M. *Ad honorem Dei et Sancti hujus Ecclesiae.*

Figmentum adolescentis. ] *Papyrii praetextati. Ex eo enim nomen accepit, quod in praetexta et adolescentia magnopere visus est sapere. Totam historiam (Macrobius verbis in Saturn.) referebat in margine V. sed praetermissi, Lectorem eo remittens. Simile huius exemplum refert de Tito Veturio filio Veturii Val. D. Maxim. lib. vi, cap. 1.*

Ad ostium Capitolii. ] C. *male: Ad hospitium Capitolii.*

Secularibus jurisdictionibus. ] *Haec contra ecclesiasticas distinguuntur.*

In Ecclesia S. Mederici. ] C. *hoc habet in margine; at V. in textu Parum absuit quin a textu expunxerim. Non enim induci possum, ut credam auctorem nostrum, virum sanctum, capitulum aut ecclesiam S. Mederici Parisiis exstructam nominatim reprehendisse, quia in toto hoc opere simile quid non adiecit. Unde reor amanuensem V. hic notum marginalem in textum reposuisse, sicut multis aliis locis fecit, prout ipse quoque in c. 97 subnotatum retulit. Festum ejus notatur in Romano Martyrologio die 29 Augusti.*

Duas legiones facere. ] *Tria legationes.*

Super marantibus. ] *Forte morantibus a mora, vel*

A *tarditate. Nam tardi moras dicuntur nectere. Non enim absentes tantum, sed et sero venientes ad officium divinum tazantur.*

I ad Cor. c. xii ] C. cap. LVIII, V. LIX.

Humanae necessitatis. ] V. et M. *haec non admittunt.*

## 417 CAPUT XXXII.

V. et M. *praecedens hic non dividunt caput.*

Omnia Caesar erat. ] *Lucanus' Belli Phars. lib. iii, haud procul ab initio. M. Omnia Caesar habet. Hoc hemistichium legitur quoque in Alano poeta l. x.*

Sola Gallia caret monstris. ] *Si corporeis careat, non tamen spiritualibus, iis scilicet, qui plura beneficia ecclesiastica, vel dignitates, tanquam capita diversa sibi usurpant et astruunt, sicut de Vigilantio, in epist. ad eundem, beatus Hieronymus conqueritur.*

Epist. incipit: Multa in orbe monstra, qua ut apparet, auctor usus est hoc loco. Monstra ecclesiastica ortum habuerunt maxime tempore Caroli Martelli circa annum 720. Unde ille merito aeternas poenas luit et constat ex Vita S. S. Rigoberti archiep. Remensis et Eucherii Aurelian. ac etiam ex annot. corporis canonici 16, q. 1. Quia.

An cum dignitatis. ] C. *An dignitatis nomen: in idem vergit.*

Forsan offenderetur. ] *Pro ambitione et superbia. Non omnino eliminandum ostenderetur, ut habet M. pro haberetur risui, vel, ut loquuntur, digito monstrare'ur.*

Appropriari ei. ] *Recte. Non autem approbati, ut M.*

Quo teneam nodo. ] N. S. *nostra cum impressis Horat. l. i, ep. 1:*

Quo teneam vultus mutantem Protea nodo? Rusticus de Sancecio. ] V. De Sancecio: *addit quoque: proprium nomen oppidi, quod Latine dicitur Sanctum Caesaris, quia Caesar illud firmissime construxit ad tuendas Gallias.*

Hanc etiam personam. ] V. *videbatur velle hic inchoari novum caput, sed sese infra tacite correxit, appositis in ora punctis quatuor rubeis.*

Multos brevianos. ] *Sana est lectio. Quid hoc M. multos binarios?*

Moveat cornicula. ] *Horatii hemistichia duo ex l. i, ep. 3.*

Furtum etenim est. ] *Ita l, q. 2. Clericos: Post B. Hieronymum ad Damasum papam, cujus verba sunt: Qui bonis parentum et opibus suis sustentari possunt; si quod pauperum est accipiunt, sacrilegium profecto committunt, et per abusionem talium iudicium sibi mandeant et bibunt. Clericos autem illos convenit ecclesiae stipendiis sustentari, quibus parentum et propinquorum nulla suffragantur bona. Sed quid? etiam divites: Ita secure (ait C. in margine) habent triginta ecclesias, vel praebendas, vel dignitates, ut viginti arpenas vineae vel terrae.*

Quid sit arpena, vel arpenna terrae paucis edicam. Arpina, Galliae Arpent, etiam aripennis Latine dicitur. Hac voce utitur Gregorius Turon. Hist. Franc. lib. v, cap. 28, ubi scribens Chilpericum regem suos tributis gravasse, ait: Statuens, ut possessor de propria terra unam amphoram vini per 418 aripennem redderet. Haec dictio etiam in Chronicis Reginonis legitur l. x codicis Visigothorum tit. x, c. 14; est autem idem quod iugerum (ut scribit Hagueau, de quo in notis ad caput praecedens) dictum quasi aripendium, vel arypennium. Sic veteres solum vocabant, quo agros metabantur, vel perticas. Continet autem aripennis, ut idem scribit, centum virgas, virga vero 26 pedes, aliquando minus habet secundum diversitatem locorum. Unde in quibusdam pagis mensura aut longitudo virgae arpena est, vel inserta muro ecclesiae, vel campanius loci.

## CAPUT XXXIII.

Et sancta unitas.] *Unitas ab unico deducta est, unitus ab uno.*

*M. pro unitas, ubique habet unitas. Unus ex multis dicitur, sed unicus solus est.*

Unicus et pauper.] *Unitate fidei, actuum, reddituum. C. in latere.*

Fidei sacramentorum.] *V. est fidei et sacramentum et morum Notarii abusus.*

Partire onus.] *Hoc abest in C.*

## CAPUT XXXIV.

*M. Caput præcedens continuet.*

Qua quis singularitatem.] *Ut Judæi et Pharisæi, C. ad Iulius.*

Duplici matrimonio.] *Non, de duplici numero uxorum, ut M. et G.*

Induci possunt.] *M. includi possunt.*

Ad procreandum sobolem. Nil melius. Ergo excludere procurandum, ut vult *M.*

Si hæc susceperint.] *C. omissis iis quæ sequuntur immediate, ait: Si hæc susceperint ad multiplicandum filios.*

Eo quod Rachel.] *C. variat: eo quod Rachel, Ecclesia aliqua scilicet, secundior in obventionibus temporalibus, fructibus, præponatur Liæ, secundior tamen in fructu spirituali: sed in margine videatur correctum pro nota: In obventionibus temporalibus præponitur Liæ fecundiori. M. in textu eandem habet quæ C., demptis his: Et temporalibus fructibus.*

Duabus ecclesiis.] *Quod tamen inhibetur 21, q. 1. Clericus.*

Sed nec uni medico.] *M. vacat, usque Item: In alios.*

Ubi vertitur.] *C. Ibi vertitur.*

Deut., c. xxviii.] *C. LXII, V. LXVII, M. XLIII.*

Ministret. C. ministret in ea.

Sed contrarium est.] *M. Sed in contrarium. Etiam bene. C. non sapit: Sed continuum est eis.*

419 Non pastinant.] *Non sodiunt ligone. Quid pastinant C.?*

Non paxillant.] *Paxillis non circumbant aut sequuntur. A paxillis, pati dicuntur per abbreviationem, sicut ab azilla ala. Ita Cicero in Oratore.*

Pro Marrantia.] *Exposuimus in notis ad c. 51.*

Cum in eis una die.] *M. omittit hæc, usque: Sed in quadam.*

Primus bigamiam.] *M. Prius bigamiam. Equivaleat.*

Et deinceps.] *Tacet hic M. usque: Item: Isaias.*

Relinquit hæredem.] *V. Relinquant omnium hæredem congregatorum, etc. Peccat in numero, quia prius legit: Talis, etc.*

Isaias, c. v.] *V. et C. c. xiii.*

Væ qui conjungitis.] *Et si ipse monachus, propalabo margines C. et M. dicentes: Contra monachos incircumcisos magistris. Plura vide in Glossa morali in hunc locum Isaiæ.*

Agrum agro.] *Viz revelo C. argumentum argumento.*

Loci majoris.] *Nec male M. Loci maris.*

## CAPUT XXXV.

In Evang. Joan., c. 1. V. et C. c. LXXXIX. *Expositio hujus loci Scripture sumpta est in Glossa cum interl. tum ordin.*

Per ostium, Christum.] *V. Per ostium id est per Christum humilem, scilicet ne erectus, etc. Duo magis placent, etsi V. suo sensu valeat. C. in margine: De falso ostio intrandi in ecclesiam. Hæc etiam in margine textus reposui.*

Quoquo modo.] *C. notat in margine: Triplici munere quoocunque, vel carnali affectu. Per triplex munus intellige, munus a lingua, a manu et ab obsequio. 1, q. 1. Sunt nonnulli.*

Pseudo et mercenarius.] *M. omittit et, commate tamen distinguit.*

Si non: quod non suum.] *C. Si regimen anima-*

*rum ei commissum est; si quod non suum est, ut patrimonium, etc.*

Sicut raptor absconditus.] *Hic est pejor raptor absconditus violento, aut C. in latere.*

Abscondita Scripturarum.] *Subaudi aperit. Hic plurimum variat M. Sic autem: Aperit ampliorem viam ad beatitudinem, abscondita Scripturarum quærendo, non confessionum et consiliorum. Forte amanuensis scripsit quærendo non, pro quæstionum.*

Ignorantia vel peccati.] *Glossa interl. est.*

De cuiusmodi nominibus.] *V. De cuius quatuor nominibus dicitur.*

Ut generis.] *Abest in M. et V.*

De Ægypto.] *Omittit C. usque: et oves illum sequi vitæ merito et exemplo.] Unicum V. addit, et exemplo, ex Glossa in x Joan.*

420 Veritas in promisso.] *Glossa in hunc locum.*

Incendium æmolorum.] *Glossa interlinealis in hunc locum: Incendium invidorum.*

Fructificatio virgæ.] *V. fructificatio virgæ.*

In Numeris, c. xvii et xviii.] *Tria c. XLIII et XLIV.*

Ad Hebræos v.] *C. et M. Ad Heb. vii.*

Nec quisquam.] *Margines duo: Quoocunque modo, nisi (M. per Christum potentem) secundum Christum potest.*

Duos tantum elegerunt.] *Barsabam et Matthiam Act. i.*

Per peregrina et cæca.] *Per ex solo V.*

## CAPUT XXXVI.

V. Prosequitur præcedens caput absque ulla intercapedine.

Coritarum.] *V. Coreitarum. C. viz dico: Corinthiarum. Quinam sint Coritæ et quam grave malum sit eorum intrusio ad ecclesiastica beneficia, dicitur C. infra c. 41.*

Et majorum.] *Per majores, intellige potentes viros sua auctoritate clericos intrudentes in beneficia ecclesiastica. C. pro majorum, legit aliorum.*

Hier. in epistola sua.] *Horum loco dicrem: Hieronymus in commentario in c. 1 Epistolæ ad Titum, sicut citatur 8, q. 1. Moyses.*

Ut non querant.] *Restitui ex originali et ex Gratiano 8, q. 1. Moyses. Tria: Ut nequeant.*

Amant privato amore.] *Id ad sanguinitas pertinet. Dicuntur sanguinitæ, quia ratione sanguinis a parentibus et cognatis sunt introducti, Coritæ, qui per potentiam et auctoritatem majoris intrusi sunt. Simoniaci, qui pecunia aut alia re vel obsequio, pretio aestimabili, intronissi sunt. Ad hæc accedit margo: C. Caro nullos dilexit vel odivit privato amore vel odio, sed vitæ merito:*

... Privati nil habet ista domus.

Verba tamen illa: privato amore, non sunt in Hieronymo nec Gratiano.

Quasi ad horam.] *Nam, ut idem margo: Captus et crucifixus inermis fuit. Eadem c. 27 habentur.*

Sed gladiis, contis.] *A Boetio monitus, ita censui restituendum De cons. phil. Is enim: Tu cui nunc cotum, gladiumque pertimescis sollicitus, etc. Contus pertica est gracilis, acuta ferro, defensionis apta. Alias, præter acutum, etiam aduncum habet ferrum. Tali utuntur nautæ, ut loca navi nociva detegant. Hinc percontor, ut placet Donato, quod est inquiror. Hodie percontor. V. legit: Sed gladius contis. C. Sed gladiis eruentis. M. Sed gladiis cinctis. Quanta adversitas!*

Trium modorum eligendi.] *M. Prædictorum trium virum eligendi.*

Præsit morum honestate.] *Hæc vide 1, q. 1. Hi quoocunque: et: Villissimus.*

Simonia fuit.] *Quia erat venditio rei sacræ*

421 Si sacerdotium idolorum.] *Vere non erat Simonia, quia idolum non est res sacræ; sed quia ab*

idololatris talis habebatur erat Simonia, sicut Antiochus volens spoliare templum in Persepoli erat sacerilegus. II Machab., c. ix.

Sacerdotes excelsorum.] C. et M. Quod sacerdotes excelsorum, honestatem morum et ritum vendi, habebant de officio predicare.

In Luca, c. ii.] M. c. LXII. C. LVII.

Ut de illis.] V. addit escam : Ut det illis escam. Bonum quidem ex Psalm. CXLIV, sed non ad rem.

Amurcam.] Olei faciem.

Sacerdotibus Belis.] C. Beli.

In Sancta sanctorum.] V. et M. In cœtum sanctorum.

Dent. c. xx.] Tria, LXXXIII.

Alius dedicet eam.] M. inter lineas super dedicet, legit, intret.

Fungatur officio ejus.] C. horum loco habet : Et alius accipiat eam. Fallitur.

Pædagogis indigent.] Memini illius comici : Cui opus est patrono, mihi parant defensorem. Et cui opus est pædagogo, mihi institutum doctorem. An non pertimescit dux religiosorum fieri, inquit B. Gregorius, qui miles nunquam existit? Registri l. iv, c. 85.

Praelati viriles ætate.] Extra de elect. episcopi aetas statuitur xxx annorum, curati 25, beneficiati simp. 24. Cum in cunctis. Alioquin infra constitutum aetatem electi, beneficio privandi sunt. Ibid. paragrapho, inferiora : Clerici, conc. Trid., sess. 25, c. 6.

Qui in virtute.] Operum, exemplorum, doctrinæ virtutum. Margines duo.

De inter bona, meliora.] M. in latere, a simili probat, ut : De pisis eligendis ad esum ab ancilla.

Notificari.] M. ad latus : Et deprehendi.

Quotiescunque ab homine.] C. Quotiescunque nunquam ab homine. M. Quoties unquam ab homine.

Caro et sanguis.] Ratio scilicet consanguinitatis, non scientiæ, non morum, aut alterius prærogativæ in beneficiato, aut beneficiando requisitæ.

Peccatum alterius generis.] Nempe, acceptionis personæ. Gravior enim peccat, qui, etiamsi digno (digniorum tamen prætermittens) confert beneficium eccl. Id docet S. Tho. 2-2, q. 73, c. 2. Quanto magis peccat, qui indigno confert? Indigno autem, quantum ad scientiam necessariam, vel morum compositionem, vel aptitudinem ad exercendum officium. Qui enim in uno tantum horum trium peccat, vincitur de injustitia in acceptione personæ commissa. Non est autem Simonia, nisi conferens intendat aliquod bonum proprium. Idem ibidem q. 63, art. 1, c. et 2 ad 3. Item, q. 110, art. 5 ad 2.

Et Mortale.] Ne Verbum prolongatum potius quam abbreviatum reddam in examine hujus capituli, consulto supersedeo, lectorem remittens ad S. Thomam 2-2, 422 q. 63, art. 2. Alensem p. II, q. 156, m. 2. Franciscum Sylvium Duceuæ academiæ S. T. doctorem in hunc locum S. Thomæ, ubi casus recitantur, in quibus consanguineo licet conferre beneficium ecclesiasticum. Hodie adolescentes beneficiantur nec scientia, nec sufficientia, ad officium peragendum capaces. Excusantur in eo quod probabiliter fururi sint digni, cum ætate maturaverint. Sed attendant collatores, quod beneficium datur propter officium.

Non dissimulo.] Desinitur hodie infiniti beneficiati, et quidem absque ullo scrupulo.

Obsequium sordidum.] Adulatorium et hujusmodi. Ita margines duo. Per obsequium sordidum, intellige servitium indebitè impensum, ut ait B. Hieron. VII, in Psalm. xxv, ad illud : Dexteræ eorum repleta est numeribus, ubi triplex munus distinguit.

Ad sumptus episcopi.] M. in textu legebat : Assumptus, at in ora sic correxit : Assumptus pro-

prios cum aliquo mi... pro beneficio ecclesiastico suum est.

Mallet esse fur.] Ex duobus malis, minus eligendum est. Fur sustigari præcipitur, latro occidi, prout c. 41 ostenditur. Fur domos invadit ut rapiat : latro in via homines spoliat et non raro spoliatos perimit. Unde Horatius : Ut jugulent homines surgunt de nocte latrones.

Quam Corita.] Datur ratio infra c. 41.

### CAPUT XXXVII.

Ut ecclesiast. sacramenta præter matrim.] Cum definitum sit in conciliis Tridentino et Florentino omnia sacramenta gratiam conferre, non est id negandum de matrimonio. Sed auctor videtur secutus magistrum Sent. in 4, dist. 2, ubi inter sacramenta sic distinguit, quod alia sint in remedium contra peccatum, et gratiam adjunctam conferunt, ut baptismus ; alia in remedium tantum sunt, ut conjugium, ubi merito in margine notatum est : Hic non recte sentit Magister. Attamen S. Thomas in eamdem describens. Magistrum ab errore vindicat, dicendo, dum ait matrimonium esse tantum in remedium, loqui de fine vel effectu ad quem principaliter et directe est institutum. Et si enim omnia sacramenta valeant contra peccatum et auxilium præstent ad bene vivendum, recte tamen sic distinguuntur, quod quædam sint principaliter instituta ad juvandum hominem in bono, ut confirmatio, eucharistia et ordo ; quædam ad remedium contra peccatum, vel delendum ut penitentia et extrema unctio, vel vitandum ut matrimonium. Unde B. Thomas : Matrimonium directe ordinatur ad reprimendum concupiscentiam, quæ concurrit ad actum matrimonii, et ideo, inquit, Magister dicit, quod matrimonium est tantum in remedium, sed hoc est per gratiam, quæ in eo confertur. Sic ille : Baptismus vero est ad utrumque effectum. Per eum enim vetus homo moritur, et novus nascitur.

423 Ecclesiæ consecrata.] V. vasa et vestes, ecclesiæ consecrata.

Prima impretabilia sunt.] Nimirum, virtutes et miracula, ut supra habetur.

Conflata omnibus vendi.] Vasa et vestes ecclesiæ ratione materiæ vendi possunt (dummodo nil pro consecratione accipiatur) et ad usus profanos converti, ablata tamen prius forma, et similiter vas contractis. Nam post concussionem censetur purum metallum. Videatur S. Tho. 2-2, q. 100, a 4 ad 2.

Deo semel dicata.] De consec., dist. 5. Nemo. Archid. Item causa 1, q. 3 : Si quis objecerit. Extra de religiosis domibus c. Ad hæc, et in vi, Regula 51. Semel Deo dicatum, non est ad usus humanos ulterius transferendum.

In Num., cap. xxxi.] M. et V. c. LXVI in fine.

Ergo pro tricenariis.] Id solvit S. Tho. 2-2, q. 100, a. 3, ad 2.

Sic qui dignitatem.] M. Sed qui dignit.

Non submissurus collum.] M. et C. submissurum. Notam et indicam.] Indicam, signum vocat. C. indicia.

Pactio vocalis.] M. pactio voluntaria. Non sapit.

Indicata est.] Tria sic habent.

Effectiva Simonie.] Non affectiva, ut M.

Dare autem est.] C. dare autem est, quandoeunque dare illud vel accipere. M. dare autem est quandoeunque ita et accipere.

Per conjecturas.] Ut si dixerit : Ingratus est mihi ille cui benefici. Ita margines duo.

Ingressus ejus in illud.] C. ingressus ejus ad tale, etc.

Vel frustulum.] Parvum frustum. Hoc exprimit M. in margine : Tranzun Gallice : une tranche.

Collatum a sacerdote.] Non, illatum a sacerdote, ut M. et C.

Non idcirco alligatur.] V. legebat in textu quod

duo in ora laterali : Non ideoque attulatur, alligatur, etc.

## CAPUT XXXVIII.

Fractura ostii.] *V.* Fractiva, at infra fractura.

Quod est Christus.] *M.* Qui est Christus.

Ab obsequio.] *Seu ut V.* ab officio. *Hæc vide: 1 q. 1.*

Sunt nonnulli.

Ex Moral. B. Greg.] *Libro ix, cap. 17. Sed an non B. Hieronymi verba sint t. VII, in Psal. xxv, ad illud: Dextera eorum repleta est muneribus, judicet æquus lector.*

Pro rei corporalis.] *Hæc sunt B. Gregorii verba loco supra citato.*

Sordidæ obsecutionis.] *De qua B. Thom. 2-2, q. 100, a. 5, ad 1.*

At videtur loqui.] *V.* aut videtur loqui.

424 Cum prava spe.] *C.* cum parva specie dantis et accipientis.

Expectationis et concept.] *Hæc in textu reposui, ut V. monerat, etsi M. et C. in ora tantum legant.*

Usuram ergo et nummus.] *Parit subaudi. Hæc ex V. descripsi. Nam M. Usuram ergo et nummus obsecutionis citra pactionem. Ita quidem, nec impensa obsequii sordida fuerit, si honesta. Puta, etc. C. Usuram ergo nummus obsecutionis execratione circa pactionem, ita quidem nec impensa obsequii sordida fuerit, si honesta, puta si dans, etc.*

Impignaverit.] *M.* impignavit. *Male.*

Quia non statim.] *M.* Quod non statim.

Triennialibus.] *V. et M.* Tricenaliibus.

Subtrahent.] *M.* Subtrahuntur Ecclesiæ.

Assignaret.] *V.* addebat in textu quod soluta *M.* in margine habet : Ut papa Alexander.

Eleemosyna.] *C.* Episcopus.

Ex parte utriusque.] *Dantis scilicet et accipientis. V. et M.* Ex spe utriusque. Si bene sic : ex spe, supple, accipiendi aliquid.

Per se vel alium.] *Non duco omittenda quæ in ora inferiori C. deprehendi. Hæc sunt: Mos est ecclesiarum quarundam, cum quis instituitur in ecclesiasticum beneficium, jurabit quod non dedit, nec promisit, commodavit, nec alius pro eo, se sciente pecuniam vel obsequium cum pactione, quo magis hoc beneficium conferatur. M. (hoc est forte magister auctor hujus operis.) Sed mihi videtur addendum esse, nec sine pactione, nec cum pactione. Recte : quia in hunc finem posset dari pecunia nullo interveniente pacto.*

Occulte, resignandum.] *Nequaquam, occulte, reservandum, ut M.*

Hoc esse Simoniacum.] *V.* Hunc esse Simoniacum nisi reus, etc.

Si sine distinctione.] *C.* Si minime distinctione. *Obscure dictum.*

Plura quam oblata.] *C.* Plura quam allata. *Utique placet, quia hic modus loquendi hodie frequens est et usitatus. Puellæ enim intrantes monasteria dicuntur, non offerre, sed secum ferre annuos redditus, seu pecuniæ summam.*

Vel si distinguatur.] *C.* Vel si dijudicatus inter sua, seu discreta.

Temporales redditus.] *M.* Corporales redditus.

Quod si perpetuos.] *Qualiter excusabuntur abbasissa aut monialium retrices, que cum parentibus puellæ monasterium intraturæ, non dicam convenienti, sed, ad instar mulierularum fori venalis, mercantur pro duobus millibus florenorum et amplius? Proh pudor! ergone pauperibus puellis, honestissimis tamen, et moribus et pietate laudabilibus, ostium monasterii clausum erit? Hodie videtur, juxta illud poetæ:*

Si nihil attuleris, ibis, Homere, foras.

Utinam tales monia B. Hieronymi attente audierint, qui cap. 5 Reg. ex operibus collectæ, sic ait : Detestabilem hæresim Simoniam, quam communi pravitate diaboli 425 moniales assuetæ committunt, etiam

in auditu horreat vestra societas. *Et infra: Ad vos venientes sorores, ad sanctas Christi suscipite nuptias gratis; præponatur sanctitas, pecuniæ; exquiratur bonitas vite, non generositas carnis, non utilitas mundi. Nulla omnino pactio, nulla opinio, quæ mentis puritatem perturbat, præveniat. Præterea 1, quæst. 2, in fine: Multorum auctoritatibus luce clarius constat, quod ab ingressuris monasterium non licet pecuniam exigere, ne et ille qui exigit, et ille qui solvit, Simoniam erimen incurrat.*

Ista augmentum.] *M.* Cum enim ita augmentum.

Mihi non benevolis.] *M.* Mihi non benevoli.

Quid si non sint famil.] *Hæc usque: sed nunquid, absunt in M.*

Ubi ordiner.] *C. et V.* Ut ordiner.

Etiam si non præcesserit.] *M. hæc omittit, usque: Extendit autem; V. vero discrepat: Etiam si ante susceptionem et examinationem ei dedero, qui tamen sum dignus examinari, non erit vitiosus ingressus, cum penes eum non sit cura ordinationis. V. hic observat ritum et morem hodiernum. Ostiarius enim ad portam cameræ in qua fit examen ordinandorum stat, et illam diligenter custodit, ne ordinandi confuse simul intrent. Huic potest dari nummulus ratione famulatus, non vero ordinis suscipiendi. Nec decet ostiarium quidquam exigere vel extorquere ab intrantibus, eo quod stipendia ab episcopo domino suo percipiat.*

Capellanus ordinatoris.] *M. et V. cap. ordinatis. Dicit, ordinatoris, non episcopi, quia etiam abbates sunt qui ordines conferunt, infra tamen presbyteratus ordinem.*

Manutergium.] *Sudarium quo manus terguntur: de quo dist. 25, c. 1, parag. Ad subdiaconum.*

Acceptit vidua.] *Mater ejus qui ordinatur.*

Archigallus.] *Forte archidiaconus est.*

Causa presentandi.] *M. verbum presentandi omittit.*

Canipulum.] *M.* quinipulum. *V.* Kenipulum.

Hoc vocabulum supra in notis ad c. 22 exposuimus. Unde Gregorius, Ipse est Hom. 59 in Evang. Tria legebant Augustinus.

Acceptio.] *Cur non acceptatione cum B. Gregorio?*

Dato patronis præmio.] *Recte secundum doctrinam beati Gregorii, sed quidam sciolus voluit corrigere textum M. addito in margine portionis pro patronis.*

Emitt peccatum.] *V.* Emittit peccatum.

Non diffinimus.] *Permodica Simonia est, si Simonia est. Margines C. et M.*

426 Tibi paradisum.] *C.* tibi pacem.

Magistrum Arnulphum.] *C.* Hervulphum.

Canipulum.] *De hoc dixi paulo supra.*

## CAPUT XXXIX.

M. Nec titulo novo, nec ulla intercapedine caput dividit.

Ecclesiæ redimenta.] *Ly redimenta abest in M.*

Unde Cyriacus.] *Hæc habentur T. I Suri, in Vita S. Marcelli.*

Saporis regis.] *Non Saponis, ut M. et C.*

Dona ab offerentibus.] *Hæc, usque, gratiam, abstant in M. et C.*

A Deo graviter.] *Iterumque hæc tria verba omittentur. De pœna Simoniacorum legitur 1, q. 1. Quidquid invisibilis.*

## CAPUT XL.

Hæc ratione.] *M. et V. conjungunt cum præcedentibus hoc modo: Et quod facit Simoniam hæc ratione commutatio. Pactio, etc. V. vero quadam linea recenti manu subducta, sic corrigit, ut commutatio et pactio puncto non separentur. C. Et quod facit Simoniam. Hæc ratione, commercio, pactio, etc.*

Hujus commutationis.] *C.* hujusmodi conditionis.

Simoniacæ illud acquirit.] *M. incorrecte repetit quod prius: Ille tamen Simoniacæ dabit nepoti suo.*

Et redditum ex loculis.] *M. ad illud reddituum legit in ora laterali: Transum. De hoc vocabulo dixi in notis ad c. 37.*

Ecclesiæ alicujus.] *M.* omnes præbendæ alicujus personæ, omittit Ecclesiæ.

Nævum habere.] *C.* Venenum habere. Nævus est macula corporis. *B. Bernardus*, ser. 71, in *Cantica*: Quod si in conscientia nævus fuerit, nec quod ex ea prodierit, carebit nævo.

Nisi gratis detur.] *Videatur* 4, q. 1. Gratia.

Non erim a Deo.] *V. et M.* Nisi enim a Deo vocatus, nisi per eum ascendas (*M.* accedat) nisi gratis accipias, scilicet ut nihil tuum interponas, tibi sumis honorem.

Aliunde intrans.] *M. et V.* Aliunde intras quam per ostium, aliunde ascendis (*M.* descendis) ab alio, etc.

Licet cum voluntate.] *M.* Licet involuntate mala.

Super agenda.] *M.* Super agenda pensione.

Maxime habita.] *M.* habita, maxime inter claustrales.

427 Si inter clericum.] *C.* Sed inter clericum. Et vicarium temporalem.] *C.* Et vicarium perpetuum. *Male.*

#### CAPUT XLI.

In Ecclesiam.] *Hoc, solum V. legebat.*

Sic autem intrusi.] *C.* nunc autem intrusi.

Sicut enim latro.] *M.* Si enim latro, etc.

Chorita vero.] *Seu ille vero, ut M. et C.*

Exceptiones.] *Hoc verbum omittit M.*

Sanctitatem vel sinceritatem.] *Ly* sanctitatem vel, non habent *V. et M.*

Ex quibus conflabitur.] *Hic deficit V. usque ad finem capituli.*

#### CAPUT XLII.

Ozias etiam.] *M. omisso exemplo Ozia, Ozæ meminit hoc modo:* Oza etiam, quia indebite tetigit arcam Domini.] *Facile fuit amanuensi falli in scribendo. Nam nominis utriusque, sicut et historiarum, magna est affinitas. C. pro Ozias legit Oza.*

Tanquam si sacerdos.] *Hæc, usque lepra percensus, ex solo V. desumpsit. Vide an non bene ex II Paral. xvi.*

Ita et Oza.] *V. deficit usque ad finem capituli.*

#### CAPUT XLIII.

*V. pro titulo:* Contra sanguinitas. *Summarium hujus capituli sumptum est ex Michæa iii.*

Impedimento esse.] *C.* impedimentum esse, ut ante.

Fraudaturum et spol.] *C. et V.* Fraudamus et spoliamus.

Et bonis suis.] *C.* et donis suis.

De intransibilibus per carnem.] *Hinc, usque, in ordinum et benef. deficiunt C. et M.*

Ait Michæas.] *Restitui pro Isaias. Videatur Michæas, c. iii et comment. B. Hieronymi in hunc locum. Ibi enim deserte de præsentia materia edisserit.*

Item Hieronymus.] *Supra, initio cap. xxxvi citatus est hic locus ex 8, quæst. 1 Moyses.*

Ananias et Sapphira.] *Non Abdias et Sapphira, ut C.*

Tamen ecclesiasticum.] *V.* Sed ecclesiasticum, etc. *M.* Ut ecclesiast.

Probitas ejus exigit.] *V.* probitas ejus exstinguat et excludat. *M.* proprietas ejus exstinguat, ut in margine excludat.

428 Quasi præscriptione.] *Non potest esse præscriptio. Non enim firmatur tractu temporis quod de jure a principio non subsistit. Ita Regula xviii, in 6.*

#### CAPUT XLIV.

In I ad Cor., c. xii.] *Duo c. lx. M. xl. Ad hæc videatur B. Gregorius xxx Moral., c. vi in medio.*

Exemptio et subtractio.] *C.* exceptio vel subtractio, utique valet.

Et in utilitate.] *V. et M.* auctoritate majoris, alia absunt.

De consideratione.] *Hoc opus B. Bernardi in libros quinque divisus est. Que ergo hic citantur, videntur l. in paulo ante finem ex quo multa quoque*

*A ad materiam præsentem pertinentia colligi possunt.*

In deliciis paradisi.] *Ezech. verba c. xxviii: Consulat præterea commentarium B. Hier. in hunc locum, vel in illud Psal. lxxxii: Et sicut unus de principibus eadetis: ibi enim non signaculum similitudinis, sed resignaculum legit.*

Quinquagenarios.] *Tria addunt ex Græco: πενταχοτονόροπος. Sed cur idem bis repetebant?*

Millenarios.] *Ex interpretatione LXX: nam Heb. non habent.*

Si turbasset.] *C.* turpasset. *Male. Nam sequitur infra: Ne turbatio et scissio, etc.*

Nisi cum aliquid.] *M.* deficit hic, usque: Vel ad Hur.

Ad Rom. xiii.] *Tria xliii.*

Ad Heb. xiii.] *Tria xxii.*

Minoribus vel major.] *C. et M. loco vel habent et. Nec ecclesiastica: Duo eadem: Nec ecclesiastico.*

Fendo vel hominio.] *Nonnulli homagium pro hominibus usurpant, ut Cæsarius et alii. Est vero hominiam astrictio servitutis facta domino per pactationem, promittente homine libero fidelitatem, sequente constituyente hominem vel vassallum illius. C. in tea u legebat domino pro hominio, sed perperam.*

Nec Ecclesia persona.] *Hoc est, congregatio vel communitas non est persona, ut ad modum personæ puniatur. Nam quod a multitudine peccatur, vel ab eo qui multitudinem habet sociam, non punitur ab Ecclesia, sed defertur. Ita 25, q. 4. Non potest. V. sic variat hoc loco: Sed nec Ecclesia personam, ut personaliter puniatur.*

Personaliter.] *Sicut filii, ait M. in margine.*

Obligetur hominio.] *Non dominio, ut iterum C.*

Et minori a quo.] *C. non placet idem bis repetens.*

Audi: Et successori a quo potest absolvi et minori a quo non potest absolvi per majorem.

Et iste obligatur.] *M.* ut ille obligatur. *Ad hæc excipie margines C. et M. describentes 429 consuetudinem quarundam Ecclesiarum, dum clerici in C. illis instituantur beneficiati: Juro tibi et successoribus tuis, et huic Ecclesie reverentiam et obedientiam (C. obedientiam reverenter, sed vitiose) præstaturum.*

Sacram. collatione.] *Fallitur M. Sacramentorum conclusione.*

Ergo nec jurisdictione.] *Subaudi, ut ante, privare. C. sic variat: Ergo nec jurisdictionem collationis ordinis.*

Excommunicatus juste.] *V. pro juste, habet jure, æquivalere. M. vitiose iste pro juste.*

Qui cum legavit.] *M. tacet hic, usque: Auctoritate majoris.*

Diligite justitiam.] *Duo margines etiam hanc auctoritatem suggerunt ex Psal. ii: Et nunc, reges, intelligite, crudimini qui judicatis terram. Cui hæc posset addi ex Psal. xxviii: Honor regis judicium diligit.*

In qua præpositi estis.] *Restitui ex V. Nam duo alia admodum obscure legebant: In quo præpositi estis iudices et majores, delinquentes (quis sensus?) subditi et inferiores.*

Sed nec etiam tunc.] *Regula juris 76, in 6.*

II Cor. xii.] *Tria xxviii.*

Fuisse vel esse.] *Ly vel esse omittunt V. et M. Judicium viii.] duo, præter V. Judic. x, in fine.*

Contra altare Domini.] *C.* contra Dominum.

Immolationem.] *C.* immolantium.

Et de Episcopatu.] *Hoc omisso, sic C.* In episcopatu illius, et non sub episcopo.

Et in episcopatu.] *C.* de episcopatu (alia reticet) ipsius. *Ad hæc accedit exemplum abbatis Sugerii in marginibus C. et M. relatum. Tale est: Sugerius abbas laborans in extremis, vocavit dominum episcopum Parisiensem, eique ut filius patri, confessus est, asserens se non procurasse emancipationem monasterii sui a potestate (C. ut a potestate) Ecclesiæ Parisiensis, sed diaconum quemdam.*

Si enim cornua mitræ.] *Per mitræ cornua Noxam*

et *Vetus Testamentum* significatur, ut patet ex *Glossa* A in illud *Matthæi* v: Vos estis sal terræ. Unde B. *Benedictus Regule sue* c. 64: Debet prælatus esse doctus lege divina, ut sciat, et sit, unde proferat nova et vetera; sciatque magis oportere sibi prodesse *spirituali doctrina et exemplo*, quam præesse, corporali *præsentia vel cura temporalium*.

Ex *cedula*.] *Hoc est ex parva scheda vel chartula implicata ad figuram seu speciem mitræ. In scholis abedariis solent similia effingere pueruli otiosuli. V. et M. ex cedula. C. ex sedula. Nil sapiunt.*

Si annulus ejus.] *Dicti pueri nempe.*

Et si repeti potest.] *Seu reiterari potest.*

Gæbertus episc. ] *Cognomento de la Porcèe, seu Porretanus. Fuit 61 episc. Pictav. 430 ut ex catalogo patet in Gallia Christi. Claudii Roberti. Multa scripsit, et errores suos coram Eugenio III, papa, anno 1148, præsentè S. Bernardo, abjuravit. Baronius anno præfata.*

Cum impositione manus.] *Hoc est, non imprimit characterem.*

Quæ jam facta est ex parte.] *Post hæc, sequitur in V. de qua Apostolus, etc. Alia omittit.*

A Romano regno.] *Duo margines: A quo jam Græcia recessit. Huc revoco duplex exemplum quod ex illis marginibus collegi. Absolutus a papa Alexandro. (M. inter lineas addit: Favore personæ) quem excommunicaverat S. Lucas de Hungaria quia non satisfacit sancto Lucæ; iterum et iterum est ab eo excommunicatus, et ideo idem Lucas ab Alexandro est suspensus, deinde excommunicatus, siquæ mortuus est: pro quo miracula multa Deus post mortem ejus operatus est.*

Quidam etiam comes excommunicatus ab episcopo ordinario, post absolutus auctoritate papæ, a duobus aliis adhuc credidit se ligatum esse. Unde ad proprium episcopum confugit, et ei confessus est, et satisfacit. Sicque absolutus recessit sine scrupulo.

Opponendo induco.] *C. oppon. judicio.*

Legeque privata ducta.] *C. nec male ductus, si ad papam fiat relatio.*

Consules et preconis.] *M. in laterali ora: Episcopi et archiepiscopi.*

Omnia Cæsar sit.] *Ex Lucano l. II, vel Alano l. I, in fine.*

#### CAPUT XLV.

Vel executionis.] *Ita C. Duo autem obsecutionis sordidæ tantum.*

Munus enim gratis.] *M. et C. Minus enim gratis. Non audiunt.*

Oleum in ossibus.] *C. in os ejus.*

Augustinus: Oleum.] *Idem in Psal. cXL: Homines, cum falsa laude aliquem irriserint, hoc etiam de illo dicunt: Unxi illi caput.*

Venditores olei.] *Verba B. Hier. in c. xxv Matth.*

Ranæ sunt adulatores.] *De quibus B. Aug., l. X, serm. 87 De tempore; B. Hier. in Psal. civ.*

Turba salutantium.] *Versus Claudiani in Ruffinum lib. 1. Sic margo C. exponit hæc verba Turba salutantium: Adulatorum, inquit, applaudentium, vel potius occulti detractores. Memni illius distichi Petri de Riga in Aurora sua nondum in lucem edita; sed brevi, Deo vive donante, edenda. Sic in c. viii Exodi:*

Musca canina cibos maculans, pungensque, gulosos Mordentesque fero dente notare potest.

Cimiphes.] *M. in margine: Muscæ minutæ. De his idem Petrus de Riga ibidem:*

431 Rana loquax, hæresim signat, strepit hæc, [strepsit illa;

Target clamoris illa vel illa sonis.

Discurrunt culices, hominum turbando quietem, designantque vagos qui sine pace manent.

gnomyia.] *Musca canina. Margines duo.*

uge, euge.] *Primum irrisorium secundum adulatorum. Ibidem.*

Exit integer ] *V. erit integer.*

Qui adulatorie.] *Hoc redolet Glossam interl. in hunc locum.*

Et capita Ecclesiæ.] *M. et capita ejus.*

Cui caput est ægrum.] *C. cui caput infirmum. Etiam placet.*

Error enim principis.] *Hic, usque: Item, tacet C. Adeo severus.] C. adeo secutus. Fragm. Camberon. Nullus ita rigidus est, et severus vel secutus. Quo cades cum ascendere.] Ita V. sed duo cum frag. Camberon. Qua cades, supple lingua, et tolerabilis est lectio.*

Et tu servatum.] *Ex Juvenalis sat. 4, m. s. et exemplaribus excusis restitui sic cum Fragm. Camb. alioquin tria exemplaria ordinaria:*

In tua servatur consumere sæcula rhombum.

Accipit endromidem.] *Restitui ex nostro Juven. m. s. Tria endromadem. Endromis vestis est spissa (seu ut margo C. pellicea vulpina) ad arcendum injurias brumales accommodatissima.*

Ob hoc timendæ sunt.] *Seneca l. vi De beneficiis, c. 30. Non absimilia videto apud B. Hier. in c. xxxiv Ezech. ad illud: Quod crassum erat occidebatur.*

Comitem sibi.] *C. non placet: committere sibi.*

Solus Demaratus.] *Non Demoratus ut M. Consule Senecam vi De beneficiis, cap. 31.*

Ii sunt sirenes.] *Boetii verba De cons. philos. prosa 1, l. 1.*

Cum Ulysse.] *Hoc Senecam redolet ultima periodo ep. 56, et ex eo loco restitui Ulysse pro Ulixe.*

Unde Hieronymus.] *Lib. 1 adversus Pelag., c. 9.*

Item, to. IX, ad Demetriadem De Virg., post medium.

Mentum Amosæ.] *Nequaquam Amasæ, ut C.*

In inguine.] *Tria exemplaria sic habent. Verum si historiam II Reg. xx, attendas, comperies Amasam non in inguine percussam, sed in latere. Abner autem, qui in dolo quoque ab eodem Joab interfectus est, in inguine ictum accepit. Hujus dolosi Joab prodicionem exponit B. Greg. Moral. xv, c. 5 in fine.*

Gladius est oculus.] *V. gladius est acutus.*

Jeremiæ xxxviii.] *C. et V. cxxxv.*

Prophetæ pacifici.] *Et si M. solum legat prophetæ, recte tamen illius meminit. Nam Glossa in hunc locum: Viri pacifici, etc. ait: Prophetæ falsi denuntiantes pacem tibi.*

432 Et nutrix superbiæ.] *Margines C. et M. Quia,*

..... At illi

Surgebant cristæ.

[JUVEN., sat. 4.

Cum Deo loquamur singul.] *Ut ibi: Da mihi, Domine, sedium tuarum, etc. Sap. ix. Item David: Da mihi intellectum ut discam mandata tua. Psal. cxviii.*

Homini loquimur pluraliter.] *Hunc modum loquendi sæpissime usurpat Cæsar in libris exemplorum memorab. Sic enim, Domine, dedistis mihi, etc. Invaluit quoque ille mos loquendi in ex Gallos, ut nunquam, vel saltem rarissime pronomine tu utantur in singulari, sed in plurali, etiamsi unum tantum persone loquantur. Vos dedistis, pro tu dedisti, et sic de cæteris.*

Velis eam nominare.] *M. Vel ea nominare,*

Carthag. iv, dist. 56.] *Duo dist. (seu capite) 46. M. 14.*

Hieronymus in epist.] *Ad Eustochium De custodia ring. Fere eadem invenies in epist. ad Celantiam, quæ incipit: Vetus Scripturæ celebrata. Præter hæc, quæso, Senecam vide ep. 125 in medio.*

Ecclesi., c. xii.] *Tria xl.*

Deut., xiv.] *V. xchi. M. lxxv. C. xlv.*

Cantic. amoris 1.] *M et C. n.*

In mendacio.] *Hic varietas est. C. quia ignorsus (duo ignoras) te in meditatione et adulatione delectata.*

Isaia c. iii.] *V. et C. viii. M. vii*

#### CAPUT XLVI.

Summarium hujus capituli tale est in V. Contra eos

qui illicite, vel etiam licite ab aliis acquisita, quasi licite accipiunt etiam scientes, et sine inquisitione.

Et etiam licitorum.] *Hoc, usque Restat abest in V.*

Vendi videtur.] *C. Mundi utitur, loco vendi, etc.*

In quibus enim.] *Varietas hic est. In quibus enim (ait C.) ita non habemus jus domini, in alios transferre nequimus. M. in quibus enim jus non habemus, jus domini in alios transferre nequimus.*

Non dimittitur peccatum.] *Regula 4 juris in sexto.*

In piis causis.] *Margines C. et M. De inventis, usucaptis, et prescriptis forte potest fieri elemosyna, ignorato (C. ignorante) Domino, et si conscientia non remordeat. Videatur 14, q. 5 per totum.*

Potior est pars possidentis.] *Regula 65 in sexto.*

Acceperit quis decem.] *[Nempe solidos.*

Per illam regulam.] *De qua supra, quæ est 65 in sexto.*

**433** A secundariis accipior.] *V. acceptionibus pro acceptoribus.*

Stephani abbatis 2.] *Quidam hunc Stephanum statunt 3 abbatem Cisterciensem. Inter eos Joannes d'Assignies meruissimus abbas Nizellensis in libro suo Gallico, cui titulus: Le cabinet des choses les plus signalées du sacré ordre de Cîteaux. Item Chrysostomus Henriquez in Menologio ordinis Cisterci. die 28 Martii et 17 Aprilis, ubi late de eo agit. Petrus tamen Cantor etiam infra c. 105 secundum vocat.*

Divisim mendicantibus.] *M. divisim mendic. C. divisum mendic.*

Cadum vini dabant.] *Per cadum non intelligamus fideliã, seu ut vulgo filiõlam, sed vasculum portatile quinque aut sex lota Belgica continens. Gallice, Cæque ou barrile. Sic enim Budæus l. v De asse, ante medium: Cadi formam turbinatam, id est conii et trobyli, hoc est nucis pineæ similem fuisse ex Plinio intelligimus; qui l. xvii De aloë loquens, turbines cadorum dixit. Utebantur autem antiqui ad salsamenti etiam condenda. Hæc ille.*

Ea omnia distribuit.] *M. Ea omnibus distribuit. Illa puto sola quæ ab illo pastore Simoniaco accipitur.*

Pulmentarium.] *Isidorus l. xx Etym. c. 2. Pulmentum, inquit, a pulte derivatur. Sive enim puls, sive quid aliud alicujus [permistio]ne sumatur, pulmentum proprie dicitur.*

Pulmentum dicerent omne opsonium quod cum pane comeditur, sive ex herbis, piscibus, aut alia materia vesca conditum aut paratum sit. Hoc videtur innuere beatus Pater Benedictus in Regula: Sufficere credimus, inquit, ad refecionem quotidianam tam sextæ quam nonæ omnibus mensis cocta duo pulmentaria propter diversorum infirmitates, ut forte qui ex uno non potuerit edere, ex alio reficiatur.

Religiosi passim.] *Huc revocandum puto exemplum unum quod in ima ora C. et M. vidi subscriptum. Tale est: Exemplo etiam militis obviantis (M. obvii) cadaveri feneratoris sui, turba monachorum ad sepulcrum illud deferentium. Quibus ait: Muscas et telas araneæ meæ mihi dimittitis; vos autem cadaver araneæ habetis, infernus vero animam. Cur hoc cum restituere non præcepistis? Hoc exemplum videtur debuisse includi textu, ut ex c. 50 colligere est.*

Ait c. 5. Publicanis.] *M. et C. cap. 9.*

Ambrosius vel Beda.] *V. vitiose omittit: et Beda. Beda enim Vener. et B. Ambrosius in Lucam hoc loco legunt: Ne ultra prescriptum exigant.*

Vel per angariam.] *Hæc absunt in V.*

Vel constitutum.] *C. omisso Vel ait: Prescriptum constitutum.*

Judicium conscriptum.] *Margines C. et M. Secundum enim leges Domini prescriptus judicandum (M. male vindicandum) est, non secundum 434 Justinianas, C. justitias, etiam vitiose.*

Qui hoc potestis.] *Hæc parentheses in lusa V. legit in textu, M. autem in margine laterali. In hæc verba Joannis: Neminem concutias, videatur B. Aug. serm. 3 in Appendice de diversis, t. X.*

Regula discernendi.] *V. Regula discernendi.*

Supra prescriptum.] *Non supra scriptum, ut M. et C.*

B. Furser.] *De quo Vener. Beda l. ii hist., c. 19*

ubi tacite refert quod hic dicitur, et aperte habetur in Vita ipsius apud Surium t. I, die 16 Januar. et infra in notis ex margine V. descripsimus ad c. 50.

B. Launomari.] *Ejus gesta habentur in Surio t. I, die 19 Januar.*

Immensum vitiosum.] *C. Immensum datorem, excluso vitiosum. M. Vitiosum datorem, omittit immensum. V. utrumque recipit.*

In modica oblatione.] *C. in ora laterali addit: Non unius denarii. M. ibidem: Nummus denarii: male.*

Privata communiõne.] *Solum C. hoc admittit.*

Si vero nec pecuniam.] *C. Si nec pecuniam. Ad B illud pecuniam magnam subdit in margine: Ut unius denarii.*

Sicut et infamis.] *M. Licet et infamis et notabilis. In margine autem: Prescripturo ab Ecclesia. Scandalum oriretur.] M. scandalum miretur. Abusus est.*

Petri Abailardi.] *C. et M. Abaelis. Hunc S. Bernardus convicit erroris; esque auctor 1. clusis in indice librorum prohibitorum, sed de erroribus penitentiam egit eosque revocavit.*

Comite Theobaldo.] *Forte comite Campaniæ, de quo Cæsarius l. viii c. 31, seu Theobaldo comite Carnotensium ac B'ensensium, de quo Cantipratanus l. ii boni universalis De apibus c. 25, n. 14 et 15.*

Noluit accipere.] *V. et C. Voluit accipere. In sipide.*

Item Eccli. c. xxxiv.] *M. et C. xxii.*

In oblationibus.] *Id restitui ex c. xxxiv Eccli. Dua enim in oblationibus, M. in orationibus.*

Glossa: Quam.] *Glossa interlinealis est. M. omisso verbo Glossa, legebat quorum pro quam.*

Munera accipiunt.] *Non: munera decipiunt, ut M.*

Achan et sociis.] *Restitui nomen. Tria enim Achor, quod vallis nomen est.*

Hieronymus.] *M. omittit nomen.*

Propter illud multi perdantur.] *Vix enim invenitur (ait auctor infra, De proprietate cap. 153) quod pro peccatis aliquibus punita fuerit multitudo, nisi pro peccato sacrilego hujusmodi.*

Ephod et Teraphin.] *M. In margine: Imagines. C. Seraphim, male Judic. xvii et xviii. Item Osee iii.*

**435** Gedeoni et omni domui ejus.] *Quia prius secutus est (C. sortitus) deos alienos. Ita margines C. et M.*

Agag regem.] *Tria exemplaria pro Agag legebant Eglon, sed inserperam. Itaque restitui nomen. Legitur quidem Judicum in quod Eglon obesus et crassus nimis fuerit, non tamen rescrvatus, ut Agag, verum occisus ab Aod.*

Est ergo regula, quia nunquam illicite acquisitum, etc.] *Id est universali. er verum, quia illicite acquisitum est furtum.*

Causa prædicationis.] *Margines: Ut si prædicator cum eo hac de causa comederit.*

Sed nec licite acquisitum.] *Nequaquam audiendum M. Sed videtur licite acquisitum.*

Salvum et residuum.] *V. his omisissis sic habet: Nisi sit ei unde, etc.*

Credo, ab eo.] *M. Contra hanc etiam regulam accepta, cum do, pro credo. Reliqua ut in textu.*

De idolothytis.] *M. vitiose sic: Quia non idolothytis intelligenda. Nam Glossa interlin. ad illud: Nihil interrogantis, ait: An idolothytum sit vel non. Idolothytum dicitur, quod idolo immolatum est. C. in textu, pro idolothytis habebat, idolathytis.*

Sedentibus et manducantibus in idolio.] *Sic pro*



Idolo resti ut ex c. viii ad I Cor. ubi legitur: Re- A  
cumbentem in idolo.

Incorreptis.] *C.* incorrepti, forte incorrectis. *Ibidem*  
in margine video subnotatum : Divitibus esset ponendum  
in sacco, non erogandum, dum ablata non restituerint.

Item ad Ephes. iv. *M.* deficit hic usque ad finem  
capitis.

#### CAPUT XLVII.

*V.* Pro summario hæc habet : Contra hos qui dant  
non indigentibus. Quod non indigens, si accipit mu-  
nera peccat, sic et ille qui tali dat.

Non gnathonibus.] *Γνάθων*, gnatho, onpositor. *Unde*  
*Terentius* : Gnato paratus. *Hoc est qui totus a cibo*  
*pendet. M. et C.* legebant : Non nathonibus.

Non permenonibus.] *Μερονή* sumitur pro cupiditate,  
a verbo *μερονέω* et *μερονέω* quod est opto, cupio.  
*C.* volebat legi permetionibus *V.* permenonibus,  
sed male.

Et *B.* Virgo.] *V.* tacet usque ad : Item exemplo  
Elisei.

Repleta implemus.] *Seu, ut M. et C.,* impleta imple-  
mus, dum mensura superfluens est.

In Luca, c. xiv.] *C. et M.* c. lxxx.

Aut cœnam. *Margines duo* : Modicum apparatus  
cibi. *Sed cur hoc ?* Quia parcius in cœna comedendum  
quam in prandio. *Unde schola Salerni* :

**436** Ex magna cœna stomacho fit maxima pœna :  
Ut sis nocte levis, sit tibi cœna brevis.

Quidam medici probant ex Hippocrate (l. ii De ratione  
victus) et Galeno (l. vii Methodo, c. 6 et i De ratione  
victus in acutis, c. 18) tribuendum esse cor-  
pori valentius alimentum in cœna quam in meridie,  
sed experientia in contrarium est. Solent enim omnes  
promptiores esse ad opus exercendum ex parvitate  
cœnæ quam abundantia. Et belle quidam ait : Quod  
subtrahis cœnæ, addis vitæ.

Et beatus eris.] *M.* et liberatus eris contra textum  
Evangelii.

In eodem c. xiv.] *Duo*, in eodem (Luca) c. lxxxii.  
In canonica epist. 3.] *Duo addunt numerum capi-  
tis, sic : c. ii. Sed hodie in capita non dividitur.*

Ditissimi cœnobii.] Exemplo monachi divitis, ait  
*C.* in cœnobium consulentis cuidam volenti clau-  
strum intrare suum, etc. *obscure.* Hic *C.* notat in  
margine quod in aliis deprehendi in fine præcedentis  
capitis. *Nempe* : Divitibus esset reponendum in sacco  
non erogandum, dum ablata non restituerint.

Ibi degentes.] Ut haberent pauperes Christi indi-  
gentes quibus pasceretur. Ita *M.*

A Deo.] *M.* ex his duabus syllabis unum format  
adverbium, secernitque a præcedente sententia, hoc  
modo : veniam accepit. Adeo nemo est, etc.

Isaias, c. i.] *M.* cap. ii.

Eripiendo.] *C.* excipiendo, *M.* omittit hæc verba ;  
Ab oppress. sua eripiendo, et eorum loco habet : Sua  
erogando.

Pupillo et egeno.] Maledictus qui pervertit judi-  
cium advenæ, pupilli et viduæ. *Deut.* xxvii.

Juvent patrocinio.] *M.* Juvent patrono. *V.* Juvent  
tantum.

Si alicui utilis est,] *Margines C. et M.* Si scilicet  
laborare possit ut victum quærat. Est *liber, cui titu-  
lus* : Vidua Sareptana, a nobis nuper e tenebris eru-  
tus, in quo hæc, et quæ sequuntur de Viduis jus us  
declarantur.

Sexaginta annorum.] *Solum C.* hoc habet. *Consule*  
*causam 1, qu. 2.* Viduas honora. *Et est expressa*  
*scriptura I ad Timotheum v.* Vidua eligatur non mi-  
nus sexaginta annorum.

Interlinealis.] *Ordinaria est Glossa, quæ et beati*  
*Augustini in hunc versum Psal. cii.*

Ecclesiastici, c. xii.] *M. et C.* c. xxxviii.

Et consanguineis dabis.] *M.* Et cum sanguinibus  
dabis, iterum repetendum esset dabis, de proprio, etc.  
*C. et consanguinibus.*

Credita est.] *C.* utique bene, tradita est, hoc est  
commissa. Ait *B.* Hieronymus in epist. ad Paulinum,  
quæ incipit : Bonus homo. Jam non sunt tua quæ  
possides, sed dispensatio tibi credita est, sub finem  
epistolæ.

Columnam in Ecclesia.] *C.* columnam Ecclesiæ.  
De patrimonio crucifixi.] *Andi margines M. et C.*  
Quidam, ex hoc, patrimonio **437** nempe, maritavit  
nepotes suas male.

Et potius gratiæ.] *Iidem margines* : Gratia datur,  
cum datur egenti justo, sapienti, prælato etiam qui  
tibi præfectus est, propter aliquam ejus gratiam.

Vitas Patrum.] *Liber est continens exempla san-  
ctorum Patrum, eremitarum, sed non ab omnibus*  
*receptus.*

Parenti, filio.] *C.* pereunti filio, etc. *Non sapit.*

In quo intelligas.] *V.* post illud : Obventionibus  
eorum, ait : In quo quid intendas et quantum atten-  
dendum, etc. *C.* omittit. Quia dandum et ; reliqua  
*B* ut in textu.

Quidam accedens ad alium.] *Is* vocabatur *Thra-  
sylvus cynicus* ; alter, ad quem accedebat, erat *Anti-  
gonus rex de quo Plutarchus in Aphrothegmatis, et*  
*post eum Seneca loco in margine citato. V.* pro *margi-  
ne* ait : Vide quam corrupte inducantur (al. induantur)  
hic duo hæc exempla. Nam in libro ii Senecæ  
De beneficiis sic legitur : *Allegat verba Senecæ. quæ*  
*brevitatis causa omitto. Vide l. ii, cap. 16 et 17.*

Videto cui des.] *Vel* : Fide, sed cui, vide.

Non magis turpe est.] *Colligitur ex B. Augustina*  
*in Psal. cii, vers. 6.* Qui donat histrionibus, inquit,  
qui donat auguribus, qui donat meretricibus,  
quare donat ? Nunquid non et ipsi hominibus do-  
nant ? Non tamen ibi attendunt naturam operis Dei,  
sed nequitiam operis humani. *Et infra* : Nam si  
homo tantum esset, et venator, vel augur, vel me-  
retrix non esset, non dares. Honoras in eo vitium  
non naturam. *Subinde remitto te, lector, ad causam*  
*C* **25, q. 4.** Duo ista.

Cum non possint.] *C. et M.* cum non possit amoveri,

Qui non quantum.] *M.* qui non tantum.

Des ergo quia Propheta.] *Non absimilia vidi apud*  
*B. Aug. tom. VIII in Psal. cii, vers. 6.*

Peccator et histrio.] *Immane peccatum est res*  
*suas dare histrionibus. Videatur distinctio 86 : Do-  
nare.*

Qualiter sine murm.] *C.* Quantum sine murm,  
*M.* male.

Auctum ne augeas.] *Dictum est proverbiale. M.*  
Actum ne augeas. *Incorrecte.*

Divitem ne dities.] *M.* divitem ne imiteris. *Ci-  
cero* : Quam inique comparatum est, ut ditioribus  
semper addatur aliquid.

Hieronymus in illa epist.] *Citatur, 8, q. 1.* Moyses  
amicus Dei.

Sicut nec septem.] *C.* hoc modo : Sicut nec  
septem diaconi, a *B.* Petro ordinati, ad hoc consan-  
guineos suos aliis præposuissent. *Secundum Ra-  
banum* hic ordo servandus est, ut scilicet populus  
eligat, episcopus ordinet. *Vide eum in hunc locum.*  
*Non exprimitur Act. vi a quo apostolo fuerint ordi-  
nati, sed dicitur quod ordinati sint ab apostolis, et*  
*omnino est verisimile alios apostolos S. Petro illum*  
*honorem detulisse tanquam capi suo, ut dignior*  
*episcopus solet alium ordinare, et consecrator exi-  
stere.*

**438** Conditionem eorum mutant.] *Hoc est, pa-  
rentes na ditare, ut ex pauperibus et servis, divites*  
*et dominos faciant : quod tamen de bonis Ecclesiæ*  
*feri non licet, sed bene ex patrimonio, vel (ut aiunt*  
*margines C. et M.) nisi de fundo, et de iis quæ*  
*jure hæreditario te contingunt. Potest tamen epi-  
scopus, aut alius prælatus parentem, aut promovere*  
*ad questuram, aut ad aliud officium posita ejus ca-  
pacitate ; nec censetur talis ex bonis spiritualibus*  
*propreisse, si dives, vel eques fiat ex officii lucro. Ita*

similibus autem vitanda est invidia et alterius speciei mala materia in proximo, et superbia in promotio. Est hoc de re exemplum in Cantipratano l. 1. Boni universalis de opibus, c. 18.

Humilitatem reliquisse.] *Margines imo orae inferiores C. et M. prosequuntur hoc exemplum (quod V. in textu habet) hoc modo: Ad cuius pedes cecidit magister Anselmus tecto et involuto capite, petens, in eum in petitione unica et digna exaudiret, exaudiret (illa enim tempestate pro occisione (V. occasione) Laudunensis (C. Langdunensis) episcopi justos cum impiis sententia praedicti senescalchi involverat, nepotesque magistri Anselmi cum aliis incarceraverat). Quem exaudiret videns, agnoscentes quod esset magister Anselmus capite ejus venerabili detecto, ait: Miser ego et infelix homo, nihil, inquit, sum, quod vir tantus magister Anselmus, speculum Ecclesiae, lux sacrae Scripturae, hodie cecidit ad pedes meos, cum in omni injuria a potente quocumque illata me hucusque vindicare posse, ab hac contumelia (M. ab hac injuria) mihi illata a tanto viro non potero me vindicare. Non potest enim non fieri, quia ceciderit ad pedes meos: qui etiam, cum de promotione ejus aliquando haberetur sermo, dixit se filium diaconi esse, qui tamen ante subdiaconatum de legitimo matrimonio fuit. Maculam etiam pollicis ostendit, dicens: Quod si crucifixus esset (M. et V. cum crucifixus esset) in altari, illo scandalizaretur populus, et ob hoc non posse se eligi, ostendit: qui tamen post electus est (C. sic finit: Qui tamen post electionem est incarceratus) in Cantuariensem archiepiscopum. Redi ad textum: Item: Quaedam sunt, etc.*

Ut consanguineis.] *B. Hier. in ep. ad Demetriadem, quae incipit: Inter omnes materias, ait: Da pauperibus, non divitibus, non propinquis, non ad luxuriam, sed ad necessitatem. Sive ille sacerdos sit, sive cognatus et affinis, nil in illo aliud consideres quam pauperem. Præter hæc videto causam 8, quest. 1. Moyses.*

Isaie c. III.] *M. in margine, C. in textu, c. VIII. Nec defendere.] M. inter lineas: Quin dare deberet decimas exactas.*

Pejora peccantibus.] *M. inter lineas etiam pejus admittit, sed B. Hieronymus in illud Isaie habet pejora peccantibus. Similia videb. in ejusdem epistola adversus Vigilantium, ante finem, quae incipit. Multa in orbe.*

Item Hieronymus.] *Præter finem epistolæ ad Nepotianum, quae incipit: Petis 439 a me, videto causam 12, q. 2. Gloria episcopi, et Commentarium in c. XLVI Ezech. ad versum 18: Et non accipiet princeps, etc.*

### CAPUT XLVIII.

V. Pro sumario: Contra male accipientes munera cum non indigeant.

Clerici qui ex bonis.] *In regula titulo De paupertate. Præterea citatur 1, q. 2. Clericos autem et 16, q. 1, c. fin.*

Opibus parentum.] *Non operibus, ut M.*

O monache.] *Videto prædictam regulam ejusdem B. Hier. titulo De paupertate, to. IX. Subinde percurre commentarium ejus in illud Psal. CXLV: Dat escam esurientibus, l. VII.*

Potius das quam.] *C. Potius quam das non accipis. Non sapit.*

Mentientes faciunt.] *Mendaces faciunt, ut nec verum dicentibus credatur: aut, ut Cicero in De divin.: Mentiaci homini ne verum quidem dicenti credere solemus.*

Veris pauper. creditur.] *M. Quod non veris convenit pauperibus.*

Sed notandum quod.] *Hæc, usque: Quidam enim, sunt, aberant in C.*

Tempore famis.] *C. torpore famis. Fallitur.*

Hæc diligentia.] *M. Hæc indulgentia non adhibetur. Non capio.*

Trivialiter.] *Recte. Non ergo tribualiter ut, M. et C.*

Sicut Protea.] *Ex Horatio l. 1. ep. 1:*

Quo teneam vultus mutantem Protea nodo?

Quid pauper? etc.

Trutanniam.] *Trutannus, teste Joanne de Janua (in suo dictionario, quod Catholicon, id est universale, inscripsit) a trudo descendit, quia suis verbis trudit ad hoc ut decipiat, facit enim credi quod verum non est. Trutannia, talis deceptio.*

Et hoc duplex.] *C. Et hic duplex.*

Defraudant enim.] *V. et M. defraudaverunt.*

Deo semel dicata.] *Sic definit regula 51, in sexto.*

Ex hac regula.] *66, ibidem.*

A simili.] *Huc revocari potest notula marginalis C. et M. Talis autem est: Ita est de errore personæ in matrimonio introductæ, M. in numero ductæ, sed insipide.*

Nemini debet dolus.] *Regula 59, in sexto. Dolo facit, qui petit quod restituere oportet eundem.*

Sic acceptum.] *V. sic acceptum.*

Erogentur.] *V. consequenter erogetur*

### 440 CAPUT XLIX.

Aleatoribus.] *C. hoc omittit.*

Ad Thessal., c. v.] *M. c. ix. Duo alia non notant caput.*

Id est curiosos.] *Glossa est interlinealis, quæ et addit, gyrovagos.*

A quo, qui cessat.] *A quo, hoc est a correptione, qui cessat. M. A quo quando cessat. V. Quos qui ideo cessat corripere ne perdat, etc. Hoc quidem clarius videtur, sed non duximus reponendum in textu. Cur hoc? Quia verba Glossæ interlinealis in hunc locum, quæ beati Augustini est, præferenda sunt.*

Il ad Thessal. III.] *M. c. iv. Vide Glossas in hæc loca Apostoli.*

Quod si quis noluerit.) *V. Quorum qui noluerint.*

Eadem Epist. c. III.] *Tria, cap. v.*

Per Jesum Christum.] *V. id omittit, usque: Cui honor. Glossa est interlinealis cum sequentibus.*

U: subtrahatis vos.] *V. Etiam hoc omittit in textu, sed recuperavit in superiore ora.*

Subtrahatis scilicet.] *C. Subtrahatis ita ab omni, etc.*

Augustinus: Vult.] *Primo in Glossa ordinaria hæc habes, deinde si fontem desideraveris, videto B. Aug. to. III, libro De opere monachorum c. II. C. pro vult, legit velut.*

Evangelizaret.] *C. habet, (quod agre dico) scandalizaret.*

Non rumorosi.] *Glossa est interlinealis. V. Rumorosi. C. et M. Ruminosi. Rumorosus est qui gerit rumores, unde rumigerulus.*

Erubescat abjectus.] *Margo C. Ex data sententia.*

Pseudo repellendos.] *Vide Glossam in hunc locum. C. Propter pseudorepellentium.*

Prædicationem.] *Hoc unicum verbum solum V. admittit.*

I Thessal. IV.] *C. et V. c. VI. M. c. VII.*

Dimissis alienis.] *Margines M. et C. addunt verbum Horatii:*

... Tales aliena negotia curant.

Ecclesiastici cap. XII.] *V. c. XXXVIII. M. c. XXXIV. C. c. XXXIII.*

Illi dari.] *C. Illi dare.*

Et Atrionibus.] *V. hoc omittit.*

Pro eo quod peccatores.] *Hæc redo'ent doctrinam S. August. to. VIII in Psal. CII, v. 6. Idem de histriionibus alibi. Dare histriionibus, vitium est immanitate. IX, tra. 100 in Evang. Joannis.*

Cum quibus edas.] *Verba sunt Senecæ, epist. 19, post Epicurum. Ad hæc potest referri margo C. et M.*

quæ talis est : Ut si cum histrione comedas.

[Nisi secesseris.] Iterum *margo eadem* : Ut pau- per recedas a consortio talium.

**441** Nomenclator.] *C. et M.* Nominum dator. *V.* Nomenclator, *additque* : Id est nomen dator. *Restitui ex Seneca. Cujus majorem explicatio- nem, si cupis, consule Lipsium, Belgarum decus, in eundem. Ulro quæris etymologiam Nomenclator? Ecce V. effert in margine* : Nomenclator, *inquit*, nomen est vilis officii, illius scilicet, qui nomine convivas vocat, dictum a nomine et *kalo* (καλέω, aut καλώ) Græco, quod est *oro* : unde et Kalendæ dictæ sunt.

Efficacia judicat.] *M.* indicat, pro judicat.

Conciliandos amicos.] *C.* animos pro amicis.

Grave inimicum.] *C.* *fullitur* : Gravem inimicum, *ut patet ex orig.*

Si collata.] *Sic V. et C. in textu. At C. in mar- gine* : Collocata. *M. in textu collocata, inter lineas collata. Justus Lipsius ad illud* : Si collata, *ait* : Ju- dicio donata : etsi quidam libri, collocata : bene etiam pro hoc sensu.

Quis, quam.] *V.* Quisquam.

Item Hieronymus : Paria.] *Audi B. Augustinum* : Donare, *inquit*, res suas histrionibus, vitium est immane, non virtus. Et scitis de talibus quam sit frequens fama cum laude ; quia, sicut scriptum est : « Laudatur peccator in desiderii anima suæ, et, qui iniqua gerit, benedicitur (Psal. ix). » Hi laudatores non falluntur in hominibus, sed in rebus. Malum est enim : quod bonum esse credunt. *T. IX tract. 100 in Evang. Joannis. Idem in Ps. cii, vers. 6, ait* : Qui histrioni dat, hoc in illo amat, in quo nequis- simus est. *Distinct. 86, Donare. et* : Qui venato- ribus.

Nulla virtute.] *V. præfert* a vitiiis, quod duo alia *postponunt. Sic ergo* : A vitiiis nulla virtute redem- ptum necessitatis, etc.

Si dicas quod aptum est.] *C.* quod acceptum est.

Indixit bellum.] *Non* induxit, *ut C.*

Item Hieronymus : Non solum.] *Vide ep. ad Oceanum, quæ incipit* : Numquam, fili Oceane, ante finem t. II.

Imo hodie.] *Hoc, usque* : Item hi narratione, *omittit C.*

Eo quo.] *pessimis. C.* eo quod de pessimis.

Favissent.] *M. et C.* Suggestissent pro favissent.

Et non corripiendo eum.] Sed a poenitentia ar- cendo. *C. vero* : et non corripiendo eum, a pueri- tia recedendo vel arcendo. *M. ad poenitentiam ar- cendo.*

Scilicet de alieno.] Scilicet *habet solum V.*

Ganeo et leceator (15).] *Sicut popinones dicuntur a po- inis, ita ganeones a ganeis. Est autem ganea lo- cus abditus, velut subterraneus, quem gulosi et vene- reis dediti frequentant. Leceatores a lingo dicuntur, quia quidquid eis apponitur, exedunt et quasi devo- rant, potinasque adeo belle lambunt et lingunt, ut eas nondum osonio vel pulmento maculatus diceret. De ganea videto plura in Comment. Liberti Fromondi in Senecam Natur. Quæst. libr. vii, cap. xxxii et ultimo.*

**442** Imitati essent.] Nequaquam invitati, *ut C.* Sexaginta solidos.] *C.* quadraginta.

Unde Virgilius.] *Georg. iv.*

#### CAPUT L

Talentum naturæ.] *Fragmentum Camberon. post illa verba* : Animas eorum, *ait* : Sed est notandum, quod est talentum naturæ, gratiæ, fortunæ vel pecuniæ, pœnæ, culpæ. Talentum autem naturæ et gratiæ præcipit, etc. *Placent plurimum, quæ, si unum ex tribus exemplaribus legisset, in contextum reposuissent. In M. talis habetur margo* : Deus dando

A naturam et gratiam, ut cum ap. . vel lucro re . . . Homo ut talento multiplici accipiat auream et a. . .

Augustinus : Usura.] *Etsi solum C., recte tamen Augustinus citatur, quia ille est t. VIII in Ps. lxxv, vers. 12. In marginibus M. et C. adnotatur versus 14.*

Quæ cum multiplici fenore reddet ager.

*Ovidius aliter Fast. :*

Hordeaque ingenti fenore reddat ager.

Culpæ illatæ.] *Non* ablata, *ut M.*

Dando ad usuram.] *C.* Dando usuram, ritiose *omittit ad.*

Auctor omnis mal.] *V.* Actor omnis malitiæ.

Alieni comedent.] *Locus Isaia habetur cap. v, v. 17, quod autem alieni hic dicitur, id redolet Glossam ord. in hunc locum.*

Quæ serpenti et canero.] *C.* Qui serpenti et canero. *Possent tolerari relatione facta ad illud, alienus.*

Hinc usura vorax.] *Non* huic, *ut C. M. super usura inter lineas legit* : Quia serpit.

In tempore fenus.] *Non* in tempora, *ut idem. Vide Lucanum l. 1.*

Igari sacro.] *Græcis Ἐγγορεύσας.*

Cancerosus et pestifer.] *C.* non canerosus, sed tam confusus et pestifer.

In tota civitate.] *Parisiensi nempe, in qua auctor habitabat, eratque tum Cantor ad ædem sacram B. Mariae, ut ex Caesario colligitur prima parte lib. ii, de Contritione c. 34. Vide Elogia a nobis operi præposita. M. hic omittit aliqua. Collige* : *Sic enim legit* : In tota civitate vix unus fenerator inveniebatur nisi pauperibus nec tunc, etc.

De quo si forte oriebatur.] *M. non* admittit forte.

Prava suspicio.] *C.* *rejecit* prava.

Vinea puteus.] *In C. abest* vinea.

Et alteruter.] *Recte. Non* alteruterum, *ut V.*

Quorum filios.] *M.* Filios quo vel pecunia. *Forte pro quo voluit quorum, 443 ut C.* Filios quorum pecunia, etc.

Evomunt in fiscum.] *Audi B. Augustinum quid de Fisco censet* : Majores nostri ideo pecuniis omnibus abundabant, quia Deo decimas dabant, et Cæsari census reddebant ; modo quia discessit devo- tio Dei, accessit indictio fisci. *Et infra* : Ille tollit fiscus, quod non accipit Christus, t. X *operum, lib. Quinquaginta Homiliarum, hom. 48.*

Macra cavum.] *Restitui ex Horatio, l. 1, ep. 7. C. enim pro aretum legebat decem. M. et V. id omitebant sic* :

Macra cavum repetes quem quondam macra subisti. *V. quam quondam.*

Imo pejores.] *Hoc, usque, Quia Judæus, deerat in C.*

Ex prescripto legis.] *C.* ex præcepto. *Deut. xxiii, 19.*

Ut in eis nullam.] *M.* Ut cum eis nullam. *Tales etiam possunt percuti, nec excommunicatio incurritur, quia privilegiis privantur clericorum.*

Vel ipsi etiam si.] *M.* vel etiam ipsi, si testari no- lu- rint. *Duo alia, voluerint.*

Patet supra in titulo.] *Hinc colligitur auctorem multa in suo autographo conscripsisse, quæ, per amanuenses, in apographis ad margines revocata sunt. Hic enim remittit Lectorem ad cap. 46 quod est* : De acceptoribus numerum illicite acquisitionum, cum tamen hoc exemplum non legatur in textu manu- scriptorum, sed in ora, aut margine. *Vide notas ad c. 46.*

In Lateran. concilio.] *Sub Alexandrom anno 1180 in quo sunt multa de usuris. Est enim in a. pendice illius concilii titulus de usuris decem habens capita, et in ipso concilio titulo 1, c. 25, excommunicantur usurarii manifesti.*

Aliquo signo noto.] *Videatur c. 68 Conc. Later. 1.*

Vesceris pane tuo.] *C. panem tuum. Etiam valet.* A  
 Vesceris pane alieno.] *Margines C. et M.* Diripient  
 alieni labores ejus. *Ps. cviii.* Alii laboraverunt, et  
 vos in labores eorum introistis.  
 Jerem. c. xvii.] *Tria, c. xviii.*  
 Quocumque modo rem.] *Ex Horatii versu, l. 1,*  
*ep. 1.*

Rem

Si possis, recte; si non quocumque mo lo rem.

Non habet eventus.] *Versus Ovidii elegia 1.*

Vix peterunt ablata restituere.] *Restituit quidam*  
*usurarius Parisiensis Theobaldus nomine temporis*  
*Philippi regis, qui consilio magistri Petri Cantoris*  
*actoris hujus operis Verbi Abbrev. jussit clamari*  
*sub voce præconis per civitatem, quod paratus esset*  
*restituere omnibus, a quibus aliquid supra sortem*  
*acceperat. Facta solemnī restitutione elemosynas*  
*ferit. Vide hoc exemplum apud Cæsarium De con-*  
*tritione, l. II, c. 34, prima parte.*

444 Ex auctoritate B. Hier.] *Plura videto t. IV,*  
*in c. 58 Isaia. In c. xviii Jerem. In c. v Amos.*

Exemplo etiam B. Fursei.] *Subdo hic, quæ depre-*  
*hendi in margine V, Et hic iterum vide quæ in*  
*corrupte hoc exemplum de B. Furseo inducitur. Nam*  
*in Legenda ejus sic legitur: Cum enim diabolus ei*  
*raptō a corpore objiceret crimina sua et delicta,*  
*inter cætera et hoc objecit: « Servus qui scit vol-*  
*untatem domini sui, et non facit eam, plagis vapu-*  
*labit multis (Luc. xii). » Cui cum Angelus sanctus*  
*pro anima Beati Fursei responderet: « Quid de vol-*  
*untate Domini tui non implevit? » respondit dia-*  
*bolus: « Dona iniquorum recepit. » Ad quem Ange-*  
*lus: « Creditit quod egisset pœnitentiam. » Et dia-*  
*bolus: « Ante debuit probare pœnitentiam et per-*  
*severantiam, et sic suscipere. » Et infra: Vir unus*  
*de igne, in quo ardebat prostratus, demonibus illum*  
*projicientibus super humerum B. Fursei, maxillam*  
*suam maxillæ ejus imprimens incendit. Ille erat*  
*vir, qui moriens vestimentum suum illi donaverat.*  
*Tunc ait Angelus ei: Quod incendisti, hoc arsit in*  
*te. Sarius t. I, in Vita ejusdem, die 16 Januarii.*

Vel morphæ.] *Id omittit V. Dicitur autem mor-*  
*phæ, immutatio vultus, aut coloris præ infirmitate.*  
*Unde Ovid. II Me am.*

Excitat artificem simulatoremque figuræ  
 Morphæa.

## CAPUT LI.

In udo situm.] *Hoc est in humido. Virgilius Ecloga*  
*40:*

Nigra subest udo tantum cui lingua palato.

Testatur Augustinus.] *Consule t. II ac. Macedo-*  
*pinum epist. 54 post medium: deinde causam 14 qu. 5.*  
*Non sane. Item 11 q. 3. Non licet. Quibus locis verba*  
*B. Augustini allegantur.*

Non licet tibi vendere.] *M. sic ait: vel si non*  
*eges, si licet tibi vendere patroc., etc. Non sapit.*

Pro utilitate officii.] *Sana est hæc lectio, ut patet*  
*ex proxime et remote sequentibus: Nequaquam ergo*  
*pro utilitate officii, dixeris, ut vult C.*

Et lucrum mendicant.] *V. Vindicent.*

I ad Cor. cap. vi.] *Tria cap. xxvi.*

Et viles.] *Glossa interlinealis est, quæ ait: Indi-*  
*seretos, viles, etc.*

Prudentiores vero.] *C. prudentes.*

Et subtilis venæ.] *V. omittit hoc modo: Pruden-*  
*tiores vero prælicationi, etc.*

Desperabatur.] *C. et V. desperabat.*

Idoneus fuit.] *Margo M. prosperi ingenii.*

Fem Sidonius.] *In epist. de iudicibus.*

445 Qui solidi sunt.] *M. qui solliciti sunt.*

Auftere substantias.] *M. sententias.*

Fastidiunt admonita.] *M. inter lineas: Sine*  
*pratio.*

Judicanda dicant.] *M. ditant.*

Dietata convellunt.] *Margo M. ubi acceperint.*

Retrahunt transigentes.] *M. transientes. Male.*

Reverentiam clericis.] *Cassiodorus loquitur. Vide*  
*eum in Ps. lxxiii.*

Concessum prioribus.] *Non consensum, ut M.*  
*Honorarium.] C. orarium.*

In collationibus statuar.] *V. in colloctionibus*  
*statuar.*

Sphinxum ungues.] *De quibus Ausonius Poeta:*  
*Sphinx volucris pennis, pedibus fera, fronte puella.*  
*Ulyssis argutias.] C. astutias. Etiam bene juxta*  
*illud poetæ Fausti Andrelini;*

Polymnestoris.] *V. Palinestoris. M. Pallinestoris.*  
*Propertius l. III:*

Et scelus accepto Thracis Polynestoris auro.

Ubi metri causa littera m eliditur.

Achitophel.] *M. et C. Architofel.*

## CAPUT LII.

Solum C. hoc caput distinguit, addito ad marginem  
 summaris, seu titulo, rubris characteribus.

Parabol. c. xxii.] *Tria c. xlv.*

Sicut superba fides.] *Ut brevior sim, remitto Le-*  
*ctorem ad B. Augustinum fusius hac de re tractan-*  
*tem t. II ad Valentinum De libero arbitrio ep. 46.*  
*Item eodem t. contra Pelagianos ep. 105. Postremo*  
*t. VIII, præfatione in Ps. xxxi.*

Linguam esse venalem.] *Duo margines subnotant*  
*versum Lucani de Curione, Cæsari, cui ante adversa-*  
*batur, reconciliato.*

Lib. 1. Audax venali comitatur Curio lingua.

Qui cerebellos.] *Viros parvi cerebri, et exiguae*  
*aciæ mentis. V. et M. pro cerebello habent coterel-*  
*los.*

A coterellis advocatis.] *Coterelli nomen a cote videt*  
*derivari. Tales enim ad instar cullæli supra cot-*  
*em causas acunt, et veritatis speciem addunt, cum*  
*tamen ex se falsæ et injustæ sint.*

Crocodili.] *Tria cocodrilii. Crocodilus sola bestia-*  
*rum omnium caret lingua, sola quoque in mandendo*  
*partem movet superiorem. B. August. tom. I, lib. II*  
*Solid. cap. 8.*

Cum non sitis mihi.] *Male C. cum vos sitis, etc.*  
*Diligenter investigabam.] Quidam diligentissime,*  
*cum Biblico textu: Job xxxi.*

446 Sed divites questionem.] *Plane ita est. In*  
*causam et questionem veniunt divites, et ob minimam*  
*rem, vel verbulum acetosum, levissimumque in se jac-*  
*tum convitium, cum illa patienter, et absque sumæ*  
*danno tolerare et sopire possint, Non mirum, si*  
*hodie consilia, curiæ vel camera provinciales, innu-*  
*meris causis decidendis prægravata consistant. O*  
*quam laudabile Thomæ Mori martyris et judicis,*  
*acquistissimi factum. Ille cancellarium Anglicanum lit-*  
*tibus maxime onustam, sua dexteritate, solertiam et*  
*equitate, ab omni causa suo tempore liberam fecit.*  
*Ita Stapletonus de B. Thoma Moro martyre, Angliæ*  
*cancellario in Vita ipsius.*

Præcipit tueri.] *M. intueri.*

Moneam ad pacem.] *M. Moveam ad pacem.*

Ergo mones eum.] *M. Ergo monens eum.*

Si conductus.] *V. omittit Si. M. Si conductus.*

Quidam justus et prudens.] *M. justus et provi-*  
*dens. Huc revocandus est margo V. Talis est: Ille*  
*ipse R. cum esset episcopus Ambianensis (et coge-*  
*ret advocatos et iudices ad restitutionem damni,*  
*quod per eos reis et clientibus illatum fuerat inju-*  
*stis advocacionibus et iudiciis) quæsitum est ab eo,*  
*cur in talibus tantam adhiberet operam. Respondit:*  
*Quia nisi hoc facerem, tenerer de meo restituere*  
*injuriarum passis.*

Parab. c. xxiii.] *Tria xlv.*

## CAPUT LIII.

M. Denum legit hic titulum capituli præcedentis  
 immediate, qui est: Legibus divinis, etc.

In sumario habetur: Quod soliditatis nihil habet,  
 hoc est, quod ad voluntatem hominis immutari possit  
 justitia positiva,

Deut. c. xvi.] *V. c. LXXIV. C. LXXXIII. M. LXXXIV. A* Justiniana.] *M. in margine* : Justitiæ humanæ. *Dicuntur leges Justinianæ, quia a Justiniano imperat. constitutæ et declaratæ.* Tales, ait *Margo C.* potius punient in arena quam in ecclesia

Numeri c. xxvii.] *Tria LIX.*

Horum, quæ ad litteram.] *Verba sunt ejusdem Orig. hom. 11. C. hic addit in laterali ora* : Contra, Levit. LXIII. Orig. quod supradictum est, etc. Ubi dicitur : Apud Christianos non est præceptum, ut corporaliter puniatur ; sed Evangelium pietatem legis observat, rigorem juris abjicit.

Non proprias.] *Ita textus Origenis. C. non propria.*

Non sufficit partem.] *Subdo ex Glossa in c. xviii, Levit ver. 5* : Lex enim non vivificat, nisi Evangelium superveniat.

Quod autem nihil solidum.] *Hic demum caput inchoat M. præfixo summario* : Quod nihil solidum, etc.

447 Patet decreta.] Sicut ait Lugdun. episcopus. *M. in margine.*

Alia et alia ratio reformat.] *Hinc appellationes a iudice ad iudicem superiorem. Unde B. Aug. l. I. De libero arbitrio l. 1. c. 6, circa medium* : Lex temporalis quamvis justa sit, commutari tamen per tempora juste potest.

Quod in ea ] *M. quod in eo.*

Agellius.] *C. Augellius. A quibusdam vocatur Anus Gellius, cujus exstant Noctium Atticarum l. 20. Leges urbium. C. et M. Leges vestræ sunt.*

Et similitudinibus.] *Ut cæcus qui pascens alium (aitur margines M. et C.) pro ore eruit ei oculum (M. addit) lippum.*

Et exemplis sanctorum.] *Hæc omittit V.*

Statuentes.] *C. statuens.*

Et cæteros hujusmodi.] *Dictum de talibus supra c. 47.*

Quod videtur.] *Quod si non sufficit, ait C. videtur quod clericus, etc.*

Transgressores constit.] *Ergo et te habentem plures ecclesias sine scientia et licentia papæ. Ita margines C. et M.*

#### CAPUT LIV.

Maximo et præcipuo.] *C. maxime et præcipue.*

Ecl. c. vii.] *M. et C. 19. V. 29.*

Extimescas.] *Cyprianus* : Clericus vel laicus si timet, vicinus est veniæ ; cum vero episcopus timet, actum est de eo. *Margines C. et M.*

Et colligas.] *Hæc omittit V.*

Hircus emissarius.] *Non emissorius, ut C. Vide Levit. xvi et hom. 9 Origenis in hunc locum.*

Postea ordinatus.] *Apparet Nicolaum de Lira quondam hunc nostrum auctorem vidisse ; nam ejus Glossa redolet ea quæ hic in textu habentur. Ita enim ad illud I Tim. v : Neque communicaveris, etc. Aliqui exponunt hoc de ordinatione nimis festina alicujus insufficientis, et sic episcopus communicat peccatis ipsius indigne ministrantur.*

In cathedra derisorum.] *Hæc Hebraica translatio B. Hieronymi est. Chaldaica versio pro in cathedra, legit, in societate derisorum.*

Et temporalem.] *V. omittit, et.*

Episcopus Cenomanensis.] *Nomine Hildebertus, qui varios versus edidit. Hos vidi inter chirographa nostra : De mysterio missæ sic incipit :*

Tollimur et medio fatis urgentibus omnes, Et trahimur quo nos vita peracta vocat.

Alios præterea sub hoc titulo : Sacramenta Cenomanensis episcopi. Incipiunt :

448 Scribere proposui quid mystica sacra prorum

Missæ representet, quidve minister agat. Deinde alios vere ingeniosos, quibus in capite pro summario hæc præfigurantur : De acquipollentia virginitatis sanctæ Mariæ : Quomodo ignis habetur de sole. Initium tale est :

Sol, crystallus, aqua, dant qualemunque figuram Virginei partus, erudiuntque fidem.

Infelix quem res.] *M. et C. præponunt hæc* : Item poeta.

I Joan. ii.] *Tria, cap. iv.*

II Cor. xiii.] *Tria LXI.*

Et ita aliquando.] *M. super et ita habet M., quod est Magister,*

Et delectationem.] *Non delectationem, ut V. nec delectationem, ut M.*

Ad remum.] *Nequaquam remedium, ut corrigebat margo M. Ait enim idem alibi* : Ad episcopalem dignitatem eligi non debuit, qui minora officia gubernare non didicit ; quia cura navis illi committi non debuit, qui remum tenere non novit.

Ad amplustre.] *Seu aplustre, ut supra dixi ad cap. 1.*

Casus gravior est.] *C. casus difficilior est. Juven. sat. 8 :*

Omne animi vitium tanto conspectius in se Crimen habet, quanto qui peccat major habetur.

Diu vacavit papatus.] *Per 55 dies, ut habet Barinius in Annal. Eccles. estque sermo de Sixto II. Diutius vacavit post Fabianum.*

Pompam secularem.] *M. hoc subnotat in ora laterali* : Aurifrigium in mitra et hujusmodi. Aurifrigium ornamentum est industriosum prime in Frigia inventum, ut de Dalmatica ait Isidorus, quia primo in Dalmatia Græciæ textu est.

Qui major est.] *In virtutibus, ait C. in margine. Fiat sicut minor.] Idem* : In humilitate.

Sed an pollens.] *V. Sed an pollens in. forte minus.*

Contra conscientiam.] *M. contra scientiam.*

Pro conscientia.] *Idem pro scientia.*

Unde nec velit esse.] *Similia habet B. Greg. hom. 17. in Evang.*

Vita, scientia.] *Glossa est in II Tim. 11.*

Galfridus Peronensis.] *V. Gaufridus Peronensis, Dictus est Peronensis, quia a Perona civitate Gallie oriundus. Hujus meminit, suppresso nomine. Casarius exemp. memorab. l. 11, c. 29 et Menologium Cisterciense die 15 Januarii. Ubi vide adnot. Vocatur autem ibidem Godesfrigus de Perona. Nec absimilia narrat Cantipratanus i Apum c. 20. Ubi ait de Hugone decano Cameracensi, quod mulierit in habita monachali sub regula in Vacellis latere, quam insula pontificali decorari. Et aliud ibidem prorsus simile de Canonico Regulari S. Victoris apud Parisios.*

449 Factus custos.] *M. et C. Sanctus custos.*

In oraculo.] *Hoc est oratorio secreto.*

#### CAPUT LV

Levit. cap. xxi.] *Tria LXXI.*

In ministerio evangelico.] *C. in minist. ecclesiastico ?*

Abrotanum ægro.] *Sic tra exemplaria et originale. Greci Ἀβρότανος. Herba est, Gallice Aurosur.*

Hujus autem indigæ.] *M. super Hujus, legit M. forte Magister.*

Stemma generis.] *Seu, ut margines duo* : Nobilitas sanguinis.

Quantum ergo matur.] *V. hæc omittit, usque Si ergo. C. habet in marg.*

Et prudentiam.] *Et quæcumque prudentiam. C. ibidem.*

Quod pretiosum.] *Hæc parenthesi inclusa V. habet in textu, C. in margine.*

Regere et revelare.] *M. velare et revelare.*

Caveant sibi.] *M. Unde cavendum est promouentibus tales, ne simili præna, ut Philistæi, percutiantur, etc.*

Item timendum est.] *Absunt hæc in M. usque : Sic enim.*

Sed et sibilus.] *Sibilo enim aurigæ, boves reunguntur.*

Utpote scholares.] *M. et C. ut poetæ scholares.*

Magi- tri scholarum.] *Hæc omittit M.*

Sed quorsum hæc objicio.] *M. perstringit et saltat sic* : Sed tales non eliguntur in fabros, nec habent locum in ecclesia. Ubi non est videns, privamur videtibus, ut videri proxima captivitate prophetis. Balthasar abusus est vasis Domini figuratibus, unde eadem nocte occisus est. Quanto magis puniantur qui viva vasa, id est animas et ecclesiastica sacramenta committunt indignis? etc.

Item Ecclesiastes.] *Solum V. in textu usque* : Item : Quomodo. *C. vero in ora inferiori, notatque c. 21, sed hodie 10 est.*

Matth. c. xxiv.] *M. c. 68. V. et C. 247. Olim diviserunt Matthæi Evangelium in c. 355, ut est Suidas, Ammonius, et Eusebius.*

Et honorum.] *M. ex ambitione tantum. C. Ex ambitione dignitatum. V. addit et honorum.*

In illa face temporum.] *C. in margine* : Dictum Sapientis : [ *V. etiam in margine hæc legit* : Id est tempore medio, inter defectum legis et initium Evangelii ; tempore scilicet prædicationis Dominiæ, quando jam lex deficiebat, et in Evangelium nondum plene conuocabat. Quod tempus dicitur perversa medietas a perversitate Judæorum, qui tunc erant, legem Moysi jam incipientium perdere, et Evangelium Christi nolentium recipere.

Sederunt passim.] *C. et V. Sederunt quilibet passim super cathedram, etc. Male quilibet affirmative, quia sequitur, sed tantum Scribæ, etc. Videatur Glossa in hunc locum.*

450 Signum religionis.] *C. divisi ab aliis per signum religionis.*

Maturi ætate.] *Verba Glossæ ordinariæ, in illud Matth. xiii, vers. 2.*

Si convertatur et pœnit.] *M. Si convertatur et relinquat post se benedictionem. Omittit et pœnitent, male, prout et proxime sequentibus liquet* : Sicut de peccatore pœnitentem, etc.

Et inscio promoti.] *Hæc absunt in M. Sic enim* : Sed fatuo nulla spes est ; sicut (etiam hic omittit quædam) de peccatore pœnitentem, etc.

Hinc, inquit Aug. *Consule Glossam in c. iv Levitici, deinde recurat ad tom. IV operum ejusdem parte II, Quæstionum ex utroque Testamento, q. 4.*

Quis medebitur ei?] *Sacra Biblia* : Quis miserebitur ei ?

Colligite fragmenta.] *V. Colligite fraumenta, et pro fragmentorum, fraumentorum.*

Manus prudentium.] *C. prudentium.*

Sicut cophini.] *Hoc usque* : Ut pro tempore *V. omittit. C. habet in margine. M. in textu.*

Substantialem differentiam.] *C. Substantialem drachmam.*

Hieronymus de Helvidio.] *Habetur epistola B. Hieronymi adversus eundem t. II. Incipitque* : Nuper rogatus a fratribus. *Gemadus in Catalogo virorum illustrium, Helvidii meminit. C. Hieronymus de Eudlio, pro Helvidio. M. post illud de fide et spe, om. tt. t, et bonis moribus Ecclesiæ, subditque sic* : Helvidius unicum et horrendum monstrum in Gallia sacerdos laicus (cum sola Gallia monstris careat) qui tamen literatus fuit, sed impie de B. Virgine scripsit. Si ex præcepto Domini, etc. *Aliquid simile de Vigilantio scribit idem B. Hier. in ep. quæ incipit* : Multa in orbe monstra.

## CAPUT LVI.

Ad indignam.] *M. abbreviat hoc modo* : Ad indignam indignorum intrusionem repellendam, intueri libet officium prælatorum et sacerdotum. Provideat Dominus, etc.

Numeri c. xvii.] *V. et C. 59. Consule Glossam Origenis in hunc locum.*

Dominus Deus spirituum.] *Non spiritum, ut C. Quod acute reprehendit margo V. Nota, inquit, Glossatorem litteram istam non intellexisse, qui spiri-*

**A** tum pro spirituum glossavit. Falsi enim codices sunt, qui spiritum pro spiritu habent, quod hic primo inventi. Nihil autem adeo falsum est, quod aliquam expositionem non recipiat. Omnis enim littera meretrix est, et corruptorem patitur.

Item ibidem.] *Addi ibidem eo quod idem sit caput. Tria interim legebant* : Item 60 (caput scilicet) Tolle, etc.

Genesis, c. xlvi.] *Tria, c. lxxxv*

451 Actum est de eo.] *B. Cypriani sententia.*

Officium et onus.] *M. omittit officium, sed vitiose. Ait enim Glossa ord. in c. 1, Jerem. Detestatur, Jeremias, officium, quod pro ætate non potest sustinere. B. Hieron. in comment.*

Elementarius vita.] *Supra c. 7, vocat abedarium. Juvat hic subnotare quæ Alanus habet initio sui libri Pœnitentiæ, nondum, ut reor, impressi. Orditur sic* : A, a, a Domine Deus, quoniam puer ego sum

et nescio loqui. Si Jeremias ab utero sanctificatus, a Domino propheta electus, a criminali macula alienus, divina inspiratione edoctus : timens officium prædicationis assumere, timens verba Dei resonare, se confessus est puerum, se confessus est blæsum :

**B** quomodo nostri temporis homines ab utero immundi, a Domino reprobat, criminalibus impliciti, divina visitatione deserti, audent sacerdotii culam ascendere, arcana cœlestia balbutire ; cum non sint infantes pueritia, sed puri [forte pueri] sapientia, cum non sint pueri sapiendo, sed senes desipiendo ; cum non sint tantum blæsi ad prædicandum, sed muti ad loquendum ? Si Jeremias, qui eloquens erat ad prædicandum Deum, se mutum confitetur : quomodo sacerdos mutus, ad loquendum de Deo se eloquentem fatetur ? etc., lectu dignissima.

Ineloquens autem.] *M. variat. Sic enim inquit* : Innocens (forte ineloquens) et absque sermone conversatio, quantum exemplo prodest, tantum silentio nocet.

Nam latratu canis.] *Hoc, usque et dixit, solum M. admittit.*

De facili enim.] *M. omittit non pauca. Post, audibilia faciatis, ait* : Faciendo quæ prædicatis, alioquin faciatis ne verbis credatur. Tu ergo accinge, etc.

Jeremiæ c. 1.] *Tria c. III.*

Sicut Ezech. c. III.] *Tria c. v.*

Quod Job, Elias.] *De Job vide ejusdem c. xxxviii, 3. De Elia III, Reg. xviii, 46. De Jeremia libri ejusdem cap. 1, 17. De Joanne Matth. III, 4. Hos recenset auctor secundum ordinem ætatis. Job enim Etiam imo et Moysen præcedit tempore.*

Incessorem. V. Cessorem.

Item accedens.] *M. restringit hanc sententiam hoc modo* : Attendat judex futurus, quod nullus judicium, etc.

Spiritum Othonielis.] *M. paucis complectitur Spiritum Othonielis, Delboræ, Gedeonis antequam, etc.*

Delboræ.] *Tria sic pro Delboræ. Antiquitus Delbora pro Debora, ut ex variis codicibus deprehendi, dicebatur.*

Item Exodi III.] *Tria non III, sed v.*

Mutationem virgæ.] *M. et C. in margine* : Virga ferrea necessaria est prælato : Ita censet B. Greg. I. xx, Moral. c. 8.

Sonoræ vocis.] *Verba sunt Origenis hom. 3, in Exodum, initio.*

II. Tim. II.] *Tria. II Tim. IV.*

452 In Act. apost. c. xx.] *V. et C. c. XLVIII. M. LX.*

Episcopus regere.] *Quo sacerdotes intelligas, sed contractum est nomen, inquit C. in ora laterali. In primitiva Ecclesia nomine episcopi etiam presbyteri intelliguntur et e converso. Vide S. Tho. 2. 2. q. 184. art. 6 ad 1.*

Usque ad ascetas.] *Post hæc sequitur in Frag-*

mento *Camberonensi*: De hoc mysterio Apostolus ad II Timotheum iv: « Tu vero vigila. » Glossa: « In omnibus labora, » tam perversos quam bonos docendo. Opus fac Evangelistæ: imple opere quod prædicas ore. Sobrius esto: discretus in omni opere tuo, carens omni superfluitate. Et postmodum addit: « Contestor vos hodierna die, quoniam mundus sum a sanguine oculum vestrum. Non enim subterfugi, quo minus annuntiarem vobis omne consilium Dei (Act. xx). » Ergo si quo minus annuntiasset, reus essem animarum ipsorum. Si enim frater fratris, proximus proximi tenetur esse custos (alioquin vox sanguinis clamabit ad Deum de terra [Gen. iv]), multo magis prælati tenentur esse custos pro quibus spondui: quod oves infirmas etiam super humeros portans introducet in ovile cælesti, omnia postponens et proprium corpus exponens morti propter illas? Item, tunc Jacob defecit Joseph, etc. *Hæc ibi. Ea autem quæ habet textus hoc loco, omittit idem Fragmentum.*

Quia prædicatione.] *Hæc parenthesi inclusa, C. legit in margine, V. nullibi.*

Vel singulorum.] *Solum C. addit.*

Augustinus: Quid sibi.] *T. IV libro Expositionis epistolæ ad Romanos [inchoata, ante medium.*

Et fortitudinem.] *Hoc omittit M.*

Traditur indigno.] *M. etiam bene, creditur indigno.*

Piscis trisuitæ.] *Id male omittit V. Est enim interpretatio nominis Dagon.*

Eunuchis molibus.] *Eunuchis abest in M. non, molibus.*

Diaboli fugantis eos.] *Hæc verba non habet.*

Custodibus animarum.] *C. custodiis.*

Ad Rom 1.] *V. et C. ad Rom. II.*

Vestram atque meam.] *C. Vestram atque misericordiam.*

In eadem c. 1.] *Tria, c. III.*

Aliquem fructum habeam.] *M. in margine: Vel ut vos fructificetis, vel ut ego præmium acquiram pro vobis. Glossa est interlinealis cap. 1, ad Roman., vers. 15.*

Vobis in subditis.] *M. Vobis et subditis. Sequiturque in M. Mercedem æternam et permanentem, etc.*

Apostolus promptus fuit evangelizare.] *Hæc, verba omittit C.*

Applicandi sunt doct. C. applicandi. Fallitur. Item IV Reg. xi.] *M. non citat locum, V. et C. c. 78. Idem legitur Jeremie xxix, et II Paral. xxiii.*

453 Ut esset populus Domini.] *C. Ut esset populus post Deum, obediens Deo et regi.*

Sed quis sit mediator.] *M. Sed quis sit mediator, non homo sed Deus, si conversus fuerit in lupum vel mercenarium, sed sine custode. Omittit: Non legitur, ut patet ex textu.*

Germinatio ditionis.] *Hæc absunt in M. usque: Debet enim. Non absimili sensu in parabola decem virginum B. Hier. ad illa verba: Domine, Domine, aperi nobis: Egregia, inquit, in Domini appellatione confessio, idque repetitum, fidei indicium est.*

Verbo prædicationis.] *M. et C. in margine: Tu cum Judæus sis, cogis gentes judaizare. Gal. II. Adidque Glossam, quæ ord. est: Non docentis imperio, sed conversationis exemplo.*

Spiritum suum.] *V. Spiritum sanctum.*

Nunc autem.] *Hæc omittit V. usque: Unde quidam.*

Pastor oves cura.] *V. et M. omisso primo versu, incipiunt a secundo: Attrahe, etc. Habentur hi versus, in Glossa Capit. Cum venisset, Extra de sacra unctione. Ubi primus versus hic est:*

In baculi forma præsul datur hæc tibi norma.

Attrahe, etc.

Tertium versiculum habet etiam S. Thomas in Supp. q. 40, art. 7, sed pro attrahe legit collige, sicut et

A Durandus l. III, Rationalis c. 15 et eadem indicuntur in Pontificali, dum episcopo traditur pedum Pastoralis.

Ezechiel c. III.] *C. pro Ezechiel, male legebat Ezechias.*

Et c. XIII.] *V. c. XXVII.*

Et cap. XXII.] *Tria LIV in fine.*

Et cap. XLIV.] *Duo c. CVII V. non notat caput.*

Et cap. XLV. Fili.] *Tria c. cv.*

#### CAPUT LVIII.

I Tim. iv.] *Tria, I Tim. VII. M. sic incipit: Attende lectioni et post exhortationi, G. (hoc est Glossa) Volentium, T. (textus) et doctrinæ, G. ne scientiam.*

Canonicam electionem.] *M. non legit, canonicam.*

In eadem epist.] *Tria c. II, cum I, sit.*

Id est, secundum.] *Glossa sunt interlineales*

Quæ dicuntur prophetiæ.] *Ab hinc usque: Gratiam*

B exponendi, V. lacei.

I Machab. c. v.] *V. c. XVI. M. xv.*

IV Reg. xxii.] *C. et M. IV Reg. LXXXVII. V. IV Reg. xxxiii.*

454 Quanto sollicitius.] *M. Breviter: Sollicitus prælatus Ecclesiæ evigilare debet ad tonitrua verborum Domini. Grex perditus. Cætera intermedia omittit.*

Pastores eorum sedux.] *M. et C. in margine: Exemplo. Error enim principum trahitur in exemplum.*

. . . . Non sic evertere mentes

Humanas, edicta valent ut vita regentis.

Versus sunt Claudiani libro de IV Consulatu Honorii imperat., sed nonnihil discrepantes ab impressis, qui sic:

. . . . Non sic inflectere sensus

Humanos, edicta valent, ut vita regentis.

Cubilis sui.] *C. cubiculi.*

Et litigiosa.] *Abest in V. et loco hujus: Et mala.*

Isaias cap. lII.] *V. et M. c. 157. C. 167.*

Quia populus hodie.] *Nota diligenter. V. Quia populus hodie, non sicut sacerdos, et sacerdos minus, non sicut populus. C. Quia populus hodie plus quam sacerdos et sacerdos minus non sint plus.*

I Tim. c. IV.] *C. et M. v. V. VII.*

Nihil enim est.] *B. Hier. I. VI. Commentario in finem c. II epistolæ ad Titum ita censet.*

Item Isaias c. XXVII.] *V. c. LXXXIV. C. LXXXV.*

Venient super eos vel nos.] *V. et M. Venient super nos. C. in margine addit: Qui templum Domini populus peculiaris sumus.*

Stercoribus temporalium.] *M. in margine collateraliter ita correxit. Prius enim in textu: Fætoribus temporalium.*

Qui iniistis consilium.] *C. Fallitur hic. Ait enim: Qui non iniistis consilium. Textus Isaie cap. xxx. (C. in margine cap. LXX, M. LXXX.) sic: Ut faceretis consilium.*

Amos. cap. VI.] *Tria, c. xxv.*

Propter quod emitam.] *M. Propter quos emitam. Utique bene.*

Qui non ardet non acc.] *Sicut enim non accenditur candela nisi ab ardente flamma, ita non accenditur auditor, nisi prius ardeat prædicator. Is ergo prius exemplo doceat quam verbo.*

Basilio etiam.] *Exempla hæc tum B. Basilii cum S. Sebastiani etiam habentur supra c. VII. Quare ibi notas videto.*

Lingua ignea.] *M. Flamma.*

Act. apost. c. 20.] *Tria c. XLVIII. M. omittit hic non pauca ab illo loco: Item Lucas, usque: Apostolus festinavit, ut Pentecostem (verba sunt M.) faceret in Jerusalem.*

Majoribus solemniter.] *M. Solemnitatibus simpliciter, omisso majoribus.*

455 Majores natu senes.] *M. addit non juvenes. C. in marg. Non pueros, non juvenes.*

Incognita salutis.] *Omittit M.*

Et per domos.] *C. in margine*: Ubi nunc hujusmodi prædicatio? Prælati enim suis non est.

Vado in Jerusalem.] *M. in margine*: Non ad exigendum munera, non ad deliciandum (*C. amplius*: Non ad convivandum et declamandum) sed ad tribulationem (*M. patiendum C. pavendum*).

Tribulationes me manent.] *C. ibidem*: In mundo pressuræ, etc. *Joan. xvi.*

Vel vitam meam.] *Solum C. M. autem in margine ad illud*: Animam meam, ait: Id est vitam meam. *Dico illud*, vel vitam male abfuisse a textu eo quod *Syriaca interpretatio videtur admittere*.

Dummodo consummem.] *Tria*: Dum ego consummem. *Ex Bibliis sacris restitui. Etsi interim etiam legerim*: Dummodo ego consummem. *Videto textum Glossæ impressæ sub caractere S. Petri, ut vulgo dicitur.*

¶ Ad Tim. cap. iv.] *C. et M. c. vi.*

Aliquem sermonem.] *Sic legendum est, ut ex Glossa interlineali collegi. Non ergo aliquando, ut M. et C. Hic sub jectio notum marginalem C. Patres successuri a filiis utiliora tunc dant monita. Naturale enim hoc est.*

Pro quibus spondit.] *C. Pro quibus respondendum spondit. M. autem abbreviat sic*: Multo magis prælati custos animarum (*hic desunt*) qui tenetur oves infirmas super humeros portare, etc.

De eodem Jeremiæ cap. XLVI. *Hæc usque*: Attendite, *M. C. et V. cap. LVII.*

Item III Reg. c. xx.] *V. c. LIV. Duo alia non determinant.*

Discessionem meam.] *M. Discessum.*

Lupi rapaces.] *M. Lupi graves, pro rapaces.*

Memoriter retinentes.] *M. Non est parva custodia, divini præcepti memoria. Textus Biblicus*: Memoria retinentes, non memoriter. *Quod hic adnotavi ex M. Glossa est ordin. quæ et Rabani.*

Nullius concupivi.] *C. et V. Non concupivi.*

Et dignoscuntur.] *M. et V. Et discernuntur.*

Quod non veri prælati.] *M. Quod non sunt prælati.*

Manus istæ.] *M. mæx pro istæ. Male.*

A lupis.] *M. in textu, C. in margine*: Ne infirmi scandalizentur vel graventur.

Commendans illos Deo.] *Hoc abest in M. et . .*

Bonus princeps.] *C. et V. solus princeps incorrecte.*

Et fient maxime.] *Hoc, usque ad finem, omittit M.*

## 456 CAPUT LVIII.

Notandum *M. divisisse hoc caput a priori, intercapedine, ut assolet; tamen in margine indicat inchoandum novum hoc summario*: De patientia et impatientia prælatorum.

Præcipua virtus.] *Id omittit M. Sic ergo*: Patientia est præcipuum ornamentum prælati, etc.

Est patientia.] *C. ad marginem explicat*: Et abundans præter generale. *Cui hoc? Quia prælati candelæ est super candelabrum aliis subditis præluces exemplo, charitate, patientia, etc.*

Ad I Cor. c. xii.] *Tria cap. xxvii.*

Et ablato equo.] *M. unde cum cuidam tolleretur jumentum, ait*: Quin et tolle scuticam. *Quantus enim quisque existat illata contumelia probat. Item IV Reg., etc.*

IV Reg. ii.] *C. IV Reg. ix.*

Et in Rom. 21, l. ii.] *Tria*: in Rom. 9, secundæ partis. *Utique bene. Nam per secundam partem, liber ii intelligendus est. In hoc autem lib. ii, antiquitus 10 numerabantur homiliae, et illa, de qua est sermo, nona est, hodie vero 21, quia numerum duodecim homiliarum l. i moderni conjungunt cum homiliis l. ii.*

Sacri eloquii verbis.] *Ita C. cum textu B. Greg. hom. 21 in Ezech. V. vero*: Sacri eloquii verba docet.

A

## CAPUT LIX.

V. tale legit summarium hujus capitis: Quod ad sollicitudinem pastoralem pertinet, esse exoneratum a sæcularibus. *M. autem, quia continuo variat in lectione, consulto post notas ex integro subjiciemus. Sunt autem hoc capite quædam vehementius dicta contra episcopos qui non religiosi sunt, ut erant apostoli. Neque est peccatum habere divitias, sed eis cor apponere.*

Hoc determinantem.] *C. denuntiantem.*

Etiam voluntatem habendi.] *Videto commentarium B. Hieronymi in cap. ix Matth.*

Joannes relicta sindone profugit ab eis.] *Non est verisimile adolescentem illum fuisse Joannem apostolum; quia Joannes introivit in atrium pontificis. Joan. xviii, v. 15 et 16.*

Successorem apostolorum.] *Hæc duo verba omittit V*

Equos et phaleras.] *C. in margine, ad illa verba*: Secuti sumus te, ait: Quomodo? Nunquid in phaleris et pompis sæculi; in equis et quadrigis, non tantum ferentibus, sed post se trahentibus aurum et argentum? etc.

457 Lucæ c. xxii.] *C. c. CLXX. M. CCLXX. Nec mireris, lector, si tot numerent capita. Nam antiquitus Oecumenius et Euthymius Evangelium Lucæ in LXXXIII capita distribuunt; Ammonius et Eusebius in CCCXLIII; Ambrosius in titulos CLXIV; recentiores Latini in XXIV capita dissecant.*

Quam Eccles. prælati.] *C. ad marginem*: Qui etiam in cathedris super colla ducum feruntur cum turba tumultuante et tibicinis.

Divites sæculi.] *Nec male V. Duces sæculi.*

Nonne militanti.] *Horum solutionem ignoro, ait C. in margine. Ut promisi, prædictum caput 59 ex M. verbotenus (ut loquuntur) describo. Sic incipit*: Quo illam addidit: Quod adjectum poterat prodesse et neglectum obesse. *Dictum est apostolis, et per consequentiam successoribus apostolicis viris*: « Nolite possidere aurum et arg. nec pecuniam in zonis vestris, non peram in via, non duas tunicas, nec calcamenta, nec virgam: dignus est operarius cibo suo (*Matth. x.*) » Lucas: « Edentes et bibentes, quæ apud illos sunt. Manducate quæ apponuntur vobis, curantes infirmos qui in domo sunt (*Luc. x.*) » Moderni prædicatores partem auctoritatis detruunt, procurari volunt, non curare vel prædicare. Præoperari operarius debet. Dominus dicit: Operarius, et cibo, non cibis, non fereulis; et suo, sibi debito post impenso, pro spirituali præimpensu. Quæ apud illos sunt: Non terra marique quæsita delicatiora extra domum; sed nec deliciosa domus et lautiora quærat sibi apponi prælati, sed sibi appositis sit contentus. Unde: Manducate quæ apponuntur vobis, scilicet sine delectu vel murmure. Sed nunc non erat his locus, ut dicunt, sed in primitiva Ecclesia. *Dictum est rusticis et piscatoribus, hodie licere sibi habere oppida, servos, phaleras, divitias, equos, mutatoria vestium et hujusmodi. Hodie enim lactatur Ecclesia mammilla regum, habet regalia episcopus, comes movet castra, habet milites, satellites, multiplicat sibi thesauros et equos. Cum hoc prohibitum sit regibus, multo fortius regibus spiritualibus: quod observavit David, qui solam mulam habuit, et super eam Salomon consecratus est (*Deut. xvii*), et ita secundum eos delendum ut cæremoniale, novum Evangelium, Verbum abbreviatum quod misit Deus super terram (*Rom. ix*): cum tamen de moralibus dicant sancti esse hujusmodi præcepta Evangelii, non pro loco, tempore, persona exsufflanda, nec per consuetudine et usu utentium in contrarium. Nam Dominus dicit*: « Quod vobis dico, omnibus dico (*Marc. xiii*). » E

Initio cognovi de testimoniis (*Psal. cxviii*), etc. Et: « Principium verborum tuorum veritas (*ibid.*), etc. Ecce nos reliquimus omnia; etiam voluntatem ha-

C

D



hendi. In numero divitum computatur, qui divitias concupiscit, et si non habeat. Et : « Facilius est camelum per foramen acus transire, » etc. « Et secuti sumus te (Matth. xix). » Non in pompis et phaleris, etc. In regeneratione, etc. Relictio omnium, confert hanc judicariam potestatem, scilicet ut nudi nudem sequantur Dominum et ejus discipulos. Ad hoc tenetur quilibet prædicator ex officio. Unde Joannes, relicta sindone, nudus profugit; **458** Joseph, relicto pallio; Mattheus telonio (Matth. ix); Samaritana hydria. Et volens sepelire patrem, audit a Domino : « Dimitte mortuos sepelire, » etc. « Et sequere me (Matth. viii). » Cum plium sit exsequiale etiam erga patrem officium; multo magis etiam cætera onera interdicens signavi, et prælatis strepitus belli, etc. Hæc enim et gentes inquirunt. Regibus Israel prohibitum est ne redirent in Ægyptum. Si dixerint quia omnia reliquerunt eo quod patrimonium et propria non habeant, sed tantum dispensationem rerum pauperum sibi creditam, sic reliquerunt omnia imperatores, qui ex electione succedunt. Quod sequitur, alia duo complectuntur.

## CAPUT LX.

V. Hunc præfert titulum : De gradu et dignitate diaconorum.

Et si sapiens.] *Glossa interlinealis cum sequent. Subdiaconatum.* Id expressit Urbanus II uti legitur de ætate et qualitate ordinis, a multis multoties.

Alterius diœcesis.] V. Alterius multoties episcopi.

Substituatur.] Instituatur M.

Ad evangelizandum.] C. ad latus : Hoc videtur tantum archidiaconis convenire.

Cui commisisti Domini corporis et sanguinis consecrationem, etc.] Tam in Vita S. Laurentii, quæ est apud Surium, quam in ipso Ambrosio l. i. Offic., cap. 41. (omissa dictione corporis) legitur Domini sanguinis consecrationem (sicut et in Paris. editione facta ex Romana) hoc est Domini sanguinem consecratum. populo scilicet distribuendum, ut ibi in missa : Hæc commistio et consecratio. Sed quia non bene intellectum offendere videbatur, in Breviario Romano mutatum est, in dispensationem, quomodo legit sanctus Thomas par. e. tertia, questione octuagesima secunda, articulo tertio; et Baronius tomo secundo Annalium ecclesiasticorum anno ducentesimo sexagesimo primo.

Non quia sumat.] M. Non quia conficiat, vel semper sumat.

Conficitur corpus.] Conficit. M. Et cum majori reverentia conficitur præsentia, ministerio et testimonio ejus, diaconi nempe.

In majoribus.] Id abest in M.

Et ruralibus.] Et hoc omittit.

Prædicare ex auctoritate.] M. Ex officio. Quondam legi apud B. Hieronymum, quæ hic subnoto : Tunc denique ut aures habeamus ad Dominum, diaconus acclamat, ipse prædicat, ipse hortatur, etc. quæ brevitate studio omittimus. Consule t. VIII, De septem ordinibus Ecclesie de quinto gradu. Præterea de officio diaconi habetur dist. 23, c. 1 par. 4. Ad diaconum.

Exemplo B. Vincentii.] Surius post Metaphrasten refert vitam S. Vincentii t. 1, die 22, Januarii.

**459** Vita, scientia.] *Glossa interlinealis est, qua in precedentibus sæpius utitur auctor, ut idoneitatem et sufficientiam clericorum comprobet.*

## CAPUT LXI.

V. pro summario sic habet : De reverentia sacerdotalis officii. M. id omittit : Vel novitios.

Unde Cenomanensis episc.] C. Unde Viocenomanensis male cuidam scribit. M. in textu : Electo cuidam.

In summis enim sacer.] At B. Gregor., l. II Ex-

A positionis in 1 reg., cap. 3, post medium : Ætas virilis, tempus est administrandi sacerdotii. Sed omnia sequentia, sunt verba Hildeberti, usque : Sed obicitur.

Ætas prophetæ.] Hæc et sequentia redolent doctrinam B. Gregorii homilia 2 in Ezech. initio.

Detulit igitur ætati. Margo C. Quid majus ostenditur, quam puerum erigi supra senes ?

Certusque limes.] Olim episcopatus, sicut et sacerdotum ordinum, susceptio, in juniori ætate permittebatur facilius quam hodie. Limitat conc. Trid. ætatem episcopi.

Sed obicitur de Salom.] M. variat sic : Si Salomon duodennis inunctus est in regem, ob hoc forte bonos non habuit exitus. Jeremias, Daniel, Timotheus citra ætatem facti sunt prophetæ et doctores; sed privilegia paucorum non faciunt consequentiam. Unde trahi non deberet in consequentiam; si trahatur, eligantur similes prædictis. Item B. Isai., etc. Has objectiones solve cum B. Hier. t. IV in c. II Isaïæ, v. 6.

Privilegia paucorum.] Regula Juris 74 in sexto. Quod alicui gratiose conceditur, trahi non debet ab aliis in exemplum. Aliquando ætate juvenes ordinantur sive sacerdotes, sive episcopi, urgente necessitate, neque hoc in argumentum trahi debet, ut liquet ex regula 78. Si præterea privilegium visum sit personale, illam personam sequitur tantum, exstinguiturque cum ea, ut indicat regula septima, ibidem.

Item Isai. c. II.] M. c. IV. C. et V. c. VII. Initio notavi numerum capitulum ab antiquis observatum.

Puer contra senem.] Margo M. Vita.

Ignobilis contra nob.] Idem : Genere. Abhinc, usque : Ideo Apostolus, tacent C. et V.

Et dicet.] Margo idem, scilicet M. Carnali affectione suos intrudentes. Videatur in hunc locum Isaïæ commentarius B. Hier. t. IV.

C. Ecclesiastes, c. I.] M. c. XXVIII.

Et voluptas.] C. Voluntas. Idem noto in psal. XXVI : Ut videam voluntatem, pro **460** voluptatem. Psal. IV : Ad Deum fontem vivum, pro fortem, vivum.

Sterilibus.] Id abest in C. et V.

Mane comedit.] M. omittit hæc, usque : Item Hieronymus. C. vero tantum legit in ora laterali, unde reor hæc a scholasticis subnotata fuisse.

Quid tu hic ?] Ita textus Biblicus. V. Quia tu hic.

Æstimabat enim.] *Glossa est in hunc locum, ut innuit C. sed illam nondum legi.*

Vestimentum tibi est.] M. in margine : Omnia necessaria. *Glossa interlinealis est.*

Non statim judicio multitudinis.] Margo M. et C. huc refertur et est talis : modo non multitudinis, sed unius in conclavi.

Simile legitur. V. Simile Hier. causa 1. Vi. le eum D in c. III Michææ.

Præsumptuose innuit.] M. Præsumptuose jactantur habere senectutem morum, etc.

Quasi diceret.] M. omittit atque : Ut quasi alter Daniel propter vitam et merita jus spirituale meruerit, et generale jus infringatur canonum.

Quia remissus.] M. remissius, notatque in margine : I Reg. x.

I ad Tim., c. v.] Tria c. VI.

Annorum 25.] C. Annorum 20. Fallitur.

Ne quibus opus.] M. Abbreviat : Ne quibus opus defensore, fiant administratores rerum alienarum. Illud comicum.] C. illud canonicum. Vitium est. Et cui opus præca.] Abest in M. usque : Apostolus non nisi.

Sexagenariam.] Supple Viduam. V. autem addit. Ubi scilicet dicit ad Timotheum : Vidua enim eligatur non minus annorum 60. Adnotavi locum ad latus.

Aliis panem frangat?] *Alludit ad illud Threnorum* iv: Parvuli veterunt panem, et non erat qui frangeret eis.

Esse discipuli.] *M. addit*: Qui nec tiro fuit, etc. Lubricum enim.] *Id omittit M. usque*: Item: Moyses.

Movente hominum aff.] *M. Movente affectus (et addit) in comœdiis, tragœdiis, magis in seriis et veris Ecclesiæ pastoribus eligendis.*

Limina.] *Stanim subdit M. Pastor qui hoc non frequentaverit, cum Paulo non ab homine, etc.*

Si apud Hebræos.] *B. Hieronymus prænio in primum commentariorum in Ezechielem ad Eustochium, l. IV diximus hac de re, c. 4.*

Milites ogeri ligneos.] *Id abest in V.*

Ad theatrum et spectaculum.] *M. Ad theatri spectaculum.*

I Reg., c. 1.] *Tria, c. III.*

Non vult Anna.] *M. hoc omittit, usque*: Quia Ecclesia.

Job, cap. xxxii.] *Tria c. xxv.*

#### 461 CAPUT LXII.

Titulus V. præ aliis placuit addens, maxime.

Non opposites.] *Genuina lectio, ut patet ex c. xiii Ezech. V. et C. suo sensu utique bene*: Non valentes latrare, sed opposites se, etc.

Isaias, c. LXII.] *C. et M. c. CLXXXIV.*

Non quiescam.] *Post hæc sequitur in M. Speculatores Ecclesiæ cæci cæci omnes, nescierunt universi. Super muros, etc.*

Ei Domino.] *Solum C. Domino.*

Depingi video.] *Sequitur in M. Nondum enim stabilita videtur Ecclesia, etc., quæ parentesi consulto conclusi. V. et C. legunt simpliciter*: In sacra Scriptura depingi video non sentio in opere.

Video non sentio.] *M. Depingi video, qualem sentio in opere.*

Et iterum, c. XL.] *V. c. CVIII. M. et C. c. CX.*

Item idem, c. VI.] *Tria c. XVII.*

Pollutus non mendaciis.] *M. præmittit G. verbo pollutus, quod est Glossa. Illam ego non legi, nec in interlineali, nec in ordinaria. Apparet tamen Nicolaum de Lira illam vidisse, quia, hoc sensu, ait*: Sicut enim polluuntur labia loquendo quod non decet ita etiam tacendo quod decet. *In Is. c. VI.*

Ignitus calculus.] *Credo ignitum fuisse, alioquin forcipibus non fuisset opus. C. omittit, ignitus.*

Combussit mihi labium.] *Nota marginem C. Sic visum est ei imaginarie. Non enim intelligendum quod adusta sint ei labia actualiter.*

Iod: Heu, heu.] *Manu scripta tria legunt*: Ioth.

Parvulus lactens.] *Tria*: Lactans. *Male. Nam lacteo, lac sugo, quod parvulorum est; lacto autem, lac præbeo, quod nutritum.*

Act., cap. 1.] *V. et C. cap. XLVIII.*

Et multiplicati sunt.] *V. Etiam si multiplicati sunt supra numerum. Ad illud multiplicati, ait C. ad lusus*: Adversarii mei contra me.

Prov., c. 1.] *Tria, c. IV.*

Id est in prælatis.] *V. allucinatur*: Id est in plateis.

Jerem., c. XXVI.] *V. et M. c. XLIV.*

Et c. III.] *Tria*: Et c. XII.

Act. XX.] *Tria*: Act. XXVIII.

Detestarentur.] *C. et M. detestaretur. Apud B. Hieron. visuntur ea, quæ de B. Joanne Bapt. infra habentur, l. VI in c. 1, Matthæi.*

In eccles. Historia.] *V. In Vitas Patrum. Rufinus eccles. Hist., l. X. Nicephorus, l. VIII.*

Exsulante Athanasio.] *C. Anastasio*: Vitiose.

462 Papa.] *Non Romanus. Omnes enim episcopi multis sæculis papæ vocati sunt, ut multis locis videre est apud B. Hieronymum scribentem ad B. Augustinum contemporaneum suum. V. pro papa, legit episcopo Alexandrino. Etiam bene.*

A Panem otiosus comedo.] *V. et C. Panem otiosum comedo.*

Cum Athanasio. C. iterum: Anastasio. *Male.*

Cur non magis.] *Hoc, usque*: et egrediens, omittit M.

Injurgens sibi hoc.] *Hæc, usque*: Justus, absunt in V.

Et sanctus est.] *C. Verus est, forte, Verax est.*

Athanasius.] *C. ut supra, et infra*: Anastasius.

In Socratico decreto.] *Sic loquitur Boetius De cons. philosi, lib. I. prosa 4.*

Similis est Catharo.] *V. ad latus exponit, quis ille sit Catharus. Ait ergo*: Id est hæretico Montano, vel Cataphryge: qui dicuntur Cataphryge a loco Phrygiæ, unde primum orti sunt a Montano auctore. Cathari autem a munditia, quia se solos inter homines mundos putant. Tales hæretici, nempe Montanus, Prisca, Maximilla, adventum Spiritus sancti, non in apostolis, in se traditum asserebant.

B. S. Hieronymus epistola ad Marcellam adversus Montanum, quæ incipit: Testimonia: in fine. Item epistola adversus Vigilantium quæ incipit: Multa in orbe, t. II. Et multis aliis locis Montani ejus sequacium Cataphrygum hæresim insequitur et damnat. Vide t. VII, in Psal. CVII, ad illud: Et usque ad nubes veritas tua. B. Greg. t. II. Reg., l. IX, indict. 4, c. 61.

Pandere noli.] *V. Prodere noli.*

Jerem., c. LI.] *V. c. CLIX; M. et C. c. CLXIX.*

Et Anna et Mo.] *Reor illud et Mo. indicare Moysen, qui similiter clamasse dicitur orando, ut Exodi, c. VIII. Et clamavit Moyses, etc. V. et C. Hoc solum habent*: Et Susanna tacens clamavit, quod superest, adjecti ex M.

Ad confitentium peccata.] *Recte id significat B. Hieron. tom. VI, c. IX. Math., v. 33.*

Augustinus.] *Tom. II, ep. XIX, ad B. Hier., c. 4 in fine.*

C. Ad disputandum.] *M. discrepat*: Ad disputandum, ad litigandum bene tacetur. *Sequitur ibi*: Nisi disputatio sit collatio, qualis decet sanctos.

Decet sanc os.] *C. Decet sacerdotem.*

Pessimæ taciturnitatis.] *C. sunt autem causæ pessimæ, taciturnitas, timor mundanus vel humanus.*

Nisi qui concupiscit.] *Ita Seneca*: Nil timet nisi qui sperat.

In os Demosthenis.] *Supra subnotavi historiciæ locum.*

Cum Atheniensibus.] *M. et C. Contra Athenienses. Unde et quidam, etc. Reliqua desunt.*

Non squinancem.] *Melius syuancem. Nam aliud Gallicum est*: Esquinancie.

463 Et vim auctoritatis.] *Sententia est B. Ambrosii in II e. ist. Cor., cap. VIII sub initium.*

Paulus abstinnit.] *M. variat sic*: Paulus manibus victum quærrens, non accepit a subditis necessaria.

D. A, a, a.] *M. Ah, ah, ah.*

Sed nullus prelatorum.] *M. Sed modo in prælatis prudentia excusat retatem, quod falsum, etc.*

Hoc autem vitium.] *Usque*: Quintilianus, abest in M.

Unde Hieronymus.] *Vide epist. contra Helvidium t. II, quæ incipit*: Nuper rogatus.

Quod comparabile.] *Subaudi est, vel videtur, ut clarior sensus evadat. M. idem aliis verbis exprimit*: Cum sola Gallia monstris careat, Helvidius solus in ea sacerdos et laicus, non quia litteras nescierit, sed tropos ignorans loquendi et diversas acceptiones hujus nominis, primogenitus, B. Virgini obloquens erravit. Et vox penitentia.

Et lacryma.] *Hemistichium Ovidii l. III, de Ponto, elegia X.*

Est et vox confessionis.] *Vide supra c. 6 cum notis.*

In voce exsultationis.] *C.* In voce exsultationis et salutis in tabernaculis justorum. In his omnibus periculose tacetur.

Secunda.] Voce nempe. *V.* addit : Scilicet confessionis.

Tertia.] Iterum *V.* subdit : Orationis.

Quarta.] *V.* Scilicet laudis, id est predicationis. Eruditionis.] *Supra* in notis ad c. 6, collegi *ly*, eruditionis omitti, et subrogari inter *hæc* quinque species *ly*, sustentationis, seu sustentationis.

#### CAPUT LXIII.

Sugillato vitio.] *initium*, usque : Aperiat, abest in *M.* Incipit ergo hoc modo :

Aperiat os prælatus, quæ duo alia *m. s.* omittunt, usque : Est enim tempus.

Scio enim te.] *Hæc* abest in *M.* atque : Sanctum Dei non est dandum canibus, etc.

Malus detractionis.] *His* carent *V.* et *C.* usque : Unde Ezechielis.

Circa prædicatorem.] *V.* prædicationem.

Et incapacitate.] *M.* et incapacitas.

Quæ sit ad privatam.] *C.* et *M.* Quæ de vitio lingue sit ad privatam personam.

Ubi quandoque.] *M.* omittit ubi.

Frustra quidem niti.] *Post Terentium B. Hier. epist. ad Domnionem et Rogatianum*, quæ incipit : Utrum difficileus.

464 Jeremias, c. xxv.] *V.* c. iii.

Si malum exemplum.] *C.* Si malis exemplum timetur.

#### CAPUT LXIV.

Non Dominus.] *V.* Sicut advena et peregrinus, et nunquam : desunt alia : *C.* Sicut advena et multum tace, et nunquam, etc. *ly* : et multum tace, omisi, quia paulo post repetitur.

Si vis amari.] *C.* in margine : Charitatem ponit. *M.* autem ad *latus* habet : Raritatem notat. Quod ad illud refer : Multum tace, hoc est raro loquere.

Semper tacuit. *M.* Diu tacuit. *De Lantfranco dixi supra* c. 10, post medium. Mirabile exemplum refert *Contipratanus* de monacho *Afligemiensi* in *Brabantia*, qui ob silentii assiduum custodiam *Radulphus*, taceus dictus est. *Hic* cum in præfato suo monasterio grande incendium videret, confusus de bonitate Dei, talia protulit verba : Stet ignis hæc hora ; flamma penitus conquiescat : qui prius per sexdecim annos ne vet syllabam protulerat. l. ii, A, um, c. 13, n. 4.

Quasi frenum.] Omittit *M.*

Sicut tutius.] *M.* Sicut minus.

Misericordiæ.] Abest in *M.*

Tutius auditur.] *Hanc sententiam solum M. legit.*

Ut voces ejus habeant.] *M.* Immediate post hæc : *Maria* conservabat omnia verba hæc conserens in corde suo. *Lucæ* ii.

Non de summitate.] *C.* et *V.* Non de summis labiis.

Ut autem distinguantur.] *M.* tacet, usque : Dupli-

Utentes malo.] *C.* Veteres malo. Non sapit.

Ut autem vitium.] Iterum *M.* omittit, ibique incipit novam periodum : Nota quod tripliciter.

Fili, ne te laudent.] *Hoc proverbium omittit V.*

De omni otioso.] Usque : In *Ecclesiastico*, c. xxviii. Solum *M.* habet.

*Ecclesiastico*, c. xxviii.] *V.* c. lxxv. *C.* lxxxiii.

Jacobi, c. iii.] *C.* et *V.* c. vi *Ad marginem C.* hæc adverti : Quomodo quidam sanctorum (haud dubium quin *B. Laurentius*) tortores suos in iram concitaverunt dicentes : Versa et manduca. Plus possum, qui torqueor quam potest ipse qui torquet, forte ex interna revelatione, et familiari consilio Spiritus sancti.

#### CAPUT LXV.

Ut officium prælati.] *M.* Bis legit : Ut officium prælati plenius prosequamur, et etiam ejus in cau-

tam loquacitatem plenius exsequamur. 465 etc. *C.* pro exsequamur rursus legit prosequamur. *V.* melius prosequamur.

Et modestia.] *V.* et moderantia.

Carnalibus vero.] *M.* ex parte tacet : Carnalibus historica debet prædicator annuntiare.

Apostolici viri.] *C.* et *V.* Id omittunt, et alia respondent. Quæ ? Audi : ascendunt montes et descendunt campi, qui idem sunt montibus, in locum quem fundasti eis. *Ps.* ciii.

Ad Cor. c. ii.] *Tria* c. vii.

Sublimitatem.] Recte *V.* quia textui respondet biblico. Non in sublimitate sermonis, vel per sublimitatem sermonis, ut habent *Græca*, et duo *m. SS.* *Lorantensium. M.* et *C.* Subtilitatem.

Idem cap. iii.] *Tria* c. xiv.

Idem cap. ix.] *Tria* xlii.

Ad Rom. cap. i.] *Tria* c. iii.

I. Cor. cap. ix.] *Eadem* cap. xlii.

II. ad Cor. v.] *Item eadem* c. xv.

Urget nos.] *Hæc* monet nos *C.*

Ob hoc etiam.] *M.* Id omittit, sicque habet : Hinc est quod salivæ et salivaria et infantilia verba, etc.

Et virilia verba maio.] *C.* Prælatus enim, et virilia, et infantilia verba minoribus habere debet : *M.* autem : Ita prælatus minoribus. *Jacob* vidit angelos, etc. *Ad hæc refero marginem C.* Ne nimis subtilia et profunda dicant.

Hortensius.] *M.* hujus non meminit in textu. *De Hortensio agit Cicero* in *Bruto*.

Capitolio.] *C.* capitulo, etiam admitto. Nam prælatorum est capitulariter loqui et monere sibi subditos.

Divinis eloquiis admisceat.] *Margo C.* Ex impertitia et ostensione litterarum. *M.* ibidem : Experientia vel ostentatione.

Querentes potius.] *Hoc*, usque : in templo, omittit *M.*

Super quod Samarit.] *Hæc* usque ; cophinus, omittit *V.*

Quatuor verba ponit.] *M.* variat hoc modo : *Tria* dicit ad vitia extirpanda (et omittit *ly* disperdas) duo ad virtutes inserendas. Evellas : per contritionem quam infundit mentibus auditorum. Destruas, per confessionem ; dissipes, per satisfactionem ; ædifices, prædicando ; et plantes, consolando.

Quod sit per vitiorum.] *C.* quod sit per iudicium, increpationem, confessionis auditionem, etc.

Sunt ergo prælati cophini.] *M.* sic habet. Et notandum quod confessor debet esse cophinus, in quo porientur et mundentur sordes civitatis Dei, sicut dicitur de *Joseph* : Manus ejus in cophino servierunt. Et debet apponere subdito suo confitentem ; primo vinum compunctionis, et postea oleum dulcedinis et consolationis, 466 exemplo Samaritani, qui vinum et oleum infudit vulneribus sauciati. Debet etiam condolere suo confitenti, et promittere comportare onus injunctæ poenitentiae. (Ex *B. Greg. Pasto.* 2, p. c. 6). Et maxime ad tria debet confessor hortari confitentem suum, scilicet, ut occasionem peccati fugiat, etc. (Item *Mor.* 20, c. 8.)

Et ut negligentiam.] *C.* et *V.* Et ut habeat diligentiam pro peccatis satisfaciendi. Sequi ut autem : Item super *Esther* c. i, quod *M.* omittit. Reliqua hujus capituli, et *M.* solo collegi.

Statin currendum est ad confessorem.] *Et hoc ad bene esse ; non autem de novo peccat, qui differri confiteri usque ad primum occasionem. Interim securum est et laudabile post peccatum conteri cum proposito emendationis, et confessionis faciendæ prima data opportunitate.*

Satisfactionis, incurritur.] *Correxi M.* legebat enim : Non incurritur.

Rien jujar.] *Fortè secundum Hispanos, Juzgar.*

Totum officium prælati.] *Ita* finiunt *C.* et *V.* ut *M.*

addit : Scilicet bene iudicare, predicare, pœnitentiam injungere. Et Sciendum, etc., quæ ad caput sequens pertinent.

## CAPUT LXVI.

In summaris vel titulis trium exemplarium, varictas est. C. enim. De officio prelati tripartito. V. autem : Contra acceptionem personarum. M. caput præsens a præcedenti non dividit, in margine tamen laterali hoc subnotat : De acceptione personarum.

Priusquam aliquid hic subnotem, velim te monitum, Lector, me verbotenus, ut loquuntur, descripsisse exemplar M. ab hoc capite 66, usque ad illa verba cap. 80. Interjectionem, indignationem mentis exprimentem, etc., et hoc causa evitandi laboris continui. Cum enim Marchianense m. S. ab aliis duobus maxime recedat, tum multimoda lectionis varietate, cum ordinis sententiarum dispositione præpostera; ita ægre idmodum ad singulas periodos, vel sententias, cum duobus aliis exemplaribus conferri potuit, eoque minus ad notas communes revocari. Quæ vero ex M. descripsi immediate post notas nostras in caput operis ultimum reposui.

Nunc prosequor subnotare ex C. et V.

Augustinus.] Loco Augustini quidam possent dicere Ambrosii in c. II, ad Rom. sed verisimilius est falso tribui Ambrosio, etsi non constet Augustini esse sententiam.

Puto propter religionem.] C. puta religione et honestate vitæ. In margine vero, ad illud, honestate vitæ, hæc subnotat : Quam solam attendit Deus, scilicet meritum vitæ.

Est abjectio personæ.] Margo C. Abjectio honorificentæ crimen est sicut et abusus ejus, qui dicitur abjectio personæ.

Sunt autem quædam mediæ.] Idem C. ad marginem : Propter quam istarum 467 acceptio personæ veniale peccatum est, vel criminale, et quando magis criminale, dubium est.

Abaliardo.] V. Abalardo.

Lenonis.] C. Leonis.

Jacobus c. II.] Duo, c. IV.

Intus ita judicat.] C. in margine : Quod videtur velle littera hæc : Nonne judicatis apud vos metipsos, etc. Etiam hæc ex Glossa in hunc locum Jacobi, verbis tamen diversis, colliguntur.

Sed per conscientiam.] Margo C. Novit enim eum justum. V. Sed per scientiam.

Deut. c. I.] C. c. II. V. c. 70 et 29. Non erat, quia etiam c. XVI. versibus 49 et 20 item repetitur.

Item Job xxxii.] C. Job xxiii. V. 15.

In Ecclesiastico dicitur.] Notatur in m. S. S. c. XXXI.

Judæ canonica.] Duo, hoc est C. et V. c. 3. Olim in plura capita dissecabatur epistola B. Judæ apostoli.

Mirantes personas.] C. ad latus exponit : Accipientes. M. autem laudantes.

Phinees zelo Dei.] V. Phinees zelo Dei male.

Boamundus.] Recte V. sicut ex Baronio patet t. XII. ad annum 1100, fol. 12. C. Boimundus.

Mahometica.] V. Machometica. C. Macometica. Ita antiquitus, uti etiam hodie Teutonici pronuntiant nichil pro nihil.

I. Reg. cap. XIV.] Duo cap. XXV.

Jonathas contra decretum.] Audi marginem C. Hinc autem argumentatur, quod talis est conventio et potestas populi, non dico contra, sed erga regem, et cleri contra prelatum et episcopum suum M. in textu sic ait post hoc exemplum de Jonathas. Et habes hic argumentum, quod princeps non debet aliquid facere sine consensu populi, nec etiam prelatum sine consilio cleri.

Item Exodi xxxii.] V. 125. C. 122.

Tanta æquitate.] Textus B. Gregorii : Tanta æquitate.

Intra Ecclesiam vivere.] Hoc unicum verbum, vivere, omittit C.

Esse Dei negat.] Ad hanc B. Gregorii expositionem ait margo C. Terreat his verbis maxime prælatum.

Vitam carnaliam.] Idem margo : Quasi nec propter carnalem affectum, nec propter aliam causam.

Item, Aman.] V. notat c. VII. Esther. Hodie v est.

Nec motus est de loco.] Sed quomodo non, inquit margo C. cum Apostolus potestates præcipiat honorari, iste autem secundus fuit a roge? Ad Rom. cap. XIII.

Joannis c. IV.] Duo c. XXXVIII.

## 468 CAPUT LXVII.

Procrustes.] Latio insignis in Attica regione, de quo Plutarchus in Theseo.

Summum jus summa.] V. Summum jus summa B injuria est. Ex Cicerone primo Offic.

In remissione peccare.] Hoc est, remissius agendo, aut cum mitigatione pœnæ debita.

In omni opere.] C. in omni tempore.

Reputavit prudentiss.] Ait Cato :

Stultitiam simulare loco prudentia summa.

Parabolarum c. XV.] Duo c. XXXII.

De S. Malachia.] Cujus vitam conscripsit mellifluus doctor S. Bernardus.

De abbate Igniacensi.] Nomine Humberto, de quo idem Sanctus Bernardus in ep. 141, et in sermone. Vitam B. Humberti Igniac. Gallice conscriptam vidit inter aliquot alias Ord. Cisterc. Sanctorum abbatum, editas a R. D. Joanne d'Assignies Camberonensi monacho hodie abbate Nizellensi meritissimo. De eodem Humberto Menologium Cisterc. die 7 Septemb. et alii, quos citat Chrysost. Henriquez in notis ad eundem diem.

Ter flevisse legitur.] Nimirum : In suscitatione C Lazari, Joan. XI. Super civitatem Luc. XIX. Et in oratione, uti colligitur ex c. V, ad Hebræos.

Maxime eum omnes defectus.] C. ad latus elucidationis gratia legit versus Juvenalis sat. 9.

Dependas animi tormenta latentis in agro

Corpore, dependas et gaudia, sumat utrumque Inde habitum facies.

Sed nunquid potuit Deus bene risisse? De hac questione videatur Joannes in Nider Formicario lib. I, c. 11.

Suspectus tibi habeatur.] Post rixam risus, simulationis est indicium. Ita C. in ora laterali.

## CAPUT LXVIII.

Vivendique modis.] C. videndique modi.

Parit notam.] Ita sane : Nam nimia familiaritas parit contemptum, raritas admirationem conciliat.

Convenit Christiano.] Ita legit textus S. Hier. ep. ad Eustochium de Custodia virginitatis quæ incipit : Audi filia : in fine c. 12, t. I. C. sic habet. Vel in veste laudem pariant. Item Aug.

Item Aug.] Aliquid simile habet t. III, l. I. De doct. Christ. c. 4.

Aut aliquid significet.] Ait margo C. Tali præcipitur, ut de omnibus aliquid degustet, ne suspectus sit.

Item idem.] August. t. VI, l. De bono conjugali c. 31.

469 Dunmodo his.] C. in margine : Ne mos generatur, ne sæculo conformemur.

Merearisque dicier.] Respicit ad versum Persii sat. 1.

At pulchrum digito monstrari, et dicier : Hic est.

Sed conspici cupiunt.] Addit margo C. Ut clericus, vel laicus, et hujusmodi.

Sensum communem.] C. dividit : Sensum, communionem, humanitatem. Senecam sumus secuti.

In usitatas.] M. inusitatas legit, sed contra originale et aia exemplaria.

Non incœpta. ] *C.* non incomposita.

Non pœnam. ] *Addit* *margo C.* Et sobrietatem incptam.

Sed non agnoscant. ] *Textus Senecæ* : Sed et agnoscant.

Quemadmodum argento. ] *Sic originale, nostra* : Quemadmodum fictilibus argento. Sed illud quemadmodum fictilibus adjecimus in fine sententiæ ex eodem originali.

#### CAPUT LXIX.

Quæ familiarius. ] *C.* Quæ familiaribus. *M.* Quæ magis proprie dicitur solitudo.

Aut commendat. ] *Exemplo, ait Lypsius ad hæc.*

Aut imprimit. ] *Verbo.*

Allinit. ] *Conversatione.*

Inter homines fui. ] *Margo C.* In turba. Turba enim semper turbata est a nominis etymologia.

Subducendus itaque. ] *Idem Seneca infra in eadem epist. Variat sapius M.* in hac epistola Senecæ. Vide post notas nostras ad caput ultimum hujus operis.

Tam magno comitatu. ] *V.* cum magno comitatu.

At *C.* cum magno conatu. *Observavi textum Senecæ.*

Unum exemplum. ] *Ita M. cum Seneca. Duo* : Unde exemplum. *Sequitur* : Simplici animo. *Ly* animo omissi *Seneca.*

Si te eis conformes. ] *Hæc absunt a textu Senecæ.*

Item Hieronymus. ] *C.* in latere : In Vita S. Pauli, scilicet eremit. Sed ibi non habetur.

Jerem. c. xv. ] *V. et C. c. 62.*

Amaritudine replesti. ] *Ita interpretatio B. Hieronymi in ipsius commentario, et LXX Interpretes* ; hodie tamen legitur : Comminatione replesti me.

#### CAPUT LXX.

*C.* Pro titulo : De mala societate fugienda.

A convictu mores. ] *Seneca* : Sumuntur a conversantibus mores. *l. iii. De ira c. 8.*

470 Colloquia mala. ] *Versus Menandri poetæ. C.* corda prava.

Ecclesiasticus c. ix. ] *C. 31. V. 32.*

Et philosophus. ] *Seneca epist. 19. post Epicurum.*

Et Augustinus. ] *Forte Greg. l. ix, epist. 49. vel synodi generalis, cui præsedet, c. 2. Item 2. q. 7.*

Cum Pastoris.

Natura est cum bonis. ] *Id est voluntas, inquit V. inter lineas.*

Qualis enim iudex. ] *Rex velit honesta nemo non eadem velit. Vel :*

Regis ad exemplum totus componitur orbis.

Eccles. c. xiii. ] *V. et C. c. 40.*

Digit simile. ] *C. ad latus* : Cum sancto sanctus eris (*Psal. xvii.*)

Maxime cavenda est. ] *Quia perniciosa, teste Seneca ep. 7.*

Parabol. c. xiii. ] *C. et V. c. 29*

Describitur Scylla. ] *Hæc habes apud B. Hier. t. IV. Proæmio intertium Commentariorum in Jeremiam, et ep. ad Heliodorum De laude vitæ solitarie t. I.*

Harpyiis similes. ] *De Harpyia ave, Virg. 3. Æneidos et Cantiprat. l. i De apibus cap. 25.*

Res divitum. ] *Margo C.* Status divitum.

Ranæ in penetralibus. ] *Diserte in hunc locum B. Hieronymus* : In ranis, inquit, poetarum carmina designantur, qui a Catholica regula discrepantes regum terrenorum corda deceptionum fabulis replent.

Status potentum meticulosus. ] *Margo C.* Res pauperum in tuto est.

l. Reg. xiv. ] *Duo xxv.*

l. Reg. xix. ] *Alias xxxii.*

#### CAPUT LXXI.

*V.* Pro titulo legit : Contra carnales affectus.

Opera ex carnali. ] *C. ad marginem* : Titulo de consanguinitate, et titulo de indignorum promotione.

Non præposuerit. ] *Margo C.* Tempore et loco semper utiliora præponenda sunt minus utilibus.

Moderari debere. ] *V.* Temperari debere.

Sed mugientibus. ] *Perperam C.* Sed nec mugientibus. *Nam ex B. Gregorio convincitur loco in mar-*

*A gine citato. Ait enim* : Dant ab intimis mugitus, et tamen ab itinere non desolant gressus. *V. legit* : Sed mugientes : male, quia peccat in casu.

Præsertim in spiritualibus. ] *C.* Præsertim non in spiritualibus.

Ob quam. ] *Nempe xorem. V.* Ob hoc.

Levit. xxi. ] *C. Levit. lxx. V. 71.*

Ad vocem Salvatoris. ] *C. ad latus* : Lazare veni foras *Joan. xi.*

471 Reddamus parentibus ] *Margo C.* Scilicet necessaria vita.

Hoc quo ad necessari. ] *C.* Hoc quod ad necessitatem. *Similiter subsequitur.* Hoc quod ad cautelam, etc.

Ob hoc Benedictus ] *Vitam et miracula S. Patris nostri Benedicti conscripsit B. Greg., papa t. I, Dial. l. ii.*

Egydius. ] *Videto vitam apud Surium t. V. die 1 Septembr.*

Ingressi sunt. ] *V.* Ingressa sunt.

Judicium 9. ] *V.* Judicium xv, *C.* Judic. xi.

Joathæ ] *Duo Joathæ, sed vitiose.*

Promoverant. ] *Margo C.* Et parte factis Godeonis.

Ubi ait Augustinus. ] *T. X, serm. 6 De verbis Apostoli.*

A latere descendentes. ] *C. in margine.* Scilicet nepotes nostros.

Tirocinii ] *C. in margine* : Militiæ novæ. Sacramentum est genus militiæ. *Vide notas Erasmi in hunc locum.*

Non est nobis ferreum. ] *C. ibidem* : Sicut nec tibi.

Non ex silice natos. ] *C. et V.* non ex silice natus.

Juxta textum Hieronymianum restitui.

Mammæ lallare. ] *Duo eadem pro lallare, legunt* : Lac dare. *Similiter restitui. Ait autem Persius sat. 3.*

Et similis regum pueris, pappare minutum

Poscis, et iratus mammæ lallare recusas?

Pappare idem est quod edere; unde puerorum cibum pappam dicimus.

Retundendus est mucrone. ] *Sic legi in duobus, etsi textus B. Hieronymi pro mucrone legat muro.*

Alicui parentoso V. Alicui parentum ipsius.

Item, exemplo templa. ] *V. post ly committi, ait* : Sed nec templario licet habere famulum cognatum.

Ad hoc etiam valet exemplum episcopi, etc. *Fusius de Templariis in textu C.*

Quando me in apicem. ] *C.* Quoniam me in apicem.

Item IV Reg. iv Mitte ] *C. post promovistis subjungit* ; item Reg. iii in fine; et 10 et 16 in medio, Et III Reg. ix et 23 in medio. Item IV Regum lxiii.

Mitte. *Hic conveniunt V. et C.* Restitui caput secundum hodiernam biblicam lectionem : IV Reg. iv, alias 65.

Væ qui ædificant Sion in. ] *Citatur Habacuc, qui tamen pro Sion, habet civitatem in textu. Michææ iii, Sion in sanguinibus legitur.*

#### CAPUT LXXII.

Solitudinem operis. ] *Duo pro operis legebant temporis sed restitui ex antedictis. Nam in fine c. 69, ubi solitudo trifariam dividitur, sic legitur* : Solitudo loci, pectoris et operis.

472 Duo quippe sunt genera. ] *Videto genera monachorum apud B. Hieronymum t. I. ep. ad Eustochium de custodia virg. c. 15, et post eum B. Patrem nostrum Benedictum Regulæ suæ c. 1.*

Secunda excelior. ] *Ly excelior omittit V.*

Bonosus tuus. ] *Male M.* Onesimus tuus.

Cedant huic veritati. ] *Restitui ex textu Hieronymiano usque ad illa verba contempta matre. Nam hæc omittabant C. et V.*

Onesimus. ] *C. falsitur.* Honestissimus vro Onesimus.

Censu factus.] V. censum dedit nomen suum. A  
*Reliqua reticet.*

Membra deformia.] Duo: membra deformia. Restitui ex Hier

Nullo Euriporum austro.] *Impressa quædam Hieronymiana, non tamen Erasmi opera, legunt: Nulla riparum amœnitatem. Vide Erasmi notas in hunc locum.*

Aut Dominum rogat.] *Impressa: Cum Dominum rogat.*

Ibi cibarius panes.] *Memini M. legere cribrarios. Secretum arboris.] C. et V. secretum aeris.*

Ostendit.] *Tolerabile est. Impressa ostendunt.*

Querulas sive garrulas, ut M.

Ligna non emam.] *Impressa S. Hier. Non comam.*

Calidus vigilabo.] *Impressa calidius.*

Utilius non algebo.] *Impressa vilius non, etc.*

Item, Maximinus.] *Episcopus Trevirensis, de quo Usuardus in martyrii. 29 Maii. C. Item, Maximianus. Margo C. Addit: In Legenda omnium sanctorum. Vitam habet Surlus t. III.*

Unde Stilpon.] *Consule ep. 10 Senecæ, initio; primo tamen finem 9 percurret. V. et C. Stilbon.*

Ut vide quo iudicium.] *C. variat hic; et vide quod iudicium tui habeo scilicet, audeo, etc. Senecam observavi ep. 10.*

Abeat.] *V. incorrecte, habeat. Vide Senecam ep. 10. Iratum et furibundum.] Hæc duo non habet textus Senecæ.*

Exponit.] *Senecæ textus, exprimit.*

Te malim esse.] *Ex Seneca restitui ly te, quod omisisse oberat multum.*

Qui non aspectus tantum.] *Restitui ex eodem Seneca. Nam duo pro aspectus sic habent: Qui non præsens tantum, quomodo quidam monent, teste Lipsio, in suis libris legi; et ipse testatur omnes libros Senecæ habere: Qui non actus tantum.*

Semper tibi ostende.] *Ita Seneca C. pro ostende, C habet effice.*

Ægyptiaca.] *Hujus Mariæ Ægyptiacæ vitam conscripsit Sophronius Hierosolymitanus episc. teste Nice, horo l. vii, c. 5, et eam habet Surlus t. II, die 9 Aprilis. Alteram vitam m. S. metro per Hildebertum Cenoman. episcopum conscriptam vidi in celeberrimo monast. Bonæ Spei Ord. Præmonstrat*

Item c. XLIX.] *C. c. 75, V. 63.*

473 Asor. Ait margo C. Asor, sagitta interpretatur. Mundus autem plenus est sagittis et laqueis, et ob hoc fugiendus.

Martinus adhuc duodenis.] *Vide vitam ejusdem apud Surlum t. VI per Severum Sulpicium editam.*

B. Germanus.] *Hujus vitam habes apud Surlum t. IV (die 31 Julii).*

Remigius Remensis.] *Exstat vita per Hincmarum conscripta. Sur. t. I et V. M. addit post Remigius, filius comitis Laudunensis.*

Secundum temperantius.] *V. Secundum temperatius, extremum et appetitilium.*

Periculum primi.] *C. Periculum populi quod est in civitate. Primum, quod est in singularitate; Væ soli, etc. Clarius est quod in textu repositi ex V.*

Circumcisi paucitate.] *Ait C. ad latus: Paucitas enim quasi media via eligenda est in perfectis.*

Offendit et offenditur.] *C. Ostendit et ostenditur. Redundat in singulos.] Dum fratribus suis, ea que foris. (In Reg. c. LXVII) viderit, refert; quia, ut ait S. Benedictus, plurima destructio est.*

#### CAPUT LXXIII.

Achan peccante.] *Duo Achor.*

Consentit.] *Fortè distinguendum est inter majorem et minorem consensum, ait C. in margine.*

Deperit inde nihil.] *Hemistichium Ovidii De amoribus.*

Signum tantum.] *In cantando. Margo C.*

Per multitudinem.] *V. pro multitudine.*

Super II librum Regum.] *C. et V. vitiose legabant: Super III librum Regum. His similia vidi apud B. Aug. t. III, l. II. De mirabilibus S. Scripturæ c. 15. Præterea citantur hæc sententiæ de penitent. dist. 3. Illud vero: Item 1, quæst. 4. Ecclesia quæ.*

Septuaginta millia.] *Non, Octoginta millia, ut C. Heli pro iniquitate.] Nihil immutavi, etsi hæc verba non sint Josephi, sed potius B. Hieronymi t. II adversus Jovinianum l. 1, cap. 20, quæ etiam in Glossa ad I Reg. c. II recensentur.*

Severa animadversione.] *V. Sæva animadversione.*

Primo Reg. c. cxviii.] *V. c. xlv C. c. xlvi. Circa hæc attendendus est margo C. Spiritum sanctum exstinguit, qui non libere (puta metu pressus, vel alia causa indebita) loquitur veritatem, vel celat.*

#### 474 CAPUT LXXIV.

V. Variat in sumario.] *Quod pro facili occasione Sancti se reos dicunt alicujus peccati etiam gravissimi.*

Se reum peccati consti.] *C. Hanc sententiam repetit in margine parvis immutatis: Vir sanctus pro modica occasione se reum peccati constituit, quod manu, vel verbo expresso non impletur.*

II Reg. xxiii.] *V. II Reg. xlix. C. II Reg. xxvi.*

Super periculo.] *Quia exposuerunt vitam, ut aquam haurirent, et asportarent Davidi.*

Act. apos. c. xx.] *V. c. xlvi. C. c. lxix.*

Dent. c. xix.] *V. c. lxxxv. C. lxxxiv.*

Ecclesie servaveris.] *V. pro Ecclesie, legit persona.*

Reticulas et apodiationes.] *V. hæc omittit. Sic enim: Facies murum tecti, etsi planum sit per circuitum. M. pro reticulas, habet laticulas. Forte reticula vel retinacula. Apodiationes seu sulcra sive retinacula, quibus inniti possunt, qui, post ambulationes in podio, conquiescere volunt, Gallice des apus.*

Murum tecti, etsi planum.] *C. Murum declivum, etsi planum sit. Ad hæc ait margo C. Cur igitur ædificantur Ecclesie turritæ, et tam altæ?*

Sic et advocatus.] *Vide infra M. quia variat hic.*

Per apenninum.] *V. per apenninum. C. per alpeninum. De Apenninis montibus scribit Plinius III 12. De Apennicis vero Virg. II, Æneidos:*

..... Apennicolæ bellator filius anni.

Item Job cap. ix.] *C. c. xl, V. c. xl.*

In Num. c. xxxii.] *C. et V. c. lxxvii.*

Item Exodi xxi.] *V. Exod. lxx, C. lxx.*

Robertus Anibaniensis episcopus.] *Is videtur esse qui in Gallia Christiana Claudii Roberti recensetur quadragesimus anno 1166.*

Sanctus etiam Maurilius Andegavensis.] *C. Maurilius Cenomanensis, sed male. In catalogo Claudii Roberti est trigessimus, et vocatur Mauriolus. Usuardus in Martyrol. d. e 15. Septembris vocat Maurilionem. Exstat vita apud Vincentium Bellocæ. l. xxi Speculi historialis c. cxxvi per Fortunatum episc. Pictaviensem conscripta.*

Ad baptizandum puerum.] *Ex vita ejusdem B. Maurilii colligitur loquendum, non de puero baptizando, sed confirmando. Vide t. V. Surii die 15. Septembris. Exemplum simile huic habetur in exemplari M. de quodam Cameracensi episcopo. Vide illud infra, post notas ad caput ultimum hujus operis.*

#### 475 CAPUT LXXV.

C. Pro sumario aut titulo habet: Contra supersuaditiosos, male.

Quod in se agitur.] *B. Augustinus in Ps. cxviii. Conc. 12. Quod in se ipso agitur. Fallitur C. Quod in se agitur. V. posset tolerari: Quod in se agit.*

Superficialia.] *Quasi ad apparentiam duntaxat. C. superficialia, abusus Amanuensis.*

Vel propter laudes.] *Glossa est interlinealis et or-*

dinaria mtc. vi Matthæi, sed reor auctorem hæc A immediate hausisse ex Beato Augustino. tom. VIII. In psalm. cxviii, conc. 12.

Judicium autem rerum.] Solum V. addit : Manifestatur hac de re doctrina B. Thomæ 2, 2 q. 60, a. 4.

Dubia in meliorem partem.] Solvit hæc clare idem, loco eodem.

Ad Rom. xiv.] Duo 45.

Ad Gal. cap. vi.] V. c. xii. C. ad Ephes. c. xii.

Proterve exagitando.] Hæc desumpsit ex B. August. tom. IV, libro exposit. in hunc locum.

Præcendende communionis.] Textus B. Augustini, legit præcendende, sed varietas est nominis non rei, ideoque retinui eam, quæ in m. S. S. erat lectio. C. non communionis, sed communitiois, vitiose.

I ad Cor. c. iv.] V. c. xvi.

Item ad Rom. xiv.] Duo xlv.

Augustinus de civitate.] C. ad latius, corrigit quod in textu habet, hoc modò : Lege, Trinitate. Sed nec in libris De Trinitate, nec De civitate hunc locum vidi, sed t. IV, l. II. De serm. Domini in monte c. 48, per totum.

Alienæ vel malitiæ.] Glossa in illud II Cor. 1, v. 12. Et sinceritate Dei, ait : Alienæ malitiæ, etc., omittit Vel. Considera Glossam hic.

Lectum de cin.] Hæc de re habes exemplum in exemplari M. infra post notas omnes.

Sardanapali.] Sardanapalus fuit postremus rex Assyriorum, vir muliere corruptior, inquit Iustinus l. 1. Unde emanavit proverbium : Sardanapalo mollior. Hoc proverbio utitur Tertullianus t. 1, libro De pallio c. 14, n. 79.

Unctum Domini.] Sacerdotem scilicet. Ita censet M. vel certe episcopum.

Jacobi c. iv.] V. et C. c. 9.

Ecclesiasticus c. xi.] Eodem cap. xxxvi.

#### 476 CAPUT LXXVI.

V. Protitolo legit : De rumorosis et rumusculosis. C

II ad Thess. iii.] V. et C. II ad Thess. v.

Et obsecramus.] C. Et oburgamus.

Et rumusculosis.] Hoc redolet Glossam interl. in hunc locum. Sic enim : Non rumorosi.

Et Quintus Curtius.] Exemplaria sic habent in textu. At C. ad marginem corrigit sic : Lege, Mutius. De hoc Cicero in Verrem.

Fama malum.] Versus Virg. 4 Æneidos per modum parenthesis sublegendi.

Et proferens illoto.] C. illico.

Tales bibulas.] Ex B. Bernardo De consideratione ad Eugenium papam.

Debeat esse certa.] Non tamen in iudicio, ait margo C.

Recula ipsius.] Recula diminutivum a re. C. legit Regula.

Socrates præcepit.] Hoc Socratis præceptum observavit Aristoteles, prout supra ostenditur c. 5 in fine, et in notis.

Et Eccli. c. xxxii.] C. c. 85 V. 86.

Manifestat.] Id est solvere voluerit, inquit C. in margine. Plura invenies hac de re capite 5 hujus operis.

Item Eccli. xxix.] C. 65.

In Parab. c. iv.] C. c. 14.

Dissimile crit.] Id est difficile. Ita C. ad latius.

Verba inenarrabilia.] Margo C. vitiose corrigit : enarrabilia. Nam textus biblicus contradicit.

Summa ergo summarum.] In Senecæ ep. 40 in fine.

Et philosophus.] Quis ille philosophus? In Senecæ? Nondum in eo hanc sententiam legi. Interea primarium hujus sententiæ auctorem dicam esse Platuum in Mostellaria actu 1, scena 1 initio.

Nec liberare metus.] Duo posteriora hemistichia, quæ sunt Statii Thebaidos lib. xi omittit C. V. pro liberare habet librare. Hic impressa sequor.

Imperator Augustus.] Præter hoc exemplum, ad huc aliud habet exemplar M. Vide illud infra post notas.

#### CAPUT LXXVII.

V. Caret titulo, neque intercapedine hoc caput dividit a præcedente.

Comitatur inconstantia.] C. communicatur.

Eccli. c. xxxiii.] C. lxxxvi V. 87.

Mulierum est inconst.] Glossa interl. in hunc loc.

477 Tremulum caput.] De signo in Cain posito diximus supra in c. 31.

Et Isa. iii.] V. et C. Isa. viii.

Et Parab. c. iv.] V. c. 13, C. 14.

#### CAPUT LXXVIII.

C. Paucis titulum perficit : Contra peregrina iudicia.

Ariolos seiscitetur.] C. ad latius ait : Lege suscitetur vel suscitatur. Quid hoc est? Ergone fallitur sacra Scripturæ textus?

Per gladium vel prælium.] Utique placebat. V. Vel pelyim.

Vel incarminatoris.] C. hic Carminatoris, infra B autem Incarminationes. Gallice charmes.

Sed quomodo intelligam.] Hæc restitui ex Bibliis sacris. Alioquin duo : Sed quomodo intelligam per illum esse locutum Dominum? Hoc habebis signum : sic quod propheta ille prædixerit, non evenit, et hoc Dominus locutus est (V. et hoc Dominus est non locutus) sed per tumorem animi propheta confinxerit, etc.

Sed peregrina iudicia.] Margo C. Sicut Ecclesiastica sacramenta faciunt.

Istis enim.] V. Illic enim.

Si autem evenerit.] Idem margo : Procuratio diaboli, permissione Dei.

Item c. xvii.] V. c. 86. C. 76.

Glossa : Non nisi.] C. Qui interficietur gladio. Non nisi, etc. Amanuensis, gladio pro Glossa scripsit. Sic enim Glossa ordin. Attestationes scilicet legis prophetarum, et Evangelii, secundum illud Joan. xi. Sermo quem locutus sum, ille iudicabit eum in novissimo die.

Ad Hebræos vi.] Duo 9.

Scriptura memoret.] Num. c. v. Hoc quoque caput citatur Causa 2. q. 4. Consultuisti.

Propter muniam caviosos.] Propter hanc eandem causam, inquit margo V. prohibitum est in capitulo generali apud Cistercium, non haberi Decreta Gratiani in claustris nostris; quia quidam simpliciores abbates abutebantur eorum auctoritate ad furta monasterii investiganda. Percurre textum M. hoc loco, quia multa exempla recenset.

Igitur nec in eo quodminus.] Similiter propter incertitudinem peregrini iudicii, ait C. ad latius.

Privilegia paucorum.] Regula Juvii 74 in Sexto sic habet : Quod alicui gratiose conceditur, trahi non debet ab aliis in exemplum. Sive : In argumentum trahi nequeunt, quæ propter necessitatem aliquando sunt concessa. Regula 78. in Sexto. et 2. q. 2. Non statim.

478 In his iudicatur circa.] Ait C. in margine : Ut etiam reum respuant, vel innocentem admittant.

Effectum suum consequantur.] Idem ibidem inquit : Quod tamen quia plures eo salvî fiebant, quidam malitiosi in iudicium ignis transtulerunt, quo magis perierunt.

Quam miraculis.] Cur hoc? Quia miracula quotidiana, ex assiduitate vilesunt, inquit B. Gregorius hom. 26 in Evang. sub finem. Præterea, ait idem, corporalia illa miracula ostendunt aliquando sanctitatem, non faciunt. Hæc vero spiritualia, quæ aguntur in mente, virtutem vite non ostendunt, sed faciunt. Illa habere et mali possunt; istis autem perfrui, nisi boni non possunt. Nam. 29. in medio. Quæ sunt ad salutem.] Non dice æquidientia, ait C. ad latius, ut gratia prædicandi, et huiusmodi.

Inventi a Salomone.] Liber est in decreto Celasii papæ dominatus dist. 15. Capit. Sancta Romana Ecclesia, de quo Status Senensis lib. II Bibliothecæ sanctæ verbe Salomon, sic habet : Recensetur etiam

in Decreto Gelasii Pont. inter damnata scripta liber quidam falsissime Salomoni ascriptus, qui Clavicula Salomonis prænotatur. *Latus de his exorcismis Michael Glycas parte. II Annal. pag. 255.*

Sed auctor ignoratur.] Nisi forsitan diabolus sit, inquit margo C. Accipe ea quæ in oris V. hoc loco deprehendi. S. Gengulfus (16) de Burgundia oriundus, regi Pipino percherus erat. A quo, dum aliquando rediens transiret per Campaniam, devenit ad quemdam fontem. Super quem dum sumeret jentaculum, supervenit dominus illius prædioli: quem invitans ad prandium, rogavit eum ut fontem illi venderet. Qui cogitans intra se, cæpit cum irridere, reputans posse sibi cedere utrumque, scilicet et pretium et fontem: et vendidit eum centum solidis. Igitur Gengulfus, dato pretio et ascensis equis, rediit, et uxori suæ, quæ illo absente adulteraveat, narravit quæ egerat. Illa, ut erat superba et petulans, irrisit eum quod sua tam leviter perderet emendo inutilia. Post hæc sanctus Gengulfus loca domui suæ contigua circumiens, baculum infixit solo, quem tenebat, eoque relicto rediit. Crastina die, cum mane surrexisset, et aquam ad ablendas manus et faciem posceret, defuit; et jussit uni ex ministris, ut iret ad locum baculo signatum, et baculum abstraheret, et aquam quæ sequeretur, afferret. Mox baculo abstracto, fons ille, quem in Campania emerat, ibi exortus est, et ita avarus venditor privatus est fonte suo. Est autem coloris subalbidi, et usque hodie dicitur sanare languentes per merita S. Gengulli. Uxor autem sancti amabat quemdam clericum. Cujus flagitii rumor cum pervenisset ad sanctum, duxit ad prædictum fontem uxorem tanquam gratia spaciandi, cui et ait: Multa, inquit, turpia audio de te, sed levem purgationem tibi offero. Ecce hic est fons frigidissimus: immitte manum tuam, et affer capillum de fundo. Si nihil patieris mali, inculpabilis es. Mox illa, ut capillum tangens, manum ad se retraxit, quidquid unda tetigerat cute nudatum est, tanquam si in ignem manum misisset, ita ut in summitate digitorum penderet caro cum cute abstracta. Tunc sanctus: Digna quidem morte fueras, sed meis manibus non morieris, iudicio Dei te reservo; si tamen penitentiam egeris, indulgentiam consequeris. Hoc autem scias, quod in meo ulterius consortio non eris. Dimitte autem tibi quidquid in dotem dederam, ut habeas unde vivas. Tunc abiit sanctus Gengulfus in prædia sua longe posita in Avallensi territorio. Illa autem timens ne se et amicum suum interficeret, locuta est clerico. Qui veniens in domum in qua sanctus dormiebat, gladium extraxit, qui erat ad caput ejus. Interim excitatus sanctus, surgit, et dum ictum capitis declinaret, incidit in cuspidem gladii, et lethaliter vulneratus est in femore. Clericus autem fugit ad amicam suam. Et postquam simul plauseram de hoc quod acciderat, quia videlicet sanctus post paucos dies obierat, clericus ventrem purgaturus, viscera sua omnia effudit in latrinam, et ita periit. Interea sanctus portatur ad sepulcrum, et inter eundem multa miracula facit. Quod cum una ex ancillis narraret uxori ejus, illa insaniens respondit: Sic operatur virtutes Gengulfus quomodo anus meus. Quo dicto, statim a parte abstrusa corporis obscenus sonus prodit. Erat autem sexta feria. Talique postea subjacuit opprobrio, ut per omne tempus vite suæ quod eo die protulit verba, tot ab illa parte corporis prodirent probra. Hujus rei fama adeo divulgata est, ut rex Pipinus per illa loca transiens mitteret nuntios ad inquirendam rei veritatem, et invenit ita esse. *Hæc ibi, at in margine C. longe succinctius recitantur hoc modo: Notandum, quia Gengulfus dux, ut probaret an uxor sua mœchata esset, ait ei: Si sine exustione extraxeris lapidem de fundo hujus fontis, innocens es. Quæ mittens ma-*

num in fontem aquæ frigidae, extrahit lapidem, et combusta est manus ejus lapide. Videantur plura in Vita ejusdem B. Gangulphi t. III Suri die 11 Maii. Causam constituit.] C. ad latus corrigi textum sic, pro constituit, lege innotuit.

Est et alia aperta.] Publica et manifesta, inquit B. Aug. t. VIII in exposit. hujus Ps. LXXVII.

Mammotrepti.] Sic duo exemplaria, tertium mammotrepti, Græce Μασσώτρητοι, id est diu sugentes, vel a matrice educati: qua voce utitur B. Aug. concione 2. in Ps. xxx. Est Dictionarium biblicum voces obscuriores explicans Metis excusum quod vocatur Mammotreptus, eo quod rudibus in Latina lingua veluti mammam sugendam quidam ordinis Minorum exhibuit (anno 1509). Nomen videtur esse Teutonice originis, qua lingua trecken significat trahere, quasi dicas, qui mammam trahit vel sugit.

480 Jastis sub Novo Testam. C. Juratis sub Novo, etc.

Quomodo igitur forma execrabilis incarnationis ferri etc.] Non in carminosis ferri, ut C. In Capitularibus Caroli Magni et Ludovici Pii exstat edictum de usu aquæ ferventis l. iv c. 15. Sed in additione quarta cap. 81. interdicitur usus aquæ frigide his verbis: Ut examen aquæ frigidae, quod hactenus faciebant, a missis omnibus (id est legatis) interdicitur ne ulterius fiat. Edidit hæc Capitula Petrus Pythæus, et Glossarium adiecit in quo ponitur exorcismus aquæ ad iudicium Dei demonstrandum. Deinde Missa integra de eadem re, quæ vocatur, Missa iudicii, Tertio tres adjurationes aquæ, quarto totidem adjurationes ferri. Quæ omnia desumpsit ex ordine Dunstani Dorobernensis archiepiscopi. Atque hæc sunt quæ toto hoc capite consulat Petrus Cantor.

In ferventis olei.] Prochorus in vita S. Joannis Evang. Item Tertullianus lib. de Præscriptionibus adversus hæreticos, n. 215.

B. Marcello Parisiensi.] Episcopo, ordine, nono. Ejus vita exstat per Fortunatum tom. VI. Suri die 1 Novembris. Nota hæc gesta B. Marcelli contigisse antequam episcopus esset, ut liquet ex M. Quod vide post notas, et invenies exempla alia, quæ V. et C. tacent.

De calore ignis.] Ly ignis, ex M. addidi.

Et novem pondera.] M. Sed novem, etc.

Tui peccatoris.] V. inter lineas: id est, o tu peccator.

Papa Eugenio.] Addit M. Præsentibus cardinalibus, archiepiscopis, episcopis, etc. Eugenius est tertius ad quem beatus Bernardus misit libros De consideratione.

Quidam Manichæus.] Addit M. de Steila Britto, forte ex Britannia. Vide post omnes notas inter aliquot capita variantia M.

Ejusdem civitatis.] Remensis nempe, n. 49, alias 50. Benedictionem aquæ.] V. maledictionem aquæ Vitiose ut ex proxime sequentibus liquet.

A convicto.] V etiam male: a conjuncto.

Catharis deliberandi.] Cathari hæretici sunt Novatum sectantes, unde et Novatiani dicti sunt. Ait B. Hieronymus t. V. in c. xiv Osee: De hæreticis facilis intelligentia est, quod vocentur Samaria, eo quod Dei præcepta servare se jacent; non quod custodes sint legis ejus, sed quod hoc esse se dicant, in similitudinem schismatis Novatianorum, qui et ipsi καθαρὸς, id est mundos se vocant, cum sint omnium immundissimi, negantes penitentiam, etc. Ipse quoque B. Augustinus eos describens his fere verbis utitur: Cathari, inquit, qui seipso isto nomine, quasi propter munditiam, superbissime atque odiosissime nominant, secundas nuptias non admittunt, penitentiam denegant. Novatum sectantis hæreticum, unde et Novatiani appellantur. Hæc ille tom. VI de hæresibus ad Quodvalem hæresi 38. Plura de Catharis hæreticis in Gabriele Prateolo, Cathari, alio



**481** nomine Patarei, et Patareni damnati sunt in A concil. Lateranens. sub Alex. III, cap. 27.

Sacerdotum de semine Chanaan.] Susannam interficere volentium. Margo C. ex Dan. xiii.

Ad Hebræ., c. xi.] V. et C. c. xviii.

Quandoque occulta victoria.] Occulta victoria ad animam, manifesta ad corpus pertinet. B. Augustinus in Psal. lxxviii. Intende anime mæx et libera eam.

Alius confessus est.] Itaque editus ille Compendiensis, de Compienne perperam adustus est, veritate rei comperta per confessionem ipsius furis et rei. Clarus huc exempla recitat M. infra post notas.

Familiari Catharis.] V. hic legit Cantharis, sed non bene, ut patet ex sequentibus, ubi de Catharorum hæresi mentio fit.

In dubiis ergo tenenda.] Senecæ sententia, de quatuor virt., c. 1.

Cujus auctoritate fit.] Quia qui facit per alium, est perinde ac sic faciat, per se ipsum. Regula juris 72, in 6.

Ait Isidorus.] Forte B. Gregorius, ut ex l. iii. Morel. et ex Glossa in II Reg. c. xx, conjicio.

II Cor. iv.] V. et C. xi.

Vita autem operatur.] Illa scilicet, qua delectamini in terrenis, operatur in nobis mortem æternam. I Cor. c. xii.] C. et V. c. 60.

Similitudo exposeat.] Sana lectio, ut habetur causa 2, q. 8. Quisquis. Non ergo: Similitudo expectet, ut C.

Isaias, xliv.] C. et V. cxxix.

Occasionem effundendi sang.] O quanto magis peccant qui arma talibus locant! Ut sanguinem injuste scilicet effundant. Margo C. Legitur causa 14, q. 1. Qui in malo patrociniū dat malis, socius est criminis. Tum vero quis consentit aut patrociniū dat, quando factis malorum consortium approbationis adjungit.

Juxta illud: Multitudo.] Hoc omittit C. usque ergo. Hoc proverbium sic efferrī solet. Multitudo errantium, non facit erroi patrociniū.

Per violentiam in cuppam.] C. Vel si coactus per violentiam in curam, eritve, etc. Recte legit V. Est autem hic cuppa sive cupa, dolium, quo utuntur nautæ ad naves, quæ reficiendæ sunt, sustinendas. Unde Lucanus l. iv. De bello Pharsalico:

Namque ratem vacuæ sustentant undique cuppæ.

Quo retento.] C. quo retinente.

Committetur.] C. Vel committetur. Ly Vel expiuxi, qui visum est supervacaneum.

Callosa est manus.] Hoc est indurata exercitio continuo. Unde in officinis ferrariis **482** visuntur fabri callosis pedum plantis, pene candens ferrum percurrere, sine pedum offensa aut ustione.

Hæc peregrina judicia ferri candentis et aquæ inhibita esse in Ecclesia, patet ex causa 2, q. 5. Consulisti. Et ex epistola Ivonis ad Hildebertum, quæ incipit: Ivo Dei gratia Carnotensis Ecclesie minister, Hildeberto Cenomannensi episcopo, in tribulatione patientiam, in patientia tolerantiam. Ibi enim monet Hildebertum, ne probatione pro ignem, quam rex ab eo exigebat, vellet ullo pacto suam probare innocentiam; quod hoc esset in Ecclesia Dei pro plures vetitum canones, et pontificum decreta. Vidi epistolam, quæ in m. ss. nostris notatur 14, in impressis 91. Præterea S. Greg. papa 1, severe hæc prohibet in ep. ad Brunchildem Francorum reginam l. xi, ep. 8, et citatur 2, q. 5, c. Mennam. Eadem prohibetur l. v. De purgatione vulgari, tribus capitibus, Cælestini III, Innocentii III et Honorii III.

#### CAPUT LXXIX.

In titulo et multitudinem omittit C.

Parietes.] C. perhibentes. Non sapit.

Et inobedientes.] Hic multum variat C. Constituentes inobedientes illis transgressores (abest nisi) in paritate et in paucitate.

Divinis præceptis. Hæ.] V. divinis præceptis hæ, et evacuarè, etc.

Scilicet sitientium.] V. solum admittit ly scilicet. In atrocioribus.] Lege atrocioribus, ait margo C. sed Melius quod in textu observari, uti ex M. patet. Ait enim. De atrocioribus et enormibus peccatis.

Si dextera tua.] Per dextram vitam intellige contemplativam; per sinistram, activam.

Redi ad activam.] Quomodo hoc? An licet Mariam deserere, ut Marthæ adhæreamus? Audi. Duplex est contemplativa. Una superior, quæ simplex est et sincera, qua rapitur quis in Deum eique colloquitur, aut choris cœlitum interest mente. Altera priori inferior est, quæ contemplativorum activa dici potest, qua quis honestis exercitiis incumbit, ne mentis aciem continuo intentam contemplationi, offendant. Exercitiâ hæc varia sunt. Lectioni sacræ intendere, libros conscribere, aut verbotenus describere, ad utilitatem proximi. Ait enim B. Hieronymus, ep. ad Rusticum. Nihil Christiano: Scribantur libri, ut et manus operetur cibum et animus lectione saturetur. Et ibidem vitandi otii ergo. Texantur et lina capicendis piscibus. Item. Ama scientiam Scripturarum, et carnis vitia non amabis. Plura hæc de re habentur in Glossa ad illud Matth. v. Si dextera tua, etc. Et in exemplari M. illud vide post omnes notas.

Conjugatis est in remedium.] V. conjugati, M. clarius. Prior est ad amplum præmium, secunda est ad compensandum remedium. Similiter duplex **483** est activa: Prælatorum dignior ad meritum, conjugatorum indignior infirmitatis remedium, etc. lectu dignissima, et quæ ad horum pleniorum intellectu maxime conducunt.

Abbatī evangelico.] Id est Christo, inquit V. Mellissimi facti.] Ex officio Nativit. Domini.

Quid faceret.] C. quid faciat.

Christiana sepultura.] Monachi forte darent tali sepulturam. Ita C. in laterali ora.

Velando capite.] C. Velando corpore. Quantus hodie puellarum tum nobilitum, cum divitum luxus.

Non modo non velant sinciput, sed quod detestabilius est, tumentes mammae denudant, a adolescentibus et procis suis hanc æternæ damnationis expandentes. Jamque liceret inclamare cum Boetio et quidem gemebunde:

Heu quam præcipiti mersa profundo

Mens habet, et propria luce relicta

Tendit in æternas ire tenebras.

Contra hanc pectoris puellarum nuditatem, non ita pridem in Belgium nostrum introductam et receptam, acriter et docte, et, ut spero non infructuose, invenit quidam castissimus juxta ac doctissimus metropol. Camerac. Ecclesie canonicus. Videantur ejus libelli Gallice impressi: Le couvre-chef féminin. Item: Le chânerie, ou couvre-sein féminin.

Cum dicat auctoritas.] Auctoritas intelligitur ut supra indeterminate pro veteribus auctoribus. Id autem, quod hic citatur, petendum est ex actis conc. Lateran. sub Alex. III, quæ hæcenus non exstant.

Ut Evangelium observ.] C. male: Ne Evangelium, etc.

Decretum Gregorii.] Gregorii VII cujus libri xi Epistolarum habentur in tomo III concil. Talia jurgia non esse generaliter constituenda ut fecerant Gallie episcopi egregie dotet Gerardus I. Camerac. episc., ut videre est ex chronico Camerac. Balderici Noviomensis et Tornac. episcopi l. iii, c. 52.

De revocandis decimis.] Hac de re est specialis titulus in Append. ad conc. Lateran. sub Alex. III, parte v et de observandis decimis iisdem part. xiii.

Innitentium.] C. munientium.

Laisic.] Dicentibus, ait margo C. Ducam hanc et ditabor, quia relinquam eam cum voluero, quia est mihi in tertio genere affinitatis.

Protrahentes abunde dictum est supra c. 51

Dum molliuntur.] Non molliuntur, ut V. Verba sunt Terentii: Et nosti mores mulierum, dum molliuntur, dum committur, amius est. In Heautontim.

Dum molliuntur.] Non molliuntur, ut V. Verba sunt Terentii: Et nosti mores mulierum, dum molliuntur, dum committur, amius est. In Heautontim.

Actu II, scena II, in fine ubi etiam antiqua exemplaria legunt molliuntur.

Comes Theobaldus.] Forte ille Campaniæ comes, de quo Cæsarius exempl. memorab. lib. VIII, c. 31 et Cantipratanus l. II. Boni universatis de apibus, c. 25, num. 14 et 15.

484 Ut autem planior.] V. ut autem amplior.

Grandi Montensium.] Ordo Grandi-Montensis in Lemovicensi diocesi apud Gallos, institutus est circa annum Domini 1080 militatque sub regula S. Patris nostri Benedicti. Agit de eo Jacolus a Vitriaco in Historia occidentali, c. 19.

De non confitendo.] Hæc, usque peccante aberant in C. Merito autem tales traditiones et constitutiones reprehendit auctor, quia sunt causa, quod peccata omnia in confessione non aperiantur.

A barbato misso.] V. A barbaro, etc. Fu ius hæc vide in M. post notas.

Et Hieronymus.] Consule commentarium in Psal. cxlvi, tom. VII. Item in Ep. ad Ephesios, c. v, om. VI.

Et psalmo cantici.] Psalmorum et canticorum inter se comparatio fit in homilia I in Cantica cantico. tom. VIII. B. Hieronymi post Origenem. Hoc autem interest inter psalmum et canticum, quod psalmus refertur ad manus, hoc est ad opera; canticum vero ad theoriam. Ait idem B. Hieronymus in Psal. xci super illud: In decachordo psalterio: Simpliciter dico: Quotiescunque levamus manus sine cogitationibus et disceptationibus, in decachordo psallimus Domino. In decachordo psalterio cum cithara. In cithara nostra, et corpus, et anima, et spiritus omnibus chordis composita sunt. Plura hæc de re videre est apud eundem, tom. VI in Epistol. ad Ephesios, cap. v ad illud: Loquentes vobismetipsi in psalmis, et hymnis et canticis spiritualibus.

Cum Nicolao.] Habetur vita apud Surium tom. VI, die 6 Decemb.

De centum libris.] Librarum distinctiones, similiter et originem refert Budæus, libris De asse et ejus partibus.

Quare, etc., si.] Ex M. hunc locum restitui I Cor. VI. Quare non magis fraudem patimini, etc. V. Quare etiam etsi licitum iuretur. Locum Apostoli non distinguebat, ideoque vitiose.

Item: In alia.] Subaudi Ecclesia, ut ante.

Et hoc sacramentum.] Nomen Sacramenti hic sumitur analogice pro juramento, sicut 22, q. 5. Parvuli qui. Attente considera textum M. hæc de materia, infra post notas.

Bursa emungi.] Hæc idem patiuntur archidiaconi ab episcopis; jam puniuntur sic instrumento suæ offensionis. Ita C. in margine.

Notitia majorum prælatorum.] C. fallitur: Majorum prælatorum.

Secundum leges.] Accusatio pastorum talis, non procedit ex charitate ideoque non debet admitti 4, q. 4. Nullus introducatur. Præterea debet præcedere admonitio charitativa. 2, q. 1. Si peccaverit, et 2, q. 7. Accusatio quoque.

Exemplum puerorum.] M. suo loco hoc exemplum refert fusiis.

Præter necessarias.] Duo: Præter necessarissimas. II Cor. VIII. C. et V. II Cor. XXII.

485 A vobis.] C. a nobis.

De recipiendis legatis.] Id colligitur ex causa 10, q. 3 sub finem.

In dono.] Scilicet (inquit margo V). quæ etiam longe quærenda sunt contra illud poeticum:

Quodque domi non est, et habet vicinus, ematur. Non dixit transmarinus, non alterius regionis vel villæ, sed vicinus. Quod tamen non de sumptuosius intelligendum est, sed de facilibus inventu. Unde apparet Carnotensem in nugis suis male reprehendere Cistercienses, eo quod carnes hospitibus non apponant, utentem adversus eos hoc versu poetico, cum isti in nemoribus et in desertis mancant ma-

ximeque luxuriæ sit, ab eremicis, sicut ab Ægyptiis, ollas carniū exigere. Exodi XVI.

Nota quod spoliatorem.] Hæc usque ad finem capituli solum V. legebat.

#### CAPUT LXXX.

Absurde sonare.] V. Aspere sonare.

Mahometus.] Id restitui, nam tria exemp. Machometus; quis ille sit, omnes norunt.

Non interponens super.] Sicut II, de quibus B. Hieronymus. Quidquid dixerint, inquit, hoc legem Dei putant, nec scire dignantur, quid propheta, quid apostoli, senserint; sed ad sensum suum incongrua aptant testimonia, quasi grande sit, et non vitiosissimum docendi genus, depravare sententias, et ad voluntatem suam Scripturam trahere repugnantem. Hæc ille in ep. ad Paulinum, quæ incipit: Frater Ambrosius.

Viam mandatorum.] C. Viam mundi, sed vitiose.

Secretum Scripturæ.] Hæc redolent expositionem S. Augustini in hunc locum.

B Caupones tui.] Ex interpretatione LXX sive Græca. Et sincera veritas.] Restitui ex B. Hieronymo V. et C. Et sincera voluntas.

Contenta.] C. contempta, in margine. Interea dicam quod sentio. Si quod supra est, et sincera voluntas, attendatur, aliquo sensu posset tolerari ty contempta, scilicet voluntas contempta in S. Scriptura, quia in illa decemur propriam voluntatem relinquere. Non veni voluntatem meam facere, ait Dominus, sed ejus qui misit me. Joan. VI.

Martinus videns.] Illius vita per Severum Sulpitium conscripta habetur apud Surium tom. VI die 11 Novembr.

Non sane et sincere.] Ait M. Ideoque perierunt filii Israel, quia os Domini, id est sacram Scripturam non interrogaverunt.

Nolunt implere opere.] C. Volunt implere. Quanta varietas. Ait B. Gregorius: Deus verbum veritatis facientibus tribuit, et non facientibus tollit. Moral. l. XI, c. 9.

486 Sanctis quippe.] Imo et infidelibus in humana scientia peritis. Ex quibus unum refero Senecam. Ait ille ep. 115: Nimis anxium esse te circa verba et compositionem, mi Lucili, nolo: habeo majora quæ cures. Plura petis? percurrere ejusdem ep. 45.

Contra philosopho.] V. Insolenter hic variat. Ait: Contra philosophus, majori curæ est integritas et compositio verborum, quam veritas sensuum. Ubi, quæso, hoc habet Seneca?

Hujuscemodi hominibus.] Recedentibus scilicet a superficie literæ evangelicæ, ait C. in margine.

Apud Matth. c. v.] V. et C. cap. xxxiii.

In me capite.] Glossa est interlinealis in hunc locum. S. Hieronymus etiam videri potest tom. VI in Mat hæum, quia ex eo non nonnulla desumpsit auctor noster.

Maximus, non solvit.] Hoc: Non solvit, abest in V.

Etiam addita in Evangelio.] C. in margine: Ut de non videnda muliere ad concupiscendam eam, de non irascendo fratri, et hujusmodi. Matth. v.

Interjectionem.] M. legebat in textu: Interiorum indignationem, sed correxit in margine, et recte. Nam glossa interlinealis sic habet: Interjectio indignationem exprimens. Hic demum concordat M. cum duobus aliis exemplaribus usque ad finem operis, ergo in sequentibus trium inter se fiet collatio, uti supra ante cap. 66. De officio prælati tripartito, et contra acceptionem personarum.

Specialia.] Spiritualia C. et M.

Et alia determinata.] M. et enervata processerit. Usque ad furorē.] Ita V. in textu: C. in margine, et revocat ad illud: Fatue.

In Joanne, c. v.] Triac. XLIII.

Unde Augustinus.] Tom. VI contra Faustum I. xvi, cap. 22 et 26. Item tom. X De verbis Domini serm. 46.

Cum etiam fides.] *M.* Tamen etiam fides ex quibusdam celulis parvis locis, scilicet sacra Scriptura, et subobscuris sit elicita. In quarum, etc.

Ego et pater.] *Ad illud ego additur in marg. C.* Ecclesia vel cellula.

Augustinus: Vide.] *Solum M. legit Augustinus, qui tom. IX, tract. 36, in Evang. Joannis sic futur. Non recedat.] M. omisit non. Culpada amanuensis negligentia.*

Quæ fides exigit.] *Articulos fidei, inquit margo. C. Deberet expectare.] C. Sapere. V. omittit. Gastrimargiam.] Tria Castrimargiam.*

Occasionem rapiendi.] *Ait C. in ora superiori. Novem: modis curritur cum fure, non restituendo, præcipiendo ut Dominus qui præcipit servis ut rapiant; tacendo, consulendo, consentiendo, adulando, non indicando, recaptando ut abbas, communicando.*

**487** Ne alii faciant majora.] *C. et V. Ne alii non faciant majora. Quispiam, duobus punctis suppositis indicavit particulam negativam auferendam in V.*

*II Cor. x.] Tria II. Cor. xxiii. Videatur Glossa interlinealis in hunc locum.*

Et aspere vos.] *M. Et aspergo vos.*

*Isaias, c. iii.] Tria vii.*

Auferam a vobis.] *Sive, ut habet textus: Auferam a Jerusalem.*

Auferunt stateras.] *Inspide C. auferunt.*

*Parab., c. xx.] C. et M. c. xli.*

Romulidæ saturi.] *C. Satyri Versus Persii sat. x: Ecce inter poetula quærent*

*Romulidæ saturi quid dia poemata narrent. Omnibus dignitatibus. M. Omnibus ditionibus.*

*Se malle centies.] C. centiesies.*

Quod vispillo facit, fecerat et medicus;] *Sic. V. et M. At C. vispillo. De qua voce Joan. Jannensis in Dictionario quod inscripsit Catholicon: Vispillo, vel vespillo, raptor, lauro, prædo, quasi vi spolians. Qua significatione hic uti videtur Petrus Cantor, quomodo tum forte usurpabatur. Alioquin legendum videtur vespillo; quam dictionem Nicolaus Perrottus a vespera deduct scribens in 3 epigramma Martialis his verbis: Vespillo vilis cadaverum funerator, qui vespertino tempore eos efferre solebat, qui funebri pompa duci, propter inopiam non poterant. Martialis;*

*Qui fuerit medicus, nunc est vespillo Dianus.*

*Ita Perrottus qui ejusdem dictonis meminit in Epigramma 59.*

Chirurgus fuerat, nunc est vespillo Dianus,  
Cœpit quod poterat Clinicus esse modo.  
Quam scriptionem et significationem sequitur Ambrosius Calepinus, et Adrianus Junius in suo nomenclatore.

*Isaias, c. v.] Tria cap. xv.*

Sequamur mendacium.] *M. Sequamur falsitatem. Vel minus bonum, majus bonum.] Hoc, majus bonum, abest in M.*

Et digniori.] *V. et C. id omittunt.*

*Deut., c. xxxi.] Tria cap. cxxiii. et c. xlii.*

Et Act. apost., c. iii.] *M. et C. cap. 6. V. c. 12.*

*Ezechielis c. xxxiii.] Tria cap. clix. Prophetia Ezechielis, ut in m. ss. notatum est, habet versus 3540.*

*Parab., c. xxx.] Tria lvi.*

Ad Galatas.] *Notavi c. 1. ad illa verba: Sed licet nos, ut angelus de cælo evangelizet vobis, etc.*

*Ecclesiastes, c. xii.] Tria xxxi. in fine.*

#### 488 CAPUT LXXXI.

In Proverbiis c. vi.] *Tria cap. 16.*

*Idem, c. xii.] V. et C. ca. xxvii. M. c. xxviii.*

*Idem, c. xii. Manus] Tria c. xxviii. Ergo ante error in numero.*

*Idem, c. xiii.] Tria xxix.*

*Idem, c. xv. ter pigrorum.] Miror unde subpreserit error in quibusdam Bibliis impressis, ut pro pigrorum legatur impiorum, quia versio S. Hieronymi, et LXX, cum Chaldaica paraphrasi concorditer*

*A contradicunt. Exemplaria tria habent cap. xxxiii.*

*Idem, c. xviii.] Tria xxxvii*

*A bono opere.] Recte juxta Glossam interlinealem: C. autem: ab omni opere.*

*Similis est.] Glossa interlinealis. Textus biblicus: Frater est, etc.*

*Pigredo immittit.] Non Pinguedo, ut M. et C*

*Esuriet voluptates.] V. omittit voluptates, sed male. Glossa enim est interlinealis. Sed cur voluptates esurire dicitur? Quia, ut ait Seneca: Otiosus non sibi vivit, sed quod turpissimum est, ventri et somno, epist. 55*

*Item, cap. xx.] Tria c. xxxix.*

*Id est, Deo servire.] Id solum M. habet.*

*Item, c. xxi.] V. c. lxiii C. et M. cap. 42.*

*Desideria occidunt. C. et M. Desidia occidit pigrum.*

*Parab., c. xxiv.] C. et M. c. xlviii. V. xlvii.*

*Vel temulenti.] Id abest in V*

*Idem, c. xxvi.] V. c. li. C. et M. l.*

*In Ecclesiaste, c. iv.] Tria cap. vii.*

*Fomentum.] C. fomitem.*

*Eccl., c. xvii.] V. lxi. C. et M. xli.*

*Abundantia panis.] Septuaginta sic habent: Delicium luxuriaque opulencia, fuit origo peccati Sodomorum, Vide B. Hier. in Ezech. c. xvi.*

*Putandum.] Deest in C.*

*Nisi scilicet quantum.] V. Ubi scilicet quantum.*

*Et quoties dederis.] Manducare subaudi, prout C. indicat in ore laterali.*

*In non erogando.] Ly in omittit C.*

*Non tantum facientem.] Placet hæc lectio. M.*

*Non enim facientem. Obscure.*

*Servorum itaque.] Ait margo C. Ut birriarum et et clavorum.*

*Dominus etiam promisit.] Invitatorium est ad nocturnas horas Dominica prima Quadragesimæ.*

**489** An galli cantu.] *C. ad latus: Nocte sopore.*

*Conticinium.] Has diei divisiones clare tradit Macrobius lib. 1. c. 3, similiter Honorius Augustodus, to. XII (Bibliot. Patrum folio mihi 948).*

*In necessariis.] Ad salutem, inquit margo, C.*

*Electa fortiter.] M. electiva.*

*Alienus.] Id C. legit. Optime.*

*Secundo dormitant.] V. dormiant*

*Comminanti in Genesi.] C. comminanti interitum, addit quoque in margine: Eumque mendacem efficerentur.*

*Cum is displicet.] V. et C. Cum his displicet.*

*Comes Palatinus.] Non Palatinus Rheni, sed palati comes,*

*Aliquandiu tacui.] M. a malo diu tacui.*

*Isaias, c. lvi.] Tria lxxvii.*

*Genere humano.] C. et V. genere hominum. M. addebat post humano: hominum pigritia, sed quasi supervacaneum resecati.*

*Per panem omne necessarium.] Quia panis cum omni opsonio sapit. Panis primus (ait Vidua Sareptana nuper a nobis primum publicata, lib. iii. hon. 8, cap. 1) panis medius, panis extremus cibus. Panis cum ferculis editur omnibus.*

*Sed in vestiendo.] Unde margines M. et C.*

*Impiger extremos currit mercator ad Indos.*

*C. addit: Per mare pauperiem fugiens.*

*Nota quod pro Impiger, C. habet institor. Versus Horatii lib. 1; epist. 4 ante melium.*

*Scilicet et spiritualis.] C. Scilicet et naturalis. Vitiose.*

*Spiritualis in cogitatione.] Unicum V. repetit, Spiritualis: et hoc sapide sententia mea, ut ita posterius a priori, ob planiorem intellectum, separetur.*

*Corporalis multiplex.] Non damno C. Corporis multiplex.*

*Secundum sollicitudinem.] Sic ait Glossa interlinealis: Non labor et providentia damnatur, sed sollicitudo mentem suffocans. Itaque recte restitui se-*

cundum pro scilicet, quod C. et V. admittebant.

Labor gratiæ.] Gratiæ, male omittit M.

Stratum meum rigabo.] Post hæc addit V. Item : Vide humilitatem meam et laborem meum. Psal. xxiv.

Consistit circa.] C. Consistit. Seneca sic ait ep. cxx, initio : Sed in una consistit.

Provisionem proximi.] C. promissionem proximi. Canalii quam concha.] Restituit locum. Tria enim carnalis, quod ex sequentibus in V. colligere est vitium esse. Ait enim post illud quam concha, id est alii refluentis, quam sibi retinens.

Quoddam etiam laborare.] V. et M. Quoddam etiam labore, ut invidere, etc.

490 Ipsum culpa est.] C. etiam bene sic : ipsa culpa est.

Verumtamen laborem naturæ.] M. Verumtamen bonum naturæ boni, ut sæpe, etc.

#### CAPUT LXXXII.

M. Non dividit hic caput, sed demum ad illa verba, B quæ caput 85, inchoant : Verum quantum recesserit.

Et quomodo?] Hæc interrogatio, non obstante capituli divisione, ad postrema verba præcedentis capituli referenda sunt. Quod nec absolum videri debet, quia et in sacris Bibliis, non semel idem reperitur.

Citius et lautius.] V. Vanus et lautius.

Vastissimorum.] Ita Seneca loco citato. C. et M. Vastrorum.

#### CAPUT LXXXIII.

Usque ad plumas avium.] Unde Horatius in epist.

Moveat cornicula risum

Furtivis nudata coloribus.

Sub colore vestium.] M. et C. citant in margine versum Juven. satyra 6.

Quarum delicias pannus bombycinus urit.

Oculos nos intuentium.] C. Lumina nos intuentium, De simili vestium superfuitate videatur Seneca epist. 5 B. Hieronymus ad Demetriadem De Virginitate c. 10, to. 1, quæ incipit : luter omnes materias.

Item ad Fabiolam t. III incipit : Usque hodie. Item idem : Si vir vel mulier se ornaverit, et vultus hominum ad se provocaverit, etsi nullum inde sequatur

damnum, judicium tamen patietur æternum, quia venenum attulit si fuissec tibi liberet.

Ergo dicite pontifices. Verba B. Bernardi in apologia ad Guillelmum abbatem, ante finem : Quæ videntur redolere Persium poetam, sat. 2.

Ad usuram.] C. ad vendendum, quam pauperes. M. ad usuram quam pati ad imbrem. Quanta dissonantia.

Judicando.] Inspide C. Judicando.

Cruorem immolationum.] Ita restituit M. Cruorem immolantium. Non immolationum cruor dicitur, sed potius crudelitas. C. Immolationensium. V. Immolationum.

Alii inattulis.] Sic reor debere legi, eo quod videatur diminutivum a matta. Unde B. Benedictus in Regula c. 55. Stramenta autem lectorum sufficient, matta, sagum, lena et capitale. C. alii natulis. Gallice nattes : hoc est, storea ex straminibus contexta.

M. alii maculis. Forte hic maculæ pro quadris foraminibus retis, ut apud Varronem, l. II.

491 Nuda in nemore.] V. Nuda in deserto.

Nimis grammatici.] Ironice dictum. At. quin C. Minus grammatici..

Ut si transitio.] C. Transactio.

Redarguitur Tubalcain.] Forte legendum Jubal, qui, ut dicitur Genesis IV fuit pater canentium citharæ. Sed pro Tubalcain sciri quod meminuit malleorum. Ait quoque Glossa interl. in hunc locum : Ipse fuit inventor, scilicet musicæ, quæ pertinet ad voluptatem aurium. Tubalcain vero fuit malleator : unde ibidem Glossa : Qui per opera, scilicet æris, incitavit concupiscentiam oculorum.

Peccatur enim in compositione. Pudor est, inter Catholicos tot tanque varias vestium compositiones quotidie adinventiri. Ornatus iste non homini est, ve-

A lamen istud est Antichristi, inquit B. Hieronymus ad Furiam viduam. Cur hoc? Ideo quod puella in vestitu et ornatu corporis venena pudicitie propinent, adolecentes fomenta libidinum incendunt. Hos abhorret poeta ep. ad Hippol.

Sint procul a nobis juvenes ut femina compta : illas detestantur viri sancti. Fuge lasciviam puellarum (ait B. Hier. ad Demetriadem De virginitate servanda, c. x) quæ ornant capita, crines a fronte dimittunt, eum poluunt, utuntur pigmentis, astrictas habent manicas, vestimenta sine ruga, soccosque crispantes, ut sub nomine virginali vendibilibus pereant. B. Cyprianus libro De habitu virginum sic inquit : Femine manus Deo inferunt, quando illud, quod ille formavit, reformare contendunt.

Habent strymata.] Σύρμα genus est vestis tragicarum, vel cyda, seu tractus vestis seminarum Marcell. apud Diosc. notat σύρμα accipi pro purgamento, et quasi eo quod scopis verritur. Σύρματα, justa Arist. stramina sunt.

Dariis et Byrrhiis.] Videntur hæc esse nomina popularum.

Milo Terwanensis.] Seu Morinensis. Fuerunt autem duo ejusdem nominis. Primus consecratus est xv Kal. Martii 1131, mortuus 1159. Milo II successit patruo ex monacho S. Mariæ de Bostho [alias Russiaville] mortuus 1169 xviii Kal. Octob. Ita in m. ss. catalogo episcoporum Morinensium. Consentit Claudius Roberius in catalogo episcoporum Bononiensium.

Et fuit eo tempore usitatum proverbium : In Bernardo charitas ; in Norberto fides [Vide vitam S. Norbert. paulo post initium apud Sur t. III] ; in Milone humilitas. Sed et religione et scientia insignis fuit teste Baron. anno 1148. Hæc de Milone I qui fuit ordinis Præmonstrat. ex abbate S. Jodoci creatus episcopus.

De ejus scriptis nusquam legi. De eo Miræus in Chron. Præmonstrat. et in Fast. Belg. die xiii Novembris. Item Raissius in Auctario SS. Belgii die xvi Julii : et latissime Joannes le Paige in Bibliotheca Præmonstrat. ordin. libro II.

Pes tibi.] C. et M. Pes modo. Ex Ovidio de arte.

#### 492 CAPUT LXXXIV.

Solum V. caput novum inchoat.

Pelliparii.] Qui animalium pelles hominum usui parant. Gallice : Pelletiers.

Non Dædalini.] A Dædalo Atheniensi artificum sævæ atav's ingeniosissimo.

Non sumptuosi.] Id omittit M.

Qui sellas et calcæ.] Ut quid hæc auri perditio? Non faciunt equum meliorem aurea frenâ, ait Senec. Detiorum.] Gallicum est, quod Latine alea.

Non dico schæcorum.] Polydorus horum meminit : Est vel aliud ludi genus, quo calculus in tabula lusoria, id est fritillis et alveolis luditur, inventum olim circiter annum orbis conditi 3635 a quodam viro, nomine Xerxe. Et infra : Vocant hodie hosce calculos schæcos a scandendo forsitan dictos, quod calculi, cum moventur, in alteram adversam partem scandere videantur. Hæc ille, De juven. rerum l. II, c. 13.

Et cum judici.] Sæculari judici gladius necessarius est, ut malos plectat in exemplum aliorum. Non placet lectio V. et M. Et cum iudicii necessarius, etc.

Et pila.] Pila genus est teli apud Romanos. Unde Lucanus, lib. I.

Signa pares aquila, et pila minantia pilis. M. ita legit : Et pila duplicata loricas perforantia. Si ætate nostri auctoris usus bombardorum fuisset, posset tolerari hæc lectio M. Ubi enim hoc instrumentum, præter morem, duplici oneratur pulveris quantitate aut copia, loricas facilius penetrat et perfodit.

Toxici.] Toxicum, venenum est arbore, laxos dicta, proveniens.

Ad Cor. c. ix.] Tria ca. xlii.

Ne quid minis.] Terentius.

Tibi, si habeas.] Subaudi Tibi reddit quod sumum

est, si habens etc. *M.* tamen omittit tibi.

Transitores Dothain.] *Ita C.* At duo Transitores Idithun. *Dothain locus est Gen. xxxvii. Ubi dicitur: Eamus in Dothain. Hebraus, id est transiens, sive transfuualis. Idithun nomen est cantoris in titulis Psal. xxxviii, lxi, et lxxvi, et interpretatur lex ejus, vel legalis, sive laudem et confessionem dans.*

CAPUT LXXXV.

*Neque hic C. et M. caput dividunt. Placet divisio, quia lectori gratior.*

Sicut ait Gregorius.] *Et quid inquit? edicam: Nemo existimet in fluxu atque studio pretiosarum vestium peccatum deesse, quia si hoc culpa non esset, nullo modo Joannem Dominus de vestimenti sui asperitate laudasset. Si 493 hoc culpa non esset, nequaquam Paulus apostolus per epistolam feminas a pretiosarum vestium appetitu compesceret, dicens: Non in veste pretiosa. Pensate ergo quæ culpa sit hoc etiam viros appetere, a quo curavit pastor Ecclesiae et feminas prohibere. Sic ille t. II, hom. 6, in Evangelia. Et ex apologia B. Bernardi hæc didici: Mollia indumenta animi molliorem indicant. Non tantum curaretur cultus corporis, nisi prius neglecta fuisset mens inculta virtutibus.*

Vitio inconstantiae.] *Quod per arundinem vento agitatam exprimitur. Ait iterum B. Gregorius ibidem: Discamus, fratres charissimi, arundo vento agitata non esse: solidemus animum inter auras linguarum positum, stet inflexibilis status mentis. Nulla nos detractio, etc.*

Religiosis uti splendidis.] *Tu vero si monachus esse vis, inquit B. Hier. non videto curam. Sordidæ vestes candidæ mentis indicia sint: vilis tunica contemptum sæculi probet; ita duntaxat, ne animus tumeat, ne habitus sermoque dissentiant.*

*Sed ne quibusdam videatur hæc B. Hieronymi exhortatio dura observari, alteram Sententiæ veterem et favorabiliorem suggero 1. Sic ille ep. 5 ad Lucilium: Illud te admoneo, ne eorum more, qui non proficere, sed conspici cupiunt facias aliqua, quæ in habitu tuo aut genere vitæ notabilia sint. Asperum cultum, et intossum caput, et negligentiorum barbam, et quidquid aliud ambitionem perversa via sequitur, devita. Et ut brevior sim: infra ait: Non splendeat toga, ne sordeat quidem. Videamus ne ista, per quæ admirationem parere volumus, ridicula et odiosa sint, etc.*

Unde Bernardus.] *C. Bernardus. Chisimus ascendit.] M. Citinus erupit. Martrix et spolio non leviora bever.] M. Martrix et pretio non levitate bever.*

His pellibus.] *C. Sabelinis pellibus, et alius. Ut larvati.] Vel similes capris per artificium: ait C. et M. in laterali ora.*

Propter molliorem effeminationem.] *M. Propter mollem effeminationem. Natura, ad necessitatem varias artes edocuit, de quibus Seneca edisserit, ep. 90, non autem ad abusum, aut molliem.*

Hanc ambitiosam.] *M. adjectivum convertit in substantivum hoc modo: Hanc ambitionem, supellectilem, etc.*

Odio persequeris.] *C. Odio prosequaris.*

CAPUT LXXXVI.

Et cibariorum.] *Non tamen damno M. et ciborum.*

Res in vitium.] *Ait Gallus eleg. 1. Non res in vitium sed malefacta cadunt.*

494 A simplicitate antiquorum.] *Sancti Anachoretæ neve cellulas audebant construere, ita argumentantes, quod quidquid victus necessitatem superabundat, ad carnis curam pertinet. Unde quidam dicebat se vitasse dæmonem cum collega suo malleum levantem, dum in superfluis reparandis malleo uretetur. Hoc exem. tum citatur in libro. Vidua Sereptana dicto, nuper a nobis in lucem emisso, lib. 1, hom. 1, cap. 10.*

In casulis.] *Hoc est parvis casis,*

A Tecto culmo.] *M. Tecta in culmo.*

Quidam etiam antiquorum.] *B. Hieronymus asserit B. Hilarionem cellulam habuisse latitudine quatuor pedum, altitudine quinque, hoc est statura sua humiliorem. Hanc cellulam, inquit, potius sepulcrum quam domum credidisses. De anachoretarum cavernis et corticibus sapius mentio fit in libro Vitas Patrum.*

In illo mensulam.] *Mensa tripes ait Margo C. Item ibi: Puri salis.*

Ita esse sollicitos.] *B. Joannes Chrystost. in fine homiliæ 23 in Math. sic inquit: Quid a pueris distamus ludentibus et domos fabricantibus, nos qui domos præclaras ædificamus: nisi quod nos cum pœna hoc agimus, illi cum gaudio?*

Unde quidam.] *Solum V. addit: Remensis clericus in textu. C. in margine.*

Murorum.] *Solum M. id habet.*

Isaia, c. lxxvi.] *Solum V. notat: c. xxviii. Scilicet Megarenses.] Non Megalenses ut C. videatur B. Hier. to. I, ep. 11 ad Ageruchiam viduam de monogamia, c. 5 sub finem.*

Paulus primus eremita.] *Colliguntur hæc ex vita ejusdem per B. Hieronymum concripta.*

In hypogeo.] *Loco subterraneo. Υπόγειος, et ὑπογυδιος, aut ὑπόγειος, subterraneus, subditus.*

E regione.] *V. et C. sic inquit: e regione de eo comederunt, reliqua abunt.*

Dæmonibus in carcerem.] *M. dæmonibus incarceremur.*

Tunc habitare.] *C. etiam habitare incipientium; omittit tunc.*

Ne amittant.] *V. admittant.*

Omittunt.] *V. justitiam Dei committunt. Si committunt ergo contra justitiam.*

Pro divitiis grangiarum.] *Cæsarius per grangiam intelligit prædium sive villam. Grangiarium qui præest villæ.*

Huic epulæ.] *Ita Lucanus l. 11 ante medium: at C. et M. Huic cibus est, etc.*

Erigendum.] *C. eligendum.*

Reliquo.] *C. et M. relinquo.*

Sepelit natura relictos.] *Mæcenatis aliud hemistichium, cui libenter adderem ex Seneca sententiam, et ex Lucano versus. Ait prior, ep. ad Lucilium 92. Neminem de supremo officio rogo, nulli reliquias meas commendo. Ne quis insepultus 495 esset, rerum natura prospexit. Quem sævitiæ projecerit, dies condet. Posterior dicto l. vii inquit:*

Nil agis hæc ira, tabesne cadavere solvat.

An rogus, haud refert: placido natura receptat Cuncta sinu.

Hæc hemistichia, quæ in textu habentur, redegi in ordinem, alioquin C. et M. prosam ordinabant hoc modo: Facilis jaectura sepulcri, quia sepelit natura relictos.

Gregorius.] *Moralium xv, c. 37. Præterea videatur liber B. Aug. ad Paulinum De cura pro mortuis gerenda.*

Arte Dædalo.] *Recte, quia ille Atheniensis artifex ingeniosissimus, ut supra dixi: non ergo legendum arcæ pro arte, ut voluit C. et M.*

Item, Psal. lxxiii.] *Tria male legebant Psal. lxxiii.*

In his lapidibus.] *Non, cum his lapidibus, ut vult C. ut patet ex B. Hieronymi epistola ad Eustochium de obitu Paulæ, quæ incipit: Si cuncta corporis, post medium.*

Item Jerem., c. xxii.] *C. et M. c. lxxx. V. xxv. Ad avaritiam.] M. ad audaciam.*

Ad consummationem.] *Tria hic conveniunt, etsi in sacris Bibliis: Ad cursum mali operis.*

Æquæ spatiosæ.] *C. æque spatiosa luxuria.*

In orbe locus.] *Impressa exemplaria Horatii legunt: Nullus in orbe sinus. Horat. l. 1, ep. 1.*

Item Juvenalis.] *Satyra 14.*

Ædificator erat.] *Auctor noster vel potius ama-*

nuenses ex duobus hemistichis constat unum sexa-  
metrum ex eadem satyra 14, ait enim Juvenalis :

Ædificator erat Centronius, et modo curvo  
Littore Cajetæ, etc.

Et infra :

Dum sic ergo habitat Centronius, imminuit  
rem,]

Fregit opes, etc.

Centronius.] *M. et C.* Centonius.

Item, Hieronymus.] *Vileto epist. ad Heliodorum  
de laude vitæ solitariæ, quæ incipit :* Quanto amore.  
In ciliciis.] *M.* in consiliis.

Sive parietinis.] *Parietinae sunt ruinae, in quibus  
soli parietes exstant sine tecto.*

Memor uteri.] *C.* Major uteri.

Sive in parietinis.] *Glossa in hunc locum, autæ et  
B. Augustini est.*

Isaias, c. v.] *C. et V.* ca. XIII. *M.* XIV.

Levit., c. XXVI.] *V. et M.* c. LXXXVIII. *C.* LXXIX.

Habacuc, II.] *Tria* v.

**496** Item, Isa. c. XXVI.] *Tria* LIX.

Et Daniel, ca. VIII.] *Tria* c. XIV.

#### CAPUT LXXXVIII.

*Titulum ex V. collegi : nam M. et C. simpliciter  
legebant : Contra prodigalitatem.*

Consumere frustra.] *Non solum V. et C. hic, sed  
et alibi in mss. sapius vidi frustra pro frustra.  
Sed amanuensium abusus.*

Et pro nihilo.] *C.* Et de nihilo litigato objurgat.

Inestimabile.] *C.* Inestimabiliter.

Scilicet Christi.] *Hæc omittit V.*

Et alias superfluitates.] *V. sic :* Quidam ob libi-  
dinem ædificandi, de qua supra. Alii ob libi linem,  
etc.

Feruntur ad Cyanem.] *M. et C.* Feruntur ad  
carnem. *Cyanos aliquando pro gemma, aliquando  
pro flore caruleo accipitur, aliquando pro colore ni-  
gro aut caruleo. Vide Ovidium v et IX Metam*

Cibos delicatos.] *M.* cibos delibatos.

Hesterno jure liguriat.] *M.* Hesterno vix ligu-  
riat.

Dignosceret hoste.] *M.* Prænosceret hoste.

Ut dicatur de eis.] *C. in margine :* Ut de quodam  
prelato dictum est, et inde syllogizatum.

Ut essent solvenda.] *Ne quidem male C.* Ut es-  
sent solvendo.

Unde poeta.] *Claudianus De bello Gildonico.*

#### CAPUT LXXXVIJ.

Prodigum Paulum.] Illi de proconsule, nos de  
Paulo exponimus : aiunt duo margines.

Metiri se quemque.] *Versus Horatii.*

Verum est.] *C.* Justum est.

Buccæ.] *Hæc hemistichii pars cum versibus se-  
quentibus est Juvenalis satyra 11. V. pro Buccæ legit  
Bursæ. Textus poetæ : Buccæ.*

#### CAPUT LXXXIX.

*In summano capitis, pro immergentes M. inge-  
rentes. Utrumque sapit.*

Ut sint leves.] *C.* Ut sicut leves, etc.

Sicut arundo.] *M.* Sicut arundo ad omnem ven-  
tum doctrinæ.

Œstro temporalium] *ὄστρος musca est, boves et  
equos æstate pungens, quam asyllum aut tabanum  
quidam nominant. Virgilius in Georg.*

**497**... Cui nomen asylo

Romanum est : æstram Graii vertere vocantes.

Quintus Sereus ait :

Nonne velut rapido mentem correptus ab œstro.

Epileptici.] *Qui laborant epilepsia, sive morbo  
comiti, de quo Sereus :*

Est subiti species morbi, cui nomen ab illo,

Quod fieri nobis suffragia justa recusat.

Sæpe etenim membris acri languore caducis

Consilium populi labes horrenda diremit ;

Ipse Deus memorat dubiæ per tempora lunæ

Conceptum, talis quem sæpe ruina profudit.

Proverb., c. XX.] *M. et V.* XII. *C.* XI.

Ventilatoriorum.] *Lectio Biblica moderna sic ha-  
bet : Dissipat impios, etc. At Hieronymo attributus  
qui est Bedæ commentarius in hunc locum ait :*  
Hunc versum antiqua translatio sic habet : Ventila-  
tor impiorum r x sapiens, et immittet illis rotam  
malorum, id est pœnam nullo sine consummandam.  
Cui, videlicet rotæ, contraria est corona vitæ æ-  
ternæ, quam repromisit Deus diligentibus se (*Jac.*  
1.)

Nunquam ad perfect.] *V. paucis hæc habet : et  
nunquam scientes : Semper, etc.*

Non ambulat.] *Ad hæc verba addit margo C.  
Pro necessariis.*

Investigabiles.] *V.* Instabiles.

Isaias, c. XIX.] *V. et C.* ca. LI.

Id est permisit.] *Hæc solum M. legi.*

Caulam.] *C.* inter lineas ait : finem.

Idem, c. LVII.] *M. et C.* ca. CLXXI. *V.* CLXXII.

Illud tantum umbratiliter.] *M. et C.* Illud tamen  
*M.* Umbratiler.

Velut stercora.] *C. ad latas :* Sic Apostolus, sic  
beata Ag. es, et alii sancti, omnia ista reputarunt  
ut stercora.

Per mundanam cupiditatem.] *M. et V.* Per mun-  
danam concupiscentiam.

Sicut nec Judæi.] *Hæc, usque :* Sed patr. erant,  
solum *M.* admittit.

Aranea vermis est.] *Cassianus in Psal. xxxviii.*

Illi garcionum.] *Garciones aliquando pueruli, ali-  
quando etiam nebulones dicuntur : Hoc nomine uti-  
tur B. Bernardus in a. ol. ad Guillelmum abbatem.*

Pes aundi.] *M.* Peses mundi.

Vel hostium.] *M.* Id est hostium.

Lex non æquior.] *Ex Ovidio De arte, ubi de  
Perillo novi cruciatus inventore agit. Et nota est hi-  
storia de bove Phalaridis de quo idem l. III De tri-  
stibus elegia 11.*

Hoc est ligentibus.] *Sive lambentibus terram.  
Nam B. Hieronymus nomen Amalce interpretatur  
Lambens terram.*

#### 498 CAPUT XC.

Unde Augustinus.] *In Psal. vii, to. VIII ubi ad-  
dit : Cognoscetur Dominus judicicia faciens, in ope-  
ribus manuum suarum comprehensus est peccator.  
Ex Psal. ix.*

Augustinus : Qui vult.] *Tria exemplaria sic le-  
gunt. Interea dicam hanc expositionem magis redo-  
lere doctrinam B. Ambrosii in hunc Psal. xxxvi  
quam B. Aug.*

Parab., c. XXVI.] *Tria* cap. LI.

Ecclesi., c. XXVII.] *Tria* c. LXXII.

Fraus in se conversa.] *Sententia S. Severiani in  
sermone De SS. Innocentibus. Huic non absimilem  
habet B. Aug. in Psal. LXXII ad illa verba : Propter  
dolositatem posuisti eis. Fraudulenti, inquit, frau-  
dem patiuntur.*

Item per exempla.] *Præter exempla sacræ Scri-  
pturæ, etiam illud notum est Euthymii, qui in eodem  
carro et carpento, quod B. Ambrosio paraverat, im-  
positus est, et in exsiliis missus, et sic iniquitas  
ipsius, in verticem ejus descendit (Psal. ix). Ex  
Vita B. Ambrosii apud Suriam 4 April.*

Quidam etiam alicus.] *Perillus nomine, in aula  
regis Phalaridis, de quo Orosius l. 1, cap. 22, simile  
exemplum refert margo V. his verbis : In Chronicis  
(Diodorus l. v ; Strabo, l. vii) et apud Orosium (lib.  
1, c. 11) legitur Busiris apud Ægyptum tyrannidem  
exercuisse, quod facere non posset nisi rex esset.  
Hic hospites quasi pro religione immolabat : quem  
Hercules postea interfecit. Unde Boetius : Busiris  
hospites immolans, ab hospite Hercule interfecit  
est. Quis autem Busiridem talem religionem do-  
cuerit, incertum est. Claudianus autem dicit ipsum,  
qui eum docuit, primum ad aram ipsius Busiridis,  
id est quam Busiris instituerat, immolatum. Sic  
enim ait :*

Hospite qui cæso docuit placere tonantem,  
Primus et inventas Busiridis imbuat aras.

*Præterea Virgil. in Georg.*

Quis aut Eurysthea durum,

Aut illaudati nescit Busiridis aras?

*Statius XII Thebaidos :*

Non trucibus monstris Busirim infandumque  
dedisti.]

*Boetius post Busiridis exemplum, aliud subdit de regulo. Regulus, inquit, plures Pœnorum bello captos in vincula coniecerat : sed mox ipse victorum catenis manus præbuit. De consolat., l. II, prosa 6.*

*Ebrietas.] Ebrietatis insaniam eleganter describit idem Seneca ep. 83 a medio ad finem usque.*

*Consilia etiam perfectionis.] M. in textu, et C. in margine, legat : Consilia etiam prædicationis. Remuneratio. M. et V. Retributionis.*

#### 499 CAPUT XCI

*In titulo solum V. legit Homini.*

*Maxime beneficiorum.] C. Maxime benefactorum. Ad dilectionem Dei.] Non, ad delectationem Dei, ut C.*

*In faciem quadrupedum.] Tristes vero esse voluptatis exitus, inquit Boetius, quisquis volet reminisci libidinum suarum intelliget : quæ si beatos explicare possunt, nil cause est, quin pecudes quoque beatæ esse dicantur. De consol. l. III, prosa 7.*

*Socialitate.] C. et M. Societate.*

*In radice charitatis.] Ex B. Greg. hom. 27 in Evang. Præcepta Dominica, inquit, multa sunt et unum ; multa per diversitatem operis, unum in radice dilectionis.*

*Clerici habitu milites.] Clerici ideo sic vocantur, quia de sorte Domini sunt, κληρος enim Græce sors Latine dicitur. B. Hier. ep. ad Nepotianum De vita clericorum quæ incipit : Petis a me. De habitu clericorum tractatur in Clem. l. III, tit. 1, c. 2, ubi sic legitur. Quicumque clericus (per clericum hic intellige eum, qui habet primam tonsuram, ut habetur in Glossa in hunc locum) virgata vel partita veste (hoc est diversi coloris vel partis, vel sericis texturis ornata), publice utatur (nisi exstet rationabilis causa) si beneficiatus exstiterit, per sex menses a perceptione fructuum beneficiorum, quæ obtinet, eo ipso sit suspensus. Si vero beneficiatus non fuerit, in sacris tamen ordinibus citra sacerdotium constitutus, per idem tempus reddatur eo ipso inhabilis ad ecclesiasticum beneficium obtinendum. Idem quoque censemus de clericis aliis (qui scilicet nec beneficiati sunt, nec in sacris vestem talem (virgatum et partitam) simul et tonsuram publice deferentibus clericalem.*

*Sermone histriones.] Moverent risum audientibus, et sic seipso omni astimatione, apud eos, uudentes. Unde eleganter Horatius l. I. Serm., sat. 4.*

*Absentem qui rodit amicum ;*

*Qui non defendit, alio culpante : solutus*

*Qui captat risus hominum, famamque dicacis :*

*Fingere qui non visa potest, commissa tacere*

*Qui nequit : hic niger est, hunc tu, Romane, caveto.*

*Gestu meretricis.] Pudet hic eloqui.*

*Occupatione curarum.] Obsecro te, inquit beatus Hieronymus ad Nepotianum, et repetens iterumque iterumque monebo, ne officium clericatas, genus antiquæ militiæ putes, id est ne lucra sæculi, in Christi quaras militia ; ne plus habeas, quam quando clericus esse cœpisti, et dicatur tibi : Cleri eorum 500 non proderunt eis. Et infra : Negotiatorem clericum, et ex inope divitem, ex ignobili gloriosum, quasi quamdam pestem fuge.*

*Sed ob gloriam.] Cum tamen tonsura et corona ex se significant divitiarum omnium abnegationem, et regni in Deo possessionem. Sic enim 12, qu. 1. Duo : Hi, clerici, sunt reges, id est se, et alios regentes in virtutibus. et ita in Deo regnum habent ; et hoc designat corona in capite. Hanc coronam habent ab institutione Romanæ Ecclesiæ in signum regni quod*

*A in Christo expectatur. Ratio vero capitis est temporalium omnium depositio.*

#### CAPUT XCH.

*Primatam et ducatum.] C. Principatum et ducatum.*

*Matris tamen.] Non charitas fidem, sed fides charitatem præcedit. B. Greg. to. II, l. II, hom. 16, in Ezech.*

*Sed nutrituræ.] Gratia scilicet.*

*Citra alias virtutes.] M. extra alias, virtutum miracula operatur, etiam rudis operatur.*

*Sed bene signatum.] Videlicet, signo crucis.*

*I. ad Cor. c. XIII.] C et V. c. LXI, M. LIX.*

*Sæpe mali operantur.] Ut demones qui credunt et contremiscunt. C. in margine : M. in textu, sed non loco debito.*

*Prima ad Cor., c. III.] Tria c. XII.*

*Ad Rom., c. III.] Tria c. IX.*

*Et cap. III.] Tria. c. X.*

**B** *Item ad Ephes. VI.] Tria ad Ephes. XXX.*

*In fide fundati, firmi.] Firmi solum, M. legit, quod Apostolus hoc loco omittit.*

*Habacuc, II.] Tria Habacuc IV. Hunc locum citarem ego ex Apostolo ad Hebr. X, ver. XXXVIII, ratione ty meus quod deest in Habacuc.*

*Petrus I. Ep. c. V.] V. c. XII. C. IX. M. non citat.*

*Joannis I, c. V.] C. et V. cap. XIII.*

*Adeo ut salutem.] M. et V. A Deo ut.*

*Elizabeth B. Virgini.] Non Angelus B. Virgini, uti Tria legebant.*

*Fides enim peperit.] M. Fides enim comparando peperit.*

*Perdidit promptæ.] Ex hymno Ecclesiæ solito cantari die Nativitatis B. Baptistæ Joannis.*

*Ad Hebr., c. I.] Tria c. XVIII.*

*Exemplum eremitæ.] Hæc usque ad finem omittit C. Ne aliud faceres.] M. Non aliud diceres et aliud faceres.*

#### 501 CAPUT XCHII.

*V. Pro titulo sic : Contra defectum fidei.*

*Isaias, c. XXI.] M. et V. LV. C. LII.*

*Viri misericordes multi.] V. et C. Viri mendaces multi.*

*Et Ecclesiasticus, c. II.] Tria c. VI.*

*Item Jacobus, II.] Tria Jacob V.*

*Similes enim Antichristo.] Verbum enim Antichristi maledictum : inquinat margines C. et M.*

*In Isaiâ, c. XXII.] V. ca. LII. C. ca. LIX. M. tacet.*

*Item, c. XXIX.] C. ca. LXXXIX. V. et M. LXXXIX.*

*Item, XXV. Secretum.] V. et M. Item LXV. C.*

*Item XLV.*

*De gloria æterna.] Recte ex commentario B. Hieronymi in c. XXIV Isaiæ, l. IV.*

*Incommodo vitando.] Post hæc M. solum addit :*

*Sed non faciens hoc propter infirmitatem, vel ignorantiam, vel obreptionem sint prudentiores, etc.*

**D** *Ergo qui pro minori commodo.] M. Ergo qui pro minori causa.*

*Temporalii commodo consequendo.] M. Temporalii commodo sequendo.*

*Vel incommodo temporali.] C. Vel incommodo, ut pro temporalii vitando. Hoc, Ut pro, omittunt M. et V.*

*Ei factum est.] Quidam hic desunt in V. Sic enim habet : Vel incommodo temporalii vitando est prudentior et vigilantior, ei aliquid est certius fide (Hic desunt aliqua) cum pro certiori et majori secundum opinionem, etc.*

*Et si fides, mortua.] Ita exponit : Et si fides est, mortua est, de qua Jac. II. Fides sine operibus mortua est. M. aliter censet : Et si fides, mortuam habentes in comprehensione, etc.*

*Quam qui corde vel ore.] C. Quam qui cogitatione vel locutione, omissis his : Sicut magis peccatur, etc.*

*Quanto magis autem.] M. et C. multis demptis*

*sic legunt*: Quanto magis et Deum nosse? Sed: Di- A  
xit insipiens, etc.

Qui gloriam ab invicem.] *M.* Ad invicem.

Humilitas hæc sola.] *Audi varietatem*: Humilitas, inquit *M.* et *C.* solius Dei querit gloriam, quæ ei soli placere appetit. *Ad illud*: Humilitas, subnotat *C.* in *marginē*: Non sola credit.

Ad Rom., c. iv.] *Tria* c. x.

#### CAPUT XCIV.

Quod enim credimus.] *C.* et *M.* Quia enim credimus speramus.

Ad Romanos, cap. v.] *Tria* c. xi.

**502** Pacem habeamus.] in *textu* et *C.* in *marginē*: Pie, et sobrie et iuste vivendo habeamus. *Tit. ii.* Nec sunt filii spei.] *Recte V. M.* Ergo male repetit *C.* Nec sunt filii desperationis, quia hoc prius dictum est

Entes in proposito.] *Hoc est, dum sunt in proposito. Ter aut quater ly entes in hoc opere reperitur, pro existentes.*

Vel idem sunt cum spe.] *C.* in *marginē* sic inquit: Utrum sperare, expectare, confidere sint idem, vel motus eiusdem virtutis, scilicet spei. *Videtur B. Augustinus illa non distinguere, quia idem objectum habent, nempe Deum totius boni auctorem, De confidentia tract., t. X, serm. 66. De tempore. De expectatione vero eodem to; De verbis Domini, sermone 59, Psal. xxxix. Expecta Dominum, hoc est, spera in Domino, et Psal. ii. Beati qui confidunt in Domino. Eodem sensu.*

Tristis es anima mea.] *Pedissequa, inquit C. ad latus.*

Ad Rom., c. viii.] *M.* et *C.* c. xx

Expectatio creaturæ.] Homo expectans, ait *margo C.* sive creatura expectans, ut *habet Glossa interl.*

Adversarii scilicet.] *M.* adversariorum.

Job, c. xix.] *M.* et *C.* cap. xvii.

#### CAPUT XCV.

Ad Cor., c. xiii.] *Tria* c. lxi.

In via donis.] *Hoc est in præsentī vita. V. et M.* omittit, in *via.*

Charitas patiens est.] *Glossas, quæ de charitate sequuntur, ex toto omittit V. C. legit ad latus. M. vero, quod hac in parte sumus imitavi, in textu.*

Unde Augustinus.] *Tractatu de laude charitatis t. IX ex sermone 59. De tempore t. X; sed nec ille tractatus nec sermo sunt B. Augustini, præfata tamen Glossa, quæ interlinealis est, videtur ex his desumpta. In commune bona.] M. communiter bona.*

Ut Oceanus, quæ sine.] *Continuatur citatio ex B. Aug. serm. 50 De temp. to. X, quo sermone plurimum usus est Venerab. Beda in expositione I. Cor. c. xiii.*

Ignis flammigerens.] *V. et C. Flammigerans. Sacra Biblia: Ignis exestuans. Jerem. xx.*

Ad penitentiam cordis.] *Intus et in cute, ut ait Perisius. Quando quidem ly penitentia substantive sumatur non opus pro penetrasti scribere penetrata, ut M.*

Item octonario 13, sub.] *Sive, in octonario 15, vel ut M. et C. octava 15. Quod sic interpretor ex Psal. cxviii. Cum enim ille per Abecetariū Hebraici litteras, quarum singulæ octo versiculos continent, dividatur; computo a prima littera Aleph dicta, sive a primo octonario, quod incipit: Beati immaculati, usque ad 3 octonarium, ita mchoans: Quomodo dilexit legem tuam, ibique litteram Mem quæsitam invenio.*

**503** Hæc vero, secundum interpretationem *B. Hieronymi, i. em sonat quod viscera mea, vel ex ipsis intus. Nos Benedictini, secundum regulæ nostræ statuta, omnia præfati Psalmi octonaria, in horis diurnis, tum canonicis eum Marianis, recitatione versiculi Gloria Patri, dieidimus.*

Non habuit meritoriam.] *M.* omittit meritoriam.

Quem totus non capit.] *Ex cantico Ecclesiæ in laudem B. virginis Mariæ.*

*Tropice dictum est.] Humana est similitudo, ait C. ad latus.*

Etsi realiter.] *Hæc inclusi parenthesi. Varietas autem lectionis talis est. M.* Et realiter toti Trinitati, communicat circa, etc. *C.* etiam legit: communicat circa Spiritum S., etc. *Ego ex V. restitui conveniat, omissio communicat, sique sensus clarus est.*

Spirator enim.] *M.* Spiritus enim ab utroque.

Hinc emersit quorundam opinio non approbanda.] *Taxat errorem magistrī Sententiarum, lib. 1, Sent., dist. 47; docentis charitatem esse Spiritum sanctum, non qualitatem aliquam creatam.*

Igitur mundandum.] *C.* et *M.* mundandum.

#### CAPUT XCVI.

*M.* Pro titulo: De fletu bono et malo. *Duo: De luctu, etc.*

Et octava, quæ redit.] *Verba sunt B. Aug. to. IV, l. 1 De sermone Domini in monte, cap. iii.*

**B** Multiplices lacrymæ.] *De lacrymis dicam. Sunt lacrymæ malorum, scilicet lacrymæ infirmitatis: unde, puer cum primo nascitur, vagit, ut sit propheta suæ miseriæ. Sunt lacrymæ adversitatis; unde, bona cum amore possidentur, quæ cum luctu et dolore perduntur. Lacrymæ simulationis; unde: Nihil citius arescit lacryma (Ad Heren., lib. ii). Lacrymæ æternæ damnationis: Unde: Extrema gaudii luctus occupat. Proe. xiv. Lacrymæ bonorum quas facit compunctio peccati. Unde. Posuisti lacrymas meas, etc. Psal. lv. Lacrymæ quas facit miseria proximi: Unde: Gaudere cum gaudentibus, flere cum flentibus. Rom. xii. Lacrymæ quas facit dilatio regni: unde: Beati qui lugent, etc. Matth. v. Hæc ex codice ms. de-cerpsi.*

Nihil citius arescit.] *Lib. ii ad Herennium, Cicero.*

Non possumus enim.] *His non absimilia edicit Seneca, ep. 63 et 99.*

**C** Lacrymæ corporis.] *Hæc verba: Corporis et cordis, V. omittit.*

Peccata proximorum frix.] *Fruxorium, etc. Vide Glossam in II Cor. xi.*

Diogenes etiam.] *Tria sic legunt, at ego Heraclitum puto, qui quoties in publicum procedebat, flebat, econtra Democritus ridebat. Huic omnia miseriæ, illi ineptiæ videbantur. Seneca, l. De tranquillitate animi, c. 15. Item, l. ii, De Ira, c. 10.*

Axa, inquit.] *Hæc, usque ad finem capituli, V. omittit.*

#### 504 CAPUT XCVII.

Isaias, cap. lv.] *C.* cap. clxiii. *V. et M.* c. clxiv.

Ad Deum fortem.] *Fortis, est unum Dei nominibus, quibus apud Hebræos nominatur. Non pro forte legendum est Iouem, ut V. et alia quædam impressa Biblia. Id corrigunt novissimæ impressiones Bibliorum Sixti V. Pont. Max. ad exemplaria mss collata. Item et illud: Ut videam voluntatem Dei, pro voluptatem, caelestem nempe.*

Ministerio corporis.] *M.* Mysterio ostendit.

Oculata fide.] *Non occulta, ut C.*

Nec gratiæ, sed vanitas.] *Recte quærit margo V.*

Quomodo desiderium rerum temporalium ita sit vanitatis quod non culpæ, non video sane intelligi posse, nisi hoc dictum sit de culpa mortali, et de rebus necessariis. Nam desiderare non necessarium, non potest non esse, et vanitas, et culpa, cum etiam necessaria nimie desiderare peccatum sit, juxta illud Gregorii: Temporalia ab Jesu petere non est peccatum, si tamen non nimie petantur. Ergo illa nimie petere peccatum est. Nimum autem est quidquid supra necessitatem est. Quidquid ergo non necessarium desideratur, culpabiliter desideratur, et tale desiderium frivolum est et stultum. Si autem stultum, quomodo non culpabile, cum ipsa stultitia



numquam sit sine culpa? Ergo sicut dixi frivola est hæc distinctio, quæ dicit desiderium esse, quod nec est naturæ, nec gratiæ, nec culpæ, sed vanitatis, nisi intelligatur de culpa mortali. Desiderare autem temporalia ad necessitatem, nec frivolum, nec stultum est, nec vanitatis, nec culpæ. Totum ergo membrum hoc distinctionis oblaudandum est (*hoc est abolendum*). Nec credendum est cantorem Parisiensem (qui hujus operis est auctor) vitium hoc et cætera, quæ inveniuntur in hoc libro, posuisse; sed scholasticum illum transcribentes, et notulas suas ad libitum addentes totum corruerunt. Recte. Sed *damnum, quod in V. notæ illæ multoties in contextum repositæ sunt, ut ex M. et C. collegi.*

## CAPUT XCVIII.

Tum in capite Christo.] Non: Tum in corpore Christo, ut M.

Super omnia opera ejus.] Hæc opera recenset C. ad latus hoc modo: Opera creationis, recreationis, B conservationis, remunerationis, etiam punitionis.

Superexaltat iudicium.] M. et C. cum quibusdam Bibliis impressis superexaltat iudicio. Interpretatio Syriaca hoc c. in Jacobi, sic habet: Exaltati estis pro misericordiam super iudicium.

Nostri est lectio.] Sive instructio.

Primo, a tempore.] Miserere animæ tuæ placens Deo, ait margo C. Ex Ecclesiastico, c. xxx.

505 Præ operibus cæterarum.] Inquit idem margo: Misericordia tamen vera non est sine aliis virtutibus, nec remuneratur.

In Luca, c. iii.] Tria c. viii.

Beda: Joannes.] Recte Beda, in c. iii. Luca, et hæc habentur in Glossa ordinaria eodem citato auctore.

Prædo grassetur.] M. Mles grassetur. Textus B. Augustini, quem videtur ven. Beda secutus, hanc legit sententiam; sed pro prædo admittit præda grassetur. To. X, in Appendice sermonum, serm. 3. initio. B. Ambrosius in c. iii. Luca hæc etiam utens sententia ait: Prædo grassetur.

Item Ambrosius.] In c. iii. Luca sub hoc titulo: Redarguit malitiæ Judæorum, sub finem. Non abstinentia quoque habet B. Aug. loco citato supra.

Respondit gravatus.] Ex M. solum hæc collegi, usque: Qui ingressi unde opinor hoc exemplum a textu melius abfuisse.

Bene habeas.] Hoc est: bene sit tibi; amuens scilicet petitioni ejus.

Cum peteret inducias.] M. cum peterent.

Denegavit eas creditor.] M. consequenter: Denegavit eis eas creditor.

Quod et filium ejus.] Nempe militis veterani.

Ipsamque a debito.] Hæc verba, usque: Qui rediens, omittit M.

Joannes Alexandrinus.] Hic ob maximam in pauperes liberalitatem eleemosynarius dictus est. De quo Nicæna synodus ii, actione 4. Leontius episcopus ejus vitam conscripsit. Syrius, t. I, 25 Januar

Quasi litem.] Sic V. et C. At M. cum litem.

Dicens: Ita Domine.] His, usque: Item: Episcopus Tarent. caret M. et C.

Episcopus Tarentinus.] V. Archiep. Tarentasiensis. Tarentum civitas est Calabriae clarissima.

Scilicet pro sine.] M. omittit scilicet

## CAPUT XCIX.

Major enim est qui vincit iram, etc.] Respicit ad vocam Prov. xvi: Melior est patiens viro forti, et qui dominatur animo, expugnatore urbium.

Si non sunt solvendo.] V. si non habeat unde solvat. M. Rem etiam, si necessitas sit solvendo.

I. Cor. c. vi.] Tria c. xxvii.

In Matth. c. xviii.] Tria c. clxxxviii.

Rom. c. xii.] V. et C. xli M. lxi.

Noli vinci a malo.] C. in margine citat duo S. Scripturæ loca hoc modo: In Ecclesiastico xxiii (hodie xxviii): Qui vindicari vult, etc. Levitici xliii (ho-

die xix): Non quaras ultionem, etc. Sed ipsa verba habentur ad Rom. xii.

Pro crucifixoribus.] M. Pro malefactoribus.

506 Jacobus, ca. i.] V. et C. cap. iii.

Ad Ephesios c. iv.] C. et M. c. xix.

Quia mitigatum.] Quispiam in margine M. voluit legi mitigativum. Ego, quia id recenti manu videtur scriptum, et non melius correctum, quam est in textu, parvifeci.

In serenitate conscientiæ.] C. In sinceritate.

Quo ungitur totus.] M. Quo mergitur totus. Fortè amanuensis volebat injungitur.

Primum et secundum.] Ungentum scilicet, vel ut nunc usitatius dicimus unguentum, ab unguo.

Ludificatio.] M. Luctificatio.

Exaggeratio.] C. exaggregatio.

## CAPUT C.

Ex V. summarium collegi. C. volebat: De spiritali clementia. M. De speciali misericordia.

Communem speciem.] V. præter hanc omnem spem misericordiæ. Error notarii.

Specialis iudicis et potentis.] Placet hæc lectio. Ut quid enim spiritalis iudicis, ut voluit V. et C. potius quam secularis? Specialis hoc est quæ peculiariter ad iudices et potentes pertinet.

Est apud potentes.] M. apud principes, Sed in originali est potentes.

Vel electionis beneficio.] V. omittit vel, reliqua ut in textu.

Alteram feris.] Itu censet Seneca, l. i, De clementia, c. 24, eum audito: Non minus principi turpia sunt supplicia, quam medico multa funera. Remissius imperanti, melius pareret. Natura contumax est humanus animus, et in contrarium atque arduum nitens, sequiturque facilis quam ducitur. Et ut generosi atque nobiles equi melius facili freno reguntur, ita clementiam voluntaria innocentia impetu suo sequitur, et dignam putat civitas, quam servet sibi: plus itaque hac via proficitur. Crudelitas minime humanum malum est, indignum tam miti animo. Ferrea ista rabies est, sanguine gaudere ac vulneribus, et, abjecto homine, in silvestre animal tr. nsire, etc.

Ea sauxit.] M. Ea facit aperte homines, etc. At textus congruit cum originali.

Gloriosus in principe.] Seneca, l. i, De clementia, c. 3, ait: Nullum clementia ex omnibus magis quam regem et principem decet.

Mitiores animos advocet. V.] Avocet. C. Minores animos advocet. M. Mitiores animos evocet, originale adjuvet.

Gloriosa autem.] C. Gloriosior. Orig. Gloriosa. Inimici est.] Scilicet sanguis, ait V. inter lineas, M. autem variat toto cælo: 507 Inimicus est, sed ejus qui amicus fieri non potest. Quod in textu posui in Orig.

Noctentis est.] C. Innocentis est, sed hominis cuiuscunque sit, quia non potuit, etc. M. Noctentis cuiusque sit, quia non potuit dare, crimen putat auferre. Sic et Orig.

Crimen putat auferre.] Bonus princeps, inquit V. inter lineas.

Ileo quoties funditur.] Scilicet sanguis, ait idem ibidem. M. pro ideo male legit item.

Confunditur.] Nempe princeps, ibidem inter lineas. C. hic adnotat hunc marginem: Similiter (scilicet confunditur) de ordine, dignitate, vel quolibet abjudicato.

De hac etiam Seneca ad Nerōnem.] Solum M. hæc admittit in textu, C. vero in margine. Ad Nerōnem imperatorem, cui libros De clementia conscripsit. Locus autem, ubi potissimum de crudelitate tractat, exstat l. ii, c. 3 et 4.

Augustinus.] Unicum C. citat nomen.

## CAPUT CI.

In omni crimine.] Duo subnotant et maxime

quando spes est de correptione corripiendi. *Forse* A de correptione corripiendi.

Ad Romanos c. 1 in fine.] *Tria* c. iv. *Hinc notet lector primum caput ad Romanos in capita quatuor antiquitus fuisse divisum.*

Et secunda ad Cor., c. II.] *Tria* c. v.

Et in eadem, c. VI.] *C. et M.* c. XVIII.

Item ad Gal., c. VI.] *C. et M.* XII

Ad Ephes., c. IV.] *C.* c. XVII.

Job, c. XXIX.] *Tria* c. XXV.

Conterebam.] *M.* Contundebam.

Leonum.] *Psal.* LVII. *Legitur* : Molas leonum, at *Job hoc loco habet* : Molas iniqui.

Parabol. c. XXIV.] *Tria* XLVI.

Et Genesis, c. IV.] *Tria* c. XIV.

Sicut dilectionis.] *Habetur hæc sententia apud B. Gregorium hom. 30 in Evang. initio.*

Item : Veri imitator.] *C. et V.* Ut imitator sim Samaritani. *Vide ad hæc B. Greg. Moral. xx, c. 8.*

Fame verbi Dei.] *Solum M. legit* : Verbi Dei.

Debet enim corripere.] *M.* corrigere.

Quarto Regum, c. XV.] *V. c. XXXIII, C. cap. LXXXVI, M. LXXXV.*

Ozia.] *Tria* Josia.

### 508 CAPUT CH.

*Ex M. addidi in titulo pro inimicis.*

A Dan usque Bethsabée.] *Habentur hæc verba I Reg. III. Sed neque tunc Samuel intercessit pro Saule, neque eum Saul voluit occidere, quia nondum erat rex electus. Intercessit autem pro eo ejusdem l. c. 15 in fine, et in principio cap. 16. Sed nec habetur expresse in Scriptura, quod Saul voluerit Samuelem occidere at bene id colligi potest ex c. 19, quando Davidem persecutus est, qui erat cum Samuele in Ramatha. Unde Samuel initio c. 16 ait : Audiet Saul et interficiet me.*

Exasperante.] *Non exasperante, ut C.*

Comparatur matri.] *M.* Comparatur Martino. *Quædam invitata ad solemnes, etc.*

### CAPUT CHII.

*Summarium hujus capituli ex V. desumpsit ; nam M. simpliciter : De manuali misericordia. C. vero : De visibili et manuali misericordia subveniente.*

Non parca.] *M.* Non peccat. *Ecquis sensus ?*

Eccli., cap. XXIX.] *Tria* c. LXXXVI.

Item Eccli., eodem capite. *C. et M.* cap. LXXV.

### CAPUT CIV.

Ejus effectus.] *C.* affectus male.

Et quomodo.] *Hoc, et si solum M. habeat, nolui expungere, quia ad majorem explicationem facit, ut sensus sit, et quo modo, quo ordine, hoc est, quis cui sit præponendus.*

Quot et qualibus.] *C. male.* Quot et qualiter, quia prius dixit qualiter V. Quot et qualibet, etiam vitiose, ut patet ex sequentibus, ubi ait. Sequitur : Quibus, quot et qualibus, et qualiter dandum. *Hæc docet Seneca, l. II De beneficiis.*

In Eccl., c. XXIX.] *C. c. LXXVII, V. et M. LXXVIII.*

In Luca, c. XI.] *Tria* c. XXXV.

Quid autem sit dandum.] *Quispiam recenti manu addidit in M. ad latus, Cui, pro quid. Non penitus rejicio, eo quod videatur ita legendum, ex eo quod sequitur : Omni petenti te tribue.*

Da ei correptionem.] *Ita legendum est, ut ex Glossa interlineali colligitur. C. et M.* Da increpationem. *ferè idem.*

In Luca, c. III.] *V. c. IX.*

Signanter.] *C.* generaliter.

509 Alioquin raptor eris.] *Ita censet B. Hieronymus in fine epistolæ ad Nepotianum De vita clericorum quæ incipit : Petis a me. Ait ille : Ecclesiam fraudare sacrilegium est : accepisse quod pauperibus erogandum sit, aut, quod apertissimi sceleris est, aliquid inde subtrahere, omnium prædonum crudelitatem superat.*

Sed magis abundantibus.] *M.* Ea distribuunt abundantius se pauperibus in spirit. *Apparet ex*

*quadam lacuna, aut intercapedine majori, aliquando fuisse abundantibus pro abundantibus, quodre reor a scolo minus intelligente correctam.*

Quam in ovicula.] *Hæc sententia, usque pauperi dedit, abest in V.*

Pietas eximia.] *M.* pietas continua.

Æqualitatem Apostoli.] *De qua supra dictum est ex cap. VIII, ad II Cor. C. et M. Æqualitatem Domini.*

Hilaritas.] *C.* Hilariter.

II Cor. IX.] *C. et M.* II Cor. XXII.

Exodi, cap. XXXV.] *C. et M. c. CXXXIV. V. CXXXVI. Hoc exactoribus.] Hæc, usque ad illud : Sequitur, de quo sit danda eleemosyna, solum M. habet hic. V. infra in margine ad finem c. 105.*

Nulla Ecclesia.] *Restitui ex Apostolo, alioquin M. Nulla eleemosyna.*

Recipere justum.] *Restitui hoc modo. M. Enim repete justum.*

Pavit fructu.] *Ego, quia prius, dato, hic consequenter adjeci fructu. M. vero legebat fructum.*

### CAPUT CV.

*Duo præter V. præfixerunt titulum.*

Deut., c. XIII.] *Tria* c. LXI.

Item, c. VII.] *Tria* c. XXV.

Cardinalis pauperis.] *C.* omittit pauperis

Cancellarius.] *Forse Parisiensis.*

Stephani abbatis Cisterce.] *Fusius hoc exemplum recensetur supra c. XLVI. C. et M. Abbatis Clarevallensis. In notis ad c. 46 dixi hunc Stephanum, non secundo sed tertio loco poni in ordine et serie abbatum Cisterciensium.*

Panes et caseos.] *Anne calceos, ut C. ?*

Qui in dextera et pro.] *M.* Qui dextera vel in iis quæ sunt dexteræ.

Entes peiores.] *Auctori nostro familiare est ly entes pro existentes.*

Laicis.] *Id est feneratoribus, inquit margo C*

### CAPUT CVI.

*M. in titulo : De modo dandi eleemosynam. Alia duo : De ordine, etc.*

In creatione.] *M.* cum creatione.

510 Et recreatione.] *Abest in C.*

Adhuc inimicis suis.] *M. etiam placet : Pro nobis amicis suis, eo quod immediate subsequatur locus Joan. XV. Majorem charitatem, etc. ponat quis pro amicis suis. Sed dicam. Quæ in textu reposui magis placet, quia et si pro adhuc inimicis, tamen prout sciebat, futuris amicis, hostium offerebat vivam. Quæ in diviso sensu recte intelligi possunt. Si vero in sensu composito exprimantur : Nonne plus est pati pro inimicis, quam pro amicis ?*

In correptione fratris.] *M. et V.* correptione fratris. *Verbis corripimus, flagellis corrigimus.*

In consilii sancti.] *C.* In consilii sani datione.

Non alieni.] *Id abest in V.*

Ad Ephesios, c. IV.] *V. et C. c. XIX. M. XVIII.*

Quasi testamentarii.] *M.* Cujus dispensatores quidem testarii sumus.

Aporiati sunt.] *Ideo pauperes facti, quia pauperum bona sibi collata prodigaliter profundunt. Unde Seneca : Veto liberalitatem nepolari, hoc est, nepotes imitari, dilapidare, inquit Lipsius l. I, De benef. c. 15. Illud aporiati Latinum est a verbo aporior, ex Græco ἀπορία tractum, quo utitur Apost. II Cor. IV, quod inter alia significat ad summam angustiam redigi, et indigere. Unde Tertull. in Scorpiuco, cap. 13, locum Apostoli Latine reddit : Indigemus, sed non perindigemus. V. habet hic marginem, quo continentur ea, quæ sunt in fine c. 104 ab his verbis : Apostolus ad Philippenses : Nulla Ecclesia, etc. usque ad s. 105.*

### CAPUT CVII.

*V. Præcedens caput continuat, nec titulo novo dididit.*

Comitis Theobaldi.] *De quo Cæsarius l. VIII, c. 31.*

Qui subtelares.] *Non dano C. et V. Sotulares, sed Subtelares melius, sicut refert Joannes de Janua in*

ro *Catholicon* dicto, verbo *Subtelaris*. *Subtelaris* est *A* calcens sive *docta sub talo*, *M. legit*. *Subtulares*.  
Et *humilitas*.] *M. Et hilaritas*.

*Mortuus rarum invenit*.] *Hæ sunt amicitiae, quas temporarias populus appellat. Qui causa utilitatis assumptus est, tandiu placebit, quandiu utilis fuerit. Seneca, epist. 9.*

*Pietatem præcipiens*.] *M. Pietatem consulens.*

*II ad Cor. cap. viii.*] *Tria cap. xxi.*

*Secundum veritatem*.] *Impressa Biblia secundum virtutem. Non immutavi lectionem trium exemplarium, quia videtur clara et consona.*

*Primo voluntarii*.] *Solum M. legit Primo. Et abest a teatu Scripturæ.*

### 511 CAPUT CVIII.

*Neque hic dividit caput exemplar V. sed solummodo M. C. vero majuscula littera tanquam paragrafo, in scripto etiam in margine titulo, videtur caput partiri.*

*I Tim., c. iv.*] *Tria sic legunt.*

*Habitus incultus*.] *Seneca, ep. 5 recenset ea quæ philosophum decent, nec multum dissimilia iis, quæ hic referuntur.*

*Vitæ quæ nunc est*.] *Id est quæ nunc est secundum naturam, ait V. in ora superiori caractere tenuissimo. C. Promissionem vitæ naturæ.*

*Multiplicationem*.] *Ita exponit B. Hieronymus in Matthæum.*

*Vitæ gratiæ*.] *V. inter lineas, id est quæ nunc est secundum gratiam.*

*Serenitas conscientiæ*.] *M. Sanctitas. Illius vero conscientia serena est, qui est,*

*Integer vitæ scelerisque purus.*

*Vitæ gloriæ, id est*.] *C. et M. omisis aliis sic habent: Vitæ gloriæ sicut et præsentis, quia, etc.*

*Qui mihi ministrat*.] *M. præter hunc sacræ Scripturæ locum, alium quoque citat ex Joann. xiv. Qui sermones meos servat, ad eum veniam, et manifestabo ei meipsum.*

### CAPUT CIX.

*Ceu virtus generalis*.] *C. Ceu virtus generaliter. Et quis gloriatur?* *V. Sed quis est qui dicat se mundum habere corpus? In hoc non audio V. quia male corpus pro cor admittit.*

*Etiam in angelis*.] *Alium præterea ex Job, cap. xv locum suggero: Ecce inter sanctos nemo immutabilis, et cæli non sunt mundi in conspectu ejus; quanto magis abominabilis et inutilis homo, qui bibit quasi aquam iniquitatem?*

*Custodiendum est cor*.] *V. corpus. Vitiose.*

*Unde Petrus*.] *Fide. Restitui Petrus, quia ejus verba sunt, ut liquet ex Act. cap. xv. M. et C. legebat: Unde Jacobus. V. Unde in Actibus apost. transeat.*

*Eam consummant*.] *Quidam addidit in margine C. consumunt, sed perperam. Ait enim B. Augustinus: Beati mundi corde, hoc est, qui mundi corde sunt, quoniam ipsi Deum videbunt. Hic est finis amoris nostri; finis quo perficiamur, non quo consumamur, etc. Tom. X, serm. in festo Omnium Sanctorum.*

*In eo creatum per vulnerat*.] *Hæc redolent doctrinam B. Aug., to. III. In Enchiridio ad Laurent., c. 31.*

*512 Quasi desiderat esse*.] *Ita C. At V. Quasi desiderat esse. M. vero: Quod desiderat esse.*

*Unde Moyses*.] *Mundamini.* *Hæc verbotenus in Isaiâ sunt, sed Levit. xxi, secundum sensum habentur.*

*Infestant muscæ*.] *Margo C. Etiam, ut tunc hæreticæ pravitates de corpore Christi et plantasticæ cogitationes, et turpes sæpius occurrunt. Ergo flagello abigenda sunt hæc, ne sacerdos distrahatur sacra peragens.*

### CAPUT CX.

*Sed filii in universum*.] *M. Sed filius universis bonis patris succedit jure hæreditario. B. Augusti-*

*nus in Psal. cxxiv sub finem, sic inquit: Pax possessio piorum est, possessio hæredum. Et qui sunt hæredes? Filii.*

*Virtus est et meritum*.] *C. ad latus ait: Lege, Meritorium.*

*Unde nec addit*.] *Hoc est in primo cum ait: Pacem relinquo vobis, non addidit meam relinquo vobis. Ut patet ex Joann. xiv, v. 27. M. et C. male omitunt nec, in hoc: Unde nec addit.*

*Postquam*.] *Pacem scilicet pectoris. M. Plusquam.*

*Nisi super pacem*.] *His verbis utitur Glossa ordinaria in c. xiv Joann., v. 27, citatque ex Isaiâ c. xxvii: Faciet pacem mihi, pacem faciet mihi. B. vero Gregorius in explanatione septimi Psal. pœnit. ad illa verba: Spiritus tuus bonus deducet me, etc., etiam ex Isaiâ refert hæc verba, sed, ut apparet ex cap. xxvi Isaiâ: Servabis pacem, pacem quia, etc. Hunc locum B. Gregorii videtur auctor vobis perlegisse, quia doctrinam ejus, hoc capite De pace, imitatus est.*

*Fremet enim*.] *His verbis utitur B. Bernardus 9 Sermone in Psal. Qui habitat.*

*Pacem habebitis*.] *M. Tranquillitatem pro pacem. In missa.] M. Ut missam eam illi annuntiat, Iena summis.] Hildebertus Cenomanensis episcopus in Canonem missæ, ait:*

*Tempore quo simplex assistit præbyter aris, Mactaturque Patri Filius adest matens: Æthra patent, cœlestis adest chorus, ima supernis Junguntur, fiunt actor et actus idem.*

*Sed nonne horum omnium præcipuus auctor est S. Gregorius? Certo crede. Nam ejus verba sunt in fine c. 58, l. iv Dialog., to. I.*

*Eramus inimici Dei*.] *Eramus natura filii iræ: Deus autem, propter nimiam charitatem, qua dilexit nos, cum essemus mortui peccatis, convificavit nos Christo. Ephes. ii.*

*Ad Romanos, cap. v.*] *Tria c. xi.*

*Et tractabiles*.] *C. Et contractabiles.*

*Os osculans est verbum*.] *Glossa est interlinealis in hunc locum.*

*513 Electrum effectivum*.] *Recte electro comparatur pax. Sicut enim, teste Tertulliano, electrum ex auro et argento fœderatum est, ita et pax hominè et Deo unitis charitatis vinculo.*

*Unde pro hac quasi*.] *M. Unde propheta quasi non sufficienti ad salutem. Idem propheta, etc. Error amanuensis, ut apparet.*

*Da pacem sustin.*] *Tria sic habent: Biblia sacra vero, Eccli. xxvi. Da mercedem sustentibus, etc.*

*Ad Philipp., c. iv.*] *Tria c. vii. Nota tamen C. et M. in hoc peccare, quod ad Coloss. legant pro ad Philipp.*

*Et pax Dei*.] *Qua pacatus est, ait margo C.*

### CAPUT CXI.

*Nimis dedit simus*.] *C. Multis dedit, etc.*

*Stulto, inquit, labore*.] *Impressa Basiliæ Biblia anno 1591 pro Stulto, legunt, multo, sed vitiose, ut patet ex regis Bibliis in versione S. Hieronymi.*

*Manifestum est animum*.] *Idem probat B. Cyprianus de 12 Abusion. Mundi amor et Dei, inquit, pariter in uno corde habitare non possunt; quemadmodum oculi pariter cœlum et terrain nequaquam aspiciunt.*

*Domino vacuari*.] *M. Deo non vacare, quo possit plenior, quanta ad superna et ad æterna extenditur. Tenebræ sunt.*

*Sine nubilo allegorice*.] *Brevitatis causa omitto, quid hæc de re dicant sancti Patres: interea vide apud B. Hieronymum tom. IX, sermone in vigilia Paschæ De esu agni, et B. Aug., tr. 18 in Joannem; Tertull., De præscript. hæret., c. 37.*

### CAPUT CXII.

*Si igitur a prædictis*.] *Contra hæc atquit V. hoc modo: Hoc est contrarium Apostolo qui ait: Non est vobis collectatio adversus carnem et sanguinem,*

subaudi tantum; et sed etiam adversus principes et potestates (Ephes. vi.) etc. Non possumus habere pacem a diabolo, quia inimicitias posuit Deus inter hominem et illum serpentem (Gen. iii). Nec a carne; quia naturaliter ex prima sua maledictione spinas et tribulos germinat nobis (ibid.), etiam cum illum operamur per culturam discipline. Sed nec a mundo pacem habere possumus, quia Dominus ait discipulis suis: « In mundo pressuram habebitis (Joan. xvi.). » Propter hæc tria dicit Apostolus: « Omnes qui pie volunt vivere in Christo persecutionem patientur (II Tim. iii.). » Male ergo dicit hic nos debere pacem habere ab illis, cum hoc sit impossibile in hac vita, ubi semper caro concupiscit adversus spiritum, et spiritus adversus carnem (Gal. v). Nam qui ab illis pacem habet, et cum illis pacem habet, contra consilium Sapientis agit, qui ait: « Non credas inimico tuo in æternum (Eccli. xi.). » Et iterum: **514** « Diliges amicum tuum, et odio habebis inimicum tuum (Matth. v.). » Quando autem in pace in idipsum dormierimus, et requiescere cœperimus singulariter in spe constituti (Psal. lvi.), tunc primo ab iis tribus pacem habebimus. Nunc autem interim Christus non venit mittere pacem in terra, sed gladium (Matth. x); et passurus ipse jubet habentem tunicam vendere eam et emere gladium (Luc. xxi.). Tempus enim belli modo est. Tempus autem pacis a morte incipit. « Militia est enim vita hominis super terram (Job vii.). » Estote nobis omnibus dicitur: « Estote fortes in bello, et pugnate cum antiquo serpente, cujus semper coadjutores sunt mundus, et caro. » Non coronabitur nisi qui legitime certaverit (II Tim. ii.). In certamine autem, quæ pax esse potest? Ita V. in margine. Verum ad ea breviter respondetur eos qui juste bella gerunt, ut est bellum, contra diabolum, carnem et mundum, intendere pacem, atque ita tale bellum non contrariatur pa. i, nisi mala, de qua Dominus Matth. x: Non veni pacem mittere, sed gladium. Bellum (inquit Aug., ep. 205 ad Bonifacium) geritur ut pax acquiratur. Finis autem præstantior est mediis. Quapropter recte pacem præ omnibus commendat auctor noster.

Dominus diluivium.] C. ad latus: Percussionis et pressurarum.

Contra hoc diluivium.] Expositio B. Aug. in Psal. lunc, to. VIII,

Populo suo in pace.] Id est, in æternum, ait Margo C. post Glossam.

In hoc opere pacis.] M. allucinat dicens: In tempore pacis, etc.

### CAPUT CXIII.

Solum M. caput dividit, præ etiam titulo: De duplici pace.

Et pax æternitatis.] Sic videtur legendum ex c. 110, ubi hanc pacis distinctionem facit. V. Pax æterna.

Jeremias, c. xxxviii.] Tria c. cxxxv.

A falsis fratribus.] C. A fictis fratribus.

In pace, ecce amaritudo.] Verba sunt Isaia. V. pro ecce, legit Ecclesie.

Unde nec pax est.] Illa nempe pro qua habenda libertas perit. Nam (teste Cicerone in Philippicis [lib. ii]) Nomen pacis dulce est, et ipsa res salutaris. Pax est tranquilla libertas.

Per quam nec alia virtus.] M. Per quam nec ita virtus. Glossa in hunc locum ordinaria sic effert: Primum quidem pudica est. Nisi primum pudicitia sedeat in mente, nulla perfectio sequetur in opere.

Deinde pacifica.] Margo C. Ut nec libertas pereat.

Non iudicans, sine simul.] Restitui locum hunc. Tria legebant, omisso non iudicans sine simulatione. Idem etiam deprehendi in textu cum Glossa Lyrani character antiquo, sive (ut vulgo) S. Petri, impresso; sed error est, ut patet ex paraphrasi Syriaca, quæ sic habet: Absque dijudicatione, ac facies

non accipit, hoc est personas. Præterea ex dicta paraphrasi liquido constat hæc verba: Non iudicans, **515** sine simulatione, commate aut duplici puncto distingui debere propter interpositam conjunctionem ac.

Omnia Cæsar erat.] Hemistichium Lucani l. iii Pharsalici belli, quo etiam utitur Alanus c. 1, in fine.

Libertatem Romanorum.] Valerius Max. in Catonis libere, nec minus laudabiliter dictum, hoc epithetonem utitur: Quid ergo libertas sine Catone? Nec magis quam Cato sine libertate. Lib. vi, c. 2.

Ezechias mollissimum verbum.] Sic legendum reor, non autem Ezechias mallissimus, ut M. quasi fuerit superlative malus. Nam ille, ut legitur IV Reg. xxi, dissipavit excelsa, quæ postmodum Manasses filius ejus reedificavit. Deinde, cum illud vocabulum mallissimus, sit extra Latinorum coloniam, ac proinde ad Augie stabulum relegandum, potius quam sequendum, dicam amanuensem vice mollissimum, ut duo exemplaria legunt, per abusum scripsisse mallissimus.

Verbum pessimum.] Ly verbum, pessimum omittit V.

Non præcavens libertati.] Non sic B. Thomas Cantuariensis, iniquit margins C. et M.

In diebus meis.] Post hæc verba, addit C. Item Parabolarum xxviii [forte xiii] secundum modernorum computationem.

### CAPUT CXIV.

Ad Romanos, c. ii.] Tria ca. vi.

Isaia, c. xliii.] V. ca. cxxxiv. C. cxxxv et cxxxvii. Laborem de iniquitatibus, M. pro iniquitatibus.

Textus Biblicus habet: In iniquitatibus.

Isaia, c. l.] V. c. cxlix. M. et C. cl.

Et cap. lmi.] C. et M. c. cxl. V. clxx. Videtur hic fuisse error notarii in supputatione capitulum. M. et C. eo quod minus computentur quam supra, et numerus necessario debeat hic augeri.

II Cor. c. xii.] Tria c. xxvii.

Sic signum expressius.] V. et C. Sed signum expressius.

Necessarium præposuit.] C. et V. proposuit sed male, ut ex sequentibus colligitur. Audi interim quæ hic, deprehendi in ora inferiori C. Non est patientia, nisi ubi æquanimitas animi servatur. Ex patientia enim quidam cachinnat et si tacet quidam mente, subridet, quod pejus est; quia continuant dolos. De his plenius Seneca, l. De providentia, et Cicero in Officiis.

Ait, c. 8: Quod autem.] Tria c. lxxviii.

Dulcius est quoties.] C. Dulcius, vel lætius est. In margine sic: Ut carcer et flagellum justo. Audi præerea ex Isidoro Sololiq. l. ii. Magna est virtus, inquit, si non lædas a quo læsus es. Magna est fortitudo, si, etiam læsus, remittas. **516** Magna est gloria, si cui potuisti nocere, parcas.

Sufferentiam Job.] Cum tria inter se multum variarent, ego consulto restitui locum juxta novam et receptam editionem Bibliorum, Sicut V. papæ V. et M. Sustinentiam Job. C. in textu: Sustentionem Job, at in margine corrigi sic: Lego sufficientiam.

Sine patientia coronatus.] Hæc et præcedentia, sumpta sunt ex ep. B. Hier. ad Eustochium De custodia virginitalis, in fine. Ubi sic: Sine certamine coronatus est?

Iniquitas præmens.] Verba sunt B. Aug. in Psal. lvi, ver. 2.

Ad Romanos, c. iii.] Tria c. xi.

Et capite viii.] Tria xxi.

Adversorum.] M. adversariorum illud idem expectamus.

Pro torcularibus.] Hæc in psalmis non inveniuntur, ergo alibi quærenda sunt. Ubi? In titulis a Davide propheta psalmis præfixis, quorum unus in Psal. vii, talis est: In finem pro torcularibus, psalmus David. Vide to. IV (tom. VIII). B. Hier. in c. x. Isaia in fine.

Id est Ecclesiis.] *Sana lectio. Hujus si amplio- rem intellectum petis, consule B. Augustinum in titulum Psal. viii. Nam ibi dilucide rem exponit. M. Id est illis, qui in præsentibus sunt, etc.*

[Occultatum os meum.] *Quædam impressa, sicut etiam C. hic, pro os meum legunt cor meum. Unde hic error irrepperit nescio, scio tamen B. Hieron. cum lxx interp. vertisse os meum, sive ossa mea.*

[Arreptitio triumphavit.] *Solum M. addit hæc duo verba, est autem arreptitius, qui a dæmone raptus est.*

[A quo dæmon exiens.] *M. a qua, maxilla nempe, dæmon exiens, etc.*

[Intumescit et erapat.] *M. intumescit et certat.*

[Arcuatoque vulnere.] *M. quasi vulnere pungit, omisso arcuato.*

[Job, c. ii.] *Tria c. v.*

[In faciem.] *M. In fine benedicat tibi.*

[Nunquam et ipse.] *Hæc, usque injuriam corporis, omittit M.*

[Datur et crescit.] *M. Datur et non succumbit.*

[Primus est pœnitentium.] *M. pœnitentiæ.*

[Compassionem proximi.] *Nequaquam compassionem Christi, ut voluit M. et C. Nam veritas elucet ex B. Gregorii hom. 32 in Evang.*

[Ulc ure, hic seca.] *Verba B. Aug. in Confessionibus.*

[Acervus testimonii.] *Allusio ad illa verba Gen. xxxi de Jacob : Acervus testimonii, in quæ videto B. Hier. to. IV in c. xxii Jeremiæ.*

[In testimonium patientiæ.] *V. et C. In patientiam, tantum.*

[Pro verecundia.] *C. ex Amos ii in margine hæc notat : Rota plaustrum semper vertitur (melius M. semper murmurat, quia affinius est verbo stridet, ut in Amos ibidem legitur) et fenem portat. Hic locus propheta exponitur a B. Gregorio Moral. xxxii, cap. 6.*

**517** [Triplitem persecutionem.] *V. Triplicem injuriam.*

[Verba convitii.] *V. Verba contumeliæ. Contumeliam ab injuria sic distinguit Seneca, lib. De constantia sapientis, c. 4. Dividamus, si tibi videtur, Serene, injuriam a contumelia : prior illa, natura gravior est ; hæc levior et tantum delicatis gravis, qua non læduntur, sed offenduntur. Cætera brevitatis causa omitto. C. ad latus ait pro contumeliæ : Lege conjugis, forte ut M. convicii.*

[Ubi contemptus juvat.] *Henistichium Claudiani in Eutropium, l. 1.*

[An garciones isti.] *Hoc nomen pro adolescente, quandoque etiam pro nebulone usurpatur. Gallis notum est. Hoc utitur verbo B. Bernardus in Apologia ad Guillelmum. Sed dicam legendum in textu gnationes potius quam garciones. Videntur enim hic esse verba Senecæ, qui vocabulo garciones nunquam usus est. Id innuit M. quia legit in textu natones, quod vult esse gnationes, id est parasiti.*

[Contemnenda per patientiam.] *Pueros et adolescentes excusat Seneca a contumelia et injuria, ideoque eorum objecta et probra patienter esse sustinenda. Ait enim lib. ii. De tranquillitate vitæ sive libro De constantia, cap. 11. Pueros quidem in hoc mercantur procaces, et eorum impudentiam acunt, et sub magistro habent, qui probra meditate effundant ; nec has contumelias vocamus, sed argutias. Quanta autem dementia est, iisdem modo delectari, modo offendi : et rem ab amico dictam, maledicunt vocare ; a servulo, joculari conviciam ? Quem animum nos adversus pueros habemus, hunc sapiens adversus omnes, quibus etiam post juventam canosque puerilitas est. Et infra : Non immerito itaque horum (puerorum) contumelias, sapiens, et jocose accipit, et aliquando illos, tanquam pueros malos pœnaque admonet et afficit : non quia accipit injuriam, sed quia fecerunt et ut desinant faceret. Idem iii. De ira, cap. 24 : Quis sum cujus au-*

res læti nefas sit? Ignoverunt multi hostibus, ego non ignoscam pigris, negligentibus, garrulis? Puerum atas excuset, feminam sexus, extraneum libertas, domesticum familiaritas.

[Consuetudo etiam maxime.] *Ex hoc puta genere sapientem eorum, inquit Seneca de constantia, cap. 9, qui exercitatione longa ac fideli, robor perpetuendi lassandique omnem inimicam vim consecuti sunt. Multi sunt mites et valde mites, sed cum omnia ex animi sententia succedunt. Si minimum non dico convicii aut contumeliæ, sed contradictionis verbum in se profusum audiunt, continuo indignabundi insulant, et largiter decem verba pro uno rependunt. Cur ita? dicam. Tales fotti sub alis matrum, lacte tantum et melle nutriti, nunquam felle potati, nec injuriis lacessiti neque flagris, imo nec verbis, offensi sunt. Repetam quod dudum in scholis exaudivi.*

[Felix esse nequis fel nihil præbiberis.]

**B** [Unde quod male fers.] *Ex Seneca De constantia. Tullius in Officiis.] Nonne iv Rhetor. novorum, aut 2 Q. Tuscul. ?*

[Consuetudo faciet dulciorem.] *Ab assuetis non sit passio.*

**518** [Sullæ negavit.] *Tria Sillæ. Male, ut ex Seneca liquet de Providentia cap. 3. At editio per Erasmus facta habet Syllæ.*

[Mortis et carceris.] *C. in margine : Ut Socratem et ideo patientem.*

[Quod non occiderit.] *Addit V. post hæc verba : Ipsum Porsenam dicens : Ardeat manus quæ erravit : sed cum hæc absint a textu Senecæ, et duo ex nostris non habeant, duxi convenientius ea ad notas revocare.*

[In legenda B. Vincentii.] *Videto sermonem B. Augustini de eodem.*

[Ait, cap. xx.] *V. et M. c. lxxv. c. lxxxv*

[In corde meo.] *Restitui, alioquin tria. In ore meo.*

[Parati revincere.] *Hoc est ulcisci, ut colligitur ex II Cor., c. x, vers. 6. C. Rejicere.*

[Et in Ecclesiastico, c. ii.] *Hæc, usque ad finem capitis desumpsi ex V. M. vero loca Scripturæ notat, sed verba non habet.*

#### CAPUT CXV.

[August. ad Mæcedonium.] *To. II, ep. 52 in medio. Præterea fusa de quatuor virtutibus cardinalibus ed sserit to. I l. i Deliberio arbitrio, c. 13. Item, to. IV, l. lxxxiii. Questionum, c. 31.*

[Quod eligendum est.] *Solum M. hæc addit. Nam duo alia : Id autem eligere prudentia est, quomodo habet Augustinus.*

[His paucis ostensa est.] *Margo C. vult ostensa est, pro ostensa est. Sed cur hoc ?*

[Beatus quidem currus.] *Spiritualis scilicet currus, ait margo C. quem ille figurabat. Sed dicam : Nonne etiam figuralis erat harum quatuor virtutum, currus quatuor animalium Ezechielis ? Primam rotam hominis effigiem referentem prudentiæ tribuam. Ea enim a ratione pendet : atqui homo rationalis est. Dabo secundam rotam, vitulinam nempe, ipsi temperantiæ, mactatur in sacrificio vitulus. An non quoque inordinati sensualitatis appetitus temperantiæ mactantur, dum compescuntur ? Fortitudo a natura ipsa leoni concessa est. Postremo, justitiæ aquila figurabo. Hac enim irreverberatis oculis in solem tendit : Justitia non frangitur donis, non insectatur numeribus, quibus a jure unicuique tribuendo recedat : continuo jus æquum et stabile sibi proponit, a quo nequaquam declinat. Unde de B. evangelista Joanne ait B. Gregorius in Ezechielem hom. 4. Dum in ipsam divinitatis substantiam intendit, quasi, more aquilæ, oculos in solem justitiæ fixit.*

[De hac Ezechielis quadriga evangelistas figurante, vili in bibliotheca nostra m. s. versus elegantes Petri de Riga clerici Remensis. Hujus opera in sacram. Scrip. uram sub allegorico sensu perspicua, nondum visa sunt, sed Deo propitio brevi cœdenda, et pulli-

*canda. Ex versibus subscriptis, auctoris præstantiam doctrinamque, tanquam ex ungue leonem conjice (De quo Trithem. De script. eccles.):*

**519** *Ex prologo in Evangelia.*

Sors divisa rotas trahit: it rota prima, secunda  
Festinat, currit tertia, quarta volat.

Matthæum signat vir, bos Lucam, leo Marcum,  
Ales. discipulum, qui sine labe fuit.

*Et infra:*

Pagina Matthæi lac. Lucæ littera sanguis.

Marci scripta merum, meila Joannis opus.

Consule Scripturas: hic ferreus, aureus ille,

Hic argenteus est, aureus ille stylus.

Figuralem.] *Solum M. addit hoc verbum. C. sic legit hic: Ignem quoque illum nisi prius, etc.*

Nisi prius hunc.] *Hunc nempe currum quatuor virtutum cardinalium.*

Hunc ascenderet.] *C. Hunc accenderet.*

#### CAPUT CXVI.

*Et pes.] M. Et species.*

Inter septem dona.] *C. et M. Unde septem donorum. Nullus sensus. Accurate autem omnium horum discrimen docet S. Thomas in 1-2, et 2-2 sua Summa theologicæ.*

Levit. c. 11.] *Tria c. 1.*

Petrus I Epist., c. 1v.] *Tria c. x.*

In concilio etiam sanctorum Pallidorum.] *De quibus in libro Vitas Patrum. Pallidi dicti a mortificatione corporis in facie pallorem præse ferentis. De hoc concilio, seu collatione, vide Cassianum in collationibus Patrum, Collat. 2, c. 2.*

#### CAPUT CXVII.

Per prudentiam eligendum.] *Sive, ut clarius sit, per prudentiam elegerant eligendum. M. pro eligendum habet eligendos.*

Adversitatum defecisse.] *V. adversitatem. Ad hæc magnus et prolixus est margo in V qui non parum hoc de fortitudine caput illustrat; illum autem infra, post notas in hoc caput, describemus.*

Plerosque claustrales.] *Ly claustrales omittit V. Male, ut ex sequentibus patebit.*

Quanta pro relictis.] *M. Quæ pro relictis.*

In carceribus.] *M. In contradictionibus.*

Quem genuit de Bethsabæe.] *Recte hæc addunt, M. et C. Nam infantulus, quem ex Bethsabæe genuerat David, primogenitus erat, et ille quoque mortuus est, ut 520 liquet ex II Reg. cap. xi in fine, et cap. xii.*

I Petri, c. v.] *V. et M. c. xii. C. non notat caput.*

Parab., c. x.] *V. c. xxv. C. et M. xxxvii. Male.*

Et c. xii.] *C. et M. c. xxviii. Error est, ut ex præcedenti nota colligitur.*

Et c. x.] *Tria c. xxv, adverte M. et C. male computasse in superiori nota 37, quia hic caput idem est scilicet x, conveniuntque tria simul, ibi vero dissentiant.*

Ecclesiastici, c. xxx.] *M. et C. lxxx. V. lxxxii. Margine C. talem vidi: De his plenius Seneca De quatuor virtutibus cardinal. et Cicero in officiis. Hæc recitat margo V. de quo supra dixi. Sic autem incipit: Tullius in libro De officiis: Prudentia est rerum bonarum et malarum cognitio, et utrarumque discretio. Hæc namque virtus discernit bona a malis, et bona ab invicem, et mala ab invicem. Hujus officia sunt ex presentibus futura perpendere, adversus venientem calamitatem consilio præmunire. Illud quidem ingenii est, ante considerare quid accidere possit in utraque partem, et quid agendum sit, cum quid evenerit; nec committere aliquid, ut aliquando dicendum sit: Non putaram. Prudentiæ partes sunt: Providentia est circumspectio, cautio, decilias. Providentia est præsens notio, futurorum pertractans eventum. Circumspectio est contrariorum vitiorum cautela, id est sic fugere utrum vitium, ut non incurras contrarium.*

**A** Cautio est discernere a virtutibus vitia, virtutum speciem preferentia. Docilitas est scientia erudienti imperitos. Cic. l. ii De inventione; 1 De offi; Boet. l. iv, prosa 6; Sen. De quatuor virt. et ep. 5; B. Aug., to. III, l. De spi. et anima; Cic., iv in A. cad.; idem, iv Tusc.; B. Aug., in. v. De civit. l. xiv, c. 8). Ad prudentiam pertinet quidquid B. Bernardus (in l. De consid. ad Eugenium papam) ad considerationem pertinere dicit. Seneca de quatuor virtutibus in capitulo De prudentia, istas sententias perutiliter ponit: Dignitatem rebus non ex opinione multorum, sed ex natura earum constituas [al. constitutos]. Item: Non magnum æstimes quod caducum est. Ubique idem eris: et prout rerum varietas exigit, ita te accommodes tempori, nec te in aliquibus mutes, sed potius aptes, sicut manus quæ eadem est, et cum in palmam [al. palmum] extenditur, et cum in pugnum constringitur [Sen. astringitur; al. moveat]. Item: Scito te in quibusdam debere perseverare, quia cœpisti; quædam vero nec incipe in quibus perseverare sit noxium. Item cogitationes vagas, et velut somnio similes, non recipias. Item, sermo tuus non sit inanis, sed aut suadeat, aut moneat, aut consoletur, aut præcipiat. Lauda parce, vituperà parcus. Laudatio enim nimia reprehensibilis est, ut immoderata vituperatio. Illa siquidem adulatione, ista malignitate suspecta est, etc.

**B** Fortitudo est virtus retundens impetum adversitatis. Hujus hæ sunt partes: Magnanimitas, fiducia, securitas, magnificentia, constantia, patientia.

Magnanimitas est difficilium spontanea et rationalis aggressio. Hæc enim virtus, ut ait Tullius (lib. i Offic. post Plat.), cum in adeunda aspera proum faciat, potius communem utilitatem, quam sua commoda attendit. Sicut enim scientia remota a justitia caliditas potius quam sapientia appellanda est, sic animus ad periculum paratus, si sua cupiditate non communi [al. omni] utilitate impellitur, **521** temeritatis [Cicero audaciæ habet] potius nomen habet quam fortitudinis. Magnanimi sunt habendi, non qui faciunt, sed qui propulsant injuriam. Prima igitur sit in hac virtute cautela avaritiæ. Non est enim rationi consentaneum, qui metu non frangitur, eum frangi cupiditate; nec qui se invictum a labore præstiterit, eum vinci voluntate. Secunda est cautela ambitionis. Per difficultates enim queritur claritudo. Quod enim difficilium est, præclarium esse putatur. Tertia est cautela temeritatis. Temere namque in acie versari, et manu cum hoste colligere, immane quiddam est et belluarum simile. Si tamen necessitas postulat decertandum est, et mors turpitudini anteponenda: præcipue autem fugiendum est, ne offeramus nos periculis sine causa. In quibus adeundis imitari debemus medicorum consuetudinem, qui leviter agrotantes leviter curant; gravioribus autem morbis ancipites curationes adhibere coguntur. Subvenire autem tempestati quavis ratione, sapientis est; eaque magis adipiscitur re explicata boni, quam formidata (Cicero i offic., addubitata) mali. Fiducia est certa spes animi perducendi, ad finem rem inchoatam. Securitas est incommoditates imminentes et rei inchoatæ affines non formidare.

**D** Magnificentia est difficilium et præclarorum consummatio. Hujus officia sunt, partim pacata, partim bellica (i Offic.). In pacatis duo præcepta prælationis tenenda sunt prælati. Unum, ut utilitatem civium sic tueantur, ut quæcumque agunt, ad eam referant, obliti commodorum suorum. Alterum, ut totum corpus civitatis curent, ne, dum partes aliquas tueantur, reliquis deserant.

In bellicis officiis illud primum est, ea scilicet intentione bella suscipere, ut in pace sine injuria vivatur. Secundum, priusquam aggrediari, adhibere diligentem preparationem. Apparatus autem belli

in quatuor constitit: In clientelis, municipiis, A sumptu et armis.

Tertium officium est, ne, aut temere desperes propter ignaviam, aut nimis confidas propter cupiditatem.

Quartum est, plus turpitudinem quam mortem horrere, plus ad honestatem quam ad salutem, vel alia comoda spectare, non tamen rumores saluti præponere.

Quintum est, copias suas crebris laboribus exercere.

Sextum est, postquam ad bellum ventum est, hortando bonam indolem erigere; modo laudibus animos attollere, modo admonitionibus desidiâ discutere.

Septimum est, in congressu ad primos impetus occurrere.

Octavum est, inclinatis opem ferre, labantes fulsire.

Nonum est parva victoria conservare eos, qui non B rudes, non immanes fuerunt.

Decimum est, sædera et promissa hostibus servare. Cum autem plerique arbitrentur res bellicas majores esse quam urbanas, minuenda est hæc opinio. Multi enim bella quæsierunt propter gloriæ, aut 522 pecuniæ cupiditatem. Unde si recte volumus judicare, parva sunt arma foris, si non est consilium domi. Rectius autem videtur ingenii quam virium opibus gloriâ quærere. Omne enim illud honestum, quod excelso animo quærimus, animi efficitur non corporis viribus. Exerendum tamen est corpus, ut obedire consilio et rationi possit.

Constantia est stabilitas animi firma et in proposito perseverans. Hæc in malis dicitur pertinacia, hæc obstinatio. Huic contraria est inconstantia, quæ est motus animi circa varias occupationes. Constantiæ officium est, ut ait Tullius, in utraque fortuna gravitatem tenere. Sunt enim, ut idem ait, qui in rebus contrariis parum sibi consent voluntatem severissime contemnant, in dolore sint molliores, gratiam negligant, frangantur infamia. Patientia est virtus contumeliarum, et omnis adversitatis impetus æquanimitè et portans. Seneca [for: Tullius] in libro De officiis (si Seneca forie libro De moribus, qui incipit: Omne peccatum actio est) quatuor virtutibus, in capitulo De magnanimitate, quo nomine appellat fortitudinem. Si magnanimum, inquit, fueris, nunquam tibi iudicabis contumeliam fieri. Item: Scito honestum, et majus genus vindictæ esse, ignoscere.

Item (SEN., De quatuor virt.) Non geres conflictum nisi indixeris. Item: Pericula nec appetas, ut temerarius; nec formides, ut timidus. Item: Timidum non facit animum, nisi reprehensibilis vitæ conscientia. Item: Mensura magnanimitatis est, nec timidum esse, nec audacem.

#### CAPUT CXVIII.

Virtutem servatura.] M. Virtute servitura. Illecebris adversatur.] C. et V. Illecebras adversatur.

In præfato curr.] De quo c. 115.

Dum tibi apud alios.] C. Dum apud alios sibi, vel ab aliis apud te.

Vulnerat animum.] C. animarum. M. Ly animum, revocat ad sequentem periodum, sic: Invenitatem vulnerat. Animum usus agre, etc.

Revelli.] M. Reverti. Ad hæc dicam cum B. Hieronymo: Difficiliter eraditur, quod rudes animi perbiberunt.

Frequentatas a cunis.] M. Frequentatas acrius delicias.

Cum incipit homo.] M. Concipit homo.

Quam superbiam.] M. et C. quam refrenat. Deest superbiam.

A quodam sapiente modus.] A Salomone Prov. XIII. Prudentiæ tuæ pone modum. Præterea Cicero,

A 1 Offic. His enim rebus quæ tractantur in vitam quendam adhibentes et ordinem, honestatem et decus conservabimus. Horatius.

Est modus in rebus, sunt certi denique fines.

523 A philosopho.] Sic enim Senecæ ascriptus libellus De quatuor virtutibus, titulo De magnanimitate. Magnanimitas vero, quæ et fortitudo dicitur. V. in hoc caput De temperantia talem legit marginem: Tullius in libro De officiis: Temperantia est dominium rationis in libidinem et alios motus importunos. Hæc quidem virtus totius vitæ ornatus est, omniumque perturbationum sedatio. Hujus virtutis partes sunt quæcumque infidis motibus dominantur. Hæc sunt octo: Modestia, verecundia, abstinentia, honestas, moderantia, parcitas, sobrietas, pudicitia.

Modestia est, cultum nostrum, et motum, et omnem nostram occupationem ultra defectum, et citra excessum sistere. In cultu observandum est ut a viro removeatur omnis viro non dignus ornatus. Adhibenda est, ut ait Tullius, munditia non odiosa, neque exquisita nimis, tantumque fugiat agrestem et inurbanam negligentiam. Idem: Motus, alius corporis, alius animi. In corpore cavendum est ne in tardationibus adeo molli gressu utamur, ut pomparum ferculis similes esse videamur, aut ne in festinationibus suscipiamus nimias celeritates. Quæ cum fiunt anhelitus moventur, vultus mutantur, ora torquentur, ex quibus magna significatio fit non adesse constantiam.

Motus autem animorum duplices sunt: Cogitatio rationis, et appetitus voluntatis. Cogitatio in exquirendo vero exercetur, appetitus impellit ad agendum. Curandum est igitur ut ratio præsit, appetitus obtemperet. Si enim non pareant appetitus rationi, cui subjecti sunt, leges naturæ, non modo animi perturbantur, sed etiam corpora. Licet ora ipsa cernere iratorum, vel eorum, qui aut metu commoti sunt, aut nimia gestiunt voluptate. Quorum omnium, vultus, voces, motus, status mutantur. Ex quibus intelligitur appetitus omnes contrahendos ac sedandos. Occupationes autem pro diversitate temporum, morum, negotiorumque variæ sunt. Quemadmodum vero in corporibus magnæ sunt dissimilitudines, cum alios videas velocitate ad cursum, alios viribus ad luctandum valere, sic in animis majores sunt varietates. Quibusdam enim inest lepos fandi, id est urbanitas, his hilaritas, illis severitas. Alios vides callidos ad celandum dissimulandumque. Sunt alii simplices et aperti, qui nihil ex occulto, nihil ex insidiis agendum putant veritatis cultores, fraudis inimici. Ad quas igitur res erimus opti [videtur deesse si], in his occupati simus. Si vero necessitas nos detruserit ad ea, quæ nostri ingenii non erunt; omnis cura adhibenda est, ut ea, si non decore, saltem parum indecore faciamus, nec tam entendum est ut bona, quæ nobis non sunt data, sequamur, quam ut vitia fugiamus.

D His ita se habentibus, adolescentis sit officium majores natu vereri, atque ex his eligere probatissimos, quorum consilio innitatur. Invenit enim ætatis justitia, senum regenda est prudentia. Invenit enim adolescentia maxima est 524 imbecillitas consilii, tamen illud tibi quisque genus vitæ degendum constituit, quod maxime adamavit. Itaque, ante implicatur aliquo certo cursu vivendi, quam potuit, quod optimum est judicare. Ideo juvenis sit officium, ut ait Terentius, tanquam in spectulo vitas hominum inspicere atque ex aliis exemplum sibi sumere. Maxime autem hæc ætas a libidinibus accenda est. Sic tamen relaxare animos, et dare voluptati volent; caveant intemperantiam, et meminerint verecundiæ. Quid enim erit facilius, si ludæ suo majores natu velint interesse? Ludo enim et joco uti licet; sed sicut somno et quædam inebrietas: tunc scilicet, cum rebus seriis satisfecerit-

mus. Duplex est enim animo jocandi genus. Unum illiberale, petulans, flagitiosum, obscenum; alterum elegans, urbanum, ingeniosum, facetum. Scribus autem labores corporis minuendi, exercitationes animi augenda. Danda est etiam opera, ut amicos et juventutem consilio juvemus. Nihil autem magis cavendum est senectuti, quam ne desidiae se credat. Luxuria vero, in omni aetate turpis sit, in sequeute foedissima est. Si enim senectuti accessit intemperantia, duplex malum est. Ipsa enim senectus concipit dedecus, et intemperantiam juvenum reddit impudentiorem.

Negotiorumque quoque diversa sunt officia. Prælati quidem officium est, æstimare se gerere personam, civitatis, retinere decus, servare leges, meminisse eas esse commissas suæ fidei. Privati vero officium est, pari jure vivere cum civibus, nec nimis submissum, nec nimis effertentem se velle in republica tranquilla et honesta. Peregrini [at. peregrinum] officium est, nihil præter negotium suum agere, nihil de alio inquirere.

Sordidum est officium eorum, qui emunt a mercatoribus quod statim vendunt. Nihil enim proficiunt nisi ut admodum mentiantur. Nec vero quidquam est turpis vanitate. Ideo res familiaris queri debet quasibus, a quibus abest turpitudine, conservari autem parcimonia. Nullus enim tantus quæstus est, quam quod habeas arcere. Medicina, architectura, honestæ sunt his quorum ordini conveniunt. Mercatura si tenuis est, sordida putanda est; si magna, copiosa et multa, undique apporatus, multis sine vanitate impertiens, non est admodum vituperanda. Agricultura nil melius, nil uberius, nil homine libero dignius. Hactenus de modestia, nunc de verecundia dicendum est, quæ nil aliud est quam in gestu et verbo honestatem servare.

Tullius (1 *Offic.*): In compositione namque nostri corporis magnam rationem videtur habuisse naturam. Figuram enim nostram, in qua est honesta species, in aperto posuit; partes autem ad necessitatem naturæ datas ideo abdidit, quia deformem aspectum habituræ erant. Hanc diligentem fabricam naturæ imitata est verecundia. Quod enim natura occultavit, ea removeat ab oculis omnes sanam habentes mentem: dant etiam operam, ut quam occultissime parent necessitati. In verbis etiam servanda est verecundia. Quarum enim partium usus sunt necessarij, neque eas 525 partes, neque earum usus suis nominibus appellat. Vitiosum est etiam in re severa delicatum inferre sermonem. Cum collegæ in prætura Pericles et Sophocles de communi officio tractare convenissent, dixit Sophocles de quodam puero transeunte: O Pericle, pulchrum puerum!

Respondit Pericles [Sophocles], prætorem decet habere, non solum manus, sed et oculos continentes. Si Sophocles idem in convivio dixisset, justa forsitan caruisset reprehensione. Ad verecundiam quoque pertinet loquacitatem fugere, et arcanum alterius non scrutari, et contentionem vitare. Nam contra parem contendere anceps est, cum superiore furiosum, cum inferiore sordidum. Namque absentem lædit, cum ebrio qui litigat.

Ad abstinentiam pertinet statutum prandendi terminum non prævenire, et hoc ipsum honestatis est; moderantiæ vero nimium ciborum appetitum rationis imperio revocare. Parcitas est, mensuram refectionis non excedere. Sobrietas est excessum impetu cohibere. Hujus officium est arcere malum ebrietatis. Pudicitia est moderantem rationis petulantiam domare. Ideo, ut ait Tullius, semper in promptu habeat vir fortis quantum natura hominis bestiis antecellat. Ille enim nihil sentiant nisi voluptatem. Ad eam namque feruntur omni impetu; hominis autem mens, aliter discendo, meditando, agendo. Si quis autem est ad voluptates paulo pro-

pensior, modo non sit in pecudum genere: ex hoc quidem intelligitur voluptatem non esse dignam hominis præstantia, quia latebras quærit. Si quis enim paulo erectus quavis voluptate capiatur, occultat appetitum voluptatis propter verecundiam. Fugiamus ergo blandissimum voluptatum dominium. Nam voluptates blandissimæ, dominae, maximas partes a virtute detorquent. Nunquam amore aliarum virtutum contra temperantiam agendum est. Sunt enim quædam adeo fœda, ut nec causa conservandæ patriæ facturus sit ea sapiens quæ etiam dictu obscera videntur.

Seneca de quatuor virtutibus temperantiam appellat continentiam, de qua inter cætera dicit: Continentiam si diligis, circumcede superflua. Item: Si continens fueris, eoque pervenies, ut teipso contentus sis. Item: Omnia quæ sunt blandimento, rejice. Item: Nec presentibus inhærebis deliciis, nec desiderabis absentes. Palatum tuum fames excitet, non sapor. Desideria tua parvo redime; quia hoc tantum curare debes, ut desinant. Item: A corpore ad spiritum, quantum potes abducere [Sen. te festina reducere]. Item: Nec paupertas tibi immunda sit, nec parcimonia sordida, nec simplicitas neglecta, nec levitas ludenda. Item: Nec tua defleas, nec aliena mireris. Item: Turpia fugito antequam accidant. Non quemquam vereberis plusquam te. Omnia tolerabilia præter turpitudinem crede; a verbis quoque turpibus abstinet. Nam licentia eorum impudentiam nutrit. Sermones utiles magis quam facetos et amabiles ama, rectos potius quam obscundantes. Misceris interdum seriis jocos, sed temperatos, et sine detrimento dignitatis et verecundiæ. Nam reprehensibilis risus est, 526 si pueriliter effusus, si muliebriter fractus. Odibilem quoque facit hominem risus, aut superbus et clarus, aut malignus et furtivus, aut alienis malis evocatus. Item: Non erit tibi scurrilis, sed grata urbanitas.

Sales tui sine dente sint; joci sine vilitate; risus sine cachinno; vox sine clamore; incessus sine tumultu; quies sine desidia. Sit tibi tam triste laudari a turpibus, quam ob turpia, si lauderis. Item [Sen. De quatuor virt.]: Non cris audax, nec arrogans; submitte te, non procijs gravitate servata. Admoneris libenter, reprehenderis patienter. Si merito objurgavit aliquis, scito quia profuit; si immerito, scito quia prodesse voluit. Item: Nec extollas quemquam, nec dejicias. Esto vitiorum fugax ipse, aliorum vero non curiosus scrutator, nec acerbus reprehensor; sed sine exprobratione corrector, ita ut admonitionem hilaritate prevenias, et errori facile veniam dato. Requirenti facile responde; contententi facile cede. Mobilis esto, non levis; constans, non pertinax. Cunctis esto benignus, nemini blandus, paucis familiaris, omnibus æquus; famæ bonæ, neque tuæ, seminator, nec alienæ invidus; rumoribus, criminibus, suspitionibus minime credulus. In adversis firmus, in prosperis cautus et humilis: occultator virtutum, sicut alij vitiorum, vanæ gloriæ contentor. Aliquus te rei scientiam habere, nec ignotum sit, nec molestum. Nullius imprudentiam despicias; rari sermonis ipso, sed loquacium patiens severus, non savus [at. ac serius], sed hilaris non aspernans. Sapientiæ cupidus et docilis; quæ nosti, sine arrogantia postulanti imperties. Quæ nescis, sine occultatione ignorantie tibi postula impartiri. Omnes tibi pares facies, si inferiores superbiendo non contempnas, superiores recte vivendo non metuas. *Hæc margo V. in hoc caput 118.*

## CAPUT CXIX.

Jactas victoriam.] M. Credis victoriam. Somnas valetudinem.] Absit, Semnas valet ut habet M. Superbie timores.] Non timores, ut C. Homines infecit.] C. interfecit.



Prima hæc et ultima ] *M.* Primalis et ultima.

Vitia superavit.] *Ait C. ad latus :*

Cum bene pugnaris, cum cuncta peracta putaris,

Quæ plus infestat, vincendo superbia restat.

In confusionem.] *V.* In confusione.

**527** Jactans victoria.] *C.* Jactans vel jacens victoria.

Bonæ voluntatis, fulta.] *C.* Bonæ voluntatis, vel ædificium cujusque, fulta, etc.

Flagellum memineris.] *C.* Flagellum, vel flabelum memineris, etc.

*Hic subscribam ea quæ in margine V. deprehendi tanquam notas in cap. 119 De justitia.*

Tullius, in libro i De officiis, hæc de justitia divisim ponit, quæ nos inde collecta conjunctim ponimus. Fundamentum, inquit, justitiæ est fides, id est dictorum, conventorumque constantia et veritas. Item : Justitiæ partes sunt, non violare homines; verecundia, non offendere. Item : Omnis actio vacare debet temeritate et negligentia. In omni actione suscipienda, tria sunt tenenda. Primum, ut appetitus pareat rationi; deinde ut animadvertatur quanta res illa sit, quam efficere volumus, ut neve major, neve minor cura suscipiatur quam causa postulat. Tertium, ut caveamus ut ea que pertinent ad liberalem speciem moderanda sint. Horum trium præstantissimum est appetitum obtemperare rationi. Item : Quæ parva videntur esse delicta, nec a multis intelligi possunt, ab his est diligentius declinandum. Ut in filibus aut in tibiis quamvis parum discrepent, tamen idem a sciente animadverti solet; sic videndum est in vita ne forte quid discrepet, vel multo etiam magis, quo major et melior actionum, quam sonorum concentus est. Itaque, ut in sibus musicorum aures, vel minima sentiunt; sic nos, si acres et diligentes esse volumus animadversores vitiorum, sæpe magna ex parvis intelligimus, ex oculorum obtutu, ex superciliorum aut remissione aut contractione, ex mœstitia, ex hilaritate, ex risu, ex locutione, ex reticentia, ex contentione vocis, ex submissione, et cæteris similibus.

Item : Prima officia debentur Deo, secunda patriæ, tertia parentibus; deinde gradatim reliqua reliquis. Item (*horum explicationem vide in Comm. Petri Marsi in ii Offic.*) : Tanta est vis justitiæ, ut ne illi quidem, qui malefico scelereque pascentur, possint sine ulla justitiæ particula vivere. Archipirata, nisi æqualiter prædam disperdat, aut interficietur a sociis, aut relinquetur; leges etiam dicuntur latronum, quibus pareant, et quas observent. Itaque propter æquabilem prædæ partitionem, et Bargulus Illyricus latro, de quo est apud Theopompum, magnas opes habuit, et multo majores Variathus Lusitanus. Etiam solitario homini, atque in agro vitam degenti opinio justitiæ necessaria est, eoque etiam magis, quod eam, si non habebunt, injusti habebunt, nullisque præsidii septi multis afficiuntur injuriis. Item : Servandæ [*al. fervendæ*] justitiæ causa videntur olim bene morali reges constituti, eademque constituendarum legum fuit causa, quæ regum. Jus enim semper est quæsitum **528** æquabile; id si ab uno viro justo et bono consequerentur, erant eo contenti. Cum minus contingeret, leges sunt inventæ, quæ omnibus semper una atque eadem voce loqueretur.

Igitur justitia est virtus conservatrix humane societatis, et vitæ communis. Hæc virtus omnia aspera transcendit. Nemo enim justus esse potest, qui mortem, qui exsilium, qui dolorem, qui egestatem timet, aut qui ea, quæ his contraria sunt æqualitati anteponit. Dividitur autem justitia in severitatem et liberalitatem. Severitas est virtus debito supplicio coercens injuriam. Hujus primum officium est, ne quis, cui noceat nisi læcessit injuria. Secundum, ut communibus utatur pro communibus,

A privatis pro privatis. Privata sunt, quæ habentur nulla natura, sed aut veteri occupatione (ut qui quondam in vacua venerunt) aut victoria aut qui bello politici sunt, aut lege, ut qui testamento patrum hæredes facti sunt. Et quia ea quæ natura erant communia proprium ei ejusque sit id quisque tenet. Qui autem plus appetet, violabit jus humanæ societatis.

Tertium est, exterminare ex hominum communitate pestiferum genus hominum. Ut enim quedam membra amputantur, si sanguine et spiritu carere cœperint, et nocere cæteris; sic ista in figura hominis feritas et immanitas belluæ a communi vita segreganda est. Nam quid interest, an ex homine se convertat quis in belluam, an sub hominis figura immanitatem belluæ gerat?

Liberalitas est virtus beneficiorum erogatrix : quam pro affectu benignitatis n vel benevolentiam, pro effectu beneficentiam dicimus. Hæc in tribuendo et retribuendo consistit. Cum igitur homines hominibus plurimum et obsint, et prosint, proprium hoc esse virtutis statuo, conciliare animos hominum statuo et ad suos usus adungere. Melius est principem diligere quam timere, benevolentia vis magna est, metus imbecilla. Nulla vis imperii tanta est, quæ premente mente metu possit esse diuturna. Circa liberalitatem septem cavenda sunt. Primo, ne sis durus; secundo, ne dilator; tertio, ne raptor; quarto, ne prodigus; quinto, ne exprobrator; sexto, ne maleficiose neget; septimo, ne querelam facias de ingrato; et, quia [*al. quem*], ut ait Ennius, beneficium male locata, malefacta arbitror. In dando beneficio habendus est delectus dignitatis in quo spectandi sunt mores ejus cui datur, et animus erga nos et cohabitatio, et vitæ societas, et ad nostras utilitates. Beneficia ante collata, etiamsi non vivitur cum perfectis, sed simulacra virtutis habentibus. Neminem puto negligendum, in quo aliqua significatio virtutis appareat. Colendus est quisque maxime, in quantum lenioribus virtutibus, molestia scilicet et temperantia, **529** ornatus erit. Plurimum est illud in officio, a quo plurimum diligimur, ei plurimum tribuamus. Alia autem causa est ejus (*Seneca*), qui calamitatem premitur, alia ejus qui res meliores querit, nullis rebus suis adversis. Propensior enim benignitas debetur in calamitosos, nisi forte digni fuerint calamitatem. Melius apud bonos, quam apud divites puto collocari beneficium. Nam qui locupletes sunt, cum acceperint beneficium, se dedisse arbitrantur, aut aliquid a se expectari suspicantur. Item : Si malo opulento beneficias, in illo uno, aut forte in ejus familia manet gratia. Si autem inopi et bono beneficias, omnes inopes et boni præsidium sibi paratum vident.

Item : Beneficentia, alia opis, alia pecuniæ. Facilius est ea quæ pecuniæ, præsertim locupleti, Prima splendidior et viro bono dignior. D Ea enim quæ est pecuniæ materiam suam exhaurit. Itaque benignitate tollitur benignitas. Hæc, quo in plures usus sis, eo minus in plures uti possis; altera vero consuetudine beneficendi paratior et exercitioris facit. Non tamen illud genus benignitatis omnino refutandum est. Nam sæpe idoneis hominibus indigentibus de re familiarum impartendum est, sed diligenter et moderate. Multi enim patrimonia effuderunt inconsulte largiendo. Nihil autem stultius quam curare, ut diutius facere non possis, quod libenter facias.

Item : Duo sunt genera largorum : alteri dissipatores, alteri liberales dicuntur. Dissipatores sunt, qui epulis et muneribus histrionum et lenonum pecunias profundunt. Isti memoriam, aut brevem, aut nullam omnino sunt relicturi. Liberales sunt, qui suis facultatibus, aut captos a prædonibus redimunt, aut amicis filiorum collatione juvant, vel in alia re necessaria querenda vel au-

genda. Beneficentia opere exercetur juvando consilio, defendendo in causis eloquio. Nam cum ex accusatione et defensione constet causa, laudabilior est defensio. Est tamen accusatio per se probata, quam tamen semel, non sepe, suscipere debemus. Duri enim hominis, vel potius vix hominis videtur esse periculum capitis inferre multis. Sordidum est etiam ad famam committere, ut accusator nomineris; diligenter quoque tenendum ne innocentem iudicio capitis accersias, quod absque scelere nequit fieri. Nam quid tam inhumanum, quam eloquentiam ad salutem hominum datam, ad honorum perniciem convertere? Initium justitiæ est a natura profectum. Deinde quædam in consuetudinem utilitatis ratione venerunt, postea mores a natura profectos, et consuetudine jam probatos legum metus, et religio sanxit.

Naturæ jus est, quod non opinio genuit, sed quædam vis innata inservit **530** religionem, pietatem, gratiam, vindicationem, observantiam, veritatem, Item: Justitiæ partes sunt, quæcunque virtutes boni debitum reddant. Reddit autem Deo jus suum religio, pietas parentibus, innocentia minoribus, amicitia equalibus, concordia civibus, misericordia egenis

Religio est virtus divinitatis curam cæremoniamque afferens; cuius officium triplex (l. ii *De Invent.*). Perpetrati sceleris pœnitere, temporalium mutabilitatem parvipendere, vitam suam, ex toto Deo committere. Quartum quoque ejus officium est veritatem servare.

Pietas est per quam sanguine junctis, et patræ benevolis officium et diligens attribuitur cultus. Nam, ut ait Tullius (iii *Tuscul.*): Omnium est communis inimicus, qui hostis est suorum. Innocentia est puritas animi omnem injuriæ illationem abhorrens. Ut enim ait Seneca: Multis minatur, qui nulli facit injuriam. Amicitia est, ut ait Tullius, voluntas bona erga aliquem causa illius qui diligitur. Hæc est autem, inquit, lex in amicitia, ut neque rogemus res turpes, nec rogati faciamus.

Reverentia est virtus personis gravibus, vel aliqua prælatione sublimatis, debitæ honorificationis quam exhibens. Concordia est virtus civis et compatriotas in eodem jure et cohabitatione spontaneæ vinciens. Misericordia est virtus per quam animus super afflictiorum calamitate movetur. Hæc virtus, ut ait Terentius, nihil humanum a se alienum putat.

Duobus præfatis justitiæ generibus opponuntur duo injustitiæ genera, truculentia et negligentia. Truculentia est pronitas ad injuriam inferendam. Hujus tres sunt causæ: Metus, avaritia, ambitio. Truculentia autem dividitur in vim et fraudem. Fraus quasi vulpeculæ vis leonis videtur. Utrumque ab homine alienissimum, sed fraus odio digna majore. Totius enim justitiæ nulla pars capitalior quam eorum, qui tum maxime cum fallunt, id agunt, ut viri boni videantur. Negligentia est non propulsare injuriam, cum possis et debeas. Hujus hæ sunt causæ: Aut inimicitias, aut laborem, aut sumptus suscipere volunt, aut suis occupationibus detinentur, aut odio ita elongantur, quod eos, quos tueri debent, desertos esse patiuntur. In omni autem injustitia permultum interest, utrum perturbatione animi, an consulto fiat injuria. Perturbatio enim plerumque brevis est, et ad tempus: Ideo leviora sunt, quæ repentino motu accidunt, quam ea quæ præmeditata inferuntur. Seneca in libro *De quatuor virtutibus*: Justitia est naturæ tacita conventio in adjutorio multorum inventa. Hanc quisquis sectari desideras, time prius et ama Deum, ut ameris a Deo, Amabis autem Deum, si illum imitaberis, **531** ut velis omnibus prodesse, nulli nocere. Justus autem ut sis, non solum non noceris, sed etiam nocentes prohibebis. Nam nihil nocere non est

A justitia, sed abstinencia alieni. Si justus fueris, nihil intererit si simpliciter affirmes, an jures. *Hucusque margo V. de justitia*

## CAPUT CXX.

Diximus supra.] *Nempe c. 91.*

Via in exemplo.] *Glossa est in hunc locum.*

Auctoris mendacii.] Quia a seipso fuit mendax, et ipsemet mendacium genuit. *B. Aug. to. IX, tr. 42 in c. viii Joan.*

Hieronymus.] *In Psal. v, v. 7. Ergo male C. et M. Jeremias.*

Novam rem audio.] *Textus B. Hieronymi pro audio habet video. Hunc locum pro veritate semper proferenda, vidisse juvat.*

Quam septem circumspect.] *M. et C. hæc omittebant, usque In omnibus. Sunt tamen in textu Scripture.*

Item Eccli. c. xxv.] *M. et C. LXVIII. V. LXIX.*

In eodem, c. xli.] *V. c. cxii. C. et M. cx.*

In eodem, c. xlii.] *V. xl et xlii, M. xl et lii Ho-*

*die xv.* Veritas autem angulos.] *Memini me quamdam hoc legisse apud B. Hieronymum in illa eleganti et salutaris epistola ad Rusticum monachum, de vivendi forma, quæ incipit: Nihil Christiano.*

Simplicia decent bonis.] *Ita Prov. xxviii. Simplices possidebunt bona ejus. Blossius vir doctissimus ac piissimus in epist. dedicat. ad Franciscum Quignonium cardinalem, ait: Pietati admodum amica est simplicitas. Præterea, ut habet margo M. Moyses sepe vicit, et tenuit Deum furentem.*

Qualis rector civitatis.] *Tritum est illud:*

Regis ad exemplum totus componitur orbis.

Seu:

Rex velit honesta, nemo non eadem velit

Talis et minister.] *V. tales et habitatores in ea. Quod magis accedit ad verba sacre Scripture, Eccli. x. Qualis est rector civitatis, tales et inhabitantes in ea.*

II Cor., c. i.] *Trixi c. iv.*

Nunquid levitate.] *C. ad latus: Impetu animi et inconstantia.*

Signavit nos veritate.] *Quia verax est. Ait enim Joannes cap. iii sui Evangelii: Signavit, quia Deus verax est.*

**532** In Deo verax.] *Plura vide serm. 67, qui falso Augustino ascribitur, ad fratres in eremo initio, to. X.*

Circa rem incomplexam.] *M. complexam. C. implexam.*

Transmutatio.] *V. et C. Commutatio.*

Ita quod non gratiæ.] *Sic B. Aug. to. LXXX in Joan. to. IX.*

Sacrilegum ab effectu.] *Hoc. ab effectu, omittit V. et C.*

Etiam Socratico decreto.] *Et Boetio hæc desumpta sunt. Is enim l. i De consol., prosa 4: Nec mihi Socratico decreto fas esse arbitror, vel oculuisse veritatem, vel concessisse mendacium. M. Et sciatis pro certo non minus, etc.*

Nudam veritatem pronuntiare.] *Audiant illi B. Joannem Chrysost. in Matth. Non solum proditor est veritatis, qui mendacium pro veritate loquitur, sed qui non libere pronuntiat veritatem, quam pronuntiare oportet; aut non libere defendit veritatem, quam defendere oportet.*

III Epist. Joannis.] *V. et C. addunt capitis numerum. V. cap. i et iii. C. cap. i et ii.*

Prima, c. iii.] *C. et V. ca. vii.*

Eccli., xxiv.] *De eadem c. lvi.*

## CAPUT CXXI.

Lupus rapax.] *Dilucide Isidorus id exponit: Rapax, inquit, quia ex multa fame et aviditate ad verbum Dei cucurrit, et violenter diripuit regnum Dei, etc. Vide eum in comment. in Genesis.*

Diversos ministros.] *Alios nempe pastores et doctores, de quibus ad Ephes. iv. Plura invenies in*

commentariis B. B. Aug. et Hier. in Psal. LXXIII. Num., c. XXIII.] Duo c. LVI. V. LV. Macta in mandatis.] V. solum, in mandatis. C. Macta immunda.

Mandata trajiciendo.] V. et C. ita legunt M. Munda data trajiciendo. Nicolaus de Lira in hunc locum : Mandata legit. Vide præterea Glossam Moral. ibid.

Occide et vivifica.] C. occidit et vivificat. Verbera patris.] C. et M. Verba patris. Communionum.] V. communionum. Quid id est ? Isaias, c. ix.] V. et C. c. XXVIII. Haberet subjungi.] V. Deberet adjungi. Filia Babylonis.] C. ad latus subnotat et moraliter exponit sic : Id est carnalitas : ad illud misera, ait : propter illecebras carnis. Cassiodori expositionem redolent.

Is enim in hunc psalmum : Filia Babylonis, ait, caro est, quæ confusionem peccatorum ingerit, etc.

533 Vicissitudinem tuam.] C. Vicissit. suam. Parvulos suos prima.] C. pro Parvulos suos, habet : per quatuor suos primarios motus. Apparet amanuensem hoc loco non excepisse arrectis auribus dictantis vocem. Tres primarios motus scio quidem, eosque animales, non vero quatuor. B. Thomam consule in opusc., c. 5.

Ad petram, Christum.] Glossa interl. Ne vulpes parvæ.] Hic V. Novam inchoat periodum, et a præcedenti distinguit hoc modo : Ne vulpes parvæ demoliantur vineam Dom. Sab. confringas capita, etc. Et conteras caput, etc. M. puncto præmisso, sic ait : Et confringens capita, etc. Et conteras, etc.

Quæ de Deo mente compre.] Recte margo C. Ut cum mente excedimus, mittendo fidem ad comprehendendum cælestia, quasi alienatenus (forte aliquatenus) vincimus in luctamine, sed utinam non nimis luctemur sic cum Deo.

Gustato enim spiritu.] M. Custando enim spiritum.

Quia parum a terra.] V. Quia partim a terra tangitur, partim suspenditur et diutius.

Est autem triplex claudicatio.] Ex auctore nostro Cantore hæc citat venerab. religiosus Greg. Titmanus Cartusiae Paris. monachus in lib. Allegor. Novi Testam. in Ep. ad Hebr. c. x, titulo De triplici claudicatione.

Ut Ebionitæ.] De quibus B. Hier. t. IX in apologia Pamphili de Origene ; t. II in catal. de Joanne apostolo ; B. Augustinus, t. VI, libro De hæresibus, hæresi 40.

A reliquis se suspendunt.] V. A reliquiis se suspendunt.

#### CAPUT CXXII.

Honesto, justæ.] V. honesta, justæ, etc. I ad Cor. c. xv.] V. c. LX C. LXX, M LXXV. Ad Philip., c. II.] Tria c. III. Dici videretur : Id sentite.] M. Id sentire in nobis.

Melior est obedientia.] B. Greg. Moral. l. XXXV, c. 10 : Obedientia victimis jure præponitur, quia per victimas aliena caro, per obedientiam vero propria voluptas maectatur.

Nec affirmio, nec nego.] Margo. C. Quia putamus nos ligari.

Cum obedimus.] C. ibidem : Ex officio vel causa honesta.

Hugo abbas Cluniacensis.] Recte sic V. Non Clavallensis ut C. M. neutrum exprimit. Exstat vita ejus in biblioth. Cluniacensi edita a Martino Marcier et Andrea Quercetano. Vide Surium, t. II, die 29 Aprilis.

A constructione.] V. a constitutione. M. ad constructionem.

Omnibus præferens.] C. Hominibus præferens. 534 Abbas Clavallensis.] Petrus est monachus septimus abbas Clavall. de quo scribit egregia S. Antoninus parte II Historiæ, tit. 47, 53, 45. C.

A et M. legunt Cisterciensis, sed perperam. Nam de eo agit Claudius Robertus in Gallia Christiana in catalogo abbatum Clavallensium, in quo eum octavum loco ponit his verbis : B. Petrus 1181. Ex abbate Igniaci, qui in Chronico Antissiodorensi dicitur obiisse 1186. Hic autem oculorum altera per ingentem morbum amisso gaudere se dixit. quod ex duobus inimicis, unius molestia liberatus esset. Habet eum Arnoldus Wion in Martyrologio monastico die 14 Martii, ubi de eo multos citat auctores, sicut et prædictus Claudius.

In manifeste malis.] M. In manifestis malis, addit quoque : et in his quæ vicinatur, et obviantibus præceptis divinis ; vel in his quæ vicinatur peccato, perniciose consistit ; vel in his quæ non sunt mala, ex illis tamen de facili sequitur ruina.

Licet non sint veritas.] C. licet non sint vera. M. licet non sit veritas.

Paulatim decidet.] M. Cito decidet. Non. Nec ipse.] M. loco non, legit necne. Potest ipse præcipere alicui, etc. Vitiose conjunxit notarius ad modum interrogationis ; necne.

Domino papæ præcipienti.] Huic quæstioni infra respondet B. Gregorius.

Quam nos obedientiæ prælat.] Hinc collige, lector, auctorem nostrum nondum monachum Cisterciensem factum, dum hoc opus conscripsit.

Deut. c. XIII.] Tria c. XXVIII in fine.

Item Eccle., c. IV.] Tria c. IX.

Super Eccle., c. IX.] Tria c. XX. Eadem dixit S. Bened. c. v Regulæ.

#### CAPUT CXXIII.

Hieronymus super Ezechielem.] Mallem super Osee c. XII, aut Nahum. III, t. V.

Magnus est Daniel.] Ita C. et V. quam lectionem præferimus, quia videtur respicere ad locum Danielis XIII, ubi dicitur : Daniel factus est magnus in conspectu populi. M. vero legit : Magnanimus. Idem contra probatur ex eo quod hic sequitur de Ezechiele. Magnus quoque Ezechiele.] M. hæc omittit usque : Hanc etiam grammat.

In beato Thoma.] Cantuariensi. Similiter in V. absunt hæc usque : Hanc autem virtutem.

Perimunt pusillanimitas.] Consule B. Thomam 2-2 q. 130, a. 2.

Hæc eremita egrediens.] Nonne Paphnutius de quo Rufinus l. X, c. 47?

Athanasium sanctum.] C. hic ex supra, pro Athanasio legit Anastasium. Excusemus amanuensem propter utriusque nominis affinitatem.

Hæc Urbanus.] Pontificalis c. 18. Metaphrastes secundum Onuphrii citationem, initio Chronici eccles.

Bis factus est confessor.] V. omittit bis. Dicitur : Bis confessor, quia ad experimentum 535 gladii pro Christi nomine ductus est, sed ei paritum est. Infra c. 143.

Loculum parat.] Ita V. et C. Estque vera lectio, ut patet ex historia. M. male, laqueum parat.

Tuo apostatæ Juliano.] Vera prædixit. Nam non longo post tempore interit. Erat autem Libanius sophista, intimus Juliani amicus, qui ista a pio Jud. magistro quærebat, cui, ut hic dicitur, respondit, ut habet Theodoretus l. III Hist. Eccles., c. 48. De eodem Juliano ait B. Hieronymus t. V in c. III. Habacuc : Dum adhuc essem puer, et in grammatica ludo exercerer, omnesque urbes victimarum sanguine polluerentur, ac subito in ipso persecutionis ardore Juliani nuntiatus est interitus.

Hæc Nicolaus.] Vita ejus exstat apud Surium, t. VI.

Tres pueros.] V. Tres milites : Etenim disputatur, quinam per illos tres qui in ipsius imagine in cupa ei appinguntur. Quæ de re vileatur Molanus de Picturis l. III, c. 53. Noster autem etiam infra c. 151 legit pueros.

Amerosius Theodosium.] Hæc colliguntur ex Vita

ejusdem per Paulinum presbyterum conscripta. Sur. A  
t. II.

Thessalonice.] *B. Ambrosio promiserat imperator se veniam daturum civibus civitatis Thessal., sed agentibus comitibus occulte cum imperatore, ignorante sacerdote usque in horam tertiam gladio civitas est donata, atque plurimi intercepti innocentes. Quo audito, Ambrosius imperatorem excommunicat. M. et C. cum impio Thessalonite. Latius historiam habent Theodoretus l. v, c. 47, et Sozomenus l. vii, c. 23 et 24.*

Hanc exercitium.] *Sane ita est. Cum quis per fas et nefas tentatus est diu et afflictus, alacrior exurgit in præferendis, non modo contumeliis et injuriis animi, verum etiam flagris et verberibus corporis. Cur hoc? Ab assuetis non fit passio: per diversos actus nascitur habitus et facilitas incommodorum tolerandorum.*

Philosophus.] *Epistola ad Lucil. 13 initio.*

Instrueres te.] *Seneca impressus: Instruerem te.*

Obrussa est.] *Obrussa est purgatio auri per ignem, sicut ex sequentibus indicatur: Quasi instrumentum probatorium. Quidam sciolus voluit corrigere in margine C. Obtusa pro obrussa, textus. V. Obtusa est.*

Sugillatus est.] *Id est, iterato percussus ad vibices usque.*

Virtus probata.] *Nam, ut poeta Fur. in poematis:*

Hinc crescunt animi, virescit vulnere virtus.

V. simpliciter: Multum enim adjicit sibi virtus lassessita. Ita Seneca, ep. 15.

#### CAPUT CXXIV.

Vagæ vero mentis.] *M. Vagæ ergo mentis.*

Religiose viventis.] *M. Excellentissimæ mentis.*

**536** Orare, et legere.] *Ait enim ille t. III libro De opere monachorum, cap. 29: Dominum Jesum, in cujus nomine hæc dico, testem invoco super animam meam, quoniam quantum attinet ad meum commodum; multo mallem per singulos dies certis horis, quantum in bene moderatis monasteriis constitutum est, aliquid manibus operari, et cæteras horas habere ad legendum et orandum, aut aliquid de divinis litteris agendum liberas, quam tumultuosissimas perplexitates causarum alienarum pati de negotiis sæcularibus, vel judicando dirimendis, vel interveniendo præcipiendis. Ad hæc accedit illud B. Hier. in epistola ad Rusticum monachum, quæ incipit: Nihil Christiano: Scribantur libri, inquit, ut et manus operetur cibum, et animus lectione saturetur. Et paulo ante: Ama scientiam Scripturarum, et carnis vitia non amabis. Ad illud: Legere, ait C. ad latius: Sæpe multus pulvis est in lectione, et in publica maxime.*

Nutritura est.] *C. et M. Nutritiva est.*

Armatus Martinus.] *Videatur vita ejus per Severum Sulpitium conscripta; exstat apud Sur. t. VI.*

Appodiatum.] *A podio Græco nomine, quod locus est in quo sulcra sunt, quibus ad spectandum innituntur. Gallice, appuis.*

#### CAPUT CXXV.

In titulo damnatur V. a textu sequente, quia pro De effectu orationis, habet.

De affectu, etc.

Ecclesiasticus, c. xxxv.] *V. c. xxxiv M. xciii.*

Idem, c. xviii.] *Tria c. l.*

Non impediariis.] *C. in margine: Alio opere. Item ibidem: De vocali oratione etiam intelligitur.*

Lucæ, c. iii.] *Tria xiv.*

Hilario disputanti.] *Consulto vitam quæ apud Surium est t. I.*

Item Lucæ, c. ix.] *V. et C. c. xcvi. Nec mirum videatur si tantum numerum capitum referam. Nam Ammonius et Eusebius Evangelium Lucæ in 543 capita securunt; Beda in capita 93; Œcumenius et Euthymius in 83; B. Ambrosius in titulos 64; recentiores vero Latini 24 capita faciunt.*

Idem, c. xi.] *Tria c. cxxv.*

Ambrosius.] *Lib. vii in c. xi Lucæ 1 titulo: De exemplo discipulos ad instantiam et perseverantiam orationis inducente.*

Orare vigilantem.] *Textus B. Ambrosii: Vibrare vigilantem. Mirum, unde illa varietas eruperit. Non solum hic, sed et alibi in mss. legi orare pro vibrare, pro ut recentior impressio operum B. Ambrosii adnotat ad latius, quæ facta est, et excusa Parisiis apud Guillelmum Merlin anno 1569.*

**537** Et Beda ait: Si amicus.] *Libro iv in Lucam c. 27; sed post B. Aug. to. X De verbis Domini, serm. 26.*

In Luca, c. xviii.] *V. et M. c. cxxv.*

Per hunc judicem.] *Glossa in hunc locum: F. B. Aug.*

Potest conjici.] *V. Potes cognoscere.*

Precibus quærent.] *V. Precibus tundunt. C. tendunt.*

Oratione minorum.] *Ly minorum abest in M. Hic subnoto marginem C. Talis est: Quasi, ex Ovidio: Quæ non prosunt singula multa juvant.*

Addique: Et ita multorum oratio. Quibus inducor credere melius legi in textu multorum quam minorum. Sic Prov. xviii: Frater qui adjuvatur a fratre, quasi civitas firma. Et Jacobi v: Orate pro invicem, ut salvemini. Et poetarum Græcorum princeps Homerus, ait:

Conjuncti pollent etiam vehementer inertes.

Hieronymus Paulæ.] *Hæc in epistolis ad Paulam nondum vidi nec legi, at bene ad Eustochium. De custodia virginitatis c. 16, to. I. Dicam tamen hoc unum. In epitaphio Paulæ matris ad Eustochium aliquid simile reperi in hæc verba: Et cum os stomachumque signaret, et matris dolore crucis niteretur impressione lenire, etc. Eadem, quæ ad Eustochium, habentur to. IX, in regula iii. De contemplatione.*

Act. Apost., c. xi.] *Tria c. xxiv.*

In qua hora.] *Verba sunt Glossæ interl. in hunc locum.*

Ergo nec alium orantem.] *Solum V. hæc legit in textu. C. sublegit in margine.*

Item, c. xii. Petrus.] *Tria c. xxvii.*

Item, c. ix.] *Tria c. xx.*

Videte per spem.] *M. interlineas: Super Videte addit: per fidem: super Vigilate, per spem. Præpostere. Vigilate, state in fide, ait Apostol. I. Corinth. xvi.*

Item, c. v.] *C. et M. c. xii.*

Petrus I. Ep., c. iii.] *Tria viii.*

Item, c. iv.] *C. c. x.*

Jesum Filium Nave.] *Sive Nun filium Eccl. c. xlvi: Fortis in bello Jesus Nave, successor Moysi in prophetis.*

Et B. Martino.] *Supple revelatum est. Videatur vita per Severum Sulpitium conscripta. Sur., to. VI.*

#### 538 CAPUT CXXVI.

Unde Hieronymus.] *To. VI, in c. v Ep. ad Ephesios, et in Reg. titulo De contemplatione. Citatur præterea De consec., dist. 5: Non mediocriter; et ab Humberto ord. prædic. in l. crud. religiosorum.*

Per capntium.] *Item B. Greg. dicit, non per capntium, sed per vestimenti simbriam tractum.*

Multitudine horarum.] *M. orationum. Ait idem Humbertus qui supra in notis ad hoc caput: Frequenter in oratione proluxa puritas cordis amittitur. Est enim ut frequentius simiatica, quia ex consuetudine sine cordis attentione labia moventur. Ita est. Nam sæpius contingit, tales, post longam laborum motionem, aut palpitationem, vix posse efferre quænam orando dixerint.*

Jeremias, c. xlvi.] *Tria clvii.*

Desidiose.] *M. Negligenter. Sacra Biblia: Fraudulenter*

Sibi postulat. C. et V. Sibi orat.

Phanastice cogitat.] *Variæ distractiones, quas contrahunt qui orationes prolongant et diu continuant. Ergo, ut ait B. Augustinus, brevis et crebra sit oratio. Aliud enim est sermo multus, aliud diurnus affectus. Dicuntur fratres in Ægypto crebras quidem habere orationes, sed eas tamen brevissimas, et raptim quodammodo jaculatas, ne illa vigilantè erecta intentio, quæ oranti necessaria est, per productiores moras evanescat atque hebetetur. Et infra: Nam plerumque hoc negotium plus gemitibus, quam sermonibus agitur, plus fletu quam affatu. To. II, ep. 121 ad Probam De orando Deo c. 10. Ideo, ait margo C. comedite festinanter (Exod. xii).*

Evagrius Eremita.] *Is comes fuit B. Hieronymi in eremo, ut liquet ex epist. ad Florentium 5 et 6 I Tomi, et ad Rufinum 41, ejusdem Tomi.*

Cum flagello.] *M. Cum flagello. Tunde multrale.] Tondere pectus, inquit B. Augustinus, est arguere, quod latet in pectore, et evidente pulsu occultum castigare peccatum. Super c. xi Matthæi. M. Multrare. C. in margine: Mitrale Est multrale, vas quo excipitur lac quod ex animalium uberibus emulgetur.*

Et clauso ostio.] *Spirituali nempe. Nam beat. Augustin. tom. VIII, in Psal. xxxv, inquit: Cubile est cor nostrum, ibi tumultum patimur malæ conscientiæ; et ibi requiescimus, quando bona conscientia est. Qui amat cubile cordis sui, ibi aliquid boni agat. Ibi est cubile, ubi nos jubet Jesus Christus orare. Item in Psal. cxl. Claude ostium ne tentator ingrediatur. Is enim pulsare non cessat ut irrumpat; si clausum invenerit, transit. Hujus ostii duæ sunt valvæ, alia cupiditatis, alia timoris, etc.*

539 Non debemus intueri.] *C. Non debet, etc. Et contumeliis.] Solum M. Habuit genus callosa.] Hæc confirmat Joachimus Perionius (libello de gestis apost. post Hegeſippum et Eusebium. De Bartholomæo apost. ibid B. Greg. Hom. 38 in Evang. eadem refert de sua sorore Turcylla.*

Certum numerum genuf.] *Vidi in quodam ms. Florentissimi monasterii Cumberon, hæc ex auctore nostro citata in fine operis Stephani Cantuar. De virtutibus et vitiis.*

Sæpe id quod petitur.] *Aliquando Deus, cum exoratur, non dat ad voluntatem, ut exaudiat ad salutem. B. Aug. in Psal. lxxxv, to., VIII. Consule Bedam in Joan. cap. xvi.*

Beda super illum locum.] *II Cor. xii, vers. 8, 9. Sed ea que habet Beda, videntur ex B. Aug. desumpta to. VIII in Psal. lxxxv.*

#### CAPUT CXXVII.

In multijario perjurium.] *Quia dum usus juramenti habetur, de facili perjurium incurritur. 22, q. 1. Non est contra.*

Et ita frequentiam jurandi.] *Juramentum homini non prohibetur tanquam malum, sed ejus assuefactio. 22, q. 1. Non est contra.*

Eo quod habeat auctoritas.] *Am 22, qu. 1. Si peccatum. Alia causa juramenti institutionis est infirmitas dubitantis, cum non vult credere. Item, ib., c. Ita ergo.*

De utilitate rei cujusmodi?] *His versibus edicatur ex parte:*

Pax ac fama, fides, reverentia, cautio damni,  
Defectus verbi sibi poscentur sacra tueri.  
*Alias causus in quibus licite juratur, vide 22, quest. 1. Omne. Item ibidem, can. 2 et sequentibus.*

Exemplo Apostoli.] *I Cor. xv. Quotidie morior per vestram gloriam, etc. Citantur hæc 22, q. 1, c. 2. Non est contra.*

Pro re temporali.] *Sine, ut citato per me loco, cupiditate, aut delectatione jurandi.*

A Quod amplius est.] *Ad horum intellectum faciliorem videatur 22, q. 1. Si peccatum esset juratio.*

Quia et testimonium.] *C. in margine: Cogaris ad antecedens, ergo cogi potes ad consequens, M. in textu: quia et nec cogaris ad antecedens, etc.*

Ergo a malo cujuscunque.] *M. omittit ergo, aitque: Nec a malo cujuscunque, etc.*

Hoc consilium perfect.] *Responsio et solutio colliguntur ex 22, qu. 1: Et jurabunt. Item cap. In novo.*

540 Cur hoc observantes statim proclam. Catharum.] *Cathari erant heretici de quibus vide notas ad cap. 78, qui inter ceteros errores, docebant non licere unquam jurare.*

Tres habent comites.] *Ita 22, q. 1: Et jurabunt. Et q. 2 animadvertendum.*

Ex condicto pro pecunia.] *C. male, ex condicto.*

Tanquam a blasphemo.] *Talis, juxta canones, censetur blasphemus, qui per capillum aut caput Dei jurat: Et si clericus est ab ordine ecclesiastico est deponendus, si laicus unmathematizandus. 22, quest. 1: Si quis per capillum.*

Ait c. xxiii.] *Tria. lxxv.*

In eodem, c. xxvii.] *C. c. lxx in fine. V. lxxii in fine.*

Sap., c. xiv.] *Tria c. xxxiv.*

#### CAPUT CXXVIII.

De 1 ait Dominus.] *De eadem B. Hieronymus ad Rusticum. Habe simplicitatem columbæ, ne cuiquam machineris dolos; et astutiam serpentis, ne aliorum supplanteris insidiis; quia non multum distat in vitio, aut decipere, aut decipi posse.*

Hanc simplicitatem.] *Absunt hæc in C usque: Sed de hæc quæritur. M. similiter omittit, sed recuperat infra, post illa verba: Simplicia decent bonitatem, usque: Estote parvuli.*

Pravæ dilectionis.] *M. et V. Pravæ delectationis.*

In omnibus agendis etc.] *C. In omnibus viis Domini.*

Et fatuitati vicinior.] *Beat. Hieronym. super Osee vii: Prudentia absque simplicitate malitia est; et simplicitas absque ratione stultitia nominatur.*

Simplex et rectus.] *Simplex per innocentiam mansuetudinis, reus per cautelam discretionis. Beda, De templo Salom. l. 1.*

Minorque in rebus.] *M. Majorque in rebas.*

Simplicitas pro prud.] *C. Simplicitas, prudentia et omnimoda discretio in omnibus.*

Bono tamen notitia.] *V. bona.*

Amica simpli. itati.] *V. Simpliciter. Nolo offendaris in Scripturis sanctis simplicitate, et quasi utilitate verborum. Quæ vel vitio interpretum, vel de industria sic prolata sunt, ut rusticam concionem facilius instruerent, etc. Beat. Hieron. ad Paulinum tom. III, epist. 104 in fine. Incipit: Frater Ambrosius.*

Estote parvuli.] *M. hic præmittit titulum talem: De bona simplicitate, 541 sed non observavimus, tum quia duo omittent, tum etiam, quia initio capituli sanctam simplicitatem vocant, et titulum præferunt, præsertim C. De bona simplicitate.*

Qui ambulat simpliciter.] *Non duabus viis, inquit C. ad latus. Ex Ecclesiastici ii.*

Parab., c. ii.] *Tria, c. vii.*

Nimia simplicitas.] *Satis hoc colligitur ex B. Hier. in ca. vii Osee, cujus verba supra citavi: similiter ex Beda Venerab. De templo Salom. Simplicitas sine rectitudine dissoluta est et stulta.*

Demissos animo.] *Seneca in proverbii: Malus ubi se bonum simulat, tunc est pessimus.*

II. Cor. ca. 9.] *C. et V. c. xii. M. xxii.*

#### CAPUT CXXIX.

Hebr., c. xiii.] *Tria c. xxi.*

Genesis, c. xviii.] *Tria xxxv.*

Item, c. xix.] *Tria xxxvi.*

Ad Romanos, c. xii.] *Tria* xli.  
 Petr. I Ep., c. iv.] *Tria* x.  
 Longe ab episcopis et cle.] *Ego experientia didici aliquos episcopos fuisse hospitalēs.*  
 Tenebantur aorasia.] *Genesis* xix. Ex LXX Interpretibus pro cæcitate, habetur aorasia.  
 Bêda.] *In c. xxxiv Lucæ.*  
 In homilia super hunc.] *Non super hunc locum, sed super illum Lucæ* xix. Videns Jesus civitatem flevit super illam, et est hom. B. Greg. 39 in Evang. in fine. De martyrio (Simile exemplum vidē apud Cantapranum, l. Apum, c. 25, n. 15 et 15).  
 Josue, c. vi.] *Tria* c. xi.  
 III Reg., xvii.] *V. xlii. C. xlii.*  
 IV Reg., iv.] *V. vii.*  
 Judicum, c. iv.] *M. et C. 8. fere in medio capituli.*

## CAPUT CXXX.

Pro titulo V. legit : De quarto opere misericordie.

Proximi legendæ.] *C. et V. tegente. Si recte sic : ergo præponendum nuditate? Martinus supererogando pallium cum paupere, etc., videretur respicere ad distichon pium et doctum inscriptum frontispicio cæmeterii ecclesie B. Martini in civitate Audomaropolitana.*

542 Martinus chlamydem cum paupere dimidiavit.

Ut faciamus idem nobis exempla paravit.  
 Unicam tunicam.] *M. Imo, quod plus est, tunicam etiam totam pauperi dedit. Videatur Vita scripta per Severum Sulpitium. Sur. to. VI.*

Act apost., c. ix.] *C. et M. c. xxii. V. xii.*

## CAPUT CXXXI.

V. Præfert hunc titulum : De 5 et 6 opere misericordie.

Hæc digniori specie.] *C. in margine : Petrus (sed melius Jacobus, c. 1) : Religio sancta et immaculata hæc est visitare infirmos.*

Nicolaus.] *Apud Svirium in ejus Vita. Habetur, to. VI.*

## CAPUT CXXXII.

Summarium V. tale est : De 4 et 5 et 6 et 7 opere misericordie. M. De sepultura.

Hic gratia Antonius.] *C. pro Antonius habet Hieronymus, inde, ut reor, abusus subrepsit, quod B. Hieronymus hæc conscripserit in Vita B. Pauli eremita.*

Appodiatum.] *Hoc est innizum, ut supra dixi ad c. 124.*

Mariæ sc. Ægyptiacæ.] *Vitam vide per Sophronium episcop. Jerosolymitanum conscriptam, ut testatur Nicephorus lib. xvii, cap. 3. Exstat apud Svirium, to. II.*

Versificator ille.] *Quis ille, quæris? Hildebertus est episc. Cenoman. Postea Turon. archiep. Hæc metra nondum puto impressa.*

Multi Deo placuerunt.] *Inter quos nominatissimus est Tobias.*

Potius nos juvamus.] *Quia meremur pro opere misericordie.*

Non sit sumptuosa.] *Curatio funeris, inquit. B. Aug. conditio sepulture pompæ exsequiarum, magis sunt vivorum solatia, quam subsidia mortuorum. Lib. 1 De civit., cap. 12. Prodest interim ali-quod memoriale in sepulture loco appendere, quo mortales et præcipue amici moneantur orare pro defuncti anima. Ideo monumenta sunt, ut mentem moneant. Græci enim vocant μνημείον, quod nos memoriam et monumentum : et eorum lingua memoria qua meminimus μνήμη dicitur.*

Quam in remedia.] *Quid enim prodest homini in exsilio misso, si parietes domus ejus sumptuose orientur? Ita, quid spiritui profuerit cadavera decorasse?*

Audiamus Horatium (II Carm., ode 20) .

A Absint inani funere naniæ,  
 Luctusque turpes et querimonie,  
 Compescere elamorem, ac sepulcri  
 Mitte supervacuos honores.  
 543 Cælo tegitur.] *Si Lucanus, l. vii Pharsal. ad Casarem inhibentem occisorum corpora cremari, ait humari :*

Nil agis hæc ira, tabesne cadavera solvat  
 An rogas, haud refert : placito natura receptat  
 Cuncta sinu. Et post : Caput omnia tellus.  
 Quæ genuit : cælo tegitur, qui non habet urnam.  
 Et apud Senecam : Omnibus natura sepulturam dedit.

Sepelit natura.] *Versus Mæcenas : Non tumulum curo, sepelit natura relictos.*

## CAPUT CXXXIII.

In Matthæo, c. vi.] *Tria* xlv.  
 Jejunium avari.] *Versus in margine C. Jejunat justus, medicus, simulator, avarus.*

B Spiritui nempe justus, carni medicus, fami simulator, studio retinendi avarus.

Describens Hieronymus.] *In epist. ad Eustochium De custodia virgin. Præterea citantur hæc De consecrat. dist. 5. Sint tibi. Item ep. ad Furiam De viduitate, quæ incipit : Obsecras.*

Ait, c. ii.] *Tria* vii.

Isaias, c. lviii.] *C. et M. c. clxxii. V. clxxxiii.*

Invenitur voluntas.] *M. voluptas. Male.*

Affligere hominem.] *C. Afflig. hostem.*

Item Eccli., cap. xxxiv.] *V. xcii. Abhinc usque :*

Item Jonæ, tacet M.

Sanctorum pallidorum.] *Sic vocati a pallore vultus, et maceratione corporis, ut dixi ad c. 116.*

Sancta Ægyptiaca.] *In ejusdem Vita, adda notas ad caput præcedens.*

Pane cribrario.] *Ad Jovinianum lib. II, tom. II, et ad Paulinum : Bonus homo. Item in regula De abstinentia. epist. ad Marcellum, quæ incipit : Ambrosius, habetur : Pane cibario, etc. Sicut etiam in Bêda l. v Hist. gentis Anglorum, cap. 13.*

C Superat sobrietatem Christi.] *Etenim Svirius in commentario rerum in orbe gestarum ab anno 1500 usque ad 1566. Turcarum in cibis parcimoniam admirans, sic in Christianos invehit : Ubi Ferdinandus rex suorum stragem, et Turcarum victoriam certis nuntiis cognovit, nova eaque insignia Solymano munera mittit, quibus animum ejus sibi conciliaret.*

Legati ejus a Turcis honorifice excepti sunt, et postera die cum Bassis pransi, orizam, et carnes vervecinas, nihilque præterea sibi esculentum apponi cernunt. Ea Barbarorum temperantia, nostræ gentis luxuriam 544 procul dubio severe castigat, cum illi non tam gula desiderio, quam naturæ necessitati satisfaciunt. Nostrates vero tum se præclare sua putent instituisse conviviam, si nullus sit irrigandæ gula, ventrisque farciendi modus; ita ut de nostris verissime dici possit, plures crapula quam gladio perire. Atque sane detestabilis ille apud ple-

D rosque mos est, conviviam in multas horas protrahendi, cum non animæ duntaxat, sed etiam corpori admodum sit perniciosus. Sed scilicet faciendum est, quod dici solet :

Ede, bibe, lude, post mortem nulla voluptas.  
 Hæc ille. Plura hæc de re Wiringum canon. Airebat. In libro De jejuniis et abstinentia.

## CAPUT CXXXIV.

Ad Rom., c. xii.] *Tria* c. xxxix.

In novitate sensus.] *C. et M. In novitate Spiritus sancti.*

A qua incipiendum.] *Solum M Domandum est jumentum.] Non absimilia legi apud beatum Gregorium, hom. x in Evang.*

Dalilam.] *Uxorem Samsonis C. et M. Dalidam.*

Joannes et Jeremias.] *De Joanne Matth. iii. De Jeremia prophetæ suæ c. 1.*

Id est virilis.] *C. Id est audax. Apud Hier. legitur virilis.*

Facit vim perditioni.] C. Facit vim, domando, A perditioni, etc.

Ociositatem.] M. Sumptuositatem.

Superstitionem.] M. Superfluitatem.

Vivunt ut comedant.] *Nonne Epicureorum est ?*

CAPUT CXXXV.

Ex M. caput partitus sum : nam dño præcedens continuabam.

Quem non vicit Sodomæ.] *Glossa interl. in c. XIX Genes.*

Condimento cibi.] V. edulii pro cibi.

Vel etiam utilitate.] V. et C. et etiam utilitate.

Nec cupias mullum.] *Solum M. admittit hunc verbum Juvenalis, sat. XI. Quidam pro mullum legunt rhombum. Juvenalis mullum, ut correxi.*

Nisi ex fastidio.] *Obsoleta ea gula est, quæ jam edisse non libet. Lipsius in Seneca.*

Comparatis manus.] C. Comparata manus : at Seneca comparatis.

Cum Venus in vinis. *Ovid. I, De arte M. legit :*

Tunc Venus in venis, ignis in igne venit.

545 His addam illud Claudiani.

Cum vino calefacta Venus, tunc sævior ardet.

Deut., c. xxxii.] C. L. V. et M. LV.

Item in eodem.] *Tria c. XIX.*

Jeremias, c. v.] C. et M. c. xx.

Et mœchati sunt.] M. et mentiti sunt.

Osee, c. xiii.] M. et C. xli. V. lxi.

Fremit mundus.] *Utitur his verbis B. Bernardus serm. 9 de 9 vers Psalmi : Qui habitat.*

Primo autem tentat hominem.] *Videatur beatus Augustinus tom. VIII, in finem Psalmi viii.*

De facili labitur.] V. et M. Cito despumat in libidinem. *Verba sunt B. Hieronymi.*

Cum filiabus Job.] C. cum filiis. Nabuchodonosor abutens epulis.] C. ad latus : In lautitia. *Ad autem dicitur de Balthasar filio Nabuchodonosoris.*

Quæ sit distantia.] V. Quæ sint discrimina. Sic C Juvenal. sat. 6.

Gastrimargi. *Hæc omittit C.*

CAPUT CXXXVI.

Incestus et ignomin.] V. Incestus, et vitii Sodomorum ignominiosa turpitudine.

Joel ait.] *Tria David ait.*

Appetitus fornicat.] *Beda de templo Salom. : Brevis est voluptas fornicationis, sed perpetua pœna. Unde Boetius in libro III, De consol. metro 7.*

Habet omnis hoc voluptas

Stimuli agit fruentes

Apiumque par volantem,

Ubi grata miella fudit,

Fugit, et nimis tenaci

Ferit icta corda morsu.

Eadem habet prosa 7, ibidem. V. Abhinc fere usque ad finem capituli, maxime discrepat et variat in lectione ; illa in contextum non reposui justis ex causis. *Hæc autem sunt : Boetius in libro Consolationum sic ait : Appetitus voluptatis plenus est anxietatis, satiety pœnitentiæ. Et nisi fallor Macrobius in libro Saturnalium, Flavienus quoque de vestigiis philosophorum, de voluptate loquentes, dicunt : Finis voluptatis et pœnitentia. Unde Demosthenes cum a Laide nobilissima meretrice, supposita manu 546*

ventri ejus, quæreret, dicens : Hæc quantum ? Et illa diceret : Mille denariis : Respondit : Ego pœnitere tantum non emo. Hieronymus vero in Vita Pauli primi eremite exemplum ponit de martyre linguam sibi mordicus abscedente, et jactante in os meretricis super illum ligatum jacentis, et virilia attractantis, ut dolor voluptatem vinceret, quam invitus sentiebat. Hanc, sicut in opere, ita in voluntate Dominus prohibet : Qui viderit mulierem ad concupiscendam eam, etc. (Matth. v). Et est similiter ipsa voluntas et consensus sine opere, peccatum mortale. Et non tantummodo sola voluntas, sed etiam morosa de-

lectatio peccatum mortale. Unde David : Beatus qui tenebat, et allidet parvulos suos (id est primarios motus libidinis reprimet, ne veniant ad consensum, vel ad morosam delectationem, quia mora secum trahit periculum) ad petram (Psal. cxxxvi), id est Christum. Unde Salomon in Cant. (can. cap. ii). Capite nobis vulpes parvulas, dum parvæ sunt, id est reprimite parvulos motus dum primarij, et sine consensu, et morosa delectatione sunt, ne silvescant et grandescant, et ita demoliantur vineam Domini Sabaoth, id est occidant animam. Unde Daniel propheta, etc.

Quia viscosa est.] *Audiamus hic B. Greg. in Moral. (lib. xxi, cap. 2).* Ex quo, luxuria semel mentem alicujus occupaverit, vix eum bona cogitare permittit. Sunt enim desideria viscosa, quia ex suggestionem cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio, ex defensione gloriatio, ex gloriatio damnatio. V. pro viscosa, legit, vitiosa.

CAPUT CXXXVII.

Quantitatem peccatorum.] V. Flagitiorum. S. Benedictus in regula (post illud et Deut. c. xxv) ait : Juxta modum culpæ, extendi debet disciplinæ mensura. c. 24. Et Apoc. xviii : Quantum in deliciis fuit, tantum date illi tormentum et luctum.

Item Augustinus.] *Quam belle hac de re to X, serm. 247, et 243, et 244 De tempore ; ubi adulteros increpat imaginem Dei in se deturpantes. Quare C. ad hæc in margine ait. Ovidius initio Metam.*

Pronaque cum spectent animalia cætera terram, Os homini sublime dedit.

In quarto genere affin.] *Conc. Trident. sess. 24, cap. 4, dimicavit impedimentum affinitatis ex illicita copula natum ad primum et secundum gradum tantum, statuens in ulterioribus gradibus matrimonium post eam contractum non dirimi. Pius V ad majorem matrimonii libertatem declaravit in extrav. Ad Romanum anno 1566 dicta, affin. 3 et 4 graduum nec dirimere nec impedire. Nav. c. 22, n. 42, ex quibus colligere 547 est ; ut censet auctor noster, adulterium majus esse crimen, quam incestum 4 gradus. De adulterorum proliibus legitur dist. 56, c. Si gens Anglorum, quod nec sint in fide stabiles, nec in bello sæculari constantes, nec honorabiles hominibus, nec Deo amabiles.*

Parab., c. vii.] *Tria xix.*

In legenda S. Marcelli.] *Parisiacæ urbis episcopus fuit, ut ex Gregorio Turon., apparet. De gloria confessorum c. 89. Vitam conscripsit Fortunatus episc. habet eam Sur. to. VI, die 1 Novembris.*

Abstulisset.] *Hic subjicienda censeo ea quæ in folio e membrana super addito in V. adveni. Sic ergo : Incestus est coitus valde illicitus et maxime detestabilis alicujus cum consanguinea sua, ut consanguinitas large accipiatur, scilicet ad comprehendat matrem, materteram, sororem, cognatam, filiam, neptem, amitam et omnem usque ad quartum gradum, est linea sanguinis, propinquam vel affinem, ut novercam, consororem, nurum, et sic de cæteris. Incestus etiam est coitus summe detestabilis cum sponsa Christi, scilicet cum sanctimoniali, vel cum sacro oleo inuncta, scilicet cum regina, quando ab alio cognoscitur quam a viro proprio, et e converso. Ad extirpandum hujusmodi crimen præcepit Apostolus illum Corinthium fornicatorem et incestuosum, qui uxorem patris sui, novercam suam cognoverat, excommunicari, et a consortio fidelium amoveri, et angelis Satanæ tradi, ut spiritus ejus in die Domini salvus fieret (I Cor. v). Merito hujus flagitii Deus vindictam in presenti, ad judicium pœnæ æternæ, infligit frequenter. Unde legitur in II Reg. (cap. xii) quod Amnon, qui sororem suam oppresserat, interfectus est a fratre suo Absalom.*

Herodes etiam Tetrarcha hoc crimine pollutus (videlicet quia illegitime abutebatur uxore fratris sui) meruit fieri homicida, scilicet ut decollaret Joannem; et postea relegatus a Romano imperatore in exsilium, ubi cum uxore fame periit. In illos etiam, qui sponsas Christi sanctimoniales reclusas, et alias Deo dicatas violant, sæpe Deus in præsentî vindictam exercet. Quidam enim hujus criminis rei sæpe fatuantur; et muti fiunt; quidam etiam paralyti percutiuntur, alii vero morte subitanea præveniuntur, quorum animæ miserabiliter in inferno cruciantur.

## CAPUT CXXXVIII.

Et superbia vitæ.] Et superfluitas vini, V. omittit. M. autem in margine, post vni, voluit addi, vel rei cuiuslibet. C. ad latus sic inquit: Gastrimargi (in ms. castrimargi) similes sunt Esau, qui vendidit primogenita sua propter lenticulam rufam, et amisit benedictionem paternam (Gen. xxv). Supra in fine cap. 135 omiserat.

De tantum duobus ergo peccatis, etc., clamor ascendisse.] Recenseri solent **548** quatuor peccata clementia in cælum: homicidium voluntarium, peccatum Sodomiticum, de quibus hic loquitur, tertium oppressio pauperum, quartum merces operariorum defraudata. De tertio agitur Exodi xxii, vers. 22 et 23; de quarto, Jac. v, 4. Sed de duobus posterioribus non tam clare dicitur, clamorem eorum ascendisse ad Dominum de terra.

Legitur Dominus conqueri.] Hac de re dilucide agit B. Aug., to. X, serm. 247 De tempore. Et 32, q. 7: Adulteri et Flagitia.

In agro Damasceno.] Idem legi in genealogia Christi per Ieremicam et regalem tribum, nondum visa, ut iuto, quam Trithemius Breviarium Bibliæ appellat, auctore Petro Berthorio, cujus prologus incipit: Considerans Historiæ sacræ prolixitatem. Post prologum sic orditur auctor historiæ, Adam in agro Damasceno formatus, etc., quæ brevitatis causa omitto. Elegans opus est, in quo Patrum series perbene delineatur, digestis et circino laboriose expressis circulis nominis singulorum ex ordine et successione continentibus. Abulensis in Gen. 1, q. 22 refert quoque Adamum in agro Damasceno formatum fuisse.

Eos fore Androgyños.] Sic legendum est, ut colligit B. Aug. to. III, l. III De Genesi ad litteram, c. xxii, et inde excerpta hæc existimo. Tria Androgeos. Androgeus est filius Minois Crete regis, de quo Virg., l. vi.

In foribus lethum Androgeo tum pendere pœnas Cecropida jussi, etc.

Androgyii sive hermaphrodita dicuntur, qui utriusque sexus instrumentum habent. Tales inter infames ponuntur nec possunt esse advocati. 3, q. 7. Infamis: Parag. In digestis: Infames, etc.

Homini androgyño.] Iterum tria androgeo.

Permittit uti.] V. et C. permittitur uti.

Ut vir permittunt.] Dicerem ego hic, sicut et in sequenti permittit, habito respectu ad Ecclesiam, de qua supra. M. ut virum permittunt. Sed quid si Ecclesia, inquit margo M. decepta fuerit in vicinia sexus, et non potest continere?

Quod a Deo detestatur.] Toleranda est hæc lectio: Nam detestor aliquando passive usurpatur, ut Horat. l. 1, Carm. Bellaque matribus detestata. M. Quod adeo detestatur.

Ad Rom., c. 1.] Tria C. iv et v.

Epist. Judæ.] Tria c. 11 et M. legebat exfornicante pro exfornicate, ut est in texto Biblico. Qua voce composita significare voluit fornicationem quæ fiat extra et præter modum naturæ.

Post carnem alteram.] Margò M. Extra et supra omnem fornicationem peccaverunt. Hoc vitium detestatur Aug., tom. X, serm. 47 ad fratres in eremo.

**549** Scilicet morte hæc omittit V.

Levit., c. xx.] M. et C. xlii.

Onan.] C. pro Onam habet homini. Vitiose.

Coloss. iii.] Tria viii.

Josue, c. vi.] Tria xii.

Jericho.] M. ad latus: Concupisc. mundi et carnis.

Hujusmodi homines, spastici.] Spastici dicti a spasmate quod est nervorum contractio. C. et M. Hujusmodi homines pauci et enervati sunt, V. Omnes spastici hujusmodi enervati sunt. Hæc exponit B. Hier. to. IV, in c. xix et xxvi Isaia. Item, to. V, in iii Naum.

Sardanapali.] De eodem proverbium: Sardanapalo mollior Tertulian., tom. 1, lib. Pall., cap. 4, num. 79; Justin., lib. 1, ait eum muliere corruptorem.

Percussi aorasia.] Interp. LXX, sic legunt pro cecitate, Gen. xix.

Isaias, c. lxvi.] M. et C. cci. V. cxxii.

Post januam.] V. et M. post unam. C. post unum.

Item Joel, III.] V. et M. ix, in fine. C. x. Posuerunt puerum in prostibulo, etc.

Ubi vir nubit in feminam.] Solum M. Ex Justiniani decreto.

## CAPUT CXXXIX.

In Matth. c. xviii.] M. et C. lxxxviii. V. lxxviii.

Hier. Aug. et Ambrosius.] Ambros. lib. 1 De Jacob et vita beata c. 3; S. Augustin. tom. X, in appendice de diversis, serm. 5, et in Enchiridio ad Laurent., cap. 74, tom. III; B. Hieronymus, t. V, in cap. viii Matthæi. V. pro Hier. legit. Rabanus.

Secundum leges.] Conc. Tolet. iv, c. 67 et 70, et 12, q. 2: Episcopus qui mancipium, et: Libertus Ecclesiæ. Manumissus dicitur, qui libertate donatus est. Olim domini volentes servos a potestate aut servitute liberos reddere, manu caput aut aliud membrum servi tenebant, sicque a se mittebant.

Calicem salutaris.] Per calicem in sacra Scriptura mors aut passio intelligitur.

De condigno.] Ino, si fas esset, plusquam mortem pro Deo appetendam dico, quia non sunt condignæ passionis hujus temporis, etc. Rom. viii.

Et argenti.] C. et M. argenti.

Arcentibus.] Hoc ad David referendum. Alioquin arcentibus, ut C. legit, ad commilitones.

Ens in tonsura.] Auctori familiare est verbum ens pro existens. Tum tondebat Nabal gregem suum. 1 Reg. xxv.

**550** Lucæ, c. xvii.] M. et V. c. cci.

Ait c. xxiii.] C. et M. c. ix. V. xi.

II. Reg. c. ix.] V. xxi.

Jonatham patrem tuum.] Post hæc verba addit C. in textu quod M. in margine: Transfundit et in prolem, transcurrit gratia patrum.

Alter Cicero non.] M. et C. Alter Cato, sed male prout ex Val. Maximo liquet.

Popilius neminem odit.] M. et C. Pompilius.

Multa beneficia.] Omnia ista ab ingrato animo sunt: inquit Seneca De benef. l. 1, c. 40. Eodem sensu Publius: Dixeris maledicta cuncta, cum ingrato hominem dixeris. Ausonius: Ingrato homine terra pejus, nil creat. Plautus: Pol quidem, meo animo, ingrato homine nihil impensius.

Leve æs amicum.] Aliter Seneca: Leve æs alienum debitorem facit.

## CAPUT CXL.

V. Pro summario sic legit: Quod homo induit faciem super omnium brutorum animalium. Epilogus faciei culpa.

Nobis superinducimus.] Hæc est ep. 48 1 tomii B. Hier. ad Marcellam, quæ incipit: Ambrosius in Isaia, c. L.] M. et C. cxlx. V. clxxxix.

Propter dolositatem.] Ex glossa ordin. in hunc locum Lucæ xiii. M. ad latus legit ex Cant. cantic. (cap. 1). Capite mihi vulpes parvulas, etc. Animos sub vulpe latentes.

Serpente, porco.] De serpente, Gen. iii. De porco, Matth. xiii. De homine, Matth. iv.



Et in spiritu, spiritu.] *C. et M.* Et in spiritu hominis *M.* rationali. *C.* rationalis quasi, etc.

In ep. 18.] *Ad Marcellam.* Incipit : Ambrosius, tom. I. *M.* et *C.* In 30, ep. c. 2.

Mœre deprimitur.] *Tria* deprimimus. *Restitui* ex *B. Hier.*

Amisso obolo.] *Tria* omitebant amisso.

Personarum simil. [*Restitui* ex *B. Hier.* Personarum. *Tria* enim : peccatorum similitudines quot peccata.

### CAPUT CXLII.

In seminarium.] *C.* In sanctuarium.

De auctoritatibus.] *V.* De auctoritatibus ejusdem. *M.* De actoribus. *Quomodo* auctoribus et actoribus, cum solus *Deus* sit auctor ?

Ad prædicta, industriæ.] *V.* Ad prædictam industriam lectoris. *M.* Ad prædictam **551** industriæ lectoris. *Neque* hæc placebant. *Nulla* enim de industria lectoris fuit facta prius mentio. Ergo non prædictam.

Relinquentes.] *Abest* hoc verbum in *V.* similiter *Vel* quod sequitur.

Quæ destructiva est.] *V.* Quod destructiva est. *Matth.*, c. III.] *Tria* VII.

Apud *Matth.*, c. IV.] *Tria* XX.

Ad pœnitentiæ suffici.] *M.* hic præferebat titulum : Item de pœnitentiâ. *C.* ad latus : De confessione triplici.

Labore pœnæ.] *C. et M.* etiam bene : Labore pœnitentiæ.

Sine infusione gratiæ.] *V. et M.* Sine visitatione gratiæ.

Conteraris.] *V.* Convertaris.

Vestigium peccati.] *M.* ad latus : Et memoria.

Revertere quater repetito.] *Loca* *B. Bernardi* hæc apprime exponentis. *Vide* primo *serm.* 3 *De* annuntiatione *B. Mariæ*, in fine ; secundo *serm.* 3 ; parvorum *serm.* 3, *sermonem* 58, *ibi*dem.

Quod adverbium.] *Sapienter* nempe.

Sicut et verbum.] *Psallite*.

Quotiescunque iterate.] *M.* iterare.

Gregorius.] *Tom.* II, *hom.* 20 in *Evang.* ante medium. *M.* et *C.* pro *Grego.* habent *Augustinus*. *Scio* quidem ipsum hanc sententiam fuisse et dilucide exponere, tom. *V* *De* civitate, l. XXI, c. 27. *Et* tom. X, l. I. *Hom.* homilia ult. ; sed eadem verba non habentur.

### CAPUT CXLIII.

Ostendit Aug.] *B. Gregorius* non absimilia habet præcipue *Moral.* l. IX, c. 24. (*Hæc* enim verba postrema : dum autem hic judicamur, temporalibus pœnis, etc., *ibi*dem visuntur) Similiter *B. Hieron.* tom. IX, ep. 1 *ad* Demetriandum post initium.

Quasi diceret pœnitens. *Margo* *M.* Quasi se aper : Unde nec ait recogito.

*Matth.*, c. III.] *C. et M.* cap. XI.

Parturientis, id est.] *Expositio* est *B. B. Augustini* atque *Ambrosii* in hunc psalmum. *C. et M.* ad latus hæc legunt : Hoc etiam de prædicatore exponitur, qui nonnisi post partum pœnitentiæ procedere debet ad partum prædicationis, scilicet de partu in partum. *At* inquit, si impœnitens accedat, despicietur, ejusque prædicatio contemnetur, ut ait beatus *Gregorius*.

Non ait parientis.] *Hæc* restitui juxta doctrinam citatorum *Patrum* immediate **552** supra. *Tria* ait non parientis. *C.* ad latus volebat correctum parturientis pro parientis, sed male.

Item : quanta debeat.] *Hæc* ad novum lineam revocavi, eo quod *C.* majuscula littera cæperit, *M.* autem titulum præfixerit talem : Item de contritione, sed a me intermissus est, quia in indicibus capitum omittitur.

Animadvertite in quatuor | *Glossa* ordin. in nunc locum *Joannis* cap. XI. *Eadem* recenset, quam puto esse beati *Ambrosii* *De* pœnitentiâ libr. II, capit. 7, tom. I.

Idem, c. VI.] *Tria* c. XXVII.

Diabolus.] *Solum* *V.* *Est*que *Glossæ* interl.

Idem, c. VII.] *Tria* XXXII.

In directum.] *C.* ad latus : Medioeriter.

Pro spiritualibus.] *M.* pro temporalibus, æternis.

Idem, c. VIII.] *Tria* XXVIII.

Filiæ populi mei.] *C.* in margine : Filiæ animæ meæ.

*Job*, c. VI.] *C. et M.* 6. *V.* IX.

Eremita prolapsu.] *Ex* libro *Vitæ* *Patrum* dicto.

*Deut.*, c. IV.] *Tria* XIV.

### CAPUT CXLIII.

Confessio, cordis.] *Inter* ly cordis et oris, hæc parenthesi utitur *V.* *Ut* ait *David* : Dixi confitebor, et tu remisisti.

Unde *Urbanus*.] *De* hoc diximus in c. 123.

Habet sequi antidotum.] *Confessionis* scilicet et satisfactionis.

**B** Est pars satisfactionis.] *Ita* de pœnit. distinct. 4 : Quem pœnitet.

Sicut auctoribus habet.] *Dictio* auctoritas accipitur pro pluribus auctoribus, uti c. 79, et alibi.

Lepre cognitionem.] *C.* ad latus corrigebat, contagionem.

Peracta enim pœnit.] *V* Peracta enim pœna

Item *Judicum* I.] *Perperam* *M.* et *C.* legunt : Item *Moyse* : Quis, etc., cum illa verba non sint *Moyse*, sed *Filiorum* *Israel*, dicentium : Quis ascendet ante nos contra *Chananaeum*, et erit dux belli ? dixitque *Dominus* : *Judas* ascendet, etc.

Præcedet nos.] *M.* et *C.* consequenter legebant, vos pro nos.

### 553 CAPUT CXLIV.

Qui curet vulnera sauciati.] *Vino*, inquit *B. Gregorius*, morsum distractionis adhibeat, oleo molliorem pietatis, etc., a præpositis et prælatis lectu dignissima. *Tom.* I *Moral.* l. XX, c. 8.

**C** Fili, non mihi.] *Verba* hæc confessoris seu confessarii, adhuc forte induratum pœnitentis cor, nonnihil emolliunt, et intuent ad confessionem sinceram, fidelem et flebilem persolvendam.

Ut ille, qui volenti restituere ablata.] *Simile*, si non idem exemplum refert *Cæsarius*, qui post ætatem auctoris vixit, l. III, c. 55.

Cophini Ecclesiæ.] *Ab* horum majorem intellectum percurre *hom.* *B. Greg.* 31. in *Evang.*

Nimiam multitudinem.] *Quid* gloriantur nonnulli in multitudine ? *Pluribus* intentus minor est ad singula sensus.

Ad pœnitentiâ maxime.] *V.* Ad pœnam maxime.

Abbatis de Longo Ponte.] *Hoc* exemplum vel simile habet *Cæsarius* libro tertio.

De dæmoniaci.] *Idem* aut simile *Cæsarius* refert l. III, c. 2.

*Job*, VII.] *Tria* IX.

**D** Impudentissime jactant.] *Margines* *M.* et *C.* *Sic* disputavi, talem matronam (*C.* vicinam) tam nobilem et pulchram amavi. *Addit* *C.* *Ex* quibus superbiunt. *Hæc* videntur sumpta ex *B. Bernardo*.

### CAPUT CXLV.

In conterendo.] *Non* : In convertendo, ut *V.* in textu et *C.* in margine.

Dictionis virtus.] *Pœnitentiæ* scilicet dictionis, ait *M.* in margine.

In se ulciscendo.] *V.* Ulciscenda, sed male et contra textum originalem.

Ut corpus redimas.] *Ex* *Ovidio* *De* remedio amor., l. I. *Ejusdem* ex ep. *Ænonis* ad *Paridem* subjicio versus :

Leniter ex merito quidquid patiare ferendum est : Quæ venit indigne pœna, dolenda venit.

Solve funiculum.] *V.* Solve vinculum. *Quatuor* præve consuetudinis vincula deprehento, que cum necreverint ægre dissolvantur. *Nam* difficulter eradi-

tur, ait B. Hieron., quod rudes animi perhibuerunt. Vincula hæc sunt : Primum, titillatio delectationis; secundum, consensus; tertium, factum; quartum, profundum malorum, seu consuetudinis abyssus. Hujus viscosi mali testimonium pete ex B. Aug. tom. X, serm. 44, De verbis Domini, c. 6.

Hinc ille martyr.] Cujus meminit beatus Hieronymus in Vita S. Pauli, similiter 554 (sed paulo fusius) Nicephorus Hist. eccles., l. vii, cap. 13. M. et C. Hinc ille pater familias, omittunt, martyr.

Se stultum simulavit.] O stultum prudentem! Nam, teste Catone,

Stultitiam simulare loco prudentia summa est. Id legitur de S. Simeone, Salo, id est stulto, in Martyrol. Romano die Julii 1.

Vel scoepbam.] Hoc est mundabam. Ita Januensis.

Scobes et sordes.] Scobes, sunt partes illæ minutissimæ lima aut serra, vel alio instrumento tritæ et excissæ, a nominativo scobs.

Vel fodiebam.] B. Hier., in hunc psal. Fodiebam, inquit, tanquam agrum, ut mitterem semen doctrinarum Domini.

Quia ingenium.] C. V. ingenium. M. Ingeminum.

Vel ventilabam.] Videatur Glossa in hunc locum. Romanos, c. 6.] Tria xvi.

Vias duras.] Labores pœnitentiæ, Aiunt margines C. et M.

Cilicium.] Non tantum S. Joannis Baptistæ sed, ut aiunt duo præfati margines : Similiter Judith, et Ceciliæ et Nazareorum.

Panis cribrarius.] Impressa S. Hieronymi : Panis cribrarius, ep. ad Marcellam, quæ incipit : Ambrosius : Vide notas ad c. 155.

Vepres Benedicti.] P. Gregorius l. ii Dial., c. 2. Lacrymæ Arsenii.] Ex ejusdem Vita quæ apud Sarum existat.

Quinque caricæ Eulalii.] Quibus sustentabatur. Duo margines.

Ægyptiæ cæ.] Vita apud Sur. est tom. II.

Simeonis Trevirensis.] Cujus festum agit 1 Junii.

Per Nathan.] Habentur hæc De pœnitentia, distinct. 5. Totam pœnam.

#### CAPUT CXLVI.

Solum V. non dividit caput.

Idola Laban.] De his dixi ad c. 21.

Infelix Achan.] Tria Achor, sed male. Achor enim nomen vallis est, ut legitur Josue vii.

Circumstantiæ peccatorum.] M. ad latus : Omnis memoria.

Clausis ostiis mentis.] Idem ibidem : Omnis domus tua.

Genesis, c. ix.] Tria xxxvi.

Æquipollere debet purgatorio.] Contra eos, aiunt margines C. et M., qui dicunt Faciamus nunquam pœnitentiam, sed sine sordibus et cruciatibus.

#### 555 CAPUT CXLVII.

Habeam in corde.] Margines duo : Ad agendum pœnitentiam.

Substantia mea.] Vita præsens, et omnia præsentia, ait margo duplex.

Nonne Dominus.] Soliditas æterna, aiunt iidem margines.

Hem philosophus.] Illius liber elegans est de vitæ brevitate et Christiano dignissimus, quanquam ab infideli conscriptus.

Honores geram.] Utinam virtutes, aut similia proximorum edificationem convenientia, de quibus poeta profertur :

Stat sua cuique dies ; breve et irreparabile tempus, Omnibus est vitæ ; sed famam extendere factis hoc virtutis opus.

(VIRGIL., Æneidos x.)

Tanquam ad extremum.] Ita Horatius : Omnia crede diem tibi diluxisse supremum.

A Item Hieronymus.] Vide ejusdem l. iii. Comment. in Amos paulo post initium et longe plura hæc de re invenies.

Brevis et non vera voluptas.] Disputare, comedere et hujusmodi, ait M. in margine. Ex hoc tempore tam angusto et rapido et nos auferente, quid juvat majorem partem mittere in vanum? Non tam benignum ac liberale tempus natura nobis dedit, ut aliquid ex illo vacet perdere : et vide quam multa etiam diligentissimis pereant. Hæc ille magnus Seneca, epist. 117.

Viri divitiarum.] Viri etiam litium, ait margo C. caesarum, disputationum, potationum.

In manibus suis.] Nisi sarpam, ait idem. Sarpa est falx putatoria, sive culter aduncus, quo vineas, aut arbores putamus.

Cras minus aptus erit.] Nempe, ad agendum pœnitentiam. Ita duo margines.

Tota cœna presentis.] Hoc est felicitas, delectatio, et jucunditas. Margines duo.

B Per quæ amittitur.] Nam qui in agone contendit, ab omnibus se abstinere (I Cor. ix), ait M. ad latus, addit quoque illud : Ne animam ponas ad unicum hazardum et jactum alexæ.

Et sicut fumus.] Qui cito evanescit, inquit C. in marg.

Isaias c. xxix.] Tria lxxvii.

Dignitatem primogenituræ.] Fidem et virtutes, inquit margines.

Benedictionemque paternam.] Idem in Evangelio : Venite, benedicti Patris mei. Matth. xxv.

Perpetua est pœna.] Seneca ep. 23. Improbarum voluptatum, etiam post ipsas pœnitentia est. Et infra : Sola virtus præstat gaudium perpetuum, securum.

556 Mortis meditatio.] Post Platonem in Phæd. B. Hier. ad Principium epitaphium Marcellæ, incipit : Sape, et multum.

C Item Hieronymus.] Non absimilia vidi in ejusdem regula titulo De paupertate : similiter in c. xxv Matthæi.

Cur modicum expectas.] V. Contra modicum expectas. Exaudiamus etiam infidelem, fideli etiam tamen loquentem : Tu mortem, ut nunquam timeas, semper cogita. Et idem supra : Vivere noluit, qui mori non vult, Seneca ep. 30.

Vadam ad portas.] Margines C. et M. Hoc timeo, semper in mente habeo.

Ablata est.] Idem margines : Translata est.

Quidam dimidiant Deo.] V. Qui dant Deo dimidiant. Abusus notarii.

Quidam perficiunt.] Aiunt margines C. et M. Ut Nicolaus, Joannes.

Job, c. vii.] Tria ix.

Item, c. xiv.] Tria xiii.

Item, c. xx.] Tria xvii.

#### CAPUT CXLVIII.

D Ne fiat fuga vestra.] A vitio et peccato. Margines duo.

Pœnitentini.] Hæc lego in margine M. Item : Vide qualem et quantum egerint pœnitentiam Theophilus de quo in legenda Nativitatis B. Mariæ : et corpus (al. corpus) de quo in legenda S. Dionysii sit mentio. In Legenda aurea Jacobi de Voragine die Nativ. B. Virg. loco Theophili, citatur Ivo Carnotensis.

Viales carpitus auræ.] Virg. x Æneidos.

Toto tempore vitæ.] Tempus pœnitentiæ est usque ad ultimum articulum vitæ De pœnit., Dist. 7. Tempus vero.

Bitumine.] Et pœnitentialis satisfactionis et longis laboribus. Margines duo.

Sicut enim exhubuistis.] Sic tacet V. usque ad finem capituli.

#### CAPUT CXLIX.

V. Omittit titulum, nec caput dividit intercapedine.

D. difficile avelli.] *SENECA, Tragedia 6 :*  
Dediscit animus sero, quod didicit diu.  
*Aristoteles VII. Et hic :* Difficile est resistere consuetudini, quia assimilatur nature. *Idem I. Rhetor.* Quod consuetum est, veluti innatum est. *VIRGIL. Georg. II :*

... Adeo in teneris assuescere multum est.  
Quasi altera natura.] *Ex Aristot. VII. Ethic.*  
Ut canis a corio.] *Horat. II. Serm. V. Vix exerebitur, etc. Aliqua exemplaria, im. ressa sic :*  
Utque canis corio nunquam absterberitur uncto.  
**557** Hieronymus.] *Loquitur hic de filiis Israel, unde addidi in lex II :* Populus Israel.  
Jeremias, c. XIII.] *V. et M. c. LX, C. LXI.*  
Idem, c. VIII.] *Tria XXXIV.*  
Idem, c. IX.] *Duo XXXIX. V. XXXVIII.*  
Ars fil.] *Arist. II. Ethic. Ex actu multoties iterato fit habitus.*

Longam restem.] *Sive, longam dicam notis plenam.*  
Noli ergo mutare.] *Cur hoc? Ait Sapiens Prov. XXII. Quia : qui accipit munus, servus est feneratoris.*

Qua ne preoccupatus.] *C. ad latus legit ea que habentur Sap. IV : Justus si morte preoccupatus fuerit, c. c.*

Cœlestis manna.] *M. Cœlestis gratiæ.*  
Actio iudicis contra.] *C. et M. Erga nos.*  
Fuerit solvendo.] *V. Solvenda.*  
Unde Ambrosi.] *Locum citavi in margine ad c. 145, in fine. C. et M. legebant Gregorius.*  
Amaras potiones.] *M. potationes.*  
Et erubescens.] *C. ad latus : Quæ causa induxit confessionem in Ecclesia.*

Vel in substantia.] *V. Id omittit.*

#### CAPUT CL.

Vel vite.] *Hæc duo verba absunt in M. et C.*  
Qui dormitis.] *V. Qui jacetis.*  
De manifesta visione.] *C. et M. Manifesta visitatione.*

Satietalem visionis.] *Tria omittunt visionis, sed est in textu Biblico. C. et M. in margine legunt : Voluntatem Dei in plenam. Videri hic potest commentarius B. Hieronymi in hoc ultimum caput Isaia.*

De cornu altaris.] *Vos, o clerici, ait margo C.*  
Habacuc, c. III.] *Tria c. XI.*  
Sophon., c. I.] *Tria III.*  
A collibus.] *M. et C. a collisionibus At textus Scripturæ, ut posuimus.*

Quia enim non habuerunt.] *Videatur comment. B. Hier. in c. I. Sophonia.*

Ignis gehennæ.] *Ignis etiam avaritiæ, inquit margo C. hic accenditur et inchoatur, in futuro consummatur.*

Parab., c. XIX.] *Tria XXXIX.*  
Hebr., c. X.] *C. et M. XVII. V. XVI.*  
Ignis æmulatio.] *Audiamus margines C. et M.*  
Fames et insatiabilitas devorandi malos. Tria sunt insatiabilia, scilicet, infernus (avidior et insatiabilior) mare et vulva meretricis (*Prov. XXX.*)

**558** Job, c. X.] *V. et M. c. XI, C. IX.*  
Beda de quodam.] *Hæc historia sumpta est ex V. Beda, Hist. gentis Anglorum, l. V, c. XIII. De hac etiam in speculo exemplorum dist. 3, exemp. 7. In margine C. nomen patrisfamilias exprimitur Drigelmus, at locis citatis Drithelmus.*

In interiora duceret.] *V. In anteriora produceret.*  
De quibusdam puteis.] *Ubi puteus superborum, inquit margines C. et M. puteus curiosorum, puteus invidiorum, et sic de cæteris peccatis.*

Tunc cœpi cogitare.] *Hæc, usque, Dux meus absunt in M. et C.*

Wilfrido.] *Tria sic legunt, sed Ven. Beda loco supra citato vocat Alfridum.*

Intrans flumen.] *Monasterio, seu ejus domui adjacentis, ut initio historia dictum est.*

**A** Hieron. ad Heliodorum.] *Restitui locum. Tria enim, ad Rusticum. Hæc epist. ad Heliodorum incipit : Quanto amore. Vide finem illius.*

Judicatio Domino.] *M. Tu gaudebis iudicatio Domino. V. Tu gaudebis iudicatus cum Domino. Exhibebitur cum prole sua vere.] Hier. pro vere habet Venus. Melius.*

Operarii et questuarie.] *V. et M. operariæ et questuarie. B. Hier. habet operarii, hoc est, Josephi.*

#### CAPUT CLI.

Ad Eustorium.] *De virginitate servanda, quæ incipit : Audi, filia.*

De carcere.] *Et papillone corporis, inquit margines M. et C. ut in ostio stans videas gloriam Dei pertransire.*

Et recessit sibi.] *Tria tibi pro sibi.*  
Et concubinae.] *C. ad latus : Animæ minoris meriti.*

**B** Erunt in diversis.] *Hæc quoque restitui. Tria sic legebant : Erunt in diversis gregibus carnis tuæ, et spiritus matris (V. matres) tuæ.*

Nemo poterit dicere.] *Tria : Nemo poterat scire. Biblia Basilea impressa anno 1591 habet : Nemo poterat discere. Magna varietas.*

Aliquid gloriosum.] *V. pretiosum.*

Ad Demetriadem. De virginitate. Habetur t. IX incipitque : Si summo ingenio.

Putabis durum.] *V. Dignum.*

Tu ergo, cui.] *Hæc in eadem epist. ad Demetriadem, sed infra, sub finem.*

Comitata virginibus.] *V. Communicata.*

Nec ullius temporis.] *Tria : Nec illius temporis, etc.*

#### 559 CAPUT CLII.

V. Caput non dedit, neque novum titulum præfert. M. vero videtur veile divisum, rubea eaque majuscula addita titula, omissa tamen titulo, quem C. solum non omittit.

**C** Effudi in me spiritum.] *C. in margine : dilatando præ gaudium patriæ.*

Mammotrecti.] *De hoc vocabulo diximus in notis ad c. 78.*

Secretum meum de vita.] *Hæc, usque, Et quemadmodum, absunt in C.*

#### CAPUT CLIII.

Hoc caput De proprietate ex C. et M. collegimus. Sed in M. alio characterè exaratum est a cæteris, et in fine capitis præcedentis hæc habebat : Explicit summa magistri Petri Cantoris Parisiacensis. Forte auctor omiserat in summa agere De proprietate, quod in fine recuperat.

D. cere mea.] *Prout vetat S. Benedictus in Regula, c. 53.*

Cum Achan.] *Duo Achor.*

Mundiali aliquo.] *Ut legitur 16, q. 1. Adjicimus, in fine. Et B. Ambrosius in Offic., c. 9, B. Gregorius Registri, l. X, c. 22.*

**D** Monedula.] *Ans est ex Graculorum genere aurum et nummos subripere solita. De hac Ovid. VII. Metam :*

Nigra pedes, nigris velata monedula pennis.

De monacho Gregorii.] *Hæc historia habetur in vita ejusdem. Vide Surium t. II, præterea apud B. August. serm. 62, ad fratres in eremo, sive 12, q. 1 : Nolo.*

Sacrilegus sit etiam laicus.] *17, q. 4 : Quisquis, et 12, q. 2 : Prædia.*

Habet aures.] *Quam belle tales describit B. Hier. in epist. ad Heliodorum, quæ incipit : Grandes materas. Sint ditiores monachi, inquit, quam fuerant sæculares : possideant opes suo Christo pauperes, quas sub locuplete diabolo habuerant ; suspiret eos Ecclesia divites, quos ante mundus habuit mendicos.*

Pictantias.] *Seu p'tantias, Hoc vocabulo sæpe uti-*

tur Cæsarius, pro portione vini aut seculi lautiore.

Tobias exsul.] C. Si Tobias esuriens, et qui propria habere poterat. Cætera desunt.

Quidam religiosi.] Præter illud B. Pauli II Tim. II: Nemo militans Deo, implicat se negotiis sæcularibus, aliud insinuabo ex decretis Bonifacii, quo decernit monachos posse confessiones audire: Neque enim, inquit, B. Benedictus monachorum præceptor almificus, hujus rei aliquo modo fuit interdictor; sed eos sæcularium negotiorum edixit expertes fore tantummodo. Et 16, q. 1: monachi, 560 sic legitur: Nullus monachorum forensis negotii susceptor, vel executor existat, nisi quod monasterii exposcit utilitas, abbate sibi nihilominus imperante.

Depositarii.] C. Depositorii. Horum est recipere pecunias, pro cautione, quod monachum maxime decet. B. Hieronymus ad Paulinum De instit. monachi, ait: Quem senseris tibi, aut semper, aut

A crebro de nummis loquentem, institorem potius habeto quam monachum, 16, q. 1: Si cupis. Item videto B. Hieron. in reg. titulo De paupertate.

Iste enim pluribus.] Hæc parenthesi inclusa, omittit M.

Ablatum.] Post hæc immediate legit C. Item Levit. LXXXI, hoc est, c. XXIV, ubi agitur de restitutione.

Prior quidam cuidam.] C. Prior de M. D. volenti facere.

Item eremitam.] Ex libro Vitas Patrum dicto.

Item Hieronymus.] In regula, de paupertate. Et in reg. monachorum, De Simonia in recipiendo sorores, similia invenies.

Tanta in Martino.] Ex vita per Severium Sulpicium conscripta.

Ut ait S. Benedictus.] Cap. 49 Regulae suæ.

Item Hieronymus.] Epist. ad Heliodorum monachum, ut supra dixi ad c. 21.

## VERBUM ABBREVIATUM, TEXTUS ALTER

A capitulo sexagesimo sexto usque ad octogesimum (17).

### CAP. LXVI. De acceptione personarum.

Et sciendum quod nihil magis offendit hoc triplex prælati officium, quam acceptio personarum, quæ non est apud Deum, sicut dicit Apostolus in Epistola ad Romanos (cap. II). Super quem locum dicit Augustinus [f. Ambros.]: Acceptio personarum esset apud Dominum, si propter dignitatem patrum recepisset Judæos, et propter indignitatem patrum sprevisset gentiles (Vide notas ad cap. 66). Idem dicit Petrus in Actibus apostolorum (cap. X), quando præceptum est ei ire ad Cornelium: « Nunc in veritate comperi, quod non est personarum acceptor Deus, sed in omni gente, qui timet Deum, acceptus est illi. » Sciendum autem quod aliud est acceptio personarum, aliud honorificentia.

Honorificentia est reverentia alicui exhibita considerato gradu dignitatis illius, cui reverentia exhibetur, et illius, qui exhibet. Abusus autem hujus reverentiæ, est acceptio personarum. Ista non est apud Deum. Et nota quod quando reverentia non exhibetur cui debetur, tunc est personæ abjectio; quando vero exhibetur cui non debetur, tunc proprie est personæ acceptio, ita ut aliud sit acceptio personæ, aliud abjectio personarum, et aliud honorificentia personarum. Notandum itaque, quod circa hujusmodi honorificentiam, quædam causæ sunt omnino licitæ et honestæ: quædam subhonestæ: quædam mediæ nec omnino licitæ, nec omnino illicitæ; quædam sunt omnino illicitæ. Cæteræ omnino licitæ, et honestæ sunt, quando alicui reverentia pro sanctitate suæ religionis exhibetur: et hæc sola est apud Deum. Subhonestæ, quando prælato, vel principi, vel filio nobili, vel scripturæ perito reverentia exhibetur. Mediæ non omnino li-

B citæ vel illicitæ, quando alicui ex quadam societate, vel ex indiscreta benevolentia reverentia exhibetur, ut quando pauperes indigentes relinquuntur, et non indigentes in hospitalio recipiuntur. Omnino illicitæ, quando alicui pro turpitudine aliqua, vel pro sola pecunia reverentia exhibetur, ut positi dicit:

O nummi, nummi, vobis hic præstat honorem,  
Vos estis fratres.

(Jover. sat. 5.)

Hanc omnino respuit Dominus. Et de hac dicit Jacobus in Epist. canonica (cap. II): « Fratres, nolite habere fidem Domini nostri Jesu Christi gloriæ, in acceptione personarum. Si enim venerit in conspectu tuo vir aureum anulum habens in manu, et dixeris ei: Hic bene, si autem venerit pauper in sordido habitu, et dixeris ei: Sta ibi, nonne acceptor personarum factus es? nonne iniquarum cogitationum iudex es? » Et dicit ibi Augustinus (altero ord. ex Beda qui sua desumpsit ex Aug.), si hoc referatur ad ecclesiasticas dignitates, non esse leve peccatum. Quis enim ferat, spreto honestiori et scientiori paupere, divitem ad ecclesiasticam dignitatem sublimari. Item, si de quotidianis consensibus (concessibus ut habent alia exemp.) hoc dicatur, quis hic non peccat? tamen non peccat, nisi apud se judicet, quod si ditiore est, ergo melior. Contra acceptionem personarum Dominus in Deuteronomio per Moysen dicit (cap. I): « Audite, omnes, et quod justum fuerit judicate. Non accipietis personam hominis, Domini enim iudicium est. » Ergo homo imitator Dei non debet personam hominis accipere. Et Job dicit (cap. XXVII): « Non accipiam personam viri, neque Dominam homini adæquabo. Ne-

(17) Cum exemplar Marchianense fere continua varietate lectionis, ab aliis duobus recederet, scilicet a cap. 66, usque ad cap. 80, illud verbatim, ut lo-

quantur, descripsimus, et descriptum hic consulto reposuimus.

scio enim quod andiu subsistam, et quando Salvator meus veniat tollere spiritum meum. Quasi diceret: Si acciperem personam viri, hoc esset Dominum homini adaequare. Et in Ecclesiastico dicitur (cap. xxxv): « Non accipies personam in pauperem (id est contra pauperem), et deprecationem larsi exaudies. » Et in Epistola canonica Judæ dicitur (v. 16): « Quidam sunt garruli et murmuratores, personas propter questus admirantes, » id est laudantes. Post auctoritates contra acceptionem introductas personarum, exempla introducemus. Legitur enim quod Phinees pugione suo transiit in genitalibus Judæum coemtent cum Madianitide, quamvis illum sciret esse ducem in tribu Simeonis, et illam filiam nobilissimam principis Madianitarum (Num. xxv). Et in hoc facto placuit Domino, « et cessavit quassatio (Psal. cv). » Et Dominus dixit ad Moysen: « Suspende principes in patibulo, ut avertatur furor meus ab eis (Num. xxv). » Ecce, quod nec principibus parcendum est in scelere. Et ipse Moyses audiens populum peccasse in vitulo confutatus, dixit: « Qui Domini est accingatur gladio mecum. Et transiens per medium castrorum, » nulli illius sceleris participi, parcebat, « et dixit Moyses: Hodie consecratis manus vestras Domino, non enim pepercistis frater fratri, vel patri, vel matri in crimine (Exod. xxxii). » Et dicit ibi glossa: Ille eligatur sacerdos et levita, « qui dicit patri et matri: Nescio vos (Deut. xxxii). » Et de Domino legitur quod noluit ad domum reguli divertere (Joan. iv), ne videretur divitias honorare Item: In libro Regum legitur quod Jonathas esuriens, dum iret, invenit mel et comedit, et exhilarati sunt oculi ejus, et fortius insecutus est hostes (I Reg. xiv). Quod audiens pater ejus Saul, quia contra præceptum ejus fecerat, voluit eum occidere. Quod fecisset, nisi populum eum de manibus ejus excussisset. Ecce quod paternus amor noluit parcere filio in transgressione præcepti. Et habes hic argumentum, quod princeps non debet aliquid facere sine consensu populi, nec etiam prælatus sine consilio cleri: Item super illud verbum prædictum « transivit Moyses per medium castrorum (Exod. xxxii) » dicit Gregorius (part. iii Pastoral. admonit. 26): Per medium castrorum est transire, in Ecclesia Domini æqualitate vivere, arguere, prædicare et judicare, ut in nullius resideat favore, ut nec alicui propter sanguinem, vel privatum amorem a gladio sententiæ parcat. Et si vir Dei est, qui divino amore cingitur ad vindicandum peccata; illum virum Dei non esse constat, qui vindicare aliorum peccata recusat. Tamen cum moderamine contra acceptionem personarum est agendum. Quidam enim, dum acceptionem personarum vitant, in cuiusdam ingratiitudinis vitium et sobriæ inurbanitatis currunt ut vere possit dici:

*Dum vitant stulti vitia, in contraria currunt;*

*..... Sed medium tenere beati.*

(HORAT., lib. I Sat.)

Summum enim jus injuria summa est (CICERO Off.). Unde et alibi dicitur: « Est justus qui perit in justitia sua (Eccl. vii). » Et alibi: « Qui nimis emungit, elicit sanguinem (Prov. xxx). » Et alibi: « Non declinetis, neque ad dexteram, neque ad sinistram (Deut. xvii). » Ad dexteram, per nimiam justitiæ remissionem; ad sinistram, per nimium ejusdem rigorem. Unde poeta:

*Est modus in rebus, sunt certi denique fines*

*Citra quos, ultraque, nequit consistere rectum.*

(HORAT., l. i, sat. 1.)

Culpa enim est totam persequi culpam.

CAP. LXVII. De modestia circa risum.

Ad prædicta autem, quæ contra incompositionem diximus, addendum est de modestia, et maxime circa risum, circa quem facile cognoscitur sa-

piens. Unde Ecclesiasticus ait (cap. xxv): « Fatuus in risu exaltat vocem suam, sapiens autem vir tacite ridebit. » Et sanctus Bernardus dicit de quodam abbate religiosissimo (S. Malachia), qui in quatuordecim annis non risit ita ut videretur dens ejus, sed obstantium gratia faciem serenabat; sed, si bene recolimus, risum integrum non admisit. Sectemur ergo hilaritatem lascivia carentem, et, ut uno verbo explicem, secundum faciem sanctorum jucundemur (Judith xvi). Et Dominus in Evangelio: « Væ vobis qui ridetis, quia plorabitis (Luc. vi). » Unde et ipse legitur ter flevisse, scilicet in susceptione Lazari (Joan. xi), super civitatem (Luc. xix), et in oratione, sicut legitur in Epistola ad Hebræos (cap. v); sed nunquam legitur risisse. Et hoc quæstionem habet. Ipse enim defectus nostros assumpsit: quos decuit eum assumere, et revera risum interiore habuit, scilicet lætitiæ mentis, et ita videtur quod habuerit exteriorem, quod potuit esse, quamvis non legatur. Et notandum, quod ad modestiam prædictam et temperantiam habendam, est maxime fugienda singularitas. Est autem duplex singularitas, scilicet mala, et bona. De mala prædicemus, ut expulso vitio magis virius elucescat.

CAP. LXVIII. De mala singularitate.

De mala itaque singularitate dicit philosophus: Omnis singularitas parit notam. Qui hanc non fugit, suspectus est, aut suspiciosus. Ita notat, aut aliquid significat. (V. Not. in cap. 68.) Propter hoc forte dictum est: Hoc modicum degustet. Hanc singularitatem fugiens Apostolus, dixit: « Omnia omnibus factus sum (I Cor. ix). » Unde et « totondit se in Cenchris (Act. xviii). » Unde et Timotheum circumcidit, ut conformaret eum Judæis (Act. xvi). Unde Augustinus dicit (epist. 86, et 110): Secundum morem patriæ, et consuetudinem Ecclesiæ, in qua tibi vivendum est, debes vivere. Turpis enim est pars, quæ suo corpori non convenit. Unde forte dictum est: « Væ soli, quia, si ceciderit, non habet sublevantem (Eccl. iv). » Soli, id est quadam præsumptione novum vivendi modum invenienti. Talis enim « singularis ferus est qui depascit vineam (Psal. lxxxix), » id est destruit et occidit animam suam. Et Seneca in epistola quinta ad Lucilium ait: Illud te admoneo, ne eorum more (qui non proficere sed conspici cupiunt) facias aliqua, quæ in habitu tuo aut genere notabilia sint. Asperum cultum, et intonsum caput, et negligentem barbam et indictum argento odium, et cubile humi positum, et quidquid aliud ambitiose perversa via sequitur, evita. Satis ipsum nomen philosophiæ (etsi modeste tractetur) invidiosum est. Intus omnia dissimilia sint. Frons nostra populo conveniat, non resplendeat toga, non sordeat tamen. Non putemus frugalitatis indicium auro argentoque caruisse. Id agamus, ut meliorem vitam sequamur quam vulgus, non tamen contrariam. Alioquin quos emendari volumus, fugamus a nobis et avertimus. Illud quoque efflicimus, ut nihil imitari velint nostri dum timent ne imitanda sint omnia. Hoc primum philosophia imittit, sensum communionem, humanitatem et congregationem, a qua professione dissimilitudo nos separabit. Videamus ne ista per quæ admirationem parare volumus, ridiculosa et odiosa sint. Propositum nostrum est secundum naturam vivere. Hoc contra naturam est torquere corpus suum, et faciles odisse munditias, et spatularem appetere, et cibis non tantum vitibus uti, sed erudis et horridis. Quemadmodum enim desiderare delicatas res luxuriæ est, ita inusitatas et non magno parabiles fugere, dementia est. Frugalitatem exigit philosophia, non poenam. Hic enim modus placet. Temperetur vita nostra inter bonos mores et publicos, suspiciant omnes vitam nostram, sed non agnoscant; eadem faciamus quæ cæteri. Nihil inter nos et illos intererit. Plurimum dissimiles nos vulgo

esse sciat, qui inspexerit propius. Qui domum intraverit, nos potius miretur quam supellectilem nostram. Magnus est ille, qui sic utitur fictilibus sicut argento. Nec minor est ille, qui sic utitur argento, sicut fictilibus. Infrui enim hominis est, non posse pati divitias.

CAP. LXXIX-LXXII.

De bona singularitate.

Nunc de bona singularitate est dicendum, que magis proprie dicitur solitudo. De hac dicit Anna [leg. Sara], filia Raguelis, sicut legitur in Tobia (cap. iii): *Nunquam iudentibus me miscui, nunquam illis, qui in vanitate ambulant, participem me feci.* De hac dicit Sapiens: *Rarus in publico, honestus in domo.* De hac dicit Jeremias (cap. iii): *Solitarius sedebam et tacebam.* De hac et Seneca in epistola ad Lucilium ait: *Quid vitandum precipue queris? Turbam. Nondum tute committeris illi.*

Ego certe confiteor imbecillitatem meam, nunquam mores quos extuli refero. Inimica est multorum conversatio. Quid me existimas dicere? *Avarior redeo, ambitiosior, luxuriosior, imo crudelior, et inhumanior, quoties inter homines fui.* Subluendus est populo tener animus, et parum tenax recti, facile transit ad plures. Socrati, et Catoni, et Lelio exceperet honestatem suam dissimilis multitudo potuisset. Unum exemplum avaritie et luxurie multum mali facit. Cum victor [Forte convictor, ut habet Seneca, et alia exemplaria] delicatus pauperum enervat et emollit, vicinus dives cupiditatem irrita, malignus comes, quamvis eandem et stupidi animo rubiginem suam affricuit; quid tu accedere his moribus credis? In quos publice factus est impetus, necesse est ut imiteris, aut oderis. Utrumque autem devitandum est, ne vel similis malis fias, quia multi sunt; neve inimicus multus, quia dissimiles sunt. Recede in teipsum quantum potes. Cum his versare, qui te meliorem facere possint. Illos admite, quos tu potes facere meliores. Mutuo ista sunt, et homines, dum docent, discunt. Ista autem solitudo maxime pendet ex bona societate. Unde Cato ait (*lib. 1*): *Ambula cum bonis.* Et alibi dicitur: *Ex convicto mores formantur.* Et Apostolus dicit: *Corrumpunt bonos mores colloquia mala* (I Cor. xv). Et philosophus dicit (SENECA, ep. 1<sup>a</sup>): *Potius vitandum est tibi cum quibus edas, quam quid edas.* Et poeta dicit (MARTIALIS, lib. viii, epig. 45): *Principis est virtus maxima, nosse suos.*

Hinc versus multum præ cæteris versibus approbat sanctus Thomas Cantuariensis. Et hoc maxime pertinet ad prælatos Ecclesie, tales habere cubiculios et commensales, ne eorum videantur approbare vitam quorum habent conversationem. Unde Abraham, quando præceptum est ei circumcidere familiam suam, statim circumcidit omnes vernaculos suos, et se, et totam familiam suam (Gen. xvii). Omnis itaque Christianus, familiam suam debet spiritualiter circumcidere, ut nullus sit in domo sua inordinatus. Item Salomon: *Qui graditur cum sapientibus, sapiens est; amicus stultorum similis eis efficitur* (Prov. xiii). Unde a quodam sapiente dicitur: *Morum similitudo parit societatem, et cognata studia facile connectuntur.* In Psalmis etiam de mala societate fugienda, et bona acquirenda sæpe dicitur. Unde in primo psalmo: *Beatus vir, qui non abiit in consilio impiorum, et in via peccatorum non stetit* (Psal. xvii). Et alibi: *Cum sancto sanctus eris; et cum viro innocente innocens eris, et cum electo electus eris; et cum perverso perversus eris* (ibid.). *Diabolicæ enim est tangere pitem et non iugulari ab ea* (Eccli. xiii). Unde quidam sapiens dicit: *Bonos principes habentes prava latera, Scyllæ et Harpis comparat Scriptura.* Scylla enim humanam habet faciem, sed caninis capibus succincta describitur. Harpia autem virginem habent faciem, sed rapacissimos ungues. Similiter principes externus sunt boni, sed mali co-

rum ministri. Oloratu prædæ, Scyllæ ad rapinam parantur.

Item notandum, quod bonam societatem maxime impedit nimis carnalis affectus. Contra quem, maxime habemus exempla ab ipso Domino omnium honorum magistro: *Cum enim ipse prædicaret, quidam de turba dixit ei: Magister, ecce fratres tui, et sorores expectant te foris* (Matth. xii). Et respiciens in discipulos suos, ait: *Hi sunt fratres mei.* Et, ut generaliter concluderet, addidit: *Omnis qui facit voluntatem Patris mei, qui in cælis est, hic est frater meus, et mater, et soror mea* (Luc. ii). Quasi diceret: *Spirituales viri semper præponendi sunt carnalibus.* Item de eodem legitur: *Qui cum esset duodennis remansit in Jerusalem; quo non invento inter cognatos, et amicos, et notos, post triduum rediit mater ejus in Jerusalem, et invenit eum in medio doctorum interrogantem eos et respondentem.* Et dixit ei mater: *Fili, quid fecisti nobis sic? Ecce ego et pater tuus dolentes quærebamus te.* Ipse autem dixit: *Quid est quod me quærebatis? nesciebatis quia in his, que Patris mei sunt, oportet me esse ibid.* Hoc est, spiritualia semper præfero carnalibus. Item dicit in nuptiis, architrachini vino deficiente, ad matrem ejus invitantem eum ad miraculum: *Quid mihi et tibi, mulier? nondum venit hora mea* (Joan. ii). Certe multum erat ei cum ipso, quia affectuosissime diligebat eam. Unde de cruce ad discipulum dixit: *Ecce mater tua* (Joan. xiv). Sed in hoc verbo (*quid mihi et tibi*) majus exemplum nobis præferendum spiritualia carnalibus præbuit: ut quilibet prælatus, et etiam minor sacerdos, in omni beneficio spirituali, dicat patri et matri: *Quid mihi et tibi, mater? quid mihi et tibi, pater?* Nos sumus sacerdotes secundum ordinem Melchisedech (Psal. cix), qui legitur non habuisse patrem vel matrem. Et in figura Christi et nostri, qui non debemus habere patrem vel matrem in spiritualibus, sed dicere eis: *Ego sum sacerdos per ordinem Melchisedech, non novi vos.* Unde dicitur (Glossa in c. 25): *Ille eligatur sacerdos et levita, qui dicat patri et matri: Non novi vos* (Deut. xxxiii). Unde et in lege prohibitum erat ne sacerdos interesset funeribus mortuorum etiam parentum, ne aliquid immunditiæ contraheret (Lev. xxi), sed etiam sacerdoti non licet recedere a sanctis. Unde Dominus illi volenti sepelire patrem suum ait: *Dimitte mortuos sepelire mortuos suos: tu autem vade prædicare regnum Dei* (Matth. viii). Unde super hoc verbo dicit Hieronymus. Propter amorem Christi, debet dimittere insepultum, et propter ejus amorem, nullum debet relinquere inhumatum, loco scilicet et tempore. Verumtamen caninum est odio habere parentes. Unde notandum est illud de Philistæis. Illi namque arcam Domini ceperunt, propter quam puniti sunt in posterioribus. Quod videntes, posterunt arcam super plastrum novum, et adjunderunt plastro duas vacas fetas (I Reg. vi), id est a partu liberatas. Fetus enim vel feta nomen polysenium est [polysenium, id est, varie significationis], scilicet ad habentem fetum, et ad liberatam a fetu. Unde et ipse dux vacæ habebant vitulos domi reclusos. Et adduxerunt arcam Domini in Bethsames, mugientes post vitulos, sed cornua a recto tramite non flectentes. Bethsames interpretatur *domus solis*. Qui itaque vult arcam Domini in Bethsames ducere, id est ad vitam æternam per assumptionem corporis Christi venire, oportet eum esse fetum interius per bonum propositum, et exterius per opus bonum.

Dicit siquidem Gregorius (hom. 37 in Evangelio): *Vacæ, inquit, post vitulos mugiebant, sed cornua a recta via non flectebant.* Sic quoque sancti post parentes per compassionem mugunt; sed non flectunt cornua a recta via per boni operis negligentiam. Ita ergo compatiamur parentibus, ut non propter illos bona opera prætermittamus. Ne simus

similes uxori Loth, quæ, respiciens ad Sodomam. A versa est in salis statuam (*Gen. xix*). Item Hieronymus super Leviticum dicit (*cap. xxi*). Summus pontifex non debet interesse funeribus mortuorum etiam principum, ne tactu vel visu mortui pollueretur. Sed summus pontifex noster, id est Christus, Lazarum suscitavit (*Joan. xi*), et multi monachorum et clericorum vident holie corpora, et cum eo prandent et convivantur cum corpore, id est videndo. Item super illum locum Matthæi (*cap. xvii*), ubi legitur de statera in vento inore piscis, quem solvit Dominus pro se, et pro Petro in tributum, dicit Glossa: Admiranda est paupertas Domini, quæ non habuit unde tributum solveret. Et opponit hic Augustinus sic: Nonne habebat Dominus pecuniam quam in las portabat? habebat utique. Sed nefas duxit quod erat pauperum in usus suos convertere. Et hoc est contra prælatos, qui patrimonium Crucifixi (quod proprium est pauperum) in suos usus expendunt. Item: Contra nimiam carnis affectionem facit, quod legitur in libro Judicum (*cap. ix*): Ibi enim legitur, quod Abimelech, filius Gedeonis ex concubina, post mortem Gedeonis ivit in Sichem ad cognatos suos ex parte matris, qui constituerunt eum regem: et auxilio eorum occidit septuaginta filios Gedeonis, qui fratres ejus erant; Sichimitas quoque cognatos suos, qui cum regem fecerant, occidit. Ecce quod carnales affectus debemus occidere. Exemplo etiam brutorum animalium debemus terreri, ne nimis diligereamus amicos. Ipsa enim fetus suos diligunt quandiu parvi sunt, nec sibi sufficiunt; cum grandisculi facti sunt, statim eos abiciunt, nec de eis curam gerunt. Similiter quandiu parentes nostri sibi non sufficiunt debemus eos sustentare, non ad superfluitatem, sed ad exigentiam. Sed, si sibi sufficiunt, non est nobis curandum de eis. Item: dictum est Abraham: *Exi de terra tua et de cognatione tua* (*Gen. xii*). Et in Psalmo dicitur: *Audi, filia, et vide, et inclina aurem: et obliviscere populum tuum et domum patris tui* (*Psal. xlii*). Quasi diceret: Non posses audire, nisi domum patris tui oblivisceris. Item, exemplo Templariorum, deberent prælati instrui, ne haberent amicos suos sibi collaterales. Ipsi enim Templarii nunquam habent consanguineum sibi servientem, ne communia bona fratrum ei distribuerent. Et illud maxime, quod Hieronymus dixit in epistola ad Heliodorum (*De laude vitæ solit.*), facit contra carnis affectum. Dicit enim: *Audi edictum regis: Qui non est necum contra me est, et qui non colligit mecum, dispergit* (*Luc. xi*). Recordare tirocinii tui diem, quo Christo in baptismo consepultus, in sacramenti verba jurasti, pro nomine ejus non te patri pareiturum, nec etiam matri. Ecce adversarius tuus, in pectore tuo Christum conatur occidere. Ecce donativum, quod militaturus acceperas, hostilia castra spirant. Elicet parvulus ex collo pendeat nepos, licet sparsa crine, et scissis vestibus abera (quibus nutritur) mater ostendat, licet in limine pater jaceat; per calcatum perge patrem, sicis oculis ad vexillum crucis evola. Solum pietatis genus est, in hac re esse erudilem. Veniet dies postea, quo victor revertaris in patriam, quo Hierosolymam cœlestem foris coronatus incedas. Non est nobis ferreum pectus, non dira præcordia, non ex silice manum Hyrcane nutrire tigrides; et nos per ista transivimus. Nunc tibi blandis vidua seror hæret læcervis, nunc illi (cum quibus adolevistis) vernacule aiunt: Cui nos servituros reliquistis? nunc gerula quondam, jam anus et nutritus secundus, post naturæ pietate pater clamitat: Expecta paulisper, et mortuum sepeli. Forsitan et mater laxis membrorum pelibus, arata regis fronte, antiquum referens lac mamma dare (*Vide notas ad c. 71*). Dicant et grammatici si volent (*Vira., Æacid. xi, 59*):

*In te omnis animus inclinata recumbit.*

A Facile rumpunt hæc vincula amor Christi, et timor gehennæ. At Scriptura præcipit parentibus obsequendum (*Exod. lxx*). Sed quicumque eos super Christum amat, perdit animam suam (*Matth. xvi*). Gladium tenet hostis ut me perimat, et ego de matris lacrymis cogitabo? Propter patrem, militiam Christi deseram, cui sepultura causa Christi non debeo, quam et omnibus ejus causa debeo? Domino passuro timide consensens Petrus, scandalum fuit. Paulus retinentibus se fratribus ne Hierosolymam pergeret, respondit: *Quid facitis proorantes et conturbantes cor meum? Ego non solum ligari, sed et mori in Hierusalem paratus sum pro nomine Domini Jesu Christi* (*Act. xxi*). Aries ista pietatis, quo fides quitur, Evangelii retundendus est mucrone. Mater mea et fratres mei sunt (*Matth. xii*), quicumque favent mihi pro nomine ejus pugnaburo. Si non credunt, *mortui sepeliant mortuos suos* (*Matth. vii*). Erras, frater, erras, si putas nunquam Christianum persecutionem pati. Et tunc maxime oppugnaris, si te oppugnari nescis.

B Et hæc contra carnis affectum sufficient (Vide notas in *cap. 72*). De bona singularitate superius diximus, cui adjicienda est bona solitudo. Sed solitudo est duplex: Monachorum et anachoretarum. Illa est in claustro, ista in eremo. Illa est securior, ista perfectior. Unde sanctus Benedictus in Regula monachorum (*cap. 1*), dicit monachum in claustro bene probatum, licere transire ad eremum. Vita ista multum commendabilis est; in qua Hieronymus per quadriennium domavit carnem suam. Ad quam vitam invitans quemdam socium suum consolatorum dicit (*epist. ad Heliod. De vita solit.*): O desertum Christi floribus vernans! O solitudo in qua nascuntur illi lapides, de quibus in Apocalypsi (*cap. xxi*) civitas magni Regis construitur! O eremus familiaris Deo gaudens! Quid agis, frater, in saculo, qui major es mundo? Quandiu te tectorum umbra premunt? Quandiu fumosarum urbium nitore [f. nidore] includit? Crede mihi, nescio quid plus lucis in eremo aspicio.

C Libet sarcina carnis abjecta, ad purum ætheris volare fulgorem. Paupertatem times? sed beatos pauperes Christus appellat (*Matth. v*). Labore tereris? nemo athletæ sine sudoribus coronabitur. De cibo cogitas? sed fides famem non timet. Super nudam metuis humum membra fessa jejuniis collidere? Sed Dominus tecum jacet. Squalidi capitis dolet inculca cæsaribus? sed caput tuum Christus est. Infinita te eremi vastitas terret? sed tu paradisi mente deambula. Quotiescumque illic conscenderis, toties in eremo non eris. Scabra sine balneis attrahitur cutis? sed qui in Christo semel locutus est, non habet necesse iterum lavari. Et ut breviter audias Apostolum ad cuncta respondentem: *Non sunt, inquit, condigne passionis hujus mundi ad futuram gloriam, que revelabitur in nobis* (*Rom. viii*). Delicatus mileses, charissime, si vis gaudere cum saculo et postea regnare cum Christo. Inducabimus tibi, ut si nescis discas; si autem cognovisti, pariter gaudeas. Bonus tuus (*epist. De laude Bonosi, incipit Plus eorum timere*), imo meus, et ut verius dicam, noster, scalam præagam Jacob somniantis jam scandit (*Gen. xxviii*), portat crucem (*Matth. xvi*), nec post tergum respicit (*Luc. ix*), seminat in lacrymis, in gaudio metet (*Psal. cxv*). Et sacramento Moysi serpentem in eremo suspendit (*Num. xxi*) Ecce puer meus honestis nobiscum sæculi artibus institutus, cui opes afflati, dignitas apprimæ inter coæquales erat, contempta matre, et sororibus, et charissimo sibi germano insulam pelago circumsonant: montagnam, cui asperæ cautes, et nuda saxa, et solitudo terror est, quasi quidam novus Paradisi colonus incedit. Nihil ibi agricolam, nullus monachorum, nec parvulus quidem Onesimus (quo velut fratre in saculo fruebatur) in

tanta vastitate adhæret lateri comes. Solus tibi, imo A Christo comitante non solus. Videt gloriam Dei, quam apostoli nisi in deserto non viderent. Non quidem conspicit turritas urbes; sed in novæ civitatis censum dedit nomen suum. Horrent membra sacco deformia? sed sic melius obviam Christo rapietur in aera (*I Thess. iv*). Nullo Euriporum austro perfruitur? sed de latere Domini aquam vitæ bibit.

Frater in eremo cribrarios panes, et olus nostris manibus irrigatum, lac deliciae rusticanae, viles quidem, sed innocentes cibos præbent (epist. ad *Marcellam*, incipit *Ambrosius*). Ita viventes non ab oratione somnus, non salutitas a lectione revocabit. Si æstus est, secretum arboris umbra præbebit. Si autumnus, ipsa aeris temperies, et strata super terram folia, locum quietis ostendunt. Vere, ager floribus depingitur et inter garrulas aves psalmi dulcius cantabuntur. Si frigus fuerit et brumales nives; ligna non emam, calidus vigilabo et dormiam. Habeat sibi Roma suos tumultus, arena sævial, circus insanat, theatra luxurient; no is vero adhærere Deo bonum est, et ponere in Domino spem nostram (*Psal. vii*), ut cum paupertatem istam in regna cælorum mutaverimus, erumpamus in vocem; quasi diceret: *Quid enim mihi est in cælo, et a te quid volui super terram?* (*ibid.*) Quod est, cum tanta reperimus in patria, parva et caduca quasissse nos doleamus in terra. Et legenda et sanctorum omnium vita anachoretarum sic commendatur. Ab hujus diei solemnitate anachoretarum singulare propositum non separatim esse confidimus; qui per singula eremi loca, in speluncis et exiguis cellarum tuguriis, modico contenti pabulo morabantur. Alii bestiis sociati, alii avibus subministrati, ciborum sperantes divitias vel delicias, luxus sæculi calcantes, laudem temporalem non amantes, visus hominum fugientes, angelorum assueti loquelis, pluribus effulsere virtutibus; et cætera, quæ ibi leguntur. Hanc vitam videtur Dominus dedicasse, quando ejecto tentatore, solus remansit in deserto. Et erat cum bestiis, et angeli ministrabant ei (*Matth. iv*). Quidam dicunt hanc vitam incepisse a Joanne Baptista, qui teneris ab annis antra deserti petiit. Unde Carthusiensis ordo festivitatem ejus, sicut patroni, solemniter celebrat. Alii dicunt eam incepisse ab Elia; alii dicunt a Rechabitis. Hanc vitam concupivit Martinus cum esset duodennis (Vide notas ad cap. 72). Cui voto satisfecisset, nisi corporis et ætatis infirmitas obstitisset. Hanc vitam commendavit sanctus Remigius Remensis, qui de puero ingressus est reclusum, et de recluso electus est in episcopum. Hæc enim vita solitaria desideranda est maxime propter duo, scilicet propter invidiam vitandam, et propter peccati participationem fugiendam. Ubi enim multi sunt in cœnobio, unus invidet alii propter prioratum, vel hujusmodi. Et quando multi assentiunt in capitulo in aliqua re minus licita, omnes alii videntur in hoc peccasse. Quia consentire est non contradicere cum possis. Et peccatum universalitatis spargitur in singulos, et peccatum unius redundat in plures. Unde Apostolus: *Modicum fermentum totam massam corrumpit* (*I Cor. v*). Et sic male assignant illud vulgare proverbium (LUCANUS): Quod a multis peccatur, multum est. Inultum quidem est apud mundum, sed non apud Deum, quia non minus peccabunt, quia cum pluribus peccabunt; non minus ardebunt, quia cum pluribus ardebunt. Vita ista anachoretarum perfectior est quam vita cœnobitarum. Sed inter has duas vitas superior est vita Carthusiensium [*al. Caturciensium*]; qui omnia possident in numero, pondere et mensura; quia in numero pecudum, agrorum et personarum. Hanc enim Dominus dedicavit, quando tentatus a diabolo mansit in deserto, et angeli ministrabant ei (*Matth.*

*iv*). Hanc vitam similiter elegit Baptista, qui in secreto permanens locustis et melle silvestri sustentabatur. De quo quidam ait: Quem non audent tangere cerastes et viperæ, meretrix et saltatrix tangunt ad invicem reverendum verticem sine reverentia. Hunc habent patronum et advocatum Carthusienses, qui singuli in singulis cellulis eremiticam ducunt vitam. Medii tamen sunt inter anachoretas, qui modicam vel nullam sibi retinent possessionem, et cœnobitas qui, in persona pauperum, multa possident et vitam habent communem. Carthusienses vero omnia habent communia, in numero, et pondere, et mensura. Personas tredecim, et conversos similiter, pecudes, agros, libros, et hujusmodi, imitari cupientes Dominum, qui omnia fecit in numero, pondere, mensura.

Quidam dicunt vitam istam initium habuisse a præcursore Domini, alii ab Elia, alii a Jonadab vel Rechabitis, qui vinum et siceram non bibebant (*Jer. xxxv*). Hanc vitam multum cupivit Martinus dum erat duodennis, sed imbecillitas ætatis et complexionis propositum præpedivit. Adeptus tamen præsulatum, elegit sibi locum eremi in qua vacaret orationi, et ibi modo est Majoris monasterii abbatia. Plura tamen miracula operatus est antequam esset pontifex, quam post. Ille magnificus trium mortuorum suscitator duos mortuos ante suscitavit, unum vero post. Beatus Germanus similiter locum elegerat eremiticum existens pontifex, in quo secretus Deo et angelis ejus loquebatur. Item beatus Remigius Remensis, filius comitis Laudunensis reclusum intravit, sed inde raptus est in archiepiscopum. Ad hanc eremi solitudinem invitat nos Jeremias propheta: *Fugite, salvate animas, et eritis quasi myrica in deserto, et consurgite, ascendite a Cedar. Fugite de medio habitationis* (*Jer. xlviii*), id est abite vehementer, in voraginibus sedete, qui habitatis Asor, quod interpretatur *sagitta*, et per quod intelligitur mundus, qui quodlibet sagittat et vulnerat vitis. Recedite de medio Babylonis, et de terra Chaldeenorum egredimini, et estote quasi hædi ante greges. Et alibi: *Sedebam et sibeam* (*Thren. iii*). Et alibi: *Præstolare cum silentio salutare Dei tui* (*ibid.*). Perfectior est hæc vita communionem cœnobitarum; quia istis non sunt ostia, nec vectes quo habitant. Illi ergo continent agrum agro, possessiones habent quamlibet parce, quo ad se utantur, irritamenta tamen sunt raptorum obloquuntium. Nec omnino est ordo communis et laudabilis, in quo non possint aliqui salvari, aut non de facili, ut conversi.

#### CAP. LXXIII. De levi contactu peccati.

Mercatores, quorum peccatum spargitur in totum gregem, ut habetur de Achan [*al. Achor*], et Corinthio fornicatore, et peccatum plurium, vel totius multitudinis derivatur in singulos, ut crucifixio Judæorum in plebem Jerosolymitanam. Unde: *Eripite pauperem et egenum de manu peccatoris liberate* (*Psal. lxxxi*). Item: Mirum est quod non sentitur peccatum vel delictum in pluralitate; quod est valde sensibile in singularitate. Peccatum plurium contaminat singulos, etiam peccata vel delicta singulorum contingunt universos, quia: *Mille licet sumant, deperit inde nihil* (Vide not. ad c. 75): totum habent omnes. Unusquisque, qui potest, debet resistere et contradicere, vel impedire. Ille quoque qui se excusat et excipit a peccato, vel delicto multitudinis, similis est Pilato (qui immundam habens conscientiam, manus suas lavit, dicens: *Innocens et immunis sum a sanguine justis hujus* (*Matth. xxvii*)). Vel primo parenti, qui in Dominum peccatum suum retrorsit, dicens: *Domine, mulier, quam dedisti mihi, dedit mihi pomum et comedi*. Et Eva ait: *Serpens decepit me* (*Gen. iii*). Similiter:



*Medicum fermentum totam massam corrumpit* (I Cor. v). Nec minus ardebunt, quia cum pluribus ardebunt, sed magis. Et ut in hoc, aliquo exemplo instruamur, quidam habens scrupulosam conscientiam, quia in multis præerat, quibus in nullo proderat, habens multas ecclesias, et multas præbendas; metens ubi non seminabat; manducans et bibens ubi non laborabat, lac et lanam subtrahens, non curabat, sed mercenariis annis tradebat (*Matth. xxv*), dum vitare Scyllam incidit in Charybdim, intrans scilicet cœnobium canonicorum regularium, et invenit quod, pro numero personarum, habebat cœnobium numerum ecclesiarum, præbendarum. Et cum egredi non liceret inde, statum, quem in singularitate fegerat, dolet se in communiione invenisse. Quid ergo est ei faciendum, cui non est liber exitus, vel contradicendum libertas, ut in sæcularibus capitulis? Solvat qui potest. Quod autem dicitur a Luciano: *Quod a multis peccatur inultum est, non est verum*; quia, licet ab homine relinquatur inultum, non tamen a Deo, quia aut Deus, aut homo punit peccatum. Ad solitudinem vero redeuntes dicimus, quod perfecti quidam, scilicet contemplativi, qui debent solitudinem loci, et temporis [*al. pectoris*]. Quorundam vero perfectorum scilicet, activorum et prædicatorum est nunquam sequi tantam, quia tener animus non est vino et formæ committendus. Nec est tutum vacare solitudini propter illicitas cogitationes et pessimas, quæ tunc maxime subrepunt. Sed tu infirmus et imperfectus *medio tutissimus ibis* (Ovid. *Met.* II, 156); ut nec in turba nec in solitudine sis, sed inter paucos bonos, scilicet quos tu elegeris, a quibus possis instrui, et quos versa vice instruas. De perfecto autem qui tute sibi ipsi potest committi, dicit Seneca (ep. 10), tuto sententiam: fuge multitudinem, fuge paucitatem, fuge etiam unum. Non habeo cum quo te communicatum velim, sed audeo te tibi committere. Socrates [Crates] cum vidisset adolescentulum secreto ambulante, interrogavit quid illic solus faceret? Mecum, inquit, loquor. Socrates [idem Crates]: Cave, inquit, rogo, et diligenter attende, ne cum homine malo loquaris. Lugentem timentemque custodire solemus, ne solitudinæ male utantur. Nemo enim est ex imprudentibus qui relinqui sibi debeat. Tunc consilia mala agitant, tunc aut aliis aut sibi ipsis futura struunt pericula, tunc cupiditates improbas ordinant, tunc quidquid metu aut pudore celabat [*forte animo, ut habet Seneca*] cum minus exponit, tunc audaciam acuit, libidinem irritat, iracundiam instigat, denique (quod unum habeat audacia [*Sen. solitudo*] commodum) nil ulli committere, non habere indicem vel iudicem, stulto parci [*Seneca, ponit*], ipse se prodit. Non invenio cum quo te malim esse, quam tecum. Sic vive cum hominibus tanquam Deus videat; sic loquere cum Deo tanquam homines audiant.

Notandum quod beatus Thomas Cantuariensis hæc de causa familiares suos instruebat, dicens: Quis jaceret in lecto suo, nisi vellet dormire, vel nisi esset impeditus infirmitate? Item Seneca (epist. 11): Aliquis vir bonus nobis eligendus est ac semper ante oculos habendus, ut sic tanquam illo spectante vivamus et omnia tanquam illo vidente faciamus. Custodem nobis demus et pædagogum. Magna enim pars peccatorum tollitur, si peccatori testis assistat. Aliquem habeat animus quem revereatur, cujus auctoritate et secretum suum sanctius faciat. O felicem illum quem non præsens tantum factum, sed et cogitatus emendat. O felicem qui sic aliquem vereri potest, ut ad memoriam quoque ejus se componat, atque ordinet! Qui sic aliquem vereri potest, cito erit verendus. Elige tibi Catonem, si hic tibi videtur nimis rigidus, elige tibi remissioris animi virum, Lælium scilicet: tibi elige eum cujus tibi placuit vita et oratio, et ipsius animum auliferens vultus [*sed ante te feceris et vultus*], illum tibi semper

A ostende secundum exemplum [vel custodem, vel exemplum]. Opus est, inquam, aliquo, ad quem mores nostri seipsi erigant, nisi ad regulam prava non corriges; nisi ad regulam, torta non diriges. Semper elige tu, prælate, tibi Paulum. Si vero tibi videtur nimis rigidus, elige remissiorum Nicolaum, vel Augustinum.

CAP. LXXIV. *Quod levi occasione peccatum contrahitur.*

Item redeundum ad hoc quod supra dictum est, quod peccatum unius redundat in multitudinem, et peccatum multitudinis redundat in singulos. Non est verum quod dicitur vulgariter. Omnia peccata super abbatem vertantur, ut ita sit quasi hircus emissorius qui omnia peccata, vel delicta hominum secum extra castra asportet, vel afferat [*forte auferat*]. Quod autem de facili, aut levi occasione quis contrahat peccatum vel delictum, ostendit David, capitulo LXXVI quando Saul jussit in Nobe Doeg Idumæo (cum emissarii vel apparatus nolent excedere in sacerdotes Domini) ut irrueret in 85 vestitos Ephod, quos omnes trucidavit, quia dederat panes propositionis et gladium Goliæ David, quem persequebatur. Abiathar solus ab hac strage aufugit ad David. Qui audita strage causa ejus facta, ait: *Ego sum reus omnium animalium patris tui* (I Reg. xxii), et aliorum. Ideo David dicit se liberatum ab homicidio Nabal viri stulti, qui noluit, ei in castris mittere debitam regi benedictionem per uxorem ejus Abigail, quæ persuasit ei ne virum stultum occideret, ne si sanguinem innoxium effunderet, hoc ipsum in singulum et serupulum cordis sui veniret semper (I Reg. xxv). Inde in exercitu sitiens, inquit: *O si quis daret mihi potum aquæ de cisterna, quæ est in Bethleem! Irruerunt ergo tres viri fortes per medium hostium exercitum, et haustam aquam in cisterna David propinaverunt: qui noluit bibere, et bibans eam Domino dixit: Propitius sit Dominus mihi, num bibam sanguinem hominum illorum qui profeci sunt et animalium non bibam periculum?* (II Reg. xxiii.) In Deuteronomio capitulo xix (al. c. xx), item: Preceptum est a Domino sex civitates refugii in medio terræ promissionis separari, et æquali spatio inter se differri, et stratum ad eas directam diligenter fieri, ut ab omni parte terræ promissionis, possit sine impedimento, ab illo, qui nocentier sanguinem proximi fuderit, intrari; alioquin, nisi diligentiam in hoc habueritis, eritis sanguinis rei.

Item in Deuteronomio capitulo xxii (al. xxi): *Cum ædificaveris domum novam, facies murum tecum per circuitum, ne effundatur sanguis in domo tua, et sis reus alio labante, et in præcipitem* [*forte præceps*] rueute. Item: Preceptum est in lege: Ut qui ædificat domum, vel templum faciat linteolas circumquaque et apodationes, vel deambulatoria, ne possit faber lignarius vel cementarius ruere. Et tamen planum est tectum in quolibet domo palæstinæ regionis. Hic ergo tanguntur illi qui non credunt se elluere sanguinem, nisi propria manu, ut prelati, qui pro injusta causa mittunt legatos Romam, vel cogunt ire adversarios quos vexant. Percutunt etiam, qui mittunt ad navigandum, vel ad negotiandum aliquos, et interim moriuntur, et submerguntur. Tanguntur etiam advocati, medici, principes injuste bella moventes, et multi alii in hunc modum. Item Job (cap. ix): *Verebar omnia opera mea*. Quilibet enim debet vereri ne opus suum sit de genere malorum. Et etiamsi sit bonum, ne in aliqua peccet circumstantia, ne adhareat pulvis, vel palea, vel lutum. Ut enim ait idem Job: *Opera nostra vel bona sunt in conspectu Domini, quasi pannus menstruæ* (Isa. Lxi), quo scilicet nihil abominabilis. Et, ut ait Gregorius: Bona nostra non sunt pura bona, mala vero nostra sunt pura mala. Et alibi: Ordinis permutatio, mutat meritum formam. Dic ergo cum Job: *Verebar omnia opera mea*; quia bonarum mentium est, ib

culpam agnoscere, ubi culpa non est. Proverbiorum XVIII, *Justus prior est accusator sui.* Item Numeri XXXII [al. XLVI] filii Ruben et Gad et dimidia tribus Maasse Moysi inquit: *Precamur, da nobis terram hanc citra Jordanem pascuosam, ad alienda pecora nostra, et ut ibi collochemus uxores et parvulos.* Quibus Moyses: *Si nolueritis sequi Israel, in solitudine, Dominus populum derelinquet, et vos eritis causa necis omnium. Et illi: Non revertemur in domos nostras, usque dum possideant filii Israel hereditatem suam, sed præcedemus eos ad prælium.* Quibus Moyses: *Si facitis quod promittitis, tunc eritis inculpabiles et apud Dominum, et apud sæculum, et apud Israel. Sin autem quod dicitis non feceritis, nulli dubium est qu' n in Dominum peccetis. Et scitote quia peccatum vestrum comprehendet vos.* Item in Exodus, capitulo XXI [al. XXXIII]: *Si bos corruptela fuit ab heri aut nudiustertius, et contestati sunt dominum ejus, nec reclusit eum, occideritque virum vel mulierem, bos lapidabitur, et dominus occidetur.* Item legitur in Actibus apostolorum, capitulo VII [al. XV]: *Quod testes deposuerunt restimenta secus pedes Pauli consentientis in necem Stephani, et enim in manibus omnium, servando vestes, lapidantis. Qui ergo dicendum de episcopo, qui cervum cornibus ramosum nutriebat, qui quamdam mulierem cornibus petiit, pressit, et peremit? Nonne occasionem mortis dedit? Quid de alio prælato, cui datus est leo, et incaveatus pedem unguibus armatum famæ fens emisit, et mulierem læsit in capite, et sanguinem sugens interfecit? Cur viri ecclesiastici bestias indomitas pascunt de patrimonio cruci xi, maxime cum in eis nulla attendatur utilitas? Potius impingentur domestica, quæ ad nutriendum et usibus humanis aptasunt. Amoveantur quæ spectacula faciunt, illudibria quæ tibi non licet aspicere vel nutrire sicut mimos et histriones. Similes ergo sunt illi (qui non reputant se reos sanguinis, etiam levi occasione, quoad eos diffusi) Pilato natus lavanti, Jude proditori, dicenti: *Tradidi sanguinem justum; Justis dicentibus: Quid ad nos? Tu videris (Matth. xxvi);* et Pharisæis quibus dicitur in Actibus apostolorum capitulo III [al. VI]: *Sanctum et justum negastis, auctorem vitæ interfecistis quem Dominus suscitavit a mortuis.* Repete exemplum illius, qui peccata languida manu, et per satrapas et satellites suos fecit, præstito juramento eos ad publice confitendum cogebat, et sibi omnia ascribebat, et ea quæ in propria persona perpetraverat postea confitebatur. Collige exempla magistri Roberti de Cameraco. Qui cum Renis legeret, famulum cujusdam amici sui innocentem in causa fovit. Qui contra falsarium, qui illi tradiderat falsam monetam, monachum a se suscepit, et sic eum devicit. Magister vero Robertus, quia loverat eum innoxium in causa sanguinis, semper in singultum peccatum illud habuit, et causa hujusmodi deinceps interesse noluit. Item, sanctus [Robertus] (Vide not. ad cap. 74) episcopus Ambianensis consilio officialium suorum fossata fieri jusserat ad recipiendum pisces; in quibus eum puer quidam caderet, conclamatum est in urbe: Puer iste submersus est, occurrite; tandem extractus est. Quem casum audiens episcopus inconsolabiliter primodoluit, dicens se esse reum sanguinis pueri, quia occasionem dederat submergendi. Postea mirabiliter gavisus est de liberatione illius, qui vivus evasit. Recollige tertium exemplum, quomodo ex permissione sua ejus officialis suspendit hominem. Quæ quidem suspensio ejus semper animum et vultum contristavit, et mortis horam maturavit. Quod levi occasione vel causa quis in se contrahat peccatum vel delictum, quod non propria manu perpetravit, vel se contraxisse reputare debet, diximus, et ad hoc auctoritates induximus.*

## CAP. LXXV. - LXXVIII.

Quod autem ex levi suspicionem alium infamare,

vel in temerarium prorumpere judicium non debeat consequens est ostendere. Bona enim nostra modica, vel nulla debemus reputare, aliena vero mala nostra facere, et propria reputare. Quod Propheta amputandum a se petiit in octonario quinto: *Amputa opprobrium meum (Psal. cxviii),* et cætera. Gregorius: *« Aufer a me opprobrium, »* id est peccatum, *« quod suspicatus sum (ibid.). »* Suum dicit opprobrium quod de aliis suspicatur, quia facilius in alio putat quod in se sentit; quia cujus oculus videt vanitatem, hoc et de aliis suspicatur ut propter quod bonum agit credat alterum facere. Quia enim occulta hominum non videntur, datus est locus suspitionibus. Ideo cum Dominus de fine operum præcepisset, *« ne justitiam suam propter laudem hominum facerent (Matth. vi), »* vel pecuniam, vel etiam victum et vestitum; quia poteramus alios propter hæc bona operatos suspicari, addidit: *« Nolite judicare et non judicabimini (Luc. vi). »* Invidiorum est libenter suspicari opprobrium alterius, cum nequeunt rodere quod eminet. Maximum est vitium humanitatis suspicio, quæ aliter putat quam sit veritas, ut de malis bona, vel de bonis mala dicamus. Item ad Romanos capitulo II [al. III]: *« Inexcusabilis es, o homo, omnis qui judicas. In quo enim judicas alium, teipsum condemnas, eadem enim agis, quæ judicas, »* etc. Et in eadem, cap. XIV [al. XXII]: *« Tu quis es qui judicas alienum servum? gratia Domini stat, aut cadit stabilique. Potens est enim Deus statuere illum. »* Gregorius [Forte, Aug. tom. IV, l. II De serm. Domini in monte c. 48]: *« Ambigua debemus in meliorem partem vertere, et plus salutem quam mortem eorum optare, et in futuro spem boni habere, etsi alter sit in præsentia. »*

Qui hodie est malus eras erit optimus. Matthæus capitulo VII [al. X]: *« Nolite judicare, »* de occultis scilicet et suspectis, *« ut non judicemini. In quo enim judicio judicaveritis judicabimini. Et in qua mensura mensi fueritis, remetietur vobis, »* et cætera. Item: *« Maxima præsumptio est attribere sibi spiritum propheticum, ut Eliseus, qui prævidit per spiritum quod puer suus Giezi acceperat ea quæ Naaman Syrus, quem a lepra curaverat, argentum, vestes, pecuniam, et cætera, quæ Eliseo oblata fuerant (IV Reg. v). Vel etiam auferre Domino potestatem et judicium vel officium, et usurpare scientiam, qui « solus videt in absconditis (Matth. vi), qui solus scrutatur corda et renes (Psal. LXXIII), qui solus novit cogitationes hominum, quoniam vanae sunt (Psal. vii). »* Qui etiam ait: *« Qui sine peccato est, primus in eam lapidem mittat (Joan. viii). »* Similiter qui sine peccato, alium de occultis judicet. Item super locum illum secundæ Epistolæ ad Corinthios: *« Gloriatio mea hæc est testimonium conscientiæ meæ (II Cor. i), »* Gregorius (Glossa in hunc locum): *« Nullus præsumat contra conscientiam, vel proferre, vel etiam cogitare, sententiam, dicens: Quis servat castitatem vel quodlibet aliud mandatum? Si enim putat quod nemo ipse sit nemo. Item: quidam curiosi grammatici nugæ, geruli, intrabant loculum eremite, videbant stratum suum inter duas trabeculas plenum cinere et cilicio, ut cubile beati Germani. Libere et aperte tunc inter se dicebant: Ostentat est iste, non debet hujusmodi ostendere. Quod audiens homo Dei, iterum clausit ostium et nulli postea patuit secretum religionis suæ. Unde plures quam prius factæ sunt de strato suspiciones. Aiebant enim: Modo carnes comedit, modo jacet in plumis Sardanapali, et ita scandalizabantur. Utrum faceret consilium in talibus salva triplici veritate, vel non relinquere triplicem veritatem, vitæ, doctrinæ et justitiæ. Potius pereat quæ inflat, quam illa amittatur quæ ædificat (I Cor. vii). Noli tibi assumere officium summi judicis, qui, ut ait Isaias capitulo XI [al. xvii], habens plenitudinem charismatum, « non secundum visionem oculorum judicabit, nec secundum auditum aurium arguet, sed*

judicabit in iustitia pauperes, et arguet in equitate pro mansuetis terra. » Item : Solus Dominus, qui est summus aurifex vel artifex, novit quis est hypocrita, id est subaureatus vel deauratus, et quis aureus : Nam hypocrita dicitur ab hypo, quod est sub, et crisis [ζέσσις], quod est aurum. Ipsius Dei est dare aurum sapientie, vel argentum eloquii. Item in *Proverbiis* : In dubiis cito ne diffinas, sed suspensus tene sententiam (Seneca, *De prudentia*). Item Hieronymus : Si videris Christum Domini, angelum scilicet, sacerdotem scilicet demulcentem caput mulieris, noli male suspicari, quia mala sunt in bonis interpretanda (Vide ad not. cap. 75). Item : Attende, si residues iudex, quanta maturitate, instituto ordine iudicario, quanta solemnitate sententiarum, qui modo tam leviter sententias in proximum, cum non sis iudex (Contr. *Rumorosos*, cap. 76). Ut ergo contra hanc pestem prorumpendi in iudicium temerarium habes antidotum, scilicet :

*Rumores fuge, ne incipias novus auctor haberi*  
(Cato in *distichis* lib. 1.)

*Percunctatorem fugito; nam garrulus hic est.*

(Horat. lib. 1, ep. 18.)

Hic enim est, qui « dimissis propriis aliena negotia curat, » De quo in libro De consideratione : Frater bone, noli habere aures bibulas; linguam prurientem. Et Quintus Curtius : Intereat rumor oiosi militis et vitium. Huiusmodi autem otiosos, et rumorosos, curiosos, inquietos, precipit Apostolus excommunicari in Epistola prima ad Thessalonicenses, ultima et secunda ad eosdem (*II Thes.* III). Quia relatores sunt mendaciorum, et auditores peccare faciunt. Nam Virgil. IV *Aeneid.* :

*Fama malum, quo non aliud velocius ullum.*

*Mobilitate viget, viresque acquirit eundo.*

Tres tamen rumores boni sunt, ceteri non curandi, scilicet : « Transtulit Dominus a te peccatum tuum (*II Reg.* XII), » vel : « Dimissa sunt tibi peccata tua (*Matth.* IX), » Secundus est : « Resurrexit Dominus (*Marc.* XVI), » Tertius : « Venite, benedicti Patris mei, » et cetera (*Matth.* XV). Contra nuggerulos, et cito in temeritate iudicii prorumpentes, qui quod nesciunt, proferunt, qui sententias suas non divitiis exquirunt, qui labuntur cum lubrica lingua, quæ in udo [*al.* udo] est, quorum verba prius ad linguam, quam ad limam festinant. Loquuntur errantes, quia nesciunt quod sententia est certa et indubitata mentis responsio : Primo quidem in mente concepta et nutrita, deinde in lucem edita. Unde Ecclesiasticus (c. XXXIII) : « Qui interrogationem manifestat, parabit verbum, et sic deprecatus exaudietur, et conservabit disciplinam, et tunc respondebit. » Et idem infra (c. XXXVII) : « Ante omnia opera verbum verax præcedat te, et ante omni actum consilium stabilis. Verbum enim nequam immutabit cor. » Idem (*Eccli.* XXXII) : « Fili, sine consilio nihil facias, et post factum non porriperebis; » post dictum, si præmeditatus loqueris. Idem (*Eccli.* XXI) : « Lalia in prudentium stulta narrabunt; verba prudentium statera ponderabuntur. In ore fatuorum cor eorum, in corde sapientis, os illius. » Idem (*Eccli.* XIX) : « Qui credit cito, levis corde est et immorabili [*Tex.* minoratur] : Et qui odit loquacitatem, extinguit, [extinguit] malitiam. Audisti verbum ad verbum adversus proximum? commoveat ut [commoretur] in te, filius sis, quoniam non te deseret Deus. » Apostolus (*I Tim.* V) : « Nihil sine præiudicio facias, » id est sine deliberatione præmissa. Requirere contra de Aristotele, qui propositæ quæstioni inducias dari ad solvendam docebat, de duobus discipulis suis, quorum alter freno, alter calcaribus egubat (Vide c. V). De Augusto prudentissimo imperatore, qui in omnibus facis, vel sententiis dandis morosus erat. De facto Theodosii imperatoris exsilio tempore in Thessalo. Unde post statutum est ne sententia ferretur in aliquem

A infra trigessimum diem. Unde quidam sapiens : Iratus sum, non percussit modo te. Nam ira furor hic est :

*Impetit ira animum, ne possit cernere verum.*

(Cato, I. II *Distich.*)

*Damnatium tenuemque moram, malo cuncta ministrat Im, eius.*

(Statius, *Theb.* lib. XI.)

Donec dereliquerit ira, non sententias. Seneca (epist. 40) : Tardiloquum te esse jubeo. Unde cum tales rumorosi (cap. LXXVII), instabiles, leves et inconstantes [*Deficit hic aliquid ex Seneca*, ep. 2]. Primum indicium mentis compositæ existimo posse consistere et sententiam morari. Seneca 2, et Ecclesiasticus (*Eccli.* XXVII) : « Præcordia fatui quasi rota currus, et quasi axis versatilis cogitatus illius. » Et alibi (*Prov.* XV) : « Cor stultorum dissimile est. »

B *Conveniet nulli qui secum dissidet ipse.*

A) Corinthios Epistola prima, et ultimo capite : « Vigilate, state in fide, » et cetera. Et alibi (*II Par.* XX) : « Constantes estote, videbitis auxilium Domini super vos. » Quasi diceret : Si inconstantes, non videbitis. Super vos non infra, pro terrenis; sed supra, « Hosanna in excelsis (*Marc.* XI). »

*Constans et lenis, ut res expostulat, esto.*

*Constantes animos tam bona causa dabit.*

(Cato, *Dist.*)

Item : Inconstantes huiusmodi, participes sunt maledictionis Jude, de quo David Psalmista (*Psal.* CVII) : « Cum iudicatur exeat condemnatus, etc. Nutantes transferantur filii ejus, et mendicent, ejectione de habitacionibus suis, etc. (*ibid.*). »

« Contra peregrina judicia (cap. 48). » De illis qui ex levi suspicione prave iudicant diximus : Nunc aliqua dicemus contra illos, qui diabolicas a inventiones, peregrina scilicet procurant judicia, ut in ferro candenti, vel in aqua frigida, vel bullienti. Primo : Facit contra eos illud præceptum legis : « Non tentabis Dominum Deum tuum, sed illi soli servies (*Deut.* VI). » Item : Dominus tentatus a diabolo dicente (*Matth.* IV) : « Dic ut lapides panes fiant, mitte te dorsum, » etc., noluit facere miracula ad dilatationem. Nunc autem dilatata fide vult suos hic tribulari; nec semper miracula facit. Unde Psalmista (*Psal.* XLIII) : « Nunc autem repulisti et confudisti nos, et non egredieris, Deus, in virtutibus nostris. » Item contra perversa judicia (cist. 12, 15) : « Hoc tantum facito Domino : non addas quidquam aut minuas. Si surrexerit in medio tui propheta, aut somniator, et prædixerit signum atque portentum, et venerit quod locutus est, et dixerit tibi : Eamus et sequamur deos alienos; non audies, quia vos tentat Dominus Deus vester, ut sciat si diligitis eum, an non. Propheta ille aut somniator factor interficietur (*Deut.* XI, XII). » Item in Deuteronomio (c. XVII) : « Cum ingressus fueris terram, quam Dominus Deus tuus dabit tibi, cave ne imitari velis abominaciones illarum gentium, non inveniatur qui lustret filium, aut filiam per ignem, aut qui ritulos sciscitetur, et observet somnia, et auguria, nec sit maleficus et incantator, nec pythones consulat nec divinos, et quærat a mortuis veritatem. Propheta autem qui arroganter depravatus voluerit loqui in nomine meo, quæ ego non præcepi illi ut diceret, aut ex nomine alienorum deorum, interficietur. Quod si tacita cogitatione responderis : Quomodo possum intelligere verba, quæ non est locutus Dominus? hoc habebis signum : Quod in nomine Domini propheta ille prædixerit, et non evenerit, hoc Dominus non est locutus. » Item : « In ore duorum vel trium testium peribit qui interficietur (*Deut.* XVII). » Item ad Hebr. VI : « Omnis controversiæ finis erit juramentum. » Item alibi :

D *Dole quoties effuderis sanguinem, quem lex præ-*

cipit effundere. Fortius ergo dolendum est quoties effuderis sanguinem, quem lex non præcipit effundere. Item Magister (Petrus Cantor. *ut patet ex textu can. 78*) : Si universalis Ecclesia præciperet mihi sacerdoti sub pœna anathematis, ut ferrum illud carminarem, vel aquam benedicerem, citius pœnam perpetuo subirem quam illi parerem. Item (Hinc collige hunc textum Marchian. ut esse autographi) : Si in decretis excommunicati sunt augures, arceoli, sortilegi, quanto magis qui Dominum per miracula tentant, et Dominum ad facienda miracula tentant, vel cogere per sacra verba videntur?

Verum est quidem quod formæ sacramentales summi semper habent effectum, si a sacerdote, si serio, si eo modo quo debent proferuntur. Carminationes vero minime, nisi quando Dominus permittit, et diabolus procrat. Item (Vide not. ad cap. 78) : Si recipiendæ essent execrationes, potius recipiendæ essent probationes quam execrationes, quæ in lege tenebant, ut legitur in libro Numeri de adultera proband : per aquam maledictionis (cap. v). Item (c. 26, 5. *Si quis clericis*, et c. *Auguriis*, et cap. *Aliquanto*) : Si convincatur quidem per hujusmodi diabolicas probationes, non essent interficiendi, sed sustinendi, et prædicandi. Et orandum esset pro eis, ut Deus eos potius illustraret, et gratiam infunderet. Fides enim tantum non necessitatis est, sed voluntatis. Si enim diceret : Dominus nondum mihi fidem dedit, non vult me visitare, facite ut habeam, non possum per me credere quid tunc faciendum? Item (Vid. 2, q. 2, c. Sors et sequentibus) : Repudianda videntur peregrina judicia cum non descendant de medio duorum montium, nec habeant a veteri vel novo originem. Item : Etiam quæ approbate sunt a Domino, vel permissa, vel indulta, hodie de medio Ecclesiæ sunt sublata propter mali viciniam, ut jactus sortium in multitudinem vel paucitatem, diu tenuit. Sed ut in decretis legitur propter hoc quod sortes sortilegiis vicinabantur (26, q. 5), prohibite sunt hodie ab Ecclesiâ :

*Nam mala sunt vicina bonis.*

(OVID.)

Multo fortius sunt exsufflanda hujusmodi judicia ex quibus sequitur sanguinis effusio. Item (Vid. not. ad c. 78) : In eligendo pontifice non auderes sortem jicere in multitudinem (sed in duos forsitan permitteretur, ut apud Lugdunum contigit de duobus breviculis) quia propter peccata populi caderet forte super indignissimum. Et tamen de electione illa penderet salus, vel perniciēs totius dioceseos.

Quanto magis cessare hic debent carminationes, vel tentamenta, quæ sanguinem effundunt, et nullum inde provenit animæ commodum? Item : « Privilegia paucorum non faciunt legem communem. » Si enim legitur de tribus pueris, qui educti sunt de fornace ignis inexisti, et etiam sarabella eorum non sunt immutata (*Dan. iii*) ; si etiam ponas quod Jonas illasus exivit de ventre ceti (*Jonæ ii*) ; si Daniel de lacu leonum (*Dan. vi*) ; si Joannes de olei ferventis dolio, et multi in hunc modum : tu tamen non potes facere miracula per benedictionem tuam, quam facis super aquam vel ferrum, quia non est hic Daniel, non sunt pueri tres innoxii, et hujusmodi. Noli ergo tu, sacerdos peccator, imitari hodie miraculis, sed operibus bonis, quia non invenitur dignus pro cuius merito operatur Dominus miracula. Item : Hodieque fallunt promissiones Dei in Evangelio, peccatis nostris impediētibz, vel Dominus solus causam novit, scilicet hæc : « In nomine meo damna efficiēti, linguæ loquentur novis, serpentis tollent, et si mortiferum quid biberint, non eis nocet, super ægros manus impoñent, et bene habebunt, » etc. (*Marc. xvi*).

**A** Tu autem, miser sacerdos, execratio es tuas vis semper exsequi in effectum. Item : In hac promissione Domini : « Quidquid petieritis Patrem in nomine meo dabit vobis (*Joan. xvi*), » intelligendum est de his quæ pertinent ad salutem, id est sine quibus non est salus; digne, perseveranter; vobis, non pro illis, scilicet pro quibus petitis, vel contra quos petitis; nisi hujusmodi determinationes apponas vel intelligas non erit efficax hæc Domini promissio. Tu autem, miser, carminationes tuas vis nunquam esse falsas, vel fallaces, cum petis indigne, non perseveranter; nec etiam pro te, sed pro aliis damnandis, vel salvandis; non de his quæ sunt ad salutem æternam, vel de his sine quibus non potest esse salus, cum miracula fiant quandoque merito illius cui fiunt, vel illius pro quo fiunt, vel merito illius, qui orat ut fiant, vel meritis sanctorum qui orantur. Quandoque communiter et cooperantur merita istorum omnium, quandoque voluntas Dei sola, quandoque plurium merita, et non omnium. Tu ergo quare vis semper operari miracula? Item dissona sunt et repugnantia hujusmodi. Nam reus censetur quem natura ignis lædit, innocens quem aqua natura recipit, et ut natura in duobus ad idem institutis videtur neutrum debere observari. Si vero natura ignis et aquæ reum abjecerit, quod ignis in eo naturam suam exercere dedignaretur ne ureret carnem teneram, aqua natura recipere non vellet ponderosum corpus, tunc evidentiùs esset miraculum, et convenientius institutum; vel si ferrum frigidum ureret, vel aqua frigida, tunc apertius esset. Item (Vide not. ad cap. 78) : Quæritur quis adinvenit hujusmodi verba, quæ ibi ponuntur et ordinavit, et unde habent auctoritatem. Salomon non instituit sicut exorcismos. Item : Quando datur potestas ista? Daturne quando sit exorcista, vel quando diaconus, vel quando sacerdos? A quo habet officium istud? vel quid ei detur, vel peccat, si mutet, vel si decurtet, vel si protelet? Item : Exorcismi nostri hodie non habent efficaciam, nisi quando Dominus vult. Non enim exorcista hodie potest ejicere demonia, sicut in primitiva Ecclesiâ; nec etiam sacerdotes omnes unius regni, omnibus exorcismis Salomonis, vel etiam nostris, possent virtute illorum liberare eum demoniacum.

Tu autem, quis es, miser sacerdos, qui præsumis facere incantationibus tuis quod ignis manum ustibilem non urat? Nullus est ibi Brixius, qui in birro prunas ardentes inusto tulit, vidente populo, necdum suspicio de fornicatione male concepta cessavit. Potest ergo ille dicere, cui imponitur necessitas ferendi candens ferrum in manu : Non sum alter Joannes inieger mente et carne, qui illasus de ferventis olei dolio meruit egredi. Non sum puer Marcellus, post Parisiensis episcopus, ejus in manum teneram miser faber ardentem ferri massam (cum quæreret prunas ad incendendum altaris incensum) imposuit. Sed tener puer Marcellus de candenti ferro legitur dixisse : De ignis calore calet, sed novem potera habet. Dicit miser imperitus ille : Non ero statera ferri : « Non tentabo Dominum (*Matth. iv*). » Item psalmo lxxviii : « Intende animæ meæ et libera eam, propter inimicos meos eripe me. » Hoc Christus ad Patrem pro se, et pro membris, « propter inimicos meos, » Gregorius : convertendos. Sed quadam liberatio occulta, quæ fit propter sanctos episcopos, ut septem fratres Machabæi, qui consumpti sunt igne cum matre ne contra legem Dei hominibus consentirent (*II Mach. vii*). Est et alia liberatio manifesta, propter inimicos, vel puniendos, vel liberandos; ut tres pueri de igne liberati sunt etiam corpore. Unde ipse Nabuchodrosor conversus, Dominum prædicat (*Dan. vii*). Occulta est Christianis liberatio, quæ fit in anima. Aperta non est modo necessaria, quia omnes sunt fideles. Paucorum est, et raro Dominus operatur illam. « Non egredietur hodie Dominus in virtutibus

nostris (*Psal. lix.*), scilicet per nos factis; sed in suis quando vult, et videt expedire, et hoc raro, sed occulte liberat, ut beatum Laurentium liberavit occulta liberatione. Qui cum esset combustus, non est in anima aestuatus.

Item: Forma sacramentalis etiam baptismi, quæ instituta est a Domino, propter unam criminis notam, suam non habet in isto effectum. Ista autem adventio humana, vel magis diabolica, nunquam fallit?

Item: Nota quod Eugenio papa residente in Remensi consilio, presentibus cardinalibus, archiepiscopis, episcopis, et viris litteratis, et authenticis (Vide not. c. 78). Evus de Steila, Britto, quadam fatua hæresi corruptus est. Et confessus dicebat se illum eum, qui vivit et regnat in sæcula, et quædam alia bruta, ut brutus, dicebat et asserbat. Non tamen est ibi morti adjudicatus, sed Samson archiepiscopus tenuit eum in vinculis, et pane et aqua vitam finivit, et sic neminem postea corrupit. Idem: Samson, archiepiscopus Remensis, nulli permittebat sacerdoti hujusmodi facere consecrationes, vel potius execrationes super aquam illam, nisi prius præstitissent principes et prætores cautionem de non effundendo sanguine, si reus in illo peregrino iudicio probaretur. Iudicium candentis ferri non permittebat unquam fieri. Item: In legendis sanctorum, legitur de gentilibus: Qui licet essent zelatores errorum suorum, et legis qualiscunque, in conjunctos et confessos legem Christi non statim sententiabant, sed inducias triginta dierum eis dabant, et incarcerabant, eisque minabantur pœnam corporalem et tormenta. Interdum ad errorem suum invitabant promissis, persuasionibus, blanditiis; nec requirebatur ab eis, ut corde in deos suos crederent, sed ne blasphemarent, et superficialitèr thurificarent. Nostri autem principes et prælati non credunt oris confessioni, sed præcipitantes sententiam, fatenti ore etiam fidem catholicam, iudicium igitur ferri illi asserunt, et renuentem tentare sic Dominum, et subire iudicium diabolicum, in rogam projiciunt. Qui similiter ureret beatum Petrum, et etiam omnes Clarevalenses. Cujusmodi sententia præcepta data est in Flandria quondam, quando episcopi et sacerdotes, et officiales principum et prælatorum quoscunque volebant de hæresi vocabant, et in libro mortis scribebant. Et sic multas matronas, quæ eis, ut in Daniele legitur, non consentiebant, nota hæretica necabant, et multos [*id est cives*] burgenses relimebant, et multos innocentes cum nocentibus involvebant.

Item: Quidam miser et macilentus inter alios adductus est Parisius in præsentia regum, prælatorum et principum Franciæ; et quæsierunt si crederet. Qui respondit ita: « Credo in Dominum et articulos fidei; » non sufficit eis. Sed, cum quasi-tum esset, si ferrum ignitum ferret, respondit ille: « Non, nisi prius litterati, et primates isti episcopi, et hujusmodi iudicent, an peccatum sit hoc facere, an non, et Dominum tentare. » At omnes obtinuerant. Solus Bituricus [*forte Gerardus*] Cister. monachus ausus est os aperire, dicens: « Non debemus de cætero interesse; quia, facta examinatione, vestrum est punire ad sanguinis effusionem, aut parcere. » Et ipse iudicandus notabatur, quia ausus est mutire. Ipse vero miser clamabat: « Vos primum ferrum ignitum ferre; certe ego nunc ferrem. » Et tandem dum dubitaret, a quodam principe projectus est in ignem et combustus. Item: Quædam matrona Dei gratia evasit, et quævisit a magistro quid ageret de cætero præ pudore; quia notam illam contraxerat, tamen falso absorberi vellet a terra, magister miro modo consolatus est eam dicens, quod sancta esse de cætero tenebatur, et inter reliquias, si decederet, collocanda; quia naturam suam ignis in illam non exercuerat, et Dominus in ea, et per

eam miraculum operatus fuerat. Item: Optima probatio iudicia ista damnabit. Non auderet hodie universalis Ecclesia ponere et exponere, quasi uni hazardo caput suum, id est fidem catholicam, factotali conducto Catholicos, gentiles et Judeos, utrum ferrum ignitum naturam suam in manu Catholicæ, totus Judaismus et tota gentilitas ad fidem Christianam converteretur; si manus comburetur, fides Christi in periculo esset, et ad Judaismum, vel paganismum, quilibet se verteret. Si ergo pro tanto lucro non audes manum ad candens ferrum exercere, qua ratione tu, sacerdos, benedices ferrum vel aquam, et auctoritate præstas huic facto deestabili, in quo non est non solum lucrum, sed animarum periculum et sanguinis effusio, vel mutilatio membrorum?

Item. Nota aliud exemplum. Accidit enim Remis ariditas, et acris, et noxia intemperies, et reliquis et capsulis extractis fecerunt per triduum fideles ejuscunque sexus vel officii, arvabalia et anurbalia, nec apparuit modica nubecula. Videns tantam affectionem Judæus quidam archisynagogus, ait: « Concedo quod omnes simus Christiani, si infra triduum non dederit pluvias, si rotundum et thorat permiseritis circumferre. » Dixerunt plerique fideles: « Bonum est, bonum est. » Tandem ait magister Albericus: « Absit quod fides Christi mittatur in periculum, si Judæus aquas de celo eliceret arte magica, Domino permittente propter peccata nostra, vel diabolo procurante. Quia mali etiam sæpe leguntur fecisse miracula, fides Christi ita omnino posset exsufflari, et omnes ad Judaismum converti velent. » Nec ausi sunt fidem nostram pro lucro tot Judæorum periculo exponere. Item ad Hebr. (cap. xi): « Sancti per fidem vicerunt regna, operati sunt justitiam, adepti sunt repositiones, obturaverunt ora leonum, extinxerunt impetum ignis, » etc., ut tres pueri (*Dan. v.*) Tempus talium non est in Novo Testamento. Ante dedit talia, ut patet cum non intelligatur alius largitor, etiam terrene felicitatis, quæ ad veterem hominem pertinet, etiam Christo novo homine nova promittit, id est æterna. Unde irrisus moritur. Unde Jacobus (cap. v): « Sustinentiam Job audistis, et finem Christi vidistis; patimini ut Job, sed non speretis finem ejus, id est temporalia bona, quæ ei aucta redierunt, sed æterna, quæ in Christo præcesserunt. » Quasi diceret: Noli hodie inimiti miraculis, sed fidei operanti per dilectionem. Quibus si imitaris, videris præsumere sanctitatem trium puerorum, et aliorum sanctorum, qui sanctitate sua naturam ignis mutaverunt. Item, ut per exempla gradiamur, accidit Aurelianis in ecclesia beati Samsonis, quod fur quidam reliquias ecclesiæ subriperet. Suspectus est habitus quidam aditus ejusdem ecclesiæ. Obtulit se, ut innocens, per iudicium purgatum. Et victus [*forte victus*] est reus superficialiter, et in instanti suspensus est. Post mensem deprehensus est in alio furto, qui reliquias furatus erat. Et imminente illi suspensio, confessus est se prius furtum fecisse. Et docuit locum ubi erant reliquie, et restituitæ sunt. Et dixit æditum non reum fuisse, et ita usque ad mortem doluerunt, qui iudicium illud procuraverant. Item, apud Compendium contigit, quod quidam reclusus infamatus inter multos de reliquiis furto sublati, confusus de innocentia sua, primus se obtulit ad iudicium. Qui quidem juxta ecclesiam habebat habitaculum; et combusta est manus. Item quædam reclusa habebat cellulam suam extra urbem, et impositum est ei quod ad ipsam Cathari quidam frequenter divertissent. Illa vero sentiens se infamatum, et ab hominibus vilipensam, quemdam consulit decanum magistrum, et discretum, dicens: « Domine, apud omnes cives istos adeo vilui, quod non est qui panem porrigat, propter hanc suspitionem, quia me credunt esse Catharam. Quid mihi agendum ut appaream innocens, sicut revera sum? »

volome purgare per r iudicium. Et ille: « Optime potes ex quo tantum confidis de innocentia tua. » Quæ ad consilium illius subit iudicium ferri candentis et combusta est manus a ferro, deinde combusta tota a rogo.

Item: Duo Anglici peregre profecti sunt, et in reditu alter diverit ad Sanctum Jacobum, alter repatriavit. Et imponebatur ei quod socium necaverat, et sua sibi retinuerat. Obtulit se ad iudicium istud diabolicum; et cecidit, et suspensus est. Post modicum vero temporis, socius ille, et sanus rediit, et incolumis. Et sic confusi facti iudicarii, et illi, qui hoc procuraverant suspendium. Et socius maxime pro quo mors i lata fuerat socio, semper doluit usque ad mortem Item: Non invenitur etiam in legibus humanis quod si in iudicio tali convictus quis apparuerit, quod statim ad effundendum sanguinem tradatur, quia non est ibi convictus coram seculari iudice, imo, sacerdotes et clerici adsunt, et sine illis nihil fieri posset. Quique statim tradunt ad mortem in iudicium reum, quod valde est horrendum. Item: B. Thom. Cantuariensis hac de causa incurrit odium regis, quod non permittebat tradi curiæ clericum, qui convictus erat coram Ecclesia. Sed primo degradabat, deinde non statim perimit eum: tortoribus, dicens: Quia puniverat peccatum tui de qua laverat eum, « Dominus enim non punit bis in idipsum (Nahum. i, ex Inter. LXX). » Sed, si, postquam factus erat non clericus peccaret, dignam erat puniri manu laica. Iustitiam fori secularis sentiebat non ecclesiastici. Item: « Hæreticum post trinam admonitionem vel correctionem devota, » ait Apostolus ad Titum ultimo. Non aut interfice, vel ad puniendum trade. Item: « Ego Pauli, ego Apollo, ego Cepha (I Cor. i), ita divisus est Christus, dicit Apostolus ad Corinthios in primo capite. Hæc est quasi idololatria. Non tamen legitur quod Paulus eos punierit, vel puniri fecerit, sed eis benigne scribit, et erroneos in Epistola sua corrigit. Item: Legitur quod Absalon, fugato David, accessum habuit ad concubinas patris sui in Jerusalem, et eas commaculavit (II Reg. xvi). Et in eodem legitur, quod regressus Jerusalem David, « decem concubinas, quas maculaverat Absalon, non punivit, sed tradidit in custodiam, alimenta eis præbens; et non est ingressus ad eas, sed erant clausæ usque ad diem mortis sue cum virginitate viventes (II Reg. xx). » Per quas intelliguntur pseudo, qui adherentes Absalon, id est diabolo, et in hoc deprehensi a David, traduntur curiæ et carceri ne alios corumpant. Non trucidantur, vel pœnam sanguinis subeunt. Tolerandi enim sunt, et admonendi quousque Deus eis fidem infundat, quia solvit quandoque Dominus crystallum Ecce induratum, et solvit compeditos, et glaciem, quantumvis induratum, in aquam liquet. « Simantur ergo utraque crescere usque ad messem, ne si zizania colligatur, eradicetur simul et triticum (Math. xiii). » Item, ad Corinth. I (C. p. xii): « Alii datur gratia sanitatum, in eodem spiritu, » id est operatio virtutum, Glossa, id est miraculorum contra naturam. Ergo, cum omni sacerdote licet benedicere ferrum vel aquam, videtur omnis sacerdos esse sanctus, vel usurpare gratiam facienti miracula, vel dicere quod ipse est persona multarum facierum. Similiter de illo videtur, qui audent subire iudicium.

Quod autem miraculum, probatur per hoc, quod inferior natura nihil ibi agere videtur, sed superior. Quod enim ignis manum non urit, secundum superiores causas contingit, vel quod aqua ponderosum non recipit. Furor est igitur huiusmodi sibi usurpare, et Dominum sic tentare. Contra quos Isaias capite XLIV (al. LXXV): « Ego su Dominus irrita faciens signa divinatorum, et amulos in furorem vertens. » Et alibi: « Quamdiu habet homo quod rationabiliter facere possit, non tentat Dominum. Et quidem stultum esset, si quis nollet exire de domo ardente et accensa cum posset, sed per miraculum

A expectare et liberationem. Si autem exire non posset, Domino tunc se committeret. Ut si non corpus vellet salvari, animam susceperet, dicens: « In manus tuas commendo spiritum meum, » etc. (Psal. xxx). Sed iste qui consecrat ferrum vel aquam, vel qui ferre vult iudicium, non videtur in tanto positus articulo, quod cogatur tentare per miraculum. Item: Queratur an solum sit miraculum; quare dolose agunt sacerdotes, qui quasi fortes temperant uni, alii exasperant? Contigit enim quod tres fuerint qui debebant subire iudicium: Primo quem non adeo diligebant, fervens ferrum tradiderunt; secundo, quem magis diligebant, jam infrigilatum dederunt; tertio tandem, quem maxime diligebant. Et ita videtur quod non confidunt de miraculis, sed potius de fraude sua. Similiter in aqua, quem volunt interdum salvant, quem volunt reum faciunt, quia decipiunt, vel in mergendo, vel in extrahendo, et ita hominem pro quo Christus mortuus est occidunt, et sanguinem eius leviter effundunt. Item, si de miraculo confiderent, quare ligarentur? sed erectum potius et madum innittere deberent. Item: Instruuntur illi, ut non contineant spiritum oris, et navium, vel ut non cum impetu descendant; et dicunt physici quod etiam complexio cooperatur. Item: Contendunt de immenso corpore. Quidam enim dicunt quod non est salsus nisi fundum cupæ percussit. Alii, nisi totum corpus immergat, etiam de capillis; quidam dicunt quod non sunt de veritate humanæ naturæ, et ideo non est curandum, si supererant; nec ideo minus salvus. Et alii e contra: et ita ludibrosa sunt huiusmodi iudicia et ad calcinatum moventia. Item: In monomachia, quare ponit championem pro se, si fuerit quis non valitudinariùs, vel sexagenarius, quandoquidem Dominus est ibi miracula ostensus? Item: Quidam veteranus amissurus erat hereditatem suam, nisi filium vel proximum haberet, qui pro illo iudicium aquæ frigida subiret, habens filios multos præteravit, quis filiorum levius et citius in cupæ fundum descenderet. Et inventi sunt duo primi missi in aqua supernatantes, tertium demissum tertio, et fundum cupæ percussit et exclamavit præ gaudio: Benedicta sit hora qua te genui, fili mi, quia tu es qui restitues hereditatem meam mihi (Psal. xv). » Ecce iste nunc [forte non] confidebat multum de miraculis, sed notus de naturali complexione. Item: Magister (Petr. Cant.) sic probavit hæc iudicia esse criminosa peccata, et etiam plus peccare coram cardinalibus (Ex hoc loco et a iis conijcere est non nisi e hunc veram tæxum auctoris); ita si exhiberis locum, vel tempus, vel causam, vel servientem tuum a querendum fornicationem volenti fornicari peccas criminaliter, etiamsi consensus quemcumque præbueris, etiam si impedire possis, et non impedias, graviter peccas. Multo fortius tu, sacerdos, qui totam causam, non solum occasionem præbes, totum procuras homicidium, benedicens, ligando, tenendo, mittendo, et emittendo in aquam, vel ferrum tradendo, te, illis, absente, nihil fieri posset.

#### CAP. LXXIX - LXXX.

Similiter gravissime peccat Ecclesia (vide c. 78), quæ per quatuor in monomachia tradit sanc a, locat armaturas, pugillatorias, et multa in hunc modum, sane quibus non fierent. Hæc de illa detestabili et reprobanda traditione, quæ consistit in peregrinis iudiciis et adventionibus diabolicis. Sunt autem tria genera traditionum (cap. 79). Quædam sunt illicitæ et a diabolo potius inventa, quam ab homine, ut jam dictum est, penitus legi Dei contrariæ. Quædam sunt licitæ et utiles, sed obicem facere videntur divinis præceptis, ut traditiones [contra traditiones] quædam claustralium, et istæ sunt dubiæ. Quædam sunt vera, quæ faciunt legi Dei obicem et aggravant pro sua multitudine, et

ideo magis cavendæ. Et primo de claustralibus præceptum est in Evangelio : « Si peccaverit, » etc. (*Matth. xviii*). Tu ergo claustralis, vel hoc mandatum implere non potes (cum sit generale secundum quosdam) non enim habes licentiam colloquendi cum socio. Non potes ordinem illum evangelicum in claustro observare; ergo obicem facit præcepto Domini claustralis traditio. Dicunt quidam quod mandatum Evangelii datum est de atrocioribus et enormibus peccatis; sed in minoribus socius socium accensat in claustro: si vero viderit eum fornicari, dubium est nobis an coram omnibus turpitudinem ejus revelet, an abbati tantum. Sed constat quod nec in mediocribus, nec in maximis vitiis, nec in minimis mortalibus potest observare ordinem præcepti illius; ergo inobediens Deo. Item: Videtur traditio claustralis contraire huic præcepto: « Si oculus tuus vel si dextera tua, scandalizat te, projice eum vel eam abs te (*Matth. v*). » Per oculum vel dexteram intelligitur vita contemplativa, per sinistram activa. Sed, si gravet claustralem contemplativa, non permitteat exire vel redire ad activam. Ex quo semel ascendit ad Mariam, non descendit ad Martham (*Luc. x*). Dicimus hic opus esse distinctione. Est enim duplex contemplativa, simplex et sincera; quando quis animæ suæ eligens suspendium, raptus in apothosim colloquitur Domino, interest choris angelorum et sanctorum collegiis, et sic:

*Ad citharæ sonitum grex obliviscitur esum.*

Et hoc est paucorum. Ab hac etiam abbas Bernardus Clarevallensis quemdam claustralem suum (quia se totum jam immergerat illis theologice personis, et qui jam incurtebat stupores capitis) ad activam aliquantulum revocavit.

Est et alia contemplativa inferior illa summa, quæ dici potest contemplativorum activa, et consistit in lectione historiarum, actuum apostolorum, et in cochlearibus sciendis, et in hujusmodi opusculis faciendis. Et ad talem activam contemplativam divisit sanctus Bernardus venire claustralem. Et de hac intelligi potest in Evangelio, quod ad istam, ab illa, quilibet claustralis gravatus descendat. Prior est ad amplum præmium; secunda est ad compensandum remedium. Similiter duplex est activa. Prælatorum dignior ad meritum, conjugatorum indignior, infirmitatis remedium. Item Augustinus: Quando habet homo, quid rationabiliter agat, Dominum non tentat. Contra hoc etiam mandatum: « Non occides (*Exod. xx*), » intelligitur, nec te, nec alium. Quod videntur facere traditiones, quæ datæ sunt claustralibus, ut sine cuculla non jaceant, ut paratores sint semper; quia sanctus Benedictus in Regula jubet (*Cap. xxii*), « ut vestiti et cincti jaceant, ut sint magis prompti. » Sed eadem ratione tenentur jacere calcæati, quia plus moræ impenditur in calcæis informandis et ligandis, quam in cucullis induendis. Dicunt quidam, quod sic imitantur crucifixum. Et qui cucullam exiit, monachatum exiit. Unde quidam, cum alii exirent nudi de navi naufragante, noluit cucullam exuere, cum tamen sciret natare, et cuculla impediente submersus est, altis liberatis. Similiter multi coguntur mori in æstate vexati morbo aliquo, ut acuta febris, et hujusmodi; in hieme vero multi frigore moriuntur, quia non audent caputium capiti imponere propter traditiones istas. Et ita frustra habent in vestibus caputia. Malunt ergo esse Deo inobedientes, quam traditionibus suis. Sed queritur quid censendum de illo, qui se submersit? Nonne sibi manus, imo mentem et corpus injecti? Ergo communi sepultura carere debuit. Quod nullum recipi ad confessionem reum scilicet fornicatoris, vel proprietatis, quem non remittat ad Dominum, et magistrum domus, laicum scilicet. Quod ergo faciendum sacerdoti huic? Dicit ille, qui sacerdoti confitetur, quod non ibit ad magistrum illum lai-

cum; prius decederet sine confessione. Tu autem, sacerdos, perieras, ni miseris. Mittens autem quodammodo revelas confessionem istius, nec audita confessione audes nolenti ire injungere sine licentia majoris laici satisfactionem. Et sic multi coguntur mori sine confessione subitice enormia. Idem constitutum est in ordine Grandismontani (Vide ad cap. 70). Presbyter enim minoris loci aulica fornicatione, vel furto fratris laici vel clerici, laico magistro, secundum traditionem suam, dicit: Domine, necesse habent fratres isti ut mittantur ad Grandem-Montem. Præpositus vero statim maledicit eum, et imponitur jumento, de cella in cellam mittitur, confusus ubique verecundia gravi, usque dum venit ad magnum priorem. Et ita ubicunque venit, quasi publicitatem est ejus crimen. Dicunt enim omnes: Operatus est iste male. Et sic propter istas traditiones impeliuntur in via Dei, et sunt inconfessi. Aliæ traditiones pariunt suspicionem vel scrupulositatem, ut accidit in claustralibus.

Querunt enim a quibusdam magistris, si singulis annis sint in claustro Cisterciensi novæ traditiones, tenemur ipsi, inquit, ad omnes? Peccone quoties transgredior scienter usam illarum, mortaliter? Ut cum loquor aliquod verbum hora ad hoc non determinata, vel hujusmodi? Item: Aliæ pariunt fastidium et accediam, quia multæ sunt, ut de multis psalmis cantandis, de multiplicibus Matutinis Nigorum monachorum (*Ord. S. Bened.*). Dicit enim Jeremias (*cap. xlviii*): « Maledictus homo qui facit opus Dei negligenter. » Et in Apostolo: « Psallam spiritu, psallam et mente (*I Cor. xiv*). » Et Hieronymus: Melior est unus psalmus decantatus cum jucunditate cordis quam psalterium cum aecidia et torpore. Aliæ traditiones (Vide not. in c. 79), quæ schisma pariunt et divisionem, ut si optimus cantor, vel psalmista in Ecclesia Remensi fueris, si monachus factus fueris, parum aut nihil inter eos scies (*Propter diversitatem officiorum et cantus*). Etiam ecclesiæ sæculares diversificaverunt officium divinum, contra decretum eundem modum psallendi, et cum talem debeant habere usum Ecclesiæ suffraganeæ, quem habet Ecclesiæ metropolitana. Aliæ sunt traditiones, quæ periculosam faciunt securitatem; ut nobis clericis, qui Canticum cantici, vel e contra, continuamus securi, vpletis horis vocalibus, licet non attente vel devote, non attendentes horas reales, quæ sunt: « Nudus fui, hospes fui, in carcere, infirmus fui » etc. (*Matth. xxv*). Septima est in Tobia de sepeliendis mortuis (*Tob. ii*). « Ista ergo oportuit facere, et illa non omittere » (*Matth. xxiii*). Vel si ventum esset ad omittendum, potius vocales omittendæ essent. Ergo sunt istæ horæ, ut in die reales, in nocte vocales. Unde: « In die mandavit Dominus misericordiam suam, » id est opera misericordiæ, « et nocte canticum ejus (*Psal. xli*), » scilicet redire ad cor et laudare Dominum: et alibi: « In psalterio decachordo psallite Domino (*Psal. xxii*), » id est in operibus legis. Quidam sapiens aiebat, decem canonicos ecclesiæ celere institui, ut pauperes visitarent; alii decem essent addicti operi misericordiæ; alii decem ad purganda vitia civitatis et persequenda; alii essent in ecclesia ad vocales horas cantandas deputati, et sic Ecclesia esset, « ut castrorum acres ordinata (*Cant. vi*), circumamicta varietatibus (*Psal. xliiv*). » Redeundum est adhuc ad illas traditiones quæ impediunt ad legem Dei, ut sunt traditiones, quæ datæ sunt de juramentis in Ecclesia, quæ hodie multa oportet fieri ad canonicandum. Primo existitur in Ecclesia quadam a canonicando ut juret, pro posse suo, se consuetudines Ecclesiæ servaturum; nec licet ei determinare bonas vel illas, quæ concordant Evangelio, vel canonibus sanctis saltem non obviant. Item: Institutum est in Ecclesia quadam, ut juret intranzandus se, pro posse suo, jura Ecclesiæ manuteneat, injurias illi illatas, vel illas,

qui ad illam pertinent, vincicare. Super quo consultus dominus papa (Alexander III), si rationabile esset hoc iuramentum, inquit: Sit ergo semper unus eorum ocrearius [forte ocreatus], parati equi et insellati, ut perquirant eis ablata, et nunquam cesset equitare. Nihil enim fieri potest pro posse si iuramentum præstetur. Non enim posses pro posse tuo Deo servire, si jurasses. Invenitur tamen quod frustra extendit quis orando manus suas ad Dominum, qui eas pro posse suo non extendit ad egenum.

Difficile ergo est illud verbum, ad interpretandum, scilicet, ( pro posse, ) et præpræceptis est tale iuramentum, nec est in discreto faciendum, quia est indiscretum. Item: In eadem Ecclesia juratur, quod de ablatis æquivalentibus centum libras, non condonabitur plus centum solidis; de centum solidis non plus quam quinque solidi. Quod videtur esse contra Evangelium: « Dimittite et dimittetur vobis (Luc. vi.) » Contra etiam consilium Apostoli, qui ait: « Quare non magis fraudem patimini, quare non magis injuriam accipitis? » (I Cor. vi.) Coguntur etiam, qui sic juraverunt contendere, nec possunt juri suo renuntiare, vel litibus; sed tamen minus malum, si pro damnis suorum hominum restaurandis jurassent, non propriis. Item: In alia Ecclesia juratur, quod non recipiunt pignora de damnis, vel de rebus sibi debitis, nisi aurea vel argentea. Unde annulum a quodam nobili et credibili viro pro magna summa receperant, et delusi sunt, et forsitan perjuri. Item: In quibusdam Ecclesiis juratur, quod nullus canonicabitur, nisi fuerit ingenuus. Quod quidem primo introductum fuit propter servos principis, qui propter parentes suos non audent ita libera fronte contradicere. Hodie vero introducuntur in Ecclesiis filii servorum, vix aut nunquam alii; nec permittuntur remoti intrare quantumcumque digni.

Item: Institutum est in Ecclesia et iuramentum, quod non permittitur in terra sua, sed ex toto exsul fiet, quicumque hominum Ecclesiæ suspectus de homicidio vite vel domus, noluerit se purgare iudicio ferri igniti, vel aquæ frigidæ. Super quo consultus dominus papa, mirum habuit quod decretistæ et litterati hoc unquam constituerunt, et mittendus esset a latere domini papæ legatus, qui hujusmodi iuramenta et traditiones noxias purgaret. Sicut enim « in multiloquio non deerit peccatum (Prov. x), » ita in multijurio non deerit perjurium. Ut fidem faciamus, non traditionibus, sed traditionum increpationibus, notandum et cavendum aliud, quod exigi solet sacramentum (22. q. 1, Non est contra). Jurat enim quilibet sacerdos prælatis suis se servaturum mandata sua, et non celaturum subditorum commissæ. De quo supra ut de tonsoribus et expilatoribus. Sic ergo sacerdos non est pax, non est tarris abundans pace, non est factus in tempore iracundiæ reconciliatio (Eccl. i. xlii): ex quo non potest discordes reconciliare sibi vicem, ad quem pertinet hoc facere. Amittunt libertatem præcepti evangelici: « Si peccaverit in te, » etc. usque « die Ecclesiæ (Matth. xviii), » inclusive; quia quam cito commiserunt, oportet ut hoc referant Ecclesiæ, id est prælato, non ut moneat ad pacem. Hoc autem iuramentum non exigebat Moyses a decanis (Exod. xviii), a pentacontarchis, et hujusmodi, quos sub se constituit, ut omnes causas ad eum referrent, sed difficilissimas, ad quas solvendum non sufficerent.

Item: Accidit quod duo pueri ludebant sagittulas trahendo in cœmeterio, et incaute lesit unus alium; occasione vulneris læsus obiit. Inimicati sunt inter se parentes puerorum. Præbyter vero non audebat eos reconciliare, quia plagentis pater ditior erat: et si audiretur pax et fœdus inter eos venisse post discordiam, retractaretur causa ante prælatum, vel magnum Pilatum. Et rogavit magistrum præbyter

A ut discordiæ finem imponeret. Quod ipse non audebat propter illud execrabile iuramentum, dicens, quod perplexus, si retulero ad prælatum, suscitaborixas inter me et inter eos, qui a prælatis multabuntur. Si subticero, vae mihi a prælatis. Item: Videtur quod eis non sit parcendum, quia cura revocat, quam ei dederat prælatus ad hoc: et ita non peccat si revelat ei subditorum commissæ. Item: Sicut archidiaconi exigunt hoc sacramentum, sic et ab eis exigunt prælati, ut scilicet duas partes sibi retineant de commissis, tertiam archidiacono. Sed tamen clamant archidiaconi in hoc secum actum injuste, quia episcopi non jurant eis quod tertiam partem de omnibus commissis sint reservaturi illis, si recipiant vacat. Item: Aliud perniciosum iuramentum juratur in Ecclesia, quod si per septem vel octo menses (Deficit hic cap. 80). Sicut quædam traditionum adinventiones quædam pariunt præsumptionem, et stultam contra præcepta Dei securitatem, ita præsumptionem et temeraria securitatem arguendi sunt, qui sacræ Scripturæ rigorem, arcum scilicet remittunt tensum et stulta interpretatione emolliunt quædam præcepta Evangelii esse ceremonialia, apostolis data, non modernis, quædam consilia, quædam perfectis proposita, pro loco, pro tempore, pro persona, et hujusmodi. Quædam ad terrorem. Unde contra eos David ait: « Nisi conversi fueritis, gladium suum, etc. (Psal. vii.) » Arcum itaque istum flectere et remittere faciunt pro voluntate sua pravi interpretes, volentes legem Dei sequi pravos voluntates eorum, non se dirigere et modificare secundum terminum et regulam sacræ Scripturæ, nec eam interrogant secundum quod scriptum est. Ideo perierunt filii Israel, quia « os Domini, » id est sacræ Scripturam « non interrogaverunt (Josue ix). » Et Paulus: « Commendo vos Deo et verbo ejus (Act. xx), » id est sacræ Scripturæ, sed potius consuetudines et exempla aliorum sectantur et consulunt. Contra quos philosophus (Seneca): Summa malorum est, quod ad exempla malorum vivimus. Nec tamen negandum est (Non Petrus Cant. hic se commendat, sed alius scholiastes) quin consuetudo et interpretatio humana imitanda sit ubi casus difficiles emergunt, quando consulenda est ratio, ubi leges et canones, ut lex Dei nihil in illis manifestat expressum. Consulo ergo Verbum abbreviatum et planum ad fidem et morum scientiam habendam. Unde Augustinus super illum versum (Tom. VIII, in Psal. cxviii): « Pax multa diligentibus legem tuam, et non est illis scandalum, » facientis, vel patientis. G. scandalum ipsa lex: Qui diligit legem, si quid in ea non intelligit adorat, et se nescire. Ideo « lex non est illi scandalum, » quia fides ejus ex ea pendet, non ex moribus hominum, nec aliquibus cadentibus ipsi scandalo pereat.

Legem ergo securus diligit, et est ei pax, et nullum scandalum. In quam si multi peccant, ipse non peccat: « Lex Domini immaculata convertens animas, testimonium Domini, » etc. usque « illuminans oculos, » etc. « Fidelia omnia mandata ejus confirmata in seculum sæculi, » etc. (Psal. cxv), et alibi: « Testimonia tua credibilia facta sunt in nimis (Psal. xcii). » Super quem locum Augustinus: Dicunt quidam hæretici Dominum terribilium locutum fuisse, quam verius, imo verius quam terribilium. Et alibi: « Mandasti mandata tua custodiri nimis. Adhæsi testimonio tuis, Domine, noli me confundere, » quia, « non confundar cum perspexero in omnibus mandatis tuis (Psal. cxviii). » His adhæsit bene beatus Martinus qui obvius oviculae tonse, ait: Diu est quod non vidi qui Evangelium impleat sicut ovicula, quæ tunicam suam dedit, lanam scilicet, pellem vero pro tunica una reservavit. Idem etiam chlamydem suam dimidiavit pauperi. Noli ergo nucem opponere folio, per pravum



expositionem. Noli nucleum de testa elicitum, Christo nato superinduere altera testa. Adhære prius simplicitati Evangelii. Noli succum opponere contra te, ait Propheta in persona Domini: « Factum est cor meum, » id est, secreta cordis mei, sacra Scriptura scilicet « tanquam cera liquescens in medio ventris mei (Psal. xxi), » id est simplicitatem et soliditatem Scripturæ meæ liquefecerunt et annihilaverunt fragiles isti præ nimia eorum mollietate. Item contra tales ait Isaias (I., 70): « Argentum tuum verum est in scorium, vinum tuum mistum est aqua, caupones tui miscent aquam vino, mutatus est color optimus. » Et ita pravi sunt illi argentarii, vel aurifices, vel pictores, qui merum corrumpunt, varietate expositionum, meracissimum, vividum colorem, fuco vel minio artificiali, id est, fermentata vel superflua interpretatione dehonestant. Item Matthæi v: « Esto consentiens adversario tuo cito dum es in via, » id est, consenti sacre Scripturæ, quæ tibi carnaliter viventi adversatur, « dum es in via mandatorum. Caro » nempe « concupiscit adversus spiritum et spiritus adversus carnem (Galat. v). » Item (Hieronym. VII. not. ad c. 80): Qui verum dicit non laborat. Veritas enim non habet angulos. Ideo autem in exponendo sacram Scripturam laboramus, quia operari nolumus, et ideo dicimus: hoc est pro loco, pro tempore, pro persona vel consilio est, et hujusmodi. Philosophis et raris magis curæ fuit integritas verborum, et elegans ornatu quam integritas rerum et sensuum; sanctis autem e contrario. Item: Pudeat vos, quod magis dissonat et dissidet expositio vestra, quam facitis ad libitum, a littera Evangelii vivificante, quam illa allegorica antiquorum a littera occidente (II Cor. iii). Hoc est quod Judæus litteratus magistro Remis opposuit: Vos Christiani dicitis quod omnia intelligenda erant in lege veteri allegorice, quia « omnia contingebant antiquis in figura (I Cor x); sed vos simplicitatem Evangelii allegorice et multiplice expositione oneratis; ita legem vestram ore divino datam in honoratis. Quilibet enim suam facit expositionem, dicens:

*Sic volo, sic jubeo, etc.*

(Juv. vi, 225.)

Et quia nullus vestrum legem suam observat, nolo esse Christianus, sed insisto, neque eam sum corumpens. Item: Similes facti sumus Mahometo. Qui videns legem Evangelii, inquit quibusdam dysscolis: Hæc est Christi lex, sed quia nimis est onerosa et gravis, sequimini me et ego eam vobis temperabo. Et sic indulgens eis plures concubinas, laxando frena in cibo et potu, et cura corporis, induxit eos in errorem, qui adhuc dicitur error Mahometinorum. In quem videntur cecidisse, soliditatem Evangelii pro moribus suis molientes.

Nota quid dixit juvenis bonæ indolis et magnæ spei moriens Remis: Nondum omnia reddidi, habui administratorem quemdam, et dedit ille mihi duos caupones, ille alius duos caseos; ex æquo reddite omnia. Dicebant socii et sacerdotes: Non sunt talia reddenda. Vos multum laborabatis pro justitiis illis. Ad hoc ipsum tenebar. Justitiam ipsis facere debebam. Nunquam volo super his disputare cum Domino. Ipse enim timeo valde, ne mihi concludat, qui omnia novit. Item: Contra hos praves caupones est Augustinus (lib. vi, c. 3). Origenes, qui ut legitur in ecclesiastica Historia ad litteram Evangelium

A implebat contentus tunica, « perreuerenti paratus præbere alteram maxillam (Luc. vi). » De quo dictum est: Hic est, qui sicut loquitur vivit, et sicut vivit loquitur. Idem cum Republica decrevisset, ut quidam discipulus, scilicet Bassilides, in quadam causa jurasset, respondit se nunquam juraturum. Et quia putabant eum hoc dixisse serio, iterum asseruit, dicens: Christianus sum, nunquam jurabo. Et ideo protinus suscepit martyrium. Item: Nos Dominum facimus mendacem, qui ait: « Angusta est via quæ ducit ad vitam et arcta (Matth. vii). » Nos autem levigamus eam viam mandatorum Domini, pro voluntate eam exponendo, cum non possit alleviari sine amore. Solus enim Dei amor est, qui angusta et difficilia Dei mandata levia facit, et prope nulla. Item: Valde terrere potest hujusmodi praves interpretes, quod Dominus ait in Evangelio Matthæi v: « Nolite putare quod veni solvere legem aut prophetas. Non veni legem solvere sed adimplere; » quasi perfecte vel ad plenum, scilicet secundum significationem figurarum, secundum formam prædictorum, secundum moralem intellectum. Item: Illud quippe quod sequitur terribilius est: « Amen dico vobis, donec transeat cælum et terra iota unum, » id est minimum mandatum, quia iota est minima littera, « aut unus apex » (id est, minimum mandatum, vel pars minimi mandati, quia apex titulus est vel pars litteræ superior, ad decorem litteræ supereminens, vel in chartis et literis apostolicis) « non præteribit a lege donec omnia fiant (ibid.). » Unde alibi: « Maledictus qui non impleverit quæcunque scripta sunt in libro hoc (Galat. iii), » maledictione pœnæ, scilicet et culpæ. Et in fine Matthæi: « Euntes, docete omnes gentes, baptizantes in nomine Patris, et Filii, et Spiritus sancti, docentes eos servare omnia quæcunque mandabo vobis (cap. xxviii). » Item audi terribilius: « Qui ergo solverit unum de mandatis istis minimis, et docuerit homines, » scilicet, solvendum esse aliquod etiam minimum mandatum, « minimus, » id est pessimus, « vocabitur in regno cælorum, » (Matth. v), « id est ab his qui erunt in regno cælorum, id est cum Ecclesia militantibus vel triumphantibus. » Qui autem fecerit et docuerit, » scilicet sic esse faciendum, « hic magnus » vel etiam maximus, « vocabitur in regno cælorum, » merito et præmio.

Ex his duobus colligo reliqua duo membra quæ solverit et non docuerit; vel e contrario, et qui fecerit, et non docuerit; vel e contrario, vel qualis, vel quantus debeat vocari in regno cælorum. Item: Audi quod sequitur: « Dico autem vobis: Nisi abundaverit justitia vestra plusquam Scribarum et Pharisæorum non intrabitis in regnum cælorum (ibid.). » Non dicit de illorum justitia simulata, vel etiam figurata, sed morali et spirituali eos justificante, ut etiam addita in Evangelio ad perfectionem, impleatis, « non intrabitis in regnum cælorum. » Verbi causa: Audistis, quia « dictum est antiquis, » et hujusmodi, « Qui autem occiderit, reus erit iudicio » secundum legem; « Ego autem dico vobis » plus G. ponendo scilicet, « non irasci; quia omnis qui irascitur fratri suo, reus erit iudicio (ibid.). » Si ergo irasceris peccato ejus, vel ipsi, per praves motus, caveas ne iudicium amplius irascendo, quam decet, incurras.

Addit etiam quod « qui dixerit fratri suo ræca: » G. Interjectionem [at interiori], indignationem mentis exprimentem, etc. Nunc redeat lector ad genuinum textum auctoris (Ad c. 80). Tria enim exemplaria hic conveniunt, et deinceps.

**EPISTOLA WILLELMI**  
**REMENSIS ARCHIEPISCOPI**  
**AD PETRUM CANTOREM**

De ejus electione in decanum Remensis capituli (1).

(Anno 1196.)

(Actes de la province ecclésiastique de Reims, II, 326.)

Vuillelmus Dei gratia Remensis archiepiscopus, A per vos laxa matris ubera repleantur, quæ vos aliquando parvuli suxistis. Dignum erat, et justum, ut nostra primitiva mater Ecclesia, quæ vos aliquandiu indigentia commodaverat aliorum, suis in necessitatibus revocaret filium, suis retineret usibus revocatum. Unde qua possumus obedientia districtione vobis injungimus, secuta in Domino conscientia consulentes, ne cuiquam credatis vobis aliter suggerenti, quominus in hoc proposito perseveretis stabiles et immoti; in Domino quippe confidimus, quod et in nobis, et nobiscum in aliis fructum Deo placitum facere debeatis; utpote quem non soli Remensi ecclesie, sed et toti provincie, regnoque potius universo provisum esse credimus, etiam iis temporibus reservatum, vestrae namque B circumspectionis consilio in propriis, et communibus negotiis specialiter uti decrevimus.... Et ut in eodem stetis proposito firmiores, quocumque vobis placuerit et ecclesie nostrae titulum, et suscipere dignitatis officium per nos, vel per venerabilem fratrem et consanguineum nostrum reverendum Parisiensem episcopum, ad sacerdotium promoveri, gratum nobis erit, etc.

(1) Il est douteux que Pierre le Chantre ait accepté cette dignité, car l'année suivante il se fit moine à l'abbaye de Long-Pont.

ANNO DOMINI MCXCVIII

**GARNERIUS**  
**LINGONENSIS EPISCOPUS**

**NOTITIA,**

(Gall. Christ. nov. edit., tom. IV, col. 591.)

Garnerius et Garnerus de Rochefort, Simonis de C cho Longivadi, primum Albæ-ripæ, tum Claræval-Rupeforti frater, alterius Simonis nepos, ex mona- lis nonus abbas, Manassi successit: verum quo

anno? 1193, inquit annales Cistercienses. Sic enim in catalogo abbatum Claræ-vallis: « Garnerius abbas Albæ-ripæ abbatissavit hic, id est in Claravalle, annis novem. Postea factus est episcopus Liſgonensis. » Electus vero est an. 1187, ut notat idem catalogus; atque adeo, ut minimum, in sui monasterii administratione pervenit ad ann. 1195. Id quidem grave, sed catalogo chroniceo opponimus, in quo et Manassis obitus et electio Garnerii ad 1193 referuntur; opponimus et instrumenta jam-jam referenda, ex quibus pedum ante 1195 gessisse palam est. Anno 1193, « Dilectis filiis suis, capitulo Lingonensi concedit ut decimæ, quas habent apud Perigne villam suam numerentur eis ad carrum, vel ad quodeunque aliud vehiculum tempore messionis. » An. 1194, 1195 et 1196 dona Grossæ-silvæ facta approbat. Sic porro incipiunt litteræ anni 1194: « Ego Garnerius divina miseratione Lingonensis ecclesiæ minister, notifico, » etc. Ipse et Rainaudus Lugdunensis archiepiscopus, ac G. Eduensis præsul subscribunt quibusdam privilegiis ab Odone Burgundiæ duce Divioni urbi concessis. Anno sequenti 1195 iidem confirmarunt institutionem capellæ Divitum Divione, quam et Garnerius benedixit 26 Novemb. et data charta testatur canonicos ejusdem capelle coram se super sancta Evangelia jurasse, quod nullum omnino de parochianis S. Stephani reciperent. Hoc eodem anno Cælestinus papa dato diplomate confirmat capituli statutum, vetans ne quis canonicorum præbendæ fructum præsumat accipere, nisi annuatim per sedecim septimanas in ecclesia moram fecerit continue vel *interpolatim*, ita ut uni principalium horarum matutini, vel majoris missæ, sive vesperarum intersiit officio. Ex charta Rainaudi Lugdunensis antistitis patet: « Dominum Garnerium » nostrum « Miloni abbati et ecclesiæ sancti Stephani donasse ecclesiam de Tile-castro libere et integre, » quam hoc ipso anno confirmat. Circa idem tempus multa largitur prioratui Vallis-caulium, ut fidem facit charta illius cœnobii, in qua vocatur episcopus et dux. Ratam quoque habet institutionem canonicorum sæcularium B. Mariæ Salionis (de *Sauz*) a nobili viro Guidone ejusdem castri domino factam anno 1197. Habemus et aliud, quod significat transactionem inter ipsum et capitulum factam « de quibusdam rebus ad sanctorum Geminorum ecclesiam pertinentibus. . . . . nullum præjudicium vel impedimentum in appellando. vel alio modo allaturam capitulo, si non steterit illa transactio, omnia super quibus inita fuerat compositio, ad pristinum statum reversura. Actum Lingonis xviii Kal. Septemb. an. Verbi incarnati 1197, sedente papa Cælestino. » Scripta charta declarat se donationem ecclesiarum S. Joannis et Sancti Philiberti Divionensis, quam bonæ memoriæ Robertus decessor fecerat sancto Benigno, laudare, approbare, et sigilli sui appensione confirmare, jubereque ut San-Benignianus abbas ea libertate eas pos-

sideat, qua a supradicto Roberto concessæ sunt. « Anno ab Incarnat. Domini 1198, mense Maio, regnante Philippo rege Francorum. »

Infaustus fuit ejus exitus, illum exhibent tres Innocentii tertii papæ epistolæ. Prima, quæ est editionis Baluzii numero 182 libri primi, data xvii Kalendarum Junii, Incarnationis Dominicæ anno 1198, pontificatus primo, significat tantam ipsum inter ac decanum et capitulum Lingonense subortam esse discordiam, ut canonicis ipsum coram Lugdunensi archiepiscopo *dilapidationis et insufficientiæ* accusantibus, apostolicæ sedis audientiam appellaverit: unde ipsi indicit ut hinc ad festum beati Michaelis archangeli proxime futurum apostolico se conspectui repræsentet, responsurus objectis, et quæ voluerit adversus ipsos objecturus, ei interim gravissime inhibens, ne occasione hujus discordiæ bona ecclesiæ suæ dilapidare præsumat. Secunda epistola, quæ est ejusdem libri 504, subiratus significat primo, se ipsi sine dolore et pudore scribere non posse, cum sedes apostolica, quod olim in ipso dignoscitur approbasse, nunc peccatis exigentibus cogatur improbare. Secundo, ab ipso illius promotionis principio inter ipsum et canonicos Lingonenses multas pullulasse quæstiones, nec unquam, postquam ipsius commissa fuit regimini, pacem habuisse ecclesiam Lingonensem: « Sicut, inquit, fama refert publica, et quamplurium prælatorum et religiosorum ipsarum partium litteris nostro est apostolatui suggestum. » Tertio, non solum mobilia, sed etiam immobilia ipsius ecclesiæ ab ipso adeo distracta, ut quæ olim inter Gallicanas ecclesias nobilis fuerat et famosa, nunc habeatur ab his, qui in circuitu ejus sunt in opprobrium et contemptum. Quarto, ægre admodum se ferre, quod cum canonici Lingonenses, et illi præsertim, quos ad petitionem ipsius litteris apostolicis fecisset evocari, sese Romæ stetissent, ipse non comparuisset, sed post longam dilationem duos nuntios misisset, ac per litteras significasset, se in Cisterciensi capitulo in multorum religiosorum et aliorum præsentia, crucem, quæ prædicabatur accepisse, vovisseque pro amore Jesu Christi ad partes accedere Transmarinas. Unde sic concludit, quantumcunque nobis molestum sit te in aliquo molestari, quia tamen nobis incumbit corrigenda corrigere, et reformare in melius quæ circa ecclesiarum statum noscuntur minus licite attentata, habito cum fratribus nostris super hoc negotio consilio, te pro contumacia manifesta, et dilapidatione vulgata, ab administratione totius Lingonensis episcopatus, tam in spiritualibus quam in temporalibus, omnino suspendimus, auctoritate tibi præsentium injungentes districtius, ut suspensionem procures inviolabiliter observare. Denique velle se declarat (*nisi forte, inquit, cedere potius malueris, quod saluti tuæ magis credimus expedire*) causam, quæ inter ipsum et decanum Lingon. pro ecclesia vertitur, super dilapidatione et insufficientia, et aliis multis injuriis et gravami-

nibus per eum ipsi ecclesiæ irrogatis, examinari A personales autem quæstiones, si quas idem episcopus, et major archidiaconus adversus decanum, vel aliquos canonicorum habuerint, audiant, et sublato appellationis obstaculo curent terminare, etc. Summi pontificis consilium secutus Garnerius cecidisse videtur, et, forte post confectum iter Transmarinum, Claramvallem-petisse, ubi et obiit, et jacet, cum hoc brevi titulo : « Hic jacet dominus Garnerius primo Albæ-ripæ, deinde hujus monasterii nonus abbas, postea Lingonensis episcopus. » Is porro esse videtur de quo Innocentius anno tertio pontificatus, n. Idus Maii, in epistola ad Lingonense capitulum ait : « Cum episcopus vester ipsum episcopatum in manibus nostris resignavit, nos ei pro sustentatione sua de quibusdam ipsius ecclesiæ possessionibus fecimus provideri. Verum ei auctoritate præsentium inhibemus ne quidquam de assignatis infeodare, seu alienare, vel quoquo pacto distrahere, etc., præsumat, alias factum irritum decernimus. » Refert chronicon Lingonense post ejus suspensionem, rem interim totam, seu sacram, seu profanam ad episcopos pertinentem administrasse Hugonem de Nuceriis seu Noeriis (*de Noyers*) Antissiodorensem antistitem, cujus impulsu in locum suspensi nominatus fuerit Hilduinus, qui postmodum fuerit rejectus, iterumque admissus.

B possessionibus fecimus provideri. Verum ei auctoritate præsentium inhibemus ne quidquam de assignatis infeodare, seu alienare, vel quoquo pacto distrahere, etc., præsumat, alias factum irritum decernimus. » Refert chronicon Lingonense post ejus suspensionem, rem interim totam, seu sacram, seu profanam ad episcopos pertinentem administrasse Hugonem de Nuceriis seu Noeriis (*de Noyers*) Antissiodorensem antistitem, cujus impulsu in locum suspensi nominatus fuerit Hilduinus, qui postmodum fuerit rejectus, iterumque admissus.

## D. GARNERII

### CLARÆVALLIS QUONDAM ABBATIS

POSTMODUM

### LINGONENSIS EPISCOPI

## SERMONES

### IN FESTA DOMINI ET SANCTORUM.

(Dom TISSIER, *Bibliotheca Patrum Cisterc.*, Bonofonte, 1660, tom. III, pag. 75.)

#### SERMO PRIMUS.

IN ADVENTU DOMINI.

*Dominus creavit me in initio viarum suarum* (Prov. viii). Carissimi, filii Dei sumus, sed nondum apparuit quid erimus (*I Joan. iii*). Nam quando evacuabitur quod ex parte est, et advenerit quod perfectum est (*I Cor. xiii*), eruetur oculus scandalizans; et similes ei facti cognoscemus sicut et cogniti sumus (*ibid.*), quia uno eum amoris oculo intuebimur claritate solis septemplex clarior

C (*Isa. xxx*), qui cecutire non poterit, quia non offuscabit eum vel peccati macula, vel sordidæ voluptatis albugo. Nunc interim quandiu nubes carnis et supervenientium fletus amaritudinum non solum exteriores, sed interiores obnubilant oculos rationis, necesse est per speculum in ænigmate contemplari (*I Cor. xiii*), facientes ei murenulas aureas vermiculatas argento (*Cant. i*); id est sapientiæ similitudines distinctas eloquio. Ad hoc enim Deus Pater sapientiam suam, id est unigenu-

tum Filium suum creavit initium viarum suarum, et in opera sua a sæculo, ut errantibus via esset et dux euntium, festinantium cursus, ignorantium securitas et quædam nescitarum et desideratarum rerum magistra. Ergo in viarum initio a sæculo creata dicitur; cum Dei Filius creatus in sæculo, sed ante sæcula natus ex Deo per conspicabilem speciem subditus creaturæ habitum creationis assumpsit. Nam hujus dispensationis mysterium et creationis sacramentum ab initio sæculi et viarum Dei habitu variæ creationis apparuit, ad cognitionem scilicet Dei et nostræ æternitatis profectum. In omnibus siquidem vel ab æternitate prolatis, vel ad æternitatem relatis, quæcunque gesta sunt, vel hujus creationis dispensationem prætendunt, vel ipsa sunt ipsa creatio. Factum quippe creaturam eum, per quem facta est omnis creatura, justum est habere testem omnem suæ creationis creaturam. Initio igitur viarum Dei, id est initio viarum quibus ad Deum reditur, manifestavit Deus creationis, vel, ut expressius dicam, incarnationis mysterium: et hoc a sæculo, id est ab initio sæculi, quia redeundi ad Deum nulla aptior via inventa est, quam Creatoris creatio, id est incarnatio Salvatoris. Unde de hac creatione dicit Apostolus: *Cum venit plenitudo temporis, misit Deus Filium suum in terris, factum ex muliere, factum sub lege (Galat. iv)*. Et expressius alibi: *Induite novum hominem, id est Christum, qui secundum Deum creatus est in justitia et sanctitate veritatis (Ephes. iv)*. Hoc igitur pro salute massæ perditæ ab initio sæculi cœpit Deus mysterium aperire, sicut in voce deambulantis in paradiso, in angelo qui locutus est ad Agar, in viro qui venit ad Abraham in igne qui Moysi in rubo apparuit: non quod vox illa vel angelus, vel homo, vel ignis Deus esset, sed ad hoc in creaturis apparebat, ut cum eum in assumpta creatura humana apparuisse audires, non alium eum esse crederes quam eum qui, ante assumptum hominem, etiam in aliis creaturis hominibus apparisset: et quanto vicinius accedebat plenitudo temporis, tanto perfectior, et, ut ita dicam, rotundior eminebat corona anni hujus benignitatis. Et quoniam qui est, ipse idem idipsum est, nec demutatur per tempora, quia æternus est; nec falli potest, quia sapientia est; sed de futuris certus ut de præteritis, præteritum dixit pro futuro, quia futurum habet pro præterito. Unde illud: *Foderunt manus meas et pedes meos (Psal. xx)*. Et alibi: *Hic est Agnus, qui occisus est ab origine mundi (Apoc. xiii)*. Idem ergo creatus, qui occisus. Sicut ergo occisus, id est occidendus Agnus prænuntiatus est ab origine mundi; sic creata, id est creanda prædicata est sapientia in initio viarum Dei. Et sicut mysterium occisionis Agni præfiguratum fuit in morte Abel justi, ita sacramentum creationis non solum in ipso Abel, sed et in aliis patriarchis et prophetis, in quibus dolare bene complacuit, signatum est. Ab

A initio igitur viarum Dei, id est a sæculo et origine mundi curramus per tempora et quæ tunc ad nostræ salutis profectum et augmentum fidei fuerunt præsignata, tandem promissa in fine reddita mysteria requiramus.

Descendit Adam de Eden in agrum Damascenum; egressus est Abel in agrum, ubi occidit eum frater suus; ingressus est Noe in arcam; descendit Abraham in Ægyptum, Isaac in agrum ad meditandum; Jacob in Mesopotamiam ad filias Laban; Moyses ingressus est fiscellam scirpeam; Samson descendit in Thamnatha propter Dalilam; David mutat faciem suam coram Achis, Elias in Sarephta descendit ad viduam; Eliseus intrat cœnaculum Sunamitis; Tobias descendit in Rages civitatem Medorum; Ezechiel in agrum plenum ossibus mortuorum; induitur Joseph talari tunica; Salomonem induit diademate mater sua; Jonas absconditur sub hedera; venit Amos sycomoros vellicare; missus est Jeremias ædificare et plantare; armatur miles ad singulare certamen; aperit cœlestis magister librum signatum signaculis septem; reportare venit pastor bonus ovem perditam super humeros ad gregem; abscondere venit cœlestis agricola frumenti granum in terra; securim ad radicem arboris apponit sapiens architectus; ferum obstinationis humanæ in camino miræ dilectionis venit emollire fabri filius; angulari lapide quem reprobaverunt ædificantes utrumque conjunxit parietem ædicator novus; vestem nuptialem nobis texuit textor mirabilis, quam inter duo ligna complevit; tunicam pelliceam cœlestis et novus Adam novam consuit et cœlestem; calceamentum, cujus corrigiam solvere indignus fuit Joannes, venit calceata majestas in Idumæam extendere; suscipiunt ostiarii clavem, quæ aperit et nemo claudit; claudit, et nemo aperit; venit domum Dei novus exorcista scopis mundare, et super energumenos imperare; recipiunt lectores Ecclesiæ librum vitæ; cereum novum acolyti; vas mundum et ad nostrum sacrificium præparatum subdiaconi; tabernaculum ad portandum et ad prædicationis officium verbum Dei diaconi; sacerdotes de manu summi Pontificis holocaustum. D Gaudeant igitur homines, quia Deus homo factus est; gaudeant virgines, quia virgo Deum peperit; gaudeant viduæ, quia Anna vidua cognovit; gaudeant senes, quia Simeon suscepit; gaudeant pueri, quia puer natus est nobis, et Verbum infans factum habitavit in nobis (*Joan. i*); gaudeant nobiles Ecclesiæ, quia nobilis in portis vir ejus, sedens cum senatoribus terræ (*Prov. xxxi*); gaudeant servi, quia Dei Filius eum in forma Dei esset, servi formam suscipiens semetipsum exinanivit (*Philipp. ii*); gaudeant peccatores, quia ille qui peccatum non noverat, nec inventus est dolus in ore ejus (*I Petr. ii*), pro peccatoribus factus est hostia pro peccato (*II Cor. vi*), ut omnium peccata deleteret, gaudeant justi, quia justus Dominus, et justitias

diligens (*Psal. x*), in virtute mortis suæ iudicium bonum iudicans juste iudicando redemit; gaudeant vivi, quia vita cœlesti vivent, et non morientur; gaudeant mortui, quia mori pro mortuis venit vita immortalis; gaudeat omnis creatura, quia Creator omnium, ut omnia esset in omnibus, creatura factus est. Videtis, quomodo sapientia Dei iudit in rerum dignitatibus, in ætatibus, in officiis, in exercitiis, in omni conditione et professione. Sic totum mundum sibi obligat debitorem; sic omnes provocat ad laudem, ad gratiarum actionem, ad devotionem. Et quamvis ad fidei robur, quæ in rationabilibus sacramenta sunt, sufficere debuissent, tamen ut fidei forma et religio, in libertatis suæ possessione [*al. professione*] subsistat, inter irrationabilia quæramus hujus pietatis arcana; incipientes a quatuor elementis, et investigantes creationem sapientiæ Dei, id est incarnationem Filii ab initio viarum Dei.

Primo enim fecit Deus quatuor elementa, terram, aquam, aera, ignem; ut cum in istis invenerimus sacramentum, etiam circa eorum ornatum hæc eadem contemplerur. Dicit ergo Psalmista: *Et enim Dominus dabit benignitatem, et terra nostra dabit fructum suum (Psal. LXXXIV)*. Hæc est corona anni benignitatis (*Psal. LXIV*); quod terra nostra, id est nostri generis, et humanæ terra naturæ, dedit et protulit granum frumenti, de quo legitur in Evangelio: *Nisi granum frumenti cadens in terram mortuum fuerit, ipsum solum manet (Joan. xii)*. Super quo Augustinus (1): « Se autem dicebat. Ipse erat granum. » Hoc ergo granum absconditum in terra, id est in terreno Virginis utero, terra dedit, id est protulit ipsa Virgo. Hinc est quod, cum Judæi mulierem in adulterio deprehensam adduxissent, legis ei duritiam proponentes, dicebant quod Moyses hujusmodi lapidari præcepit. Jesus autem digito scribebat in terra (*Joan. viii*).

Quid est scribere, nisi verbum intrinsecum et invisibile visibile fieri per scripturam? Invisibile erat Verbum vitæ; sed visibile factum est per characterem formæ servilis. Scripsit autem digito, id est Spiritu sancto, demonstrans quia, cooperante Spiritu sancto, impletum est hujusmodi sacramentum. Spiritus enim sanctus terram, id est Virginem obumbravit (*Luc. i*), et per assumptionem servilis characteris verbum vitæ visibile fecit. O quam digna peccatricis liberatio! quam indigna inimicorum confusio! Aliter enim mulier liberari non posset. Quid tamen scripsit? *Terra, terra, terra, Judica hos viros abdicatos (Jer. xxii)*. In forma Dei æqualis erat Patri; sed formam servi accipiens, factus est ei obediens. Unde: *Exaltavit eum*, id est hominem assumptum: *ut in nomine ejus omne genu flectatur, cœlestium, terrestrium, et infernorum (Philipp. ii)*. Cœlestium, inquit, id est eorum qui sunt in terra viventium; terrestrium, id est eorum qui sunt in

terra lugentium, infernorum, id est eorum qui sunt in terra morientium. Ergo, *terra, terra, terra, judica hos viros abdicatos*, quia cum terra viventium, lugentium, morientium, id est cœlestium, terrestrium et infernorum, genu flectat, et adoret scabellum pedum ejus, id est incarnationem ejus, ipsi soli, qui magis tenebantur credere, scandalizati sunt. Huic etiam alludit sacramento, quod Dominus luto linivit oculos cæci nati (*Joan. ix*). Nam sicut sputum et pulvis unum lutum; sic Deus et homo unus Christus. Ex hac igitur commistione illuminatus cæcus natus; quia saliva capitis, id est sapientiæ Patris nostro mista pulveri, id est nostræ unita humanitati, genus humanum originali peccato cæcaturum fide illuminavit, baptismo lavit, confessione mundavit. Sequitur de secundo elemento, id est de aqua.

Dicit ergo Psalmista: *Descendet sicut pluvia in vellus (Psal. LXXI)*. Quæ sit autem hæc pluvia, aperit liber sapientiæ, ubi ait: *Aqua sapientiæ salutariis potabit eum (Eccli. xv)*. Ergo aqua sapientiæ Patris est Filius, quia et ipse est sapientia Patris. Unde orat Isaias: *Rorate, cœli, desuper, et nubes pluant justum (Isa. xlv)*. Descendit ergo hæc pluvia in vellus ovis. Cujus ovis? Matris agni, et illius, inquam, agni, de quo ait Isaias: *Emitte Agnum, Domine, dominatorem terræ (Isa. xvi)*. Et Joannes: *Ecce Agnus Dei (Joan. i)*. Ad hoc etiam sacramentum accedit quod, cum steriles essent aquæ Jericho, sal apposuit Eliseus (*IV Reg. ii*). Sed quoniam scriptum est, *Aquæ multæ, populi multi (Apoc. xvii)*, per aquas Jericho designantur defectus humani; sed cum humanis defectibus sal sapientiæ salutaris misceat Eliseus, id est Christus, ex voluntate Dei Patris Dei Filius tanquam sapientia salutaris suscepit, quos debuit, humanos defectus: sanata est aquarum sterilitas, id est inutilitas populorum. Huic etiam sacramento accedit illud, quod cum antiqui Patres tutassent ignem in puteo, nepotes eorum eruderantes puteum, et ignem quærentes, invenerunt aquam crassam. Qui fuerunt Patres isti? patriarchæ et prophætæ antiqui. Isti absconderunt ignem, id est lumen fidei, in puteo, id est in obscura Scripturarum profunditate. Quem ignem, id est, quod fidei lumen, nepotes eorum, id est apostoli, quærentes, invenerunt aquam crassam, id est, in puteo Scripturarum Christum in figuris absconditum invenerunt. Qui aqua propter susceptos defectus, et crassa propter charitatis pinguedinem, qua sola defectus illos suscepit, vocatur. Ex qua aqua tantus ignis accensus est, ut illa solemnitas festum luminum vocaretur. Adventus siquidem Christi ita totum mundum fide illuminavit, quod ejus festivitas festum luminum jure debeat nuncupari. Unde ipse ait: *Ego sum lux mundi (Joan. viii)*. Item: *Populus qui ambulabat in tenebris, vidit lucem magnam (Isa. ix)*. Sequitur de tertio elemento, id est de aere.

(1) Tract. 51 in Joan.

Legitur ergo, quod post peccatum Adæ deambulabat Dominus *ad auram post meridiem* (*Genes. iii.*), id est frigescente charitate et luce declinante appropinquantibus tenebris, Dei deambulantis vocem audierunt Adam et Eva : quod non nisi per creaturam factum est, quia substantia invisibilis et ubique tota, quæ est Patris et Filii et Spiritus sancti, corporalibus sensibus locali et temporali motu apparuisse credenda non est. Sed in illa quæ tunc audita est creatura, mysterium futuræ dispensationis ostendebat. Deambulabat enim non solum prævidentia vel præscientia, sed prædestinatione et pia voluntate, cui nihil resistere potest, quia sicut ait Gregorius, aliquid velle, mente ire est. *Ad Auram* : Quæ vero sit hæc aura, ad quam pia voluntate ambulabat, ostendit Elias : qui cum de ostio tabernaculi sui vidisset spiritum subvertentem montes, et conterentem petras, et post spiritum commotionem, et post commotionem ignem, nec in his Dominus apparuisset ; tandem sibilus auræ tenuis apparuit, et ibi Dominum agnovit (*III Reg. xix.*). Et bene, quia nihil expressius de Deo dici potuit. Sibilus enim dicitur, ut mitis, ut suavis, et multæ misericordiæ comprobetur. Et quoniam misericordia ejus super omnia opera ejus, ut mulcebris ejus suavitas annotetur, primo ponitur sibilus, quo misericorditer inspirat ad beneagendum. Unde in Isaia. *Sibilabit Dominus muscæ* (*Isa. vii.*), quia immundo inspirat peccatori, ut veniat ad eum. Unde et sibili divinæ sunt admonitiones, sicut in libro Judicum, *ut audiat sibilos gregum* (*Judic. v.*), id est ut mente suscipiat admonitiones justorum. Aura vero dicitur, propter naturam ejus invisibilem, et nullo pondere corruptionis gravatam ; tenuis vero, quia subtilis et incomprehensibilis, et insensibilis est natura. Primo siquidem viderat Spiritum subvertentem montes, et conterentem petras ; sed hujus spiritus duritiam et rigorem tollit sibilus. Secundo vidit commotionem ; sed hanc commotionem gravem et visibilem removet aura. Tertio vidit ignem ; sed hunc consumptivum et sensibilem ignem tollit tenuitas. Deambulabat vero Deus *ad auram*, id est ad sibilum auræ tenuis, ut misericordiæ suæ voluntatem ostenderet in subjecta creatura, quia qui jam damnandum vocabat, damnatum, per humanam creaturam assumptam, et subjectam in initio viarum suarum, revocari disponebat : vel ad hoc deambulabat *ad auram*, ut quia serpentis sibilus cupiditatis ardore utriusque parentis cor inflammaverat, sibilo auræ tenuis post meridiem refrigesceret, ut eadem hora restitueretur homo, quæ de paradiso ejectus est, id est post meridiem, videlicet hora noua, qua spiritum tradidit, et ait : *Consummatum est* (*Joan. xix.*), Et hoc est, *deambulabat ad auram*, id est disponebat, et quasi mente tractabat, evocare, et in refrigerium educere mentes sibilo serpentis accensas. Sequitur nunc de quarto elemento, id est de igne.

Legitur : *Deus noster ignis consumens est* (*Deut. iv.*)

A Sive consumens, sive consummans dicatur, utrumque verum est. Ignis enim consumens est, et decoquens ad purum scoriam nostram, et exsicicans fæces. Ignis etiam est consummans et consolidans virtutes. Hic igitur ignis Moysi in rubo apparuit : vidit enim quod rubus et ardebat, et non comburebatur (*Exod. iii.*). Quid in hoc, nisi hujus nostræ salutis sacramentum accipitur ? Ignis in rubo, Deus in carne figuratur ; et hoc fuit primum liberationis Israeliticæ signum, quia initium viarum Dei, ut dictum est, fuit incarnationis mysterium. Nunc inter ornatus elementorum hujus dispensationis arcana requiramus. Ornatur igitur terra, vel eis quæ sunt et vivunt et sentiunt ; sicut sunt animalia, vermes, serpentes ; vel illis, quæ sunt et vivunt, et non sentiunt, ut vites, arbores, et flores ; vel illis, quæ quidem sunt, sed nec vivunt, nec sentiunt, ut lapides. Quid igitur in agno, nisi Christus ? *Ecce*, inquit Joannes, *Agnus Dei* (*Joan. i.*). Quid in vitulo saginato, qui pro filio prodigo occisus est, nisi Christus ? Quid in leone, nisi Christus accipitur ? Sed alia causa agnus, alia vitulus, alia leo nominatur. Agnus nativitate, vitulus passione, leo resurrectione prædicatur. Unde in Apocalypsi : *Vicit Leo de tribu Juda* (*Apoc. v.*). Sic etiam tenerrimus ligni vermiculus dicitur. Unde : *Ego autem sum vermis, et non homo* (*Psal. cxi.*). Nam sicut vermis sine semine de terra vel ligno nascitur, ita Dei Filius sine semine de terra virgine nasci dignatus est. Propter hoc etiam serpentem comparatur, quia mortali carne indutus est. Unde in Evangelio : *Sicut Moyses exaltavit serpentem in deserto, ita exaltari oportet Filium hominis* (*Joan. iii.*). Nam serpens in vecte, Christus in cruce. Mordebantur homines a serpentibus in deserto, intuebantur serpentem in vecte, ita morsibus sanabantur. Nunc in rebus quæ sunt, vivunt, et non sentiunt, sacramenta quæramus. Dicit ergo Psalmista : *Et erit tanquam lignum, quod plantatum est secus decursus aquarum* (*Psal. i.*). Quod de Christo dictum esse, ipse Christus in alio psalmo testatur, ubi ait : *In capite libri scriptum est de me* (*Psal. xxxix.*). Lignum ergo fuit plantatum in terra, hoc est in utero Virginis absconditum ; secus decursus aquarum, id est juxta mortalitatem populorum. Qui etiam viti se comparat, ubi ait : *Ego sum vitis vera* (*Joan. xv.*). Sed et flori. Unde : *Ego flos campi, et lilium convallium* (*Cant. ii.*). Et iterum Isaïas : *Egredietur virga de radice Jesse, et flos de radice ejus ascendet* (*Isa. ii.*). Virga enim, id est Virgo nata de Jesse, Christum protulit tanquam florem. Unde et in typum hujus mysterii virga Aaron repente floruit : nam de utroque genere, sacerdotali et regali, dignatus est nasci. Propter hoc et in utroque genere mysterium declaratur. Ipse flos est, cujus odore mortui reviviscunt. Unde Apostolus : *Christi bonus odor sumus Deo in omni loco* (*II Cor. ii.*). Propter quod et Nazareus, id est floridus vocatus est. Hic est, quod ait sponsa : *Dilectus meus candidus et rubicundus* (*Cant. v.*), quia

floribus ejus nec rosa passionis, nec liliū defuit A virginitatis. Sequitur de iis quæ sunt, sed nec vivunt, nec sentiunt.

Dicit ergo Apostolus: *Petra autem erat Christus* (I Cor. x): Et bene ipse est petra, quæ percussa eduxit aquam. Nam percussus in latere, lavacrum regenerationis, quod fit per aquæ mysterium, nobis emisit. Lapis est circumcisionis, quia nisi sit in Christo vitiorum circumcisio, præputium facta est. Lapis est ad percutiendum et conjungendum: ad percutiendum statuam, ad conjungendum utrumque parietem. Lapis est præcisus de monte sine manibus, quia sine operibus hominum de altitudine uteri virginalis, et de substantia carnis suæ natus est. Hic est lapis, de quo legitur in Zacharia: *Et in lapide uno septem oculi sunt* (Zachar. iii), quia in solo Christo plenitudo fuit gratiarum, ut scriptum est. *Apprehendent septem mulieres virum unum* (Isa. iv). Et crevit in montem magnum, de quo Isaias: *Venite, ascendamus in montem Domini* (Isa. iii). De quo et Psalmista: *Mons coagulatus, mons pinguis; ut quid suspicamini montes incaseatos?* (Psal. lxxvii) Ipse enim est mons incaseatus, id est incarnatus. Unde in Job: *Et sicut caseum me coagulasti* (Job x). Nunc de secundi elementi ornatu quæ consideranda sint, videamus.

Legitur ergo quod, cum Tobias pedes suos lavaret in Tigride, piscis magnus egrediebatur, ut devoraret eum, et timens clamavit dicens: *Domine invadit me.* Et ait Angelus: *Apprehende branchiam ejus, et exentera eum; et cor ejus et fel et jecur repone tibi. Valent enim ad medicinam.* Et ait Tobias: *Azaria frater, quod remedium habent, quæ de pisce jussisti reservari? Qui respondit. Particula cordis super prunas posita, fumo suo extricat omne genus dæmoniorum* (Tob. vi). Super huic locum dicit Beda quod, cum Christus in cruce [f. carne] lavaret pedes suos, qui ambulabant super terram, advenit diabolus quærens, si quid peccati esset in eo, per piscem diabolum signans. Sed quomodo cunctis partibus hæc significata conveniant, non video. Nam si cor ejus extricat omne genus dæmoniorum, cujus etiam fumus eiecit Asmodæum, videtur infirma sententia Salvatoris; si Satanas Satanam eiecit, divisum est regnum ejus. Ideo sine præjudicio sententiæ melioris, mihi aliter exponendum videtur. Tobias, qui *bonus Domini* interpretatur, virum bonum in Domino repræsentat. Qui lavat pedes, id est mundat affectus, quia viro bono non sufficit actus mundare, nisi etiam interiores mundet affectus. Qualiter autem mundandi sint, ostendit, cum ait: *In Tigride.* Sicut enim aqua exteriores sordes lavat, ita confessio interiores. Ergo confessio aquæ comparatur: nec cui-libet, sed Tigridi, qui pro velocitate sua Tigris vocatur: velox enim debet esse confessio post peccatum. Tunc invadit eum piscis magnus, ut devoret. Piscis, qui inter procillas hujus maris magni et spa-

tiosi natavit pacificus, ut scriptum est: *Cum his qui oderunt pacem, eram pacificus* (Psal. cxix): quippe qui et squamis patientiæ tumentes fluctus confringebat in passione, et quasi pennulis spe resurrectionis se sublevabat. Hinc est quod partem piscis assi post resurrectionem discipuli comederunt. Duæ siquidem sunt in Christo naturæ, divinitas et humanitas: una impassibilis, altera passibilis. Natura igitur passibilis dicitur assa, quia passa: et ponitur pars pro natura, quia nullius rei debet Deus pars dici, nisi forte causative dicatur, ut ibi: *Portio mea, Domine* (Psal. cxviii). Et Jeremias: *Pars mea, Domine, dixit anima mea* (Thren. iii). **Totus enim Deus, totus homo:** sed non totum, quia non totum Deus, nec totum homo; nec in parte Deus, vel in parte homo; quia alia natura Deus, alia homo. Hanc partem, id est carnem passam, comestibilem dedit discipulis dicens: *Accipite et manducate ex hoc omnes; hoc est corpus meum* (Matth. xxvi). Sed ubi bonus, nullum ad hæc sciens idoneum, timet timore filiali, id est veretur dicens: *Domine, invadit me* (Tob. vi). Quis ego sum, ut invadat me, id est vadat in me, et me devoret, id est cum aviditate me sibi incorporet? Tale quid habes in esu agni paschalis *Caput, et Scriptura, cum intestinis, vorabitis* (Exod. xii), id est cum aviditate vobis incorporabitis. Ostendit autem angelus, quod partim meritum, partim gratia facit idoneum: meritum, cum ait: *Apprehende branchiam ejus* (Tob. vi). Apprehende manibus, id est operibus, branchiam ejus, id est verba ejus, id est operibus comple mandata: ecce meritum. Et ne diffidas, quasi gravia sint et importabilia; scias quod in solo charitatis affectu consistunt Exentera piscem, et considera viscera misericordiæ, in quibus visitavit nos; et repone tibi, id est ad utilitatem tuam repositam habe in mente tua, cor, id est affectum dilectionis, quia tradidit semetipsum pro nobis, et fel, id est amaritudinem passionis, scilicet quomodo colaphis cæsus, verbis derisus, sputis oblitus, crucifixus, lanceatus; et jecur, id est effusionem sanguinis (nam in jecore fons sanguinis est), id est quomodo vel in circumcissione, vel in sudore, vel in flagellatione, vel in crucifixione, vel in lanceatione, pro te sanguinem fudit, quia si hæc omnia super prunas ardentes posueris, id est super affectus cordis devotione ferventes posueris; fumus, id est fama et odor memoriæ, omne genus dæmoniorum expellit. Sequitur de ornatu tertii elementi, hoc est de acre.

Ornatus est aer avibus. Dicit autem Job: *Semitam ignoravit avis, nec intuitus est eam oculus vulturis* (Job xxviii). In quo verbo populum Judaicum redarguit, qui Dominum ad cælos ascendisse credere noluit, nec ejus præcepta per obedientiam approbavit. Et bene Christus vulturi comparatur, quia sicut Ambrosius ait (2-3), sine maris coitu ma-



ter vulturis imprægnatur, et sine seminis infusione concipitur vultur et nascitur. O gens incredula, frons attrita! dare Deus potuit avibus quod sibi non potuit? Nam qui naturam fecit, et ipsis vulturibus ipsam dedit, quid mirum, si sibi eam reservavit? Nasci potest vultur de femina sine mare, et Christus nasci non potuit de Virgine sine patre? Et quoniam circa naturam avium multa et evidens est comparatio sacramentorum, dare volumus occasionem sapientibus breviter traieundo, ut in libris colligant avium naturas, et ex naturis eliciant abscondita sacramenta. Ut ergo dictum est, Christus fuit vultur nascendo, compatiendo pellicanus, obedientia pophinelus, alcio, quando mirabiles elationes maris (Psal. xcii), et tumentes fluctus ejus confregit; scilicet cum imperaret ventis et mari. Pasciscendo turtur, pascendo columba, gallina precando, dilectione pelargus, id est ciconia, ardea prædicatione, passione nycticorax, passer solitarius, cum in passione relictus, torcular calcavit solus (Isa. lxviii), resurrectione phœnix, aquila in ascensione. Sequitur de ornatu ignis :

Quia natura ignis semper ad superiora tendit, necesse est ignea esse lumine vel calore, quibus ornata sunt superiora, id est ea quæ sunt in firmamento, scilicet sol, et luna et stellæ. In istis ergo Christus multipliciter figuratur : In sole, quia scriptum est : *Vobis autem timentibus Deum orietur sol justitiæ (Malac. iv)*. De quo etiam dicitur ad Mariam : *Felix namque es, sacra virgo Maria, et omni laude dignissima, quia ex te ortus est Sol justitiæ Christus Deus noster (Offic. Eccles.)*. Et bene sol vocatur, qui illuminat, exsiccatur, consolidat. Fide illuminat, sordes exsiccatur, virtutes consolidat. Vel quoniam luxit in tenebris, sicut scriptum est : *Populus qui ambulabat in tenebris, vidit lucem magnam (Isa. ix)*. Bene luna, id est luminum una, id est prima, hæc Dei sapientia nominatur. Unde scriptum est : *Quoniam peccatores intenderunt arcum, paraverunt sagittas suas in pharetra, ut sagittent in obscura luna rectos corde (Psal. x)*. Nam quod nostro translatio habet, *in obscuro, altera dicit, in obscura luna*. Sagittant ergo peccatores rectos corde, causam nocendi habentes ex obscura luna, id est ex sapientia et luce divina sub nube carnis abscondita. De pharetra quippe cordis sui hujusmodi sagittas emittunt, ut sagittent rectos corde. Quomodo potest fieri impassibilis passibilis, immortalis mortalis, creator creatura? Hoc enim dicunt in obscura luna, ignorantes quod *Dominus in templo Sancto suo, Dominus in cælo sedes ejus (ibid.)* : oculi ejus hoc modo in pauperem respiciunt (*ibid.*); sed ipsi citra humanæ naturæ mensuram divinæ potestatis infinitatem coarctantes, non intelligunt, quod infinitæ æternitatis operatio infinitam exigat metiendi opinionem, ut cum Deus homo, et immortalis mortuus, et æternus sepultus est, non sit intelligentiæ ratio, sed pietatis exceptio. Ita rursus e contrario, non sensus, sed virtutis sit

A modus, ut Deus ex homine, ut immortalis ex mortuo, ut æternus sit ex sepulto. Vel stellæ comparatur Christus, ut ait Balaam : *Orietur stella ex Jacob, et consurget homo ex Israel (Num. xxiv)* : ille, inquam homo, de quo alibi : *Nunquid Sion dicit : Homo, et homo natus est in ea, et ipse fundavit eam Altissimus (Psal. lxxxvi)*. Et alibi : *Homo est, et quis cognovit eum? Hinc Dominus per Joannem ait : Qui vicerit, dabo ei stellam matutinam (Apoc. ii)*, id est Christum. Confiteantur ergo tibi, Domine, omnia opera tua (Psal. cxli), qui solus hæc mirabilia fecisti in cælo et in terra, in mari et in omnibus abyssis (Psal. cxxxiv); ita ut inexcusabilis sit omnis infidelis, fidelis autem digna certis retributione, quando venies judicare vivos et mortuos, et sæculum per ignem. Amen.

## SERMO II.

### IN ADVENTU DOMINI.

*Colligite quæ superaverunt fragmenta, ne pereant (Joan. vi)*. Multæ siquidem micæ cadunt de mensa dominorum nostrorum; quas nos utinam tanquam catuli colligere mereamur. Hoc autem dixerim, fratres, quoniam si de corporali cibo collecta sunt fragmenta, multo melius de spirituali colligenda videntur. Meminisse quippe debet charitas vestra qualiter in præcedenti sermone per qualescunque similitudines quantulamcunque prædicaverim notitiam Salvatoris. Sed unde hoc mihi? vel quis ego; aut quid ego? Quomodo natura inferior causam naturæ superioris intelliget, aut subiacebit humanæ conditioni ratio cælestis? Excedit enim humanam mentem Dei potestas; ad quam si se infirmitas protendet, magis infirma reddetur, quoniam intra conscientiam infirmitatis est quidquid infirmi conscientiæ subdi potest. Moyses siquidem, qui merito sanctitatis loquebatur Deo, sicut solet loqui amicus ad amicum suum (Exod. xxxiii), videre faciem Dei non meruit, sed cum multum rogaret, audivit a Domino : *Non poteris faciem meam videre, et vivere. Non enim videbit homo faciem meam, et vivere. Sed est locus penes me, et stabis supra petram, statim ut transiet mea majestas : et ponam te in specula et tegam manu mea super te, donec transeam; et tunc videbis posteriora mea; nam facies mea non apparebit tibi (ibid.)*. Per faciem, illa Dei forma, in qua non rapinam arbitratus est, esse se æqualem Deo Patri (Philipp. ii), quam nemo videre potest et vivere, figuratur. Per posteriora vero humanitas ejus accipitur : quæ vel propter extremitatem mortalitatis postera dicta est, vel quod eam prope in fine sæculi assumpsit. Illam ergo faciem, quæ rapit animam desiderio sui, tanto ardentior, quanto mundior; et tanto mundior, quanto ad spiritualia resurgentem : tanto vero ad spiritualia resurgentem, quanto a carnalibus morientem; quandiu peregrinamur a Domino, et per fidem ambulamus, non per speciem, nemo videre potest. Sed posteriora ejus, id est incarnationem, quoquomodo videre, id est intelligere possunt, qui in solido fidei fun-

fundamento sunt : quod petra significat. Et quoniam nostræ fidei meritum in resurrectione corporis ejus est, sicut Apostolus ait : *Si credideris, inquit, quia Deus illum suscitavit a mortuis, salvus eris.* (Rom. x.) Nam mortuam ejus carnem in cruce, ipsi etiam inimici credunt; sed cum resurrexisse non credunt. Nos firmissime credentes, tanquam de petræ soliditate certificemur. Unde non vult, nisi cum transierit, videri posteriora ejus, ut in ejus resurrectione credatur. Unde Joannes : *Ante diem festum Paschæ, sciens Jesus quia venit ejus hora, ut transeat ex hoc mundo ad Patrem, etc.* (Joan. xiii.) Sed quid est, quod ait : *Est locus penes me, et stabis super petram?* (Exod. xxxiii.) Nam quis locus est penes Deum, qui attingit a fine usque ad finem fortiter? (Sap. viii.) Sed intelligitur locus penes eum ipsa Catholica Ecclesia; ubi salubriter videt Pascha Domini, id est transitum Domini; et posteriora ejus, id est corpus ejus, qui credit in resurrectione ejus.

Faciem ergo Dei, id est majestatem divinitatis, videre, id est intelligere in hac vita, ubi corpus mortuum propter peccatum corrumpitur, et aggravat animam, nemo potest. Sed posteriora videri inter torcularia pressurarum quomodo possunt? Quia incarnationem ejus illi maxime, qui intra Ecclesiam Dei stant, in solido fidei intelligunt. Hinc etiam est quod vir ille secundum cor Dei, rex et propheta David, cum supernæ beatitudinis gaudium cogitationibus explorare vellet, nec posset, ad illud filiis Core, id est Ecclesiæ, psalmum *Pro torcularibus* posuit, ut pressuras suas vel per patientiam tolerare, vel per fortitudinem contemnere, vel per dilectionem evitare scirent, ita dicens : *Quam dilecta tabernacula tua, Domine virtutum! concupiscit et deficit anima mea in atria Domini* (Psal. xxxiii). Videtis quam cito explorator iste redit in Jericho : Jericho quippe quæ luna interpretatur, defectum significat. Dicit autem : *Concupiscit et deficit anima mea in atria Domini.* Non potest ad thalamum, non ad palatium pervenire, qui se confitetur in atria defecisse. Et quid mirum? Quis enim, non dico divini secreti thalamum, sed supernæ beatitudinis commune promissum apprehendere potest? *Oculus*, ait Scriptura, *Deus, non vidit absque te, quæ præparasti diligentibus te* (Isa. lxiv). Et iterum : *Nec oculus vidit, nec auris audivit, et in cor hominis non ascendit quæ præparavit Deus his qui diligunt eum* (I Cor. ii). Quidquid ergo jucunditatis, quidquid beatitudinis mentibus humanis potest subjacere, totum pertinet ad atria Domini : sed ultra est, quod est palatii. Incomparabiliter autem ultra, quod dicitur secretum thalami, de quo scriptum est : *Et ipse tanquam sponsus procedens de thalamo suo* (Psal. xviii), id est de divinitatis suæ secreto. Non ergo pervenit ad thalamum, qui defecit in atrium : tamen ita deficiendo profecit, quia sic deficere proficere est. Nam quanto circa cogitationes hujusmodi quisquam se proficere

credit, tanto deficit; et quanto deficere, tanto proficit. Elias qui raptus est (*IV Reg. xiii*), ne malitia mutaret intellectum illius (*Sap. iv*), aut ne fictio deciperet animam illius, quando vel in spiritu vehementi, vel in commotione, vel in igne Dominum intelligere posse crederet, imperfectum suum statim cognovit; dicens, quod nec in spiritu, nec in commotione, nec in igne Dominus apparuit (*III Reg. xix*). Sed quando cogitatio sua quasi sibilus auræ tenuis evanuit et defecit, tunc in ea Dominum esse recognovit (*ibid.*). Profecit igitur, cum deficeret, qui defectum suum intellexit, cum proficere se crederet

Sic igitur tantos terræ promissionis exploratores Raab meretrix abscondit sub stipula lini, nec liberationis exitus patet eis, nisi per funem coccineum in fenestra (*Josue ii*). Quis ergo, cujus naves euntes in Tharsis, nihil aliud revelunt, nisi simias et pavos? (*III Reg. x*) Ebur quippe raro, rarius argentum, aurum rarissime. Ideo rarissime dico, quoniam si ad considerandum, utrum aquæ diluvii sint imminutæ, de arca cordis columbam emitto (*Gen. viii*), multum est, si posteriora ejus sint in pallore auri (*Psal. lxxvii*). Et quid est Raab meretrix nisi caro peccati; et quid est stipula lini, nisi terrenæ inhabitationis corruptio? Quid est ergo, quod Raab meretrix abscondit exploratores sub stipula lini, nisi quod alibi scriptum est : *Corpus quod corrumpitur aggravat animam, et deprimit terrena inhabitatione sensum multa cogitantem?* (*Sap. ix*) Plerumque enim, cum ipsi sancti viri cœleste gaudium volunt cogitationibus explorare, propter carnalium molestias pressurarum, non possunt perficere quantum volunt : sufficit tandem in signum liberationis et libertatis coccinum in fenestra, id est intelligentia passionis in memoria. Christi enim passio nostræ libertatis et liberationis est occasio. Scriptum est enim : *Si vos Filius liberaverit, vere liberi eritis* (*Joan. viii*). Libertatem ergo contemplari per coccinum in fenestra, id est de Dei Filio cogitare passibilia et humana, deficere est in atria. Hoc autem aurum, argentum, et ebur, quæ sanctorum naves revelunt, euntes in Tharsis; naves enim sunt cogitationes, quæ tunc mittuntur in Tharsis, cum circa gaudii explorationem intendunt : Tharsis quippe exploratio gaudii interpretatur. Et cum nihil revehunt cogitationes, nisi cœlestem fulgorem tanquam aurum, vel quod capit sermo divinus tanquam argentum, vel quod habet fidei robur tanquam ebur, aurum argentum, ebur, revehunt de Tharsis naves, sed vix contingere solet, ut absque simiis et pavis ista deferantur. Nam sæpius simiæ vel pavi sine illis, quam illa sine simiis et pavis solent deferri. Quæ est Tharsensis simia? Gaudium fallax et falsum, sicut eorum, de quibus scriptum est : *Qui lætantur, cum male fecerint, et easultant in rebus pessimis* (*Prov. ii*). Quia vero pavorum pulchritudo vel utilitas tota est in plumis, pavo de Tarsis non immerito

vanum gaudium figuratur, sicut eorum gaudium, A de quibus scriptum est : *Sedit populus manducare et bibere, et surrexerunt ludere (Exod. xxxii)*. Ista tamen ipsi plerumque sancti cogitant, ut fortius ea contemnant, ut devotius præceptis divinis inhæreant, ut magis ac magis quæ cœlestia sunt appetant, quia quanto vel vanitates vel deceptiones temporalium cogitant gaudiorum, tanto et devotius ea diligunt, et fortius ista contemnant. Nunquam enim sine auro, argento, vel ebore, simias et pavos naves Salomonis legimus detulisse. Sed vix mihi, cuius naves nihil aliud quam pavos aut simias portare noverunt ! Nam si columbam, id est spirituales cogitationem de arca cordis emitto, in signum diminutionis aquarum, quæ sæpius intrant ad animam meam, multum arbitror, si posteriora B dorsi ejus sint in palliore auri (*Psal. lxxvii*). Quæ sunt posteriora columbarum ? Spiritualium reliquæ cogitationum.

Cum igitur reliquæ cogitationum diem festum agere volunt Deo, constituunt diem illi solemnem in condensis (*Psal. lxxv*) ; quia posteriora dorsi columbæ sunt in pallore auri. Vix enim de Deo aliqua anagogice cogitantur ; sed pene penitus cum enigmaticis phantasiarum condensis, Fateor, navis mea nihil de Tharsis, præter vanas et deceptorias phantasias, quas cum multa revehi densitate, novit reportare. Propterea videns Rachel Liam fecundam fuisse, et Zelpham super genua dominæ suæ peperisse, multam indignationis materiam visa est concepisse. Primo quia pro mandragoris Ruben destituta est ab amplexibus viri ; secundo quia detecta sunt idola, quæ absconderat sub stramento cameli ; tertio quod saltem Balam famulam suam nondum Jacob receperat amplexu virili (*Gen. xxx*). Lia quippe quæ lippa erat, et laboriosa dicitur, activam vitam ; Rachel vero, quæ venusto erat aspectu, et ovis interpretatur, contemplativæ vitæ simplicitatem repræsentat : quas vitas in scientiam et sapientiam dividit Augustinus. Unde Job : *Ecce pietas sapientia : Abstinere a malo scientia est (Job xxviii)*. In hac differentia, ait Augustinus, intelligendum est, ad contemplationem sapientiam, ad actionem scientiam pertinere. Est autem sapientia duplex, quia vel ea quæ dicitur a sapore (4) sapientia nominatur. Primæ meditatio, secundæ parti deseruit contemplatio. Nam activæ vitæ, id est Liæ, solet cogitatio deservire.

Sunt igitur tria, cogitatio, meditatio, contemplatio : quæ licet indifferentem aliquando ponantur, multis tamen differre noscuntur. Est quippe cogitantis animus similis viatori, qui ad locum ire festinat destinatum, sed inter erroris devia quærit quam ignorat rectitudinem semitarum. Meditationis autem officium est, ut viator post multa devia et erroris pericula, viam illam ingrediatur, quæ

ducit Bethsames, quam tectam candore notabili intelligit esse galaxiam. Unde currens in directum, non declinat ad dexteram vel sinistram, donec inveniat et veniat ad locum destinatum. Contemplatus vero jam loco proximus, affectato stupet animo, totus extra se factus ; supra se positus aures erigit, ut audiat symphoniam et chorum ; oculos aperit, ut miretur locum utilem et amœnum. Stupet ad sapientiam Regis, ad doctrinam legis, ad habitationis situm et habitantium ritum. Clamat ore, clamat corde : *Usquequo, Domine, oblivisceris me in finem ? (Psal. xlii)* Trahe me post te, in odorem unguentorum tuorum curremus (*Cant. i*). Quia igitur cogitatio errantium more laborat, et lippa quasi per noctes quærit quem desiderat, activæ vitæ dicitur deservire. Sed quid dicit sponsa ? *Per noctes quæsi vi, quem diligit anima mea ; quæsi vi, et non inveni (Cant. iii)*. Et bene cogitatione non invenitur, ad quem nec contemplatione pervenitur. Per noctes inveniri non potest, qui nulla similitudine comprehendi potest. Guttæ quippe sunt noctium phantasie similitudinum. Hæ sunt mandragoræ Ruben (*Gen. xxx*) : mandragoræ quippe similitudinem quidem habent humani corporis, sed non veritatem. Quæ bene dicuntur esse Ruben, id est *videntis in medio*. Quia enim cœlum superius, infernus inferius, in medio mundus, sicut ad inferiora oculos inclinat timor servilis, ad superiora elevat filialis, sic erigit ad media timor initialis. Est enim initialis timor mista cum pavore dilectio. Cum igitur quis per quasdam mundi similitudines nititur apprehendere Creatorem, Lia quidem secunda redditur ; sed Rachel ab amplexu viri defraudatur. Hinc est quod cum philosophi *invisibilia Dei a creatura mundi per ea quæ facta sunt, intellecta conspicerent (Rom. i)*, Liam quidem secundam reddebant, sed Rachelem sterilem relinquentes, *evanuerunt in cogitationibus suis, et obscuratum est insipiens cor eorum, mutando gloriam incorruptibilis Dei in similitudinem imaginis corruptibilis hominis, et volucrum, et quadrupedum, et serpentium (ibid.)*. Unde non immerito sermo divinus comparat eos camelis, qui quidem ruminare sciunt, sed ungulam non dividunt, quia et ipsi cogitationibus ruminabant, sed quid, aut propter quid dici debuit, non attendebant. Propter hoc lapsi sunt in hæc figmenta, quæ stramentis comparat Scriptura. Abscondit quippe Rachel idola sub stramentum cameli (*Gen. xxxi*), quia cœlestis sapientia mundi similitudines divinis comparatas exemplis non attribuit veritati, sed supponit philosophorum figmentis.

Tergat igitur lippitudinem oculorum, et pituite suæ molestiam Lia, ut fruatur Jacob concupitis suæ Rachelis amplexibus, donec pariat in sapore sapientie Joseph, vel Benjamin in sapientia sapiente. Nato siquidem Benjamin imposuit ei mater nomen

(4) Addendum videtur, *vel quæ a sapore.*

Benoni; sed pater mutavit nomen, in Benjamin (Gen. xxv). Benoni filius doloris dicitur, Benjamin vero filius dexteræ interpretatur. Hæc est ergo sapientiæ doctrina, de qua dicit Apostolus ad Hebræos: *Disciplina quidem in præsentibus non est gaudii, sed mæroris: sed postea pacatissimum exercitatis reddet justitiæ fructum* (Hebr. xii). Parit ergo sapientiæ doctrinam, quæ in præsentibus non est gaudii sed mæroris, id est Rachel Benoni: sed postea pacatissimum exercitatis justitiæ fructum reddit, sicut postea nomen ejus mutatum est in Benjamin. Peperit etiam Joseph filium accrescentem et decorum aspectu (Gen. xxxv): contra quem frater sui jurgati sunt, et inviderunt ei habentes jacula. Hæc est illa sane doctrina, de qua Dominus ait: *Discite a me, quia mitis sum, et humilis corde. Jugum enim meum suave est, et onus meum leve* (Matth. 11). Quid hoc verbo sapidius, quid dilectius? Et tamen inviderunt ei fratres sui, et jurgati sunt: quia Judæis quidem scandalum, et Gentibus stultitia est: nobis vero virtus et sapientia Dei est, hæc doctrina. (I Cor. 1) Ad utramque doctrinam nos mittit sermo divinus a principio vobis propositus. Ecce, ait Scriptura, *Adam quasi unus ex nobis* (Gen. 11). Potest enim esse vox Dei Patris loquentis in Moyse; vel vox angeli loquentis ad Moysen, vel etiam ipsius Moysis. Quod si Dei Patris esse intelligatur, potest esse ironicum, vel anagogicum. Ironicum, si de primo Adam intelligatur, de quo dictum est: *Primus Adam de terra terrenus* (I Cor. xv); anagogicum, si de secundo, de quo subditur: *Secundus de cælo cælestis* (ibid.). Quod si de primo Adam accipitur, illud quasi erit similitudinis; si de secundo, erit expressio veritatis, sicut et ibi: *Et vidimus gloriam ejus, gloriam quasi unigeniti a Patre* (Joan. 1). Si de primo intelligatur littera, sic distinguetur: *Ecce Adam quasi unus ex nobis factus, sciens bonum et malum* (Gen. 11).

Et nota quod quando peccavit Adam, in tres personas blasphemavit. Tria enim promisit ei serpens dicens: *Nequaquam moriemini* (ibid.), cui verbo consentiens blasphemavit in Spiritum sanctum. Nam cum factus esset in animam viventem, credidit se fieri posse in spiritum vivificantem. Et iterum: *Eritis sicut dii* (ibid.). In hujus verbi consensu blasphemavit in Patrem. Deus enim potentiæ nomen est. Potentia vero attribui solet Patri nomine, et non re. Item subjunxit: *Scientes bonum et malum*. In hoc blasphemavit in Filium; quia sapientia Filio solet attribui, nomine dico, non re. Ideo qui habitat in cælis irridet eum, et subsannat dicens: *Ecce Adam quasi unus ex nobis*. Voluit esse immortalis, et mortuus est propter peccatum. Voluit esse omnipotens; et sui ipsius potentiam amisit. Voluit esse sapiens; sed, apertis oculis, nihil quam se nudum virtutibus, et gratuitis spoliatum cognovit. O vere sapientia mæroris, non gaudii, quia qua ratione filiis parcat, qui patri omnium non pepercit! Si sic propter inobedientiam de pa-

radiso ejectus est accola paradisi, quid nobis inobedientibus erit, quorum incolatus prolongatus est pro peccatis, nec nisi cum habitantibus Cedar habitare meremur? (Psal. cxix.) Pacatissimum tamen exercitatis reddet per hoc fructum (Hebr. xii), cum hoc exemplo timidiores et cautiore redduntur, et ad obedientiam promptiores. Timeo domum proximi jam accensam

Nam tua res agitur, paries cum proximus ardet.

(HORAT. Ep. 1, ep. 18, vers 84.)

Quod si de secundo Adam sermo dicatur, nihil sapidius est, quam audire, *Ecce Adam quasi unus ex nobis*. Hoc enim est, quod Apostolus ait: *Qui prædestinatus est filius Dei in virtute* (Rom., 1): id est, prædestinatum est, ut ens homo esset filius Dei in virtute.

Magnum pietatis sacramentum, ut unus atque idem esset et filius Dei, et filius hominis. Unde Adam homo interpretatur. Unum dico, sed non unum: idem dico, sed non idem. Idem dico in persona, sed non idem in natura. Non enim est una natura Dei et hominis, quia non convertibilis ad invicem natura in naturam; sed una persona est Deus et homo. Ecce, ait, Adam, id est, homo, quasi unus ex nobis.

In assumpta natura non desiit esse unus ex nobis: non desiit esse quod erat, sed esse incæpit quod non erat, unus ex nobis. Quod in typo veritatis hic dicitur, hoc in veritate typi alicubi dicit Dominus: *Ego et Pater unum sumus* (Joan. x). Sicut sumus, sic ex nobis solitudinem tollit, sicut unum sic et unus diversitatem. Neque enim solitario convenit et sumus et ex nobis: neque rursus a se diverso unum et unus. Per hoc ergo quod dicit unus, tollit diversitatem a natura; per hoc quod addit ex nobis, removet solitudinem a personis. Simile est quod alibi dicitur: *Faciamus hominem ad imaginem et similitudinem nostram* (Gen. 1). Per hoc, quod pluraliter ait, faciamus, tollit solitudinem; per hoc quod singulariter ait, ad imaginem, tollit diversitatem.

In hoc igitur tota theologicæ veritatis pendet assertio, ut in confessione unius solius Dei solitudinem removeat a personis, et cum tres personas confitetur, diversitatem removeat a natura. Nam propter hoc desperata in se, et sæva in omnes impiæ temeritatis ingenia hæreticorum imposuerunt dictis intelligentiam, potius quam expectarunt ex dictis; sensum attulerunt verbis, potius quam retulerunt ex verbis. Unde potentem Dei naturam ex naturæ suæ infirmitate coarctantes, et intra fines sensus sui indefinita concludentes, ex his duabus venosis radicibus diversæ virus hæreses effuderunt. Unde Sabellius sic solitudinem prædicare volebat, ut nullam in personis pluralitatem prædicaret. Unde sicut illud dicebat esse Filium, quod et Patrem: ita ipsum eundem Filium, quem et Patrem. Arius vero e converso sic diversitatem prædicabat; ut sicut alium Patrem, et alium Filium affirmabat, sic aliud. Manichæus vero id quod in Virgine fuit, portionem divinæ substantiæ prædica-

vit, et Dei Filium esse voluit, quod ex Dei substantia parte aliqua deductum in carne apparuit: et sic in Filio divinæ substantiæ portionem quasi divisam et desectam commentatus est. **Valentinus** quoque ridicula quædam et fœda commentans, ut naturam Filii separaret a natura Patris, cum præter Deum principem familiam deorum, et numerosas vanitatum potestates introduxisset, Verbum Dei, id est Filium Dei, non aliud esse natum, quam prolatum divinæ voluntatis mysterio asseruit. **Hierarchas** etiam nesciens unigeniti nativitatem, Patrem et Filium quasi unius lucernæ duo luminaria prædicavit, dicens quod sicut lampas eodem papyro utroque capite lucet, et oleum quasi media materies lumen ex se utrumque protendit, ita Patris et Filii eadem substantia continet utriusque luminis naturam. **Photinus** autem Filium Dei creaturam a Deo perfectam, sed non sicut cæteras factum creaturas, sed ex nihilo, et ex non existentibus, ad hoc ante sæcula creatum, ut per eum Deus omnia faceret, commentatus est. Quem ea causa Filium Dei affirmabat, sicut et nos per gratiam filii Dei vocamur, et ea causa dictum, sicut dictum est: *Ego dixi: Dii estis (Psal. lxxxj)*. Sic Cocyti glareis dulcis capitum multorum Cerberus latrat, et virus effundit.

Nos autem Filium ita a Patre natum confitemur, ut divinitatis unitatem non dividamus; sed sic Filius a Patre est, ut alius sit in persona, idem natura: et sic unum natura, quod non idem est in persona: nec sicut mentitus est **Manichæus** aliqua est in Filio divinæ substantiæ portio, sed totus Deus ex toto Deo, unus ex uno, verus ex vero, non desectus, sed natus est. Nec sicut **Valentinus** manere prolationem temerarii actoris furore quæsitam confitemur; sed a Patre Filius natus per nativitatem suam non adimit esse, quod Deus est; neque ipse in nativitate non Deus est: et quod Deus non cœpit esse, et sic a Patre prolatum, ut ipsa prolatio nativitas esse credatur. Nec sicut mentitus est **Hierarchas** ex eadem substantia Pater et Filius, quasi ex eodem oleo duo lumina accensa sunt; sed sicut Deus ex Deo natus, et lumen ex lumine, quod sine detrimento sui naturam suam præstet, ut quod habet, tribuat, et quod dederat, habeat; nascaturque quod sit, cum non aliud quam quod est, natum sit, sitque utrumque unum; dum ex eo quod est, nascitur; et quod nascitur, neque aliunde, neque aliud est. Est enim lumen ex lumine. Neque enim, sicut dicit **Photinus**, creatura seu factura est; quia *in principio erat Verbum (Joan. i)*. Non enim dicitur, *In principio fecit Deus Verbum*, sicut dictum est: *In principio fecit Deus cælum et terram (Gen. i)*. Fit in principio quod creatur; et non erat, cum crearetur. Non ergo erat in principio, quod fiebat in principio. Ergo quod erat in principio, in principio non fiebat. Pone ergo quodvis tua opinione principium, non tenes ex principio. *In principio erat Verbum*. Ergo quod in principio erat Verbum, exigit omne

faciendi principium. Non ergo factura est, qui totius facturæ præcedit omne principium. Propter hoc ad amputandas illas, quas supra diximus erroris radices, id est diversitatem et solitudinem, quatuor modis occurrit sermo divinus; nominum distinctione, nativitatis generatione, virtutis potestate, honoris æqualitate. Sunt enim quædam de Deo nomina, quæ dicuntur ad invicem, id est relative, et hæc solitudinem tollunt, ut Pater, Filius, gignens, genitus; mittens, missus; et hujusmodi: Alius est Pater, alius Filius; alius gignens, alius genitus; alius mittens, alius missus: et hoc ex sermone divino multis modis cognitum est, dum de Filio protestatur, dicens: *Hic est Filius meus dilectus, in quo mihi complacui (Matth. iii)*. Dum de Patre proficitur Filius dicens: *Omnis plantatio, quam non plantavit Pater meus cælestis, eradicabitur (Matth. xv)*. Dum ipsum Altissimi Filium nasciturum prædicat angelus dicens: *Ne timeas, Maria, invenisti gratiam apud Dominum. Ecce concipies et paries, et vocabitur Altissimi Filius (Luc. i)*. Sed et hoc idem Osee testatur, dicente Domino in Osee: *Ex Ægypto vocavi filium meum (Osee. xi)*. Hoc idem etiam Apostolus ita dicens: *Propter nimiam charitatem suam, qua dilexit nos Deus Pater, Filium suum misit in similitudinem carnis peccati (Ephes. ii)*. Testatur hoc et Caiphas: *Tu es, ait, Filius Dei benedicti? (Marc. xiv)*. Non negat his verbis Filium Dei, sed de persona quærit, utrum homo ille sit Filius Dei. Testatur etiam et gentilis. Unde centurio: *Vere Filius Dei erat iste (Matth. xxvii)*. Testatur insuper ipse diabolus: *Quid mihi et tibi, ait, Jesu, Fili Dei? Venisti ante tempus perdere nos (Luc. iv)*.

His igitur nominibus tollitur solitudo; sed diversitas, nominibus quæ dicuntur ad se. Nomina autem quæ dicuntur ad se, sunt hæc, *Natura, essentia*, et secundum latinos *Substantia*. Nam secundum Græcos nihil aliud est substantia, quam persona. Ideo autem ad se dicuntur, quia relativa non sunt. Unde his nominibus in Deo hæc unitas prædicatur, ut sicut de singulis personis singulariter, ita de omnibus simul personis non pluraliter, sed singulariter, dicantur. Pater enim Deus est, natura, essentia, substantia: similiter et Filius; et similiter Pater et Filius unus Deus, una natura, una essentia, una substantia. Nam de Filii divinitate nos certos reddit Deus Pater per *Isaiam*, ita dicens: *Labor Ægypti et mercatus Æthiopum, et Saba viri excelsi ad te transibunt, et tui erunt servi, et adorabunt te, teque deprecabuntur, quia in te est Deus, et præter te non est Deus: vere tu es Deus absconditus (Isa. xlv)*. Quis enim ait Deus, in quo est Deus, nisi ille, qui de seipso ait: *Ego in Patre, et Pater in me est? (Joan. xiv)*. Hoc et *Jeremias* testatur dicens: *Hic est Deus, extra quem non æstimabitur alius: qui adinvenit omnem viam disciplinæ, et tradidit eam Jacob puero suo, et Israel electo suo Post hæc in terris visus est, et cum hominibus conversatus est (Baruch. iii)*. Quis est Deus in terris visus,

nisi ille, qui in forma Dei erat invisibilis, factus in forma servi? Hinc etiam Psalmista: *Sedes tua, Deus, in sæculum sæculi, virga directionis virga regni tui. Dilexisti justitiam, et odisti iniquitatem: propterea unxit te Deus, Deus tuus oleo lætitiæ* (Psal. xlv). Et Moyses: *Pluit Dominus super Sodomam et Gomorrhæam ignem et sulphur a Domino* (Gen. xix). Dominus, ait a Domino ignem pluit. Et quis nisi Pater a Filio, id est per Filium, pluit? Hinc etiam Apostolus: *Quorum patres, et ex quibus Christus, qui est super omnia Deus* (Rom. ix). Cum ergo dicat Moyses: *Dominus Deus tuus, Deus unus est* (Deut. vi); et Apostolus: *Unus Deus, et unus mediator Dei et hominum* (I Tim. ii): cum ex præmissis auctoritatibus Pater Deus, et Filius Deus sit necesse est, ut Pater et Filius sint unus Deus. Nam aliter oporteret, ut vel illæ, quæ superius sunt dictæ, vel quæ sunt inferius, auctoritates subjectæ, falsæ comprobarentur. Removerent etiam simul diversitas et solitudo, nativitatis generatione, quia cum alius sit natus, alius ex quo natus est, quia nulla res seipsam gignit; non potest tamen nativitas non eam, ex qua profecta est, tenere naturam. Neque enim aliud quam Deus existit, quod non aliunde quam ex Deo subsistit. Eandem dico naturam, ita ut non natus sit ipse, qui genuit. Nativitatis ergo proprietas et nomen et naturam et potestatem et professionem sola complectitur. Virtutis etiam potestate non alterum, non utrumque illorum duorum supradictorum removeretur, cum dicitur, *Quæcunque Filius facit, hæc et Pater similiter facit* (Joan. v). Omnia enim et eadem ejusdem naturæ veritatem ostendunt. Similiter cum nativitatis significationem. Sic est illud: *Sicut Pater suscitavit mortuos et vivificavit: sic et Filius quos vult vivificavit* (ibid.). Exæquata virtus ostenditur per naturæ indissimilis unitatem: alterum autem, id est solitudo, tollitur, ubi dicitur: *Non potest a se facere quidquam, nisi quod viderit Patrem facientem* (ibid.): qua ne illa exæquatio fidem nativitatis auferret, ait: *Non potest Filius a se facere quidquam*. Ab illo enim potest, ex quo est, quia nihil aliud est ab ipso esse. Et ut hoc se posse per virtutis et naturæ potestatem ostenderet, subjunxit, *nisi quod viderit Patrem facientem*. Non enim corporalibus modis videt, sed visus ejus omnis in virtute naturæ est. Quod ergo ait: *Non potest Filius a se facere quidquam, nisi quod viderit Patrem facientem*, id est nihil potest Filius facere, nisi quod habet ex natura nativitatis, ut faciat. « Nihil enim, nisi natum, ait Hilarius, habet Filius. » Honoris etiam æqualitate diversitas removeretur, tu ibi: *Pater non judicat quemquam: sed judicium omne dedit Filio, ut omnes honorificent Filium, sicut honorificant Patrem* (ibid.).

Ecce quid relictum est ad occasionem impietatis? quomodo potest intelligi nativitatis differre natura, aut aliqua cogitari inæqualitas? Sequitur enim: *Qui non honorificat Filium, non honorificat Patrem* (ibid.): et ut tolleretur solitudo, subjunxit, *Qui mi-*

*sit illum*. Alius enim mittens, alius qui missus est, quia alius est Pater, qui misit eum, alius Filius, qui missus est ab eo. Per hanc ergo fidei firmitatem absoluta est illa veritatis confessio; in cujus typum videbatur dici: *Ecce Adam quasi unus ex nobis* (Gen. iii). Sicut tamen supra dictum est, potest esse vox ista angeli loquentis ad Moysen, et de utroque Adam nihilominus intelligi. Et ad hoc ut intelligatur de primo, sciendum est quod duas a principio fecit Deus rationales creaturas: unam spiritualem, id est angelicam; alteram corporalem, id est humanam. Inter angelos tamen unum singularem fecit, cui dictum est: *Tu signaculum similitudinis Dei, etc.* (Ezech. xxviii). Ipse ergo est, qui dixit: *Ascendam in cælum, id est ad æqualitatem Patris, et similis ero Altissimo* (Isa. xiv). Propterea jure cecidit; quia voluit exaltari, et adæquari divinæ majestati. Inter corporales creaturas primum hominem præcipuum et singularem esse voluit, de quo dictum est: *Faciamus hominem ad imaginem et similitudinem nostram* (Gen. i). Sed et isto nihilominus majestati voluit adæquari, quando serpenti consensum præbuit dicenti: *Eritis sicut dii, scientes bonum et malum* (ibid.). Propter hoc et ipse cecidit. Bene ergo Angelus ait: *Factus est Adam quasi unus ex nobis* (ibid.); quia sicut in culpa, sic unus cum angelo fuit in pœna. Notanda tamen est in hac similitudine dissimilitudo, quia, quamvis per superbiam uterque ceciderit, dissimiliter tamen. Nam aliunde, et alibi, et aliter homo quam angelus. Aliunde, quia angelus de cœlo empyreo; homo de horto Eden: alibi, quia angelus cadens cecidit in hunc caliginosum aërem, homo vero inferius, quia in terra; aliter, quia homo cadens damnificatus est in pluribus quam Angelus. Damnificatus est enim homo corpore et spiritu, angelus vero solo spiritu. Plus tamen cadendo læsus est angelus quam homo; quia homo surgere potest a lapsu, angelus vero cecidit, nec adjiciet, ut resurgat. Plus igitur damnificatus est angelus quam homo: sed in pluribus homo. Quod si de secundo Adam angelus hoc dici voluerit, vox exultationis audita est. Quid enim jucundius quam quod Dominus angelorum factus est angelus, id est nuntius servorum? Est enim magni consilii Angelus (Isa. ix juxt. LXX), de quo Malachias: *Et statim veniet ad templum suum Dominator, quem vos quæritis: et Angelus testamenti, quem vos vultis* (Mal. iii). Ipse Angelus est, qui ait ad Abraham: *Non potero celare Abraham puero meo, quæ facturum sum* (Gen. xviii). Nam quod ille Angelus esset Filius Dei, ostendit Abraham, eum de justis una cum injustis sollicitus, ait: *Non est hoc tuum, qui judicas omnem terram* (ibid.). Unde convenienter probatur, ipsum esse Filium Dei, qui loquebatur ad Abraham.

Bene ergo ait Angelus: *Ecce Adam quasi unus ex nobis, missus de sinu Patris in mundum, ad eos, et propter eos, qui hæreditatem capiunt salutis* (Hebr. i). Vel potest esse, ut dictum est, vox ipsius Moysi, et

de utroque Adam rursus intelligi. *Ecce Adam quasi unus ex nobis*. Ecce ille, qui a Deo factus erat bonus, justus, perfectus, mortalis et immortalis, id est potens mori et non mori : qui etsi beatus non erat, miser tamen non erat; factus est quasi unus ex nobis, malus, injustus, sibi nocens et suis; post peccatum mortuus, nec potens non mori; miser a peccato, a necessitate, et a miseria. Bonus siquidem factus fuit Adam, quia a Deo, qui *vidit omnia quæ fecerat, et erant valde bona* (Gen. 1). Sed per peccatum depressum fuit in eo liberum arbitrium, ita ut impotens ad bonum, et liberum remaneat ad malum. Non enim sicut mentita est hæresis Pelagiana, solo arbitrio sine gratia potest homo facere bonum, vel resurgere si cadat; sed solo libero arbitrio malum facere potest, et ad hoc liberato. Justus etiam factus fuit, id est innocens et sine culpa; sed meritoriam iustitiam non habebat. Perfectus etiam, secundum quod temporari congruebat, id est secundum perfectionem nature conditæ, non nature glorificatæ. Sufficiebat enim ei ad majora promerenda, quod acceperat. Mortalis erat, quia mori poterat; et immortalis, id est non mortalis, quia poterat non mori: non immortalis, quasi non posset mori. Beatus autem non fuit, quia quod casum suum nescivit; vel si scivit, et sibi non cavit, extra beatitudinem fuit. Miser tamen non fuit, quia nondum peccatum commiserat, nec humanis necessitatibus subiacebat; nec adhuc corporis vel mentis molestias sustinebat. Sed ecce prompta est ad malum natura hominis per peccatum Adæ, injusta, corrupta, mortua, quia non potest non mori: et humanis miseriis addicta. Hoc omne sentimus per Adam, qui fuit primus, singularis, et ex nobis unus. Quod si de secundo Adam intelligitur, bene dicit Moyses: *Ecce Adam, quasi unus ex nobis*, homo passibilis, mortalis; qui defectus nostros quos voluit, quos debuit, quantum voluit et debuit, suscepit. Hinc est quod *Jesus fatigatus ex itinere sedebat, sic super fontem* (Joan. 4). *Et cum jejunasset quadraginta diebus, et quadraginta noctibus, postea esuriit* (Matth. 4). *In morte cepit pavere et tædere* (Marc. 14). Nec decipiat hæresis Marcionis, per hoc quod apponitur, *quasi, qui commentatus est Christum carnem phantasticam resumpsisse*, ita ut nec vere natum, nec vere mortuum fateretur, quia sicut Isaias ait: *Vere languores nostros ipse tulit, et dolores nostros ipse portavit* (Isa. 53). Quantum tamen voluit, eosdem affectus suscepit. Nam qui super morte Lazari flevisse legitur, apostolis ait. *Lazarus mortuus est et gaudeo propter vos, quia non eram ibi* (Joan. 11). Timuisse dicitur, qui armatis ad corripiendum se prodiit obvius (Joan. xviii). Tristis fuit usque ad mortem, qui in mortis articulo dixit: *Nunc clarificatus est Filius hominis* (Joan. xiii). Et qui dixit: *Abba, Pater, omnia tibi sunt possibilia, transfer calicem hunc a me* (Marc. 14). Ipse Petro ait: *Pone gladium in vaginam. Calicem quem dedit mihi Pater, non bibam illum?* (Joan.

xviii.) Et qui dixit: *Deus, Deus meus, ut quid me dereliquisti?* (Matth. xxvii); ipse etiam tunc dixit: *Amen dico vobis, amodo videbitis Filium hominis sedentem a dextris virtutis Dei* (Matth. xxvi). Et qui ad inferna descendit, latroni in cruce dixit: *Hodie mecum eris in Paradiso* (Luc. xxiii). Manus quoque quam clavus in cruce affixit, solo tactu auriculam Malechi sanavit (Luc. xxii). Et cum tandem moriens in ligno penderet, solem obscurabat, terram movebat, petras scindebat, monumenta aperiebat (Matth. xxvii); et sic assumptos defectus secundum dispensationis debitum temperavit in omnibus; ut qui cum cogitaret hominem ex infirmitate, Deum etiam intelligeret ex potestate: et sciret quia factus est unus ex nobis voluntate, non necessitate.

Idcirco quoties divinus sermo de Filio Dei nos erudit, aut de divinitate ejus, qua æqualis est Patri, vel de humanitate assumpta, qua minor est Patre, nos certos reddit. Cum autem de divinitate nos instruit, aut ad hoc intendit, ut ostendat quod eadem est natura Patris et Filii et Spiritus sancti: aut quod Filius alia est a Patre et Spiritu sancto persona. Unde nunc de Patre nunc de Filio, nunc de Spiritu sancto loquitur sermo divinus: nunc vero de duabus tantum personis, ita ut non fiat sermo de tertia; quod fit, ut ostendatur personarum distinctio. Plerumque vero indiscrete sine personarum distinctione; ut ostendatur una eademque natura. Nam in illa voce, cum Jesus in monte coram Petro, Jacobo et Joanne apparuit; et in ea quando super baptizatum columba descendit, et quando de sua clarificatione clamans ad Patrem, audivit: *Et clarificavi, et iterum clarificabo* (Joan. xii), non nisi persona Patris potest intelligi. Quod autem dicit Filius: *Dominus dixit ad me: Filius meus es tu* (Psal. 11); vel quod: *Exivi a Patre, et veni in mundum* (Joan. xvi); vel quod ait: *Pater, clarifica Filium tuum* (Joan. xvii), et hujusmodi: non nisi Filii vox potest intelligi. Quod autem Spiritus sanctus in specie columbæ in baptismo (Matth. iii), vel igneis linguis discipulis apparuit in cœnaculo (Act. ii), non nisi Spiritus sancti persona debet attendi. Quod autem vidit Daniel vestustum dierum, cui sedenti in throno oblatum est filius hominis (Dan. vii), tam Pater quam Filius, sed non Spiritus sanctus in hac visione sunt intelligendi. Cum vero nunc Filius, nunc Spiritus sanctus missus legatur, et Pater nunquam, quoties de missione fit sermo, nunquam de Patre, sed de Filio vel de Spiritu sancto intelligendum est. Cum vero legitur: *Verbo Domini cœli firmati sunt* (Psal. xxxii); *Spiritu oris ejus omnis virtus eorum* (ibid.); vel illud: *Ite, baptizantes eos in nomine Patris et Filii et Spiritus sancti* (Matth. xxviii), tota Trinitas intelligitur. Cum vero dicitur: *Audi, Israel, Deus tuus, Deus unus est* (Deut. vi), et in similibus indiscrete fit ita sermo de Trinitate, quasi de nulla personarum. Quod ad hoc fieri solet, ut una Patris et Filii

et Spiritus sancti natura noscatur. Cum vero de humanitate sit sermo, aut sit sermo de Filio, secundum quod est de forma Dei. Unde est quod ait : *Ego principium, qui et loquor vobis* (Joan. viii), et : *Ego in Patre, et Pater in me est* (Joan. x), et hujusmodi, aut secundum quod formam servi accepit. Unde : *Non dabis sanctum tuum videre corruptionem* (Psal. xv), et : *Caro mea requiescet in spe* (ibid.); et hujusmodi. Quandoque ut ostendatur unio utriusque naturæ, quod Dei est attribuitur homini, et quod hominis Deo. Homini enim attribuitur quod Dei est, cum dicitur : *puer ille creavit stellas*; Deo vero quod est hominis, ut cum dicitur : *Filius Dei mortuus est*. Quando vero ut unita demonstraretur persona, de eo loquitur indiscrete sermo divinus, ut cum dicitur : *Nemo ascendit in cælum, nisi qui descendit de cælo, Filius hominis qui est in cælo. Qui descendit, ipse est et qui ascendit super omnes cælos* (Joan. iii). Et cum unitæ sint tres substantiæ in unam personam, id est Deus, anima et caro, gratia unionis, quod unius substantiæ est, toti solet attribui personæ. Unde et in illo mortis suæ triduo et ad infernum legitur descendisse, sed propter animam, et in sepulcro jacuisse, sed propter carnem, et in cælo regnare, sed propter deitatem. Quid ergo, propter quid dicatur, attendat fides, quia nisi hoc quisque fideliter firmiterque intellexerit, et intellecta crediderit, salvus esse non poterit. Justus autem ex fide vivit (Hebr. x), quia hæc est vita æterna, ut cognoscamus Deum Patrem, et quem misit ad nos, et pro nobis, Dominum nostrum Jesum Christum Filium suum (Joan. xvii); qui cum eo, et cum Spiritu sancto vivit et regnat Deus per omnia sæcula sæculorum.

### SERMO III.

#### IN ADVENTU DOMINI.

Vidi, et ecce vir vestitus lineis, etc. (Dan. x). Verba proposita verba sunt Danielis, ut ex ipso Danielis vocabulo detur intelligi, quam credibilia facta sint hæc testimonia nobis (Psal. xcii), quæ de tertio cælo Propheta nos edocet evocatus. Tria siquidem visionum genera teste sacro eloquia didicimus : corporale, spirituale, intellectuale. Corporale est quod per corpus percipitur, et corporis sensibus exhibetur; spirituale autem multis modis dicitur : nam ipsum corpus quod in resurrectione habituri sumus, spirituale vocat Apostolus : *Seminatur, ait, corpus animale, surgit corpus spirituale* (I Cor. xv) : et dicitur spirituale, eo quod miris modis ad omnem facilitatem et incorruptionem spiritui subdatur; et sine ulla indigentia corporatum alimentorum solo vivificetur spiritu, non quod in incorpoream substantiam sit abiturum, sicut nec hoc corpus, quale nunc habemus, animæ habet substantiam, quamvis animale dicatur. Dicitur etiam spiritus aer iste. Unde dictum est : *Ignis, grando, nix, glacies, spiritus procellarum* (Psal. cxlviii). Dicitur et spiritus anima, sive hominis, sive pecoris, ut ibi. *Quis scit, si spiritus hominis ascen-*

*dat sursum, et spiritus pecoris si descendat ipse deorsum* (Eccli. xii) ? Dicitur et spiritus ipsa mens rationalis : quæ est tanquam quidam oculus animæ; ad quem pertinet imago et agnitio Dei. Unde dicit Apostolus : *Renovamini spiritu mentis vestræ* (Ephes. iv). Et alibi : *Caro concupiscit adversus spiritum* (Gal. v). Quam mentem dicit, hanc etiam spiritum appellavit. Dicitur etiam spiritus Deus, ut in Evangelio : *Spiritus est Deus* (Joan. iv). Ex his omnibus modis non vocamus spirituale hoc genus visionis; sed illo uno modo, de quo loquitur Apostolus ad Corinthios, *quo spiritus a mente distinguitur*, ubi ait : *Si oravero lingua, spiritus meus orat, mens autem mea infructuosa est* (I Cor. xiv). Per linguam accipiens obscuras et mysticas significationes, a quibus si mentis intellectum removeas, nemo ædificatur. Cum ergo non intelliguntur in spiritu, dicit eas non mente. Unde apertius alibi : *Si benedixeritis spiritu, quis supplet locum idiotæ* (ibid.) ? Linguam ergo vel spiritum translato vocabulo, quamlibet signorum prolationem appellat, prius quam intelligantur : quo cum intellectus accesserit, qui mentis est, fit revelatio, vel agnitio, vel prophetia, vel doctrina. Et tunc ascendit ad tertium visionis genus, quod est intellectuale. Proinde ait Apostolus : *Si venero ad vos linguis loquens, quid vobis proderit, nisi loquar vobis in revelatione, aut in agnitione, aut in prophetia* ? (Ibid.) Id est, si signis verborum, hoc est, linguæ loquar, et non accesserit intellectus, ut spiritu tantum, et non mente agatur quod agitur, quid prodest ?

Est igitur visio corporalis, qua pertinent corporis sensus ad visa corporalia, et hanc vocat Apostolus primum cælum, quoniam in excelsum cerebri locum, tanquam in cælum corporis a sede jecoris ignis emicat, de cujus cerebri medio velut centro non solum ad oculos, sed etiam ad sensus cæteros tenues fistulæ deducuntur, ad aures videlicet et ad nares et palatum, propter audiendum, olfaciendum, et gustandum : ipsumque tangendi sensum, qui per totum corpus est, ab eodem cerebro dirigi per medullam cervicis, et eam quæ continetur ossibus, quibus dorsi spina conseritur, ut inde quidam tenuissimi rivuli, qui tangendi sensum faciunt, per cuncta membra diffunduntur; ita ut represso calore lux ignis sola primum splendeat a cerebro, in radiis oculorum ad visibilia contuenda; deinde ad aures tanquam post oculos cerebro viciniore descendit mistura quadam primo cum aere puro, secundo ad nares cum aere caliginoso movens humidis exhalationes, tertio cum corpulentiore humore usque ad gustum, ultimo usque ad terrenam crassitudinem descendit, ut faciat tangendi sensum, quia corporalis visio non solum ad oculos, sed ad omnes corporis sensus pertinere dignoscitur : quæ ideo corporalis non dicitur, quia a corpore est, sed quia per eam visa corporalia sentiuntur.

Spiritualis autem visio, per quam non corpora,



sed corporum similitudines præsentem vel absentem corpore conspicimus, sive ita sit res quæ occurrit, sive ita non sit, ut occurrit in animo. Variæ siquidem corporum similitudinum formæ variantur in mente, cum in cogitatione aliquid faciendum vel emittendum disponimus; sive cum dormientibus videntur somnia, nihil vel aliquid significantia; sive cum valetudine corporali turbatis intrinsecus itineribus sentiendi imagines corporum veris corporibus ita misceat, ut internosci vel vix possint, vel omnino non possint; et aut significant aliquid, aut non significant; sive ingravescente aliquo morbo vel dolore corporis, et intercludente intus vias, quibus animæ, ut per carnem sentiret, intentio altius quam somno absentato spiritu monstrantur imagines rerum vel significantes aliquid, vel non significantes; seu nulla ex corpore causa existente, sed assumente atque rapiente aliquo spiritu, tollitur anima in huiusmodi videndas similitudines corporum, miscens etiam eis visa corporalia; sive ita spiritu assumente alienatur ab omni corporis sensu, ut solis similitudinibus corporum spirituali visione teneatur. Et hanc visionem propter huiusmodi varias illuminationes secundum cælum vocat Apostolus.

Tertium vero est quod mente concipitur, ita secreta et remota, et omnino arrepta a sensibus carnis atque mundata, ut ea quæ in illo cælo sunt, et ipsam Dei substantiam, Verbumque Deum per quod facta sunt omnia, in charitate Spiritus sancti ineffabiliter valeat videre et audire. Ad illud Apostolum (II Cor. xii), ad illud raptos prophetas, non incongruenter arbitramur. Quoniam signa quæ per aliquas rerum similitudines demonstrantur in spiritu, nisi accedat mentis officium, quo visa intelligantur, non est prophetia. Nam magis propheta fuit, qui intellexit quod alius vidit, quam ille qui vidit. Magis enim dici debuit propheta Joseph, qui intellexit quid significarent septem spicæ et septem boves, quam Pharaon qui eas vidit (Gen. xli). Quamvis igitur intellectualis visio, sicut spiritualis, multis modis fieri soleat, quia nunc per ipsum Creatorem non corporali visione vel vocali sono, sed sola inspiratione, vel in signum ante mentem adducta rei similitudine, vel per aliquam creaturam

ter visio spiritualis fallere potest videntem, cum corporum similitudines aliter quam sint occurrunt in animo cogitantis. Sed in intellectuali visione mens non fallitur, quia aut intelligit, et verum est; aut si verum non est, non intelligit.

Est igitur spiritualis dignior corporali; sed intellectualis longe excellentior spirituali. Et est quasi quoddam medium inter utramque spiritualis, quia non incongrue medium dicitur, quod corpus quidem non est, sed simile est corporis inter illud quod vere corpus est, et illud quod nec corpus, nec simile corporis est. Quia igitur propheta ex visione proposita, quam intellectualiter vidit (alioqui nec propheta dici debuit) iudicium Dei intellexit, quo foras eiciendus erat princeps huius mundi, ut scriptum est: *Nunc iudicium est mundi; nunc princeps huius mundi eicitur foras (Joan. xii)*: nec dubium quod ab illo quem vidit vestitum lineis, merito nomine Danielis censetur, ubi ait: *Ego Daniel lugebam multum, etc. (Dan. x)*. Daniel quippe iudicium Dei interpretatur. Sed notandum quod præmittit pœnitentiæ luctum et dignum abstinentiæ fructum, quia sicut exteriores oculi pinguedine carnis infecti, clare nequeunt intueri quod volunt, sic interiores, nisi mens a superfluitate macrescat, verum solem videre non possunt. Dicit ergo: *Ego Daniel lugebam multum*. Ex hoc patet quod melius est ire ad domum luctus, quam ad domum convivii (Eccl. vii).

Nam et ipsi filii Job cum essent in convivio, flante vento a regione deserti, qui concussit quatuor angulos domus, oppressi sunt (Job i). Vix enim potest esse ut absque effrenata letitia possit esse convivium comessorum. Scriptum quippe est: *Sedit populus manducare et bibere, et surrexerunt ludere (Exod. xxxii)*. Est tamen convivium conviventium, et est convivium convivantium. Convivium conviventium est unius moris habitare in domo, si simul bene vivunt, quia si male vivunt, nec vivunt. Forte semivivi sunt, sed non vivi, quia si corpore vivunt, anima tamen mortui sunt. Convivium vero convivantium est sedere in concilio comessorum, ac propter hoc ludentium. Unde Jeremias ait: *Non sedi in concilio ludentium (Jerem. xv)*, sed potius lugentium, quia per luctum caput turbatur, facies attenuatur, dolor mitigatur. Caput turbatur præ amaritudine, facies attenuatur a pinguedine, dolor mitigatur spei consolatione. Videte quantæ sint efficaciæ ad impetrandam Dei misericordiam lacrymæ lugentium; quæ meritorios et causæ inferioris annos Ezechiæ induciare potuerunt (Isa. xxxviii); et prædestinatos et causæ superioris ad finem optatum ordinare meruerunt. Extrema quippe luctus gaudium occupat sicut extrema gaudii luctus solet occupare (Prov. xiv). Infelix Zoroastres et inventor artis magicæ perhibetur, qui in suæ nativitatis initio solus fertur risisse. Quis enim incarcerationis vel incarcerationis ridet? Et quid, nisi carcerem, carnem vel mundum dixerim: in quibus detrusi sunt Evæ filii? Quid enim aliud quam carcer est mundus?

Quid homo, nisi incarceratus? Quis tortor carceris, nisi qui torquere non cessat hostis antiquus?

Hæ sunt luctus causæ generales, præter eas quas unusquisque nostrum speciales habet, aut particulares. Movebat enim non tantum totius orbis generalis, sed plebis Judaicæ specialis, et insuper propriæ servitutis individualis, prophetam miseria, cum dicebat: *Ego Daniel lugebam multum, trium hebdomadarum diebus* (Dan. x). Congruum lugendi tempus ponit, cum dicit, *trium hebdomadarum diebus*. Nam et ipsa Christiana religio hujus auctoritate sententiæ trium hebdomadarum, ante diem Natalis ejus quem propheta vidit vestitum lineis, luctus et pœnitentiæ tempus consecravit, ut trium hebdomadarum transacto luctu, illum videre, id est intelligere cordis oculis mereamur, qui pro nobis vestitus lineis venit. Hinc etiam tres septenarios pœnitentiales annuatim Ecclesia solemnizat, de quibus alias disseruisse me memini; unde nec arbitror repetendum. Quia enim septem sunt principalia vitia, quæ vel corde, vel ore, vel opere committuntur, bene sub tribus septenariis pœnitentiæ perfectio consummatur, quia ad hæc etiam septem psalmi pœnitentiales ordinati sunt. Bene igitur per hunc pœnitentiæ fructum propheta non solum principis regni Persarum brachium enervavit, sed virum vestitum lineis videre promeruit. *Ecce vir desideriorum*, ait angelus loquens ei, *veni ad adjutorium tibi, sed restitit mihi viginti et uno diebus princeps regni Persarum* (ibid.). Quia igitur peccatis exigentibus gens Judæa subdi meruerat regno Persarum, merito angelo Danielis, qui unus erat de filiis transmigratorum, restitisse dictus est princeps regni Persarum, quia alter alteri angelus non resistit, nisi quantum meritis humanis adjuvatur. Sed post pœnitentiæ luctum vidit Salvatorem et procuratorem populi Israel. Unde subdit: *Vicesima et quarta die apparuit vir vestitus lineis*. Nota hunc numerum impariter parum esse et superabundantem. Omnis enim pariter par, uno se minus diminutus est. Similiter pariter impar vel perfectus est vel diminutus, nisi ad secundum et compositum descendit, et tunc superabundans est. Superabundat autem numerus iste duodenario, per partes aliquotas divisus, ita ut summa crescat in primum cyclicum ex radice senarii procuratum.

Cum igitur in se duos contineat duodenarios, et tertium lucretur in fructu partium, tres istos duodenarios commendabiles ex sacri testimonio eloquii videamus. Primus enim commendabilis fuit in patriarchis, qui nobis sub lege naturali fidei radicem plantaverunt. Secundus commendabilis fuit in prophetis, per quos fides plantata floruit, et odorem confortantem nos per legem scriptam contulit in spe et expectatione Redemptoris. Tertius commendabilis fuit in apostolis, per quos fides germinata et florida per legem gratiæ fructum fecit, quia senarius boni operis qui a patriarchis incepit, per do-

ctrinam prophetarum perductus est ad finem consummatum apostolicæ veritatis, qui, fide per dilectionem operante, opus consummavere perfectum. Bene ergo vicesima et quarta die apparuit vir vestitus lineis, qui, consummato tempore patriarcharum quo primum fides illuminavit mundum, consummato quoque numero prophetarum, quorum oraculis confortatus est mundus, venit vir vestitus lineis, cujus gratiæ subsidiis apostolica doctrina boni operis fructum fecit. Sed quid est quod ait: *Ego sedebam s. per fluvium magnum Tigris*? (Ibid.) Magnus fluxus est nostræ mortalitatis, magnus et quasi torrens velocius defluens quam a texente tela succiditur. Et quis liberabit nos de corpore mortis hujus? *Gratia Dei per Dominum nostrum Jesum Christum* (Rom. vii), qui solus liberator est nostræ mortalitatis. Sediti igitur, id est attente consideranti fluxum suæ mortalitatis, apparuit, qui solus potuit liberare, vir unus vestitus lineis, qui pelliceam Adæ, transacta jam hieme, deponens, solis lineis vestiri voluit, tanquam sponsus ad sponsam veniens, veste nuptiali vestitus. Jam enim hiems abiit et recessit, et totus mundus apparet floridus: et vere totus, quia ibi apparet flos florum, ubi solent esse stercora jumentorum. Vel vir unus vestitus lineis, quia ipse, tanquam sacerdos secundum ordinem Melchisedech ad nos veniens, non per sanguinem hircorum aut taurorum, sed per proprium sanguinem intrans in sancta sanctorum (Hebr. ix), vestiri voluit Ephod lineo in operibus bonis, et linea stricta in mortificatione carnis. Sequitur:

*Et accincti renes ejus auro obrizo*. Evigilate, justi, ecce hora est, in qua Dominus vester venit. Beati sunt servi illi quos invenerit vigilantes (Luc. xii). Amen dico vobis, præcinxit se tanquam gigas, ad currendam viam (Psal. xviii); tanquam vir puginator omnipotens (Exod. iii), ad faciendam vindictam. Unde, *auro*, inquit, *obrizo*. Joannes et Elias lumbos zona pellicea accinctos habebant (Marc. i, IV Reg. i): quia nimirum quamvis justi et sancti essent, etsi pelliceum Adæ deposuerunt, ad minus de pelliceo sibi zonam retinuerunt, id est titillationem carnis de prævaricatione descendente senserunt. Iste vero auro obrizo accinctus fuit, qui de carnis titillatione nihil sensit. Nam etsi tentatus legitur pro similitudine, absque peccato fuit illa tentatio (Hebr. iv). Vel quia per renes infirmitas fragilitatis, et per aurum potentia designatur; bene auro renes accinctos habuit, qui in infirmitate nostræ carnis, potentiam non amisit. Hoc enim auro astringebatur Paulus, cum ait: *Quando infirmior, tunc fortior sum et potens* (II Cor. xii). Auro tamen obrizo non erat accinctus qui non a se, sed a Deo potens in infirmitate fuit. Iste vero bene accinctus auro obrizo perhibetur, qui potentiam a seipso habuit. Vel quia per aurum angelica designatur natura, ut ibi: *Non dabitur aurum obrizum pro ea* (Job xxviii). Ac si aperte dicat: Angelica non potest ei comparari natura. Circa renes aurum ob-

rizum habuit, cui angelica natura in tentatione A servivit. Unde dicitur : *Et accesserunt angeli et ministrabant ei (Matth iv)*. Per renes enim, quæ pars corporis est fragilior et pronior voluptati, tentatio designatur. Vel certe, quia per aurum nitor sanctitatis accipitur. Unde ait Jeremias : *Quomodo obscuratum est aurum ? (Thren iv.)* Bene non tantum aurum, sed aurum obrizum circa renes habuit, quia in ipsa humanitate tam per signorum exhibitionem, quam per virtutum coruscationem, non solum sanctus, sed Sanctus sanctorum inter sanctos apparuit. Nota quod Ezechiel ad renes hujus viri, non aurum sed atramentarium scriptoris vidit (*Ezech. ix*), Joannes accinctum ad mamillas zona aurea (*Apoc. i*), Daniel vero aurum obrizum ad renes vidit, et non ad mamillas (*Dan. x*). Sic enim Spiritus sanctus, prout voluit, singulis divisit. Atramentarium in dorso chirographum mortis significat, quod ipse Christus in passione affixit cruci. Ad mamillas aurum vidit, qui in verbo prædicationis Dei sapientiam et Dei virtutem agnovit. Aurum vero ad renes vidit, qui eum per nostræ carnis fragilitatem in sepulcro jacentem, et per potentiam divinitatis in resurrectione fulgere cognovit. Aurum ad mamillas habuit in prædicatione, atramentarium scriptoris ad renes in passione, aurum obrizum in lumbis in resurrectione. Sequitur :

*Et corpus ejus quasi chrysolithus. Corpus Christi dupliciter accipitur, quia per corpus designatur quandoque Ecclesia, quandoque caro de Virgine assumpta : quæ nimirum caro merito comparatur chrysolitho. Est enim chrysolithus lapis pretiosus, qui nascitur in Æthiopia, contra serpentes valens, et contra nocturnos timores, colore viridis, mari similis et auro micanti, scintillans ut ignis. Bene igitur Christi corpus comparatur chrysolitho, quia sicut in Æthiopia chrysolithus, et in tenebris lux, sic in mundo Christus. Ipse est lapis angularis ad conjugendam utramque maceriam, et ad percipiendum erectam statuum : qui utique contra serpentes valuit, quando diabolum et cogitationes ejus comprehendit. Hinc Moyses in vecte serpentem, in signum Christi pendentis in cruce, in deserto erexit ( Num. xxi ), ut per ipsum populus Dei serpentium morsus evitaret. Bene ergo viridi chrysolitho comparatus est Christus in prædicatione, qui fuit quasi præcisum lignum quod viruit, et cujus folium non defluxit. Mari vero similis fuit in passione, quando sanguinem sudans, tristis erat anima ejus usque ad mortem. Scintillavit etiam ut ignis, per miracula quæ foris apparuerunt populis. Auro similis fuit, quando per potentiam divinitatis in resurrectione refulsit. Viridis ergo fuit in prædicatione, scintillans ut ignis in miraculorum exhibitione, mari similis in passione, auro micans in resurrectione. Si vero per corpus hujus viri Ecclesiam accipias, viridi chrysolitho comparatur in virginibus, mari si-*

milis in martyribus, scintillans ut ignis in prædicatoribus, auro micans in supernis civibus. Sequitur :

*Et facies ejus ut species fulguris. In facie cognitio est, ut ibi : Et videbis faciem ejus in jubilo ( Job xxxiii ).* Quod nimirum tunc erit, quando adimplebitur hoc quod per Apostolum prædicatur : *Tunc cognoscam, sicut et cognitus sum ( I Cor. xiii ).* Natura autem fulguris et ignis illuminat, exsiccatur, vegetat, accendit, consolidat. Hinc bene facies ejus, ut species fulguris dicitur, quia cognitio Dei per fidem illuminat, et per exclusionem malorum exsiccatur, per spem vegetat, accendit per fervorem, consolidat per charitatem. Sequitur : *Et oculi ejus ut lampas ardens.* Per oculos Christi vel ipsa sapientia, qua scrutatur renes et corda, vel eorum ordo qui in Ecclesia veritatis lumine coruscant, figuratur. Unde ipsa ait Sapientia : *Caligavit ad indignationem oculus meus ( Job xvii ).* Bene igitur oculi Christi lampadi ardenti comparantur; quia sicut vitrum foris apparens in lampade intus ignis ardentis claritati non potest resistere; ita vitrum fragilitatis nostræ sapientiæ Dei omnia præscienti obviare non potest.

Scrutatur enim renes et corda, qui omnia scit antequam fiant. Si vero per oculos Christi prædicatores sancti designantur, bene lampadi ardenti comparantur; qui licet per vitrum fragilitatis foris appareant corruptibiles, pinguescunt tamen intus charitatis oleo, et igne sancti Spiritus inardescunt. Sequitur : *Et brachia ejus, et quæ deorsum sunt usque ad pedes, quasi species æris candentis.* Nota crucis mysterium secundum simplicem litteræ sensum. Brachia Christi, et quæ deorsum usque ad pedes, speciem æris candentis habuerunt, quando affixus cruci mori potius voluit quam flecti: æs enim candens potius frangi potest quam flecti. Sic qui cruci est affixus, cum caput moveat, brachia et quæ deorsum sunt movere non valet. Vel certe quilibet activi vel subjecti fideles in Ecclesia per brachia designantur: qui bene speciem æris candentis tenent, quia non tam ore quam corde fidem servant. Fides enim valet, quæ per dilectionem operatur. Æs vero in eo quod sonorum est, confessionem significat oris, in eo quod candens fervorem demonstrat cordis. *Corde enim creditur ad justitiam, ore autem confessio fit ad salutem ( Rom. x ).* Sequitur :

*Et vox ejus ut vox multitudinis. Vox Christi prædicationem significat (5). Ipse enim est, qui virg. oris sui Interficiens impium, quinquies vel cert sexies ad destruendam Syriam terram percussit Quinquies percussit, quando legem dedit: sexie autem, quando legem in sex distinctionibus divisit. In lege enim alia vox Dei continetur in justificationibus, ut illa qua leprosus vel menstruata emundantur; alia in judiciis, qua oculus pro oculo,*

(5) Alludit ad IV Reg. xiii.

dentem pro dente jubemur evelli, alia vero simplicitate litteræ contenta tanquam quædam intercapedo ponitur, ut per eam sacramentorum tegumenta celentur; alia in consiliis, unde Dominus Jesus quærenti juveni de salute respondit: *Si vis perfectus esse, vade, vende omnia quæ habes et da pauperibus* (Matth. XIX): consilium quidem fuit, non præceptum: alia autem in prohibitionibus, ut ibi: *Non occides: Non mæchaberis* (Exod. XX); alia vero in præceptis. Unde habes: *Diliges Dominum Deum tuum* (Deut. VI).

Vel certe sexies oris sui jaculo terram percussit, quando vox ejus intonuit super aquas; quando vox ejus in virtute, in magnificentia, in confectione cedrorum, in intereione flammæ ignis, in concussione deserti, in revelatione condensis fuit (Psal. XXVIII). Ipse enim est, super quem requievit Spiritus septiformis. Per spiritum siquidem timoris fluxus nostræ fragilitatis tanquam aquas domuit; per spiritum pietatis vox ejus in virtute fuit; per spiritum scientiæ vox ejus fuit in magnificentia, quia per doctrinam inter gentes magnificus enituit; per spiritum fortitudinis vox ejus cedros fregit, dum per potentiam divinitatis gloriosos terræ humiliavit; per spiritum consilii flammam ignis intercedit, quando consilio suæ consolationis fervorem tentationis interruptit; per spiritum intellectus desertum concessit, dum gentiles devotionis compunctione ad fidem convertit; per spiritum sapientiæ revelavit condensa, quando per sapientiam nobis aperuit sacramentorum mysteria. Igitur vox ejus ut vox multitudinis erat, dum fluxum carnis domuit, et misericordiæ suæ viscera nobis aperuit; quando per doctrinam magnificus apparuit, superbos humiliavit, gentiles vocavit, tentationes superavit, Ecclesiæ sacramenta revelavit. Hæ sunt alæ cherubim; quas unam ad alteram collidere vir sanctus audivit (Ezech. I).

#### SERMO IV.

##### IN ADVENTU DOMINI.

*Elevare, consurge, sede, Jerusalem; solve vincula colli tui, captiva filia Sion* (Isai. LI). Hora enim est jam nos de somno surgere (Rom. XIII). De illo inquam somno, in quo qui dormit, nec aliquid videt, nec sentit; vel si videt, quod videt non intelligit; vel certe si intelligit, obliviscitur et negligit. Cum enim diceret Dominus: *Lazarus amicus noster dormit* (Joan. XI), de dormitione illa dictum est, in qua nihil videtur aut sentitur. De hoc somno surgere nos hortatur Apostolus, cum ait: *Exsurge, qui dormis, et exsurge a mortuis, et illuminabit te Christus* (Ephes. V). Secundum vero somni genus in somno Nabuchodonosor figuratur; qui cum statuam viderit, nec recordatus est, nec intellexit (Dan. II). Tertium autem figuratur in somno, quo aggravati erant discipuli, cum Dominus appropinquans passioni diceret eis: *Non potuistis una hora vigilare mecum?* (Matth. XXVI). Videbant quod prædixerat eis Jesus dicens: *Ecce ascendimus Jerosolyman, et Filius homi-*

*nis tradetur* (Matth. XVI), et intellexerant: Unde et Petrus respondit: *Absit a te, Domine, non fiat istud* (ibid.). Sed imminente passione non sunt recordati verbi ejus, somno ignaviæ depressi. Unde cum in ipsa passione Dominus Petro dixisset: *Præquam gallus cantet, ter me negabis* (Matth. XXVI), et Petrus verbum intelligens respondisset; *Et si oportuerit me conmori tibi, non te negabo* (ibid.), requiritur, negat, et gallus cantat. Tunc Dominus Petrum respexit; et recordatus est Petrus verbi quod dixerat ei Jesus (Luc. XXII). Si non intellexisset, non respondisset; et si oblitus non esset, recordatus non fuisset. Primo ergo somno torpet paganus, secundo Judæus, tertio falsus Christianus. Paganus enim nec legendo videt, nec intelligit, nec reminiscitur verbi Dei virtutem; Judæus vero legendo videt, sed non intelligit, nec reminiscitur; falsus vero Christianus, videt, intelligit; sed obliviscitur et negligit. Primo somno torpet, qui nec Deo, nec Deum, nec in Deum credit; secundo, qui Deum credit, sed nec Deo, nec in Deum credit; tertio autem, qui et Deo et Deum credit, sed in Deum non credit. Primus igitur somnus ignorantia est, secundus perfidia, tertius torporis et ignaviæ. Si ergo in visione pacis habitare vis, quoniam Jerusalem visio pacis interpretatur, et dies videre bonos (Psal. XXXIII), elevare a somno ignorantia, tu pagane, elevare a somno perfidia, tu Judæe; consurge a somno torporis et ignaviæ, tu false Christiane. Qui enim jacet, et in imo prostratus est, non potest intueri ea quæ de longe sunt, sed ea tantummodo quæ de prope sunt intuetur. Unde et illi qui in medio Jerusalem faciebant abominationes, quando stangebant ad ostium tabernaculi idolum zeli ad provocandum æmulationem, quando adorabant picturas, plangebant Adonidem, et dorsum contra templum habentes adorabant ad ortum solis, jacere dicuntur unusquisque in abscondito cubiculi sui (Ezech. VIII). Unde Dominus ad prophetam: *Certe vidisti, fili hominis, quid isti faciunt in tenebris, unusquisque in abscondito cubiculi sui* (ibid.).

Quia ergo jacebant, ad ea quæ de prope erant oculos aperiebant. Quid enim magis de præsentia, et, ut ita dicam, de prope potest esse, quam favor populi, amor mundi, dilectio carnalis desiderii, contemptus Dei, initium infidelitatis? Ad ostium siquidem tabernaculi statuit idolum zeli, qui foris in conspectu hominum fervoris similitudinem demonstrat, quæ utique similitudo Deum ad iracundiam provocat. In ostio enim tabernaculi conspectus populi, in idolo zeli fervoris similitudo figuratur. Picturas adorat, qui ea quæ in mundo sunt desiderat: ea enim quæ in mundo sunt, quasi picturæ sunt, quia videntur aliquid esse, cum nihil sint. Sunt enim quædam quæ videntur esse, et non sunt, ut præsentia. Unde Paulus quasi a majori probans, ait: *Si quis se putat aliquid esse, cum nihil sit, ipse se seducit* (Gal. VI). Ubi enim hominem nihil esse dixit, de aliis rebus quæ pro homine factæ sunt,

quod nihil sint, aperte demonstravit. Unde et Isaias: *Omnia, ait, quasi non sint, sic sunt coram eo (Isai. xl).* Quædam autem sunt, et non videntur esse, ut æterna. Adonidem vero plangunt, qui ideo dolent, quia desideria carnis perficere non possunt. Sunt enim quidam, qui cum crucifixi sint mundo, mundum tamen sibi crucifigi nolunt. Isti delectationes mundi quærunt, sed cum eas habere nequeunt, dolent et gemunt; et tunc quasi Adonidem plangunt, rescindere nulla volunt. Supra seipsos sunt qui non tantum voluptates, sed et ipsas plerumque necessitates pro Deo dimittunt. Elevare igitur juxta te, qui positus es infra te, dimittendo saltem voluptates, etsi nondum vis dimittere necessitates. Elevare et supra te, ut ipsis necessitatibus omissis, ad illum qui de longe venit ad te, et est supra te, respicias cogitatione et aviditate. Qui enim a longe respexit, Dei potentiam vidit, sicut ait: *Aspiciens a longe, ecce video Dei potentiam venientem.* Nomen enim Domini venit de longinquo, et merito. Sic Abraham de terra et de cognatione sua egressus est, ut inter Chauanaeos dives efficiatur. Sic Elias egressus est, ut a vidua utcumque sustentetur. Sic Jacob de domo patris sui egressus est, ut patrimonio filiarum Laban perfruatur. Sic Tobias filium peregrinari misit, ut filiaë Raguelis copuletur. Sic et ipse Jesus egressus est, quia a summo cælo egressio ejus (*Psal. xviii*), ut captiva filia Sion in libertatem gloriæ filiorum Dei revocetur. *Solve ergo vincula colli tui, captiva filia Sion.* Si enim vinculum colli non solvatur; nec manus in sinum mitti, nec foris verba possunt extrahi. Sed cum tempus redemptionis filiorum Israel appropinquasset, ut de captivitate Ægypti, de servitute Pharaonis in libertatem et ubertatem terræ fluentis lacte et melle vocarentur, locutus est Dominus ad Moysen, dicens: *Loquere Pharaoni, ut dimittat populum meum (Exod. xi).* In hoc autem signo loqueris: *Mitte manum tuam in sinum tuum (ibid.).* Signum est nostræ redemptionis. Nisi enim manum in sinum mittamus, de sub jugo principis tenebrarum collum excutere non valeamus. Nam manum in sinum mittit, qui in operibus suis ad conscientiam recurrit. Per manum siquidem opera, per sinum vero figuratur conscientia. Liberari autem non potest de servitute diaboli, qui in omnibus operibus suis conscientiam suam non scrutatur. Ubera etiam foris extrahi necesse est, si in promissis hæc filia Sion fidelis inveniat. Quid enim est filia Sion? Ecclesia. Quid autem loquitur et promittit Ecclesia sponso suo? *Egrediamur, ait, in agrum, commoremur in villis; et ibi dabo tibi ubera mea (Cant. vii).*

Sicut enim quatuor animalia, quorum primum simile erat homini, secundum bovi, tertium leoni, quartum aquilæ (*Ezech. i*), ita et in animo quatuor motus in enies, quæ quatuor animalium speciem præfigurant. Primus est rationis motus, qui homini jure attribuitur; quia soli homini ratio solet competere. Secundus motus est sensualitatis, quem bene bovi comparamus. Nam sicut inter illa quatuor animalia bos pigrior, sic inter motus animi sensualitas ad considerandum tardior invenitur. Per alios siquidem motus, tam ea quæ non sunt præsentia, quam quæ præsentia sunt, videntur. Sensualitas autem ea tantum considerat, quæ oculis subjacent carnalibus. Tertius animi motus aviditas est, quem bene leoni comparamus, quia leo animal avidum est; quartus vero animi motus cordis est devotio, quem bene assignamus aquilæ, quia sicut aquila cæteris animalibus velocior invenitur, et altius potest incedere, ita cæteris motibus animi devotio potest altius volare: et sicut aquila cæteris animalibus limpidiores habet oculos, ita per devotionem ea quæ volumus limpidius invenimus.

Et revera ubicunque intenditur ratio, infigitur sensualitas, rapit aviditas mentem, volat devotio, ibi oportet, ut intendat circumspectio, cogitatio revolvatur. Quia enim cogitatio sive circumspectio nunquam stabilis est, sed semper volvitur, bene rotæ volubili comparatur. Unde et illæ rotæ volubiles vocatæ sunt, dicente propheta: *Et vocavit illas volubiles, audiente me (Ezech. xi).* Si ergo ratio vel sensualitas, sive aviditas, sive etiam devotio elevetur in altum, oportet ut in altum elevetur et cogitatio, quia cum elevantur animalia de terra, elevantur pariter et rotæ; et quando submitunt alas, submituntur et rotæ sequentes ea. Tunc enim submitunt, quando in terrenis intendunt. Tu igitur qui jaces, et in imo positus es, elevare. Elevare circumspectione, elevare cogitatione; elevare per

A exercitium activæ vitæ; elevare etiam per altitudinem contemplativæ. Vere enim in imo est, qui infra seipsum positus est. Alii enim jacent infra seipsos, alii juxta seipsos, alii etiam elevati sunt supra seipsos. Infra seipsos sunt qui in omnibus carni et mundo et cogitationi cuilibet obediunt; juxta seipsos sunt qui quidem voluptates et quæque superflua rescindunt, sed de his quæ necessaria elevare et supra te, ut ipsis necessitatibus omissis, ad illum qui de longe venit ad te, et est supra te, respicias cogitatione et aviditate. Qui enim a longe respexit, Dei potentiam vidit, sicut ait: *Aspiciens a longe, ecce video Dei potentiam venientem.* Nomen enim Domini venit de longinquo, et merito. Sic Abraham de terra et de cognatione sua egressus est, ut inter Chauanaeos dives efficiatur. Sic Elias egressus est, ut a vidua utcumque sustentetur. Sic Jacob de domo patris sui egressus est, ut patrimonio filiarum Laban perfruatur. Sic Tobias filium peregrinari misit, ut filiaë Raguelis copuletur. Sic et ipse Jesus egressus est, quia a summo cælo egressio ejus (*Psal. xviii*), ut captiva filia Sion in libertatem gloriæ filiorum Dei revocetur. *Solve ergo vincula colli tui, captiva filia Sion.* Si enim vinculum colli non solvatur; nec manus in sinum mitti, nec foris verba possunt extrahi. Sed cum tempus redemptionis filiorum Israel appropinquasset, ut de captivitate Ægypti, de servitute Pharaonis in libertatem et ubertatem terræ fluentis lacte et melle vocarentur, locutus est Dominus ad Moysen, dicens: *Loquere Pharaoni, ut dimittat populum meum (Exod. xi).* In hoc autem signo loqueris: *Mitte manum tuam in sinum tuum (ibid.).* Signum est nostræ redemptionis. Nisi enim manum in sinum mittamus, de sub jugo principis tenebrarum collum excutere non valeamus. Nam manum in sinum mittit, qui in operibus suis ad conscientiam recurrit. Per manum siquidem opera, per sinum vero figuratur conscientia. Liberari autem non potest de servitute diaboli, qui in omnibus operibus suis conscientiam suam non scrutatur. Ubera etiam foris extrahi necesse est, si in promissis hæc filia Sion fidelis inveniat. Quid enim est filia Sion? Ecclesia. Quid autem loquitur et promittit Ecclesia sponso suo? *Egrediamur, ait, in agrum, commoremur in villis; et ibi dabo tibi ubera mea (Cant. vii).*

Ecce sponsus in agrum egressus est. Sed ad quid? Ad meditandum et vivificandum. Ad meditandum cum Isaac; ad meditandum, inquam, cogitationes pacis et non afflictionis (*Jer. xxix*): ut ibi de camelo suo coram eo descendat Rebecca; vel de captivitate peccatorum eruat captiva filia Sion. Per Isaac enim Christus; per agrum mundus figuratur. In hunc enim agrum egressus est Domi-

nus, ad cogitandum nobis bona, et ad vivificandum ossa mortua. Ossa, inquam, illa de quibus Dominus in descriptione Leviathan dicit beato Job: *Ossa ejus ut fistulæ arvis (Job xl)*. Ossa ut fistulæ sunt sapientes hujus sæculi; qui cum sensum bene dicendi habeant, sensum tamen bene vivendi non habent. Vel certe ossa mortua sunt illa de quibus Dominus ait, cum divitem describit: *Ossa, inquit, ejus plena sunt adipe (Job xxi)*. Divites enim quasi ossa adipe plena sunt, quando divitiis impinguati fortitudine sua pauperes opprimunt. Hæc erant ossa mortua, quando non erat in eis illa vita, de qua dictum est: *Ego sum vita, veritas et vita (Joan. xiv)*. Et ad hæc ossa vivificanda venit Dominus in mundum, cum divites et sapientes per exemplum operum et doctrinam verborum ad vitam vocavit æternam, infundendo eis in tentatione patientiam, in moribus concordiam, veram in doctrina scientiam, in religione restrictionem, in corde devotionem. Nam tentatio in commotione, concordia in juncturarum connexionem, scientia in pellis extensione, restrictionis sententia in nervorum conjunctione, devotio cordis figuratur in carne. Sic enim in Ezechiele scriptum est, quod Dominus duxit eum in campum plenum ossibus mortuorum; et dictum est ei: *Putas, fili hominis, reviviscent ossa ista? (Ezech. xxxvii)*. Et ecce commotio. Postea autem redire cœpit unumquodque ad juncturam suam. Deinde vero nervos et carnem et pellem habere cœperunt; et tunc spiritu a quatuor ventis vocato vixerunt (*ibid.*). Bene enim per nervos sententia restrictionis accipitur. Nam in tali nervo Job pedem posuerat, cum diceret: *Posuisti in nervo pedem meum (Job iii)*. Pedem Job Dominus in nervo posuit, cum eum distractionis suæ sententia ligavit. Per carnem autem cordis devotio figuratur, ut ibi: *Auferam a vobis cor lapideum, et dabo vobis cor carneum (Ezech. xi)*. Cor enim carneum pro lapideo dicit Deus, quando pro obstinatione infert cordis devotionem. Pellis vero nomine sacræ lectionis intentio designatur, ut ibi: *Extendens cælum sicut pellem (Psal. cii)*.

Ad vivificandum ergo ossa mortua egressus est in agrum Dominus, cum in mundum venit, ut sapientes hujus mundi vel divites ad paupertatem spiritus provocaret. Commorari similiter in villis venit, cum in latitudinem hujus mundi descendit. Mundus enim et ager et villa erat, quando Dominus venit: ager propter laborem; villa, in eo quod nullam in eo poterat homo contra hostem suum defensionis invenire munitionem. Sed venit Dominus, et se murum posuit in domo Israel, et tunc facta est urbs fortitudinis nostræ Sion, quia Salvator noster positus est in ea murus (*Isa. xxvi*). Solve ergo vincula colli tui, captiva filia Sion, ut juxta promissum ubera tua des ei. Sic enim dixerat: *Egrediamur in agrum, commoremur in villis, et ibi dabo tibi ubera mea (Cant. vii)*. Quæ sunt

ubera? Judæa simul et gentilitas ad fidem vocata. Hæc enim sunt ubera, de quibus dicit sponsus: *Duo ubera tua quasi duo hinnuli capræ gemelli, qui pascuntur in liliis (Cant. iv)*. Judæi siquidem et gentiles, quando sacræ doctrinæ lac et propinant albis, et sibi sugunt, ubera sponsæ dici possunt. Qui bene hinnuli sunt per humilitatem, capræ per devotionis altitudinem, gemelli per charitatem. Pascuntur autem in liliis per vite candorem. Ut igitur hæc ubera foris possint extrahi, id est ut Judæa et gentilitas ad veræ fidei confessionem possit converti, *Solve vincula colli tui, captiva filia Sion*. Si enim per filiam Sion Ecclesiam figurari dicimus, recte per collum Ecclesiæ prælatos figuramus. Collum enim pars illa corporis est, per quam B cibus a capite derivatur in corpus. Cibus autem animæ verbum est vitæ, caput Christus, Ecclesia corpus. Quia vero per prælatos verbum prædicationis, prout divinitus sunt inspirati, in corpus Ecclesiæ diffunditur, bene per collum filie Sion prælati Ecclesiæ figurantur. Vincula autem colli impedimenta illa possumus appellare, quibus impediti prælati, nec sibi, nec aliis proficiunt, quantum volunt, scilicet amaritudo tentationis, fragilitas carnis, persecutio temporalis, occupatio secularis. Amaritudo tentationis in vinculis illis aperte figuratur, quibus Joseph fratres suos ligandos esse comminatus est, cum ait: *Per salutem Pharaonis non egrediemini; sed mittite unum ex vobis: vos autem remanete in vinculis, donec veniat Benjamin frater vester minimus; et probemus si vera sint, quæ dicitis (Gen. xliii)*. Joseph enim fratres suos tentare volebat, non persequi. Bene autem Joseph in expectatione Benjamin vinculis tentationis ligare dicitur fratres suos. Nam fideles, qui per filios Jacob figurantur, doloris amaritudinem per augmentum virtutum ligantur in expectatione veræ spei, et adventus gloriæ magni Dei (*Tit. ii*). Quanto magis enim fideles proficiunt, tanto magis dolent, quod cum Christo nondum esse possunt. Per Joseph autem virtutum profectus; per Benjamin figuratur Christus, quia ipse filius dexteræ est, eo quod filius sit substantivus; nos autem quasi sinistræ, quia filii adoptivi sumus. Ipse est filius dexteræ, quia sedet ad dexteram Patris, cui Pater dixit: *Sede a dextris meis (Psal. cix)*. Qui cum noster sit Pater per humanæ naturæ donum, frater tamen factus est per ejus naturæ consortium. Et bene minimus, eo quod per carnis assumptionem paulo minus ab Angelis sit minoratus (*Psal. ii*). Bene minimus, in typo cujus minimum filiorum Isai, id est David, de ejus genere ipse Dominus nasci voluit, Deus in regem sublimavit. Bene minimus, qui cum magnus esset, pro nobis factus est parvulus, ut scriptum est: *Parvulus natus est nobis (Isa. ix)*. Et cum Verbum Patris esset, factus est infans, ut scriptum est: *Invenietis infantem (Luc. ii)*, etc. Et cum primus esset omnium, factus est omnium novissimus. Unde Isaias: *Et vos putavimus eum novissimum viro-*

rum, virum dolorum (Isa. LIII). Et Psalmista similiter in persona ejus : *Ego autem sum vermis et non homo* (Psal. XXI).

Fragilitas vero carnis satis aperte figuratur in nervicis illis funibus, quibus Dalila voluit ligare Samsonem (Jud. XVI). Nervus enim ex carne est, et ideo impedimenta carnis significat, quibus quasi vinculis ligatur, ut non proficiat quantum possit, velit, vel debeat. Persecutio vero temporalis in vinculis illis figuratur, quibus Ezechielem ligari jubet Dominus, cum ait : *Et tu fili hominis, ecce ego posui vincula super te, et ligabunt te in eis* (Ezech. III). Prophetarum siquidem verba, similiter et opera, plerumque proponebantur in exemplum populo Israel. Nam in signum persecutionis, qua in Babylone ligari debebant et captivari, ligatus est propheta coram eis, sicut dictum est : *Signum est domui Israel*. Occupatio autem in litio illo designatur, quod et illa Dalila capillis Samsonis innexuit, ut infingeret terræ (Jud. XVI). Per capillos enim capitis cogitationes mentis, per litium quod capillis in nexuit, occupationes cogitationum : quæ tunc litio terræ infinguntur, cum per aliquam occupationem in terrenis cogitationes involvuntur. Vel certe occupatio, ut ait beatus Gregorius in *Moralibus* figurari potest in mola asinaria, quæ alligari debet collo ejus, qui unum de pusillis Dei scandalizat. Dicitur ergo Ecclesiæ de praelatis : *Solve vincula colli tui*. Nam ut sequi Christum valeat Ecclesia, oportet ut praelati ejus et amaritudinem tentationis, et fragilitatem carnis, et persecutionem insuper parvipendant, et occupationem temporalem interdum dimittant, ut orationi vacent, sicut scriptum est : *Vacate et videte* (Psal. XXXIII). Vel certe per collum sacrum designatur eloquium, ut ibi : *Collum tuum sicut turris David* (Cant. IV). Sacrum enim eloquium sicut turris David est, cum in eo propugnacula munitionum contra ignita tentationum tela reperiuntur. Hujus ergo colli vincula impedimenta illa possumus appellare, quæ prædicatorem sacri eloquii in verbis impediunt, quod plerumque facit obscuritas verborum, infidelitas auditorum, timor et prohibitio potentium. Obscuritas enim verborum in vinculis illis designatur, de quibus Baltassar loquitur Danieli, dicens : *Scio quia potestatem habes obscura interpretari, et ligata dissolvere* (Dan. V). Repetitio enim est, quia quod prius dixerat obscura, repetit cum dixit ligata : et quod prius dixerat interpretari, repetit cum dixit dissolvere. Infidelitas auditorum designatur in vinculo, quo ligabatur os Zachariæ, qui cum verbum angeli de nativitate Joannis credere nollet, audivit : *Eris tacens, et non poteris loqui* (Luc. I). Postea vero nato Joanne credidit; et statim solutum est vinculum oris ejus, et prophetavit dicens : *Benedictus Dominus Deus Israel* (ibid.), etc. Prohibitio vero designatur in vinculo, de quo scriptum est : *Non alligabis os bovi trituranti* (I Cor. IX), id est non prohibebis verbum hominis bene operantis. Dicitur

ergo prædicatoribus Ecclesiæ : *Solve vincula colli tui*. Ac si aperte dicatur : Quia jam nuda et aperta sunt, quæ dicta sunt de Filio hominis, tollatur ofuscatio, removeatur infidelitas a corde, non terreat potentium prohibitio; sed quasi tuba exalta vocem tuam (Isa. LVIII), et dic civitatibus Judæ : *Ecce Deus vester*. Vel quia per collum elationis altitudo designatur, unde filie Sion reprobatæ sunt a Deo, pro eo quod ambulaverunt extenso collo, non immerito colli vincula possumus appellare, ea quæ cordi elationem innectunt, ne possint dissolvi.

Tria ergo sunt, quæ elationem cordi astringunt, ignorantia scilicet veritatis, affectus peccandi, et obstinatio mentis. Tunc enim homo superbus efficitur, cum nec Deum, nec seipsum cognoscit, cum peccare diligit, et cum vocem monentis negligit. Ignorantia siquidem veritatis designatur in vinculo, quo ligata erat asina in templo; de qua Dominus discipulis præcepit dicens : *Ite in castellum, quod contra vos est, et statim invenietis asinam et pullum cum ea. Solvite, et adducite mihi* (Matth. XXI). Quid enim per asinam, nisi gentilitatem intelligimus, de qua per Isaiam dicitur : *Cognovit bos possessorem suum, et asinus præsepe Domini sui?* (Isa. I). In bove Judæos, in asino gentiles significavit. Hæc igitur ignorantie vinculis astricta jugo Dei supponi volebat, donec per prædicationem apostolorum ab ignorantie vinculo soluta, jugo est mancipata divino. Affectu vero peccandi satis aperte illis in vinculis figuratur, quibus in monumento ligatus Lazarus tenebatur. De quo et Dominus ait : *Solvite eum, et sinite abire* (Joan. XI). Si enim per Lazarum peccator designatur, non immerito vinculum peccatoris affectum peccandi designat. Per affectum siquidem peccandi peccator peccato ligatur. Obstinatorem vero mentis figurari dicimus in vinculis illis, quibus ligati leguntur quatuor angeli in flumine magno Euphrate, prout audivit Joannes unam vocem de cornibus altaris. Ait enim : *Et audivi unam vocem de cornibus altaris clamantem : Solve quatuor Angelos, qui alligati sunt in flumine magno Euphrate* (Apoc. IX). Quid enim per quatuor angelos, nisi quatuor tentationum genera intelligimus? Et bene per angelos tentationes designari dicimus, quia sicut sunt administratorii spiritus missi in orbem, ad annuntiandam Domini voluntatem : ita a diabolo mittitur tentatio, ut per eam diaboli voluntas insinuetur. Quatuor ergo sunt genera tentationum. Alia enim levis est et occulta, ut timor nocturnus, alia levis et aperta, ut sagitta volans in die, alia gravis et occulta, ut negotium perambulans in tenebris, alia gravis et aperta, ut demonium meridianum (Psal. XC). Sicut ergo illi dicuntur angeli, qui bona nuntiant, ita et tentationes angeli dici possunt, quia mala nobis nuntiant. Angelus enim nuntius interpretator. Sed illi qui bona nuntiant, eadem demones; qui autem mala, eadem demones nuncupantur. Ita ergo angeli ligati sunt in flumine magno Euphrate, quando in fluxa

mente per obstinationem et mentis duritiam astringantur. Dicatur ergo : *Solve vincula colli tui, captiva filia Sion, quia si contemplationis culmen velis attingere (nam Sion speculatio dicitur), oportet, ut primo Deum cognoscas, et postea te ipsum; ut peccandi voluntatem dimittas, et ad cœleste desiderium cor tuum emollias. Sic enim absque omni impedimento occurrere poteris illi cum illa quæ clamat : Curremus in odore unguentorum tuorum (Cant. 1) : ascendendo videlicet de virtute in virtutem, donec videamus Deum deorum in Sion (Psal. LXXXIII), id est in altitudine contemplationis, ad juti gratia Salvatoris nostri Jesu Christi, qui cum Patre et Spiritu sancto vivit et regnat Deus per omnia sæcula sæculorum. Amen.*

## SERMO V.

DE NATIVITATE DOMINI.

Verbum caro factum est (Joan. 1). Verbum abbreviatum de Verbo abbreviato audivimus. Sed  
*Dum brevis esse laboro,*

*Obscurus fio.*

(HORAT. De art. poet. vers. 25, 26.)

Quippe quia verbum abbreviatum et obscurum de Verbo abbreviato et obscuro loquimur. Sed verbum meum, quia abbreviatum, obscurum; Verbum vero illud, quia obscurum, abbreviatum. Obscurum enim erat, antequam esset abbreviatum, et abbreviatum est, ut esset manifestum. Antequam esset abbreviatum videri non poterat oculis mentis; abbreviatum vero videri potuit oculis carnis. Verbum erat non brevium, nec dici poterat; verbum abbreviatum fuit, et dici potuit. Dici forte potuit, non quid erat, sed quod erat : sed dici non potuit, quid erat, sed quid non erat. Deus enim Verbum erat. Nemo autem dicere potest, id quod est; sed dicere potest, quid non est. Negativæ enim de Deo compactæ sunt; affirmativæ incompactæ. In hoc ergo quod Verbum erat, ipsum homo fari non poterat, sed *Verbum caro factum est*, et tunc infans factus est. Verbum ergo fuit, et ipsum homo fari non potuit; infans fuit, et ipsum homo fari potuit. Verbum erat, quod fari non potuit. Isaïæ sunt verba : *Generationem ejus quis enarrabit? (Isa. LIII.)* Infans fuit, quem fari potuit Matthæus, cum ait : *Liber generationis Jesu Christi (Matth. 1).* O Verbum ineffabile; et infans fabilis! O Verbum ineffabile apud Patrem, et infans fabilis apud matrem! Ut quid istud? Quia jubitus cœlestis Verbum Patris, nec omnino dici potest, nec omnino debet taceri. Sed dici non potuit, quia Verbum est; taceri non debet, quia infans est. Videsne? verbis propriis improprie, impropriis proprie designatur. Et quia verba propria non habemus, verbis impropriis ad ejus notitiam, prout dederit, ascendamus. Verbum Patris est; et ut usu humano loquamur, Verbum Patris substantivum est, Verbum cum Patre æternum, Verbum indeclinabile, figuræ simplicis, præsentis temporis, numeri singularis, infinitivi modi. Legitis hæc et intelligitis? Forte dicitis, legimus; nec unum iota

A de tota lectione præterimus, et intelligimus, sed ex regulis Prisciani ita edocti non sumus. Bene. Una est lectio vestra et mea : sed vestra docta, mea indocta.

Et quamvis una eademque sit lectio, sensum tamen humanum ex verbis humanis colligitis, ego vero spiritualem. Animadvertite igitur spiritualem intellectum, ut unus et idem nobis intellectus sit, meus spiritualis, et vester humanus. Dixi a principio, Verbum Patris substantivum esse, quia consubstantiale est Patri Verbum suum. Si enim accidentale esset, et adesse et abesse posset. Sed forte dicitis : A verbo Pater abesse potuit, quia Verbum dixit : *Deus Deus meus, quare me dereliquisti? (Psal. XXI.)* Hæc in persona Filii dicta negare non possumus. Nam in Evangelio dicit : *Eli, Eli, lamma sabactani? (Matth. XXVII.)* Unde et Psalmista ad majorem argumenti rationem adjungit : *Deus meus, clamabo per diem et non exaudies (Psal. XXI.)* Clamat se Filius derelictum a Deo, et non est exauditus : ergo est derelictus. Pensatis quid, sed non propter quod dictum sit. Verba enim sunt filii hominis entis Filii Dei, qui prædestinatus est Filius Dei in virtute, ut esset filius hominis et Filius Dei. Clamat igitur filius hominis se in passione derelictum quoad protectionem divinitatis, non quoad divisionem unionis, quoniam tunc non solum Pater, sed ipse Filius se ipsum dereliquit. Nam si seipsum defendere vellet, prout posset, quis salutem nostram operatus esset? Posset forte mala voluntas esse a diabolo, vel Judæo, sed potestas non potuit esse, nisi a Deo (Rom. XIII). Hinc est quod Filius ait : *Non haberes in me potestatem, nisi tibi datum esset desuper (Joan. XIX).* Et alibi : *Nemo tollit a me animam meam : sed ego pono eam, et iterum sumo eam (Joan. X).* Rursus quod substantiale Patri sit Verbum, potest probari.

Ex omnibus enim quæ facta sunt, dixit Dominus, et facta sunt (Joan. 1). Ergo per Verbum omnia fecit. Vel ergo duo omnipotentes fuerunt, vel idem est Pater et Verbum. Sed duo omnipotentes esse non possunt, quia ad hoc ut alter omnipotens esset, alterius potentiam posse comprimere necesse esset : alioquin aliquid potentia ejus deesset, et sic omnipotens non esset. Quia igitur unus est omnipotens, et Pater est omnipotens, et Verbum est omnipotens, unum atque idem esse Patrem et Verbum, necesse est. Et quia prorsus unum, procul dubio unum Deum, unam substantiam. Est igitur activum verbum, non solum ex iis quæ facta sunt, sed ex iis quæ facienda erant, antequam quidquam fieret. Nam sicut voluntas artificis habens præ oculis omnem materiam domus faciendæ, fertur super illam, et quodammodo jam mente facit, dum quid de quo facturus sit proponit; ita in summo artifice omnia quæ facta sunt, præsentia fuerunt, ut sicut domus facienda primo sit in scientia artificis; sit et materialiter, cum lævantur lapides et ligna; sit etiam essentialiter, cum in structura disponuntur



Levigata, ita et summus artifex per Verbum omnipotens fecit omnia, ut in præscientia incubaret faciendis, in materia factis, in essentia ordinatis. Unde dictum est, *fiat et fecit, et facta sunt* (*Genes. 1*). Quid est enim dicere: *Fiat lux*, nisi quod Verbum genuit, in quo erat, ut fieret lux; et erat, antequam quidquam fieret? Quod igitur dictum est, *fiat*, refertur ad opus in præscientia; quod *fecit*, ad opus in materia: quod *factum est*, ad opus in essentia. Quod ergo primo fecit, quod facta ordinavit, quod ordinata humanæ utilitati exposuit, totum in præscientia fuit; et illa præscientia ab æterno fuit. Ab æterno ergo præscivit ut faceret, ordinaret, exponeret. Ergo facere, ordinare, exponere, in Deo æternaliter fuit. Et sicut videmus quia primo facta sunt quæ facta sunt, et postea ordinata, tandem exposita, ut quasi principium sit humanæ utilitatis benigna rerum expositio, expositionis autem et utilitatis sapiens dispositio, dispositionis autem, expositionis et utilitatis rerum compositio, totum ex præscientia artificis emanavit, cum sic componere, disponere, exponere proponebat. Erat igitur benignitas exponens ad omnia facta principium, sapientia ordinans benigne exposita, potentia agens sapientia et benignitate, ut sic sapientia totum haberet a potentia, benignitas vero simul a sapientia et potentia. Et quamvis diversitas videatur in actibus, nulla tamen diversitas erat in agente. Quia nec à seipso aliquis artifex differt, quando quid cogitat disponere, ordinare, exponere, quamvis sit aliud disponere, ordinare, exponere. Ita Deus unus erat ante sæcula, qui potenter omnia disposuit, sapienter ordinavit, benigne exposuit. Nec aliquid erat potentia componens, sapientia ordinans, benignitas exponens, nisi unus Deus, qui per partes dividi non potest, quia simplex est, et corpus non est; nec aliquid in eo imperfectum, eo quod omnino bonus est.

Vides igitur ex prædictis, quod idem est sapientia, potentia, benignitas, in Deo. Et tamen sapientia est a potentia, et benignitas ab utraque. Et cum nihil aliud dicamus potentiam quam Patrem, sapientiam quam Filium, benignitatem quam Spiritum sanctum, ex rebus factis potest argumentari quod unum atque idem est Pater et Filius et Spiritus sanctus: Filius tamen a Patre, Spiritus sanctus ab utroque. Et quamvis unum sint, quibusdam tamen proprietatibus distinguuntur, sicut proprium fuit potentia ut ageret, sapientia ut ordinaret, benignitatis ut exponeret. Quod tamen potenter fecit, sapientia et benignitatis fuit; quod benigne exposuit, potentia et sapientia fuit. Hinc est etiam, quod cum idem sit Pater et Filius et Spiritus sanctus, proprium Patris fuit ut in voce audiretur, proprium Filii ut baptizaretur, proprium Spiritus sancti ut in columba videretur (*Matth. 3*). Tamen ut Pater audiretur, operatus est Filius et Spiritus sanctus; ut Filius baptizaretur, operatus est Pater et Spiritus sanctus; ut Spiritus sanctus videretur

A in columba, operatus est Pater et Filius, quia prolecto inseparabilia sunt opera Trinitatis. Quia igitur unam est cum Patre et Spiritu sancto Verbum, bene indeclinabile dicitur, quia idipsum est. *Tu autem*, ait Psalmista, *idem ipse es* (*Psal. 101*). Unde Jacobus: *Apud quem non est transmutatio, nec vicissitudinis obumbratio* (*Jac. 1*). Et alibi:

. . . . Stabilisque manens das cuncta moveri.

(BOET. *De consol. philos.* lib. III metr. 9).

Non enim declinatur de loco ad locum, qui ubique est; non declinatur per vicissitudines temporum, qui semper est; non per varietates ætatum, qui ab æterno est, non per divisiones partium, qui corpus non est; non per mutationes dignitatum, quia Deus est; non per diversitates affectuum, quia semper idem est. Nam si iratus fuisse (*Exod. 17*), vel poenituisse (*Gen. 6*) legitur, figurative dicitur, quia nullus in Deum cadit affectus. Sic iratus dicitur, quia poenit; poenituisse, si quod fecit, delet, quod facere poenitens solet. Quia autem ens a Patre unum est cum Patre, bene simpliciter prædicatur figuræ, cum sit splendor gloriæ, et figura substantiæ Patris (*Hebr. 1*). Non figura Patris, quasi a Patre figurata, nec figura quasi ad Patris figuram, sicut homo imago Dei est; sed ad Dei imaginem. Nec figura Patris, quod ad Patris similitudinem: non enim participat cum Patre aliquam similitudinem, quia non est participatio, ubi totalitas est; non est similitudo, ubi est identitas. Nulla in eo diversitas, qui de se dicit: *Qui videt me, videt et Patrem* (*Joh. 14*). Una igitur substantia est Pater et Filius, una prorsus figurans omnia, neutra ab altera figurata. Attende super hoc evidens argumentum. Splendor solis a sole est, non sol a splendore: unum tamen splendorem emittunt sol et splendor solis. Nunquid sibi diversus est splendor emissus? Nonne si quis a te quæreret, quid luceat in domo, nonne bene responderes, sol? Vel si hoc iterum quæreret, nunquid bene dicere posses, splendor solis? Nunquid de duobus splendoribus locutus es, cum dixisti, sol et splendor solis? Non utique, sed ad utrumque respondisti, quia unus splendor est sol et splendor solis: et tamen, ut dictum est, splendor solis a sole est. Et quamvis ab ipso sit, coævi tamen sunt, quia nunquam splendor sine sole, nec sol sine splendore.

Sic igitur quamvis a Patre sit Filius, coæterni tamen sunt. Propter hoc præsentis etiam temporis est, quia apud ipsum illud æternum *hodie* est, quod nec præteritum novit, nec futurum. Unde Pater ad Filium: *Ego hodie genui te* (*Psal. 11*). Quod in alio Psalmo exponitur, cum dicitur: *In splendoribus sanctorum ex utero*, id est ex divinitatis secreto, *ante luciferum genui te* (*Psal. 104*). Apud ipsum enim erit non est, quia ab æterno est. Apud ipsum fuit non est, quia finem habere non potest. Apud ipsum ergo est semper est. Quod fuit enim vel quod erit, apud ipsum non est, quia quidquid fuit vel erit, in ipso est. Et quamvis unitas vel singularitas

sit in substantia, tamen in personis est pluralitas, ita ut nec singularitas confundat pluralitatem, neque pluralitas separabilem reddat singularitatem. Plures sunt, et non unus : unum sunt, et non plura.

— Unum dico ab unitate, non unum ab unione. Tres personæ sunt unum. Adoratur Trinitas, et tamen quia diversa non sunt, non est ibi triplicitas. Nulla prorsus diversitas, quia prorsus unitas : et tamen pluralitas, quia distincta Trinitas. Non est ergo differentia adhibenda divisio, sed distinctionis discretio. Unum est enim Pater et Filius et Spiritus sanctus. Distinguitur tamen Pater a Filio, quia Pater est genitor, vel ingenitus, Filius genitus. Una eademque sapientia Pater et Filius, et tamen sapientia genita Filius, sapientia ingenita Pater. Nec sapientia genita est sapientia ingenita : una tamen sunt sapientia. Similiter Spiritus sanctus, cum sit eadem sapientia cum Patre et Filio, tamen nec sapientia ingenita, nec genita, sed procedens. Nec dicere eam debemus ingenitam, ne Pater videatur ; nec genitam, ne Filius credatur, sed securius procedentem, ut ab utroque distinguatur. Attendite, fratres, quare dixerit Isaias : *Generationem ejus quis enarrabit? (Isa. LIII.)* Quis enim generationis hujus modum poterit diffinire? Absque modo est, quia infinitus est. Intelligite tamen in humanis, quod latet in divinis. Intelligite per aliquid simile, quod latet in rei veritate. Dixit Jesus discipulis suis : *Nisi manducaveritis carnem Filii hominis, non habebitis vitam manentem in vobis (Joan. VI.)*. Magna et utilis sapientia : et quis eam Christum docuit? *Quis enim consiliarius ejus fuit, et quis eum docuit scientiam? (Isai. XL.)* Prorsus indocta est. Huic autem doctrinae testimonium perhibet Joannes et scripsit hæc, prout a Christo edoctus fuit. Una ergo fuit sapientia Christi et Joannis : sed fuit in Christo indocta, in Joanne docta. Quod autem Joannes scripsit hæc, videmus scriptum, legimus et intelligimus. Quis illam sapientiam me docuit? Non Joannes, quia Joannem nunquam vidi, nec alius a Joanne. Ergo sapientia mea docta non est. Tamen si Christus hanc sapientiam non docuisset Joannem, nec ego hanc sapientiam habuissem. Ergo etsi mihi sapientia mea docta non est, non tamen indocta est : Joanni enim docta est. Una eademque sapientia Christi, Joannis, et mea : sed in Christo indocta, Joanni docta, mihi quodammodo neutrum, sed procedens, quia a Christo qui Joannem docuit, et a Joanne qui scripsit, sapientiam hanc accepi. Principium habuit sapientia mea a Christo et Joanne : principium habuit sapientia Joannis a Christo, sapientia Christi a nullo. Et tamen una eademque est ista sapientia. Est igitur sermo Joannis quasi genitus a sermone Christi : sermo Christi quasi genitor sermonis Joannis ; sermo meus quasi procedens a sermone Christi et Joannis. Unus tamen sermo Christi, Joannis, et meus. Vides igitur, quod aliquod verbum unum et idem est ; et tamen secundum aliquid indoctum, quod neque doctum

A dici possit neque procedens : secundum aliquid ita doctum, quod nec indoctum dici debeat : quia quod doctum est, indoctum non est, nec ea processione procedens, qua procedit in legente. A Christo enim in Joannem processit per doctrinam eruditionis ; a Joanne in me per studium lectionis. Ita unum atque idem prorsus Pater et Filius et Spiritus sanctus ; et tamen genitor est Pater, ita ut neque genitus, neque procedens possit esse : ita genitus Filius, quod neque genitor, neque procedens a Patre, processione, qua Spiritus sanctus. Nam et secundum quid procedere dici potest a Patre. Unde ait : *Processi a Patre, et veni in mundum (Joan. XVI.)*. Procedit enim Filius generatione, Spiritus sanctus missione. Et est principium Filii et Spiritus sancti Pater, principium vero Spiritus sancti Filius ; principium ad omnes creaturas Spiritus sanctus. Sicut si ego vobis sermonem prædictum primo notum facerem, quem scripsit Joannes, et audivit a Christo, sermo meus vestrae doctrinae esset principium, sermo Joannis ad meum, sermo Christi ad Joannis et meum, unus per omnia sermo.

Et Verbum caro factum est. Non Pater, non Spiritus sanctus caro factus est, quamvis unum sint Pater et Filius et Spiritus sanctus, solus tamen Filius carnem assumpsit. Cum enim diceret Christus, *Nisi manducaveritis carnem filii hominis, etc.* intellexerunt quidam carnaliter, unde scandalizati voluerunt abire retrorsum (Joan. VI). Credebant enim, quod in illa forma in qua crucifixus est, deberent eum manducare, non in sacramento panis et vini. Dixit ergo eis Jesus : *Hoc vos scandalizat? Verba quæ ego loquor, spiritus et vita sunt (ibid.)* : et aperuit illis sensum. In Christo sensus erat, non carnalis, sed spiritualis : in discipulis illis intellectus carnalis et spiritualis. Nam quia carnalis, scandalizati sunt, et quia tandem spiritualis, ait Petrus : *Domine, ad quem ibimus? Verba vitæ æternæ habes (Joan. VI.)*. Verbum in Christo caro non erat, quia caro et sanguis non revelabat ei. Verbum in discipulis quasi caro erat. Idem erat discipuli et magistri : sed in magistro divinum tantum, in discipulo vero humanum pariter et divinum. Sed quod humanum erat in discipulo ex infirmitate : et quod divinum erat in ipso, non ab ipso erat, sed ex virtute divina. Quid miraris in Dei Filio, quid miraris in Dei Verbo, et non miraris in isto? Unum est enim Pater et Verbum, unus Deus, unus omnipotens ; et Verbum caro factum est, et Pater caro factus non est. Verbum carnem assumpsit, et Deus esse non desiit, quia id quod fuit permansit, et quod non erat assumpsit. Sed quod carnem assumpsit, ex infirmitate contraxit Virginis : quod Deus permansit, ex eadem Patris divinitate, quæ ipse erat, habuit : et ipse sua erat divinitas, et ipse erat Patris divinitas.

— Quod igitur erat Verbum substantivum, carnem assumendo factum est adjectivum, quia sic sibi carnem univit, ut nec commistionem pateretur unio,

neque divisionem. Non enim divinitas versa est in carnem, nec caro in divinitatem, nec potuerunt separari post unionem. Sed filius hominis fuit in sinu matris, et Filius Dei in sinu Patris. Nam quamvis in morte anima separata fuerit a carne, tamen nec caro nec anima separari potuit a divinitate, quia totus fuit in inferno propter animam, totus in sepulcro propter carnem, totus in cælo propter divinitatem. Nonne cum librum legis, et pellem et scripturam conspicias? Una sola pellis, et una sola scriptura est, et unus ex scriptura et pelle intellectus. Potest scriptura separari a pelle, sed intellectus deleri non potest. Tale est Verbum caro factum. Pellis caro, scriptura anima, intellectus tanquam verbum intrinsecum Verbum Patris. Anima potuit separari a carne, intellectu Verbi non recedente. Et hoc Verbum caro factum est, id est Deus homo factus est. Nam per carnem figuratur homo, ut ibi: *Et videbit omnis caro salutare Dei (Isa. LI)*. In hoc autem quod caro factum est, abbreviatum est. Verbum enim abbreviatum fecit Dominus super terram. Dispendiosum si quidem sermonem et auditoribus plenum fastidio fecerat in verbo legis et prophetis, et agiographis, multifarie multisque modis olim Deus loquens Patribus in Prophetis (*Hebr. 1*). Dixerant enim qui tunc temporis erant: Non deest qui impleat; sed deest qui jubeat. Propter hoc non defuit qui jussit; sed defuit qui implevit. Nam ut talis eorum retunderetur superbia, impositum est eis, teste Petro, tale jugum, quod nec ipsi nec eorum Patres portare potuerunt (*Act. xv*). Propter hoc ad verbum jubentis nec benevoli, nec dociles, nec attentis fuerunt: quippe duræ cervicis homines, et frontis indomabilis, et lapidei cordis, ut ait Propheta: *Obturaverunt aures suas tanquam aspides surdæ (Psal. LVII)*; sed contra Moysen murmurantes suspirabant ad ollas carniū, quas reliquerant in Ægypto (*Exod. xvi*). Ut igitur auditores suos dociles et benevolos redderet et attentos, Verbum abbreviatum fecit Dominus super terram. Abbreviatum quippe in mundo, abbreviatum in utero, abbreviatum in patibulo: et quod mirabilis est, eo plus abbreviatum, quo in patibulo magis extensum. Extendebatur et abbreviatur, et quo magis videbatur, eo plus abscondebatur.

Ex multis igitur verbis, quorum scientia proluxa et incomprehensibilis erat, excepit sapientia Patris Verbum abbreviatum, cujus doctrina salubris est et compendiosa. Nam cum verborum aliud sit substantivum, aliud adjectivum; aliud activum, aliud passivum, aliud deponens, aliud neutrum; omnia in uno Verbo instaurata sunt deponenti et abbreviato. Nam Verbum substantivum Deus in Patre, Verbum adjectivum Deus in carne, Verbum activum in rerum creatione; Verbum passivum in passione; Verbum deponens in depositione animæ, quando separata est a corpore. Unde ait: *Nemo tollit animam meam a me; sed ego pono eam, et iteram sumo*

*eam (Joan. x)*. Quod igitur indeclinabile, ut supra diximus, erat et immobile, ut scriptum est: *Tu autem idem ipse es, et anni tui non deficient (Psal. ci)*, et iterum:

..... *Stabilisque manens das cuncta moveri.*

(BOET.)

Nam qui moveri non poterat, aut secundum tempus, aut secundum locum; omnia tamen movebat, aut secundum tempus et locum, ut corporalia; aut secundum tempus et non locum, ut spiritualia; in abbreviatione sua factum est mobile secundum distinctionem temporum, aut modorum, aut personarum. Præsens quippe tempus suæ abbreviationis fuit illa temporis plenitudo, in qua se præsentem hominibus indicavit. Sub legis quidem tempore, sub quo sui adventus tempus prænuñtiavit, non fuit temporis plenitudo, sed tempus imperfectum, maxime quia nihil ad perfectum adduxit lex. Sacramenta quippe legis non illud efficiebant, quod figurabant; sed erant signa rei, non res signi; non significata, sed significantia. Sub gratia vero sacramenta efficiunt quod figurant; et completa est omnis prophetia; et perfecta sunt, quæ dicta sunt Mariæ a Domino. Unde et ista perfectio sub tempore sextæ ætatis completa est, ut sexta ætate repararet hominem, qui fecerat eum sexto die: et qui sub senarii perfectione totum primæ conditionis opus compleverat, sub senarii perfectione reparationis humanæ perfectum advenisse tempus ostenderet. Completa autem perfecti plenitudine temporis, quæ tunc consummata est, quando dixit in cruce: *Consummatum est (Joan. xix)*: sicut in prima conditione post sextum diem die Sabbati requievit ab omni opere quod patrarat (*Gen. ii*): ita quando post istam perfectionem suæ abbreviationis et nostræ redemptionis, in die ascensionis portas elevans æternales (*Psal. xxiii*), plusquam perfectæ, quia nec factæ, æternitatis suis aditum reseravit. Cujus reserationis gloria statutis ad dexteram tunc patebit, cum futurum Judicis tempus advenerit; ex tunc erit tempus sine fine, tempus infinitum, quia sine fine mansurum.

In diebus igitur suæ abbreviationis indicativo modo uti voluit, quando discipulos suos erudit; et quod utile, quod salubre, quod necessarium erat, verbis et operibus indicavit; imperativo modo in præceptis et miraculis; optativo autem in devotione orationis et desiderio nostræ salutis. Conjunctivo vero in unione animæ et corporis, in consæderatione utriusque parietis, in copula qua copulat ima summis; infinitivo etiam modo in distributione gloriæ, quæ nullo terminatur fine. Cum autem omnibus hanc præparat gloriam, qui eum sequuntur ad vitam, utitur impersonali modo, quia cujuscunque sit generis vel ætatis, sive conditionis, omnes vocat ad se, quia *non est personarum acceptor Deus (Act. x)*. Gerundivo autem modo usus est tanquam pius medicus, quando *dolores nostros ipse tulit, et languores nostros ipse portavit (Isa. LI)*; et cum

casus secundat asperos, et dat gerendi gratiam. **A** Supino modo usus est, cum se supposuit Mariæ et Joseph. Unde habes : *Et subditus erat illis (Luc. 1)*. De persona vero Verbi hoc intelligendum est, quod sicut in doctrina philosophialis verbi tres esse personas docemur, et unum verbum, ita in doctrina fidei tres personas confitemur et unum Deum. Verbum vero incarnatum et abbreviatum non desiit esse quod erat, sed incœpit esse quod non erat. Non desiit esse Deus, et una substantia cum Patre; nec desiit esse alia persona a Patre, sed in sua abbreviatione idem Deus, eadem substantia illa, quæ tunc erat persona non alterata, sed a Patre altera. Hinc est quod Apostolus ait : *Qui prædestinatus est Filius Dei in virtute (Rom. 1)*. In virtute quidem Dei prædestinatus fuit, ut filius hominis esset ens **B** Filius Dei. Cumque in sua majestate, ut dictum est, esset simplicis figuræ, nam etsi aliquis figura Dei dicitur, quia ad Dei figuram factus est, iste singulariter figura Patris est, ut Apostolus ait : *Qui cum sit splendor gloriæ, et figura substantiæ ejus (Hebr. 1)*; tamen non sic figura, quod ad figuram, quia totam implet Patris figuram : sed in nullo dissimilis aut inæqualis; nec similis participatione similitudinis aut æqualitatis; sed illud idem quod Pater est, ratione identitatis. In abbreviato tamen Verbo figura hominis foris patebat; sed figura Dei, nec alia a Deo, intus latebat; et erat una persona homo patens et Deus latens.

Quid igitur? Dicemus hoc Verbum abbreviatum **C** esse figuræ compositæ? Sed super hoc illis definitivam sententiam reservamus, qui Joannis Chrysostomi auctoritate innitentes, dicunt, hominem illum, non ex anima rationali et carne tantum, sed ex humana et divina natura, id est ex tribus substantiis, divinitate, carne, et anima constare : et hunc Christum fatentur, et unam personam tantum esse, ante incarnationem quidem solum modo simplicem, sed incarnatione factam compositam ex divinitate et humanitate : nec est ideo alia persona, quam prius. Unde Joannes : *« In Domino nostro Jesu Christo duas quidem naturas cognoscimus, unam autem hypostasim ex utrisque compositam. »* Ideo autem istis hanc sententiam reservamus, quia sunt alii, **D** qui eis contradicunt, et in incarnatione Verbi non solum personam ex naturis compositam negant; verum etiam hominem aliquem, vel aliquam substantiam ibi ex anima et carne compositam vel factam dissentunt; sed sic illa duo, scilicet animam et carnem, Verbi personæ vel naturæ una esse aiunt, ut non ex illis duobus vel ex illis tribus anima, substantia, vel persona fieret sive componeretur; sed ex illis duobus velut indumento Verbum Dei vestiretur, ut mortalium oculis congruenter appareret, non quod illa duo vel aliqua res ex illis composita, sint una persona cum Verbo. Unde Apostolus : *Et habitu inventus ut homo (Philipp. 1)*. Unde Augustinus istud verbum Apostoli tractans, manifeste ostendit Deum dici factum esse hominem, vel esse

hominem secundum habitum. Propter hujusmodi, viam tam arduam non consulit intrare nostra cæcitas absque duce. Hoc autem dicere possumus, quod quando non erat ei species neque decor, sed videbatur quasi leprosus et percussus a Deo et humiliatus (*Isa. LII*); et exinanita videbatur figura Dei, et deformis et decomposita videbatur figura hominis, utpote cruentata, et sputis oblita, pallescens colaphis, morte denigrata. Sed quoniam pro nobis hæc omnia sustinere dignatus est, qui sic se abbreviavit, qui sic se declinavit, et ut ita dicam, defiguravit, imo et exinanivit (*Philipp. 11*), nos, dilectissimi fratres, ad ejus exemplum abbreviemus superbiæ nostræ fastum, declinemus a concilio ludentium, deliguremus pallore jejunii decorem lascivum, exinamiam lasciviam carnis et morum, ut in omnibus configurati Verbo abbreviato, et formam hominis foris deformem, et formam Dei intus formosam conservemus : ejus tamen auxilio, sine quo nihil facere possumus, nec debemus, imo per quem omnia sunt, nec cessant fieri. Quoniam etsi abbreviatus fuit in mundo, tamen sine mensura immensus, et sine magnitudine magnus semper regnavit in cælo, quia nec diminuta erat potestas ejus cum pateretur, nec magnitudo cum abbreviaretur; sed subditus in forma servi, regnabat Deus in forma Dei, cum Patre et Spiritu sancto : cujus regnum et imperium sine fine permanet in sæcula sæculorum. Amen.

## SERMO VI.

### DE NATIVITATE DOMINI.

*Liber generationis Jesu Christi filii David, filii Abraham (Math. 1)*. Quia mirabilia vidimus hodie, fratres, quod sine mensura immensus, parvus jacet in præsepio; qui Verbum, infans factus est, et admirabilis consiliarius; absque verbo : incircumscribibilis, loco parvo conclusus in utero, non incongruum duximus, loqui parva de magno, humana de Deo, vacare et videre, quam mirabilis sit Deus in opere suo. Antiquorum siquidem mirabilium non inmemor Deus, aut minus potens in veritate signi et re significata, aperuit quod in signo veritatis et re significante figuravit. Virga floruit absque radice (*Num. XVII*), vellus maduit, et tellus aruit siccitate (*Jud. VI*); rubus igne canduit absque consumptione (*Exod. III*); sic virgo peperit absque semine. Cæli roraverunt in carnis vellere, mortalitatis rubus respanduit Dei immortalitate. Vacate ergo et videte quam mirabilis sit Deus; vacate ab opere servili, et videte *libertatem gloriæ filiorum Dei (Rom. VIII)*. Si enim non tollatis lippitudinem ab oculis, intueri verum solem non potestis; si non claudatis oculos carnis, non potestis aperire oculos mentis. Exteriores siquidem Pauli oculos clausit Deus, qui erant aperti; ut interiores aperiret, qui erant clausi (*Act. IV*). Sic enim Job, ut apertos haberet oculos cordis, pepigit fœdus cum oculis suis, ut nec cogitaret quidem de virgine (*Job XXXI*). Vacate ergo a transitoriis, et videte æterna; vacate ab

imis, et videte superna; vacate a mundo, et vacate Deo; vacate per otium lectionis, et videte oculis intentionis; vacate legendo, et videte intelligendo. Propositus est enim nobis ad intelligendum aperte *Liber generationis Jesu Christi filii David, filii Abraham*. Et merito, quia resarciti sunt muri Jerusalem, cessat inimicorum fortitudo, ædificatæ sunt portæ, seræ portarum confortatæ (*Psal. cXLVII*); et in semine Abraham benedicti sunt filii ejus in ea. Et utique bene sunt muri ejus, resarciti, quia Salvator in ea positus est murus (*Isa. xxvi*). Bene cessare debet fortitudo inimicorum, quia ingressus est David ad singulare certamen contra Philisthæum (*I Reg. xvii*).

Sicut ergo illi, qui sub Nehemia et Esdra, fecerunt, et nos, fratres mei, qui filii sumus cœlestis Jerusalem, faciamus. *Hæc enim omnia ad nostram doctrinam scripta sunt*, et facta pro nobis, in quos *finis sæculorum devenerunt* (*I Cor. x*). Legimus enim quod postquam reædificata fuit Jerusalem, et inimicorum ruina cessavit, accepit Esdras librum legis, et legit in eo coram filiis Israel ad intelligendum aperte (*II Esdr. viii*). Sic et Deus Pater in reædificatione Jerusalem, *quæ sursum est, quæ est mater nostra* (*Gal. iv*), librum illum nobis aperuit, quem signatum Isaias vidit (*Isai. xxix*): sed et Joannes in hoc eodem libro septem signacula vidit, quæ nemo poterat solvere, donec Agnus qui occisus est, aperire eum dignus inventus est (*Apoc. v*). Quia igitur Agnus ille, qui coram tondente se obmutuit, et non aperuit os suum (*Isai. LIII*), septem signacula a libro remove veni; quando scilicet nasci voluit, elegit submitti, passiones nostras absque peccato pati, tentari, jejunare, mori, et infernum mordere, non immerito lectioni vacare debemus, qui hæc omnia nuda et aperta videmus. Olim eum Isaias vidit sed nondum poterant vacare antiqui. Nam et scienti litteras et nescienti porrigebatur, et legere non poterant (*Isai. xxix*); signatus enim erat sigillis septem (*Apoc. v*). Hodie autem ita librum apertum videmus; ut et ille qui scit litteras, et qui nescit, quod utile, quod honestum, quodque necessarium est, invenire possit et intelligere. *Beatus qui legit et audit verba libri hujus; et servat ea, quæ in eo scripta sunt* (*Apoc. i*). Nihil enim in eo superfluum scriptum est, quod possit recidi; nihil minus dictum, quod debeat addi; nihil male dictum, quod debeat emendari: sed totum utile est, ut benevoli sint auditores; totum breve, ut fiant attentiores. *Verbum siquidem abbreviatum, fecit nobis Dominus super terram* (*Isai. x*). Olim librum scripsit nobis Deus, in quo sub multis verbis unum comprehendit: hodie librum nobis aperuit, in quo multa sub uno verbo conclusit. Quidquid enim per integumenta verborum in libris antiquis de Filio Dei scriptum erat, totum in hujus libri verbo explanatum est. *Multifarie enim multisque modis olim Deus locutus est patribus in prophetis, novissime diebus istis locutus est nobis in Filio* (*Hebr. i*), hoc est, in Verbo suo.

**A** Hoc igitur volumen, volumen illud est, quod factum est in ore prophetæ sicut mel dulce: ait enim: *Et cibavit me volumine illo; et factum est in ore meo sicut mel dulce* (*Ezech. iii*). Sed quis est liber iste? Est enim liber magnus quidam in superficie, sed parvus in sensu, quia *nihil ad perfectum adduxit lex* (*Hebr. vii*). Et est liber nihil habens oneris in superficie, sed grandis in sensu. Et est liber maximus in superficie, et incomprehensibilis intellectu. *Quis enim cognovit sensum Domini; aut quis consiliarius ejus fuit?* (*Rom. xi*). Ipse enim liber est, qui pro pelle carnem habuit, et pro scriptura Verbum Patris. Liber ergo magnus in superficie, et parvus in sensu, lex est, sive mundus iste, qui foris scriptus est per rerum formas, intus autem per rerum naturas. Quasi enim liber est revolutus per revolutionem temporum et dierum. Liber qui nihil habet oneris in superficie, et magnus est in sensu, conscientia hominis est, grandis, inquam, liber, scriptus stylo hominis. Stylus hominis, defectio est humanitatis. Hic scriptus est foris, considerando visibilia; intus, considerando æterna. Major primo libro est liber iste. Nam et ea quæ in mundo sunt, et ea quæ sunt extra mundum, potest comprehendere. Sed super omnes est liber ille, qui et ea quæ in mundo sunt, et quæ in conscientia esse possunt, comprehendit. Unde est: *Imperfectum meum viderunt oculi tui, et in libro tuo omnes scribentur* (*Psal. cxxxviii*). Verbum tamen et alia etiam comprehendit, quæ in cor hominis non ascendunt. Oculus enim non vidit, et in cor hominis non ascendit, quæ cognoscent ii, qui student in eo (*I Cor. ii*).

**C** Ut igitur breviter exponamus, liber maximus est Filius incarnatus, quia sicut per scripturam Verbum unitur pelli, ita per assumptionem hominis Verbum Patris unitum est carni. Quia ergo ipse est, qui omnem a Patre accepit potestatem judicii, *Pater enim non judicat quemquam, sed judicium omne dedit Filio* (*Joan. v*); non immerito in illo volumine figuratur, in quo scriptæ sunt *lamentationes, et carmen, et væ* (*Ezech. ii*). Unde et propter illa duo, quæ audivit propheta David, potestatem scilicet et misericordiam (*Psal. lxi*), in qua reddit unicuique secundum opera sua (*Rom. ii*), factum est in ore hujus prophetæ, sicut mel dulce (*Apoc. x*). Scriptæ sunt enim in hoc volumine lamentationes propter eos qui in mundo sunt positi; carmina iis qui in cœlo sunt elevati; væ vero iis qui in inferno sunt damnati. Vel lamentationes iis qui proficiunt in activa vita; carmen iis qui proficiunt in contemplativa; væ iis qui proficiunt in neutra. Sicut in manu ejus dicitur calix esse plenus misto mero et fæce, quia fæx non est exinanita (*Psal. lxxiv*): ita et in sinu ejus volumen esse dicimus, ubi scriptæ sunt lamentationes, et carmen, et væ; hoc in lamentatione figurantes, quod in mero; in carmine quod in mero; in væ, quod in fæcis detrimento. Et bene hunc librum in sinu Patris esse dicimus, quia in utero Virginis Filium descendisse

cognoscimus. Studeamus igitur in lamentationibus, per observantiam mandatorum, per patientiam tentationum, per exercitium laborum; in carminibus, per gratiam devotionis, et gaudium promissionis; in v̄æ, per timorem humani defectus et dolorem divinæ comminationis. Si enim timemus de comminatione, ita quod gaudeamus de promissione, non deficiemus in labore vel tentatione. Studeamus igitur in libro, ubi scriptæ sunt lamentationes, et earmina, et v̄æ: imprimis considerantes, quæ sit hujus libri materia, quæ intentio, quæ causa intentionis, quæ utilitas, quis agendi modus et quis titulus.

Materia est materia materians omnia, vel materia materiata, vel illa quæ una est ex materiata et materiante materia. Materia materiata est caro de Virgine assumpta; materia materians divinitas assumens; materia ex materiata et materiante, una ex carne et Deo persona. Unde et in libro legis vel prophetarum, Filius loquitur quandoque secundum quod homo, quandoque secundum quod Deus. multoties loquitur totus Christus. Intentio vero est, pauperes ditare, relegatos ad patriam reducere; servos ad libertatem, peccatores ad veniam, damnatos ad gloriam sempiternam. Quasi enim sapiens mulier accendit lucernam, ut tenebrosos illuminet, ut drachinam perditam recuperet (*Luc. xv*). Quasi angelus Tobie peregrinanti se comitem præbere venit (*Job v*), et cum tribus pueris in fornacem mundi descendit (*Dan. iii*). Quasi Samaritanus semivivo in præsepi cæleste unguentum effudit, quem Levita et sacerdos contempserant (*Luc. x*): et quasi Eliseus super filium Sunamitis incurvavit se, cui baculus missus per Giezi proficere nequibat (*IV Reg. iv*). O pia intentio, non crudelis; voluntaria, non necessitatis. Non fraudatus est a spe sua, cui sic intendit, qui exspectans exspectavit. *Exspectans*, ait, *exspectavi Dominum, et intendit mihi* (*Psal. xxxix*). Speremus in eum, fratres, et exspectemus, quia qui nobis intendit, quando venit ad nos, intendit et nobis, quando salvabit nos. In his enim omnibus non est aversus amor ejus, sed adhuc manus ejus extenta (*Isai. ix*). Intendit nobis, veniendo ad nos in gratia et humilitate, intendet et nobis, veniendo ad nos in gloria et majestate. Intendit nobis gloriam promittendo, intendet et nobis reddendo.

Causa vero tantæ et talis intentionis fuit hinc lapsus miseri, hinc miseria lapsi; hinc amor singularis impensus miseri corde, hinc miseria multiplex in amante; hinc omnipotentia largientis, hinc vero largitas omnipotentis. Iis enim sex gradibus ad thronum eburneum ascendit Salomon, quia istis sex de causis incarnari voluit de Virgine Christus, cujus uterus propter virginitatem factus est eburneus thronus. Hoc siquidem noster verus Salomon sedere venit in throno, quando coronavit eum mater sua in die desponsationis suæ (*Cant. iii*). Sicut enim corona regi convenit, sic et thronus. Corona enim in capite, connexio affectuum ordinata in

A mente; thronus virginalis uterus. In throno sedere in die desponsationis suæ venit, quando carni divinitatem univit. De hoc throno legitur, quod *thronum fecit sibi rex Salomon de ebore grandem, et sex gradibus ascendebatur ad eum* (*III Reg. x*). In throno, ut dixi, Virginis uterus, in Salomone Christus, et sex incarnationis causæ figurantur in sex gradibus. Et bene per Salomonem Christum figurari dicimus, quia ipse est, qui fecit pacem his qui longe, et his qui prope (*Ephes. ii*): pacem Judæis, et pacem gentibus, pacem angelis et hominibus, quia ipse est, qui utrumque conjunxit parietem, divisit maceriam (*ibid.*), in cujus morte dissipatum est velum, ut unum esset sanctum et Sanctum sanctorum. Unde Salomoni comparatur, quia Salomon *B pacificus* interpretatur. Sequitur de utilitate.

Mira et admirabilis utilitas, per quam nobis æterna reddetur jucunditas, et jucunda æternitas, ubi gaudium sine mœrore, quies sine labore, ubi nullus timor in minore, nulla exactio in majore, nullus invidiæ rancor in pace. Ubi omnes induentur in sapientia Salomonem, in mansuetudine Moysen, in velocitate Azaelem, in fortitudine Samsonem, in potentia Cæsarem, Absalonem in pulchritudine, in justitia Noe. Ibi *saliat sicut cervus claudus* (*Isai. xxxv*), ibi videbit ut panthera cæcus. Ibi nihil extra liberum habebit servus, nec aliquid cum servo hæres parvulus (*Gal. iv*), sed erunt ibi liber et servus, parvus et magnus, leo et agnus (*Isai. ii*), et pascet eos pastor bonus puer iste parvulus, qui hodie natus est (*Isai. ix*). Multa dixi et nihil dixi: quasi balbutiendo locutus sum, quasi puer qui loqui nititur, et non potest. Quæ enim comparatio temporalis gloriæ, et perennis gloriæ? Non participant eadem ratione propositi. Hæc enim caduca sunt, illa æterna; hæc terrena, illa cælestia; hæc adesse possunt et abesse: illa vero cum omnibus omnia sint, nunquam poterunt deesse. Sicut enim nulla potest esse conventio Christi ad Belial, lucis ad tenebras (*II Cor. vi*), ita nulla est comparatio præsentis justitiæ, sapientiæ, mansuetudinis, velocitatis, fortitudinis, potentiæ, et pulchritudinis, respectu futuræ. In respectu enim illius omnes justitiæ nostræ quasi non sint, et quasi pannus menstruatæ (*Isai. lxiv*), sic sunt coram Deo. Similiter et sapientia illi sapientiæ comparata insania est; mansuetudo Herodis crudelitas, velocitas quod aquila testudini, et lunæ celeritas pigritiæ Saturni comparata. Fortitudo vero summa pusillanimitas, potentia paupertas; pulchritudo quasi simiæ turpitudine. Multa dixi, et nihil dixi. Et quomodo potui dicere, quod nescivi? Et quomodo scire, quod in cor hominis nequit ascendere? *Non enim oculus vidit, nec auris audivit, et in cor hominis non ascendit, quod præparavit Deus diligentibus se* (*I Cor. ii*). Sed hæc ideo dixi, ut cogitandi occasionem darem vobis, ut per hæc multo meliora crederetis. Modus autem agendi tantum et tale mysterium, talis fuit:

In primis omnium missus est Gabriel angelus a Deo

in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David; et nomen virginis Maria (Luc. 1, 2). Sed Virgo salutata turbatur, turbata concipit, imprægnatur, et parturit. Sic cœlestis medicus morbum quem nobis inflixerat hostis antiquus, curavit partim ex similibus partim ex dissimilibus. In principio siquidem nostræ damnationis, missus est serpens a diabolo in locum, cui nomen erat paradysus, ad mulierem desponsatam viro, cui nomen erat Adam, de domo Dei, et nomen mulieris Eva. Sed mulier decepta lætatur, gaudens consentit, consentiens operatur (Gen. iii). Illa ergo nostræ salvationis exordium fuit, cum ab angelo salutatur, ista damnationis, cum a serpente decipitur; illa turbata gaudium commune concepit, ista gaudens, non dico suæ, sed potius nostræ perturbationi consentit; illa parturivit auctorem vitæ, ista fomitem mortis æternæ. Voluit ergo Deus filius hominis fieri, ut homines essent filii Dei; voluit laborare et pati, ut homines vacarent requiei; voluit esse mortalis, ut mortales non possent mori. Dedit ergo nobis sua, ut nos ei daremus nostra. Ut essent cum Deo homines, venit Emmanuel. Quid enim est Emmanuel? *Nobiscum Deus*. Cum hominibus venit Deus, ut homines essent cum Deo, Jeremia attestante, qui ait: *Hic est Deus noster, extra quem non existimabimus alium; qui ostendit viam suam Jacob, et Israel puero suo. Post hæc in terris visus est, et cum hominibus conversatus est (Baruch. iii)*. Quia igitur ad homines venit, ut Judæos et gentes, et eos qui sunt ex Judæis et gentibus salvaret, ut inquinatos mundaret, oves ab hædis separaret, hædos abijciens, fideles regens, non immerito Græca, Hebræa, et Latina lingua titulus causæ libri scriptus est: *Jesus Nazarenus rex Judæorum (Joan. xix)*, Jesus Salvator interpretatur, Nazarenus mundans vel separans, Judæus confessio sive confitens. Et bene Salvator dictus est, quia cum multos legamus Salvatores, sicut in libro de Judiciis legitur, quod misit eis Dominus Salvatorem (Jud. iii); et Ægyptii ad Joseph: *Salus nostra in manu tua est (Gen. xlvii)*: hic autonomastice Salvator dici potuit, qui non tam jumentorum quam hominum, non tam gratiosam quam gloriosam salutem ministravit. Illi siquidem jumenta salvare potuerunt, non homines: et ob hoc temporalem, non æternam salutem ministraverunt. Iste vero non tam corporibus quæ quasi jumenta sunt, quam animabus, quas hominibus comparamus; non tam hujus temporis gratiam, quam æternæ salutis gloriam infudit. Non enim tantum animas, sed et corpus humilitatis nostræ conformabit corpori claritatis suæ.

Studeamus ergo, fratres, in libro hoc, hanc eandem, quæ in libro est, habentes materiam, nullam aliam intentionem, vel intentionis causam; sed eandem quærentes utilitatem; modum quem tenuit in studio teneamus, ut de eo qui pro nobis scriptus est, gaudeamus. Omnis siquidem studii la-

bor, cogitando, loquendo, vel operando exercetur. Si igitur aliquid cogitas, loqueris, vel operaris, quod discrepet a lege Domini, a materia libri hujus excessisti. Similiter si in opere, vel cogitatione, vel locutione tua, aliud intendas, quam pauperem recreare, nudum vestire, peregrinantibus compati, pro fratribus pati, ab intentione libri declinasti. Si vero in ipsa intentione bona aliam intentionis causam habueris quam pietatem, et amorem Omnipotentis, a causa remotus es intentionis. Plerumque enim contingit ut intentio boni sit, et causa intentionis bona non sit. Si enim justam viduæ causam tractare sollicitè intendat aliquis, non quidem affectu pietatis vel compassionis, sed causa cujusquam lucri temporalis, hujus intentio bona est, et causa intentionis bona non est. Similiter eandem utilitatis causam, quæ in hoc est, debes imitari. Cum enim aliquid bene intendis facere ex affectu pietatis, nullam aliam utilitatem quæras, quam gloriam inde perpetuam adipisci. Multoties enim contingere solet ut pro bono opere vel favor hominum, vel retributio quæretur temporalium. Modum etiam agendi debes in opere imitari, ut de bono opere non superbias, sed potius humiliteris. Omnis enim qui recte fragilitatem suam considerat, mirari debet quomodo vel ad momentum bene operari queat. Turbari similiter debet, ne forte propter hoc bene operandi facultas detur, ut cum minus cautus fuerit, ab hoste fortius impugnetur. Plerumque enim a vexatione sua diabolus cessat, ut eum quem subvertere nititur, incautiorem reddat. Ita ergo turbari debes, ut bene operari non desinas. Nunquam enim timor malus est, nisi quando nimius est. Virgo turbata concepit, imprægnata est, et parturivit. Exemplum dedit tibi, ut tu turberis timore, concipias tamen cogitatione, imprægnaris dilectione, delectatione parturias in salutis operatione. Sed cujus salutis? Non corporis, sed animæ. Hanc enim salutem operari non debet, quia *qui odit animam suam, id est, vitam suam, in hoc mundo, in vitam æternam custodit eam (Joan. xii)*. Ecce, fratres, doctrina cœlestis, ecce schola Salvatoris, studium filiorum Dei. Hæc scripta sunt in libro generationis Jesu Christi; et scribenda nobis in libro grandi. Scriptum quippe est: *Scribantur hæc in generatione altera (Psal. ci)*. Quæ altera? Quæ est prima, cujus ista sit altera? Generatio prima est generatio primi Adam, qui de terra terrenus est, id est generatio Cain, generatio Esau, semen Chanaam, et non Juda, *viperarum gemina (Matth. iii)*, generatio prava et exasperans, generatio quæ non direxit cor suum, et non est creditus cum Deo spiritus ejus (Psal. lxxvii): quæ studet et intendit semper, non in libro, in quo studet generatio Christi, qui est liber generationis Jesu. Habet enim et hæc generatio librum suum, qui malitiam habet pro materia sua, blasphemiam pro verbo, malam pro intentione voluntatem, pro causa intentionis mundi vanitatem, pro utilitate momenta-

neam carnis voluptatem. De cuius voluptatis modo, A et utile nobis duximus, et dignum vobis, silentio præterire. Ait enim Apostolus, ut *hujusmodi nec nominetur in nobis* (Ephes. v) : et ad eloquium tale non permittit os discipuli beatus Benedictus aperiri (Reg. c. 6). Sed altera generatio est, generatio secundi Adam, qui de cælo cælestis est (I Cor. xv), generatio quærentium Dominum ; quæ innocens et mundo corde (Psal. xvii), in lege Domini meditatur die ac nocte (Psal. i), studet et intendit in exercitio justitiæ, in salute animæ, in compositione animi, in contemptu mundi, et in laude Dei; cuius laus et honor imperii sine fine permanet in sæculum sæculi. Amen.

## SERMO VII.

IN EADEM SOLEMNITATE.

Anno quo mortuus est rex Ozias, *vidi Dominum sedentem super solium excelsum et elevatum; et plena erat omnis terra majestate ejus*, etc. Beati oculi qui vident, quæ vos videtis (Isai. vi). Multi enim prophetæ gavisii sunt ad umbram rei, cuius veritatis executionem videtis. Hinc est quod Dominus loquens Judæis ait : *Abraham pater vester exsultavit, ut videret diem meum; et vidit, et gavisus est* (Luc. x). Quando vidit? Quando in figura Trinitatis tres angelos vidit (Gen. xviii). Ergo non rem, sed rei figuram vidit, et gavisus est. Similiter Isaias incarnationis Dominicæ diem in figura vidit, et gavisus est, dum ait : *Vidi Dominum sedentem super solium excelsum et elevatum* (Joan. viii). Et ne de visione dubitaret, ostensa est ei similiter in figura temporis plenitudo, qua visio debuit adimpleri. Unde dicit : *Anno quo mortuus est rex Ozias*. Ozias quippe rex plebis Judaicæ fuit. Figuram igitur illius temporis vidit, quo regnum Judaicum finem accepit, quoniam omnia hæc in figura monstrabantur ei. Nam cum regnum Judææ ultimum valefecit, secundum prophetam patriarchæ Jacob, qui mittendus erat Messias advenit : *Non auferetur sceptrum de Juda et dux de femore ejus, donec veniat, qui mittendus est* (Gen. xl), quod et factum est. Nam a reditu de captivitate Babylonis fluxit circiter quadringentis septuaginta quinque annis et tribus mensibus, quibus interruptum fuerat regnum Judæorum, imposuit sibi diadema Aristobulus Joannis cognomento, Hircani filius, qui filios quidem non habuit sed fratres : quorum unum, id est Antigonum occidit, alios autem carceri mancipavit. Post quem promotus est ab uxore Aristobuli major frater ejus nequissimus Alexander, quoniam in sex annis quinquaginta millia seniorum interfecit, eo quod facinora sua detestarentur. Sed eo febre correpto et mortuo, successit ei in rem regni sed non in nomen filius ejus Hyrcanus, qui a Pompeio fuit pontifex declaratus : quem postea Pachorus rex Parthorum Antigonum tradidit, qui cum auribus mutilavit, et per Pachorum in regnum sublimatus est. Cum vero Hyrcanum cum Phaselo fratre Herodis comprehendisset Pachorus, Herodes ad Idumæos contribules

suos fugit; ille, inquam, Herodes Idumæus, qui dictus est Asealonita, qui Antigonum successit in regnum, quia post Antigonum, qui vivente Herode sublimatus fuit a Pachoro in regno, nullus Judæorum regnavit. Unde Josephus (Antiquit., l. xviii, c. e) illius temporis fidelis historiographus tale dat de Christo testimonium : « Fuit eisdem temporibus Jesus, sapiens vir, si tamen eum virum nominare fas est : erat enim mirabilium effector operum, et doctor eorum qui libenter quæ vera sunt audiunt : et multos Judæorum, et multos ex gentibus sibi adjunxit : Christus hic erat. Hunc accusatione primorum nostræ gentis cum Pilatus in crucee agendum esse decrevisset, non deseruerunt hi qui ab initio eum dilexerunt. Apparuit enim eis iterum B vivus, secundum quod prophetæ hæc et alia de eo futura prædixerant. Sed et in hodiernum diem Christianorum, qui ab ipso dicti sunt, et nomen perseverat et genus. » *Jerome, De viris ill.*

Quia ergo cessavit unctio, dicant nobiscum advenisse Messiam, et ipsum tunc advenisse, quando finito regno Antigoni, qui fuit gentis Judææ, translatum est regnum ad Herodem alienigenam. Qui in dolore orius Dominici omnes qui erant in Bethlehem Judæ pueros, a bimatu et infra occidit (Matth. ii). Quamvis aliter intelligi possit, quod dictum est, *Anno quo mortuus est rex Ozias*. Iste siquidem Ozias in principio regni sui fecit quidem quod placitum erat coram Domino, quia et hostes debellavit et Ammonitas sibi tributarios fecit; et reedificavit muros Jerusalem, quos destruxerat Joas rex Israel. Sed cum diatus esset substantia mortali, contra Deum immortalem superbivit. Nam in festo propitiationis indutus stola pontificali intravit in templum, ut incensum poneret, Azaria Pontifice cum octoginta sacerdotibus eum prohibente. Unde factus est terræmotus, et claritas solis affulgens plus solito incidit in faciem regis, et percussus est lepra in facie (II Paral. xxvi). Vivente ergo Rege superbo et impio, Isaias Israeliticæ libertatis visionem videre non meruit, quia quandoque et propter malos prælatos boni subditi, et per malos subditos boni prælati a gratia Dei subtrahuntur. Hinc enim Dominus Ezechieli dicit : *Ecce ego adhærescere faciam linguam tuam palato tuo, et eris mutus, nec quasi objurgans, quia domus exasperans est* (Ezech. iii). Quia igitur rex impius tantæ visionis dignus non fuit, propheta per quem manifestari debuerat, ipso vivente eam videre non debuit. Ipso tamen mortuo visionem vidit, ut per hoc daretur intelligi, quod Dominus Isaiæ, non suo, sed excessu regis, spiritum prophetiæ subtraxit. Pensate, dilectissimi, quam periculosum sit ab humilitate recedere, quando nos sentimus bonis gratuitis eminere. Quia enim facies eminentior pars est corporis, merito percussus est Ozias lepra in facie, qui cæteris eminentior voluit apparere. Bene siquidem lepræ præmium pro merito virtutum recepit, qui lepra superbæ dosa



virtutum gratuita sordidavit. Nisi enim a cordis oculis labem superbæ quis deterserit, et vitii moriatur, ad visiones Dei discernendas etiam piæ voluntati nulla ratio suffragatur. Dicit ergo : *Anno, quo mortuus est rex Ozias, vidi Dominum*, etc. Qui modo propheta dicitur, olim videns dicebatur; sed non ideo videns, quod apertos habeat oculos carnis, quoniam indifferenter ad utrumlibet, bonum scilicet et malum, solent aperiri. Aperti sunt oculi Adam post lapsum (*Gen. iii*), aperti oculi discipulorum euntium in Emmaus in fractione panis (*Luc. xxiv*). Sed illius ad malum, istorum ad bonum. Illius ad concupiscentiam; istorum ad resurrectionis fidem.

Neque enim credendum est cordis prædonibus, qui cum suæ voluntati cor subjugaverint, faciunt ipsum speluncam latronum (*Math. xxi*), maxime quia falli possunt, ut non sit illud quod videtur, sicut videri videtur. Firmamentum videtur stare, quod semper movetur; naviganti videtur moveri solum, quod solidum perseverat. Baculus videtur in aqua fractus, et cum sit integer, fallitur visus. Nec ideo propheta dicitur, quod spirituales cordis oculos aperit ad videndum. Non enim est credendum omni spiritui; sed *probate*, ait Apostolus, *spiritus, si ex Deo sunt* (*I Joan. iv*). Nam per rerum imagines falluntur cordis oculi, cum aliter cogitantur, quam sint. Sed propter hoc propheta videns dicebatur, quod intellectuali videbat oculo, quod aliter evenire non posse per infusionem sancti Spiritus intelligebat: sive anigmatica, sive anagogicæ visione daretur intelligi, quod videbatur. Talis fuit visio Isaïæ filii Amos, qui ait: *Vidi Dominum sedentem* (*Isa. vi*). Vidit Adam Dominum deambulantem (*Gen. iii*), Stephanus stantem (*Act. vi*), Isaïas sedentem. Sic stabilis manens moveri videtur, cum nec affectu, nec loco, nec tempore moveatur. Sed deambulantem vidit eum Adam, quia in hoc quod peccavit, non tam Dominum ab eo, quam ipsum a Domino recessisse cognovit; Stephanus vero stantem vidit, quia cum eum stare videret, cum ipso in tribulatione viriliter standi in agone signum dedit. Isaïas autem sedentem super solium excelsum et elevatum vidit, qui vel quiescentem, vel humiliatum inter mortales agnovit. Sedere enim humilitatis signum est, aut quietis. Sedilium tamen multas nobis varietates sacer sermo proponit, in quibus Dominum sedere protestatur. Dicit enim Psalmista: *Dixit Dominus Domino meo: Sede a dextris meis* (*Psal. cix*). Unde et in hymno angelico canimus: *Qui sedes ad dexteram Patris, miserere nobis*. Alibi tamen idem Psalmista dicit: *Qui sedes super cherubim, manifestare coram Ephraim, Benjamin et Manasse* (*Psal. lxxix*). Et rursus: *In excelso throno vidi sedere virum*. Alibi vero dicit ipse Dominus *cælum mihi sedes est* (*Isa. lxxvi*). Et rursus: *Anima justi sedes est sapientiæ* (*Greg. hom. 55*). Et ibi, sive significetur idem, sive aliud: *Vidi Dominum sedentem super solium excelsum et*

*elevatum*. In his omnibus nobis ille prædicatur, in cuius nativitate canit Isaïas, cum ait: *Et vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis* (*Isa. ix*). Deus est enim, qui sedet ad dexteram Patris; consiliarius, qui sedet super Cherubim: unde cherubim interpretatur *plenitudo scientiæ*; admirabilis, sedens in throno; thronus enim regis est; et ipse in regimine firmamenti et totius mundanæ machinæ apparet mirabilis, quam mirabiliter regit. In hoc autem quod *cælum sibi sedes est*, Pater futuri sæculi comprobatur. In hoc vero quod *sedet super solium excelsum*, id est in hoc quod naturam transcendit angelicam, fortis et potens intelligitur.

Unde angelis, quibus dictum est: *Tollite portas, etc.*, respondentibus, *quis est iste rex gloriæ*, respondetur: *Dominus fortis et potens, Dominus potens in prælio* (*Psal. xxiii*). In hoc autem quod sedere dicitur in anima justi, vel super solium elevatum, quod idem est, probatur princeps pacis; quoniam nunquam pax potest esse in anima sine ipso, nec nisi pax cum ipso. Vel aliter sedium diversitates ex propriis nominibus possumus assignare. Est enim alia sedes, quæ dicitur thronus, alia ferculum, alia cathedra [*add. alia synhedra*], alia tribunal, alia exhedra. Thronus regum est, ferculum seu sella pauperum, cathedra doctorum; synhedra auditorum, tribunal judicum, exhedra judicis assessorum.

Habet igitur ab æterno Dei Filius thronum ad dexteram Patris, sed ferculum fecit sibi in utero matris: cathedram vero facere non cessat in cordibus fidelium magistrorum, synhedras in devotis auditoribus, tribunal in justis judicibus, exhedras in fidelibus consiliariis, judicans cum judicibus: Nam hujusmodi homines vocat Psalmista sedes, ubi ait: *Illic sederunt sedes in iudicio, sedes super domum David* (*Psal. cxxi*). Illic, id est in cœlesti Jerusalem sedebunt illi, in quibus Dominus modo sedet vel per doctrinam, vel per obedientiam, vel per justitiam, vel per fidem. Et quamvis tot modis dicatur sedere, tamen excellenter et proprie dicit eum Isaïas sedere super solium excelsum et elevatum. Duas enim fecit rationales creaturas, angelum scilicet et hominem. In illis Dominus requiescit, quia si deliciæ sunt ei esse cum filiis hominum (*Prov. viii*), multo magis cum angelis, qui a statu bonæ conditionis non recesserunt. Hanc naturam angelicam vocat Isaïas solium excelsum, quia a celsitudine in qua primo conditi sunt, non ceciderunt. Humanam vero naturam solium dicit elevatum, quia a statu in quo condita fuit cecidit, sed per effusionem sanguinis Jesu Christi postmodum elevata fuit. Unde idem Dominus ait: *Cum exaltatus fuero, omnia traham ad meipsum* (*Joan. xii*). Vel excelsum solium vocat animam, quia in hoc excelsa, quod ad imaginem et similitudinem Dei facta. Solium vero elevatum caro humana, quæ de vili schemate facta, videlicet de limo terræ,

modo super choros angelorum est elevata. Super solum igitur excelsum et elevatum sedit, qui ad suscipiendam animam et carnem se humiliavit. Et ne tantæ visionis miraculo propheta dilideret, evidens super hoc in rebus conditis supponit exemplum. Sequitur enim :

Et plena erat omnis terra majestate ejus. Omnis, inquam, quia illa, de qua dictum est : *In principio creavit Deus cælum et terram* (Gen 1); vel illa, de qua dicitur : *Etenim Dominus dabit benignitatem, et terra nostra dabit fructum suum* (Psal. LXXXIV); vel etiam illa, de qua scriptum est : *Anima mea sicut terra sine aqua tibi* (Psal. cxlii). Nam cum de ornatu terræ Deus disposeret, ait : *Congregentur aquæ in locum unum, et appareat arida. Factumque est ita. Et dixit Deus : Germinet terra herbam virentem, etc.* (Gen. 1.) Consideremus quam vivus sit sermo Dei et efficax (Hebr. iv); quam utilis et velox vox ista : *Germinet terra herbam virentem, et statim sine beneficio humoris, sine calore solis, sine exercitio humani laboris germinavit.* Solent enim plerique dicere, nisi clementia aeris herbas humectaverit, vel solis calor moderatior tepescerit, vel exercitio humani laboris cultæ fuerint, germinare non possunt. Nam propterea quidam Maïæ, tanquam Deæ humoris in capite Maïæ, cui etiam mensem illum dedicantes a Maïa Maium dixerunt; qui error quibusdam, qui etiam Christianæ religionis habent characterem (quod dolentes dicimus), usque hodie dissuaderi non potest, divinum impenderunt et impendant cultum. Alii vero soli, eo quod virtute sua terrarum sinus penetret, et sparsa foveat semina, et rigentes gelu venas relaxet arborum; alii vero pro diversis beneficiis, hominibus tanquam diis diversos deputabant honores. Sed facessat vana opinio, quia sine humore non jam humus, sed arida germinavit, antequam solis focus susciperet, imo priusquam sol ipse fieret; nullo labore hominum, sed divino munere, sine satione fruges, fructus sine semine tam necessarij, tam grati, tamque utiles, ad illam Dei vocem pullularunt, ut repletis non solum usui sint, sed delectationi. Nam sive in radicibus, sive in corticibus, seu etiam in medullis aut foliis aut fructibus sive seminibus, quidquid factum est, totum fecit Deus, ut ex eis sustentaretur hominis infirma natura, vel relevaretur infirmata, vel custodiretur sana, vel sanaretur minus debite custodita. Non igitur impendant homines honorem creaturæ, quem debent Creatori: nec gloriatur de se creatura, nec gloriatur in creatura, sed potius in Creatore. Quia neque qui plantat est aliquid, neque qui rigat, sed qui terram germinare facit, et dat germinibus incrementum (I Cor. iii). Omnia quæ fecit, aut esui, aut usui humano nata sunt; nam quod ad escam non adjuvat, valet ad medicinam; et si qua tibi noxia videantur, innoxium tamen aut feris aut avibus

ministrant pabulum, ut sic redeant ad humanum proventum. Nam sturni cicutis, et homines sturnis utuntur; cervi colubris, et homines cervis; et si qua forte sunt, quæ nulli prosint, imo noceant, tamen ad hoc facta sunt, ut homo in ipsis aut puniatur, aut exerceatur, aut erudiat, aut humilietur: et sic ad humanam utilitatem cuncta reciprocatur, cujus plena est terra majestate ejus. Sed si in rerum conditione fuit ita potens et efficax sermo divinus, quæ præsumptione intra limites infirmitatis potentiam sive clementiam Verbi coarctare volunt hæretici, ut pro salute animæ non faciat, quæ multo dignior est corpore, quod fecit pro corporis necessitate? Terra nec humore, nec calore, nec labore germinavit, cum adhuc virgo erat, id est incorrupta, nec infecta, nec interfecta in sanguinibus. Quid ergo mirum, si terra nostræ naturæ incorrupta et virgo, sine humore seminis, sine calore libidinis, sine opere hominis concepit et peperit semen, quod nisi Dominus reliquisset nobis, quasi Sodomam fuissetis (Isa. 1), quia ipsum est vita nostra, cujus etiam odore mortui reviviscunt? Nunquid potest facere Verbum Dei, quod habet natura vulturis? Vultur sine coitu concepit et parit: et verbo Dei per quod illud fit femina concipere non potuit?

Sed dicis: Unum dicitis Patrem et Filium: Ergo si Filius carnem assumpsit, et Pater. Non est ita, quia cum ignis sit calor et splendor, splendor in rubo fuit, sed non calor; et cum ignis sedes sit in jeccore, ascendit ad cerebrum, et per venas represso calore accedit splendor ad oculos, et unitur illi carnali membro, cui tamen non adhæret calor, cum calor ignis sit in cerebro, et unus tamen ignis qui afficit cerebrum et oculum; sed calidus in cerebro, splendidus in oculo. Ita unus Deus Pater et Filius, et Pater carnem non assumpsit, sicut non est calor in oculo: et Filius carnem assumpsit, sicut oculum splendor afficit. Terram igitur majestate Dei plenam in hoc fateantur hæretici, quod humanæ naturæ tota Filii majestas uniri voluit, et unita fuit. Et si nobis vel nostris credere nolunt, quia omnes prophetæ ei testimonium perhibent, tamen inimici nostri sint iudices, quia ad hoc ut verum dicant nobis, *mentita est iniquitas sibi* (Psal. xxvi). Ille namque Christianæ religionis sævissimus impugnator Porphyrius tale testimonium reddit Christo: « Christum, ait, Dii piissimum pronuntiaverunt, et immortalem factum, et cum bona prædicatione ejus meminerunt. » Sed et quædam Sibylla tale fertur ab Augustino (6) testimonium dixisse de Christo: « In manibus infidelium veniet, dabunt autem Deo alapas manibus incestis, et impuro ore expuent venenatos sputos. Dabit autem ad verbera simpliciter sanctum dorsum, et colaphos accipiens tacebit; ne quis agnoscat quod Verbum, vel unde venit, ut inferis loquatur, et corona spinea coronetur. Ad cibum fel, et ad sitim

(6) De Civit. Dei, lib. xviii, c. 25.

acetum dederunt, inhospitalitatis hanc ministraverunt mensam. Ipsa enim gens insipiens, Deum tuum non intellexisti ludentem mortalium mentibus; sed spinis coronasti, et horridum fel miscuisti. Templi vero velum scindetur, et medio die nox erit tenebrosa nimis in tribus horis, et morte morietur; et tunc inferis ingressus ad lucem veniet primus, resurrectionis principio revocatis ostenso. Ecce quid expressius de Christo dici potest? Et quid eo sublimius esse? In cujus ortu Romæ templum pacis corruit, et fons olei erupit usque in Tiberim. Et bene, quia fons misericordiæ erumpebat de terra naturæ nostræ, per quem non solum omnis idololatriæ cultus finem accepit, sed omnis cultus religionis incæpit, quia veræ pacis templum misericorditer congregavit, ut scriptum est: *Congregentur aquæ in locum unum (Gen. 1). Aquæ multæ populi multi (Apoc. xvii)*. Istæ aquæ diffusæ erant secundum varias hominum voluntates, et varios infidelitatis errores; sed congregatæ sunt in locum unum; in locum illum, de quo dicit Dominus ad Moysen: *Est, inquit, locus apud me, et stabis supra petram (Exod. xxxiii)*. Quis autem locus penes eum est, qui attingit a fine usque ad finem fortiter? (*Sap. viii*.) Ecclesia est, ubi ipsi habitat, ubi pascit, ubi cubat in meridie (*Cant. i*). Iste quippe locus uter est, in quo congregat aquas maris (*Psal. xxxii*). Iste locus hydria est Rebeccæ, ex cujus plenitudine adaquati sunt Eliezer et cameli (*Gen. xxiv*). Ipse est enim hydria Samaritanæ (*Joan. iv*), quam Dominus de puteo aquæ salientis in vitam æternam fecundavit (*ibid.*). Per ipsum etiam figurate sunt sex hydriæ, quæ inventæ sunt in convivio nuptiali, secundum purificationem Judæorum (*Joan. ii*), id est secundum mundificationem continentium. Per unum locum siquidem et una hydria et sex hydriæ bene figurantur; quia cum una sit universalis Ecclesia, multæ tamen particulares sunt Ecclesiæ, quæ propter senarium, qui perfectus est, per sex hydrias figurantur. *Capiebant autem, ait Evangelista, metretas binas vel ternas (ibid.)* Unde et arca Noe, quæ eodem modo Ecclesiam præfigurabat, fuisse legitur bicamerata et tricamerata (*Gen. vi*). Congregata est enim Ecclesia de patriarchis et prophetis, de apostolis, de martyribus, de confessoribus et virginibus, et propter hoc forte sex hydriis comparatur. Sunt autem tria bonorum genera; temporalia, naturalia, gratuita. In patriarchis igitur et prophetis ceperunt hydriæ tres metretas; ipsi enim et temporalibus et naturalibus et gratuitis bonis abundaverunt: in apostolis autem et martyribus, et confessoribus et virginibus, duas tantum, quia temporalia abdicantes, naturalibus et gratuitis abundaverunt. Ideo autem congregatæ sunt aquæ in locum unum, ut piscationibus sint aptæ:

*Simile est enim regnum cælorum sagenæ missæ in mare, et ex omni genere piscium congreganti (Math. xiii)*. Unde et in sagena Petri conclusa est tam bo-

norum quam malorum maxima piscium multitudo. Quorum boni mittendi sunt in vasa, mali vero eiciendi foras, cum ventum fuerit ad iustus. Nunquid videtis, dilectissimi, Petrum trahentem rete suum plenum caneris, id est insidiatoribus; polypodibus, id est adulatoribus; hericiis, id est peccatoribus; qui cursum navis impediunt, et ne proficiat, stare cogunt? Nonne quasi caneri sunt in Ecclesia, qui simplicitati aliorum invidentes, ut per insidias decipiant, quos vel aperte, vel fortitudine non possunt, fallentium lapides occasionum in innocentem jaciunt? *Polypodes autem juste dixerim adultores, qui mutantur ad vultus hominum; qui sicut bona de bonis, vel mala de malis, sic vel bona de malis, vel mala de bonis, ut hominibus placeant, non verentur loqui, sicut polypodes, qui ad quodcumque saxum venerint, saxi colorem assument. Isti tales in sagena Petri conclusi sunt cum delphinis et phocis, qui in signum dilectionis eximæ, cum timent incursus hostium, ore fetus teneros in visceribus iterato suscipiunt. Exemplum quippe præbent prælatis, ut verbo compassionis filios suos in visceribus charitatis suscipiant, maxime cum viderint periculum mentis vel corporis imminere. Congregatæ sunt aquæ, et apparuit arida. Prima virtus est, *Gnothi seauton [Γνώθι σεαυτόν]*, id est *Nosce teipsum*. Ad hoc enim congregatæ sunt fluxe mentes hominum, et in utre disciplinæ coarctatæ, ut unusquisque quanta sit ariditas infirmitatis humanæ, cognosceret. Quod et ille cognovit, qui dixit: *Anima mea sicut terra sine aqua Deo (Psal. cxlii)*, ut cognita defectus sui siccitate, illius præstoletur imperium, qui dixit: *Germinet terra herbam virentem (Gen. i)*; quod miraculose fieri solet primo, quia nullo labore, nullo præcedente devotionis humore, nullo charitatis calore, sola sancti Spiritus infusione germinat anima, nunc radices cogitationum, nunc affectuum semina, nunc fructus operum, et sic plena est terra sancti Spiritus majestate. Benedicamus igitur Patrem, cujus majestate plena est terra in rerum conditione; benedicamus et Filium, cujus majestate plena est terra in nostra reparatione: benedicamus et Spiritum sanctum, cujus majestate terra plena est in hominis sanctificatione. Benedicamus ergo Patrem et Filium cum sancto Spiritu, cui laus est et gloria per infinita sæcula. Amen.*

#### SERMO VIII.

IN APPARITIONE DOMINI.

*Cum natus esset Jesus, etc. (Math. ii)*. Taceant ad te insulæ Deus, et gentes mutent fortitudinem. Quis suscitavit ab Oriente justum, vocavit eum, ut sequeretur se? (*Isa. xli*.) Quis, inquam, nisi qui de lapidibus suscitavit filios Abraham? (*Luc. iii*.) Cum enim gentes lapides et ligna adorarent, similes erant lapidibus, juxta illud: *Similes illis fiant, qui faciunt ea, et omnes qui confidunt in eis (Psal. cxiii)*. Quasi enim lapides nec oculos ad intelligendum, nec aures ab obediendum, nec nares ad discer-

nendum, nec os ad confitendum, nec manus ad bene operandum habebant. Secundum ergo illud lapides erant, et quasi simulacra lapidibus comparanda, quia cum oculos haberent, non videbant. Excæcaverat enim eos malitia eorum. Et cum aures haberent, tanquam aspides surdæ obturabant aures suas (*Psal. lvi*). Similiter et de aliis sensibus intelligere poteritis, si stultitiam, si perfidiam, si in obscenis operibus abominationem perpenderitis. Quia ergo nec videbant, nec audiebant, nec sentiebant, nec loquebantur, nec operabantur prout debebant; secundum aliquid mortui erant. Quis suscitavit eos? Aperti sunt oculi eorum, et viderunt stellam, intellexerunt signum magni Regis esse, aggressi sunt iter, et veniunt ad confitendum Jerosolymis dicentes: *Ubi est, qui natus est rex Judæorum?* (*Matth. ii*.) Quis ergo suscitavit eos ab Oriente? Quis, nisi ille, qui parvus erat in præsepio, et magnus in Oriente? qui factus est in Occidente miserabilis, et mirabilia faciebat in Oriente? qui latebat prope positus, et longe positus apparebat; qui prope posita fecit Isaac ignorare, et longe futura cognoscere; qui admirabilis consiliarius apparebat Orientalibus et Occidentalibus, qui (7) Verbum erat in sinu Patris, et infans in gremio matris: qui regebatur ab hominibus in mundo, et elementa regebat in cælo: qui tacebat apud Judeos, et vocabat Chaldaeos? Natus erat jam in Chaldaea Deus; et in Israel parvum nomen ejus. *In propria venit; et sui eum non cognoverunt* (*Joan. i*). Ad alienos non venit, et statim ut natus est in Bethlehem Judæ in diebus Herodis regis, ecce Magi ab Oriente venerunt (*Matth., ii*).

Quia igitur idem Deus et homo, Verbum et infans, regebatur et regebat, loquebatur et tacebat, non immerito per irrationalis rei cognitam rationem nativitatis suæ ratio cognita est. Venientibus siquidem Magis dux itineris stella fuit; quæ quasi tacens locuta est. Tacebat, quia res irrationalis erat; loquebatur, quia Regem natum Magis ostendebat. Nam etsi verbum, quod foris patet corporis auribus, non dicebat, verbo tamen intrinseco, quo solemus intus in animo erudiri, dicebat. Et bene; indicabat enim Verbum, quod intus latebat in carne, non quod foris patebat in ore. Ideo ergo, ut ita dicam, verbo intrinseco Magos erudiebat, quia Verbum intrinsecum et in carne latens indicabat. Nec per aliud rationale aliquid Verbum incarnatum oportuit manifestari, quia sicut stella in nocte, sic Deus in carne: sicut lux lucens in tenebris, sic Filius Dei in caligine nostræ mortalitatis. Sic ergo suscitati Magi, sic vocati, Christum secuti sunt. Quomodo secuti? Ille attendite, fratres mei, vos quibus dictum est. *Qui non bajulat crucem suam et sequitur me, non potest meus esse discipulus* (*Luc. xiv*). Scitis quia Christus dives in cælo, pauper factus est in mundo; cum esset super ho-

(7) Deest vox *despectus*, vel *mutus*, aut *similis*.

mines, factus est sub hominibus; cum esset omnium Dominus, factus est omnium servus: cum sederet ad dexteram Patris in regno suo, peregre profectus est, accipere sibi regnum et reverti (*Luc. xix*). Sic et Magi secuti sunt. Relictis siquidem operibus, derelicta majestate regali et patria, illi supponi voluerunt, qui se aliis supposuerat; servi illi facti sunt, qui se sponte aliis servum præbere venerat; peregrinari cum illo voluerunt, qui propter ovem centesimam in longinquam regionem descenderat (*Luc. xv*). *Erubescite, Sidon, ait mare* (*Isa. xxii*), ad unius parvi signi ostensionem, isti qui nec verbum vite audierant, nec viderant Christi miracula, venerunt. Nos vero, quibus quotidie clamant apostoli, clamant evangelistæ, clamant prophete, clamant sanctorum exempla, Christi opera, signa et verba, tanquam aspides surdæ aures obturamus (*Psal. lvi*). Tabernaculum Dei tot et talibus operimentis videmus opertum; et adhuc sub dio sumus, adhuc ventis et imbribus nos exponimus. Incarnationis siquidem veritatem hinc sanctorum charitas, quasi coceus bis tinctus, hinc sacri eloquii doctrina, quasi hyacinthus; hinc afflictio penitentium, quasi sagum cilicinum; hinc passio Salvatoris, quasi purpura; hinc munditia castitatis quasi byssus retorta; hinc carnis abstinentia, quasi pellis arietum rubricata, munit. Cur igitur in Christo non requiescimus, cur adhuc vento vanitatis et imbribus occupationum dati sumus? Quare non audimus vocem monentis et dicentis: *Venite ad me, omnes qui laboratis, et onerati estis, et ego vos reficiam?* (*Matth. xi*.) Illi propter Christum divitias suas et patriam contempserunt: nos qui nihil habemus, nostrum nihil amittere formidamus? Si igitur multa possumus cum rege divite, nostrum saltem rete dimittamus cum Petro paupere. *Omnia enim dimisit, qui propriam voluntatem, ut ait Hieronymus (8), derelinquit.* Regnum siquidem Dei non ære, sed mente comparatur. Non enim dantis est, sed amantis. Comparavit illud vidua duobus minutis (*Marc. xii*), Zachæus dimidia parte bonorum suorum (*Luc. xix*). Regnum denique Dei calice aquæ frigidæ comparari potest; quod comparare non potuit Simon magus, vel Ananias, pro omnibus bonis suis. Sequamur ergo cum Magis, quia jam suscitati sunt et vocati. Suscitati sumus a morte pernicioosa, morte Salvatoris gloriosa: suscitati in baptismo, sed adhuc suscitandi in judicio.

*Ideo impii non resurgunt in judicio* (*Psal. i*); qui non sunt a morte pernicioosa suscitati in baptismo. Surgent ergo, non resurgent; surgent, ut moriantur morte pessima, quia suscitati non sunt morte gloriosa. Nos vero resurgemus a morte pretiosa, ut vivamus gloriose, quia suscitati sumus a morte pernicioosa, ut moriamur pretiose. Sicut enim peccatorum mors pessima est (*Psal. xxxiii*);

(8) Comment. in c. xix Math.

sic pretiosa est in conspectu Domini mors sanctorum A ejus (Psal. cxv). Nec mori potest morte pretiosa, qui primo non suscitatur a pernicioso. Ideo ergo resurgemus in iudicio, qui a triplici morte suscitati sumus in hoc mundo, a pernicioso, a propitioso, a pretioso. De pernicioso suscitatur ad propitiosam, de propitiosa in pretiosam, de pretiosa in gloriosam. Mors enim pernicioso peccatorum, mors propitiosa poenitentium, mors pretiosa sanctorum, mors gloriosa Salvatoris omnium. Ut enim suscitaretur beatus Job a morte pernicioso, morte pretiosa mori desiderabat, cum opera, quibus iram Dei meruisse se crederet, perpendens, dicebat: *Quare non in vulva mortuus sum, egressus ab utero, statim non perii? Cur exceptus genibus? cur lactatus uberibus?* (Job iii.) In vulva moreretur, si peccatum, quod in cogitatione est, dimitteret; egressus ex utero periret, si cogitationem in opere non demonstraret; genibus exceptus non fuisset, si in ipso opere culpa displiceret. Multos enim excusata necessitas, quos nequit excusare voluntas. Lactatus vero uberibus non esset, si post culpae delectationem, ad vocem mementis causas excusationis in peccato non quaereret. Cum enim diceret: *Quare non in vulva mortuus sum, etc.*, sensus est. Quare non sum mortuus morte propitiosa, qui morior pernicioso? Quare non sum suscitatus in pretiosam, qui lapsus sum in perniciosam? Ab hoc enim quadruplici mortis genere suscitatur hominem, qui suscitavit unicum matris suae filium in porta (Luc. vii), archisynagogi filium in domo (Marc. v), filium Sunamitis per Eliseum in cubiculo (IV Reg. iv), Lazarum per semetipsum a monumento (Joan. xi). Ipse ergo est, qui alios suscitavit ab oriente, alios ab aquilone, alios ab austro, alios ab occidente. Quia enim omne peccatum, aut cogitatione, aut deliberatione, aut delectatione fieri solet, aut opere; cum peccatum quasi pro foribus est, cogitationem percipit, et in cogitatione respicit. Suscitatur peccator a morte pernicioso, quasi ab oriente, vel in porta, et peccatum morte pretiosa moritur, quasi in vulva. Cum vero post cogitationem incipit deliberare peccatum, et in ipsa deliberatione respicit, suscitatur peccator a pernicioso morte, quasi ab aquilone vel in domo; et peccatum morte moritur pretioso, postquam ex utero egressus est; si vero post deliberationem incipiat delectari, et tunc corrigitur, peccator a pernicioso morte suscitatur, quasi ab austro, vel in cubiculo; et peccatum postquam genibus exceptum est, moritur morte pretioso; si vero post delectationem peccatum ad opus perducitur, et tunc emendatur, peccator a morte pernicioso suscitatur quasi in monumento, vel ab occidente, et peccatum moritur morte pretioso, postquam uberibus lactatum est.

Igitur ab ipsa intentione malitiae revocati et ad fidem vocati venerunt Magi ab Oriente: Cum natus esset Jesus in Bethlehém Judæ in diebus Herodis

regis. Herodes, quia gloria pellis dicitur, bene illum nobis insinuat, qui in carne nostra gloriatur. Habet enim Deus in homine gloriam, habet et ipse homo, habet diabolus. Quandoque gloriatur Deus in nobis, quando nos in subiectione humiles, in poenitentia fortes invenit, in labore strennos, in obedientia promptos, in oratione devotos. Hominis autem gloria est testimonium conscientiae suae (II Cor. i). Diaboli vero, carnem delictis pervertere, corpus fovere. Quia igitur pervertere solet hominem, cum primo peccatum per suggestionem manifestat ei, deinde cum animum facit in diversa mutari per cogitationem; postea quando facit animum acquiescere per desiderium in cogitatione; deinde vero quando post desiderium accedit velocitas in consensu; postea cum post consensum accedit in opere consummatio, delectatio etiam in operis consummatione; ad ultimum autem audacia defensionis in delectatione non incongrue dies Herodis possumus appellare motus illos animi, quibus diabolus nos pervertit, ut gloriatur in carne. Ut enim diem primum in nobis Herodes faciat, quem solis diem gentes appellare consueverant, quasi sol hemisphaerium cordis intrat, cum primo peccatum per suggestionem manifestat. Solis enim nomine manifestatio plerumque figuratur, ut ibi: *In sole posuit tabernaculum suum* (Psal. xlviii), id est in manifesto. Ut vero secundum diem faciamus in nobis quem diem lunæ vocant hemisphaerium cordis intrat luna, cum animus mutatur in multa. Ut autem tertium diem faciat in nobis quem antiqui vocabant diem Martis, intrat Mars hemisphaerium cordis, cum per cogitationem animus ignescit. Mars enim *Pyron* [Πυρον], id est igneus vocabatur. Similiter ut in quartum diem procedat, quem vocare solebant Mercurii diem, quasi hemisphaerium cordis Mercurius accendit, cum post desiderium in consensu velocitas accedit. Antiqui enim Mercurium *Stilbonta* [Στίλβοντα], id est velocem appellabant. Diem vero quintum in nobis facit, quem vocant homines diem Jovis, cum in consummatione operis ardoris flamma comburit animam, quia tunc Jupiter intrat mentem, quem *Phaigonta* [Φαίγοντα] philosophi vocant, id est ardentem. Cum vero post consummationem gaudere mens incipit in operis delectatione, sextum diem facit in nobis Herodes, quem vocare solemus diem Veneris, quia Venus tunc in animo lucescit, quando placet opus praeparationis, et animum lucidum reddit. Unde apud antiquos Venus *Phosphoron* [Φωσφόρον], id est lucida vocabatur. Ut autem diem septimum in nobis agat, quem nos diem Sabbati, antiqui Saturni vocabant, hemisphaerium cordis Saturnus intrat, quando quod male perpetratum est parvipendit, et ad vocem mementis irascitur; et inflatus superbia etiam castigantem minatur. Unde et Saturnum antiqui *Phemna* [Φεμνα], id est minantem nominabant.

In his ergo diebus natus est Jesus; non tantum

illa nativitate, qua plasmavit nos, secundum quam æternaliter natus est de Patre sine matre; sed illa qua reformavit nos, secundum quam temporaliter natus de matre sine patre: vel illa qua formari solet in nobis per devotionem, inspirando; vel illa qua sanctificavit nos in baptismo, vel illa qua redemit nos in patibulo. De prima enim dictum est: *Ego hodie genui te (Psal. 11)*; de secunda: *Puer natus est nobis (Isa. 1x)*; de tertia dicit Apostolus: *Filioli mei, quos iterum parturio, donec formetur Christus in vobis (Gal. iv)*; de quarta autem ipse Dominus ait: *Nisi quis renatus fuerit ex aqua et Spiritu sancto, non potest intrare in regnum Dei (Joan. iii)*; de quinta vero natalitia sanctorum nos celebrare dicimus, cum mortem eorum celebramus. Unde et merito, quando mortem Christi recolimus, qui Sanctus sanctorum fuit, natale ipsius celebrari credamus. Sic enim natus est Dominus nobis, ut nos ei totidem modis nasceremur. Sed prima ejus nativitas nostræ quinte causa fuit, secunda primæ, tertia secundæ, quarta tertiæ, quinta quartæ. Per potentiam siquidem, qua natus est de Patre æternaliter, nati sumus temporaliter. Nativitate vero, qua de matre temporaliter natus est, et nos filii Dei facti sumus. Filius enim Dei filios hominum fecit homines, sed filius hominis eosdem homines fecit filios Dei. Qui filius Dei erat ut homines essemus, filius hominis factus est, ut filii Dei voceremur. Quotquot autem, ait Evangelista *crediderunt in eum, dedit eis potestatem filios Dei fieri (Joan. i)*. Similiter tertia ejus nativitas nostræ secundæ causa fuit. Nam ideo baptizatus est, ut sanctificaret nobis aquas, et nos ei per aquas denuo nasceremur. Similiter quidquid in mundo operatus est, ad exemplum nostrum totum factum est, ut ipsius factura essemus, creati in ipso in operibus bonis. *Exemplum enim, ait, dedi vobis, ut et vos ita faciatis (Joan. xiii)*. Mortuus est etiam pro nobis, ut et nos ei morte pretiosa moreremur. *Consepulti enim sumus Christo per mortem ejus (Rom. vi)*, ut scriptum est. *Mortui enim estis, et vita vestra abscondita est cum Christo in Deo (Coloss. iii)*.

Primo ergo natus est de patre sine matre, secundo de matre sine patre, tertio formatur in nobis quotidie per devotionem operis, quarto natus ex aquis Jordanis, quinto quando mortale suum induit immortalitatem per patibulum crucis. Unde bene natus dicitur in Bethlehem Judæ. Bethlehem quippe *domus panis* interpretatur. Quid est ergo Bethlehem Judæ, nisi Synagoga Judæorum, vel Ecclesia, vel unaquæque fidelis anima, vel certe virgo gloriosa, vel cælestis et æterna patria? Cum enim Synagogæ primo credita fuerint eloquia Dei, domus panis fuit, quia Verbum vitæ quasi panis est animæ. Sed posteaquam hæc eadem verba ad filios Ecclesiæ translata sunt, per fidem et prædicationem doctorum, incæpit esse domus panis Ecclesia. Cum vero unusquisque fidelis panem hunc vel sibi ruminat, vel aliis frangit, non incongrue domus panis potest

A appellari. Virgo etiam gloriosa domus panis facta est, quando eum in utero portavit, qui de seipso dicit: *Ego sum panis vivus, qui de cælo descendit (Joan. vi)*. Sed et illa cælestis patria domus panis potest appellari, quia ibi est panis angelorum, de quo solo satiari se posse testatur Psalmista dicens: *Satiabor, cum apparuerit gloria tua (Psal. xvi)*. Sed prima domus, domus fuit, ut ita dicam, panis hordeacei, secunda similaginei, tertia lagani oleo liti, quarta subcinericii, quinta panis reversati. Cum per integumenta verborum Synagogæ locutus est Deus, et in eis dura et aspera præcepit; ut: *Qui fecerit hoc vel illud, morte moriatur, quasi medullam inter paleas ministravit*. Sed quando per doctores Ecclesiæ sublato cortice litteræ medulla intelligentiæ subjectis manifestata est, similagineum panem filii Ecclesiæ fregit. Cum vero ab aliquo verbum hoc vitæ cum charitate ruminat, et devotione tanquam lagani per pinguedinem charitatis, et oleo devotionis litum transglutitur. Cum autem in utero Virginis Filius Dei carnem assumens latuit, venter ejus quasi domus panis subcinericii fuit, quia in ea sub cinere nostræ mortalitatis panem vitæ nobis abscondit. Sed in ascensione, quando ad dexteram Patris sedit, et omni corruptione mortalitatis ab eo sublata potentiæ plenitudinem a Patre recepit, panis subcinericius reversatus fuit. Quia ergo natus est de Virgine, factusque per baptismum sponsus Ecclesiæ, et per devotionem quotidie formatur in fideli corde; et per Synagoram passus in cruce, et per potentiam divinitatis elevatus est in cælesti majestate, bene natus perhibetur in Bethlehem Judæ. Quia ergo fratres, panis subcinericius carnem assumendo, reversatus ascendendo, lagani oleo litum charitatem et misericordiam ostendendo, panis ut ita dicam, sorbitius in baptismo, panis vero coctus in elibano factus est pro nobis moriendo, accipiamus panem hunc, et gratias agentes Deo Patri, comedamus cibum qui non perit, sed qui permanet in vitam æternam (Joan. vi). Amen.

#### SERMO IX.

IN DIE EPIPHANIE.

*Fiat lux (Gen. i)*. Illa eademque erat. Erat lux vera, sed facta non erat. Antequam fieret, erat. Erat enim ab æterno, quia de luce æterna erat. Lux enim de luce, Filius de Patre. *Et facta est lux (ibid.)*, quia factus est ex muliere, factus ex semine David secundum carnem (Gal. iv). *Et visitavit Deus, id est videri fecit Pater, lucem quod esset bona (Gen. i)*. Non aliunde bona, sed a seipso, nec participatione boni bona, sed omni plenitudine, et propter hoc sola, quia nulla sic bona. *Et divisit lucem a tenebris (ibid.)*, eo quod nulla erat conventio lucis ad tenebras, id est Christi ad Belial (II Cor. vi). *Et factum est vespere et mane dies unus (Gen. i)*, quia factus est homo et Deus unus Christus. Ideo unus, quia unicus, quia singularis. Dies Dominicus dies hic, quem fecit Dominus, exsultemus et lætemur in eo (Psal. cxvii); quia populus qui ambulabat in tenebris, vi-

dit lucem istam (*Isa. ix*). Ascendit enim super nubem levem et candidam, et ingressa est Ægyptum (*Isa. xix*); et illuminavit abscondita tenebrarum (*I Cor. iv*): ut abjectis operibus tenebrarum, inducerentur homines armis lucis (*Rom. xiii*). Cesante quippe lumine succedunt tenebræ, succedunt et in tenebris opera tenebrarum: *Qui enim dormiunt, nocte dormiunt; et qui ebrii sunt, nocte ebrii sunt* (*I Thess. v*). Dormiunt quidem, vel per ignorantiam, vel per negligentiam, vel per ignaviam. Ebrii vero sunt, qui sunt absque rationis moderamine absque justitiæ libra, sine juris mensura. Ebrii sunt, qui neque frenum, neque modum habentes, dare nesciunt locum iræ (*Rom. xii*), sed crudeles, cupidi, contentiosi, malum pro malo, vel maledictum indebita talione reddunt pro maledicto (*I Petr. iii*). Hæc sunt opera tenebrarum, quæ sedecente luce succedunt. Cessante luce fiunt tenebræ, in quibus pertranseunt bestię silvæ (*Psal. ciii*), volant noctuæ, egrediuntur nycticoraces de domiciliis, ut fiant opera tenebrarum. Hinc mystice satis legitur: *Nachor genuit Tabee et Gaham, et Thahas et Maacha*. Hi sunt filii Nachor de concubina sua Roma (*Gen. xxii*). Nachor interpretatur *quiescens lumen*, Roma vero *excelsa vel sublimis*. A quiescente lumine, id est cessante luminis claritate, mens excelsa, id est sublimis et superba, adulterinos, non legitimos filios parit, id est opera tenebrarum, scilicet opus crudelitatis, cupiditatis, indebitæ talionis et contentionis. *Genuit*, ait Scriptura, *Tabee*, qui interpretatur *interficiens*, in quo crudelitas figuratur. *Genuit et Gaham*, qui dicitur *vallis æstus*, per quem mundi cupiditas accipitur. *Genuit etiam Thahas*, qui *talio* interpretatur, qua malum pro malo, dens pro dente, oculus pro oculo, maledictum redditur pro maledicto (*Exod. xxi*). Habent enim hi tales semper præ oculis iudicium punitivum, remissivum nunquam, quo tenetur Catholicus dimittere tunicam pallium auferenti (*Matth. v*), alteram præbere maxillam maxillam lædenti (*ibid.*), *Genuit et Maacha*, qui dicitur *consensus*, quia sine dubio lumine veritatis cessante, succedunt contentiones, iræ, rixæ, discordiæ, quæ sunt opera tenebrarum.

Ne igitur sint hæredes filii ancillæ cum suis liberæ (*Gal. iv*), id est opera tenebrarum cum operibus lucis, ut potenter abjiciantur, induimini armis lucis (*Rom. xiii*). Arma lucis intelligimus ex vi et natura lucis. Est enim lux ab igne. Et lux ista ab illo igne, de quo scriptum est: *Deus noster ignis consumens* (*Deut. iv*). Propter hoc naturaliter est *ascensiva, discreta, restrictiva, consolidativa, accensiva, illuminativa*. Non enim recedit ab ignis natura, de quo nata est. Ex vi igitur ascensiva disponit ascensiones homo in corde suo (*Psal. lxxxiii*), incipiens a timore servili; et per initialem usque ad filialem proficiens currit viam mandatorum Dei (*Psal. cxviii*), per vias rectas deductus; donec inductus in omnem veritatem, ad excellentiorem charitatis viam

A perveniat (*I Cor. xii*), sic ut mente purgata et defœcata, cogitatione et aviditate contempletur *anigmatica vel anagogice* supercœlestem et superessentialem Theophaniam, id est *Dei manifestationem*. Vis vero discretiva rationem promovet ad Epiphaniam; et dicitur Epiphania ab epi, quod est *supra*, et phanes, quod est *manifestatio*. Ardenter siquidem affectat ratio vi lucis discretiva diligenter intueri, et discernere iudicii libra, non solum vitiorum contrariorum cautelam; ne si avaritiam fugias, cadas in prodigalitem; sed caute discernere vitia a virtutibus præferentia speciem virtutum, ne sub prætextu justitiæ crudelitas, sub mansuetudine segnitie pallietur. Cavet igitur, ne dilgat quæ diligenda non sunt; et providet diligere quæ diligenda sunt: vel ne æque dilgat, quod minus vel magis diligendum est, vel minus aut magis dilgat quod æque diligendum est. Vis autem restrictiva mentem promovet ad hyperphaniam, et dicitur hyperphania ab hyper, quod est *medium*, et phanes. Restrigit enim animum religionis et obedientiæ vinculis, docens obedientiæ gradus, et usum operis; et ob ejus observantiam sustinet et arcet adversa. Vis etiam consolidativa mentem provehit ad hypophaniam. Et dicitur hypophania ab hypo, quod est *infra*, et phanes. Consolidat enim et confirmat animum potentia virtutis suæ, et arcanis verborum, quibus unumquemque visitat pro sua capacitate. Vis autem attractiva nos provehit ad bethphaniam. Et dicitur bethphania a beth, quod est *domus*, et phanes. Ipsa est enim, quæ longe positos traxit funiculis charitatis. Vis vero accensiva promovet animum ad phagiphaniam; et dicitur phagiphania a phagin, quod est *comedere*, et phanes. Accendit enim ex xerophagiæ et sariphagiæ ferculis quinque millia hominum ad misericordiam et compassionem (*Matth. xvi*). Unde Dominus ait: *Misereor super turbam* (*Marc. vii*). Dicitur autem xerophagia, a xero, quod est *siccum*, et phagein, quod est *comedere*. Sariphagia vero a sario, quod est *piscis*. Distribuens enim quinque millibus hominum quinque panes hordeaceos et duos pisces (*ibid.*), accendit in cordibus eorum flammam charitatis. Vis quoque illuminativa illuminat mentes ad sepherphaniam, et dicitur sepherphania a sepher, quod est *littera*, et phanes. Hæc est physica, logica, ethica, theoricæ clavis et pessulum apothecæ. Per scripturas enim illuminatur animus, manifestatur Deus, et clavis est omnium aliarum phanarum. Reserat enim omnes manifestationes, et ad naturalem, rationalem, moralem divinam, illuminat rationem nostram.

Hæc sunt manifestationes Dei, quarum tamen quatuor specialiter hodie cum honore memorie commendamus, id est Epiphaniam, Theophaniam, Bethphaniam, Phagiphaniam. Secundam quod illuminat fidelium mentes, omnium manifestationum clavigera sepherphania. Prima facta est per stellam a nativitate Domini tertio decimo die. Unde dicitur Bethphania, eo quod sub Magis duxit ad diver-

sorium ubi erat puer (*Matth. 11*). Secunda anno tricesimo facta est per vocem Patris in baptismo, unde dicitur Theophania (*Matth. 11*). Tertia facta est eodem die anno revoluto in convivio, per conversionem aquæ in vinum (*Joan. 11*). Unde Epiphania dicitur, ab epi quod est *supra*, quia ibi se primo manifestavit Deum. Quartam dicunt (9) in commento super *Lucam*, eodem die factam anno item revoluto, scilicet de refectione quinque panum. Sic Deus omnipotens, qui se primo angelis, secundo ab angelis se manifestari voluit hominibus, ita etiam manifestari se voluit hominibus. Ad hoc enim duas fecit rationales creaturas, angelos scilicet et homines, ut is qui in sua natura incomprehensibilis erat, ex operibus suis ipsis et ab ipsis quoquomodo manifestaretur, et in ipsis, et per ipsos cognitus laudaretur: et sic auctor et creator cœli et terræ crederetur, qui in cœlis angelis, et in terris hominibus venerabilis appareret. Nam sicut in cœlis describit *Joannes*, cognomento *Scotus*, quatuor manifestationes, id est Theophaniam, Epiphaniam, Hyperphaniam, Hypophaniam de quibus alibi disseruisse me memini, quibus se angelis manifestat: ita quatuor se manifestationibus æquali lance supradictis respondentibus mirabilis in terris hominibus voluit apparere; et his quidem post nativitatem, et ante passionem. Nam et post resurrectionem, quatuor aliis manifestationibus non multum a supradictis dissimilibus apparere dignatus est. Una, cum duobus discipulis euntibus in Emmauz cognitus est in fractione panis (*Luc. xxiv*): altera, quando Jesu stante in littore maris Tiberiadis descenderunt in terram discipuli, et viderunt prunas positas, et piscem superpositum, et panem; et tunc venit Jesus, et accepit panem, et dabat eis, et piscem similiter. Cum vero prandissent, dixit Dominus Simoni Petro: *Simon Joannis, diligis me plus his?* Quo tertio respondente: *Tu scis, Domine, quia amo te*, dixit Jesus: *Pasce agnos meos* (*Joan. xxi*). Tertia, quando recumbentibus undecim discipulis apparuit eis et ait: *Euntes, prædicate Evangelium omni creaturæ; baptizantes eos*, etc. (*Marc. xvi*). Quarta, quando paulo post convalescens elevatus est, et videntibus illis suscepit eum nubes ab oculis eorum. Et ex his utique potest cognosci, quod multis argumentis manifestus apparuit. Cum enim argumentum rei dubiæ faciat fidem, illæ quæ factæ sunt apparitiones in terris, earum quæ occultæ erant hominibus in cœlis probabile factæ sunt argumentum, ut unus atque idem Dominus demonstraret, qui angelis in cœlis, et hominibus in terris apparuit: qui in passione homo mortalis, et in resurrectione Deus apparuit immortalis. Nihil quippe aliud est Theophania, quam Dei manifestatio. Sed cum baptizaretur Dominus, filius quidem baptizatus est in Jordane, Pater cognitus est in voce, Spiritus sanctus apparuit in columba. Sed

mens Joannis ab imaginibus defæcata; et Filium Dei confessus est in carne, dicens: *Ecce Agnus Dei* (*Joan. 1*), et Spiritum sanctum in columba, dicens: *Et qui misit me baptizare, ille mihi dixit. Super quem videris Spiritum descendentem, et manentem super eum, hic est qui baptizat in Spiritu* (*ibid.*).

Ergo Theophania est manifestatio Dei; cujus character fuit baptismus Christi, ubi tota Triphas unus Deus manifestata est, cujus characteris confirmatio fuit, quod post resurrectionem discipulis ait: *Euntes, prædicate Evangelium omni creaturæ, baptizantes eos*, etc. (*Marc. xvi*.) Epiphaniæ vero characterem illam dicimus manifestationem, de qua *Beda* in *Commento super Lucam* loquitur, quæ facta fuit in deserto, hac eadem Calenda anno revoluto post illud miraculum, quo convertit aquam in vinum, quo videlicet quinque panes et duos pisces quinque millibus hominum distribuit (*Luc. ix*): quod aperte demonstratur, si definitionem Epiphaniæ superius factam repetamus. Est enim Epiphania, ut ait *Joannes Scotus*, calefacientis affectionis et altioris intuitus judicijque libra resultatio distributa. Dixit ergo Jesus: *Misereor super turbam* (*Marc. vii*). Ecce calescens affectio. Sed et ipsa quinque panum fractio ad altiorem nos mittit intuitum, quia nihil aliud insinuant illi quinque panes, quam quinque libros Moysi, quos velut integros portabat puer, id est Judaicus populus sensu puerilis. Sed Jesus panes illos fregit, quia sensum mysticum latentem in Scripturis aperuit, judicijque libra fragmenta præcepit colligi, ne perirent, quia adhuc in lege latentia sacramenta voluit memoriter retineri, ut per apostolos satiarentur famelici. Hujus autem characteris confirmatio est, quod post resurrectionem suam duobus discipulis euntibus in Emmauz cognitus est in fractione panis. Unde et calefacientem affectum, et altiorem intuitum demonstrabant, cum dicerent: *Nonne cor nostrum urdens erat in nobis in via, cum loqueretur, et aperiret nobis Scripturas* (*Luc. xxiv*)? judicijque libra reversi in Jerusalem dicentes, *quia surrexit Dominus* (*ibid.*). Hyperphanie autem character est illa manifestatio qua, stella duce, veniunt tres Magi, quia tunc cœlestis hyperphania suos participes, id est Magos insignivit scalari reverentia, usumque ejus docuit, et arcuit contrarium, cum Herodi contradicenti nolentes obedire, *reversi sunt per aliam viam in regionem suam* (*Matth. 11*). Hac etiam scalari reverentia post resurrectionem suam discipulos suos Dominus insignivit, quando eduxit eos foras in Bethaniam (*Luc. xxiv*). Unde et Bethania domus obedientiæ interpretatur. Nam ejus usu edocti adorantes reversi sunt Jerusalem cum gaudio magno; et arcentes contrarium magis ac magis invalescebant, et contradicentes confundebant Judæos, prædicando quod ex ore veritatis didicerant, quia sic oportebat Christum pati, et resurgere a mortuis die tertia (*ibid.*) Hypophaniæ

(9) Beda in *Lucam*.



vero characterem exprimit mutatio aque in vinum (Joan. 11). Nam per hoc occurritur naturæ legibus, et arcana mysteria reserantur. Nihil enim aliud in nuptiis illis figuratur, quam unio Christi et Ecclesie. Nihil aliud aquæ in vinum mutati, nisi quod illius antiquæ legis traditio quantum ad litteram satis insipida, in conjunctione Christi et Ecclesie spiritali sapore charitatis inebriat convivantes. Sed etiam in hoc hypophaniæ nobis character exprimitur, quod vinum aqua mistum in sanguinem Christi substantialiter transmutatur, arcana reserantur, quia efficiunt sacramenta quæ figurant. Unde et Petro apostolorum principi pisee assato, et pane satiato, pascentes oves suas Dominus dereliquit (Joan. 21) : quia postquam fidei devotione tanquam panem verum qui de cælo descendit (Joan. 6), et in passione piscem assum sibi incorporavit Petrus, merito cura generalis Ecclesie suscepit. Vides igitur quantæ dignitatis esse debent apparitiones istæ, quibus cælestes apparitiones manifestantur et iterum talium testimoniis confirmantur, ut non solum homo de Virgine natus, sed etiam unigenitus Dei Filius credatur, et primogenitus mortuorum (Apoc. 1), et Princeps regum terræ sine dubio ab infidelibus adoretur.

## SERMO X.

IN PURIFICATIONE B. MARIE.

Eruderaverunt puteum, et ineverunt stipites, et prunas, et aquam crassam; quibus super struem lignorum positus erupit ignis (II Macch. 1). Iste, inquam, sacer ignis, quem precibus suis Moyses impetraverat de sublimi; qui jugiter jussus est ardere in altari, quia non poterat hostia sine eo adoleri; qui per mille annos et eo amplius partim in tabernaculo, partim in templo usque ad transmigrationem Judæ hostias legales inflammarat. Imminente siquidem transmigratioe stipites hujus ignis in puteo vallis Josaphat tutavit Jeremias, qui ibi per septuaginta annos captivitatis fuerunt absconditi, donec Artaxerxes, cognomento Longimanus, licentiam redeundi et reedificandi Jerusalem Esdræ primo, postea Nehemiæ concessit. Resarcitis igitur muris istorum duorum opere et opera, obtulerunt Domino hostias salutes, sed conquesti sunt, quod ignem de sublimi non haberent. Adfuerunt igitur, qui dicerent factum Jeremiæ. Ut ergo stipites et prunas invenirent, eruderaverunt puteum supradictum : unde et nomen diei Nephar, id est purificationem nuncupaverunt, quia ex inventis stipitibus erupit ignis, qui postea per annos septuaginta hostias templi inflammavit, donec tandem Jasoni pontificatum vendidit Antiochus Epiphanes : propter quod sacer ignis penitus extinctus est, nec habuit sanctum ignem templum Dei, donec Judas Machabæus purificato templo iterum celebravit Nephar; in cujus solemnitate de calculis templi veteris erupit ignis, unde festum luminum vocatum est, et so-

lum pro sui dignitate in omni veteri testamento sub Ogdoade celebratum est. Et quoniam hodie, fratres charissimi, nos diem Nephar, et festum luminum celebramus, intelligentiam dictorum ex causis assumamus dicendi, signa rerum rebus comparantes signorum. Hodie enim illud singulare templum, in cujus Sancto sanctorum super misericordiæ propitiatorium Filius Dei vivi humiliando se formam servi accipiens sedere venit, purificatum est. Hodie puteus ille, in cujus laude cantis : *Fons hortorum, puteus aquarum viventium* (Cant. 4), eruderatus est. Hodie inventi sunt stipites illi antiqui sacro igne inflammati, Joseph videlicet et Maria, Jesus, Anna, et Simeon, quorum exemplo omne genus hominum inflammatur. Dat exemplum devotionis Maria virginibus, Simeon fractis. Joseph conjugatis, Anna viduis, Jesus pueris. Nullus gradus prætermisus est, cui devotionis exemplum isti quinque non dederint. Inventæ sunt etiam prunæ charitatis cum stipitibus, et in stipitibus, obsequium videlicet Joseph, humilitas Mariæ, benignitas humanitatis Jesu, Annæ religio, devotio Simeonis. Inventæ est cum his omnibus aqua, videlicet lacrymarum, sordes lavans in devotione (10). Quis enim illam devotionem Simeonis recolens, qua cum lacrymis aiebat : « Putas video, putas durabo, etc. » ignem sibi non accendat, de quo dictum est : *Deus noster ignis consumens est* (Deut. 4) ? Et iterum ipse ait : *Ego sum lux mundi* (Joan. 8). Propter quod Simeon ait : *Lumen ad revelationem gentium*, etc. (Luc. 1). In signum igitur purificationis nostræ facta est purgatio Mariæ, de qua scriptum est : *Postquam completi sunt dies purgationis Mariæ* (ibid.). Quod ergo primo legitur puteus eruderatus, et templum purificatum, hoc in Maria ostenditur factum, et in nobis faciendum. Videamus, si placet, ministros purificationum. Purificationis templi fuit Judas Machabæus minister, eruderationis putei Esdras et Nehemias, purificationis autem Mariæ Anna et Simeon. Et bene. Prima enim purgatio nostra confessio, quia omnia in confessione lavantur; Judas autem *confessio* interpretatur. Et quoniam illa sola confessio lavat, quæ spei consolatione, tanquam gratia operante prævenitur, et disciplina

D

pœnitentiæ tanquam gratia operante prævenitur et disciplina pœnitentiæ tanquam cooperante consummatur, bene Esdras et Nehemias, Simeon et Anna purificationibus his adjunguntur. Scitis enim quia nemo pœnitet, qui non sperat, frustra autem sperat, qui non pœnitet; et hoc, ut dictum est, illi quatuor combinati demonstrant. Nam secundum officium et nominum interpretationem, Nehemias et Anna, Simeon et Esdras unum significant. Nehemias et Anna adfuerunt purificationibus, tanquam adjutores, Simeon et Esdras tanquam sacerdotes. Interpretatur autem Nehemias *consolator Dominus*. Consolator autem Dominus est Paracletus. Paracletus vero

(10) August. in Sermon. de Purificat.

est Spiritus sanctus ; Spiritus sanctus gratia, gratia Anna ; Anna igitur Nehemias. Videtis quomodo conjunguntur. Nec vos moveat sexus disparitas, quia Spiritus sanctus qui lingua Latina generis est masculini, lingua Hebræa feminini est generis, Græca neutri. Similiter de aliis duobus dicendum est, quia Esdras *disciplina* interpretatur, Simeon *audiens tristitiam*. Dicit autem Apostolus, de disciplina, quod non est gaudii, sed mœroris (*Hebr. xii*). Per disciplinam ergo solemus audire tristitiam, qui contristamur ad pœnitentiam, ut ait Apostolus : *Si vos contristavi ad horam, non me pœnitel, non quia contristati estis ; sed quia contristati estis ad pœnitentiam (II Cor. vi)*. Est autem tristitia contristans nos ad pœnitentiam. Necessè est ergo ut omnis confitens tanquam Judas, in omni sua purgatione adjungat sibi Esdram cum Simeone, id est disciplinam laboriosæ pœnitentiæ, ut per hoc se probet Machabæum, bellatorem et fortem in agone. Nam et ille antiquus patriarcha Judas inutiliter semen fudit, quandiu cum Sue fuit, sed tunc utilem fructum fecit, quando Thamar sibi copulavit. Sue quippe *cantilena* interpretatur. Inutilis autem est copula confessio cum cantilena. Thamar autem *amaritudo* interpretatur, et fructuosa confessio efficitur, quando cum amaritudine profertur. Ita tamen per pœnitentiam debet homo contristari, quod de spe veniæ non desinat consolari. Adjungat igitur sibi Annam et Nehemiam, id est gratiam consolantem de venia. Nam Judas Iscariotes ideo medius crepuit, quia Annam et Nehemiam sibi non aseivit. Consolari noluit, quia desperans laqueo se suspendit.

His igitur adiutoriis et exemplis, studeamus non solum sordes purgare, sed ipsas virtutes studeamus defæcere, quia nullus adeo sanctus est qui non possit sanctior esse. Purgemus nonsolum sordes operum, sed et cogitationum. Nec malum solum purgemus, ut bonum sit, sed et bonum purgemus, ut melius sit. Purgandum est enim primo granum frumenti a stramine, secundo a palea, tertio a furfure. Post hæc extrahitur simila ; sed et ipsa in oblationibus minutatim est dividenda. Hæc sunt tres illæ purificationes, munditia corporum significata in purificatione templi facta per Judam, purificatio conscientie figurata in eruderatione putei facta per Esdram et Nehemiam ; defæctio virtutum præfigurata in Purificatione Virginis immaculatæ celebrata prius per Annam et Simeonem. Quantæ autem sit difficultatis conscientias emundare Allophylorum demonstrat importuna vexatio, qui puteos Isaac replebant humo ; sed et alii conscientias suas abscondunt, tanquam puteum Helchiæ luto plenum, quorum fax plerumque ebullit usque ad guttur Jeremiæ. Alii vero sordes amoveant, et quasi puteos fodientes scrutantur conscientias : sed nec frigidi, nec calidi sunt, sed potius tepidi, tanquam puteus in solitudine, ab omni humore spirituali siccatus, ipsum Joseph plerum-

que captivum includit. Alii conscientias suas fodientes, tanquam cisternas adulterinis aquis plenas eas inveniunt, ubi et repertis duabus caudis titionum, Rasin videlicet rege Syriæ, et Phacee filio Romeliæ, scientia scilicet sæculari, et ore loquente sublimia, ignem qui de cœlo descendens tactas oves Job puerosque consumpsit ; vel eum, qui nunquam dicit, sufficit, eliciunt. Alii vero, ut dictum est, fodientes puteos, aquas vivas possent invenire, si viriliter Allophylis vellent repugnare. Alii vero puteum effodiunt, et vivas aquas abundantie vel latitudinis cum Isaac felices inveniunt. Aliiter igitur illi, aliter illi puteos effodiunt, et de puteis eruderatis ignem accendunt. Nam illi pravitate exempla vitiosos homines pro stipitibus habentes, et pro prunis exempla vitiorum, alienum ignem accendunt vel subjiciunt in altari, videlicet ardorem illicitum, quo a Deo alieni fiunt : nec Nephars celebrant, sed in nefas ruunt. Isti vero sanctorum vitam præ oculis habentes, pro stipitibus et prunis inter rotas cherubim sumptis labia mundantes, arundineti sui scintillas accendunt, prout inflammant eas pater luminum, lux de luce, lumen de lumine Jesus Christus, qui cum Patre et cum Spiritu sancto vivit per omnia sæcula sæculorum. Amen.

#### SERMO XI.

##### IN EADEM SOLEMNITATE.

*Attendite ad petram ex qua excisi estis ; et ad cavernam lacu de qua præcisi estis (Isa. li)*. Si verum est, imo quia verum est, quia non est opus, non est ratio, non est consilium contra Dominum, a destructione consequentis consequenter potest inferri, quia cum Domino non nisi opus, non nisi ratio, non nisi consilium esse potest. In ipso siquidem et per ipsum, exemplum operis inveniunt pigri, intelligentiæ rationem perfdi, consilium simplices et seducti. Per ipsum oleaster et oliva, ut fructum operis faciant, simul inserti sunt, simplices et astuti sapientes fiunt, Judæi et Græci salutis consilium acceperunt. Apud eum enim non est personarum acceptio ; quia cujuscunque conditionis sit, cujuscunque generis, cujuscunque dignitatis vel ætatis, omnes in Christo unum sunt, qui non vincuntur in malo, sed vincunt in bono malo.

Unde, fratres, compendiosum Isaie consilium attendentes, ad illum omnes attendamus, et ab ipso salutem expectemus, qui salvat omnes sperantes in se. *Attendite*, ait Isaia, *ad petram (Isa. xxxi)*. Petra autem erat Christus. Omnibus enim propheta loquitur, quia in ea omnes refugium inveniunt. Ipsam rerum naturam perpendite. Nonne ad petram refugit, ut sit securus, sicut columba, sic herinacius ? Nidificat siquidem columba in foraminibus petræ ; sed etiam ipsa refugium herinacii facta est. Attendat igitur columba ad petram, in qua labores congregat, in qua vacat, in qua nidificat, in qua pullos educat ; sive frumentum, sive spina sit, quod laborat, totum sibi et suis utiliscit, si in petra sit. Omnia vero in petra collocat. spinam sci-

licet, ut necessitatis non voluptatis lectum habeat, frumentum, ut se simul et suos reficiat. Si vero a labore vacare proponit, ad petram refugit, ut securus sit. Sed et si vacando a foramine petrae, ut foris respiciat, caput emittit; a petra tamen corpore non recedit; sed cum foras respicit, dolet et gemit. Si vero pullus antequam in altum volando se elevare possit, extra petram minus caute exsilit, increpans eum strepitu vocis ad petram reducit. In petra igitur pullos pascit, sed parcius, et a tempore in tempus, et in mensura: ne forte jecur rumpatur, et ipsa tritici medulla præ nimietate cibi et corruptione carnis cum furfure quasi stercus emittatur. Omnia ergo mensurate facit, ut avidius cibus appetatur, appetitus retineatur, decoquatur, incorporetur, vel emittatur. Furfur siquidem emitti, medulla vero debet incorporari. Talis est columba, de qua scriptum est: *Columba mea in foraminibus petrae, in cavernis maceriae* (Gant. II). Porro quæ est hæc columba? Experimento novit, qui fel amaritudinis non habet, unde irascatur, nec rostrum, unde mordeat detrahendo, nec pedes veloces ad effundendum sanguinem operando. Sed qui devotus est in cogitatione, verax in sermone, simplex opere, columba est.

Hæc igitur columba in foraminibus petrae nidificat. Una est petra, sed multa sunt ejus foramina. Una est Ecclesiae domus, sed in domo multæ fenestrae sunt, et ostia multa. Petra Christus, Ecclesia domus; foramina vero sive ostia, diversus per diversæ religionis exercitium patens salutis introitus. Sicut enim per foramen in petra, vel per ostium in domo intratur, sic per religionis sanctitatem multiplicem, accessum ad Ecclesiam habemus, vel ad Christum. Ostium siquidem Ecclesiae, vel foramen petrae ordo conjugatorum est, continentium, seu etiam virginum. Foramina petrae sunt religio Cisterciensis, Præmonstratensis, Cluniacensis. In foraminibus istis nidificantes columbae, quandoque frumentum, quandoque spinam congregant. Audiant exemplum propositum prælati, audiant et subjecti. Attendant exemplum columbae in petra nidificantis; ut fiant quasi columbae in fenestris suis. Utrumque enim laborare debent, frumentum et spinam. Spinam ad necessitatem supplendam, frumentum ad refocillandam animam esurientem. In spina siquidem sæcularis cura, in frumento ille figuratur, qui frumenti grano se comparat (Joan. XII). Quia ergo et ea quæ ad Deum, et ea quæ ad sæculum pertinent, necessaria filiis Ecclesiae sunt; prout possibile est, laborare debemus; sed necessitatis causa, non voluptatis, illa quæ ad activam vitam: illa vero quæ ad contemplativam, sola devotionis causa, Sed et Jacob patriarcha utramque, scilicet Liam et Rachelem, sibi copulavit; utrumque Judas Phares et Zaram genuit, utramque etiam Christus Martham et Mariam amavit. Quidquid igitur agit et laborat, in petra totum reponat, sive illa quæ ad sæculum vel

A ad Deum pertinent. Alii enim alterum, alii utrumque pro amore Dei, alii vero pro amore sæculi operantur. Sed si quandoque contemplationis causa vacat a labore, ut sit securus, ad petram refugiat, quia valde est periculosum, aliquid præter Deum cogitare, transitoris cogitandum considerare. *Vanitas siquidem vanitatum, et omnia vanitas, dixit Ecclesiastes* (Eccle. I). Si autem ut foris respiciat, extra petram emittit caput, corpore tamen a petra non recedat. Si forte per subitam tentationem, in infimis et caducis mentem ponit, a proposito bonæ actionis non exorbitet; spem inter tentationes in Christum ponens, qui facit in tentatione provenitum. Cogitando namque transitoria, more columbae doleat et gemat, quia nihil est in mundo penitus, nisi dolor et gemitus. Cuncta enim caduca sunt et transitoria. In foramine petrae pullos nutrit, cum in aliqua religionis restrictione verbi Dei frumento subjectos reficit. Sed quia sunt quidam, qui in religionis fervore novitio inter amaritudines tentationum absque devotionis, sive contemplationis alis, plusquam oportet sapere, et in magnis et mirabilibus super se ambulare volunt, alta cogitatione petere, cum nihil præter ima cognoscere sciant, miseriam suam a conspectu cordis eliminant, et fieri volunt majestatis scrutatores, et ea quæ supra ipsos sunt cognoscere volentes, et nondum seipsum cognoscunt; lac nondum sugere sciunt, et jam panem rodunt. Ideo ergo oppressi a gloria, in ipsam plerumque infidelitatem cadunt, quia qui scrutator est majestatis, opprimetur a gloria et merito. Quia quanto in altum se erigit, tanto gravius ab alto cadit. Ubi enim blasphemiae vermis fidei radicem corrodit, omnes virtutum ramos necesse est exsiccare: ubi blasphemiae spiritus ædificii nondum bene solidati hædit fundamentum, oportet ut et ipsum labeliat ædificium. Est enim contra legem arare in primogenito bovis, servare frugum primitias, primogenita retinere, et arborum præputia non circumcidere (Deut. xv). A prælatis tales increpandi sunt, quod nimirum comedunt fructum arboris incircumcisi, cum intendunt operibus mentis immundæ. In primogenito bovis arat, cum mens adhuc ex novitate lasciva profunda rimatur; primitias frugum et primogenitorum retinent, cum in initio conversionis approbant cogitationes suas vel opera; sed hæc potius Deo committenda sunt, et secundum legis decretum offerenda Deo. Teneant ergo et allidant parvulus suos ad petram, et sicut pullos columbae in nidulo suo reprimant, ne forte dum sine alis volare volunt, a petra cadant, et unguibus milvi pateant. Ibi quippe alendi sunt, sed a tempore in tempus, et in mensura, ne forte jecur rumpatur, et ipsa tritici medulla quasi stercus vomitu egeratur. Hinc est, quod in porta Samaria quarta pars cibi stercoris columbini tempore famis multo vendebatur pretio (IV Reg. vi). Sic nimirum quandoque sit, ut abundantia cibi ipsæ plerumque deliciae in fastidium convertantur. Sed

ut subjecti cibum verbi appetant audiendo, retineant intelligendo, decoquant retractando, medullam incorporent operando, furfur emittant superflua recidendo et male dicta corrigendo, necesse est prælatis, pro modo, pro tempore, pro persona, mensuram tritici erogare subjectis. Unde illa columbarum columba, quæ rostrum non habuit, unde morderet, cum detraheretur ei; nec unguis unde læderet, cum occideretur; nec fel, cum ad amaritudinem provocaretur; cum pullos pasceret, ait: *Multa habeo vobis dicere, sed non potestis portare mundo* (Joan. xvi): ne forte ex inconsiderata ciborum distributione jecur rumperetur.

Cum igitur prælatus subjectis locuturus, considerat, quid, quibus, quantum, et quomodo verbum Dei distribuatur, ut ex carnalibus carnalia, et spiritualibus spiritualia comparet, pro capacitate ingenii, et devotione, quasi columba in foramine petrae pullos pascit. Vos ipsi, filii mei, qui satis inconsiderate, fateor, de ore meo frumentum recipitis, testimonium perhibete, scrutamini conscientias vestras. Quotidie fere vobis loquimur, quotidie vos admonemus; sed ex ipsa quotidiana consuetudine verbum Dei in fastidium plerisque conversum est. Certe, si illi qui audiendi verbum Dei usum non habent, ea quæ vos quasi stercores respuitis audirent; multa devotione, multis lacrymis ea sibi compararent. Exemplum audite. Nunquid in tempore famis in porta Samariæ caput asini et quarta pars cæbi stercores columbini multo empti pretio perhibentur? (IV Reg. vi.) Qui sunt famelici? Qui esuriunt et sitiunt justitiam. Famelici erant parvuli petentes panem, et non erat qui frangeret eis. Hi sunt in porta Samariæ cum solliciti de se, mentem incipiunt custodire. Per portam enim initium, per Samariam figuratur custodia, nam Samaria custodia dicitur. In porta igitur Samariæ caput asini vendit, qui in custodia mentis inter laboris onera, inter hominum maledicta, inter aculeos tentationum, inter minas potentia, exemplum patientiæ foris ostendit; sciens, quia inde dignum penitentia fructum acquireret. Per caput siquidem asini exemplum patientiæ figuratur. Emit autem asini caput, qui penitentia causa mentem incipit in patientia possidere. Stercus etiam columbinum famelicus emit, quando ille qui frumento verbi quasi columba pasci solet, tanquam stercores pro consuetudine parvipendit. Et quoniam verbum Dei in historico, morali, allegorico, et anagogico sensu solet dividi, bene quartam partem cæbi columbini stercores emit ille, qui per alterum istorum quatuor studet et laborat emendari.

Attendentes igitur ad petram more columbae, quidquid cogitatis, non pro vana gloria, non pro humana laude laborate; sed totum pro amore Dei facite. Si vero aliquid præter Deum, vel contra Deum cogitatis, dolete et gemite; frumentum verbi Dei retinete, et facite; nihil ultra quod inspirat Deus, quærentes vel cogitantes. Sed et si quid de

A sublimitate majestatis divinæ comprehendere cogitando vultis, mentis oculos ab immundis desideriis mundate, scientes quia qui mundus est, in immunda mente non habitat. Sic enim ad petram attendit columba. Sed herinacius quid? Petra siquidem refugium herinacii. Herinacii vero peccatores sunt. Herinacius enim animal est aculeis plenum, quod cum ab hoste deprehenditur inter aculeos caput abscondit, et quasi securus inter aculeos persequentem expectat. Sed nunquid evadit? Nunquid non comprehenditur? Nisi ad petram refugiat, non evadit. Ibi profecto securus est. Audiant hoc exemplum peccatores pleni tentationum aculeis, qui latam viam quæ ducit ad mortem incedunt. B Morem quippe herinacii tenet peccator, qui caput inter aculeos abscondit, cum ipsum persecutor apprehendit, quia cum ab antiquo hoste tentatur peccator, peccatis et suggestionibus suis mente consentit; et inter aculeos in via securus expectat, cum inter mala quæ facit ab auditione mala non formidat, qua dicturus est Judex: *Ite, maledicti, in ignem æternum* (Matth. xxv). Sed nunquid evadet? Non evadet, imo comprehendetur, nisi ad foramen petrae refugiat. Habet enim foramen suum herinacius in petra, sicut et columba. Herinacii foramina Dominicae passionis sunt vulnera. Cum igitur peccatorem antiquus persequitur hostis, ad vulnera recurat Dominicae passionis, spem suam illi committens, dicat: *Miserere mei, C qui passus es pro me.*

Attendant itaque ad petram herinacius et columba, justus et peccator, quia qui passione sua peccatores redemit, purgatos religionis districtione sanctificabit. Foramen siquidem columbae districtio est regularis disciplina; herinacii vero, vulnus passionis Dominicae. Ergo, charissimi, quicumque filii estis matris Ecclesiae, ad petram attendite, ne forte cadat aedificium, quando labitur ejus fundamentum. Cum enim per aliquam diabolicæ suggestionis impulsione a fidelium mente Christus recedit, pars Ecclesiae cadit, quia supra petram non erat fundata. Sunt quidam in Ecclesia solo corpore, mente et opere separati. D Alii vero, qui cum ore confiteantur, et corde credant, præputium tamen carnis in prævaricatione portant. Alii autem doctrinam desiderant, sed pusillanimes et timidi aggredi doctrinae religionem formidant, eo quod inveniant aliam legem in membris suis repugnantem legi mentis suæ. Alii autem, quod appetunt, aggrediuntur; sed contra tentationem impatientes et molles, cum manum mittunt ad aratrum, retro respiciunt, et revertuntur. Alii autem cum in virtutibus et in religione proficiunt, superbiunt et inflantur, inde materiam sumentes superbiendi, unde potius debuerant humiliari. Alii vero ut magis ac magis proficiant, innocentie et sanctitatis religionem induunt. Primi siquidem sunt haeretici, vel schismatici, secundi peccatores et incurcumeisi; tertii justitiam sitiennes, sed pusilla-

nimes et timidi; quarti molles, quinti timidi, sexti A simplices et religiosi.

Attendant ergo schismatici ad petram, quæ utramque conjunxit maceriam. Attendant peccatores ad petram, qua a prævaricationis præputio circumcili debent. Attendant qui salutis doctrinam desiderant ad petram quæ produxit aquam. Attendant tumidi ad petram quæ prostravit Goliam. Attendant molles ad petram quam Jacob capiti suo supposuit. Attendant superbi ad petram quæ statum confregit. Attendant simplices ad petram in cujus foramine columba nidificat. *Attendite ad Petram*. Petra autem erat Christus. Attendite in divinitate potentiam, in humilitate subjectionem, in moribus disciplinam, in doctrina scientiam, in omnibus charitatem. Potentiam, qua vos sibi subiecit, subjectionem, qua vos in altum elevavit; disciplinam, qua vos mirabiliter docuit; scientiam, qua vos verbo erudit; charitatem, qua dilexit. Attendite in adversis, attendite in prosperis. In prosperis justitiam, ne superbiatis; in adversis misericordiam, ne desperetis. *Attendite ad petram ex qua excisi estis*. Excisi, non extra cæsi, sed ex ipso, et per ipsum cæsi, quia et a peccato circumcisi, et ab infidelibus divisi. *Ex qua excisi estis*. A Christo enim derivati sunt Christiani, tanquam a fonte rivi, tanquam a trunco rami, tanquam a patre filii. Pater enim multarum gentium constitutus est. Nam per ipsum accepimus spiritum adoptionis, in quo clamamus, Abba Pater. Unde propheta quod obscure præmiserat, declaravit, cum subjunxit: *Attendite ad Abraham patrem vestrum (Isa. li)*. Abraham pater multarum gentium dicitur. Sequitur:

*Et ad cavernam laci, de qua præcisi estis (ibid.)*. Quæ est ista caverna, nisi Eva, de cujus visceribus nati, tanquam de caverna egressi in hunc lacum miserix descendimus? Quia ergo cognito uno contritorum cognoscitur et reliquum, attendite ad hanc cavernam laci, ut per miseriam quam Eva nobis contulit, misericordiam perpendatis, qua vos Christus liberavit. Ex quantitate siquidem morbi, comprobatur utilitas medici: ex sapientia discipuli doctrina laudatur magistri. Inde igitur mala quæ per Evam sustinetis, inde bona quæ per Christum consecuti estis, in libra mentis æqualiter ponderate, ut obolismus justitiæ reducat ad centrum justitiæ. Vel certe per cavernam laci Ecclesiam peregrinam adhuc in terris significare debemus; de qua filii Ecclesiæ tanquam de matris visceribus longe lateque sunt propagati. Verbo siquidem veritatis de visceribus ejus genuit nos sponsus Ecclesiæ Christus; et per ipsam, præveniente gratia, ab infidelibus divisi sumus. Ideo dictum est: *Ex qua præcisi estis*. Præcisi, id est præcedente gratia, per ipsam cæsi, id est divisi. Attendite igitur ad Ecclesiam, considerantes, quibus ornamentis virtutum sponsus suus eam decoravit, qua dignitate sublimavit, quo perfectionis annulo subarrhavit, quo fortitudinis baculo sustentavit, quibus armillis operum

consummavit. Attendite et laudate, et illi gratias agite, per quam tantæ sponsæ filiæ meruistis esse. Vel certe per cavernam laci illam significare possumus, de qua, quasi exponendo quod præmiserat, subjunxit Propheta dicens: *Et ad Saram, quæ peperit vos*. Cum enim dixisset, *attendite ad petram, ex qua excisi estis, et ad cavernam laci, de qua præcisi estis*, subjunxit: *Attendite ad Abraham patrem vestrum; et ad Saram, quæ peperit vos*. Subsequens quidem propositio præcedentis est confirmatio.

Quia igitur Sara princeps interpretatur, quid per Saram significare possumus, nisi illam, quæ principatum sui, principatum mundi, principatum cæli obtinuit? Principatum quidem sui, quia voluptatibus non consensit. Principatum mundi; quia eam mundi vanitas non seduxit. Principatum cæli; quia ad Filii dextram super choros Angelorum jam ascendit. Hæc est igitur Sara, quæ nos peperit. Nam in illo nobis mater facta est, qui nos fratres vocare non confunditur, ut ibi: *Narrabo nomen tuum fratribus meis (Psal. lxi)*. Laci ergo caverna, quæ nobis emisit Agnum, sunt illa Mariæ beata viscera, quæ portaverunt æterni Patris Filium. Quæ ideo laci dicitur, quia quamvis esset extra mundum per gratiam et devotionem, de mundo tamen erat per naturam. Quoniam ergo per altitudinem virtutum, per patientiam tribulationum, per fortitudinem mentis, per perseverantiam religionis, virgo gloriosa secundum prophetas alto monti, de quo lapis abscisus est sine manibus, vel petrae deserti, de cujus caverna nobis emissus est Agnus, comparatur. Attendant alto monti petrae deserti, cavernæ laci, ut sublimes fiant in cogitatione, fortes in tentatione, refugii latebras inveniant in aliqua mala suggestione, qui jacent in imo profundi, qui cito consentiunt munda sive carni, qui patent diabolicæ voluntati. Altitudinem enim in monte, fortitudinem in petra, refugium invenimus in caverna. Ad utrumque ergo attentius attendamus, ad petram et cavernam, ad Christum et Mariam, ut quod uterque nobis contulit agnoscentes, ingratitude vitio non arguamur. Sicut enim duo sunt, quæ nobis ad damnationem obfuerunt, culpa prævaricationis, et pœna retributionis; et hæc duo operati sunt vir et mulier, Adam et Eva, ita duo nobis ad salutem profuerunt, purificatio mentis, et passio redemptionis; et hæc similiter vir et mulier Christus et Maria. Attendamus igitur ad Christum et Mariam; ad petram deserti, et petram desertam: quorum nobis altera emisit Agnum, altera nobis nutrit pullos columbarum. Hæc enim secundum legem Moysi nostræ congruunt purificationi. Scriptum quippe est: *Mulier, quæ suscepto semine peperit filium, immunda erit septem diebus (Levit. xii)*. Mulier a molliiie dicitur: nam eo quod mollis sit et fragilis, mulier appellatur. Quid igitur in muliere, nisi molles accipimus, illos nimirum, qui cito diabolicæ suggestioni consentiunt? Quasi semen suscipit mulier, cum anima mollis et fragilis suggestioni per-

versæ consentit; imprægnatur, cum deliberat; paritur, cum operatur. Et notandum quod quandoque parurit masculum, quandoque feminam. Masculum quippe parit, si in perpetracione peccati aliquid virilitatis admistum fuerit. Cum enim aliquis peccare deliberat, et sacer locus, vel sacrum tempus evitatur, vel causa præmittitur necessitatis, sive etiam modus naturalis; parit quidem quia non resistit; sed masculum, cum in ipso actu virilitatis aliquid fuerit admistum. Cum autem nec tempus, nec locus perpenditur, sed in causa voluptas sola consideratur, et modus exquiritur, qui extra naturam est, feminam parit, quia in peccati perpetracione nihil laudabile reliquit. Hæc est quod satis aperte præcipitur ut illa quæ feminam parit, duplici pœnitentia puniatur. *Mulier, inquit, quæ suscepto semine pepererit masculum, immunda erit septem diebus.* Immunda erit, id est immundam se iudicabit. Ream enim se et immundam coram Deo debet iudicare, quod gavisus sit in peccati perpetracione. Dies vero exultationem mentis significat, quia sicut dies mundum clarescere facit, sic exultatio cordis et jucunditas mentem lucidam reddit. Sicut ille qui delinquit prius in suggestione, in delectatione, in consensu, in deliberacione, in opere, et operis voluptate, gaudere solet: sic quando pœnitet, immundum pro his omnibus se iudicare debet, dolere tamen, quod in iis gavisus sit.

Sed quia nihil valet cordis contritio, nisi subsequatur oris confessio, subjunxit protinus Moyses et ait: *Octavo die circumcidetur (Levit. xii).* Quid est peccati circumcisio, nisi confessio? Cum enim post contritionem et oris confessionem cum hilaritate circumquaque articulos amputamus, ut a morte animæ resurgamus, quasi octava die masculum nostrum circumcidimus. Octavus etenim dies mentis illuminationem designat, per quam resurgimus a nocte peccati, et a morte inferni. Sed sunt plerique, qui post confessionem non humiliantur, sed negligentius agunt, eo quod sciant esse scriptum: « Omnia in confessione lavantur. » Propter quod facilius in peccatis incidunt, et recidivum patiuntur. Oportet etiam ut in bonis actibus servos inutiles se pronuntient, scientes quia coram illo venturi sunt ad iudicium, qui etiam capillos capitis numerabit. Timere etiam debent, si bene fecisse, si totum dixisse se crederent, quod commiserunt. Quis enim fragilitatem suam suspectam non habeat? Quis humanæ negligentiae lethargum formidare non debeat? Quis omnes circumferentias [vel circumstantias] quæ adjacent peccato, confiteri non negligat? Vel si confiteatur, quomodo scit, si Deo fuit acceptabilis? Quis enim novit sensum Domini, aut quis consiliarius ejus fuit? Offerebat Abel, offerebat et Cain; sed illius sacrificium accepit, istius autem sprexit. Uterini fratres Jacob et Esau; sed ille electus est a Deo, iste vero reprobatus. Sic etiam duo in domo, duo in agro, et in mola uno, sed unus assumetur; alter relinquetur. Non tamen hæc dico,

tanquam incertus sim, utrum confessio simplex, pura, et devota peccatum lavet: sed hoc ideo dico, quia quando confitemur, nescimus, si in conspectu ejus, qui scrutatur renes et corda, sit tantæ simplicitatis, tantæque puritatis, et tantæ devotio-nis confessio; ut oportet, et necesse est. Timor enim in hujusmodi semper est necessarius. Ita tamen peccator post confessionem timeat, ut non desperet; et sic speret, ut timeat; et de compositione actuum suorum sollicitior fiat, quoniam qui sacrificium Cain sprexit, pœnitentiam Mariæ suscepit; et qui verba Pharisæi respuit, orationem publicani non despexit; et Jeremiam et Joannem in utero sanctificavit, qui in utero matris Esau odio habuit: et qui Judæ confessionem non suscepit, post adulterium et homicidium, peccatum David per confessionem lavit. Timeat quidem de justitia, gratuletur de misericordia, exsultet ut timeat, sic timeat, ut exsultet, formidet, ne superbiat; gaudeat, ne desperet. Hinc est illud, quod subinfertur: *Triginta tribus diebus maneat in sanguine purificationis (ibid.).* Licet enim inter impares computetur iste numerus, tamen secundus et compositus ab arithmetice perhibetur. Sunt etiam et alii impares, qui primi et incompositi sunt.

Quis igitur in impari primo et incomposito figuratur; nisi ille, qui per incompositionem actuum suorum ab æqualitatis et justitiæ regula discedens, adhæret illi, qui de terra est terrenus, per inobedi-tulæ præsumptionem? *Primus Adam,* ait Apostolus, *de terra terrenus, secundus de cælo cælestis (I Cor. xv).* Inæquales primi et incompositi sunt, qui inæqualitatem et cordis injustitiam, et per incompositionem sui veterem induunt hominem cum actibus suis. Per inæqualem autem secundum et compositum illi figurantur, qui licet ab æqualitatis regula per injustitiæ vitium discesseunt, ex ipso tamen timore peccati de compositione actuum suorum solliciti sunt, ut ipsum induere mereantur, qui de cælo cælestis est. Est enim secundus de cælo cælestis. Triginta ergo et tribus diebus manet in sanguine purificationis, qui per cordis illuminationem et operis compositionem purificatur ab inæqualitate prævaricationis, induens novum hominem, qui secundum Deum creatus est in justitia et sanctitate veritatis. Sed quia mens per fidem illuminatur, et per contritionem cordis religio vera componitur, satis aperte subjunctum: *Et offerretur pro eo agnus, sive duo pulli columbarum (ibid.).* In agno hoc ille figuratur, qui coram tondente se obmutuit, et cum in cruce patretur, non aperuit os suum: primus inter manus Simeonis, et secundo in crucis vertice pro mundi salute oblati. Et notandum quod quotidie per manus sacerdotis in altaris sacramento longe differentius offeruntur. Sed quia ex ipso et per ipsum pendet tota nostræ salutis intentio, pro nobis et a nobis per sacramentum altaris offeratur, ipsumque nobis incorporemus, ut nos unum corpus cum ipso simus

et per ipsum suo conformemur simplicitatis exemplo. Exemplum quippe nobis dedit per vitæ innocentiam, ut et non ita faciamus. Si enim simplex et innocens non fueris, non prodest tibi, sed obest, quod pro te Christus est oblati. Cum agno siquidem offerre debes pullos columbarum, in quibus gemina significatur simplicitas, actus scilicet et cogitationum.

Igitur, charissimi, si purificari, si mundari volumus, attendamus ad Christum, et ad matrem Christi; ad petram et cavernam lacu; ad petram desertam, et petram deserti. Petra siquidem deserti virgo Maria fuit, quæ orta est de tribu Noemi. Unde dictum est: *Emitte agnum, Domine, dominatorem tetra, de petra deserti ad montem filia Sion (Isa. xvi)*. Petra vero deserta Christus dicitur, de quo scriptum est: *Lapidem, quem reprobaverunt ædificantes, hic factus est in caput anguli (Psal. cxvii)*. Attendamus igitur ad Mariam, ipsam in mulieribus benedictam confitentem. Attendamus et ad Christum, ipsi gratias agentes, qui pro nobis oblati secundum humanitatem, et secundum divinitatem obtulit nos Deo Patri, qui vivit et regnat per infinita sæcula sæculorum. Amen.

### SERMO XII.

#### IN EADEM SOLEMNITATE.

*Simile est regnum cælorum thesauro abscondito in agro, quem qui invenit homo abscondit, et præ gaudio vadit et vendit omnia quæ habet, et emit agrum illum (Matth. xiii)*. Teste, dilectissimi, veritate, unum est necessarium (*Luc. x*); sed cæca et crudelis, et omnium vitiorum hydropisis humana cupiditas, mentem hominis in multa dividit, et distrahit in diversa, quoties ab unitate recedit. Quæ unitas? *Andi, Israel, Deus tuus, Deus unus est (Deut. vi)*. Ideo unus, quia per partes dividi non potest, non enim corpus est; nec etiam per affectus, quia anima non est; nec unus ab unione dicitur, quia collectio multorum sive massa non est. Sed ab hac unitate multa dividunt; et hanc unitatem tamen non dividunt. Multa ab unitate dividunt, quia multa cum unitate non conveniunt. Nam unum esse non potest res quæ in multa dividitur, sed unitatem non dividit, quia cum simplex et una sit, divisionem non habet. Ab hac igitur unitate mentem primo dividit divisionum mater cupiditas, quæ in tot mentem dilacerat, in quot affectionum diversitates variando multiplicat. Nunc enim voluptatis, nunc honoris, nunc divitiarum affectibus, ab unitatis stabilitate mentem movet. Sola quippe cupiditas duo divisionis invenit verba, *meum scilicet et tuum*; quæ charitas in hoc quod sua non quærit, omnino detestatur. Hæc quando mentem afficit, hydropisis more eo plus sitit, quo bibit. Incrementum pecuniæ dat incrementum malitiæ. Quanto pecunia major acquiritur, tanto major habendi voluntas habetur. Unde poeta:

*Crescit amor nummi, quantum ipsa pecunia crescit.*

(*JUVEN. Sat. 14, vers 158.*)

Sed in hoc cæca dicitur, quod appetit non appetenda; et non appetit appetenda. Nam si vel appeteret appetenda, vel non appeteret evitanda, non cupiditas dici deberet, sed charitas. Eo igitur crudelius in mente sævit, et domicilium suum eo detestabilius dissipat et incendit, quanto quis ejus tyrannidem affectuosius amplectatur, aut recipit. Propter hoc, dilectissimi fratres, hoc detestabile mortis venenum Isaias merito redarguit, dicens: *Væ qui agrum agro copulatis usque ad terminum loci (Isa. v)*. Quid est usque ad terminum loci? Usque ad agrum qui termino loci finitur. Usque ad terminum loci dicitur, ut agrum illum excludat, qui termino loci nec clauditur, nec circumscribitur, nec definitur. Hic enim est ager, de quo Salomon in laude sponsæ meminit, dicens: *Consideravit agrum, et emit eum (Prov. xxxi)*. Hic est ille plenus ager, de quo Isaac in laude filii loquitur, ita dicens: *Ecce odor filii mei, sicut odor agri pleni, cui benedixit Dominus (Gen. xxvii)*. Hic est ager, in quo sevit idem Isaac, et invenit centuplum. Hic est ager lentis, in quo Semma Ararites viriliter stetit, cum fugeret populus Israel, et ipse stans viriliter expugnavit Philisthæos (*II Reg. xxiii*). Hic est ager, quem vanalem fecit Anameel, filius Sellum, patrueli suo Jeremiæ (*Jer. xxxii*). Qui quamvis esset in periculo mortis, utpote qui erat in luto carceris usque ad guttur, nec agri posse se fieri possessorem usque ad annos septuaginta cognosceret, agrum tamen adeo affectavit, ut emeret, sciens quia non poterat ab expectatione sua confundi. Igitur vel quod exercitio laboris emitur, regnum cælorum, vel in qua per laborem passionis salutem generis humani Christus operatus est, caro figuratur. Ager enim dicitur ab agendo; qui ager lentis dicitur, quia passibilis fuit. In quo Semma Ararites stetit, quando factus est obediens Patri usque ad mortem. Unde Semma interpretatur *obediens*: qui bene Ararites, id est montanus dicitur, quia in assumpta carne clarificavit eum Pater claritate quam habuit, priusquam mundus fieret. Unde Apostolus: *Propter quod illum Deus exaltavit; et dedit illi nomen, quod est super omne nomen (Philipp. ii)*. Cum igitur fugeret populus, eo quod non esset qui faceret bonum, iste solus torcular calcavit, et percussit Philisthæos, quia solus spirituales prostravit inimicos. Hunc agrum Anameel, id est *gratia Dei*, scilicet misericordia Jesu, vanalem fecit Jeremiæ, quia gratia sive misericordia Dei præveniente, et laboris exercitio subsequente, tanti beneficii particeps efficitur, quicumque in altitudine vitæ spiritalis exercetur. Felix qui agrum suum huic agro copulat, ut unum sit in Christo, et Christus sit unum in ipso, ut sic copulet agrum agro, qui nullo clauditur loco. Nam de hoc agro Salomon ita dicit: *Præpara opus tuum, et diligenter exerce agrum tuum (Prov. xxiv)*. Sed *væ illi*, ait Isaias, *qui agrum agro copulat usque ad terminum loci*, id est usque ad agrum, qui clauditur termino loci:

qui ager ostenditur in parabola seminantis et A natum est, ager bene respondeat; dormire nesciunt, seminis, quia ager est mundus. Qui enim mundum qui agrum non suum de nocte demetunt. Propterea sibi, vel se mundo, per amorem jungit, vae illi, quia qui voluerit esse amicus mundi, ait auctoritas, imicus Dei constituetur (*Jac. iv.*)

Ex supradictis igitur auctoritatibus tria nobis agrorum genera proposuit sermo divinus: mundum, hominem, Christum. Et bene agris comparantur, quia nec mundum, nec Christum, sed neque seipsum, nisi laborando et agendo potest quis possidere. Sed qui mundo utitur, abutitur: qui Christo, fruitur: qui seipso, utitur quidem; sed nec fruitur, nec abutitur. Nam seipsum diligere in Deo et propter Deum, Deum vero propter seipsum, mundum vero diligere non debet, nisi forte propter Deum in aliquo diligatur; quando scilicet vel in immensitate potentia, vel in pulchritudine sapientia, in utilitate benignitas Dei commendatur. Alioqui uti debemus tanquam non utentes, tanquam nihil habentes, et omnia possidentes. Et si aliter uti mundo volueris, abuteris. Quæ enim major potest esse abusus, quam ut servias ei, qui factus est ad serviendum tibi? Factus est enim mundus, ut serviret homini, homo vero, ut serviret Creatori, ita tamen, ut quod mundus homini, vel homo impenderet Creatori, totum humanæ deserviret utilitati. Deus enim bonorum nostrorum non eget. Item duo bona dedit Deus homini ab initio: unum visibile, alterum invisibile; unum gratis, alterum meritis. Gratis mundum, meritis cœlem. Nihil enim boni aut mali egerat Adam, quando dedit ei Dominus mundum, et omnia quæ fecerat in mundo. Unde piscibus, avibus, et bestiis factis, adduxit ea ad Adam, ut videret quid vocaret ea, ut tanquam sua nominibus ea discernere sciret. Voluit etiam, ut per obedientiæ meritum bonum sibi invisibile compararet. Sed mira res, imo miserabilis. Libenter emit homo, quod gratis datur: gratis autem vult habere, quod non nisi emendo acquiritur. Sed quid emere volumus, fratres? Nunquid in eo videtis agrum hominis pigri, quem totum repleverunt urticæ? Nunquid spinosa vel petrosa, vel pedes in viis conculcantium semina? Nunquid consideratis montes Gelboe, super quos nec ros nec pluvia venit? Nonne videtis animas, sicut terram sine aqua, Deo? Nunquid terram conspiciatis, quæ non satiatur aquis; imo et illam, quæ imbrem super se venientem non recipit? Sed nunc innatas agrorum possessiones inspicite, et demum illatas. Infecta est terra corruptionibus. Seminat homo bonum semen, et vitio terræ pullulant cum bono semine zizania. Habet hoc vitium quandoque intus, quandoque foris, quandoque intus et foris; et quandoque inficit semen in radice, quandoque spinas inficit sterilitate; quandoque fit non ex vitio terræ, quod germinet zizania, sed ex aliunde innata passione. Inimicus enim homo facere solet hoc, ut supereminet zizania, cum dormit dominus agri (*Matth. xiii.*) Quod si forte domino suo, juxta quod semi-

natum est, ager bene respondeat; dormire nesciunt, qui agrum non suum de nocte demetunt. Propterea imitantur Cain fratri suo suggerentem ire in agrum, videoque eum in filiis suis offerentem, quæ de avaritia congregant et rapina.

Propterea residuum cruce comedit locusta, residuum locustæ bruchus, residuum bruchi rubigo (*Joel i.*) Quam detestabilis labor, fructus modicus, utilitas brevis, ut in omnibus tam inutiliter, quam mirabiliter homo seipsum destruat ac consumat. Si carnales oculos aperis, hæc videbis, si spirituales, detestabilis inspicies. Nonne otiositas provocatrix est sanguinum? Hic est ager pigri plenus urticarum. Nonne divitiæ generant sollicitudinum spinas, duritia et obstinatio petras, instabilitas vias? Sunt etiam in mundo superbi, qui prædicationis imbrem, tanquam montes Gelboe suscipere dedignantur. Sunt avari, qui tanquam terra quæ non satiatur aquis, non saturantur divitiis. Inveniuntur etiam qui intus inficiuntur per intentionem, quorum tamen operatio foris bona. Sunt qui secundum actionem corrupti sunt, et tamen intentio bona. Sunt etiam qui foris per actionem infecti sunt. Multoties vero cum dormit per negligentiam homo, hostis antiquus post fidei, vel alterius boni susceptionem seminis, vitiorum superseminat zizania. Invidet et major frater minori, hoc est caro spiritui; vel pro vitulo saginato, vel quia laborat in agro. Quia enim caro mundum diligit, salutem animæ postponit. Ideo autem carnem et spiritum quasi fratres dixerim, quia uterini sunt, non ex uno patre, sive ex una matre trahentes originem, quia cum caro infundatur et coaguletur ex semine, spiritus a Deo formatus ex nihilo informata carne formando absque mora infunditur, et infundendo formatur. Formatis siquidem membrorum lineamentis, post quadraginta et sex dierum spatium infundendo formatur, et formata statim infunditur anima. Non enim ex traduce est anima, sed caro. Unde Propheta: *Qui fingit sigillatim corda eorum* (*Psal. xxxii.*) Et alibi: *Pulvis in pulverem revertetur* et spiritus redeat ad Deum qui fecit illum (*Eccl. xii.*) Et rursus Moyses: *Si quis percusserit mulierem prægnantem, et fecerit abortivum, si formatum non erat, mulctetur pecunia: quod si formatum, reddat animam pro anima* (*Exod. xxi.*) Ex uno tamen utero ambo prodeunt in lucem, et quasi fraterna societate quasi ex uno utero simul egrediuntur. Sed in hoc carnem majorem natu dico, quia prius in liquorem infunditur, et membrorum lineamentis formatur: et sic anima a solo Creatore Deo facta de nihilo, formatae carni in unum hominem unitur. Invidet ergo major minori, quia cum caro mundi hujus deliciis intendit, bonum animæ parvipendit.

Sunt præterea quatuor genera tentationum, quæ cruce, locustæ, bruchus, rubigini comparantur; videlicet diu deliberata et occulta, subita et aperta, diu deliberata et aperta, subita et occulta tentatio.



Si enim subito mentem subvertere non potest, non ideo minus instat inimicus; sed paulatim mentem velut parietem inclinat, et depellit ut maceriam, et quod aperte rapere non potest, furatur occulte; ut sit nunc serpens vectis, nunc tortuosus, nunc dici possit antemos, nunc dielux, et se esse bestiam manifestet, cujus numerus est sexcenti sexaginta sex. Quia igitur, ut dictum est, terra non solum infecta sed etiam interfecta in sanguinibus, et contaminata est in operibus vetustatis, novis supervenientibus vetera projicientes novate vobis novale, et nolite serere super spinas. Novale dicunt homines agrum, qui post factam runcationem, stipularum incensionem, ietaminis respersionem, arationem, seminationem, occationem, ab omni noxia vetustate purgatus, in fœnore fructus multiplici sui respondet semini possessoris. Tale nostrum, de quo dixeram, ager lentis, ager Ananel. Sed cum nihil aliud sit runcatio, quam tribulorum sive spinarum extirpatio, videtur quod ibi tribuli sive spinæ fuerint, quæ extirpatæ sint. Non enim extirpari potuit, quod ibi non fuit. Sed si, ut dictum est, per agrum Christi carnem accipimus, et per spinam peccatum; videtur quod illa caro aliquando obligata fuerit peccato, quod postea fuerit extirpatum. Quid est ergo quod legitur, quia peccatum non fecit, nec inventus est dolus in ore ejus (I Petr. II), quia actuali peccato obligata non erat, sed forte originali? Sed si hoc est, quomodo in lumbis Abrahæ decimatus non fuit, sicut Levi decimatus fuit, si caro ejus ibi obnoxia peccato fuit, sicut et caro Levi? Propterea quidam putaverunt carnem illam, quæ assumpta est a Verbo, ab ipso primo parente usque ad susceptionem sui a Verbo, liberam ab omni peccato fuisse, et mundam deductam, ita ut nunquam sub peccato fuerit, sed a peccato non solum liberatam, sed liberam. Sed per quas rimas ita descenderit, non invenio, cum non descenderit, nisi per concupiscibiliter natos. Propter hoc catholicæ veritatis assertio, Filium Dei, qui pro peccatoribus natus est, de carne obnoxia peccato carnem asserit assumpsisse. Quæ quidem a peccato libera fuit; sed ideo libera, quia liberata: ideo libera, non quia sub illo nunquam fuerit, sed quia sub illo aliquando esse desiit. Sed quando? Post Virginis conceptionem. Nam et ipsa, quoniam ex consensu maris et femine concupiscibiliter concepta est, in peccatis concepit eam mater sua. Sed post conceptionem mundata et sanctificata est in utero matris, ut sancta nasceretur, quæ concepta fuerat in peccatis. Nam si de Jeremia, vel de Joanne Baptista hoc verum ideo credimus, quia futura erant vasa electionis, in quibus Deus abscondi debebat per inhabitantem gratiam, multo magis vas illud singulare mundari debuit, in quo Filius Dei latere voluit, non solum per inhabitantem gratiam, sed per carnis unionem: in quo Deus hominem assumpsit; hominem dico, id est hominis naturam, non hominis personam, sed hominem in personam, ita ut in Deum transiret, non naturæ versibilitate, sed Dei dignatione, quia nec Deus est mutatus in humanam substantiam, assumendo hominem, nec homo in divinam, cum glorificatus est in Deum.

Propterea ergo mundata fuit, ut mundam sibi de carne munda carnem assumeret, qui mundi sordes tergere disponebat. Propterea nec in conceptione, nec in nativitate aliqua mundatione caro assumpta indignuit, quia ex ipso matris utero, in matre Virgine munda fuit. Quia ergo hoc solum ejus ibi fuit, quod inde futurum ejus fuit; Levi decimari debuit, et hoc Christus non debuit, quia per propagationem originis Levi naturam et culpam habuit in lumbis Abraham; Christus vero solam naturam, quæ decimatione non eguit (Hebr. VII). Oblatio enim non pro natura, sed pro culpa offertur, quia si culpa non esset, natura oblationis opus non haberet. Hæc est agri runcatio, mundatio scilicet Virginis, et sanctificatio, quæ nascendo liberum arbitrium, sicut omnis rationalis creatura, suscepit. Et quia liberum arbitrium habuit, et nondum liberatum, ad utrumque flecti potuit. Quia vero mortalis erat per naturam, infirmitatem habebat ad malum et quia mundata per gratiam, adiutorium habuit ad bonum. Unde et peccare per infirmitatem potuit, et per gratiam non peccare. Unde et tanto gratiosior fuit, quando sanctior, quia transgredi potuit, propter infirmitatem; et non est transgressa, propter gratiam adjuvantem. Sicut igitur Virgo ab originali peccato fuit mundata in utero matris per gratiam operantem, ita quoque nata munda ab actuali per gratiam cooperantem. Actuali dico criminali, vel forte veniali, ligno, feno et stipula. Forte aliquæ fuerunt in ea vel tennes cogitationes, vel suggestiones absque consensu, cum quibus charitas habitare non dedignatur. Imo sicut stipula vel aquæ gutta addita camino, ita est charitas adjuncta hujusmodi veniali peccato. At postquam Spiritus sanctus, qui ardor est Patris et Filii, superveniens ipsam obumbravit; et Filius Dei, qui est ignis consumens, intus eam fecundavit, sic omnes stipulas venialis peccati penitus incendit, ut libero arbitrio remanente, imo potius liberato et confirmato, non peccare potuit, et non potuit peccare. Nam sicut angeli vel sancti jam confirmati, libero non carent arbitrio, et tamen peccare non possunt, quia nullus eos ad hoc cogit, sed nuda liberalitate rata et confirmata hoc faciunt; ita et beata Virgo propter gratiæ privilegium singulare in hæc carnis fragilitate ita beatificata fuit, ut spontaneo motu animi ducente nec peccare vellet, nec peccare posset: et hæc est agri stipularum incensio.

Talem igitur et tam gloriose mundatam salutavit angelus dicens: Ave, gratia plena. Et paulo post: Ecce concipies in utero (Luc. I), etc. Sed virgo de verbis angeli non disfidens, sed facti modum quærens, respondit: Quomodo fiet istud, quoniam virum non cognosco? (Ibid.) Ac si aliis verbis dicat: Quomodo ager fertilis esse poterit, nisi prius aperiat, et

nisi primo naturæ debitum ei impendatur? Quomodo ergo fiet, quoniam virum non cognosco? Sed quid quæris, Virgo? Quæris gratiæ modum in facto, sive miraculum, seu consuetudinem, aut naturam? Si modum gratiæ quæris: Spiritus sanctus superveniet in te (*ibid.*), qui omnes agri stipulas incendet, et novabit novale suum, novum faciens super terram, quia tu circumdabis virum. Si vero miraculum, descendet ros in vellere carnis, et area sicca remanebit. Productet virga nucem absque radice; inflammabitur igne cœlesti rebus, et non comburetur. Quod si talem in rebus consuetudinem quæris. vitrum carnis sine læsione vitri sol justitiæ penetrabit, quia nec vitrum corruptetur, nec solis claritas minuetur. Si vero similem quæris in rebus naturam, sicut ex vino libiones, ex aqua papiliones, ex arberibus aves, apes ex favo, teredones ex ligno, sed etiam sicut vultures absque commistione maris, aut seminis infusione imprægnantur et concipiunt; ita et tu absque maris commistione, vel infusione seminis, concipies et gravida eris. Nihil igitur, quod huic facto debeat obviare. Ridiculosum quippe valde esset, ut quæd aliis dare posset, sibi conferre non posset. Solummodo ad obedientiam cor aperi, et fecunda eris, ut sit fertilis ager. Sermo enim Dei vivus et efficax, et penetrabilior omni gladio ancipiti cor aperiet, ut agri sit aratio cordis apertio, et secundaberis illo semine, quod promissum est Abraham: *In semine tuo hæreditabunt omnes gentes* (*Gen. xxii*). Et iterum Isaias: *Nisi Dominus Sabaoth reliquisset nobis semen, quasi Sodoma fuissetis* (*Isa. i*). Ergo agri satio fuit Filii missio, sive incarnatio. Quid igitur angelo Virgo respondit? *Ecce, ait, ancilla Domini* (*Luc. i*): Quam convenienter et vere dixisse potuisset. *Ecce regina mundi, imo regina cœli, quæ dixit: Ecce ancilla Domini.* Sed sic aspergit agrum suum humilitatis lætamine, de quo legitur in Evangelio. *Sine, ut hoc anno fodiam circa eam, id est ficulneam, et mittam stercora* (*Luc. xii*). Idem enim est stercus, lætamen, et finus. Dicitur enim stercus, quia sternitur; finus, quia fit imus; lætamen, quia germina reddit læta. Sub hoc ergo lætamine semen occatum est. Occatio seminis est absconditio Verbi. Semen est Verbum Dei, occare autem operire est. Semen occatum Verbum est absconditum. Hoc igitur semen thesaurus est, de quo scriptum est: *Simile est regnum cœlorum thesauro abscondito in agro* (*Matth. xiii*). Scriptum est enim: *Thesaurus desiderabilis requiescit in ore sapientis* (*Prov. xxi*). Et alibi: *Prope est Verbum in ore tuo* (*Rom. x*).

Nihil est ergo aliud verbum in ore sapientis, quam thesaurus desiderabilis in ore sapientis. Thesaurus ergo verbum est. Sed aliud est verbum in ore carnis, aliud in ore cordis. Illic verbum intrinsecum et absconditum; ibi verbum extrinsecum et manifestum. Nam de ore cordis scriptum est: *Os justi meditabitur sapientiam* (*Psal. xxxvi*). De ore summi Patris, hoc est de ore cordis hoc verbum eructatum

est. *Eructavit, ait, cor meum verbum bonum* (*Psal. xlii*). Quid est cor Patris? Quod alibi dicitur uterus Patris. In hoc utero absconditum Verbum Patris eructatum est in uterum Virginis, et rursum ibi absconditum est. Sed in utero Patris ideo absconditum, quia incomprehensibilis est sapientia Patris. Sapientia quippe Patris Verbum Patris. In utero vero matris absconditum, ne cognosceretur a perfidis Judæis. Si enim cognovissent, nunquam Dominum gloriæ crucifixissent. Sicut tamen nec omnino manifestari voluit, sic nec penitus abscondi, quia et aliquo modo manifestari voluit, ne infidelitas inveniret locum, et tamen abscondi, ut fides haberet meritum. Ergo sapientia quæ in sui natura immutabilis erat, sub nostra mutabilitate voluit abscondi, ut per assumptam mutabilitatem ad immutabilitatem mutaremur, vel ut melius dicam, immutaremur. Mutabuntur enim perfidi, sed non immutabuntur, quia in illo non mutabuntur. Unde Apostolus: *Omnes quidem resurgemus, sed non omnes immutabimur* (*I Cor. xv*). Tunc autem immutabimur, non solum quando nostrum corruptibile induet incorruptelam, vel mortale immortalitatem, sed quando absorpta erit mors in victoria. Propterea, ut dictum est, sapientia Patris immutabilis in sua divinitate, mutabilis esse voluit in nostra humanitate. Unde in suo immutabilis, in nostro mutabilis. In suo ideo immutabilis, quia nec augeri nec minui poterat, nec mutari. Augeri quidem non poterat, quia immensa est; minui vero, quia simplex et una est. Mutari autem loco non poterat, quia ubique est; nec tempore, quia æterna est; nec cogitatione, quia sapientissima est; nec affectu, quia optima est. Nam si propter nominum varietates mutari videatur in rebus humanis, ut nunc propter præsentia scientia, nunc propter futura præscientia, nunc propter faciendâ dispositio, nunc propter salvandâ prædestinatio, nunc autem providentia propter subjecta dicatur, non ideo fit, quod ipsa mutetur in rebus, sed quia res esse suum mutant in ipsa, vel saltem sub ipsa. Mutabilis tamen facta est in nostra humanitate, vel secundum mutabilitatem coherentiæ, aut incoherentiæ, vel adhærentiæ, vel inahærentiæ. Mutabilitas coherentiæ, quando res rei alterius generis ita cohæret, ut eam mutet et ipsa mutetur, ut cum cibo incorporatur, cibibus mutatur in carnem, et caro mutatur in fortiolem. Vel quando res rei ita cohæret, quod ipsa non mutat, et illam mutat, sicut sapientia cum accedit animæ, mutat in melius animam, quod facit eam sapientiolem, ipsa vero non mutatur. Vel certe, quando res ita rei cohæret, quod ipsa quidem mutatur, et illam non mutat, sicut humanitas divinitati cohærens, divinitas humanitatem mutavit, quia digniolem et meliolem fecit; ipsa vero non est mutata. Mutabilitas vero incoherentiæ est, quando res quæ una est, in aliam ita mutatur, ut mutetur pariter accidens et subjectum; quod factum est, cum aqua mutata est in vinum. Ibi

caim sic vinum transivit in aliud ut et color et sa-  
por aquæ transiret in colorem et saporem vini, et  
ipsa aquæ substantia in substantiam vini. Unde  
quando res aliqua ita transit in aliam, ut, reman-  
endo subjecto, mutantur, accidentia, quod sit, quando  
lenum transit in vitrum, ibi sola accidentia mutantur,  
scilicet feneitas, ut ita dicam, in vitreitatem,  
sed eadem remanet feni substantia; vel quando res  
aliqua ita transit in alteram, ut ipsum subjectum  
mutetur, sed non accidentia; ut cum panis sit cor-  
pus, vel transit in corpus Christi, substantia panis  
transit in substantiam corporis Christi; sed acci-  
dentia, id est rotunditas panis, sapor vini, non mu-  
tantur. Non sunt accidentia hæc in subjecto, quia  
alia hæc, alia accidentia subjecti. Ibi enim non est  
panitas, sed, ut ita dicam, carnositas. Mutabilitas  
inhærentiæ, quando anima diversis affectibus muta-  
tur, ut nunc gaudeat, nunc doleat; nunc timore,  
nunc afficiatur amore.

Secundum hos affectus in humanitate nostra mu-  
tabilis facta est sapientia Dei. Scriptum quippe  
est : *Exsultavit ut gigas ad currendam viam (Psal. xvii).*  
Et in Evangelio : *Tristis est anima mea usque  
ad mortem (Matth. xxvi).* Item : *Cæpit Jesus pavere  
et tædere (Marc. xiv).* Et alibi : *Desiderio desideravi  
hoc pascha manducare vobiscum, antequam patiar  
(Luc. xxii).* Sic assumptus homo per mutationes  
inhærentiæ variatur. Mutabilitas adhærentiæ est,  
cum per diversas passiones exterior homo varia-  
tur. Unde et de illo assumpto homine scriptum est :  
*Jesus autem, cum jejunasset quadraginta diebus, et  
quadraginta noctibus, postea esuriit (Matth. iv).* Et  
iterum : *Jesus autem fatigatus ex itinere, sedebat sic  
supra fontem (Joan. iv).* Et Isaias : *Vere languores  
nostros ipse tulit, et dolores nostros ipse portavit  
(Isa. lvi).* Ecce quomodo mutabilis. In quibus om-  
nibus absconditus erat Filius Dei. Propter hoc  
Psalmista dicit : *Quam magna multitudo dulcedinis  
tuæ, Domine, quam abscondisti timentibus te (Psal. xxi).*  
Et Isaias : *Vere tu es Deus absconditus (Isa. xlv).*  
Ergo simile est regnum cælorum thesauro abs-  
condito in agro (Matth. xiii), etc. Absconditus, ut  
dictum est, vel quia incomprehensibilis divinitate;  
vel quia mutabilis humanitate inventus est fide-  
libus. Sed qui sunt, qui invenerunt? Qui hodie Christo  
obviam venerunt. Solemnitas hæc hypopanti Domini  
id est obviatio Domini vocatur, quia hodie Simeonis  
et Annæ solemnitas celebratur, qui Christo  
obviam venerunt in templo; quando parentes ejus tu-  
lerunt eum, ut sisterent, id est offerendo eum Domino  
præsentarent. Et satis digne. Nam Simeon obediens,  
Anna gratia interpretatur. Gratia quippe mentem  
mover ad fidem, obedientia motam promovet ad ope-  
rationem. Gratia mentem movet, ut velit, obedien-  
tia promovet per gratiam cooperantem. Gratia dat  
lumen fidei, obedientia virtutis augmentum. Sic  
honeste procedentes in hac processione viri seor-  
sum, Simeon et Joseph, et mulieres Anna et Maria,  
in mediæ templi misericordiam suscipere merue-

runt. Nam, sicut dictum est, Anna gratia, Maria  
illuminans, Simeon obediens, Joseph augmentum  
interpretatur. Et quoniam fides alia cognitione ma-  
gna, et affectu parva; alia affectu magna, cogni-  
tione parva; alia vero cognitione et affectu magna,  
illam Deus fidem approbat, quæ affectum cognitioni  
maritat. Nam prima quidem sapientium est, scilicet  
a sapere; secunda sapientium scilicet a sapore;  
tertia sapientium, in quorum cordibus sapidum  
reddit quod sapiunt, cognitio fidei et affectus. Prima  
fuit philosophorum, qui cum Deum cognovissent,  
non sicut Deum glorificaverunt, aut gratias ege-  
runt, sed evanuerunt in cogitationibus suis; et di-  
centes se esse sapientes, stulti facti sunt. Secunda  
fuit Chanaanæ et centuriois; de quorum altero  
dictum est. *O mulier, magna est fides tua (Matth. xv).*  
De altero vero. *Non inveni tantam fidem in  
Israel (Matth. viii).* Tertia fuit Annæ et Simeonis,  
qui utroque modo fidem habuisse probantur, quia  
scriptum est : Simeon in manibus infirmitatem ac-  
cepit; sed majestatem intus agnovit. Ecce cognitio-  
nis magnitudo. Quem videns, benedixit Deum et  
dixit : *Nunc dimittis, Domine, servum tuum in pace  
(Luc. ii).* Ecce affectus. Similiter et Anna propheta  
supervenienti, loquebatur de illo omnibus qui  
expectabant redemptionem Israel.

Unde et in inventione thesauri notatur affectus,  
cum dicitur. *Et præ gaudio vadit et vendit (Matth. xiii),*  
etc. Amoris affectus nescit otiosus esse,  
sed procedit foris ad effectum. Propterea vadit,  
vel viam mandatorum, vel viam veritatis, vel ex-  
cellentiore viam charitatis. Necesse est enim ire  
per viam veritatis, qua inducitur incipiens in om-  
nem veritatem: secundo per viam mandatorum,  
qua deducitur proficiens per vias rectas, ad ulti-  
mum per viam charitatis, qua perfectus ad Deum  
perducitur, qui est charitas. Sic enim incipiens,  
proficiens, et perfectus, per viam veritatis, per  
viam mandatorum, per viam charitatis eundo in-  
ducitur, deducitur, perducitur. Propterea vadit et  
vendit sua. Ideo vendit sua, ut expeditior sit  
ad currendum. Quis enim currere potest onera-  
tus? Propterea sua vendit, ut emat agrum illum.

Quid est quod vendit? Temporalia, naturalia,  
gratuita. Temporalia dico, se ipsum cum rebus suis.  
Primo se, et postea sua. Necesse est ut seipsum  
abneget sibi : *Qui amat, ait Dominus, animam  
suam, perdet eam. Et qui odit animam suam in hoc  
mundo, in vitam æternam custodit eam (Joan. xii).*  
De rebus quoque scriptum est : *Qui non abrenun-  
tiaverit omnibus quæ possidet, non est me dignus.  
(Luc. xiv).* Naturalia sunt memoria, voluntas, ratio,  
intellectus : et hæc impendere necesse est, ut  
ager possideatur. Quod enim memoriæ, quod vol-  
untatis, quod rationis, quod tandem intellectus  
est, ad obtinendum agrum impendere debet. Gra-  
tuita sunt, fides, spes, charitas : quæ omnia in em-  
ptione agri sunt offerenda. Quidquid es, et quid-  
quid habes, totum da. Quanti sunt hæc? Omnia

in comparatione agri, quasi stilla situlæ, et quasi A momentum stateræ reputanda sunt. Propter hoc sapiens vadit et vendit omnia quæ habet, et emit agrum illum. Emit homo agrum, ut possideat thesaurum; quia nisi mediante agro non pervenit homo ad thesaurum. Non enim bene conveniret possessori possessio tanta tantillo, nisi per pretium agri nostræ congruum paupertati. Meminisse debetis, superius me dixisse per thesaurum divinitatem, per agrum humanitatem figurari. Humanitatem dico, corpus et animam assumptam a Verbo. Duo ergo sunt extrema, et contradictorie opposita, Deus et homo. Deus enim in sui natura immortalis, impassibilis est et justus; homo vero in natura sua per peccatum infecta et corrupta, passibilis, mortalis, et injustus. Ut igitur hæc duo extrema B sibi valde et omnino contraria unirentur, interposita sunt duo media, caro Christi et anima, ut sicut in quatuor elementis duo extrema, terra et ignis, quæ sibi valde sunt opposita, (quia cum ignis sit subtilis, acutus, mobilis, terra palpabilis, obtusa, et immobilis,) mediantibus aliis duobus elementis, scilicet aere, quod multam habet cum igne convenientiam; quia est subtilis, mobilis, sed non acutus: multam etiam cum terra, quia obtusus: et aqua cum aere convenit, quia mobilis, et cum terra, quia obtusa et impalpabilis, quæ cum quibusdam ligantur numeris, ut scriptum est (Boet., *De consol. philos.* l. III, metr. 9, vers. 10):

*Qui numeris elementa ligat,*

sic et illa duo extrema, Deus et homo, duobus C mediis sunt unita, et eisdem numeris ligata; et in eisdem elementis figurata. Quid enim obest, si per ignem Deum figuramus? *Deus enim noster ignis consumens est* (Deut. IV). Per terram vero de terra factum hominem, per aerem vero animam, quia mundi animam aerem philosophi vocaverunt. Per aquam vero caro Christi non immerito figuratur. Nam et ipsa per aquam crassam, quæ in puteo inventa est, designatur. Deus ergo, ut dictum est, in sui natura impassibilis, immortalis, et justus, animam assumpsit immortalem quidem et justam, sed passibilem, quam mediam esse voluit inter carnem assumptam et Deum; quia aliquid habebat Deo conveniens, scilicet immortalitatem et justitiam; et aliquid cum carne, scilicet passibilitatem. Assumpsit enim carnem passibilem, mortalem et justam; et ipsam mediam esse voluit inter hominem et animam, quia aliquid habebat conveniens cum anima, id est passibilitatem et justitiam, et aliquid conveniens cum homine, passibilitatem et mortalitatem. Homo enim, ut dictum est, passibilis, mortalis et injustus est.

Hinc est quod Ecclesia, cujus caput dicitur Christus, homo corpus, tabernaculo comparatur. Christus quidem caput est Ecclesiæ, Christum dico totum in duabus naturis, et tribus substantiis, cujus Sanctum sanctorum divinitas, sanctum anima, atrium interius caro assumpta, exterius vero pœnitentium massa. Velum vero inter sanctum et atrium interius mortalitas; inter atrium vero interius et atrium exterius, injustitia. Nam animam immortalem et justam et passibilem dividebat passibilitas ab immortalis, justa et impassibili. Corpus vero passibile, justum et mortale, dividebat ab anima justa, passibili, et immortalis, mortalitas. Hominem vero peccatorem passibilem, mortalem et injustum, dividebat a carne mortali passibili et justa, injustitia. Sed passus est Christus, et scissa sunt tabernaculi vela a summo usque deorsum. Tunc enim anima illa desiit esse passibilis, caro mortalis, homo injustus. Per passionem quippe Christi, homo et impassibilitatis et immortalitatis et justitiæ meritum acquisivit; sicut per illius effusionem sanguinis uniri possit cum immortalis, impassibili, et justo. In conditione ergo rerum præcessit tantæ rei sacramentum, in Ecclesia res et sacramentum, in homine et Christo res et non sacramentum. In conditione præcessit figura, in Ecclesia subsecuta est imago, veritas completa est in homine et Christo. Ut sic jungantur extrema, necesse est operam dare, quomodo jungantur media. Quod tunc digne fiet, si sit anima nostra similis regno cœlorum, et illud regnum cœlorum simile sit thesauro abscondito et invento.

Unde sciendum quod cum anima per diversos affectus variatur, diversas in se figuras, imo in diversas se figuras transformat. Nam cum per motus bestiales bestiis se conformat, comparatur jumentis insipientibus, et similis facta est illis. Cum vero in sordibus vitiorum se deformat, moram faciens, et habitans ubi sedes est Satanæ, glareis coeçti se comparat. Cum vero a servitute peccati se excusat, et se ipsam per sapientiam regit, et fortitudine regnat, et fit Sapientiæ sedes, tunc similis est regno cœlorum. Dicit enim auctoritas: « Anima justi sedes est sapientiæ. » Et Sapientia ait: *Cælum mihi sedes est* (Isa. LXVI), ex quo Gregorius probat, quod cælum est anima justi. Dicitur enim cælum, quasi *cælum*, id est casa elios, id est *domus solis*, quia anima per inhabitantem gratiam solis justitiæ domus efficitur, ut scriptum est. *Si quis diligit me, sermonem meum servabit* (Joan. XIV): unde non immerito cælo comparatur. Et quoniam diversi gradus et varii sunt virtutum profectus, non regno cœli, sed regno cœlorum similis efficitur. Nam cum diversis tribulationibus sive tentationibus turbatur, similis est cælo condensitatis, quod aereum dicunt. Unde propter supervenientem imbrum condensitatem; tenebris comparat cum Apostolus, ubi ait: *Non est nobis colluctatio adversus carnem et sanguinem, sed adversus principatus et potestates, adversus mundi rectores tenebrarum harum* (Ephes. VI). Sed quia Domino dicente scriptum est: *Cum ipso sum in tribulatione* (Psal. XC), in illa tribulationum condensitate similis fit thesauro abscondito, necdum invento. Cum vero post tentationes per devotionem incipit aerenari, cælo

serenitatis, quod æthereum dicunt, comparatur. A Et in hoc etiam similis est thesauro non abscondito, sed invento. Cum autem stabilitate solidatur, ut semper det operam, qualiter aquæ dividantur ab aquis, id est cura spiritus a cura carnis, tunc comparatur cælo chrysellino, quod firmamentum appellant, et tunc etiam similis efficitur homini, qui sua vendit, ut thesaurum emat, quia inferiora contemnit, ut superiora possideat; et temporalia parvipendit, ut cælestia acquirat. Cum autem per desiderium magis ac magis fervescit, ita ut in hac peregrinatione solo corpore constitutus, cogitatione et aviditate in illa æterna patria conversetur, similis efficitur uranico cælo, quod dicitur empyreum; et per hoc etiam fit ei similis, qui laboribus et desideriis et suspiriis thesaurum inventum emit. Tandem vero cum post transitorios agones ad bravium supernæ vocationis, id est usque ad cælum trium hierarchiarum sublevatur, tunc empto thesauro fruitur, quia unum erit in Deo, et Deus unum in ipso; immortalis, impassibilis et justus, cum immortalis, impassibilis et justus, qui est benedictus in sæcula. Amen.

### SERMO XIII.

IN DOMINICA SEPTUAGESIMÆ. (11)

*Pœnitet me fecisse hominem* (Gen. vi). Non est arbitrandum, dilectissimi, quod aliquid mutabilitatis aut injuriæ cadat in illum, apud quem non est transmutatio, nec vicissitudinis obumbratio. Omnia quidem cum tranquillitate judicat, et tamen eum iratum plerumque Scriptura prædicat. Sed hoc ipsum per causam dicitur, ut nos ira dignos ostendat. Hinc est quod dicitur: *Pœnitet me fecisse hominem*. In hoc tamen verbo, juxta duos intelligentiæ modos justitia et pax osculatæ sunt. Justitia quidem, si sic intelligatur: *Pœnitet me fecisse hominem*, ac si dicat: *Faciam*, quod homo pœnitens facere solet, quia delet, quod fecit. Pax vero, si sic accipiatur, *Pœnitet me fecisse hominem*, id est pœna me tenet de homine quem feci; quasi dicat, hominem tenet culpa pœnæ, me vero tenebit pœna culpæ. Ipse fecit, et ego feram; ipse rapuit, et ego persolvam. Ideo feram quod fecit, quia pro eo feram, quem feci. Quis enim quod suum est parvipendat? *Quæ mulier habens drachmas decem, si perdidit unam ex eis, nonne accendit lucernam, et evertit domum, et quærit diligenter donec inveniat? Aut quis homo habens centum oves; et si perdidit unam ex eis, nonne dimittit nonaginta novem in deserto, et vadit ad illam quæ perierat?* (Luc. xv.) *Ecce ego ipse requiram oves meas: et visitabo illas, sicut visitat pastor gregem suum* (Ezech. xxxiv). Non incumbit homini, sive angelo, quia pravitas inventa est in utroque. Propter hoc *tristis est anima mea usque ad mortem* (Matth. xxvi), quoniam si iratus est homo super hederam, pro qua non laboravit, multo justius debet esse

tristis noster Jonas super hederam quam fecit. Et merito Jonæ Dei Filium comparamus, quia sicut Jonas in ventre ceti fuit tribus diebus et tribus noctibus, sic et Filius hominis in corde terræ. Hinc est quod, cum generatio prava et adultera signum quæreret, non est ei datum, nisi signum Jonæ. Hic igitur Jonas plantavit hederam, cum fecit hominem, quem discretionis furca et baculo rationis sustentans in hoc eum a terra sublevavit; quia os homini sublime dedit. Cui etiam intelligentiæ virorem tribuens, umbram dilectionis invenit. Unde scriptum: *Deliciæ ejus sunt, esse cum filiis hominum* (Prov. viii). Sed vermis tandem hederæ radicem corrosit, ventoque urente et calido flante, arefecit. Quis, putatis, est vermis iste? Ille est, de quo loquitur Isaias: *Et vermis eorum non morietur* (Isa. lxxvi). Vermis horribilis est ille serpens antiquus, qui nimirum radicem hederæ corrosit, dum primum hominem fraude circumvenit. Ab ipso enim tanquam a radice homines universi tanquam rami sunt exorti. Sed quomodo? *In ascensu*, inquit, *diluculi* (Jonæ. iv). Diei nomine quandoque prava delectatio actionis accipitur, ut ibi. *Pereat dies in qua natus sum* (Job iii). Hujus diei crepusculum est negligentia mentis, nox offuscatio cordis, diluculum consensus suggestionis, diei claritas dilectio operis. In ascensu igitur diluculi radicem hederæ vermis corrumpit, quando per consensum suggestionis protoparentem hostis antiquus infecit. Vel quoniam per radicem hominis capilli designari solent, et per capillos cogitationes mentis, hederam in ascensu diluculi percussit, quando, per consensum cogitationis homines ab auctore suo alienavit. Et tunc hederam arefecit, quia charitas humore subtracto hominem sicut terram sine aqua fecit. Merito ergo uterque Jonas, spiritualis scilicet et materialis, uno dolore tactus doluit. Nam utriusque jactura, hujus per sacramentum rei, illius per rem sacramenti, una fuit. Itaque quo dolore doleat uterque, videamus. Dic nobis, Jona, dic nobis, putas bene irasceris tu? *Irascor*, ait, *usque ad mortem* (Jonæ iv). Et tu, Domine Jesu, bene irasceris tu? *Tristis est, inquit, anima mea usque ad mortem* (Matth. xxvi). Certe bene irasceris, quia bona est ira, quæ tali ac tanta misericordia sublevatur. Bene, inquam, irascitur quia, cum iratus est, misericordiæ recordatur. Irascere ergo usque ad mortem, bone Jesu, et te pœniteat, qui si te contristavi ad horam, jam non me pœnitet. Non est enim nobis salus ulla, sine morte tua pretiosa: morte tua salutari mortem occidisti. (12) « O felix culpa, quæ tantum ac talem meruit habere Redemptorem. O necessarium Ade peccatum pro merito damnationis misericordiam consecutum. » O beata ira, qua sic Dei Filius mortem pertulit, ut gratiam pro pœna redderet, et per gratiam nobis gloriam ampliaret.

(11) Potius in Dominica Quinquagesimæ, vel Quadragesimæ, ut constat ex toto discursu.

(12) Verba Ecclesiæ in benedict. cerei Paschalis.

Hoc igitur dolore cordis tactus intrinsecus, pium patris, et non dirum affectum magistri nobis Deus ostendens, ait : *Pœnitete me fecisse hominem* (Gen. vi). Ac si dicat : Video omnem hominem viam suam corrupisse, subjectumque diaboliæ voluntati ; nec cripi posse, nisi me pœniteat, id est nisi mihi pœna incumbat. Ideo me pœnitete, et merito : feci enim illum. Sed quæ pœna illi incumbat, videamus. Pœna natiuitatis, pœna laboris, pœna mortis. Hæc enim tria per culpam homo meruerat ; scilicet cum labore nasci, laborare, et mori : et in his tribus filius hominis diabolum vicit, quia ut sua daret, nostra suscepit. O pœnitentia pia, non crudelis ; fructuosa, non sterilis ; voluntaria, non necessitatis. Crudelis enim fuit in Juda Iscariote, sterilis in Esau et Saule, necessaria vero est in quolibet peccatore. Solius autem voluntatis fuit pœna Salvatoris, qui peccatum non fecit, nec inventus est dolus in ore ejus. Hæc igitur est ira Jonæ, imo columbæ. Jonas enim interpretatur *columba* : quæ cum fel in corde non habeat, nec dentes in rostro, vel ungues in pedibus unde lædat, solo vocis strepitu patefacit iram, hostem circumvenit in comminatione. Hæc est ira Jonæ, quæ subvertendam prædicat Ninive ; vel ira columbæ, quæ clausis in area ramum præsentat oliuæ. Verba forte videntur dissona, sed utriusque sententia una. Quid enim est subverti Ninive ? Illud, quod fuerat, desinere esse. Quid enim fuit ? Civitas sanguinum, plena vitiiis, divina consolatione penitus indigna. Hoc desiit esse, quia præsentavit eis Jonas, vel certe columba, ramum oliuæ. Quid est ramum oliuæ ? id est de abundantia divinæ misericordiæ, quando declinavit a malo quod fecerat, et bonum fecit, a quo declinaverat. Sed quando ? Post quadraginta dies. Sic enim scriptum est : *Adhuc quadraginta dies, et Ninive subvertetur* (Jonæ iii). Sed quomodo post quadraginta dies ? Post pœnitentiam. Post quadraginta namque dies ramum oliuæ columba præsentavit, et Jonas subvertendam Niniven prædicavit. A malo enim declinare non possumus, vel divinæ misericordiæ participare, nisi prius præterita peccata per pœnitentiam lugeamus. Et bene per quadragenarium pœnitentia designatur, quia, sicut de quadraginta quinagenarii fructus colligitur et per pœnitentiam remissio peccatorum acquiritur, per quinquaginta designatur remissio peccatorum, unde etiam jubileus, id est remissivus dicitur. Neque enim filii Israel terram promissionis acceperunt, nisi prius per desertum annis quadraginta affligerentur. Sic Elias antequam ad montem Dei perveniret, quadraginta diebus jejunavit.

Moyses quoque ut secundo legem acciperet, quadraginta diebus abstinuit ; Dominus quoque Jesus, ut neminem a pœnitentia quadagesimali excludi debere ostenderet, quadraginta diebus et totidem noctibus jejunavit (Matth. iv). Ideo si de malo volumus converti in bonum, sicut Ninivite, si divinæ participes esse misericordiæ, si cum Elia divinæ

A contemplationis montem ascendere, si cum Moyse secreta Dei cognoscere, tandem si cum ipso Salvatore angelorum consortium suscipere, oportet nos decimari pœnitentia quadagesimali. Nam in istis sacris temporibus, cum sit pars anni decima, quasi pro decimis dare nos ipsos Deo debemus. Jejunemus igitur a vitiiis, a sæcularibus negotiis ; jejunemus ab alimentis, et immundis desideriis : in his enim quatuor tota consistit afflictio pœnitentialis. Est enim jejunium communis omnium membrorum satisfactio, ut scilicet satisfaciant membra secundum peccata quæ commiserunt : et dicitur jejunium a jejuno, quod est quoddam hominis intestinum, quod eo mortuo vacuum reperitur. Similiter et nos a vitiiis vacui, tam corpore quam anima debemus reperiri.

B Est autem triplex jejunii auctoritas, ab antiquitate temporis, a qualitate loci, ab institutione præceptoris. Ab institutione præceptoris, quia a Deo, a qualitate loci, quia in paradiso ; ab antiquitate temporis, quia a mundi exordio. Unde dictum est : *De ligno scientiæ boni et mali ne comedas* (Gen. ii). Eva quantum abstinuit, virgo fuit, et in paradiso permansit ; violato vero jejuniio carnis prurimum sensit, et in paradiso non remansit. Adam similiter violato jejuniio in mundi miseriam corruit. Item a temporibus et personis ostenditur auctoritas jejunii, quia ante legem a Moyse, sub lege ad Elia, a Christo sub gratia. Moyses siquidem post jejunium locutus est cum Deo (Exod. xxv), Elias post jejunium in cælo raptus est curru igneo (IV Reg. ii). Sic Jerosolyma tempore Ezechiæ regis per jejunium liberata, centum octoginta quinque milibus una nocte interfectis : unde letorem mortuorum rex Sennacherib ferre non valens cum decem tantum militibus fugit in Niniven, ubi quadagesimo die a propriis filiis occisus est (IV Reg. x). Sed et Jona prædicante per jejunium venia præstatur Ninivitis. Sed et Josue filius Nave per jejunium solis et lunæ cursum temperavit, et Gabaonitas superavit.

Notandum quod jejunium aliud corporis, sive carnis, aliud mentis. Carnis, quando quis abstinet a cibis, ne nimis caro pinguescat, sed non est virtutis. Mentis, quando quis jejunit a vitiiis, vel ne caro pinguescat luxuriis. Item aliud jejunium institutionis, aliud devotionis ; aliud parcitatis, aliud dispensationis. Item, jejunium aliud rationale, aliud irrationale. Item, jejunium aliud qualitatis, aliud numeri ; aliud summæ exactionis, aliud alteritatis. Aliud solius charitatis, aliud solius necessitatis, aliud vanitatis sive simulationis. Jejunium institutionis est, ut in quadagesima, et cætera jejunia a sanctis Patribus instituta. In veteri siquidem lege sancti Patres decimas et primitias de omnibus rebus suis Domino offerebant. Et nos similiter debemus decimas Deo offerre, non solum de rebus nostris, sed etiam de nobis ipsis, jejunando. Unde pro decima dierum quadagesima fuit insti-

tuta, ut de trecentis sexaginta sex diebus, qui sunt in anni circulo, non solum decimam, sed et decimam decimam persolvamus, et pro duobus diebus non decimatis, ut voluit Augustinus, in vigilia Paschæ missa de nocte celebraretur. Unde in collecta dicitur : *Deus qui hanc sacratissimam noctem.*

Sunt etiam institutionis jejunia, jejunia quatuor temporum, quæ Calixtus papa (13) constituit, scribens in hunc modum : « Benedicto fratri et coepiscopo jejunium, quod ter in anno apud nos fieri didicisti, convenientius nunc per quatuor tempora fieri decernimus, ut sicut annus volvitur per quatuor tempora, sic et nos quaternum solemne agamus jejunium per anni quatuor tempora, juxta propheta Zachariæ vocem dicentis. » *Jejunium quarti* (*Zachar. vii*), etc. Nam Judæi quater in anno jejunant, videlicet ante Pascha, ante Pentecosten, ante Scenopegiam, ante Encæniam. Vel ideo, quia antiqui quater in anno jejunabant quadraginta dies, ut nos in loco unius quadragesimæ saltem tres dies jejunemus. Vel quater in anno fiunt hæc jejunia, ad significandum quatuor, quæ fiunt quatuor temporibus, Conceptio Domini in vere, Nativitas in hieme ; Conceptio Joannis in autumnio, Nativitas in æstate. Vel quia significantur quatuor tessaredecades, id est quatuor Domini generationes. Tessare quippe quatuor, deca decem. Sic enim quatuordecim sunt generationes ab Abraham usque ad Moysen, sic quatuordecim sunt septimanæ a primo die Martii usque ad secundum Junii : et sic

crimæ per singula. Antiqui enim sic jejunare solebant. In Martio fiunt, ut in nobis marcescant vitia. In æstate, videlicet in septimana Pentecostes, quando Spiritus sanctus advenit, fiunt, ut super nos Spiritus sanctus adveniat. In Septembri etiam, quando fructus terræ colliguntur, fiunt, ut in gratiarum actione fructus bonorum operum persolvamus. In Decembri, quando herbæ moriuntur, fiunt, ut nos mundo mortificemus, et renasci Deo mereamur. Jejunia veris prima dicuntur, quia primo mense fiunt : jejunia ætatis quarta dicuntur quia quarto mense fiunt, id est Junio ; jejunia Augusti septima, quia in septimo mense fiunt, id est in Septembri ; jejunia hiemis decima, quia decimo mense fiunt, id est Decembri. Vel certe has jejuniorum distinctiones, juxta vaticinium Zachariæ, quandiu in luctu, et quasi exsules sumus, celebrare debemus. Nam quia Sarazar et Rogummelech quæsierant per legatos utrum mense quinto et septimo jejunare deberent, tandem ex persona Domini respondit propheta : *Jejunium quarti, jejunium quinti, jejunium septimi, jejunium decimi erit domini Judæ in gaudium et lætitiæ, et solemnitates præclaras* (*ibid.*). Quod autem propheta jejunium quarti posuit, factum est propter historiam, quia tradunt Hebræi quod quarto mense, videlicet Julio, Moyses de monte descen-

dens tabulas fregit (*Exod. xxxii*), et juxta Jeremiam tunc muri civitatis primo rupti sunt. In quinto, id est in Augusto, propter exploratores terræ sanctæ in populo orta est seditio, et jussi sunt montem non ascendere ; sed per quadraginta annos erraverunt in deserto, ita ut exceptis duobus, videlicet Caleb et Josue, morerentur in eo omnes. In hoc etiam mense prius Nabuchodonosor, postea Titus, templum in Jerosolymis destruxit, et urbem Bethel cepit, ad quam multa millia Judæorum confugerant : et ipsum templum aratum est. In septimo occisus est Godolias, et tribus Judæ, et reliquæ Jerusalem dispersæ (*Jer. xli*). Decimo Ezechiel in captivitate positus, et populus captivorum audiunt templum subversum. Hæ sunt causæ luctus et jejuniorum. Talibus ergo jejuniis Ecclesia imitatur sanctos Patres. Sed quod loco quinti ponit Ecclesia jejunium primi, fit per significationem. Primo enim necessarium est nobis, ut nostram cohibeamus sensualitatem, quæ quinque sensibus subsistit : deinde carnis nostræ lasciviam, quæ constat ex quatuor elementis : tertio necesse est, ut cohibeamus spirituales affectus, qui septem effluunt vitiis spiritualibus. Cohibere etiam nos debeamus a vanitatibus mundi, quibus inobedientes fuimus mandatis, quæ sub denario decalogi continentur

#### SERMO XIV.

##### IN QUADRAGESIMA.

*Ductus est Jesus in desertum a Spiritu* (*Matth. iv*), etc. Quandiu in agone contendimus, et inter pericula naufragamus, magna nobis sollicitudine opus est, fratres mei. Quis enim inter tot pericula hominum, pericula demonum, pericula ex carne, pericula ex mundo, pericula ex cogitatione, fortitudinem, multitudinem, astutiam inimicorum, et eorum curam pervigilem non formidet ? Ipsi plures, et nos pauci : nos inermes, ipsi armati. Ipsi ex antiqua acie jam instructi ; nos ex religionis fervore novitio multum instruendi. Non ergo glorietur miles accinctus, æque, ut discinctus ; quia quandiu vivimus, sine periculo esse non valeamus. *Militia enim est vita hominis super terram* (*Job vii*). Nunquam excludi potuit a filiis Israel Chananeus ; multum fuit, si fieri potuit tributarius. Hostis siquidem antiquus, etsi nobis interdum cedit, a nobis tamen nunquam recedit ; sed semper nobiscum incedit. Si enim non præcedit nos, ut ipse videatur : a latere tamen fit mendax spiritus, ut hominem cautius persequatur, vel certe a tergo sequitur, ut penitus non cognoscatur. Præcedit enim nos, cum per apertam et violentam malitiam nos pervertit. Quod bene in Sedecia præfiguratum est : cujus filios Babyronii coram oculis ejus interfecerunt (*IV Reg. xxv*). Babyronii enim sunt maligni spiritus, qui filii sunt confusionis ; quia nos ita plerumque confundunt, ut nobis videntibus et scientibus, virtutes, quæ quasi filii de matre ratione debent

propagari, destruant, et extinguant. Plerumque enim scis quia peccas, quia male facis, quia Dominum offendis : et ita tamen prævaricator es, ut jam te continere non possis. Sic peccavit Adam ; quia, ut ait Apostolus, non est seductus, sed Eva seducta est (*1 Tim. ii*). Eva enim verum esse credidit, quod ei serpens promiserat versipellis. *Eritis sicut Dii (Gen. iii)*. Sed hoc Adam falsum esse cognovit : et tamen ne Evam offenderet, de manu illius fructum vetitum accepit et comedit. Unde cum peccatum tribus modis fieri solet, ex infirmitate, ut peccatum Petri ; ex ignorantia, ut Pauli ; ex industria, ut hoc peccatum, Adam tanto graviori pœna puniri debuit, quanto coram Deo culpa gravior fuit. *Servus enim qui scit voluntatem Domini sui et non facit, plagis vapulabit multis. Qui vero nescit, vapulabit paucis (Luc. xii)*. A latere vero comitatur, cum hominem ex vitio collateraliter persequitur. Omnis siquidem virtus inter duo vitia coarctatur. Unum quod oppositum est virtuti, alterum vero quod est collaterale ei. Misericordia enim inter truculentiam et segnitiam posita est : ita quod truculentia opposita est, collateralis vero segnitias est. Similiter fortitudo inter pusillanimitatem et obstinationem, ita quod pusillanimitas ei opponitur, collateraliter autem obstinatio comitatur : et sic de virtutibus universis cognoscere difficile non erit. Cum igitur hostis antiquus aliquem virtute præditum affligere molitur, nihilque suam per oppositum vitium prævalere, videt industriam, sed se deprehensum, et expulsam esse cognoscit ; non ideo refugit, aut minus instat ; sed ad callidiora collateralis arma vitii se ipsum convertit.

Quod bene figuratur in zelo Pauli ; quem utique habebat, sed non secundum scientiam, cum acceptis litteris veniret Damascum, ut si quos viæ veritatis viros inveniret, occideret (*Act. ix*). Summam siquidem religionem aestimabat, persequi Ecclesiam Dei : unde et misericordiam consecutus est, quia in ignorantia fecit. Ecce quomodo a latere diabolus incedebat, quia crudelitatem sub justitiæ fervore celabat. Si vero nec sic se posse prævalere perspexerit ; tunc quasi a tergo insurgit, cum in ipsa virtutis operatione fraudulentè, a modo, a loco, a tempore, a persona facit eum excedere, quem persequitur. Nam ipsa virtus pro vitio debet reputari, si modus, si locus, si tempus, si persona, sollicite non consideretur. Unde et in lege præcipitur, ut artus hostiæ super struem lignorum ordinentur. Si enim recte offeras, recte autem non divides, peccasti. *Si offers munus tuum ad altare, et recordatus fueris, quod frater tuus habet aliquid adversum te (Matth. v)*, et non reconciliavis ei ; sic offerens, nihil tua tibi prodest oblatio : etsi bonum sit offerre Deo. Debuisti enim munus tuum dimittere, et reconciliari fratri tuo. Quia ergo tempus non observasti, peccasti.

Ecce quanta providentiæ, quanta circumspeditionis et cautelæ, necessaria est nobis docilitas. Aperto siquidem mala per providentiæ virtutem debemus prævenire ; collateralia per circumspeditionem : ipsam vero virtutum operationem per discretionis cautelam. Plerumque enim cum scrutari conscientiam mentemque discutere satagimus, ut virtutes a vitiis separemus, nisi cauti bene fuerimus, ipse discussionis labor discutientis corrumpit conscientiam. Egressa est Dina, ut videret mulieres alienigenas ; et corruptam eam Sichem, blanditiis, ut ait Scriptura, virginem definiens (*Gen. xxxiv*) : Quid enim in Dina, nisi conscientia figuratur ? Quæ bene Jacob filia dicitur, cum ad vitia discutienda luctatur : Jacob enim luctator interpretatur. Hæc enim videre mulieres alienigenas egreditur, cum ad mala quæ fecit agnoscenda, extra se per cogitationem evagatur. Sed cum ex ipso discussionis labore vana gloria subripit, eo quod se cautam esse agnoscit, blanditiis Sichem virginem corrumpit. Nam quid in Sichem qui interpretatur *humerus*, nisi labor ? et quid in blanditiis, nisi vana gloria figuratur ? Et bene virginem, quia sterilem, et per vanam gloriam a mercede laboris vacuatam. Unde et beatus Gregorius (14) exponens parabolam de decem virginibus, ait : « Ex hodierna sancti Evangelii lectione compellor dicere, ut bona quæ agitis, cum magna cautela faciatis, ne per hoc, quod a vobis rectum geritur, favor, aut humana gratia requiratur. »

Quinque enim earum fuerunt fatuæ, quia per appetitum laudis factæ sunt steriles a virginitatis mercede. Ideo dico vobis, fratres, *vigilate et orate, ne intretis in tentationem (Luc. xxi)*. Vigilate cum sollicitudine, orate cum devotione. Quis enim potest a tentatione esse securus, cum a diabolo ad tentandum ducitur ipse Christus ? Ubi perentur Dominus securus erit servus ? Natus elephas, quomodo pertransibit agnus ? Usque ad caput redundant aquæ : quis poterit transvadare ? Hæc forte sunt aquæ quas propheta pertransire exhorruit, cum eas quæ usque ad talos et renes, et genua pertingebant, transierit (*Ezech. xlvii*). Neque enim timendum est, si eas quæ usque ad talos, ad renes, ad genua redundant, oporteat pertransire : sed eas sine formidine et periculo non intramus, quas capiti supereminere videmus. Aquæ certe tentationes sunt ; de quibus dicitur per Prophetam : *Salvum me fac, Deus, quoniam intraverunt aquæ usque ad animam meam (Psal. lxxviii)*. Quæ usque ad talos Ecclesiæ redundant, cum maligni spiritus, illos qui inferiores et subditi in Ecclesia sunt, tentare festinant. Sancti enim ludibria, et verbera experti insuper et vincula et carceres, lapidati sunt, secti sunt, tentati sunt (*Hebr. xi*). Ad genua vero perveniunt, cum illis molestias ingerunt, qui per disciplinam eriant extendi, et per fraternæ passionis compassionem incurvari. Usque ad renes crescunt, cum doctores



Ecclesiae, qui verbo praedicationis filios ex ea gi- A  
gnunt, molestiis incessanter affligunt.

Cum igitur haec omnia futura in Ecclesia praevi-  
deret propheta: quod tentari, quod persecutionem  
pati deberent subditi, doctores et praetati, et om-  
nes qui pie vivere volunt in Deo, non ideo tamen  
legem Domini dereliquit, vel in manus hominum  
incidere formidavit, sed cum filiis Israel Babylonicae  
captivitatis persecutionem pertransiit. Sciebat enim  
filios Israel peccasse, et per dignum poenitentiae  
fructum culpam perpetrata diluere debere. Sed  
cum usque ad caput Ecclesiae aquas succrescere  
videret, transvadare non potuit: quia humana ra-  
tione causam ante tempus investigare non valuit,  
quare Christus tentatus est, qui Deus erat, et pec-  
catum non fecit. Sciebat forte quia sic oportebat  
fieri: et hoc est quod ad aquam pervenit: sed haec  
de Deo mirabiliter expavescens, nulla sibi, sed om-  
nia voluntati Dei commisit. Ideo dictum est quod  
aqua non transvadavit. Illa forte tria difficilia fue-  
runt sibi: sed quartum penitus mente comprehen-  
dere difficillimum fuit.

Quia ergo sine tentationibus esse non possu-  
mus, cum tentatus fuerit ipse Christus (Matth.  
III), circa tentationes necesse est vigilemus, quia  
nihil est, quod salvare nos possit, si sollicitudo non  
aderit. Quis semivivum sanabit; si Samaritanus  
pertransit? Quis resistet Berothitis filiis; si pur-  
gans triticum ostiaria dormit? Quid enim in ostia-  
ria designatur vel Samaritano, nisi custos animi  
sollicitudo? Samaritanus enim *custos* interpretatur.  
Nihil enim est quod hosti antiquo resistere possit,  
si custodia mentis per negligentiam dormit. Haec  
est enim ostiaria, quae triticum purgat, cum virtu-  
tes a vitiiis, tanquam grana a paleis, per discretio-  
nem examinat. Ne igitur moriamur cum Isboeth  
in stratu nostro (II Reg. IV), vigilet ostiaria domus  
in tritici purgamento. Si enim in examinatione vir-  
tutum et vitiorum negligentes fuerimus, oportet ut  
occidat *animum* per cogitationem hostis antiquus.  
In ipsa tamen sollicitudine nobis cavendum est,  
quia per inconsideratam sollicitudinem immodera-  
tus conflictus sollicitum pusillanimum reddit et pa-  
vidum; vel tentationis victoria per sollicitudinem  
impetrata praesumptuosum. Quomodo resistere Pe-  
trus potuit, ubi eum calefacientem ad prunas ostia-  
ria Caiphæ circumvenit? In frigore siquidem pa-  
vor; in ostiaria Caiphæ inconsiderata sollicitudo  
figuratur. Cum igitur *animum* super fidei petra fun-  
datum de peccatis suis inconsiderata sollicitudo  
facit pavidum, ita quod per cogitationem desperat,  
ostiaria Caiphæ profecto Petrum frigescentem cir-  
cumvenit (Joan. XVIII). Si vero per sollicitudinem  
in conflictu vincis, et ex victoria praesumptuosus  
efficeris, tanquam Eleazar Mathathiae filius ab ele-  
phante quem occidis, occideris (I Mach. VI). Occidis  
enim hostem, cum sollicitudine non piger pravam  
superas cogitationem. Sed cum de victoria super-

rumque melius est vitio succumbere, ut inde hu-  
milieris, quam operari virtutem, ut inde superbus  
efficiaris. Cum enim per opus vitii diabolo succum-  
bis, et postea humiliaris, quasi Samson caecus, et  
moriens hostes occidis. Unde dictum est: *Melior  
est iniquitas viri, quam beneficiens mulier* (Eccli.  
XLII). O felicem illam, dico Samaritanam, quae Do-  
minum Jesum super puteum sedentem invenit: et  
de puteo aquae salientis in vitam aeternam sterilem  
hydriam fecundavit (Joan. IV). Samaritana siqui-  
dem *custodia* dicitur, *Jesum Salvator, Jacob luctator*  
interpretatur.

Fons igitur Jacob, nostri conflictus, nostraque  
tentationis fontem insinuat. Cum enim cupiditas  
circa divitias, circa dignitates, circa voluptates  
versetur; et haec tria, quasi rivi de fonte cupidita-  
tis emanent, cum de aliquo trium istorum tentaris  
et pugnans; non ad rivum, sed ad fontem Jacob  
pervenisti. Si vero contra totam simul cupiditatem  
configis, in hydria cordis de fonte Jacob devotionis  
aquam deportare venis. Cum igitur *mentem* custo-  
dis, quasi Samaritana es. Quando pugnans et vin-  
cis; Jesum super fontem reperis. Et cum *animum*  
fecundat gratia spiritualis, hydriam replet aqua  
sapientiae salutaris. Ut igitur tali sollicitudine cau-  
tiores sitis, vigilate et orate, ne in tentationem  
intretis. Sicut enim superius diximus, usque ad  
caput pervenerunt aquae, et transvadari non pos-  
sunt; nisi eas dividat, qui pallio Eliae divisit Jor-  
danis fluvium (IV Reg. II): et virga Moysi, mare  
Rubrum: his etenim duobus tota tentationis aqua  
dividitur et dissipatur (Exod. XIV). Scitis, quia ad  
hoc fieri solet pallium, ut ventis et pluviis expona-  
tur. Bene itaque per pallium patientia, per virgam  
Moysi, lex Domini immaculata intelligitur. Per  
virgam ergo et pallium aquae dividuntur, quia cum  
lex Domini immaculata convertit animas, et per  
patientiam possidemus conversas, omnes rivuli ten-  
tationis exsiccantur. Ideo orate, ne intretis, ne  
inducamini in tentationem. Sic enim magister sa-  
pientiae nos docuit orare. *Et ne nos inducas in  
tentationem* (Matth. VI). Inducas, non ducas. Peri-  
culosum enim est induci, sed non periculosum  
D duci. *Ductus est enim Jesus in desertum a spiritu,  
ut tentaretur a diabolo* (Matth. IV). Ductus est, non  
inductus. Alii ducuntur, alii inducuntur, alii per-  
ducuntur. Ducuntur per suggestionem, inducuntur  
per consensum, et deliberationem; perducuntur  
per operis perpetrationem. Qui igitur sola sugge-  
stione tentatus est, non consensu, non operatione,  
bene ductus est, non inductus, vel perductus.  
Ductus est ergo Jesus in desertum; sed quare?  
Quia mori pro nobis venit, et potentiae suae sacra-  
mentum illi celavit, qui per manus Judaeorum de  
morte sua tractare disposuit. Sic Tobias pedem  
tinxit in Tigride, ut piscis citius accederet (Tob.  
VI). Sic mutavit David faciem suam coram Achis,

ut cautius hostes contereret (*I Reg. xxi*). Sic uni de filiabus Philistinorum copulatur Samson, ut ipsos Philisthæos tutius comprehenderet (*Judic. xvi*). Pedem enim denudavit in Tigride, cum humanitatis suæ veritatem Christus demonstravit in tentatione. Faciem coram Achis David immutavit, cum Christus divinitatis suæ potentiam coram diabolo celavit. Unam de filiabus Philistinorum sibi Samson copulavit, cum in sole justitiæ humanitatis nostræ miseria, per tentationis signum innotuit. Sed quare? Ut piscis, ut hostes, ut Philisthæi comprehenderentur. Ut enim versutia diaboli, qui antiquus est hostis, comprehenderetur, humanitatis veritatem in tentatione Christus demonstravit, divinitatem celavit; humanitatis nostræ miseriam assumpsit. Ideo ductus est *Jesus in desertum a spiritu* (*Math. iv*). Hic querendum est, ut ait *Gregorius* (15), a quo spiritu *Jesus ductus sit in desertum*. Et bene, quatuor enim genera sunt spirituum: spiritus scilicet mundi, Spiritus Dei, spiritus hominis, et spiritus diaboli. Spiritus Dei benignitas devotionis; spiritus mundi, ventus vanitatis; spiritus hominis, intellectus rationis; spiritus diaboli, intentio malæ voluntatis. Isti igitur quatuor spiritus et in aliquo differunt, et in aliquo conveniunt. Differunt enim ventus vanitatis et intellectus rationis, quia ubi unus inspirat alter expirat; conveniunt autem spiritus mundi et spiritus diaboli, quia ubi unus aspirat, alter suspirat. Simili modo intellectus rationis et benignitas devotionis.

Ab hoc igitur quadruplici genere spirituum, duci solemus in quatuor genera desertorum. Primum est cœlestis patria: unde et Pastor bonus nonaginta novem ovibus in deserto relictis, ad illam quæ erraverat, descendit. Secundum est vita religiosa: de qua scriptum est: *Quæ est ista quæ ascendit per desertum?* (*Can. iii*.) Tertium vero mundus est, de quo dictum est: *Quæ est ista quæ ascendit de deserto?* (*Cant. viii*.) Quartum desertum, infernus est. Unde et hircus emissarius in desertum secundum legem Moysi mitti jubetur. Quocumque ergo vadis, ab aliquo supradictorum spirituum ducis. Tendis ad cœlum, inspirat benignitas devotionis, exspirat intentio malæ voluntatis; tendis ad infernum, inspirat intentio malæ voluntatis. Desideras locum religiosum, suspirat intellectus rationis, inspirat benignitas devotionis; tendis ad mundum, aspirat ventus vanitatis, inspirat intentio malæ voluntatis. Quia igitur et partim conveniunt, et partim differunt, sciendum est quod ad invicem relati spiritus illi; alter alteri contrarius est: alter subalternus, alter contradictorie oppositus. Benignitas devotionis, comparata vento vanitatis, contraria est. Quod ex signis universalibus ad se contrariis dignoscere possumus. In illa enim beatitudo vera est, in isto vero, nulla beatitudo vera est. Intellectus vero rationis, intentioni malæ voluntatis comparatus, subcontrarius est.

(15) Hom. 16 in Evang.

A Cum enim per intellectum rationis ad vitam religiosam deducimur, ad veram pervenimus beatitudinem: etsi non certam, vel plenam. Quandiū enim in agone sumus, dubium est, utrum ad braviū pervenire valeamus. Et ideo si vera beatitudo in religione est, certa tamen non est. Rursus, cum in religione sumus, molestiis et tentationibus incessanter fatigamur. Unde plena beatitudine caremus, quia plena beatitudo erit, ubi omnis miseria cessabit.

Cum vero per intentionem malæ voluntatis ad infernum ducimur, per omnia nos miseros et infelices credere debemus. Ibi ergo quædam beatitudo est, et non omnis. Ibi vero non quædam beatitudo est. Benignitas vero devotionis intellectui comparata rationis, vel certe ventus vanitatis intentioni malæ voluntatis subalternus est. In benignitate enim devotionis, quæ ducit in cœlum, omnis beatitudo est. In intellectu vero rationis quæ facit religiosum, quædam beatitudo est. Similiter in vento vanitatis, nulla beatitudo est; in intentione malæ voluntatis, non quædam beatitudo est. Benignitas vero devotionis, qua ducimur in cœlum, intentioni malæ voluntatis, qua ducimur in infernum, comparata, contradictoria est. Illic enim omnis beatitudo est; ibi vero non quædam beatitudo est. Ex propositionum igitur istarum differentiis sive convenientiis, quædam ambiguitas fieri solet in cordibus nostris, cum ab aliquo spiritu ducimur in aliquo desertorum. Est enim ambiguitas quasi quoddam biviū, in

C quo sedet rex Babylonis, quærens divinationes, et et miscens sagittas (*Ezech. xxi*). Cum enim spiritus Dei in altum te elevat, ut ascendas de virtute in virtutem, Rex Babylonis sagittam tibi jacit in die volantem, cum in profectu tuo elevaris per vanam gloriam. Cum vero per intellectum rationis religiosam vitam desideras, per vitium pusillanimitatis imminet tibi periculum nocturni timoris. Si vero per ventum vanitatis hujus mundi gloriam concupiscis, sagittat te diabolus a negotio perambulante in tenebris. Cum autem per intentionem malæ voluntatis non formidas aggredi miseriam pænæ gehennalis, a dæmonio procul dubio meridiano veaxaris. Unde et quia Dominus *Jesus Deus et homo* erat, a spiritu duplici ducebatur in deserto duplici,

D a spiritu scilicet Dei, et a spiritu hominis: ab intellectu rationis, et affectu benignitatis. Unde et *Eliseus dicebat Eliæ: Oro ut spiritus tuus duplex fiat in me* (*IV Reg. ii*), id est ut tali benignitate devotionis, tantoque rationis abundem affectu, sicut et tu. Hoc igitur spiritu duplici ductus est *Jesus* ad religionis perfectionem, et cœli altitudinem. Unde cum jejunasset quadraginta diebus et quadraginta noctibus, diabolus a timore nocturno tentans eum, dixit: *Dic ut lapides isti panes fiant* (*Math. iv*). Et iterum gloriam mundi demonstrans, ait: *Hæc omnia tibi dabo, si cadens adoraveris me* (*ibid.*). Si vero ex benignitatis cogitatione et aviditate cœli altitudinem peteret, a sagitta volante in die perse-

quitur illum, ubi ait : *Si Filius Dei es, mitte te deorsum (ibid.)*. Sed Dominus relinquens exemplum posteris, in omnibus tentationem vicit, in omnibus superavit, ut per ipsum et in ipso victores existant, qui eum secui volunt ad gloriam.

## SERMO XV.

IN RAMIS PALMARUM.

Pueri *Hebræorum tollentes ramos olivarum, obviaverunt Domino dicentes : Hosanna filio David (Matth. xxi)*, etc. Non omnes qui sunt ex Israel, hi sunt Israelitæ, quoniam eorum qui sunt ex Israel, aliqui obviam venerunt Domino cum gladiis et fustibus, alii vero cum palmis et floribus. Alii ad ridendum, alii ad irridendum; alii clamantes, crucifige, crucifige : alii vero, Hosanna in excelsis. De quibus dictum est. *Pueri Hebræorum*, etc. Hebræi *trans-euntes* interpretantur. Ergo Hebræi sunt, qui hic civitatem manentem non habent, sed futuram inquirunt. Hebræi sunt, qui vel immolando agnum, vel offerendo hædum, phase, id est transitum faciunt. Hebræi sunt, qui Pascha, id est transitum hujus vitæ celebrant in azymis sinceritatis et veritatis. Hebræus est, qui in confessione laudis transeundo de veteri lingua Adam ad novam apostolorum linguam, fit idithum, id est *transiliens*. Hebræus est, qui in hac peregrinatione solo corpore constitutus, cogitatione et aviditate ad cælestem patriam transitum faciens, fit Galilæus, id est *transmigrans*. Isti Hebræi filios habent, non genere, non cogitatione, sed prædicatione, de quibus Apostolus ait : *Per Evangelium enim vos genui (I Cor. iv)* : vel imitatione, de quibus dictum est ; *Patres nostri comederunt uvam acerbam, et dentes filiorum obstupuerunt (Ezech. xviii)*. Istorum est tollere ramos olivarum. Oliva Græce, *miseriçordia* latine dicitur. Rami igitur olivarum, diversæ sunt species misericordiarum : quos tunc tollimus, cum multiplicium exempla misericordiarum mente colligimus. Magna est misericordia Dei, quod fecit nos ; major, quod regit nos ; maxima, quod redemit nos ; affluens, quod revocat indignos ; superfluens, quod salvat injustos. Tanto vero securius omnis homo clamat : *Hosanna filio David*, id est Christo clamat : *Salva, obsecro*, quanto devotius misericordiæ Dei memor erit. Ad hos igitur olivarum ramos colligendos hodiernæ festivitatis privilegia nos invitant. Primo, quia eo die introierunt filii Israel terram promissionis, et transierunt Jordanem sicco vestigio. Nam ita contigit quod eo anno tot fuerunt dies usque ad Pascha, quot sunt ab hac Dominica, et erat luna decima, sicut eo die quo Dominus passurus venit Jerusalem. De hac enim die præceperat Dominus in lege : *Decima die mensis primi tollat unusquisque agnum per familias et domos suas, et servabit eum usque ad quartum decimum diem ejusdem mensis ; immolabitque eum universa multitudo filiorum Israel ad vesperam (Exod. xii)*.

Et notandum quod post decem plagas, quas fecerant Moyses et Aaron coram Pharaone, datum fuit præceptum, et satis digne. Affligi enim potuit decem plagis, sed victus non est, donec immolatus est agnus. Pharaon quippe diabolum insinuat, Ægyptus mundum, filii Israel ad vitam præordinatos, captivitas Ægypti servitusque filiorum Israel miseriam hujus mundi ; in quo palea vanitatis, lutum voluptatis, later cupiditatis, oculos excæcant hominum. Virga Moysi legis disciplinam ; Aaren, ejusdem legis sacerdotium ; decem plagæ, decem præcepta. Unde e regione se contingunt. Primum siquidem præceptum est de colendo uno Deo (*Exod. xx*), prima plaga aqua in sanguinem versa. Aquam autem in sanguinem vertere, est doctrinam spirituales in carnalem mutare. Aquam in sanguinem verterunt, qui commutarunt gloriam incorruptibilis Dei in similitudinem corruptibilis hominis (*Rom. i*). Secundum præceptum est. *Non accipies nomen Dei tui in vanum (Exod. xx)*. Secunda plaga est ebullitio ranarum, in quibus vanitatis garrulitas figuratur. Accipit autem nomen Dei in vanum qui veritatem, quæ Deus est, in garrulitatis vanitatem mutat. Tertium præceptum est sanctificatio Sabbati, in quo mentis quies, quam bona conscientia facit, figuratur. Tertia plagas sciniphes facti sunt (*Exod. viii*). Sunt autem sciniphes muscæ minutissimæ inordinate volantes, et inquietissimæ. Sic sunt phantasmata tentationum, quæ mentem remouent a quiete. Quartum præceptum est ; *Honora patrem tuum et matrem tuam (Exod. xx)* ; quarta plaga est cœnomyiarum emissio. Est autem cœnomyia musca canina : canum vero est parentes non agnoscere. Unde cæci nascuntur. Quintum præceptum est : *Non mæchaberis (Exod. xx)* ; quinta plaga est mors in pecoribus. Dicit vero Gregorius (16). *Computruerunt jumenta in stercore suo (Joel. i)*. Jumenta in stercore computrescere, est in fetore luxuriæ vitam finire. Est igitur mors in pecoribus luxuriæ fetor in illis hominibus, qui comparati sunt jumentis insipientibus, et similes facti sunt illis. Sextum præceptum est : *Non occides (Exod. xx)* ; sexta plaga, vesicæ turgentes assumptæ de camino, in quibus inflata superbia figuratur, orta de incendiis invidiæ. Scriptum vero est : *Parvulum occidit iracundia, et stultum superbia (Job v)*. Vesica igitur turgens mors animæ est. Septimum præceptum est : *Non furaberis (Exod. xx)* ; septima plaga, grando in fructibus. Nemo vero habet inventum lucrum, sine justo damno, Dum furaris, acquiris vestem, amittis fidem ; lucrum visibile, damnum invisibile. Qui ergo malo desiderio extrinsecus furantur, justo desiderio intrinsecus grandinantur. Et cum ex furto pecunia multiplicatur, divitiæ spirituales minuuntur. Octavum præceptum est : *Non dices falsum testimonium (ibid.)* octava plaga emissio locustarum. Est autem locusta animal dente noxium ; falsus vero testis no-

cet mordendo, et consumit mentiendo. Novum præceptum est; *Non concupisces uxorem proximi tui*; nona plaga, densæ tenebræ. Et vere densæ sunt tenebræ, maxime injuriam patienti, furorem alterius appetere. Vere qui hoc patitur, cæcatur furore, quia nihil tam dolet patiens, nihil tam nolle pati, faciens. Decimum præceptum est; *Non concupisces rem proximi tui (ibid.)*; decima plaga est mors primitivorum. Qui res alienas appetunt; esse morientibus hæredes volunt. Et qui vult in aliquo fieri hæres, non vult, ut ille, ejus rem concupiscit, habeat hæredes, in quibus nihil charius primogenitis est.

Jure ergo in primogenitis punitur, qui cupiendo res alienas, quasi juris unbram perquirat: et quæ meliora sunt cordis primogenita, fidem videlicet perdit. Sicut ergo dictum est, decem plagæ decem præceptis comparantur, Sed sicut Pharo decem plagis non est adeo victus, ut dimitteret populum, ita lex illa non adeo diabolus vincere potuit, ut homo rediret in paradysum: sed postquam agnus immolatus est, Pharo dimisit populum, et omne primogenitum Ægypti mortuum est, imò et Ægyptii in mari Rubro perierunt, et filii Israel transierunt (*Exod. xi*). Post effusionem quippe sanguinis Christi, deletum est originale peccatum, tanquam primogenitum; et efficaciam accepit baptisma, ut per ipsum præordinati ad vitam, id est filii Israel evaderent Pharaonem, id est diabolus, et Ægyptii, id est actualia peccata finem acciperent in baptismo. Hoc etiam est quod decima luna venit Jerusalem, luna enim defectum figurat. Bene ergo decima luna venit, qui in defectu Decalogi venit operari salutem nostram in medio terræ. Pueri autem Hebræorum et plebecula Jerosolymorum, et turba multa, quæ venerat ad diem festum, tollentes ramos olivarum, processerunt ei obviam; *Et qui præibant, et qui sequebantur, clamabant: Hosanna filio David*; et est *osanna*, verbum Hebræum, ex corrupto et integro. *Osyenia salva sonat, anna est interjectio obsecrantis sicut pape admirantis*. Quæ quia in Latino non habetur, posuit pro ea Hieronymus, *obsecro*, et est sensus, clamabant; *Hosanna filio David*, id est clamabant, dicentes filio David: *Hosanna*, id est *salva, obsecro*. Significat autem illa processio quod nos qui filii sumus Hebræorum, id est transeuntium, scilicet eorum qui hic civitatem manentem non habent, sed inquirunt futuram, de quibus erat Apostolus, qui ait: *Per Evangelium omnes vos genui (I Cor. iv)*. Et alibi: *Ipsius sumus factura, creati in Christo Jesu in operibus bonis (Ephes. ii)*. Quorum alii veteris legis patres, tanquam præeuntes; alii novi testamenti, tanquam sequentes cura operibus miserationum, tanquam cum ramis olivarum portenus in corporibus nostris stigmata Jesu, per proximorum compassionem et proprii corporis passionem. Qua autem ratione versus illi, quorum est exordium, *Gloria, laus, etc.*, in illa processione cantentur, sciendum est. Quidam, Theodulphus nomine, Floriacensium abbas, et Aurelianensium opi-

A scopus fuit tempore Ludovici Pii; qui cum apud imperatorem Ludovicum falso accusatus fuisset multis criminibus, Andegavis est exsilio relegatus. Et dum in custodia teneretur, contigit ut ibidem die Palmarum veniret jam dictus imperator. Et dum secus domum, qua custodiebatur idem Theodulphus, processio pertransiret; facto silentio præsentem imperatorem, versus illos per fenestram decantavit: quibus verbis imperator emollitus, eum a vinculis præcepit absolvi, et priori gratiæ redonavit. Et propter hoc traxit in consuetudinem Ecclesia Gallicana, ut in illa processione clausis januis in signum carceris Theodulphi, qui eos composuit, singulis annis decantarentur. Nec vacat a mysterio: nam quod sacerdos extra villam procedit, Christum B Calvariæ locum figurat ascendentem; quod autem cum populus comitatur, illos significat, qui impropriam Christi portant extra castra. Quod duo clerici hymnum cantant, Ecclesiam triumphantem, quæ de angelis completur et hominibus insinuat, quæ Deum laudat et in passione Filium clarificat; Quod autem respondet foris populus, Ecclesiam militantem figurat, quæ in ejusdem filii laude, ratione ejusdem passionis, consentit. Quod vero januæ clauduntur, tempus illud præfiguratur quod erat ante Christi sanguinis effusionem: solus enim sanguis Christi cæli nobis aperuit portas. Bene ergo tunc clauduntur, quia Christi sanguis sexta feria post illam Dominicam fuit effusus.

C Processione autem de qua locuti sumus, illa scilicet qua pueri Hebræorum processerunt Christo obviam, completa, intravit Jesus in templum: et ostendit ruinam urbis, pro qua flevit, maxime ex sacerdotum culpa processuram. Sacerdotes enim avaritiæ suæ consulentes in porticibus templi hostias vendebant, ut paratas eas invenirent, qui de longinquo venientes offerre volebant; sed et nummularios ibidem statuebant, a quibus, si deesset, mutuo sub capite vel pecunia acciperent. Et non fonte advenientes de paupertate se possent excusare, vel etiam, quia lex præcipiebat ne a fratribus suis usuras acciperent, cogitaverunt ut facerent collybistas. Collybia enim apud eos dicuntur vilia munituscula, ut ciceris, et uvæ passæ et pomorum diversi generis.

D Sed et hoc Ezechiel prohibet dicens: *Usuram et omnem superabundantiam non accipies (Ezech. xviii)*. Propter hoc Jesus flagello facto de funiculis, ejectis vendentes et ementes, et mensas nummulariorum et cathedras vendentium columbas evertit (*Joan. ii; Matth. xxi*). Hoc signum et alia vice fecerat similiter ante Pascha, scilicet illo anno quo baptizatus est, et Joannes incarcerationis. Quærebant ergo ab eo pontifices, et admirantes dicebant: *Quod signum ostendis nobis, quod hæc facis? (Joan. ii)*. Quasi: Significasne aliquid in opere inusitato? Vere signum est quod facit. O si scirent pontifices hujus temporis signum quod facit Jesus, quantum formidarent, quod factum est: qui enim sunt empto-

res et venditores columbarum, nisi Giezi et Simoniaci, qui spiritualia volunt pretio comparare? Venditores enim Giezi sunt qui cum spiritualia tanquam columbas vendunt, lepram mentis non immerito sicut Giezi incurrunt. Emptores autem Simoniaci sunt, quorum pecunia sicut et Simonis, cum ipsis est in perditionem. Qui autem vendunt, et qui emunt, unum sunt. Omnes nummularii, omnes ejectione digni. Intelligent ergo signum pontifices, qui dicunt: *Quod signum ostendis?* Eliminat eos ab Ecclesia. Quid est ab Ecclesia eliminare? Idem quod excommunicare. Hoc ista die, hoc et altera fecit. Repetitio confirmatio est, sicut cum excommunicamus; in ultimo dicimus: *Fiat, fiat.* Non ergo per vicarium, sed per seipsum repellit eos a templo, id est a consortio fidelium, Pontifex ille magnus et Sacerdos secundum ordinem Melchisedech. Et quod hoc digne faciat, ostendit flagellum factum de funiculis. Nam pro funiculis peccatorum, quibus circumplexi sunt, multa sunt eorum flagella. Nec prætereundum est illud admiratione dignum, quod Dominus, quæ prima dies est in qua Pater cepit operari creationem mundi, Filius aggreditur laborem passionis, et per totam hanc hebdomadam, salutem nostram operatus est, et die septima cessavit, et in sepulcro quievit. Unde et tota septimana ideo pœnosa vocatur, quia per totam illam laboravit Dominus recreando, sicut per primam mundi hebdomadam creando. Nam ista prima die cum tanta claritate aggreditur opus salutiferæ passionis, dignitati illius respondet, in qua dixit: *Fiat lux, et facta est lux* (Gen. 1). Unde tradunt quidam quod cum eiceret vendentes et ementes, quidam fulgor radiosus egrediebatur ex oculis ipsius: quo territi sacerdotes et levitæ non poterant ei resistere. Erat enim lux lucens in tenebris, et tenebræ eam non comprehenderunt, sed potius a luce comprehensæ evanuerunt, qui sustinere nequiverunt lucis splendorem, id est deitatis terrorem, quæ est in Christo Jesu Domino nostro, qui cum Patre et Spiritu sancto vivit et regnat Deus, per omnia sæcula sæculorum. Amen.

## SERMO XVI.

## IN COENA DOMINI.

*Homo quidam fecit cœnam magnam, etc.* (Luc. xiv). Ille, inquam, homo, de quo scriptum est: *Homo est, et quis cognoscat illum?* Ille igitur homo, Deus et homo, discipulis suis, hodie prandium simul et cœnam fecit. Sed quoniam dignior cœna prandio fuit, tota solemnitas, cœna Domini meruit appellari. Prandium vero dico, in quo typico Pascha comedit dicens: *Desiderio desideravi hoc Pascha manducare vobiscum, antequam patiar: dico enim vobis, quia jam non manducabo illud, donec impleatur in regno Dei. Et accepto calice gratias egit, et dixit: Accipite et dividite inter vos. Dico enim vobis, non bibam de generatione ritis, donec regnum Dei veniat* (Luc. xxii). Et sic terminato typico Pascha surrexit, et lavit pedes discipulorum.

A Et hoc facto iterum recubuit, et dedit eis corporis et sanguinis sui sacramentum: quod typico Pascha dignius indicavit, cum dixit: *Hoc facite in meam commemorationem* (I Cor. ii). Illud enim prandium fuit, istud cœna. Hæc sunt hodiernæ solemnitatis privilegia; nec ista solum, sed alia multa: de quibus aliqua, quæ necessaria sunt ad salutem, vestræ charitati credimus intimanda. Hodie siquidem recipit Ecclesia pœnitentes, quos prima die jejuniorum ejecerat. Hodie consummato veteri testamento, novum incepit. Hodie consecratur oleum, non solum ad sanandum infirmos, vel illuminandum catechumenos et neophytos; sed ad confirmandum et roborandum baptizatos. Hac igitur die dixerunt discipuli ad Jesum: *Ubi vis paremus tibi comedere Pascha?* Et respondit: *Ite in civitatem, et occurret vobis homo amphoram aquæ portans: sequimini eum, et quocunque introierit; quærite a domino domus locum ad præparandum; et ostendet vobis cœnaculum grande, et ibi parate* (Matth. xxvi; Marc. xiv; Luc. xxii). In superiori parte domus Palæstini faciebant cœnacula, inferius autem cubacula. Quod Marcus dicit lagenam, Lucas amphoram: unus expressit genus vasis, alius modum. Hujus ergo diei vespere discubuit cum discipulis suis; et propter hoc diem istum cœnam Domini appellamus. Cœna facta, lavit pedes discipulorum: in cujus ablutionis memoriam lavare solemus pedes pauperum. Et hoc facto iterum recubuit, et docuit quod exemplum per hoc factum eis dederit, scilicet ut mutuo sibi serviant, et mutuo sibi dimittant injurias, et mutuo peccantibus subveniant. Et nota quod ex eo quod dixit: *Qui lotus est non indiget, nisi ut pedes lavet: vos autem mundi estis sed non omnes* (Joan. xiii), colligitur apostolos jam baptizatos fuisse. Tunc turbatus spiritu, ait: *Unus vestrum me tradet* (ibid.). Turbatus est, id est misericorditer Judæ compassus. Cumque inquirerent discipuli quisnam esset, ait: *Qui intingit manum mecum in catino, hic me tradet* (Marc. xiv).

Alter evangelista dixit *in paropside* (Matth. xxvi): sed in hoc quod catinus dicitur, ostenditur vas fuisse fictile; in hoc quod paropsis, ostenditur quod vas illud parva latera habebat. Apsis enim est extremitas: unde parapsis vas pares habens extremitates; vel ut quidam dicunt, quadraturam laterum notat hoc nomen parapsis. Erat autem hoc vas appositum, ad hoc, ut succus agrestium lactucarum, qui necessarius erat ad esum agni, ibi peneretur. Et ideo dixit, *intingit*. Sed cum omnes duodecim, in vase illo intingerent, nec per hoc quod dixerat Jesus, certificatus est Petrus, quis esset, innuit Joanni qui supra pectus ejus recubuisse dicitur (sed aliter non dicitur recubuisse super pectus ejus, nisi quod inclinatus recubebat ante pectus Jesu); ut secreto quæreret ab eo quis esset. Cui Dominus voce submissa ait: *Cui intinctum panem perrexero*; et dedit Judæ buccellam intinctam (Joan. xv). Inde est quod Eucharistia non

datur intincta, et etiam pro illorum hæresi tollenda, qui dogmatisant Christum totum esse simul sub utraque et non sub una tantum specie, et tunc introivit Satanas in cor Judæ. Non tunc primo, sed ut proprium possideret. Et exivit continuo, ut quod pepigerat principibus sacerdotum, adimpleret. Et tunc illo egresso, dedit discipulis sacramentum corporis et sanguinis sui. Unde et in canone illo die ita dicitur: *Qui pridie quam pro nostra omniumque salute hoc est, hodie pateretur*, etc. Sed quod ante Eucharistiæ perceptionem Judam exiisse diximus, videmur contradicere Lucæ, qui post calicem, traditorem commemorat. Sed forte Lucas de traditione recapitulat. Hilarius namque super Matthæum probat non interfuisse Judam. Nam Jesus eos, qui secum bibebant calicem, dixit etiam secum bibituros in regno Patris (*Matth. xxvi*), ad quod Judas indignus erat. Etiam de bibentibus nullum excepit. Ubi ait, *Pro vobis effundetur*. Nam aliorum fecit exceptionem, ubi ait, *pro multis*. Quod si dicatur, quod Judas acceperit, verba Hilarii oportet determinare, quia simul fieri potuerunt, quæ simul dici non possunt. Nam ordo Evangelii non repugnat Dominum distribuisse sacramentum corporis et sanguinis sui antequam per buccellam tinctam suum exprimeret proditorem. Et nota quod post abluionem pedum, quæ facta est inter typicum Pascha et novum, volunt quidam cœnandum esse: unde et ipsam cœnam Domini appellant. Ad cuius rei evidentiam, sciendum quod cœna Domini partim vetus erat, partim nova: nam postquam discipuli ejus paraverunt Pascha, et Dominus cum eis discubuit, ait: *Desiderio desideravi hoc Pascha manducare vobiscum antequam patiar* (*Luc. xxii*). Desiderat, juxta auctoritatem, typicum Pascha manducare primo, et sic passionis suæ mundo mysteria declarare, ut jam adveniente veritate, umbram cessare doceat. Unde subjungitur: *Dico enim vobis, quia ex hoc non manducabo illud, donec impleatur in regno Dei* (*ibid.*). Quasi dicat: Non ultra Mosaicum Pascha celebrabo, donec Ecclesia, quæ est regnum Dei, impleatur. Sequitur: *Et accepto calice, gratias egit, et dixit: Accipite et dividite inter vos*. Hic calix ad vetus etiam Pascha pertinet: de quo et subjungitur. *Dico enim vobis, non bibam de generatione vitis donec regnum Dei veniat* (*ibid.*). Sicut ergo typicum esum agni, panisque azymi: sic et typicum potum Paschæ se non bibiturum dixit, donec ostensa resurrectionis gloria, regnum Dei, id est fides mundi adveniat. Cœnam ergo Domini, neque in vino, neque in azymis, sicut nec in esu agni, quem Dominus hic terminavit, nemo reducat: alioquin judaizat. Extrema pars cœnæ, quæ ita novo debetur homini, quemadmodum prima veteri, qua Dominus sui sacramenta corporis et sanguinis distribuit, ipsa sæpius est iteranda, seu repetenda, auctore Domino, qui ait: *Hoc facite in meam commemorationem* (*I Cor. xi*). Et quis aliter repræsentare audebit, nisi quomodo Dominus ipse

A tradidit? Si ergo vetustas repetitur, cur non perfecte, ut et agnus azymis atque vino societur? Sed et esum carnum in jejuniis sumi horres? Ergo jejunaturus bis edere quare non horres? Dupliciter itaque te prævaricatorem constituis, dum non præceptum jejunii tempus observas.

Cum ergo dixit Dominus: *Hoc facite in meam commemorationem*, instituit hoc sacramentum. Hinc est quod cum in hac die omnes horæ sint flebiles, sola missa solemnitas est, in concentu et in ornatu. Et sicut die quinta in hebdomada mundanæ creationis, genus ex aquis ortum partim gurgiti remissum, partim in aera levatum est, ut stirpe una perditâ, diversa caperent loca: ita feria quinta hujus hebdomadæ, qua sumus recreati, sacramenta unius ejusdemque salutis partim nos depriment in tristitiam, partim levant in gaudium. Unde et cum tanta gaudii spiritualis missa hæc celebranda est solemnitate, ut quisque pontifex quidquid sui est officii, debeat hac die ex integro perficere: hoc est pœnitentes Ecclesiæ restituere, oleum benedicere, chrisma conficere, *Gloria in excelsis* cantare. Dicitur autem chrisma græce, *unctio* latine: unde Christus *unctus*, et chrisma *unguentum* dicitur. Fit autem de fructu et pinguedine oleæ cum misto balsamo: cujus arbor odorifera et præcipua inter aromaticas arbores. Est autem *chrisma* signum Spiritus sancti, cujus et virtutum continet. Spiritus enim sanctus divinæ substantiæ pinguedo est, ita ut quicumque ex eo refectus fuerit, dicat: *Impinguasti in oleo caput meum* (*Psal. xxii*). Et odor balsami in oleo suavitatem ejusdem significat Spiritus sancti, quam quicumque accepit, discretionis bono odore allicitur, dicere potest cum Apostolo: *Christi bonus odor sumus Deo in omni loco* (*II Cor. ii*). Hujus igitur olei chrisimalis unctio: principalis unctio ideo dicitur, quia ad ejus unctionem principalis spiritus tribuitur, id est septiformis Paracletus. Hac vero die, id est decima quarta luna non immerito consecratur, quia hæc die jussus est agnus immolari ad vesperam, et sanguine ejus uterque postis liniri, et superliminare domorum in quibus edendus erat agnus, ut eo signo exterminator Ægypti domos intactas præteriret (*Exod. xii*): ita ex ipso chrismate ideo exprimitur signum crucis Christi; ut exterminator diabolus, in domibus animarum corporumque nullum nocendi jus habeat, et hoc illius typici agni sanguine, quo postes signabantur, fuisse præfiguratum. Sed cum unctio ista, usque in Sabbatum sanctum in baptizatis expectetur, quæritur quare ipsa nocte in qua comedendus erat agnus ista sacræ chrisomatis unctio baptizatorum frontibus non imponitur, cum illa nocte, id est quarta decima die primi mensis, id est hodie, et agnus immolari, et postes domorum cum superliminari ex præcepto Domini debeant deliniri. Illa enim unctio, ut dictum est, fuit signum hujus chrisomatis unctionis. Respondemus, quod recte quidem fieret, si paschale convivium isto die ecclesia

celebraret, sed quia paschalis gaudium solemnitas usque in diem tertium, quo Dominus resurrexit differre decrevit, ut interim luctui intendit illo die, quo passus est: ita et differendam censuit baptismalis chrismatis unctionem usque in Sabbatum, quæ nobis est vespera paschalis convivii. Et tunc signatis fontibus baptizati tendant ad Deum, Pharaonem, id est diabolum fugientes per mare Rubrum baptismi, ut sic baptismalis linitio, et paschalis agni convivium, sicut in antiqua lege præfiguratum est, secundum quod sanguine agni postes liniebantur, simul celebrentur.

Quod si quæras cur non ipsa consecratio dilata sit, dicimus quod ideo, scilicet quod ab hac quinta feria, usque ad vesperam Sabbati, qua hora utendum est chrismate, vacamus a missarum solemnibus. Ipsum vero chrisma non nisi inter missarum solemnias, et loco quo pacem accipimus, fas est consecrari. Notandum vero quod oleum tribus de causis consecratur, quia vel ad salutem infirmorum, salutem dico tam corporum quam animarum, ad illuminandum catechumenos et neophytos, vel ad confirmandum, vel ad corroborandum baptizatos. Unde dicitur oleum infirmorum, oleum catechumenorum et oleum chrismatis. Et pulchre satis mysterio; quia hæc olei tria genera figurata sunt in aromatibus iis, quæ tres illæ mulieres, scilicet Maria Magdalena, et Maria Jacobi et Salome emerunt, ut venientes ungerent Jesum (*Marc. xvi*), vel in signum illius trinae unctionis, quo corpus Christi adhuc mortale primo fuit inunctum, a Maria Magdalena, sexta die ante Pascha in domo Simonis leprosi, aperto alabastro unguenti nardi pistici (*Joan. xii*); secundo quando corpus ejus jam mortuum Joseph decurio ab Arimathæa, id est a Ramata, quæ fuit civitas Eleancæ patris Samuelis (*I Reg. i*), qui erat in occulto discipulus Jesu, et Nicodemus, qui venerat ad eum nocte, ferens secum myrrhæ et aloes quasi libras centum, inunxerunt (*Joan. xix*). Tertio in signum illius singularis unctionis et invisibilis, qua pater unxit eum oleo lætitiæ præ consortibus suis. Unde ait: *Spiritus Domini super me, eo quod unxerit me (Isa. lxi)*. Nam cum ipse sit, de quo dictum ad David: *De fructu ventris tui ponam super sedem tuam (Psal. cxxxi)*; bene hæc tertia ejus unctio in trina unctione David præfigurata est. Prima quippe unctio David facta est in domo patris sui Isai, a Samuele; secundo unxerunt eum viri Juda super tribum Judæ tantum in regem; tertio inunctus est super universum Israel. Primam unctionem in signum regni non in rem signi: secundam in rem signi, sed in partem sollicitudinis; tertiam accepit in plenitudinem potestatis. Prima ergo unctio incipientis, secunda proficientis, tertia plene regnantis, et in regno confirmati sunt. Secundum hæc tria, cælestis medicus juxta ejusque statum præparat hominibus medicinam: necesse enim erat ut secundum statum quo corpus mortuum erat propter peccatum: secundum quem etiam

homo poterat peccare, et non poterat non peccare: qui status fuit post peccatum et ante reparationem: propter quod Christus mortuus est pro peccatis, præpararetur oleum infirmorum, contritio scilicet poenitentialis, tanquam myrrha et aloë: quibus corpus Christi mortuum inunctum est. Nam sicut myrrha et aloë amaritudinibus suis vermes expellunt, ita contritio et poenitentia, quamvis amaræ sint, fugant tamen vermes vitiorum, et liberant ab operibus mortuis. Item, quia post reparationem et ante confirmationem, corpus hominis quasi mortale, nec jam mortuum, sed in parte resuscitatum, nec tamen penitus, quia in hoc morti addictum, quod peccare potest: in hoc vero resuscitatum, quod ab intus homo per gratiam potest non peccare; necesse est, ut unctio nardi pistici, quo corpus Christi adhuc mortale inunctum est, caput Christiani, id est mentem ejus perungeret, videlicet amor initialis per nardum pisticum figuratus. Amor enim initialis est, mista cum pavore dilectio, pistis enim mistum dicitur. Est igitur nardus pisticus unctio mista, id est dilectio mista pavore. Et est amor initialis, in quo quidem initium virtutis est, sed non perfectio. Qui bene catechumenis convenit, qui catechumeni et per fidem illuminati sunt, sed nondum per baptismum renati. Initium autem virtutum fides, baptismus vero submersio vitiorum, et munditia virtutum. Item, baptizatis quasi ad robur et confirmationem necessaria est unctio chrismatis, amor videlicet filialis, quo filii Dei corpus inunctum est: qui etiam quasi filiis consolator datus et custos collatam a patre conservet hæreditatem, quia parum aut nihil prodest, si quisquam parentum magnam parvulo conferat hæreditatem, nisi provideat et tutorem. Nam ipse consecrationis modus et ordo, in illa trina consecratione hujus trini profectus insinuat dignitatem.

Cum enim oleum infirmorum benedicatur, nec in capite verba salutationis, hoc est, *Dominus vobiscum, nec Oremus, nec in fine concluditur sicut et cæteræ orationes in quarum fine dicitur, per Dominum, etc.* Sed infra orationem illam in qua dicitur, *per quem hæc omnia, Domine, semper bona creas, concluditur.* Nam in ultimo antequam hoc dicatur, decenter ab acolyto oblatum submissa voce pontifex audientibus tantummodo circumstantibus, debet primo oleum exorcizare, et postea benedicere, et benedictionem suam terminare: *In nomine Domini nostri Jesu Christi.* Et tunc incipiat, *Per quem hæc omnia, Domine, semper bona creas, etc.* Oli autem catechumenorum et chrismatis consecratio habent officium per se. Primo enim exorcizatur, deinde ad *Dominus vobiscum et Sursum corda, benedictio chrismatis inchoatur.* Duo siquidem acolyti, duas accipientes ampullas quæ oleum, quo chrisma et oleum catechumenorum contineant involutas, cum sindonibus de albo serico, ita ut videri possint a medio, deferre debent decenter ante episcopum, projectis sindonibus super scapulam si-

nistram, ita ut redeant ad scapulam dexteram; et a dextris possint dependentia detineri: et sic fiat processio hoc ordine. Primo ambulent duo acolyti cum candelabris et ardentibus cereis; portentur duæ cruces, et inter illas chrimale oleum; dehinc portentur duo thuribula, et inter illos medium oleum catechumenorum; dehinc feratur Evangelium, ut impleatur omne bonum. Tunc subsequantur duodecim presbyteri, qui procedant bini et bini; tandem subsequantur duo pueri concinentes hymnum: *O Redemptor*. Signum est hoc totum magni mysterii. Ampulla quippe cum chrimate quodam modo figurat corpus sumptum de Virgine continens in se corporaliter Spiritus sancti plenitudinem: quod antequam transiret ad altare crucis, aliquo tempore erat coopertum, et aliquo nudum. Quando enim quasi rex non esset portabatur in Ægyptum, quando portatus est in templum, quando subditus erat Mariæ et Joseph, quasi coopertum latebat: in miraculis vero, in prædicatione, et ostensione suæ majestatis, quodammodo nudum erat.

Hæc igitur bene inter duas cruces portatur, quia Christus et per proprii corporis passionem, et per proximi compassionem mediator Dei et hominum sustinetur; sed et inter duo thuribula altera portatur ampulla, qui per devotionem et contritionem spiritus ratio quasi media saginatur. At postquam benedicta fuerit, et ab altari reddita, a pontifice et a ministris altaris visibilis et nuda salutatur. Hoc significat quod postquam ab altari crucis transivit, præsentiam suam corporalem discipulis suis, quorum typum gerunt duodecim presbyteri, qui assistunt, exhibuit; et eos suæ resurrectionis testes esse voluit. Quod autem aliis invisibilis et cooperta ad salutandum defertur, significat, quod in cælum Christus rediens invisibilis factus est hominibus. Quod autem sindonem illam, qua tegitur ampulla, album et sericum esse diximus; ad hoc dictum est, quod serica habeamus a vermibus: figuratur quoque caro Christi, sub qua divinitas latuit, quæ in hoc naturam vermibus habuit: quod sicut sine peccati contagio, ita et sine corruptione libidinis natus de Virgine fuit. Unde in psalmo ait: *Ego sum vermis et non homo* (Psal. cxi). Qui etiam vermis bene in illo figuratur, quem Rhamis vocant Judæi, dicentes: quod ejus sanguine facile lapides secabantur, cum poni deberent in templo Salomonis; et ideo malleo non indigebant latomi. Quod si ita verum est, nostræ fidei satis arridet mysterium: hujus siquidem vermibus sanguine a corruptibili massa præcisi sunt lapides vivi in templum sanctum, quod est Ecclesia: nec postea necessarium fuit, ut audiretur legis austeritas, tanquam malleus, quia sui sanguinis effusione suscitavit de lapidibus filios Abraham super fundamentum apostolorum et prophetarum, ipso summo angulari lapide Christo Jesu (Ephes. ii). Quod autem sindon de læva transfertur ad dexteram, hoc insinuat, quod per nubem incontaminatæ carnis suæ, facta est mutatio dex-

teræ Excelsi, quæ præfigurata est per patriarcham nostrum Jacob, qui filii sui nomen Benoni mutavit in Benjamin (Gen. xxxv). Benoni quippe *filius doloris*, Benjamin vero *filius dexteræ* interpretatur. Hoc ergo Christi contulit humanitas, ut filius doloris, id est filius iræ, lucta suæ passionis, unde Jacob *luctator* interpretatur, æset filius dexteræ, id est filius gratiæ, ut qui ex merito nostræ pravitate digni fuimus illa terribili voce, quæ statuendis a sinistris dicitur, scilicet. *Ite, maledicti, in ignem æternum* (Matth. xxv), cum filiis statuendis ad dexteram, audituri simus. *Venite, benedicti*, etc. (ibid.)

Unde bene hoc eodem die quo Jesus traditus est, pontifex apertis januis occurrit pro foribus ecclesiæ pœnitentibus, qui facti fuerant per peccatum filii iræ, dicens: *Venite, venite, venite, filii, audite me, timorem Domini docebo vos* (Psal. cxxxiii). Et ut in persona Domini vox illa pontificis proferatur, ostendit psalmi titulus, qui sic inscribitur: *Psalmus David, cum mutavit vultum suum coram Abimelech, et ferebatur manibus suis et dimisit eum et abiit* (ibid.). David quippe, qui vel *manu fortis*, vel *vultu desiderabilis* interpretatur, Dominum Jesum significat, qui coram Abimelech, qui interpretatur *Patris mei regnum*, scilicet coram Judæis, hodie immutavit vultum suum, id est sacrificandi ritum, quando immolato jam Paschæ veteris agno sumens panem et vinum, ferebatur in manibus suis dicens: *Hoc est corpus meum, et hic est sanguis meus* (Matth. xxvi). Vox igitur pontificis, vox est invitantis amici, vox, inquam, Christi, qui ad convivium corporis et sanguinis sui nos invitat dicens, *venite, filii*, et ut magnus et capax suscipientis sinus aperiatur, omnes januæ patent ecclesiæ: quasi dicat pontifex aquiloni: *Da*; et austro: *Noli prohibere* (Isa. xliii). Quod autem surgens a cœna Jesus lavit pedes discipulorum, a mysterio non vacat, quamvis sufficere videatur humilitatis exemplum, quod in illo facto demonstratur. Surrexit a cœna, id est a convivio paternæ gloriæ; et posuit vestimenta sua, quia semetipsum exinanivit, formam servi accipiens, et terrena carne nostra quasi linteo, cujus materia nascitur e terra, præcinctus, sanguinem suum sicut aquam effusam in pelvim effudit (Joan. xiii); et inde lavit pedes nostros, id est actus nostros; sicut de quibusdam scriptum est: *Laverunt stolas suas in sanguine Agni* (Apoc. vi), exemplum nobis tribuens, ut et nos ita faciamus; quia sicut ipse pro nobis animam suam posuit, sic et debemus pro fratribus animas ponere. Quia vero in vespera traditus est Dominus, nec fuit ei in illa captione species neque decor, sed æstimatus est vir despectus, et virorum novissimus, ideo in vespera denudantur altaria, et ab apparatu suo et decore spoliantur: lavantur vino et aqua, in signum quod in passione sua sanguine redemptionis, et aqua baptismi nos lavit: flagellis tunduntur, in signum, quod ipse pro nobis flagellis fuit cæsus. Campauæ non pulsantur,



quia fidei præcones, id est apostoli, non solum contigerunt, sed relicto eo, omnes fugerunt. Unde princeps apostolorum Petrus, a cujus ore primo veritatis exivit præconium, dicens: *Tu es Christus Filius Dei vivi* (*Matth. xvi*), vocem illam repressit, conticuit, Christum reliquit, tertio negavit.

## SERMO XVII.

IN DIE SANCTO PASCHÆ.

*Cantate Domino canticum novum, quia mirabilia fecit* (*Psal. cxvii*). Psalmus David. Psalmus iste attribuitur David, quia mirabilia fecit: vultu siquidem desiderabilis et manu fortis: sic enim interpretatur David, qui Goliath interfecit, leonem devicit, ursum prostravit, quando coram Abimelech faciem suam immutavit, quando coram servis ejus impexit in ostia portæ, manibus suis se portavit, et saliva defluxit per barbam; vel quando nudatus vestibus suis, saltavit coram arca Dei: in his omnibus vere mirabilia fecit. Ipse est enim David, qui speciosus forma præ filiis hominum: vultu desiderabilis, in quem ipsi angeli prospicere desiderant. Bene faciem suam immutavit; quando reputatus est leprosus, et percussus a Deo et humiliatus, opprobrium hominum et abjectio plebis, eo quod non erat ei species neque decor. Tympanizavit autem, quando pellis carnis suæ in ligno crucis extensa fuit, velut in tympano: ita ut dinumerari possent omnia ossa ejus, sicut ait. *Dinumeraverunt omnia ossa mea* (*Psal. xxi*): id est dinumerabilia fecerunt. Impexit autem in ostia portæ, quando portas contrivit æreas, et confregit vectes ferreos; et tanquam alter Samson portas Gazæ in montis supercilio transportavit (*Judic. xvi*). Se etiam portavit in manibus suis, quando corpus suum tenens in manibus, discipulis ait: *Accipite et comedite ex hoc omnes* (*Matth. xxvi*). Defluxit etiam saliva per barbam, quando loqui quasi quædam infantula videbatur sapientia capitis jam defluxa, quando dicebat: *Nisi manducaveritis carnem filii hominis, et biberitis ejus sanguinem, non habebitis vitam in vobis* (*Joan. vi*). Nudatus quoque vestibus suis coram arca saltavit, quando consortio discipulorum spoliatus, solus torcular calcavit; et ut vilior videretur plusquam factus fuerat, coram Deo se humiliavit.

Licet ergo Michol derideat (*II Reg. vi*), videlicet Synagoga; sicut contemnat Achis (*I Reg. xxi*), id est populus gentilis, Judæis quippe scandalum fuit Christus, gentibus autem stultitia, vos dilectissimi, qui creditis hæc omnia facta fuisse virtute Dei et sapientia, *Cantate Domino canticum novum, quia mirabilia fecit*. Quid enim mirabilis, quam quod Rex regum, et Dominus dominantium in crimen læsæ majestatis sustinere voluit pro veste purpura, pro corona spinam, pro sceptro arundinem, pro unctione myrrham, pro throno crucem? Sed hæc omnia in argumentum et testimonium Judicæ damnationis facta sunt; et ad gloriam nostræ salutis. Quasi enim quædam testimonia nostræ salutis fuerunt hæc omnia, quia in hoc quod purpura

vestitus est, palam fecit, quia ipse est, qui venit de Edom, tinctis vestibus de Bosra. Edom *filius populi mei* interpretatur, Bosra *tribulatio*: unde Bosra, quæ est in Edom, tribulationes filii populi sui significat, id est tribulationem, quam intulerunt ei filii populi sui, id est Judæi. Induunt eum purpura, et dicunt: *Quare rubrum est indumentum tuum?* (*Isa. lxi*.) Et cum manifestasset eis causam, dicens: *Torcular calcavi solus* (*ibid.*), intelligere voluerunt: sed in contemptum calcationis suæ eum purpura vestierunt. Gens misera, gens atrita fonte, nonne sic oportuit ut tunica Joseph tincta sanguine patri præsentaretur? Quomodo liberari possetis ab Ægyptiis, nisi uterque postis sanguine liniretur? Dedistis pro corona spinam. Bene dedit terra vestra, quod habuit, nondum a maledictione purgata. Spinam et tribulos habuit, spinas dedit. Miseri, nonne sic oportuit Deum in rubo apparere? Nonne sic debuit aries inter vepres cornibus hæere? Arundinem dedistis pro sceptro, apertissime demonstrantes quod opus illud, quod erat in manibus Jesu, regni vestri sceptrum fecit arundineum et fragile: et ad scribendam damnationem vestram, ne possit deleri, scriptori, qui atramentarium habebat in lumbis (*Ezech. ix*), arundinem præparastis. Pro unctione dedistis myrrham, non intelligentes, quod Mardocheus sic introducere debuit Edissam in domum Assueri. Mardocheus enim *myrrha munda*, Edissa *miseri cordia*, Assuerus *beatitudo* interpretatur.

Myrrha igitur ista, qua eum unxistis, misericordiam in domum beatitudinis introduxit, ut non jam justitia, scilicet Vasthi vastans omnia, sed misericordia dignitate regia fungeretur. Unde alibi ait: *Manus meæ distillaverunt myrrham* (*Cant. v*). Dedistis pro throno crucem, quia sic oportuit, ut lignum in panem mitteretur. Hoc est enim lignum, quod amaritudinem Mara dulcoravit (*Exod. xv*); per quod duritiæ vestræ ferrum natavit (*IV Reg. vi*), propter quod sublevandum angelus in piscinam descendebat: et ligno per angelum aquam movente, sanus erat qui prior descendebat, a qualunque detinebatur infirmitate (*Joan. v*). Præviderat enim regina Saba quod regnum Judæorum deberet destrui per hoc lignum: et hoc Salomoni mandavit: unde Salomon sub piscina Siloe lignum hoc abscondit; et cum tempus passionis appropinquasset, angelus Domini cœpit paulatim lignum movere; ex cuius motione piscina movebatur, et per ligni virtutem, et ejus motionem, sanabatur qui descendebat in piscinam. Movit ergo angelus lignum istud, ita quod ipso die passionis supernavit; unde populus, cum Jesus duceretur ad mortem, lignum quasi inutile, et haurientibus nocivum, amovit a piscina, et ad crucis patibulum præparavit. Impletum enim fuit, quod dixerat Nichaula, quod lignum illud regnum Judæorum destrueret. Ergo, dilectissimi, *Cantate Domino canticum novum, quia hæc mirabilia fecit*. Quid enim mirabilis;

quam quod impassibilis pati, immortalis mori, justus pro injustis, amicus pro inimicis, pro servis Dominus, pro tantillis tantus dignatus est crucifigi? Defectus nostræ mortalitatis sustinuit: ita tamen quod qui videret eum hominem ex infirmitate, Deum crederet ex eumestate, ut intelligeremus ipsum hujusmodi defectus assumpsisse voluntarie, non necessitate. Qui enim legitur timuisse, armatis se sponte obtulit dicens: *Ego sum: si me quæritis, sinite hos abire* (Joan. xviii). Et qui dixit: *Tristis est anima mea usque ad mortem* (Matth. xxvi), ipse etiam dixit: *Nunc clarificatus est Filius hominis* (Joan. xiii). Et qui dixit: *Abba, Pater, si fieri potest, transeat a me calix iste* (Marc. xiv): ipse Petro dixit: *Mitte gladium in vaginam. Calicem quem dedit mihi Pater, non bibam illum?* (Joan. xviii). Et qui ad inferna descendit, ipse Latroni dixit: *Hodie mecum eris in paradiso* (Luc. xxiii). Et qui dixit: *Deus meus, Deus meus, ut quid dereliquisti me?* (Matth. xxvii). Ipse etiam dixit: *Amodo videbitis filium hominis sedentem a dextris virtutis Dei* (Matth. xxvi).

Manus quoque quæ clavo fuit affixa, solo tactu sanavit auriculam Malchi. Et cum ignominiose pendebat in cruce, terram concutiebat, solem obscurabat, frangebatur lapides, aperiebat monumenta, mortuos suscitabat. Et satis digne, quia ipse est, qui respicit terram, et facit eam tremere. Maxime tunc moveri debuit, quando inclinato capite eam respexit. Ideo terram movit et conturbavit, quia terrena corda et facto mirabili terrore concutiebat. Solem obscurabat, quia is claritatem dabat, et adveniente lunæ synodo patiebatur eclipsim: luna siquidem Ecclesia est, quam fœdere sanguinis et aquæ fluentium de latere suo sibi univit: cujus causam homines terreni considerare nescientes, mirati sunt, quod obscuratus esset sol meridie, nescientes, quod sol justitiæ recto diametro erat in synodo lunæ, videlicet Ecclesiæ suæ. Frangebatur lapides, quia etiam dura infidelium corda ad pœnitentiam movebat. Unde Centurio: *Vere Filius Dei erat iste* (Matth. xxvii). Aperuit monumenta: quia Pharisæorum spurcitiæ manifestatæ sunt, de quibus dictum est: *Væ vobis, Scribæ et Pharisei, qui similes estis sepulcris dealbatis, quæ deforis sunt pulchra, intus vero omni spurcitiâ plena* (Matth. xxiii). Mortuos suscitavit, quia non tam corporis quam animæ, morte sua mortem occidit: corporis quidem, quantum ad omnes spe, quantum ad plures re; animæ vero quantum ad sufficientiam, etsi non ad efficientiam. Sufficiens autem hostia fuit, quæ potuit omnes liberare, etsi non omnes inde sint effectum consecuti. Accipiat igitur Maria tympanum et tympanizanti nostro David cum gaudio occurrat dicens: *Cantemus Domino, gloriose enim honorificatus est, quia mirabilis fecit: equum enim et ascensorem projecit in mare* (Exod. xv). Justum est enim, ut Maria illuminata, sic enim interpretatur Maria, cum Christo moriente mortificationis assumat tym-

panum, quia morte sua mortis destruxit imperium. Cum enim ipse projectus est in mare, equum et ascensorem projecit in mare. Christus siquidem tanquam alter Jonas fugere volens in Tharsis, ravem intrans obformivit; sed mare turbatur, suscitatur tempestas, navis titubat, nautæ murmurant, et excitato Jona, dicunt ei: *Quid fecisti?* Quibus Jonas ait: *Si propter me orta est hæc tempestas mittite me in mare* (Jon. i). Projectus est in mare et facta est tranquillitas magna; qui projectus in mare, equum et ascensorem deiecit in mare. Jonas quippe qui dolens vel columbâ interpretatur Christum significat, qui cum dolores nostros portaret, nec rostrum habuit unde malediceret cum malediceretur, nec ungues unde lederet cum lederetur, nec vocem amaritudinis cum ad iracundiam provocaretur. Hic igitur cum multas mundi tribulationes explorasset et jam tempus advenisset quo debebat transire de hoc mundo ad Patrem, tanquam fugiens ad cœlestis gaudii explorationem properabat. Hoc est quod fugere voluit Jonas in Tharsis sed intravit navem, quia ut prædicaret venit ad Synagogam; sed cum defectus humanos ibi assumpsisset, quasi in navi dormivit: unde Judæi humanitatis ejus defectus, non divinitatis gloriam attendentes, mare turbant, mundum suscitant. Unde dicunt: *Quid facimus, quia hic homo multa signa facit, et totus mundus vadit post ipsum?* (Joan. vi.) Tempestas suscitatur, tum ut capiant eum in sermone, tum ejus operibus detractantes, dicentes in Beelzebub principe dæmoniorum, ejicit dæmonia. Navis titubat, Synagoga vacillat; alii dicebant, *quia bonus est, alii, non, sed seducit turbas* (Joan. vii). Nautæ murmurant, Scribæ scilicet et Pharisei dicentes: *Non est hic homo a Deo qui Sabbatum non custodit* (Joan. ix). Dicunt enim, *quid fecisti? Esne Verbum caro factum? Quousque animas nostras tollis? si tu es Christus, dic nobis palam* (Joan. x). Dicit eis Jonas: *Si propter me orta est hæc tempestas, id est si non potest transire calix iste, nisi bibam illum, mittite me in mare, id est mittite me in amaritudinem mortis. Projectus est in mare, quia cum quadam abjectione opprobrium hominum factus et abjectio plebis. Projectus est in mare, qui mortis amaritudines pro nobis sustinuit, mortis tamen transitorie, per quam diabolus et satellites ejus projecit in amaritudinem mortis, sed perpetuæ. Hæc sunt mirabilia quæ fecit in depositione animæ; qui potestatem habuit deponendi animam suam, et iterum sumendi eam. Sed quia mirabilia cognovimus, quæ fecit in depositione animæ suæ, jam ea videamus, quæ fecit in assumptione:*

*Potestatem, inquit, habeo ponendi animam meam, et iterum sumendi eam* (ibid.). Res mirabilis atque inaudita: a sæculo enim non est auditum, quod quis se suscitaverit. Suscitavit Elias filium Sareptanæ (II III Reg. xvi); filium Sunamitis Eliseus (IV Reg. iv); alii alios; sed nulli seipsos. Sed quid utilitatis in ista suscitatione Christi sit, de-

monstrant apparitionum signa, quibus se discipulis præbuit manifestum. Surgens enim mane prima Sabbati apparuit primo Mariæ Magdalenzæ (Marc. xvi), tanquam magnæ infirmæ, tanquam magis ægrotae; et ne rediret ad vomitum, et ad antiquum Dei contemptum, ne retro respiceret, quæ manum jam miserat ad aratrum, visitavit eam in spiritu timoris, quando apparuit ei angelus, cujus species erat sicut fulgur et vestimenta ejus sicut nix. Et quoniam timor nunquam malus est, nisi quando nimius est, temperavit eum spiritu pietatis: quando iterum ei in horto apparuit, et oculo pietatis eam respiciens ait: *Maria* (Joan. xx). Spiritu vero scientiæ visitavit Cleopham et socium ejus, quando incipiens a Moyse et prophetis, cœpit eis prædicare quod sic oportuit Christum pati, et introire in gloriam suam (Luc. xxiv). Undecim vero discipulos congregatos in domo, in spiritu fortitudinis visitavit, quando januis clausis intravit ad ipsos, et ait eis: *Pax vobis* (Joan. xx). Confidite, quia ego vici mundum. Ad mare Tiberiadis Petrum et Joannem spiritu consilii visitavit, quando ipsis in vanum laborantibus tota nocte, dixit: *Mittite in dexteram navigii recte et invenietis* (Joan. xxi). Thomam vero qui dixerat, *nisi videro fixuram clavorum, etc.*, visitavit in spiritu intellectus, quando post dies octo iterum januis clausis venit ad discipulos, et Thomæ dixit: *Infer digitum tuum in latus meum: mitte manum tuam in loca clavorum, et noli esse incredulus sed fidelis* (ibid.). In spiritu vero sapientiæ apparuit recumbentibus discipulis, quibus exprobravit incredulitatem ipsorum, et duritiam cordis, et ait: *Ite, docete omnes gentes, baptizantes eos in nomine Patris et Filii, et Spiritus sancti* (Marc. xvi).

Hæc sunt mirabilia, quæ fecit in assumptione animæ suæ. *Cantate ergo canticum novum, quia mirabilia fecit*. Sed quid est canticum? Canticum est exultatio mentis in vocem prorumpentis. Quia ergo in voce exultationis et confessionis sonus est epulantis, cantemus canticum, quibus datum est hodie epulari. Pascha enim immolatus est Christus, sicut dicit Apostolus: *Pascha nostrum immolatus est Christus*. Itaque epulemur (I Cor. v). Pascha nostrum Christus est, Agnus scilicet qui tollit peccata mundi, quem nobis incorporare debemus, vel laborare potius, et orare, quomodo nos incorporet sibi. *Caput, ait Scriptura, cum intestinis et pedibus vorabit* (Exod. xii). Caput divinitatem significat, pedes humanitatem, intestina vero ea quæ pertinent ad animam. Fugerunt enim hæretici qui Christum Dei Filium confessi sunt; sed ipsum hominem factum non crediderunt: isti caput agni sine pedibus et intestinis comederunt. Alii vero ipsum purum hominem fuisse dixerunt, quia mortuum cum viderunt: sed cum nec resurrexisset, nec Deum fuisse crediderunt: isti pedes et intestina vorabant: sed caput omitebant. Alii vero Deum et hominem fuisse crediderunt; sed tamen divinitatem pro anima ipsum habuisse mentiti sunt: isti caput

et pedes vorabant, sed intestina dimittebant. Nos vero qui eum verum Deum et verum hominem, ex anima rationali et humana carne subsistentem confitemur, caput cum intestinis et pedibus voramus, id est cum aviditate non in ventrem, sed in mentem Pascha nostrum trajicere satagamus, vel quia Pascha *transitus* interpretatur, tanquam invitati ad cœlestes nuptias transeamus, de tenebris ad lucem, de infidelitate ad fidem, de vitiis ad virtutem, de morte ad vitam, vel de mundo ad Patrem, ut sic in voce exultationis et confessionis in primo celebremus Pascha *historicum*, in secundo *allegoricum*, in tertio *tropologicum*, in quarto *anagogicum*. Cantemus ergo canticum, et novum, propter promissum, propter signum, propter præceptum. Propter promissum, quia vetera transierunt, et ecce nova facta sunt omnia.

Unde non jam nobis vetera vel temporalia, sed nova et spiritualia sunt promissa. Exiite igitur veterem hominem, fratres charissimi: et induite novum hominem, qui secundum Deum creatus est, Novate vobis novale, et nolite serere super spinas. Cantate et canticum novum propter novum signum. Novum enim fecit Dominus super terram; non solum quod mulier circumdedit virum, sed quod vir ille suscitavit se ipsum. Cantate etiam canticum novum, propter novum præceptum: *Mandatum, inquit, novum do vobis, ut diligatis invicem, sicut dilexi vos* (Joan. xiii). Quantum dilexit nos? Usque ad mortem, mortem autem crucis. Ad hanc enim dilectionem invitat nos ipsum signum crucis. Crux enim habet duo brachia extenta. Extendamus igitur ad dilectionem amicorum et inimicorum utrumque brachium, dextrum scilicet et sinistrum: longitudinem habentes in perseverantia usque ad mortem; et solo Dei intuitu nos diligentes habeamus sublimitatem, et cum iis omnibus humilitatis habentes profundum. Sic crucem Domini laulemus et commoriamur ei, ut a morte tam animæ quam corporis resurgere mereamur, ipso adjuvante, ipso patrocinante, ipso auxilium ministrante, qui vivit et regnat per omnia sæcula sæculorum. Amen.

### SERMO XVIII.

IN DIE SANCTO PASCHÆ.

*Non coques hædum in lacte matris suæ* (Exod. xxvii). Apostolo teste, nihil ad perfectum adduxit lex (Hebr. vii); sed propter transgressiones data est; donec plenitudo legis, non per verbum legis, sed per legem Verbi, daretur in plenitudinem temporis. Ecce quod in exitu Israel de Ægypto, immolari præcipitur agnus paschalis, et hoc ritu: *Non comedetis, ait, ex eo crudum quid, nec coctum aqua, sed assum tantum igni. Caput cum intestinis et pedibus vorabit, et sanguine ejus superliminare domus et utrumque postem linietis. Et secundum hunc ritum accipietis et hædum* (Exod. xii). Unus autem ritus est agni pariter et hædi, unus ritus, una legis sanctio, una fides ejus qui venit in similitudinem carnis peccati; et qui peccatum non fe-

est, nec inventus est dolus in ore ejus. Una fides ejus, qui cum peccatoribus venit conversari, et constanter tamen dixit. *Quis accusabit me de peccato?* (*Joan. viii.*) Unus ritus ejus, qui, teste Apostolo, pro nobis factus est peccatum (*II Cor. v.*), ut de peccato darentur peccatum, et ejus, qui fuit Agnus sine macula, Agnus Dei qui tollit peccata mundi. Nihil ergo crudum de agno paschali vel hædo edere debemus, cum corpus ejus suscipimus. Sed in sacramentis rerum res sacramentorum cognoscamus: sunt enim ibi duo sacramenta, et duæ res. Sacramentum quippe est visibilis forma panis et vini: sacræ rei lilius invisibilis, videlicet corporis agni immaculati, qui voluit fieri hostia pro peccatis nostris, cum in cruce pendit: et idem corpus de Virgine natum, verum in veritate signi, quod etiam est signum veritatis, sacramentum est illius corporis Christi, quod est Ecclesia. Est igitur sacramentum, et non res, visibilis forma panis et vini: sacramentum et res, corpus de Virgine natum: res, et non sacramentum, corpus ejus quod est Ecclesia. Qui igitur sacramentum sine re ibi credit esse, crudum comedit, quia nihil ibi spirituale credit; spiritus enim ignis est. Qui rem et sacramentum esse credit, ita quod remanente panis et vini substantia, credat esse verum corpus Christi sicut quidam hæretici mentiti sunt: corpus quidem accipit, sed semicrudum. Qui vero per susceptionem rei et sacramenti membrum Ecclesie se efficit, Christi corpus accipit et sancti Spiritus igni coctum. Sequitur:

*Non coctum aqua.* Assata per ignem fortius astringuntur, elixa vero per aquam facilius dissolvuntur. Aqua igitur coctum comedit, qui sumendo corpus Christi dissolvi et per partes posse dividi suspicatur, vel illam unionem Dei et hominis in passione suam arbitratur. Et quia nihilo phantasticum in illo sacramento credere debemus, sciendum est quia vere frangitur ibi, quod videtur, et non est; non quod est, et non videtur. Frangitur forma visibilis, non res invisibilis. Non frangitur substantia, sed accidens, quod nec in subjecto est, nec subicit. Mira res, sed tamen vera, nec multum mirabilis, si ejus sit, attendamus. Cum hæc attendis et miraris, attende cujus sit corpus, et non miraberis. Ipsum est enim corpus illud, quod de Virginis utero per clausam januam exiit. Ipsum est, quod ad discipulos clausis januis intravit. Ipsum super mare siccis vestigiis ambulavit, ipsum contra naturam nubes suscepit et levavit. Hanc igitur speciem panis et vini in corpus Christi transubstantiatam miraris? Nunquid ipse est, qui coram Petro et Jacobo et Joanne transfiguratus est? Nunquid ipse est, qui cum duobus discipulis euntibus in Emmaus, peregrini formam suscepit? Illas transfigurationes non miraris: et propter hanc obstupescis? Verbum per quod omnia facta sunt, et omnia potest, istud non potes? Verbo, quo dixit, et facta sunt, hoc dixit, et factum non erit? Veritas

A est: verba ejus spiritus et vita sunt (*Joan. vi*). Si hæc spiritualiter et cum charitate intelligis, verba ejus spiritus et vita sunt et tibi sunt; si hæc non charitative, sed carnaliter intelligis, verba ejus nihilominus spiritus et vita sunt, sed tibi non sunt; sed fomentum damnationis et mortis tibi sunt. Para igitur mentem, non dentem; crede, et manducasti. Totus igitur sumitur Christus et totum. Totus in persona, totum in natura. *Caput*, inquit Scriptura, *cum pedibus et intestinis vorabit*. Non dixit, pedes cum capite vel intestinis: non dixit, intestina cum pedibus, vel capite vorabit. Qui enim dixit quod est, removit quod non est. Quia igitur caput Christi Deus, per caput sublimitas divinitatis accipitur; per pedes vero humilitatis humanitas designatur. Unde Joannes dignum se non arbitrabatur solvere corrigiam calcamentorum ejus (*Joan. i*); id est non arbitrabatur se dignum aperire sacramenta humanitatis ejus. Intestina vero sunt anima, et animæ virtutes et potentia; quas Christus habuit, prout decuit et oportuit. Fuerunt ergo hæretici, qui ipsum purum hominem asserabant, sed Deum esse negabant. Hi pedes et intestina vorabant, sed caput omittabant. Fuerunt alii, qui ipsum Deum esse crediderunt, sed eam veram carnem, sed quasi phantasticam ut sic videretur ab hominibus, accepisse negabant: isti caput et intestina vorabant, sed non pedes. Fuerunt alii, qui ipsum Deum esse et veram carnem accepisse confessi sunt; sed ipsum animam habuisse negaverunt, sed ipsam pro anima divinitatem: isti caput et pedes, sed non intestina vorabant. Nos autem qui ipsum Deum et hominem verum, ex anima rationali et humana carne subsistentem confitemur, caput cum pedibus et intestinis vorare tenemur: vorare, id est cum omni aviditate sumere. Quidquid enim Dei est, cum aviditate faciendum est. Propter hoc ait Psalmista: *Voluntarie sacrificabo tibi* (*Psal. lxxi*).

Nota ordinem verborum: *Caput cum pedibus*. Non ait pedes cum intestinis, vel intestina cum pedibus: nam separationem carnis et animæ, cum mortuus esset in sepulcro, confitemur. Sed talis fuit unio Dei et hominis, quod nec a carne in sepulcro, nec ab anima separari potuerit in inferno. Et totus erat in sepulcro, sed propter carnem; totus in inferno, sed propter animam; totus ubique, sed propter divinitatem. Totus dico, sed non totum. Sed nunquid verum dixit, qui dixit: *Eli, Eli, lam-ma sabachthani; hoc est, Deus meus, Deus meus, ut quid dereliquisti me?* (*Matth. xxvii*). Ait enim super hoc Ambrosius: « Clamabat homo separatione divinitatis moriturus. » Hinc est, quod Hesy-chius super Leviticum (*lib. v*), de duobus hircis loquens quorum alter immolabatur, alter vero a populis abire permittabatur in solitudinem, dixit: « Im-molata est humanitas quasi hircus: sed divinitas quasi alter hircus, abiit in solitudinem, id est in cælum, ut portaret peccata nostra, non ut haberet,

sed ut consumeret. Sed hoc intelligendum est, quantum ad defensionem, quantum ad protectionem, non quantum ad unionis solutionem. In hoc enim eum divinitas dereliquit, quia protectionem cohibuit, ut potestatem haberet inimicus, eum consummare passionem. Nam si defendere eum divinitas voluisset, inimicus eum occidendi potestatem non habuisset. Et si mortuus non fuisset, salutem nostram operatus non esset. Ut igitur homo salvaretur, oportuit ut Christus moreretur. Sed mori non poterat, nisi potestatem occidendi eum inimicus haberet. Potestatem habere non posset, si eum divinitas defendere voluisset. Ergo in hoc eum divinitas deseruit: quod ipsum non protexit, sed unionem non solvit. Verba quidem notanda sunt. Non enim ait, *derelinques*, sed *dereliquisti*. Vivus hoc dicebat, ergo jam vivum divinitas dereliquerat. Ergo nec tunc Deus erat: quod nefas est credere et dicere. Sed in hoc eum dereliquerat, quod Pilatus, quod Judæus occidendi hominem illum potestatem a Deo acceperat. Nam cum mala voluntas ab homine, vel a diabolo sit; omnis tamen potestas, sive bona sit, sive mala, esse non potest, nisi a Deo. Hinc est quod Dominus ait: *Non haberes in me potestatem, nisi tibi datum esset desuper* (Joan. xix). Sequitur:

*Et lines sanguine agni superliminare et utrumque postem.* Hinc est quod Dominus angelo, qui atramentarium scriptoris habebat in lumbis, dixit: *Signa thau, in frontibus virorum gentium super cunctis abominationibus, quæ fiunt in Jerusalem* (Ezech. ix). Quod Dominus in fronte per prophetam, hoc idem Dominus in superliminari dixit per legislatorem; sed hoc idem signum ipse Boetius (17) in inferiori margine vestis philosophiæ depictum cognovit. Quia idem est, et sanguinem positum in superliminari, et theta [θ] depictum in inferiori. Sed et ipse Gedeon, trecentos milites, qui ad bella procederent, a dextris statuit, et elegit (Judic. vi), significans sanguinem agni ponendum, et thau in dextro poste depingendam. Nam numerus ille, qui per figuram theta figuratur, firmissimum est conscientiæ munimen, tam ad omnia, si terreant, adversa, quam si adulescent prospera. Si scenicæ vitiorum meretriculæ te revocent ad temporalia, si te in peccatis securum reddat inordinate spei præsumptio falsa, signa thau, pone sanguinem passionis in conscientiam, quoniam et Samson vicit in asini mandibula. Nihil est enim quod non vincat frequens ruminatio passionis, et patientiæ Christi. Sequitur:

*Et comedetis panes azymos cum lactucis agrestibus.* Non omne fermentum abjiciendum est; nam mulier sapiens fermentum posuit in farinæ satis tribus; sed a cibo animæ spirituali abjiciendæ sunt, vel aperta malitia, vel religio simulata. Nam de primo dicit Apostolus: *Expurgate vetus fermentum* (I Cor. v); de secundo Dominus in Evangelio:

*Cave a fermento Pharisæorum, quod est hypocrisis* (Math. xvi). Propter hoc azyma sinceritatis ponit Apostolus, contra malitiam; veritatis, contra religionem simulatam. Lactucas etiam agrestes comedere tenemur, et non domesticas. Nam sicut alia lactuca domestica est, alia agrestis, ita quædam est amaritudo agrestis, quædam domestica: per lactucam enim, quia amara est, amaritudo figuratur. Sed sicut melle silvestri Joannes utebatur in deserto (Marc. i), ita et nos lege præcipimur vesci lactuca agresti. Nec mel domesticum Joannes, nec legislator lactuca domestica præcipit vesci, quia utrumque abominabile est apud Deum. Nam dulcedo domestica est inter prospera gratulari; lactuca domestica est inter adversa amaricari; sed mel silvestre est gratulari si pungant adversa; lactuca agrestis est si decipere volunt prospera. Propter hoc ait Jeremias: *Pone tibi amaritudines* (Jer. xxxi). Hanc lactucam comedeat propheta, quando dicebat: *Ecce in pace amaritudo mea est amarissima* (Isa. xxxviii). Et iterum alius propheta: *Ingrediatur putredo in ossibus meis et subter me scateat, ut requiescam in die tribulationis* (Habac. iii). Sequitur:

*Renes vestros accingetis.* Necesse est ut pruritus carnis humanæ, vel præcingat virginitas, ut exanimat; vel accingat continentia, sic ut colibeat; vel ordo conjugalis ordinate succingat; nec enim peccatum est, si non causa coitus, sed causa proliis sponsus sponsam ordinate cognoscat; ut sic ex illa cognitione filius quæretur qui per undam baptismatis Deo postea regeneretur. Baculosque tenere jubemur in manibus, id est disciplinam exhibere operibus, quæ non sit nobis virga, sed baculus, ut in austeritate disciplinæ grossitudo baculi figuratur. Calceamenta etiam habere debemus in pedibus, ne terrenam lutum affectus nostros polluat; sed sic exempla doctorum muniant, ut etiam eorum suffragia a luto defendant. Ecce, dilectissimi, si omnia quæ de agno vel hædo dicta sunt, sufficiunt ad medelam: quid necessarium fuit tantæ perfectioni addere quod audistis: *Non coques hædum in lacte matris suæ?* Notandum est ergo quod Pater Filium tradidit, Judæus filium tradidit. Idem operatus est Judæus, quod Deus. Sed Deus bona voluntate operatus est, quod Judæus mala voluntate. Ergo mala voluntas fuit Judæi, idem operantis quod Deus: ergo eadem voluntas Judæi et Dei, sed mala in Judæo, bona in Deo, quia necessarium fuit velle Deum: quod noluit velle Judæum. Sicut contrario potest esse bona voluntas hominis; et aliud tamen volentis quod Deus: sed si est alia voluntas a Deo, non est tamen alienata a Deo, quis vult hominem velle, quod ipse non vult; alia enim debet esse voluntas judæi, alia judæo susceptis, Judex vult exercere justitiam, judicandus præstolator misericordiam. Judex eum damnandum disponit.

(17) De consolat. philos., l. i, p. 4.

Sed quis unquam carnem suam odio habuit? Sunt igitur contrariæ voluntates et iudicis et iudicandi, imo forte gravius damnari deberet, si sibi damnum optaret, quia qui sibi nequam, cui bonus?

Ergo bona est voluntas et iudicis, qui non vult quod iudicandus; et iudicandi, aliud volentis quam iudex. Non est enim contra illam, etsi sit præter illam. Sed quid mirum, si inter duos homines sint diversæ voluntates, quæ non sint adversæ, cum etiam in unoquoque hominum sint diversæ voluntates; per quarum unam aliquid non velit, quod per alteram velit? Nam secundum inferiorem vim animæ, quæ sensualitas appellatur, aliquid vult; quod secundum superiorem vim animæ, quæ ratio dicitur, nec velle vult. Ista tamen duo sunt in anima, et anima est una. Nunquid divisa est anima? Nunquid sibi contraria res est una? Propter hoc ait Apostolus: *Invenio legem in membris meis repugnantem legi mentis meæ, et captivum me ducentem in legem peccati. Velle adjacet mihi, perficere non invenio* (Rom. vii).

Sed quoniam in hac diversitate quædam videtur adversitas, quia non bene venire videntur lex membrorum, et lex mentis, levemus oculos, et consideremus in capite, quod in membris non videmus perspicue. Consideremus in Christo utramque voluntatem; aliam et aliam; diversam non diversam: alteram non alteram; et utramque bonam. *Pater, si fieri potest, inquit, transeat à me calix iste*, locutus est filius hominis (Matth. xxvi). Sed quid respondit Filius Dei? *Verumtamen non mea voluntas, sed tua fiat* (ibid.). Aliter locutus est ergo filius hominis, aliter Filius Dei: aliter homo, aliter Deus; totum tamen ipse Christus. Quod locutus est filius hominis homo, locutus est Filius Dei Deus: sed idem Deus, imo prorsus, idem Pater et Filius. Ergo eadem voluntas Patris et Filii, quia idem est eis velle et esse, voluntas quippe essentia est. Quod ergo filius ait: *Non quod ego volo, sed quod tu*, idem est ac si diceret, non quod volo ego, sed quod ego. Valde diversa sunt, non volo, et volo: utraque tamen voluntas in Christo, et utraque bona. Quis enim, nisi mentis insanæ, malam in Christo fuisse voluntatem audeat confiteri? Volebat igitur in quantum homo, quod noluit in quantum Deus: voluntatem tamen humanam divinæ supposuit voluntati. Sed adhuc dico, non solum vult in quantum homo, quod non vult in quantum Deus: sed et Deus, præcipit aliquando quod non vult fieri et prohibet plerumque quod vult fieri: plus est enim præcipere quam velle. Præcepit Abraham, ut immolaret filium suum Isaac (Genes. xxi): sed, nunquid istud volebat fieri? Si volebat, cur arietem hærentem cornibus inter vepres mittebat? Præcipiebat igitur, et tamen fieri volebat. Sed propter hoc præcepit ut fidem et obedientiam Abraham comprobaret. Rursus, cum quemdam ægrotum sanasset, dixit: *Vide, uemini*

*dixeris* (Marc. i). Nunquid tantum miraculum silentio præteriri volebat? Non utique, sed exemplum humilitatis ostendebat. Ecce bona voluntas Dei fuit quod voluit Filii passionem; et bonum est quod voluit, quia nec velle potest, nisi bonum. Velle enim malum non potest, etsi omnipotens. Sed mala voluntate illud idem voluit Judæus, et factum est malum ei, quod est bonum: factum est ei venenum, quod est mihi antidotum. Quoniam etsi exterior homo noster plerumque indicet interiori, et opera denuntiant bonitatem, vel voluntatem, tamen voluntas ex operibus non est iudicanda; sed ex voluntate iudicanda sunt opera. Scriptum quippe est: *« Affectus tuus operi tuo nomen imponit; »* et omne peccatum, ut ait Augustinus (18), ita voluntarium est, quod non est peccatum si non voluntarium; nec aliquid criminale, si displicet; nec aliquid veniale, si placet. Igitur quod mala voluntate operatus est Judæus, cum tamen simpliciter esset bonum, factum est tamen in scandalum et in malum, et ad injustitiam reputatum. Condemnat Dominus per prophetam et opus malæ voluntatis, et malam voluntatem operantis, et ductorem simul operis et voluntatis. Ait enim: *Non coques hædum in lacte matris suæ*. Coctio hædi passio Christi. Sed quid est quod additur, *in lacte matris suæ*? Mater ejus Maria fuit: lac matris tenerima carnis portiuncula fuit, quæ per Spiritum sanctum concreta, et coagulata in assumptionem carnis humanæ in corpus Christi transivit. Non enim de cælis illa caro fuit, sicut quidam crediderunt, sed de substantia maternæ carnis. Dicit enim Job in persona Christi: *Sicut lac mulsisti me, et sicut caseum me coagulasti?* (Job. x.) Unde mulsisti me? De substantia matris meæ. Ipse enim lapis est sine manibus de monte abscisus: qui crevit in montem magnum, in montem coagulatum et incaseatum, de quo cecinit Psalmista dicens: *Mons Dei mons pinguis; ut quid suspicamini montes incaseatos? Montem in quo beneplacitum est Deo habitare in eo* (Psal. lxxvii).

Hujus igitur lactis coagulatio, hujus montis incaseati glutinum concretionis Spiritus sanctus fuit, quo præter aliorum naturam concreta sunt membra in utero matris: aliorum siquidem membra ex seminario utriusque parentis, per intervalla temporum et dierum, formam suscipiunt naturalem. Itaque post quadragesimum sextum diem animam suscipiunt; sed aliter in Christo factum est. Nam ipsa die conceptionis, in ipso lacte matris formata sunt membra simul omnia, infusa est anima: et ipsa die tantæ sapientiæ facta, cui nihil Deus addere potuit, quia eo die secundum animam omnia scivit, quæ Deus scivit, etsi non ita clare vel perspicue. Alioquin aliqua dies fuit, quod Filius Dei carnem habuit et homo non fuit. Potuerunt igitur membra formata per ætatem proficere, et majorem

(18) De ver. relig. c. 14.

suscipere quantitatem, sed sapientia majorem A  
 quantitatem vel gratia infusa suscipere non potuit, quia ipse erat sapientia genita et non creata: et sapiens sapientia ingenita, et non creata, quæ una est cum sapientia genita, cujus beneficio sapientia creata non genita, et adjuncta non potuit augmentari. Univit enim sapientia ingenita non creata sapientiam creatam non genitam sapientiæ genite non create: et facta est inseparabilis unio, ut quod Dei erat, esset hominis: et filius hominis, idem esset ipse Filius Dei. Propositi igitur sensus verbi talis est: *Non coques hædum in lacte matris suæ, id est non affliges Christum passione in die conceptionis suæ.* Sexto die Adam factus est, sexto die lapsus est, eodem die, ut quidam tradunt, Christus de Spiritu sancto conceptus est, eodem die passus est. Et bene, ut naturæ corruptionem, quæ per Adam facta est, per suæ conceptionis incorruptionem redderet incorruptam: et qui casu ceciderat, per occasum orientis ascenderet occidens super occasum. Tamen si per hædum designatur Christus, quia venit in similitudinem carnis peccati: ergo per hædum designatur caro peccati. Sed quare? Propter peccatum carnis. Ergo per hædum non solum caro peccati, sed magis proprie peccatum carnis accipitur. Quid est igitur: *Non coques hædum in lacte matris suæ*, nisi quod aperte dicitur, non fovebis peccatum in dulcedine cogitationis? *De corde*, ait Dominus, *exerunt cogitationes malæ et hæ sunt quæ coinquinant hominem* (Matth. xv). In fomentum ergo facinoris usurpat cogitatio locum matris. In vulva siquidem matris hujus est, quando suggeritur: sed de utero ejus egreditur, cum deliberatur. Cum vero falsæ spei sibi fiducia proponit, genibus eum mater excipit. Et cum per exempla majorum ad faciendum inducit, uberum suorum lac elicit falsæ consolationis. Cumque peccatum perpetratur, sed adhuc per ignorantiam, et propter falsas consolationes mens exæcatur, filius ad infantiam educatur. Cum vero ex nimia consuetudine peccandi, sciens et prudens manum in flammam mittit, nec potest continere, ut jam non ex ignorantia, sed potius peccet ex infirmitate, de infantia in adolescentiam crescit. Naturaliter enim infantia ignorat, et adolescentia infirma est. Sed cum postea ex eadem infirmitate peccatum ita foveatur, ut non solum qui peccat, facere, sed et factum defendere velit: quasi de infantia in adolescentiam crevit. Juvenes enim sunt, qui a viginti annis et supra possunt ad bella procedere: de quibus dictum est:

*Imberbis juvenis tandem custode remoto,  
 Gaudet equis canibusque et aprici gramine campi,  
 Cereus in vitium flecti, monitoribus asper.*

(HORAT., *De art. poet.*, vers. 160.)

Cumque ex consuetudine defensionis, qui peccat contemnere incipit, et obstinatus esse: de juventute labitur in senium, et prope interitum est, quia peccatum est in Spiritum sanctum qui ardor est

Patris et Filii, tanto longius a calore, quanto longius a charitate, et a sancti Spiritus ardore. Quia igitur senes naturaliter frigidi sunt, in senium peccati labitur, in quo nihil spiritualis dulcedinis reperitur. Quod in lacte matris additur, maledicti signum præponitur; quia maledictus puer centum annorum. Peccator siquidem obstinatus in dulcedine suæ cogitationis, puer est centum annorum; et hædus coctus in lacte matris. Propter hoc Job dicebat: *Quare non in vulva mortuus sum? egressus ex utero non statim perii? Quare exceptus genibus, cur lactutus uberibus?* (Job iii). Transfert enim in se vir sanctus, non quod factus est, sed quod fecit. Beatus autem est ille qui in domo meruit suscitari; sed tanto beatior ille, qui suscitari meruit B  
 extra portam, quanto funeri vicinior sepulcroque. Beatissimus autem, qui jam sepultus quatrduanum fetebat in tumulo, quo peccatum obstinationis designatur, tanto ad sanandum difficiljus, quanto funibus vitiorum alligatur districtius. Vel hædum decoquit, qui ignem et ligna supponit. Hædus, culpa, lignum causa, ignis pœna. Est igitur peccatum culpa, et est peccatum non culpa. Est causa peccati, et non peccatum, et est pœna peccati et non peccatum. Est etiam peccatum culpa, sed nec causa nec pœna. Et est peccatum culpa et pœna, sed non causa, et est peccatum et culpa, et causa, et pœna. Peccatum et culpa, actus peccati, et reatus, peccatum et non culpa; hostia pro peccato. C  
 Unde Apostolus de Christo: *Factus est pro nobis peccatum, ut de peccato damnaret peccatum* (II Cor. v). Causa peccati et non peccatum, prædicationis veritatis, unde nascitur vana gloria. Pœna peccati et non peccatum, contritio cordis, etiam post actam pœnitentiam, quia scriptum est: *De propitiato peccato noli esse securus* (Eccli. v). Peccatum culpa, nec causa, nec pœna; quod statim perpetratum per pœnitentiam diluitur, nec iteratur. Peccatum culpa et causa, sed non pœna; reatus qui suo pondere ad alium trahit: et tunc per pœnitentiam diluitur, sicut ex prodigalitate furtum, ex furto solet perjurium provenire. Peccatum culpa et pœna, sed non causa, quod statim per contumaciam ad mortem trahit. Peccatum et culpa, et causa, et pœna, reatus qui ad alium trahit, et per contumaciam perseverat. Tot modis peccatum inflammatur, tot modis hædus decoquitur.

### SERMO XIX.

IN DIE SANCTO PASCHÆ.

*Die sexto princeps filiorum Gad, Eltasapu filius Ducl obtulit acetabulum plenum simila in sacrificium* (Num. vii). In dandis accipiendisque muneribus nostri sermonis series et virtus consistit. Accepti siquidem et dati gratia fœderantur amore mutuo etiam mater et filia. Manus autem vacua pauperum preces evacuat. Et quamvis dicat Isaias quod in excelsis habitabit qui excutit manus suas ab omni munere, eo quod munera etiam sapientes exæcant, tamen non sic est generalis auctoritas,

quod careat exceptione. Sunt enim munerum quædam beneficia, quorum alia censum minuunt, et non sensum; alia minuunt sensum, et non censum: quædam utrumque. Sunt etiam, quæ non minuunt, sed muniunt, alia quidem censum, sed non sensum, alia utrumque. Multa Deus beato Job beneficia contulit et abstulit. Immutatus est census, et non sensus. Ait enim: *Domino dedit, Dominus abstulit; sicut Domino placuit, ita factum est. Sit nomen Domini benedictum (Job 1)*. Multa dari solent fœneratori beneficia, census augetur, sensus minuitur: nam exinde majori cupiditate cæcatur, ut scriptum est:

*Crescit amor nummi, quantum ipsa pecunia crescit.*  
(JUVEN., sat. 14, vers. 138.)

Sunt et alii, qui propter amissionem temporalium nimio dolore torquentur, et plerumque laqueo se suspendunt. Isti sensu minorantur et censu. Alios vero donis gratianam Dominus locupletat; qui quanto spiritualibus abundant, tanto temporalia parvipendunt. Unde magis eligunt abjecti esse in domo Dei, quam habitare in tabernaculis peccatorum. Isti censum minuunt, sensum muniunt. Qui vero munus elemosynæ pauperibus largiuntur; cum beneficium illud in cælestes thesauros deportatur per manus accipientium, thesaurizat beneficii largitor, ubi nec ærugo, nec tinea, ubi fures non effodiunt, nec furantur. Istorum census reddendus in die iudicii cum usura servatur. Donat siquidem temporale, sed æternum recipiet. Donat quod servare non potest; recipiet præmium, quo carere non poterit. Bene igitur talium sensus et census munitur. Propter huiusmodi Moyses legislator, imo Dominus præcipit per legislatorem: *Non apparebis, ait, in conspectu Dei tui vacuus (Exod. xxiii)*. Nam quis in iudicio vacuus appareret? Dedit enim dona hominibus, sicut ait: *Ecce venio cito, et merces mea mecum est (Apoc. xii)*. Hinc est quod de dono, quod nobis contulit, et pro nobis, satis figurative loquitur sermo divinus, ubi ait: *Sexto die, etc.*

Cum igitur ait, *Sexto die*, tempus misericordiæ congruum, et nostræ liberationis proponit proficuum. Neque enim dubium est quod sexto die crucifixus non fuerit, ut eodem die reformaret hominem, quo formavit, ut per ipsum eodem die resurgeret homo, quo cecidit. Vel *sexto die*, ait, id est sexta ætate. Nam sicut mundus septem diebus volvitur, ita septem ætatibus distinguitur. Prima ab Adam usque ad Noe, secunda a Noe usque ad Abraham, tertia ab Abraham usque ad Moysen, quarta a Moysen usque ad David, quinta a David usque ad transmigrationem Babylonis, sexta a transmigratione Babylonis usque ad Christum, septima a Christo usque ad illud tempus, quo beatis mortuis, qui in Domino moriuntur, dicet spiritus ut requiescant a laboribus. Hinc est, quod Ecclesia istas septem ætates per septem dies Dominicales distinguit. Et quamvis omnis Dominica ob honorem et reverentiam Dominicæ resurrectionis vene-

rabilis esse debeat, et jucunda, istas tamen septem Dominicas ideo nigro lapide merito censuit esse numerandas, quia in ipsis miseria universæ describit ætatis. Tanto siquidem affectuosius misericordia desideratur parentis, quanto lucidius ad memoriam revocatur miseria patientis. Secundum magnam ægritudinem, magna medicina; secundum magnam miseriam, necessaria nobis est magna misericordia. Ut igitur devotius præstolemur Dei misericordiam, necesse est sæpius ad memoriam revocare nostram miseriam. Prima igitur ætas incipit ab Adam; unde et in prima Dominica revocatur ad memoriam beneficium collatum Adæ, et successoribus ejus. Sed quoniam nec verbis nec operibus factori suo et benefactori respondit, imo multiplicatis hominibus multiplicata sunt mala filiorum Adam, ita ut dolore cordis tactus intrinsecus, compelleretur Dominus ad dicendum: *Pœnitet me fecisse hominem (Gen. vi)*, id est faciam quod homo pœnitens facere solet; delet enim quod fecit; quod et factum est. Nam omnis illa generatio, præter Noe et domum ejus, perit per aquas diluvii. Ideo Ecclesia gemit dicens: *Circumdederunt me gemitus mortis (Psal. xvii)*. Hinc est etiam, quod in vigilia Paschæ lectionem primam istam nullum sequitur responsorium, quia divinis beneficiis Adam Domino non respondit.

Secunda ætas incipit a Noe. Ab isto disseminatum est omne genus humanum. Unde per similitudinem Dominica legitur subsequenti in Evangelio: *Exiit, qui seminat (Luc. viii)*. Qui seminat, id est a quo disseminatum est omne genus humanum, exiit de arca, ut adimpleretur quod dictum est ei a Domino: *Crescite (Gen. viii)*, etc. Exiit itaque seminare semen suum. Sed cum repleta esset terra suo semine, id est hominum multitudine, convenerunt in terram Sennaar, ut ædificarent turrem, cujus cacumen tangeret cœlos (Gen. xi), alii quidem ad hoc inducti, quia cor durum et lapideum habentes, nullum in Deum devotionis habuerunt humorem: hoc est semen, quod cecidit supra petram. Alii sola vanitate ducti, operi nefario consenserunt, ut de eis in posterum dici potest, quod opus fecerunt, quod ante ipsum simile non habuit, nec posset habere post ipsos: hoc est semen, quod cecidit secus viam. Alii vero cupiditate seducti, huic male consenserunt voluntati; quod enim turris illa cacumine cælestes posset thesauros attingere, crediderunt: hoc est semen, quod cecidit inter spinas. Unde Dominus linguas eorum confudit. Lingua tamen Hebræa que tunc omnibus communis erat, remansit in Phaleg; quia ipse fuit semen, quod cecidit in terram bonam, et ortum fecit fructum centuplum. Ab isto siquidem Phaleg disseminatum est genus Abrahæ patris nostri. Sed cum nos esse filios Abrahæ fateamur, quare lingua, que remansit in filiis Abrahæ, Deum non laudamus; sed potius ea, qua propter offensam locuti sunt filii diffidentia? Unde notandum est quod in-



ter omnes linguas factæ sunt tres præcipuæ. Græca, A Latina, Hebræa. Unde Pilatus tribus istis linguis, quasi præcipuis, scripsit titulum super crucem (Joan. xix). Græca vero lingua conat in labiis, Hebræa in guttore, Latina in medio, scilicet in palato. Quoniam igitur Mediator Dei et hominum in unitatem fidei circumcisionem venit conjungere et præputium, Græcos videlicet et Judæos, debuit Latina lingua fieri, quæ sicut dictum est, inter Græcam et Hebræam media est.

Tertia ætas ab Abraham incepit, et terminata est in Moysen. Fuit autem ab Abraham prima erediendi via, et ipse primus fide mundum illuminavit; quia unum Deum primo prædicavit. Ante Abraham quippe unusquisque Deum sibi vindicabat, et in hac mutabilitate et instabilitate eum quærebat, qui stabilis manens dat cuncta moveri. Iste igitur mundum ab hoc errore primo liberavit, qui unum Deum factorem omnium immobiliter in se manentem, sed cuncta moventem, prædicavit: quem postea Moyses scriptis, verbis, miraculis, confirmavit. Hinc est quod cæcus juxta viam mendicans (Luc. xviii), in officio tertiæ Dominicæ proponitur in exemplum. Quis enim cæcus ille, nisi genus humanum necdum fide illuminatum, est? Erat autem secus viam mendicans, quia in hac mutabilitate Deum sibi vindicabat. Alius quippe lapidem, alius lignum, alius talpas, et hujusmodi Deum sibi faciebat. Sed sub ista generatione per Abraham atque Moysen primo cœpit illuminari, sed tandem per eum qui finis legis est ad justitiam omni credenti, videlicet Jesum Christum, mundus adhuc fide cæcitiens, sed non cæcus, plene illuminatus est.

Quarta ætas a Moyse incepit, et terminata est in David. Considera fortes in bello hujus generationis viros; et quod eo in tempore terra non cessavit a præliis. Vide quanta animi fortitudine populum Israel eduxit Moyses de Ægypto, et quanta passus est in deserto. Cui Josue successit, qui hostes suos viriliter expugnavit. Post quos fuerunt judices Othoniel, Aod, Sangar, Jephthæ, Manue, Samson. Omnes isti sine bellis nunquam fuerunt. Tandem fuit sacerdos Heli, cujus tempore arca Dei capta est. Post ipsum vero reges, Saul videlicet et David. Nec isto in tempore terra quievit a bellis. Istorum igitur omnium fortitudinem ideo nobis proponit sermo divinus, ut eorum exemplo nostris hostibus viriliter resistamus, qui nunquam esse sine bello possumus in hoc mundo. Omnes enim qui in Christo pie vivere volunt, persecutionem patiuntur. Unde ipse ait: *Non veni pacem mittere, sed gladium* (Matth. x). Pugnat siquidem incessanter contra nos mundus, pugnat caro, pugnat diabolus. Unde Petrus: *Adversarius vester diabolus*, etc. (I Petr. v.) Non enim coronabitur, nisi qui legitime certaverit. Hinc est, quod quarta Dominica de bellis istis verbo nos instruit, et exemplo: verbo, ubi ait: *Per arma justitiæ*, etc. (II Cor. vi), exemplo quando docet quomodo Christus tentationibus suis malignum su-

peravit. Et quis a tentationibus est securus, quando tentatus est ipse Christus? Ubi natat elephas, quomodo pertransibit agnus? Sed quis finis? *Ecco angeli accesserunt, et ministrabant illi* (Matth. iv). Ita si diabolo viriliter resistamus, ministerium angelorum adipisci merebimur.

Quinta ætas incepit a David, et terminata est in captivitatem Babylonis, id est usque ad tempus, quo filii Israel captivi ducti sunt in Babylonem; de qua, sicut legitur in Psalmo, dixerunt captivi: *Super flumina Babylonis illic sedimus et flevimus, dum recordaremur Sion. In salicibus in medio ejus suspendimus organa nostra* (Psal. cxxxvi). Hinc est quod quinta Dominica vacat ab organo, non a prosa. Quidquid enim prosaice legitur, sicut epistola et evangelium, habet officium missæ, sed organa non habet; videlicet, introitum, graduale, offerendam, et postcommunionem: hæc enim omnia a præcedente quarta feria mutuo accipiuntur; in quibus captivitatis liberationem implorat: *Reminiscere miseracionum tuarum, Domine* (Psal. xxiv).

Sexta ætas incipiens a captivitate Babylonica, terminata est in adventu Christi. Ipse est enim Verbum Patris, qui rumpere desperationis silentium venit, de quo scriptum est: *Dum medium silentium tenerent omnia, etc., omnipotens sermo tuus a regalibus sedibus venit* (Sap. xviii). Primum siquidem silentium ignorantie fuit. Nam propter hoc homines a clamore cessabant; quia ad quem clamarent, ignorabant; secundum desperationis, quia voce prophetarum finita ducebantur homines in desperationem, eo quod eorum promissio differretur; tertium in requie erit, ubi non erit gemitus, neque clamor, sed nec ullus dolor. Cum igitur medium silentium tenerent omnia, venit in mundum Verbum Patris aperire ora mutorum, rumpere desperationis silentium, et desertas facere linguas infantium. Unde et in sexta Dominica legitur in Evangelio: *Erat Jesus ejiciens dæmonium; et illud erat mutum. Et cum eiecisset dæmonium, locutus est mutus* (Luc. xi). Et quia ipse Dominus venit alligare fortem, et distribuere vasa ejus, ideo sequitur in Evangelio: *Cum fortis armatus, etc.* (ibid.) Unde pro hujusmodi beneficiis in fine Evangelii extulit vocem suam quædam mulier de turba, dicens: *Beatus venter qui te portavit, et ubera quæ suxisti* (ibid.).

Septima ætas quæ incipit ab adventu Christi, terminabitur in gaudio requiei, id est in Sabbatismo, qui relictus est populo Dei, quando cives suos recipiet cælestis illa Jerusalem. Unde et in septima Dominica filii Sion tale cum omni fiducia gaudium expectantes exsultant, et dicunt: *Lætare, Jerusalem*. Bene igitur sexta die, id est sexta ætate, in qua Christus venit, obtulit principia filiorum Gad, etc. Sed quid nobis et principi, cum Scriptura dicat: *Nolite confidere in principibus*? (Psal. cxlv.) Unde Dominus in Psalmo: *Principes persecuti sunt me gratis* (Psal. cxviii). Et iterum: *Astiterunt reges terræ, et principes convenerunt in*

unum, adversus Dominum, et adversus Christum A  
ejus (Psal. II). Sed notandum quod hoc nomen  
princeps, quatuor modis accipitur. Potest enim  
dici princeps a principio, eo quod principium te-  
neat dignitate et loco. Dicitur etiam a præcipio,  
quod tam malis quam bonis convenit; nam mali  
principes plerumque bonis discipulis solent præci-  
pere. Dicitur etiam princeps, quasi præcipuus de-  
beat inter discipulos esse. Potest etiam dici prin-  
ceps a præcipio; unde diabolus dictus est princeps  
hujus mundi, quia præcipitat in abyssum. Apostoli  
vero principes dicti sunt, quia inter alios præcipui  
fuerunt. Unde Propheta: *Constitues eos principes  
super omnem terram (Psal. XLIV)*. Principes vero,  
qui dicti sunt a præcipio, illi sunt, qui sedebant  
pro tribunali, ut de morte martyrum præciperent.  
Christus vero, qui dicitur princeps a principio,  
Princeps regum terræ est, qui de seipso dicit: *Ego  
principium, qui et loquor vobis (Joan. VIII)*. Prin-  
ceps igitur est, et maxime filiorum Gad. Cum au-  
tem filius vel generatione dicatur, vel imitatione;  
hic pro imitatione accipitur. Ipse igitur princeps  
est filiorum Gad. Gad *accinctus* interpretatur. Ac-  
cincti ergo sunt, qui vel præcinctos lumbos ha-  
bent, vel succinctos. Præcinctos lumbos habent  
virgines, succinctos post voluptatem continentes.  
Christus in cæna linteo præcinxit se, virgo enim  
fuit. Petrus tunica succinxit se, quia post matri-  
monium continens fuit. Sive ergo præcincti, sive  
succincti, omnes accincti. Omnis enim qui in  
agone contendit, accinctus est. *Non gloriatur, ait  
Scriptura, accinctus æque ut discinctus (III Reg. XX)*.  
Talius princeps est Eliphaz. Eliphaz *Dei mei  
specula* interpretatur. Est autem specula contem-  
plationis, de qua dicit Isaias ad Balthassar: *Pone  
tibi mensam, et contemplare in specula (Isai. XXI)*;  
est et prælationis, de qua Ezechieli dicitur: *Spe-  
culatorem dedi te domui Israel (Ezech. III)*; est et  
circumspectionis; unde dicit Dominus Jeremiæ:  
*Statue tibi speculam, pone tibi amaritudines (Jer. XXXI)*.  
Ponitur etiam pro custodia: Unde Isaias: *Pone  
speculatorem, et quæcunque videris, annuntia  
(Isai. XXI)*.

Est igitur Christus speculator; qui nisi custo-  
dierit civitatem, frustra vigilat, qui custodit eam. D  
Unde Samaritanus dicitur, id est custos. Propter  
hoc etiam in Daniele vigil vocatur. Caro igitur a  
Verbo assumpta, quasi specula fuit; quia Deus per  
fenestras hujus speculæ misericorditer mundum re-  
spexit. Quia vero per ipsum plenam de Patre noti-  
tiam habuimus, bene filius Dei dicitur. Deus enim  
interpretatur *notitia Dei*. Quia igitur quæcunque  
audivit a Patre nota fecit nobis, recte dicitur filius  
Dei. *Princeps ergo filiorum Gad Eliphaz filius Dei  
dedit acetabulum (Num. VII)*. Nulla fuit in eo ne-  
cessitas, sed sola voluntas. Sola voluntate, non ne-  
cessitate, nobis hoc beneficium contulit. Inde dicitur,  
*obtulit*, ne coactus obtulisse videatur. *Obtulit  
acetabulum*. Acetabulum dicitur vas, in quo poni-

tur acetum. Acetabulum inter vasa templi foisse  
legi; sed ad quid ibi fuerit me legisse non me-  
mini.

Sed quoniam in passione Domino Jesu Christo  
propinatum fuit acetum, de quo scriptum est: *Et  
cum accepisset acetum, dixit: Consummatum est  
(Joan. XIX)*; bene corpus ejus acetabulum, id est  
vas aceti receptaculum fuit. *Obtulit* ergo non va-  
cuum, sed *plenum simila*. Acetabulum ergo plenum  
simila obtulit, quia ejus conscientia sine fure  
malitiæ et nequitæ fuit. De tali quippe simila fiunt  
azyma sinceritatis et veritatis. *Pascha igitur no-  
strum immolatus est Christus (I Cor. V)*. In istis  
azymis, hoc est sine fure malitiæ et nequitæ, sed  
in azymis de simila sinceritatis et veritatis, obtulit  
sacrificium. Sacrificium dicitur, quasi *sacrum fa-  
ciens*. Vere nec fides vera, nec vita sancta, nec  
charitatis opus sanctos nos facere potuissent, nisi  
plenum simila hoc acetabulum Dominus obtulisset.  
Sed quia ipse patiendo de vita transivit ad mortem,  
resurgens vero de morte ad vitam, ideo nos et si  
compatimur, et conregnabimus. Si mortis per pa-  
tientiam imitatores fuerimus, simul et resurrectio-  
nis erimus. Sicut enim in Christo omnes moriuntur,  
ita et in Christo omnes vivificabuntur. Moriamur  
igitur, et vita nostra abscondita sit in Christo, ut  
cum apparuerit vita nostra, tunc et nos appareamus  
cum ipso in gloria; ipso duce et prævio, qui  
cum Patre et Spiritu sancto vivit et gloriatur per  
omnia sæcula sæculorum. Amen.

#### SERMO XX.

IN ASCENSIONE DOMINI.

*Quis est iste saliens in montibus, et transiliens  
colles? Nonne iste est filius saltus, quem pridie con-  
temnebat Achis, quando saltabat, quando tympani-  
zabat, quando impingebat in ostia portæ? Nonne  
ipse filius saltus, quem deridebat Michol filia Saul,  
quando ludebat et denudabat se coram arca Dei?  
Ipse est enim Adonidatus tenerimus ligni vernicu-  
lus Bethlehemitæ (II Reg. XXI), polymitarius, manu  
fortis, vultu desiderabilis, speciosus forma præ-  
filiis hominum, et formosus in stola sua, gradiens  
in multitudine fortitudinis suæ. Dicitur itaque fi-  
lius saltus, quia de sinu Patris in uterum Virginis,  
de quo in mundum, de quo in patibulum, de quo  
in sepulcrum, de quo etiam in infernum saltus de-  
dit, et concurrit, ut ad bravium perveniret. Scri-  
ptum quippe est: *Omnes quidem currunt, sed unus  
accipit bravium (I Cor. IX)*. Quis unus? De quo scri-  
ptum est: *Non est, qui faciat bonum; non est usque  
ad unum (Psal. CXXIII)*. Cum enim alii cucurrissent  
viam mandatorum Dei, sicut Abraham obediens  
Deo, et reputatum est ei ad justitiam; alii per  
viam justificationum, sicut Noe justus; alii per  
viam veritatis, sicut Moyses inductus in omnem ve-  
ritatem; nec tamen ad bravium pervenissent: iste  
compendiosorem et excellentiorem viam charitatis  
incedens, attingit a fine usque ad finem fortiter, et  
cucurrit velociter. Scriptum quippe est: *Nemo**

*ascendit in cælum, nisi qui descendit de cælo* (Joan. A 11). Ergo solus descendit, sed totus ascendit. Unde cum Judæi staterent eum in supercilio montis, ubi civitas eorum erat posita, ut præcipitarent eum, dedit ei rupes latibulum, qui usque hodie dicitur saltus Domini. Sed sicut dictum est, in saltibus supradictis deridebat eum Achis, et Michol, quia scriptum est : *Prædicamus Jesum Christum crucifixum, Judæis quidem scandalum, gentibus autem stultitiam* (I Cor. 1). In Achis quippe gentilitas, in Michol circumcisio figuratur. Quis enim gentilis Deum in utero Virginis crederet coarctari? Quis esurientem, sitiientem, labore fessum, quasi tympanizantem non erubesceret? Quis tandem impingentem in ostia portæ crederet, cum ad Patrem clamaret : *Eli, Eli, tamma sabachthani?* Et item : *Pater, si fieri potest, transeat a me calix iste?* (Matth. xxvii.) In his omnibus fides nostra stultitia gentilitati videtur. Sed et ipsa Michol ludentem deridet, quia nisi ludo vanitatis ludere nesciebat, de qua scriptum est : *Sedit populus manducare et bibere, et surrexerunt ludere* (Exod. xxxii). Nesciebat, nisi ludum iniquitatis, quo pueri Abner cum pueris Joab ludebant, quo filius ancillæ cum filio liberæ. Neque enim cogitabat quod sapientia Dei Patris, quæ erat ludens cum eo in principio primæ creationis per humilitatem etiam venit ludere in fine nostræ recreationis. Unde scriptum est : *Ludam et vilior fiam* (II Reg. vi).

Similiter denudatus est pro nobis coram Joanne In Jordane, ut vim regenerationis aquis tribueret, per quem exuti veteri homine, novum hominem induerent, qui secundum Deum creatus est. Secundo denudatus est ab homine, qui *pellis gloria* interpretatur, ut sic gloriam carnis deponens, tunicam Adæ pelliceam, et perizomata flics deposita demonstraret. Tertio denudatus est a militibus, quando partiti sunt vestimenta ejus, ut nimiam dilectionem qua dilexit nos, nobis plenius insinuaret. Quarto resurgens denudatus est, quando sudaria sua deposuit, ut sic ad cælestes saltus se præpararet, Bethlehemitæ factus et polymitarius, qui in primis saltibus factus erat Adeodatus, et tenerrimus ligni vermiculus in omnibus et per omnia filius saltus. Descendens quippe a superioribus, Adeodatus nobis a Deo perhibetur. *Puer, inquit, natus est nobis, et filius datus est nobis* (Isa. ix). Qui tenerrimus ligni vermiculus dicitur, quia de se ipse ait : *Ego sum vermis, et non homo* (Psal. xxi). Qui tanquam vermiculus absconditus in ligno fortitudinem suam in ligno crucis operuit. Scriptum est enim : *Cornua in manibus ejus; ibi abscondita est fortitudo ejus* (Habac. iii). Qui propter hoc tenerrimus appellatur, qui Syrophænisæ tactum sentiens, ait : *Quis me tetigit? Tetigit me aliquis* (Marc. v). Vere tenerrimus, qui Mariæ Magdalenæ compatiens, eo quod nondum Spiritum sanctum ad robur acceperat, ait : *Noli me tangere. Nondum enim ascendi ad Patrem meum* (Joan. xx). Ac si diceret, noli me tangere, id est noli me imitari, quia nondum ad Patrem

meum, qui Spiritum ad robur missurus est, per quem crucem tuam bajulare poteris, et tangere me, id est imitari, ascendi. Vere tenerrimus, quia vulgo dulcissimus tenerrimus vocatur. Vis audire signanter quis vermiculus? Ipse est Thamis, cujus sanguine struthio vitrum fregit, ut fracto vitro fetum gaudens reciperet. Ipse est Thamis, cujus sanguine duritiam lapidum Salomon secari docuit et poliri. Quanta enim duritia est hominis, cum sanguinis hujus memoria non emollitur? Quis passionis memoriam ruminans, hostes spirituales non vincit? In mandibula quippe asini Samson noster hostes superavit. Asinus fuit, qui crucem in humeris portavit, qui onera peccatorum nostrorum sustinuit. Cujus mandibula, passionis memoria; quæ non solum hostes devincit, sed etiam omnes voluntates nostras in omnem veritatem inducit. Hinc enim Sauli Samuel ait : *Cum abieris a me hodie, invenies duos viros juxta sepulcrum Rachel, salientes magnas foveas, dicentesque : Inventæ sunt asinæ* (I Reg. x). Qui sunt isti duo viri? Primus Adam cum corpore, secundus Adam cum corpore suo. Primus qui de terra est, terrenus est; secundus de cælo, cælestis. Prima autem fovea est profundum culpæ; secunda abyssus pœnæ. De prima legitur : *Non me demergat tempestas aquæ, neque absorbeat me profundum, neque urgeat super me puteus os suum* (Psal. lxxviii). De secunda : *Lacum aperuit, et effodit eum; et incidit in foveam quam fecit* (Psal. vii). Primus Adam saltum fecit in foveam culpæ; secundus in foveam pœnæ. Saliunt ergo duo viri magnas foveas juxta sepulcrum Rachel, videlicet cum charitate refrigerante, et abundante iniquitate, ejus speciem fallacia mentiretur, et innocentia sepeliretur. Isti duo viri asinas Cis invenerunt, quia cordis humani duritiam in charitatis dulcedinem mutaverunt. Cis etenim *durus* interpretatur, cujus asina quasi quædam cordis pigritia est, quia similitudinem asinæ habet cor humanum, quod nunquam, nisi coactum, benefacit; et solum a vinculo subjectionis ludens insanit, vix bene cogitat, nisi pungatur timoris aculeo. Quod si timorem perdiderit, quasi lascivens per cogitationes insanit. Propter hoc scriptum est

D . . . *Animum rege, qui nisi paret,  
Imperat; hunc frenis, hunc tu composes catenis!*  
HORAT., epist. 1, vers. 62, 63.

Sunt enim aliqui, qui voluntatem suam voluntati Dei supponunt, et quasi asinæ Christum voluntati suæ superponentes, Jerusalem visere intendunt. Imitantur igitur illum, qui dixit : *Pater, si fieri potest, transeat a me calix iste. Verumtamen non quod ego volo, sed quod tu* (Matth. xxvi). Hæc asina campo regitur, non calcaribus urgetur. Sunt alii, qui asinæ suæ Balaam superponunt, quia rapaces et cupidi voluntates suas, non solum ad malefaciendum ei, voluntates suas supponunt. Hæc asina calcaribus urgetur, non freno seu campo regitur. Sunt alii, qui

beneficiendi voluntatem habent, sed pusillanimes bonum quod appetunt, aggredi metuntur. Unde dicere possunt: *Concupivit anima mea desiderare justificationes tuas in omni tempore (Psal. cxviii)*. Hi asinam suam Axæ filix Caleb supponunt: quæ suspirans ob terram sterilem, irriguum superius, et irriguum inferius, a patre requirebat (*Judic. i*). Quærebat eas in Salisa, si forte Axæ ibi asinam inveniret; quæsitit et in Salim, ubi forte asina Balaam potuit inveniri; quæsitit et in Suph, qui locus est aptissimus ad asinam Christi invenendam. Suph quippe *speculatio* interpretatur. Et quid speculatio, nisi contemplatio? Per contemplationem enim voluntas hominis supponitur Christo. Quæritur ergo asina in Suph, sed non invenitur. Aliter enim intuemur per speculum, et in ænigmatibus; aliter faciem ad faciem. Sine idolis non recedit Rachel a Laban. Rachel contemplativam vitam designat, Laban mundum, idolum imaginationem. Vix enim animus ad contemplationem ascendit, sine mundi imaginatio-nibus; sed cum scrutatur animum, quid ait? *Secundum consuetudinem mulierum mihi accidit (Gen. xxxi)*. Ac si diceret: Nihil verum, sed totum fragile et Imaginarium est, quidquid de Deo animus comprehendit. Hinc est, quod Elias in ostio papilionis sui primo cum spiritum subvertentem montes et contentem petras conspiceret, secundo commotionem, tertio ignem, in nullo horum Dominum esse cognovit, quia non veritatem imaginis, sed veritatis imaginem esse cognovit, sed tandem in sibilo auræ tenuis esse perpendit, quia nulla imaginatio sibilum lilium fuit subsecuta (*III Reg. xix*). Quanto enim mens deficit in contemplatione, fide proficit: quia de Deo omnes negationes veræ sunt affirmationes Incompactæ. Nec enim de Deo scire possum quid est, sed scire possum quid non est. Quæritur enim in Suph asina, et non invenitur, id est quæritur in contemplatione mens Deo subjecta, et minime reperitur. Asina vero Balaam quærenda est in Salim, quæ *vulpes* interpretatur. Est enim vulpes animal dolosum et malitiosum. Quicunque enim voluntatem suam avaritiæ subjecit, dolo et malitia augere pecuniam quærit, sed eam non invenit, quia

*Crescit amor nummi, quantum ipsa pecunia crescit.*

(JUVEN. SAT. 14, VERS. 158.)

Asina enim Axæ filix Caleb quærenda est in Salisa. Salisa quippe *tertia* vel *triennalis* interpretatur. Qui enim voluntatem Deo subicere satagit, cum pusillanimitas vel torpor a proposito mentem elidit, necesse est, ut ad illum semper mentis oculos erigat, de quo scriptum est: *Vivificabit nos post duos dies; in die tertia suscitabit nos (Ose. iii)*. Cum enim animus ad devotionem suscitatur, suscitatur Deus in animo; sicut scriptum est: *Accedet homo ad cor altum, et exaltabitur Deus (Psal. lxxiii)*. Vel quia triennalis interpretatur, quæritur in Salisa, quando per verbum, quod a prædicatoribus seminatur in corde, vel per cogitationem nascitur sponte, Deus in animo per cogitationem quæritur, sed tamen non

invenitur, quia Deus in hac vita, sicut dictum est, cogitatione non comprehenditur. Veniendum est igitur ad salientes foveas. Sic enim Samuel ait: *Invenies juxta sepulcrum Rachel duos viros salientes magnas foveas (I Reg. x)*.

*Desunt reliqua.*

### SERMO XXI.

IN DIE SANCTO PENTECOSTES.

*Et vidi in medio septem candelabrorum, quasi filium hominis (Apoc. i)*. Qui vult in Christo manere, debet sicut ipse ambulavit, et ipse ambulare. Ait enim: *Qui mihi ministrat me sequatur (Joan. xii)*. Qui ergo eum non sequitur, non ei ministrat. Sed quomodo eum qui lucem habitat inaccessibilem sequi potest qui in tenebris est, et nescit quo radat? Condensæ quippe sunt tenebræ, quæ sunt super faciem abyssi, id est mundi: de quo Sapientia ait: *Abyssus dicit, non est in me (Job xxviii)*. Hæc est abyssus miseriæ, quam invocat abyssus misericordiæ. Invocat, id est ad se vocat, ut unum sit in ipsa. Intus vocat, quia per infusionem gratiæ vocat in voce cataractarum suarum, id est per vocem et prædicationem apostolorum suorum, qui tanquam cataractæ cæli doctrinæ pluvias effuderunt. Necessum tamen recessit nubes caliginis, umbra mortis, cæcitas originalis culpæ vel actualis. Nam lavacrum regenerationis, etsi originalis pituitæ lavit sordes reatus, non tamen tersit albuginem actus. Remota quippe est per baptismum reatus molestia, sed non concupiscentia.

Hæc igitur cæcitas in caligine cæci nati merito figuratur, quia sermo divinus illos, qui non sunt renati per baptismum, ideo canes vocat, quia naturaliter cæci nascuntur, nec parentes agnoscunt. Actualis vero culpa perseverat quandoque reatu et non actu, quandoque reatu pariter et actu; reatu et non actu, quia, quamvis plerumque cesset actus, non tamen reatus. Plerumque vero caligat mentis oculus, actu pariter et reatu. Et hæc passio solet accidere diversis de causis, quandoque per ignorantiam, quandoque per incuriam mentis male custoditæ, quandoque per obstinatam malitiæ voluntatem, aliquando cupiditate temporalium; nonnunquam vero voluptate carnis, multoties ex contemptu salutis. Persecutus est Paulus Ecclesiam Dei; sed per prædicationem Ananiæ ceciderunt ab oculis ejus tanquam squamæ (*Act. ix*); et visu recepto misericordiam Dei consecutus est, quia in ignorantia fecit. Captivus et vinctus ductus est Sedechias a rege Babylonis, qui cum coram ipso filios occidisset, excæcavit eum, et hausto potu laxativo vitam finivit (*IV Reg. xxv*). Sic per incuriam mentis diabolus rex confusionis multoties peccatorum funibus ita mentem trahit, ut ea sciente et intelligente, per violentam tentationem virtutes occidat. Post hæc ita rationis oculos excæcat, ut captivus sponte captivantem sequatur; nec liber dimitti vellet, etiamsi diabolus ipse manum retraheret. Tandem laxativum potum recipit, quia in mentem

trahit omnis dissimulationis fluxum; ut quicquid in mentem, tanquam in ventrem, venerit, foras ejiciat, et ad omnem peccati fetorem laxetur.

Sed et Moyses cum coram Pharaone multa signa fecisset, nec recipere vellet Pharae disciplinam, ut iuxta Dei mandatum, populum suum dimitteret, factæ sunt tenebræ super terram Ægypti, tam densæ, ut palpari possent (*Exod. x*). Signum fuit hoc obstinationis eorum. Vere siquidem excæcari meruerunt, et cæcati sunt, qui contra tot et tanta signa pertinaces fuerunt. Tobias quoque calido stercore hirundinis legitur excæcatus (*Tob. ii*). Hirundines sunt viri sancti, qui contemplationis volatu vitam acquirunt: quorum stercorea temporalia sunt, quæ, ut Christum lucri faciant, arbitrantur ut stercorea. Hoc hirundinis stercore calidum Tobie oculos excæcavit, cum ferventi temporalium cupiditate tactus, filium suum apud Rages civitatem Medorum peregrinari misit. Unde mater dicebat: *Utinam nunquam fuisset pecunia*, etc. (*Tob. v*). Samson vero, qui prius nervicis funibus teneri non potuit, postea voluptate carnis adeo fuit enervatus, ut a muliercula tentus, excæcaretur. Sanguis etiam ille, qui peccatorum stolas lavat, genas ornat, qui coccino nivis, vermiculo lanæ reddit candorem, cum in effusione sua petras scinderet, terram moveret, monumenta aperiret, cœlestia concuteret elementa; factus est niger, quasi saccus cilicinus, quia Solis justitiæ rumpebatur saccus. Occultabat sol visibilis illuminatum splendorem, quia sol justitiæ abscondebat illuminatorem. Filii siquidem hominum diligentes vanitatem, et quærentes mendacium, a veritate alieni, mentiti sunt filio Dei, dum lacum mortis aperientes et effodientes, ceciderunt in foveam quam fecerunt. Volentes siquidem vitam perdere, vitam perdiderunt; volentes lucem extinguere, cæci facti sunt. Propter hoc ergo tenebræ factæ sunt, quia veritatis lucem, et in luce veritatis esse, contempserunt, ut scriptum est: *Filios enutrivit et exaltavit: ipsi autem spreverunt me* (*Isai. i*). Ecce tot causis hæc abyssus miseriæ caligatur. Propter hoc præcepit legislator, imo Dominus per legislatorem, ut accenderentur in tabernaculo Dei septem lucernæ, quæ super septem calamos unius candelabri ponerentur. *Facies*, inquit Dominus, *candelabrum ductile de auro purissimo: hastile ejus, et calamos, scyphos et sphæras. Sex calami egredientur de lateribus; tres hinc, et tres inde* (*Exod. xxv*). Quid enim in candelabro, nisi universalis Ecclesia figuratur; cujus universitas per septenarium calamorum exprimitur? Nam quod lex per septem calamos, Joannes per septem candelabra præfiguratur. Ait enim: *Et conversus vidi septem candelabra aurea* (*Apoc. i*). Et paulo post: *Septem candelabra, septem Ecclesiæ sunt* (*ibid.*). Quas tamen nominatim sub septem Ecclesiis quæ sunt in Asia, prosequitur, scilicet Epheso, Pergamo, Thyatiræ, Smyrnæ, Philadelphia, Laodiceæ, Sardis. Una siquidem est universalis Ecclesia, sed multæ particulares, cujus caput est aurum optimum. Caput

A siquidem Ecclesiæ Christus; qui aurum purissimum dicitur, eo quod ipse est sapientia Patris, qui naturam nostram sine culpa suscepit. Quod ductile fuit, quia tam in capite, quam in membris suis, id est in martyribus per passionum contumelias, in confessoribus per tentationum angustias, ad immortalitatem profecit. Habebat autem candelabrum sphæras, scyphos, et lilia. Scyphos in prædicatoribus, quoniam ipsorum est, vino vel germinante virgines, vel lætificante cor hominis, corda fidelium debriare, sphæras in contemplativis, lilia in mundis et incoquinatis. Quia vero scyphi in modum nucis fuisse dicuntur, aliquid ad nucis similitudinem habere tenentur qui verbo et exemplo aliis præesse videntur. Habent enim in exteriori testa, quod frangi debet per abstinentiam; habent extra corticis amaritudinem, quæ tolerari debet per patientiam; habent et nuclei dulcedinem, spem salutis, quæ dulcorat animum per devotionem. Quod autem tres scyphi, vel tres sphære, vel tria lilia per singulos calamos fuisse perhibentur, hoc figurat, quod prædicatores, qui verbo et exemplo alios inebriant, hujus esse debent discretionis, ut sciant discernere quæ quibus debeant prædicare.

Sunt enim aliqui, qui solo textu historiæ sunt contenti; alii in fide per allegoriam imbuendi; alii vero moribus per tropologiam ædificandi. Ergo spiritualibus spiritualia, carnalibus car: alia sunt comparanda. Sphære quoque ad hoc tribus locis ponuntur in calamis, ut sciant contemplativi, quæ secundum rationem; quæ præter rationem, et non contra rationem; quæ præter rationem et contra rationem, consideranda sunt. Secundum enim rationem dicuntur, quæ simpliciter possibilis sunt; præter rationem et non contra rationem, quæ dicuntur possibilis Deo; præter rationem, et contra rationem impossibilia. Nam sicut possibile, sic impossibile tria sunt genera. Est enim possibile secundum inferiores causas, et cursum naturæ; ut cum nascitur homo de homine, bos de bove. Et est possibile secundum consuetudinem, et causas superiores, ut animas infundi corporibus. Et est possibile secundum naturam vel consuetudinem, ut primam gratiam infundi, et hominem sine meritis a peccato purgari: quod non dicitur simpliciter possibile, sed possibile Deo. Similiter impossibile est aliquid præter rationem, sed non contra rationem, ut quædam, quibus fit regressus a privatione ad habitum, ut sanitas ægro, illuminatio reddita cæco. Aliud præter naturam et contra naturam, cui circa impotentiam naturæ divina gratia non supplet, ut truncum fieri vitulum. Aliud contra naturam, circa quod impossibile naturæ, divina supplevit auctoritas, ut virginem peperisse, Lazarum suscitari, et hujusmodi. Similiter et lilia tribus locis, erant in calamis, quia munditiæ candor non solum attenditur circa virginalem integritatem, vel continentiam vidualem, sed etiam circa pudicitiam

conjugalem. Quod in illo calamo, qui medium locum tenebat quatuor locis, hæc omnia continebantur, designatur, quod ille qui caput est Ecclesiæ, Mediator Dei et hominum, hæc omnia supra mensuram aliorum habuit: cui data est gratiæ plenitudo, ultra omnium mortalium mensuram. Hoc enim quaternarii quadratura significat.

Super istos septem calamos, ut illuminaretur Ecclesia Dei, præcepit Moyses septem lucernas accendi: quarum prima est verbum Dei; lucerna, quam tenebræ comprehendere non potuerunt; de qua dictum est: *Lucerna pedibus meis verbum tuum* (Psal. cxviii). Lucerna quippe dicitur, lux in testa: lux autem in testa, Deus in carne. Ipsum ergo Verbum Dei est lumen verum; lumen ad revelationem gentium, et gloriam plebis Israel. Est et sermo propheticus lucerna, quæ Ecclesiam illuminat; de qua dicit Petrus: *Habetis propheticum sermonem: cui vos intendentes, tanquam lucernæ lucenti in caliginoso loco, benefacitis* (II Petr. i). Et dicitur lucerna spiritualis intellectus sub testa litteræ. Sunt etiam exempla sanctorum, quæ diversis modis Ecclesiam illuminant. Unde Dominus discipulis ait: *Vos estis lux mundi* (Matth. v). Et alibi: *Sic luceat lux vestra eorum hominibus, ut glorificent Patrem vestrum, qui in cælis est* (ibid.). Hinc est quod Joannes, quo inter natos mulierum nemo major surrexit, dicitur est lucerna ardens et lucens (Joan. v). Prædicatio quoque veritatis Ecclesiam Dei illuminat; quia ipsa lucerna est, quam mulier sapiens accendit, ut drachmam perditam inveniret. Drachma perditæ subtractio gratiæ spiritualis est; lucerna accensa, prædicatio veritatis. Per prædicationem quippe veritatis datur non habita, et invenitur perditæ gratiæ spiritualis: illuminatur etiam oculus rationis, de quo dictum est: *Lucerna corporis tui est oculus tuus*. Unde et æthereo cælo, in quo sunt luminaria, ratio comparatur. Sunt quoque sanctorum miracula, quæ mentes fidelium illuminant: tunc maxime, cum carnis mortificatio, et fidei sancta confessio, miracula comitantur. Hæc siquidem sunt lampades Gedeonis, quæ apparuerunt in contractione lagenarum et clangore tubarum. Clangor tubæ manifesta veritatis confessio; contractio lagenæ carnis mortificatio; manifestatio lampadarum coruscatio miraculorum. Et quis ejus exemplo non illuminetur, qui carnem mortificat, spiritum roborat, miraculis coruscat? Super omnia tamen, et ante omnia peccatorum oculos debet aperire, totiusque negligentiam tollere cecitatem, judicis sapientia, futurique judicii severitas; quæ nec fallitur, nec falli volet, aut poterit, cum scrutabitur Jerusalem in lucernis. Has autem lucernas accendere debent et supponere candelabris angeli septem Ecclesiarum: quæ vel in candelabris, vel in calamis, ut dictum est, figurantur.

Septem autem angelos, septem Ecclesiarum prælatos intelligo, qui secundum septem ordinum gradus, Ecclesiæ gubernandæ statuti sunt. Quia

A enim Ephesus voluntas sive consilium interpretatur, in angelo Ephesi divinæ voluntatis, sive consilii divini nuntius figuratur, id est ordo lectorum: qui ad hoc ordinantur in Ecclesia ut legendo et legem manifestando, nobis aperiant consilium et voluntatem divinam. Unde dicitur eis, cum ordinantur: *Accipite, et estote verbi Dei relatores, habituri, si fideliter et utiliter impleveritis officium vestrum, partem cum iis qui verbum Dei ministraverunt*. In angelo Pergami ordo figuratur exorcistarum. Pergamus enim dissipans cornua interpretatur. Recipiunt enim, cum ordinantur, potestatem dissipandi cornua peccatorum; de quibus dictum est: *Et omnia cornua peccatorum confringam* (Psal. lxxiv). Unde cum ordinantur, traditur eis exorcismus, et dicitur: *Accipite et commendate memoriæ, et habetote potestatem imponendi manus super energumenos, sive baptizatos, sive catechumenos*. Per angelum vero Thyatiræ, acolythorum ordo figuratur: qui primo illuminati, alios illuminare tenentur. Unde et cerosferarii dicuntur: Thyatira vero illuminata interpretatur. Nam cum isti ordinantur, dicitur eis: *Accipite cerosferarium cum cereo, ut sciatis vos ad accendenda luminaria ecclesiæ mancipari*. Subdiaconi, qui et Nathinæi dicti sunt, ab illo Nathanaele, de quo scriptum est: *Ecce vere Israelita in quo dolus non est* (Joan. i), in angelo Laodicæ figurantur: eo quod Laodicia tribus amabilis Domini interpretatur. Et vere amabilis Domini Nathinæus, et sine dolo; si fideliter impleverit quod ei ab episcopo injungitur, cum dicitur: *Videte cujusmodi ministerium vobis traditur: et ideo si usque nunc tardi fuistis ad ecclesiam, a modo debetis esse assidui, etc.*, et tandem in fine: *Ideo vos admoneo, ut vos ita exhibeatis, ut Deo placere possitis*. Ac si dicat episcopus: *Ideo vos admoneo, ut ita vos exhibeatis, ut angeli Laodicæ sitis*. Quia vero diaconorum officium est, prænuntiare in ecclesia Evangelium Dei: bene per angelum Smyrnæ eorum ordo figuratur, quia Smyrna canticum interpretatur. Nam cum multa cantica legamus, illud tamen singulariter canticum debet dici, per quod sponsam suam, cælestis sponsus osculatus est osculo oris sui. Sacerdotes vero, qui ad hoc ordinantur, ut sint animarum medici spirituales, quoniam illos qui Domino volunt adherere, curare tenentur spiritualibus antidotis; alios per dulcem exhortationis potum, alios per amaræ poenitentiae potionem, meritis sacerdotii gradus per angelum Philadelphie figuratur: quæ Philadelphia salvans hærentem Domino interpretatur.

D In istis igitur sex gradibus, officii non dignitatis ordo attenditur: in septimo officium pariter et dignitas commendatur. Hic est ordo pontificum, qui loco apostolorum constituti sunt principes super omnem terram, id est super universalem Ecclesiam. Unde et eorum ordo, bene per angelum Sardis designatur, qui Sardis princeps interpretatur. Isti sunt angeli, qui tubis, quas habebant in manibus, cecinisse feruntur.

Tubas autem habere in manibus, est prædicationis verbum magis operis exemplo, quam doctrinæ verbo demonstrare, ne de illis sint qui dicunt et non faciunt : sed sicut scriptum est : *Verbum, quod factum est in manu Aggæi prophetæ (Agg. i).* Verbum quippe Dei in manu Aggæi fuit qui mandatum Dei opere complevit. Canit autem tubis qui ea qua: complet opere prædicat ore, sicut scriptum est : *Fili, bibe aquam de cisterna tua; et fontes putei tui deriventur foras (Prov. v).* Et bene per tubam prædicationis figuratur, quia sicut in bellis tubæ sonus hostes cogit ad fugam, amicos hortatur ad pugnam, hostes quidem timidos, sed fideles reddit animosos, ita prædicationis verbi Dei et terrere peccatores comminationibus debet, et benevolos promissionibus exhortari. Et sicut tuba in ore solet esse larga, largior in manu, ultra manum vero largissima, ita et prædicationis clara debet esse verbo, clarior opere, affectu vero debet esse clarissima ante Deum. Quia vero prædicationis fulciri debet, vel per manifestas rationes, vel per testimonia Scripturarum, aliter enim ea facilitate deberet respui, qua proferri, debent ægeli diversis tubis canere, secundum diversas rationes, vel diversas auctoritates Scripturarum. Est enim tuba corticea vox enigmatica prophetarum, tuba decorticata patens veritas evangelistarum : tuba cornea prædicationis doctorum, tuba carnea prædicationis facta per Filium incarnatum, ut scriptum est : *Multifarie multisque modis, olim loquens Deus patribus in prophetis, novissime locutus est nobis in Filio (Hebr. i).* Tuba aurea, vox ipsius Patris, qui ait : *Hic est Filius meus, etc. (Matth. iii.)* Et iterum : *Et clarificavi et iterum clarificabo (Joan. xii).* Tuba vero argentea vox angelorum; tuba vero ærea, quam vocat Apostolus novissimam designat : quæ ideo ærea dicitur, quia inflexibilis erit, et irrevocabilis definitiva sententia, qua dicitur, vel bonis : *Venite, benedicti;* vel malis : *Ite, maledicti (Matth. xxv).*

Propterea multe prædicatorum voces Spiritum sanctum attrahunt per devotionem, et os aperiant in prædicatione. Unde Psalmista : *Os meum aperui et attraxi spiritum, quia mandata tua desiderabam (Psal. cxviii).* Attrahit quippe prædicator oratione, devotione, bonis meritis, quandoque spiritum timoris : et os suum aperit ad vocem iudiciorum Dei, quæ fiet super aquas, id est super illos, qui more fluentis aquæ defluunt ad præcipitia voluptatis. Quandoque attrahit sibi spiritum pietatis, et os suum aperit ad vocem exercitationum : et hoc in virtute, id est per virtutem miraculorum, ne desperet, quos per timorem iudiciorum increpaverat, cum non sit illius manus abbreviata, qui Lazarum suscitavit, et Petrum lacrymantem respexit. Plerumque vero attrahit sibi spiritum scientiæ; et os suum aperit ad vocem mandatorum : et hoc in magnificentia, quia docet quomodo magnifice sciamus secundum Dei mandata conservari recte, in medio nationis hujus pravæ et perversæ. Multoties attrahit sibi spiritum fortitudinis; et os suum aperit

A ad vocem comminationum, quæ confringit cedros, nec simpliciter cedros, sed cedros Libani. Prædicat enim audaacter illius comminationes, qui destruet spiritu oris sui, vel illos, qui cum venerint in profundum malorum contemnant; vel eos, qui de meritis suis superbiunt et gloriantur. Illi sunt simpliciter cedri, isti vero cedri Libani. Aliquoties vero sibi attrahit spiritum consilii, ut aperiat os suum ad spirituale consilium : per quod interceditur flamma ignis, id est consensus, actus, et consuetudo peccati : quam quidem Dominus non exstinguit, sed interrumpit, id est intercedit, ne ignis, id est fomes peccati veniat usque ad consensum. Quandoque sibi attrahit spiritum intellectus, et os suum aperit ad vocem justificationum, ut concurat desertum, et desertum Cades. Prædicat enim secundum datum spiritum intellectus, quomodo per contritionem cordis, per confessionem oris, per penitentiam laborem, justificantur animæ, quas desertas a Deo peccata fecerant : quæ vel nunquam bonæ fuerant, vel post observantiam mandatorum a sancto legis recesserant. Primi quidem simpliciter deserta dicuntur; secundi vero deserta Cades. Cades quippe *sanctum legis* interpretatur. Nonnunquam vero attrahit sibi spiritum sapientiæ, et aperit os suum ad vocem promissionum; ut præparet cervos ad revelationem condensorum. Cervi quippe sunt viri sancti, qui venenosas malignorum spirituum repellunt et superant immissiones. Condensa vero sunt celestis multitudo dulcedinis, de qua dictum est : *Quam magna multitudo dulcedinis tuæ, Domine, quam abscondisti timentibus te! (Psal. xxx.)* Et iterum : *Oculus non vidit, Deus, absque te quæ præparasti diligentibus te (Isai. lxiv).* Ad hanc multitudinem dulcedinis præparat cervos Dei per vocem promissionum, quando proponit eis requiem sine labore, gaudium sine mœrore, sine conflictu victoriam, sine defectu gloriam sempiternam. Amen.

## SERMO XXII.

### DE SANCTISSIMA TRINITATE.

Cum verba philosophorum ampullosa, et ineptas eorum, qui magna loquuntur de minimis, verborum phaleras, quorundam fidelium corda pulsare viderem, meam cum cæteris motu capitis et narium contractione volens imperitiam consolari, vivebam, fateor, Pharisæum, dicens intra me : si isti fidei promissum non irritassent, scirent utique cujus, et qualis est scientia quæ tangit eos, quia peccatoris est. Sed quid in hoc mihi displicuit, nisi Christus loquens Samaritanæ mulieri? Aquam quippe mulieris non sitiebat, ut ei deficeret, sed ut bajulam suam meliore fonte reficeret, quæ prius portantis humeros onerabat. Viventem igitur in se, velut in speculo mirabilium Dei debet imaginem justus proponere, ut gravidas aquis hydrias vinum faciat cœnantibus parturire. Ad hoc enim cibum Sareptanæ mulieris Elias suscepit, ut cujus manus vix

farinæ pugillum invenerat, oleum in lecytho, et farinam in hydria indesinenter postmodum possideret (III Reg. xvii). Sic solis civitas lingua Chanaan loquitur (Isai. xix); et Abrahami inter Chanaanæos dives efficitur (Gen. xiii). Sic ut videat, prout viderat juxta fluvium Chobar, Ezechiel in campum egreditur; et oleaster insertus in olivis pullulat, fructificat, et fecundatur (Ezech. iii). Sic aurea vasa furamur Ægyptiis, sic Hebræo servit proselytus abscissis unguibus et rasis capillis. Sic sibi copulat Moyses Æthiopiissam, Osee meretricem. Unde in Deuteronomio scriptum est: *Si egressus fueris ad pugnam contra inimicos tuos et tradiderit eos Dominus Deus tuus in manus tuas, captivosque duxeris, et videris in numero captivorum mulierem pulchram, et adamaveris eam, voluerisque eam habere uxorem, introduces in domum tuam. Quæ radet cæsariem, et circumcidet ungues, et deponet vestem, in qua capta est; sedensque in domo tua flebit patrem et matrem suam uno mense, et postea intrabis ad eam, dormiesque cum ea, et erit uxor tua (Deut. xxi).* Egressi sunt namque ad pugnam doctores ecclesiastici contra inimicos suos, cum armati gladio spiritus, quod est verbum Dei, ad subvertenda mundanæ sapientiæ dogmata processerunt: *Arma, inquit Apostolus, militiæ nostræ, non carnalia, sed potentia Deo, ad destructionem munitionum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi (I Cor. x).*

Quia ergo tradidit Dominus hos inimicos nostros in manus servorum suorum, viamque fecit in mari equis suis, in luto aquarum multarum, in numero captivorum pulchra mulier adamatur cum in scriptis peregrinis aliqua utilis doctrina, quæ placeat, reperitur. Quam si quis ex nobis ducere velit uxorem, domesticamque sibi facere, non prohibetur; si tamen puella rasa cæsarie, et circumcisis unguibus deponat vestem in qua capta est, sedensque apud nos fleat patrem et matrem suam uno mense. Raditur quippe cæsarie, et unguibus circumciditur, cum si quid apud eam superfluum est, reseratur. Vestem deponit, in qua capta est, cum tumoris mulatur superficie, qua apud progenitores tota vestiebatur: qui utique dicentes se sapientes, in doctrinis suis magni sibi videbantur, nec humiliter loqui noverant, etiam quæ veraciter sentiebant. Sub alio ergo habitu introducit ad nos mulier ista, cum eorum dicta utilis sine supercilio legimus, et cum sobria gravitate proferimus. Sedens tamen apud nos fleat patrem et matrem suam, eos videlicet, a quibus edita est, cum legentes, ut tantorum virorum perditionem doleant, ad misericordiam fleat. Sic enim dici solet læta epistola, quæ lætos facit, et fovea cæca, quæ intus deprehensis visum subtrahit. Et Spiritus sanctus postulare pro sanctis dicitur, quia quos repleverit, postulantes facit. Sic quoque et hæc mulier plangit apud nos parentes suos, cum plangere nos compellit; et ea stimulante,

A quorum miramur ingenium, dolemus exitum. Per mensem vero, in quo lunæ cursus completur crescendo et decrescendo, humanæ vitæ mutabilitas designatur. Mense autem integro deflentur, quicum nihil unquam egerint, per quod iram evaderent sempiternam, tota vita sua steriles fuisse planguntur. Non præteribo, qualiter beatus Augustinus in libro *De doctrina Christiana* huic nostro sensui conveniat, docens, mulierem ex hostibus captam, et in matrimonium posse recipi, et tamen de progenitorum salvatione non posse præsumi. « Quisquis, ait, bonus verusque Christianus est, Domini sui esse intelligat, ubicunque invenerit veritatem, quam conferens et agnoscens etiam in litteris sacris superstitiosa figmenta repudiet, doleatque homines, qui cognoscentes Deum, non ut Deum glorificaverunt, aut gratias egerunt; sed evanuerunt in cogitationibus suis, et obscuratum est insipiens cor eorum. Dicentes enim se esse sapientes, stulti facti sunt. » Puto, in his verbis satis apparet, apud mulierem captivam, videlicet apud philosophorum doctrinam, cum in nostrum conjugium transit, quæ sit unguum circumcisio, rasio capillorum, dum superstitiosa repudiantur figmenta: quis sit etiam parentum luctus, dum dolemus homines, qui cum divino munere ad ipsius divinitatis notitiam sint assumpti, propter superbiam tamen ad insipientiam sunt redacti.

C Quid igitur aliud agit servus Dei, cum sensus mysticos de libris philosophorum conservis elicit; quam si aquam de petra, et oleum de saxo durissimo nobis propinet? Si sic igitur artibus uti voluerit, ut non fruatur eis, a labore suo confundi non poterit, quia tanta erat gloria cherub, ut sonitus alarum ejus audiretur etiam in atrio exteriori. Neque enim propter se debent diligi; quia congruum non est ipsis frui; sed quod bonum sit uti, probat auctoritas, docet ratio, monet opus, cogit necessitas. Emulari siquidem, prout possumus, opera Christi, nec duntaxat bonis, sed etiam malis rebus debemus bene uti. Omnia enim nostra, nos Christi, Christus vero Dei. Et ut de necessitate aliquid disseramus; scire debemus, quia sine rerum et vocum significatione nemo perfecte theologus esse potest. Cæteras siquidem artes in hoc theologia præcellit; quod voces sine rebus, vel res sine vocibus significant. In ista vero non tantum voces, sed etiam res significativæ sunt. Proprietas autem vocum in duobus consistit, in prolotione et significatione. Prolatio ad grammaticam, significatione ad dialecticam, utraque vero spectat ad rhetoricam. Similiter et rerum significatio in duobus consistit, in forma scilicet et natura: forma, quantum in exteriori dispositione; natura, quantum in interiori qualitate. Forma ergo in quatuor agnoscitur, in numero, in mensura, in proportione et motu. Numerus ad arithmetica, mensura ad geometriam, proportio ad musicam, motus ad astronomia; nam natura spectat ad physicam. Cum igitur Deus, quod esset et



quid esset, vel non esset, mundo palam facere dignaretur, in artibus suæ cognitionis primordia prælibavit, ut in ipsis cognoscerent eum per rationem, qui nondum meruerant per inspirationem. Nam rationem dedit Deus cunctis. Sed qualiter in istis per rationem cognitus sit, videamus :

Duobus modis Deum cognoverunt philosophi per rationem, vel in iis quæ erant in se, vel in iis quæ erant extra se. Unde Apostolus de illa cognitione, qua cognoverunt Deum in se, dicit: *Quod cognitum Dei, manifestum est in illis, Deus enim illis revelavit* (Rom. 1). Quod cognitum est, inquit, Dei. Non enim plene cognitus est Deus, sicut nec totus ignotus. Non enim plene cognosci voluit, ut fides haberet meritum; nec totus abscondi, ne infidelitas inveniret locum: et sic manifestum est in illis. Non ait, *illis*, ut de cognitione, qua cognoverunt Deum extra se, dicit: *Invisibilia mundi a creatura mundi, per ea quæ facta sunt intellecta conspiciuntur* (ibid.). Sed quia cum Deum cognovissent, non sicut Deum glorificaverunt, aut gratias egerunt; ideo evanuerunt in cogitationibus suis: et dicentes se esse sapientes, stulti facti sunt. In iis itaque quæ erant extra se, cognoverunt Deum quibusdam probabilibus et necessariis argumentis; in quibus summæ Trinitatis apparet vestigium, non probabiliter tantum, sed necessario probatum, sicut in illa geometrica propositione demonstratur aperte; quæ sic proponitur illis, qui sibi vindicant hanc artem.

Ex data recta linea triangulum æquilaterum constituere. In quo nobis primo considerandum est quid et quomodo probare nititur, et ex quibus infert quod probatur. Ex proposita siquidem linea, quam nullius argumentationis ratio probaverat, sed forte sine medio de medio facta quasi per se subsistens, tales et tali modo sibi petit lineas ordinari ut ab æqualitate primæ non discrepent; et matrem omnium figurarum (triangulum loquor), constitua t. Omnibus siquidem figuris dignior triangulus invenitur, qui quadrati vel circuli, vel figuræ cujuslibet rationem probat. Nam in propositione proposita non triangulus, sed trianguli linearum æqualitas in circulis comprobatur, ut cujuslibet trianguli rectum vel acutum, vel obtusum angulum proponentis differentia dignoscatur. Nam æquilaterus triangulus sicut lineas, sic angulos præterdit æquales. Sed nunc sacramentum trianguli videamus. In triangulo tres lineæ sic æmulantur unitatem, et ad invicem ununtur et accedunt ad se, ut fiat illis simile esse. Unde talis est in eo singularitas, ut nec augeri, vel minui, nec subtrahi quidquam possit ab eo, alioqui vel circulos, quibus probatur, excedit, si quid augetur; vel ad circulorum circumferentias non perveniet, si quid minuatur; vel totus destruetur, si quid subtrahatur.

Talis tamen in lineis pluralitas comprobatur, ut hæc non sit illa, vel tertia, vel e converso, alioqui non esset æquilaterus, cum nihil sit illud, cui est æquale, sed est unus aperte triangulus ille sine

divisione trinitatis, trinus vero sine confusione unitatis. Non est enim in eo singularitas imperfecta, nec pluralitas superflua, quia nec imperfectionem ostendit in lineis, cum nihil minus habeant singula; nec superfluum geminationem in toto, cum nulla sint ibi imperfecta. Unde patet quod nulla est ibi partium dissimilitudo; non est etiam ibi collectio diversorum, quia non est turba. Non enim hoc vocabulum, *Triangulus*, nomen est collectivum: alioqui grammaticè diceretur: *triangulus sunt*. Nec est ibi membrorum corporea compositio, quæ non est corpus. Si enim corpus esset, constaret ex superficiebus. Probatur autem sic linearum æqualitas. Propositæ lineæ quæ vocetur *a*, talis circumducatur circulus, cujus finem circumferentiæ tangat, et centrum in capite ponat. Addatur etiam et secundus in quo ratio conversa discernatur, et vocetur *b*, et a capite datæ lineæ protrahatur secunda linea ad locum ad quem circuli conveniunt, quæ vocetur *c*, et probatur secunda prima hoc modo: *a* et *b* a centro ad circumferentiã procedunt. Ergo *b* est æqualis *a*. Tertia vero, id est *c*, a prima et secunda probatur quadam argumentatione, quam logici vocant a primo, ad ultimum, hoc modo: *a* est æqualis *b*, quia hoc jam probatum erat. Sed *a* est æqualis *c*, quia a centro veniunt ad circumferentiã. Ergo *b* est æqualis *c*. Hoc autem totum dixi, ut scias, quod prima linea a nulla probatur; secunda a prima; tertia vero probatur ab utraque. Sed quando alijua figura ab alia probatur; quid aliud quam esse suum contrahit ab illa, per quam sic esse, sicut est, comprobatur? Sed jam superest, ut veritatem signi signo veritatis comparemus. Sicut in triangulo pluralitatem in lineis, singularitatem in figura, sic in summa Trinitate et unitatem in substantia, et trinitatem in personis consistemus. Sicut nec addere, nec augere, nec minuere triangulo debere aliquid diximus, ita nec summæ Trinitati. Augemus enim si Patrem majorem dicimus, quam Filium, vel Spiritum sanctum. Minuimus, si Filium minorem, quam Patrem vel Spiritum sanctum, dicamus: subtrahimus autem, si unam tantum personam et non tres personas credamus. Pluralitatem vero sicut in lineis, sic in personis assignamus. Sicut enim *a* non est *b*, vel *c*: nec *b*, *a* vel *c*: nec *c*, *a* vel *b*: ita Pater non est Filius, vel Spiritus sanctus; nec Filius Pater vel Spiritus sanctus; nec Spiritus sanctus Pater vel Filius.

Et sicut lineæ æquales sunt ad invicem, ita et personæ. Qualis enim Pater, talis Filius, et Spiritus sanctus, et e converso. Sicut autem nec compositionem membrorum corpoream, nec dissimilitudinem partium, nec collectionem diversorum, illic esse demonstravimus; sic profecto nec ibi, quia sancta Trinitas nec est turba, nec corpus, nec imperfectionem in personis, nec superfluum geminationem habet in toto; sed est Deus unus sine divisione Trinitatis, trinus sine confusione unitatis. Sicut vero prima linearum a nulla, secunda a prima, tertia ab utraque; sic prima personarum, id

est Pater, a nullo; secunda vero, id est Filius, a Patre; tertia autem, id est Spiritus sanctus, ab utroque. Sicut autem æqualitas trianguli ex duobus circulis sic ad invicem ordinatis, ut alter in alterius medio collocetur; sic et sanctæ Trinitatis veritas ex duobus Testamentis (quorum alterum in altero intelligitur), novo scilicet et veteri, comprobatur: quorum dispositionem Ezechiel contemplatus, ait: *Et erat rota in medio rotæ (Ezech. 1)*. Rotam autem in medio rotæ esse, est unum testamentum intelligi in altero. Ad Trinitatem igitur comprobendam de primo Testamento, quasi de primo circulo, potest hoc argumentum adduci, Psalmista docente: *Verbo Domini cæli firmati sunt, et Spiritus oris ejus omnis virtus eorum (Psal. xxxii)*. Per Verbum Filium, per Dominum Patrem, per Spiritum oris ejus Spiritum sanctum significare debemus. Sed quoniam per Filium et Spiritum sanctum, sicut per Patrem, cæli, et omnis virtus eorum, firmati sunt, patet in personis æqualitas. Singularitatem vero substantiæ ejus testamenti later probat Dominus. *Audi, Israel, Deus tuus, Deus unus est (Deut. vi)*. De secundo vero Testamento, quasi de secundo circulo, ipsa veritas eandem pluralitatem probat, præcipiens discipulis, et dicens: *Ite, baptizantes in nomine Patris, et Filii et Spiritus sancti (Matth. xxviii)*. In nomine, ait, non in nominibus, ut ostendat unum nomen esse Patris, et Filii, et Spiritus sancti. Sed et apertius personarum pluralitas ostensa est, ubi baptizato Domino Spiritus sanctus in similitudinem columbæ super eum descendit; et vox Patris audita est: *Hic est Filius meus dilectus (Matth. iii)*. Substantiæ vero singularitatem ipsa etiam veritas comprobat dicens: *Ego et Pater unum sumus (Joan. xx)*. Huic nostræ assertioni illud ineffabile nomen quod tetragrammaton vocant, eo quod ex quatuor constet figuris, videlicet, *jod, he, vau, he*, apertissime suffragari videtur. Nam litteræ istæ simul conjunctæ nomen unum efficiunt, quod essentiam divinam præfigurant, videlicet *je ve*. Distinctæ vero per tres distinctiones tria efficiunt nomina, quæ tres designant hypostases, ut sit prima distinctio *je*, secunda *eu*, tertia *ve*.

Quod autem conjunctæ litteræ essentiam divinam significant, vel distinctæ, hypostases, ex litterarum interpretationibus potest perpendi. *Jod*, enim principium, *he*, vita, *vau ipsa*, heth, *vivacitas* interpretatur. Dicatur ergo *je ve*, id est principium vitæ ipsa vivacitas, ut sit sensus, ipsa omnium rerum vivacitas est principium vitæ temporalis et æternæ. Omnia enim per ipsum vivunt, qui est ipsa rerum vivacitas; et hæc est sola divina essentia. Prima vero litterarum distinctio, scilicet *je*, interpretatur principium vitæ. Istud Patri proprie ideo convenit, quia hoc vocabulum principium modis omnibus Patri congruit: Pater enim est totius Trinitatis principium. Principium Filii, quia Filius a Patre est generatione; principium Spiritus sancti, quia ab ipso est processione vel spiratione.

A Principium etiam est ad creaturas. Hoc de Filio, hoc de Spiritu sancto dici non potest. Filius enim non est principium Patris, sed Spiritus sancti, et ad creaturas. Spiritus vero sanctus nec Patris nec Filii est principium, sed principium dicitur ad creaturas. Licet ergo Pater, et Filius, et Spiritus sanctus sint unum principium, tamen autonomastice Patri convenit, quod de ipso omnimodis prædicatur, non de Filio, nec de Spiritu sancto. Secunda distinctio, id est *eu*, vita ipsa interpretatur; et hæc Filio ideo proprie convenit, quia ipse hoc vocabulum vita, sibi singulariter appropriat, ubi ait: *Ego sum via, veritas, et vita (Joan. xiv)*. Unde Apostolus: *Cum enim Christus apparuerit vita vestra, tunc et vos apparebitis cum ipso in gloria (Colos. iii)*. Nam licet una sit vita Pater et Filius et Spiritus sanctus, Filius tamen unione deitatis animæ et carnis, aliter et quodam utiliori modo factus est omnium vita. In hoc enim quod Deus erat, temporalem contulit homini vitam, quoniam ipse est; sed per illam quam diximus unionem vitam contulit ei sempiternam, quoniam sine fine beatus est. Omnimodo igitur de Filio prædicatur hoc vocabulum vita. Tertia distinctio, id est *ve*, interpretatur ipsa vivacitas, et hæc Spiritui sancto proprie convenit, quo omnia vegetantur et foventur, ut suo calore vivant. Ipse enim est ardor Patris et Filii. Hinc scriptum est: *Spiritus Domini ferebatur super aquas (Gen. 1)*; vel sicut habet alia translatio, *incubabat aquis*, sicut mater ovis incubat, ut ea vivificet. Hinc etiam Ezechiel ait: *Hoc dicit Dominus Deus ossibus his: Ecce ego mittam in vos spiritum, et vivetis (Ezech. xxxvii)*. Et paulo post: *A quatuor ventis veni, spiritus, et insuffla super interfectos istos, et reviviscent (ibid.)*. Ut quomodo in prima conditione hominis insufflavit Deus in faciem ejus, et factus est homo in animam viventem, sic et conditio secunda, resurrectio mortuorum, insufflante spiritu vivificetur. Bene ergo Spiritus sanctus dicitur ipsa vivacitas; nam sicut in prima, sic in secunda conditione inspirante cuncta sancto Spiritu vivificata sunt, quia cunctorum est ipsa vivacitas.

Cum igitur decem sint nomina, quorum alia divinam significant essentiam, alia personarum pluralitatem, ut testatur Hebræa veritas, istud inter alia ideo dignius invenitur, et adeo, ut in lamina aurea in fronte sacerdotis portaretur; quod ipsum, sicut dictum est, utrumque, scilicet unitatem essentiae, et trinitatem significat personarum. Hæc enim sunt nomina, quæ essentiam repræsentant: *Saddai*, quem robustum, et ad omnia sufficientem accipere possumus; secundum *El*, quod Deus sive fortis interpretatur. Deinde *Eloi* et *Elve*, quod et ipsum Deus dicitur: quintum *Sabaoth*, quod virtutum, vel exercituum Septuaginta transtulerunt, sextum *Je, je*, quod in Exodo dicitur: *Qui est, misit me ad vos (Exod. iii)*; septimum *Iah*, quod in *Halleluiah*, extremam syllabam sonat, et invisibilis dicitur. Unde *Halleluiah*, laudate invisibilem,

interpretatur. Octavum vero, quod est, *Elohim*, A idem est, ac si dicerem, *Dii nostri*, et cujus singularis est *Eloah*. Similiter cum dico *Adonai*, idem est, ac si dicam *Dominum*, cujus singularis est *Adon*. Unde ubi nos in Psalmo dicimus: *Ego dixi, Dii estis (Psal. lxxxii)*, Hebræus habet, *Elohim maten*, id est *Dii estis*. Hinc etiam Laban ad Jacob ait: *Cur furatus es elohim (Gen. xxxi)*, id est *deos meos*. Et Moyses: *Non habebis elohim elim (Erod. xx)*, id est *deos alienos*. Lot quoque illos duos, qui cum eo loquebantur, angelos, *Adonai* appellavit, id est *Domini mei*. Quod tamen ista nomina cum verbo singulari plerumque junguntur, ad hoc fieri credimus, ut sic unus Deus in tribus personis demonstraretur, tum ut personarum pluralitas per hæc nomina monstraretur. Aperte etiam cum verbo plurali ponuntur in Hebraico plerumque. Unde cum dixisset Dominus ad Jacob: *Surge et ascende in Bethel, et habita ibi; et fac altare Deo, qui apparuit tibi (Gen. xxxv)*, hic singulariter ponitur, *Elohim niglu*, id est *Deus apparuit*. Sed cum postea Scriptura dicit, quod Jacob ædificavit ibi altare, et appellavit nomen loci Bethel, quia ibi apparuit ei Dominus, cum fugeret fratrem suum, hoc in Hebraico pluraliter ponitur. Habetur quippe, *Elohim niglam*, quod pluraliter dicitur, apparuerunt. Nam si singulariter dicere vellet, *nigla* id est apparuit, posuisset. Similiter quando David Deum laudans diceret: *Quæ est, ut populus tuus, gens in terra, propter quam ivit Deus, ut redimeret eam sibi in populum (II Reg. vii)*, hic et *Deus* et *ivit* in Hebraico pluraliter ponitur, scilicet *Elohim alchu*, quod iverunt significat, cujus singularis est *halac*, id est *ivit*. Manifeste ergo ostensum est quod quædam Hebræica nomina unitatem essentiæ, quædam significant pluralitatem personarum. Istud vero nomen tetragrammaton, eo quod utrumque, sicut dictum est, præfiguratur, cæteris dignius invenitur: quod de triangulo diximus, in hujus significatione nominis plenissime reperitur. Sed et modo talis inter eosdem circulos triangulus proponatur, cujus linea tantum secunda *b*, minio superinducatur: quæro a geometra, utrum in triangulo eadem singularitas in figura, vel pluralitas in lineis remanserit: utrum quantitas vel ratio trianguli mutata sit, utrum augmentum vel diminutionem receperit. Si enim non sit eadem singularitas, quæ prius, plures sunt figure: si major sit pluralitas, non est triangulus. Si quantitatem excessit, excedit circulos; si diminutionem, non pervenit ad eos.

Unde patet quod eadem singularitas, pluralitas, et quantitas, mutata non fuit. Non minima nostræ fidei nobis hic triangulus sacramenta ostendit, quia quævis Pater, et Filius, et Spiritus sanctus unum sint in essentia, solus tamen filius rubore carnis sic superinduci potuit; ut in nullo diminutionem pateretur Trinitas, nec essentiæ divideretur unitas, nec augmenti superfluitatem reciperet, nec imperfectionis detrimentum.

Sicut autem huius sanctæ Trinitatis vestigium, et veræ fidei sacramentum, et rationem quæ erat extra se necessario confirmavit, ita per rationem quæ erat intra se, confirmare potuit, triplicem in anima considerans virtutem, et eas non a seipso, sed a Deo, se recepisse non ambigens, rationem scilicet, et sapientiam et amorem. Consideravit enim, quod ex ratione nascebatur sapientia. Ideo enim bruta animalia non sunt susceptibilia disciplinæ, quia rationalia non sunt; et placuit ei sapientia sua, quæ a brutis animalibus eum dividebat; et dilexit eam, et consideravit, unde amor ille, quo ille diligebat sapientiam suam, procederet, et vidit quia ex ipsa ratione et sapientia. Rationabile enim est, et viri sapientis, ut diligat sapientiam suam.

B Consideravit ergo tria in se: rationem, quæ erat quædam vis animæ, quasi a nullo subsistens; sapientiam, quæ nascebatur a ratione; amorem, qui procedebat ex utraque: et hæc eadem in Deo contemplatus est. Non enim erat congruum, ut impotens diceretur Deus, qui sibi rationis potentiam dederat; nec stultus, qui sic ordinate et sapienter sapientiam ex ratione infuderat; nec habens odio sapientiam suam, cum hoc ex humana stultitia procedebat: sed aperte cognitio in Deo potentiam, et sapientiam, et benignitatem declarat. Et quoniam nihil in Deo diversum ausus est confiteri, nec verum erat: sed unum est totum quod est essentiæ, unitatem in Trinitate illa compulsus est ex ratione adorare. Et iterum, cum nihil esset imperfectum in Deo, nec superfluum geminationem in se habebat, nullam in eo partium dissimilitudinem ausus est adorare: sed sicut illam personam, quæ a nullo erat; sic et Filium, qui est a Patre; vel Spiritum sanctum, qui est ab utroque, Deum credidit sine dubio esse. Quia tamen unum in se erant illæ tres personæ, non ipsas tres Deos, sed unum oportuit eum credere. Illis igitur cognitis, non minus devotus quam fidelis, quæsit nomina, quibus ad memoriam tres illas personas et facilius revocaret, et devotus adoraret. Et sicut inter homines videbat, quia pater dicebatur ille, a quo filius erat; filius vero, qui erat a patre, Patrem et Filium nominavit: nec matrem vel filiam nominare voluit illum, in quo nihil femininum cognoscebat. Spiritum vero sanctum, qui erat ab utroque, et utriusque nomen assignavit, ut ex hoc ipso procedere dignosceretur ex utroque. Pater enim spiritus, et Filius; Pater sanctus, et Filius; unde Spiritum sanctum sic voluit appellare. Notanda tamen differentia inter hæc quæ in se cognovit, et illas tres personas, quas extra se contemplatus est. Nam illa quæ sunt in homine, adesse possunt et abesse, præter subjecti corruptionem: aliqua eorum dico, etsi non omnia, et animam etiam secundum majus aut minus afficiunt. In Deo vero quidquid est, et vere est, et essentialiter est: et unum est totum quod est. Unde patet quod in triangulo ratione familiariter Trinitatis invenies sacramentum. Sic igitur per triangulum in fide confirmamur: sed

non minus, si inspicias diligenter, in moribus in-  
formamur. Quia enim nos non tantum in anima  
gloriarī, sed etiam corpus humilitatis nostræ con-  
figurari corpori claritatis Christi credimus et con-  
fitemur: utrumque nostrum. hominem, exteriorem  
per opera, per affectiones interiorem, Deo com-  
mendare debemus. Quod tunc digne fiet, si diver-  
sas actiones diversis ita compaginamus virtutibus,  
ut quibusdam perfectionis circulis nobis impressis  
coronam æmulari perpetuam cognoscamus. Qua-  
tuor enim affectiones animi manifestum est esse,  
quibus si quatuor principales virtutes conjunxeris,  
quemdam vitæ perfectionis circulum expriment,  
quem Dominus in coronam interiori tuo homini  
commutabit. Debent enim aInvicem quatuor illæ  
virtutes copulari, quia humanarum rerum vera per-  
fectio illa est, quæ novit prudentiæ lumen, tempe-  
rantia decus, fortitudinis robor, justitiæ sanctita-  
tem. Sicut enim ait Jacobus in Epistola sua: *Qui  
in uno offenderit, factus est omnium reus (Jacob. 11)*.  
Prudentia siquidem sine fortitudine, est quasi gla-  
dius in manu contracti; fortitudo vero sine pruden-  
tia, quasi gladius in manu furiosi. Rursus sine for-  
titudine diu stare non potest homo, cum justificari  
hominem, sit mortificari carnem. Nec etiam stare  
potest justitia sine temperantia, cum scriptum sit:  
*Fili, ne sis nimium justus (Eccli. vii)*. Insuper et  
prudentia sine temperantia non permanet, quia scri-  
ptum est: *Non plus sapere, quam oportet sapere;  
sed sapere ad sobrietatem (Rom. xii)*.

Sed quando scit homo quid debeat facere, et facit  
quod scit, vere justus est, si tamen per tempe-  
rantiam justitia moderetur. Debet enim prudentia  
esse et justa, et fortis, et temperata. Similiter justitia  
fortis, et prudens, et temperata; fortitudo autem  
prudens, et justa et temperata: temperantia vero pru-  
dens, et fortis et justa. Ut igitur virtutes istæ per-  
fectionis circulum perficiant, debent in te quatuor  
affectionibus, quasi quodam bitumine colligari, id  
est tristitia, et desiderio, lætitia et timore. Pruden-  
tiam siquidem temperantiæ ligat tristitia. Qui enim  
sapiens est, magis diligit domum luctus quam gau-  
dii, sciens, quod vanitas vanitatum, et omnia vanitas,  
sicut scriptum est: *Qui apponit scientiam,  
apponit et dolorem (Eccl. 1)*. Et quia ipsa tristitia  
ad temperantiam pertineat, ipsa carnis maceratio  
docet. Si enim gastrimargia luxuriam movet et gau-  
dium, juxta illud: *Sedit populus manducare et bi-  
bere, et surrexerunt ludere (Exod. xxxii)*; non incon-  
grue temperantiæ, quæ gastrimargiæ opponitur,  
tristitia copulatur. Prudentiam vero fortitudini con-  
jungit desiderium. Libenter enim audit et operatur  
homo, quæ diligit: nihil amanti difficile est. Quid-  
quid agit homo, grave videtur, si displiceat, sicut  
econtrario leve, si placeat. Ad percipiendam vero  
disciplinam frustra aures carnis accommodat, qui  
cordis aurem obturat. Fortitudini justitiam ligat læ-  
titia. Nam ex mentis fortitudine procedit, illa operis  
hilaritas, quæ justitiam operatur, sicut scriptum

est: *Hilarem enim datorem diligit Deus (II Cor. ix)*.  
Justitiæ vero temperantiam copulat timor, il-  
lum dico, quem filialem dicimus, non servilem.  
Nam servilem virtus consummata repellit, sicut  
scriptum est: *Perfecta charitas foras mittit timo-  
rem (I Joan. iv)*. Filialem vero semper accendit et  
auget, sicut de eodem timore scriptum est: *Beatus  
homo, qui semper est pavidus (Prov. xviii)*. Debet  
tamen etiam timor iste per justitiæ regulam ita mo-  
derari, ne pusillanimitatem incurramus, vel despe-  
rationem, quia scriptum est: *Nunquam timor ma-  
lus est, nisi quando nimius est*. Si sic igitur tempe-  
retur justitia temperantiæ, justitiam proculdubio timor  
copulabit.

Ut igitur hæc sub compendio repetamus, diximus  
quia primum perfectionis circulum perficit tempe-  
rantia prudentiæ per tristitiam, prudentia fortitu-  
dini per desiderium, fortitudo justitiæ per lætiti-  
am, justitia temperantiæ solidata per timorem. Simili-  
ter et secundum exteriorem nostrum hominem per-  
fectum reddentem circulum investigare poterimus,  
si quatuor honorum operum genera virtutibus eis-  
dem copulemus. Quisquis enim in actibus suis  
perfectus esse desiderat, totus esse debet in consi-  
liis, in remediis, obsequiis, subsidiis. In consi-  
liis, si nosse suum in utilitatem proximorum effun-  
dat; in obsequiis, si beneficiis eos præveniat; in  
subsidiis, si in negotiis eorum tractandis terrorem  
divitum non pertimescat; in remediis, si in neces-  
sitatibus eorum etiam manus proprias imponat.  
Non enim tantum verba, vel nostra, sed etiam nos  
ipso proximo effundere funditus est necesse. Con-  
silia igitur subsidiis ligat prudentia; sapientis enim  
est, et scire consilia et dare, et causas aliorum tractare.  
Subsidia obsequiis ligat fortitudo; magna-  
nimi enim est vultus potentium non formidare,  
et sua cæteris communicare. Obsequia remediis ligat  
justitia, quia solius viri justus est, se et sua proxi-  
mis impendere. Remedia consiliis ligat temperan-  
tia; consilia enim et remedia, quibus prævenit alios,  
sic debet homo per temperantiam moderari, ut nec  
proximos propter se, nec se propter proximos par-  
vipendat. Ecce, ni fallor, duos habes circulos: al-  
ter quorum nec totus intra, nec totus extra alterum  
invenitur. In parte enim conveniunt, et in parte  
differunt. In illa igitur parte, qua conveniunt, id  
est in quatuor virtutibus, alter in altero compre-  
henditur; in illa vero parte qua differunt, quasi ex-  
tra alterum alter invenitur. Tales enim oportuit in-  
veniri. Et ex his duobus circulis triplicem humanæ  
vitæ perpendere potes utilitatem, per quam utilis  
debet esse homo Deo, sibi, et proximo. Deo per  
simplicitatem vel innocentiam; quæ utrumque ho-  
minem Deo commendans, quasi utriusque circuli  
circumferentias tangit; ideo maxime, quod ex qua-  
tuor virtutibus, quas in utroque circulo assignamus,  
habeatur. Sibi per sobrietatem, quæ exteriorem ho-  
minem debilitat, et interiorem confortat; et ex timore  
et desiderio proveniens, quasi proximi circuli

circumferentiam tangit; proximo per pietatem, ex qua consilia, obsequia, subsidia, remedia, perveniunt. Unde quasi secundi circuli circumferentiam tangit, et est quasi data linea simplicitatis, propter quam habendam duos circulos impressit. Sed quoniam sola simplicitas perfectionem non facit; quia scriptum est: *Ephraim columba seducta, non habens cor* (Ose. vii), per columbam profecto designans simplicitatem, debuit perfectionis triangulus perlici per pietatem et sobrietatem.

Si igitur hęc omnia, quę simplici sermone vix teneri poterant, per exemplum suppositum, non semel, sed sæpe, non ore, sed corde ruminando retractentur, quid aliud quam trianguli hujus perfectio in tenuissimo pulvere compingetur? Solet enim per pulverem, operum nostrorum ret: actatio designari; sicut in Exodo legitur, Domino dicente ad Moysen: *Sume tibi, ait, aromata, stacten et onycha, galbanum boni odoris, et thus lucidissimum, æqualis ponderis erunt omnia: faciesque thymiana compositum opere unguentarii, mixtum diligenter, et purum, et sanctificatione dignissimum. Cumque in tenuissimum pulverem universa contuderis, pones ex eo coram tabernaculo testimonii* (Exod. xxx). «Thymiana, ait Gregorius (19), ex aromatibus compositum facimus, cum in altari cordis virtutum multiplicitate redolemus. In tenuissimum vero pulverem aromata universa conterimus, cum bona nostra in pilo cordis occulta discussione retractamus. Aromata enim in pulverem redigere, est virtutes recogitando terere.» In pulverem virtutes depingit, qui se pulverem esse non ambigit. In pulvere pietatem depingebat, qui Solomitis et Gomorrhæis compassus, humiliter Domino dicebat: *Loquar ad Dominum meum, cum sim pulvis et cinis* (Gen. xviii). Et propheta: *Memento, Domine, quoniam pulvis sumus* (Psal. cii). Frustra enim se exercet in virtutibus, qui adhuc inflatus per superbiam, se pulverem esse non recordatur. Det Deus Pater, ut ita virtutes universas in pulverem possimus redigere, ut perfectionis circulis nobis impressis coronam perpetuam mereamur habere, præstante Domino nostro Jesu Christo, qui vivit et regnat cum Deo Patre in unitate Spiritus sancti Deus, per omnia sæcula sæculorum. Amen.

#### SERMO XXIII.

IN NATIVITATE S. JOANNIS BAPTISTÆ.

*Benedixit Dominus Isaac, et habitavit ad puteum visionis* (Gen. xxv). Fidelis sermo, et omni acceptione dignus: Isaac quidem ad præmium, nobis ad meritum, omnibus ad exemplum. Si enim nobis a Deo daretur intelligi, quę sit visio Isaie filii Amos (Isai. i), quis liber visionum Nahum (Nahum i); quę sint illę, quas vidit Ezechiel (Ezech. i), mirabiles visiones Dei; quę tandem omnium oracula prophetarum, qui olim Videntes dicebantur; aliquando et hoc daretur intelligi, qua benedictione dignus sit, qui habitat ad puteum visionis. Visiones

quippe prophetarum, pro suorum profunditate nosteriorum, puteis comparantur. Sed cum vas meum ad aquas visionis porto, videor antiquum illud renovare proverbium: *Eccc Saul inter prophetas*. Quenim mihi det, vel saltem transire juxta puteum visionis? Supervenientes a'lophylos formido, quę solent terra puteos adimplere (I Reg. xi). Deficit igitur super aqua de utre, quia vas fictile et confractum sine ligatura et operculo porto, nec in quo hauriam habeo, et puteus altus est. Propter hoc facta est anima mea sicut terra sine aqua Deo; et sicut Agar fugiens et sitiens in deserto, tanto longe facta est et peregrina ab Abraham, quanto in longinqua regione descendit pascere porcos. *Heu mihi, qui incolatus meus prolongatus est, habitavi cum habitantibus Cedar; multum incolatus fuit* (Psal. cmi), vel quod idem est, *facta est anima mea*. Sed hoc parum mihi. Nam in Cedar habitavi cum habitantibus Cedar: quippe qui moram feci in tenebris peccatorum, quem toties excæcaverunt per ignorantiam squamę Pauli, calidam sterco hirundinum per cupiditatem, Dalila per voluptatem, cum populo qui habitat in tenebris, et habitante in regione umbrę mortis, non potuit mihi lux oriri, nec sol justitię, nec habitare potui ad puteum visionis; tamen fiduciam habens in illum, qui aperuit oculos sitiens Agar, ut videret puteum visionis aquę vivę, aperiet oculos meos, ut nobis pariter et vobis, imo et camelis nostris aquam hauriam, et potum tribuam de puteo visionis. Nam ad hoc ut oculi nostri aperiantur, posuit lucernam Dominus super candelabrum, ut cæcos illuminaret, domos everteret, drachmam perditam inveniret. Hinc scriptum est: *Erat Joannes lucerna ardens et lucens* (Joan. v). Ardens sibi, sed lucens proximo. Et tanto clarior, quanto per ipsum nobis omnem viam justitię Dominus declaravit. Nam cum alia via justitię propalata sit patriarchis, alia prophetis, alia apostolis, alia martyribus, alia confessoribus, alia virginibus, alia eremitis, breve fecit Dominus omnium in Joanne justitię compendium semitarum.

Hęc igitur lucerna præeunte et prævia oculos aperiam, ut videam puteum visionis, et hauriam vobis aquam: si tamen vas meum dignetur implere, qui dixit: *Aperi os tuum, et implebo illud* (Psal. lxxx). Multa quidem puteorum colligimus mysteria de sacris Scripturis, quorum alia benedictione, alia vero digna sunt admiratione. Legimus enim quod Jeremias funibus submissus in puteum, aliis tandem funibus de pannis factis veteribus emissus est. Res mira, et omni admiratione digna! Si sic natus elephas, quomodo pertransibit agnus? Si justus vix salvabitur, impius et peccator ubi perebunt? Si enim usque ad excelsum Domini, (sic enim Jeremias interpretatur), perveniunt aquę, quis minor eo poterit tutus esse? Nobis enim hoc ponitur ad exemplum, quia multoties circumple-

ctuntur nos funes peccatorum, et in tantam abyssum peccatorum submitunt, ut clamare merito cum Psalmista debeamus: *Non me demergat tempestas aquæ, nec absorbeat me profundum, neque urgeat super me puteus os suum* (Psal. LXVIII). Sed pannis veteribus emittuntur, qui antiquorum exemplo humilitatem paupertatis imitantur. Hinc est quod Moyses considerans pariter et cognosceens, quod qui ambulat in tenebris, nescit quo vadat, et per hoc cadit in puteum, dum fugeret ab Ægypto, et veniret in desertum, levavit oculos suos, et vidit puteum, juxta quem septem filiaë Raguëlis sacerdotis Madian erant, ut oves adaquarent. Sed cum pastores terræ illius potum ovibus prohiberent, Moyses pastores expulit, oves adaquavit, et unam de filiabus sacerdotis Madian, nomine Sēphoram, desponsavit. Hoc est quod scriptum est: *Erat Moyses eruditus omni scientiā Ægyptiorum* (Act. VII). Nam puteus doctrinam significat. Septem vero filias, septem arbitror artes liberales, in quibus scientiā Ægyptiorum designatur, quarum oves philosophi, pastores physici et doctores; sacerdos Madian adinventor earum, gentilis, et per hoc filius iniquitatis, quia Madian *iniquitas* interpretatur. Sed cum pastores illi oves impedirent, sicut hodie philosophiæ doctores subjectos impediunt, qui ad nullam perfectionem eos adducunt, Moyses primo filias adaquavit, postea oves, quando primo in artibus mysteria divinitatis agnovit, et exemplum scientiæ ipsi Ægyptiis ministravit. Ad hoc enim liberales artes inventæ sunt, ut theologiæ deserviant. Nam cum in quibusdam earum vel res sine vocibus, vel voces sine rebus significantivæ sint, tanto eorum indiget theologia ministerio, quanto res et voces in ea significant. Ubi enim magis indigemus verbo, quam cum loquimur de Verbo? Ubi magis indigemus ornatu verbi, quam cum de Verbo loquimur specioso forma præ filiis hominum; quod splendor est Patris, et figura substantiæ ejus? Unde et plerumque amborum figura (20). Ubi magis indigemus rationali verbo, quam cum loquimur sapientiam? Ergo tanquam pedissequa grammatica deserviat verbo, ornatui verborum rhetorica, logica rationi. Rerum autem significatio vel circa formam, vel circa naturam consistit. Nam pro sui rapacitate quam habet a natura, lupus diabolus, pro sui simplicitate, agnus Christum insinuat. Et in hoc quasi pedissequa dominiæ physica deservit theologiæ. Forma vero consistit in numero, in mensura, et proportione et motu.

Igitur in numeris deservit theologiæ arithmetica, in mensuris geometria, in proportione musica, in motu vero astronomia. Nam ex ortu et motu novæ stellæ novi Regis ortum Magi cognoverunt. Illa tamen de talibus scripturis nobis servare debemus. que nos per contemplationem rationis penitus de-

A beant in altum elevare. Et accepit, ait Scriptura, *Moyses Sēphoram filiam sacerdotis Madian* (Exod. II). Sēphora avis interpretatur, filia sacerdotis: Madian iniquitas est, sacerdos Madian magister iniquitatis. Nam quamvis magister iniquitatis sit ille, ejus doctrina, si mores informat, respuenda non est. Unde et obstetrices Ægypti, quarum una Sēphora, altera Phua vocabatur, quamvis in contrarium Pharo præcepisset, masculos servarunt; timuerunt enim Dominum. Nam quidquid in te virile debet esse, per doctrinam duplicem poteris servare, unam quæ mores informat, et alteram quæ fidem ædificat, quamvis Ægyptiæ, quamvis a magistris tenebrarum, id est infidelitatis inventæ sint. Phua quippe, quæ *rubens*, vel *verecunda* dicitur, illam quæ mores corporum per activam vitam informat, doctrinam insinuat. Sēphora vero, quæ ut dictum est, *avis* interpretatur, illam quæ mentem per contemplationem elevat, doctrinam demonstrat. Hinc est, quod consilio Chusi infatuatum legitur consilium Achitophel. Consilium quippe dederat Absaloni contra David. Et ait Chusi: *Non hac vice bonum consilium dedit Achitophel* (II Reg. XVII). Tunc usus Chusi consilio Nathan et Sadoch, misit Achimaan et Jonathan ad David, dicens: *Noli in campestribus esse, sed ascende in montem. Qui cum abirent, vidit eos puer, et nuntiavit Absaloni. Qui misit nuntios, ut apprehenderet eos. Erat autem quidam vir habens puteum in vestibulo domus, in quo illi timentes absconderunt se. Et ecce quedam mulier velamen posuit super os putei. Unde illi nuntii Absalonis reversi sunt. Illi vero duo nuntiantes David consilium Chusi, liberaverunt eum de manu Absalonis. Absalon qui *pax patris* interpretatur, typum tenet heretici, qui cælestis pacem patris nuntiare se dicit, et aliis hanc promittit. Sed quamvis hoc dicat, tamen persequitur patrem suum David. Consiliarius autem ejus Achitophel, qui *fratris ruina* dicitur, hæresiarcham insinuat, quia per ipsum ruit frater ille cujus pater Christus, a quo et Christianus. Omnes enim in Christo fratres sumus. *Non accepistis*, ait Apostolus, *spiritum servitutis iterum in timore: sed accepistis spiritum adoptionis filiorum, in quo clamamus, Abba, pater* (Rom. VIII). Sed hujus consilium infatuat Chusi. Chusi Æthiops interpretatur.*

Ergo consilio Chusi infatuatur consilium Achitophel, quia consilium heresiarchæ gentilium plerumque condemnat auctoritas; ita tamen si auctoritas eorum legi consentiat et prophetis. Nam et ipse Chusi usus est consilio Nathan et Sadoch. Per Nathan prophetia, per Sadoch sacerdotem lex figuratur. Eorum enim Chusi usus consilio misit ad David Achimaan et Jonathan. Quod primum dixi Phuam, hoc idem dico Achimaan. Achimaan quippe *fratris mei decor* interpretatur. Duo autem fratres

ex uno patre et una matre nascuntur, exterior videlicet et interior homo. Interior homo semper existens est decor. Ad hoc enim semper interior nititur, quomodo per munditiam decorus exterior efficiatur. Ergo per Achimaan illa quæ mores informat, activa vita figuratur. Per Jonathan autem, qui columba donum dicitur, illud idem quod per Saphoram figuratur, illa videlicet doctrina, quæ rationis alis per contemplationem nos erigit : hoc tamen excepto, quod illic generaliter avis, ibi specialiter columba, avis scilicet gemebunda nominatur. Et bene, quia illa nobis doctrina necessaria est, quæ dolores docet et gemitus, ut scriptum est : *Qui apponit scientiam, apponit et dolorem (Eccl. 1)*. Et iterum : *Recogitabo tibi omnes annos meos in amaritudine animæ meæ (Isai. xxxviii)*. Puer autem qui eos vidit et nutriavit Absaloni, fidelis est, qui per puritatem mentis intelligit et discernit Scripturas : Absaloni nuntiat, quia convincit hæreticum. Sed mittit post eos jacula Scripturarum, quas pervertit, et videntur ejus hæresi suffragari. Sed ecce vir oriens nomen ejus, cujus domus est Ecclesia, habebat in vestibulo puteum, id est profunda mysteria Scripturarum, ubi ea quæ vel activæ vel contemplativæ conveniunt, sub velamine litteræ occulta sunt. Expandit enim velamen mulier illa, quæ accendit lucernam, sapientia scilicet summi Patris. Unde et per velamen litteræ decepti sunt, qui persequébantur David. Illi vero duo consulunt David, ut latam vitiorum viam deserat, et ascendat montem virtutum, Achimaan manu fortem, Jonathan vultu desiderabilem, et uterque David. Vis audire consilium Achimaan, et hoc ipsum consilio Nathan et Sadoch?

*Infantem nudum cum te natura creavit,  
Paupertatis onus patienter ferre memento.*

Unde dictum est : *Beati pauperes spiritu, quoniam vestrum est regnum cælorum (Luc. vi)*. Et iterum :

*Animum rege, qui nisi paret,  
Imperat, hunc frenis, hunc tu compece catenis.  
(HORAT., Epist. 1, ep. 2, vers. 60, 61.)*

Unde et in sacra Scriptura : *Omni custodia serva cor tuum, quoniam ab ipso vita procedit (Prov. iv)*. Vis audire consilium Jonathan?

*Jam nova progenies cælo demittitur alto.*

(VIRG. Eclog. 4, vers. 7.)

Unde et Isaias : *Ecce virgo concipiet, etc. (Isai. vii)*. Sic vasa aurea furamur Ægyptiis, sic gignimus ex concubinis. Sic Hebræo servit proselytus, abscissis unguibus et rasis capillis, quia tanta est gloria cherub, ut vox ejus audiatur in atrio exteriori. Quamvis ergo vel circa ea quæ mores edificant, vel fidei testimonium habent, nos Scripturæ philosophorum erudiant, quia tamen non sunt putei visionum, nec ad quos Isaac habitat, non est nobis tutum longiore ibi moram facere, vel diutius habitare, sed paululum gustata aqua pertransire. Propterea et mulier dicebat querentibus Achimaan et Jonathan : *Paululum gustata aqua transierunt*

(II Reg. xvii). Breviter quippe vel introductionis modo debemus tales aquas gustare, ut postmodum aquam sapientiæ salutaris diutius hauriamus de puteis Salvatoris. Illam quippe philosophiæ doctrinam, quasi meretricem, quasi peregrinam, quasi concubinam cognoscere; theologiam vero quasi unicam, quasi domesticam, quasi reginam diligere. Hinc est quod Abraham locutus est ad puerum suum : *Jura, inquit, ut non accipias uxorem filio meo de filiabus Chananæorum, inter quos habito : sed ad terram et ad cognationem meam proficiscaris, et inde accipies uxorem filio meo (Gen. xxiv)*. Ipsas ergo filias Chananæorum, vel sibi vel filio suo habuit quasi pedissequas et peregrinas, non autem ut dominas, aut domesticas. Abiit ergo puer, et ductis secum decem camelis, venit ad fontem aquæ; et ait intra se : Puella cui dixerò, Da mihi aquam, et illa dixerit, Tibi et camelis tuis potum tribuam, ipsa est, quam præparasti, Domine, filio domui mei. Vix sermonem compleverat, et ecce Rebecca. Quæ reversa ad puteum, et puerum et camelos adaquavit. Quam secum ducens, invenerunt Isaac ad puteum aquæ vivæ.

Ecce iterum, dilectissimi fratres, oculos aperio, et duos puteos aquæ vivæ respicio. In uno quorum puer Isaac Rebeccam, in altero Rebecca Isaac reperit, cum egreditur ad meditandum. In his duobus duplex illa doctrina designatur, quarum una mores, altera fidem ædificat. Tanto tamen excellentius et evidentiùs, quanto cæteras artes ars artium et regimen animarum, theologia præcellit. Abraham quippe, qui *pater multarum gentium* interpretatur, *humani sensus tenet imaginem*, quia sicut Abraham genuit Ismael de Agar, scilicet de concubina filium adulterum et odibilem, de Sara Isaac, de sponsa scilicet filium promissionis et legitimum; de Cethura vero uxore secunda filium iniquitatis, prout interpretatur Madian : sic sensus humanus de conscientia, cum peregrinatur a Deo suo, voluntatem pessimam parit, et odibilem Deo. Quandoque vero de conscientia, cum tenet principatum virtutum, cum deesse ei incipiunt muliebria; cum nihil femineum, sed totum virile in se sentit, parit fructum spiritus, quod est gaudium, pax, patientia, etc. Plerumque de Cethura, quæ *incensum* vel *thymiana* dicitur, corpore fere emortuo, Madian, id est filium iniquitatis gignit. Et quamvis tentatio carnalis in ipsa sit emortua, et bonum odorem in omni loco conscientia redoleat, tamen ex hoc ipso filium iniquitatis gignit, cum inde vel vanam gloriam, vel superbiam, vel contemptum conscientia concipit. Habet tamen servum fidelem, et seniorem domus suæ, rationem scilicet, qui sibi decem camelos sternit, cum omnem sensualitatem sibi subjicit. Ille igitur primo accedit ad fontem aquæ, cum accedit ad initium sapientiæ. Initium enim sapientiæ timor Domini. Cum enim menti timorem ratio ineuit, servus ad fontem aquæ venit. Talem ergo servus puellam querit, quæ sibi et camelis

potum tribuat; videlicet quæ rationem et ipsam sensualitatem aqua sapientiæ salutaris reficiat, quæ fuit de timore filiali. Et ecce Rebecca, quæ *patientia* interpretatur. Patientia quippe occurrit rationi, et timore reficit filiali, cum hydriam conscientia replet aqua sapientiæ salutaris. Ducit igitur servus Reb eam in camelo. Servus Rebeceam ducit, cum patientiæ rati habiliter viam veritatis incedit. Sed adhuc in camelo, quia nec in Deo, nec propter Deum, sed alicujus causa sensualitatis de adversario vindictam non quærit, et quod vel damna majora metuit, vel vindicandi tempus aut locus non accedit.

Sed cum Isaac occurrit ad puteum, ubi egressus est ad *meditandum*, Rebecca de camelo descendit (Gen. xxiv), cum nihil habeat sensualitatis. Quod tunc digne fit, si de puteo in meditationibus suis haurit aquam devotionis. Et Isaac conjungitur, cum garrulo copulatur, cum voluntaria efficitur. Unde Isaac *garrulus* interpretatur. Ut autem hanc voluntariam patientiam sensus humanus per rationem acquirit, per in omnium necesse est, ut illum ante oculos mentis ponat, qui propter nimiam charitatem suam qua dilexit nos, ignem suæ divinitatis sub cinere nostræ mortalitatis tunc, et propter injustos ab injustis injuste teneri voluit, et per patientiam voluntariam pati, ut pro nobis offerret sacrificium Deo Patri. Et sol justitiæ, qui primo in nubibus videbatur, propter iram, postmodum non tam ardens quam lucens appareret per dilectionem.

Recurrendum est igitur ad puteum, in quo patres nostri, id est prophetae sub mysteriorum velamine ignem divinitatis absconderunt, sed nepotes eorum, id est apostoli sub illis mysteriis aquam crassam, id est Christum humanatum cognoverunt (II Machab. 1). Aquam propter humanitatem, crassam propter charitatis pinguedinem. Qui sacerdos et hostia factus obtulit holocaustum pro nobis; et per hoc reconciliavit ima summis. Tunc a Moyse velamen amovit, libros signatos aperuit, lapidem ab ore putei sustulit, ut quasi Jacob oves Rachelis adhaerere, id est filios Synagogæ spirituali verbo satiare, et ipsam Rachel sibi desponsaret, id est Ecclesiam de Judæis congregatam sibi uniret. Sed hoc modicum suæ pietati: quia et Ecclesiam de gentibus verbo vite satiavit, cum Samaritanæ hydriam, quam invenit ad puteum Jacob, fonte baptismatis adimplevit (Joan. iv). Ut igitur in his omnibus doctus, et per hoc omni benedictione dignus, non solum habitabat, sed et fodiebat puteos visionis Isaac. Omnis enim, de qua supra dictum est, doctrina, sub quadruplici doctrina, logica, ethica, physica, theologia concluditur. Logica rationalis scientia est, ethica moralis, physica naturalis, theologia spiritualis. Primum puteum fodit Isaac, et vocavit eum inimicitias (Gen. xxvi), quia cum homo juxta rationem vivere incipit, vel desiderat, inimicatur ei mundus, inimicatur caro, adversatur dia-

bolus. Si vero compositioni morum intendat, calluniantur hoc operibus suis pastores, qui cum aquam limpidissimam hanc biberint per doctrinam, operibus suis quasi pedibus eam ovibus turbant. Propter hoc puteus ille Calumnia vocabatur, pastoribus illis dicentibus: *Nostra est aqua* (ibid.). Cum enim pastores solent redargui, et respondent arguenti, Non est tunc arguere, quia nostrum est leges cudere, videntur dicere, *Nostra est aqua*. Tertius puteus, quem vocavit abundantiam (ibid.), naturalis est scientia: qui tanto fecundius abundat, quanto non solum hominibus, sed et ipsis brutis animalibus potum propinat. Neque enim est animal brutum, quod naturam non custodiat. Quartus puteus qui dicitur Juramenti vel Satiæ (ibid.), spiritualis est scientia. Qui per hoc satiæ dicitur, quia per ipsum verbo Dei sitiens anima satiatur. Juramenti vero dicitur, quod secundum historiam, et secundum sensum spiritualem Abimelech, Ochozar, et Phicol illi fœlerantur (Gen. xxvi). Teste siquidem Origene, per Phicol, qui interpretatur *es omnium*, moralis scientia, per Ochozar, qui *tenens* dicitur, naturalis; per Abimelech, qui *pater meus justus* dicitur, rationalis scientia figuratur.

Isti ergo cum Isaac ad puteum fœlus ineunt, cum tres illæ scientiæ cum spirituali scientia conveniunt. Quidquid enim naturæ, quidquid rationis, quidquid morum est, docet sapientia spiritualis. Propter hoc puteus iste vocatur puteus visionis. Hujus autem putei puer Isaac aquam vehementius erumpentem invenit, et inventam Domino nuntiavit. Aquam quippe hujus putei primo bibit, et fontem ejus putei foras derivavit. Sed quis putas puer iste erit? Etenim manus Domini erat cum illo (Luc. 1). Ipse est de quo pater suus Zacharias ait: *Tu, puer, propheta Altissimi vocaberis* (ibid.). Hic igitur aquam illam de puteo bibit, de qua scriptum est: *Flumina de ventre ejus fluent aquæ vivæ* (Joan. vii). Vultis animadvertere, quomodo aquis istis se primo reficit, et quomodo nos? Ponamus historiæ fundamentum: *Fuit in diebus Herodis regis Sacerdos, nomine Zacharias, de vice Abia, et uxor ejus de familia Aaron, nomine Elisabeth* (Luc. 1). Elisabeth autem *Dei mei juramentum*, vel *Dei mei satiæ* interpretatur. Jam sub nomine Elisabeth puteum Juramenti vel Satiæ tenemus. Sed quod Dei mei juramentum? *Juravi*, ait Dominus, *ut non adjiciam aquas diluvii super terram* (Gen. ix). Et iterum: *Juravit Dominus, et non poenitebit eum: tu es sacerdos in æternum secundum ordinem Melchisedech* (Psal. cix). Et rursus ad Abraham: *Permenetipsum juravi quia non pepercisti filio tuo Isaac, faciam te in gentem magnam* (Gen. xxii). Et iterum Zacharias: *Jurandum, quod juravit ad Abraham patrem nostrum, daturum se nobis*. Hæc omnia Deus juraverat, sed nihil horum compleverat, quia nondum aqua inventa erat in puteo juramenti, sed sterilis erat Elisabeth, id est sine fructu operis erat Dei mei juramentum, quia ipse in Evangelio ait. *Circa*



meus est, ut faciam voluntatem Patris mei, qui misit me, ut omnis qui videt Filium, et credit in eum, habeat vitam æternam (Joan. iv). Cum nec istud complevisset, non erat aqua in puteo satietatis inventa, sed sterilis erat Elisabeth, quia necdum pervenerat Dei mei satietas ad effectum. Sed puer intravit puteum Juramenti, ventrem scilicet Elisabeth, et flumina de ventre fluxerunt aquæ vivæ.

Vultis audire quomodo de ventre fluxerunt aquæ vivæ? Unde hoc mihi, ait Elisabeth, ut veniat mater Domini mei ad me? (Luc. 1.) Ecce enim puer ille, qui fodit puteum ventris, exsultavit in gaudio, quia aquam sapientiæ salutaris invenit. Sed et nobis hujus aquæ plenitudinem effudit, qui nobis perfectionis et gratiæ exemplum nascendo, vivendo, moriendo, ministravit. Fuit in diebus Herodis regis sacerdos quidam, nomine Zacharias (ibid.). Zacharias quippe memoria Domini interpretatur. Sed quid dicit Salomon? In die malorum, ne immemor sis bonorum (Eccli. xi). Dies autem malorum est, de quo ait Jeremias: Diem hominis non desideravi, Domine tu scis (Jer. xvii). Dies igitur malorum, et dies hominis, dies sunt Herodis. Herodes quippe gloria pellis interpretatur. Ergo dies eorum, dies Herodis sunt, qui non in anima, sed in pelle gloriantur. Omnis gloria filiorum Regis ab intus; sed deforis est peccatorum gloria. Maledictus enim fuit ille Judæ filius, qui Her, id est pellis vocabatur. Nec nisi detracta pelle hostiæ Deo sacrificium gratum accipitur. In diebus igitur Herodis Zacharias templum ingreditur, cum inter prosperitates et carnis gloriam, Domini sui justitia memoratur: et ea quæ carnis sunt parvipendens, illi soli vult adherere per devotionem, cui offert incensum boni odoris per orationem. Ille enim, qui mundi prosperitatem aut gaudium, cum arridet, parvipendit pro Domino, ipse est qui cum Abraham ad immolandum Isaac in mentem devotionis ascendit. Visitationem ab angelo, et mutus efficitur, cum supernam illam et supercælestem et incomprehensibilem divinitatis hierarchiam animo meditat. Mens enim tenebris suis assueta, quando internam divinitatis claritatem contemplari nititur, quasi tremantibus et palpantibus luminibus vim insoliti fulgoris non sustinens, ipsis primi aspectus radii reverberatur. Unde scriptum est: Qui scrutator est majestatis, opprimetur a gloria (Prov. xxv). Hinc et Salomon ait: Dixi: Sapiens efficiar, et ipsa longius recessit a me (Eccli. vii). Propter hoc et ipse Moyses, qui omni sapientia Ægyptiorum eruditus erat, cum mentis oculos in lucem inaccessibilem posuisset, gracilem voce, et ineloquentem se esse confessus est. Ipse etiam Elias in ostio spelunçæ suæ, nec in spiritu grandi et forti, nec in commotione, nec in igne Deum vidit, quem tamen in sibilo auræ tenuis agnovit (III Reg. xix): quia profecto ibi bene cognoscitur Dominus, ubi deficit sensus humanus. Propter hoc et Psalmista ait: Quam dilecta tabernacula tua. Domine virtutum: concupiscit et deficit

A anima mea in atria Domini (Psal. lxxxiii). Ergo cum mens theoricæ ad alta rapitur, in quibusdam non solum muta, sed et cæca, in quibusdam vero videns et eloquens efficitur. Nam cum secundum theoriam verum in omni quod est, et quod non est, scrutari eligit, quibusdam gradibus contemplationem ad summum ascendit. Nam vel mathematicè speculatur visibiles rerum visibilibus formas, vel physice invisibiles rerum visibilibus causas, vel symbolice colligit et coaptat formas visibiles ad invisibilium demonstrationem, vel theologicè contemplatur invisibiles substantias et invisibilium substantiarum invisibiles naturas.

His tamen omnibus modis principalis et superprincipalis aliquatenus manifestari potest, in figuratis symbolis divini patris beatissima hierarchia, ut postmodum mens humana certæ contemplationis gradibus ad summa conscendens, sacra divini eloqui inspectione cælestia secreta etiam analogicè contempletur; et sic ex duobus generibus visionum ad omnem perfectionem ascendit, quæ per gratiam divinæ revelationis theologorum et prophetarum mentibus fuit infusa: Unum, quo formis et figuris et similitudinibus rerum occultarum veritas obumbratur: quod genus visionis et græcè theophanias, id est divinas apparitiones appellant; alterum, quo ascensu mentis et excessu nude et pure, et absque integumento; sicut est, illum cælestem sacratissimum principatum nititur contemplari, quod analogicè nuncupatur. Sed in hoc ultimo genere visionis ita tremit et palpat mens humana, ut tenebris ignorantiae suæ obvoluta, ad illam claritatem et veritatis lumen, nisi dirigatur, exire non potest; sed quasi cæca et manuductione utens, quod non videt, incedit; et incipit liquefieri per visionem et visitationem dilecti; ut nec illud de Deo concipiat quod debet aut velit, nec loqui possit quod concipit, cum cælestis regni circumvelatum ultra, et divini luminis incircumscriptum adhuc investigare nititur, et deficit investigans. Hæret in contemplatione mens attonita, obstupescit trepida, loquens penitus obmutescit, et inopem reddit copia, quam fecerat inopia copiosam: miroque modo proficiendo deficit; et tunc magis proficit, cum venerit ad defectum. Cum enim illius cælestis, tenuissimi, et acutissimi radii lumine mentis suæ radium fugit, oportet ipsum tenuissimum esse, acutissimum et clarissimum. Quia nec spissa tenuissimis, nec obtusa acutis, nec tenebrosa conveniunt claris. Et propter hoc tanto magis ad illud lumen illuminandum, intuendum, et acuendum necesse est, ut cum tenuissimo lumine quasi sibilus auræ tenuis attenuetur. Quidquid tamen de Deo potest cogitare, et ad memoriam reducere, non ex subtilitate ingenii sui, vel ex perspicacitate memoriæ subtilis esse cognoscat; sed gratiæ Dei tribuat totum; qui nec totus vult agnosci, ut fides habeat meritum; nec totus abscondi, ne infidelitas inveniat locum. Quod enim de cognitione Dei a memoria per fidem gignitur,

non Zacharæ, sed Joannis, id est gratiæ Dei nomen imponitur. In his igitur omnibus Joannis natiuitas, id est ortus gratiæ figuratur, sine qua nemo venit ad Patrem; nec illam potest gloriam contemplari, quam promisit diligentibus se Jesus Christus Dominus noster, qui cum Patre et Spiritu sancto vivit et regnat Deus, per omnia sæcula sæculorum. Amen.

## SERMO XXIV

DE SANCTO JOANNE BAPTISTA.

Ecce ego Joannes vidi angelum ascendentem ab ortu solis, habentem signum Dei vivi. Videntis auctoritas, visionis utilitas, utriusque veritas revelata demonstrat, quam credibilia facta sint hæc testimonia nobis. Hæc est enim aqua sapientiæ salutaris, distillans de fontibus Salvatoris. Hic est sermo fidelis, eructatus de pectore veritatis. Hic est solis radius, tanto lucidius reverberans oculos aquilæ spiritualis, quanto sublimius avolavit. Secundum igitur nomen ejus, sic et laus ejus in gratia Verbi, quod fuit ab initio; quod vidit, quod audivit, quod manus ejus tractaverunt de Verbo vitæ, et annuntiavit, dicens. *Ecce ego Joannes*, etc. Non est arbitrandum, fratres, quod visio ista fuerit corporalis, quod imaginaria, quod animalis, sed potius spiritualis. Non fuit sensualis, non phantastica, sed potius intellectualis. Dicit ergo: *Ecce ego Joannes vidi angelum*. Nota quia jam viderat angelum descendentem, qui habebat irim in capite, signum videlicet Dei vivi. Et bene, quia qui descendit, ipse est et qui ascendit, et nullus ascendit, nisi qui descendit. Solus ergo Christus descendit, et solus ascendit. Solus descendit, sed totus ascendit; solus descendit, quia caput ad corpus; totus ascendit, quia caput et corpus. Unde ait: *Hostiam et oblationem noluisti; corpus autem aptasti mei (Psal. xxx; Hebr. x)*.

Vidi, inquit, angelum ascendentem ab ortu solis. Quid est, quod adalatum est, ab ortu solis? Nunquid semper ab ortu solis est ascendere? Non. Semina quippe orto sole aruerunt. *Exortus est enim sol cum ardore, et fenem arefecit (Jac. i)*. Sed et Jehonias filius Saphan cum viginti quinque viris ad oravit ad ortum solis, et dixit Dominus propheta: *Certe vidisti, fili hominis, abominationes, quas isti faciunt (Ezech. viii)*. Nunquid ab ortu solis ascendeant, qui sic adorabant? Igitur ab ortu solis non est semper ascendere, et tamen sine ortu solis non est ascendere.

Ante quippe solis ortum erat nox, in qua pertransibant bestię silvæ, catuli leonum. Sed ortus est sol, et congregati sunt, et potuit exire homo ad opus suum, et operando proficere, et proficiendo de virtute in virtutem ascendere. A solis autem ortu discite parabolam. Nam sicut sol percurrit zodiacum, circuit firmamentum, spheram illuminat megacosmi: sic et in microcosmo Sol justitiæ ascendit mentis affectum, accendit cor ad virtutis firmamentum, illuminat spheram cogitationum. Homo

A siquidem microcosmus, id est minor mundus, pro similitudine quam habet cum megacosmo, id est majori mundo, nominatur, Unde in Evangelio homo mundus dicitur, ibi: *Mundus eum non cognovit (Joan. i)*. Hinc est quod primus homo vocatus est Adam, ut ex ipso nomine se microcosmum esse agnosceret. Quatuor quippe sunt climata megacosmi videlicet oriens, occidens, septentrio, meridiēs. Et hæc quatuor ejus nomen insinuant. Nam ex quatuor litteris nomen illud constituitur, videlicet anatole, quod interpretatur oriens; dysis vel delta, quod occidens; arctos, quod septentrio; mesimbrion, quod meridiēs. Hinc est, quod tota successione ejus propago ita nominis hujus videtur posse trahere rationem, ut jam non filii Adam, sed omnes Adam merito debeant appellari. Omnes enim a die conceptionis suæ per dies quadraginta sex in uteris matrum membrorum lineamentis sunt formati, ita ut quadragesimo sexto die formatione plene consummata infundatur spiritus in animam viventem. Hujus formationis numerum nominis illius elementa representant. Fit enim ex  $\alpha, \delta, \alpha, \mu$ .  $\Delta$  1,  $\delta$  1, item  $\alpha$  1,  $\mu$  1. demonstrat. Quæ si simul conjunxeris, et nomen Adam, et humanæ formationis plenitudinem adimplebis. Unde et Salvator quadraginta et sex annis templum a Judæis ædificatum prædixit solvendum (*Joan. ii*), ut per hoc homo perfectus ostendatur. Quia si primus perfectus numerus senarius prædictum numerum multiplicet, numerum dierum complebit, qui a die conceptionis ejus usque ad diem natiuitatis ipsius, novem scilicet menses et dies sex: sexies enim quadraginta et sex, ducenta septuaginta et sex constituunt.

Tot autem dies invenies, si ab octavo Kalendas Aprilis, quo conceptus de Spiritu sancto creditur, usque ad octavum Kalendas Januarii numerentur. Et sicut major mundus spheram, sic et spherulara habere dicitur minor mundus. Unde Moyses in eandem tabernaculi cum scyphis et liliis spherulam esse præcepit (*Exod. xv*); ut quicumque in Ecclesia Dei fidei lumen habet, necesse sit, cum lilio munditiæ et doctrina sapientiæ, ut cursum vitæ suæ cogitando revolvat. Ait enim Salomon: *Oritur sol et occidit, et ad locum suum revertitur, et gyrat per meridiem, et flectitur ad aquilonem (Eccli. i)*. Sol igitur oritur, cum Sol justitiæ mentem per fidem illuminat, sed occidit, cum post fidem, labitur in peccatum. Oritur sol, cum visitat hominem diluculo; sed occidit cum subito probat. Item, gyrat per meridiem, cum per cognitionem reddit ad devotionem; reflectitur ad aquilonem, cum per consensum mentis incurvat ad tentationem; gyrat per meridiem, cum in meditatione exardescit ignis; flectitur ad aquilonem, cum per iniquam suggestionem charitas refrigescit. Jam duo, ni fallor, cum suis differentiis coluri spherulæ spiritualis apparent. Colurus dicitur a colon, quod est membrum, et urus, quod est bos silvestris. Unus quidem ascensionis anabibazon, id est sursum scandens; alter

descensionis, catabibazon, id est *latens*. Prima differentia primi est, quod sol oritur : prima secundi quod sol occidit, secunda primi, quod gyrat per meridiem ; secunda secundi, quod flectitur ad aquilonem. Sed quid ista menti conferunt ? Ad hoc oritur, ut speres ; occidit, ut doleas ; gyrat per meridiem, ut diligas ; flectitur ad aquilonem, ut timeas. Jam duobus coloris quinque innexos consideras parallelos. Si igitur de orta persecutione sic timeas, ut nec devotionem adesse sentias, nec affore credas, in mundanum timorem incidis. Si vero propter occasum culpæ vel pœnæ, dolore cordis tactus intrinsecus recogitas annos tuos in amaritudine animæ tuæ, ita tamen quod nec spei consolatione nec gaudio devotionis dolor relevetur ; dolebis serviliter, et servilem timorem dolor pariet ; et si bene feceris ex hoc, serviliter facies. Si autem gaudeas in fervore, ita quod de præteritis non doleas, nec futuras timeas tentationes, efficiaris necesse est elatus, quia tale gaudium pariet tibi præsumptionem. Sed si per fidei lumen oriatur tibi sol justitiæ, ita quod de peccatis præteritis doleas, et tentationis timeas recidivum ; accedet statim initium sapientiæ timor Domini initialis. Quod si de charitatis fervore gaudeas, ita tamen, ut te semper doleas peccatorem ut non de propitiato peccato sis securus, sed semper timeas ; accedet statim castus, qui permanet in sæculum sæculi, timor filialis.

Ex hoc igitur mansiones spiritualis sphaerulæ, quasi quinque zonas majoris sphaeræ discernere potes. Quarum tres sunt inhabitabiles, duæ habitabiles. Inhabitabilium vero frigidæ duæ, et una torrida. Quid enim frigidius timore mundano, quo divina charitas repellitur ? Frigidus etiam timor, cum quo charitas non habetur. Torridus autem est fervor inordinatus, contra quod ait sponsa in Canticis : *Ordinavit in me charitatem* (Cant. 11). Hæ igitur mansiones omni justo sunt inhabitabiles. Temperata vero mansio est timor initialis, cum quo charitas incipit. Temperatur etiam timor filialis, quem charitas perficit ; sed et ipsa zonarum vocabula huic nostræ videntur alludere assertioni. Mundanum quippe timorem dicimus, quando superveniens persecutionis timore bonum facere non audemus. Unde bene arcticos appellatur. Arcticos enim ab arctos, id est a *septentrione*, unde aquilo oritur, appellatur. Per hoc igitur, quod bonum facere non audemus, abundat iniquitas, et charitas refrigescit. Timor vero servilis est, quando solo timore pœnæ, non amore bonum facimus : nec in hoc charitas possidetur. Timore tamen bonum facere, vel timore bonum non facere, contraria sunt. Ergo si timor mundanus arcticos, servilis antarcticos merito nuncupatur. Rursus qui pro fervore suo elatus efficitur, aliis primo, tandem sibi onerosus habetur, cum quasi alios despiciat, et ipse despiciatur. Et cum sine discretionem suscipit pondus laboris, seipsum reddit aliis ponderosum. Et quia pondus portatur in humeris, humerinos ab efficienti

causa non immerito nuncupatur. Quia vero per initialem timorem charitas paulatim accenditur et ascendit, merito *therinos tropicos* appellatur. Nam philosophi circulum illum *therinos* illos *tropicos* appellant, quo sol ab inferiori signo, videlicet capricorno, magis ac magis fervet et ascendit. Unde quia quo inferius descendat non habet, *tropicos* appellatur, id est convertibilis. Et quia tali ascensu magis ac magis fervet æstas, *theros*, quod est *æstas*, appellatur. Et quia in superiore gradu virtutum timor est filialis, nihil enim differt a charitate, merito *chimerinos tropicos* appellatur. Nam *chimerinos tropicos* ille circulus appellatur, quo sol ab eminentiori signo, scilicet Cancro, per zonam hiemalem reflectitur ad Capricornum. Unde quia altius ascendere non valet, *tropicos* dicitur. Et quia ad hiemalem revertitur, *chimerinos*, id est *hiemalis* merito nominatur. Nihil ergo timore filiali sublimius, qui tunc perfectus probatur, si semper magis ac magis se homo humiliet ; et velut operarium malum et indignum se judicet, juxta illud : *Cum hæc omnia feceritis, dicite : Servi inutiles sumus* (Luc. xvii). Et iterum : *Quanto magnus es, humiliat te in omnibus* (Eccl. iii).

His ergo simul collectis et consideratis, considerandum est quomodo duodecim gradibus solarem sphaeræ circulum sol ascendit. Hæc est enim corona stellarum duodecim, de qua Joannes ait : *Signum magnum apparuit in celo ; mulier amicta sole, et luna sub pedibus ejus, et in capite ejus corona stellarum duodecim* (Apoc. xii). Signum, id est figura magnæ rei in cælo, id est in cœlesti mente apparuit, quando mulier, id est anima protegitur, et affectus omni defectui dominatur ; et in capite, id est in mente ejus, est corona, id est perfectio stellarum duodecim, quæ duodecim signa vocantur. Nam quæ vere stellæ sunt, signa dicuntur, quia et aliud sunt, et aliud significant. Neque enim istum realem solem, dum circulum suum peragit, Capros cornutos, Pisces, Arietes, vel aliquid tale, intrare credendum est. Sed in istis aliud dicitur, aliud designatur. Qui enim in Capricorno, qui caper cornutus dicitur, nisi fetor peccati designatur. Cujus cornua sunt, de quibus dicitur : *Et omnia cornua peccatorum confringam* (Psal. lxxiv) ? Unde et angelo Pergami, id est *cornua dissipanti*, scribere Joannes jubetur. Sol ergo intrat Capricornum, cum mentem peccato fetidam veritatis cognitio possidere incipit ; cum *mens* se vitiatam esse peccato incipit cognoscere, quia prima virtus est : *Gnothi seauton* [Γνωθὶ σεαυτόν] id est *nosce teipsum*. Post hæc ascendit in Aquarium, cum recogitans annos suos in amaritudine animæ suæ, lavat per singulas noctes letum suum lacrymis, ut sint oculi ejus piscinæ in Ezebon, et facies ejus quasi nubes effundens pluvias lacrymarum. Post hæc ascendit in Pisces, cum inter aquas lacrymarum pennulis spei se sublevat, et protegit patientiæ squamis, ne vel multitudo scelerum, vel magnitudo dolorum per im-

patientiam ipsam in profundum demergat, sive in desperationem. Hinc ascendit in Arietem, ut jam seipsum per rationem regendo, et serpentis astutiam in cornibus, et ovis simplicitatem in vellere se demonstret habere, sicut scriptum est: *Estote prudentes, sicut serpentes, et simplices sicut columbæ* (Math. x). Dehinc ascendit in Taurum, cum per istam simplicem astutiam, vel astutam simplicitatem, seipsum offert sacrificium Deo in odorem suavitatis, vel foris per mortificationem carnis, vel intus per spiritum contribulatum. Taurus enim sacrificii spiritus contribulati typum gerit, ut in Evangelio: *Tauri mei, et altitia mea occisa sunt* (Math. xxii), id est illi qui per martyrium corporis; vel illi qui per devotionem mentis mihi placuerunt. Post hæc ascendit in Geminos, in signum geminæ charitatis. Unde notandum quia sunt quidam, qui sicut sibi volunt per delicias indulgeri, sic et aliis. Et sunt alii, qui sicut sibi per abstinentiam austeri, sic et aliis. Alii vero sunt, qui deliciose vivendo, sibi parcunt, et austeri sunt subditis. Sunt et alii, qui per mortificationem carnis sibi duri sunt et austeri, et tamen charitatis ardore succensi, circa necessitatem proximorum benevoli.

In istis itaque geminæ charitatis, Dei videlicet et proximi, relucet insigne, qui per devotionem ardent intus, et foris lucent per compassionem. Sic quippe sol justitiæ intrare debet Taurum per passionem, ut in Geminos transeat per compassionem. Dehinc intrat Cancrum, ubi fit therinos tropicos, videlicet solstitium æstivale, quo sol altius ascendere non valet; per quod, ut dictum est, designatur timor filialis; cum cedit ille, qui est initium sapientiæ, scilicet initialis qui significatur per chimerinos tropicos, id est solstitium hiemale. Quod fit, quando sol intrat Capricornum, et e regione respicit solstitium æstivale: quod fit quando sol intrat Cancrum, quod est signum humilitatis. Unde:

*Curva retro cedens cum fert vestigia Cancer.*

Custos enim omnium virtutum est humilitas. Quia quanto major est homo, humiliare se debet in omnibus, ut cum omnia fecerit, dicat: *Servus sum inutilis. Et illud Prophetæ: Ad nihilum redactus sum, et nesciri; ut jumentum factus sum apud te, et ego semper tecum* (Psal. Lxxii). Sed quia nimia humilitas sic simplices solet dejicere, ut ex nimia sui dejectione deficiant, ita decet hominem esse humilem, ut viriliter agat, et confortetur cor ejus, ut et Cancro sit similis humilitate, et Leoni magnanimitate. Humilitas ergo roboretur fortitudine, et fortitudo roboretur humilitate. Fortitudo quippe operis custodit exteriorem, humilitas ab omni vitiorum corruptione servat hominem interiorem. In signum quippe incorruptionis sol intrat Virginem: sub quo signo de semine humilitatis metit in gaudio fructum bonæ actionis. Sed quia non minor est virtus, quam quærere, parva tueri: maxime cum in mundo nihil sit stabile, sed omnia varientur sub sole, necesse est ut in recta Libra mentem po-

nat, et quasi quo Idam spirituale mentis æquinoctium faciat; et æquare sciat dies noctibus, et noctes diebus. Quod tunc digne fit, si nec adversitas plus debito mentem deprimat, vel in altum erigat prosperitas: quod duobus modis fieri solet, timore videlicet et amore. Quod si timor operatur, initialis videlicet, quem perfecta charitas foras mittit, fit æquinoctium, sed vernale; quod fit sub Ariete, eo quod sollicitus sit et humilis sub timore. Cornibus enim tuetur per sollicitudinem, et ovino calesti vellere per humilitatem. Quod si amor operatur, fit æquinoctium, sed autumnale, et in Libra rectitudinis constitutus, excellentiori via graditur charitatis, ne declinet ad dexteram, vel ad sinistram.

Non enim declinat ad sinistram, si novissima sua recogitans, ab auditione mala, et ultima formidat. Horrendum est enim incidere in manus Dei viventis. Horribilis erit dies tenebrarum et caliginis, quando sol erit sicut saccus cilicinus, et obtenebrescet cauda scorpionis, quando ille, qui quasi agnus coram tondente se obmutuit, in extremo examine quasi leo rugiet; et quasi serpens sibilabit muscis Ægypti, arguens in furore et dicens: *Vœ fecisti et tacui* (Psal. xlix). Et illud: *Ite, maledicti in ignem æternum* (Math. xxv). Propter hoc scriptum est: *Fili, memorare novissima tua, et in æternum non peccabis* (Eccli. vi). Tunc etiam sol justitiæ a cauda Scorpionis Sagittarium ingrediens, et sagittas potentis acutas emittens, reddet unicuique secundum merita sua; vulnerans inimicum ad mortem æternam, et amicum ad dilectionem, quando tunc fortis erit ut mors dilectio in anima beata, quæ dicere poterit: *Vulnerata charitate ego sum.* Tunc sol intrabit Sagittarium, quando irim, quam nunc habet in capite, in manu portabit; sententiam in præscientia absconditam opere demonstrabit. Hæc est enim sphaera cælestis, quæ nobis aperit Galaxiam, viam videlicet eo lacteam, quo candidam pariter atque dulcem. Gnomone igitur rationis apposito infra circulos tales super nihili, vir sapiens et intelligens hæc, super nihili corporis sui terram appendat, cum Apostolo dicens: *Infelix ego homo, quis me liberabit de corpore mortis hujus?* (Rom. vii). Quando confringetur hydria mea ad fontem, quando conteretur rota ad cisternam? (Eccli. xii.) Quando convertetur pulvis in pulverem, quando veniet requies post laborem, libertas post servitutum? Hæc faciat nobis, fratres, et hæc addat gratia Dei Patris, per Dominum nostrum Jesum Christum.

SERMO XXV.

DE SANCTO JOANNE BAPTISTA.

Erat Joannes lucerna ardens et lucens (Joan. v): ardens devotione, lucens opere, ardens verbis, lucens exemplis, ardens sibi, lucens proximis. Non erat ille lux, sed lucerna: et hoc propter lucis modicitatem. Unde scriptum est: *Illum oportet crescere, me autem minui* (Joan. i), propter infirmitatem, quia purus homo fuit, prepter obscuritatem,

quia lucis thesaurum abscondit in vase fictili. Hæc est lucerna, quam accendit evangelica mulier, et evertit domum, ut drachmam decimam inveniret. Mulier siquidem est sapientia Patris. Hanc lucernam in ipso utero matris accendit, ut drachmam decimam, quæ perdita erat, inveniret, hoc est ut lapsorum angelorum humano genere dignitatem suppleret. Nam cum novem creati sint ordines, tot de unoquoque ceciderunt ordine, unde fieri decimus posset: quorum loca ex hominibus complenda sunt. Propter hoc novem drachmis novem comparantur ordines angelorum; drachmæ decimæ comparatur genus humanum: propter quam etiam domum evertit, videlicet Synagogam, de qua dictum est: *Domus mea, domus crationis vocabitur; vos autem fecistis eam speluncam latronum* (Matth. xxi). Scriptum quippe est: *Lex et prophetæ usque ad Joannem* (Luc. xvi). Hanc enim evertit, ut plenitudo gentium intraret; et sic omnis Israel salvus fieret. Quia ergo jam exstincta erat lucerna, de qua scriptum est: *Habetis propheticum sermonem, cui vos intendentes, tanquam lucernæ ardentis in caliginoso loco, benefacitis* (II Petr. i), accendit hanc lucernam Dominus; quæ accensa fuit in utero, exposita in deserto, emuncta in Jordane, exstincta in carcere. Bene ergo dicitur: *Erat Joannes lucerna ardens et lucens* (Joan. v). Lucerna enim ardens, et non lucens est, qui sibi prodest et non aliis. Lucerna vero lucens est, et non ardens, qui aliis prodest et non sibi. Lucerna vero nec ardens, nec lucens est, sed exstincta, qui prælati locum occupans, nec sibi prodest, nec aliis. Joannes autem lucerna fuit ardens et lucens, qui sibi profuit et aliis. Ideo commendatur ejus sublimitas multis modis. Primo Christo testimonium perhibente, quod inter natos mulierum, non surrexit major Joanne Baptista (Matth. xi). Secundo quod ubicunque occurrit mentio de Joanne in Evangelio, commendatur a Christo. Non ergo mendicat humanæ laudis suffragia, qui laudatur a Deo, quia dicere potest: *In Domino laudabitur anima mea* (Psal. xxxiii). Tertio, quod ejus nativitas per Gabrielem archangelum, et inter sancta sanctorum fuit prænuntiata. Quarto quod exsultavit in utero, matre Domini veniente, et Elisabeth prophetante: *Et unde hæc mihi ut veniat mater Domini mei ad me? Ecce enim ut facta est vox salutationis tuæ in auribus meis, exsultavit in gaudio infans in utero meo* (Luc. i). In utero ergo sanctificatus prius fuit sanctus, quam natus. Quinto, quod quidquid sanctitatis aliis Deus per partes contulit, totum in Joanne confluxit. Propheta siquidem fuit, imo plusquam propheta, quia eum, de quo prophetaverat dicens: *Venit fortior me post me; cujus non sum dignus corrigiam calceamenti solvere* (Marc. i), digito demonstravit et ait: *Ecce Agnus Dei, ecce qui tollit peccata mundi* (Joan. i). Apostolus etiam fuit, sicut scriptum est: *Fuit homo missus a Deo, cui nomen erat Joannes*. Apostolus vero missus interpretatur. Martyr quoque, quem Herodes

A in carcere decollari præcepit. Confessor etiam fuit, quia *confessus est, et non negavit; et confessus est, quia non sum ego Christus* (ibid.). Nec caruit virginitatis honore, qui cum mulieribus coinquinatus non fuit; sed secutus est Agnum quocunque ivit. Eremita quoque fuit, qui viam Domino in cremo præparavit.

Lucerna ergo fuit, quæ tanquam ignis altera columna, euntibus per desertum lumen præbuit. Illuminat enim miraculum conceptionis, gaudium nativitatis, sanctitas in conversatione, humilitas in sublimitate, veritas in prædicatione, zelus in correctione, constantia in passione. Lucebat ergo vitæ merito, lucebat verbo, lucebat exemplo. Lumen præbuit nobis in ingressu, in progressu, in egressu. Ingressus ejus illuminat opera nostra prima et initialia, progressus media et progressiva, egressus ultima et consummativa. In ingressu suo commendatur gratia operans; in progressu gratia cooperans; in egressu gratia consummans. Joannes quippe gratia interpretatur. Joannis ergo nativitas, id est ingressus ejus in mundum, ortum gratiæ nobis repræsentat. Hunc autem ortum gratiæ, multa nobis commendant privilegia, videlicet tempus nativitatis, utriusque parentis nomina, nobilitas generis, vite sanctitas, dignitas officii. Nativitatis tempus Lucas commemorat, ubi ait: *Fuit in diebus Herodis regis Judæ* (Luc. i). Sicut lumen cæcis, ægris medicina, libertas servis, fessis requies, sic ortus gratiæ gratus fuit in diebus Herodis. Cessaverat jam in Judæa regnare mansuetudo Davidis, sapientia Salomonis, Ezechie religio, simplicitas Josiæ; et regnabat Herodis crudelitas. Advniente siquidem Sancto sanctorum, jam cessabat unctio; et sedere inceperant filii Israel, sine rege, sine principe, sine theraphin. Non erat gloria filiæ regis ab intus, quia pellis gloria jam regnabat: sic enim interpretatur Herodes. In his quæ foris sunt, erat Judææ gloria, qui intus erat ignominia plena. Sed in diebus malis crevit inter spinas liliium, et malus inter ligna silvarum. *Sacerdos quidam nomine Zacharias* (ibid.). Zacharias autem *memoria Domini* interpretatur. *In diebus malorum*, ait sapiens, *ne inmemor sis bonorum* (Eccli. ii). In diebus Herodis noli oblivisci tui Creatoris. *Diem hominis*, ait Jeremias, *non desideravi* (Jer. xvii). Quid est dies hominis? Prosperitas mundi. *Dies ille*, ait Job, *vertatur in tenebras; nec computetur in diebus anni* (Job iii). Prosperitas vero mundi, pellis gloria est. Ergo dies hominis, dies est Herodis. Sed in diebus Herodis fuit Zacharias. Illic est primus ortus gratiæ, cum occurrit memoria Dei, inter prosperitates mundi, et delectationes peccati. Sed nec ephemera, nec transitoria debet esse talis memoria; sed constans, sed morosa, donec in cogitationibus suis de cogitationibus bonis creationis vel recreationis dulcedine, tanquam de lautioribus cibis anima satiatur. Non ergo quilibet Zacharias, sed cujus uxor fuit Elisabeth. Zacharias quidem *memoria Domini*, Elisabeth *Dei mei satiet* s

interpretatur. Sed quandoque sunt dona a spiritu et in spiritu; quandoque vero dona sunt, a spiritu, sed non in spiritu. Datur quippe quibusdam spiritus et personaliter, et per dona, ut claustralibus caste et religiose degentibus; scholaribus vero peccantibus mortaliter, dona sunt a spiritu, sed non in Spiritu S. personaliter inspirato: qui quidem de Deo habent memoriam, sed non in Deo, nec propter Deum, sed ut vocentur ab hominibus Rabbi.

Propter hoc necesse est, ut solo Dei intuitu sit hæc memoria, ut sint Elisabeth et Zacharias ambo justæ ante Deum, et sine querela. Quidam quippe sine querela proximorum sunt; sed non sunt justæ ante Deum. Alii circa opera justitiæ se exercent, et sine querela sunt, sed non ante Deum, quia ad favorem hominum circa hujusmodi se exercent. Alii vero justæ sunt ante Deum, sed sine querela non sunt invidentium, quoniam alia est justitia inficiens, ut Sadducæorum: unde Sadducæi justæ interpretantur; alia insufficientis, ut Scribarum et Phariseorum. Unde dicitur: *Nisi abundaverit justitia vestra plusquam Scribarum, Phariseorum, non intrabitis in regnum cælorum* (Matth. v). Alia sufficientis secundum quid, hoc est secundum tempus. Unde Adam et Eva justæ facti sunt, secundum quod tempori congruebat, id est innocentes, sed nullum justitiæ signum habentes. Vel dicitur sufficientis lex Mosaica secundum tempus, in quo data est. Data siquidem incipientibus fuit et neophytis, quibus lex illa sufficebat ad tempus, quia perfectis non sufficebat. Nihil enim ad perfectum adduxit lex. Vel dicitur justitia sufficientis, respectu illius, de qua dictum est. *Erat Noe vir justus in generationibus suis* (Gen. vi). Vel dicitur simpliciter sufficientis justitia naturalis, scilicet: *Quod tibi non vis fieri, alii ne feceris* (Tob. iv), et *Quod vultis ut faciant vobis homines, et vos eadem facite eis* (Matth. vii), sed justitia consummativa, Evangelica justitia est, de qua dicitur: *Qui te percusserit in maxillam, præbe ei et alteram* (Matth. v). Tamen nec sine querela, nec sine murmure sustinetur plerumque. Justitia ergo perfecta ante Deum, et sine querela est, quæ unicuique jus suum reddit. Quod tunc digne sit, si Deo jus suum reddat religio, pietas parentibus, innocentia minoribus, amicitia æqualibus, reverentia majoribus, concordia proximis, misericordia egenis. Sic erant isti ambo justæ ante Deum, et sine querela. Vel dicitur Zacharias justus, et sine querela, quando memoria Dei nihil habet infidelitatis admistum, ut sit justa; nec odii vel rancoris ad proximum, ut sit sine querela: ut ad Deum sit, sive de Deo sit sive non sit. Sunt enim quidam motus de Deo, sed non ad Deum, ut si blasphemamus. Quidam ad Deum, sed non de Deo, quando proximis compatimur. Quidam nec de Deo, nec ad Deum: quando movemur ad adulterium. Quidam de Deo et ad Deum: quando ipsum perfecte diligimus. Et hæc est justitia ante Deum, et sine querela. Igitur Zacharias intravit in templum hora incensæ (Luc. i). Per incen-

sum oratio designatur. Unde David: *Fiat oratio mea sicut incensum in conspectu tuo* (Psal. cxl). Hora ergo incensæ, hora orationis est. Sed quæ est hora orationis? Cum Tobias dicat: *Omni tempore benedic Deum* (Tob. iv). Et Psalmista: *Benedicam Dominum in omni tempore* (Psal. xxxiii).

Unde notandum quod triplici servitute Deo tenemur. Debita, pia, et instituta, debita servitute est, quæ est patriæ; pia, quæ est operum misericordiarum; constituta, quæ est ex hominum institutione. Institutum est enim, ut regularibus horis laudemus Deum, plusquam in aliis: unde servitute instituta magis tenemur servire una hora quam altera. Sed servitute debita sive pia, nullus magis tenetur servire una hora quam altera. Horæ vero institutionis octo sunt, quas Esdras primo quidem instituit: sed Dominus operibus suis, eundem numerum postmodum confirmavit. Nam de hujusmodi horis ait Psalmista: *Septies in die laudem dixi tibi* (Psal. cxviii), et: *Media nocte surgebam ad confitendum tibi* (ibid.). Hic autem sacratus numerus tunc impetur, si [matutino], prima, tertia, sexta, nona, vespera et completorio, et nocte media surgamus ad confitendum Deo super judicia justitiæ. Prima, quia tunc a Judæis Christus traditus est Pilato, jam conpatus et illusus, et cæsus alapis, ligatus et saturatus opprobriis. In hac etiam hora a mortuis resurrexit, Mariæ Magdalene apparuit, et visus est in littore septem discipulis, quibus ait: *Pueri, nunquid pulmentarium habetis?* (Joan. xxi.) Hora tertia fuit spinis coronatus, linguis Judæorum crucifixus, et Spiritus sanctus in die Pentecostes discipulis datus. Hora sexta fuit clavis in cruce affixus, et eadem hora discipulis cernentibus ascendit. Hora nona tradidit spiritum, et lanceatus duo nobis de latere sacramenta emisit, aquam baptismi et sanguinem redemptionis. In vespera depositus de cruce fuit: eadem hora discipulis suis sacramentum corporis et sanguinis sui dedit. Eadem etiam hora a duobus discipulis euntibus in Emmaus in fractione panis cognitus fuit. In completorio egresso Juda traditore ad Judæos cœpit Jesus pavere et lædere; et factus in agonia prolixius oravit, et guttas sanguinis prostrato corpore sudavit. Media nocte nato Domino, pastores vigilantes vigiliis noctis super gregem suum, audierunt clamantes angelos: *Gloria in excelsis Deo* (Luc. ii). Hac etiam hora clamor fiet: *Ecce sponsus venit* (Matth. xxv). Eadem hora Samson portas allophyorum cum vectibus suis fregit, in signum Christi, qui tunc nobis aperuit portas inferni. Unde canimus: *Confiteantur Domino misericordiarum ejus, et mirabilia ejus filiis hominum: quia contrivit portas areas, et vectes ferreos confregit*. Istæ sunt horæ incensæ. Zacharias ergo hora incensæ intrat templum: quando memoria Dei cor intrat, ut laudemus Deum: et hæc satiætas memoriæ Dei gratiam gignit sordium mundatiorem, et vias Domini preparantem in eremo mundi hujus: quoniam Elisabeth magnum vicium ge-

nuit, Joannem Baptistam, præcursorem Domini. A bonum. Nam ut malum a bono discerneret, et bonum a malo, utebatur melle et butyro, non felle et caseo. Et quis est Emmanuelis cibus? Ipse nobis exponit in Evangelio, ubi ait: *Cibus meus est, ut faciam voluntatem Patris mei* (Joan. iv). Ergo circa

SERMO XXVI.

IN NATALI APOSTOLORUM PETRI ET PAULI,

Cum abieris a me hodie, invenies viros duos juxta sepulcrum Rachel in sinibus Benjamin meridie, salientes magnas foveas, dicentque tibi: *Inventæ sunt asinæ* (I Reg. x). Ecce, charissimi, qua ratione suspirabat filia Caleb, quam juste conquesta est de sterilitate Dabir, quæ alio nomine Cariathsepher vocabatur, qua etiam necessitate sibi jungi voluit irriguum superius et inferius (Judic. i). Valde enim sterilis sermo divinus invenitur, si litteræ superficie attendatur. Hoc enim significat sterilitas Dabir quæ interpretatur *eloquentia*, quæ etiam Cariathsepher vocabatur, id est *civitas litterarum*. Nam propter hoc ait Psalmista: *Quoniam non cognovi litteraturum*, id est, quia litteræ non adhæsi, introibo in potentias Domini (Psal. lxx). Necessè est ergo ut adjungatur ei irriguum superius, et irriguum inferius, scilicet ut affectum irriget humor gratiæ spiritualis, quo ad diligendum Deum, quasi ad irriguum superius, et ad diligendum proximum ut ad inferius, animus moveatur. Quid enim nostra interest, qua negligentia asinæ Cis fuerint perditæ, qua sollicitudine quæsità, qua utilitate inventæ? Sterilis plane est in hac parte Dabir, nisi ei utrumque irriguum adjungatur. Unde notandum est quod in sacro eloquio per asinas secundum allegoriam, simplices et idiotæ, secundum vero tropologiam animi motus figurantur, sicut scriptum est: *Boves arabant, et asinæ pascuntur juxta eos* (Job i). « Asinæ, ait Gregorius (21), juxta laves pascuntur, quando simplices prudentum intelligentia reficiuntur. » Sed asinæ per negligentiam pastorum plerumque pereunt, dum alii labores, inimicitias, vel oîia subditorum intrare volentes, sub specie libertatis ipsos tanquam onagos, per abrupta vitiorum liberos abire permittunt. Quod quam malum sit, negligentia sacerdotis Heli nobis ostendit. Cujus tabernaculum Deus repulit, quia circa subditos dissolutus et mollis fuit. Alii sub specie severitatis truculentiam induentes, disciplina, fame, laboribus, subjectos affligunt, non solum ut premant, sed opprimant: quorum Cis imaginem tenet, cujus asinæ perierunt. Cis enim durus interpretatur; et ex ipso nomine eorum duritia figuratur, qui subditis suis imponunt onera gravia et importabilia, similes ministris, non Christi, sed regis Ægypti, qui filios Israel affligebant operibus, nec paleas dabant. Quid est, paleas non dabant? Temperamentum oneribus non imponebant. Nam per paleas temperamentum accipitur, ut ibi: *Ipsi linebant parietem luto absque palea*, id est aösque temperamento (Ezech. xiii). Unde subditur: *Dic eis, qui liniunt parietem absque temperamento, quod casurus sit* (ibid.). Non sic, non sic Emmanuel vescebatur caseo et felle, sed butyro et melle, ut sciret reprobare malum, et eligere

bonum. Nam ut malum a bono discerneret, et bonum a malo, utebatur melle et butyro, non felle et caseo. Et quis est Emmanuelis cibus? Ipse nobis exponit in Evangelio, ubi ait: *Cibus meus est, ut faciam voluntatem Patris mei* (Joan. iv). Ergo circa judicia, quibus bonos a malis discernit, utitur melle dulcedinis, humore pietatis, pinguedine charitatis. Butyrum quippe naturaliter est pingue et humidum. His utitur sapientia Dei Patris, videlicet Emmanuel; cui omne judicium dedit Pater, ut semper pronus esset ad judicia dispensativa et remissiva, non punitiva, charitate, pietate, dulcedine; non felle amaritudinis, non siccitate inhumanitatis, neque duritia crudelitatis, sicut isti, qui in judiciis suis semper inveniuntur amari, inhumani et duri, quasi felle, quod amarum est, utentes; et caseo, qui durus est et siccus: non melle, quod dulce est; vel butyro, quod est humidum et pingue.

Cum igitur gravibus affligunt subditos oneribus, qui tanquam animalia Dei ad suscipienda onera sponte se inclinant, nonne quasi Chaldæi tres turmas faciunt, ut beati Job camelos auferant, vel fornacem pueris accendant? Chaldæi quippe feroces interpretantur; et cum ferocitate sua subjectos premunt, non domesticos, sed Dei se persecutores ostendunt. Sicut autem per Job Christus, ita per Chaldæos ejus persecutores figurantur. Et cum ad Christi passionem Herodiani, Sadducæi, Pharisæi pariter convenerunt; quasi tres turmas Chaldæi fecerunt. Sic igitur isti, cum subditos oneribus premunt, et crudelitate Herodiani, et falsa justitia Sadducæi, et simulata religione Pharisæi facti sunt; in omnibus vero Chaldæi. Vel certe cum zelo amaritudinis urunt animas subditorum, crudelitate sua, tanquam Chaldæi pueris accendant fornacem. Pueris, inquam, illis, de quibus dictum est: *Ecce ego et pueri, quos dedit mihi Deus* (Isai. viii). Isti ergo verborum Petri apostoli surdi auditores, volunt potius in clero dominari, quam fieri forma cleri (I Petr. v); non attendentes, quod unus est magister noster, nos autem omnes fratres sumus. Et ut sciant humiliari, locum attendant, ejus typum tenent, vel in arca Noe, vel in tabernaculo Moysi; nam in utroque figurata est Ecclesia Dei. *Facta sunt*, ait Scriptura, *in arca cœnacula et tritega* (Gen. vi), id est distinctiones, quas alia translatio vocat bicamerata et tricamerata, scilicet cameras quinque, quarum prima dicebatur stercoraria, secunda apothecaria, tertia immitium animalium quarta nitium, quinta hominum et avium. In prima ordo eorum, qui curam habent animarum, figuratur: qui dum confessiones suscipiunt, apud ipsos peccata quasi sordium faeces confitentes emittunt; secunda doctorum ordinem repræsentat, qui de sententiis Scripturarum condiunt salutis pigmenta; tertia eorum qui sunt in Ecclesia Dei, no-

raïne, non numine; numero non merito: a quibus *area purgari non potest, donec ventiletur*; quarta mitium et obedientium subditorum; quinta rationabilium hominum et contemplativorum. Tabernaculum quoque Moysi quatuor tegelatur operimentis. Primo sagis capillatis sive cilicinis; secundo pellibus arietum rubricatis; tertio cocco bis tincto; quarto vero æque pellibus arietum hyacinthinis. In istis illi qui Ecclesiam Dei protegent, figurantur. In primo prælati, qui ventis et imbris exponuntur; in secundo activi, qui laboribus afflicti, quasi pelles arietum rubricantur; in tertio charitativi, qui etsi laborare nequeunt, ad honorem Dei et utilitatem proximi de proprio beneficia largiuntur; in quarto contemplativi, qui cælo similes, tanquam pelles hyacinthinæ cælestia contemplantur. Ecce mansionibus stercorariis, et sagis, isti de quibus loquimur, comparantur cilicinis: Unde igitur eis tantæ superbix fastus, si tam vilis eis sit in Ecclesia locus? Quomodo ergo in clero dominari volunt, cum sit unus magister noster Christus, nos autem omnes fratres simus? Aut quomodo de oculis trabem non ejiunt, qui de oculis fratrum festucam ejicere volunt? Nam, sicut Augustinus ait, sacerdos, cui omnis offertur peccator, ante quem constituitur omnis languor, nullo eorum sit judicandus, quæ in alio judicare est promptus. Judicans enim alium, qui est judicandus, condemnat seipsum. Cognoscat igitur se: et purget in se, quod alios viderit sibi offerre. Caveat et a se projiciat, quidquid in aliis damnosum reperit. Animadvertat, quod qui sine peccato est, primus in mulierem lapidem mittat (*Joan. viii*). Ideo enim liberavit peccatricem, quia non erat, qui jusse in mulierem projiceret lapidem. Sed jam sub tali prælato quid bonus subditus mereatur, audiamus. Sequitur enim:

*Erat autem filius Saul electus et bonus, qui super alios eminebat ab humeris et sursum: nec erat eo melior inter filios Israel (I Reg. ix)*. Non est laudabile bene vivere, cum nemo male vivere suadet, sed gloriosum est, non consentire suadenti; gloriosius etiam tentationi resistere, quam tentari non posse. Nam quis magis mereri meruit, vel Petrus, qui tunica sua cinctus ad Christum super mare venit; vel illi qui venerunt navigio? Quid enim fluctus maris, nisi fluctus tentationis insinuat? Et quid est super mare ad Christum venire, nisi, ut ad Christum veniatur, fluctus tentationis calcare? Et quid est venire navigio, nisi ad Christum accedere, absque tentationis incommodo, imo consolationis remedio? Quia igitur prælati austeritas nihil est aliud bono subdito, quam lima ferro, fornax auro, flagellum grano, torcular vino, tanto laudabilis subditus approbatur, quanto patienter flagella sustinet, quotum tunctione virtus defæcatur. Tales insinuat filius Cis: et ideo bonus dicitur, et electus. Unde et merito perditarum ei cura committitur asinarum, vel, ut melius dixerim, animarum, quia

talis dignus est prælatione, qui per patientiam compati didicerit passionibus subditorum, et vigilare sollicitus sit, inquirendo quod perierat; quomodo consolidet, quod contractum erat, quod debile sustineat, quod forte et pingue custodiat. Nam sollicitudo quærendi animas commendatur, cum dicitur: *Et quæsitivæ eas per montes Ephraim (I Reg. ix)*. Duobus modis circa curam animarum prælatus debet esse sollicitus, exemplo scilicet et doctrina. Necessè est enim ut subditis exemplum laboris præbeat, corpus castiget, et in servitutem redigat, ne cum aliis prædicaverit, otiositas eum redarguat. Montes autem Ephraim laboris gravedinem circa bonæ fructum operationis insinuant. Unde Ephraim interpretatum *frugifer* sonat. Sed quoniam non sunt condignæ passionibus hujus temporis ad futuram gloriam, quæ revelabitur in nobis, necessè est, ut quasi transeundo per montes Ephraim quærat, donec veniat ad terram Salisam, quia solum solidum est elementum, per terram non immerito soliditas figuratur. Salisa vero *triennalis* interpretatur. Est igitur terra Salisa terra triennalis, de quo triennio loquitur Isaïas, ubi ait: *Comede quod hoc anno repereris, secundo quod sponte nascitur, tertio seminate et plantate vineas; comedite et bibite (Isai. xxxvii)*. Unde sciendum quod ex quo nascimur, nobis a Deo collata naturalia reperimus. Cum illis enim nascimur, nec esse possumus sine illis. Comedere ergo anno primo ea quæ reperimus, est uti digne naturalibus, scilicet memoria, ingenio, ratione, libero arbitrio. Sponte vero nascuntur gratuita; ideo sponte, quia nullis præcedentibus meritis, alioqui non essent gratuita, id est gratis data. Comedere ergo anno secundo ea quæ sponte nascuntur, est uti digne gratuitis. Unde Apostolus: *Rogo vos, ne in vacuum gratiam Dei recipiatis. (II Cor. vi)*. Tertio autem anno seminare debemus et comedere, ut liberum arbitrium gratuitis adjunctes, secundum nobis a Deo collatam gratiam voluntarie quod bonum est operemur.

Simplices ergo subditos exemplis erudit, vel factuos motus in se compescit, qui sic uti novit naturalibus et gratuitis, ut usibus eorum digne mereatur, et exercitiis. In omnibus tamen quæ facit, nesciat sinistra sua, quid faciat dextera sua, ne pro temporalibus et caducis, sed pro cælestibus faciat et æternis. Transeat de terra Salisa per terram Jemini. Jemini quippe *dextera* interpretatur. Ergo per terram Jemini vator iste transeat, ut nihil sinistra, sed quod est dexterae semper inquireat. Sed quoniam persecutionum timor multos a bono proposito retrahit, et ad illicita trahit, necessè est, ut in hac parte se muniat, nec a bono proposito propter persecutionum timorem resiliat, sed ad motus simplices inquirendos, etiam terram Salim pertranseat. Salim quippe *vulpes* interpretatur: per vulpes vero persecutores figurantur. Unde Samson cum f. cibus ardentibus vulpes discurrere fecit per



sata Philistinorum (*Judic. xv*), quia Christus nonnunquam permittit crudeles persecutores bona destruere impiorum. Sit igitur ad omnia circumspiculus et providus, ut perveniat ad terram Suph. Suph quippe *specula* interpretatur. Est autem triplex specula. Prædicationis, de qua dictum est: *Speculatorem dedi te filiis Israel (Ezech. iii)*. Contemplationis, de qua dictum est: *Pone tibi mensam, et contemplare in specula (Isai. xxi)*. Circumspectionis, de qua dictum est: *Statue tibi speculam, pone tibi amaritudinem, et dirige cor tuum in vias rectas (Jer. xxxi)*. Igitur ad speculam circumspectionis accedat, id est ad terram Suph. Scriptum est enim: *Omni custodia serva cor tuum, quoniam ex ipso vita procedit (Prov. iv)*. Inopinata siquidem morte Isboseth extinctus legitur, quem Scriptura ostiarum, non ostiarium habuisse testatur. Cujus hostes, dum ostiaria purgans triticum obdormisset, assumentes spicas tritici latenter ingressi sunt, et eum in inguine percusserunt. Ostiaria siquidem triticum purgat, cum mens a vitibus virtutes separat. Quæ si per negligentiam obdormierit, ad interficiendum animum malignis spiritibus iter pandit. Qui ingressi spicas auferunt, quia lonarum cogitationum germina tollunt, et in inguine feriunt, quia virtutem cordis delectatione carnis occidunt.

Unde Isboseth *vir confusionis* dicitur; quia omni confusione dignus est, qui virili custodia munitus non est. Perseverantiam autem sollicitudinis suæ, et finem finalem sui operis in illum dirigat, qui est bene operantium finis, sine quo nihil facere potest, et per quem etiam impossibilia potest. Qui petentibus et quærentibus promittit, dicens: *Petite, et accipietis; quærite, et invenientis (Luc. xi)*. Ergo finaliter sit sua petitio Deus. Sicut de hoc electo filio Cis legitur, quod tandem venit ad Samuel in Ramatha. Samuel quippe *petitio mea Deus* interpretatur. Ad Deum igitur, qui finis esse debet omnis nostræ petitionis, in Ramatha venit, qui cælesti desiderio accensus, viam mandatorum ejus currit. Ramia quippe *excelsum* interpretatur. Et quid excelsior cælo? In Ramatha Samuel invenitur, quia justis ad Deum petitionibus, et in hac vita merito, et post hanc vitam præmio pervenitur. Unde Samuel ait: *Cam abieris a me hodie, etc. Male vadit, qui a Deo non vadit, quem via justificationum non instruit; quem in veritatem non inducit. Sed a Deo vadit, qui viam mandatorum suorum currit, quem per vias rectas deducit, et tandem per viam charitatis perducit. Cum abieris, inquit, a me hodie, invenies duos viros (I Reg. x)*. Ad quid invenies? Ut duca tibi præbeant, si a Deo ire desideras, et in tenebris es. Si cæcus es, et nescis quo vadas, et tamen ire desideras, viæ ducatum Paulus præbere poterit, qui usque ad tertium cælum raptus fuit. Sed et Petrus regni cælestis aditum tibi reserabit, qui reserandi pariter et claudendi claves accepit. Et quis in agone contendens, jam non currat ad bravium supernæ vocationis, cum alterum de persecutore

A factum inveniat vas electionis: alterum vero, postquam ad vocem ancillæ negavit, Principem apostolicæ dignitatis? *Invenies*, ait Scriptura, *duos viros*. Duos, propter mysterium geminæ charitatis; viros, quia doctrina viros veritatis, exemplo vero virtutis. Nam vir a veritate, vel a virtute dicitur. Et quidem eos in via fuisse tales invenies. Sed in patria quales? *Invenies eos juxta sepulcrum Rachel*. Nota, quod una est generalis et universalis Ecclesia, sed in tres speciales divisa, id est in Ecclesiam militantem, et exspectantem, et triumphantem. Prima figurata est in altari luteo, de quo dictum est: *Altare de terra facietis mihi (Exod. xx)*. Altare de terra fit Domino, cum Ecclesia corruptibilis et terrena servit Deo. Unde sacerdos orat in canone: *Supplices te rogamus, omnipotens Deus, jube hæc perferri per manus sanctorum angelorum tuorum in sublime altare tuum, ut quotquot ex hac altaris participatione, etc.* Orat enim sacerdos, ut per virtutem sacramenti tota simul Ecclesia militans et triumphans in unum corpus Christi uniat, id est ut Ecclesia militans, quæ in præsentis sacramento figuratur, et quasi in inferiori altari offertur, in sublime altare, quod est Ecclesia triumphans perferatur, et capiti suo, Christo scilicet ejus corpus est, uniat. Nam sicut ait *Sergius papa*, trifforme est corpus Christi. Unde et in forma panis tres fieri solent fractiones. Pars comesta corpus Christi insinuat ambulans adhuc super terram, id est Ecclesiam militantem, altare scilicet inferius, altare adhuc corruptibile et terrenum. Unde et de terra fieri jubetur. Pars vero in calicem missa, corpus Christi, quod jam resurrexit, insinuat Ecclesiam videlicet triumphantem, quæ etiam figurata est in altari aureo, quod erat in Sanctis sanctorum. Pars autem usque ad finem missæ reservata in altari, corpus jacens in sepulcro, id est Ecclesiam exspectantem corporum resurrectionem. Quod fieri jubetur de lapidibus, quos ferrum non tetigit, quia jam certa beatitudine donata, nec hæresis nec schismatis tinet sectionem. Figuratur etiam in altari, sub quo Joannes audivit vocem occisorum clamantium: *Vindica, Domine, sanguinem servorum tuorum, qui effusus est (Apoc. vi)*. Propterea sepulcro Rachelis hæc exspectans Ecclesia comparatur, quia ibi vox in Rama, hoc est in excelso audita est, Rachel, hoc est Ecclesia, plorans filios suos, nec ibi vult consolari, donec impleatur numerus fratrum suorum. Est igitur sepulcrum Rachelis secretum Ecclesiæ exspectantis, quæ exspectat resurrectionem corporum latentium in sepulcris. Juxta igitur hoc sepulcrum exspectant isti duo viri, quia etsi quantum ad glorificationem animarum membra sunt Ecclesiæ triumphantis, tamen quoad corporum susceptionem membra sunt Ecclesiæ exspectantis. O quam gloriosum est hoc sepulcrum. *Erit, ait Isaias, radix Jesse, qui stat in signum populorum; ipsum gentes deprecabuntur, et erit sepulcrum ejus gloriosum (Isai. xi)*. De radice siquidem Jesse flos ascendit, id est Christus, qui et Nazareus

vocatus est. Cujus est hoc sepulcrum, quia sicut militantis et triumphantis, ita caput est Ecclesie expectantis. Una enim est Ecclesia, expectans, et triumphans. Ideo autem gloriosum; quia ibi cessant impij a tumultu, nec auditur vox exactoris. Ibi terræ reges et consules dormientes silent, et somno suo requiescunt. Ideo fodientes thesaurum vehementer gaudent, cum invenerint hoc sepulcrum. Sequitur;

*In finibus Benjamin.* Benjamin filius dexteræ interpretatur. Filii autem dexteræ sunt, quibus statutus ad dexteram Judex dicturus est: *Venite, benedicti Patris mei* (Matth. xxv). Habet autem fines multos iste Benjamin, perseverantiam in timore Domini, et observantiam mandatorum, in affectu charitatis, in visione Dei, quæ sola est finis finalis. Et est primus finis, finis per quem: De quo habes: *Finem loquendi pariter audiamus, Deum time, et mandata ejus observa* (Eccl. xii). Secundus est finis ad quem. Unde legis: *Finis legis est charitas* (I Tim. i). Tertius est finis propter quem. Unde in finem diriguntur Psalmi. Et Dominus in Apocalypsi dicit: *Ego sum Alpha et Omega, principium et finis* (Apoc. i). Per timorem siquidem Domini et observantiam mandatorum pertingimus ad charitatem, in qua perseverandum est propter solam Domini visionem. In his finibus inventi sunt isti duo viri, qui in vita sua fidem per dilectionem operantem habuerunt, perseverantes in ea usque ad Dei visionem. Inventi sunt ergo in finibus Benjamin et meridie. Invenerunt enim ubi pascit, ubi cubat sponsus in meridie. Non in mœrenti die, in qua palpant homines sicut in nocte; quæ dies est hujus sæculi, et illius magnæ aurora diei, quæ calamitatis erit, et miseriæ; sed in meridie, id est in mera die, quæ nescit occasum; quam nulla nox interpolat, nec habet obscurum. Sequitur:

*Salientes magnas foveas.* Per foveam terrena cupiditas figuratur, ut in Job: *Facies eorum demerge in foveam* (Job xi), quia reprobi omnem suum intuitum ad cupiditatem terrenam inflectunt. Vel per foveam sententia mortis accipitur, ut in Psalmo: *Foderunt ante faciem meam foveam, et inciderunt in eam* (Psal. lvi), id est seipsos occiderunt, in eo quod me occidere putaverunt. Magnæ sunt istæ foveæ et patentes, sed ultra eas saltum fecerunt, qui et terrenas cupiditates spreverunt, et æternæ mortis sententiam evaserunt. Isti igitur de inventionem asinarum certos reddunt, qui simplices animi motus modificare noverunt, et subjectos simplices ad stabulum Samaritani scriptis et exemplo reduxerunt.

#### SERMO XXVII.

IN ASSUMPTIONE BEATÆ MARIE.

*Quæ est ista, quæ ascendit, etc.* (Cant. viii.) In via Dei alij impelluntur, sicut coacti, de quibus scriptum est: *Cum occideret eos, quærebant eum.* (Psal. lxxvii) Alii trahuntur qui inter tentationes convalescunt. Unde Dominus: *In funiculo charitatis traham eos* (Ose. xi). Alii vadunt, qui indefesso gradu per trami-

tem justitiæ inter difficultates gradiuntur. De quibus canitur: *Euntes ibant et flebant, mittentes semina sua* (Psal. cxxv). Alii currunt, qui ferventi desiderio vires conantur excedere. Unde David ait: *Viam mandatorum tuorum cucurri; cum dilatasti cor meum* (Psal. cxviii). Alii ascendunt, qui meritorum gradus ascendendo in corde suo disponunt. Unde dicitur: *Beatus vir, cujus est auxilium abs te; ascensiones in corde suo disposuit in valle lacrymarum, in loco quem posuit* (Psal. lxxxiii). Ascendentium autem alij sunt, qui ascendunt, ut corruant; alij ad hoc corruunt, ut postmodum fortius ascendant; alij vero ascendunt, ita ut non possint corruere; alij autem ita corruunt, ut jam non possint ascendere. Ascendunt vero, ut corruant qui de virtutibus suis se reddunt elatos, qui simulate in religione vivunt, qui in tentatione sunt instabiles, qui adolescentiam animi retinent etiam senescentes. De quibus Salomon: *Tria sunt difficilia mihi: et quartum penitus ignoro. Viam aquilæ in cælo, viam colubri super petram, viam navis in mari, viam viri in adolescentia sua* (Prov. xxx). Via aquilæ in cælo, est via hominis ambulantis in magnis et in mirabilibus super se. Aquila enim est magnarum alarum: quæ tunc venit ad Libanum, quando accedit ad virtutum montem candidatum. Sed medullam cedri tollit, cum ipsis religiosis spernendo et superbiendo detrahit. Via autem colubri super petram, est vita illorum, qui simulate se Christo adhærere foris ostendunt, intus vero malitiæ venenum abscondunt. In hoc enim quod venenum malitiæ portant, colubri sunt; in hoc autem quod religiose vivunt, super petram vadunt. Supra petram dico, non in petra, quia nec ipsi in Christo sunt, nec Christus in eis est: sicut super cathedram, et non in cathedra Moysi, sedere dicuntur Scribæ et Pharisei. Via autem navis in mari est vita eorum, qui inter amaritudines tentationum, aliquo vanitatis vento flate, titubant et merguntur. Via vero viri in adolescentia, est vita eorum, qui cum senes sint, et ætatis provectæ, a adolescentia tamen retinent moribus, non ætate. His enim maledixit Isaias, cum dicit: *Maledictus puer centum amorum* (Isai. lxxv). Corruunt, ut ascendant, qui ut exaltentur, se humiliant. De quibus Salomon: *Quatuor sunt minima terræ: et ipsa sapientiora sapientibus. Formica, quæ in æstate præparat escam sibi. Lepusculus plebs invalida. Regem locusta non habet, et tamen egrreditur per turmas. Steltio manibus nititur, et moratur in domibus regis* (Prov. xxx). In quibus laboriosi, timidi, humiles et subjecti designantur. Corruunt, et ascendere non possunt, quos demersit tempestas aquæ, quos jam profundum absorbit, super quos jam urget puteus os suum, ut cadant in profundum culpæ, sive in profundum pœnæ. De quibus Salomon: *Tria sunt insatiabilia: et quartum, quod nunquam dicit: Sufficit. Infernus, et os vulvæ: et terra quæ non satiatur aqua, et ignis, qui nunquam dicit: Sufficit* (ibid.) In primo profundum pœnæ demonstratur; in reli-

quis tribus luxuria, cupiditas, avaritia: quæ sunt A profundum culpæ. Ascendunt et corruere non possunt, qui nec tentationibus nec adversitatibus flecti possunt; sed cum Apostolo fiducia dicitur: *Quis nos separabit a charitate Christi?* (Rom. viii.) Vel certe qui opere complent, quod ore prædicant; vel qui cautelam innocentia servant, ut sint de illis, qui agnum immolant, de latere aquilonis; vel quasi columbæ ad fenestras suas. De quibus Salomon ait: *Tria sunt, quæ bene gradiuntur: Leo fortissimus bestiarum, ad nullius pavet occursum; et gallus succinctus lumbos; et aries, non est rex, qui obsistat ei* (Prov. xxx). In leone fortissimo designantur illi qui flecti non possunt per adversitatem mundi, per infirmitatem carnis, per tentationem cordis. Ad nullius enim pavebit occursum. In gallo autem succincto lumbos prædicatores significantur qui quod prædicant voce, demonstrant opere, seipsos percutiunt, antequam canant, quia castigant corpus suum, et zona continentia restringunt lumbos, ne cum aliis prædicaverint, ipsi reprobis inveniantur. In ariete vero, cui nec potest rex resistere, designati sunt simplices, qui sic tamen astutiam retinent in simplicitate, ut a nullo adversarii incursu possint timere. Quasi enim columbæ ad fenestras suas sunt, prudentes sicut serpentes, sed simplices sicut columbæ. Notandum quoque quod ascendunt alii ad hoc ascendunt, ut fugiant a deserto; alii ascendunt de deserto, alii ascendunt in deserto, alii ascendunt per desertum, alii ascendunt ad desertum. Per desertum namque figurantur plerumque, vel dæmones vel infernus. Dæmones, ut in Psalmo: *Neque a desertis montibus* (Psal. lxxiv), quia nec in ipsis malignis spiritibus patet fugiendi a divina majestate locus; infernus, unde hircus ἀποποιήσις mitti jussus est in desertum, quia Christus secundum animam, propter iniquitates populi descendit in infernum. Vel ascendant de deserto, id est de lege Mosaica, de qua scriptum est, quod aquas Mara in deserto amaras dulcoravit Moyses ligno imposito. Vel de sterili gentilitatis ritu. Unde: *Posuit desertum in stagna aquarum* (Psal. cvi). Et iterum Isaias: *Emitte agnum, Domine, domina orem terræ, de petra deserti ad montem filia Sion* (Isai. xvi). Vel ascendunt de deserto, id est de mundo. Unde in Canticis: *Quæ est ista, quæ ascendit de deserto*, id est quæ est ista quæ elevatur de mundo? Mundus quippe quinqueperita ratione deserto comparatur. Propter peregrinationem; unde: *Non habemus hic manentem mansionem, sed futuram inquirimus* (Hebr. xiii). Propter laborem. Unde Job: *Homo natus est ad laborem* (Job v). Propter egestatem. Unde: *Ego sum pauper et dolens* (Psal. lxxviii). Propter morsum serpentium, id est suggestiones dæmonum; unde: *Illic reptilia quorum non est numerus* (Psal. ciii).

Et quia mundus incultus est, sicut desertum incultum est. Vel ascendunt in deserto, id est in

cessatione a vitiis: quæ dicitur desertum pectoris sive sabbatum mentis, sine quo non est salus. Vae vobis, Ecclesiæ prælati, qui hoc desertum deseritis, quando Sion ædificatis in sanguinibus, qui de cornu altaris superbitis, qui de patrimonio Crucifixi lascivitis, qui in vestris parentibus et cognatis sanctam Ecclesiam deformatis. Sic enim Sion in vestris sanguinibus ædificatis, et hoc deserentes desertum, etiam Ecclesiæ jura deseritis. Vel ascendunt in deserto, id est in mente sancta. Unde in Exodo: *Cum minasset Moyses gregem ad interiora deserti, apparuit ei Dominus* (Exod. iii); quia tunc nobis Dominus spiritualiter apparet, quando cogitationes nostras ad veram unitatem in mente devota, quæ sanctæ solitudini insistit, redigimus. Vel ascendunt in deserto, id est in sancta conversatione. Unde in Exodo: *Sacrificabimus Domino in deserto* (ibid.), id est serviemus Domino in sancta conversatione. Vel ascendunt per desertum, id est per contemplationem, quæ a multis deseritur, a paucis inhabitatur. Unde in Canticis: *Quæ est ista quæ ascendit per desertum?* (Cant. iii.) Vel ascendunt ad desertum, id est ad cælum. Unde Dominus dimisit nonaginta novem oves in deserto, quia angelicam naturam dimisit in cælo: quod ideo dicitur desertum, quia ab angolis derelictum, qui per superbiam corruerunt. Ad hoc autem desertum, tanquam ad thronum veri Salomonis, sex operibus misericordiæ, tanquam sex gradibus ascenditur, id est si esurientibus cibum, si sitientibus potum damus, si inclusos carceribus visitamus, si peregrinos suscipimus hospitio, si nudos vestimus, si infirmis consilii vel auxilii solatium impendamus. Nam propter hæc, verba solati sunt audituri, quibus dicitur: *Venite, herediti Patris mei, percipite regnum, quod vobis paratum est ab origine mundi* (Matth. xxv). Sic ascendit Virgo gloriosa de virtute in virtutem, ut fugeret desertum inferni, ut ascenderet de deserto mundi in desertum sanctæ conversationis, per desertum devotæ contemplationis, usque ad desertum supernæ vocationis.

### SERMO XXVIII.

IN EADEM SOLEMNITATE (22).

*Eleva virgam tuam, et extende manum tuam, et divide mare, ut transeant filii Israel per medium sicci maris* (Exod. xiv). Quod uni dico, omnibus dico. Omnibus, inquam, illis qui tanquam boni pauperum advocati, contra frivolas excusationes eorum, qui invitati fuerant ad nuptias, didicerunt spiritualiter allegare. Invitati quippe sumus omnes ad nuptias, sed adhuc est, qui dicat: *Villam emi* (Luc. xiv). Villam quippe emere, est in sæculi vanitatibus desudare. Hic est qui in cophino palearum Pharaoni deservit. Est etiam et qui dicat: *Juga boum emi quinque* (ibid.). Hic est animalis homo ille, qui mundi cupiditatibus inhiat, et in cophino laterum Pharaoni se subdit. Terrena quippe

cupiditas quasi lutum est igne decoctum; illo, qui nunquam dicit: Sufficit; vel certe illo, qui tactas oves puerosque consumpsit: quoniam,

*Invidus alterius rebus marcescit opimis.*

(HORAŦ. *Epist.* 1, 2, vers 57.)

Est insuper et qui dicit: *Uxorem duxi (ibid.)*. Uxorem autem ducere, est carnis lutum per voluptatem mollescere. Hic est qui in eophino luti Pharaoni obedit. Qui igitur vanitates, voluptates et concupiscentias repellunt, et contra frivolas excusationes excipiunt, colla de sub jugo Pharaonis excutiunt. *Sed quis est hic, et laudabimus eum? (Eccli. xxxi.)* Ipse est urgens et leniens: sic enim interpretatur Moyses, cui dictum est: *Eleva virgam tuam, etc.* Urgens quippe fuit per disciplinam activæ, leniens per disciplinam contemplativæ: propter quod dicit propheta: *Excidi mihi duas virgas: unam vocavi funiculum, et alteram decorem (Zachar. xi)*. Nam a radice terræ, virgam quasi disciplinam excidit: funiculum quantum ad activam; decorem quantum ad contemplativam. Funiculum urgentem, decorem lenientem. Nihil enim æque mulcet et lenit animam, sicut sanctæ contemplationis devotio, ut ait quidam: *In omnibus requiem quæsi (Eccli. xxiv)*, nec tantam uspiam inveni, quantam in sancta cogitatione. Urget autem animum, et quasi funiculo coarctat activa, dum pungit, dum sollicitat, dum turbatur erga plurima.

Hinc est quod Virgo gloriosa, quasi virga ex aromatibus myrrhæ et thuris prædicatur. Virga, inquam, quia levis, quia flexibilis; funiculus vero, quia in altum se elevans odorem suavitatis emisit. Levis, quia caret pondere peccatorum; flexibilis, quia misericors. Myrrhæ vero et thuris, quia in omni disciplina se semper exercent. Myrrhæ quippe virga fuit, propter disciplinam activæ; thuris vero propter disciplinam contemplativæ. Hinc est quod in hodiernæ diei festivitate, ipsa castello comparatur, in quo habitabant Maria et Martha, quia castellum fundatum supra firmam petram, castellum inexpugnabile, castellum incorruptum, castellum, quot virtutibus, tot civibus plenum, cujus semper clausa fuit porta, nec patuit nisi soli principi. Castellum antonomastice Jesu, in quo vere habitabat Martha in sollicitudine administrationis; Maria vero in fervore dilectionis, vel desiderio amoris (*Luc. x*). Nam istis duabus sororibus, illæ duæ vitæ significantur, sub Novo Testamento, sicut in illis duabus, Lia videlicet et Rachele, in Veteri Testamento. Quod enim Lia in Veteri, hoc Martha in Novo; et quod Rachel ibi, hic Maria significat; sed alia, et alia de causa. Martha enim activam, propter officium charitatis; Lia vero propter exercitium laboris; unde et *laboriosa* interpretatur. Maria contemplativam designat, propter altitudinem contemplationis; Rachel vero propter simplicitatem mentis: unde et *ovis* interpretatur. Ergo Maria contemplativam significat, propter superiorem vim contemplativæ; Rachel vero propter inferiorem:

Martha vero activam, propter superiorem vim activæ; Lia vero propter inferiorem. Et cum multum inter se differant, superior vis contemplativæ, et inferior activæ, non multum tamen differre videntur superior activæ, et inferior contemplativæ. Multum quippe differt jucunditas devotionis, et afflictio laboris, sed non multum, officium charitatis et simplicitas bonæ voluntatis. Hinc est quod in constructione tabernaculi, secundum officium quatuor istarum sororum, videtur construi, atrium, sanctum, et Sanctum sanctorum. In atrio quippe erat altare æreum, craticula, sartago, clibanus. Maclabantur ibi carnes in holocaustum, et pro peccato. In omnibus his officium Liæ, labor videlicet et afflictio figuratur. Ecce inferior gradus activæ vitæ. In sanctis vero erat mensa propositionis, panes calidi desuper combinati: officium videlicet Marthæ, a latere quoque candelabrum cum lucernis, in quo figurabatur officium Rachelis. In Sanctis vero sanctorum erat altare aureum; in quo offerebatur incensum, secundum officium Mariæ. Nam in Ecclesia Christi, quatuor sunt rectorum genera instituta; sacerdotes videlicet qui implent officium Mariæ, reges qui officium Rachelis. Unde quia ista duo genera ad contemplativam vitam pertinent, beneficium recipiunt unctionis. Pastores vero implent officium Marthæ, iudices Liæ. Unde quia ad activam vitam pertinent, non habent beneficium unctionis, sed virgam potius in manibus, propter disciplinam conservandam in operibus.

Hinc est quod in primitiva Ecclesia, quatuor personæ primitus sunt ordinatæ: Aaron, qui implebat officium sacerdotis, Jacob pastoris, Moyses iudicis, David regis. Istis enim quatuor Ecclesia principaliter ordinanda commissa est. Sed quid, fratres? Insurrexerunt filii Core contra Aaron pontificem; virga Aaron floruit, et fructum fecit in signum sacerdotii et contemptum filiorum Core. Jacob autem nihilominus virgas populeas et amygdalinas, et ex platanis, in canalibus posuit, ut ad earum conspectum oves conciperent diversos fetus, et sic Laban illuderet; et quod suum erat multiplicaret (*Gen. xxx*). Moyses vero contra Pharaonem virgam elevavit, et in ipsa, signa et prodigia fecit; et Ægyptum decem plagis afflixit. David autem cum multoties in Saul potestatem haberet, manum suam in christum Domini mittere noluit, et tamen erecta et directa ejus virga fuit, ut dictum est: *Virga directionis, virga regni tui (Psal. xlv)*. Omnia hæc, dilectissimi, in figura contingebant illis, et facta sunt pro nobis. Data est nobis virga, et virga de radice Jesse; de radice, inquam, Jesse, quia de radice incendii. Radix enim totius fervoris et charitatis Virgo, virga est. Exaltata est virga, elevata est virga, ut quæ exaltata est in se, exaltata sit in te, exaltata sit tibi, exaltata sit a te, exaltata sit in te, quæ exaltata est pro te. Quicumque ergo pastor Dei es; quicumque officium Jacob implet, si Laban occurrit, si mundus deprimit, si labores tuos et

luctas derideant, quorum iniquitas prodit ex adipè, A tene virgam in canalibus cordis tui, quæ habeat in se amygdalinum fecunditatis, populeum virginitatis, et platanicum justitiæ et sanctitatis, vel simplicitatis. Eleva igitur virgam fecundam prole, virginem corpore et mente, planam justitia et simplicitate. Sed attende, quid, et de qua dictum est: *Quasi plantatio rosæ in Jericho (Eccli. xxiv)*. Ad omnes pertinere debet generaliter, quod ad Mariam specialiter: et utinam ad me finaliter! Jericho quippe significat idem quod Laban, id est mundum, et justus quasi plantatio rosæ in Jericho est, id est in mundo, quia supponit sibi aculeos tentationis, cum exteriori mortificatione carnis, et interiori devotione mentis in omnibus præbens suavitatis odorem. Exemplum accipe, Jacob; exemplum accipe, vir luctator. Si mundus derideat, si insurgant aculei tentationum, maneant viror mentis, esto bonus odor Christianæ devotionis. Quod si sacerdos es, et insurgant in te filii Core, filii Calvariæ, filii crucis, id est hypocritæ, qui solent aliorum bonis actibus invidere, vel qui pro beneficiis ecclesiasticis solent temporale lucrum inquirere, noli, sacerdos æternum, nisi pro æternis requirere. Primum quære regnum Dei et justitiam ejus, et hæc omnia adjicientur tibi. Felix, cujus hæc vox esse poterit: *Quasi palma exaltata sum in Cades (ibid)*. Palma, ut aiunt hi, qui rerum describere naturas, centenaria fructum facit; Cades autem *mutatio*, vel *sanctum* dicitur. Centenarius etiam perfectionem significat in Scripturis. Justus ergo quasi palma exaltatur in Cades, quando de læva hujus temporalitatis, transfertur ad dexteram beatæ æternitatis, juxta illud: *Cum dederit dilectis suis somnum, ecce hæreditas Domini (Psal. cxxvi)*. Et sapientia: *Cum consummaverit homo, tunc incipit (Eccli. xviii)*. Tunc enim erit in utero dextræ Excelsi, quando dicere poterit quis: *Nunc cæpi (Psal. lxxvi)*. Erit enim tunc sancta mutatio, quando corruptibile hoc induerit incorruptelam; et mortale hoc induerit immortalitatem. Quod si judex es, et insurgat in te rex Ægypti, hoc est tenebrarum harum, ut ignores boni et mali, veri et falsi, profani et sancti, mundi et polluti distantiam, considera cypressum in monte Sion exaltatum. Mons enim Sion Ecclesiam Dei significat, ubi exaltata fuit cypressus crucis, quia crucem referunt fuisse de cypresso, in qua pendens Salvator longe ante prædixerat: *Ego si exaltatus fuero a terra omnia traham ad meipsum (Joan. xii)*. Et: *Nunc judicium est mundi: nunc princeps hujus mundi ejicietur foras. (ibid.)* Aliud ergo noli quære judicium. Illum attende qui ait: *Nolite judicare et non judicabimini (Luc. vi)*. Ad hoc solummodo oculos aperi, quomodo nunc princeps mundi hujus ejiciatur foras, ut nec in te, nec in tuis dominetur. Sit tibi *colluctatio*, non solum *adversus carnem et sanguinem*, sed et *adversus principem tenebrarum harum, contra spiritualia nequitie in cælestibus (Ephes. vi)*. Quod si regis officium exercere desi-

deras, ad illum mentem eleva, cui servire regnare est; illius regni particeps esse desidera, quod æternum est. Considera ergo cedrum exaltatum in Libano. Cedrus enim immensa, odorifera, imputribilis perseverat in Libano. Mons Litanus candidus est, quia Libanus *candidatio* interpretatur. Ibi quippe sunt viri virtutibus eximii, odoriferi fama, imputribiles æternitate; et quotquot ibi sunt, regnant, quia reges sunt. Ibi exaltationis dignitatem recipiunt; ibi nulli subjiciuntur, non homini, non angelo, sed soli Deo. Sequitur:

*Extende manum et divide mare.* Nota quod Moysi dictum est, *extende manum tuam (Exod. xiv)*: illi videlicet, cui dictum erat: *Diliges proximum tuum, et odio habebis inimicum tuum (Matth. v)*. A te plus exigit, qui utramque manum in cruce extendit. Nisi, inquit, *abundaverit justitia vestra plusquam Scribarum et Phariseorum, non intrabitis in regnum cælorum. (ibid.)* Propter hoc ergo plus exigit, quia ait: *Diligite inimicos vestros: benefacite his qui oderunt vos. Si te quis percusserit in maxillam, etc. (ibid.)* Qui solus manus extendit, et mare dividit, aquas forte superiores retinet et inferiores non abjicit. Sacramentum hoc magnum est. Est enim superior amaritudo, et est inferior. Mare enim amaritudinem significat, quia amarum est. Et est superior amaritudo retinenda, inferior amovenda. Si enim amaricaris in animo, quod diu teneris in hoc exsilio, quod visio Dei non frueris, pro superioribus amaricaris; de talibus enim amaritudinibus dictum est: *Pone tibi amaritudines, et dirige cor tuum in viam rectam (Jer. xxxi)*. Et alibi: *Recogitabo tibi omnes annos meos in amaritudine animæ meæ (Isai. xxxviii)*.

Hic est enim ille Mardocheus, nutritius Edissæ, quæ alio nomine vocabatur Esther (*Esther. ii*). Mardocheus enim *myrrha munda* interpretatur; myrrha autem amaritudinem significat. Et hæc est amaritudo retinenda, quia munda. Nutritius Edissæ, id est misericordiæ, quia Edissæ *miseriordia* interpretatur, Esther vero *abscondita*. Et hæc est misericordia abscondita, de qua dicitur: *Quam magna multitudo dulcedinis tuæ, Domine, quam abscondisti timentibus te (Psal. xxx)*. Propter hoc sponsa dicit in Canticis: *Manus meæ stillaverunt myrrham, et digiti mei pleni sunt myrrha probatissima (Cant. v)*: quæ est munda, et per hoc retinenda. Inferior autem amaritudo est, quando quis amaricatur, eo quod non potest excecitatam in hostem exercere malitiam. Unde Psalmista: *Fili hominum, usquequo gravi corde? (Psal. iv.)*

Hæc est amaritudo inferior repellenda, quia immunda, quia magis iram Dei nutrit, quam misericordiam. In prima amaritudine designatur crux Christi; in secunda crux Aman, qui interpretatur *iniquitas*. Extende igitur manus, et divide mare, ut scias inter amaritudines utrasque discernere, ne turberis, ubi debes gaudere, vel gaudeas, ubi debes turbari. Ne gaudeas, quod es in mundo; ne

turbis, quod magis patet es Dei obsequio. Sic enim gradiuntur filii Israel per maris medium, id est per viam virtutum, vitis per amaritudines exsiccatis. Gradiuntur autem usque ad montem Dei Horeb. Horeb quippe *siccitas* interpretatur. Hoc tamen notandum, quod siccitas alia probabilis, alia reprobabilis, quod et in Horeb figuratur. Nam in Horeb bona et laudabilis siccitas figuratur, ut ibi: *Usque ad montem Dei Horeb (III Reg. xix)*. Mons siquidem ille cœlestis Horeb ideo dicitur, quod ab omni spurcitia mundus esse probatur. A montibus enim spurca, quia et noxia, dilabuntur in valles. Unde angelus et homo, alter propter superbiam, alter propter inobedientiam, de monte cœlestis gloriæ, in vallem temporalis miseriæ cœrnerunt. Unde scriptum est: *Non habitabit in eo aliquid coinquinatum (Apoc. xxi)*. Et Psalmista: *Domine, quis habitabit in tabernaculo tuo: aut quis requiescet in monte sancto tuo? (Psal. xiv)*. Ecce hic habes, et de habitatione, et de requie. Est autem laudabilis siccitas, quæ noxios corporeæ pinguedinis humores ebibens petulcos motus lubricæ fragilitatis enervat, et corpus reddit minus aptum. Est et vituperabilis, quæ fontem cordis exsiccans, et venas, per quas ad oculos usque solet devotio procedere lacrymarum; gratiam devotionis obcludit. Duplicem hanc siccitatem concupiscentia duplex et infert et aufert. Concupiscentia namque spiritus adversus carnem, laudabilem siccitatem infert, et vituperabilem aufert; concupiscentia vero carnis adversus spiritum vituperabilem infert, et laudabilem aufert. Per primam siccitatem, habet homo cor carneum; per secundam lapideum; carneum per affluentiam devotionis; lapideum, per duritiam obstinationis.

#### SERMO XXIX.

IN FESTO SANCTI BERNARDI.

*Cum accubisset Jesus in domo Simonis leprosi, fractum est alabastrum unguenti nardi pistici pretiosi; et tota domus impleta est ex odore unguenti (Joun. xii)*. Licet, dilectissimi, ea quæ proposuimus beati Lucæ fidelis sermo, et omni acceptione dignus, ante sex dies Paschæ, Bethaniæ in domo Simonis facta fuisse commemorat, tamen quia in hac spirituali Bethania hæc eadem videmus iterata, etsi non historice, mystice tamen, misericordiam Dei mirabilem in hoc facto votis et precibus implorare debemus, quoniam a fidelibus suis non est aversus amor ejus, sed adhuc manus ejus extenta. Quæ est enim hæc Bethania, nisi hæc obedientiæ domus: quæ tantorum filiorum matrem se læta cognoscit, quos de Spiritu sancto, obstetricante manu obedientiæ, parturivit? Quæ quia exemplo clara, et vallis humilitate cognoscitur, non immerito Claravallis nuncupatur. In hac igitur domo Simon ille, qui factus est obediens Patri usque ad mortem, cujus spiritus in filiis obedientiæ requiescit, ut scriptum est: *Super quem requiescet Spiritus meus, nisi super humilem et quietum, et trementem terba mea? (Isai. LXVI)* requiem quesivit et inve-

nit, quia deliciae ejus sunt esse cum filiis hominum. Vel quia per domum in sacro eloquio solet conscientia figurari, de virtutum lapidibus pretiosis domum sibi construxit, et usque ad cubitum perfectionis consummavit, ille Simon, id est *obediens filius*, cujus memoria in benedictione est, qui secutus Agnum quocunque ivit, ad obedientiæ præceptum, tanquam alter Abraham, egressus est de terra et de cognatione sua, ut fieret in gentem magnam, unde pater multarum gentium constitutus est, in quem clamamus, Abba, Pater. Ipse etiam tanquam alter Isaac in hujus solitudinis agro, quo egressus est ad meditando, copulavit sibi Rebeccam, quia didicit et docuit pariter ex iis quæ passus est, patientiam. Ipse quoque tanquam alter **B** Jacob, egressus de terra et de cognatione sua, conjunxit sibi Rachelem et Liam: Liam in officio ministrandi, Rachelem in otio contemplandi. Cujus semen Deus multiplicavit super terram, ut infinitam laborantium multitudinem ex activa, ex Rachele vero contemplativorum multitudinem generit copiosam. In iis igitur omnibus, patriarchis et prophetis merito comparatur, non solum, sed apostolis, martyribus, confessoribus, et virginibus. Quia vobis a Deo missus, etsi non aliis, vobis tamen factus est apostolus, quia signa apostolatus sui omnes estis in Domino. Ipse etiam per carnis passionem, et proximi compassionem, in certamine plus cucurrit quem martyr ictum sufferens, mucrone fundens sanguinem. Et in confessione laudis adorans Dominum, quod cordis arca credidit, etiam coram hominibus confessus est. Qui cum mulieribus nunquam coinquinatus, secutus est Agnum quocunque ivit. Spatiosam quippe viam derelinquens, et arduam aggressus, quæ ducit ad vitam, factus est vobis tanquam lucerna ardens et lucens. Ardens eloquio, lucens exemplo. Ardens in fractione panis, lucens in semitis viarum Dei, ut sic in utroque bono, et ardens et arduus, non immerito Bernardus sit vocatus. Intuemini quantus sit iste, qui ingressus est, non solum ad vestram salutem, sed ad omnium correctionem, utpote regibus Joannes, Ægyptiis Moyses, fornicantibus Phinees, Elias idololatris, Eliseus factus avaris, mendicantibus Petrus, blasphemantibus Paulus, negotiantibus Christus. Justitiæ forma, sanctimonie speculum, pietatis exemplar, assertor veritatis, defensor fidei, amicus sponsi, sponsæ paranympus, ordinator cleri, pastor plebium, magister insipientium, refugium oppressorum, pauperum advocatus, miserorum spes, tutor pupillorum, judex viduarum, oculus cæcorum, lingua mutorum, baculus senum, ultor scelerum, metus malorum, honorum gloria, sal terræ, lumen orbis, sacerdos Altissimi, vicarius Christi, christus Domini, Deus Pharaonis, actu severus, vultu serenus, verbo serius, omnibus omnia factus, ita ut eum crederes non vocatum in partem sollicitudinis, sed in plenitudinem potestatis. ideo accubuit Jesus in domo ejus, qui in

omnibus est per essentiam. Ubique enim est, qui nusquam deest. In quibusdam tamen transit, in aliis inhabitat, in aliis cubat, in aliis pascitur et reficitur. Transit quippe per interpolatas cogitationes, sicut Eliphas ait: *Cum spiritus, me præsentem, transiret, inhorruerunt omnes pili carnis mee* (Job iv). Nobis enim præsentibus spiritus transit, quando invisibilia cogitamus, quia hæc non solide, sed raptim videmus. Neque enim in contemplatione mens diu figitur, quia ad se ipsam, ipso lumine reverberata revocatur; sed tunc pili carnis inhorrescunt, cum sic vitæ veteris cogitationes a mente rescindimus, ut in illo dolore fatigemur. Inhabitat vero per gratiam nunc operantem, ut velit quod bonum est; nunc cooperantem, ne frustra velit, sed plerumque tentatione velatam, ut scriptum est: *Quam magna multitudo dulcedinis tuæ, Domine, quam abscondisti timentibus te* (Psal. xxx); quandoque devotione nudatam, sed tunc non solum inhabitat, sed cubat, quia cubare est habitare mentem cum devotione. Reficitur autem in illis, vel de illis, in quibus aut de quibus filius implet voluntatem Patris: sicut idem Filius ait: *Cibus meus est, ut faciam voluntatem Patris mei, qui in cælis est* (Joan. iv).

Sic igitur cubat et pascit in domo Simonis, id est in conscientia obedientis. Additur autem leprosi, ob humilitatis custodiam, quia custos obedientiæ humilitas est. Nisi enim per humilitatem servetur, cito in contemptum erigitur. Necesse est ergo, ut per humilitatem obedientiæ ad Deum redeat, qui per superbiæ lepram extra castra recesserat, quia simplex obedientia non sufficit, si suis stipata comitibus non aderit. Nam ut plena sit obedientia et perfecta, necesse est ipsam esse puram, voluntariam, humilem, patientem, fidelem, devotam, divinæ dilectionis fortitudine roboratam. De qua dictum est: *Fortis est ut mors dilectio* (Cant. viii). Et hæc in illis septem personis figurata sunt, qui uno eodemque nomine, sicut ex divinis colligimus verbis, id est nomine Simonis sunt signatæ. Legimus siquidem de Simone mago, de Simone Cyrenæo, de Simone leproso, de Simone Machabæo, de Simone Petro, de Simone Chananeæ, de Simone Oniæ filio. Isti septem illa, quæ prædiximus septem figurant; non, omnes omnia, sed aliqui aliqua, quædam remote, quædam positive. Sunt enim qui solius ambitionis causa prælatorum mandatis obediunt. Isti Simonem magum induunt, qui sola cupiditate mandatis voluit apostolicis obedire. Ideo pura debet esse obedientia, ut solus Deus sit in causa, qui est causa causalissima; et ipse idem, qui finis finalis est, sit in perseverantia. Alii prælatorum mandatis obediunt, sed semper inviti, semper cum murmure. Isti induunt Simonem Cyrenæum, qui crucem Domini in angaria bajulavit (Marc. xv). Ideo voluntaria debet esse, quia coacta servitia Deo non placeant, sed hilarem datorem diligit, quia illa hostia est ei acceptabilis, super en-

A jus caput offerentis manus imponitur. Alii prælatorum suorum malorum memores, et per hoc humiles, eo divinis mandatis humiliter obediunt, quo per obedientiæ bonum ad Deum se posse redire confidunt. Isti Simonem leprosum induunt, qui, quidem cum Deum invitavit, leprosus vocabatur. Sic et isti nomen sibi retinent peccatoris, qui etiam de propitiato peccato nesciunt esse securi. Alii de iis quæ sibi videntur licita, obediunt; sed si quid minus licite præcipi videatur, quod injungitur, licite contradicere se posse credunt, non attendentes obedientiam Abrahæ, nec Joannis, qui lignum aridum rigavit, et saxum immane volvit, vel illius, qui filium suum in clibanum ardentem propter obedientiam jecit. Nam si solum in licitis obediens sumus, quis supplebit, quod ait legislator noster, re et nomine Benedictus, super illo capitulo: « Si fratri impossibilia injunguntur? » Quid enim ad id illicitum, quam impossibile?

Ideo induamur Simonem Machabæum, qui Tryphoni fuit obediens, cum tamen esse sciret illicitum quod petebat. Cum enim surrexisset iste Simon pro Jonatha fratre suo, quem Tryphon occiderat, quod Simonem non latebat, misit ad eum Tryphon legatos in dolo, dicens: *Pro argento, quod debebat frater tuus in ratione regis, detinuumus eum; et nunc mitte argenti talenta centum, et filios ejus obsides, et remitemus* (I Machab. xiii). Cumque Simon cognovisset dolum ejus, misit tamen argentum et pueros, ne murmuraret populus dicens: *Non redemit fratrem suum, volens regnare*. Hoc exemplo plerumque obediens esse debemus ad majus scandalum removendum; etiam si illicita forte injungantur. Et hæc est obedientia patiens. Sed quoniam illicitam est omne, quod est præter fidem, vel non ex fide (Hebr. xi), non in omni illicito dicimus generaliter obediendum; quia nunquam in illis, in quibus fides læditur, obedire tenemur; sed in omnibus obedientiæ factis fidem præviam habeamus, quia sic induere non debemus Simonem Machabæum, ut Simonem Petrum exuamus, quia quantumcunque magna sit obedientia, nulla tamen est, si non sit super fidei petram fundata. Nec quæcumque fidem loquor, sed eam quæ est affectuosa, et omnium virtutum æmulatoria. Quid enim est, quod nobis noceat, si boni æmulatores fuerimus? Æmulamini igitur divina charismata, ut sit obedientia vestra sicut fidelis, sic affectuosa; sic induentes Simonem Petrum, ut etiam induatis et Chananeum. Chananeus quippe *Zelotes* vel *æmulator*, vel quod idem est, *imitator* interpretatur. Nec vos terreat fragilitatis humanæ defectus, si quandoque sarcina mandatorum vires vestras excedere videatur. Scitote quod qui confidunt in Domino, mutabunt fortitudinem. Non enim in vobis, sed in Deo debet esse fortitudo vestra, et in ejus obedientiæ fortitudine, qui facit cum tentatione preventum.

Cum igitur alicui fratri aliquid grave præcipi-

tur, dicat utilis frater in corde suo : Fortitudo mea Deus, vis mea Dominus; et ideo humano defectu aggrediar quod divina fortitudo perficiet. Sic fractus est Simon Oniæ filius, id est imitator ejus, qui semper in animo dicit : Non est fortitudo mea, ut sustineam : Sed tamen vis mea Dominus, ut perficere queam. Unde Onias vis mea Dominus interpretatur. In hujus, quia Simonis, domo Jesus accubuit : et cum esset in accubitu suo, nardus dedit odorem suum, quia factum est alabastrum unguenti nardi pistici pretiosi, et tota domus impleta est ex odore unguenti. Alabastrum dicitur, vas marmoris candidi, perlucidi, quod incorrupta servat unguenta. Tale fuit alabastrum, vas electionis, vas psalmi, vas cantici, hydria farinae, iecyus olei, scyphus Pharaonis, crater tornatilis, calix inebrians et præclarus. Fuit marmoris in perseverantia, candidi munditia, perlucidi fama. Quod semper unguenta servavit incorrupta, quia nec infamia denigravit, nec actus illicitus, nec cogitationis consensus collatum sibi gratiarum munus corrumpit. Dicitur autem alabastrum unguenti, sicut solemus dicere scyphum vini : et dicitur unguenti, quia verba quæ de vase diffundebantur, sic medicinalia erant, ut per ea ægri sanarentur, cæci illuminarentur, fortes ad robur ungerentur. Erant enim antidotum infirmorum, collyrium cæcutientium, chrisma robustorum, ita quod illud, quod Maria Magdalene, et Maria Jacobi et Salome fecerunt, ut caput ungerent (Marc. xvi), hoc iste multis laboribus, multo vigiliarum et jejuniorum sibi pretio comparavit, ut membra capitis, imo caput ungeret in membris. Hoc igitur alabastrum hodie fuit fractum, qui morte pretiosa dissolutum; sed non sicut vas figuli, sed sicut vas auri, quod earnis vinculis absolutum, talentum sibi creditum cum lucro Domino reportavit, et tota domus impleta est ex odore unguenti. Per ipsius siquidem verba tota Ecclesia bonus odor est Deo in omni loco, quia odor ejus, sicut odor agri pleni, cui benedixit Dominus. Curremus igitur in odore unguentorum suorum, hoc est in odore unguenti pistici, id est fidelis et pretiosi, et per hoc boni. Fractum est enim alabastrum unguenti boni nardi, vel per syncopam, Bernardi, cujus verba et martyribus rosam, et castis liliam redolebant. Trahat igitur post se fideles Christi exteriorum membrorum dispositio ordinata, morum disciplina, laboris exercitium, ornatus virtutum, exemplum operum, pigmentaria medicina verborum. Trahat autem de exsilio ad patriam, de labore ad requiem, de morte ad vitam, de tenebris ad lucem, quæ nescit occasum, Jesum Christum Dominum nostrum, cui est honor et gloria per infinita sæculorum sæcula. Amen.

## SERMO XXX.

IN NATIVITATE B. VIRGINIS MARIE.

*Si ambulans per viam in arbore, vel in terra ni-*  
(25) Desunt hic aliqua verba

*dum avis inveneris, matremque pullis, vel ovis desuper incubantem, non tenebis matrem cum filiis; sed patieris abire, pullos tenens captos; ut bene sit tibi, et longo vivas tempore (Deut. xxi).* Quoties dilecta sapientiæ tabernacula, sub divo positus, ventis expositus, perpendo sedulus, ædificandum necesse mihi videor in Cariathsepher. Sed cum de laci ariditate quæro, vel conqueror, Axæ suspirio præeunte, a Patre luminum, a quo omne datum optimum et omne donum perfectum de sursum descendit (Jacob. xvi), utrumque impetrandum esse irriguum, ut nomine Dabir digne civitas censeatur. *Quæcunque enim scripta sunt, ad nostram doctrinam scripta sunt (Rom. xv).* In quibus fecit nos Dominus ministros Novi Testamenti, non littera, sed spiritu; littera enim occidit. Quia hæc est ariditas Cariathsepher. Interpretatur enim civitas litterarum. Et quæ est civitas litterarum, nisi illa litteratura, quæ tuctur ab hostibus, et ornat virtutibus? Nam ad differentiam illius litteraturæ, quæ nec munit, nec ornat, civitas appellatur. Unde Psalmista ait: *Quoniam non cognovi litteraturam, introibo in potentias Domini (Psal. lxx).* Sed ariditas hujus civitatis superficies est litteræ, quæ nullum fructum in se videtur habere, nisi quando inferiori timoris, et amoris irriguo superiori, fides et intellectus irrigatur. Nam ut aurum in sapientia, argentum in eloquentia, lapides pretiosos superædificemus (25), argentum in logica, aurum superædificemus in theologia, necesse est, ut timor pariter et amor præcedant, ut sicut illi duo, Aaron videlicet et Hur, antiquitus graves Moysi sustentabant manus, sic et faciem ejus detegant et detergant. Alioquin timendum nobis est, ne lignum superædificemus, quod mittere solent hæretici in verbum panis, ut scriptum est: *Mittamus lignum in pane ejus (Jer. xi):* vel ne supponamus fenum humanæ fragilitatis; quod sibi supponere debent famelici, sicut hærentes litteræ facere solent in canticis, vel ne superædificemus stipulam alicujus vanitatis; ad quam nos induceret ariditas præsentis thematis, nisi timoris irriguo secundet et amoris. *Si ambulans, inquit, per viam, etc.* Quid isto vanius, si litteræ superficies attendatur? Quid enim, si pullis captis matrem sinit abire? Melius habuit, vel vita longiore vixit? Tamen si timor Dei et amor prævernerint intellectum, nihil devotius, nihil verius, nihil dignius Deo invenitur. Tunc nomine Dabir digne civitas censebitur, quia tunc sermo divinus probabitur, et eloquentia, quam interpretatur Dabir, approbabitur. Dicit enim:

*Si ambulans per viam.* Non conditionaliter, sed causative ponitur istud, *si.* Neque enim est homo super terram, qui non ambulet per viam, donec perveniat ad patriam; Deus enim stabilis et incommutabilis, moveri dat omnia et mutari. Non differt a vigilante dormiens, nec a laborante quiescens. Omnes enim perendinamus ad mortem, omnes



circa spheram mundi volvitur; et cum animalibus circa rotæ gyrum ambulamus. Ibant enim animalia et non revertebantur; ibant et revertebantur (*Ezech. 1*). Imo quod mirabilis est, et non revertendo revertebantur; et revertendo non revertebantur. Quæ est ista vitæ humanæ instabilitas, ut cum revertitur ad id, unde sumpta est, dicente Domino: *Terra es, et in terram ibis (Gen. 11)*, Job etiam attestante, qui ait: *Nudus egressus sum de utero matris meæ, et nudus revertar illuc (Job 1)*, nec tamen ad juventutis, vel infantia revertitur initium, si pervenerit ad senectam et senium? Sicut motum vides in choro cantantium, ad locum revertuntur, unde incipiunt, nec tamen revertuntur, quia semper ante faciem suam vadunt. Quicumque igitur nondum meruisti requiescere in patria, sed adhuc peregrinus es et advena, si ad hoc ambulas per viam, ut pervenias ad patriam, necesse tibi est, nidum avis quærere pariter et invenire. Notandum quod singularis avis singularem nidum tibi Scriptura proponit, ad differentiam avium plurimarum; quarum aliæ semen quod juxta viam cecidit comederunt, aliæ cibum præparatum de canistro pistoris sustulerunt, aliæ vero ad ipsum etiam sacrificium patris nostri Abraham aspiraverunt. Aves quippe, eo quod avidæ, demones sunt; quæ plerumque cogitationes quasi semina, plerumque actiones tanquam cibum paratum; plerumque ipsam Deo dicatam devotionem, tanquam sacrificium aut aufertur, aut auferre nituntur.

Istarum igitur avium nidi sunt corda peccantium. Mergulionum cupidi, nocte volantium hæretici, rapacium avari, corvini generis avium, diversa genera peccantium. Propter hoc, hujusmodi aves censuit immundas legislator, nec earum nidi quærendi sunt, sed si non quæsiti inveniuntur, vel abigendi sunt, vel nec mater, nec pulli capiendi. Singularis igitur avis, et phoenix unicus, qui de aromatibus alterius phœnicis, Virginis scilicet singularis, igne sancti Spiritus mediante in lucem prodiit, et cordibus sanctorum nidificavit. Unde multis generibus avium se comparat, ut est illud: *Similis factus sum pelicano solitudinis, factus sum sicut nycticorax in domicilio (Psal. 61)*. Et alibi Psalmista, de ejus humanitate ait: *Etenim passer invenit sibi domum, et turtur nidum (Psal. LXXXIII)*. Sed et ipse Jonæ, qui columba interpretatur, se ipsum comparat, ubi ait: *Sicut fuit Jonas in ventre ceti tribus diebus (Matth. XII, XXIII)*. Comparatur enim gallinæ, ubi ait: *Jerusalem, Jerusalem, quoties volui congregare filios tuos, quemadmodum gallina congregat pullos suos sub alas, et noluisti (Matth. XXIII)*: id est te nolente feci. Comparatur aquilæ, ubi ait: *Sicut aquila provocans ad volandum pullos suos, et super eos volitans (Deut. XXXII)*. Et bene pelicanus fuit compatiendo, nycticorax patiando, turtur pascendo, columba pascendo, gallina pacando, aquila pacificando. Unde scriptum est: *Homo nascitur ad laborem, et avis ad volatum*

(*Job v*). Quia enim homo fuit in labore passionis, quasi avis factus est in volatu resurrectionis. Hujus igitur avis nidus plerumque in arboribus reperitur, cum in cordibus eorum, qui devotionis odore suggestiones malas, tanquam serpentes abjiciunt, quasi in cedro nidificat. In spina vero, cum in cordibus prænitentium, in myrto continentium, in oliva misericordium, in abiete contemplativorum. In buxo, cum in cordibus fidelium; in cedro nidificavit demoniaco, in spina in deserto; in myrto coram Caïpha et Pilato; in oliva, mulieri deprehensæ in adulterio; in abiete coram Petro, Jacobo et Joanne; in ulmo, quando dolores nostros tulit in patibulo; in buxo, quando perseveravit in mortis calculo. Invenitur etiam in terra, quia non solum in contemplativis, sed etiam in activis Christus nidificat. Descendit Zachæus de arbore, ut ipsum hospitio suscipiat, Petrus in mare, ut ad ipsum perveniat; sed et cum, qui de Jerusalem descendit in Jericho Samaritanum visitat; sed et usque in Babylonem peccatorem captivi permittit, ibique liberat. Unde et Eliæ præsumptionem redarguit dicentis: *Domine, prophetas tuos occiderunt; altaria tua suffoderunt: et remansi ego solus (III Reg. XIX)*. Et dicit ei divinum responsum: *Reliqui mihi multa millia virorum, qui non curvaverunt genua ante Baal (ibid.)*. Sequitur:

*Matremque pullis desuper incubantem. Mater nidi* Virgo Maria, quia de suæ carnis substantia nidus prodiit humanitatis. De quo scriptum est: *In nidulo meo moriar, et quasi palma multiplicabo dies (Job XXIX)*. Hæc igitur toties super pullos et ova incubuit, quoties cogitationes sanctas calore charitatis ad opus perduxit: tot enim pulli quot opera, quot cogitationes tot ova. Si igitur talem matrem incubantem inveneris, non tenebis eam cum filiis, quia frustra jacitur rete ante oculos pennatorum, multo magis ante pennas ejus, quæ volavit super pennas ventorum; multo magis ante virtutem ejus, quæ transcendit beatitudinem omnium spirituum, hominum videlicet et angelorum; quia etsi similitudo repromittitur, tamen veritas denegatur. Si enim similitudo tibi æqualitatis promittitur, tamen veritas . . . denegatur. De ista enim dicitur: *Exaltata es, sancta Dei Genitrix, super choros angelorum, ad cælestia regna. Cæteris autem hominibus multum, si usque ad choros angelorum. Non igitur eam tenebis, quia nec poteris, quia nec si te ruperis, ad gratiam vel gloriam, ad meritum seu præmium, ad agonem seu bravium ejus poteris pervenire. Perfectam quippe Dei Genitricis sanctitatem imitantur quidem qui sunt ex parte ejus, et unusquisque tanto perfectius, quanto et ipse perfectior fuerit. Scã etsi omnes ei assimilari contendunt, nullus tamen æquari. Unde scriptum est in libro Josue, quia cum essent filii Israel transituri Jordanem, præcones per castrorum medium transeuntes clamare*

operunt : *Quando videritis arcam fœderis Domini Dei vestri, et sacerdotis stirpis Leviticæ portantes eam, vos quoque consurgite, et sequimini præcedentes: utique inter vos et arcam, spatium cubitorum duorum millium, ut procul videre possitis et nosse, per quam viam ingrediamini (Josue III). Arca igitur testamenti est illa, de qua scribitur :*

Beata mater munere,  
Cujus supernus artifex  
Mundum pugillo continens,  
Ventris sub arca clausus est.

(*Offic. Eccles.*)

Arca ista populum præcessit, quia sicut donis virtutum, sic excellentia præmiorum excelsior fuit. Inter arcam et populum spatium relinquatur quia sanctitati ejus nullus adjungitur; in intervallo vero illo, duo computantur millia passuum, quia intus et exterius perfecta ejus sanctificatio aliorum gratiam antecellit. Unde et omnibus præcipitur : *Cavete ne appropinquetis ad arcam (Josue III). Pullos tamen captos tenebis, quia virtutes imitaberis. Considera quod se fatetur ancillam, quæ se novit reginam; ascendit in montana cum festinatione in civitatem Juda, ut ministraret Elisabeth, quæ sibi debuit ministrare. Discere exemplo patientiam, quando gladius passionis animam suam transivit, quia nec murmurasse legitur, nec maledixit. Discere exemplo devotionem, quando conservabat omnia verba, quæ de Christo dicebantur, conferens in corde suo. Hi enim sunt pulli, quos captos tenere teneris, ut bene sit tibi. Tunc enim captos tenebis, cum opere complebis, quia scriptum est: *Dicite justo quoniam bene, quia fructum adventionum suarum comedit (Isai. III). Fructum enim adventionum suarum comedet, qui sic quærit et invenit, et opere complet quod sufficit. Et longo vivas tempore: nil enim longius æternitate. Sic bene erit tibi, cum centuplum in hac vita receperis, et longo vives tempore, cum vitam æternam possidebis**

#### SERMO XXXI.

IN NATIVITATE B. VIRGINIS MARIE.

*Portam fontis edificavit Sellum filius Cholhoza, princeps pagi Maspha (II Esdr. III). Qui non intrat per ostium in ovile ovium, sed ascendit aliunde, ille fur est et latro. Qui autem pulsat ad ostium, huic ostiarius aperit, et ingreditur et egredietur, et pascua inveniet (Joan. X). Ovile ovium, dilectissimi fratres, illud est in quo pastor bonus reliquit nonaginta novem oves, et venit centesimam querere quæ perierat. Hujus ovilis ille est ostium, qui de se ipso dicit: *Ego sum ostium (Joan. X). Pulsemus igitur ad hoc ostium, dilectissimi, pulsemus precibus, pulsemus operibus, et ingrediamur ad bene meditandum; egrediamur ad bene operandum, et pascua cœlestis doctrinæ inveniemus ad bene vivendum. Pulsate, et aperietur vobis; et introite portas ejus in confessione, qui vos exultat de portis mortis, ut annuntietis omnes laudes ejus in portis filie Sion. Ante tamen quam pulsetis portas**

ejus, ponite custodiam portis vestris, ne forte fortis armatus, vel filii Berolthite, inveniant conscientie domum vacuum, et expositam transeunti, et ingressi habitent ibi. Portæ vero nostræ sunt, de quibus Esdras præcepit filiis Israel, ne inferrent onera sua per portas suas in die Sabbati (*II Esdr. XII*). Et bene, quia qui contemplationis et internæ claritatis quietem habere desiderat, admittere non debet, vel per visum vanitatem, vel per auditum curiositatem, vel per olfactum delectationem, vel per gustum edacitatem, vel per tactum impuritatem. Unde si diligenter custoditæ non fuerint, statim pro foribus peccatum aderit. Non ergo ostiariæ negligenti, sed ostiario diligenti committamus eas, illud timentes et habentes præ oculis, quod ostiaria purgans triticum obdormivit (*II Reg. IV*); vel certe, quod ostiaria Caiphæ Petrum calefacientem ad prunas compulit ad negandum (*Joan. XVIII*). Ostiarius enim strenuus et fidelis est timor Domini, cujus maturitas non sinat evagari. Stabilitas enim ejus commendatur, cum dicitur: Timor Domini permanet in sæculum sæculi. Sollicitudo vero commendatur, ubi dicit: *Qui timet Deum, nihil negligit (Eccle. VI)*. Et bene, quia ab initio tentationis usque in finem mentem sibi commissam non deserit, sed super ipsam semper invigilat. Ab initio, quia scriptum est: *Initium sapientiæ timor Domini (Psal. CX)*. Usque in finem, quia scriptum est: *Finem loquendi pariter audiamus. Deum time, et mandata ejus observa; hoc est omnis homo (Eccle. XII)*. Hujus ergo fidelis ostiarii proprium est, ut portas nostras claudat, vel si aperiantur, attollat clausas, quia clausis januis intravit Dominus ad discipulos. Commendabilis apud Ezechielem dicitur porta clausa (*Ezech. XLIV*), per quam non intravit vir, sed princeps ipse sedit, ut in ea comederet panem suum. Si obturas aures tuas, ne audias sanguinem, et claudis oculos tuos, ne videant malum, bene portas tuas claudit timor Domini. Bene claudat Job portas suas, qui dicebat: *Pepigi fœdus cum oculis meis, ut non cogitarem quidem de virgine (Job XXXI)*. Et Psalmista: *Obmutui, et non aperui os meum (Psal. XXXVIII)*. Phinees enim qui dicitur *os mutum*, placavit, et cessavit quassatio. Cultus enim justitiæ silentium; et in silentio et spærit fortitudo nostra. Quod si aperiantur, attollantur, sicut scriptum est: *Attollite portas, principes, vestras (Psal. VIII)*. Qui levat oculos suos in montes, unde veniat auxilium ejus, qui extollit manus suas in sancta, ut scriptum est: *Levabo ad cœlum manum meam (Deut. XXXII)*, ille est, qui extollit portas suas. Sequitur:

*Et introite portas ejus in confessione (Psal. XCIX)*. In confessione cordis, de qua scriptum est: *Confitebor tibi, Domine, in toto corde meo (Psal. CIX)*. In confessione oris, de qua dicitur: *Confitebor Domino nimis in ore meo (Psal. CVIII)*. In confessione operis, ne simus illi, de quibus dictum est: *Confitentur se nosse Deum, factis autem negant (Tit. I)*: *Introite portas ejus in confessione. Quæ sint portæ*

ejus alibi aperit, cum dicit: *Aperite mihi portas* A *justitiæ, et ingressus in eas, confitebor Domino* (Psal. cxvii). Portæ enim justitiæ, portæ sunt ejus. Quidquid morum, quidquid virtutum, quidquid bonorum operum est, portæ sunt ejus. Quarum quædam porta fuit patientia, per quam intravit Job ad Deum; fides, per quam Abraham; mansuetudo, per quam Moyses; humilitas, per quam David. Talibus ergo portis intrandi ad Deum sancti aditum meruerunt. Sed portarum justitiæ aliæ sunt temporales, aliæ æternales. Temporales, quæ evacuantur et destruentur, sicut fides et spes. Æternales, sicut charitas et usus ejus. Diligere quippe Deum ex toto corde, et ex tota anima, et ex tota virtute, in hac vita incipitur, sed in æterna perficietur. In hac quippe vita potest incipi, sed nec perfici potest, neque consummari. De talibus ergo portis dictum est: *Attollite portas, principes, vestras, et elevamini, portæ æternales, et introibit Rex gloriæ* (Psal. xxiii), qui vos exultat de portis mortis. Sicut virtutes portæ justitiæ dicuntur, sic et vitia portæ. Tamen quinque principales ex sacro colliguntur cloquio: cupiditatis, voluptatis, obstinationis, exprobrationis, reprobationis. De prima legitur in libro *Judicum*, quod portas Gazæ transtulit Samson in supercilium montis (*Judic. xvi*). De secunda in Daniele, ubi hircus caprarum esferabatur in porta Ulai contra arietem (*Dan. viii*). Ulai quippe palus, non a palo, sed a palude vocatur. Ulai ergo porta paludis est, per quod lutum voluptatis accipitur. De tertia dicitur in Psalmo: *Quia confregit portas æreus, et vectes ferreos* (Psal. cvii). Æs enim inflexibile est, et propter hoc obstinationis duritiam præfiguratur.

De duabus ultimis legitur in *Sophonia*: *A prima, inquit, porta erit clamor, et ululatus a secunda* (*Sophon. i*). Veniens siquidem Dominus ad iudicium dicturus est malis: *Esurivi, et non dedistis mihi manducare, etc.* (*Matth. xxv*). Tunc ipsi clamabunt et dicent: *Væ nobis! Nos insensati vitam eorum putabamus insaniam: ecce quomodo computati sunt inter filios Dei* (*Sap. v*). Et cum Dominus subjunget: *Ite, maledicti, in ignem æternum, tunc erit ululatus*. Bestialem quidem vocem emittent, quia bestialiter vixerunt. In prima erit exprobratio, in secunda reprobatio. Exprobratio, ubi dicit Dominus: *Esurivi, et non dedistis mihi manducare*; reprobatio, ubi dicit: *Ite, maledicti, in ignem æternum*. Tunc erit ululatus. De talibus portis Dominus vos exultat, ut annuntietis laudationes ejus in portis filiarum Sion (*Psal. lx*). Sion interpretatur *speculatio*. Est autem *speculatio alia ænigmatica, alia anagogica*. Unde a speculo vel a specula nominatur. Quando enim per speculum in ænigmate, id est per similitudines et imagines rerum, Deum quis contempletur, a speculo *speculatio* dicitur, et *ænigmatica* vocatur. Fit autem tribus modis. Per similes similitudines, vel per similes dissimilitudines, vel per dissimiles similitudines. Per similes similitudines, quando quis comprehendere

Deum nititur per aliquam rem sibi valde similem, sicut per angelum. Nam sicut Deus subtilis, agilis, invisibilis, incorporeus; ita et angelus. Hinc est, quod angelus qui apparuit Agar, Deus appellatur, sicut ipsa ait: *Tu Deus, qui vidisti me* (*Gen. xxi*). Per similem vero dissimilitudinem, quando fit comparatio per antithesin, hoc est per contrarium, ut scriptum est, quia cognito uno contrariorum, cognoscitur et reliquum, ut si de bonitate Dei locutus, primo malitiam diaboli describo, ut dulcius mihi in ore sapiat bonitas Dei, et claritas innotescat. Hinc est quod in Evangelio dicitur: *Recordare, fili, quia recepisti bona in vita tua, et Lazarus similiter mala* (*Luc. xvi*). Per dissimiles vero similitudines, quando per aliquam rem vilem et despectam, magnitudinem Dei tam sublimem, tam arduam, apprehendere conamur. Unde se vermi et serpenti comparat. Et quid verme vilius aut serpente? In Psalmo tamen dicit: *Ego sum vermis, et non homo* (*Psal. cxi*). Et in Evangelio: *Sicut Moyses exaltavit serpentem in deserto, sic exaltari oportet Filium hominis* (*Joan. xiii*). A specula vero *speculatio* dicitur, quando *mens* ita sursum ducitur, ut nullis signis præcedentibus, nullis causis subsistentibus, *mens* ab omni imagine defæcata, ad superessentialiæ et infinitivæ originem simpliciter et reciproce refertur; quod in multis locis in *Selloquio*,... quæ quidem admodum paucorum est, et *anagogica* dicitur; ab ana, quod est *sursum*, et agoge, quod est *ductio*. Vix contingere potest ut Rachel de domo patris sui veniens, et ad terram promissionis properans, proticisci possit sine imaginibus Laban. Est igitur filia Sion anima speculativa, quam oportet ad contemplationis gradus per multas portas introire. Et si per portas illas ad pacis visionem non venerit, frustra laudationes Dei cantabit: quæ non est speciosa laus in ore peccatoris.

Hinc est quæ in Jerusalem, quæ interpretatur *visio pacis*, erat portarum multitudo, scilicet porta vetus, porta nebulosa, porta equorum, porta scutiariorum, piscium, sterquilini, vallis Josaphat, et porta fontis. Quicumque Deum vult contemplari, necesse est ut per aliquam istarum portarum ingrediatur ad Deum. *Gloriosa dicta sunt de te, civitas Dei, quia diligit Dominus portas Sion, super omnia tabernacula Jacob* (*Psal. lxxxv*). *Gloriosa dicta sunt de te, anima* speculativa, quæ virtutibus tanquam civibus plena, muro fortitudinis circumdata, et talibus portis es ornata. Prima porta dicebatur vetus. Sed quomodo vetus? *Quod enim antiquatur et senescit, prope interitum est* (*Hebr. viii*). Veterem quoque hominem renovans Salvator venit ad baptismum. Pessima est talis vetustas, videlicet originale peccatum, quod a primo homine usque ad ultimum perseverat, nec in aliquo homine deletur, etiam post baptismum. In baptismo siquidem non potest deleri, ut non sit, sed debilitatur, ut non obsit. Inest post baptismum ad pœnam, non ad culpam; inest actu, non reatu. Actualia quidem

peccata, si sunt actu, necesse est, ut sint reatu : A sed reatu esse possunt, etiamsi non sunt actu. Illud vero inesse potest actu, et non reatu ; sed si reatu est, necesse est ut sit actu. Propter hæc in oratione (24) rogamus, ut *nova incarnati Verbi natiuitas liberet, quos sub peccati iugo vetusta seruitus tenet*. Laudabilis autem vetustas est, de qua legitur in Canticis : *Omnia poma nova et vetera servavi tibi, dilecte mi* (Cant. viii). Et in Evangelio : *Simile est regnum cælorum homini patrifamilias, qui profert de thesauro suo nova et vetera* (Matth. xiii) Porta ergo vetus Ecclesia Dei est, quæ a primo justo usque ad ultimum perseverat, militans, expectans, triumphans. Militans in mundo, expectans in purgatorio, triumphans in cælo. Ipsa enim domus est fundata supra firmam petram. Venerunt lumina, flaverunt venti, sed non cecidit, quia vir sapiens supra petram eam fundavit. In hac veteri porta sedet Antiquus dierum cum senioribus suis ; id est Deus Pater requiescit in ea cum angelis suis, qui post lapsum apostatæ permanserunt. Ibi comeduntur vetustissima veterum ; quia oblatio panis et vini, quam sacerdos Melchisedech ante legem obtulit patri nostro Abrahamæ, in corpus et sanguinem Domini nostri Jesu Christi in Ecclesia quotidie transsubstantiatur. Unde et idem Dominus, qui hæc præcepit fieri, dictus est : *Sacerdos in æternum secundum ordinem Melchisedech* (Psal. cix). Necesse est ergo per portam istam nos intrare ad pacis visionem, videlicet Ecclesiæ fidem, quia cælestis gloriæ divitias habere non meretur, qui per eam non ingreditur. Habet enim ibi argentum venarum suarum principia, et auro locus est, ubi conflatur. Secunda porta dicebatur nebulosa, illa scilicet de qua dicitur : *Longe fiant filii ejus a salute, et conterantur a porta* (Job v). Portam vocat Christum, sine quo non est ingressus ad visionis pacem, vel ad pacis visionem. Unde orationes omnes terminamus *per Dominum nostrum Jesum Christum* ; eo quod per ipsum solum patet introitus ad cæleste regnum. Vocata est autem nebulosa multis de causis, quia a nube dicitur nebulosa. Nebulosa dicebatur, vel propter profundum divini consilii secretum ; vel propter obscuritatem prophetarum, qui de eo quæ ventura erant prædixerant ; vel propter occultam et inopinatam Virginis secunditatem, vel propter ascensum, qui naturaliter est in nubibus ; vel propter emissionem pluviae, vel propter nubium celeritatem. Propter profundum divini consilii secretum, ut scriptum est : *Rorate, cæli, desuper, et nubes pluunt justum* (Isa xlv) ; id est profundo divini consilii secreto pluunt : a superioribus quasi pluvia descendat ille, de quo scriptum est : *Tenebrosa aqua in nubibus aeris* (Psal. xvii) ; id est obscura scientia in prophetis, propter occultam Virginis secunditatem. Unde scriptum est : *Ascendet Dominus super nubem levem* (Isa. xix). Propter

ascensum vero, quia scriptum est : *Qui ponit nubem ascensum suum, qui ambulat super pennas ventorum* (Psal. ciii). Propter emissionem pluviae, quia descendit sicut pluvia in vellus. Propter celeritatem, quia scriptum est : *Voca nomen ejus ; Accelera, spolia detrahete, cito prædare* (Isa. viii). Unde in Evangelio : *Sicut fulgur ab oriente paret in occidentem ; ita erit adventus Filii hominis* (Matth. xxiv).

Tertia porta dicebatur equorum. Equi sunt, qui sustinendo, confitendo, prædicando, per univærum mundum Dominum portaverunt, per viam mandatorum Dei cucurrerunt : et in omnem terram exivit sonus eorum, et in fines orbis terræ verba eorum ; quia velociter cucurrit sermo eorum. Talium virtutes equorum per similitudinem fortis equi describit Job, ita dicens : *Gloria narium ejus terror, terram ungula fodit, exsultat audacter. In occursum pergit armatis. Super eum sonabit pharetra, vibrabit hasta et clypeus. Non reputat tubæ sonare clangorem ; sed cum audierit buccinam, dicit : Vah !* (Job xxxix.)

Ideo gloria narium ejus terror, quia in terrore adversitatis, quem sibi venturum prænoscit, gloriatur ; terram ungula fodit, quia exemplo operum suorum terrenas cogitationes excutit ; exsultat audacter, quia dignus est pro nomine Jesu contumeliam pati ; in occursum currit armatis, quia spiritualium machinamentis hostium viriliter resistit ; super eum sonat pharetra, quia nobis prædicat divina secreta ; vibrat hasta, quando diabolus repellit a terminis suis ; vibrat et clypeus, quando se protegit ab ejus insidiis ; non reputat tubæ sonare clangorem, quia potentium comminationes parvipendit ; sed cum audierit buccinam, dicit, *vah*, quia cum paratam sibi tribulationem audit, exsultat : *Vah*, siquidem vox exultationis est. Tales equos in spiritu vidit Zacharias, videlicet albos et varios, pallidos et rufos (Zachar. vi) : per albos virgines intelligens, per rufos martyres, per pallidos abstinentes, per varios, eos qui secundum varias virtutes Deo placuerunt ; sicut Abraham per filium, Job per patientiam. Beati qui portam istam intrare meruerunt, qui talem introitum ad visionem pacis habuerunt. Quarta scutariorum erat : scutarius a scuto vocatur. Scutarii sunt, qui prædestinati sunt a Deo æternaliter, vel a Deo proteguntur, vel alios protegunt temporaliter ; aut qui Dei adjutorio contra antiquum hostem pugnant viriliter. De prædestinatis æternaliter dicit Psalmista : *Domine, ut scuto bonæ voluntatis tuæ coronasti nos* (Psal. v). De protegendis temporaliter idem alibi : *Scuto circumdabit te veritas ejus* (Psal. xc). De viri pugna alibi : *Apprehende arma et scutum, et exsurge in adjutorium mihi* (Psal. xxxiv). Unde in Canticis : *Mille clypei pendent in ea* (Cant. iv), id est in Ecclesia, *omnis armatura fortium*. Ergo scutarii sunt, qui a Deo prædestinati sunt, vel merentur protegi, vel a bello spirituali non desistunt,

adjutorio Dei præmuniti. O vere felices, qui per A portam scutariorum intrant in Jerusalem, id est ad pacis visionem! Caveat tamen scutarius, dum pugnat adhuc accinctus, ne consilio Naas dextrum sibi eruat oculum et abscondat sub scutum sinistrum (I Reg. II). Nihil enim differt in prælio talis monoculus a cæco. Consilio siquidem Naas dextrum sibi eruit oculum, qui monitis serpentis antiqui, non propter cæleste præmium pugnat, sed propter temporale lucrum. Nam per dextrum oculum intellectus cælestium; per sinistrum vero terrestrium figuratur. Sequitur de porta piscium: Piscis est, qui inter fluctus hujus maris magni et spatiosi se sublevat a profundo spei pennulis, et defendit a fluctibus patientiæ squamis: quorum primus et maximus ille fuit, cujus cor et fel et jecur omne genus dæmoniorum extricat. Quis enim dilectionem et affectum cogitans cordis, quem Christus erga nos habuit, de quo scriptum est: *Obtulerunt ei partem piscis assi* (Luc. XXIV): vel effusionem sanguinis sui tanquam hepar, vel passionis amaritudinem tanquam fel; quæ omnia super charitatis prunas assata sunt, omne dæmonium non repellat? Vere fumus ejus, id est fama dilectionis ejus, omnia sophismata sive phantasmata requitiæ spiritualis externuat. Sequitur de porta sterquilini.

Porta sterquilini erat, per quam foras stercore civitatis efferebantur. Scitis, fratres, quod quidquid est in mundo, quasi stercore sancti reputant. Unde C Apostolus: *Omnia reputavi ut stercore, ut Christum lucrifacerem* (Philipp. III). Quid igitur aliud est congregatio divitiarum, vel honorum, vel dignitatum, nisi quasi quædam congregatio stercoreum, quasi sterquilinum? Hinc est quod Tobias calido stercore hirundinis legitur excæcatus. Calido stercore, id est nimio cupiditatis affectu. Unde conqueritur uxor sua dicens: *Utinam nunquam fuisset pecunia ipsa, pro qua misisti filium nostrum peregrinari; lumen oculorum nostrorum, baculum senectutis nostræ!* (Tob. V.) Et bene dicitur hirundinis stercore fuisse, quia hirundo volando acquirit unde vivit. Bene igitur per hirundinem significantur, qui solo corpore in hac peregrinatione constituti, cogitatione et aviditate animæ cibum sibi acquirunt. Unde et Joannes Baptista qui, licet mole levatus corporea, totus pergebat ad Deum, per hirundinem figuratur, sicut legitur in Jeremia: *Turtur et hirundo, et milvus et ciconia cognoverunt tempus adventus sui; Israel autem me non cognovit* (Jer. VII). (25) Per turturem autem scilicet gemebundum, Simeon ille significatur, qui dicebat: *Putas videbo, putas durabo?* Ille cognovit tempus adventus gratiæ, quando dixit: *Nunc dimittis servum tuum, Domine, secundum verbum tuum in pace* (Luc. II). Milvo vero, qui rapiendo vivit, ille rapax et cupidus Balaam figuratur, qui sola cupiditate ductus

consilium dedit Balaac contra Israel. Cognovit tamen tempus adventus gratiæ qui dixit: *Orietur stella ex Jacob, et consurget homo de Israel* (Num. XXIV). Ciconia vero, quæ pascitur venenosis, Sybillam significat venenosam et magnam, quæ tamen adventum Domini prædixit, dicens:

*De celo Rex adveniet per sæcla futurus, Scilicet in carne præsens, ut judicet orbem.*

Sic enim oportuit inimicos nostros esse judices fidei; unde in fideles justo judicio damnari meruerunt, qui nec suis credere voluerunt. Per hirundinem vero Joannes figuratur, quia collum rubrum habuit in decollatione, ventrem candidum virginitate, dorsum vero nigrum laboris onere. Ipse igitur cognovit tempus adventus gratiæ, cum dixit: *Ecce Agnus Dei, ecce qui tollit peccata mundi* (Joan. I). Sic amicis et inimicis Dominus largitus est charismata charitatis, ut nullus a fide et dilectione sua valeat excusari. Igitur porta sterquilini est ingressus vel egressus ad sterquilinum gratiæ temporalis. In ea plerumque sedent avari, quando cogitant, quomodo deceptorii sunt honores mundi, fallaces divitiæ, momentaneæ voluptates, ut sic radant eas a conscientiiis suis, et removeant a cordibus suis. Sic sedebat Job in sterquilinio, saniem, id est putredinem sterquilini radens, id est removens, testa, id est forti pœnitentiæ disciplina. Vel per sterquilinum vitia figurantur, sicut de peccatore legitur in Job: *Et quasi sterquilinum in fine perdetur* (Job XX). Porta ergo sterquilini sunt pralati, quibus peccatores vitia constituentur. Per ipsos enim tanquam per portam peccatorum stercore foris efferuntur.

Videte, dilectissimi, videte quem locum teneant in Ecclesia Dei, qui superbiunt hodie de patrimonio Crucifixi. In tabernaculo sunt saga cilicina, in arca Noe mansio stercorearia, in Jerusalem sterquilini porta. Quid superbis, scopa furni? Quid superbis, sacerdos veteris testamenti? Sacerdotum quidem erat extra castra sacrificium offerre; ipsi tamen immundi remanebant usque ad vesperam. Sic scopa furni furnum mundat, eo tamen immundior atque sordidior. Tales sunt, qui peccata populi comedunt, et confessiones aliorum recipiunt: non tamen omnes, quia sicut, nec hiems laurum, nec comburit rogos aurum, sic infusio vitiorum non tangit corda sanctorum, nec patiundo sentiunt, cum eis dicitur, sed magis compatiendo. Difficile tamen est, tangere picem, et non inquinari ab ea. Sequitur de porta vallis Josaphat: De hac sic legitur in Joële, dicente Domino: *Congregabo omnes, et educam eos in valle Josaphat, quia ibi sedebo, ut judicem omnes gentes in circuitu* (Joel. III). Hanc sententiam quidam pueriliter intelligentes, judicium Domini venturum in terra debere fieri mentiuntur, id est in valle Josaphat, quæ est a latere montis Oliveti, cum Apostolus ad Thessalonicenses dicat quod in spatio hujus aeris futurum

sit. Ait enim: *Nos qui vivimus, qui residui sumus in adventum Domini, non praeveniemus eos qui dormierunt; quoniam ipse Dominus in jussu, et in voce archangeli, et in tuba Dei descendet de caelo. et mortui, qui in Christo sunt, resurgent primi. Deinde nos qui vivimus, qui relinquimur, simul rapiemur cum illis in nubibus obviam Christo in aera (I Thess. iv).* Ecce aperte dicitur, quod in aere fiet iudicium; sed ideo se dicit Dominus disceptare cum gentibus in valle Josaphat, quia Josaphat iudicium interpretatur, et vallis dicitur. Et bene vallis dicitur, quia occultum est nobis, quando vel quomodo fiet. Unde scriptum est: *Dies Domini sicut fur in nocte ita venit (Luc. xii).* Disceptabit ergo cum gentibus in valle Josaphat, quia iudicabit eos occulto iudicio. Unde scriptum est: *Judicia tua abyssus multa (Psal. xxxv).* Eo ergo magis timendam iudicium, quo occultum. Leo rugiet, quis non timebit? Quis stabit ad videndum eum, ante cuius conspectum astra non sunt munda, et in angelis suis invenit pravitatem? Quanto magis immundi et pravi sunt, qui domos inhabitant luteas, et terrenum habent fundamentum; quorum iustitiae quasi stillulae, et quasi pannus menstruatae apparebunt, quando loquetur inimicis in porta, quando veniet ad iudicium cum senioribus suis, ut scriptum est: *Nobilis in portis vir ejus, cum sederit cum senatoribus suis (Prov. xxxi).*

Et vere in portis, quia de portis egredientur omnes homines, filii videlicet hominum conjudices Filii hominis, sicut scriptum est: *Vos qui reliquistis omnia, sedebitis super sedes, judicantes duodecim tribus Israel (Matth. xix).* Egredientur enim de porta veteri angeli, qui peccatores accusabunt, eo quod monitis eorum credere noluerunt. De porta nebulosa prophetae, accusantes eos, quia prophetis eorum acquiescere noluerunt. De porta equorum apostoli, accusantes eos, quod praedicationibus eorum non acquieverunt. De porta sentariorum martyres, accusantes eos quod exemplis eorum pati pro Domino noluerunt. De porta piscium confessores, accusantes eos quod eorum exemplis inter fluctus hujus maris magni et spatiosi per patientiam animas suas non possederant. De porta vallis Josaphat virgines egredientur, accusantes eos quod non solum corporali fornicatione, sed etiam spiritali animas suas corrumperunt. Cur ergo miseri cum fatuis virginibus verbum illud non timetis, quod dicitur: *Amen dico vobis, nescio vos (Matth. xxv), et clausa erit janua? Clausa quidem erit vobis janua caeli; qui iniquitate, hypoerisi et infidelitate aperitis vobis portas inferni. Iniquitas siquidem vestra porta est inferni patens et evidens, ut scriptum est: Adversum me loquebantur, qui sedebant in porta (Psal. lxxviii).* Quod autem haec porta sit, aperitur alibi, cum dicitur: *Erubescant impii, et deducantur in infernum (Psal. xxx), id est erubescant et deducantur in infernum. Non enim optative, sed propheticè intelligendum est [sicut illud]:*

*Muta fiant labia dolosa, quae loquuntur adversus iustum iniquitatem in superbia et in abusione (ibid.).* Hypoerisis etiam porta inferni est, sicut figuratum est in porta, in qua simulator ore Absalon per hypoerisim decipiebat ad iudicium venientes. Infidelitas quoque porta est, et introitus ad infernum, in qua perit dux Samariae, qui Eliseo promittenti temporis ubertatem credere noluit, sed ait: *Etsi aperuerit Dominus cataractas caeli, non fiet quod promittis (IV Reg. vii).* Quid igitur agendum est, fratres? Fugiamus de corruptione ad correptionem, de directione ad directionem, per desiderium vitae caelestis, ad refugium nostri humani sceleris [generis], ad refugium nostri succursus sceleris, videlicet ad portam fontis, portam salutis, portam sanitatis. Quae est ista porta fontis? Haec est illa, quam aedificavit S. Ilum, Virgo scilicet gloriosa, cujus hodie natiuitas, memoria in benedictione est. De qua alibi dicitur:

*Tu Regis alti janua,  
Et porta lucis fulgida.*

De hac sic in Ezechiele legitur: *Porta haec clausa erit, et non aperietur. Non introibit vir per eam: princeps sedebit in ea, ut comedat panem suum (Ezech. xliv).* Et bene clausa, quia nec ante partum, nec in partu, nec post partum, corrupta fuit. Non est aperta, quia virginitatem non amisit. Non est ingressus vir per eam, quia sine virili semine concepit. Princeps sedit in ea, quia Princeps regum in ejus utero se humiliavit. Panem suum ibi comedit, quia Patris sui voluntatem complevit, ut scriptum est: *Cibus meus est ut faciam voluntatem Patris mei qui in caelis est (Joan. iv).* Et bene dicitur porta fontis, quia ipsa porta fuit sacrae eruditionis, porta charitatis, porta vitae. Eruditionis, de qua scriptum: *Et fontes putei tui deriventur foras (Prov. v).* Charitatis de qua legitur: *(Fons proprius, cui non communicat alienus.)* Vitae, sicut in Psalmo legitur: *Quoniam apud te est fons vitae (Psal. xxxv).* Unde et ipsa Virgo gloriosa fons hortorum vocatur, et bene: quia ipsa non cessat irrigare hortum nucum, hortum pomorum, hortum aromaticum: nucum, quia suam animam pertransivit gladius passionis; pomorum, quando ascendit in montana cum festinatione, et ministravit Elisabeth; aromaticum, quando conservabat omnia verba, quae de Christo dicebantur, conferens in corde suo.

Haec igitur portam fontis aedificavit Sellum; aedificavit, id est adem fecit, mansionem scilicet et thalamum, quia cum dilectione Dei mandata servavit, ut scriptum est: *Si quis diligit me, sermonem meum servabit; et Pater meus diliget eum, et ad eum veniemus, et mansionem apud eum faciemus (Joan. xv).* Christus enim prode de Virginis utero, tanquam sponsus procedens de thalamo suo. Aedificavit eam Sellum. Sellum pacificus interpretatur. Et quis est iste pacificus, nisi ille, in cuius typum Psalmita caecus: *Cuius his qui oderunt pacem, erant*

*pacificus*? (Psal. cxxx.) Ipse enim non solum pacificus est, sed ipsa pax, sicut Apostolus ait: *Ipse est pax nostra, qui fecit utraque unum* (Ephes. 1). Reliquit enim nobis pacem pectoris, quæ facit patientem, de qua scriptum est: *Sectumini sanctimoniam et pacem, sine qua nemo videbit Deum* (Hebr. xii). Hæc pax relicta est laborantibus in mundo. Unde in missa *pro Defunctis*, pax non datur; quia defunctis non est necessaria pax pectoris, sed pax æternitatis.

Unde scriptum est: *Corpora sanctorum in pace sepulta sunt* (Eccli. xxxix), id est in spe certissimæ pacis æternæ. Illam reliquit, istam dedit, ut scriptum est: *Pacem relinquo vobis, pacem meam do vobis* (Joan. xiv). Pacem vero temporis nec reliquit, nec dedit, ut scriptum est. *Non veni pacem mittere, sed gladium*. Neque eam dare voluit, quia ipsa pax semper imperfecta est, aut simulata, aut inquinata, aut scelerata, aut inordinata. Imperfecta, quia caro semper concupiscit adversus spiritum, et spiritus adversus carnem; simulata, sicut eorum, qui propter carnis lenocinium se diligunt; scelerata vero, qui propter furtum, vel rapinam, vel aliud scelus sibi sunt pacati. Inordinata vero, quando non diligimus diligentes, vel diligenda non diligimus, vel minus diligenda magis, vel magis diligenda minus diligimus. Quis sit autem iste Sellum, ostenditur, cum dicitur: *Filius Cholhozai*. Cholhozai interpretatur *videns omnia*, vel *propinans omnia*. Quid igitur iste significat, nisi Deum Patrem? Unde Job loquitur: *Sapiens est corde, et fortis robore* (Job ix). Videt enim omnia, qui novit omnia antequam fiant. Videt enim omnia per sapientiam, propugnat omnia per potentiam. Scientia siquidem et potentia, quasi duabus clavibus cœlestis regni thesaurum claudit vel aperit. Claudit, et nemo aperit; aperit, et nemo claudit. Unde Petro et successoribus ejus claves istas dedit, ipso dicente: *Et tibi dabo claves regni cœlorum. Et quodcumque ligaveris super terram, erit ligatum et in cœlis. Et quodcumque solveris super terram, erit solutum et in cœlis* (Matth. xvi). Hinc est quod Jael uxor Aber Cimæi in typum Ecclesiæ clavo et malleo Sisaram interfecit. Clavo scientiæ, et malleo potentiæ. Clavo, inquam, scientiæ, quia scriptum est: *Verba sapientis, ut stimuli, et quasi clavi in altum defixi* (Eccli. xi). Utraque clavis necessaria est Petri successoribus, quia qui scientiam habet sine potentia, clave caret, sed non clavo; qui vero potentiam sine scientia, clave caret, sed non clava. Scientia enim sine potentia clavus est in oculo cæci; potentia sine scientia, clava est in manu furiosi. Bene ergo filius Cholhozai fuit Sellum, id est omnia intelligentis et omnipotentis fuit filius, non imitationis, non adoptionis, non doctrinæ, non gratiæ, sed naturæ, quamvis gratiæ fuerit, quod ens homo fuerit Filius Dei, tamen non fuit Filius Dei per gratiam, sed per naturam. Dicit

A tamen Apostolus: *Qui prædestinatus est Filius Dei in virtute* (Rom. 1), quod tamen sic intelligendum est, quod prædestinatum fuit in virtute Dei, ut ens homo esset Filius Dei. Sequitur de dignitate:

*Princeps pagi Maspha*. Nota quia princeps multis modis accipitur: Potest enim dici a principio. Unde Christus dicitur princeps regum terræ, qui sibi ait: *Ego principium, qui et loquor vobis* (Joan. viii). Et in Apocalypsi: *Ego sum alpha et omega, principium et finis* (Apoc. 1). Potest etiam dici a præcepto. Unde Apostoli principes vocantur, quia præcepta Dei prædicaverunt. Potest etiam dici a præceptio. Unde diabolus dicitur princeps mundi, quia præcipitat amatores suos. Unde scriptum est: *Princeps hujus mundi ejicietur foras* (Joan. xii). Videtur tamen dici princeps a principio; quia scriptum est: *Ille erat homicida ab initio* (Joan. viii). Sed ab initio dicit, id est post initium, sicut ibi (26): A prima substantia nulla est prædicatio, et id est post primam substantiam. Et ibi:

*O Jane, a tergo quem nulla ciconia pinxit,*  
PENS. (Sat. 1, vers 58).

id est post tergum. Princeps ergo pagi Maspha fuit Sellum. Pagus dicitur a pege, quod est fons. Unde dicuntur pagani, quasi pegeni, quia ipsi villas facere solebant super fontes. Unde Isaac legitur puteos fodisse. Erat ergo Sellum princeps pagi Maspha, id est fontis Maspha. Maspha interpretatur *speculatio*. Unde de Christo dicitur in Psalmo: *Et factus est in pace locus ejus; et habitatio ejus in Sion* (Psal. lxxv). Sion et Maspha idem interpretatur. Habitatio Sion, pagus Maspha, princeps pagi Maspha, princeps habitationis Sion. Quoties ergo Christum in corde tuo præfers omnibus, et cum devotione contemplaris, et facta ipsius fideliter ac devote circumspicis, in habitatione Sion, vel in pago Maspha habitas, et pacifice requiescis. Nam de praelationis specula scriptum est in Ezechiele: *Speculaterem dedi te domui Israel* (Ezech. iii); de contemplationis vero in Isaia: *Pone tibi mensam, et contemplare in specula* (Isai. xxi). De circumspectione in Jeremia: *Statue tibi speculam, pone tibi amaritudines, et dirige cor tuum in viam rectam* (Jer. xxxi). Ergo, dilectissimi, præferamus omnibus Christum, contemplerur eum, circumspiciamus virtutem ejus, sapientiam ejus, bonitatem ejus. Dirigamus viam nostram in viam rectam, ut habitemus in Sion, et in pago Maspha; ipso principe pagi præeunte et prævio, Jesu Christo Domino nostro, qui vivit et regnat per omnia sæcula sæculorum. Amen.

## SERMO XXXII.

IN NATIVITATE B. VIRGINIS MARIE.

*Stella in medio nebulæ* (Eccli. 1). *Ex regali progenie Maria exorta refulget* (Offic. Eccles.). Quoties, dilectissimi fratres, ad audiendum verbum solatii, solatium verbi Dei eligitis, non debetis attendere quis dicat, sed quid dicatur: Viri enim leprosi fue-

runt, qui verbum salutis prædicaverunt in porta Samariæ; sed dux ille, super cujus manum rex incumbebat, quia credere noluit, mortem incurrit. Amalecites quoque fessus in itinere, dux factus est exercitus David (IV Reg. vii). Civitas etiam illa, quæ lingua Chananæa loqui solebat, facta est civitas solis, videlicet genilitas, quando lingua exsiccata, illuminativa, accensiva, nobis locuta est. Exsiccativa, dico, nostræ iniquitatis, illuminativa veritatis, accensiva charitatis. Et bene, quia tanta est gloria cherubin, ut plerumque audiri possit vox ejus in atrio exteriori, secundum quod Dominus mittit crystallum suum sicut buccellas, panem educit de terra, vel de petra, oleumque de saxo durissimo. Multoties ergo asina angelum videt, quem homo non videt, quia sicut hirundo et turtur cognoverunt tempus adventus Christi, ita et milvus et ciconia. Hirundinem dico Joannem Baptistam, turturam Simeonem, milvum Balaam, ciconiam vero Sibyllam: isti mirabiliter de Deo prædicaverunt. Joannes: *Ecce Agnus Dei* (Joan. i); Simeon: *Nunc dimittis* (Luc. ii); Balaam: *Orietur stella ex Jacob*; Sibylla:

« De cælo Rex adveniet per sæcla futurus. »

Vulgo enim dicitur; porcus iners multoties radicem bonam invenit. Et hos porcos dixerim, qui non ruminando, sed quasi in terra fodiendo, id est terrena scrutando, Jesse nobis radicem effoderunt, et ostenderunt nobis quomodo de radice Jesse Maria exorta refulget. Hermes siquidem et Asterius philosophi regis Persarum hujus gloriose Virginis solemnitatis multis et dignis præconiis, nescio ex magnitudine litteraturæ, sive a spiritu prophetiæ, quem habere potuerunt a spiritu; et si non forte in spiritu, prædicaverunt multis modis; a nativitate scilicet Virginis, a plenitudine temporis, ab impositione nominis, a nobilitate generis, a studio doctrinæ spiritualis, ab exercitio vite temporalis, a loco, ubi conflatum est aurum sapientiæ suæ, tandem a consummatione beatitudinis veræ et certæ et plenæ. Dicit enim Asterius: « Orietur sub decano virginis, puella quædam, quæ lingua Persica dicitur Sedezordama, Arabice vero Adrevedefa, sedens super solium auleatum, binas manu tenens spicas; et pascens filium suum jure, in loco ubi dicitur: Ave, et nomen pueri vocabunt Jesum. » Hermes vero paucis verbis mutatis, de eadem virgine sic locutus est: « Nascetur sub Virgine puella quædam, quæ vocatur Corciselastalis, sedens super stratam publicam; gemina manu gerens aristas: dans filio suo jus ad pascendum in terra Hebræa: nomen autem filii vocabunt Jesum: » quibus consentit tertius poeta, cujus nomen est Albumazar, ita dicens: « Orietur sub decano Virginis mater virgo; lactat que patrem, et eidem solio assidet, vir eam non attingens. »

Audite, dilectissimi fratres, viros leprosos proferentes præconium laudis Christianæ, Amalecitas duces itineris fidei catholicæ, asinas videntes an-

gelos Dei, ciconias mirabiliter crocitanter. Sugite mel de petra, unguini oleo de saxo durissimo, frangite buccellas crystallinas, et comedite panem de terra. Tanta est enim fidei catholicæ veritas gloriosa, quod inimici nostri sunt iudices, et in ortum trium testium stat verbum gloriæ, et testimonium Virginis gloriose. Ubi enim dicitur, « oriatur, » commendatur nativitas, plenitudo temporis, ubi additur, « sub decano virginis, » impositio nominis, ubi additur, « Sedezardama, etc., » nobilitas generis, cum subinfertur, « sedens super solium auleatum; » doctrinæ spiritualis studium ubi subjungitur, « binas manu tenens spicas: » exercitium temporale, ubi dicitur, « et pascens filium suum jure; » locus sapientiæ suæ, ubi ponitur, « Ave, » consummatio vero beatitudinis, ubi dicit, « nomen pueri vocabunt Jesum. »

Audiamus igitur et miremur extensionem colli ciconiarum, extendentis ad cælum, et hoc mirabile crocitanter præconium. Certum est, quod sol ascendit in Virgine, scilicet in Septembri, sub quo mense nata est Virgo gloriosa. Quod autem dicit, « Decanum virginis, » arbitror, decanum, portionem esse decanam alicujus gradus eorum, per quos sol ascendit in Virgine; omne siquidem signum habet gradus triginta, et illi gradus habent portiones. Tamen sive de gradibus, sive de portionibus graduum, intellexerit poeta, hoc certum est quod Maria orta est sub Virgine. Aliquid simile in libro Regum reperies, ubi dicitur: *In mense Ethanin posita est arca fœderis in domo Domini* (III Reg. vii). Arca, inquam, de qua dictum est:

*Beata mater munero,  
Cujus supernus artifex,  
Mundum pugillo continens,  
Ventris sub arca clausus est.*

Et dicitur fœderis, quia in secreto uteri virginalis initum est fœdus per Deum hominem, et inter Deum et hominem. Ista enim arca in templo Domini, id est in honore Ecclesiæ Dei posita est nascendo, et exposita mundo. Ipsa enim fuit Musæ regis, et Corban sacerdotum, Gazophylacium pauperum, arca cælestium thesaurorum. In mense bethanin, id est in mense septimo. Ergo in mense bethanin, id est sub Virgine, nata est Virgo gloriosa. Orietur ergo sub Virgine puella, vel adolescentula, de qua Salomon in *Parabolis* ita loquitur: *Tria sunt difficilia mihi, et quartum penitus ignoro. Via aquilæ in cælo, via colubri supra petram, via navis in medio maris* (Prov. xxx), quæ sine difficultate discerni non possunt, vel inveniri. Quartum vero Salomon penitus ignoravit, *viam scilicet viri in adolescentula*, in adolescentia solemus dicere, sed Hebræus melius nos corrigit, *in adolescentula*: non enim per naturam, vel per scripturam, vel per rationem, intelligere potuit, quia novum fecit Dominus super terram, id est quod adolescentula circumdedit virum: virum inquam, de quo scriptum est: *Ecce vir, Oriens nomen ejus*



(Zachar. vi). Unde Josephus : « In diebus illis fuit A Jesus vir sapiens : si tamen fas est eum nominare virum, et doctor eorum qui libenter quæ vera sunt audiunt ; et mirabilium erat effector operum : » et sic concludit. « Christus hic erat. »

Hæc igitur puella vocata est Sedeozardima Adrevedefa, vel Coreiscastalis, tria hæc enim vocabula univoca sunt, unam interpretationem habentia. Interpretantur enim virgo munda et honesta, de qua Jeremias dedit signum Ægyptiis, quod eorum opereretur evelli idola, cum virgo pareret, unde sacerdotes Ægyptiorum in secretis templi imaginem Virginis et filii statuente adoraverunt. Cumque eis diceret Ptolomæus, cur hoc facerent, responderunt, paternæ traditionis est mysterium, quod accepimus a sancto propheta, et credimus in rebus ita esse venturum. Unde Isaias : *Ecce virgo concipiet, et pariet filium (Isai. vii)* : vel ut melius Hebræi nos corrigunt : *Ecce alma concipiet* : virgo enim apud Hebræos dicebatur juvenula, quæ nuptui tradi poterat. Bethula vero vetula dicebatur, quæ virum non cognovit ; alma vero, id est *abscondita*, dicebatur, quæ sic a conspectu hominum fuerat occulta, ut de illa nulla esset suspicio, ipsam fuisse corruptam. Unde et alma sancta vocatur ; sancta vero firma dicitur, quia firmum erat et ratum, ipsam esse incorruptam. Erat ergo virgo munda et honesta. Quando Dominus discipulos suos erudit, dixit : *Sint lumbi vestri præcincti et lucernæ ardentes (Luc. xi)* : quia in lumbis est luxuria virorum, in umbilico mulierum. Sed ista fuit munda et honesta, cujus umbilicus præcisus fuit ; et lucernæ ardentes, quia ipsa de prædentibus virginibus una et specialis fuit, quia sine macula fuit, sine ruga, sine cerusa. Sine macula peccati, sine ruga duplicitatis, sine cerusa deceptionis. Vel ideo munda, et honesta, quia tota pulchra est. *Tota pulchra es, amica mea, tota pulchra (Cant. iv)*. Sicut enim mulier infamis et procax tota turpis est, a planta pedis usque ad verticem, ita sancta mulier tota pulchra est, a planta pedis usque ad verticem. Quid enim turpius illo monstro, nulla virtute redempto, quod serpentem effigiat in erinibus tortuosis, habens oculos basilisci, genas pharæ, nares suis, dentes caninos, labia sirenæ, mammas lamæ, manus lupi, ventrem capri, tibias luteas, et pedes pavonis ? Econtrario vero tota pulchra est, quæ in uno crine colli sui vulneravit cor sponsi sui, habens oculos columbarum, genas turturis, nasum sicut turrim David, dentes sicut gregem tonsarum, quæ ascenderunt de lavaero, labia coccinea, mammas sicut duo hinnuli capræ gemelli, manus tornatiles, ventrem eburneum, tibias marmoreas, pedes rectos ! Vel certe tota pulchra est, quia corpore et anima glorificata est, sicut gratia plena, ita beatitudine plena. Nec enim gratia esset plena, si non esset beatitudine plena. Si enim putridum corpus in tumulo remansisset, nec gratia esset plena, nec beatitudo plena. Esset forte beatitudo ejus vera et cer-

ta, sed non plena, quia tunc erit beatitudo plena, quando pro merito reddetur homini duplex stola, et glorificabitur corpore simul et anima. Sequitur :

*Super solium auleatum*, id est solium regium. Hæc est nobilitas generis, quia fuit virga de radice Jesse : Jesse autem genuit David regem, de cujus solio ta loquitur Isaias : *Super solium David, et super regnum ejus sedebit Dominus (Isai. ix)*. Unde : *Regali ex progenie Maria exorta refulget*. Propter hoc dicit Albomazaz : « et eidem solio assidet vir eam non attingens, » id est Joseph ; qui eadem regali progenie genitus est. Quod *Hermes* dicit, eam sedisse supra stratam publicam, de loco pariendi nos certificavit, quia quando filium suum peperit, non fuit ei locus in diversorio ; sed super stratam publicam paritura sedit. Sequitur : *Duas manu tenens spicas*. Duæ spicæ, duo sunt testamenta ; quia sicut in spica vel in arista granum est cum palea ita sunt sacramenta latentia sub littera. Istas aristas fricabant apostoli ; unde Judæi murmurabant, qui plus litteræ quam mysteriis solent adhærere. Vel certe per spicas sententiæ Scripturarum figurantur, et opera : sententiæ Scripturarum, sicut de hæreticis ait Job : *Esurientibus auferant spicas (Job xxiv)*, quia esurientibus bonum, sententias Scripturarum, quibus pugnare vel expugnare debent eos, hæretici tollunt ; opera vero, unde legitur : quod principes latronum Rechab et Baana intraverunt domum Isboeth, et tollentes spicas percusserunt eum in inguine (*II Reg. iv*), quia maligni spiritus negligenti cuilibet bona opera quæ habet, auferunt, et eum carnis delectatione occidunt. Hinc est, quod filii Benjamin persecuti sunt Ephraeos nescientes pronuntiare *Sciiboleth*, quia dicebant *sibboleth*, non valentes explicare spicas (*Judic. xi*). Filii Benjamin, id est, filii dextere, Ephraeos, id est hæreticos, videntes, sententiis Scripturarum percusserunt : istas enim spicas alii portant in ore prædicando, alii in manu operando. Unde scriptum est : *Verbum, quod factum est in manu Aggei prophetæ (Agg. i)*. Ista igitur Virgo binas manus tenuit spicas, quæ vita claruit et doctrina. Sequitur :

« Et filium suum pavit jure. » Audi : Sedeozardima virgo munda et honesta filium suum pascit, virgo filium pascit, virgo mater lactat patrem, pascit jure, id est crassitudine. Unde legimus quod Jerobaal carnes hædi ponens in canistro, et jus carni in olla, quod utramque totum posuit supra petram ; et tetigit angelus virga et consumpsit ignis carnes, et ipsum jus (*Judic. vi*). Et sciendum, quia crassitudo triplex est, exterior, quæ proprie dicitur pinguedo, et interior adeps ; quæ vero est in ossibus, medulla. Est enim pinguedo exterior, motus charitatis in actu ; interior vero, motus charitatis in effectu ; medulla vero, affectus diligendi in utroque motu. Sicut enim pejus est statuere, declinare animam in terra : ita melius est affectus diligendi,

quam diligere. Sicut enim tuba larga in ore, largior in manu, ultra manum largissima: ita Dei dilectio lata debet esse in ore per prædicationem, latior per operationem, latissima per affectum et bonam voluntatem. Quod si jus a justitia nominetur, quia Seneca dicit: « Justitia est virtus, quæ unicuique reddit jus suum; » filium suum pascit jure, qui unicuique reddit jus suum, id est qui reddit laudiam Creatori, dulciam creaturæ, reverentiam majoribus, concordiam paribus, pacem cunctis. Sequitur: « In loco, ubi dictum est, Ave: » Ecce locus ubi confitum est aurum sapientiæ Virginis, scilicet in terra Hebræa, ubi dicit ad eam angelus: *Ave, gratia plena, Dominus tecum.* Illa vero obstupescit dicens: *Quomodo fiet istud?* etc. Et angelus: *Spiritus sanctus inquit, superveniet in te, et virtus Altissimi obumbrabit tibi,* etc. Et Virgo: *Ecce ancilla Domini.* Et quasi aurea catilina diem venturum annuntiavit dicens: *Magnificat anima mea Dominum (Luc. 1).* Et hæc est consummatio beatitudinis ejus, quia nomen filii sui vocatum est Jesus; et vocatum est ab angelo, priusquam in utero conciperetur. His igitur omnibus modis *Ex regali progente Maria exorta resurget.* Maria id est *illuminans* vel *illuminata*, vel *stella maris*. Stella vero maris dicitur transmontana, quæ navæ statum maris vel cursum navis considerat. Et vere stella a stando dicitur, quia quasi in centro Zodiaci stare dicitur: quæ non retrograde, sed regulariter et uniformiter firmatur, et dicitur matutina, quia nocte præcedente, per ipsam, solis justitiæ aurora refulsit. In medio autem nebule luxit, scilicet inter ignorantiam et desperationem, quia primo nesciebant adventum Christi gentes, antequam venirent prophetæ. Post prædicationem vero prophetarum, dum moram faceret, desperaverunt, et tunc subito stella matutina refulsit, quasi natiens de radice Jesse. Et vere de radice Jesse, id est de radice incendii. Jesse enim *incendium* interpretatur. Mirabiliter enim incenditur hujus novalis incendio, quæ vel ligni, vel feni, vel stipulæ expers fuit: et omnes accendit, qui in ea condunt, et meritis ejus adjuvari posse se credunt, per Dominum nostrum Jesum Christum. Amen.

### SERMO XXXIII.

#### IN CAPITULO GENERALI.

*Si videritis filias Silo ad deducendos choros ex more procedere, exite repente de vineis, et rapite eas anguli uxores singulas; et pergite in terram Benjamin (Judic. xxi).* Teste Gregorio (27), vera justitia habet compassionem, falsa indignationem; unde et trucescitur quandoque palliatur sub rigore, et inertia sub mansuetudine; ut et vigor sit rigidus, et mansuetudo dissoluta, cum vigor regere debeat mansuetudinem, et mansuetudo ornare vigorem. Hæc igitur minus attendentes speculatores nostri, parietes nostros effodiunt, ubi patet foramen, vel ut erectos inclinent, vel ut inclinatos depellant vel

A certe liniant absque temperamento, luto videlicet absque palea. In utroque redarguendi, quod vel fodere non valent cum iniquo villico; vel quod ligna secando ferrum effugit manubrium eorum cum propheta stulto. Sic enim debet constringi suaviter calamus quassatus, ut non conteratur: sic linum fumigans accendi fortiter, ut non extinguatur. Hinc est enim quod filii Israel filios Benjamin contumaces viriliter affligunt: poenitentes pie suscipiant et non impropere: unde post vindictam peccantium poenitentibus dictum est: *Si videritis filias Silo.* Et quoniam nos omnes peccavimus, et indigemus poenitentia, poenitiæ consilium audiamus diligenter. Et quoniam viva ratio vita bonorum est, necesse est ut sicut per prava opera deformati sumus a forma formantis, et comparati jumentis insipientibus et smoles facti illis: sic per exempla bonorum in eandem imaginem reformemur, comparati cælestibus angelis, et similis facturæ cum illis. Dicit ergo: *Si videritis*, non corporeis oculis, sed intellectu mentis; non effectu, sed magis affectu cognoscatis, et intelligatis, *filias Silo*, id est animas, quas Filius Dei per naturam formavit, et per sanguinis sui effusionem reformavit, quæ tanquam patrisantes, et informaverunt se moribus ex Patris monitis, et conformaverunt operibus ejusdem exemplis. Propter hoc dicte sunt filie Silo. Silo quippe interpretatur *missus* vel *dimissus*, vel *pepitus*, vel *semen*. Semen autem est verbum Dei; verbum vero Dei Filius Dei. Semen ergo est Filius Dei. Hinc est quod ait Isaias (cap. 54): *Nisi Dominus reliquisset nobis semen, quasi Sodoma fuissetis.* Quia igitur hic Dei Filius et pepitit fuit a patriarchis et prophetis, dimissus a Judæis, missus vero fidelibus Christianis; bene animæ et per Evangelium genitæ, et per baptismum reperate, filie Silo nominantur. Dicit ergo: *Si videritis filias Silo ad deducendos choros ex more procedere,* etc. (Judic. xxi). Quid in choro, nisi hujus mundi vite volubilis designatur? Hæc est Ezechielis rota, circa quam animalia sancta volebantur, quam designanter describit, ubi ait: *In visione Dei vidi, et ecce ventus turbine veniebat ab aquilone, et nubes magna, et ignis involvens, et splendor in circuitu ejus (Ezech. 1).* Quatuor in visione Dei se vidisse proposuit, duo contra duo; ventum frigidum contra calorem ignis, contra splendorem densitatem nubis. Ventum et nubem, ne prospera nimis elevent; ignem et splendorem, ne adversa premant. Ventus enim ab aquilone veniens, est turbo tentationis ex mentis frigiditate procedens: nubes autem, excitas mentis ex tentatione proveniens. Sed ignis fervor utrumque involvit, quia et cor frigidum accendit, et excitas mentem ad devotionem perducit. Splendorem tibi proponit Deus, ut speres: fervorem, ut gaudeas;

tentationis ventum, ut timeas; peccati nubem, ut deleas. Hunc igitur chorum deducis per vias rectas, si sic times de præteritis, ut gaudeas de misericordia Dei, et speres de promissis; si sic etiam de præsentibus doleas, ut speres simul et gaudeas; si sic etiam de Dei misericordia gaudeas, ut de facto tuo turberis, et timeas comminationes futuras; sic etiam speres, ut timor pariter et dolor non recedant. Multoties enim post ventum aquilonis redimus ad ignem; de nube tendimus ad splendorem, quia ubi abundavit peccatum, abundare solet et gratia. Multoties et ignis a vento dissipatur, et splendor a nube, quia obscuratur aurum, et mutatur color optimus in vasa testea, et opus manuum figuli. Deducendi sunt ergo chori ex more filiarum Silo, ut in hujus mundi volubilitate et vita instabili, nec timor in tentationibus reddat pusillanimitatem: nec peccati dolor ducat ad desperationem. Sic etiam de Loni gaudeas, ne eleveris in superbiam; sic etiam de Dei promissis speres, ne cadas in peccandi præsumptionem. Ecce sic procedunt ad deducendos choros filia Silo. Quod si, ut dictum est, videris, exi de vineis. Sunt vineæ Sodomorum, quarum vinum fel draconum, et venenum aspidum insanabile (*Deut. xxxii*). Sunt et vineæ, quæ pro uvis fecerunt labruscas: ex quibus exire bonum esse, nulli dubium est. Sed et vinea Domini Salath, cujus botrus Cypri, cujus vitis vera, cujus palmites sunt fideles, inter quos plerumque latitant infideles, eo timendi et odibiles; quo sagittant in obscuro rectos corde: de quibus sub specie vulpium sponsus ait: *Capite nobis vulpes parvulas, quæ demoliantur vineas* (*Cant. ii*). Istorum igitur est exire de vineis, si viderint filias Silo ad deducendos choros ex more procedere: vel quia in Ecclesia sunt peccatores, qui peccata sua per confessionem propalare erubescunt; sed sicut Adam in paradiso, post peccatum inter ligna abscondit se, sic inter hujus vineæ palmites latitare volunt, et aliter videri, quam esse: necesse est ut tales de vineis exeant, ut seipsos detegant; et quamvis nudi sine virtutibus, ei a cujus calore non est abscondere se, videri non erubescant. Sequitur:

*Et capite eas singuli, uxores singulas* (*Judic. xxi*). Ecce repente exeundum est; nec solum capiendæ, sed rapiendæ sunt filia Silo. Neque enim sine violentia fieri potest, ut tali matrimonio conjugaris, ut sanctorum societatis copuleris; quia regnum caelorum vim patitur, et violenti rapiunt illud. Sed sine mora et repente; non procrastinationes quaerens, vel inducias, sed occupationum tuarum disrumpe vincula; dicens cum Propheta: *Dirupisti vincula mea, tibi sacrificabo hostiam laudis* (*Psal. cxv*). Et ideo non violentam voluntatem, sed voluntariam infer tibi violentiam; rapiens tibi idoneam filiam Silo. Quæ autem singulis sint idoneæ, paucis advertite. Sunt enim aliqui in sæculo, tam simplices quam pauperes, qui tamen fortes sunt corpore, et de labore manuum vivere didicerunt.

Alii autem non multum laboribus assueti, nec in sapientia multum eruditi, divites tamen. Alii autem corpore debiles, censu pauperes, sensu tamen locupletes. Alii autem pauperes, debiles, simplices; sed tamen exemplo aliorum vivunt innocentes. Unusquisque igitur offerat in tabernaculo, prout Deus disposuit in corde suo, quia sicut purpuram vel hyacinthum, sic pelles rubricatas, offerri sibi Deus voluit, et pilos caprarum. Alii quidem per activam, alii vero Deo placent per vitam contemplativam. Imo alii Deo placent per inferiorem activam, alii per inferiorem vim contemplantem; alii per superiorem activam, alii per superiorem contemplativam. Inferior vis activæ labor est corporis; superior, officium charitatis; inferior vis contemplativæ simplicitas cordis; superior vero, devotio contemplationis. Ecce quatuor modi vivendi, quorum primus in Lia, secundus in Martha, tertius in Rachel, quartus in Maria. Et hæc sunt filia Silo deducentes choros, quando procedunt ex more. Ex more enim procedunt, si chorum non confundunt. Sunt enim aliqui, qui ad hoc laborant, ut avaritiæ suæ consulant, non ut egenis subveniant. In his Lia chorum confundit, quia Martham non tenuit. Sunt alii, qui pauperibus subveniunt, non de laboribus suis, sed de rebus quas rapiunt: Martha chorum confundit, quia Liam non tenuit. Sunt et alii, qui de operibus manuum suarum eleemosynas largiuntur; sed ad hoc forsitan, ut occulta scelera minime cognoscantur, vel ut aliquod temporale lucrum inde consequantur. Lia quidem in his Martham tenuit, sed utraque tamen chorum confundit, quia Rachellem dimisit. Sunt et alii, qui ab infantia sine magnis excessibus vivere didicerunt: ideoque laboribus desudare nolunt, quia se penitentia indigere non credunt. Cumque alios peccatores viderint, indignantur; et in aliis compati nesciunt, quia ipsi pati nescierunt.

In istis igitur Rachel chorum confundit, quia Martham et Liam tenere contempsit. Sunt forte alii, simplices, qui et laboribus intendunt, et compati sciunt, sanctis tamen cogitationibus, orationibus, psalmodiis, vacare negligunt; et tunc Rachel chorum confundit, quia Mariam non tenuit. Sunt etiam alii sapientes, sacris eloquiis intendentes, non ut opere compleant, non ut simpliciter vivant, sed ut habeant primas cathedras in foro, et ut vocentur ab hominibus Rabbi. In istis Maria chorum confundit, quæ Rachellem dimisit. Sunt et alii, qui ad hoc contemplationi vacant, ut simpliciter vivant; sed dum per studium intus mens quiescit, caro foris nullo contracta labore pinguescit. Pinguis igitur elevatur, et mentem a speculo contemplationis dejicit, ita ut seipsam non videat, quæ usque ad Deum oculos elevabat; et infra se depressa torpeat, quæ seipsam supra se in caelestibus erigebat. Propterea Maria chorum confundit, si Liam tenere negligit. Sunt et alii, qui sic se temporalibus subsidiis innervunt, et curis secularibus

implicantur, ut vix aut nunquam orationibus aut meditationibus ad Deum intendant. In illis Lia chororum confundit, quia Mariam dimisit. Videsne quomodo deducant chororum filia Silo? Non omnia possumus omnes. Laborare potes, placet tibi Lia : eam, dum tenet Martham, accipe. Tua vis pauperibus erogare, Martham diligis, accipe eam, sed inter Liam et Rachelem. Simplicitas cordis tibi placet, vivere vis simpliciter ; fiat. Accipe Rachelem ; sed inter Martham et Mariam. Psalmodis et orationibus vacare desideras, rapere vis de choro Mariam, sed tunc egredere de vineis, cum hinc Martham, et inde tenet Liam. Deducant ergo chororum filia Silo : ad Canticum Citharistæ nostri. Dicit enim : *Labores manuum tuarum, quia manducabis, beatus es, et bene tibi erit (Psal. cxxvii)*. Quid agis Lia? Frange contumaciam in labore corporis ; frange corpus in deductione chori. Dicit etiam : *Beatus qui intelligit super egenum et pauperem (Psal. xl)*. Quid agis, Martha? Denuda teipsam, ut levius ad deducendum chororum possis procedere. Dicit iterum : *Domine, quis habitabit in tabernaculo tuo, aut quis requiescet in monte sancto tuo? Innocens manibus et mundo corde (Psal. xiv)*. Quid agis Rachel? Deduc chororum ex more, restringens manibus latera, cum tranquillitate. Dicit etiam : *Jaeta cogitatum tuum in Domino, et ipse te erutriet (Psal. lvi)*. Mentem quippe patientis bene pensare novit. Quid agis, Maria, da saltus leves, et a terra suspende te, in tuæ deductionis processione. Sequitur : *Et pergite in terram Benjamin*. Quid enim hæc omnia prodest operari, nisi regni cælestis intuitu? Aliter labor esset magnus, et fructus nullus. Ut igitur labor parvus sit, et fructus magnus, sicut scriptum est : *Et videbantur ei dies pauci præ amoris magnitudine (Gen. xxix)* : pergite in terram Benjamin, quia terra Benjamin dicitur, terra filiorum dexteræ. Filii autem dexteræ sunt, quos Dominus ad dexteram statuet, quorum terra est, terra viventium, et regnum quod eis ab origine mundi præparavit, et reddet, cum venerit judicare vivos et mortuos, et sæculum per ignem. Amen.

#### SERMO XXXIV.

##### IN CAPITULO GENERALI.

*Diligite justitiam, qui judicatis terram (Sap. i)*. D Timentes et venerantes eum, cui omne iudicium dedit Pater, juste iudicate, filii hominum. Timete, inquam, iudicem vestrum, viri conjudices, quia iudicia ejus abyssus multa. Quis enim cognovit sensum Domini, aut quis consiliarius ejus fuit? Quis, inquam, occultum et immobile, vel manifestum et mobile, vel occultum et mobile, aut manifestum et immobile, comprehendit? Occultum et immobile est iudicium, quo iudicat prædestinatos. Nam secundum hujus prædestinationis iudicium, et Petrum quando negabat, dignum dilectione iudicabat ; Judam vero proditorem et miracula facientem, dignum odio iudicabat. Manifestum vero et mobile est, quando iudicat per operationem ; et tunc iudi-

cat per inferiores causas, id est secundum præsentem statum operantis. Unde dicitur : *Adhuc quadraginta dies, et Ninive subvertetur (Jon. iii)*. Et item Ezechie : *Dispone domui tuæ, quia morieris tu, et non vives (Isa. xxxviii)*. Et nota quod quoties hujusmodi iudicia fiunt a Deo, conditionaliter intelligas esse prolata, ut cum dicitur : *Adhuc quadraginta dies, etc.*, supple conditionem, si non convertatur. Et item : *Dispone domui tuæ, etc.*, supple, si te non correxeris. Unde Dominus per Ezechielem : *Etiamsi dixerō peccatori : Morte morieris ; et ille conversus egerit pœnitentiam, omnium peccatorum suorum non recordabor (Ezech. xxxiii)* ; intellige conditionem, cum ait : *Si dixerō*. Occultum et mutabile est, quando secundum causam iudicat : quod ideo occultum est, quia nunc secundum inferiores, nunc secundum superiores causas iudicat. Secundum inferiores, ut simpliciter impossibilia : secundum superiores ut possibilia Deo. Vel impossibilia, quæ præter naturam, etsi contra naturam non sint, ut primam gratiam infundere, hominem a peccatis liberare. Vel illa impossibilia, quæ quidem sunt et præter naturam, et contra naturam ; sed tamen impotentiam naturæ juvat divina potentia, scilicet quod Virgo peperit, quod uxor Lot mutata est in statuam salis. Nam illa impossibilia, quorum naturæ impotentiam non supplet divina potentia, ut de trunco fieri vitulum, non iudicat, vel secundum inferiores, vel secundum superiores causas. Simpliciter vero possibilia dicimus, quæ secundum cursum naturæ, et consuetudinem, fiunt, ut quod homo de homine, bos nascitur de bove. Possibilia autem Deo sunt, quæ quidem non secundum naturam, sed secundum consuetudinem, fiunt, ut quod anima corpori infunditur ; hoc enim fieri iudicat secundum superiores causas. Manifestum vero et immutabile erit iudicium, secundum retributionem, quando reddet unicuique secundum opera sua ; aliis dicens : *Venite, benedicti (Matth. xxv)*, aliis : *Ite maledicti*. Propter tot diversa et occulta iudicia dictum est : *Judicia tua abyssus multa (Psal. xxxvi)*. Inter tot tamen diversitates, ut a omnium vobis data est sententia. *In quo iudicio iudicabitis, iudicabimini (Matth. vii)*. Unde necesse est ut justitia vestra plus abundet quam Scribarum, vel Phariseorum. Nam illorum justitia erat informata rigore ; vestra vero debet informari dilectione. Illa iudicium habebat punitivum ; vestra vero vel raro dispensativum, vel semper remissivum, ut : *Si percusserit te quis in maxilla, præbe ei et alteram (Luc. vi)*. Unde dictum est : *Diligite justitiam (Sap. i)*. Et quam, nisi diligendam, id est dilectione informatam, non timendam, et rigore informatam?

Tamen ita justitiam comitari debet rigor pariter et dilectio, ut nec rigor sine dilectione, nec dilectio sit absque rigore. Nam si rigorem habeatis sine dilectione, similes eritis illi, qui cum ligna caderet cum prophetis in silva, ferrum elapsam de manu-

brío fratrem occidit (*Deut. xix*). Ligna enim cædimus, cum aliorum facta discutimus. Sed ferrum manubrium fugit, cum opus rationem excedit. Fratrem vero occidit, quando eum inde deteriorem facit, unde debuit emendari. Si vero dilectionem absque rigore habueritis, similes eritis ei, qui cum ligna cæderet, ferrum elapsum de manubrio in aquam cecidit. Cum enim aliorum facta sic discutimus, et sic opus rationem excedit, ut dilectio absque rigore judicando servetur; necesse est, ut dissolutio sequatur, et sic ferrum rationis in aqua perdat. Est igitur rigor absque dilectione flagellum in manu furiosi, dilectio vero sine rigore in manu contracti. Ergo rigor cum dilectione justitia est diligenda, quia dilectione informata. Est autem justitia charitate informata. Est autem justitia charitate informata pactum illud, super quo nos reddidit Deus sollicitos, ubi ait: *Cum obduxero nubibus cælum, apparebit arcus meus in nubibus; et recordabor pacti mei, quod pepigi tecum* (*Gen. ix*). Impassibilem siquidem et immutabilem Deum confitemur. Nec augeri potest, quia summus est; nec minui, quia unus est; nec loco mutari, quia ubique est; nec tempore, quia æternus est; nec cogitatione, quia sapientissimus est; nec affectu, quia optimus est. Unde Jacobus: *Apud quem non est transmutatio, nec vicissitudinis obumbratio* (*Jac. i*). Non igitur arbitremur, quod post recordationis vigilantiam, ægrotare debeat oblivionis lethargo; vel post oblivionis morbum, iterum convalescat recordationis antidoto. Tamen recordari dicitur pacti sui, ut naturam humanam pigritantem evigilet: quæ semper infirma est ad bonum, libera ad malum: cujus ingenium hebes, memoria madida in gratiarum actione, quam nulla ciconia pinsit in antipelargosi, id est in beneficiorum retributione. Nam si se sollicitum dicat circa pactum quo nobis tenetur sola liberalitate et nuda voluntate, quanto magis nos sollicitos reddere debet id pactum, quo ei tenemur ex necessitate? Quod enim pacto nobis tenetur, inducit eum voluntas. Quod autem nos ei pacto tenemur, compellit nos ipsa necessitas. Quod pacto nobis tenetur, justitia patiens est; quod autem nos ei tenemur, justitia cogens est. Justitiam patientem dicunt, qua fit aliquid juste, quod tamen si aliter fieret, injustum non esset. Justitiam vero cogentem dicunt, qua fit aliquid juste; quod si aliter fieret, justum non esset. Salvat igitur hominem Deus, et juste, quia justitia potestatis, quem si damnare vellet, juste damnaret, quia debito patientis. Quem igitur salvat, juste salvat, quia debito facientis; quem damnat, juste damnat, quia merito æquitatis.

Justitia igitur patiente, vel salvat vel damnat, quia vel debito facientis, vel merito patientis. Unde pactum quo salvamur, cum in fœderatione fuerit, primo justitia patiens per ratihabitionem factum est justitia cogens, ut non dico violari, sed nec licitum sit induciari. Nam quomodo violari potes-

A pactum, quod talibus arrhis et tanto pignore subarrhatur, quod naturali pariter et civili ratione nititur; quod stipulatione, juramento, ultima voluntate firmatur; quod præscriptione, bona fide, justis titulis consummatur; quod etiam causa, verbis, scriptis, forma, continentia, confirmatione, prout omne pactum ornari debet, vestitur: quod tandem mundiburdo, et prætoris defensione inviolabiliter observatur? Curramus per singula, et pactum hoc inviolabile perscrutemur. De arrhis et pignore nos erudit pactum Judæ patriarchæ, qui tali pacto cum Thamar convenit, ut ei hædum mittendum promitteret, promissum mitteret; et ne pactum solveret, annulum, armillam, et baculum arrhabonem dedit (*Gen. xxxviii*). Sic et ille universalis Pater, cui in Oratione dicimus, *Pater noster*, ille, inquam, patriarcha, in quo clamamus, *Abba, Pater*, tali pacto Synagogam, quam quidem plantaverat vineam electam, sed postea versa est in amaritudinem vitis alienæ, unde et Thamar *amaritudo* dicitur, sibi fœderavit, ut Messiam in similitudinem carnis peccati specialiter ei mitteret, tanquam hædum ad faciendum Phase. Unde ipse ait: *Non sum missus, nisi ad oves, quæ perierunt domus Israel* (*Math. xv*). De quo Apostolus: *Pascha nostrum immolatus est Christus* (*I Cor. v*). Interim autem, donec promissum executioni mandaret, annulum fidei dedit, operis armillam, baculum legis. Pro pignore quidem legem, pro arrha vero fidem et operationem. Inter pignus siquidem et arrham hæc assignari differentia solet, quod pignus non recedit a jurisdictione dantis; arrha vero transit in jus accipientis. Ergo qui legem dedit, ejus fuit legem adimplere, quia non fuit obnoxia legi Synagoga post adventum Messie. Pignori quidem debuit abrenuntiare, soluta promissione: fidem vero et actionem pro arrha dedit, quia etiam post adventum absoluta non fuit a fide et operatione. Sed misera baculum reportavit, pignus contra legem retinuit, quia semper obnoxia legi esse voluit. Ipsa nos docet ratio de talibus. Quid enim baculus mulieri competit? Mulierem portare baculum, insaniam videtur; sed armilla et annulo ipsam decebat ornari. Naturali vero et civili utitur ratione: naturali quidem, quia, sicut lex ait, D Nihil convenientius quam pactum servare. Clamat enim *jus naturale*: « Quod tibi non vis fieri, alii ne feceris, » vel, « Quod tibi vis fieri hoc fac alteri. » Ista duo, nisi pactum violeto, semper inter paciscentes conveniunt: aliqui pactum, id est pacis actum, servare non possunt. Timor igitur et amor ad hujus observantiam pacti nos compellit. Nam quia ratione civili nititur, merito natura prævaricantis eliditur, et in naturalibus vulneratur, qui privilegio indultæ bonitatis abutitur. Scriptum quippe est: « Privilegium meretur amittere, qui concessa sibi abutitur potestate. » Sed et amor ideo nos compellit, quia perpetua pace debet gaudere, qui contra pacis actum noscitur non venisse. Sed in hoc civili nititur ratione, quia prætor clamat:

*Pactum servato.* Quis igitur præsumptor temerarius audeat violare, si prætor ipse pactum se promittit servare? Firmatur autem stipulatione, quia cum in baptismo diceretur nobis a sacerdote: *Credis in Deum? et responsum fuisset: Credo. — Abrenuntias Satanæ? abrenuntio. — Vis baptizari? volo:* his omnibus stipulationibus a jurisdictione diaboli nos exfestucavimus; et divino pacto nos subdidimus. Firmatum est etiam juramento. Juravit enim Dominus, et non pœnitēbit eum (*Psal. cix*), jursurandum, quod juravit ad Abraham, daturum se nobis (*Luc. i*), quod et factum est. Puer enim natus est nobis, et filius datus est nobis. Nos enim juravimus et statuimus, custodire judicia justitiæ suæ, quoties nos obligavimus ei per verbum Psalmistæ dicentis: *Juravi et statui, custodire judicia justitiæ tuæ (Psal. cxviii).*

Videat ergo temerarius violator, ne perjurio vincatur. Sane itum est etiam ultima voluntate, quia dicit lex: « Nihil est quod melius debeatur hominibus quam ut supremæ voluntatis, postquam aliud nihil velle possunt, liber sit stylus; et licitum, quod jam non redit ad arbitrium. » Dicit autem Apostolus: *Testamentum Christi in morte confirmatum est (Hebr. ix).* Sic et nos, quotquot baptizati sumus, in morte ejus baptizati sumus. Figura quidem est mortis triduanæ trina mersio aquæ. Est igitur quædam mors pretiosa baptismus, qua mortui sumus, sicut ait Apostolus: *Mortui enim estis, et vita vestra abscondita est cum Christo in Deo (Coloss. iii).* Nec solum mortui, sed et consecrati sumus ei per baptismum in mortem. Cum igitur baptizaremur, id est cum sic mereremur; quæ fuit nostra ultima voluntas, nisi ea qua confessi sumus, quando quæsitum est: *Abrenuntias Satanæ? et dictum est: Abrenuntio?* Hæc est nostra ultima voluntas, quam confessi sumus; et statim baptizati sumus; imo statim mortui sumus. Si igitur in morte testamentum confirmatur, nulla ratione licet hoc pactum transgredi, nullo pacto licet hanc ultimam voluntatem violari. Consummatur etiam præscriptione, quia dicit Petrus Ravennas, sicut scriptum est in *Decretis:* « Trīginta annis humanæ leges omnes sopiunt quæstiones. » Generatio vero Christi ineffabilis, post tot annorum curricula, quæstione adhuc temeraria ventilatur? A simili. Pactum quod quadragesies trīginta sex annis amplius confirmatum est, et observatum, licet iterum violari? Absit! Bona etiam fide confirmantur. Nam quando cum aliquo homine pactum contrahimus, contractum pacti propter hoc timeamus, quod utilitati suæ plusquam nostræ dare operam conspiciamus. Sed quis hoc pactum violare præsumat, cujus utilitas non ad illum, cum quo contrahimus, transfertur, sed in nos reciprocatur? Nam si tibi Deus aliquid impendit officii, nonne tua erit utilitas? Et si tu ei aliquid impendis officium, quid utilitatis ei impendis? Nonne ad te tota referatur utilitas?

Hic est bonæ fidei contractus, ubi tuus in omnibus habetur profectus. Justis etiam titulis pactum hoc confirmatur. Quod enim acquiritur, vel pro hærede, vel pro emptore, vel donato, vel pro legato, vel pro in dotem dato, vel titulo, qui dicitur, pro suo, possidenti confirmatur. Ecce pro hærede nos possidet, de quo dicunt vinitores: *Hic est hæres (Matth. xxi).* Unde ait: *Hæreditas mea Israel (Isai. xix).* Idem etiam pro emptore. Unde Apostolus: *Empti enim estis pretio magno (I Cor. vi).* Sed et pro redemptore, qui pretioso sanguine nos redemit. Unde clamamus: *Redemisti me, Domine, Deus veritatis (Offic. Eccles.).* Sic etiam pro donato, quia nobis datus est, vel quia nos ei dati sumus. De primo siquidem dictum est: *Puer natus est nobis, et filius datus est nobis (Isai. ix).* De secundo dicit ipse Patri: *Sanctifica eos in nomine tuo, quos dedisti mihi (Joun. xvii).* Similiter et pro legato, de quo ait Sophonias: *Auditum audivimus a Domino; et legatum ad gentes misit (Abd. i).* Et etiam pro in dotem dato. Nam fidelibus suis sponsam, id est Ecclesiam suam, dotavit pariter et ditavit. Titulo tandem suo nos possidet. De quo lex ait: *Quod in nullius bonis est, naturali ratione occupanti conceditur.* Et hunc titulum pro suo dicunt, quando res, quæ nullius utilitatis est, in jus occupantis per exercitium et laborem cum utilitate transfertur. Et quid erat inutilis homine? Non solum inutilis, sed et nocivus; non solum alii, sed et sibi. Sed jam prorsus utilis factus est, cum Deo debitum impendit officium, timens Deum, et mandata ejus observans, hoc est omnis homo. Quæ igitur modo violandum est pactum, quod talibus titularum columnis videmus roboratum? Est etiam ornatum causa. Causa a casu vocatur. Et quo casu, nisi easu hominis, hæc causa vocatur? In casu quippe hominis tres veniunt in causam. Unus actor et solum actor, id est Deus; alius reus, et solum reus, id est diabolus; tertius actor et reus, id est homo, sed diversis respectibus, quia reus, quantum ad Deum; actor, quantum ad diabolum. Actor vero et non reus est Deus in causa hac, quia non est qui de Deo debeat aut possit conqueri, cum tamen ipse tam de homine, quam de diabolo materiam habeat conquerendi. In hoc quippe de diabolo poterat conqueri, quod agrum non suum ausus fuerit demetere, et messem Domini falce deceptionis secare, quando Dei creaturam non timuit suo dominio subjugare. Hominem vero tanquam servum fugitivum poterat convenire de inobedientia, et de vitio ingrati tudinis arguere, convenire de crimine læsæ majestatis: et his omnibus probatur homo reus. Nam actor per hoc comprobatur, quia diabolum de fraude, de mendacio, de calumnia, convenire posset, si judex aut patronus posset inveniri, qui cogeret eum juri parere. Sed hoc facere nullus poterat, nisi Deus, Deus autem volebat, quia homini iratus erat. Oportebat ergo ad hoc ut Deus vellet, quod homo et debitum solveret, et satisfaceret pro

contempto. Sed hoc implere non poterat homo; si vel irrationalem, vel rationalem daret homo pro debito creaturam. Irrationalis enim multo est rationali indignior; rationalis etiam injustus indignior rationali justo. Ergo nec inter rationales, nec inter irrationales creaturas dignum tali recompensatione poterat quid inveniri.

Propter hoc miseratus Deus hominem, multo perdito digniorem dedit homini, ut daretur pro homine; et per hoc misericordia et veritas obviaverunt sibi: et misericordia quidem, quod dedit homini; justitia et veritas, quod datum est pro homine. Sic igitur satis datum est pro debito, sed satisfaciendum est pro contemptu: sed nec illud facere poterat, nisi qui nihil pœnæ debebat. Ergo pœnam sustinuit, qui pœnam sustinere non meruit, ut sic et debitum solveret, et satisfaceret pro contemptu. Hæc est actio nostræ pacis; et ideo pactum hoc pacis actum vocamus, quod nulla ratione licet violari, sicut nullus alius potest salvari.

Verbis etiam ornatum est pactum multifarie multisque modis, nunc patriarcharum, nunc prophetarum, nunc apostolorum, nunc evangelistarum: sed præcipue per Verbum, in quo locutus est nobis Deus Pater; scimus, quia verbum illud veritas est, quod pactum confirmat, et ob hoc violari non potest. Ornatur etiam scriptis. Nam quæ theologia vel liberalis disciplina Novi et Veteris Testamenti, imo et ipsorum philosophorum hoc non resonat, ut finem bonum rerum initia sortiantur? Sed in hoc decepti fuerunt philosophi, quod eorum alii voluptatem, alii virtutem, rerum finem esse dixerunt. Nec a veritate isti longe fuissent, si virtutem finem finalem dixissent. Nam finis finalis omnium virtutum Deus. Unde Salomon: *Finem loquendi pariter audiamus, Deum time, et mandata ejus observa; hoc est omnis homo (Eccli. xii)*. Ergo timoris et observantiæ mandatorum non virtutes, sed Deus virtutum causa finalis esse debet. Philosophi vero virtutem Deum esse, non donum Dei, credebant, et propter hoc evanuerunt in cogitationibus suis. Hinc est quod Moyses, qui omni sapientia Ægyptiorum sapientissimus perhibetur, greges septem filiarum sacerdotis Madian ad puteum legitur aduquasse, ut per hoc daretur intelligi quod iste qui præcipuus theologiæ fuit prædicator, profundis sanctarum Scripturarum mysteriis septem liberalium artium amatores imbueret; et ex ipsis philosophiæ artibus theologicam sapientiam comprobaret. Nam cum illarum septem liberalium artium aliæ de vocibus, aliæ de rebus nos ædificent; quæ autem de vocibus, aliæ de pronuntiatione instruit, ut grammatica: aliæ de significatione, ut dialectica; aliæ de utraque ut rhetorica; quæ vero de rebus, aliæ circa naturam, ut physica; aliæ circa formam: et quæ circa formam, aliæ circa mensuram, ut geometria; aliæ circa numerum, ut arithmetica; aliæ circa pondus, ut musica; aliæ versatur circa motus, ut astrologia; theologia in hoc omnes præcellit, quod in his

omnibus et omnes famulantur. Nam sub eo sensu, qui est in significatione vocum ad res, historia continetur, cui tres scientiæ famulantur, grammatica, dialectica, rhetorica. Sub eo vero sensu, qui est rerum ad facta mystica, continetur allegoria. Et sub eo sensu, qui est in rerum significatione ad facienda mystica, continetur tropologia. Et his duobus deserviunt arithmetica, geometria, musica, astronomia et physica. Quidquid vero vel sub historia, vel allegoria, sive sub tropologia docetur, causa hujus pacti, id est nostræ restorationis edocetur. Nam quamvis in initio suæ narrationis Moyses tractet de operibus conditionis; principalis tamen ejus intentio fuit, informare lapsos de operibus restorationis. Non enim convenienter ostendere posset qualiter homo fuerit reparatus, nisi prius ostenderet qualiter fuerit lapsus. Lapsum vero ejus convenienter non ostenderet, nisi prius qualiter fuit conditus, explicaret. Ut autem ostenderet hominis institutionem, necesse fuit ostendere totius mundi conditionem, quia factus est propter hominem. Nam spiritus propter Deum, caro propter spiritum, mundus propter corpus humanum. Hoc igitur ordine de rebus tractat:

Primo qualiter mundus factus propter hominem; secundo qualiter homo factus naturalibus et gratuitis bonis fuerit præditus; tertio, qualiter lapsus, ad ultimum quomodo reparatus. Omni igitur doctrina pactum nostræ restorationis ornatur. Ornatur etiam et forma, qua pacta antiquitus formari solebant. Olim quippe cum antiqui pactis aliquibus conveniebant, in loco quo pactum firmabant, effundebant sanguinem sædæ porcæ: unde pactum alio nomine a sæda porca fœdus appellatur. Sed quoniam in lege porcus est immundum animal, Moyses cum pacto populum alligaret Domino, non sanguine porcæ, sed sanguine duodecim taurorum, quos a duodecim principibus accepit, cujus medietate aspersit tabernaculum, et vasa, et populum; in signum, quod si Domino servirent, Dominus eis ex pacto tenebatur. Medietatem vero fudit ad crepidinem altaris, in signum, quod ex pacto se Domino populus alligabat. Josue vero per aquæ effusionem, eundem populum Domino, et populo Dominum obligavit. Salvator vero noster, non per taurorum, sed per proprii sanguinis effusionem et aquæ, tanto fortius nos sibi obligavit, quanto et Moysen imitatus est in effusione sanguinis, et Josue in effusione aquæ. Nam quando de ejus latere sanguis exivit et aqua, nobis duo sacramenta, alterum nostræ redemptionis, alterum regenerationis, ministravit. Si igitur pacto tenebantur homines sanguinis sædæ porcæ, ut statuerunt antiqui; vel per effusionem sanguinis taurorum, ut voluit Moyses; vel per effusionem aquæ, ut statuit Josue; quanto magis ei debemus obligari, qui per proprium sanguinem, et aquam de proprio latere effusam, sibi nos fœderavit? Ornatur quoque continentia. Continue enim pactum nos præcedit, cum ei per cibum corporis,

et potum sanguinis sui fœderamur. Sicut enim Ecclesia nunquam cessat a sacramento; sic etiam nunquam cessat a pacto. Continuatur enim pactum, dum continuatur sacramentum. Nam nihil aliud hoc pactum dicimus, quam communionem et unionem factam per corporis et sanguinis sui sacramentum. Ornatur tandem confirmatione, quoniam lex pactum confirmat, quæ dicit: *Nisi manducaveritis carnem Filii hominis, et biberitis ejus sanguinem, non habebitis vitam in vobis* (Joan. vi). Et iterum: *Qui manducat carnem meam, et bibit sanguinem meum, in me manet, et ego in eo* (ibid.). Ecce obligatio pacti fœdere sacramenti. Ecce quare certo certius debet esse, pactum hoc violari non posse. Dicis tamen: Quod non potest violari potest induciari. Ut autem induciatur, movet ætas, cogit necessitas. Ætas quidem, quæ mihi promittit spem pœnitentiæ, spem veniæ, spem longioris vitæ. Necessitas vero, quia non solum mihi, sed amicis meis, parentibus, et cognatis, natus sum: quibus teneor prodesse et subvenire, quia ut ait Seneca, Ortus nostri partem vindicat patria, partem amici. Unde Joannes: *Qui habuerit substantiam hujus mundi, et viderit fratrem suum necesse habere, et clauerit viscera misericordiæ; quomodo charitas Dei manet in eo?* (I Joan. iii.) Ergo ut amicis subveniamus, inducias habeamus. Bene. Actorem omnium foro civili coaretandum existimas. Forte quia dicis, actor debet sequi forum rei. Esto.

Quæro quas dari tibi vis inducias. Nam quinque sunt induciarum genera; scilicet induciæ vocationis, deliberationis, appellationis, præparationis, restitutionis. Dicis ergo: Restitutionis inducias peto, quia spoliatus sum.

Hoc vere dixisti, quia similis factus es homini descendenti a Jerusalem in Jericho; et incidit in latrones, et ex-poliaverunt eum, etc. (Luc. x). Spoliatus es ergo gratuitis, et vulneratus in naturalibus. Liberum siquidem arbitrium habes, sed depressum; ingenium, sed hebes; memoriam, sed madidam; rationem, sed quasi lippam; præterea gratuitis tuis spoliatus. Ergo quia spoliatus es, petis restitui, quia lex dicit, quod quantumvis criminis, fur, hæreticus, latro, schismaticus; dummodo neget se talem, nec adversus fuerit probatum crimen impositum, debet rebus quibus est destitutus, restitui. Verum quidem est, sed excipitur vitium dilapidationis. Nam si aliquis vitio dilapidationis infamatur, et propter hoc fuerit exspoliatus, non debet restitui, sed in sequestrum debent ablata custodiri, donec rei sibi commendate fidelem se patronum probaverit. Tu autem de vitio dilapidationis judicaris. Nunquid similes sumus illi filio juniore, qui accepta portione, quæ eum contingebat, abiit in longinquam regionem, et vivendo luxuriose cum meretricibus omnia dissipavit, ita ut ad patrem reversus dicere cogeretur: *Infixus sum in limo profundi, et non est substantia* (Psalm. lxxviii). Nam quasi accidentalia sunt temporalia,

quæ adesse possunt et abesse, præter subjecti corruptionem. Substantialia vero sunt naturalia vel gratuita; quæ abesse non possunt sine detrimento subjecti. Hæc bona dissipamus voluptuose vivendo: unde nec restitutione gaudere debemus, donec in contrarium probetur. Tamen ut nulla vobis remaneat materia conquerendi, facta est nobis restitutio non solum juris, sed etiam juris et facti; et hoc ex abundanti, et præter meritum. Restitutio juris est, cum sententia restitutionis profertur; juris et facti est, cum et profertur sententia, et executioni mandatur quod et factum est. Restituti quippe sumus, non solum ad possessionem, sed ad causam, sed ad famam. Ad appellationem enim ideo restitui nequimus, quia major non est, ad quem appellare debemus. Ergo ad possessionem restituti sumus. Possessio nostra paradisi est, ab hac possessione fuit expulsus, et ea fuit Adam exspoliatus. Sed flammeum gladium atque versatilem amovit, et januas cœli patefecit (quas protoplastus clauserat), sanguis Christi. Unde et in typum hujus restitutionis et pacis redditæ, Domino patiente scissum est velum templi (Matth. xxvii). Restituti etiam sumus ad famam, quia cum propter infamiam antiqui peccati amissemus jus accusandi, testificandi, judicandi: solo siquidem jure civili excipere posset diabolus oppositum criminale, quia nobis imponentibus ei mendacii crimen et malitiæ, posset et repellere nos a causa dicens: Non potestis contra me crimen intendere, quia servi mei estis: nunc per gratiam Dei ad utramque famam, ecclesiasticam scilicet et civilem sumus ita restituti, ut non solum accusandi, imo et judicandi data sit nobis in eum potestas, sicut ait Apostolus dicens: *Novæ angelos judicabimus?* (I Cor. vi.) Et sic etiam, ut nulla suspicio, nullum opprobrium facis antiquæ removeat. Ad ecclesiasticam igitur famam restituti sumus, quia nobis data est accusandi seu judicandi facultas: ad civilem vero, quia omnis antiquæ infamiæ suspicio et opprobrii confusio deleta est: et hoc eodem modo ad causam sumus restituti: quia cum ante pactum istud nulla nobis expetendi contra diabolum esset facultas, non tantum allegandi contra eum, sed etiam, ut dictum est, data sit nobis in eum sentiendi potestas.

Cum igitur frivola sit omnis restitutionis excusatio, forte præparationis inducias petis. Nam præparationis induciæ dicuntur, quando quis negat se habere præ manibus instrumentum, vel testes, quibus causam suam debet roborare contra actorem, petit in hoc casu instrumenta vel testes. Sed cum fere semper incumbat actori probare affirmativam quam intendit, non reo negativam: nam si actor defecerit, reus etsi nihil præstiterit, obtinebit (fere tamen dixi, quia sicut quidam volunt, exceptionem habet in causa divortii); mirum videtur, si contra tot actoris et rei instrumenta, et contra tot testes, privilegiis infirmari voluerit reus contra leges et inultæ privilegia libertatis. Tot



enim instrumenta nostræ salutis sunt, quot theologice doctrinæ documenta; tot vero testes, quot martyres; quoniam et martyres Græce, Latine *testes* appellantur. Propterea petis appellationis inducias: sed frustra, quia petendæ sunt ante litis contestationem, nisi ab iniqua sententiâ. Sed postquam lis contestata, et adhuc ventilatur, nec promulgata est sententiâ definitiva, sed adhuc ille dies criticus expectatur, in quo dicturus est Judex vel bonis: *Venite*, vel malis: *Ite*, etc. (*Math.* xxv), appellandum non est. Ab illa autem sententiâ tanquam iniqua, quis erit ausus appellare; vel quem, quæso, appellaret? Nam fieri solet appellatio a minori ad majorem. Quia igitur illo Judice non est major, tenebit absque dubio sententiâ, appellatione remota. Deliberationis ergo dilationes expostulas, sed sero. Nam quando dictum est tibi: *Abrenuntias Satana?* Tu vero respondisti: *Abrenuntio*, quod postea ratum factum est confirmationis sacramentum: qua fronte quasi de novo vis deliberare, quod sub morosa deliberatione licuit excusare? Quia tamen *lex* ait, quod actor debet sequi forum rei, Deus autem in hoc discrimine litis actor, tu vero reus, videtur quod lege fori, non lege poli te debeat convenire. Esto. Non ergo tibi licet deliberationis inducias obtinere. Lege quippe fori non dantur dilationes deliberationis, imo impetitus statim respondebit, vel capite plectetur; maxime si criminalis fuerit causa. Lege vero poli tam in criminali quam in civili, habebit reus deliberationis inducias. Ergo quia lege fori vis convenire actorem tuum, denegandæ tibi sunt deliberationis induciæ; sed impetitas nisi sufficienter statim respondeas, dignus eris capite plecti. Sufficienter enim dixi, ne calumniando, prævaricando, tergiversando, respondeas. Calumniari autem est falsum intendere, prævaricari autem veritatem truncare; tergiversari vero est a proposito lacessere; capite vero plecti, est Christo, qui nostrum caput est, privari. Restant ergo tibi vocationis induciæ, dilatioes nimirum vocationis ter triginta dierum ternis edictis expressarum, vel uno edicto peremptorio pro omnibus ad arbitrium judicis prorogato vel arctato. Sed cum Judex per apparitores suos apostolos jam citatorium nobis editum dederit, et monitorium; non restat, nisi dederit: *Væ*, inquit propheta, *desiderantibus diem Domini. Dies enim illa dies iræ, dies nubis et caliginis, dies tubæ et clangoris* (*Amos* v; *Soph.* i). Non ergo necessaria sunt dilationes vocationis.

## SERMO XXXV.

## IN CAPITULO GENERALI.

*Labia sacerdotis custodiunt scientiam et legem requirunt ex ore ejus: Angelus enim Domini exercituum est* (*Malach.* ii). O quanta est misericordia Conditoris. Servi digni non fuimus, et angeli nominamur. Magnum est, quod de nobis dicitur, et tamen verum dicitur. Testimonium siquidem perhibet is, cujus testimonia credibilia facta sunt

nimis, Malachias videlicet propheta, officio angelus et nomine. Hic est, de quo dictum est, quod prophetanti, verbis suis testimonium perhibens Angelus apparebat. Ergo juxta prophetæ testimonium statuit in terris dignitates hominum Dominus, secundum ordines angelorum, ut sicut in cælis character est cœlestis theophaniæ uniformis beatorum spirituum multitudo; ita in terris ejusdem theophaniæ character esset multiformis spiritualium virorum unio. Non ergo solum angelos suos facit spiritus, et ministros suos flammam ignis, sed qui spiritu Dei aguntur, hi sunt angeli ejus: et qui fulgens splendore charitatis, facti sunt ejus ministri. Nam sicut flamma ignis discernitur tribus modis, splendore, calore, scintillatione;... et per hoc, ut dictum est, *sunt characteres cœlestis theophaniæ, quam Joannes, cognomento Scetus, ita diffinivit: «Theophania est, subsequentibus signis, non substantificis genitibus ab imaginibus defæcatis, superessentialis et diffinitivæ originis simpla et reciproca manifestatio.»* Unde et theophania *Dei manifestatio* interpretatur, a *Theos*, quod est *Deus*, et *phanes*, quod est *manifestatio*. Et quoniam sicut angelorum, sic vestrum est, Dei gloriam simplicibus manifestare, de Dei manifestatione breviter, velut introductionis modo pro modulo nostro vobis aliqua disseramus. Sciendum igitur quod quinque modis Deus manifestatur, videlicet voce, re, imaginatione, ratione, et analogica contemplatione. Voce tribus modis, quia vel secundum vocis impositionem, vel secundum interpretationem, vel significationem. Secundum vocis impositionem, cum dicitur: *Ecce vir, Oriens nomen ejus* (*Zachar.* vi). Per impositionem hujus nominis *vir*, intelligo, quod ille vere vir est, cujus folium non marcescit; et per hoc Christum intelligo, quia vir dicitur vicens robore vel rigore; secundum interpretationem, sicut David Christum significat, quia *manu fortis*, vel *vultu desiderabilis*, interpretatur; secundum significationem, sicut per manum Christus significatur, quia ipse manus est, per quam Pater operatur. Re duobus modis manifestatur, scilicet secundum naturam et formam. Secundum naturam, ut cum lego: *Vicit Leo de tribu Juda* (*Apocal.* v), Christum intelligo. Similiter cum lego: *Ecce Agnus Dei*, etc. (*Joan.* i), per naturam agni Christum intelligo. Leo dicitur Christus propter fortitudinem; agnus propter simplicitatem vel mansuetudinem. Secundum formam etiam quatuor modis manifestatur Deus. Forma enim constat numero, pondere, mensura, et motu. Per numerum Deus designatur, sicut per unitatem. Nam sicut unitas neque commisionem patitur neque divisionem, ita in unione Dei et hominis nec commisionem passus est Christus, nec divisionem. Per mensuram etiam figuratur, ut in Ezechiele per calamum mensuræ, quo templum spirituale metitur (*Ezech.* xl). Manifestatur etiam per pondus. Unde per stateram, quam Pater habet in ma-

nu, id est in Filio, æquitas divini iudicii figuratur. A conterentem petras, et subvertentem montes, post commotionem et ignem, in sibilo aureæ tenuis Deam esse non negavit, quia vero tunc proficit anima, cum in contemplatione deficit; quia nihil imaginaria de Deo sentit. Unde Psalmista: *Concupiscit et deficit anima mea in atria Domini.* (Psal. lxxxiii).

Fit autem Dei manifestatio secundum imaginationem tribus modis, videlicet per similem similitudinem, per dissimilem similitudinem, per similem dissimilitudinem. Per similem similitudinem, ut si comparatione angeli Deum manifesto, quia angelus qui spiritus est, et invisibilis, valde similis est spiritui et invisibili Deo; per similem dissimilitudinem, ut si quæ Dei sunt, per sui contrarium comprehendendo, ut considerata miseria diaboli, quæ sit beatitudo Dei, cognoscitur: cognito quippe uno contrariorum cognoscitur et reliquum, et hujusmodi similis dissimilitudo in Evangelio invenitur, ubi legitur: *Recordare, fili, quia recepisti bona in vita tua, et Lazarus similiter mala* (Luc. xvi); per dissimilem similitudinem manifestatur Deus, quando per aliquam rem vilem et abjectam figuratur. Unde in Psalmo: *Ego autem sum vermis, et non homo* (Psal. cxi). Quid enim verme vilis, quid Christo dignius? Et tamen per vermem Christus figuratur. Ratione manifestatur Deus. Sed hic notandum quod res ratione manifestatur tribus modis, scilicet præcedentibus, comitantibus et subsequentibus signis. Præcedentibus, sicut medicus ex potu vel urina vicinam morti cognoscit ægrorum. Comitantibus, sicut per circulum vinum venale ostenditur; subsequentibus, sicut per cinerem ignis in camino fuisse probatur. Sciendum ergo, quod Deus semper subsequentibus signis cognoscitur, quia Deum nihil præcedit. Propter hoc dicit Joannes: *Theophania est, subsequentibus signis, etc.* Sequitur:

« Non substantificis genis. » Substantifica genia sunt subsistentes causæ: et nulla causâ subsistit, quare Deus sit. Quia si hoc esset, oporteret, quod causatum causam suam præcederet: quod fieri non potest, maxime cum ipse Deus sit omnium causa, et causa causalissima. Quod autem sequitur, *Mentibus ab imaginibus defæcatis*, dictum est, propter anagogicam contemplationem, qua Deus proprie contemplatur, quia minus proprie per imagines manifestatur. Unde Rachel cum portaret secum idola patris sui Laban, comprehensa supposit ea sibi. Requisita vero dixit: *Non possum assurgere tibi, quia secundum morem mulierum accidit mihi* (Gen. xxxi). Rachel siquidem contemplativam designat animam, quæ tunc portat idola Laban, cum secundum imagines contemplatur. Sed ea postea sibi supponit, cum imaginata credit imaginibus esse majora; non æqualia, sed valde dissimilia. Et secundum morem mulierum accidisse sibi confitetur, quia totum humanæ infirmitati deputat, quod ad illam simplicem et divinam naturam per aliquas similitudines attingere se credebat. Hinc est etiam, quod Elias in ostio speluncæ suæ post spiritum

contemtionem et ignem, in sibilo aureæ tenuis Deam esse non negavit, quia vero tunc proficit anima, cum in contemplatione deficit; quia nihil imaginaria de Deo sentit. Unde Psalmista: *Concupiscit et deficit anima mea in atria Domini.* (Psal. lxxxiii).

Tunc enim vere probatur diligere, cum in contemplatione probatur defecere. Propter hoc mentes Deum contemplantes ab omni imagine debent esse defæcate, id est purgate. Talium est enim theophania, id est manifestatio Dei: quam superessentialem et diffinitivam originem vocat Joannes. Superessentialem quidem, quia omnem superat essentialiam, diffinitivam vero, non peremptoriam, sed constitutivam, sed diffinitivam originem, quia per eam omnis res habet suæ definitionis originem. Omnis enim res habet propriam diffinitionem, per quam specificè differt a cæteris. Debet igitur esse simpla manifestatio Dei, quia nec divisiones membrorum, vel mutationes locorum, vel varietates temporum, aut etiam spiritualium affectuum varietates, cogitare debemus.

Hujus autem supercælestis theophaniæ tres in cælis describit characteres idem Joannes; ad quorum similitudinem etiam in terris fecit sacerdotes angelos. Primam vocat epiphaniam, secundam hyperphaniam, tertiam hypophaniam. Et unamquamque trinis distinguit ordinibus angelorum. Dicitur autem epi supra, hyper medium, hypo infra. Est enim superior, media, et inferior phania. Epiphaniam diffinit hoc modo: Epiphania est ministeriis incalescentis affectionis altioris intuitus iudicique libra resultat distributa. Distributa dicit, id est distincta. Distincte enim resultat Epiphania ministeriis incalescentis affectionis in seraphim. Affectuose siquidem amore divino seraphim incalescunt: unde *ardentes* vel *incalescentes* interpretantur. Resultat etiam ministeriis altioris intuitus in cherubim quia altius et subtilius cunctis inferioribus divinam majestatem intuentur: unde cherubim *plenitudo scientiæ* interpretatur. Resultat etiam Epiphania iudicii libra in thronis quia in ipsis Deus, quasi rex in throno sedet ad iudicandum, ut per ipsos iudicet orbem terræ in æquitate. Hyperphaniam ita diffinit: « Hyperphania est sui participem insigniens scalari reverentia, usumque ejus edocens, arcensque contrarium. » Insignit enim hyperphania sui participem ministerio dominationum scalari reverentia. Officium enim dominationum est, docere subditos reverentiam prælatorum secundum diversos gradus dignitatum: unde et scalaris vocatur. Aliter enim priori, aliter abbati, aliter episcopo, aliter tandem domino papæ obediendum est. Et quoniam quidam sunt, qui scientiam habent obediendi, sed non usum: quod enim habent scientia vel habitu, non habent actu; ideo principatum est officium, usum et actum hujus reverentiæ nos docere. Et

dilectione, carnis infirmitate, diaboli suggestione : A  
ideo officium potestatum est omne contrarium ar-  
cere. Hypophaniam vero sic diffinit : « Hypopha-  
nia est naturæ legibus occurrens et arcana rese-  
rans pro sui capacitate. » Naturæ siquidem legibus  
occurrunt virtutes quia præter usitatum cursum  
naturæ, secundum superiores causas, per eos Deus  
frequenter miracula operatur. Arcana etiam rese-  
rant, sed pro sua capacitate, quia aliter angeli,  
aliter archangeli cœlestia nobis secreta revelant.  
Archangelorum enim est, summa et maxima, an-  
gelorum vero minima nuntiare. Talium estis, dile-  
ctissimi patres, in terra characteres, quos ange-  
los vocat Malachias. Cum enim ardore divini amo-  
ris incalescitis, cum altiori intuitu in libro vitæ per  
contemplationem legitis et studetis, cum iudicii li-  
bra justum iudicium subditis iudicatis, epiphania  
characterem induitis. Cum in ipsa vero vestra præ-  
latione subditorum vestrorum conservos vos esse  
cognoscitis, cum usum obedientiæ prælati vestris  
impenditis, sicut vobis impendi vultis; cumque  
his omnibus contraria viriliter arcetis; hypopha-  
niæ participio estis insigniti. Cum autem in carne  
præter carnem vivitis, et in terris vitam cœlestem  
ducitis, illud quod de quodam sancto legitur (28), imi-  
tantes, « Primum miraculum, quod fecit, ipse erat; »  
quando etiam arcana cœlestia reseratis unicuique  
pro sua capacitate, spiritualibus spiritualia com-  
parantes; mel et lac habentes sub lingua, cibum  
et potum cœlestium convivii nuptiarum præ-  
parantes, in terris hypophaniæ officium exhibetis. C

Necesse est ergo ut labia vestra scientiam cu-  
stodiant. Labia quidem, quibus credita sunt elo-  
quia Dei labia quibus datum est, illud eulogium  
proferre, quod panem et vinum transsubstantiare  
potest in corpus et sanguinem Christi : labia, qui-  
bus commissa est sollicitudo orandi pro vestra et  
populi ignorantia; labia, quibus data est pote-  
stas ligandi et solvendi, utpote quæ facta sunt  
claves regni cœlorum. Nam quoniam quorum-  
dam labia non custodierunt scientiam, perierunt  
propter suam insipientiam. Et qui stantium esse  
debuerunt, cadentium facti sunt characteres ange-  
lorum. Non enim ignorat prudentia vestra, fratres  
charissimi, quod de quolibet ordine angelorum D  
aliqui ceciderunt; et in hoc caliginoso aere retrus;  
pervertunt homines, et quasi quosdam sui chara-  
cteres in operibus suis eos efficiunt. Cum enim  
video quosdam igne cupiditatis ardere, quosdam  
abuti dono scientiæ, quosdam subditos sine discre-  
tione iudicare : illos sine dubio intueor, qui de cœ-  
lesti Epiphania ceciderunt. Cumque alios video,  
qui nec scientiam habent reverentiæ, nec usum  
ejus prælati exhibent, quæ sibi volunt a subditis  
exhiberi, nec arcere volunt contraria virtutibus,  
sed sordescunt in sæcibus suis : illorum, qui de  
cœlesti hyperphania lapsi sunt, characteres in-

tueor angelorum. Cum vero quidam naturæ legi-  
bus occurrunt, contra naturam carnis legibus ser-  
vientes, dolis intendentes et fraudibus, ludis et  
vaniloquiis, magis quam spiritualibus, illorum ef-  
ficiuntur characteres, qui de cœlesti hypophania  
ceciderunt. Necesse est ergo, ut labia vestra cu-  
stodiant scientiam, quia non sufficit una clavis ad  
ligandum vel solvendum, sed cum potentia solvendi  
seu ligandi necessaria est scientia discernendi. Ergo  
quia ad iudicandum congregati estis, trium le-  
gum iudicium ante mentis oculos habere debetis,  
legis videlicet naturalis, cuius iudicium est : « Quod  
tibi non vis fieri, alii ne feceris; et quod tibi vis  
fieri, alii feceris. » Interdum tamen uti debetis ju-  
dicio scriptæ legis : raro tamen, et quando occur-  
rit causa inevitabilis, cuius iudicium est, *Dentem  
pro dente, oculum pro oculo* (*Deut. xix*). Sed raro,  
ut dictum est, sicut ait legislator noster beatus  
Benedictus, quando scilicet nihil proficiunt un-  
guenta adhortationum, vindicta verberum sua et  
fratrum suorum oratio, si prius hæc fuerint ad-  
hibita, nihilque proficiant tunc utatur ferro abscis-  
sionis, sicut scriptum est : *Infidelis si discedit, dis-  
cedat* (*I Cor. vii*); ne una ovis morbida totum  
gregem contaminet. Sapius tamen, et fere semper  
nisi forte patientia vestra vir impudens et incor-  
rigibilis abutatur, iudicio legis spiritualis uti de-  
betis; illo videlicet, quo dicitur : *Si te percussit  
quis in maxillam, præbe ei et alteram* (*Matth. v*),  
ut sic tanquam viri sapientes et discreti, sciatis,  
in quibus remissivum, in quibus vero punitivum  
debeat iudicium exercere, scientes, quia in quo  
iudicio iudicaveritis, iudicabimini, ab illo iudice,  
qui reddet unicuique secundum opera sua, cum ve-  
nerit iudicare sæculum per ignem.

## SERMO XXXVI.

## IN FESTO OMNIUM SANCTORUM

*Congregate illi sanctos ejus, qui ordinant test-  
amentum ejus super sacrificia* (*Psal. xliix*). Nemini  
novum videatur, quod beatus Bonifacius antiquum  
illud templum a Phoca Cæsare impetratum, in ho-  
nore sanctorum Omnium haberi voluit consecra-  
tum. Præceptum enim in Israel est, et iudi-  
cium Deo Jacob. Præco siquidem ille antiquus,  
præfectus in cantoribus, Barachielis filius, pisca-  
tores illos, quorum retia rupta sunt a conclusione  
piscium suorum redarguens : piscatores alios, quo-  
rum retia rupta non fuerunt a conclusione pi-  
scium centum quinquaginta trium, exhortatur,  
cum ait : *Congregate illi sanctos ejus*. Intitulatur  
enim *Psalms Asaph*. Quis sit autem Asaph, ex  
genere, ex dignitate officii, ex nominis interpreta-  
tione, dignoscere non erit inutile. Asaph, sicut in  
Paralipomenon legitur, fuit filius Barachielis qui  
factus est inter cantores unus quatuor magistro-  
rum. Interpretatur autem *synagoga*, sive quod

idem est, *congregatio*: Sed cum omnis congregatio sive hominum sit, sive pecudum, synagoga posset appellari, proprie tamen synagoga dicitur, congregatio populi Israel. Sed cujus Israel? Est enim Israel secundum carnem, et est Israel secundum spiritum. *Non omnes*, ait Apostolus, *qui sunt ex Israel, hi sunt Israelitæ sed in Isaac*, id est filio promissionis, *vocabitur tibi semen* (Rom. ix); semen inquam, de quo dictum est ad Abraham: *In semine tuo benedicentur omnes gentes* (Gen. xxi). Quod exponens Apostolus: *Non ait in seminibus*, inquit, *quasi in multis; sed in semine tuo, qui est Christus* (Gal. iii). Illi ergo Israelitæ sunt, qui in Christo benedicti sunt. Sed qui sunt hi benedicti? *Omnes qui viderint istos cognoscent eos, quia isti sunt semen cui benedixit Dominus* (Isai. lxi). Quis enim videns obedientiam vestram, abstinentiam vestram, laborem vestrum et devotionem, in vigiliis, in jejuniis, in psalmodia, non cognoscat, quod vos estis semen Domini Sabaoth, semen de semine, quod Dominus reliquit nobis? *Nisi enim*, ait Scriptura, *Dominus Sabaoth reliquisset nobis semen, quasi Sodoma fuisset, et quasi Gomorrhæ similes essemus* (Isai. i). Verumtamen, charissimi, vestra congregatio Asaph Barachielis est: et vere Asaph dici potest: Asaph, quia multæ filiarum congregant divitias, vos supergredimini universas. Vos enim estis acervus ille testimonii, congregatus in confederatione Jacob et Laban. Nam quod ipse Dominus pacem habeat cum populo terræ, quasi cum Laban, in patientia vestra et perseverantia vestra testimonium perhibetis. Quoties enim in labore fortitudinem, in tentatione patientiam, in opere bono perseverantiam, demonstratis, lapides in acervo testimonii congregatis. Ex his siquidem tumultus testis efficitur, in quo primum lapidem Jacob posuit; et post ipsum fratres ejus. Cum enim Dominus in lucta passionis tanquam luctator insuperabilis, (Nam Jacob luctator interpretatur,) patientiam demonstraret, lapidem posuit in acervo. Deinde quando filii ejus, sive fratres, ad imitationem ejus diversas virtutes accumulavit, lapides in tumultu coacervavit. Filii enim sumus, in hoc quod est Deus; fratres, in eo quod est homo. Filii sumus, in hoc quod fecit nos; fratres, in hoc quod humanæ naturæ defectui absque peccato nobiscum communicavit. Filii ergo sumus, per gratiæ donum; fratres, per naturæ consortium. Unde nec confunditur fratres nos appellare, dicens quodam loco sic: *Narrabo nomen tuum fratribus meis* (Psal. xxi). Vos igitur quos ad glorificandum seipsum amor Christi ab aquilone et mari congregavit in unum, vos, qui cum vero Jacob in confederatione Dei et hominis, non dispergitis, sed colligitis cum eo, sicut ait: *Qui non colligit mecum dispergit* (Luc. xi): vos, inquam, qui virtutes congregando, in hac valle lacrymarum ascensionis disponitis ut ascendatis in montem Domini, misericordiam et benedictionem a Deo acco-

pturi, dici potestis Asaph et filii Barachielis. Asaph, propter congregationem virtutum; Barachielis, propter benedictionis donum. Barachiel enim *benedictio Domini* interpretatur. Asaph igitur estis, per meritum; Barachielis, per præmium: Asaph per gratiam, filii Barachielis per retributionem. Asaph estis, qui magisterium tenet in cantoribus. Nam cum in citharis et tympanis et choris, et diverso genere musicorum dulcis sonus suavisque fieri possit harmonia, super omnes coram Deo dulcis est ille meliodorus: in quo tangitur corda cordis, et vita respondet verbis: ubi tangitur acuta per devotionem; gravis vero corda per patientiam et tribulationem. Quomodo in cantoribus primatum tenere non debeat qui canere novit per prædicationem tuba, in psalterio vero, qui a superiori sonat per contemplationem; in cithara quæ ab imo sonum reddit, per misericordiæ suæ discussionem; in tympano per carnis mortificationem; in choro per fraternam dilectionem; in chordis per cordis intentionem; in organo per devotionem; in cymbalis jubilationis et bene sonantibus, per hilaritatem et exultationem? *Hilarem enim datorem diligit Deus* (II Cor. ix). Tales cantores estis vos, fratres charissimi; et talibus instrumentis aures Dei mulcere didicistis. Clamet igitur Asaph: clamet et vos, clamet piscatoribus nostris, quorum retia rumpi non possunt. Clamet illis, insultando; clamet istis, exultando. clamet illis, ad increpandum; clamet istis, ad exhortandum; clamet illis, ut foras mittant pisces, qui rumpunt retia; clamet istis, ut congregent et gaudeant in captura. Vultis audire charissimi quæ sunt antiqua retia, quæ rupta sunt, qui piscatores, et qui pisces fuerunt? Antiqua retia, antiquam illam arbitror Synagogam quam modo dilaceratam videtis et dispersam. Et in compositione retium istorum, nodos possumus appellare signa illa quibus antiqui Deo adhærebant; vel eorum operationes, qui inter eos sancti erant. Nam sicut ex duobus funiculis nodus efficitur, sic ex Dei miraculis, et patriarcharum operibus, fiebat in retibus nexus amoris. Ut enim antiquos Deus diligeret, quasi quidam nodus erat innocentia Abel, justitia Noe, Abrahæ fides, devotio Isaac, afflictio Jacob, mansuetudo Moysi, fortitudo Davidis. Ex alia vero parte, ut ipsi Deum diligerent, suscepit sacrificium Abel; salvavit ab aquis diluvii Noe; ditavit Abraham in Chanaan; desiderium Isaac implevit; Jacob de manibus Esau liberavit; Moysen et fratres suos filios Israel, de sub jugo Pharaonis eduxit; David de post fetantes assumens, in regem sublimavit.

In istis ergo et talibus antiqua retia contextuit. Sed pisces in retibus paulatim palpitare cœperunt, et ruperunt retia. Quid enim pusillanimitas ipsa, qua contra Deum murmurabant, inter Ægyptios et mare Rubrum? Quid illa superfluitas in Mara pro amaritudine aquarum? quid illa murmuratio in fastidio levis cibi? quid illa voluptas in desiderio car-

nium *Ægypti* (*Exod. xvii*), nisi interruptionis foramina, quæ fecerunt pisces in retibus congregati? Hinc enim vinculum dilectionis incœpit dissolvi, quocumque Deo innodati erant, cum ipsi beneficiis ejus ingrati, *Ægyptum* cupiebant; fecerunt vitulum constabilem; murmurabant contra Moysen; ipsum quoque Deum blasphemabant (*Exod. xxxii*). Sed tamen si inter eos aliqui tales inventi sunt, qui Deum in hujusmodi blasphemiiis offenderent, propter aliquos tamen, qui inter eos sancti erant, parcebat toti multitudini; nec retia funditus permittebat dissolvi. Ipse enim est, sicut locutus est ad Abraham, qui propter decem justos, Sodomitis omnibus peperisset: si in Sodomis eos invenisset (*Gen. xviii*). Sed quoniam paulatim charitate filiorum Israel refrigerante, tanta inter eos exerevit malitia, tanta superbia, tanta cupiditas, et infidelitas tanta, ut non tantum mali in seipsos, vel in sanctos Dei essent, sed in ipsum Dei Filium exardere, tenere, occidere non timuerunt: nullus utique inter eos bonus inventus est, sed sicut Sodomitis pares inventi sunt in prævaricatione; sic etiam eis pares facti sunt in reprobatione. Hinc igitur est quod Asaph Synagogam illam redarguens, ibi dicit: *Peccatori autem dixit Deus: Quare tu enarras justitias meas?* (*Psal. xlix.*) Sicut jam diximus, piscatores, quorum retia rupta non sunt, ad copiosam capturam invitati, ubi ait: *Congregate illi sanctos ejus* (*ibid.*). Retia enim quæ rumpi non possunt, præsens est Ecclesia, quæ est congregatio sanctorum: quorum nodi sunt hinc religio, vita vel mores, inde vero naturæ, gratiæ, et gloriæ donum. Istorum igitur retium sunt pisces, subditi; piscatores, prælati. Ipsi ergo dicitur: *Congregate illi*, pisces bonos, non illos qui confundunt legem Dei, in stercilibus observantiis, et sacrificiis carnalibus, sed *congregate sanctos illos, qui ordinant testamentum ejus super sacrificia*. Vos igitur, fratres, congregate, vel prædicando, vel opere sectando, vel honore prosequendo. Prædicando sanctificandos; opere sectando, quos videtis imitandos; honore prosequendo remuneratos, vel remunerandos. Secundum enim metonymiam, quæ figura est, per quam continens designatur in contento, sanctos congregat, qui sanctorum sanctitatem coærvat. Si enim imitamini in contemplatione Dei angelos, patriarchas in fide, prophetas in spe, evangelistas in prædicatione, apostolos in religione, in continentia virgines, in patientia martyres, in abstinentia confessores; bene congregatis sanctos omnes. *Congregate illi*. Cui illi? Illi qui locutus est: *Deus Deorum locutus est, et vocavit terram, a solis ortu usque ad occasum* (*Psal. xlix.*). Eorum autem, qui congregant, alii sunt, qui Deo deorum congregant; alii vero diis, id est hominibus, sive dæmoniis. De hominibus dictum est: *Ego dixi: Diis estis, et filii excelsi omnes* (*Psal. xxxi*). De dæmoniis autem: *Omnes dii gentium dæmonia* (*Psal. xciv.*)

Hominibus ergo congregant qui propter gratiam potentium, sive propter honorem terrenum, vite

sanctimoniam custodiunt. Hinc est, quod potentibus clamat subditus: *Ecce tot annis servio vobis, nec unum de mandatis vestris præterivi; vos nec unam obedientiam mihi dedistis. Et tanquam filii illius evangelici ore loquens Patrem suum sollicitat dicens: Ecce iste, qui modo de sæculo venit, qui hæc usque portionem suam, vivendo luxuriose, dissipavit; postquam intus venit, statim ad obedientiam vocatus est. Ego autem tot annis, strenue conversatus sum; et abbas nec unam obedientiam dat mihi. Alii vero non hominibus, sed dæmonibus congregant, sicut ii, de quibus dictum est: *Immolaverunt dæmoniis, et non Deo, diis, quos ignorabant* (*Deut. xxxii*). Gentes enim in honore deorum suorum, plerumque in abdicatione rei temporalis, plerumque in abstinentiis, multoties vero in carnalibus sacrificiis, sollicitè intendebant. Veteris vero Testamenti Patres, non hominibus, non dæmoniis, sed Deo, devoti erant; cultum religionis illius persolventes ei, quam illi dæmoniis exhibebant. Et hoc multo melius; illi enim nec fidem, nec veræ religionis cultum habebant. Isti vero etsi nondum veram religionem cognoscerent, fidem tamen jam habebant. Sed tandem crescente fide, crevit religio. Nam ordinare testamentum Dei incœperunt novi testamenti Patres, super præcepto sacrificiorum: quod illi carnaliter intendentes, intentionem datoris confundebant. Non enim de re sacramenti, sed de sacramento rei; non de veritatis signo, sed de veritate signi; non de significante, sed significato, locutus est Deus, cum de legalibus cæremoniis eis loqueretur. Unde in hoc eodem Psalmo ait: *Non in sacrificiis tuis arguam te* (*Psal. xlix.*). Et: *Nunquid manducabo carnes taurorum: aut sanguinem hircorum potabo?* (*Psal. cv.*) Hinc etiam per Isaiam ait: *Quo mihi multitudinem victimarum vestrarum? Plenus sum* (*Isai. i*). Et per Jeremiam: *Comedite, ait, carnes, quia non vos locutus de holocaustumatis istis, die qua eduxi vos de terra Ægypti* (*Jer. vii*): significans, quod de spiritualibus sacrificiis, et non carnalibus intendebat. Unde ad illorum differentiam, qui sic in zelo Dei, quem utique habebant, sed non secundum scientiam, super sacrificium, Dei mandatum confundebant, dictum est: *Congregate illi sanctos ejus: qui ordinant testamentum ejus super sacrificia*. Non qui confundunt, sed illos congregate, qui secundum mandatum in sacrificiis suis sal apponunt, pellem detrahunt, et ut fetus varios pariant, in canalibus suis virgas, partim cum cortice, partim decorticatas mittunt. Quid est sal apponere? Mandatum sacrificii secundum spiritualem sapientiæ sensum intelligere. Quid est pellem detrahere? Retinere sensum, et litteræ velamen remove; hoc etiam est virgas decorticare. Cum enim prælati in libris, quasi in canalibus sensum spiritualem in littera ruminant, ut inde subditi virtutes varias acquirant, virgas decorticant, ut varios fetus oves parturiant. Isti ergo sunt, qui ordinant testamentum Dei super sacrificia. In illis siquidem sacrificiis*

nihil aliud legislator intendere voluit, nisi quod in ipsis intendebat ostendere, quomodo, vel in bonis quæ sponte fieri solent, vel in bonis quæ fieri solent per necessitatem, se deberet habere. Bonum enim, quod sponte fit, quia coram Deo dignius est, primi ordinis esse demonstrat, cum ipsum per species suas primo subdividit. Bonorum enim quæ sponte fiunt, quedam cum majori, quedam cum minori devotione perpetrantur. Igitur quæ cum majori devotione fiunt, sub holocaustis; illa vero quæ cum minori, sub hostiis pacificis memorantur.

Item, bona illa, quæ cum majori devotione fiunt, quedam ad activam, quedam vero ad contemplativam vitam pertinent, eo quod activa vita prior sit, non dignitate, sed exercitio. Activam vitam dividit in holocausta bovis, ovis et capræ. Sunt enim quidam, qui se totos Deo committunt, fortes robore, strenui labore, qui secundum Dei mandatum, relinquunt omnia; et se et fratres suos de labore manuum suarum pascunt. Isti bovem in holocaustum ponunt. Qui quando nihil terreni præmii in labore quærunt, sed in respectu summi pontificis, id est Dei, totum faciunt, quasi ad Aaron bovem adducunt. Et cum hilariter operantur, quia hilarem datorem diligit Deus, manus super caput hostiæ ponunt. Cum autem inter labores, quidquid voluptatis est, quidquid carnalis affectus esse potuit, remouent, pinguedinem de sacrificio tollunt. Qui autem in ipso labore tempus et locum, quia quandoque vacare debet propter orationem, discernere scit, artus hostiæ disponit. Cum vero propter laboris pondus, ut plerumque fieri solet, non amittit devotionem, sed cogitat in labore retributionem mercedis: lignis cogitationum suppositis, ignem sancti Spiritus in altari cordis accendit. Alii autem robore debiles, ætate senes, simplices sensu, censu divites, quando sibi amicos faciunt de manna iniquitatis, se et sua Deo in monasterio conferentes, quasi oves de lacte et velleribus pascentes possessores suos; Deo servientes de patrimonio et divitiis suis sustentant. Sicut ergo illi laboriosi, ita isti simplices, solum pro Dei amore, cum hilaritate et devotione sancti Spiritus innocenter vivere debent. Alii vero nec corpore fortes, nec rebus locupletes, pro peccatis suis tamen, eo quod de factis suis cauteriatam habent conscientiam, omni modis intendunt in pœnitentia, in mortificatione carnis, in jejuniis, et in omni genere subjectionis. Isti igitur evangelicum publicanum viventes, nec oculos audent ad cælum levare (Luc. xviii), sed omni hora de peccatis suis se reo existimantes, ad omnia quæ eis injunguntur, velut operarios malos se judicant, et indignos. Isti capram Deo offerunt in holocaustum, qui ritum bovis et ovis in sacrificio tenent, quando cum hilaritate et devotione et spe salutis æternæ, inceptam pœnitentiam perseverantia felici consummant. Contemplativam autem vitam, sub holocaustorum specie distinguens, species ejus lex subdividit, in typo turturis, vel columbæ, vel in sacrificio similkæ. Qui

A enim contemplativus esse desiderat, oportet, ut in castimonia vitæ intendat, ut illam quæ gemitum docet, doctrinam quærat: gemitu et contemplatione alta petat. Hic offert turturem in holocaustum, cujus ascellas frangit, quando propter studium vacat a labore; vesiculam tollit, quando superbiam rejicit; plumas vero abjicit, cum pristinam vanitatem relinquit; sanguinem in basi altaris fundit, qui pro Deo totius carnalitatis affectum contemnit. Secundum eundem ritum etiam columbam immolat, qui simpliciter in cogitatione cogitat, ut scriptum est: *Meditabor ut columba (Isai. xxxviii)*. Similam autem, qui in observantia puræ conscientiæ, et per contemptum sæcularis vitæ offert de clibano, et per mortificationem carnis de craticula; et de sartagine per frixuram mentis: quæ quando cum devotione patitur, oleo similam fiunt; et cum inter ista devotionem orationis non amittit, etiam in sacrificio thus admittit. In isto tamen sacrificio nec fermentum, nec mel debet admisceri, quia nec malitia, nec carnalis delectationis dulcedo debet diligi. Mellis tamen primitias Deo offerat, quia necesse est ut religionis initium cum devotione suscipiat.

De illis autem sacrificiis, quæ cum minori fiunt devotione, sub hostiis pacificorum intendit, cum ea vel sub specie bovis, vel ovis, sive capræ, sicut supradictum est, legislator subdividit. Sicut enim inter illos, qui se et sua committunt, alii laboriosi sunt, et omnia quæ laborant Deo conferunt, alii corpore debiles, ea quæ possident, ut vivere simpliciter possint, dimitunt; alii autem, qui pauperes sunt, et laborare non possunt: et tamen pro pœnitentia, ad arbitrium prælati sui se Deo in monasterio committunt: ita et in sæculo degentium quidam laborare possunt, et de labore suo multa suis reservant posteris; et multa pro Deo largiuntur egenis; et isti de bove hostiam pacificorum offerunt. Alii vero viribus corporis destituti simpliciter in sæculo vivunt, nihil mali proximis suis inferunt, nec inferre moliantur, et de his quæ acquisierunt a juventute, pro facultatis quantitate largiuntur. Isti de ove pacificorum hostiam offerunt. Alii autem et debiles et egeni, de conscientia sua solliciti; et peccata commissa confitentes, et pœnitentiam injunctam devote suscipiunt et exercent. Isti quando pœnitent, capram immolant in sacrificio pacificorum. In omnibus tamen caudam et adipem offerre Deo debent: caudam in perseverantia, adipem in affectu. Omnis siquidem affectus, sive ille qui ad gulæ illecebras pertinet, tanquam adeps, qui ventrem operit; sive sæcularis amor, tanquam adeps qui operit vitalia, sive alicujus malæ voluntatis affectus, tanquam adeps jecoris; sive voluptatis amor, tanquam adeps, qui operit rennuculos, cum ipsis rennuculis, prorsus dimittere debent etiam illi, qui in sæculo Deo vivere satagunt, ut sic utantur hoc mundo, tanquam non utentes; tanquam nihil habeant, et omnia possidentes; et non tantum rennuculi in voluptatis opere relinquendi sunt, sed etiam adipem rennucu-

lorum, id est ipsius voluptatis affectum, Deo debeat consecrari. Bonum autem quod fit ex necessitate, sub specie sacrificiorum, quæ pro peccatis fieri solent, per species etiam suas subdividit legislator. Qui enim peccat, necesse est ut per poenitentiam bonum se corrigat. Unde Dominus genimibus viperarum, tanquam peccatoribus, clamat: *Facite fructus dignos poenitentiae* (Matth. iii). Digni enim sunt poenitentiae fructus, si personam agentis, et actum peccati consideres: si secundum utrumque, poenitentiae bonum vel alii dones, vel tibi assumas. Unde etiam sacrificium pro peccatis bifariam dividitur, scilicet secundum personam, et actum. Est enim peccatum aliud singulare, aliud universale; aliud fit ex ignorantia, aliud ex temeritate; aliud ex contemptu, aliud ex deliberatione.

Peccatum igitur, quod fieri solet per ignorantiam, primo tractat sub ignorantia sacerdotis, sub ignorantia principis, et animæ. Omne enim peccatum, secundum diversas personas, majus aet minus judicari debet. Si enim sapiens est, qui peccat; si potens, ut cavere possit, vel sciat, multo gravius puniri debet quam ille qui peccatum cavere nescit, nec potest. Sacerdos, de cujus ignorantia peccato primo tractat, sapientem significat; princeps vero, de quo secundo agit, potentem demonstrat, anima vero, stultum vel imbecillum. Quia igitur majus est peccatum sapientis, vel potentis quam simplicis, ideo majori indiget ratione peccati. Cum igitur de peccato sacerdotis per ignorantiam facto tractat, poenitentiam ejus sub oblatione vituli disponit. Poenitentiam vero principis, quia peccatum potentis majus est, quam peccatum pauperis, minus autem, quam peccatum sapientis, poenitentiam ejus dividit sub specie hirci, qui capra dignior, indignior vitulo cognoscitur. Peccatum autem pauperis et idiotæ per capram expiari demonstrat. Quia igitur sapiens quando peccat, oportet ut delectationem peccati per laboris rigorem emendet, bene per vitulum, qui est animal labori dedicatum, monstratur expiari. Qui cum hilaritatem mentis in poenitentia ostendit, manus super caput hostiæ ponit. Cum autem discordiam illam quam inter se et Deum peccatum fecit, per plenam peccati confessionem interruptit, digito in sanguine intincto velum inter sanctum et sanctum sanctorum, septies aspergit. In velo enim peccati discordia demonstratur. Nam sicut velum illud sanctum dividebat, et Sanctum sanctorum, ita peccati discordia hominem a Deo separat, et ab homine Deum. Intingimus igitur indicem in sanguine, cum peccatum indicamus in confessione. Septies vero contra velum sanguinem projecimus, cura per septenariam confessionem peccati, discordiam illam dividi, demonstramus.

Omne enim peccatum ex septem circumstantiis cognoscitur: ex actu et agente, ex peccati complicibus, ex loco, ex tempore, ex causa et modo. Re-

liquum autem sanguinem ad basim altaris fundimus, quando totam peccati crudelitatem coram Deo, qui est basis altaris, effundimus. Quatuor autem cornua altaris intingimus, quando ita dolemus de peccato, ut spem non amittamus; quando ita dolemus de dolore pœnæ, ut non desinamus gaudere de fructu poenitentiae. In alta i enim cor designatur; in quatuor cornibus, cordis affectiones. Totum vero adipem Deo consecramus, cum totus delectationis pinguedinem propter Deum dimittimus; pellem autem portamus, cum actum poenitentiae exterius sustinemus; carnem vero mortuam, cum patiamur carnis mortificationem; caput portamus, cum principium poenitentiae Deo consecramus; pedes, quando poenitentiam ad perseverantiam perducimus; intestina vero, cum in patientia possidentes animam, contritionem cordis patiamur, et amaritudinem; finem autem, quando humanitatis sustinemus ignominiam. Sed quoniam quidam sunt, qui hæc omnia patientur, non propter Deum, sed ut videantur ab hominibus, ideo dictum est ut deferant hæc extra castra in locum mundum. Extra castra defert hostiam, qui extra humana cognitionem coram Deo vitam sustinet religiosam. Ipse enim est locus mundus, ubi cineres effundi solent, quia omnis qui mundari appetit, oportet ut perseverantiam poenitentiae in ipso consummet. Hoc idem de oblatione principis, quæ fieri solet pro peccato, sub specie hirci, vel ut spiritualius dicam, chymarræ demonstrat. Chymarrus enim, hircus est hiemalis; in hiemali hircæ poenitentiae amaritudo designatur. Minor tamen poenitentia priore, quia major est vitulus, quam hircus; et princeps indignior quam sacerdos. Similiter et de capra dicimus, quia poenitentiam simplicis demonstrat, eo quod capra minor sit hircæ, similiter et vitulo. Multa his similia habeo vobis dicere, fratres mei; copiosam enim materiam vobis prælibavi, sed ne fastidium generent, sufficiant vobis ista. Nam ut occasionem darem vobis, ostendi quomodo sancti ordinant testamentum Dei super sacrificia. Illos ergo congregate in unum, ut cum eis una regnare possitis, cum Christo, qui unus est, cum Patre et Spiritu sancto. Amen.

#### SERMO XXXVII.

##### IN DEDICATIONE ECCLESIAE.

*Super muros tuos Jerusalem constitui custodes, etc. (Isai. Lxi).* Non minor est virtus, quam quærere, parva tueri. Nam sicut circa divitias temporales concurrere solent tria, quorum primum præcedit, hoc est labor in acquirendo; secundum comitatur, custodie sollicitudo; tertium vero sequitur, dolor videlicet in perdendo; ita circa spirituales divitias tanto labor acquirendi gravior esse debet, sollicitudo custodiendi diuturnior, quanto vel non habendi vel perdendi dolor est periculosior; vel quanto acquisitio earum pretiosior est negotiatione argenti et auri. Propterea memores filiorum Berothitæ, qui Ishoseth occiderunt in stratu

suo, eo quod ostiaria purgans triticum obdormi-  
vit; non ostiariæ, sed ostiario forti nos et nostra  
pariter committamus, quia non solum non lætifi-  
cat, sed mentem affligit res, quæ acquisita diligitur,  
et per negligentiam perit. Et quoniam dicit Aposto-  
lus, quia templum Dei sumus (*I Cor. iii*), a tem-  
plo testimonii parabolam assumamus. Videte quanto  
labore templi lapides præcisi fuerint a materia inu-  
tili et confusa; quanto postea labore politi, post  
hæc in membra formati, ad ultimum in unum cor-  
pus Ecclesiæ compacti. Videndum etiam quanta in-  
dustria, quibus aspersioibus, illuminationibus, un-  
ctionibus, thurificationibus, dedicatum fuerit tem-  
plum Dei. Hæc enim omnia in figura nobis contingunt,  
qui lapides vivi sumus in ædificio Dei. Cum  
igitur vel dæmonum vel hominum inutilium im-  
portuna suggestio nos premebat, et eorum collo-  
quia seu consortia optimos mores corrumpebant,  
in modum lapidis sumus obdurati, quia ad exer-  
citiū boni operis facti sumus immobiles quasi la-  
pis. Sed jam ab illa confusa materia per Dei gra-  
tiam separati, et multis tentationum tusionibus  
expoliti sumus in Ecclesiæ membra formati, et uno  
gluino charitatis in unum Ecclesiæ corpus uniti.  
Sed et ad meritum sanctitatis, lacrymarum asper-  
sione, lectionis vel predicationis illuminatione, de-  
votionis vel exhortationis unctione, devotæ etiā  
orationis frequenti thurificatione, soli Deo sumus  
dedicati, ita ut ad exterioris ædificiū et ad homi-  
nis sanctuarium nihil desit. Et hæc sunt instituta  
religionis: sed si custodita non fuerint, quid pro-  
desse possunt? Propter hoc Salomon præcepit fieri  
circa templum triginta domes parvulas, ut essent  
eubilia et cænacula hebdomadariorum, et eorum  
qui templum Domini custodirent, aut eidem tem-  
plo deservirent. Sed et super muros Jerusalem con-  
stituti sunt custodes, de quibus in Canticis ait  
sponsa: *Invenerunt me custodes murorum (Cant. 3)*.  
Hinc est, quod in oratione clamamus: *Tu, Do-  
mine universorum, qui nullam habes indigentiam,  
voluisti templum tuum fieri in nobis, conserva do-  
mum istam immaculatam in æternum (Antiph. ex  
II Mach. xiv)*. Hinc enim Moyses circa tabernacu-  
lum excubias ordinavit, non solum exterius, sed  
interius, id est non solum circa atrium, sed circa  
sanctuarium. Hæc autem dixerim, quia sicut unum-  
quodque istorum vocabulorum æquivocum est ad  
multa, ita et ipsa simul univoca sunt ad unum. Nam  
sicut per tabernaculum et templum, sic et per do-  
mum et Jerusalem, Ecclesia figuratur, diversis ta-  
men respectibus. Est enim Ecclesia tabernaculum,  
in hoc quod requies est militantium et pugnato-  
rum; domus vero in hoc, quod requies est labo-  
rantium et activorum; templum, quia requies est  
contemplativorum; visio pacis, sic enim interpre-  
tatur Jerusalem, quia requies beatorum. Omnium  
est enim generalis Ecclesia, tamen per partes di-  
visa.

Est etiam, ut dixi, unumquodque eorum æquivo-

cum ad multa. Dicitur enim quandoque empha-  
tice, quandoque antonomastice, quandoque speci-  
fice, quandoque allegorice, quandoque anagogice,  
quandoque tropologice. Emphatice, id est expres-  
sive, dicitur Christus Deus et homo. Nam sicut in  
illo tabernaculo erat atrium, et sanctum, et San-  
ctum sanctorum, ita et in illo Deo et homine Chri-  
sto, quasi atrium fuit corpus, quod foris patuit,  
sanctum anima, sanctum sanctorum divinitas. Spe-  
cifice Virgo Maria, quæ intra cortinas candidæ car-  
nis suæ Deum et hominem in tribus substantiis  
operuit. Allegorice generalem significat Ecclesiam,  
cujus quasi atrium est Ecclesia, quæ laborat in pur-  
gatorio; sanctum, Ecclesia quæ expectat in pur-  
gatorio; sanctum sanctorum, Ecclesia quæ re-  
gnat in cælo. Anagogice quoque illa cælestis Ec-  
clesia figuratur, de qua scriptum est: *Domine,  
quis habitabit in tabernaculo tuo? (Psal. xiv)*. Cuius  
atrium administratorii spiritus sunt angelo-  
rum, missi in orbem propter eos qui capiunt hæ-  
reditatem salutis. Sanctum vero, media hi hierarchia,  
quæ a superiori suscipit, quæ inferiori hierarchiæ  
injungit. Sanctum sanctorum, superior hierarchia,  
quæ Deo assistit, ut scriptum est: *Millia millium  
ministrabant ei; et decies centena millia assistebant  
ei (Dan. vii)*. Vel assignare possumus atrium hypo-  
phanix, sanctum hyperphanix, sanctum sanctorum  
theophanix. Arca intra sanctuarium, cuius  
virga est potentia Patris, tabulæ sapientia Filii, man-  
vero benignitas Spiritus sancti. Tropologice, id est  
moraliter, totus homo. Totus dixi, id est interior  
et exterior; exterior homo, patens atrium, sanctum  
vero, vel sanctum sanctorum, cor humanum. Et  
huic appellationi univoca sunt quatuor supradicta  
vocabula. Nam de tabernaculo humani corporis  
scriptum est: *Habemus altare, de quo non habent  
edere, qui tabernaculo deserviunt (Hebr. xiii)*. Hoc  
idem domus significat, sicut ait Apostolus: *Sci-  
mus quod si domus ista terrestris corrumpitur, do-  
mum habemus non manufactam æternam in cælis  
(II Cor. v)*. Et iterum Job: *Ecce qui in conspectu  
ejus sunt, non sunt stabiles; et in angelis suis reperit  
pravitatem; quanto magis qui domos habitant luteas,  
et terrenum habent fundamentum, consumentur  
velut a tineâ (Job iv)*. De templo quoque dicit Apo-  
stolus: *Templum Dei sanctum est, quod estis vos  
(I Cor. iii)*. Et in libro Machabæorum: *Tu, Do-  
mine universorum, qui nullam habes indigentiam,  
voluisti templum tuum fieri in nobis (II Mach. xiv)*.  
De Jerusalem vero in psalmo: *Jerusalem, quæ  
ædificatur ut civitas (Psal. cxxi)*. In Evangelio:  
*Intravit Jesus in quoddam castellum (Luc. xi)*.  
Tota enim illa Evangelii lectio allegorice de glo-  
riosa intelligitur Virgine, et exponitur. Ipsa enim  
castellum fuit, omni virtutum mentione valla-  
tum.

In typum igitur hujus tropologici tabernaculi illi  
emphatice Moyses excubias ordinavit; et alios qui  
atrium, alios qui sanctuarium custodirent; et sicut



exterior, sic et interior; alios ab oriente, alios a meridie, alios a septentrione, alios disposuit ab occidente custodes. Hoc autem factum in figura utriusque hominis, exterioris scilicet, cuius actiones scrutandæ sunt et examinandæ; et interioris, cuius cogitationibus omnis est adhibenda sollicitudo. Est enim homo exterior quasi in atrio, interior quasi in sanctuario. Quia ergo inter homines alii bonas actiones incipiunt, alii charitatis fervore proficiunt, alii post initium boni operis languescunt, alii autem penitus deficiunt; necessarium est custodiæ diligentiam incipientibus, qui adhuc ab oriente cubant, adhibere. Hoc idem dico de illis qui quasi a meridie proficiunt charitatis fervore. Similiter et de illis quorum, abundante iniquitate, charitas refrigescit, et sic per defectum declinant ad aquilonem; et de illis, quibus jam non lucet sol justitiæ, quia qui male agit, odit lucem; et sic per casum pravi operis labitur ad occidentem. Dicit ergo Moyses: *Ab oriente custodiunt tabernaculum, Judas, Zabulon et Issachar.* Et bene, quia ut homo bonum opus custodiat, quod incipit, necesse est, bonum agricolam iuvitari, qui in spe fructuosæ messis laborat: primo ab agro tribulos et spinas evellens, et incepto labori fortiter incumbens, seminare festinat, quod sibi videt expedire. Hæc tria debet attendere, qui boni vult operis initium custodire. Debet enim mercedis æternæ fructum attendere; quæ merces figuratur per Issachar, qui *merces* interpretatur. Debet etiam spinas peccatorum et tribulos vitiorum confessione sarire. Propter hoc Judas, qui *confitens* interpretatur, adjungitur. Debet quoque labori suo fortiter incumbere, ne deficiat: et sic Zabulon habitaculum fortitudinis labores inceptos custodiat. Qui vero sunt in ascensu fervoris, reprimendi sunt, ne forte superbiant, eo quod sibi cæteris meliores appareant. Dicendum est quia laudanda est navigantis felicitas; sed cum venerit ad portum. Laudanda est pugnantis audacia, sed cum pervenerit ad triumphum. Non ergo gloriatur accinctus æque ut discinctus: nec lætetur dum navigat, donec ad litus perveniat. Ideo obedire non desinat, nec suum superiorem contemnat.

Sed sic de se medioeriter sentiat, ut nec per superbiam elevetur in summis; nec per desperationem deprimat in imis. Propter hoc Moyses præcepit, ut meridianam plagam custodirent Ruben; Simeon, et Gad. Ruben *videns in medio*, Simeon *obediens*, Gad *accinctus* interpretatur, ad hoc scilicet ut videat et sciat se esse in mundo, ubi nihil est stabile; ut sciat, se nondum deposuisse cingulum militiæ Christianæ, nec adhuc emancipatum esse obedientiæ servitute. Quod si a bono opere quod incepit, et a fervore suo cogitaverit declinare; statim incipiat attendere, quæ horrendum sit incidere in manus Dei viventis, Judicis sapientis, regis potentis. Timenda est illa extremi iudicii definitiva sententia, qua dicit ministris: *Ligatis mani-*

*bus et pedibus, mittite hujusmodi in tenebras exteriores* (Matth. xxii). Ibi gemet a fletu et stridore dentium, incarcerationis et revinctus. Revinctus, quia ligatus pedes et manus, eo quod affectu et opere fuit in vita dissolutus. Propter hoc Moyses ait: *Ab aquilone erunt Dan, Nephtali et Aser* (Num. ii). Dan *iudicium*, Nephtali *revinctus*, Aser interpretatur *incarceratus*, ut ex ipsis nominibus attendat, quid mandatorum Dei contemptores expectent. Si autem per lapsum peccati ceciderit, reprimenda est in eo desperatio. Nam sicut timendum est, ne illi qui sunt in fervore superbiant, ita timendum est, ne isti post lapsum desperent. Cogitet peccator, quantæ sit misericordiæ, qui de publicano fecit apostolum, de blasphemo principem apostolorum, de persecutore vas electionis.

His igitur confortatus exemplis, circa suos actus ita se modifcet, ut in illis quæ fecit, sit, ut ita dicam, Manasses, id est *obliviosus*, sicut ait Apostolus: *Ea quæ retro sunt oblitus, ad anteriora me extendo* (Philipp. iii). Sit etiam circa ea quæ agit Ephraim, id est *frugifer*, videlicet utilis, ut dimissa vanitate del rebus operam, quæ utilitati conveniant, et per istos labores de filio iræ convertatur in Benjamin, hoc est, in *filium dexteræ*, ut sic ab eo qui ovibus statutis a dextris dicturus est: *Venite, benedicti Patris mei* (Matth. xxv), a dextris statuereatur. Propter hoc satis congrue Moyses ait. *Ab occidente castra metabuntur Manasses, Ephraim, et Benjamin.* Et hæc quidem secundum custodiam actionum, et exterioris hominis disciplinam dicta sunt (Num. ii). Nam ad custodiam scientiarum, id est cogitationum interioris hominis, alios custodes Moyses ordinavit, scilicet filios Levi, Caathitas videlicet, Gersonitas et Merarias. Et bene, quia tales ad custodiam sanctuarii debent ordinari, qui in patientia sua sciant animas suas possidere; qui hic manentem civitatem non habent; sed se scientes advenas, futuram inquirunt. Qui etiam sibi ponunt amaritudines in valle lacrymarum, eo quod differuntur a regno, et adhuc laborant in exilio. Et hæc significatione isti custodes sanctuarii. Caath quippe *patientia*, Gerson *advena*, Merari *amarus*, vel *amaritudines* interpretatur. Disposuit autem eos circa sanctuarium hoc modo. Caathitas divisit, quia sibi et Aaron fratri suo ab oriente curam sanctuarii commisit. Cæteros vero Caathitas statuit a meridie sub manu Eleazar filii Aaron; Gersonitas a septentrione; Meraritas ab occidente, et utrisque præfecit Ithamar, filium Aaron. Unde sciendum est quod quatuor modis est in corde prava cogitatio, suggestionem quasi conceptionem, et quasi ab oriente; delectationem quasi jam a meridiano fervore; deliberationem, quasi ab aquilone, quia refrigescente charitate jam incipit iniquitas abundare: tandem contemptum, quasi ab occidente, quia cum venerit in profundum malorum, contemnit. Propterea timenda est cogitatio in ipso suggestionis ortu, quia

arborum praputia circumcidenda sunt, id est primordia operum amputanda, quia scriptum est :

*Principiis obsta.....*

(OVID. *De Remed. amor*, l. 1, v. 91.)

Et quoniam malarum primordia cogitationum pro-na parit otiositas, quæ inimica est animæ, ager quippe quem non colit agricola, spinas et tribulos parit, teste Salomone, qui ait : *Transivi per agrum*

*hominis pigri, et per vineam hominis stulti ; et totum repleverant urticae (Prov. xxiv).* Ergo custodiant Moyses et Aaron sanctuarium ab oriente. Moyses divi-næ legis lator fuit, unde per Moysen lex divina figu-ratur, teste Apostolo qui ait : *Quandiu legitur Moyses, id est lex Moysi, velamen est positum in cordibus eorum (II Cor. iii)*, id est Judæorum.

Igitur sollicitudo Moysi studium divi-næ lectionis insinuat. Aaron vero, cui incumberebat offerre pro sua et populi ignorantia, executionem mandatorum Dei insinuat. In his duobus, id est in assidui-tate lectionis et executione mandatorum præva primordia cogitationis amputantur. Unde scriptum est in Psalmo : *Misericordia Domini ab æterno, et usque in æternum super timentes eum ; et justitia illius in filios filiorum his qui servant testamentum ejus : et memores sunt mandatorum ipsius ad facien-dum ea (Psal. ciii)*. Si usque ad delectationem ascenderit cogitatio, in patientiæ fortitudine etsi non possideat animum, cohibeat saltem ma-num ; quia melior est patientiæ viro forti ; nec po-dest, nisi per patientiæ fortitudinem delectatio cogitationis evelli. Nam postquam ostium circum-stantiæ malæ voluntati aperuit, sola fortitudine, nec alia quam patientiæ potest evelli, quia soli Caathitæ sanctuarium custodiunt a meridie. Igitur sibi ipsi vim inferat, et inundanti mari dicat : *Huc usque venies, et hic confringes tumentes fluctus tuos, nec ultra procedes (Job xxxviii)*. Illam tamen qua innititur, fortitudinem patientiæ, non ad suum, sed illius totum referat adjutorium, qui ait : *Sine me nihil potestis facere (Joan. xv)*. Non enim hu-mano, sed solum divino potest humana patientia adjutorio, quidquid potest. Nam Caathitæ sunt sub manu Eleazari, id est sub potentia divini adjutorii. Eleazar quippe *Dei mei adjutorium* interpretatur.

Quod si usque ad deliberationem declinaverit, hoc etiam deliberare non omittat, quem finem perpe-trata culpa sortiatur. Transit actus, sed manet reatus. Præterit voluptas operis, sed æterna est cala-mitas afflictionis. Cogitet ergo suæ peregrinationis incolatum, quoniam omnes Gersonitæ, id est ad-vena sumus, nec diu prolongabitur noster incolatus. Sed nos miseri, quid faciemus, aut quid dicemus, cum nil boni ante summum Judicem per-feremus ? Propterea custodiant ab aquilone sanctua-rium Gersonitæ. Et si cogitationes licet parvas con-temnit, in profundum malorum occidit, quia nul-lum peccatum adeo veniale, quod per contemptum fieri non possit mortale : sicut e contrario nullum adeo mortale, quod per contritionem non possit

A fieri veniale. Contemptus quidem pœnam, sed con-tritio meretur veniam. Quia ergo nec bene conve-niunt, nec in uno corde morantur, contemptus et contritio : debent contraria curari contrariis, con-tritione contemptus. Hoc est quod ab occidente sanctuarium servant, id est illi, qui de omni con-temptu, non solum operis, sed cogitationis licet modicæ, mente conteruntur

Prætereundum vero non arbi-tror quod, cum ta-bernaculum movebatur, quæ, quibus, et qualiter, ad portandum fuerint onera distributa. Intrabant Moyses et Aaron sancta sanctorum, arcam Domini nudam tangebant ; et eam involutam operimento hyacinthino et purpureo ad portandum cæteris Caathitis reddebant. Cætera vero, quæ mollia erant, custodiendi curam habebant Gersonitæ ; cor-tinas videlicet, et operimenta et funiculos. Omnia vero dura servabant Meratitæ, videlicet fuscinulas, lebetes, mortariola, tabulas, et paxillos. Unde sciendum est quod animus humanus per diversos affectus solet moveri. Unde motio tabernaculi mo-tionem cordis significat. Movetur autem nunc ad licitos, nunc ad affectus illicitos, sed ad hoc quod mo-vetur ad effectus illicitos, locum non habet in taberna-culo Dei. Cum vero movetur ad licitos, vel ad amorem Dei, vel ad amorem proximi, et per hoc etiam ad amo-rem sui. Quia sicut qui diligit iniquitatem, odit animam suam, ita qui movetur ad charitatem, dili-git animam suam. Movetur autem ad dilectionem Dei per studium contemplativæ, ad amorem pro-ximi per exercitium activæ. Sed qui per studium contemplativæ moventur ad amorem Dei, duobus modis moventur : affectu et cognitione, affectu et non cognitione. Nam qui cognitione moventur, et non affectu, locum non habent in sanctuario Dei. Quibus dicturus est Judex in futuro : *Quare tu enar-ras justitias meas, et assumis testamentum meum per os tuum ? Tu vero odisti disciplinam (Psal. xlix)*. Et iterum per alium prophetam : *Cum aquam lim-pidissimam biberetis, cæteram turbabatis pedibus vestris (Ezech. xlii)*. Multo minus autem illi ad san-ctuarium Dei pertinere noscuntur, qui nec cogni-tione moventur, nec affectione. Cognitione autem moventur et affectione, qui habent sapientiæ do-num, et meritum sanctitatis. Unde de Aaron dictum est : *Et Aaron sanctum Domini (Psal. cv)*. Isti me-rentur habere fidem anagogicam, fidem comprehen-sivam, et enucleatam.

Unde talibus dictum est in Evangelio : *Vobis da-tum est, nosse mysterium regni Dei, cæteris autem in parabolis (Luc. viii)*. Hinc est quod legitur quod Moyses et Aaron nudam tangebant arcam fœderis, quia opere complebant sacramenta, quæ nude et aperte intelligebant. Alii autem habent affectione fidem magnam, sed cognitione parvam : quorum fidem tamen approbabat ipse Filius Dei, qui de cen-turione dixit : *Non inveni tantam fidem in Israel (Matth. viii)*. Et mulieri Chananææ ; quæ cupiebat saturari de micis, quæ cadebant de mensa domi-no-

rum suorum : *O mulier, magna est fides tua (Matth. A xv)*. Isti ergo sunt simplices in Ecclesia Dei, qui non habent quidem intelligentiæ donum ; sed habent sanctitatis et vitæ meritum. Isti portant involutam arcam Domini ; quia fide ænigmatica et velata, quod eis injungitur operantur, etsi forte mysteria non intelligunt. Portant autem involutam hyacinthino et purpureo operimento. Hyacinthino, cum eâ quæ divinitatis sunt, etsi non intelligunt, devote tamen amplectuntur. Purpureo vero, cum ad humanitatis mysterium, etsi scrutari nequeunt, devote tamen afficiuntur. Sic enim boves arant, et asinæ pascuntur juxta eos. Et isti figurantur in illis Caathitis, qui arcam Domini involutam portabant in humeris. Qui vero moventur ad exercitium activæ, duobus modis moventur ; vel ad officium charitatis, vel ad exercitium laboris. Isti sunt duo gradus activæ, in illis duabus mulieribus figurati, quarum altera Martha, altera Lia vocabatur. Nam in utraque activa vita figuratur, secundum utrumque gradum. In Martha quidem illi, qui sunt in officio charitatis ; in Lia vero illi, qui sunt in exercitio laboris. Illi ergo qui sunt in officio charitatis, mollia tabernaculi portant, quia quidquid charitate impenditur, dulce et quasi molle operanti videtur. Hoc enim opus illorum est, qui nihil Deo charius existimant, qui jugum Domini suave et molle portant : ibi thesaurizare festinant, ubi nec ærugo nec tinca demolitur, nec fures effoliunt, nec furantur (*Matth. vi*). Ideo omnia quæ mundi sunt parvipendentes, distribuunt et dispergunt et dant pauperibus. Propterea Gersonitarum debet esse istud officium, id est eorum qui se peregrinos et advenas in mundo cognoscunt, et ob hoc omne transitorium propter æterna despicunt. Dura vero portant Meraritarum, quia dura sunt, quæ pertinent ad laboris exercitium, quia per laborem corpus affigitur, et propter hoc animus aggravatur. Propterea Meraritarum sunt ista opera, quia sunt omni amaritudine plena. Tamen et ipsi tales in sanctuario Dei locum habent. Levitæ quippe sunt, quia et beatitudine et assumptione digni. Unde in atriis Domini merentur habitare, ut videant Sanctam sanctorum, Dominum Dominorum, Regem regum, Jesum Christum Dominum nostrum.

## SERMO XXXVIII.

## IN DEDICATIONE ECCLESIE.

*Fluminis impetus lætificat civitatem Dei ; sanctificavit tabernaculum suum Altissimus (Psal. xlv)*. Non immerito gaudet, cujus gaudium plenum est, et gaudium suum nemo tollet ab eo. Et ideo gaudere debes, quia *gloriosa dicta sunt de te, civitas Dei (Psal. lxxxvi)*, quæ nemo tollet a te, quia in te *sanctificavit tabernaculum suum Altissimus (Psal. xlv)*. Sanctificavit, non illi ; quæ adhuc indiget, sanctitate, juxta illud : *Qui sanctus es, sanctificetur adhuc (Apoc. xxi)* : hæc enim sanctificatione, viri sancti per meritum sancti sunt, qui quamvis renovati sunt in justitia et sanctitate veritatis, sentiunt tamen adhuc pulsum fra-

gilitatis suggestionis, infirmitatem carnis ; et indigent præmio divinæ promissionis, juxta illud : *Miserere mei, quoniam sanctus sum (Psal. lxxxv)*. In te vero sanctificatum est tabernaculum Altissimi, sanctitate plena, et perfecta, cœlesti et perenni. Plenum est ergo hujus sanctæ gaudium civitatis, ab impetu fluminum, juxta quod dictum est : *Fluminis impetus lætificat civitatem Dei*, a fortitudine murorum, a generibus armorum, a vigilantia custodum, a securitate habitantium, a communi lege, a civili jure, a potenti Rege. Ibi siquidem per aquam sudoris, quæ ægrotantium morbos sanat ; per aquam lacrymarum, quæ lugentium faciem lavat ; per sanguinis effusionem, qui effusus est, tanquam aqua in circuitu ejus, et martyrum stolas decandidat, flumen Dei repletum est aquis. Ibi puteus humilitatis altus : per quem hydria Samaritanæ sterilis imprægnatur (*Joan. iv*).

Ibi per rivulos Elim cum impetu defluentes amaritudo Mara dulcoratur (*Exod. xv*) ; ibi aqua sapientiæ salutaris potantibus propinatur ; ibi de puteo latitudinis, fons eminentior charitatis emanat. Similiter a murorum fortitudine debet nihilominus exsultare ; quia fundamenta ejus in montibus sanctis : et in fundamentis positus est lapis pretiosus angularis ; lapis, inquam, qui cum bitumine charitatis sustentat lapides superædificatos. Lapidem enim superædificari debent : non ligna, non fenum, non stipula, ne forte corruant a vento vanitatis, a turbine perturbationis, ab ariete hypoeris, ab aliquo trementi genere pœnæ gehennalis. Unde de lapidibus vivis generi debet fortitudo murorum ; ex sardio per humilitatem, ex smaragdo per fidei virorem, ex topazio per sapientiæ claritatem. Clarus enim lapis est, et auro similis : in quo sapientiæ claritas annotatur.

His igitur ædificata est civitas Dei : quia de irrefragabili lapide patientiæ, seu perseverantiæ, prout sapientia dicitur, operatur fortitudo, mensurat temperantia, justitia consummat. Doctores Ecclesiæ in ædificio illo latitudinem cordium in charitate ædificant, altitudinem in spe, profundum in humilitate ; tanquam sapientes architecti. Sequitur de generibus armorum. Ibi enim scutum bonæ voluntatis, lorica fidei, salutis galea, gladius spiritus, quod est verbum Dei. Ibi sagittæ potentis acuti, in verbo prædicationis ; carbones in exemplis, lapis in funda Pastoris ; mandibula asini contra hostes Samsonis, confractio lagenarum, juxta victoriam Gedeonis. In his siquidem armis sancti pugnant et superant ; per carnis scilicet mortificationem, quæ designatur in confractione lagenæ ; per memoriam Dominicæ passionis, quæ figuratur in mandibula asini ; per cogitationem fortitudinis divinæ, quæ figurata est in funda et lapide. Sequitur de vigilantia custodum. Testimonium perhibet eis sponsa, quod nemini nocte gradienti parcunt. Nam cum ipsa dilectum suum nocte quæreret, et non inveniret, invenerunt eam custodes murorum, percusserunt, vulneraverunt, tuleruntque pallium ejus. Custodes quidem sunt prelati, qui verbo prædicationis, omni

mam adhuc in via morum errantem, et per devia hæreticæ pravitatis Deum tanquam in nocte quærentem, percutiunt compunctione, vulnerant charitate denudant erroris velamine. Unde habitatores considerantes aquarum abundantiam, murorum fortitudinem, armorum genera, prælatorum sollicitudinem, securitate sua Ecclesiæ gaudium amplificant, et dicunt: *Quis nos separabit a charitate Christi?* (Rom. viii). Similiter a lege communi gaudere debet Ecclesia Dei; quia quidquid in ea constitutum est dignum et justum est, sive justificatio sit, sive iudicium, sive prohibitio, sive præceptum, sive admonitio sit, sive consilium. Non est ibi pondus et pondus; sed totum æquum est et perfectum totum. Communem enim legem vocamus, quæ communiter omnibus imposita est; sicut illa qua dicitur: *Non machaberis: Non occides: Non furtum facies* (Exod. xx). Nam præter ista, secundum diversas ordinum professiones diversæ; quasi jura civilia, sunt observationes. Nam aliæ sunt observationes Cisterciensis ordinis, aliæ Præmonstrantensis, aliæ Cluniacensis: totum tamen justum est, et quasi jus civile civitatis Dei. Sed cum in his omnibus lætetur Ecclesia Dei; super omnia tamen, et ante omnia, a potenti rege gaudendum est. *Magnus enim Dominus et laudabilis nimis, in civitate ejus* (Psal. xlvii). Magnus per dignitatem, laudabilis per sapientiam: magnus per altitudinem potentiae, laudabilis in dispositione domus suæ. Quis enim non miretur pretiositatem vestium, varietatem suppellectilium, copiam epularum? In domo siquidem rationali vestiuntur contemplativi; superhumerali activi, hyacinthino doctores, lino virgines, purpura martyres, bysso retorta confessores. Varietas quoque suppellectilium, craticula in mortificatione carnis; lebetes ad cineres suscipiendos, in memoria perpetratae iniquitatis; forcipes in virtute discretionis, crater tornatilis in amore lectionis, fuscinulae ad ignium receptacula, in illuminatione et ardore mentis.

Quanta autem sit copia epularum, testimonium perhibet homo, qui nuptias faciens filio suo, ad tauros, ad altilia, et omnia parata convocat invitatos (Matth. xxii). Quæ sunt omnia? Illa sine quibus dici cæna non potuit; et in quibus omnia cibi spiritualis fercula concluduntur, medulla scilicet tritici, et sanguis uvæ meracissimus. In spirituali siquidem cibo Dominus taurum paravit in passione; altilia resurgendo, vel in ascensione, medullam tritici, cum discipulis panem fregit dicens: *Accipite, hoc est corpus meum* (Matth. xxvi). Simili modo sanguinem uvæ, quando præclarum calicem accipiens, benedixit, deditque discipulis suis dicens: *Accipite et bibite, hic est calix sanguinis mei* (Luc. xxii). Invitatus ergo taurum comedit, cum ad imitationem Christi carnem affigit; altilia quando in peregrinatione solo corpore constitutus, cogitatione et aviditate in illa æterna patria conversatur; medullam tritici et uvæ sanguinem, cum se sacrosancto viatico munit. Tauros ergo comedit per exerci-

tium laboris, altilia vero per altitudinem devotionis; medullam tritici et uvæ sanguinem, per sacramentum altaris. Ecce, fratres, in quantis, et in quibus, Ecclesiæ gaudium perseverat. Ecce, quæ sunt ea quæ civitatem Dei lætificant. Sequitur:

*Sanctificavit tabernaculum suum Altissimus* (Psal. xlv). Si per tabernaculum, uterum virginis, vel corpus Christi, vel finaliter animam cujuslibet viri, velis intelligere, satis aperte videbitur, quomodo gaudium illud, quod plenum plane monstratum est, nemo tollet a civitate Dei. Quis enim tollere potest ab ea gaudium sanctificationis ejus; quod cum tali præparatione, operatione, confirmatione, factum est? Quia arcanum est, quod dicitur: *Sanctificavit tabernaculum suum Altissimus*. Nam pro arcanis filiis Core, id est vobis, fratres, qui filii estis Calvariae, id est illius qui crucifixus est in Golgotha, quod est Calvariae locus, Psalmus inscribitur in re sacramenti, hoc est in tabernaculo manu facto, et hujus creationis sanctificatione. Videamus quantum gaudium in illorum sit tabernaculorum sanctitate, hoc est in sacramento rei. Sanctificatio quippe in dedicationis sacramento figuratur, et cum sanctificatio ejus in quinque terminetur in aspersione, unctione, illuminatione, benedictione, inscriptione, scire debemus quod primum, id est aspersio, ad præparationem sanctitatis apponitur, tria, id est unctio, illuminatio, benedictio ad operationem: quintum autem, id est inscriptio ad confirmationem. In quibus satis datur intelligi, quia nemo fieri potest templum Domini sanctum, et sanctificatum tabernaculum Altissimi, nisi prius aspergatur aqua, vino, sale, cinere et hyssopo.

In dedicatione namque ecclesiæ, primo pontifex aquam benedicit, sal admiscens, deinde ecclesiam ter gyrando extrinsecus aspergit, intrinsecus vero duodecim luminaria interim accenduntur. Circueiens autem episcopus ecclesiam, portas, quas propter sacramenti figuram, clausas oportet, virga pastorali percutit in superliminari dicens: *Tollite portas, etc.* Cui ab intus respondet diaconus dicens: *Quis est iste Rex gloriæ?* Et pontifex: *Dominus virtutum ipse est Rex gloriæ* (Psal. xxii). Tertio autem, ostio reserato, intrat episcopus dicens: *Pax huic domui, et prosternitur ad orationem, a qua consurgens, hortatur cunctos ad orandum, sine Dominus vobiscum.* Postea vero Græcum alphabetum scribit in pavimento, a sinistra parte Ecclesiæ incipiens ab oriente, et procedens ad dexteram, quæ est in occidente; postea Latinum alphabetum, incipiens a dextera parte Ecclesiæ, quæ est ab oriente, et procedens usque ad sinistram quæ est ab occidente. Post hæc in medio Ecclesiæ veniens incipit, *Deus in adjutorium, etc.* Et hoc tertio, complens versum cum *Gloria sine Alleluia.* Tunc aquam typicam benedicit, admiscens sal et cinerem. Quæ postquam mista fuerint, additur cum eis vinum. Post hæc digitum tingit aqua, crucem faciens per altaris medium, et per quatuor cornua. Post hæc altare ipsum circuit se-

pties, aquam spargens aspersorio facto de hyssopo, et postea ter ecclesiam, clericis cantantibus antiphonas ordinatas. Tunc pontifex, oratione præmissa, altare linteo abstergit, post hæc thurificat cum incenso, postea crucem facit in medio altaris : et per quatuor cornua de oleo sanctificato, et istud facit bis. Nam tertio facit hoc idem de chrismate. Deinde duodecim cruces chrismantur in parietibus, et tandem, igne accenso de thure, medium altaris, et quatuor cornua accenduntur : et sic altare albis velaminibus operitur. Et quoniam hæc omnia multa indigent expositione, aliqua tamen breviter de iis omnibus exponamus.

Domus dedicanda est anima sanctificanda; aqua, penitentia purgans a sorde peccatorum; sal, ratio mentem condens insipidam; duodecim luminaria, doctrina apostolorum, mundum illuminans; pontifex, Christus; virga, potestas; trina superliminaris percussio, cœli, terræ et inferni dominatio, interrogatio inclusi, ignorantia populi; apertio ostii, sublatio peccati, domum ingressus pontifex pacem precatur; et Christus salutem animæ ad nos veniens est operatus. Descriptio alphabeti, simplex doctrina fidei. Quod utrumque alphabetum in modum crucis inscribitur, illud est, quod uterque populus per Christi passionem munitur. Tunc ecclesia aspergitur. Aqua confessionem, sal mordacem penitentiam, cinis mortalitatis memoriam, vinum devotionem, hyssopus, humilitatem significat. His omnibus aspergitur ecclesia et aetrea, quia his mundatur corpus et anima. Dehinc altare linteo extergitur. Altare Christus est, super quem munera devotionis offerimus; linteum caro ejus, quæ functionibus passionum ad candorem incorruptionis est perducta. Incensum orationem, oleum gratiam Spiritus sancti significat. Altare bis hoc oleo inungitur, quia plenus Spiritu sancto Deus et homo creditur. Vel si altare designat animam, altare bis inungitur, quia ad remissionem tam peccati quam delicti, gratia Spiritus sancti infunditur. Tandem chrisma supponitur, quia post mundificationem, ad robur et perfectionem spiritus datur. Duodecim fiunt cruces de chrismate, quia per doctrinam Apostolicam gaudet Ecclesia hac perfectione. Velamen candidum, quo post consecrationem altare cooperitur, incorruptionis gloriam designat; qua, mortalitate consumpta, humanitas post passionem est induta. Unde scriptum est : *Conscidisti saccum meum, et circumdedisti me lætitia (Psal. xxix)*. Non ergo potestis sanctificationem Dei tabernaculum fieri; nisi prius sapientiæ sale vos conditiis, aqua munditiæ lavetis, vinum compunctionis potetis; penitentiae cinere caput aspergatis. Nisi etiam veritatis cognitio mentem illuminet, ungat oleum charitatis, perseverantia constans inscribat, ut tandem divina remuneratio benedicat : per Dominum nostrum Jesum Christum.

## SERMO XXXIX.

IN FESTO S. BENEDICTI.

*Terra super quam induxero gladium, si populus ejus*

*A unum de novissimis elegerit; et ille viderit gladium venientem, et insonuerit buccina, et annuntiaverit; et aliquis audiens non se observaverit, sanguis ejus super caput ejus erit. Sonum buccinæ audivit, et non se observavit (Ezech. xxxiii)*. Judicia Domini vera, justificata in semetipsa; et testimonia ejus credibilia facta nimis eo jure concutiant aures audientium, quo nec falluntur, nec fallunt. Si enim cogitamus, terra es, et in terram ibis; si formidamus, in viro secundum cor Dei, *anima mea sicut terra sine aqua tibi (Psal. cxlii)*; nobis et de nobis designanter intelligimus dictum, *Terra, super quam induxero gladium*. Inductus est contra nos gladius, quia terra sumus. Unde interfecta est terra in sanguinibus, quibus usque hodie manet infecta. Propter quod Psalmista clamat. *Libera me de sanguinibus, Deus (Psal. i)*. Ergo non quia humus, non quia tellus, non quia solum; sed quia terra sumus, gladium inductum sustinemus. Quatuor dixi vocabula idem significantia : sed non eadem de causa, vel simili ratione. Nam humus ab humore dicitur; et tunc vere humus fuit, quando in primordiali materia permista pariter et confusa circumvolvebatur humentibus aquis. Terra vero tunc vere fuit, quando aquis divisis ab aquis, arida apparuit, et teri potuit, et cæteris fuit deformior elementis. Unde propter ejus deformitatem terra terribilis vocata est. Tellus autem fuit, cum labores hominum tolerare potuit, vel incepit, sicut scriptum est : *Cum operatus fueris terram, non dabit fructus suos, sed spinas et tribulos germinabit tibi (Gen. iii)*. Solum autem dicitur, quia solidum stat. Cæteris enim tribus elementis mobilibus, istud solidum perseverat et palpabile. Unde scriptum est : *Qui fundasti terram super stabilitatem suam, non inclinabitur in sæculum sæculi (Psal. cmi)*.

Homo igitur qui de limo terræ formatus est, quasi materiaturum de materia, ex diversis istis vocabulis diversas significationes, secundum diversos vitæ status sortitus est. Humus enim tunc vere fuit, unde et homo dici meruit, quando spirituali humore concretus, tanquam cœlestis sapientiæ lutum in prima sui conditione ad imaginem et similitudinem Dei factus est, et in animam viventem.

Nam sicut in prima rerum conditione humor sine calore dominabatur in humo, ut non tam vivificata quam vegetata, cum omnia a calore pariter et humore vivificentur, ut aliquem defectum sustineret a defectu caloris, et aliquam perfectionem haberet ex abundantia humoris, ita in prima sui conditione homo et aliquem defectum habuit, quo poterat mori; et aliquam perfectionem, qua poterat non mori. Aliquam perfectionem habebat, qua stare poterat; sed et aliquem defectum, quia gratiam qua proficere posset, non habebat, sustinebat. Factus est enim mortalis et immortalis, sed mortalis, quia potuit mori; immortalis autem, quia potuit non mori. Potuit mori, quia potuit peccare; stimulus enim mortis peccatum est; potuit non mori, quia potuit non peccare : quod ei datum erat ex libero arbitrio

quod est ad malum et ad bonum libera voluntas. Et quia potuit non peccare, et tamen peccavit, cœlestis humoris infusione privatus, terra quasi teri digna dici potuit. Et arida apparuit, quia anima sicut terra sine aqua Deo fuit. Et quia a forma deformante deformata fuit, deformis et tetrabilis valde apparuit, quia *cum in honore esset, non intellexit, comparata est jumentis insipientibus, et similis facta est illis (Psal. XLVIII)*. Unde non solum mortalis, sed et mortua dici meruit, juxta quod Apostolus ait: *Corpus quidem mortuum est propter peccatum (Rom. viii)*. Et Psalmista: *Interfecta est terra in sanguinibus (Psal. cv)*. Habet enim necessitatem moriendi, quia habuit voluntatem peccandi. Quia etiam motio etsi non habet necessitatem peccandi, habet tamen necessitatem peccati. Peccato siquidem Adæ tam necessario quam voluntario pollutus, sed ipsi voluntario, nobis autem necessario; nec ita necessario, quasi sit homini necessarium, id est utile peccare; sed necessarium, id est inevitabile. Unde mori potest, et non mori non potest; quia post casum per gratiam adjuvantem in plenitudine temporis ad hoc reparata fuit, ut per passionum tolerantiam et laborum, posset ad humores radices ponere; et sub ligno vita fieret lignum vitæ; quia sublato gladio versatili pœna videlicet temporali, comedere mereretur lignum vitæ. Sic igitur immortalitatis damnium resarciret per laborem, non solum ut posset non mori, sed ut non posset mori. Interim autem mediante laboris tempore mori posset, quia peccare posset per infirmitatem et vitæ desiderium; et item non mori, quia posset non peccare, propter originalem concupiscentiam debilitatam in baptismo, et gratiam adjuvantem; qua ille solus Pontifex cum sanguine suo semel intrans in Sancta sanctorum, in se solo solum hominem salvum fecit. Solum dico, a soliditate, quia solidum, ut mortale indueret immortalitatem, et corruptibile nostrum indueret incorruptelam; ita ut datum sit vobis posse non mori, et non posse mori: non amoto tamen libero arbitrio, sed liberiore facto; quia de voluntate et adjuvante gratia fiet, ut possimus non peccare, et non possimus peccare. Non igitur secundum primum statum hominis, vel secundum tertium, vel secundum quartum, sed juxta secundum, quo terra designatur, dici potuit, quod dictum est. *Terra super quam induxero gladium, etc.* Nam sicut dictum est, primus hominis status fuit ante lapsum, post conditionem; secundus autem post lapsum, ante reparationem; tertius post reparationem, sed ante confirmationem; quartus post confirmationem; quando terra nostra nec infecta erit, nec interfecta; sed solida potius et perfecta. Dixit ergo: *Terra super quam induxero gladium (Ezech. xxxiii)*. Induxero, dixit, non eduxero. Nunc enim tempus est vibrandi, tempus inducendi, sed nondum tempus educendi. Vibrat enim ut terreat, sicut scriptum est: *Gladium suum vibravit (Psal. vii)*. Inducit, ut intus cor pungat; educit, ut

A aperte percussat. Quod tunc fiet, quando framea ejus suscitabitur adversus eos qui oderunt eum. Inducit ergo, ut pungat cordis affectus, et afficiat ad ea quæ recta sunt. Pungendo enim afficit, et afficiendo pungit.

Habet igitur gladium pungitivum spei, de quo scriptum est: *Et gladium spiritus, quod est verbum Dei (Ephes. vi)*. Et alibi: *Vivus est sermo Dei, et penetrabilior omni gladio ancipiti (Hebr. iv)*. Quo l autem sit spei pungitivus, ostenditur cum dicitur: *Quæcunque scripta sunt, ad nostram doctrinam scripta sunt; ut per patientiam et consolationem Scripturarum spem habeamus (Rom. xv)*. Habet et gladium rationis humani gaudii pungitivum; qui gladius dicitur Salomonis, quo puer, qui dividendus dicebatur, vivus redditur matri suæ. Habet et gladium pungitivum doloris, quo pœna temporalis et tolerantia passionum designantur; sine cujus punctione non possumus redire ad lignum vitæ. Habet et gladium pungitivum timoris, quo Dominus interficiet omnes peccatores terræ, sicut scriptum est: *Et gladius meus devorabit carnes (Deut. xxxii)*, hoc est carnales. Si igitur, vel timore, vel amore, spe, vel desiderio, vel dolore compunctus homo gladio verbi Dei, gladio rationis, gladio pœnæ temporalis, vel extremæ ultionis, elegerit virum unum de novissimis suis spectatorem, sicut factum est; quia virum unum hodie elegistis, qui vere vir unus fuit, sed non vir unum. Ille enim vere vir unus est, et vir unum, qui solus fuit et est id quod est. Ille autem solus est, id quod est, qui idipsum est, qui non ex patribus constat, quia corpus non est; neque ex compositis, quia simplex est; neque ex obscuris, quia lux est; neque ex disparibus, quia spiritus est. Homo tamen unus est, cujus vultus in diversa non mutatur; sed ad aliud unum necessario properans, unam fidem, unum baptisma confitetur. Nam sicut multi homines unius faciei dicuntur secundum exteriorem hominem, ita et secundum interiorem affectum, de quibus scriptum est: *Erat eis cor unum et anima una in Domino (Act. iv)*; ita etiam unus homo multarum facierum dici potest, cujus vultus in diversa mutatur. Ille igitur vir unus erat, qui unus in Christo, et Christus in eo unus erat. Sed quod dictum est: *de novissimis*, non vilescat in anima, eo quod nomen opprobrii esse soleat, sicut scriptum est: *Putavimus eum novissimum virorum (Isa. xlvi)*. Sed ideo novissimum quia ad agni nuptias invitatus, locum decrevit tenere novissimum, ut audire mereretur: *Amice, ascende superius (Luc. xiv)*, timens et intelligens, quia erant novissimi primi, et primi novissimi, quia super humilem et quietum requiescit spiritus Domini. Hunc ergo novissimum elegistis. Nam etsi aliquam necessitatem, vobis imposuistis, tamen voluntate, non necessitate, regule necessitatibus estis addicti. Sponte siquidem in rete Petri, et in compede Benedicti pedem injecistis. Et bene, quia ubi est necessitas non est libertas, et ubi non est libertas, non est volun-

tas. Ubi autem non est voluntas, non est meritum. Sola enim voluntas meretur, sicut dicit auctoritas : sed pœnam, si mala; præmium, si bona. Ut igitur gaudeat homo necessaria libertate, necesse est ut utatur in facto libera necessitate, ut per ipsam liberetur a peccato, habendo necessitatem patiendi, ut sit voluntas libera justitiæ, et a peccato liberata. Hæc igitur de causa elegistis speculatorem. Speculatorem dico a speculo, non a specula. Quid enim sanctus Benedictus, nisi quoddam speculum fuit? Quia ex ejus obedientia convincitur noster contemptus; ex ejus humilitate nostra superbia, ex ejus mundissima religione nostræ religionis defectus. De talibus enim hujus sanctæ siccata animæ speculis factus est nobis luter munditiæ. De speculis enim debet luter fieri, ut exemplis sanctorum primo peccata cognoscantur, post vero, cognita per contritionem cordis et oris confessionem, per condignam satisfactionem et emundationem laventur. Et quid aliud dat intelligere, nisi hoc vitæ speculum et exemplar, quod nobis in monte religionis monstratum est ad exemplum? Vel speculator a specula dici potest, qui pro nobis speculam contemplationis ascendit, de qua scriptum est : *Statue tibi mensam, et contemplare in specula* (Isa. xxi); vel circumspectionis, de qua Jeremias : *Statue tibi speculam, pone tibi amaritudines* (Jerem. xxxi); vel certe prælationis, de qua Ezechiel : *Speculatorem dedi te domui Israel* (Ezech. iii). Hic est cujus memoria in benedictione est, speculator nobis factus, ascendens speculam contemplationis in iis quæ ad sapientiam pertinent; circumspectionis, in iis quæ ad scientiam; prælationis, quoad domesticam ejus Ecclesiam. Vidit igitur, id est, intellexit per viam veritatis, venientem gladium verbi Dei : per viam justificationum gladium rationis; per viam arduam gladium doloris; per viam justitiæ et rigoris gladium timoris; et insonuit buccina. Et utinam insonuerit, id est intus sonuerit, ut sic sonus corporis aures foris percutiat, ut interiores tangat. Insonuit enim buccina, et non tuba, quia sonum dedit existentibus in Gabaa, non in Rama. Buccina enim cecinit Benedictus (sed tuba Basilius), qui quasi buccinam Regulam vocat, ubi ait : « Regulam hanc descripsimus (Regul. c. ultim.). » In qua non omnem justitiam scriptam esse asserit; sed ut aliquod initium conversationis se habere demonstret. Cæterum, sicut idem ipse ait : « Quicumque ad culmen perfectionis vult attingere, sunt doctrinæ sanctorum Patrum, necnon et Regula sancti Patris nostri Basilii (Ibid.). » Ecce buccina nobis adhuc existentibus in Gabaa quia Gabaa collis interpretatur. Quod a malitia mendi declinare nolumus, virtutum tunc celsitudinem non attingimus. Basilius autem existentibus in Rama majoris tuba perfectionis insonuit. Rama quippe *excelsa* interpretatur. Et quo-

aniam perfectionis vitæ celsitudo descripta est in illa Regula; tuba sua insonuit in Rama. Quicumque ergo vocem buccinæ audivit, Regulæ jugo collum subdidit, sed si secundum formam institutionis non se observaverit, sanguis prævaricationis super ipsum erit, ut sit ei Regula causa perditionis, quæ debuit causa esse salutis. Nam sicut obedientibus facta est Regula norma justitiæ, ita inobedientibus sit laqueus et muscipula pœnæ. Audiamus igitur sonum buccinæ, nec tanquam aspides surdæ obturemus aures nostras, sed omni custodia servemus nosmetipsos; ne nobis sit ad mortem, quod datum est ad vitam; ne nobis sit venenum, quod datum est antidotum; ne nobis sit ad laborem, quod datum est ad requiem. Sed secundum Regulæ formam mutemus nos in viros alteros, fugientes de culpa ad cordis contritionem, de cordis contritione ad confessionem, de confessione ad pœnitentiam, de pœnitentia ad veniam, de venia ad gratiam. Hæc est via per quam sanctus Benedictus et ascendit, et ascensionis exempla præbuit; ipso Domino nostro Jesu Christo ducente, qui vivit et regnat cum Patre in unitate Spiritus sancti Deus, per omnia sæcula sæculorum.

## SERMO XL.

DE ARCA SPIRITUALI (29).

*Facite plaustrum novum et jungite duas vaccas felas, quibus non est impositum jugum, et superponite arcam Dei* (I Reg. vi). Fidelis sermo propositus, et omni esset acceptione dignus, si merita loquentis verbis utilibus responderent. Sed enervare solet non modicum vim verborum vita loquentis. Gregorius (30) enim dicit : « Cujus vita despicitur, restat, ut et prædicatio contemnatur. » Hinc Apostolus ait : *Castigo* (I Cor. ix), etc. Unde Dominus tales in Evangelio redarguit dicens : *Hypocrita, ejice primo trabem de oculo tuo* (Luc. vi), etc. Sed si ita est, quid est, quod alibi idem Apostolus ait : *Sive per occasionem, sive per veritatem Christus annuntietur, et gaudeo et gaudebo?* (Philipp. i.) Cum enim in Ecclesia Dei alius sit pastor, alius mercenarius, alius fur, alius raptor, nunquid sicut ad prædicationem pastoris gaudet Apostolus, ita etiam ad prædicationem mercenarii, furis, raptorisque gaudebit? Pastor quippe est, qui veritatem loquitur propter veritatem. Mercenarius est qui propter lucrum temporale, non propter ipsam. Fur autem propter occasionem falsitatis aquas furtivas proponit, et panes absconditos. Non enim venit fur, nisi ut furetur, et mactet et perdat. Labiis quippe dolosis seducere solent audientes. Raptor vero labiis iniquis manifeste sævit in oves. *Domine, ait Propheta, libera animam meam a labiis iniquis et a lingua dolosa* (Psal. cxix). Quid igitur ad talem prædicationem gaudebit Apostolus? Notandum, quod reproborum alii sunt contemptibiles vita et non fama; alii fama et non vita; pessimi autem qui fama pa-

(29) Quia verba thematis hujus, sunt Philistæorum, hæc occasione auctor mox ab initio de iis, qui præ-

dicant, vel præsumt, et male vivant, disserit.

(30) Greg. homil. 12 in Evang.

riter et vita; sicut optimi, qui nec fama, nec vita. A Qui vero sunt infames fama, vel propter privatum peccatum, vel propter publicum. Publicum tribus modis accipimus. Dicitur enim publicum, quasi populicum, quod a quovis de populo potest accusari, ut crimen hærese majestatis, vel hæreseos, vel Simonie. Vel dicitur publicum manifestum et notorium: non enim idem est manifestum et notorium. Omne quippe notorium manifestum; sed non convertitur, quia potes esse manifestum judici, et non aliis: vel alii et non judici. Notorium est enim illud, quod judici patet, et aliis. Difficile tamen est invenire, quid sit notorium.

Nam Sodomorum peccata Sodomitis erant manifesta: tamen descendit Dominus, ut fierent notiora (Gen. xviii). Propter peccatum vero publicum sive notorium, potest esse contemptibilis, non propter manifestum, quia peccatum etsi sit manifestum judici, et non aliis, vel certe judici et non judici, non ideo meretur peccator damnari, donec verum esse quod dicitur, per legitimos testes comprobetur. Privatum vero peccatum est, quod private personæ testificari possunt, vel accusare. Vel dicitur privatum, id est occultum, quod a nullo scitur, vel ab uno, quia quamvis ab uno sciatur, non ideo tamen minus occultum est, quia vox unius, vox nullius. Privatum igitur peccatum neminem damnat; donec per hoc quo convincitur, vel sponte confitetur, quasi ethnicus et publicanus efficiatur, sicut Dominus in Evangelio ait: *Si peccaverit in te frater tuus, id est si peccaverit, te sciente, corripe eum inter te, et ipsum solum* (Matth. xviii). Quod si fuerit inficiatus, etiamsi tibi manifestum fuerit, desiste ab accusatione ejus, quia liberasti animam tuam, videns sagittam, quæ percussit eum, nec se observavit, cum annuntiares ei. Quod si confessus fuerit, non tamen se observaverit, tunc adhibe duos testes, et si coram illis inficiatus fuerit, quod secreto coram te confessus fuerat, iterum desiste, quia liberasti animam tuam.

In hoc tamen tibi cavere debes, ne tota deprehendi possit in nutu, vel in verbis tuis; quod secreto tibi confessus fuerit, sed quasi penitus ignorans, ita dices: *Frater, hæc et hæc de te dicuntur; vide ne feceris.* Quod si coram duobus testibus confessus fuerit, nec tamen se correxerit, ora Dominum, ut infundat ei cor poenitens, quo collum excutiat a jugo diabolicæ servitutis. Quod si nec sic se correxerit, devota illum, tanquam ethnicum et publicanum; quia jam te de veritate arguere non poterit, quem per testes idoneos devincere potuisses. Qui autem vita sunt contemptibiles, fide vel moribus sunt infames. Qui autem moribus; vel propter subitam tentationem et occultam, vel propter subitam et manifestam, vel propter diu deliberatam et occultam; vel propter diu deliberatam et manifestam, sicut corrupti moribus et difflamati.

Unde Psalmista: *Non timebis a timore nocturno, ecce subita et occulta tentatio; a sagitta volante per diem, ecce subita et manifesta; a negotio perambulante in tenebris, ecce diu deliberata et occulta; a damonio meridiano* (Psal. xc); ecce diu deliberata et manifesta. Propter, diu deliberatam et manifestam tentationem, qui corrupti sunt moribus, contemptibiles sunt apud Deum. Qui vero laborant in fide; aut in Ecclesia sunt, aut extra Ecclesiam, quia quamvis membra putrida, non tamen a corpore Ecclesiæ sunt separata. Qui igitur in Ecclesia fide corrupti sunt, tribus de causis adulterant verbum Dei: simplicitate, infirmitate, malitia. Simplicitas tamen alia nascitur ex ignorantia vincibili, alia ex invincibili. Ignorantia vincibilis est, quando aliquis potest scire, et non vult, de qua dicitur: *Ignorans ignorabitur* (I Cor. xiv). De secunda dicit Apostolus: *Misericordiam consecutus sum, quia ignorans feci* (I Tim. i). Prima poenam, secunda veniam promeretur. Infirmitas vero quandoque nascitur ex cupiditate, quandoque ex timore. Nam quia homines vultum timent potentium, vel ambiunt divitias aut honores, parcere solent potentibus, et lingere eorum vulnera, quæ ferro deberent correctionis reserare. Inde fiunt calumniatores prævaricatores, tergiversatores. Calumniator est, qui falsum intendit; prævaricator, qui verum abscondit; tergiversator, qui a veritate incepta lassescit et desistit. Qui igitur ex simplicitate, quæ nascitur ex ignorantia invincibili, vel ex infirmitate, peccant; admonendi sunt et corripiendi, quia non debemus eos timere qui occidunt corpus, et postea nihil habent quod faciant; sed potius illum, qui cum corpus occiderit, potest animam perdere in gehennam. Qui vero ex simplicitate, quæ nascitur ex ignorantia vincibili, vel ex malitia, peccant, merito sunt apud Deum et homines contemnendi. Qui vero extra Ecclesiam sunt infideles, aut in Ecclesia nunquam fuerunt, aut ab Ecclesia præcisi sunt. Præcisi autem, vel seipsos præciderunt, vel per diffinitivam sententiam a iudice sunt præcisi. Qui autem a iudice præcisi sunt, vel per excommunicationem, vel per depositionem, vel per degradationem, sunt præcisi. Qui ergo seipsos præciderunt, vel per depositionem, vel per degradationem, contemptibiles, et condemnandi sunt. Qui vero per excommunicationem, sustinendi et exspectandi sunt. Qui vero in Ecclesia nunquam fuerunt, si quid in Scripturis suis veritatis miscuerunt, non omnino contemnendi sunt, quia per ignorantiam peccaverunt.

Canales enim sunt horti Domini, scopa furni, mansio stercoraria arce, corvi Eliæ, sacerdos alios veritate mundans, et ipse in sordibus remanens usque ad vesperam. Plerumque siquidem, sicut tur- tur et hirundo, sic milvus et ciconia, cognoverunt adventum, non dico sui, sed Christi. Terturem



dico Simeonem, illum scilicet gemebundum, qui dicebat (51) : « Putas durabo? Putas videbo? » etc. Hic enim est, qui dixit : *Nunc dimittis, Domine servum tuum in pace, quia viderunt oculi mei salutare tuum* (Luc. II). Hirundini vero Joannem Baptistam non immerito comparamus, quia collum ejus martyrium rubricavit, ventrem candidavit virginitas, dorsum autem onus pœnitentiæ denigravit, qui solo corpore in hac peregrinatione constitutus, de cœlesti patria spirituali cibo pascabatur. Hic igitur ad baptismum Christum venientem videns, dixit : *Ecce agnus Dei, qui tollit peccata mundi* (Joan. I). Milvus vero quia rapax est, rapacis Balaam non immerito typum tenet, qui promissionibus Balaac provocatus, mutabat altaria, ut inde prospiceret qua parte malediceret populo Dei. Hujus tamen Dominus os aperuit, quando dixit : *Orietur stella ex Jacob*, etc. (Num. XXIII.) Ciconiam vero, quæ de venenosis animalibus vivit, Sybillam veneficam et incantatricem dicimus Erithræam; cujus tamen tale testimonium de Christo ponit Augustinus (52) dicens : *In manus infidelium veniet; dabunt Deo alapas manibus incæstis, et colaphos accipiens tacebit. Dabit ad verbera dorsum suum; fel ad cibum, et acetum in silium dederunt; hæc inhospitalitatis mensam ministraverunt*, etc. Quia igitur Spiritus ubi vult spirat, non est attendendum, quis loquatur, sed quid, quia Amalecites in itinere fessus, sumpto cibo factus est dux exercitus David, quia multoties terram lingentes, id est terram amantes, et temporibus satiati, quasi in itinere fessi, sumpto spirituali cibo fiunt ductores et doctores exercitus veri David. Tales sunt isti, de quibus sermonem proposuimus a principio, qui typum eorum gerunt in Ecclesia, qui bene prædicant, male vivunt. Unde bene Philisthai, id est potione cadentes, dicuntur. Et quid est verbum Dei, nisi quædam potio contra venenum diaboli? Hæc tamen potione cadunt, qui bene prædicant, male vivunt. Audituri quippe sunt illud Psalmistæ : *Quare tu enarras justitias meas? Tu vero odisti disciplinam, et projecisti sermones meos post te* (Psal. XLIX). Et tandem in fine : *Arguam te, et statuam contra faciem tuam*. Quia ergo bonum quod fit, non est ei bonum, a quo fit, sed ei cui fit; audiamus diligenter, quod dicitur est : *Facite plaustrum novum*, etc. (I Reg. VI.) Novum dicitur ad differentiam plaustris veteris, id est antiqui, quod inter quatuor rotas ab initio mundi cœpit volvi : quarum prima est volubilitas temporis, secunda mutabilitas ætatis, tertia vicissitudo affectuum, quarta instabilitas eventuum. Nihil enim in mundo stabile, quia Deus,

*Manens stabilis, dat cuncta moveri.* ↙  
(BOËT. De consol. philos.)

Oritur enim, sol et occidit, et gyrat per meridiem et flectitur ad aquilonem; et iterum ad locum suum revertitur. Ecce rota temporis. Rota vero ætatis, quod

A homo a terra incipit, et ad terram redit : ab infantia incipit, et ad infantiam redit; a fletu inchoatur vita ejus, et in fletu terminatur. Eventus autem mundi ita sunt instabiles, ut semper adversa prosperis, et prospera succedant adversis. Affectus quoque ita sunt instabiles, ut amor semper odio, et odium succedat amori. Inter istas quatuor rotas vita humana tanquam plaustrum oneratur, nunc feno, nunc cœno. Omnis enim caro fenum, cujus onus inter quatuor rotas volvi non cessat, dum vivitur. Peccatum vero cœno comparamus, quia sicut cœnum putredine sua parit vermes, et ex sua desiccatione fumeum calorem emittit, ita et peccatum. Isaias enim dicit : *Vermis eorum non morietur, et ignis non exstinguetur* (Isa. LXVI). Unde de talibus in Evangelio : *Ibi erit fletus, et stridor dentium* (Matth. XII). Ex fumo fletus, dentium stridor ex morsu vermium. O miseri, qui de tali cœno vitæ suæ plaustrum statuunt onerare!

B Ad differentiam igitur hujus plaustris, dicitur novum, illud videlicet, quod inter quatuor rotas Ezechielis volvitur : prima circa humanitatem Christi, secunda circa passionem, tertia circa resurrectionem, quarta circa ascensionem. Has rotas quatuor animalia volvere non cessaverunt. Unde scriptum est. *Quocumque ibant animalia, ibant pariter et rotæ juxta ea* (Ezech. I). Unde ex officio nomina sortita sunt. Primum enim in signum humanitatis habebat faciem hominis; secundum in signum passionis habebat faciem vituli; tertium in signum resurrectionis faciem leonis; quartum in signum ascensionis faciem aquilæ volantis. Sequitur.

C *Et jungite duas vaccas.* Sacramentum tantæ rei nobis aperiunt natura et utilitas. Natura, quia vacca ruminat, et findit unguilas. Utilitas, que quadruplex invenitur. Pelle siquidem sua munit pedes hominum, carne pascit dominum, lacte nutrit puerum, fumo impinguat agrum. *Audite hæc, vaccæ pingues, quæ habitatis in monte Samariæ* (Amos IV), quæ abjicitis suave jugum, quæ didicistis diligere trituram, non agriculturam : vaccæ lascivientes, non mugientes; quæ nec affectu ruminatis, nec effectu utiles estis. Attendite, qualiter ornatur affectus, qualiter proficit effectus. Ruminare, cogitando verbum Dei; discernite quod ruminatum est, ne quid admisceatur falsitatis. Ornate animas vestras affectibus; sed et effectibus corpora vestra. Si enim pauperes Christi, quasi pedes, munitis exterioribus vestris, quasi pellibus; si per carnis macerationem voluntatem Dei facitis, quod est pascere Christum; si lacte doctrinæ vestræ reficitis subditum : si tandem limo impinguatis agrum Dominicum; duas vaccas, id est animam et corpus, jungitis ad plaustrum novum. Sic enim caro spiritui, et spiritus jungitur carni. *Jungite duas vaccas, quibus non est impositum jugum* (I Reg. VI). Non dicit, omne jugum, indefinite enim loquitur, sed aliquod jugum

(31) S. Aug. in serm. De purificat.

(52) S. Aug., De civit. Dei, c. 23.

dicit, et bene. Est enim jugum naturæ, de quo legitur : *Grave jugum super filios Adam (Eccli. xl)*. Et est jugum disciplinæ : unde : *Jugum meum suave est (Matth. xi)*. Et præmisit dicens : *Discite a me*. Et est jugum culpæ ; unde : *Computrescet jugum a facie olei (Eccli. xl)*, id est deficiet peccatum a facie præsentiae Spiritus sancti. Et est jugum pœnæ. Unde Isaias : *Jugum enim oneris ejus, (Isa. x)*, etc. Jugum oneris, id est captivitatem æternæ pœnæ, devicisti. Quia ergo jugum naturæ devitare non possumus, nec disciplinæ debemus, si cavere volumus jugum pœnæ, caveamus, ne sit nobis impositum jugum culpæ. Sequitur :

*Et superponite arcam Dei.* Nota, quod dicitur arca Dei quadrupliciter. Est enim arca conservationis, arca conversationis, arca significationis, arca sanctificationis. De prima legitur : *Fecit Joiada magnus sacerdos gazophylacium in templo, et posuit in eo arcam, faciens in ea foramen desuper, ut in ea reservaretur pecunia ad sarta tecta templi resarcienda (IV Reg. xii)*. De secunda ad Noe : *Fac tibi arcam (Gen. vi)*, etc. De tertia dictum est ad Moysen : *Fac tibi arcam de lignis setim (Exod. xxv)*. In his omnibus mens sancta figuratur, in qua reservamus thesaurum, quem habemus in Christo, in quo sunt omnes thesauri sapientiæ et scientiæ absconditi, sapientiæ per divinitatem, scientiæ per humanitatem. Ipsa ergo fieri debet de lignis lævigatis per peccati immunitatem, politis per virtutum splendorem, bituminatis per gratiæ plenitudinem,

A compaginatis per concordiae unionem. In arca tali recondi debent aurea urna, per fidem humanitatis, manna, per fidem divinitatis. In ipsa recondi debent tabulæ utriusque Testamenti, et Deuteronomium evangelicæ veritatis. Hæc est arca sanctificationis, requies Dei, habitaculum Spiritus sancti. Est tamen alia specialis et singularis arca, quæ multo dignius, et aliis sublimius, est plaustro novo superponenda. Hæc est enim illa, in cujus laudem canimus :

*Beata mater munere,  
Cujus supernus artifex,  
Mundum pugillo continens,  
Ventris sub arca clausus est.*

(*Offic. Eccles.*)

Hæc est illa conservationis arca, in qua singulariter reconditus fuit cœlestis thesaurus, videlicet sapientia Dei Patris ; quæ de lignis, non tam levigatis, quam levibus, fuit, quia in utero matris sanctificata, ab omni peccato nata fuit immunis : quæ singularis gratiæ plenitudine, quasi de lignis politis resplenduit. Hæc est, quæ a diluvio aquarum illarum liberavit, de quibus dicitur : *Salvum me fac, Deus, quoniam intraverunt aquæ usque ad animam meam (Psal. lxxviii)*. Hæc est, in qua singularis urna humanitatis Christi recondita fuit ; divinitatis manna, verba disciplinæ, abbreviati verbi Deuteronomium tabulæ Testamenti. Quippe quæ conferebat omnia verba, quæ de Christo dicebantur, in corde suo. Superponite ergo eam amando, venerando, laudando, orando, ut intercedat pro nobis ad Dominum.

CIRCA FINEM SÆCULI XII.

# GAUFRIDI

APUD SANCTAM BARBARAM IN NEUSTRIA

CANONICORUM REGULARIUM SUBPRIORIS

## EPISTOLÆ

ET VARIORUM AD IPSUM.

(Dom MARTEN., *Thesaurus Anecdact.*, tom. I, col. 494, ex ms. Lyrensis monasterii.)

### EPISTOLA PRIMA.

JOANNIS ABBATIS BAUGEZEI AD GAUFRIDUM ABBATEM.

*Deflet onus pastorale sibi impositum.*

Domino reverendo et totius exhibitione venerationis excolendo G. quondam priori nunc autem coabbati de Baugezeio (1) frater J. servorum Christi

(1) Baugezeium, vulgo *Baugercy*, monasterium lupensi tribus distans leucis.

C qui in eodem degunt cœnobio servus immeritus quidquid tanto potest exorari tantillus.

Maximum his qui in dolore positi sunt solet esse remedium, si cum aliquo de ejus dilectione præsumunt, mutuum possint habere colloquium. Quia vero tanta terrarum spatia nos arcent et impediunt

ordinis Cisterciensis in diœcesi Turonensi a Villa-

a locutione mutua, grandis mihi visa est esse consolatio, si saltem per litteras anxietatem cordis mei vobis patefecero. Ego enim qui vix me ipsum regere, vix hædos meos pascere, vix carnis motus, vix mentis irrationabiles impetius poteram refrænare, nunc aliorum innocentiam judicare, alienis moribus deservire, meliorum vitam disponere, doctiores me compellor instruere. Et hoc contra sententiam Apostoli dicentis: *Si quis domui suæ præesse nescit, quomodo Ecclesiæ Dei diligentiam habebit?* (I Tim. iii.) Mihi ergo potest illa sententia coaptari. *Posuerunt me custodem in vineis, vineam meam non custodivi* (Cant. i). Qui ergo quondam nutriebar in croceis, nunc amplexor stercora, et quæ prius tangere nolebat anima mea, nunc cibi mei sunt præ angustia. Qui enim prius spiritualibus studiis intentus fueram, nunc temporalibus commodis inhære et terrenis curis cogor insistere. Hæc sunt, Pater charissime, quæ mentem meam stimulant, quæ assiduis doloribus cruciant, quæ me quiescere non sinunt, quæ non dormientia me comedunt. Expandite ergo mihi viscera vestræ charitatis et socius estote tribulationis, ut particeps sitis consolationis. Valetate et pro me qui vester sum, Deum exorate. Esse vero nostrum quod in facie est vobis patefacere poterit præsentium hajulus, ne vos detineam prolixis sermonibus. Salutant vos vestri, ad quos videados quam citius poteritis fatigari non dedignemini.

Consolator abi, quia luctu vincor et ira,  
Iram qui didici vincere sæpe Iyra.

Timothæo :

Verbera patris habes, ubera matris habe.

Tito :

Ubera matris habes, verbera patris habe.

## EPISTOLA II.

GAUFRIDI AD JOANNEM.

*Superiori epistolæ respondet.*

Venerabili Patri et domino J. abbati suo suus omnino GAUFRIDUS, Spiritum consilii et consolationis.

Susccepimus et legimus litteras vestras, quæ pro verbis lacrymas fluebant. Vidimus namque in eis nubem more suo in altum volantem, sed quandam caliginem tristitiæ ferentem. Unde et duo quædam diversa pariter et adversa in mente nostra subito pepererunt, compassionem videlicet et gaudium; compassionem de afflictione vestra, gaudium de promotione vestra. Sed facile dolorem compassionis magnitudo lætitiæ temperando delenivit. Gaudeo igitur et congratulor vineæ nostræ, cui vos auctore Deo et præesse contigit et prodesse. Nam ibidem paternitate vestra in eminenti specula, constituta dabitur ei a Domino sub vestro regimine et ramos suos expandere, et florere et fructus facere. Ab ipso namque adolescentiæ vestræ tempore consuevistis stare super vias vestras et interrogare de semitis antiquis. A primævo, inquam, juvenutis flore meruistis habitare in hortis, nutrirî in croceis, conversare in vineis, ubi et audistis et vidistis et ex-

A perientia magisterio didicistis quomodo vos oporteat operari. Nostis ergo sarmenta inutilia præcidere, ut ea quæ prævalent uberius fructus ferant. Nostis maceriam circumdare, in vineis torculara fodere, et in medio turrim ædificare, nec deerit larga patrifamilias manus, quæ sumptus tribuat ad perficiendum. Merito ergo posuerunt vos custodem in vineis qui optime nostis quid expediat vineis. Confortamini ergo in Domino et in potentia virtutis ejus. Sed ecce de labore conquerimini tanquam jam extædiatus; tanquam jam fatigatus in tribulatione malorum et dolore sub onere regiminis anhelando ingemiscitis, difficultatis causas allogatis, de quibus dicitis: Hæc sunt, charissime, quæ mentem meam stimulant, quæ assiduis doloribus me cruciant, quæ me quiescere non sinunt, et quæ non dormientia me comedunt. Sed patienter ferre vos convenit curas quas de vobis exigunt membra Christi, quibus vos et timor ejus et charitas servire compellet. Rogamus ergo vos in his aliquanto consolatus agere, vigilantius attendere; quoniam, ut Apostolus ait, *in his positi sumus* (I Thess. iii). Magnam ipse æstimat gratiæ donativum Christi passionibus communicare, unde et Philippenses instruens: *Vobis, inquit, donatum est pro Christo non solum ut in eum credatis, sed etiam ut pro illo patiainini* (Phil. i). Hæc sunt et his similia quæ vos volumus de thesauro Scripturarum ante mentis oculos reducere, quoties tribulationis mæror advenierit. Non vobis excidat apostolica consolatio, *quoniam non sunt condignæ passiones hujus temporis ad futuram gloriam quæ revelabitur in vobis* (Rom. viii). In qua præsumptiva jucunditate Propheta fideliter exsultans ait: *Lætati sumus pro diebus quibus nos humiliasti, aquis quibus vidimus mala* (Psal. lxxxix). Hoc itaque terrorem apostolicum ingerit, sed ignaras præmunit, sed desiderium tollit, sed materiam victoriæ proponit, cum dicit: *Omnes qui pie volunt vivere in Christo, persecutionem patientur* (II Tim. iii). Animæquor igitur estote, faciatisque de necessitate virtutem, de tribulationibus coronam, quas æquanimitè tolerando levigare poteritis, fugiendo effugere non poteritis. Ergo viriliter agite, et confortetur cor vestrum, et sustinete Dominum. (Quod si solatium queritis in expediendis forinsecis quibus occupamini et gravamini exercitiis, habet usus et auctoritas, ut nostis in personas subordinatas priorem et subpriorem et alios officiales curam et onera regiminis dispartiri, ut et exteriora communis vitæ subsidiis ex ordine serviant, et interiora spirituales fructus juxta regulam observent. Ita plane frequentius poteritis secretum speculatiæ reperire libertatis, in qua supernæ vobis claritas arrideat visionis; ad illa revolare quietis culmina, quibus secreta cœlestia cordis manu tangatis, quibus superna gaudia incorporaliter videatis. Ego vero ex quo litteras vestras accepi, ex quo huic vos honori, imo oneri deputatum cognovi, cum accedo ad sacra missarum solemnina celebranda, memoriam vestri facio semper

in orationibus meis, obsecrans ut clareatis studiis Deo placitæ actionis. Parvitati meæ paternitas vestra vicem dignabitur rependere, si et vos simili modo oretis pro me, et diligatis me diligentem vos sicut me. Valete

His famulatur honor qui non famulantur honori,  
Jure tenet virgam, cui non est virga timori  
Diligit ille Rachel; nec Liam ferre recusat  
Uxorinque novus ducit utramque Jacob

### EPISTOLA III.

GAUFRIDI AD MONACHOS BAUGEZIENSES.

*Congratulatory eis quod ad monasterium recenter fundatum tandem advenierint, laudatque eorum solitudinem.*

Dilectis in Christo fratribus Baugeziensis cœnobii G. vestræ sanctitatis servus cor unum et animam unam in Domino.

Impletum est gaudio os nostrum et lingua nostra exultatione, audito adventu vestri sancti conventus in locum quem præparavit Deus vobis ad serviendum sibi. Benedictus ipse qui vos in regione satis pacata habitare fecit. Decet enim filios pacis, pacis regionem inhabitare. Ecce a tumultu sæculi segregati elongastis fugientes, et manetis in solitudine; fugistis enim, sicut in Isaia legitur, a facie gladii imminuentis, a facie arcus extenti, a facie gravis prælii. Laudabilis fuga hæc, sic fugit Elias a facie Jezabel. De fuga ita dicitur: *Fugite de medio Babylonis, popule meus (Jer. Li)*. Manetis itaque cum eis qui secundum Job ædificant sibi solitudines. Desertum enim est cor vestrum, quia longe est a strepitu et tumultu vitiorum, et non conculcatur frequentia cogitationum, sed virens permanet et floridum, et producit germina virtutum, atque in eo canit turtur Spiritus sanctus. Ibi a vobis diligentibus legem Dei pax multa possidetur, multa in tranquillitate scilicet mentis et gaudio contemplationis; illam Deus in plebem suam, istam autem super sanctos suos loquitur. Illa enim in homine, ista supra hominem est. Electa igitur et dilecta est a vobis solitudo, ut soli Deo vacans anima purgatis affectibus ad cœlestia evolet, et dulcedinis supernæ suavitatem prægustet. Ibi ferreat iter sanctarum fornicarum, fragret opera sanctarum apum, feratur fructus in patientia, cum virtute perseverantiæ. Ibi illud manna cœlestis mentes vestras reficiat, quod in cruce factum est pretium, in peregrinatione viaticum, in patria futurum est præmium. Ibi Deus verba legis in tabulis cordis vestri misericordiæ suæ digito conscribat. Ibi tabernaculum fœderis, arca Testamenti construatur, ut quidquid illa velamina tabernaculi materialis in splendore auri, in nitore gemmarum et multimodi operis varietate signabant, in vestris moribus actibusque clarescat. Ibi juguletur luxuria, omnisque feriat libido. Offeratur pro turturibus sacrificium castitatis, pro pullis columbarum innocentiae puritas. Ibi odoramenta orationum in libatorio vasibus aurei, angelico comitante juvamine, ad Patris

A thronum conferatis. Ibi et pro nobis oretis digni exaudiri. Cum magno namque sacrificio acceditis ad Deum sinceræ dilectionis, et laudes ejus in operibus sanctis offertis. Obsecro autem, fratres, ut sufferatis verbum solatii, ut enim verbis B. Augustini utar, de nulla re sermo fructuosior vel impenditur, vel rependitur, vel accipitur, vel recipitur, quam unde boni beatique sumus. Ipse autem Deus sit vobis honor, sit gaudium, sit voluptas, sit in mœre solatium, in ambiguitate consilium, in injuria defensio, in tribulatione patientia, in infirmitate medicina. In ipso habeatis omnia quem diligere appetitis supra omnia. Et quia in illo loco ad serviendum ei devotionis animis convenistis, spirituum gaudiorum et æternorum præmiorum vobis munera reportetis. Valete.

Felices in sorte sua quos terminus arceat

Et quibus est contra maxima grata quies

\* Pudore: Mens tua sit turtur, pro simplicitate  
[columba.]

Sic accepta Deo, sic fies hostia sancta.

### EPISTOLA IV.

AD JOANNEM ABBATEM.

*Hortatur ut vitia in monasterio viriliter reseret, et delicta puniat.*

Venerabili abbati JOANNI, SUUS omnino G. nominis sui gratiæ consonare.

Legimus sanctum Moysen a viro apostata, a sacerdote scilicet idolorum consilium accepisse de potestatibus ordinandis; et inde, sicut ait Scriptura, loquebatur Deus Moysi facie ad faciem, sicut solet homo loqui ad amicum (Exod. xxxiii). Sed vir sapiens, vir discretus et providus, non sprexit verbum bonum, consilium bonum viri licet gentilis, sed fecit omnia quæ suggererat ei: vir, inquam, infidelis fidelis fidele consilium fideliter accepit, sique factum est ut infecundus fecundaret sterilem, et injustus plus justificaret justum. Hæc idcirco præfatus sum, ne sanctitas vestra ea quæ dicenda sunt propter personæ proferentis indignitatem, seu minus laudabilem conversationem respuenda censuerit. Non quis dicat, sed quid dicatur attendite. Super speculam Domini statis. Posuerunt enim vos custodem in vineis, ut contemplerini diligenter et multo intuitu ne quid noceat, quid prodesse valeat, et ut capiat vulpes parvulas quæ demoliantur eas. Scienti loquor. Ollicii vestri est sarmenta inutilia præcidere, ut ea quæ prævalent, uberius fructus ferant. Denique tempus putationis advenit, observare debetis ne singularis ferus depascatur vineam Domini Sabaoth, cui præestis, ne vindemient eam qui prætergrediuntur viam. Sub te cultore sterilis ficus refloreat, et in gratiam cum suo redeat Domino, ejus minas et securim formidat. Vestrum est circa illam fodere, stercus ponere, et ne resivescat sollicitè providere. Non gero personam docentis, sed monentis. *Stultum est enim, ut Hieronymus ad Eustochium ait, docere quod novit ille quem doceas.* Novit prudentia vestra, quod Heli.

propter filiorum iniquitatem damnatur. Noverat enim indigne agere filios suos, et non corripuit illos. Quod ne forte vobis (quod absit!) contingat, mentem vestram salubriter zelus domus Domini comedat, quæ cum Moyse commineatur, et dicat: *\* Inebriabo sagittas meas sanguine, et gladius meus devorabit carnes (Deut. xxxii)*. De hoc gladio Propheta: *Maledictus, inquit, qui prohibet gladium suum a sanguine*, id est verbum a peccati correctione. Sed, dicit aliquis: Si subditum delinquentem prælati arguat, plerumque timet ne de correctione peior fiat, et ne illius odium incurrat. Hunc timorem Deus consolatur, ipse enim ait: *Animam tuam liberasti, et bonum tuum ad te revertetur (Ezech. iii)*. Inde quidam sapiens: *Offendere, inquit, hominem, propter Deum, lucrari est gratiam Dei*. <sup>B</sup> Apostolus ad Titum: *Hæc loquere, inquit, et exhortare, et argue eum omni imperio (Tit. ii)*. Taliter a prælati agendum est erga delinquentes subditos, ne dicatur de eis: *Canes muti, non valentes latrare (Isa. lvi)*. Quam multi faciant fetere odorem suum, quibus a magistris exteriora negotia injuncta sunt, et eis male agendi occasionem subtrahere nolunt, fiuntque participes malorum, quia ponunt eos cæteris in lapidem offensionis et petram scandali. *Providemus, ait Apostolus, bona, non tantum coram Deo, sed etiam coram hominibus (Rom. xii)*; qui autem negligit famam suam, crudelis est. Sed o quam rarus hodie Phinees, qui perfodiat impudicos; rarus Moyses, qui occidat sacrilegos; rarus Samuel, qui inobedientes lugeat; rarus Job, qui pro filiorum negligentia sacrificium offerat; rarus Aaron, qui coram Pharaone divinas comminationes edicat; rarus Noe, qui his quibus submersio imminet arcam bitumine litam provideat. Det Deus ut congregatio fratrum vobis commissorum divini spiret suavitatem odoris, et fiant fructus ejus fructus honoris et honestatis. Quotidie fiat aquilo, non tantum floribus, sed et fructui suspectus et foliis. Igitur auster veniat, qui perflet hortum vestrum, ut efficiatur odor ejus sicut odor agri pleni, cui benedixit Deus. Amen. Non vos offendat arida paginæ facies, et litterarum color exsanguis. *Sensum, non verba perpendite; nam sicut ait ille:*

*Fructu, non foliis pomorum quisque cibatur,  
Et sensus verbis antefereendus erit.*

Sæpius in vili virtus latet obruta panno.

Sæpius in vili sunt bona multa domo.

Est pietas punire scelus, scelus est sceleratis

Parcere, nil pietas hæc pietatis habet.

#### EPISTOLA V.

AD EUMDEM.

*Petit ut saltem per litteras eum visitet.*

Venerabili abbati suo J. frater G. oculos semper habere ad Dominum.

Illustri ac probatæ religionis viro abbate (2) S. Andreæ referente cognovimus quia cum ex capi-

(2) In Goferno, gallice *en Coufer*, ordinis Cisterciensis, in diœcesi Sagiensi, quod monasterium ubi et Savigniniensi.

A tulo Cisterciensi rediretis, ad nos venire proposuistis; quæ plane relatio auditui meo dedit gaudium et lætitiâ; desiderio enim desideravi videre faciem vestram, et ore ad os loqui; sed iter vestrum, ut arbitror, impeditit nebulosi temporis tam molesta turbatio. Effusa est enim contentio super principes, et errare facit multos in invio, et non in via. Obsecro autem ut si quem forte de partibus vestri ad nostras venire cognoveritis, saltem per litteras vestram nobis exhibeatis præsentiam. Verba sunt Hieronymi, viri, ut nostis, probabilis, \* vitæ merito, et singularis sapientiæ titulo celeberrimi. Turpilii comicus tractans de vicissitudine litterarum: *Sola, inquit, res est quæ homines absentes præsentem faciat*. Nec falsam dedit quam in se noverat sententiam. Quid enim, ut ita dicam, tam præsens, quam per epistolas alloqui, et audire quem diligas: unde et illi rudes Italiæ homines, quos Cassos Cennius appellat, et qui sibi, ut in *Rhetoricis* Cicero ait, victum ferro requirebant, ante chartæ et membranarum usum in delolatis ex ligno codicellis, aut in corticibus arborum, mutua epistolarum alloquia musitabant [*missitabant*]; unde et portitores earum tabellarios et scriptores a libris arborum librarios vocavere. Quanto ergo expolito jam artibus mundo, id non debemus omittere, quod sibi præstabant apud quos erat cruda rusticitas, et qui ipsam quodammodo humanitatem nesciebant. Innocentius papa in Epistola decretali ad Aurelium Carthaginensem: *In familiaribus, inquit, scriptis, dilectio vestra consistit, etenim ait, jus firmius charitatis officia melius seorsum mereantur*. Item Hieronymus in Epistola ad Tranquillinum: *Vere, ait, et simpliciter \* candidissimo pectori tuo loquor, ipsa schedula, et multi apices litterarum inspirant in nos tuæ mentis affectum*. Unde et ipsius beati Hieronymi verba ad quemdam specialem amicum directa assumo, et ea apud vos mea facio: *Quomodo, inquit, valeo pro me vobis litteras repræsentare, et si corpore absens, amore et spiritu venio. Impendit exposcens ne nascentes amicitias, quæ Christi glutino cohæserunt, aut temporis aut locorum magnitudo divellat, quin potius sæderemus eas reciprocis epistolis. Illæ inter nos currant, illæ sibi obviant, illæ nobiscum loquantur, non nullum perditura erit charitas, si tali secum sermone fabuletur*. Noverat siquidem sæpeditus doctor, et frequenter expertus fuerat quod soleat quiddam movere jucunditatis pia inter amicos colloquutio, dum intereurens littera mirabile quoddam genus præsentis facit. Ea enim dum scribentis animum induit, non modo ab amico transmissa, imo totum fetens amicum transcurrit. Hæc ideo, Pater charissime, loquor, quia super incolumitate vestra et super statu domus vestræ, quam specialiter diligo, et licet corpore absens, anima et spiritu nocte dieque convensor, erudiri vellem vestrarum recursu litterarum, nisi vobis ita

exosa est Normannia, ut litteras quoque vestras A  
nunc venire formidetis. Ego quidem litterario sæpe  
vos provocavi officio, et vix unam a vobis prome-  
rui schedulam. Expergiscimini, evigilate de somno,  
præstate vestras schedulas charitati. Magnum hic  
desiderii mihi erit solatium, si litteras vestras vel  
semel in anno accipiam. Aperiens Deus thesaurum  
suum optimum, abundare vos omnibus faciat bo-  
nis, fratres qui nos cognoscere et amare dignan-  
tur, juncto salutamus obsequio. Valet.

Felix qui donis tantæ virtutis abundat,

Ejus enim mentem vix ulla molestia turbat.

\* Vive prebor, sed vive Deo; nam vivere mundo  
Mortis opus, viva est vivere vita Deo.

\* Tam felix utinam quam pectore candidus esseni,  
Exstat adhuc nemo saucius ore meo.

### EPÍSTOLA VI.

JOANNIS AD GAUFRIDUM.

*Superiori epistolæ respondet.*

JOANNES Dei permisso abbas S. Mariæ de Bange-  
zeo dilectissimo atque inter omnes quos maxime  
diligit præcipuo G. videlicet subpriori S. Barbaræ,  
quidquid est, et plus, si posset in Domino.

Quoties litterarum vestrarum pia exauditio nostri  
corporis percussit aures, toties dulcis vestri memo-  
ria cordis nostri internum pulsat amorem: in tan-  
tum ut, si fieri posset, non solum interna vestra  
charitas nobis per litteras loqueretur, sed etiam  
optamus ut ipsa vestra corporalis præsentia contin-  
ua exhiberetur. Sed quia abundante discordia C  
regum, et malitia hominum, nobis ad præsens liber  
accessus non conceditur, quod præsentia corporum  
non possumus, vinculis charitatis conceptum amo-  
rem mente integra servare studeamus. De obitu vero  
domini N. quem a nobis notum fieri vobis postula-  
stis, per præsentem litteras mandamus ut iv Idus  
Septembris ejus anniversarium cum debito officio  
charitatis annuatim facere studeatis. Bene valeatis  
in Domino semper. Amen.

Si culpa est in eo quam sit purgare necesse,  
Purget, et æternum purgato dei Deus esse.

### EPÍSTOLA VII.

GAUFRIDI AD JOANNEM ABBATEM.

*Conqueritur de brevitate epistolæ; indicat biblio-  
thecam Cadomi, si velit, emendam, et significat  
obitum sui cellerarii.*

Venerabili abbati suo J. G. vestræ sanctitatis  
servus, salutem eam quæ vera est.

Dilectionis vestræ scripta suscepi, quæ cordi meo  
amoris melle condita sapuerunt. Legi avidè, liben-  
ter relego, et placent sæpius repetita. De hoc so-  
lum conqueror, quod ei qui vos multum diligit,  
quemque multum diligitis, tam pauca, tamque bre-  
via direxistis. Raro ad nos loquimini, prolixiorum  
vellemus sermonem. Desiderarem a vobis audire  
quod mores nostros instrueret, quod tædium nostræ  
peregrinationis relevaret, quod nos ad amorem  
patriæ cælestis accenderet. Notum autem vobis  
facio quod bibliothecam optimam, de qua jamprisi-

dem scripsi vobis, adhuc, si volueritis, apud Cado-  
mum invenire poteritis: quam fortassis inarrasse-  
mus, sed in litteris vestris nihil inde nobis man-  
dastis. Major cellerarius noster, qui erexit muros  
nostros, et ædificavit domos nostras: vir magni  
nominis et multæ probitatis, hominem exiit. Ea-  
propter supplicamus paternitati vestræ, ut pro eo  
una cum fratribus, maxime intra sacrarum solem-  
nia preces fundatis ad Dominum. Singulariter nam-  
que, ut beatus Gregorius ait, ad absolutionem  
nostram ablata cum lacrymis et benignitate mentis  
sacri altaris hostia suffragatur. Commendate me  
orationibus sanctis conventus Bageziensis. Salutate  
eum prius ex me servo omnium, si dignum judica-  
tis. Propitius sit mihi Deus, ut non amoveat ora-  
tionem vestram et misericordiam suam a me, sed  
actus meos clementer corrigat, vitam emendet,  
mores componat, et me una vobiscum ad cælestis  
paradisi hæreditatem perducatur. Amen. Gaudete in  
Domino semper.

Huic sine noctediam, vitam sine morte, quietem  
Det sine fine, quies, vita, diesque Deus.

\* Hostia pro justis, laus est pro justificandis,  
Cautio pro reliquis, causam agit alterius.

### EPÍSTOLA VIII.

AD RIC. PRESBYTERUM.

*Varia dat ei monita.*

Venerabili amico suo et compresbytero Ric. fra-  
ter G. salutem quam sibi.

Relatum est nobis quod contubernium, ut credi-  
mus, habens Dei, ab episcopi contubernio recess-  
istis. Graves vobis erant superbientium mores mi-  
nistrorum, quo gravi reprehensionis cauterio  
inurere solebatis. Legeratis enim: *Qui arguunt,  
laudabuntur, et super ipsos veniet benedictio (Prov.  
xxiv)*. Et illud: *Offendere hominem propter Deum,  
lucrari est gratiam Dei*. Legimus beatum Hierony-  
mum ex Romana urbe a quibusdam clericis et  
monachis, quorum vitia reprehenderat, fuisse des-  
pulsum. Hujusmodi causa, ut nostis, sacer Baptista  
capite plexus est, multique sancti multa gravia per-  
pessi sunt. Verba quippe sapientium quasi stimuli  
et quasi clavi in altum defixi. Nesciunt enim vitia  
palpare, sed pungere. Quibusdam autem verba ju-  
storum pungitiva tantum sunt, non sanativa; aliis  
vero pungitiva sunt simul et sanativa; et sicut boni  
meliores, ita et mali ex correctione pejores fiunt.  
Verum hæc hactenus. Cæterum quod mandastis no-  
bis, ut vobis scriberemus quid agere deberetis.  
Laudamus ut si vobis cordi est, ut iterum cum  
episcopo sitis. Per decanum Lexoviensem, sive per  
alias personas quas ad hoc nostis idoneas, illum  
conveniat, et gratiora et devotiora illi vos exhi-  
bituros obsequia spondeatis. Quod si non de hoc,  
sed de salute animæ vestræ consilium quaeritis,  
Dominicis verbis vobis breviter respondebo: Præ-  
cepta nostis, habetis doctrinam sanctorum Pa-  
trum, habetis Moysen et prophetas, audite illos.  
Nostis etiam consilium dicentis: *Si vis perfectus*

*esse, vade, vende omnia quæ habes, et dà pauperibus, et habebis thesaurum in cælo (Matth. xix).* Sed si hæc adhuc percipere non potestis, vestris licite utimini. Potestis in sæculo esse, et non sæculariter vivere; habete libertatem, sed videte utrum habere possitis felicitatis æternitatem. In hoc mari magno et spatio Spiritus sancti aura vos provehat, et ad portum optati littoris prosequatur. Gaudete in Domino semper.

Sit levis ventus, placidum mare, lucidus aer,  
Solers nauta, tenax anchora, firma ratis.

## EPISTOLA IX.

AD G. EPISCOPI WIGORNIENSIS CAPELLANUM.

*Hortatur ad mundi contemptum.*

Venerabili amico suo G. domini Wigorniensis capellano, G. S. Barbaræ dictus subprior valere in Domino semper.

Gratias ago benignitati vestræ, quia, sicut scribitis, arctiori vinculo charitatis ad diligendum me plus solito mens vestra excitata est. Recaluit et meus aninus erga vos, fatus vestræ visceribus charitatis, et nunc quod placuit scribere obviis manibus suscepi, legi avide, libenter relego, et placet sæpius repetitum. Gratanter etiam vestrum amplector promissum; posuistis enim in sine litterarum vestrarum, cum aliquis vestrorum ad nos iterum venerit, si nobis tempus vacuum fuerit, benignitati vestræ nobis in Domino dilectæ prolixius scribere, in sine schedulæ religiosi cujusdam verbis utens. Hortari vos in charitate præsumo, ne casum gloria mundi, quasi stantem aspiciatis, et vere stantem amittatis; ne vestra plus vobis diligatis, et sic vos et vestra perdatis; ne blandiens præsens prosperitas sui vobis finem abscondat, et adversitas sine fine succedat; ne lætitia temporalis luctum vobis æternum, et operiat quem parit, et pariat quem operit; ne mors longe esse putetur, et (quod absit!) præoccupet improvidum, juxta illud: *Cum dixerint, pax et securitas, tunc repentinus superveniet interitus et non effugient (I Thess. v).* Det autem Deus vobis, ut post tempora feliciter dilatata, percipiatis gaudia sempiterna.

## EPISTOLA X.

AD GAUFRIDUM AMICUM SUUM.

*Significat pacem factam inter Angliæ regem et ejus filium.*

Dilecto suo G. frater G. exitus delectabiles matutini et vespere.

Editis jam litteris quas dilectioni vestræ destinare proposueram, quia nuntium vestrum festinantius transfretare credebam, ecce subito regionibus nostris lux nova oriri visa est, divinaque clementia pectoribus mæstis clarissimum lumen infudit. Nam concordia facta inter regem et filios ejus, pax peregrinata diu hilari vultu nostris se intulit sedibus. Ad natale solum vestri redeunt, illud nobile castrum natalitatis vestræ reedificatur, et in eo passim nova tecta consurgunt. Gratias justo et misericordie Creatori, qui vulnerat et medetur; percu-

lit, et manus ejus sanat. Huic vos summopere placere curetis, ut post grandia hujus magni et spatiosi maris pericula, mereamini tutissimum cœlorum intrare portum.

## EPISTOLA XI.

AD FRATREM GENIBUS DEBILEM, ET IN QUIBUSDAM A SE DISSENTIENTEM.

*Solatur eum et exhortatur ad patientiam.*

Si qua consolatio in Christi, si quod solatium charitatis, si qua societas spiritus, si qua viscera miserationis, imple gaudium nostrum, ut idem sapias, eandem charitatem habeas, unanimis idipsum sentias. Et quidem sagittæ Domini in te sunt, et manus illius aggravata est super te; sed si pacatum reddideris habitaculum tuum, et oleum in vase tuo recondideris, et omne sacrificium tuum sale condieris, qui vulneravit, ipse medebitur, qui percussit, ipse curabit te, aut certe ipsa detrimenta membrorum tibi fient augmenta virtutum. Libenter cum Paulo gloriaberis in infirmitatibus tuis, ut inhabitet in te virtus Christi. Dubitabis quid magis expediat, sanari, an infirmari. Infirmitas hæc non est ad mortem, nisi (quod absit!) curvare velis genua ante Baal. Reditum tuum speramus quam celerem. Revertere ad nos indubitanter; revertere similis factus capræ hinnuloque cervorum super montes aromatum. Genua debilia roborentur, salias in montibus, transilias colles. Sufficiat tibi quod tandiu in illa Babylone conversatus es, et purpuratæ meretricis fuisti colonus. Nolumus civem nostrum tandiu intra ipsius Babyloniæ fines concludi, sed cum Abraham de terra Chaldæorum, cum Lot de Sodomis, cum Israel egredi de Ægypto, ut ad reedificandos novæ Jerusalem muros, quos Nabuzardan atque universus Chaldæorum exercitus crebris ictibus feriens ad solum usque destruere se posse sperabat. Esdras se nobis exhibeat, et Neemiam coadjutorem videlicet et consolatorem. Valeas in Domino et convalescas.

Est aliquando bene bene ne gravibus superetur.

Est male quo maculas lavet, adversisque pietur.

Est aliquando male bene quo gravior feriat.

Est male quo redeat vel ut hic utroque jam patiat.

## EPISTOLA XII.

AD BARTHOLOMÆUM.

*Docet qua ratione ambulandam sit in via Domini.*

Domino BARTHOLOMÆO, frater G. sanctæ Barbaræ dictus subprior, salutem et boni propositi perseverantiam.

Audivimus, et gavisus sumus de conversione et conversatione vestra, et oramus ut gaudium nostrum sit plenum de propectu et perseverantia vestra. Recalescatis igitur igne Dei, et convalescatis de infirmitate. Refloreatis in novitate sancta. Spiritus sanctus adsit cordi vestro subtiliter operans, salubriter mutans, qui sua gratia de malis bonos, de bonis elicit meliores. Fateor, bene fecistis nobis, nec ingrati sumus. Quandiu conversati sumus in terra vestra, unde et ardentius habere concivem vobis

desideramus in patria nostra. Cœpistis ingredi viam quæ ducit ad vitam illam, videte ne declinetis ad dextram, sive ad sinistram; arcta quidem et angusta, sed processu temporis dilatato corde, inenarrabili dilectionis dulcedine, curritur, sicque quodam modo lata videtur: arcta in ingressu, lata in processu. Per ipsam autem non ambulant, nisi expediti. Tria vero, sicut ante nos dictum est, sunt impedimenta itineris hujus: tumor scilicet superbiæ, pondus avaritiæ, mollities luxuriæ. Quibus e contra tres, humilitatis, patientiæ et paupertatis gradus opponuntur. Nos itaque paupertas expeditos, humilitas modicos, patientia reddat robustos; sicque cantabimus in vis Domini: *Quam magna est gloria Domini!* (Psal. cxxxvii.) Non appareat in nobis ultra vacua crux Christi, quemadmodum in multis filiis diffidentiae, qui tardantes converti de die in diem, improvisa morte subtracti, in puncto descendunt ad inferos. Vilescat gloria præsens. Sapientia mundi, quæ in vobis, quantum ad sæculum plurimum viguit stultitia iudicetur. Charorum et parentum renuntietur affectibus, non acquiescat carnî et sanguini; favores et honores, et dignitates reputentur ut stercore, ut Christus lucrifiat. Hæc est via, ambulate in ea. Quæ super terram sunt sapuistis, a modo quæ sursum sunt sapite. Olim nobis, dicere solebatis: Deus det vobis meliorem sensum. Et ego vobis dico: Augeat Deus in vobis optimum sensum, videlicet ut sentiatis de Domino in bonitate, et in simplicitate cordis quæretis illum. Istis paucissimis, quæ de Patrum fontibus hausî, in charitate exhortari præsumpsi dilectionem vestram, quia pure et simpliciter vos diligo. Sed ecce interdictandum, ad memoriam forte rediit quod intersero. Magister W. cognomento *Tuobe* (bene, ut arbitror, de illo audistis loqui, quia splendor operis, et odor opinionis in ejus gloria convenientes, illum notissimum reddiderunt), non longe a nostra domo mansit; ad quem cum aliquis venisset, dicens se velle sæculo renuntiare, et jugum religionis subire: Bene, aiebat, docebo te brevibus verbis omnem ordinem tuum: Non audias, non videas, asini morem habeas, hez huc, hez illuc, comede præbendam tuam; ita cantare poteris: *Ut jumentum factus sum apud te* (Psal. lxxii). Intelligitis quæ dicuntur; dedit enim vobis Deus intellectum. Non refrigescat amor vester erga locum Baugezeii, sed diligite illum, sicut semper facere solebatis. Amodo affectum a vobis quærimus, non censum. Cum illuc perrexeritis, quæso ut fratres quos ibi reliqui, et exhortari et consolari curetis. Vellem, si fieri posset, ut veniretis ad nos, et aliquantulum temporis faceretis apud nos: multa audiretis, multa videretis, quibus proficeretis. Valet, domnumque abbatem, et cæteros fratres nostros, si dignum ducitis, vice nostra salutate. Fervor \* cœlestis desiderii, in ve-

stra mente quotidie ardentius excreseat, operaque vestra sale devotionis et dulcedine spiritualis gratiæ condiantur. Amen. Iterum valet.

Gaudebas dapibus, gaudebas divite mensa;

Nunc tenuem victum sobria cœna dabit.

Terram contempnas, qui cœlum quæris habere,

Si mansura voles, hic fugitiva fuge.

\*\* Non dabitur segni cœlestis gloria regni,

Non dabitur lento, sed forti, sed violento.

#### EPISTOLA XIII.

AD PETRUM AMICUM SUUM.

*Hortatur ad assiduum Scripturæ sacre lectionem.*

PETRO (3) suo G.

Opportunitate reperta meritis vestris reddens salutis obsequium, hortor ut divinæ Scripturæ non minorem quam soletis curam impendatis. Ut enim beati Augustini verbis utar, sincera et solida res est, nec fucatis eloquiis ambit ad animum, nec ullo linguæ tectorio aliquid inane et pendulum crepitat. Multum movet non verborum, sed rerum avidum, et multum factura securum. In ea et prava corriguntur, et parva nutriuntur, et magna exercentur ingenia. Si autem gratum fuerit, ut iterum vobis scribam, scribite ut rescribam. Sed fortasse dicitis: Nolo intuitum tuum defendat arida paginae facies et litterarum color exsanguis. Nolo, inquam, inter victrices hederam tibi serpere lauros. Ad quod respondemus: Non petimus nos aut lascivire cum Sidonio, aut venare cum Hortensio, aut involvere cum Martiano. Sunt qui eloquentiam eloquenter dissimulant, tantumque orationi venustatis accumulāt, quanto se id agere negant. Nihil horum nobiscum ludere libeat, dum hoc devotioni vestræ sufficiat, ut simplici tantum littera festivitate discurrat. Valet et vestris me precibus Domino commendate. Hæc sunt enim salutares victimæ, vota placabilia, holocausta medullata, pinguis sacrificia, aromata resolentia, quæ offeratis super altare aureum quod est ante oculos Domini.

Vitis ut arboribus decor est, ut vitibus vitæ,

Ut gregibus taurus, segetes ut pinguibus arvis,

Tu decus omne tuis.

#### EPISTOLA XIV

AD WIGORNIENSIS EPISCOPI CAPELLANUM.

*De familiari descriptione epistolarum et mundi contemptu.*

Dilecto dilectori suo (4) G. domini Wigorniensis capellano frater G. cognomento de Britolio salutem eam quæ vera est.

Sicut Innocentius papa scribit, in familiaribus scriptis dilectio vera consistit. Bene igitur facitis dum familiaria nobis scripta dirigitis, dum apostolicæ confabulationis munus impenditis, dum absentiam corporum spiritu labiorum vestrorum consolari curatis. Est autem epistolare officium, ut beatus ait Hieronymus, de familiari, aut de quot-

(3) Forte is est Petrus de Buxeria ad quem postea epistola decima quinta quem etiam suum appel-

lat, aut Petrus *Mangot* ad quem infra, epistola 18.

(4) Ad quem supra epistola 10.



diana conversatione aliquid scribere, et quodammodo absentes inter se præsentibus fieri, dum mutuo quid aut velint, aut gestum sit nuntiant, licet interdum confabulationis tale convivium doctrinæ quoque sale conditur. Hoc litteras vestras sale condidisti, dum temporalia omnia quam contemnenda sint descripsistis. More namque fluentis aquæ currant mortalia queque, nec aliquid stabile potest esse sub sole. Eapropter felices qui despiciunt felicia mundi, et quibus est voti summe placere Deo. Verba sunt beati Gregorii. Ecce mundus qui diligitur fugit; cur ergo amatur quod relinquitur, cur negligitur quo pervenitur. Fugientem sequimur, labenti inhæremus, dumque labentem retinere non possumus, cum ipso labimur cui inhæremus. Et ego vobis dico, unum e duobus fiet aut ipsum relinquamus, et cum eo non cademus; aut illum tenebimus et cum illo cademus. Valet et ut semper valeatis semperque maneatis, de valle vitiorum ad montes virtutum conscendite.

Vitæ præsentis sic comparo gaudia ventis :  
Cum neutrum duret, nemo comprehendere duret.

## EPISTOLA XV.

AD PETRUM DE BUXERIA.

Domino PETRO cognomine de Buxeria, suus G, salutem et dilectionis plenitudinem.

Desiderio desideravi videre faciem vestram et ore ad os loqui, sed huic desiderio nostro invident distincta tot spatiis in quibus habitamus loca. Licet vero absentem, licet tam procul manentem, tamen quasi dulciter deosculor, et sinceræ dilectionis brachiis astringo. Jungitur \* spiritus meus spiritui vestro; refecistis enim viscera mea in Christo refundendo in me de bono thesauro cordis vestri, verba salubria, verba viva et efficacia, quæ sensui meo amoris melle condita sapuerunt. Sicut enim fragile vasculum alieno nuper imbutum aceto, eundem saporem infundit de se gustanti; sic nimirum vas Spiritus sancti, vas ad omne opus bonum paratum, vas verbum vitæ continens ad gloriam, de se gustantibus dulcissimum atque gratissimum saporem refundit. Sed quid amplius dicam? Festinat nuntius pro cuius causa paternitati vestræ obnixè supplico. Festinat, inquam, unde et ei quem multum diligo parum loquor. Verbis igitur finem impono, dilectioni finem minime positurus. Rogo autem ut pro mei cordis infirmitate enixius oretis, quatenus omnipotens Deus mentem meam a malis omnibus pro vestra intercessionem defendat, et me citius de præsentis vitæ procellis ad æternæ quietis litora perducatur. Amen. Det et vobis ipse quod et hodie cedit ad gloriam, et cras respondeat ad coronam. Valet, dimidium animæ meæ.

\* Quos ligat æquus amor, quos mentis identidat [ardor,

Non pro diversa sunt regione duo.

(5) Oratorium, monasterium ordinis Cisterciensis existit abbatia Baugezeiensis.

PATROL. CCV.

## EPISTOLA XVI.

IOANNIS ABBATIS BUGEZEI AD GAUFRIDUM.

Causatur quod diu non scripserit Gaufridus, petitque exhortatorias ab eo epistolas.

Dilecto in Christo G. venerabili sanctæ Barbaræ subpriori, frater J. suæ familiæ quæ in Christo servit in Baugezeio inuitis servus, in omne bonum.

Miramur utrum erga vos oblivione deperivimus, an erga vos iterum vester obduruit affectus, ut ex nullo jam tempore nullam nobis epistolam direxeritis, nullam vestri memoriam ad nos transmiseritis. Sæcularis quidem est sententia \*, semper omnia complacent nova. Verum erga quem ad supernam sapientiam seimus evolasse, carnale etiam proverbium credimus evanuisse. Sed forte causamini quod, salva pace vestra, pro divortio accipimus, ut quia vobis scribere distulimus, vos a scribendo nobis retardaretis, ut videlicet quia cisterna nostra arescit, vos \*\* torrentem vestrum ab irrigatione hortulorum nostrorum retineatis, cum dictum sit a Sapiente : *Deriventur fontes tui foras et in plateis aquas divide* (Prov. v). Tunc enim eas habebitis solus, si ex eis vobiscum non communicaverit amicus. Unde et egregie de illis duobus amicis prolata est sententia, unam animam fuisse in duo corpora. Non enim dividere possunt diversæ formæ corporum, quos par unit consensus animorum. Ego vero quis sum qui vobis scribam, qui vos, ut scribitis, consoler et instruam? *Quantalibet enim doctrina*, ut ait Gregorius, *meis fulgeat, quantalibet eloquentia lingua pollent, summa tamen imperitia est velle docere meliorem*. Vos enim, ut verbis beati Pauli utar, scitis humiliari et exaltari, scitis et abundare et penuriam pati ubique et in omnibus, gratia docente, instructus estis. Verum erga me non sic agitur. Sed si mei curam non geritis, timendum mihi est a pusillanimitate spiritus et tempestate, et nisi orationum vestrarum manus imposueritis succumbendum mihi est sub onere sub quo positus in huius malitia temporis et regionis. Valet, et vestri memoris in Domino memor estote. Salutatur vos dominus abbas de Oratorio (5) et cæteri fratres. Salutatur dominus Petrus Mangot, quem volumus ut per litteras confortetis in Domino, et inter cætera de bibliotheca emenda submoneatis.

\* Quamvis lætari soleant novitate moderni, Nil tamen est novitas utilitate carens.

\*\* Ardenti studio sacra perlege dogmata, si vis Dulcis aquæ saliente sitim restringere rivo.

## EPISTOLA XVII.

GAUFRIDI AD IOANNEM.

Superiori epistolæ respondet.

Venerabili abbati suo J., frater G., salutem et dilectionis plenitudinem.

Mature, sicut ante nos dictum est, labitur ab animo, qui diurno non subjacet oculo. At juxta

in diœcesi Andegavensi, Gallice *Loroux*, cuius filia

illud frutum vulgi proverbium, qui bene diligit tarde **A** obliviscitur. Ego autem qua ratione oblivisci possum quos semper interioris hominis intueri delector aspectu. Quomodo itaque erga me deperire potestis, quos unico sinceræ dilectionis amplector affectu? Quæ est enim fiducia nostra, aut quæ spes gloriæ? Nonne vos ante Deum? Meus ergo circa Baugzezii locum Christo prædicationem nunquam obduresecit affectus, pro cuius promotione, videlicet ut in cœnobium proveheretur sæpius adii regem Anglorum; quodque, ut minus sapiens dico, crebris ac devotis precibus a rege petii Anglorum. Et licet a quibusdam minus recte sapientibus, et in hoc negotio sua magis quam quæ Jesu Christi quærentibus, hoc factum displicuerit, et quædam inde gravia auribus meis intulerint, in hoc tamen gaudeo, sed et gaudebo. Confido enim quia id mihi proveniet ad salutem per vestram orationem et multorum ibidem commemorantium gratiam Deo conversationem. Cæterum causam quare vobis rarius scripserim rescriptorum vestrorum et commeanantium raritas fecit. Vos plane cum lauriatis aquas de fontibus Salvatoris, cum de ventre vestro fluant aquæ vivæ, cum sit in vobis fons aquæ salientis in vitam æternam; tamen conquerimini, quod, cisterna vestra arecente, non habeatis quod nobis propinare possitis; sed non dubito quin adsit posse, si non desit velle. Utinam sic possemus sicut vos posse sentimus. Porro verecundiam nobis ingeritis dum dicitis: Quis ego sum qui vobis scribam, qui vos consolet et instruat? Et illud insuper Gregorianum inducitis, summam imperitiam esse docere velle meliorem. Sed quod non est ita ut dicitur, videlicet ut vobis sim melior, sit ita quod dicitur, ne is qui non solet mentiatur. Quanquam etsi vobis in aliquo melior essem, non ideo consolationis et admonitionis vestræ expers esse deberem. Hoc enim infert beatus Gregorius, non quod aliquando monere debeant [*leg.* non debeant] meliores, sed ut protervorum tumidam reprimat voluntatem; sed audaciam, sed temeritatem, sed elati cordis præsumptionem. Nam quod deterior quandoque monere debeat meliorem, ipse in *Moralibus* scribit: *Cum quædam facta meliorum, ait, deterioribus displicent, nequaquam quod mentem movet reticendum est, sed cum magna humilitate proferendum, quatenus intentio pie proferentis, eo vere servet formam rectitudinis, quo per viam gradiatur humilitatis.* Dat Jethro consilium Moysi de potestatibus ordinandis, nec est præsumptio elati, sed obsequium non ingrati. Dominus Petrus: *Subjugate, inquit, mutum hominis voce loquens prohibuit prophetæ insipientiam.* Philosophus: *Non qui dicat, inquit, sed quid dicatur attende.* In proverbio dicitur:

*Quod tu non nosti, novit fortassis asellus*

Non igitur occasionem quæretis ne nobis rescribatis, sed de copioso thesauro vestro interdum nobis ali-

quid refundatis. Quod si feceritis, et ego licet cisterna mea arecente, parum quid quod vobis propinam centonizare saltem et compilare conabor. Rex post aurea pocula de vase ligneo vel vel testeo bibit. Verum hæc hactenus. Deprecor autem suppliciter dignationem vestram, quatenus fratres nostros filios vestros quos ego diligo in veritate vice nostra salutelis. Novo cœnobio nostro novi martyris (6) nostri pignora misimus, hisque aliquid majus sicut videre poteritis addidimus. Vivat in æternum et floreat ante Dominum sanctitas vestra.

\* Felices undæ quibus interiora lavantur,  
Et mentis facies clarior efficitur.

\*\* In terris duo sunt quæ nil absconclita prosunt:  
Fossus humo census, clausus sub pectore sensus.

#### EPISTOLA XVIII.

AD PETRUM MANGOT.

*Gratulatur ei de concessa sibi facultate construendi cœnobii atque de necessitate comparandæ in eo bibliothecæ.*

Charo suo et amico Petro (7) Mangot, frater G. salutem, et incepti operis perseverantiam.

Implevit Deus desiderium vestrum, habetis quod tam ardentem quæsisit, a nobis plane, a rege per nos, a capitulo Cisterciensi per litteras regis, cæterosque coadjutores, quod voluistis impetrastis. Difficillima quidem primo videbantur hæc, et propter obvios casus pene desperatione decidimus; sed ipse Deus elementis nos oculo respiciens, in manu forti ante faciem nostram omnia complanavit. Opus igitur devota prius mente conceptum, devote inceptum, devotius peragite, et quæ huic sunt necessaria sollicite providete. De vivis et electis lapidibus templum Domino fabricate, qui recipiant vos in æterna tabernacula. Gratias ago ipsi gratiæ Dei, qui operatur in vobis, qui eidem gratiæ cooperamini; gratia quippe Dei, quæ bonam voluntatem operata est in vobis sine vobis, modo operatur per vos. Gaudete igitur, quia vobis quasi instrumentum utitur ad opus bonum, qui vobis non usus est ad eandem in vobis bene operandi affectum. Proinde modis omnibus vobis agendum est, ne incuria vestra tanti opificis creatura in vobis decreseat, ne supernæ gratiæ incrementum felicitis propositi damnosa poenitudo præpediat, ne diffidentia per angelos malos immissa quæsitum tot laboribus finem consummationis eludat. Turris si propugnaculis careat, tam facile invaditur, quam difficile defenditur, propter imperfectionem suam, nec defensionem idoneam, nec invasionem invia judicatur. Quod si etiam armamentarium, unde ad expugnationem hostium suo tempore arma proferuntur, non habeat, viribus pariter et armis deficit in se ipsa. Opus igitur vestrum tantopere tantaque fidei \* vivacitate inceptum, quasi quædam munitio est contra diabolum. Ibi vestra devotione congregata vestro sumptu subsistit Christi militia, die noctuque contra spirituales nequitias armis justitiæ assecta.

(6) An Thomæ Cantuariensis archiepiscopus?

(7) Is erat monachus Baugzeziensis cujus mentio supra in epist. 16.

Vos vero cum sitis procurator et minister hujus militiæ, oportet vos ministrare armis pugnantis, gratum Deo et angelis ejus spectaculum in virtutis defensione præstantibus; ipsi quippe agunt causam vestram, quorum instructis militiam. Claustrum sine armario (8), quasi castrum sine armamentario. Ipsum armarium nostrum est armamentarium. Inde ad impugnandos hostes proferimus divinæ legis sententias, quasi sagittas acutas. Inde assumimus loriceam justitiæ, salutis galeam, scutum fidei, gladium spiritus, quod est verbum Dei. Agite ergo, ne in vestræ munitionis armamentario desit ipsius munitionis summa munio. Munio ista est sacræ bibliothecæ (9) eruditio, in qua est vitæ et morum laudabilis institutio. Ibi invenit omnis sexus, omnis ætas, quod suæ utilitati proficiat. Ibi spiri-

tualis infantia invenit unde nutriatur, juvenus unde roboretur, senectus unde sustentetur. Beata manus quæ omnibus ministrat unde omnibus salus proveniat. Si ergo præfata militiæ arma ministraveritis, nihil restat, nisi ut ei dicatis: Apprehende arma et scutum, et exsurge in adjutorium mihi. Vale; et ut ipsa, sine qua nullum decet esse cœnobium, bibliotheca \*\* comparetur operam date.

\* Petrus vocaris, firmus esto,  
In Christo petra fides fundamine jacto,  
Spe paries surgit, culmina complet amor.  
Vivit agendo fides, ubi non est actus amoris,  
Gignit abortivam spem moribunda fides.

\*\* Quamvis multorum multi placeant tibi libri,  
Hanc habeas, sapias, sufficit ipsa tibi.

#### EPISTOLA XIX.

AD MAGISTRUM R.

*Gratulatur ei de suo in Ordinem ingressu, docetque qualis in eo esse debeat.*

Venerabili magistro domno R., G. (10), providere Dominum in conspectu suo semper.

Veniens ad nos quidam frater de castellis, auditui meo dedit gaudium et lætitiâ; interrogatus enim a nobis utrum vos cognosceret, respondit se vos optime nosse, et apud vos aliquantis diebus commoratum fuisse. Intimavit etiam nobis ordinem vos cum vestris nuper accepisse. Et quidem ante ordinem susceptum, juxta modulum vestrum ordinate vixistis, sed amodo multo ardentius, gratia Dei largiente. Regulis Patrum, et præcipue beati Augustini operam dabit. Est autem ordo, ut ipse doctor definit, parium et disparium rerum sua cuique loca tribuens dispositio. Est plane ordo, ut

*Singula quæque locum teneant sortita decenter.*

Maxime autem ad clericorum regularium ordinem spectat, ut studeant nihil proprium habere, inviolati cordis et corporis integritatem sollicite servare, majorum præceptis humiliter obedire. Ad ipsum,

(8) Armarium in monasteriis locus erat in quo asservabantur libri, quorum etiam custos armarius solebat appellari.

(9) Bibliothecæ nomine hoc loco et infra in fine epistolæ videtur intelligere Bibliorum sacrorum codicem, ut indicant duo versiculi ultimi epistolæ subjecti.

inquam, ordinem spectat, ut sit in oculis simplicitas, in auribus obedientia, in gustu et odoratu temperantia, in manibus munditia, in corde humilitas, in incessu gravitas. Ad ipsum autem ordinis\* magistrum pertinet, ut cujusdam sapientis verbis utar:

*Cum quem corripiet verbis, vel verbere virgæ  
Non tamen excedat lingua manusve modum.*

Oportet etiam ut,  
Si quis eum lædit, lædentem lædere volens,  
Compatiendò magis, quam patiendò serat.  
Sobrietas in eo vigeat, morumque venustas,  
Cum lacrymis piætas, cum pietate rigor.  
Consilii gravitas, custodia cordis et oris,  
Gratia doctrinæ, zelus, amorque gregis.  
Solicitudine domus, rerum provisio cæta,  
Major honestatis cura minorque rei.

Sic quippe debet ordinare domum suam, ut charitas semper appareat ante januam, circa altare munditia, in capitulo disciplina. Convenistis, ut unanimes habitetis in domo, ut idem sit victus, non impar cultus, idem locus epuli, idem somni, idem disciplinæ, idem orationis; conventus enim dicitur quasi a via; convenistis enim tanquam socii in via, ut ex jucunditate societatis minor sit labor itineris. State ergo in viis vestris, tenete sancti ordinis propositum, ut tandem mereamini ad sanctorum pervenire consortium. Donet Deus ut congregatio vestra sit malignis spiritibus terribilis, ut castrorum acies ordinata. Orate pro nobis; hæc quæ vobis scripsimus, non præsumpti, ni deputentur, sed charitati. Valet.

C \* Non odio, non sit pretio, non sit proce cæcus,  
Justitiæ rigor et fidei vigor omnibus æquus.

#### EPISTOLA XX.

AD W. QUONDAM PRIOREM SANCTI STEPHANI CADOMENSIS.

*De contemplatione.*

Dilecto suo W. quondam priori S. Stephani de Cadomo (11), oculos semper habere ad Dominum.

Ut nos beatus hortatur Gregorius, non terrena dona, non falsas divitias, non fugitivos honores a Domino, sed lucem quæramus; nec lucem quæ loco clauditur, quæ tempore finitur, quæ nocturnam interruptione variatur, quæ a nobis communiter cum pecoribus cernitur, si lucem quæramus, quam videre cum solis angelis possimus, quam non initium inchoat, non finis angustat. Illius internæ et æternæ lucis, tam amabilis et tam admirabilis est pulchritudo, ut si quis eam serena cordis acie contempletur, eidem mox cohærendo conformetur. Si vobis deest oculus carnis, non tamen deest oculus rationis, sed nec oculus contemplationis. Oculo carnis vidistis mundum, et ea quæ in mundo sunt; oculo rationis videtis animum, et ea quæ in animo sunt; oculo contemplationis videtis Deum,

(10) Forte Richardus presbyter ad quem supra epistola 8, et infra epist. 54.

(11) Sancti Stephani Cadomensis insigne monasterium ordinis Sancti Benedicti, a Wilhelmo conquirestore Anglorum rege fundatum, cui primus abbas præfuit sanctus Lanfrancus, postea Cantuariensis archiepiscopus.

et exiitque in Deo sunt. Est autem contemplatio A perspicax et liber animi contuitus, ad res perspicendas usquequaque diffusus; vel contemplatio est verus certusque intuitus animi de quacunque re; vel apprehensio veri non dubia; vel certa ita: Contemplatio est erga invisibilia salubriter afficiens animum mentis illuminatio. Duo autem sunt, ut nostis, bonæ contemplationis excessus; in intellectu unus, alter in affectu; unus in lumine, alter in fervore; unus in agnitione, alter in devotione. His vigeat Didymus ille videns, de quo Hieronymus sacris ab eo litteris eruditus: *Didymus*, inquit, meus habens oculos sponsæ de Cantico canticorum, et illos oculos quos Jesus in albescentes segetes præcepit levare, sublimius quiddam intuetur. Hunc beatus Antonius, cum Alexandriam venisset, magnificis consolatus est verbis. Nihil, inquit, te offendat, o Didyme, quod carnalibus oculis videris orbatus; desunt enim tibi oculi quos habent mures, et rancæ, et lacertæ; sed latere quod habes oculos, quos angeli habent, cum quibus videtur Deus, et per quos magnum tibi scientiæ lumen accenditur. *Metuendæ sunt*, inquit Augustinus, *tenebræ, non oculorum, sed morum; et si oculorum, non exteriorum, sed interiorum, quibus discernitur non album et nigrum, sed justum et injustum.* Et quidem super vos diem claritatis splendor effulsit; ad illas namque quas sol justitiæ proximus respicit terras, maturis virtutum fructibus redundantes, velut turtur castissimus advolastis. Non ergo ultra timeamus de vobis ne transeat de luce ad tenebras, de leto quietis ad volutabrum luti, de paradiso voluptatis ad agrum Damascenum, ubi periiit Abel justus. Paucis ad vos loquens, ut informis cornicula alienis me coloribus adornavi; non tamen timeo, ne cum forte suas repetitum venerit olim grex avium plumnas, moveam cornicula risum furtivis nudata coloribus. Gratia et pax vobis multiplicetur. Amen.

\* Implens officium, reprimensque prioris honorem,  
Sic vita sicut tempore primus eras.

\* Mens, facies, oculus, pura, serena, pudicus.  
Dextera, lingua, pedes, larga, modesta graves.

#### EPISTOLA XXI.

JOANNIS ABBATIS BAUGEZEIENSIS AD GAUFRIDUM.

*Rogat Gaufridum ut sibi retineat bibliothecam.*

Dilecto in Christo G. venerabili sanctæ Barbaræ subpriori, B. minister fratrum de Baugezeio, semper in Christo vivere.

Visis optatis litteris dilectionis vestræ, quasi de gravi somno evigilans in illa patriarchæ Jacob verba prorupi: *Sufficit mihi, veniam, et video eum antequam moriar* (Gen. xlv). Credite enim mihi, in gravem cordis et spiritus anxietatem incideram, metuens ne quia post longum tempus, nec etiam post missas litteras aliquid de vobis audieram, mors quæ nemini parcat, dilectam a carne separasset animam; festinassetque vos videre, nisi instantia temporis ad capitulum Cisterciense iter

A cogeret accelerare. Illuc quoque eundo, per vos transitum haberem; sed timui, ne dum progredi ulterius festino, vos videre, vos colloqui (quod ardentem desidero) sufficienter non potuissem. Nunc igitur rogamus vos, quatenus bibliothecam illam, si tam bona est, imo quia tam bona est, ut scribitis, retineatis, ne alteri vendatur, quia in reditu capituli per vos veniemus, et eam cum consilio vestro, si Deo placet, comparabimus.

\* Quis sit verus amor, quid verbis pieta simulas,  
Verba notant, vultus indicat, acta probant.

#### EPISTOLA XXII.

GAUFRIDI AD JOANNEM.

*Petit ut ejus precibus felicem sibi a Deo obtineat mortem.*

B Venerabili abbati suo J. suus omnino G., salutem, non tam in via, quam in patria.

Sicut me adhuc in carne vivere destinatis ad vos litteris nostris cognoscitis. Sic nimirum, Deo volente, velocem tabernaculi mei depositionem destinandis ad vos litteris cognoscetis. In fratrum namque charitate confido, quod post celebratas exsequias profecturus ad vos nuntius, non multas protrahet moras. Quantumcunque ergo vobis scribere differamus, hanc enim, ut nostris, dilationem commeanium raritas facit, de excessu nostro omnis tollatur suspicio. Illud præcipue, ac tota mentis devotione sanctitatis vestræ pedibus provolutus exposco, ut cum præscriptus ad vos venerit nuntius, id agere satagatis pro me, quod studio pietatis dictante fraternæ flagitabunt litteræ. Orate Salvatorem, qui non vult mortem peccatoris, ut interim mihi virtutem largiri dignetur, qua sic eum valeam sequi, ut possim assequi; sic videlicet sequar ad meritum, ut assequar ad præmium. Viam plane qua illum sequi debeamus ostendit, vivendo innocentiae, moriendo patientiæ, præbens exemplum. Hanc si teneo, ipse mihi vivere Christus est, et mori lucrum. Quantum lucrum, quamque pretiosum, pretiosa in conspectu Domini morte defungi, in diebus paucis tempora multa complere, plenumque dierum decedere! Plenus autem dierum, ut quidam sanctus ait\*, moritur, qui in tempore transeunte, id quod non tangit operatur. Felix decessus, qui est ingressus vitæ, præmiumque laboris! Laboro\* itaque, laboro venturus ad finem; scio enim quia si hic laborare noluero, veniam ad finem vitæ, et non veniam ad finem laboris. Novi quod in terra locus est meritorum, in cælo præmiorum, nec de iuis ad summa eonscenditur, nisi causa salutis in medio comparetur. Novi quod divino iudicio semper suus novissime rerum meritis respondet eventus. Quanta autem, ut beatus Cyprianus ait, est dignitas, quantaque sanctitas, exire hinc lætum, exire inter angustias et pressuras gloriosum! claudere in momento oculos quibus homines videbantur et mundus, et statim eosdem aperire, ut Deus videatur et Christus! Tanta facilitate migrandi, quanta velocitate repente terris subtra-

heris, ut in regnis cœlestibus reponaris. *Hæc oportet, inquit, mente et cogitationibus complecti, hæc nocte et die meditari.* Sed hæc nos dixisse sufficiat. Vos vero gratam nobis consolationem impenditis, cum ad nos litteras vestras dirigitis, nec a nobis fit quod a quibusdam fieri solet, ut schedula cum perfecta fuerit, projiciatur, imo et a nobis avide custoditur, et studiose transcribitur. Gratulor id siquidem titulis accedere vestris, ut et apud nos maneat memoria nominis vestri, ut in ore nostro, quasi mel indulcetur ipsa vestri memoria, et ut musica in convivio vini, Dominus sic cum spiritu vestro. Amen. Detque vobis quod et hodie cedat ad gloriam, et cras respondeat ad coronam.

\* Vivitur obsequio mortis, mors janua vitæ est,  
Sed quibus ad vitam vita paratur iter.

\*\* Parvo perpetuam mereare labore quietem,  
Et fletu pensa gaudia longa brevi.

### EPISTOLA XXIII.

IOANNIS AD GAUFRIDUM.

*Superiori epistolæ respondet*

Dilecto in Christo G, J. SENS (12) vicarius, debitam salutem.

Vere, ut scriptum est, *fortis ut mors d lectio, dura velut infernus æmulatio* (Cant. viii). Ex quo enim mutue dilectionis colligatione conglutinata est anima mea anime vestræ, tantam in me ignis inde succensus exercet violentiam, ut licet commotus, licet læsus, a mente mea non possim excludere vestræ memoriæ dulcedinem. Et qui ante promiseram, et pene sub juramento firmaveram, litteras vestras ulterius non suscipere, donec exhibitione n vestræ corporalis reciperem præsentiae, statim ut litterarum vestrarum bajulum vidi, bustulam arripiens, non solum avide legi et relegi, verum etiam a scribendo manum retinere non potui. Verbis ergo vestris quæ in præsentî schedula reperio concinens, reverenter exhortor et exopto, quatenus viam \* mandatorum Dei indefesso pede curratis, donec eum quem ab ineunte ætate sequi viriliter cœpistis, feliciter assequi valeatis. Per amaritudines siquidem et labores præsentis vitæ constat esse sequendum quem per easdem transiisse omnibus est manifestum. Sed ollam propheticam indulcat commixta farinula, et austeritatem præsentium laborum temperat supernæ dulcedinis memoria : Bonus es, Domine, ait propheta (Thren. iii), anime quærenti te, desideranti te. Si bonus quærenti et desideranti, quanto magis inveniendi et perfuenti ! Si tam dulcis est memoria, qualis erit præsentia ! Si mel et lac est sub lingua, quid erit super linguam ! Nunc ergo, charissime, fruamur nobis invicem in Domino, donec veniat tempus, in quo fruemur in nobis ipso. Tripliciter enim, ut ait quidam sanctus, in æterna beatitudine

A fruemur Deo ; videntes eum in creaturis, habentes eum in nobis ipsis : et quod his jucundius et beatius est, ipsam in semetipsa cognoscemus Trinitatem, et ejus gloriam sine ullo ænigmate mundo cordis oculo contemplantes. Hæc enim erit vita æterna, ut cognoscamus Patrem et Filium, et in utroque Spiritum sanctum. Hæc est multitudo dulcedinis divinæ quam abscondit timentibus se ; hæc est mensura bona et conferta, et coagitata, et superfluens, quæ dabitur in sinus nostros. Hic est cumulus felicitatis nostræ, supereminens gloria, superfluens beatitudo, ad quam nos perducet, qui, licet in diverso habitu, in uno tamen spiritu nos vocavit.

Sed via virtutis dextrum petit ardua collem,  
Difficilemque aditum primo spectantibus offert

### EPISTOLA XXIV.

GAUFRIDI AD JOANNEM ABBATEM.

*Doleo, quod vocatus ad concilium Parisiense, non fuerit præsens, cum Joannes abbas Baugezei accessit ad Sanctam Barbaram.*

Venerabili abbati suo J, G. peccator.

\* Doleo, et valde dolui, quod in Normannia non fui, cum in Normanniam venistis. Diu vos expectaveram, diu præsentiam vestram sitieram ; sperabam etiam negotio propter quod venistis, ultimam me posse imponere manum, sed ne voti compos efficerer, peccata mea præpedierunt. Deceptus sum in hoc quod cum Normanniæ abbatibus de capitulo redeuntibus non venistis. Dum ad vestros divertistis, putabam vos ibi aliquam facere moram, antequam veniretis. Tali ergo æstimatione deceptum traxit me interim ad concilium (13) quod Parisius celebrabatur, cujusdam abbatis necessarii mei dura necessitas. Si futurorum præsciis essem, non utique me movissem, diu potius desideratum amici præstolarer adventum. Sed, hei mihi ! Ivi quo utinam pedem non tulissem ; reversus autem ingemuidum audi vi vos in Normannia fuisse, sed a Normannia recessisse. Tribulationem et dolorem inveni, cum vos in Normannia non inveni. Valet, sed de hoc mihi infortunio condoletæ. Fratres nostros salutamus, rogantes ut sint memores nostri orando, ut abundantia nostræ iniquitatis frigescente, charitate congelata, sancti Spiritus calore resolvatur.

\* Nunc animi, rex, esto tui, moderare dolorem.

Nemo doloris ope dæmona levare potest.

### EPISTOLA XXV.

AD EUNDEM.

*Ejusdem, ut videtur, argumenti.*

Venerabili abbati suo J., G. duplex, exiguum munus se ipsum.

Ventiale est apud bonos tacentes qui quid conscientie sinceritas habet excusabile. Misi vobis

canonicorum regularium S. Barbaræ in Angia.

(13) Forte concilium Parisiense anno 1179 celebratum, in quo Petri Lombardi error de Christi humanitate damnatus est.

(12) Joannes abbas Baugezei, Gaufridi se vicarium dicit, quia ille Cisterciensibus cessit Baugezeiense cœnobium, quod ex prima Henrici II, Anglorum regis fundatoris, intentione, debebat esse ordinis

brevem apologiam, ipso latore a quo mihi presentata est vestrarum facies litterarum, in quibus vos offensum, vos læsum conquerimini. Sed si offensus fuistis, et ego; si læsus fuistis, et ego; si mea me non fallit conscientia, plus ego. Credite mihi, dolui satis, fraudatus a desiderio et expectatione mea. Si deceptus offendi, ignoscite non malitia delinquenti. Danda est culpæ venia, quam non comitatur malitia. Mittimus quod mandastis ut mitteremus. Res itaque delegata delegantis vultum repræsentet, et ingerat animo quod negat oblivio. Ad hoc autem precamur quatenus nostri memores sitis, ut pro nobis Dominum exoretis, ut pro miseris nostris in conspectu ejus interiores lacrymas effundatis; oratio namque fleat iudicem, lacryma cogit misericordem. Modis vero omnibus nobis cedere noveritis ad incolumitatis statum quidquid vobis responderit ad successum. Nec enim inter nos venalis habetur amicitia, sed quæ non pecunia paritur, sed gratia; non licitatione pretiorum, sed concertatione benevolentia; præsertim cum virtus sit ipsa, non quæstus. O prædicanda virtus, quæ absentium animos vinculo dilectionis astringit, divisa unit, inæqualia sociat, imperfecta consummat! O vere laudanda virtus, qua nihil in rebus humanis est pulchrius! De incolumitatis vestræ statu pagina vestra cor meum latificet, et de profectu domus vestræ, ejus decori et utilitati vigilantem oculo providetis, certitudinem representet. Vigeat sanitas, et floreat sanctitas vestra in æternum ante Deum. Res bene si detur, quamvis data, semper habetur: Nulla reservatæ gloria, multa data

## EPISTOLA XXVI.

ROGERII QUONDAM PRIORIS S. ABRAHE AD GAUFRIDUM.

*Gratulatur de his quæ scripserat de videndo Deo, hortaturque ad humilitatem.*

Grata nostris auribus inseris, dum ea quæ de videndo Deo diserte disseris, Augustinaliter asseris. Læta quidem et exacta, exquisita et excussa, polita et ornata, cum grandis trutina laudis verba pronuntias. Enim vero defæcatis ab omni fece carnalis sensualitatis animis, affectibusque cordialibus purgatis ab omni affectione terrenitatis, omnem transvolare creaturam, Creatoremque attingendo mundo corde, et irreverberato lumine percipio Deum contemplare debere, posseque indicis. Grandisense nobis ista placent, tum quia vera sunt, tum quia veritatis hujus assecutorem, cognitoremque te esse gratulamur. Magna profecto sunt ista, ad quæ pertingere sola potest humilitas; quæ, licet ab humano nomine trahere sciatur, in cælestibus tamen cum Deo conversatur; ejus epitheto inimica cohors angelica de cælo profugatur. Recole Moysen consilio Jethronis acquiescisse per humilitatem, præque omnibus caput ipsum cum suis summo opere considera membris. Humilitatem quippe semper dignatio comitatur; superbiam vero indignatio sociatur. Igitur si nostras experiri et coaspicere

gliscis theorias, arripe humilitatem totius bonitatis conservatricem, nec dedigneris nostris nos noscere scriptis. Nulla nobis incognita fore debent displicita. Prius sit intelligere, post laudare vel spernere. Pande mihi quæ scripseris, nec latere quæsieris, mox me lectorem videbis, spretorem argueris

Actorem laudabo Deum, quem lædit aperte  
Quisquis in hoc operis invidiosus erit.

## EPISTOLA XXVII.

GAUFRIDI AD ROGERIUM.

*Superiori epistolæ respondet.*

Excellenti laude dignum attollitis, dum siniam leonem, bubonem aquilam nuncupatis. Vereor autem ne si quis eorum quibus ineptiæ nostræ notæ sunt, legerit illam epistolam vestram, per tergum meum manum curvet in ciconiam. Expolita quoque et suo pondere librata dicitis verba, quæ nec exacta sunt cote dialecticæ, nec rhetoricæ artis oleo levigata, licet et hoc vitium sit, si oratio nimio verborum flore luxuriet. Quamvis autem, ut Hieronymus ait, elegans sit exercitatumque ingenium, et longo usu trita currat oratio, tamen nisi auctoris manu curata fuerit et polita, redolet sordes negligentia, et vel hinc vocalibus sit, aut aspera consonantibus: unde et de Virgilio, inquit, traditum est quod libros suos quasi ursorum fœtus lingua composuerit, et lambendo fecerit esse meliores, qui durarent in memoria sempiternam, ut necessitatem metri libera oratione compleret. Sunt plane qui flamine eloquentiæ utuntur et volubilitate verborum et tumentes contorquendo gurgites, cum miraculo spectantium feruntur in pronum. In pronum siquidem feruntur, qui non cælestis intentionis penna sublevantur, sed terrenæ laudis appetitu tremuntur (sic). Quamvis vero sumus in valle lacrymarum, in loco quem Deus posuit ad certamen ut vincens coronam daret, ut possim ascensiones in corde disponere et ire de virtute in virtutem, magnopere desidero in sacrarum Scripturarum lectione fervere, et vestras et aliorum doctorum et invenire et experiri theorias; nec vos dedignor vestris cognoscere scriptis, præsertim cum ea, utpote Domini verba, proposuerim venerari, prædicare, mirari. Imitari namque cupitis illum patrem familias qui profert de thesauro suo nova et vetera; et sponsam de Cantico canticorum, quæ dicunt: *Nova et vetera, dilecte mi, servavi tibi* (Cant. vii). Itaque eruditionem vestram gratanter suscipimus, vosque in longo Scripturarum campo currere cohortamur. Victor licet si non incendia jactet, vos cœptum carpatis iter. Uniuscujusque vitii malum in suum recurrit auctorem. Porro *charitas benigna est, non amulatur, non querit quæ sua sunt* (I Cor. xiii), alterius bona diligit ut sua. Igitur devotis studiis expositionis vestræ Spiritui sancto vela pandatis. Ipsius sancti Spiritus aura vos provehat, et ad portam optati littoris presequatur.

Hieronymi meritis applaudens gloria famæ  
Laudibus attollit, perpetuatque virum.

## EPISTOLA XXVIII.

AD FRATRES BAUGEZIENSES.

*Mittit eis Vitam beati Hamonis.*

Dilectis in Christo fratribus Baugeziensis cœnobii,  
G. vestræ sanctitatis servus, perpetuam in Domino  
salutem.

Habetis, charissimi, memoriale beati Hamonis, stolam videlicet quam nobis dilectionis gratia delegaverat: ejus vitam quam pia, quam religiosa, quam grata Deo exstiterit, scripta subnexa declarant. Hæc vos ad ædificationem legite, et virtutes ejus in ejus muneribus retractate. In Vita beati Antonii S. Athanasius Alexandrinus sic de seipso quasi de alio scribit: *Legatarius*, inquit, *Antonii benedicti, qui tritum pallium cum melote imperio ejus meruerat accipere, Antonium in Antonii muneribus amplectitur, et tanquam magna hæreditate ditatus, latenter per vestimentum recordatur imaginem sanctitatis ejus* Similiter agentibus scilicet imaginem sanctitatis ejus viri Dei Hamonis per ejus munera recordantibus gratia vobis et pax multiplicetur. Ipse ante decessum suum et aliud ex parte sua mihi mitti jussit orarium, quod tanto amplector et servo gaudio, ut Cræsi opes habere me credam. Hic beatus audiens fidelem nos et illustrem virum reperisse, qui in paupere loco in quo morabamur domum Cisterciensis ordinis propriis se sumptibus ædificaturum promittebat, si id a rege et a nostris impetrare possemus, ad tam pium opus suis nos consiliis animavit, et regem ipsum cui merito sanctitatis suæ charus et familiaris erat, secretissimis ad eum nobis intersignis traditis, ut hæc concederet benigne rogavit. Plurimorum etiam sanctorum pignora quæ in loco sepedito reposuimus ab eo accepimus. Crescat igitur erga eum vestræ devotionis affectus. Mementote mei servi vestri, orantes Dominum Jesum, ut conterat Satanam sub pedibus nostris velociter, illiusque beati viri consortio in cœlesti patria, vobis intervenientibus, merear perfrui, ejus familiaritate et gratia, largiente Domino, in hac peregrinatione merui relevari. Opto vos supernis civibus angelorumque choris per æterna commercia populari. Iterum divini roris aspersione sæcunda, amplifietur in dies virens et florens ante Dominum sanctitas vestra.

Pauperiem modico contentus semper amavit,  
Et dominus rerum nil cupiendo fuit.  
Candidus insuetum miratur lumen Olympi,  
Sub pedibusque videt nubes et sidera cœli.

## EPISTOLA XXIX.

AD JOANNEM ABBATEM

*Futuræ beatitudinis imaginem in monasterio Joannis Baugeziensis abbatis sibi repræsentat.*

Venerabili abbati suo JOANNI, frater G., imitari virtutem ejus sortitus est nomen.

Amicitie jura tenentes solideque servantes in unum colligit latitudo charitatis, licet locorum ab-

sentia separet. Ipsa mihi ejus blando connexi sumus vinculo, cum opportunum datur reperire nuntium, ut vobis scribam imperat, quamvis ad scribendum animus meus tam non sit cupidus quatuor nec idoneus; quippe cui ingenium tenue est et exile. Cogitaveram quidem et in votis habueram, si rerum ratio permitteret ac temporis conditio, ut ipse a vos venirem, sed quia rebus urgentibus detenti sumus, has interim pro me ad vos vicarias litteras misi. Spero autem, si vita comes fuerit et Deus permiserit, cito me esse venturum ad vos, nec deerit gratia et misericordia Redemptoris fructus multiplex advenienti. Pulchrum namque præbebit spectaculum decor domus Dei, castrorum acies ordinata, religiosa vita fratrum, locus amplificatus, decursus aquarum, deserta in ubertatem conversa, et singula divino cultui mancipata. *Audiuisti meo dabit gaudium et lætitiâ (Psal. L)* sermo vivus et efficax, sermo bonus super datum optimum, sermo fidelis et omni acceptione dignus. Verbum bonum, igitur eloquium, gratiarum actio et vox laudis, qua quotidie resonat locus ipse. Affabit nares Christi bonus odor, odor vitæ ad vitam, cum ingressus fuero loca vestra, loca fragrantia unguentis optimis: cum ingrediar ad areolas aromatum consitas a pigmentariis; cum ingrediar hortum florenti cespite vernantem, hortum deliciarum, hortum conclusum, hortum producentem flores rosarum et lilia convallium. Ibi pascar in liliis, cibabor pane vitæ et intellectus, et aqua sapientiæ salutaris potabor. Exultabo et lætabor satius ab uberibus consolationis vestræ. Introducar a vobis in cellam vinariam, et mihi propinabitur exinde, ut pascar in pascuis uberrimis. Salutabimus nos invicem in osculo sancto, osculo columbino, non subdolo, non corvino, non quod pacem mentiatur cordium, sed quod veram innuat unionem animarum. Hæc itaque quæ prædiximus vobis veluti quædam mihi futuræ beatitudinis imaginem repræsentabunt; in qua sane quidquid oculorum demulcet aspectum, sub eodem tempore simul collectum videbimus. *Tanta autem ac talis*, ut beatus ait Augustinus, *erit glorificati corporis pulchritudo, ut et oblectet intuitum et cor nullatenus flectat ad vitium. Et talis*, inquit, *erit illius pulchritudinis delectatio, ut tibi semper præsens sit, et nunquam satieris, imo et semper satieris. Si enim dixerò quod non satierberis, fames erit. Si dixerò quod satierberis, fastidium timeo: ubi nec fastidium erit nec fames. Quid dicam nescio, sed Deus habet quod exhibeat non invenientibus quomodo dicant et credentibus quod accipiant. Ibi nimirum omnem melodiam, omnem omnino harmoniam, quidquid concinuum et suave est auribus sub eodem momento perenniter percipientes. Ibi omne pigmentorum genus, et omnium suave redolentiam rerum simul experientur odores. Gustare poterimus omne quod dulciorum offert gustatum, tangere quidquid convenienter delectare poterit tactatum. Ad sanctorum osculum*

complexum et conspectum venire ineffabilis letitia est. Quam perfectissima pulchritudo! Quam beatissima delectatio! in qua ut sæpediti doctoris verbis ntar, fulget animæ sanctæ quod non capit locus, ubi sonat quod non rapit tempus, ubi olet quod non spargit flatus, ubi sapit quod non minuit edacitas, et ubi hæret a quo non divellit satiety. Ad percipiendam sanc tantæ beatitudinis gloriam \* nos vestris precibus ac meritis confidimus adjuvari. Valet et pro nobis Dominum frequenter supplicate. Ad levandum animum tuum tres tibi, charissime, spirituales ludos destinare curavi, de pastoribus, de digitis, de picturis. Hos itaque intuens et mente retractans, discas delectabiliter in Scripturarum campo ludere; de exiguis eximia cogitare. Etiam ipsa coram Deo sapientia ludit, unde et ille:

*Ludit in humanis divina potentia rebus,*

Ludit Isaac cum Rebecca, David saltat totis viribus coram Domino, cytharam tangit, Christum lyra personat, et in decachordo psalterio a mortuis excitat resurgentem. Sed non exspectes, ut hæc tibi ore edisseram, ut exposito disertoque sermone profundam. Est alibi tibi querenda styli venustas.

*Ante leves ergo pascentur in æthere cervi  
Quam vester nostro labatur pectore vultus.  
Sermo brevis, si vivere vis, clam iudice teste,  
Clam pudeat quod non deceat fieri manifeste.  
Corpore deposito cum libet ad æthera perges,  
Evades hominem factus Deus ætheris alai.*

### EPISTOLA XXX.

AD R. TROARNENSIS ECCLESIAE PRÆCENTOREM.

*Ut se per literas saltem visitet.*

Dilecto in Christo fratri et præcordiali amico suo R. (14) Troarnensi ecclesiæ præcentori, G. indignus Sanctæ Barbaræ subminister, psallere sapienter.

*Amicorum, ut ille ait, orata curare bonæ frugis officium est, præcipue si non refragetur æquitas postulantis.* Dilectionem autem vestram rogaveram quatenus directis litteris parvitatem meam cantando mihi aliquid favorabile de canticis Sion, exhortari, visitare et consolari dignaretur. Raro quippe nos corporeis oculis intuemur, raro mutuis alloquiis fruimur, et vereor ne amicitia memoria temporali silentio consenescat. Eapropter volebam ut vos in litteris vestris tanquam in speculo possem inspicere, et magno æstu desiderii sitiēbam, ut ex corde lingua tingeret quod mens auribus in chartæ saltem pagina resonaret. Nolo enim litteras de summo ore stillantes; illas peto quæ, ut quidam sapiens ait, *arescentes nesciunt, quæ ex infimo pectoris fonte promuntur.* Nec dico sit in eis illita Tulliano melle festivitas, vel ut Atticis salibus sint aspersæ, vel thymo odoratæ, sive Nestorea, ut ita dicam, manu; sed ut solius sint charitatis calama scriptæ. Hæc, ut nostis, invenitur in corde puro, et conscientia bona, et fide non ficta. In hujusmodi ergo litteris desiderabam amicum quodammodo

A habere præsentem, sed propter occupationes vestras habeo vos excusatum. Neque enim causam silentii voluntati aut desidiæ vestræ, sed ipsis occupationibus applico. Apud vos itaque meus sermo primam januam reseravit, dum primus in vos oris mei munera jaculor, vos cum tempus habetis præsentiam vestram nobis saltem in schedula exhibere curabit. Turpilium comicus tractans de vicissitudine litterarum: *Sola, inquit, res est, quæ homines absentes præsentem faciat.* Litteras primum, ut scribit Cassiodorus, et ut frequentior tradit opinio, Mercurius multarum repertor artium volatu strimoniæ avium collegisse memoratur. Nam et hodie grues, inquit, quæ classe consociant alphabeti formas, natura imbuente describunt, quem in ordinem decorum redigens vocalibus consonantibus congruenter admistis viam sensualem repperit, per quam alta petens ad penetralia prudentiæ mens possit velocissima pervenire. Per hanc sensualem viam cooperante Dei gratia ad ipsius sapientiæ secreta, ex parte vos jam pervenistis. Hinc est quod divinas leges legitis et intelligitis, hinc est quod secundum illam pulcherrimam et saluberrimam Apostoli exhortationem: *In psalmis et hymnis et canticis spiritualibus cantatis et psallitis in corde vestro Domino (Ephes. v).* Hæc cogitatis, hæc sapitis, hæc retextitis: inde est etiam quod Patrum scripta et carmina multimoda internas aures vestras nocte dieque demulcent; sed parumper in auribus vestris liceat inter olores anserem strepere. Audite et intelligite cum præcipue perstrepat anser, ex usu venit ut opem desiderantes ad suffragia probata confugiant. Ut igitur nobis arrideat effectus optati, ferte in curam spem petitionis: hæc est autem petitio nostra, ut enixius oretis quatenus nobis detur a Domino venia peccatorum, gratia meritorum, gloria præmiorum. Attentius pro nobis orantes vos Domini Salvatoris gratia tueatur et foveat. Voti nostri est ut sancta congregatio vestra bene valeat, et perpetua meritum dote ditescat. Spiritus sanctus adjuvans infirmitatem nostram, et intellectui rationem, et voluntati devotionem inspirans, non errori locum relinquat, non tepori. **Valete et organa vestra quæ suspendistis, amicum qui interrogat vos verba cantionum cum opportunum fuerit audire facite.**

*Fit vox grata chori quoties cor concinit ori,  
Multaque dulcedo dulci venit ex citharædo.  
Illa dies mihi cum liceat tua dicere facta  
En erit ut liceat mihi totum ferre per orbem.*

### EPISTOLA XXXI.

N . . . AD GAUFRIDUM.

*Videtur esse responsio ad præcedentem.*

Charissimo in Christo Patri et amico G. canonicorum Sanctæ Barbaræ, Dei gratia præeunte, ductori, ille suus quondam non ultimus inter amicos

(14) Troarnum, ordinis Sancti Benedicti monasterium in diœcesi Bajocensi, Cadomum inter et S. Barbaræ cœnobium.



ut credo, spero, gaudeo, prospere procedere in mandatis et justificationibus Domini sine querela.

Nudiustertius cum sibi familiarem vestri memoriam cor meum recoleret, quam fateor aliquotiens nec dormienti deesse repente cogitare cœpi, ac pro eo quod vobis non rescripseram meipsum reprehendere, maxime cum reprehensionis notam incurrisse metuerem pro ingratitude vel contemptu. Sed absit hoc a me, absit et ab omni vere diligentis affectu, quod sane haud aliud fuisset, quam retribuisse mala pro bonis. Verumtamen de negligentia qualicumque et segnitie mea excusare me usquequaque non possum, sed vel sero reddita mutatio charitatis habeat me excusatum. Nec exquirendus mihi magnopere sermonis ornatus, hoc magis optanti ut respersum aliquod vestræ exactiōni de pectoris mei paupertate depromens, largiente Christo, vestræ satisfaciam voluntati. Unde igitur loquendi initium sumam? Si loqui cœpero, os meum condemnabit me, et merito; quid enim in me reprehensione non dignum? Sed et qui laudabant me, adversum me jurabant (Psal. ci) . . . vocatur eorum mendacium, et qui beatificant seducētes, et qui beatificant præcipitati. Mendaces enim filii hominum in stateris, decipiunt de vanitate semetipsos confitentes se nosse Deum, seipos non cognoscentes, bona sua, si qua sunt, præ oculis habentes, mala vero dissimulantes, aut quod pejus est defendentes. Et hæc est statera dolosa, et detestanda mensura, vitam suam inæquali iudicio trutinare. Ob hoc itaque versusculorum vestrorum sententia me promovet, qui dum taciturnitatis meæ inertiam tacite increparent, confusionem meam pariter detexerunt, hoc ut recordeor modo subscripti :

Illā dies mihi cum liceat tua dicere facta,

En erit ut liceat mihi totum ferre per orbem.

Quæ facta, dilectissime? vanam vitam, conversationem tepidam, frigidam dilectionem. Hanc operationem meam ego cognosco. Miserum me, qui feriri debeo, laudes recipiam? Hæccine sunt facta illa insignia quæ toto referantur in orbe? Absit, absit! Tolerabilius est ut suos lateant inter parietes, aut, quod optabile magis est mihi, deleantur de libro qui aperietur in die iudicii, hoc est de conscientia mea, quam pravo sequaces corrumpunt exemplo. Sed causari forsā non sine causa potestis, cur pro canticis Sion quæ poposcitis de fluminibus Babylonis loquar, cum tantum distare videantur auster ab aquilone, Sion a Babylone, carmen a lamentatione. Verum quid mihi et canticō? Utinam super hæc flumina mea sedenti mihi solitario et tacenti flere mæg's libeat, quam aliquid dicere, si forte vel modicum levāri super me tanquam a Domini spiritu merear in desiderio animæ proclamans ex recordatione Sion : *Anima desideravit te in nocte (Isa. xxvi)*. Quæ est ista nox, nisi vita mea misera, et obscura nebulis tentationum, vitiorum tenebris, et caligine peccatorum? Sed

cur vobis adhuc onerosus existo, qui factus sum mihi metipsi gravis, luctum pro canticō prosequens, nec inducens animum cantare rogatus? Attamen non omnis fletus cantum excludit, quia est quædam flere voluptas, dum suo anima luctu paschitur, lamentis gaudet, suspiriis vegetatur, ut subito in vocem exultationis et confessionis sonus epulantis erumpens, dicat cum Propheta : *In te cantatio mea semper (Psal. lxx)*; et : *Cantabo Domino, qui bona tribuit mihi (Psal. xii)*; et : *Cantabiles mihi erant justificationes tuæ in loco peregrinationis meæ (Psal. cxviii)*. Quam læto sinu taliter de prælio revertentes, mater illa nostra excipit, et consolatur filios suos qui renuunt consolari in hoc sæculo, exsiliū sui ærumnam quotidie mœrore portantes, qui bona sua non receperunt in vita sua, consolationem quæ lugentibus repromittitur a Domino præstolantes. Sed et ipse Pater misericordiarum, et Deus totius consolationis occurrens, amplexatur eos dextera sua, qui Filii ejus unigeniti amore languentes, et desiderio fatigati, lævam ejus sub capite habuerunt, pretiosæ illius margaritæ claritate radiati, et radicati charitate, fontem perennis vitæ anhelo spiritu sitientes. Ideoque benignus Jesus jam sub umbra illius quam desideraverant residentes refrigerat, et torrente voluptatis suæ potandos deducit ad vitæ fontes aquarum, abstergens omnem lacrymam ab oculis eorum, et demulcens eos in gaudio genitili, collocans in paradisi amœnitate, in solio Patrum præelevatorum, in splendoribus sanctorum, in angelica patria, in civitate Dei, in regione vivorum. Ad hanc, dilectissime, felicissimam regionem mortis ac malorum ignaram; ad hoc æternæ jucunditatis regnum, quo aufugit dolor, et tristitia, atque suspirium, inspirante Deo, vita nostra suspiret, donec aspiret nobis dies illa æternitatis, et inclinentur nostræ mortalitatis umbræ, si forte inter pios suspiriorum singultus intercepti, et si non sicut adolescentulus ille de tribu Benjamin mente excedens Deo usque ad tertium cœlum, vel quasi hora dimidia anima nostra conversa in ærumna sua incipiamus flere præ amore, et respirando in gratia cantare, in cordibus nostris Domino dicentes : *Trahe me post te, curremus in odore unguentorum tuorum, quia odor tuus concupiscentias in me excitavit æternas (Cant. i)*. Ambulemus ergo et cantemus, sed expediti, sed exonerati, ut velocius et securius percurremus iter nostrum, quod latrunculi obsident. Beata et secura paupertas spiritus, animus autem avari non beatus, sed semper est pavidus, et væ illi, quia tacebit, David vel Moysi non habens clamorem. At contra

*Cantabit vacuus coram latrone viator.*

Utinam vacui simus, non veritate, sed vanitate; non oleo, sed vento; non oris, sed cordis appetentes testimonium; non verbis, sed virtutibus proficientes, imo et in virtute verborum, quia in hujusmodi cibi fortitudine usque ad montem Dei pervenitur. *Et tu-*

*cerna pedibus meis verbum tuum*, ait sanctus, et *lumen semitis meis* (Psal. cxviii). Dulcia sunt super mel ori eloquia divina, dulcius tamen cordi sapientia sapit. Dulcissimam vero divinis auribus virtutum consonantia reddit harmoniam, quam dilectum nostrum gaudeo assecutum, qui collatam a Deo simplicitatem summæ prudentiæ maritavit discretionem temperantiæ, humilitatem fortitudini, justitiæ misericordiam, ut per diem quadrigæ salvationem quinta illa rota quæ spirituali plaustro solet impedimento esse, contrita sub pedibus velociter currentis, in directum eat per viam regiam quæ ducit Bethsamis, non declinans ad dexteram prosperitatis, vel ad sinistram adversitatis, portans arcam sanctificationis, bonam scilicet conscientiam, habentem manna, id est fidem non fictam, per quam Christus habitat in cordibus nostris, sicut ait Apostolus. Gaudeo igitur in vobis, sed volo vos memoris immemorem nequaquam existere. Factus sum enim insipiens, vos me coegistis proferre carmen in nocte, musicam in luctu, in dilecti miseria jubilibus sanctitatis. Obsecro vos tanquam advenam et peregrinum, lubricantem et fatuum manu vestræ orationis tenete me et ducite caute, ut vobiscum perveniam quo tenditis, ad domum videlicet veri Solis justitiæ, domum non manufactam æternam in cœlis, mundatus a peccato, et locus ab iniquitate mea in labro æneo facto de speculis mulierum quæ excubant ad ostium tabernaculi admirabilis usque ad domum Dei in Sancta sanctorum, in candidissimam lucem, in admirabile lumen, ubi flores rosarum et lilia convallium non marcescunt, ubi cantatur ineffabile et inimitabile virginittatis canticum, ubi deliciis affluere et exultare Domino facit populum humilem et beatum qui solus scit eam jubilatio . . . charitatis. Ibi decet et gloria Libani, Judææ notitia, visio Israel, caminus Jerusalem, Sabbati requies, remissio jubilei. Ibi gratia pro gratia, Sabbatum ex Sabbato, mensis ex mense. Ecce iterum qui de terra est, de cœlo loquitur, et nox diei eructat verbum, et cantare nititur imperitus, cujus vitam vox remordet, verba verberant conscientiam, et dictis opera non respondent. Sed quid mirum, si de bono loquar, non bonus? sed infelix ego homo, de quo Balaam non potuit silere jumentum. Terrenis inhians cupidus et avarus, merito jumentis insipientibus comparatur, et a dignitate recedens conditionis, seu rationis humanæ, bestialem migrat in sensum, imo et a Deo recedens in terra scribitur, qui neglecto superiorum appetitu, talentum intellectus quod acceperat abiens et foliis abscondit in terra, non abscondendus in fossa humo a facie timoris Domini, et a gloria majestatis ejus, cum surrexerit percutere terram, nisi pœnitendo respiscens excusso pulvere pedum, abjecta luti et lateris servitute, relicto adulteræ pallio, contactus mundi contagia beata melius paupertate vestitus evadat, et elegans fugiensque in desertum quod deseruit, de

A terra aliena in qua inveteravit inter omnes inimicos suos in terra promissionis intrare, et in gentis sanctæ, in populi peculiaris et acquisitionis numerum, in adoptionis gratiam, et in gloriæ filiorum Dei mereatur recipi libertatem. Proinde, charissime, edomito et subjecto spiritui carnis jumento, suspicientes in cœlum, cum gemitu et suspirio pietatis per sancta desideria transeamus ex hoc mundo ad Patrem, quæ sursum sunt postulantes, non quæ super terram. Terra enim hæc quam calcamus, et quam calcare debemus, quam dedit nobis in maledictione spinarum et tribulorum, sitiens, et sicut dicitur sic est arida. Terra vero illa promissionis in qua vere vivitur, sicut in diebus vernis floret in decore, frondet in gratia, fructifera est in benedictionibus, fluminis impetu, fontibus Salvatoris, et in vitam æternam salientibus aquis irrigua. Ut jumentum igitur facti, sed non sicut Balaam, qui divinis recalcitrans stimulis dorsum mentis transeuntibus incurvavit, imo mansuetudine et humilitate cordis Dominum Deum portantes, ipso præsentente, et gressus nostros in semitis suis perficente, tendamus in Jerusalem cœlestem, ut mereamur videre bona Domini in terra viventium, bona æterna et ineffabilia, quæ nec æstimare, nec desiderare, nec promereri digne possumus, sicut scriptum est, quod *oculus non vidit, et auris non audivit, et in cor hominis non ascendit* (I Cor. ii), et promissiones tuas quæ omne desiderium superant, etc. Et non sunt condignæ passiones hujus temporis ad futuram gloriam, quæ revelabitur in nobis, ad quam nos perducat Jesus Christus. Amen. De recordatione tremendi judicii, et pavore gehennæ aliquantulum forsitan turbatus sum, sed non sum locutus; scio enim qui locutus sum, et de quo credidi, et certus sum quia non sicut servus, aut mercenarius, sed sicut filius in domo patris abundans panibus, et per ignem, et per aquam, id est per charitatem et sapientiam jam eductus in refrigerium, meliorem transivit in effectum cordis; unde præsumptionis vanæ argui me posse non abnego, qui talis talem, licet non solum, sed mecum, ausus sum admonere. Sed quem accusat temeritas, charitas excuset; magis tamen intellexi super me egenum et pauperem, quam super illum qui sermonum meorum non eget. Sed jam finem postulans sermo claudendus est. Desiderio autem desidero, non tam chartis, quam charitatis vestræ in colloquio et visione frui solatio, ut refrigerer vobiscum, ut vitta illa coccinea et eloquium dulce cordis mei evagationes restringant. Jungantur saltem votis qui locis separantur ab invicem, et absentia sint præsentis, qui præsentia sunt absentes. Vereor tamen ne amicitia vestra, tanta absentia, tantoque sepulta silentio, tanquam moram faciente sponso, dormitet et dormiat. Illud nobis potius contingat. Vinum novum amicus novus veterascet, et cum suavitate bibes illud. Dicere solebat sanctæ recordationis Haimo, totum se reformatum esse, cum post multum temporis ipse

amicum, vel aliquis eum viseret ex omnibus charis ejus. Recessit pastor bonus, fons aquæ vivæ, dominus Willelmus vetus prior Cadomi, sed jam novus iceola paradisi, cujus, obsecro, non obliviscamini; dulcis est enim et pia ejus memoria, ut et ipse non obliviscatur misereri nostri. Sancta et salubris est cogitatio pro defunctis exorare, tum ut debitum illis charitatis solvamus, et illi a peccatis salventur, tum ut reminiscantur et convertantur ad Dominum, dum bene illis fuerit, suggerentes pro nobis, ut educat nos de isto carcere, et cœlestium bonorum faciat esse consortes. Salutat vos per me dominus Simon monachus Sancti Salvatoris, et vere, ut credo, monachus Jesu. Salutat vos ad extremum omnium extremus, præsentium scriptor, cujus nomen taceo, ne proditum displiceat, non confusione vocabili, sed vilitate personæ. Hunc familiaribus vestris, quos cœlestem in terris agere vitam noveritis, commendate, ut ei sit præmium, ipsis intercedentibus, supplicium evasisse. Valet in Domino semper; iterum dico, valet, et id potius agite ut aliquando obliviscamini mei, quam ut aliquando recordemini mei. Deus pacis sit semper vobiscum. Amen.

### EPISTOLA XXXII.

GAUFRIDI AD QUEMDAM JUVENEM EREMITAM.

*Salutaria ei dat monita.*

Petit a me obnixè atque suppliciter pater tuus, ut tibi scriberem et in juvenilis ætatis flore constitutum maturioris consilii pondere redderem graviorem. Patris namque est timere de filio graviora pericula veris. Ferreas mentes, teste Hieronymo, libido domat, quæ transacta semper sui relinquit pœnitentiam, nunquamque satiatur, et extincta reaccenditur. Hic est carbo sulphureus ardens et fetens. Hic est ignis usque ad perditionem devorans et omnia eradicans virtutum genimina. Hæc est inimica Deo, inimica virtutibus; hæc est mus in pera, ignis in sinu, serpens in gremio, maleque suos remunerat hospites. A facie hujus suavissimæ pestis fugias, et ab omni levitatis specie oculum, ora, manum, omnesque corporis gestus refrenare studeas. Est versiculus ille vulgatus:

*Risit et arguto quiddam promisit oculo.*

Impudicus oculus impudici cordis est nuntius. Doleat cordi tuo insedeat amor pudicitia, induens ipsum castitatis affectum, quem induerat qui dicebat: *Pepigi fœdus cum oculis meis, ut ne cogitarem quidem de virgine (Job xxx)*. Si tentatio te percuterit, ad te post tentationem reversus, et de temetipso erubescens apud te ipsum, in te ipsum ultor severissimus exardescas. Attende gaudia fugitiva, vitæ miserias, celerem mortem, vitam post mortem seu in bono seu in malo perpetuam. Purum cor habeas, oculum columbinum. Accingere quasi novus tiro ad spirituale certamen, induere arina potentia Deo, sanctæ paupertatis humilitatem, rigorem disciplina, orandi assiduitatem; proficitatem orationis comitetur feror devotionis.

Recordare quanta tibi fecerit Deus, nec donis ejus ingratus sis, sed satagas mente semper ire ad meliora. Omnis hypocrisis omnisque simulatio longe sit a te, ut omne bonum quod a te agitur, per intentionem semper ad cœlestia levetur. In actu, in locutione, in cogitatione tua circumspectus sis, ut ea quæ Deo displicent perfecte deseras, et quod ostendis humanis oculis habitu, hæc ante Dei oculis moribus præendas. Quod vis ut faciant tibi fratres tui, et tu secundum Domini præceptum facito illis, in quo brevi accinctoque præcepto multa simul monita continentur. Non sis quasi arundo vento agitata, sed inflexibilem mentis verticem inter laudes hominum et derogationes teneas. Vilis suppellex, humilisque cellula sufficiat tibi, ne illud quod de Megarensibus dicitur tibi quoque coaptari possit: *Ædificant quasi semper victuri, vivunt quasi altera die morituri*. Ne obliviscaris quia ejus vita moritur in culpa, illius mors vivit in pœna. *Etsi amara est potio*, ait Augustinus, *tamen bibenda est, quia in periculo sunt viscera: multoque melior modica amaritudo in faucibus, quam æternum tormentum in visceribus*. Infinita vero de Scripturis exempla suppeditant quæ avaritiam te doceant esse fugiendam. Hieronymus ad Eustochium: *Quid ante non plures annos*, inquit, *in Nitria gestum sit referam. Quidam e fratribus parcius magis quam avarior et nesciens Dominum xxx argenteis venditum, centum solidos quos lina texendo acquisierat, moriens dereliquit. Initum est inter monachos consilium (nam in eodem loco circiter quinque millia diversis cellulis habitant) quid huic facto opus esset. Alii pauperibus distribuendos esse dicebant, alii dandos Ecclesiæ, nonnulli parentibus remittendos; Macarius vero, et Pambo, et Isidorus, et ceteri quos Patres vocant, sancto in eis loquente Spiritu, decreverunt infodiendos esse cum domino suo, dicendo: « Pecunia tua tecum sit in perditione. » (Act. viii.) Ne hoc quisque creduliter factum putet. Tantus per totam Ægyptum cunctos terror invasit, ut unum solidum dimisisse sit criminis. Huic itaque vitio abrenuntians, in via Dei quotidie sancti desiderii gressus ponas. Humilitati præcipue stude, nec te per elationem subleves ut cœlestis regni purpuram in mente seryes. Vadas ad utilitatem proximi, stes ad custodiam tui, eleveris ad contemplationem Dei, quod ut possis, te ad cœlesti desiderium pœnæ virtutum levent. De nulla tamen virtute confidas; sed sub magno timore trepidus, donec mens tua igne sancti Spiritus calefacta et vehementer inflammata, timorem in amorem vertat. Non appetas illis placere quos scis Deo displicere. *Stultum valde*, ait Gregorius, *si illis placere querimus, quos non placere Deo scimus. Deo enim se amicum denegat, qui ejus placet inimico; et inimicis veritatis adversabitur, qui eidem veritati in corde subjugatur*. Aurem sanæ doctrinæ libenter accommodes. *Verbum Dei*, ait Sanctus, *semen in corde audientis est, et auditor bonus inde profert**

*magnam messem scientiæ, unde partem prius acceperat semen linguæ. Ut autem in cujusdam sancti ætibus legimus, interioris hominis nostri pulchritudinem, fortitudinem, puritatem, indicare debent mores nostri et vita, ipsum exteriorem, ita uno semper modo ipsoque modestissimo et decentissimo gerere, ut nihil prorsus appareat in eo quod possit intentos offendere, verbum otiosum non solum non proferre, sed nec nutum, nec manum pedemve movere frustra. Nihil sit non ædificans in vestro incessu, aspectu, habitu, vultu. Denique vultus hilaritatem non fescet mœror, nec leviget risus Totum in vobis disciplinatum, totum insigne virtutis, perfectionis forma. Remissi interdum, dissoluti nunquam; negligentes nihil, etsi pro tempore multa dissimulantes; quieti sæpe, sed minime aliquando otiosi. Hortor itaque ut ista observans vestigiis inhæreas beati Eligii, in cujus loco nocte dieque versaris, verbis sanctorum utens quasi in brevi tabella latissimos ostendere volui. Videtur hic deesse aliquid.*

### EPISTOLA XXXIII.

AD HUGONEM PRIOREM S. MARTINI SAGIENSIS.

*Hugonis prioris Sancti Martini Sagiensis laudes prædicat, docetque quomodo ad Resurrectionis Dominicæ festum præparare se debeant.*

HUGONI venerabili priori sancti Martini Sagiensis, suus G., quod sibi.

Potuit sine litteris later præsentium, si quid de me quaereretis, exponere; sed quia, ut ille ait, *fastidiosa salutatio est, que nudo sermone præfertur*, junxi scripta mandatis, et eo maxime, ut sermonum vices nobis esse possint solatio. Congruum est enim, ut hujusmodi remedio tædium nostræ peregrinationis relevemus, et mutuum diligentiam religiosi salutationibus excolamus. Crescere quotidie inter nos amicitia debita volo. Scribo itaque vobis non in doctis humanæ sapientiæ verbis, quam Deus destruet, sed in simplicitate cordis et charitatis sinceritate, quæ nunquam excidet. Nulla erit hic rhetorici pompa sermonis, nec enim in talibus magnopere eruditus sum, sed nec decet religiosas aures fulgore sæcularis eloquentiæ delectari. Habent qui eas spiritualiter delectent, sanctos scilicet doctores divinæ lacteo eloquentiæ fonte manantes. Confido autem in Domino quod, meritis vestris adjuvantibus, steriles in me et emortuas aquas vivificet, et cœlestis sapientiæ sale condiat, et gratiæ suæ infusione secundet. Ipse arva arenata irrigat, et torrentem spinarum ac mare mortuorum condulcorat. Inde est quod divino rore irrigatus, et in charitate radicans et fundatus, summo nitimini studio cum Elia stare in foramine petrae, per angustias acus transire, et posteriora Domini contemplari. Inde est nimirum quod pedibus vestris mundum subjicitis, quod hic contenditis ut alibi coronemini. Et vos plane ad

A exemplum Eliæ habetis curram igneum, qui vos in astra sustollat, quem qui ascenderit mortem non gustabit in æternum. Hæc est quaternarum quadriga virtutum, prudentiæ, temperantiæ, fortitudinis et justitiæ. Prudentiæ, ut fertur, est mundum istum et omnia quæ in mundo sunt divinorum contemplatione despiciere, et omnem animæ cogitationem in sola divina dirigere; temperantiæ, nihil appetere pœnitendum, in nullo moderationis legem excedere, sub jugo rationis cupiditatem domare; fortitudinis, animum supra periculi metum agere, nihilque nisi turpia timere, tolerare fortiter vel adversa vel prospera; justitiæ servare unicuique quod suum est. His religiosi ac Deo dilecti quadam humanorum fuga solis se gaudent inserere divinis. *He sunt virtutes*, ut ait Sapiens, *purgati jam de sæcatique animi, et ab omni hujus mundi aspergine presse pleneque detergi.* His virtutum ornamentis ad digne celebrandam proximam Dominicæ resurrectionis diem, vobis orantibus, præparemur, cujus suavissimus odor mundum aspersit, ut nulla pars orbis, ut Alexander papa scribit, alienam se ab odore isto sentiat, vel expertem, sed omnes gaudeant se odore hoc suavissimo spirituales nequitiæ in cœlestibus jam vicisse. Porro, ut ille ait, ad ipsius Christi resurrectionem spiritualiter denotandam, sanctæ mulieres ad sepulcrum aromata detulerunt, suavitate redolentium unguentorum ipsius gloriam præfigurantes, quæ utique terrorem inferis, cœlis gaudium, terris intulit sanctitatem. Ista vobis, ut amico loquens, scribere præsumpsi: licet autem unctionem habeatis a sancto, quæ docet vos de omnibus sanctum tamen datum canibus et margaritas conculcatas a porcis auferre. Nostis enim quia per canales lapideos aquæ fluunt ad areolas, et Moyses cui Deus loquebatur facie ad faciem sicut solet homo loqui ad amicum suum, acquievit consilio Jethro viri gentilis; et Elias ignipotens et nubium clavis, escam patienter expectavit a corvo. Faciem vestram det nobis in brevi Pater misericordiarum videre cum gaudio.

### EPISTOLA XXXIV.

AD R. PRESBYTERUM.

D *Quid significet in Missa statio sacerdotis ad dexteram, et de quibusdam aliis ritibus.*

Venerabili amico et compresbytero suo (15) It., G. omnium peripsema sacerdotum, sapere et intelligere, ac novissima providere.

In me mihi bene complacui, si quid possim agere, quod tuæ possit voluntati complacere. Postulas autem ut stylo digeram quid significet in missa statio sacerdotis ad dexteram, et cur Evangelium legitur in sinistra, et ni fallor, cætera hujusmodi tibi cupis explanari. Laudanda voluntas in sacerdote, qui timet illam Domini sententiam: *Quia tu scientiam repulisti, repellam et te, ne sa-*

(15) Ad quem supra epist. 8 et 19, scripsisse videtur, et infra epist. 38.

*cerdotio fungaris mihi (Ose. iv).* Sed non tibi propria me tradidisse putes, nec tanquam nostra suscipias, sed ex multis sermonibus Patrum, quorum digna satis laus est in Ecclesia, quæ huic aptæ videbantur negotio noveris decerpisse sententias. Intellige itaque quæ dico. Dabit enim tibi Deus in omnibus intellectum. Igitur introitus sacerdotis ad altare notat Filii Dei in hunc ingressum mundum. Adsunt flammantes cereoli, videlicet insignia gaudii quod in ortu Salvatoris omni mundo effulsit, de quo angelus ad pastores: *Annuntio, inquit, vobis gaudium magnum (Luc. II), etc.* Sacris indutus ingreditur: unde egregius versificator:

*Vestibus ille sacris legitur, texit caro Verbum,  
Tota carens macula, tota sacra Deo (16).*

Significatur autem, ut breviter dicam, per albam munditia, per zonam continentia, per superhumeralia justitia, per manipulum discretio, quæ est omnium mater virtutum; per stolam jugum Domini suave et onus leve; per casulam vero, qua super omnia ornamenta induitur, sanctitas et justitia, quibus sacerdotalis gloria fulgere debet, designatur. Pergit vero ad dextrum cornu altaris, quia dextram Christus semper egit vitam: dextra enim vita acquiritur cœlestis gloria. Jam dictus versificator:

*Ille, inquit, stat a dextris quia quæsiit auctor inanes  
Exsecrata deos gens quasi dextra fuit.*

*Inde, ait, sinistrorsum Domini sacra verba leguntur.*

*Rejicientem fidem Judæa gratia Christi*

*Transiit ad gentes, Israel errat adhuc.*

*Transitus hic quoties Evangelium recitatur,*

*Mentibus occurrit, exprimiturque loco.*

*Ad lævam legitur, quia quo transiit aberrans,*

*Et velut a læva gens idolatra fuit.*

*[Ad (17) Christi reditura fidem Judæa notatur,  
Cum Pater ad dextram sedit et explet opus.]*

Sed non omnia tibi proposui scribere, quæ tu in Patrum scriptis poteris invenire. Sane de his quidam non parum mirantur, quod jam confectis sacramentis signum crucis apponitur. Ubi enim dicitur: *Hostiam puram, hostiam sanctam, hostiam immaculatam, panem sanctum vitæ æternæ, et calicem salutis perpetuæ, quinarium crucis signaculum panis et vini imprimens substantiæ, Christo sedenti ad dextram Patris veraciter concorporate eruditum contemplatorem rerum ad illam beatam passionem mittit.* Hæc ergo sunt illa viventis petrae foramina, in quibus formosa est et immaculata columba, scilicet Ecclesia, in quibus tunc certius nidificat, cum inter verba prædicta, per quinque crucis signacula quinque dilecti plagas, videlicet duas manuum, totidemque pedum, et unam lateris fida contemplatur memoria. Sicut autem recordatio passionis ipsius Ecclesiæ vulnerat charitatem, sic et memoria resurrectionis confortat fidem, et contemplatio ascensionis lætificat spem. Itaque assistentes ad offerendum recte dividamus, id est prius nosmetipsos offerentes,

(16) Hildebertus Turonensis archiepiscopus.

(17) Hæc duo carmina desiderantur in editis Hildeberti, et in ms. codice Majoris-Monasterii tem-

arietinam spiritus proterviam et taurinam feritatem hircinamque libidinem jugulantes mortificemus, juxta illud quod in Psalmo canimus: *Holococausta medullata offeram tibi cum incenso arietum: offeram tibi boves cum hircis (Psal. LXXVI).* Tunc Deus nostra accepta sacrificia habere dignabitur. Cur vero tres portiones de hostia fiant, satis eleganter ille versibus canit:

*Pars, inquit, intincta mero pro viris orat, opusque  
Sanguinis et carnis expiat ipsa caro.*

*Pro bene defunctis, quorum purgatio unus*

*Hoc interventu non eget, alter eget,*

*(18) Offerimus tibi, Christe, duas, sed propter eosdem*

*Oblatæ pariter non operantur idem.*

*Nam pars pro justis, pars est pro justificandis*

*Illa refert gentes, supplicat ista Deo.*

Hoc autem sacro sanctum altaris mysterium idcirco missa dicitur, quia ad placationem et solutionem inimicitarum quæ erant inter Deum et homines sola valens et idonea missio est. Sed hæc nos de missa dixisse sufficiat. Si autem quæris quid ara, quid calix, quid patena, quidve corporalia designent, audi:

*Ara crucis, tumulique calix, lapidisque patena,*

*Syndonis officium candida byssus habet.*

Porro in thuribulo,

*Sunt tria quæ signes, vas, thus, signabis et ignes.*

*Vas cor, thus psalmus, calor intus Spiritus altus.*

Sed vide ne in thuribulo tuo offeras ignem alienum coram Domino; hoc enim fecerunt Naab et Abiud filii Aaron, et mortui sunt. Ignis sacer ignis domesticus est charitatis; unde Propheta: *In meditatione mea exardescet ignis (Psal. XXXVIII).* Ignis cupiditatis, ignis luxuriæ est ignis alienus; unde Job: *Ignis est, inquit, usque ad perditionem devorans, et omnia eradicans genimina (Job XXXI).* Vides quod ignis iste, in multis hodie multipliciter exarsit, qui puritatis Auctori in puro corde et corpore ministrantes, non verentur stare angelum [i. ante angelum] Domini, qui seculi medios et disperdat; sed omnino audent Agni immaculati sacras contingere carnes, intingere in sanguine Salvatoris manus nefarias, quibus paulo ante, proli dolor! carnes meretricias attraxerunt, sic circumire altaria, frequentare psalmos, cum et hujusmodi laus sit execrabilis, et oratio sit in peccatum. Vendunt sacramenta, justitiam produnt, quorum guttura necdum traxit ad laqueum, necdum præfocavit fauces verbum blasphemiarum, vox sacrilega, sermo nequam: *Quid vultis mihi dare, et ego vobis eum tradam? (Matth. XXVI.)* Ex istorum thuribus procedit coram Domino pro suavi odore fetor, non veniat in judicium istorum anima mea, nec sit in cœtu illorum gloria mea: quoniam *ignis succensus est in furore Domini contra illos, et ardebit usque ad inferni novissima (Deut. XXXII).* Sed jam veniendum est ad id quod tandem exarari tibi postulas, videlicet quid sacerdos plebi, quid plebs

pore Hildeberti exarato.

(18) Hæc paulo abter in editis.

debeat sacerdoti. Quod ut succinete dicamus, sacerdotis est erudire, et intervenire; erudire quidem verbo et exemplo, Deum placare prece et sacrificio. Hæc sunt ergo quæ populo debet: verbum doctrinæ et exemplum vitæ, hostias et preces pro eis offerre. Unde Petro dictum est: *Simon Joannis, amas me? pasce oves meas* (Joan. XXI). Ideoque tertio repetitum, tertio dictum *Pasce*, nec mulge, seu tonde, vel semel additum est. Sacerdos igitur Dominicum pascere gregem magis satagat quam tondere, et pascere tripliciter: exemplo conversationis, verbo prædicationis, oblationum fructu et orationis. Est itaque sacerdotalis professionis cœlestem sacrificiis placare indignationem. Non omnes tamen apud Deum impetrant, qui pro aliis interpellant; neque omnes Deum placant, qui Deo immolant. Immolat facinorosus, sed per Isaiam dicit Deus: *Facinorosus qui mihi immolat, quasi qui canem occidat* (Isa. LXVI). Et Propheta: *Iniquitatem si aspexi in corde meo, non exaudiet Deus* (Psal. LXV). Non placatur talibus votis Deus, imo exacerbatur hostiis impiorum Deus. *Com is*, ait Gregorius, *qui displicet ad intercedendum mittitur, judicis animus ad iracundiam provocatur*. Exacerbant itaque Deum sacrificia tua, si ei displicet vita tua; placabitur autem tibi, et aliis per te, si puro corde et corpore sacrificatur ei a te. Sed ne longius protrahamus, dicamus, quod proposuimus, videlicet quid et plebs debeat sacerdoti. Exhibere debet justitia plebis sacerdotibus, propter honorem Dei, cujus ministri sunt, subjectionem humilitatis et devotionem charitatis, ut omnis eorum obedientia et humilis sit et devota. Porro vidisti pallorem in foliis, scias esse vitium in radice; vidisti scelus in plebe, culpam esse noveris in sacerdote. Sed jam loquendi finem faciamus, opto autem ut in tui receptaculo cordis, demptis vitiorum spinulis, supernas virtutes inseras, quorum copia et subditorum corda erudias, et erudiens in bono opere nunquam deficias.

amores

Aut metues dulces, aut experieris amaros,  
Sensibus humanis, res est non parva, reponas.  
Nec succus pecori, nec lac subducitur agnis,  
Nec mala vicini pecoris contagia lædunt.

#### EPISTOLA XXXV.

AD JOANNEM ABBATEM.

*Computatur pro infortunio quod ipsi acciderat.*

Venerabili abbati suo J., frater G., viriliter agere et confortari in Domino.

Desideravi litteras vestras, adventantibus aliquibus quos mihi sermonem vestrum præsumperam tradituros; sed ubi expectationem meam spes ista frustrata est, ultro vos alloqui studui, ut vos exemplo beneficii ad curam similem provocarem. Quæso igitur ne amicitia munia frigere patiamini, quæ impatienter requiro, licet noverim diligentiam circa me vestram, et cum scripto abstinens sitis, fido

(19) Forte Simon monachus Sancti Salvatoris, cujus supra fit mentio, epist. 51.

animo contineri. Hæc fidenter loquor. Scimus autem, si ille ait, fiduciam ex simplici affectione surgentem genus esse virtutis. Et ego diu me siluisse fateor, exspectans ut mihi congruentem rescribendi materiam vester sermo præstaret; sed cum perspicere necdum me aliquo incitamento provocari, prior in verba salutationis erupi. Natura siquidem rerum est, ut qui balbutiunt plus loquantur, affectant enim copiam pudore defectus. Hæc exemplum me expetit, cui magna scribendi impatientia est, cum desit oratio; sed ad hoc vestra me compellit dilectio, quæ et cor meum acumine compassionis penetravit, cum ex præscriptorum relatione commementium innotuit quantum in vos fortuna sævierit, quæ vos amantissimo atque optimo patrono privavit. Hæc mihi, *quia timor quem timebam evenit mihi, et quod verebar accidit* (Job III). Est igitur quedam

. . . flere voluptas,  
*Expletur lacrymis, egeriturque dolor.*

Sed lugubri stylo, et calamo tragico parcendum est, ne vestrae mentis vulnus exasperem, ne sera retractatio scindat præteriti cicatricem doloris. Verum contra hæc virtute et ratione animus armandus est. Spes quoque assumenda est melior. *Sæpe*, ut quidam sapiens ait, *titubantia in solidum conversa sunt*. Nihil hominibus æternum est, volvunt mortalia vices crebrae.

*Singula de nobis anni perduntur euntes*  
Et vere labilis ætas repletur multis miseriis.  
*Tempora labuntur, tacitisque senescimus annis,*  
*Et fugiunt freno non remorante dies.*

(OVID., *Fast.*, VI, 772.)

*Sed superanda omni fortuna ferendo est.*

*Auro*, inquit Job, *locus est in quo conflatur* (Job. XXVIII); auri plane puritas in fornace, equi cursus in stadio, militis virtus in campo approbatur. Scimus tres pueros de camino puriores exiisse, quam intraverant. In hac igitur figuratae bylonis fornace decocti, fortes simus in bello, sicque per sextæ curram stadium, ut instantia nostra, largiente Domino, per communem septimam octavæ bravium apprehendat. Exsurgite itaque, sicut ille senex Mathias; habetis enim in filiis et fratribus vestris virtutem Judæ, strenuitatem Jonathæ, prudentiam Simonis. Illi plane vobiscum præliantur bella Domini. Ipsos ut vice nostrâ salutetis rogamus. Illam etiam dominam quam omnis nocivæ dulcedinis expertem esse desideramus, sororem videlicet dulcem salutamus in Domino, ad cujus dulcia gaudia non nisi per amaras lacrymas pervenitur. Refloreat, obsecro, oratio vestra ad Deum pro me. Vigeat et semper ferveat in vobis charitas Dei.

#### EPISTOLA XXXVI.

AD SIMONEM AMICUM.

*De laude cujusdam virginis.*

Venerabili et charissimo domino et amico suo (19)

Sitoni, devotissimus suis G. salutem et setotum. A

Grates vestræ benignitati refero, quæ sicut adivi, et certus sum, amicum longe positum non obliviscitur, et dum pia affectione mei reminiscitur, orationibus sanctis infirmitatem meam relevans salutare mihi remedium impartitur. Hujusmodi remedium sæpius mihi impartiendo miseremini mei, non quia dignus sum, sed *quia inops et pauper sum ego* (Psal. LXXXV). Miseremini, inquam, non quia merui, sed quia egeo. Miseremini mei, tanquam misericordiam consecutus a Domino, ut servatis ei in sanctitate et justitia. Obsecro autem ut quæ sita opportunitate, si fieri potest, nos vestræ visitationis consolatione lætificetis, quod et salutis nostræ proderit, et proposito vestræ sanctitatis non oberit.

Ego plane, si possem, ad vos libenter venissem, non solum propter vos, sed et propter virginem vestram, in qua Deus tam mirabiliter operatur, ut contra naturam, imo supra naturam pene sine cibo subsistere possit humano. Mirum dictu! in his duobus more vivit angelico, non comedendo, virginitatem servando. Datum est ei a Domino servare virginitatis titulum, apprehendere fructum. Hæc reliquit Chaldæos, qui quasi dæmones interpretantur, ut oblita sæculari pompa, et carne contempta, sponsi jungatur amplexibus, et obliviscens populum suum, et donum patris sui (Psal. XLIV), habitet in regione vivorum. Hæc non in Segor civitate parva, sed virtutis culmine ascenso, in monte salvam se facit, nec post Christi tunicam ad tollendum aliud vestimentum in tecta descendit. Ipsa plane pudicitiae virtus in terra quæ spinas et tribulos germinat, et quam serpens comedit, invenitur tanquam aurum in luto, gemma in sterquilinio, liliem inter spinas. Ipsa sane virginitas supernæ civitatis est virtus, supernorum civium decus, ubi non habet quis de integritate quod perdat, de corruptione quod doleat. Hujus laus et exultatio virtutis canticum est quod ignorant viduæ, nesciunt conjugatæ. Condelectamur itaque gloriæ virtutis ejus, quæ fallacem mundi gloriam respuisse jaectatur, quæ Deo nubere maluit, carne virgo et spiritu. O quam decenti rubore, ut verbis illius utar, genas suffundit virgineas ingeniti gemma pudoris! Compositum reddit omnem puellaris corporis statum et mentis habitum disciplina, cervicem submittit, ponit supercilia, componit vultum, ligat oculos, cachinnos cohibet, moderatur linguam, gulam frenat, iram sedat, moderatur incessum. Talibus decet pudicitiae vestem distingui margaritis. Istiusmodi circumdatur varietate virginitas. Porro de sæpèdicta admirabili virgine vestra multa mihi narrastis, ad quæ non incredulus, rogo quatenus pro nobis Dominum roget. Ex parte nostra ei preces porrigatis.

Bene valeatis, et servi vestri jugem memoriam habentis.

## EPISTOLA XXXVII

AD R. PRE-BYTERUM.

*Ægre fert datas sibi laudes.*

Dilecto et semper diligendo compresbytero suo R., frater G., parce laudare, vituperare parcius.

Non est opus multis vos alloqui sermonibus, i. e. rhetoricæ mella eliquare dulcedinis. Et hoc quidem postremum sicut imperitia denegat, sic illud primum nec angustia temporis nec festinatio permittit latoris. Maximo vero genas nostras rubore suffunditis: dum in laudibus nostris lascivo scribendi genere utimini. Liqueat quod ignoto scribentis, dum tam a nobis aliena profunditis: parum quippe laudis promeretur principium, si saporis deroget finis inconditus. Ut autem B. Gregorii verbis utar, certe super simiam leonem vocas, quod eo modo vos agere conspiciamus, quo scabiosos sæpe catulos pardos vel tigres vocamus. Hoc quoque mihi ad iniquitatum mearum cumulum accidit, ut cum vindicari in me iniquitas debuerit, laudes pro vindicta recipiam. Et quidem non est ita, ut dicitur, sed utinam ita esset ut dicitur, ne is qui non solet mentiretur! Ad hæc autem cujusdam bonæ mulieris verba respondeo, *Nolite me vocare Noemi, id est pulchram, sed vocate me Maram, quia valde amaritudine plena sum* (Ruth. 1). Ipsa vero scripta vestra in hoc approbo, quod exercitia scholaria redoleant, et accurati sermonis copiam administrent, læta festivo quodam schemate decurrit oratio; porro debitas super hoc vobis porrigo gratiarum actiones, quod litterarum vehiculis ad me prius currere dignata fuit vestra dilectio. Valete memor mei in Domino. Ore vestro loquor, sum tuus, esto meus.

## EPISTOLA XXXVIII.

AD W. ABBATEM SANCTI ANDRÆ.

*Gratulatur abbati Sancti Andræ ordinis Cisterciensis de sua promotione.*

Dilecto et venerabili patri W. abbati sancti Andræ, frater G. humilis Sanctæ Barbaræ subminister, scuto bonæ voluntatis gregem suum defensare.

De promotione vestra exultat spiritus meus illum prosequens gratiarum actione, qui superbos humiliat et exaltat humiles. Non enim de illorum sorte vos esse censemus, de quibus scriptum est: *Dejecisti eos dum allevarentur* (Psal. LXXII), qui honoribus quidem proficiunt, sed moribus cadunt; qui [magis] præesse cupiunt, quam prodesse; qui seipos pascunt, non oves; qui quæ sua sunt querunt, non quæ Jesu Christi; qui veniente lupo gregem non defendunt, sed fugiunt; quos Deus ponit ut rotam; qui sumentes magisterium, majus sumunt et judicium; de quibus et poeta Clau.:

. . . Jam non ad culmina terræ  
Injustos crevisse queror, tolluntur in altum  
Ut lapsu graviore ruant.

Verum de illo numero vos esse confidimus, qui præsent in sollicitudine, quos zelus domus Dei comedit, sub quorum cultura arida ficus reflorescit;

et in gratiam cum suo redit Domino, cujus minas et securim formidat. De illorum, inquam, estis consortio qui cum Moyse occidunt sacrilegos, cum Phinees perfodiunt impudicos, cum Samuele lugent inobedientes, cum Job pro filiis sacrificium offerunt, cum Aaron coram Pharaone divinas criminationes edicunt, cum Noe his quibus submersio imminet arcam bitumine litam provident; quibus est virga correctionis in oves, baculus defensionis in hostes, quorum animus vermiculus humilitatis in prosperis, clypeus est constantiæ in adversis. Plantationem plane quam inter sylvestres sylvæ illius arbores plantavit Pater vester cælestis divini roris aspersione virere facitis; quippe qui cælestium litterarum copiosa lectione pinguescitis, et de cujus pectore manat fons aquæ salientis in vitam æternam, puteus aquarum viventium. Sæpe autem vidimus multas radices unius trunci sylvestris unius solius surculi unitione fructificare feliciter: unde et de nativæ ac dulcioris arboris ramis, quæ ad prædictam plantationem cujus fructus longe redolet, pertinere dignoscitur surculus assumptus et naturali sed humilioris arboris trunco insertus est; sed inde priori arbori unde assumptus fuerat restitutus, et ipsius arboris culmini reinsertus. ut ex eo, largiente Domino, major fructus successerit. Quia igitur de illa novella plantatione Cenomannici pagi ad quam irrigandam accessistis, ad priorem et sæpèdictam plantationem redistis, et ibi data est vobis potestas dicendi huic: *Vade et vadit, et alio: Veni et venit (Luc. vii)*, devotas paternitati vestræ preces porrigimus, ut fratrem Robertum sacristam vestrum ad nos usque destinatis. Peracto autem pro quo eum vobis necessarium duximus, illum ad vos post duos dies vel tres remittemus. Valeat et semper proficiat in Domino paternitas vestra.

### EPISTOLA XXXIX.

AD PETRUM DE BUXERIA.

*Dicit se professionis voto et præpositura officio impediri quominus in solitudine maneat.*

Amicissimo Patri et domino (20) P. de Buxeria, filius suus G., salutem et plenum sinceræ dilectionis affectum.

Mihi quidem, venerabilis Pater, optabile esset secretioris vitæ beatitudine perfrui, et talium uti consortio cum quibus possem de Scripturis sæpius celebrare colloquium. Eapropter, assumptis pennis columbæ, cuperem in purum liberumque transire volatum, requiescere et manere in solitudine. Sed in ecclesia nostra, in qua non sum expertus talium, duplicis vinculo necessitatis astringor: ex voto videlicet meæ professionis, et ex officio præposituræ ordinis. Qualiter igitur id quod tam obviæ flagitatis adimplere possim non video. Scio equidem, beatissime Pater, quia ipsa, quam ardentè sitio, dulcedo præsentis vestræ, et vox vestra

A plena suavitate mellifluæ, ibi me sæpius refereret. Scio quod peregrinationis nostræ tedium de æterna patria vobiscum loquendo frequentius relevaret commorantem. Novi quod per ignitum eloquium vestrum charitatis flamma quæ ex gratia concipitur ad æterna invisibilium gaudia nostrum crebro affectum succenderet. Spiritus enim sanctus, qui, ut credimus, in pectore vestro jucundum sibi habitaculum præparavit, vestris intervenientibus meritis, ad illam supernæ lætitiæ frequentiam quandoque cor nostrum sublevaret. Conarer namque et verbis vestris adjunctus et exemplis secretum speculativæ repetere libertatis, in qua supernæ vobis claritas arridet visionis ad illa revolare quietis culmina, quibus secreta cælestia cordis manu tangere, quibus superna quæritis gaudia incorporaliter videre. Vigeat et semper ferveat in vobis charitas Dei.

### EPISTOLA XL.

AD JOANNEM ABBATEM.

*Causatur de litterarum raritate.*

Venerabili abbati suo J, frater G., quod merita supplicum excedit et vota.

Amor quo simplicior eo tenerior ad lædendum: simplicitate sua proficiens incedit, si quid in amico ei nubilum occurrit, offenditur. Id enim ab amico exigit, quod ex se præbet. Mollis est nimirum, ut ille ait, unimvs diligentis, et ad omnem sensum doloris argutus. Quorsum hoc spectet alloquium breviter explicabo. Sum silentii vestri vehementer impatiens, quod genus querelæ amantibus familiare est. Diu scribendi operam distulistis, et vereor ne forte in nos vestra claudicet affectio. Facit tenerior affectio ut sit querela proclivior. Forsitan occupationes ad excusationem prætenditis; sed ille rerum eventus nunquam eveniat, ut ingenium vestrum labor detrahat, benignitatem cura flectat, facundiam usus exhauriat. Ego licet pauperrimi mei ingenii conscius, amoris inde vestri gratia ductus non erubesco infantis meæ maciem publicare, cum sileatis ac si eloquii vestri venâ tenuata sit. Sed dilectio vestra, obsecro, me visitare dignetur, æternumque vitæ manna suavi litterarum rore animæ meæ infundat. Adsit vobis dignatio vestra charitatis affectu, quo longe melius junguntur animæ, quam locis corpora. Et hoc quidem satis esset eis quos amor spiritus a terra sublevaverit perfectius; nobis autem sermonum vices oportet esse solatio. Fecit religiosa cura ut prior scriberetis, non eritis tam irreverens, ut provocatus abstineatis. Consentaneum naturæ est, ut officia a vobis inchoata a me probata coalescant. Ergo de reliquo sermonis estote munificus: mea cura non deerit, quæ vos styli vicissitudine muneretur. Porro multas ob causas me vobis obnoxium esse confiteor, ut quoties convenienter possim, et debeam et desiderem vos præsentialiter visitare, sed



ad præsens desiderii mei opportunitas non occurrit. Obstant impedimenta quam plurima, verba tamen salutationis et excusationis vobis mittere credidi fructuosum, sperans quod apud prudentiam vestram intellecta necessitate charitas veniam impetrabit. Scit ipse Deus qui charitas est qua vos affectione complector, et utinam cor meum lynceis, ut aiunt, oculis videretis! Sed jam habeat sermo modum, quem erga vos nunquam habebit affectio. Opto ut vobis jam dudum suscepti officii cursus arrideat, quamvis dubitare non possim ne mutare vos posse probitatem, et virtutes stimulo præmiorum felicis incitari. Valeant fratres nostri qui nos una vobiscum foveant orationibus sacris.

Dilige te sane. Si quæris quomodo? pure.  
Si quantum? juxta pondus amicitiae

### EPISTOLA XLI.

AD HUGONEM PRIOREM S. MARTINI SAGIENSIS.

*Ejus virtutes prædicat, hortaturque eum ad Vitam Walt. scribendam.*

Dilecto et venerabili domino et amico suo (21) H., frater G., salutem in Deo salutari suo.

Teste papa Innocentio in familiaribus scriptis dilectio vera consistit, eapropter quod ad vos scribo amicitiae tenacis indicium est. Me namque vis amoris trahit post vos, quia verus amor post Christum trahit vos. Tantoque majori affectione vos diligimus, et chariorem in nostris visceribus retinemus, quanto ad ea quæ ad honorem et incrementum religionis pertinere cognoscitis, libentius et promptius aspiratis. Constat enim vos corde et opere divinis obsequiis et piis actibus frequenter inhærere. Hinc denique est in juvene nostro vestis asperior, victus restrictior, et ad omne opus bonum spiritus promptior. Hoc ætas impedit, ubi se potentiae cœlesti infudit. Vere, ut Scriptura refert, *Senectus venerabilis est non diuturna, neque numero annorum computata. Cani sunt autem sensus hominis et ætas senectutis vita immaculata* (Sap. iv). Ipsiis autem juvenis nostri anima in numero adolescentularum quæ in odore unguentorum post sponsum currunt posita, ad perfectam, ut credimus, ætatem, et ad nobiles, ut ita dixerim, perveniens annos, annos dico meritorum, non temporum, facta nuptiis cœlestis sponsi idonea, ipsius absentiam sursum tendentibus desiderii novit quærendo gemere, gemendo quærere. Agnovit actorem suum cœlestis sapientiae gemmis redimita illius simplicitas; agnovit, inquam, et tota virtute dilexit Dominum ejus anima, Christi columba, lacte lota, residens juxta fluentia plenissima, et æmula castitatis angelicæ, ipsius thalamo, ipsius cubiculo se devovit. Hinc est nimium, quod ipsa mens vestra, frater charissime, amoris flamma in compunctionis

A lacrymis, inardescit, cœlestis patriæ præmia ante oculos proponit, supernis jam civibus interesse concupiscit. Florem ætatis vestræ datis Deo, nec a liminibus sapientiae alienus prudenter deliberrastis inter vitam et mortem, inter spiritum et carnem, inter Christum et mundum. Merito itaque talem prompto et patulo amicitiae sinu recipimus. Merito optamus ut et nos in curam sancti et fidelissimi pectoris vestri recipiamur. Totis vero affectibus exoptamus, ut bonarum rerum fructus dulcissimos afferatis, qui copiosa virtutum laude floruitis. Non vereor ne diligentia vestra tali laude tepescat, quin potius benevolentiam vestram spero hæc quasi quodam stimulo ad id quod melius est incitari; ut enim vir sapiens ait, bonis familiare

B est laude sua non tepescere, sed studia bona accumulare, quorum mercedem sentiunt non perire. Sed hæc hactenus. Caterum quæ de Vita beati viri (22) Wal., Deo inspirante, scribere cœpistis, si vita comes fuerit, prosequi et perficere ne pigritemini. Non erit in conspectu Dei inglorius, qui tantorum præco fuerit meritorum. Ut animus fuit celerior litteris, ita prius fuit vos amare, quam scribere. De his quæ circa vos sunt edoceat vestrarum recursus litterarum. Gaudete in Domino semper; Spiritus sancti aura vos provehat, et ad portum optati littoris prosequatur. Valet.

\* Si quis amat vere, quod amat nescit removere

A cordis thalamo.

\* Est ratio, quod amor rationis nesciat usum.

Est in amore modus, non habuisse modum

### EPISTOLA XLII

HUGONIS PRIORIS S. MARTINI SAGIENSIS AD GAUFRIDUM.

*Superiori epistolæ respondet.*

Dilecto et venerabili Patri et amico suo G. H. suis, quam vellet habere salutem.

Litteras vestras habui, litteras jucunditatis, quæ pium animum mulcet et excitant ad salutem. Utinam me talem inveniret exitus mei ex hac Ægypto dies, qualem me fieri litteræ vestræ jam fatentur! Sed ponens ante oculos meos speculum Scripturarum, invenio animam meam peccatorum maculis sordidatam, miseram, et inanem, nec laude dignam. Gratia tamen Dei non me permittit sic excæcari, ut laudibus hominum animæ meæ salutem committam. Recurro enim ad conscientiam, quam si invenio debilem, imbecillitatem meam condemno; si sanam, grates refero Sanatori. Scripsistis ut de beati W. prosequerer quod incoepi; sed vos modo moneo et rogo ut scribatis quia, ut audivi, dirperendinavit apud vos, gratia Dei ei dante, infirmitatem, ut credo, propter vos. Nisi enim infirmus fuisset, non tantam moram apud vos fecisset. Nunc autem consequenter scribite quæ audistis ab eo, et

(21) Hugoni Sancti Martini Sagiensis monachi et prioris, ad quem epistolæ 33, 43, 46 et 49.

(22) Walterii de Mauritiana, cujus exstant epistolæ

in *Spicil.* tom. II, et ms. tract. *De matrimonio* in biblioth. S. Martini Sag.

remittite, et rogare eam, si adhuc est apud vos, ut veniat ad festum Sancti Martini securiter, quia in illo itinere, nec in corpore, nec in anima, gravem ullam patietur infirmitatem, et multam multis conferet utilitatem. Hæc breviter litteris vestris respondi. Illis duobus mandatis, quæ mihi per dominum Ernaldum canonicum mandastis, videlicet ut vinum biberem, et feniculum comederem, quorum primum grave, secundum leve est, nolo respondere per scripta, sed ego ipse tibi respondebo dulciter. Sciatis quod multum mihi profuit id quod dedistis scriptum in rollo et verba vestra. Valetate et orate pro nobis attentius quam, ne deficiamus, sed semper proficiamus in via, et quam citius poteritis, ad Vallem-Dei per nos venite (23).

Conflictu triplici me vexant tres inimici,

Serpens antiquus, caro lubrica, frater iniquus.

### EPISTOLA XLIII.

GAUFRIDI AD HUGONEM PRIOREM S. MARTINI SAGIENSIS. Hortatur ad scribendam vitam Walt. laudatque ejus a vino abstinentiam.

Dilecto dilectori suo H., frater G., talarem induere tunicam, et hostiæ eandem immolare.

Me juvat ille suavissimus, ille floridus, quem mihi per venerabilem et approbatæ religionis virum misistis, vestri sermonis affatus. Legi eum, et frequenter relego, et placet sæpius repetitus. Quoties illum sumo, quædam mihi ante oculos præsentia vestra imago versatur. Amor amori, litteris litteræ responderunt. Gratulor itaque patres nos esse, non solum affectione mentium, sed etiam vicissitudine litterarum. Curabo tamen ut obsequii mei trutina et libra præponderet. Videtur enim, ut ille ait, inertia quoddam esse collodium semper æqua lance censi. Optatis ut ipsæ litteræ vestrae sonant, ut talem vos extremus inveniat ex hac Ægypto exitus vestri dies, qualem vos es et scripta nostra loquuntur. Sed opponendo vobis speculum Scripturarum, invenire vos dicitis animam vestram peccatorum maculis sordidam, miseram, inanem, nec laude dignam. Et quidem recte de vobis ista sentitis; nemo enim mundus a sorde, nec infans cujus est unius diei vita super terram. Quis gloriabitur castum se habere cor? Astra non sunt munda in conspectu ejus. In multis nimirum offendimus omnes; et si dixerimus quoniam peccatum non habemus, nos seducimus. Sed propitiatorum est super arcem, et miseratione ejus super omnia opera ejus, cui canimus in Psalmo *Misericordia tua, Domine, magna est super me.* (Psal. LXXXV.) *Advocatum quippe habemus apud Patrem Jesum Christum justum, et ipse est propitiatio pro peccatis nostris, qui dilexit nos et lavit nos a peccatis nostris in sanguine suo.* (I Joan. 1, 8.) Hæc est spes nostra, hæc tota fiducia nostra. Cæterum ad hoc quod rogatis et monetis, scilicet ut vitam beati W. quam

A ex parte jam edidisti, conscriberem, respondeo quod indecens mihi videtur ut tam illustrem materiem styli diversitate confundam; sed et supra imbecillitatis meæ vires istud esse perpendo negotium. Vos potius ea quæ cœpistis explete, oratisque Deum, ut extensa sibi fidei vestrae devotionisque vela flatu Spiritus sui impleat, vosque in cursum operationis inite præpellat, tribuat vobis verborum significationem, dictorum honorem, intelligentia lumen, veritatis cognitionem, vosque a periculo falsitatis defendat, ut sicut Anastasius in Antonii, Sulpitius in Martini, Hieronymus in Hilarionis, Gregorius in Benedicti, sic et vos in venerandi W. ge-tis conscribendis tota ingenii vestri Spiritui sancto vela pandatis. Naviculam vestram ipsius Spiritus sancti aura provehat, et ad portum optati littoris prosequatur. Non ergo ulterius fragilem cymbam nostram nequaquam concitis fluctibus, sed vix stagnis et tranquillis aquis opportunam quæritis. Mandavi vobis ut mo lico vino aqua inisto, propter stomachum vestrum, et maxime propter infirmitatem, tism vitandam, uteremini; quod et Paulus Timotheo scribit, usus non Apostoli præcepto, sed medici consilio. Hoc autem vobis grave esse dicitis: legitis enim vinum omnino monachorum non esse (24), et: Bonum est homini non manducare carnem, neque bibere vinum; et de Domini Baptista: *Vinum et siceram non bibit* (Luc. 1). Potens est autem Deus vos ab infirmitate defendere, pro cuius amore a tali poculo abstinetis. Utinam et ego talem ab illo abstinentia percepissem gratiam; sed infirmus sum, et vitiorum pondere pressus, pene in via deficio. Gemens dico, cum absinthium meum respicio, cum consita melle pocula vestra deprehendo. Rogatis ut quam citius potero ad Vallem Dei per vos veniam, sed multa mihi occurrant remoramina, si tamen votis meis divinus favor arriserit, faciam quod hortamini. Valetate, et pro nobis frequentius Domino supplicate. Det vobis ipse Dominus sic per sextæ currere statum, ut post communem septimam octavæ bravium comprehendatis. Amen.

\* Ille Deum vita accipiet, divisque videbit  
Permistos heroas, et ipse videbitur illis.

\* Lenta salix quantum pallenti cedit olivæ,  
Poniceis humilis quantum salinca rosetis,  
Tantum cedo tibi.

### EPISTOLA XLIV.

AD AUGUSTINUM AMICUM SUUM.

Laudat Augustinum, hortaturque eum ad sectanda spiritualia.

AUGUSTINO venerabili amico suo, et in Christo dulcissimo, suus omnino G., salutem, et si quid melius esse salute potest.

Vere amicus fidelis protectio fortis; qui invenit illum, invenit thesaurum. Eapropter gaudeo, et

Trappa.

(24) In Regula sancti Benedicti, cap. 40.

(23) Monasterium ordinis Carthusiensis diocesis Sagiensis, hæud procul a Mauritania et a

congratulor vobis, utpote thesauro desiderabili re-  
 perto, qui me in gratiam amicitiae, tam festivi-  
 principii, tam lætabundis vultibus suscepistis. Nec  
 cedet in contrarium principii felicitas, quin suo  
 currat ordine, donec (donante Deo) optatos cursus  
 contingere mereatur. Id autem grave sustineo, quod  
 postea quam vestræ penetralia charitatis benigna  
 mihi simplicitas reseravit, vos inter nos diutius  
 immorari non licuit, nec meæ mentis agritudinem  
 relevare vestra dulci præsentia. Quod ergo præsen-  
 tialiter mitius egistis, per reciprocum litterarum  
 vestrarum munus peragite. Assurget animus meus,  
 quoties amabilitatis vestræ sermo deferetur. Nam  
 et sanitatis apportabit fidem, et profectum osten-  
 det ingenii; et quod majus est, charitatis elucebit  
 officio. Hortor igitur ut me hujusmodi linguæ ve-  
 stræ flosculis frequentius aspergatis. Ipsos linguæ  
 flosculos dulces etiam musarum sonos recte dixe-  
 rim, qui mulcent aurem cordis grati modulatione  
 dictaminis. Sed cum ad nos scribitis, quasi pasto-  
 rales inflatis calamos, cum sacra quæ nostis gesta  
 componitis, quasi sacris tubis carmen incinitis.  
 Canite itaque sicut cœpistis, canite tuba in Sion,  
 buccinate coram servis Dei, qui libenter audient.  
 Quanto enim recentiora, tanto et gratiora. Profe-  
 rantur igitur eleganter, profundantur egregie in  
 tubis ductilibus, et voce tubæ corneæ. Tubas  
 ductiles, ipsa vestra studia voco sancti Spiritus  
 munere, tanquam mallei percussione producta. Tu-  
 bam vero corneam, quia cornu carnis excedit,  
 ipsam dictantis cœlestia considerantis intentionem,  
 ad nihil aliud respicientem, nisi ad Dei gloriam et  
 honorem, et proximorum ædificationem. Ita plane  
 titulum præclari testimonii albo calculo, veterum  
 more, signatis. Non enim ex ore jejuno vobis tri-  
 buta est laudatio, sed de bono thesauro cordis, et  
 de copioso conscientiae promptuario boni fructus  
 arrisit. Unde confidimus quia dabit vobis Dominus  
 calculum candidum, et in calculo nomen novum  
 scriptum, quod nemo scit nisi qui accipit. Spes  
 igitur remunerationis solatium sit laboris, donec  
 quod in ipsa spe suspiramus, in specie cognoscamus.  
 De cætero illa amatoria, illa epithalamica cantica,  
 et ad contemplationem commonitoria, quæ vestro  
 nomini consecravi, vobis dicitis profuisse, quæ volo  
 ut in interiori cordis thalamo ad excitandam ani-  
 mam vestram, ad sacri sponsi osculum, castosque  
 complexus, horis secretioribus nonnunquam decan-  
 tetis. Opto siquidem, et ex intimo cordis affectu  
 desidero, non meis, sed sanctorum verbis utar, ut  
 studeatis devotione penetrare cœlos, et mente su-  
 pernas circuire mansiones, salutare Patres, apo-  
 stolos, et choros prophetarum, martyrum admirari  
 triumphos, ac stupere pulcherrimos ordines ange-  
 lorum, et suavem cibum cœlestis patriæ, quia adhuc  
 perfecte non potestis, saltem suspirando gustetis.  
 Opto, inquam, opto ut studeatis quotidie ad illam  
 transire angelorum metropolim, quæ libera est, et  
 nulla contaminationis sorde maculatur, omnique

A voluptate calcata et compressis luxuriæ fluctibus,  
 qui adversus nos, ut ille ait, crebrius intumescent,  
 cœlestibus jungamur choris, ut jam nunc illic mente  
 translati, angustiora contemplantes loca, simus quod  
 futuri sumus. Spiritus sanctus sancta cordi vestro  
 desideria inspiret, ut opera vestra fervore devotionis  
 et dulcedine spiritalis gratiæ coadiantur. Orate at-  
 tentius, quatenus fervor cœlestis desiderii quotidie  
 in nostra mente ardentius excrescat, donec sarcina  
 corporis abjecta, ad suam animam revolvat auctorem,  
 et antiquam possessionem diu peregrinata conscen-  
 dat. Amen.

## EPISTOLA XLV.

GAUFRIDUM SACERDOTEM.

B *Munuscula non esse spernenda quia parva sunt;  
 sed quam magno animo fiant, consideranda.*

Sacerdoti magno et excelso in verbo gloriæ G.,  
 ejusdem nominis frater, gaudio quod nominis ore  
 sui fert consonare.

Ita præceptis salutaribus monemur, et divina  
 institutione formamur, semper gaudete, in omnibus  
 gratias agite. Non igitur de exiguo munere quod  
 cum gaudio pauper misit amicus (parvum nempe  
 munusculum si æstimetur pretio sui, sed religiosum  
 si amore pensetur); non, inquam, de illo par-  
 vo munusculo vos contristari deceret, sed gaudere  
 et gratias agere. Relatum est enim mihi quod  
 inde conquerebamini. Videte autem si patres  
 quorum inhære debetis vestigiis, taliter eger-  
 rint. Vas electionis, ut de ipso primum loquar,  
 C doctor gentium in fide et veritate ad Philippenses.  
*Gavisus sum, inquit, vehementer in Domino, quod  
 tandem aliquando reפורוistis pro me sentire sicut  
 et sentiebatis; occupati enim eratis, non quasi  
 propter penuriam dico. Ego enim didici in quibus  
 sum sufficiens esse. Scio humiliari, scio et abundare.  
 Ubique et in omnibus institutus sum et satiari  
 et esurire, et abundare et penuriam pati. Omnia  
 possum in eo qui me confortat (Phil. iv, 10 et seq.)*  
 et cætera quæ mihi labor est dicere, et forsitan non  
 vobis necessarium audire. Paulinus ad Augustinum:  
 « Panem unum unanimitalis gratia vobis misimus. »  
 Quem utique panem dictus doctor cum gratiarum  
 actione suscepit. Hieronymus ad Eustachium de  
 D acceptis muneribus: « Parva specie, sed charitate  
 magna sunt munera accepisse a virgine, armillas,  
 epistolas et columbas. Verum ne videar dona mi-  
 nuisse, accepimus et canistrum cerasis refertum,  
 talibus et tam virginali verecundia rubentibus, ut  
 ea nunc a Lucullo delata existimarem, siquidem  
 hoc genus pomi Ponto et Asia subjugatis de Ce-  
 rasumto primo Romano pertulit, unde et a pa-  
 tria nomen arbor accepit. » Gregorius Anastasio  
 Antiocheno episcopo: « Gratias Deo quia et odora  
 sunt et saporis quæ dicitis, quæ agit, quæ datis. »  
 Et iterum: « Benedictiones locupletissimas omnes  
 quæ directæ sunt suscepti, quæ mihi vir Dei pau-  
 per spiritu transmisisti. De quibus dicitis: Quid  
 enim det pauper, nisi ea quæ paupera sunt? Sed

nisi vos per humilitatis spiritum pauperes essetis, A benedictiones vestræ locupletes non fuissent. » Vir sanctus ad amicum qui sibi ægotanti exenium miserat : « Suscepi, ait, charitatem vestram in charitate non in voluptate. » Ildebertus Mathildi Anglorum reginæ : « Benedictionem tuam gratiarum prosequor actione, nec aliter tuum munus amplector, quam vel thura superi vel pinguium libamina victimarum. Illi siquidem non hostiam sed affectum considerant, eorumque gratiam devotio non impensa promeretur : purus et integer animus eos quocunque vult inclinât, nec minus quadrante quam talento cœlestem mittigat indignationem. Sic et apud me tuum donum tuus animus commendat, sic magnificat, sic illustrat. » Vir eruditus de exenio quod sibi amicus miserat ita versibus ludit :

Abbas Fulcherius mihi mel pro melle rependit,  
Spirituale dedi, materiale dedit.

Esculei fructus pira coctana melle redundant,  
Gratia mittentis plus mihi melle sapit.

Dona recompensat donis, quæ dulcia per se  
Plenius indulcat mellea lingua senis.

Verba repræsentans Domini faciemque serenam,  
Munera commendat nuntius ipse mihi.

Noverant plane hi de quorum scriptis diversorum testimoniorum flores velut in unam coronam teximus, quod secundum illud tritum vulgi proverbium in ratione dati et accepti matres et filix fiant amicæ. Sic etenim nutritur amor, concordia crescit. Indotus temere doctum præsumo docere. Sed gaudeo quod materia mihi attributa est ludendi vobiscum. Gaudeo quoties meas aures aura flaverit, quæ vos sospitem nuntiet. Rogo autem vos, ut pro mei cordis infirmitate enixius oretis, quatenus mihi virtus detur a Domino, qua ad illum finem toto amore possim tendere, in quo sine fine valeam vobiscum gaudere. Gaudete in Domino semper.

#### EPISTOLA XLVI.

AD H. AMICUM SUUM.

*Compatitur amici adversitatibus.*

Charissimo suo H., frater G., vitam bonam et exitum beatum.

Grandis, ut ille ait, aperitur dilectioni semita, cum supernæ causa dulcedinis migrat in delicias diligentis, et ille Spiritus, ille, inquam, rector cœli, incola paradisi amicorum mentes ligat : quos in corde uno et anima una vera charitas coærvat. Sic de nobis duobus scribimus, quia sic sentimus, et in hoc maxime gaudemus, quia dilectio ista non tam temporali floret officio, quam profectu germinat spirituali. Et ego, amantissime, amicorum rem faciundo, quam per portitorem litterarum vestrarum mandastis, visito dominum et amicum, et quia adversitatem vestram ex parte cognovi, notæ condoleo, nec mirum si in profundo pii pectoris grandis inhorruit spiritus tempestatis. Magne Deus! quanta est in antiquo adversario fraudulenta versutia, qui

dum terminum vitæ nostræ respicit, adversitati nostræ terminum non imponit, sed adversus nos acrius inflammatur, ut sibi arctius nostras rapiat actiones? Sed absit, domine mi! absit, inquam, ut quem Deus usque modo in suis honestavit laboribus, in eisdem vos deturpet inimicus, sed in flore juventutis vultum frugiferum æternus agricola metiatur, efficiaturque odor vester sicut odor agri pleni, cui benedixit Deus, ita ut redoleat in vobis flos uvæ per prædicationem, ut gratia linguæ medicinalis in multis multos morbos curetis animorum, redoleat et flos lili per castitatem, flos violæ per humilitatem, flos spicæ per bonorum operum maturitatem, flos olivæ per misericordiam, flos rosæ per patientiam: Per ipsius vero patientiæ virtutem, Domino patientiam infundente, omnia vobis penitus cedent adversa. Nam secundum Job carmen habetis in nocte et in pressuris præsentibus de futuris gaudiis consolamini. Consolamini quoque et pascimini sanctorum scriptis, verbo Dei dulcibus, et oleo lætitiæ delibutis, quo libenter ungitis caput vestrum, quia non est in vobis mendax opus olivæ, in quo habitat charitas de corde puro et conscientia bona, et fide non ficta. Nostis plane, ut beatus Gregorius scribit, quia perfecte bonus non est, nisi qui fuerit et cum malis bonus. Animus itaque vester ab his inquietantis mundi turbinibus extractus, salutaris portus statione fungatur, ad cœlum sese sustollat, ac Deo suo jam proximus, sicut martyr beatissimus et doctor suavissimus docet Cyprianus, quidquid apud cæteros in rebus humanis subline ac magnum videtur, intra suam jacere conscientiam gloriatur. Experimento autem, ut credimus, vobis datur intelligi quam affectuose memoria vestri, in nobis sit vigilans ac devota et nutuæ allocutionis consoliatio non sopita. Recordamur in hoc loco illius dulcis colloqui, quod apud sanctam Barbaram nobiscum habuistis, ut de spiritualibus sermo discurreret, sermo noster cœlesti spiritu redundabat, verba quæ loquebamur spiritus et vita fuere, nec a nostra discesserunt memoria, quæ in libro vitæ memoriter sunt scripta. Suadentibus vero quibusdam magnis viris amicis vestris, quorum consilium respuere seipsum decipere est, vos per præsentia scripta monemus, ut sic in vobis abstinentia discreta sit, ne, dum hostem comprimere intendetis, civem necetis. Quod restat, Deum precamur, ut sic præsens a sapiente disponatur actio, ut qui dissociamur in via, sociemur in patria.

#### EPISTOLA XLVII.

AD NICOLAUM SANCTI VICTORIS SUBPRIOREM.

*Gratias agit pro amicitia.*

Venerando patri et domino NICOLAO subpriori sancti Victoris Parisiensis, frater G., humilis sanctæ Barbaræ subminister.

Pro gratiarum actione hostia hæc pauperum est, quibus non est munus a manu, licet enim animus meus et nationi et loco respondeat, duri siquidem

et feri feruntur Normanni, et nomen Barbaræ durtiam quamdam præferat naturalem. Non sum tamen adeo lapideus et ab omni affectionis humore alienus et siccus, ut tam multiplici gratiæ vestræ possim esse ingratus. Grandis quippe aperta est a vobis in nostris cordibus dilectionis semita, unde supernæ causa dulcedinis migrat in delicias diligentis. Hoc experti sunt clerici per quos meritis vestris debitum misimus salutationis obsequium, qui miro modo vos benignum erga se liberalemque senserunt. Pulchrum sane atque prædicandum beneficium, nullis redditum est meritis, nulla collatum justitia, nullis supplicat onibus comparatum. Ad nomen amici non ad preces venit. Porro, ut ille ait, gratiora sunt beneficia quæ non alieno interventu, sed affectu spontaneo proveniunt. Facio igitur quod possum, et faciam quod potero, et quod omnes legis victimas hostiam laudis jugiter immolabo, et si fortuna votis arriserit, et Deus gratiæ benignitatem dederit, profecto terra nostra dabit fructum suum, ut sic justitia possit ante nos ambulare, et gratiæ debitum compensare. Verumtamen quidquid ego fecero, qui prior est tempore potior est in jure. Vos enim prævenistis nos in benedictionibus dulcedinis. Sicut promisistis nobis qui adhuc in populo barbaro sumus, orate ut in charitate Dei desideriorum vinculis astringamur, et primitias nostri spiritus in cœlestis patriæ amore ligemus et effici mereamur cives sanctorum et domestici Dei. Salutat vos ipsa domus Jacob quæ est in populo Barbaræ.... Bene autem

## EPISTOLA XLVIII.

AD JOANNEM ABBATEM

*Laudat Joannem abbatem de gratia sermonis illius.*

Venerabili abbati J., frater G., cum virtutum decorè gloriam et honorem.

Ut vobis scribam amor impellit, ambigo si consuetum morem vobis omnino relinquam. Æstimer erga vos tepuisse, vel penitus vestri oblitum fuisse. Scio quia amor stimulis motatur, vestrum igitur amorem libenter incitassem si possem, sed ingenii mei parvitas tenues admodum fruges parit. Non enim est acutum, sed exile et obtusum. Hoc utinam a vobis potius munus accepissem! Accepistis namque gratiam a Domino, ut sciatis quomodo vel quando oporteat vos proferre sermonem. Nam ut ad sanctos pro comparatione veniam, instruitis ut Hieronymus, astruitis ut Augustinus, attollimini ut Hilarius, submittimini ut Joannes, ut Basiliius corripitis, ut Gregorius consolamini, ut Rufinus stringitis, sollicitatis ut Eucherius, ut Paulinus provocatis, ut Ambrosius perseveratis. Sed forsitan tacite respondetis, psalmodum et eorum quæ famulatu divini et familiaris rei providentiæ aptiora sunt cura ac-

A curatior, sermonum phaleras et litterarum elegantias mihi in incuriam retorsit. Sed non a vobis Græcanam exigo elegantiam, non Italicam celeritatem, non Gallicam abundantiam. Nihil nobis de Quintiliani throno fulminetis, sed sanctorum more nos exhortari et consolari velitis. Simplici tantum littera festivitate decurrat, ut magni nectaris potus suavissimus delectationibus hauriatur. Ad hæc siquidem vobis est importunitas in exemplis, fides in testimoniis, pondus in sensibus, urbanitas in figuris. At si magis placet, verba vestra non sint ex vobis, sed prolata ex divinis fontibus. Gaudemus autem et lætamur in Domino, quod sub regimine vestro domus Domini amplificatur et proficit, et beatus plane de ejus culmine datur amicis lætitia, lividis pœna, posteris gloria, vegetatis et alacribus exemplum, pigris et desidibus incitamentum. Omnes fratres et filios vestros affectuosissime salutamus. Orate attentius ut det Deus suam gratiam, et misericordia nos attendere faciat finem præmiorum, et cum omni facilitate et alacritate suorum currere viam mandatorum, per quam vos deducat, et perducat ipse qui est via currentium, et bravium pervenientium. Amen.

## EPISTOLA XLIX.

AD HUGONEM PRIOREM S. MARTINI SAGIENSIS.

*Hortatur iterum ad scribendum Walt. vitam.*

Hugoni suo G.

C Par erat garrulitatem nostram silentii vestri talione frenare, sed quoniam perfecta dilectio non tam debet recolare quid officiorum solvat, quam meminisse quid debeat, nunc laxatis verecundiæ habenis, obsequium alloqui impudentis iteramus, ejus improbitas vel hinc maxime dignoscitur quod tacetis. Ego semper grandia litteras vestras præmia puto. Vellem itaque ut compunctorii salubritate sermonis avidam nostræ ignorantie pasceretis esuriam. Hortamur vos in Christi charitate, ut tandiu desides digitos incudibus officinæ veteris imponatis, videlicet ut jam diu intermissum opus de \* vita (25) justi studeatis repetere, et ad Dei laudem id quod cœpistis explere. Copiosa est materia, plena nectaris, florum, margaritarum. Jucunda est et illustris, D flamma cocco, rutilans auro, lactea byssino. Sed forsitan timetis ne id jactantia seu vanæ gloriæ ascribatur. A candore suo vestra charitas nævum tam miseræ suspicionis eliminat, et hominum contemnens judicia, quod Deo gratum esse cognoverit, facere non formidet. Labor erit in studio, sed aderit qui gratiam præstet remunerator laboris, in cujus manu sumus et nos et sermones nostri. Non enim sumus idonei cogitare aliquid a nobis quasi ex nobis; sed sufficientia nostra ex ipso est. Noveritis plane quod vobiscum die nocteque conversor. Benedicta ipsius bonitas Conditoris, qui habitationem potius hominum quam charitatem finalibus claudit

(25) De quo supra, epist. 41 et 43.

angustiis. Opto ut in ipso valeas, dilectissime, Gaufridique tui semper memor esse digneris.

\* Censeo laude styli dignum quem regia cœli  
Suscipit, et rutilis inscribunt sidera gemmis.  
Exsiliū patria, mare portu mutat, agonem  
Pace, crucem palma, cognitione fidem.

### EPISTOLA L.

AD ANDREAM ARCHIDIACONUM TURONENSEM.

*Varia dat ei monita.*

Dilecto et semper diligendo domno ANDRÆ Turonensi archidiacono, G. humilis Sanctæ Barbaræ subminister, æternam in Domino salutem.

Nolui ulterius officiorum differre sermonem, ne vester affectus quamdam vitio meo duceret, ut gladius impolitus de curæ raritate rubiginem. Vereor enim ne semel amor vester mihi indultus, aut interjecti itineris longitudine, aut absentia communis diuturnitate tenuetur. Quia igitur honestate et affabilitate vestra nostrum ad vos propensius traxistis affectum, orationum vestrarum suffragia a vobis expetimus, nostrarum quoque participationem vobis in Domino gratanter concedimus. Nostis enim, ut peritissimus Christianorum philosophus, et quorumlibet primus eruditorum ait, quod justæ humilitatis pretio inæstimabilem vicem divinæ gratiæ promeremur, qui solus, inquit, modus est quo cum Deo homines colloqui posse putantur, illique inaccessæ lucis, prius quoque quam impetrent ipsa supplicandi ratione, conjungi. O quam suave, et quam odoriferum puræ orationis sacrificium expinguedine devotionis et igne dilectionis ex sanctorum corde ad illud sublime ascendit altare! In ipsa itaque ara cordis thymiana boni odoris igne compunctionis ac divini amoris incendite. Summa sit vobis cura de litteris, sed maxime religiosis, in quibus magis vos occupet medulla sensuum, quam spuma verborum. Nihil otiosum faciatis, nihil faciatis non quietum. Non gero personam docentis, sed admonentis. Vestrum sæpius panem ille potius qui non est redditurus accipiat, totius popularitatis alienus gratiam non captetis omnium, sed bonorum, non indiscreta familiaritate vilescentis, sed examinata soliditate pretiosus existens, maxime ambiendus, utpote minime ambitiosus, non studeatis honores dignitatum suscipere, sed mereri. Amicitias probatas expetite, constanter retinete, perenniter servate; non enim vobis illorum expetendæ sunt amicitia, qui juxta Sidonium, (de cuius dictis aliqua hic excepta ponimus: « Sunt ad intelligendum saxei, ad judicandum linguei, ad succendendum flammæ, ad ignoscendum ferrei, ad amicitias pardi, ad facetias ursi, ad fallendum vulpes, ad superbiendum tauri, ad consumendum minotauri. Ad quorum consilia Faleris cruentior, Mida cupidior, Ancus jactantior, Tarquinius superbior, Tiberius callidior, Gaius periculosior, Claudius socordior, Nero impurior, Galba avarior, Vitellius sumptuosior, Otho audacior, Domitianus

truculentior reddetur. » Sed hæc Inactenus. Cæterum rogamus dignationem vestram, quatenus magistrum Joannem coarchipresbyterum vestrum vice nostra salutetis, quem sicut et vos nominis vestri virilitati, sic et illum nominis sui gratiæ consonare gaudemus. In ejus persona multa bona concurrunt. Est illi censura cum venustate, abundant animi sale cum consultiore, melle cum consultiore: simplicitatem columbæ in ecclesia servat, in foro serpentis astutiam. Domino Adæ Majoris Monasterii armario familiari vestro me canonicum et confamilialem exhibere curate; qui etsi de terræ nomine nomen habet, tamen quæ sursum sunt sapit, et in cœlestibus conversatur. Simili modo vestra quoque dilectio elevata de terris in cœlesti suavitate suum locet affectum.

Angulus iste placet, pauperrimusque recessus.

Est tibi delatus plus onerosus honor.

Sancti Spiritus illustratio vos visitare dignetur, erigens vos ad sublimiorem profectum, et propositum vestrum ad meliores actus, voluntatemque convertat.

### EPISTOLA LI.

AD R. AMICUM SUUM.

*Laudat R. amici sui ardorem pro contemplatione.*

Venerabili et præcordiali amico suo R., suus G., quæ sursum sunt querere, quæ sursum sunt sapere.

Id pro consuetudine, sicut ante nos dilectum est, semper inquit animus unde gaudere solet. Inde est quod mens vestra cœlestium præmiorum aviditate flagrans, postulat favorabile aliquid cantari sibi de canticis Sion, postulat dari sibi carmina in nocte, postulat cantica ad contemplationem divinam communitaria. Placet, fateor, quod petitis, si sane apud locupletiore, et in spirituali musica eruditore, id facere libuisset. Accipite tamen de mea paupertate quæ habeo, ne tacendo philosophus puter, aut ne illud Horatianum velitis ingerere:

*(Omnibus hoc vitium cantoribus, inter amicos  
Ut nunquam inducant enim cantare rogati,  
Injussi nunquam desistant.*

(HORAT., lib. 1, sat. 3.)

Scio plane ardorem desiderii vestri; novi quod in amplexu speciosæ Rachel, cui visio sua gratissima est, intendat labor militiæ vestræ. Desiderio enim desiderat spiritus vester sabbatizare, dulces contemplationis fructus carpere, octavæ illius gaudia prælibare. Immortali sponso anima vestra cupit adherere, totum amorem suum illi impendere, unde ad superni gaudii munera fixo sædere amoris religatis primitias spiritus vestri. Charitas quippe per Spiritum sanctum in corde vestro diffusa intima in schola pectoris magistra docet vos terrena despicere, et amare cœlestia. Ipsa in vobis utitur amico ad gratiam, inimico ad patientiam, quibus potest ad beneficentiam, omnibus ad benevolentiam. Ipsa in centro virtutum residens, ut regina et domina omnium rerum exitus dispensat, ornat et ordinat, et sicut radix in surculum, surculus in gemmam,

gemma in florem, flos in fructum coalescit. Sic ipsa suis initiis roboratur, et proficit in statum perfectum, in mensuram plenitudinis. Ipsa animum in contemplationem inducit. Est enim vita contemplativa, ut beatus scribit Gregorius, ipsam quidem charitatem, scilicet amorem Dei et proximi tota mente retinere, sed ab exteriori actione quiescere, ut jam nihil agere libeat, sed calcatis curis omnibus ad videndam Creatoris sui faciem animus inardescat. Hic autem, sicut in Patrum collationibus legimus: Præcipuus noster debet esse conatus, ut divinis rebus, ac Deo mens semper inhæreat. Quidquid ab hac diversum est, quamvis magnum, secundum tamen, aut etiam infimum, aut certe noxium deputandum est. Contemplationem ergo divinam, inquit, cum potuerit mens obtinere, gaudeat, a qua distractam se doleat atque suspiret, totiesque se sentiat a bono summo recedisse, quoties ab illo intuitu deprehenderit segregatam, fornicationem reputans vel momentaneum a Christi contemplatione discessum, a quo cum deviaverit paululum vester obtutus, rursus ad eum cordis oculos retorquentes, velut rectissima linea mentis aciem revocemus. In hoc sublimi contemplationis gradu humillimus pater Gregorius consistebat, cum illi adhuc in monasterii quiete posito labentia cuncta subtererant, cum rebus quæ voluntur eminebat, cum nulla, nisi cœlestia cogitabat, cum adhuc detentus corpore carnis claustra contemplatione transibat, cum mortem quæ pene cunctis pœna est, ut ingressum vitæ et laboris sui præmium amabat; unde in epistola ad sororem imperatoris, a tam dulci quiete abstractus, et in cura regiminis constitutus, conquerendo ait: « Alta, inquit, quietis meæ gaudia perdidit, et intro corruens, exterius ascendisse videor, unde me a facie Conditoris mei longe expulsam deploro. Conabar namque quotidie extra mundum fieri, cuncta corporum phantasmata ab oculis cordis abigere, superna gaudia incorporaliter videre, et ad Deum Dei faciem anhelans, non solum vocibus, sed et totis cordis medullis clamabam: Tibi dixit cor meum, Quæsi vultum tuum, vultum tuum, Domine, requiram. Nihil autem in hoc mundo appetens, nihil pertimescens, videbar mihi in quodam rerum vertice stare, ita ut in me plene fieri crederem, quod, pollicente Domino, ex propheta didicissem: Sustollam te super altitudinem terræ. Super altitudinem namque terræ attollitur, qui ipsa quæ alta et gloriosa præsentis videntur sæculi, per mentis despectum calcant. » Verum hæc hæctenus. Cæterum rogamus Dominum, ut vobis concedat ipsius supernæ contemplationis dulcedinem degustare. Det vobis mores vestros, totiusque vitæ rationem, ad cœlestis ordinis exemplar formare. Amen.

## EPISTOLA LI

N.... AD N....

Amantissimo patri et domino filias et suus, si quid est, quidquid est.

Jussistis, imo potius injunxistis, ut tertio vobis scribens, tertio audacis irreverentiæ animositatem exhibens de meæ pera paupertatis, de sacculo pertuso vanitatis Crœsi divitias cumlarem. Sed unde tantæ exactionis emergerit instantia diu multamque meditatæ sum in corde meo, attendens in hoc ridiculosam jussionem, nisi in vobis veræ charitatis et sinceræ veritatis adverterem præeminentiam; materiam quippe scribendi inopiæ proseribit copia, copiam disserendi sensus et memoriæ pervertit inopia. Quid itaque sibi vult Dominus meus? Nunquid in modico exhaurire paupertatem meam, cum non in una litteralis amicitie missione, non in uno quidem apice multiplicastis locupletare eam? Quid, inquam? Nunquid ut ingenii tarditas excitetur, aut ut mentis ariditas omnino excitteretur. Primum quidem ad amicum dicere ias est, sequens vero, ut dicitur, de amico sentire nefas est. Quid itaque agam nescio; ego enim videns paupertatem meam, et vestræ jussionis instantiam, coarctor undique, cum nec sensum linguæ suppleat facultas, nec verborum maciem sententiæ redimat ubertas, nisi forte cor amantis obedientia, quasi jubentis violentia, compunctum producat sensum, promptius vobis parere, quam sibi ipsi audeat imperare. Itaque, dum jubetis, juvatis. Ago igitur quod imponitis, ago quod exigitis; sed ea ratione conditionis, ut et vicem rependatis, et auctoris præsentium diligentiam et dilectionem juxta redamantis violentiam compensetis. Non itaque requiro ut præsentem reponatis in sacculum vestrum, sed ut me ponatis ut signaculum super cor vestrum. Magna prorsus rogo, et fere immerito merito deneganda, nisi quod amor gratis largitus, largitoris gratiam profusius commendat, et pro magnitudine charitatis gratuita gratum non tam meretur, quam mereatur amantem. Hortor itaque et opto ut habeat me cor vestrum, quod etsi dixisse pudet, non pœnitet. In ipso enim ac si in urna legis manna continetur absconditum, manna utique non vermibus scaturiens, sed spiritum salutis pariens, sed vermium spiritualium læsionem alli lens et adversitatem pervertens, quod dum a vestro corde, tanquam a thalamo gloriæ, tanquam a vase puritatis et munditiæ, omnem immunditiam eliminat, in quodam mentis altæ, sed non elatæ triclino evectus, fidei, spei et charitatis ordinatæ repositionem commendat. Sed cur animalis homo, cur filius hominis vermibus ista audeam nominare, cum nec nominatur a me sicut decet sanctum, sicut debuit decere me. Hæc quippe dicens, factus sum velut æs sonans, aut cymbalum timiens, quod non nisi alienæ opis opera operatur aut resonat. Simili modo et ipse alienæ messis non vindicans, sed mendicans alimoniam, si mercedem congregavi,

isi eas in sacculum pertusum, in quo non amor virtutum nutritur, sed vanitas vanitatum admittitur. Sed forte de mere vestro respondebitis ad hæc: Hæc est humilitas tua. Nostis autem quod

falsa humilitas non est veritas, sed duplex vanitas. Hæc mandat filius tuus, hæc mandat et amicus, jam dudum fraudatus amico, fraudatus socio, fraudatus et solatio, fraudatus a desiderio suo, quærens, et non inveniens virum secundum corpus suum, qui mentis ejus vastam solitudinem solus frequentet, cum quo cor suum participet, in quo caput suum reclinet. O me beatum, si inveniam unum! O si eundem, si ipsum ad quem nobis sermo! Sed quia caro et sanguis regnum Dei non possidebunt, eos qui Spiritu Dei aguntur, in spiritu et veritate oportet ambulare, oportet et amare; quatenus et amantis spiritus spiritualem affectum habeat et exhibeat, et redamantis veritas juxta sui nominis idioma ex fide non ficta prodeat ut proficiat, et quia scire puto hominem in corpore sive extra corpus in ea quæ ante sunt, totum cor, animam, et virtutem tota virtute extendere et his tota utriusque hominis diligentia intendere, mihi omnino difficile, imo parvitati meæ et pravitati pertimesco negatum, ne male conveniant, et ab una

A sede recedant, quæ non concordant caro et spiritus; en licet alter regnet sub Moyse Pharaonis ad allia gustum convertit qui non gustavit manna saporum. Et quia vindex est Deus super omnem operantem malum, fateor, gaudeo, sed et gaudebo in eo qui non tam vindicavit se, quam visitavit me, qui fecit et creavit me. Etenim manus Domini super me plaga corrigentis percussit me, et morti non tradidit me. Flagellum mundans vellem nollem excepi, inexpiatam impietatem in flagelli immanitate adverti. A facie manus suæ ego defeci; visitavit enim me in gladio suo duro, in gladio suo forti nec tam ad vindictam in hostem sæviens, quam paterne, quam misericorditer hostis utilitati deserviens. Et quia die ac nocte circumdedit super muros meos iniquitas mea, die ac nocte gravata est super me manus sua. Et vere necdum furor ejus quievit, necdum indignatio sopita, necdum vindicta retenta, sed adhuc manus ejus extenta. Finis ab his. Memor esto mei; quidquid male dixi corrigat in melius cura benigna. Vale.

ANNO DOMINI MCCCVI

# MAURICIUS DE SULLIACO

PARISIENSIS EPISCOPUS

## NOTITIA HISTORICA

(*Gall. Christ. nov.*, VII, 70, in episc. Paris.)

*Sully*  
Non ex illustri familia dominorum Soliaci, sed humili apud Soliacum oppidum ad Ligerim matre Humberga ortus loco Mauricius, unde illi *de Sully* cognomen, industria bonisque artibus ad pontificatus apicem ascendit. De eo id singulare monachus Antissiodorensis, Guillelmus Nangius, Vincentius Belvacensis et alii referunt quod, cum esset junior, pauper ac mendicus, elemosynam postulatam hac lege noluerit accipere, ut nusquam fieret episcopus. Et certe Parisios primum profectus ut litteris operam daret, tantum in eis progressum fecit, ut non solum theologiam publice edocuerit, sed etiam sacras ad populum habuerit conciones, etiamnum inter mss. Victorina asservatas, quibus in decla-

D mandis excellentis fuisse studii tradit Trithemius, qui duos illius sermonum libros scriptumque ab eo libellum de cura animarum ad presbyteros commemorat. Fuit autem primo canonicus Bituricensis, ut discimus ex monumentis istius ecclesiæ, tum Parisiensis; de modo autem quo factus est episcopus, hæc scribit Cæsarius Heisterbacchensis monachus Cisterciensis (1): «Cum nostris temporibus vacaret episcopatus, et electores inter se concordare non possent, tribus sua vota commiserunt, qui tres cum in unam non possent convenire personam, magistro Mauricio, qui e tribus unus erat, duo suam dederunt auctoritatem, ut quemcumque ipse nominaret, ipse episcopus esset: et quia idem Mauri-

(1) *Dialog.*, lib. VI, cap. 19.



cius, ut rei exitus probavit, magis cupiebat prod-esse quam præesse, seipsum nominavit, dicens: « Aliorum conscientias et propositum ignoro, episcopatum hunc, gratia Dei me adjuvante, irreprehensibiliter regere propono: » quod et fecit: sanctæ enim vitæ fuit, tam verbo quam exemplo, plurimis profuit, dies suos in eodem episcopatu clausit. » Sic autem electum Mauricium jam anno 1160 probat ejus charta data tunc temporis (2) pro Herivalle, ubi canonicos regulares instituit. Confirmavit anno eodem donationes ab antecessoribus ecclesiæ S. Victoris factas. Anno 1162, mense Augusto, comitatus est Ludovicum regem cum pergeret ad colloquium cum Frederico imperatore in urbe S. Joannis de Latona ob duos de papatu contententes habendum, missusque est a rege cum Joscio Turonensi archiepiscopo, et Guillelmo abbate Vizeliacensi, qui cum Henrico comite Trecensi poscerent inducias. Cum Mauricius Alexandrum papam ad dedicationem ecclesiæ Sangermanensis comitatus fuisset xi Kal. Maii, anno 1163, monachi episcopi præsentia commoti, a summo pontifice obtinuerunt, ut ab ecclesia recederet; unde indignatus Mauricius, querelas in concilio Turonensi coram papa detulit, jurisdictionem sibi in abbatiam S. Germani a Pratis vindicans, quæ ipsi fuit negata.

Circa id tempus prima novæ cathedralis fundamenta jecit, cujus primarium lapidem posuit Alexander III, ut habet Joannes canonicus victorinus. Opus inceptum successor Odo maxima ex parte implevit. Duos quoque pontes lapideos condidisse dicitur ab Antissiodorensi monacho in *Chronico*, alterum super Sequanam, alterum super Matronam. Controversiam habuit cum Rogero abbate Columbensi super monasterio Sancti Germani in Laia et parochia ejusdem, quæ ab arbitris terminata est an. 1163. Oria fuerat discordia inter Mauricium et Odonem S. Dionysii abbatem pro monasterio Argentolii, ubi vel abbatissam debere collocari cum virginum collegio affirmabat episcopus, vel abbatem quem ipse benediceret. Hæc autem controversia in Parisiensi palatio coram Alexandro III quadragesimali tempore utriusque partis consensu, judicium arbitrio commissa est, qui controversiam ad triennium tantummodo sopitam anno 1164, mense Aprili, non terminarunt, nisi sub pontificatu Innocentii III. Confirmavit eodem anno Mauricius donationem Hugonis Capeti factam monasterio Fossatensi. Emit duas domos ante paravisum sitas anno eodem, pro facienda via ante ecclesiam Beatæ Mariæ (3).

Lustralibus aquis tinxit filium Ludovici VII, qui fuit Philippus, cognomento Augustus, die Dominica 22 Aug., anno 1165, in ecclesia beati Michaelis de Platea, Hugone Sancti Germani, Hervisio Sancti Victoris, et Odone S. Genovefæ abbatibus susceptoribus ac sponsoribus cum Constantia regis sorore

A duabusque viduis Parisiensibus. Composuit eodem anno litem inter Rogerium abbatem Fossatensem et Radulfum de Buxeio. Aduit concilio Belvacensi anno 1166, ubi excommunicati monachi Resbacenses episcopo et abbati rebelles. Vineam a Guidone montis Gali monachis. Caroliloci concessam scripto testatur anno 1167. Lectum episcopi mortui pauperibus domus Dei assignavit de assensu capituli anno 1168. Consecravit Senonis Guillelmum de Campania archiepiscopum Senonensem, xi Kal. Januarii anni ejusdem. Insequenti approbavit concordiam initam inter abbatissam de Edera et Albertum pro nemore de Plaissiac anno 1169, episcopatus nono. Emit eodem a Ledemallo milite possessiones apud Sanctum Clodoaldum, et a Theobaldo Cocherel quidquid habebat apud Viriacum ep. 10. Anno 1170, episc. decimo, comparavit terram apud Victoricium a Willelmo de Mathiaco mæte. Querelam habuit anno eodem cum canonicis suis pro redditibus decanatus, quos mortuo decano suos esse contendebat utraque pars. Causa ad Alexandrum delata est, qui Guillelmum Senonensem archiepiscopum delegavit. Interim vero canonicis cedentibus, controversia sopita approbante Guillelmo archiepiscopo litteris, in quibus mentio est novæ domus episcopi Parisiensis: sibi enim et successoribus novas quoque ædes extrui curaverat. Eisdem litteras Clemens papa a Mauricio sibi exhibitas aliis litteris confirmavit in regia bibliotheca asservatis. Sancti Landerici Parisiensis episcopi corpus cum Remigio Sancti Germani Antissiodorensis decano in capsâ lignea recondidit Mauricius anno 1171, qui eodem donum datam monialibus de Edera approbavit. « Actum in domo nostra nova, inquit, episc. xi. » Donum eisdem factum ratum habet anno 1172, ep. xii. Garino S. Victoris abbati renuntiato benedictionis munus anno eodem impendit. Præsens assistit partitioni urbis Auiciei factæ inter episcopum Auicicensem et comitem de Polignac anno 1173. Ansell de Garlanda et ejus filii excepit hominum anno 1175 pro castello de Tornan, quod confirmavit rex Philippus mense Martio 1185.

Joannem Saresberiensem Carnotensem episcopum Senonis consecravit vi Idus Augusti 1176. Ejus consiliis persuasus Ludovicus rex assensum præbuit venditioni factæ a canonicis Sanctæ Opportunæ anno eodem. Insequenti confirmavit donum decimæ de Luabium factum ecclesiæ beatæ Mariæ de Pompona a Joanne et Mauricio de Pompona anno 1177, episcopatus decimo septimo. Eodem emit medietatem molendini de Canturanæ apud Corbodium a Petro de Chantelou. Compositam inter abbatissam de Edera et Petrum de Cantulupi controversiam testatur anno 1178, episcopatus decimo nono. Insequenti ineunte, xiv scilicet Kalend. Aprilis, consecravit altare abbatix Barbelli. Habitus est,

(2) *Hist. Eccles. Paris.*, t. II, p. 149.

(3) Sauval, tom. III, p. 8

anno 1179, in palatio Mauricii episcopi, Parisiis, a Ludovico rege conventus publicus episcoporum pro inauguratione Philippi filii. Emit anno 1180, episcopatus vicesimo primo, centum solidos redditus apud Victorium a D. Philippo de Levis, die festo S. Agathæ. Fecit potestatem anno eodem Sanctæ Elixæ, quæ femina erat de corpore, cum Drogone homine libero nuptias contrahendi. Discordantes priorem de Gisortio et Romanum presbyterum S. Gervasii auctoritate apostolica conciliavit in nova aula inferiori an. 1181, episcopatus vicesimo primo. Fer. iv Pentecostes anni 1182 Henricus legatus altare Sanctæ Mariæ Parisius consecrat una cum Mauricio præsule (4), qui ratam habuit anno eodem, episcopatus vicesimo secundo, venditionem factam monasterio S. Maglorii a Roberto priore Leprosorum de Givisiaco. Memoratur hoc adhuc anno in chartulario Rigniacensi cum Stephano Sanctæ Genovefæ abbate, et in litteris Guidonis archiepiscopi Senonensis pro Sancto Dionysio, et in tabulis Villæperosæ, ubi annus 1182 dicitur episcopatus vicesimus tertius. Datam canonicis regularibus Herivallem confirmavit anno 1183. Alia eodem anno, episcopatus vicesimo tertio, confirmavit, a'ia decrevit statuta pro canonicis Sancti Germani (5). Eodem querelam habuit cum monachis Majoris Monasterii super ecclesia S. Nomi, cujus præsentationem iis dimisit. Capellanum ad ecclesiam S. Thomæ de Montemagni ab Hervaro et Borchardo de Montemorenciaco præsentatum confirmavit anno 1184. Bullam accepit a Lucio papa, datam Anagninæ pridie Non. Jan., adversus presbyteros qui publice concubinas detinebant (6). Insequenti, xvii Kal. Februarii, legatos a Jerosolymitano rege missos, patriarcham maxime, solemniter excepit. Ii autem generale Parisiis eodem anno concilium habuere pro fide contra inimicos crucis defendenda. Sepelivit in majori ecclesia, xii Kal. Septemb. 1186, Godefridum Britannicæ comitem, assistente Philippo Augusto, qui in eadem ecclesia quatuor capellanas fundavit, et ad decorem urbis Parisiensis regali impensa omnes vicos quadratis lapidibus stravit ob intolerantiam luti, et cæmeterium publicum muris cinetum in loco Campellorum, quod postea Sanctorum Innocentium dictum est, ædificari curavit, de

cujus exordium Albericus in *Chronico*. Confirmavit anno eodem donationem factam eccles. Sancti Lupi in valle Montmorenciaca. Emit a Galeranno milite anno 1187, episcopatus vicesimo septimo, census in burgo de S. Clodoaldo.

Habita est media Quadragesima 1188 Parisiis synodus, in qua concessæ sunt regi decimæ, dietæ Saladinæ, ob expeditionem sanctam, quod minime probavit Petrus Blesensis in epistola 112, ad epi-

scopum Aurelianensem: « Quæ ratio est, inquit, ut qui pro Ecclesia pugnant, Ecclesiam spolient! » contendens non pecuniam a clericis, sed orationes solas esse exigendas. Confirmavit Mauricius anno eodem, episcopatus vicesimo octavo, domum a Theobaldo milite donatam hospitali S. Opportunæ, nunc S. Catharinæ (7). Bullam a Clemente III accepit, datam Laterani in Nonas Julii, pontificatus primo, qua ei facultas conceditur interdicendi canonicos regulares procuracionem in ecclesiis parochialibus ipsi et archidiaconis denegantes. Confirmavit ei idem pontifex ex abundantia liberam ecclesiæ Parisiensis præbendarum collationem. Donum ab Elisabeth uxore Anselmi monialibus de Edera factum approbavit anno 1188, episcopatus vicesimo nono. Insequenti, episcopatus vicesimo nono, ecclesiam de Besseaucour parochialem effecit. Anno 1190 mense Maio, pro anima Elizabeth uxoris Philippi regis in ecclesia Parisiensi a se humatæ altare erexit, institutus a rege duobus sacerdotibus pro celebratione missarum, teste Rigordo. Anno eodem obtinuit a Philippo II rege synagogam Judæorum Parisiensem ad ædificandam ibi ecclesiam. Iuit cum canonicis Corboliensibus super procuracione sibi debita compositionem mense Decembri, abbatibus Pontinicensi et Pruliacensi arbitris a summo pontifice delegatis. Mauricii ad preces Philippus Augustus, regni xi, confirmavit diplomata Ludovici parentis, qui Theobaldo decessori supellectilem episcopi defuncti et talliam hominibus episcopi mortui relaxaverat. Anno eodem Philippus rex Lutetiam contra hostes firmaturus, novum murorum ambitum cum fossis atque vallis e regione Academicæ adorsus est.

Capellanum in ecclesia S. Leufredi de eleemosyna Roberti Balduini instituit Mauricius anno 1191, episcopatus tricesimo primo (8). Philippum regem ex obsidione Acræ redeuntem die festo S. Joannis evangelistæ anno eodem Parisiis cum maxima multitudine cleri et populi honorifice suscepit. Circa id tempus de mandato Octaviani sedis apostolicæ legati Herlevo abbati Sancti Martini Pontisarenis benedictionis munus impendit, inconsulto et invito Rothomagensi archiepiscopo. Ecclesiam du Plessis tès S. Leu in valle Montmorenciaca matricem ecclesiam constituit anno 1192, episcopatus tricesimo secundo (9). Canonicorum Sancti Germani Antisiodorensis eodem anno episcopatus tricesimo tertio, jura, ecclesias ecclesiarumque præsentationes confirmavit (10). Donationes factas monachis B. Mariæ de Valle approbavit an. 1193. Ecclesiam Sancti Germani monachis degentibus apud Pirosum confirmavit anno 1194, episcopatus tricesimo quarto (11). Eodem episcopatus tricesimo quinto venditionem cujusdam furni factam ecclesiæ Beatæ Ma-

(4) Labb, *Bibl.*, t. II, p. 350.

(5) *Hist. Paris.*, t. III, p. 72.

(6) Sauval, t. III, p. 50.

(7) *Hist. Paris.*, t. III, p. 67.

(8) *Spicileg.*, t. IX, p. 497.

(9) *Hist. Paris.*, t. III, p. 73.

(10) *Ibidem*, pag. 114.

(11) *Ibid.*, p. 91.

riæ de Monte æstivo laudavit, et Hugoni abbatu S. Dionysii facultatem impertivit ecclesiam parochialem erigendi in vico de Villanova. Capellam Sancti Petri de Bobus, ecclesiam S. Eligii, capellas S. Boniti, S. Petri de Assis, S. Crucis et Sancti Martialis, ecclesiam S. Pauli cum atrio (12), magna decima et minuta, cum harumce ecclesiarum præsentationibus Fossatensi monasterio confirmavit mense Septembri 1195. Tanta aquarum inundatio contigit mense Febuario ineuntis anni 1196, ut Mauricius ad crenobium S. Victoris confugere coactus fuerit. Dedit eodem anno litteras pro decima terræ apud Castanetum, quem Ansellus vendidit ecclesiæ B. Mariæ. Donum Guidonis de Levis militis factum beatæ Mariæ de Rocha episcopatus tricesimo sexto confirmavit. Hoc ipso anno ineunte habitum est Parisiis consilium a legatis sedis apostolicæ pro reformando Philippi Augusti matrimonio, qui consanguinitatis prætextu Iugelburgem uxorem, sororem Canuti Danorum regis repudiarat, ut aliam duceret; at in hoc actum nil.

Exstat inter epistolas Stephani Tornacensis quarta numero Mauricii epistola ad Pontium Claramontanum episcopum, qui eum interrogaverat utrum baptismum collatum omissis verbis: *Ego te baptizo*, valeret. Respondet Mauricius baptismum non esse, si quid in forma ab Ecclesia tradita imminueretur aut immutaretur. In ejus sententiam idem paulo post definivit Alexander III, qui Mauricium delegavit ut cognosceret causam quæ vertebatur inter ecclesiam S. Evurtii Aurelianensis et Hebertum de Gervesiis super quibusdam decimis, quas ecclesiæ præfatæ adjudicavit Mauricius, præsentibus Stephano abbate Sanctæ Genovefæ, Petro decano Sancti Germani Antissiodorensis, etc. Exstant tomo II, *Ampliss. Coll.* duæ Alexandri III ad Mauricium epistolæ, quarum prima data Tarraconia x Kal. Januarii commisit ei accusationem adversus R. Flaviniacensem abbatem in civilibus et criminalibus; altera Januariæ, v Idus Februarii controversiam inter Hugonem Senonensem et abbatem Ferrariensem. Bullam præterea ab Alexandro III accepit, qua facta inter episcopos et archidiaconos compositio confirmatur, simulque his interdicitur, ne presbyteros sibi subditos nimia hospitiorum frequentia gravent. His accinit altera bulla Clemens III. Bullas accepit ab Urbano III, Veronæ pridie Non. Januarii, et a Clemente III, Pisis Idibus Januarii, confirmantibus factam ordinationem super parochia Joannis in ecclesia S. Genovefæ per Eugenium papam. Archiepiscopus Senonensis inconcessa præsumens in diœcesi Parisiensi jure metropoleos ipsi subjecta, excitavit querelæ Mauricii episcopi, quas justas judicavit Clemens III decretali: *Cum ex auctoritate canonum*. Præter concessa decessoribus privilegia a summis pontificibus, fundatas quoque ab ipso seu fundis auctas et dotatas abbatias de Herivalde, de Hermeriis,

A de Monte æstivo et de Gisso approbavit idem pontifex bulla quæ incipit: *Justis petentium desideriis*. His addit Cælestinus III abbatias Sancti Cirici et Vallis profundæ, modo vallis gratiæ apud Parisios.

Mauricius autem paulo ante obitum, si *Chronico* ms. Joannis a S. Victore fides, ad Sanctum Victorem se recepit, ejusdemque loci canonicus effectus est, ut liberius Deo vacaret, seque ad reddendam villicationis suæ rationem præpararet. Narrat Cæsarius febricitantissima tunc temporis vexatum sacram poposcisse eucharistiam. At cum presbyter insanienti sacra porrigere vereretur, detulit illi hostiam haud consecratam, quod præsentiens Mauricius exclamavit: « Tolle, tolle, non est Dominus mens. » Attonitus presbyter, verum corpus Domini sumpsit, quod summa fide suscepit Mauricius, brevique post migravit ad Dominum. Morientis superpectus posita est schedula hæc verba Jobi continens: « Credo quod Redemptor meus vivit, et in novissimo die de terra surrecturus sum, et in carne mea videbo Salvatorem meum, quem visurus sum ego ipse et non alius, et oculi mei conspecturi sunt. Reposita est hæc spes mea in sinu meo. » Sic autem præscripserat, ut resurrectionem mortuorum a multis tunc impugnatam, quam moriens confidenter fuisset professus, alii deinceps haud dobitarent profiteri. Moriens Roberto S. Victoris abbati et Reginaldo S. Marcelli decano mandavit, ut quos alieni juris occupatione forte læserat, his satisfacerent. C Qui paulo post ejus obitum Ricardo priori de Marcociis restituerunt quæ ei illegitime abstulerat Mauricius patronatum et præsentationem ecclesiæ ejusdem villæ. Defunctus sepelitur in medutillio chori ecclesiæ S. Victoris. Quatuor ejus tumulo e duodecim inscripti versus, quos ad preces canonicorum Parisiensium scripsit Stephanus episcopus Tornacensis, ut constat ex ejus epistola 260: « Paucos elegis scribimus, ut ex iis duos aut quatuor qui vobis magis placuerint excerpatis. Rogamus et obsecramus in Domino, ut auctoris tacito nomine recitentur. » Hi autem sunt quatuor selectis Romano caractere excusis:

*Excisus misero lacrymarum vallis in orbe  
Ponitur æterna vivus in urbe lapis.*

D Doctor et antistes cathedra condignus utraque,  
A prima meruit continuare duas

Sana fides, doctrina frequens, elemosyna jugis,  
Clamat Parisius non habuisse parem.

*Magnificum structura domus, et fabrica templi,  
Munificum perhibent advena, pauper, inops.*

*Horrea pauperibus, et scrinia semper aperta  
Exposuit miseris semper aperta manus.*

*Pontificem tanti meriti, servumque fidele  
Sera Mauricium, Virgo Maria, tuum.*

Quatuor his alii duo adjuncti diem ejus obitus annotant.

*Virginei mensis quæ tertia prævenit Idus,  
Splendorem sepelit nube sepulta dies.*

Longo post tempore tumulo in Sancti Victoris cho-

ro recens confecto imposita fuit hæc nova inscriptio : **A** *Hic jacet reverendus Pater Mauricius Parisiensis episcopus, qui primus basilicam B. Mariæ virginis inchoavit. Obiit anno Domini MXXCVI, tertio Idus Septembris.* Hos quoque in Mauricii obitum a cœtaneo editos versus e ms. codice Nicolaus Canuzat canonicus Trecentis Sammarthanis olim suppeditaverat :

*Migrat Parisii pater ad patriam paradisi  
Mauricius : Mundo Martha, Maria Deo,  
Hic obiit a quinta jejunos luce viator,  
Esurit in vera carne videre Deum.  
Offertur panis, quem clausis sensibus intra  
Spiritus inspirat corporis esse cibum,  
Verbo, mente, manu calicem, panemque repellit,  
Et sic cœlesti corripit ore dolum.  
Illusere mihi velut hospes : postulo passum,  
Passum sub vera postulo carne Deum.  
Rem stupet auditor, offert venerabilis abbas  
Quod petit, occurrit mente, manuque pater.  
Sentit adesse Deum, fervescit in oscula : sanctum  
Vas tenet, et verum corpus adorat ita :  
Ecce salus mundi, Verbum Patris, hostia sacra,  
Vira caro, Deitas integra, verus homo.  
Te, Deus, esurio, quod non sinis exteriorem,  
Te, Deus, interior sumere possit homo.  
Transent ad dextram Patris Christi caro, cum quo  
Disponit Patris regna Redemptor homo.  
Sic spes hic meruit rem præsentire, fidesque  
Scire, videre Deum glorificandus homo.  
Sic amor exarsit, sic spes præsensit, ut unum  
Crederet, et sciret credita certum fides.*

Præclara Mauricii in Necrologio Parisiensi memoria est : **C** III Idus Septembris obiit Mauricius bonæ memoriæ Parisiensis episcopus, qui novum vicum de suo proprio factum tempore ante portas ecclesiæ aperuit, quatuor abbatias novellas sub ecclesia Parisiensi plantavit, pontes in episcopatu constituit, domos episcopales novas ædificavit, redditus episcopatus multipliciter ampliavit. Idem etiam dedit nobis domum juxta portam claustrisitam ad stationem in festo Sancti Mauricii persolvendam, Mariam quoque de Castancto ad stationem die anniversarii sui persolvendam, secundum etiam de Ivry ad stationem die electionis suæ, die scilicet tertio

**A** post festum sancti Dionysii persolvendam Hæc autem Joannes nepos canonicus noster quandiu vixerit possidebit, post ejus decessum ad capitulum nostrum revertentur. Si quid vero factis, sicut prædictum est, tribus stationibus residuum fuerit, ad beneficium denariorum matutinalium canonicis cedat. Dedit insuper nobis viginti marchas auri ad faciendam tabulam auream ante majus altare ; calicem quoque dedit aureum duarum marcharum et dimidiæ, thuribulum aureum quatuor marcharum, et tabulas argenteas ad ornamentum altaris, duas cappas, tres infulas, pallium unum, dalmaticam unam, tunicam unam, et albas duas paratas cum amictis et stolam unam ; trecentas quoque libras donavit ecclesiæ, centum scilicet ad denarios matutinarum **B** canonicis, centum ad denarios matutinales pauperibus clericis, centum ad tectum novæ fabricæ faciendum plumbeum. Præterea dedit nobis centum nonaginta marchas argenti, quæ positæ fuerunt in emptione terrarum, hospitum et vinearum, quæ fuerunt Guillelmi de Bezon militis et uxoris ejus apud Vitry, quæ omnia tenebit magister Philippus in vita, et de his omnibus reddet annuatim decem libras Parisienses, et quicumque post eum dictos redditus tenebit, similiter decem libras persolvat, de quibus canonici et majori altari servientes, qui vigiliæ anniversarii intererunt, duodecim denarios habebunt, et clerici quatuor, et pueri duas, et sequenti die in missa similiter fiet distributio. Matricularii vero laici duos solidos habebunt. Statutum est autem a capitulo ut anniversarium ejus solemniter agatur, canonicis tam ad vespas quam ad missam chorum tenentibus, et missa ad majus altare celebrabitur.

De Mauricii fato et gestis Rigordus Philippi Augusti chronographus libro De gestis ejusdem ; Guillelmus Nangius ad annum 1196 ; Vincentius Belvacensis part. III *Speculi historialis* ; Robertus in Supplemento Sigeberti, Jacobus Vitriacus, Cæsarius Cisterciensis, *magnum Chronicon Belgicum*, Antoninus, Trithemius, etc., ubertim loquuntur.

# MAURICII DE SULLIACO

PARISIENSIS EPISCOPI

## EPISTOLÆ ET DIPLOMATA.

### I. — EPISTOLÆ.

I-III.

EPISTOLÆ AD ALEXANDRUM III PAPAM

*In causa S. Thomæ Cantuariensis.*

(Anno 1169-1170.)

[*Epistolæ Gilberti Foliot*, ed. GILES, II, 229. — Vide inter variorum ad Alexandrum III epistolas, *Patrologiæ* tom. CC.]

### II. — DIPLOMATA.

I.

*Charta pro decima de Campellis.*

(Anno 1164.)

[*Cartulaire de Notre-Dame de Paris*, Paris 1840, 4°, t. I, p. 71.]

Ego MAURICIUS, Dei gratia humilis minister Parisiensis Ecclesiæ, notum fieri volumus universis tam presentibus quam futuris, quod Joannes de Versaliis et Hermessendis uxor ejus invadiverunt per manum nostram canonicis Sancti Martini de Campellis decimationem de Felioe usque ad iv messes pro lx libris Parisiensis monetæ, hoc tenore quod si forte prædicta moneta ceciderit vel deterior facta fuerit, pro singulis xl solidis persolvetur marcha argenti; ita tamen quod si decimatio receptis iv messibus non redimeretur, quousque præfata pecunia solvatur, canonici eam quiete possidebunt. Prænominatus vero Joannes plenivit in manu nostra quod decimationis hujus vadium ecclesiæ de Campellis garantiret, et pro eo nullum fieri detrimentum ecclesiæ sustineret, concessit hoc ipsum et laudavit Guillelmus de Mureto frater ejusdem Hermessendis, de ejus feodo prædicta erat decimatio. Plenivit etiam hoc ipsum in manu nostra eadem Hermessendis de cujus patrocinio res erat, et duo filii ejus Baldewinus et Fredericus. Huic rei testes interfuerunt quamplures tam clerici quam laici, Radulfus præpositus, Petrus canonicus, de campellis, Saanbertus sacerdos, Isenbardus, Galterus capellanus, Asselinus sacerdos, Vitalis decanus de

A Moyseto, Odo canonicus, Fulco presbyter, Herbertus de Villa Nova, Josbertus de Moyseto, Herbertus de Villa-Crena, et laici quamplures, Gilbertus de Gueregnioco, Simon de Candor, Gocelinus de Santeaco, Robertus de Attiliaco, Hodius de Genuliaco, Morellus de Campellis.... Richardus Cæmentarius.

Actum publice, in presentia nostra apud Moysetum in octavis Sancti Dionysii, anno ab incarnatione Domini 1164, episcopatus vero nostri anno iv. Et ne hujus rei pactio vel hominum calumnia, vel fraude malignorum, valeat dissolvi, sigillo nostræ auctoritatis dignum duximus confirmare.

II.

*De his quæ vendidit Ledemallus miles apud villam Sancti Clodoaldi.*

(Anno 1169.)

[*Ibid.*, pag. 50.]

Ego MAURICIUS, Dei gratia Parisiensis episcopus, notum fieri volumus, universis tam presentibus quam futuris, quod Ledemallus miles de Villescoblen nobis, quadraginta librarum pretio vendidit, quidquid frater suus Thomas canonicus apud villam Sancti Clodoaldi, aut in vineis, aut censu numerorum et vini, aut pressoragio, aut in oblatiis, aut corveis, nomine ipsius Ledemalli possidebat; quæ omnia ad ipsum Ledemallum redditura erant et ad feodum nostrum pertinebant. Hanc autem venditionem concesserunt fratres ejus, scilicet Thomas canonicus et Hungerus miles, et filii ejusdem Ledemalli, Mattheus miles et Philippus nondum miles,

quæ se hujus venditionis fidejussores cum patre suo A  
 fidei interpositione constituerunt, et se garantiam  
 laturos compromiserunt; quod etiam Philippus,  
 primo anno militiæ suæ infra mensem quo submo-  
 nitus fuerit, se facturum similiter fide interposita,  
 pollicitus est. Fuerunt etiam alii fidejussores, sci-  
 licet Hugo de Plesseio et Hugo de Sancto Jonio (13).  
 Testes qui adfuerunt: Galterius capellanus, Erchem-  
 baldus decanus, Bruno canonicus, Joannes sacer-  
 dos, Petrus miles, Matthæus Panis, Sehericus, An-  
 dreas de Trembleyo, Gerbertus major. Fidejussioni  
 Hugonis de Plesseio interfuerunt, Joannes nepos  
 noster et Joannes Rufus; fidejussioni vero Hugonis  
 de Sancto Jonio interfuerunt, Thomas marescallus,  
 et Guilertus et Matthæus, seruites nostri. Quod  
 ut futuris temporibus ratum et inconcussum teneatur,  
 scripto commendari et sigilli nostri auctoritate  
 dignum duximus roborari.

Actum publice apud Sanctum Clodoaldum, anno  
 Incarnationis Dominicæ 1169, episcopatus vero  
 nostri anno nono.

### III.

*De his quæ vendidit Willelmus de Maciaco apud  
 Victoricium.*

(Anno 1170.)

[*Ibid.*, p. 48.]

Ego MAURICIUS, Dei gratia Parisiensis episcopus,  
 notum fieri volumus universis tam præsentibus quam  
 futuris quod Willelmus miles de Maciaco [*al. de*  
 Mathiaco] viginti arpenna terræ, quæ ipse apud  
 Victoricium possidebat et de nobis ad sensum quia-  
 que solidorum tenebat, viginti quinque librarum  
 pretio nobis vendidit, et se garantiæ fidejussorem,  
 posita constituit. Quam venditionem Avelina uxor  
 ejusdem Willelmi et Stephanus Palmarius frater  
 ipsius concesserunt. Huic autem venditioni et con-  
 cessione præfati Stephani coram nobis factæ Parisius  
 interfuerunt quamplures: Ascelinus, decanus Sancti  
 Marcelli, Galterus capellanus noster. . . . Laici:  
 Drogo miles de Sancta Cruce. . . . Stephanus pistor,  
 Thomas marescallus, Hugo baticularius, Matthæus  
 panetarius, Simon carpentarius, Willelmus cocus,  
 Ricardus camerarius. Concessioni autem uxoris  
 ejusdem Willelmi, apud Calliacum factæ, inter-  
 fuerunt quamplures Albericus, sacerdos Calliaci, D  
 Galterus capellanus ejus. . . . Laici: Brunellus, major  
 Victoricii, Helluinus decanus. . . . Odo Censarius. . .

Actum publice Parisius, anno incarnati Verbi  
 1170, episcopatus vero nostri anno decimo.

### IV.

*De censu quem Sancti Victoris canonici apud S.  
 Marcellum et Ivriacum possidebant.*

(Anno 1171.)

[MARTEN., *Ampl. Coll.*, VI, 245.]

Quoniam plerique perversi animi ad decipiendum  
 maxime intendunt, nostri officii est res in præ-

(13) Nomina testium et notas temporis et loci  
 adjecimus ex Magno Chartulario f<sup>o</sup> 102 v<sup>o</sup> et ex  
 parvo f<sup>o</sup> 220.

sentia nostra bene gestas pro bono pacis ad notum  
 posteriorum memoriæ tradere, et scripto confir-  
 mare. Ego igitur MAURICIUS Parisiensis episcopus  
 notum facimus præsentibus pariter et futuris, quod  
 Ferricus de Gentiliaco quendam censum quem  
 apud Sanctum Marcellum et apud Ivriacum eccle-  
 sia B. Victoris Parisiensis de dono fratri Ferrici  
 ejusdem ecclesiæ canonici diu in pace tenuerat, de  
 feodo suo et antecessorum suorum eundem cen-  
 sum esse dicens, saisivit. Ecclesia vero S. Victoris  
 erga prædictum Ferricum querimoniam movit, et  
 coram justitia nostra placitavit. Tandem consilio  
 prudentium virorum habito in dicta ecclesia, ad  
 confirmationem pacis supra nominato Ferrico qua-  
 tuor libras denariorum donavit, et ipse præscri-  
 ptum censum sæpe memoratæ ecclesiæ: qui etiam  
 clamavit, et quidquid proprii juris in eodem censu  
 se habere dicebat, eidem ecclesiæ in præsentia  
 nostra in pace perenniter possidendum concessit,  
 et justam se inde garantiam laturum promisit.  
 Quod etiam concessit et laudavit Anselmus de  
 Bruneyo sæpediti Ferrici frater, videntibus et au-  
 dientibus qui nobiscum aderant, quorum supposita  
 sunt nomina et signa.

S. domni Anselmi decani S. Marcelli.

S. Simonis de sancto Dionysio.

S. Gauterii capellani nostri.

— S. Magistri Manerii.

S. Marcelli clerici nostri.

S. Theoberti de Monte Leterici.

S. Petri de Monterello.

S. Philippi de Athiis.

S. Hugonis mercatoris.

S. Drogonis carnificis.

Quod ne subrepens oblivio deleat, aut emergens  
 calumnia contradicat, scripto mandari præcipimus,  
 et præsentem paginam sigilli nostri auctoritate  
 roboramus.

Actum publice Parisius anno Incarnationis Verbi  
 1171, episcopatus vero nostri anno xi (14).

### V.

*De medietate molendini de Cantu Ranæ quam ven-  
 didit Petrus miles de Chantelu Parisiensi epi-  
 scopo.*

(Anno 1177.)

[*Cartulaire de Notre-Dame de Paris*, I, 51.]

Ego MAURICIUS Dei gratia Parisiensis episcopus,  
 notum fieri volumus universis tam præsentibus  
 quam futuris, quod Petrus de Chantelou et Er-  
 mengardis uxor ejus, medietatem cujusdam mo-  
 lendini, qui Cantus Ranæ dicitur, qui apud Corboi-  
 lum situs est, quæ medietas præfate Emengardis  
 hæreditatem spectabat, nobis vendiderunt, et in-  
 super moluram suam quam præter medietatem in  
 eodem molendino, sine socii portione habebant.  
 Hanc autem venditionem, filio eorum Gaufridus

(14) Ex hoc loco patet initium pontificatus Mau-  
 ricii episcopi non ad annum 1164 repetendum esse,  
 ut voluit Sammartani, sed ad 1160.

miles, Odo clericus, Simon, Hugo et filia Richeldis et Avelina concesserunt. Prædicti siquidem Petrus et Ermengardis et eorum filii et filia, fide interposita, promiserunt se venditionem istam conservare et garantire, et seipos et quam plures alios, qui subscripti sunt, fidei jussores constituerunt, scilicet Hugonem Pinel, Ranulphum de Chantelou, Gaufridum de Solorra, Joscelinum de villa Genart, Robertum de la Bretesche. Hanc vero venditionem prior Sancti Joannis de Corbolio et prior Sancti Guenaili, in quorum censiva situs est, prætaxatus molendinus, approbaverunt et concesserunt. Huic venditioni interfuerunt quamplures clerici : frater Daniel capellanus noster, Marcellus canonicus Parisiensis, Geisbertus decanus Moissiaci ; Laici : Gosbertus miles de Porrigniaco, Adam piper, postellus de Moissiac, et Joannes filius ejus, Ricardus camerarius, Enjoramus, Boson servientes nostri.....

Quod ne temporum noxia vetustate deleri, vel malignantium fraude, possit aliquatenus infirmari, præsentis scripti attestazione et sigilli nostri super addita impressione dignum duximus præmuniri.

Actum publice apud Moissiacum, anno incarnationi Verbi 1177, pontificatus vero nostri xvii.

## VI.

*De his quæ vendiderunt. Philippus de Sevis et Gaerannus de Galardone.*

(Anno 1181, Febr. 5.)

[*Ibid.*, p. 45.]

Ego MAURICIUS Dei gratia Parisiensis episcopus, notum fieri volumus universis tam præsentibus quam futuris, quod dominus Philippus de Sevis et uxor ejus Elisabeth redditus centum solidorum, quos apud Victoriciam a domino Galerando de Galardone idem Philippus in feodum tenebat, quater viginti librarum pretio nobis vendiderunt, et se rectam garantiam laturos, fide interposita sponderunt et fidejussores garantiam Guidonem de Palaciolo, Bartholomæum de Carlerin, Michaelen Dun Vileir, sub astrictione fidei dederunt. Quam venditionem laudaverunt prædictus Galerandus et Idonea uxor ejus, et dominus Hecelinus de Sinaitis et uxor ejus de Loherengia et filius eorum Hecelinus, et se garantiam obsides, sub fidei sacramento constituerunt : insuper jam dictus Galerandus quod residuum habebat de parte uxoris suæ, pro quater viginti libris nobis vendidit, uxore sua Idonea hoc ipsum laudante et assensum præbente, et tam ipse quam uxor ejus se rectam garantiam laturos, fidei interpretatione, promiserunt. Hoc ipsum dominus Hecelinus de Linaitis a quo idem Galerandus tenebat, et uxor ejus Lorehengia, et eorum filius Hecelinus et Rencia uxor Guidonis de Palaciolo, et alia dux juniores præfati Hecelini filia laudaverunt, et quietam clamaverunt, et fide præstita, se rectam garantiam laturos concesserunt. Fidejussores etiam garantiam prædictus Galerandus nobis constituit, scilicet Gaufridum, Poet, Guidonem

A de Vallibus, Garinum de Malpertuis, Guidonem de Valle Grinosa, qui se hoc garantire, sub fidei sacramento, compromiserunt. His autem venditionibus et laudantium concessionibus interfuerunt, etc. Ad majoris autem firmitatis munimentum, prædicti scilicet Philippus et Elisabeth uxor ejus Galerandus et Idonea uxor ejus, Hecelinus et Loherengia uxor ejus, prædictam terram et redditus super altare Beatæ Mariæ in elemosynam Ecclesiæ Parisiensi obtulerunt.

Actum apud Victoriciam publice, anno incarnationi Verbi 1180, die festi Sanctæ Agathæ, episcopatus vero nostri xxi.

## VII.

*Mauricius episcopus Parisiensis fundationem Herivallis confirmat.*

(Anno 1185.)

[*Gall. Christ. Nov.*, VII, 74.]

Quæcumque ad divini cultus ampliationem utiliter ordinata sunt, perpetua oportet stabilitate firmari. Eapropter ego MAURICIUS Dei gratia Parisiensis episcopus, notum fieri volumus universis, tam præsentibus quam futuris, quod nobilis vir Guido buticularius, assensu Margaritæ uxoris suæ, et filiorum suorum Guidonis buticularii et Guilielmi, ob remedium animæ suæ et antecessorum suorum locum proprietatis suæ, qui Herivallis dicitur, in quo ad honorem B. semper virginis Mariæ constructa est ecclesia, canonicis ibi sub abbatis imperio regulariter Deo militaturis libere et absolute, et quiete in perpetuum possidendum concessit, nihilque propriæ potestatis aut dominationis sibi vel hæredibus suis ibidem retinens, eundem locum omni libertate, quantum ad ipsam pertinet, per manum nostram donavit LX etiam arpennos terræ quam a Terico de Fossis, et xxx quos ab Hugone majore de Lusarchiis comparaverant, bosculum etiam domui præfatæ vicinum, dimidium etiam modium annonæ in molendino de Coxa de elemosyna comitis Reginaldi ; cuncta etiam quæ in proprietate sua, aut feodo ex ipsius, vel aliena liberalitate, aut alio quocumque modo in decimis, in nemoribus, in terra arabili, in vineis, in pascuis, in vinagiis, in molendinis acquisierunt, fratribus divino intuitu jure perpetuo ac plena libertate habenda et tenenda concessit. Huic donationi testes fuerunt Petrus capellanus noster, Stephanus Silvanectensis decanus, Theobaldus, de Viri et Philippus canonici Parisiensis, et alii plures.

Actum est apud Herivallem, anno incarnationis Domini 1185, episcopatus nostri xxii.

## VIII.

*De his quæ vendiderunt Tiulfus et Herbertus de Moriana et Avelina soror ejus.*

(Anno 1187.)

[*Cartulaire de Notre-Dame de Paris*, I, 52.]

In nomine sancte et individue Trinitatis. Amen.

Ego MAURICIUS, Dei gratia Parisiensis episcopus,

notum fieri volumus universis tam presentibus quam futuris, quod Tyulfus et Herbertus de Moriana fratres et Avelina soror eorum, sex solidos et decem denarios censuales in terra nostra sitos, et in octavis Sancti Dionysii annuatim reddendos, nobis vendiderunt pretio C et X solidorum, quidquid juris pro censu illos ipsos contingebat in nostrum, fide recte garantiae in manu nostra praestita, transferentes dominium. Hanc venditionem Henricus et Joannes et Milo filii Richardi de Musterolo, concesserunt et sese venditores et garantiae fidejussores, interposita, constituerunt. Hujus rei testes interfuerunt: frater Daniel et Nicolaus et Adam de Barris canonici Parisienses, Joannes de Castris, Hervens archipresbyter, Bernerus decanus de Musterolo, Andreas de Exonia, Enardus de Basneolis, presbyteri, Hamelinus praepositus noster matricularius, Balduinus de Platea, Henricus de Termis, Henricus Flandrensium, Emerboldus de Vitri, Willelmus coeus, Albertus camerarius, Gervasius buticularius, Thomas marescallus, Robertus de Chavenois et alii quamplures.

Actum Parisiis anno Incarnationis Dominicae 1187, episcopatus nostri 27.

Quod ut perpetuam obtineat firmitatem, scripto praesenti commendari et sigilli nostri auctoritate praecipimus confirmari.

## IX.

*De censu quem vendiderunt Galerannus de Loco Sancto et uxor ejus apud Sanctum Clodoaldum.*

(Anno 1187.)

[*Ibid.*, pag. 46.]

In nomine sanctae et individuae Trinitatis. Amen.

Ego MAURICIUS Dei gratia Parisiensis episcopus, notum fieri volumus universis tam presentibus quam futuris, quod Galerannus miles de Loco Sancto, et Havis uxor ejus, nobis vendiderunt, pretio XXV librarum Parisiensium totum censum suum in burgo nostro de Sancto Clodoaldo situm, nihil ibi potestatis aut domini retinentes, sed quidquid in ea habebant in nostram transferentes proprietatem. Cum autem idem Galerannus censivam illam feudalem de Petro Latruge milite teneret, et Petrus ipse de feodo illo nobis hominum fecisset, Petrus in praesentia nostra constitutus venditionem istam concessit et hominum et feodum ipsum totum in manu nostra resignavit. Ipse quoque cum Joanne fratre suo et Felicia matre, fide interposita rectae garantiae se fidejussorem constituit. Huic venditioni a Galeranno et praenominata uxore sua nobis factae, interfuerunt testes; Osmundus archidiaconus, Petrus decanus Sancti Germani, frater Daniel, Nicolaus et Adam, canonici Parisienses, Matthaeus de Modum et Adam de Gif

decani, Hervens archipresbyter, Rogerus de Asinariis, Willermus de Palaciolo, Jordannus de Celeuil (*al. de Sarcuil*), Clemens et Nicolaus Beceeriis presbyteri, Joannes de Castris, Theobaldus Velro, Hugo Blondellus, Theodinus de Vitry milites, Floardus, Odo de Sancta Mederico, Richardus, Capicerius, Garnerus Andree et Garnerus Vaulius, et Joannes de Tremblay, Rericus de Sancto Marcello, Gaufridus de Solorre et Robertus tabernarius, de Moissi. Concessioni vero et resignationi feodi quam fecit Petrus La Truie, interfuerunt... Joannes matricularius, Simon carpentarius, Albertus camerarius, Willermus et Herbertus coqui... et Joannes portarius.

Actum Parisiis in inferiori aula nova, anno incarnationi Verbi 1187, episcopatus nostri xxvii.

Quod ut perpetuam obtineat firmitatem, praesenti scripto commendavimus et sigilli nostri auctoritate confirmamus.

## X.

*De molendino de Cantu Ranæ quod est apud Corboilum.*

(Anno 1190.)

[*Ibid.*, p. 49.]

Ego MAURICIUS Dei gratia Parisiensis episcopus, notum fieri volumus universis quod, cum nos et Guido de Mossiaco, molendinum quoddam, quod de Cantu Ranæ dicitur, apud Corboilum communiter possideremus, idem Guido pro necessitate sua et Girardus filius ejus, jam miles factus, partem suam quam in praefato molendino habebant nobis, fide garantiae in manu nostra praestita vendiderunt pretio xxv librarum monetæ Parisiensis. Hujus quoque venditionis fidejussores, garantiae fide data, se constituerunt: Hugo de Everi, miles, Henricus de Luigni, Gillibertus de Moissi, Gaufridus de Solorre, et sic molendinum illud totum nostrum fecimus. Praesentium quoque ac futurorum notitiae transmittere curamus, quoniam praenominatus Guido cum praedicto filio suo Girardo, similiter nobis vendiderunt, pretio xviii librarum Parisiensium, duodecim arpennos terræ arabilis, quæ dicitur terra Sancti Petri juxta culturam nostram. Utramque autem venditionem, scilicet molendini et terræ concesserunt, et se fide media garantire promiserunt, filiae supradicti Guidonis, Hildeburgensis et Ermengardis, et generi ejus Petrus et Matthæus, et filii ipsius Odo, et Guido, et frater ejusdem Guismundus canonicus de Campellis.

Actum (15) [de venditione quidem molendini Parisius, de venditione vero terræ et concessionibus amicorum, apud Moissiacum, testibus, etc., anno Incarnationis Dominicae 1190, episcopatus nostri xxxi. Quod ut perpetuam obtineat firmitatem, scripto commendari et sigilli nostri sub impressione praecipimus confirmari]

(15) Hanc venditionis chartam complevimus ex tutulario, folio 134, et in parvo, folio 268 bis.

ejusdem apographis quæ continentur in Magno Char-



## XI.

*Charta Mauricii Parisiensis episcopi qua abbati et monasterio S. Dionysii Parisiensis concedit ut ecclesiam baptismalem in curia Nova Villæ cum jure patronatus, erigat.*

(Anno 1194.)

[*DOUBLET, Histoire de Saint-Denys, 526.*]

In nomine sanctæ et individuæ Trinitatis, amen. Ego MAURICIUS Dei gratia Parisiensis episcopus, notum fieri volumus universis, tam præsentibus quam futuris, quod nos in villa Beati Dionysii quæ dicitur Nova Villa, prope Novalia de Ternomio, ecclesiam baptismalem institui volumus et benigne concessimus, ut curatas et synodalia, et cætera parochialia debita, nobis et successoribus nostris episcopis, et archidiacono similiter persolvat, et fontes et cœmeterium, campanas et cætera parochialia, sicut matrix et baptismalis ecclesia obtineat, et proprii sacerdotis præsentia gaudeat. Ad abbatem vero tanquam ad patronum jus præsentationis et eligendi sacerdotem in ecclesia illa ab episcopo instituendum pertineat, salvo in omnibus jure episcopi et archidiaconi. Quod ut ratum et firmum permaneat, præsentem paginam inde conscribi, et eam sigilli nostri auctoritate præcipimus communiri.

Actum anni incarnati Verbi 1194.

## XII.

*De pratis Insulæ de Mera.*

(Anno 1195.)

[*Ibid., p. 55.*]

In nomine Domini, Amen. Ego MAURICIUS, Dei gratia Parisiensis episcopus, notum facimus universis quod Hugo filius Ebrardi et uxor ejus Ascelina, fide garantix in manu nostra præstita vendiderunt nobis, octo libris monetæ Parisiensis, duos arpennos pratorum in insula que Mera dicitur sitos, et pratis nostris contiguos. Hujus venditionis fideijussores se constituerunt, Garnerius filius et Galterus gener dicti Hugonis, Garnerus Andreae, Joannes Aldegundis, Willelmus de Moncello, Matthæus filius Joslenni, et se garantiam laturos compromiserunt. Testibus..... Richardo capicero, Erchembaldo præposito, Guimberto panetario....

Actum apud Sanctum Clodoaldum incarnationis Dominicæ anno 1195, episcopatus nostri xxxv.

Quod ut ratum permaneat, scripto commendavimus, et sigillo nostro confirmavimus.

## XIII.

*Charta Mauricii de Ansello de Chetenvilla et Aalesi uxore ejus.*

(Anno 1196.)

[*Cartulaire de Notre-Dame de Paris, II, 114.*]

In nomine Domini, Amen. Ego MAURICIUS, Dei gratia Parisiensis episcopus, notum facimus universis præsentibus et futuris quod Ansellus de Chetenvilla et Aalix, uxor ejus, vendiderunt ecclesiæ bea-

A tæ Mariæ Parisiensis, pro viginti libris, totam decimam suam quam habebant apud Chastanetum tam de terra arabili quam de terra Martanda. Hanc venditionem Joannes de Bevre, de cujus feodo est decima illa concessit et approbavit, et se defensorum et fideijussorem garantix cum Radulpho de Plessiaco, et Galtero de Chaterun, fide in manu nostra præstita, constituit. Testes sunt, Hugo decanus, Petrus cantor, Galo succentor, Matthæus decanus de Meudun, Nicolaus decanus de Viceor, Guibertus, Aubertus, Hunaudus.

Actum Parisius, anno Dominicæ Incarnationis 1196, episcopatus nostri xxxvi.

## XIV.

*De hospitibus et censu quæ vendiderunt apud Victoricum, Hugo Malvias et Gondrea uxor ejus, Parisiensis episcopo.*

(Anno 1160-1196.)

[*Cartulaire de Notre-Dame de Paris, I, 52.*]

Ego MAURICIUS, Dei gratia Parisiensis Ecclesiæ episcopus, notum fieri volumus universis, tam præsentibus quam futuris, quod Hugo Malvias et Gondrea uxor ejus vendiderunt nobis pro lx libris, vii hospites et censum annuum xxvi solidorum et dimidii, et quidquid apud Victoricum possidebant. Hoc autem ipse et uxor ejus in manu nostra refutaverunt, et uterque venditionem istam plevivit, et fide interposita se perpetuo garantire firmiter promisit. Mater etiam prædictæ Gondræ hoc ipsum concessit, et fide interposita, plevivit. Joannes quoque de Curcellis, ad cujus feodum id pertinebat, ipse et concessit et laudavit.

## XV.

*De transactione factâ inter Mauricum episcopum et canonicos Sancti Marcelli de Vitriaco.*

(Anno 1163-1196.)

[*Ibid., p. 53.*]

Ego MAURICIUS, Dei gratia Parisiensis episcopus, notum fieri volumus universis, tam præsentibus quam futuris, quod controversia exstitit inter canonicos Sancti Marcelli, et Giroldum de Vitriaco, eo quod ancillam nostram duxisset, cum ipse esset de familia Sancti Marcelli. Insuper conquestum quemdam terræ et vinearum quem idem Giroldus a patre et matre sua habuerat, prædicti canonici vindicare conabantur. Tandem controversia illa ante nostram translata præsentiam compositione terminata est tali, scilicet, quod nos filiorum Giroldi primum habebimus, canonici vero secundum, nos tertium, et ipsi quartum, tam de his qui nati sunt, quam qui nascituri sunt. Si vero unus superferit impar, dabitur in clerum. Hæreditas vero Giroldi et uxoris suæ inter ipsos, tanquam inter fratres convenienter dividetur, etc.

## VARIORUM CHARTÆ

d Ecclesiam Parisiensem spectantes, sub Mauricii regimine datæ.

### I.

*Charta de terra data a capitulo monachis de Karoliloco ad firmam, apud Espiers.*

(Anno 1164.)

[*Cartulaire de Notre-Dame de Paris*, II, 340.]

In nomine sanctæ et individuæ Trinitatis, amen, ego HUBERTUS monasterii Karoliloci abbas dictus, et totus fratrum conventus, notum fieri volumus, iam presentibus quam posteris, quod, presente et annuente Mauritio Parisiensi episcopo, presente etiam Silvanectensi episcopo Eumaurico, adensivimus a canonicis Beatæ Mariæ Parisiensis LXVII arpenta terræ, in territorio d'Espiers constituta, hac scilicet conditione, ut singulis annis, in festo Sancti Martini, XVIII sextaria frumenti de meliori quod crescet in illa terra, ad mensuram Parisiensem, ad minam regis, prædictis canonicis persolvamus, et vectura nostra Parisius deportemus. Illi vero canonici qui annonam illam habebunt, sex equos nostros et quatuor homines, una tantum die illa videlicet qua venerint, hospitabunt et procurabunt convenienter. Si vero prædicta annona in communitatem totius capituli sui venerit, de communitate sua procurabuntur, equi nostri et homines, quot prædicti sunt. Quod ut nullatenus violari possit, etc.... Signum Humberti abbatis, S. Humberti prioris, sig. subprioris Enjorranni..... S. Alfredi, præcentoris et sacerdotis, S. Odonis succentoris et sacerdotis, S. Guaremboldi celebrarii.....

Actum publice, anno ab Incarnatione Domini 1164, regnante glorioso rege nostro Ludovico, XXVII anno, Mauricii Parisiensis episcopi pontificatus anno IV.

### II.

*Authenticum Milonis archipresbyteri Mediolanensis et Osmundi canonici Parisiensis super ecclesia de Argenteolo.*

(Anno 1164.)

[*Ibid.*, p. 43.]

In nomine sanctæ et individuæ Trinitatis, amen. De discordia quæ vertebatur inter dominum Mauricium episcopum Parisiensem, et ex altera parte dominum Odonem sancti Dionysii abbatem, Milo sanctæ Mediolanensis Ecclesiæ dictus archipresbyter, et Osmundus Sanctæ Mariæ canonicus, atque Aymericus Sancti Dionysii frater, quibus jurejurando se utraque pars commisit, hanc, quæ infra legitur, sine præjudicio utriusque partis, temporalem fecerunt concordiam. Discordia siqui-

A dem talis erat: dicebat dominus episcopus Parisiensis ecclesiam de Argenteolo debere restitui in statum pristinum, ut ibi abbatissam poneret, more solito, et virginum foret collegium; aut si hoc non liceret ei, dicebat instanter debere ibi confirmare abbatem, et in eum benedictionem habere. Ad quorum postulationem querelam deposuit prædictus episcopus in consistorio ante dominum papam Alexandrum, contra jam dictum abbatem, quadragesimali tempore in Parisiensi palatio. E contrario vero respondebat dominus abbas quod, nec abbatissam, vel monacharum collegium, seu abbatem confirmare, vel benedicere ullo modo ei licebat, eo quod jam dictam Ecclesiam longis retro temporibus possedisset quiete, tam ipse quam prædecessores sui, Parisiensis episcopi donatione et multorum apostolicorum confirmatione, quorum scripta produxit in medium. Post igitur litis contestationem et utriusque partis interpositam disputationem, commiserunt se prædictus episcopus et dominus abbas, jurejurando, jam dictis mediatoribus, qui statuerunt, et in eo sacramento quo eis astricti erant, utrique parti præceperunt, quatenus prædicta querela cessaret a resurrectione Domini usque ad triennium continuum, sine præjudicio utriusque partis, et ut interim unus adversus alterum, circa hanc quæstionem, nullo modo machinetur, nec episcopus propter hanc concordiam, solito jure privetur, et dominus abbas possideat quiete, et transacto triennio, non teneatur dominus episcopus, quomiam contra hunc abbatem vel successorem suam possit quæstionem movere. Et ut hæc majorem obtineant firmitatem, statuerunt prædicti arbitri concordiam ab eis factam scripto confirmari et subscriptionibus et sigillis utriusque partis communiri.

Actum est hoc anno Incarnationis Domini 1164, mense Aprili.

Ego Mauricius Parisiensis episcopus hanc compositionem concessi et subscripsi.

Ego Odo abbas Sancti Dionysii hanc compositionem concessi et subscripsi.

### III.

*De quitatione Garnerii de Domibus Parisiensi episcopo facta ab abbate et conventu Fossatensis Ecclesiæ.*

(Circa annum 1165.)

[*Ibid.*, 54.]

Ego ROGERUS (16) Dei gratia Fossatensis Ecclesiæ

(16) Rogerus ille, abbas Fossatensis memoratur annis 1163, 1164, 1165. atque 1168. Vid. *Call. Christ.*, t. VII, inst., sol. 293, 294.

abbas et totus noster conventus, notum fieri volumus universis, tam presentibus quam futuris, quod nos, Garnerium de Domibus, filium Dode a iugo servitutis, qua nobis tenebatur astrictus, absolvimus et ipsum domino episcopo Parisiensi cum omni substantia et possessionibus et hæredibus suis, quos vel habet, vel habiturus est, et cum eadem conditione qua nobis erat obnoxius, perpetuo habendum concessimus, hoc tenore, quod dominus episcopus Parisiensis quemdam hominem suum, Stephanum, scilicet de Domibus, filium Bernardi, eodem modo nobis futuris temporibus habendum concessit. Quod ut irrefragabiliter teneatur in posterum, presenti scripto et sigilli nostri auctoritate, dignum duximus præmunire.

## IV.

*Authenticum Radulfi comitis de Claromonte, de quietatione præbendæ quam tenuit Petrus de Monciaco in ecclesia Beate Mariæ Parisiensis.*

(Anno 1169.)

[*Ibid.*, 59.]

Ego RADULPHUS comes de Claromonte, notum fieri volo, tam presentibus quam futuris, quod querelam moveram adversus dominum Mauricium Parisiensem episcopum super præbenda quadam quam Petrus de Monciaco tenerat, quam ad jus meum de feodo de Lusarchis, pertinere asserebam; episcopus vero hoc penitus inficiabatur. Tandem rogatu et petitionibus ipsius, et affectu dilectionis quam Ecclesiæ Parisiensi volebam exhibere, si quid juris in præbenda illa habebam, præfatæ Ecclesiæ concessi, et super altare Beate Mariæ, per manum episcopi, præbendam illam liberam et quietam in perpetuum clamavi, et per annulum unum Ecclesiæ et episcopo jus suum recognoscens, resignavi, et hoc tenore, quod nullus successorum meorum in præbenda illa jus aliquid requirat in posterum, sed ad jus Parisiensis episcopi, sicut et aliæ præbendæ, futuris spectabit temporibus. Quod ne oblivione deleri, vel hominum malignitate aliquatenus in futurum posset infirmari, sigilli mei auctoritate roboravi et hoc ipsum in præsentia domini regis Ludovici concessi et ut ipse hoc idem sigilli sui munimine confirmaret, rogavi. Concessioni autem superallatæ Beate Mariæ factæ interfuerunt quamplures, scilicet dominus Mauricius Parisiensis episcopus, Albertus cantor Parisiensis, Petrus archidiaconus Sussionensis, Ascelinus sacerdos, Guido de Issiaco qui tum missam celebrabat, magister Odo diaconus, Galterus subdiaconus, magister Hilduinus diaconus. Recordationi vero et recognitioni coram domino rege factæ interfuerunt plures alii, comes Theobaldus, Fredericus Parisiensis, Bucardus Veautrus etc., et de canonicis Parisiensibus, Barbedaurus decanus, etc.,

Actum Parisius, anno ab Incarnationis Domini-  
cæ 1169.

## V.

*Charta conventionis inter capitulum Ecclesiæ Parisiensis et Henricum Magnum, Arnulphum de Corberon et Petrum dictum Girbont.*

(Anno 1175.)

[*Cartulaire de Notre-Dame de Paris*, II, 475.]

In nomine sanctæ et individue Trinitatis. Ego BARBEDAURES, Dei gratia Parisiensis Ecclesiæ decanus, totumque ejusdem Ecclesiæ capitulum, notum fieri volumus universis quod quædam controversia vertebatur inter nos et Henricum Magnum et Arnulphum de Corberon et Petrum Girbont, super quadam decima de territorio de Boncis (*alias de Bonoilo*), B quod est inter Cristoillum et Susciacum. Ad ultimum hæc conventio facta est inter nos, et prædictos milites, in præsentia venerabilis patris nostri Mauricii, Parisiensis episcopi, quod haberemus decimam omnium vinearum quæ in eodem territorio erant, et ubicunque in eadem terra postea factæ essent, etiam si totum prædictum territorium vineis occupetur. Præterea in grangia prædictorum militum, quæ sita est in villa Bonoili, habebimus, singulis annis unum modium annonæ, dimidium frumenti et dimidium avenæ. Præfati vero milites et eorum successores jure hæreditario habebunt totam decimam frugum quæ in prædicto territorio colliguntur, et etiam si totum territorium in agriculturam redigatur, usque ad Bosum de Barez. C Quod si forte contingeret quod, prædicto bosco diruto, terra in agriculturam redigeretur, si quid juris ipsi habebant in eodem bosco, nobis quiete et absolute in perpetuum reliquerunt. Hanc autem pactionem ratam perpetuo habendam et tenendam supra nominati milites et eorum uxores, cum filiis et filiabus suis concesserunt et fide confirmaverunt. Nos vero ab ipsis de justitia requisiti, ecclesiasticam exerceri vindictam faciemus. Quod ne ab aliquo posterorum infirmari possit, chirographo muniri, personarum quoque subscriptarum testimonio et auctoritate sigilli nostri corroborari decrevimus.

Signum Barbedauri decani.

S. Alberti præcentoris.

S. Germundi archidiaconi.

S. Simonis archidiaconi.

S. Gerardi archidiaconi.

S. Magistri Galteri presbyteri.

S. Jocelini presbyteri.

S. Simonis diaconi.

S. Hilduini diaconi.

S. Balduini subdiaconi.

S. Hervei subdiaconi.

S. Joannis pueri.

S. Guillelmi pueri.

Actum publice Parisius, in præsentia Mauricii, Parisiensis episcopi, anno Verbi Incarnati 1175, episcopatus vero domni Mauricii XIII.

Datum per manum magistri Petri cancellarii.

*Charta de Gunsanvilla.*

(Anno 1189.)

[*Ibid.*, p. 197.]

In nomine sanctæ et individuæ Trinitatis, amen.  
 Ego HERVEUS Parisiensis decanus, totumque ejusdem capitulum, notum facimus tam futuris quam presentibus, quod Robertus filius Willelmi de Gunsanvilla, quam pater suus et mater sua acquisierant, et ipsi, nomine eleemosynæ dederant ecclesiæ nostræ, pro remedio animarum patris et matris et prædecessorum suorum et sua, per manum venerabilis episcopi nostri Mauricii, perpetuo possidendam concessit. Frater vero ipsius primogenitus nomine Willelmus et uxor ejus et hæredes sui et sorores et nepotes hanc oblationem concesserunt ratam habuerunt. Cum autem ad hanc oblationem quam a Roberto habemus, omnium partium decimæ tota vicia (*sic*), totum forragium triturantes et trahentes singulariter per medietatem nobis in perpetuum quittavit] fratri suo Roberto in novalibus novem monti reddendos a colonis prima dominica festum Sancti Dionysii, pro hæreditatis assignavit, ad minam de Gunsanvilla, tali conditione, quod de quinque modiis primo annis Roberto, justitia cum integritate ad se pertinet; de aliis vero iv modiis ultimo concesserunt Roberto, præfatus Willelmus venditiones et justitiam sibi retinuit hoc excepto quod si coloni, die festum nata, Roberto redditus suos singulis annis persolverint justitia et emendationes super hoc Robertum pertinebunt. Sciendum vero quod novem modi ad Willelmum et hæredes ejus, post decessum Roberti, revolvuntur. Quidquid per hunc decessum hæreditario vel aliqua obventione ad alium descendit vel descendere poterit, illud ei et hæredibus ejus in perpetuum quittavit. Quidquid dividio medio frumenti quod singulis annis Robertus Willelmus et mater sua Roberto infra terminum persolvent; post decessum Roberti et matris suæ, Willelmus vel hæredes ejus terminum firmumque permaneat, præsentem oblationem episcopi nostri auctoritate communimus, in hac charta descriptione confirmamus.

Signum Hervei decani.

S. Magistri Petri præcentoris.

S. Mauricii archidiaconi.

S. Hosmundi archidiaconi.

S. Girardi archidiaconi.

S. magistri Petri, capellani.

S. Galonis presbyteri.

Actum publice Parisiensi ecclesiâ.

ab Incarnatione Domini.

Data per manus.

*De pratis redditis ab abbatisa Sancti Cirici in insula Mere.*

(Anno 1190.)

[*Cartul. de Notre-Dame de Paris*, I, 55.]

In nomine sanctæ et individuæ Trinitatis. Ego  
 ELINA, Dei gratia abbatisa Sancti Cirici, notum  
 fieri volumus futuris et presentibus, quod nos  
 nostrum redditum et oblationem ad nos pertinentem  
 torum  
 nos, v.  
 nos c.

et Meledunum, in regia domo prima  
 XI. [i. e. Quadragesimæ], anno Incar-  
 nationis 1190, presentibus ipso Hugone  
 abbate, etc. Hugone, Enjorrando et  
 Perracheto, Sancti Exuperii canonicis,

Matthæo, Nicolao, Joanne canonicis Parisiensibus; A  
fratre Daniele, magistro Alberto Lombardo, magistro  
de Lodevilla, et aliis quampluribus. Ad memoriam  
perennem memoriam præsentem paginam hanc et  
sigillo nostro præcepimus confirmari.

Datum per manum Roberti capellani

IX.

*Epistola Episcopi Parisiensis super commutatione.*

(Circa an. 1191.)

[Ibid., p. 45.]

Idua: Transmissa: ven.

is, totum: lem

volumus: ut

estul: domio B

Illam: epba-

ta: hanc: sub

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

ta: hanc: si-

S. Radulphi presbyteri.

S. Matthæi presbyteri.

S. Willelmi diaconi.

S. Petri diaconi.

S. Odonis diaconi.

S. Adam subdiaconi.

S. Suggesti subdiaconi.

S. Henrici et Wilelmi puerorum.

Datum per manum Hilduini cancellarii.

X.

*De quitatione Emelinæ mulieris Parisiensis facta ab abbate et conventu Sancti Germani de Pratis (17)*

(Circa an. 1194.)

[Ibid., p. 51.]

Ego ROBERTUS, Dei gratia Beati Germani de Pratis humilis abbas, universis præsentem litteras inspecturis, salutem in Domino.

Noverit universitas vestra, quod venerabilis Mauricius Parisiensis episcopus donavit nobis et ecclesie nostræ Isabel ancillam suam in uxorem Roberti hominis nostri, ita ut nec ipsi aliquid in ea neque in descendantibus ex ea filiis vel filiabus liceat in posterum vindicare. Nos quoque domino Parisiensis episcopo in commutatione prædictæ ancillæ suæ donavimus Emeliam ancillam nostram in uxorem Guarini hominis sui similiter, ut neque ecclesie nostræ, neque nobis aliquid in ea neque in descendantibus ex ea filiis vel filiabus liceat in posterum vindicare. Quod ut ratum permaneat, sigillo nostro præcepimus roborari.

Die 11<sup>ta</sup> idibus obitus Fulconis abbatis Sangermanensis, et 1<sup>us</sup> idibus obitus.

DOMINI MDCXCVIII

# TULLENSIS EPISCOPUS

## NOTITIA

(Nov., t. XIII, p. 1004.)

... comite et Agelina de Burgundia ejus uxore progenitus  
... Tullensi sub Henrico a Lotharingia educatus est. Pri  
... vixit; episcopalem vero dignitatem est assecutus an. 1192  
... ignitate emergere difficultates. Theodoricus a Lotharingia  
... nec a Riquino episcopo capitulari mense adunata, se pro  
... diaconus Tullensis, nomine Simon, sub falsa allegatione  
... omni, facta possessionis acceptioni intercessione, ad sanctam  
... familie suæ auctoritate possessionem inuit. In adversan  
... confugerunt, qui hujus causæ iudices instituit Catalau  
... Belliprati et Clarevallis, qui, in gratiam Simonis  
... ad summum pontificem appellatio, qui, re sedulo perpen  
... canonice centumque clericis vel vicariis capitulum tunc  
... cernens Odo preventus, ut canonicorum numerus ad quin  
... III, posita hac conditione ut suppressarum decem præben  
... quibus quantos in varios refundentur. Statuit etiam Odo ut unusquisque  
... prabendam sortiretur; qui vero humanitatis studia doce

## VI.

## A

## VII.

*Charta de Gunsanvilla.*

(Anno 1189.)

[*Ibid.*, p. 197.]

In nomine sanctæ et individuæ Trinitatis, amen. Ego HERVEUS Parisiensis decanus, totumque ejusdem capitulum, notum facimus tam futuris quam presentibus, quod Robertus filius Willelmi de Gunsanvilla, quam pater suus et mater sua acquisierant, et ipsi, nomine eleemosynæ dederant ecclesiæ nostræ, pro remedio animarum patris et matris et prædecessorum suorum et sua, per manum venerabilis episcopi nostri Mauricii, perpetuo possidendam concessit. Frater vero ipsius primogenitus, nomine Willelmus et uxor ejus et hæredes sui et sorores et nepotes hanc oblationem concesserunt et ratam habuerunt. Cum autem ad hanc partem quam a Roberto habemus, omnium partium decimæ tota vicia (*sic*), totum forragium et omnes triturantes et trabentes singulariter pertinerent, medietatem nobis in perpetuum quittavit. Ipsi vero fratri suo Roberto in novalibus novem modios frumenti reddendos a colonis prima dominica post festum Sancti Dionysii, pro hæreditatis portione assignavit, ad minam de Gunsanvilla, tali quidem conditione, quod de quinque modiis primo assignatis Roberto, justitia cum integritate ad se pertinebit; de aliis vero iv modiis ultimo concessis Roberto, præfatus Willelmus venditiones et justitiam sibi retinuit hoc excepto quod si coloni, die assignata, Roberto redditus suos singulis annis non persolverint justitia et emendationes super hoc ad Robertum pertinebunt. Sciendum vero quod isti novem modii ad Willelmum et hæredes ejus, post decessum Roberti, revolvuntur. Quidquid autem jure hæreditario vel aliqua obventionem ad Willelmum descenderit vel descendere poterit, Robertus ei et hæredibus ejus in perpetuum quittavit, excepto dimidio modio frumenti quod singulis annis præfatus Willelmus et mater sua Roberto infra prædictum terminum persolvent; post decessum verum matris suæ, Willelmus vel hæredes ejus dimidium modium ex integro solvere tenebuntur. Quod ut ratum firmumque permaneat, præsentem paginam sigilli nostri auctoritate communimus, et testium subscriptione confirmamus.

Signum Hervei decani.

S. Magistri Petri præcentoris.

S. Mauricii archidiaconi.

S. Hosmundi archidiaconi.

S. Girardi archidiaconi.

S. magistri Petri, capellani episcopi.

S. Galonis presbyteri, succentoris....

Actum publice Parisius, in capitulo nostro anno ab Incarnatione Domini 1189.

Data per manum Hilduini cancellarii.

*De pratis venditis ab abbatisa Sancti Cirici in insula Mere.*

[Anno 1190.]

[*Cartul. de Notre-Dame de Paris*, 1, 55.]

In nomine sanctæ et individuæ Trinitatis. Ego SOUCELINA, Dei gratia Sancti Cyrici abbatisa, notum fieri volumus universis quod nos, communi totius nostri conventus assensu, duos arpennos pratorum in insula Mere, de eleemosyna Gilonis Pilosi, venerabili domino et patri Mauricio Parisiensi episcopo ejusque successoribus in perpetuum concessimus possidendos, acceptis de beneficio episcopi ipsius quatuor libris Parisiensis monetæ. Ad eujus rei perpetuam firmitatem præsentem chartam fieri præcepimus, eamque sigilli nostri sub impressione confirmavimus. Signum Eugeniæ priorissæ, S. Hildeardis subpriorissæ, signum Mamihæ cantricis, signum Odelinæ cellariæ, signum Agnetis la Chevrelle, signum Hemeline secretariæ. Testibus... Hugone et Petro capellanis Sancti Cyrici.

Actum apud Sanetum Cyricum, in communi capitulo, anno Incarnationis Dominicæ 1190.

## VIII.

*De procuracione episcopi in ecclesia Sancti Exuperii de Corboilo.*

(Anno 1191, Mart. 3.)

[*Ibid.*, 44.]

In nomine Domini, amen. ADELA, Dei gratia Francorum regina, notum fieri volumus universis qui præsentibus litteras viderint vel audierint quod, cum querela, quam venerabilis Parisiensis episcopus Mauricus super procuracione sibi exhibenda adversus ecclesiam Sancti Exuperii Corboilensis proponebat, de mandato domni Clementis papæ tertii, Mainardo Pontiniacensi et Guidoni Pruliacensi abbatibus commissa fuisset, in præsentia nostra, mediantibus venerabilibus viris Hugone Autissiodorensi et Joanni Nivernensi episcopis, hoc modo in amicabilem compositionem est redacta. Si Parisiensis episcopus Corboilum cum archidiacono ejusdem castri, vel etiam sine archidiacono, die festivitatis Sancti Exuperii, prima scilicet die Augusti in eadem ecclesia divina celebraturus advenit, canonici S. Exuperii, pro procuracione, ei quinquaginta tantum solidos persolvere tenebuntur. Si vero archidiaconus, sine episcopo, die festivitatis prædictæ ad Ecclesiam illam accesserit, canonici nihil archidiacono pro procuracione persolvent. Quocumque autem alio die vel tempore episcopus vel archidiaconus ad ecclesiam S. Exuperii venerit, nullam vel episcopo vel archidiacono procuracionem exhibere debent.

Actum apud Meledunum, in regia domo prima hebdomada XI [i. e. Quadragesimæ], anno Incarnationis Domini 1190, præsentibus ipso Hugone Clementis, abbate, etc. Hugone, Enjorrando et Joanne de Perracheto, Sancti Exuperii canonicis,

Matthæo, Nicolao, Joanne canonicis Parisiensibus; A fratre Daniele, magistro Alberto Lombardo, Petro de Lodevilla, et aliis quampluribus. Ad cujus rei perennem memoriam præsentem paginam scribi et sigillo nostro præcepimus confirmari.

Datum per manum Roberti capellani nostri.

## IX.

*Authenticum capituli Parisiensis super eadem procuratione.*

(Anno 1191.)

[*Ibid.*, p. 45.]

In nomine sanctæ et individuæ Trinitatis, amen. Ego MICHAEL Parisiensis decanus, totumque ejusdem ecclesiæ capitulum, notum fieri volumus, etc., ut in n<sup>o</sup> XXXIII. . . . .

Hanc igitur compositionem ad nos sub testimonio B sigillorum abbatum prædictorum allatam approbavimus et ratam habuimus, præsentem chartam sub chirographi partitione conscribi præcipientes, et sigilli nostri sub impressione communientes.

Actum publice in capitulo nostro anno Incarnationis Dominicæ 1191, præsentibus illis quorum subscripta sunt nomina :

- S. Michaelis decani.
- S. Petri Præcentoris.
- S. Mauricii archidiaconi.
- S. Osmondi archidiaconi.
- S. Girardi archidiaconi.
- S. Galonis succentoris.
- S. Stephani presbyteri.

(17) Hæc charta data fuit inter 2 Maii 1194 et diem obitus Fulconis abbatis Sangermanensis, et 11 Sept. 1196, qua die defunctus est epis. Mauritius.

- S. Radulphi presbyteri.
- S. Matthæi presbyteri.
- S. Willelmi diaconi.
- S. Petri diaconi.
- S. Odonis diaconi.
- S. Adam subdiaconi.
- S. Suggesti subdiaconi.
- S. Henrici et Wilelmi puerorum.

Datum per manum Hilduini cancellarii.

## X.

*De quitatione Emelinæ mulieris Parisiensis facta ab abbate et conventu Sancti Germani de Pratis (17).*

(Circa an. 1194.)

[*Ibid.*, p. 54.]

Ego ROBERTUS, Dei gratia Beati Germani de Pratis humilis abbas, universis præsentem litteras inspecturis, salutem in Domino.

Noverit universitas vestra, quod venerabilis Mauricius Parisiensis episcopus donavit nobis et ecclesiæ nostræ Isabel ancillam suam in uxorem Roberti hominis nostri, ita ut nec ipsi aliquid in ea neque in descendibus ex ea filiis vel filiabus liceat in posterum vindicare. Nos quoque domino Parisiensi episcopo in commutatione prædictæ ancillæ suæ, donavimus Emeliam ancillam nostram in uxorem Guarini hominis sui similiter, ut neque ecclesiæ nostræ, neque nobis aliquid in ea neque in descendibus ex ea filiis vel filiabus liceat in posterum vindicare. Quod ut ratum permaneat, sigillo nostro præcepimus roborari.

ANNO DOMINI MCKCVIII

# ODO TULLENSIS EPISCOPUS

## NOTITIA

(*Gall. Christ. Nov.*, t. XIII, p. 1004.)

Hugone I Vadani-montis (*De Vaudemont*) comite et Agelina de Burgundia ejus uxore progenitus Odo, Gerardi II comitis germanus, in Ecclesia Tullensi sub Henrico a Lotharingia educatus est. Primum archidiaconi, tum thesaurarii munera obivit; episcopalem vero dignitatem est assecutus an. 1192. Sub pontificatus ejus initium de primicerii dignitate emersere difficultates. Theodoricus a Lotharingia, Mathæi I ducis filius, ad eam dignitatem, quæ licet a Riquino episcopo capitulari mense adunata, se promoveri curaverat. Post Theodorici obitum archidiaconus Tullensis, nomine Simon, sub falsa allegatione bullas ut ipse succederet a papa impetravit. Canonici, facta possessionis acceptioni intercessionem, ad sanctam sedem appellarunt. At Simon suffultus potentis familiæ suæ auctoritate possessionem inuit. In adversandum in pares canonici, ad summum pontificem confugerunt, qui hujus causæ judices instituit Catalaunensem et Lingonensem episcopos, abbates Altæsilvæ, Belliprati et Clarevalis, qui, in gratiam Simonis sententiam tulerunt. Ex quo judicio facta est ad summum pontificem appellatio, qui, re sedulo perpensa, secundum capituli vota pronuntiavit. Sexaginta canonicis centumque clericis vel vicariis capitulum tunc constabat. Alendis tot hominibus non sufficere cernens Odo proventus, ut canonicorum numerus ad quinquagenarium redigeretur obtinuit a Cælestino III, posita hac conditione ut suppressarum decem præbendarum redditus tam in canonicos quam in vicarios refunderebantur. Statuit etiam Odo ut unusquisque e tribus secolarum institutoribus unius canonici præbendam sortiretur; qui vero humanitatis studia doce-

rent, vicariorum præbendas essent habituri. Romam peregrinationem aggressus est : quo anno nobis incomptum ; sed certo scimus, dum ille abesset, Gerardum ejus nepotem, thesaurarium et archidiaconum, ab archiepiscopo Trevirensi vicarium generalem diocesis institutum fuisse. Alterum in Cluniacense monasterium iter suscepit, monachorum illic degentium sanctam conversationem virtutesque suscipiendi et æmulandi gratia. Plurimas res ecclesiæ suæ tradidisse dicitur in Actis episcoporum Tullensium. In synodo celebrata vii Idus Maii 1192, ad archidiaconorum et abbatum preces publicavit statuta de insequendis raptoribus, hæreticis et monachis apostatis. Ratas habuit eo anno item et 1196 indultas Flabonis-montis monasterio donationes. Subscripsit 1194 litteris in gratiam S. Michaelis. Ipso quidem anno pacem conciliavit inter Simonem ducem Lotharingiæ et Ecclesiam Romariensem. Ecclesiam d'Enville ab Herberto, Radulphi de Asperomonte filio, conditam sacravit anno 1195. Eodem anno Simoni de Parois, mox Jerosolymam profecturo, crucem exhibuit, ipsiusque in peregrinatione defuncti testamentum, quod ab illo acceperat, est exsecutus. Mirevallensi cœnobio tradidit anno 1196 altare de Midrevault. Interfuit eodem una cum nepotè suo comitiis ab Henrico VI Cæsare Spiram indictis, ubi et ipse a legato apostolico crucem ad iter in terram sanctam suscipiendum accepit. Insequenti anno ad imperatorem quere'lam de Theobaldo I Barri comite, ut ecclesiæ Tullensis vexatore, detulit ; largitusque est canonicis S. Leonis prioratum de Nas et Leprosorum domum sitam in parochia de Petra-ficta. Confirmavit etiam vii Kalendas Junii ejusdem anni Hugoni abbati Cluniacensi ecclesiam de Mosterol. Adhuc etiam de exorta inter Simonem ducem Lotharingiæ et Romariensem Ecclesiam controversia litteras expedivit (1). Jerosolymam hoc anno vel insequenti profectus, uti voverat, in itinere decessit vi Kalendas Decembris, juxta Necrologium S. Mansueti. Corpus ejus in urbem relatum, in medio navis cathedralis humo mandatum est, dein in tumulum Hugonis II Vadani-montis comitis, nepotis sui, in ipsa ecclesia sepulti, translatum.

(1) Bened., *Hist. Tull.*, prob., p. 98.

## ODONIS STATUTA SYNODALIA

ANNO 1192 EDITA.

(D. MARTEN., *Thesaur. Anecd.*, IV, 1178, ex autographo Belli-Prati.)

In nomine Patris, et Filii, et Spiritus sancti.

Odo, Dei gratia Leuchorum episcopus, omnibus ecclesiasticis personis in episcopatu nostro constitutis in perpetuum.

Noverit in posterum, ac memoriter teneant universi, quod dilecti nobis in Domino fratres et amici archidiaconi et abbates de episcopatu nostro ad nos venientes, et pro lacrymabilibus injuriis, quibus ecclesiæ nostræ et ecclesiarum ministri quotidie oppressi irremediabiliter laborabant et affliciebantur, pariter ingemiscentes; unanimiter nos rogaverunt, ut contra tyrannidem raptorum et quorumlibet malefactorum in eos deserventium, illud auxilii et protectionis consilium atque tutamen eis misericorditer exhiberemus, quod ex injuncta nobis cura et officio pastorali eis paterne exhibere debeamus. Unde nos communicato cum eis consilio, sicut rationabile nobis visum fuit, et eorum discretæ consideratio nobis consuluit, statuimus quod in præsentî pagina capitulatim adnotari præcepimus.

I. *Divina non celebrentur in locis per quæ transeunt injuste ablata ecclesiis.*

Statuimus itaque, et sub anathemate interdiximus, ut quando per quodcumque castrum seu villam in episcopatu nostro consistentem bona ecclesiarum nostrarum, seu cujuslibet clericorum nostrorum per injustam ablationem deducta transire, vel forte ibi pernoctare contigerit, ita quod exinde nihil prorsus ibi remaneat, interim divina ibi non celebrentur. Ubicumque autem bona illa vel ex toto, vel ex

A parte receptari, vendi, aut quocumque modo expendi contigerit, divina ibi fieri omnino interdicimus, et emptores pariter cum prædatoribus eadem excommunicationis sententia innodatos esse usque ad integram restitutionem, et condignam satisfactionem decernimus : hoc adjicientes, quod interim si qui ibi manentes, et illius injuriæ non consentaneæ nec auctores in extremis positi fuerint, confessionis et viatici suffragio fungantur, sepulturam vero in atrio non habeant, donec ablatis ex integro restitutis, et divina ibi celebrentur, et extra atrium positi sine omni emendatione debito atrii honore debeat.

### II.

Constituimus etiam, ut si aliquis de principibus aut nobilioribus hujus terræ bona quælibet ecclesiarum seu clericorum nostrorum in propria persona sua per violentiam diripuerit, et in villam suam deduxerit ; in eadem villa, et in tota alia terra sua divina non celebrentur, donec ablata ex integro restituantur. Si vero milites, vel quicumque de familia tam principum quam nobilium aliorum bona quæcumque similiter ecclesiarum seu clericorum nostrorum violenter acceperint, et in villam domini sui deduxerint ; divina ibi penitus non celebrentur, donec ablata cum satisfactione ex integro restituantur ; et cum ipsi malefici auctores a nobis nominatim excommunicati fuerint, et hoc per episcopatum nostrum innotuerit ; ab omnibus presbyteris ubicumque divina fiunt, singulis dominicis diebus nominatim excommunicentur. Si vero pro



rigore justitiæ capitalia ex integro reddita fuerint, A quod caricaverint, ab omni christianitatis obsequio suspendatur, quousque damna domibus illata ex integro restaurentur, et digne de cætero Deo nobisque satisfiat.

VI. *Adversus fugitivos.*

De fugitivis vero qui professiones suas irritas facientes, de quolibet ordine ad sæculum revertuntur, similiter constituimus, ut singulis Dominicis diebus per universas parochias excommunicentur; et si uxores duxerint, uxores similiter et familiæ eorum excommunicentur, et omnes qui eis aliquam christianitatis communionem scienter præstiterint, sub interdicto cum eisdem teneantur.

VII. *De celebrante præsentem excommunicato.*

Si quis vero nobilium vel potentum terræ tempore quo excommunicatus fuerit a nobis presbyterum aliquem adduxerit, et contra interdictum nostrum divina sibi celebrare fecerit; ille qui taliter celebrare præsumperit, excommunicetur, et officio et beneficio ecclesiastico in episcopatu nostro careat in perpetuum.

VIII.

Constituimus etiam, ut si aliquis presbyter a nobis excommunicatus in diœcesi nostra divina celebrare præsumperit, beneficio et officio ecclesiastico careat in perpetuum.

IX. *Contra Waldenses hæreticos.*

De hæreticis autem qui vocantur *Wadoys* omnibus fidelibus tam clericis quam laicis in remissionem peccatorum suorum præcipimus, ut quicumque eos invenerint, vinculis strictos teneant, et ad sedem Tullensem puniendos adducant.

X.

Illud sane memoriæ commendandum, quod si qui pro executione hujus justitiæ a propriis sedibus suis, quod absit! expulsi fuerint, apud nos nostro patrocínio nostraque dispositione victus et vestitus administrationem, prout dignum fuerit, indubitanter invenient. Omnibus hujus cartæ tenorem servantibus sit pax et gaudium per omnia sæcula sæculorum.

Actum legitime, publice recitatum, canonice in sancta Tullensi synodo confirmatum, indictione x, vii Idus Maii, anno Dominicæ Incarnationis 1192.

III. *Hæc statuta transgredientes officio et beneficio privati.*

Quia vero diligenti ac perutili consideratione hæc deliberavimus, et communi omnium subditorum nobis clericorum tam rogatu quam assensu hoc teneri decrevimus ac præcepimus, statuimus, quod quicumque subditus nobis simpliciter clericus, seu etiam monachus hoc nostrum mandatum transgressus fuerit, et beneficio, si habuerit, et officio careat in perpetuum.

IV. *Divina cessent cum sepelitur aliquis in cœmeterio tempore interdicti.*

Porro de his qui corpus alicujus defuncti violententer in cœmeterio tumulaverint eo tempore quo villa illa a christianitatis obsequio propter justitiam suspensa fuerit; constituimus, ut quandiu ibi sepultum fuerit, divina ibi penitus non celebrentur; et cum ejectum fuerit, nec in illo, nec in alio cœmeterio deinceps unquam sepeliatur. De his vero qui corpus sic tumulaverunt, si quis ante reconciliationem obierit, similiter christiana sepultura careat in perpetuum.

V. *Contra vim inferentes domibus religiosis.*

Et quoniam gravis et intolerabilis plaga domibus religiosorum imminet ex hoc, quod potentes terræ boves seu cætera animalia, vel carros ad carrucandum sibi violententer diripiunt; irrefragabili determinatione constituimus, ut illi qui talem violentiam fecerint, statim sub interdicto excommunicationis teneantur; et illi qui eis dederint vel vendiderint quod caricabunt, postquam violentiam illam cognoverint, similiter excommunicentur, et villa illa ad quam deportatum fuerit

# ALEXANDRI

## GEMMETICENSIS ABBATIS

### EPISTOLA DE FILIO HOMINIS

(D. MARTEN., *Anecd.*, t. I, col. 777, ex ms. Gemmeticensi.)

R. dilecto in domino fratri, fr. ALEXANDER, videre voluntatem Domini.

Secreta mihi meditatione aliquando quærenti qualiter illud evangelicum : *Quem dicunt homines esse Filium hominis ?* simplicioribus fratribus Gallico sermone exponerem, tanta obviavit difficultas, ut vel nimis remota interpretatione uterer, et quæ vix ad litteram videretur accedere, vel quia hominibus, non litteræ satisfaciens, aliud pro alio dicerem eorum de more qui sophisticè disputantes, non ad orationem, sed ad hominem proferunt solutionem. Cum enim hoc nomen (Homo) non determinet sexum : Filium hominis, nec filium viri, nec filium feminae recte poteram interpretari. Horum enim et alterum omnino falsum est, et neutrum de littera haberi potest. Non enim filius hominis determinate hoc exprimit quod filius feminae, vel filius Virginis, quamvis penitus idem sit filius hominis quod filius Virginis; sed neque aliud aliquid facile occurrebat quod hoc termino (filius hominis) determinate insinuaretur. Hac igitur difficultate coactus, ad profundiora meditationis subsidia recurreram, et veluti ruminando quod ab aliis audieram, ad memoriam revocabam quidquid id est totum tibi, frater charissime, sine fictione effludo, ut cum cedula nostram inspexeris, legisse in pectore nostro videaris. Aiunt igitur quod unus solus sit filius terræ, unus solus filius hominis, cæteri omnes filii hominum. Adam solus filius est terræ, per carnalem concupiscentiam geniti omnes sunt filii hominum, sine qua genitus non hominum, sed hominis filius est solus Christus, quod quia illi soli convenit, imo quia ipse sic voluit, pro descriptione ei assignatum est, quæ illi et soli et semper convenit. Si vero obijcitur quod et de Ezechiele scriptum hoc reperitur, improprie dictum putant, ut qui dicitur filius hominis, intelligatur et filius hominum, et hæc est omnium fere de prædicta appellatione sententia. Tu tamen qui non verborum superficie falso deliniri, sed interiori veritatis medulla refici quæris, animadvertite quod prædicta verba in parte quasi verum, in parte autem pretendunt subterfugium. Quod enim hac oratione filius hominis Christus appelletur, certo

certius est, quod autem ideo dictum sit quia unius, et non plurium hominum filius est, non de verbis exponunt, sed verbis imponunt. Sciendum est autem quod filius in sacra Scriptura quatuor modis accipitur; ratione creationis, ut in Luca *Adam filius Dei*; ratione successionis et generis, ut ibi de Christo *filius David, filii Abraham*; ratione legis, secundum quod Joseph dicitur *filius Eli*. Nam secundum carnem filius Jacob fuit, et fortasse in hac eadem significatione secundum legem mundanam dicuntur filii adoptivi. Quarto autem modo filius dicitur secundum propriam substantiæ de substantia generationem, secundum quam Christus dicitur *Filius Dei et filius hominis*. Utrumque autem horum credere de substantia est fidei christianæ; et ideo nec tropo nec figura usus est aliquando Jesus Christus, cum se *Filium Dei et filium hominis* nominaret; sicut enim in aliis sacramentis in quibus substantia fidei vertitur, qualia sunt eucharistia et baptismus. Quid enim manifestius esse possit eo quod dicit carnem suam manducandam et sanguinem suum bibendum? Quid apertius eo quod dicit : *Qui crediderit et baptizatus fuerit, salvus erit* (*Marc. xvi*). Ita luce clarius et sine omni involuero filium hominis se nominat, non hominum, viri scilicet et feminae, sed singulariter hominis, ut ex necessitate intelligamus, non masculi, sed feminae, cujus naturalis proprietas est concipere et parere. Ut igitur veritatem humanæ naturæ nobis credendam in se ostenderet, filium hominis sincera Veritas se vocabat et singulariter unius, ut singulari numero et virum excluderet, et tacite innuendo Spiritum sanctum intimaret. Unde sic intelligitur filius hominis, ac si diceret filius illius B. Virginis quæ a principio in collegio Christi inveniebatur. Aliter fortasse autem hujus quæstionis solutio ex verbis Apostoli conjici poterit, ubi dicit Christum nequaquam decimatam fuisse in lumbis Abraham, eo quod sine peccato Adæ natus est de Adam, ut illius peccatum posset abolere. Dicit autem beatus Hieronymus, quod ubi apud nos legitur *filius hominis* in Evangelio, in Hebræo habetur *filius Adæ*. Nam enim est Adam quod homo. Unde quia hoc nomen, *homo*, primum fuit veteris Adæ, et nos ab

illo per carnis propaginem derivamus, etiam ab illo veteri homine dicimus, juxta illud: *Exiite vos veterem hominem*, etc. (*Ephes. iv.*) Adam enim merito vetus appellatus est, quia et ipse primus inveteravit, et inveterandi aliis causam dedit. Cum enim peccasset, atque a primo statu suo in deteriorem statum declinasset, jure vetus atque inveteratus dictus est; novus siquidem beatus fuerat, sed inveterando, id est amissa gratia qua floruerat, et natura per peccatum debilitata, in sese deficiendo miserimus inventus est. Quæ miseria vetustatis nomine signata est, eo quod ab illo inveterato exordium habet. Filii autem nomine novitas signatur, quia cum filius auditur, novum aliquid indicatur: ideoque Christus filius hominis, id est novus ex veteri appellatur. Ex homine enim secundum carnem est Christus, quod est esse ex Adam, sed nulla vetustatis seu peccati contagia contrahens: licet veteris sit filius hominis totus, ideo est novus, quia sine peccato est totus. Quod autem Christus vere filius Adæ fuerit, et ita filius quod etiam hæres, aperte ipse monstravit, dum ascendendo in cælum hæreditatem ejus apprehendit. Adæ enim et semini ejus, nisi peccasset, ex decreto Dei hæreditas in cælo debebatur, ubi construenda erat ecclesia ex duobus parietibus, hominum scilicet et angelorum, numero ac dignitate æqualiter sibi invicem respondentium; sed primus homo hanc hæreditatem sibi et suis transgrediendo forisfecit, in quo quia omnes homines tunc fuerunt, eadem hæreditate omnes privati sunt, qui ab eo cum causa seu pœna peccati descenderunt propter eandem causam. Omnes enim nascentes in mundo, de corrupto primo parente corruptionem traherant, et cum corrupti concupiscentiis resistere non possent, omnes inobedientes Deo erant, sicut et pater eorum Adam. Erat autem decretum Dei, neminem intrare in cælum, donec tanta obedientia in uno homine inveniretur, quanta inobedientia fuerat in primo parente. Nemo igitur cæterorum proprie filius hominis, id est hæres Adæ fuit, quia nemo hæreditatem ejus obtinere valuit, nisi ille

A solus qui sine omni peccato et causa peccati conceptus est et natus. Obediens Deo Patri per omnia, quia nulla illi concupiscentia resistebat; potens omnino, quia Deus et Dei Filius, qui, cum per oblationem sui corporis Deum nobis reconciliaret, non habuit necessitatem primum pro suis peccatis offerre, deinde pro populo, sed tantum quæ non rapuit, solvit. Inde est quod tanto præconio, nunc hæres, nunc filius nominatur. Unde est illud: *Postula a me, et dabo tibi gentes hæreditatem tuam* (*Psal. 11*). Et alibi: *Tu es filius meus dilectus in quo mihi complacui* (*Matth. 3*). Et iterum: *Parvulus natus est nobis, et filius datus est nobis* (*Isa. 9*). Postremo ipse est semen Abrahæ, in quo benedicuntur omnes gentes. Non igitur æstimes me dicere eum filium hominis, seu Adæ, ideo tantum quod ab eo secundum carnem descendit. Hoc enim habuerunt et alii; sed quia hæres est, quod alii qui quasi spurii in peccatis concepti sunt, nullo modo esse potuerunt. Hic est ille masculus quem peperit mulier in Apocalypsi, cui nocere non potuit draco nec matri ejus, eo quod raptus est ad Deum. Et quia non solus Adam, sed in eo totum humanum genus hæreditate privatum est: etiam toti humano generi filius datus est, juxta illud: *In eum gentes sperabunt* (*Rom. 15*). Bene ergo in ejus appellatione ponitur hoc nomen, *homo*, quod non discernit genus, quia nulli discretive, sed omnibus datus est in commune qui voluerint ei adhærere. In Christo enim Jesu, ut ait Apostolus, *non est masculus, neque femina; non est servus, neque liber, nec acceptio personarum; sed qui timet Deum, acceptus est illi* (*Gal. 3*). Reminisci autem te oportet quod Adam et homo eandem habent etymologiam; utrumque enim interpretatur terrenus. Homo enim, ut dictum est, proprium Adæ nobis factum est commune, in quo, sicut et in Christo, omnes sine generum fuimus discretionem. Sed ut jam pareat oculis nimis evagata oratio, filium hominis credimus esse id quod est novus ex veteri, seu filius Adæ, habito respectu ad eum statum in quo fuerat Adam ante peccatum.

# GERALDI CADURCENSIS EPISCOPI

## EPISTOLA

AD FRIDERICUM IMPERATOREM.

*Orat imperatorem ut e carcere eum a militibus detentum liberari jubeat.*

(D. DACHERY, *Spicil.*, in-4, t. II, p. 405.)

FREDERICO Dei gratia triumphatori et gloriosissimo Romanorum imperatori, et semper augusto, GERALDUS Cadurcensis dictus episcopus,

*Parcere subjectis, et debellare superbos.*

Ex quo, serenissime princeps, in Iusto Dominicæ Nativitatis apud Albam celebritati gaudii coronæ vestræ me sublimitas vestra interesse voluit et honorare, eamque mihi excellentiæ vestræ conferre gratiam, ut inter alias benignitatis vestræ indicia, litteras etiam securitatis per universum imperium vestrum et ad omnes fideles vestros, mihi dignatis concedere, tantum circa magnitudinem vestram fidelitatis concepî fervorem, ut nihil possit esse, quod honori et beneplacitis vestris consonet, ad quod parvitas mea non sit per omnia prona, et in omni puritate cordis promptissima. Cumque tunc ut per vos haberem regressum sublimitas vestra mihi imposuisset, et in Ramis palmarum apud Placentiam aspectui vestro me præsentassem imperialis magnificentia in tanta gratiæ vestræ benignitate me suscepit, et dimisit, ut sicut charissimo domino suo fidelis famulus fuerim honori vestro extunc obnoxius factus, et pro viribus obligatus.

In hoc itaque fidelitatis proposito constitutus, contigit quod ad visitandum quemdam consanguineum meum vicecomitem, Eborum nomine, qui a Jerosolymis rediens apud Sanctum Benedictum de monte Cassino infirmabatur, ad partes illas irem. Qui, cum esset jam mortuus, quia dominus rex Franciæ, consanguineus vester, mihi dixerat quod ad curiam, ad quam dominus Pavembergensis pro reformanda pace Ecclesiæ ex mandato vestro, et dominus Mendensis de beneplacito vestro ab eo missus erat, accederem, visurus quid de ipsa pace factum esset; per curiam illam transivi, volens satisfacere et domino marchioni Montisferrati, qui mihi fideli suo, quædam negotia sua imposuerat. Cumque inde redirem, a Coitrado nuntio vestro, et marchione Marchiæ Guarnerii, nullas prorsus litteras habens, captus, et sub custodia detentus, cum quibusdam clericis et monachis de regno Francorum et Anglorum, non divitibus quidem, sed de nobilibus ecclesiis, qui omnes sub spe pacis Ecclesiæ perre erant, quam et ipsi similiter factam esse

A audierant. Inter quos, etsi aliqui litteras portarent, nihil tamen contra honorem vestrum, sed tantummodo ecclesiarum suarum justitias continebant. Ad pedes igitur imperialis misericordiæ provoluti majestatem vestram suppliciter exoramus, quatenus dignationis vestræ miseratio me et quemdam consanguineum meum vicecomitem de Albucone, illius terræ marchionem, atque omnes alios cum honore et integra restitutione ablatorum faciat liberari. Religiosi siquidem sunt monachi et clerici, et in via ista qua ambulabamus absque dolo et malitia euntes sub spe pacis, quam factam esse audierant, qui nihil quod vobis credant contrarium volentes, si per alium super aliis gravaminibus justitiam assequi possent, ad eum utique libentius issent. Iteratis itaque et lacrymosis precibus ad pedes serenitatis vestræ provolvimur, imperatoriam humiliter flagitantes misericordiam, ut amore Dei, intuitu domini marchionis Montisferrati, et domini comitis Sancti ægidii fidelis vestri, in meam liberationem aperiat pietas vestra oculos suos super me, et alios concaptivos, quatenus super hoc Deus vobis retribuat, et nos, qui ab omnibus principibus Gallicani regni multiplices faciemus vobis gratias reddi, semper pro incolumitate vestra orare, et fideiorem debeamus existere. Ad hoc, benignissime principum, celsitudinem vestram exoro, ut litteras illas securitatis ad omnes fideles vestros, quas mihi olim concessistis, non quidem momentaneas, sed sicut credidi perpetuas, et nunc elargiri, et mihi velitis transmittere, quatenus pro tali gratiæ vestræ argumento imperii vestri non solum fidelissimus, sed et famulus efficiar devotissimus. Liberalitas autem vestra nullam diminutionem in liberatione nostra inveniet, sed id ad augmentum nominis et gloriæ vestræ plurimum poterit provenire. Statim enim ut captus fui ad majestatem vestram appellavi, me et mea, ac socios meos sub protectione vestra constituens, fidei jubere volens, quod recto gressu antequam ad propria redirem, vestro me conspectui præsentarem mandatis vestris pariturus. Tantum enim de gratia quam mihi dedistis confidebam, ut mihi benignitas vestra indulgeret, si in aliquo nescienter peccassem.

# MATTHÆUS VINDOCINENSIS.

## NOTITIA

(FABRIC. *Bibliotheca mediæ et inf. Latinitatis*, t. V, p. 54.)

Matthæus oppido Gallie Vindocinensi oriundus, laudatusque Henrico Gandavensi c. 23. qui Bartholomæo Turonensi ab A. 1177 ad 1206 (1) archiepiscopo, *Tobiadem* suam sive *Metaphrasin libri Tobie*, versibus elegiacis scriptam dedicavit, necessario diversus existimandus est a Matthæo, custode regni Gallie sub Ludovico nono, sancto Gallie rege, et ab A. 1260 abbate S. Dionysii (2) in quem epitaphium A. 1286 quod incipit :

*Hic jacet abbatum speculum speciale probatum,  
Qui dedit Ecclesie magnum virtute decorum,  
Archiepiscopii tenuit Turonensis honorem, etc.*

Parum credibile utique quod Oudinus tom. III, pag. 483, disputat, *Tobiadem* Bartholomæo dicatam esse pridem defuncto, licentiaque poetica a Matthæo honoratos ejus manes tanquam vivi ac spirantis. Aliud longe tinnunt verba quibus illum alioquitur hunc in modum :

*Ecclesie Turonensis apex, ovium speculator,  
Ut speculum, præsul Bartholomæe, fave.*

et cum de Engelbaldo præsule A. 1157, defuncto, avunculo ejusdem, dixisset :

*Hunc rea mors rapuit, cujus dignissimus hæres  
Tractas emerita sceptrâ paterna manu.*

Porro subjungit :

*Vive, vale, decus Ecclesie, dispone precanti  
Porium, naufragium pelle, medere rati.*

*Suscipe Tobie titulos, cum fratre decano,  
Ut timidum duplex stella serenet iter.*

*Gaudeo luce nova vos prælucescere, etc.*

*Vivite felices fratres, quos corpore solo  
Esse duos, eadem mens probat esse duos, etc.*

Certe igitur diversus a *Tobie* *Metaphraste Matthæus S. Dionysii abbas*, ad quem *Epistolæ S. Ludovici* noni an. 1270 defuncti et successoris ejus Philippici tertij, et abbatis ad Philippum hunc, Gallie regem qui anno uno ante abbatem obiit. Exstant epistolæ illæ apud Dacherium tom. II *Spicilegij*, p. 548 seq., et tom. III, edit. novæ, pag. 663, 664, 666, 669, 670, et Petri de Condeto ad eandem Matthæum, p. 667, de pace inita cum rege Tunicensi. Auctor vero *Tobiadis*, quam maie *Thebaidem* dixere nonnulli, testates se ex Latina Hieronymi translatione *Metaphrasin* istam suam condidisse libri *Tobie* :

*Ut sacra Hieronymi tradit translatio, prosam  
Qualicumque metro Vindocinensis arat.*

Et aliquot versibus interpositis :

*Transfert Hieronymus, exponit Beda, Matthæus  
Metricat, reprobat livor, amicus habet.*

Atque in Epitogo :

*... . Has fonte beati*

*Hieronymi præsens urces haurit aquas.*

Memoratur Vindocinensis ab Henrico Gandavensi, libro *De viris illustribus*, pag. 166, cap. 23. Citatur a Vincentio Bellovacensi in *Speculo morali*, et ab æquali ejus Thoma Walleis. Allegant eum ali-

quoties auctor florum poeticorum, non Alanus quidem, ut visum Barthio, sed junior quidam, item Sparanus in *Rosario*. Laudat ipse Gualterum scriptorem *Alexandreidos*, de quo supra tom. III, pag. 107 (5).

*Vobis Hexametrum desit Galteridos uti,  
Pentametris elegis Vindocinensis amat.*

Ejusdem Matthæi *Poetica* sive *Poetria*, ut tum vocabant, quæ ignota cæteris, soluta partim, partim ligata oratione laudator non senet ab Hieremia de Montagnone, civis Paduano, in *Epitoma sapientie*, uti docet Daumius in præfatione ad Hieronymi Græci *Φειρονίας*. Hæc Poetria uti et scriptum aliud Matthæi Vindocinensis *De æquivocis* in Bibl. Regis Gallie et Bibliothecæ Angliæ Manuser. vide Oudini tom. III, pag. 484. Non vero Poetriam a *Tobia* diversam Daumius manuscriptam habuit, uti legitur in *Bibliotheca curiosa* Hallervordi; sed *Tobiam* Vindocinensis, et id ipsum fortasse manuser.

quod a Gevartio Barthius acceperat, ex quo centum circiter versus aliquot locis emendatis inseruit lib. xxxi, *Adversariorum*, capite ultimo : ubi integrum Vindocinensem editurum se recepit in corpore omnium poetarum, quod sæculis distinctum moliri se testatus est. Tanetsi vero Corpus illud poetarum lucem non asperit, Joannes tamen Heringius JCtus et syndicus Bremensis, Matthæi *Tobiadem* ex duobus manuscriptis edidit Bremæ anno 1642, 8. Neque prima ista fuit Vindocinensis editio, uti existimavit Heringius, sed exstat etiam Lugdunensis A. 1501, in forma quarta majore, cum comment. inter Auctores octo morales, et ex eadem editione Argentoratensis A. 1510, utraque Heringiana longe, præsertim circa finem, auctior. Sed et alia Lugdunensis per Joannem Rænerium A. 1558, 8., apud Theobaldum Paganum, at sine commentario. Denique (4) Oporiniana a Joh. Heroldo procurata A. 1563, 4<sup>o</sup> Quarum editionum notitiam cl. Daumii diligentia debere me libenter profiteor. Cæterum viri clarissimus atque doctissimus Joachimus Fellerus, pro singulari sua benevolentia ac humanitate, qua omnes bonarum litterarum studiosos, dum viveret, complectebatur, A. 1690, copiam mihi fecit Vindocinensis manu exarati a docto quodam viro, in cujus manuscripti margine passim variæ lectiones adnotatæ erant. Desinit ille codex in ver-u 1510, hoc est in fine capitis decimi *Tobie*. Ex manusc. Guelpherbytanæ varias lectiones quasdam offert Polyarpus Leyserus in *Historia pœeseos mediæ ævi*, p. 766. In periscopam illam, quam a Barthio in *Adversariis* editam supra esse dixi, notas quasdam conscripserat Andreas Rivinus, quas jtidem manuscripitas oculis usurpare me meminim. Aliquot etiam Matthæi Vindocinensis loca illustrata leges in *Epistolæ Reinesio Daumians*, pag. 344, in quibus et passim de Bartholomæo illo agitur, cui Matthæus *Tobiam* suam dedicavit.

(3) Vide *Patr.* t. CCIX, Edit.

(1) Sammarthani tom. I, pag. 770 seq.  
(2) Vide Felibienium libro v. *Historiæ abbatie S. Dionysii*; Sammarthanos tom. IV, pag. 336. Sandium ad Vossii pag. 508.

(4) Editionem principem ignoravit Fabricius quæ Lugduni prodit anno 1489, ap. Jehan du Pré, infol. parvo, cum glossis. Edit.

# MATTHÆI VINDOCINENSIS IN LIBRUM TOBIÆ PARAPHRASIS METRICA.

(Ex editione cui titulus : *Historia sacra de Tobia seniore ac juniore, ante aliquot sæcula tam carminibus elegiacis paraphrasi quam oratoria explanatione, juxta materiam theologicam, ethicam et juridicam elegantè illustrata per Matthæum Vindocinensem et Ambrosium Mediolanensem : quorum ille poeta, nunc primùm ex mss., iisque membranaceis ; hic autem rhetor, initioque præses aut judeus, et postea episcopus, ex editis codicibus antiquis luci restituantur, simulque epistola, testimonia, variarum lectiones, observationes et dissertatio multivariè adjunguntur, per editorem et auctorem Joannem Heringium J. C. Oldenburgerensem et in episc. Verdensi capituli cathed. eccles. syndicum: Bremæ, typis Wesselianis et sumptibus Hoismannianis, anno Christi 1642.)*

## EPISTOLA DEDICATORIA.

In archi-et episcopatibus Bremensi ac Verdensi proxime vicinis capitulorum, monasteriorumque diversorum, reverendis, perreverendis, nobilissimis, clarissimis, venerabilibus atque doctissimis dominis, summis præpositis, decanis, archidiaconis, canonicis, abbatibus, præpositis, prioribus, etc., dominis, fautoribus et amicis quondam ac etiamnum suis devote officioseque colendis hanc historiam sacram L. M. Q. dat, dicat, dedicat Joh. HERINGIUS J. C. et syndicus.

Anni quindecim ac novem sunt elapsi, postquam distincto tempore ac de singularibus argumentis et diversimode a me composita, certisque personis inscripta opuscula, publicam in lucem emisi, ac præmissi, nec interea animum deposui, quamvis inter varios temporum hodiernorum casus constitutus, et ad diversos officiorum labores vocatus et in his adhibitus distractusque, plura conquirere et exponere; nisi quod elaborationi atque editioni remoræ quedam subinde fuerint injectæ. Pleraque tamen ea, quæ sub nomine *Observationum theoretico-practicarum* tam ex jure publico et privato, quam diversarum gentium antiquitatum historico-politicis adnotationibus novissimis depromptarum promissi, et quadam alia, (tam discursus quam tractatus) prope adjecta habeo, atque indices ulterius colligo.

Hæc dum ad finem et finem revocantur, nec non typographos, mæcenatesque inveniunt, post propria etiam aliena sive adoptiva scripta novo-antiqua ad bonum commune typis committere placuit, et desideratus disertissimusque ille Desiderius Erasmus Roterodamus (5) hoc studium fere prætulit, idemque argumentum nostri ordinis vir ac veterum librorum diligens scrutator et cultor Joan. Alex. Brassicanus (6) pluribus illustravit. Occurrunt mihi jam duo pervetusti, iique membranacei et manu exarati codices; nempe ad minimum a nato Christo anno 1315; sicque ante trecentos et viginti sex annos con vel descripti quorum auctor, natione Gallus, inter tam multos neque a Trithemio abbate in libro *De scriptoribus ecclesiasticis*, neque a theo et philologo Gesnero in *Bibliotheca* collocatus; nisi quod inter recentiores a polyb. store Casparo Barthio in *Adversariis locupletissimis* vocetur Matthæus Vindocinensis (cujus patriæ etiam celeberrimus historicus Jac. Aug. Thuanus aliquoties meminit), ut cum ipso existimo, et tam ipsius prologus atque epilogus indicant; licet in calce alterius a me adhibiti exemplaris existent hæc verba: « Explicit liber magistri Conradi; » fortassis alicujus possessoris, descriptoris aut prælectoris, ante quem alter ille vixit ac floruit, cujusque particulam iste Barthius saltem edidit, nempe præfationem et caput primum vix usque ad secundum.

Paraphrasis est metrica et satis tersa, pro sæculi istius ratione ac aliorum comparatione, in Tobia historiam sacram, ante natum Christum, juxta quosdam chronologos, anno 740 contingentem; cujus occasione inter Patres ecclesiasticos, alio tamen dicendi genere ac scopo thema suum theologico-juridice exposuit B. Ambrosius episcopus Mediolanensis; nec non in Anglia venerabilis presbyter Beda in Tobia libellum allegoricam explicationem composuit, tomo IV operum insertam; posteaque Helmboldus monasticus et Goltius jambos rhythmos posteritati reliquerunt jam simul adjunctos. Antiquiores et breviores nondum inveni, nec de proximi ac hodierni sæculi recentioribus auctoribus, a me partim visis, partim ab aliis citatis (utriusque autem generis, qui in librum Tobia scripserant, sanctos commentatores idem Barthius (7) vocat) audiv, præterquam de auctore *Glossæ ordinariæ* Nicolao Lyrano, Hugone cardinale, Dionysio Carthusiano, Petro Comestore, Sebastiano Munstero, Paulo Fago, Frederico Nausea, Joanne Benedictino, Conrado Pellicano Rubeaqueusi, Joanne Matthesio, Victorino Siringelio, N. Serrario, Michaelæ Saxone, Andrea Schoppio et Adamo Kolbio; quod explicationes, translationes, adnotationes, commentaria, conciones et scholia divulgant in istam sæpius laudatam Tobia historiam biblicam quæ varia œconomia bona et mala subministrat ad exemplum vel imitationis sive imitationis vel emendationis; hæc secus ac libellus supplementumque Estheris de Mardocheo et Hamane exhibent, quod tam in Ecclesia quam republica et spectatum aula facere soleant, valeantque bene ac male meriti viri feminæque. Hæc igitur vice, et, ut nunc loqui consuevimus, respective in lucem primum revoco, pristinoque notori restituo duos istos auctores prisce, nempe rhetorem (8) ac poetam sacro-profanos. Nec puto, utrumque mea tam proquam confessione, nec ab ultimi avi statu alienum esse. Quis

(5) Erasm. in epist. dedic. ante Ambros. opera, edit. Paris. de an. 1559.

(6) Brassican. Præfat. in Salviani episc. Massil. lib. *De provid. Dei*, edit. Rittershus.

(7) Barthius lib. XLIX, *Adversar.*, cap. 10, fol. 2299.

enim nescit quæ primus legislator et oceanus theologiæ Moses dixerit ac scripserit? Imo num pro Christiano habendus, qui sacræ Scripturæ libros canonicos et apocryphos tam docendo quam discendo non legit, et vivendo exprimit (9)?

Nec vitio hæcenus verum finit isti Ambrosio, quod ex oratore et præside vel iudice factus est episcopus, idemque suæ enarrationi sacræ et jam recusæ multa sæcularia et quidem juridica immiscuit (10). Ac sane ipsemet libellus Tobiae varia continet monita et exempla. Habet ibi theologus multa de religione persecutione et sepultura piorum, deque vero matrimonio, item custodia angelorum, malitia diabolorum, procreatione et educatione liberorum, diuturna vita, arte moriendi, providentia Dei, efficacia precum et similibus. Spatiosum quoque campum jurisperitus ibi reperit, quoad mandata principum, confiscationem et recuperationem honorum, nec non mutus credita et usuras (quæ duo episcopus ille Mediolanensis potissimum illustravit), itemque chirographa, nuptias, pacta dotalia, res proprias et furtivas, convivia nuptialia et alia, captivitatem, itinera, hæreditates, migrationes, bonorum divisiones, legitimos acquirendi modos, etc. Quædam etiam ibidem invenit physico-medicus de aquis, piscibus oculis, cæcitate, physiognomia, fumigationibus, cura ægrotorum et acide rerum ad medicinam in primis utilium. Nec deest materia pro ethico, politico et aliis philosophis de hospitalitate, patientia, constantia, castitate, munificentia, reverentia ac obedientia inter principes ac subditos, parentes et liberos, tum de parcimonia, paupertate, divitiis, morum dissimilitudine, condolentia vel sympathia, mercede ac salario, præmioque ministrorum. Ut sic quilibet ultro meritoque concedat utriusque Testamenti libros esse regulam vitæ, studiorum summam et mundi universi compendium, taleque donum quo nihil admirabilius, majus, et salubrius datum homini, quod qui habet felix; qui legit, felicior; qui ediscit, felicissimus; qui intelligit, Deo simillimus evadit, ut ex jureconsultis dixit Tobias Hessius (11), re nomineque Tobiam nostrum in eo exprimens. Imo vel sola descriptio jurisprudentiæ quod sit rerum divinarum atque humanarum scientia, satis indicat, hujus ordinis viros talia quoque tractare solere ac debere (12). Et forte paradoxum quis diceret, quod S. Chrysostomus ausus fuit affirmare: Laicis sive secularibus magis quam ipsis clericis ac sacerdotibus necessariam esse sacrarum litterarum lectionem et meditationem; addita hæc ratione, quia quo plures delinquendi occasiones offerantur laicis in tractatione rerum humanarum, eo pluribus etiam indigeant antidotis peccatorum, quæ ex divino codice sint petenda (13).

Hinc factum puto quod in specie et priori nostroque sæculo Novi Testamenti Syriaca versio per legatos in Europam pervenerit, et hi Theseum Ambrosium Albonesi regulum jurisconsultum litteras Syriacas docuerint, necnon Albertus Wicmanstadius jurisconsultus et provinciarum Austriæ orientalium cancellarius tempore Caroli V, et Ferdinandi I imperatorum, ea in sacri negotii promotione multa bona exhibuerit (14); tum præcipue Joannes Reuchlinus, vulgo Capcion dictus librum *De verbo mirifico* ediderit, aliaque circa linguam Hebraicam præstiterit hic jurisconsultus, in sacris apprime versatus (15) et ab Eberhardo, cognomento Probo, principe Wurtembergensi ad Cesarem Fridericum III constitutus legatus, cujus comites splendide instructos, equos vel aureas phialas et alia donaria cum acciperent, ille tamen antiquissima quædam et bene descripta biblia Hebraica, loco immensi auri ponderis ab imperatore data secum reportare maluit (16); hincque præter evenisse existimo, quod non modo in controversiis juris divini, naturalis, gentium, canonici et civilis, etiamque forensium ac politicarum decisionibus publicis et privatis, dicta tam Veteris quam Novi Testamenti allegare, commodeque applicare sit licitum, juxta Josephi Mascardi, Tiberii Deciani, Joannis Althusii, Henrici Velstenii, et Jonæ Fulevii (17), aliorumque opinionem et exempla laudabilia; sed etiam quod ex diversarum nationum et officiorum jurisconsultis Augustinus Callia *Opus mysteriorum Jehovæ*; Franciscus Galetius, Jacobus de Grassili, Melchior Zambamus, Ludovicus Lopezius, alique tractatus *De casibus conscientie*; Nicolaus Mangeorgius codicem *De Mosaico et veteri jure* enucleando, Thomas Galletus *Jurisconsultum religiosum*; Horacius Lucius et Innocentius Gentiletus in *Concilio Tridentini traditiones*; Conradus Brunnus *De caeremoniis ecclesiasticis*; Henricus Bottæus *De synodis episcopalibus*; Joannes Franciscus Pavus *De visitatione ecclesiarum*; Franciscus Duarenius *De sacris Ecclesiæ ministeriis ac beneficiis tractatus*; Joannes Corasius *Paraphrasin in tractatum sacerdotiorum*; Udalricus Zazius *De Judæorum infantibus baptizandis*, contra Stellam, et *An fides hosti servanda?* contra Eckium theologum defensioem apologeticam; Scipio Gentilis *In S. Pauli epistolam ad Philemonem*; ejusque frater Albericus Gen illis *In librum Machabæorum* et *De latina biblicorum versione dissertationes*; Georgius Ederus, *Oeconomiam biblicorum*; Joannes Baptista Ficklerus *Theologiam juridicam*; Sylvius Tintus librum *De ordinatione clericorum*; Martinus Antonius Genuensis *Manuale pastorum et de Ecclesia*; Sebastianus Medices *Homilias Dominicales*; Marcus Antonius Natta *De passione Christi*; Isidorus Masconius *De majestate Ecclesiæ militantis opuscula*; Petrus Asylus, Joachimus Hopperus et Conradus Hereshachius *Paraphrases Davidicorum psalmorum*; Tobias Hessius *Thecam gladii spiritualis*; Joachimus a Beust *Orthodoxas enarrationes et simul versiculos latinos in Evangelia*; Joachimus Mynsingerus, Petrus Heigius et Rutgerus Rulandus (qui etiam *Postillam jurisconsultorum et politicorum* promisit) varias *Precationes et meditationes sacras*; Eberhardus a Weihe *Verisimilia*

(8) S. Ambrosii *liber de Tobia* exstat *Patr. t. XIV*, col. 759, inter sancti præsulis Opera. Edit.

(9) Deuter. c. vi; c. xvi, v. 18; c. xvii v. 9, 12, 18, 19. Act. c. v, v. 34-39, v. 8 cum seq.; c. x per tot.; c. xviii, v. 10-12; c. xviii, v. 2-4, 7, 8, 14, 15, 17; c. xix, v. 6, 7, 20, 35, 38, 39; c. xxi, v. 8, 9, 16-20.

(10) Erasmus ante Ambrosii opera et Herberg. parte II, *postill. cordial.* post fest. Annunt. Mariæ, fol., 492. in fin.

(11) Hessius in *Theca gladii spir.*, axiom. 192 et seq.

(12) Dd. commun. ad princ. institut. de just. et jur. cum tit. c. *De summa Trinitate*, et ad tit. seq.

(13) Chrysost. hom. 3, de Lazaro, apud Hutterum in *Loc. commun. theol.*, fol. 38 et 39. Rittershus. in *Expos. Novell.* p. 1, c. 1, num. 9, junctis ejusdem Chrysost. verbis apud Jacob. Heilbrun. in *Bucathol. Pusthumb.*, art. xx, cap. 20, cap. 3, fol. 764.

(14) Joan. Balthas. Baumbach. in tract. *De ling. orient.* cap. xiii. Joan. Gerhard. in *Exeg. loc. theol.* tom. 1, loc. 4, *De Script. sacr.*, sect. 3, pag. 557-559.

(15) Reuchlin, in *Cabala, De verbo mirifico, speculo oculari, e c.*

(16) Brassican. *Præfat. in Salvan.* edit. Rittershus.

(17) Mascard. *De probat.*, concl. 191; Decian. in *Apolog pro jurispr.* cap. xxii, num. 92 et 93; Althus. passim in *Polit. et dicæolog.*; Velsten in *Quæst. polit.* quæst. 1, th. 7; Fulev. in diss. *De S. Script.*, cap. x, juncto Syrac. c. xl, v. 11; c. xliv, v. 4.

*theologico-juridico politica in caput Samuelis De jure regio; Joannes Alexander Brassicanus et Conradus Rittershusius in Salviani episcopi Massiliensis De gubernatione seu providentia Dei et alia opuscula, præfationem atque commentarium; Georgius Remus In Salomonis Proverbia et Ecclesiasten spicilegia; Andreas Alciatus, Antonius Faber, Ernestus Gothmannus, Justus Mejerus et alii ad codicis titulos De summa Trinitate et fide catholica, deque SS. Ecclesiis, episcopis et clericis, deque hæreticis lectiones; Thomas Lausius De cura religionis et anno jubileo Lutheri (qui magnus theologus initio juris studio fuit deditus, teste Wolff. Crugero in Catal. mille rior. p. 194) orationes; Christophorus Besoldus Axiomata philosopho theologia deque conversione Judaorum, et jure regio Samuelis dissertationes; Henricus Cranius, Justus Springerus et professores Dillingenses De pace religionis inter Catholicos et Evangelicos; Henricus Gebhardus alias Wesenerus De potestate ecclesiastica, religione ac ministeriis ordinibusque sacris. tractatus; Jonas Fulevius Ciuriolandus (qui spem fecit de integro systemate theologico-juridico) De sacra Scriptura dissertationem juridicam; Ambrosius Lohwasser Psalterium Davidis per rhythmos Theutonicus in cantiones reductum; in o inter populares et respective collegas quondam meos Gerhardus Gisekenius De veritate corporis Christi in cæna; et Joannes Tilingius Enchiridion disceptationum theologiarum, aliique ex numero jurisconsultorum alios ac integros olim noviterque conscripserint et publici juris fecerint libros, quibus nuperime accesserint Christophorus Selvanmannus suis cum Epigrammatibus Latino-Germanicis in Evangelia et Epistolas Dominicæ, itemque precibus jaculatoriis, suspiriis sacris et hymnis rhythmicis, nec non Henricus Besselius cum Tuba pœnitentiæ, et antea ego editione discursuum meorum De appellacione ad judicium Dei in valle Josaphat, ac De homicidio doloso ex dicti Mosis Genesi de Caino fratricida; passimque in tractatu De jure molendinorum, ejusque mantissa De burgis sive castris, caminis, dardaniis, fame et cærucatoribus.*

Spero igitur me nunc eo magis excusatum fore, qui non modo præcentium istorum virorum clarissimorum vestigia longinquo secutus, et ejusmodi scripta propria confeci, et nunc aliena fideliter in lucem produxi, ante hac nondum visa, hisque variis lectiones, notas et observationes adjunxi, suo quoque tempore singularem de dubiis libello Tobiaeo circa linguæ Hebraicæ fontem, Græco-Latinam versionem, historiam, seu chronologiam et fidei analogiam, indeque canonis totalem denegationem addiditum dissertationem (18); sed etiam quia avum habui theologum, nec non ejusdem facultatis agnatos, affines et fratrem, qui tamen, eheu! præterito anno mortuus; tum pater idem egit theologum, jurisconsultum, historicum et antiquarium; quorum ego, ut bonorum, sanguinum et conjunctionum, ita et studiorum, laborum ac officiorum hæres, imitator, consors et successor, apud illustrem dominum comitem patriæque patrem in cognati quoque locum substitutus, pro viribus a Deo concessis, per septennium tam in consilio et judicio, quam consistorio, simulque ecclesiarum et scholarum visitationibus ibi adhibitus, iterumque in horum archi- et episcopatum vicinorum capitulis sive collegiis ecclesiasticis syndici munera successive sustinens (eujusmodi transmutationes aut repetitiones officiorum vir clar. Joannes Dauthius (19) satis defendit) talia sæpius argumenta tractavi; denique in præsentî militiæ ac malitiæ pleno sæculo postquam per tot annos vixi, in quo animum firmare deceat constantibus exemplis, non tam profanus, ut tacitus (20) dixit, quam potius sacris; quo sine Lutherus hujus quasi redivivi Tobia libellum commendavit (21), et alius eos qui pluris humanum quam divinam historiam faciunt, pseudopoliticis nuper vocavit (22). Ex quibus simul et in specie eo magis elucescit, reverendissimi, perreverendi, nobilissimi, clarissimi, venerabiles ac doctissimi viri, cur vobis hæc lucubrations sacerprofanas dicere et dedicare proposuerim? Inter vos namque similium dignitatum personæ existunt, quibus noster Vindocinensis opusculum suum inscripsit. Vos habiti pro successoribus, quorum majores et adhuc quidam ex iis, qui quæve fidei vestræ committuntur, prisco ex instituto, sacrarum litterarum prælectionem quoque inter edendum ac bibendum miscunt, referentibus Alberto Trocio (23) et Jona Fulevio (24): vos maxime deceat ex canone vel regula ista divina vivere, seu spirituales aut sæculares quis vocaverit, juxta Albertum Krantziûm (25); sicque vos estis, ad quos eo magis pertinet tractatio De libris sacra Scripturae canonicis et ecclesiasticis; quive appellati non tam a regione quam religione, et potius juxta canonem vitæ, quam pensationem annuam vulgo canonem dictam, recensentibus Francisco Duareno (26) et Matthia Martino (27): Vos sæpe majores ac minores collegiorum, personarum, rerum et bonorum ecclesiasticorum causas examinatis; vos religionis in Romano-Germanico imperio admixtæ, imo divinitus mandatæ, in his regionibus conservatores ac propagatores hactenus, pro nosse atque posse exististis strenui; vos bibliothecarum et antiquitatum cultores laude digni; vos inter belli sacro profani turbas hæc diuturnas tam circa publica quam privata, mecum varia estis perpassi; vos iterum me ad honesta recepistis officia et honorifica salario, speque præmiorum ulteriore excitastis; inter vos ego constantes dominos, lautores et amicos hucusque sum expertus; apud vos denique hic fœtus ingenii denno natus ac productus alios vicissim aut reciproce patronos non admittit.

Suscipite igitur hoc, quidquid est laboris, hilari fronte et oculis perlustate, manibusque terite hos nov-antiquos libellos; donec majora, si non meliora, dederit tempus magis opportunum et otium aderit suavius, mecumque diu salvete ac vivite in Domino.

Dabam ex musæo, quod jam est Verdæ, in die S. Michaelis archangeli, anno 1641.

Vvis rev. Dominat. nobil. clar. et vener. dignit.]

Omni fide et officio addictissimus

Joan. HERINGIUS J. C. et syndicus.

(18) Prolixiores Heringii notas, quæ ad librum Tobia, non autem ad Paraphrasim Matthæi Vindocinensis spectant, omitimus. Adeat Lector Patrum Ben. notas ad S. Ambrosii librum de Tobia, Par. t. XIV.

(19) Dauthius in epist. dedic. ante tract. De Testament.

(20) Tacitus lib. xvi Annal. in fin.

(21) Lutherus in Præf. super Tob.

(22) Adam. Contzen in Politic., lib. 1, cap. 9.

(23) Grotius in tractatu De perfecto clerico, c. LVIII, n. 9.

(24) Fulevius in dissert. De S. Script., c. 1, n. 25.

(25) Apud Gebhard. d. tr. De potest. et regim. eccles., ad c. xxii n. 310, p. 300, 301 alibique.

(26) Duareno d. tr. De benefic. eccles. l. 1, c. 18.

(27) Martin. in Lexic. philol., verb. Canon, fol.



# MATHÆI VINDOCINENSIS

## <sup>1</sup> IN TOBIAM

### PARAPHRASIS METRICA.

#### PRÆFATIO

Ad Bartholomæum N. ejusque fratrem N. respective episc. et dec. Turonenses.

Ex agro veteri virtutum semina morum <sup>1</sup>,  
 Plantula <sup>2</sup> justitia pullulat ampla seges.  
 Loth decus hospitii, patientia Job, Salomonem  
 Dogma, fides Abraham, spes Simeona probat.  
 Intitulant <sup>3</sup> reliquos præconia singula, solus  
 Omnia Tobias prætitulatus <sup>4</sup> habet.  
 Tobiam decorat elemosyna, latria <sup>5</sup> firma  
 Spes, illæsa fides, exsequialis honor.  
 Ut sacra Hieronymi tradit translatio prosam  
 Qualicunque metro Vindocinensis arat <sup>7</sup>.  
 Ecclesiae Turonensis apex, ovium speculator  
 Et speculatur præsul Bartholomæe, honestus <sup>9</sup>  
 Nobilibus trabeatus <sup>8</sup> avis, decus orbis, honestus <sup>9</sup>  
 Forma, sacerdotum gemma, lucerna gregis  
 Sol ejus radios, urbis Martinopolis orbi  
 Commodat et totum, partis honorat honor.  
 Cleri præsidium, via pacis ejus hor ore,  
 Cujus luce dies, ingeminata stupet  
 Es solis radius, in quo consistit <sup>10</sup> honesto  
 Forma pudicitiae rara, sed apta comes.  
 Es <sup>11</sup> solis radius cui præsul avunculus agnus  
 In pastore fuit, in dominante minor.  
 Es solis radius, quo festinatur alumnis <sup>12</sup>  
 Vindocinum, Turonis præsule cive polus,  
 Hunc rea mors rapuit ejus dignissimus hæres  
 Tractas emerita scepra paterna manu.  
 Te Deus elegit, ut ovilia dogmate pascas,

A Exemplo foveas, commoditate juves :  
 Te Deus elegit ut dispensare talenta  
 Credita <sup>13</sup> multiplici sedulitate velis <sup>14</sup> :  
 Te Deus elegit, vas nobile, vas in honorem,  
 Vas speciale sibi, vas generale suis.  
 Vive, vale decus Ecclesiae, dispone precanti  
 Portum <sup>15</sup> naufragium pelle, medere <sup>16</sup> rati,  
 Suscipe Tobiae titulos cum fratre decano,  
 Ut timidum duplex stella serenet iter.  
 Gaudeo luce nova vos <sup>17</sup> prælucescere, quippe  
 Sol nitet in geminis cætera signa vacant.  
 Sol nitet in geminis, quia veri gratia Solis  
 Lampade virtutum vos <sup>18</sup> beat, auget, alit  
 Vivite felices fratres quos corpore solo  
 Esse duos, eadem mens probat; una fides <sup>19</sup>.  
 B Vos duo, vos unum; miror duo corpora <sup>20</sup> mente,  
 Unum, dividuum corpore, mente coit.  
 Vos, vos <sup>21</sup> vestra precor plantatio, vester Amielas <sup>22</sup>  
 Poscit <sup>23</sup> me timidum confoveatis iter <sup>24</sup>.  
 Aspiciate stylo nostro <sup>25</sup> mendica phaselus.  
 Freta favore, freti scandula nulla timet,  
 Porcorum siliquis pudor est inhiare favillis  
 Pieriis pudor est inservisse styllum <sup>26</sup>  
 Sumitur hæc veteri novitas ex lege legenda  
 Ut Patrum veterum testificatur opus <sup>27</sup>.  
 Transfert Hieronymus, exponit Beda, Matthæus  
 Metrificat, reprobat livor, amicus habet <sup>28</sup>.

### TEXTUS CUM PARAPHRASI METRICA.

#### CAPUT PRIMUM.

Tobiae natale solum Galilæa, voluntas  
 Sacra, timor Domini, religionis <sup>29</sup> amor.

C Militat in puero gravitas matura, stupescit  
 Pauca dies tenerum corpore, mente senem.  
 Neptalici <sup>30</sup> puer urbe, tribu; maturis in annis

#### VARIÆ LECTIONES.

<sup>1</sup> Hæc inscriptio est editoris, ex seq. composita. <sup>2</sup> in Barthii cod. *amori*. <sup>3</sup> Barth.: *paucula*; et quidem transposito commate. <sup>4</sup> ms. cod. alter, pro *laudant*. <sup>5</sup> sive *præsignitus*, ibid. <sup>6</sup> hoc est *servitium Dei*, ibid. <sup>7</sup> pro *describit*, ibid. <sup>8</sup> pro *ornatus*. <sup>9</sup> Barth. *honest*. <sup>10</sup> ms. codex alter. *consentit*. In Barthii cod. distichon simul est transpositum. <sup>11</sup> Barth.: *cui*. <sup>12</sup> scil. *avunculum* in ms. cod. alt. <sup>13</sup> Barth.: *Tradita*. <sup>14</sup> Hæc duo disticha in alt. cod. ms. non occurrant. <sup>15</sup> Barth. *Portum*. <sup>16</sup> ibid. *madere*. <sup>17</sup> scil. *te et fratre*, in alt. cod. ms. marg. <sup>18</sup> Barth. *no.*. <sup>19</sup> Barth. *unus amor*. <sup>20</sup> ibid. *corpore*. <sup>21</sup> ms. cod. alt. *habet*. <sup>22</sup> Barth. *Amielus* q. ad blandiens et contractum lit diminutivum. <sup>23</sup> *Portus* ibid., vel justa ms. glossam *servus*: sicque prius hominis quondam humilis nomen Amielas remaneret. <sup>24</sup> ms. cod. alt. *inops*. <sup>25</sup> Barth. *vestro*. <sup>26</sup> ms. cod. alt. *tædet*. <sup>27</sup> ibid. *apex*. <sup>28</sup> scil. *apud se*, ibid. in marg. <sup>29</sup> vel *religiosus*; ibid. Barthio: *et religiosus*. <sup>30</sup> al. *Neptalicius*; Luthero: *Nephtalici*. Barthii in cod. omni-sum hoc distichon.

Præ teneris redolet sobrietate virum.  
 Gente sua minor est annis : sed major honesto  
 Proposito merita <sup>31</sup> simplicitate præt.  
 Plantula fructificat, tenera canescit in herba  
 Messis adulta præsit tempora cana fides.  
 Alea fortunæ fortes examinat, aurum  
 In fornace nitet <sup>32</sup> anxietate fides <sup>33</sup>.  
 Tempore Salmanasar regis captivus, honesta  
 Mente Deum recolit, spe comitate timet  
 Ridet in adversis virtus, non frangit <sup>34</sup> hone-

[stum

Propositum mersæ prosperitatis hæmis,  
 Nomine passa Dei redolet tribulatio, pascit  
 Passio, delectat læsio, prænâ sapit.  
 Captivus partitur opes, premitur generali  
 Damno, nec propria perditione dolet.  
 Visitat infirmos, tristes solatur, egenis  
 Condolet et <sup>35</sup> membris gaudet amare caput,  
 Triplice compatitur ope, rebus, dogmate, corde :  
 Corde gemit, format dogmate, rebus alit.  
 Et fidei cultor, quam circumcisio nostri  
 Prævia baptismi concelebrare studet <sup>36</sup>.  
 Jerusalem maturat <sup>37</sup> iter gentilia spernit  
 Saera, Deo sese sacrificare studet  
 Ad vitulos, quos Jeroboam rex fecerat, ire  
 Horret, apostaticos increpat, arcet iter.  
 Fictilibus latrîam <sup>38</sup> præfert, idololatra <sup>39</sup> sordet,  
 Sordet, ut auctori <sup>40</sup> præficiatur opus.  
 Plures esse deos negat, unum prædicat, unum  
 Lau'at, ut unius omnia laude metat,  
 Odit, amat, reprobatur, probatur, exsecratur, adoratur,  
 Crimina, jura, nefas, fas, simulacra, Deum,  
 Fas, simulacra, Deum, probatur, exsecratur, ado-

[rat,

Odit, amat, reprobatur, crimina, jura, nefas.  
 Seminatur, auget, alit, exterminat, arguit, arcet,  
 Dogmata, jura, decus, seminatur, auget, alit <sup>41</sup> (28).  
 Ne lateat jubar in tenebris, geminata lucerna  
 Tobie titulo spræradiare facit.  
 Prima lucerna patet <sup>42</sup> sermone, secunda coruscatur  
 Exemplo, quod agit <sup>43</sup> lingua, fatetur opus.  
 Exemplo legitur <sup>44</sup> doctrina, quod edocet, actu  
 Consolidatur mentis expositiva manus.  
 Hoc doctore Deum recolit Judæa, deorum

Cultus abest, rectum militat, error abit <sup>45</sup>.  
 Deum redit annorum ternarius, erogat omnis <sup>46</sup>  
 Primitias, decimas compatiens manu.  
 Proselytos <sup>47</sup>, alienigenas sustentat, ad horam  
 Seminat et spargit, ut sine fine metat.  
 Condolet afflictis, miseris, blanditur <sup>48</sup>, egenis  
 Quas largitur <sup>49</sup> opes, multiplicare ratus.  
 Jamque pupillaris ætas suspirat <sup>50</sup> honestas  
 Crescit, et in messe <sup>51</sup> surgit adulta seges  
 Primævis tunc eis rosa dedignata teneri,  
 Exit florifero cortice, spirat odor.  
 Rubigo primæva perit, maturior ætas  
 Emicat et fructum dissimulare negat.  
 Est adolescentis ætas suspectior, ætas  
 B Lubrica, deliciis ebria, legis egenis.  
 Ne plures habeat velut emissarius <sup>52</sup>, Annam <sup>53</sup>  
 Tobias sociam destinat esse tori,  
 Non incentivo Veneris, sed prolis amore  
 Uxoratur <sup>54</sup>, amat fructificare Deo.  
 Est adolescentis frenata licentia, sponso  
 Sponsa datur, justo sobria parque pari.  
 Nubere virtuti virtus lætatur, honestas  
 Gaudet honestatis, comparat esse comes,  
 Consonat et redolet melius <sup>55</sup> junctura hono-

[rum,

Gratior est flos cum flore, nitore nitor <sup>56</sup>.  
 Ergo relativo consensu cella <sup>57</sup> pudoris  
 Concipit, emeritum carcere prodit onus  
 C Agricola locupletat ager, secunda maritum  
 Coniux <sup>58</sup> progenie floridiore beat.  
 Solvitur in puerum partus, patris æquipara-  
 [tur <sup>59</sup>  
 Nomine progenies sedulitate Patris.  
 Sole novus radius prodit, lux lumine, dignus  
 Sol radio, radius sole, nitore nitor.  
 Vernat prole pater dignus, proles patre dignum,  
 Vas figulo, figulus vase, parente puer.  
 Edocet hunc patris tutela <sup>60</sup> tenere tenorem  
 Legis, in excessum luxuriare vetat.  
 Ut timeat Dominum <sup>61</sup>, primula dogmata, cer-  
 [tus <sup>62</sup>  
 Quod Domini timor est initiale <sup>63</sup> bonum.  
 Inde venit Niniven, genitorem prole maritum  
 Coniuge, cognatum concomitante tribu.

## VARIE LECTIONES.

<sup>31</sup> al. *mira*, Barthio. *merito*. Quoad sententiam similia infra sub capite VII, num. 25. <sup>32</sup> Barth. *fides*. <sup>33</sup> idem : *nitet*. <sup>34</sup> Barth. *mergit*. <sup>35</sup> idem *in*. <sup>36</sup> Barth. et alt. cod. *solet*. <sup>37</sup> ms. cod. alt. *moli-*  
*tur*. <sup>38</sup> hoc est *cultum divinum*. <sup>39</sup> Barth. *idololatra*. <sup>40</sup> ms. cod. alt. *actori*. <sup>41</sup> Barthii cod. *schismata*,  
*probra*, *dolos*. <sup>42</sup> Barth. *nitet*. <sup>43</sup> Barth. et alt. cod. *ait*. <sup>44</sup> hoc est *cognoscitur*, ibid *in marg.*  
<sup>45</sup> Barth. *obit*. <sup>46</sup> eidem *omnes*. <sup>47</sup> hoc est *peregrinos in marg.* ms. cod. <sup>48</sup> Barth.: *miseros solatur*.  
<sup>49</sup> ms. cod. alt. *dispargit*; Barthii *dispargat*. <sup>50</sup> ms. alt. et Barth. *æspirat*. <sup>51</sup> Barth. *messem*. <sup>52</sup> Barth.  
*admissarius*, scil. æquus qui omnes adsiliat. Confer infra cap. VI post medium. <sup>53</sup> Lutherus : *Hannam*.  
<sup>54</sup> Barth. *uzoratus*. <sup>55</sup> Barth. *melius redolet*. <sup>56</sup> et ms. cod. alt. *colore color*. <sup>57</sup> B. *colla*. <sup>58</sup> Barth. *uxor*.  
<sup>59</sup> idem et ms. cod. alt. *æquivaletur*. <sup>60</sup> Barth. *cantela*. <sup>61</sup> Barth. *Dominum timeat*. <sup>62</sup> id. *dogmata*  
*prima probatus*. <sup>63</sup> id. *principale*.

## NOTÆ.

(28) Tali genere carminis transposito et in totum vel ex parte cancrino, quandoque delectata est antiquitas, ut constat ex aliis et infra sequitur.

Sacrilegos refugit, convictus, devovet escas  
Gentiles, negat his <sup>64</sup> commaculare fidem.  
Non conventiculis horum communicat, imo  
Horret, quos idolis thurificare videt <sup>65</sup> ;  
Sed quia <sup>66</sup> corde Deum vir <sup>67</sup> justus honorat, ho  
[norem

Pensat honore patris primipotentis apex.  
Salmanasar dat ei divino munere solus <sup>68</sup>  
Ut queat arbitrio liberiore frui.  
Regis in aspectu placet huic, ostendit <sup>69</sup> habenas,  
Non <sup>70</sup> reliquis, regis gratia, regis honor <sup>71</sup>  
Cognatis dispergit opes, præcepta salutis  
Prædicat, et geminat proximitatis opem,  
Est linguæ <sup>72</sup> cognata manus, documenta maritat <sup>73</sup>,  
Rebus, honestati conjugat oris onus <sup>74</sup>.  
Sic mentes recreat et corpora; dogmate mentes,  
Corpora subsidio, pascit utroque Deum.  
Defunctos sepelit, vivos sustentat, et omni  
Obsequio pietas officiosa viget  
Quadrata pietate juvat, vivos ope, bustis  
Defunctos, animas dogmate, membra cibus  
Tobiæ titulos virtutum quatuor auget  
Gratia, plus sapiunt lilia mista rosis :  
Tobias rigidus, sapiens, consultus, honestus  
Est animo forti, dogmate, jura <sup>75</sup> modo <sup>76</sup>.  
Justum jura, modus moderatum, dogmata doctum  
Efficiunt, fortem contribulata caro.  
Quadrata pietate <sup>77</sup> ratus templum Salomonis  
Quadratus poterit, edificare lapis,  
Inde Rages urbem Medorum tendit eunti  
Assistente viro, conjuge, prole, tribu.  
Tobiam monet hic cognati visa Gabeli  
Pauperies, misero condolet alma fides.  
Naturæ fortuna potens præponderat, horret ;  
Naturam sequitur lucra, sophista, favor.  
Fluctuat ad census <sup>78</sup> venalis amicus egenum :  
Sed refovet verus <sup>79</sup>, nec fabricatus amor.  
Tobiæ pietas nescit fluitare, Gabelo  
Condolet et non vult <sup>80</sup> dissimulare fidem ;  
Argenti sub chirographo bis quinque talenta  
Tradit, amicitiam testificatur opus.  
Regis amicitia Tobiæ regis amici  
Hæc dederant, domini verna, amore cliens  
Hausto curriculo prolixi temporis instat  
Salmanasar mortis hora, tributa petens.  
De medio sublatus obit rex, pessima proles  
Sennacherib regnum dilapidare studet.

**A** Radicis vitio sordet ramunculus, hæres  
Improbus excedit noxietate patrem.  
Gaudet in afflictis <sup>81</sup> sævire noverca potestas  
Justitiæ sceleris via sinistra riget ;  
Hoc regnante, jacet virtus, præscribit honesto  
Impietas, ratio desipit, alget honor :  
Justos, innocuos, functos <sup>82</sup> premit, enecat, arcet  
Pravus, iniquus, iners, carcere, cæde, rogis  
Tobias sovet afflictos, pietatis ad usum  
Dispensare studet mentis et oris opes.  
Patrat amore Patris <sup>83</sup> superi, quæ dicat honestas  
Legis, se Domino sacrat, agenda replet.  
Replet agenda, sacrat Domino se, legis honestas  
Dicat quæ, superi Patris amore patrat (29)  
Judæa rex regrediens percussus acerbo

**B** Vulnere, membrorum sanguinis imbre manat :  
Israel in populum sævit, sepelire peremptos  
Tobiæ satagit officiosa manus.  
Tobiam rex Sennacherib sepelire peremptos  
Percipit, ira fremit, pessima pœna placet.  
Tobiam jubet interimi, pro munere damnat.  
Pro merito cruciat, pro pietate premit.  
Confiscantur opes Tobiæ, quas generales,  
Non proprias sensit advena, sentit inops.  
Nescit abesse Deus justus, servatur ab hoste  
Tobias, soboles unica, sponsa, tribus.  
Mortis ad antidotum fugiunt, utuntur amico  
Præsidio, tegit hos proximitatis honor <sup>84</sup>.  
Tobias latitat nudus, poscensque timoris  
**C** Antidotum, Domino subveniente, latet.  
Post lamenta redit lyra <sup>85</sup>, juridictio <sup>86</sup> regis  
Exspirat, remeant gaudia, mœror obit.  
Opprimitur, novies exhaustis quinque diebus,  
Rex perimit figulum vas, genitura patrem.  
Tobias redit in lucem, latitare coactus  
Emergit, domino restituntur opes.

## CAPUT II.

Instat festa dies, Tobias sudat in usum  
Lætitia, ridet exhilarata domus.  
Ad conviviolum cognatos convocat, escis  
Dispositis, natum convocat, ista monet <sup>87</sup> :  
Vade, voca quoscunque bonos commendat origo  
Nostra, timoratos elige; jussus abit.  
Dum puer accelerat, patri parere paratus <sup>88</sup>,  
**D** Nudus ei cæsus Israelita patet.  
Condolet occiso patrem pietate monetans <sup>89</sup>,  
Patrissare studet, degenerare negat.

## VARIÆ LECTIONES.

<sup>64</sup> pro his. <sup>65</sup> ms. cod. alt. videt <sup>66</sup> vel quod; Barth. et qui. <sup>67</sup> id. ceu. <sup>68</sup> ms. alt. prolis. <sup>69</sup> Barth. protendit. <sup>70</sup> id. præ. <sup>71</sup> ms. alt et Barth. amor. <sup>72</sup> ms. cod. alt. verbis. <sup>73</sup> pro conjungit, ibid. <sup>74</sup> ibid. et Barth. opes. <sup>75</sup> Eo usque a Barthio editi sunt versiculi; reliquos nondum vidi. <sup>76</sup> ms. cod. alt. jure. <sup>77</sup> al. virute. <sup>78</sup> al. accensum. <sup>79</sup> al. verus refovet. <sup>80</sup> al. renuit. <sup>81</sup> al. afflictos. <sup>82</sup> fortassis sanctos. <sup>83</sup> al. Patris amore patrat. <sup>84</sup> al. amor. <sup>85</sup> pro gaudio, in marg. alt. cod. <sup>86</sup> pro jurisdictione. <sup>87</sup> ms. cod. alt. habet insert. <sup>88</sup> al. platea. <sup>89</sup> pro imitando sive moribus repræsentans, seu moneta fit imagine et quasi admonitione.

## NOTÆ.

(29) In ms. cod. ait. hoc distichon non reperitur et fortassis irrepsit; quia fortuito aut studio facti versiculi in totum cancrini; ita ut ex pentametro

natus hexameter: velut ex parte aliud genus supra habuissus.

Ad patrem reditum maturat, singula narrat  
 Visa; madet fletu sollicitudo patris:  
 Surgit ab accubito, jejunos abit, pietatem  
 Invitat, corpus intumulare sitit.  
 Tollit et occultat corpus, quia læsus abhorre  
 Insidias; quod agit, notificare timet.  
 Noctis ad adventum suspirat, tempus opacum  
 Eligit et timidus noctis amiceat opem<sup>90</sup>:  
 Gentiles timet insidias insistere, quippe  
 Exsecuturizantes<sup>91</sup> læsus abhorret aquas.  
 Dum corpus sepelit compassio mentis honorat  
 Facta, sacrum gemitu conjuge vernal opes  
 Fletibus ora rigans; non ignorans<sup>92</sup>, quia quisquis  
 Seminat in lacrymis prosperitate metet.  
 Inde domum repetit<sup>93</sup>, satagit memorare<sup>94</sup>, quod  
 [Amos  
 Ore prophetali concinit, imo Deus:  
 In lamenta dies festi vertuntur, in actis<sup>95</sup>  
 Verba prophetie notificata patent.  
 Invida Tobiam reprobat viciniã, damaat  
 Obsequium, meritum garrulitate premit.  
 Mentis inops audes sepelire cadavera, nunquid  
 Sennacherib gladios commemorare potes?  
 Justo proposito Tobias constat<sup>96</sup> in actu  
 Justitiæ stabilis fructificare studet.  
 Ante bonus melior fit et optimus, ardet honestas  
 Ueberior plebis asperiore sono.  
 Quippe timor Domini probris præponderat, horret  
 Marmure plebeio depreliare fidem.  
 Defesso sudore viro gratissimus hospes  
 Est sopor<sup>97</sup>, invitat languida membra quies.  
 Vir, fracto torpore, toro sua membra reponit<sup>98</sup>,  
 Fessus hirundo domum circumat, ova fovet:  
 Proximus est paries, ubi sunt cunabula prolis  
 Ut natura jubet, deliciosa luto;  
 Fax oculos cæcat, dum solvit hirundo tributum  
 Ventrishirundineo stercore visus obit.  
 Sic tentat famulos ut patientia præstat<sup>99</sup>  
 Exemplum, quasi sol collateralis jubat.  
 A granis paleas discriminat area summi  
 Judicis, climat<sup>100</sup> membra, flagellat amans.  
 Quod fornax auro, quod ferro lima, flagellum  
 Messibus est justis asperitatis onus.  
 Vir grates cæcatus ait, non murmurat ira,  
 Nec strepitu satagit magnificare Deum.  
 Aspera mellificat patientia, quidquid amarum  
 Instat, Elisæi dulce farina facit,  
 Suadet Elisæus ut agre res conterat herbas  
 Ieracitarum concio<sup>1</sup> jussa facit.  
 Conterit accretas ollis, conservat ad usum  
 Victus et<sup>2</sup> inde tamen pacificare studet.

A Dum gustant præcamara<sup>3</sup> stupent, clamatur: In  
 [olla  
 Mors, pater, est; adhibet mella farina patris.  
 Aspice<sup>4</sup> quid lateat<sup>5</sup>, nucleus latet in nucce, gra-  
 [num,  
 Si placeat<sup>6</sup>, stipulis eliciatur, adest.  
 Concio claustralis tibi sit, plebs Israel, herbæ  
 Disciplina, rigor olla, propheta Deus.  
 Verus Elisæus dulcorat amara, cicutam  
 Mellificat, fragiles roborat, addit opem:  
 Grata farina datur humilis patientia, morum  
 Natrix egregii pectoris alma comes.  
 Si quid amarescit tibi, si riget ira, farinam  
 Hanc adhibe; ridet rixa, cicuta sapit.  
 Chamo<sup>7</sup> vel freno rigido<sup>8</sup> compescere belles  
 B Maxillas asinæ<sup>9</sup> discutientis onus.  
 Est onus ordo gravis, sed honor, maxilla libido,  
 Frenu rigor, torpor elamus, asella caro.  
 Tobie tribus insultat: Tibi pessime<sup>10</sup> cæco,  
 Pro meo cede datur pœna, cicuta favo;  
 Hos tibi dat fructus elemosyna plurima, crebri  
 Funeris obsequium continuata fides.  
 Increpat hos vir, mente<sup>11</sup> ratus, mansuetus ab-  
 [horret,  
 Probris probra malis æquiparare malum:  
 Ad petram satagens primos elicere<sup>12</sup> motus,  
 Iræ primitias luxuriare vetat.  
 In Dominicum gaudens Domino mœrore sepulto  
 Laudat, cujus onus est leve, suave jugum.  
 Immotus patiens probris responsa propinat  
 C Paucula quæ pietas officiosa jubet;  
 In Dominum nolite loqui perversa, molestum  
 Nil puto quod faciat Primipotentis apex.  
 Expectare decet nos vitam gaudia cujus  
 Sumit<sup>13</sup> quisquis amat<sup>14</sup> continuare fidem.  
 Hæc est vita brevis, tenebrosa, sophistica; vita  
 Est ventura mansens, lucida, vera fides<sup>15</sup>.  
 Quidquid agat Dominus, regnat<sup>16</sup> benedictus in  
 [omni  
 Tempore, laus ejus semper in ore meo.  
 Sic non prævaluit tentatio vincere justum  
 Job, stabilem casu consolidante virum.  
 Non quantum natura jubet perversa, sed ultra  
 Femineos mores condelet Hanna viro,  
 D Naturæ fragilis morum medicina, grabatum  
 Visitat et nuclei testa sapore sapit.  
 Mentiri natura stupet, dum sponsa marito  
 Exhibet irata prosperitate fidem.  
 Integra jura tori servare studet, licet ista  
 Rara sit agricola deficiente seges.  
 Sponso compatitur, sociali mente maritum

#### VARIE LECTIONES.

<sup>90</sup> pro 'amicabiliter desiderat', seu in ms. alt. cod. suppositum est. <sup>91</sup> pro *ebullientes*, ibid.  
<sup>92</sup> al. *ignorat*. <sup>93</sup> al. *repelens*. <sup>94</sup> pro *ad memoriam reducere*, ibid. <sup>95</sup> al. *actu*. <sup>96</sup> al. *constat Tobias*.  
<sup>97</sup> al. *sopor*. <sup>98</sup> al. *supinat*. <sup>99</sup> al. *sapientia præstat*. <sup>100</sup> pro *purgat*, in ms. al. margine. <sup>1</sup> pro *turba*.  
<sup>2</sup> in ms. cod. alt. omissum et. <sup>3</sup> for. *assis peramara*. <sup>4</sup> al. *inspice*. <sup>5</sup> scil. in *hæc historia*, in marg.  
ms. cod. <sup>6</sup> al. *placet a*. <sup>7</sup> al. *chamo*. <sup>8</sup> al. *rigido freno*. <sup>9</sup> *carus*, ibid. <sup>10</sup> al. *pessima*. <sup>11</sup> al. *tege*.  
<sup>12</sup> al. *allidere*. <sup>13</sup> al. *sumat*. <sup>14</sup> al. *auget*. <sup>15</sup> al. *dies*. <sup>16</sup> al. *regnet*.

Sustinet, obsequitur, mulect, honorat, amat :  
 Militat<sup>17</sup> ad victum, quæ dat textura propinat  
 Pauca multiplici sedulitate viro,  
 Tobie manibus quæsitæ viatica defert<sup>18</sup>  
 Vitæ<sup>19</sup>, mens redimit, quod minus actus<sup>20</sup> habet,  
 Dum Phæbo redit emerito<sup>21</sup>, quem sedula defert  
 Hædulæ audito percipiente viro;  
 Quod neque invitus denuntiat auris, et alter  
 Sensus, ab alternis prodicione<sup>22</sup> viget :  
 Reddite, Tobias clamat, furtiva videte  
 Ne sit præda, vivant propria, furta premunt.  
 Hanna dolet, natura redit, se voce fateatur  
 Sexus, et objurgat asperiore sono :  
 Irrita deperit tua spes, elemosyna vana  
 Quid valeat, visus prodicione patet.

## CAPUT III.

Tobias geminat gemitus, ancilla doloris  
 Fletus unda rigat imbre madente genas.  
 Plasma patrem, figulum vas, fontem rivulus teger  
 Deposcit medicum voce, timore, fide.  
 Justus es et justa tua sunt examina, summe  
 Rex, æternæ, potens, vita, lucerna, salus ;  
 Rex regum, Dominus dominantum, cujus amicitia<sup>23</sup>  
 Verba, dulcescit pœna, flagella juvant :  
 Quem memorare nequit mens<sup>24</sup>, nescere, laudes  
 Exaltare, loqui lingua, locare locus.  
 Sub perpendiculo disponis singula, nullum,  
 Te mediante, ratum depreiatur opus.  
 Non tibi peccantis mors, sed conversio; vita,  
 Non vindicta; cruor non placet, imo salus.  
 Grates exhibeo tibi, te cæcatus adoro,  
 Damnatus vereor, ex cruciatus amo.  
 Ne reminiscaris servi delicta, parentum  
 Sint peccata licet multa, remitte reis.  
 Nos nocui, nos transgressi tua jussa ; sed ægra  
 Vulnere non gladii, sed medicantis egent<sup>25</sup>  
 Non intres in judicium cum paupere dives,  
 Cum servo Dominus, cum fluitante potens :  
 Non in judicium intres<sup>26</sup> cum pulvere fortis  
 Exsule rex, stabilis hospite, messe sator.  
 In vas quis figulus, fabricam faber, in genituram  
 Quis pater, in stipulam quis sator arma gerat !  
 Ultio non placeat tibi, sed miseratio ; flecte  
 Judicium, misero parce, medere malis.  
 Peccavi, redeo, miserere, precor ; miserendi  
 Tempus adest, miseros te refovere decet.  
 Hæc patior, refoventis egens, abjectio<sup>27</sup> plebis,  
 Fabula vicinis, ridiculosa lues !  
 Hæc videor vermis, non homo, consumere fruges  
 Natus, vita nocet, postulo morte frui !

A Hæc vitæ lædet animam<sup>28</sup> derisio factus  
 Publica, posco mori, mors mihi sola salus  
 Postulo suscipias animam, tua sacra voluntas  
 Fiat, ut optatæ mortis amore fruatur.  
 Est mihi vita mori, mors vivere, mors mihi vi:  
 Duleior est, redolet vivere mortis amor.  
 Deprecor, aspira ; patior, succurre ; molestor,  
 Consolare ; sequor, respice ; posco, fave.  
 Sic mortem dolor invitat, sententia mortis  
 Fronte patet, legitur ore doloris onus.  
 His<sup>29</sup> precibus similis querimonia consonat urb  
 Medorum, loca sunt dissona, tempus idem.  
 Increpat excessus ancillæ Sara venusta  
 Virgo, cui Raguel est pater, Hanna parens.  
 In fragili species sexu<sup>30</sup> miratur honesto  
 B Nupta, sibi morum forma maritæ opes.  
 Septem nupta viris fuit hæc, quos dæmonis ira  
 Pressit, et illæso vernat honore pudor.  
 Pressit pœna reos, dum carnis amore pudoris  
 Virginei satagunt depreiare<sup>31</sup> rosam,  
 Hæmo<sup>32</sup> dæmonio nomen, pes ultima vocis  
 Restat, ne videar<sup>33</sup> intitulare malum ;  
 Fiat honore<sup>34</sup> Dei decisio<sup>35</sup> nominis, hoste  
 Nempe Dei pudor est, æquiparare Deo.  
 Non est ad Belial Domini conjunctio, lucis  
 Ad tenebras, Themesis<sup>36</sup> hæc ratione placet  
 A diverticulo repetatur mentio Sare  
 Virginis ; ancillam dum regit, ira riget,  
 In dominam conspirat atrox ancilla venenum  
 Naturæ<sup>37</sup>, loquax elicit ista, refert :  
 C Infecunda, precor<sup>38</sup>, vivas et inutilis, expers  
 Conjugii, damnis obruta, prolis inops ;  
 Pœna ream reprimat, pietas divina virorum  
 Interfectricem, fructificare negat.  
 Innocuum nunquid proponis cadere, sicut  
 Nocte cecidisti prodigiosa viros ?  
 His dolet auditus pia virgo propheta doloris  
 Virginei fletus pullulat, ora madent ;  
 Ad famæ gemit interitum, ne læsa laborat<sup>39</sup>  
 Fama, fames mortis impetuosa placet<sup>40</sup>.  
 Desolata jacet<sup>41</sup> conclavi, mœsta cubili  
 Incubat et lacrymas continuare studet.  
 Dum fluit<sup>42</sup> in lacrymas, iterat lamenta, diæta  
 Hæc triduana cibus, hic placet absque cibo.  
 D Mœsta die quarto Dominum rogat anxia, tales  
 Eructat, gemitu præpediente, preces :  
 Nostrorum Deus<sup>43</sup> alme patrum, tibi sit benedi-  
 [ctum  
 Nomen, sit tibi laus, gloria, regna, decus ;  
 Exsilio via, vita polo, dux orbe lucerna

## VARIE LECTIONES.

<sup>17</sup> pro laborat, ibid. in marg. <sup>18</sup> al. vitæ. <sup>19</sup> al. Defert. <sup>20</sup> Aptus. <sup>21</sup> pro sole avs orso, ibid. in marg. <sup>22</sup> vel prodicione. <sup>23</sup> hoc est amicitia sunt, ibid. in marg. <sup>24</sup> ms. cod. alt. inserit nescio; fortassis nescia pro sequenti noscere. <sup>25</sup> al. opem. <sup>26</sup> al. Intres in judicium. <sup>27</sup> al. abjectio. <sup>28</sup> fortassis postquam. <sup>29</sup> pro his. <sup>30</sup> al. sexu species. <sup>31</sup> al. premiciare. Prius vero significat prælibare, in ms. cod. alt. margine. <sup>32</sup> pro Asmo. <sup>33</sup> simile de voce Mausim, cum alia ratione, vide apud Luherum in præf. Germ. super Daniel. cap. 12. und sonderlich. <sup>34</sup> al. amore. <sup>35</sup> al. derisio. <sup>36</sup> fortassis Thesis. <sup>37</sup> al. naturale, fortassis natura, omisso comate. <sup>38</sup> al. r fert. <sup>39</sup> al. labore. <sup>40</sup> al. latet. <sup>41</sup> al. sedet. <sup>42</sup> al. defluit. <sup>43</sup> sanctorum pater.

In tenebris, pelago nauta, labore quies;  
 Principium sine principio, sine fine priorem  
 Tempore te series temporis esse stupet;  
 Spes sine defectus offendiculo, sine nube <sup>44</sup>  
 Sol, sine desidio <sup>45</sup> pax, sine nocte dies.  
 Te colo, te laudo, voco, rogo, diligo, poseo timore,  
 Affectu, precibus, spe, pietate, fide:  
 Quippe viæ tibi iudicium, miseratio, verum  
 Sunt, verus iudex es, miserere precor <sup>46</sup>.  
 Exsultas venia, non iudicio, pietate  
 Non nece; non gladius, sed medicina placet.  
 Absolvas, precor, innocuam de cæde virorum,  
 Objectum <sup>47</sup> scelus hoc purificare velis;  
 Nupsi non stimulo carnis, non amore virilis  
 Contractus <sup>48</sup>, remove crimina, parce, precor,  
 Parce precor, quia malo pati discrimina vitæ,  
 Quam famæ vitio sordidiore frui <sup>49</sup>:  
 Parce precor, quia tot patior discrimina vitæ,  
 Interitu cupio commodiorem frui.  
 Scrutaris renes et corda, Deus, patet omne  
 Cor tibi, mens loquitur, notificatur opus.  
 Scis me, summe Pater, immunem sanguine, cæde;  
 Nec volo, nec volui commaculare fidem <sup>50</sup>.  
 Sunt tua iudicia <sup>51</sup>, iustissime rector, abyssus  
 Multa, non humanæ conditionis egent.  
 Flores post hiemem <sup>52</sup>, mel post absinthia, risum  
 Præstas post lacrymas, post tenebrosa jubar,  
 Cur cecidere viri, scis, nescio: forte maritum  
 Vis alium, salva virginitate, frui.  
 Vitæ malo statum labi, quam labe reatus  
 Fama labet <sup>53</sup>, cesset pœna, reatus erit.  
 Largitor veniæ, Rex summe, salutis amator  
 Et dator, objectum crimen abesse jube.  
 Et mihi sola salus, mihi sola medela; vel aufer  
 Criminis objecta probra, vel adde mori.  
 Affligor, miserere precor; defende, laboro;  
 Subvenias, crucior; protege, lædor; ades?  
 Nescit abesse Deus in se sperantibus, ægros  
 Visitat, elisos erigit, arcet onus.  
 Impetrat auxilium pietas, pia virgo perorat  
 Et senior, redolent cordis in ore <sup>54</sup> preces;  
 Est accepta Deo præfata querela duorum  
 Fiunt vota, salus unica, plaga <sup>55</sup> duplex.  
 Cælo missus adest Raphael, qui vulnera sanat <sup>56</sup>  
 Amborum redimat <sup>57</sup> probra, propinat opem.

## CAPUT IV.

Tobias Domino grates ait, ut moriatur,  
 Credit apud Dominum prævaluisse <sup>58</sup> preces.  
 Displicet hæc mors grata patri, quia gaudia prolis  
 Discutiet mortis perniciose dies.  
 Quippe pater prolis vernat <sup>59</sup> pietate, dolorem

A Lætificat prolis gloria, prolis amor <sup>60</sup>.  
 . . . . . <sup>61</sup>  
 Patrissare studet Tobias junior, horti  
 Delicias rosulæ, testificatur odor.  
 Messis agrum redolet, radicem virgula, fontem  
 Rivus; messis agro, messe probatur ager:  
 Lampas luce micat, lux lampade, patris honore  
 Præradiat proles, prolis honore pater:  
 In fructum renovatur ager, rosa primula spinam  
 Festivat <sup>62</sup>, redimit plantula grata senem,  
 Dum recolit prolem Pater et <sup>63</sup> primordia sacra  
 Indolis, emergunt gaudia <sup>64</sup>, vita placet.  
 Dum sponsæ memorat opprobria, gaudia mergit <sup>65</sup>  
 Mæror <sup>66</sup>, amor vitæ languet, obire sinit.  
 Sic dubitat, sic mortis amor cum prolis amore  
 Disputat et pugnet cum pietate dolor.  
 B Non sibi sed genito genitor, vult vivere, quamvis  
 Amplius esse negat, non negat esse pater.  
 Mors et vita placent genitori, vita dolenti  
 Mors placet, a patre mors, vita dolente fugit.  
 Sic vitam probat et reprobatur, negat, appetit, hor-  
 [ret,  
 Flagitat, infestat, eligit, odit, amat.  
 Allegat pro morte dolor, natura perorat  
 Proli sic fluitat inter utrumque pater.  
 Mors tamen hac ratione placet, quia præmia: perat  
 Emeritus, sperat cœlica regna Patris.  
 Orbe peregrinus patriam sinit, ut patris æde  
 Exsilium mutet, hospitiumque domo.  
 Sperata mercede ratus contagia mundi  
 C Respuit, ad cælum præmeditatur iter.  
 Ergo vocat natum, qui patris gloria, patris  
 Est speculum, patris sollicitudo frequens,  
 Ut putat optata de morte ratus <sup>67</sup>, vocata  
 Prole suæ domui dispositurus ait:  
 Nate, precor, mea jussa libens intellige, patria  
 Expedi in factum fructificare preces.  
 Nate, cavenda cave, sectare sequenda, relega <sup>68</sup>  
 Crimina, vas mentis purgare novalia debet <sup>69</sup>  
 Spinis et tribulis purgare novalia debet <sup>69</sup>  
 Qui serit, ut semen fructificare queat.  
 Purga vasa, nisi purges, liquor omnis acescit  
 Infusus, pereunt semina, messis obit,  
 Cede malis, cole virtutes, sic floribus hortus,  
 Messe redundabit area, spina rosis.  
 D Spina potens desit ventosa superbia, morum  
 Prodiga, nequitiae fomes, origo necis.  
 Ne sit avaritiæ sex, cui sua desse stupescit  
 Copia nuda, sitis ebria, plena fames.  
 Invidiam fugias, quæ nata nocere, dolore,  
 Læta, dolet lætis, commoda visa premit.

## VARIE LECTIONES

<sup>44</sup> al. labe. <sup>45</sup> al. distinctio. <sup>46</sup> al. mei. <sup>47</sup> objecta, sicque præcedens coma hic inserendum esset.  
<sup>48</sup> al. contactis. <sup>49</sup> al. premi. <sup>50</sup> al. manum. <sup>51</sup> fortassis omissum est O. <sup>52</sup> al. hyemes. <sup>53</sup> in ms.  
 cod. dicitur hoc verbum antiquum. <sup>54</sup> al. honore vel odore. <sup>55</sup> al. pœna. <sup>56</sup> al. sanat. <sup>57</sup> cur non re-  
 dimit. <sup>58</sup> al. convaluisse. <sup>59</sup> al. vernat prolis. <sup>60</sup> al. honor. <sup>61</sup> Hic non modo prolixus excursus sequitur,  
 sed etiam in alt. cod. ms. exstabat: Liber secundus de informatione filii. <sup>62</sup> pro ornat. <sup>63</sup> al. patriis.  
<sup>64</sup> al. gloria. <sup>65</sup> al. mæror. <sup>66</sup> al. mergit. <sup>67</sup> ms. cod. alter: certus de morte. <sup>68</sup> h. e. expelle ibid.  
<sup>69</sup> al. decet.

Respue Luxuriam, quæ prodiga sanguinis, hostis  
 Est animæ, fragilis carnis amica nocens.  
 Parvulus ad petram furor allidatur, ut Ira  
 Sopita pereant schismata, regnet amor.  
 Nunquam crede Gulæ, cui Crapula servit, obedit  
 Gustus, adulatur suavis in ore sapor.  
 Effugias avidæ mentis contagia, vitæ  
 Tædia, divini muneris esto memor.  
 Sis humilis, largus, castus, miserator, abundans  
 Pace, modo vitæ munere plaude Deo.  
 Inserere virtutes, decisis sentibus, horto  
 Purgato poterunt fructificare rosæ,  
 Hoc precor, hoc jubeo toto conamine, tota  
 Ex anima, toto dilige corde Deum  
 Ut legi faveas tibi, sicut ameris, ametur  
 Proximus, ex primo pendet amore sequens.  
 Sabbathata devotus recoles <sup>70</sup>, ut præcipit alma  
 Lex, servile dies festa relegat <sup>71</sup> opus.  
 Et patris et matris potiaris honore <sup>72</sup>, tenorem  
 Vitæ multiplicat hac pietate Deus.  
 Non interficias <sup>73</sup>; nunquam mœchabere; furtum  
 Non facias <sup>74</sup>; falsum testificare nihil <sup>75</sup>,  
 Non cupidum faciat aliaria pecunia; nullam  
 Damnus alterius luxuriare decet.  
 Sponsam non capias <sup>76</sup> quam duxit proximus; imo  
 Floreat illæsus proximitatis amor.  
 Hæc legis præcepta decem, nisi fallar, habere  
 Ex patrum veterum traditione potes.  
 Hæc aliis facias, quæ seis tibi commoda, nulli  
 Fac, quæ facta tibi perniciose times <sup>77</sup>.  
 Tres reor ancillas operis congressio quarum  
 Quodlibet <sup>78</sup> in fructum <sup>79</sup> fructificare facit.  
 Tertia, si desit, aut commoditate carebit,  
 Aut semiplenum destituetur opus  
 Quidquid agant homines, prior est ancilla voluntas  
 Propositi, facti prævia, mentis iter.  
 Hæc inter socias prior est operique sororum  
 Primum præfigit officiosa gradum.  
 Inde secunda subit consulta licentia, quidquid  
 Expediat licito conciliare studet:  
 Tertia propositi consummatura facultas <sup>80</sup>  
 Supremam satagit conciliare manum.  
 Hæc tria, quidquid agas, cole, concurrentibus istis  
 Quodlibet humanum fructificabit opus.  
 Eifuge tres hostes animæ, versutia quorum  
 Perversis triplici perditione nocet.  
 Tres hostes hominis: dæmon, caro, mundus acer-  
 [bant <sup>81</sup>

Insidiis fructus spiritualis obit <sup>82</sup>,  
 Est caro defectus ancilla, sophisticus hostis  
 Mundus, apostatica <sup>83</sup> dæmonis ira riget.  
 Mundus spondet opes, regnat connata <sup>84</sup> voluptas

A Carne, superstitio dæmonis arma gerit.  
 Mundus avaritia tentat, caro sævit hiatu,  
 Luxuriæ latram dæmonis ira premit,  
 Proditor est animæ dæmon, seducit ocellós  
 Mundus, adulatur renibus ægra caro.  
 Mundi sperne rotam, caro contineat, cole toto  
 Corde Deum; tria sunt tela, medela triplex:  
 Carnem frange, juvat; carni blandire, minatur;  
 Hæc afflige, favel; huic famulare, necat.  
 Sunt famulæ carnis <sup>85</sup> tres: lubrica lingua, soluti  
 Renes, ingluvies ambitiosa gulæ.  
 Renes vana petunt, gula devorat, ebria lingua  
 Palpitat et currit liberiore rota.  
 Est duplex hominis motus: caro, spiritus, alter  
 Alterius pretium depretiare studet.  
 B Spiritus est sponsus, caro sponsa, domesticus hostis,  
 Sponsum sponsa premit proximior dolo:  
 Militat <sup>86</sup> adversus animam caro noxia, sponso  
 Sponsa nocet, sponsæ sponsus amicat <sup>87</sup> opem.  
 Hæc nocet, iste docet; hæc destruit, hic struit, iste  
 Præmiat; hæc cruciat; hæc premit, ille gemit.  
 Si rerum <sup>88</sup> jubar inspicias <sup>89</sup>, est spiritus Adam,  
 Eva caro, sponsi perniciose comes.  
 Eva nocens Adæ pomum præsentat, amicat  
 Blanditiis, palpat munere, fraude nocet:  
 Alludit <sup>90</sup> caro spiritu, blanditur, inescat,  
 Palpat, adulatur, pollicitisque ligat.  
 Quam caro spiritui dat, delectatio pomum  
 Esse potest, pomum mordet avara caro.  
 In pomo tria sunt: odor <sup>91</sup> et sapor <sup>92</sup> et color <sup>93</sup>,  
 [imo

His tribus allicitur ambitiosa caro.  
 Laudis odor, tactus sapor, et color oris  
 Sunt in carne, quibus illaqueatur homo.  
 A morsu velito mors dicitur, omnia mordens,  
 Nominis exponens <sup>94</sup> significata sui.  
 Pone merumque <sup>95</sup> et talos, caro clamitat, audit  
 Et dolet offendi spiritualis honor.  
 Spiritus exclamat: crucifige ream, crucifige  
 Carnem, templa Dei destruit ægra caro.  
 Spiritus expugnat carnem, ne sponsa maritum  
 Lædat, et infligat collaterale malum.  
 Est carni cognata Venus, jactantia, fastus,  
 Ambitio, livor, crapula, rixa, dolus.  
 D Ventre saginato Veneris suspirat ad usum  
 Carnis <sup>96</sup> amica caro, carnea membra petens.  
 Victus sobrietas dat grata remedia luxus  
 Et veneris: paucis utere, luxus obit <sup>97</sup>  
 Spiritus excludit vitium carnale, propinat  
 Vitam spiritui mortificata caro.  
 Asserit ut Salomon, tria sunt, confusio quorum  
 Excludit fragiles commodiore domo.

#### VARIE LECTIONES.

<sup>70</sup> al. *recolas*. <sup>71</sup> al. *relegat*. <sup>72</sup> al. *amore*. <sup>73</sup> al. *interficias*. <sup>74</sup> al. *facies*. <sup>75</sup> pro nihil; ut alii  
 quoque scripserunt. <sup>76</sup> fortassis *cupias*. <sup>77</sup> al. *caves*. <sup>78</sup> al. *Quodlibet*. <sup>79</sup> al. *factum*. <sup>80</sup> ad  
 voluntas. <sup>81</sup> h. e. *corrumptunt*, ibid. <sup>82</sup> al. *opes*. <sup>83</sup> al. *apostatici*, <sup>84</sup> al. *cognata*. <sup>85</sup> al. *carnis famulæ*.  
<sup>86</sup> pro *laborat*. Sed in alt. cod. ms. est *Mulcitat*. <sup>87</sup> h. e. *implorat*, ibid. seu *amicæ*. <sup>88</sup> al. *verum*.  
<sup>89</sup> al. *expedias*. <sup>90</sup> ibi et hic subintellige ut, sic. <sup>91</sup> al. *color*. <sup>92</sup> al. *ac odor*. <sup>93</sup> al. *sapor*, sed alter ordo  
 mox repetitum. <sup>94</sup> al. *exponit*. <sup>95</sup> al. *merum* vel *metum*. <sup>96</sup> al. *ventris*. <sup>97</sup> al. *abit*.

- Hæc tria sunt : Fumus aqua stillans, noxia conjux, A Laus divina juvat, laborum sit <sup>91</sup> labor hospes,  
 Sub palea granum spirituale latet. In reliquis <sup>92</sup> studeas magnificare Deum,  
 Est aqua consuetem scelus, ignorantia fumus. Lubrica fortunæ, non te premit alea, vivas  
 Conjux esse potest <sup>93</sup> nata nocere caro. Major in adversis, prosperitate minor.  
 Nate, precor, dissuesce malis, cole dogmata, car-  
 [nem  
 Refrena, tria sunt tela, medere tribus <sup>94</sup>.  
 Septem sterne Deo quæ sunt odiosa, supre-  
 [num <sup>95</sup>.  
 Detestatur, habes ex Salomone fidem,  
 Scilicet hæc : Oculi sublimes, lingua dolosa ;  
 Sanguinis innocui cæde cruenta manus ;  
 Additur his modis <sup>1</sup> meditatio pessima ; proni  
 Ad mala discursu <sup>2</sup> liberiore pedes :  
 Testis fabricicus, quam detestabile, constat  
 Esse Deo, fratrum schismata sæva ferens <sup>3</sup>.  
 Non in carne tibi fiducia, carnem  
 Comprime, ne reprimat te vitiosa caro.  
 Si quis materiam perpendit originis hujus <sup>4</sup>  
 Unde supercilium tollitur, unde tumor ?  
 Est caro vas luteum, vas lamentabile, fenum  
 Aridolam, fragilis glebula, saccus olens.  
 Carnis vita labor, carnis conceptio tabes,  
 Menstrua putredo fœtis, origo lutum.  
 Sperma prius, modo <sup>5</sup> saccus olens, post vermibus  
 [esca  
 In tuniba <sup>6</sup>, quamquam dote superbit homo.  
 Es sapiens, marcet sapientia, morte redundans  
 Divitiis <sup>7</sup> lapsu mobiliore <sup>8</sup> fluunt.  
 Es probus, expirat probitas ; es honestus, honestas  
 Labitur ; es fortis, fortia morte jacent <sup>9</sup>.  
 Regreditur <sup>10</sup> cinis in cinerem, resolutio carnis  
 Monstrat principii <sup>11</sup> materiale, lutum.  
 Hostes ne timeas, tua circumcidere debes  
 Membra Deo, quod obest, emaculare <sup>12</sup> stude  
 Ne vacuum videas, oculos averte, fenestris  
 Ne patulis mortis ingrediatur hiems.  
 A labiis expelle dolum, meditatio cordis  
 Aspectu vigilet, judicis <sup>13</sup> oret opem.  
 A lapsu diverte pedem <sup>14</sup>, vaga lumina flecte <sup>15</sup>  
 Ad lacrymas, animam ne moriatur, ama.  
 Vas figulum laudare stude, mens concolor ori  
 Consonet ut laudem constiteatur opus.  
 Se laudi conformet <sup>16</sup>, nisi verba <sup>17</sup> marites <sup>18</sup>  
 Verbis, verba nocent frivola, fructus obit.  
 Turtur ad cellas <sup>19</sup> rostrum deflectit in actum <sup>20</sup>,  
 Sermones sapiens fructificare facit.  
 Est laus sacra Dei, via vitæ, cœlica vita  
 Laudatoris honor, plasmatis hostis onus.
- B  
 Sit tibi juris amor, timor... <sup>20</sup>, pudor almus  
 Criminis innocuæ simplicitatis honor.  
 Sit tibi lex requies Domini, caro victima, mun-  
 [tus  
 Exsilium, cœlum patria, vita Deus.  
 Sic bonus et redolens famæ dulcedine, morum  
 Lampade <sup>21</sup> vita' dolet, moribus orba mori.  
 Sis pius obsequio, facundus dogmate, suavis  
 Alloquio, stabilis mente, favore placens.  
 Pax iram reprimat, fastum patientia, luxum  
 Sobrietas, odium gratia, probra decus.  
 Si quærat honor, onus <sup>22</sup> intricatur <sup>23</sup> honori  
 Quæris opes, ad opus <sup>24</sup>, fructificare petunt.  
 Si quærantur opes tribuas, ut oportet, egeno,  
 Dives opum, fer opem ; sic operantur opes.  
 Si delectat honor onus <sup>25</sup> adjacet exigit esse  
 Fructus honos <sup>26</sup> oneris <sup>27</sup>, fructus honoris  
 [onus.  
 Si quærat honor, ut onus restringat honoris  
 Delicias, oneri compatiatur honor.  
 Nubat honos oneri, nec onus blasphemet <sup>28</sup> ho-  
 [noris  
 Præsidium, nec honor, distiteatur <sup>29</sup> onus.  
 Quæris opes, inopi fer opem ; venaris honorem,  
 Si quærat honor, ne fugiatur onus.  
 Te non exeruciat census, sitis ebria, ejus  
 Pullulat ex gustu multiplicata fames <sup>30</sup>,  
 In cupidis sitit ebrietas, præsentia desunt,  
 Quærit habens, inhiat copia, plenus eget.  
 Heu quid pro croceis <sup>31</sup> affectas stercora <sup>32</sup> morum ?  
 D  
 Heu quid opes opibus cumulas, quid propria  
 [quæris ?  
 Cum se nemo queat appropriare sibi :  
 Nil possessor habet, quia quisquis habetur, ha-  
 [bere

#### VARIÆ LECTIONES.

<sup>91</sup> al. *Esse potest conjux.* <sup>92</sup> al. *dampna meaela triplex.* <sup>100</sup> pro *ultimum.* *ibid.* <sup>1</sup> al. *cordis.* <sup>2</sup> al. *discursu.* <sup>3</sup> al. *serens.* <sup>4</sup> al. *unde.* <sup>5</sup> al. *post.* <sup>6</sup> al. *In tumulto.* <sup>7</sup> al. *Dilutiis.* <sup>8</sup> al. *liberare.* <sup>9</sup> al. *Marte cadunt.* <sup>10</sup> pro *redigitur.* <sup>11</sup> pro *principium.* <sup>12</sup> h. e. *scindere,* in ms. marg. <sup>13</sup> al. *vindicis.* <sup>14</sup> al. *pedes.* <sup>15</sup> al. *verte.* <sup>16</sup> al. *confirmet.* <sup>17</sup> al. *sancta vel sacra.* <sup>18</sup> h. e. *compleas,* *ibid.* <sup>19</sup> al. *azcellas.* *Istud pro alis.* <sup>20</sup> al. *actu.* <sup>21</sup> al. *fit.* <sup>22</sup> scil. *membris,* *ibid.* <sup>23</sup> hoc distichon in alt. cod. non exstat. <sup>24</sup> al. *ad.* <sup>25</sup> al. *commoda proxima.* <sup>26</sup> al. *argue.* <sup>27</sup> al. *regis.* <sup>28</sup> al. *nunquam vitio.* <sup>29</sup> al. *proficiatur opus vel honor.* <sup>30</sup> in alt. ms. cod. *exsilii.* <sup>31</sup> h. e. *charitate,* *ibid.* <sup>32</sup> al. *honos.* <sup>33</sup> i. e. *jungatur,* *ibid.* <sup>34</sup> al. *onus.* <sup>35</sup> pro *onus.* <sup>36</sup> al. *honos.* <sup>37</sup> al. *oneris.* Sicque litteræ initiales quasi permutatæ, ut factum u robique in versibus sequentibus. <sup>38</sup> h. e. *deponat,* *ibid.* <sup>39</sup> al. *diffideatur.* <sup>40</sup> hæc disticha in al. cod. transposita, et *ibid.* exstat: *Exeruciet.* <sup>41</sup> pro *cœlestibus.* <sup>42</sup> h. e. *mundana,*



Nulla potest, se non possidet, ergo nihil  
 Servit habens habitis<sup>42</sup>; nec habet, sed habetur;  
 [avarum  
 Census habet; domino prædominantur opes.  
 Jure poli, non jure fori communia constant  
 Omnia, liber'as unica parque status.  
 Jure poli proprium nihil<sup>43</sup> est, a jure forensi  
 Improbus emergit proprietatis amor.  
 Ambitione parantur opes, communio prima  
 Exspirat, paritas dispariata fugit.  
 Cum nequeas tuus esse, tuum nihil est, suus esse  
 Nemo potest: ergo nihil reor esse suum.  
 Rebus ab humanis excludit propria, claudens  
 Omnia pugillo primipotentis honor.  
 O felix, sed felici felicior omni  
 Quem sibi Primipotens destinat esse suum!  
 O felix quem summus habet possessor, haberi  
 Sic poterit...<sup>44</sup> proprietatis<sup>45</sup> opes.  
 Rursus nil homini proprium permittit habere<sup>47</sup>,  
 Mortis hiems vitam terminat, æra rapit.  
 Mortis ad occursum cessat possessio, transit  
 Ad dominos, et habetas, et quod habetur, abest.  
 Servus avaritiæ sibi non dominatur, abutens  
 Arbitrio proprio, proprietate caret.  
 Sic tua de<sup>46</sup> propriat proprio, divina potestas  
 Claudens cuncta, jugum mortis amara lues.  
 Cum proprium nihil esse scias, et danda facultas  
 Quemque retenta nocent, particulata juvant.  
 Dispensa quod habes, ut consulit usus, ad usum,  
 Non ad avaritiæ pabula confer opem<sup>49</sup>.  
 Da nudis, da pauperibus; te pinguibus uti  
 Non decet<sup>50</sup>, in membris esuriente Deo.  
 Quatuor hæc cognata datis sunt, causa, voluntas  
 Dantis; cui dederis, materiesque dati.  
 Cui dederis, sit egens; te cognoscente, voluntas  
 Gratia, materies propria, causa Deus.  
 Affectus parit affectum, non aspice quantum,  
 Sed fuit ex quanta sedulitate datum.  
 Non tibi quid dabitur, sed cur, intellige: so-  
 [lum  
 Sola voluntas is forma monetat<sup>51</sup> opus  
 Obsequio refovetur amor, quia verus amicus  
 Dantis in effectum<sup>52</sup>, non datione patet.  
 Nonnunquam fuge, quod dabitur, susceptio doni  
 Arbitrii vendit liberioris opes.  
 Sæpe repulsa juvat, nocet impetrare, repulsa  
 Liberat arbitrium, munera sumpta ligant.  
 Venditur arbitrium, dum vivitur ex alieno  
 Sumptu; pane tuo vescere, tutes<sup>53</sup> eris.

**A** Si locus est, quando<sup>54</sup> datum, non respice, quippe  
 Si fugis oblatum, retribuuisse negas.  
 Donis dona dator, qui poscit, adulterat, instat,  
 Fœneris aut speciem venditionis habet.  
 Da cito, da gratum gratis<sup>55</sup> ne gratia fiat  
 Venalis; grato munere gratus<sup>56</sup> eris.  
 Denigrat dantis mora meritum: sed data raptim<sup>57</sup>  
 Munera plus laudis, plusque favoris habent.  
 Gratus est jamjamque datum, meritique noverca  
 Esse solet dantis desideriosa manus.  
 Sic des pro modulo census, ne prodiga dandi  
 Virtus in vitium collaterale<sup>58</sup> ruat.  
 Largus eris dans digna dari, dans digna teneri:  
 Prodigus ut capias grata, nociva cave.  
 Parcus eris, retinens quæ censes digna teneri  
**B** Usus; avarus eris, distribuenda tenens.  
 Prodigus excedit mensuram; largus honori  
 Servit; fructificat parcus, avarus eget.  
 Sit tua<sup>59</sup> larga manus, non prodiga; parcus,  
 [avarus  
 Esse cave; spreto cortice grana metes.  
 Pauperiem consulta regat prudentia<sup>60</sup> pauper  
 Succinta studeas sobrietate fovi:  
 Pauper delicias fuge, pauperis exigit esse  
 Simplicitas humilis ingeniosa comes.  
 Consule quid moneat rugosa<sup>61</sup> erumena, moneat  
 Nescia, jejunis faucibus æra petens.  
 Hæc tria displiceant: lasciva senecta, coacta  
 Latria<sup>62</sup>, pauperies deliciosa petens.  
 Paupertatis onus honor est patientibus; imo  
**C** Semina virtutum commodiora facit.  
 Non defectus opum, sed desperatio confert  
 Pauperiem mentis deficiente s'atu.  
 Non rerum cumulus sed sufficientia mentis  
 Ditat; sufficient pauca, dives eris.  
 Da Domino grates in paupertate, grabato<sup>63</sup>  
 Si jaceas celebra sospite mente Deum.  
 Spe lucri Dominum noli rogitare, videtur  
 Gratia venalis emolumenta petens.  
 Ut nos pro nobis amat, amplexatur, amari  
 Se per<sup>64</sup> se Dominus vult, non amore lucri.  
 Da Domino grates<sup>65</sup> jucundo tempore, lauda  
 Turbine fortunæ flebiliore Deum.  
 Laus meritum damnat, dilata noverca favoris  
**D** Est mora; tolle moram, nec moriatur amor  
 Si bona cepisti, Domino præstante, malorum  
 Articulo noli insimulare<sup>66</sup> Deum.  
 Fac ut ameris, ama quos fructus amoris amicos  
 Prædicat, et bravo<sup>67</sup> dignus amoris amor.

#### VARIE LECTONES.

<sup>42</sup> al. servus ambit'onis homo. <sup>43</sup> pro nihil, ut alibi sæpius, et apud Leon. Aretia. in epist. ut mo-  
 nui in postfat. mei discurs. De homicid. num. 40, p. 161. <sup>44</sup> decet vox quædam, ut sensus sit: Sic pas-  
 sunt omnes. <sup>45</sup> al. prosperitas. <sup>47</sup> promittit amare. <sup>48</sup> fortassis te; aut depropria pro dantur. <sup>49</sup> al.  
 opes. <sup>50</sup> pro utraque voce in alt. col. exstat: Dedeceat. <sup>51</sup> h. e. designat, indicat, ostendit, ut supra de  
 filio simili er. locutus. <sup>52</sup> al. affectum, fortassis affectu. <sup>53</sup> al. liber. <sup>54</sup> l. quantoque. In alt. cod.  
 exstat plerumque. <sup>55</sup> al. gratis gratum. <sup>56</sup> h. e. acceptus. <sup>57</sup> al. meritum donis mora, facta est, etc.  
<sup>58</sup> i. e. oppositum q. e. reguæ, <sup>59</sup> al. tibi. <sup>60</sup> al. patientia. <sup>61</sup> h. e. rucua intelligat, ibid. in alt. cod.  
<sup>62</sup> h. e. D. i. cult. s. ibid. <sup>63</sup> pro lecto, ut supra: juncto Psal. xli, v. 2-4. <sup>64</sup> al. pro <sup>65</sup> al. laudes.  
<sup>66</sup> al. dissimulare. In marg. tal. ms. pro incusare. <sup>67</sup> h. e. premio ibid. a Greco ὑπαρξια, cujus illud  
 corruptum est. Mart. in lexic. dialol. verb. Bracium

Fructus amicitiae redimit dispendia vitae  
 Flebilis, exsilium gratius esse facit.  
 Est sine melle favus, sine messe seges, sine fru-  
 [ctu  
 Arbor, amicitiae conjuge <sup>68</sup> vita carens  
 Dulcis amicorum vernat congressus, honesti  
 Nulla superfuitas foederis esse potest :  
 Sis placidus placidis, recolentes te cole, justo  
 Justa relatu gaudet honore fides.  
 Sunt in amore gradus tres, triplex gratia ; fundat  
 Prima, secunda fovet, tertia firmat opus.  
 Fundat origo, fovet progressio, foedus amico  
 Obsequio solidat continuata fides.  
 Prima serit foedus, rigat altera, tertia messem  
 Siccat et horreolo continuare <sup>69</sup> studet.  
 Nutritura triplex tenero tribuatur amori  
 Te duce, ni <sup>70</sup> foveas semina, messis abit <sup>71</sup>  
 Foedus alit morum par gratia, par studiorum  
 Usus, in obsequiis alterutratra fides.  
 Quinque, precor, famulos rege, quos natura mini-  
 stros  
 Usibus humanis officiosa dedit :  
 Visus, odoratus, auditus, tactus, amicus  
 Gustus, ventris opus officiale <sup>72</sup> gerunt.  
 Si quis adulatur sensus, ne crede maligno  
 Saepe ministerio servus acerbat herum :  
 Corporis excubias dum servat visus, abutens  
 Officio, mentem vulnerat, urget herum.  
 Vi us obest, oculus legatus amoris, adulter  
 Mentis, opes animae depretiare studet.  
 Interius Babylonis <sup>73</sup> opes, redimicula <sup>74</sup> mundi  
 Nuntiat in mortis damna fenestra <sup>75</sup> patens.  
 Carnem deliciis corrumpit, inebriat, inde  
 Prodit amarus amor, prodit amara lues <sup>76</sup>,  
 Nonnunquam nocet auditus, dum percipit auris  
 Non credenda, fides impetuosa <sup>77</sup> nocet.  
 Tactus adulatur <sup>78</sup>, fallit, dum vendit amanti  
 Plana superficies quae scabiosa latent.  
 Gustus edax ventris venator, praedo crumenae  
 Irato vacuas increpat ore manus.  
 Laedit odoratus minus his sine crimine sensus  
 Illic sibi collatis fratribus esse potest.  
 Hos famulos cogas tibi deservire, ministri  
 Imperium domino dedecus esse solet <sup>79</sup>.  
 Sit tibi vita decens, discretio provida, justum  
 Consilium, stabilis actio, fama nitens.  
 Est famae pretiosa fames ; si fama laborat  
 Vita labat, pretium labitur, alget honor.  
 Gratius est meritum famae, quam fama, potiri  
 Imperio minus est, quam meruisse decus.

A Est gravius meritum poenae, quam poena, necari  
 In cruce, credo minus quam meruisse crucem.  
 Famosos recoles mores <sup>80</sup> infamia mortis  
 Est species, sepelit fama sepulta decus.  
 Sarcina dedecoris damno praeponderat, omnis  
 Est gravitas famae perditione minor.  
 Non credit titulis fama, te consule, crede  
 Menti, vera canit mens, sibi fama favet.  
 Fama citat laudem, laus praemia, praemia mentem,  
 Mens studium, studium dogmata, dogma decus.  
 Doctrinae praeter pater est usus, doctrinae scholaris  
 Intercisa perit, continuata vige.  
 Pullulat inflores <sup>81</sup> natura <sup>82</sup> labore ministro  
 Virtutis, requies confirmata nocet.  
 Est animae cultura labor, caro nuda labore  
 B Est sterilis, spinis obsita, messis inops.  
 Ex requie serpit pestis saevissima luxus  
 Armiger, et famae prodigus, hostis amor.  
 Est amor injustus iudex, adversa maritans <sup>83</sup>  
 Rerum naturas degenerare facit.  
 Consonat antithesis in amore, scientia nescit  
 Ira jocatur, honor sordet, abundat <sup>84</sup> egenus.  
 Probra probant <sup>85</sup>, reprobat laus, desperatio sperat,  
 Spes metuit, prosunt noxia, lucra nocent.  
 Anxietas in amore sapit, dulcescit amarum,  
 Vernat hiems, sudant frigora, morbus alit.  
 Ne noceat, carnem compesce labore <sup>86</sup>; labora <sup>87</sup>,  
 Languescit vitium; nil age, morbus adest  
 Nostrorum sectare patrum, vestigia, patres  
 Quae coluere cole, quae docuere doce.  
 C Sunt assistrices doctrinae quatuor, harum  
 Conjugio studium fructificare solet.  
 Prima perit natura, quod ingenium fovet, auget.  
 Vis exercitii, perficit usus opus.  
 Est incultus ager, sed fertilis, artis egenum  
 Ingenium, studii sedulitate carens.  
 Est sterilis, sed cultus ager, studii labor expers  
 Ingenii, jungas haec duo, messis adest.  
 Consule doctores legis, discede malorum  
 A conventiculis, concomitare bonos.  
 Ut de melle favum, nectar de nectare, rivum  
 De fluvio, radium de radiante metes <sup>88</sup>.  
 Ut granum de messe tibi, de fonte salubri  
 Pocula, de docta dogmate <sup>89</sup> mente leges <sup>90</sup>.  
 Plaudite bonis, fuge pravorum consortia, labem  
 D De pice tractata <sup>91</sup> contrahit aegra manus,  
 Ut Domino placeas, noli peccare, relega  
 Peccatum, veniam posce, beatus eris.  
 Da miseris, potum sitienti funde, molestum  
 Laetifica, parcus semine <sup>92</sup>, pauca metes.  
 Est ancilla Dei simplex <sup>93</sup> elemosyna mortis

#### VARIAE LECTIONES.

<sup>68</sup> h. e. *comulatione*, ibid. <sup>69</sup> al. *conciliare*. al. <sup>70</sup> *tu* vel *in*. <sup>71</sup> al. *obit*. <sup>72</sup> h. e. *naturale*, ibid. <sup>73</sup> h. e. *confusionis*, ibid. <sup>74</sup> i. e. *ornamenta*, ibid. <sup>75</sup> scil. *oculus*, ibid. <sup>76</sup> h. e. *perpetua mors*, ibid. <sup>77</sup> scil. *credendi*, ibid. <sup>78</sup> al. *adulator*, omisso *conmate*. <sup>79</sup> al. *potest*. <sup>80</sup> al. *mores recoles*. <sup>81</sup> scil. *scientias*, ibid. <sup>82</sup> h. e. *naturale ingenium*. <sup>83</sup> pro *conjungens*. <sup>84</sup> al. *habundat*, ut *alibi honus pro onus*. <sup>85</sup> h. e. *laudant*, ibid. <sup>86</sup> al. *dolore*. <sup>87</sup> sed tunc *comina* adijciendum, vel fortassis *repetendum, labore*; ut *max, Patrum, Patres*. <sup>88</sup> *metas*. <sup>89</sup> al. *dogmata*. <sup>90</sup> pro *salubris*, ibid. <sup>91</sup> al. *contracta*; fortassis *constata*. <sup>92</sup> al. *parcus semina*. <sup>93</sup> al. *supplex*.

Antidotum, veniæ porta, salutis iter (30).  
 Disputat adversus dantis peccata, perorat  
 Actori, redimit probra, precatur opem  
 Peccatum mors est animæ, mors debita pœna  
 Peccati, sana vulnera, morbus abest,  
 Cordis amor manibus præponderat, hostia grata  
 Est humilis Domino spiritus, ara placens.  
 Da, quod amas, si quid deposcit amicus, amarum  
 Munus ni dederis<sup>94</sup>, nulla petita ferēs.  
 Est, dare, lætitiæ vox, verbum nobile, verbum  
 Mellifluum, dantis gloria, dantis honor.  
 Est, rogo, vox miseri, vox importuna, pudoris  
 Prodigæ, mœroris plena, favoris egens  
 Debita solve, precor, largire rogata roganti,  
 Si poteris, superat munera mentis honor.  
 Da, dabitur; dimitte, tibi dimittet optimus<sup>95</sup>  
 Judex, consimili semina lance metes.  
 Sparge dapes, operi nudos, caput accipe membris  
 Hospitibus, sepeli corpora, vive Deo.  
 Sperne malignantes, sapientes consule, pravos  
 Non<sup>96</sup> reprobes<sup>97</sup>, nec te magnificare velis.  
 Solve laboranti luera, mercenarius oranis  
 Debet promerita conditione frui.  
 Solam solus ama<sup>98</sup> sponsam, solam cole, soli  
 Huic sociæ solum te sociare velis.  
 Non caput impinguet oleum peccantis et<sup>99</sup> aures  
 Si quis adulator lactat<sup>100</sup>, omitte fidem:  
 Si quis quem<sup>1</sup> reprobatur, discernere te decet, utrum  
 Hostis, an invidus, an ambitiosus adest.  
 Ambitio, livor, odium, tria sunt mala, quorum  
 Fautores<sup>2</sup> facili credulitate nocent.  
 Hostis si reprobet hostem, ne crede, furorem  
 Exercere suum, te mediante, cupit<sup>3</sup>.  
 Invidus ut noceat aliis studet; aut sibi soli,  
 Aut prodesse suis ambitiosus amat.  
 Sic famuli merces<sup>4</sup> perit expectata, potentes  
 In famulos armat perpetuosa fides.  
 Solve libens mortem, ne desperatio vitæ,  
 Prodigæ te merita prodicione premat.  
 Mors properat, fuga nulla patet, mortale tributum  
 Solvere naturæ lege tenetur homo.  
 Suscipe iudicium Domini, prece simplice, rebus  
 Dispersis, humili corde, timore, fide<sup>5</sup>.  
 Quis fugiat patriam miser exsul? patria cælum,  
 Exsilium mundus; hic mare, portus ibi.  
 Ex hac valle gravis cursus, viâ lubrica, jugis<sup>6</sup>  
 Anxietas, tempus mobile, vita brevis.

A Mors parcat reprobis, deflorat florida, quippe  
 Ventis erigitur spina, roseta jacet<sup>7</sup>.  
 (31) Matris honore frui studeas, matrem cole, pro-  
 [lem  
 Expedit in matris fructificare decus.  
 Post patris exsequias, defuncta matre, paterno  
 Maternum tumultum continuare stude.  
 Expedit ut quos una fides, quos unit amoris  
 Integritas, tumulus dispariare negat<sup>8</sup>.  
 Esto pacificus, fuge jurgia, vincula pacis  
 Cælica sunt animæ pabula, corpus alunt.  
 Plausus alit gentes, gens gaudia, gaudia pacem,  
 Pax requiem, requies semina, semen...<sup>9</sup>.  
 Heu! vitam gerimus inopem, timeatur amica  
 Mente Deus, cumulus prosperitatis adest.  
 B Argenti consanguineo bis quinque Gabelo.  
 Fili, chirographo teste, talenta dedi.  
 Mansitæ urbe Rages Medorum, vade, reposece  
 Debita; chirographum redde, petita ferēs.  
 His accede patris monitis<sup>10</sup> te credere patris  
 Consiliis, pietas intemerata jubet.  
 Vive, vale; valeas cum veneris ante tribunal  
 Iudicis<sup>11</sup> in patria<sup>12</sup> gaudia patris habe.

## CAPUT V.

Sic genitor, cui progenies devota favorem  
 Exhibet, assensum commodat, ista refert:  
 Pro modulo, pater, ætatis, parere paratus  
 Sum tibi; quod suades approbo, jussa sequor.  
 Si nescis, ignoro vias, ignoro Gabelum,  
 C Vix dabit ignoto quas tibi servat opes.  
 Cui genitor: Noli certis dubitare, recedat  
 Pessimus in dubia sorte propheta timor.  
 Ne timeas, solvet tibi depositarius<sup>13</sup> omne  
 Depositum, reddet debita, tutus abi.  
 Viso chirographo reddet quæsitæ, viarum  
 Ne seducaris schismate<sup>14</sup> quærere ducem.  
 Jussus abit, juvenem videt, oblatum sibi formæ  
 Dotibus insignem; lætificatus ait:  
 Cujus es, o<sup>15</sup> juvenis? Raphael sic: Israelita  
 Sum. Puer huic: Rages notificabis iter?  
 Huic Raphael: Via nota mihi patet, æde Gabeli  
 Mansi; si placeat ire, redire, veni.  
 Nosco viam<sup>16</sup>, Rages urbs est, sita monte vocato  
 Abathanus<sup>17</sup>; novi quo properare paras.  
 D Quem videt, ignorat puer, ignorat Raphaellem  
 Esse suæ comitem, quem rogat, esse viæ.  
 Angelus angelicas dotes occultat, obumbrat

## VARIÆ LECTIONES.

<sup>94</sup> al. *Ni dederis merito.* <sup>95</sup> pro *optimus.* <sup>96</sup> al. *ne.* <sup>97</sup> h. e. *vilipendas.* <sup>98</sup> al. *solus ama solam.*  
<sup>99</sup> al. *ad.* <sup>100</sup> al. *lactet.* <sup>1</sup> al. *quem quis.* <sup>2</sup> al. *factores.* <sup>3</sup> al. *sitit.* <sup>4</sup> al. *mentes.* <sup>5</sup> al. *rato.* <sup>6</sup> pro  
*assidua,* ibid. <sup>7</sup> al. *jacet.* <sup>8</sup> al. *neget.* <sup>9</sup> *Deest vox quædam.* <sup>10</sup> al. *His monitis accede patris.* <sup>11</sup> scil.  
*Dei,* ibid. <sup>12</sup> h. e. *cælo.* <sup>13</sup> imo *mutuarius* seu debitor, in rei veritate et de jure, juxtaque textum et  
 verba seqq. <sup>14</sup> h. e. *divisione.* <sup>15</sup> o omissum in alt. cod. <sup>16</sup> al. *vias.* <sup>17</sup> *Luthero dicitur Ecbatana.*

## NOTÆ.

(30) Sed quæ de eleemosyna tam in textu quam  
 glossa dicuntur, sanum capere debent sensum ex  
 libris S. Scripturæ canonicis et interpretib. sinceri-  
 oribus.

(31) Hic demum auctor suum excursum flectit ad  
 patris monita in textu reperta; ceu ipse codex ms.  
 in marg. indicat.

Effigies hominis spirituale iubar.  
 Quem natura levat <sup>18</sup> pietas inclinat, honesti  
 Forma ministerii pensat honoris opes.  
 Sic radium nubes obnubilat, umbra lucernam,  
 Sic latet angelicæ nobilitatis apex.  
 Sic præceptoris non immemor angelus, esse  
 Vult minor obsequio, conditione prior.  
 Ad patrem maturat iter puer, omnia narrat  
 Visa, jubet juvenem lætus adesse pater.  
 Procinctus Raphael venit, intrat tecta, salutat  
 Patrem progrediens exiguosque lares <sup>19</sup>,  
 Dicens : Sit Dominus vobiscum, verba salutis.  
 Obstupet anxietas obtenebrosa senis.  
 Cæcatus tenebris languens, squalore grabati <sup>20</sup>,  
 Sordidulus nescit, pullulat unde salus.  
 Anxius et rogatus mortis compendia, vitæ  
 Flebilis, horrescit dona salutis opem.  
 Sic queritur : Fluit <sup>21</sup> unde salus misero mihi,  
 [cujus  
 Pœna quies, mors est vivere, vita mori.  
 Heu! mors pigra venit, nec pervenit, est mihi vita  
 Mars melior; tenebris lugeo, posco mori.  
 Huic Raphael : Spera Domini suffragia, spera  
 In Domino, Dominum dilige, sanus eris.  
 Est pietas prægrata Dei <sup>22</sup> prædulce flagellum  
 Virga docens, vulnus utile, suave jugum.  
 Verbera sunt patris, velut verbera græta, medetur  
 Vulnere, vulneribus <sup>23</sup> mulcet amore, domat,  
 Elimat, recohit <sup>24</sup>, figulus sua vasa, flagellat  
 Quas recipit, medico vulnere, pastor oves.  
 Tunc senior : juvenis bone, dic mihi, quæ sit origo  
 Sanguinis, unde genus contrahis, ede, præcor.  
 Cui Raphael : Quæris tibi, mercenarius an sit <sup>25</sup>,  
 An satis est ejus notificare genus;  
 Vis audire? vocor Azarias, Ananiæ  
 Filius, hæc animo sollicitudo cadat.  
 Exaltare suas dotes negat angelus, imo  
 Providus hæc sepelit calliditate genus.  
 Tunc supplex senior : Non irascaris <sup>26</sup> amice,  
 Quod volui generis conditione <sup>27</sup> frui.  
 Si placeat Rages natum perducere, præsta  
 Consilium <sup>28</sup>, puero consule, confer opem.  
 Ne dubita <sup>29</sup> dabitur merces condigna, laboris  
 Antidotum, re, me restituente, feres,  
 Ad Medos puerum ducas, exoro, reducas,  
 Plus peto; plus reditus quam via prima placet.  
 Sic Raphael : Quod poscis, adest, me præside,  
 [fretus,  
 Me duce, tutus erit, me comitante tutus <sup>30</sup>.  
 Flet genitor prolis <sup>31</sup> digressu, præside tanto

A Gaudet, spes reditus gaudia præesse facit.  
 Progenies, pater, alterutrant <sup>32</sup> suspiria, proles  
 Patris amore gemit, proles amore pater.  
 Preparat ergo viæ condigna vaticina patris  
 Cura, Deo grates multiplicare studet.  
 Digressus, Ave, geminat puer, oscula nato  
 Ingeminat genuu flebiliore pater <sup>33</sup>.  
 In lacrymis animam <sup>34</sup> dispensat mœsta senectus  
 Patris, quippe pater degenerare negat <sup>35</sup>.  
 Clamat : Erit <sup>36</sup> Dominus vobiscum, vos comitetur  
 Angelus, et vigili sedulitate regat.  
 Dant pater et mater lamenta, salutat utrumque  
 Filius; hinc abeunt, aggrediatur <sup>37</sup> iter.  
 Hanna <sup>38</sup> parens ruit in lacrymas; lamenta, que-  
 [relas

B Ingeminat, matrem dissimulare nequit.  
 Qui præsens placuit, absens exasperat, instat  
 Quo præsentem fuit plausus, eunte dolor.  
 Matrem matris amor redolet, cum conjuge tristis  
 Litigat, ut pietas officiosa jubet.  
 Heu nunquam fuerat <sup>39</sup> quæsitæ pecunia, cujus  
 Causa prole pater orbis es, orba queror <sup>40</sup>  
 Cur abiit mea tota <sup>41</sup> salus, mea cura, senectæ  
 Præsidium, matris gaudia, matris honor.  
 Quod nobis aberat, redimebat gratia <sup>42</sup> proles  
 Pauperiem fugit hoc effugiente salus.  
 Præsens delicias cumulabat filius, omnis  
 Anxietas, viso proles honore sapit.  
 Sic genitrix; genitor lacrymas castigat, amicat  
 C Blanditiis, gemitus luxuriare vetat.  
 Ne timeas, desiste queri, reor, angelus alti  
 Consilii, pueri concomitatur iter.  
 Ducet et adducet Deus hunc, sospes remeabit  
 Natus, et incolumis prosperiore gradu.  
 Cessat ad hanc vocem matris querimonia, fletus  
 Castigat, lacrymas terminat, ora premit.

## CAPUT VI.

Procedunt comites puer, angelus; hoc duce felix  
 Hoc <sup>43</sup> socio, puero dux, Raphaelæ puer.  
 Se tanto ductore puer Raphaelæ ministro,  
 Se Domino <sup>44</sup> ne cit sedulitate regi.]  
 Pascit uterque viam verbis, collega fidelis  
 Et custos, satagit præviis ire comes <sup>45</sup>.  
 D Ambos prima dies prope Tigrin ducit, in amnem  
 Tobias properat mundificare pedes.  
 Piscis adest, pedibus immersis et instat, hiatum  
 Ampliat, ut patulo devorat <sup>46</sup> ore pedem  
 Clamitat : Me <sup>47</sup> piscis, heu! devorat <sup>48</sup>; extrahet,  
 [suadet  
 Angelus, extracto pisce medela patet.

## VARIÆ LECTIONES.

<sup>18</sup> al. jubet. <sup>19</sup> h. e. domos, ibid. <sup>20</sup> pro lecto, ut supra. <sup>21</sup> al. Fluat. <sup>22</sup> fortassis Deo. <sup>23</sup> al. verberibus. <sup>24</sup> al. et recohit. <sup>25</sup> al. assit pro adsit. <sup>26</sup> al. irascaris. <sup>27</sup> al. editione. <sup>28</sup> al. Præsidium. <sup>29</sup> al. dubites. <sup>30</sup> al. ratus. <sup>31</sup> al. sobolis. <sup>32</sup> fortassis alternant. Germ. : Eius vom ander, oder beide gegen einander seufftzen. <sup>33</sup> al. senex. <sup>34</sup> al. lacrymas animum. <sup>35</sup> al. nequit. <sup>36</sup> al. eat. <sup>37</sup> al. aggrediuntur. <sup>38</sup> al. Anna. <sup>39</sup> al. fuerit. <sup>40</sup> al. parens, vel mater, scilicet ego. <sup>41</sup> al. sola. <sup>42</sup> al. gloria. <sup>43</sup> al. Hic; sicque fortassis legendum : Hinc socius. <sup>44</sup> al. Domini. <sup>45</sup> al. canis. <sup>46</sup> al. devoret. <sup>47</sup> al. Heu, fortassis. Ne ob seq. verbum. Et tunc pro Heu ponendum Me. <sup>48</sup> al. devoret.

Extrahit angelicis monitis, exenterat, inde  
 Intestina rapit sedulitate ducis.  
 Eligit, explorat fel, cor, jecur, hæc tria sumi  
 Providus insinuat angelus, ille favet.  
 Quod piscis superest delibutum sale, vltæ  
 Suffici, usque Rages perficiatur iter.  
 Luce sequente die <sup>49</sup> redimunt <sup>50</sup> fastidia verbis  
 Alternis, rogat hic <sup>51</sup> a Raphaelæ puer :  
 Di-, Azaria frater, nobis <sup>52</sup> de pisce reponi  
 Quæ suades, aliquid utilitatis <sup>53</sup> habent?  
 Angelus huic : Non vana rogas sed seria, jussi  
 Servari tria, quæ commodiora scio.  
 Particulam cordis adhibe carbonibus, omne  
 Demonium, fumo subveniente, fugit.  
 Fel prodest oculis, fellis medicamine morbus  
 Omnis abest, oculos obtenebrare potens <sup>54</sup>.  
 Lumina fel sanat, virtus promiscua cordis  
 Et jecoris, pulso demone, præstat opem.  
 Luce puer loquitur : Ubi vis maneamus in ista  
 Nocte; tua refert dicere, jussa sequor <sup>55</sup>.  
 Angelus huic : Raguel prope mansitat æquus ho-  
 [nesti  
 Cultor <sup>56</sup> et affinis proximitate tribus :  
 Cui patris servantur opes, huic unica vernaat  
 Nata decens, patris gloria, patris <sup>57</sup> honor.  
 Hæc tibi debetur; hæc posse <sup>58</sup>, pater dabit, imo  
 Hæc uxore metes prædia, rura, domos.  
 Tota patris tibi debetur substantia, ducas  
 Hanc, moneo. Puer his obstupefactus, ait :  
 Audiui, sic fama refert, fuit hæc data septem  
 Sponsis, dæmonio mortificante jacent.  
 Si patiar similes casus, uterque parenti  
 Unicus, hos constat, me moriente, mori.  
 Angelus huic : Aderunt tibi grata remedia, gratum  
 Antidotum, monitis <sup>59</sup> percipe <sup>60</sup> tutus eris.  
 Hos dæmon perimit quos delectatio carnis,  
 Non sobolis, stimulat virginitate frui.  
 Quisquis sicut equus <sup>61</sup> aut mulus gaudet abuti  
 Conjugio, carnis victus amore perit.  
 Virgine non tacta, tribus ora noctibus, insta  
 Votis vota, preces accumulare stude <sup>62</sup>.  
 Prima nocte jecur piscis combure, fugabis  
 Dæmonium, jecur hæc commoditate juvat.  
 Nocte sequente Deo fundas <sup>63</sup> suffragia, possis  
 Ut patriarcharum religione frui.  
 Tertia nox fructum dabit, ut benedictus honore  
 Multiplicis <sup>64</sup> prolis fructificare queas.  
 Has tres excubias cole, ne prurigne carnis  
 Victus, quam metuis promerere necem.  
 Sic age, fructus adest, divino <sup>65</sup> amore  
 Sic tua virginitas <sup>66</sup> carne carere caro

A Indulget nox quarta thoro <sup>67</sup> spe prolis habendæ,  
 Non Veneris; monitis crede, medela datur.  
 CAPUT VII.  
 Angelus hæc; puer obsequitur, Raguelis in <sup>68</sup> ædem  
 Angelicæ monitu sedulitatis eunt.  
 Occurrit Raguel, jucunda fronte serenat  
 Hospitium, faciem purpurat oris honor.  
 Hospitis aridet non hospes gratia, plausus  
 Hospitis hospitium <sup>69</sup> gratus esse facit <sup>70</sup>.  
 Hæret <sup>71</sup> in aspectu <sup>72</sup> pueri, dijudicat oris  
 Effigiem, tanta gratuitate stupet.  
 Quod <sup>73</sup> prolis facie, prolem <sup>74</sup> prognosticat, aroor  
 Fronde patet, legitur <sup>75</sup> prolis in ore pater.  
 Post ait : Hanna seror consobriño Ninivitæ  
 Illic quantum simili consonat ore puer.  
 B Post ait hospitibus : Mihi, quæso, pandite vestra  
 Quæ sit origo, mihi notificare <sup>76</sup> genus.  
 Angelus huic : Nos Neptalia <sup>77</sup> sumus ex Ninivitis  
 Captivis, voluit nos superesse Deus.  
 Sic Raguel : Nunquid Tobiam gratia vestra  
 Noverit? Angelus huic : Novimus ambo virum.  
 Urbe, tribu nobis Tobias proximus, iste  
 Tobie puer et filius; adde fidem.  
 His sibi narratis, Raguel stupet, oscula lætus  
 Dat puero teneris fletibus ora rigat.  
 Gaudia testatur verbis : Benedictio, fili,  
 Sit tibi multa, precor, perpetuumque decus.  
 Ex sacro genitore satus, quem voce fateris  
 Et facie, simili simplicitate placens.  
 C Hæc dicente viro, lacrymis exuberat uxor  
 Anna <sup>78</sup> pro fletu filia sacra <sup>79</sup> madet.  
 Inde domum videre jubet <sup>80</sup>, desudat in usum  
 Obsequii celebris Anna, puella, pater.  
 Fercula festa parant, aries mactatur, honore  
 Hospitii, cumulat prandia mentis honor.  
 Cursitat huc illuc Raguel, discumbere lætus  
 Suadet utrumque; puer inficiatus <sup>81</sup> ait :  
 Non epulas sumam vel prandia <sup>82</sup>, donec  
 Quam peto des natam conditione tori.  
 Miratur Raguel, septem periisse revolvens,  
 Ne cadat hic simili perditione timet.  
 Dum dubitat dare, quod petiur, sic angelus : Omnem  
 Pone metum, dabit his tibi prospera quæque  
 [Deus.  
 D Crede, reservatur puero tua filia, sola  
 Soli debet ei <sup>83</sup> virginitatis apex <sup>84</sup>.  
 Tunc Raguel : Dominus genitum, lamenta, que-  
 [relas,  
 Ut reor, admisit, convaluere preces.  
 Assensit precibus Domini miseratio, septem  
 Stratis, hunc voluit fructificare Deus,

## VARIE LECTIONES.

<sup>49</sup> al. diem. <sup>50</sup> al. redimit. <sup>51</sup> al. hæc. <sup>52</sup> al. Azarius frater de. <sup>53</sup> al. commoditatis. <sup>54</sup> al. potes. <sup>55</sup> al. dicta sequar. <sup>56</sup> al. custos. <sup>57</sup> fortassis matris; ut infra cap. x. <sup>58</sup> al. pro utraque voce: deposce. <sup>59</sup> al. monitus. <sup>60</sup> f. perfice, ibid. <sup>61</sup> vide supra cap. i. <sup>62</sup> al. precor. <sup>63</sup> al. fundas. <sup>64</sup> al. multiplici. <sup>65</sup> an vox debet vel similis fuerit, difficilis lectu est. <sup>66</sup> al. virgineu. <sup>67</sup> al. thorum. <sup>68</sup> al. ad. <sup>69</sup> al. officium. <sup>70</sup> al. potest. <sup>71</sup> h. e. dubitat, ibid., vel oculis intentus. <sup>72</sup> al. affectu. <sup>73</sup> In fine præcedentis, omisso commate vel puncto. Alias ex. <sup>74</sup> al. patrem. <sup>75</sup> i. e. cognoscitur, ibid. <sup>76</sup> al. certificate. <sup>77</sup> pro utraque voce Neptalici. <sup>78</sup> al. Hanna. <sup>79</sup> al. Sara. <sup>80</sup> al. jubent videre domum. <sup>81</sup> h. e. negatus, ibid. in marg. <sup>82</sup> al. pocula. <sup>83</sup> al. debet ei soli. <sup>84</sup> al. opes.

Et <sup>88</sup> juxta legem Moysi cognata marito  
 Tradita cognato prolis abundat ope.  
 Trado lubens dextræ puerili, deinde maritans  
 Dextram virginæam; slet pater, ista refert:  
 Qui Deus est Abraham, Deus Isaac et Jacob, omni  
 Tempore vos foveat, vos benedicat, amen!  
 Vestrum conjugium confirmet, prole beatos  
 Vos faciat, solidet fœdera, præstet opem.  
 Inde pater calamum deposcit, fœdera firmat  
 Conjugii, scripti testificante nota.  
 Inde <sup>89</sup> vacant epulis, ut sufficientia dictat,  
 Non gula, non ventris ambitus, imo fames.  
 Illis factis tenebris, sopito sole, jubente  
 Patre, maritalem præparat Anna torum.  
 Inde pius natam pater introducit <sup>90</sup> in usum  
 Conjugis, ingreditur virgo coacta torum.  
 Virgo timet, lacrymis teneris exuberat, usum  
 Vomeris ignoti glebula prima timet.  
 Solatur genitor sic: Tædia multa, labores  
 Multos passa, filia, funde preces.  
 Plausum post lacrymas, mel post absynthia, præstet  
 Omnipotens, redimit prosperitate crucem,  
 Inde pius puerum pater introducit, uterque  
 Sic cubat, ut manui collaterata manus.  
 Mente pares, par forma beat, par gratia morum,  
 Consona vota <sup>91</sup>, paris <sup>92</sup> religionis amor,  
 Felix conjugium, par copula dum sociantur,  
 Quorum par pietas, par genus, una fides.  
 Ambo pares, paritas quos comparat oris et ævi,  
 Mentis comparitas dispariare negat.  
 Nubit casta viro <sup>93</sup>, justo devota, puella,  
 Conjuge vir dignus, digna puella viro.  
 Quippe dolo purus puer <sup>94</sup>, excessus pueriles  
 Horret, et in puero scit redolere senem.  
 Prævent ætatem ratio, præponderat agro  
 Messis adulta, minor messe stupescit ager.  
 Expectare negat torporem temporis, annos  
 Transgrediens virtus, increpat usque moram.  
 In tenero sapit emeritum, stupet arbore major  
 Fructus, conqueritur area messe minor.  
 Mira patent, ævi novitas, oblita dierum  
 Obstupet in puero delituisse senem <sup>95</sup>.  
 Ultra femineum sexum virguncula vernat  
 Moribus, in fragili pectore rara fides.  
 Esse pudica decens satagit se forma pudori,  
 Seque pudor formæ conciliari studet.  
 Alloquio suavis, verbo succincta <sup>96</sup>, modesta  
 Vultu, fraude carens, officiosa datis,  
 Sobria mente, vago discursu libera, fastus  
 Nescia, consulta simplicitate præcit <sup>97</sup>.

A Arma supercilium gerit exclusiva favoris  
 Illiciti, Veneri <sup>98</sup> forma favere negat.  
 Forma pudicitæ pacem conjurat, et hostis  
 Quæ <sup>99</sup> solet esse, fidem perpetuare studet.  
 Femina justa, potens, pia, casta <sup>97</sup>, pudica <sup>98</sup>, ma-  
 [ritat.  
 Sic adversa ligat, quæ fluitare student <sup>99</sup>.  
 Quantum conjugii præfati forma modernis  
 Distat conjugii, quis sine labe torus?  
 Ecclesiæ nostræ quantum Synagoga <sup>100</sup> fidelis  
 Temporis antiqui præminet? Unde pudor  
 Nos pudeat, quod præfuerat Judæa modernæ  
 Ecclesiæ; nucleo testa, figura rei.  
 Heu! quantum deserta fides mendicat, et unde  
 Catholicæ cecidit religionis apex.  
 B Quæ nubit <sup>1</sup>, vel quis nunc uxoratur amore  
 Prolis, quis Veneris armiger esse negat?

## CAPUT VIII.

Introducta timet pia virgo, propheta <sup>2</sup> timoris.  
 Supplicat in vultu simpliciore rubor.  
 Illibata timet fossorem gleba, timescit  
 Ad maris accessum virginitalis honor.  
 Angelici monitus Tobias sit memor, inde  
 Cassiduli <sup>4</sup> profert auxiliare jecur.  
 Servati jecoris partem carbone marito <sup>5</sup>  
 Urit, odor fumi spargitur, hostis abest <sup>6</sup>,  
 Partibus Ægypti summis Raphael ministro  
 Dæmonis improbitas illaqueata latet <sup>7</sup>.  
 Tobias vocat uxorem, cui talia: Sara  
 C Surge toro, decus est nos vigilare Deo.  
 Expedi ut Domino jungamus nos triduanis  
 Noctibus, orantes magnificare Deum.  
 Patrissare decet nos, sacra stirpe creati  
 Debemus meritis æquiparare patres.  
 Post triduum nobis dabitur <sup>8</sup> commissa <sup>9</sup> facultas  
 Conjugii; virgo surgere jussa, favet.  
 Virgo verecundat, solvensque <sup>10</sup> tributa pudoris  
 Virginei, roseus supplicat ore rubor.  
 Surgit uterque, preces satagunt effundere, vite  
 ¶ Incolumis rogitant commodiore <sup>11</sup> frui.  
 Tobias docet exemplo, quod prædicat ore,  
 Supplicat, ut pietas officiosa jubet:  
 Te, Deus omnipotens, benedicant omnia <sup>12</sup>, laudes  
 Exhibeant ignis, humor, inane, solum.  
 D De limo terræ placuit <sup>13</sup> formare parentem  
 Primum; solus erat posteritatis <sup>14</sup> inops.  
 Huic Evam sociam tua dispensatio jungi  
 Disposuit, nostrum pullulat unde genus.  
 Sic nos consocia, sic firma fœdera nostri  
 Conjugii, sic nos fructificare velis.

## VARIÆ LECTIONES.

<sup>88</sup> al. *Ut*. <sup>89</sup> al. *Deinde*. <sup>90</sup> al. *introduxit*. <sup>91</sup> al. *vita*. <sup>92</sup> al. *patris*. <sup>93</sup> al. *pio*. <sup>94</sup> al. *purus puer*.  
<sup>95</sup> hæc præmissa vide etiam quomodo exornet, sub cap. i, post princ. <sup>96</sup> h. e. *lepida*, ibid. <sup>97</sup> al.  
*placens*. <sup>98</sup> al. *Veneris*. <sup>99</sup> vel *Quod*. <sup>100</sup> al. *pulchra*. <sup>1</sup> al. *modesta*. <sup>2</sup> al. *solent*. <sup>3</sup> scilicet *Ju-*  
*daeorum*; hicque est digressiuncula seu applicatio, quoad lapsam disciplinam ecclesiasticam, ut quoque  
 cap. seq. <sup>4</sup> al. *quia*. <sup>5</sup> al. *nubat*. <sup>6</sup> ut alibi pro *indicio* vel *signo*. <sup>7</sup> scil. *piscis*, ibid. et infra cap.  
 x; sed vid. Martini *Lexic. philol.* verb. *Cassidilis*, fol. 405. <sup>8</sup> pro *conjuncta*, ibid. <sup>9</sup> al. *abit*. <sup>10</sup> al. *perit*.  
<sup>11</sup> al. *dabitur nobis*. <sup>12</sup> pro *concessa*; al. *promissa*. <sup>13</sup> al. *solvens*. <sup>14</sup> fortassis *commoditate*, vel *prosperitate*,  
 ut in alt. cod. vel infra sequitur. <sup>15</sup> al. *singula*. <sup>16</sup> al. *placuit terræ*. <sup>17</sup> al. *prosperitatis*.

Non nos sollicitat <sup>18</sup> Veneris lascivia, verum  
 Progenies, verum posteritatis <sup>19</sup> honor.  
 Nos sociat, nos legitime consensus amicat  
 Mentis non Veneris <sup>17</sup> præda <sup>18</sup> pudoris amat <sup>19</sup>;  
 Da sobolem, rogo, quæ studeat per sæcula sæcli  
 Successiva tuum magnificare decus.  
 Sara refert : Miserere, precor, miserere duorum  
 Ut liceat nobis <sup>20</sup> consensisse simul <sup>21</sup>.  
 Inde vocat <sup>22</sup> Raguel servos, cum <sup>23</sup> præco diei  
 Gallus prævigili concinit ore diem.  
 Suspectus senior vigilat, timet ille maritus  
 Ne cadat, ut septem procubuisse liquet.  
 Ergo parat foveam lugubri mente sepulcrum  
 Tobix, generum morte jacere timet.  
 Post, sponsæ loquitur, eat una pedissequa, vitam  
 Vel generi properet notificare necem :  
 Si cecidit gener ut reliqui, noctu sepeliri  
 Hunc decet, in generum degenerare nego.  
 Ad thalamum maturat iter, discurrere jussum  
 Mancipium <sup>24</sup> jubet, hos vivere visa refert.  
 Lætatur Raguel, plausus agit Anna <sup>25</sup> fideli  
 Mente, Deo grates accumulare studet :  
 Te benedicamus, Deus Israel, est data nobis,  
 Te tribuente, salus; te mediante, favor,  
 Blanditiis fletum commutas, melle cicutam <sup>26</sup>.  
 Damna datis stipulam messe, favore metum.  
 Nos tua respexit miseratio, quos tua necit  
 Gratia, perpetua sedulitate regas :  
 Ut valeant offerre preces, holocausta, fateri  
 Te Dominum, laudes concelebrare tuas.  
 Gentibus ut cunctis fiat liquidum, quia solus  
 Jura monarchiæ primipotentis habes.  
 Post Raguel foveam cumulari <sup>27</sup> præcipit, exsul  
 Spes redit, emergunt gaudia, mœror abit <sup>28</sup>.  
 Anna <sup>29</sup> deinde jubet, ut quærat prandia <sup>30</sup>, quærat  
 Congrua quæque, quibus expediatur honor.  
 Inde duos vitulos pingues oviumque maritos  
 Quatuor occidi præcipit, Anna favet.  
 Lætus adesse jubet dapes <sup>31</sup>, introducti amicos  
 Vicinos, domini ridet honore domus.  
<sup>32</sup> Dissonat, heu! quantum mensæ mensura modernis  
 Deliciis, quantas scurra ligurit opes.  
 Quid servire gulæ prodest, ut præda macelli  
 Venter præcipiti pondere membra premat.  
 Ut vivant, comedant <sup>33</sup> prudentes; histrio vivit  
 Ut comedat, vendit prædia, vendit agros.  
 Ventribus esca datur, venter escis <sup>34</sup>, Deus escas  
 Destruit et ventres; sic <sup>35</sup> sacra verba canunt.  
 Hoc conviviolo via <sup>36</sup> vitæ sufficit, omnis

A Luxus abest, omnis crapula, pauca placent.  
 Non petitur placitura gulæ venatio, nullum  
 Altile, nec <sup>37</sup> sicei pectoris ira piper;  
 Non verubus volvuntur aves gustusque saporis  
 Index <sup>38</sup>, non studet hic intitulare merum.  
 Nullus <sup>39</sup> adulatur, sententia nulla palati  
 Quæritur, hic satis est pacificare famem.  
 Sufficit hic quicumque liquor, cibus omnis, et <sup>40</sup> esca,  
 Sic quæcunque fames victa, liquore sitis.  
 Præstant nulla gulæ, naturæ paucula <sup>41</sup>, vitæ  
 Usus pauperibus plurima, cuncta Deo;  
 Præstat honor dapibus; inter convivia lætus  
 Tobiam Raguel flagitat, iste <sup>42</sup> petit.  
 Me tua sollicitat, fateor, digressio, gaudens  
 Quo præsentis sui, digrediente queror.  
 B Hoc precor; hoc moneo, me deponente duabus  
 Hebdomadis, placeat continuare, moram  
 Convivio, foveat precibus tua gratia, noli <sup>43</sup>  
 Noli primitias depretiare precum <sup>44</sup>:  
 Armata valere preces, quod <sup>45</sup> amicus amicum  
 Seu dominus servum postulat <sup>46</sup>, arma gerit.  
 Inde facultatem Tobix fronte serena  
 Dimidiat, scripto testificante, socer :  
 Post obitum reliquam partem largitur habendam  
 Confirmant; statuunt fœdera, pacta ligant.

## CAPUT IX.

Tobix pietas Raphaelem mulcet, amicat,  
 Obsequitur, placida simplicitate favet.  
 Æstimat hunc hominem forma deceptus, honorem  
 Angelus angelicum notificare negat.  
 C Nescit quid lateat <sup>47</sup> hominis sub imagine  
 Quod tegitur fragili cortice, thuris odor.  
 Exhibet huic grates, colit hunc, quem præco sa-  
 [voris  
 f Dictat amor, fida sedulitate rogat :  
 Scis Azaria frater, fateor, quod munere nullo,  
 Obsequiis valeam concolor esse tuis.  
 Si tibi me servum tribuam, tibi consoua merces,  
 Digna dari nequeunt præmia, dignus honor.  
 Quippe tibi sacra religio; tibi vernat honestum  
 Consilium, morum gratia, firma fides.  
 Excedis decus humanum, virtutis in usum  
 Mentem, verba, manus fructificare facit <sup>48</sup>.  
 Tanta fides, tantum meritum <sup>49</sup> fastidit honorem  
 Mentibus humanis conciliare suum  
 D Moribus, incesso membris <sup>50</sup>, qui totus in astrum  
 Exuis humanæ conditionis onus <sup>51</sup>.  
 Hoc precor, hoc rogitò, Dominus mihi præstet ho-  
 [nori

## VARIE LECTIONES.

<sup>18</sup> al. sollicitet. <sup>19</sup> pro posteritatis. <sup>17</sup> al. teneri. <sup>18</sup> al. præda. <sup>19</sup> al. amor. <sup>20</sup> al. nobilis liceat. <sup>21</sup> al. Deus; fortassis præmisso commate. <sup>22</sup> al. venit, f. subjuncto post alteram vocem Raguel commate. <sup>23</sup> al. dum. <sup>24</sup> pro servo vel ancilla. <sup>25</sup> al. Hanna. <sup>26</sup> pro amaritudine, ibid. in marg. <sup>27</sup> pro impleri, ibid. <sup>28</sup> al. obit. <sup>29</sup> al. Hannam. <sup>30</sup> al. fercula. <sup>31</sup> al. dapes jubet. <sup>32</sup> Invectiva iterum contra hodiernos mores, ut supra cap. vii in fin. <sup>33</sup> al. comedunt. <sup>34</sup> al. escis venter. <sup>35</sup> al. ut. <sup>36</sup> h. e. victus, ibid. <sup>37</sup> al. non. <sup>38</sup> al. Judex. <sup>39</sup> scil. sensus, ibid. <sup>40</sup> al. ut. <sup>41</sup> al. pocula. <sup>42</sup> al. ista. <sup>43</sup> fortassis, omisso commate priore, nostris. <sup>44</sup> Germani dicunt: unsere erste Bitte nicht versagen, verschweben oder abschlagen. <sup>45</sup> pro quando in marg. ms. cod. <sup>46</sup> h. e. rogat, ibid. Germani dicunt: de Herren bitten, ist gebieten. <sup>47</sup> al. tetigitur. <sup>48</sup> al. facis. <sup>49</sup> al. pretium. <sup>50</sup> al. verbis. <sup>51</sup> al. epus, h. e. excedis humanam naturam.

Respondere tuo prosperiore manu.  
 Si mora nos teneat reduces, utrumque parentem  
 Expressa reprimit <sup>52</sup> anxietate dolor.  
 Me meus adjurat socius, adjuratio cujus  
 Me retinet, pudor est depretiare preces.  
 Vade Reges, servos, animalia sume, Gabelo  
 Tutus chirographum trade, talenta feres.  
 Vade, vale <sup>53</sup>, nobis jubeas salvere Gabelum  
 Cognatum, veniat te redeunte, precor :  
 Angelus obsequitur Tobiaë, nescit abesse  
 Justis angelicæ nobilitatis honor.  
 Aspirat precibus, parat ire duosque camelos,  
 Bisque duos servos eligit, haurit iter.  
 Inde Rages properat citus, ingressusque Gabeli  
 Tecta, viæ causas explicat, ista refert,  
 Chirographum tradit, recipit talenta <sup>54</sup>, Gabelo  
 Tobiaë precibus <sup>55</sup> concomitante redit.  
 Maturant reditus <sup>56</sup>, Ragnelis tecta Gabelus,  
 Intrat, dum colitur connubiale <sup>57</sup> sacrum,  
 Præcipite pede Tobias occurrit, amica  
 Voce relaturum, clamat uterque, Vale :  
 Sumens illud Ave, teneris rigat ora Gabelus  
 Fletibus, et religit <sup>58</sup> prolis in ore patrem.  
 Flens rogat hunc : Tibi sit benedictio plurima,  
 [multa  
 Prosperitas, Dominus te benedicat, Amen.  
 Optimus est genitor, elemosyna cujus egenus  
 Compatitur, sepelit corpora, præstat opem.  
 Prospera det vobis Dominus, dat <sup>59</sup> cernere natos  
 Natorum, tribuat multiplicare genus.  
 Tertius et quartus, precor, a vobis videatur  
 In vestraë sobolis prosperitate gradus.  
 Respondetur, Amen, a circumstantibus, inde  
 Dat festiva dapes, lagena merum:  
 Dulcis amicorum redolet congressus, amicos  
 Expedi affectus alterutrare <sup>60</sup> suos  
 Casus commemorant, nec prandia festa timorem  
 Excludunt Domini, nec pietatis egent.

## CAPUT X.

Tobias pater exspectat, miratur, acerbat,  
 Qui timor in dubiis deteriora canit.  
 Computat elapsi dispendia temporis, æger  
 Nati conqueritur ulteriore mora.  
 Dum recolit prolis pretium, qui prolis egenus  
 Dimidia queritur parte carere sui.  
 Cantie miser impexa lamenta propinat,  
 Quæ mentis pietas expositura jubet :  
 Væ mihi, quod nocui tibi, filii, væ mihi, nunquid  
 Schismata te retinent insidiosa viæ?  
 Diè, soror Anna, putas quod depositarius ille  
 Decessit <sup>61</sup>, nunquid inficiantur opes?  
 Anna parens ruit in lacrymas mœstissima, planetus  
 Aggregat, armato destruit ungue genas.

A Ad prolis reditum mater suspirat, amica  
 Mente sapit, matrem degenerare negat,  
 Dant gemitus senior, veterana, remedia fletus  
 Continui neuter accipit, Anna refert :  
 Heu! filii, mea salus, mea gloria, cesset  
 Hæc mora, ne cogat <sup>62</sup> nos mora certa mori,  
 Quod peregrinari te misimus, unica nostra  
 Virga senectutis, posteritatis honor.  
 Te præsentem, nihil aberat, tua gratia præsens  
 Ampliat et redimit, quod minus esse potest.  
 Nos miseri merito patimur, conamine quorum  
 Est data digressus copia, causa viæ.  
 Sic genitrix; genitor solatur : Tolle querelas,  
 Nos decet in dubio prosperiora loqui.  
 Anna tace, noli turbari, sospite nato

B Gaudebis, lacrymæ commoditatis egent.  
 Ne timeas, vir qui pueri moderatur habenas  
 Et reditum verrat religione, fide.  
 Mater non recipit fletus solatia, matris  
 Excubias vigili sedulitate gerit.  
 Circinat, egressus, <sup>63</sup> scrutatur compita, quærit,  
 Explorat, sobolis non meminisse nequit.  
 Dum recolit sobolem sapiunt lamenta, querela  
 Dulcescunt, redolet prolis amore dolor.  
 Tobiam Ragnel precibus circumvenit, instat  
 Arguit, adjurat, inficiatur iter,  
 Dissuadet reditum sic : Fili, postulo, crede  
 Consilio, reditum præcipitare nega,  
 Non te sollicitet mora, mittamus paranymphum <sup>64</sup>,

C Quo mediante, patri sit tua certa salus.  
 Quæso, mane noli, noli discedere, noli  
 Ut redeas soceri sollicitare domum.  
 Fructus amicitiaë jubet hæc secreta profari,  
 Uti consiliis, alterutrare <sup>65</sup> jocos.  
 Tobias negat assensum, sic littus aratur,  
 Sic later abluitur, sic pia verba cadunt.  
 Dum genitus memorat <sup>66</sup> utriusque parentis, an-  
 [hela <sup>67</sup>  
 Ad patriam, subitum præmeditatur iter.  
 Quippe timet pia progenies, ne mœsta senectus  
 Amborum deleat luxuriare <sup>68</sup> moram.  
 Sæpius excusat sic : Me de iste precari,  
 Chare pater, monitis parce, reflecte preces.  
 Quippe dies numerant pater et matercula, nolo,  
 Nec decet in mortem præcipitare senes.

D Flet genitor, genitrix iterat lamenta; moranti  
 Væ mihi, ne pereant, me faciente moram.  
 Nolo mei causa patrem decedere, malo  
 Præcipitare moram, quam patricida mori.  
 Copia sit nobis reditus, oratio nulla  
 Impetrare potest, nos remeare jube <sup>69</sup>.  
 Cum Ragnel nullis precibus, nec amore teneri <sup>70</sup>  
 Sensit <sup>71</sup> eos, mœsta sedulitate favet.

## VARIE LÉCTIONES.

<sup>52</sup> al. reprimat. <sup>53</sup> fortassis valca, a. <sup>54</sup> al. quæsitæ. <sup>55</sup> h. e. ad illius petitionem. <sup>56</sup> al. Maturæ reditum. <sup>57</sup> al. conjugale. <sup>58</sup> pro cognoscit, ibid. <sup>59</sup> al. Deus et det <sup>60</sup> h. e. alternatim tradere, ibid. <sup>61</sup> h. e. mortuus, ibid. <sup>62</sup> al. hæc mora membra mori. <sup>63</sup> scil. viarum. <sup>64</sup> h. e. nuntium, ibid. <sup>65</sup> h. e. alternatim miscere, ut cap. præced. <sup>66</sup> al. memorat genitus. <sup>67</sup> pro festinat. <sup>68</sup> pro abundare, ibid. <sup>69</sup> al. detur. <sup>70</sup> al. reflecti. <sup>71</sup> al. sensit.



Saram tradit ei, famulos, armenta, camelos,  
 Ancillas, reliquas, quæ retinentur <sup>72</sup>, opes :  
 Partitur genero, quæ singula possidet, ornat  
 Obsequiis, honerat <sup>73</sup> rebus, honorat opem <sup>74</sup>  
 Affligit socerum <sup>75</sup> generi digressio, natam  
 Dum videt..., <sup>76</sup> pater, non pater esse nequit.  
 Sic rogat : Domini vos dirigat angelus, adsit,  
 Aspiret, faveat <sup>77</sup> prosperiore gradu.  
 O si nostra mihi pateat generatio, summis  
 Deliciis, summa prosperitate fruatur.  
 Vos Dominius regat incolumes, vos prole beatos  
 Efficiat, stabili vos pietate regat <sup>78</sup>.  
 Tristis uterque parens natam producit, amica  
 Oscula dant, fletu liberiore madent.  
 Talibus exorant : Socerum venerare, maritum  
 Dilige, mœchari respue, sperne malos.  
 Provideas domui, servis blandire; protervos  
 Corrige, pauperibus con-ule, plaude bonis.  
 Sit discurrendi <sup>79</sup> frenata licentia, sponsi  
 Cognatos humili sedulitate cole,  
 Sis pia, sis simplex, sis blanda, modesta, fidelis,  
 Justa, favens, humilis, religiosa, placens.  
 His dictis, iteratur ave, dant oscula, fletu  
 Delibuta pio, disgreduuntur, eunt.

## CAPUT XI.

Hos reducez Carran <sup>80</sup> vix senes et quinque diebus  
 Provehit, hic cœptum dimidiatur iter.  
 Tobia Raphael hæc suadet : Amice, parentis  
 Sis memor, intuitu sospite cæcus eget.  
 Maturemus iter, conjux, animalia, servi  
 Nos poterunt gressu properiore <sup>81</sup> sequi.  
 Tobias lavet his, procedunt ambo, relicta  
 Cætera succedunt languidiore gradu.  
 Angelus hæc : De pisce datam tibi fellis habeto  
 Particulam, nobis auxiliariis erit.  
 Tobias fovet his, patrisque salute salutem,  
 Qua fruitur natus <sup>82</sup> alterutrare cupit.  
 Accelerant, natalis humi dulcedine gaudent <sup>83</sup>  
 Tobias, stimulus addit uterque parens.  
 Anna supercilio <sup>84</sup> montis speculatur, amica.  
 Sedulitate vices excubitoris agit.  
 Dum desiderio famulantur lumina, natum  
 Prospicit, expirat qui fuit ante dolor.  
 Gaudia visa patri denuntiat, obvia proli  
 Cursitat, ætatis inmemor, exit anus.  
 Ad geniti reditum genitoris gaudia nullum  
 Obsequium vocis enucleare potest.  
 Angelus hæc iterat : Dominum prece pronus adora  
 Supplice, dum patris ingrediare domum.  
 Solve Deo grates, cujus remeas ope, gaudens ;

A Incolumis, placida sedulitate <sup>85</sup> fruens.  
 Cujus præsidio, cujus conamine, cujus  
 Consilio nostrum fructificavit iter.  
 Oscula multiplica patri, medicamine fellis,  
 Quod geris, ungue patris lumina, morbus abest ;  
 Nature vitium redimens, pietate fidelis.  
 Excubitor certat procelerare <sup>86</sup> canis,  
 Blanditur laribus notis, dominique <sup>87</sup> salutes  
 Insinuat, cauda mobilior <sup>88</sup> loquens.  
 Tobia canis adventum prænosticat <sup>89</sup>, exit,  
 Currit uterque parens, hic anus, inde senex,  
 Annos evacuat cæcus pater, oscula nato  
 Imprimunt et palpat prædubitante manu.  
 Ora madent lacrymis gaudentibus, oscula, plausus ;  
 Amplexus satagit ingeminare pater.  
 B Angelus ut suadet, Tobias intrat, adorat,  
 Et Domino grates officiosus agit.  
 Ut pietas dicat fellis medicamina profert  
 Cassidali <sup>90</sup>, sanat lumina, visus adest.  
 Est albugo velut ovi membranula lapsa  
 Ex <sup>91</sup> oculis, lumen redditur, umbra fugit,  
 Exhilarat cæcum visus, dulcedo salutis  
 Gratus ex morbo præveniente sapit.  
 Respirat vigor intuitus, privatio pulsa  
 Cedit, adest habitus, lætificatque senem.  
 Præcursor baculis gaudet cessare, quiescit  
 Tentatura viæ, quæ solet esse manus.  
 Glorificent Dominum senior, veterana, laborant  
 Lætitia, senior supplicat, ista refert :  
 C Te benedicamus, Deus Israel, es mihi gratum  
 Præsidium, morbi meta, salutis iter :  
 Tentas, ut releves ; premis, ut medeare ; flagellis  
 Sanas ; vulneribus scis redolere patrem.  
 Te laudo, te glorifico, te prædico, cujus  
 Munere progenies aspicienda venit <sup>92</sup>.  
 Ut dilapsa dies est septima, sacra camelis,  
 Servis et reliquis concomitata venit.  
 Sacra refert <sup>93</sup> Raguelis opes, censemque Gabelo  
 Depositum, soceros lætificare nuru.  
 Cursitat Anna senex, nurus congaudet, amicis  
 Sudat in obsequiis officiosa domus.  
 Tobia congressa tribus lætatur <sup>94</sup>, amici  
 Conveniunt, celebrant gaudia, verba serunt.  
 Adveniunt Nabogar et Caphat <sup>95</sup>, patris amici,  
 D Et consobrini, proximitate tribus.  
 Junior exsultat Tobias, prospera narrat,  
 Quæque viæ monstrat commoda, monstrat opes.  
 Magnificat laudes Raphaelis, quo duce sanum  
 Le redire dedit Primipotentis apex.  
 Post consobrinos plausus genitoris, amicos

## VARIE LECTIONES.

<sup>72</sup> pro retinentur, ibid. <sup>73</sup> pro onerat, ut supra honus pro onus. <sup>74</sup> al. opes. <sup>75</sup> al. et socerum. <sup>76</sup> Vox quedam difficilis lectu in ms. cod. membranæ; fortassis ire. <sup>77</sup> al. foveat. <sup>78</sup> al. regat. <sup>79</sup> al. discursandi. <sup>80</sup> Luthero Hiran. <sup>81</sup> posteriore. <sup>82</sup> al. natus fruitur. <sup>83</sup> al. gaudet. <sup>84</sup> h. e. summitate, ibid. <sup>85</sup> al. commoditate. <sup>86</sup> al. precibus ire. <sup>87</sup> al. dicensque. <sup>88</sup> al. cauda mobilitate, vel cauda mobilior, scil. scens ac soletat. <sup>89</sup> supra. prognosticat. <sup>90</sup> scil. piscis, ibid. ut supra cap. VIII; sed vice ibi Martinian citatum. <sup>91</sup> al. Ab. <sup>92</sup> al. datur vel redit; obvers. seq. <sup>93</sup> h. e. postat, ibid. <sup>94</sup> al. congaudet. <sup>95</sup> al. Naboth et Aear, et Luthero: Nabath et Achior.

Convocat, et gemmo vernat honore domus<sup>96</sup>. A  
 Gratia dum nubit fortunæ, fructus honoris<sup>97</sup>  
 Plenior est, favor hinc militat, inde genus.  
 Hinc reditu prolis gaudent, hinc sospite visu<sup>98</sup>  
 Visu<sup>99</sup>, sic geminat gaudia causa duplex.  
 Læta tribus septem convivia festa diebus  
 Continuant, p'ausu mellificare<sup>100</sup> dapes.

## CAPUT XII.

Inde pater nato loquitur<sup>1</sup> : Quæ præmia digna  
 Isti, quæ dabimus emolumenta viro?  
 Quippe tibi fides comes exstitit, utilis, almus,  
 Verax, consilio providus, arte potens.  
 Nil mortale sapit sua conversatio, sacræ  
 Mentis honestatem prædicat oris honor  
 Filius huic : Comes est dignus mercede, labori  
 Respondere suo præmia digna decet.  
 Quanta fides<sup>2</sup>, quis honor, quæ gratia, nulla  
 Lingua, labor nullus, certificare potest.  
 Est pretio dignus operarius, aspice quantæ,  
 Quantæ contulerit commoditatis opem.  
 Duxit, rexit iter, fida pietate reduxit  
 Incolumem, gressu prævius, æde cliens.  
 Morsibus eripuit me piscis, ducere Saram  
 Suscit, dæmonium repulit<sup>3</sup>, unde salus;  
 Progrediens Rages<sup>4</sup>, quæsitæ talenta Gabelo  
 Attulit; hoc, genitor, subveniente vides.  
 Commoda restituit tria : Te solamine mæstum  
 Lætificat, cæcum lumine, prole patrem.  
 Blandus in obsequiis erat, in sermone modestus,  
 Proposito stabilis, religione sacer.  
 Qui studet illius præconia promere, solem  
 Famosis<sup>5</sup> facibus præradiare<sup>6</sup> parat.  
 Quæ dabimus condigna viro<sup>7</sup> stipendia, poscit  
 Dos compensare dote, favore favor.  
 Vade, rogo<sup>8</sup>, genitor, dignetur sumere censum  
 Dimidium, dignus uberiore dato,  
 Cum sit digna fides finali messe, quod isti  
 Detur, cum sata sint plurima, pauca seges<sup>9</sup>.  
 Quæ<sup>10</sup> sevit, capiat, coluit vineta, fruatur  
 Fructu; fregit humum vomere, grana meiat.  
 Illis dictis, genitor, natus, Raphaelæ vocato,  
 Conveniunt, resident interiore domo.  
 Sic genitor : Tibi digna Deus stipendia præstet  
 Pro meritis, meritæ messis honore vive.  
 Pauperies quæ nostra nequit, divina facultas  
 Suppleat, eclipsim ne patiatur honor.  
 Accipe dimidium census, cape fronte serena,  
 Quod dabitur, redolet dantis honore datum,  
 Ut pateat<sup>11</sup> jubar angelicum, parat angelus, error

' Discedit, redeunt vera, lucerna patet,  
 Emergit jubar in tenebris, farragine granum  
 Elicitur, nucleus cortice, nube nitor.  
 Exiit ambiguum veri emptor, exit opaca  
 Nocte dies, fumo flamma sepulta nitet.  
 Angelus hæc : Præmium nolo<sup>12</sup> mortale, nec istis  
 Indigeo, munus spirituale meam.  
 Quod præstat<sup>13</sup>, Dominum benedicite, fabrica  
 [fabro,

Auctorique suo confiteatur opus,  
 Secretum regale regi deposcit, ad horam  
 Mysterium latuit, exhibeatur opus<sup>14</sup>.  
 Jejunante, comes prodest elemosyna, vita  
 Justa<sup>15</sup>, reos possunt conciliare Deo.  
 Liberat a mortis laqueis<sup>16</sup> elemosyna, sordes  
 Abluit, auctori<sup>17</sup> dulce perorat opus.  
 Vitam perpetuam venturam præstat, honorem  
 Corporeum, præstat spirituale decus.  
 Sunt ejus comites : pietas, fiducia, plausus  
 Mentis, sobrietas, intemerata fides.  
 Quisquis iniqua gerit, animam captivat, honestum  
 Prosequitur, justum damnat, honoris eget.  
 Proh dolor ! heu mors est retributio criminis, hæres  
 Anxietas, mæror armiger, ira comes.  
 Occultum reserare libet, sub imagine lectum  
 Humana voluit me latitare Deus.  
 Dum nudos vestire soles, sepelire peremptos  
 Pascere mendicos, collateralis eram.  
 Me pro te (32) fudisse preces, perpende, precanti  
 C Compatis, Domini gratia misit opem.  
 Te non sollicitent divina flagella, probare<sup>18</sup>  
 Te voluit, medico vulnere, patris honor<sup>19</sup>.  
 Me Deus huc misit, ut nubat Sara, fugato  
 Dæmone, ne visu destituaris inops.  
 De numero septem sum spirituum quibus esse  
 Esse datur summi præsulis<sup>20</sup> ante sta um.  
 Causa fuit duplex<sup>21</sup> adventus, oratio Saræ  
 Et tua, cura fuit una, ruina duplex,  
 Sum Raphael, summi Patris angelus. Audi uter-  
 que<sup>22</sup>

Et stupet, attonito supplicat ore timor,  
 Prostrati facies inclinant, angelus ægros  
 Solatur, timidus recreat, ista refert :  
 Pax vobis maneat<sup>23</sup>, nolite timere, voluntas  
 Me Domini misit, jussa paterna<sup>24</sup> sequor.  
 D Cælica consuluit vobis miseratio, grates  
 Expedit assiduas vos iterare Deo<sup>25</sup>.  
 Esse videbar homo vobis mortalibus, uti  
 Deliciis, potu, veste, sopore, cibis.

## VARIÆ LECTIONES.

<sup>96</sup> al. locus. <sup>97</sup> al. amoris. <sup>98</sup> al. patris. <sup>99</sup> sicque hæc vox manet. <sup>100</sup> al. mellificante. <sup>1</sup> al. loquitur nato. <sup>2</sup> in ms. cod. alt. insertum ej s. <sup>3</sup> al. depulit. <sup>4</sup> al. Post Rages gradicens. <sup>5</sup> al. fumosis. <sup>6</sup> al. irradiare. <sup>7</sup> al. dari. <sup>8</sup> al. roga. <sup>9</sup> al. dies. <sup>10</sup> vel Quid. <sup>11</sup> in ms. marg. patet. <sup>12</sup> al. Nolo pretium. <sup>13</sup> fortassis restat, h. e. superest. <sup>14</sup> al. honor. <sup>15</sup> ibid. in marg. Juncta. <sup>16</sup> al. pænis. <sup>17</sup> al. actori. <sup>18</sup> al. probari. <sup>19</sup> al. amor. <sup>20</sup> al. præsidis. <sup>21</sup> al. duplex fuit, ut vers. sequi. <sup>22</sup> scil. pater et filius. <sup>23</sup> al. moneo. Ergo præmittendum est semicolon. <sup>24</sup> al. superna. <sup>25</sup> in marg. alt. cod. exstat : preces.

## NOTÆ.

(32) Cave hic pontificiam intercessionem angelorum pro hominibus : ut quæ hic alibique de eleemo-

syna inseruntur.

Mortales non gusto cibos, me latria pascit,  
 Me condimentum spirituale fovet,  
 Me Domini jubar irradiat, me lampade summi  
 Præsidis intuitus exsatiare nequit.  
 Ut redeam tempus petit, ergo revertar ad illum,  
 Qui me misit, eum nos celebrare decet.  
 Hoc moneo, Dominum benedicite, psallite, laudes  
 Decantate, Dei <sup>26</sup> concelebrate decus <sup>27</sup>.  
 Illis diebus, fugit ex oculis, nec luminis usus  
 Ad patriam <sup>28</sup> raptam notificare potest.  
 Prosternuntur humi tribus horis, extasis ambos  
 Occupat, accumulans vota, pluvntque <sup>29</sup> preces  
 In mirabilibus Domini desudat uterque,  
 Laudibus <sup>30</sup>, et gemitu flebilior madent.  
 Sed quia regreditur Raphael responderit utrum  
 Vera, labor meritis enucleare parat <sup>31</sup>.  
 Serio, nec sterilis emergit quæstio, digna  
 Solvi, ne lateat, quod patuisse decet.  
 Discutiatur utrum sit verus angelus? absit.  
 Absit ut angelico peccet in ore dolus,  
 Non potuit nisi vera loqui paronymus <sup>32</sup>, amœno  
 Fonte madens, a quo vera fluenta fluunt.  
 Retulit ista: Vocor Azarias, Ananiæ  
 Filius; inciso cortice, grana patent.  
 Involvit cinis igniculum, laterna lucernam,  
 Vox sensum, nucleum testa, favilla jubar.  
 Granum præniteat stipulis, essentia foenice,  
 Res umbræ, cineri flamma, lucerna luto.  
 Inspice, quid lateat, pateant ænigmata, verum  
 Sit tibi, quod recitat spiritus, alma nois <sup>33</sup>.  
 Dicitur adjutor Azarias, Ananias  
 Gratia, sive Dei gloria, fige <sup>34</sup> fidem.  
 Quippe ministerio Deus angelico sua præstat  
 Munera, præmonstrat signa, propinat <sup>35</sup> opem  
 Dum servit natura Deo, dum cœlica replet  
 Jussa, juvant sigulum vascula, membra caput,  
 Quippe creaturis uti divina potestas  
 Jure potestatis ad sua jura <sup>36</sup> potest.  
 Quos in filiolos exaltat <sup>37</sup> adoptio summi  
 Patris, eos Domini jussa juvare decet.  
 Consule Scripturas, lege Pauli dogmata. Paulus  
 Nos <sup>38</sup> adjuutores asserit esse Dei.  
 Est Azarias Ananiæ filius omnis <sup>39</sup>  
 Quo famulante Dei gratia δόξα <sup>40</sup> pate.  
 Sic sopita jacet dubitatio, nubila lucent,  
 Res radiat, loquitur spiritus, umbra tacet.

## CAPUT XIII.

Mirantur veterana, senex <sup>41</sup> maturior ævo  
 Et sensu, senior supplicat, ista refert:  
 Rex, æterne Deus, tibi laus, tibi gloria, regnum

A Immortale tibi, sit sine fine decus.  
 Solus ubique potens, solus regis omnia, solus  
 Rex <sup>42</sup> es justitæ, sol sine nube nitens.  
 Te solum sine fine Deum venerantur, adorant  
 Aer, ignis, aqua, locale locus <sup>43</sup>.  
 Quidquid erat, facit, est <sup>44</sup> tibi confiteatur et omnis  
 Lingua tuum nomen magnificare velit.  
 Rex es, eris, sine principio, sine fine, creatis  
 Rebus cuncta creans, non nequit esse prior.  
 Non habuit, nec habere potest primordia princeps,  
 A quo principium primitiatur iter.  
 Non cepit, nec incipiat <sup>45</sup> Deus esse, potestas  
 Cujus principium fons et origo fuit.  
 Incepisse nequit causarum causa, creator  
 Urbis, origo boni principioque prior.  
 B Omnia qui fecit, prior est cunctis <sup>46</sup>, prior esse  
 Non poterit soboles patre, satore satum.  
 Ducis ad infernum, miserando reducis acerbis  
 Nos Pater ex <sup>47</sup> vitiis, nos pietate juvas.  
 Nemo potens poterit, ut te fugiat, tua virtus  
 Regnat ubique, premis fortia, sæva domas.  
 Nescit honor tuus eclypsim, tua gloria <sup>48</sup> fluem,  
 Lux tenebras, mortem vi'a, corona jugum.  
 Gens quæ non... <sup>49</sup> Deus esse, fuisse, futurus  
 Esse queat stabili sedulitate sciati.  
 Crimina nostra patris pietas castigat, amicat  
 Supplicis <sup>50</sup>, sanat vulnere, clade docet.  
 Illum confiteor, illi grates ago; casus  
 Peccatoris ei non placet, imo salus.  
 Magnifica Dominum, plebs Israelitica, lauda.  
 C Confiteare, nega non meminisse Dei.  
 Dispersit Domini nos indignatio <sup>51</sup>, nostris  
 Ut colat exemplis, gens inimica Deum  
 Vos narrare decet Domini magnalia, magnus  
 Laudes magnificas promeruisse potest.  
 Quæ bona contulerit nobis perpendite regem  
 Exalate, fidem confiteatur opus.  
 A vi iis convertimini, coram patre justitæ  
 Es e studeite, scelus cesset <sup>52</sup>; abundat amor.  
 Electi Domini Dominum benedicite, corde  
 Voce, manu laudes notificate Deo.  
 Sit Domini timor in vobis, castoque timori  
 Nubat et in fructum promoveatur honor <sup>53</sup>.  
 Jerusalem, recte Dominus <sup>54</sup> castigat, iniqua  
 D Plebs tua fusa jacet, flebilis, exsul, inops  
 Quæ pateris mala, promeruit tua crapula, casus  
 Dignus te cruciat, talio digna premit.  
 Affligit reprobos Deus, ex pietate tenetur  
 Castigare suos provida cura Patris <sup>55</sup>.  
 Non punit gladio Domini <sup>56</sup> clementia, nullis <sup>57</sup>

## VARIE LECTIONES

<sup>26</sup> al. Deo. <sup>27</sup> al. Deum, utrobique transposito commate. <sup>28</sup> al. a patria. <sup>29</sup> f. fluuntque. <sup>30</sup> al. Laudandis, f. Laudantes, omisso et. <sup>31</sup> al. solet. <sup>32</sup> pro nuntio, ut supra. <sup>33</sup> Græc. pro mente divina, ut supra. <sup>34</sup> al. junge. <sup>35</sup> al. ministrat. <sup>36</sup> al. jussa. <sup>37</sup> al. exultat. <sup>38</sup> ibid. Hos. <sup>39</sup> scil. homo. <sup>40</sup> Græc., pro gloria. <sup>41</sup> scil. Hanna et Tobias, ibid. <sup>42</sup> al. Sol. <sup>43</sup> h. e. contentum; continens pro terra. <sup>44</sup> al. hoc. <sup>45</sup> al. incipiet. <sup>46</sup> al. omnibus, et. <sup>47</sup> al. a. <sup>48</sup> al. gratia. <sup>49</sup> in mss. codd. vox legi non potuit. <sup>50</sup> al. supplicio. <sup>51</sup> al. dispensatio. <sup>52</sup> al. absit. <sup>53</sup> Hoc et præcedens distichon in alt. cod. ms. est transpositum. <sup>54</sup> al. Dominus recte. <sup>55</sup> al. Dei. <sup>56</sup> al. Reprimit reprobos gladio. <sup>57</sup> al. nulli.

Inferit suppl'cium materiale Deus <sup>58</sup>.  
 Sic Deus affligit reprobos, non incitat <sup>59</sup> hosti  
 Exponit, retrahit dona, reflectit opem <sup>60</sup>  
 Quippe Pater noster, dum se sperni videt, hosti  
 Nos servire suo non refovere negat.  
 Es pius, es patiens, iræ turbatio nulla <sup>61</sup>  
 Pacis in auctorem bella movere potest.  
 Dicitur irasci, quia dum se retrahit iræ  
 Filius, hostis atrox instat, acerbat, obest.  
 Jerusalem, tibi multa dedit Dominus Deus <sup>62</sup>, ausa  
 Es reprobare Deum, depretiare fidem.  
 Invitavit opum luxus <sup>63</sup>, contagia, vitæ  
 Perniciem, meritæ perditionis onus.  
 Hostis eras fidei luxu corrupta, soluta  
 Deliciis, vitis ebria, legis inops.  
 Unde Deus tibi consuluit, mandata relegas  
 Cœlica, compensas perditione datum.  
 Heu pateris gentile jugum, captiva laboras  
 Sub Domino, Domini carcere pressa gemis.  
 Non est qui miseram te consoletur, asylum  
 Commodum, auxilium præsidiale ferat.  
 Ecce Jacob premitur, Esau dominante, coerces  
 Joseph compedibus Ismaelita patens.  
 Ejulat <sup>64</sup> Hebræus, Ægyptus imperat, instat  
 Perfidix cumulus, spernitur ægra fides  
 Fructibus, heu! rapti sicut custodia cessat  
 Pomorum, cæsis civibus, orba jaces <sup>65</sup>.  
 Invitat Deus ad veniam per scandala, quærit  
 Tete legitima religione frui.  
 Te Deus implevit opibus, dispendia morum  
 Tota superfluitas luxuriare facit.  
 Libera, dives eras, successibus obvia, vernans  
 Deliciis, felix principe, cive potens.  
 Te cruciat Deus ex propriis excessibus, instat <sup>66</sup>  
 Tanta lues, quantum præradiare soles <sup>67</sup>.  
 Est innata tibi dissensio, sanguine primum <sup>68</sup>  
 Delibuta, seris schismata, bella moves.  
 Jerusalem, tua progenies te cogit abuti  
 Nomine, dum pacis visio pacis eget <sup>69</sup>.  
 Te prohibet tua plebs mala, pejor, pessima, discors,  
 Vocis pacifici <sup>70</sup> significata sequi.  
 Nominis effectum nescit <sup>71</sup> exponere, crebra  
 Cæde, per antiphrasin nomen habere potest.  
 Vicinis es facta tuis illusio, dantur  
 Esca volatilibus viscera cæsa patrum.  
 Consolare, queri noli, lætare, doloris  
 Antidotum, Domino conciliante, patet <sup>72</sup>.  
 Spem refove, Dominum confessa revertere, laudes  
 Multiplica, dabitur continuata salus.  
 Indulata tibi dabitur protectio, cives  
 Restituet Dominus, mœnia, rura, domos.

A Pristina reddetur tibi jurisdictio <sup>73</sup>, fractis  
 Gentibus, expulso schismate, plausus erit.  
 Gentilis rabies modo v'atrix <sup>74</sup> victa tributum  
 Reddet <sup>75</sup> suppl'cium vineta <sup>76</sup> coacta pati.  
 P'alle Deo, persolve Deo pia vota, fovebit  
 Te Deus, et redimit prosperitate cruceem.  
 Reliquæ nostri generis te præesse videbunt,  
 Orbe tua dabitur ampla salute salus.  
 Depretiata <sup>77</sup> prius fides <sup>78</sup> prædaria, prædæ  
 Præda, suæ fiet prædo, ligatus, inops.  
 Qui te despiciunt <sup>79</sup>, maledicantur; benedicens  
 Te benedicatur Primpotentis ope.  
 Filiolis lætare tuis, urbs sacra, reducet  
 Hos ad te Dominus commodiore via.  
 Clara smaragdus erit tibi sive sapphirus, ut inde,  
 B Multiplies muros <sup>80</sup> ædificare queas.  
 Ex lapidibus sient pretiosi schemate muri  
 Ambitus, ut pretium schematis ornet <sup>81</sup> opus  
 A perior quanto præcessit læsio, tanto  
 Successu dabitur liberiore <sup>82</sup> frui.  
 Natio proveniet <sup>83</sup> tibi fundet munera votis  
 Rebus adorabit religiosa Deum.  
 Plebs diversa <sup>84</sup> tibi remeabit nescio luxus  
 Sobria, justa, placens, officiosa Deo <sup>85</sup>.  
 Per vicos populus canet Alleluia, plateæ  
 Ridebunt vario flore, favore, jocis.  
 Plebs concinnabit Domini præconia, mentis  
 Devotæ jubilum notificabit opus.  
 Rex benedicatur, ejus clementia planetus  
 Pressæ Jerusalem respicit, addit opem.  
 C Spiritus omnis amet Dominum, benedicat, adoret  
 Glorificet, celebri credulitate colat.  
 Et pius et <sup>86</sup> fortis, Pater et Dominus dominantem  
 In Patre te colimus, in dominante Patrem.  
 Sit tibi majestas, laus, fama, potentia, virtus,  
 Imperium, resonet spiritus omnis, Amen.

## CAPUT XIV.

Sic genitor <sup>87</sup>; nec verba carent virtute, moderno  
 Tempore verborum pars manifesta patet <sup>88</sup>.  
 Altera pars quæ spondet opem, sub iudice pendet  
 Et fluitat, victo gaudeat hoste fides.  
 Vitæ reliquias post reddita lumina pace  
 Haurit et illæsa religione senex.  
 Dispensat radios sol vespere, plenius hora  
 D Vespertina solet intitulare <sup>89</sup> diem.  
 Desudat <sup>90</sup> virtutis ager <sup>91</sup> cœlestis talentum  
 Multiplicans, Patris horrea messe replet.  
 Obsequitur regi, castigat turpia <sup>92</sup> prolem  
 In-truit exempli, religione docet.  
 Increpat elatos, iratos mitigat, ægris  
 Compatiur, miseros visitat ore, manu.

## VARIE LECTIONES.

<sup>58</sup> Ita ex alt. cod. ms. restitutum hoc hemistichium, alias corruptum. <sup>59</sup> in marg. d. cod. *visitat*.  
<sup>60</sup> scil. ad se. <sup>61</sup> al. nulla. <sup>62</sup> al. *Deus Dominus dedit*. <sup>63</sup> al. *fluxus*. <sup>64</sup> vel *Exsulat*. <sup>65</sup> al. *jacens*.  
<sup>66</sup> al. *exstat*. <sup>67</sup> al. *facit*. <sup>68</sup> al. *patrum*. <sup>69</sup> al. *eges*. <sup>70</sup> al. *pacificæ*. <sup>71</sup> al. *nescis*. <sup>72</sup> al. *conciliare*  
*paret*. <sup>73</sup> al. *jurisdictio*. <sup>74</sup> al. *nutrix*. <sup>75</sup> al. *solvet*. <sup>76</sup> al. *juncta*. <sup>77</sup> al. *depradata*. <sup>78</sup> al. *fies*.  
<sup>79</sup> vel *destituunt*, ibid. <sup>80</sup> al. *muros multiples*. <sup>81</sup> al. *horret*. <sup>82</sup> al. *floridiore*. <sup>83</sup> al. *quæ ven et*.  
<sup>84</sup> al. *dispersa*. <sup>85</sup> vel *daris*, ibid. <sup>86</sup> al. *es. præmissio commate*. <sup>87</sup> al. *senior*. <sup>88</sup> vel *nitet*, ibid. <sup>89</sup> h.  
*c. laudare*; et sic Tobias facit in senectute, ibid. <sup>90</sup> al. *desudet*. <sup>91</sup> al. *agro*. <sup>92</sup> al. *crimina*.

Continuat meritum merito, finemque maritus <sup>11</sup>  
 Principio, sanctus sanctior esse studet.  
 Jam gravis est ætate senex, a carne tributum  
 Exigit asperitas irrevocata necis.  
 Languet vita senis, mortis cognata senectus  
 Præcinit adventum flebiliore tuba.  
 Plurima clarescunt mortis symptomata, tanquam  
 Conjurata premunt lædia multa senem.  
 Contrahitur natura <sup>12</sup> senis, vox rauca minores  
 Sunt oculi, naris uda <sup>13</sup>, saliva frequens,  
 Pes tremulus titubat, manus est <sup>14</sup> tremebunda,  
 [noverca  
 Pectoris, hinc tussis, inde catharrus obest ;  
 Fervoris stomachus, dentis maxilla, saporis  
 Lumina lippa, pilis area frontis egens <sup>15</sup> ;  
 Gibbus terga, caput <sup>16</sup> scabies, premit <sup>17</sup> hernia  
 [clunes <sup>18</sup>,  
 Ruga autem, pectus struma, ruma gradus.  
 Tobia: senii non sunt hæc <sup>1</sup> lædia, credas,  
 Quæ loquor, ætatis non epitheta <sup>2</sup> viri.  
 Mortis ad adventum senior lætatur, anhelat  
 Ad patriam, Patri supplicat, orat opem.  
 Morte patente, timet Dominum, non dico timore  
 Servili, sed eo quo reveretur amor <sup>3</sup>.  
 Mors patet in foribus, mors pulsat ad ostia, prolem  
 Convocat in totum <sup>4</sup> provida cura patris <sup>5</sup>.  
 Ergo parat domui disponere, quæ Ninivitis  
 Et soboli sentit insidiosa, refert.  
 Ad patris edictum natus, septemque nepotes  
 Conveniunt, monet hos ore madente pater :  
 Imminet interitus Ninivæ, Ninivita laborat  
 Ad casum populus, proxima pœna patet.  
 Non cecidit verbum Domini mirabile, ejus  
 Verba voluntatem concomitatur <sup>6</sup> opus  
 Jerusalem renovabit <sup>7</sup> iter, dispersio fratrum  
 Læta, revertitur Israelita potens.  
 Quippe domus Domini reparabitur in meliorem,  
 Quamvis fusa jacet, ædificata statum.  
 Israel in regem conversio provida regnum  
 Credet, adorabit voce, favore, datis.  
 Exaudite patrem vestrum, perfusio <sup>8</sup> ejus  
 Vos amat et patria sedulitate docet.  
 Hoc moneo, Domino servite timore, tremore  
 Exalate <sup>9</sup>, pia mente placere Deo.  
 Se verbis conformet opus, doceatis in usum  
 Justitiæ nostras fructificare preces <sup>10</sup>.  
 Nate, precor, moneo votis, sermonibus, actu  
 Te, tua, te totum des holocausta Deo.  
 Credas consiliis, rogo, nec vestigia patri :  
 Sperne, nec in patrem degenerare velis

A Conjugium facias, oratio sponsa maritus  
 Sit jejunandi deliciosus amor.  
 Ne steriles veniant <sup>11</sup> elemosyna prodeat alma  
 Proles, prole pater <sup>12</sup> fructificare stude.  
 Ille est funiculus triplex, qui turbine nullo  
 Rumpitur, hic <sup>13</sup> hostis rete ligatus adest.  
 Sic dabitur requies vitæ, jucunda senectus  
 Jugis <sup>14</sup> prosperitas, continuata <sup>15</sup> salus.  
 Mente Deum memori benedicite, laudibus ejus  
 Impendatur amor, gratia, fama, decus.  
 Ecce patet Ninivitarum confusio, casum  
 Urbs feret, emerita perditione ruens.  
 Vos precor, hinc migrare loco, sic matre sepulta  
 Ut nos contineat <sup>16</sup> immediata <sup>17</sup> quies <sup>18</sup>.  
 Vivite felices, benedictio plurima summi  
 Patris vos <sup>19</sup> patria commoditate regat.  
 Regredior cinis in cinerem, mortale tributum  
 Solvo libens, mihi mors patris amore placet.  
 Vivite devoti Domino, sine crimine <sup>20</sup>, justi.  
 Unanimes, humili <sup>21</sup> corde, timete Deum.  
 Crescat in immensum generatio vestra, valete  
 In Domino stabiles pace, salute, fide.  
 His dictis, senior domui disponit, anhelat  
 Ad patriam, spreto carcere, regna cupit <sup>22</sup>.  
 Judicium Domini pater accipit, ore sereno,  
 Læta mente, pia laude, timore rato <sup>23</sup>.  
 Rebus dispositis, benedicta prole, quiescens  
 Pace, polos <sup>24</sup> anima, corpora ditat humum.  
 Heu! quid homo, ejus lucem premit umbra, cadaver  
 Fetor, delicias busta, ruina statum <sup>25</sup>.  
 C Cur hominem parit et perimit natura, noverca  
 Et genitrix, ortu commoda, morte nocens.  
 Quid fuit, est et erit, nisi fæx vilissima <sup>26</sup>, quamvis  
 Cara sit, heu carie <sup>27</sup> non caritura caro.  
 Non natus valeo <sup>28</sup> mortem non solvere, natus  
 Non nequeo misera conditione frui.  
 Lex gravis est carnis, ejus vita transitus, esse  
 Est debere sibi deesse, sepulcra pati.  
 Heu quantis vitiiis, quanta gravitate moderni  
 Exsiliis petimus perpetuare moram <sup>29</sup>.  
 Nascere ergo cinis, eris, incipis esse, teneris  
 Post non esse datur vita, tenere mori.  
 Nos trahit in mortem natura, coactio moras,  
 Est hæc vita brevis, lubrica pœna dolor <sup>30</sup>.  
 D Tobia: sunt plura necis solatio, lumen  
 Perpetuum, jugis vita, jocosa quies.  
 Non moritur, sed mutantur fluitantia certis <sup>31</sup>  
 Terra polo, genitus pace, quiete labor <sup>32</sup>.  
 Ad solem radius, ad patrem filius exsul  
 Ad patriam victor, ad diadema redit.

## VARIE LLECTIONES.

<sup>11</sup> h. e. *conjungens*, ibid. <sup>12</sup> vel *statura*, ibid. <sup>13</sup> h. e. *madida*, ibid. <sup>14</sup> al. *titubatque manus*. <sup>15</sup> al. *eyet*. <sup>16</sup> al. *premit*, transposito anteriore commate. <sup>17</sup> al. *caput*. <sup>18</sup> al. *renes*. <sup>19</sup> al. *Hæc senio non Tobia sunt*. <sup>20</sup> h. e. *proprietas*, ibid. in marg. <sup>21</sup> al. *amat*. <sup>22</sup> al. *cælum*. <sup>23</sup> vel *senis*, ibid. <sup>24</sup> al. *concomitantur*. <sup>25</sup> al. *revocabit*. <sup>26</sup> al. *persuasio*. <sup>27</sup> al. *Exsultate*. <sup>28</sup> al. *tribus*. <sup>29</sup> al. *vivant*. <sup>30</sup> vel *pari*, ibid. <sup>31</sup> fortassis *hac*. <sup>32</sup> h. e. *assidua*, in alt. cod. <sup>33</sup> pro *æterna*, ibid. <sup>34</sup> al. *continuet*. <sup>35</sup> al. *continuata*. <sup>36</sup> vel *salus*, ibid. <sup>37</sup> al. *nos*. <sup>38</sup> al. *benedicite*. <sup>39</sup> al. *humiles*. <sup>40</sup> al. *sitit*. <sup>41</sup> pro *firmitate*, ibid. <sup>42</sup> h. e. *cælum*, ibid. <sup>43</sup> Illic incipit quedam digressio. <sup>44</sup> al. *fex, fex pessima*. <sup>45</sup> h. e. *putredine*, ibid. <sup>46</sup> al. *valeo natus*. <sup>47</sup> al. *moras*. <sup>48</sup> al. *labor*. <sup>49</sup> al. *terris*. <sup>50</sup> al. *salute dolor*.

- Justus obit, nec obit; obit orbe, renascitur astris  
Et jucunda novum sidera sidus habent.
- Justus obit, nec obit, sed abit, sed ab hospite mi-  
[grans  
Carne, petit <sup>33</sup> patriam, deliciasque patris <sup>34</sup>.  
Magnus erat, modo major erit, sed maximus orbe,  
Orbe bonus, melior, optimus, astra petit <sup>35</sup>.  
Doctrina Moyses, alter David, alter Elias,  
Orbe Jacob, cælis Israel, astra colit <sup>36</sup>.  
Exsul erat, modo cinis <sup>37</sup> erit; nec obit, sed obedit  
Patri, dum patriæ, dum patris optat opes.  
Quippe pater patriæ, pater et patriarcha, patronus,  
Imo patronium legis obire nequit.  
Non moritur, poteritque mori, cui fama perorat,  
Laus sequitur <sup>38</sup>, redolet fructus, abundat auror?  
Unde dolens tristatur homo, canit angelus unde,  
Unde serenantur sidera, pallet humus.  
Dormit cum patribus <sup>39</sup>, dormit patris <sup>40</sup> in lare,  
[dormit,  
Et metit in patria, cœlica luera via.  
Qui studuit sancire Dei magnalia, sanctum  
Sanctorum numero connumerare <sup>41</sup> decet  
Qui Dominum coluit exemplo, dogmate votis,  
Laude relativo debet honore coli.  
Tobias Ninivæ jacet, hujus <sup>42</sup> fama nepotes  
Irradiat, cælum spiritus, ossa solum.  
Quinque pater decies et sex prævixerat annis,  
Cum cæcavit eum Primpotentis apex <sup>43</sup>.  
Visum suscepit sexagenarius annis,  
Post vixit decies quatuor, adde <sup>44</sup> duos,  
Adde duos annos <sup>45</sup> centum mensura dierum  
Tobiæ stabili cognitione patet.  
Patri compatitur cognatio mœsta, querelas  
Ampliat, imbre madent <sup>46</sup> uberiore genas.  
Conveniunt tribus, affines, mors unica damno  
. . . <sup>47</sup> patriam, patre jacente, premit.  
Tobias dolet <sup>48</sup>, Anna gemit <sup>49</sup>, flet Sara, nepotes  
Plangunt, plebs gemitus ingeminare studet.  
Quippe tenor fidei, speculum virtutis, asylum  
Justitiæ, legis anchora, mersa jacet.  
Ut legis præcepta jubent, sepelire labora  
Patrem progenies officiosa patris <sup>50</sup>.  
Temporis elapsu, defuncta matre, sepulcra  
Filius amborum continuare studet.  
Ad soceros <sup>51</sup> maturat iter, post funera matris,  
Tobiæ abit, hoc disgrede, tribus.  
Sara virum sequitur, patrem genitura supellex,  
Tota domus... concomitatur iter.  
Cursitat Anna, gradu juvenescit blanda senectus,
- A Obsequio credas non senuisse senes <sup>52</sup>.  
Cursitat, occurrit <sup>53</sup> Raguel, redimitque senectæ  
Torporem, sobolis advenientis amor.  
Compatitur soceris generi clementia, supplet,  
Quidquid debilitas inveterata nequit.  
Obsequitur, blanditur, amat, veneratur in omni  
Nititur obsequio concelebrare senes.  
Defunctis soceris, processu temporis, ambos  
Tobiæ sepelit compatientis amor.  
Dispensat lacrymas, fructum pietatis amore <sup>54</sup>  
Multiplicem <sup>55</sup>, nec onus sentit honestus amor <sup>56</sup>.  
Hiis prælibatis <sup>57</sup>, Tobias vindicat hæres  
Jure <sup>58</sup> facultatem, prædia, rura, boves <sup>59</sup>.  
Vindicat ancillas, famulos, et cætera spargit  
Pauperibus, redolet nomine, mente patrem.  
B Providus, innocuus, dispensat dogmata, prolem  
Patrissare pia sedulitate docet.  
Prosperitas arridet ei cumulata, nepotum  
Quinta beatificat, linea visa patrem.  
Annis inde <sup>60</sup> decem labentibus, uno  
Dempto, mortis adest irrevocata dies.  
In cinerem redit, ante cinis, satur astra serenat  
Spiritus innocuo corpore vernat humus.  
Tobiam mors ausa rapit, pietatis asylum  
Mergit humus, mergit flebilis umbra diem.  
Lex cum legifero jacet obruta <sup>61</sup>, remige classis <sup>62</sup>.  
Rivus fonte, jubar lampade, sole dies.  
Eclipsis radium, speculum cinis, umbra nitorem  
Mors patrem patriæ perniciose rapit.  
C Commotatur ei patria via, pace tumultus,  
Nubila luce, polo terra, quiete labor.  
Da gemitus <sup>63</sup>, Judæa, dote Synagoga duobus  
Palescis radiis orba, nitoris egens.  
Eclipsin pateris duplicem <sup>64</sup>, caligine mortis  
Heu! jacet in tenebris mersa lucerna duplex.  
Orba patrocinio gemina lamenta, sepulcra  
Legitimis, legem legis egere <sup>65</sup> dole.  
Ecce secundus obit Tobias nomine, morum  
Lampade patrissans, dogmate, laude, statu.  
Heu! tenor <sup>66</sup> exspirat legales, utroque sepulto  
Tobia trabea religionis egens.  
Parca per antiphrasin mors, incipe parcere, cesset <sup>67</sup>  
Antiphrasis, verum nomen habere studet.  
Visne bonis, justis vel sanctis parcere? parce,  
D Parce; bonus, justus, sanctus uterque fuit.  
Alter in alterutro dum vitam duxit, in uno  
Alterius votis, alteruterque fuit.  
Dum discernit idem binarius esse videtur  
Mendax, dum numero sunt duo, rebus idem <sup>68</sup>.

## VARIÆ LECTIONES.

<sup>33</sup> al. *Patris* scilicet *Dei*. <sup>34</sup> al. *petit*. <sup>35</sup> al. *alta colit*, scilicet Tobias. <sup>36</sup> vel *petit*, ibid. <sup>37</sup> fortassis *cinis*. <sup>38</sup> al. *loquitur*. <sup>39</sup> vel *sanctis*, ibid. <sup>40</sup> al. *sanctis*. <sup>41</sup> vel *continugre*, ibid. <sup>42</sup> al. *ejus*. <sup>43</sup> al. *amor*. <sup>44</sup> al. *atque*. <sup>45</sup> al. *Annos adde duos*. <sup>46</sup> al. *rigat*. <sup>47</sup> Vox difficilis lectu; videtur esse *Plurali*. <sup>48</sup> al. *gemit*. <sup>49</sup> al. *dolet*. <sup>50</sup> al. *patri*. <sup>51</sup> al. *socerum*. <sup>52</sup> al. *Nititur obsequio concelebrare senes*; qui tamen versus infra sequitur. <sup>53</sup> al. *occurrentis*. <sup>54</sup> al. *honore*. <sup>55</sup> vel *multiplicat*, ibid. <sup>56</sup> al. *honor*. <sup>57</sup> h. e. *defunctis*, ibid. <sup>58</sup> al. *jura*. Si sic commo sequatur. <sup>59</sup> vel *domos ibid*. <sup>60</sup> al. *deinde*. <sup>61</sup> h. e. *pater cum filio*, ibid. <sup>62</sup> al. *navis*. <sup>63</sup> al. *gemitum*. <sup>64</sup> al. *duplicem pateris*. <sup>65</sup> al. *adesse*. <sup>66</sup> al. *timor*. <sup>67</sup> Sequentiæ usque ad verbum *parce*, in alt. cod. non exstabant. <sup>68</sup> Ille distichon in alt. cod. deest.

Mentitur dum scindit eos binarius, ausus  
 Dimidium toti continuare <sup>69</sup> suo.  
 Amborum titulos, natura recolige, dando  
 Pauper <sup>70</sup>, quæ dederis retrahere, dives eris.  
 Ambo boni, pius hic, pietas erat ille; fidelis  
 Hic erat, ille fides; hic sacer, ille sacrum.  
 De torrente tua potavit uterque, recepti  
 In patria nectar spirituale bibunt.  
 N. Quine, re, similes, pax cœlica, pax in idipsum  
 Pasci, et occasum non habitura quies.  
 Sanctum sancta patrem soboles imitantur, honesta  
 Innocuum, stabilem sobria, justa pium.  
 Horum vita decens, sacra conservatio quippe  
 Insequitur truncum vitgula, membra caput.  
 Est Dominò soboles Tobia: grata, sapore <sup>71</sup>  
 Radicis redolent vimina, spirat odor.  
 Hinc refovet summus pater, ut discursibus ævi  
 Eulogiis hominum, patris abundat ope.

## EPILOGUS AUCTORIS.

Sisto ratem, quia portus adest, has fronte <sup>72</sup> beati  
 Hieronymi præ-eius urceus haurit aquas.  
 Vivite Tobia: tituli, vos nullus obumbret  
 Livor, nulla lues, nulla procella premat.  
 Non favor appetitur, aut famæ fistula <sup>73</sup>; scribo  
 Cunctis, scribo Dei munere, scribo Deo.  
 Vobis hexametrum desit Galteridos (33) uti  
 Pentametris elegis Vindocinensis amat.  
 Vos elegos magis elegi, quia legis amico  
 Vos metricæ metrica censeo lege legi.  
 Succinctis opus est elegis <sup>74</sup>, elegia <sup>75</sup> claudum  
 Vindicat ornatus integritate pedum.  
 Non placet aut placeat elegis hyperbaton, uti <sup>7</sup>  
 Succincte brevis enucleata juvat.  
 Pentameter minor hexameter, velut armiger um-  
 [bram  
 Explicat aut <sup>77</sup> claudit anterioris iter.  
 Hexameter præit ut Dominus, vestigia claudit <sup>78</sup>  
 Armiger obliquat <sup>79</sup> languidiore gradu.  
 Quis metrum mutilet, seu Baucis <sup>80</sup> oscula, metra  
 Intercisa magis integritatis habent.  
 Vocum congeries proluxa, noverca favoris  
 Displicet, excurrit <sup>81</sup>, labitur, auris abest <sup>82</sup>.  
 Digreditur citius epulum, per fraccina plena  
 Lance, minutiolis carmina cœla patent <sup>83</sup>.  
 Hos elegos distingue, placent <sup>84</sup>; distinctio cesset,  
 Fructus abest, errat clausula, sensus hebet <sup>85</sup>.  
 Nullus ad auctorem <sup>86</sup> fiat respectus honore  
 Thematis hoc lector experiatur opus.

**A** Thema suum <sup>87</sup> festivat opus, non auctor honestas  
 Materia: celebris materiata juvat.  
 Si qua boni scintilla patet, stillat bonitatis  
 Fronte <sup>88</sup>, Deus bona dat quisque ministrat homo  
 Plasma dat obsequium, Deus incrementa propinat  
 Grata, ministerium lingua, charisma Deus.  
 Fructificat Deus in famulis, divina supellex  
 Est homo, ponit homo semina, grana Deus.  
 Dispensat figulus artem per vascula, fractis  
 Utitur ad stabilis integritatis opus.  
 Unde prophetiæ Caiphas habet, unde Pilatus  
 Verba malis fruitur ad bona patris amor.  
 Quæ tibi dat Turoni metra Vindocinensis alumna <sup>89</sup>  
 Perlege Parisius, Aurelianus habe  
 Rivulus aridulus de vena paupere pingues  
**B** Serpit ad arcolos <sup>90</sup> pauperiore gradu.  
 Verborum placuit macies <sup>91</sup> infantia, metri  
 Floris egena, carens schemate, nuda tropis.  
 Vera loquens <sup>92</sup> non pingo metrum, ne picta su-  
 [pellex  
 Carminis incurrat ambitionis onus.  
 Vernans metaphoris, epithetis fabula, nugis  
 Ebria venator <sup>93</sup> credulitatis open.  
 Vera negant pingi, quia vera relatio vocum <sup>94</sup>  
 Nescit <sup>95</sup> adulari, floridiore sano  
 Littera non fallit <sup>96</sup> perimit perversa legentem  
 Littera, vivificat spiritualis odor.  
 Ad quoscunque potest rivales, conjuge sensu  
 Postposito, meretrix littera flectit <sup>97</sup> iter.  
**C** Cum vetito sensu vox peccat adultera, casus  
 Convertit dubios amphibolia biceps.  
 Amphibolia nocet <sup>98</sup>, nocet æquivocatio, plura  
 Unicus æquivocat significata sonus.  
 Summus <sup>99</sup> Aristoteles ut protestatur elenchi, <sup>100</sup>  
 Sex phantasie <sup>1</sup> voce latere docet.  
 Nunquid dicatur, sed cur perpendite: quippe  
 Quodlibet intitulat mens operantis opus.  
 Imperium tibi sit, rex Christe, potentia, virtus,  
 Gloria, majestas, laus, diadema, decus.  
 Existens alius, non aliud quam ut Pater <sup>2</sup>, imo  
 Cum Patre non idem <sup>3</sup>, unus idemque Patris <sup>4</sup>  
 Et Pater et Natus et Spiritus est Deus, unus  
 Et plures; tres sunt, non tria, tres et idem  
 Est personarum distinctio trina, sed una <sup>5</sup>  
**D** Est una <sup>6</sup>, Deus unicus, una nois <sup>7</sup>  
 Natus es ancilla Deus, ut baptismatis almo  
 Fonte renascatur et renovetur homo.  
 Natus es ex ramo radix, sol sidere, totum

## VARIE LECTIONES.

<sup>69</sup> vel *connumerare*, ibid. <sup>70</sup> al. *præmia*. <sup>71</sup> al. *sopore*. <sup>72</sup> h. e. *vana gloria*, ibid. <sup>73</sup> al. *elegis opus est*. <sup>74</sup> al. *elegia*. <sup>75</sup> al. *imo*. <sup>77</sup> al. *et*. <sup>78</sup> al. *claudens*. <sup>79</sup> vel *obsequitur*, ibid. <sup>80</sup> scil. *illa vetula*, ibid. <sup>81</sup> al. *exqualitur*, l. *excuitur*. <sup>82</sup> scil. *auditoris*. <sup>83</sup> vel *placent*, ibid. <sup>84</sup> al. *patent*. <sup>85</sup> al. *census abest*. <sup>86</sup> al. *auctorem*. <sup>87</sup> al. *sacrum*. <sup>88</sup> al. *fontes*. <sup>89</sup> pro *alumnus*, ibid. <sup>90</sup> al. *ariolas*. <sup>91</sup> al. *macies placuit*. <sup>92</sup> al. *Nuda liquor*. <sup>93</sup> al. *renatur*. <sup>94</sup> al. *rocis*. <sup>95</sup> al. *nescit*. <sup>96</sup> al. *fallet* <sup>97</sup> al. *figit*. <sup>98</sup> al. *nite*. <sup>99</sup> al. *summis*. <sup>100</sup> al. *elenchi*. <sup>1</sup> h. e. *fallacius*, in eod. cod. <sup>2</sup> Hæc præcedentia verba, quoad versum, minus poetice posita. <sup>3</sup> scil. *in personis*. <sup>4</sup> scil. *in substantia* de alt. cod. <sup>5</sup> al. *unum*. <sup>6</sup> Græc. *essentia*. <sup>7</sup> h. e. *mens vel notitia*, ibid.

## NOTE.

(55) Galterus, poeta in media barbarie satis elegans, scripsit libros *Alexandrideas*, sive *Historiam*

de Alex. M. et a Barthio pas-im allegatus reperitur.

Particula, ōgulus vase, colonus agro.  
 Conscendit apex convalli, præpura sacco  
 Rex famulæ, cineri lampas, oliva rubo.  
 Ne dispergat \* opes lupus hostis, cardine clauso  
 Intrat et exit ovis pastor et agnus ove.  
 Prodit \* messe sator, genitrix sit filia Patris,  
 Et geniti lactat filia Virgo Patrem.  
 Felix conjugium, dum se sacra verba maritant  
 Auricolæ <sup>10</sup> Verbum <sup>11</sup> sit caro, patre carens :  
 Angelus obstetrix, pater infans, sermo maritus,  
 Auris sponsa, parens nata, creator homo.  
 Intus et exterius totus, quia Virgine totus,  
 Totus apud Patrem, totus ubique Deus.  
 Felix partus, ubi caput orbe capaciore alma  
 Virgo Deum, soli pervia, sola Deo.  
 Felix partus, ubi parit aula pudoris, aperta  
 Quanquam clausa, velut sole micante vitrum<sup>12</sup>.  
 Excludit <sup>13</sup> fragilis naturæ crimina, pœnam,  
 Non culpam retinens Virgine sumpta caro.

**A** Cur pœnam retinens puniri venerat unde  
 Probra pati voluit, sputa flagella crucem ?  
 Rex pie, Rex fortis, Rex optime, te benedicant  
 Cuncta, Creatorem testificata suum.  
 Sit tibi laus, quia vivo ; loquor quia paucula scribo  
 Metra, tuum teneor concelebrare decus.  
 Quod portem teneo, tibi grates exigo, quamvis  
 Laus humana Deum magnificare nequit.  
 Te laus nulla canit, quia significatio vocum  
 Deficit auctorem <sup>14</sup> significare suum.  
 De virtute tua vocum penuria cogit  
 Nos, quasi vagitu deficiente, loqui.  
 Trinus et unus ades scribenti, ternus in uno,  
 Unicus in trino, sis benedictus. Amen.  
 Insontes elegi dormite, quiescite, vobis  
**B** Compatior, fessis in paritate pedum.  
 Explicit, expletum <sup>15</sup> Tobiam qui legit, instet  
 Tobiam merita religione sequi.

Anno Domini 1315 <sup>16</sup>, Tiburtii et Valeriani <sup>17</sup>.

#### VARIÆ LECTIONES:

\* al. disperdat. \* al. perdit. <sup>10</sup> B. Marize ibid. <sup>11</sup> Filius Dei, ibid. <sup>12</sup> In alt. cod. transposita disticha. <sup>13</sup> al. exclusit. <sup>14</sup> al. actorem. <sup>15</sup> al. explicitum. <sup>16</sup> scil. die subintellectum vel incuria omissum. <sup>17</sup> Paulo post, in eodem latere alt. cod. subscriptum erat : *Explicit liber Tobias Mri (fortassis Magistri, Martini, vel Ministri) Cunradi. Quicumque is sit possessor, descriptor vel prefector, verus auctor est Matthæus Vindocinensis; sicque hic ante illum vixit et floruit.*

## MATTHÆI VINDOCINENSIS

### CARMINA VARIA.

(WRIGHT et HALLIWELL, *Reliquiæ antiquæ. Scraps from ancient manuscripts, illustrating chiefly early english literature and the english language*, London 1843, 8°, t. II, p. 257, ex codice Cremitanensi chartaceo sæc. XV, in bibl. oth. imperiali Vindobonensi asservato, quod communicavit Dr. Endlicher, Vindobonensis.)

#### COMMENDATIO PAPÆ.

Orbis ad exemplum papæ procedit, honestas  
 Scintillat, ratio militat, ordo viget.  
 Religione sacer est, voce modestus, honesti  
 Cultor, consilio providus, orbis apex ;  
 Quo duce provehitur ratio, sedet ira tepescens  
 In pacem, pietas officiosa viget,  
 Non sapit humanum sua conversatio, culpam  
 Dedignans hominis, concipiensque Deum.  
 Condolet afflicto, misero miseretur, anhelat  
 Ad leges, reprimit crimina, jura fovet.  
 Papa docenda docet, prohibet prohibenda, reatus  
 Castigat, sceptrum spirituale tenet.  
 Hic animas ligat, et solvit, solvendo ligando  
 Cœlestis partes opilionis agit.  
 Nos proles, nos ejus oves, nos membra, tuetur.  
 Membra caput, geniter pignora, pastor oves.

**C** Disputat in papa virtutum concio, virtus  
 Virtutis certat anticipare locum ;  
 ro parte virtutum conflictus litigat, instat,  
 Quodque sacri pectus primitiare viri.  
 Justitia prior esse studet, moderantia certat,  
 Blanda sibi pietas appropriare patrem.  
 Quinta tribus prior esse studet, sapientia certat ;  
 Pro patre sit dos, cum dote sorore soror.  
 Jura rigent, mulcet pietas, moderantia placat,  
 Sub perpendicularo singula sensus agit.  
 Quatuor his constat quadratus papa, propinat  
 Quadratura statum, perpetuatque fidem.  
 Hæc quadratura fretus non nugat in usum  
 Criminis, et nescit nescius esse Dei.  
 Papa regit reges, dominos dominatur, acerbis  
 Principibus stabili jure jubere jubet  
 Provocat humanam pretium, fragilesque religans



Affectus, certat evacuare virum.  
 Trans hominum gressus extendit ab hospite vita,  
 Ad cælum patriam præmeditatur iter.  
 Commutare studet fixis fluitantia, certis  
 Vana, polo terras, hospitiumque domo.  
 Mens sacra vas ægrum fastidit, carcere carnis  
 Neci conqueritur spiritualis honor.  
 Mens sitit æternam sedem, pastorque frequentat  
 Hospitium terræ corpore, mente polum.  
 Non sacra sacrilego denigrant pectora morsu  
 Crimina nec pretium depretiare licet  
 Est bonus, est melior, est optimus, et bonitatem,  
 Si liceat, quarto querit habere gradu.

COMMENDATIO MILITIS (L. CÆSARIS.)

Fulgurat in bello constantia Cæsaris, obstat  
 Oppositis, frangit fortia, sæva domat.  
 Ejus in afflictos pietas tepet, hostibus hostem  
 Se probat, et mitis mitibus esse studet.  
 Præradiat virtute duces, exemplar equestris  
 Officii pretio vernat, honore præit  
 In velitum præcedit iter, suspirat ad usum  
 Militis, ad requiem torpet, ad arma volat;  
 Bella sitiit, gladium lateri confœderat, ejus  
 Virtus defectus nescia, terga fugæ.  
 In gladium sperare juvat, jus iudice ferro  
 Metitur, gladio præside carpit iter.  
 Cæsaris ad nutus nutat fortuna biformis;  
 Casus ceu visus prosperitatis habet.  
 Cæsar in adversis surgit, nec jungit honorem  
 Vultus iratæ prosperitatis hiems.  
 Sæva premit, miseris fovet, et libamine juris  
 Compensat pacis, nequitiaque vices.  
 Særa pio sociat moderantia, de pietatis  
 Blanditiis ferrum judiciale tepet.  
 Militat ergo modus, pietas ne jure supinet  
 Ne vita pueri diffiteatur opus.  
 Imperii gravitas mentem non pauperat, immo  
 Ad partes virtus particulata volat.  
 Dotibus ingenii vernat, non exsulat artes,  
 Non studium regimen imperiale fugat.  
 Ambitiosa sitis fidei non derogat, immo  
 In regnante sapit deliciosa fides.  
 Cæsar ab effectu nomen tenet, omnia cedens,  
 Nominis exponens significata manus.  
 Cui requies, requie privari, deesse labori,  
 Cui labor est, cujus passio, nulla pati.  
 Cui timor absentis vincit, cui fama laborat,  
 Ad tumulum cujus prælia nomen agit.  
 Cæsaris adventus pro Cæsare disputat, umbra  
 Nominis armati militat, arma gerit.  
 Strenuus, indomitus, pugnax, premit, asserit, urget  
 Hostes, bella, reos, ense, rigore, metu.  
 Audax, intrepidus, probus, imbuit, ampliat, implet  
 Arma, decus, vultum, sanguine, Marte, minis.  
 Concipit, instaurat, ponit, vigil, impiger, instans,  
 Spe, dubiis, gladio, prælia, certa, reos.  
 Virtus, forma, fides, replet, adjuvat, instruit actus,  
 Virtutem, mentem, robore, laude, statu.

A Hoc pretio servivit ei sub jure tribuni  
 Roma, suo majus ausa videre caput.

COMMENDATIO MILITIS.

Purpurat eloquium, sensus festivat Ulixen,  
 Intitulat morum gratia, fama beat.  
 Linguae deliciis exuberat acer Ulixes,  
 Eloquio, sensu providus, arte potens.  
 Ne languescat honor mentis, facundia vernans  
 Ampliat, et reficit quod minus esse potest.  
 Ne sit lingua potens sensu viduata, maritat  
 Se linguae sensus interioris honor;  
 Fœlerat ingenium studio, cultusque maritus  
 Seminis in messem fructificare studet.

B Concipit ingenium sensu dictante, magistra  
 Discernit ratio, lingua ministra sonat.  
 Seminat ingenium, studium colit, asserit usus,  
 El mat ratio, consiliumque fovet.  
 Sensus præcursor, ratioque præambula, linguam  
 Hæredem faciunt dogmatis esse sui.  
 Non cellæ capitis in Ulixæ vacant, epitetum  
 Officiale tenent, prima, secunda, sequens.  
 Prima videt, media discernit, tertia servat;  
 Prima capit, media judicat, ima ligat.  
 Prima serit, media recolit, metit ultima, tandem  
 Prima, secunda capit, tertia claudit iter.  
 Prima ministrat opus reliquis, sic hostia prima,  
 Hospitiumque media, posteriorque domus.  
 Prima, secunda, sequens, includit, judicat, arceat

C Obvia, visa, fugam, peste, sapore, sera.  
 Stat medio rationis apex, et utrinque salu at  
 Hostia sineipitis, occipitisque seram.  
 Naturam virtute præit, fidusque magister  
 Intimus est hominis interioris homo.  
 Moribus egreditur hominem, præponderat ægre  
 Naturæ sensus, subvenientis honor.  
 Ponderat ancipites casus sapientia, justum  
 Seu reprobum, trutina iudice pendet opus.  
 Non nisi consulto liberamine juris in actus  
 Prodit, consulto mentis amica manus.  
 Contrariis vicibus confert contraria, dictis  
 Respondere suis consona facta facit.  
 Propositum factio vicino mancipat, ori

D Concolor, est mentis expositiva manus.  
 Non ætas animi virtutem pauperat, immo  
 Cortice de tenero spirat adultus odor.  
 Ætatem virtute domat, sua cana juvenos.  
 Consilio redolet interiore senem.  
 Vota juventutis virtute supervenit ævi  
 Jura supergreditur mentis honore sui.  
 Mentis canities ævi castigat habenas,  
 Mensque stupet teneros anticipare dies.  
 Non animi florem fastus deflorat, honoris  
 Tanti delicias non premit ulla lues.  
 Non fortuna premit fortem, sentitque biformis  
 Unanimem, rigidum mota, caduca gravem.  
 Non valet Antiphates, seu Circes, sive Caribdis  
 Mentis Ulixæ debilitare fidem.

Vincit, alit, cumulat, fortis, consultus, honestus,  
Aspera, jura, fidem, vi, ratione, statu  
Prudens, facundus, largus, beat, ornat, honorat,  
Pectora, verba, manum, mente, decore, datis.  
Tullius eloquio, conflictu Casar, Adrastus  
Consiliis, Nestor mente, rigore Cato.

### VITUPERIUM STULTI.

Scurra vagus, parasitus edax, abjectio plebis,  
Est Davus rerum dedecus, ægra lues ;  
Fomentum sceleris, mundi sentina, ruina  
Justitiæ, legum læcio, fraude potens ;  
Semen nequitix, veri jejunos, abundans  
Nugis, deformis corpore, mente nocens ;  
Forma Tersites, ad fraudes Argus, ad æquum  
Tiresias, Verres crimine, fraude Symon.  
Militat ad vitium, virtutis nescius, hostis  
Naturæ, justum dampnat, honestum premit.  
Noxius ingenium nocuos dispensat in usus,  
Se totum sceleris vendicat esse domum.  
Spirat ad illicitum, confusio pacis, amoris  
Scisma, malis, peior, pessimus esse studet  
Effluit huc illuc, vimarum plenus, abundans  
Nugis, justa premit facta, tacenda refert.  
Vas sceleris, puteus vitiorum, plenus aceto,  
Nequitix nescit nescius esse suæ.  
Mens imbuta malis, nescit nescire reatum,  
Peccandique potest esse magistra manus.  
Est grave consuetis vitiis desuescere, vergit  
Noxius ad solitæ noxietatis iter  
Pullulat in speciem naturæ, concolor usus  
Et quasi naturæ filius esse potest.  
Non nequit esse nocens Davus, natusque nocere  
Dum nequit esse nocens degener esse putat.  
Est scelus innatum Davo, fraus omnis in unum  
Confluit, in proprium vendicat omne scelus.  
Qui fidei, qui juris inops, qui fraude laborat,  
Qui volat in vitium, qui pietatis eget.  
Cujus hōnor, quod honore caret, cujus tenor esse  
Absque tenore fides, non habuisse fidem.  
Cui scelus est vitare scelus, cui crimen egere  
Crimine, cui frandis est puduisse pudor  
Quem leporem timor esse probat, quem præda leo-  
[nem,  
Cauda caprum, vulpem furta, rapina lupum.  
Quo duce mendicat ratio, quo præside virtus  
Migrat in exsilium, pullulat ægra fides.  
Sola vocati casus inflexio, Davo  
Parcet, ibi non vox articulata tacet.  
Aeris est Davus fæx unica, digna cathenis,  
Digna Jovis trifido, fulmine digna mori.  
Blandimenta minis, odio compestat amorem,  
Peste bonum, raptu munera, fraude fidem.  
Ecce mali cumulus mens est scelerata, profanum  
Est corpus, fallax lingua, nephanda manus.  
Se negat hypocritam, nucleo nux consona, sor-  
[dent.  
Pari tabe, simili peste locale locus  
Ne pro se ponatur idem, consordeat, intus

A Et foris in Davo, metonomia perit.  
Conspectum dolet ad risum, risusque dolorem  
Pensat, et eventu prosperiore gemit.  
Fæcis massa, pudor naturæ, sarcina terræ,  
Mensarum baratrum, stercoris ægra domus.  
Invidiæ stimulis coquitur mens fœda, colorem  
Captivat mentis, migrat in ora lues,  
Cursitat ad mensas, post prandia torpet, amicus  
Ventris, consumit pingua, spernit olus.  
Non malus est, sed triste malum, consumere na-  
[tus  
Fruges, ad numerum non numerale facit.  
Ejus in adventum calices siccantur, egeno  
Mendicat dapibus mensa, lagena mero ;  
Cui deus est venter, cui templa coquina, sacer-  
[dos  
B Est coquus, et fumus thura Sabæa sapit,  
Lance sedet, mensasque dapes incarcerat, unde  
Pullulat et nimium ventris amica Venus.  
In pateris patinisque studet, ructante tumultu  
Et stridente tuba ventris, utrinque tonat.  
Inflictis dapibus moles præurgida, ventos  
Concipit, et Davus Æolus esse studet.  
Davus hians æger ventorum turbine fracto  
Carcere, dispensat quos colibere nequit.  
Pergit ad incestum, Venus excitat ægra bilibres  
Fratres, membra tepent cætera, cauda riget.  
Metri dactilici prior intrat syllaba, crebro  
Impulsu quatiant menia fœda breves.  
C Nequitia rabiem servilem prædicat, actu  
Enucleat servæ conditionis opus  
Urget blanda, furit ad libera terga rebellis,  
Ne vetito rectus limite carpat iter.  
Imbuit innocuos vitiis, exuberat ægri  
Pectoris, in multos particulata lues.  
Saccus nequitix, lucis caligo, macelli  
Tempestas, pestis sæva, vorago patens  
Noxius, æger, iners, commutat, destruit, urget,  
Gaudia, jura, bonos, scismate, fraude, dolo.  
Nudus, inops, vacuus, pretio, virtutis, honesto,  
Lite, furore, fide, gaudet, abundat, eget  
Eligit, optat, amat, depravat, spernit, abhorret,  
Jurgia, probra, scelus, fœdera, templa, deos,  
Quo nascente, suum virtus dum comperit hostem,  
D Bella mihi video, bella parantur, ait.  
TEMPORUM DESCRIPTIO.  
Ver roseum tenero lascivat flore, laborat  
Picturare Ream floridiore coma  
Solis amica calet æstas æstuque redundans  
Nititur interpres nominis esse sui.  
Vinitor autumpnus, Bachi pincerna, propinat  
Uvæ delicias, horrea messa replet.  
Horret hiems triplici panno pellita, noverca  
Florum, lascivi pectoris ægra comes.  
Sunt partes anni bis binæ, ver tepet, æsta  
Æstuat, autumpnus uva dat, alget hiems.  
Ver florum genitor, æstas nutricula, fructu  
Ditior autumpnus, prodiga vestis hiems.  
Ver turbat renes, in vere furit Diogenes ;

Ver Veneri juvenes implicit et senes.

Lucifer astra fugat, solis præcursor, ad ortum  
Respirat, melior exule nocte dies.

Legat in exilium tenebras Aurora, cubile  
Titani viduans, purpurat ora Jovis.

Hirsuto comitata gelu, lux serpit et ortus,  
Tempora canicies anticipare studet,

Uberius radios Phœbus dispensat, anhelat  
Quadrupedes curru dimidiante diem

Migrat ad antipodes Phœbus, declivior axis  
Vergit ad occasum languidiore rota.

#### DESCRIPTIO LOCI.

Naturæ studium locus est quo veris abundant  
Deliciæ, veris gratia, veris opes.

Tellus luxuriat crinito gramine, gramen  
Vernat flore, tepet aurula, spirat odor.

Blanditur natura loco, donando favoris  
Prodiga, donatis rebus egere potest.

Donandi transgressa modum sibi nulla *reservans*,  
Purpurat ornatu floridiore locum.

Perpetuat Zephyrus flores, hirsutaque bruma  
Non infestat humum pauperiore coma.

Pullulat in flores humus, humida gleba maritat  
Se glebæ, redolet flosculus, herba sapit.

Non rabies canis aut cancri, vernantis honorem  
Floris commutat pauperiore toga.

Natali tumulo dulcis rosa dives amictu  
Vernat, odoratus deliciosa comes.

Fœniculus crispato viret, quæ dives odore  
Castigare solet spirituale malum.

Mollia nigrescunt vaccinia, naris amica;  
Lilia procedunt candidiora coma.

Vertitur ad solem cyane, grave vulnus amoris,  
Phœbæi nutus prædicat herba sequax.

Salvia procedit, piperi quem leve maritat  
Qui facit immensas luxuriare dapes.

Artemisia viget, quæ vultu glauca, saporem  
Bachi deliciis luxuriare solet.

Quem castum redolet, pallet narcissus amoris  
Indicium facie pallidiore gerens.

Qui procul Bachi festivat, surgit hysopus  
Intitulare potens dolia plena deo.

Quod gustu commendat ovis vel dama popello  
In triviis, raris crinibus, herba viret.

Petrosilla apis certantia vultu (*sic*)  
Et simili similis denegat esse sapor.

Statura brevi trifolium sedet esca popelli,  
Et jejunanti cœnula festa viro.

Quæ renes cessare jubet lactura noverca  
Exsurgit Veneris, religionis amans.

Ad Venerem faciens genitrix eruca rigescit,  
Suscitet ut semen candida cepa potens.

Vicinatur humi residens plantago, tumorem  
Castigans carnis et residere jubens.

Prodit humo dormire studens papaver, ancti  
Vernant deliciæ, naris amicus odor.

Purgatrix stomachi, faciensque tonitrua, purgit,

A Surgit ab officii nomine nomen habens.

Lilia sectantur vestis candore, ligatur

Ad vulnus, faciens lanceolata jacet.

Pallescit rubor in violis, mediusque videtur

Nescio quis neuter inter utrumque color.

Oris deliciæ prodit gingember acutus,

Vernantes certat perpetuare comas.

Florescunt tima, victus apum quæ duplice fructu

Ditant luminibus templa, sapore gulam.

Disputat, et melius redolet, conflictus odoris,

Et quæ non possunt singula, multa juvant.

Gustas apis florem carpendo, labore magistro

Monstrans humanæ commoditatis iter.

Non prædatori boreæ de flore tributum

Solvit, gratuitas inviolata loci.

B Ne pereat nutricis inops infantia floris,

Commodat altrices fons redivivus aquas

Vestit humum decus arboreum, frigusque propi-  
[nans

Solis ad exilium nititur umbra tepens.

Quercus algumna suis cœlum vertice maritat,

Votivoque suum respicit ore Jovem.

Laurus vatis honos, hibernas despicit iras,

Et spoliis gaudet integritate frui.

Ulmus lata viret, triviis umbratilis, umbra,

Tiure, consurgit fagus amica tibi.

Albescit palmæ coma, ramus ejus osanna

Audit, Christicola vociferante viro.

Astra petens, patulos in ramos pullulat ilex,

C Quæ solet esse domus mellificantis apis.

Initiale mali semen vitæque noverca,

Ficus adest primo noxia prima patri.

Vicinatur humi buxus quæ sistra propinat

Exubiis, tegimen ministeriale cruci.

Artificis mediante manu dans vasa Liei;

Pluribus in nodis præsolidatur acer.

Qui Bachi pateras prohibet requiescere, prodit

Vespertina gerens prandia, curva pirus.

Pomus progreditur dans succimentia rauca,

Hersula carboni conficienda mero.

Cerasa plena rubent, sed jacturam brevitatis

Illorum redimit deliciosus honor.

Arborei generis surgit regina cypressus,

Quæ regem regum tangere digna fuit.

D Testis amicitia Paridis, nymphæque repulsæ,

Pullulat in molles populus alba comas.

Frondescit platanus, cornus nodosa, noverca

Taxus apum, redolens cyamus, uda salix.

Egregio pollet effectu myrra, liquore

Vivifico, carnem luxuriare potens.

Altior ad nubes tollit caput ardua pinus,

Undis iudicibus expositura rates.

Virga propinatrix thuris consurgit, honorem

Votivæ mentis exhibitura Deo.

Prodit amidaleus fructus quem febris avita

Torquet languenti sana dieta viro.

Pullulat ex cujus spolio tractura colorem

Artificem præstans vestibus, alnus adest


Flore rubet sapido, rubens mitescit odore

Armorum feritas, asperitasque togæ.  
 Ardua morus adest, cui momentanea proles  
 Sanguine Pirameo premitus alba rubet.  
 Æsculus egreditur ævo majore reservans  
 Fructum mellitum concavitate cadi.  
 Vitis adest, nostro major Jove tempore, plebis  
 Deliciæ, plebis gloria, plebis amor.  
 Plurima restat adhuc arbor, sed Musa tabellum  
 Comprimit, et brevis auris amica placet.  
 Non infestat aquas solis tepor, immo teporem  
 Ramorum series orbiculata sonet;  
 Humor amicitiae solis sua jura maritans  
 Destinat in florum fructificare comas.  
 Altera gratuita superest, cumulantque decorem  
 Egregie studio garrulitatis aves.  
 Vociferans et occide, et dolens philomena querelas B  
 Et sua jocundo dampna dolore canit.  
 Vox merula resonat, quæ facta domestica nostræ  
 Vocis adulterio nobilis esse solet.  
 Pœtacus exclamat præsentatura triumphis  
 Cæsareis, lingua degenerante, et vale.  
 In æcelus, in litem certans armatur alauda,  
 Læta prophetanti concinat ore diem  
 Argi Inimibus stellatus pavo superbus  
 Et picturatæ vestis honore nitet.  
 Nilificat ramis Veneri dicata columba,  
 Incestum redimens simpliciore coma.  
 Turtur amica gemit, primo jurata marito  
 Continuativi pignus amoris amans.  
 Ille canit, hic habitat maculis distincta coturnix,  
 Et regido perdrix exerucianda veru.  
 Qui proprias canit exsequias, mortisque propinquus  
 Despicit articulum, fonte resultat olor.  
 Materiam logici conflictus pica propinans,  
 Nescio quo medio membra colore tegit.  
 Birex nanus adest, qui staturæ brevitatem  
 Nominis intitulat nobilitate sui.  
 Non piccus fabricator abest, ovi fabrica rostrum  
 Dum sibi de sociis hospita tecta fodit.

A Garrula pigrescit et avara monedula sueta  
 Exilio nostros concelebrare lares.  
 Vel patitur vel agit passer, cui nomina ponit  
 Et lumbis fluitans irrequieta Venus.  
 Non cornix, non corvus adest, non noctua sacrum  
 Blasphemat gemitus asperitate locum.  
 Non aquilæ primatus abest, nisi carmina plebis  
 Rumpat regalis conditionis honor.  
 Ergo relativos volucrum queremonia cantus  
 Dum movet, organicum carmen adesse putes.  
 Flos sapit, herba viret, parit arbor, fructus abun-  
 [dat,  
 Garrit avis, rivus murmurat, aura tepet.  
 Voce placent volucres, umbra calor, aura tepore,  
 Fons potu, rivus murmure, flore solum  
 Gratum murmur aquæ, volucrum vox consona  
 [florum  
 Suavis odor, amnis frigidus, unda tepens.  
 Sensus quinque loci prædicti gratia pascit,  
 Si collative quæque notata putes.  
 Unda juvat tactum, gustum sapor, et sonus aurem;  
 Est volucris visus gratia, naris odor.  
 Non elementa vacant, quia tellus concipit, aer  
 Blanditur, fervor suscitatur, humor alit.  
 Ciceides Musæ, paulo majora canamus,  
 Vobis freta, freto vela secunda damus.  
 Non omnes arbusta juvant humilesque miricæ,  
 Immo juvat lauri participare vicem.

#### LOCI BREVIS DESCRIPTIO.

C Hic genius studet in melius, ver gramine pictum  
 Eximio terræ gremio præsentat amictum.  
 Pullulat herbula, nunciat aurula veris honorem;  
 Flosculus emicat, et rosa prædicat orta teporem.  
 Frons vitreus, fons nectareus, nova germina flo-  
 [ru  
 Vivificat, fovet, amplificat, spirans odorem.  
 Non spoliatur nec depreciatur rigor hostis iniquus  
 Temperiem, retinet speciem flos veris amicus.



# INDEX IN PETRI CANTORIS VERBUM ABBREVIATUM.

*Revocatur Lector ad numerales notas crassioribus typis textui insertas.*

## A

- Abbatess, Abbatissæ, Abbatialis.  
Abbatess subesse debent episcopis in cuius sunt diocesi, 113. Abbatess benedictio, seu inauguratio simplex est et potest iterari, 114. Abbas Cisterciensis Stephanus eleemosynam sibi a sacerdote Simoniaci oblatam rejicit, 119. Abbatissæ non excusantur a Simonia, dum paciscuntur cum parentibus puellæ intraturæ monasterium, 424. Abbatum a suis diocesanis exemptio improbat, 114. Abbatialis mitræ cornua duo quid significant, 113, 429. Abbatialis mitræ lingule duæ quid significant, 114.  
Abigail qua prudentia iram David mitigavit, 59.  
Abraham in casa exigua angelos Dei excepit hospites, 225. Abraham et Lot exemplo suo hospitalitatem commendarunt, 293. Abraham quintus regum victor, eorum munera respuit, 54.  
Absolutio quæ datur pacto pretio Simoniaci est, 67.  
Abstinentia nutrix est continentiæ, 300.  
Abundantia panis peccati Sodomorum fuit origo, 488.  
Acceleranda est penitentia ob septem causas, 323.  
Acceptio munerum multiplex, 58. Acceptio munerum reprobat, 60, 398. Acceptio personarum definitio, 172. Acceptio munerum quemlibet obligat ad omnem servitum, 585.  
Accipitribus assimilantur prælatorum officiales, et exactores, 69.  
Accusare neminem leges obligant, 209.  
Accusatio pastorum quando non est recipienda, 484.  
Acedia et ignavia impediunt orationem, 289.  
Achan de anathemate Jericho non impane furatus est, 121, 123.  
Acquiri et retineri justè quænam munera possunt, 418.  
Actio contemplativa duplex, 203.  
Activa vita duplex, 432.  
Adam. Sicut Adam primum hominem sic et secundum aggressa est superbia, 28. Per Adæ superbiæ vita mundi perierat, quam Christus humilitate recuperavit, 34.  
Adolescentibus curam committere animarum quam damnosum, 159. In adolescente quæ sint superbiæ indicia, 26. Adolescentis Romani lepidum commentum, 90.  
Adulari nescit contemptus munerum, 58. Adulatio oleum est simul et maledictio, 114. Adulatio pauperes fugit, divites sequitur, 115. Adulatione et detractione homo sicut aurum in fornace probatur, 113. Adulationis oleum mentes emollit, 115.  
Adulator omnis mente cæcus est, 116. Adulatorum verba corrumpunt, 52. Adulatores aulici Xerxem in Lacedæmonios bellum parare mendaciter instigant, 44. Adulatoribus comparatur Joab Amasan osculo simulato necans, 117. Adulator omnis est proditor, 117.  
Adulterium quid sit, et quam grave crimen, 501.  
Advena, et peregrinus edere de agno Paschali olim prohibebatur, 86.  
Adversis difficile resistitur, nisi fortitudini prudentia copuletur, 275.  
Advocatis periculosius nihil est munerum acceptione, 58. Advocati maxime pecuniarum sunt cupidi, 153. Advocati linguam venalem habent, 153, 365. Advocati antiquius viles reputabantur, 154. Advocatorum malitia suggillatur, 154. Advocati sæpius horrenda morte decedunt, 135. Advocatus dives si pro advocacy quidquam accipiat, peccat mortaliter, 156. Advocati non divitiarum, sed soli humanæ iuvantur justitiæ, 156. Advocati potestatis, 445. Advocatos cogit restituere Ambianensis episcopus; quare, 446.  
Ædificiorum superfluitas vitiosa est et reprobanda, 223, 494. Ædificiorum sumptuosorum expensæ pauperum derogant eleemosynis, 226. Ædificium virtutum ex quibus consummetur, 241.  
Ægrotus medicum non quærit eloquentem, sed prudentem, 20.  
Ægrotis valetudo corporis prius curæ est quam animæ, 323.  
Æquitati manifestæ ac rationibus vivis nullius auctoritas potest refragari, 158.  
Ætas spectanda est in sacerdotis ordinatione, 83. Ætas ad sacerdotalem reverentiam maxime necessaria est, 158.  
Æternitati vita præsens comparata, velut punctum est temporis, 520.  
Affectus carnalis nimius erga parentes rea probatur, 181.  
Agellius, seu Aulus Gellius leges urbium telis comparabat araneorum, 158, 447.  
Agnus Paschalis cum lactucis agrestibus comedi jubebatur, 84. Agnus Dei cur cantetur in missa post eucharistiæ confectionem, 263.  
Alani de sacerdotibus eleganter dicta, 451.  
Alas duas habere debet oratio, 256.  
Alearum ludus quot pariat mala, 401.  
Alexander Magnus modum munera largiendi ignoravit, 121. Alexandri Magni exercitus patientissimus laborum, 272. Alexander papa in concilio Lateranensiferatores excommunicavit, 132. Alexandri tertii papæ præclara sententia evulgatur, 171, 183, 333.  
Aliena rapit qui superflua retinet, 46.  
Allophyli dicuntur Philistæi, 36.  
Altare ministrare, ac prædicare, interdum de cupiditate laudis oriuntur, 59. Altari quoties adstat sacerdos Pascha immolat, 72. Altaris sacramentum impre iabile esse debet, 76. Altaria multa in eodem templo improbantur, 82. Altare (ad) sacerdos cum lacrymis accedit, 84. Per altare idoli Belis signatur omnis Simonia, 66, 99, 333. Altare Rubenitarum exemptionem inferiorum a superioribus suis signabat, 113. Altaris secretarius dicitur diaconus, 157.  
Altercatio non decet sanctos, 11.  
Aman in proprio patibulo suspensus est, 234.  
Amasa non in inguine percussus est, 451.  
Amasan et Abner Joab invidia correptus interfecit, 29.  
Ambianensis episcopus cogit advocatos ad restitutionem, et quare, 446.  
Ambisistri sunt munerum acceptores, 60.  
Ambitio fori excæcat litigantes, 156. Ambitiosi suggillantur, 139. Ambitio Romanam destruxit rempublicam, 140. Ambitio clericorum ex Judæorum ambitione sumpsit exordium, 144. Ambitio galam comitatur, 299.  
Amicitia, divitiarum et honores ne præponas, 62.  
Amor carnis indignos ad dignitates promovere solet, 143. Amor Christi carnalem nescit affectum, 184. Ab amore et odio privato alienum esse decet æquum iudicem, 62.  
Amram Moysen filium suum occultat mensibus tribus, 72.  
Anachoretarum solitudo excellentior est quam eruditiorum, 185. Anachoretæ quidam ab abbate B. Felice prædicationem non impetrant, et quare, 14. Anachoreta quidam nixæ industria fugat superbiæ, 25. Anachoreta

quidam plenum laqueis mundum videt, 55. Anachoretarum cellulæ non superflua, 494.  
 Ananiam, Saphiram, ac Simonem Magum ob Simoniam B. Petrus graviter corripit, 355.  
 Anathema Novi Testamenti cum anathemate Veteris Testamenti comparatur, 67. Anathemata debent esse monachis omnia mundana, 553.  
 Angaria. Inangaria crux portatur tripliciter, 271.  
 Angelus de caelis in aërem hunc caliginosum præcipitavit superbia, 21. Angelus in cœlis primum cecidit superbia, 27. Angelorum ordinibus pro qualitate meritorum homines iusti inserentur, 28. Angeli sacram altaris hostiam cum tremore circumstant, 85. Angelorum ordines a Deo dispositi, 115. Angelica perfectio est, in nullo, aliter quam se res habet, sapere, 195. Angelorum conversationi virgines associantur, 215.  
 Anima fidelium defunctorum in purgatorio juvantur per missæ sacrificium, 81. Animo simplici munera impertienda sunt, 124. Animus virilis maxime necessarius est prælato, 146. Pro animabus subditorum suorum spondere prælatus debet, 155. Animam pro Christo ponere prodigalitas sancta est.  
 Animalia glebæ quinam homines dicantur, 16.  
 Anna soror Moysis ob detractionem lepra percussa est, 109.  
 Annexio plurium missarum inter se exploditur, 81.  
 Anniversaria tenuia merito in unum rediguntur ab episcopis, 408.  
 Anselmus Cantuariensis episcopus nepotis sui promotionem impedit, et cur, 125, 458.  
 Antigonus rex, 457.  
 Antonius B. anachoreta fratribus vivendi formam penitentibus Evangelium proposuit, 206. B. Antonius S. Paulum primum eremitam visitat, 226.  
 Aorasia, cæcitas, 14, 295.  
 Apes a grege suo burdones ejiciunt, quare, 150  
 Aporiari quid sit, 610.  
 Apostatare a Deo facit superbia, 22.  
 Apostolus. Super apostolos Spiritus sanctus cur in linguis igneis apparuit, 15, 152.  
 Apostolorum et episcoporum sandalia quid significant, 71. Apostoli duos tantum ad apostolatus officium elegerunt, 71. Apostoli quare lumbos præcincti prædicare jubentur, 146. Apostolis cæteris B. Petrus ob protectionem præfectus est, 158. Apostoli paucas reliquerunt traditiones ut melius servarentur, 206.  
 Aquæ iudicium peregrinum prohibetur, 197. Aquæ et ferri iudicia peregrina nihil in se certi habere probatur exemplis, 201.  
 Aranea venis est putidus et venenosus, 255. Aranearum telis leges urbium assimilabat Agellius, 158.  
 Ardens prædicator accendit auditores, 14, 454.  
 Argus centoculus episcopos præsignat, 92.  
 Ariana hæresis in quo confundatur, 213.  
 Aristippus aulicus regius a Diogene Cynico contemnitur, 54.  
 Aristoteles ad nullam quæstionem sibi propositam nisi datus inductis respondebat, 12.  
 Arpenna seu arpina ferre quid, 417.  
 Arreptus quis dicatur, 516.  
 Arrha quid sit, 557.  
 Arsenii Palatini eremite præclara fiducia, 219. Continuus ex oculis lacrymas fundebat, 246.  
 Artifices in Ecclesia quinam sint necessarii, et qui non, 223.  
 Arundini vento agitata comparantur inconstantes, 196.  
 Asino, sicut et corpori nostro, ut dometur, tria debentur, 296, 568.  
 Assiduitas vilesceit, et reverentiam tollit, 405.  
 Asteriscus quid sit, 359.  
 Athanasii papæ pro fide exulantis quidam eremita causam defendit, 163, 285.  
 Athenienses ingratitude vitium graviter puniebant, 504.  
 Athleta quis dicatur, 569.  
 Avaritia, Avarus. Avaritia quid sit, 48, 49, 585. Avaritia est idolorum servitus, 51. Avaritia inferno, ac vulvæ meretricis comparatur, 52, 247. Avaritia difficilius curatur quam libidinis vitium, 52, 247. Avaritia ecclesiasticorum suggillatur, 69, 75. Nihil avaritia gravius cuiquam imprecari quis potest, 51. Avaritia indignos ad dignitates frequenter promovet. Avari sanguisuga dicuntur, 70, 379. Avari jejuniu Deo execrabile, 296. Avaro nihil et scelerius, 50. Avaro penitentia quæ penitentia injungenda sit, 53. Avarus indiget etiam his quæ possidet, 50, 247. Avarus omnis immundus est, 51.  
 Auctoritatem papalem sibi per triennium optavit

B. Bernardus tres ob causas, 111. Auctoritas nulla æquitate manifestæ, ac vivæ rationi potest refragari, 158.  
 Auditorum utilitati nihil adeo obest, quam docentium nimia subtilitas, 6. Auditorum capacitati prædicatio accommodari debet, 169. Auditor si deesset, detractor non esset, 52.  
 Auguribus manera non sunt conferenda, 457.  
 Augustinus (S.) infestissimus detractorum persecutor, 51. S. Augustinus fugiebat omnem civitatem episcopo orbatam, 140.  
 Augustus Cæsar in omnibus agendis morosus fuit, 196.  
 Aurifrigium quid sit, 448. In auro et argento beatam vitam reperere turpissimum est, 45.  
 Aurum bulliens pluet super feneratoros in inferno, 155.

## B

Balaam munerum acceptator, 56.  
 Balthazar rex vasis sacris abuteus regno ejectus est, 144.  
 Baptismi effectum impedit macula peccati mortalis, 200.  
 Basilus (S.) lingua ignea prædicare conspiciebatur, 15, 152.  
 Beatitudines octo de fonte charitatis procedunt, 243.  
 Beis idoli sacerdotibus comparantur monachi propriarii, 553.  
 Belisarius comes stabuli, 414.  
 Bellorum strepitus et sæcularia negotia vitare jubentur prælati, 155.  
 Bellua multorum est qui pluries beneficiatus est, 92.  
*Benedicamus Domino* cur a pueris in ecclesiis decantatur, 58.  
 Benedictio qua abbas inauguratur simplex est, et potest iterari, 114.  
 Benedictus (S.) solitudinem exemplo suo commendavit, 185. Precibus suis monachum a tentatione liberavit, 289, 558. Proprietatem in monachis suis maxime detestatus est, 555.  
 Benefactorum intentioni non satisfacit plurium missarum commixio, 81.  
 Beneficia plura retinentes fictis poetarum monstris comparantur, 87. Beneficia ecclesiastica quo ritu conferri solent, 90. Beneficia ecclesiastica ad cultum Dei propagandum ordinantur, 94. Beneficia plura retinentes detestabiliores sunt Lamech bigamiam inducente, 95. Beneficia ecclesiastica conferendi varius modus explicatur, 103, 104, 105. Beneficium ecclesiasticum qui indigno confert, pauperum res furatur, 156. Beneficium ecclesiasticum tutius est relinquere quam cum scrupulo retinere, 184.  
 Bernardus (S.) coram monialibus prædicationem inchoans obmutescit, et quare, 14. S. Bernardus cum Teutonibus coram populis absque fructu prædicasset, ejus sermo postea per interpretem regulatus fructificavit, 14. S. Bernardus papalem per triennium optavit auctoritatem, tres ob causas, 111.  
 Bifaciata missæ exploduntur, 80.  
 Blasphemia horrenda clericis cujusdam aleatoris, 65.  
 Boamundus iudex justus personarum fugit acceptionem, 174.  
 Bonarum mentium est tibi culpam agnoscere ubi culpa non est, 191. Cum bonis conversatio laudatur, 180.  
 Brevitas vitæ præsentis in memoria nostra semper debet versari, 52.  
 Britto Manichæus, 488.  
 Brutis animalibus variis omnia singulariter vitia comparantur.  
 Bullienti æuro potabuntur feneratoros in inferni gehenna, 155.  
 Burdones a grege apum repulsi histriones designant, 150.  
 Bursas pauperum qua arte episcoporum officiales emungant, 66.  
 Busiris rex, 498.

## C

Cadus quid sit, 453.  
 Cæcus mente est omnis adulator, 116.  
 Cæremonias Ecclesiæ non observat, qui missam bifaciatam celebrat, 80. Cæremoniarum multitudine populus Israel meritis suis exigentibus oneratus est, 2. Cæsar Augustus in omnibus agendis suis morosus exstitit, 195.  
 Cælo Cæsari comparatur pluries beneficiatus, 92.  
 Cain invidia motus fratrem occidit, 20. Cain signum erat cornu in aere, 561.

- Calumnia in peregrinis judiciis manet impunita, 103.  
 Cameracensis ejusdam episcopi ludus spirituales, 401.  
 Cameracensis quidam canonicus scripsit contra nuditatem pectoris in feminis, 485.  
 Cancillarum suum S. Thomas Cantuariensis sub juramento astringit ad munera rejicienda, 87, 106.  
 Cancro similis est usura peccati, 151.  
 Canipulus quid sit, 388.  
 Canones in 2 et 3. affinitatis gradu matrimonium contrahi prohibentes, 68. Canones pro libitu condere, interpretari et abrogare summus pontifex potest, 158. Canoni derogatur canone contrario, 158. Canonum missæ quis major et minor, 407.  
 Cantici et psalmi distinctio, 484.  
 Capellarum pluralitas peperit ministeria capellanorum illegitima, 82.  
 Capilli Absalonis quo crebrius tondentur, eo uberius exsurgunt, 59.  
 Capiti serpentis fides comparatur, 237. Caput maxime deturpat oculorum absentia, 92.  
 Cardinalibus quatuor virtutibus ornari debet prælatus, 149.  
 Carnalis affectus reprobandus est, 181. Carni et sensualitati hominum adversatur sacra Scriptura, 211. Carni nostræ sicut et asino tria debentur, ut dometur, 296, 568. Caro nostra sic dormiat, ut mens in Christo vigilet, 218.  
 Care cito ad præteritas illecebras aspirat, 317.  
 Carthusiensis altaris hostiam consecrare non audent nisi diebus festis, 78. Carthusiensium solitudo a quibus traxit originem, 18. Carthusiani ejusdam religiosi charitas commendabilis, 244. Castorum acies terribilis debet esse Ecclesia, 142.  
 Casus frequens est malos puniri instrumento suæ offensionis, 254.  
 Catechumenorum missa quæ sit, 407.  
 Cathari hæretici Novatiani dicti sunt, 480.  
 Cathedram concionatorum ascendere seniorum tantum est, 160.  
 Causa et principium malorum omnium est superbia, 21. Causa adeo injusta nulla est pro qua tuenda non inveniantur Advocati, 134. Causæ pessimæ taciturnitatis sunt quinque, 164. Causæ duæ taciturnitatis in prædicatore debent considerari, 167. Causæ garrulitatis vitiosæ sunt quatuor, 167. Ob causas septem acceleranda est poenitentia, 325.  
 Causidici linguam habent venalem, 155, 365.  
 Cavenda summopere est singularitas in congregatione, 177.  
 Celebrare officia sacra pro lucro temporali vetat Scriptura sacra, 70.  
 Celeritas in loquendo non est amica philosophiæ, 11.  
 Cellæ monachorum olim obedientiæ appellari solebant, 335.  
 Cellulæ anachoretarum non superflue, 494.  
 Census ecclesiasti us clericorum peperit ambitionem, 144.  
 Cervix erecta per superbiam post peccatum maxime Deo displicet, 22.  
 Charitas princeps est omnium virtutum, 244. Charitas debet a teipso inchoari et in proximo perfici, 248. Charitas vult aliquando cæteris præferri propter communem utilitatem, 140. Charitatem acerbis lædit detractio quam cætera vitia, 55. Absque charitate virtutes cæteræ deficiunt, 242. A charitate pendet lex et prophetæ, 245. Charitatis filii sunt omnes virtutes, 245. Charitatis filia specialis est misericordia, 247.  
 Choritæ quinam dicantur, 108, 420. Choritæ Simoniaci sunt peiores, 108.  
 Christus, Christianus. Christi passio superbis non prodest, 24. Christi humilitate vita mundo rediit quam Adæ abstulerat superbia, 54. Christi vita tota in humilitate fundata est, 58. Christi paupertas maxime in cruce apparuit, 55. Christi exemplo carnalis parentum affectus abjiciendus est, 181. Christi humilitas docet debere nos esse contentos humilibus habitaculis, 227. Christi omnis actio nostra est instructio, 248. Christiani vita debet esse crux et martyrium, 72. A Christiano major exigitur sanctitas quam a Judeo, 214. Christianum histrionicus habitus non decet, 225. Christianus non censetur qui necdum per patientiam probatus est, 270. Christus positus est in signum cui contradicitor, 8. Christus Judæorum invidia crucifixus est, 28. Christus verbo et exemplo paupertatem prædicavit, 41. Christus in eucharistia fons est omnis gratiæ, 75. Christus semel se offerens sacrificans fuit ad redemptionem totius generis humani, 77. Christus vigilant et strenue prædicationi instituit, 151. Christus ante annum duodecimum non docuit, 138. Christus nusquam risisse legitur, 171.  
 Cibo quovis necessitate exigente religiosus uti concessum est, non autem veste superflua, 225. Ciborum damosa est superfluitas, 220. In ciborum superfluitate, unica manu diabolus ferit, in vestium autem duabus manibus, 224.  
 Ciniphes et cynomia adulationem et detractionem designant, 115.  
 Cinis et cilicium arma sunt poenitentis, 516.  
 Circuitus justorum bonus multiplex est, 255.  
 Cisterciensibus inhibuit esse habere in suis claustris decreta Gratiani, 477. Cistercienses male reprehenduntur ab episcopo Carnotensi, 485.  
 Clamosa esse non debet disputatio, 7, 344.  
 Clarevallensis abbas Wilhelmus matuit negotio monasterii sui tractare, quam prædicare, 17.  
 Claustrarium opera orare et legere, 286.  
 Claudicatio mortalis culpe triplex est, 282, 553.  
 Classicus 1, 2 et 3, sunt pulsus ad horas canonicas, 401.  
 Clavicula Salomonis damnata est, 478.  
 Clementia species est misericordiæ, 252. Clementia in iudice maxime elucere debet, 252. Clementia iudicis sit moderata, 506.  
 Clerici ejusdam horrida blasphemia, 66. Clerici euntes ad chorum tantum lucri causa reprehenduntur, 70, 402. Clerici dies septimanæ computare debent, 405. Clerici corona et tonsura quid significant, 500. Clericis laicos esse meliores maxime destruit Ecclesia, 59, 151. A clericis Lia magis quam Rachel diligitur, 94. Clerici nisi probatæ scientiæ ad honores non sunt assumendi, 145. Clericorum avaritia suggillatur, 75. Clericorum ad honores indigna promotio suggillatur, 142. Clericorum pigritia præ cæteris omnibus debet redargui, 219. Clericus dives in conscientia, pauper sit in pecunia, 80. Clericus adulator jubetur degradari, 117. Clericus dives pauperum elemosynas usurpans sacrilegus est, 126. Clericus quidam ob adulterii crimen viscera sua in latrinis effudit, 479.  
 Cælum. Coelestis. In cælis primum nata est superbia, 27. Cælos aperit, et claudit oratio, 288. Cæli peccatores dicuntur superbi, 21. In cælum melius de iugurio prosilabitur quam de palatio, 227. De coelestibus pulverem et quisquillas colligere horrendum est, 10.  
 Cenobitarum solitudo securior est quam anachoretarum, 185.  
 Columbas vendere est pacto pretio mysteria altaris celebrare, 75, 98.  
 Collatione sacramentorum non potest prælatus etiam supremus in æternum privare, 112.  
 Comes sola defunctorum est misericordia, 235. Comes quidam excommunicatus, cum absolveretur a summo pontifice, ab ordinario tamen etiam petit absolutionem, 450. Comes palatii duplex, 489.  
 Comitres habet juramentum, 291.  
 Commoda querere, ac incommoda vitare naturale est hominibus, 240.  
 Communia idem quod communitas, 596. Commutatio beneficiorum et rerum spiritualium quænam Simoniaci sit, 107.  
 Compedes naturæ et gratiæ, 44, 375, 375.  
 Concilium Lateranense usurarios excommunicat, 152.  
 Conditionis abjectæ homines antiquitus in advocatos eligebantur, 154. Conditiones elemosynæ laudabilis, 256, 535.  
 Confessarius vinum et oleum Samaritani debet habere poenitentibus, 171. Confessarius tria præcipue debet iungere poenitenti, 171, 315. Confessarius poenam arbitrariam poenitentibus potest iungere, 215. Confessarius poenitentes debet punire et ungere, 312. Confessarii boni quæ sint qualitates, 312.  
 Confessio triplex, 310. Confessio oris maxima pars est satisfactionis, 311. Confessionis dilatio fugiendo, 171. Confessionis quæ sint conditiones, 315. Confessionem peccatorum sæpe impedit verecundia, 325. Per confessionem omnium peccatorum deentur maculæ, 328.  
 Congregatio. In congregationem totam sæpe unius redundat peccatum, 189.  
 Consanguinitatis favore non est eroganda elemosyna, 125.  
 Conscientiæ serenitate vocem sequitur vox prædicationis, 15. Conscientia occulta non est alieno subjecta iudicio, 192.  
 Consentire quid sit, 381. Consentit peccanti, qui non corripit eum possit, 189.  
 Constabularius seu comestabularius quis, 414.  
 Constructio pulchrarum domorum, invitatio est superiorum hospitium, 227.  
 Consuetudinem peccandi difficile est evellere, 323. Consuetudinis prævæ quatuor vincula, 553

Consummatio omnis peccati superbia, 22.  
 Contemnitur pauper in iudicio, 61.  
 Contemplativa vita duplex, 205, 482.  
 Contemptu sui repellitur superbia, 25. Contemptus munerum causas mentiendi et adulandi non habet, 58.  
 Contentiosa disputatio auditores subvertit, 11.  
 Continentia et abstinentia sorores sunt uterinæ, 71.  
 Continentiæ nutrix est abstinentia, 300.  
 Contritio pro peccatis quanta esse debeat docet Christus in resuscitatione Lazari, 309.  
 Controverſiæ finis est iuramentum, 206, 290.  
 Contumeliosa et scandalosa prædicatio quamnam censetur, 16. Ex contumelia dupliciter oritur invidia, 27.  
 Conversandum non est cum malis nisi causa correctionis, 180.  
 Conversatio maiorum maxime cavenda est, 178.  
 Cor hominis profundum est et inscrutabile, 194. Cor nostrum sanctissimæ Trinitatis trichinium est, 245. Cor unicum custodire difficultis est quam corpus, 262. Cordis munditiam fides inchoat, spes et charitas consummant, 262.  
 Cornu bellicum quid sit, 415. Cornua duo habet superbia, 22. Cornua altaris duo quid significant, 80. Cornua mitræ prælati quid significant, 115, 429.  
 Corpori humano tria debentur, 297. Corporis membra omnia sibi vindicat superbia, 25. Corpus Christi majori cum reverentia conficitur præsentè diacono, 157. Corpus nostrum ex natura sua vestium mollitiæ non eget, 224.  
 Correctio fraterna e mmenatur, 254.  
 Corruptum est iudicium iudicis munerum captantis, 61.  
 Crates Thebanus ad philosophiam accedens opes omnes suas abiicit, 54.  
 Criminaliter peccat prælatus peccator etiam occultus si prædicaverit, 16.  
 Crocodilus, 445.  
 Crucifigit denuo Christum qui indigne enim in anari sumit, 85. Ex crucifixis eligendi sunt Ecclesiæ prælati, 98.  
 Crudelem esse, est hominem diffiteri, 252. Crux quatuor modis portatur, 271. Crux in angaria portatur triplici de causa, 171.  
 Culpam agnoscere ubi culpa non est, bonarum mentium est, 191. Culpam peccantis totam persequi non modica culpa est, 219, 252. Culpæ somnus triplex est, 218.  
 Cultus. Obcultum Dei propagandum instituta sunt beneficia ecclesiastica, 91.  
 Cupiditas plures peccatorum complectitur species, 48.  
 Cupiditas radix omnium malorum, 48. Non cupiditatem solum sed omnem ejus occasionem vitare debemus, 51.  
 Cupiditatem pariunt ad nutriunt divitiæ, 48. Cupiditas sacerdotum peperit venalitatem missarum, 77. Cupiditas monstruosa est beneficia plura retinere, 91. Cupiditas insatiabilis est, 579.  
 Cuppa quid sit, 481.  
 Cura non minori regitur vita humana in hoc mundo quam navis in mari, 17.  
 Curiositas vestium superflua suggillatur, 221. Curiositatem matris suæ qua arte Romanus adolescens eluserit, 90.  
 Currere ad unctum quid sit, 402.  
 Currus Eliæ quatuor habet rotas, et quas, 149, 274.  
 Currus spiritualis seu quatuor virtutum fuscæ explicatur, 518.  
 Cyriacus diaconus acceptionem munerum, et Simoniam detestatur, 57, 107.

## D

Dædalini qui sint, 492.  
 Dæmones quidam præsentem taciturnitati, quidam autem garrulitati, 164. Dæmones si fidem habent, mortua est, 240. Inter dæmones ille maxime laudatur qui monachum subverterit, 35.  
 Damaratus philosophus solus ausus est Xerxi regi verum dicere, 41, 116.  
 Daniel et Jeromias in pueritia prophetaverunt, 158.  
 David in humilitate præsertim commendatur, 55. David munerum acceptionem refugit, 56. David erga benevolos suos maxime gratus semper existit, 304.  
 Debilita illicita et si iuramento confirmata de patrimonio Christi non sunt solvenda, 183.  
 Decanus quidam subditum suum quomodo cum confusione repulerit, 91.  
 Defunctorum animabus in purgatorio prode tmissæ sacrificium, 81. Defunctorum sola comes est misericordia, 235.  
 Dejectio superbum sequitur, 56.  
 Democritus continuo ridebat, 503.  
 Demosthenes linguam habuit venalem, 57. Demosthenes fuit viva vox juris, 164.  
 Desideria naturalia finem aliquem habent, 49.

Desiderare non necessaria est vanitas, 304.  
 Desperandum non est de ullo homine dum adhuc est in via, 242.  
 Detractio etiam in verum dicente quomodo deprehendi potest, 52. Detractio acrius charitatem lædit quam cætera vitia, 55. Detractio occulta perniciosior est quam manifesta, 55. Detractio non audienda, 365. Detractione peior est adulatio, 115. Detractione et adulatione homo sicut aurum in fornace probatur, 115. Detractionis mater est invidia, 29. Detractionis dens quis sit, 362.  
 Detractores non erunt si desit auditor, 52. Detractores porcis et canibus comparantur, 166. Detractorum tria sunt genera, 52, 53. Detractorum pena triplex, 35.  
 Detrahere præsentis levius crimen est quam absentis, 40.  
 Deus. Dei verbum de frigidò pectore erumpens auditor non inflammat, 15. Dei intuitu advocatum agere laudabile est, 155. Deis solius intuitu danda est elemosyna, 258.  
 De Deo pauci debent esse sermones nostri, 11. Deo nihil ita displicet sicut cervix erecta post peccatum, 22. Deo qui fenerator centuplum accipit, 150. Deo coacta servitia non placent, 257. Deo consecrata in usus profanos non sunt transferenda, 423. Deo singulariter loquimur, hominibus autem pluraliter, et quare, 117, 43.  
 Deum solum, non autem amicum proferendo sententiam iudex in mente habere debet, 62. Nec Deum nec homines respicit ambitio, 140. Inter Deum et hominis mediator esse debet prælatus, 149. Apud Deum non est personarum acceptio, 172. Deum nemo tentare debet, 198. Deum abnegare insipientia est consummata, 240. Deus prohibet ne lingua prædicare presumat cui obviat conscientia prava, 45. Deus pensat quo quis animo beneficium impertitur, 124. Deus in lege Moysi duodecim tantum personas exclusit a contractu matrimonii, 158. Deus insipientem sacerdotem raro sapientem facit, 144. Deus solus hypocritam deprehendere potest, 194. Deus in extremo iudicio omnia exprobrabit, non autem commissa, 217. Deus proprie dicitur charitas, 241.  
 Diabolus primum hominem tentavit tribus modis, 48. Diabolus mutuo ad usuram homini suggerit peccatum, 150.  
 Diaconi ac sacerdotes debent esse scientia et moribus perfecti, 157. Diaconi officium non est prædicare ex auctoritate, 157. Diaconi septem a B. Petro apostolo sunt ordinati, 437. Diaconis debetur prima manuum impositio, 157. Diacono præsentè majori cum reverentia conficitur corpus Christi, *ibid.* Diaconorum qualis esse status debet, 156. Diaconus paratus esse debet sacerdotem ad martirium, et ad evangelizandum sequi, 157. Diaconus in majoribus ecclesiis deesse non debet, *ibid.*  
 Difficile est sine impedimento orare, 289.  
 Dignitas. Qui dignitate præest, præsit et morum honestate, 98. Dignitates sæculi vel habitæ, vel concupitæ generant superbiam, 24. Ad dignitates ecclesiasticas perveniendi via quadruplex, 97. Dignitates ecclesiasticæ non cognationis et carni, sed moribus conferendæ sunt, *ibid.* Ad dignitates ecclesiasticas qui illegitime promoveniunt, similes sunt sacerdotibus Jeroboam regis, 98. Dignitates in primitiva Ecclesia sola virtus obtinebat, 141. Dignitates plures ecclesiasticas occupare damnosum est, 88. Dignitatum ecclesiasticarum pluralitatem arguit triplex unicitas, 93.  
 Dilatio confessionis magnum ruinam parit, 171.  
 Dilectione fervens B. Magdalena pedes Christi post resurrectionem tangere non permittitur, et quare, 14. Post dilectionis trinam confessionem B. Petrus toti Ecclesiæ præfectus est, 145.  
 Diogenes divitias contemnens Aristippum regium Dionysii Siculi irridet, 31, 381. Diogenes amentiam hominum assidue debebat, 246.  
 Disputationes nimium effusæ plus strepitus habent, et minus utilitatis, 7. Disputandi modus exigit ut sine lite et contentione fiat, 11. In disputationibus theologiarum non est clamandum de frivolis, 7, 544. In disputationibus præproperum esse respondentem turpe et periculosum est, 12.  
 Distinctio inter traditiones licitas et illicitas, 207.  
 Dives, Divitiæ. Dives qui necessariis contentus non est, lupus est, 45. Dives quo plura habuerit, eo plura desiderabit, 49. Divites superflua sua pauperibus obligantur erogare, 46. Divites multis indigent, 46. Inter divites computantur qui divitias concupiscunt 155. Divites facie in lites veniunt, 446.  
 Divitias superbia et cupiditas comitantur, 24. Divitiarum modus quis sit, 45. Divitias sequitur adulatio, 115. Divitiæ cum possidentur, non possunt non amari, 41. Divitiæ effeminatos et molles nutriunt, non autem fortes viros, 42. Divitiæ pariunt et nutriunt cupiditatem, 48. Divitibus nemo verum dicit, 45, 116. Divitibus dare, perdere est, 122. Divitibus ideo omnia licent, quia omnia possunt, 160.



Divina officia triplicem ob causam celebrantur, 71. Divina officiamelius est mittere, quam in ligno celebrare, 71. Doctor. In doctore doctrinam et prædicationem bona vita præcedere debet, 13. Doctorem esse prælatum decet, 146.

Doctrina viri ir. patientia consistit, 154.

Dolo adulationis Adam subversus est, 115. Dolus suus nemini debet patrocinari, 127.

Domo (ex) sua hominem tria expellunt, 151, 300. Domorum superbarum aduicatores gygantibus turris Babel comparantur, 226.

Dona Spiritus sancti variis varia conferuntur, 91.

Dormire. Sic dormiat caro nostra, ut mens in Christo vigilet, 218.

Dubius testis non manet impunitus, 195.

## E

Ebrietas libidinem accendit, 298. Ebrietas infinita parit mentis, 300.

Ecclesia, Ecclesiasticus. Ecclesia quando incæperit possidere divitias, 140. In Ecclesia primitiva sola virtus dignitates obtinebat, 141. Ecclesia castrorum acies dicitur, 142. Ab Ecclesia sua in maioribus solemnitatibus prælati abesse non debent, 132. Ecclesia hoc tempore magis innititur bonis operibus, quam miraculis, 199. In Ecclesia diversarum personarum sunt diversa officia, 202. In Ecclesia qui artifices sint necessarii, et qui non, 225. Ecclesia una constat ex pluribus personis multarum facierum, 282. Ecclesiam nihil ita destruit, quam clericis laicos videre meliores, 59, 151. Ecclesiam fraudare sacrilegium est, 508. Ecclesiarum quarumdam erga beneficandos mos laudabilis, 424, 429. Ecclesiasticorum reprehenditur avaritia, 69. Ecclesiasticorum officiorum venalitas suggillatur, 316. Ecclesiasticum beneficium quando licet conferre consanguineo, 422. Ecclesiasticum beneficium conferendum non est indigno, 421. Ecclesiastica monstra quando orta, 47. Ecclesiastica ornamenta et vasa sacra quando vendi possint, 425, 100.

Ecclesiæ stipendiis non debent sustentari, qui bonis parentum possunt alii, 417. Ecclesiæ pax in ratione dati et accepti consistit, 69. Ab Ecclesiæ primitivæ instituto quantum recedunt sanguinitas, 111. Ecclesiæ civitas, murus, et columna esse prælati debet, 147. Ecclesiis pluribus satisfacere unicuique minister non potest, 40. In Ecclesiis maioribus diaconus deesse non debet, 157.

Effectum baptismi impedit peccatum mortale, 200. Effectum orationis quid impedit, 290. Effectus invidiæ fratrum odium est, 27. Effectus pacis quis sit, 266. Effectus orationis quis sit, 288.

Electio illegitima ad dignitates similis est altari idoli Belis, 66, 99. Electio canonica multiplex in veteri testamento, 99. Electionem jactu sortium fieri non permittit Ecclesia, 193. Electionis definitio, 99. Electionis canonice sinceritatem tria impediunt, 97.

Electio pax comparatur, 513.

Eleemosyna quibus, quomodo, et quo ordine facienda, 125, 156, 157, 310. Eleemosyna filia est misericordiæ, 256. Eleemosyna danda est solius Dei intuitu, 258. Eleemosynam sibi a sacerdote Simoniaci factam abiecit Stephanus abbas, 119. Eleemosynarum quatuor sunt species, 259. Eleemosynæ ex illicite acquisitis non sunt faciendæ, 121. Eleemosynis pauperum derogat superfluis ædificiorum sumptus, 226.

Elephas. Inter elephantes excellentior cæteros omnes prælit, 142.

Eliseus indigentis viduæ vasa implevit oleo, 122.

Ementes et vendentes ex templo Christus bis eiecisset legitur, 75, 98.

Emplastro sordidissimo sordidissimum vitium superbia curatur, 25.

Endromis vestis, 431.

Ephod Gedeonis quid præfiguraverit, 115, 121, 335.

Ephron nomen in Ephrem versus est, 586. Ephron cur potius accusatur ob venditionem terræ consecrandæ quam Ornan, 987.

Episcopi tot quot Argus oculos habere debent, 23. Episcopatus duobus duo præficiuntur, non unus tantum, 392. Episcopi vocantur presbyteri qui sunt in privata ecclesia, 352. Episcopi olim papæ dicebantur, 482. Episcoporum officiales triplices, 395. Episcoporum per officiales iniusta pecuniarum a pauperibus exactio, 65. Episcopus in missa cur dicit Pax vobis, 263.

Epistolæ canonice quæ sint, 564. Epistolæ ad Romanos primum caput olim in 4 capita secabatur, 507.

Eremita quidam mira industria superbiam fugat, 25. Eremita quidam plenum laqueis mundum videt, 55. Eremita quidam violenter in sacerdotem ordinatus nunquam

celebravit, 85. Eremita quidam Athanasii papæ pro fide exsulantis causam tuetur, 165.

Error non modicus est minus bonum præponere majori, 216.

Esau venator sublimia per superbiam appetens a Deo reprobat, 57. Esau gastrimargos præfiguravit, 301.

Evagrius eremita comes S. Hieronymi, 538.

Evangelio pauci obediunt, 206. Evangelium Lucæ olim in quot capita divisum, 457.

Eucharistia sacramentum omnium gratiæ Christum continet, 75. Eucharistiam sumere omnium est Christianorum, conficere autem, paucorum, 77. Eucharistiam indigne conficientes vel sumentes reprehenduntur, 82. Contra eucharistiam turpiter erravit Manichæus hereticus, 215. In eucharistiæ consecratione etiam viget Simonia sacerdotum, 76. Exaltatio humilitatem sequitur, 40.

Excommunicatus ab episcopo proprio ab eodem debet absolvi, 430.

Exempla humilitatis plura recensentur ex Scripturis sacris, 37. Exempla a bonis sumenda sunt, 80. Exempla sacre Scripturæ multis probatur quam detestanda sit numerum acceptio, 54. Exempla multis probatur peregrina ignis et aquæ judicia inerta esse, 201. Exemplo quantum bonus prælatus prodest, tantum indoctus nocet silentio, 16, 146. Exemplo et verbo paupertatem Christus commendavit, 41. Exemplo Christi parentum carnalis affectus fugiendus est, 181.

Excommunicatus ab inferiori prælato non potest absolvi a superiore nisi cognita causa, 112.

Exemptio sui, a jurisdictione prælati ordinarii vitanda est, 112. Exemptio abbatum ab episcopi diocesis imprecatur, 114.

Ethortatio ad accelerandam poenitentiam, 325.

Ezechiel anno 50 incæpit prophetare, 158. Ezechielis prophetæ liber olim in quot versus dividebatur, 487.

## F

Fabros ferrarios a populo Israelitico amoverant Philistini, 145.

Facies Dei primaria est ejus divina essentia, secundaria autem sensus Scripturæ sacre, 9. In Dei faciem conspuit superbia, 22. Faciem naturæ in homine maxime deturpat fornicatio, 256, 301. Facies hominis multiplex, 256. Facierum plurium missæ improbantur, 79.

Facundia obmutescit ubi ægra subest conscientia, 11. Facundia, scientia, et vita in prædicatore requiruntur, 16.

Felix. A beato Felice abbate prædicatio impetrari non potest, et quare, 14.

Fallunt frequenter peregrina ferri et aquæ judicia, 197.

Falsitatem loqui, et veritatem facere, æqualis est impietas, 163.

Familia. In familia magna varia sunt officia, 91.

Familiaris inimicus perniciose res, 116.

Fastidio sui laborat stultus et incostans, 196.

Favore principum saepe indigni ad dignitates promoventur, 143.

Fenerator Deo centuplum accipiet, 150. Fenerator esse pejor diabolo ostenditur, 131. Feneratores a communione sacramentorum et ab ecclesiastica sepultura arcendi sunt, 52. Feneratores diabolo assimilantur, 150. Feneratores anathemate feriuntur, 132. Feneratores et heretici perdicibus immundis comparantur, 132. Feneratores qua dupliti peccantur poena, 155. Feneratores maluit esse bonorum suorum donatores quam restitutores, 153. Feneratori olim osculum pacis in missa non dabuntur, 131.

Ferculum. In ferculo triplici seipsum convivis suis Christus apposuit, 86. Ferculorum in una mensa superflua est varietas, 220.

Ferri et aquæ peregrina exploduntur indicia, 200. Sicut ferrum igne et malleo, sic peccatum debet tribulatione purgari, 319.

Feuda inferioris domini, superioris domini imperio non subsunt, 108.

Fidei, quam cæterarum virtutum major hodie est defectus, 238. Fidelibus defunctis in purgatorio missæ prodest sacrificium, 81. Pro fidelibus defunctis missa sicca non solet celebrari, 81. Fides est prima mater virtutum, 257. Fides ex solo Deo est, 237. Fides a sola gratia habet originem, 257. Fides peperit Salvatore, 258. Fides magna est in tribus, 241. Fides veritatis simplex præstantior est quibusvis philosophorum astutiis, 257.

Fiduciam omnem suam in Deum referre debet pauper prædicator, 155.

Figmenta peccatorum varia, 79.

Filia invidiæ detractio, 50. Filia charitatis sunt omnes virtutes, 24.  
 Filiorum est vigilare, servorum autem dormire, et pigrescere, 218.  
 Finibus duobus opus omne concluditur, 71. Finis omnis controversiæ est juramentum, 206.  
 Fiscus quid tollit, 445.  
 Flagellum penitentia ex quatuor virgis componitur, 316. Flagello vendentes et ementes ex templo Christus bis eiecisse legitur, 75, 98.  
 Fomes et nutrix superbiæ adulatio, 117.  
 Forma corporis venusta sæpe prodit superbiam, 24.  
 Fornicandi præbere opportunitatem cum impedire possis, peccatum mortale est, 250.  
 Fornicatio quid sit, et quam grave est crimen, 301.  
 Fortitudinis est tolerare patienter adversa, 284. Inter fortitudinem et patientiam quæ sit differentia, 275. Fortitudinis mater est magnanimitas, 285. Fortitudo comes est penitentia, 318.  
 Fortunæ talentum prohibet Deus dare adusuram, 150.  
 A fortunæ donis oritur superbia, 23.  
 Frenum in ore ob taciturnitatem anachoreta quidam semper gestavit, 168.  
 Fraternalis correctio species est misericordiæ, 534.  
 Fraus omnis in se conversa collidit, 234.  
 Frequenter jurans sæpe labitur in perjurium, 168.  
 Frugalitatem exigit philosophia, 47.  
 Fugiendæ sunt occasiones peccati, 171.  
 Fundamentum prædicationis est sanctitas vitæ et conversatio bona, 15. Fundamentum sanctitatis humilitas, 40.  
 Fundamentum religionis est taciturnitas bona, 166.  
 Fure pejor est fenerator, 151.  
 Furem esse minus est quam latronem, 100, 108.  
 Furseus (B) a feneratore tunicam donativam accipiens lepra percutitur, 120, 135. Beatus Furseus, 434, 444.  
 Furio participatur multis modis, 486. Furtum est et rapina plura beneficia retinere, 93, 166.

## G

Galfridus Clarevallensis episcopatum respuit, 141. Galfridus Peronensis, 448.  
 Gallia monstris non caret, 92.  
 Gallinæ debet prædicator assimilari, 170.  
 Ganeo quis sit, 441.  
 Gariones qui sint, 598, 497.  
 Garrulitati quidam demones præsent, et quidam taciturnitati, 164. Garrulitatis malæ quatuor sunt causæ, 167.  
 Gastrimargi, peccatores terræ dicuntur, 22. Gastrimargia sobrietatem perimit, 297. Gastrimargiæ quanta sit pernicies, 298.  
 Gedeon accensis luminaribus contra Madianitas pugnabat, 16. Gedeon judicare populum Israel noluit nisi divinitus signo accepto, 147. Gedeoni in ruinam familiæ suæ versum est Ephod quod sibi paravit, 113, 121, 333.  
 Gehennæ æternæ consideratio peccatores ad penitentiam accelerandam excitat, 526.  
 Genealogia filiorum Adam, 348.  
 Genera detractorum tria, 32. Genera detractorum duo, 33. Genera humilitatis malæ sunt duo, 37. Genera spiritualium sunt quatuor, et quoniam ex his vendi possunt, 100, 425. Genera persecutorum sunt duo, 115. Genera monachorum solitariorum sunt tria, 188.  
 Generis (a) nobilitate nascitur superbia, 24. Generis nobilitas indignos ad dignitates promovere solet, 145.  
 Generositas animi prælato maxime necessaria est, 146.  
 Gengulphi (S.) uxor cum clerico adulterata qualem sortita est pœnam, 407.  
 Genus hominum vende sunt advocati, 133.  
 Gerardus (S.) Cameracensis episcopus, 485.  
 Gezi ob munus receptionem lepra percutitur, 57.  
 Gezitica lepra et Simonia in quo differunt, 102. Gezi et Simonis turpis Simonia, 74. Gezi, Chore, et Simon sinceritatem canonicæ electionis impediunt, 97. Gezi et Simonis sequacium sententia damnabilis, 407.  
 Gigantibus antiquis comparantur curiosi, 8.  
 Gilbertus Porretanus episcopus Pictaviensis errores abjuravit, 429.  
 Gladius occultus est adulatio, 117. Gladium a sanguine prohibere quid sit, 155.  
 Gloria vana quid sit, 49. Gloria æterna in duobus consistit, 332.  
 Gloriosius in principe nihil est clementia, 252.  
 Gnato quis sit, 455.  
 Gomor Unum gomor mannae in populo Israelitico cuius sufficiebat per diem, 78.  
 Gradus acquirendæ et conservandæ humilitatis sunt tres, 53.

Grammaticæ leges confundit adulatio, 117.  
 Gaudimontensis ordo sub Regula sancti Benedicti in Lemovicensi diocesi, 484.  
 Gratia eximia est hospitalitatis inter cæteras virtutes, 295. A gratiæ divini dono frequenter oritur superbia, 24. Gratiæ tantum, et non sanguini exhibenda est misericordia, 125. Gratiæ et naturæ talentum jubet Deus multiplicari, 150.  
 Gratiani Decreta prohibita haberi in claustris Cisterciensium, 477.  
 Gratuitum non est quidquid ob lucrum vel operam locatam datur, 114.  
 Gravius nihil cuiquam imprecari potest quam avaritia, 51.  
 Gregi suo pastor bonus verbo et exemplo præsens adesse debet, 96.  
 Gregorius (S.) tricenarium fieri pro defunctis instituit, 407.  
 Gubernatori navis nauseabundo simili is est curiosus prædicator, 17.  
 Gula quid sit, 49. Gula libidinem fovet, 298. Gula quatuor habet satellites, 298.

## H

Habitus. Ab habitu interiori et exteriori quandoque oritur superbia, 25. Sub habitu vili quandoque delitescit superbia, 24. Habitus exterior signum est compositionis interioris, 96. Habitus monachi non splendeat, 493.  
 Hædus. Cum hædis munerum acceptores in iudicio extremo collocabuntur, 60. Hædum furtivum domi suæ retineri Tobias senior prohibuit, 119.  
 Hæreditas feneratorum vix ad tertium hæredem transit, 135.  
 Hæreticorum mallei S. Augustinus et S. Hilarius, 5. Hæretici et feneratores perdicibus inmundis comparantur, 132.  
 Harpyæ quid sint, 180.  
 Hebdomadæ dies a clericis per ferias debent numerari, 405.  
 Heli Silonites pro peccatis filiorum morte punitus est, 190.  
 Helvidius impie de B. Virgine Deipara scripsit, 143, 165.  
 Heraclitus philosophus semper fesehat, 505.  
 Hierarchia angelorum a Deo instituta, 111.  
 Hieronymus (S.) histrionum fautores ad clericatum promovendi prohibebat, 129. Monachis affectum carnalem in parentes vetat, 185. Eremiti solitudinem commendavit, 185. Quam reverenter martyrum templa visitavit, 405.  
 S. Hieronymi de Helvidio sententia, 450, 463.  
 Hilarionis (S.) cellula cuius formæ, 494.  
 Hilariter psallentem et orantem Deus diligit, 207.  
 Hildebertus Cenomanensis episcopus, 502, 411, 418, 482.  
 Histrion nullis hominum usibus aptus est, 129. Histrionibus munera dare, demonibus immolare est, 129. Histrionicus habitus Christianum non decet, 225.  
 Homagium quid sit, 428.  
 Homicidii et proditionis mater invidia, 29. Homicidium par crimen est adulterium, 301.  
 Hominem de paradiso fugavit superbia, 21. Hominem ex domo sua tria eiecit, 150, 300. Homines a lupis prævisi obmutescunt, 57. Nec homines, nec Deum respicit ambitio, 140. Homines dum docent, discunt, 178. Homines arcuati qui dicantur, 369. Homini diabolus mutuo ad usum suggerit peccatum, 150. Homini a peccato quadruplex est lavacrum, 508. Homini in infirmitate difficile est de peccatis pœnitere, 325. Hominis sepulcra sunt quatuor, 228. Hominum genus triplex paupertatem simulat, 126. Hominum venale genus sunt advocati, 135. Hominum positiva iustitia nihil soliditatis habet, 156. Hominum mores tria maxime corrumpunt, 140. Hominum sensualitati sacra adversatur Scriptura, 211. Hominum et porcorum viscera magnam habent inter se similitudinem, 506. Homo saccus est stercorum, 39. Homo quomodo dicatur risibilis, 176. Homo multiplicem habet faciem, 256.  
 Honestate morum præsit quisquis præest dignitate, 98.  
 Honores ac divitiæ non sunt amicitia anteponendæ, 62. Ad honores ecclesiasticos dum Ecclesia censu caruit, nemo aspirabat, 140. Honores ecclesiastici cum magno animæ periculo acquiruntur, 141.  
 Honorificentia quid sit, 172.  
 Horam mortis debemus assidue meditari, 321. Hora mortis nobis incerta est, 324.  
 Hospitalitatem exemplo suo commendavit Abraham et Lot, 295. Hospitalitas filia est misericordiæ, 292.

Hugo abbas Cluniacensis, 533.  
 Humanitati nihil est affinius clementia, 252.  
 Humanus. In humanis negotiis sequenda sunt exempla prudentium, 210.  
 Humilitas, 367, 569. Humilitas omnia vitia enervat et omnes virtutes colligit, 25. Humilitas superbiæ adversatur, 54. Humilitas via vitæ nuncupatur, 55. Humilitas quadruplex, 57. Humilitas non animo solum sed eunctis corporis membris est exhibenda, 58. Humilitas sanctitatis fundamentum, 40. Humilitas Christi docet contentos esse debere humilibus habitaculis, 227. Humilitas obedientiæ mater est, 285.  
 De humilitate laudem appetere, humilitatis subversio est, 514. Humilitate sua scholam celestem Christus in terris erexit, 54. Humilitatem sequitur exaltatio, 58. Humilitatis acquirendæ et conservandæ gradus sunt tres, 55. Humilitatis malæ duo sunt genera, 57. Humilitatis exempla ex Scriptura sacra, 57. Humilitatis collectanea est mansuetudo, 40. Humilitatis nutrix est paupertas, 154. Hypocrita est qui aliud loquitur et aliud facit, 15. Hypocrita est quisquis humilitate caret, 58. Hypocrita sterquilinio comparatur, 59. Hypocritæ jejunium Deo detestabile est, 296. Hypocritam solus Deus agnoscere potest, 294.  
 Hypostasis omnium virtutum fides est, 258.

## I

Idololatra est omnis avarus, 51.  
 Ignavia et acedia impediunt orationem, 289.  
 Igni purgatorii æquipollere debet præsens poenitentia, 518. Igni sacro comparatur usura, 151. Ignis sacer quale malum, 442. Ignis æterni consideratio peccatores ad accelerandam poenitentiam instigat, 226.  
 Ignorantia falsa æquipollit errori, 215. Per ignorantiam non censetur peccare sacerdos, 144. Ignorantiæ fomes est adlatio, 117.  
 Illicite acquisita non sunt offerenda in sacrificium, 121.  
 Impatientia viris potentibus solet esse familiaris, 154. Impedimenta canonicæ electionis sunt tria, 97. Sine impedimento orare diu et psallere difficile est, 289.  
 Impietas tanta est veritatem tacere quam Edsum loqui, 165.  
 Impenitens prædicans, etiam ex officio mortaliter peccat, 16. Impenitentibus neganda sepultura, 582.  
 Imprecatio omnium gravissima est ut quis incidat in manus diaboli, 151.  
 Improbus cum solus est mala agitât consilia, 287.  
 Impunitas malæ, 405.  
 Incantationum effectus in parvulis, 368.  
 Incessus. In incessu superbia dignoscitur, 26.  
 Incestus quarti gradus minus crimen est quam adultærium, 547.  
 Incompositio exterior incompositionem interiorem designat, 26.  
 Inconstans comparatur arundini vento agitatæ, 196. Inconstantia rnorosos comitatur, *ibid.* Inconstantia mulierum est, *ibid.* Inconstantia mentis membra corporis præbet inquietata, 197.  
 Indicia superbiæ in adolescente, 26.  
 Indignæ promotionis quatuor causæ, 145.  
 Infamix notam incurrit qui in diversis regionibus curam suscipit animarum, 91.  
 Inferno, ac vulvæ meretricis comparatur avaritia, 52. In inferno feneratoros aut bullienti potabuntur, 155.  
 Infideles quibus comparantur, 259.  
 Infirmitatis dolores vix admittunt memoriam de poenitentia, 525.  
 Ingratitudinis vitium Deo et hominibus est odiosum, 504.  
 Inimicus familiaris perniciosissimus, 116.  
 Iniquitatem totius populi portabunt prælati, 139.  
 Iniquitas sua unicuique pena est et patibulum, 254.  
 Injuria. Ex injuria dupliciter nascitur invidia, 27.  
 Innocentia vitæ est fundamentum omnis scientiæ, 15.  
 Inopix remedium, 45.  
 Ab institutis primitivæ Ecclesiæ quantum recedant sanguinitæ, 109.  
 Instrumenta musicalia a lascivis periculose audiuntur, 225.  
 Interpretes sacre Scripturæ debent de celestibus negotiis prudenter tractare, 12.  
 Interpretatio Scripturarum non debet pendere a voluntate nostra, 210.  
 Introitus missæ, condimenta varia, 405.  
 Inventa quando possunt dari pauperibus, 452.  
 Invidia etiam Spiritum sanctum persequitur, 27. Invidia, sicut et superbia, indicii quibusdam manifestatur, 28.

Invidia homicidii ac proditionis mater, 29. Invidia rarisie exstinguitur, quin rursus pullulet, 29. Invidia quam detestabilis, 29. Invidia et superbia quædam sancta est, 50. Invidia, 560, 561.  
 Iram vincere majus est quam civitatem sibi subjicere, 250.  
 Irasci hominis est, 54.  
 Isaias et Jeremias renes succincti prædicare jubentur, 16, 297. Isaiæ prophetiæ quot oim erant capita, 539.  
 Invidus est omnis avarus, 51. Invidiæ mater superbia, 27.  
 Ivo Carnotensis librum Decretorum ad pedes projecit quasi inutilem, 158, 382.

## J

Jacob patriarcha ob humilitatem a Deo diligitur, 57. Jacob poenitenti peccatori comparatur, 55. Jacob ob proles multiplicationem plures duces uxores excusatur, 54. Jejunii diebus semel tantum acceditur ad mensam, 78. Jejunium multiplex est, 295. Jejunium exemplo suo quinam sanctorum commendatur, 296.  
 Jeremias, et Daniel pueri prophetarunt, 158. Jeremias, Elias et alii multi solitariæ vite dederunt exempla, 188. Jericho defectus interpretatur, 17.  
 Joab invidiæ et superbiæ typum gessit, 29, 116, 117.  
 Joannes (S.) Baptista Christum baptizandum tangere veretur, 85. S. Joannes Baptista predicationem suam in choavit a poenitentia, 507. S. Joannes apostolus au fugerit relicta sindone, 456. S. Joannes elemosynarius, 505. S. Joannes Chrysostomus advocati respuit officium, 154. Job advocatus pauperum, 155.  
 Joseph non nisi probata ejus sapientia Dominus Ægypti vocatus est, 145. Joseph et Moysem prælati imitari debent, 152.  
 Josias rex auditis verbis legis levit, 150.  
 Josue terram sanctam disalceat calcare jubetur, 85.  
 Jubal musices inventor, 491.  
 Jucunditas æterna in duobus consistit, 532.  
 Juda proditore deteriores sunt sacerdotes respectu lucri missas celebrantes, 77. Juda proditore gravius peccant qui Eucharistiam indigne sumunt, 83. Judæ proditori similes sunt sanguinitæ, 109.  
 Judæorum pontificum ambitionem imitantur sacerdotes hujus temporis, 144.  
 Judex. Judicium. Judex non sit similis stateræ quæ modico pondere inclinatur, 61. Judex solum Deum, non autem amicum habeat in mente, 62. Judex ab amore, odio, et cupiditate debet esse alienus, 62. Judex Simoniacum occultum damnare non potest, 105. Judex humiliter de se sentiat, 147. Judex sit cæcus, 591. In judice maxime elucere debet elementia, 252. A judice sæculari tutelæ duas petere suspectum est, 95. Judicia nostra de oculis temeraria sunt, 192. Judicia peregrina aquæ et igni prohibentur, 197, 396, 482. Judicia peregrina sæpe fallunt, 197. Judicia peregrina nihil certi in se habere multis probatur exemplis, 201. Judicis appendicia, 591. In judicio sanguinis non est conjecturaliter procedendum, 202.  
 In judicio peregrino calumpnia manet impunita, 205. In judicio extremo Deus omnia exprobrabit, non autem commissa, 217.  
 Judicis ingenium hebetant munera, 61. Judicium temerarium oritur ex superbia vel invidia, 195. Judicium justum judex si vendat, Simoniacus est, 155. Judicium pervertitur quadrupliciter, 592. Ex juramento frequenti sæpe labimur in perjurium, 168, 290.  
 Juramentum tres habet comites, 291. Juramentum non prohibetur ut malum, 559. Jurare quando liceat, 290. Jurare Christianum non decet, 211, 290.  
 Juste acquiri, ac retineri quæ bona possint, 118.  
 Justis sæpe pro vitæ sanctitate subrepiit superbia, 21.  
 Justitia humana nihil habet soliditatis, 156. Justitia qui sit, 277. Justitiæ officium est cohære superbiæ, 277.  
 Juventus attendenda est in sacerdote ordinando, 85, 161. Juventus duplex, 412.

## L

Laban impostor prælatos Ecclesiæ munerum captatores præfiguravit, 59.  
 Labium æneum in introitu tabernaculi quare positum, 16.  
 Labor multiplex, 219. Laborem poenitentix præcellere humilitas debet, 55. Laborem naturæ convertunt boni in laborem gratiæ, mali autem in laborem culpx, 220.  
 Lacedæmones (in) bellum parans Xerxes ab auticis adulatoribus decipitur, 44.

Lacrymæ pœnitentiæ calicem altaris faciunt dulciorem, 84. Lacrymæ quædam laudabiles, quædam autem sunt vitiosæ, 245. Lacrymæ multiplices, 585.

Lacti coagulatio comparatur superbia, 25.

Laicos Teutonicos sermo B. Bernardi ab alio recitatus adfletum commovet, 14. Laicos clericis esse meliores maxime destruit Ecclesiam, 39, 151.

Lamech bigamo detestabilioris sunt qui plures in Ecclesiis dignitates usurpant, 95.

Lamentatio, carmen, et vix, quid sint, 15.

Lanfrancus, 339.

Laqueos mundi evadet sola humilitas, 53.

Lascivus. A lascivis instrumenta musicalia periculose audiuntur, 225.

Lateranense concilium, 445.

Latrato prælatorum lupi a grege debent arceri, 162.

Latro est qui in administratione spiritualium lucrum temporale sectatur, 75. Latronem esse pejus est quam furem, 100, 108.

Lavacrum hominis a peccato quadruplex, 308.

Laudabile est Dei intuitu advocatum agere, 133.

Laudari a turpibus ita turpe est sicut laudari ob turpia, 129.

Laude et vituperio homo sicut aurum igne probatur, 115.

Lazarus. In Lazari resurrectione docuit Christus quanta debeat esse peccatorum contritio, 308. Lazarum pauperem Christus nomine proprio vocavit, divitis nomen tacuit, 44.

Leccator quis sit, 441.

Legale sacerdotium olim vendere erat Simonia, 98. In lege Mosæ Deus duodecim tantum personas exclusit a contrahendo matrimonio, 158. Legem ignorare non debent sacerdotes, 144. Legem communem non faciunt privilegia paucorum, 159, 198. Leges neminem accusare obligant, 209. Leges omnes veteris testamenti umbra sunt futurorum, 157. Leges urbium telis aranearum assimilabat Agellius, 158. Leges juxta quantitatem peccatorum statuunt quantitatem pœnitentiarum, 301. Legis divinæ implenda sunt opera antequam accedat ad doctrinam, 14.

Lepra Glezitica et Simonia quomodo inter se differant, 102.

Levius crimen est præsentem detrahere quam absentem, 58.

Lex naturæ quos terminos cuique imponat, 45. Lex, præceptum, testimonium, justificatio, iudicium quomodo differant, 137. Lex positiva maxime mobilis est, 58. Lex Dei potius attendenda est quam hominum exempla, 210. Lex temporalis potest mutari, 447.

Lia Racheli ab ecclesiasticis præfertur ob avaritiam, 94.

Libanus sophista amicus Juliani Apostatæ, 535.

Libidinis nutritrix est gula, 500. Libidinosi peccatores terræ dicuntur, 22. Libidinosus porco comparatur, 236.

Libido eo plus crescit quo plus exercetur, 247. Libido facilius curatur quam avaritia, 52, 247.

Librorum superflua multitudo lectoris animum distrahit, 1, 358. Libros scribentes Dei honorem et proximi utilitatem spectent, 369. Libri Job quot olim fuerunt capita, 344.

Lingua illius sine labore prædicat cujus vitam moribus prædicat, 17. Lingua vitia succensentur, 167. Lingua venalem habent advocati, 153. In linguis igneis super apostolos eum Spiritus sanctus apparuit, 15, 152.

Lites multe solent esse divitibus, 446.

Litigantes et advocatos execrat ambitio fori, 136.

Littera quomodo meretrix, 405.

Lixivium pœnitentiæ quale sit, 316.

Locus Hypogæus subterraneus, 494.

Loquacitas mala bonæ taciturnitati adversatur, 167. Loquacitas mala quatuor causæ, 167.

Loqui adversus Deum iniquitatem quomodo intelligatur, 10.

Lucas (S.) de Hungaria moritur excommunicatus, 450.

Lucæ (S.) Evangelium in quot capita olim fuerit divinum, 457, 556.

Ludi aleorum quot mala, 401. Ludus spiritualis Wiboldi episcopi Cameracensis, 501.

Lumbis præcinctis prophetæ quatuor prædicare jubentur, 16, 297, 146.

Lupi quos prius aspexerint faciunt obmutescere, 57.

Lupo comparatur dives qui necessarius non est contentus, 45. Luporum rabies a grege duobus modis arceret, 146.

Lupus in fabula quid sit, 588.

Luxuria consumit quod congregavit avaritia, 384. Luxuriam fovet ebrietas, 299.

Luxus vestium reprehenditur, 556, 491, 221.

## M

Macula omnis peccati deletur per confessionem, 528. Maculas corporis in introitu tabernaculi Judæorum sacerdotes eluebant, 46.

Madianitas quomodo Gedeon vicit, 15.

Magnanimitas mater fortitudinis, 285. Magnanimitatis virtus maxime ad Ecclesiam prælatos pertinet, 284. Magnanimitatis exempla plura, 285.

Magnus est qui vasis fictilibus utitur quemadmodum argenteis, 48, 177.

Malitia advocatorum declaratur, 134.

Mali principii malus exitus, 158. Cum malis conversandum non est nisi causa et spe correctionis, 180. Malorum conversatio fugienda, 178, 179. Malorum omnium summa est quod vivimus exempla malorum, 210.

Malum ignotum vitari non potest, 21.

Mamillarum nuditatem reprehendit quidam canonicus Cameracensis, 485, 490.

Mammona Deus divitiarum, 41.

Mammotrecti qui sint, 479.

Mandatum. Per mandatum Dei observantiam ad Scripturarum pervenitur intelligentiam, 9.

Manichæus in sacram eucharistiam blasphemus, 215.

Manichæus Brito, 480.

Manna ad mensuram gomor cuius ex populo Israel sufficiebat per diem, 78.

Mansuetudinis etymologia, 40. Mansuetudo humilitatis collectanea dicitur, 40.

Manuissus quis sit, 549.

Marcellus (S.) Parisiensis episcopus, 489.

Manus cito nemini prælati imponat, 157.

Marcus (S.) sibi pollicem abscedit ne sacerdos ordinaretur, 85, 161. Marcus (S.) Evangelista non pollicem sibi abscedit, sed quidam anachoreta, 411.

Maria (S.) Dejara cæteris virtutibus humilitatem præposuit, 55. Quæstuarina dicitur, 377, 54.

Maria (S.) Magdalena pedes Domini resurgentis tangere vetatur, et quare, 14, 86.

Maria (S.) Magdalena turrita dicitur, 410, 536.

Maria (S.) Ægyptiaca semel solum in deserto eucharistiam sumpsit, 84. Solitaria vitæ præbuit exemplum, 188, 195. S. Mariæ Ægyptiacæ Vita a quo sit conscripta, 472.

Marrantia quid sit, 416.

Martini (S.) episcopi erga sacerdotem reverentia, 174. S. Martini episcopi de ove pium elogium, 210. Oculis ac manibus in celos super intendebat 235, 287. Eleemosynarum largitor maximus, 258. Adhuc catechumenus potius monachus, quam miles apparebat, 555.

Martyrum omnium cruciatibus atrocior est purgatorii pœna levissima, 518.

Mater homicidii et proditionis invidia, 29. Mater distractionis invidia, 29.

Materiam peccandi sæpe dat occasio, 171.

Matrimonium in tertio affinitatis gradu prohibetur, 68. Matrimonium tantum esse in remedium quomodo intelligatur, 422.

Matrona minuscula ab amatore recipiens corruptionis suspecta est, 61.

Mauritius (S.) episcopus ob levem culpam gravem egit pœnitentiam, 192, 474.

Maximillæ hæresis, 462.

Mediator inter Deum et hominem est prælatus, 149. Medicum corporalem infirmus plurius facit quam spirituales, 525.

Mediocritas in omnibus tenenda, 174. Vera mediocritas in quo consistat, 47.

Megaresenses molles convivæ, et superbi ædificatores dicuntur, 226.

Melle adulationis pauci non delectantur, 115.

Membra corporis omnia sibi vindicat superbia, 25. Membris omnibus corporis humilitas præferenda est, 58. Membrorum corporum et spiritualium inter se comparatio, 52, 111.

Mendacium vitium viscosum est, 279.

Mentes hominum emollit adulationis oleum, 115.

Mentium bonarum est illuc culpam agnoscere ubi culpa non est, 191.

Mentiendi causas non habet contemptum munerum, 58. Mentiri servorum est, non filiorum, 274.

Mercenarius est qui Deum propter aliud quam ipsum amat, 75.

Meretrix omnia membra habet venalia, 155.

Meritorium est Dei intuitu advocatum agere, 136.

Meritum audientis et vita loquentis prædicationi respondere debent, 14.

Meta. Ad metam salutis pervenire cupientes debent lumbis succincti currere, 224.

Miles unus duabus legionibus præesse non potest, 90.

Milones episcopi duo, 491.

Ministri ecclesiastici Liam Racheli præferunt, 94.

Miracula patrare etiam injustis interdum conceditur, 199, 257.

Misericordiæ avaritia opponitur, 53. Misericordia omnis impendenda est, 125. Misericordia specialis est charitatis filia, 247. Misericordia maxime commendabilis est in Deo et hominibus, 247. Misericordia plenitudo virtutum, 248. Misericordiæ duæ sunt species, 250.

Misericors non legitur ullus nisi bono fine obisse, 249.

Missa sicca, 403. Missa sicca pro fidelibus defunctis non solet celebrari, 81. In Missa cur post hostiæ consecrationem cantetur *Agnus Dei*, 265. Missa catechumenorum quæ, 407. In missa quid brachiorum extensiones significant, 405. Missæ diversarum facierum refelluntur, 79. Missæ bifaciæ similes sunt idolo Nabuchodonosor, 80. Missæ bicipites, quæ sint, 406. Missæ favorabiliores quæ sint, 408, Missæ introitus condimenta varia, 405. Missæ celebrandæ reverentia, *ibid.* Missæ oblationes a laicali persona non sunt palam recipiendæ, 408. Missæ canon major et minor quis, 407. Missam ter celebrare in festo Natalis Domini concessum est, 76. Missam celebrare semel tantum in die sacerdoti concessum est, 78. Missarum plurimum annexio non satisfacit benefactorum intentioni, 81. Missarum multiplicatio procedit ex cupiditate sacerdotum, 82. Missas qui pretio celebrant Juda proditore sunt deteriores, 77.

Mites multi sunt dum illis non contradicuntur, 517. Mitis non est qui humilis non est, 40.

Mitræ cornua duo quid significant, 113, 429. Mitræ abbatias lingulæ duæ subjectionem significant, 114.

Modestia et modus in omni opere bono servandus est, 175.

Modus intrandi in Ecclesiam catholicam quadruplex, 97. Modus varius conferendi beneficia ecclesiastica, 105, 104, 103.

Mollitiem vestium sequitur superbiz, et inconstantiz vitium, 224.

Monachis portantibus cadaver benedictoris objicit miles dicens, 455. Monachi superioribus suis majorem debent obedientiam quam canonicis, 204. Monachi vocabulum quid significet, 335. Monachis carnalem parentum affectum S. Hieronymus dissuadet, 185. Monachorum vitam solitariam Christus instituit, Joannes Baptista commendavit, 188. Monachorum solitariorum tria genera, *ibid.* Monachorum vestis non splendens, 499. Monachorum proprietatum quantum vitium, 335. Monachorum multi dum parentibus miserentur animas perdunt, 182. Monachum mente vagum S. Benedictus precibus suis a tentatione liberavit, 289.

Monasterium. In monasteriis divisiones et schismata multe pariunt traditiones, 207. In monasterium juniores viduæ non sunt admittendæ, 125.

Monasticæ quædam traditiones improbantur, 205.

Monedulis monachi proprietarii comparantur, 335.

Monialis prædicator S. Bernardus obmutescit, quare, 14.

Monoculus abbas Clarevallensis, 534.

Monstris poetarum fictiis comparantur plurimum beneficiorum retentores, 87. Monstra infinita parit ebrietas, 300.

Montanus hæreticus Catharus, 462.

Morbus ignotus non potest curari, 117.

Mores hominum tria maxime corrumpunt, 140. A moribus communioribus philosophia non abhorret, 47.

Mortaliter peccant qui hostiam sacram indigne sumunt, 84. Mortaliter peccat advocatus dives si pro patrocinio aliquid exigit, 156.

Morte calamitosa sæpius decedunt advocati, 155. Mortis horam debemus semper meminisse, 521. Mortis hora incerta est, 521. Mortui raras inveniunt amicos, 260.

Moses a munere acceptione innocuus, 55. Moses in monte Oreb jubetur calcæos deponere, 86. Moses non nisi signis pluribus acceptis ad Pharaonem accessit, 147. Moysen et Joseph prælati imitentur, 152. Moyses et Phinees acceptionem personarum fugerunt, 175. Moyses carnalem affectum vitavit, 184.

Mulcitrale quid sit, 558.

Mulier non nisi sexagenaria admittatur ad custodiam virginum, 158.

Multitudo hominum quo copiosior fuerit, eo difficilior regitur, 44, 116. Multitudo non parit peccandi patrocinium, 205. Multitudo constitutionum gravat constituentes, 204. Multitudo traditionum multos transgressores

constituit, 206. Multitudo vix punitur nisi pro furto de anathemate, 121, 454.

Mundana omnia monachis esse debent sub anathemate, 333.

Mundi pompa difficulter possunt caveri, 25. In mundi ruinam superbia et invidia simul conspiraverunt, 29. Mundi laqueos evadet sola humilitas, 55. Mundum cum Christo judicabit qui omnia pro Christo reliquerunt, 42.

Munditia cordis quæ, 511. Munditiam cordis fides inchoat, spes et charitas consummant, 262.

Munera quænam possint juste acquiri ac retineri, 118. Munera a fenatore accipere periculosum est, 155. Munera excæcant oculos judicium, 57. Munera sunt triplicia, 419. In muneribus dandis quæ consideranda sint, 124. Munerum acceptionem repulit Abraham etiam victor, 54. Munerum acceptio signum est divinæ reprobationis, 55. Munerum acceptio multiplex, 58, 120. Muros Jerusalem primus Nabuzardan destruxit, 297.

Musæ nocentes quæ dicantur, 512.

Mysteria Domini legenda sunt, opera autem prædicanda, 9. Mysteria missæ varia explicantur, 80.

## N

Nabal prælato Ecclesiæ munera captantes præfiguravit, 59. Nabal ob ingratitude a Deo percussus est, 504.

Nabuzardan magister coquorum, 375. Nabuzardan primus destruxit muros Jerusalem, 297.

Nævus quid sit, 426.

Nativitates nostræ plures sunt, 110.

Natura in usu temporarium cunctis modum præfixit, 25. Natura sepelit homines, 494, 495. A naturæ dono oritur superbia, 24. Naturæ et fortunæ compedes, 44. Naturæ lex quos terminos cuique imponit, 45. Ex naturæ eodem utero natæ sunt continentia et abstinence, 71. Naturæ et gratiæ talentum jubet Deus multiplicari, 150.

Naturalia est homini vitare incommoda, 240. Naturalia desideria finem al quem habent, 49.

Navi similis est vita humana, 17.

Necessitati pauperum eroganda est eleemosyna, non autem sanguini, 125.

Negotiis secularibus renuntiare jubentur prælati, 153. In negotiis, humanis exempla prudentum, in via salutis legem Dei attende, 210.

Nemini debet fraus sua patrocinari, 127.

Nepotes suos promovendi ad honores Anselmus doctor noluit, ne superbirent, 125. Nero imperator visus est in inferis cum suis advocatis in balneo auri bullientis, 153.

Nicolaus (S.) in eleemosynis excelluit, 258.

Nobiles aliis humiliores, 357. Nobiles falsi quæ sint, *ibid.*

Nobilitas vera quæ sit, 536. Nobilitas generis indignos ad dignitates promovere solet, 145.

Noe et Lot non in domibus superbis, sed in humilibus tentoriis habitaverunt, 225.

Nomen omne Dei ineffabile est, 10. Nomen Lazari pauperis Christus exprimit, divitis epulantis nomen tacet, 44. Nomen pastoris non meretur qui sibi commisso gregi non adest, 91. Nomine olei, et maledictionis adulatio intelligitur, 114.

Nomenclator quid sit, 441.

Notam infamiz incurrit qui in regionibus diversis curam suscipit animarum, 91.

Novæ traditiones sæpe dant materiam delinquendi, 206.

Novitas missarum procedit ex cupiditate sacerdotum, 82.

Novitiani qui sint, 480.

Nudi nudum Christum sequentes mundum cum Christo judicabunt, 45. Nudos vestire opus misericordiæ est, 294.

Numero (in) virtutum computatur qui divitias concupiscit, 155.

Nummus est generis quadruplex, 102.

Nutrix virtutum paupertas, 41. Nutrix majoris charitatis paupertas est voluntaria, 44. Nutrix superbiæ adulatio, 117.

## O

Obelus, quid sit, 559.

Obedientia, quid sit, 285.

Obedientiæ mater est humilitas, 283. Obedientiæ triplex, *ibid.* Obedientia in peccatis perniciosa, 284.

Oblatio unica Christi in cruce fuit sufficiens ad redimendum

plionem, 77. Oblationes a populo in missa factæ, indecenter a laicali persona publice recipiuntur, 408.

Obrus-a quid sit, 553.

Obscurum sordidum quodnam, 422.

Obscuriorum diversitas corpus inquinant, non alunt, 1.

Octonaria psalmi cxviii qualiter intelligenda, 502. Octonaria psalmi cxviii per versum *Gloria Patri*. Benedictini dividunt in horis, 505.

Occasionem omnem cupiditatis effugere debemus, 54. Occasiones peccati fugiendæ, 171.

Oculus peccator, si non sit prælatus, potest prædicare. Prælatus autem in mortali peccato existens non potest, 16. Occulta detractio crudelior quam manifesta, 55.

Oculos ante et retro clericus habere debet, 50, 92.

Oculorum privato maxime corpus deturpat, 92. Ob oculos mortis hora habenda semper, 321.

Odiū fratrum effectus invidiæ, 27, quam grave peccatum, *ibid*. Ab odio et amore privato debet removeri æquus iudex, 62.

Officium ecclesiasticorum avaritia sugillatur, 65. Officium episcopi tria genera, 595.

Officium prælatorum quodnam, 145. Officium advocatorum olim vile et abjectum reputabatur, 154. Officia Ecclesiæ non sunt vendenda, 396. Officium papale triplex, 171. Contra officium facit qui existens in proposito peccandi et impenitens prædicat, 16. Officia divina triplici ex causa celebrantur, 71. In officis ecclesiasticis Deus non populi frequentiam, sed devotionem spectat, 74. Officia magnæ familiæ diversa, 91. Officium boni pastoris quodnam, 96. Officia ecclesiastica turbantur cum quis se a jurisdictione ordinari subtrahit, 112.

Oculus duplex, maledictionis et adulationis est, 114. Oleo vasa vacua pauperis viduæ replet Eliseus, 22.

Omittere melius est divina officia, quam indigne tractare, 71.

Opes omnes suas Crates Thebanus ad philosophiam accedens abegit, 54.

Opera summi pontificis vituperare, sacrilegium est, 114. Operam suam advocatus licite potest vendere, 135. In opere bono servandus modus, 175.

Opportunitatem fornicandi præbere cum possis impedire, mortale est, 205.

Opus quodvis duobus terminis concluditur, 71.

Oratio sapientis debet vitæ concordare, 19. In oratione Dominica *Panis quotidianus* quis dicatur, 78. Oratio Dominica cur communioni altaris a sacerdote præmittitur, 87. Oratio duas a se debet habere, 256. Oratio quid sit, 286. Orationis effectus, 288. Orationis effectum quidnam impedit, 290.

Orare est opus maximum omnium virtutum, 286.

Ordinis in opere bono permutatio meritum mutat formam, 191, 216. Inter ordines sacros subdiaconatus de novo insertus est, 157. Ordines sacros non leviter conferant prælati, *ibid*. In ordinando sacerdote spectanda ætas, 85.

Origo superbiæ quæ sit, 25.

Origenes, sicut docuit ita vixit, 211.

Oris confessio maxima pars est satisfactionis, 511.

Ornatus verborum non requiritur dum veritas patet, 17.

Ornatus vestium reprehenditur, 536.

Ornamentum prælati est patientia, 151.

Ornan cur non reprehenditur ut Ephron ob venditionem terra consecrandæ, 387.

Oscula triplicia, 415. Osculum pacis olim feneratori non dabatur in missa, 151.

Ostiaris camera ordinandorum, nil ab ordinandis potest exigere, 425.

Ostium et via omnium Christus est, 96.

Otiosi malum, 488. Otiosi verbi definitio, 169.

Olium et quies pusillos reddunt animos, 286.

Oves quomodo pastorem sequi debeant, 96.

Oza erat de tribu Levitica, 410. Oza Levita arcam Domini tangens indigne, morte perentitur, 85, 109.

Ozias rex contra officium thui Deo offerens lepra percutitur, *ibid*.

## P

Pactio pecuniæ pro absolutione spirituali parit Simoniam, 67. Pactio omnis in spiritualium administratione abigenda, 101.

Palemon, 545.

Panis abundantia origo peccati Sodomorum, 488. Panis nomine omne necessarium intelligitur, 489. Panis quotidianus in oratione Dominica quis intelligatur, 79. Panis nomine delicia intelliguntur, 572.

Panem Sancti quoniam sunt, 519. Eorum simplicitas in vestitu, 222. Jejunia, 296.

Papa potest canones condere, interpretari et abrogare, 158. Papæ opera redarguere est sacrilegium, 114. Papæ idoneitas in quo consistat, 555.

Papale officium triplex, 171. Papatum donec Ecclesia pauper fuit nemo ambiebat papatus vacat per, 35. dies, 448.

Papirii prætextati exemplum, 456. Participatio non habenda cum detractoribus, 55. Pascha toties sacerdos celebrat, quoties ad altare accedit, 72.

Parentum affectus carnis fugiendus, 181.

Passio Christi superbis non prodest, 24.

Pastorum accusatio quando recipienda, 48. Pastor, Zacharias et Serapion eremitæ silentium commendat, 168.

Pastor ignorans præco mutus est, 155. Pastoris officium est gregi semper adesse, 91. Pastor bonus intrat per ostium quomodo intelligitur, 96.

Patientia virtutes omnes probat, 266. Patientia nutrix obedientiæ, 285. Patientia habenda, 517. Patientia circumstantia, 515. Patientia ornamentum prælati, 154. Patientia et fortitudinis differentia, 275. Impatientia quædam sancta est, 275. Patientia triplex obiecta triplici persecutioni, 271.

Patrimonium crucifixi, 125 et 456.

Patrocinium justum licite potest vendere advocatus.

Paulus apostolus (S.) in prædicatione sua ab omni numero acceptione abstinuit, quinque ob causas a subditis suis munera accipere renuit, 69, 128. Non nisi sexagenarium mulierem admittit in custodia virginum, 161.

Paulus (S.) primus eremita mortuus oravit 287. A sancto Antonio visitatur, 226, et 293.

Pauper sincerus ridet quam dives, 42. Pauper sil clericus in pecunia, dives in conscientia, 50. Pauperum rez divitibus dare sacrilegium est, 122.

Paupertatis laus, 575, 574. Paupertatem simulant triplicis generis homines, 126. Paupertas voluntaria custodia virtutum, 41. Charitatis signum, 44. Humilitatis nutrix, 154. Paupertatem Christus docuit verbo et exemplo, 44. Paupertas eos ostendit a quibus quisque ametur, 115. Paupertas Christi maxime apparuit in cruce, 55. Paupertas contempta obest, observata prodest, 154. Paupertatis prædicatori necessaria est paupertas, 153. Paupertas adulationem non invenit, 115. Paupertas viduarum sublevanda, 125. Paupertatem simulant triplicis generis homines, 126.

Pax triplex, 165. Consummatio virtutum, *ibid*. Electro comparatur, 515. Pacis effectus, 113, 114, et 266. Pax in missa datur post consecrationem et cur, 265. Feneratori non dabatur olim, 151. Pax Ecclesiæ consistit in ratione dati et accepti, 69.

Peccatum gravissimum eucharistiam indigne sumere, 85. Peccatum quod non diluitur suo pondere ad aliud trahit, 524. Peccatorum causa superbia, 21. Peccata monialium reddunt S. Bernardum mutum ad prædicandum, 14. Peccare per ignorantiam non censetur sacerdos, 144. Peccatores provocat ad penitentiam accelerandam recordatio pœne æternæ, 526. Peccatores cœli et terræ qui sunt, 216. Peccatum grave odium fraternum, 27. Peccator per humilitatem primo habet accessum ad Deum, 54. Peccatoribus bene facere et demonibus immolare par crimen est, 124. Peccat gravior fenerator quam fur, 151. Peccata audientium debet prædicator ejicere quatuor modis, 171. Peccati occasio fugienda, *ibid*. Peccati consentit qui non corripit cum possit, 189. Peccatori si testis adsit peccatum impeditur, 187. Peccatum unius saepe in totam congregationem retorquetur, 189. Peccantibus superbia est primum peccatum, et penitentibus est ultimum, 21. Peccati mortalis macula impedit effectum baptismi, 200. Peccata a confessariis non sunt leviganda, 215. In peccatis perniciosa obedientia, 284. Peccatis singulis penitentia opponit contraria remedia, 518. Peccatum isolium debet penitentia sicut ferrum igne et malleo purgari, 519. Peccati consuetudo difficulter eraditur, 523.

Pecuniarum maxime cupidi sunt advocati, 155. Pecuniæ, pœnæ et culpæ talentum prohibet Dominus dari ad usuram, 150.

Pelliparii qui sunt, 492.

Perdicibus immundis comparantur hæretici et usurarii, 152.

Peregrina aquæ et ferri judicia prohibentur, 482. In peregrino judicio calumnia manet impunita, 205, e. 198.

Perfectio angelica est non aliter sapere quam se res habet, 182.

Periculosa sunt verba quæ delectabilia, 20. Periculosum est a feneratori Conaria accipere, 155.

Perillus alicuius Phalaridis, 498. Proprio mortis commento cruciatus, 234.

Permutatio beneficiorum ob solum lucram est Simoniacæ, 198.

- Permenones qui sint, 455.  
 Personam amici exiit iudex cum personam iudicis in-  
 ducit, 62. Personarum acceptationis definitio, 172.  
 Personatus est beneficium, 415.  
 Persecutorum duo sunt genera, 115. Persecutioni tri-  
 plici trip ex patientia officienda, 271.  
 Petri Cantoris reverentia, circa venerabile sacramen-  
 tum altaris, 409. Quando hoc opus composuit nondum  
 erat monachus 354.  
 Petri Abelardi errorem convicit S. Bernardus, 454. Il-  
 licite acquisita pauperibus erogare renuit, 120.  
 Petri Blesensis contra acceptores numerum sententia,  
 598.  
 Petri de Riga Remensis clerici versus in S. Scriptu-  
 ram nondum impressi, 518 et 430.  
 Petrus Monachus abbas Clarevallensis quando obiit, 534.  
 Petrus Borcholus conscripsit epitomen genealogiæ fi-  
 liorum Adam, quod opus vocatur a Trithemio, *Breviarium*  
*Biolia*, 548.  
 Petrus (B.) non nisi post trinam dilectionis confessionem  
 Ecclesie æst præfectus, 145. Ob ætatem proveciorem  
 cæteris apostolis est prælatus, 158. Ananiam, Saphiram et  
 Simonem Magnum ob Simonie crimen graviter corripit,  
 75.  
 Pharisæicum jejunium Deo odiosum, 296.  
 Philisthai procuraverunt ne esset faber ferrarius in  
 populo Israel, 143.  
 Philosophiæ nomen odiosum 47, 177. Philosophia cœ-  
 lestis hoc promittit ut te Deo aliquid parere faciat, 6.  
 Philosophia cœlestis ab humana differt, 18.  
 Philosophos nil adeo infestat quam cum verba non  
 opera tractare dicuntur, 16. Philosophi propositum secun-  
 dum naturam vivere, 47, 177.  
 Phinees et Moyses personarum acceptationem quomodo  
 fugerint, 175.  
 Pietas dantis, non autem quantitas rei datæ commen-  
 dat elemosynam, 250.  
 Pignus quid, 557.  
 Pigritia magnum peccatum. 216. Pigritia in omnibus  
 hominibus redarguitur, maxime autem in clerico, 219.  
 Pilum quid, 492.  
 Ploratores qui sunt, 401.  
 Pœna levisima purgatorii gravior est omnibus crucia-  
 tum martyrum, 518. Pœna detractionum triplex, 55.  
 Pœna Simoniacorum variæ, 106. Pœna quibus Choritzæ  
 variè afficiuntur, 109. Pœna usurariorum quadruplex,  
 153. Pœna arbitraria peccatis injungunt confessorii, 215.  
 Pœnitens non est, nisi qui se sentit patientem, 270.  
 Pœnitentibus periculosa est præteritorum voluptatum  
 recordatio, 517. Pœnitenti tria præcipue debet injungere  
 confessorius, 171. Pœnitenti avaro injungenda est pecu-  
 niæ in pauperes erogatio, 55. Erga pœnitentem quomodo  
 se debet gerere confessorius, 171.  
 Pœnitentiæ laborem debet præcedere humilitas, 55.  
 Pœnitentiæ duas habet manus, 219. Pœnitentiæ flagellum  
 componitur ex quatuor virgis, 516. Pœnitentiæ est anti-  
 dotum contra omnia peccata, 307. Ad pœnitentiæ perfec-  
 tionem quatuor sunt necessaria. 506. Pœnitentiæ diffe-  
 rens usque ad diem mortis raro vere pœnitet, 517. Pœni-  
 tentiæ comes est fortitudo, 518. Pœnitentiæ debet æqui-  
 pollere igni purgatorii, 518. Pœnitentiæ ob septem cau-  
 sas est acceleranda, 325. Pœnitentiæ sequitur præcipitum  
 sermonem et actionem, 195.  
 Poetarum varia figmenta, 79.  
 Pompa diaboli, 556.  
 Populi maxime ingratus Ciceronem trucidavit, 305.  
 Porcorum et hominum viscera magnam habent inter se  
 convenientiam, 306. Porco libidinosus comparatur, 236.  
 Positiva hominum justitia nihil habet soliditatis, 156.  
 Potentium status periculosus, quare, 181. Potentibus  
 amica solet esse impatientia, 154.  
 Prædicare non est diaconi officium ex auctoritate, 157.  
 Prædicare ac altari ministrare, interdum de laudis cupi-  
 ditate oriuntur, 59.  
 Prædicatio multiplex 15, et 16. Prædicatio est lectum  
 exercitii, S. Scripturæ, *ibid.* Prædicatio vox necessario  
 subservit, *ibid.* Prædicationis vox, vocem fletus, vocem  
 confessionis, ac tandem vocem exultationis serenitatis  
 consentiæ subsequitur, *ibid.* In prædicatione mores  
 prædicantis potius quam verba loquuntur, 14. Prædica-  
 tio non debet haberi nisi de premio patriæ, de pœniten-  
 tiæ, et de pœna gehennæ, prædicatio contumeliosa et  
 scandalis plena est, quæ sit per eum cujus vita despiciat,  
 16. Prædicatio debet esse talis qualis S. Scriptura, ut  
 curet infirmos potius quam deleat curiosos, 18. Prædica-  
 tionis humilis variæ similitudines, 20. Prædicatio assidua  
 non fructificat sed vilescit, 78, 99, 147 et 166. Prædica-  
 tionis vox quintuplex, 166. Prædicatio temperantia se-  
 cundum capacitatem auditorum, 169. Prædicationem suam  
 S. Joannes Baptista inchoavit a penitentia, 307. In præ-  
 dicationibus utilia et sufficientia tantum sunt apponenda,  
 21.  
 Prædicator qui non ardet non accendit, 14. In prædica-  
 tore requiritur vita, scientia et faciundia, 16. Prædica-  
 tor elegantia nihil curiosus, non magis jovare potest,  
 quam navis gubernator nauseabundus, 17. Prædicator  
 debet non esse anxius circa compositionem et curam ser-  
 monis, 18. Prædicator sapiens debet dirigere sermonem  
 juxta capacitatem auditorum, 18. Prædicator gratanter  
 auditur, qui vivit loquitur, 146. Prædicatore debet vita  
 austera, 146. Circa prædicatorem duæ causæ facilitatis  
 debent attendi, 167, prædicator quomodo et quæ loqui  
 debet, 167. Prædicator gallinæ similis esse debet, 170.  
 Prælatus peccator etiam occultis criminaliter peccat et  
 si prædicaverit, 16. Prælatorum taciturnitas mala re-  
 prehenditur, 162. Prælati Ecclesiarum pro justitia munera  
 accipientes, Nabal tundentes oves assimulantur 59. Præ-  
 latorum injustæ extorsiones reprehenduntur, 65. Præla-  
 torum officiales exactores accipitibus comparantur, 69.  
 Prælati minoris reo omnes in potestate sunt prælati ma-  
 joris tum demum cum deliquit, 109. A prælatorum obedi-  
 entia sese subducentes reprobandur, 111, et 112. Præla-  
 tus superior non potest absolvere excommunicatum a  
 prælato inferiori, nisi cognita causa, 112.  
 Prælati iniquitatem totius populi portabant, 439 et  
 190. Prælatorum officium-quoddam, 145 et 171. Prælati  
 generositas virilis necessaria est, 146. Prælati in docti  
 prædicatione contemnitur, 146. Prælatum esse doctorem  
 coniectet, *ibid.* Prælati magis interest dare subditis  
 quam ab eis accipere, 148. Prælatus est mediator inter  
 Deum et populum, 149. Prælatus debet vehi quatuor ro-  
 tis, 149 et 518. Prælatorum negligentia suggillatur, 150.  
 Prælatus quam vigilans debet esse super gregem, *ibid.*  
 Prælati debent imitari Joseph et Moysen, 152. Prælati  
 in majoribus solemnitatibus non absint ab Ecclesia sua,  
*ibid.* Prælatus spondet pro subditis, 153. Prælati veri quo-  
 modo a falsis discernuntur, *ibid.* Prælati præcipua virtus  
 est patientia, 154. Debent bellorum strepitum vitare, 155.  
 Conferens beneficium indigno, bona pauperum furatur,  
 156. Prælati electio per sortem reprobandur, 198. Prælati  
 vita activa dignior est quam contemplativa, quantum ad  
 meritum, 201. Prælatos magnanimitas decet, 284. Præ-  
 lati faventes delatoribus peccant, 265. Prælatum quomodo  
 prodest et præest, 429. Prælatum quæ bona potest dare  
 parentibus, 458. Prælati quomodo sunt cophini, 465. Præ-  
 latus ad quæ aperire os debet, 466. Prælati novitii  
 et pueri suggillantur, 158. Prælatus debet ornari quatuor  
 virtutibus cardinalibus, 149.  
 Præpositus ruralis est decanus Christianitatis, 393. Præ-  
 positus minorum quis, 109.  
 Primpilus quis, 414.  
 Princeps superior eximere quemquam non potest a  
 principis minoris potestate, nisi cognita causa, 112. Prin-  
 cipium labor indignus ad dignitates sæpe promovet, 145.  
 Principi gloriosum est citra meritum venire, 275. Prin-  
 cipes boni perserversum utentes ministerio Scyllæ et  
 Harpiis comparantur, 180. In principe nil gloriosius ele-  
 mentia, 252.  
 Principatus in Ecclesia non cognationi et carni, sed  
 moribus deferendus est, 97. Principatus mitis regnum  
 servat incolume, 252.  
 Principio malo (a) procedentia bonum non habent  
 exitum, 56.  
 Privilegia paucorum non faciunt legem communem,  
 159 et 198.  
 Probatio dilectionis exhibitio est operis, 156, 246 et  
 310.  
 Prodigalitas sancta est animam pro Christo ponere, 250.  
 Prodigalitate comitantur cupiditas, avaritia et rapina,  
 55 et 251, prodigalitate vitium et quibus causis oritur,  
 250.  
 Profanis auctoribus licet uti, 558.  
 Profundum est cor hominis et inscrutabile, 194.  
 Prolixitas nimia nocet, 359.  
 Proprietari monachi qualis debeat esse sepultura  
 534.  
 Proprietas monachorum suggillatur, 555.  
 Pro torcularibus, psal. vii, 516  
 Prosallem in ariter et orantem diligit Deus, 207  
 Psalmi et cantici distinctio, 484.  
 Prudentia quid sit, 274. Prudentia virtutes omnes per-  
 ficit, 274. Prudentia simplicitatem virtutis comitatur,  
 292.  
 Pudor sæpe impedit peccatorum confessionem, 325.  
 Pulmentum quid, 455.  
 Pygmaei describuntur, 545.

## Q

Quæstiones in disputationibus præcipitanter solvera turpe est et periculosum, 12.

Quæstiones episcoporum qua fraude pauperum bursas emungant, 66. Quæstoris cujusdam episcopi ridicula pecuniarum exactio, 68.

Quæstui habere rempub. sceleratum est, 70

Quæstuarium dicitur S. Maria Deipara, 38, 367.

Qualis esse debeat confessarius, 312.

Quies et otium remissos reddunt homines, 286.

## R

Rachel in ultionem paternæ avaritiæ idola furata est, 69.

Radix omnis peccati superbia, 22. Radix omnium malorum cupiditas, 48.

Radulphus Afflighemiensis monachus, dictus Tacens, 361.

Ramos suos quam late extendat Simonia, 105.

Ranis assimilantur adulatores, 115.

Rapina est plura beneficia retinere, 95.

Raptores pauperum graviter peccant, 509. Raptores sum dum superflua retinemus, 46.

Rapina est plura beneficia retinere, 95.

Rarum charum est, 455.

Rationi nullum est cum crudelitate consortium, 252.

Rationi vivæ nullus auctoritas refragari potest, 158.

Realis et mentalis Simonia exprimitur, 102.

Regimen unarum (ad) clericus non nisi probatæ scientiæ eligendus, 145.

Religiosis fundamentum est bona taciturnitas, 166.

Religiosis Christianæ potissimum signum est veritas, 280.

Religiosis, necessitate exigente, quovis cibo vesci concessum est, veste autem superflua uti nunquam, 225.

Religiosi mendicantes merito victum a rusticis petunt, 397. Religiosorum dux fieri non debet quis ni prius fuerit miles, 421. Remedia varia quibus eradicari possunt plures abusus sacerdotum circa missas, 82. Remedia contraria singulis peccatis per penitentiam debent opponi, 318.

Remedium inopiæ quoddam sit, 45.

Reves et lumbos succincti jubentur a Domjno Isaias et Jeremias prædicare, 16.

Reprobationis divini iudicium est munus acceptio, 85.

Res omnes minoris prælati sunt in potestate majoris prælati tunc demum quando deliquit, 109. Res pauperum divitiis dare sacrilegium est, 122.

Respublica Romana ambitione destructa est, 141.

Resituere cogit advocatos episcopus Ambianensis, 446.

Retia prælatorum ecclesiasticorum quænam 66.

Reum se vir justus pro medico etiam peccato confiteatur, 190.

Reverentia. Ad reverentiam sacerdotalem necessaria est ætas, 135.

Rex appellari a pueris Hebræorum voluit Christus, non a Scribis et Phariseis, 78.

Risisse nusquam Christus legitur, 176. In risu servandus modus, 175.

Robertus Ambianensis episc. ob levem culpam maxime perdidit, 292. Quotus fuit in ordine episcopus, 474.

Rotæ quatuor curus Eliæ quænam sint, 140, 274 et 518.

Ruinam parit dilatio confessionis post peccatum, 171.

Ruina superbiam sequitur, 58. In ruina totius mundi superbia et invidia simul conspiraverunt, 29.

Rumoros seminatores et auditores perstringuntur, 195.

Rumorosos comitatur inconstantia 196.

Ruralis prepositus est decanus Christianitatis, 395.

## S

Sabelliana hæresis in quo consistat, 215.

Saburra quid, 540.

Sacer ignis quid sit, 442.

Sacerdotalem dignitatem regali fastigio prætulit S. Martinus, 174. Ad sacerdotalem reverentiam maxime necessaria est ætas, 158.

Sacerdotes qui fieri cupiunt, quænam habent attente considerare, 251. Sacerdotes quomodo muti, 451. Sacerdos toties Pascha innotat quoties missam celebrat, 72.

Sacerdotes qui pacto pretio missas celebrant, sunt detestabiles Juda proditores, 77. In sacerdotis ordinatione ætas spectanda est, 35. Sacerdos quare in missa ante commu-

nionem præmittat orationem Dominicam, 87. Sacerdotibus Jeroboam comparatur, qui ad dignitates Simoniacæ eliguntur, 98. Sacerdotes nunquam consentur peccare per ignorantiam, 144. Sacerdos qualis esse debeat, 145. Sacerdotes et diaconi debent esse scientia et moribus perfecti, 157. Sacerdotem diaconum paratum esse debet sequi ad evangelizandum et ad martyrium, 157. Sacerdotis verba aut vera sunt aut sacrilega, 279. Sacerdotibus munditia cordis maxime necessaria est, 162. Sacerdotibus vitandus est carnalis præsertim parentum affectus, 181.

Sacramenti nomine juramentum aliquando intelligitur 484. Sacramentorum collatione prælatus etiam inajor non potest quemquam in æternum privare, 112. A sacra- mentorum communiore generatores ascendi sunt, 52.

Sacrilegium est res pauperum divitiis erogare, 122. Sacrilegus est qui rem sacram tollit de loco sacro, 334.

Salomonis liber qui *Claricula* dicitur est damnatus, 478. Salomon duodenis in regem unctus, 158.

Saluti duo sunt necessaria, 215. Ad salutem metam pervenire cupientes mundi hujus stadium procinctos percurrere necesse est, 224.

Samson archiepisc. Remensis prohibuit peregrinum judicium ignis in sua diocesi exerceri, 201.

Samuel a munere acceptione immunis, 56.

Sancecium oppidum ubi, 417.

Sancti primitivæ Ecclesiæ nullam quæstionem solvebant, nisi deliberatione prævia, 12.

Sanctimonialis quædam ob munerum acceptionem prophetiæ gratiam amittit, 107.

Sanctitas vitæ et conversatio bona sunt fundamentum prædicationis, 15.

Sandalia apostolorum et episcoporum quid significant, 71. Sandalia et lingulæ mitræ abbatialis subjectionem quid significant, 114.

Sanguinis Domini consecratio in Vita sancti Laurentii quomodo intelligatur, 458. A sanguine gladium prohibere quid sit, 155. Sanguinis effundendi occasionem præbere cum possis impedire, mortale est, 205.

Sanguinitas qui dicantur, 109, 420. Judæ proditori comparantur, *ibid.*

Sanguisugis assimilantur prælati et officiales exactores ecclesiastici, 70.

Sapientis oratio talis debet esse qualis ejus vita, 19.

Sardanapalus quis et qualis, 475.

Sarpa quid, 555.

Sat cito si sat bene, 196.

Satellites quatuor habet gula, 298.

Satietas divitiis conceditur, 46.

Saul et regni solio deiecit superbia, 56, 121. Ob inobedientiam et regno dejectus est, 121, 553.

Scandalis plena est ejus prædicatio cujus vita despicitur, 16.

Scelestius avaro nil est, 50.

Schacci sunt calculi, 492.

Scholam cœlestem per humilitatem in terris Christus erexit, 34.

Scholaribus S. Scripturæ necessaria est cordis munditia, 262.

Scientia rerum vitam disponit, 1. Scientia vera est quæ tactum consistit in doctrina fidei et morum, 5. Scientia parit superbiam, 24.

Scripturæ sacræ exercitium in tribus consistit, 2. S. Scripturam qua arte exponat S. Hieronymus, 5. Sacra Scripturæ quadruplici sensu unius anni spatio exposuit sanctus Hieronymus, *ibid.* S. Scripturæ navis est non oneranda superfluis, expositionibus, *ibid.* S. Scripturæ variaz comparationes quibus glossarum superfluitas vitanda innuit, 4. Ad S. Scripturæ brevem expositionem moneri debemus propter sumptus nimios librorum, tædium lectionis, jacturam temporis, etc., 4. S. Scripturæ esca a prudente dispensatore dispensanda est, 9. S. Scripturæ qua simplicitate explicanda, 10. Sacra et divina Scripturæ viva voce simplicitate et utilia loquuntur, 18. S. Scripturæ in iniquos iudices citantur, 65. S. Scripturæ amica est simplicitati, 292. Ejus interpretatio non debet pendere a voluntate nostra, sed econtra, 210. S. Scripturæ vetat officia divina pacto pretio celebrari, 70. S. Scripturæ, id est Genesios et quorundam librorum lectio junioribus prohibita sunt olim, 161. S. Scripturæ veritas vno comparatur, 211. Sacrificium missæ quidam in artem magicam verterunt, 81. Sacrificia ex illicite acquisitis non sunt offerenda, 121.

Scylla quid sit, 180.

Sebastiano (B.) prædicante, Zoe uxor Nicostrati vidit angelum coram illo apertum librum præmonstrantem, 15 et 152.

Secretarius altaris est diaconus, 157



Seneschalcus quis sit, 414.  
 Seniorum tantum est suggestum concionatorum concoscendere, 160.  
 Sententia viri debet esse certa animi responsio, 195.  
 Sepeliri quo ritu debeat monachus proprietarius, 334.  
 Sepulcra sumptuosa mortuis sunt potius in augmentum supplicii quam in remedium, 228. Sepulcra hominis sunt quatuor, 228.  
 Serapion, Zacharias et Pastor eremitæ taciturnitatem commendant, 168.  
 Serenitas conscientia quæ sit, 511.  
 Sermo non est nisi ei respondeant vita loquentis et merito audientis, 14 in sermone unico prædicatore versatilibus quibus comparatur, 18 et 19. Sermonem et actionem præcipitem sequitur poenitentia, 195.  
 Serpentis capiti fides comparatur, 257.  
 Servitia coacta Deo non placent, 257.  
 Servorum est pigrescere, filiorum autem vigilare, 216.  
 Signum est et nutrix majoris charitatis paupertas voluntaria, 44. Signis quibusdam dignoscitur invidia sicut et superbia, 28.  
 Silentii exemplum de Radulpho Afflighemiensi, 464.  
 Silentio prælatus, tantum nocet quantum prodest exemplo, 146.  
 Silvestri S. temporibus incepit Ecclesia possidere divitias, 140.  
 Simon Magus ob Simoniam æternum damnatur, 106.  
 Simonia quid sit, 100. Simonia realis et mentalis exprimitur, 102. Simonia et lepra Gieziaca in quo differant, 102. Simonia consistit in expectatione et conceptione muneris pro beneficio accipiendi, 102. Simonia Giezi et Simonis detestanda est, 74. Simoniam ab Ecclesia eradicandam docuit Christus, 76. Simonia committitur tripliciter, 101. Simonia crimen gravius est in dante beneficium quam in accipiente, 104. De Simonia interiori iudicare non debet Ecclesia, 105. Simonia quam late expandat ramos suos, 105. A Simonia non excusant abbatis quæ cum parentibus puellæ intraturæ monasterium paciuntur, 424.  
 Simoniaci quinam dicantur, 420. Simoniacus est iudex, si iustum iudicium vendat, 135. Simoniaci diversimode a Deo puniuntur, 106. Simoniacus est anathematis absolutio, quæ pacto pretio confertur, 67. Simoniaci rabies, 405. Simoniacorum sententia damnabilis, 402. Simoniaci Chorita gravius peccat, 108.  
 Simplicitas multiplex est, 291. Simplicitas in vestitu commendatur, 222. Simplicitas nimia stultitiæ, et superbia superbiæ cognata est, 337, 339, 345. Simpliciter virtutis comitatur prudentia, 292.  
 Simulacrorum servitus est avaritia, 51.  
 Singularitas mala reprobat, 176. Singularitas in congregatione summopere est cavenda, 177. Singularitatis vitium suggillatur, 94.  
 Sirenes dicuntur adulatores, 116.  
 Sitis quædam laudabilis quædam vitiosa, 246.  
 Sobrietatem perimit gastrimargia, 247.  
 Societas cum quibus habenda, 179.  
 Socratis exemplo avaritia vitanda, 584. Socrates præcepit discipulis, dari inducias ad solvendas quasque questiones, 195.  
 Sodomitis ostium Lot quærentibus comparantur qui verbum Dei tractant sine fundamento sanctitatis, 14.  
 Sodomiticum vitium quomodo sit execrandum, 505.  
 Solemnitas. In solemnitatibus majoribus ab ecclesia sua prælatus non debet abesse, 132.  
 Solitudo triplex est, 178. Solitudo commendatur, *ibid* et sequent.  
 Solitaria monachorum vitam Christus instituit, 189. Solitaria monachorum tria sunt genera, *ibid*.  
 Somnium est vita præsens si æternitati comparatur, 520.  
 Somnus quadruplex est, 218. Somnus culpæ triplex, *ibid*.  
 Sorores sunt uterinæ continentia et abstinentia, 71.  
 Spes in malis non est virtus, 242. Spei defectus similis est defectui fidei 242. Spei incerti boni nomen est, 187.  
 Spiritualium genera sunt quatuor, 100. Quæ spiritualia vendi possunt, 100. Spiritualium rerum commutatio Simoniaci reprobat, 107. Spiritualium rerum seu beneficiorum permutatio quænam permissa sit, 105.  
 Spiritus sanctus super apostolos ideo in linguis igneis apparuit, ut igniti dilectione ignita præferrent eloquia, 15 et 152. S. Spiritus variis varia dona distribuit, 91. Spiritum etiam persequitur invidia, 28.  
 Statera medico pondere addito inclinat, sic et iudex munere corruptus, 61.

Status potentum maxime meticulosus, ac periculosus, et quare, 181.

Stephanus abbas Cisterciensis eleemosynam sibi a sacerdote Simoniaci datam retinere renuit, 119. De eodem, 259, 509, 453.

Sterquilinio comparatur hypocrita, 59.

Stultus et inconstans laborat fastidio sui, 196. Stultum se simulare, est prudentia summa, 534.

Subdiaconatum esse sacrum ordinem de novo institutum est, 157.

Subditis dare potius debet prælatus quam ab eis accipere, 148.

Suffragia plus uni præsent quam multis simul, 402.

Sugerius abbas Cisterciensis emancipationem monasterii sui ab episcopi Parisiensis potestate, 429.

Sumptus nimius ædificiorum, eleemosynis pauperum derogat, 226.

Superbia unde oriatur, 25. Ejus ortus multiplex, 377, 339.

Superbia est causa omnium malorum et peccatorum, 21, 277. Superbia ultimum est peccatum poenitentibus, et primum peccantibus, 21, 277. Superbiæ vitium super omnia vitia detestatur Deus, 22. Superbia cornuta depingitur, *ibid*. Superbia in incensu exhibetur, 26. Superbia vitium sordidissimum, sordidissimo curatu, emplastro, 25. Superbis passio Christi non prodest, 24. Superbia primum in caelis nata est, 27. Superbia Lucifer ex angelo factus est Satan, 27. Superbia et invidia in ruinam totius mundi pariter conspiravere, 29. Superbia et invidia quædam sancta est, 50.

Superba ædificia struentes comparantur gigantibus turris Babel, 216.

Superfluitas vestium reprobat, 25, 356.

Suspiciosi perstringuntur, 192.

Syrma quid sit, 491.

Syrmatica vestis Christianum non decet, 222

Symmachus (non S. Marcus) in oratione Dominica *verit panem peculiarem pro quotidianum*, 406.]

## I

Tabernaculum. In tabernaculi introitu labium æneum positum erat, et quare, 16.

Taciturnitas commendatur, 166. Taciturnitas bona est fundamentum religionis, *ibid*. Taciturnitatis duæ causæ in prædicatore debent attendi, 167. Taciturnitatis pessimæ quinque sunt causæ, 164. Taciturnitatis malæ quinque sunt modi, *ibid*. Taciturnitati præsent quidam demones, quidam autem garrulitati, 164. Taciturnitas mala prælatorum reprehenditur, 162. Taciturnitatis encomium, 168.

Talentum multiplex, 442. Talentum naturæ et talentum gratiæ jubet Dominus multiplicare, 150

Tardiloquium præcipitur, 196.

Taurus generosior armentum solet præcedere, 142.

Telis araneorum leges urbium comparabat Agellius, 138.

Temerarium iudicium oritur ex superbia vel invidia, 195. Contra temeraria iudicia, 192.

Temperandi sunt mores nostri inter bonos et publicos, 47.

Temperantia ultra licitum non progreditur, 276. Sine temperantia cæteræ virtutes sæpe deficiunt, 276.

Templariis illicitum fuit parentum suorum ministerio frui, 184.

Templum, unicum habuit universus populus Israel, 82.

Temporalium curis jubentur renuntiare prælati, 135. Temporalia pro spiritualibus tribus modis possunt dari, 101. Temporalia a Deo licet petere, 504.

Tempus vendit fenerator, 151. Tempus, quo vivimus, etiam puncto minus est, 2.

Tentare Deum nemo debet, 198.

Terræ peccatores dicuntur, qui libidini et gastrimargiæ serviunt, 22.

Terribilis ut castrorum acies esse debet Ecclesia, 142.

Testamenti veteris et novi distinctio, 71. Ex Testamento veteri electio canonica multiplex affertur, 99. In Testamento veteri lex, præceptum, testimonium, justificatio, iudicium distinguitur, 157.

Testimonia S. Scripturæ iniquos iudices detestantia præferuntur, 65, 64. Testimonium verum tendere testis non debet, 135.

Testis si peccatori adsit, peccatum committendum im-peditur, 187. Testis dubius non remanet impunitus, 195

Theobaldus comes, 260, 454, 485, 510.

Theologum maxime pia decet simplicitas, 292.

Thomas S. Cantuariensis Simoniam et munus accipere a domo sua proceat abegit, 57, 106, 586.  
 Thome Meri B. cancellarii Anglie solertia, 446.  
 Tharsyllus Cynicus, 475.  
 Thoriati forma et ministerium, 716.  
 Tobias iuris hanc retineri vetat, 419.  
 Toxicum venenum unde, 492.  
 Tractantes verbum Dei sine fundamento sanctitatis, similes sunt Sodomitis aorasia, seu cæcitate percussis, Traditiones licitæ et utiles quænam sint, 204. Traditionum multitudo gravat subditos, 204. Traditiones quorundam monasteriorum improbantur, 205. Traditiones novæ sæpe dant materiam delinquendi, 206. Traditionum multitudo multos transgressores constituit, *ibid.* Traditiones licitæ et illicitæ quomodo dignoscantur, 207. Traditiones multæ pariunt in monasteriis divisiones et schismata, 207.  
 Tricenarium pro defunctis quis instituit, 407.  
 Trutania quid sit, 459.  
 Tubalcain inventor malleorum, 491.  
 Tuberonis Romani mediocritas laudatur, 46.  
 Tugurium. De tugurio melius prosilitur in cœlum quam de palatio, 226.  
 Turcarum parcimonia in cibus, 545.  
 Turpe est beatam vitam in auro et argento reponere, 45.  
 Turpis et cupida pactio in spiritualium administratione debet excludi, 101. Ita turpe est turpibus et perversis dare quam ob turpia, 124.  
 Tutelas plures a iudice sæculari petere suspectum est, 951.  
 Tutius auditur verum quam dicitur, 168. Tutius est in remissione peccare quam in nimio rigore, 175.

## U

Ungere alicui caput, quid sit, 450. Ad unctum currere, quid sit, 402.  
 Unicitas ab unico, unitas ab uno, 418. Unicitas triplex redarguit pluralitatem dignitatum ecclesiasticarum, 95. Unicitas mala est vitium singularitatis, 94.  
 Unicuicque iniquitas sua pona est et patibulum, 254.  
 Uppis, quæ ædificant in stercoribus suis comparantur Sanguinibus, 110, 255.  
 Usura igni sacro (quem Græci *ἔσπειράς* vocant) comparatur, 151. Usura peccati, cancro comparatur, 151. Usura sanguisuga est, 152. Usurarii anathemate feriuntur, 150. Usurarii in inferno auro bullienti potabuntur, 155. Usurarium pena quadruplex, 155. Usurarii restitutum admirabilis et salutifera, 445. Usurarii sepultura ignominiosa, 582.  
 Usus bonus non justificat male acquisita, 404 et 121. Ab usu difficilimum est revelli, 276. In usu rerum temporalium, ipsa natura superfluitatem vetat, 25.  
 Uxori Lot comparantur qui carnali parentum affectu ducuntur, 182. Uxores plures Jacob ducens ad procreandam prolem exarsatur, 94.

## V

Vade reconciari fratri tuo dupliciter exponitur, 365.  
 Vana gloria quid sit, 49.  
 Varietas duplex in Ecclesia commendabilis declaratur, 89.  
 Vasa fictilia mensæ Tuberonis Romani aureis ac argenteis nobilium civium vasis præponuntur, 47. Vasis sarcis templi abutens Ballassar rex regno privatus est, 144.  
 Venalem linguam advocatus habet, 155, 565.  
 Venenum occultum est adulatio, 417. Venenum invidiae vix unquam ita exstinguitur, ut postea iterum non pullulet, 29.  
 Ventris tumor vituperatur, 359, 360.  
 Verbum S. Scripturæ, sicut et Verbum Dei incarnatum voluit Deus abbreviari, 1. Verecundia amica est virtutis, 165.  
 Verbum abbreviatum secundum mentem auctoris, quid hic? 357. Verbo et exemplo Patres et apostoli nos instruunt, 8. Verbi Dei prædicatio magnificentior est in tenui panno et facie pallida, quam in tumentibus et rubentibus buccis, 14. Verbum Dei quod de frigido pectore erumpit, auditores non inflammat, 15. Verbum Deo suavissime prædicat, qui suavissime diligit, 15. Verbo non autem exemplo prædicantes vocantur animalia glebæ, 16. Verba composita, etsi delectabilia, periculosa sunt, 20. Verbis, incessu, quævis corporis motu exhibenda est humilitas, 76. Verbo male tripliciter quis utitur, 169. Ver-

bum otiosum quodnam dicitur, 169. Verba sacerdotis aut vera sunt aut sacrilega, 279.  
 Veritas S. Scripture vino comparatur, 211. Veritas, dum paret, non requiritur ornatus verborum, 17, 280. Veritatem tacere, et falsitatem loqui, æqualis impietas, 163, 280. Veritas omnis in se dulcis, etsi non malis, 215. Veritas duplex est, 279. Veritas potissimum signum est Christianæ religionis, 280.  
 Verum tutius auditur quam dicitur, 168.  
 Vesperis parce edendum, 455, 456.  
 Vestis syriaca Christianum non decet, 222. Vestium semper in dies crescit superflua curiositas, 221. Vestium molities vitium duplex inducit, inconstantiam et superbiam, 224. Vestium luxus reprehenditur, 356.  
 Veteris Testamenti leges omnes, umbra sunt futurorum, 157.  
 Via intrandi Ecclesiam, quadruplex, 97. Via vitæ dicitur proprie humilitas, 35. In via fidei et morum, sequenda est potius lex Dei quam hominum exempla, 210.  
 Vide ne cantes bene, et male vivas, 15.  
 Viduæ inopiam oleo sublevavit Eliseus, 112. Viduæ veræ quænam dicuntur, 125.  
 Vigiliis tres Christus commendat, 218.  
 Vinum. Sicut vinum bibentes, sic muoerum acceptio iudicis hebetat ingenium, 61. Vinum et oleum Samaritani confessarius habere debet, 171.  
 Vir justus pro medico etiam peccato, reum se confitetur, 190. Viri sententia debet esse certa et indubitata animi responsio, 195. Viri fortes divitiæ non nutriunt, sed molles et effeminatos, 42. Viriitas prælatorum dignitatem præcedere debet, 146, 165. Virorum quorundam sanctorum charitas maxime laudabilis, 249.  
 Virgo. De Virgine Deipara impia Helvidii hæresis, 145.  
 Virgines angelicæ conversationi vicinantur, 215.  
 Virga. Ex virgis quatuor componitur flagellum pœnitentiæ, 316.  
 Virtus præcipua prælatorum est patientia, 154. Virtutes omnes dissipat superbia, 25. In virtutum exercitio perfectus sæpe subreptit superbia, 21, 277. Virtutibus cæteris Maria Virgo humilitatem prætulit, 35. Virtutibus quatuor cardinalibus ornari debet prælatus, 149. Virtutes omnes unum sunt in radice charitatis, 256. Virtutis nullius tantus est defectus hodie quam fidei, 258. Virtutum ædificium ex quibus consummetur, 241. Virtutes omnes absque charitate deficient, 24. Virtutum omnium princeps est charitas, 244. Virtutes omnes sunt filie charitatis, 245. Virtutum pleniudo est misericordia, 246. Virtutum consummatio, pax est, 262. Virtutes omnes probat patientia, 256. Virtutes omnes perficit prudentia, 274. Virtuti nil æque noxium est, quam voluptatis admistio in concessis, 276. Virtutum omnium maximum opus est orare, 286. Virtutum cardinalium commendatio, 520. Virtutum cardinalium curus, seu quadriga, 518.  
 Vita præsens somnes, umbra et spuma dicitur, 549. Vitæ Patrum liber qualis, 412. Vita bona scientiam rerum præcedere debet, 15. Vita loquentis et meritum audientis debent prædicationi respondere, 14. Cujus vita moribus prædicat, illius lingua sine labore prædicat, 17. Vita Christi tota in humilitate fuit, 58. Vita, scientia et facultia in prædicatore requiruntur, 16. Vita Christiani debet esse crux et martyrium, 72. Cujus vita contemnitur, prædicatio contemnitur, 146. Vita austeræ prædicatorem decet, *ibid.* Vita contemplativæ aia excellens, aia indignior, 205.  
 Vitari non potest malum ignotam, 21.  
 Vitium superbiæ, super omnia mala detestatur Deus, 22. Vitium nullum tetrius est avaritia principum, 70. Vitium Simonie gravius est in conferente beneficium quam in accipiente, 104. Vitio elemosyna non est eroganda, 124. Vitium par est peccatoribus dare et demonibus immolare, 124. Vitium Sodomiticum quam enorme sit, 505. Vitia singula quæque, variis brutis animalibus comparantur, 506. Vitium muliebri est inconstantia, 196.  
 Voluntas et propositum distinguit maleficium, 32.  
 Voluptates singulæ, in singula hominum tormenta convertentur, 255.  
 Vox prædicationis triplex, 166. Vox subservit prædicationi, eaque multiplex, 15. Vocem fletus, et confessionis ac exsultationis serenatæ conscientie sequitur vox prædicationis, 15.

## W

Waudræi anagrammata. In Perum, 361. In avarum, 380.  
 Wilholdi episcopi Cameracensis ludus spiritualis in gratiam clericorum exscriptus, 401.

Wicelii error damnatus, 408.  
 Willelmus abbas Clarevallensis sæpe rogatus sermonem  
 voluit contexere, 17

X

Xenocratis philosophi industria Polemon, de vanita-  
 tum mundalium assecla philosophus evasit præclatus, 6.  
 Xerxem adulatores aulici decipiunt, 44, 116.

Z

Zacharias Pater S. Joannis Bapt. incredulus, fit mutus,  
 258.  
 Zelo accensus Christus vendentes e templo eiecit,  
 75.  
 Zoe uxor Nicostrati, prædicante S. Sebastiano, vidit  
 angelum librum apertum præferentem, 15.  
 Zozimus abbas S. Mariæ Ægyptiacæ S. eucharistiam  
 in deserto præbet, 84.

**ORDO RERUM**

**QUÆ IN HOC TOMO CONTINENTUR.**

*PETRUS CANTOR.*

Notitia.	9
Notitia historico-litteraria.	9
Elegia de Petro Cantore.	5
Nomina auctorum quorum operibus usus est Petrus Can- tor.	19

**VERBUM ABBREVIATUM.**

Lectori Christiano.	2
Cap. I. — Contra superfluitatem et prolixitatem glossa- rum et inutilium quæstionum.	25
Cap. II. — De brevitate lectionis.	25
Cap. III. — De brevitate et commoditate quæstionum.	28
Cap. IV. — De temeritate quæstionum, et temerariis disputationibus.	31
Cap. V. — De modo disputandi, qui est ut sine conten- tione disputetur.	34
Cap. VI. — De prædicatione quam debet præcedere sanctitas vitæ.	56
Cap. VII. — De commendatione sacri eloquii.	58
Cap. VIII. — De curiosa prædicatione, et contra eam.	40
Cap. IX. — De humilitate prædicationis.	45
Cap. X. — De suggillatione superbiæ.	44
Cap. XI. — Contra invidiam.	51
Cap. XII. — Contra detractionem.	54
Cap. XIII. — De humilitate.	58
Cap. XIV. — De duobus generibus humilitatis malæ.	61
Cap. XV. — De mansuetudine.	64
Cap. XVI. — De paupertate.	65
Cap. XVII. — Contra quæritantes et detinentes super- flua.	70
Cap. XVIII. — De mediocritate.	70
Cap. XIX. — Contra vermem ex malum divitiarum.	72
Cap. XX. — Contra cupiditatem et avaritiam.	72
Cap. XXI. — De avaritia.	75
Cap. XXII. — Contra acceptores munerum.	78
Cap. XXIII. — Contra acceptores munerum pro justitia facta, vel faciendi, acceleranda, vel omittenda.	82
Cap. XXIV. — Contra clericos superfluis utentes et se excusantes per hoc, quod psallant in ecclesia.	90
Cap. XXV. — Contra Simoniam existentem circa exer- citiium ecclesiasticorum officiorum, seu quorumlibet spi- ritualium, quæ ne pro temporalibus fiant, prohibetur.	95
Cap. XXVI. — Contra quæritantes temporale commo- dum in spiritualibus.	97
Cap. XXVII. — Contra Simoniam existentem in sub- stantiis sacramentorum, præcipue eucharistiæ.	99
Cap. XXVIII. — Contra venalitatem et pluralitatem mis- sarium.	102
Cap. XXIX. — Contra missas multarum facierum.	104
Cap. XXX. — Contra conficientes, vel sumentes corpus Christi indigne.	107
Cap. XXXI. — Contra Gergones belluas bicorpores, bi- cepites in pluribus ecclesiis.	112

Cap. XXXII. — Contra bigamos et Lamechitar in pluri- bus ecclesiis.	117
Cap. XXXIII. — De sancta unitate.	118
Cap. XXXIV. — De unitate mala.	119
Cap. XXXV. — Contra exteriorem Simoniam, scilicet in officii, et dignitatibus, et redditibus Ecclesiæ.	120
Cap. XXXVI. — De impediendis sinceritatem canonici- cæ electionis.	122
Cap. XXXVII. — De quatuor generibus spiritualium.	126
Cap. XXXVIII. — Quot modis committitur Simonia.	128
Cap. XXXIX. — De pœna Simoniacorum.	152
Cap. XL. — De commutatione spiritualium.	152
Cap. XLI. — De Coritis.	154
Cap. XLII. — De pœna Coritarum.	154
Cap. XLIII. — De sanguinitis, qui ædificant Sion in sanguinibus.	154
Cap. XLIV. — Contra eos qui exuunt se a jurisdictione suorum prælatorum.	156
Cap. XLV. — Contra adulatores.	140
Cap. XLVI. — De acceptoribus munerum illicite acqui- situm.	144
Cap. XLVII. — Contra eos qui dant non indigentibus.	147
Cap. XLVIII. — De accipientibus munera, cum non in- digeant.	152
Cap. XLIX. — Contra dantes histrionibus.	155
Cap. L. — Contra lenatores.	156
Cap. LI. — Contra advocatos.	159
Cap. LII. — Legibus divinis, in casibus suis, potius es- se iudicandum quam humanis.	161
Cap. LIII. — Quod soliditatis nihil habet positiva justi- tia.	162
Cap. LIV. — Contra ambitiosos.	165
Cap. LV. — Contra promotionem indignorum.	168
Cap. LVI. — De officio prælatorum.	171
Cap. LVII. — Contra negligentiam prælatorum.	176
Cap. LVIII. — De spiritali patientia prælatorum.	180
Cap. LIX. — De sollicitudine et humilitate prælatorum.	181
Cap. LX. — De statu clericorum et inferiorum ordinum.	183
Cap. LXI. — Contra prælatos pueros, vel novitios.	185
Cap. LXII. — Contra malam taciturnitatem maxime prælatorum.	189
Cap. LXIII. — De bona taciturnitate.	194
Cap. LXIV. — De vitio lingue.	195
Cap. LXV. — Qualis esse debeat prædicatio pro modo auditorum, et contra malam loquacitatem prædicantium.	197
Cap. LXVI. — De officio prælati tripartito, et contra acceptationem personarum.	199
Cap. LXVII. — De mediocritate in omnibus tenenda.	202
Cap. LXVIII. — De mala singularitate.	204
Cap. LXIX. — De bona singularitate.	203
Cap. LXX. — De bona societate habenda et mala fu- gienda.	206

CAP. LXXI. — De suggestione carnalis affectus.	209
CAP. LXXII. — Commendatio solitudinis iocii.	213
CAP. LXXIII. — Peccatum unius sæpe redundat in universitatem.	217
CAP. LXXIV. — De constituendo se reo exemplo sancti viri pro modica occasione peccati.	218
CAP. LXXV. — Contra suspiciosos, et ex conjecturis in temeraria iudicia prorumpentes.	220
CAP. LXXVI. — Contra rumorosos.	225
CAP. LXXVII. — Contra inconstantes.	225
CAP. LXXVIII. — Contra peregrina iudicia ferri candidis, et aquæ frigidæ, vel bullientis.	226
CAP. LXXIX. — Contra traditionum onerositatem et multitudinem.	233
CAP. LXXX. — Contra mollientes arcum sacræ Scripturæ.	239
CAP. LXXXI. — Contra pigros.	246
CAP. LXXXII. — Contra superfluitatem et curiositatem vestium, ciborum et ædificiorum.	250
CAP. LXXXIII. — De superfluitate vestium et pretiositate.	251
CAP. LXXXIV. — Contra varios artifices istarum vanitatum.	253
CAP. LXXXV. — Contra mollium vestium.	254
CAP. LXXXVI. — Contra superfluitatem ædificiorum.	255
CAP. LXXXVII. — Contra prodigos qui male acquirunt, et pejus expendunt.	259
CAP. LXXXVIII. — De sancta prodigalitate.	261
CAP. LXXXIX. — Contra se immergentes in temporalibus avido.	261
CAP. XC. — De his qui puniuntur instrumento suæ offensionis.	265
CAP. XCI. — De multiplici facie hominis.	265
CAP. XCII. — De commendatione fidei.	266
CAP. XCIII. — De defectu fidei.	268
CAP. XCIV. — De spe.	271
CAP. XCV. — De charitate.	275
CAP. XCVI. — De luctu bono et malo.	275
CAP. XCVII. — De bona esurie et siti.	276
CAP. XCVIII. — De misericordia generali.	278
CAP. XCIX. — De misericordia ignoscende.	280
CAP. C. — De clementia iudicis, vel de misericordia relaxante.	282
CAP. CI. — De misericordia corripiente.	284
CAP. CII. — De misericordia intercedente pro inimicis.	285
CAP. CIII. — De visibili et corporali et manuali misericordia, sive subveniente.	285
CAP. CIV. — De eleemosyna.	286
CAP. CV. — De quo sit danda eleemosyna.	289
CAP. CVI. — De ordine dandæ eleemosynæ.	289
CAP. CVII. — De cautela dandæ eleemosynæ.	290
CAP. CVIII. — De commendatione eleemosynæ.	291
CAP. CIX. — De munditia cordis.	292
CAP. CX. — De pace.	293
CAP. CXI. — A quibus pacem habere debeamus.	295
CAP. CXII. — De effectu pacis.	296
CAP. CXIII. — De duplici pace.	297
CAP. CXIV. — De patientia.	298
CAP. CXV. — De quatuor virtutibus cardinalibus.	303
CAP. CXVI. — De prudentia.	303
CAP. CXVII. — De fortitudine.	306
CAP. CXVIII. — De temperantia.	307
CAP. CXIX. — De iustitia.	308
CAP. CXX. — De veritate.	309
CAP. CXXI. — De sancta et bona violentia.	311
CAP. CXXII. — De obedientia.	314
CAP. CXXIII. — De magnanimitate.	316
CAP. CXXIV. — De oratione.	318
CAP. CXXV. — De effectu orationis.	318
CAP. CXXVI. — De impediendis orationem.	320
CAP. CXXVII. — De vitando iuramento.	322
CAP. CXXVIII. — De bona simplicitate.	323
CAP. CXXIX. — De hospitalitate seclanda.	324
CAP. CXXX. — De vestiendis nudis.	325
CAP. CXXXI. — De visitatione infirmorum et incarcerationum.	326
CAP. CXXXII. — De sepeliendis mortuis.	326
CAP. CXXXIII. — De jejuniis.	327
CAP. CXXXIV. — De sугgillatione gastrimargiæ.	328
CAP. CXXXV. — Contra gulam et ebrietatem.	330
CAP. CXXXVI. — De simplici fornicatione.	332
CAP. CXXXVII. — De adulterio.	335
CAP. CXXXVIII. — De vitio Sodomitico.	335
CAP. CXXXIX. — De ingratitudine.	335
CAP. CXL. — Epilogus facierum culpæ.	337
CAP. CXLI. — De penitentia.	338
CAP. CXLII. — Quanta debeat esse contritio.	340

CAP. CXLIII. — De confessione oris.	342
CAP. CXLIV. — De confessore.	344
CAP. CXLV. — De satisfactione pro peccato, et perseverantia, et qualitate ejus.	346
CAP. CXLVI. — De cautela penitentia.	349
CAP. CXLVII. — De brevitate temporis vitæ humanæ semper habenda in corde.	351
CAP. CXLVIII. — De acceleranda penitentia.	355
CAP. CXLIX. — De septem causis accelerandæ penitentia.	355
CAP. CL. — De pœna æterna.	358
CAP. CLI. — De gaudio et præmio beatitudinis æternæ.	363
CAP. CLII. — De iucunditate æterna.	363
CAP. CLIII. — De proprietate monachorum.	366
Notæ in Verbum abbreviatum auctore R. P. D. Georgio Galopino.	369
Verbum abbreviatum textus alter a capitulo LXVI usque ad LXXX.	
CAP. LXVI. — De acceptione personarum.	527
CAP. LXVII. — De modestia circa risum.	529
CAP. LXVIII. — De maiâ singularitate.	550
CAP. LXIX-LXXII. — De bona singularitate.	551
CAP. LXXIII. — De levi contactu peccati.	556
CAP. LXXIV. — Quod levi occasione peccatum contrahitur.	558
CAP. LXXV-LXXVIII.	559
CAP. LXXIX-LXXX.	548
EPISTOLA WILLELMI Remensis archiepiscopi ad Petrum Cantorem.	555

## GARNERIUS LINGONENSIS EPISCOPUS.

Notiæ:	555
SERMONES GARNERII.	
SERMO I. — In Adventu Domini.	559
SERMO II. — In Adventu Domini.	570
SERMO III. — In Adventu Domini.	583
SERMO IV. — In Adventu Domini.	591
SERMO V. — De Nativitate Domini.	599
SERMO VI. — De Nativitate Domini.	608
SERMO VII. — In eadem solemnitate.	615
SERMO VIII. — In Apparitione Domini.	622
SERMO IX. — In die Epiphaniæ.	628
SERMO X. — In Purificatione B. Mariæ.	635
SERMO XI. — In eadem solemnitate.	636
SERMO XII. — In eadem solemnitate.	645
SERMO XIII. — In Dominica Septuagesimæ.	657
SERMO XIV. — In Quadragesima.	662
SERMO XV. — In ramis Palmarum.	669
SERMO XVI. — In Cœna Domini.	675
SERMO XVII. — In die sancto Paschæ.	681
SERMO XVIII. — In die sancto Paschæ.	686
SERMO XIX. — In die sancto Paschæ.	694
SERMO XX. — In Ascensione Domini.	700
SERMO XXI. — In die sancto Pentecostes.	704
SERMO XXII. — De sanctissima Trinitate.	710
SERMO XXIII. — In nativitate S. Joannis Baptistæ.	721
SERMO XXIV. — De sancto Joanne Baptista.	731
SERMO XXV. — De sancto Joanne Baptista.	736
SERMO XXVI. — In Natali apostolorum Petri et Pauli.	741
SERMO XXVII. — In Assumptione B. Mariæ.	747
SERMO XXVIII. — In eadem solemnitate.	750
SERMO XXIX. — In festo sancti Bernardi.	755
SERMO XXX. — In Nativitate B. Mariæ Virginis.	759
SERMO XXXI. — In Nativitate B. Mariæ Virginis.	763
SERMO XXXII. — In Nativitate B. Mariæ Virginis.	774
SERMO XXXIII. — In capitulo generali.	779
SERMO XXXIV. — In capitulo generali.	783
SERMO XXXV. — In capitulo generali.	793
SERMO XXXVI. — In festo Omnium Sanctorum.	798
SERMO XXXVII. — In dedicatione ecclesiæ.	806
SERMO XXXVIII. — In dedicatione ecclesiæ.	815
SERMO XXXIX. — In festo S. Benedicti.	817
SERMO XL. — De arca spirituali.	822

## GAUFRIDUS SUPRIOR CANONICORUM REGULARIUM.

## EPISTOLÆ.

EPIST. I. — Joannis abbatis Baugeze, ad Gaufridum abbatem. — Deslet onus pastorale sibi impositum.	827
EPIST. II. — Gaufridi ad Joannem. — Superiori epistolæ respondet.	829
EPIST. III. — Gaufridi ad monachos Baugezienses. — Congratulatur eis quod ad monasterium receter	

fundatum tandem advenerint, laudatque eorum solitudinem. 851  
 EPIST. IV. — Ad Joannem abbatem. — Hortatur ut vitia in monasterio viriliter recenset, et delicta puniat. 852  
 EPIST. V. — Ad eundem. — Petit ut saltem per litteras eum visitet. 853  
 EPIST. VI. — Joannis ad Gaufridum. — Superiori epistolæ respondet. 853  
 EPIST. VII. — Gaufridi ad Joannem abbatem. — Conqueritur de brevitate epistolæ; indicat bibliothecam Cadomi, si velit, emendam, et significat obitum sui cellerarii. 853  
 EPIST. VIII. — Ad Ric. presbyterum. — Varia dat ei monita. 856  
 EPIST. IX. — Ad G. episcopi Wigorniensis capellanum. — Hortatur ad mundi contemptum. 857  
 EPIST. X. — Ad Gaufridum amicum suum. — Significat pacem factam inter Angliæ regem et ejus filium. 857  
 EPIST. XI. — Ad fratrem genibus debilem, et in quibusdam a se dissentientem. 858  
 EPIST. XII. — Ad Bartholomæum. — Docet qua ratione ambulandum sit in via Domini. 858  
 EPIST. XIII. — Ad Petrum amicum suum. — Hortatur ad assiduum Scripturæ sacræ lectionem. 840  
 EPIST. XIV. — Ad Wigorniensis episcopi capellanum. — De familiari scriptioe epistolarum et mundi contemptu. 840  
 EPIST. XV. — Ad Petrum de Buxeria. 841  
 EPIST. XVI. — Joannis abbatis Bugezei ad Gaufridum. — Causatur quod diu non scripserit Gaufridus, quodque exhortatorias ab eo epistolas. 842  
 EPIST. XVII. — Gaufridi ad Joannem. — Superiori epistolæ respondet. 842  
 EPIST. XVIII. — Ad Petrum Mangot. — Gratulatur ei de concessa sibi facultate construendi cœnobii, agitque de necessitate comparandæ in eo bibliothecæ. 844  
 EPIST. XIX. — Ad magistrum R. — Gratulatur ei de suo in ordinem ingressu, docetque qualis in eo esse debeat. 845  
 EPIST. XX. — Ad W. quondam priorem S. Stephani Cadomensis. — De contemplatione. 846  
 EPIST. XXI. — Joannis abbatis Baugezeiensis ad Gaufridum. — Rogat Gaufridum ut sibi retineat bibliothecam. 847  
 EPIST. XXII. — Gaufridi ad Joannem. — Petit ut ejus precibus felicem sibi a Deo obtineat mortem. 848  
 EPIST. XXIII. — Joannis ad Gaufridum. — Superiori epistolæ respondet. 849  
 EPIST. XXIV. — Gaufridi ad Joannem abbatem. — Dolet quod vocatus ad concilium Parisiense, non fuerit præsens, cum Joannes abbas Baugezei accessit ad Sanctam Barbaram. 850  
 EPIST. XXV. — Ad eundem. — Ejusdem, ut videtur, argumenti. 850  
 EPIST. XXVI. — Rogerii quondam prioris S. Abrahæ ad Gaufridum. — Gratulatur de his quæ scripserat de videndo Deo, hortaturque ad humilitatem. 851  
 EPIST. XXVII. — Gaufridi ad Rogerium. — Superiori epistolæ respondet. 852  
 EPIST. XXVIII. — Ad fratres Baugezienses. — Mittit eis vitam B. Hamonis. 855  
 EPIST. XXIX. — Ad Joannem abbatem. — Futuræ beatitudinis imaginem in monasterio Joannis Baugeziensis abbatis sibi representat. 855  
 EPIST. XXX. — Ad R. Troarnensis ecclesiæ præcentorem. — Ut se per litteras saltem visitet. 855  
 EPIST. XXXI. — N. ad Gaufridum. — Videtur esse re sponsio ad præcedentem. 856  
 EPIST. XXXII. — Gaufridi ad quemdam juvenem eremitam. — Salutaria ei dat monita. 861  
 EPIST. XXXIII. — Ad Hugonem priorem S. Martini Sagiensis. — Hugonis prioris S. Martini Sagiensis laudes prædicat, docetque quomodo ad Resurrectionis Dominicæ festum preparare se debeant. 865  
 EPIST. XXXIV. — Ad R. presbyterum. — Quid significet in missa stallo sacerdotis ad dexteram, et de quibusdam aliis ritibus. 864  
 EPIST. XXXV. — Ad Joannem abbatem. — Compatitur pro infortunio quod ipsi acciderat. 867  
 EPIST. XXXVI. — Ad Simonem amicum. — De laude cujusdam virginis. 868  
 EPIST. XXXVII. — Ad R. presbyterum. — Ægre fert datas sibi laudes. 870  
 EPIST. XXXVIII. — Ad W. abbatem S. Andree. — Gratulatur abbati S. Andree ordinis Cisterciensis de sua promotione. 870  
 EPIST. XXXIX. — Ad Petrum De Buxeria. — Dicit se

professionis voto et præposituræ officio impediri quonia nus in solitudine maneat. 871  
 EPIST. XL. — Ad Joannem abbatem. — Causatur de litterarum raritate. 872  
 EPIST. XLI. — Ad Hugonem priorem S. Martini Sagiensis. — Ejus virtutes prædicat, hortaturque eum ad vitam Walt. scribendam. 875  
 EPIST. XLII. — Hugonis prioris S. Martini Sagiensis ad Gaufridum. — Superiori epistolæ respondet. 874  
 EPIST. XLIII. — Gaufridi ad Hugonem priorem S. Martini Sagiensis. — Hortatur ad scribendam vitam Walt. laudatque ejus a vino abstinentiam. 875  
 EPIST. XLIV. — Ad Augustinum amicum suum. — Laudat Augustinum, hortaturque eum ad sectanda spiritalia. 876  
 EPIST. XLV. — Ad Gaufridum sacerdotem. — Munuscula non esse spernenda quia parva sunt; sed quam magno animo fiant, consideranda. 878  
 EPIST. XLVI. — Ad H. amicum suum. — Compatitur amici adversitatibus. 879  
 EPIST. XLVII. — Ad Nicolaum S. Victoris subpriorem. — Gratias agit pro amicitia. 880  
 EPIST. XLVIII. — Ad Joannem abbatem. — Laudat Joannem abbatem de gratia sermonis illius. 881  
 EPIST. XLIX. — Ad Hugonem priorem S. Martini Sagiensis. — Hortatur iterum ad scribendam vitam Walt. 882  
 EPIST. L. — Ad Andream archidiaconum Turonensem. — Varia dat ei monita. 885  
 EPIST. LI. — Ad R. amicum suum. — Laudat R. amici sui ardorem pro contemplatione. 884  
 EPIST. LII. — N. ad N. 885

#### MAURICIUS DE SULLIACO PARIENSIS EPI- SCOPUS

Notitia historica. 887

#### EPISTOLÆ.

Epistolæ ad Alexandrum III papam. — In causa S. Thomæ Cantuariensis. 897

#### DIPLOMATA.

I. — Charta pro decima de Campellis. 897  
 II. — De his quæ vendidit Ledemallus miles apud villam S. Clodoaldi. 898  
 III. — De his quæ vendidit Willelmus de Maciaco apud Victorium. 899  
 IV. — De censu quem S. Victoris canonici apud S. Marcellum et Ivriacum possidebant. 899  
 V. — De mediate molendini de Cantu Ranæ quam vendidit Petrus miles de Chantela Parisiensi episcopo. 900  
 VI. — De his quæ vendiderunt Philippus de Seviæ et Galerannus de Galarдоне. 901  
 VII. — Mauricius episcopus Parisiensis fundationem Herivallis confirmat. 902  
 VIII. — De his quæ vendiderunt Tiulfus et Herbertus de Moriana et Avelina soror ejus. 902  
 IX. — De censu quem vendiderunt Galerannus de Loto Sancto et uxor ejus apud Sanctum Clodoaldum. 903  
 X. — De molendino de Cantu Ranæ quod est apud Corvæholmum. 904  
 XI. — Charta Mauricii Parisiensis episcopi qua abbati et monasterio S. Dionysii Parisiensis concedit ut ecclesiam baptismalem in curia Novæ Villæ cum jure patronatus erigat. 905  
 XII. — De pratis insulæ de Mera. 905  
 XIII. — Charta Mauricii de Ancello de Chetenvilla et Aalesi uxore ejus. 905  
 XIV. — De hospitibus et censu quæ vendiderunt apud Victorium, Hugo Malvias et Gondrea uxor ejus, Parisiensi episcopo. 906  
 XV. — De transactione facta inter Mauriciu episcopum et canonicos Sancti Marcelli de Vitriaco. 906  
 VARIORUM CHARTÆ ad ecclesiam Parisiensem spectantes.  
 I. — Charta de terra data a capitulo monachis de Karolico ad firmam, apud Espiers. 907  
 II. — Authenticum Milonis archipresbyteri Mediolanensis et Osmundi canonici Parisiensis super ecclesia de Argenteolo. 907  
 III. — De quitatione Garnerii de Domibus Parisiensi episcopo facta ab abbate et conventu Fossatensis ecclesiæ. 908  
 IV. — Authenticum Radulphi comitis de Claromonte, de quitatione præbendæ quam tenuit Petrus de Monciaco in ecclesia B. Mariæ Parisiensis. 909

V. — Charta conventionis inter capitulum ecclesie Parisiensis et Henricum Magnum, Arnulphum de Corteron et Petrum dictum Girbont.	910
VI. — Charta de Gusanvilla.	911
VII. — De pratis venditis ab abbatissa S. Cirici in Insula Mere.	912
VIII. — De procuratione episcopi in ecclesia S. Exuperii de Corboilo.	912
IX. — Authenticum capituli Parisiensis super eadem procuratione.	913
X. — De quitatione Emeline mulieris Parisiensis facta ab abbate et conventu Sancti Germani de Pratis.	914

**ODO TulLENSIS EPISCOPUS**

Notitia.	914
STATUTA ODonis SYNODALIA	

**ALEXANDER GEMMETICENSIS ABBAS****EPISTOLA DE FILIO HOMINIS.****GERALDUS CADURCENSIS EPISCOPUS.**

Epistola ad Fridericum imperatorem.	925
-------------------------------------	-----

**MATTHEUS VINDOCINENSIS.**

Notitia.	925
PARAPHRASIS METRICA IN LIBRUM TOBIÆ.	
Epistola dedicatoria.	927
Prælatio.	935
Textus cum paraphasi metrica.	935
CARMINA VARIA.	980
Index in Petrum Cantorem.	989

**FINIS TOMI DUCENTESIMI QUINTI.**







BQ	M1
310	
.M35	ii
31 MAR 5 10	
3/12/73	DEC
May 21/84	MM
8706103	87021
91/1/14	goe

Migne Vol 205

THE INSTITUTE OF MEDIAEVAL STUDIES  
 10 ELMSLEY PLACE  
 TORONTO 5, CANADA,  
 2205.

